

DAKOTA
WOWAPI WAKAN.

THE
HOLY BIBLE,
IN THE
LANGUAGE OF THE DAKOTAS:

TRANSLATED OUT OF
THE ORIGINAL TONGUES;
BY THOMAS S. WILLIAMSON AND STEPHEN R. RIGGS,
MISSIONARIES.

NEW YORK:
AMERICAN BIBLE SOCIETY,
INSTITUTED IN THE YEAR 1816.

1887.

Dakota 8vo.]

WOWAPI WAKAN WOWAPI KIN,

QA

WICOWOYAKE TONAKA.

WOWAPI WAKAN TANNI.

	Wicowoyake.		Wicowoyake.
Wicoicage	50	Eyanpaha	12
Hdinanpapi	40	Dowanpi	8
Lewi Toope	27	Isaya	66
Wicayawapi	36	Jeremiah	52
Woope Itakihna	34	Wicaceya	5
Jošuwa	24	Ezekiel	48
Wayacopi	21	Daniel	12
Rute	4	Hosea	14
I. Samuel	31	Joel	3
II. Samuel	24	Amos	9
I. Wicaſtayatapi	22	Obadiah	1
II. Wicaſtayatapi	25	Jonah	4
I. Anpetu Oyakapi	29	Mika	7
II. Anpetu Oyakapi	36	Nahum	3
Jeremiah	10	Habakuk	3
Jeremiah	13	Zephaniah	3
Jeremiah	10	Haggai	2
Jeremiah	42	Zekariah	14
Wowapi	150	Malaki	4
Wowapi Wakan	31		

WOWAPI WAKAN TECA.

Mattheos	28	I. Timotheos	6
Markos	16	II. Timotheos	4
Lukas	24	Titos	3
Johannes	21	Philemon	1
Obanyanpi	28	Hebrew	13
Roma	16	Jakob	6
I. Korinth	16	I. Inyan	
II. Korinth	13	II. Inyan	
Galatie	6	I. Johannes	
Ephesos	6	II. Johannes	
Philippi	4	III. Johannes	
Kolosse	4	Judas	
I. Thessalonike	5	Wayuotanin	
II. Thessalonike	3		

WIC O I C A G E.

WICOWOYAKE 1.

1. Otokahe ekta Wakantanka mahpiya kin maka kin ahna kaga.

2 Unkan maka kin tanton sni, qa takudan ohnaka sni, qa otpaza osbe kin akan wanke ca, Wakantanka Taniya kin mini kin aman.

3 Unkan Wakantanka, Ojanjan kta, eya. Unkan ojanjan.

4 Unkan ojanjan wanke cin, he Wakantanka waste e, wanhake ca, Wakantanka ojanjan kin otpaze cin kici yukinukan ehna.

5 Qa Wakantanka ojanjan kin, Anpetu eciya, otpaze cin is, Hanyetu eciya. Unkan ohtayetu, qa ohanhanna he anpetu tokaheya kin hee.

6 Unkan, Okotonyan wanke kte, mini kin okitahedan, qa mini kin mini kin yukinukan kte, Wakantanka eya.

7 Unkan okotonyan kin Wakantanka kage ca, mini okotonyan kuyatanhan kin, qa mini okotonyan akantanhan kin kici yukinukan. Unkan ecetu.

8 Unkan okotonyan kin he Wakantanka, Mahpiya eciya. Unkan ohtayetu, qa ohanhanna anpetu icinonpa kin hee

9 Unkan, Mahpiya kin ihukuya mini wanke cin icunonpa kawitaya kte, ca taku puze cin taninyan wanke kte, Wakantanka eya. Unkan ecetu.

10 Unkan taku puze cin he Wakantanka, Maka eciye ca, mini kiwitaya kin he, Miniwanca Gen.

eciya, qa he Wakantanka waste e wanhake.

11 Hehan Wakantanka heya, Maka kin wato icahye kte, peji kin he su icahye kte, waskuyeca can kin he waskuyeca icahye kte, waskuyeca mahen su yuke kte, ocaje otoiyohi su kin icahye kta, maka akan, Wakantanka eya. Unkan ecetu.

12 Unkan maka kin wato aicaga, peji kin ocaje otoiyohi su aicaga ca, can kin waskuyeca aicaga otoiyohi mahen su kin yukane ece. Unkan he waste e Wakantanka wanhake.

13 Unkan ohtayetu, qa ohanhanna he anpetu iciyamni kin hee.

14 Unkan Wakantanka heya, Mahpiya okotonyan kin ekta taku iyoyanpa yuke kte, on anpetu hanyetu kici yukinukanyan un kte ca, heon woyaka unpi kte, makoncage, anpetu, omaka, henakiya.

15 Qa mahpiya okotonyan kin ekta hena iyoyanpa un kte, maka kin iyoyam ye kte, eya. Unkan ecetu.

16 Wakantanka wiiyoyanpa nom tankinyanyan kaga, tuka uman iyotan tanka kin he anpetu en ounye kte ca uman aoptetu kin he hanyetu en ounye kte; wicanhpi nakun.

17 Hena mahpiya okotonyan kin ekta Wakantanka ehna, maka kin iyojanjan kta e hecon.

18 Anpetu hanyetu ko ohinninyan ounye wicakiya, qa ojanjan kin otpaze cin kici yukinukan-

WICOICAGE.

ounye kiya. Unkan he wane e Wakantanka wanhdaka.

19 Unkan ohtayetu, qa ohanhanna he anpetu icitopa kin hee.

20 Unkan Wakantanka heya, Mini kin taku niyake ota icalhiye kta, qa taku kinyan maka kin iwankam mahpiya okotonyan kin ohna okinyanpi kte.

21 Hecen Wakantanka hogan tankinyanyan oicalhiye, qa taku niyake, taku mini oicage cin ocaje hiyeye cin owasin, hena mini icalhkiye qa, taku kinyan hupahu tonyan ocaje otoiyo. Unkan he Wakantanka wašte e wanhdaka.

22 Hena Wakantanka yawašte qa hecen ewicakiya, Icagapi qa ihduotapo, qa miniwanca kin ojudan yakonpo, qa taku kinye cin maka akan ihduotapi kte.

23 Unkan ohtayetu, qa ohanhanna he anpetu icizaptan kin hee.

24 Hehan Wakantanka heya, Maka kin taku niyake oicage cin iyecen icalhiye kte; woteca, watutka, wamanica, henakiya ocaje otoiyo, *eya*. Unkan ecetu.

25 Hecen wamanica ocaje otoiyo, woteca ocaje otoiyo, qa taku maka asdohan owasin ocaje otoiyo, henakiya Wakantanka wicakage, qa he wašte e Wakantanka wanhdaka.

26 Hehan Wakantanka hecen *eya*, Unkiye iyeunceapi qa ouncage unkitawapi kin en wicašta unkagapi kta, qa miniwanca ekta hogan oicage cin wicayuhe kte, mahpiya ekta taku kinye cin nakun, qa woteca qa maka kin ocowasin, qa watutka taku maka akan sdohan, ocaje owasin yuhe kta.

27 Wakantanka eyaya iye iyececa wicašta wan kaga, Wakan-

tanka ouncage iyececa kaga; wica winyan kici wicakaga.

28 Qa Wakantanka wicayawašte qa, Icagapi, qa ihduotapo, qa maka kin ojudan iciyapo, qa denakiya wicayuha yaunpi kta, miniwanca ekta hogan oicage, qa mahpiya ekta taku kinye cin, qa taku niyake maka aškanškan oicage cin owasin, tawa wicayapo; Wakantanka ewicakiya.

29 Unkan, Ito taku maka akan waicalhiya suton wojupi owasin cičupi, can waskuyeca suton oicage cin owasin, hena nakun; hena woyute yayapi kta.

30 Tuka taku maka akan ni un kin, mahpiya taku okinye cin, qa taku maka aškanškan kin, taku niya un kin owasin, hena peji wato owasin woyute wicawaqu, Wakantanka *eya*. Unkan ecetu.

31 Unkan Wakantanka taku kage cin owasin wanhdaka; unkan iyotan wašte. Unkan ohtayetu qa ohanhanna he anpetu icišakpe kin hee.

WICOWOYAKE 2.

1 Hecen mahpiya kin maka kin iyahna, qa taku ohnaka hiyeye cin owasin tanyan yuštampi.

2 Unkan anpetu icišakowin, Wakantanka tohtani kage cin owasin ayušan, qa anpetu icišakowin kin en tohtani kage cigon etanhan okiħpa.

3 Qa Wakantanka anpetu icišakowin kin he hdawašte, qa hduwakan. Tohtani Wakantanka kage cin owasin anpetu kin he en ayušan, qa okiħpa, heon etanhan.

4 Mahpiya maka ko kagapi kin, Jehowa Wakantanka maka mahpiya ko kage cin, anpetu kin he en, woicage oyakapi kin dee.

WICOWOYAKE 2.

5 Can hiyeye cin owasin maka kin en he *śni* itokam, peji tinta oicage cin owasin uye *śni* itokam, Jehowa Wakantanka nahan maka kin amagaju ye *śni*, qa wicašta maka kicanye kte cin wanica.

6 Qa maka kin etanhan po wankantkiya u, qa maka itohnake kin owancaya acuya.

7 Hehan Jehowa Wakantanka, maka mdu kin etanhan, wicašta wan kage, ça poge ohidoka ohna ipoh iyeya hecen wicašta nagi ni un kin icaga.

8 Unkan Jehowa Wakantanka, Eden heciya wihinanpe cin ekta, wojupi wan kage ça wicašta kin he en chnaka.

9 Qa Jehowa Wakantanka can kin owasin tona owanyag wašte, qa tona woyute wašte aicage cin, maka kin etanhan icaliya, qa wojupi kin cokaya, can wiconi wan kage ça, can wan on taku wašte taku *şıca* ko sdonyapi kin he nakun en icaliya.

10 Unkan can wojupi kin lipan ye kta e, watpa wan Eden etanhan uye ça hetanhan ointpa tom icaga.

11 Ointpa tokaheya kin Pişon eciyapi; he Hawila makoce kin owancaya ohomniya.

12 Heciya mazaskazi yuke, ça mazaskazi makoce kin he en iyeyapi kin he wašte. Heciya Bedola, qa ilê wicaşake iyececa.

13 Watpa inonpa Gişon eciyapi; he Kuş makoce kin ohna iyaya.

14 Qa watpa iyamni kin Hedeşel eciyapi; he Aşur makoce kin wiyohiyanpata kiya kaduza. Qa watpa itopa kin Yuphrate hee.

15 Unkan Jehowa Wakantanka Adam icu, qa Eden wojupi kin he kicanye ça awanyake kta e, en *ehnaka*.

16 Qa Jehowa Wakantanka wicašta kin hecen eciya, Can wojupi kin owasin etanhan icalkiş içiye *śni* yate kta.

17 Tuka can wan, taku wašte taku *şıca* ko on sdonyapi kin de etanhan yate kte *śni*; tohan hetanhan yate cinhan anpetu kin he en nişe kta.

18 Hehan Jehowa Wakantanka, Wicašta kin de işnana un kin he *şıca*, wanji iye iyececa wecage kta, eya.

19 Wanna Jehowa Wakantanka, maka kin etanhan tinta wamanica owasin wicakaga, malpiya *etkiya* taku kinye cin ko owasin, qa Adam en u wicakiya, token caş wicaton kte cin sdonye kta e heon. Unkan token Adam owasin caş wicaton, hecen taku ni un kin otoiyohi caje wicayatapi.

20 Hecen Adam woteca owasin caş wicakiton, malpiya *ektakiya* taku kinye cin ko owasin, tinta wamanica nakun owasin; tuka Adam ookiye iye iyececa wanjidan iyeyapi *śni*.

21 Unkan Jehowa Wakantanka woiştima tanka wan Adam ahinlipaye ya, unkan iştima. Unkan Wakantanka cutuhu kin wanji yujon icu, qa conica kin ecen paohduta iyeya.

22 Qa Jehowa Wakantanka cutuhu kin, wicašta etanhan icu qon on winyan wan kage, ça wicašta kin en kai.

23 Unkan, Mihu kin etanhan de hu ye ça, micelpi kin etanhan celpi ya. De wicašta kin etanhan icupi kin, heon de winohinca eciyapi kta, Adam eya.

24 He etanhan wicašta atkuku hunku kici awicayuştan, qa tawicu kin en ikoyag içiye kta, hecen celpi wanjipidan kta.

WICOICAGE.

25 He ehan Adam tawicu kici napin oge iciton sni yakonpi; tuka ístecapi sni.

WICOWOYAKE 3.

1 Wanna wamanica hiyeye cin owasin Jehowa Wakantanka wicakage cin, wamduška kin hecedan ksapa: qa wamduška kin winyan kin heciya, Can wojupi kin en can otoiyohi etanhan yatapi kte sni awicakehan Wakantanka eya he?

2 Unkan winyan kin wamduška kin heciya, Can wojupi en can waskuyeca aicage cin hena untapi kta ce.

3 Tuka can wanjidan wojupi cokaya he cin, he taku aicage cin hecedan, Ihnuhan yatapi qa odutanpi kin, hecanonpi kinhan niťapi kta ce, Wakantanka eya ce.

4 Unkan wamduška kin winohinca kin hecen eciya, Niťapi kte sni tuka heya ce;

5 Anpetu kin en he yatapi kinhan niś eya ísta nimdezapi, qa Taku wakan iyenicecapi, taku wašte taku śica ko sdonyayapi kte cin he Wakantanka sdonya, he etanhan heya ce.

6 Unkan can kin waskuyeca woyute wašte, owanyag wašte, qa wicimdeza ksam wicaye kte cin he, winohinca wanyake cehan waskuyeca kin icu, qa yute ȇa hihnaku kin qu, qa íś eya yuta.

7 Unkan napin ísta mdezapi, qa tancodan yakonpi kin, hehan sdonkiciyapi, qa suken can ape heca kagegepi, qa on oge icitonpi.

8 Unkan anpetu kin cusni hehan, Jehowa Wakantanka ho kin wojupi kin ohna mani kin he nahonpi, qa Wakantanka itohnake kin etanhan wojupi can kin ehna naićihmanpi.

9 Hehan Jehowa Wakantanka Adam kipan, qa heciya, Tukten yaun he?

10 Unkan Adam ayupte ȇa, Niho kin nawahon qa kowakipe ȇa namićihbe, tancodan waun kin heon etanhan, eya.

11 Unkan tancodan yaun kin tuwe oniciyaka he? Can wanjidan etanhan yute sni ciśi qon, hetanhan yata he? eya.

12 Unkan Adam heya, Winohinca mayaqu hee, qa mici un kin, iye can kin etanhan maqu, qa wata ce.

13 Unkan Jehowa Wakantanka winohinca kin heciya, Tokeca hecanon he? Unkan, Wamduška kin mahnaye ȇa wata ce, winohinca kin eya.

14 Unkan Jehowa Wakantanka wamduška kin hecen eciya, Niye decanon, qa heon woteca watutka ko owasin, niś nana niyaśicapi. Itpi kin on maka kin asdohan yaun qa tohan yani kin behanyan maka ece yate kta.

15 Qa detanhan niś winohinca kin kici toka kiciya yaunpi kta, qa winohinca cinhintku kin nicinca kici toka kiciya yaunpi kta. He pa kin nicuwa kta, qa niś he siyete kin he yakuwa kta.

16 Hehan winohinca kin heciya, Iyonicíśice ȇa ihduniśake cin nina mduota kta. Iyokiśinya cinca yaton, qa nihihna cantihe-yaye ȇa iye wowidag niye kta.

17 Unkan wicašta kin heciya, Nitawin kin token eniciye cin anayagoptan, qa can wan etanhan yute sni ciśi qon, etanhan yate cin heon niye on etanhan maka kin yaśicapi. Taku aicage cin on hitayani qa hecen yate kta, tohan yani kin behanyan.

18 Wapepeka toka hu ko icañ niciye kta, qa peji maka aicage cin yate kta.

WICOWOYAKE 4.

19 Niite tenimni kin on aguyapi yahdute kta, maka inicu kte cin hehanyan. Maka kin etanhan inicagapi nakaeś, maka mdu kin henica qa maka kin ekta ici-cawin yahde kta.

20 Hehan Adam iye tawicu kin, Ewe eya caś kton; taku ni un kin owasin he ina yanpi kin heon etanhan.

21 Unkan Jehowa Wakantanka Adam tawicu kin kici wakihdaka okde wicakicage ça oge wicakicaton.

22 Qa Jehowa Wakantanka heya, Wicaśta kin wanna unkiye wanji he iyeuncecapi, taku waśte taku śica ko sdonya, heon ihnuhan nape yekiye ça wiconi can kin etanhan icu, qa yute ça owihanke wanin ni kte cin.

23 Heon Jehowa Wakantanka wicaśta kin Eden wojupi kin etanhan iyog iyeya; maka kin etanhan icage cin he kicanye kta ece.

24 Hecen wicaśta kin tankan iyeya, qa can wiconi canku kin awanyake kta e, Eden wojupi wiyohiyanpa tanhan Kerubim maza sagye ideya śkanśkan un ko ewicahde.

WICOWOYAKE 4.

1 Unkan Adam tawicu kin Ewe sdonya, unkan ihduśake ça Qain he ton, qa, Jehowa etanhan wicaśta wan mduha ce, eya.

2 Qa ake ihduśake ça sunkaku Abel ton. Unkan Abel tahnca wanuyanpi wiħan wicakiya, qa Qain maka kin kicanyan.

3 Unkan omaka ihanke kin hehan Qain waskuyeca maka aicage cin hee Jehowa wakiyuśna.

4 Unkan Abel tahnca wanuyanpi tawa tokaheya tonpi wan, ihdi koya wośna. Unkan Jeho-

wa Abel taku wakiyuśna kin ko, akicitonwan.

5 Tuka Qain taku wakiyuśna ko akicikta śni. Unkan Qain canteptanye ça itohnake tokeca.

6 Unkan Jehowa Qain heciya, Tokeca canniniye ça itohnake enicetu śni?

7 Tanyan ecanon kinhan ihaniktapi kte śni he? Tuka tanyan ecanon śni kinhan woalitani tiyopa kin en yanka. Tuka niye qe cantiheniye kta qa niś wowidake yaye kta.

8 Unkan Qain sunkaku Abel okiya, qa wojupi ekta napin yakonpi qehan najin hiyaye ça sunkaku Abel kikte.

9 Unkan Jehowa Qain heciya, Nisunka Abel tukte e he? Unkan, Sdonwaye śni. Ecin misunka kin he awanhdag waun he? eya.

10 Unkan token yaħan he? Nisunka we kin maka kin etanhan ho umakiya.

11 Qa wanna maka kin nisunka we kin ninape etanhan icu kta e i kin hdukawa kin he etanhan niyaśicapi ce.

12 Detanhan maka kin yakicanyan eśta, taku ota icalı niciye kte śni. Maka kin de akan onuniyan qa najica yaun kta ce, eya.

13 Unkan Qain Jehowa heciya, Wawalitani kin he tanka kin kajujupicaśni.

14 Anpetu kin dehan maka kin detanhan iyog iyemayaya, qa nitoye kin inahbe wakiye kta, maka kin akan onuniyan qa najica waun kta, qa tuwe kaśta iyemaye cinhan makte kta.

15 Tuka Jehowa heciya, Tuwe Qain kte kinhan, śakowin akihde wośice akipe kta. Qa Jehowa Qain wapetog ton, hecen on tuwe wanyaka eśta ktepi kte śni.

WICOICAGE.

16 Unkan Qain Jehowa itoye kin etanhan inapa, Eden wiyo-hiyanpa tanhan makoce wan, Nod *eciyapi* kin, he en ounyan.

17 Qa Qain tawicu kin sdonya, unkan ihdušake ça Henok ton. Unkan *Qain* otonwe wan kage ça Henok eya caš kiton, cinhin-tku caje kin iyecen.

18 Unkan Henok cinca wan kicitonpi, Irad hee. Unkan Irad Mecujael cinksiya. Unkan Mecujael Metušael cinksiya. Unkan Metušael Lamek cinksiya.

19 Unkan Lamek winohinca nom wicayuza. Tokaheya kin Ada *eciyapi*, qa iyokihe Zila *eciyapi*.

20 Unkan Ada Jabel ton; he tona wakeya otipi, qa wanuyan-pi awanhdakapi kin, hena ateyapi.

21 Qa sunkaku Jubal *eciyapi*. Tona candowankiyapi cotanka ko, yahotaninpi kin, hena he ateyapi.

22 Unkan Zila he Tubal Qain ton. Taku maza zi on kagapi, qa maza sapa on kagapi ko owasin, iye onspe qa kaga. Qa Tubal Qain tawinohtin Nahama hee.

23 Unkan Lamek tawicu Ada Zila kici hewicakiya, Miho kin nahonpo, Lamek tawicu kin mioie kin anagoptanpo. Wicašta wan wakte, on camapapi, qa koška wan on kiunimičiya ce.

24 Qain šakowin akihde toki-conpi kinhan, Lamek wikcemna šakowin sanpa šakowin tokiconpi kta ce, *eya*.

25 Unkan ake Adam tawicu kin sdonya; unkan cinca wan ton, qa, Wakantanka cinca tokeca wan maqu, Abel Qain kte qon hee kiya, eye ça Šet eya caš kiton.

26 Unkan Šet is eya cinca

wan kicitonpi, qa Enoš eya caš kiton. Hehan tokaheya wicašta kin Jehowa caje kin hoyekiyapi.

WICOWOYAKE 5.

1 Adam wicowazi wowapi kin dee. Wakantanka Adam kage čehan, taku wakan ounce iye-cen ical kiya.

2 Wica winyan ko wicakage ça wicayawašte, qa wicakage čehan Adam eya caš wicaton.

3 Unkan Adam waniyetu opawinge sanpa wikcemna yamni ni, qa cinca wan iye ounce iyecen kicitonpi, qa Šet eya caš kiton.

4 Qa Šet tonpi kin he iyohakam, Adam waniyetu opawinge šahdogan ni, qa cinca wica winyan ko kicitonpi.

5 Hecen anpetu owasin Adam ni un kin hena waniyetu opawinge napciwanka sanpa wikcemna yamni, hehan ta.

6 Unkan Šet waniyetu opawinge sanpa zaptan ni, qa Enoš kicitonpi.

7 Qa Šet Enoš tonpi kin iyo-hakam waniyetu opawinge šahdogan sanpa šakowin ni, qa cinca wica winyan ko kicitonpi.

8 Hecen anpetu owasin Šet ni un kin hena waniyetu opawinge napciwanka sanpa ake nonpa, hehan ta.

9 Unkan Enoš waniyetu wikcemna napciwanka ni, qa Qenan kicitonpi.

10 Qa Qenan tonpi kin iyo-hakam Enoš waniyetu opawinge šahdogan sanpa wikcemna sanpa zaptan ni, qa cinca wica winyan ko kicitonpi.

11 Hecen anpetu owasin Enoš ni un kin hena waniyetu opawinge napciwanka sanpa zaptan, qa hehan ta.

WICOWOYAKE 6.

12 Unkan Qenan waniyetu wikcemna šakowin ni, qa Mahalele kicitonpi.

13 Qa Qenan Mahalele tonpi kin iyohakam waniyetu opawinge šahdogan sanpa wikcemna topa ni, qa cinca wica winyan ko kicitonpi.

14 Hecen anpetu owasin Qenan ni un kin hena waniyetu opawinge napciwanka sanpa wikcemna, hehan ŋa.

15 Unkan Mahalele waniyetu wikcemna šakpe sanpa zaptan ni, qa Jered kicitonpi.

16 Qa Mahalele Jered tonpi kin iyohakam waniyetu opawinge šahdogan sanpa wikcemna yamni ni, qa cinca wica winyan ko kicitonpi.

17 Hecen anpetu owasin Mahalele ni un kin hena waniyetu opawinge šahdogan sanpa wikcemna napciwanka sanpa zaptan, hehan ŋa.

18 Unkan Jered waniyetu opawinge sanpa wikcemna šakpe sanpa nonpa ni, qa Henok kicitonpi.

19 Qa Jered Henok tonpi kin iyohakam waniyetu opawinge šahdogan ni, qa cinca wica winyan ko kicitonpi.

20 Hecen anpetu owasin Jered ni un kin hena waniyetu opawinge napciwanka sanpa wikcemna šakpe sanpa nonpa, hehan ŋa.

21 Unkan Henok waniyetu wikcemna šakpe sanpa zaptan ni, qa Metušela kicitonpi.

22 Qa Henok Metušela tonpi kin iyohakam waniyetu opawinge yamni Wakantanka opeya mani, qa cinca wica winyan ko kicitonpi.

23 Hecen Henok anpetu tawa owasin waniyetu opawinge yamni sanpa wikcemna šakpe sanpa zaptan.

24 Qa Henok Wakantanka opeya mani, qa en un šni, Wakantanka he ikikcu nakaes.

25 Unkan Metušela waniyetu opawinge sanpa wikcemna šakowin sanpa šahdogan ni, qa Lemek kicitonpi.

26 Qa Lemek tonpi kin iyohakam Metušela waniyetu opawinge šakowin sanpa wikcemna šahdogan sanpa nonpa ni, qa cinca wica winyan ko kicitonpi.

27 Hecen anpetu owasin Metušela ni un kin hena waniyetu opawinge napciwanka sanpa wikcemna šakpe sanpa napciwanka, hehan ŋa.

28 Unkan Lemek waniyetu opawinge sanpa wikcemna šahdogan sanpa nonpa ni, qa cinca wan kicitonpi.

29 Qa, Jehowa maka kin yašice cin he nape on unkicanyanpi, qa htaunnipi kin en unkikiyapi kte cin dee ce, eye ɕa Nowa eya caš kiton.

30 Qa Lemek Nowa tonpi kin iyohakam waniyetu opawinge zaptan sanpa wikcemna šakowin sanpa zaptan ni, qa cinca wica winyan ko kicitonpi.

31 Hecen anpetu owasin Lemek ni un kin hena waniyetu opawinge šakowin sanpa wikcemna šakowin sanpa šakowin, hehan ŋa.

32 Unkan Nowa wanna waniyetu opawinge zaptan, hehan Šem, Ham, qa Japet, kicitonpi.

WICOWOYAKE 6.

1 Hehan wicašta maka akan ota ayapi, qa cunwintkupi kicitonpi.

2 Unkan Wakantanka cinkši wicaye cin wicašta cunwintkupi kin hena e wašte wanwicayaka-

WICOICAGE.

pi, qa tona cinpi kin hena etanhan, winohinca wicayuzapi.

3 Unkan Jehowa heya, Wicašta kin wicacehpi kin heca heon wahtanipi en mitaniya he kici owihanke wanin ounye kte šni, tuka anpetu tawa kin hena waniyetu opawinge sanpa wikcemna nonpa kta.

4 Unkan anpetu kin hena icunhan, maka kin akan wazise yakonpi, qa Wakantanka cinkši wicaye cin wicašta cunwintkupi kin wicayuzapi, qa cinca kicitonpi kin, hena eepi he iyohakam wicašta wašakapi, wanaka-ja tanhan wicašta nina caje wicayatapi.

5 Unkan wicašta maka akan wahtanipi kin ota e, Jehowa wanyaka, anpetu osan wicocante oze okaš otioyohi ecedan šica.

6 Unkan wicašta maka akan icaš wicaye cin heon, Jehowa iyopeičiye ça cante iyokišin içiya.

7 Qa, Wicašta icaš wicawaye cin, maka itohnake kin etanhan wicawakahinte kta; wicašta, qa woteca, qa watutka, qa taku małpiya ektakiya kinyan un kin henakiya icaš wicawaye cin heon iyopemičiya ce, Jehowa eya.

8 Tuka Jehowa Nowa wan-yake ça wacin en yuza.

9 Nowa wicoicage oyakapi kin dee. Nowa wicašta ohan owotanna, qa hecetu wicoicage tawa kin hen, qa Nowa Wakantanka opeya mani.

10 Qa Nowa cinca yamni kicitonpi, Šem, Ham qa Japet.

11 Unkan Wakantanka itokam maka kin honwin ce, qa maka owancaya nina waboticapi.

12 Unkan Wakantanka maka kin wanyaka, unkan honwin; wicacehpi owasin maka akan iye tacankupi kin honwin kiyapi ce.

13 Unkan Wakantanka Nowa heciya, Taku celpi yukan owasin owihanke kin mitokam u ce; iyepi kin on maka kin waboticapi on ojudan; qa maka kin etanhan ihang wicawaye kta.

14 Wazi can on wata wan içicaga wo. Mahentu kin oškiškeya yakage kta, qa mahen tanhan akapa tanhan ko, canšin apawinta wo.

15 Qa hecen yakage kta. Wata ohanske cin wicišpa opawinge yamni, ohdakinyan kin wicišpa wikcemna zaptan, qa obosdatu kin wicišpa wikcemna yamni kta.

16 Qa wata kin en ojanjan hdepi yakage kta, qa wankan-tuya wicišpa wanjidan en yahduštan kta. Wata tiyopa kin cuwi kin ekta yakage kta, owanka tokaheya, inonpa, qa iyamni yakage kta.

17 Wanna miye maka akan minitan waye kta, heon taku celpi yuke cin niyake iyeye cin owasin małpiya ihukuya, ihang waye kta. Taku maka akan un kin owasin te kta.

18 Tuka wicotakuye mitawa kin niye en nici wahdusuta kta, wata kin en oyape kta nicinca om, nitawin, nicinca tawicupi kin, henana om.

19 Qa taku niya un kin owasin, taku celpi yukan hiyeye cin ocaje otioyohi, nom nom mdoka wiye iyahnahna, en owicayah-nake kta; ni wicayaye kta e niye kici wata kin en upi kta.

20 Taku kinye cin token ocaje, woteca token ocaje, wamanica maka akan unpi kin token ocaje, owasin ocaje otioyohi nom nom niyake wicaduhe kta e niye en upi kta.

21 Qa niye taku yutapi kin ocaje otioyohi etanhan icu, qa

WICOWOYAKE 7.

mnayan wo; hecen taku yutapi anihduhe, a woteka kin is iya-cinyan wicayakihduhe kta.

22 Unkan Nowa Wakantanka token eciye cin, owasin anagoptan, qa ecen econ.

WICOWOYAKE 7.

1 Unkan Jehowa Nowa heciya, Niye, tiyohnaka nitawa kin owasin om, wata kin en opa wo; wicoicage kin de en mitokam owotanna yaun kin wanciyaka ce.

2 Woteka wakašotešni ocaje otoiyo hi mdoka wiye ahnahna šakowinwin iyacu kta, qa woteka waašapapi kin, hena nom nom mdoka wiye kici iyacu kta.

3 Taku mahpiya ektakiya kinye cin nakun šakowinwin, mdoka wiye ahnahna maka akan aicagapi e niyake wicaduhe kta.

4 Ehake anpetu šakowin, hehan maka kin amagaju waye kta, qa taku ni un wakage cin owasin maka kin owancaya etanhan wakahinte kta ce.

5 Unkan Nowa, Jehowa token eciye cin owasin ecen econ.

6 Nowa tonpi kin ehantanhan waniyetu opawinge šakpe hehan maka kin akan minitan.

7 Qa Nowa cinkši wicaye om, qa iye tawicu, cinkši wicaye cin tawicupi ko, hena owasin om minitan mini kin itokapa tanhan wata kin en opa.

8 Woteka wakašotešni, qa woteka waašapapi kin, taku kinye cin, taku maka asdohan unpi ko owasin,

9 Nom nom mdoka wiye ahnahna Nowa en hipi, wata kin en; Wakantanka Nowa econ ši qon he iyecen.

10 Unkan anpetu šakowin hehan maka kin akan minitan aya.

11 Waniyetu opawinge šakpe behanyan Nowa ni un kin, wi icinonpa, anpetu iake šakowin kin, hehan šbe tanka kin wakoniya hiyeye cin owasin yuomdecapi, qa mahpiya owanyeye hdepi kin owasin yuzamni ehdepi.

12 Qa anpetu wikcemna tom, hanyetu wikcemna tom, behanyan maka kin ahinheya.

13 Anpetu kin he en Nowa, qa Šem, qa Ham, qa Japet, Nowa cinkšiwicaye cin, Nowa tawicu kin nakun, cinca tawicupi yamni om, wata kin en hiyupi;

14 Hena qa wamanica ocaje owasin, woteka ocaje owasin, watutka tona maka asdohan unpi ocaje owasin, taku kinyan ocaje owasin, zitkadan owasin taku šun yukan owasin,

15 Nom nom hipi, Nowa ekta wata kin en, taku celpi yuke cin woniya niyake yuke cin owasin,

16 Hena en hiyupi; mdoka wiye ahnahna taku celpi yuke cin owasin etanhan upi; Wakantanka econ ši qon he iyecetu. Unkan Jehowa tiyopa kin onataka.

17 Unkan anpetu wikcemna tom maka kin ahinheye a, minitan tanka aya; unkan wata kin okapon maka kin iwankam iyaya.

18 Unkan mini kin wašagya aye a maka kin akan nina ihduota, unkan wata kin mini kin aokapota.

19 Unkan mini kin nina kin wašagya, maka kin akan, heon he pajodan owasin, tona mahpiya ihukuya un kin hena aminitan.

20 Wicišpa ake zaptan iwan-kam mini kin aye, a paha kin aminitan.

21 Unkan taku celpi yuke cin

WICOICAGE.

owasin, taku maka askanſkan un kin, taku kinyan, qa woteca, wamanica, qa watutka tona maka kin akan sdohanpi kin owasin tapi, wicaſta iyuhpa nakun tapi.

22 Taku maka puze cin akan ni, taku poge on niya un kin, owasin tapi.

23 Unkan taku hiyeye cin maka akan un kin owasin kahin-tapi, wicaſta, woteca, watutka, mahpiya zitkadan, owasin maka kin etanhan wicakahinta, qa Nowa isnana qa tona wata kin ohna om un kin henana okaptapi.

24 Anpetu opawinge sanpa wikcemna zaptan mini kin maka kin akan wasagya.

WICOWOYAKE 8.

1 Hehan Wakantanka Nowa kiksuye, qa wamanica woteca ko owasin, iye kici wata ohna yakonpi kin hena; qa Wakantanka tate wan maka kin akan iyayupte ya, qa mini kin ayuſtan.

2 Qa minihdoka owahinapeye cin onatakapi, mahpiya owanyeye kin hena koya, qa magaju mahpiya etanhan kin he ayuſtan.

3 Unkan mini kin maka kin etanhan kihda, anpetu opawinge sanpa wikcemna zaptan, hehan mini kin oyahe aya.

4 Wi isakowin, anpetu iake ſakowin wi kin en, hehan wata kin Ararat he kin en azi.

5 Unkan mini kin iyoopta ye qa oyahe aya, wi iwikcemna kin hehanyan; wi iwikcemna kin anpetu tokaheya kin he en, he paha kin taninyan hiyeya.

6 Unkan anpetu wikcemna tom henakeca, hehan Nowa wata kin owanyeye kage cigon, he yuhdoka.

7 Qa kangi wan tankan iyaye

ya, unkan iyaye qa ohnihdeya un, mini kin maka kin etanhan oyahe kin hehanyan.

8 Mini kin maka itohnake kin etanhan wanna pus aya; wan-yake kta e wakiyedan wan nakun tankan iyaye ya.

9 Tuka wakiyedan kin tukten sicuha iyahe kte cin iyeye ſni, mini kin maka kin owancaya akan un nakaes: qa Nowa en wata kin ekta hdi; unkan nape kin kiyugate qa wata kin en iki-keu.

10 Qa ake anpetu ſakowin ape, qa hehan ake wakiyedan wan wata kin etanhan iyaye ya.

11 Unkan ihtayetu he ehan wakiyedan kin hdi, qa wi hdi can ape wan yapa hdi; unkan Nowa mini kin maka kin etanhan wanna pus aye cin sdonya.

12 Unkan ake anpetu ſakowin tokeca ape, qa hehan wakiyedan wan tankan iyaye ya, unkan ici-mana hdi ſni.

13 Unkan Nowa tonpi kin ehan-tanhan waniyetu opawinge ſakpe qa itokaheya kin, wi tokaheya, qa anpetu tokaheya, hehan mini kin maka kin akapatanhan puza, unkan Nowa wata kin akahepe cigon yuhdoka qa, maka itohnake kin wanna puza wani-yake.

14 Wi inonpa kin, anpetu iake ſakowin kin, hehan maka kin puza.

15 Unkan Wakantanka Nowa okiye qa,

16 Wata kin etanhan ya wo, niye, qa nitawin, qa nicinca, qa nicinca tawicupi kin niye kici;

17 Taku niyake niye kici un kin ko owasin, taku celipi yukan owasin, taku kinyan, woteca, watutka tona maka asdohan unpi kin owasin, tankan awicayaku kte, hecen maka akan cinca

WICOWOYAKE 9.

kagapi kte a icagapi, a ihduotapi kta ce, eciya.

18 Unkan Nowa tankan iyaye a, cinca nakun, tawicu, cinca tawicupi koya.

19 Taku niyake owasin, wamanica owasin, a taku kinyan owasin, taku maka akan sdohan un kin owasin, oaje otoiyohi wata kin etanhan inanpapi.

20 Unkan Nowa wahna wošnapi wan Jehowa kicaga a, woteca wakašotešni otoiyohi etanhan, a taku kinyan wakašotešni oaje otoiyohi etanhan icu, a wawicayušna, a hulinah wicaya, wahna wošnapi kin akan.

21 Unkan Jehowa waštemna kin omna, a Jehowa cante kin ekta heya, Wicašta kin heon maka kin ake mdašice kte šni; ehaeš wicašta kin hokšiyogopa kin ehantanhan cante oze šica ece, tuka icimana taku niya un kin owasin ihang waye kte šni, hecamon qon iyecen.

22 'Tohanyan maka kin wanke cin hehanyan wojupi a coyapi, a sni a didita, a mdoketu a waniyetu, a anpetu a hanyetu hena ayušanpi kte šni ce.

WICOWOYAKE 9.

1 Unkan Wakantanka Nowa, cincawicaye cin ko, wicayawašte a, Icagapi a ihduotapi, a maka kin owancaya ojudan ya-po;

2 a taku maka aškanškan, taku malipiya okinye cin ko owasin, maka watutka owasin, a mini owanca hogan owasin, itonnipapi a ikonipapi kta, hena owasin ninape kin.en nicupi ce.

3 Taku niya, a škanškan kin owasin woyute nitawapi kta; peji wato iyecen hena owasin cičupi.

4 Tuka we, celipi wiconi kin hee, yatapi kte šni.

5 a awicakehan we nitawapi kin on yanipi kin awakite kta, wamanica otoiyohi nape kin etanhan awakite kta, wicašta nape kin ko etanhan, otoiyohi hunka wanjitku nape kin etanhan wicašta wiconi kin he awakite kta.

6 Wakantanka iye ouncage iyecen wicašta kin kaga; heon tuwe wicašta weye cinhan, he wicašta eciyatanhan weyapi kta.

7 a niyepi icagapi, a maka kin owancaya ounyanpi, a he ohna ihduotapo, ewicakiya.

8 a Wakantanka Nowa, cinca wicaye cin ko, owicakiye a;

9 Iho miye wicotakuye mitawa ciciyasuta a nicinca nihektam unpi kte cin om.

10 Nakun taku niya un kin, niyepi om unpi kin, taku kinyan, woteca, a maka wamanica owasin, tona niye om wata kin etanhan inanpapi kin, taku maka akan ni un kin owasin om.

11 Niyepi om wicotakuye mitawa wakaga, a taku celipi yukan owasin minitan mini on icimana awihnuni waye kte šni, a detanhan maka ihang ye kta on, icimana minitan kte šni, ewicakiya.

12 a, Wicoicage owasin, hehanyan niyepi en, a taku ni un kin owasin en, wicotakuye wakage cin wowakta kin dee.

13 Mitinazipe kin malipiya šoka en ewehnake a he wicotakuye maka kin waqu kin, wowakta kin hee kta.

14 a tohan maka kin malipiya šoka wan ahanzi waye cinhan, malipiya šoka kin ekta mitinazipe kin tanin kta.

15 a wicotakuye mitawa weksuye kta, niyepi om, a taku

WICOICAGE.

ni un kin owasin om, qa taku celipi yuke cin owasin awihnuni kta e, detanhan icimana minitan kte šni.

16 Itazipa kin mahpiya šoke cin en yanke kta, qa wicotakuye Wakantanka kici, qa taku maka akan niya un kin taku celipi yuke cin owasin om, owihanke šniyan un kte cin, he weksuye kta e itazipa kin wanwahdake kta ce, Wakantanka eya :

17 Qa, Taku celipi yuke cin maka akan owasin, wicotakuye wicawaqu kin wowakta kin hee kta, Wakantanka Nowa eciya.

18 Unkan Nowa cinca wicaye cin, wata qon etanhan inanpapi kin deepi, Šem, qa Ham, qa Japet. Unkan Ham Kanan atkuku kin hee.

19 Hena yamni Nowa cinca kin eepi, qa hena etanhan maka kin owancaya enanakiya iyayapi.

20 Unkan, Nowa maka kin kicanyan aye ça hastanhanka iyuwihu hde.

21 Qa hetanhan miniša yatke ça witko, qa wakeya ohna tancodan un.

22 Unkan Ham Kanan atkuku kin hee, atkuku tancodan un kin he wanhdake ça cincu nom tankan yakonpi kin, owicakiyaka.

23 Unkan Šem Japet kici, šina wan icupi, qa napin hiyetepi kin akan ehnapapi, qa iheyata manipi, qa ateyapi tancodan un kin akałpapi; itepi kin iheyata unpipi, hecen ateyapi tancodan un kin wanhdakapi šni.

24 Unkan Nowa, miniša kin etanhan kikta, qa cinhintku hakakta kin taku ecakicon qon sdotkiya ;

25 Qa heya, Kanan yašicapi kta. Wowidake wowidag yapi

kta, cinyc wicaye cin he yuhapi kta.

26 Jehowa Šem taku wakan tawa kin yawaštepi nunwe. Kanan wowidake yuhapi kta.

27 Wakantanka Japet yuota kta, qa Šem tawakeya kin ohna Japet ounye kta, qa Kanan wowidake yuhapi kta.

28 Unkan Nowa, minitan qon iyohakam, waniyetu opawinge yamini sanpa wikcemna zaptan ni.

29 Hecen Nowa anpetu tawa owasin, waniyetu opawinge napeiwanka sanpa wikcemna zaptan hehan ța.

WICOWOYAKE 10.

1 Nowa wicowazi kin dee. Nowa cinca kin, Šem, Ham, qa Japet : Unkan minitan qon iyohakam, hena cinca kicitonpi.

2 Japet cinca kin Gomer, qa Magog, qa Madai, qa Jawan, qa Tubal, qa Mešek qa Tiras.

3 Unkan Gomer cinca kin, Aškenas, qa Ripat, qa Togarma.

4 Unkan Jawan cinca kin, Eliša, qa Tarsiš, Kitim, qa Dodanin.

5 Hena Hetne wita tawapi kin wicakicipamnipi, makoce tawapi kin en, otoiyohi iapi kin, token wicowazi kin, hecen oyate kin en.

6 Ham cinca kin, Kuš, qa Mizarim *Egypton* hee, Put, qa Kanan.

7 Unkan Kuš cinca kin, Seba, qa Cawila, qa Sabta, qa Rahama, qa Sabteca. Unkan Rahama cinca kin Šeba, qa Dedan.

8 Unkan Kuš Nimrod kicitonpi, he tokaheya maka akan wašaka aya.

9 Iye waayatesa Jehowa ito-

WICOWOYAKE 11.

kam waśake cin hee ; heon etanhan, Waayatesa waśaka Jehowa itokam, Nimrod iyecen, eyapi kin.

10 Unkan wokiconze tawa tokaheya kin Babel hee, qa Erek, qa Akad, qa Kalne Šinar makoce kin en unpi.

11 Makoce kin he etanhan iya-ya, qa Aśur, Niniwe kage ɕa Rehobot otonwe Kala nakun ;

12 Qa Niniwe Kala kici otahedan Resen otonwe tanka wan hee.

13 Unkan Mizarim *Egupton* hee cinca kicitonpi kin Ludim, qa Anamim, qa Lehabim, qa Naptuhim,

14 Qa Partusim, qa Kasluhim, hetanhan Pilištīm, qa Kaptorim inanpapi.

15 Unkan Kanan cinca kicitonpi Zidon, he tokapa, qa Het,

16 Qa Jebusi kin, qa Amori kin, qa Girgiši kin,

17 Qa Hiwi kin, qa Hareqi kin, qa Sini kin,

18 Qa Aradi kin, qa Zemari kin, qa Hamati kin ; qa hehan Kanani wicowazi kin yuomden iyayapi.

19 Qa Kanani makoce tawapi kin dee, Zidon etanhan Gerar ektakiya de cin Gaza etu, qa hetanhan Sodom, qa Gomora, qa Adma, qa Zeboim Lasa ekta.

20 Ham cinca wicaye cin hena eepi, wicowazipi kin iyececa, oyatepi tamakocepi kin en, iapi kin iyecen.

21 Unkan Japet tokapa kin sunkaku Šem, he cinca kicitonpi, Heber cinca wicaye cin owasin ateyapi kin hee.

22 Šem cinca wicaye cin, Elam, qa Aśur, qa Arpaksád, qa Lud, qa Aram.

23 Unkan Aram cinca wicaye cin Uz, qa Hul, qa Geter, qa Maś.

24 Unkan Arpaksád Šela kicitonpi, qa Šela Heber kicitonpi.

25 Unkan Heber cinca nonpa kicitonpi ; tokapa anpetu tawa kin en maka kin akipam icupi kin heon Peleg eciyapi, qa sunkaku kin Joktan ɕajeyatapi.

26 Joktan cinca wicaye cin Almodad, qa Šelep, qa Hatsarmawet, qa Jera ;

27 Qa Hadoram, qa Uzal, qa Diqela ;

28 Qa Obal, qa Abimahel, qa Šeba ;

29 Qa Opir, qa Hawila, qa Jobal, hena owasin Joktan cinkši wicaya.

30 Meśa etanhan de cin, Seper he wan wiyohiyanpata wanke cin, hehanyan ounyanpi.

31 Šem cinca wicaye cin hena eepi ; wicowazipi, qa wicoie hduhapi kin iyecen oyatepi kin tamakocepi kin en ounyanpi.

32 Nowa cinca wicaye cin wicowazipi kin heepi, oyatepi kin en. Hena etanhan maka kin owancaya oyate enanakiya iyayapi minitan qon iyohakam.

WICOWOYAKE 11.

1 Hehan maka kin owancaya wicaiha wanjidan, qa iapi ko wanjidan.

2 Qa wiyohiyanpata ihdaka unpi, qa Šinar makoce kin he en, omdaye wan iyeyapi, qa en eyakonpi.

3 Qa otoiyohe takodaku hekiciyapi, Ihopo, maka omdoton unkagapi, qa špan unkiyapi kta ce, eyapi. Hecen inyan hee kiya maka omdoton kin he icupi, qa upšija hee kiya bitumen icupi.

4 Qa ake hekiciyapi, Ihopo, otonwe wanji unkagapi kte ɕa nakun conkaśke wan, he ointpa kin mahpiya iyahdeye kta, qa

WICOICAGE.

caje unkicagapi kte ; heconkupi šni kinhan, maka kin owancaya omdecaheya unkiyayapi kta.

5 Unkan, Jehowa otonwe kin, inatake ko, Adam cinca wicaye cin kagapi kin wanyake kta e kun hiyu.

6 Qa, Ehaeš oyate wanjidan, qa owasin iapi wanjidan yuhapi, qa de tokaheya econpi, qa detanhan taku kaga kecinpi owasin takudan tehike dapi kte šni.

7 Iho, kun unyanpi, qa iapi kin icicahi unyanpi kta ; kinhan iyakitedan iapi nakicilionpi kte šni, Jehowa eya.

8 Qa hetanhan Jehowa, maka kin owancaya, yuomden ye wicaya ; unkan otonwe kagapi qon ayuštaupi.

9 He etanhan caje kin Babel eciyapi ; heciya Jchowa maka kin owasin iapi kin yuicicahi, qa hetanhan maka kin owancaya yuomden enanakiya ye wicaya.

10 Šem wicowazi *wowapi* kin dee. Šem waniyetu opawinge sanpa nonpa ni, qa hehan Arpakšad kicitonpi, minitan qon iyohakam waniyetu nonpa.

11 Šem Arpakšad tonpi kin iyohakam, waniyetu opawinge zaptan ni, qa cinca wica winyan ko kicitonpi.

12 Unkan Arpakšad waniyetu wikcemna yamni sanpa zaptan ni, qa Šela kicitonpi.

13 Qa Arpakšad, Šela tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

14 Unkan Šela waniyetu wikcemna yamni ni, qa hehan Heber kicitonpi.

15 Qa Šela Heber tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

16 Unkan Heber waniyetu wi-

kcemna yamni sanpa topa ni, qa Peleg kicitonpi.

17 Qa Peleg tonpi kin iyohakam, Heber waniyetu opawinge tom sanpa wikcemna yamni ni, qa cinca wica winyan ko kicitonpi.

18 Unkan Peleg waniyetu wikcemna yamni ni, qa Reyu kicitonpi.

19 Qa Peleg, Reyu tonpi kin iyohakam, waniyetu opawinge nonpa sanpa napciwanka ni, qa cinca wica winyan ko kicitonpi.

20 Unkan Reyu waniyetu wikcemna yamni sanpa nonpa ni, qa Serug kicitonpi.

21 Qa Serug tonpi kin iyohakam, Reyu waniyetu opawinge nonpa sanpa šakowin ni, qa cinca wica winyan ko kicitonpi.

22 Unkan Serug waniyetu wikcemna yamni ni, qa Naħor kicitonpi.

23 Qa Naħor tonpi kin iyohakam, Serug waniyetu opawinge nonpa ni, qa cinca wica winyan ko kicitonpi.

24 Unkan Naħor waniyetu wikcemna nonpa sanpa napciwanka ni, qa Tera kicitonpi.

25 Qa Naħor Tera tonpi kin iyohakam, waniyetu opawinge sanpa wikcemna sanpa napciwanka ni, qa cinca wica winyan ko kicitonpi.

26 Unkan Tera waniyetu wikcemna šakowin ni, qa Aberam, qa Naħor, qa Haran kicitonpi.

27 Tera wicowazi *wowapi* kin dee. Tera iye Aberam, Naħor, qa Haran kicitonpi. Unkan Haran Lot kicitonpi.

28 Unkan Haran, iye atkuku, Tera itokam ʔa, Ur Kašdim heciya, makoce en tonpi kin he en ʔa.

29 Unkan Aberam, qa Naħor winohinca yuzapi. Aberam ta-

WICOWOYAKE 12.

wicu caje kin Sari, qa Nahor tawicu caje kin Milka eciyapi. Haran he cunwintku iye Milka Iska ko ateyapi.

30 Tuka Sari cinca ton šni un, cinca wanica.

31 Unkan Tera iye cinhintku Aberam ikikcu, qa takojatpaku, Lot he Haran cinhintku, qa takosku Sari iye cinhintku Aberam tawicu kin hee. Hena om Ur Kašdim etanhan iyaya, Kanan makoce kin ekta ye kte, qa Haran ehan hipi qa hen hiyakonpi.

32 Qa Tera anpetu tawa kin waniyetu opawinge nonpa sanpa zaptan henakeca, qa Haran hen Tera ta.

WICOWOYAKE 12.

1 Unkan Jehowa Aberam heciya, Nita makoce kin etanhan ya wo, nitakuye etanhan, qa niyate ti kin etanhan, makoce wan wanyag ciciye kte cin he ekta ya wo.

2 Kinhan oyate tanka ical ciye, qa ciyawašte, qa nicaje kin tanka wakage kta; qa wowašte yaun kta;

3 Qa tona niyawaštepi kin hena wicamdawašte, qa tuwe niyašice cin he mdašice kta, qa niye en wicowazi tona maka akan unpi kin owasin yawaštepi kta ce.

4 Unkan Aberam iyaya, Jehowa eciye ciquon he iyecen, qa Lot opa. Aberam wanna waniyetu wikcemna šakowin sanpa zaptan, Haran etanhan iyaye cehan.

5 Qa Aberam tawicu Sari ikikcu, qa iye cinu cinhintku Lot nakun, qa taku icihdepi, taku tonpi kin owasin, wicanagi tona Haran en wicatonpi ko, qa unhdaka yapi, Kanan makoce kin

ektakiya, qa Kanan makoce kin en hipi.

6 Qa Aberam makoce kin ohna ya, Šekem ounye cin etu, More utuhu kin en. Unkan hehan Kanani kin makoce kin en unpi.

7 Unkan Jehowa Aberam en tanin iciye qa, Wicowazi nitawa kin makoce kin de waqu kta ce, eciya. Unkan Aberam hen wahna wošapi wan, Jehowa tanin iciye cin he kiciga.

8 Qa hetanhan unhdaka ya Betel iwiyohipanpatanhan he wan wanke cin, Betel wiyohpeyata, qa Hai wiyohiyanpata otahedan en e wakeya, qa heci wahna wošnapi wan kage qa Jehowa caje kin hoyekiya.

9 Qa ake Aberam unhdaka itokah kiya ihdaka ya.

10 Unkan makoce kin he en wicaakilian, qa Aberam Egipta ekta apamahde ya, hen yanke kta, makoce en un qon nina wicaakihan nakaes.

11 Qa Egipta ekta wanna hi kte cehan, tawicu Sari heciya, Winohinca owanyag wašte hena sdonwaya;

12 Qa Egipton oyate kin waniyakapi kinhan, De tawicu kin ee ce, eyapi, kta, qa miye maktepi kta qa niye niniyanpi kta.

13 Ceciya ce, tawinohtin ciya keya wo; hecen tanyan waun kte qa, niye eciyatanhan minagi kin ni kta.

14 Qa Aberam Mizarim, *Egipta hee*, en hi qehan, Egipton oyate kin tawicu kin owanyag wašte hinca e wanyakapi.

15 Unkan Paro taakicita tancan winohinca kin wanyakapi, qa Paro en yatanpi, qa winohinca kin Paro ti kin en un kte cin icupi.

16 Qa iye kin on Aberam tanyan ecakiconpi; unkan tahn wa-

WICOICAGE.

nuyanpi yuha, tatanka nakun, qa šuktanka šonšonna mdoka wiye ko qa ookiye wica winyan ko, qa camo hena *owasin*.

17 Unkan Jehowa Paro oyutan, Sari Aberam tawicu kin on etanhan, Paro tiyohnaka tawa kin koya wowayazan tanka on wicakaštaka.

18 Unkan Paro Aberam kico, qa heciya, Tokeca hecamiyecon? He nitawin kin tokeca omayakidake šni he?

19 De mitankši ce, ehe cigon he tokeca heha he? Hecen miš mduze kta iwacu tuka. Tuka nitawin wanhdaka wo. Ehdaku qa hunktiya wo.

20 Qa Paro wicašta tawa kin hena he iwahokonwicakiya, unkan hde šipi, tawicu taku yuhe cin ko owasin.

WICOWOYAKE 13.

1 Unkan Aberam Egipta etanhan iyaya, iye tawicu kici, qa taku yuhe cin ko owasin, Lot nakun opa, itokaš makoce kin etu.

2 Qa Aberam wijica hinca, wanuyanpi, mazaska, qa mazaskazi ota yuha.

3 Qa itokaš makoce kin oti qon ohna ihdaka ku, Betel etu, wakeya iticage cigon Betel qa Hai otahedan heciya;

4 Tokag ehan wahna wošnap kage cigon he ekta, qa hen Aberam Jehowa caje kin hoyekiya.

5 Unkan Lot Aberam kici ihdaka un kin he tahinca, qa tatanka wakeya ko yuha.

6 Qa witaya tonwanyanpi kte cin makoce kin iyowinwicakiye šni, ehaes wanuyanpi ota yuhapi, heon witaya ounyanpi kta okitpanipi.

7 Unkan Aberam wanuyanpi wiħan wicakiyapi kin qa Lot wanuyanpi wiħan wicakiyapi kin akinicapi. Unkan hehan Kanani kin, Perazi kin ko makoce kin en ounyanpi.

8 Unkan Aberam Lot heciya, Unhdokinica kte šni, wiħan wicakiya mitawa kin, qa wiħan wicakiya nitawa kin nakun akinicapi kte šni, hunka wanjin unkiyiye cin.

9 Makoce ocowasin nitokam wanke šni he? Ceciciya ce, miye etanhan kinukankiya ya wo. Niš catka tanhan de cinhan miš etapa tanhan, qa niš etapa tanhan kinhan miš catka tanhan mde kta ce.

10 Unkan Lot wankan etonwe, a Jordan iyomdaye kin ocowasin Zohar itato owancaya mini yukan, (Sodom Gomora kici Jehowa iħangye cin itokam,) Jehowa tamaga kin iyecen, qa Egipta makoce kin iyecen.

11 Qa Lot Jordan ohna makoce kin owasin kaħnige a, Lot wiyohiyanpata kiya unhdaka ya, hecen otoiyohi hunka wanjitku kin etanhan kinukankiya iya-yapi.

12 Aberam Kanan makoce kin en ounyan, qa Lot omdaye kin otowwe kin en ounye, a Sodom en wakeya iticaga.

13 Unkan Sodom wicašta kin wicaštapi šni, qa Jehowa en nina waħtanipisa.

14 Unkan Lot Aberam etanhan kinukankiya iyaye cin, he iyohakam Jehowa Aberam heciya, Išta kin yuwankan ikikeu, qa toki yaun kin ihduksan etonwan wo; waziyata, qa itokaga, qa wiyohiyanpata, qa wiyohipeyata.

15 Makoce kin de wandake cin sitomniyan ciu kte a, wicowa-

WICOWOYAKE 14.

zi nitawa nakun owihankešni-
yan.

16 Qa wicoicage nitawa kin
maka wiyaka sukaza iyenaka
wakage kta. Wicašta wan ma-
ka wiyaka sukaza yawa okihi,
hecinhan wicoicage nitawa na-
kun yawapi kta ce.

17 Najin qa makoce kin ohan-
ske cin, qa ohdakinyan kin ecen
omani wo, he ciçu kta ce, eya.

18 Unkan Aberam ihdake ça
Mamore utuhu kin he Hebron
en wanke cin ekta i, qa en ounye
ça hen wahna wošnapi wan
Jehowa kicaga.

WICOWOYAKE 14.

1 Unkan Amrapel Šinar en
wicašta yatapi ounye cin he
ehan, iye qa Ariyok Elasar en
wicašta yatapi, qa Kedorlaho-
mer Elam en wicašta yatapi, qa
Tidal Goim en wicašta yatapi
ozuye kagapi.

2 Bera Sodom en wicašta ya-
tapi, qa Birsā Gomora en wi-
cašta yatapi, qa Šinab Adma en
wicašta yatapi, qa Šemeber Ze-
boim en wicašta yatapi, qa na-
kun Bela, Zohar hee, he en wi-
cašta yatapi, hena owasin azu-
wicayapi.

3 Sidim mdaye kin, mini skuya
mde kin hee, en hena owasin
ecipapi.

4 Waniyetu ake nom, hehan-
yan Kedorlahomer wowidake
wicaya, tuka iake yamni kin he-
han kipajinpi.

5 Unkan waniyetu iake topa,
hehan Kedorlahomer qa wicašta
yatapi owicape ciqon owasin
upi, qa Repaim kin Ašteret
Qarnayim en wicakaštaka, qa
Zuzim kin Ham en, qa Emim
kin Qiratayim mdaye kin en,
hena owasin wicakaštakapi.

6 Hori kin nakun, Sehir he
tawapi kin en Paran utuhu kin
hetu, he hopuza kin en un.

7 Qa hdicupi, Mišpat wakoni-
ya, Qadeš hee en, qa Ameleqi
tamakocepi kin owasin awihnu-
nipi, Amori kin tona Hazazon
Tamar en ounyanpi kin nakun.

8 Hehan Sodom en wicašta
yatapi, qa Gomora en wicašta
yatapi, qa Adma en wicašta ya-
tapi, qa Bela Zohar he en wica-
šta yatapi, qa Zeboim en wicašta
yatapi hena *owasin*, zuya iyaya-
pi, qa Sidim mdaye kin en kici-
zapi.

9 Kedorlahomer Elam en wi-
cašta yatapi, qa Tidal Goim en
wicašta yatapi, qa Amrapel Šinar
en wicašta yatapi, qa Ariyok
Elasar en wicašta yatapi, wi-
cašta yatapi ece, uman topa
uman zaptan ecipapi.

10 Unkan Sidim mdaye kin
ohna bitumen woħa ota, qa So-
dom en wicašta yatapi Gomora
en wicašta yatapi henios naji-
capi, qa ohinħpayapi, qa umanpi
kin, tona nipi kin, he onapapi.

11 Unkan Sodom Gomora ko
woyuha, taku yutapi ko yuhapi
qon, owasin icupi qa kihdapi.

12 Lot Aberam cinu cinhin-
tku kin Sodom en un kin nakun,
taku tawa ko owasin icupi, qa
hecen hdapi.

13 Unkan wicašta wan okicize
etanhan u, qa Aberam Heberi
kin wokiciyaka, utuhu oju Ma-
more Amori tawa kin en un;
Mamore Eškol Aner kici hunka
wanjin wicaye cin, qa hena *yamni*
Aberam kici dakon kiciyapi.

14 Unkan Aberam sunkaku
wayaka ahdapi kin he nakihon,
hehan wicašta opawinge yamni
sanpa wikcemna sanpa šahdo-
gan, iye ti kin en icagapi, qa
onspewicakiyapi kin hena awi-

WICOICAGE.

caye ça wicašta yatapi qon, Dan hehanyan wicakuwa.

15 Qa hanyen taokiye kici ana-wicatan, qa wicaštatake ça owicakuwa, Coba Damaskos icatka tanhan wanke cin hehanyan.

16 Qa woyuha qon owasin eyaku; sunkaku Lot, qa taku tawa ko owasin, winohinca oyate ko owasin ahda.

17 Qa Kedorlahomer, qa wicašta yatapi owicape ciquon wicaštakapi kin etanhan hdi kin, hehan Sodom wicašta yatapi kin itkokim ya; Kaksiza mdaye kin ekta Wicašta yatapi takaksiza kin hee.

18 Unkan Melkizedek Salem en wicašta yatapi, Taku wakan otancanke wakiyušnapi kin, he aguyapi miniša ahna *Aberam* kahi;

19 Qa yawašte, qa heya, Wakantanka otancanke mahpiya maka ko ocowasin tawa kin, he *Aberam* yawašte nunwe.

20 Qa Wakantanka otancanke kin, toka niyanpi kin nape kin en onihnake cin he yawaštepi nunwe, eya. Unkan taku owasin etanhan iwikcemna kin qu.

21 Unkan Sodom wicašta yatapi kin *Aberam* heciya, Oyate kin micu wo, qa woyuha kin he owasin icu, qa yuha un wo.

22 Unkan *Aberam* Sodom wicašta yatapi kin heciya, Jehowa Wakantanka otancanke kin mahpiya maka ko ocowasin tawa kin, he ekta nape ye wakiya.

23 Taku nitawa kin etanhan hahonta wanjidan, hantpa wanjidan ešta iwacu kte šni, qa *Aberam* wawokihi wakaga ehe kte šni.

24 Tuka koška taku yutapi kin hecehnana, qa *Aner Eškol* qa *Mamore* wicašta omicipapi kin

hena eepi, onšpa tawapi kin iki-kecupi nunwe, eya.

WICOWOYAKE 15.

1 Hena henakeca hehan, owanyake wan en Jehowa oie kin *Aberam* en hi, qa heciya, *Aberam* ihnuhan koyakipe cin; wahacanka nitawa qa taku iyotan tanka yahduhe kte cin he miye ce.

2 Unkan *Aberam* heya, Jehowa Itancan taku mayaqu kta he? Miš micinca manica qa wati kin taku ohnaka kin *Eliezer* Damaskon he yuha.

3 Qa *Aberam* heya, Miye cinca mayaqu šni, qa wicašta wan wati kin en tonpi kin, he taku mitawa owasin yuhe kta.

4 Unkan Jehowa oie kin hoyekiya, De taku nitawa owasin yuhe kte šni ce. Tokešta nitezi kin etanhan inanpe kte cin he taku nitawa kin owasin yuhe kta ce, eya.

5 Qa tankan u ši, qa heciya, Mahpiya ekta etonwe ça wicanłpi kin yawa oyakihi hecinhan hena yawa wo. Qa nicinca kin he iyenakecapi kta ce, eciya.

6 Unkan *Aberam* Jehowa oie kin wicada, qa he woowotanna kiciyawapi.

7 Unkan Jehowa heciya, Makoce kin de ciçu, qa yahduhe kta e *Ur Kašdim* etanhan u ci-ciye cin, Jehowa he miye ce.

8 Unkan, Jehowa Itancan, tokiya tanhan wahduhe kte cin sdonwakiye kta he? eya.

9 Unkan, Pte wan waniyetu iyamni, qa tatokadan wan waniyetu iyamni, qa tamdoka wan waniyetu iyamni, hena owasin imicu wo, qa wakiyedan wan nakun, tin wakiyedan wan iya-hna.

WICOWOYAKE 16.

10 Unkan hena owasin ikikcu, qa cokaya okiwicakasdece-ça wobaſpe kin owasin iciyotakons ehna, qa zitkadan kin hena baſpe ſni.

11 Unkan taku kinye cin woteka wicakte qon akan kuni upi, unkan Aberam ham wicaya.

12 Unkan anpetu wi aisinyan iyaye kte cin, hehan woistima tanka wan Aberam ahinhpaye ça nakun otpaza wohitike hinca.

13 Unkan Aberam heciya, Woticake eciyatanhan he sdonya wo, nicinca makoce wan tawapi ſni e en waniyetu opawinge tomounyanpi kte, unkan wowidagwicayapi, qa iyoyag wicayapi kta.

14 Unkan oyate wan wicayuhe kte cin he mdaco kta, unkan hehan woyuha ota yuha hinanpapi kta.

15 Tuka niye hunkake wicayaye cin ekta tanyan yahde kte ça, pa niska waſte kinahan nihapi kta.

16 Qa wicoicage itopa kin, hehan deciya hdiipi kta ce. Amori kin woalitani kin nahahin iyatahdepi ſni ce.

17 Unkan wi iyaya hehan nina otpaza, qa oceti izita wan, petijanjan ideya wan ko, taku okicasdece ciquon itoopteya iyaya.

18 Anpetu kin he en Jehowa wicotakuye wan Aberam kicage ça heya, Makoce kin de Egupta watpa etanhan, watpa tanka Yuphrate *eciyapi* hehanyan nicinca wicawaqu kta.

19 Keni kin, qa Qenizi kin, qa Qadmoni kin,

20 Qa Ceti kin, qa Perazi kin, qa Repaim kin,

21 Qa Amori kin, qa Kanani kin, qa Girgaſi kin, qa Jebusi kin.

WICOWOYAKE 16.

1 Unkan Aberam tawicu kin Sari cinca kiciton ſni, qa Egupton wikoſka wan yuha, Hagar eciyapi.

2 Qa Sari Aberam heciya, Iho Jehowa miye onamataka; ceciye, wikoſka wan mduhe cin he ekta ya ye; okini cinca miciton kta, eya. Unkan Aberam Sari oie kin anagoptan.

3 Unkan Sari Aberam tawicu kin, he wikoſka tawa, Hagar Egupton kin icu, qa Aberam hihaku kin tawicu kta e qu; wanna waniyetu wicemna hehanyan, Aberam Kanan makoce en un qehan hecon.

4 Unkan Aberam Hagar en i, unkan ihduſake ça, wanna ihduſaka wanhdake cehan, yuhe cin he iſta kin on ihakta ſni.

5 Unkan Sari Aberam heciya, ſicaya ecamiconpi kin he niye en oiyanihde. Miye wikoſka wan mduhe cin he ciçu, nimaku kin ekta, unkan ihduſaka wanhdake ça iſta kin on ihamakta ſni, miye niye kici unkiyotahedan Jehowa yaco kta ce.

6 Unkan Aberam Sari heciya, Tokeſta wikoſka nitawa kin he ninape kin ohna un, token iyonicipi ecen ecakicon wo. Unkan Sari iyoyag ya; unkan najica iyaya.

7 Unkan Jehowa taohnihde wan Hagar tinta kin en iyeya, mini lidoka wan ikiyedani, ſurcanku kin ohna mini lidoka he cin hee.

8 Qa heya, Sari tawikoſka Hagar, tokiya tanhan yau he? qa toki da he? Unkan, Sari mayuha itoye kin etanhan nawajica ce, eya.

9 Unkan Jehowa taohnihde kin heciya, Niyuhe cin ekta ici-

WICOICAGE.

cawin hde, a nape kin ihukuya eicihde wo.

10 Kinhan nicinca ota wakage kta, a ota kin heon yawapi kte ni, Jehowa taohnihde kin Hagar eciya.

11 a, Iho ihduniake cin cinca wanji yaton kte, a Imayel eya ca yakiton kta; nicakije cin Jehowa nanihon kin heon etanhan.

12 Kinhan is ike wicata kin heca kta. Wicata owasin nape apaha wicayanke kta, a is wicata owasin nape apaha yan-kapi kte, a hunka wanjin wicaye cin owasin itokam ounye kte, Jehowa ohnihdeye cin eciya.

13 Unkan Wakantanka wanmayake cin he deciya awakita he? eye a, Jehowa okiye cin, he Wakantanka wanmayadake cin, eya caton.

14 Heon wakoniya kin he, Tuwe ni a wanmayake cin tawakoniya eciyapi; he Qade a Bered otahedan wanka.

15 Unkan Hagar Aberam cinca wan kiciton, a Aberam cinca Hagar ton kin he Imayel eya ca kiton.

16 Aberam wanna waniyetu wikcemna ahdogan sanpa akpe, Hagar Imayel Aberam kiciton kin hehan.

WICOWOYAKE 17.

1 Unkan Aberam wanna waniyetu wikcemna napciwanka sanpa napciwanka, hehan Jehowa Aberam en tanin iciye a, Taku wakan iyotan waake cin he miye; mitokam omani a iyaonpepica ni un wo.

2 Kinhan odakonciciye kta a, iyakicuya ciyuota kta, eciya.

3 Unkan Aberam pustag epe-

iciya; unkan Wakantanka okiye a heya,

4 Odakonciciya a oyate ota ate niyanpi kta;

5 a detanhan Aberam eniciyapi kte ni, tuka Abereyam nicaje ee kta; oyate ota ate niyanpi kte cin cicaga ce.

6 a nina yuota ciciye a, oyate cicage kta, niye etanhan wicata yatapi inanpapi kt.

7 a miye niye kici wicotakuye cicage kta, a taku nitawa nihektam u kte cin hena koya, hecen wakage kta, tohanhanyan wiconi kte cin, hehanhanyan hecetu kta, hecen wakan mayada kta, a nicinca nihektam u kte cin hena owihanke wanin wakan madapi kta.

8 Makoce en ihdaka yaun kin, Kanan makoce kin he owasin ciu kta, a tona enitanhan u kte cin hena, a owihanke wanin tawayapi kta a taku wakan mayanpi kta.

9 a, niye wicotakuye mitawa kin yahduhe kta, niye, nicinca nihektam upi kte cin hena koya, wicoicage tawapi kin en.

10 a wicotakuye mitawa miye, a niye kici, a nicinca nihektam u kte cin hena koya, yahduhapi kte cin he dee ce. Tona wica un kinhan hena bakihdayapi kte.

11 Ce inkpa ha kin banicihdayapi kta a odakonciciyapi wwapetokton kin hee kta.

12 Wicoicage nitawapi kin tona wica owasin yatipi kin ohna tonpi, a nicinca etanhan ni eta, tuka oyate tokeca cinca, a mazaska on opetonpi kin owasin, cincatonpi ehantanhan anpetu isahdogan balidayapi kta.

13 Tuwe yati kin ohna tonpi a mazaska nitawa on opetonpi kin he bahdayapi kta, a oda-

WICOWOYAKE 18.

konciyapi, nicehpi kin en he wicotakuye owihanke wanice kta.

14 Tuwe wica bahdayapi sni, ce inkpa ha kin bakihdayapi sni kinhan, wicotakuye mitawa naksa, heon wicašta kin he oyate tawa kin etanhan bašpapi kta, Wakantanka Abereyam eciya.

15 Qa detanhan Sari nitawin kin Sari caje date kte sni, Sara caje kin hee kta ce.

16 Qa he mdawašte kte ça, hetanhan cinca wan ciçu kte ça, cinca niciton kte cin he nakun mdawašte kte ça, oyate ota nakun wicašta yatapi tanka hetanhan inanpapi kta, Wakantanka Abereyam eciya.

17 Unkan Abereyam pustag ehpiciye ça iha, qa cante kin mahen heya, Wicašta waniyetu opawinge cinca kicitonpi kta he? qa Sara waniyetu wikcemna napciwanka cinca wan ton kta he?

18 Hehan, Tokin Ismayel nito kam ni un, Abereyam Wakantanka eciya.

19 Unkan Wakantanka heya, Han; awicakehan Sara nitawin cinca wan niciton kta, qa Izak eya caš yakiton kta, qa wicotakuye mitawa kin he kici wahdusuta kta; cinca wicaye kte cin ihektam u kte cin, hena koya wicotakuye owihanke sniyan.

20 Ismayel on nakun nacihon, on mdawašte kta, cinca ota icahe wakiye ça iyakiçuya yuota wakiye kta, wicašta yatapi ake nom kicitonpi kte ça, oyate tanka icahe wakiye kta.

21 Tuka Izak kici wicotakuye mitawa kin wahdusuta kta, detanhan omaka wanjica kinhan, makoncage kin de en Sara ton kta.

22 Wakantanka ie ça ohiniki-

ye cin, hehan Abereyam itokam wankan ikiyopta.

23 Unkan Abereyam cinhintku Ismayel ikikeu, qa nakun tona iye ti kin ohna wicatonpi kin, tona maza ska iye tawa on opewicaton kin hena koya owasin, tona wica iye ti kin ohna yakonpi kin hena, anpetu kin he en ce inkpa ha kin bawicakihdaya, Wakantanka eciye cin he iyecen.

24 Abereyam wanna waniyetu wikcemna napciwanka sanpa napciwanka hehan iye ce inkpa ha kin bakihdayapi.

25 Qa cinhintku Ismayel waniyetu ake yamni hehan ce inkpa ha kin bakihayapi.

26 Abereyam cinbintku Ismayel kici, anpetu wanjidan en bawicahdayapi.

27 Qa tiyohnaka wicašta owasin, ti kin ohna wicatonpi, qa oyate tokeca etanhan opewicatonpi kin hena koya, owasin Abereyam kici bawicahdayapi.

WICOWOYAKE 18.

1 Unkan Mamore utuhu kin heciya, Abereyam wakeya tiyopa kin ekta iyotankehan yanke, ça wiyotanhan hehan Jehowa tanin iciya.

2 Unkan Abereyam wankan etonwan, qa wicašta yamni itokam najinpi wanwicayake ça, wakeya tiyopa kin etanhan itkowicakipe kta e inyang iyaye ça, maka kin en canpeška makehdeya inajin.

3 Qa, Itancan ni išta kin iyo kipi ciya hecinhan ceciciya ce, nitaokiye kin etanhan sam iya ye sni wo.

4 Mini onge aupi on siha hdujajapi, qa can kin ihukuya ozi iciyapo.

WICOICAGE.

5 Kinhan aguyapi onśpa cicau-pi kta. Nicantepi kin iwakiśa-
kapo, heon nitaokiyepi kin en
yahipi, qa hehan idadapi kta ce,
eya. Unkan token ehe cin ecen
econ wo, eyapi.

6 Unkan Abereyam wakeya
kin en oħankoya hda, Sara ti
kin ekta qa, Aguyapi iyutapi ya-
mni kohanna icu qa pasuta qa
aguyapi hmiyanyan kaga wo,
eya.

7 Hchan Abereyam wanuyan-
pi ekta inyang ye qa, ptejinca-
dan wan cepa qa wašte ikikcu,
qa he kośka wan qu; unkan
inahniyan pata.

8 Unkan pte asanpi qa pte
asanpi ihdi, qa ptejincadan pa-
ta qon ikikcu, qa wicitokam
ehde, qa iye wicikiyedān najin
can kin ihukuya. Unkan wo-
tapi.

9 Qa Sara nitawin kin toki un
he? eciyapi. Unkan, Wakeya
ohna yanka ce, eya.

10 Unkan, Detanhan omaka
akihde kinhan, ake niye en cihi
kta qa awektunje kte śni. He-
han nitawin Sara cinca wan ton
kta. Unkan Sara wakeya tiyo-
pa kin ohna wicašta kin ihe-
ktam yanka tuka he nahon.

11 Wanna Abereyam Sara ki-
ci wanakaś wotapi, napin kan-
pi; winohinca ayakonpi kin he,
Sara wanna ecece śni un.

12 Heon Sara cante mahen iħa
qa, Wamakanka hehan, qa ma-
yuha is nakun wicalinca ešta
imduśkin kta he? eya.

13 Unkan Jehowa Abereyam
heciya, Tokeca e Sara iħa qa,
Awicakehan wamakanka hehan
cinca waton kta he? eya he?

14 Jehowa taku wanji okitpani
tukte e he? Tohantu kte cin
ake niye en cihi, qa Sara hokśi-
dan wan ton kta.

15 Hehan Sara kokipe qa heon
anakilibe qa, Iwaħa śni ce, eya.
Unkan, Hiya, iyaħa ce, eya.

16 Hehan wicašta qon heciya
tanhan najinpi, qa Sodom ekta-
kiya etonwanpi; unkan Abere-
yam awicaye kta e om iyaya.

17 Unkan Jehowa heya, Taku
ecamon kte cin he Abereyam
anawakilibe kta he?

18 Abereyam is oyate tanka,
qa waśaka un kte qa iye eciya-
tanhan oyate maka ohnaka owa-
sin yawaštepi kta;

19 Qa de sdonwakiye, cinca
wicaye cin, tiyohnaka kin iya-
hna taku owotanna qa ecetu
econ wicaśi kta, qa Jehowa ta-
canku kin okicipapi kta, hecen
Jehowa Abereyam token waho-
ye cin owasin kicicahi kta.

20 Unkan Jehowa heya, Sodom
qa Gomora ceyapi kin he tanka,
qa waħtanipi kin tehika e nawa-
ħon, heon

21 Nakaha kun mde qa ceyapi
kin mahiyohi kin ocowasin iye-
ceca econpi kinhan sdonwaye
kta, qa ecece śni kinahan sdon-
waye kta ce, eya.

22 Unkan wicašta qon hetan-
han iyayapi, qa Sodom en ipi,
qa Abereyam nahalin Jehowa
itokam yanka.

23 Qa Abereyam ikiyadan hi-
nain qa, Tona oħan owotanna
waħtanipisa om ihang wicaya-
ye kta he?

24 Okini wicašta owotanna
wikcemna zaptan otonwe kin en
unpi ešta ihang yaye kta he?
Wicašta owotanna wikcemna
zaptan kin hena on, otonwe en
unpi kinhan, otonwe kin itonya-
pe kte śni. he?

25 Wicašta oħan owotanna
waħtanipisa om ihang wicayaye
kta seca; tokadan hecanon kte
śni. Tona owotanna waħtani-

WICOWOYAKE 19.

pisa iyecen ecawicakiconpi kin he iyonicipi šni. Maka kin owancaya wayaco un kin he woyaco econ kte šni he? eya.

26 Unkan Jehowa heya, Wicašta owotanna wikcemna zaptan Sodom otonwe en iyewaye cinhan, hena on otonwe kin ocowasin itonwape kta ce.

27 Unkan Abereyam ayupte ça, Maka mdu qa cahota hemaça qeyas mayuhe cin taku ewakiye kta on iapi iwacu.

28 Okini wicašta owotanna wikcemna zaptan kin en zaptan ope kte šni seca; zaptanna kin hena on otonwe kin ocowasin ihang yaye kta he? eya. Unkan, ihang waye kte šni, hen wikcemna tom sanpa zaptan iyewaye cinhan, eya.

29 Unkan ake ie kta e hda, qa, Okini hen wikcemna tom iye-wicayapi kta, eya. Unkan, Wikcemna topapi on ecamon kte šni, eya.

30 Unkan, Mayuha ceciciye canniye maye šni wo; iwae kta ce. Okini wikcemna yamni hen iyeyapi kta seca, eya. Unkan, Wikcemna yamni hen iyewicawaye cinhan ecamon kte šni, eya.

31 Unkan, Tokin Mayuhe cin taku ewakiye kta e epen. Okini wikcemna nonpa hen iyeyapi kta seca, eya. Unkan wikcemna nonpa on ihang waye kte šni ce, eya.

32 Unkan, Itancan ceciciye canniye maye šni wo; wancadan iwae kta ce. Okini wikcemna en iyeyapi kta seca, eya. Unkan wikcemna on ihang waye kte šni ce, eya.

33 Unkan Jehowa Abereyam okiya ohinikiye cin hehan toki iyaya, qa Abereyam ekta hda.

WICOWOYAKE 19.

1 Unkan litayetu ehan ohnihde wicaye cin nom Sodom en hipi; he icunhan Lot Sodom tiyopa kin en iyotankehan yanka, unkan Lot wanwicayake ça itkowicakipe kta najin hiyaya, qa wicitokam patuš inajin.

2 Qa hewicakiya, Itancan ceciciyapi, wati kin en yapo, he wowidake mayaduhapi, heon hanyetu kin de wati kin en yukanpo. Siha kin hdujaja po, qa hanhanna yektapi, qa tokiya dapi hecinhan ekta katinyan yapo, ewicakiya. Unkan, Hiya, ocan-ku kin de ohna hanyetu osan unyakonpi kta, eyapi.

3 Tuka nina cinwicakiya; unkan kici kipi. Ti kin ti mahen ipi, unkan aguyapi napohye codan span ye ça nakun wowicakihan; unkan yutapi.

4 Iwankapi kta itokam, Sodom otonwe wicašta kin owasin tipi kin he aohduteyapi, hoksidan wicahinca ko owasin, otonwe ihanke anokatanhan, henana otonwe ohnaka kin owasin kawitaya iheya.

5 Qa Lot kipanpi, Wicašta nom hanyetu kin de yati en hipi kin tukte epi he? Tankan u wicaši wo; sdonwicunyanpi kte, eyapi.

6 Unkan Lot ti kin etanhan inanpe, ça tiyopa kin ecen icu,

7 Qa, Hunka wanjin ciyapi, ceciciyapi ce, ihnuhan hecen šica-ya ecanonpi kin.

8 Micunkši nonpapi kin nahan wicašta sdonye šni yakonpi, heniyos eiçupi, qa token yacinpapi ecen wicayakuwapi kta, tuka wicašta kin dena conkaške mitawa ohanzi ihukuya hipi kin heon takudan ecawicakiconpi šni po, ewicakiya.

WICOICAGE.

9 Unkan, Tokan hiyaya wo. Wicašta kin de oyate tokeca, tuka den un kta wacin, qa hi qa he unyacopi wacin. Heon ihom-eca niye iyotan śicaya unnicu-wapi kta, oyate kin eyapi, qa Lot nina paškicapi qa tiyopa kin kaptujapi kta e en yapi.

10 Unkan ohnihde unpi kin tiyopa kin yuganpi, qa Lot ti mahen hdicu yapi, qa tiyopa kin onatakapi.

11 Unkan oyate kin wicašta cistina wicašta tanka ko, oyate otonwe ohnaka kin owasin, tiyopa kin en hiyeye cin hena išta gonge wicayapi, heon tiyopa kin yutantan akitapi.

12 Unkan ohnihde unpi kin Lot heciyapi, Nakun den takuyaya yukan he? takoš yaye cin nicin-kši, ničunkši, qa taku tona otonwe kin ohna duhe cin, de etanhan om tankata inanpa wo.

13 Otonwe kin de ihang unyanpi kta, heon unhipi; oyate kin de owasin woahťani hoyapi, qa Jehowa itokam oiyahde ičiyapi, heon otonwe kin de őwi-hanke ye unhipi.

14 Unkan Lot tankata inanpe, a wicašta takoš wicaye kte cin, hena hewicakiya, Otonwe kin de etanhan tankata inanpapo; Jehowa otonwe kin de ihanke ye kta ce. Tuka takoš wicaye kte cin Lot ceťunhdapi.

15 Anpao hinanpa, unkan ohnihde unpi kin Lot inahni yapi, qa, Najin wo; nitawin ehdaku wo, qa nakun uicunkši nonpa den unpi kin, okini otonwe waťtani kin en awihnuniniyanpi kta nace.

16 Tuka ihduwiyeyapi śni; unkan ohnihde unpi nape etanhan wicayuzapi, Lot, qa tawicu, qa cunwintku nonpa nape kin wicayuzapi; Jehowa hena onši-

wicakida, he etanhan otonwe kin tankan ewicayayapi.

17 Otonwe tankan awicaipi qa uman heciya, Napa wo, ni ičiya wo. Ihnuhan nihektam eyatonwe cin. Omdaye kin ohna tuktedan inajin śni. He kin heciya onapa wo; hecen yani kta ce.

18 Unkan Lot hewicakiya, Hiya, Itancan ceciciya ce:

19 Wowidake yaya nitokam wopida iyeičiya, qa nitowaonśida kin icantoyahnake cin he miye. Tuka he onawape kte cin owakitpani kta. Okini taku śica hiyohimaye a maťe kta, kowakipa.

20 Heon ceciciya, otonwe wan cistina den aškanan he cin, hee iyowahi kta owakihi kta. Ceciciya, heci ye mayan wo; cistina tuka hecen on minagi kin ni kta.

21 Unkan, He wopida kin aciyupte kta; otonwe cistina kin he ihang waye kte śni.

22 Onapa wo; inahni wo. Tohan chan yai śni hehanyan token waťan kte śni, eciya. He etanhan otonwe kin he Zohar eciyapi.

23 Wi toka hinanpa hehan Lot Zohar iyohi.

24 Unkan hehan Jehowa magaju ya, Sodom Gomora heniyoza kiya inyan zi peta ko Jehowa mahpiya eciyatanhan ahinhe wicaya.

25 Otonwe kin hena owihanke wicaya, omdaye ko ocowasin, qa tona otonwe kin en ounyanpi, qa makoce kin hen peji koya.

26 Tuka Lot tawicu kin haki- kta, unkan tancan kin tokeca hinhde a miniskuya icu.

27 He icunhan, hanňanna Aberyam kikta, qa Jehowa okiye ciqon en etkiya ya.

WICOWOYAKE 20.

28 Qa Sodom, Gomora, makoce ihdukšan koya atonwan; unkan makoce kin he etanhan šota wan, maza šdoyapi oceti šota iyececa, wankantkiya inanpe cin wanyaka.

29 Jehowa Omdaye otowwe kin hena, owikanke ye cin he icunhan, Abereyam kiksuye ça otowwe ohna Lot ounye cin ihang wicaye cin hetanhan Lot tankan iyaye ya.

30 Unkan Lot Zohar etanhan itawankanhde ye, ça he wan akan cunwintku napin om e ounyan, Zohar he en un kte cin he wikopa heon, qa makohdoka wan cunwintku napin om oti.

31 Unkan tokapa kin he tankaku kin hecen eciya, Ate unye cin wanna wicašinca, qa maka ohnaka wanna wicašta wanica, maka akan econpi qon iyece, tuwedan unkiye en hi kte šni.

32 Iho we, ate miniša yatke unkiye kta, qa kici unwanke kte; hecen on ate etanhan wicoicage unhdoyapi kta.

33 Hanyetu, unkan atkuku miniša yatke kiyapi. Tokapa kin he tokaheya atkuku kici iwanka, tuka atkuku kin cunwintku en hiwanke cin he sdotkiye šni, nakun kikta kin.

34 Ihanhanna tokapa kin he tankaku kin heciya, Hinhan ate kici imunka; ecin ake hanyetu kinhan, miniša yatke unkiye kte ça niš ito kici nunke kte, hecen on ate etanhan wicoicage unhdoyapi kta.

35 Unkan ake ihanyetu, unkan atkuku miniša yatke kiyapi; is ito hakakta kin atkuku kici iwanaka. Is ake cunwintku en hiwanke cin sdotkiye šni, qa kikta kin nakun.

36 Hecen Lot cunwintku napin

atkuku etanhan hokšin itpihna-kapi.

37 Tokapa kin hokšidan wan ton qa Moab eya caš kiton. He Moab oyate ate yapi anpetu kin dehan aiyahdeya.

38 Unkan hakakta kin is eya hokšidan wan ton qa, Benami eya caš kiton. He Amon cinca kin anpe dehan aiyahdeya ate yapi.

WICOWOYAKE 20.

1 Hehan Abereyam makoce itokaga kin ekta ihdaka ye ça, Qades qa Šur otahedan iyotanke ça Gerar en ounyan.

2 Qa Abereyam tawicu Sara ke ça, Mitankši kin dee ce, eya. Unkan Gerar wicašta yatapi Abimelek, he ekta ye wicaši qa Sara icu.

3 Unkan hanyen, Wakantanka Abimelek ekta hi, qa wowihanmde wan en heciya, Iho niše, winohinca iyacu kin he wicašta wan tawicu kin heca nakaeš.

4 Tuka Abimelek nahahin Sara ikiyedat wanke šni, qa heya; Itancan oyate owotanna wan he nakun te wicayaye kta he?

5 Mitankši kin dee, emakiye šni he? qa winyan kin is, Timdo waya ce, emakiye šni he? Micante kin ecedan qa minape iye-cetu kin on hecamon.

6 Unkan Wakantanka wowihanmde kin en heciya, Miš nakun nicante ecedan kin en hecanon kin sdouwaya qa, heon ecihdaku, miye en wayahtani kte šni, qa dutan kte cin iyowin ciciye šni.

7 Qa wanna, iho, wicašta qon tawicu kin kicu wo, is wicašta wokcan kin heca, kinhan niye on cekiye kta, hecen yani kta; tuka ake yecu šni kinahan niše kte ça nakun taku nitawa kin owasin, he sdonya wo.

WICOICAGE.

8 Unkan Abimelek hanhan-na hin kikta, qa ookiye wicayuhe cin owasin wicakico, qa hena owasin owicakiyaka : Unkan wicašta kin nina kokipapi.

9 Unkan Abimelek Abereyam kico qa, Tokeca e hecaunyeconpi? Qa niye en wawahtani kin tukte e on woahitani tanka wan miye qa oyate mitawa ko iyahde unyayapi? Woccon wan econpi kta iyecece šni tuka hecamiyecon, eciya.

10 Qa, Taku wandaka on hecen ecanon he? Abimelek Abereyam, eciya.

11 Unkan Abereyam heya, Tuedan deciya Wakantanka ohoda šni qa mitawin on maktepi kta kepce cin heon hecamon ;

12 Qa awicakehan tankši waya ce. Ate waye cunwintku kin hee, tuka ina tawa šni, qa mitawin ee kta mduza.

13 Qa Wakantanka ate ti kin etanhan ihdaka ye maye cehan winyan qon hewakiya ; Taku wašte ionšimayada kte cin dee ce. Makoce owasin tokiya kašta en unki kinhan, Timdo emakiya wo, epe cigon, eya.

14 Hehan Abimelek tašin wanuyanpi ikikeu, qa tatanka qa hokšidan wicinnyanna ko iwicakikeu qa Abereyam qu ; tawicu Sara nakun kicu.

15 Qa Abimelek heya, Mitama-koce nitokam wanka ce ; tukten ništa iyonicipi kinhan hen iyo-tanka wo.

16 Qa Sara heciya, Iho nitimdo mazaska kektopawinge waku ; iho he ništa akalpe kte cin ee, tona nici unpi kin owasin en, qa tokan nakun owasin en ; hecen Sara iyopeyapi.

17 Hehan Abereyam Wakan-tanka icekiya ; unkan Wakan-tanka Abimelek asni yan, tawicu

kici qa wikoška yuhe cin owasin. Unkan cinca tonpi.

18 Jehowa, Sara Abereyam tawicu kin on etanhan, Abimelek tiyohnaka tawa owasin tamnipi kin suksuta onawicataka tuka qon.

WICOWOYAKE 21.

1 Unkan Jehowa heye cigon, he iyecen Sara ekta hi, qa Jehowa, eciye cigon, he iyecen ecakicon.

2 Unkan Sara ihdušake ça Abereyam okanta cinca wan kiciton ; Wakantanka eye cigon iyehantu qehan.

3 Unkan Abereyam cinhintku kicitonpi, Sara ton kin he, Izak eya caš kiton.

4 Qa Abereyam Izak bakihdanya anpetu išahdogan tonpi kin ehantanhan, Wakantanka econ ši qon iyecen.

5 Abereyam wanna waniyetu opawinge, hehan cinhintku Izak kicitonpi.

6 Unkan Sara heya, Wakan-tanka iha mayan, qa tona nahonpi kin imiciyuškinpi kta.

7 Qa Sara hokšiyogopa azin kiye kte cin, tuwe Abereyam eciye kta he? wicahinca tuka cinca weciton kin, eya.

8 Unkan hokšidan kin tanka aye ça azin ayaštan kiyapi. Unkan Izak azin ayaštan kiyapi anpetu kin he en, Abereyam wohe ça wicota wicakico.

9 Unkan Hagar Egupton kin cinhintku Abereyam kiciton kin he, wowihaha kin he Sara wan-yake ça ;

10 Wikoška kin de cinhintku kin iyahna tankan ye wicaya ye. Wikoška kin de cinhintku kin, micinkši Izak kici woyuha tawaye kte šni, eya.

WICOWOYAKE 21.

11 Unkan oie kin he, Abereyam iŝta kin en tehiŝe hinca, cinhintku kin heon etanhan.

12 Unkan Wakantanka Abereyam heciya, Wikoŝka duhe cin, qa hokŝidan kin on etanhan, niŝta kin en tehiŝe ŝni nunwe. Taku Sara eniciye cin owasin ecen ho kin anagoptan wo. Izak he en wicoicage nitawa kin caje yatapi kta.

13 Wikoŝka cinhintku kin nicinkŝi kin hee, heon he nakun oyate wan icalŝi wakiye kta ce.

14 Unkan Abereyam hanŝanna hin kikta, qa aguyapi mini apaŝita wan ahna icu, qa Hagar qu, taŝpa kin akan ehnaka, hokŝidan nakun qa toki ye ŝi. Unkan iyaye a Berŝeba tinta kin onuni.

15 Unkan mini apaŝita kin etanhan mini wanna yaŝepapi, qa hokŝidan kin canŝaka wan ihukuya eŝpekiya;

16 Qa iyaye a iyotakons iyo-tanka kitana tehan, wanhinkpe kiihiyeyapi hehanyan: Hokŝidan te kte cin wanwahdake kte ŝni ce, eya; heon aisinyan iyotanke a hoyeye a ceya.

17 Unkan Wakantanka hokŝidan ho kin naŝon, qa Wakantanka taohnihde maŝpiya eciyatanhan Hagar kipan, Hagar taku yaka he? Wakantanka he oyanke kin etanhan hokŝidan ho kin naŝon. Kokipe ŝni wo.

18 Najin qa hokŝidan kin iki-ku qa, nape kin on hduha wo. Iye oyate tanka wan icalŝi wakiye kta ce, eya.

19 Qa Wakantanka winyan iŝta kin yuŝidoka, unkan miniŝdoka wan wanyake a ekta i, qa mini apaŝita kin iyatahde ye a hokŝidan kin yatke kiya.

20 Unkan Wakantanka hokŝidan kin kici un; hecen tanka

icage a tinta kin en ounye a itazipa on waoka.

21 Qa Paran tinta kin en ounye a hunku kin Egupta makocce kin etanhan, tawicu kte cin kiciyuza.

22 Unkan hehan Abimelek qa taakicita tancan Pikol henioza Abereyam heciyapi; Taku ecanon kin owasin en Wakantanka oniciya.

23 Iho hecen eya wo, Wakantanka namaŝon; cihnaye kte ŝni, nicinkŝi nitakoja ko wicawahnaye kte ŝni, taku waŝte ecamiyecon kin iyecen ecacicon kta, makocce en ounwaye cin nakun.

24 Unkan, Miŝ ecen eya wakonze kta ce, Abereyam eya.

25 Hehan miniŝdoka wan Abimelek taokiye kin kipi qon, he Abereyam cajeyate a he on Abereyam Abimelek iyopeya.

26 Unkan, Tuwe hecon kin sdonwaye ŝni, qa niŝ nakun omayakidake ŝni, nakun miŝ he nawaŝon ŝni, nakaha heceyedon, eya.

27 Unkan Abereyam taŝinca wanuyanpi pte wanuyanpi ko ikikcu, qa hena Abimelek qu; unkan napin odakota wan kicicagapi.

28 Hehan Abereyam taŝinca cinca wiyedan ŝakowin akipam ewicahde.

29 Unkan Abimelek Abereyam heciya, Taŝinca wiyedan ŝakowin kinukan ewicayahde kin he taku he.

30 Unkan, Miniŝdoka kin de miŝ waqe cin he yuotaninpi kte cin, heon taŝinca wiyedan ŝakowin kin hena minape kin etanhan iyacu kta, eya.

31 Unkan heon etanhan makocce kin he Berŝeba eciyapi, napin heciya Wakantanka namaŝon eya, ekiciyapi.

WICOICAGE.

32 Unkan Berseba hen odakota wan kicicagapi; hehan Abimelek najin taakicita tancan nakun, qa Pilištim tamakocepi kin ekta hdapi.

33 Unkan Abereyam Berseba heciya taškoju wan oju, qa hen Jehowa Taku wakan owihanke wanica hoyekiya.

34 Qa Abereyam Pilištim tamakocepi kin en anpetu ota ounyan.

WICOWOYAKE 22.

1 Unkan hena owasin iyohakam, Wakantanka Abereyam iyutan ye ça heciya, Abereyam, eya houkiya. Unkan, Iho miye ce, eya.

2 Unkan, Nicinksi heceyedand waste yakidake cin Izak he icu, qa Moriya makoce kin ekta ye ça heciya he wan ociciyake kte cin he akan petan wahdušna wo, eya.

3 Unkan Abereyam hanhanna hin kikta, qa šuktanka šonšonna aqin kiton, qa koška nom iwicakikcu cinhintku Izak nakun, can on wošna kte cin he kakse ça, najin qa hena om, makoce tukte en Wakantanka cajeyate ciquon heciya iyaya.

4 Anpetu iyamni Abereyam wankan etonwe ça, tukten ke cin he tehan tanhan wanyaka.

5 Qa Abereyam koška wicayuhe cin hewicakiya, Den iyotankapo šuktanka šonšonna iyahna, qa miš hoksidan kici kan unkipi kinhan canpeška makehdeya unkanpi, qa den dukanpi kin en unhdipi kta.

6 Qa Abereyam can on wošna kte cin icu, qa cinhintku Izak akan ehna ke ça peta isan ko nape kin en icu, qa sakim iyayapi.

7 Unkan Izak atkuku Abereyam kici okiye ça, Ate, eya.

Unkan, Micinksi nawahon ce, eya. Unkan, Iho peta can ko yukan, tuka woteca kin wošnapi on tukte e he? eya.

8 Unkan, Micinksi Wakantanka tahin wanuyanpi wakiyušnapi on okide kta, eya. Hecen sakim yapi.

9 Qa wanna tukten Wakantanka ye ši qon hen hiyohipi, qa hen Abereyam wahna wošnapi wan kage ça, cinhintku Izak iyakaške ça wahna wošnapi kin akan ekihnaka, can kin iwan-kam.

10 Qa cinhintku te kiye kta e nape kiyugate ça isan kin iki-keu.

11 Hehan mahpiya kin eciya tanhan Jehowa ohnihde ye cin kipan, Abereyam, Abereyam, eya. Unkan, Nawahon ce, eya.

12 Unkan, Hoksidan kin ekta ninape kin ye kiye šni, qa takudan ecakicon šni wo. Wanna niye Wakantanka ikoyape cin sdonwaya ce; nicinksi heceyedand, tuka mayaqu kta wicayada he etanhan, eya.

13 Hehan Abereyam wankan etonwe ça, inyun ihayata tamdoka wan otehi ohna he kin on ikoyag najin, he wanyake ça, Abereyam ekta i, qa tamdoka kin icu, qa cinhintku kin hee kiya hee petan wošna.

14 Qa Abereyam makoce kin he, Jehowa wiwanhdake kta, eya caš ton; heon Jehowa he tawa kin akan tanin iciye kta ce, nahahin eyapi.

15 Unkan mahpiya kin eciya tanhan Jehowa ohnihde ye cin inonpa akihde Abereyam kipan;

16 Miye kaeš caje mihdate Jehowa eya; Taku ecanon kin de nicinca wanjidan tuka itonyakipe šni;

17 Heon wowašte on ciyawa-

WICOWOYAKE 23.

šte kta, nicinca iyakičuya yuota wakiye kta. Mahpiya wicanhpi iyena, qa miniwanca kahda wi-yaka sukaza iyeye cin iyena, taku nitawa iyacin kte ça, nicinca toka wicayapi kin otonwe tawapi kin yuhapi kta.

18 Qa mioie kin anayagoptan kin heon nicinca kin on maka kin oyate owasin wicayawaštepi kta ce, eya.

19 Unkan Abereyam koška wicayuhe cin ekta hda; unkan najinpi qa yuwitaya Beršeba ekta hdapi; qa Abereyam Beršeba en ounyan.

20 Hena owasin iyohakam Abereyam hecen eya okiyakapi; Milka he nakun nicinye Naħor he cinca kiciton.

21 Uz tokapa kin hee, qa sunkaku Buz, qa Qemuel Aram he atkuku;

22 Qa Kesed, qa Ĥazo, qa Pildaš, qa Idlap, qa Betuel.

23 Unkan Betuel he Rebeka kicitonpi. Hena šahdogan kin Milka he Naħor Abereyam cin-cu kin kiciton.

24 Unkan tawicu tokeca kin, Ruma eciyapi he Teba, qa Gaham, qa Taħos, qa Mahaka hena wicaton.

WICOWOYAKE 23.

1 Unkan Sara waniyetu opawinge sanpa wikcemna nonpa sanpa šakowin henakeca, waniyetu kin hena Sara ni.

2 Hehan Sara ta, Arba otonwe kin heciya, Hebron Kanan makoce kin etu hee. Unkan Abereyam Sara on iyokišice ça akiceye kta e en hi.

3 Hehan Abereyam *tawicu* te cin itokapa tanhan najin qa, Ĥet cinca wicaye cin owicakiya.

4 Qa, Miš wicašta ihdaka waun qa aškatudan nicipi wahimdo-

tanka, wicašta hnakapi mduhe kta e niyepi om maqupo; kinhan makite cin mitokapa tanhan wehnake kta ce, eya.

5 Unkan Ĥet cinca wicaye cin ayuptapi, qa Abereyam heciyapi;

6 Itancan anaungoptanpo: Wicašta yatapi wakan unkiyepi cokaya henica. Wicašta hnakapi unhapi kin tukten iyonicipi kin nicite cin en kihnaka wo. Unkiš wanjidan kašta wicašta hnakapi unhapi kin hen nicite cin yehnake kta e tehinda kte šni.

7 Unkan Abereyam najin qa Ĥet cinca wicaye cin oyate makoce yuhapi kin wicitokam apatuja.

8 Qa owicakiye ça, Makita mitokapa tanhan wehnake kte cin he iyonicipi hecinhan anamagoptanpi, qa Epron Zohar he cinhintku cin makiyapo.

9 Kinhan Makpela imnija oħdoka yube cin, tamaga ihanke en un kin, mazaska iyenakeca kin heon maqu kte cinhan, niyepi cokaya wicašta hnakapi wan mduhe kta ce, ewicakiya.

10 Unkan Epron Ĥet cinca wicaye wicehna ounyan; qa Epron Ĥeti kin Abereyam ayupta; Ĥet cinca wicaye cin, otonwe tiyopa ohna upi kin hena owasin naħonpi;

11 Hiya, Itancan namaħon wo. Maga kin ciču; imnija oħdoka en un kin he nakun ciču. Mitaoate cinca wicaye cin wamayakapi he ciču. Nicite cin kihnaka wo, eya.

12 Unkan Abereyam oyate makoce tawapi kin wicitokam patuja.

13 Qa ia, Iho amayadupte cinahan, namaħon wo. Maga kin on mazaska ciču kta. Icu wo; kinhan makite cin wehnake kta,

WICOLCAGE.

Epron eciya, oyate makoce yuhapi kin hena nahonpi.

14 Unkan Epron Abereyam ayupte ça heciya;

15 Itancan namañon wo. Maga kin mazaska opawinge topa iyehantu ce; tuka unkiyotahedan he taku? Nicite cin ekihnaka wo.

16 Unkan Epron ie cin he Abereyam anagoptan, qa mazaska opawinge tom wopeton icupi kin heca Abereyam aspe ye ton qa qu, he Epron Het cinca wicaye cin nahonpi cajeyate cion hee.

17 Unkan Epron tamaga Makpela en wanka, Mamore iyotakons he qu; maga kin imnija ohdoka he en wanke cin he nakun, qa can tona he en han qa tona ihdukšan he cin he nakun owasin;

18 Abereyam tawa kte cin, Het cinca wicaye cin tona otonwe tiyopa kin ohna yapi kin he wanyakapi.

19 Hehan Abereyam tawicu, Sara ekihnaka; Makpela maga imnija ohdoka kin he en, Mamore ikiyedan, Hebron Kanan makoce kin etu hee.

20 Unkan maga imnija ohdoka iyahna, Abereyam wicašta hnakapi on yuhe kte cin, Het cinca wicaye cin qupi.

WICOWOYAKE 24.

1 Unkan Abereyam wanna wicalinca omaka ota; unkan Jehowa taku owasin en Abereyam yawašte.

2 Unkan Abereyam he taokiye tiyohnaka tawa tokapa kin, taku yuhe cin owasin awanyagun kin heciya; Ninape kin miececa ihukuya ekihnaka wo;

3 Kinhan, Jehowa Taku wakan

mañpiya maka ko yuhe cin namañon, eye ciciye kta, Kanani oyate om manke cin cunwintkupi kin etanhan micinkši on winohinca iyacu kte šni.

4 Tuka mitamakoce qa mitakuye kin hena ekta de kte ça, hetanhan micinkši Izak on winohinca iyacu kta, kehe kta ce, eya.

5 Unkan, taokiye kin heya, Okini winohinca kin makoce kin de ekta omape kta tawaŋenye kte šni; hecinhan makoce etanhan yau qon, nicinkši ake ekta ye wakiye kta he?

6 Unkan, Ihnuhan micinkši icicawin heciya ye yakiye cin.

7 Taku Wakan mañpiya yuhe cin, ate ti kin etanhan qa makoce wan en matonpi kin etanhan, imacu qa omakiye ça, Makoce kin de nicinca waqu kta ce, eya konza, he taohnihde kin nitokam ye ši kta, kinhan micinkši kin on heciya tanhan winohinca wan iyacu kta.

8 Winohinca kin onipe kta tawaŋenye šni, hecinhan iyakonze kin de on iyaonpepicašni yaun kta, tuka micinkši heciya ye yaye kte šni ce.

9 Unkan taokiye qon nape kin iye yuhe cin Abereyam ceca kin ihukuya ekihnake ça ecen eya konza.

10 Qa ookiye kin, iye yuhe cin camo tawa kin etanhan, camo wikcemna, qa iye yuhe cin taku wašte tawa kin owasin etanhan icu, qa hena yuha iyaye ça Nahor otonwe kin ekta i, Aram watpa otahedan etu.

11 Qa otonwe kin itankan minihdoka ikiyedan, camo kin canpeška makehdeya inajin wicakiya, hitayetu mini huwe ipi eca iyehantu.

12 Qa heya, Jehowa Abereyam

mayuhe cin Wakan nida ceciciya, nakaha tanyan ihuni makiye ça Abereyam mayuhe cin he wowašte ecakicon ye.

13 Minihdoka kin ekta nawa-jin; qa otonwe kin wicašta cunwintkupi kin mini huwe upi kta.

14 Qa wikoška wan tuwe kašta hewakiye kta; Wakiškotpa nitawa kin au wo, mini mdatke kta ce; unkan, Yatkan ye, qa camo nitawa kin nakun yatke wicawakiye kta, eye cinhan, tokin nitaokiye Izak yuhén yaka-hnige cin hee, kinhan mayuhe cin wowaonšida ecayecon sdonwayen.

15 Unkan iš ia nahašin ayaštan šni ehan, Rebeka u, Abereyam cinu Naħor tawicır Milka he cinhintku Betuel he cunwintku kin hee, wakiškotpa hiyeta onpe ça u.

16 Wikoška owanyag wašte hinca, hokšiwina, qa wicašta tohini sdonye šni, minihdoka kin ekta kun ye ça wakiškotpa kin ojudan icu qa wankan hiyu.

17 Unkan ookiye qon itkokim inyang ye ça, Wakiškotpa duhe cin etanhan mini onge yatke makiya wo, eya.

18 Unkan, Itancan yatkan ye, eye ça wakiškotpa kin nape kin on kun akihde, qa yatke kiya.

19 Unkan ayaštan hehan, Camo nitawa kin nakun hena on mini awau kta, yatkan ayaštanpi kin hehanyan, eya.

20 Qa inahni qa wakiškotpa kin cankaškotpa tanka kin okaštan, qa inyanka minihdoka kin ekta mini huwe ya heon, qa camo kin owasin mini wicakahi.

21 Unkan wicašta kin yušin-yaye ça taku eye šni, canku ohna u kin he Jehowa ohinniyan tanyan ikiyuštan kta hecinhan he sdonye kta.

22 Unkan camo kin mini yatkan ayaštanpi, hehan wicašta qon mazaskazi maza oin tanka, mazaska hanke iyecen tke, he icu qa nakun maza huhu nom mazaska wikcemna iyecetu, hena owasin wikoška nape kin en ye kiya;

23 Qa, Tuwe hunkake yaya he? Omakiyaka wo, niyate ti kin ohna unkiwankapi kta okan he? eya.

24 Unkan, Milka cinhintku Betuel Naħor kiciton kin he cunwintku kin miye ce, eya.

25 Qa, Peji puze ça taku yutapi ko ota, qa nakun wankapi kta okan ce, eciya.

26 Unkan wicašta qon pama-hdedan yanke ça Jehowa cekiye ça,

27 Jehowa Abereyam mayuhe cin taku wakan da kin he yawaštepí nunwe. Towicake towa-onšida ko mayuhe cin ektakiya ayuštan šni, tuka mayuha sunkaku ti kin canku kin ohna Jehowa amau ce, eya.

28 Unkan wikoška kin dus hde ça iye hunku ti kin en hena owasin oyaka.

29 Rebeka timdoku wan yukan, Laban eciyapi, qa Laban iš dus iyaya wicašta qon ekta minihdoka kin en.

30 Laban oin tanka, qa maza huhu tankšitku nape kin akan wanyake ça Rebeka tankšitku oie ye cin, Wicašta kin hecen emakiya eye cin he naħon qa, hehan wicašta qon minihdoka kin ekta, camo kin icahda najin kin en hi.

31 Qa heya, Jehowa he niya-wašte kin u wo. Tokeca tankan nayajin he? Miš tipi kin wanna wiyeya wakaga, camo yukanpi kte cin nakun.

32 Unkan wicašta qon tipi kin

WICOICAGE.

ekta hi ; unkan camo kin kiyu-
ške ça peji puza taku yutapi ko
camo kin qu, qa mini on siha
hdujaja kta wicašta om hi kin
nakun hdujajapi kta e au.

33 Qa woyute nakun qu. Un-
kan, Taku on wahi kin owa-
hdake šni kinhan onšpadan wate
kte šni ce, eya. Unkan, Ia wo,
eya.

34 Unkan, Abcreyam tahokši-
dan wan he miye :

35 Qa Jehowa he mayuhe cin
nina yawašte, qa tahiŋ wanu-
yanpi qu, qa pte, qa mazaska,
qa mazaskazi, qa wicašta winyan
ko wowindag wicaye cin, qa ca-
mo, qa šuktanka šonšonna, hecen
wicašta okinihan.

36 Qa mayuhe cin tawicu kin
Sara cinca wan ton, mayuhawan-
na wicaŋinca hehan he kiciton,
unkan taku yuhe cin owasin kiçu.

37 Qa Kanani makoce tawapi
kin en manke cin he cunwintku-
pi kin etanhan micinkši on wi-
nohinca duze kte šni :

38 Tuka hunkake wicawaye
cin tipi kin ekta de kte ça, taku-
wicawaye cin etanhan micinkši
on winohinca wan duze kta ce,
mayuhe cin eya konza, keyemaši.

39 Unkan, Okini winohinca kin
mici u kte šni, mayuhe cin ewa-
kiya.

40 Unkan, Taku wakan wada
Jehowa itokam mawani kin, he
taohnihde wan nici ye ši kte ça,
mitakuye qa ate ti kin etanhan,
winohinca wan micinkši on du-
ze kta e, canku yaye cin tanyan
ihuni niciye kta ce.

41 Tuka taku eya konze cici-
ye cin nihiyahde kte šni, taku-
wicawaye cin ekta de cinhan,
qa niçuپی šni kinhan, hehan ta-
ku eya konze ciciye cin iyahde
niciye kte šni, emakiya.

42 Unkan nakaha minihdoka

kin ekta wahi qa hepa, Jehowa
Abereyam mayuhe cin he wa-
kan nida, canku ohna wau kin
tanyanahunimayakiya hecinhan ;

43 Iho miš minihdoka kin ica-
hda nawajin qa wikoška wan
mini huwe hiyu qa, Wakiškotpa
duhe cin etanhan mini onge ya-
tke makiya ye, ewakiye kta.

44 Unkan, Yatkan ye, qa na-
kun camo nitawa kin mini wica-
wakahi kta ce, emakiye cinhan,
winohinca wan mayuhe cin cin-
hintku yuze kta e Jehowa ka-
linige cin hee kte.

45 Miš cante mahen ia nahalin
mdaštan šni, unkan inyun Re-
beka hinanpe ça, minihdoka kin
ekta kun i qa mini icu ; unkan,
Tokin yatke mayakiyen, ewa-
kiya.

46 Unkan tawakiškotpa kin
inaŋniyan kun ahi qa, Yatkan
ye, qa camo nitawa kin nakun
woyatke wicawaqu kta ce, eya ;
unkan mdatke ça camo kin na-
kun yatkanpi.

47 Unkan imonge ça, Tuwe
cunwintku niyan he ? ewakiya.
Unkan Betuel cunwintku he mi-
ye, Nahor cinhintku Milka ki-
citon kin hee. Hehan oin tan-
ka ite kin akan ewahnaka, ma-
za huhu nakun nape kin akan.

48 Qa pamahdedan manke ça
Jehowa cewakiya, Jehowa Abe-
reyam mayuhe cin taku wakan
da kin he mayuhe cin cinhintku
kin on, mayuhe cin sunkaku
cunwintku iwacu kta e canku
wicaka ohna amau kin he mda-
tan.

49 Qa niyepi wanna wowaon-
šida wowicake ko mayuhe cin
ecayeconpi kte cinhan omakiya-
kapo, qa ecayeconpi kte šni kin-
han omakiyakapo : etapa tanhan
mduhomni kta qa iš catka tan-
han, eya.

WICOWOYAKE 25.

50 Unkan Laban Betuel ko ayuaptapi qa Taku kin de Jehowa etanhan u qa taku šica qa is taku wašte unkeniciyapi kta unkokitpanipi ce, eyapi.

51 Iho Rebeka nitokam *un*; icu qa hda wo. He niyuhe cin cinhintku kin yuze kta, Jehowa oie ye cin iyececa.

52 Unkan Abereyam taokiye kin iapi hena nahon qehan, Jehowa ohoda kta e makata patuš iyaya.

53 Hehan ookiye qon mazaska oin qa mazaskazi oin ikikeu, wokoyake nakun, qa hena Rebeka qu, timdoku hunku ko taku tehi-ka wacaqu.

54 Hehan wotapi qa wayatkanpi, iye wicašta opapi kin hena koya. Wankapi qa hanlianna kiktapi qa. Mayuhe cin ekta hdicu mayan wo, eya.

55 Unkan timdoku hunku ko, Wikoška unkicipi yanke kte, wikcemna can hehanyan, hehan ye kta ce, eyapi.

56 Unkan, Jehowa is canku mitawa kin tanyan ihuni mayan heon mayutehanpi šni po. Mayuhe cin ekta kihde mayanpo, ewicakiya.

57 Unkan, Wikoška kin un-
kicipi qa, iye i kin etanhan un-
kiwangapi kta ce, eyapi.

58 Qa Rebeka kipanpi, qa, Wicašta kin de kici de kta he? eciyapi. Unkan, Mde kta ce, eya.

59 Unkan Rebeka tawinohtinpi kin ye yapi, qa azinkiyeye ciquon, qa Abereyam taokiye, qa wicašta tawa nakun.

60 Qa Rebeka yawaštepi qa, Unkitawinohtinpi kin he niye, kektopawinge oyawa tanka ica-ga wo, qa cinca wicayaye kte cin toka wicayapi otonwe kin yuhapi kte, eciyapi.

61 Hehan Rebeka najin, wi-

koška yuhe cin nakun, qa camo akan iyotankapi, qa wicašta qon kici iyayapi. Hecen ookiye qon Rebeka icu qa kihda.

62 Wanna Izak minihdoka, Tuwe ni un kin wanmayaka tawa kin hetanhan u, qa makoce puze cin en iyotanka.

63 Qa hitayetu ca Izak cekiye kta e manin ya, hehan wankan etonwe qa camo upi kin wanwicayaka.

64 Rebeka nakun wankan etonwe qa Izak wanyake qa camo kin etanhan ipsica.

65 Qa ookiye kin heciya, Wicašta wan itkounkipapi hewoskan omani kin he tuwe? Unkan, Mayuhe cin hee, ookiye kin eya. Unkan ite akahpe wan icu qa aihdahpa.

66 Unkan ookiye kin, taku token econ kin owasin Izak okiyaka.

67 Hehan Izak iye hunku Sara tawakeya kin mahen Rebeka tin ye ší, qa yuze ca tawicu kin wašte kidaka. Hecen Izak iye hunku Sara te cin iyohakam iwacintonhnag yapi.

WICOWOYAKE 25.

1 Hehan ake Abereyam wino-hinca wan yuza, Qetura eciyapi.

2 Unkan cinca kiciton kin dena eepi, Zimran, qa Jokšan, qa Medan, qa Midian, qa Išbak, qa Šuha.

3 Unkan Jokšan is Šeba qa Dedan kicitonpi. Unkan Dedan is Ašurim, qa Letušim, qa Lumim cinkši wicaya.

4 Unkan Midian cinca wicaye cin, Epa, qa Heper, qa Hanok, qa Abida, qa Eldaha. Hena owasin Qetura cinkši wicaya.

5 Unkan Abereyam taku yuhe cin iyulipa Izak qu.

WICOICAGE.

6 Tuka winohinca uman cinca Abereyam kicitonpi kin hena Abereyam taku wicaqu, qa nahahin iye ni un kin wiyohiyan-pata makoce kin ekta ye wicaši, cinhintku Izak etanhan.

7 Abereyam anpetu tawa kin waniyetu ni un kin dena ee, waniyetu opawinge sanpa wikcemna šakowin sanpa zaptan, hehanyan ni.

8 Hehan Abereyam niya šni ta iyaya, pa ska wašte, qa wicahinca imna; hehan taoyate kin ekta okipa yapi.

9 Qa cinca wicaye cin Izak Išmayel kici kihnakapi; Makpela imnija ohdoka kin en Mamore itokam, Zohar Hēti he cinhintku Epron tamaga qon en.

10 Maga wan Abereyam Hēt cinca wicaye cin opewicakication, he en Abereyam hnakapi, tawicu Sara kici.

11 Unkan Wakantanka, Abereyam te cin iyohakam, cinhintku kin Izak yawašte, qa Izak Tuwe ni un qa wanmayake cin minihdoka tawa kin ekta ounyan.

12 Hagar Egupton kin Sara tawikoška kin he Abereyam cinca wan kicion, Abereyam einhintku Išmayel wicoicage tawa kin dee.

13 Išmayel cinca wicaye cin cajepi kin deepi, wicowazipi qa cajepi kin iyececa. Išmayel cinca tokapa kin he Nebayot, hehan Qedar, qa Adbel, qa Mibšam;

14 Qa Mišma, qa Duma, qa Masa;

15 Hada, qa Teman, Jetur, Napiš qa Qedma.

16 Hena Išmayel cinksi wicaya; toki tipi qa tonwanyanpi kin ecen eciyapi, wicaštayatapi ihdawapi ake nom, taoyatepi kin om.

17 Išmayel ni un kin waniyetu kin dena ee, waniyetu opawinge sanpa wikcemna yamni sanpa šakowin, henakeca; hehan niya šni ta iyaye qa taoyate kin ekta okipa yapi.

18 Hunka wanjin wicaye cin owasin wicehna ta. Hawila etanhan Šur itokam un kin ekta-kiya de cin qa hetanhan Ašur etu makoce kin he en ounyanpi.

19 Unkan Izak Abereyam cinhintku wicoicage tawa kin dee, Abereyam he Izak kicitonpi.

20 Unkan Izak wanna waniyetu wikcemna topa, hehan Rebeka yuza, he Betuel Arami kin he cunwintku, Aram Mdaye kin etanhan, Laban Arami kin tawinohtin kin hee tawicu kta e yuza.

21 Qa Izak tawicu kin cinca ton šni kin heon, Jehowa icekiya. Unkan Jehowa anakicigoptan, hecen Rebeka Izak tawicu kin ihdušaka.

22 Unkan hokšiyogopa Rebeka mahen akinicapi; unkan, De taku hwo hecetu kta hecinhan token on hemaca he? eye qa Jehowa iwange kta e ekta i:

23 Unkan, Nitamni kin mahen oyate nonpa, qa nitezi kin etanhan oyate nonpa inanpapi kta, qa oyate wan wašaka keš oyate uman sanpa wašake kta, qa hakakta kin he tokapa kin wowidake yuhe kta ce, Jehowa ecia.

24 Unkan anpetu cinca ton kte cin wanna henakeca, qa inyun tamni kin mahen cekpa yukan.

25 Unkan tokapa kin hiyu owancaya gi, pte ha šina iye-
cen; unkan Esa eya caštonpi.

26 Hehan sunkaku kin hiyu, qa nape kin Esa siyete kin yus un; heon Jakob eya caš kiton. Hena tonpi kin ehan, Izak waniyetu wikcemna šakpe.

WICOWOYAKE 26.

27 Unkan hokšipidan tanka ica-gapi, qa Esa wotihni wayupika, wicašta hewoskan un kin heca, tuka Jakob wicašta wahbadan wakeya oti.

28 Unkan Izak Esa wašte kidaka, taku o kin yuta heon. Tuka Rebeka Jakob wašte kidaka.

29 Unkan Jakob wahanpi ohe cin icunhan Esa tinta kin etanhan u qa watuka un;

30 Qa, Akihan mašte kta heon wahanpi ša kin de onge maqu wo, mdatke kta ce, Esa Jakob eciya. Heon Edom eya caje yatapi.

31 Unkan, Watonikapa kin he nakaha maqu wo, Jakob eya.

32 Unkan Esa, Wanna mašte kta qa watomakapa kin de taku okihi kta he? eya.

33 Unkan Jakob, Nakaha Wakantanka icajeyan emakiya wo, eya. Unkan Wakantanka icajeyan eciya. Hecen Esa watomakapa tawa kin he Jakob qu.

34 Unkan Jakob omnica hanpi aguyapi kici Esa qu, unkan yute ça yatkan qa najin, qa toki iya-ya. Hecen Esa watomakapa kin ihakta šni.

WICOWOYAKE 26.

1 Unkan makoce kin he en wicaakihan tokeca wan, Abereyam anpetu tawa icunhan wicaakihan tokaheya qon he iyohakam. Unkan Izak Pilištim tawicašta yatapi Abimelek eciyapi ekta i, Gerar etu.

2 Unkan Jehowa iye en tanin ičiye ça heciya, Egupta ekta de kte šni ce, makoce wan ociciyake kte cin hen yanka wo.

3 Makoce kin de en ounyan wo, kinhan nici waun qa ciyawašte, qa makoce kin dena owasin ciçu kta, nicinca ko wokonze Abere-

yam niyate konza ewakiye cin he wahdusuta;

4 Qa nicinca yuota wakiye kta mahpiya wicanhi sukaza iyenaka, qa makoce kin dena owasin nicinca wicawaqu kta, qa oyate maka kin ohnaka owasin nicinca kin on yawaštepi kta.

5 Nakaeš Abereyam miho kin anamagoptan qa mitawoahope, mitawokonze, mioie, qa mitoope kin hena yuhe cin heon etanhan.

6 Unkan Izak Gerar en ounyan.

7 Unkan wicašta heciya tipi kin tawicu kin on iwangapi; unkan, Mitankši kin dee ce, eya. Rebeka owanyag wašte, qa iye on okini wicašta deciya yakonpi kin maktepi kta *ecin* heon, Mitawin dee eye kte cin itonpa.

8 Unkan wanna anpetu ota hen yanke cehan, Pilištim wicašta yatapi Abimelek ojanjan hdepi wan etanhan eyokasin qa Izak tawicu Rebeka kici škata e wanwicayaka.

9 Hehan Abimelek Izak kico qa, Awicakehan nitawin hee. Tokeca, Mitawinohtin dee ehe ciqon he? eya. Unkan okini iye on mašte kta epce cin heon hepa ce, Izak eya.

10 Unkan, De taku ecaunyeconpi he? Wanna ecanan oyate etanhan wicašta wan nitawin kici iwanke kta unkanš, taku šica iyahde unyayapi kta tuka ce, Abimelek eya.

11 Qa Abimelek oyate tawa owasin iwakta wicaya, Tuwe wicašta kin de yutan, qa is tawicu yutan kinhan te kta ce, eya.

12 Unkan, Izak makoce kin he en woju, qa omaka kin he en opawinge akihde kamna. Hecen Jehowa Izak yawašte.

13 Unkan wicašta kin tanka

WICOICAGE.

qa ohinniyan tanka aya, wijica hinca.

14 Qa oiçihde, tahinca, qa pte wanuyanpi, qa ookiye ota yuha; heon Piliştim icekinpi.

15 Unkan minihdoka, tona atkuku taokiye qapi qon atkuku Abereyam ni qehan, hena owasin Piliştim aohduteyapi, maka okatapi.

16 Unkan Abimelek Izak heciya, Unkiyepi etanhan toki iyaya wo, waunsakapi keş niş sam iyeya wanişaka ce.

17 Unkan Izak hetanhan iyaye ça Gerar kaksiza kin he en eti, qa hen iyotanka.

18 Qa minihdoka atkuku Abereyam ni kin icunhan qapi qon, qa Abereyam te cin iyohakam Piliştim kin hena aohduteyapi kin, hena ake Izak qe ça Abereyam caş ton qon hena iyecen Izak caje yata.

19 Qa Izak hokşidan wicayuhe cin kaksiza ohna qapi qa, en minicaduza minihdoka wan iye-yapi.

20 Hehan Gerar wanuyanpi wihan wicakiyapi tawa kin, Izak wanuyanpi wihan wicakiyapi tawa kin om akinicapi qa, Mini kin he unkitawapi ce, eyapi; heon minihdoka kin he Esek Izak caş ton, heciya kiyuşepi kin heon.

21 Unkan ake minihdoka tokeca wan qapi; unkan he on nakun akinicapi, heon he Sitna caşton.

22 Qa hetanhan ihdaka ye ça minihdoka tokeca wan qapi, qa he on akinicapi şni. Unkan he Rehobot eya caş kiton; Wanna Jehowa tankaya unkiyukanpi kaga makoce kin en, heon unki-cagapi kta ce, eya.

23 Unkan hetanhan itawan-kanhde ye ça Berşeba ekta i.

24 Unkan hanyetu kin he en Jehowa tanin içiye ça heciya, Niyate Abereyam taku wakanda kin he miye ce. Wikopeşni un wo; niyate Abereyam mitaokiye kin heon nici waun, qa ciya-waşte, qa nicinca yuota wakiye kta ce.

25 Unkan kakiya wahna woşnapi wan kage ça Jehowa caje kin hoye kiye ça, kakiya wakeya oti, qa kan Izak taokiye kin minihdoka wan qapi.

26 Hehan Abimelek Gerar etanhan Izak en hi; iye takodaku Ahuzat, Pikol taakicita tancan koya.

27 Unkan, Şice mayadakapi qa niyepi kin etanhan toki iyaye mayaşıpi, qa tokeca en mayahipi he? Izak ewicakiya.

28 Unkan, Unkanitonwanpi qa Jehowa nici un kin he wanunyakapi qa, Iho wokonze yuke kte, unkiyotahedan qa odakonkiciyapi unnicagapi kta ce, unkeyapi.

29 Hecen unkiş unniyutanpi şni, qa taku waşte ecedan ecaunniconpi, qa wounkiyapi iyaye unnişipi kin he iyecen, niş dehan Jehowa niyawaşte, taku şica ecaunyeconpi kte şni, eyapi.

30 Unkan wowicakihe ça wotapi qa wayatkanpi.

31 Qa ihanhanna kiktapi qa konza ekiciyapi, napin hunka wanjitku kici heconpi qa, Izak kihde wicaşı. Unkan wookiye iyayapi.

32 Anpetu kin he en Izak taokiye kin en hipi, qa minihdoka qapi kin he okiyakapi qa, Mini iyohi unyanpi ce, eyapi.

33 Unkan, Konzapi eya caş kiton. Heon anpetu kin de hehanyan otonwe kin heciya un kin Berşeba eciyapi.

34 Unkan Esa wanna waniye-

WICOWOYAKE 27.

tu wikcemna topa, hehan Beri
Hetí kin he cunwintku Judit, qa
Elon Hetí he cunwintku Bas-
mat, henios wicayúza. Hena
napin on, Izak Rebeka ko cante
šicapi.

WICOWOYAKE 27.

1 Unkan Izak wanna wicahin-
ca íšta kin mdeze šni, hecen wa-
wanyake šni; hehan Izak cin-
hintku tokapa kin Esa kipan qa,
Micinkši, eya. Unkan, Iho miye
ce, eya.

2 Unkan, Wanna wicamahin-
ca, qa tohan maŕe kte cin sdon-
wakiye šni.

3 Ceciya ce, nakaha wípe iki-
keu wo, wanju itazipa ko ikikeu,
qa hewoskan ye ɕa tado imaki-
hni wo.

4 Qa maŕe kte cin itokam, mi-
nagi kin niyawašte kta e, tado
skumna taku wašte wadaka he-
ca micage, ɕa makau wo. Wate
kta ce, eya.

5 Unkan Rebeka Izak cinhin-
tku Esa okiye cin he naŕon.
Unkan Esa atkuku kin on wo-
tihni kta e hewoskan iyaya.

6 Hehan Rebeka cinhintku Ja-
kob heciya, Iho niyate Esa ni-
cinye okiya nawaŕon;

7 Qa, Tado makau qa taku sku-
mna wašte micaga wo; wate
kta qa maŕe šni kin itokam Je-
howa itokam ciyawašte kta ce,
eciya.

8 Heon micinkši token econ
ciši miho kin anamakigoptan ye.

9 Ecadan wanuyanpi ekta ye
ɕa tatokadan cinca nom wašte
imakicu ye, kinhan tado skumna
wecage kta, niyate wašte daka
iyececa.

10 Unkan niyate ɥe cin itokam
niyawašte kta e en ayai kta;
unkan yute kta ce.

11 Unkan, Jakob hunku kin

Rebeka heciya; Ecaŕ micinye
Esa wicašta hin šma heca, qa
niš wicašta šdušduta hemaca.

12 Okini ate mayutan kte cin-
han wicahnayesa wan iyececa
iyemaye kta, hecinhan mayaši-
capi kin he iyahde miɕiye kta,
mayawaštepi kin hee kte šni ce.

13 Unkan, Micinkši niyašica-
pi kin he miye en amaupi nun-
we. Tokešta miho kin anama-
kigoptan, qa imakicu ye, hunku
kin eciya.

14 Unkan ekta ye ɕa ikikeu qa
hunku kin en au; unkan hunku
kin tado skumna atkuku wašte
dake cin iyecen kaga.

15 Hehan Rebeka šina wašte
wan, cinhintku tokapa Esa he
tawa ti kin ohna yuhe cin he
icu, qa cinhintku hakakta Jakob
in kiya.

16 Qa tatokadan cincadan ha
kin he Jakob nape kin, qa tahu
šdušduta kin akan ehnaka.

17 Qa tado skumna kage ciqu
aguyapi koya cinhintku Jakob
nape kin en qu.

18 Unkan atkuku kin en au qa,
Ate, eya. Unkan, Iho micinkši
ni tuwe he? eya.

19 Unkan Jakob atkuku kin
heciya, Esa nicinkši tokapa kin
he miye ce. Token emayakiye
cin ecen ecamon ce. Ceciya
nagin qa iyotanka wo; qa ninagi
kin mayawašte kta e tado awahi
kin yuta wo, eya.

20 Unkan, Micinkši token ina-
ŕniyan iyeyaya he? Izak cin-
hintku kin eciya. Unkan Jeho-
wa wakanyada kin he itkoma-
kim u kiya heon etanhan, eya.

21 Unkan, Micinkši mikiyedán
u wo, ciyutan kta ce, Esa mi-
cinkši kin de niye qa íš dee šni
uman tukte sdonwaye kta, Izak
Jakob eciya.

22 Hehan Jakob atkuku Izak

WICOICAGE.

ikiyedan hinajin, unkan yutan qehan, Ho kin Jakob ho kin hee, tuka nape kin Esa nape kin eepi, eya.

23 Nape kin hin śma cincu Esa nape kin iyececapi; heon etanhan iyekiye śni, qa Jakob yawašte.

24 Esa micinkśi kin de niye he? eya iwanga. Unkan, Han he miye ce, eya.

25 Unkan, Mikiyedan u wo. Minagi kin niyawašte kta e, taku micinkśi o kin wate kta ce, eya. Unkan ikiyedan hinajin, unkan wota, miniśa nakun en au; unkan yatkan.

26 Hehan atkuku Izak, Iho micinkśi mikiyedan u qa i imaputaka wo, eciya.

27 Unkan en ye ça i iputaka, unkan wokoyake omna kin he omna, qa yawašte qa, Micinkśi omna kin he tinta wan Jehowa yawašte omna kin he iyececa.

28 Qa Wakantanka mal̥piya cu kin niçu kte ça nakun maka kin wasna qa aguyapi qa miniśa ko ota.

29 Oyate wowindag wicayaye kta nitokam wicašta yatapi makata el̥peiciyapi kta. Nihunka wanji yuha un wo, qa nihun cinca wicaye cin nitokam patujapi kta, tuwe niyaśice cin yaśicapi kte, qa tuwe niyawašte kin yawaštepi kta ce, eya.

30 Wanna Izak Jakob yawašte hdaştan, unkan Jakob atkuku Izak itoye kin etanhan kitana aisinyan iyaya, hehan cincu Esa wotihni kin etanhan hdi.

31 Qa iśnakun tado skumna kage ça atkuku kin en ahi, qa atkuku kin heciya, Ate najin qa nicinkśi taku o kin etanhan yuta wo; ninagi kin mayawašte kte cin heon etanhan.

32 Unkan atkuku Izak, Ni tu-

we he? eciya. Unkan, Nicinkśi tokapa Esa he miye ce, eya.

33 Unkan Izak woyuśinyaye tanka hinca on nina yuśinyaya; Token tuwe tado ihni qa makahi, unkan owasin etanhan wata, yahi śni ehan, qa mdawašte qa nakun iye yawaštepi kta ce, eya.

34 Esa atkuku oie kin nahon hehan nina ceye ça śicahowaye ça, Ate miś nakun mayawašte ye, atkuku kin eciya.

35 Unkan, Nisunka hi qa wohnaye kin eciya tanhan niyawaštepi kin icu, eya.

36 Unkan, Jakob eciyapi caje kin iyecetu śni he? Wanna nonpa yuśna mayan; watomakapa kin he tokaheya ki qa nakaha mayawaštepi kin icu; eye ça, Woyawašte wan miyecipatan śni he, eya.

37 Unkan Izak ayupte ça, Ecali ohiniciye kte he wakage, ça hunka wanjin wicaye cin owasin wicayuhe kta waqu, aguyapi miniśa ko yuhe kta waqu, qa dehan micinkśi taku ecacicon kta he? Esa eciya.

38 Unkan, Ate woyawašte kin wanjidan duha he? Miś nakun mayawašte wo, ate, Esa atkuku kin eciye ça, Esa panyanhan ceya.

39 Unkan atkuku Izak ayupte ça, Maka wasna kin ohna ounyaye kte ça mal̥piya cu kin aniu kte;

40 Qa nitacan̥pi kin on yani kte ça nisunka wowidag niye kta; tuka tohan waśaka inicage cinhan iye tawanapin nitahu kin etanhan dukse kta ce, eciya.

41 Unkan Esa Jakob śice kida-ka, woyawašte kin on atkuku kin yawašte kin heon etanhan, qa Esa cante kin mahen heyā; Ate aceyapi kte cin anpetu kin hena wanna ikiyedan qa, hehan misunka Jakob wakte kta ce.

WICOWOYAKE 28.

42 Unkan Rebeka he cinhintku tokapa token ie cin he okiyakapi, unkan ekta ye ši qa, cinhintku hakakta Jakob kico qa, Iho nicinye Esa niye tokiçon qa nikte kta e oiçiya ce.

43 Iho micinkši miho kin anamakigoptan ye. Najin qa timdo Laban en Haran ektakiya najica ya ye.

44 Qa timdo kici nanke kta anpetu tonana; nicinye canniye niye cin ayuſtan kin hehanyan.

45 Nicinye wocanniye aniyuſtan qa, taku ecayecon akiktonje cin hehantu, kinhan hetanhan icicu kta e wahociye kta ce. Ehaeſ token on etanhan anpetu wanjidan en niye napin makitan-inpi kte ſni he? eciya.

46 Unkan Rebeka Izak heciya, Wani kin he wanna owihanketa, Het cunwintku wicaye cin on etanhan, Jakob winohinca wan dena iyececa, Het cunwintku kin etanhan, yuze cinhan token on wani kta he, eya.

WICOWOYAKE 28.

1 Hehan Izak Jakob kipan, qa yawaſte qa wahokonkiye a, Kanan cunwinkupi kin etanhan winohinca duze kte ſni.

2 Najin Aram Mdaye kin ekta ya wo, nihun atkuku Betuel ti kin ekta, qa hetanhan timdoku Laban cunwintku kin etanhan winohinca wan yuza wo.

3 Qa Taku wakan iyotan waſake cin niyawaſte, qa iyakiçu-ya yuota niciye kta, qa oyate ota yaun kta.

4 Qa Abereyam yawaſtepi kin niçu, makoce wan en ounyaye cin Wakantanka Abereyam qu qon he nicinca om yahduhe kta, eciya.

5 Hecen Izak Jakob ye ši;

uncan iyaya Aram Mdaye kin ekta, Betuel cinhintku Laban Arami kin en, Jakob Esa kici hunkupi kin Rebeka timdoku kin hee.

6 Unkan Izak Jakob yawaſte, qa Aram Mdaye kin ekta ye ši kin, heciya tanhan winohinca wan yuze kta, qa yawaſte qehan, Kanan cunwinkupi kin etanhan winohinca duze kte ſni ce, eciye cin he Esa wanyaka.

7 Unkan Jakob atkuku hunku kici anawicagoptan, qa Aram Mdaye kin ektakiya ya.

8 Unkan Kanan cunwinkupi kin iye atkuku Izak iſta kin en ſicapi e Esa wanyake ehan;

9 Esa Iſmayel ekta i, qa Abereyam cinhintku Iſmayel cunwintku Mahalat, Nebayot tawino-ſtin kin he yuza, tawicu nonpa tuka he nakun yuza.

10 Unkan Jakob Berſeba etanhan iyaya Haran ektakiya.

11 Qa toki i kin hen iwanka, wi wanna iyaya nakaeſ, qa inyan hen yanke cin etanhan icu, qa ipahin ekihnake a heciya iſtima.

12 Qa wihanmde a inyun taku iyadipi wan makata han, qa pa kin mahipiya kin ekta iyohiya; unkan Wakantanka ohnihe wicaye cin adipi qa kun hiyupi.

13 Qa inyun Jehowa iwankam najin qa, Niyate Abereyam taku wakan da qa Izak taku wakan da kin Jehowa he miye ce. Makoce akan nunke cin he ciçu kta nicinca koya.

14 Qa nicinca maka watuſekſeca *sukaza* kin iyenakapi kta, eniciciya idade kta wiyohpeyata, qa wiyohiyanpata, qa waziyata, qa itokaga, qa niye nicinca koya en wicowazi tona maka akan unpi kin owasin yawaſtepi kta.

15 Iho miſ nici waun, qa toki

WICOICAGE.

da ésta awanciyake kta, qa makóce kin de ekta acihdi kta, ehpeciye kte sni, tohan taku ociciyaka wahduştan sni kin hehanyan, eya.

16 Unkan Jakob wihanmde cin etanhan kikta qa, Awicakehan Jehowa den yanka, tuka miş sdonwaye sni, eya.

17 Hecen kokipe ça, Oyanke kin de itonpapi kta tuka ce, Wakantanka ti kin qa mahpiya tiyopa kin dee sni he? eya.

18 Qa hanhanna hehan Jakob najin qa inyan wan ipahin ehna-ke ciqon he icu, qa wokiksuye kte cin ehde, qa he pa kin akan wihdi akaştan.

19 Qa oyanke kin he Betel, (Taku Wakan ti kin) eya caşt-ton, tuka tokag ehan otonwe kin he Luz eciyapi.

20 Unkan Jakob wokonze wan içiconze ça heya, Wakantanka mici un kinhan, qa canku kin de ohna mde cin he ohna awanmayake cinhan, qa aguyapi wate kta maqu qa wokoyake komayake kta nakun;

21 Qa ate ti kin ekta tanyan wahdi hecinhan, Jehowa eceedan wakanwada kta ce.

22 Qa inyan wokiksuye ewehde kin de Wakantanka tipi tawa kta ce, qa taku mayaqu kte cin owasin etanhan, iwikcemna kin ciçu kta ce.

WICOWOYAKE 29.

1 Hehan Jakob Wiyohiyanpata cinca tamakocepi kin ektakiya siha on mani iyaya.

2 Qa etonwe ça inyun tinta ohna minihdoka wan, qa tahin wanuyanpi optaye yamni heciya minihdoka kin icahda wankapi, minihdoka kin he etanhan optaye kin mini wicaqupi ece. Un-

kan minihdoka i kin akan inyan tanka wan yanka.

3 Unkan hen optaye kin owasin mniciyapi eca, minihdoka i kin akan tanhan inyan kin yuptanyanpi qa, tahinca kin mini wicaqupi ca inyan kin hen yan-ke kte cin minihdoka i kin akan ehna-kapi.

4 Unkan, Hunka wanjin ciyapi tokiya tanhan yaunpi he? Jakob ewicakiya. Unkan, Haran unketanhanpi ce, eyapi.

5 Unkan, Laban Nahor cinhinku sdonyayapi he? ewicakiya. Unkan, Han he sdonunyanpi ce, eyapi.

6 Unkan, Zaniyan un he? ewicakiya. Unkan, Zaniyan un, nakun wanyaka wo; cunwintku Rahele tahin wanuyanpi kin om hiyu ce, eyapi.

7 Unkan, Anpetu nahahin tanka ihan. Wanuyanpi mniciyapi kte cin nahahin iyehantu sni. Tahinca mini wicaqupi qa wihan wicakiyapo, eya.

8 Unkan, Unkokitpanipi ce; optaye kin owasin mniciyapi kin, hehan inyan kin minihdoka i kin etanhan yuptanyanpi kinhan, hehan tahinca kin mini wicunqupi kta ce, eyapi.

9 Om wohdaka icunhan, Rahele atkuku tahinca tawa om hi; wihan wicakiya nakaeş.

10 Hecetu unkan Jakob, iye hunku kin he timdoku Laban cunwintku Rahele he wanyake ca, hunku timdoku kin Laban tahinca tawa nakun, qa Jakob ikiyedani qa, inyan qon minihdoka i kin akan tanhan yuptanye ça, hunku kin he timdoku Laban tahinca tawa mini wicaqu.

11 Qa Jakob Rahele i iputake ça ho taninyan ceya.

12 Qa Jakob Rahele heciya,

WICOWOYAKE 29.

Niyate sunkaku kin hemaca, Rebeka cinhintku kin he miye ce. Unkan inyang hde ça atku-ku okiyaka.

13 Unkan Laban he tawinohtin cinhintku kin Jakob taku ohdake cin nahon qehan, itkokim inyang ye ça, poskin yuze ça, i iputake ça ti kin timahen u ši. Unkan *Jakob* Laban hena taku kin owasin okiyaka.

14 Unkan, Mihu, qa micelipi kin he niye ce, Laban Jakob eciya. Unkan anpetu tona wi wanjidan en un kin kici yanka.

15 Unkan Laban Jakob heciya, Hunka wanjin ciye cin on ituya wowidag ciye kta he? Taku iyuwin yacin kin he omakiyaka wo, eya.

16 Wanna Laban cunwintku nonpa, tokapa kin Leha eciyapi, qa hakakta kin Rašel eciyapi.

17 Qa Leha ista kin wankadan; tuka Rašel okali wašte owanyag wašte hinca.

18 Unkan Jakob Rašel wašte dake ça, Rašel nicunksi hakakta kin he on waniyetu šakowin wowidag mayaye kta, eya.

19 Unkan he ciçu kinhan wašte kta; wicašta tokeca waqu kinhan wašte kte šni. Mici ti wo, Laban eya.

20 Unkan Jakob Rašel on waniyetu šakowin okiya; tuka he wašte dake cin on ista kin en anpetu tonana yawa.

21 Hehan, Mitawin maqu wo, kici imunke kta, anpetu kin wanna henakeca ce, Jakob Laban eciya.

22 Unkan Laban otonwe kin wicašta owasin mnawicaye ça wowicakihan.

23 Qa otpaza hehan cunwintku Leha he icu, qa Jakob en au. Unkan kici wanka.

24 Unkan Laban wikoška wan

yuhe cin Zilpa, he icu qa cunwintku Leha wikoška yuhe kta e qu.

25 Ihanhanna inyun Leha hee, qa Jakob Laban heciya, Rašel on ociciye šni he? Tokeca mayahnayan he?

26 Unkan, Hakakta kin tokaheya qupi, qa hehan tokapa kin deciya hecen econpi šni;

27 Anpetu šakowin kin de ihuniyan wo; kinhan he nakun ciçu kta, tokata waniyetu šakowin tokeca omayakiye kte cin heon etanhan, Laban eya.

28 Unkan Jakob ecen econ, qa šakowin kin he ihuniyan. Unkan Laban cunwintku Rašel he tawicu kta e qu.

29 Qa wikoška wan yuhe cin Bilha, he Laban cunwintku Rašel wikoška yuhe kta e qu.

30 Unkan Jakob Rašel kici wanke ça, nakun Rašel wašte dake ça, ake waniyetu šakowin uman Laban cajeyate ciqon he yušan.

31 Unkan Leha šice dakapi kin he Jehowa wanyake ça, Leha tamni kin yuħdoka, tuka Rašel cinca ton šni.

32 Unkan Leha ihdušake ça, cinca ton, qa Ruben eya caš kiton; Makiyušepi kin Jehowa wanyaka, unkan dehan mihihna wašte madake kta ce, eya.

33 Qa ake ihdušake ça cinca ton, qa, Šice madapike cin he Jehowa nahon, qa cinca kin de nakun maqu, eye ça, Šimeyon eya caš kiton.

34 Qa ake ihdušake ça cinca ton qa, Wanna detanhan mihihna tinsa mahduze kta: Wanna cinca yamni weciton, eye, ça Lewi eya caš kiton.

35 Unkan ake ihdušake ça cinca ton qa, Dehan Jehowa mdatan kta ce, eye ça, Juda eya caš

WICOICAGE.

kiton. Hehan cinca ton kin ayu-
stan.

WICOWOYAKE 30.

1 Unkan Rašel Jakob cinca kiciton šni e wanhdake ça, Rašel he cunku inakiwizi qa Jakob heciya, Cinca maqu ye, *hecanon* šni kinhan mašte kta ce.

2 Unkan Jakob canniye ye ça, Rašel heciya, Miye Wakanmatanka kecanni he? Iye taku tamni ton kin onanitaka ce.

3 Unkan, Iho wikoška mduhe cin Bilha he ekta ya ye; unkan mišiyoto kin akan cinca ton kinhan, iye etanhan cinca waton kta ce;

4 Eye ça wikoška yuhe cin Bilha he tawicu kta e qu. Unkan Jakob he en i.

5 Unkan Bilha ihdušake ça Jakob cinca kiciton.

6 Unkan Wakantanka mayaco qa, nakun houwaye cin namahon, qa cinca wan maqu, Rašel eye ça, Dan eya caš ton.

7 Unkan ake Rašel tawikoška Bilha ihdušake ça cinca icinonpa Jakob kiciton.

8 Unkan Wakantanka omakiye ça micun kici htawani, qa ohwaya ce, Rašel eye ça, Neptali eya caš ton.

9 Unkan Leha cinca sanpa ton šni e wanhdake cehan wikoška yuhe cin Zilpa icu, qa Jakob tawicu kta e qu.

10 Unkan Leha wikoška yuhe cin Zilpa, he Jakob cinca kiciton.

11 Unkan, Wicota kta, Leha eye ça, Gad eya caš ton.

12 Unkan Leha wikoška yuhe cin Zilpa Jakob cinca icinonpa kiciton.

13. Unkan, Wopida mayanpi, cunwintku unpi kin mayawašepi kta ce, Leha eye ça, Ašer eya caš ton.

14 Unkan aguyapi baksapi kin icunhan Ruben magata iyaye ça, dudaim iyeye ça hena hunku kin ekta kai. Unkan Rašel Leha heciya; Nicinkši dudaim au kin etanhan maqu ye.

15 Unkan, Mihihna yaki kin he taku cistina naceca, micinkši dudaim tawa kin, he nakun iyacu kta he? eciya. Unkan, Nicinkši dudaim tawa kin he on hanyetu kin de nici iwanke kta ce, eya.

16 Unkan htayetu hehan, Jakob maga tanhan hdi; unkan Leha itkokim inanpe ça, Miyahna yau kta, micinkši dudaim tawa kin hena on opeciton ce, eya. Unkan hanyetu kin he kici wanka.

17 Unkan Wakantanka Leha anagoptan: unkan ihdušake ça cinca izaptan Jakob kiciton.

18 Qa, Wikokša mduhe cin he mihihna waqu kin heon, Wakantanka iyunwin maqu, Leha eye ça, Isakar eya caš kiton.

19 Unkan ake Leha ihduške ça cinca isakpe Jakob kiciton.

20 Qa, Nakaha Wakantanka taku wašte itumakihan, mihihna cinca šakpe weciton, heon detanhan mici ti kta ce, eye ça, Zebulon eya caš kiton.

21 Qa he iyohakam cinca winyan ton qa, Dina eya caš kiton.

22 Unkan Wakantanka Rašel kiksuye ça Wakantanka anakicigoptan, qa tamni kin yuhdoka.

23 Unkan ihdušake ça cinca wan ton qa, Taku iyamaonpapi qon Wakantanka wanna emicidaku;

24 Qa Wakantanka cinca tokeca wan nakun maqu kta, eye ça, Josep eya caš kiton.

25 Unkan Rašel Josep ton kin hehan, Jakob Laban heciya,

Wanna hde mayan wo. Mitamakoce qa toki manke kte cin ekta wahde kta.

26 Mitawin micinca ko maqu wo, wahde kta ce; hena on token litawani, qa wowindag mayaye cin niś sdonyaya ce.

27 Unkan, Tokin ništa kin en iyocicipin, niye on etanhan Jehowa mayawašte wahdukan.

28 Taku on omayakiye kta atayedan omakiyaka wo; hecece cinhan ciçu kta ce, Laban eciya.

29 Unkan, Niś token ociciye ça, nitawanuyanpi kin token mi-ci unpi qon sdonyaya.

30 Wahi kin itokam taku cistina duhe ciqon, qa wanna ota aye ça, misiha kin eciya tanhan Jehowa niyawašte. Unkan wanna tohan wati ohnaka kin on taku miçicage kta he? eya.

31 Unkan, Taku ciçu kta he? eya. Unkan Jakob heciya, Takudan mayaqu kte śni, tuka taku kin de ecanon kinhan ake tahnca nitawa kin awanwicamda ke kta.

32 Nakaha wanuyanpi owasin ehna mawani kta, qa tona hdehdega qa hdehdeze cin iyog iye-wicawaye kta, tahnca wanuyanpi kin tona gigi kin owasin, qa tatokadan tona hdehdege ça hdehdeze cin heniyos akipam ewicawahde kta; qa tokata tahn wanuyanpi ehna tona gigi, qa tatokadan ehna tona hdehdega hdehdeza ko, hena iyunwin mitawa kta.

33 Unkan tokata miohan owotanna mihduotanin kta; taku mitawa nitokam u. kinhan, tatokadan tona hdehdegapi śni, qa hdehdezapi śni, qa tahn wanuyanpi ehna tona gigi śni kin hena owasin mawanon kehe kta.

34 Unkan, Tokin token ehe cin hecetun, Laban eya.

35 Qa anpetu kin he en tatokadan mdoka tona hdehdeza hdehdega ko, qa tatokadan wiye tona hdehdege ça hdeškaška kin owasin, tona akan hin san kin hena koya owasin, akipam ewicahdaku, tahn wanuyanpi ehna tona gigi kin nakun owasin, qa hena cinksi wicaye cin nape kin en wicaqu.

36 Qa anpetu yamni imani, iye Jakob kici ihehanyan kaga. Unkan Laban woteka optaye ihe cin hena Jakob. wilian wicakiya.

37 Qa Jakob can sakadan icu, waga teca qa can su, qa uma hena owasin etanhan icu, qa ha kin pago hdeza, ska tanin kta e hecen hdehdeza kaga.

38 Qa watpadan tukten wanuyanpi mini yatkanpi kin hena ohna, can sakadan pago qon ehde, wanuyanpi itokapa tanhan, unkan wanuyanpi yatke upi en kiyuhapi ece.

39 Hecen can sakadan qon ekta wanuyanpi kin kiyuhapi, qa wanuyanpi hdehdeza hdehdega hdeškaška ko wicatonpi.

40 Unkan Jakob tacincadan yukinukan ewicahnake ça, wanuyanpi itepi kin taku hdeza ektakiya ewicahde, Laban wanuyanpi gigi kin owasin, qa wanuyanpi tawa kin yukinukan ewicahde, Laban tawanuyanpi kin kici ewicahde śni.

41 Qa tohan wanuyanpi wašakapi kiyuhapi eca, Jakob can sakadan qon watpadan ohna wanuyanpi išta kin wicitokam ehde; can sakadan kin ekta kiyuhapi kta e hecon.

42 Tuka wanuyanpi wankapidan eca, ehde śni, hecen tona wankapi kin hena Laban tawa, qa tona wašakapi kin hena Jakob tawa.

WICÓICAGE.

43 Hecen wicašta kin tanka hinca icage ça wanuyanpi ota ton, qa nakun winyan taokiye, qa hoksídan, qa camo, qa šuktanka šonšonna.

WICOWOYAKE 31.

1 Hehan, Taku ate unyanpi tawa qon he owasin Jakob icu, qa taku ate yuhe ciqon etanhan, woyuha tanka kin de owasin içicaga, Laban cinkši wicaye cin eyapi kin Jakob nañon.

2 Qa Laban ite kin he nakun Jakob wanyaka, qa iye ektakiya wanna tokeca.

3 Nakun, Niyate makoce tawapi kin ekta, qa takuwicayaye cin ekta hda wo, kinhan nici waun kta ce, Jehowa Jakob eciya.

4 Heon Jakob tuwe ekta ye ši qa, tawicu napin Rañel Leha kici, tinta kin heciya, tawanuyanpi kin ekta wicakico.

5 Qa, Niyatepi kin wanna tokeca amatonwe cin wanmdaka, tuka ate taku wakan da kin mi-ci un.

6 Qa token owakihi ohinniyan niyatepi kin owakiya sonyayapi;

7 Tuka niyatepi kin mahnaye ça, wikcemna akihde taku maqu kte cin yutokeca, tuka kiunni maye kte cin Wakantanka iyo-winye šni.²

8 Kaken, Hdehdegapi kin hena iyunwin duhe kta ce, eye çehan, waunyanpi kin owasin hdehdegapi kin heca ece wicatonpi; qa, Hdehdezapi kin hena iyunwin nitawa kta eye çehan, hehan wanuyanpi owasin hdehdezapi heca ece wicatonpi ece.

9 Hecen Wakantanka niyatepi tawanuyanpi kin ki ece, qa he maqu.

10 Wanuyanpi kin kiyuhapi eca wiwahanmde ça, ewatonwe ça, inyun tamdoka hdehdeza hdehdega hdeškaška hecapi ko, wanuyanpi akan adipi e išta on wanmdaka.

11 Nakun wiwahanmde ça, Wakantanka taohnihde ye cin hemakiya; Jakob. Unkan, Iho miye ce, epa.

12 Unkan, Išta yuwankan iki-keu qa, tamdoka wanuyanpi adipi kin awicatonwan wo; hdehdeza hdehdega hdeškaška hecapi; token Laban ecanicon kin he owasin wanmdaka ce.

13 Taku wakan Betel en tanin içiye cin he miye, hen wokiksuyeye sdayaye ça, hen taku konza emayakiya. Wanna najin, qa makoce kin de etanhan, iyaye ça taku wicayaye cin ekta hda wo, eya.

14 Unkan Rañel Leha ko ayuptapi; Ate ti kin ohna taku unhapi kte ça taku unkitawapi kte cin yukan he?

15 Oyate tokeca unhdawapi šni he? Wiyopeunyanpi, qa nakun mazaska unkitawapi kin owasin yusota.

16 Heon woyuha ate unyanpi kin etanhan Wakantanka ki kin he iyuhpa unkiye unkitawapi, qa unkiçincapi tawapi ce. Iho wanna token Wakantanka econ niši kin owasin ecen econ ye, eyapi.

17 Unkan Jakob najin, qa cinca tawicu ko owasin camo akan ewicahnaka,

18 Qa atkuku Izak en Kanan makoce kin ekta kihde kta e tawanuyanpi kin owasin awicaya, woyuha içicage cin, qa taku tonpi kiton kin, taku Aram Mdaye kin en ihdamna kin owasin.

19 Wanna, Laban tañinca kin hdušda iyaye çehan, Rañel he

WICOWOYAKE 31.

atkuku terapim tawa kin manon.

20 Unkan Jakob Laban Arami kin cante kin manon, najica iya-ya, okiyake šni nakaeš.

21 Hecen najica, taku tawa kin owasin hduha najin, qa watpa kin iyuwege ça, Gilead he kin ektakiya etonwan.

22 Unkan anpetu iyamni kin hehan, Jakob wanna najica Laban okiyakapi.

23 Unkan hunka wanjin wicaye cin wicakico, hena om okide ye ça, šakowin can icimanipi hehan, Gilead he kin en kihdegapi.

24 Unkan, Wakantanka hanyen Laban Arami kin en hi qa, wihanmde cin en heciya, Ihnuhan taku wašte taku šica uman tukte kašta eyakiye cin, eya.

25 Unkan Laban Jakob kihdege çehan, Jakob he kin en wakeya oti, qa Laban hunka wanjin wicaye cin om Gilead he kin hiyahanpi.

26 Qa Laban Jakob heciya, Taku tokanon micante kin mayah-
naye ça, micunkši canłpi on wayaka iyecen awicayahda.

27 He tokeca e hecanon he? Anamayakilıbe ça, maniçinon, omayakidake šni. Omayakidaka unkanš wiyuškinyan iyaye ciye ça, cicaidwan, qa cancega candowankiyapi ko ciciyahoton kta tuka hecanon.

28 Micinca wica winyan ko i iwicawaputake kte, iyowin mayakiye šni. Wanna witkoya hecanon.

29 Dehan taku šica ecacicon kta nape wamašaka, tuka niyate taku wakan da kin hinhan hemakiya; Ihnuhan Jakob taku wašte taku šica uman tukte kašta eyakiye cin, eya.

30 Wanna niyate ti kin ekta yahde kte hinca, tuka tokeca

Taku wakan mitawa kin mayan-
non he? eya.

31 Unkan Jakob waayupte ça, Kowakipe cin heon, qa okini nicunkši kin hena mayaki kta naceca ce epe cin heon hecamon;

32 Taku wakan nitawa kin tuwe kici iyeyakiye cinhan, he ni kte šni. Hunka wanji unye cin wicitokam, taku nitawa mici unkin, tukte e he, iyukcan qa iki-
kcu wo. Rašel hena manon tuka Jakob he sdonye šni, qa heciya.

33 Hehan Laban Jakob tawakeya kin en ti mahen i, Leha tawakeya kin nakun, qa wikoška nonpa tawakeyapi kin; tuka iye-
kiye šni; hehan Laban Leha tawakeya kin etanhan hdinanpe ça, Rašel tawakeya kin en i.

34 Tuka Rašel terapim kin icu, qa camo aqinpi kin en ehna-
ke ciqon, qa akan iyotanka. Unkan Laban wakeya kin owanca-
ya yutan qa iyeikiye šni.

35 Unkan atkuku kin heciya, Itancan nitokam nawajin owakitpani, hececa šta canniye maye šni ye. Winohinca ayakonpi kin hemaceca ce. Unkan nina akita tuka terapim kin iyeikiye šni.

36 Unkan Jakob canniye ça, Laban kige, Taku šica ecamon qa wawalıtani kin tukte e he, on hecen mayakuwa?

37 Mitawahpaya kin owasin mayakidutan, waksica yati kin etanhan wanji iyeyaye cin tukte e he? takuwicunye cin wicitokam ehnaka wo; hecece cinhan uman tukte unkitawa kta yukcanpi nunwe.

38 Waniyetu wikcemna nonpa kin dena nici waun, tuka tawiyedan nitawa kin kpapi šni, qa, nitawanuyanpi tamdoka kin hena wate šni.

39 Taku yahdecapi kin niye

WICOICAGE.

en cicai śni, he miye piya waka-ga ce. Hanyen manonpi kin, qa anposkan manonpi kin he koya, minape kin etanhan mayakida.

40 Kaken waun, anposkan ipuza maŋa, qa hanyen osni; woištima mišta kin amayušan.

41 Miye waniyetu wikcemna nonpa kin yati kin en wowidag mayaye; waniyetu ake topa nicunkši nonpa on, qa waniyetu šakpe nitawanuyanpi kin on, ociciye ɕa, taku mayaqu kte cin wikcemna akihde mayadutokan.

42 Ate taku wakan da kin, Abereyam taku wakan da kin qa Izak Tokokipe kin, mici un kin; hecetu śni unkanš wanna cokadan kihde mayaši kta tuka; mawahbadan kin qa minape htanipi kin he Wakantanka wanyake ɕa, hinhan iyopeniyan ce, Jakob Laban eciya.

43 Unkan Laban waayupte ɕa, Jakob heciya, Cinca winyan kin dena micunkši eepi, qa hokšidan kin dena micinca eepi, qa wanuyanpi kin dena wanuyanpi mitawa eepi, qa taku niye wanyahdake cin he iyulpa mitawa ce. Tuka de micunkši qa is cinca wicatonpi kin dena, nakaha taku ecawicawecon kta he?

44 Tokin wanna wicoun unki-cagen, miye qa niye, hecen wa-ayatanin unkiyotahedan yuke kta.

45 Unkan Jakob inyan wan icu, qa wokiksuye e pasdata:

46 Qa, Inyan icupo, Jakob hun-ka wanjin wicaye cin ewicakiya. Unkan inyan icupi, qa paha wan kagapi qa, hen paha kin akan wotapi.

47 Unkan paha kin he, Igar sahaduta Laban eya cašton; tu-ka Jakob he Galed eya cašton.

48 Unkan Laban heya, Anpe

dehan paha kin de unkiyotahe-dan waayatanin kta; Galed Wa-ayatanin paha kin he ka, paha kin he eciyapi.

49 Qa, Micunkši wicayakidu-še, qa winohinca tokeca duze cinhan, wicašta tuwe he atonwe kta unkici un śni, unkiyotahe-dan Wakantanka he waayatanin kta.

50 Tohan kinukankiya unki-yaye cinhan Jehowa unyacopi kta, Laban eye ɕa, Wayaco caš ton.

51 Qa, Wanyaka wo, paha kin de, wokiksuye unkiyotahedan ewehde kin de;

52 Paha kin waayatanin, woki-ksuye kin de waayatanin, taku šica on paha kin de kapeya imdamde ɕa niye en cii kte śni, qa niš kapeya yahihdu qa hiyohi mayaye kte śni.

53 Abereyam taku wakan da kin, Nahor taku wakan da kin, hunkake wicayapi taku wakan dapi kin unyacopi kta, Laban Ja-kob eciya. Unkan Jakob iye atkuku Izak Tokokipe kin caje-yan konza.

54 Hehan Jakob he kin akan wo-šnapi wan wakiyušna, qa aguya-pi yutapi kta e hunka wanjin wicaye cin wicakico. Unkan aguyapi yutapi qa he kin en wan-kapi.

55 Unkan ihanhanna Laban ki-ktā qa iye cinca wica winyan ko i iwicaputake ɕa, wicayawa-šte qa, hehan Laban tohe kin ekta kihda.

WICOWOYAKE 32.

1 Unkan Jakob tacanku kin ohna iyaye ɕa, Wakantanka ohni-hde wicaye cin iktokim hipi.

2 Unkan Jakob wanwicayake ɕehan, Wakantanka wicobe ta-

wa kin dee ce, eye ɕa oyanke kin he Maḥanaim ɕaś ton.

3 Hehan Jakob Edom wojupi kin Sehir makoce kin etu, cinɕu Esa ti kin ekta, ohnihde wicaye cin ye wicaśi.

4 Qa wahokonwicakiye ɕa, Itancan mitawa Esa hecen eya-kiyapi kta ce, eya; Laban kici wati qon dehantu.

5 Qa pte, qa śuktanka śonśonna, qa taḥinca, qa hokśidan wikośka ko, ota wicamduha, qa onśimayada kta e itancan ociciyag ye wicawaśi, nitaokiye Jakob eya.

6 Unkan Jakob ohnihde wicaye cin hɔipi qa, Nicinye Esa ekta unkipi unkan is nitkokim u qa, wicaśta opawinge tom opapi ce, eyapi.

7 Hehan Jakob nina kokipe ɕa, ɕoyate kici un kin nonpakiya ewicakihde, taḥinca, pte, camo, ko owasin ośpaye nonpa wicakaga.

8 Qa Esa ośpaye wanji en hi qa hena wicakte kinhan, ośpaye uman okapte cin inaśdoke kta ce, eya.

9 Hehan Jakob heya, Abereyam ate waye wakan nida, qa ate Izak wakan nida Jehowa niye, Nitamakoce, qa takuwicayaye cin ekta hda wo, kinhan taku waśte ecacicon kta ce, emaya-kiye ciqon;

10 Miye nitowaonśida qa iewicayake cin owasin nitaokiye ecayecon kin aopten waun; sagye kin heceyedan lɔduha Jordan watpa kin de imduwege ɕa, wanna ośpaye nonpa imacaga.

11 Wanna cinye nape kin etanhan emahdaku wo; Esa nape kin etanhan; hi kinhan cinca hunkupi kin kici mikte kta kowakipa ce.

12 Niye, Ohinniyan taku waśte

ecacicon kte ɕa, wiyaka mini wanca kaḥda sukaza utkana on yawapica śni, iyenaka nicinca wakage kta ehe ciqon, eya.

13 Unkan hanyetu kin he hen wanka, qa taku cinɕu Esa qu kte cin ikikeu, taku nape en hiyu;

14 Tatokadan wiye opawinge nonpa, qa mdoka wikcemna nonpa, taḥin wanuyanpi wiye opawinge nom mdoka wikcemna nonpa ahna;

15 Camo azinkiyapi wikcemna yamni cincapidan om, pte wikcemna tom, qa tatanka wikcemna, śuktanka śonśonna wiye wikcemna nonpa cincadan wikcemna ahna.

16 Qa ookiye wicayuhe cin woteka otoiyohi kinnukan yuhe wicaśi, qa, Optaye otoiyohi yu-kinukan awicahiyayapo, ewicakiya.

17 Qa tokaheya kin wahokonwicakiya, Tohan cinye itkonici-papi kinhan, qa, Tuwe tawa niyan he? qa toki da qa taku nitokam un kin he tuwe tawa he? eya iniwange cinban;

18 Hehan, Nitaokiye Jakob dena tawa, tuka itancan mitawa Esa qu kta; unkan is nakun unkihektam u ce, ehapi kta ce, ewicakiya.

19 Unkan inonpa, qa iyamni, qa nakun owasin tona optaye ihakam yapi kin, Esa iyeyayapi kinhan oie kin hena iyecen eya-kiyapi kta ce:

20 Nakun, Nitaokiye Jakob unkihektam u ce, ehapi kta ce, ewicakiya. Taku waqu kin mitokapa tanhan ye cin, hecen ite kin iyokipi waye kta, qa hehan ite kin iyowinmakiye kta ce, eya.

21 Unkan taku qu kin, he tokata iyokipta; tuka is hanyetu kin he taobe kin om wanka.

WICOICAGE.

22 Qa hanyetu kin he en, najin qa tawicu nonpa kin iwicaçu qa cinca wicaye cin ake wanji, qa Jabok oiuyuwege kin en iyuwe-ga.

23 Qa iwicakikcu, qa watpa kin iyuweh wicaye ça, taku tawa kin owasin iyuweh wicakiya.

24 Qa Jakob isnana hekta yan-ka, unkan wicašta wan anpao kin hehanyan kici kiihdušpa.

25 Qa wicašta kin tokadan ohiye šni e wanhdake çehan, cecunte okihe kin en yuza; un-kan kici kiihdušpapi kin icun-han, Jakob cecuntoštan kin pa-pšon iyaya.

26 Unkan, Amayuštan wo; wanna anpao hinanpa ce, eya. Unkan, Mayadawašte šni kin-han, aciyuštan kte šni ce, eya.

27 Qa, Token eniciyapi he? eya. Unkan Jakob emakiyapi ce, eya.

28 Unkan, Nicaje Jakob eni-ciyapi kte šni. Detanhan Israel eniciyapi kta, Wakantanka wi-cašta ko, kici kinihdušpe ça ni-ye ohiyaya ce, eciya.

29 Unkan, Tokin nicaje kin omayakidaken, Jakob eya iwan-ga. Unkan, Token on etanhan micaje kin inonga he? eye ça hen yawašte.

30 Unkan, oyanke kin he, Ite wakan, Jakob eya caš ton. Ta-ku Wakan ite icitkokim wan-mdaka ešta minagi kin zaniyan un ce, eya.

31 Unkan Ite wakan iyokipte çehan, anpetu wi hinanpa, qa Jakob ceca kin on hušte.

32 Heon etanhan Israel cinca wicaye cin anpetu kin dehan ceca škotpa kin akan kan kiksuy-ye šni qon he yutapi šni; Jakob ceca škotpa kin akan kan kiksuy-ye šni kin he oyutan kin heon etanhan.

WICOWOYAKE 33.

1 Unkan Jakob wankan etonwe ça inyun, Esa u, wieašta opa-winge tom kici wanwicayake ça, hokšiyooqopa kin akipam ewi-cakihde, Leha kici, qa Rašel ki-ci, qa wikoška nonpapi kin om.

2 Qa wikoška kin cinca wica-yapi kin om tokaheya ye wicaši, qa hena ihektapa tanhan Leha cinca wicaye cin om, qa hena ihektapa tanhan Rašel Josep kici.

3 Qa iye owasin wicitokam ye ça, cincu ikiyedan u kin icunhan šakowin akihde patuja.

4 Unkan, Esa itkokim inyanke ça, nape kin yuze ça tahu kin akan ehpeiçiye ça i iputaka, qa napin ceyapi.

5 Hehan Esa wankan etonwe ça, tawicu cinca wicaye cin ko wanwicayake ça, Dena token takuyaya he? eya. Unkan, Wa-kantanka towaonsida kin on nitaokiye cine a qū kin dena eepi ce, eya.

6 Hehan wikoška kin cinca wicayapi kin om ikiyadan hipi, qa patujapi.

7 Hehan Leha cinca wicaye cin om ikiyadan hi qa patujapi; qa ehake Josep Rašel kici iki-yadan hipi, qa patujapi.

8 Unkan, Optaye kin dena owasin itkowicawakipe cin, to-ken yaka he? eya. Unkan, Ma-yuhe cin išta kin iyokipi ciye kta e heon.

9 Unkan, Misunka taku ota wahduha ce. Taku nitawa kin hduha un wo, Esa eya.

10 Unkan, Hiya ništa kin iyo-kiپی ciye cinhan, minape kin etanhan taku waqu kin iyacu kta, nitohnake Wakantanka ito-hnake iyecen wanciyake ça iyo-cicipi kin heon etanhan.

WICOWOYAKE 34.

11 Tokin taku ciyawašte kin en aniupi kin he iyacun. Wakantaka onśimada ece, qa taku owasin mduha, Jakob kitanyan eya; unkan icu.

12 Qa heya, Ihdaka unye ça miye tokaheya mde kta ce.

13 Unkan, Hokśiyoqopa wan-kapidan e mayuhe cin sdonye ça, nakun tahinca pte ko ihdu-śaká micicapi qa, anpetu wan-jidan keś awicapapi kinhan, wanuyanpi owasin tapi kta.

14 Tokin itancan nitaokiye itokam yahden, qa miś wanuyanpi mitokam token manipi, qa hokśiyoqoqa kin token manipi kin, ecen iwahnanna mde kta, mayuhe cin ekta Sehir en wai kin behanyan.

15 Unkan, Iho oyate mici unpi kin etanhan wanjiksi nici ehpe-wicawaye kta ce, Esa eya. Unkan tokeca e, mayuhe cin ista kin iyocicipi hecinhan, eya.

16 Unkan anpetu kin he en, Esa tacanku kin ohna Sehir ektakiya kihda.

17 Tuka Jakob Sukot ekta unhdaka i qa, hen tipi icicage ça, taku tawa kin nakun ohanzi hdepi wicakicaga; heon otowe kin he Sukot eya cajeyatapi.

18 Qa Jakob Aram Mdaye kin etanhan u qehan, Šekem otowe tawa kin Kanan makoce kin etu zaniyan hi, qa otowe kin itokam ticaga.

19 Qa makoce onśpa, tukten wakeya iticage cin, Šekem atkuku Hamor cinca wicaye cin napipi kin etanhan opewicakication, mazaska opawinge nom wicagu.

20 Unkan hen wahna wośnapi wan kage ça, El Israel ta-Wakantanka kin eya caśton.

WICOWOYAKE 34.

1 Hehan Dina Leha he cunwintku Jakob kiciton kin, he makoce wicinyanpidan wanwicayake kta e toki iyaya.

2 Unkan wicašta yatapi ihdawa Hamor Hiwi kin he cinhintku Šekem, he, wanyake ça icu qa kici wanka, hecen wiewaku.

3 Qa Šekem nagi kin Dina Jakob cunwintku kin en nina iyaskape ça wikoška kin wašte dake ça, wikoška cantohnag ye cin ecen okiya.

4 Qa, Wicinyanna kin de micizuza wo, Šekem iye atkuku Hamor eciya.

5 Unkan cunwintku yuaśapapi kin he Jakob nakihon, tuka cinkśi wicaye cin tinta ekta wanuyanpi om yakonpi, qa hdipi kin behanyan Jakob inina yanka.

6 Unkan Hamor Šekem atkuku kin Jakob kici okiye kta e en i.

7 Unkan Jakob cinkśiwicaye cin tinta kin etanhan hdipi, qa he nahonpi, qa iyokiśicapi; nina canniye yapi, Jakob cunwintku kin kici iwankapi: hecen econpi kte śni tuka, Israel witkoya ecakiconpi heon etanhan.

8 Unkan Hamor hewicakiya, Micinkśi Šekem nagi kin nicunkśipi kin iyaskapa; he tawicu kta e qupo.

9 Kinhan takuunkiciyapi kta; nicunkśipi kin hena unqupo, qa niś cunkśi wicunyanpi kin wicayuzapo.

10 Qa unkiyepi om dukanpi kta, makoce kin nitokam un kta ce, en unpo qa makoce kin en wopetonpi qa he yuhapo.

11 Qa Šekem wikoška atkuku timdo wicaye cin ko hewicakiya; Cantemakiyapo, kinhan token emayakiyapi kin ecen ciçu-pi kta.

WICOICAGE.

12 Wikoška kin mitawin un kta e mayačupi kinhan, wohpa-yapi iyakičuya tanka mayakidapi, taku qupi tanka ešta; token emayakiyapi kin ecen cičupi kta.

13 Unkan Jakob cinkši wicaye cin tawinolitinpi kin Dina yuša-papi qon kiksuyapi, qa heon Šekem he atkuku Hamor kici hna-yeya awicayuptapi.

14 Qa, Taku hececa econpi un-kokitpanipi. Wicašta wan ha iyotan kin bałdayapi šni kin he-ca tankši unyanpi kin unqupi kinhan, he wišten unkičiyapi kta naceca.

15 Decehnana on unkaniyuptapi kta; unkiš baunkilıdayapi kin, niš nakun tona wica owasin henicecapi kinhan;

16 Hehan cunkši wicunyanpi kin unničupi kta, qa nicunkšipi kin wicunyuzapi kta, qa nicipi oununyanpi qa oyate unwanjipidan kta.

17 Tuka taku de en anaunya-goptanpi šni kinhan, baničilıdayapi šni kinhan, cunkši unyanpi kin he unkikikecupi, qa toki unkiyayapi kta ce, ewicakiyapi.

18 Unkan, Hamor Šekem Hamor cinhintku kici wicoie kin he wašte dakapi.

19 Qa koška kin Jakob cunwintku kin cantiheya, heon taku eyapi kin kohanna econ. Iye atkuku ti kin ohna yakonpi kin hena owasin iyakapeya kinihanpi.

20 Hehan Hamor iye cinhintku Šekem kici otonwe tawapi kin ekta kipi, qa otonwe tawapi kin wicašta om wohdakapi, qa heyapi,

21 Wicašta kin dena unkiyepi om wokiyapi, heon makoce kin en ounyanpi qa, hen iciyopeyapi

kte. Ito makoce kin wicitokam tankaya un kinhan, cunwintku-pi kin wicunyuzapi kta, qa cunkši wicunyanpi kin wicunqupi kta.

22 Tuka decehnana on wicašta kin wicadapi kta; wiciye bakiłdayapi kin he iyecen unkiye tona wica owasin baunkilıdayapi kinhan; unkiye om ounyanpi, qa oyate unwanjipidan kta.

23 Decehnana en anawicun-goptanpi kinhan, unkiyepi om ounyanpi kta; kinhan tawanu-yanpi, qa taku yuhapi kin owasin, taku tonpi koya unkitawapi kte šni he? eyapi.

24 Unkan wicašta tona otonwe tiyopa kin omanipi kin hena owasin, Hamor iye cinhintku Šekem kici anawicagoptanpi, qa bakiciłdayapi, tona wica otonwe tiyopa kin omanipi kin owasin.

25 Unkan anpetu iciyamni kin yazanpi kin icunhan, Jakob cinhintku kin nonpa, Šimeyon Lewi kici Dina timdo wicaya, tacanłpipi kin ikikecupi, qa kokipešniyan otonwe kin tatpe ipi, qa tona wica owasin wicaktepi.

26 Hamor iye cinhintku Šekem ko canłpi hi kin on wicaktepi, qa Dina Šekem ti kin etanhan ehdakupi qa hdohdapi.

27 Hehan Jakob cinkši wicaye cin wicakaługapi kin en ipi, qa, otonwe wan tankšitkupi kin yuša-papi qon he ocowasin wicakipi;

28 Tahinca, qa tatanka, qa šuktanka šonšonna, taku otonwe kin ohna un, taku magata un kin ko owasin icupi.

29 Taku yuhapi qon owasin tašiceca tawicupi ahna nakun wayaka icupi, qa taku tipi kin ohna iyeyapi kin owasin icupi.

WICOWOYAKE 35.

30 Hehan Jakob Šimeyon Lewi kici hewicakiya, Iyoyag mayayapi, šicamna mayakagapi makoce wojutipi kin wičitokam, Kanani, qa Perazi kin, qa miye matonana hecen tamatpe mniciyapi, qa maktepi kta, hecen miš wati ohnaka ko owasin awimahnuni kta.

31 Unkan wihomnipi kin iyeccen tankši unyanpi kin ecakiconpi kta iyececa he? eyapi.

WICOWOYAKE 35.

1 Hehan Wakantanka Jakob heciya, Najin qa Betel ekta itawankanhde ye ça, hen ounyan wo. Nicinye Esa itohnake kin etanhan nayajice çehan, Taku wakan, niye en tanin içiye cin, he wahna wošnapi wan hen kicaga wo.

2 Unkan Jakob tiyoknaka tawa, qa tona kici unpi kin owasin hewicakiya; Taku wakan tokeca duhapi kin, hena owasin yužokan iyewicayapo; pičiyapi qa wokoyake teca ihduzapo;

3 Qa najinpo, Betel ekta itawankanhde unyanpi kta ce. Heciya wahna wošnapi wan wakage kta, anpetu wan iyomakišice çehan, Taku wakan namañon, qa canku ohna imdamde cin mici ye cin, he wecage kta ce, eya.

4 Unkan Taku wakan tokeca yuhapi kin hena owasin Jakob qupi, oinpidan noge oinpi kin hena koya. Unkan hena owasin nahma, Šekem ekta utuhu wan he cin, he ihukuya.

5 Hehan ihdaka iyayapi, qa Jehowa otonwe ihduksan unpi kin yušinye wicaya; hecen Jakob cinkši wicaye cin wicakuwapi šni.

6 Unkan Jakob, iye oyate ope-

ya un kin koya owasin, *otonwe wan* Luz eciyapi, Betel hee, Kanan makoce kin en, he ekta ipi.

7 Qa hen wahna wošnapi wan kage ça, oyanke kin he El Betel eya caš ton, cinu etanhan najica iyaye çehan, heciya iye en Wakantanka ihdutanin kin, heon etanhan.

8 Hehan Debora Rebeka azin kiye ciqon ça, unkan Betel hukun utuhu he cin, he ihukuya hnakapi, qa he, Utuhu oceyapi, eciyapi.

9 Wanna Jakob Aram Mdaye kin etanhan hiyu, hehan ake iye en Wakantanka tanin içiye ça yawašte.

10 Qa, Tokata Jakob nicaje qon eniciyapi kte šni, detanhan Israel eya cajeñiyatapi kta, Wakantanka eciye ça, hecen Israel caš ton.

11 Qa, El Iyotan wašaka he miye; ihduota qa cinca ota yuha wo; oyate qa, oyate obe ota niye etanhan unpi kta, qa wicašta yatapi ninite kin etanhan inanpapi kta.

12 Qa makoce wan Abereyam Izak kici wicawaqu qon, he niye ciçu kte ça nicinca nihektam unpi kte cin, makoce kin he wicawaqu kta ce, Wakantanka eciya.

13 Qa oyanke kin en, Wakantanka okiye ciqon hetanhan wankantkiya ikiyopta.

14 Unkan tukten okiye ciqon, he en Jakob wokiksuye wan ehde, inyan wokiksuye qa, wošnapi wan akaštan, wiñdi nakun akaštan.

15 Qa oyanke kin en, Wakantanka okiye ciqon, he Jakob Betel eya caš ton.

16 Hehan Betel etanhan ihdakapi, qa Eprata ikiyadan hipi,

WICOICAGE.

hehan Raĥel hoksíksuye a, kitan seĥ cinca ton.

17 Wanna kitan ecinyan cinca ton, hehan, Ihnuhan koyakipe cin, cinca kin de wica e nakun duhe kta ce, cincatonkiyesa eciya.

18 Unkan wanna e kta, nagi kin iyaya icunhan, Benoni eya caś kiton ; tuka atkuku kin Benjamin eciya.

19 Hehan Raĥel a, unkan Eprata, Betlehem hee, canku kin ohna hnakapi.

20 a Jakob wokiksuye wan ohna hnakapi kin ekta ehde. Raĥel ohna hnakapi wokiksuye kin dehantu eciyapi.

21 Hehan Israel unhdake a, Eder conkaśke kin akotanhaw wakeya.

22 Unkan Israel makoce kin he en ounye cin icunhan, Ruben iye atkuku tawicu Bilha ekta i, a kici iwanka. Unkan Israel he nakiĥon.

23 Jakob cinkśi wicaye cin ake nonpapi ce. Leha cinkśi wicaye cin, Ruben, Jakob cinhintku tokapa kin hee, Śimeyon, Lewi, Juda, Isakar, Zebulon henakeca.

24 Raĥel cinkśi wicaye cin Josep, a Benjamin.

25 a Bilha, Raĥel tawikośka, cinkśi wicaye cin Dan, a Nep-tali.

26 a Zilpa Leha tawikośka kin, cinkśi wicaye cin, Gad, a Aśer. Henakiya Jakob cinkśi wicaya Aram Mdaye kin en wicatonpi.

27 Hehan Jakob iye atkuku kin ekta ki, Arba otonwe, Hebron hee, ekta Mamore etu hen Abereyam ounyan, a Izak nakun.

28 Wanna Izak anpetu tawa waniyetu opawinge sanpa wikcemna śahdogan.

29 Hehan Izak a, a taoyate kin en okipapi, wicahinca a anpetu kin wanna imna. Unkan cinkśi wicaye cin Esa, Jakob henios kihnakapi.

WICOWOYAKE 36.

1 Esa, Edom hee, wicowazi tawa kin dee.

2 Esa Kanan cunwintku kin etanhaw winohinca nom wicayuzaw, Elon Ĥeti kin cunwintku Ada, a Zibeon Ĥiwi kin cunwintku Ana he cunwintku Aholibama *henioza*.

3 a Ísmayel cunwintku Basmat, Nebayot tankśitku he nakun yuza.

4 Unkan Ada he Esa kiciton Elipaz hee : a Basmat he Ruhel ton.

5 a Aholibama he Jehus, a Jalam, a Qora, wicaton. Esa cinkśi wicaye cin, Kanan makoce kin en wicatonpi kin hena eepi.

6 Hehan Esa iye tawicu kin iwicacu, a cinca wicaye cin wica winyan ko, a tiyohnaka tawa wicanagi owasin, a tawanuyanpi taku yuhe cin ko owasin, taku tawa Kanan makoce en ton kin iyuhpa, a sunkaku Jakob itohnake kin etanhaw ya, makoce tokeca wan ekta.

7 Taku yuhapi kin he odo-ta, heon witaya iyotankapi kin okitpanipi, wanuyanpi ota yuhapi kin heon, makoce kin en ounyanpi kte cin iyowinwicakiye śni.

8 Unkan Esa Sehir ĥe kin en iyotanka, Esa he Edom eciyapi.

9 a Sehir ĥe kin en Edom oyate ateyapi Esa wicoicage kin dee.

10 Esa cinkśi wicaye cin cajepi kin dena ee, Elipaz Esa ta-

wicu Ada he cinhintku, qa Ruhel Esa tawicu Basmat he cinhintku.

11 Unkan Elipaz cinksi wicaye cin dena eepi; Teman, Omar, Zepo, Gatam, qa Kenaz.

12 Unkan Elipaz Esa cinhintku Timna nahmana yuze cin he Ameleqe Elipaz kiciton. Esa tawicu Ada cinksi wicaye cin hena eepi.

13 Unkan Ruhel cinksi wicaye cin dena eepi; Nahat, qa Zera, qa Sama, qa Miza. Esa tawicu Basmat cinksi wicaye cin hena eepi.

14 Unkan Aholibama Zibeeon cunwintku Ana he cunwintku kin Esa yuza. Unkan he Esa cinca kiciton kin dena eepi; Jehus, qa Jalam, qa Qora.

15 Esa cinca kin itancan unpi kin dena eepi. Esa cinhintku tokapa Elipaz cinksi wicaye cin, Teman itancan, Omar itancan, Zepo itancan, Qenaz itancan,

16 Qora itancan, Gatama itancan, Ameleqe itancan. Edom makoce kin en Elipaz itancanyan unpi kin hena eepi, qa hena Ada cinksi wicaya.

17 Unkan Esa cinhintku Ruhel cinca kin dena eepi: Nahat itancan, Zera itancan, Sama itancan, Miza itancan, Ruhel itancanyan unpi kin hena eepi, Edom makoce kin en, Esa tawicu Basmat hena cinksi wicaya.

18 Unkan Esa tawicu Aholibama he cinca kin dena eepi; Jehus itancan, Jalam itancan, Qora itancan, Ana cunwintku Aholibama Esa yuze cin itancan kin hena eepi.

19 Esa, Edom hee, cinksi wicaye cin hena eepi, qa itancan yuhapi kin heepi.

20 Makoce kin he en iyotan-

kapi qon Sehir Hori kin cinca dena eepi; Lotan, qa Sobal, qa Zibeeon, qa Ana, qa Disan, qa Ezer, qa Disan.

21 Sehir cinksi wicaye cin, Edom tamakoce kin en, Hori kin itancanyan unpi kin hena eepi.

22 Unkan Lotan cinksi wicaye cin Hori, qa Heman, qa Lotan tawinolitin kin Timna ee.

23 Unkan Sobal cinksi wicaye cin dena eepi; Alan, qa Manahat, qa Ebal, qa Sepo, qa Onan.

24 Unkan Zibeeon cinksi wicaye cin dena eepi, Aya qa Ana; Ana kin de atkuku Zibeeon tashunka sonsonna wihan wicakiye cehan hopuza en wakoniya kata iyeya.

25 Ana cinhintku kin Disan hee, qa Aholibama Ana cunwintku kin ee.

26 Qa Disan cinksi wicaye cin dena eepi, Hemdan qa Esban, qa Jiteran, qa Keran.

27 Unkan Etzer cinksi wicaye cin dena eepi, Bilhan, qa Zawan, qa Aqan.

28 Disan cinksi wicaye cin dena eepi, Uz qa Aran.

29 Hori kin itancanyan unpi kin dena eepi; Lotan itancan, Sobal itancan, Zibeeon itancan, Ana itancan,

30 Disan itancan, Etzer itancan, Disan itancan; Hori kin itancanyan unpi kin, token Sehir makoce kin en itancan wicayawapi kin hena eepi.

31 Israel cinca kin nahalin wicasta yatapi wanica, Edom makoce kin wicasta yatapi wicayawapi kin dena eepi.

32 Behor cinhintku Bela Edom en wicayube cin, qa otowwe tawa Dinaba eciyapi.

33 Qa Bela ta, unkan hee kiya Zera cinhintku Jobab Bozra

WICOICAGE.

etanhan wicašta yatapi yawapi.

34 Qa Jobab ta, unkan hee kiya Húsam Teman makoce kin etanhan, wicašta yatapi yawapi.

35 Qa Húsam ta, unkan hee kiya Hadad Bedad cinhintku wicašta yatapi yawapi. Iye Midian *oyate* kin wicakaštaka, Moab tinta kin ohna qa otonwe en ti kin Awit eciyapi.

36 Qa Hadad ta, unkan hee kiya Samla, Masrika etanhan, wicašta yatapi yawapi.

37 Qa Samla ta, unkan hee kiya Šaul, Rehobot watpa kin ohna wanke cin he etanhan, wicašta yatapi yawapi.

38 Qa Šaul ta, unkan hee kiya Balhenan Akbor he cinhintku wicašta yatapi yawapi.

39 Qa Balhenan Akbor cinhintku kin ta, unkan hee kiya Hadar wicašta yatapi yawapi. Otonwe tawa Pahu eciyapi, qa tawicu kin Mehetabel eciyapi, Matred cunwintku Mezahab cunwintku.

40 Esa itancan wicayawapi kin hecen ewicakiyapi, wicowazipi kin iyececa, qa tonwanyanpi kin iyecen cajewicayatapi; Timna itancan, Alwa itancan, Jetet itancan,

41 Aholibama itancan, Ela itancan, Pinon itancan,

42 Qenaz itancan, Teman itancan, Mibsar itancan,

42 Magdiyel itancan, Iram itancan. Edom itancan wicayawapi kin hena eepi, tonwanyanpi kin iyecen, tamakocepi kin en; Edom Esa ate yapi.

WICOWOYAKE 37.

1 Unkan Kanan makoce kin en Jakob atkuku unhdaka un

qon, makoce kin he en Jakob iyotanka.

2 Jakob wicoicage wowapi kin dee, Josep wanna waniyetu ake šakowin, hehan wanuyanpi wihan wicakiya cinye wicaye cin om, qa Bilha qa Zilpa napin atkuku wicayuze cin, hena cinkši wicayapi kin om, hokšidan kin un qa taku šica eyapi kin ateyapi kin en ahda.

3 Unkan Israel, cinkši wicaye cin owasin sam iyeya, Josep wašte kidaka wanna wicahinca ehan kicitonpi kin heon etanhan, qa onhdohda hanska wan Josep kicaga.

4 Unkan ateyapi kin, cinkši wicaye cin owasin sam iyeya Josep wašte kidake cin he cincu wanhdakapi, qa wokiya okiyapi kte cin okihipi šni.

5 Unkan Josep wowihanmde wan ihanmna, qa cincu owicakiyaka; unkan sam iyeya šice kidakapi.

6 Unkan, Ihopo wowihanmde wan iwahanmde cin de nañonpo.

7 Maga ekta aguyapi paunhta-pi, unkan inyun pawahite cin bosdan najin hiyaya, unkan payahitapi kin ihdukšan najin hiyaye ça, pawahite cin itokam makata ehpeiciyapi, ewicakiya.

8 Unkan cinye wicaye cin heciyapi, Ehanqon tawaunyayapi kta he? qa is wowidake unyaduhapi kta he? Qa iyakapeya šice kidakapi, wihanmde ciqon oie ko heon.

9 Unkan ake wowihanmde tokeca wan ihanmde ça, ake cincu kin owicakiyaka. Ake wiwanmde ça inyun anpetu wi, hanyetu wi, qa wicanhi ake wanji mitokam makata ehpeiciyapi, ewicakiya.

10 He atkuku cincu ko owicakiyaka; unkan atkuku he iyo-

pekiye ça, Wowihanmde wan iyahanmde cin de taku hwo? Miye qa nihun nicinye ko *owasin* nitokam makipusdiya ehpeunki- ciyapi kta he? eciya.

11 Unkan cincu kin icekinpi, tuka atkuku kin wicoie kin he awakicin un.

12 Hehan cincu kin ateyapi tawanuyanpi kin wiĥan wicakiyapi kta e Šekem ekta ipi.

13 Unkan Israel Josep heciya, Nicinye Šekem ekta wawiĥan kiya unpi šni he? Iho wo hena ekta ye ciši kta ce. Unkan, Ho miye ce, eciya.

14 Unkan, Iho ekta de ça nicinye wanuyanpi ko zaniyan yakonpi hecinhan wanhdake ça, hoši makahdi wo, eciya. Unkan Hebron kaksiza kin etanhan iya- ye ça Šekem ekta i.

15 Qa tinta onuni; unkan wicašta wan wanyake ça, Den taku ayakita he? eya iwanga.

16 Unkan, Cinye wicawaye cin awicawakita ce. Ceciye tukten wiĥan wicakiyapi kin omakiyaka wo, eya.

17 Unkan wicašta qon, Wanna detanhan iyayapi; Dotan ekta unyanpi kta ce, eyapi nawahon ce, eya. Unkan Josep cinye wicaye cin wicihakam ye ça Dotan en iyewicaya.

18 Unkan tehantanhan wanyakapi qa wicikiyedana u šni kin itokam, nahmana te yapi kta awacinpi.

19 Qa otoiyohi hunka wanjitku kin hekiciyapi, Wanyakapo; wiĥanmdesa kin de wanna u.

20 Ihopo dehan unktepi, qa makohdoka wan ohna ehpeunyanpi kte ça, Wamanica ocin šica wan he temya ce, unkeyapi kinhan, wiĥanmde ciqon toketu kte cin wanunyakapi kta ce, *ekiciyapi*.

21 Ruben he nahon qa, napepi kin etanhan ehdaku kta e, Unktepi kte šni, eya.

22 Napepi kin etanhan ehdaku kte ça, atkuku kin en akiyahde kta e Ruben hewicakiya; Weyapi šnipo. Woĥa hewoskantuya wanke cin de ohna iyeyapo, tuka ninapepi on apapi šnipo.

23 Unkan kaketu, Josep iye cincu najinpi kin en hi qehan, taonhdohda yušdokapi, onhdohda hanska un kin hee;

24 Qa Josep icupi, qa woĥa wan en iyohpeyapi, tuka woĥa kin takudan ohnaka šni, mini wanica.

25 Qa aguyapi yutapi kta e iyotankapi, qa pa yuwankan iki- kupi qa, Išmayeli optaye wan Gilejad eciyatanhan u kin wawicayakapi, camo yuhapi kin taku waštemna canšin pejihuta koya qinpi, Egipta ekta kunyapi kta.

26 Unkan Juda hunka wanjin wicaye cin hewicakiya, De sunka unyanpi unktepi kinhan, we kin naunĥmanpi ešta taku unki- hdamnapi kta he?

27 Ihopo, Išmayeli kin dena en wiyopeunyanpi kte. De sunka unyanpi qakici celpi unwanjipidan kin heon, nape on unka- tati kte šni, eya. Unkan hunka wanjin wicaye cin anakigoptanpi.

28 Hehan wicašta wopeton hecapi Midiani en hiyayapi. Unkan Josep yuzapi, qa woĥa qon etanhan yuwankan ehdakupi, qa mazaska wikcemna nonpa on Josep wiyopeyapi. Unkan Išmayeli kin Josep opetonpi, qa Egipta ekta ayapi.

29 Unkan Ruben woĥa qon ekta hi, unkan Josep en un šni, heon tawokoyake hdupota,

30 Qa hunka wanjitku kin en

WICOICAGE.

wicahdi qa, Hoksídan kin tanin
sni ce, mis toki imdamde kta
hwo, ewicakiya.

31 Unkan Josep taonhdoḥda
qon icupi qa tatokadan mdoka
wan ktepi, qa we kin on opu-
tkañpi.

32 Hehan tuwe onhdoḥda han-
ske cin ahde šipi qa ateyapi kin
kahipi qa heciyapi; De iyeun-
yanpi ce. Ito de nicinksi on-
hdoḥda tawa qa is tawa sne u-
man tukte hecetu hecinhan iyu-
kcan wo.

33 Unkan iyekiye qa, Micinksi
taonhdoḥda qon dee. Wamani-
ca šica wan he temya. Ehan-
qon Josep wanna yapotapi ce,
eya.

34 Unkan Jakob tawokoyake
hdupote qa, wašihda qa anpetu
ota cinhintku kin akiceya.

35 Unkan cinca wicaye cin
owasin wica winyan ko magaga-
ye wacinpi, tuka is magaga ya-
pi cin sne, qa, Iyomakišica ecen
micinksi en Hades ekta mde kta
ce, eye qa cinhintku kin akice-
ya.

36 Unkan Midiani kin Egipta
en Josep wiyopeyapi; unkan
Potipar Paro taakicita tancan
opeton.

WICOWOYAKE 38.

1 Hena owasin hecetu, unkan
Juda hunka wanjin wicaye cin
etanhan apamahde ye qa, Adu-
lami wicašta wan Hira eciyapi
ekta i;

2 Qa hen Juda Kanani wicašta
wan, Šuha eciyapi, he cunwin-
tku wanyake qa yuze qa en i.

3 Unkan ihdušake qa cinca wan
ton; unkan Er eya caš kiton.

4 Unkan ake ihdušake qa, cin-
ca wan ton qa, Onan eya caš ki-
ton.

5 Qa ake cinca wan ton qa,

Šela eya caš kiton. He ton kin
ehan Kezib en un.

6 Unkan Juda iye cinhintku to-
kapa kin Er, winohinca wan,
Tamar eciyapi yus kiya.

7 Unkan Er Juda cinhintku to-
kapa kin he šica e Jehowa wan-
yake qa, Jehowa he te ya.

8 Hehan Juda Onan heciya,
Nicinye tawicu qon ekta ye qa,
he yuza wo. Hecen nicinye
cinksi ye kte cin yakage kta
ce.

9 Unkan cinca kin he iye tawa
yawapi kte sne Onan sdonye, qa
cincu cinca kicage kte sne e cin-
cu tawicu qon en i eca, maka
kin atpapon.

10 Unkan taku econ kin he šic-
a e Jehowa wanyake qa, he na-
kun te ya.

11 Hehan Juda iye takošku kin
Tamar heciya, Wiwazica niyate
ti kin en yanka wo, micinksi Še-
la tanka icage cin hehanyan.
Okini is nakun cinye wicaye cin
iyecen te kta kecin, heon hecen
eya. Unkan Tamar kihde qa
atkuku ti kin en yanka.

12 He iyohakam anpetu ota,
qa Šuha cunwintku Juda tawicu
kin wanna ta; unkan Juda wan-
na magaga yapi, qa Timnat ekta
taḥin wanuyanpi tawa yušda-
pi kin ekta itawankanhde ya,
iye takodaku Hira Adulami kin
kicica.

13 Unkan Tamar heciyapi, Iho
nitunkan taḥin wanuyanpi tawa
hdušda kta e Timnat ekta ita-
wankanhde ya ce, eyapi.

14 Unkan Tamar iyoyakeca
wokoyake hdušdoke qa, ite aha-
ḥpe on aihdahpe qa, Timnat can-
ku iyahde kin he icahda tanin-
yan iyotanka; Šela wanna tan-
ka, tuka qupi sne he wanyaka,
heon hecon.

15 Juda he wanyaka ite aihda-

WICOWOYAKE 39.

hpe cin heon winohinca wiho-mni heca kecin ;

16 Qa canku kin etanhan ekta i, qa takošku kin hee kin sdoneyê sni heon, Tokin unwanken, eciya. Unkan unwanke ça, taku maya-qu kta he ? eya.

17 Unkan, Miş wanuyanpi kin etanhan tatokadan cincadan wan nicahipi waye kta, eya. Unkan, Au wicayakiye cin itokam taku mayaqu kinhan, eya.

18 Unkan, He ciçu kta e sdoneyaye kte cin on etanhan taku e nakaha ciçu kta yacin he ? eya. Unkan, Maza huhu duhe cin ikan iyahna, qa nakun nitacanhpi ninape ohna duhe cin, eya. Unkan hena qu qa, kici wan-ka ; unkan iye etanhan ihduşaka.

19 Qa najin qa hde ça ite aka-hpe hduşdoke ça ake waşihda.

20 Unkan Juda taku qu qon, winohinca nape kin etanhan ehdaku kta e, takodaku Adulami kin tatokadan cincadan aye şî, tuka iye winohinca qon iyeye sni.

21 Qa wicaşta heciya yakonpi kin iwicawanga ; Witkowin canku ohna taninyan iyotanke ci-qon tukte e he ? eya. Unkan, Tohini witkowin wan deciya yanke sni, eyapi.

22 Unkan ihdamna, qa Juda ekta i qa heciya ; Winohinca qon iyewaye sni qa, nakun wicaşta heciya yakonpi kin, Witkowin wanjidan tohini deciya un sni ce, eyapi.

23 Unkan, Yuha un nunwe. Tatokadan cincadan kin de aye cişi tuka iyeyaye sni ; sanpa un-kakite cinhan, okini wowihaha unke kta, Juda eya.

24 Unkan hetanhan wi yamni hehan, Nitakoş Tamar wawicihaha econ, qa wanna wawiciha-

ha kin etanhan ihduşaka ce, Juda eciyapi. Unkan, Tankan au-po ; huhnage kta ce, eya.

25 He aupi kin icunhan tun-kanku hecen wahoya, Tokin maza huhu kin de ikan iyahna, qa canhpi kin de, dena tuwe tawa imiyecidukcan. Tuwe dena tawa ye cin, wicaşta kin he etanhan ihdumaşaka ce, eya.

26 Unkan Juda hena iyekiye ça, Winohinca kin he ohan owotanna miş hemacece sni ; he micinkşi Sela waqu sni kin heon etanhan, eye ça hetanhan icimana winohinca qon sdoneyê sni.

27 Unkan wanna cinca ton kte çehan, inyun tezi mahen cekpa yukan.

28 Qa tonpi kin icunhan, wanji nape kin qu ; unkan cinca tonkiye cin he nape kin icu, qa taku duta iyakaşke ça, De tokaheya hinanpe kta ce, eya.

29 Unkan nape kin ehdaku, lehan inyun cinçu hiyu. Unkan winohinca kin heya, Token payahdeca ; Opaahdeca kin de anicipe nunwe, eye ça, Parez eya caş ton.

30 Hehan sunkaku taku duta nape kin akan yuhe cin he hiyu ; unkan he Zara eya caş ton.

WICOWOYAKE 39.

1 Unkan İsmayeli kin Josep Egipta ekta ayapi. Unkan Pótipar Egipton wicaşta kin heca, Paro taakicita tancan kin he aupi kin Josep opewicakicaton.

2 Unkan Jehowa Josep kici un. Unkan taku econ kin owasin tanyan ihuni ye ça iye yuhe cin Egipton ti kin en yanka.

3 Unkan Jehowa kici un, qa taku nape econ kin owasin Jehowa tanyan yuştan kiye cin he yuhe cin wanyaka.

WICOICAGE.

4 Unkan Josep yuhe cin okiye ça iyokipi ya; unkan tiyohnaka tawa owasin awanyag ši, qa taku tawa owasin nape kin en qu.

5 Unkan tipi tawa, qa taku tawa owasin awanyag ši kin ehantanhan, Jehowa Josep on etanhan Egupton tiyohnaka kin yawašte, qa taku ti ohnaka, qa tamaga ekta wanke cin ko owasin, Jehowa yawašte kin akan un.

6 Hehan taku tawa owasin Josep nape kin en ehpeye ça, is takudan awakicin šni, aguyapi hdute cin hecedan. Unkan Josep owanyag wašte, tancan ite ko wašte.

7 Hena owasin hecetu; unkan hehan yuhe cin tawicu kin Josep atonwe ça, Mici wanka ye, eya.

8 Tuka wicada šni qa yuhe cin tawicu kin heciya; Hiya, mayuhe cin taku tawa owasin minape kin en qu, qa taku tipi ohnaka kin mici un kin iye sdonye šni.

9 De tipi kin ohna tuwedan iyamakapa šni; qa nihihna miye etanhan takudan tpatan šni, niš nana niyuze cin heon etanhan, qa token woahṭani tanka kin de ecamon, qa Wakantanka en wawahṭani kta he? eya.

10 Unkan winohinca qon anpetu owasin heciya, qa kitan hinca, tuka Josep anagoptan šni, kici iwanke šni qa ecaca kici un šni.

11 Unkan kaketu, anpetu wan Josep taku tokon kta e ti mahen i ehan, wicašta hen tipi kin tuwedan timahen un šni.

12 Unkan winohinca qon Josep tašina kin iyahpaye ça, Mici iwanka ye, eya; tuka šina kin winohinca nape kin etanhan ehpeya našdog hdicu, qa tankan iyaya.

13 Unkan nape kin etanhan šina ehpeya tankan našdog hdicu kin he winyan kin wanyake ça,

14 Hehan wicašta tona ti kin ohna tipi kin hena wicakipan, qa hewicakiya, Wanyakape, Heberi wicašta wan den unkahdipi, unkan wištenunyanpi cin. Manke cin en mahi qa mici wanke kte hinca, tuka ho tankakiya nina wašicahowamda.

15 Nina ho tankakiya wašicahowamde cin he naḥon, qa wapən qehan, mitankiyedan šina ehpeya našdog tankan iyaya ce, eya.

16 Qa yuhe cin hdi kte cin hehanyan šina qon, itankiyedan ehṇaka.

17 Qa eye ciqon owasin ake ecen okiyaka, Heberi hokšidan unyakahdipi kin he imahā kta e mikiyadan u.

18 Qa ho tankakiya wašicahowamde cehan mitankiyedan šina ehpeya našdog tankan iyaya ce, eya.

19 Unkan yuhe cin he tawicu oie kin, Hokšidan nitawa kin hecen ecamicon, eciye cin he naḥon hehan cantiyahdeya.

20 Qa yuhe cin Josep icu, qa wicašta yatapi tona kaška wicahnake cin tipi wan en kaška wicahnakapi kin he en Josep kaška ehṇaka. Unkan wicakaška tipi kin en yanka.

21 Unkan Jehowa Josep kici un qa, towaonšida kin hiyohiya qa wicakaška tipi kin itancan kin he Josep wacin en yus kiya.

22 Unkan wicakaška tipi itancan kin, tona wicakaška tipi kin en kaška wicahnakapi kin owasin, Josep nape kin en qu. Unkan taku hen econpi kin owasin Josep econ wicakiya.

23 Hecen Jehowa Josep kici

WICOWOYAKE 40.

un, qa taku econ kin owasin tanyan yuſtan kiya; heon wicakaſka tipi itancan kin, taku Josep nape en yuhe cin hena takudan awanhdake ſni.

WICOWOYAKE 40.

1 Hena owasin hecetu, unkan hehan Egupta wicaſta yatapi tawayatkekiye tawohekiye ko, wicayuhe cin Egupta wicaſta yatapi kin en wahtanipi.

2 Hecen Paro akicita nom wicayuhe cin canniye wicaya, wayatkekiyapi tancan, qa wohekiyapi tancan kin henioza.

3 Qa akicita tancan tipi tawa wicakaſka tipi kin tukten Josep kaſka hnakapi yanke cin he en awanyag wicakiyapi kta e ewicahnaka.

4 Unkan akicita tancan kin he Josep hena awanwicayag kiya, unkan owicakiya. Unkan anpetu ota kaſka hnakapi ecen yukanpi.

5 Hehan Egupta wicaſta yatapi tawayatkekiye, tawohekiye ko, wicakaſka tipi kin ohna kaſka wicahnakapi, hanyetu wanjidan en kinukan wowihanmde ihanmnapi, otoiyoſi wihanmnapi kin iyukcanpi kin iyecen.

6 Hehan ihanſhanna Josep en wicahi qa iyokiſicapi kin wanwicayaka.

7 Qa Paro taakicita wicakaſka *tipi* kin, iye yuhe cin tipi tawa kin he en iye kici unpi wicawanga; Tokeca nakaha ite iyoyag dukanpi he? eya.

8 Unkan wowihanmde wiunhanmnapi, tuka tuwe iyukcan kte cin den wanica ce, eciyapi. Unkan wiyukcan kin Wakan-tanka hee ſni he? Wiyahanmnapi kin omakiyakapo, Josep ewicakiya.

9 Hehan wayatkekiyapi tancan kin wihanmde ciqon ohdaka qa, Wiwahanmde cin en hastanhanka iyuwi wan mitokam han.

10 Qa adetka yamni wiyuwi aicage a ape waſca ko icaſi ye, qa iyage hastanhanka suton yapi.

11 Hehan Paro wiyatke tawa kin minape ohna mduha, qa hastanhanka kin iwacu, qa Paro wiyatke tawa kin ohna mduſkice a Paro nape kin en wiyatke kin ewehde, eya.

12 Unkan Josep heciya, Wiwahanmde cin he kaken ka. Adetka yamni qon anpetu yamni ee.

13 Ebake yamni can Paro nipa kin yuwankan inicu kte a nanke ciqon ake en anihde kta; unkan tokaheya wayatkeyakiye ciqon wicohan kin ake ecen eanon kta, Paro nape kin en tawiyatke kin yaqu kta.

14 Hena hecetu kinhan miksuya wo. Tokin tanyan yaun kinhan wowaſte ecamiyecon, Paro en aje mayadaten qa tipi kin de etanhan hinanpe mayayen.

15 Awicakehan Heberi tamakocepi kin etanhan mamanonpi, qa deciya takudan ecamon ſni on makohidoka kin den emahnakapi kta, eya.

16 Hehan wohekiyapi tancan kin wiyukcan waſte e wanyake a Josep heciya; Miſ nakun wiwahanmde a inyun, aguyapi makanopiye yamni mapa kin akan.

17 Qa makanopiye akantu kin ohna Paro tawoyute oaje owasin wohekiyapi kage cin. Unkan zitkadan hena temyapi, makanopiye mapa kin iwankam un kin hetanhan.

18 Unkan Josep ayupta; He kaken ka. Makanopiye yamni kin anpetu yamni eepi.

WICOICAGE.

19 Ehake yamni can Paro pa kin yuwankan inicu qa, can akan otke niye kta; hehan zikadan nicehpi kin etanhan yutapi kta.

20 Unkan iyamni can, anpetu en Paro tonpi kin he *kiksuyapi* kta e wowidag wicaye cin owasin wowicakihe, ça wayatkekiyapi tancan wohekiyapi tancan henioza wowidake wicaye cin wicehna hdinanpe wicaya.

21 Qa wayatkekiyapi tancan kin wayatke wicakiye cigon wicohan ake hecon ši; unkan wiyatke kin Paro nape kin en qu.

22 Tuka wohekiyapi tancan kin otke ya, Josep iwicakiciyukcan qon iyecen.

23 Unkan wayatkekiyapi tancan kin Josep kiksuye šni, tuka akiktonja.

WICOWOYAKE 41.

1 Hehan tanhan waniyetu nonpa hehan Paro wihanmna. Unkan iho wakpa kahda inajin.

2 Qa inyun wakpa kin etanhan, pte šakowin owanyag wašte qa cepa heca hinanpapi, qa tinta en wihanpi.

3 Qa hena ihektapa tanhan pte tokeca šakowin owanyag šica qa tamaheca hecapi, wakpa etanhan hinanpapi, qa pte umanpi qon ehna wakpicahda najinpi.

4 Qa pte owanyag šica tamaheca hena pte owanyag wašte cepapi šakowin qon temwicayapi. Unkan Paro kiksa.

5 Ake ištima qa inonpa wihanmna. Unkan inyun wamnaheza hu wanjidan wahuwapa šakowin suton, qa waštešte aicaga.

6 Qa hena iyohakam wahuwapa tokeca šakowin hinanpa, tuka šikšica qa wiyohianpa tanhan tate on šnija.

7 Qa wahuwapa conica ton šni kin wahuwapa suton qa ojuguđan qon owasin temya. Paro hecen wihanmde ça hehan kiksa.

8 Unkan ihanhanna qehan Paro nagi kin iyokišice ça, Egup-ton en pejihuta wicašta qa wicašta ksapapi kin owasin wicakico, qa wihanmde cigon Paro owasin owicakiyaka; tuka tuwedan yukcan okihi šni.

9 Hehan Paro wayatkekiyapi tancan kin ie ça, Anpe dehan wawahtani kin weksuya ce.

10 Paro taokiye kin canniye wicaye ça, akicita tancan tipi kin en kaška mahnaka, miye qa wohekiyapi tancan kin he nakun.

11 Unkan hanyetu wanjidan en wiunhanmnapi, miye iye kici kinukan, wihanmnapi iyukcanpi kin iyecen wiunhanmnapi.

12 Unkan hen unkicipi koška wan Heberi kin heca, akicita tancan tahokšidan kin he wiunhanmnapi kin unkokiyakapi, unkan iye hena iyukcan otoiyo hi wiunhanmnapi kin iyecen unki-ci-yukcanpi.

13 Unkan unkiciyukcanpi kin ecetu; miye ake wiyatke yuhe makiye ça uman kin otke ya.

14 Hehan Paro Josep huwe ye wicaši, unkan wicakaška tipi kin etanhan kiyuškapi, hehan putin hin hđasan, qa wokoyake tokeca kiçun qa Paro yanke cin en hi.

15 Unkan Paro Josep heciya, Wowihanmde wan iwahanmna, unkan he yukcan kta okihi tuwedan iyewaye šni, tuka wihanmnapi niš nayañon unkan idukcan oyakihi keyapi nawañon.

16 Unkan Josep ayupte ça, Miye ee šni, Wakantanka eqe toketu kin tanyan oniciyake kta ce, eciya.

WICOWOYAKE 41.

17 Unkan Paro ie ça, Wiwanmde ça watpa hutata kin nawajin;

18 Qa inyun wakpa kin etanhan, pte šakowin cepa, owanyag wašte hinanpapi, qa tinta kin en wihanpi.

19 Unkan hena iyohakam pte tokeca šakowin tamaheca, owanyag šiksica hinanpapi; tamahenheca šica hena iyececa, Egipta makoce kin en tohini wanmdake šni.

20 Qa pte tamahenheca šice cin pte šakowin cepa tokaheya qon temwicayapi.

21 Unkan tan mahen iyayapi kin hehan, tan mahen iyayapi kin sdonye pica šni; otokahe ekta šiksica taninpi qon nahahin hececapi. Unkan hehan wekta.

22 Qa ake wiwanmde ça inyun wamnaheza hu wanjidan wahuwapa šakowin hanskaska waštešte aicage cin wanmdaka.

23 Hehan ake wahuwapa šakowin cikcistina, wiyohiyanpata tateyanpa kin on šnijapi, qa co wanica hinanpapi.

24 Qa wahuwapa cikcistina wahuwapa šakowin waštešte qon owasin temyapi. Unkan wicašta wiyukcan heca owicawakimdaka, tuka miciyukcanpi šni.

25 Hehan Josep Paro heciya, Paro wihanmde cin hena okonwanjidan, Wakantanka token econ kte cin he Paro okiyaka.

26 Pte šakowin wašte qon, hena waniyetu šakowin ee; qa wahuwapa šakowin waštešte qon, hena nakon waniyetu šakowin ee, wowihanmde kin hena wanjidan.

27 Qa pte šakowin tamaheca, qa šice cin umanpi kin iyohakam hinanpapi kin, hena waniyetu šakowin ee, qa wahuwapa šako-

win cikcistina wiyohiyanpata tateyanpa kin on šnija kin hena nakon, waniyetu šakowin wicaakihan kte cin hee.

28 Paro taku ewakiye cin he dee. Wakantanka taku econ kte cin he Paro wanyag kiya.

29 Hecetu kta, tokata waniyetu šakowin hehanyan, Egipta makoce kin owancaya taku owasin iyakicuya icage kta.

30 Qa hena iyohakam waniyetu šakowin wicaakihan kta, qa Egipta makoce kin en taku iyakicuya icage kte ciquon akiktunjapi kte ça, wicaakihan kte cin makoce kin awihnuni kta.

31 Unkan hehan wicaakihan kte cin iyotan tehike kte cin makoce kin en, heon wipipi qon sdonyapi kte šni.

32 Qa wicoie kin de Wakantanka yuecetu kte ça, wanna kohanna Wakantanka econ kta, heon Paro nonpa akihde wihanmna.

33 Qa wanna Paro wicašta wan ksape ça wayupika akite ça, Egipta makoce kin yuhe kiya nunwe.

34 Qa Paro akicita wicakage ça makoce kin en wicahdusuta kte; unkan waniyetu šakowin wipipi kta hena icunhan, taku makoce aicage kte cin owasin izaptanptan icupi nunwe.

35 Hecen waniyetu šakowin waštešte kte cin hena icunhan, woyute ocaje owasin kamnapi kte, Paro nape kin ihukuya, tonwanyanpi kin en aguyapi pahipi kte cin he woyute awanyakapi nunwe.

36 Qa waniyetu šakowin wicaakihan kte cin Egipta makoce kin en hena on, taku yutapi kinhnakapi kinhan, makoce kin wicaakihan kte cin on awihnuni kte šni, eya.

WICOICAGE.

37 Unkan Paro ookiye wicaye cin ko wicoie kin he wašte da-kapi.

38 Hehan Paro iye taškiye kin hewicakiya ; Wicašta wan Wakantanka taniya en un kin de iyececa iyeunyanpi pica he ?

39 Qa Paro Josep heciya, Wakantanka de owasin sdonye ni-ciye cin, niš nana widukcan qa yaksapa, tuwedan iyenicece šni.

40 Niš wati kin awanmiyecidake kta, qa oyate mitawa owasin oie ananigoptanpi kta. Oiyotanke kin en hecedan iciwan-kam waun kta.

41 Qa wanyaka wo, Egipta makoce kin owasin yuhe ciciya ce, eya.

42 Hehan Paro maza napcupe hdušdoke ça Josep nape kin ohna iyeye ça, minihuha ska wašte koyag ye ça, mazaskazi wanapin wan napin kiya.

43 Qa canpahmihma yuhe cin etanhan canpahmihma inonpa kin he ohna iyotang ye ça, Itokam canpeška makehde inajinpo, ieyanpaha eyapi, qa Egipta makoce kin owasin yuhe kiyapi.

44 Qa Paro Josep heciya, Paro miye ce. Oyate kin tuwedan iye cinka takudan econ kte šni. Niš nana token econ wicayaši kin hecetu kta ce.

45 Qa Paro Josep, Wicoicage nikiye cin, eya caš ton, qa On otonwe kin en wošnapı kage cin, Potipera he cunwintku Asenat tawicu kta e qu. Unkan Josep Egipta makoce kin ehna iyaya.

46 Josep, Egipton wicašta yatapi Paro itokam najin qehan, wanna waniyetu wikcemna yamni qa, hehan Josep Paro itokapa tanhan inanpe ça Egipta makoce kin owancaya iyoptapta iyaya.

47 Unkan waniyetu wipipi kin hena icunhan, makoce kin napohnahnaka icaš ya.

48 Qa waniyetu šakowin Egipta makoce kin en, taku yutapi owasin pahipi, qa tonwanyanpi kin en kibnakapi ; otonwe otói-yohi ohna maga ihdukšan un kin etanhan woyute otonwe kin en kihnakapi.

49 Qa Josep, miniwanca kahdaya wiyaka wanke cin iyecen, aguyapi ota hinca pahi, yawapica šni nakaeš yawapi kte cin ayaštanpi.

50 Unkan Josep cinca wica nonpa kicitonpi, waniyetu wicaakihan kin itokam, Asenat Potipera On en wošnapı kage cin he cunwintku kin hena Josep kici ton.

51 Iyomakišice ciqon owasin, qa ate ti kin owasin Wakantanka akiktunš mayan, eye ça tokapa kin Manaše eya caš kition.

52 Qa, Makoce en kakiš mayanpi qon, he en Wakantanka taku icaš mayan, eye ça iyokihe Epraim eya caš kition.

53 Unkan waniyetu šakowin wipipi kin Egipta makoce kin en wanna henakeca.

54 Qa waniyetu šakowin wicaakihan kte cin wanna en au, Josep eye ciqon hecetu. Unkan makoce owasin en wicaakihan, tuka Egipta makoce kin en owancaya aguyapi yukan.

55 Unkan Egipta makoce kin owancaya akihanpi kte cehan, oyate kin aguyapi on Paro hoyekiyapi. Unkan, Josep ekta yapi qa, token econ nišipi kin ecen econpo, Paro Egipton owasin ewicakiya.

56 Wanna maka ohnaka owancaya wicaakihan, hehan Josep aguyapi opiye kin owasin hdu-

WICOWOYAKE 42.

hdoke ça, Egupton taku yutapi wicaqu; Egupta makoce kin en wicaakihan tehika aye nakaś.

57 Unkan maka owancaya etanhan, Egupta ekta Josep en taku yutapi opeton hipi, maka kin owancaya nina wicaakihan ece.

WICOWOYAKE 42.

1 Hehan Egupta makoce kin en aguyapi yuke cin Jakob wanyake ça cinkśi wicaye cin hewicakiya, Tokeca ecin opakicilita dukanpi he?

2 Ihopo Egupta heciya aguyapi yukan *keyapi* nawahon. Ecin kutkiya ekta yapi qa heciya tanhan woyute opeunkicatonpo, kinhan unnipi qa untapi kte śni ce, eya.

3 Unkan Josep cinye wicaye cin wikcemna qon aguyapi opetonpi kta e Egupta *makoce kin* ekta kutkiya ipi.

4 Tuka Benjamin Josep sunkaku kin ope śni, Okini taku śica akipe kta naceca, Jakob eye ça hecen ye śi śni.

5 Unkan Kanan makoce kin en wicaakihan, heon uman hipi kin om, Israel cinkśi wicaye cin woyute opeton hipi.

6 Wanna makoce kin en Josep itancanyan un, qa makoce kin ohna oyate hiyeye cin owasin taku yutapi wicaqu kin Josep hee. Unkan cincu qon en hipi, qa itokam ite makipusdiya makata ehpeiçiyapi.

7 Unkan Josep wanwicayake ça cincu iyewicakiya, tuka wicitokam ihdutokeca, qa icanksiya owawicakiya qa, Tokiyatanhan yaupi he? eya iwicawanga. Unkan Kanan makoce kin etanhan taku yutapi opeton unhipi ce, eyapi.

8 Hecen Josep eqe cincu kin

iyewicakiya, tuka iye Josep iye-kiyapi śni.

9 Hehan Josep wowihanmde ihanmde ciqon kiksuye ça, Makoce iwanyakapi kin henicapi, qa makoce wanna śdayehna wanke cin he iwanyag yahipi ce, ewicakiya.

10 Unkan, Hiya itancan hecetu śni. Hokśidan nitawa woyute opeton unhipi.

11 Wicaśta wanijidan owasin cinkśi unyanpi. Unkiye iewicaunkapi; hokśidan nitawa kin makoce iwanyakapi kin heuncapi śni ce, eciyapi.

12 Unkan, Hiya makoce śdayehna wanke cin he iwanyag yahipi ce, ewicakiya.

13 Unkan, Hokśidan nitawa hunka wanjin unkiciyapi ake unnonpapi; Kanan makoce kin en wicaśta wanjidan ate unyanpi, qa hakakta kin he anpe dehan ate unyanpi kin kici yanka, qa wanjidan tanin śni, eyapi.

14 Unkan, Makoce iwanyakapi kin henicapi; eya eciciyapi qon he hecetu ce.

15 Deciya tanhan niyukcanpi kta. Paro ni un kin nisunkapi cistinna kin he hi śni kinhan detanhan tokidan dapi kte śni.

16 Ihopo, niyepi kin wanjidan sunka yayapi kin hduwe ye śipo, qa nioiepi kin yahduwicakapi kin hehanyan kaśka dukanpi kta. Hecen niyukcanpi kta, hecetu śni kinhan, Paro ni un kin makoce iwanyakapi kin henicapi kta, Josep ewicakiya.

17 Qa iyamni can hehanyan witaya onatag wicahnaka.

18 Anpetu iciyamni hehan Josep hewicakiya, Wakantanka kowakipa ce. Kaken e econpo qa ni unpo.

19 Wicayakapi kinhan, hunka wanjin yayapi kin wanjidan ka-

WICOICAGE.

ška yanke kta, tipi kin de onatag nihnakapi kin he en, qa niye umanpi kin ihopo, tiyohnaka nitawapi kin wicaakiĥan kin on woyute akiyahdapo.

20 Qa sunka yayapi cistina kin he miye en makaupo, hecen nioie yahduwicakapi kinhan nitapi kte ŗni. Unkan ecen econpi.

21 Qa iyakitedan hekiciyapi, Ehanqon waunĥtanipi. Sunka unyanpi wacin iyokiŗin wanunyakapi qa ceunkiyapi, tuka anaungoptanpi ŗni, heon wocante ŗice cin de unhiyahdepi ce, eyapi.

22 Unkan Ruben ayupte a, Hoksĭdan kin en waĥtanipi ŗni po eciciyapi ŗni he? tuka anamayagoptanpi ŗni; unkan ecin iye we kin wanna wiunwanga- pi kin he dee ce, eya.

23 Unkan Josep he naĥon sdonyapi ŗni. Taku ewicakiya eca wicaŗta wan ie ska kiya ece nakaes.

24 Tuka Josep wicitokapa tanhan toki ye a ceya. Hehan icicawin en wicahdi qa, taku ewicakiye a, hehan umanpi kin etanhan ŗimeyon icu qa, iŗtapi kin wicitokam pakilĥta.

25 Hehan Josep wojuha tawapi kin aguyapi on ojuwicakici- tonpi kta, qa mazaska tawapi otaiyohi wojutonpi kin en owicakicihnakapi kta; waneya nakun wicaqupi kta, keya. Unkan hecen ecawicakicon.

26 Unkan ŗuktanka ŗonŗonna kin taku yutapi qin wicakiyapi qa hdapi.

27 Qa tukten kiwankapi kin, wanji taŗunke ŗonŗonna wo qu kta e wojutonpi kin hduĥdoka; unkan inyun wojutonpi i kin en tamazaska kin yanka.

28 Unkan hunka wanjin wica-

ye cin hewicakiya, Mazaska mduhe ciqon ake micupi. Wan- yakapo, wojutonpi mitawa kin en ohnakapi ce. Unkan owasin icanwankapi qa ikopapi qa, De taku Wakantanka ecaunkiconpi hwo, ekiciyapi.

29 Qa Kanan makoce kin ekta ateyapi Jakob en hdipi, qa to- ken akipapi qon owasin okiya- kapi.

30 Makoce yuhe cin he ihnu- hana icanksiya taku unkekiciya- pi, qa makoce kin iwanyag un- kipi iyecen ecaunkiconpi.

31 Tuka, Oĥan unkowotanpi qa makoce iwanyakapi kin he- uncapi ŗni;

32 Hunka wanjin unkiciyapi ake unnonpapi hena owasin ate unwanjipidan, wanjidan tanin ŗni, qa hakakta kin he anpe de- han Kanan makoce kin en ate unyanpi kici yanka ce, unkeki- yapi.

33 Unkan, Oĥan oniwotanpi- dan kinhan, detanhan sdonwaye kta ce. Hunka wanjin yayapi kin wanjidan den mici yanke kta, qa yatipi kin en wicaakiĥan kin on, woyute icupi qa ekta hda- po.

34 Qa sunka yayapi hakakta kin he makaupo. Kinhan ma- koce iwanyakapi kin henicapi ŗni, qa oĥan oniwotanpidan kin sdonwaye kta ce, qa hehan, hun- ka wanjin yayapi kin de ciupi kta; kinhan makoce kin den wopeyatonpi kta ce, makoce yu- he cin unkekiciyapi ce, eyapi.

35 Hehan wojutonpi kin toko- kadapi; unkan inyun mazaska apaĥtapi qon, owasin wojutonpi kin en yanka. Owasin ateyapi kin kici mazaska apaĥtapi qon wanhdakapi, qa inihanpi.

36 Hehan Jakob ate yapi kin hewicakiya; Miye micinca ma-

WICOWOYAKE 43.

yakipi, Josep tanin *śni*, qa *Šimeyon* tanin *śni*, qa Benjamin iya-cupi kta; hena owasin iyokišin mayanpi.

37 Unkan Ruben he atkuku kin heciya, He minape kin en maqu wo. *Miš* niye en awahdi kta ce. He niye en awahdi *śni* kinhan, micinca nom kaṭa iye-wicaya wo, eya.

38 Tuka, *Micinksi* kin *de* nicipi ye kte *śni* ce. Cincu wanna ṭe ca *iś* nana okaptapi, qa canku ohna dapi kin he tahepi Benjamin taku *šice* cin akipe cinhan, mapa ska kin Hades ekta iyoki-šin yemayayapi kta ce, eya.

WICOWOYAKE 43.

1 Wanna makoce kin en wica-akihan teḥika aya.

2 Unkan aguyapi Egipta etanhan ahdipi qon temyapi, hehan ateyapi kin hewicakiya, Ake ekta yapi qa taku yutapi onge opeunkicitonpo.

3 Unkan Juda ayupte ca, *Wicašta* qon, Nisunka nicipi *hi* *śni* kinhan miite kin wanmayadakapi kte *śni* ce, nina kitanyan unkekiciyapi.

4 Hecen *niś* sunka unyanpi kin unkipi ye yaši kinhan kun unyanpi, qa woyute opeunnicitonpi kta.

5 Tuka, *niś* ye yaši kte cin tawatenya ye *śni* kinhan, kun unyanpi kte *śni*. Nisunkapi kin ope *śni* kinhan, miite kin wandakapi kte *śni* ce, *wicašta* kin unkekiciyapi ce, eya.

6 Unkan, Tokeca nisunka wanji yuke cin, *wicašta* kin oyakidakapi qa *šicaya* ecamiyeconpi he? Israel eya.

7 Unkan, *Wicašta* kin atayedan wicowazipi kin unkiwangapi, qa heya, Niyatepi kin naha-

kin ni he? Nisunka wanji yukan he? Unkan owasin wicoie kin hena ecen unkokiyakapi. Ecin token on, Nisunkapi kin makaupo, eye kte cin sdonunyanpi kta he? eyapi.

8 Qa, *Koška* kin mici ye *ši* wo, kinhan naunjimpi qa unyanpi kta; hecen unnipi kta, unkiye niye unkcincapi ko owasin untapi kte *śni*.

9 *Miš* he awanmdake ca minape kin etanhan mayakida kta. Niye en cicihadi *śni*, qa nito-kam ewehde *śni* kinhan, anpetu owasin, Niye en wawalitani *kemakiyapi* kta.

10 Ye unkapinpi *śni* unkanś, wanna dehan inonpa unhdipi kta tuka ce; Juda atkuku Israel eciya.

11 Unkan, Hecetu hecinhan kaken e econpo. Makoce kin de waskuyeca tukte iyotan wašte kin wojuha duhapi kin ohna yuha yapo, canšin onge, qa hastanhanka hanpi tiktica onge, qa taku waštemna, qa pejihuta yatan, hma qa uma, henakiya *wicašta* kin yaqupi kta.

12 Mazaska nakun oiyopeye nom, nape kin ohna icupo, mazaska wojutonpi ohna yahdohdipi qon he koya, nape ohna adapi kta, he wanun econpi naceca.

13 Nisunkapi kin nakun icupi, qa najinpi qa *wicašta* qon ekta ake yapo.

14 Qa *wicašta* kin cante nicipi qa hunka wanjin yayapi kin, uman kin he ku *ši* kte, Benjamin koya, Taku wakan Otancanke ionšinidapi kte. *Miš* micinca makipi kinhan hecen makipi kta, ateyapi Israel ewicakiya.

15 Hecen *wicašta* kin taku ikce qupi kte cin he icupi, qa mazaska nape ohna icupi; qa

WICOICAGE.

Benjamin kici inajinpi, qa Egu-
pta ekta kun yapi qa Josep ito-
kam inajinpi.

16 Unkan Josep wanwicayaka,
Benjamin kici, qa taokiye wan
tipi awanyake cin he héciya;
Wicašta kin dena tin awicaye
ça, wanuyanpi wan pata, qa span-
yan wo. Wiyotanhan hehan
wicašta kin dena om wawate
kta ce.

17 Unkan wicašta kin token
Josep eye cin owasin ecen econ,
qa Josep ti kin ti mahen u wicaši.

18 Unkan Josep ti kin ti mahen
awicaipi kin heon wicašta kin
kokipapi qa, Mazaska tokaheya
wojutonpi unkitawapi kin ohna
unhdohdapi qon, heon anauntan-
pi, qa taku iyaunkonpapi kta e
unkicopi, qa wayaka unyuzapi
kta unkiye šuktanka šonšonna
unhapi koya, eyapi.

19 Qa Josep ti kin awanyake
cin he en ikiyeddan hinajinpi, qa
tipi tiyopa kin en okiyapi.

20 Qa, Itancan otokahe ekta
taku yutapi opeuntanpi kta e
kun unhipi.

21 Qa owanka qon, en unki-
wankapi, qa wojutonpi unhd-
hdokapi, unkan mazaska unka-
hipi qon otoiyohi wojutonpi un-
kitawapi i kin ohna yanka, ma-
zaska aspeunkiye unkitonpi qon
he iyececa, he owasin nape ohna
unnicicahipi.

22 Qa mazaska tokeca on ta-
ku yutapi opeuntanpi kta e nape
ohna yuha unhipi. Tuwe maza-
ska unkahipi qon, unkitawoju-
tonpi kin ohna iyolipeye cin
sdonunyanpi šni ce, eyapi.

23 Unkan, Tanyan yaunpi kta
ce. Wikopapi šni po. Taku
wakan yadapi kin niyatepi ta
Wakantankapi kin hee wojuton-
pi nitawapi kin ohna woyuha
uicupi. Mazaska nitawapi qon

miye en makahipi, eye ça hehan
Šimeyon wicitokam hinanpe ya.

24 Qa Josep ti kin ti mahen u
wicaši, qa mini wicaqu; unkan
siha hdujajapi, qa šuktanka šon-
šonna tawapi kin nakun taku
yutapi wicaqu.

25 Unkan, Hen aguyapi yutapi
kta keya nahonpi, heon wiyot-
tanhan hehan Josep hdi kte cin
he itokam taku ikce qupi kte
cin owasin wiyeya ehnaqapi.

26 Unkan Josep tiyata hdi
hehan taku ikce qupi kte cin,
nape ohna Josep en ti mahen
aupi, qa itokam makipusdiya
ehpeiciyapi.

27 Unkan, tanyan unpi hecin-
han iwicawange ça, Niyatepi kin
wicašinca catedatapi qon naha-
šin ni he? tanyan un he? eya.

28 Unkan, Nitaokiye ate un-
yanpi kin he nahāšin ni, qa tan-
yan un ce, eyapi qa patujapi qa
makata ehpeiciyapi.

29 Unkan Josep en etonwe ça,
sunkaku Benjamin kici hunku
wanjidan kin he wanhdake ça,
Sunkayayapi cistina miye en
catedatapi qon he dee he? eye
ça, Micinkši Wakantanka cant-
onihlake kte, eya.

30 Qa sunkaku kin en cante
kin škanškan he cin heon Josep
inašniyan tukten ceye kta akite
ça wankan tipi ekta i, qa ceya.

31 Hehan ite kin hdujaja qa
hdinanpe ça ihduhe ça, Aguyapi
ehnakapo, eya.

32 Unkan aiyog Josep qupi, qa
hunka wanjitku kin is aiyog wi-
caqupi, qa Egupton tona hen
wotapi kin aiyog wicaqupi; E-
gupton Heberi om aguyapi yu-
tapi okihipi šni nakaeš, heconpi
kinhan išten iciyapi kta.

33 Unkan Josep itokam iyo-
tankapi, tokapa kin watokapa
kin iyecen, qa hakakta kin ci-

WICOWOYAKE 44.

stina un kin iyecen, qa wicašta qon iyakitedan yušinyayapi.

34 Taku yutapi iyacinpi otoiyohi wicaqu, tuka Benjamin taku tawa tanka umanpi taku tawapi zaptan akihde heon. Unkan kici yatkanpi, qa iyuškinpi.

WICOWOYAKE 44.

1 Unkan Josep tuwe tipi tawa awanyake cin heciya, Wicašta kin wojuha yuhapi kin en taku yutapi oju wo; tohan qin okihipi kin hehanyan, qa mazaska aupi kin owasin otoiyohi tawojutonpi i kin ohna ehnaka wo.

2 Qa hakakta kin tawojutonpi i kin ohna mazaska wakšica mitawa kin he oyahnake kta, mazaska woyute iyopeye ahi kin he iyahna. Unkan token Josep eciye cin, ecen econ.

3 Anpao hehan hde wicašipi, wicašta tašunke šonšonna koya.

4 Wanna otonwe kin etanhan kinanpapi kitanna tehan *hdapi*, hehan Josep wicašta tipi tawa awanyake cin heciya; Najin qa wicašta qon tawicapa wo, qa wicayehdege cinhan, He tokeca tanyan ecaniconpi kin itkom šicaya ecanonpi?

5 Mayuhe cin taku ohna wayatke ça on ayate cin dee šni he? Taku ecanonpi kin he šica, ewicakiya wo.

6 Unkan ewicakihdege ça wicoie kin hena ewicakiya.

7 Unkan, Itancan tokeca e hecen eha he? Hoksídan nitawa token heconkupi kta he?

8 Mazaska wojutonpi i kin ohna iyeunyanpi qon he ake, Kanan makoce kin etanhan unnicicahipi kin sdonyaya. Hehan ecin token on etanhan niyuhe cin ti kin etanhan mazaska qa is mazaskazi maunnonpi kta he?

9 Hoksídan nitawa uman tukte kašta he yuha iyeyaye cinhan te kta, qa unkiye owasin wowindag unyayapi kte, eyapi.

10 Unkan, Wanna token ehapi kin hecetu kte. Tuwe he yuha iyewakiye cinhan wowidake waye kta, tuka umanpi kin iyaonpepicašni yaunpi kta, eya.

11 Unkan owasin inahniyan wojutonpi kin makata pahpapi qa, otoiyohi wojutonpi hduhdo-kapi.

12 Unkan tokapa kin tawojutonpi kin en tokaheya akite ça hakakta kin ecen owecinhan yušan. Qa Benjamin tawojutonpi kin ohna wakšica kin iyeya.

13 Unkan wokoyake kin hdupotapi qa owasin šuktanka šonšonna qin wicakiyapi, qa icicawin otonwe kin ekta ipi.

14 Hehan Juda, hunka wanjin wicaye cin om, Josep ti kin en ipi. Unkan iye nahahin hen yanka, qa he itokam owasin makata ehpeiciyapi.

15 Unkan woecon kin de taku ecanonpi hwo? Wicašta tuwe hemacece cinhan ayate cin okihi sdonyayapi šni he? Josep ewicakiya.

16 Unkan Juda heya, Mayuha token unkaniyuptapi kta he? Taku unkeyapi kta, qa tokiya tanhan unhducetupi kta he? Waunhitanipi qon wanna Wakan-tanka iyeunyanpi. Iho, Itancan wayaka unyaduhapi, wakšica kin yuha iyeyapi qon qa unkiye-pi owasin nakun, eya.

17 Unkan, Hecamon kte cin Wakantanka iyomaki šni nunwe. Wiyatke yuha iyeyapi qon wicašta kin he, hecedan wowindag waye kta; tuka niyepi wookiye on niyatepi kin ekta hdapo, Josep eya.

18 Unkan Juda ikiyedan hina-

WICOICAGE.

jin qa heya, Itancan ceciya ce, hoksidan nitawa canniye maye šni wo. Mayuhe cin Paro iye-niceca. Tokin hoksidan nitawa taku epe cin nayahon.

19 Mayuhe cin hoksidan nitawa wiwicanonga; Niyatepi yuke a nisunkapi yukan he? ehe ciqon.

20 Unkan itancan hecen unkeniciyapi; Han ate unyanpi kin wanna wicahinca, a cinhintku cistina kin wicahinca ehan tonpi kin he kici yanka, a cinu kici hunku wanjidan qon he a, hecen isnana okaptapi, unkan atkuku cantekiya ce, unke-yapi.

21 Unkan, Nisunkapi kin makaupo, wanmdake kta ce, hoksidan nitawa kin ewicayakiye ciqon.

22 Unkan, Itancan hoksidan kin atkuku kin ehpeye kte cin okitpani, he atkuku ehpeya u kinhan, atkuku kin e kta ce, unkeniciyapi qon.

23 Unkan, Nisunkapi cistina kin he kici kun yaupi šni kinhan, ake miite kin icimana wandakapi kte šni, hoksidan nitawa unkeyakiyapi.

24 Unkan hoksidan nitawa kin ate unyanpi kin ekta itawankanhde unhdapi, a he en token iyae cin owasin unkokiya kapi.

25 Unkan, Ake ekta yapi, a woyute onge opeunkicatopu, ate unyanpi kin eya.

26 Unkan, Sunka unyanpi cistina kin de ope cinhan unyanpi kta ce; tuka iye ope šni kinhan apamahde unyanpi kte cin unkokitpanipi. Sunka unyanpi hakakta kin kici unyanpi šni kinhan, wicašta qon itohnake kin wanunyakapi kte šni ce, unke-yapi.

27 Unkan hoksidan nitawa ate

unyanpi kin heunkiciyapi, Mitawin cinca nom nana miciton e sdoniyayapi.

28 Tuka uman kin mitan tanhan toki iyaye a, Ehanqon yapotapi ce, epe ciqon chantanhan wanwahdake šni.

29 a wanna de nakun mitan tanhan toki adapi kta, a tahepi taku šice cin akipe cinhan pa maska iyokišica Hades ekta amayadapi kta ce, eya.

30 Unkan dehan kaketu kta ce. Nitahoksidan ate unyanpi kin ekta unhdapi, a iye nagi kin hoksidan nagi kin en ihdaške a hoksidan kin ope šni kinhan;

31 Ate unyanpi kin hoksidan tanin šni kin wanhdake cinhan e kta. Hecen wowindag unyayapi kin hoksidan nitawa ate unyanpi kin pa ska kin iyokišica Hades ekta kun unkayapi kta.

32 Hoksidan nitawa miye hoksidan kin ate wakida a hewakiya; Niye cicicahdi šni kinhan, ate niye en wawahtani ohinnian kecanni kta ce, epa.

33 Unkan wanna ceciciye, hoksidan kin hee kiya den manke a mayuhe cin wowindag mayaye kta, a hoksidan kin cinye wicaye cin om itawankanhde hde kta.

34 Hoksidan kin omicipe šni kinhan ate ekta itawankanhde wahde kte cin owakitpani. Taku šica ate ahinhpaye kte cin he wanmdake kte cin tawaŋenwaye šni, eya.

WICOWOYAKE 45.

1 Hehan Josep tona en najinpi kin owasin wicitokam ihduhe kta okihi šni, a panyanhan hewicakiya, Wicašta owasin mitokapa tanhan tankan iyayapo. Hecen Josep hunka wanjin wi-

WICOWOYAKE 45.

caye cin en sdonye içiye çehan, tuwedan kici yanke şni.

2 Hehan Josep hotaninyan ceya. Unkan Egupton he nahonpi, Paro tiyohnaka tawa kin nakun nahonpi.

3 Unkan Josep hunka wanjin wicaye cin hewicakiya, Josep he miye ce, Ate nahahin ni he? eya; tuka cincu itokapa tanhan yuşinyayapi qa ayuptapi kte cin okitpanipi.

4 Unkan, Ihopo, mitan kiye-dan upo, Josep hunka wanjin wicaye cin, ewicakiya. Unkan kiyadan hinajinpi. Unkan, Josep nisunka Egupton ekta wiyopeyayapi qon he miye ce.

5 Qa dehan wiyopemayayapi kin on iyokişin içiyapi şnipu, qa icanniye kiciyapi şnipu. Wani-kiye makage kta e Wakantanka u makiya ce.

6 Wanna waniyetu nonpa wicaakihan maka kin ohna, qa tokata waniyetu zaptan yumdupi kte şni, qa woksapi kte şni ce.

7 Taku maka akan ecicihnaka-pi, qa taku iyotan tehika etanhan ni ciyapi kta e Wakantanka nitokam u makiya ce.

8 Wanna deci u makiyapi kin he niyepi ee şni. Wakantanka hee *hecon* qa, Paro ate maye ça tiyohnaka tawa kin owasin itancan makiyapi, qa Egupta makoce kin owancaya wowindag wicawaye kta e emahde.

9 Inahnipu, qa ate ekta itawan-kanhde hdapi, qa heciyapo; Nicinkşi Josep hecen eya; Wakantanka Egupta owasin yuhe makiya ce. Iho kun en mahi qa yutehan şni wo.

10 Kinhan Goşen en ounyaye ça mitan kiyedan yaun kta ce. Niye nicinca qa nicinca cinca wicayapi, tahin wanuyanpi nita-

wa, pte nitawa ko, qa taku duhe cin owasin;

11 Kinhan wo ciçu kta: nahan tokata waniyetu zaptan wicaakihan kte cin heon, yau şni kinhan, okini niwahpanica kta nace, niye yati ohnaka kin, qa taku nitawa ko owasin.

12 Ihopo, niştapi kin misunka Benjamin işt kin nakun mii kin on ociciyakapi kin he wanmayahdakapi.

13 Egupta en wowitan mduhe owasin, qa taku wandakapi ko owasin, ate okiyakapo, qa inahniyan ate deciya kun aupo;

14 Eye ça sunkaku Benjamin poskin yuze ça ceya. Unkan Benjamin cincu tahu kin akan ceya.

15 Hehan hunka wanjin wicaye cin owasin i iwicaputake ça wicahduha ceya. Unkan cinye wicaye cin kici wohdakapi.

16 Wanna Josep hunka wanjin wicaye cin hipi ce, eya oyakapi kin, Paro tiyohnaka tawa kin nahonpi, qa Paro ookiye wicaye cin ko he waşte dakapi.

17 Qa Paro Josep heciya, Hunka wanjin wicayaye cin hecen ewicakiya wo. Kaken econpo; wanuyanpi duhapi kin qin wicakiyapi, qa Kanan makoce kin ekta hdapo.

18 Qa niyatepi tiyohnaka nitawapi kin ko owasin, icupi qa en maupo; kinhan Egupta makoce kin en taku waşte yuke cin ciçu-pi kta qa, taku iyotan waşte makoce aicage cin yutapo.

19 Qa niye hecen econ nişipi. Nitaşicecapi nitawinpi ko ou Egupta makoce kin etanhan canpahmihma yuha hdapi, qa niyatepi kin kici wicahduha upo.

20 Tuka wahpaye duhapi kin he awakicinpi şnipu. Taku wa-

WICOICAGE.

šte Egupta makoce ohnaka kin owasin nitawapi kta ce.

21 Unkan Israel cinca kin ecen econpi, qa Josep canpahmihma wicaqu, Paro eya econ ši qon iyecen, waneya tahepi yutapi kta nakun wicaqu.

22 Qa owasin wokoyake iyohi wicaqu, tuka Benjamin maza-ska opawinge yamni qu, qa wokoyake owasin zaptanptan nakun.

23 Qa šuktanka šonšonna wikcemna taku Egupta aicage cin qin wicakiya, qa nakun šuktanka šonšonna wiye wikcemna wamnaheza, qa aguyapi špan, woyute atkuku waneya yuhe kte cin qin wicakiye ça, hena owasin atkuku kin en ahde wicaši.

24 Qa hunka wanjin wicaye cin kihde wicaši qa, Ihunhan tahepi taku ayakinicapi kin, ewicakiya. Unkan hdapi.

25 Egupta makoce kin etanhan itawankanhde hdapi, qa Kanan makoce kin ate yapi Jakob yanke cin ekta kipi.

26 Qa heciyapi, Josep nahahin ni, qa Egupta makoce kin owasin yuha ce, eyapi. Unkan ce-tonwicaħda qa wacin hnuni.

27 Hehan Josep oie ewicakiye cin owasin okiyakapi, qa canpahmihma ohna iye ihdaka ye kta e Josep ahde wicaši qon hena wanyake cehan, Jakob ate yapi cante kin kimdeza.

28 Qa Israel heya, Iho henana Josep micinkši nahahin ni. Maṭe šni wanhdag mde kta ce.

WICOWOYAKE 46.

1 Hehan Israel ihdaka, iye taku tawa ko owasin, qa Beršeba en hi qa, atkuku Izak taku wakan da kin wošnapı wakiyušna.

2 Unkan Wakantanka hanyetu wowanyake wan en Israel heciya, Jakob, Jakob, eya. Unkan, De miye ce, eya.

3 Unkan, El niyate ta Wakantanka kin he miye. Egupta en de kte cin ikope šni wo. Hen oyate tanka icaħ ciciye kta ce.

4 Miye Egupta ekta ciyahna kun mde ça ake acihdi kta, qa Josep nape kin ništa kin akan aniputake kta ce, eya.

5 Unkan Jakob Beršeba etanhan inajin. Unkan Israel cinkši wicaye cin tašicecapi, qa tawicupi, qa Jakob ate yapi kin, hena kiya canpahmihma Jakob aupi kta e Paro wicaqu qon, hena ohna yuha yapi.

6 Qa tawanuyanpi, qa tawaħpayapi, taku Kanan makoce kin en tonpi kin ikikcupi qa Egupta ekta ihdaka ipi. Jakob taku tawa ko owasin ;

7 Cinkši wicaye cin, qa sanpa cincapi, cunkši wicaye cin qa cinhintku cunkši wicayapi kin, taku tawa ko owasin, Jakob kici Egupta ekta ipi.

8 Israel cinca kin Egupta en ipi kin, decen ewicakiyapi, Jakob qa iye cinca, Jakob cinhintku tokapa kin Ruben eciyapi.

9 Qa Ruben cinkši wicaye cin Hanok, qa Palu, qa Hezron, qa Karmi.

10 Unkan, Šimeyon cinkši wicaye cin ; Jemuel, qa Jamin, qa Ohad, qa Jakin, qa Zohar, qa Šaul, he Kanani winohinca wan ton.

11 Unkan Lewi cinkši wicaye cin Geršon, qa Qehat, qa Merari.

12 Unkan Juda cinkši wicaye cin Er, qa Onan, qa Šela, qa Perez, qa Zera ; tuka Er Onan kici Kanan makoce kin en ṭapi ;

qa Perez cinkási wicaye cin Hezron, qa Hamul.

13 Unkan Isakar cinkási wicaye cin Tola, qa Puwa, qa Job, qa Simron.

14 Unkan Zebulon cinkási wicaye cin Sered, qa Elon, qa Jalel.

15 Hena Leha cinkási wicaye ça Jakob kiciton, Aram Mdaye kin hen, cunwintku Dina nakun, cinca wica winyan ko wicanagi owasin wikcemna yamni sanpa yamni.

16 Gad cinkási wicaye cin Zipeyon, qa Hagi, qa Šuni, qa Ezebon, Eri, qa Arodi, qa Areli.

17 Unkan Ašer cinkási wicaye cin Jimma, qa Jišwa, qa Jišwi, qa Beriya, qa Sera tawinohtinpi. Unkan Beriya cinkási wicaye cin Heber, qa Malkiyel.

18 Hena Zilpa, Laban iye cunwintku Leha qu qon, cinkási wicaya. Hena Zilpa Jakob kiciton wicanagi ake šakpe.

19 Rašel Jakob tawicu kin cinkási wicaye cin Josep, qa Benjamin.

20 Unkan Josep cinkási wicaye cin Manaše, qa Ephraim hena Asenat, Potipera On otonwe kin en wošnapi kage cin he cunwintku, Egipta makoce kin en Josep kiciton.

21 Unkan Benjamin cinkási wicaye cin, Bela, qa Bered, qa Ašbel, Gera, qa Naaman, Eri, qa Roš, Mupim, qa Hupim, qa Ared.

22 Hena Rašel cinkási wicaye ça Jakob kiciton, wicanagi owasin ake topa.

23 Unkan Dan cinkási wicaye cin Hušim.

24 Unkan Neptali cinkási wicaye cin Jahzel, qa Guni, qa Jezer, qa Šilem.

25 Bilha, he Laban iye cunwintku Rašel qu qon, hena Ja-

kob kiciton, wicanagi cinkási wicaye cin owasin šakowin.

26 Wicanagi Jakob nite kin etanhan inanpapi, (Jakob cinca tawicupi kin hena yawapi šni) Jakob kici Egipta ekta ipi kin wicanagi owasin wikcemna šakpe sanpa šakpe.

27 Unkan Josep cinkási wicaye cin Egipta en kicitonpi kin, wicanagi nonpa. Jakob wicowazi Egipta en hi qon, wicanagi kin owasin wikcemna šakowin.

28 Wanna Jakob Juda tokata ye ši, Josep en, Gošen etu itkokim u kte cin heon. Unkan Gošen makoce kin en hipi.

29 Unkan Josep šuktanka canpahmihma koyag wicakiye ça atkuku Israel itkokipe kta e Gošen etu i, qa wanhdake ça poskin hduze ça tahu akan tehan ceya.

30 Unkan Israel Josep heciya, Nahahin yani kin, nitohnake kin he wanciyaka, heon dehan maša ešta tehike kte šni.

31 Unkan Josep cinye wicaye cin, qa atkuku tiyohnaka tawa kin owasin hewicakiya : Wahde ça Paro owakimdake kta, Hunka wanjin wicawaye cin, qa ate tiyohnaka tawa kin Kanan makoce kin en unpi qon, wanna en mahipi.

32 Qa wicašta kin wanuyanpi wišan wicakiyapi kin hecapi, wicašta wanuyanpi yuha unpi kin is hecapi, qa tahinca pte ko, qa taku tawapi kin owasin awicahipi.

33 Hecen tohan Paro nicopi, qa winiwangapi qa, Wicohtani tukte wanji opiničiya he ? eye cinhan ;

34 Hehan kaken ehapi kta ce, Hoksídan unyaduhapi kin, wanuyanpi awanwicunyakapi ece ;

WICOICAGE.

unkiś uncistinpidan ehan tanhan heuncapi, qa hunkake wicunyanpi kin hecen opiiçiyapi ece, ehapi kta; hecinhan Gošen en idotankapi kta. Tona wanuyanpi wiħan wicakiyapi kin hena owasin Egupton waħte wicadapi śni.

WICOWOYAKE 47.

1 Hehan Josep hde a Paro okiyake a, Ate qa hunka wanjin wicawaye cin, qa tahnca tawapi, pte tawapi ko, qa taku tawapi owasin, Kanan makoce kin etanhan upi, qa wanna Gošen makoce kin en ahi tipi, eya.

2 Qa hunka wanjin wicaye cin etanhan wicašta zaptan iwicacu, qa Paro itokam ewicahde.

3 Unkan, Wicoħtani tukte wanji opiniçiyapi he? Paro Josep hunka wanjin wicaye cin ewicakiya. Unkan, Hoksıdan nitawa wanuyanpi wiħan wicunki-yapi, unkiś hunkake wicunyanpi koya, Paro eciya.

4 Qa, Makoce kin en ounyanpi kta e unhipi ce, Kanan makoce kin heciya wicaakiħan wanna tehika; wanuyanpi unhapi ko takudan yutapi śni, peji wanica; heon ceunniciyapi Gošen makoce kin en hoksıdan nitawa unkiyotankapi kte, Paro eciyapi.

5 Unkan Paro Josep heciya, Wanna niyate qa hunka wanjin wicayaye cin niye en hipi;

6 Egupta makoce kin owasin nitokam wanka. Makoce kin tukte iyotan wašte kin, hen niyate hunka wanjin wicayaye cin ko iyotanke wicakiya wo. Gošen makoce kin he en iyotankapi kte a, wanjikśi minihecapi sdonwicayaya hecinhan, hena wanuyanpi mitawa kin awanyag wicakiya wo.

7 Unkan Josep iye atkuku Jakob u kiye a Paro itokam ehde. Unkan Jakob Paro yawašte.

8 Unkan, Waniyetu anpetu tonayani he? Paro Jakob eciya.

9 Unkan, Waniyetu anpetu ihdaka wani kin hena waniyetu opawinge sanpa wikcemna yamni. Waniyetu anpetu wani kin hena tonana qa śiksıca. Hunkake wicawaye cin waniyetu anpetu ihdaka nipi qon iyehan wani śni ce, Jakob Paro eciya.

10 Hehan Jakob Paro yawašte, qa Paro itokapa tanhan kinanpa.

11 Unkan Josep atkuku hunka wanjitku ko, makoce tukte iyotan wašte kin, Rameses makoce kin he en, iyotang wicaśi, qa Egupta makoce kin en maga wicaqu, Paro hecen econ śi qon, he iyecen.

12 Qa Josep atkuku, hunka wanjin wicaye cin, qa atkuku wicowazi kin owasin, taku yutapi wicaqu, taśiceca iyacinyan aguyapi wicaqu.

13 Unkan wicaakiħan kin iyotan tehika aye cin, heon makoce kin owancaya aguyapi wanica. Wicaakiħan kin on Egupta makoce, Kanan makoce ko, awihnuni aya.

14 Unkan aguyapi opetonpi kin he Josep wiyopeye cin, hecen mazaska taku Egupta makoce kin en iyeyapi, Kanan makoce en nakun mazaska iyeyapi kin owasin, Josep kamna, qa mazaska kin Paro ti kin en ahiju.

15 Unkan wanna Egupta makoce kin etanhan, Kanan makoce kin etanhan ko, mazaska kin wanna henakeca, hehan Egupton Josep en ahi qa, Aguyapi unqupo. Tokeca e nitokam

WICOWOYAKE 47.

untapi kta he ? Ecin mazaska wanna unnicapi kin, eciyapi.

16 Unkan, Wanuyanpi duhapi kin maqupo. Mazaska wanice cinhan nitawanuyanpi kin on aguyapi ciçupi kta ce, Josep eya.

17 Unkan tawanuyanpi kin Josep en ahipi ; suktanka, tahinca, pte, qa suktanka sonsonna, henakiya on, waniyetu kin he aguyapi wicaqu.

18 Waniyetu kin he wanna ihunipi, qa waniyetu iyokihe ake Josep en hipi qa, Itancan anaunkihmapi kte sni, mazaska wanna ecaca wanice ça woteca wanuyanpi *owasin* itancan duha. Unyuhapi kin itokam takudan unkohtaptapi sni, tancan maga kici ehake hecehnana unhapi.

19 Tokeca awiunhnunpi kin wandake kta unkiye, maga unhapi ko *owasin* he ? Opeuntanpo unkiye unkitamagapi koya. Aguyapi unyaqupi kinhan Paro wowindag unyanpi kta, unkiş maga unhapi koya. Taku unkojupi kta nakun unqupo ; kinhan unnipi qa untapi kte sni, qa unkitamagapi kin hewoskan wanke kte sni ce, eyapi.

20 Hecen Egupton wicaakihan kin on iyotan iyekiyapi, qa wicasta otoiyohi *owasin* tamagapi kin wiyopekiyapi ; unkan Josep Egupta makoce kin *owasin* Paro opekiciton, qa Paro makoce kin *owasin* tawa ya.

21 Qa oyate kin he Egupta makoce ihanke kin anokatanhan otonwe tokeca ohna iyotang wicakiya.

22 Woşnapi kagapi kin henana tamagapi kin wiyopeyapi sni ece. Woşnapi kagapi kin taku yutapi onge Paro wicaqu ece, qa taku Paro wicaqu kin he yutapi, heon tamagapi kin opeton sni.

23 Qa Josep oyate kin hewicakiya, Ihopo nakaha opecitonpi niyepi nitamagapi ko, Paro tawa niyanpi kta. Ihopo de wojupi kin ciçupi qa makoce kin oyajupi kta.

24 Qa kaketu kta, tohan taku aicaga eca, *owasin* idutapi qa iyutapi tomtom yahduhapi kta, hetanhan ake maga kin woyajupi qa he yatapi kta, niye, nitaşicecapi qa tona yatipi kin ohna yakonpi kin hena *owasin* he yutapi kta ; tuka iyutapi izaptanptan kin *owasin* Paro yaqupi kta ce, eya.

25 Unkan, Itancan ni unyayapi iyounnicipipi kte ; hecen Paro wowindag unyanpi kta.

26 Unkan wicoope kin de Josep ope wicakiya, qa anpe dehan hececa, Egupta makoce kin en wiyutapi izaptanptan kin Paro tawa ya. Woşnapi kagapi tamagapi kin henana hecapi sni, henana Paro tawa ye sni.

27 Unkan Israel Egupta makoce kin ohna, Goşen makoce kin en iyotanke ça, maga yuhapi qa icagapi qa nina ihduotapi.

28 Qa Jakob Egupta makoce kin en waniyetu ake şakowin ni, hecen Jakob anpetu tawa kin waniyetu ni un kin, waniyetu opawinge sanpa wikcemna topa sanpa şakowin henakeca.

29 Qa anpetu en Israel te kte cin he wanna aşkadan, hehan cinhintku Josep kico qa, Ceciciya iyocicipi kinhan ninape micca kin ihukuya kiyugata wo ; kinhan wowaonşida wowicake ko ecamiyecon, qa Egupta makoce kin en mayahnake kte sni ;

30 Tuka Egupta makoce kin etanhan amayade ça, ate wicawaye cin ohna hnakapi kin ohna mayahnake kta ; hecen hena om imunke kta ce, eciya. Unkan,

WICOICAGE.

Miś token ehe cin ecen ecamon kta ce, eya.

31 Unkan Wakantanka cajeyate ça emakiya wo, eya. Unkan Wakantanka cajeyate ça eciya. Unkan Israel can sagye ipa kin akan pamahdedan wöcekiye eya.

WICOWOYAKE 48.

1 Unkan hena owasin iyohakam hehan, Iho niyate wayazanka ce, Josep eciyapi, qa cinhintku napin Manaşe Epraim kici hduha ekta i.

2 Unkan Jakob okiyakapi, Nincinksi Josep niye en u ce, eyapi. Unkan Israel wakişag içiye ça owinja kin akan iyotanka.

3 Qa, El Iyotan waşake cin Kanan makoce kin heciya Luz ekta miye en ihdutanin, qa mayawaşte,

4 Qa hemakiya, Miye wawicahiye cicage, yuota ciciye ça, oyate obe ota cicage ça makoce kin de nakun ciçu kta, nicinca nihakam upi kte cin owihankeşniyan tawapi kta ce, emakiya.

5 Qa wanna nicinca nonpa, Egipta makoce kin en nicitonpi, Egipta ekta niye en cihi şni kin itokam, Epraim Manaşe kici, hena mitawa ce, Ruben Şimeyon kici iyecen, tawa wicawaye kta ce.

6 Qa taku nitawa kin hena iyohakam nicitonpi kte cin hena nitawapi kta, tuka cinye wicayapi kin eciyatanhan, makoce tawapi kin en caş wicatonpi kta.

7 Miye Aram Mdaye kin etanhan wau qon, hehan Rahiel makita, Kanan makoce kin en, canku ohna Eprata etanhan makoce iyutapi kin wanjidan, qa heciya owehnaka Eprata, Betle-

hem eyapi kin hee, canku kin ikiyedan, eya.

8 Hehan Israel Josep cinksi wicaye cin wanwicahdake ça, Dena tuwepi he? Jakob Josep eciya.

9 Unkan, Wakantanka cinca deciya maqu kin dena eepi, Josep atkuku kin eciya. Unkan, Ceciciya ce, napin makau wo, wicawahdawaşte kta ce, eya.

10 Wanna Israel wicahinca heca on işta gonga, wanyaka okitpani. Unkan en awicahi, unkan poskin wicahduze ça i iwicaputaka.

11 Israel Josep heciya, Niite kin eqeş wanwahdake kte cin epce şni, unkan wanna icañ wicayaye cin hena, Wakantanka wanwicahdag mayan.

12 Unkan Josep hupahu kin etanhan inanpe wicaye ça, ite kin maka kin etkiya patuja.

13 Qa napin wicahduza, Epraim Josep nape etapa kin en, Israel catka kin ektakiya, qa Manaşe iye nape, catka kin en, Israel etapa kin ektakiya; hecen atkuku kin en awicai.

14 Unkan Israel kiyugate ça nape etapa kin Epraim pa kin aputaka, he hakakta tuka, qa nape catka kin Manaşe pa kin akan he tokapa tuka, nape yucanyan ye kiya.

15 Qa Josep yawaşte qa heya, Wakantanka ate wicawaye Abereyam Izak kici itokam manipi qon, he Wakantanka matonpi kin ehantanhan anpe dehanyan won mayan kin;

16 Ohnihde un kin taku şica owasin etanhan opemakiton kin he, hokşipidan kin wicayawaşte kte, micajeyan qa ate wicawaye cin Abereyam Izak kici icajeyan ewicakiyapi, qa maka kin ohna nina ihduotapi kte, eya.

17 Unkan atkuku nape etapa

WICOWOYAKE 49.

kin Epraim pa kin aputake cin he Josep wanyake ça, síce dake ça atkuku nape kin yuze ça, Epraim pa kin etanhan Manaše pa kin etkiya ye kiye kta tuka ;

18 Qa, Hecetu šni ate, de toka-pa kin ee. Iye pa kin nape eni-tapa kin on aputaka wo, Josep atkuku kin eciya.

19 Unkan sdonwaya. Micin-kši sdonwaya ce. He nakun oyate kta qa he tanka kta, qeyaš sunkaku iyotan tanka kta qa cinca wicaye kte cin oyate ota kta ce ;

20 Eye ça anpetu kin hehan wicayawašte qa, Nicajeyan Israel ihdawaštepi qa, Wakantan-ka Epraim qa Manaše iyecen ical niyan nunwe, eyapi kta ce, eya. Hecen Epraim Manaše itokam cajeyata.

21 Hehan Israel Josep heciya, Anagoptan wo. Miye mašte kta, tuka Wakantanka nicicapi, qa ate wicayayapi tamakocepi kin ekta anihdapi kta.

22 Qa miye makoce onšpa, A-mori nape kin etanhan mitacan-łpi mitinazipe kin iyahna on iwacu qon, he hunka wanjin wicayaye cin iyakapa ciçu, eciya.

WICOWOYAKE 49.

1 Qa Jakob cinkši wicaye cin wicakico qa heya, Mniciyapo, tokata anpetu yeye cin token nihiyahdepi kte cin ociciyakapi kta.

2 Jakob cinkši wicaye cin wita-taya upi qa anagoptanpo. Israel niyatepi kin he anakicigoptanpo.

3 Ruben micinkši tokapa kin he niye, mitowašake mitowookihi tokaheya kin iyotan wicimdeza iyotan suta.

4 Mini iyecen nihduhepicašni,

leon initancan kte šni. Niyate ohehde kin ayadi qa hehan mitowinja kin dušapa ce.

5 Šimeyon Lewi kici hunka wanjin kiciyapi. Tacanłpipi kin wipe wicakisa kin heepi.

6 Canteptanyanpi qehan wica-šta wan ktepi, qa iyokipi ičiyapi kta e oinatake wan oqapi ; heon wohdakapi kin en minagi kin ye kte šni, qa omniciye tawapi kin en wowitan mitawa un šni nunwe.

7 Wicocanniye tawapi kin yašicapi nunwe, waditaka ce, towa-haničidapi kin he nakun, wohitika ce ; Jakob en yukinukan wicawakiye ça Israel ohna yuomden iyaye wicawakiye kta.

8 Juda niye hunka wanjin wicayaye cin niyatanpi kta. Nnape kin toka niyanpi tahu kin akan niyate cinkši wicaye cin nitokam patujapi kta.

9 Mnaja cincadan wan Juda heca. Wicayapotapi kin etanhan micinkši nayajin. Mnaja iyecen canpeška makehde wanka, qa mnaja wiye wan iyecen, tuwe he pahice kta he ?

10 Juda etanhan maza sagye yutokanpi kte šni, tuka cadotahedan wicašta yatapi yuke kta, Šilo hi kin heliyanan, qa iye en oyate kin mniciyapi kta.

11 Tašunke šonšonna hastanhanka iyuwi kin en iyakaškahan, qa tašunke šonšonna cinca kin hastanhanka wašte hinca iyuwi kin ekta, taonłdohda kin miniša on hdujaja kta qa tašina hastanhanka we kin on.

12 Išta kin miniša on ša kte ça hi kin pte asanpi on ska kta.

13 Zebulon miniwanca huta kin en ti qa iye en wita wata oihuni kta, qa Zidon *otonwe* kin hehanyan yuhe kta.

14 Isakar šuktanka šonšonna

WICOICAGE.

waśake cin heca wan, conkaśke otahedan makan wanka.

15 Okihpapi kin he wašte kin, qa makoce kin wiciyokipi kin he wanyake ça qin kta e taħpa kin qu, hecen wayaka wicolitani kin econ.

16 Dan Israel wicoun wan iye-cen taoyate kin wicayaco kta.

17 Wamduśka wan canku tukte ohna yapi kte cin ohna nai-çihbe ça, şuktanka siyete kin ya-ħtaka on tuwe akan yotanke cin itunkam hinhpaye kta Dan he-cece kta.

18 Jehowa woyuśke nitawa kin awape.

19 Ozuye wan Gad azuye kta, tuka ihakam iye azuwicaye kta.

20 Aśer taaguyapi kin wašte qa wicašta yatapi woyute wici-yokipi kin wicaqu kta.

21 Neptali tamdoka kiyuśkapi kin heca iapi wicimdeza ia.

22 Josep adetka waicaħya ece, adetka waicaħya mini ħdoka icahda, taadetka kin conkaśke iyadipi.

23 Wanhinkpe yuhapi kin he-na iyaonpapi qa kigepi qa śicaya kuwapi.

24 Tuka tinazipe kin sutaya han, Jakob waśagye cin towa-śake kin eciya tanhan nape isto kin yuwaśakapi ce. Heciya tanhan Israel taimnija qa wo wicaqu kin hee;

25 Niyate Taku wakan da kin eciya tanhan. Iye oniciye ça Iyotan waśake cin iye niyawa-šte kta, maħpiya wankan tanhan wowašte kin, ośbe kin ihukuya wanke cin wowašte kin, aze te-zi ko wowašte kin niçu kte.

26 Niyate wicayawašte kin he wawokihika, ħe ohinniyan he cin isanpa. Paha owihanke wanice cin taku wiciyokipi ai-cage cin he Josep pa kin en, qa

tuwe hunka wanjin wicaye cin etanhan yukinukanpi qon, pe-sdete kin en unpi kte.

27 Benjamin şunktokeca ya-te-sa heca anpao kte cin hehanyan yute kta ece; ħitayetu eca wa-wicaki kin pamni kta.

28 Israel wicoun ake nonpa kin hena owasin heepi, qa hecen ate yapi kin ewicakiye ça wicahda-wašte, otoiyoħi towašte kin iye-cen wicayawašte.

29 Qa hecen wahokonwicaki-ya, Miś oyate mitawa kin en ope mayanpi kta, ate wicawaye cin om emahnakapo, imnija oħdoka maga wan Epron Ĥeti kin tawa qon en un kin, he en.

30 Kanan makoce kin etu, Ma-more itokam, Makpela maga kin en imnija oħdoka wanke cin he ohna. Abereyam wicašta ohna hnakapi kte cin he tawa kta e maga kin he Epron Ĥeti kin he opekicaton.

31 Hen Abereyam tawicu Sara kici wicahnakapi, hen Izak ta-wicu Rebeka kici wicahnakapi, qa hen miś Leha wehnaka.

32 Maga kin he imnija oħdoka ohna wanke cin ko, Ĥet cinca wicaye cin opewicakicaton qon, ewicakiya.

33 Hecen Jakob cinkśi wicaye cin wahokonwicakiye cin aya-ştan qehan, siha kin ohehdepi kin en ehdaku qa ta; unkan ta-oyate kin ekta okipe yapi.

WICOWOYAKE 50.

1 Hehan Josep atkuku ite kin a-kan ehpeiçiye çaiiputake ça ceya.

2 Qa Josep taokiye peji huta wicaštapi kin atkuku yuħwin śni waštemna ye wicaśi. Un-kan peji huta wicašta kin Israel waštemna yanpi; anpetu wi-kcemna tom hecakiconpi.

3 Tona yuliwin šni waštemna yanpi eca hehanyan .yuštanpi ece. Unkan Egupton anpetu wikcemna šakowin Jakob aceyapi.

4 Anpetu hena aceyapi kin wanna iyokiptapi, hehan Josep Paro tiyohnaka tawa kin hewicakiya, Wanna wašte mayadapike cinhan *miye makapi qa* Paro itokam hecen eyapo.

5 Ate hecen emakiya, Iho miš wanna mašte kta ce. Kanan makoce kin heciya ohna hnakapi wan mičiçe cin he ohna mahna-ka wo, eye ça Wakantanka caje-yate maši. Unkan tokin wanna itawankanhde mde ça ate wehnaken, kinhan wahdi kta.

6 Unkan Paro ayupte ça, Itawankanhde ye ça niyate kihua-ka wo, konza eye niši qon iyecen.

7 Unkan Josep atkuku kihnake kta e itawankanhde ye ça Paro taokiye kin owasin opapi, tiyohna hunka wicayapi, qa Egupta makoce kin hunka wicayapi ko owasin.

8 Qa Josep tiyohnaka tawa, qa hunka wanjin wicaye cin atkuku tiyohnaka tawa owasin; tašiceca qa tašinca, pte ko yuhapi kin henana Gošen makoce kin en kihnakapi.

9 Canpahmihma qa wicašta suktanka akan yotankapi ko opapi, hecen ošpaye tanka hinca.

10 Unkan Atad tahocoka kin ekta ipi he Jordan akasanpa wanka, qa heciya woceye tanka anpetu šakowin atkuku kin nina aceyapi.

11 Unkan makoce wojutipi kin Kanani hena Atad tahocoka ohna ceyapi kin he wanyakapi qa, Egupton de nina ceyapi ce, eyapi; heon oyanke kin he Egupton oceyapi kin eciyapi, he Jordan akasanpa wanka.

12 Hecen cinkši wicaye cin token econ wicaši qon, ecen ecakiconpi.

13 Qa cinkši wicaye cin, hena Kanan makoce kin ekta hduha yapi, qa Makpela maga kin en imnija ošdoka wanke cin he ohna kihnakapi; Mamore itokam; maga kin he Abereyam Epron Heti kin etanhan opekicaton wicašta ohnahnakapi tawa kta e hecon.

14 Unkan Josep Egupta ekta hda, atkuku hnakapi kin iyohakam; iye hunka wanjin wicaye cin, qa tona iye om atkuku hnakapi kta e itawankanhde yapi qon owasin.

15 Unkan Josep cinye wicaye cin ate yapi kin te cin, heon wikipapi qa heyapi, Okini Josep šicaya unkuwapi qa iye en taku šica ecaunkiconpi qon is owasin tokicon kta.

16 Qa hecen Josep okiyag wicašipi; Niyate te cin itokam hecen wahokonunkiyapi.

17 Josep kaken eyakiyapi kta, Tokin nicinye wahtanipi kin wicayecicajujun. Šicaya ecaniconpi tuka niyate ta Wakantanka kin wowindag wicaye cin wahtanipi qon kajujun; eya ce, eyapi. Unkan Josep wicoie okiyakapi kin on ceya.

18 Hehan Josep cinye wicaye cin iye en ipi, qa itokam ehpeiciyapi qa, Iho unyaduhapi ce, eciyapi.

19 Unkan, Ihnuhan ininihanpi kin. Miš Wakantanka hemaceca he?

20 Niyepi kin šicaya ecamicon wacanipi, tuka Wakantanka wašte kta e cin, oyate ota ni wicaye kta anpe dehan iyecen hecon ce.

21 Heon nakaha ininihanpi šni-po. Miš wo cičupi kta niyepi

WICOICAGE.

nitašicecapi ko, ewicakiye ça, hecen wicakihna qa cantowicahnaka.

22 Josep Egupta en ounyan; iye atkuku tawicoun koya, qa Josep waniyetu opawinge sanpa wikcemna ni.

23 Qa Josep Epraim cinca takojatpaku, qa sanpa cinca wanwicahdake ça nakun Manaše cinhintku Makir cinca kin hena Josep šiyoto akan wicahduha.

24 Hehan Josep hunka wanjín wicaye cin hewicakiya; Miš mašte kta tuka Wakantanka niyepi en nihipi kte ça, makoce

kin de etanhan itawankanhde ye niyanpi kta; makoce wan Aberyam Izak Jakob ko konza ewicakiye cin he ekta.

25 Qa Josep Israel cinca kin konza ewicakiya, Awicakehan Wakantanka niyepi kin en nihipi kta, qa mihu kin detanhan ayahdapi kta ce, eya.

26 Hehan Josep ta iyaya. Wana waniyetu opawinge sanpa wikcemna hehan. Unkan iye *tancan* yuñwin šni waštemna yanpi, qa Egupta makoce kin en can ohna knakapi wan ohna hnakapi.

HDINANPAPI.

WICOWOYAKE 1.

1 Wanna Israel cinca Jakob kici Egipta ekta hipi cajepi dena eepi, otoiyohi tiyohnaka om hipi.

2 Ruben, Simeon, Lewi Juda,

3 Isakar, Zebulun, qa Benjamin,

4 Dan qa Naptali, Gad qa Aser.

5 Unkan wicanagi Jakob ceca etanhan inanpapi kin owasin wicanagi wikcemna sakowin, qa Josep ege wanna Egipta en un.

6 Unkan Josep ta cincu ko owasin, nakun tona kici icagapi kin owasin.

7 Unkan Israel cinca kin nina icagapi, qa ihduotapi, qa wasaka hinca ayapi, qa nina ota ayapi, on makoce kin owancaya unpi.

8 Unkan Egipta en wicasta yatapi tokeca wan najin, he Josep sdonye sni.

9 Unkan oyate tawa hewicakiya, Inyun, Israel cinca oyate kin unkiyepi sam iyeya otapi qa wasakapi.

10 Ito wacinksamya econ wicunkiyapi kta, okini ihduotapi, qa ozuye wan tatpe unhipi kinhan is eya toka unyanpi om kokijuyapi kta, qa azuunyanpi qa makoce kin etanhan hdinanpapi kta, eya.

11 Unkan tawaqinpi on wasaka sni wicakiyapi kta e wolhani itancan yuhe wicakiyapi. Unkan opiye otowwe, Piton qa Rameses Paro kicagapi.

12 Unkan token iyokisin wicayapi kin hecen ihduotapi, qa ica-

Exod.

6

gapi, qa Israel cinca kin on etanhan nina kokipapi.

13 Unkan Egipton Israel cinca kin nina htani wicakiyapi.

14 Qa wolhani tehiha owasin econ wicakiyapi on wiconi tawapi pa wicakagapi upsiya en, qa maka omdoton en qa wolhani owasin tehiya econ wicakiyapi.

15 Unkan Egipton wicasta yatapi Heberi cincatonwicakiyapi wanji Sipera eciyapi qa unman Pua eciyapi kin hena hewicakiya;

16 Heberi winohinca cinca ton wicayakiyapi eca, qa can akan iyotankapi wanwicadakapi eca cinca wica kinhan te yayapi kta, tuka he winyan kinhan ege ni kta.

17 Tuka cincatonwicakiyapi kin Wakantanka kokipapi qa token Egipton wicasta yatapi kin econ wicasi ecen econpi sni, tuka cinca wica kin ni wicayapi.

18 Unkan Egipton wicasta yatapi kin cincatonwicakiyapi kin wicakico, qa hewicakiya, Tokeca decen ecanonpi qa cinca wica kin ni wicayayapi he? eya.

19 Unkan cincatonwicakiyapi kin Paro heciyapi, Heberi winohinca kin Egipton winohinca kin iyececapi sni ye, tuka minihecapa qa cincatonwicakiye cin en wicahi sni itokam cincatonpi heon heconkupi ye.

20 Unkan Wakantanka cincatonwicakiyapi tanyan ecawicakicon, unkan oyate kin ihduotapi qa wasaka hinca ayapi.

21 Unkan cincatonwicakiyapi

81

HDINANPAPI,

kin Wakantanka kokipapi heon tipi wicakicaga.

22 Unkan Paro oyate tawa owasin taku wanji econ wicaši, Cinca wica kin owasin wakpa kin en elipewicayayapi kta, tuka winyan kin, owasin niwicayayapi kta ce, eya,

WICOWOYAKE 2.

1 Unkan wicašta wan Lewi tiyohnaka etanhan Lewi cunwintku wan ekta i qa yuza.

2 Unkan winohinca kin ihduśake ça cinca wan ton, qa hokšidan wašte e wanhdake ça wi yamni nakihma.

3 Hehan sanpa nakihma okihi śni, qa huhba wakiśkotpa wan icu qa bitumen cansin ko on apawinte ça he ohna hokšiyopopa kin okihnake ça wakpaicahda psa en ehna.

4 Unkan tankeku token ecakiconpi kte cin sdonye kta e itehanyan inajin.

5 Unkan Paro cunwintku ihdujaja kta wakpa ekta i, qa tawikośka wakpa hutata kin omanipi; qa wakiśkotpa kin psa ehna wanyake ça tawikośka kin he huwe ye śi.

6 Qa yuhdoke ça hokšiyopopa wanyaka. Unkan inyun hokšiyopopa kin ceya. Unkan onśida qa, Heberi cinca wan dee, eya.

7 Unkan, Heberi winohinca waazinkiyecicipan mde ça hokšiyopopa azin niciye kta ye, tankeku Paro cunwintku kin eciya.

8 Unkan, Ya ye, Paro cunwintku eciya. Hecen wiciyanna kihde ça hokšiyopopa hunku kin kipan.

9 Unkan, Hokšiyopopa kin de ahda, qa azin miciciya ye, kinhan cicicajuju kte ye, eya. Un-

kan winohinca kin hokšiyopopa ikikeu qa azinkiya.

10 Unkan hokšidan tanka ica-ga. Unkan Paro cunwintku kin kahi, hecen he cinkši ya, qa miniyatanhan iwacu eya, heon Mowis eya cajehdata.

11 Unkan Mowis tanka icage cin he iyohakam kaketu; Mowis hunkawanjitku wicaye cin ekta i, qa token qin wicakiyapi atonwan, qa Egupton wicašta wan Heberi wicašta iye sunkaku wan kte wanyaka.

12 Qa anokatanhan ihduhomni, qa wicašta wanica wanyake çehan, Egupton kin he kte, qa wi-yaka mahen nahma.

13 Qa inonpa can tankan i, unkan inyun Heberi wicašta nom kicizapi, unkan, Tokeca nitakoda ayapa he? śicaya econ kin eciya.

14 Unkan, Tuwe wicašta yatapipi, qa wayaco tawa unyayapi kta e nicaga he? Htanihan Egupton yakte kin he iyecen mayakte kta he? eya. Unkan Mowis kokiye ça awicakehan wicoie kin de sdonyapi ce, eya.

15 Unkan Paro wicoie kin de nahon qa Mowis kte kta e akita, unkan Mowis najica, Paro ite kin etanhan qa Midian makoce kin en yanke ça miniyowe wan akan iyotanka.

16 Unkan Midian wawayuśna kin cunwintku śakowin atkukupi tahinca tawa mini yatke wicakiyapi kta e hipi, qa etanhan icupi, qa wakiśkotpa ojudan yapi.

17 Unkan wilanwicakiyapi heca en hipi qa nape wicayapi; unkan Mowis najin, qa owicakiye ça tahinca tawapi mini wicaqu.

18 Unkan atkukupi kin Ruel en hdipi; unkan, Tokeca nakaha ecadan yahdipi he? eya.

WICOWOYAKE 3.

19 Unkan, Egupton wicašta wan wiłan wicakıyapi etanhan eunhdakupi, qa nakun mini un-kicicupi, qa tahirca kin mini wicaqu, eyapi.

20 Unkan tukte he? tokeca wicašta kin ehpe yayapi he? kicopo, aguyapi yute kta ce, eya.

21 Unkan wicašta kin he kiciounye kta Mowis iyokipi; unkan cunwintku Zipora tawicu kta e qu.

22 Unkan cinca wan kiciton, unkan, Oyate tokeca tamakoce kin en manka ce, eye ça heon Gersom eya caşkiton.

23 Unkan anpetu ota iyohakam, Egupton wicašta yatapi ta. Unkan Israel cinca kin şica howayapi wolitanipi kin on, qa wolitanipi kin on ceyapi kin he wankantuya Wakantanka ekta i.

24 Unkan Wakantanka şica howayapi kin nañon, qa Abereham, qa Izak, qa Jakob om wicotakuye kage ciqon he kiksuya.

25 Qa Wakantanka Israel cinca kin awicatonwan, qa Wakan-tanka sdonwicaya.

WICOWOYAKE 3.

1 Unkan Mowis iye tunkanku Jetro Midian wawayuşna tahirca tawa awanwicayake ça tahirca hopuze cin iheyata awicaye ça Wakantanka paha tawa kin Horeb ekta i.

2 Unkan Jehowa ohnihde kin otehi wan cokaya, peta ide wan en ihdutanin he wanyaka; unkan inyun otehi peta en itkon, tuka huhnage şni.

3 Unkan, İto ekta mde ça wowanyake tanka kin he, tokeca otehi kin huhnage şni he wanmdake kta, Mowis eya.

4 Unkan wanyake kta e u kin he Jehowa wanyake ça Wakan-

tanka otehi cokaya tanhan kipan, qa Mowis, Mowis, eya. Unkan, İho miye, eya.

5 Unkan, İhnuhan deciya ikiyedan yahi kinhan. Maka kin tukten nayajin kin he wakan ce; heon nisiha etanhan hanpa hduşdoka wo;

6 Qa miş nihunkake taku wakandapi kin he miye, Abereham taku wakanda qa Izak taku wakanda kin, qa Jakob taku wakanda kin he miye ce, eya. Unkan Mowis Taku Wakan atonwe kta kokipa, heon ite kin aihdahpa.

7 Unkan, Egupta en oyate mitawa toiyokişicapi kin he wanmdake, ça wicakalıhapapi kin on şicahowayapi kin he nawañon qa wayazanhdapi kin sdonwaya.

8 Qa Egupton napepi kin etanhan ewicawahdaku qa makoce kin he etanhan, makoce tanka qa waşte, makoce wan ohna pte asanpi qa canhanpi tiktica kaduze cin he, Kanani, qa Heti, qa Amori, qa Perazi, qa Hiwi, qa Jebusi oonyanpi kin, heciya awicamde kta e kun wahi ce.

9 Hantuke, Israel ceyapi kin wanna en mahi, qa iyokişicapi kin token Egupton iyokişin wicayapi kin he nakun wanmdaka.

10 Heon iho wanna oyate mitawa, Israel cinca kin Egupta etanhan hdinanpe wicayaye kta e Paro ekta ye cişi kta ce, Jehowa eya.

11 Unkan, Miş matuwe he on Paro ekta mde ça Israel cinca kin Egupta etanhan hdinanpe wicawaye kta, Mowis Wakan-tanka eciya.

12 Unkan heya, Awicakehan nici waun, qa ye cişi kin de etanhan sdonyaye kta, oyate kin Egupta etanhan hdinanpe wicayaye iyohakam he kin de akan Wakantanka ohoyadapi kta ce.

HDINANPAPI,

13 Unkan Mowis Wakantanka heciya, Iho Israel cinca kin en wai, qa nihunkakepi Taku Wakandapi kin he niyepi ekta u maši, epe cinhan; hehan, Token eciyapi emakiyapi kinhan, taku epe kta he?

14 Unkan, Taku waun kin he waun ce, qa Israel cinca kin hecen ewicayakiye kta, Waun kin he niyepi en u maši ce, Wakantanka Mowis eciya.

15 Qa nakun Wakantanka Mowis heciya, Israel cinca kin hecen ewicayakiye kta, Jehowa nihunkakepi Taku Wakan dapi kin, Aberaham Taku Wakan da kin, qa Izak Taku Wakan da kin he niyepi ekta u maši ce. Micafe kin hee owihanke wanin qa wicoicage yeye cin hecen mik-suyapi kta.

16 Ekta hde ça Israel hunka-yapi kin mniciye wicayakiye ça hecen ewicayakiye kta; Jehowa nihunkakepi wakandapi kin he miye en ihdutanin, Aberaham qa Izak qa Jakob Taku Wakan dapi kin hemakiya; Awicakehan wanciyakapi qa Egiyuta en token ecannionpi kin.

17 Qa Egiyuton iyokišin niyan-pi kin etanhan hdinanpe ciyapi kta, Kanani qa Hiti qa Amori qa Perazi, qa Hiwi qa Jebusi tamakocepi kin ekta, makoce wan pte asanpi qa canhanpi tiktica on ka-duze cin he ekta; epa ce.

18 Qa niho kin nanicilionpi kta, qa niš Israel hunkayapi kin om Egiyuton wicašta yatapi kin en yaipi kta, qa Heberi Taku Wakan dapi kin Jehowa unakipapi, heon tokin anpetu yamni oici-mani hopuze ekta unyanpi, qa Jehowa Wakan undapi kin taku waunkiyuŋnapin, eyakiyapi kta.

19 Unkan miye he sdonwaya, Egiyuton wicašta yatapi kin dapi iyowinniciyapi kte šni, qa nape kin wašake kte šni.

20 Qa minape kin yewakiye ça taku tehihika mitawa Egiyuton cokaya ecamon kta, hena owasin on awicawape kta he iyohakam ye nišipi kta.

21 Qa Egiyuton kin oyate kin de cante wicakiyapi he wakage kta, hecen yaupi kinhan cokadan yaupi kte šni.

22 Tuka winohinca otoiyohi tuwe ikiyedani ti kin, qa tuwe iye ti kin ohna ti kin, he etanhan mazaska oinpi qa mazaskazi oinpi qa wokoyake da kta, qa nincinapi wica winyan ko hena un wicayakiyapi kta, hecen Egiyuton wawicayakipi kta.

WICOWOYAKE 4.

1 Unkan Mowis ayupte ça, Ehaeš wicamadapi kte šni, qa Jehowa niye en ihdutanin šni, eyapi kta, hecen maho kin nahonpi kte šni, eya.

2 Unkan Jehowa heciya, Ninape ohna yanke cin he taku he? Unkan, Cansakadan, eya.

3 Unkan, Makata elipeya wo, eya. Unkan makata ehpekiya qehan wanmduška icaga; unkan itokapa tanhan Mowis najica.

4 Unkan, Ninape hdugate ça sinte kin yuza wo, Jehowa Mowis eciya. Unkan nape hdugate ça he yuza, hehan nape kin ohna cansakadan icaga.

5 Heon Jehowa iye hunkakepi Taku Wakan dapi kin, Abereham Taku Wakan da, qa Izak Taku Wakan da, qa Jakob Taku Wakan da kin he niye en ihdutanin kin he wicadapi kta.

6 Qa nakun, lkpi kin ohna nape ye kiya wo, Jehowa eciya.

WICOWOYAKE 4.

Unkan nape ikpi kin ohna ye kiye ça ehdaku; unkan inyun nape kin ska, wa iyececa.

7 Unkan, Ninape ake niikpi ohna ye kiya wo, eya. Unkan ake nape ikpi kin ohna ye kiye ça ikpi etanhan ehdaku, qa inyun ake iye cehpi kin iyececa.

8 Unkan kaketu kta, wicanidapi kte šni, qa wowapetokeca tokaheya ho kin wicadapi kte šni ešta, wowapetokeca unman ho kin wicadapi kta.

9 Qa wowapetokeca nonpa kin dena nakun wicadapi šni kinhan qa niho kin nañonpi kte šni kinhan, wakpa kin etanhan mini iyacu, qa maka puze cin ayakastan kta, qa mini wakpa etanhan iyacu kin he maka puze cin akan we icu kta ce, eya.

10 Unkan, Itancan ceciciya ce, miš wicašta wamdapike šni, nitaokiye kici woyahdake cin ehantanhan nakun he itokam; tuka i matke, qa ceji matke, Mowis Jehowa eciya.

11 Unkan Jehowa heciya, Tuwe wicai kin kaga he? qa ia okitpani, qa nogetpa, qa wawan-yake cin, qa išta gonge cin? Jehowa he niye šni he?

12 Heon wanna ekta ya wo, unkan nii kin kici waun, qa token ehe kte cin he onspe ciciye kta ce.

13 Unkan, Itancan ceciciya, Tuwe nape kin on ye yaši kte cin he ye ši ye, eya.

14 Hehan Jehowa tocanniye kin Mowis aide qa heya, Aaron Lewi kin he nicinye heca šni he? Iye wayapika he sdonwaya, qa nakun, iho wanna itkonice kta u ce; qa wanniyake cinhan cante kin iyuškin kta.

15 Qa he taku eyakiye kta, qa i kin ohna wicoie kin yeyakiye kta, qa miš nii kici waun kta, qa

ie i kin kici, qa token ecanonpi kta he onspe ciciyapi kta.

16 Qa iye niye on oyate kin taku ewicakiye kta, qa hecen iye nii kin ee yakiye kta, qa iye Taku Wakan niyuhe kta.

17 Unkan cansakadan kin de ninape ohna iyacu kta, qa he on wowapetokeca ecanon kta.

18 Unkan Mowis iye tunkanku Jetro ekta kihde ça heciya, Ito mde ça mihunkawanji Egipta ohna unpi kin ekta wahde ça nahanñin unpi kinhan wanmdake kta ce. Unkan, Zaniyan hda wo, Jetro Mowis eciya.

19 Wanna Midian ohna Jehowa Mowis heciye ciquon, Iho Egipton ekta hda wo, wicašta tona ninagi akitapi qon hena owasin tapi ce.

20 Unkan Mowis iye tawicu qa cinhintku napin ewicahdaku, qa šuktanka šonšouna akan iyo-tangwicakiye ça Egipta makoce kin ekta kihda; qa Mowis Wakantanka cansakadan tawa kin nape kin ohna icu.

21 Unkan Jehowa Mowis heciya, Egipta ekta yaki kinhan waktaya un wo. Wowapetokeca owasin ninape ohna ciçu kin Paro itokam ecanon kta, qa miš Paro cante kin mdusuta kta, hecen oyate kin kihde wicaye kte šni.

22 Qa Paro hecen eyakiye kta, Jehowa hecen eya, Israel micinkši tokapa kin hee.

23 Qa heciciya, Micinkši omakiye kta hde ši wo; qa hde kta teyahinda kinhan nicinkši tokapa te waye kta ce.

24 Unkan, kaketu tahapi tukten iwankapi kin en Jehowa akipe ça te ye kta cin.

25 Unkan Zipora wanhi wan icu, qa cinhintku ce inkpa ha kin bakiñdaya, qa siha kin ekta

HDINANPAPI,

elipeye ça, Awicakehan we wicašta takuciya ye, eya.

26 Unkan he ayuſtan hehan, Baſdayapi on etanhan we on takuciye ye, eya.

27 Unkan Jehowa Aaron kaken eciye ciqon, Mowis itkokipe kta e iyŕya wo, hoŕuze cin ekta, unkan iyaye ça Wakantanka he tawa kin ekta akipe ça i itputaka.

28 Unkan Jehowa yeſi kin, oie kin owasin, qa wowapetokeca econ ſi kin owasin, Mowis Aaron okiyaka.

29 Unkan Mowis iyaya Aaron kici, qa Israel cinca hunkayapi kin owasin mniciye wicayapi.

30 Qa wicoie Jehowa Mowis eciye ciqon owasin Aaron ewicakiya, qa wowapetokeca kin econ, oyate kin wicitokam.

31 Unkan oyate kin wicadapi; qa Jehowa Israel cinca kin en wicahi, qa iyokiſieapi kin wan-yake cin he naſonpi qehan patu-japi qa cekiyapi.

WICOWOYAKE 5.

1 Unkan iyohakam Mowis qa Aaron Paro en hipi, qa heciyapi, Oyate mitawa heſotahedan wo-hanpi wan micicagapi kta e iyo-win wicakiya wo, Jehowa Israel Taku Wakan dapi kin eya ce.

2 Unkan Paro heya, Jehowa he tuwe on ho kin nawahon, qa Israel ye wicawaſi kta he? Jehowa sdonwaye ſni qa Israel amduſtan kte ſni ce, Paro eya.

3 Unkan heyapi, Heberi Taku Wakan dapi kin unakikipapi, ce-unniciyapi, iyowinunkiyapi, ho-puza ekta anpetu yamni unyan-pi, qa Jehowa Taku Wakan undapi waunkiciyuſnapi kte, okini makoſica qaiſ canſpi on iyaun-kilipayapi kta.

4 Unkan, Tokeca Mowis qa

Aaron oyate kin wicohtani ayuſtan wicaya kiyapi he? Nitawa-qinpi kin ekta hda po, Egupton wicašta yatapi kin ewicakiya.

5 Qa, Inyun makoce oyate kin wauna ota ce, qa tawaqinpi kin kpalipe wicayakiyapi, Paro eya.

6 Qa anpetu kin he Paro oyate wicakaſhapapi, qa itancanpi kin econ wicaſi qa hewicakiya,

7 Dehanyan oyate maka omdoton kagapi kta e peji puza wicayaqupi ece, tokata ecanonpi kte ſni. Iye yapi qa peji puza mnakiyapi kta.

8 Qa dehanyan maka omdoton iyuta kagapi kin he kaſi wicayakiyapi kta, duoptetupi kte ſni; kujapi nakaſ, heon ho yeyapi qa, Ito unyanpi qa Taku Wakan undapi kin waunkiciyuſnapi kta, eyapi.

9 Wicašta kin wohtani teſika econ wicayakiyapi kta, hecen htanipi kta, qa wicoie ecinſniyan ihaktapi kte ſni ce.

10 Unkan oyate wicakaſhapapi kin, qa itancanpi kin tankan ipi, qa oyate kin hewicakiyapi; Paro hecen eya, Peji puza ciſupi kte ſni ce.

11 Niſ hunktiya po, qa peji puza tukten iyeyayapi kin hetanhan ikikeu po, qa htayanipi kin takudan yuoptetupi kte ſni.

12 Hecen oyate kin Egupta makoce kin owancaya enana-kiya iyayapi, qa peji puza hee kiya aguyapi hu kin mnayanpi.

13 Unkan wicakaſhapapi kin in-aſni wicayapi, qa Nitohitanipi kin hduſtan po; anpetu otoiyohi peji yuke ciqon he iyecen, eyapi.

14 Unkan Israel cinca itancanpi kin Paro wicakaſhapapi kin yuhe wicakiyapi kin hena awicapapi qa, Tokeca maka omdoton kaſi niſipi kin htanihan qa

WICOWOYAKE 6.

nakaha duſtanpi ſni, hekta ecanonpi qon he iyecen.

15 Hehan Israel cinca itancanpi kin upi, qa Paro ho yekiyapi, qa heyapi, Tokeca nitaokiye hecen ecawicayecon he ?

16 Peji puza takudan nitaokiye unqupi ſni ; Maka omdoton kaga po ; unkekiyapi, qa nitaokiye unkapapi tuka, oyate nitawa kin hena ee taku ſica econpi.

17 Unkan, Niſ nikujapi, nikuja-pi ce, heon, Unliyayapi qa Jehowa waunkiciyu napi kta, ehapi.

18 Heon wana hunktiya po, qa htani po. Peji takudan ni-
cupi kte ſni, qa maka omdoton iyenaka yakagapi kta, eya.

19 Unkan, Anpeu otoiyohi maka omdoton yakaapi qon he duoptetupi kte ſni, wicakiyapi qehan, taku ſica elia unpi Israel cinca itancanpi kin wanihdakapi.

20 Unkan Paro etanhan hdi-
nanpapi qehan, Mowis Aaron kici, canku ohna rinpi, unkan itkowicakipapi.

21 Qa hewicakiyapi, Jehowa anitonwanpi qa woyaco kta. Paro iſta kin ohna qa aokiye iſta-pi kin ohna ounnapi ſicamna unyakagapi, qa nepepi kin en isan wan on unktep kta wicayakupi ce.

22 Unkan Mowis Jehowa ekta ihdamna, qa heya, nican tokeca oyate kin de, ſiciya ecawicayecon, qa tokeca loſta ye mayasi he ?

23 Qa nicajeyan Paro takewakiya ekta wahi kin Ciantanhan oyate kin de taku ſi ecawicakicon, qa dehanyan coate nitawa ecaca wicayak ſke ſni, eya.

WICOWOYAKE 6.

1 Unkan Jehowa Mowis heciye, Ito token Paro ecacon kte

cin he wandake kta. Nape waſaka on ye wicaſi kta, qa makoce tawa etanhan nape waſaka on wicakaliſape kta.

2 Unkan Wakantanka Mowis kici wohdaka, qa heciya, Jehowa he miye.

3 Qa Abereham qa Izak qa Jakob en Taku Wakan waſaka mihdutanin, tuka micaje Jehowa he sdonmayanpi ſni.

4 Qa nakun wicotakuye mitawa wicaweciyusuta ; makoce tawapi ſni ohna ihdakapi kin he, Kanan makoce kin he wicawaqu kta.

5 Nakun Israel cinca ſicahowayapi kin he nawahon, Egupton wowidag wicayapi kin he on, qa wicotakuye mitawa kin weksuya.

6 Heon Israel cinca kin hecen ewicakiya wo, Jehowa he miye, qa Egupton waqin niciyapi kin ihukuya tanhan hdiſape ciyapi kte, qa htani niciyapi kin etanhan ecihdakupi kta ; qa isto hdu-gata qa woyaco tanka on opecitonpi kta.

7 Qa oyate mitawa kta e ciyuzapi kta, qa Taku Wakan yadapi kin he miye kta, qa Jehowa wakan yadapi Egupton waqin niciyapi ihukuya tanhan hdiſape niyanpi kin he miye, sdonayapi kte.

8 Qa makoce wan Abereham qa Izak qa Jakob wicawaqu kta kepa, qa minape wankan yewakiya, he ekta aciupi, qa tawayayapi kta e ciſupi kta ce, Jehowa he miye.

9 Unkan Mowis Israel cinca kin hecen ewicakiya ; tuka tok-sape kicaksapi, qa wicohitani tehika, heon Mowis anagoptanpi ſni.

10 Unkan Jehowa ie qa Mowis heciya ;

HDINANPAPI,

11 Paro Egupton wicašta yatapi kin ekta ya wo; qa iye tamakoce kin etanhan Israel cinca kin ye wicaši kta, keciya wo.

12 Unkan Mowis Jehowa itokam ie ça, Inyun, Israel cinca kin namañonpi šni, qa iha bamakihdayapi šni hecen token Paro namañon kta he? eya.

13 Unkan Jehowa Mowis Aaron kici Israel cinca kin ekta, qa Paro Egupton wicašta yatapi kin ekta ye wicaši, qa Egupta makoce kin etanhan hdinape wicaye kta, kewicakiya.

14 Hunkake wicayapi tiyohnaka itancanpi kin dena eepi. Israel cinca tokapa kin Ruben, he cinca kin Hanok, qa Pallu, qa Hezron, qa Karmi; Ruben wicowazi kin hena eepi.

15 Simeon cinca kin, Jemuel, qa Jamin, qa Ohad, qa Jakin, qa Zohar, qa Kanani winohinca wan cinca Saul; Simeon wicowazi kin dena eepi.

16 Qa Lewi cinca cajepi wicoicagepi kin iyececa; Gersom, qa Qohat, qa Merari. Qa waniyetu Lewi ni kin opawinge sanpa waniyetu wikcemna yamni sanpa šakowin.

17 Gersom cinca kin Libni, qa Šimi wicowazi tawapi kin iyececa.

18 Qa Qohat cinca kin Amram, qa Izhar, qa Hebron, qa Uziel; qa waniyetu Qohat ni kin waniyetu opawinge sanpa wikcemna yamni sanpa yamni.

19 Qa Merari cinca kin, Mañli, qa Muši. Lewi wicowazi kin hena eepi wicoicage tawapi kin iyececa.

20 Unkan Amram iye tunwicu Jokebed e yuza; unkan he Aaron, qa Mowis kiciton; qa waniyetu Amram ni kin hena waniyetu opawinge sanpa wikcemna yamni sanpa šakowin.

21 Qa Izhar cinca kin Qora, qa Nepeg, qa Zikri.

22 Unkan Uziel cinca kin Mišael, qa Elizapan, qa Sitri.

23 Unkan Aaron Aminadab cunwintku, Nališon tawinolitin, Elišeba yuza; unkan Nadab, qa Abihu, qa Eleazar, qa Itamar hena kiciton.

24 Unkan Qora cinca kin Ašer qa Elqana, qa Abiasap; Qorahi wicowazipi kin hena eepi.

25 Unkan Aaron cinhintku Eleazar, Putiel cunwintku kin etanhan wanji yuzi; unkan he Pinehas kiciton. Lewi ateyapi kin itancanpi kin hena eepi, wicowazipi kin iyececa.

26 Egupta makoce etanhan Israel cinca kinobe tawapi eecen hdinape wicaya po, Jehowa tuwe ewicaki'e cigon, he Aaron qa Mowis dena eepi.

27 Tuwe Isrel cinca kin Egup-ta etanhan hinape wicaye kta, Paro, Egupton wicašta yatapi eciyapi qon, Mowis qa Aaron hena eepi.

28 Qa anpeu wan Jehowa Mowis Egupta nakoce kin ohna taku eciya heen kaketu.

29 Unkan ehowa ie ça, Mowis heciya, Jebwa he miye, taku eciciye cinowasin Paro Egupton wicašta yatapi eciya wo, eya.

30 Unka, Inyun iha bamakihdayapi šr, heon Paro namañon kte šni, Mowis, Jehowa itokam, eya.

WIOWOYAKE 7.

1 Unkar Jehowa Mowis heciya, Wan Pa taku wakan niye kta e cicaga qa Aaron nicinye ie yakiye k.

2 Niš tru eye ciši kin owasin ecen eh kta, qa nicinye Aaron Paro iye amakocepi kin etanhan

WICOWOYAKE 7.

Israel cinca kin kihde wicaśi kta, eciye kta.

3 Tuka miś Paro cante kin mdu-suta kta, qa Egupta makoce kin ohna wowapetogtokeca mitawa, qa taku woyuśinya wahduota kta.

4 Tuka Paro nanihonpi kte śni, hecen Egupton akan minape ewahnake kte ça woyaco tan-kinkinyan on Israel cinca kin, oyate mitawa, obe mitawa kin, Egupta makoce kin etanhan hdi-nape wicawaye kta.

5 Hecen Jehowa he miye Egup-ton sdonyapi kta, minape Egup-ton akan ye wakiye ça wicaco-kaya tanhan Israel cinca kin hdi-nape wicawakiye cinhan.

6 Unkan Mowis qa Aaron Jeho-wa token econ wicaśi kin owa-sin ecen econpi.

7 Unkan Mowis waniyetu wik-cemna śahdogan, qa Aaron wa-niyetu wikcemna śahdogan san-pa yamni, hehan Paro en wohda-kapi.

8 Unkan Jehowa ie ça Mowis Aaron kici hewicakiya;

9 Tohan, Wowapetokeca kin kpazo po, Paro eniciyapi kinhan, Cansakadan ikikcu, qa Paro ito-kam elpe kiya wo; Aaron eya-kiye kta; unkan wamduśka ica-ge kta.

10 Unkan Mowis qa Aaron Pa-ro en hipi; qa token Jehowa econ wicaśi kin ecen econpi, qa Aaron cansakadan kin elpe ki-ya, Paro itokam, qa taokiye wi-citokam; unkan wamduśka ica-ga.

11 Unkan Paro nakun wicaśta ksapa qa pejuta wicaśta wica-kico, unkan Egupton pejuta wi-caśta is eya taku wakanyan ohanyanpi on iyecen econpi.

12 Qa otoiyohe cansakadan e-hpe kiya; unkan wamduśka ica-

gapi, tuka Aaron cansakadan ta-wa kin he cansakadan tawapi kin napca.

13 Unkan Paro cante kin ihdu-suta, qa nawicahon śni, Jehowa eye ciqon he iyecen.

14 Unkan Jehowa Mowis heci-ya. Paro cante kin tke, oyate kin ye wicaśi wicada śni.

15 Iho hanhanna Paro mini ek-ta i kta; ekta ya wo, qa wakpa hutata itkokim nayajin kta, qa cansakadan wamduśka icage ci-qon he ninape ohna iyacu kta.

16 Qa heyakiye kta, Jehowa Heberi Taku Wakan dapi kin niye ekta u maśi qa, Mitaokiye, oyate mitawa kin, hopuze cin ekta ye wicaśi wo, eniciye maśi; tuka dehanh wanayahon śni.

17 Ito Jehowa hecen eya, Jeho-wa he miye, de etanhan sdonya-ye kta. Miś cansakadan mina-pe ohna mduhe cin on mini wak-pa ohna un kin awape kta; he-cen mini kin we icu kta.

18 Qa hogan wakpa ohna ya-konpi kin tapi kta, qa wakpa kin śicamna kta, hecen Egupton wakpa mini kin yatkanpi hiti-hdapi kta.

19 Unkan Jehowa Mowis heci-ya, Aaron heciya wo, Cansaka-dan ikikcu; qa Egupton mini ta-wapi ektakiya nape hdugata wo; wakpa tawapi ektakiya, qa ta-wakpadanpi ektakiya, qa cokan tawapi ektakiya, qa minikiwita-ya tawapi ektakiya, hecen hena we icu kta; qa Egupta makoce kin owancaya we yuke kta; na-kun can-opiye ohna qa inyan opiye ohna.

20 Unkan Mowis qa Aaron to-ken Jehowa econ wicaśi kin he iyecen econpi, qa cansakadan qon yuwankan icu, qa mini wakpa ohna un kin apa, he Paro wan-yaka, qa taokiye wanyakapi; he-

HDINANPAPI,

cen mini wakpa ohna un kin owasin we icu.

21 Qa hogan wakpa ohna yakonpi kin tapi, qa wakpa kin sicamna, qa Egupton mini wakpa etanhan yatkanpi okihipi sini; qa Egupta makoce kin owancaya we yukan.

22 Unkan Egupton pejuta wicašta is eya taku wakanyan ohanyanpi on iyecen econpi, hecen Paro cante kin ihdusuta, qa nawicahton sini, Jehowa eye ciquon he iyecen.

23 Unkan Paro ihdamna, qa ti kin ekta kihda, qa he nakun ekta cante kin ye kiye sini.

24 Unkan Egupton owasin mini wakpa etanhan yatkanpi okihipi sini, heon mini yatkanpi kta e wakpa icahda qapi.

25 Unkan Jehowa wakpa kin apa ehantanhan anpetu šakowin wanna henakeca.

26 Unkan Jehowa Mowis heciya, Paro ekta ya, qa heciya wo; Jehowa hecen eya, Oyate mitawa omakiyapi kta ye wicaši wo.

27 Tuka yapi kta teyahda kinhan, inyun makoce nitawa owancaya hnaška on awape kta.

28 Qa wakpa kin hnaška ota icaš ye kta, hecen hinanpapi qa yati kin en hiyupi kta, qa tipi ohna inonke cin mahentuya, qa owinja nitawa akan, qa nitaokiye tipi kin mahen, qa ohna aguyapi španyayapi kin en; qa oyaptapi wopiye nitawapi kin en;

29 Qa niye en, qa nitaoyate kin en, qa nitaokiye owasin en, hnaška wankan hiyupi kta.

WICOWOYAKE 8.

1 Unkan Jehowa Mowis heciya, Aaron hecen eciya wo; Cansakadan hduha ninape hdugata

wo, wakpa kin ektakiya, qa wakpadan kin ektakiya, qa cekan ektakiya, hecen hnaška kin Egupta makoce kin akan hinanpapi kta.

2 Unkan Aaron Egupton mini tawapi ektakiya nape hdugata, unkan hnaška kin hinanpapi qa Egupton tamakocepi kin akahpapi.

3 Unkan pejuta wicašta wakanyan ohanyanpi ece on hecen econpi, unkan hnaška kin Egupta makoce kin akan hinanpapi.

4 Unkan Paro Mowis Aaron kici wicakico qa, Jehowa cekiyapo, hecen hnaška kin yutokan kta; miye etanhan qa oyate mitawa etanhan; kinhan oyate kin ye wicawaši kta, qa Jehowa wakiciyušnapi kta, eya.

5 Unkan Miye on ihdatan wo; tohantu kte, niye qa nitaokiye, qa nitaoyate wocekiye eciciyapi kta, qa hnaška awihnunipi kta; niye etanhan qa yati kin etanhan; wakpa kin heceedan ohna ihanpi kta? Mowis Paro eciya.

6 Unkan, Heyakecinhan, eya; Unkan heya, Jehowa Wakan undapi kin he tuwedan iyececa sini sdonyaye kta e heon token ehe cin hecetu kta;

7 Qa hnaška kin aniyuštanpi kta, qa yati kin, qa nitaokiye, qa oyate nitawa, wakpa heceedan ohna ihanpi kta.

8 Qa Mowis qa Aaron Paro etanhan inanpapi, qa Mowis Jehowa hoyekiya; hnaška Paro en hiyuye ciquon heon etanhan.

9 Unkan Mowis eye cin he iyecen Jehowa econ, qa hnaška kin tapi, tipi kin etanhan, qa tonwanyanpi kin etanhan qa maga etanhan.

10 Unkan hena mnayanpi paha ota, unkan makoce kin sicamna.

11 Unkan iyozi yukan he Paro

WICOWOYAKE 8.

wanyake ça cante kin ihdutke, qa nawicalion śni, Jehowa eye ciqon he iyecen.

12 Unkan Jehowa Mowis heciya, Aaron heciya wo, Cansakadan ye kiye ça makamdu kin apa wo, hecen Egipta makoce kin owancaya hoponkadan ica-ge kta.

13 Unkan hecen econpi, qa Aaron cansakadan hduha nape hdugate ça makamdu kin apa, hecen hoponkadan icaga, wicaśta akan qa woteka akan, Egipta makoce kin owancaya makamdu kin owasin hoponkadan icaga.

14 Unkan Pejuta wicaśta taku wakanyan ohanyanpi on he iyecen econpi hoponkadan hinanpe yapi kta, tuka okihipi śni; hececa eśta hoponkadan yukan, wicaśta akan qa woteka akan.

15 Unkan Pejuta wicaśta kin Wakantanka napsukaza kin dee, Paro eciyapi; tuka Paro cante kin ihdusuta, qa nawicalion śni; Jehowa eye ciqon he iyecen.

16 Unkan Jehowa Mowis heciya, Hanhanna hin kikta, qa Paro itokam inajin wo, ilho mini ekta inanpe kta, qa heyakiye kta; Jehowa hecen eya, Oyate mitawa ye wicaśi wo, hecen omakiyapi kta.

17 Tuka niye mitaoyate kin ye wicayaśi śni kinhan, ito miś tatawamduśka ye wicawaśi kta, niye en, qa nitaokiye en, qa nitaoyate en, qa yatipi kin en; hecen tatawamdnska kin Egipton tipi kin ojun yapi kta, qa maka akan yakonpi kin he nakun.

18 Qa anpetu kin he en, Gośen makoce kin akan mitaoyate yakonpi kin he mdukinukan kte, he ohna tatawamduśka wanice kta; hecen maka cokaya kin Jehowa he miye sdonyaye kta.

19 Qa oyate mitawa oyate nitawa iyececapi kte śni wakage kta. Heyakecinhan wowapetokeca kin de tanin kta.

20 Unkan Jehowa hecen econ, qa tatawamduśka tehika Paro ti kin ekta hipi; qa taokiye tipi kin, qa Egipta makoce owancaya en, makoce kin awihnuni tatawamduśka kin on.

21 Hehan Paro Mowis Aaron kici wicakico, qa heya, Hunktiya po, makoce kin ohna Taku Wakan yadapi kin wakiciyuśna po.

22 Unkan Mowis heya, Hecen econkupi kta iyecetu śni. Jehowa Wakan undapi waunkiciyuśnapi kin he Egipton wahite dapi śni. Inyun Egipton taku wahite dapi śni ištapi kin itokam waunyuśnapi kinhan inyan on unkininpi kta.

23 Anpetu yamni imanipi hewoskantu kin ohna unyanpi, qa Jehowa Wakan undapi kin waunkiciyuśnapi kta, unkekiyapi qon he iyecen.

24 Unkan Paro heya, Ye ciśipi kta qa hewoskantu ohna Jehowa Wakan yadapi kin wayeciduśnapi kta, tuka sanpa tehan idadapi kte śni. Wocekiye emiciciya po.

25 Unkan Mowis heya, Ito miś niye etanhan inawape ça Jehowa cewakiye kta; unkan tatawamduśka, kin yutokan kta, Paro etanhan, qa taokiye etanhan, qa taoyate etanhan; tuka ihnuhan Paro ake wahnayan, qa oyate kin Jehowa wakiyuśnapi kta ye wicaśi śni.

26 Hehan Mowis Paro etanhan tankan inanpe ça Jehowa cekiya.

27 Unkan Jehowa Mowis eye ciqon he iyecen econ, qa tatawamduśka kin yutokan, Paro etanhan, qa taokiye etanhan, qa

HDINANPAPI,

taoyate etanhan, wanjidan ihe
śni.

28 Tuka Paro dehan nakun
cante kin ihdutke, qa oyate kin
ye wicaśi śni.

WICOWOYAKE 9.

1 Unkan Jehowa Mowis heci-
ya, Paro ekta ya wo, unkan he-
yakiye kta; Jehowa Heberi Wa-
kan dapi kin hecen eya, Oyate
mitawa omakiyapi kta ye wica-
śi wo.

2 Qa yapi kta teyahinda, qa na-
hanhin sutaya wicaduze cinhan;

3 Ito Jehowa nape kin wanun-
yanpi nitawa tinta ohna yakon-
pi kin akan un kta, śuktanka en,
śuktanka śonśonna en, camo en,
pte en, qa tahinca en makośice
tehika hinca kta.

4 Qa Jehowa Israel tawanun-
yanpi, qa Egupton tawanunyan-
pi otahedan yukinukan kta, he-
cen Israel cinca taku tawapi kin
owasin etanhan takudan te kte
śni.

5 Nakun tohantu kte Jehowa
yaotanin, qa heya; heyakecin-
han Jehowa wicoie kin de econ
kta, makoce ohna.

6 Unkan ihanhanna wicoie kin
he econ; unkan Egupton tawan-
unyanpi kin owasin tapi, tuka
Israel cinca tawanunyanpi wan-
jidan te śni.

7 Unkan Paro tuwe ekta ye śi,
unkan inyun, Israel tawanun-
yanpi kin wanjidan te śni, tuka
cante kin ihdutke qa oyate kin
ye wicaśi śni.

8 Unkan Jehowa Mowis Aaron
kici hewicakiya, Maza śdoyapi
oceti cahota kin ninape ohnaka-
pi kin icu po, qa Mowis he ma-
hiya ektakiya kadada iyeye kta,
Paro iśta kin itokam.

9 Qa he watuśekśeca kta, Egup-

ta makoce kin owancaya, qa śi-
yaka wicao ton icalye cin heca
kta, wicaśta akan, qa woteca
akan, Egupta makoce kin owan-
caya.

10 Unkan Maza śdoyapi oceti
etanhan cahota icupi, qa Paro
itokam inajinpi, qa Mowis he
mahpiya ektakiya kadada iyeya.
Unkan he śiyaka wicao ton ical
ye cin heca, wicaśta en, qa wo-
teca en.

11 Unkan śiyaka wicao on etan-
han pejuta wicaśta kin Mowis
itokam najin okitpanipi; nakaś
śiyaka wicao pejuta wicaśta en,
qa Egupton owasin en.

12 Tuka Jehowa Paro cante
kin yusuta, hecen nawicahon
śni, Jehowa Mowis eciye ciqon
he iyecen.

13 Unkan Jehowa Mowis heci-
ya, Hanhannahin kikta, qa Paro
itokam inajin wo, qa heyakiye
kta; Jehowa Heberi Wakan da-
pi kin hecen eya, Oyate mitawa
ye wicaśi wo, unkan ohomadapi
kta.

14 Dehan wowayazan mitawa
owasin nicante ekta hiyu waye
kta, qa nitaokiye en, qa nitaoya-
te en, hecen maka kin owancaya
tuwedan iyemaceca śni sdonya-
ye kta, heon.

15 Nakaha minape ye wakiye
ca acipe kta, qa oyate nitawa
makośice on, qa maka kin etan-
han nitanin kte śni;

16 Qa awicakehan heon najin
ciye, mitowaśake kin niye en
wahdutanin kta; qa micaje kin
maka kin owancaya oyakapi kte.

17 Dehanyan niś nihduwankan-
tuya, oyate mitawa en, qa yapi
kta iyowin wacayakiye śni.

18 Ito miś heyakecinhan de-
hantu Egupta ohna hinhewaye
kta, wasu tehika hinca anpetu
tokaheya en onnyanpi ehantan-

WICOWOYAKE 10.

han ecen dehanyan, tohinni hececa šni.

19 Heon wanna ye wicaši, qa nita wanunyanpi kin nape wica-ya wo, qa taku nitawa tinta en un kin owasin, wicašta, qa woteca tona tinta ohna yakonpi, qa tipi en mnawicayapi šni, hena owasin wasu ahinhewicaye kta, unkan tapi kta.

20 Paro taokiye tuwewe Jehowa oie kin ikope cinhan iye taokiye, qa tawanunyanpi tipi kin ekta awicahdi.

21 Tuka tuwe Jehowa oie kin ekta cante kin ye kiye šni kinhan, taokiye qa tawanunyanpi kin tinta ohna ehpe wicaya.

22 Unkan Jehowa Mowis heciya, Małpiya ektakiya nape hdugata wo, hecen Egupta makoce owancaya wasu yuke kta, wicašta akan, qa woteca akan, qa tinta wato owasin akan, Egupta makoce ohna.

23 Unkan Mowis cansakadan hdugata małpiya ektakiya, unkan Jehowa hoton, qa wasu hiyuya, qa peta maka ainyanka, hecen Jehowa wasu Egupta makoce ahinhe kiya.

24 Unkan wasu, qa peta wasu kici icicahiya tehika hinca, Egupton oyate yukan ehantanhahan makoce owancaya ohna tohinni hececa šni.

25 Qa Egupta makoce kin owancaya wasu kin taku tankan un kin owasin apa, wicašta, qa woteca, qa tinta wato kin owasin apa, qa wasu kin can iheye cin owasin kawega.

26 Tuka Gošen makoce kin Israel cinca ohna yakonpi kin, heceedan ohna wasu wanica.

27 Unkan Paro tuwe ekta ye ši, qa Mowis Aaron kici wicakico, qa hewicakiya; Dehan wawahitani, Jehowa hee ohan owo-

tanna tuka miš qa oyate mitawa unšicapi.

28 Jehowa cekiya po, qa hena-keca kta, sanpa Wakantanka hoton kte šni, qa wasu wanice kta; unkan ye cišipi kta, qa sanpa owanji nayajinpi kte šni.

29 Unkan Mowis heciya, Otonwe etanhan inanwape cinhan Jehowa ektakiya nape wahdumdaye kta hecen hoton kin henakeca kta, qa wasu kin sanpa wanice kta; heon Jehowa maka kin tawaya sdonyaye kta.

30 Tuka niye qa nitaokiye dehanyan Jehowa Wakantanka yakinihanpi kte šni sdonwaya.

31 Unkan hałonta on kagapi, qa barle kin hena kawankapi; nakaš barle kin wanna itka hinanpa, qa hałonta on kagapi wałica.

32 Tuka aguyapi hu kin qa wamnaheza kin hena kawankapi šni, nakaš hena oicał tehan.

33 Unkan Mowis Paro etanhan otanwe itankan inanpe a nape hdumdaya, Jehowa ektakiya; unkan hotonpi kin qa wasu kin anapta, qa magaju maka kin sanpa ahinhe šni.

34 Unkan magaju kin qa wasu kin qa hotonpi kin anaptapi, Paro wanyake a ake wałitani, qa cante kin ihđutke; iye qa taokiye nakun.

35 Hecen Paro cante kin ihđusuta, qa Israel cinca kin ye wicaši šni, Jehowa Mowis on eye ciqon he iyecen.

WICOWOYAKE 10.

1 Unkan Jehowa Mowis heciya, Paro ekta ya wo, miš iye cante kin mđutke, qa taokiye cantepi kin nakun; hecen wicacokaya wowapetokeca kin dena wahđutanin kta, heon etanhan.

HDINANPAPI,

2 Qa hecen Egupta ohna taku wakanyan owahanmda, qa wovapetokeca mitawa ecawicawecon kin hena nicinksi, qa nitakojawicayakidake kta, nogepi ohna, qa Jehowa he miye sdon-yayapi kta.

3 Unkan Mowis qa Aaron Paro en hipi, qa heciyapi, Jehowa Heberi Wakan dapi kin hecen eya, Tohanyan mitokam nihduhukuya tawatenyaye kte sni he? Oyate mitawa ye wicas wo, unkan omakiyapi kta.

4 Tuka mitaoyate yapi kta teyahinda kinhan, ito heyakecinhan mis psipsicadan ota nitamakoce en hiyu waye kta.

5 Unkan maka itohnake kin akalipapi kta, hecen tuwe maka kin wanyake kte sni, qa taku nahanhin ecen han, taku wasu kin onicicaptapi kin he temyapi kta, qa maga ohna can nitawapi kin tona camni uye cin owasin temyapi kta.

6 Qa yati kin ohna otapi kta, qa nitaokiye tipi kin owasin, qa Egupton owasin tipi kin ohna otapi kta, niyatepi qa niyate ateyapi kin takudan he iyececa wanyakapi sni, maka akan unpi ehantanhan ecen anpetu kin de iyehantu; eya qa ihduhomni qa Paro etanhan inanpa.

7 Unkan Paro taokiye heciyapi, Tohanyan wicasta kin de unhmunkapi kta he? Wicasta kin Jehowa wakan dapi kin okiyapi kta e ye wicas wo; Egupta awihnnuni nahanhin sdonyaye sni he?

8 Unkan ake Mowis, Aaron kici Paro en hiyuwicayapi, unkan hewicakiya, Hunktiyapo, Jehowa Wakan yadapi kin okiya po; tuwewe dapi kta he?

9 Unkan Mowis heya, Koska, wicahinea ko unyanpi kte, unki-

cincapi wica winyan ko opapi kta, takinea pte ko hduha unyanpi kta, Nakaš Jehowa wounkicihanpi kta.

10 Unkan hewicakiya, Nis nitašicecapi ko ye cisipi kta e Jehowa nicipi un kte. Wanyaka po; nitokam taku sica yukan.

11 Hecetu sni do. Wicasta tanka kin wanna yapo, qa Jehowa okiyapo yacinpi qon hee. Unkan Paro itokapatanhan hamwicayapi.

12 Unkan Jehowa Mowis heciya, Egupta makoce ektakiya nape hdugata wo, psipsicadan on, unkan Egupta makoce kin akan hiyupi kta, qa makoce wato kin owasin temyapi kte, taku wasu kin okapte cin iyuhpa.

13 Unkan Mowis cansakadan kin hdugate, Egupta makoce kin ektakiya; unkan Jehowa wiyohiyanpa tanhan tateyanpa makoce en hiyuya, anpetu kin he osan, qa hanyetu osan, qa ihanhanna wiyohiyanpa tanhan tateyanpa kin psipsicadan hiyuya.

14 Unkan psipsicadan kin Egupta makoce owancaya iwankam iyayapi, qa Egupta ihduksan owancaya iyahanpi, tehika hinea, hena itokam psipsicadan hececa wanica, qa iyohakam hececapi kte sni.

15 Qa makoce itohnake kin owancaya akalipapi, qa makoce kin aotpas yapi, qa makoce wato kin owasin temyapi, qa can waskuyeca wasu okapte cin nakun owasin; hecen Egupta makoce owancaya can akan, qa tinta peji ohna takudan to ihe sni

16 Unkan Paro inalniyan Mowis Aaron kici wicakico, qa heya, Wawalitani, Jehowa Wakan yadapi kin en, qa niyepi nakun en.

WICOWOYAKE 11

17 Qa wanna tokin wawahtani kin nakaha heceedan miyecicajujun, qa Jehowa Wakan yadapi kin cekiya po, hecen wiconte kin de heceedan miciyutokan kta.

18 Unkan Paro etanhan inanpe ça Jehowa cekiya.

19 Unkan Jehowa tateyanpa kin yuhomni wiyohpeya tanhan suta hinca, qa he psipsicadan icu, qa Mde ša en iyohpe wicaya, Egipta makoce owancaya psipsicadan wanjidan ihe šni.

20 Unkan Jehowa Paro cante kin yusuta unkan Israel cinca kin ye wicaši šni.

21 Unkan Jehowa Mowis heciya, Małpiya ektakiya nape hdugata wo, hecen Egipta makoce akan otpaza kta, qa otpaza kin yutanpica kta.

22 Unkan Mowis małpiya ektakiya nape hdugata, hecen Egipta makoce kin owancaya otpaza šoka hinca yukan, anpetu yamni.

23 Tuwedan sunkaku wanhdake šni, qa tuwedan towinja kin etanhan najin šni, anpetu yamni; tuka Israel cinca owasin tipi kin ohna ojanjan wicayukan.

24 Unkan Paro Mowis kico qa heya, Hunktiyapo, Jehowa okiyapo nitašicecapi nakun onipapi kta. Tahinca nitawapi qa pte nitawapi kin heceedan owanji yakonpi kta.

25 Unkan Mowis heya, Wošnapi, qa wołuhnaliyapi nakun hduhe unyakiyapi kta, hecen Jehowa Wakan undapi waunkiciyušnapi kta.

26 Qa nakun wanunyanpi unkitawapi opapi kta, tašake wanjidan ihe kte šni. Hena etanhan Jehowa Wakan undapi kin ounkiyapi kta. Nakaš unkiš ekta unkipi šni hehanyan taku on Jehowa ounkiyapi kta sdon unkiyapi šni.

27 Unkan Jehowa Paro cante kin yusuta; unkan ye wicaši tawatenye šni.

28 Qa Paro heciya, Mitan tanhan hunktiya wo. Ihnunhan miite kin ake wandake cinhan. Tohan miite wandake cinhan anpetu kin he en niše kta.

29 Unkan Mowis heya, Token ehe cin hecetu kta. Niite kin ake icimana wanmdake kte šni.

WICOWOYAKE 11.

1 Wanna Jehowa Mowis heciye cigon, Ehake wowayazan wanjidan Paro akan hiyu waye kta, qa Egipton akan. He iyohakam detanhan ye nišipi kta, tohan ye nišipi kinhan ocowasin detanhan nicałapapi kta.

2 Wanna oyate nogepi ohna kewicakiya wo, qa wicašta otoiyohi takodaku etanhan, qa winohinca tuwe kodaye cin etanhan mazaska oinpi, qa mazaskazi oinpi kidapi kta.

3 Unkan Egipton kin oyate kin cante wicakiye Jehowa kaga. Nakun Mowis wicašta kin tanka hinca, Egipta makoce ohna, Paro taokiye wicitokam, qa oyate kin wicitokam.

4 Unkan Mowis heya, Jehowa hecen eya, Hanyetu cokaya miš Egipton cokaya inanwape kta.

5 Qa tuwe caske owasin Egipta makoce ohna tapi kta Paro cinhintku tokapa oiyotanke tawa akan iyotanke kte cin etanhan, wikoška wiyukpan icahda iyotanke cin cinhintku tokapa kin aiyahdeya; nakun woteca cinca tokaheya wica tonpi kin owasin.

6 Qa Egipta makoce owancaya woceye tanka kta; he iyececa hektapatanhan wanica, qa tokata ake he iyecece kte šni.

HDINANPAPI,

7 Tuka Israel cinca owasin ekta śunka wanjidan keś ceji hduśkan kte śni, wicaśta qa woteca unman tukte ekta. Hecen Egupton, qa Israel cinca kin otahedan Jehowa yukinukan sdon yayapi kta.

8 Qa nitaokiye dena owasin en mahipi qa miye en patujapi kta, qa Toki iyaya ye niye, qa oyate nihukuya unpi kin owasin, emakiyapi kta, qa he iyohakam toki mde kta, eye ɕa Paro nina canniye cin etanhan inanpa.

9 Wanna Jehowa Mowis heciye ciqon, Mita wowapetokeca Egupta makoce ohna yuotapi kta; heon Paro nanihonpi kte śni.

10 Unkan Mowis Aaron kici wowapetokeca kin dena owasin Paro itokam econpi, unkan Jehowa Paro cante kin yusuta, heon iye tamakoce etanhan Israel cinca kin ye wicaśi śni.

WICOWOYAKE 12.

1 Wanna Jehowa Mowis Aaron kici Egupta makoce kin ohna hewicakiye ciqon.

2 Wi kin de wi itancan dawapi kta; omaka wi kin de tokaheya dawapi kta ce.

3 Israel omniciye owasin hecen ewicakiya po; Wi kin de anpetu iwikcemna kin tipi otoiyohi on tacincadan ikikcupi kta, ateyapi tipi kin iyececa.

4 Tuka tiyohnaka tonana on tacincadan yutapi okihipi śni kinhan, iye qa tuwe ikiyedan ti kin he kici icu kta, wicanagi yawapi iyecen, wicaśta otoiyohi token yute kta okihi, tacincadan on dawapi kta.

5 Tacincadan wašte, mdoka waniyetu wanjidan kta, tahn wannyanpi, qa is tatokadan etanhan iyekecupi kta.

6 Qa wi kin de anpetu iaketo-pa kin, hehanyan kaśka yahduhapi kta, qa hitayetu otahedan, Israel omniciye owasin he patapi kta.

7 Qa we kin etanhan icupi qa tośu tiyopa anokatanhan, qa iwankam amninnipi kta, tipi ohna he yutapi kte cin he akan.

8 Qa hanyetu kin he en celipi kin peta on ceonpapi yutapi kta, aguyapi onapohye codan, qa peji pa kici he yutapi kta.

9 Hetanhan ongedan saka qa mini ohna ohanpi yatapi kte śni, tuka petan ceonpapi; pa kin qa huha śupe kici yatapi kta.

10 Hetanhan ihanhanna hehanyan oyahdaptapi kte śni; qa ihanhanna hehanyan ongedan oyaptapi kinhan, he peta on hulinah yayapi kta.

11 Qa hecen yatapi kte, nite ipiyag yakitonpi, qa siha hanpa oyakihanpi, qa sagye nape ohna yahduhapi kta, qa inahniyan yatapi kta; Jehowa toacakśin kin hee.

12 Qa hanyetu kin de Egupta makoce opta mde ɕa tona toka-pa Egupta makoce ohna, wicaśta woteca ko owasin awicawape kta, qa Egupton taku wakan dapi kin owasin akan woyaco ecamon kta. Jehowa he miye.

13 Unkan tipi ohna dukanpi kin hena we kin on wapetog yakitonpi kta, hecen we kin wammdake ɕa niwankam acakśin mde ɕa Egupta makoce kin awape cinhan wowayazan on niŋapi kta iyonihipi kte śni.

14 Unkan anpetu kin de wokiksuye duhapi kta, qa he ohna wohanpi Jehowa woyecihanpi kta; nitoicagepi ohna wokage, owihanke wanica wohanpi yayapi kta.

15 Anpetu śakowin aguyapi

WICOWOYAKE 12.

onapohye codan yatapi kta; anpetu tokaheya awicakehan yatipi kin etanhan onapohye dutokanpi kta. Nakaś anpetu tokaheya etanhan anpetu isakowin kin hehanyan tuwe kašta onapohye yute cinhan, wicanagi kin he Israel etanhan yutokanpi kta.

16 Anpetu tokaheya kin en wicakicopi wakan, qa anpetu isakowin en wicakicopi wakan duhapi kte, anpetu kin hena en wohitani takudan econpi kte śni, tuka wicanagi iyohi taku yute kta wiyeya kagapi kta, heceedan ecanonpi kta.

17 Qa onapohye codan wohanpi kin yapatanpi kta, nakaś anpetu kin de en obe nitawapi kin Egupta makoce etanhan hdinanpe ciyapi, heon anpetu kin de yapatanpi kta, nitoicagepi yeye cin wokage owihanke wanica.

18 Wi tokaheya, anpetu iaketopa, hitayetu etanhan aguyapi onapohye codan yatapi kte, wi anpetu wikcemna nonpa sanpa wanjidan hitayetu kta hehanyan.

19 Anpetu śakowin onapohye yatipi kin ohna iyeyapi kte śni, nakaś hehanyan tuwe taku napohyapi yute cinhan wicanagi kin he oyate tokeca qa is makoce he en tonpi kin unman tukte kašta, Israel omniciye etanhan yutokanpi kta.

20 Takudan napohyapi yatapi kte śni. Yatipi kin owasin ohna aguyapi napohyapi śni yatapi kta, eya.

21 Unkan Mowis Israel hunkeyapi kin owasin wicakico, qa hewicakiya, Ekta hdapo, qa wicoun nitawapi on tacincadan ikikeupo, qa woacakśin kin patapo.

22 Qa peji hota opahite wan iyacupi kta, qa we kin tiyopa

Ex.

7

icahda un kin he en oyaputkanpi, qa tośu tiyopa anokatanhan, qa iwankapatanhan ayamnimnipi kta, we tiyopa icahda un kin he on. Unkan ihanhanna kin hehanyan tuwedan iye tiyopa etanhan inanpe kte śni.

23 Hecen Jehowa Egupton wicakaštaka hiyaye kta, qa tośu tiyopa anokatanhan qa iwankam hena akan we kin wanyake cinhan Jehowa tiyopa kin acakśin kta, qa waihang ye cin he anipe kta e yatipi en hiyu iyowinkiyete kte śni.

24 Unkan wicoie kin de yapatanpi kta, he wokage owihanke wanica niye qa nicinca duhapi kta.

25 Qa hecetu kta, tohan makoce wan Jehowa niçupi kin ekta yaipi, eye ciqon iyecen, wohitani kin de oyapapi kta.

26 Qa tohan nicincapi kin, Wohitani kin de ecannonpi kin he taku he? eniciyapi kinhan;

27 Hehan hehapi kta, Woacakśin Jehowa wakiyuśnapi kin dee, Iye Egupton wicakaštake cehan, Egupta makoce ohna Israel cinca tipi kin acakśin, qa untipi kin patan ce. Unkan oyate kin patujapi qa ohodapi.

28 Unkan Israel cinca kin ekta hdapi, qa token Jehowa Mowis Aaron kici econ wicaśi kin he iyecen econpi.

29 Unkan kaketu, hanyetu cokaya hehan Jehowa tona Egupta makoce ohna caske owasin wicakaštaka, Paro cinhintku tokapa toiyotanke akan iyotanke kta etanhan, wayaka wicakaška tipi ohna yanke cin cinhintku tokapa aiyahdeya, qa woteca cinca tokapa nakun owasin.

30 Unkan Paro hanyen kikta, iye qa taokiye owasin, qa Egupton owasin. Unkan Egupta

HDINANPAPI,

ohna śicahowayapi tanka, nakaś
tipi tukte tuwedan ƣe śni wa-
nica.

31 Unkan hanyen Mowis, Aaron
kici wicakico, qa heya, Najinpo,
oyate mitawa wicehnatanhan
inanpapo, niye qa nakun Israel
cinca kin *owasin*, qa hunktiyapo,
Jehowa okiyapo ehapi qon iye-
cen.

32 Nakun tahnca nitawapi qa
pte nitawapi kin ikikcupo, eha-
pi qon iyecen; nakun miś eya
mayawaštepo.

33 Unkan Egupton iyowicapa-
štakapi, qa owasin untapi se eya-
pi, heon oyate kin makoce etan-
han ye wicayapi kta inahnipi.

34 Unkan oyate kin aguyapi
mdu kin nahanhin napohiyapi śni
ikikcupi, waksica towokoyakepi
ohna pahitapi tahpapi kin akan.

35 Qa Israel cinca kin Mowis
eye ciqon he iyecen econpi, qa
Egupton etanhan mazaska oinpi,
qa mazaskazi oinpi, qa wokoya-
ke dapi.

36 Unkan Egupton kin oyate
kin cante wicakiyapi kin he Je-
howa kaga; heon wicaqupi, un-
kan taku Egupton tawapi yuha
iyayapi.

37 Qa Israel cinca kin Rameses
etanhan ihdakapi, Sukot ekta,
wicašta kektopawinge opawinge
śakpe Huninyunkenken manipi
qa śicecapi kin hena wicayawapi
śni.

38 Qa oyate tokeca wicota opa-
pi qa tahnca qa pte, wanuyanpi
ota hinca.

39 Qa aguyapi mdu Egupta
etanhan yuha hdinanpapi kin he
španyanpi, aguyapi hmiyanyan
he napohiyapi śni, ecin Egupta
etanhan nape wicayapi, qa owan-
ji unpi okihipi śni, qa nakun wa-
neya ičicagapi śni, nakaś.

40 Israel cinca Egupta en iyo-

tankapi kin wanna waniyetu opa-
winge topa sanpa wikcemna
yamni en ounyanpi.

41 Qa waniyetu opawinge topa
sanpa wikcemna yamni owihan-
keta, anpetu kin he en, Jehowa
obe tawa owasin, Egupta etan-
han hdinanpapi.

42 Hanyetu kin de Jehowa on
awacinpi kta; Egupta makoce
etanhan hdinanpe wicaya, heon
Israel cinca kin owasin wicoica-
ge yeye cin ecekcen Jehowa
hanyetu tawa kin he awacinpi
kta.

43 Unkan Jehowa Mowis Aaron
kici hewicakiye ciqon; Woacak-
šin wokonze kin dee, oyate toke-
ca cinca kin tuwedan hetanhan
yute kte śni.

44 Tuka wicašta otoiyohi taoki-
ye mazaska on opetonpi, he ba-
yahdaye cinhan, hehan hetanhan
yute kta.

45 Tuwe oyate tokeca makoce
en ti, qa iś tohtani opeyaton ešta
he yute kte śni.

46 Tipi wanjidan ohna he yuta-
pi kta, qa cehpi kin ongedan ti-
pi kin he etanhan tankan adapi
kte śni, qa huhu kin wanjidan
duwegapi kte śni.

47 Israel omniciye ocowasin
heconpi kta.

48 Qa tuwe oyate tokeca niye
kici ounye ƣa woacakšin Jeho-
wa on ope kte cinhan, tona wica
iye ti kin ohna owasin bahdaya-
pi kte, hehan ikiyedan hi, qa he-
con kta; hecen tuwe makoce
ohna tonpi kin iyececa kta; tu-
ka bahdayapi śni tuwedan hetan-
han yute kte śni.

49 Tona makoce en tonpi, qa
oyate tokeca niyepi ehna oun-
yanpi kin wicoope wanjidan yu-
hapi kta.

50 Unkan token Jehowa Mowis
qa Aaron econ wicaśi kin he iye-

WICOWOYAKE 13.

cen Israel cinca kin owasin econpi.

51 Unkan anpetu kin he Jehowa Israel cinca kin obe tawapi kin ecekcen, Egipta makoce kin etanhan hdinanpe wicaya.

WICOWOYAKE 13.

1 Unkan Jehowa ie ça Mowis heciya,

2 Tona caske owasin micuyu-wakan wo, Israel cinca kin ehna tona winyan tamni nahdoke cin wicašta woteka ko owasin mitawa.

3 Unkan Mowis oyate kin he-wicakiya, Anpetu kin de kiksuya po, he en Egipta makoce kin etanhan, wayaka tipi kin etanhan yahdinanpapi, Jehowa nape wašaka on hetanhan hdinanpe niyanpi, heon takudan napohyapi yutapi kte šni.

4 Aguyapi itka hinanpe, Abibi kin anpetu kin de yahdinanpapi.

5 Unkan makoce wan Jehowa niču kta e niyate wokonze on ewicakiya, Kanani qa Hiti kin, qa Amori kin qa Hiwi kin qa Jebusi kin tamakocepi kin he en Jehowa hiyuniye cinhan, makoce wan ohna pte asanpi qa canhanpi tiktica kaduze cin he ohna, wi kin de en wicohan kin de ecannon kta.

6 Anpetu šakowin hehanyan aguyapi napohyapi šni yate kta, qa anpetu šakowin kin Jehowa wohanpi kicagapi kta.

7 Aguyapi napohyapi šni, anpetu šakowin yutapi kta, qa aguyapi napohyapi nicipi wanyakapi kte šni, qa onnapohyapi kin makoce nitawapi kin ohna wanyakapi kte šni.

8 Qa anpetu kin he nicinkši oyakidake ça heyakiye kta,

Egipta makoce etanhan wau qehan Jehowa taku ecamicon heon de ecamon.

9 Unkan he ninape akan wowapetokeca duhe kta, qa ništa otahedan wokiksuye kta, hecen Jehowa toope kin nii kin ohna un kta; nakaš nape wašaka on Jehowa Egipta etanhan hiyu niyan.

10 Heon wokonze kin de omakayehantu ca oyape kta, waniyetu otioyohi.

11 Unkan tohan Jehowa Kanani makoce kin ekta aniye cinhan, qa he niču, niš qa nihunkakepi eniciya qon he iyecen;

12 Hehan winyan cinca tokapa kin owasin, Jehowa on dutokan kta, qa wanunyanpi nitawa cinca tokapa mdoka kin owasin Jehowa tawa kta.

13 Qa šuktanka šonšonna cinca tokapa kin owasin opeyakiton kta, taħinca cinca wan he iyopeyakiye kta, qa opeyakiton šni kinhan pakin yakakse kta; qa wicašta nicincapi kin tona caskepi owasin opeyakiton kta.

14 Qa kaketu kta, tokata tohan nicinca, De taku hwo? eya iniwange cinhan, hehan heyakiye kta, Nape wašaka on Egipta etanhan, wayaka tipi kin etanhan, Jehowa hdinanpe unyanpi.

15 Unkan unhdapi Paro katin-yan tehinda; heon Jehowa tona caskepi Egipta makoce ohna owasin wicakte, wicašta cinca tokapa, qa nakun woteka cinca tokapa, heon tona caskepi owasin Jehowa wawakiyušna, qa micinca caske opewakiton, ehe kta.

16 Qa he ninape akan wowapetokeca kta, qa ite akahpe ništa otahedan niciyuke kta, nakaš nape wašaka on Jehowa Egipta etanhan hdinape niyanpi.

HDINANPAPI,

17 Unkan kaketu, Paro oyate ye wicaşı qehan Wakantanka Pilistim tamakocepi canku kin ohna awicaye şni, he ptecedan tuka okini oyate ozuye wanyakapi kinhan iyope iciyapi qa Egupta ekta hdapi kta, eya.

18 Heon Wakantanka oyate kin wicayuhomni, qa Mde-şa hopuze canku kin ohna awicaya; unkan Israel cinca kin ipiyag kintonpi Egupta makoce kin etanhan inanpapi.

19 Unkan Mowis Josep huhu kin yuha hda, nakaş Israel cinca kin Taku Wakan icajeyan wicaşı qa heya, Awicakehan Wakantanka en nihipi kta, qa huhu mitawa yuha detanhan inayapapi kta.

20 Unkan Sukot etanhan ihdakapi, qa hopuze kin icahda Elam en etipi.

21 Unkan Jehowa wicitokam anpa eca malıpiya bosdata wan ohna, canku kin ohna ye wicaya, qa hanyetu eca peta bosdata, hecen anpetu hanyetu ko, mani okihipi ece.

22 Anpetu eca malıpiya bosdata ewicakicihdaku şni, qa hanyetu eca peta bosdata wicitokapa tanhan.

WICOWOYAKE 14.

1 Unkan Jehowa ie ca Mowis heciya,

2 Israel cinca kin decen ewicakiya wo; Ihdamnapi qa Hahiroti kin itokam etipi kta, Migdol qa Mde kin otahedan, Baal Zepon itokapatanhan he iyotakons, mde icahda eyatipi kta.

3 Unkan, Israel cinca kin makoce ohna nunipi hewoskan onawicataka, Paro eye kta.

4 Hecen Paro cante kin mdusutakta kta, unkan tawicape kta; he-

cen Paro qa ozuye tawa kin owasin etanhan wowitan waton kta; qa Jehowa he miye Egupton sdonyapi kta, eya. Unkan hecen econpi.

5 Unkan oyate kin najicapi kin Egupton wicaşı yatapi kin okiyakapi, hehan Paro cante kin, qa taokiye cantepi kin oyate ekta ayuhomni, qa tokeca de econkupi, qa Israel wowidag wicunyanpi qon token ye wicunşıpi hwo? eyapi.

6 Qa canpahmihma aqin kication qa taoyate kin hduha eyaya.

7 Qa canpahmihma opawinge şakpe kalınihi icu, qa Egupton tancanpahmihma owasin, qa otoiyohi ohna wicaşı yamni.

8 Unkan Jehowa Egupton wicaşı yatapi kin Paro cante kin yusuta; hecen Israel cinca kin tawicapa; tuka Israel cinca kin nape hduwankan iyayapi.

9 Unkan Egupton kin tawicapapi, qa Paro şuktanka tawa owasin, canpahmihma qa şuktanka akan iyotankapi, qa ozuye tawa kin wicakihdegapi, mde icahda wankapi, Hahiroti kin ekta Baal Zepon iyotakons.

10 Unkan Paro ikiyedani qehan, Israel cinca işıta wankan iki-kecupi, unkan inyun Egupton wicihakam natan au, heon nina kikipapi, qa Israel cinca kin Jehowa hoyekiyapi.

11 Qa Mowis heciyapi, Egupta ekta wicahapi wanica nace, heon Hewoskan ohna unıapi kta e hetanhan hiyu unyayapi he? Tokeca de ecaunyeconpi, qa Egupta etanhan hiyu unyayapi he?

12 Oie wan Egupta en unkeniciyapi qon dee seca. Unkayuştanpo, hecen Egupton wowidag unyanpi kta, unkeyapi. Egupton wowidag unyanpi kin hee

WICOWOYAKE 14.

wašte, qa Hewoskan unŋapi kin hee śica.

13 Unkan Mowis oyate kin he-wicakiya, Ihnuhan koyakipapi kin. Owanji najin po, hecen Jehowa woehdaku ecanionpi kte cin he wandakapi kta ; Egupton token nakaha wandakapi, he iye-cen ake icimana wanwicadakapi kte śni.

14 Jehowa niyepi on kize kta, qa niś inina dukanpi kta.

15 Unkan Jehowa Mowis heci-ya, Tokeca miye hoyemayakiya he? Israel cinca kin ihdag wicaśi wo.

16 Qa niś cansakadan yuwan-kan ikikcu, qa ninape kin mde kin iwan-kan ye kiya wo ; qa he yuakipam iyeya wo, hecen Israel cinca kin mde cokaya maka puza ohna manipi kta.

17 Unkan miś Egupton cantepi kin mdusuta, kta, hecen wica-pasipi kta, qa Paro on, qa ozuye tawa ocowasin, canpahmihma qa śuktanka akan yotankapi on ma-yutanpi kta.

18 Qa Paro on, canpahmihma tawa on, qa śuktanka akan yotan-kapi on, wowitan waton kinhan hehan Jehowa he miye, Egupton sdonypapi kta, eya.

19 Unkan Wakantanka ohni-hde kin Israel ihdakapi wicito-kam mani qon śkanskan, qa wi-cihektam u, qa mahpiya bosda-ta wicitokapatanhan iyaya, qa wicihakam najin.

20 Qa Egupton owanka kin, qa Israel owanka kin otahedan u, qa mahpiya śapa qa otpaza heca, tuka dena hanyen iyoyamya, hecen hanyetn ośan icikiyedani upi śni.

21 Unkan Mowis mde kin iwan-kam nape hdugata, unkan Jeho-wa hanyetu ośan wiyohiyanpa-tanhan tateyanpa waśaka on

mde kin yutokan, mini kin ki-caśpe qa mde kin puza kaga.

22 Unkan Israel cinca kin mde cokaya ipi, puze cin ohna, qa etapa tanhan catka tanhan ko mini kin aconkaśke wicaya.

23 Unkan Egupton kuwa awi-cayapi, qa Paro śuktanka tawa owasin, canpahmihma, śuktanka akan yotankapi koya, mde kin cokaya wicihakam ipi.

24 Unkan hanhanna iwaktapi hehan, Jehowa Egupton ihdaka-pi ekta etonwan, peta bosdata qa mahpiya śapa ohna, qa Egupton ihdakapi kin yuśinye wicaya.

25 Qa canpahmihma huha kin yuśdoka hecen tketkeya tokśu-pi ; unkan Jehowa Israel on Egupton wicakiza, heon etanhan Israel etanhan naunjicapi kta, Egupton eyapi.

26 Hehan Jehowa Mowis heci-ya, Mde kin ektakiya ninape ki-yugata wo, hecen mini kin ecen hdiwanke kta Egupton akan, canpahmihma tawapi, qa śuktan-ka tawapi akan.

27 Unkan Mowis mde kin iwan-kam nape yekiya ; unkan han-hanna hehan mde kin token un-qon he iyecen hdiwanka ; unkan Egupton najicapi kin he itkoki-papi, hecen Jehowa Egupton kin mde cokaya ehpe wicaya.

28 Unkan mini hdiwanka qa canpahmihma, śuktanka akan yotankapi ko awicakalpa, Paro ozuye tawa owasin, tona wiciha-kam mde kin en hipi wanjidani kaś ni śni.

29 Unkan Israel cinca kin mde cokaya puze cin amanipi, qa eta-pa tanhan catka tanhan ko mini kin aconkaśke wicaya.

30 Unkan Jehowa anpetu kin he en Israel niwicaya, Egupton napepi etanhan. Unkan Israel

HDINANPAPI,

Egupton tapi wanwicayaka, mde kin hutata ekta.

31 Qa Israel wicoñan tanka Jehowa Egupton ecawicakicon kin he wanyakapi, qa oyate kin Jehowa kokipapi, qa Jehowa wacinyanpi, taokiye Mowis nakun.

WICOWOYAKE 15.

1 Hehan Mowis Israel cinca ko odowan kin de Jehowa kahiya-yapi, qa heyapi.

Jehowa iwadowan kta, wowitan tanka icicaga.

Suktanka qa tuwe akan iyo-tanke cin mde kin en ehpe wicaya.

2 Ja mitowaśake qa mitadowan kin hee, qa nakaha nimayan.

Taku wakan wada kin hee, heon mdatan kta.

Ate taku wakanda, heon, mda-wankantu ye kta.

3 Jehowa wicaśta kiczapi itancan kin heca, caje tawa kin Jehowa ee.

4 Paro tacanpahmihma, ozuye tawa ko, mde en ehpe wicaya.

Unkan taakicita kahñigapi mde śa ohna minin tapi.

5 Wośbe kin awicakahpa; mini śbe kin ohna kun iyayapi; inyan wan iyecen.

6 Jehowa ninape etapa kin wo-waśake on yutanpi ce.

Ninape etapa, Jehowa, toka kin wicakawanka.

7 Nitowitan tanka on tona nicipajinpi kin ihang wicayaya.

Nitocanniye kin yeyakiye cin he peji śeca iyecen huñnaliwicaya.

8 Nipoge oniye kin on mini kin kiwitayapi.

Minitan kin paha iyecen bosdan najin.

Mde cokaya wośbe kin tasagicu.

9 Toka kin heya, Wicawakuwa kta ewicawehdege kta, woyuha wapamni kta, hena on minagi innayanpi kta, isan wahduśdoke kta, minape ihang wicaye kta.

10 Tate nitawa ipoh yakiya, Mde kin awicakahpa.

Mini waśaka aohdute wicaya, maza su iyecen.

11 Jehowa taku wakan ehna tuwe iyeniceca?

Tuwe iyeniceca wowakan on yutanpi kta?

Yatanpi kin nicinihanpi kta, wowapetokeca ecannon.

12 Ninape etapa kin yeyakiya, maka kin nawicapca.

13 Oyate kin de opewicayakiton, nitocantekiye on awicada.

Nitowaśake on oyanke wakan nitawa kin en hiyuwicayaye kta.

14 Oyate nahonpi qa kokipapi kta, Palestina oonyanpi kin wokokipe wicayuze kta.

15 Hehan Edom itancanpi kin wicayusinyayapi kta.

Moab wicaśta waśaka wocancan wicayuze kta.

Kanan oonyanpi iyuhpa skanpi kta.

16 Nihinciyapi, wokokipe ko awicahinhpaye kta.

Niisto tanka kin on tasag tapi kta, inyan iyecen.

Oyate nitawa iyoopta iyaye kte cin hehanyan, Jehowa;

Oyate kin de opeyakiton iyoopta iyaye kte cin hehanyan.

17 He nitawa kin he ekta hiyu wicayaye qa ohna hu hde wicayaye kta.

Oyanke ohna yakidotanke kta e wiyeya yakaga, Jehowa.

Tipi wakan, Itancan, ninape nićicage kte cin he ekta.

18 Jehowa owihanke wanin wicaśta yatapi kta.

WICOWOYAKE 16.

19 Hecen Paro šuktanka tawa, canpahmihma qa šuktanka akan yotankapi kin mde kin en hipi, unkan Jehowa mde mini kin he-na akan awicahdi; tuka Israel cinca kin mde cokaya taku puze cin amanipi.

20 Unkan Miriam, winyan wokcan, Aaron tankeku cancega wan nape ohna icu, unkan winohinca owasin cancega yuha opapi, qa wacipi.

21 Unkan Miriam awicayupta, qa heya, Jehowa idowanpo, wowitzan tanka içicaga, šuktanka qa akan yotanka kin he mde en elpe wicaya.

22 Unkan Mowis Israel Mdeša etanhan ihdag wicaya, unkan Šur hopuze kin ekta ipi, qa anpetu yamni Hopuza ohna manipi, qa mini iyeyapi šni.

23 Qa Mara en hipi qa Mara mini yatkanpi okihihi šni, ecin pa ce, heon he Mara (pa hee) eciyapi.

24 Unkan oyate kin Mowis kipajinpi qa taku unyatkanpi kta hwe? eyapi.

25 Unkan Jehowa hoyekiya, unkan Jehowa he can wan sdonyekiya; he mini kin en elpe ye cin hehan mini wašte icu. Hen wokage wan qa woyaco wan wicaqu, qa hen iyutan wicaya.

26 Qa heya, Jehowa wakan yada ho kin ohinniyan anayagoptan, qa taku iye išta kin ohna ecetu kin hecannon, qa woahope tawa kin owasin nayahon, qa wokage tawa owasin duhe cinhan, wawayazan tona Egupton awicawahnaka wanjidan acihnake kte šni, nakaš Jehowa asniniye cin he miye.

27 Unkan Elim en hipi, hen miniyowe ake nonpa, qa tamar can wikcemna šakowin, qa hen etipi mini icahda.

WICOWOYAKE 16.

1 Unkan Elim etanhan ihdaka-pi, qa Egupta makoce etanhan iyayapi, wi inonpa anpetu iake zaptan hehan Israel cinca omniciye owasin Sin Hopuze cin ekta hipi; he Elim qa Sina otahedan.

2 Qa Israel cinca omniciye ocowasin Hopuze cin ohna Mowis qa Aaron en kipajinpi.

3 Qa Israel cinca kin hewicakiyapi, Tokin Egupta makoce ohna Jehowa nape on untapin, celhipi cega icahda iyotankehan aguyapi imnahan untapi qehan; omniciye kin de ocowasin akihan te unyayapi kta e Hopuze cin de ekta hiyu unyayapi.

4 Unkan Jehowa Mowis heciya, Inyun, mahpiya etanhan aguyapi amagaju ciciyapi kta, qa oyate kin tankan yapi, qa anpetu otoiyohi taku anpetu wan iyohiye cin he mnayanpi kta; hecen iyutan wicawaye kta, mitoope omanipi kta, qaiš omanipi kte šni.

5 Qa anpetu isakpe hehan taku anpetu otoiyohi mnayanpi kin he nonpa akihde ahdihi kta, qa he španyanpi kta.

6 Unkan Mowis Aaron kici Israel cinca kin owasin hewicakiya, Htayetu kinhan Egupta makoce etanhan hdinanpe niyanpi kin Jehowa hee sdonyayapi kta.

7 Qa hanhanna eca Jehowa to-witan kin wandakapi kta; Jehowa en wiyahnupi kin he nahon, tuka unkiyepi untakupi hwo? on wiunyahnupi he?

8 Qa Mowis heya, Htayetu eca Jehowa celhipi yatapi kta e ničupi, qa hanhanna ca aguyapi ini-mnapi kta, heon etanhan Jehowa wiyahnupi kin is iye en wiya-

HDINANPAPI,

hnupi kin lie nañon sdonayapi kta; tuka unkiś untakupi he? unkiyepi en wiunyahnupi śni, tuka Jehowa he en.

9 Unkan Mowis Aaron heciya, Israel cinca omniciye ocowasin hewicakiya wo; Jehowa wiya-hnupi kin nañon, heon ikiyedan upo.

10 Unkan Aaron Israel omniciye ocowasin ewicakiye cin he icunhan, Hopuze cin ekta ihdu-homnipi, qa inyun, Jehowa to-witan kin malipiya śoka kin ohna wanyakapi

11 Unkan Jehowa ie ça Mowis heciya;

12 Israel cinca wihnupi kin na-wañon, hecen ewicakiya wo, Htayetu eca celipi yatapi ece kta, qa hanhanna eca aguyapi ininmapi kta, qa Jehowa wakan yadapi kin he miye sdonayapi kta.

13 Unkan Htayetu śiyo en hipi qa owanke kin akalipapi, qa hanhanna eca owanke ihduksan cu kin makata wanka ece.

14 Qa cu makata wanke cin akan hiyu qehan, inyun Hopuze ite akan taku cistinna wa suta iyecen, hewanke iyecen cistinna maka akan wanka.

15 Unkan Israel cinca kin he wanyakapi, qa wicaśta otoiyo hi hunkawanjitku kin hekiciyapi, Man hu (de taku hee:) eya; nakaś he taku sdonayapi śni. Unkan Mowis hewicakiya, Aguyapi yutapi kte Jehowa niçupi kin dee.

16 Taku Jehowa econ nişipi kin dee, Hetanhan mnayanpo, wicaśta otoiyo hi token yute kta iyacinyan wicaśta iyohi, wicanagi tona wakeya tawa ohna yakonpi, pahu otoiyo hi on omer iyutapi wanjidan icu kta.

17 Unkan Israel cinca kin ecen

econpi, qa hunli ota mnayanpi, qa hunli aoptetu mnayanpi.

18 Qa omer ohna iyutapi qehan tuwe ota mnaye ein he taku iyakicuya yuhe śni, qa tuwe cistinna mnaye cin he aokpani yuhe śni; otoiyo hi token yute kta iyececa hecen mnayan.

19 Unkan Mowis hewicakiya; Ihnuhan tuwe hetanhan ihanhanna hehanyan onge oyapte cinhan.

20 Unkan Mowis nañonpi śni, qa wicaśta wanjikśi ihanhanna kin hehanyan onge oyaptapi; unkan he śicamna qa ohna wamdudan icagapi; unkan Mowis canniye wicaya.

21 He hanhanna otoiyo hi mnayanpi, wicaśta otoiyo hi token yute kta iyececa; tuka anpetu wi kin kate cin hehan skan.

22 Unkan anpetu isakpe hehan aguyapi nonpa akihde mnayanpi, otoiyo hi on omer iyutapi nonpa; unkan omniciye itancan kin owasin en hipi, qa Mowis okiyakapi.

23 Unkan hewicakiya, Jehowa eye cigon dee, Heyakecinhan Sabaton Jehowa okihpapi wakan tawa kin hee. Taku aguyayapi kte cin he aguyapo, qa taku cega en oyahanpi kte cin he ohanpo, qa taku ihe cin owasin kihnakapo; heyakecinhan hehanyan he yahduhapi kta.

24 Unkan hanhanna hehanyan kihnakapi, Mowis econ wicaśi kin he iyecen; tuka śicamna śni, qa ohna wamdudan yuke śni.

25 Unkan Mowis heya, Nakaha he yutapo, anpetu kin de Jehowa okihpapi tawa kin ee. Ecin tinta ekta he iyeyayapi kte śni.

26 Anpetu sakpe he mnayayapi kta, qa anpetu isakowin kin he okihpapi, he icunhan wanice kta.

WICOWOYAKE 17.

27 Unkan anpetu isakowin kin hehan oyate etanhan wanjiksi mnayanpi kta tankan ipi, tuka takudan iyeyapi sni.

28 Unkan Jehowa Mowis heciya, Tohanyan mitawoahope, qa mitoope oyapapi tawaten yayapi kte sni he.

29 Wanyakapo, Jehowa okilpapi nicupi kin, heon anpetu isakpe kin he en nonpa can on woyute nicupi, owanji yankapo, otoiyohi tohe kin ohna. Anpetu isakowin icunhan tuwedan oyanke tawa etanhan tankan iyaye kte sni, eya.

30 Unkan oyate kin anpetu isakowin kin he en okilpapi.

31 Qa Israel ti kin he Manna eya caje yatapi, he taku su kin iyececa ska, qa he utapi kin he aguyapi zibzipedan canhanpi tik-tica icicahiyapi iyececa.

32 Unkan Mowis heya, Taku Jehowa econ nisipi kin dee, hetanhan omer wanjidan ojuyapo he inicagapi yeye cin yuha yanpi kta; hecen Egipta makoce etanhan hdinanpe ciyapi qehan, Hopuze cin ohna aguyapi yun ciyapi kin he wanyakapi kta.

33 Unkan Mowis Aaron heciya, Cega wan icu qa he ohna manna omer iyutapi wan yeya wo, qa he Jehowa itokam kihnaka wo, Inicagapi yeye cin he yuha unpi kta.

34 Unkan Aaron he wo yaatan-in kin itokam, he yuhapi kta e kihnaka, Jehowa Mowis econ si qon he iyecen.

35 Unkan Israel cinca kin manna yutapi, waniyetu wikcemna tom hehanyan, makoce ohna wotu tipi wan en ipi kin hehanyan, Kanan makoce ihanke kin en ipi kin hehanyan manna kin yutapi.

36 Unkan omer iyutapi wikcemna ca epah wanji ojunganpi.

WICOWOYAKE 17.

1 Unkan Israel cinca kin omni-ciye owasin Jehowa oie kin eciyatanhan ihdakapi kin hena Sin hopuze etanhan ihdakapi, qa Repidim en etipi tuka oyate yatkanpi kta e mini wanica.

2 Unkan oyate kin Mowis iyo-pe yapi qa, Mini unqupo, unyatkanpi kta eyapi; unkan, Tokeca mis iyo-pe mayayapi? Tokeca Jehowa iyutan yayapi? Mowis ewicakiya.

3 Unkan hen oyate kin mini on ipuzapi, qa oyate kin Mowis i en hiyeyapi, qa, De tokeca hwo? Egipta etanhan inape unyayapi qa ipuza te mayaye kta, qa micinca, qa mitawanuyanpi kin, eyapi.

4 Unkan Mowis Jehowa hoyekiya, qa, Oyate kin de taku eawicawecon kta he? unhanketa e inyan on makininpi kta, eya.

5 Unkan Jehowa Mowis heciya, Oyate kin itokam ya wo, qa Israel hunkayapi etanhan ope wicayaši kta, qa cansakadan on wakpa ayape ciquon ninape ohna ikikcu, qa iyaya wo.

6 Inyun mis Horeb heciya imnija kin akan nitokam iyawabe kta, qa imnija kin ayape kta, qa hetanhan mini hiyu kta; hecen oyate kin mini yatkanpi kta. Unkan Israel hunkayapi kin wanyakapi, Mowis hecen econ.

7 Unkan oyanke kin he Masa (Iyutanyanpi) qa Meriba (Iyopeyapi) cajeyata, Israel cinca kin iyo-peyapi qa Jehowa iyutan yanpi, qa Jehowa unkiyopeya un, qais un sni he? eyapi kin heon etanhan.

8 Hehan Amaleqi en hipi, qa Repidim ohna Israel azuya.

9 Unkan Mowis Josuwa heciya,

HDINANPAPI,

Wicašta unkicicahniga wo, qa Amaleqi wicakiza wo. Heyakecinhan Wakantanka cansakadan tawa nape ohna yuha paha iya-wahe kta.

10 Unkan Jošuwa Amaleqi wicakiza, token Mowis eciye cin he iyecen econ. Unkan Mowis, Aaron qa Hur paha akan itan-wankanhdeya iyayapi.

11 Unkan tohan Mowis nape kin wankantuya hdugate hehanyan Israel ohiya, qa tohan nape ozikiya ca Amaleqi ohiya.

12 Unkan Mowis nape kin tke heon inyan wan icupi, qa ihukuya ehnakapi; unkan he akan iyotanka; hehan Aaron Hur kici nape en yuzapi, unman etapa tanhan, qa unman catka tanhan; hecen nape kin patin anpetu wi kin iyaya, hehanyan.

13 Unkan Jošuwa tacanłpi hi kin on Amaleqi, qa taoyate wicakawanka.

14 Unkan Jehowa Mowis heciya; Wokiksuye kin de wowapi wan en kage ca Jošuwa noge kin en kihnaka wo. Amaleqi kiksuyapi kin małpiya ihukuya tanhan wapaju kta.

15 Unkan Mowis wahna wošnapi wan kage ca, Jehowa Nisi (Mitawiyokihedan) eya caje yata.

16 Qa heya, Nape kin Ja toiyo-tanke kin akan heon wicoicage yeye cin ohinniyan Jehowa Amaleqi kize kta.

WICOWOYAKE 18.

1 Unkan Jetro Mowis tunkanku, Midian wawayušna kin, Wakantanka taoyate Israel, qa Mowis token ecawicakicon owasin nałon, Jehowa Israel Egupta etanhan hdinanpe wicaye cin he.

2 Hehan Jetro Mowis tunkanku

kin Zipora Mowis tawicu kin icu, he kihdeye ciqon iyohakam.

3 Qa cinhintku nonpa, tokapa Geršom (Hen ounwaya) eciyapi, Makoce tokeca ohna ounwaya, eya, heon etanhan.

4 Qa unman Eliezer (Taku wakan wada omakiya) eciyapi; Ate Taku Wakanda kin omakiye ca Paro tacanłpi kin etanhan emahdaku, eya, heon etanhan.

5 Unkan Wakantanka he tawa kin icahda, łopuze ohna Mowis ti kin he ekta Jetro Mowis tunkanku hi, qa cinhintku qa tawicu nakun.

6 Qa Mowis heciya, Nitunkan Jetro he miye, niye en wahi, nakun nitawin, qa nicinca nonpa opapi.

7 Unkan Mowis, iye tunkanku itkokipe kta tankan iyaye ca pakicapsan, qa i iputaka, qa Zaniyan unpi hecinhan ikiciwangapi, qa wakeya kin en hipi.

8 Unkan Jehowa taku Paro qa Egupton ecawicakicon, Israel on etanhan owasin Mowis iye tunkanku okiyaka, taku tefika canku ohna awicakipa owasin, qa Jehowa ewicahdaku kin nakun, Mowis iye tunkanku okiyaka.

9 Unkan Jehowa Egupton napepi etanhan Israel ehdaku, qa taku wašte ecawicakicon owasin on Jetro iyuškin.

10 Qa Jetro heya, Jehowa Egupton napepi etanhan, qa Paro nape etanhan enihdakupi kin he yawaštepi nunwe. He Egupton napepi ihukuya tanhan taoyate kin ewicahdaku.

11 Wanna Jehowa taku wakan kin owasin isanpa tanka ee sdonwaya, taku en wałan icidaya škanpi kin he en ohiwicaya ce.

12 Unkan Mowis tunkanku Jetro wošnapi, qa wohułnah yapi Wakantanka wakiciyušna. Un-

WICOWOYAKE 19.

kan Aaron qa Israel hunkayapi, Wakantanka itokam, Mowis tunkanku kici aguyapi yutapi kta en hipi.

13 Unkan ihanhanna Mowis oyate kin wicayaco kta e iyotankahan yanka. Unkan oyate kin Mowis ihdukšan najinpi, hanhanna etanhan ecen litayetu.

14 Unkan Mowis tunkanku taku iye taoyate kin ecawicakicon owasin wanyake ça heya, De taku oyate kin ecawicayecon hwo? Tokeca niś nana yakidotanka, qa oyate kin owasin hanhanna etanhan ecen litayetu nihdukšan najinpi he?

15 Unkan Mowis iye tunkanku heciya, Oyate kin Wakantanka iwangapi kta en mahipi ece.

16 Nakaś taku akinicapi eca en mahipi ece, qa wicašta wiciyotahedan mdaco, qa Wakantanka tokage, toope, ko sdonye wicawakiya ece.

17 Unkan Mowis tunkanku kin heya, Taku ecannon kin de wašte śni.

18 Hanyaye kta, niś qa oyate kin de onipapi owasin nakun; Taku kin de tke heon niś nana hecon oyakihi śni nakaś.

19 Wanna maho kin nañon, wahokon ciciya, qa Wakantanka nici un kta. Oyate kin ie ska niyanpi kta, Wakantanka ekta, qa oiepi kin Wakantanka oyakidake kta.

20 Qa wokage, woepe ko onspe wicayakiye kta, qa canku ohna omanipi kta, qa woecon econpi kte cin hena sdonye wicayakiye kta.

21 Qa niye oyate kin owasin etanhan wicašta waditaka yakalinige kta, wicašta wicakapi, Wakantanka kokipapi qa basminyanpi kin śice dakapi kin hecapi, qa kektopawingege itancanpi,

opawingege itancanpi, qa wikcemna zaptanptan itancanpi, qa wikcemnamna itancanpi kin hena wicayecage kta.

22 Unkan hena ohinniyan oyate kin yacopi kta, qa taku tanka kin owasin en anhipi kta; hecen iyepi nicicinpī kta qa kapojedan nicicagapi kta.

23 Taku kin de ecannon, qa Wakantanka hecon niśi kinhan, najinhan oyakihi kta, unkan oyate kin de owasin oyanke tawapi kin en zaniyan kipi kta.

24 Unkan Mowis iye tunkanku ho kin anagoptan, qa token eye cin owasin ecen econ.

25 Qa Mowis Israel owasin etanhan wicašta waditaka wicakalinige ça oyate pa wicayapi kta, kektopawingege itancanpi, opawingege itancanpi, wikcemna zaptanptan itancanpi, qa wikcemnamna itancanpi wicakaga.

26 Unkan hena ohinniyan oyate kin yacopi, taku telike cin he Mowis en ahipi, qa taku cistinna akinicapi kin he iye yacopi.

27 Unkan Mowis iye tunkanku kihde ya; unkan iye tamakoce kin ekta kihda.

WICOWOYAKE 19.

1 Israel cinca Egupta makoce etanhan inanpapi kin etanhan, wi iyamni, wi tanin kin anpetu kin en Sina ho puze cin en hipi.

2 Nakaś Repidim etanhan ihdakapi qon, qa Hopuze en hipi, qa Hopuze ohna e tipi, qa Israel hen wankapi lie itokam.

3 Unkan Mowis itanwankanhdeya Wakantanka ekta i, unkan Jehowa paha kin etanhan hoyekiye ça heya, Jakob tiyohnaka hecen eyakiye ça Israel cinca kin owicayakidake kta;

HDINANPAPI,

4 Taku Egupton ecawicawecon niś wandakapi, qa Wamdi hupahu akan ciyuhapi, qa miye eu cicahipi.

5 Qa wanna maho kin katin-yan nayahonpi, qa wicotakuye mitawa yapatampi kinhan, maka kin ocowasin mitawa, tuka oyate owasin isanpa miś tawa ciyapi kta.

6 Unkan niye oyate wakan, qa wicašta yatapi wawayuśnapi ciyuhapi kta. Wicoie kin hena Israel cinca kin owicayakidake kta.

7 Unkan Mowis en hi, qa oyate hunkayapi kin wicakico, qa wicoie kin hena owasin wicitokam ehde, Jehowa econ śi kin iyecen.

8 Unkan oyate kin owasin okonwanjidan ayuptapi qa heyapi, Token Jehowa eye cin owasin ecen econkupi kta. Unkan Mowis itkom oyate oiepi kin Jehowa okiyaka.

9 Unkan Jehowa Mowis heciya, Inyun mahpiya śoka wan ohna en cihi kta, hecen ociciye cin he oyate kin nahonpi kta, qa owihanke wanin wicanidapi kta. Unkan Mowis oyate oiepi kin Jehowa okiyaka.

10 Unkan Jehowa Mowis lieciya, Oyate kin ekta hda, qa wicayuwakan wo, ecin qa nakun heyakecinhan, qa wokoyake hdujajapi kta.

11 Unkan anpetu iyamni on wiyeya icihnakapi kte, anpetu iyamni kin hehan Jehowa kun u, qa Sina paha akan iyahe kte cin he oyate owasin wanyakapi kta.

12 Unkan ihdukśan oyate kin iwicayecago kta, qa hehe kta, Ihnuhan paha akan idadapi kin, qa ihanke kin ešta odutanpi kin; tuwe kašta he yutan kinhan ktepi kta.

13 Ihnuhan wicanape wanjidan he yutan kin, tuka inyan on kininpi kta qa iś wanhinkpe on ipahdan iheyapi kte, woteca wicašta unman tukte kašta ni kte śni. Maza yahotonpi tehan hoton kinhan iyepi paha en itanwankanhdeya yapi kte.

14 Unkan Mowis paha kin etanhan apamahdedan ku, oyate kin ekta, qa oyate kin wicayuwakan, unkan wokoyake kin hdujajapi.

15 Unkan oyate kin hewicakiya, Anpetu iyamni on wiyeya un po. Ihnuhan winohinca odutanpi kin.

16 Unkan anpetu iyamni hanhanna hehan wakinyan hotonpi, qa wakanhdi, qa paha akan mahpiya wan śoka hinca, qa maza yahotonpi nina hoton, unkan oyate kin owanka ohna owasin cancanpi.

17 Unkan Mowis oyate kin Wakantanka itkokipapi kta owanke etanhan inanpe wicaya; unkan paha ihukuya inajinpi.

18 Unkan Jehowa peta ohna Sina paha akan kun hiyu, heon paha kin owancaya śotoju, qa śota wankan hiyaya, maza śdo-yapi oceti śota kin iyeceča, qa paha kin owancaya nina cancan.

19 Unkan maza yahotonpi kin tehan nina hoton qehan, Mowis ia, unkan Wakantanka ho wan on ayupta.

20 Unkan Jehowa Sina paha kin akan kun hiyu, he paha kin akan, qa Jehowa Mowis kipan he paha kin ekta, qa Mowis itanwankanhdeya ekta i.

21 Unkan Jehowa Mowis heciya, kun hda oyate kin wicakiyaotanin, okini wanyakapi kta e Jehowa ekta iyoptapi kta, qa etanhan wicota ihpayapi kta.

22 Qa wawayuśnapi Jehowa ikiyedani hipi ece kin, iś eya

WICOWOYAKE 20.

ihduwakanpi kte, okini Jehowa wicakaolipe kta.

23 Unkan He kin yuwakan, qa ihdukšan icago wo, unyakidaotanin, qa eha, heon oyate kin Sina he kin ekta ipi okitpanipi ce, Mowis Jehowa eciya.

24 Unkan, Hunktiya kun hda, qa itanwankanhdeya yau kta niś qa Aaron yecica kta, tuka wayayusnapi kin, qa oyate kin ihnunhan Jehowa ekta yapi kta e naoksapi, okini wicakaolipe kte, Jehowa eciya.

25 Unkan Mowis oyate ekta kun hde qa owawicakiye.

WICOWOYAKE 20.

1 Unkan Wakantanka ie qa oie kin dena owasin eya.

2 Jehowa wakanyada, qa Egupta makoce etanhan, wayaka tipi etanhan, inanpe niye cin he miye ce.

3 Mitokam Taku Wakan tokeca duhe kte śni.

4 Ihnunhan wakagapi pagopi nićicage cin, qa malpiya wakan taku ohnaka, qa ihukuya taku maka kin ohnaka, qa mini maka ihukuya taku ohnaka kin hena owasin taku iyececa nićicage cin.

5 Hena ohoyada kte śni, qa itokam yapatuje kte śni. Nakaś Jehowa wakanyada, Taku Wakan winawizi he miye, tona śice madapi wicoicage iyamni, qa itopa kin hehanyan ateyapi wahanipi iye cincapi kin en awicawai ece.

6 Qa tona wašte madapi qa mitawoahope patanpi kin hena wicoicage kektopawinge hehanyan cantewicawakiya ece.

7 Jehowa wakan yada kin he ikcekceya caje date kte śni, Jehowa tuwe ikcekceya caje yate cinhan yaowotanna kte śni.

8 Anpetu isakowin wakan yada kta e kiksuya wo,

9 Anpetu śakpe hitayani, qa ni-tohtani kin owasin ecannon kta.

10 Tuka anpetu isakowin kin Jehowa Wakan yada kin he tawa, he en wohtani takudan ecannon kte śni; niye qa nicinkši, qa nicunkši, nitahokšidan, qa wiciyanna nitawa, qa wanuyanpi nitawa, qa tuwe oyate to keca otonwe nitawa ohna un kin.

11 Nakaś anpetu śakpe en Jehowa, malpiya kin, qa maka kin, miniwanca, qa taku hena ohna un kin owasin kage qa anpetu isakowin kin en okihpa, heon Jehowa anpetu isakowin kin he hdawašte qa hdawakan.

12 Niyate qa nihun wicahduonihan wo, hecen Jehowa wakan yada kin makoce niću kin he en tehan yani kta.

13 Tin wicayakte kte śni.

14 Wawicihalapi ecannon kte śni.

15 Wamayanon kte śni.

16 Nitakoda on woyaotanin iton śniyan odake kte śni.

17 Nitakoda ti kin cantiheyaye kte śni. Nitakoda tawicu, qa hokšidan tawa, qa wiciyanna tawa, qa tatanka tawa, qa šuktanka tawa, qa taku kašta nitakoda tawa cantiheyaye kte śni.

18 Unkan oyate owasin taku hotonpi kin qa taku ide kin qa mazayahotonpi kin hoton, qa he šotoju kin he wanyakapi qehan, oyate kin kokipapi, qa cancanpi, qa itehan kinajinpi.

19 Qa, Niś unkokiyapo, hecen naunhonpi kta, tuka Wakantanka unkokiyapi kte śni, okini untapi kta, Mowis eciyapi.

20 Unkan Mowis oyate kin he wicakiya, Inihanpiśnipo; iyutannianpi kta on Wakantanka hi, qa tokokipe niitepi itokam un

HDINANPAPI,

kta, hecen wayahtanipi kte śni, heon etanhan.

21 Unkan oyate kin itehan najinpi, tuka Mowis otpaza śoka ohna Wakantanka yanke cin he ikiyedan i.

22 Unkan Jchowa Mowis heciya, Israel cinca kin hecen ewicayakiye kta, Małpiya etanhan, ociciyapi kin he niś wandakapi.

23 Mitokam mazaska taku wakan, qa mazaskazi taku wakan nićicagapi kte śni.

24 Maka owayuśna miyecage kta, qa he akan peta wośnapi, qa wopida wośnapi nitawa kin, tahinca nitawa qa pte nitawa kin wayaduśna kta; tuktee kašta micaje kiksuye ciyapi kin he en cihi qa ciyawašte kta.

25 Qa inyan owayuśna miyecage cinhan, wokakanpi on yakage kte śni, maziya pe nitawa kin he ekta yeyakiye cinhan duśape kta.

26 Qa owayuśna mitawa kin ekta itanwankanhdeya idada eca, woiyadi pi akan mayani kte śni ece, okini tanconikadan tanin kta.

WICOWOYAKE 21.

1 Unkan woyaco wicitokam eyahde kta dena ee.

2 Heberi ookiye wan opeyaton kinhan waniyetu śakpe wowidag yaye kta, tuka iśakowin hehan iyuwin codan ikceya tankan iya-ye kta.

3 Tanśnana en hi kinhan tanśnana tankan ye kta, tawicu ton kinhan, tawicu kici tankan ye kta.

4 Yuhe cin he winohinca wan qu kinhan, qa cinca wica qa iś winyan kiciton kinhan, tawicu cinca ko yuhe cin tawaye kta, qa iye taśnana inape kta.

5 Tuka, Mayuhe cin wašte wa-

daka, mitawin, micinca nakun, ikceya inawape kte śni, ookiye kin he katinyan eye cinhan,

6 Yuhe cin he wayaco ekta aye kta, qa tiyopa, qa iś tiyopa ica-
da tośu kin ekta, qa tahinśpa wan on noge kin palidoke kta, hecen owihanke wanin he okiye kta.

7 Unkan wicašta wan iye cunwintku wiciyanna on wiyope kiye cinhan, he hokśipidan tankan yapi kin he iyecen tankan inape kte śni.

8 Yuhe cin he wokilipe śni, qa śicedake cinhan he opekiron wicakiye kta, wanna he hnayan, heon wiyopekiye ęa oyate tokeca qu kta okihi śni.

9 Qa iye cinhintku on he woki-
lpe cinhan, cunwintku yapi wo-
yaco kin he iyecen ecakicon kta.

10 Winohinca tokeca yuza ešta tado tawa, qa wokoyake tawa qa kici un kin he ekiciyaku kte śni.

11 Qa hena yamni ecakicon śni kinhan, mazaska wanica ikceya inape kta.

12 Tuwe wicašta wan apa, unkan ęe cinhan, awicakehan ęe yapi kta.

13 Unkan tuwe he kuwa śni unkanś, tuka nape ekta Taku Wakan hiyukiye cinhan, oyanke wan ociciyake kta hen inape kta

14 Tuka tuwe takodaku kte kta e hnayan kicał kuwa kinhan, owayuśna mitawa ešta etanhan ktepi kta e iyacu kta.

15 Unkan tuwe iye atkuku qaiś hunku ape cinhan awicakehan ęe yapi kta.

16 Unkan tuwe wicašta wan manun qa wiyope ye cinhan, qaiś yuħa iyeyapi kinhan ęe yapi kta.

17 Unkan tuwe atkuku qaiś hunku ihakta śni kinhan awica-
kehan ęe yapi kta.

WICOWOYAKE 22.

18 Unkan wicašta nom akini-capi qa wanji tawašitku inyan on, qaiš nape hdupšunka on ape cinhan, unkan te šni tuka hin-hipaya makan wanka.

19 Najin, qa sagye kiton tankan mani kinhan, tuwc he ape cin he te kte šni; tuka okizi yapi kajuju kta, qa nakun makan wanke cin on.

20 Unkan wicašta wan tahokšidan, qaiš wiciyanna tawa cansakadan on ape cinhan, qa nape kin ihukuya te cinhan, katinyan tokiconpi kta.

21 Tuka anpetu wanji, qaiš nonpa can najin kinhan, tokiconpi kte šni, he mazaska tawa nakaš.

22 Unkan wicašta nom akici-papi qa winohinca ihdušaka wan kiuniyanpi kinhan, unkan cinca hiyu tuka taku šica sanpa ope šni kinhan, mazaska on kajuju kiyapi kta, token winohinca hi-hnaku eye ça wayaco konzapi kin he qu kta.

23 Tuka taku šica ope cinhan wiconi on wiconi yaqu kta,

24 Išta on išta, hi on hi, nape on nape, siha on siha,

25 Guyapi on guyapi kta, capapi on capapi kta, apapi on apapi kta.

26 Unkan wicašta wan tahokšidan išta kin, qaiš tawiciyanna išta kin apa, unkan kpe cinhan, išta kin on ikceya kiyuške kta.

27 Qa tahokšidan hi wan qaiš tawiciyanna hi wan kapšun kinhan, hi kin on ikceya kiyuške kta.

28 Unkan tatanka wan wicašta qaiš winohinca capa, unkan te cinhan, tatanka inyan on kininpi kta, qa celpi kin yutapi kte šni; tuka yuhe cin takudan ecakiconpi kte šni.

29 Tuka he itokam tatanka kin he wacapa, qa yuhe cin okiya-

kapi ešta, he hdaške šni kinhan, tatanka wicašta qaiš winohinca te kiye cinhan, inyan on kininpi kta, qa yuhe cin nakun te yapi kta.

30 Mazaska on kajuju šipi kinhan token nagi kin on kajuju šipi kin owasin qu kta.

31 Cinca wica qaiš winyan cape cinhan, woyaco kin de iye-cen ecakiconpi kta.

32 Tatanka kin hokšidan, qaiš wiciyanna cape cinhan, wicayuhe cin mazaska wikcemna yamni kicu kta, qa tatanka inyan on ktepi kta.

33 Unkan wicašta wan wolha wan yuhdoke cinhan, qaiš wolha wan qe ça akalpe kiton šni kinhan, unkan tatanka wan, qaiš šuktanka šonšonna wan he oiyo-hipaye cinhan,

34 Wolha tawa kin kajuju kta, qa yuhe cin mazaska qu kta, qa taku te cin he tawa kta.

35 Unkan wicašta wan tatanka tawa tawašitku tatanka tawa kiunni on te cinhan, tatanka ni kin he wiyope kiyapi kta, qa mazaska kin yuakipam icupi kta, qa te cin nakun cokaya kibašpapi kta.

36 Tuka tatanka kin wacapa he itokam sdonyapi ešta, yuhe cin he hdaške šni kinhan, yuhe cin tatanka te cin on tatanka wan qu kte ça te cin he tawaye kta.

WICOWOYAKE 22.

1 Wicašta wan tatanka qaiš tahinca manun kinhan, qa he pata qaiš wiyope ye cinhan, tatanka zaptan, tatanka wanjidan on kicu kta, qa tahinca topa tahinca wanjidan on.

2 Wamanun wan tipi kahdoka-han iyeyapi, qa apapi on ta ešta he on weyapi wanice kta.

HDINANPAPI,

3 Wi kin iyoyam ye cinhan wokajuju on kajuju kiyapi kte, takudan yuhe šni ešta, womanun kin on wiyope kiyapi kta tuka, heon tuwe he kte kinhan we yapi kta.

4 Taku manun kin he niyake nape kin ohna iyeyapi kinhan, tatanka, šuktanka šonšonna, tahnca ešta, wanjidan on nonpa hdajuju kta.

5 Wicašta wan taku wiħan ye kte cin tokan tamaga, qaiš tahastanhanka iyuwi oju kin en iyaye ye a maga qaiš hastanhanka iyuwi oju kin temye cinhan, iye tamaga wašte qa hastanhanka iyuwi wašte kin on hdajuju kta.

6 Cetipi qa tinta ideyapi, qa peji paha, qaiš aguyapi bašdapi šni, qaiš maga wan ħulinage cinhan he hdajuju kta.

7 Wicašta wan tawašitku kin mazaska qaiš waksica kicihnake kta e qu kinhan qa tipi tawa etanhan manunpi kinhan wamanun iyeya kinhan nonpa akihde hdajuju kta.

8 Wamanun kin iyeyapi šni kinhan, tipi yuhe cin he tawašitku woyuha tawa ekta nape yekiye šni taku wakan ekta ohdag kiyapi kta.

9 Taku akinicapi owasin on, tatanka on, šuktanka šonšonna on, tahnca on, wokoyake on, taku kašta tuwe tawa tanin šni akinicapi kinhan, napin taku wakan kin ekta ohdag wicakiyapi kta, qa tuwe taku wakan kin yašicapi kinhan tawašitku nonpa akihde kicu kta.

10 Wicašta wan tawašitku šuktanka šonšonna, qaiš tatanka, qaiš tahnca wanuyanpi, taku kašta awanyake kta e qu kinhan, unkan e cinhan, qaiš tuwedan wanyake šni kiunniyanpi, qaiš tokan kaħapapi kinhan;

11 Tawašitku taku tawa kin ekta nape kin yekiye šni, Jehowa namahon keya ohdake kta, hecen tawa qon he iyowin kiye kta, unkan kajuju kte šni.

12 Tuka manunpi kinhan tawa qon taku iyehantu kicu kta.

13 Yahdecapi kinhan onšpa yahdecapi yuotanin kta e ahi kta, qa hecen yahdecapi on takudan kicu kte šni.

14 Unkan wicašta wan takodaku etanhan taku odote, qa tawa kin kici un šni icunhan kiunniyanpi, qaiš e cinhan wokajuju kicu kta.

15 Tawa kin kici un kinhan kajuju kte šni, opeton odote cinhan iyuwin kin he on u ce.

16 Wicašta wan hokšiwinna wan wahoye kuns okiye a kici wanke cinhan tawicu kta e awicakehan wicakicida kta.

17 Tuka wikoška atkuku kin kicu kta e katinyan telinda kinhan, wikoška wohpapi kin he iyecen mazaska qu kte.

18 Wicaħmugesa niyakiye kte šni.

19 Tuwe woteca wan kici wanke cinhan katinyan ktepi kta.

20 Jehowa heceedan wakiyušnapı kta, qa tuwe taku wakan tokeca wan wakiyušna kinhan ocowasin iħangyapi kte.

21 Tuwe oyate tokeca nici ounye cinhan iyokišin yaye kte šni, qa yakiduše kte šni, nakaš niš Egipta makoce kin ohna oyate tokeca ounyayapi.

22 Wiwazica qa wamdenica wanjidan dušicapi kte šni.

23 He dušice unkan hoye makiye cinhan ho kin naħon manke kta ce.

24 Qa mitocanniye ideye kta, qa canħpi on ciktepi kta, hecen nitawinpi wiwazicapi kta, qa nicinca wamdenicapi kta.

WICOWOYAKE 23.

25 Oyate mitawa tuwe onśika nici un kin mazaska oyaqu kinhan, wayahtakesa iyecen ecayecon kte śni, woyahtake yakidake kte śni.

26 Nitakoda taku oyaqu nici-cajuju kta e taśina iyacu kinhan tohan wi iyaye cinhan yecu kta.

27 Taśina uka kin hee, taku hdown kta heceedan kinhan, taku ohna iśtinbe kta he? hecen hoye makiye cinhan nawañon kta; wacantkiya waun ce.

28 Taku wakan duśice kte śni, qa oyate nitawa itancan kin ihnuhan wahte yada śni kinhan.

29 Nicinksi tokapa kin mayaqu kte; ɕa taku icañ yaye tokaheya suton kin woyute woyatke ko mayaqu dutehan kte śni.

30 He iyecen pte nitawa qa tañinca nitawa kin ecayecon kte; anpetu śakowin hunku kici yanke kte ɕa iśahdogan can hehan mayaqu kta.

31 Wicaśta wakan mitawa kin yaunpi kta, heon taku tinta ekta yañdecapi kin he yatapi kte śni, he śunka ekta eñpe yayapi kta.

WICOWOYAKE 23.

1 Taku ecinkta oyakapi kin iyacu kte śni, qa itonśniyan wadaatanin kta e wicaśta śica nape duze kte śni.

2 Wicota taku śica econpi owicayape kte śni, qa taku akinicapi en wicota yaśkopapi eśta yaśkop kta e awicadupte kte śni.

3 Nakun wicaśta wañpanica toakinice kin en duonihan kte śni.

4 Tuwe niciyuśe tatanka tawa, qaiś taśunke ōnōonna nuni kin ayakipe cinhan, he ekta hdiya-kiye kta.

5 Tuwe śice nidake taśunka ōnōonna tawaqin ihukuya ma-

kata wanka wandake cinhan duśke kta yakapin eśta kici duśke kta.

6 Wicaśta wañpanica nici un kin toakinice kin en woyaco dapemni kte śni.

7 Wicoie itonśni etanhan ihdu-tehan wo, ihnuhan wicaśta owotanna qa tuwe taku śica econ śni yakte kinhan nakaś tuwe śice cin he mdaowotanna kte śni.

8 Taku ituñanpi kin iyacu kte śni; Nakaś taku ituñanpi tona iśta mdezapi kin hena iśta gonge wicaye ɕa oñan owotanpidan eśta oiepi kin wicakiyupemni.

9 Egupta makoce kin ohna ounyayapi qon, heon wicaśta oyate tokeca ohna ounyanpi cantepi kin sdonyayapi, qa tuwe oyate tokeca yakiduśe kte śni.

10 Waniyetu śakpe makoce nitawa woyaju kte ɕa taku aicage cin mnayaye kta.

11 Tuka iśakowin kin he aduśtan kte ɕa eñpe yaye kta, hecen oyate nitawa tona onśika he yutapi kta, unkan taku ihe cin tinta wamanica kin yutapi kta; hastanhanka iyuwi nitawa qa wihdi can nitawa kin nakun he iyecen ecayecon kta ce.

12 Anpetu śakpe nitohtani ecanon kte ɕa anpetu iśakowin kin en oziniɕiye kta ce, hecen tatanka nitawa qa nitaśunke ōnōonna okiñpe kta; qa nitawiciyanna cinca, qa tuwe oyate tokeca nakun magaga ɕiye kta.

13 Taku eciciyapi kin owasin en ikpatanpo, qa taku wakan tokeca caje kin he kiksuye yakiye kte śni nii kin etanhan tuwedan he nañon kte śni.

14 Mdoketu eca yamni akiñde womiyecihe ece kta.

15 Aguyapi napoñiye codan wohanpi yapatanpi kta, Abib wi

HDINANPAPI,

kin (aguyapi itka hinanpe cin wi kin) he en Egipta etanhan yahdinape, heon etanhan iye-hantu eca anpetu šakowin aguyapi napoliye codan yatapi ece kta, econ cišipi kin he iyecen, qa wošna codan tuwedan mitokam wanyakapi kte šni.

16 Nakun bašdapi wohanpi kin nitohtani taku maga ohna oyaju tokaheya icage cin hee, qa wamnayanpi wohanpi kin omaka owihanketa, nitohtani kin maga etanhan mnayaye cin iyehantu eca.

17 Mdoketu eca, yamni akihde tona wica owasin Jehowa itancan kin itokam nihdutaninpi ece kta.

18 Taku wamayakidušna we kin aguyapi napohyapi kici mayaqu kte šni, qa wohanpi mitawa wašin kin ihanhanna kin hehanyan ihe kte šni.

19 Maga nitawa taku tokaheya aicage cin he Jehowa wakanyada ti kin en ayahi ece kta. Tatokada cinca kin he hunku asanpi kin ohna oyahe kte šni.

20 Inyuu miš ohnihde wan nitokam ye waši he canku ohna awanniyake ça oyanke wiyeya cicihnake cin he ekta aniye kta.

21 Ite kin awacin wo, qa ho kin nañon wo, ihnuhan yakipajin kin, wayahtanipi kin tokan anianpi kte šni, nakaš he cokaya micaje yanka.

22 Tuka awicakehan ho kin anayagoptan, qa taku eciciye cin owasin ecen ecannon kinhan tona toka niyanpi kin owasin toka waye kta, qa tona nicipajinpi kin hena wicawakipajin kta.

23 Mitaohnihde nitokam ye kta, qa Amori kin, qa Hiti kin, qa Perazi kin, qa Kanani kin, qa Hiwi kin, qa Jebuši kin ekta aniye kta, qa awihnuni wicawaye kta ce.

24 Hena taku wakan dapi kin ekta yapatuje kte šni, qa ohoyada kte šni, qa token econpi kin he iyecen ecannon kte šni; tuka tawakagapi kin yakawanke kta, qa ocowasin yakamdemdece kte ce.

25 Tuka Jehowa wakan yadapi kin he oyecipapi kte, hecen aguyapi nitawapi kin he yawaste kta qa mini nitawa kin nakun, qa nicokayatanhan wowayazan mdutokan kta.

26 Qa makoce nitawa kin ohna takudan okaškan ton kte šni, qa cinca nica yuke kte šni, anpetu nitawa oyawa kin ojuwaye kta.

27 Qa wokokipe mitawa kin nitokam yewaye ça oyate ekta wicaya i kte cin owasin yušinye wicawaye kta, qa tona toka niyanpi kin owasin tahupi kin ciçu kta.

28 Unkan tuhmaga nitokam yewaye kta, unkan hena Hiwi kin, Kanani kin, qa Hiti kin nitokapa tanhan wicakañapapi kta.

29 Waniyetu wanjidan en ham wicawaye kte šni, okini makoce kin hewoskantu kta, qa wamanica ota kta niyepi ehna.

30 Tonana qa hehan tonana nitokapatadhan ham wicawaye kta, ecen nihduota, qa makoce kin tawayaye kta.

31 Qa Mde-ša etanhan Pilistim tamde kin aiyahdeya, qa Hopuze cin etanhan wakpa kin ekta, hehanyan makoce kin ciçu kta, nakaš makoce kin he tona ounyanpi kin hena ninape en waqu kta; unkan nitokapatadhan ham wicawaye kta.

32 Hena om, qa taku wakandapi om wicotakuye yakage kte šni.

33 Makoce nitawa kin en ounyanpi kte šni, okini miye en wahtani niyanpi kta. Taku wa-

WICOWOYAKE 24.

kandapi kin oyakiye cinhan he nihmunke kta.

WICOWOYAKE 24.

1 Unkan Mowis heciya, Jehowa ekta itanwankanhdeya u wo, niś qa Aaron, Nadab qa Abihu, qa Israel hunkayapi kin wikcemna śakowin, qa itehanyan yapatujapi kte.

2 Qa Mowis iś nana Jehowa ikiyedani hi kta, tuka hena ikiyedani hipi kte śni; nakun iye kici oyate kin itanwankanhdeya upi kte śni.

3 Unkan Mowis ekta hda, qa Jehowa oie kin owasin, qa woyaco kin owasin oyate kin owicakiyaka; unkan oyate kin owasin ayuptapi, qa ho wanjidan heyapi; wicoie owasin Jehowa eye cin ecen econkupi kte ce.

4 Unkan Mowis Jehowa oie kin owasin owa, qa hanhanna hin kikta, qa wahna wośnapi wan paha ihukuya ehde, qa inyan wokiksuye wikcemna sanpa nonpa Israel wicoun akenonpa on;

5 Qa Israel cinca kin etanhan kośka ye wicaśi, unkan wohuhnahyapi hulahyapi, qa tatanaka wopida wośna Jehowa wa kiyuśnapi.

6 Unkan Mowis we kin hanke maza waksica ohna icu, qa we kin hanke wahna wośnapi akan ehpeya.

7 Qa wicotakuye wowapi kin icu, qa yawa oyate nogepi kin ohna; unkan, Taku Jehowa eye cin owasin ohinniyan ecen econkupi kta, eyapi.

8 Unkan Mowis we kin icu qa oyate kin awicamnimni, qa, Inyun wicoie kin dena on Jehowa wicotakuye nicicagapi we kin dee ce, eya.

9 Hehan Mowis qa Aaron, Na-

dab qa Abihu, qa Israel hunkayapi kin etanhan wikcemna śakowin itanwankanhdeya yapi.

10 Qa Israel Taku Wakan dapi kin wanyakapi, unkan siha kin ihukuya Sapir inyan kamdayapi qa owanka kagapi kin iyecen, qa mahpiya hinca kamdeza kin he iyecen.

11 Qa Israel cinca otancanke kin Wakantanka wanyakapi, qa wotapi qa wayatkanpi, tuka nape kin awicahnake śni.

12 Unkan Jehowa Mowis heciya, Itanwankanhdeya kuwa, he kin ekta, miye en, qa hen yanka wo, qa onspe wicayakiye kta e inyan mdaska qa wope woa-hope akan owawa kin hena ciçu kta ce.

13 Unkan Mowis najin, taokiye Jośuwa kici, qa Mowis Wakantanka he tawa kin ekta itanwankanhdeya iyaya.

14 Qa hunkayapi kin hewicakiya, Deciya unkaepo, niyepi en unhdipi kte kin hehanyan, qa ihopo Aaron qa Hur niyepi om unpi, qa tuwe taku akinice cinhan hena en hi kte ce.

15 Qa Mowis itanwankanhdeya paha akan i, qa mahpiya śoka kin paha kin akaħpa.

16 Unkan Jehowa towitan kin Sina paha akan owanji yanka, qa anpetu śakpe kin hehanyan mahpiya śoka kin paha akaħpa, qa anpetu isakowin kin hehan mahpiya śoka cokayatanhan Mowis kipan.

17 Unkan Israel cinca kin Jehowa towitan kin peta wahuhnahye cin he iyecen he ipa akan wanyakapi.

18 Unkan Mowis mahpiya śoka cokaya i, qa he kin akan i, qa Mowis anpetu wikcemna topa, qa hanyetu wikcemna topa he kin ohna yanka.

HDINANPAPI,

WICOWOYAKE 25.

1 Unkan Jehowa Mowis okiye ça heya;

2 Taku ituhanpi kte cin he mahapi kta e Israel cinca kin hewicakiya wo, wicašta tona cante kin iyopaštake cin hena owasin taku itumakihanpi kin he iyacupi kta.

3 Qa hena etanhan taku ituhanpi iyacupi kte cin dee; mazaskazi, qa mazaska, qa mazaša;

4 Qa tahinca hin to, qa stan, qa duta, qa minihuha ska, qa tokadan hin,

5 Qa tamdoka ha šayapi, qa hoka ha, qa šitim can;

6 Wihdi petijanjan on, qa taku waštemna wihdi sdawicayapi on kagapi kin heon, qa izin yapi kin on.

7 Inyan wicašake iyececa, qa inyan amdo akałipe, qa maku akałipe otašpuyapi.

8 Unkan tipi wakan wan micagapi kta, hecen wicacokaya ounwaye kta.

9 Wakeya okagapi kin, qa taku wo winyunyanpi owasin okagapi kin hena wanyag ciciye cin owasin, he iyecen yakage kta.

10 Qa can wohnaka wan micagapi kta, šitim can kin on, wicišpa nom sanpa hanke ohanske cin, qa wicišpa sanpa hanke ohdakinyan kin, qa obosdatu kin wicišpa sanpa hanke.

11 Qa mazaskazi ecedan on ayapawinte kta, mahentanhan, akapatanhan koya ayapawinte kta, qa mazaskazi watešdake wan he akan ihdukšan yakage kte.

12 Qa mazaskazi napcupe topa oyecicašte kta, qa hena oise topa ekta ikoyag yaye kta, cuwi tokaheya ekta napcupe nonpa, qa cuwi inonpa ekta napcupe nonpa.

13 Unkan šitim can tošu nonpa yakage kte ça hena mazaskazi on ayapawinte kte.

14 Qa canwohnake akiyuhapi kta e tošu kin napcupe canwohnake cuwi ekta ikoyakapi kin hena ohna iyeyaye kta.

15 Qa tošu kin canwohnaka napcupe kin ohna yakonpi kta, hetanhan icupi kte šni.

16 Unkan wo yaatanin ciču kte cin he canwohnaka kin en yehsnake kta.

17 Qa wokajuju iha wan mazaskazi ecedan on yakage kta, wicišpa nonpa sanpa hanke ohanske cin, qa wicišpa wan sanpa hanke ohdakinyan kin.

18 Qa Kerubi nonpa mazaskazi pagopi on yakage kta, wokajuju iha ihanke nonpa etanhan hena yakage kta.

19 Hecen Kerubi wanji wokajuju iha ihanke deciyatanhan kaga wo, qa Kerubi unman ihanke unman eciyatanhan wokajuju iha kin hetanhan, ihanke anokatanhan akan Kerubi kin yakage kta.

20 Qa Kerubi ĥupahu wankan kamdali yakonpi kte, ĥupahupi kin wokajuju iha kin akałipa unpi kta, qa itepi kin napin unman ektakiya kta; Kerubi itepi kin wokajuju iha kin ektakiya tonwanpi kta.

21 Qa wo yaatanin ciču kte cin he canwohnake mahen oyakihnake kta, qa he iwankam canwohnaka akan wokajuju iha kin eyahnake kte.

22 Qa hen itkocicipe kte ça wokajuju iha kin iwanka-patanhan Kerubi nonpa wo yaatanin canwohnaka akan unpi kin hena cokayatanhan ociciye kte, taku Israel cinca kin owicakiyag ciši kte cin owasin.

23 Qa šitim can wahna wotapi

WICOWOYAKE 26.

wan yakage kta, wiciśpa nom ohanske cin, qa wiciśpa wanjidan ohdakinyan kin, qa obosdatu kin wiciśpa sanpa hanke.

24 Qa he mazaskazi ecedan on ayapawinte kte, qa ihdukśan mazaskazi wateśdake wan yecage kta.

25 Qa he ihdukśan iyuskite nape hdakinyan yecage kta, qa iyuskite kin ihdukśan mazaskazi ecedan wateśdake wan yecage kta.

26 Qa mazaskazi napcupe topa he yecage kta qa siha topa kin itepi topa kin akan napcupe kin ikoyag yaye kta.

27 Wahna wotapi akiyuhapi kta e mazanapcupe kin tośu icupi kta on iyuskite iyotakons unpi kta.

28 Qa tośu kin śitim can on yakage kte qa mazaskazi on ayapawinte kta, hena on wahna wotapi kin akiyuhapi kte.

29 Qa wahna wotapi kin wakśica, qa tukiha, qa wiyatke, qa cega, hena owasin yecage kta, on wakanyan okaśtanpi, qa mazaskazi ecedan on hena yakage kta.

30 Qa wahna wotapi kin akan aguyapi itokam hnakapi eyahna ke kta, mitokam ohinniyan un kte.

31 Unkan mazaskazi ecedan petijanjan ihupa wan yakage kta, pagopi he yakage kta, ceca kin, qa adetka kin, qa tawakśica kin, qa pśonka kin, qa wahca kin.

32 Qa petijanjan ihupa cuwi etanhan adetka śakpe inanpe kta, adetka yamni cuwi wanji etanhan, qa adetka yamni petijanjan cuwi unman kin eciyatanhan.

33 Wakśica yamni uma iyececa, pśonka wan, qa wahca wan kicica adetka wanjidan en, qa

wakśica yamni uma iyececa, qa pśonka wan qa wahca wan adetka unman en, adetka śakpe petijanjan ihupa etanhan inanpe cin owasin hececa kta.

34 Qa petijanjan ihupa kin en wakśica topa uma iyececa, otaiyohi pśonka wan qa wahca wan kicica kta.

35 Qa pśonka wan adetka nonpa ihukuya, qa ake pśonka wan adetka nonpa ihu kuya, qa pśonka wan adetka nonpa ihukuya, adetka śakpe petijanjan ihupa etanhan inanpe cin owasin hececa kta.

36 Petijanjan ihupa pśonka tawa, qa adetka tawa kin, okonwanjidan kta, mazaskazi ecedan onśpa wanjidan pagopi on owasin kagapi kta.

37 Unkan petijanjan śakowin yecage kta, qa akan petijanjan ehnakapi kta, qa he itokapatadhan iyoyam ye kta.

38 Qa petijanjan iyukse, qa ohna cahota icupi mazaskazi ecedan.

39 He qa on kicanyanpi kin hena owasin mazaskazi ecedan woqin wanjidan on kagapi kta.

40 Qa waktaya wo owasin okagapi paha en wandake cin he iyecen kaga wo.

WICOWOYAKE 26.

1 Unkan tipi kin ozanpi wikcemna minihuha ska nonpa kahmupi, to, qa stan, qa duta Kerubi kazuntapi hecen yakage kte.

2 Ozanpi wanji ohanske cin wiciśpa wikcemna nonpa sanpa śahdogan, qa ohdakinyan kin wiciśpa topa, ozanpi owasin otaiyohi hinskokeca kta.

3 Ozanpi zaptan icikoyag yapi kte, qa ozanpi zaptan icikoyag yapi kta,

HDINANPAPI,

4 Qa icikoyag yapi kta e ozanpi tokaheya opapun kin en sunjoyake to yakage kta, apahdate ekta, qa ozanpi inonpa ihanke opapun icikoyag yapi en hecen yakage kta.

5 Sunjoyake wikcemna zaptan ozanpi tokaheya en yakage kta, qa icikoyag yapi kin ekta sunjoyake wikcemna zaptan ozanpi inonpa opapun en yakage kta, sunjoyake iyotakonzapi kta, wanji unman ekta.

6 Unkan mazaskazi taspu wikcemna zaptan yakage kta, qa maza taspu kin on ozanpi kin icikoyag yaye kte, hecen wakeya wanjidan kte.

7 Unkan tatokadan hin ozanpi wakeya kin yecage kte, tipi kin iwankam; ozanpi kin ake wanji yakage kte.

8 Ozanpi wanji ohanske cin wiciśpa wikcemna yamni, qa ohdakinyan kin wiciśpa topa; ozanpi akewanji owasin iakedececā hinskokeca kte.

9 Qa ozanpi zaptan yuwitaya icikoyag yaye kte, qa ozanpi śakpe icikoyag yaye kta, qa ozanpi isakpe kin wakeya tiyopa kin iwankam yape han kte.

10 Qa icikoyag yapi kta e ozanpi opapun ihanke kin en sunjoyake wikcemna zaptan yakage kte, qa ozanpi inonpa opapun en ikoyag-yapi kta e sunjoyake wikcemna zaptan.

11 Qa mazaśa taspu wikcemna zaptan yakage kte, qa mazataśpu kin sunjoyake ohna yeyaye kte, hecen wakeya kin icikoyag yaye kte, qa wanjidan kte.

12 Qa wakeya ozanpi etanhan taku ihe cin he ozanpi wan hanke iyaye cin he tipi kin ihektam okazeze he kta.

13 Qa wakeya anokatanhan ozanpi ohanske cin wiciśpa wanji

iyaye cin he tipi cuwi anokatanhan okazeze he kta.

14 Unkan tamdoka wanunyanpi ha śayapi woakalipe wakeya kin yecage kta, qa akapatanhan ho-ka ha woakalipe wan.

15 Unkan sitim can canmdaska bosdan unpi kta tipi kin yecage kta.

16 Canmdaska otoiyo hi ohanske cin wiciśpa wikcemna, qa ohdakinyan kin wiciśpa sanpa hanke.

17 Qa canmdaska wanji nape nonpa yecage kta, on icikoyag yapi kte; tipi canmdaska kin owasin hecen yecage kta.

18 Qa tipi on canmdaska kin hecen yecage kta, canmdaska wikcemna nonpa itokaga cuwi kin on, wiyotanhan ektakiya.

19 Qa mazaska sicu wikcemna tom canmdaska wikcemna nonpa ihukuya yakage kta, canmdaska wanji nape nonpa kin on maza sicu nonpa, canmdaska wanji ihukuya, canmdaska otoiyo hi on hecen maza sicu nonpa kta.

20 Qa tipi cuwi inonpa on waziyatakiya canmdaska wikcemna nonpa kta,

21 Qa mazaska sicu wikcemna topa; canmdaska wanji ihukuya sicu nonpa, qa canmdaska iyoki-he ihukuya sicu nonpa kta.

22 Qa tipi catku wiyohpeyata ektakiya canmdaska śakpe yecage kta.

23 Qa tipi catku kalimin nonpa kin on canmdaska nonpa yecage kta.

24 Qa napin iakedececapi kta, ihukuyatanhan, qa napin otoiyo hi pa kin ekta maza napupe tokaheya en ikoyag yapi kte kalimin nonpa kin on hena nonpa okonwanjidan kta.

25 Hecen canmdaska kin śahdogan kta, qa maza sicu kin ake śak-

WICOWOYAKE 27.

pe, maza sicu nonpa canmdaska wanjidan ihukuya, qa maza sicu nonpa canmdaska wanjtdan ihukuya.

26 Qa šitim canhdakinyan yakage kta, zaptan tipi onnaptan tokaheya canmdaska kin on.

27 Qa canhdakinyan zaptan tipi onnaptan inonpa canmdaska on, qa canhdakinyan zaptan tipi ihanke wiyohpeyata ektakiya catkuta canmdaska on.

28 Qa canhdakinyan cokaya kin canmdaska cokaya ohna iyaye kta, ihanke wanji etanhan ihanke unman ekta iyohi ye kta.

29 Qa canmdaska kin mazaskazi ayapawinte kta, qa mazaskazi napcupe yecage kta, qa hena ohna canhdakinyan iyaye kta, qa canhdakinyan kin mazaskazi ayapawinte kta.

30 Qa tipi kin eyahde kta, he en okagapi kin wanyag niyanpi kin he iyecen.

31 Unkan cokaya ozanpi wan yakage kte, minihuha ska nonpa kahmupi, qa to qa stan, qa duta kazuntapi, Kerubi akan kazuntapi kte.

32 Unkan mazaska sicu topa akan šitim can ipatan tom mazaskazi apawintapi qa mazaskazi yuksanpi tom akan cokaya ozanpi otkeyaye kte.

33 Qa cokaya ozanpi kin maza yuksanpi kin ihukuya otkeyaye kta, qa cokaya ozanpi kin he mahen woayaanin can wohnake kin ade kta, qa niyepi on cokaya ozanpi kin tipi wakan qa wakan hinca otahedan yukinukan kta.

34 Qa wokajuju iha kin woayaanin can wohnake akan eyahnake kta, tipi wakanhinca mahen.

35 Qa wahna wotapi kin he cokaya ozanpi kin itankan eyahde kta, qa petijanjan ihupa kin

wahna wotapi iyotakons, tipi cuwi itokaga ekta, qa wahna wotapi kin cuwi waziyata kin ekta eyahnake kta.

36 Qa wakeya tiyopa woakahpe wan yecage kta, minihuha ska nonpa kahmupi, to qa stan qa duta hdehdega ipatapi.

37 Unkan šitim can ipatan zaptan woakahpe kin yecage kta, qa hena mazaskazi ayapawinte kta, qa yuksanpi kin mazaskazi kta; qa hena on mazaša sicu zaptan šdoyakiye kte.

WICOWOYAKE 27.

1 Unkan owayušna wan šitim can on yakage kte, ohanske cin wicišpa zaptan, qa ohdakinyan kin wicišpa zaptan; owayušna topa omdoton kta; qa obosdata kin wicišpa yamni kta.

2 Qa oise topa kin akan he yakage kta, he kin owayušna en ikoyakapi kta, qa owayušna oco-wasin mazaša ayapawinte kte.

3 Qa cahota wakšica yecage kta, qa maza mdaska qa wakšica on amnimnipi, qa mazajata, qa mazaoceti kin hena owasin mazaša on yakage kta.

4 Qa mazaša oceti wan ho kagapi iyececa, owayušna kin yecage kta, qa oceti kin akan mazaša napcupe topa oise topa kin akan.

5 Qa owayušna opapun kin ihukuya oceti kin otkeyaye kta, qa owayušna cokaya kin iyohi kta.

6 Qa šitim can tošu nonpa owayušna kin yecage kta, qa tošu kin mazaša ayapawinte kte.

7 Qa tošu kin mazanapcupe ohna yeyaye kta, qa tošu kin owayušna cuwi napin akan unpi kta, hena on akiyuhapi kta.

8 Canmdaska on yakage kta

HDINANPAPI,

hdogeca, paha akan okagapi kin wanyag niyanpi kin he iyecen he kagapi kte.

9 Unkan tipi tahocoka kin yake kta, cuwi itokaga wiyo-tanhan ektakiya hocoka cuwi wanjidan on ozanpi wan minihuha ska nonpa kahmupi ohanske cin wiciśpa opawinge kta.

10 Qa mazaśa ipatan kin wikcemna nonpa, qa mazaśa sicu kin wikcemna nonpa, qa ipatan yuksanpi kin, qa icikoyag yapi kin hena mazaska on kagapi kta.

11 He iyecen waziyata cuwi on ozanpi ohanske cin wiciśpa opawinge, qa mazaśa ipatan kin wikcemna nonpa, qa mazaśa sicu kin wikcemna nonpa, ipatan maza yuksanpi kin, qa icikoyag yapi kin hena maza ska kta.

12 Qa hocoka hdakinyan wiyohpeyata ihanke on ozanpi kin wiciśpa wikcemna zaptan, ipatan wikcemna, qa sicu wikcemna.

13 Qa ihanke wihinanpe ektakiya tiyopata hocoka hdakinyan kin wiciśpa wikcemna zaptan kta.

14 Qa hiyete wanji on ozanpi kin wiciśpa akezaptan, ipatan kin yamni qa sicu kin yamni.

15 Qa hiyete unman kin on ozanpi akezaptan, ipatan kin yamni, qa sicu kin yamni kta.

16 Qa hocoka tiyopa akaḥpe kin minihuba ska nonpa kahmupi, to qa stan, qa duta ipatapi, wiciśpa wikcemna nonpa, qa ipatan topa, qa sicu topa.

17 Ipatan owasin hocoka ihdukšan mazaska on ikoyag yapi kta, qa yuksanpi kin hena mazaska kta, qa tasicu kin mazaśa kta.

18 Hocoka ohanske cin wiciśpa opawinge, qa anog ihanke ohdakinyan kin wiciśpa wikcemna

zaptan, qa obosdatu kin wiciśpa zaptan, anog ihanke ozanpi kin minihuha ska nonpa kahmupi, qa sicu kin mazaśa kta.

19 Tipi waksica kin owasin on kicanyanpi, qa wihutipaspe kin owasin, qa hocoka wihutipaspe kin owasin mazaśa kta.

20 Unkan Israel cinca kin can ihdi bopanpi heceedan nicahi wicayaśi kta, petijanjan on, hecen ohinniyan ideye kta.

21 Aaron qa iye cinca kin itkipapi wakeya kin ohna, cokaya ozanpi kin woayaanin itokam yanke cin, he itankan petijanjan kin kicanyanpi kta ece, ḥtayetu etanhan ihanhanna aiyahdeya Jehowa itokam, Israel cinca kin wicoicage yeye cin, wicoope kin de ohinniyan yuhapi kta.

WICOWOYAKE 28.

1 Unkan niś Israel cinca cokayatanhan nicinye Aaron iye cinca om nikiyedān hiyu wicayakiye kte, wayuśnapi ece omakiyapi kte, Aaron qa iye cinca Nadab qa Abihu, Eleazer qa Itamar.

2 Qa wokoyake wakan wowitan on owanyag wašte ḥinca nicinye Aaron yecage kte.

3 Qa tona cante ksapapi woniya ksapa ojun wicawaye cin owasin Aaron yuwakanpi kte on wamicuyuśna kta e wokoyake kicagapi kta, ewicayakiye kte.

4 Qa wokoyake kagapi kta dena ee; maku akaḥpe, qa amdo akaḥpe, qa nitoške, qa mahen unpi hdeškaška, paipaḥte, qa ipiyaka, hecen wokoyake wakan nicinye Aaron, qa iye cinca wicakicagapi kte; unkan wayuśnapi ece omakiyapi kte.

5 Unkan mazaskazi kin, qa minihuha ska kin, qa to kin, qa stan

kin, qa, duta kin hena icupi kta.

6 Qa amdo akañpe kin kagapi kta, mazaskazi qa minihuha ska nonpa kahmupi to qa stan qa duta kazuntapi kin he kagapi kta.

7 Hiyete icañke nonpa yuke kta, ihanke nonpa kin ekta hecen ikoyag yapi kta.

8 Qa amdo akañpe ipiyaka kin he akan un kin he iyecen mazaskazi qa minihuha ska qa to qa stan qa duta on kagapi kte.

9 Unkan inyan wicañake iyececa nonpa iyacu kta, qa hena akan Israel cinca cajepi kin yapago kta.

10 Cajepi kin ñakpe inyan tokaheya kin akan, qa cajepi unman ñakpe inyan inonpa kin akan, token icagapi kin he iyecen.

11 Inyan apagopi iyecen ipuspe akan owapi he iyecen, Israel cinhintku cajepi kin inyan nonpa kin akan apago kta, mazaskazi ozapi en tañpuyapi kta e hena yakage kta.

12 Qa inyan nonpa kin amdo akañpe hiyete akan eyahnake kta, wokiksuye inyan Israel cinca on, qa wicakiksuye kta e Aaron iyo hiyete anokatanhan akan cajepi Jehowa itokam yuha kta.

13 Qa mazaskazi ozapi yakage kta.

14 Qa mazaskazi hecedan maza icicalihha yuhmunpi nonpa yakage kta, kazuntapi qa maza icicalihha yuhmunpi kin ozapi kin ekta ikoyag yaye kta.

15 Unkan woyaco maku akañpe kin yakage kta, amdo akañpe kagapi kin he iyecen, mazaskazi qa minihuha ska nonpa kahmupi, to qa stan qa duta kazuntapi kin he yakage kte.

16 Topa omdoton kta, icitaki-hna, ohanske cin napapañdecapi,

qa ohdakinyan kin napapañdecapi kta.

17 Qa inyan tañpuyapi cankuye topa he ohna ojuyaye kta, sardius qa topaz qa petaga canku tokaheya kin hee kta.

18 Qa cankuye inonpa kin he smaragdus, qa sapiros, qa inyan paksa ;

19 Qa canku iyamni kin he ligurion, agate, qa ametustos ;

20 Qa cankuye itopa kin krusolitos qa inyan wicañake iyececa, qa iyaspis, qa mazaskazi ozapi ohna hena tañpuyapi kta.

21 Qa inyan kin hena Israel cinca akenonpa cajepi kin hena iyececa ipuspa pagopi kin he iyecen wicoun akenonpa cajepi kin otioyohi akan pagopi kta.

22 Qa maku akañpe kin akan mazaskazi ecedan ikan maza icicalihha yuhmunpi yakage kta.

23 Qa maku akañpe kin mazaskazi napcupe nonpa yecage kta, qa maza napcupe nonpa kin hena maku akañpe ihanke nonpa en koyag yaye kta.

24 Qa mazaskazi ikan nonpa kin maza napcupe nonpa maku akañpe oise nonpa akan unpi kin hena ohna iyeyaye kta.

25 Qa ikan nonpa ihanke nonpa ozanpi nonpa kin en koyag yaye kta, qa amdo akañpe hiyete kin akan itankan eyahnake kta.

26 Qa mazaskazi napcupe nonpa yakage kta, qa hena maku akañpe oise nonpa opapun en ikoyag yaye kta, amdo akañpe mahentuya iyotakonza.

27 Qa mazaskazi napcupe nonpa yakage kte amdo akañpe opapun nonpa kin ihukuya tanhan itokam en ikoyag yaye kta, icikoyag yapi iyotakons, maku akañpe ipiyaka kin iwankapatanhan.

28 Qa maku akañpe kin maza

HDINANPAPI,

napcupe tawa kin on amdo aka-
hpe napcupe kin en iyakaškapi
kte, hañonta to wan on, hecen
amdo akañpe ipiyaka kin akan
yanke kta, qa maku akañpe kin
amdo akañpe kin etanhan yuki-
nukan kte šni.

29 Unkan Aaron Israel cinhint-
ku cajepi kin iye cante kin akan
yuha kta, woyaco maku akañpe
ohna, tipi wakan en ya eca, Je-
howa itokam ohinniyan wokik-
suye kte.

30 Unkan iyoyamwicaye cin qa
yuštanwicakiye cin hena woyaco
maku akañpe kin ekta ikoyag
yaye kta, qa Aaron Jehowa ito-
kam u eca hena cante kin akan
yanke kta, hecen Aaron Israel
cinca woyacopi kin iye cante kin
akan ohinniyan Jehowa itokam
yuha kta.

31 Unkan amdo akañpe nitoške
kin ocowasin to yakage kta.

32 Qa he cokaya pa i kin yuke
kta, qa i kin ihdukšan apahdate
kazuntapi maku akañpe i kin
iyececa kta, hecen nahidece kte
šni.

33 Unkan upi akan taspan tan-
ka seca, to qa stan qa duta ya-
kage kta, opapun ihdukšan, qa
mazaskazi hdañda hena otahe-
dan.

34 Mazaskazi hdañda wan, qa
taspan tanka seca wan, maza-
skazi hdañda wan, qa taspan-
tanka seca wan, nitoške opapun
akan ihdukšan.

35 Qa Aaron omakiye kta e he
koyake kta, qa Jehowa itokam,
tipi wakan en u eca, qa tankan
inanpa eca he sna kin nañonpi
kta, hecen te kte šni.

36 Qa mazaskazi ecedan mda-
ska wan yakage kta, qa ipuspe
pagopi kin he iyecen, he akan
Jehowa wakan da wo, yapago
kta.

37 Qa ikan to wan ikoyag yaye
kta, hecen pa iyuskite akan un
kta, pa iyuskite itokapatanhan
kta.

38 Qa Aaron ite kin akan un kta,
Israel cinca taku yuwakanpi, wo-
qupi yuwakanpi kin hena owasin
woahtani kin yuha kta, qa Jeho-
wa iyokipi yapi kta e he ite kin
akan ohinniyan yanke kta.

39 Unkan mahenunpi minihuha
hdehdega yakazonte kta, qa mi-
nihuha ska pa iyuskite yakage
kta, qa ipiyaka ipatapi yakage
kta.

40 Unkan Aaron cinca kin ma-
henunpi wicayecage kta, qa ipi-
yaka wicayecage kta, qa wapa-
ha, owanyag wašte qa wowitan
on yakage kta.

41 Qa hena nicinye Aaron iye
cinca kiči koyag wicayaye kta,
qa napepi kin ojudan wicayakiye
kta, hecen wamiciyušnapi kta e
wicayaduwan kta.

42 Qa minihuha onzeoge wica-
yecage kta, on ceñpi ištecapi
akañpapi kta, wicapakšin etan-
han wicaceca ekta iyohiye kta.

43 Qa Aaron qa iye cinca kin
hena koyakapi kta, itkokipapi
wakeya ekta upi eca, qa tipi wa-
kan ohna omakiyapi kta e owa-
yušna ikiyedan upi eca, hecen
woahtani yuhapi kte šni, qa tapi
kte šni; iye, qa tona iye etanhan
icagapi kte, wicoope kin he owi-
hanke wanin yuhapi kte.

WICOWOYAKE 29.

1 Unkan wamiciyušnapi kta wi-
caduwan kta e taku ecawica-
yecon kte cin dee, tatanka wan,
pte wanunyanpi cinca, qa tamdo-
ka wanunyanpi nonpa owasin
wašte icu wo.

2 Qa aguyapi napohye codan,
qa aguyapi hmiyanyanna ona-

poliye codan, wihdi icicahiyapi, qa aguyapi ceguguyapi napoliyapi šni, wihdi on sdayapi; hena owasin aguyapi mdu on yakage kta.

3 Qa makanopiye wanjidan en oyahnake kta, qa hena makan opiyedan ohna, qa tatanka kin, qa tamdoka nonpa kin ikiyedan awicayahi kta.

4 Qa itkokipapi wakeya tiyopa ikiyedan, Aaron qa iye cinca awicayahi kta, qa mini on wica-dujaja kta.

5 Qa wokoyake kin iyacu kta, qa mahen unpi kin, qa amdo akałpe nitoške kin, qa amdo akałpe kin, qa maku akałpe kin, hena owasin Aaron koyag yaye kta, qa amdo akałpe ipiyaka kin ipiyag yaye kta.

6 Qa pa iyuskite cin pa akan payahite kta, qa wateśdake wakan kin pa iyuskite akan.

7 Qa wihdi on sdayapi kin he iyacu kta, qa pa akan yakaśtan kta, hecen he sda yaye kta.

8 Qa cinhintku kin ikiyedan awicayahi kta, qa mahenunpi kin koyag wicayaye kta.

9 Qa ipiyake on ipiyag wicayaye kta, Aaron qa cinhintku, qa wapaha kin iyawicayakicaške kta, hecen wawayuśna hecapi kta, wicoope owihanke wanin, hecen Aaron iye cinca ko napepi ojudan wicayaye kte.

10 Qa tatanka qon itkokipapi wakeya kin itokam ikiyedan ayahi kta, qa Aaron iye cinca koya napepi kin tatanka pa kin akan aputakapi kta;

11 Qa tatanka qon yakte kta, Jehowa itokam, itkokipapi wakeya tiyopa ekta.

12 Qa tatanka we kin onge iyacu kta, qa owayuśna he kin akan ehpe yaye kta, ninapsuka-za on, qa we kin ocowasin owa-

yuśna sicu kin ekta oyakaśtan kta.

13 Qa watejikśija kin ocowasin, qa pizi pi kin ikoyake cin he, qa paksin nonpa kin waśin ikoyake cin iyahna, qa owayuśna izin yaye kta.

14 Tuka tatanka qon celipi kin, qa ha kin, qa tacesdi kin owanka ihēyata peta on hułnali yaye kta, woahitani wośna hee.

15 Unkan tamdoka tokaheya kin he iyacu kta, unkan Aaron qa iye cinca kin napepi kin tamdoka pa aputakapi kta.

16 Unkan niye tamdoka kin yakte kta, qa we kin iyacu kta, qa owayuśna akan ihdukśan ehpeyaye kta.

17 Qa tamdoka kin yapate kta wobaśpe iyececa, qa šupe kin huha kin ko dujaja kta, qa hena wobaśpe kin qa pa kin ekta eyahnake kta.

18 Qa tamdoka kin ocowasin on owayuśna izin yaye kta. Jehowa wokicihułnagapi wan hee; woomna wiciyokipi wan Jehowa kicagapi hee.

19 Unkan tamdoka inonpa kin iyacu kta, qa Aaron, qa iye cinca kin napepi kin tamdoka pa kin aputakapi kta.

20 Qa niś tamdoka kin yakte kta, qa we kin etanhan iyacu kta, qa Aaron noge inkpa akan, qa cinhintku nogepi inkpa akan eyahnake kta, etapa kin eciyatanhan, qa napepi etapa hunka akan qa sipahunkepi etapa akan, qa we kin owayuśna akan ihdukśan ehpe yaye kta.

21 Qa we owayuśna akan un kin he etanhan iyacu kta, qa wihdi on sdawicayapi kin he etanhan, qa hena Aaron iyakiun kta, tawokoyake ko, qa cinhintku tawokoyakepi koya, hecen Aaron duwakan kta, qa tawokoyake,

HDINANPAPI,

qa cinhintku tawokoyakepi koya.

22 Qa tamdoka etanhan wasin kin iyacu kta, qa sinte, qa watejiksija kin he, qa pi pizi kin, qa paksin napin, qa wasin hena akan un kin, qa hiyete etapa kin, tamdoka wicayustan kin hee.

23 Qa aguyapi wanji, qa aguyapi hmiyanyanna wihdi icicahiyapi wanjidan, qa aguyapi ceguguyapi wanji aguyapi napohye codan makan opiye kin Jehowa itokam yanke cin hetanhan.

24 Qa hena owasin Aaron nape kin en eyahnake kta, qa cinhintku napepi kin en, qa Jehowa itokam hena yakoze kta, wokoziapi wan hee.

25 Qa napepi kin etanhan hena iyacu kta, qa owayusna kin izin yaye kta, woluhnahiyapi woomna wiciyokipi Jehowa itokam, peta wosnapi wan Jehowa kica-gapi hee.

26 Qa tamdoka Aaron on yustanpi kin he maku kin iyacu kta, qa Jehowa itokam he yakoze kta, qa obaspe kin he nitawa kta.

27 Hecen tamdoka on Aaron ojunyapi, qa iye cinca nakun ojun wicayapi kin he maku kozapi qa hiyete yuwintapi, taku kozapi, qa taku yuwintapi kin he duwakan kta.

28 Qa he Aaron qa cinhintku tawapi kta, Israel cinca kin etanhan wicoope owihanke wanice kta, he yuwintapi heon Israel cinca wopida wosnapi etanhan he yuwintapi kta, Jehowa ekta yuwintapi kta.

29 Unkan wokoyake wakan Aaron tawa kin he cinhintku, iye iyohakam tawapi kta, hena ohna sdawicayapi kta, qa napepi kin ojun wicayapi kta.

30 Cinhintku etanhan tuwe heekiya wawayusna kta, qa tipi wa-

kan ohna omakiye kta e itkoki-papi wakeya ekta hi kinhan, anpetu sakowin hena koyake kta.

31 Unkan tamdoka ojunwicaye cin he iyacu kta, qa celipi kin oyanke wakan kin ohna oyahe kta.

32 Unkan Aaron qa cinhintku tamdoka celipi kin yutapi kte, aguyapi makan opiye ohna un kin he nakun, itkokipapi wakeya tiyopa kin ekta.

33 Taku on woakalipe kagapi napepi ojun wicayapi, wicayuwakanpi kte cin, hena yutapi kta, tuka tuwe tokeca hena yute kte sni, nakaes hena wakan.

34 Unkan ojun wicayapi celipi kin onge oyaptapi kinhan qais aguyapi kin onge ihanhanna hehanyan, taku oyaptapi kin he huhnali yaye kta hee wakan heon yutapi kte sni.

35 Unkan Aaron qa cinhintku hecen ecawicayecon kta, token econ cisi kin owasin iyecen, anpetu sakowin napepi kin ojun wicayaye kta.

36 Qa woakalipapi on anpetu otoiyohi tatanka woalitani wosnapi yapate kta, hecen owayusna kin duteca kta, woakalipe akan yakage cin on, qa duwakan kta e sdayaye kta.

37 Anpetu sakowin owayusna on woakalipe yakage kta, qa he duwakan kta, hecen owayusna kin wakan hinca kta, taku kasta he yutan kinhan wakan kta.

38 Unkan owayusna akan taku wadusna kte cin dee; amnos (tahin wanuyanpi) waniyetu wanjidan, nonpa anpetu otoiyohi ohinniyan.

39 Hanhanna eca amnos tokaheya yapate kta, qa amnos inonpa kin ohtayetu otahedan yapate kta.

40 Qa amnos wanji kici aguya-

WICOWOYAKE 30.

pi mdu iyutapi iwikcemna (wiyatke ohnaka šakpe) qa wihdi bopanpi hin itopa kin (wiyatke ohnaka nonpa) icicahiyapi qa woakaštan qupi miniša hin itopa kin.

41 Unkan taħınca inonpa kin oħtayetu otahedan yapate kta hanhanna minħa kin qa woakaštan kin he iyecen ecayecon kta peta wošnapi woomna Jehowa iyokipi ye kta.

42 Jehowa itokam itkokipapi wakeya tiyopa kin ekta wicoicage nitawapi kin yeye cin he peta wošna wan ohinniyan un kte; heñ ociciye kta e heciya itkocicipapi kta.

43 Qa hen Israel cinca kin itkowicawakipe kta, qa mitowitan kin he yuwakanpi kta.

44 Qa itkokipapi wakeya kin, qa owayušna kin mduwakan kta, qa wamiciyušnapi kta e Aaron cinhintku ko wicamduwakan kta.

45 Qa Israel cinca kin wicehna ounwaye kta, qa taku wakan dapi kin he miye kta.

46 Qa Jehowa wakandapi E-gupta makoce etanhan hdinanpe wicaye cin he miye sdonyapi kta, wicehna ounwaye heon etanhan; Jehowa Wakandapi kin he miye.

WICOWOYAKE 30.

1 Unkan taku waštemna izin yapi kta e wizinya owayušna wan yakage kta, šitim can on yakage kta.

2 Ohanske cin he wicišpa wanjidani kta, qa ohdakinyan kin wicišpa wanjidani, topa omdoton kta, qa obosdatu wicišpa nonpa, he kiyuke kta.

3 Qa mazaskazi ecedan on ayapawinte kta, toakaħpe kin,

qa cuwi kin ihduksan, qa he kin; qa ihduksan mazaskazi watešdake wan yecage kta.

4 Qa mazaskazi napcupe nonpa yecage kta, watešdake ihukuya cuwi nonpa akan anokatanhan hena yakage kta, qa hena tošu on akiyuhapi icupi kta e yuke kta.

5 Qa šitim can tošu kin yakage kta, qa mazaskazi ayapawinte kta.

6 Qa cokaya ozanpi kin itokam woayaanin can ohnaka iyotakons, tukten itkocicipe kta, wokajuju iha woayaanin can wohnake kin akan yanke cin he itokam eyahde kta.

7 Qa he akan Aaron pejuta waštemna izinye kta, hanhanna otoiyohi petijanjan pikiya eca he izinye kta.

8 Qa Aaron petijanjan wankan ehnaka eca oħtayetu otahedan taku waštemna he akan izinye kta, ohinniyan Jehowa itokam nitoicagepi yeye cin.

9 He akan wizinyapi tokeca, qa wohuħnaħiyapi, qa minħa ħuħnaħi yaye kte šni, qa woakaštan ayakaštan kte šni.

10 Tuka he kin akan ptanyetu otoiyohi wancadan Aaron wokaħpe kage kta; nitoicagepi yeye cin ptanyetu eca wancadan woaħtani kajujupi we on he akan waakaħpe kta. He Jehowa tawa wakan ħinca.

11 Unkan Jehowa ie ھا Mowis heciya,

12 Tohan Israel cinca kin wicadawa eca, wicayawapi kta e wicašta otoiyohi nagi kin on wokaħpe Jehowa qu kta, wicayawapi icunhan, hecen wicayawapi icunhan makošice awicakipe kte šni.

13 Hecen qupi kta, tona wicayawapi kin iyoopta ya otoiyohi

HDINANPAPI,

seqel hanke tipi wakan seqel iyececa (omnica wikcemna nonpa seqel ee ce) seqel hanke Jehowa qu kta.

14 Tona wicayawapi iyoopta ya wica waniyetu wikcemna nonpa qa iwankam owasin woahi Jehowa qupi kta.

15 Tuwe wijica esta seqel hanke yuota kte sni, qa tuwe onrika esta yuoptetu kte sni, ninagipi on hdajupipi kta woahi wan Jehowa qupi eca.

16 Qa woakalipe mazaska kin Israel cinca etanhan iyacu kta, qa itkokipapi wakeya kicanyanpi on yaqu kta, qa Israel cinca wokiksuye yapi kte, Jehowa itokam ninagipi kin on wokajuju kta.

17 Unkan Jehowa ie ca Mowis heciya;

18 Nakun mazaša koka wan yakage kta, qa mazaša cetetahe kin, eka ihdujajapi kta, qa itkokipapi wakeya qa owayuśna otahedan eyahde kta, qa he ohna mini oyakaśtan kta.

19 Unkan Aaron iye cinca koya hetanhan napepi sihapi ko ihdujajapi kta.

20 Itkokipapi wakeya kin en yapi eca mini on ihdujajapi kta ece, hecen tapi kte sni, qa tohan Jehowa okiyapi owayuśna ikiyedan upi, peta wośna izin kiyapi ece kta.

21 Napepi sihapi ko ihdujajapi kta, hecen tapi kte sni; he wokage owihanke wanice kta, iye qa cinca kin wicoicagepi ecen econ kta.

22 Unkan Jehowa ie ca Mowis heciya,

23 Nakun niś pejuta waśtemna itancan icu wo, mur ūbuśbu seqel opawinge zaptan, qa canhaśa waśtemna he hanke, opawinge nonpa sanpa wikcemna zaptan,

qa sinkpe tawote waśtemna opawinge nonpa sanpa hanke,

24 Qa kasia opawinge zaptan, tipi wakan seqel ohna iyutapi kta, qa can ihdi hina wanjidan.

25 Qa hena sdayapi wakan wihdi yakage kta, pejuta wicaśta taku waśtemna kagapi kin he iyecen, sdayapi wakan wihdi waśtemna hee kta.

26 Qa he on itkokipapi wakeya kin sdayaye kta, qa woyaatanin canwohnaka kin,

27 Qa wahna wotapi kin, qa wakśica tawa kin owasin, qa petijanjan ihupa, qa on kicanyanpi kin, qa izin yapi owayuśna kin.

28 Qa wohuħnaħiyapi owayuśna kin, qa taku on kicanyanpi owasin, qa koka kin qa tacetetahe koya.

29 Hecen hena duwakan kta, qa wakanħincapi kta, taku kaśta hena yutan kinhan wakan kta.

30 Unkan Aaron qa iye cinca kin sdawicayaye kta, qa wamicuyuśnapi kta e wicaduwan kta.

31 Qa Israel cinca kin hecen ewicayakiye kta, wakan sdayapi wihdi mitawa kin dee kta, nitoicagepi yeye cin ohna.

32 Wicaśta ceħpi kin akan he akaśtanpi kte sni qa he icicahiyapi kin, qa taku on kagapi iyecen yakagapi kte sni, hee wakan, qa wakanyan yadapi kte.

33 Tuwe he iyecen wihdi waśtemna ye cin, qa tuwe wicaśta tokeca akan he akaśtan kinhan, oyate tawa kin etanhan kaśpapi kta.

34 Unkan Jehowa Mowis heciya, Taku waśtemna icu wo, canśin qa tukiha waśtemna, qa galbanum oomna suta, qa canśin ska, otioyohi iakedenakeca.

35 Qa hena wizinyapi yakage kta, pejuta wicaśta taku icicahiyapi kin he iyecen yakage kta

WICOWOYAKE 31.

miniskuya ecedan icicahiyapi wakan kta.

36 Qa hetanhan boyapan kta, mduhinca yakage kta, qa onge wo yaatanin itokam itkokipapi wakeya ohna tukten itkocicipe kta eyahnake kta, he wakanhinca dawapi kta.

37 Qa taku waštemna kin de yakage cin he iyecen takudan ničicagapi kte šni; he Jehowa tawa, he wakan dawa kta.

38 Tuwe omna kta e taku he iyecen kage cinhan, oyate tawa kin etanhan kašpapi kta.

WICOWOYAKE 31.

1 Unkan Jehowa ie ɕa Mowis heciya,

2 Iho wo Betzalel Uri cinhintku, Hur cinhintku, Juda wicoun etanhan caje kin on weco.

3 Qa taku wakan toniya on ojuwaya woksape qa wookahni-ge, qa wosdonye on, qa wohtani owasin en.

4 Taku wayupiya kagapi iyukcan kta, mazaskazi, qa maza-ska, qa mazaša on kage kta.

5 Qa inyan ojuyapi kin pago kta, qa can pago kta, qa taku kagapi owasin kage kta.

6 Qa he kici miš miye Aholiab Ahisamak cinhintku, Dan wicoun kin etanhan waqu, qa tona cante ksapapi cantepi ohna woksape wicawaqu, hecen taku kaš ciši kin owasin kagapi kta.

7 Itkokipapi wakeya kin, qa canwohnake wo yaatanin on, qa he akahe cin, wokajuju iha kin, qa taku wakeya kicanyanpi owasin.

8 Qa wahna wotapi wakšica tawa iyahna, qa petijanjan ihupa ecedan kin, qa taku on kican-yanpi owasin, qa wizinyapi owayušna kin.

9 Qa wohtinahyapi owayušna kin, qa taku on kicanyanpi owasin, qa maza koka kin, qa tacetahe kin.

10 Qa šina ozanpi kin, qa Aaron wawayušna tawokoyake wakan kin, qa cinhintku tawokoyakepi ohna wayušnapi kte.

11 Qa wihdi on sdayapi kin, qa wizinyapi waštemna kin tipi wakan kin on; token econ ciši kin owasin iyecen econpi kta.

12 Unkan Jehowa ie ɕa Mowis heciya,

13 Niš Israel cinca kin hecen ewicakiya wo, Tokcšta anpetu wakan mitawa kin yapatanpi kta, nakaš nitoicagepi yeye cin niyepi qa miye unkiotahedan, he wowapetokeca on ciyuwakanpi; Jehowa he miye sdonyapi kta.

14 Qa anpetu okilpapi kin he yapatanpi kta, nakaš niyepi on he wakan, tuwe he yušape cinhan he ktepi kta, heon tuwe he icunhan wohtani taku kašta econ kin he taoyate kin cokayatanhan kašpapi kta.

15 Anpetu šakpe wohtani econpi kta, tuka anpetu išakowin kin he anpetu wakan, okilpapi wakan Jehowa tawa, tuwe kašta anpetu okilpapi en wohtani econ kinhan he awicakehan ktepi kta.

16 Heon Israel cinca kin anpetu okilpapi kin he patanpi kta, wicoicagepi yeye cin wicotakuye owihanke wanica, anpetu okilpapi kin kagapi kta.

17 Miye qa Israel cinca unkiotahedan he wowapetokeca owihanke wanice kta, nakaš anpetu šakpe en Jehowa mašpiya kin qa maka kin kage ɕa anpetu išakowin kin en okilpe ɕa ozičiye.

18 Unkan Sina he kin ohna Mowis kici okiye enakiye ɕehan inyan mdaska wo yaatanin qu, in-

HDINANPAPI,

yan mdaska nonpa Jehowa na-psukaza on owapi.

WICOWOYAKE 32.

1 Unkan oyate kin Mowis he kin etanhan apamahdeya hiyu hdutehan kin he wanyakapi qe-han, oyate kin Aaron en mnici-yapi, qa heciyapi, Najin wo, taku wakan unkiyepi itokam yapi kta unkicicagapo. Ecah Mowis wicašta Egipta makoce etanhan hinanpe unyanpi kin he toki un kin sdonunyanpi šni ce.

2 Unkan Aaron hewicakiya, Mazaskazi oinpi kin nitawinpi qa nicincapi wica winyan ko, nogepi ikoyakapi kin hena yuksapi qa en makahipo.

3 Unkan oyate kin owasin mazaskazi oinpi kin nogepi kin etanhan hduksapi, qa Aaron en kahipi.

4 Unkan Aaron hena napepi kin etanhan icu, qa ojuha wan en pahta qa ptejicadan šdoyapi wan kaga. Unkan, Israel taku wakan nitawa Egipta makoce etanhan hinanpe niyanpi kin dena ee ce, eyapi.

5 Unkan Aaron wanyake ça he itokam owayušna wan kage ça, Heyakecinhan Jehowa wakan wokicihanpi kta, Aaron ieyanpaha, eya.

6 Unkan ihanhanna lin kiktapi, qa wofuhnahiyapi hulinahiyapi, qa wopida wošnapi ahipi, qa oyate kin wotapi qa wayatkanpi kta e iyotankapi, qa škatapi kta e najinpi.

7 Unkan Jehowa Mowis heciya, Kun hda, oyate nitawa Egipta makoce etanhan hinanpe yaye cin wanna ihduhowinpi ce.

8 Canku wan ope wicawaši qon he etanhan kohanna ihdutokanpi, ptejicadan šdoyapi wan içi-

cagapi, qa ekta pakicapsanpi, qa wakiciyušnapi, qa Israel taku wakan yada, Egipta makoce etanhan hdinanpe niye cin dena ee ce, eyapi.

9 Unkan Jehowa Mowis heciya, Oyate kin de wanmdake ça inyun oyate tahu patin hecapi.

10 Qa wanna micuni wo, hecen mitocanniye kin awicakate kta, qa ihang wicawaye kta, qa niš oyate tanka cicage kta ce.

11 Unkan Mowis Jehowa taku iye wakan da kin cin kiye ça heya, Jehowa, tokeca oyate nitawa kin canniye yaya he? hena Egipta makoce etanhan hdinanpe wicayaya, wowašake tanka on, qa nape wašaka on.

12 Tokeca Egipton heyapi kta, Taku šica on inanpe wicaya, he kin ohna wicakte kta, qa maka ite kin etanhan awihnuni wicaye kta heon etanhan, eyapi kta; nitocanniye kate cin etanhan ihduhomni, qa oyate nitawa en taku šice cin de on iyope içiya ye.

13 Nitaokiye Aberaham, qa Izak, qa Israel wicakiksuya ye, token caje nihdate ça konze hewicayakiya, Nicincapi kin mduota kta, mahpiya wicanhpi kin iye-nakecapi kta, qa makoce kin de cajemdate cin ocowasin nicincapi kin wicawaqu kta, qa owihanke wanin tawayapi kta.

14 Unkan Jehowa taku šica taoyate kin ecawicakicon kta, eye ciqon on iyope içiya.

15 Unkan Mowis ihdamna, qa he kin etanhan apamahdeya hda, qa woyaatanin inyan mdaska nonpa qon nape kin ohna hdo-hda, inyan mdaska kin hena anokatanhan owapi, deciyatanhan qa unman eciyatanhan nakun, inyan mdaska owapi ce.

16 Inyan mdaska kin hena Wakantanka kaga, qa owapi kin he

Wakantanka owa ce, inyan mdaska kin akan pago.

17 Unkan Joŕuwa oyate oqoyapi kin nañon qa, Owanka ohna kiczapi iyecen oqoyapi ce, Mowis eciya.

18 Unkan, Wicaŕta ohiyapi, qa panpanpi ho kin hee ŗni, qa wicaŕta wicaktepidan howayapi kin hee ŗni ce, tuka wicaŕta dowanpi ho kin nawañon, eya.

19 Qa owanka kin ikiyedan u qehan, qa ptejicadan, qa wacipi kin wanyake ehan, Mowis ŗnhda, qa inyan mdaska qon nape etanhan elipeya, qa kamdeca, he kin ihukuya.

20 Qa ptejicadan kagapi qon he icu qa peta on huñnaga, qa yukpan, hecen mdu kage a mini kin akada; qa Israel cinca kin yatke wicakiya.

21 Unkan Mowis Aaron heciya, Oyate kin de taku ecannionpi kin on woahñani tanka kin de awicayakahi he?

22 Unkan Aaron heya, Itancan, ihnuhan ŗnyahda kin. Niŕ oyate kin de ŗicapi ce, sdonwicayaya.

23 Qa hemakiyapi; Taku wakan unkitokam yapi kta unkicicagapo, Mowis wicaŕta kin he Egupta makoce kin etanhan, itanwankanhde mani unyanpi kin, tuktee hesdonunyanpi ŗnice.

24 Unkan, Tuwe mazaskazi onge yuhe cinhan hdukse kta, ewicawakiya, unkan he maqupi, unkan petan elpewaya, qa ptejicadan kin de inanpa ce.

25 Hehan oyate kin ŗdokahanpi e Mowis wanyaka, nakaŕ toka-wicayapi iwicañahapi kta Aaron wicayusdoka;

26 Qa owanka tiyopa kin ohna Mowis najin qa, Tuwe Jehowa ope cin en mahi wo, eya. Unkan Lewi cinca kin owasin en kawitavapi.

Ex.

27 Unkan hewicakiya, Wicaŕta otoiyohi tamazasagye kihñake kta, ceca akan qa owanka ohna tiyopa iyaza ye kta, qa wicaŕta otoiyohi iye sunkaku qa takodaku, qa tuwe iye ikiyedan ti kin wicakikte kta, Jehowa Israel wakandapi kin he eya ce.

28 Unkan Lewi cinca kin Mowis eye cin he iyecen econpi; unkan anpetu kin he oyate kin etanhan wicaŕta kektopawinge yamni ecetu ihpayapi.

29 Nakaŕ Mowis hewicakiye cizon, Jehowa on anpetu kin de ninapepi kin ojunkiyo, wicaŕta iye cinhintku qaiŕ sunkaku kin on, hecen anpetu kin de woyawaŕte wan niupi kta ce.

30 Unkan ihañhanna Mowis oyate kin hewicakiya, Woahñani tanka wan wayahñanipi, heon wana itanwankanhdeya mde kta, Jehowa ekta, okini wayahñanipi kin akañpe waye kta ce.

31 Qa Mowis icicawin Jehowa ekta ye a heya, Hehe, oyate kin de woahñani tanka wañtanipi, qa mazaskazi taku wakan icicagapi;

32 Qa wanna tokin wañtanipi kin wicakiciyutokan, qa hecetu ŗni kinhan wowapi wan oyakiwa kin hetanhan mapajujuye, ceci-ciya.

33 Unkan Jehowa Mowis heciya, Tuwe amawañtani kin he wowapi mitawa kin etanhan wapajuju kta ce.

34 Qa wanna ekta hda, tokiya caje mdata qon heciya oyate kin awicaya wo, ito ohñhde wakiye cin he nitokam ye kta, tuka, tohan en wahi eca wañtanipi kin awicawahi ece kta.

35 Unkan Jehowa ptejicadan kagapi on, Aaron kage cin hee, on etanhan oyate kin wicakaŕta-ka.

HDINANPAPI,

WICOWOYAKE 33.

1 Wanna Jehowa Mowis hecen eciye ciqon, Hunktiya detanhan itanwankanhdeya ya wo, niś qa oyate Egupta makoce etanhan hdinanpe wicayaye cin, makoce wan nicinca kin he waqu kta ce, Aberaham, qa Izak, qa Jakob iwicawakonze ciqon he ekta.

2 Qa ohnihde wakiye cin he nitokam ye waśi kta, qa nitokapatanhan Kanani kin, qa Amori kin, qa Ĥiti kin, qa Perazi kin, qa Ĥiwi kin, qa Jebusi kin, ham wicawaye kta;

3 Makoce wan asanpi qa canhanpi tiktica kaduze cin he ekta; oyate tahu patin henicapi heon niyepi cokaya mde kte śni, okini tahepi tem ciyapi kta.

4 Unkan oyate kin wicoie śice cin he nañonpi, qa iyokiśin iciyapi, qa tuwedan oinpi kin iko-yag kiye śni.

5 Nakaś Jehowa Mowis heciye ciqon, Niś oyate tahu patin henicapi, ihnuhanna niyepi cokaya inawape kte ɕa ihang ciyapi kta; heon wanna oinpi nitawa kin niye etanhan makata ehpe kiya wo, hecen taku ecacicon kta sdonwakiye kta, Israel cinca kin ewicakiya wo.

6 Hecen Israel cinca kin oinpi kin hduśdokapi, Horeb he kin ihukuya.

7 Unkan Mowis wakeya kin icu, qa owanka kin itankan ehde, owanka kin itehan, qa itkoki-papi wakeya kin, eya cajeyata. Unkan tona Jehowa akitapi kin hena owasin itkoki-papi wakeya kin ekta owanka kin itankan inanpapi.

8 Unkan Mowis wakeya kin ektakiya inanpa eca oyate kin owasin najinpi ece, otoiyohi ta-

wakeya tiyopa kin ekta qa Mowis ihakam etonwanpi wakeya kin ekta i kin hehanyan.

9 Unkan Mowis wakeya kin ekta i eca mañpiya śoka bosdata kin kun hiyu, wakeya tiyopa kin ekta, qa Mowis okiya ece.

10 Unkan oyate kin owasin mañpiya bosdata qon, wakeya tiyopa kin ekta najin e wanyakapi, qa oyate kin owasin najinpi qa cekiyapi, otoiyohi tawakeya tiyopa ekta.

11 Unkan Jehowa Mowis kici wohdaka, kaicitkokim, wicaśta wan takodaku kici wohdaka he iyececa, unkan owanka kin ekta kihda, qa taokiye Jośuwa Nun cinhintku kośka kin, tuka mañpiya bosdata wakeya cokaya-tanhan token ye śni.

12 Unkan Mowis Jehowa heciya, Iho oyate kin de itanwankanhdeya awicaya wo, eha tuka tuwe mici ye yaśi kta sdonye mayakiye śni, tuka nicaje on sdon ciya, qa nakun miiśta kin iyokipi yaya ce, eha.

13 Qa wanna niiśta kin iyokipi waye cinhan nitacanku kin sdon-ye makiya ye; hecen niiśta kin ohna woiyokipi iyewaye cin he sdotciye kta, qa oyate kin de oyate nitawa kin ee, awacin wo.

14 Unkan, Miite kin ye kta qa oziciciye kta ce, eya.

15 Unkan heciya, Niite kin ye śni kinhan, detanhan itanwankanhdeya unkayapi śni ye.

16 Qa wanna niiśta kin ohna woiyokipi iyewaye, miye qa oyate nitawa kin tokiyatatanhan sdon-yapi kta he? unkicipi idade cin hee śni he? hecen miye qa oyate nitawa kin oyate maka itohnake akan unpi kin owasin etanhan unyukinukanpi kta.

17 Unkan Jehowa Mowis heciya, Taku ehe cin he nakun eca-

WICOWOYAKE 34.

mon kta, nakaš miišta kin ohna woiyokipi iyeyaya, qa nicaje kin on sdonciya.

18 Unkan, Tokin nitowitan he wanyag makiya ye, eya.

19 Unkan, Mitowašte kin owasin niite kin itokam iyaye wakiye kta, qa Jehowa caje kin eyanwapaha kta, nitokam, qa tuwe cante wakiye cin he cante wakiye kta, qa tuwe onšiwada kin he onšiwakidake kta ce.

20 Tuka miite kin wandaka oyakihi šni, nakaš wicašta tuwe wanmayake cinhan ni kte šni ce, eya.

21 Nakun Jehowa heya, Inyun oyanke wan mikiyedani, qa imnija kin akan ayahe kta.

22 Qa mitowitan kin ahiyaye cin hehan imnija ohdoka wan ohdateya ecihde kta, qa awahimdamde cin icunhan minape on akahpe ciye kta.

23 Qa minape kin mihdutokan kta, hecen mitapete tanhan wandake kta, tuka miite (wicašta) wanyakapi kte šni.

WICOWOYAKE 34.

1 Unkan Jehowa Mowis heciya, Inyan mdaska nonpa kakan wo, tokaheya qon he iyececa, qa inyan mdaska tokaheya ya kamdeca, oie akan un qon, hena inyan mdaska kin akan owawa kta.

2 Qa hanhanna on ihduwiyea wo, qa hanhanna Sina he kin ekta itanwankanhideya yau kta, qa heciya he paha kin akan iyamiyecihe kta.

3 Qa wicašta tuwedan niciu kte šni, qa nakun he kin owancaya wicašta tuwedan ihdutanin kte šni; nakun tahnca qa pte kin he kin he icahda wihanpi kte šni.

4 Unkan inyan mdaska nonpa kakan, tokaheya qon hena iyececa, qa Mowis hanhannahin kikta, qa Sina he kin ekta itanwankanhideya i, Jehowa econsi qon he iyecen, qa inyan mdaska nonpa kin nape kin ohna yuha.

5 Unkan Jehowa mahpiya šoka ohna kun hiyu, qa kici hen iyahan, qa Jehowa caje kin ieyanpaha.

6 Qa Jehowa he itokam ahiyaye ca ieyanpaha, Jehowa, Jehowa, Taku Wakan waonsida, qa wacantkiya, tehan šihda šni, tocantekiye, towicake ko ota.

7 Wicoicage yeye kektopawinge cantewicakiya ece, wicohan šica qa wokipajin qa woahitan kajuju ece, tuka ohinniyan kajuju kte šni, ateyapi wicohan šicapi cincapi qa sanpa cincapi kin en awicahi ece, wicoicage iyamni qa itopa kin hehanyan.

8 Unkan Mowis inahni, qa makata pakicapsan, qa cekiya.

9 Qa heya, Itancan wanna ništa kin ohna woiyokipi iyewaye cinhan, Itancan kin unkiyepi cokaya ye kta ceciciya, qa wicohan šica unkitawapi, qa wunhtanipi kin unkiicajuju miye, qatawa unkiya miye, nakaš oyate kin tahu patin hecapi.

10 Unkan heya, Inyun miye wicotakuye wakaga, oyate nitawa kin owasin itokam, wicohan wowinihan ecamon kta, hena iyececa maka kin owancaya ikcewicašta owasin ehna tuwedan tohini econ šni, qa oyate wicehna yaun kin he owasin Jehowa ohan kin wanyakapi kta nakaš taku wokokipe hinca nici ecamon kta.

11 Taku nakaha econ ciši kin awacin wo. Ito nitokapa tanhan Amori kin, qa Kanani kin qa Hiti kin qa Perazi kin, qa

HDINANPAPI,

Hwi kin, qa Jebusi kin nape wicawaye kta.

12 Waktaya wo. Ihnuhan oyate makoce ekta idade cin he ounyanpi kin om wicotakuye yakage cinhan okini he niyepi cokaya wihmunke kta.

13 Tuka owayuśnapi tawapi kin ihang ya yapi kta, qa wakagapi tawapi kin yakamdecapi kta, qa can pasdatapi kin hena yakawankapi kta.

14 Taku wakan tokeca ekta payecapsan kte śni; Jehowa winawizi eciyapi kin he Taku Wakan winawizi kin ee.

15 Okini makoce en ounyanpi kin om wicotakuye yakage cinhan, qa taku wakandapi kin ōkiyapi, qa taku wakandapi kin wakiyuśnapi, qa nicopi qa taku wośnapi kin he yate kta.

16 Qa nicinkśi kin cunwintkupi kin etanhan yus yakiya, qa cunwintkupi kin taku wakandapi ōkiyapi qa nakun nicinkśi taku wakandapi kin ōkiye yapi kta.

17 Taku wakan śdoyapi kin nićicage kte śni.

18 Aguyapi napohiyapi śni wohanpi kin yapatan kta. Anpetu śakowin aguyapi napohiyapi śni yate kta, econ ciśi kin he iyeccen. Aguyapi itka hinanpa wi kin iyehantu kin hehan, nakaś aguyapi itka hinanpe cin wi kin he en Egipta etanhan yahdinanpa ce.

19 Winyan cinca tokaheya ton kin hena owasin mitawa, qa wanunyanpi nitawa, pte, qa tahinca cinca tokapa owasin mdoka kinhan.

20 Tuka śuktanka śonśonna cinca tokapa kin he opeyakiton kta; tahinca cinca kin iyope yakiye kta, qa opeyakiton kte śni kinhan tahu kin bayakse kta.

Qa nicinca tokapa kin opeyakiton kta. Qa tuwedan mitokam cokadan ihdutanin kte śni.

21 Anpetu śakpe htayani kta, qa anpetu isakowin en ozinićiye kta, maga yumdupi, qa woksapi iyehantu eśta ozinićiye kta.

22 Anpetu wakan isakowin wohanpi kin nakun miyecagapi kta, aguyapi baksapi tokaheya ahipi kin hee, qa womnayanpi wohanpi kin, omaka ihuniyanpi kinhan.

23 Waniyetu otahedan yamni akihde nicinca wica kin owasin Itancan Jehowa Israel Taku Wakan dapi kin he itokam ihdutaninpi kta.

24 Nitokapa tanhan Ikcewicaśta kin tokanye wicawaye kta; qa nitamakoe kin mdutanka kta, qa waniyetu otahedan Jehowa itokam nihdutanin kta, yamni akihde, itanwankanhdewa idade cinhan tuwedan nitamakoe kin cin kte śni.

25 Taku wamayakiduśna we kin onapohye ayakaśtan kte śni. Qa acakśin wohanpi wośna kin ihanhanna kin en yanke kte śni.

26 Maga nitawa taku tokaheya icaħya tokapa kin Jehowa wakan yada ti kin ekta ayahi kta. Tatokadan cincadan hunku asanpi kin en oyahe kte śni.

27 Unkan Jehowa Mowis heciya, Wicoie kin dena owa wo; nakaś wicoie kin dena i kin iyececa wicotakuye cicicaga, Israel kici nakun.

28 Unkan Jehowa kici hen yanke anpetu wikcemna tom, qa hanyetu wikcemna tom, aguyapi yute śni, qa mini yatke śni. Unkan wicotakuye oie kin inyan mdaya kin akan owa wicoie wikcemna kin.

29 Unkan Mowis woayaatanin inyan mdaska nonpa napohua yuha apamahdewa u, qa Mowis Si-

WICOWOYAKE 35.

na he kin etanhan apamahdeya u qehan, he kici wohdaka icunhan ite uka kin iyega cin he sdotkiye sni.

30 Unkan Aaron qa Israel cinca kin owasin Mowis ite kin wanyakapi; unkan inyun ite uka kin iyega, unkan ikiyedan upi kin ikopapi.

31 Unkan Mowis wicakipan, unkan Aaron qa omniciye itancan owasin en hdipi, unkan hena om Mowis wohdaka.

32 Unkan he iyohakam Israel cinca kin owasin ikiyedan hipi, unkan Jehowa Sina paha ohna taku eciye cin owasin econ wicasi.

33 Qa Mowis owicakiye hdaştan kin hehanyan ite akahepe wan ite kin akan ehnaka.

34 Qa Mowis Jehowa kici wohdaka en i qehan, ite akahepe kin hdutokan, tankan i kin hehanyan, qa tankan inanpe ça taku econ şipi kin owicakiyaka.

35 Unkan Israel cinca kin Mowis ite kin wanyakapi, Mowis ite uka kin iyega; heon Mowis ite akahepe kin ake ite akan hiyuya, kici wohdake kta en i kte cin hehanyan.

WICOWOYAKE 35.

1 Unkan Mowis Israel cinca omniciye ocowasin yuwitaya u wicakiye, ça hewicakiya, Wicoie Jehowa econ nişipi dena ee.

2 Anpetu şakpe wohtani ecanon kta, tuka anpetu isakowin kin he wakan yada kta, anpetu okihpapi wakan Jehowa tawa, he icunhan tuwe kaşta wohtani econ kinhan te yapi kta.

3 Ounayayapi kin owasin ohna anpetu okihpapi icunhan ceyatipi kte sni.

4 Unkan Mowis ie ça Israel cinca omniciye ocowasin hewicakiya, Taku Jehowa econ nişipi kin dee, qa heya;

5 Taku Jehowa ituyakihanpi kta he icupo. Tuwe cante kin iyopaştaka, taku Jehowa itukihan kte cin he ahi kta, mazaskazi, qa mazaska, qa mazaşa;

6 Qa takinca hin to, qa stan, qa duta, qa minihuha ska, qa tatkadan hin;

7 Qa tamdoka ha şayapi, qa hoka ha, qa şitim can;

8 Qa wihdi petijanjan on, qa taku waştamna wihdi sdayapi kin on, qa wizin yapi waştamna on;

9 Qa inyan wicaşake iyececa, qa inyan ojuyapi kta, amdo akahepe ohna, qa maku akahepe ohna.

10 Qa niyepi ehna tona cante ksapapi kin owasin upi kta, qa taku Jehowa kah şi kin owasin kagapi kta;

11 Tipi kin, tawakeya, qa toakalhepe kin nakun, tamaza taşpu kin, qa canmdaska kin, canhdakinyan kin, can bosdata tawa qa sicu tawa kin;

12 Can wohlake kin, qa tatoşu kin, wokajuju iha kin, qa oakahepe ozanpi kin;

13 Wahna wotapi, qa tatoşu kin, qa taku on kicanyanpi kin owasin, qa aguyapi itokam hnakapi kin;

14 Qa petijanjan ihupa kin, qa taku on kicanyanpi kin, qa wihdi on iyoyam yapi kin;

15 Qa wizin yapi owayuşna kin, qa toşu on akiyuhapi kin, qa wihdi on sdawicayapi kin, qa taku waştamna on wizin yapi kin; qa ozanpi tipi tiyopa akahepe cin he.

16 Qa peta woşnapi owayuşna kin, qa mazaşa oceti tawa; qa

HDINANPAPI,

tośu on akiyuhapi kin, qa taku on kicanyanpi kin, qa koka kin, ta-cetetahe iyahna ;

17 Hocoka ozanpi kin, ipatan kin, qa sicu kin, qa hocoka ti-yopa akahpe kin ;

18 Tipi wihutipaspe kin qa hocoka wihutipaspe, qa ikan kin owasin ;

19 Qa tipi wakan ohna taku wakan ohodapi kta e ohodapi wokoyake, wokoyake wakan, Aaron wawayuśna kin on, qa cin-hintku tawokoyakepi ohna wa-yuśnapi kta.

20 Unkan Mowis itokapa tanhan Israel cinca omniciye oco-wasin inanpapi.

21 Unkan tuwe cante kin iyo-paśtaka, qa tuwe taniya kin iyo-kiپی kin hena owasin upi ; qa taku Jehowa itukihanpi ahipi, it-kokipapi wakeya kin kagapi kta e, qa taku kicanyanpi on, qa wo-koyake wakan on.

22 Unkan wicaśta qa winohin-ca upi, tona cantepi iyokipipi owasin maza taśpudan, qa oinpi, qa mazanapcupe, qa maza śipto, mazaskazi oinpi owasin hiyuyapi ; qa wicaśta tona taku kosyapi kin hena owasin Jehowa maza-skazi kos yapi.

23 Qa wicaśta tona hin to, qa stan, qa duta, qa minihuha ska, qa tatokadan hin, qa tamdoka ha śayapi, qa hoka ha yuha iyewi-cayapi kin hena ahipi.

24 Qa tona mazaska qa maza-śa wankan hiyuyapi kin hena Jehowa taku itukihanpi kin he kahipi, qa tuwe śitim can on ta-ku kałi wicaśi kagapica he kahi-pi.

25 Qa winohinca tona cante ksapapi owasin hin to, qa stan, qa duta, qa minihuha ska nape-pi on kahmupi, qa taku kahmu-pi kin he kahipi.

26 Qa winohinca tona can-tepi kin iyowicapaśtakapi wo-ksape en, tatokadan hin ka-hmupi.

27 Unkan wicaśta itancanpi kin inyan wicaśake iyececa ahi-pi, qa inyan ojuyapi kta ahipi, amdo akahpe kin en, qa maku akahpe kin en.

28 Qa taku waśtemna, qa wi-hdi petijanjan on, qa wiħdisdawi-cayapi on, qa wizin yapi waśte-mna on.

29 Wicaśta qa winohinca owa-sin tona cantepi kin taku kahipi kta iyowicapaśtake, taku kagapi Jehowa Mowis nape on kałi wi-caśi kin hena owasin on, Israel cinca kin iyokipiya Jehowa itu-kiħanpi.

30 Unkan Mowis Israel cinca kin hewicakiya, Jehowa Betza-leel Uri cinhintku Hur cinhintku Juda wicoun etanhan he caje kin on kipan.

31 Qa Taku Wakan woniya ojunya, woksape, qa wookaħnige en, qa wosdonye, qa wolħtani o-caje owasin en.

32 Taku wayupiya kagapi i-yukcan kta, mazaskazi, qa maza-ska, qa mazaśa kage kta.

33 Qa inyan ojuyapi kta e pa-go kta, qa can pago kta, taku wayupiya kagapi kin owasin ka-ge kta.

34 Qa waonspe kiye kta e iye cante en qu, iye qa Aholiyab Ahisamak cinhintku Dan wicoun etanhan.

35 Hena cante woksape kin ojun wicaya, wapagopi wicoħan, qa taku wayupiya kagapi owa-sin econpi kta, qa to qa stan, qa duta, qa minihuha ska on wi-patapi kta, qa kazuntapi kte, taku kagapi owasin, qa taku wayupiya econpi iyukcanpi kta.

WICOWOYAKE 36.

1 Unkan Betzaleel qa Aholiyab hitanipi, nakun wicašta tona cante ksapapi, tona tipi wakan token Jehowa kah wicaši, taku kagapi owasin sdonyapi kta, qa kagapi kta e Jehowa woksape qa wookahnige yuhe wicakiya.

2 Nakaš Mowis Betzaleel qa Aholiyab wicakipan qon, nakun tona cante ksapapi, tona cante mahen Jehowa woksape yuhe wicakiya, tona taku kagapi kage kta e cante hitani kta e iyowicapštaka owasin ikiyedan hiyu wicakiya.

3 Unkan Mowis itokapa tanhan taku ituhanpi kin icupi, tipi wakan kagapi kta, qa kicanyanpi kta e taku Israel cinca kin ahipi kin, nakun nahanhin hahanna otoiyohi taku iyokipiya ahipi.

4 Unkan tona ksapapi tipi wakan wolhtani econpi kin owasin wolhtani econpi etanhan en hi-pi;

5 Qa Mowis heciyapi, Taku kagapi kta, Jehowa kah unšipi kin iyehantu, qa iyakicuya oyate kin ahipi ce, eyapi.

6 Hehan Mowis wicoti ohna ieyanpaha wicaši, Wicašta winolinca unmanna tipi wakan kagapi itukilianpi kta e tokata taku kage kte šni, eya, hecen oyate taku ahipi kin ayušan wicakiya.

7 Taku kah wicaši owasin kagapi kta iyohiya qa nakun ihan.

8 Unkan tipi wakan kin hitanipi wicehna tona cante ksapapi kin hena ozanpi wikcemna kagapi, minihuha ska nonpa kahmupi, qa to, qa stan, qa duta, kerubi kazuntapi hena kagapi.

9 Ozanpi wanji ohanske cin wicišpa wikcemna nonpa sanpa ša-

hdogan, qa ozanpi wanji ohdakin-yan kin wicišpa topa, ozanpi owasin hinskoskocecapi.

10 Unkan ozanpi zaptan icikoyag ya, qa ozanpi zaptan icikoyagya.

11 Hahonta to šunjoyake ozanpi wanji opapun ekta kaga, apahdate etanhan icikoyag yapi en, he iyecen ozanpi unman icikoyag yapi kta e opapun apahdate ekta kaga.

12 Šunjoyake wikcemna zaptan ozanpi tokaheya en kage qa šunjoyake wikcemna zaptan ozanpi inonpa opapun ekta, tokaheya kici ikoyag yapi kta e šunjoyake kin iciyotakonzapi.

13 Unkan mazaskazi tašpu wikcemna zaptan kaga, qa maza tašpu kin on ozanpi wanji unman ekta ikoyag ya; hecen wakeya wanjidan.

14 Unkan tatokadan hin ozanpi wakeya tipi akapatanhan unkin kicaga, hena ozanpi ake wanji kaga.

15 Ozanpi wanji ohanske cin, wicišpa wikcemna yamni, qa ozanpi ohdakinyan kin wicišpa tom, ozanpi ake wanji kin owasin iyakehinskoceca.

16 Unkan ozanpi zaptan icikoyag ya, qa ozanpi šakpe icikoyag ya.

17 Unkan icikoyag yapi kta e šunjoyake wikcemna zaptan ozanpi tokaheya opapun akan kaga, qa šunjoyake wikcemna zaptan ozanpi inonpa opapun ekta ikoyag yapi kta e kaga.

18 Qa mazaš tašpu wikcemna zaptan wakeya icikoyag ye kta e kaga, hecen wanjidan kta.

19 Unkan tamdoka ha šayapi woakalpe wan wakeya kin kicaga, qa he akapatanhan kta hoka ha woakalpe wan kaga.

20 Unkan tipi kin šitim can can mdaska bosdan unpi kta e kicaga.

21 Can mdaska wan ohanske cin wicišpa wikcemna, qa ohdakinyan kin wicišpa wan sanpa wicišpa hanke.

22 Can mdaska ekiciyuzapi kta e otoiyo hi nape nonpa kicaga, tipi can mdaska owasin hecen kicaga.

23 Unkan tipi can mdaska kin ti onnaptan itokaga wiyotanhan ektakiya can mdaska wikcemna nonpa tipi kin kicaga.

24 Qa mazaska sicu wikcemna tom kaga, can mdaska wikcemna nonpa ihukuya, sicu nonpa, canmdaska wanji nape nonpa yuke cin on he ihukuya un kta, canmdaska otoiyo hi nape nonpa kiyuke cin on, he ihukuya sicu nonpa kta.

25 Qa tipi onnaptan inonpa waziyata ekta-kiya canmdaska wikcemna nonpa kicaga.

26 Qa mazaska sicu wikcemna topa, canmdaska otoiyo hi ihukuya maza sicu nonpa.

27 Qa tipi catku kin wiyohpeyata ektakiya kin he canmdaska šakpe kicaga.

28 Qa canmdaska nonpa tipi kalimi catkutanhan kin hena kicaga.

29 Unkan napin iyakedececapi ihukuya tanhan, qa napin otoiyo hi pa kin ekta mazaska napcupe tokaheya en ikoyagyapi, kalimi nonpa on hena nonpa okonwanjidan.

30 Hecen canmdaska kin šahdogan, qa mazaska sicu kin ake šakpe, canmdaska otoiyo hi ihukuya sicu nonpa.

31 Qa tipi onnaptan tokaheya canmdaska kin on šitim can hdakinyan zaptan kicaga.

32 Qa tipi onnaptan inonpa can-

mdaska kin on canhdakinyan zaptan, qa tipi catku kin wiyohpeyata ekta-kiya canmdaska kin canhdakinyan zaptan kicaga.

33 Qa canhdakinyan wanji cokaya un kin he canmdaska cokaya ohna iyopte kta e kaga, ihanke wanji etanhan ihanke unman ekta kiya.

34 Qa canmdaska kin mazaskazi on apawinta, qa maza napcupe ohna canhdakinyan yakonpi kin hena mazaskazi on kaga, qa canhdakinyan kin mazaskazi apawinta.

35 Qa cokaya ozanpi kin minihuha ska, qa to, qa stan, qa duta kerubi kazuntapi he kaga.

36 Qa šitim can bosdata tom he kicage a hena mazaskazi apawinta, qa mazaskazi yukšanpi hena kicage a mazaska sicu tom šdoyapi kicaga.

37 Qa wakeya tiyopa kin oaka-lipe wan, minihuha ska, qa to qa stan, qa duta wipatapi kin he kicaga.

38 Qa he on can bosdata zaptan mazayukšanpi iyahna, qa hena pa kin, qa can icikoyagyapi kin hena mazaskazi apawinta, tuka sicu zaptan kin hena mazaša.

WICOWOYAKE 37.

1 Unkan Betzaleel canwohna-ke kin šitim can on kaga, wicišpa nonpa sanpa hanke ohanske cin, qa wicišpa sanpa hanke ohdakinyan kin, qa wicišpa sanpa hanke obosdatu kin.

2 Qa he mazaskazi ecedan on apawinta, mahentuya, qa akapatanhan, qa ihdukšan mazaskazi watešdake wan kicaga.

3 Qa mazaskazi šdoye a maza napcupe tom he kicaga, siha topa kin akan, maza napcupe nonpa onnaptan wanji akan, qa

WICOWOYAKE 37.

maza napcupe nonpa onnaptan unman akan.

4 Qa sitim can tosu kageca mazaskazi on apawinta.

5 Qa canwohnake kin akiyuhapi kta e maza napcupe canwohnakeanokatanhan onnaptaniko-yag yapi kin hena ohna tosu kin iyopte ya.

6 Unkan woahitani kajuju iha kin mazaskazi ecedan on kaga, ohanske cin wiciſpa nonpa sanpa hanke qa ohdakinyan kin wiciſpa sanpa hanke.

7 Qa kerubi nonpa kaga wanji wokajuju iha ihanke anokatanhan akan ; mazaskazi pagopi hena kaga.

8 Kerubi wanji ihanke deciyatanhan qa kerubi unman kin ihanke kakiya tanhan, woahitani kajuju iha kin etanhan kerubi kin kaga ; ihanke nonpa kin etanhan.

9 Unkan kerubi kin wankantuya hupahu kamdaſ yakonpi, hupahupi on woahitani kajuju iha kin ahanzipi, qa itepi kin otoiyohi unman ekta kiya, kerubi itepi kin wokajuju iha ekta kiya yakonpi.

10 Unkan wahna wotapi sitim can on kaga, ohanske cin wiciſpa nonpa, qa ohdakinyan kin wiciſpa, qa obosdatu kin wiciſpa sanpa hanke.

11 Qa he mazaskazi ecedan on apawinta, qa ihdukſan mazaskazi wateſdake wan kicaga.

12 Nakun ihdukſan iyuskite wan nape mdaska hinskokeca kicaga ; qa iyuskite akan mazaskazi wateſdake wan kicaga.

13 Qa mazaskazi ſdoye ca maza napcupe topa kicage ca oise topa siha topa yuke cin hena ekta maza napcupe kin ikoyag ya.

14 Wahna wotapi akiyuhapi

kta e maza napcupe iyuskite iyotakons kagapi, qa hena ohna tosu kin iyeyapi.

15 Unkan sitim can tosu kin kage ca mazaskazi apawinta hena on wahna wotapi kin akiyuhapi.

16 Qa taku wahna wotapi akan un taku on kicanyanpi kin, tawakſica, qa maza tukiha tawa, qa wiyatke on waakaſtanpi kin hena owasin mazaskazi ecedan on kaga.

17 Unkan petijanjan ihupa kin he kaga, mazaskazi ecedan pagopi petijanjan ceca kin, taadetka kin, tawakſica kin, tapſonka kin qa tawaſica kin, hena owasin he etanhan kaga.

18 Qa adetka ſakpe petijanjan ihupa cuwi kin etanhan inanpapi, petijanjan ihupa cuwi wanji etanhan adetka yamni, qa petijanjan cuwi unman kin etanhan adetka yamni.

19 Adetka wanjidan en wakſica yamni hma iyececa, otoiyohi pſonka wan, qa waſica wan kicica adetka wanjidan en, qa ake wakſica yamni otoiyohi hma iyececa pſonka wan qa waſica wan kicica adetka wanjidan en, adetka ſakpe petijanjan ihupa etanhan inanpapi, owasin hececapi.

20 Qa petijanjan ihupa en wakſica topa hma iyececa, otoiyohi pſonka wan qa waſica wan kicica.

21 Hecen petijanjan adetka nonpa ihukuya pſonka wanji, qa adetka nonpa ihukuya pſonka wanji, qa adetka nonpa ihukuya pſonka wanji petijanjan ihupa etanhan adetka ſakpe inanpapi owasin hececapi.

22 Petijanjan ihupa tapſonka, qa taadetka okonwanjidan, mazaskazi ecedan onſpadan pagopi on owasin kagapi.

HDINANPAPI,

23 Qa mazaskazi ecedan petijanjañ sakowin petijanjañ ihupa kin kicaga, nakun petijanjañ iyukse qa ohna cahota icupi kin.

24 Mazaskazi ecedan woqin wanjidan on he kage ça tawakšica owasin.

25 Unkan wizinya owayuśna kin šitim can on kaga; ohanske cin wiciśpa, qa ohdakinyan wiciśpa, topa omdoton, qa obosdatu kin wiciśpa nonpa; he kicagapi.

26 Qa mazaskazi ecedan on apawinta iwankam qa onnaptanyan kin ihdukšan, qa he kin; qa ihdukšan mazaskazi ecedan wateśdake wan kicaga.

27 Qa mazaskazi napcupe nonpa he kicaga, wateśdake kin ihukuya onnaptan nonpa akan, tośu on akiyuhapi kin icupi kta e hena owayuśna cuwi nonpa akan kaga.

28 Qa tośu kin šitim can on kage, ça mazaskazi on apawinta.

29 Unkan wihdi wakan on sda-wicayapi kaga, nakun taku waśtemna on wizinyapi ecedan kin, pejuta wicaśta kagapi kin iyececa.

WICOWOYAKE 38.

1 Unkan šitim can peta wośnapi owayuśna kin kaga, ohanske cin wiciśpa zaptan, qa ohdakinyan kin wiciśpa zaptan, topa omdoton, qa obosdatu kin wiciśpa yamni.

2 Qa oise topa kin akan he kicaga, owayuśna on he kin kaga, qa mazaśa on apawinta.

3 Unkan owayuśna taku on kicanyanpi kin owasin kaga; cega kin, qa maza mdaska kin, qa wakśica kin, qa mazajanjata kin, qa petaga wakśica kin, owayuśna

taku on kicanyanpi kin owasin mazaśa on kaga.

4 Qa mazaśa oceti wan ho kagapi iyececa owayuśna kin kicaga, opapun ihukuya, ohdateya cokaya ekta.

5 Qa oceti oise topa kin en mazaśa śdoyapi napcupe tom kaga, hena ohna tośu iyeyapi kta.

6 Unkan šitim can tośu kin kage, ça mazaśa on apawinta.

7 Qa owayuśna akiyuhapi kta e maza napcupe kin owayuśna onnaptan en unpi kin ohna tośu kin iyeya; owayuśna canmdaska on kaga, hdogeca.

8 Unkan mazaśa koka kin he kaga, tacetetahe mazaśa on kaga, winohinca itkokipapi wakeya tiyopa ekta obe itokto yuwitaya cekiyapi taihdiyomdasinpi on hena kaga.

9 Unkan hocoka kin kaga, itokah onnaptan wiyotanhan ekta-kiya on minihuha ska nonpa kahmupi ozanpi wan wiciśpa opawinge.

10 Ipatan wikcemna nonpa, qa sicupi wikcemna nonpa, mazaśa on kicaga, tuka ipatan yukšanpi kin qa satapi kin hena mazaska on kaga.

11 Unkan waziyata onnaptan ozanpi kin wiciśpa opawinge, ipatan kin wikcemna nonpa, qa sicu wikcemna nonpa, mazaśa on kaga, tuka ipatan yukšanpi kin, qa satapi kin hena mazaska.

12 Unkan ihanke wiyohpeyata ektakiya ozanpi kin wiciśpa wikcemna zaptan, ipatan wikcemna, qa sicu kin wikcemna, tuka ipatan yukšanpi kin qa satapi kin hena mazaska.

13 Qa ihanke wihinanpe ektakiya wiciśpa wikcemna zaptan.

14 Hiyete tokaheya ozanpi kin wiciśpa wikcemna sanpa zaptan, ipatan yamni, qa sicu yamni.

WICOWOYAKE 39.

15 Qa hiyete inonpa ozanpi kin wiciśpa wikcemna sanpa zaptan, ipatan yamni, qa sicu yamni, hocoka tiyopa kin anokatanhan hececa.

16 Hocoka ihdukśan ozanpi kin owasin miniñuha ska nonpa kahmupi.

17 Ipatan sicupi kin hena mazaśa, qa ipatan yuksanpi kin, qa satapi kin mazaska, qa ipatan pahapi kin mazaska on apawinta; qa hocoka ipatan kin owasin mazaska on icikoyag yapi.

18 Qa hocoka tiyopa toakalipe kin he miniñuha ska nonpa kahmupi, qa to, qa stan qa duta ipatapi; qa ohanske cin wiciśpa wikcemna nonpa, qa obosdatu ohdakinyan kin hee wiciśpa zaptan hocoka ozanpi kin iyececa.

19 Qa ipatan topa, qa sicupi topa mazaśa; qa yuksanpi kin mazaśa; qa pahapi qa satapi kin mazaska on apawintapi.

20 Qa tipi wihutipaspe, qa hocoka ihdukśan wihutipaspe kin owasin mazaśa.

21 Tipi wakan woyakapi kin hee, woyaatanin tipi kin, Mowis i kin oyaka, Lewi kin kicanyanpi kta Aaron wawayuśna cinhintku Itamar ihukuya.

22 Unkan Betzaleel Uri cinhintku, Hur cinhintku, Juda wicoun etanhan, taku Jehowa Mowis kañ śi kin owasin kaga.

23 Qa he kici Aholiyab, Ahisamak cinhintku, Dan wicoun etanhan, he wayupiya wapago, qa wapazunta, qa wipata, miniñuha ska, qa to, qa stan, qa duta on.

24 Taku kagapi owasin tipi wakan kin on kagapi, mazaskazi ocowasin mazaskazi itulhanpi kin he woqin wikcemna nonpa sanpa napciwanka, qa šeql opawinge śakowin, qa wikcemna yamni, tipi wakan šeql he iyececa.

25 Qa omniciye wicayawapi kin etanhan mazaska kin woqin opawinge, qa šeql kektopawinge sanpa opawinge śakowin, sanpa wikcemna śakowin sanpa zaptan tipi wakan šeql iyececa.

26 Kibaśpapi wan wicapa otoi-yohi on šeql hanke kin hee, tipi wakan šeql iyececa, tona wicayawapi kta ahiyayapi, waniyetu wikcemna nonpa qa iwan-kam, kektopawinge opawinge śakpe qa kektopawinge yamni, qa opawinge zaptan qa wikcemna zaptan.

27 Unkan maza ska woqin opawinge kin hena śdoyapi qa tipi wakan sicu kin, qa cokaya ozanpi sicu kin kaga, woqin opawinge on sicu opawinge, woqin wan on sicu wanjidan.

28 Qa šeql kektopawinge sanpa opawinge śakowin sanpa wikcemna śakowin sanpa zaptan on ipatan papi kin, qa satapi kin apawintapi qa ipatan yuksanpi kin kaga.

29 Qa mazaśa itulhanpi kin woqin wikcemna śakowin, qa šeql kektopawinge nonpa qa opawinge topa.

30 Qa he etanhan itkokipapi wakeya tiyopa sicu kin kaga qa mazaśa owayuśna kin, qa mazaśa oceti kin, qa owayuśna tawakśica kin owasin.

31 Qa hocoka ihdukśan sicu kin, qa hocoka tiyopa sicu kin, qa tipi wihutipaspe owasin, qa hocoka ihdukśan wihutipaspe owasin.

WICOWOYAKE 39.

1 Unkan hañonta to, qa stan, qa duta on ohodapi wokoyake kin tipi wakan ohna wolitani econpi kin hena heyake wicakicagapi qa wokoyake wakan

HDINANPAPI,

Aaron on kagapi, Jehowa Mowis econ sí qon he iyececa.

2 Unkan amdo akañpe kin kaga mazaskazi, qa hañonta to qa stan qa duta, qa miniñuha ska.

3 Qa mazaskazi kin zibzipedan kamdayapi qa basosopi, hecen hañonta to qa stan qa duta, qa miniñuha ska icicahiya kazon-tapi kta.

4 Qa amdo akañpe kin, icikoyag yapi kta e hiyete ikan kin kicagapi, ihanke napin ekta icikoyag yapi.

5 Qa amdo ipiyake kin he akapatanhan un kin he iyecen kagapi, mazaskazi qa hañonta to, qa stan qa duta, qa miniñuha ska, nonpa kahmupi on kagapi, Jehowa Mowis econsí kin he iyecen.

6 Unkan inyan wicaśake iyecen hena kicanyanpi Israel cinhintku cajepi kin hena akan apagopi, ipuspe pagopi kin he iyecen, qa mazaskazi ozepi ohna iyeyapi.

7 Qa amdo akañpe hiyete akan hena ahnaka, wokiksuye Israel cinca kin on, Jehowa Mowis econ sí kin he iyecen.

8 Unkan maku akañpe kin kaga, mazaskazi, hañonta to, qa stan, qa duta, qa miniñuha ska nonpa kahmupi kin hena kazuntapi, amdo akañpe kin he iyecen.

9 He topa omídoton, icitakhna he kagapi, ohanske cin napapaśdecapi qa ohdakinyan kin napapaśdecapi, icitakhna.

10 Qa he ohna inyan ocankuye topa ojuyapi, ocankuye wan, sardiús, qa topaz qa petaga, ocankuye tokaheya kin hee.

11 Qa ocankuye inonpa kin he, smaragdós, qa sapiron, qa diamon;

12 Qa ocankuye iyamni kin he ligurion, qa agate, qa ametuston;

13 Qa ocankuye itopa kin he krusolitos, (mazaskazi inyan) qa

inyan wicaśake iyececa, qa iya-spis; hena ihdukśan mazaskazi ozepi en ojuyapi.

14 Qa inyan kin hena Israel cinca ake nonpa cajepi kin iyececa, ipuspe pagopi kin he iyecen, wicoun ake nonpa cajepi kin otoiyohi inyan wanji akan apagopi.

15 Qa maku akañpe kin ihanke anog ekta mazaskazi ecedan icicahiña yuhmupi kagapi.

16 Qa mazaskazi ozepi nonpa kagapi, qa mazaskazi napcupe nonpa, qa maku akañpe oise nonpa kin en, maza napcupe nonpa ikoyag yapi.

17 Qa maza napcupe nonpa maku akañpe oise en unpi kin hena ohna mazaskazi ikan nonpa kin iyeyapi.

18 Qa ikan nonpa ihanke nonpa maza ozepi nonpa en iyakaśkapi qa amdo akañpe hiyete akan ite ekta-kiya iyakaśkapi.

19 Qa mazaskazi napcupe nonpa kagapi, qa maku akañpe oise nonpa en iyakaśkapi, mahentuya amdo akañpe ektakiya opapun en.

20 Unkan mazaskazi napcupe nonpa kagapi, qa amdo akañpe hiyete nonpa en ikoyag yapi, ihukuya ite ekta kiya, icikoyag yapi iyotakons, amdo akañpe, ipiyaka iwankam.

21 Qa hañonta to wan on maku akañpe maza napcupe ekta iyakaśkapi, hecen amdo akañpe ipiyaka akan yanke kta, qa maku akañpe kin amdo akañpe kin etanhan yukinukan kte sni.

22 Unkan amdo akañpe nitośke kin ocowasin to kazuntapi kin he kaga.

23 Qa nitośke i kin he nitośke cokaya, miniñuha maku akañpe i kin he iyececa, i kin ihdukśan apañdan tonpi, nañdece kte sni heon etanhan.

WICOWOYAKE 40.

24 Unkan nitoške upi akan taspantanka seca to, qa stan qa duta nonpa kahmupi on kagapi.

25 Unkan mazaskazi ecedan hida hda kicagapi, qa maza hda hda kin tasan tanka seca ehna kaškapi, nitoške upi akan ihduksan taspantanka seca otahedan.

26 Maza hda hda qa taspantanka seca, maza hda hda qa taspantanka seca, nitoške ohna ohoda kin upi kin ihduksan akan, Jehowa Mowis econ ši kin he iyecen.

27 Unkan mahen unpi Aaron on, qa iye cinhintku, wicakicagapi, minihuha ska kazuntapi.

28 Unkan minihuha pa ipahte kin qa minihuha wapaha wašte, qa minihuha onzeoge minihuha ska nonpa kahmupi.

29 Qa ipiyaka minihuha ska nonpa kahmupi, qa to, qa stan, qa duta, ipatapi he kagapi, Jehowa Mowis econ ši qon he iyecen.

30 Unkan mazaskazi ecedan mdaska wateške wakan kin kagapi, qa Jehowa wakandapo, akan owapi, ipuspe pagopi kin he iyecen owapi.

31 Qa hahonta to wan ekta iyakaškapi, he on pa ipahte kin akan akapatanhan iyakaškapi; Jehowa Mowis econ ši qon he iyecen.

32 Hecen itkokipapi wakeya tipi kagapi kin ocowasin yuštapi, token Jehowa Mowis econ ši kin owasin he iyecen Israel cinca kin yuštapi.

33 Unkan tipi kin Mowis ekta kahipi; wakeya kin, qa taku on kicanyanpi kin owasin, tamaza tašpu, tacanmdaska, tacanhda kinyan, qa taipatan, qa tasicu kin;

34 Qa tamdoka ha šayapi on

aka hpe kin, qa hoka ha on aka hpe kin, qa cokaya ozanpi kin;

35 Qa woyaatanin canwohna ka kin, qa tošu kin, qa wokajuju iha kin;

36 Wahna wotapi tawakšica koya owasin, qa aguyapi itokam hnakapi kin;

37 Petijanjan ihupa ecedan kin, petijanjan kin koya, petijanjan kicanyanpi kin hena, qa taku on kicanyanpi kin owasin, qa wihdi on iyoyam yapi kin;

38 Qa mazaskazi owayušna kin qa sdawicayapi wihdi kin, qa taku wašte mna on wizin yapi kin, qa wakeya tiyopa aka hpe kin;

39 Mazaša owayušna kin, qa mazaša oceti tawa kin, qa tatošu kin qa taku on kicanyanpi kin owasin; mazaša koka kin, tacetetahe koya.

40 Hocoka ozanpi kin, can bosdata kin qa sicu kin, qa hocoka tiyopa oaka hpe kin, taikan kin, qa tawihutipaspe kin qa itkokipapi wakeya ohna ohodapi kin, tawakšica koya owasin;

41 Ohodapi wokoyake kin on tipi wakan ohna ohodapi, Aaron wawayušna tawokoyake wakan kin, qa cinhintku wokoyake unpi wawayušnapi ece kta.

42 Taku Jehowa Mowis econ ši kin owasin, he iyecen Israel cinca kin taku owasin kagapi.

43 Unkan Mowis taku kagapi kin owasin wanyaka; unkan inyun taku Jehowa ka h wica ši kin owasin he iyecen kagapi, unkan Mowis wicayawašte.

WICOWOYAKE 40.

1 Unkan Jehowa ie ça Mowis heciya,

2 Wi tokaheya, anpetu tokahe-

HDINANPAPI,

ya en itkokipapi wakeya tipi kin eyahde kta.

3 Qa he ohna wo yaatanin can wohnaka kin eyahnake kta, qa can wohnaka kin akapatanhan cokaya ozanpi kin otkeyaye kta.

4 Qa wahna wotapi kin he en hiyuyaye kta, qa taku akan hnakapi kin hena akan eyahnake kta, qa petijanjan ihupa kin yakahi kta, qa petijanjan kin ideyaye kta.

5 Qa mazaskazi owayuśna kin wizinyapi kta e wo yaatanin can wohnaka itokam eyahnake kta, qa tipi tiyopa oakahpe otkeyaye kta.

6 Qa peta wośnapi owayuśna kin itkokipapi wakeya tipi tiyopa itokam eyahde kta.

7 Qa koka kin he itkokipapi wakeya kin, qa owayuśna kin otahedan eyahde kta, qa he ohna mini oyakaśtan kta.

8 Qa he ihdukśan hocoka kin eyahde kta, qa hocoka tiyopa oakahpe kin otkeyaye kta.

9 Qa sdawicayapi wihdi kin he iyacu kte qa tipi kin, qa taku ohna un kin, owasin sdayaye kta, hecen he qa taku on kicanyanpi kin owasin duwakan kta, unkan wakan kta.

10 Qa peta wośnapi owayuśna kin he sda yaye kta, taku on kicanyanpi nakun owasin; hecen owayuśna kin duwakan kta; qa owayuśna kin wakan hinca kta.

11 Qa koka kin he sdayaye kta, tacetetahe nakun, hecen he duwakan kta.

12 Unkan Aaron, iye cinhintku om, itkokipapi wakeya tiyopa kin ikiyedan hiyu wicayaye kta, qa mini on wicadujaja kta.

13 Qa wokoyake wakan kin he Aaron koyag yaye kta, qa sda yaye kta, hecen wamiciyuśna kta e duwakan kta.

14 Unkan cinhintku kin ikiyedan hiyu wicayaye kta, qa mahen unpi kin hena koyag wicayaye kta.

15 Qa atkukupi kin sda yaye ciqon he iyecen sda wicayaye kta, hecen wamiciyuśnapi kta, qa sdawicayapi kin on owihanke wanin wawayuśna hecapi kta, wicoicagepi yeye cin ohna.

16 Unkan token Jehowa Mowis econśi kin owasin he iyecen econ.

17 Unkan kaketu wetu inonpa wi tokaheya, anpetu tokaheya kin he ehan tipi wakan kin ehdepi.

18 Qa Mowis tipi kin ehde qehan tasicu kin eju, qa tacanmdaska kin en iyeya, qa tacanhdakinyan ohna iyoopte iyeya, qa taipatan kin ehde.

19 Qa tipi iwankapatanhan wakeya kin yumdaya, qa wakeya oakahpe kin he wakeya akapatanhan iwankam yumdaya, Jehowa Mowis econśi qon he iyecen.

20 Unkan wo yaatanin kin he icu, qa canwohnaka mahen ehna, qa tośu kin canwohnaka ekta iyeya, qa wokajuju iha kin canwohnaka akan ehna iwan-kapatanhan.

21 Qa canwohnake kin tipi kin mahen hiyuye qa cokaya ozanpi kin otkeya, hecen wo yaatanin canwohnaka kin akaħpa, Jehowa Mowis econ śi kin he iyecen.

22 Qa wahna wotapi kin he itkokipapi wakeya ohna ehde, tipi cuwi waziyata ekta kiya, cokaya ozanpi itankan.

23 Qa he akan aguyapi itokam hnakapi kin heca tanyan ehna, Jehowa itokam, Jehowa Mowis econ śi kin he iyecen.

24 Qa petijanjan ihupa kin itkokipapi wakeya mahen ehde, wahna wotapi kin iyotakons, tipi cuwi itokaga ekta kiya.

25 Qa petijanjan kin hena ide-

ya, Jehowa itokam, Jehowa Mowis econ sí kin he iyecen.

26 Unkan mazaskazi owayuśna kin he itkokipapi wakeya mahen ehde, cokaya ozanpi kin itokam.

27 Qa he akan taku waśtemna wizinyapi kin izin ya, Jehowa Mowis econ sí kin he iyecen.

28 Qa tipi tiyopa akaḥpe kin he otkeya.

29 Qa waḥuḥnaḥi yapi owayuśna kin he itkokipapi wakeya tipi tiyopa kin ikiyedan ehde, qa he akan woḥuḥnaḥiyapi qa minḥa kin ḥuḥnaḥiya.

30 Qa koka kin itkokipapi wakeya kin, qa owayuśna kin otahedan ehde qa mini on yujajapi kte hen okaśtan.

31 Unkan hetanhan Mowis qa Aaron iye cinhintku om napepi sihapi ko ihdujajapi.

32 Itkokipapi wakeya en ipi eca: qa owayuśna ikiyedan ipi eca ihdujajapi ece, Jehowa Mowis econ sí kin he iyecen.

33 Unkan tipi kin owayuśna

kin koya ihduksan hocoka kin ehde, qa hocoka tiyopa akaḥpe kin otkeya, hecen Mowis wolitan kin hduśtan.

34 Hehan maḥpiya śoka qon itkokipapi wakeya kin akaḥpa, qa Jehowa towitan kin tipi kin ojunya.

35 Unkan Mowis itkokipapi wakeya en i kta okihi śni, maḥpiya qon he akan ounyan qa Jehowa towitan kin tipi kin oju ya nakaś.

36 Unkan maḥpiya kin wankan iyaya eca, Israel cinca kin ihdakapi ece, unhdakapi kin owasin en hececa.

37 Tuka maḥpiya kin wankan iyaye śni kinhan, ihdakapi śni ece, wankan iyaye śni kin hehanyan.

38 Jehowa maḥpiya śoka kin tipi kin akan yanka, anposkantu eca, tuka hanyetu ca he ohna petai eca, Israel cinca tipi kin owasin unhdakapi owasin en he wanyakapi.

LEWI TOOPE.

WICOWOYAKE 1.

1 Unkan Jehowa Mowis kipan, qa itkokipapi wakeya etanhan heciya,

2 Israel cinca kin hecen ewicakiya wo, Niyepi etanhan wicašta tuwe woahi wan Jehowa kahi kte cinhan, woteca etanhan woahi nitawapi yakahipi kta, pte wanunyanpi etanhan, qaiš taħinca wanunyanpi etanhan.

3 Pte wanunyanpi etanhan woħuħnaħyapi on toahi kinhan, mdoka zanika ahi kte, iyokipiye kta e Jehowa itokam, itkokipapi wakeya tiyopa ekta kahi kta.

4 Hehan woħuħnaħyapi pa akan nape kin aputake kta, hecen iye waħtani kin akahpe kta e iyokipi ye kta.

5 Unkan Jehowa itokam tatankadan kin patapi kta; unkan Aaron cinca wawayuśnapi kin we kin ahipi kta, qa wahna wośnapi kin itkokipapi wakeya tiyopa ekta yanke cin akan we kin aihpe yapi kta.

6 Unkan woħuħnaħyapi ha kin yuze kta, qa wobaśpe kin baśpuśpu kta.

7 Unkan wawayuśna Aaron cinca kin wahna wośnapi akan peta ehnapapi kta, qa peta akan can aonpapi kta.

8 Unkan Aaron cinca wawayuśnapi kin wobaśpe kin, pa kin, qa waśin kin, can akan peta wahna wośnapi akan yanke cin ahnapapi kta.

9 Unkan śupe kin, qa huha kin mini on yujaja kta, qa ahi kta,

Levit.

10

unkan wawayuśna kin he oco-wasin izin ye kta, peta on woħuħnaħyapi wan waśtemna Jehowa iyokipi kin hee.

10 Unkan taħinca etanhan woħuħnaħyapi taku ahi kinhan, taħin wanunyanpi etanhan qa iś tatokadan etanhan mdoka zanika wan ahi kta.

11 Unkan Jehowa itokam wahna wośnapi icahda, iwaziya tanhan he pate kta. Unkan Aaron cinca wawayuśnapi kin we kin amnimnapi kta, wahna wośnapi aihduksan.

12 Unkan wobaśpe kin baśpuśpu kta, qa pa kin, qa waśin kin, unkan wawayuśna kin hena can akan ehnafe kta, peta wahna wośnapi akan yanke cin he akan.

13 Unkan śupe kin qa huha kin mini en yujaja kta. Unkan hena owasin wawayuśna kin ahi kta, qa wahna wośnapi izin ye kta. Peta on woħuħnaħyapi wan waśtemna Jehowa iyokipi kin hee.

14 Unkan taku kinye cin etanhan woħuħnaħyapi wan Jehowa kahi kte cinhan, wakiyedan cinca qaiš tinwakiyedan etanhan toahi kin ahi kta.

15 Unkan wawayuśna kin he wahna wośnapi ikiyedan kahi kta, qa pa kin cape kta; qa wahna wośnapi kin izin ye kta; tuka we kin yuśkice kta, wahna wośnapi cuwi kin ekta.

16 Qa śupe kin, cesdi ohna yuke cin koya icu kta, qa wahna wośnapi icahda iwiyoħinyanpatanhan cahota yanke cin ekta ehpe ye kta.

LEWI TOOPE.

17 Unkan maku bamdaze kta, hupahu en, tuka kibašpe kte šni, qa wawayušna kin he on wahna wošnapi kin izin ye kta, can akan peta wahna wošnapi akan yanke cin he akan. Peta on wohuŋnaliyapi wan waštemna Jehowa iyokipi hee.

WICOWOYAKE 2.

1 Unkan wicanagi wan minha woahi Jehowa kahi kte cinhan, aguyapi mdu kin kahi kta, qa wihdi he akaštan kta, qa canšin waštemna akan ehna kta.

2 Qa he Aaron cinca wawayušnapi kin wicakahi kta, qa he etanhan aguyapi mdu qa wihdi nape ohnaka wanjidan, qa canšin ocowasin icu kta; unkan wawayušna kin wokiksuye kin he on wahna wošnapi kin izin ye kta, peta wošnapi waštemna wan Jehowa iyokipi kin hee.

3 Unkan minha kin he etanhan taku okapte cin he Aaron qa iye cinca kin tawapi, Jehowa peta wošnapi tawa wakan hinca hee.

4 Unkan taku makacega ohna španyanpi minha woahi wan yakahi kte cinhan, he aguyapi onnapoliye codan wihdi icicahiya-pi, qaiš aguyapi zipzibedan onnapoliye codan wihdi on sdayapi kin heca kta.

5 Unkan minha woahi nitawa mazawiceonpe akan španyanpi kinhan, he aguyapi onnapoliye codan wihdi on sdayapi heca kta.

6 He dušpašpa kta qa onšpašpa akan wihdi ayakaštan kta, minha wan hee.

7 Unkan minha woahi nitawa kin he cega ihupa tonna ohna španyanpi kinhan, he aguyapi on wihdi en yakage kta.

8 Qa minha hena etanhan kagapi kin he Jehowa ekta hiyu-

yaye kta, unkan wawayušna en kahipi kinhan iye he wahna wošnapi ekta kahi kta.

9 Unkan wawayušna kin minha kin etanhan wokiksuye wan icu kta, qa heon wahna wošnapi kin izin ye kta, he peta wošnapi waštemna Jehowa iyokipi kin heca.

10 Unkan minha etanhan taku okaptapi kin he Aaron qa iye cinhintku tawapi kta, taku peta on Jehowa wakiyušnapi wakan hinca hee.

11 Minha Jehowa yecicahipi kin wanjidan onnapoliye on yakage kte šni. Onnapoliye qa canhanpi tiktica etanhan peta on Jehowa izinyaye kte šni.

12 Taku tokaheya suton kin woahi kin hena Jehowa yakahi kta, tuka wahna wošnapi akan waštemnayanpi iyokipi kte šni.

13 Qa minha woahi kin hena owasin miniskuya kici icicahi-yaye kta, qa taku wakan yada miniskuya on takuyayapi kin he minha kin he etanhan miniskuya teyahinda kte šni. Woahi nitawa kin owasin akan miniskuya yakahi kta.

14 Unkan taku tokaheya suton etanhan minha wan Jehowa yakahi kte cinhan, aguyapi itka štonkadan petan ceonpapi, bopanpi kin heca taku tokaheya suton minha nitawa yakahi kta.

15 Qa he akan wihdi ayakaštan kta, qa canšin waštemna ayakakada kta, minha wan hee.

16 Unkan wawayušna kin taku bopanpi etanhan, qa wihdi etanhan onge canšin ocowasin iyahna wokiksuye on izin ye kta. Peta on Jehowa wakiyušnapi wan hee.

WICOWOYAKE 3.

1 Unkan wopidā wošnapi wan kahi kte cinhan, pte wanunyanpi

WICOWOYAKE 4.

etanhan mdoka qais wiye unman tukte kasta wanji zanika, Jehowa kahi kta.

2 Qa taku kahi kin pa akan nape kin aputake kta. Hehan itkokipapi wakeya tiyopa ekta he pate kta ; unkan Aaron cinca wawayusnapi kin we kin amnimnapi kta, wahna wosnapi aihdukšan.

3 Unkan wopida wosnapi etanhan peta wosnapi wan Jehowa kahi kta tejiksije qa šupe šin kin owasin.

4 Qa paksin kin napin, qa paksin šin kin, mica en yanke cin he, nakun pizi pi ikoyake cin he icu kta.

5 Unkan Aaron cinca kin he on wahna wosnapi kin izin yapi kta, wohuhnahyapi kin iyahna, he can peta akan yanke cin he akan, peta wosnapi wasstemna Jehowa iyokipi wan hee.

6 Unkan tahinca etanhan wopida wosnapi Jehowa kahi kte cinhan, mdoka qais wiye unman tukte kasta zanika kahi kta.

7 Woahi tawa amnos wan kahi kinhan, he Jehowa itokam kahi kta.

8 Qa woahi tawa pa kin akan iye nape kin aputake kta, qa itkokipapi wakeya tiyopa kin ekta pate kta, unkan Aaron cinca kin we kin amnimnapi kta, wahna wosnapi aihdukšan.

9 Unkan wopida wosnapi etanhan peta wosnapi wan Jehowa kahi kte, wasin kin, sinte oowasin nite kin ekta baspe kta, qa watejiksije, qa šupe šin kin owasin,

10 Qa paksin napin, qa paksin šin kin mica en yanke cin he, qa pizi kin pi ikoyake cin he icu kta.

11 Unkan wawayusna kin he on wahna wosnapi izinye kta, peta wosnapi Jehowa tawote kin hee.

12 Unkan tatokadan wan kahi kinhan, he Jehowa itokam kahi kta.

13 Qa pa kin akan iye nape kin aputake kta, qa itkokipapi wakeya tiyopa kin ekta he pate kta, unkan Aaron cinca kin we kin amnimnapi kta, wahna wosnapi aihdukšan.

14 Unkan he etanhan toahi peta wosnapi wan Jehowa kahi kte, watejiksije kin he, qa šupe šin kin owasin ;

15 Qa paksin kin napin, qa paksin šin kin mica en yanke cin he, qa pizi kin pi ikoyake cin paksin iyahna icu kta.

16 Unkan wawayusna kin he on wahna wosnapi kin izin ye kta, woyute peta wosnapi wasstemna wiciyokipi, wasin kin owasin he Jehowa tawa.

17 Nitoicagepi yeye cin tukte e kaeš yatipi kin owasin ohna wasin qais we takudan yatapi kte šni, he wokage owihanke wanice kta.

WICOWOYAKE 4.

1 Unkan Jehowa ie ça Mowis heciya,

2 Israel cinca kin hecen ewica-kiya wo ; Wicanagi wan ecinšni wahtani kinhan, qa Jehowa tawoahope wan taku econ šni wicaši kin hena wanji econ kinhan :

3 Wawayusna sdayapi kin he wahtani, qa oyate kin wahtani wicaye cinhan, wahtani wahtani kin on tatankadan pte cinca wan zanika Jehowa kahi kta, wahtani wosnapi kin on.

4 Qa tatankadan itkokipapi wakeya tiyopa kin ekta hiyuye kta, Jehowa itokam, qa tatankadan pa kin nape kin aputake kta, qa tatankadan kin pate kta, Jehowa itokam.

LEWI TOOPE.

5 Qa wawayuśna sdayapi kin he tatankadan we kin onge icu kta, qa itkokipapi wakeya tiyopa kin ekta hiyuye kta.

6 Qa wawayuśna kin napsukaza wan we en oputkan qa śakowin akihde we onge ehpeye kta, Jehowa itokam, tipi wakan cokaya ozanpi kin ektakiya.

7 Unkan wawayuśna kin we kin etanhan onge wahna wośnapi izinyapi waśtemna he kin akan iun kta; he itkokipapi wakeya ohna yanke cin, Jehowa itokam, qa tatankadan we kin ocowasin wohuhnaŋyapi wahna wośnapi sicu ekta akaśtan kta, he itkokipapi wakeya tiyopa ekta yanka.

8 Qa woahŋtani wośnapi tatanka etanhan waśin kin owasin icu kta, watejikśije kin qa śupe śin kin owasin.

9 Qa pakśin kin napin qa pakśin śin mica en yanke cin he, qa pizi pi kin ikoyake cin mica en yanke cin he icu kta.

10 Wopida wośnapi tatanka etanhan icupi qon he iyecen, qa wawayuśna kin hena wohuhnaŋyapi wahna wośnapi akan izin ye kta.

11 Tuka tatanka ha kin qa cehpi kin ocowasin, pa kici, qa huka kici, qa śupe kin qa tacesdi kin.

12 Tatanka kin ocowasin he-woskantuya ayapi kta, tukten taku śica wanica ekta, cahota okadapi kin heciya, qa can akan peta on huhnaŋyapi kta, cahota okadapi kin he akan huhnaŋyapi kta.

13 Unkan Israel omniciye ocowasin ecinśniyan waŋtanipi kinhan, qa Jehowa tawoahope taku econśni wicaśi kin wanji econpi, tuka okodakiciye kin he sdone śni econpi qa waŋtanipi kinhan,

14 Tohan woahŋtani woahope awaŋtanipi kin he sdotkiyapi kinhan, okodakiciye kin waŋtanipi kin on tatankadan wan ahipi kta, qa itkokipapi wakeya itokam hiyuyapi kta.

15 Unkan omniciye honkayapi kin tatanka pa kin akan napepi kin aputakapi kta, Jehowa itokam, qa tatankadan kin patapi kta, Jehowa itokam.

16 Unkan wawayuśna sdayapi kin tatanka we kin etanhan onge itkokipapi wakeya ekta hiyuye kta;

17 Qa wawayuśna kin napsukaza wan we oputkan kta, qa he etanhan śakowin akihde ehpeye kta, Jehowa itokam cokaya ozanpi ekta kiya.

18 Qa we kin onge wahna wośnapi he kin hena akan iun kta, he Jehowa itokam itkokipapi wakeya ohna yanka, qa we kin owasin wohuhnaŋyapi wahna wośnapi kin itkokipapi wakeya tiyopa ekta yanke cin he ceteta kin ekta okaśtan kta.

19 Qa waśin kin owasin he etanhan icu kta, qa on wahna wośnapi kin izin ye kta.

20 Qa woahŋtani wośnapi tatankadan ecakicon qon he iyecen tatanka kin he ecakicon kta, hecen wawayuśna kin waŋtanipi kin akaŋpe wicakiye kta; unkan wicakicicajujupi kta.

21 Unkan tatankadan kin he-woskantuya ayapi kta, qa tatankadan tokaheya huhnaŋyapi qon he iyecen de huhnaŋyapi kta. Okodakiciye woahŋtani wośnapi kin hee.

22 Wicaśtayatapi kin waŋtani kinhan, qa taku iye wakanda Jehowa tawoahope tehinda kin wanji ecinśni econ kinhan qa ihduśica,

WICOWOYAKE 5.

23 Tohan woahitani kin hena en wahtani kin sdotkiye cinhan toahi kin tatokadan mdoka zanika wan hiyuye kta.

24 Qa tamdoka pa akan iye nape kin aputake kta, qa Jehowa itokam tukten woñhñahyapi patapi kin hen he pate kta; woahitani woñnapi wan hee.

25 Unkan wawayuśna kin woahitani woñnapi we kin etanhan napsukaza wan on icu kta, qa woñhñahyapi wahna woñnapi he kin hena akan iun kta, qa we kin woñhñahyapi wahna woñnapi sicu ekta okaśtan kta;

26 Qa waśin kin owasin on wahna woñnapi izinye kta, wopida woñnapi waśin kin he iyecen, hecen wahtani kin wawayuśna kin akañpe kiciye kta, unkan kicicajujupi kta.

27 Unkan oyate tokecinyan unpi etanhan wicanagi wanji wahtani, qa Jehowa tawoahope taku econśni wicaśi wan ecinśniyan econ, qa ihduśice cinhan;

28 Tohan woahitani wahtani kin he sdotkiye cinhan, woahitani wahtani kin on toahi tatokadan wiye wan zanika hiyuye kta.

29 Qa woahitani woñnapi pa akan iye nape kin aputake kta, qa woñhñahyapi tukten patapi kin hen woahitani woñnapi kin pate kta.

30 Unkan wawayuśna kin he we kin onge napsukaza wan on icu kta, qa woñhñahyapi wahna woñnapi he kin hena akan iun kta, qa we kin owasin wahna woñnapi sicu ekta okaśtan kta.

31 Qa wopida woñnapi waśin kin icupi qon, he iyecen waśin kin owasin icu kta, qa wawayuśna kin wahna woñnapi kin izinye kta; waśtemnayanpi Je-

howa iyokipi, hecen wawayuśna kin akañpe kiciye kta, unkan kicicajujupi kta.

32 Unkan woahitani woñnapi on amnos wan toahi hiyuye cinhan, wiyedan zanika wan hiyuye kta.

33 Qa woahitani woñnapi pa akan iye nape kin aputake kta, unkan tukte woñhñahyapi patapi ece kin hen woahitani woñnapi kin patapi kte.

34 Unkan wawayuśna kin woahitani woñnapi we onge napsukaza wan on icu kta, qa woñhñahyapi wahna woñnapi he kin hena akan iun kta, qa we kin ocowasin wahna woñnapi sicu ekta akaśtan kta.

35 Qa wopida woñnapi amnos waśin kin icupi qon he iyecen waśin kin owasin icu kta; unkan wawayuśna kin heon wahna woñnapi kin izin ye kta, Jehowa peta on wakiyuśnapi he iyecen, hecen wawayuśna kin akañpe kiciye kta, woahitani wahtani kin on, unkan kicicajujupi kta.

WICOWOYAKE 5.

1 Unkan wicanagi wan wahtani, qa tuwe Taku wakan caje-yata nañon, qa wayaatanin śipi, taku nañon qaiś sdonya kin he, tuka oyake śni kinhan, wahtani kin kiçin kta.

2 Qa iś wicanagi tuwe taku śapa wan icahtake cinhan, wamanica te śapa, qa woteca te śapa, qa watutka te śapa unman tukte kaśta sdotkiye śni econ eśta, hee śape kta, qa hdajuju kte.

3 Qa iś tuwe wicaśta śapa wan icahtake cinhan, wośape taku kaśta on wicaśta wan ihduśape cinhan, he sdonye śni econ eśta, tohan sdonye cinhan hdajuju kta.

4 Qaiś wicanagi tuwe Taku

LEWI TOOPE.

wakan cajeyate ça awacinśni-
yan iha on taku eye cinhan, ta-
ku śica econ kta, qaiś taku wa-
šte econ kta wicašta kin awa-
cinśniyan eye cinhan, iyukcan
śniyan econ ešta, tohan he sdon-
yē cinhan hena wanji on hda-
juju kta.

5 Unkan tohan hena wanji on
hdajuju kte cinhan, taku en
wahtani kin he ohdake kta.

6 Qa woahṭani wahtani kin on
taku on hdajuju kta Jehowa
ekta hiyu ye kta, wahtani kin on
tahinca etanhan wiyedan wan ta-
hinca ska, qaiś tatokadan etan-
han, unkan wawayuśna kin he
on akaḥpe kiciye kta.

7 Unkan nape kin tacincadan
wan iyohiye kte śni kinhan,
wahtani kin hdajuju kta e tin-
wakiyedan nonpa, qaiś wakiye-
dan cinca nonpa, Jehowa kahi
kta, wanji woahṭani wośnapi on,
qa unman wohuḥnahiyapi on.

8 Qa hena wawayuśna kin ekta
hiyuye kta, unkan woahṭani wo-
śnapi kin he tokaheya ahi kta,
qa pa ohdateya dote cape kta,
tuka baśpe kte śni.

9 Qa woahṭani wośnapi kin we
onge wahna wośnapi cuwi akan
ehpe ye kta, qa we okapte cin
owasin wahna wośnapi sicu ekta
yuśkice kta woahṭani wośnapi
wan hee.

10 Unkan inonpa kin wohuḥ-
nahiyapi wan kage kta, econ
wicaśipi kin iyecen, hecen wa-
wayuśna kin woahṭani wahtani
qon akaḥpe kiciye kta, unkan
kicicajujupi kta.

11 Tuka nape kin tinwakiye-
dan nonpa, qaiś wakiyedan cin-
ca nonpa iyohiye kte śni kinhan,
wahtani kin on toahi kin agu-
yapi mdu can waksica ohnaka
wanjidan woahṭani wośnapi on
hiyuye kta. He akan wihdi

akaştan kte śni, qa canśin wa-
ştamna aehnake kte śni, woah-
ṭani wośnapi wan hee nakaeś.

12 Qa he wawayuśna ekta
hiyuye kta. Unkan wawayuśna
kin he etanhan napohnaka wanji
icu kta, he wokiksuye ee, qa on
wahna wośnapi kin izin ye kta,
peta on Jehowa wakiyuśna iye-
cen, woahṭani wośnapi wan hee.

13 Hecen hena on woahṭani
wan wahtani kin on wawayuśna
kin akaḥpe kiciye kta, unkan
kicicajujupi kta. Unkan taku
okapte cin he wawayuśna tawa
kta, minḥa wan iyecen.

14 Unkan Jehowa ie ça Mowis
heciya;

15 Wicanagi wan śicaya oḥan-
yan, qa Jehowa taku wakanyan
tawa en ecinśniyan wahtani kin-
han, tohdajuju kin Jehowa ekta
hiyuye kta, tamdoka wan taḥin-
ca etanhan mazaska šeḡel tona
idacin, tipi wakan šeḡel iyececa
kici on hdajuju kta.

16 Hecen taku wakanyanpi kin
manon qon kicu kta, qa izaptan
kin he kici aopekiciciye kta, qa
wawayuśna kin he qu kta, un-
kan wawayuśna kin on hdajuju-
pi tamdoka on akaḥpe kiciye
kta, unkan kicicajujupi kta.

17 Unkan wicanagi wan waḥ-
tani kinhan, qa taku wanji Jeho-
wa econ śni wicaśi econ kinhan,
he sdonye śni ešta he wahtani,
qa on hdajuju kta.

18 Qa hdajuju kta e wawayuś-
na ekta taḥinca etanhan tamdo-
ka wan, taku idacin kici hiyuye
kta, unkan taku ecinśniyan wa-
ḥtani, qa iyukcanśniyan nuni kin
heon wawayuśna kin akaḥpe ki-
ciye kta, unkan kicicajujupi
kta.

19 On hdajujupi wan hee; Je-
howa en wahtani kin on hdajuju
kta.

WICOWOYAKE 6.

20 Unkan Jehowa ie ça Mowis heciya ;

21 Wicanagi wan wahtani qa taku Jehowa tawa wan manon kinhan, qais tuwe ikiyedani en itonśni, taku yuhe šipi qais taku wicakicihnaka on, qais taku wicaki kin on qais tuwe ikiyedani ti kiyuše kinhan ;

22 Qais taku wicakitaniupi šni iyeye ça on itonśni, qa taku kašta wicašta econpi kin hena wanji en wahtani, qa itonšniyan on taku wakan caje yate cinhan ;

23 Hehan kaketu kta, wahtani kin on hdajuju kta e taku wicaki qon kicu kta, qa is taku wicahnayan on yuha, qa is taku kicihnakapi qon, qais taku wicakitanin šni iyeye cigon.

24 Qa taku kašta on taku wakan cajeyate ça itonśni kin, he ocowasin kicu kta, qa anpetu tohan hdajuju kin hehan izaptan wan aopekiciye kta, qa tuwe tawa kin kicu kta.

25 Nakun on hdajuju kta Jehowa wakiyušnapi wan tašinca etanhan, tamdoka wan zanika, taku idacin kici hdajuju kta e wawayušna ekta hiyuye kta.

26 Unkan wawayušna kin Jehowa itokam akahe kiciye kta, unkan taku kašta on hdajuju kta econ qon, iyohi kicicajujupi kta.

WICOWOYAKE 6.

1 Unkan Jehowa ie ça Mowis heciya,

2 Aaron qa iye cinca hecon wicaši, qa hewicakiya wo ; Wohuhnahyapi wošnapi woope kin dee : Hanyetu osan wahna wošnapi akan itkonyan un kta, ihanhanna kin hehanyan, qa wahna wošnapi akan peta kin itkonye cin heon wohuhnahyapi kin eciyapi.

3 Unkan wawayušna kin mini-

huha ska mahen unpi kin kičun, qa minihuha ska onze oge koya-ke kta, iye celpi akan, qa wohuhnahyapi wošnapi cahota peta wahna wošnapi akan huhnagacin he icu kta, qa wahna wošnapi kin icahda ehna ke kta.

4 Hehan wokoyake kin hdušdoke kta, qa wokoyake tokeca kičun kta, qa cahota kin hewoskantuya aye kta, tukten taku šica wanica ekta.

5 Unkan peta wahna wošnapi akan yanke cin he ohinniyan itkon yapi kta, he kasnipi kte šni. Unkan he akan hanhanna otioyohi wawayušna kin can ideye kta, qa he akan wohuhnahyapi kin aehnake kta, qa he akan wopida wošnapi wašin kin izin ye kta.

6 Peta kin ohinniyan wahna wošnapi akan itkon yapi kta, tohinni šni kte šni.

7 Unkan minha woope kin dee, Aaron cinhintku wanji he Jehowa itokam wahna wošnapi ekta kahi kta.

8 Qa minha aguyapi mdu qa wihdi etanhan napohnaka wan icu kta, qa canšin minha akan un kin he ocowasin, qa wahna wošnapi kin izin ye kta, he wokiksuye waštemna Jehowa iyokipi.

9 Unkan taku minha etanhan okapte cin he Aaron qa iye cinca kin aguyapi onapohe codan yutapi kta, oyanke wakan kin ohna, he yutapi kta, itkokipapi wakeya hocoka kin ohna he yutapi kta.

10 Onnapohe on španyanpi kte šni, tuka peta on wamiciyušnapi etanhan wopamni kin he wicawaqu. He wakan hinca, woahitani wošnapi kin iyecen, qa wokajuju wošnapi kin iyecen.

11 Aaron cinca kin tona wica kin hena owasin he yutapi kta.

LEWI TOOPE.

Nitoicagepi yeye cin wokage kin de owihanke wanice kta, tona wakanpi kin henana taku peta on Jehowa wakiyuśnapi kin yutanpi kta.

12 Unkan Jehowa ie ça Mowis heciya,

13 Aaron qa iye cinca anpetu en wanji sdayapi kinhan, woahi kin de kahipi kta, aguyapi mdu can wakśica ohnaka wanji, minha ohinniyan wan, hanke hanhan-na eca, qa hanke htayetu eca.

14 Maza wiceonpa akan wihdi en cegugu yaye kta, span hehan hiyu yaye kta, minha yuśpuśpu-pi waśtemna Jehowa iyokipi yakahi kta.

15 Qa tuwe iye cinca etanhan hee kiya wawayuśna sdayapi kin he kage kta, he ocowasin Jehowa tawa izinyapi kta, wokage kin de owihanke wanice kta.

16 Hecen wawayuśna minha tawa kin he ocowasin huľnaliyapi kta, tuwedan he etanhan yute kte śni.

17 Unkan Jehowa ie ça Mowis heciya,

18 Aaron qa iye cinca kin hecen ewicakiya wo: Woahťani wośnapi woope kin dee, tukten wohuľnaliyapi patapi kin he en woahťani wośnapi kin patapi kta, Jehowa itokam he wakan linca.

19 Wawayuśna tuwe heon wokajuju kage cin he yute kta, oyanke wakan kin itkokipapi wakeya hocoka kin en he yutapi kta.

20 Taku kaśta he celpi kin icahtake cinhan wakan kta, qa wokoyake taku kaśta he we kin akan elpeyapi kin, he akan hinhpaye cin on, oyanke wakan en yujajapi kta.

21 Qa maka cega ohna he spanyanpi kin he kamdecapi kta, qa mazaśa cega ohna he spanyanpi

kinhan, he payezapi qa mini on yujajapi kta.

22 Wawayuśna tona wicapi kin hena owasin yutapi kta, he wakan linca.

23 Qa woahťani wośnapi tona we kin on akahpapi kta e tipi wakan ohna itkokipapi wakeya en hiyuyapi hena yutapi kte śni, peta on huľnaliyapi kta.

WICOWOYAKE 7.

1 Unkan on hdajuju wośnapi woope kin dee, he wakan linca.

2 Tukte wohuľnaliyapi wośnapi ktepi kin he en on hdajujupte kta, qa we kin he wahna wośnapi akan ihdukśan elpeyapi kta.

3 He etanhan waśin owasin ahi kta, sinte kin qa waśin ūpe akahpe cin he;

4 Qa pakśin kin napin, qa pakśin śin mica en yanke cin he, qa pizi pi ikoyake cin, pakśin icahda he yutokan kte;

5 Qa hena on wawayuśna kin wahna wośnapi kin izin ye kte, peta on Jehowa wakiyuśnapi, on hdajujupte kin hee.

6 Wawayuśna wica kin hena owasin he yutapi kta, oyanke wakan ohna yutapi kta, he wakan linca.

7 Woahťani wośnapi kin, qa on hdajuju wośnapi kin hena woope kin okonwanjidan; wawayuśna kin tuwe hena on woakalipe kage cin he tawa kta.

8 Qa wawayuśna tuwe wicaśta wan wohuľnaliyapi kicicahi kinhan, wohuľnaliyapi ha kin he wawayuśna ahi kin he tawa kta.

9 Qa minha kin oceti akan spanyanpi kin he owasin, qa cega ohna qa cega ihupatonna akan kagapi kin he owasin wawayuś-

na kin tuwe he ahi kin he tawa kta.

10 Tuka minha wihdi icicahiyapi, qa aguyapi mdu kin hena iyuhpa Aaron cinca kin owasin otoiyo hi hunkawanjitku iyececa tawapi kta.

11 Unkan wopida wośnapi Jehowa kahipi kta woope kin dee.

12 Tuwe he woyatan on ahi kinhan, woyatan wośnapi kici aguyapi napohiyapi śni wihdi icicahiyapi, qa aguyapi zibzibedan napohiyapi śni, wihdi on sdayapi, qa aguyapi ceguguyapi wihdi akaśtanpi;

13 Aguyapi napohiyapi śni kici aguyapi napohiyapi ahi kta, toahi wopida woyatan wośnapi tawa on.

14 Qa woahi kin ocaje owasin etanhan aguyapi wanjidan wokosyapi Jehowa tawa, wawayuśna wopida we kin amnimni kin he ektakiya kahi kta, he tawa kta.

15 Qa woyatan wopida wośnapi celhipi kin he yutapi kta, anpetu en ahipi kin en, hetanhan ongedan ihanlianna hehanyan okaptapi kte śni.

16 Tuka toahi kin woyakapi wośnapi qaiś, itukihanpi wośnapi kinhan, anpetu en taku wośna ahi kin hen yutapi kta, qa taku okapte cin he ihanlianna nakun yutapi kta.

17 Qa tado wośnapi anpetu iyamni kin hehanyan okapte cin he peta on huñnahiyapi kta.

18 Qa wopida wośnapi tado onge anpetu iyamni en yutapi kinhan, iyokipi kte śni, qa tuwe ahi kin kiciyawapi kte śni, taku śicamna iyecece kta, wicanagi kin tuwe hetanhan yute cinhan wośice cin hduhe kta.

19 Celhipi taku śapa wan icahtake cin he yutapi kte śni, he pe-

tan huñnahiyapi kta. Unkan celhipi kin tona ecepidan kin hena owasin celhipi yutapi kta.

20 Tuka wicanagi tuwe toaśape ikoyake cin, wopida wośnapi celhipi kin Jehowa wakiyuśnapi kin he yute cinhan, wicanagi kin he taoyate kin etanhan kaśpapi kta.

21 Qa wicanagi tuwe taku śapa yutan kinhan, wicaśta towa aśape qaiś woteca towaśape, qaiś watutka śapa wan, qa wopida wośnapi Jehowa wakiyuśnapi celhipi etanhan yute cinhan wicanagi kin he taoyate etanhan kaśpapi kta.

22 Unkan Jehowa ie ça Mowis heciya,

23 Isrāel cinca kin hecen ewicakiya wo; Pte waśin kin, qa talinca ska waśin kin, qa tato-kadan wanunyanpi waśin kin ongedan yatapi kte śni.

24 Taku wayazanka te cin waśin kin, qa taku wamanica yaťapi kin waśin kin he wowiyunyanpi kta, tuka he yutapi kte śni.

25 Tuwe kaśta woteca peta on Jehowa wakiyuśnapi kin he etanhan waśin onge yute cinhan wicanagi kin he iye taoyate etanhan kaśpapi kta.

26 Nakun yatipi owasin ohna we ongedan yatapi kte śni, wahupakoza we kin, qa woteca we kin unman tukte kaśta.

27 Wicanagi tuwe kaśta we ongedan yute cinhan wicanagi kin he taoyate kin etanhan kaśpapi kta.

28 Unkan Jehowa ie ça Mowis heciya;

29 Isrāel cinca kin hecen ewicakiya wo, Tuwe kaśta wopida wośnapi wan Jehowa kahi kte cinhan, he wopida wośnapi toahi kin Jehowa ehta hiyuye kta.

LEWI TOOPE.

30 Iye nape kin Jehowa peta wošnapî tawa hiyuye kta, wašin maku iyahna, maku yuwintapi, Jehowa itokam he yuwintapi kta e hiyuye kta.

31 Unkan wawayušna kin wašin kin on wahna wošnapî kin izinye kta, tuka maku kin he Aaron qa iye cinca kin he tawapi kta.

32 Qa hiyete etapa kin he wopida wošnapî nitawapi etanhan wokozapi wan wawayušna kin yaqupi kta.

33 Aaron cinca etanhan tuwe wopida wošnapî we kin, qa wašin kin ahi kinhan, hiyete etapa kin wobašpe tawa kta.

34 Israel cinca wopida wošnapî tawapi etanhan, maku yuwintapi, qa hiyete kozapi kin hena iwicawacu, qa Aaron qa iye cinca wicawaqu, Israel cinca etanhan, wokage owihanke wanica.

35 Taku peta on Jehowa wakiyušnapî etanhan Aaron wiyutapi tawa, qa iye cinca wiyutapi tawapi kin hee: Jehowa wawakiyušnapî kta e en awicahi anpetu kin he en.

36 He Jehowa wicaqu šî kin anpetu en sdawicaye cin he ehan, Israel cinca etanhan wicoicagepi yeye cin, wokage owihanke wanica.

37 Woliuŋnaŋyapi on woope kin hee, qa nakun minŋa on, qa woahŋani wošnapî on, qa wokajuju wošnapî on, qa wojunyapi on, qa wopida wošnapî on.

38 Jehowa Mowis hecon šî, Sina he ohna anpetu wan Israel cinca toahipi Sina hopuze cin en, Jehowa ekta ahi wicašî qehan.

WICOWOYAKE 8.

1 Unkan Jehowa ie a Mowis heciya,

2 Aaron qa iye cinca om iwicacu wo, nakun wokoyake kin, qa wihdi on sdawicayapi kin, qa woahŋani tatanka kin, qa tamdo-ka nonpa kin, qa aguyapi napoh-yapi šni wakiškotpa kin.

3 Qa omniciye owasin itkokipapi wakeya tiyopa ekta wicakico wo.

4 Unkan token Jehowa econ šî kin he iyecen Mowis econ; unkan omniciye owasin itkokipapi wakeya tiyopa ekta mniciyapi.

5 Unkan Mowis omniciye kin hewicakiya, Taku Jehowa econ unšipi kin dee.

6 Hehan Mowis Aaron qa iye cinca kin awicahi, qa mini on wicayujaja.

7 Qa mahenunpi kin koyag ya, qa ipiyake on ipiyag kiciton, qa nitoške kin koyag ya, qa amdo akaŋpe kin akihnake a amdo akaŋpe ipiyake kazuntapi kin on ipiyag kiya, hecen amdo kin akaŋpe kiya.

8 Qa maku akaŋpe kin akihnake a iyoyam wicaye a ecetu wicaye cin maku akaŋpe kin en iyeya.

9 Qa pa akan pa ipaŋte kin paŋta, qa pa ipaŋte akan ite ektakiya mazaskazi mdaska watešdake wakan paŋta; Jehowa hecon šî kin he iyecen.

10 Unkan Mowis wihdi on sdawicayapi kin icu, qa tipi kin sdaya, nakun taku ohna un kin owasin; hecen hena yuwakan.

11 Qa he etanhan šakowin akihde wahnawošnapî akan eŋpeya, qa wahnawošnapî kin sdaya, nakun taku on kicanyanpi owasin, nakun maza koka kin, qa taceteta kin; hecen hena yuwakan.

12 Qa wihdi on sdayapi onge Aaron pa kin akaštan, qa he yuwakan kta e sdaya.

13 Unkan Mowis Aaron cinca

kin awicahi, qa mahen ūnpi kin ikoyag wicaya, qa ipiyake on ipiyag wicakiciton, Jehowa Mowis hecon śi kin he iyecen.

14 Qa woahṭani tatanka kin ikiyedan hiyuya; unkan Aaron qa iye cinca kin tatanka pa akan napepi aputakapi.

15 Unkan pata, qa Mowis we kin icu qa napsukaza wan on wahna wośnapi he kin aihdukśan iun, hecen wahna wośnapi kin wakiyuśna, qa we kin wahna wośnapi sicu ekta kaśtan, hecen he akan akaḥpapi kta e he yuwakan.

16 Unkan watejikśija kin he owaśin icu, qa pi pizi kin, qa pakśin napin, qa pakśin śin, qa Mowis hena on wahna wośnapi kin izinya.

17 Tuka tatanka pa kin, qa ceḥpi kin peta on huḥnaḥya, otipi kin itankan, Jehowa Mowis hecon śi kin he iyecen.

18 Hehan woḥuḥnaḥyapi tamdoka kin ahi, unkan Aaron qa iye cinca kin napepi tamdoka pa kin aputakapi.

19 Unkan he pata, qa Mowis he we kin wahna wośnapi aihdukśan akaśtan.

20 Unkan tamdoka kin token baśpapi kta iyececa baśpaśpa; unkan Mowis tamdoka pa kin, qa obaśpe kin, qa waśin kin izinya.

21 Unkan ūpe kin qa huha kin mini on yujaja, unkan Mowis tamdoka ocowasin on wahna wośnapi kin izinya, peta on Jehowa wakiyuśnapi wan woḥuḥnaḥyapi waśtemna wiciyokipi wan hee, Jehowa Mowis hecon śi kin he iyecen.

22 Unkan tamdoka inonpa kin he ahi, ojunyapi tamdoka kin hee; unkan Aaron qa iye cinca kin napepi kin tamdoka pa kin aputakapi.

23 Unkan he pata, qa Mowis he we kin etanhan icu, qa Aaron noge etapa inkpa akan ikiciun, nakun napahunka etapa akan, qa sipahunka etapa akan.

24 Qa Aaron cinca kin awicahi, qa Mowis nogepi etapa inkpapi akan we kin onge iwicakiciun, nakun napahunkapi, qa sipahunkapi etapa akan, qa we ihe cin wahna wośnapi aihdukśan akaśtan.

25 Qa waśin kin icu, nakun sinte kin, qa watejikśija ocowasin, qa pi pizi kin, qa pakśin napin, qa pakśin śin kin, qa hiyete etapa kin;

26 Nakun aguyapi napoḥyapi śni wakiśkotpa Jehowa itokam yanke cin etanhan aguyapi napoḥyapi śni hmiyanyan wanjidan, qa wiḥdi aguyapi hmiyanyan wanjidan, qa aguyapi zibzibedan wanjidan, qa hena waśin akan, qa hiyete etapa akan ehnaka.

27 Qa hena owasin Aaron nape en qu, nakun cinhintku napepi en; unkan hena kozapi, Jehowa itokam; wokozaḥi wan hee.

28 Unkan napepi etanhan Mowis hena icu, qa on wahna wośnapi kin izinya, woḥuḥnaḥyapi akan, wojunyapi kin hena eepi, woomna wiciyokipi peta wakiyuśnapi wan hee.

29 Unkan Mowis maku kin icu, qa Jehowa itokam koza, wokozyapi ojunyapi tamdoka etanhan obaśpe kin he Mowis tawa, Jehowa Mowis hecon śi kin he iyecen.

30 Unkan Mowis sdayapi wiḥdi etanhan icu, qa we wahna wośnapi akan un kin etanhan, qa Aaron akan eḥpeya, nakun wokoyake tawa akan, qa cinhintku akan, qa cinhintku tawokozyakepi akan, hecen Aaron yuwa-

han, qa tawokoyake, qa cinhintku, qa nakun cinhintku tawokoyakepi.

31 Unkan Mowis Aaron qa iye cinhintku hewicakiya, Itkokipapi wakeya tiyopa kin ekta tado kin ohanpo, qa heciya he yatapi kta, qa aguyapi ojunyapi kin wakiškotpa ohna un kin he nakun, hecon cišipi kin he iyecen, Aaron qa iye cinca kin he yutapi kta, epa.

32 Qa taku okaptapi tado kin etanhan, qa aguyapi kin etanhan, petan ehpeyayapi kta.

33 Qa šakowin can itkokipapi wakeya tiyopa etanhan inayapapi kte šni, anpetu ojunnianpi kin henakecapi kte cin hehanyan, anpetu šakowin ninapepi ojunnianpi kta nakaš.

34 Nakaha econ cišipi kin he iyecen Jehowa econ unšipi; akałpe niciyapi kta heon.

35 Qa anpetu šakowin, anpetu hanyetu koya, itkokipapi wakeya tiyopa ekta nankapi kta, qa Jehowa topatan kin yapatanpi kta, hecen nišapi kte šni, hecen econ cišipi heon etanhan.

36 Unkan Aaron, qa iye cinca kin taku Jehowa Mowis nape on econ wicaši kin owasin econpi.

WICOWOYAKE 9.

1 Unkan anpetu išahdogan hehan Mowis Aaron qa iye cinca kin wicakico, nakun Israel hunkawicayapi.

2 Qa Aaron heciya, Ptejicadan wan pte wanunyanpi cinca woahitani wošnapi on icu, qa tamdoka wan wołuhnałhyapi on, napin zanipi, qa Jehowa itokam awicahi wo.

3 Qa Israel cinca kin hecen ewicayakiye kta, Tatokadan mdoka wan woahitani wošnapi

on icupo, qa wołuhnałhyapi on ptejicadan wan, qa amnos wan, napin waniyetu wanjidan zanipi.

4 Qa tatanka wan, qa tamdoka wan wopida wošnapi on, Jehowa itokam wakiyušnapi kta; nakun minłia wihdi icicahiyapi; anpetu kin de Jehowa niyepi en ihdutanin kta, heon etanhan.

5 Unkan taku Mowis itkokipapi wakeya tiyopa ekta au wicaši kin he aupi, qa omniciye kin ocowasin ikiyedan hiyupi qa Jehowa itokam najinpi.

6 Unkan Mowis heya, Taku Jehowa hecon nišipi kin dee, hecen Jehowa towitankin niyepi en ihdutanin kta.

7 Unkan Mowis Aaron heciya, Wahna wošnapi kin ikiyedan u, qa woahitani wošnapi nitawa, qa wołuhnałhyapi nitawa kin kaga wo, hecen niye on, qa oyate kin on akałpe yakiye kta, nakun oyate toahi kin kaga wo, hecen hena on akałpe yakiye kta, Jehowa econ niši kin he iyecen.

8 Unkan Aaron wahna wošnapi kin ikiyedan hiyu, qa ptejicadan woahitani wošnapi tawa kin pata.

9 Unkan Aaron cinca kin we kin kałpi, unkan napsukaza wan we kin en oputkan, qa wahna wošnapi he akan iun, qa we kin wahna wošnapi sicu ekta kaštan.

10 Unkan woahitani wošnapi etanhan wašin kin, qa pakšin kin, qa pi etanhan pizi on wahna wošnapi kin izinya, Mowis econ ši kin he iyecen.

11 Unkan tado kin, qa ha kin hułnałhyapi, owanka itankan.

12 Hehan wołuhnałhyapi kin pata; unkan Aaron cinca kin we kin kałpi, unkan he wahna wošnapi aihduksan akaštan.

13 Unkan wołuhnałhyapi kin kałpi, obašpe kin, qa pa kin, unkan izinya wahna wošnapi akan.

WICOWOYAKE 10.

14 Qa šupe kin, qa huha kin, yujaja, qa woľuhnaľyapi wahna woľnapı akan izinya.

15 Qa oyate toahi kin he ahi, qa tatokadan mdoka woahitani woľnapı oyate tawapi kin he icu, qa pate a wayuľna, tokaheya qon he iyecen.

16 Qa woľuhnaľyapi kin ahi, qa woyaco kin he iyecen ecaki-con.

17 Qa minľa kin he ahi, qa hetanhan napohnaka wan icu, qa hanľanna woľuhnaľyapi iyahna wahna woľnapı akan izinya.

18 Qa tatanka qa tamdoka oyate wopida wakıyuľnapı kin hena pata; unkan Aaron cinca kin we kin kahipi, unkan he wahna woľnapı aihdukľan akaľtan.

19 Unkan tatanka etanhan, qa tamdoka etanhan waľin kin, sin-te kin, qa watejikľıja, qa pakľin kin, qa pi pizi kin kahipi.

20 Qa waľin kin maku kin akan ehnapı, qa waľin kin on wahna woľnapı kin izinya.

21 Qa maku, qa hiyete etapa kin Aaron kosya, Jehowa itokam wokosyapi, Mowis econ ľi kin he iyecen.

22 Qa Aaron oyate ektakiya nape kin hduwinta, qa wicaya-waľte; hehan woahitani woľnapı, qa woľuhnaľyapi, qa wopida woľnapı kage cin etanhan hdicu.

23 Unkan Mowis Aaron kici itkokipapi wakeya en ipi, qa tankan inanpapi, qa oyate kin wicayawaľtepi; unkan Jehowa to-witan kin oyate kin owasin en ihdutanin.

24 Unkan Jehowa itokapatanhan peta inanpe a woľuhnaľyapi kin, qa waľin kin wahna woľnapı akan ľuhnaľya. Unkan oyate kin owasin he wanyakapi, qa panpanpi, qa makıpusdiya iľpayapi.

WICOWOYAKE 10.

1 Unkan Aaron cinca kin Nadab qa Abihu iyohi tamaza mdaska icu, qa hena akan peta ehnapı, qa he akan wizinyapi kadapi, qa peta tokeca Jehowa itokam kahipi, hecon wıcaľı ľni tuka.

2 Unkan Jehowa itokapa tanhan peta inanpe a ľuhnaľ wıcaya.

3 Unkan Mowis Aaron heciya, Jehowa heye ciqon he dee, Tona mikiyedan hipi kin, mayawakanpi kta, qa oyate owasin itokam mayutanpi kta, eya, Unkan Aaron inina yanka.

4 Unkan Mowis Aaron ateye Uziel cinca kin Miľael qa Elitza-pan wıcakıpan, qa hewıcakıya, İkiyedan upo, qa nihunkawanjipi kin tipi wakan itokapa tanhan awıcaıapo, hewoskantuya.

5 Unkan en hipi, qa mahen unpi ohna owanka itankan awıcaıapi, Mowis eye cin he iyecen.

6 Unkan Mowis Aaron qa iye cinca kin Eleazar qa İtamar hewıcakıya, Pa bakıľdapi ľni po, qa wokoyake hdutokecapi ľni po; hecanonpi kinhan okini niľapi kta, qa omniciye ocowasin en wocanteptanye u kta; tuka nihunkawanjipi, İsrail cinca tipi ocowasin wogu kin Jehowa guye cin he aceıyapi kta.

7 Unkan Jehowa tosdaye wi-hdi anıunpi, heon itkokipapi wakeya tiyopa etanhan inayapapi kte ľni, okini ni ľapi kta, eya. Unkan Mowis eye cin ecen econpi.

8 Unkan Jehowa ie a Aaron heciya,

9 İtkokipapi wakeya ekta yahipi eca miniľa, qa miniwakan datke kte ľni, niye qa nakun nicinca, hecen niľapi kte ľni. Woka-

LEWI TOOPE.

ge kin de owihanke wanica ni-toicagepi yeye cin.

10 Qa hecen taku wakan qa taku wakan šni otahedan dukinukanpi kta, qa taku šapa qa taku ecedan otahedan :

11 Qa hecen wokage Jehowa Mowis nape eciyatanhan eniciyapi kin, hena owasin Israel cinca kin onspe wicayakiyapi kta.

12 Unkan Mowis Aaron qa iye cinca kin nahanhin en unpi, Eleazar qa Itamar hewicakiya, Minha Jehowa tapeta wošnapí etanhan taku okaptapi kin he icu, qa napohiyapi šni yutapo, wahna wošnapí icahda, he wakan hinca.

13 Qa he oyanke wakan ohna yutapi kta ; taku peta on Jehowa wakiyušnapí etanhan wopamni nitawa, qa nicinca wopamni tawapi kin hee, heon hecen econ cišipi nakaš.

14 Qa maku kosyapi, qa hiyete yuwintapi kin, hena oyanke wakašote šni ohna yatapi kta, niye qa nicinkši qa nicunkši opapi kta, wopamni nitawa, qa nicinca wopamni tawapi Israel cinca wopida wošnapí kin etanhan ničupi nakaš.

15 Hiyete yuwintapi kin qa maku kosyapi kin wašin iyahna hiyuyapi kta, wokosyapi Jehowa itokam kosyapi kta heon, qa he nitawa kta, qa nicinca nakun tawapi kta, wokage owihanke wanica, Jehowa econ unšipi kin he iyecen.

16 Unkan Mowis tatokadan woahťani wošnapí kin he nina akita, tuka huľnahiyapi ; heon Eleazar qa Itamar Aaron cinca nahahin en unpi canniye wicaye ęa heya,

17 Tokeca woahťani wošnapí kin he yatapi šni, oyanke wakan ohna, he wakan hinca, qa omni-

ciye šicaya ohanyanpi kin duhapi kta e he ničupi, qa akahpe wicayayapi kta e Jehowa itokam.

18 Ito he we kin tipí wakan mahen hiyuyapi šni heon tipí wakan ohna he yatapi kta iyececa, econ cišipi kin he iyecen.

19 Unkan Aaron Mowis heciya, Ito nakaha woahťani wošnapí tawapi qa tohuľnahiyapi kin hena Jehowa itokam ahipi, unkan taku hececa amakipapi, unkan anpetu kin de woahťani wošnapí wate kte cin he Jehowa iyokipi ye kta he ?

20 Unkan Mowis he nahon qehan he iyokipi.

WICOWOYAKE 11.

1 Unkan Jehowa ie ęa Mowis Aaron kici hewicakiya,

2 Israel cinca kin hecen ewicakiyapo. Taku maka akan ni un kin owasin etanhan woteka kin dena yatapi kta.

3 Woteka tona wayatakonza šake jate šake ocowasin kinašpe cin hena owasin yatapi kta.

4 Tuka dena wayatakonzapi qaiš šake jatapi ešta yatapi kte šni ; camo kin he wayatakonza ešta šake kin kinašpe šni, he šapa yadakapi kta.

5 Qa šapan kin he wayatakonza ešta šake kin kinašpe šni heon he šapa yadakapi kta.

6 Qa maštinca kin he wayatakonza ešta šake kinašpe šni heon he šapa yadakapi kta.

7 Qa kukuše kin he šake jata, qa šake ocowašin kinašpe ešta wayatakonze šni heon he šapa yadakapi kta.

8 Hena ceľpi kin ongedan yatapi kte šni, qa ťapi tancan dutanpi kte šni, heua šapa yadakapi kta.

9 Unkan taku mini oįcage cin

owasin etanhan dena yatapi kta, Taku hoape, qa hocespu yukan, mini oicage, mde ohna, qa wakpa ohna, hena owasin yatapi kta.

10 Qa taku mde ohna qa wakpa ohna hoape qa hocespu wanice cinhan, taku mini oniwan, qa taku nagi ni un kin, hena owasin etanhan yatapi kte sni, hena wowahesni yadapi kta.

11 Hena wowahesni yadapi kta, heon celipipi etanhan yatapi kte sni, qa tapi tancan wahesni yadapi kta.

12 Taku mini ohna hoape, qa hocespu wanice cin hena owasin wowahesni yadapi kta.

13 Unkan wahupakoza dena wahesni yadapi kta, huya, qa wamdi, qa anog paska; hena yatapi kte sni, hena wowahesni.

14 Qa daa, qa canska wanmdidan ocaje owasin;

15 Qa kangsi ocaje owasin;

16 Qa hinhanska, qa heca, qa canska, qa cetan ocaje owasin;

17 Qa hinhana kaga, qa huntkan, qa yanesupa,

18 Qa tinsamet, qa mdega, qa mdoza;

19 Qa hoka, qa pehan, qa upupa, qa hupawakihdaka.

20 Taku kinyan sdohan, siha topa awinta kin hena owasin wowahesni yadapi kta.

21 Tuka taku kinyan sdohan siha topa awinta etanhan dena yatapi kta, tona siha iwankam hu nonpa yukampi on maka aipsicapi kin hena.

22 Hena etanhan dena yatapi kta, psipsicadan qa, helakacanteysnisnija ocaje owasin.

23 Tuka taku kinyan sdohan siha topa yuke sni kin hena owasin wowahesni yadapi kta.

24 Qa dena on niyusapapi kta, tuwe kasta dena wanji te cin

yutan kinhan hitayetu aiyahdeya sape kta.

25 Qa tuwe hena wanji te cin qin kinhan wokoyake hdujaja kta, qa hitayetu aiyahdeya sape kta.

26 Woteka tona sake gangata esta sake ocowasin kinaspe sni, qa wayatakonze sni kin hena owasin sapayadapi kta, tuwe kasta hena wanji te cin yutan kinhan sape kta.

27 Qa wamanica tona nape amani, hu topa amani kin hena owasin sapayadapi kta, tuwe kasta hena tapi wanji yutan kinhan hitayetu aiyahdeya sape kta,

28 Qa tuwe hena tapi qin kinhan wokoyake hdujaja kta, qa hitayetu aiyahdeya sape kta, hena sapayadapi kta naka.

29 Unkan taku maka asdohan ehna dena sapayadapi kta, napehoyatahdedan kin, qa hitunka, qa kezunta ocaje owasin.

30 Qa ahdeskadan, qa koha, qa mini wamnuhadan, qa homat, qa tinsamet,

31 Taku sdohan ehna hena sapayadapi kta, tuwe kasta hena tapi wanji yutan kinhan hitayetu aiyahdeya sape kta.

32 Taku kasta hena etanhan wanji te cin ahinhpaye cinhan sape kta, canwaksica, qa ogepi, qa wakihdaka, qa wajuha, taku kasta on wolitani econpi kin hena owasin minin iyeyapi kta, qa hitayetu aiyahdeya sape kta, hehan ska kta.

33 Qa maka waksica tona ohna hena wauji ohinhpaye cin taku ohna un kin owasin sape kta, qa waksica kin kamdecapi kta.

34 Taku yutapi tona hena etanhan mini atpaponpi kin hena owasin sape kta, qa woyatke waksica kin hena ohna yatkanpi kin sape kta.

LEWI TOOPE.

35 Qa taku kašta hena te onśpa ahinłpaye cin he śape kta, maka cega qa maka oceti kinhan kamdecapi kta, hena śapapi, qa śapa yadakapi kta.

36 Tuka wakoniya, qa miniowe mini ota kiwitaye cin he śape kte śni; tuka taku tancanpi te wan icalıtake cinhan śape kta,

37 Unkan tancanpi te etanhan su wojupi ahinłpaye cinhan wojupi kin śape kte śni.

38 Tuka wojupi minin łpanyanpi qa tancanpi te etanhan onśpa ahinłpaye cinhan śapa yadakapi kta.

39 Unkan woteka yatapi kin wanji te cinhan tuwe tancan te yutan kinhan łtayetu aiyahdeya śape kta.

40 Qa tuwe hena tancan te onśpa yute cinhan wokoyake kin hdujaja kta, qa łtayetu aiyahdeya śape kta, qa tuwe tancan te cin onśpa qin kinhan wokoyake hdujaja kta, qa łtayetu aiyahdeya śape kta.

41 Qa watutka maka asdohan kin hena owasin wowalite śni, hena yutapi kte śni.

42 Taku itpi asdohan, qa siha topa ešta sdohan, qa siha ota nakun taku kašta maka asdohan kin hena yatapi kte śni, hena wowalite śni nakaś.

43 Ihnuhan watutka sdohan kin on ninagipi wowaliteśni nićicagapi kin, qa ihnuhan hena on nihduśapapi kin, qa hecen hena on niśapapi kta.

44 Jehowa Wakanyadapi kin he miye heon nihduwakanpi kta, qa miś mawakan heon wakanyan yaunpi kta; qa ihnuhan watutka wan taku kašta maka asdohan on ninagipi kin nihduśapapi kin.

45 Jehowa he miye qa wakanmayadapi kta e heon Egupta makoce etanhan hdinanpe ciya-

pi, qa miś mawakan heon wakanyan yaunpi kta.

46 Woteka on, qa wahupakoza on, qa nagi niyake mini ośkanśkan owasin on, qa nagi maka asdohan owasin on woope kin hee.

47 Taku śapa qa taku ecedan otahedan yukinukan kta, qa taku niya yutapi kta, qa taku niya yutapi kte śni otahedan.

WICOWOYAKE 12.

1 Unkan Jehowa ie ęa Mowis heciya,

2 Israel cinca kin hecen ewicakiya wo, Winohinca wan ihduśake ęa cinea wica wan ton kinhan, anpetu śakowin śape kta anpetu iśnati ececa kin hehanyan śape kta.

3 Unkan anpetu iśahdogan en cinhintku ce inkpaha kin bakiłdayapi kta.

4 Unkan winohinca kin anpetu wikcemna yamni sanpa yamni we yuskapi kin en yanke kta, taku kašta yuwakanpi kin icalıtake kte śni, qa tipi wakan kin en i kte śni, anpetu yuskapi henakeca kte cin hehanyan.

5 Unkan cinca ton kin he winyan kinhan anpetu aketopa śape kta iśnati kin iyececa, qa anpetu wikcemna śakpe sanpa śakpe we yuskapi en yanke kta.

6 Unkan anpetu yuskapi cinhintku on, qaiś cunwintku on henakeca kinhan, wohulinalhyapi on amnos wan waniyetu wanjidan, qa woalıtani wośnapi on wakiyedan cinca wan, qaiś tin wakiyedan wanji itkokipapi wakeya tiyopa ekta wawayuśna ekta kahi kta.

7 Unkan hena Jehowa itokam ahi kta qa winohinca on akalıpe kta, unkan we kaduze cin etan-

han ska kta. Winohinca cinca wica qais winyan ton kin on woope kin hee.

8 Qa nape kin taku tahinca wan iyohi iyeye sni kinhan tin-wakiyedat nonpa qais wakiyedat cinca nonpa icu kta, wanji wohuhnahyapi on qa wanji woahtani wošnapi on, unkan wawayuśna akahpe kiciye kta, hecen ska kta.

WICOWOYAKE 13.

1 Unkan Jehowa ie a Mowis Aaron kici hewicakiya,

2 Wicaśta wan celpi uka ohna oyuhi wan, qais han wan, qais wiyega wan tanin, qa he celpi uka ohna leprosi makośica iyececa kinhan, Aaron wawayuśna qais iye cinca wawayuśnapi wan en hiyuyapi kta.

3 Unkan wawayuśna kin makośica celpi uka ohna wanyake kta; unkan makośica ohna hin kin hōta aye cinhan qa makośica kin celpi uka sanpa mahen iyaya tanin kinhan, leprosi makośica hee: heon wawayuśna kin he wanyake a yaśape kta.

4 Tuka wiyege celpi uka ohna kin he hōta qa uka sanpa mahen iyaye sni tanin kinhan, qa hin kin hōta aye sni kinhan, wawayuśna kin makośica ececa kin anpetu śakowin kaśkahnake kta.

5 Unkan anpetu śakowin en wawayuśna kin wanyake kta; unkan makośica kin ecen yanke a uka ohna sanpa iyaye sni wanyake cinhan, wa yuśna kin he anpetu śakowin inonpa kaśka hnake kta.

6 Unkan anpetu śakowin inonpa en ake wawayuśna kin wanyake kta, unkan awicakehan makośica kin san, qa uka ohna makośica kin kahtanye sni kin-

Lev.

11

han, wawayuśna kin yaska kta, ceśpu wan hee, heon wokoyake hdujaja kta qa ska kta.

7 Tuka wawayuśna yuska kta e wanyake cin he iyohakam, ceśpu kin uka ohna kahtan aye cinhan ake wawayuśna kin en ihdutanin kta.

8 Unkan wawayuśna kin wanyake kta, unkan awicakehan ceśpu kin uka en kahtan aye cinhan, wawayuśna kin he yaśape kta; leprosi hee.

9 Tohan leprosi makośica wicaśta wan en un kinhan, he wawayuśna kin en hiyuyapi kta.

10 Unkan wawayuśna kin atonwan kta, unkan inyun ha ohna oyuhi hōta wan, qa hin kin hōta aya, qa oyuhi ohna celpi ni tanin kinhan,

11 Leprosi tanina celpi uka ohna hee, unkan wawayuśna kin he yaśape kta, hee śapa heon kaśka hnake kte sni.

12 Unkan leprosi ha ohna nina ahinape a leprosi kin makośica ececa ha kin ocowasin pa etanhan siha aiyahdeya wawayuśna taku wanyake cin iyuhpa akahpe cinhan,

13 Qa inyun leprosi celpi iyuhpa akahpe cin he wawayuśna kin wanyake cinhan, makośica ececa kin he yaska kta, ocowasin hōta icu, hee ska.

14 Tuka tohan he ohna celpi niyake tanin kinhan śape kta.

15 Qa wawayuśna celpi niyake cin he wanyake a yaśape kta, celpi niyake cin hee śapa, leprosi hee.

16 Tuka celpi niyake ihdutokeca, qa hōta icu kinhan, ake wawayuśna en hi kta.

17 Unkan wawayuśna wanyake kta, unkan makośica kin hōta icu kinhan, wawayuśna kin ma-

LEWI TOOPE.

košica ececa kin yaska kta, hee ska.

18 Unkan cel̄pi uka hin ohna šiyakao qon okiziyapi,

19 Qa šiyakao yanke ciqon ohna oyul̄hi hōta wan, qaiš wiyega hōta kitanna ša kinhan, wawayušna kin wanyag yapi kta.

20 Unkan wawayušna kin he wanyake ča inyun uka kin sanpa mahen iyaye ča hin kin hōta icu kinhan, wawayušna kin he yašape kta, leprosi makošica šiyakao qon ohna ahinape cin hee.

21 Tuka wawayušna kin he wanyaka unkan ohna hin hōta wanice ča uka sam mahen iyaye šni qa hee san kinhan, wawayušna kin he kaškahnake kta anpetu šakowin.

22 Unkan uka ohna kahtan aye cinhan yašape kta, makošica wan hee.

23 Tuka wiyege cin ohna yanke ciqon ecen han, qa kahtanye šni kinhan, šiyakao osnaze wan hee, heon wawayušna kin yaska kta.

24 Unkan tohan cel̄pi uka kin ohna peta ogu yuke ča ogu owe kin wiyega hōta kitanna ša qaiš ocowasin hōta kinhan,

25 Wawayušna kin wanyake kta, unkan wiyega kin uka sanpa mahen iyaya tanin, qa he ohna hin kin hōta aye cinhan, leprosi osnaze ohna ahinanpe cin hee, unkan wawayušna kin he yašape kta; leprosi makošica hee.

26 Tuka wawayušna he wanyaka, unkan awicakehan wiyega ohna hin hōta wanice ča uka kin sanpa mahen iyaye šni, tuka hee san kinhan, wawayušna kin šakowin can kaška hnake kta.

27 Qa anpetu išakowin en wawayušna kin he wanyake kta,

uka ohna kahtan aye cinhan wawayušna kin he yašape kta, leprosi makošica hee.

28 Tuka wiyega kin ohna yanke ciqon ecen han, ha ohna kahtan šni tuka hee san kinhan, ogu kin oyul̄hi wan hee, heon wawayušna kin he yaska kta, ogu osnaze wan hee.

29 Unkan wicašta qaiš winohinca paha ohna, qaiš putinhin ohna makošica yuke cinhan,

30 Wawayušna kin makošica kin wanyake kta, unkan uka sanpa mahen iyaya tanin kinhan, qa ohna hin zi zibzipedan yuke cinhan, wawayušna kin he yašape kta, netaq hee paha qaiš putinhin leprosi hee.

31 Unkan wawayušna kin netaq makošica wanyaka, uka ihukuya tanin šni kinhan, qa ohna hin sapa wanice cinhan, wawayušna kin netaq makošica ececa kin anpetu šakowin kaška hnake kta.

32 Unkan anpetu išakowin en wawayušna kin makošica kin wanyake kta, unkan netaq kin awicakehan kahtan iyaye šni, qa ohna hin zi wanice cinhan, qa netaq uka ihukuya iyaye šni tanin kinhan,

33 Ihdasan kta, tuka netaq kin hdasan kte šni, unkan ake wawayušna kin netaq ececa kin anpetu šakowin inonpa kin kaška hnake kta.

34 Qa anpetu išakowin en wawayušna kin netaq ececa kin wanyake kta, unkan awicakehan netaq uka ohna sanpa kahtan šni, qa uka ihukuya tanin šni kinhan, wawayušna kin yaska kta; unkan wokoyake hdujaja kta, qa ska kta.

35 Tuka yaskapi kin iyohakam netaq uka ohna kahtan aye cinhan,

36 Wawayuśna kin wanyake kta, unkan netaq kin uka okah-tan aye cinhan, wawayuśna kin hin zizi kin akite kte śni, hee śapa.

37 Tuka netaq ecen han wanyake cinhan, qa ohna hin sapa inape cinhan netaq wanna okizi yapi, hee ska, unkan wawayuśna kin he yaska kta.

38 Unkan wicaśta wan qaiś winohinca wan celpi uka ohna wiyegaga hōta yuke cinhan,

39 Wawayuśna kin wanyake kta; unkan celpi uka hin ohna wiyega kin san kitanna hōta kinhan, bohaq uka ohna ahinape wan hee, hee ska.

40 Unkan wicaśta wan pesdete śda kinhan, he pesdete śda eśta hee ska.

41 Unkan ite ektakiya śda kinhan pa śda eśta hee ska.

42 Tuka paśda ohna makośica hōta kitanna śa yuke cinhan, leprosi paśda ohna ahinape cin hee.

43 Unkan wawayuśna kin he wanyake kta, unkan awicakehan paśda ohna makośica oyulhi kin hōta kitanna śa leprosi celpi uka ohna tanin kin iyececa kinhan,

44 Wicaśta kin he leprosi ececa, hee śapa; pa kin akan makośica yukan, wawayuśna kin he yaśape kta.

45 Unkan wicaśta tuwe leprosi makośica ececa kin he tawokoyake hdehdecahe kta, qa pa codan kta, qa pute akalipe ton kta, qa, Śapa śapa, pan kta.

46 Tohan makośica ececa hehanyan śape kta, śapa kin heon isnana ti kta, otonwe itankan ounye kta.

47 Unkan taku koyakapi ohna leprosi makośica yuke cinhan, wokoyake tahinca hin on kagapi

qaiś minihuha unman tukte kaśta ohna;

48 Kazuntapi qaiś kahmupi, hahonta on kagapi qaiś tahinca hin etanhan, qaiś wakihdaka, qaiś taku kaśta taha on kagapi ohna.

49 Qa wokoyake kin ohna makośica kin san, qaiś kitanna śa kinhan, wakihdaka ohna, qaiś taku kazuntapi ohna, qaiś taku kahmupi ohna, qaiś taku kaśta taha on kagapi ohna, leprosi makośica kin hee; unkan wawayuśna kin wanyake kta.

50 Qa wawayuśna kin makośica kin wanyake cinhan, anpetu śakowin taku makośica ohna un kin kaśka hnake kta.

51 Qa anpetu isakowin en wokoyake ohna makośica kahtan aya wanyake cinhan, taku kazuntapi ohna, qaiś taku kahmupi ohna, qa taha ohna, qaiś taku kaśta unpi kta e taha on kagapi ohna, leprosi pahinca makośica hee, hee śapa.

52 Unkan wokoyake kin he hulnahyapi kta kazuntapi qaiś kahmupi, tahinca hin qaiś hahonta on kagapi ohna, qaiś taku kaśta taha on kagapi ohna, leprosi pahinca hee nakaś peta ohna hulnahyapi kta.

53 Tuka wawayuśna kin wanyaka, unkan awicakehan makośica kin wokoyake kazuntapi ohna, qaiś kahmupi ohna, qaiś taha ohna, qaiś taku kaśta taha on kagapi ohna kahtan aye śni kinhan;

54 Wawayuśna kin taku ohna makośica yuke cin yujaja wicaśi kta, qa ake anpetu śakowin kaśka hnake kta.

55 Qa makośica yujajapi iyohakam wawayuśna kin wanyake kta, unkan awicakehan makośica otanin kin ihdutokeca śni, qa makośica kin sanpa kahtan śni

LEWI TOOPE.

ešta hee šapa, wayašdoka hee, mahentanhan šda qaiš akapatanhan šda.

56 Unkan yujajapi iyohakam makošica kin hee san, wawayušna wanyake cinhan, he wokoyake etanhan bašpe kta, kazuntapi etanhan, qaiš kahmupi etanhan, qaiš taha etanhan;

57 Unkan ake wokoyake ohna ihdutanin kinhan, taku kazuntapi ohna, qaiš taku kahmupi ohna, qaiš taku taha on kagapi ohna, makošica icaga wan hee, taku ohna un kin he hūhnaŋ ye kta.

58 Tuka wokoyake kahmupi, qaiš kazuntapi, qaiš taku kašta taha on kagapi kin yujajapi iyohakam makošica kin ayušan kinhan, ake yujajapi kta qa ska kta.

59 Leprosi makošica woope kin hee, wokoyake tahinca hin, qaiš haŋonta on kagapi, kazuntapi qaiš kahmupi, qaiš taku kašta taha on kagapi on yaskapi kta qaiš yašapapi kta.

WICOWOYAKE 14.

1 Unkan Jehowa ie ɕa Mowis heciya;

2 Leprosi ececa on woope kin dee, anpetu yuskapi kin en wawayušna kin en hiyuyapi kta.

3 Unkan wawayušna kin tonwanyanpi itankan inape kta, qa leprosi makošica ececa qon leprosi etanhan awicakehan akisni kinhan;

4 Yuskapi kta e wawayušna zitkadan nonpa zanika, ska icu wicaši kta, nakun hante ša can, qa hin duta, qa pejihota.

5 Qa wawayušna kin zitkadan wanji maka waksica ohna mini kaduze cin iwankam tuwe kte ši kta.

6 Qa zitkadan ni kin he icu kta, nakun hante ša can, qa hin

duta kin, qa pejihota kin, qa hena owasin zitkadan ni un kin iyahna zitkadan ktepi we en oputkan kta, mini kaduza iwankam.

7 Qa tuwe leprosi etanhan yuskapi kin he šakowin akihde amnimni kta, hecen yuska kta, hehan zitkadan ni kin tinta ekta-kiya elipeye kta.

8 Unkan tuwe yuskapi kin wokoyake hdujaja kta, qa hin owasin hdasar kta, qa mini en niwe kta, hecen ska kta, hehan otowe en hi kta; tuka anpetu šakowin wakeya tawa itankan yanke kta.

9 Qa anpetu isakowin en hin owasin hdasar kta, paha hin qa putinhin, qa istahe hin, qa tancan hin owasin hdasar kta, qa wokoyake hdujaja kta, qa tancan mini en niwe kta hehan ska kta.

10 Unkan anpetu isahdogan en amnos mdoka zanika nonpa, qa amnos wiyedan wanjidan, waniyetu wanjidan, zanika icu kta, nakun minha on aguyapi mdu can waksica ohnaka nonpa wihdi icicahiyapi, qa wihdi wiya-tke ohnaka wanjidan.

11 Unkan wawayušna wayaska kin wicašta yuskapi kte cin he, qa hena owasin Jehowa itokam ehde kta, itkokipapi wakeya tiyopa ekta.

12 Qa wawayušna kin amnos mdoka wanji icu qa wohdajuju on ahi kta, nakun wihdi wiyatke ohnaka kin, qa hena koze kta, wokosyapi Jehowa itokam.

13 Qa amnos kin pate kta, tukte woahitani wošnap, qa wohūhnaŋiyapi kin patapi, oyanke wakan ohna; wohdajuju kin woahitani wošnap kin he iyececa, wawayušna kin he tawa, he wakan hinca.

14 Unkan wawayušna kin wohdajuju we kin etanhan icu kta,

qa tuwe yaska kta noge etapa inkpa akan ikiciun kta, qa nape etapa hunka akan, qa sipa hunka etapa akan.

15 Qa wawayuśna kin wihdi wiyatke ohnaka etanhan icu kta, qa wawayuśna nape coka catka kin okaśtan kta.

16 Unkan wawayuśna kin nape apazo etapa kin wihdi nape catka ohna un kin okputkan kta, qa nape apazo on we kin śakōwin akihde ehpe ye kta, Jehowa itokam.

17 Qa nape kin ohna wihdi ihe cin he etanhan wawayuśna kin tuwe yaska kta noge etapa inkpa akan ikiciun kta, nakun nape hunka etapa akan, qa sipahunka etapa akan, wohdajuju we akan.

18 Qa wihdi okapte cin wawayuśna nape coka ohna kin he tuwe yuska kte cin he pa akan ikiciun kta, qa wawayuśna kin akaħpekiciye kta, Jehowa itokam.

19 Qa wawayuśna kin woalħtani wośnapi kin kage kta, qa tuwe yaska kte cin toaśape etanhan akaħpe kiciye kta, qa he iyohakam wohuħnaħyapi kin pate kta.

20 Qa wawayuśna kin wohuħnaħyapi kin qa minħa kin wahna wośnapi akan huħnaliye kta, hecen wawayuśna kin akaħpe kiciye kta, unkan ska kta.

21 Tuka walħpanica on nape kin hena iyohi śni kinhan, akaħpe kiciye kta e amnos wanjidani icu kta, wohdajuju wokosyapi on, nakun aguyapi mdu can waksica ohnaka wanjidani wihdi ici-cahiyapi minħa on, qa wihdi wiyatke ohnaka wanjidani.

22 Qa tin wakiyedan nonpa qaiś wakiyedan cinca nonpa, unman tukte nape kin iyohiye kta, wanji woalħtani wośnapi on, qa unma wohuħnaħyapi on.

23 Qa yuskapi kta e anpetu iśa-hdogan hehan hena wawayuśna kin ekta hiyuye kta, Jehowa itokam itkokipapi wakeya tiyopa ekta.

24 Unkan wawayuśna kin amnos wohdajuju kin icu kta, qa wihdi wiyatke ohnaka kin, qa hena koze kta, wokosyapi Jehowa itokam.

25 Qa amnos wohdajuju kin pate kta, qa wawayuśna kin wohdajuju we etanhan icu kta, qa noge inkpa etapa akan, qa nape hunka etapa akan, qa sipa hunka etapa akan ikiciun kta.

26 Qa wawayuśna kin wihdi etanhan wawayuśna napcoka catka kin oihdaśtan kta.

27 Qa wawayuśna kin napsukaza etapa on wihdi napcoka catka ohna un kin etanhan śakōwin akihde ehpeye kta, Jehowa itokam.

28 Qa wawayuśna kin wihdi napcoka ohnaka un kin etanhan, tuwe yuskapi kte cin noge inkpa etapa akan ikiciun kta, qa napa-hunka etapa akan, qa sipa hunka etapa akan tukten wohdajuju we ikiciun he akan.

29 Qa wihdi wawayuśna napcoka ohna okapte cin he tuwe yuskapi kte cin he pa akan ikiciun kta, Jehowa itokam akaħpe kiciye kta heon etanhan.

30 Qa tin wakiyedan etanhan wanji qaiś wakiyedan cinca etanhan taku nape kin hiyohiya etanhan.

31 Taku nape kin hiyohiye cin wanji woalħtani wośnapi kta, qa unman wohuħnaħyapi kta, minħa iyahna hecen wawayuśna kin tuwe yuskapi kte cin he on akaħpe kiciye kta, Jehowa itokam.

32 Tuwe leprosi makośice ececa, qa taku yuskapi kta iyececa

LEWI TOOPE.

nape kin hiyohi śni woope kin hee.

33 Unkan Jehowa ie ça Mowis Aaron kici hewicakiya;

34 Kanan makoce tawayayapi kta e ciçupi kin he en yakipi kinhan, qa makoce tawayayapi kin he ohna leprosi makošice tipi wan iyohpewakiye cinhan;

35 Tipi tawa kin wawayuśna kin en hi kta, qa oyake qa he-ciye kta, tipi ohna makošice wan iyececa makitanin epca.

36 Unkan wawayuśna kin makošice wanyag en i śni itokam tipi kin yucokaka wicaśi kta, hecen taku tipi kin ohna owasin yuśapapi kte śni, hehan wawayuśna kin wanyake kta en i kta.

37 Qa makošice kin wanyake kta, qa inyun tipi conkaške ohna makošice kin toto, qaiś śaśa škopa, qa cuwi kin mahen iyaye tanin kinhan;

38 Wawayuśna kin tipi etanhan inanpe kta, tiyopa ekta, qa tipi kin anpetu śakowin natake kta.

39 Qa wawayuśna kin anpetu iśakowin ake en hi kta, qa wanyake kta, unkan inyun tipi conkaške en makošice kin sanpa iyaye cinhan,

40 Wawayuśna kin inyan tona makošice en un kin hena icu wicaśi kta, qa otonwe itankan tukten taku śapa ehpeyapi he-ciya hena ehpeyapi kta.

41 Qa ihduksan tipi kin ti mahen paticipi kta, qa maka paticipi kin he otonwe itankan oyanke śapa wan ekta okadapi kta.

42 Qa inyan tokeca icupi kta, qa inyan qon hena ee kiya ehnapapi kta, qa maka tokeca icupi qa tipi apawintapi kta.

43 Unkan inyan ehpeyapi iyohakam, qa tipi paticipi iyoha-

kam, qa apawintapi iyohakam makošice ake en hi, qa tipi ohna ahinanpe cinhan,

44 Wawayuśna kin hi kta, qa wanyake kta, unkan inyun makošice kin tipi ohna iyaye cinhan, leprosi iyokiśin wicaye cin tipi ohna hee, he yaśape kta.

45 Unkan tipi kin yujupupi kta, qa tipi inyan kin, qa can kin qa maka kin owasin otonwe itankan ayapi kta, oyanke śapa wan ekta.

46 Qa natakapi icunhan tuwe tipi kin he en i kinhan htayetu aiyahdeya śape kta.

47 Qa tuwe tipi kin ohna makan wanke cin he wokoyake hdujaja kta, qa tuwe tipi ohna wote cin he wokoyake hdujaja kta.

48 Tuka wawayuśna kin en i qa wanyaka, unkan inyun tipi apawintapi iyohakam makošice kin tipi en ahinanpe śni kinhan, wawayuśna kin tipi yaska kta, makošice kin he wanna okizi nakaś.

49 Qa tipi woalitani wośnapi on zitzkadan nonpa icu kta, nakun hanteśa can, qa tahin duta qa peji hota.

50 Qa zitzkadan wan cape kta, makawakśica wan ohna, mini ni iwankam.

51 Qa hanteśa can kin, qa peji hota kin, qa tahin duta kin, qa zitzkadan niyake kin hena icu kta, hena owasin zitzkadan ktepi qon we en oputkan kta, qa mini ni un kin nakun en qa śakowin aki-hde tipi kin ekta ehpeye kta.

52 Hecen tipi toaśape kin aka-hpe kiciye kta, zitzkadan we kin on, qa mini ni un kin on qa zitzkadan niyake on, qa hante śa can on, qa tahinduta on.

53 Tuka zitzkadan ni kin he otonwe itankan tinta ekta iyaye ye kta, hecen tipi kin akahpe kiciye kta, unkan ska kta.

WICOWOYAKE 15.

54 Leprosi makošice owasin on woope kin hee.

55 Qa leprosi wokoyake en, qa tipi en.

56 Qa kapo kin on, qa cešpu kin on, qa wiyega on;

57 Leprosi woope kin hee, tohan šapa qa tohan ska onspewicakiye kta.

WICOWOYAKE 15.

1 Unkan Jehowa ie ča Mowis qa Aaron hewicakiya;

2 Israel cinca kin hecen ewicakiya po; Wicašta tuwe kašta celpi kin taku kaduze cinhan wokaduze cin he on hee šapa.

3 Qa tokaduze cin en toihdušape cin dee kta. Celpi kaduze cin kajo, qaiš celpi kaduze cin anapte cinhan unman tukte kašta hee šapa.

4 Tuwe wakaduze cin owinja tona akan iwanke cin hena owasin šape kta, qa taku kašta akan iyotanke cin hee šape kta.

5 Qa tuwe towinja kin yutan kinhan wokoyake hdujaja kta, qa minin niwan kta, qa hitayetu kin hehanyan šape kta.

6 Qa wakaduze cin taku akan iyotanke cin tuwe he akan iyotanke cinhan hitayetu aiyahdeya šape kta.

7 Unkan tuwe kašta wakaduze celpi kin yutan kinhan wokoyake hdujaja kta, qa minin niwan kta, qa hitayetu hehanyan šape kta.

8 Unkan wakaduze cin tuwe šape šni atagoše cinhan he wokoyake hdujaja kta, qa minin niwan kta, qa hitayetu hehanyan šape kta.

9 Unkan šuktanka aqin tona wakaduze cin akan iyotanke cin hena owasin šape kta.

10 Qa taku kašta he ihukuya

yanke cin tuwe he yutan kinhan hitayetu hehanyan šape kta, qa taku hececa tuwe qin kinhan wokoyake hdujaja kta, qa minin niwan kta, qa hitayetu hehanyan šape kta.

11 Qa tuwe kašta wakaduze cin nape minin hdujaja šni yutan kinhan, wokoyake hdujaja kta, minin niwan kta, qa hitayetu hehanyan šape kta.

12 Qa maka wakšica tona wakaduze cin yutan kin hena owasin kamdecapi kta, qa can wakšica kin hena owasin minin yujajapi kta.

13 Unkan wakaduze cin he tokaduze cin etanhan akisni kinhan, hehan ihduska kta e anpetu šakowin hdawa kta, qa wokoyake hdujaja kta, qa mini ni kin en niwan kta, qa hehan ska kta.

14 Unkan anpetu išahdogan tin wakiyedan nonpa, qaiš wakiyedan cinca nonpa icu kte ča itkkipapi wakeya tiyopa ekta Jehowa itokam hi kte ča hena wawayušna qu kta.

15 Unkan wawayušna kin hena wakiyušna kta, wanji woalitani on qa unman wohuhnahyapi on, hecen wawayušna kin Jehowa itokam akašpe kiciye kta, tokaduze etanhan.

16 Unkan wicašta wan wankapi su inanpe cinhan celpi kin owasin minin hdujaja kta, qa hitayetu hehanyan šape kta.

17 Unkan wokoyake, qa owinja tona wankapi su ahinhpaye cin hena owasin minin yujajapi kta, qa hitayetu hehanyan šape kta.

18 Unkan winohinca wan wicašta wan wankapi su on kici wanke cinhan niwan kte ča hitayetu hehanyan šape kta.

19 Unkan winohinca wan we kaduza, qa celpi ohna kaduze cinhan, anpetu šakowin išnana

LEWI TOOPE.

ti kta, qa taku kašta icahtake cinhan owasin hitayetu hehanyan šape kta.

20 Qa tohanyan isna ti kin hehanyan taku akan wanke cin owasin šape kta, qa taku akan iyotanke cin owasin šape kta.

21 Nakun tuwe taku akan iwanke cin he yutan kinhan wokoyake kin hdujaja kta, qa minin niwan kte, ça hitayetu hehanyan šape kta.

22 Qa taku kašta akan iyotanke cin he tuwe yutan kinhan wokoyake kin hdujaja kta, qa minin niwan kte ça hitayetu hehanyan šape kta.

23 Nakun towinje qais taku akan iyotanke cin tuwe he yutan kinhan hitayetu hehanyan šape kta.

24 Unkan wicašta wan isna ti kin icunban kici iwanke cinhan he anpetu šakowin šape kta, qa owinja tona akan iwanke cin hena owasin šape kta.

25 Unkan winohinca wan isna ti kta iyehantu šni anpetu ota we kaduze cinhan, qais isna ti kta iyohakam wakaduze cinhan, tona can tošape kaduze cin hena owasin šape kta, isna ti kin anpetu kin iyececa.

26 Anpetu tona wakaduze cin owasin owinja akan iwanke cin hena owasin isna ti towinja kin iyececa kta, qa taku kašta akan iyotanke cin šape kta, isna ti tošape kin iyececa.

27 Qa tuwe kašta hena yutan kinhan šape kta, wokoyake hdujaja qa minin niwan qa hitayetu hehanyan šape kta.

28 Qa tokaduze cin etanhan akisni kinhan anpetu šakowin ihdawa kte ça iyohakam ska kta.

29 Qa anpetu isahdogan tin wakiyedan nonpa, qais wakiyedan cinca nonpa icu kta, qa hena wa-

wayušna ekta hiyuye kta, itko-
kipapi wakeya tiyopa ekta.

30 Unkan wawayušna kin wanjiji woahitani on wošna kta, qa unman wohuhnahiyapi on, hecen wawayušna kin wakaduze toašape on akalipe kiciye kta, Jehowa itokam.

31 Hecen Israel cinca kin toašapapi kin etanhan wicadukinunkan kta, qa wati kin hena coka-
ya un kin toašapapi on yušapapi kte šni, qa tapi kte šni.

32 Tuwe wakaduze cin on, qa tuwe wankapi su inanpe cin on, ihdušape cin on woope kin hee.

33 Qa nakun tuwe isna ti wazanke cin on, qa tuwe wakaduze kaduza, wica qais winyan on, qa wicašta winohinca šapa wan kici wanke cin he on.

WICOWOYAKE 16.

1 Unkan Aaron cinca nonpa Jehowa itokam ikiyedan hipi qa tapi kin hena tapi kin iyohakam Jehowa Mowis kici wohdaka.

2 Qa Jehowa Mowis heciya; Nicinye Aaron tipi wakan coka-
ya ozanpi mahen wokajuju iha can wohake akan un kin he ekta anpetu owasin hi kte šni, hecen te kte šni, keciya wo; mahpiya ohna wokajuju iha kin iwankam mihdutanin kta nakaš.

3 Kaken Aaron tipi wakan en hi kta, tatankadan pte wanunyanpi cinca wan woahitani on, qa tamdoka wan wohuhnahiyapi on.

4 Minihiha mahenunpi wakan kin koyake kta, qa minihiha onze oge celpi akan un kta, qa minihiha ipiyake on ipihdake kta, qa minihiha pa iyuskite kin pahite kta, wokoyake wakan hena ee, heon celpi minin hdujaja kta, qa hena koyake kta.

5 Unkan Israel cinca omniciye etanhan tatokadan mdoka nonpa icu kta, woahitani wošnapi on; qa tahnca wanunyanpi mdoka wanjidan wohuhnahyapi on.

6 Unkan Aaron woahitani wošnapi tatanka tawa kahi kta, qa akahpe iciye kta, qa iye ti kin akahpe kiciye kta.

7 Qa tatokadan nonpa kin icu kta, qa Jehowa itokam ewicahde kta, itkokipapi wakeya tiyopa ekta.

8 Qa tatokadan nonpa on Aaron oeconna econ kta, oeconna on wanji Jehowa tawa kta, qa oeconna on unman Azazel tawa kta.

9 Qa Aaron tatokadan oeconna eciyatanhan Jehowa tawa kin ahi kta, qa woahitani on wošna kage kta.

10 Qa tatokadan oeconna eciyatanhan Azazel tawa kin niyake Jehowa itokam ehde kta, he on woakahpe kiciye kta, qa hewoskantuya ekta iyaye ye kta.

11 Hehan Aaron woahitani tatanka tawa kin ahi kta, qa akahpe iciye kta, qa ti kin akahpe kiciye kta, qa woahitani tatanka tawa kpate kta.

12 Qa oizinye wan petaga ojudan owayušna etanhan Jehowa itokapatanhan icu kta, qa nape sakim wizinyapi waštemna bomdupi on ojudan, qa cokaya ozanpi mahen hiyuye kta.

13 Qa Jehowa itokam wizinyapi kin peta akada kta, unkan wizinyapi šota kin wokajuju iha kin woyaatanin akan yanke cin akahpe kta hecen te kte šni.

14 Qa tatankadan we kin icu kta qa nape apazo on wokajuju iha itokam wiyohianpata ekta-kiya ehpeye kta, hecen šakowin akihde nape apazo on we kin onge wokajuju iha itokam ehpeye kta.

15 Hehan woahitani tatokadan oyate tawapi kin pate kta, qa we kin cokaya ozanpi ti mahen hiyuye kta, qa token tatankadan we kin ecakicon qon he iyecen we kin he ecakicon kta, qa wokajuju iha kin akan qa wokajuju iha ektakiya ehpeye kta.

16 Hecen tipi wakan kin akahpe kiciye kta, Israel cinca toašapapi etanhan qa wahtanipi etanhan, šicaya ohanyanpi owasin on, qa itkokipapi wakeya hena om yan-ka toašapapi ehna hecen ecakicon kta.

17 Unkan tipi wakan akahpe kiciye kta, en hi kin etanhan tankan iyaye cin hehanyan tuwedan itkokipapi wakeya ti mahen un kte šni; hecen akahpe iciye kta qa iye ti kin on, qa Israel omniciye owasin on akahpe wicakiciye kta.

18 Hehan owayušna Jehowa itokam yanke cin ekta hinanpe kta, qa he akahpe kiciye kta qa tatankadan we etanhan icu kta, nakun tatokadan we etanhan, qa owayušna he kin aihdukšan ai-un kta.

19 Qa he ektakiya nape apazo on we kin šakowin akihde ehpeye kta; hecen Israel cinca toašapapi etanhan he yuska kta, qa yuwakan kta.

20 Unkan tipi wakan kin, qa itkokipapi wakeya kin, qa owayušna kin hena akahpe kiciya yušan kinhan, hehan tatokadan niyake kahi kta.

21 Qa Aaron nape napin tatokadan niyake pa kin aputake kta, qa akan Israel cinca šicaya ohanyanpi kin owasin ohdake kta; nakun wokipajinpi owasin, token wahtanipi kin owasin, qa hena tatokadan pa akan ehna kta; hehan wicašta wan wiyeya un kin iyaye ši kta.

LEWI TOOPE.

22 Unkan tatokadan qon sícaya ohanyanpi kin owasin makoce tuwedan oti sñi ekta yuha kta. Unkan tatokadan hewoskan yu-ške kta.

23 Unkan Aaron itkokipapi wakeya ekta hi kta, qa tipi wakan ekta hi qehan minihuha wokoyake koyake cigon hena hdušdo-ke kta, qa hen kihna ke kta.

24 Qa oyanke wakan ohna cełpi kin hdujaja kta, hehan tawoko-yake kohdake kta, qa tawohuh-nałyapi, qa oyate tawohuhnałyapi kin wakiyušna kta, hecen akałpe iłiye kta, qa oyate kin akałpe wicakiciye kta.

25 Qa wołłtani wošnapı wašin kin owayušna kin aizinye kta.

26 Unkan tuwe tatokadan Azazel tawa kin kiyuške cin he wokoyake hdujaje ıa minin niwe kta, qa ohakam owanka en hi kte.

27 Unkan wołłtani tatankadan kin, qa wołłtani tatokadan kin hena wepi kin akałpe kiciyapi kta e tipi wakan en hiyuyapi qon, owanka itankan ayapi kta, qa hapi kin, qa cełpipi kin, qa cesdipi kin, peta on huhnałyapi kta.

28 Unkan tuwe hena huhnały-ye cin he wokoyake hdujaje ıa minin niwe kta, qa ohakam owanka en hdi kta.

29 Qa wokage kin de owihanke wanin duhapi kta, wi isakowin wi anpetu iwıkcemna kin en ninagipi iyokišin niıiyapi kta; wicašta makoce tawapi qaiš oyate tokeca. niyepi ehna ounye cin unman tukte kašta wołłtani takudan econ kte sñi.

30 Anpetu kin he en akałpe niıiyapi kta, niyuskapi kta heon etanhan, hecen wayałłtanipi owasin etanhan Jehowa itokam niyuskapi kta.

31 Anpetu okiłpapi wakan łinca he niıiyukanpi kta, qa nina-gipi iyokišin niıiyapi kte, wokage owihanke wanica.

32 Unkan wawayušna tuwe atkuku heekiya wawayušna kta e sdayapi, qa nape kin ojunyapi kin he waakałpe kta, qa minihuha wokoyake kin, wokoyake wakan kin koyake kta.

33 Qa tipi wakan łinca akałpe kiciye kta, nakun itkokipapi wakeya kin, qa owayušna kin akałpe kiciye kta, qa wawayušnapı kin, qa oyate omniciye owasin akałpe wicakiciye kta.

34 Wokage owihanke wanica he duhapi kta, Israel cinca wałłtanipi owasin etanhan akałpe wicakiciyapi kta, waniyetu otoi-yohi wancadan. Unkan token Jehowa Mowis econ ši he iyecen econ.

WICOWOYAKE 17.

1 Unkan Jehowa ie ıa Mowis heciya,

2 İe ıa Aaron qa iye cinca qa Israel cinca owasin hewicakiya wo; Taku Jehowa econ unšipi kin dee.

3 Wicašta Israel ti kin etanhan tuwe kašta tatanka wan pata, qaiš tałinca, qaiš tatokadan owanka ohna, qaiš owanka itankan pata;

4 Qa Jehowa ti itokam woahi Jehowa kahi kta e itkokipapi wakeya tiyopa ekta hiyuye sñi kinhan, wicašta kin he tin wicakte wan iyecen yawapi kta, wicašta kin he weye cin heon oyate tawa wicehna tanhan he kašpapi kta.

5 Hecen İsrail cinca kin taku wošnapı, tinta akan wošnapı qon hena Jehowa ekta hiyuyapi kta, qa hena itkokipapi wakeya tiyo-

WICOWOYAKE 18.

pa ekta hiyuyapi kta, wawayuśna ekta, qa hena wopida wośnapi Jehowa wawicakiciyuśnapi kta.

6 Unkan wawayuśna kin we kin Jehowa owayuśna tawa akan ehpe ye kta, itkokipapi wakeya tiyopa ekta, qa waśin kin izinye kta, woomna Jehowa iyokipi ye kta.

7 Hecen icimanna wośnapi tawapi wamanica wakiciyuśnapi kta, hena okiyapi iyecen wokage kin he owihanke wanica wicoicagepi yeye cin yuhapi kta.

8 Unkan hecen ewicayakiye kta, Wicaśta tuwe kaśta Israel ti kin etanhan, qaiś oyate tokeca niyepi ehna ounye cin etanhan, tuwe kaśta woħuħnaħyapi wan, qaiś wośnapi wan wośna kinhan;

9 Qa Jehowa wakiyuśna kta e itkokipapi wakeya tiyopa ekta hiyuye śni kinhan, wicaśta kin he oyate tawa etanhan kaśpapi kta.

10 Qa wicaśta Israel ti etanhan, qaiś oyate tokeca niyepi ehna ounye cin etanhan, tuwe kaśta we onge yute cinhan, wicanagi we yute cin miite aweħnake kta, qa oyate tawa etanhan wakaśpe kta.

11 Ceħpi nagi kin we kin ohna yanka heon ninagipi akaħpe niyepi kta e owayuśna akan we kin ciĉupi, wicanagi akaħpe kiciye cin we kin hee nakaś.

12 Heon Israel cinca kin hewicawakiya, Niyepi etanhan tuwedan we yute kte śni, qa oyate tokeca niyepi ehna ounye etanhan tuwedan we yute kte śni.

13 Qa wicaśta Israel cinca etanhan, qa oyate tokeca niyepi ehna ounye cin etanhan, tuwe kaśta wotihni, qa woteca, qaiś waħupakoza wanji yutapi kta iyececa kte kinhan, we kin papson kta, qa maka on akaħpe kta.

14 Ceħpi owasin nagi kin we kin hee, nagi kin he ohna yanka, heon Israel cinca kin hewicawakiya, Ceħpi owasin etanhan we ongedan yutapi kte śni, ceħpi owasin nagi kin we kin hee nakaś; tuwe he yute cinhan kaśpapi kta.

15 Tuwe kaśta makoce en ica-ga, qaiś oyate tokeca taku wayazanka te, qaiś taku yaťapi ongedan yute cinhan wokoyake hdujaja kta qa minin niwe kta, qa ħtayetu aiyahdeya śape kta.

16 Tuka wahdujaja śni qa niwe śni kinhan, toħan śica hduha kta.

WICOWOYAKE 18.

1 Unkan Jehowa ie ĉa Mowis heciya,

2 Israel cinca hecen kewicakiya wo, Jehowa taku wakan yadapi kin he miye;

3 Egipta makoce ohna ounya-yapi qon, token oħanyanpi kin he iyecen oyahandapi kte śni, qa Kanan makoce ekta ye ciyapi oħanyanpi kin he iyecen oyahandapi kte śni, qa tawokagepi omananpi kte śni.

4 Woyaco mitawa ecen econpo, qa wokage mitawa patanpo, qa hena omanipo, Jehowa taku wakan yadapi kin he miye.

5 Qa wokage mitawa kin yapatani kta, woyaco mitawa nakun; wicaśta tuwe hena iyecen econ kinhan hena on ni kta, Jehowa he miye.

6 Tuwedan iye ceħpi takuye ħinca tancodan yuzamni kta e ikiyedani hi kte śni, Jehowa he miye.

7 Niyate tancodan kin, qa niħun tancodan kin duzamni kte śni, ni ħun kin hee heon tancodan kin duzamni kte śni.

8 Niyate tawicu tancodan kin

LEWI TOOPE.

duzamni kte šni, niyate tancodan kin hee.

9 Nitawinohtin niyate cunwintku, qaiš nihun cunwintku wohipapi qaiš nahmana yuzapi en tonpi unman tukte kašta tancodan kin duzamni kte šni.

10 Nicinkši cunwintku qa nincunksi cunwintku tancodan kin duzamni kte šni, niye tanconikadan kin hee.

11 Niyate tawicu cunwintku niyate cinca kin tancodan kin duzamni kte šni, nitawinohtin kin hee, heon tancodan kin duzamni kte šni.

12 Niyate tawinohtin tancodan kin duzamni kte šni, niyate celhipi kin hee.

13 Nihun tankaku tancodan kin duzamni kte šni, nihun celhipi kin hee.

14 Niyate sunkaku tancodan kin duzamni kte šni, tawicu ikiye dan yai kte šni, nihun kin hee.

15 Nitakoš tancodan kin duzamni kte šni, nicinkši tawicu kin hee, tancodan kin duzamni kte šni.

16 Nicinye tawicu, qa nisunka tawicu tancodan kin duzamni kte šni, nisunka tancodan kin hee.

17 Winohinca wan qa iye cunwintku tancodan kin duzamni kte šni, iye cinhintku cunwintku qaiš cunwintku cunwintku tancodan kin duzamni kta e duze kte šni, he wowicašta šni, hena celhipi tawa hecapi nakaš.

18 Nakun winohinca wan cunku kici duze kte šni, hecannon kinhan tancodan duzamni, qa tohanyan ni kin iyokišin yaye kta.

19 Unkan winohinca tohan toašape on isna ti kin hehanyan tancodan duzamni kta e ikiyedan yai kte šni.

20 Nakun tuwe nikiyedan ti tawicu kin kici inonke kte šni. Hecannon kinhan kici nihdušape kta.

21 Nakun nicinca etanhan wanjidat Molok ekta iyopta yaye kte šni, qa taku wakan yada caje kin dušape kte šni; Jehowa he miye.

22 Nakun winyan kici wankapi kin he iyecen wica kici inonke kte šni, wowahšte šni hee.

23 Nakun woteca taku kašta kici inonke kte šni, hecannon kinhan kici nihdušape kta, nakun winohinca wan woteca kici ki-yulhe kta e he itokam wanke kte šni, woasape hee.

24 Ihnuhan hena on nihdušapapi kin, oyate nitokapa tanhan ye wicawaye cin hena owasin on ihdušapapi.

25 Unkan makoce kin he šapa, heon tohan šice cin he akan hiyu waye kta, unkan makoce kin wicašta en ounyanpi kin hena hdem wicaya.

26 Tuka niyepi wokage mitawa, qa woyaco mitawa kin yapatanpi kta, qa wowahšte šni kin hena ecannonpi kte šni, niye makoce tawayayapi qa wicašta oyate tokeca niyepi ehna ounye cin unmanna.

27 Wicašta niyepi itokam makoce kin hen tipi kin wowahšte šni kin hena owasin econpi, qa makoce yušapapi.

28 Hecen makoce kin dušapapi kte šni, qa oyate nitokapa tanhan wicahdepe cin he iyecen nihdepapi kte šni.

29 Wicanagi tona wowahšte šni kin hena wanjidat econpi kin, hena owasin taoyatepi etanhan kašpapi kta.

30 Heon wopatan mitawa yapatanpi kta, qa wowahšte šni wokage nitokam econpi kin hena ecannon pi kte šni, hecen hena

WICOWOYAKE 19.

on nihdušapapi kte šni, Jehowa wakan yadapi kin he miye.

WICOWOYAKE 19.

1 Unkan Jehowa ie ça Mowis heciya,

2 Israel cinca omniciye ocowasin ieyanpaha hewicakiya wo, Jehowa wakan yadapi kin he miye, mawakan, heon wakan yaunpi kta.

3 Otoiyohi hunku kin yakinihan kta, nakun atkuku, qa anpetu okihpapi mitawa kin yapatanpi kta, Jehowa wakan yadapi kin he miye.

4 Ihnuhan takuśnišni ekta nihduhomnipi kin, qa ihnuhan taku wakan šdoyapi ničicagapi kin, Jehowa wakan yadapi kin he miye.

5 Unkan wopida wošnapi wan Jehowa wayakidušnapi kte cinhan token iyokipi yayapi kte cin hecen wayakidušnapi kte.

6 Anpetu en wadušnapi qa ihanhanna hena en he yatapi kta, tuka taku anpetu iyamni hehanyan oyapte cin, he petan huñnahiyapi kta.

7 Unkan anpetu iyamni en onge yutapi kinhan he wošicamna kta, iyokipi kte šni.

8 Qa tuwe he yute cin he taku Jehowa on yuwakanpi kin yuša-pe cin heon tohan šice cin hduha kta, qa wicanagi kin he taoyate etanhan kašpapi kta.

9 Unkan nitamakoce woksapi bayaksapi eca nitamaga kahmin owasin bayakse kte šni, qa baksapi icunhan taku hinhpaye cin he mnayaye kte šni.

10 Qa hastanhanka iyuwi nitawa akta dušpi kte šni, qa hastanhanka makata ihpayapi kin hena mna yaye kte šni, hena wicašta onšika, qa oyate tokeca

ekta elipe wicaya kiye kta, Jehowa wakanyadapi kin he miye.

11 Ihnuhan wamayanunpi, qa ihnuhan iyatonpi šni, qa ihnuhan otoiyohi yecihnayanpi kin.

12 Qa ihnuhan micaje itonšniyan cagedatapi qa taku wakan yada caje kin dašapapi kin, Jehowa he miye.

13 Ihnuhan nitakoda yakiduše kin, qa taku tawa yaki kinhan. Ihnuhan tuwe tohtani opeyaton iyuwin tawa ihanhanna hehanyan niciyanke cin.

14 Tuwe nogetpa dašice kte šni, qa tuwe ištogonge cin itokam taku iboto kta yecihnake kte šni, tuka taku wakan yada kin he ikoyape kta, Jehowa he miye.

15 Wayacopi en wopemni ecanon kte šni; wicašta wahpanica ite kin ihayakta kte šni, qa wicašta tanka ite kin yakinihan kte šni. Tuwe nikiyedan ti kin ecutuya daco kta.

16 Ihnuhan oyate nitawa tipi iyaza waiesa mayani kin, qa ihnuhan nitakoda we kin anayajin kin, Jehowa he miye.

17 Nihunka wanji nicante mahen šice yada kte šni; tuwe niciti kin atayedan iyope yakiye kta, hecen iye on etanhan woahitani duha kte šni.

18 Toyeçon kte šni, qa oyate nitawa cincapi kin canniye wicayaya ešta ecadan enayakiye kta, qa token wašte ničida kin he iyecen tuwe nikiyedan ti kin wašte yadake kta.

19 Wokage mitawa yapatanpi kta. Wanunyanpi nitawa kin ocaje tokeca kici kiyuha yakiye kte šni. Maga nitawa su ocaje nonpa icicahiya oju yakiye kte šni, qa wokoyake tahinca hin qa hañonta onkagapi icicahiya kazuntapi kodake kte šni.

LEWI TOOPE.

20 Unkan wikoška wan waya-ka heca wicašta wan he wahoya tuka nahanhin wohpe šni qa kiyuškapi šni, wicašta tokeca wan winohinca kin he kici wanke cinhan napin wicakapsinsintapi kta, wikoška kin ihduhe šni, heon te wicayapi kte šni.

21 Unkan wicašta kin wohdajuju Jehowa kahi kte itkokipapi wakeya tiyopa ekta, tamdoka wan on hdajuju kta.

22 Unkan woahitani wahtani kin on wawayušna kin akałpe kiciye kta wohdajuju tamdoka on, Jehowa itokam, hecen woahitani wahtani kin he kicicajuju kta.

23 Unkan makoce kin en yakipi, qa waskuyeca can hu yahdepi kinhan, waskuyeca kin mdoketu yamni taku šapa iyecen elıpe yayapi kta, šapa yadapi kta, tuwedan he yute kte šni.

24 Unkan mdoketu itopa kinhan waskuyeca kin owasin Jehowa yatanpi kta e wakan kta.

25 Tuka mdoketu izaptan kin waskuyeca kin yatapi kta, hecen waskuyeca ota icalı niciyapi kta, Jehowa wakan yadapi kin he miye.

26 Taku we akan un kin yatapi kte šni. Wamduška etanhan waadatapi kte šni, qa małpiya etanhan waadatapi kte šni.

27 Pa nitawapi ihduksan ihanke kin yahdušdapi kte šni, qa putinhin nitawa ihanke kin ihang yakiyapi kte šni.

28 Tuwe nagi ye cin on ničicagopi kte šni nicelipipi en, qa akito ničiyapi kte šni; Jehowa he miye

29 Ihnuhan nicunkši dušape ça wihomni win yakage cin, hecen makoce en witkowin ota kte šni, qa makoce kin wowicašta šni on ojudan kte šni.

30 Okilhpapi mitawa yapatanpi kta, qa tipi wakan mitawa yakinihanpi kta; Jehowa he miye.

31 Ihnuhan wapiyesa ekta nihduhomnipi, qa ihnuhan wakan icidapi kin awicayakite cin, hecannon kinhan hena on nihdušape kta; Jehowa wakan yada kin he miye.

32 Tuwe paska kin he itokam nayajin kta, qa wicahinca ite kin duonihan kta, qa taku wakan yada kin yakinihan kta, Jehowa he miye.

33 Unkan wicašta oyate tokeca nici ounye cinhan he yakiduše kte šni.

34 Tuwe oyate tokeca nici ounye cin he wicašta makoce tawa yapi kin iyecen nicipi un kta, qa wašte ničida kin he iyecen wašte yadake kta, oyate tokeca Egipta makoce en ounyayapi qon nakaš; Jehowa wakan yadapi kin he miye.

35 Ihnuhan wayacopi en taku owotanna šni ecannopi kin, ohanske iyutapi en, qa aspe yetonpi en, qa taku kašta ohna iyutapi en.

36 Taku on aspeyapi ecetu qa epah ecetu, qa hina ecetu duhapi kta; Jehowa wakanyadapi Egipta makoce etanhan hdinanpe niyanpi kin he miye.

37 Heon wokage mitawa owasin, qa woyaco mitawa owasin yapatanpi kta, qa hena ecanonpi kta; Jehowa he miye.

WICOWOYAKE 20.

1 Unkan Jehowa ie ça Mowis heciya;

2 Hecen Israel cinca kin ewicayakiye kta, Wicašta tuwe kašta Israel cinca etanhan, qaiš oyate tokeca Israel om ounye cin etanhan, iye cinca wan Mo-

lok qu kinhan, awicakehan te yapi kta; makoce oyate kin inyan on ktepi kta.

3 Unkan miś wicašta kin he ekta. ite ye wakiye kta, qa cinhintku Molok qu kin heon oyate tawa etanhan wakašpe kta, tipi wakan mitawa yušape ça micaje wakan yuzamni heon etanhan.

4 Unkan makoce oyate kin wicašta tuwe iye cinhintku Molok qu kin wanyakapi kte śni e ištapi katinyan hduohmuzapi, qa hecen ktepi śni kinhan,

5 Miś wicašta kin he miišta awehnake kta, nakun tona taku wicaya, qa oyate tawapi etanhan wicawakašpe kta, iye qa tona Molok kici wankapi kta iye opeya okiyapi owasin.

6 Unkan wicanagi tuwe wapiyesapi, qa wicašta wakan, icidapi kin hena opeya okiyapi kta e ekta ihduhonni kinhan, miś miite wicanagi kin he ekta ye wakiye ça taoyate kin wicehna tanhan wakašpe kta.

7 Unkan Jehowa wakan yadapi kin he miye, heon ihduwakan po, hecen niwakanpi kta.

8 Qa wokage mitawa yapatanpi kta, qa hecanonpi kta; Jehowa niyuwakanpi kin he miye.

9 Hecen tuwe kašta atkuku qaiś hunku yašice cinhan awicakehan te yapi kta, atkuku qaiś hunku yašica, hecen we ičiya.

10 Unkan wicašta tuwe wicašta tokeca tawicu kici wawicihaŋapi econ, takodaku tawicu ešta kici wawicihaŋapi econ kinhan, awicakehan te yapi kta, wicašta qa winohinca wawicihaŋapi econpi napin.

11 Unkan wicašta wan atkuku tawicu kici wanke cinhan atkuku tancodan kin yuzamni tokešta napin te wicayapi kta, iye we iči-yapi.

12 Unkan wicašta wan iye ta-košku kici wanke cinhan tokešta sakim te wicayapi kta, wowicaštašni ohanyapi iye we iči-yapi.

13 Unkan wicašta wan winohinca kici wankapi kin he iye-cen wica wan kici wanke cinhan, sakim wowahŋe śni econpi tokešta te wicayapi kta, iye we iči-yapi.

14 Unkan wicašta wan winohinca wan hunku kici wicayuze cinhan wicaštapišniyan ohanyan, iye qa hena nakun, peta ohna liuhnaŋi wicayapi kta, hecen niyepi ehna wowicaštašni wanice kta.

15 Unkan wicašta wan woteca wan kici wanke cinhan tokešta te kta qa woteca kin nakun yaktepi kta.

16 Unkan winohinca wan woteca wan kici wanke kta e ikiyedan i kinhan, winohinca kin woteca kin kici wicayakte kta, tokešta ŋapi kta, iye we iči-yapi.

17 Unkan wicašta wan iye tawinohtin yuze cinhan, atkuku cunwintku qaiś hunku cunwintku tancodan wanyake cinhan, unkan winyan kin wicašta tancodan kin wanyake cinhan hee wowišteca wicakašpapi kta, oyate tawapi cincapi ištapi itokam, tawinohtin tancodan kin yuzamni woahŋtani kin hduha kta.

18 Unkan wicašta wan winohinca isna ti kici wanke cinhan, qa tancodan kin yuzamni kinhan, tawakoniya yutanin; unkan winyan kin we wakoniya kin hduzamni, heon napin oyate tawapi wicehna tanhan wicakašpapi kta.

19 Nakun nihun tawinohtin, qa niyate tawinohtin tancodan kin duzamni kte śni, tuwe hecon kin he iye celpi kin hdutanin woahŋtani hduhapi kta.

20 Unkan wicašta wan iye tun-

LEWI TOOPE.

wincu kici wanke cinhan, tunwincu tancodan kin yuzamni, wahtanipi kin hduhapi kta, cinca nica ewicakiyapi t̄api kta.

21 Unkan wicašta wan iye sunkaku tawicu yuze cinhan, wo-wahte šni hee, sunkaku tancodan kin yuzamni cinca nica ewicakiyapi kta.

22 Hecen wokage mitawa owasin qa woyaco mitawa owasin yapatanpi kta, qa ecanonpi kta, unkan makoce ohna ounyayapi kta e ekta yeciyapi kin he inihdepapi kte šni.

23 Unkan oyate nitokapa tanhan iyaye wicawaye cin hena wokagepi omanyani kta. Iye hena owasin econpi heon hiti wicawahda.

24 Unkan heciciyapi, Maka tawapi kin tawayayapi kta, qa makoce kin he pteasanpi qa canhanpi tiktica kaduze cin he tawayayapi kta e cičupi kta; Jehowa wakanyadapi oyate tokeca etanhan yukinukan ciyapi kin he miye.

25 Heon woteca ska, qa tona šapapi yukinukan yayapi kta, nakun wahupakoza šapa qa ska dukinukanpi kta, ihnuhan ninagipi nihduwahtepi šni woteca on, qaiš taku kinyan on, qaiš taku kašta maka asdohan on. Hena šapa yadapi kta e niyepi etanhan mdukinukan.

26 Unkan tawa ciyapi kta e miye oyate tokeca etanhan ciyukinukanpi, Jehowa mawakan heon miyeci wakanyan yaunpi kta.

27 Unkan wicašta wan, qaiš winohinca wan niyepi ehna wapiyesa, qaiš wicašta wakan içidake cinhan, awicakehan te kta, tona hecapi inyan on wicayaktepi kta, iye we içiyapi.

WICOWOYAKE 21.

1 Unkan Jehowa Mowis heciya, Aaron cinca wawayušnapi kin hecen kewicayakiye kta; Tuwe nagi ye cin on ihdušapapi kte šni, oyate tawapi ehna.

2 Tuka iye cehpi takuye linca hunku on, qa atkuku on, qa cinhintku on, qa cunwintku on, qa sunkaku on,

3 Qa iye ta winohtin linca wikoška tuwedan yuze šni, henana on ihdušape kta.

4 Winohinca oyate tawa ehna yuhe cin on ihdušape kte šni, qa ihduikceka kte šni.

5 Papi tuktedan pašda içicagapi kte šni, qa putinhinpi oise kin bašdapi kte šni qa cehpi içicagapi kte šni.

6 Tuwe wakandapi on wakanyan unpi kta, qa tuwe wakandapi caje kin yuikcekapi kte šni, Jehowa tapeta wošnapi, tuwe wakandapi taaguyapi kin kahipi nakaš, heon wakanyan unpi kta.

7 Witkowin qaiš wakikšanpi wan yuzapi kte šni, nakun winohinca hihnaku ehpe kiye cin he yuzapi kte šni; tuwe wakandapi on wakanpi nakaš.

8 Tuwe wakan yadapi taaguyapi kahipi heon wicaduwaran kta; Jehowa niyuwakanpi kin he miye mawakan heon hena niye om wakanpi kta.

9 Unkan wawayušna cunwintku wan witkowin ohanyan on ihdušape cinhan, he atkuku yušapa, petan hułnahyapi kta.

10 Unkan wawayušna sunka wicaye cin ehna itancan tawokoyake kin koyake kta e sdawicayapi wihdi kin pa akaštanpi, qa nape ojun yapi kin he pa kin hdušda kte šni, qa wokoyake hduhdece kte šni.

11 Qa tuwedan nagiye tancan

WICOWOYAKE 22.

te cin ekta i kte śni, atkuku on, qa hunku on ihdušape kte śni.

12 Qa tipi wakan etanhan inan-pe kte śni, qa taku wakanda toti wakan kin yuikceka kte śni. Tuwe wakanda wateśdake wi-hdi sdayapi tawa kin he akaśtan-pi nakaś, Jehowa he miye.

13 Qa wikośka wan tuwedan kici wanke śni heca yuze kta.

14 Wiwazica qa tuwe ełpe ki-yapi qa wakikśanpi, qa witkowin, tona hecapi etanhan winohinca yuze kte śni; tuka iye taoyate etanhan wikośka wan yuze kta.

15 Qa tona iye etanhan icagapi kin wica hduikceka kte śni tao-yate ehna; Jehowa he yuwakan kin he miye.

16 Unkan Jehowa ie a Mowis heciya,

17 Aaron hecen eciya wo. Ni-cinca wicoicage yeye cin tuwe ošteka, Taku wakanda taaguyapi kahi kta e ikiyedan hi kte śni.

18 Nakun tuwe kašta ošteke cin he ikiyedan hi kte śni, wica-šta išta gonge, qaiś hušte, qaiś poge mdaśka, qaiś huha unman tukte kašta iyotan hanska,

19 Qaiś siha ksa, qaiś nape ksa,

20 Qaiś cankahu pawegapi, qaiś tanyan icage śni, qaiś išta aska, qaiś tuwe ayaśpuya, qaiś hałdi, qaiś susu kapopapi.

21 Aaron wawayuśna cinca etanhan wicašta ošteka tuwedan Jehowa peta wośnapi tawa kahi kta e ikiyedan hi kte śni, he ošteka heon tuwe wakanda taa-guyapi kin kahi kta e ikiyedan hi kte śni.

22 Tuwe wakan da taaguyapi wakan, qa nakun wakan linca etanhan yute kta;

23 Tuka cokaya ozanpi kin ekta i kte śni, ošteka nakaś, heon taku miciyuwakanpi kin he yui-keke kte śni; Jehowa niyuwa-

Lev.

kanpi kin he miye heon etanhan.

24 Unkan Mowis Aaron qa iye cinca kin, qa Israel cinca owasin owicakiyaka

WICOWOYAKE 22.

1 Unkan Jehowa ie a Mowis heciya,

2 Aaron qa iye cinca kewica-kiya wo, Israel cinca kin taku hduwakanpi kin on waktaya unpi kta, hecen taku miciyuwakanpi on micaje wakan kin yuikcekapi kte śni, Jehowa he miye.

3 Hecen ewicakiya wo, Nitoi-cagepi yeye cin nicincapi owasin etanhan wicašta tuwe toaśape hduhe cin icunhan, taku yuwa-kanpi Israel cinca taku Jehowa kicihduwakanpi kin ikiyedan hi kinhan, wicanagi kin he miite itokapa tanhan kaśpapi kta; Je-howa he miye.

4 Aaron cinca etanhan wicašta leprosi ececa, qaiś wakaduze cin, tohanyan yuskapi śni taku yu-wakanpi kin ongedan yute kte śni; nakun tuwe taku nagiye cin on śapa icałtake cinhan, qaiś wicašta tuwe wanke cin su hiyu-ye cin.

5 Qaiś tuwe watutka on wica-šta śape kta wan icałtake cinhan, qaiś wicašta wan taku hececa on śapa, taku kašta on ihdušape kta icałtake cinhan,

6 Wicanagi tuwe taku hececa icałtake cin łtayetu aiyahdeya śape kta, qa mini on celłpi hdu-jaja śni kinhan, taku yuwakanpi kin yute kte śni.

7 Qa wi kin tohan iyaye cinhan ska kta, qa he iyohakam taku yuwakanpi kin yute kta, aguyapi tawa kin hee nakaś.

8 Taku wayazanka te qa taku yapotapi kin yute kte śni, qa

LEWI TOOPE.

hena on ihdušape kte šni; Jehowa he miye.

9 Qa taku patan wicawaši kin he patanpi kta, hecen hena on ihduikcekapi kte šni, qa woahitani hduhapi kte šni; Jehowa wicayuwakan kin he miye.

10 Tuwe tokeca taku yuwakanpi kin yute kte šni, wawayušna kici ti, qaiš wohtani opeton kin, he taku yuwakanpi kin yute kte šni.

11 Tuka wawayušna kin wicanagi wan opeton, mazaska tawa on opetonpi kin he etanhan yute kta; nakun tuwe ti ohna tonpi kin he, hena aguyapi tawa etanhan yutapi kta.

12 Unkan wawayušna cunwintku wan wicašta tokeca he yuze cinhan, taku ikce qupi yuwakanpi kin etanhan yute kte šni.

13 Tuka wawayušna cunwintku wan wiwazica, qaiš elipe kiyapi kinhan, qa cinca nice ça atkuku ti en hdi kinhan, atkuku taaguyapi etanhan yute kta, wikoška qon iyececa, tuka tuwe tokeca hetanhan yute kte šni.

14 Unkan wicašta wan taku yuwakanpi onuniyan yute cinhan, he izaptan aokijuye kta, qa taku yuwakanpi kici wawayušna kin qu kta.

15 Hecen taku Israel cinca yuwakanpi taku Jehowa ektakiya yuwintapi kin hena yuikcekapi kte šni.

16 Tuka taku yuwakanpi kin hena yutapi kinhan, oicazopi woahitani kin he wicakiciyuhapi kta; Jehowa wicayuwakan kin he miye, nakaš.

17 Unkan Jehowa ie ça Mowis heciya,

18 Aaron qa iye cinca, qa Israel cinca owasin hecen ewicakiya wo, Wicašta tuwe kašta Israel tiohnaka etanhan, qaiš oyate to-

keca etanhan, Israel om ounye cin woahi wan makahi kte cinhan, taku iciconzapi on, qaiš taku ikce qupi kin owasin on, woahinahyapi wan makahi kte cinhan;

19 Iyokipi yayapi kta heon mdoka zanika, pte etanhan qaiš tahtinca etanhan, qaiš tatokadan etanhan kahi kta.

20 Tona ošteka wanjidan yakahi kte šni, hena on iyokipi yayapi kte šni.

21 Unkan wicašta wan taku iciconze hduecetu kta e wopida wošnapi wan Jehowa kahi kte cinhan, qaiš taku ikceya qu kta, pte wanunyanpi, qaiš tahtinca etanhan iyokipi ye kta e he zani-ke kta, tuktedan ošteke kte šni.

22 Išta gonga, qaiš huha wan kašujapi, qaiš kašpapi, qaiš cešpu yukan, qaiš ayašpuya, qaiš hdi-hdi, taku hececa Jehowa yakahipi kte šni qa hena etanhan peta wošnapi wan owayušna akan Jehowa yaqupi kte šni.

23 Tatanka qa tahtinca huha iyakicuya, qaiš huha aokpani kin he ikceya yaqu kta, tuka woyakapi wošnapi on iyokipi ye kte šni.

24 Nakun taku kašujapi, qa kawegapi, qa nahdecapi, qa bašpapi kin Jehowa yakahipi kte šni, qa nitamakocepi ohna taku hececa ecannonpi kte šni.

25 Nakun taku hececa owasin oyate tokeca cinca nape etanhan taku wakanyadapi taaguyapi kin yakahipi kte šni, taku on howinpi hena mahen un nakaš, oštekap, niyepi on iyokipi yapi kte šni.

26 Unkan Jehowa ie ça Mowis heciya,

27 Tatanka qaiš tahtinca qaiš tatokadan wanji tonpi ehantanhan šakowin can hunku kici un kta,

WICOWOYAKE 23.

tuka anpetu isahdogan qa ohakam Jehowa wakiyusnapi woahi on iyokipi kta.

28 Unkan pte qais tawiyedan wan iye cinca kici anpetu wanjidan en yapatapi kte sni.

29 Unkan wopida wosnapi wan Jehowa wayakidusnapi kinhan, iyokipi yayapi kta e wayakidusnapi kta.

30 Anpetu kin he en temyayapi kta, ihanhanna hehanyan ongedan oyahdaptapi kte sni; Jehowa he miye.

31 Qa woahope mitawa yapatapi kta, qa ecen ecanonpi kta, Jehowa he miye.

32 Qa micaje wakan kin duikeekapi kte sni, tuka Israel cinca wicehna mayawakanpi kta, Jehowa niyuwakanpi kin he miye.

33 Wakanmayadapi kta heon Egiptu makoce etanhan hdinanpe ciyapi, Jehowa he miye.

WICOWOYAKE 23.

1 Unkan Jehowa ie ca Mowis heciya,

2 Israel cinca kin hecen ewicakiya wo, Jehowa omniciye tawa ieyanyapahapi kta, omniciye wakan ieyanpahapi mitawa kin dena ee.

3 Anpetu sakpe wolitani ecanon kta, tuka anpetu isakowin kin he anpetu okihpapi wakan, ieyanpahapi wakan, ounyayapi owasin ohna, wolitani takudan econpi kte sni; Jehowa taokihpapi kin hee nakaś

4 Jehowa ta omniciye ieyanpahapi wakan iyehantu eca ieyanyapahapi kta dena ee.

5 Wi tokaheya anpetu iake topa en litayetu otahedan Jehowa toacaksin kin hee.

6 Qa wi kin he anpetu iake zaptan en aguyapi napohyapi sni

wohanpi Jehowa tawa, anpetu sakowin aguyapi napohyapi sni yatapi kta.

7 Anpetu tokaheya ieyanpahapi wakan duhapi kta, wayaka wolitani ecannonpi kte sni.

8 Qa anpetu sakowin peta wosnapi Jehowa yakahipi kta, anpetu isakowin ieyanpahapi wakan kta, wayaka wolitani takudan ecannonpi kte sni,

9 Unkan Jehowa ie ca Mowis heciya,

10 Israel cinca kin hecen ewicakiya wo, Makoce ciupi kin he ekta yaipi, qa woksapi bayaksapi kinhan, tokaheya bayaksapi etanhan opahte wan wawayusna ekta hiyuyayapi kta.

11 Unkan iyokipi yayapi kta e Jehowa itokam wopahte kin he koze kta; anpetu okihpapi ihanhanna hehan wawayusna kin he koze kta.

12 Unkan anpetu wopahte yakozapi kin en, amnos wan zanika, waniyetu wanjidan, woluhañyapi Jehowa yecicagapi kta.

13 Unkan minha tawa aguyapi mdu can waksica ohnaka nonpa wihdi icicahiyapi, peta wosnapi wastemna Jehowa iyokipi ye kta, qa woakaśtan kin mini śa wiya-tke ohnaka nonpa.

14 Tuwe wakan yadapi kin ekta woahi hiyuyapi sni anpetu kin hehanyan, aguyapi, qa wamnaheza ceunpapi, qa pasdayapi unmana yatapi kte sni; ounyayapi owasin ohna nitoicagepi yeye cin wokage kin he owihanke wanica.

15 Unkan wopahte kosyapi yakahipi anpetu wakan ihanhanna etanhan anpetu wakan sakowin dawapi kta, anpetu wakan oowasin dawapi kta.

16 Anpetu wakan isakowin ihanhanna etu dawapi kta, anpetu wikcemna zaptan hehanyan,

LEWI TOOPE.

qa minha teca wan Jehowa yakahi kta.

17 Ounyayapi etanhan aguyapi kozapi nonpa, aguyapi mdu can wakšica ohnaka nonpa, napohyapi španyanpi, taku tokaheya suton kin Jehowa ekta hiyuyayapi kta.

18 Qa aguyapi kici amnos šakowin zanika waniyetu wanjidan, qa tatankadan pte wanuyanpi cinca wanjidan, qa tamdoka nonpa yakahipi kta, Jehowa huñnahkiciyapi kta, qa minha tawapi, qa woakaštan tawapi, peta wošnap i waštemna Jehowa iyokipi.

19 Hehan tatokadan mdoka wan woahitani wošnap i on, qa amnos nonpa waniyetu wanjidan wopida wošnap i on, wayakidušnap i kta.

20 Unkan wawayušna kin hena koze kta aguyapi tokaheya suton kin ahna, nakun amnos nonpa qon, Jehowa itokam wokosyapi wan, hena Jehowa on wakanpi kta, wawayušna tawa kta.

21 Unkan anpetu kin he en niyepi on omniciye wakan ieyanpahapi kta, wayaka wohtani takudan ecannonpi kte šni, ounyayapi owasin ohna nitoicagepi yeye cin, he wokage owihanke wanice kta.

22 Unkan makoce nitawapi woksapi kin bayaksapi kinhan, maga nitawapi kañmin owasin bayakse kte šni, qa woksapi nitawa taku okapte cin mnayaye kte šni, wicašta onšika, qa oyate tokeca on'he elpe wicayeciye kta; Jehowa wakan yadapi kin he miye.

23 Unkan Jehowa ie ça Mowis heciya,

24 Israel cinca kin hecen ewicakiya wo, Wi šakowin anpetu tokaheya kin wookiñpe duhapi

cta, mazayahotonpi on kiksuyapi, ieyanpahapi wakan,

25 Wayaka wohtani takudan ecannonpi kte šni, qa peta wošnap i wan Jehowa yakahipi kta.

26 Unkan Jehowa ie ça Mowis heciya,

27 Awicakehan wi šakowin anpetu iwikcemna kin waakaliñpapi anpetu kin hee, eyanpahapi wakan duhapi kta, qa ninagipi iyokišin niñiyapi kta, qa peta wošnap i wan Jehowa yakahipi kta.

28 Anpetu kin he en wohtani takudan ecannonpi kte šni, waakaliñpapi anpetu kin hee. Jehowa wakan yadapi itokam akalñpe niñiyapi kta e hee nakaš.

29 Wicanagi tuwe kašta anpetu kin he en iyokišin iñiye šni kinhan taoyate etanhan kašpapi kta.

30 Unkan wicanagi tona anpetu kin he en wohtani econpi wicanagi kin hena owasin taoyatepi etanhan ihang wicawaye kta.

31 Ounyayapi owasin ohna wohtani takudan ecannonpi kte šni, nitoicagepi yeyecin wokage owihanke wanica.

32 Anpetu okiñpapi wakan he duhapi kta, qa ninagipi iyokišin niñiyapi kta, wi anpetu inapcinwanka liñayetu etanhan ake liñayetu kte cin hehanyan wookiñpe nitawapi kin okiñpe yayapi kta.

33 Unkan Jehowa ie ça Mowis heciya,

34 Israel cinca kin hecen ewicakiya wo, Wi šakowin anpetu iake zaptan kin en ohanzi hñepi wohanpi kin hee, anpetu šakowin Jehowa tawa.

35 Anpetu tokaheya ieyanpahapi wakan, he en wayaka wohtani takudan ecannonpi kte šni.

36 Anpetu šakowin peta wošnap i Jehowa yakahipi kta, anpetu išahdogan eyanpahapi wakan du-

hapi kta, qa peta wośnapi Jehowa yakahipi kta, witaya iheyapi wan hee, wayaka wohtani ecannonpi kte śni.

37 Jehowa taomniciye ieyanya-pahapi kta anpetu kin hena ee, eyanpahapi wakan on wohuli-nahyapi, qa minha wośnapi, qa woakaśtanpi Jehowa yakahipi kta, anpetu iyohi taku tawa kin iyececa.

38 Nakun Jehowa taokilipapi, qa nakun taku yaqupi, qa nakun taku niçiconzapi kin, nakun taku ikce yaqupi kin Jehowa yaqupi kin owasin isanpa.

39 Awicakehan wi isakowin anpetu iakezaptan makece taku aicage cin mnayayapi kinhan, anpetu śakowin Jehowa tawo-hanpi oyakihanpi kta, anpetu tokaheya wookilpe, qa anpetu isahdogan wookilpe kta.

40 Unkan anpetu tokaheya can wiciyokipi waskuyeca iyacupi kta, tamar can adetka, qa can-hahaka adetka, qa wakpa colh-wanjica nakun, qa anpetu śakowin Jehowa wakan yadapi kin itokam widuśkinpi kta.

41 Qa wohanpi Jehowa oyakicihanpi kta, anpetu śakowin ptan-yetu otoiyohi nitoicagepi yeye cin, wokage owihanke wanica, wi isakowin en he woyakihanpi kta.

42 Anpetu śakowin can adetka ohanzi hdepi oyatipi kta, tona Israel tamakoce en tonpi kin hena owasin can adetka ohanzi hdepi ohna tipi kta.

43 Hečen Israel cinca Egipta makece etanhan hdinanpe wicawaye çehan ohanzi hdepi ohna tipi wicawaya, nitoicagepi sdon-yapi kta; Jehowa wakan yadapi kin he miye.

44 Unkan Mowis Jehowa wokicihanpi toketu Israel cinca owicakiyaka.

WICOWOYAKE 24.

1 Unkan Jehowa ie ça Mowis heciya;

2 Petijanjan on can ihdi ecedan bopanpi nicahipi kta, Israel cinca icu wicaśi wo, hecen ide kin ohinniyan wankan ye kta.

3 Woyaatanin cokaya ozanpi itankan, itkokipapi wakeya ohna, hitayetu etanhan ihanhanna kta eca Aaron he ideye kta, ohinniyan nitoicagepi yeye cin wokage owihanke wanica.

4 Petijanjan ihupa ecedan akan petijanjan ideye kta, Jehowa itokam ohinniyan.

5 Unkan aguyapi mdu iyacu kta, qa he śpan yaye kta, aguyapi wikcemna sanpa nonpa, aguyapi otoiyohi ohna can waksica ohnaka nonpa kta.

6 Unkan hena Jehowa itokam wahna wotapi ecedan akan eyah-nake kta, ocankuye nonpa ocankuye iyohi ohna śakpe.

7 Unkan ocankuye akan cansin ska kohdi eyahnake kta, unkan he aguyapi on wokiksuye kta, peta on Jehowa wakiciyuśnapi kta.

8 Anpetu okilipapi otoiyohi Israel cinca etanhan hena Jehowa itokam ehnapapi kta, ohinniyan wicotakuye owihanke wanica.

9 Qa Aaron qa iye cinca kin he tawapi kta, qa he yutapi kta, oyanke wakan ohna, Jehowa peta wośnapi tawa etanhan, iye on he wakan hinca nakaś; wokage owihanke wanica.

10 Unkan Israel winohinca wan cinhintku, qa he Egipta wicaśta wan cinhintku, Israel cinca wicehna inanpa, qa Israel winohinca cinhintku, qa Israel wicaśta wan owanka ohna kicizapi.

11 Qa Israel winohinca cinhintku caje kin atayedan ie ça ya-

LEWI TOOPE.

śica, unkan Mowis ekta hiyuyapi he hunku Selomit eciyapi; Dibri cunwintku, Dan wicoun etanhan.

12 Unkan kaśka hnakapi Jehowa i kin etanhan owicakiyakapi kte cin hehanyan.

13 Unkan Jehowa ie ça Mowis heciya,

14 Wicaśta yaśice cin he owanka etanhan inanpe ya wo, unkan tona nañonpi kin owasin pa kin nape aputakapi kta, unkan omni-ciye owasin inyan on ktepi kta.

15 Unkan Israel cinca kin hecen ewicayakiye kta, wicaśta tuwe kaśta taku iye wakanda yaśice cinhan, iye wañtani kin hduha kta.

16 Jehowa caje kin yaśice cinhan tokeśta te yapi kta, omni-ciye owasin inyan on aohduteyapi kta, wicaśta oyate tokeca, qaiś makoce en tonpi caje kin yaśice cinhan te kta.

17 Unkan tuwe kaśta wicaśta nagi kaśtake cinhan he ktepi kta.

18 Unkan tuwe woteca wan nagi kaśtake cinhan hdajuju kta, nagi on nagi.

19 Unkan wicaśta wan tuwe iye ikiyedani ti kin kiunniye cinhan token econ kin he iyecen ecakiconpi kta.

20 Kawegapi on kawegapi kta, iśta on iśta, hi on hi token wicaśta wan kiunniye cin he iyecen kiunniyanpi kta.

21 Unkan tuwe woteca wan kte kinhan he on hdajuju kta, qa tuwe wicaśta wan kte kin he ktepi kta.

22 Wicaśta oyate tokeca on, qa tuwe makoce en tonpi on, woyaco wanjidani duhapi kta; Jehowa wakan yadapi kin he miye.

23 Unkan Mowis Israel cinca kin owicakiyaka, unkan wicaśta wayaśice cin he owanka itankan

inanpe yapi, qa inyan on ktepi hecen Israel token Jehowa Mowis econ śi kin he iyecen econpi.

WICOWOYAKE 25.

1 Unkan Jehowa Sina he kin akan ie ça Mowis heciya,

2 Israel cinca kin ekta i qa hecen ewicakiya wo. Makoce wan ciçupi kin he ekta yaipi kinhan, makoce kin wookihpapi wan Jehowa on oziiciye kta.

3 Waniyetu śakpe maga nitawa oyaju kta, qa waniyetu śakpe hastanhanka iyuwi nitawa ade-tka bayaśpe kta, qa taku aicage cin mnayaye kta;

4 Tuka waniyetu iśakowin kin he makoce tookihpe wakan kta, Jehowa tookihpe, maga nitawa oyaju kte śni, qa hastanhanka iyuwi nitawa adetka kin bayaśpe kte śni.

5 Bayakse ciqon etanhan taku icage cin he bayakse kte śni, qa hastanhanka iyuwi nitawa ade-tka baśpapi śni hastanhanka aicage cin duśpi kte śni, makoce kin tookihpe omaka kin hee nakaś.

6 Qa waniyetu okihpapi kin he woyute yayapi kta, niye, qa nitahokśidan qa nitawicinnyanna, qa tuwe toñtani opeyaton, qa tona oyate tokeca nici ounyanpi kin.

7 Qa woteca nitawa, qa wamanica makoce nitawa en unpi taku icage cin owasin woyute yapi kta.

8 Unkan waniyetu okihpapi śakowin yahdawa kta, śakowin akihde waniyetu śakowin, hecen waniyetu okihpapi śakowin, waniyetu wikcemna tom sanpa napcinwanka anpetu iyenakeca kta.

9 Hehan wi iśakowin wi anpetu iwikcemna mazayahotonpi

hoton yakiye kta, woakahpapi anpetu en, makoce nitawa owancaya mazayahotonpi hoton yayapi kta.

10 Qa waniyetu iwikcemna zaptan waniyetu kin he duwakanpi kta, qa makoce ohna tona en ounyanpi owasin iye ihduhapi kta, eyanpaha yayapi kta, he Jubele yayapi kta, qa yahdapi kta, otoiyohi tamaga ekta, qa takuwicaye cin ekta.

11 Qa waniyetu iwikcemna zaptan waniyetu kin he Jubele yayapi kta, woyajupi kte sni, qa taku baksapi qon etanhan icage cin he bayaksapi kte sni, qa hastanhanka iyuwi baspapi sni taku aicage cin duspi kte sni.

12 Jubele hee nakaś, wakan yayapi kta, maka kicanyanpi sni, taku aicage cin he yatapi kta.

13 Jubele waniyetu kinhan yahdapi kta, otoiyohi iye tamaga ekta.

14 Unkan tuwe nikiyedan ti kin ekta taku wiyopeyapi iyope yakiye cinhan, qaiś tuwe nikiyedan ti nape etanhan taku opeyaton kinhan, ihnuhan nihunkawanji duhukuye cinhan.

15 Jubele etanhan waniyetu yawapi kin eciyatanhan opeyaton kta, tuwe nikiyedan ti etanhan, qa waniyetu taku aicage kte cin iyenaka eciyatanhan iyo-peniciye kta.

16 Waniyetu ota on iyuwin kin duota kta, qa waniyetu tonana on iyuwin kin duoptetu kta, nakaś tona taku aicage cin yawapi eciyatanhan he iyopeye nicon.

17 Unkan wicaśta wan tuwe ikiyedan ti kin yakiduśe kte sni, tuka tuwe wakan yada kin koyakipe kta; Jehowa wakan yahdapi kin he miye nakaś.

18 Heon wokage mitawa kin

ecen ecanonpi kta, qa mitawoyaco yapatanpi kta, qa ecen ecanonpi kta, hecen okope wanin makoce kin ounyayapi kta.

19 Hecen maka kin waskuyeca tawa niçu kte ça imnahan watatapi kta, qa okope wanin he ounyayapi kta.

20 Unkan, Inyun unkojupi kte sni, qa taku icaħunkiciyapi mna-unkiyapi kte sni, taku untapi kta hwo, ehapi kinhan.

21 Woyawaśte mitawa ciçupi kta, waniyetu isakpe en, hecen waniyetu yamni on woicaħye icaħniciyapi kta.

22 Unkan waniyetu isahdogan woyajupi kta, qa woicaħye tannina etanhan yatapi kta, waniyetu inapcinwanka kin hehanyan taku aicage cin mnayanpi kin hehanyan tannina yatapi kta.

23 Makoce kin owihanke wanca iyope yapi kte sni, makoce kin he mitawa nakaś, wicaśta ihdakapi, qa mici tipi henicapi heon etanhan.

24 Unkan makoce tawayayapi kin owasin en wopekiconpi yayupi kta.

25 Nihunkawanji wahpanice ça makoce tawa etanhan iyope kiye cinhan taku wicaya wan opekicon cin kinhan, taku hunkawanjitku wiyopekiye cin he opekicon kta.

26 Unkan wicaśta wan tuwedan opekicon sni kinhan, qa iye nape waśaka on taku iyohiya iyeye cinhan, iye opekicon kta.

27 Qa wiyopekiye cicon ehan-tanhan omaka yawa kta, qa taku iyaye tuwe he opeton qu kte ça maga tawa kin en hdi kta.

28 Tuka taku kicupi kta iyohiya nape kin iyeye sni kinhan, taku iyopekiye cin tuwe he opeton kin nape ohna yanke kta, Jubele waniyetu kin hehantu kta; un-

LEWI TOOPE.

kan Jubele waniyetu hehan inape kta; unkan maga tawa qon en hdi kta.

29 Unkan wicašta wan otonwe aconkaškayapi ohna tipi ounyanpi wan iyope kiye cin he opekiton kinhan iyopekiyapi ehantanhani waniyetu wanjidan mdoketu iyahna anpetu kin hehanyan wopekitonpi kta.

30 Tuka waniyetu mdoketu iyahna ihunniyan hehanyan opekitonpi šni kinhan, tipi otonwe conkaškayapi ohna tuwe he opeton, qa toicage yeye cin owihanke wanica tawa kta, Jubele en inanpe kte šni.

31 Tuka tipi otonwe cistinna tona ihdukšan conkaške wanice cin ohna hena owasin makoce maga kin iyecen yawapi kta, hena opekitonpi kta, qa Jubele en inanpe kta.

32 Unkan Lewi otonwe tawapi tipi otonwe tawayapi, Lewi kin tohantu kašta opekitonpi kta.

33 Unkan tuwe Lewi kin etanhani opeton kinhan, tipi opeton etanhani, qa otonwe tawaye cin etanhani Jubele en inanpe kta, Lewi otonwe tawapi tipi kin hena taku tawayapi ee; Israel cinca ehna nakaš.

34 Tuka otonwe tawapi ihdukšan tinta maga kin hena wiyopeyapi kte šni, he tawayapi owihanke wanica nakaš.

35 Unkan nihunkawanji nici walpanica aye ca nape hdugate cinhan, he wašagyakiye kta, he oyate tokeca ešta, en ounye cinhan, hecen nici ni kta.

36 Ihnuhan he etanhani woyahitake qa oicage iyacu kinhan, tuwe wakan yada kin ikoyape kta, hecen nihunkawanji ni kta niyepi-kici.

37 Mazaska nitawa woyahitake on yaqu kte šni, qa woyute

nitawa oicage cin on yaqu kte šni.

38 Jehowa wakanyadapi Kanan makoce ničupi kta e Egipta makoce etanhani hdinanpe niyanpi kin he miye, hecen taku wakan yadapi kin he miye kta.

39 Nihunkawanji walpanica, qa niye en wiyopeičiye cinhan, wayaka wolhani on wowidag yakiye kte šni.

40 Wicašta wolhani opekitonpi iyecece kta. Tuwe makoce ounye cin iyecen nici un kta, Jubele omaka kin hehanyan nici htani kta.

41 Hehan niye etanhani inanpe kta, qa iye cinca nakun opapi kta, qa takuwicaye cin ekta hde kta, qa atewicaye cin makoce tawapi kin en hde kta.

42 Mitaakiye Egipta etanhani hdinanpe wicawaye cin hena eepi, heon wayaka iyope wicayapi kin he iyecen iyope wicayapi kte šni.

43 Wacinkoya wowidagwicayaye kte šni, tuka tuwe wakan yada kin koyakipe kta.

44 Oyate nihdukšan yakonpi kin hena etanhani hoksidan wicinnyanna koya duhe kta, ookiye wica qa winyan hena etanhani opeyaton kta.

45 Nakun wicašta oyate tokeca niye om ounyanpi kin cincapi kin opewicayaton kta, qa takuwicayapi nitamakoe en tonpi, qa niyepi ehna unpi kin hena etanhani, qa hena tawawicayayapi kta.

46 Qa nicincapi niyepi iyohakam icagapi kin hena tawawicayapi kta e iwicayacupi kta, owihanke wanin hena wowidag wicayayapi kta, tuka nihunkawanjipi kin Israel cinca kin wacinkoya wowidag wicayeciayapi kte šni.

47 Unkan tuwe oyate tokeca, qa nici ounye cin wijice cinhan, qa nihunkawanji niciwahpanica wicašta oyate tokeca nici ounye cin ekta wiyopeiciye cinhan, qaiš oyate tokeca takuwicaye cin wan ekta.

48 Wiyopeyapi iyohakam wopekironpi kta; iye hunkawanjiku wan opekiron kta.

49 Dekšitku qaiš tahansitku he opekiron kta, qaiš iye celpi etanhan tuwe takuye cin he opekiron kta, qaiš iye nape wašake cinhan, opeičiron kta.

50 Unkan tuwe he opeton kici waniyetu yawa kta iyopeciye cin ehantanhan, Jubele waniyetu kin iyehantu kta, qa mazaska iyopeciye cin etanhan waniyetu yawapi kta, wicašta wolitani opetonpi kin he iyecen anpetu yawapi kta.

51 Nahanhin waniyetu ota kinhan hena eciyatanhan mazaska on opetonpi qon iyecen kicu kta.

52 Qa waniyetu tonana okaptapi Jubele iyehantu kinhan, waniyetu iyenakeca yawapi eciyatanhan wopekironpi kicu kta.

53 Tuwe wolitani waniyetu wanjidan opetonpi kin he iyecen, he kici yanke kta, ništa itokam wacinkoya wowindag ye kte šni.

54 Qa hena on opekironpi šni kinhan Jubele waniyetu kinhan inanpe kta, iye qa cinca kin opapi kta.

55 Israel cinca kin ookiye wicamduha nakaš, mita ookiye Egupta makoce etanhan hdinanpewicawaye cin hena eepi; Jehowa Wakan yadapi kin he miye.

WICOWOYAKE 26.

1 Wakan taku šnišni, qa wakagapi pagopi ničicagapi kte šni,

qa wakagapi bosdata eničihdepi kte šni, qa inyan šayapi wan itokam patujapi kta e nitamakoce ohna duhapi kte šni, Jehowa wakan yadapi kin he miye nakaš.

2 Okihpapi mitawa kin yapatanpi kta, qa tipi wakan mitawa yakinihanpi kta.

3 Wokage mitawa omayanipi, qa mitawoahope yapatanpi qa ecen ecanonpi kinhan,

4 Iyehantu eca amagaju ciciyapi kta, unkan maka kin taku aicage kta iyececa qu kta, qa waskuyeea can kin tawaskuyeca kin qu kta.

5 Hecen wonapanpi nitawa kin hastanhanka yušpi kin iyohi kta, qa hastanhanka yušpi kin wojupi kte cin iyohi kta, qa aguyapi imnahan yahdutapi kta, qa nitamakocepi ohna okope wanin ounyayapi kta.

6 Unkan makoce ohna wookiye waqu kta, hecen makan inonkapi eca yušinye niyanpi wanice kta, qa makoce nitawa etanhan wamanica šica enawakiye kta, qa ozuye nitamakoce kin omanipi kte šni.

7 Unkan toka niyanpi kin wicayakuwapi kta, unkan nitokam canłpi on liieahanpi kta.

8 Unkan niyepi etanhan wicašta zaptan wicašta opawinge tawicapapi kta, qa niyepi etanhan opawinge wanjidan kekto-pawinge wikcemna wicapasipi kta, qa tokaniyanpi nitokam canłpi on hicahanpi kta.

9 Unkanacitonwanpi kta, qa ieahiayapi, qa ciyuotapi kta, qa wicotakuye nicipi wahdusuta kta.

10 Hecen tannina šeca kin yatapapi kta, qa teca on tannina kin tankan hiyuyayapi kta.

11 Unkan niyepi ehna tipi mitawa ewahde kte, qa minagi hitinihdapi kte šni.

LEWI TOOPE.

12 Qa niyepi ehna mawani kta, qa taku wakan yadapi kin he miye kta, qa oyate mitawa kin he niyepi kta ;

13 Jehowa wakan yadapi, Egupta makoce etanhan hđinanpe niyanpi kin he miye, qa wowidag niyanpi kte śni, heon wiçin icaške nitawapi kin wapaksa, qa bosdan maniciyapi.

14 Tuka namayahonpi śni, qa mitawoahope kin dena owasin ecen ecanonpi śni kinhan ;

15 Qa wokage mitawa ihayaktapi śni kinhan, qa ninagipi woyaco mitawa hitihdapi on mitawoahope owasin ecen ecanonpi śni, hecen wicotakuye mitawa duksapi kinhan,

16 Miś eya hecen ecaciconpi kta, woyuśinye, qa waśinkte, qa tancan kata yuhe niyanpi waśi kta, hena niistapi kin sotapi, qa ninagipi kin skan niyanpi kta, hecen wojupi nitawapi taku śni on oyajupi kta, qa toka niyanpi kin he yutapi kta.

17 Qa miite acihnakapi kta, qa toka niyanpi kin nicaştakapi kta, qa wicašta śice nidapi kin hena wowidag niyanpi kta, qa tuwedan nipasipi śni ešta nayajicapi kta.

18 Unkan hena on etanhan nayahonpi śni kinhan, sanpa śakowin akihde wayahtanipi on iyopeciyapi kta.

19 Qa nitowaşakapi on wahanicidapi kin wakakse kta, qa malpiya nitawapi maza sapa iyececa, qa maka nitawapi kin mazaşa iyececa wakage kta.

20 Qa nitowaşakapi kin taku śni on sote kta, qa nitamakoce kin takudan aicage kte śni, qa makoce can kin tawaskuyeca kin icalhyapi kte śni.

21 Unkan makipajinyan mayanipi, qa namañon tawatən yayapi

śni kinhan, ake śakowin akihde cicaştakapi kta, wayahtanipi kin iyececa.

22 Qa tinta wamanica kin nitatpe yewaye kta, unkan nicincapi yasotapi kta, qa nitawanunyanpi kin yatapi kta, hecen niyatona-napi kta, qa canku nitawapi kin tuwedan omani kte śni.

23 Unkan hena on miye en nihduecetupi śni, qa makipajinyan mayanipi kinhan ;

24 Hehan miś eya cicipajinpi kta, qa nakun miś wayahtanipi kin on śakowin akihde cicaştakapi kta.

25 Qa canhpi wan anihiyu waye kta, he wicotakuye mitawa oyapapi śni tokicon kta, hecen otonwe tanka nitawapi en kataihe-yayapi kta, unkan niyepi ehna makoşice yewaye kta, qa toka niyanpi kin napepi en ciçupi kta.

26 Unkan aguyapi sagye cica-ksapi kinhan winohinea wikcemna makacega wanjidan ohna aguyapi nitawapi kin şpanyanpi kta, qa aguyapi nitawapi tkeutapi eciyatanhan niçupi kta, unkan wayatapi kta, tuka ininnapi kte śni.

27 Unkan he on namayahonpi śni, qa mayakipajinpi kinhan,

28 Hehan wocanksiya cicipajinpi kta, qa ake miś eya śakowin akihde wayahtanipi on cicaştakapi kta.

29 Unkan nicinkşıpi celhipi kin yatapi kta, qa nicunkşıpi celhipi kin yatapi kta.

30 Unkan paha tehanwankantuya nitawapi kin wapajuju kta, qa anpetu wi kagapi nitawa wakawanke kta, qa nitancan tapi kin wakagapi nitawapi tapi akan wehnake kta, qa minagi kin wahtenidapi kte śni.

31 Qa otonwe nitawapi hewo-skan wakage kta, qa tipi wakan

WICOWOYAKE 27.

nitawapi otiwota wakage kta, qa izinyapi waſtemna nitawapi owamna kte ſni.

32 Qa miſ makoce kin hewoskan wakage kta, hecen toka niyanpi kin he en oonyanpi kin yuſinyayapi kta.

33 Qa niyepi ikcewicaſta ehna enanakiya iyaye ciyapi kta, qa nihakam isan wahduſdoke kta, qa makoce nitawapi kin hewoskantu kta, qa otonwe nitawapi kin tuwedan oti kte ſni.

34 Hecen makoce kin tookihipapi kin iyokipi kta, tona can hewoskan, qa niyepi toka niyanpi tamakocepi en dukanpi hehanyan makoce okihipe kta, qa tookihipapi kin iyokipi kta.

35 Akan oonyayapi qehan okihipapi tawa icunhan okihipe ſni, he on anpetu tona hewoskan okihipe kta.

36 Unkan niyepi etanhan tona iyahanpi nicantepi wankapidan wakage kta, tokaniyanpi tamakocepi kin ohna; canwapa hapa hoton nicaſhapapi kta, qa canhipi etanhan najicapi iyecen nayajicapi kta, qa nihicaſhanpi kta, tuwedan nicuwapi ſni eſta.

37 Qa iyahdaskin nihinihipayapi kta, canhipi etanhan najicapi iyecen tuwedan nipasipi ſni eſta, qa toka niyaupi itokam najin oyakhipi kte ſni.

38 Qa Ikcewicaſta ehna aniwihununipi kta, qa toka niyanpi tamakocepi kin niyasotapi kta.

39 Qa niyepi etanhan tona ihanpi kin hena ſicaya oſhanyanpi kin en skanpi kta, toka niyanpi tamakocepi ohna, qa nakun hunkake wicayapi ſicaya oſhanyanpi en skanpi kta.

40 Hehan iye ſicaya oſhanyanpi kin, qa hunkakepi ſicaya oſhanyanpi kin ohdakapi kta, woki-

pajin on makipajinpi, qa nakun token makiza manipi;

41 Nakun miſ wicakipajinyan mawani, qa toka wicayapi tamakocepi en awicamda, hehan cantepi bakihdayapi ſni ihduhukuyapi kinhan, qa ſicaya oſhanyanpi on ſitkihdayapi iyowin kiyapi kinhan;

42 Hehan wicotakuye mitawa Jakob kici weksuye kta, qa wicotakuye mitawa Izak kici qa wicotakuye mitawa Abereham kici weksuye kta, qa makoce kin weksuye kta.

43 Unkan makoce kin ehpeyapi kin, qa tookihipapi on iyuſkin kta, hena en unpi ſni icunhan, unkan iye wahtanipi ſitkihdayapi kin iyowinkiyapi kta, woyaco mitawa ihaktapi ſni, qa nagipi kin wokage mitawa wahtedapi ſni kin he on etanhan.

44 Takomni tokawicayapi tamakocepi ohna yakonpi eſta ehpe wicawakiye kte ſni, qa ihangwicaye kta, qa wicotakuye wicawecicage cin wahdujuju kta e hitiwicawahda kte ſni, Jehowa wakandapi kin he miye.

45 Tuka iyepi on wicotakuye hunkakewicayapi Egupta makoce etanhan wakanmadapi kta e inanpe wicawaye cin he ikcewicaſta wanyakapi hena om wicotakuye weksuye kta, Jehowa he miye.

46 Wokage, qa woyaco, qa wooppe Jehowa Sina he ekta, Mowis nape eciyatanhan, iye qa Israel cinca otahedan wicaqu kin hena ee.

WICOWOYAKE 27.

1 Unkan Jehowa ie a Mowis heciya ;

2 Israel cinca kin hecen ewica-kiya wo; Wicaſta wan tuwe hdu-

LEWI TOOPE.

kinukan kta içiconze cinhan, token nagi niyawapi kin Jehowa qu kta.

3 Unkan hecen niyawapi kta, wica wan waniyetu wikcemna nonpa etanhan wikcemna śakpe aiyahdeya mazaska śeqel wikcemna zaptan niyawapi kta, tipi wakan śeqel iyececa.

4 Tuka he winyan hecinhan śeqel wikcemna yamni niyawapi kta.

5 Unkan waniyetu zaptan etanhan waniyetu wikcemna nonpa aiyahdeya, wica kinhan śeqel wikcemna nonpa niyawapi kta, qa winyan ege śeqel wikcemna.

6 Unkan wi wanjidan etanhan waniyetu zaptan aiyahdeya niyawapi kinhan wica kin mazaska śeqel zaptan, qa winyan ege mazaska śeqel yamni niyawapi kta.

7 Unkan waniyetu wikcemna śakpe etanhan, qa iwankapatanhan, wica kinhan śeqel wikcemna sanpa zaptan niyawapi kta, qa winyan ege śeqel wikcemna.

8 Tuka taku niyawapi kin iyohiye śni kinhan, wawayuśna kin itokam inajin kta, unkan wawayuśna kin he yawa kta, tuwe içiconze taku nape kin iyohiye cin he wawayuśna kin iyukean kta.

9 Unkan wanunyanpi etanhan woahi Jehowa kahipi kin hena etanhan taku qu kin owasin Jehowa on wakan kta.

10 He yutokeca kte śni, qa wašte śica on tokiyopeye kte śni, qa nakun śica wašte on, qa wanunyanpi wan wanunyanpi tokeca on tokiyopeye kte cinhan sakim wakan kta.

11 Unkan wanunyanpi śapa etanhan woahi Jehowa kahipi śni hena owasin etanhan kinhan,

wanunyanpi kin he wawayuśna kin itokam najin kiye kta.

12 Unkan wawayuśna kin he niciyawa kta, wašte qa śica unman tukte kašta, token wawayuśna kin he niciyawa kinhan, hecetu kta.

13 Unkan he opekiton kte cinhan, token niciyawapi, qa nakun sanpa izaptan qu kta.

14 Unkan wicašta wan Jehowa on wakan kta tipi kin hduwakan kte cinhan, wawayuśna kin he wašte qaiś śica iyawa kta, qa token wawayuśna niciyawa kinhan, hecetu kta.

15 Unkan tuwe tipi hduwakan kin he opekiton kte cinhan, token kiciyawapi, qa nakun sanpa izaptan qu kta, hehan hduhe kta.

16 Unkan wicašta wan maga tawaye cin etanhan onśpa Jehowa on hduwakan kte cinhan, su on wojupi kin eciyatanhan niciyawapi kta, Barle Homer wan woju iyohiye kte cin he mazaska śeqel wikcemna zaptan niciyawapi kta.

17 Unkan Jubele waniyetu etanhan maga hduwakan, token niciyawapi kin hecetu kta.

18 Unkan Jubele iyohakam maga hduwakan kinhan niciyawapi qon etanhan yuaoptetu kta, qa wawayuśna kin waniyetu tona Jubele waniyetu iyehantu eciyatanhan mazaska kiciyawa kta.

19 Unkan tuwe maga hduwakan kin he opekiton kte cinhan, mazaska niciyawapi qa nakun he kici izaptan qu kta, hecen ekicetupi kta.

20 Unkan maga kin opekiton kte śni, ecen wicašta tokeca maga kin he opeton kinhan, icimanna opekiton kte śni.

21 Qa maga kin he wakan kta, Jubele kinhan tankan ye kte śni, Jehowa tawa kta, maga yuwa-

kanpi hinca iyececa, wawayuśna kin he tawaye kta.

22 Unkan maga wan opetonpi, qa hunkakewicaye cin etanhan maga kin he tawaye śni, he yuwakan kta, qa Jehowa qu kte cinhan;

23 Wawayuśna niciyawapi kin eciyatanhan. Jubele waniyetu iyehantu kin taku iyehantu kiciyawa kta, unkan anpetu kin he en token niciyawapi qu kta, he wakan Jehowa tawa.

24 Jubele waniyetu kinhan maga tuwe etanhan opetonpi kin he ekta hdi kta, wicaśta makoce tawaye ciqon he ekta.

25 Taku niciyawapi kin owasin tipi wakan śeqel eciyatanhan, omnica wikcemna nonpa śeqel wanjidan kta.

26 Tokeśta woteca tokaheya wicatonpi kin he Jehowa tawa, heon tokaheya wicatonpi kin he tuwedan yuwakan kte śni, he pte qaiś taħınca unman tukte kaśta Jehowa tawa.

27 Unkan woteca śapa heca opekiron kte cinhan niciyawapi iyecen he izaptan kici qu kta, qa opekiron kte śni kinhan wiyopeyapi kta, niciyawapi kin iyecen.

28 Tokeśta taku yuwakanpi ħinca, taku wicaśta wan Jehowa

ekta yuwakan ħinca kin, taku tawaye cin owasin etanhan wicaśta, qa wanunyanpi etanhan, qa maga tawaye cin etanhan he wiyopeyapi kte śni, qa opekironpi kte śni, taku yuwakanpi ħinca kin he owasin Jehowa tawa, wakan ħinca.

29 Wicaśta tona wicayuwakanpi ħinca kin hena opewicakironpi kte śni, tuwe yuwakanpi ħinca kin he ħe kta.

30 Unkan maka taku aicage cin iwikcemna kin maka ojupi etanhan, qa can waskuyeca etanhan, he owasin Jehowa tawa, he Jehowa on wakan.

31 Unkan wicaśta wan iwikcemna kin etanhan taku opekiron kte cinhan, iyehantu, qa nakun kici izaptan kin qu kta.

32 Unkan, pte qa taħınca iwikcemna kin owasin tona cansakadan ihukuya iyoptapi kin hena owasin iwikcemna kin Jehowa on wakan kta:

33 Waśte qaiś śica unmanna on kaħnige kte śni qa he yutokeca kte śni, qa tokiyopekiya eśta he, qa wanji on tokiyopekiyapi koya wakan kta, opekiron kte śni.

34 Sina ħe ohna Israel cinca on Jehowa Mowis woahope qu kin hena ee.

WICAYAWAPI.

WICOWOYAKE 1.

1 Unkan Egipta makoce etanhan hdinapapi kin waniyetu inonpa wi inonpa anpetu tokaheya en, Sina hopuze cin ohna, itkopipapi wakeya ohna, Jehowa ie, ça Mowis heciya.

2 Israel cinca omniciye ocowasin pa kin wicayawapo, wicowazipi iyecen, ateyapi tipi kin iyecen wicapa kin owasin cajepi yawapi iyecen.

3 Waniyetu wikcemna nonpa etanhan qa aktonpi, Israel ohna wica tona ozuye yapi, niye, qa Aaron wicadawapi kta, obe tawapi kin iyecen,

4 Unkan wicoun otoiyohi etanhan wicašta wan niyepi om un kta, wicašta ateyapi tipi itancan heca.

5 Unkan wicašta niyepi om najinpi kta, wicasta cajepi kin dena eepi, Ruben etanhan Elitzur Sedeur cinhintku.

6 Simeon etanhan Šclumiel Tzurišada cinhintku.

7 Juda etanhan Našon Aminadab cinhintku.

8 Isakar etanhan Netaneel Tzuar cinhintku.

9 Zubulun etanhan Eliab Helon cinhintku.

10 Josep cinca etanhan, Epraim etanhan, Elišama Amihud cinhintku, Manaše etanhan Gamaliel Pedatzur cinhintku.

11 Benjamin etanhan Abidan Gideoni cinhintku.

12 Dan etanhan Ahiezer Amišada cinhintku.

Num.

13 Ašer etanhan Pagiel Okran cinhintku.

14 Gad etanhan Eleasap Deuel cinhintku.

15 Neptali etanhan Ahira Enan cinhintku.

16 Omniciye etanhan hena wicakicopi, ateyapi wicoun wicašta yatapi kin, Israel kektopawinge itancan hecapi.

17 Unkan Mowis qa Aaron wicašta caje wicayatapi qon hena icupi.

18 Qa wi inonpa anpetu tokaheya en, omniciye owasin yuwitaya hiyu wicayapi, unkan tuwe-we etanhan tonpi kin ohdakapi, wicowazipi iyecen, ateyapi tipi on, waniyetu wikcemna nonpa aktonpi caje wicayawapi, wicapa owasin.

19 Qa Sina hopuze ohna wicayawapi, Jehowa Mowis hecon ši kin he iyecen.

20 Unkan Israel cinhintku toka pa Ruben cinca kin token wicatonpi wicowazipi iyecen, qa ateyapi tipi kin iyecen caje wicayawapi wicapa kin iyecen, wica waniyetu wikcemna nonpa aktonpi owasin, tona ozuye yapi owasin;

21 Ruben wicoun etanhan kektopawinge wikcemna topa sanpa opawinge zaptan wicayawapi.

22 Unkan Simeon cinca etanhan token wicatonpi, wicowazipi iyecen, qa ateyapi tipi kin iyecen, caje wicayawapi wicapa iyecen, wica waniyetu wikcemna nonpa aktonpi owasin, tona ozuye yapi owasin.

WICAYAWAPI,

23 Simeon wicoun etanhan kektopawinge wikcemna zaptan sanpa kektopawinge napcinwan-ka sanpa opawinge yamni wicayawapi.

24 Unkan Gad cinca etanhan token wicatonpi, wicowazipi iyecen, ateyapi tipi kin iyecen, caje wicayawapi wica waniyetu wikcemna nonpa aktonpi, tona ozuye yapi owasin ;

25 Gad wicoun etanhan kektopawinge wikcemna topa sanpa kektopawinge zaptan sanpa opawinge šakpe sanpa wikcemna zaptan wicayawapi.

26 Juda cinca etanhan token wicatonpi wicowazipi iyecen, ateyapi tipi kin iyecen, caje wicayawapi waniyetu wikcemna nonpa aktonpi, tona ozuye yapi owasin ;

27 Juda wicoun etanhan kektopawinge wikcemna šakowin sanpa kektopawinge topa sanpa opawinge šakpe wicayawapi.

28 Isakar cinca etanhan token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

29 Isakar wicoun etanhan kektopawinge wikcemna zaptan sanpa kektopawinge topa sanpa opawinge topa wicayawapi.

30 Zebulun cinca etanhan token wicatonpi wicowazipi iyecen, ateyapi tipi kin iyecen waniyetu wikcemna nonpa aktonpi caje wicayawapi, tona ozuye yapi owasin ;

31 Zebulun wicoun etanhan kektopawinge wikcemna zaptan sanpa kektopawinge šakowin sanpa opawinge topa wicayawapi.

32 Josep cinca etanhan Epraim cinca etanhan token wicatonpi

wicowazipi iyecen, ateyapi tipi kin iyecen, waniyetu wikcemna nonpa aktonpi, caje wicayawapi, tona ozuye yapi owasin ;

33 Epraim wicoun etanhan kektopawinge wikcemna topa sanpa opawinge zaptan wicayawapi.

34 Manaše cinca etanhan, token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

35 Manaše wicoun etanhan kektopawinge wikcemna yamni sanpa kektopawinge nonpa, sanpa opawinge nonpa wicayawapi.

36 Benjamin cinca etanhan token wicatonpi, wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin :

37 Benjamin wicoun etanhan kektopawinge wikcemna yamni sanpa kektopawinge zaptan sanpa opawinge topa wicayawapi.

38 Dan cinca etanhan token wicatonpi, wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

39 Dan wicoun etanhan kektopawinge wikcemna šakpe sanpa kektopawinge nonpa sanpa opawinge šakowin wicayawapi.

40 Ašer cinca etanhan token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

41 Ašer wicoun etanhan kektopawinge wikcemna topa sanpa kektopawinge wanjidan sanpa opawinge zaptan wicayawapi.

42 Neptali cinca etanhan token

WICOWOYAKE 2.

wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

43 Neptali wicoun etanhan kektopawinge wikcemna zaptan sanpa kektopawinge yamni sanpa opawinge topa wicayawapi.

44 Mowis qa Aaron qa Israel itancan wikcemna sanpa nonpa ateyapi tipi otoiyohi etanhan wicasta wanjidan, hena wicayawapi.

45 Hecen Israel cinca kin ateyapi tipi kin iyecen, tona wicayawapi, waniyetu wikcemna nonpa aktonpi, Israel ohna tona ozuye yapi kin owasin ;

46 Tona wicayawapi owasin kektopawinge opawinge šakpe sanpa kektopawinge yamni sanpa opawinge zaptan sanpa wikcemna zaptan eepi.

47 Tuka Lewi kin ateyapi wicoun iyecen hena om wicayawapi šni.

48 Nakaš Jehowa Mowis hecen eciye ciquon ;

49 Ihnunhan Lewi wicoun kin wicadawa kin, qa hena oyawa kin Israel cinca kin wicehna aokiju yaye kte šni.

50 Tuka niye Lewi kin wayaatanin tipi kin, qa tawakšica owasin, qa taku ohna un kin owasin yuhe wicayakiye kta. Hena tipi kin he, qa wakšica tawa owasin qinpi kta, qa he kicanyanpi kta, qa tipi kin he ihdukšan etipi kta.

51 Ihdakapi eca Lewi kin tipi kin yujupupi kta, qa etipi eca Lewi kin tipi kin piya iticagapi kta. Unkan tuwe tokeca ikiyedani hi kinhan te yapi kta.

52 Unkan Israel cinca kin otoiyohi wicobe iyecen wicoti tawa, qa wiyokiye tawa ekta ti kta.

Num.

13

53 Tuka Lewi kin wayaatanin tipi kin ihdukšan etipi kta, hecen Israel cinca omniciye kin wocanniye awicahinhpaye kte šni, Lewi kin wayaatanin tipi awanyag wicašipi kin he iyecen awanyakapi kinhan.

54 Unkan Israel cinca kin token Jehowa Mowis econpi kta eciye cin he iyecen taku owasin econpi.

WICOWOYAKE 2.

1 Unkan Jehowa ie qa Mowis, qa Aaron hewicakiya.

2 Israel cinca kin otoiyohi wiyokiye tawa ekta, ateyapi tipi wiyokiyedan kin icahda wakeya iticage kta, itkokipapi wakeya ihdukšan owasin wakeya iticagapi kta.

3 Unkan he itokam wi hinape ektakiya Juda wicoti wiyokihe kin obe tawapi kin iyecen wakeya iticagapi kta. Unkan Nahišon Aminadab cinhintku kin Juda cinca itancan kin hee.

4 Qa obe tawa kektopawinge wikcemna šakowin sanpa kektopawinge topa sanpa opawinge šakpe wicayawapi.

5 Unkan he icahda Isakar wicoun tipi kta, qa Isakar cinca itancan kin Netanael Tzuar cinhintku kin hee.

6 Qa obetawa kektopawinge wikcemna zaptan sanpa kektopawinge topa sanpa opawinge topa wicayawapi.

7 Hehan Zebulun wicoun, qa Zebulun cinca itancan kin Eliab Helon cinhintku kin hee.

8 Qa obe tawa kektopawinge wikcemna zaptan sanpa kektopawinge šakowin sanpa opawinge topa wicayawapi.

9 Juda wicoti wicayawapi owasin kektopawinge opawinge san-

193

WICAYAWAPI,

pa kektopawinge wikcemna šahdogan sanpa kektopawinge šakpe sanpa opawinge topa wicayawapi.

10 Ruben wicoti wiyokiye kin wiyotanhan ektakiya tipi kta, obe tawapi kin iyecen, qa Ruben cinca itancan kin Elitzur Še-deur cinhintku kin hee.

11 Qa obe tawa kektopawinge wikcemna topa sanpa kektopawinge šakpe sanpa opawinge zaptan wicayawapi.

12 Unkan he icahda Simeon wicoun tipi kta, qa Simeon cinca itancan kin Šelumiel Tzurišada cinhintku kin hee.

13 Qa obe tawa kektopawinge wikcemna zaptan sanpa kektopawinge napeinwanka sanpa opawinge yamni wicayawapi.

14 Hehan Gad wicoun, qa Gad cinca itancan kin Eliasap Reuel cinhintku kin hee.

15 Qa obe tawa kektopawinge wikcemna topa sanpa kektopawinge zaptan sanpa opawinge šakpe sanpa wikcemna zaptan wicayawapi.

16 Ruben om tipi wicayawapi owasin kektopawinge opawinge sanpa kektopawinge wikcemna zaptan sanpa kektopawinge wanjidan, sanpa opawinge topa sanpa wikcemna zaptan, obe tawapi kin iyecen, qa hena inonpa ihdakapi kta.

17 Hehan itkokipapi wakeya kin ihdake kta, Lewi wicoti om wicoti cokaya, token tipi kin he iyecen ihdakapi kte, otoiyo hi oyanke tawa ohna wiyokiyepi om.

18 Epraim wiyokiye obe tawapi kin iyecen wiyohpeyata ektakiya tipi kta, qa Epraim cinca itancan kin Elišama Amihud cinhintku kin hee.

19 Qa obe tawa kektopawinge

wikcemna topa sanpa opawinge zaptan wicayawapi.

20 Qa he icahda Manaše wicoun, qa Manaše cinca itancan kin Gamaliel Pedatzur cinhintku kin hee.

21 Qa obe tawa kektopawinge wikcemna yamni sanpa kektopawinge nonpa sanpa opawinge nonpa wicayawapi.

22 Hehan Benjamin wicoun etipi kta, qa Benjamin cinca itancan kin Abidan Gideoni cinhintku kin hee.

23 Qa obe tawa kektopawinge wikcemna yamni sanpa kektopawinge zaptan sanpa opawinge tapa wicayawapi.

24 Epraim wicoti om wicayawapi owasin kektopawinge opawinge sanpa kektopawinge šahdogan sanpa opawinge wanjidan, obe tawapi kin iyecen, qa hena iyamni ihdakapi kta.

25 Dan wiyokiye waziyata ektakiya tipi kta obe tawapi kin iyecen, qa Dan cinca itancan kin Ahiezer Amišada cinhintku kin hee.

26 Qa obe tawa kektopawinge wikcemna šakpe sanpa kektopawinge nonpa sanpa opawinge šakowin wicayawapi.

27 Unkan he icahda tipi kin dena eepi; Ašer wicoun, qa Ašer cinca itancan kin Pagiel Okran cinhintku kin hee.

28 Obe tawa kektopawinge wikcemna topa sanpa kektopawinge wanjidan sanpa opawinge zaptan wicayawapi.

29 Qa Naptali wicoun kin, qa Naptali cinca itancan kin Ahira Enan cinhintku kin hee.

30 Qa obe tawa kektopawinge wikcemna zaptan sanpa kektopawinge yamni sanpa opawinge topa wicayawapi.

31 Dan wicoti wicayawapi owa-

WICOWOYAKE 3.

sin kektopawinge opawinge sanpa kektopawinge wikcemna zaptan sanpa kektopawinge šakowin sanpa opawinge šakpe hena ehake ihdakapi kta, wiyokiye tawapi kin iyahna.

32 Israel cinca ate wicayapi tipi ecekcen hena wicayawapi, obe tawapi kin ohnahna, wicoti owancaya denakeca wicayawapi, kektopawinge opawinge šakpe sanpa kektopawinge yamni sanpa opawinge zaptan sanpa wikcemna zaptan.

33 Tuka Lewi kin hena Israel cinca wicehna wicayawapi šni, Jehowa Mowis hecen econ ší nakaš.

34 Unkan token Jehowa Mowis econ ší kin owasin he iyecen Israel cinca kin econpi, hecen wiyokiye tawapi kin icahda iticagapi, qa hecen otioyohi wicotakuye tawa kin iyecen atewicaya tipi kin om ihdakapi.

WICOWOYAKE 3.

1 Unkan Aaron, qa Mowis wicoicage kin dee, Sina he kin ohna Jehowa Mowis kici wohdake cehan.

2 Aaron cinca kin cajepi kin dena eepi, Cinhintku tokapa Nadab, hehan Abihu, Eleazar, qa Itamar.

3 Aaron cinca sda wicayapi cajepi kin hena eepi, hena wošna kagapi kta e nape ojun wicayapi.

4 Tuka Nadab, qa Abihu Jehowa itokam tapi Sina hopuze cin ohna, peta tokeca Jehowa itokam hiyuyapi qehan, qa cinca nicapi. Unkan Eleazar qa Itamar wawayušnapi ateyapi Aaron itokam.

5 Unkan Jehowa ie ça Mowis heciya,

6 Lewi wicoun kin awicahi wo, qa Aaron wawayušna kin itokam najin wicayakiye kta, hecen okiyapi kta.

7 Qa iye taku awanyake kte cin, qa omniciye owasin taku awanyakapi kte cin he awanyakapi kta, itkokipapi wakeya itokam, qa tipi tohtani kin econpi kta.

8 Qa itkokipapi wakeya wakšica kin owasin awanyakapi kta, nakun Israel cinca kin toawanyake kin owasin, hecen tipi tohtani kin econpi kta.

9 Qa Lewi kin taku qupí wan iyecen Aaron qa iye cinca kin wicayaqu kta, Israel cinca kin wicehna tanhan hena iye wicakicipi kta.

10 Unkan Aaron qa iye cinca kin hena yuhe wicayaši kta, unkan wowayušnapi kin awanyakapi kta, unkan tuwe tokeca ikiyedan hi kinhan țeyapi kta.

11 Unkan Jehowa ie ça Mowis heciya.

12 Iho miš Israel cinca wicehna tanhan Lewi kin iwicawacu, Israel cinca tokapapi, tona winyan tamni nahdoke cin owasin hena eekiya, hecen Lewi kin wicamduhe kta.

13 Tona tokapa kin owasin mitawa, Egupta makoce ohna tona caske owasin awicawape cin anpetu kin he en Israel wicehna wicašta, qa woteka tona caske owasin mici wahduwakan, hena mitawa kta, Jehowa he miye.

14 Unkan Sina hopuze cin ohna Jehowa ie ça Mowis heciya.

15 Lewi cinca ateyapi tipi kin iyecen, wicowazipi iyecen, tona wica owasin wicayawa wo, wi wanjidan aktonpi wicadawa kta.

16 Unkan Jehowa i kin eciya-

WICAYAWAPI,

tanhan token econ śi kin he iye-
cen Mowis wicayawa.

17 Unkan Lewi cinca cajepi
kin dena eepi, Gerson, qa Qohat,
qa Merari.

18 Qa Gerson cinca cajepi kin
wicowazipi iyecen, dena eepi
Libni, qa Simeï.

19 Unkan Qohat cinca kin wi-
cowazipi iyecen, Amram qa It-
zar, Hebron qa Uziel.

20 Unkan Merari cinca kin wi-
cowazipi iyecen, Mahli qa Musi,
Lewi ateyapi tipi wicowazipi
kin dena eepi.

21 Gerson etanhan Libni wico-
wazi, qa Simeï wicowazi ; Ger-
soni wicowazi hena eepi.

22 Hena wicayawapi tona wi-
ca waniyetu wanjidan aktonpi
owasin kektopawinge śakowin
sanpa opawinge zaptan.

23 Gersoni wicowazi tipi catku
tanhan wiyohpeya ektakiya etipi
kta.

24 Qa Gersoni ateyapi tipi itan-
can kin Eleasap Lael cinhintku
kin hee.

25 Qa itkokipapi wakeya etan-
han Gersoni cinca taku awanya-
kapi kte cin dee, tipi kin, qa
wakeya kin, qa toakahpe kin, qa
itkokipapi wakeya tiyopa akahpe
cin.

26 Qa hocoka ozanpi kin, qa
hocoka tiyopa akahpe cin, he ti-
pi kin qa wahna wośnapi ihdu-
ksan yanka, nakun ikanyanpi kin
owasin.

27 Unkan Qohat etanhan Am-
rami wicowazi, qa Itzar wico-
wazi, Hebroni wicowazi, qa
Uzieli yicowazi ; Qohati wico-
wazi kin hena eepi.

28 Wi wanjidan aktonpi kin
wica owasin, kektopawinge śa-
hdogan sanpa opawinge śakpe, ti-
pi wakan wokicanye kin awan-
yakapi.

29 Qohat cinca wicowazi kin
tipi icahda, wiyotanhan ektaki-
ya etipi kta.

30 Qa Qohati wicowazi ateya-
pi tipi itancan kin Elitzapan
Uziel cinhintku kin hee.

31 Qa hena can wohbaka kin,
qa wahna wotapi kin, qa petijan-
jan ihupa kin, qa wahna wośna-
pi kin, qa tipi wakan tawaksica
kin hena on tohtani econpi kin,
qa taku on kicanyanpi owasin,
qa tiyopa akahpe kin.

32 Unkan Lewi itancan itan-
canpi kin Aaron wawayuśna cin-
hintku kin Eleazar hee kta, iye
tipi wakan awanyakapi kin hena
awanwicayake kta.

33 Merari etanhan Mahli wi-
cowazi kin qa Musi wicowazi
kin ; Merari wicowazi kin hena
eepi.

34 Wica owasin wi wanjidan
aktonpi kektopawinge śakpe
sanpa opawinge nonpa.

35 Qa Merari ateyapi tipi wi-
cowazipi itancan kin Tzuriel
Abihael cinhintku kin hee ; he-
na waziyata ekta kiya tipi kta.

36 Unkan Merari cinca kin tipi
canmdaska kin, qa can hdakin-
yan kin, qa can bosdata kin, qa
sicu kin, qa tawaksica kin owa-
sin, qa taku on kicanyanpi kin
owasin awanyag wicayaśi kta.

37 Nakun hocoka ihduksan
can bosdata kin, qa sicupi kin qa
wihutipaspepi kin, qa ikanpi kin
owasin.

38 Unkan Mowis qa Aaron qa
iye cinca kin tipi itokam wiyohi-
yanpa ektakiya, itkokipapi wake-
ya itokam wi hinanpa ektakiya
etipi kta, Israel cinca kin tipi wa-
kan awanyakapi kin hena awan-
yakapi kta, qa tuwe tokeca iki-
yedan hi kinhan te yapi kta.

39 Lewi kin Jehowa i eciyatan-
han Mowis qa Aaron wicayawa-

WICOWOYAKE 4.

pi owasin wicowazipi iyecen, wica wi wanjidan aktonpi wicayawapi owasin kektopawinge wikcemna nonpa sanpa kektopawinge nonpa.

40 Unkan Jehowa Mowis heciya, Israel cinca caskepi owasin wicayawa wo, wi wanjidan aktonpi kin hena, qa cajepi oyawa icu wo.

41 Qa Jehowa he miye, heon Israel cinca caskepi owasin hee kiya Lewi kin imicicu wo, qa Israel cinca tawanunyanpi caskepi owasin hee kiya Lewi tawanunyanpi kin;

42 Unkan Mowis Israel cinca caskepi owasin wicayawa, Jehowa hecon ši kin he iyecen.

43 Unkan caskepi owasin wi wanjidan aktonpi, cajepi wicayawapi iyecen, kektopawinge wikcemna nonpa sanpa kektopawinge nonpa sanpa opawinge nonpa sanpa wikcemna šakowin sanpa yamni wicayawapi.

44 Unkan Jehowa ie ça Mowis heciya,

45 Lewi kin iwicacu wo, qa Lewi tawanunyanpi Israel cinca caskepi, qa tawanunyanpi hee kiya, hecen Lewi kin mitawa kta.

46 Qa Israel cinca caskepi opawinge nonpa sanpa wikcemna šakowin sanpa yamni Lewi kin isanpa hena ope wicakitonpi kta.

47 Hena otoiyohi etanhan pa wicayawapi kin iyecen, šeqel zaptan, tipi wakan šeqel iyecen iyacu kta. Šeqel wanjidan omnica wikcemna nonpa hee.

48 Qa wicayawapi iyaye cin mazaska on ope wicatonpi kin he Aaron qa iye cinca kin wicayaqu kta.

49 Unkan Mowis Lewi ope wicakitonpi sanpa iyayapi kin hena

etanhan mazaska on opeiçitonpi kin he icu.

50 Israel cinca caskepi etanhan mazaska kin icu, šeqel kektopawinge wanjidan sanpa opawinge yamni sanpa wikcemna šakpe sanpa zaptan tipi wakan šeqel iyececa.

51 Qa Mowis mazaska on ope wicakitonpi kin he Aaron qa iye cinca kin wicaqu; Jehowa i kin eciyatanhan Jehowa Mowis econ-ši kin he iyecen.

WICOWOYAKE 4.

1 Unkan Jehowa ie ça Mowis qa Aaron hewicakiya.

2 Lewi cinca wicehna tanhan Qohat cinca kin tonaka wicayawa wo, wicowazipi iyecen, ateyapi tipi kin iyecen.

3 Waniyetu wikcemna yamni aktonpi, qa waniyetu wikcemna zaptan aiyahdeya, tona itkokipapi wakeya wolhtani econpi kta e obe en opapi owasin.

4 Qa Qohat cinca wolhtani econpi kta dee, itkokipapi wakeya ohna taku wakan hinca.

5 Wicoti ihdakapi kte cinhan Aaron qa iye cinca kin en hipi kta, qa cokaya ozanpi woakalhe kin kun icupi kta, qa he on woyaatanin can wohnake kin akahpapi kta.

6 Qa he iwankam hoka ha woakalhe wan ehnapapi kta, qa he iwankam šina wan ocowašin to ayumdayapi kta, qa tošu kin en iyeyapi kta.

7 Qa wahna wotapi itokam hnakapi akan šina to wan ayumdayapi kta, qa he akan waksi- ca kin, qa maza tukiha kin, qa wiyatke kin, qa cega etanhan wakanyan kaštanpi kin ehnapapi kta, qa aguyapi ohinniyan kin he akan yanke kta.

WICAYAWAPI,

8 Qa hena akan sina duta wan ayumdayapi kta, qa hoka ha woakalpe wan on akahpapi kta, qa can akiyuhapi kin wiyeya kagapi kta.

9 Qa sina to wan icupi kta, qa petijanjan ihupa kin, qa petijanjan kin, qa petijanjan iyukse kin, qa ohna cahota icupi kin, qa wihdi waksica on he kicanyanpi owasin akahpapi kta.

10 Qa he qa tawasica owasin hoka ha ojuha wan en ohnakapi kta, qa can akiyuhapi wan akan ikoyag yapi kta.

11 Qa mazaskazi wahna woşnapi akan sina to wan ayumdayapi kta, qa hoka ha woakalpe wan on akahpapi kta, qa can akiyuhapi kin he ikoyag yapi kta.

12 Qa waksica kicanyanpi, tipi wakan ohna taku econpi kin hena owasin icupi kta, qa sina to wan akan ehnakapi kta, qa hoka ha ojuha wan en iyeyapi kta, qa can akiyuhapi wan akan ikoyag yapi kta.

13 Qa wahna woşnapi etanhan cahota pakintapi kta, qa akan sina stan wan ayumdayapi kta.

14 Qa he akan taku on kicanyanpi owasin, petaga waksica kin, qa mazajanjata kin, qa mazamdaska kin, qa waksica kin, taku on wahna woşnapi kicanyanpi owasin ehnakapi kta, qa akan hoka ha woakalpe wan ayumdayapi kta, qa can akiyuhapi kin ekta ikoyag yapi kta.

15 Unkan tipi ihdakapi eca Aaron qa iye cinca tipi wakan qa taku on kicanyanpi kin owasin akahpapi yuştanpi kinhan, hena qinpi kta e Qohat cinca kin en hipi kta, tuka taku wakan seca yutanpi kte şni, heconpi kinhan okini tapi kta. Itkokipapi wa-

keya ohna Qohat cinca tawaqinpi kin hena eepi.

16 Unkan Eleazar Aaron wayuşna cinhintku kin wihdi iyoyam yapi kin, qa pejuta izinyapi waştamna, qa anpetu iyohi minha kin, qa wihdi on sdawicayapi kin hena awanyake kta; tipi wakan ocowasin, qa taku ohna un kin owasin, tipi wakan ohna, qa tawaksica ohna taku un kin awanyake kta.

17 Unkan Jehowa ie ça Mowis qa Aaron hewicakiya,

18 Ihnuhan Lewi kin wicehna tanhan Qohati wicoun wicowazi kin wicayakaşpapi kin.

19 Qa hecen ecawicayeconpi kta, hecen nipi kta, qa taku wakan, qa taku wakan hinca ikiyedan hipi eştá tapi kte şni; Aaron qa iye cinca kin en ipi, qa otoiyohi taku econ, qa taku qin kta okiyakapi kta.

20 Tuka taku tipi wakan ohna akahpapi eca wanyakapi kta e en hipi kte şni, okini tapi kta.

21 Unkan Jehowa ie ça Mowis heciya.

22 Gerşon cinca nakun wicayawa wo, ateyapi tipi kin iyecen, qa wicowazipi kin iyecen;

23 Waniyetu wikcemna yamni aktonpi etanhan waniyetu wikcemna zaptan aiyahdeya wicadawa kta, obe itkokipapi wakeya ohna wohtani econpi kta e en yapi kin owasin.

24 Gerşoni wicowazi kin wohtani econpi kta, qa taku qinpi kte cin dee.

25 Tipi ozanpi kin qa itkokipapi wakeya he akalpe cin, qa hoka ha woakalpe kin he iwan-kam akapa tanhan yanke cin, qa itkokipapi wakeya tiyopa ozanpi kin hena qinpi kta.

26 Nakun hocoka ozanpi kin, hocoka tipi ihdukşan, qa wahna

WICOWOYAKE 4.

woŋnapi ihdukŋan yanke cin tiyo-
pa ozanpi kin, qa ikan kin qa
tawakŋica kin owasin, qa taku
on hena kicanyanpi kin owasin.

27 Gerŋonĩ cinca taku qinpi, qa
taku kicanyanpi kin owasin Aa-
ron qa iye cinca oiepi eciyatan-
han econpi kta, qa taku qinpi
kta owasin awanyag wicayaŋipi
kta.

28 Gerŋoni cinca wicowazipi
itkokipapi wakeya ohna wohtani-
pi kin hee, qa hena taku awanya-
kapi kte cin he Itamar Aaron
wawayuŋna cinhintku nape ihu-
kuya un kta.

29 Merari cinca kin wicowazi-
pi iyecen, ateyapi tipi kin iye-
cen wicadawa kta ;

30 Waniyetu wikcemna yamni
aktonpi waniyetu wikcemna za-
ptan aiyahdeya, obe itkokipapi
wakeya wohtani econpi kta e en
upi kin owasin wicadawapi kta.

31 Qa itkokipapi wakeya on
wohtanipi kin tawaqinpi awan-
yakapi kte cin dee; tipi can-
mdaska kin, qa can hdakinyan
kin qa can ipatan kin, qa maza
sicu kin.

32 Qa hocoka ihdukŋan maza
ipatan kin, qa sicupi kin, qa wi-
hutipaspepi, qa ikanpi kin; na-
kun taku on hena kicanyanpi, qa
yuhapi kin owasin, qa waqinpi
awanyakapi kin cajepi on wica-
yecidawapi kta.

33 Merari cinca wicowazi woht-
tani owasin itkokipapi wakeya
ohna htanipi kte cin hee, Itamar
Aaron wawayuŋna kin cinhintku
nape kin ikukuya.

34 Unkan Mowis qa Aaron qa
omniciye itancanpi kin Qohat cin-
ca wicowazipi iyecen, qa ateya-
pi tipi kin iyecen wicayawapi,

35 Waniyetu wikcemna ya-
mni aktonpi qa waniyetu wikce-
mna zaptan aiyahdeya tona itko-

kipapi wakeya wohtani econpi
kta obe en hipi kin owasin.

36 Kektopawinge nonpa sanpa
opawinge ŋakowin sanpa wikce-
mna zaptan wicayawapi wicowa-
zipi iyecen qa ateyapi tipi kin
iyecen.

37 Qohati wicowazipi etanhan
tona itkokipapi wakeya en htan-
napi owasin wicayawapi kin
hena eepi; hena Mowis qa Aa-
ron wicayawapi Jehowa i kin
eciyanhan Mowis nape kin
on.

38 Unkan Gerŋon cinca kin
wicowazipi iyecen qa ateyapi ti-
pi kin iyecen wicayawapi.

39 Waniyetu wikcemna yamni
aktonpi qa waniyetu wikcemna
zaptan wicatonpi aiyahdeya,
tona itkokipapi wakeya en htan-
napi kta e obe en hipi kin owa-
sin.

40 Kektopawinge nonpa sanpa
opawinge ŋakpe sanpa wikce-
mna yamni wicayawapi, wico-
wazipi iyecen, qa ateyapi tipi
kin iyecen.

41 Gerŋon cinca wicowazipi e-
tanhan wicayawapi kin hena ee-
pi, tona itkokipapi wakeya ohna
htanipi owasin hena Mowis qa
Aaron wicayawapi Jehowa i
eciyanhan.

42 Unkan Merari cinca wico-
wazi wicayawapi wicowazipi
kin iyecen, qa ateyapi tipi kin
iyecen.

43 Waniyetu wikcemna yamni
aktonpi qa waniyetu wikcemna
zaptan aiyahdeya, tona itkoki-
papi wakeya ohna htanipi kta e
obe en opapi kin owasin.

44 Kektopawinge yamni sanpa
opawinge nonpa, wicowazipi iye-
cen wicayawapi.

45 Merari cinca wicowazipi
etanhan wicayawapi hena Mo-
wis qa Aaron wicayawapi Jeho-

WICAYAWAPI,

wa i eciyatanhan Mowis nape kin on.

46 Mowis qa Aaron qa Israel itancanpi kin Lewi kin wicowazipi iyecen, qa ateyapi tipi kin iyecen, wicayawapi owasin,

47 Waniyetu wikcemna yamni aktonpi, qa waniyetu wikcemna zaptan aiyahdeya, tona wolitani econpi kta, qa waqinpi econpi kta e itkokipapi wakeya en hipi kin owasin.

48 Kektopawinge şahdogan sanpa opawinge zaptan sanpa wikcemna şahdogan wicayawapi.

49 Jehowa i eciyatanhan Mowis wicayawa otoiyo hi taku econ kta, qa taku qin kta owicakiyaka, Jehowa Mowis econ ši kin he iyecen.

WICOWOYAKE 5.

1 Unkan Jehowa ie ça Mowis heciya.

2 Israel cinca kin tona leprosi ececa, qa tona ton kaduze cin, qa tona taku nagi iyaye cin on şape cin, hena owasin wicoti etanhan token iyaye wicayapi wicaşi wo.

3 Wica, winyan unman tukte kašta ye wicayaşıpi kta, wicoti, etanhan iyaye wicayayapi kta, hecen wicoti cokaya wati kin he yuşapapi kte şni.

4 Unkan Israel cinca kin ecen econpi, qa hena wicoti itankan iyaye wicayapi, token Jehowa Mowis eciye cin hecen Israel cinca kin econpi.

5 Unkan Jehowa ie ça Mowis heciya,

6 Israel cinca kin hewicakiya wo. Wicašta qaiş winolinca wicašta wan en woalitani econ kinhan, qa itonşniyan Jehowa caje yate qa wicanagi kin he hdajuju kta sdotkiye cinhan,

7 Woalitani econ qon ohdake kta, qa wokajuju ocowasin hdajuju kta, qa he izaptan ao pe kiciye ça tuwe en walitani kin kieu kta.

8 Tuka wicašta takuye wohdajuju kicupi kta wanice cinhan, wohdajuju kin Jehowa kicupi kta, wawayuşna akaşpe kiciye cin he ekta woakaşpe tamdoka iyahna.

9 Unkan Israel cinca taku woşnapi etanhan wokosyapi owasin wawayuşna ekta ka hipi kin he tawa kta.

10 Qa wicašta tuwe kašta taku woşna kin he wawayuşna he kahi kinhan he tawa kta.

11 Unkan Jehowa ie ça Mowis heciya.

12 Israel cinca kin hecen ewicakiya wo. Wicašta tuwe kašta tawicu ihduhomni, qa iye en naşmana awalitani kinhan ;

13 Qa wicašta tokeca wan kici iwanke cinhan, he naşmana econ, qa hihnaku išta kin wanyake şni, qa ihduşape tuka wayaatanin wanica, hecon icunhan iyeyapi şni nakaş ;

14 Unkan wowinawizi woniya wan en iyopte ça tawicu kin inakiwizi, unkan he ihduşapa ; qaiş wowinawizi woniya wan en iyopte ça tawicu inakiwizi, tuka he ihduşape şni kinhan ;

15 Wicašta kin he tawicu kin wawayuşna kin ekta u kiye kta, nakun tawicu toahi kin hiyuye kta, barle mdu can wakşica ohnaka wanjidan, wişdi akaştan kte şni, qa canşin waştamna aehnake kte şni, wowinawizi minha hee nakaş, wokiksuye minha on wicoşan şica kiksuyapi kta.

16 Unkan wawayuşna kin he ikiyed an hiyuye ça Jehowa itokam najin kiye kta.

WICOWOYAKE 6.

17 Qa wawayuśna kin mini yu-wakanpi maka waksica wan ohna icu kta, qa tipi wakan owanka etanhan maka mdunakun wawayuśna icu kta, qa mini kin akada kta.

18 Unkan wawayuśna kin winohinca kin Jehowa itokam najin kiye kta, qa pa yugan iyeye kta, qa nape kin akan wokiksuye minha, wowinawizi minha kin hee aehnake kta; tuka mini pa taku tehika icalye cin he wawayuśna kin nape ohna yuhe kta.

19 Qa wawayuśna kin winohinca kin taku wakan cajeyan kiye kta, qa winohinca heciye kta, Nihduśape śni kinhan, qa nihihna etanhan nihduhomni śni, qa wicaśta tokeca kici inonke śni kinhan, mini pa taku tehika icalye cin de kiunni niye kte śni.

20 Tuka nihihna etanhan nihduhomni, qa nihduśape ça nihihna hee kiya wicaśta tokeca kici inonke cinhan;

21 Hecen wawayuśna kin winohinca kin taku wakan cajeyan wowicake ohdag śi kta, qa wawayuśna kin winohinca kin heciye kta, Jehowa oyate nitawa wicehna woyaśice nicage kta, Jehowa niceca kin hidi niye ça nitezi po niye cinhan;

22 Qa mini taku tehike icalye cin de niśupe en ye cinhan tezi nipo kta, qa ceca nihdi kta, eye kta: Unkan hecetu nunwe amen, winohinca kin eye kta.

23 Unkan wawayuśna kin woyaśice kin he wowapi wan akan owa kta, qa mini pa kin on pajaja kta.

24 Qa winohinca kin mini pa taku tehika icalye cin he yatke kiye kta: Unkan mini taku tehika icalye cin he tan mahen iyaye ça pa kta.

25 Hehan wawayuśna kin wowinawizi minha kin winohinca nape etanhan icu kta, qa Jehowa itokam yuwinte kta, qa wahna wośnapi ekta kahi kta.

26 Qa wawayuśna kin minha etanhan nape ohnaka wan wokiksuye on icu kta, qa wahna wośnapi izinye kta, hehan winohinca kin mini yatke kiye kta.

27 Unkan mini yatke kiye cin iyohakam kaketu kta, he ihduśape ça hihnaku nahmana awalitani unkanś, mini taku tehika icalye cin tan mahen iyaye ça pa kta, heon tezi kin po kta, qa ceca kin hidi kta, unkan winohinca kin he oyate tawa ehna woyaśice kta.

28 Tuka winohinca kin ihduśape śni, qa ska kinhan he kiunniye kte śni. tuka cinca ton kta.

29 Wowinawizi woope kin hee, winohinca wan hihnaku etanhan ihduhomni qa ihduśape cinhan.

30 Nakun wowinawizi woniya wan wicaśta wan en iyaye cinhan, qa tawicu kin inakiwizi, qa Jehowa itokam najin kiye kta; unkan wawayuśna kin woope kin de owasin iyecen ecakicon kta.

31 Hecen wicaśta kin woalitani kiciyawapi kte śni, tuka winohinca iye wahtani kin hduhe kta.

WICOWOYAKE 6.

1 Unkan Jehowa ie ça Mowis heciya.

2 Israel cinca kin hecen ewicakiya wo: Wicaśta wan qaiś winohinca wan Jehowa ekta ihdukinunkan, Nazari wohdakapi on, Nazari heca kta e ičiconze cinhan.

3 Miniśa qa mini wakan etanhan ihdukinunkan kta, minisku-

WICAYAWAPI,

mna miniša etanhan, qa mini wakan etanhan miniskumna yatke kte šni, qa taku kašta hastanhanka en lipanyanpi kin yatke kte šni, qa hastanhanka do, qaiš puza unmanna yute kte šni.

4 Tohanyan Nazari heca anpetu owasin hastanhanka iyuwi taku aicage cin ha etanhan qaiš su etanhan kagapi ongedan yute kte šni

5 Tohanyan Nazari ičiconze cin icasan wan pa akan ye kte šni, Jehowa on ihdukinuncan ohdake cin anpetu henakeca kin hehanyan paha kin hanska icage kta.

6 Jehowa en Nazari ičicu anpetu kin hena icunhan tuwe nagi ye cin en i kte šni.

7 Atkuku on, qaiš hunku on, qaiš sunkaku on, qaiš tawinohtin on, hena tapi on ihdušape kte šni. Tuwe wakan da Nazari kin iye pa akan un nakaš.

8 Tohan Nazari heca hehanyan Jehowa on wakan kta.

9 Unkan tukten yanke cin tuwe ihnuhanna en te cinhan, Nazari pa kin šape kta; unkan anpetu en yuskapi kinhan, pa hdašda kta, anpetu isakowin hehan ihdašda kta.

10 Qa anpetu isahdogan tinwakiyedan nonpa, qaiš wakiyedan cinca nonpa wawayušna kin ekta kahi kta, itkokipapi wakeya tiyopa ekta.

11 Unkan wawayušna kin wanjiji woahitani wošnapi kage kta, qa unman wohuhnahiyapi kta, hecen wicašta nagiye cin en wahtani kin akahpe kiciye kta, qa piya pa kin yuwakan kta, anpetu kin he en.

12 Unkan Nazari anpetu kin Jehowa on ihdukinuncan kta, nakun wohdajuju on amnos wan waniyetu wanjidan kahi kta, qa

Nazari kin hdušape cin on anpetu tokaheya kin yawa kte šni.

13 Unkan Nazari woope kin dee tohan Nazari anpetu henakeca kinhan, anpetu kin he en itkokipapi wakeya tiyopa ekta ihdohi kta.

14 Qa toahi kin Jehowa kahi kte, wohuhnahiyapi on amnos mdoka wan zanika, waniyetu wanjidan, qa woahitani wošnapi on amnos wiyedan waniyetu wanjidan zanika, qa wopida wošnapi on tamdoka wanjidan zanika.

15 Qa minha tawapi qa woakaštan tawapi, qa aguyapi napohiyapi šni, aguyapi mdu hinca on kagapi, wakiškotpa ohnaka wan aguyapi hmiyanyan wihdi icicahiyapi, qa aguyapi napohiyapi šni wihdi on sdayapi.

16 Unkan wawayušna kin hena Jehowa itokam kahi kta, qa woahitani wošnapi, qa wohuhnahiyapi kin wošna kta.

17 Qa tamdoka kin wopida wošnapi kin Jehowa wakiyušna kta, aguyapi napohiyapi šni wakiškotpa kin iyahna, qa wawayušna kin minha kin, qa woakaštan kin kage kta.

18 Unkan Nazari kin pa kin hdašda kta, itkokipapi wakeya tiyopa ekta, qa Nazari heca paha kin peta wopida wošnapi ihukuya un kin he akan ełipe kiye kta.

19 Hehan wawayušna kin tamdoka isto španyanpi kin icu kta, nakun wakiškotpa etanhan aguyapi napohiyapi šni wanjidan, qa Nazari nape akan ehname kta, Nazari heca kašdapi iyohakam.

20 Qa wawayušna kin hena Jehowa itokam yuwinte kta; woyuwintapi wakan hee, wawayušna tawa kta, maku yuwinta-

WICOWOYAKE 7.

pi kici, qa hiyete kozapi kici. Unkan he iyohakam Nazari kin miniša yatke kta okihi.

21 Nazari woope kin hee; tuwe Jehowa ekta ihdukinunkan kta oyaka, woahi kahi kte cin taku nape kin iyohiye cin iyahna, token oyake cin he iyecen kahi kta, Nazari woope kin he kici.

22 Unkan Jehowa ie ça Mowis heciya.

23 Aaron qa iye cinca kin hecen ewicakiya wo. Israel cinca kin hecen wicadawaštepi kta, qa hewicayakiyapi kta.

24 Jehowa niyawašte, qa nipatan:

25 Jehowa ite kin iyoyam niciya, qa onšinida kta;

26 Jehowa ite kin anitonwe ça wookiye niču nunwe.

27 Hecen micaje kin Israel cinca kin awicahnakapi kta, unkan miye wicamdawašte kta.

WICOWOYAKE 7.

1 Unkan kaketu, Mowis tipi kin ehde yušan qehan, qa sdaye ça yuwakan, nakun taku on kicanyanpi owasin; qa wahna wošnapi, qa taku on kicanyanpi owasin, nakun hena sdaye ça yuwakan.

2 Hehan Israel itancan kin ateyapi tipi pa kin hena wakahipi, wicoun itancanpi wicayawapi icunhan en najinpi kin hena eepi.

3 Toahipi kin Jehowa itokam hiyuyapi; canpahmihma akałpetonpi šakpe, qa tatanka akenonpa, itancan nonpa on canpahmihma wanjidan, qa otoiyohi on tatanka wanjidan, qa hena tipi kin itokam ahipi.

4 Unkan Jehowa ie ça Mowis heciya.

5 Hena icu wo, hecen itkokipapi wakeya wolıtani econpi kta e hena unpi kta, qa hena Lewi kin wicayaqu kta, otoiyohi wolıtani econ kin iyecen.

6 Unkan Mowis canpahmihma qa tatanka kin hena icu, qa Lewi kin wicaqu.

7 Canpahmihma nonpa, qa tatanka topa Gerson cinca kin wicaqu, wolıtani econpi kin on.

8 Qa canpahmihma topa, qa tatanka šahdogan Merari cinca kin wicaqu, wolıtani econpi kin on; Aaron wawayušna kin cinhintku Itamar nape kin ihukuya.

9 Tuka Qohat cinca kin takudan wicaqu šni, hena tipi wakan tawolıtanipi hiyetepi akan qinpi nakaš.

10 Unkan wahna wošnapi sdayapi anpetu kin he en, itancanpi kin wahna wošnapi kin yuwakanpi kta e toahipi kin hdoipi, qa itancanpikin toahipi wahna wošnapi itokam hdoipi.

11 Unkan Jehowa Mowis heciya, Wahna wošnapi yuwakanpi kta e itancan otoiyohi anpetu wan tawakiya en toahi kin hdoi kta.

12 Unkan Našon Aminadab cinhintku Juda wicoun itancan kin anpetu tokaheya kin toahi kin hdoi.

13 Qa toahi kin mazaska wakšica wan šeqel opawinge sanpa wikcemna yamni aspeyapi, qa mazaska wakšica on amninuipi wan šeqel wikcemna šakowin tipi wakan šeqel iyececa, napin aguyapi mdu hinca wihdi icicahiyapi on ojudan minha kin hee.

14 Mazaskazi tukiha wan šeqel wikcemna wizinyapi on ojudan;

15 Tatanka wanji ptewanunyanpi cinca, tamdoka wanji, a-

WICAYAWAPI,

mnos wan waniyetu wanjidan wohuhnahyapi hee ;

16 Woahitani wośnapi on tatokadan wanunyanpi mdoka wan ;

17 Qa wopida wośnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan ; Nahson Aminadab cinhintku toaki kin hee.

18 Unkan anpetu inonpa kin Natanael Zuhar cinhintku Isakar itancan kin hdoi,

19 Qa toahi kin dee, mazaska waksica wan seqel opawinge sanpa wikcemna yamni aspeyapi, qa mazaska waksica on amnimnipi wan seqel wikcemna sakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee ;

20 Mazaskazi tukiha wan seqel wikcemna wizinyapi on ojudan ;

21 Tatanka wanji ptewanunyanpi cinca, tamdoka wanji, amnos wanji waniyetu wanji, wohuhnahyapi hee ;

22 Tatokadan wanunyanpi mdoka wan woahitani wośnapi on ;

23 Qa wopida wośnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Natanael Zuhar cinhintku toahi kin hee.

24 Anpetu iyamni Zebulun cinca itancan kin Eliab Helon cinhintku hdoi,

25 Toahi kin mazaska waksica wan seqel opawinge sanpa wikcemna yamni aspeyapi, mazaska waksica on amnimnipi seqel wikcemna sakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee ;

26 Mazaskazi tukiha wan seqel

wikcemna wizinyapi on ojudan.

27 Tatanka wanji ptewanunyanpi cinca, tamdoka wanji, amnos waniyetu wanjidan wanji, wohuhnahyapi kin hee ;

28 Tatokadan wanunyanpi mdoka wanji, woahitani wośnapi on ;

29 Qa wopida wośnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan ; Eliab Helon cinhintku toahi kin hee.

30 Anpetu itopa kin Ruben cinca itancan kin Elitzur Sedeur cinhintku hdoi ;

31 Toahi kin mazaska waksica wanji seqel opawinge sanpa wikcemna yamni aspeyapi, mazaska waksica on amnimnipi wan seqel wikcemna sakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee ;

32 Mazaskazi tukiha wanji seqel wikcemna wizinyapi on ojudan ;

33 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahyapi hee ;

34 Tatokadan mdoka wanji woahitani wośnapi on.

35 Qa wopida wośnapi on tatanka nonpa, tahinca ska mdoka zaptan, tatokadan mdoka zaptan, amnos waniyetu wanjidan zaptan, Elitzur Sedeur cinhintku toahi kin hee.

36 Anpetu izaptan kin Simeon cinca itancan kin Selumiel Tzu risada cinhintku kin hdoi,

37 Toahi kin mazaska waksica wan seqel opawinge sanpa wikcemna yamni aspeyapi, qamazaska waksica on amnimnipi seqel wikcemna sakowin, tipi wakan seqel iyececa, napin agu-

WICOWOYAKE 7.

yapi mdu hinca wihdi icicahiyapi on ojudan, minha kin hee.

38 Mazaskazi tukiha wanji seqel wikcemna wizinyapi on ojudan ;

39 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

40 Tatokadan wanunyanpi mdoka wanji, woahitani wošnapi on ;

41 Qa wopida wošnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Šelumiel Tzurišada cinhintku toahi kin hee.

42 Anpetu isakpe en Gad cinca itancan kin Eleasap Duel cinhintku kin hdoi.

43 Toahi mazaska wakšica wan seqel opawinge sanpa wikcemna yamni aspeyapi, mazaska wakšica on amnimnipi wanji seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi ojudan, minha kin hee.

44 Mazaskazi tukiha wan seqel wikcemna wizinyapi on ojudan ;

45 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

46 Tatokadan mdoka wanji woahitani wošnapi on ;

47 Qa wopida wošnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Eleasap Duel cinhintku toahi kin hee.

48 Anpetu isakowin en Epraim cinca itancan kin Elisama Amihud cinhintku hdoi,

49 Toahi kin mazaska wakšica wan seqel opawinge sanpa wikcemna yamni aspeyapi, ma-

zaska wakšica on amnimnipi wanji seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee.

50 Mazaskazi tukiha wanji seqel wikcemna wizinyapi on ojudan.

51 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

52 Tatokadan mdoka wanji woahitani wošnapi on ;

53 Qa wopida wošnapi on tatanka nonpa, tahinca ska mdoka zaptan, tatokadan mdoka zaptan amnos waniyetu wanjidan zaptan, Elisama Amihud cinhintku toahi kin hee.

54 Anpetu isahdogan Manaše cinca itancan kin Gamaliel Pedatzur cinhintku hdoi,

55 Toahi mazaska wakšica wan seqel opawinge sanpa wikcemna yamni aspeyapi, mazaska wakšica on amnimnipi wan seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee.

56 Mazaskazi tukiha wan seqel wikcemna wizinyapi on ojudan ;

57 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

58 Tatokadan mdoka wanji woahitani wošnapi on ;

59 Qa wopida wošnapi on tatanka nonpa, tamdoka zaptan, tatokadan mdoka zaptan, amnos waniyetu wanjidan zaptan, Gamaliel Pedatzur cinhintku taohi kin hee.

60 Anpetu inapcinwanka en Benjamin cinca itancan kin Abidan Gideoni cinhintku hdoi,

61 Toahi kin mazaska wakšica

WICAYAWAPI,

wan šeql opawinge sanpa wikcemna yamni aspeyapi, mazaska wakśica on amnimnipi wanji šeql wikcemna śakowin, tipi wakan šeql iyececa, napin aguyapi mdu hinca wihdi icicahiya-pi on ojudan minha kin hee.

62 Mazaskazi tukiha wan šeql wikcemna wizinyapi on ojudan ;

63 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

64 Tatokadan mdoka wanji woahitani wośnapi on ;

65 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidan zaptan ; Abidan Gideoni cinhintku toahi kin hee.

66 Anpetu iwikcemna en Dan cinca itancan kin Ahiezer Amisada cinhintku kin hdoi.

67 Toahi kin mazaska wakśica wan šeql opawinge sanpa wikcemna yamni aspeyapi, mazaska wakśica on amnimnipi wanji šeql wikcemna śakowin tipi wakan šeql iyececa, napin aguyapi mdu hinca wihdi icicahiya-pi on ojudan minha kin hee ;

68 Mazaskazi tukiha wanji šeql wikcemna wizinyapi on ojudan ;

69 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

70 Tatokadan mdoka wanji woahitani wośnapi on ;

71 Qa wopida wośnapi on tatanka nonpa, tahinca ska mdoka zaptan, tatokadan mdoka zaptan, amnos waniyetu wanjidan zaptan, Ahiezer Amisada cinhintku toahi kin hee.

72 Anpetu iakewanji Aśer cin-

ca itancan kin Pagiel Okran cinhintku kin hdoi.

73 Toahi kin mazaska wakśica wan šeql opawinge sanpa wikcemna yamni aspeyapi, mazaska wakśica on amnimnipi šeql wikcemna śakowin tipi wakan šeql iyececa, napin aguyapi mdu hinca wihdi icicahiya-pi on ojudan, minha kin hee.

74 Mazaskazi tukiha wanji šeql wikcemna wizinyapi on ojudan ;

75 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

76 Tatokadan mdoka wanji woahitani wośnapi on ;

77 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidan zaptan Pagiel Okran cinhintku toahi kin hee.

78 Anpetu iake nonpa Naptali cinca itancan kin Ahira Enan cinhintku kin hdoi.

79 Toahi kin mazaska wakśica wan šeql opawinge sanpa wikcemna yamni aspeyapi, mazaska wakśica on amnimnipi wanji šeql wikcemna śakowin, tipi wakan šeql iyececa, napin aguyapi mdu hinca wihdi icicahiya-pi on ojudan, minha kin hee.

80 Mazaskazi tukiha wan šeql wikcemna wizinyapi on ojudan ;

81 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

82 Tatokadan mdoka wanji woahitani wośnapi on ;

83 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidan zaptan, Ahi-

WICOWOYAKE 8.

ra Enan cinhintku toahi kin hee.

84 Wahna wośnapi sdayapi qe-
han Israel itancanpi etanhan yu-
wakanpi kin dee, mazaska wa-
kśica akenonpa, mazaska wa-
kśica on amnimnipi akenonpa ma-
zaskazi tukiha akenonpa,

85 Wakśica tanka otoiyohi še-
qel opawinge sanpa wikcemna
yamni, qa wakśica on amnimni-
pi otoiyohi wikcemna śakowin,
wakśica owasin mazaska kin
tke utapi kin šeql kektopawinge
nonpa sanpa opawinge topa, tipi
wakan šeql iyececa.

86 Mazaskazi tukiha wikce-
mna sanpa nonpa wizinypa on
ojudan, otoiyohi šeql wikcemna,
tipi wakan šeql iyececa, tukiha
owasin mazaskazi šeql opa-
winge sanpa wikcemna nonpa ;

87 Wohuñnahypa on tatanka
wanunyanpi owasin wikcemna
sanpa nonpa, tamdoka wikce-
mna sanpa nonpa, amnos wani-
yetu wanjidan wikcemna sanpa
nonpa, minha tawapi iyahna, qa
woahtani wośnapi on tatokadan
mdoka wikcemna sanpa nonpa ;

88 Qa wopida wośnapi on ta-
tanka wikcemna nonpa sanpa
topa, tamdoka wikcemna śakpe,
tatokadan mdoka wikcemna śa-
kpe, amnos waniyetu wanjidan
wikcemna śakpe ; wahna wośna-
pi sdayapi iyohakam on yuwa-
kanpi kin hee.

89 Unkan kici wohdake kta
e Mowis itkokipapi wakeya ekta
i eca, ho kin nahon, woyaatanin
can wohnaka iwankapa tanhan
taku eciya, kerubi nonpa otahe-
dan etanhan taku eciya.

WICOWOYAKE 8.

1 Unkan Jehowa ie ça Mowis
heciya,

2 Ie ça Aaron hecen eciya wo,
Petijanjan yuwankan yeyaya eca,
petijanjan śakowin kin petijan-
jan ihupa itokapa tanhan iyoyam-
yapi kta.

3 Unkan Aaron hecen econ
petijanjan oide kin petijanjan
ihupa itokapa tanhan wankan
ye kiya : Jehowa Mowis hecon
śi kin he iyecen.

4 Unkan petijanjan ihupa kin
kaken kagapi, mazaskazi pagopi,
ceca kin, qa adetka kin nakun
pagopi : token Jehowa Mowis
wanyagkiye ciqon he iyecen
petijanjan ihupa kagapi.

5 Unkan Jehowa ie ça Mowi
heciya,

6 Lewi kin Israel cinca wice-
hna tanhan iwicacu, qa wicayu-
ska wo.

7 Qa wicayuskapi kta e hecen
ecawicayecon kta, Mini on wi-
cayuskapi kin heakan ehpeya wo ;
uncan ukapi kin owancaya hda-
sanpi kta, qa wokoyake hdujaja-
pi kta, hecen skapi kta.

8 Unkan tatankadan pte wa-
nunyanpi cinca wan icupi kta,
qa minha tawa aguyapi mdu
wihdi icicahiyapi, unkan tatanka
inonpa pte wanunyanpi cinca
kin iyacu kta woahtani wośnapi
on.

9 Qa itkokipapi wakeya itokam
Lewi kin ikiyedan awicayahi
kta, qa Israel cinca omniciye
owasin yuwitaya hiyu wicayaye
kta.

10 Qa Lewi kin Jehowa itokam
awicayahi kta ; unkan Israel
cinca napepi kin Lewi kin awi-
caputakapi kta.

11 Unkan Aaron Lewi kin wi-
cayuwinte kta, Jehowa itokam,
wokosyapi wan Israel cinca etan-
han, hecen Jehowa okiyapi kta
e wiyeya unpi kta.

12 Unkan Lewi kin napepi ta-

WICAYAWAPI,

tanka pa akan awicatputakapi kta, unkan wanji wohtani woš-napi, qa unman wohtuhtahyapi Jehowa kicaga wo; hecen Lewi akahpe wicakiciyapi kta.

13 Unkan Aaron itokam, qa iye cinca itokam, Lewi kin najin wicayaye kta, qa wicaduwašte kta, Jehowa tawokosyapi.

14 Israel cinca wicehna tanhan Lewi kin wicadukinunkan kta, hecen Lewi kin mitawa kta.

15 Unkan he iyohakam Lewi kin itkokipapi wakeya wohtani econpi kta e en upi kta; wicaduska, qa wokosyapi on wicaduwinte cinhan.

16 Hena ocowasin maqupi nakaš, Israel cinca wicehna tanhan winyan owasin cinca tokapa hee kiya, Israel cinca caskepi owasin hee kiya, hena mitawa kta e iwicawacu.

17 Israel cinca ehna wicašta woteca koya, tona caskepi owasin mitawa, Egipta makoce ohna caskepi owasin wicawakaštaka, anpetu kin he en hena micuwahduwakan nakaš.

18 Unkan Lewi kin wanna iwicawacu, Israel cinca caskepi owasin hee kiya.

19 Qa Aaron, qa iye cinca hena yuhapi kta e Israel cinca wicehna tanhan Lewi kin wicawaqu, itkokipapi wakeya ohna Israel cinca tohtanipi econpi kta, qa Israel cinca akahpe wicakiciyapi kta, hecen Israel cinca kin tipi wakan ikiyedani hipi kte šni qa wicehna makošice wanice kta, ikiyedani hipi unkanš makošice yuke kta tuka.

20 Unkan Mowis, qa Aaron, qa Israel cinca omniciye owasin, token Jehowa Mowis Lewi kin ecawicakicon wicaši kin owasin, he iyecen Israel cinca Lewi kin ecawicakiconpi.

21 Unkan Lewi kin ihduskapi, qa wokoyake hdujajapi, unkan Aaron wicayuwinta, Jehowa itokam, wokosyapi wan, qa wicayuska kta e Aaron akahpe wicakiciya.

22 Unkan he iyohakam, Lewi kin itkokipapi wakeya ohna wohtani econpi kta e Aaron itokam, qa iye cinca itokam hipi. Token Jehowa Mowis Lewi kin ecawicakicon šni kin he iyecen ecawicakiconpi.

23 Unkan Jehowa ie qa Mowis heciya.

24 Lewi kin kaken econpi kta, waniyetu wikcemna nonpa sanpa zaptan aktonpi kin hena itkokipapi wakeya en htanipi kin obe en opapi kta.

25 Qa waniyetu wikcemna zaptan aktonpi kin hena wohtani obe kin ayuštanpi kta, qa icimanna en htanipi kte šni,

26 Tuka sunka wicayapi om taku awanyakapi kin awanyakapi kta e itkokipapi wakeya ohna apeya unpi kta, qa wohtani takudan econpi kte šni, Lewi kin taku awanyakapi kin icalitaka hecen ecawicayecon kta.

WICOWOYAKE 9.

1 Unkan Israel cinca Egipta makoce etanhan hdinanpapi, waniyetu inonpa wi tokaheya en, Sina hopuza ohna, Jehowa ie qa Mowis heciya.

2 Iyehantu eca Israel cinca woacakšin econpi kta.

3 Wi kin de anpetu iake topa en htayetu otahedan he yakagapi kta, iyehantu kinhan tokage owasin, qa tawoyaco owasin iyecen he ecanonpi kta.

4 Unkan Mowis Israel cinca kin woacakšin kagapi kta kewicakiya.

WICOWOYAKE 9.

5 Unkan wi tokaheya anpetu iake topa en, ohtayetu otahedan, Sina hopuza ohna, woacaksin kin kagapi: token Jehowa Mowis econ si kin owasin hecen Israel cinca kin econpi.

6 Unkan wicašta wanjigji, wicašta wan nagi ye cin on šapapi, heon anpetu kin he en woacaksin kagapi okihipi šni, heon anpetu kin he en Mowis itokam, qa Aaron itokam hinajinpi.

7 Qa wicašta kin hena heciyapi, Unkiyepi wicašta wan nagi ye cin on unšapapi, tokeca heyata iyeunyanpi on iyehantu eca, Israel cinca wicehna Jehowa woali wan unkahipi kte šni he?

8 Unkan Mowis hewicakiya, Kakiya najinpo, Token Jehowa econ nišipi kte cin he nawahon kta.

9 Unkan Jehowa ie ça Mowis heciya,

10 Israel cinca kin hecen ewicakiya wo, Niyepi ehna, qaiš nitocagepi yeye cin ehna, wicašta tuwe kašta wicašta wan nagiye cin on šapa, qaiš tehan icimani un ešta, woacaksin kin Jehowa kicage kta,

11 Wi inonpa anpetu iake topa en ohtayetu otahedan he kage kta, aguyapi napohyapi šni kici, qa peji pa kici he yute kta.

12 Ongedan hanhanna aiya-hdeya ohdaptapi kte šni, qa hetanhan huhu wanjidan kaš kawegapi kte šni, woacaksin wokage owasin iyecen heconpi kta.

13 Unkan wicašta tuwe ska qa icimani un šni, qa woacaksin kage kapin kinhan, wicanagi kin he iye taoyate etanhan kašpapi kta, iyehantu Jehowa toahi kin kahi šni, heon wicašta kin he woahšani kin hduhe kta.

14 Unkan wicašta wan oyate tokeca niyepi om ounye ça woa-

caksin kin Jehowa kicage kte cinhan, woacaksin wokage kin, qa woyaco kin owasin iyecen he kage kta. Wicašta oyate tokeca on, qa tona makoce en tonpi kin on wokage wanjidan duhapi kta.

15 Unkan tipi kin ehdepi anpetu kin he en malpiya kin tipi kin akašpa, woyaatanin wakeya kin hee, qa htayetu eca tipi iwankam peta iyececa tanin, ihanhanna hehanyan.

16 Ohinniyan hececa malpiya kin he akašpe ça hanyen peta iyececa tanin.

17 Unkan tohan malpiya kin wakeya iwankapa tanhan wankan iyaya, hehan Israel cinca ihdakapi, qa tukten malpiya kin owanji najin kin, heciya Israel cinca kin etipi.

18 Jehowa i kin eciyatanhan Israel cinca kin ihdakapi, qa Jehowa i kin eciyatanhan tipi ehdepi; tona can malpiya kin tipi kin iwankam yanka hehanyan ihdakapi šni.

19 Qa malpiya kin tipi iwan-kam yanka anpetu ota kinhan, Israel cinca taku Jehowa awacin wicaši kin he awacinpi, qa ihdakapi šni.

20 Unkan he iyecen malpiya kin anpetu tonana tipi iwankam yanke cinhan, Jehowa i kin eciyatanhan owanji unpi, qa Jehowa i eciyatanhan ihdakapi.

21 Unkan malpiya kin htayetu etanhan ihanhanna hehanyan owanji yanke ça hanhanna yuwankan iyaye cinhan ihdakapi, anposkan qa hanyen unman tukte kašta malpiya kin wankan iyaye cinhan ihdakapi.

22 Anpetu nonpa, qaiš wi wanjidan, qaiš sanpa anpetu ota ešta, malpiya tipi kin iwan-kam yanke cinhan, hehanyan

WICAYAWAPI,

Israel cinca kin wakeya ohna owanji unpi, qa ihdakapi šni; tuka tohan yuwankan iyaya hehan ihdakapi.

23 Jehowa i kin eciyatanhan wakeya iticagapi, qa Jehowa i eciyatanhan ihdakapi, Jehowa taku awacin wicaši kin he awacinpi, token Mowis nape on Jehowa econši kin he iyecen.

WICOWOYAKE 10.

1 Unkan Jehowa ie ça Mowis heciya,

2 Mazaska yahotonpi nonpa ičicaga wo, pagopi hena yakage kta, qa omniciye eyanwicayapaha kta, qa oyate ihdag wicaya-kiye kta e hena duhe kta.

3 Unkan napin on yahotonpi kinhan omniciye ocowasin niye en yuwitaya hipi kta, itkokipapi wakeya tiyopa ekta.

4 Qa wanjidan on yahotonpi kinhan, itancanpi Israel kekto-pawinge en tokapapi kin niye en mniciyapi kta,

5 Qa panyanhanhan dahotonpi kinhan, oyate iwiyohipanpata tipi kin ihdakapi kta.

6 Qa ake panyanhanhan dahotonpi kinhan, oyate itokaga tipi kin ihdakapi kta; ihdakapi kta e panyanhanhan yahotonpi kta.

7 Qa oyate kin yuwitaya mniciyapi kte cinhan dahotonpi kta, tuka panyanhanhanpi kte šni.

8 Unkan Aaron cinca wawayušnapi, kin maza yahotonpi kin yahotonpi kta, nitoicagepi yeye cin wokage kin owihanke wani-ca duhapi kta.

9 Unkan toka niyanpi niciyušepi kin nitamakocepi ohna azu wicayayapi kinhan, mazayahotonpi kin panyanhanhan ho dahotonpi kta; unkan Jehowa wakan ya-

dapi kin itokam niksuyapi kta, qa toka niyanpi etanhan enihdakupi kta.

10 Unkan anpetu widuškinpi, qa mniciyapi kin en, qa wi nitawapi anpetu tokaheya en mazayahotonpi kin hoton yayapi kta, wohuhnahyapi nitawapi iwankam, qa wopida wošnapi nitawapi iwankam, qa hena on tuwe wakan yadapi itokam niksuyapi kta, Jehowa wakan yadapi kin he miye.

11 Unkan waniyetu inonpa wi inonpa wi anpetu wikcemna nonpa en, mahpiya kin waya-atanin tipi iwankapa tanhan wankan iyaya.

12 Unkan Israel cinca kin undakapi iyecen Sina hopuze kin etanhan ihdakapi; unkan mahpiya kin Paran hopuze kin en iyotanka.

13 Hehan tokaheya Mowis nape eciyatanhan Jehowa ie cin iyecen ihdakapi.

14 Unkan Juda cinca wicoti obe wiyokiye kin tokaheya ihdakapi, qa obe tawa mdetanhunka kin Nahson Aminadab cinhintku kin hee.

15 Unkan Isakar cinca wicoun mdetanhunka kin Netaneel Tzuchar cinhintku kin hee.

16 Unkan Zebulun cinca wicoun mdetanhunka kin Eliyab Helon cinhintku kin hee.

17 Hehan tipi wakan kin yujupipi qa Geršon cinca kin, qa Merari cinca kin tipi kin yuha ihdakapi.

18 Hehan Ruben wicoti obe wiyokiye ihdakapi, qa obe tawa mdetanhunka kin Elitzur Šedeur cinhintku kin hee.

19 Unkan Simeon cinca wicoun mdetanhunka kin šelumiel Tzurisada cinhintku kin hee.

20 Qa Gad cinca wicoun mde-

WICOWOYAKE 11.

tanhunka kin Eleasap Duel cinhintku kin hee.

21 Hehan Qohati kin taku yuwakanpi kin yuha ihdakapi, qa nahanhin ekta kipi sni unmanpi tipi kin ehdepi.

22 Hehan Epraim cinca wicoti wiyokiye kin ihdaka obe tawapi kin iyecen, qa obe tawa mdetanhunka kin Amihud cinhintku Elisama hee.

23 Unkan Manaše cinca wicoun obe mdetanhunka kin Gamaliel Pedatzur cinhintku kin hee.

24 Unkan Benjamin cinca wicoun obe mdetanhunka kin Abidan Gideoni cinhintku kin hee.

25 Hehan wicoti owasin hakam Dan cinca wicoti wiyokiye ihdaka, obe tawa kin iyecen, qa obe tawa mdetanhunka kin Ahiezer Amisada cinhintku kin hee.

26 Unkan Aser cinca wicoun obe mdetanhunka kin Pagiel Okran cinhintku kin hee.

27 Unkan Naptali cinca wicoun obe mdetanhunka kin Ahira Enan cinhintku kin hee.

28 Israel cinca obepi ihdakapi eca hecen ihdakapi.

29 Unkan Mowis Hobab Raguel cinhintku Midiani kin, Mowis tahanku kin heciya, Unkiyepi oyanke wan Jehowa cajeyate ca he ciçupi kta unkekiyapi heciya unkihdakapi, Iho opa wo, kinhan taku wašte ecaunniconpi kta, Jehowa Israel taku wašte icaje wicayate nakaš.

30 Unkan, Mde kte sni, tuka makece mitawa, qa wicowazi mitawa ekta wahde kta, eciya.

31 Unkan tokin elipe unyayapi snin. Niye hopuze kin sdonayaya tukten euntipi kta, hecen ista unniyanpi kta.

32 Qa unkiyepi om idade cinhan kaketu kta, token Jehowa.

taku wašte ecaunkiconpi, he iyecen taku wašte ecaunniconpi kta,eya.

33 Unkan Jehowa lie tawa etanhan ihdakapi, anpetu yamni canku yeyapi, unkan Jehowa wicotakuye can wohnake kin wicitokam iyaya anpetu yamni canku yapi kin, tukten etipi kta iwanwicakiciyake kta heon etanhan.

34 Qa wicotipi etanhan ihdakapi eca, Jehowa tamahpiya kin anposkan wiciwankan un.

35 Unkan kaketu can wohnaka kin iyaya eca Mowis heya, Jehowa najin ye, qa toka niyanpi kin enanakiya iyayapi kta, qa tona šicenidapi kin nitokapa tanhan najicapi kte.

36 Unkan tipi ehdepi eca, Jehowa hdi ye Israel kektopawinge ota kin ekta, eya.

WICOWOYAKE 11.

1 Unkan oyate kin Jehowa noge ohna šicaya šicahowayapi Jehowa nahon qehan canniyan, qa Jehowa tapeta aide wicaye ca wicoti ihanke en hułnah wicaya.

2 Unkan oyate kin Mowis hoye kiyapi; unkan Mowis Jehowa cekiya, hecen peta kin anapta.

3 Unkan oyanke kin he Tabera (Wohułnaga) eya caje yata; hen Jehowa tapeta hułnah wicaya nakaš.

4 Wanna wicota yuwitaya hipi, qa owicapapi kin hena nina wakonpi; unkan Israel cinca kin nakun ake ceyapi qa heyapi, Tuwe tado yun unkiyapi kta hwo.

5 Egupta ohna hogan imnahan untapi kin he unkiksuyapi; nakun saka yutapi ocaje nonpa, qa psin ocaje yamni.

WICAYAWAPI,

6 Tuka wanna unnagipi šeca aya, takudan wanunyakapi šni, manna kin de heceedan.

7 Unkan manna kin korianna su kin hinskokeca, qa wanyakapi kin inyan wicašake iyececa tanin.

8 Unkan oyate kin enanakiya iyayapi, qa he mnayanpi, qa wi-yukpan ohna yukpanpi, qaiš wi-bope en bopanpi, qa cega ohna španyanpi, qaiš aguyapi hmiyan-yanna caħota ohna španyanpi, qa utapi kin aguyapi skuya wi-hdi icicayapi utapi kin he iyececa.

9 Unkan cu kin hanyen wicoti ahinłipaye çehan manna kin he akan hiyu.

10 Unkan Mowis oyate kin wicowazipi kin ecekcen çeyapi nawicaħon, wicašta otoiyohi tawakeya tiyopa ohna, unkan Jehowa nina šiħda nakun Mowis he ši-cedaka.

11 Unkan Mowis Jehowa heciya, Tokeca nitaakiye šicaya ica-yecon, qa tokeca nitokam woiyokipi iyewaye šni he? oyate kin de iyulıpa wicaqin mayakiya he?

12 Miye oyate kin de iyulıpa cinca wicawaton he? qaiš miye cinca wicawakaga on, Itpi ohna wicayuha wo, wicašta wan iye cinhintku azin hduhe cin he iyecenemayakiya, hecen makoce wan hunkake wicayapi wicaya-qu kta yakonze cin heciya awicamde kta.

13 Tokiya tanhan tado mduhe ça oyate kin de iyulıpa wicawa-qu kta he? wanna amaceyapi, qa, Tado unqu po, hecen untapi kta, eyapi.

14 Oyate kin de mišnana mduha kta owakihi šni, waqin kta isanpa tke nakaš.

15 Hecen ecamiyecon kinhan,

tokin ıe mayayen, woiyokipi nitokam iyewaye cinhan, hecen mitoiyokišice cin wanwahdake kte šni.

16 Unkan Jehowa Mowis heciya, Oyate hunkayapi etanhan wicašta wikcemna šakowin mni-ciye wicakiya wo, miye ekta, wicašta oyate kin hunka wicayapi heca sdonwicayaya, qa itancan hecapi, qa itkokipapi wakeya ekta hiyu wicayaye kta; unkan niye kici hen najinpi kta.

17 Unkan miš kun wau, qa hen nici wowahdake kta, qa woniya niye en un kin etanhan emdaku kta, qa hena en ye waye kta; unkan nišnana oyate kin wica-duha kte šni, hena nici wicayuhapi kta.

18 Unkan oyate kin hewicaya-kiye kta, Heyake cinhan on ihduwakan po; hecen tado yatapi kta; yaceyapi, qa Tuwe tado yun unkiyapi kta he? Egipta ohna tanyan unyakonpi ehapi kin he Jehowa noge kin iyolıpaya, heon Jehowa tado ni-çupi kta, qa yatapi kta.

19 Anpetu wanjidan yatapi kte šni, qa anpetu nonpa kte šni, qa anpetu zaptan kte šni, qa anpetu wikcemna kte šni, qa anpetu wikcemna nonpa kte šni;

20 Tuka wi wanji anpetu owasin hehanyan, nipogepi etanhan inanpe ça hitiyahdapi kte cin hehanyan; Jehowa niyepi ehna un kin he ihayaktapi šni, qa yaceyapi qa, Tokeca Egipta etanhan inanunpapi he? ehapi, heon etanhan.

21 Unkan Mowis heya, Oyate ehna waun kin de kektopawinge opawinge šakpe ozuye huiyunpi; unkan tado wicawaqu kta, qa wi wanji ihunniyan yutapi kta, eha.

22 Taħınca qa pte wicakipa-

WICOWOYAKE 12.

tapi kta, qa hecen iyowicahi kta ? qaiś miniyowancaya hogan owasin mnawicakiciyapi kta, qa hecen iyowicahi kta he ?

23 Unkan Jehowa Mowis heciya, Jehowa nape kin kaksapi he ? Dehan mioie ecetu niciye kta, qaiś ecetu niciye kte śni hecinhan wandake kta.

24 Unkan Mowis tankan inanpe qa Jehowa oie kin oyate kin owicakiyaka, qa oyate hunkawicayapi etanhan wicasta wikcemna śakowin mnawicaya, qa wakeya qon ihdukśan najin wicakiya.

25 Unkan Jehowa maḥpiya śapa wan ohna kun hiyu, qa kici wolḥake qa woniya iye en un kin hetanhan icu, qa hunkayapi wicaśta wikcemna sakowin qon akan awicahnaka ; unkan woniya kin aozi wicaye cehan waayatapi, tuka icimana econpi śni.

26 Tuka wicaśta nonpa wicoti ohna owanji yakonpi, wanji Eldad eciyapi, qa unman Medad eciyapi, qa woniya kin iyawicahan, qa hena owicawapi qon en opapi, tuka wakeya qon ekta ipi śni, qa hena wicoti ohna waayatapi.

27 Unkan kośka wan inyanke qa Mowis okiŷake qa, Eldad qa Medad wicoti ohna waayatapi ce, eya.

28 Unkan Nun cinhintku Jośuwa ; Mowis taokiye, kośka kalnigapi heca wan ayupte qa heya, Itancan Mowis wicakiśica wo.

29 Unkan Mowis heciya. Miye on etanhan winayawizi he ? Tokin Jehowa taoyate kin iyuḥpa waayatapi, qa Jehowa toniya kin owasin wicaqun.

30 Unkan Mowis wicoti kin ekta kihda, iye qa Israel hunkawicayapi.

31 Unkan tateyanpa wan Jehowa eciyatanhan iyaye qa mde kin akotanhan śiyo icu, qa wicoti akan, qa wicoti ihdukśan anoka tanhan, anpetu wan imanipi kin hehanyan ahinhe wicaya, wiciśpa nonpa maka akan.

32 Unkan oyate kin najinpi, anpetu kin he osan, qa hanyetu osan, qa ihanhanna anpetu osan, qa śiyo kin mnayanpi ; tuwe aopten mnayan eśta opaha wikcemna mnayan, qa hduhapi kta e wicoti ihdukśan hena pceyapi.

33 Unkan conica nahanhin hipi ohna yanka, yasotapi śni itokam Jehowa tocanniye oyate kin aide wicaya, qa Jehowa makośice teḥike hinca on oyate kin awicapa.

34 Unkan oyanke kin he Qiberot Hatawa (Akaskapi kin wicahnakapi,) eya cajeyatapi ; oyate akaskapi kin hen wicahnakapi nakaś.

35 Unkan Qiberot Hatawa etanhan ihdakapi, Hazerot ekta, qa Hazerot en yakonpi.

WICOWOYAKE 12.

1 Hehan Miriam qa Aaron Mowis kigepi, Kuśi winoḥinca yuze cin heon etanhan, Kuśi winoḥinca wan yuza nakaś.

2 Qa heyapi, Awicakehan Jehowa Mowis isnana ie kiya he ? Unkiś nakun ie unkiyapi śni he ? unkan Jehowa he. naḥon.

3 Wanna wicaśta maka akan hiyeye cin owasin Mowis isnana wicaśta waḥbadan.

4 Unkan ihnuhanna Jehowa Mowis, Aaron, qa Miriam hewicakiya ; Upo niyamnipi itkokipapi wakeya ekta, Unkan hena yamni ekta ipi.

5 Unkan Jehowa maḥpiya bo-

WICAYAWAPI,

sdata ohna kun hiyu, qaitkokipapi wakeya tiyopa ekta yanke ça Aaron qa Miriam wicakipan; unkan napin ekta inanpapi.

6 Unkan heya, Mioie kin nahonpo, Niyepi ehna waayate wan yuke cinhan, iye en Jehowa mihdutanin kta wowanyake en, qa wowihamde en taku ewakiye kta.

7 Tuka mitaokiye Mowis is hecece sni, wati ocowasin ohna iye wacinye pica.

8 He i i kici wowahdake taninyan, qa hanmdohdake sniyan, qa Jehowa ouncage kin he atonwan, heon tokeca mitaokiye Mowis ayaiapi kin koyakipapi sni he?

9 Qa Jehowa canniye wicaye ça kihda.

10 Qa mahpiya kin wakeya kin etanhan wankan iyaya; unkan inyun Miriam leprosi ececa, wa iyececa, unkan Aaron Miriam ekta etonwan, unkam leprosi ececa.

11 Hehan Aaron Mowis heciya, Itancan ceciya, tokin woahitani kin de ecinsniyan waunhtanipi kin aunkihnakapi sni miyen.

12 Tokin taku hunku tezi kin etanhan ta inanpe ça celipi hanke sote cin iyecece kte snin.

13 Unkan Mowis Jehowa hoyekiye ça heya, Iyotan wasaka ceciciye, wanna okiziya ye.

14 Unkan Jehowa Mowis heciya, Atkuku kin he ite kin atagoşa unkanş anpetu şakowin istece kte sni he? anpetu şakowin wicoti itankan natakapi kta, qa ohakam en hdi kta.

15 Unkan anpetu şakowin hehanyan Miriam wicoti itankan natakapi, qa Miriam en hdi sni kin hehanyan oyate kin ihdakapi sni.

16 Unkan ohakam oyate kin ihdakapi, Hazerot etanhan, qa Paran hopuza en etipi.

WICOWOYAKE 13.

1 Unkan Jehowa ie ça Mowis heciya,

2 Kanan makece Israel cinca wicawaqu kin he iwanniciyakapi kta e wicaşa ye wicaşi wo. Ate wicayapi wicoun otoiyohei etanhan wicaşa wan ye yaşi kta, hena wicehna owasin itancanpi hecapi.

3 Unkan Mowis Jehowa i kin eciyatanhan Paran hopuze kin etanhan ye wicaşi, wicaşa kin hena owasin Israel cinca mde-tanhunka hecapi.

4 Qa cajepi kin dena eepi, Ruben wicoun etanhan Şamuha Jakur cinhintku.

5 Simeon wicoun etanhan Şapat Hori cinhintku.

6 Juda wicoun etanhan Kaleb Jepune cinhintku.

7 Isakar wicoun etanhan Igal Josep cinhintku.

8 Ephraim wicoun etanhan Hoşeya Nun cinhintku.

9 Benjamin wicoun etanhan Patti Rapu cinhintku.

10 Zebulun wicoun etanhan Gadiel Sodi cinhintku.

11 Josep wicoun on Manaşe wicoun etanhan Gadi Susi cinhintku.

12 Dan wicoun etanhan Ammiel Gemali cinhintku.

13 Aşer wicoun etanhan Setur Mikael cinhintku.

14 Naphtali wicoun etanhan Naşibi Wapsi cinhintku.

15 Gad wicoun etanhan Guel Maki cinhintku.

16 Wicaşa Mowis makece kin iwanyag ye wicaşi cajepi kin hena eepi. Qa Mowis Hoşeya

WICOWOYAKE 14.

Nun cinhintku kin Jehošuwa eya cajeyata.

17 Unkan Mowis Kanan makoce kin iwanyag ye wicaši, qa he-wicakiya, Deciya itokaga en yapo, qa he kin itanwankanhdoyapi.

18 Qa makoce kin he toketu wandakapi kta, nakun oyate en oonyanpi kin, wašakapi, qaiš wankapidan unman tukte hecinhan, nakun tonana, qaiš otapi.

19 Qa makoce oonyanpi kin he wašte qaiš šica, qa otonwe otipi kin hena, wakeya otipi, qaiš conkaške otipi.

20 Qa makoce kin cepa qaiš tamaheca unman tukte, ohna can yukan qaiš can wanica. Waditakapo, qa makoce waskuyeca kin etanhan icupo, eya. Unkan he ehan hastanhanka toka suton.

21 Unkan iyayapi qa makoce kin iwanyakapi, Tzin hopuza etanhan Hamat ektakiya yapi, Rehob ekta hehanyan.

22 Qa itokaga en ipi, qa Hebron ekta hipi. Unkan Anaq cinca Ahiman, Šeša, qa Talma hen yakonpi. Unkan Tzohan Egipta ohna kagapi he itokam waniyetušakowin Hebron kagapi.

23 Unkan Eškol kaksiza kin en hipi, qa hetanhan adetka wan kaksapi, qa hastanhanka iyage wanjidan, qa cansagye wan akan akiyuhapi, nakun taspan-tanka su ota, qa witanšnan etanhan akiyuhapi.

24 Oyanke kin he Eškol (Iyage) kaksiza eciyapi, Israel cinca kin hastanhanka iyage wan hetanhan kaksapi heon etanhan.

25 Unkan anpetu wikcemna topa hehan makoce iwanyakapi kin etanhan hdipi.

26 Hecen iyayapi qa Mowis ekta, qa Aaron, qa Israel cinca omniciye ocowasin ekta hdipi,

Qadeš, Paran hopuza ohna un kin ekta, qa hoši wicakahdipi, qa makoce waskuyeca wicakipazopi.

27 Qa okiyakapi qa heyapi, Makoce wan ekta ye unyašipi kin he ekta unkipi, qa awicakehan pteasanpi qa canhanpi tiktica ohna kaduza, qa waskuyeca aicage cin dee.

28 Hececa ešta oyate makoce oonyanpi kin wašakapi, qa otonwe tawapi kin aconkaškapi, qa nina tankinyanyan. Nakun Anaq cinca kin heciya wanwicunyakapi.

29 Amaleqi makoce itokah oonyanpi, qa Heti kin qa Jebusi kin qa Amori kin He kin en oonyanpi, qa Kanani miniwanca icahda, qa Jordan omdaye kin oonyanpi.

30 Unkan Kaleb Mowis itokam oyate inina yanke wicasi, qa heya, Itanwankanhdoyanpi, qa unhduhapi kta iyececa, ohiunyanpi kta waunšakapi.

31 Tuka wicašta iye kici iyayapi qon heyapi, Oyate kin he ekta itanwankanhdoyanpi unkokihipi šni; hena unkiyepi isanpa wašakapi nakaš.

32 Qa makoce iwanyag ipi qon Israel cinca itokam aiapi, qa heyapi, makoce ohna iyaunyu-ptapi, qa iwanunyakapi kin tona oonyanpi kin wicayasota, qa oyate ohna wanunyakapi kin owasin wicašta hanskaskapi.

33 Qa hen waziya wanwicunyakapi Anaq cinca kin, hena waziya etanhan icagapi qa wicito-kam psipsicadan iyeuncecap.

WICOWOYAKE 14.

1 Unkan omniciye ocowasin hoyeyapi, qa oyate kin hanyetu kin he ceyapi.

WICAYAWAPI,

2 Qa Israel cinca owasin Mowis qa Aaron aiwicahnupi, qa omniciye owasin hena hewicakiyapi, Tokin Egipta makoce ohna untapin, qais hopuza kin de ohna untapin.

3 Qa tokeca Jehowa makoce kin de ekta hiyu unyanpi, hecen canlipi on unhinipayapi kta, unkitawinpi, qa unkiincapi nakun wayaka unpi kta? Egipta ekta unhdapi kinhan washte kta naceca.

4 Unkan hekiciyapi, Mdetanhunka wan unkagapi, qa Egipta ekta unhdapi kta.

5 Unkan Mowis qa Aaron makipusdiya hinhepeiciyapi, Israel cinca omniciye owasin wicito-kam.

6 Unkan Josuwa Nun cinhintku, qa Kaleb Jepune cinhintku makoce iwanyakapi etanhanpi wokoyake hduhdehdecapi.

7 Qa Israel cinca omniciye owasin hewicakiyapi, makoce iwan-yakapi kta e iyaunyuptapi kin he makoce wan nina washte hinca.

8 Jehowa iyounkipipi kinhan, makoce kin he ekta ye unkiyapi kta, qa makoce pte asanpi qa canhanpi tiktica kaduze cin he unqupi kta.

9 Takomni ihnuhan yakipajinpi kin, qa makoce oyate kin ihnuhan ikowicayapapi kin aguyapi unkitawapi iyececapapi kta, taku wacinyanpi kin he elipewicaya; tuka Jehowa unkipi un. Ihnuhan ikowicayapapi kin.

10 Unkan omniciye owasin inyan on wicaktepi kta keyapi qehan, Jehowa towitan kin itokipapi wakeya akan Israel cinca owasin ekta ihdutanin.

11 Unkan Jehowa Mowis heciya, Tohanyan oyate kin de ihamaktapi kte sni he? qa to-

hanyan wowapetokeca wicehna ecamon on wicamadapi kte sni he?

12 Makošice on awicawape ca ihang wicawaye kta, qa niye etanhan oyate wan tanka, qa hena isanpa wasaka wakage kta.

13 Unkan Mowis Jehowa heciya, Kinhan Egipton he nahonpi kta, hena wicehna tanhan nitowasake tanka on oyate kin de hiyu wicayaya.

14 Qa makoce kin de ounyanpi kin hewicakiyapi, Niye Jehowa oyate kin de wicehna yaun, qa niye Jehowa ista kin istapi en nihdutanin, mahipiya bosdata wiciwankan, qa anposkan mahipiye bosdata ohna wicitokam idade, qa hanyetu eca peta bosdata ohna, he wanna nahonpi.

15 Unkan oyate kin de wicasta wanjidan iyecen te wicayaye cinhan, oyate niye on wotanin nahonpi kin hecen eyapi kta.

16 Jehowa makoce wakicons owicakiyake ciquon, he ekta hiyu wicaye kta okihi sni, heon hopuza ohna wicakte.

17 Tokin, itancan towasake kin tanka kten, kehe ciquon he iyecen.

18 Jehowa tehan shida sni, tocantekiye tanka; wicohan sica, qa wokipajin kajuju ece, tuka ohinniyan kajuju kte sni, ateyapi wicohan sicapi kin wicoicage iyamni, qa itopa kin hehanyan awicahi ece.

19 Tokin oyate kin de walitanipi kin wicakicajujun, nitowacantekiye tanka kin iyecen, qa Egipta etanhan dehanyan oyate kin de wicayecicajuju kin he iyecen.

20 Unkan Jehowa heya, wicawecicajuju, ehe cin he iyecen.

WICOWOYAKE 14.

21 Qa hececa ešta wani kin iyecen Jehowa towitan kin maka owancaya ojudan ye kta.

22 Takomni wicašta kin tona mitowitan wanyakapi, nakun wowapetokeca ecamon Egipta ohna, qa Hopuza ohna, qa wikcemna akihde iyutan mayanpi, qa maho kin nahonpi šni kin hena owasin,

23 Makoce hunkake wicayapi kin wakicons owicawakiye cin he wanyakapi kte šni; ihamaktapi šni kin hena etanhan wanjidan he wanyakapi kte šni.

24 Tuka mitaokiye Kaleb woniya tokeca yuhe cin heon, qa ohinniyan mihakam u, heon makoce ekta i qon he ekta hiyu waye kta, qa iye cinca kin he tawayapi kta.

25 Wanna Amaleqi qa Kanani kaksiza ohna yakonpi, heon heyakecinhan ihdamnapi, qa Mdeša ekta-kiya, Hopuza ohna ihdaka po.

26 Unkan Jehowa ie ça Mowis, qa Aaron hewicakiya;

27 Tohanyan omniciye šice kin de imahnupi kin wicawecicajuju kta he? Israel cinca wihnupi imahnupi kin he nawahon ce.

28 Hecen ewicakiya wo. Jehowa heya, Wani kin hecen token ehapi nawaron kin he iyecen ecaciconpi kta.

29 Hopuza kin de ohna nitancanpi kin hinhpayapi kta; tona niyawapi, oniwap i qon iyecen waniyetu wikcemna nonpa aktonpi, tona imahnupi owasin etanhan;

30 Ohna ounyayapi kta nape hduwankan iwacu qon awicakehan makoce kin he en yaipi kte šni; tuka Kaleb Jepune cinhintku qa Jošuwa Nun cinhintku kin henana en ipi kta.

31 Nakun nitašicecapi kin wa-

yaka unpi kta kehapi qon, hena ekta awicamde kta, unkan makoce ihayaktapi šni kin he sdon-yapi kta.

32 Tuka niyepi nitancanpi kin hopuze kin den hinhpayapi kta.

33 Tuka nicincapi hopuza ohna wiňankiya unpi kta, waniyetu wikcemna topa, qa wawicifaha-pi ecanonpi kin hdajujupi kta, nitancanpi kin owasin hopuza ohna sotapi kte cin hehanyan.

34 Tona can makoce iwanyakapi kin anpetu wikcemna topa anpetu otoiyo hi on waniyetu wan yawapi kta, waniyetu wikcemna tom, hehanyan wayahtanipi kin yahdajujupi kta, qa mitocanniye kin sdon-yayapi kta.

35 Jehowa miye hepa, omniciye šice cin de miye en amamniciyapi kin awicakehan hecawicawecon kta, hopuza kin de ohna sotapi, qa tapi kta.

36 Unkan wicašta Mowis makoce iwanyag ye wicaši, qa makoce šicaya cajeyan hdi pi kin heon omniciye ocowasin aihnu wicayapi.

37 Wicašta makoce šicaya cajeyatapi kin hena makošice on Jehowa itokam tapi.

38 Unkan makoce iwanyag ipi qon hena etanhan Jošuwa Nun cinhintku, qa Kaleb Jepune cinhintku henana nipi.

39 Unkan Mowis wicoie kin hena Israel cinca omniciye owasin owicakiyaka; unkan oyate kin nina hin iyokišin icayapi.

40 Unkan hanlianna hin kiktapi qa heyapi, Hopo, oyanke Jehowa cajeyate kin he ekta itanwankan hde unyanpi kte, wanlihanipi nakaš. Qa lie paha kin ekta itanwankan hde ipi.

41 Tuka Mowis hewicakiya, Tokeca decen Jehowa oie kin

WICAYAWAPI,

acayakšinpi he? He ohna tanyan iyahunipi kte šni.

42 Itanwankannde yapi šni po, Jehowa niyepi ehna un šni heon, hecen toka niyanpi kin wicito-kam anipapi kte šni.

43 Amaleqi qa Kanani kin heciya nitokam yakonpi, unkan canłpi on nihinhpayapi kta. Jehowa etanhan nihdamnapi, heon Jehowa nicipi un šni.

44 Unkan he paha ekta-kiya ihaktapi šniyan itanwankannde yapi, tuka Jehowa wicotakuye can-wohnaka kin, qa Mowis wicoti cokaya tanhan tokidan ipi šni.

45 Unkan Amaleqi qa Kanani he kin he ounyanpi kin apama-hdedan upi qa wicakaštakapi, qa wicaktepi Horma ekta hehanyan.

WICOWOYAKE 15.

1 Unkan Jehowa ie a Mowis heciya.

2 Ie a Israel cinca kin hecen ewicakiya wo, makoce ounyayapi kta e cicupi kin he ekta yaipi kinhan.

3 Qa peta wošnapi wan Jehowa yecagapi, wohuhnałyapi, qaiš woyakapi hdajupupi wošnapi, qaiš taku ikce qupi on, qaiš mni-niciyapi on, woomna Jehowa iyokipi yecagapi kinhan, pte etanhan qaiš talinca etanhan.

4 Tuwe woahi Jehowa kahi kinhan, minłha wan aguyapi mdu can wakšica ohnaka wan wihdi wiyatke ohnaka wan icicahiyapi ahi kta;

5 Qa woakaštan on miniša wiyatke ohnaka wan wohuhnałyapi kin, qaiš wošnapi kin ayaka-štan kta e amnos otoiyohi on;

6 Qa tamdoka wanjidani on aguyapi mdu can wakšica ohna-

ka nonpa, wihdi wiyatke ohnaka wanji sanpa hanke icicahiyapi minłha yecage kta.

7 Qa miniša wiyatke ohnaka wanji sanpa hanke woakaštan yakahi kta, woomna Jehowa iyokipi.

8 Qa pte wanunyanpi cinca wohuhnałyapi qaiš woyakapi hdajupu wošnapi, qaiš wopida wošnapi Jehowa yecage kte cinhan;

9 Pte cinca wan on aguyapi mdu can wakšica ohnaka yamni, wihdi wiyatke ohnaka nonpa icicahiyapi minłha kahi kta.

10 Qa woakaštan on miniša wiyatke ohnaka nonpa yakahi kta, peta wošnapi woomna Jehowa iyokipi.

11 Hecen econpi kta tatanka otoiyohi on, qa tamdoka otoiyohi on, qa tacincadan on, talinca ska qaiš tatokadan cincadan on.

12 Tona wadušnapi kin iyenaka yawapi iyecen otoiyohi on hecen ecanonpi kta.

13 Tona makoce en tonpi kin hena owasin hecen econpi kta, peta wošnapi woomna Jehowa iyokipi kahi eca.

14 Unkan tuwe oyate tokeca niyepi ehna ihdaka, qaiš niyepi ehna ounye cinhan nitoicagepi yeye cin, qa peta wošnapi wa-štemna Jehowa iyokipi kage cinhan token niye ecanonpi kin he iyecen econ kta.

15 Omniciye, wokage wanjidan kta, niyepi on, qa tuwe oyate tokeca niyepi ehna yanke cin on; wokage owihanke wanica nitoicagepi yeye cin, Jehowa itokam token yaunpi kin he iyecen tuwe oyate tokeca kin un kta.

16 Niyepi on, qa tuwe oyate tokeca niyepi ehna ounye cin on woope wanjidan, qa woyaco wanjidan kta.

WICOWOYAKE 15.

17 Unkan Jehowa ie ça Mowis heciya,

18 Ie ça Israel cinca kin hecen ewicakiya wo, Makoce wan ekta ye ciyapi kin he ekta yaipi kinhan ;

19 Qa makoce taku aicage cin yatapi kinhan, wokosyapi wan Jehowa yaqupi kta.

20 Taku tokaheya boyapanpi kin etanhan aguyapi hmiyanyan-na wokosyapi wan yaqupi kta, aguyapi su kapanpi wokosyapi kin he iyecen, he yakozapi kta.

21 Tokaheya boyapanpi etanhan wokosyapi wan Jehowa yaqupi kta, nitoicagepi yeye cin.

22 Unkan ecinśniyan wayahtanipi, qa woahope kin dena Jehowa Mowis eciye cin owasin ecanonpi śni kinhan ;

23 Taku Jehowa Mowis nape on econ niśipi owasin, anpetu wan Jehowa Mowis taku econ śi kin hetanhan, qa tokata nitoicagepi yeye cin ohna ecanonpi śni kinhan ;

24 Qa omniciye sdotkiyapi śni taku ecinśniyan econpi kinhan, omniciye ocowasin tatanka wan pte wanunyanpi cinca woħuħnaħyapi kage kta, woomna wašte Jehowa iyokipi, minħa kin iyaħna, qa nakun woakaştan kin woyaco kin iyecen, nakun tato-kadan mdoka wan woaħtani wośnapi on.

25 Unkan wawayuśna kin Israel omniciye ocowasin akaħpe wicakiciye kta, unkan wicakicicajujupi kta, ecinśniyan econpi nakaś, qa toaħipi petá wośnapi kin Jehowa kaħipi, qa ecinśniyan econpi Jehowa itokam on woaħtani wośnapi nakun,

26 Hecen oyate iyulħpa sdonye śni econpi heon Israel cinca, qa tuwe oyate tokeca wiceħna ti

kin omniciye ocowasin wicakicicajujupi kta.

27 Unkan wicanagi wan ecinśniyan waħtani kinhan, tatokadan wiyedan waniyetu wanjidani waħtani kin on aħi kta.

28 Unkan wawayuśna kin wicanagi ecinśniyan waħtani kin akaħpe kiciye kta, ecinśniyan waħtani wośnapi Jehowa itokam akaħpe kiciye kta on, unkan kicicajujupi kta.

29 Tona ecinśniyan waħtanipi on woope wanjidani duħapi kta Israel cinca makoce tawayapi on, qa tuwe oyate tokeca niyepi ehna ti kin on.

30 Unkan wicanagi tuwe waħan-ićidaya taku śica econ kin he makoce tawayapi etanhan, qaiś oyate tokeca etanhan, wicanagi kin he Jehowa kipajin, heon oyate tawa etanhan kaśpapi kta.

31 Jehowa oie kin ihakta śni, qa tawoahope kin iśtenya, heon wicanagi kin he toħian śica hduħa taoyate kin etanhan kaśpapi kta.

32 Unkan Israel cinca Ĥopuza en yakonpi qehan, wicaśta wan anpetu wakan icunhan, cande kin iyeyapi.

33 Qa he cande iyeyapi kin hena Mowis ekta, qa Aaron ekta, qa omniciye ocowasin ekta kaħipi.

34 Qa kaśka ĥnakapi, token ecakiconpi kta, nahaħin owicakiyakapi śni nakaś.

35 Unkan Jehowa Mowis heciya, Wicaśta kin awicakehan ĥe kta, omniciye ocowasin, wicoti itankan, inyan on kininpi kta.

36 Unkan omniciye ocowasin wicoti itankan inanpe yapi, qa inyan on kininpi, Jehowa Mowis econ śi kin he iyecen, unkan ĥa.

37 Unkan Jehowa ie ça Mowis heciya.

WICAYAWAPI,

38 Israel cinca owawicakiye ça wicoicagepi yeye cin tawokoyakepi opapun ekta ohcihci içicagapi kta, qa opapun ohcihci akan hahonta to wan pahitapi kta, kewicakiya wo.

39 Qa he wowapetogton duhapi kta, qa wandakapi kta, qa Jehowa tawoahope owasin yeksuyapi qa ecanonpi kta, hecen nicantepi opeya, qa miistapi opeya yanunipi kte sni, hena opeya wiyacinpi ece qon iyecen.

40 Hecen mitawoahope owasin yeksuyapi qa oyapapi kta, qa tuwe wakanyadapi taoyate wakan yaunpi kta.

41 Jehowa Wakan yadapi kin he miye, qa Wakan mayadapi kta e Egupta makoce etanhan hdinanpe ciyapi, Jehowa Wakan yadapi kin he miye.

WICOWOYAKE 16.

1 Unkan Qora Itzar cinhintku Qohat cinhintku Lewi cinhintku, qa Datan qa Abiram Eliab cinca kin, qa On Pelet cinhintku Ruben cinca etanhan wohdakapi.

2 Qa Mowis anajinpi, nakun Israel cinca etanhan wicašta opawinge nonpa sanpa wikcemna zaptan omniciye itancanpi, wicašta okinihanpi, omniciye e kta wicakicopi hecapi.

3 Qa Mowis Aaron kici amniciyapi, qa hewicakiyapi, Omniciye ocowasin wicašta otioyohi owasin wakanpi, qa Jehowa wicakokaya un; heon tokeca Jehowa taomniciye iwankam ye niciyapi, qa niyepi on taku ota yacinpi he?

4 Unkan Mowis he nahon qehan makipusdiya ehpe içiya.

5 Qa Qora, qa okodakiciye tawa owasin hewicakiya, Hanhanna

kinhan Jehowa tuwe tawa kin, qa tuwe wakan, qa tuwe iye ikiyedan hiyuye cin hdutanin kta, qa tuwe kahnage cin he iye ekta ikiyedan hiyuye kta.

6 Decen econ po, Qora qa okodakiciye tawa owasin oizinye icupo.

7 Qa hena ohna peta ehnaka po, qa akan wizinyapi akada po. Jehowa itokam heyakecinhan, hehan wicašta tuwe Jehowa kahnage cin hee wakan kta; Lewi cinca niyepi on taku ota yacinpi.

8 Nakun Mowis Qora heciya, Lewi cinca kin namañonpo.

9 Taku Israel wakandapi kin Israel omniciye etanhan niyepi niyukinunkanpi, iye ikiyedan hiyu niyanpi, Jehowa ti wolitani kin ecanonpi kta, qa omniciye itokam nayajinpi qa owicayakiyapi kta, he taku sni yadapi he?

10 Nakun niye qa nihunkawanji Lewi cinca owasin niye kici ikiyedan hiyunianpi: unkan nakun wawayuśnapi henicapi kta e ayakitapi he?

11 Hecen niye qa okodakiciye nitawa owasin Jehowa en amniniyapi, tuka Aaron taku econ hwo on he iyahnupi.

12 Unkan Mowis tuwe Datan qa Abiram Eliab cinca wicakico ye ši qon, unkan, Ekta unyanpi kte sni eyapi.

13 Hopuza ohna te unyayapi kta, makoce wan pte asanpi qa canhanpi tiktica ohna kaduze cin etanhan inanpe unyayapi kin he taku sni yada, heon unkiyepi iwankam wicašta yatapi itancan nicicage kte he?

14 Hiya makoce pte asanpi qa canhanpi tiktica ekta hiyu unyayapi sni qa maga qa hastanhanka iyuwi ojupi tawa un-

yanpi kta e unyaqupi šni, Wicašta kin dena ištapi kin dušdoke kta he? Ekta unyanpi kte šni ce.

15 Unkan Mowis nina canteptanyan, qa Jehowa heciya, Minha tawapi kin ihakta šni ye. Hena etanhan šuktanka šonšona wanjidan iwacu šni, qa iyepi wanjidan wakimduše šni.

16 Unkan Mowis Qora heciya, Heyakecinhan niye qa okodakiciye nitawa owasin Jehowa itokam u po, niye qa iyepi qa Aaron.

17 Qa niyepi otoiyohi oizin e ikikcupo, qa hena akan wizinyapi akada po, qa wicašta opawinge nonpa sanpa wikcemna zaptan oizinyapi ayahipi kta, Jehowa itokam; nakun niye qa Aaron otoiyohi oizinya tawa hduha po.

18 Unkan otoiyohi oizinye iki-kecupi, qa peta aehnakapi, qa wizinye akadapi, qa itkokipapi wakeya tiyopa ekta najinpi, nakun Mowis qa Aaron.

19 Unkan Qora okodakiye tawaiyulpa mnawicaya, itkokipapi wakeya tiyopa ekta; unkan Jehowa towitan kin omniciye oowasin en ihdutanin.

20 Unkan Jehowa ie ça Mowis Aaron kici hewicakiya,

21 Omniciye kin de etanhan ihdukinunkanpo, kinhan ihnuhanna wicamdušote kta.

22 Tuka makipusdiya elipeiciyapi, qa heyapi, Iyotan Wašaka wicacehpi owasin toniyapi wakan nidapi, wicašta wanjidan wahtani kin heon omniciye iyulpa canniye wicayaye kta he?

23 Unkan Jehowa ie ça Mowis heciya.

24 Ie ça oyate kin Qora qa Datan qa Abiram totipi ihdukšan

tanhan token iyaya po, ewicakiya wo.

25 Unkan Mowis najin qa Datan qa Abiram yakonpi kin ekta i, qa Israel hunkayapi kin iha-kam ipi.

26 Qa ie ça oyate kin hewicakiya, Ihopo, wicašta šice kin dena tawakeyapi etanhan token iyaya po; qa ihnuhan taku tawapi kin wanji dutanpi kin. Hecanonpi kinhan okini hena wahtanipi owasin ohna ihang niyanpi kta.

27 Unkan Qora Datan qa Abiram tipi kin ihdukšan tanhan token iyayapi; Unkan Datan qa Abiram inanpapi qa tawakeyapi tiyopa ekta najinpi, tawicupi qa cinhintkupi qa cunwintkupi nakun.

28 Unkan Mowis heya, wico-han kin dena owasin ecamon kta Jehowa u maši, qa miye cinka eciyatanhan šni, detanhan sdonyayapi kta.

29 Wicašta owasin token tapi kin he iyecen wicašta kin dena tapi kinhan, qa wicašta owasin taku akipapi kin dena akipapi kinhan Jehowa u maši šni.

30 Tuka Jehowa taku teca wan kage ça maka kin i hdukawa, qa nawicapca, nakun taku tawapi kin iyulpa hecen niyake Hades ekta kun yapi kinhan, wicašta kin dena Jehowa wahtedapi šni sdonyayapi kta.

31 Unkan wicoie kin hena owasin eya hdaštan qehan, maka kin wicihukuya naptuja;

32 Qa maka kin i kin hdukawa, qa nawicapca, qa tipi kin nakun, qa Qora wicašta tawa owasin, nakun taku tawapi kin owasin.

33 Hecen iyepi qa taku tawapi owasin Hades ekta niyake ipi, qa maka kin okalipe wicaya, he-

WICAYAWAPI,

cen omniciye etanhan awihnuni-pi.

34 Unkan Israel wicihdukšan yakonpi kin owasin hena śica-howayapi etanhan najicapi, qa heyapi, Okini maka kin naun-peapi kta.

35 Unkan peta Jehowa etanhan inanpe a wicašta opawinge nonpa sanpa wikcemna zaptan wizinyapi ahipi qon hena huħnaħ wicaya.

36 Unkan Jehowa ie a Mowis heciya,

37 Eleazar Aaron wawayuřna cinhintku kin heciya wo. Huħnaħ wicayapi wicehna tanhan oizinyapi icu, qa peta kin kakiya elipeya wo; hena wakan nakař.

38 Qa wicašta iye nagipi kin en waħtanipi kin hena oizinyapi tawapi kin kamdayapi kta, qa on wahna wořnapi kin akaħpapi kta, hena Jehowa itokam ahipi, heon hena wakan; hecen Israel cinca kin hena wowapetogton yuhapi kta.

39 Unkan Eleazar wawayuřna kin mazařa oizinyapi kin wicařta huħnaħ wicayapi ahipi qon icu, unkan wahna wořnapi akaħpapi kta kamdayapi.

40 Israel cinca kin he wokiksuye yapi, hecen wicařta tokeca Aaron cinca hetanhan řni wizinyapi izinye kta e Jehowa itokam ikiyedani hi kte řni, qa Qora qa okodakiciye tawa iyecece kte řni; Jehowa Mowis nape eciya-tanhan eciye cigon he iyecen.

41 Unkan ihanħanna Israel cinca omniciye ocowasin Mowis qa Aaron iwicahnupi qa heyapi, Niyepi Jehowa taoyate ře wicayayapi.

42 Unkan omniciye kin Mowis qa Aaron amniciyapi qehan, Itkokipapi wakeya ektakiya etonwanpi; unkan inyun, ma-

łipiya qon he akaħpa qa Jehowa towitan kin ihdutanin.

43 Unkan Mowis qa Aaron itkokipapi wakeya itokam hipi.

44 Unkan Jehowa ie a Mowis heciya.

45 Oyate kin wicehna tanhan ihdukinunkan po, kinhan ihnuħanna wicamdasote kta. Unkan makipusdiya ilipayapi.

46 Unkan Mowis Aaron heciya, Oizinye ikikcu a wahna wořnapi akan tanhan peta aonpa wo, qa wizinyapi akada wo, qa oyate ekta, kohanna aya wo, qa akaħpe wicakiciya wo. Jehowa etanhan wocanniye iyaya, makořice wanna en wicahi.

47 Unkan Mowis eye cin he iyecen Aaron icu, qa omniciye wicacokaya inyanka; unkan inyun makořice wanna en wicahi. Unkan wizinyapi akada qa akaħpe wicakiciya.

48 Unkan řapi qa nipi kin otahedan inajin qehan makořice kin anapta.

49 Wicařta kektopawinge wikcemna sanpa kektopawinge topa sanpa opawinge řakowin makořica on řapi, Qora oie on řapi qon isanpa.

50 Unkan makořice anapte cin ohakam Aaron Mowis en hdi itkokipapi wakeya tiyopa ekta.

WICOWOYAKE 17.

1 Unkan Jehowa ie a Mowis heciya,

2 Israel cinca kin kewicakiya, qa hena etanhan cansakadan icu wo, ateyapi tipi otaiyohi on cansakadan, ateyapi itancanpi owasin on, cansakadan wikcemna sanpa nonpa, wicařta otaiyohi aje kin cansakadan tawa akan oyawa kta.

3 Qa Lewi cansakadan tawa

WICOWOYAKE 18.

akan Aaron caje kin oyawa kta, ateyapi tipi mdetanhunka iyohi on cansakadan wanjidan kta.

4 Qa hena itkokipapi wakeya ohna, woyaatanin itokam, tukten itkocicipapi eca, hen eyahna kta.

5 Unkan wicašta tuwe waka-hnige cin he cansakadan tawa kin lica kta, hecen Israel cinca imahnupi kin anawapte kta, niyepi inihnupi kin hena.

6 Unkan Mowis Israel cinca kin ccen cwicakiya; unkan itancanpi owasin cansakadan qupi itancan otoiyohi on cansakadan wanjidan, ateyapi tipi itancan iyohi cansakadan wan, cansakadan akenonpa, qa Aaron cansakadan tawa cansakadan tawapi ehna.

7 Unkan Mowis cansakadan kin hena ehna kta Jehowa itokam itkokipapi wakeya ohna.

8 Unkan ihanhanna Mowis woyaatanin wakeya ekta hi, unkan inyun Aaron cansakadan tawa Lewi ti kin on camni uye ça wahca inanpe ye ça hmaska suton.

9 Unkan Mowis cansakadan kin owasin hiyuya, Jehowa itokapa tanhan Israel cinca owasin ekta, unkan wanyakapi, qa otoiyohi cansakadan ikikcupi.

10 Unkan Jehowa Mowis heciya, Aaron cansakadan tawa woyaatanin itokam ake kihnaka wo, qa he yapatan kta; wowapetokeca wokipajin cinca kin on, hecen imahnupi ayaştan wicayakiye kta, qa tapi kte šni.

11 Unkan token Jehowa econ ši kin he iyecen Mowis econ.

12 Unkan Israel cinca kin iapi qa Mowis heciyapi, untapi untakunipi šni owasin untakunipi šni.

13 Tona Jehowa ti kin ikiye-

dan hipi kin owasin tapi; untapi on unsotapi kta he?

WICOWOYAKE 18.

1 Unkan Jehowa Aaron heciya, niye qa nicinca, qa niyate tiwaha kin nakun tipi wakan woalitani kin duhapi kta, qa niye qa nicinca kin wawadušnapi woalitani kin duhapi kta.

2 Nakun nihunkawanjipi kin Lewi wicoun, ateyaya wicoun kin nici hiyuwicaya wo. Hecen onicipapi kta, qa oniciyapi kta; tuka niye qa nicinca kin woyaatanin tiyopa ikiyedan yaunpi kta.

3 Qa wakeya kin ocowasin patanpi kin, qa taku patan wicayaši kin patanpi kta; tuka tipi wakan wakšica kin, qa wahna wošnapi kin yutanpi kte šni, hecen tapi kte šni, iyepi, qa niyepi nakun.

4 Unkan onicipapi kta, qa itkokipapi wakeya kin wopatanpi kin patanpi kta, wakeya wohtani kin owasin, tuka tuwe tokeca nicipi ikiyedan hi kte šni.

5 Unkan niyepi tipi wakan awanyakapi kin duhapi kta, nakun wahna wošnapi wopatan kin, hecen wocanniye Israel cinca kin icimanna awicahi kte šni.

6 Unkan ito miye nihunkawanji Lewi kin Israel cinca wicehnanhan iwicawacu, qa taku ikcequpi wan he iyecen hena nicupi, Jehowa on itkokipapi wakeya wohtani kin econpi kta, heon etanhan.

7 Tuka niye qa nicinca om wowayušnapi kin yakpatanpi kta, taku wahna wošnapi ekta econpi owasin, qa taku cokaya ozanpi mahen econpi, qa wohtani kin ecanonpi kta; taku ikcequpi wan iyecen wowayušnapi wo-

WICAYAWAPI,

htani kin ciçupi, qa tuwe tokeca ikiyedan hi kinhan țeyapi kta.

8 Unkan Jehowa Aaron heciya, Iho miye wokosyapi patanpi kin ciçu, Israel cinca taku yuwakanpi owasin etanhan ciçu, wi-yutapi nitawa, qa nicinca kin tawapi kta, wokage owihanke wanica.

9 Taku wakan hinca peta etanhan okaptapi kin de niye nitawa kta, woahi tawapi owasin, minha tawapi owasin, qa woahțani wošnapi kin owasin, qa tohdaju-jupi makahipi kin owasin, wakan hinca hee, niye on, qa nicinca on.

10 Tipi wakan hinca mahen hena yatapi kta, tona wica owasin hetanhan yutapi kta; niye on he wakan kta.

11 De nakun nitawa kta, wokosyapi, Israel cinca taku yuwintapi owasin etanhan, taku qupi kin, he ciçu, qa nicinkși, qa nicunkși nakun opapi kta; wokage owihanke wanica on, oyate ohna tona skapi owasin hetanhan yutapi kta.

12 Taku iyotan waște wihdi etanhan, qa minışa etanhan, qa aguyapi etanhan taku iyotan waște, taku tokaheya suton Jehowa qupi kin hena ciçu.

13 Tamakocepi ohna taku tokaheya suton Jehowa kahipi kin nitawa kta; tona skapi yati ohna hetanhan yutapi kta.

14 Israel ohna taku yuwakanpi hinca owasin nitawa kta.

15 Tona caske celhipi owasin etanhan Jehowa kahipi, wicașta qaiș woteca unman tukte kașta niye nitawa kta. Tuka wicașta caske kin opekiton wicayakiye kta, nakun wanunyanpi șapa cinca tokapa kin opeton wicayakiye kta.

16 Unkan opekitonpi kta wi

wanji tonpi ehantanhan opeyeton kta, dawa kin he iyecen, mazaska șeqel zaptan tipi wakan șeqel iyececa, omnica wikcemna nonpa șeqel wanjidani.

17 Tuka pte tokapa, qa tahincaska tokapa, qa tatokadan tokapa kin opekitonpi kte șni; hena wakanpi, wepi kin wahna wošnapi akan ayakaștan kta, qa wașinpi kin izinyaye kta, peta wošnapi waștemna Jehowa iyokipi.

18 Tuka celhipi kin he nitawa kta, maku kosyapi kin, qa hiyete etapa kin he iyecen nitawa kta.

19 Israel cinca taku yuwakanpi kin owasin etanhan, taku Jehowa ekta kozapi wokosyapi owasin ciçu, niye, qa nicinkși, qa nicunkși nakun, wokage kin de owihanke wanica miniskuya wicotakuye ohinniyan Jehowa itokam, he niye nitawa kta, qa nakun tona niye etanhan icagapi he tawapi kta.

20 Unkan Jehowa Aaron heciya, Makoce tawapi ohna maga tawayaye kte șni, qa wicehna makoce onșpa duhe kte șni; Israel cinca wicehna wopamni nitawa, qa taku tawa yaye kte cin he miye.

21 Unkan ito Lewi cinca Israel ehna iwikcemna kin owasin tawayapi kta e wicawaqu, wohtani econpi kin on, iyuwin itkokipapi wakeya wohtani kin on.

22 Hecen Israel cinca kin icimana itkokipapi wakeya ekta hipi kte șni, okini woahțani hduhapi kta, qa țapi kta.

23 Tuka Lewi kin itkokipapi wakeya wohtani kin econpi kta, qa iyepi wahtanipi hduhapi kta, wokage kin de owihanke wanica, nitoicagepi yeye cin maga tawayapi kte șni, Israel cinca wicehna.

WICOWOYAKE 19.

24 Tuka Israel cinca taku ica-
hyapi etanhan iwikcemna kin
Jehowa kahipi wokosyapi kin he
Lewi kin wicawaqu, he tawa ya-
pi kta, heon hewicawakiya Is-
rael cinca wicehna maga tawa-
yapi kte šni.

25 Unkan Jehowa ie ça Mowis
heciya,

26 Ie ça Lewi kin hecen ewi-
cayakiye kta, Israel cinca etan-
han iwikcemna maga heekiya ci-
çupi kin hena iyacupi eca hena
etanhan Jehowa tawokosyapi
kin yakahipi kta; iwikcemna
etanhan iwikcemna kin.

27 Qa wokosyapi nitawapi
aguyapi su kapanpi oyanke etan-
han icupi he iyecen, qa miniša
hastanhanka yuškica etanhan he
iyecen niciyawapi kta.

28 Hecen niyepi nakun Jeho-
wa tawokosyapi yakahipi kta;
iwikcemna Israel cinca niçupi
kin owasin etanhan Jehowa wo-
kosyapi kin Aaron wawayušna
kin yaqupi kta,

29 Taku niçupi kin owasin
etanhan Jehowa wokosyapi iyo-
hi yakahipi kta, taku iyotan
wašte taku yuwakanpi etan-
han.

30 Unkan hewicayakiye kta,
Taku iyotan wašte yakahipi eca
he Lewi wicakiciyawapi kta,
maga taku aicage cin, qa ha-
stanhanka iyuwi taku aicage cin
he iyecen.

31 Unkan he yatapi kta tukte
en yaunpi kta, niyepi qa tona
yatipi ohna unpi kta itkokipapi
wakeya ohna wohtani ecanonpi
on iyuwin niçupi kin hee.

32 Qa he etanhan taku iyotan
wašte yakahipi kinhan wohtani
yahduhapi kte šni, qa Israel cin-
ca taku, yuwakanpi kin du-
ikcekapi kte šni, qa niçapi kte
šni.

Num.

15

WICOWOYAKE 19.

1 Unkan Jehowa ie ça Mowis
qa Aaron hewicakiya,

2 Wokage woope Jehowa econ
nišipi kin dee, qa heya, Israel
cinca kin kewicayakiye kta,
Pte he-yuktanna hinša wan za-
nika tuktedan ošteke šni, canna-
pinpi tohinni un kiyapi šni,
heca icupi qa nicahipi kta, kehe
kta.

3 Qa Eleazar he yaqupi kta,
qa wicoti itankan ayapi kta, qa
iye itokam patapi kta.

4 Unkan Eleazar wawayušna
kin napsukaza on we kin etan-
han icu kta, qa itkokipapi wa-
keya tiyopa ektakiya we kin
etanhan šakowin akihde elipeye
kta.

5 Unkan iye išta kin itokam
pte-heyuktanna kin hūhnahyapi
kta; ha kin, qa tado kin, qa we
kin, qa cesdi kin hūhnahyapi kta.

6 Unkan wawayušna kin han-
tešadan can, pejihota, qa tahn-
caska hin duta icu kta, qa pte-
heyuktanna hūhnage cin akan
elipeye kta.

7 Qa wawayušna kin wokoya-
ke hdujaja kta, qa celipi minin
iyeiçiye kta, qa ohakam wicoti
en hi kta, qa ihtayetu kte cin he-
hanyan šape kta.

8 Qa tuwe he hūhnahye cin he
wokoyake hdujaja kta, qa celipi
kin minin niwe kta, qa ihtayetu
behanyan šape kta.

9 Unkan wicašta šape šni wan
pte heyuktanna calhota kin mna-
ye kta, qa wicoti itankan kihna-
ke kta, oyanke wan šape šni en,
qa he patanpi kta mini awica-
mnimui kin on, Israel cinca oya-
te on wohtani ipakinte cin
hee.

10 Unkan tuwe pte-heyuktan-
na calhota mnaye cin he woko-

225

WICAYAWAPI,

yake hdujaja kta qa hitayetu kte cin hehanyan šape kta; qa he Israel cinca on qa tuwe oyate tokeca wicehna ounye cin on en yanke kta, wokage kin de owi-hanke wanice kta.

11 Tuwe wicašta nagiye cin celipi yutan kinhan, anpetu šakowin šape kta.

12 Qa he on ikpakinte kta, anpetu iyamni en, hecen anpetu isakowin en ska kta, tuka anpetu iyamni en ikpakinte šni kinhan, anpetu isakowin en ska kte šni.

13 Tuwe taku te cin, wicašta nagiye ca te cin icalitake cinhan, qa ikpakinte šni kinhan, Jehowa toti kin yušapa, qa wicanagi kin he Israel etanhan kašpapi kta, wipakintapi mini kin he amnini šni heon hee šapa, toašape nahanhin askapa.

14 Wicašta wan wakeya ohna te cin woope kin dee, tona wakeya ohna unpi kin owasin, nakun tona wakeya en hiyupi kin hena owasin anpetu šakowin šapapi kta.

15 Qa waksica iha ton šni owasin, qa iha akašpapi šni kin hena šape kta.

16 Unkan tuwe wicašta wan makoskan canłipi on ktepi, qaiš wayazanka ta, qaiš wicahu wan, qaiš ohna wicahnakapi wan icalitake cinhan anpetu šakowin hehanyan šape kta.

17 Qa tuwe šape cin on wipakintapi kta e pte hułnahyapi qon calłota etanhan icupi kta, qa waksica wan ohna mini kaduze cin akaštampi kta.

18 Unkan wicašta wan šape šni pejiłota icu kta, qa mini kin he en oputkan kta, qa wakeya kin qa waksica owasin, qa wicanagi hen yakonpi kin owasin awicamnini kta, nakun tuwe

wicahu wan icalitake qaiš tuwe ktepi, qaiš wayazanka te, qaiš ohnahnakapi wan icalitake cinhan.

19 Unkan wicašta šape šni kin he tuwe šape cin he amnini kta, anpetu iyamni en, qa anpetu isakowin en, unkan anpetu isakowin en ihdkusa kta, wokoyake hdujaja kta, qa minin niwe kta, hecen hitayetu en ska kta.

20 Qa wicašta tuwe šape ca ihduska šni kinhan, wicanagi kin he omniciye etanhan kašpapi kta, Jehowa tipi wakan tawa kin yušape cin heon etanhan, wipakintapi mini kin amnini šni heon hee šapa.

21 Unkan woope kin de owi-hanke wanin yuhapi kta, tuwe wipakintapi mini amnini kin wokoyake hdujaja kta; qa tuwe wipakintapi mini kin icalitake cinhan hitayetu hehanyan šape kta.

22 Qa taku kašta tuwe šapa yutan kinhan šape kta, qa wicanagi tuwe he icalitake cin hitayetu kta hehanyan šape kta.

WICOWOYAKE 20.

1 Unkan wi tokaheya en Israel cinca oyate kin owasin Tzin hopuze cin en hipi, qa oyate kin Qadeš en iyotankapi, qa hen Miriam ta, unkan hen hnakapi.

2 Unkan mini yatkanpi kta wanica, heon oyate Mowis qa Aaron amniciyapi.

3 Qa oyate kin Mowis kigepi, qa heyapi, Tokin unki hunkanwanjipi Jehowa itokam tapi qehan unkiš eya untapin.

4 Qa tokeca unkiye untapin kta e, qa nakun wanunyanpi unkita-wapi, hopuze cin de ekta Jehowa taomniciye hiyuwicayayapi he?

5 Qa tokeca Egupta etanhan itanwankanhde mani unyayapi, qa makoce síce kin den hiyu unyayapi he? tukten wojupi iyecece šni, nakun witanšna hu wánica, qa hastanhanka iyuwi wánica, qa taspantanka su ota wánica, qa mini yatkanpi kta wánica.

6 Unkan Mowis qa Aaron omniciye etanhan upi, qa itkoki-papi wakeya tiyopa ekta hipi, qa makipusdiya ehpe içiyapi, qa Jehowa towitan kin wanyakapi.

7 Unkan Jehowa ie ça Mowis heciya,

8 Cansakadan qon icu, qa niye qa Aaron nicinye oyate kin mniciye wicayayapi kta, qa wanyakapi icunhan imnija kin eyakiyapi kta, unkan mini tawa wica-kicu kta; hecen imnija etanhan mini hinanpe wicayeciye kta, qa oyate kin, qa tawanunyanpi kin yatke wicayakiye kta.

9 Unkan Mowis Jehowa itokapa tanhan cansakadan icu, econ ši kin he iyecen.

10 Unkan Mowis, qa Aaron omniciye kin mniciye wicayapi, imnija itokam, qa hewicakiya. Wawakipajinpi sa anagoptan po. Imnija kin de etanhan mini inanpe unniciyapi kta he?

11 Unkan Mowis nape yuwan-kan ikikeu, qa cansakadan on imnija kin apa; unkan mini ota inanpa; unkan oyate kin yatkanpi, tawanunyanpi nakun.

12 Unkan Jehowa ie ça Mowis qa Aaron hewicakiya. Wicamayadapi šni, qa Israel cinca wicitokam mayaduwakanpi šni, heon omniciye kin de makoce wicawaqu kin ekta hiyuwicayayapi kte šni.

13 Meriba (Kigepi) mini kin hee; hen Israel cinca kin Jehowa kigepi, unkan hen ihduwakan.

14 Unkan Qadeš etanhan Mowis Edom wicaštayatapi ekta wicašta ye wicaši, qa heciya. Nisunka Israel hecen eya, Niye woiyokišice unkakipapi kin owasin sdonyaya.

15 Token hunkake wicunyanpi Egupta ekta ipi, qa Egupta ohna unyakonpi anpetu ota, qa token Egupton unkiyušepi, unkiyepi, qa nakun hunkake wicunyanpi.

16 Unkan Jehowa hoye unkiyapi, unkan ho naunkihonpi, qa ohnihde wan ye ši, qa Egupta etanhan hdinanpe unyanpi, unkan iho wanna Qadeš en unyakonpi, otonwe wan makoce nita-wa ihanke ekta.

17 Tokin nitamakoce ohna unkiyayapi kten. Maga nitawa ohna, qa hastanhanka iyuwi ojupi ohna unyanpi kte šni, qa miniyowe nitawapi etanhan unyatkanpi kte šni, wicaštayatapi tacanku ohna maunnipi kta, he-tanhan etapa tanhan qa catka tanhan unmanna unyanpi kte šni, nitamakoce isanpa unkiyayapi šni kin hehanyan.

18 Unkan Edom heciya. Miye ohna idade kte šni okini canhpi hduha itkocicipe kta.

19 Unkan Israel cinca kin heciyapi, canku tanka ohna unyanpi kta, qa mini nitawa unyatkanpi kinhan miye qa wanunyanpi mitawa on iyuwin ciçu kta. Taku-dan econ šni siha ecedan weçon opta mde kta.

20 Unkan heya, Iyoopta idade kte šni, qa Edom wicota om qa nape wašaka on inanpe ça itkokim u.

21 Hecen Edom iye tamakoce ohna Israel ye kta iyoki šni;

22 Qa Qadeš etanhan ihdakapi, qa Israel cinca omniciye owasin Hor he ekta hipi.

23 Unkan Jehowa ie ça Edom

WICAYAWAPI,

makoce ihanke ekta, Hor he ohna Mowis qa Aaron hewicakiya.

24 Aaron iye taoyate ekta okipe yapi kta, makoce Israel cinca wicawaqu kin he ekta i kte sni, nakaś, Kigepi mini kin ekta mioie yakipajinpi heon etanhan.

25 Aaron qa iye cinhintku Eleazar iwicacu, qa Hor he akan hiyuwicaya wo.

26 Qa Aaron tawokoyake kin duśdoke kta, qa cinhintku Eleazar he koyag yaye kta, qa hen Aaron te kta, qa okipe yapi kta.

27 Unkan token Jehowa econ śi kin he iyecen Mowis econ, qa Hor he akan ipi kin he oyate owasin wanyakapi.

28 Unkan Mowis Aaron tawokoyake kin kiciyuśdoke qa cinhintku Eleazar he koyag kiya; unkan Aaron hen ta, Hor he pa-ha akan: unkan Mowis qa Eleazar he kin etanhan kun hdicupi.

29 Unkan omniciye owasin Aaron te cin sdonyapi, heon Israel cinca tiyohnaka ocowasin Aaron aceyapi, anpetu wikcemna yamni hehanyan.

WICOWOYAKE 21.

1 Unkan Arad wicaśtayatapi Kanani kin itokali makoce ounye cin he Israel Atarim canku ohna u nañon qehan azuwicaya, qa etanhan wayaka iwicacu.

2 Unkan Israel wokonze wan Jehowa en iciçonzapi, qa heyapi, Oyate kin de minape en katin-yan mayaqu kinhan, otonwe tawapi ocowasin ihang waye kta.

3 Unkan Jehowa Israel ho kin nañon, qa Kanani kin wicaqu: unkan ocowasin ihang wicayapi, otonwe tawapi nakun, heon makoce kin he Horma (Woihangye) eciyapi.

4 Unkan Hor he kin etanhan ihdakapi, qa Edom makoce ihdukśan yapi kta, heon Mde śa canku ohna yapi, qa oyate nagipi kin hanyan, canku kin on etanhan.

5 Qa oyate kin Wakantanka aiapi, qa Mowis aiapi, Tokeca Hopuze cin ohna untapi kta e Egupta etanhan hdinanpe unyayapi he? aguyapi wanica, qa mini wanica, qa unnagipi woyute kapojedan kin de hitihda, eyapi.

6 Heon Jehowa wamduśka wahuñnahya, oyate kin en hiyu wicaya, unkan wicayahtakapi, hecen Israel oyate etanhan wicota tapi.

7 Hehan oyate kin Mowis ekta hipi, qa heyapi, Waunñitanipi, Jehowa unkaiaapi, qa niś nakun; Jehowa wamduśka yutokan iyeunkiciciyapi kta e icekiya wo; unkan Mowis oyate on cewicakiciya.

8 Unkan Jehowa Mowis heciya, Wamduśka wahuñnahya wan icicaga wo, qa can pasdatapi wan akan ikoyag ya wo, unkan tona wicayahtakapi qa he wanyakapi kinhan hena owasin nipi kta.

9 Unkan Mowis mazaśa wamduśka wan kage qa can pasdatapi wan akan ikoyag ya; unkan kaketu wamduśka wicaśta wan yahtake cinhan, mazaśa wamduśka kin atonwan eca ni ece.

10 Unkan Israel cinca kin ihdakapi, qa Obot (Miniüyokaśtan) en etipi.

11 Unkan Obot etanhan ihdakapi, qa Ije-Abarim (Abarim Otiwota) en etipi, he hopuza ohna Moab itokam wihinanpe ektakiya yanka.

12 Unkan hetanhan ihdakapi, qa Zered kaksiza ohna etipi.

13 Hetanhan ihdakapi qa Arnon akasanpa etipi, he hopuza

WICOWOYAKE 21.

ohna un, Amori tamakoce ihanke ekta, Arnon Moab ihanke kin hee, Moab qa Amori kin otahe-dan.

14 Heon Jehowa azuye wicaya oyakapi wowapi kin en heyapi, Waheb ekta Supa en, qa Arnon wakpadan ekta.

15 Qa wakpadan omdaye kin he Ar tipi kin iyohiya, qa Moab makoce ihanke kin icahtaka.

16 Unkan Beer (Miniyowe) ekta hipi, Miniyowe kin he Jehowa ke ça Mowis heciya, Oya-te kin yuwitaya u wicakiya wo, kinhan mini wicawaqu kta.

17 Hehan Israel odowan kin de ahiyayapi, Miniyowe inanpa wo. He kahiyayapo.

18 Itancan miniyowe qapi kin hee, oyate akicita yapi kin tasag-yepi on, Wicoope kage cin eye cin iyecen. Unkan hopuze cin etanhan Matana en hipi.

19 Unkan Matana etanhan Nahaliel (Kaksiza wakan) en hipi, Nahaliel etanhan Bamot (Paha-ota) ekta.

20 Qa Bamot etanhan Makomdaye ekta, he Moab tatinta ohna yanka, Pisga paha ihukuya, qa he etanhan hewoskan kin wanyakapi.

21 Hehan Israel Sihon Amori wicaštayatapi kin ekta ohnihde ye wicaši, qa heciya,

22 Nitamakoce kin iyopta mde kta; maga nitawa en unyanpi kte šni, qa hastanhanka iyuwi ojupi nitawa ohna unyanpi kte šni; qa miniyowe nitawa etanhan mini unyatkanpi kte šni; nitamakoce iyoopta unyanpi kin hehanyan, wicaštayatapi tacanku kin omaunnipi kta.

23 Tuka Sihon iye tamakoce Israel opta yapi kta iyowinwicakiye šni, qa Sihon taoyate kin iyuhpa yuwitaya u wicakiye ça

Israel itkokim hiyu, hopuza ektakiya, qa Jahatz (Anatanpi) ekta i, qa Israel azu wicaya.

24 Unkan Israel tacanhpi hi on kaštakapi, qa tamakoce kin tawa yapi, Arnon etanhan, Jaboq hehanyan, Amon cinca kin ekta; Amon cinca tamokoce ihanke kin he aconkaškayapi, nakaš.

25 Unkan Israel otonwe kin hena owasin icupi, qa Israel Amori totonwépi owasin en iyotankapi, Hešbon qa otonwe cunkši wicaya owasin.

26 Hešbon Sihon Amori wicaštayatapi totonwe kin hee. Iye he itokam Moab wicašta yatapi kin azuye ça tamakoce Arnon ekta owasin nape kin etanhan icu.

27 Heon downapi qa heyapi, Hešbon otonwe ekta u po. Sihon totonwe kagapi qa aconkaškaya po.

28 Hešbon etanhan peta wan inanpa, Sihon totonwe etanhan ide wan. Ar Moab huhnaliya, Arnon paha itancan nakun.

29 Moab hehehe, Kemoš taoyate nitakuni šni, cinhintku tona najicapi cunwintku nakun Amori wicaštayatapi Sihon wowidag wicaye kta e wicaqu.

30 Unkan wicunkutepi, Hešbon ihang yapi. Dibon ekta, qa Nopa ekta hewoskan kagapi, he Medeba ekta iyohiya.

31 Hecen Israel Amori tamakocepi kin en iyotankapi.

32 Unkan Mowis wicašta Jazer ekta tonwe ye wicaši, unkan totonwe kin icupi, qa Amori hen unpi kin nape wicayapi.

33 Hehan ihduhonnipi, qa Bašan canku ohna itanwankan-hde yapi; unkan Og Bašan wicaštayatapi kin itkowicakipe kta inanpa, iye qa taoyate owasin Edrei okicize ekta.

WICAYAWAPI,

34 Unkan Jehowa Mowis heciya, Ihnuhan he ikoyape cin, ninape en he waqu kta, qa taoyate owasin, qa makoce tawa nakun; unkan token Sihon Amori wicaštayapi Hešbon en yanke ciqon ecayecon, he iyecen he ecaecon kta.

35 Unkan kaštakapi iye qa cinca kin, qa taoyate owasin, hecen wanjidan niyake okapte šni.

WICOWOYAKE 22.

1 Unkan Israel cinca kin ihdakapi, qa Moab makomdaya ohna Jordan icahda Jeriko itakasam etipi.

2 Unkan Balaq Tzipor cinhintku taku Israel Amori kin ecawicakicon owasin wanyaka.

3 Unkan Moab nina kokipa, oyate wicitokam, wicotapi nakaš, qa Israel cinca kin on Moab hanyan.

4 Unkan Moab Midiyani hunkawicayapi kin hewicakiya, Wanna obe kin de taku unkihdukšan un kin owasin sdipapi kta, tatanka wan tinta wato kin sdipa he iyecen. Unkan hehan Moab wicaštayatapi kin Balaq Zipor cinhintku kin hee.

5 Qa ohnihde Balam Beyor cinhintku ekta ye wicaši, Petori ekta, he iye tamakoce wakpa kin icahda yanka; kico kta, qa heciya, Iho oyate wan Egipta etanhan inanpa; qa inyun maka ite kin akašpe qa micahda iyotankapi.

6 Heon wanna ceciciya, u qa oyate kin de wicamiciyašica wo; wamašaka ešta hena sanpa wašakapi, okini wicawakaštaka, qa makoce etanhan nape wicawaya owakihi kta. Tuwe dawaste kin he yawaštepi, qa tuwe dašice cin hee yašicapi e sdon waya nakaš.

7 Unkan Moab hunkayapi, qa Midiyani hunkayapi woayate iyunwin nape ohna yuha iyayapi, qa Balam ekta ipi, qa Balaq oie kin eciyapi.

8 Unkan hewicakiya, Hanyetu kin de den yanka po, qa token Jehowa emakiye cin he iyecen wicoie kin aciyuptapi kta. Unkan Moab itancan kin Balam kici wankapi.

9 Unkan Wakantanka Balam ekta hi, qa heciya, Wicašta kin dena nici unpi kin tuwepi hwo?

10 Unkan Balam Wakantanka heciya, Balaq Beyor cinhintku, Moab wicaštayatapi wahomayan,

11 Inyun, oyate wan Egipta etanhan inanpe qa maka ite kin akašpa. Wanna u, qa micawicayašica wo, hecen azu wicawaye qa nape wicawaya owakihi kta.

12 Unkan Wakantanka Balam heciya, Ihnuhan om idade cin, ihnuhan oyate kin dašice cin, yawaštepi nakaš.

13 Unkan Balam hanhanna kikta, qa Balaq ohnihde wicaya, hewicakiya, Nitamakocē ekta hdapo. Niyepi om mde kta Jehowa iyowin makiye šni.

14 Unkan Moab itancan kin najinpi, qa Balaq ekta hdapi, qa heciyapi, Balam unkicipi u kte šni, keya.

15 Unkan Balaq ake wicašta sanpa wicakinihanpi, qa sanpa ota ye wicaši.

16 Unkan Balam ekta hipi, qa heciyapi, Balaq Tzipor cinhintku kin hecen eya, Ceciciya, ihnuhan ekta mau yakapin kin.

17 Wowitan tanka hinca ciçu, qa taku emayakiye cin owasin ecamon kta. U wo, ceciciya, oyate kin de wicamiciyašica wo.

WICOWOYAKE 22.

18 Unkan Balam ayupte ça Balaq taokiye hewicakiya, Balaq iye ti kin mazaska qa maza-skazi ojudan maqu ešta, Taku wakan oie kin kawape ça taku cistinna qaiś taku tanka unman-na econ owakihi kte śni.

19 Heon ceciyapi hanyetu kin de nakun den wankapo, hecen taku Jehowa ake emakiye kta sdon waye kta.

20 Unkan Wakantanka hanyen Balam ekta hi, qa heciya, Wicašta kin nico hipi hecinhan, najin, qa om ya wo; tuka wicoie eciciye cin heceedan ecanon kta.

21 Unkan Balam hanhanna kikta, qa śonśonna aqin kiton, qa Moab itancan om iyaya.

22 Unkan iyaye cin heon Wakantanka canniyan, qa kize kta e Jehowa ohnihde kin canku ohna najin. Unkan śonśonna akan iyotanka, qa tahokśidan nonpa opapi.

23 Unkan śonśonna kin Jehowa ohnihde kin canku ohna najin, qa isan hduśdoka nape ohna wanyaka, heon śonśonna kin canku etanhan ihdutokan, qa tinta omani. Unkan Balam śonśonna kin apa, canku ohna iyaye ye kta heon etanhan.

24 Unkan Jehowa ohnihde kin hastanhanka iyuwi ojupi ehna canku qapi wan ohna najin anonkatanhan acankaśkayapi.

25 Unkan śonśonna kin Jehowa ohnihde kin wanyake ça conkaśke ipuskica, qa Balam siha kin conkaśke ekta inatan; unkan ake he apa.

26 Hehan Jehowa ohnihde kin ake ako iyaye ça tukten ocistiye-dan ohna inajin: hen canku etanhan tokan iyaye pica śni, etapa tanhan qaiś catka tanhan.

27 Unkañ śonśonna kin Jehowa

ohnihde kin wanyake ça makipusdi ehpe içiye, Balam ihukuya. Unkan Balam canniye ça sagye on śonśonna kin apa.

28 Hehan Jehowa śonśonna i kin yukawa; unkan Balam heciya, Taku ecacicon hwo on etanhan wanna yamni akihde amayapa he?

29 Unkan Balam śonśonna kin heciya, Iyokiśin mayaya heon hecamon, Tokin isan wan minape ohna yukan, unkaś cikte kta tuka.

30 Unkan śonśonna kin Balam heciya, śonśonna nitawa totanhan mayaduhe cin ecen anpe dehanyan akan dotanke śni he? Qa ijehan hecen hecacicon he? Unkan, Hiya, eya.

31 Hehan Jehowa Balam išta kin yuzamni, unkan Jehowa ohnihde nape kin ohna isan yuśdog hduha, canku onajin wanyake ça makipusdiya ehpe içiya.

32 Unkan Jehowa ohnihde kin heciya, Tokeca wanna yamni akihde śonśonna ayapa he? Niohan mitokam pemni ce, heon miś cicize kta e wahinawapa.

33 Qa śonśonna wanmayake ça yamni akihde mitokapa tanhan ihdutokan śni unkaś he niwaye kta, qa wanna awicakehan ci kte kta tuka.

34 Unkan Balam Jehowa ohnihde kin heciya, Wawahtani, canku ohna amayakipe kta nayajin kin sdon waye śni nakaś, qa wanna hecen iyonicipi śni kinhan wahde kta.

35 Unkan Jehowa ohnihde kin Balam heciya. Wicašta qon om ya wo. Tuka wicoie eciciye cin heceedan ehe kta. Unkan Balam Balaq ohnihde wicaya owicapa.

36 Unkan Balam u kin he Ba-

WICAYAWAPI,

laq nañon, qa itkokipe kta e iya-ya, Moab otonwe ekta, he Arnon icahda makoce ihanke kin hee.

37 Unkan Balaq Balam heciya, Cico kta e hoye ciciye šni he? qa tokeca ekta mayahi šni he? Awicakehan nina ciyutan owakihi šni he?

38 Unkan Balam Balaq heciya, Inyun wanna en cihi, taku iwae kta owakihi he? wicoie Jehowa mii en maqu kin hecedan iwae kta.

39 Unkan Balam Balaq kici iyaya, qa Hutzot otonwe ekta ipi.

40 Unkan Balaq tatanka, qa tahinca ska wayušna, qa Balam qa itancan opapi kin tuwe wicakico yeši.

41 Unkan ihanhanna Balaq Balam icu qa Baal paha kin ekta i, qa hetanhan oyate *wicoti* ihanke wan wanyaka.

WICOWOYAKE 23.

1 Unkan Balam Balaq heciya, Wahna wošnapi šakowin den micicaga wo; qa den tatanka šakowin, qa tahin wanunyanpi šakowin wiyeya micicaga wo.

2 Unkan token Balam eye cin hecen econ, qa Balaq qa Balam tatanka wan, qa tamdoka wan wahna wošnapi otoiyo hi akan huñnahya.

3 Unkan Balam Balaq heciya, Woñuñnahi yaye cin icahda den yanka wo. Miš kakiya mda, okini Jehowa itko makipe u kta, qa wicoie wanyag makiye cin owasin ociciyake kta, eye ça paha šdayehna *ekta* iyaya.

4 Unkan Wakantanka Balam itkokipa, unkan heciya, Wahna wošnapi šakowin ewahde, qa wahna wošnapi iyohi akan ta-

tanka wan, qa tamdoka wan huñnahi waya.

5 Unkan Jehowa wicoie wan Balam i en yekiye ça heciya, Balaq ekta hde, qa heyakiye kta.

6 Unkan ekta hda, unkan inyun woñuñnahi ye cin icahda yanka, iye qa Moab itancan owasin.

7 Unkan Balam wicoie wakan kin ohdake ça heya, Balaq Moab wicaštayatapi kin Aram etanhan, Wiyohiyanpa he kin etanhan u makiye ça heya, Iho Jakob miciyašica wo, qa kuwa Israel mici canniye ya wo.

8 Iyotan wašake cin he canniye ye šni, miš token canniye waye kta he? Jehowa wicayašice šni, token wicamdašice kta he?

9 Inyan paha etanhan wamdaka, pajodan etanhan aowakasin, Inyun oyate kin de isna-na ounye kta, qa oyate tokeca om wicayawapi kte šni.

10 Jakob maka mdu sukaza kin, qa Israel ošpaye itopa kin, tuwe yawa okihi he? Tokin wicašta ecetu tapi kin iyecen minagi te kten qa owihanketa hena iyemacece kten.

11 Unkan Balaq Balam heciya, Taku ecamiyecon hwo? Toka wicawaye cin dašice kta e cico, unkan inyun nina wicadawašte.

12 Unkan ayupte ça heya, Taku Jehowa mii en ye kiya he patanyan iwae kte šni he?

13 Unkan Balaq heciya, Oyanke tokeca wan ekta mici u wo, qa hetanhan wanwicadake kta, ihanke hinca wan hecedan wandake kta, owasin wanwicadake kte šni, qa hetanhan wicamiciyašica wo.

14 Qa Tzopim (Iwanyakapi) tinta en Pisga paha ekta hiyuye ça wahna wošnapi šakowin kage ça tatanka wan, qa tamdoka

WICOWOYAKE 24.

wan wahna wošnapi iyohi akan huñnahya.

15 Qa Balaq heciya, Den yanka wo, woññnah yaye cin ica-hda, tuka miš kakiya itkowakipe kta.

16 Unkan Jehowa Balam itkokiye ça wicoie wan i kin en ye kiye ça heciya, Balaq ekta hde ça hecen eya wo.

17 Unkan en hdi, unkan inyun woññnah ye cin ica-hda yanka, nakun Moab itancan kin opapi, qa Balaq heciya, Jehowa taku eya he ?

18 Unkan wicoie wakan kin ohdake ça heya, Balaq najin qa nañon wo. Tzipor cinhintku kin anoh makiciya wo.

19 Iyotan wašake cin wicašta heca šni, tohini itonšni, qa Adam cinca šni iyope içiye šni. Is eye cinhan ecen econ kte šni he ? Ie cinhan hduwicake kte šni he ?

20 Inyun iye yawašte qa yawašte maši, unkan mdatokeca owa-kihi šni.

21 Jakob en wicoñhan šica atonwe kte šni, qa Israel en wo-iyokišice wanyake kte šni, Jehowa wakan dapi kin wica kici un, wicašta yatapi iyašapi kin.

22 Iyotan wašake cin Egipta etanhan hñinanpa ya, tinta tatanka iyecen wašaka ce.

23 Jakob en wapiyapi wanica ce, qa Israel en wakan kagapi wanica. Iyotan wašaka Jakob on, qa Israel on, taku econ he ? detanhan eyapi kta.

24 Inyun oyate kin mnaja wi-yedan iyecen najin hiyaye kta, qa mnaja mdoka wan iyecen yuwankan iye içiye kta. Taku yahtake cin we kin yatke, ça taku yapota yute šni kin hehanyan makan iwanke kte šni.

25 Hehan Balaq Balam heciya,

Ihnuhan wicadašice cin, qa nakun ihnuhan wicadawašte kin.

26 Unkan Balam ayupte ça Balaq heciya, Taku Jehowa emakiye cin owasin ecamon kta eciciye šni he ?

27 Unkan Balaq Balam heciya, Wanna kuwa, oyanke tokeca ekta unye kta, okini hetanhan miyeciwicadašice kta e Wakan-tanka išta kin en ecetu kta.

28 Qa Balaq Balam iyaye ya, Peyor paha kin ekta, hetanhan Ješimon (Hewoskan) wanyakapi.

29 Unkan Balam Balaq heciya, Wahna wošnapi šakowin den micicaga wo, qa den tatanka šakowin, qa tamdoka šakowin, wiyeya micicaga wo.

30 Unkan token Balam eye cin he iyeeen Balaq econ ; unkan wahna wošnapi otoiyohi akan tatanka wan, qa tamdoka wan huñnah ya.

WICOWOYAKE 24.

1 Unkan Israel wicayawašte kin he Jehowa išta kin en wašte Balam wanyaka, heon woayate akin iyaye šni, econ qon iyecen, tuka hopuze cin ektakiya etonwan.

2 Qa Balam išta yuwankan ikikcu, qa Israel wicoun iyecen tipi kin wanwicayaka, unkan Wakantanka toniya kin he akan un.

3 Hehan wicoie wakan ohdake ça heya, Balam Beyor cinhintku heya, wicašta išta yuhdokapi kin heya ;

4 Tuwe El oie kin nañon qa Iyotan wašaka towanyake kin wanyaka, he hicanhan ešta išta yuzamni hduhe cin he heya ;

5 Israel yatipi kin qa Jakob nitawakeya kin hena wašte hınca.

WICAYAWAPI,

6 Wakpadan kin iyecen yeye cin, taškoju wakpa icahda iyecen, hanteša Jehowa oju kin iyecen, wazi can mini icahda iyecapi.

7 Koka tawa etanhan mini kaduze kta, qa taku iye etanhan icage cin mini ota akan un kta, qa wicaštayatapi tawa Agag iwankam yanke kta, qa tokiconze kin pajodan kta.

8 Taku wakan wašaka Egupta etanhan inanpe wicaya; Oyate tona tokayapi kin hena temwicaye kta, huhupi kin wicakiyukse kta; tawahinkpe kin ipahidan ihewicaye kta.

9 Patuja mnaja iyecen, qa makan iwanka mnaja wiyedan iyecen, tuwe pahice kta he? Tuwe niyawašte kin yawaštepi kta, qa tuwe niyašice cin yašicapi kta.

10 Hehan Balaq Balam nina canniye ya, qa nape hdaskape ça Balaq Balam heciya, Toka wicawaye wicadašice kta e cico, unkan inyun yamni akihde katinyan wicadawašte ce.

11 Heon wanna najica ekta hda, wowitan tanka ciçu kta epa, tuka inyun niyutanpi kta Jehowa iyoki šni.

12 Unkan Balam Balaq heciya, ohnihde wicayaya mico ye wicayaši qon hecen ewicawakiye šni he?

13 Balaq iye ti kin mazaska, qa mazaskazi ojudan maqu ešta, Jehowa i kin kawape, qa taku wašte qaiš taku šica econ owakihi šni, tuka taku Jehowa ie cin heceedan iwae kta.

14 Unkan ito wanna oyate mitawa ekta wahde kta, Kuwa wo, taku oyate kin de oyate nitawecawicakiconpi kta, tokata anpetu ota iyohakam, he ociciyake kta.

15 Qa Balam wicoie wakan ohdake ça heya, Balaq Beyor cinhintku kin heya, wicašta išta yuhdokapi kin he heya:

16 Tuwe El oie kin nañon, qa Otancanke tosdonye kin okañniga, lyotan wašaka towanyake kin wanyaka, makipusdiya hinhpaya ešta išta yuzamni hduhe cin he heya;

17 He wanmdake kta tuka dehantu šni, awatonwe kta tuka ikiyedat kte šni, wicanñpi wan Jakob etanhan u kta, mazasagye wan Israel etanhan najin kta, qa Moab ihanke kin owasin kaštake kta, qa Šet (Owodutaton) cinca kin owasin ihang ye kta.

18 Qa Edom tawaye kta, qa Seyir tokayapi kin he tawaye kta, qa Israel waditagya econ kta.

19 Qa tuwe idake ye kta Jakob etanhan kta, qa tona otonwe etanhan okaptapi ihang wicaye kta.

20 Hehan Amaleq wanyake ça heya, Amaleq oyate tokaheya kin hee, tuka tokata iš eya awihnuni kta.

21 Hehan Qeni kin wanwicayake ça wicoie wakan ohdake ça heya, yatipi kin sutaya aconkaškayapi, qa inyan ehna hoñpi nicicaga.

22 Hececa ešta Qeni kin tokanawicayapi kta; Tohantu kta he? Ašur wayaka aniye kta.

23 Unkan wicoie wakan kin ohdake ça heya, Hehehe, El hena econ kin tuwe hehanyan ui kta he?

24 Unkan witawata Kitim huta kin etanhan upi kta, qa Ašur iyokišin yapi kta, qa Eber iyoikišin yapi kta: unkan iš eya owihanketa awihnuni kta.

25 Hehan Balam najin qa

WICOWOYAKE 26.

ekta kihda, qa Balaq is eya
ekta hda.

WICOWOYAKE 25.

1 Unkan Israel Šitim en oun-
yanpi, qa oyate kin Moab cun-
wintkupi inawicalmanpi on ihdu-
šapapi.

2 Unkan winyan kin hena ta-
ku wakandapi wakiyušnapi ekta
oyate wicakicopi, unkan oyate
kin yutapi, qa winyan kin taku
wakandapi kin ohodapi.

3 Hecen Israel Baal Peyor
(Peyor Itancan kin) en ikoyag
ičiyapi; unkan Jehowa Israel
canniye wicaya.

4 Qa Jehowa Mowis heciya,
Oyate itancanpi kin owasin wi-
cakico wo, unkan hena Jehowa
on anpetu wi itokam otke wica-
yapi kta, hecen Jehowa Israel
nina canniye wicaya anapte kta.

5 Unkan Mowis Israel waya-
copi kin hewicakiya, Otoiyohi
wicašta tawa tona Baal Peyor
en ikoyag içiyapi kin hena wi-
caktepo.

6 Unkan Inyun Mowis qa Is-
rael cinca oyate kin itkokipapi
wakeya tiyopa ekta ceyapi icun-
han, Israel cinca etanhan wi-
cašta wan ku, qa Midiyani wi-
nohinca wan sunka wicaye cin
ekta hiyuya, Mowis qa oyate kin
wanyakapi.

7 Unkan Aaron wawayušna
cinhintku Eleazar cinhintku Pi-
nehas he wanyake çehan oyate
cokaya tanhan najin iyaye ça
nape ohna wahukeza wan icu;

8 Qa Israel wicašta kin ihakam
iyaya, wakeya catkuta ekta, qa
napin, cawicapa, wicašta kin, qa
winohinca nakun tezi kin ohna,
hecen makošice kin Israel cinca
etanhan anapta.

9 Wanna makošice on tapi kin

hena wicašta ketkopawinge wi-
kcemna nonpa sanpa kektopawi-
nge topa.

10 Unkan Jehowa ie ça Mowis
heciya,

11 Pinehas Eleazar cinhintku
Aaron wawayušna cinhintku
kin, Israel cinca etanhan mito-
canniye yutokan, inawawizi iye-
cen iye wicehna inawizi, qa he-
cen inawawizi kin en ihang wi-
cawaye šni.

12 Heon hecen eciya wo. Ito
wookiye wicotakuye waqu;

13 Qa wicotakuye wawayušna
wicohan owihanke wanica yuhe
kta, iye qa cinkši wicaye cin iye
iyohakam, Wakantanka on ina-
wizi kin Israel cinca akašpe wi-
caya heon etanhan.

14 Wanna Israel wicašta ktepi
kin Midiyani winohinca kici kte-
pi kin he Zimri eciyapi, Salu
cinhintku, Simeon ateyapi tipi
wan en itancan wan hee.

15 Qa Midiyani winohinca kte-
pi kin he Kozbi eciyapi, Tzur
cunwintku Midiyani ateyapi tipi
wan en itancan wan hee.

16 Unkan Jehowa ie ça Mowis
heciya,

17 Midiyani toka wicaye ça
wicakaštaka wo.

18 Iyepi toka niyanpi qa nihna-
yanpi ecinšniyan ohanyanpi on,
Peyor wicoie icahtaka, qa tawi-
nohtinpi Kozbi Midiyani itan-
can wan cunwintku, Peyor on
etanhan, makošice anpetu kin en
ktepi heon etanhan.

WICOWOYAKE 26.

1 Unkan makošice iyohakam
Jehowa ie ça Mowis qa Eleazar
Aaron wawayušna cinhintku
kin hewicakiya.

2 Israel cinca oyate kin owa-
sin wicayawa wo, wica waniye-

WICAYAWAPI,

tu wikcemna nonpa aktõpi, ateyapi tipi kin iyecen, Israel ohna tona ozuye yapi kin owasin.

3 Unkan Mowis qa Eleazar wawayuśna kin wicoie kin hewicakiyapi, Moab makomdaye ohna, Jordan icahda Jeriho iyo-takons.

4 Waniyetu wikcemna nonpa aktõpi wicayawapo, token Jehowa Mowis qa Israel cinca econ wicaśi qon, Egupta etanhan inanpapi qehan, he iyecen.

5 Ruben Israel cinhintku tokapa, Ruben cinca Hanok etanhan Hanoki wicowazi kin, Palu etanhan Palui wicowazi kin,

6 Hetzron etanhan Hetzroni wicowazi kin, Karmi etanhan Kar-mi wicowazi kin.

7 Rubeni wicowazi kin hena eepi, Kektopawinge wikcemna topa sanpa kektopawinge yamni sanpa opawinge śakowin sanpa wikcemna yamni wicayawapi.

8 Unkan Palu cinhintku Eliab hee.

9 Qa Eliab cinca kin Nemuel, qa Datan qa Abiram. Datan qa Abiram obe wicakicopi kin hena eepi, hena Mowis qa Aaron wicakipajinpi. Qora taomniciye en Jehowa kipajinpi qehan.

10 Qa maka kin i hdukawa, qa nawicapca, qa Qora taobe kin tapi qehan, peta kin wicaśta opawinge nonpa sanpa wikcemna zaptan wicahuhnage cehan; unkan hena wowapetokeca hecapi.

11 Tuka Qora cinca kin tapi śni.

12 Simeon cinca kin wicowazipi kin iyecen, Nemuel etanhan Nemueli wicowazi, Jamin etanhan Jamini wicowazi kin, qa Jakin etanhan Jakini wicowazi kin.

13 Zerah etanhan Zerahî wico-

wazi kin, Śaul etanhan Śauli wicowazi kin.

14 Simeoni wicowazipi kin hena eepi; kektopawinge wikcemna nonpa sanpa kektopawinge nonpa sanpa opawinge nonpa.

15 Gad cinca kin wicowazipi kin iyecen, Tzepon etanhan Tzeponi wicowazi kin, Hagi etanhan Hagi wicowazi kin, Śuni etanhan Śuni wicowazi kin,

16 Ozni etanhan Ozni wicowazi kin, Eri etanhan Eri wicowazi kin,

17 Arod etanhan Arodi wicowazi kin, Areli etanhan Areli wicowazi kin.

18 Gad cinca wicowazipi kin hena eepi wicayawapi iyecen, kektopawinge wikcemna topa sanpa opawinge zaptan.

19 Juda cinca kin Er qa Onan, tuka Er qa Onan Kanan makoce ohna tapi.

20 Unkan Juda cinca kin wicowazipi kin iyecen dena eepi, Śela etanhan Śelani wicowazi kin, Perets etanhan Peretzi wicowazi kin, Zerah etanhan Zerehi wicowazi kin

21 Unkan Peretz cinca kin Hetzron etanhan Hetzroni wicowazi kin, Hamul etanhan Hamuli wicowazi kin.

22 Juda wicowazipi kin hena eepi wicayawapi iyecen kektopawinge wikcemna śakowin sanpa kektopawinge śakpe sanpa opawinge zaptan wicayawapi.

23 Unkan Isakar cinca kin wicowazipi kin iyecen, Tola etanhan Tolai wicowazi kin, Puwa etanhan Puwani wicowazi qin,

24 Jaśub etanhan Jaśubi wicowazi kin, Śimron etanhan Śimroni wicowazi kin.

25 Isakar wicowazipi kin hena eepi wicayawapi kin iyecen kektopawinge wikcemna śakpe

WICOWOYAKE 26.

sanpa kektopawinge topa sanpa opawinge yamni, wicayawapi.

26 Zebulun cinca wicowazipi kin iyecen, Sered etanhan Saredi wicowazi kin, Elon etanhan Eloni wicowazi kin, Jahleel etanhan Jahleeli wicowazi kin.

27 Zebulun wicowazipi kin hena eepi kektopawinge wikcemna šakpe sanpa opawinge zaptan wicayawapi.

28 Josep cinca wicowazipi kin iyecen Manaše qa Epraim.

29 Manaše cinca Makir etanhan Makiri wicowazi kin, qa Makir Gilead kicitonpi, Gilead etanhan Gileadi wicowazi kin.

30 Gilead cinca kin dena eepi, Jezer Jezeri wicowazi, Heleq etanhan Heleqi wicowazi kin,

31 Qa Asriel Asrieli wicowazi kin; qa Šekem Šekemi wicowazi kin,

32 Qa Šemida Šemidai wicowazi kin, qa Heper etanhan Heperi wicowazi kin.

33 Qa Tzelopehad Heper cinhintku cinca wica nica cunwintku hecedan, qa Tzelopehad cunwintkn cajepi kin dena eepi Mahla, qa Noya, Hogla Milka, qa Tirtza.

34 Manaše wicowazipi kin hena eepi kektopawinge wikcemna zaptan sanpa kektopawinge nonpa, sanpa opawinge šakowin wicayawapi.

35 Epraim cinca kin dena eepi wicowazipi kin iyecen, Šutelahi etanhan Šutelahi wicowazi kin, Beker etanhan Bekiri wicowazi kin, Tahan etanhan Tahani wicowazi kin.

36 Qa Šutelahi cinca kin dena eepi, Enan etanhan Enani wicowazi kin.

37 Epraim cinca wicowazipi kin hena eepi, wicayawapi kin iyecen kektopawinge wikcemna

yamni sanpa kektopawinge nonpa sanpa opawinge zaptan; Josep cinca wicowazipi kin hena eepi.

38 Benjamin cinca wicowazipi kin iyecen, Bela etanhan Belayi wicowazi kin, Ašbel etanhan Ašbeli wicowazi kin, Ahiram etanhan Ahirami wicowazi kin.

39 Šupam etanhan Šupami wicowazi kin, Hupam etanhan Hupami wicowazi kin.

40 Qa Bela cinca kin Ard, qa Naaman, Ardi wicowazi kin, Naaman etanhan Naamani wicowazi kin.

41 Benjamin cinca hena eepi wicowazipi kin iyecen, qa kektopawinge wikcemna topa sanpa kektopawinge zaptan sanpa opawinge šakpe wicayawapi.

42 Dan cinca kin wicowazipi kin iyecen dena eepi; Šuham etanhan Šuhami wicowazi kin, Dan wicowazi kin hee wicowazipi kin iyecen.

43 Šuhami wicowazi kin owasin wicayawapi kin iyecen kektopawinge wikcemna šakpe sanpa kektopawinge topa sanpa opawinge topa.

44 Ašer cinca wicowazipi kin iyecen, Jimna etanhan Jimnahi wicowazi kin, Jišui etanhan Jišui wicowazi kin, Beriya etanhan Beriye wicowazi kin.

45 Beriya cinca etanhan, Heber etanhan Heberi wicowazi kin, Malkiel etanhan Malkieli wicowazi kin.

46 Qa Ašer cunwintku Sarah eciyapi.

47 Ašer cinca wicowazipi kin hena eepi, wicayawapi kin iyecen kektopawinge wikcemna zaptan sanpa kektopawinge yamni sanpa opawinge topa.

48 Naptali cinca wicowazipi kin iyecen Jahtzel etanhan Jah-

WICAYAWAPI,

tzeli wicowazi kin, Guni etanhan Guni wicowazi kin.

49 Jetzer etanhan Jetzeri wicowazi kin, Šilem etanhan Šilemi wicowazi kin.

50 Naptali wicowazipi kin hena eepi wicowazipi kin iyecen: kektopawinge wikcemna topa sanpa kektopawinge zaptan sanpa opawinge topa wicayawapi.

51 Israel cinca wicayawapi kin hena eepi, kektopawinge opawinge šakpe sanpa kektopawinge wanjidan sanpa opawinge šakowin sanpa wikcemna yamni.

52 Unkan Jehowa ie a Mowis heciya,

53 Makoce tawayayapi kta e hena wicakicipamnipi kta, cajepi wicayawapi kin iyecen.

54 Wicota kin tankaya tawayapi kta wicayaqu kta, a tonana on tawayapi cistiyedan wicayecage kta; otoiyo hi tona yawapi kin eciyatanhan tawaye kta e qupi kta.

55 Hececa ešta oeconna eciyatanhan makoce pamnipi kta, ateyapi wicoun cajepi eciyatanhan tawayapi kta.

56 Oeconna i kin eciyatanhan makoce tawapi wicakicipamnipi kta, wicota a tonana otahe dan.

57 Lewi kin wicayawapi kin dena eepi, wicowazipi kin iyecen, Geršon etanhan Geršoni wicowazi kin, a Qohat etanhan Qohati wicowazi kin, a Merari etanhan Merari wicowazi kin.

58 Lewi wicowazipi kin dena eepi, Libni wicowazi kin, Hebronni wicowazi kin, Mahli wicowazi kin Muši wicowazi kin; Qorahi wicowazi kin. Unkan Qohat Amram kicitonpi.

59 Unkan Amram tawicu Jokebed eciyapi, Lewi cunwintku,

Egupta ohna he Lewi kicitonpi, unkan he Aaron a Mowis a tawinohtinpi Miriam Amram kiciton.

60 Unkan Aaron cinca kin Nadab, a Abihu, Eleazar a Itamar.

61 Tuka Nadab a Abihu peta tokeca Jehowa itokam ahipi qehan api.

62 Unkan kektopawinge wikcemna nonpa sanpa kektopawinge yamni wicayawapi, wicawi wanjidan aktonpi owasin. Tuka Israel cinca wicehna makoce tawayapi wicaqupi šni, heon Israel cinca wicehna wicayawapi šni.

63 Mowis a Eleazar wawayušna kin hena wicayawapi, Israel cinca wicayawapi qehan, Moab makomdaye ohna Jordan ica hda Jeriho iyotakonza.

64 a wicehna wicašta Mowis a Aaron wawayušna kin Israel cinca Sina hopuza ohna wicayawapi qon wanjidan ope šni.

65 Hena hopuza ohna api kta Jehowa kewicakiya nakaš, hecen hena etanhan wanjidan okapte šni, Caleb Jepune cinhintku, a Jošuwa Nun cinhintku henana.

WICOWOYAKE 27.

1 Hehan Josep cinhintku Manaše wicowazi kin etanhan Manaše cinhintku Makir cinhintku Gilead cinhintku Heper cinhintku Tzelopehad cunwintku hipi, a Tzlopehad cunwintku cajepi kin dena eepi: Mahla a Noya Hogla Milka a Tirza.

2 a Mowis itokam a Eleazar wawayušna itokam, a omniciye owasin a itancanpi itokam itko- kipapi wakeya tiyopa ekta najinpi a heyapi;

3 Ate unyanpi hopuza ohna a

WICOWOYAKE 28.

tuka omniciye Jehowa amniciyapi kin ope šni, Qora obe kin he; tuka iye wahtani kin on ʔa, qa cinca wica nica.

4 Tokeca ate unyanpi cinhintku nica heon caje kin wicowazi tawa etanhan kajujupi kta he? Ate sunka wicaye cin wicehna makoce onšpa unqumiye.

5 Unkan token ecawicakiconpi kta Mowis Jehowa iwanga.

6 Unkan Jehowa ie ʔa Mowis heciya,

7 Tzelopehad cunwintku kin ecetuya eyapi. Ate yapi tamaga kin hena ekta iyopta yaye kta.

8 Unkan Israel cinca kin hecen ewicayakiye kta, Wicašta wan cinca wica nica ʔe cinhan, maga tawa kin cunwintku ekta iyopte yayapi kta.

9 Qa cunwintku nice cinhan cinu qa sunkaku maga tawa yaqupi kta.

10 Qa hunkawanjitku nice cinhan, atkuku hunkawanjitku kin maga tawa yaqupi kta.

11 Qa atkuku hunkawanjitku nice cinhan, tuwe wicowazi tawa etanhan iye celpi takuye hınca kin maga tawa yaqupi kta; unkan iye he tawaye kta. Woyaco kin de Israel cinca owihanke wanin yuhapi kta, Jehowa Mowis econ ší kin he iyecen.

12 Unkan Jehowa Mowis heciya, Abarim he kin de itanwan-kanhde ye ʔa makoce Israel cinca kin wicawaqu kin he wanyaka wo.

13 He wandake kta, hehan niš eya oyate nitawa ekta okipe niyanpi kta, Aaron nicinye okipe yapi kin he iyecen.

14 Tzin ʔopuza ohna mii kin yakipajinpi oyate kin kigepi qehan, ištapi en mayaduwanpi šni, mini ekta, Kigepi mini kin hee, Qadeš ekta, Tzin ʔopuza ohna.

15 Unkan Mowis ie ʔa Jehowa heciya,

16 Tokin Jehowa taku wakan wicacehpi toniyapi owasin wicayuhe cin wicašta wan oyate kin wicayuhe ší kten.

17 He wicitokam inanpe kta, qa wicitokam ku kta, qa inanpe wicaye kta, qa hdi wicaye kta, hecen Jehowa taomniciye kin tašin wanunyanpi waawan-yake nica iyececapí kte šni.

18 Unkan Jehowa Mowis heciya, Jošuwa Nun cinhintku icu wo, wicašta kin he woniya ohna yanka qa nape aputaka wo.

19 Qa Eleazar wawayušna itokam, qa omniciye ocowasin itokam, najin yakiye kta, qa token econ yaši kin hena wanyakapi kta.

20 Qa wowitan nitawa etanhan he yaqu kta, hecen Israel cinca omniciye owasin he nahtonpi kta.

21 Unkan Eleazar wawayušna kin itokam najin kta; unkan he Jehowa ikiciwange kta, iyoyam wicaya woyaco eciyatanhan, Iye i kin eciyatanhan inanpapi kta, qa iye i eciyatanhan hdi kta, iye qa nakun Israel cinca owasin omniciye ocowasin.

22 Unkan token Jehowa Mowis econ ší he iyecen econ, qa Jošuwa icu qa Eleazar wawayušna itokam, qa omniciye ocowasin itokam najin kiya.

23 Qa akan nape aputaka, Jehowa Mowis eciye ciqon he iyecen.

WICOWOYAKE 28.

1 Unkan Jehowa ie ʔa Mowis heciya,

2 Israel cinca kin wahokon wicakiye ʔa hewicakiya wo. Waktaya unpo, iyehantu eca woa-hi mitawa, woyute mitawa peta

WICAYAWAPI,

wośnapi waśtemna wiciyokipi makahipi kta.

3 Qa hewicayakiye kta. Peta wośnapi Jehowa yakahipi kte cin dee, amnos nonpa, napin zanika, waniyetu wanjidan wohulnahiyapi ohinniyan anpetu otoiyohi.

4 Amnos wanji hanhanna eca waduśnapi kta, qa amnos inonpa kin ohtayetu otahedan ecanonpi kta.

5 Qa minha on aguyapi mdu can wakśica ohnaka wanjidan, wihdi bopanpi wiyatke ohnaka wanjidan icicahiyapi.

6 Wohulnahiyapi ohinniyan Sina he en kagapi, peta wośnapi waśtemna Jehowa iyokipi.

7 Qa toakaśtan kin amnos wanjidan on wiyatke ohnaka wanjidan, tipi wakan ohna miniśa kin Jehowa okicicaśtan wo.

8 Qa amnos inonpa kin ohtayetu otahedan waduśna kta, hanhanna minha kin qa woakaśtan kin kici yakage kta, peta wośnapi waśtemna Jehowa iyokipi.

9 Unkan anpetu okihpapi en amnos nonpa waniyetu wanjidan zanika, qa aguyapi mdu can wakśica ohnaka nonpa wihdi icicahiyapi, minha hee, nakun toakaśtan kin.

10 Anpetu okihpapi wohulnahiyapi kin hee, anpetu okihpapi otoiyohi on ohinniyan wohulnahiyapi, qa toakaśtan kici.

11 Qa wi anpetu tokaheya kin en wohulnahiyapi Jehowa yakahipi kta, tatanka pte wanunyanpi cinca nonpa, tamdoka wanjidan, qa amnos śakowin zanika.

12 Qa minha kin aguyapi mdu can wakśica ohnaka yamni, wihdi icicahiyapi, tatanka otoiyohi on, qa tamdoka on minha aguyapi mdu can wakśica ohnaka nonpa, wihdi icicahiyapi.

13 Qa minha amnos otoiyohi on aguyapi mdu can wakśica ohnaka wanjidan, wihdi icicahiyapi, peta wośnapi waśtemna Jehowa iyokipi.

14 Qa toakaśtanpi kin miniśa wiyatke ohnaka nonpa, tatanka wan on, qa wiyatke ohnaka wanji sanpa hanke tamdoka kin on, qa wiyatke ohnaka wanjidan amnos otoiyohi on; omaka wi otoiyohi on wi toka tanin eca wohulnahiyapi kin hee,

15 Nakun tatokadan mdoka wan woahitani wośnapi Jehowa wakiyuśnapi kta, ohinniyan wośnapi kici, qa toakaśtan kici.

16 Unkan wi tokaheya anpetu iake topa en woacakśin Jehowa kicagapi kta.

17 Unkan wi kin he anpetu iake zaptan en Jehowa wokicihanpi kta, Anpetu śakowin aguyapi napohiyapi śni yutapi kta.

18 Anpetu tokaheya en wicakicopi wakan, wayaka wohtani takudan econpi kte śni.

19 Qa peta wośnapi wohulnahiyapi wan Jehowa yakahipi kta, tatanka pte wanunyanpi cinca nonpa, tamdoka wanjidan, qa amnos waniyetu wanjidan śakowin, niyepi on zanipike kta.

20 Qa minhapi aguyapi mdu wihdi icicahiyapi can wakśica ohnaka yamni tatanka otoiyohi on, qa tamdoka on can wakśica ohnaka nonpa yecagapi kta.

21 Qa amnos śakowin on can wakśica ohnaka śakowin, amnos otoiyohi on can wakśica ohnaka wanjidan, wicayecagapi kta.

22 Qa tatokadan wanjidan woahitani wośnapi akahpe niçiyapi kta.

23 Hena wośnapi yakagapi kta, hanhanna wohulnahiyapi kici, wohulnahiyapi ohinniyan kin hee.

24 Anpetu śakowin kin anpetu

WICOWOYAKE 29.

otoiyohi peta tawote waſtemna Jehowa iyokipi yakagapi kta, woſuhnaſhyapi ohinniyan toakaſtan kici nakun kagapi kta.

25 Unkan anpetu iſakowin en wicakicopi wakan duhapi kta, wayaka woſtani takudan ecanonpi kte ſni.

26 Nakun taku tokaheya suton anpetu en minha teca Jehowa yakahipi eca, anpetu wakan ſakowin owihanketa wicakicopi wakan duhapi kta, wayaka woſtani takudan ecanonpi kte ſni.

27 Qa woſuhnaſhyapi waſtemna Jehowa iyokipi yakahipi kta, tatanka pte wanunyanpi cinca nonpa, tamdoka wanjidan, qa amnos waniyetu wanjidan ſakowin.

28 Qa minhapi aguyapi mdu wihdi icicahiyapi can wakſica ohnaka yamni tatanka otoiyohi on, qa can wakſica ohnaka nonpa tamdoka wan on.

29 Qa can wakſica ohnaka ſakowin amnos ſakowin on, amnos otoiyohi on can wakſica ohnaka wanjidan.

30 Tatokadan mdoka wanjidan akaſipe niciyapi kta heon.

31 Woſuhnaſhyapi ohinniyan, qa taminha kici, hena yakagapi kta, woakaſtanpi kin nakun niyepi on hena zanipike kta.

WICOWOYAKE 29.

1 Unkan wi iſakowin, wi anpetu tokaheya en wicakicopi wakan duhapi kta, wayaka woſtani takudan ecanonpi kte ſni, anpetu mazayahotonpi wiyuſkinyan hotonpi kin duhapi kta.

2 Qa woſuhnaſhyapi waſtemna Jehowa iyokipi yakagapi kta, tatanka wanji ptewanunyanpi cinca, tamdoka wanji, amnos

Num.

waniyetu wanjidan ſakowin zanika.

3 Qa taminhapi kin aguyapi mdu wihdi icicahiyapi, can wakſica ohnaka yamni tatanka kin on, qa ohnaka nonpa tamdoka on,

4 Qa amnos ſakowin on otoiyohi on can wakſica ohnaka wanjidan.

5 Qa tatokadan mdoka wanjidan woſtani woſnapi hee akaſipe niciyapi kta.

6 Nakun wi woſuhnaſhyapi kin taminha kici, qa ohinniyan woſuhnaſhyapi kin taminha kici, qa toakaſtanpi kin woyaco iyeceen, peta woſnapi waſtemna Jehowa iyokipi.

7 Unkan wi iſakowin kin he anpetu iwikcemna en wicakicopi wakan duhapi kta, qa ninagipi iyokiſin niciyapi kta, he en wayaka woſtani takudan ecanonpi kte ſni.

8 Qa woſuhnaſhyapi wan Jehowa yecahipi kta, waſtemna wiciyokipi, tatanka ptewanunyanpi cinca wanji, tamdoka wanji, amnos waniyetu wanjidan ſakowin zanika niyepi on.

9 Qa minhapi kin aguyapi mdu wihdi icicahiyapi can wakſica ohnaka yamni tatanka wan on, qa can wakſica ohnaka nonpa tamdoka wanjidan kin on.

10 Qa amnos ſakowin on, amnos otoiyohi on can wakſica ohnaka wanjidan.

11 Tatokadan mdoka wanjidan woſtani woſnapi on, nakun akaſipe wicakiyapi woſtani woſnapi, qa ohinniyan woſuhnaſhyapi kin, qa minha kin, qa toakaſtanpi kin.

12 Unkan wi iſakowin anpetu iake zaptan en wicakicopi wakan duhapi kta, wayaka woſtani takudan ecanonpi kte ſni, qa

WICAYAWAPI,

anpetu šakowin wohanpi Jehowa oyecihanpi kta.

13 Qa wohuhñahiyapi wan Jehowa yakahipi kta, peta wošnapi waštemna wiciyokipi, tatanka ptewanunyanpi cinca wikcemna sanpa yamni, tamdoka nonpa, amnos waniyetu wanjidan ake-tom zanipike kta.

14 Qa taminhapi aguyapi mdu wiñdi icicahiyapi can wakšica ohnaka yamni tatanka otoiyo-hi on, tatanka iakeyamni on, qa tamdoka nonpa on, otoiyo-hi on can wakšica ohnaka nonpa.

15 Qa amnos aketopa on, amnos otoiyo-hi on can wakšica ohnaka wanjidan.

16 Qa tatokadan mdoka wanjidan woahñtani wošnapi, nakun ohinniyan wohuhñahiyapi kin, taminha kin qa toakaštan kici.

17 Qa anpetu inonpa en tatanka ptewanunyanpi cinca wikcemna sanpa nonpa, tamdoka nonpa, amnos waniyetu wanjidan aketopa zanipika.

18 Qa taminhapi kin, qa toakaštanpi kin, tatanka on, qa tamdoka on, qa amnos on, woyaco eciyatanhan iyenakecapi iyecen.

19 Qa tatokadan mdoka wanjidan woahñtani wošnapi, nakun wohuhñahiyapi ohinniyan, qa minha tawa, qa toakaštanpi kin.

20 Qa anpetu iyamni en tatanka akewanji, tamdoka nonpa, amnos waniyetu wanjidan aketopa zanika.

21 Qa taminhapi, kin qa toakaštanpi kin, tatanka on, qa tamdoka on, qa amnos on, woyaco eciyatanhan iyenakecapi iyecen.

22 Qa tatokadan mdoka wanjidan woahñtani wošnapi, nakun wohuhñahiyapi ohinniyan, qa minha tawa, qa toakaštan kin.

23 Qa anpetu itopa en tatanka wikcemna, tamdoka nonpa, a-

mnos waniyetu wanjidan aketopa zanika.

24 Tatanka on, qa tamdoka on, qa amnos on iyenakecapi, taminhapi, qa toakaštanpi kin woyaco iyecen.

25 Qa tatokadan mdoka wanjidan woahñtani wošnapi, nakun wohuhñahiyapi ohinniyan, taminha kin, qa toakaštan kici.

26 Qa anpetu izaptan en tatanka napcinwanka, tamdoka nonpa, amnos waniyetu wanjidan aketopa zanika.

27 Qa tatanka, qa tamdoka, qa amnos iyenakecapi on taminhapi, qa toakaštanpi, woyaco eciyatanhan.

28 Qa tatokadan mdoka woahñtani wošnapi wanjidan, nakun wohuhñahiyapi ohinniyan, qa taminha, qa toakaštan kici.

29 Qa anpetu isakpe en, tatanka šahdogan, tamdoka nonpa, amnos waniyetu wanjidan aketopa zanika.

30 Qa taminhapi, qa toakaštanpi kin, tatanka on, qa tamdoka on, qa amnos iyenakecapi on, woyaco eciyatanhan.

31 Qa tatokadan mdoka woahñtani wošnapi wanjidan, nakun wohuhñahiyapi ohinniyan kin, taminha qa toakaštan kici.

32 Qa anpetu isakowin en tatanka šakowin, tamdoka nonpa, amnos waniyetu wanjidan aketopa zanika.

33 Qa taminhapi, qa toakaštanpi kin tatanka iyenaka on, qa tamdoka iyenaka on, qa amnos iyenaka on, woyaco eciyatanhan.

34 Qa tatokadan mdoka woahñtani wošnapi wanjidan, nakun wohuhñahiyapi ohinniyan, taminha kin qa toakaštan kici.

35 Anpetu isahdogan en omni-ciye wakan duhapi kta, wayaka

WICOWOYAKE 30.

wohtani takudan ecanonpi kte
śni.

36 Qa wohuhnahyapi peta
wośnapi waśtemna wiciyokipi
Jehowa yakahipi kta, tatanka
wanji, tamdoka wanji, amnos wa-
niyetu wanjidan śakowin zani-
ka.

37 Taminhapi qa toakaśtanpi
kin tatanka on, qa tamdoka on,
qa amnos iyenakecapı on, woya-
co eciyatanhan.

38 Qa tatokadan mdoka woa-
htani wośnapi wanjidan, nakun
wohuhnahyapi ohinniyan kin,
qa taminha kin toakaśtan kici.

39 Taku odakapi kin qa taku
ikceya waduśnapi kin, wohu-
lnahyapi nitawapi on, qa minha
nitawapi on, qa woakaśtanpi
nitawapi on, qa wopida wośna-
pi nitawapi on, isanpa wohanpi
iyehantu eca hena Jehowa yeca-
gapi kta.

40 Unkan token Jehowa Mo-
wis econ śi he iyecen Mowis
Israel cinca kin owicakiyaka.

WICOWOYAKE 30.

1 Unkan Mowis Israel cinca
wicoun itancanpi kin hewicaki-
ya, Wicoie Jehowa econ niśipi
kin dee.

2 Wicaśta wan woyake wan
Jehowa okiyake cinhan qaiś ta-
ku wakan cajeyate on nagi ihda-
ške cinhan, oie kin ihduikceke
kte śni, tuka taku i kin eciyatan-
han inanpe cin owasin iyecen
econ kta.

3 Unkan winohinca wan wo-
yake wan Jehowa okiyake cin-
han, qa nahanhin wikośka atku-
ku ti ohna wicaśke on ihdaśke
cinhan,

4 Qa atkuku woyake kin qa
wicaśke on nagi ihdaśke cin he
nañon, qa atkuku inina yanke

cinhan taku oyake cin owasin
suta kta, qa wicaśke on nagi kin
ihdaśke cin owasin ecetu kta.

5 Tuka tohan atkuku woyake
kin, qa wicaśke on nagi ihdaśke
cin nañon, anpetu kin he en te-
hinda kinhan, ecetu kte śni, qa
atkuku he tehinda kin heon Je-
howa kicicajuju kta.

6 Unkan woyake on ihdaśka,
qaiś iha on ecinśniyan nagi i-
hdaśke cehan wicaśta wan he
yuhe cinhan;

7 Qa hihnaku he nañon, qa
anpetu en nañon inina yanke
cinhan, woyake kin ecetu kta,
qa wicaśke on nagi kin ihdaśke
cin suta kta.

8 Tuka hihnaku tohan nañon
anpetu kin he en tehinda kin-
han, woyake kin qa taku iha
ecinśniyan nagi kin ihdaśke cin
he yujuju kta, unkan Jehowa he
kicicajuju kta.

9 Unkan woyake qa taku on
wiwazica qaiś winohinca ehpe-
kiyapi nagi ihdaśke cin owasin
suta kta.

10 Unkan hihnaku ti kin ohna
oyake, qaiś taku wakan caje ya-
te qa wicaśke on nagi kin ihda-
śka :

11 Qa hihnaku nañon eśta
inina yanke qa tehinda śni kin-
han, woyake kin ecetu kta, qa
wicaśke on nagi kin ihdaśke
cin owasin suta kta.

12 Tuka hihnaku tohan nañon
taku iha kin etanhan inanpe cin
owasin katinyan yujuju kinhan,
woyake kin, qa wicaśke on nagi
ihdaśke cin he suta kte śni, hi-
hnaku he yujuju he on Jehowa
kicicajuju kta.

13 Woyake owasin, qa nagi
iyokiśinye kta e taku wakan ca-
je yate, wicaśke owasin hihna-
ku yasuta okihi, qa yajuju okihi.

14 Tuka hihnaku anpetu wan-

WICAYAWAPI,

ji qa anpetu iyokihe katinyan inina yanka cinhan, taku oyake owasin, qa wicaske on ihdaske cin owasin hena yasuta, hena nahon qehan anpetu kin he en inina yanka nakaś.

15 Tuka nahon kin iyohakam hena katinyan yajuju kinhan winyan wahtani kin hihnaku yuhe kta.

16 Wokage wicaśta wan, qa tawicu otahedan, qa wicaśta ateyapi qa cunwintku wikośka atkuku ti ohna yanke cin otahedan, Jehowa Mowis eciye cin hena eepi.

WICOWOYAKE 31.

1 Unkan Jehowa ie a Mowis heciya,

2 Israel cinca on Midiyani tokion wicaya wo, ohakam oyate nitawa ekta okipe niyanpi kta.

3 Unkan Mowis ie a oyate kin hewicakiya, Niyepi etanhan ozuye yapi kta e wicaśta wipe kiton wicaya po, unkan Midiyani azu wicayapi kta, hecen Jehowa on Midiyani en watoyeonpi kta.

4 Israel wicoun owasin etanhan wicoun otoiyo hi etanhan kektopawinge wanjidan ozuye ye wicayaśipi kta.

5 Unkan Israel kektopawinge etanhan wicoun iyohi etanhan kektopawinge wan, ka hnigapi, kektopawinge akenonpa ozuye on wipe kitonpi.

6 Unkan Mowis wicoun iyohi etanhan kektopawinge wan ozuye ye wicaśi nakun Pinehas Eleazar wawayuśna cinhintku kin ozuye yeśi, qa taku on tipi wakan kicanyanpi, qa mazayahotonpi on panyanhanhan yahotonpi kin nape kin ohna.

7 Unkan Midiyani kin azu wicayapi, Jehowa Mowis econ śi kin he iyecen, qa tona wica owasin wicaktepi.

8 Qa wicaktepi iyahna Midiyani wicaśtayatapi kin wicaktepi, Ewi, qa Reqem, qa Tzur, qa Hur, qa Reba Midiyani wicaśtayatapi zaptan, nakun Balam Beyor cinhintku canhpi on ktepi.

9 Unkan Israel cinca kin Midiyani winohinca kin, qa śicecapi kin, wayaka iwicacupi, nakun tawanunyanpi pte ta hnca ko owasin, qa taku yuhapi kin owasin kipi.

10 Qa otonwe ohna ounyanpi qon owasin, qa taconkaśkepi owasin peta on hu hnahyapi.

11 Unkan taku kipi kin owasin icupi, wicaśta woteca koya.

12 Qa wayaka qa taku icupi, qa taku kipi owasin hdohdapi, Mowis ekta, qa Eleazar wawayuśna ekta, qa Israel cinca omniciye ocowasin ekta, wicoti kin ekta; he Moab makomdaya ohna un, Jordan icahda Jeriho iyotakonza.

13 Unkan Mowis qa Eleazar wawayuśna kin, qa omniciye itancan wicaye cin owasin itkowicakipe kta wicoti itankan inanpapi.

14 Unkan Mowis ozuye mde tanhunkapi kektopawinge itancanpi, qa opawinge itancanpi obe ozuye etanhan hdipi kin canniye wicaya.

15 Qa Mowis hewicakiya, Winyanpi kin owasin ni wicayayapi he?

16 Inyun hena Balam oie eciyatanhan Israel cinca kin Jehowa kipajin wicakiyapi, Peyor wicoie en, heon Jehowa taomniciye en makośice yukan.

17 Heon wanna śiceca ehna

WICOWOYAKE 31.

tona wica owasin wicatke po, qa winolinca tona wicašta kici wankapi on wicašta sdonyapi owasin wicakte po.

18 Tuka šiceca winyanpi wicašta sdonyapi šni, qa wica kici wankapi šni hena niyepi on ni wicayapo.

19 Qa niyepi anpetu šakowin wicoti itankan yankapo, qa tona wicanagi wan ktepi owasin, qa tona wicatancan ta icahtakapi owasin anpetu iyamni en, qa anpetu išakowin en ihduskapo, qa wayaka duhapi kin hena wicayuska po.

20 Qa heyake owasin, qa taku kašta taha on kagapi, qa tato-kadan hin on kagapi, qa can on kagapi hduska po.

21 Unkan Eleazar wawayušna kin ozuye wicašta wokicize etanhan hdipi kin hewicakiya, Woope wokage Jehowa Mowis eciye cin dee.

22 Awicakehan mazaskazi, qa mazaska, qa mazaša, qa mazasapa, qa mazaskašdoyapi kin, qa mazasu,

23 Taku kašta peta ohna opta ya okihi he peta iyopte yayapi kta; nakun wipakintapi mini on pakintapi kta, hecen ska kta, qa taku peta en ye kta okihi šni kin he owasin minin iyopte yayapi kta.

24 Qa anpetu išakowin en heyake kin hdujajapo, qa ihduskapo, qa ohakam wicoti en yahipi kta.

25 Unkan Jehowa ie ça Mowis heciya,

26 Ozuye ipi taku icupi kin wicašta wanunyanpi koya yawa wo, niye qa Eleazar, qa omniciye ateyapi otokapapi kin.

27 Qa taku icupi kin yapamni kta, obe kizapi kta ozuye ipi kin hena hanke wicayaqu kta, qa

omniciye ocowasin hanke wicayaqu kta.

28 Qa ozuye obe wicašta kizapi kta iyayapi kin hena etanhan Jehowa on onšpa kosyaye kta, opawinge zaptan etanhan wicanagi wanjidan iyacu kta, wicašta etanhan, nakun pte etanhan, qa šonšonna etanhan, qa tahnca etanhan.

29 Hanke tawapi etanhan Jehowa tawokosyapi kin iyacu kta, qa Eleazar wawayušna kin yaqu kta.

30 Unkan Israel cinca hanke tawapi etanhan wikcemna zaptan etanhan wanjidan iyacu kta, wicašta etanhan, qa pte etanhan, qa šonšonna etanhan, qa tahnca etanhan, wanunyanpi owasin etanhan, qa hena Lewi Jehowa toti kin awanyakapi kin wicayaqu kta.

31 Unkan token Jehowa Mowis econ ši hecen Mowis qa Eleazar econpi.

32 Unkan taku icupi ihe cin oyate ozuye ipi taku kipi kin he tahnca kektopawinge opawinge šakpe sanpa kektopawinge wikcemna šakowin, sanpa kektopawinge zaptan.

33 Qa pte kektopawinge wikcemna šakowin sanpa kektopawinge nonpa.

34 Qa šonšonna kektopawinge wikcemna šakpe sanpa kektopawinge wanjidan.

35 Qa wicanagi wicinypidan wica kici wankapi eciyatanhan wicašta sdonyapi šni, winyan wicanagi owasin kektopawinge wikcemna yamni sanpa kektopawinge nonpa.

36 Qa he hanke obe ozuye ipi wopamni tawapi kin tahnca yawapi kin etanhan kektopawinge opawinge yamni sanpa kektopawinge wikcemna yamni san-

WICAYAWAPI,

pa kektopawinge šakowin sanpa opawinge zaptan.

37 Qa tahnca etanhan Jehowa onšpa tawa kin opawinge šakpe sanpa wikcemna šakowin sanpa zaptan.

38 Qa pte kektopawinge wikcemna yamni sanpa kektopawinge šakpe, qa Jehowa onšpa tawa wikcemna šakowin sanpa nonpa.

39 Qa šonšonna kektopawinge wikcemna yamni sanpa opawinge zaptan, qa Jehowa onšpa tawa wikcemna šakpe sanpa wanjidan.

40 Qa wicanagi kektopawinge wikcemna sanpa kektopawinge šakpe, qa hena etanhan Jehowa onšpa tawa wicanagi wikcemna yamni sanpa nonpa.

41 Unkan Mowis Jehowa onšpa tawa wokosyapi kin Eleazar wawayušna kin qu, Jehowa Mowis econ ší kin he iyecen.

42 Unkan Israel cinca hanke tawapi wicašta ozuye ipi kin etanhan Mowis icu qon etanhan;

43 Wanna omniciye hanke tawapi kin tahnca etanhan kektopawinge opawinge yamni sanpa kektopawinge wikcemna yamni sanpa kektopawinge šakowin sanpa opawinge zaptan.

44 Qa pte kektopawinge wikcemna yamni sanpa kektopawinge šakpe.

45 Qa šonšonna kektopawinge wikcemna yamni sanpa opawinge zaptan.

46 Qa wicanagi kektopawinge wikcemna sanpa kektopawinge šakpe.

47 Unkan Mowis Israel cinca hanke tawapi kin etanhan taku icu wikcemna zaptan etanhan wanjidan icu, wicašta etanhan, qa wanunyanpi etanhan, qa he-

na Lewi Jehowa toti awanyakapi kin wicaqu, Jehowa Mowis econ ší kin he iyecen.

48 Unkan ozuye kektopawinge mdetanhunkapi, kektopawinge itancanpi, qa opawinge itancanpi kin Mowis ekta hipi :

49 Qa Mowis heciyapi, Nitaokiye wicašta unnapepi ihukuya okicize ekta ipi kin hena wicunyawapi, qa unkiyepi etanhan wicašta wanjidan aokpani.

50 Heon woahi wan Jehowa unkahipi wicašta otoiyo hi mazaškazi oinpi iyeye cin, mazaicicahilia, qa mazahuhu, mazanapcupe, oinpi, qa maza šipto, nagi akašpe unkiciyapi kta Jehowa itokam.

51 Unkan Mowis qa Eleazar taku mazaskazi on kagapi owasin hena etanhan icupi.

52 Mazaskazi wokosyapi Jehowa ekta kosyapi kin he šeqel kektopawinge akešakpe sanpa opawinge šakowin sanpa wikcemna zaptan henakeca, kektopawinge itancanpi qa opawinge itancanpi etanhan.

53 Obe wicašta kin otoiyo hi iye on taku ki.

54 Unkan Mowis qa Eleazar wawayušna kin mazaskazi kin icupi kektopawinge, qa opawinge itancanpi etanhan, qa itkokipapi wakeya en ahipi, Israel cinca on wokiksuye Jehowa itokam.

WICOWOYAKE 32.

1 Unkan Ruben cinca qa Gad cinca kin wanunyanpi ota yuhipi, ota hinca, qa Jazer makoce kin, qa Gilead makoce kin wan yakapi, qa inyun makoce kin he wanunyanpi makoce heca.

2 Qa Gad cinca qa Ruben cinca upi, qa Mowis qa Eleazar

wawayuśna kin, qa omniciye itancanpi kin hewicakiyapi;

3 Atarot, qa Dibon, qa Jazer qa Nimra, qa Heśbon, qa Eleale, qa Šebam, qa Nebo, qa Beon.

4 Makoce Jehowa Israel omniciye itokam kaštake cin, he wanunyanpi on makoce wašte hinca, qa nitaokiye wanunyanpi yuhapi.

5 Niišta kin en woiyokipi iyeunyanpi kinhan, makoce kin he nitaokiye unqumiye, tawa unyanpi, kta, qa Jordan akasanpa unyanpi kte śni, eyapi.

6 Unkan Mowis Gad cinca, qa Ruben cinca kin hewicakiya, Nihunkawanjipi wokicize ekta yapi, qa niyepi den yakidotankapi kta he?

7 Tokeca Israel cinca cantepi kin wankadan yakagapi? hecen makoce Jehowa wicaqu kin en iyoptapi kte śni.

8 Niyatepi Qadeś Barneya etanhan makoce iwanyag ye wicawaśi qehan hecen econpi.

9 Hehan Eśkol kaksiza ekta ipi, qa Israel cinca canwankapidan wicakagapi, heon makoce Jehowa wicaqu kin he ekta ipi śni.

10 Unkan anpetu kin he en Jehowa canniye qa caje ihdate konze qa heyā,

11 Wicašta waniyetu wikcemna nonpa aktonpi Egipta etanhan itanwankanhde upi kin hena makoce Aberaham qa Izak qa Jakob konza ewicawakiye ciqon he wanyakapi kte śni, ocowasin omapapi śni nakaś.

12 Kaleb Jepune Qenizi kin, qa Jośuwa Nun cinhintku hena-na, hena Jehowa iyohakam yuštaŋpi nakaś.

13 Unkan Jehowa Israel canniye wicaya, unkan ĥopuza ohna waniyetu wikcemna topa

ihdakapi, wicoicage Jehowa išta kin en taku śica econpi kin hena sotapi kin hehanyan.

14 Unkan inyun niyatepi heekiya wicašta waĥtanipisa wicoicage nayajinpi, qa Jehowa Israel canniye wicaye cin he sanpa tanka yakagapi kta.

15 Tuka iye etanhan nihdamnapi kinhan, ake ĥopuza en yanke wicaye kta, qa oyate kin de owasin awihnnuni wicayayapi kta.

16 Unkan ikiyedān hipi qa heciyapi, Deciya tahiŋca wanunyanpi tipi wicunkicagapi kta, qa unkcincapi otonwe wicunkicagapi kta.

17 Qa unkiyepi wipe kiton waditagya Israel cinca wicitokam unyanpi kta, tukten yakonpi kta ekta hiyuwicunyanpi kin hehanyan, tuka śiceca unkitawapi otonwe aconkaśkayapi ohna iyo-tankapi kta, oyate makoce kin den unpi kin heon etanhan.

18 Israel cinca otoiyohi maga tawa tawaye śni kin hehanyan untipi en unhdipi kte śni.

19 Qa hena om Jordan akasanpa takudan tawa unyanpi kte śni, Jordan itato wiyohiyanpata ektakiya maga unkitawapi yanke nakaś.

20 Unkan Mowis hewicakiya, Token ehapi hecen ecanonpi kinhan, Jehowa itokam wipe kiton ozuye dapi kinhan,

21 Qa otoiyohi wipe kiton Jehowa itokam Jordan akasanpa idadapi, iye itokapa tanhan toka wicaye cin nape wicaye cin hehanyan.

22 Qa makoce Jehowa itokam ktepidan, qa ohakam yahdipi kinhan, Jehowa itokam, qa Israel itokam iyaonpepicaśni yaunpi kta, qa Jehowa itokam makoce kin de tawa yayapi kta.

WICAYAWAPI,

23 Tuka hecen ecanonpi šni kinhan, inyun Jehowa awayahtanipi, qa wayahtanipi kin iye-niyanpi kta sdonyapo.

24 Šiceca nitawapi on otonwe içicagapo, qa taħınca nitawapi tipi wicakicagapo, qa taku niyhapi etanhan inanpe cin econpo.

25 Unkan Gād cinca, qa Ruben cinca iapi, qa Mowis heciyapi, Token Itancan unyanpi eye cin ecen econkunpi kta.

26 Unkicincapi unkitawicupi, taħınca unkitawapi, qa wanunyanpi unkitawapi owasin, heciya Gileyad otonwe en yakonpi kta.

27 Tuka nitaokiye wipe kiton obe owasin Jehowa itokam wokicize ekta iyounptapi kta, itancan unyanpi eye cin iyecen.

28 Unkan Mowis hena on Eleazar wawayušna kin qa Jošuwa Nun cinhintku kin, qa Israel cinca wicoun ateyapi itancanpi kin wahokonwicakiya.

29 Qa Mowis hewicakiya, Gad cinca, qa Ruben cinca wipe kitonpi owasin niyepi om Jehowa itokam wokicize ekta iyoptapi, qa nitokam makoce ktepidan kinhan, Gileyad makoce kin tawayapi kta, e wicayaqupi kta.

30 Tuka wipe kiton niyepi om iyoptapi šni kinhan, niyepi ehna Kanan makoce onšpa tawayapi kta.

31 Unkan Gad cinca, qa Ruben cinca ayuptapi, qa heyapi, Taku Jehowa nitaokiye unkekiyapi he econkunpi kta.

32 Unkiyepi wipe kiton Jehowa itokam Kanan makoce ekta iyounptapi kta, hecen Jordan itato makoce kin tawa unyanpi kta.

33 Unkan Mowis Gad cinca, qa Ruben cinca, qa Josep cinhintku Manaše wicoun hanke, Si-

hon Amori wicaštayatapi kin makoce idake cin he, qa Og Bašan wicaštayatapi makoce idake cin, makoce otonwe kin, qa otonwe ihdukšan makoce wanke cin wicaqu.

34 Unkan Gad cinca kin otonwe kagapi Dibon, qa Atarot, qa Aroyer,

35 Qa Aterot-Šopan, qa Jazer, qa Jogbeha.

36 Qa Bet-Nimra, qa Bet-Haran, otonwe conkaškeyapi, nakun taħınca tipi *kagapi*.

37 Unkan Ruben cinca kin Hešbon, qa Eleale, qa Qireyataim kagapi,

38 Nakun Nebo, qa Bayal Meyon, caje yatokecapi, qa Sibma, qa otonwe kagapi cajepi kin cajehdatapi.

39 Unkan Manaše cinhintku Makir cinca kin Gileyad ekta ipi, qa he icupi, qa Amori hen tipi kin nape wicayapi.

40 Unkan Mowis Gileyad *makoce* Manaše cinhintku Makir *cinca* kin wicaqu, unkan hen iyotankapi.

41 Unkan Manaše cinhintku Jair, wicotipi kin ekta i qa hena icu, qa hena Hawot-Jair (Jair totonwe) eya caje yata.

42 Unkan Noba Qenat ekta i qa icu, nakun otonwe ciqadan cunkši wicaya, qa he Noba eya cajeyata iye caje eciyatanhan.

WICOWOYAKE 33.

1 Israel cinca obe tawapi iyecen Egipta makoce etanhan inanpapi. Mowis qa Aaron nape kin ihukuya, oihdakapi kin dena eepi.

2 Unkan inanpapi kin ihdakapi iyecen, Jehowa i kin eciyatanhan Mowis owa, qa ihdakapi inanpapi eciyatanhan dena eepi.

WICOWOYAKE 33.

3 Unkan wi tokaheya en wi anpetu iakezaptan en Rameses etanhan ihdakapi, woacaksin ihanhanna, Israel cinca nape yuwankan icupi inanpapi, Egupton owasin wanyakapi.

4 Unkan Egupton tona iyepi etanhan Jehowa wicakastaka, caskepi owasin wicahnakapi, nakun taku wakan dapi kin Jehowa woyaco ecawicakicon.

5 Unkan Israel cinca Rameses etanhan ihdakapi, qa Sukot (ohanzihdepi) ekta etipi.

6 Unkan Sukot etanhan ihdakapi, qa Etam ekta etipi, he hopuza ihanke ekta yanka.

7 Unkan Etam etanhan ihdakapi qa ihdamnapi Pi-Hahirokta ekiya, he Bayal Tzepon itokam yanka, qa Migdol (Conkaske) itokam etipi.

8 Unkan Hahirok itokapa tanhan ihdakapi, qa mde cokaya iyoptapi, hopuza ekta, qa Etam hopuza ohna anpetu yamni ihdakapi; qa Mara en etipi.

9 Unkan Mara etanhan ihdakapi, qa Elim en etipi, qa Elim ohna miniyowe akenonpa, qa tamar can wikcemna sakowin, qa hen ticagapi.

10 Unkan Elim etanhan ihdakapi qa Mde sa icahda etipi.

11 Unkan Mde sa etanhan ihdakapi qa Sin hopuza ohna etipi.

12 Unkan Sin hopuza etanhan ihdakapi qa Dopqa ohna etipi.

13 Unkan Dopqa etanhan ihdakapi qa Alus ohna etipi.

14 Unkan Alus etanhan ihdakapi qa Repidim ohna etipi, qa hen mini yatkanpi kta wanica.

15 Unkan Repidim etanhan ihdakapi qa Sina hopuza ohna etipi.

16 Unkan Sina hopuza etanhan ihdakapi qa Qibrot-Hatawa ohna etipi.

17 Qa Qibrot-Hatawa etanhan ihdakapi qa Hatzerot ohna etipi.

18 Qa Hatzerot etanhan ihdakapi qa Ritma ohna etipi.

19 Unkan Ritma etanhan ihdakapi qa Rimmon-Parets ohna etipi.

20 Unkan Rimmon-Parets etanhan ihdakapi qa Libna ohna etipi.

21 Unkan Libna etanhan ihdakapi qa Risa ohna etipi.

22 Unkan Risa etanhan ihdakapi qa Qehelata ohna etipi.

23 Unkan Qehelata etanhan ihdakapi, qa Saper he kin ekta etipi.

24 Unkan Saper he etanhan ihdakapi qa Harada ohna etipi.

25 Unkan Harada etanhan ihdakapi qa Maqhelot ohna etipi.

26 Unkan Maqhelot etanhan ihdakapi qa Tahat ohna etipi.

27 Unkan Tahat etanhan ihdakapi qa Tarah ohna etipi.

28 Unkan Tarah etanhan ihdakapi qa Mitqa ohna etipi.

29 Unkan Mitqa etanhan ihdakapi qa Hasmona ohna etipi.

30 Unkan Hasmona etanhan ihdakapi, qa Moserot ohna etipi.

31 Unkan Moserot etanhan ihdakapi qa Bene-Jaaqan ohna etipi.

32 Unkan Bene-Jaaqan etanhan ihdakapi qa Hor-Hagidgad (wakinyan ti kin) ekta etipi.

33 Unkan Hor-Hagidgad etanhan ihdakapi qa Jotbata ohna etipi.

34 Unkan Jotbata etanhan ihdakapi qa Abrona ohna etipi.

35 Unkan Abrona etanhan ihdakapi qa Etzion-Gaber (wicasta cankahu) ekta etipi.

36 Unkan Etzion-Gaber etanhan ihdakapi qa Tzin, Qades hee, hopuza ohna etipi.

37 Unkan Qades etanhan ihda-

WICAYAWAPI,

kapi, qa Hor he kin ekta etipi, Edom makoce ihanke ekta.

38 Unkan Jehowa i eciyatanhan Aaron wawayusna kin Hor he kin akan itanwankanhde i, qa hen ta, Israel cinca Egipta makoce etanhan hdinanpapi waniyetu wikcemna topa wi iza-ptan anpetu tokaheya en.

39 Qa Aaron waniyetu opawinge sanpa wikcemna nonpa sanpa yamni tonpi ehantanhan Hor he kin en ta.

40 Hehan Arad wicaštayatapi Kanani kin Kanan makoce itokaga en ounye cin Israel cinca upi kin nañon.

41 Unkan Hor he kin etanhan ihdakapi qa Tzalmona ohna etipi.

42 Unkan Tzalmona etanhan ihdakapi, qa Punon ohna etipi.

43 Unkan Punon etanhan ihdakapi qa Obot ekta etipi.

44 Unkan Obot etanhan ihdakapi qa Ije-Abarim Moab makoce ihanke ekta etipi.

45 Unkan Ije-Abarim etanhan ihdakapi qa Dibon-Gad ohna etipi.

46 Unkan Dibon-Gad etanhan ihdakapi qa Almon ohna Diblataim ektakiya etipi.

47 Unkan Almon Diblataim ektakiya tanhan ihdakapi qa Abarim he ohna, Nebo itokam etipi.

48 Unkan Abarim he etanhan ihdakapi qa Moab makomdaye Jordan icahda Jeriño iyotakons etipi.

49 Unkan Jordan icahda Bet Ješimot etanhan Abel (Woiyokišica) Šitim ekta Moab makomdaya ohna etipi.

50 Unkan Moab makomdaya ohna Jordan icahda Jeriño iyotakons Jehowa ie ça Mowis heciya,

51 Ie ça Israel cinca kin hewica-

kiya wo, Kanan makoce ekta Jordan iduwegapi kinhan;

52 Makoce ounyanpi owasin nitokapa tanhan nape wicayayapi kta, qa wakagapi owapi tawapi kin owasin awihnuni yayapi kta, qa wakagapi šdoyapi tawapi kin owasin ihang yayapi kta, qa tawahnawošnapi kin owasin dujujupi kta.

53 Hecen nape wicayayapi kta makoce etanhan, qa ohna yakidotankapi kta, makoce kin he tawayayapi kta e ciçupi nakaš.

54 Unkan oeconna eciyatanhan makoce yapamnipi kta, wicowazipi nitawa iyecen, wicotapi kinhan makoce tankaya wicayaqupi kta, qa tonanapi kinhan makoce aoptetu wicayaqupi kta, otoiyohi taku oeconna eciyatanhan icu kin he tawa ye kta, ate wicayayapi wicowazipi kin iyecen tawa yayapi kta.

55 Tuka makoce ounyanpi kin nitokapa tanhan nape wicayayapi šni kinhan, kaketu kta; tona owicayakaptapi kin hena, wapepeka ništapi ohna iyececapi kta, qa taku pepe nicuwipi en, qa makoce ohna yakidotankapi akan toka niyanpi kta.

56 Unkan token ecawicawecon kta kepce cin hecen ecaciconpi kta.

WICOWOYAKE 34.

1 Unkan Jehowa ie ça Mowis heciya,

2 Israel cinca wahokon wica-kiye ça hecen ewicayakiye kta, Kanan makoce en yaipi kinhan makoce tawayayapi kta niçupi kta dee, Kanan makoce ihanke owasin ekta.

3 Qa itokaga ihanke kin Tzin hopuza etanhan Edom icahda duhapi kta, qa wihinanpe ektakiya miniskuya mde ihanke ito-

WICOWOYAKE 34.

kaga etanhan ihanke duhapi kta.

4 Qa makoce nitawa ihanke kin Aqrabim iyakaptapi itokaga tanhan iyaye kta, Tzin ekta i kta; qa Qadeš-Barnea itokaga tanhan iyaye kta Hadar ti ekta, qa Atzmon ekta iyopte kta.

5 Qa Atzmon etanhan ihanke kin yuktanyan ye kta, Egupta wakpa ekta, qa miniowanca ekta ihunni kta.

6 Unkan ihanke wiyohpeyata ekta miniowanca huta kin hee duhapi kta, qa he huta kin wiyohpeyata ektakiya ihanke duhapi kta.

7 Unkan waziyata ektakiya ihanke kin de duhapi kta, miniowanca etanhan Hor he kin ekta iyecagopi kta.

8 Qa Hor he kin etanhan Hamat ocanku ektakiya iyakagopi kta, qa makoce ihanke kin Tzedad ekta iyohi kta.

9 Qa makoce ihanke kin Zipron iyohi kta, qa Hatzar-Enan (Miniyowe Otonwe) hehanyan ye kta, waziyata ektakiya ihanke duhapi kta hee.

10 Qa wiyohiyanpata ektakiya ihanke iyecagopi kta Hatzar-Enan etanhan Sepam ekta.

11 Qa ihanke Sepam etanhan Ribla ekta Ain (Miniyowe) iwi-yohiyanpa tanhan qa opapun kin itokaga ye kta, qa Kiniret mde huta kin icahtake kta wi hinanpe ektakiya;

12 Qa opapun kin Jordan iyokaga ye kta, makoce hecen ihdukšan icagopi duhapi kta hee.

13 Unkan Mowis Israel cinca wahokon wicakiye ça heya, Makoce oeonna eciyatanhan tawayayapi kte cin hee, Jehowa wicoun napcinwanka qa wicoun wan hanke wicaqu maši hee.

14 Ruben cinca wicoun kin ateyapi tipi kin iyecen, qa Gad cinca wicoun ateyapi tipi kin iyecen wanna icupi qa Manaše wicoun hanke makoce tawa yapi kte cin he wanna icupi.

15 Wicoun nonpa qa wicoun wan hanke makoce tawayapi kte cin he wanna icupi, Jordan itato Jeriho iwi-yohiyanpa tanhan wi hinanpe ektakiya.

16 Unkan Jehowa ie ça Mowis heciya,

17 Wicašta makoce nicipamni-pi kta cajepi kin dena eepi, Eleazar wawayušna kin, qa Jošuwa, Nun cinhintku.

18 Qa wicoun otoiyohi etanhan itancan wan makoce pamni-pi kta e iyacupi kta.

19 Qa wicašta cajepi kin dena eepi, Juda wicoun etanhan Kaleb Jepune cinhintku,

20 Qa Simeon cinca wicoun etanhan Šemuel Amihud cinhintku,

21 Benjamin wicoun etanhan Elidad Kiselon cinhintku,

22 Dan cinca wicoun etanhan itancan kin Buqi Jogeli cinhintku,

23 Josep cinca etanhan, Manaše cinca wicoun etanhan itancan kin Haniyel Epod cinhintku,

24 Qa Epraim cinca wicoun etanhan itancan kin Qemuel Šiptan cinhintku.

25 Qa Zebulun cinca wicoun etanhan itancan kin, Elitzapan Parenak cinhintku,

26 Qa Isakar cinca wicoun etanhan itancan kin, Paltiel Azan cinhintku,

27 Qa Ašer cinca wicoun etanhan itancan kin Ašihud Šelomi cinhintku.

28 Qa Naptali cinca wicoun etanhan itancan kin Pedahel Amihud cinhintku,

WICAYAWAPI,

29 Hena Jehowa Kanan makoce Israel cinca wicakicipamni wicaşı.

WICOWOYAKE 35.

1 Unkan Moab makomdaye ohna Jordan icahda Jeriho iyotakons Jehowa ie ça Mowis heciya.

2 Israel cinca wahokön wicakiye ça makoce oeconna eciyatanhan tawayapi kta etanhan Lewi otonwe ohna iyotankapi kta e wicayupi kta kewicakiya wo; qa tonwanyanpi kin ihdukşan tinta onşpa wicayaqupi kta ehe kta.

3 Qa otonwe ounyanpi kta e yuhapi kta, qa tinta kin tawoteciapi on, qa tawanunyanpi, qa taku yuhapi owasin on yuhapi kta.

4 Qa otonwe tinta kin, otonwe conkaşke anokatanhan ihdukşan wicişpa kektopawinge iyohi ye kta.

5 Unkan otonwe itankapa tanhan wiyohiyanpata ihanke kin wicişpa kektopawinge nonpa idutapi kta, qa itokaga ihanke kin wicişpa kektopawinge nonpa, qa wiyohpeyata ihanke kin wicişpa kektopawinge nonpa, qa waziyata ihanke kin wicişpa kektopawinge nonpa, cokaya tonwanyanpi kta otonwe tinta heca yuhapi kta.

6 Unkan otonwe Lewi wicayaqupi şakpe wowinape otonwe heca wicayaqupi kta, on tuwe wicaşta wan kte kinhan ekta inyanke kta, qa nakun otonwe wikcemna topa sanpa nonpa wicayaqupi kta.

7 Otonwe Lewi wicayaqupi kta owasin otonwe wikcemna topa sanpa şahdogan, hena qa tinta ihdukşan koya.

8 Qa Israel cinca taku tawayapi etanhan otonwe wicayaqupi kta, otoiyohi otonwe tawa etanhan, Lewi wicaqu kta, makoce oeconna eciyatanhan tawaye cin iyecen, ota etanhan ota yaqupi kta, qa tonana etanhan tonana yaqupi kta.

9 Unkan Jehowa ie ça Mowis heciya,

10 Ie ça Israel cinca kin hecen ewicakiya wo, Kanan makoce ekta Jordan iduwegapi kinhan,

11 Wowinape otonwe niçicagapi kta, qa tuwe wanun wicaşta wanji kte kinhan hena wanji ekta inyanke kta e hena duhapi kta.

12 Qa hena watokiçon etanhan wowinape otonwe duhapi kta; hecen tuwe wicaşta wan kte kinhan, yacopi kta e omniciye itokanı najin şni kin hehanyan te kte şni.

13 Otonwe wicayaqupi etanhan wowinape otonwe şakpe duhapi kta.

14 Otonwe yamni Jordan itato yaqupi kta, qa Kanan makoce en otonwe yamni yaqupi kta, wowinape otonwe hecapi kta.

15 Otonwe şakpe kin hena wowinape hecapi kta, Israel cinca on, qa tuwe oyate tokeca, qa niye ehna ounye cin on, tuwe wicanagi wan wanun kaştake cinhan heciya nape kta.

16 Tuka maza şapa wipe wan on kaştaka on te cinhan tin kte, qa tinwicakte awicakehan te kta.

17 Unkan inyan on wicaşta te kta iyececa on apa, unkan ta, tuwe he ape cinhan te kta, tinwicakte heca, tuwe tinwicakte awicakehan te kta.

18 Qaiş can wanji on wicaşta apapi te kta iyececa on ape ça te cinhan tinwicakte heca, qa

WICOWOYAKE 36.

tuwe tinwicakte heca awicakehan te kta.

19 Tuwe we tokicon kin tinwicakte kin kte kta, tohan he akipe cinhan kte kta.

20 Qa he sicedaka on taku patan, qais ehpeye cinhan, qa hecon kte hınca on te cinhan;

21 Qais tokaye cin on nape on ape ça on te cinhan, tuwe he ape cin awicakehan te kta, he tinkte; tuwe tokicon kin tohan tinwicakte cin akipe cinhan he kte kta.

22 Tuka he sicedake sni qa ihnunhanna wipe taku kašta patan, qais ehpeye cinhan, qa econ kte hince sni.

23 Qais he wanyake sni, qa inyan wan taku kašta on wicašta te kta iyececa ehpeye ça akan ihpaye ça on te cinhan, tuka he tokaye sni, qa akite sni *kinhan*,

24 Omniciye kin tuwe ape cin qa we tokicon kin otahedan yacopi kta, woyaco kin hena eciyatanhan.

25 Qa omniciye kin tuwe wicakte kin we tokicon nape kin etanhan eyakupi kta, qa omniciye kin wowinape otonwe ekta nape cion ake ekta ayapi kta, qa hen yanke kta, wawayuśna tanka wiłdi wakan on sdayapi te kte cin hehanyan.

26 Tuka tuwe wicakte wowinape otonwe ekta nape cion ihanke itankan inanpe cinhan,

27 Unkan we tokicon kin he wowinape otonwe ihanke itankan iyeye cinhan, qa we tokicon kin wicakte kin kte kinhan, he on tuwedan we yapi kte sni.

28 Wowinape otonwe tawa en yanke kta iyececa, wawayuśna tanka te kte cin hehanyan, qa wawayuśna tanka te cin iyohakam wicakte kin makoce tawaye cin en hdi kta.

29 Wokage woope kin hena duhapi kta, nitoicagepi yeye cin tonwanyayapi kin owasin ohna.

30 Tuwe wicanagi wan ape cinhan wayaatanin nonpa ipieciyatanhan ktepi kta, tuka wayaatanin wanjidan wicanagi ktepi kta ayuptapi kte sni.

31 Tuwe tinwicakte yacopi nagi kin akahpe kta e woakahpe iyacupi kte sni, tuka awicakehan te kta.

32 Nakun woakahpe iyacupi kte sni on tuwe wowinape otonwe ekta nape cin wawayusna te sni itokam makoce ounye kta ekta hde kta.

33 Qa makoce en dukanpi kta duşapapi kte sni, maka kin yuşape cin we kin hee, qa we makoce ohna papsonpi taku tokeca akahpe kta okihi sni tuwe he papson we tawa on hecedan.

34 Qa makoce ohna ounyayapi kin he duşapapi kte sni, he ohna miye onunwaya, miye Jehowa Israhel cinca wicehna onunwaye nakaś.

WICOWOYAKE 36.

1 Unkan Manaşe cinhintku Makir cinhintku Gilejad cinca wicowazi ateyapi itancanpi Josep cinca wicowazipi etanhan ikiyedan hipi qa Mowis itokam qa Israhel cinca ateyapi watokapapi itancanpi itokam iapi.

2 Qa heyapi, Makoce tawayapi kta e Israhel cinca oeonna eciyatanhan Jehowa itancan mitawa wicaqu śi, qa Tzelopehad maga tawa iye cunwintku Jehowa itancan mitawa wicaqu śi.

3 Unkan Israhel cinca wicoun wan cinca etanhan wicašta wan wicayuze cinhan, maga tawapi ate unyanpi makoce tawapi etanhan yuşpapi kta, qa tuwe wica-

WICAYAWAPI.

yuze cin tawicoun tamakoce e-
kta okijuyapi kta, hecen ma-
koce oeconna eciyatanhan tawa
unyanpi kin he cistinna kagapi
kta.

4 Israel cinca Jubele yuhapi
kinhan, winyanpi tamakocepi
tuwe wicayuze wicoun tamako-
ce ekta okijuyapi kta, qa maga
tawapi ate unyanpi wicoun ta-
makoce etanhan yuſpapi kta.

5 Unkan Mowis Israel cinca
Jehowa i eciyatanhan wahokon
wicakiye a heya, Josep cinca
oiepi kin iyececapi.

6 Wicoie Jehowa Tzelopehad
cunwintku econ wicaſi kin dee,
heya, Ateyapi wicoun wicowazi
etanhan heceedan tuwe wicayu-
ze kta, tuka hena etanhan tuwe
iſtapi en waſte wicayuze kta.

7 Israel cinca makoce oeconna
eciyatanhan tawayapi kin wico-
un wanji etanhan wicoun toke-
ca ekta yutokanpi kte ſni ; tuka
Israel cinca otoiyohi ate wicaye
wicoun tamakoce kin ekta ihda-
ſke kta.

8 Unkan Israel cinca wicoun

254

etanhan tuwe kaſta cunwintku
maga tawa ye kta, wicaſta wan
ateye wicoun wicowazi etanhan
he tawicu kta hecen Israel cin-
ca otoiyohi ate wicaya tamako-
cepi kin tawaye kta.

9 Qa makoce kin wicoun wan-
ji etanhan wicoun tokeca ekta
yutokanpi kte ſni, tuka Israel
cinca wicoun etanhan wicaſta
otoiyohi makoce oeconna etan-
han tawaye cin he en ihdaſke
kta.

10 Token Jehowa Mowis eciye
cin hecen Tzelopehad cunwin-
tku econpi,

11 Unkan Maħla Tirtza qa Ho-
glaqa Milka qa Noya Tzelope-
had cunwintku ate wicayapi
cinca wicayuzapi.

12 Josep cinhintku Manaſe cin-
ca wicowazipi etanhan wicayu-
zapi qa maga tawapi ateyapi wi-
cowazi wicoun en yanka.

13 Wokage qa woyaco Jehowa
Mowis nape on Israel cinca
econ wicaſi, Moab makomdaya
ohna, Jordan icahda, Jeriħo iyo-
takons dena eepi.

WOOPE ITAKIHNA.

WICOWOYAKE 1.

1 Jordan oiyuwege ekta, hewoskan en, omdaye puza ohna, Mdeša iyotakonza, Paran qa Topel qa Laban qa Hatzerot qa Dizaba otahedan, wicoie Mowis Israel owasin ewicakiya dena ee.

2 Horeb qa Qadeš Barneya otahedan, Seyir he kin canku oiyahde kin, anpetu akewanji omani.

3 Unkan waniyetu iwikcemna topa kin en, wi iakewanji en, wi anpetu tokaheya kin en, he ehan, Mowis token Jehowa eye ši kin owasin iyecen ewicakiya.

4 Siħon Amori tawicašta yatapi Hešbon en ounye ciquon, qa Og Bašan en wicašta yatapi Ašterot en Edreyi ohna ounye ciquon; hena wicakaštaka iyohakam

5 Moab makoce en, Jordan oiyuwege ekta, Mowis woope kin de tokaheya owicakiye ça heya;

6 Horeb he kin en Jehowa Wakan undapi kin unkokiyakapi, qa heunkiciyapi, He kin de en ounyayapi kin wanna henakeca.

7 Ihdamnapi, qa Amori tahe kin heciya ihdakapo, qa makoce kin he en ikiyedan owancaya, Araba (Omdaye puza) kin, qa he kin, qa makoce hukuya kin, qa Itokaga kin, qa miniwanca huta kin, Kanani tamakocepi kin, qa Lebanon he kin, wakpa tanka Yuperat Wakpa kin hehanyan.

8 Wanyakapo, makoce kin nitokam ewahde kin he en ipi, qa tawayapo; makoce kin he nihunkakepi Abereham, qa Izak,

Deut.

qa Jakob Jehowa wicaqu kta kewicakiye ciquon; qa cincapi kin hena iyohakam koya.

9 He ehan heciciyapi, Mišnana owasin ciyuhapi owakitpani ce.

10 Jehowa Wakan yadapi kin he wanna niyuotapi, qa anpetu kin de wicanħpi iyenakeca winicotapi.

11 Jehowa nihunkakepi Wakan dapi kin kektopawinge akihde nakun sam iyeya niyuotapi, qa niyawaste pi nunwe; iwaħoniyampi qon he iyecen.

12 Nitohitanipi, qa nitawaqinpi, qa waayakinicapi kin, hena tokiya tanhan mišnana mduha kta owakihi kta he ?

13 Wicašta ksapa, qa wokaħniga, qa okitaninpi, wicoun nitawapi on kaħnigapo, unkan hena itancan cicagapi kta.

14 Unkan amayaduptapi qa, Taku ehe cin hecen econpi wašte ehapi;

15 Hecen nitawicoun itancanpi wicašta ksapa, qa okitaninpi iwicawacu qa hena wicašta yatapi cicagapi; kektopawingege itancan, qa opawingege itancan, qa wikcemna zaptanptan itancan, qa wikcemuamna itancan, qa nitawicounpi on wowapi kagapi.

16 Qa he ehan wicašta wayaco nitawapi kin wahokonwicawakiye ça hewicawakiya, Nihunkawanjipi wakinicapi kin naħonpi, qa owotanna wayacopo, wicašta sunkaku kici, qa tuwe tokeca kici un koya.

17 Wicašta owanyakapi eciya-

WOOPE ITAKIHNA,

tanhan iciyapi śni po ; wayacopi en cikeistinpidan tankinkinyanpi ko akidecen anawicagoptanpo. Ihnuhan wicašta ite on wakoyakipapi kin ; woyaco kin he Wakantanka tawa. Qa woakinice tona teliike yadapi kin hena mitokamayaupi kta, kinhan anagoptan manke kta ce.

18 He ehan taku owasin token ecanonpi kta eciciyapi.

19 Hehan Horeb etanhan unkihdakapi, qa hopuza tanka, qa wikopapi kin he ohna maunnipi, Amori tahe canku iyahde kin he ohna, Jehowa Wakantanka unkitawapi hecon unšipi kin he iyecen, qa Qadeš Barneya heci unkipi.

20 Unkan heciciyapi, Amori tahe Jehowa Wakan undapi kin unqupi kin he wanna ekta yakipi ce.

21 Wanyaka wo, Jehowa Wakan yada kin makoce kin de nitokam ehnaka. Iyadi qa tawa ya wo, Jehowa hunkake wicaya-ye cin Wakan dapi eniciye cin he iyecen. Ihnuhan koyakipe ça ininihan kin.

22 Hehan niyepi owasin mikiyedani yahipi qa hehapi ; Wicašta unkitokam ye wicunšipi kta, unkan makoce kin iwanyakapi kta, qa canku tukte ohna itanwankahde unyanpi kte cin he hoši unkahdipi kta, otonwe en unyanpi kte cin he nakun.

23 Unkan wicoie kin he iyomakipi, he etanhan wicašta akenonpa enitanhanpi iwicawacu, wicoun otoiyo hi wanjikši iwicawacu.

24 Unkan iyayapi, qa he kin itanwankahde yapi, qa Eškol kaksiza kin en ipi, qa he iwan-
yakapi.

25 Qa makoce kin he etanhan waskuyeca napepi ohna icupi,

qa unkahdipi, qa wahoši unkahdipi qa, Makoce Jehowa wakan undapi unqupi kin he wašte ce eyapi.

26 Tuka itanwankahde yapi kta tawaŋenyayapi śni, qa Jehowa wakan yadapi kin i kin yakipajinpi.

27 Qa tuwe wakan yadapi kin iyahnupi, qa nitawakeyapi ohna hehapi, Jehowa šice undakapi heon Egipta makoce etanhan deci inanpe unyanpi, qa Amori napepi kin en unqupi kta, qa ihang unyanpi kta.

28 Tukte en itanwankahde unyanpi kta he ? Oyate kin he wicota, qa unikapeya tankapi. Otonwe tankinyan, qa ihdukšan conkaške tehanwankatuya maŋpiya ekta aiyahdeya, qa nakun Anaqim cincapi kin hen wanwicunyakapi, hunkawanjin unyanpi eya hdipi, qa cante skan unyanpi ce, ehapi.

29 Unkan heciciyapi, Ihnuhan ininihanpi, qa kowicayakipapi kin.

30 Jehowa Wakan yadapi kin, qa tokanicihan mani kin he iye niyepi on kize kta ; Egipta ohna ništapi itokam ecaniconpi qon owasin he iyecen.

31 Qa hopuza ohna wicašta cinca kičin kin he iyecen Jehowa wakan yada kin ničin, canku omanyapi kin owasin ecen deci-
ya yahipi kin he wandaka.

32 Tuka taku kin de en Jehowa Wakan yadapi kin ceŋunyahdapi.

33 Iye qe oweti anicicitapi kta, qa canku nicipazopi kta, hanyetu eca peta ohna nitokam mani, qa anposkan eca maŋpiya ohna.

34 Hehan Jehowa nioiepi ho kin naŋon, qa caute ptanyeiciye, qa wakonze ça heya ;

35 Nihunkakepi makoce wašte kin wicawaqu kta konza kewica-

WICOWOYAKE 2.

kiye ciqon wicoicage síce cin de etanhan tuwedan wanyake kte śni.

36 Kaleb Jepune cinhintku kin heceedan wanyake kta, qa iye cinca om makoce omani qon he wicawaqu kta. Iye ohinniyan Jehowa ihakam mani nakaś.

37 Nakun niyepi on Jehowa canniyemaye ça, Niś eya he en idade kte śni emakiya.

38 Tuka Jośuwa Nun cinhintku kin nitokam najin kin he heci i kta; iyopaśtaka wo, makoce kin he iye Israel wicakipamni kta nakaś.

39 Nakun síceca nitawapi kin, hena wayaka unpi kta kehapi, qa nicincapi anpetu kin de en taku wašte qa taku śica ko sdonyapi śni heci ipi kta, qa he wicawaqu kta, qa hena tawa yapi kta.

40 Tuka niyepi ihdamnapi, qa hewoskantuya Mdeśa canku kin ohna ihdakapo.

41 Hehan aduptapi qa hemayakiyapi; Jehowa en waunhtanipi. Itanwankahde unyanpi, qa token Jehowa wakan undapi econ unśipi kin owasin iyecen unkizapi kta, qa otoiyo hi wipe ipiyag yakitonpi, qa he akan yaipi kta tuka.

42 Unkan Jehowa hemakiya, Ihnuhan itanwankahde dapi qa yakizapi kin; hecen toka niyanpi itokam nicaťapi kte śni, ewicakiya wo.

43 Unkan hecen eciciyapi, tuka nayahonpi śni, qa Jehowa i kin yakipajinpi, qa waħan niťidapi, qa he kin he akan yaipi.

44 Unkan Amori he kin he en yakonpi kin nitkokim hinanpapi, qa nicuwapi, tuħmaga econpi kin iyecen, qa Sehir ohna nica-kaśtakapi Ĥorma ekta hehanyan.

45 Hehan yahdipi qa Jehowa itokam yaceyapi, tuka Jehowa

nihopi nanihonpi, śni, qa anoh-niciyapi śni.

46 Unkan Qadeś en anpetu ota ounyayapi anpetu en yaunpi kin iyenakeca kin.

WICOWOYAKE 2.

1 Hehan unkihdamnapi, qa ĥopuze cin en, Mdeśa canku kin ohna unkihdakapi, Jehowa emakiye cin iyecen, qa Sehir he kin ihdukśan maunnipi anpetu ota

2 Unkan Jehowa omákiye ça heya,

3 He kin de ihdukśan yaunpi kin wanna tehan; Waziyatakiya hdapo.

4 Qa oyate kin wahokonwicakiye ça heya wo, Esa cinca hunkawanjın wicayayapi Sehir en yakonpi kin tamakocepi icahda idadapi kta, qa konicipapi kta, heon nina awanihdakapo.

5 Ihnuhan wicayakizapi kin, Sehir he kin he Esa tawaye kta waqu; makoce kin he etanhan napapaśdecapi wanjidan ciťupi kte śni.

6 Woyute tawapi kin mazaska iyopeyayapi qa yatapi kta, qa nakun mini mazaska iyopewicayakiyapi qa datkanpi kta ce.

7 Ninape on nioħan kin owasin Jehowa Wakan yada kin niciyawawašte, ĥopuza tanka kin de omayani kin he sdonya; Jehowa Wakan yada kin waniyetu wikcemna topa nici un kin hena en takudan inicakije śni.

8 Unkan Esa cinca hunkawanjın unyanpi Sehir en yakonpi etanhan unkiyayapi, Araba (omdaye puze cin) canku kin etanhan Elat qa Etzeon Geber ko etanhan, hehan unkihdamnapi qa Moab makomdaye canku kin ohna unkupi.

9 Hehan Jehowa hemakiya,

WOOPE ITAKIHNA,

Ihnuhan Moabi iyokišin wicaya-ye cin, qa ihnuhan wokicize on wicayakize cin, makoce tawapi etanhan tawayaye kta e on-špadan ciçu kte šni nakaš, Lot cinca kin tawayapi kta wanna wicawaqu heon etanhan.

10 Hena itokam Emim hen o- unyanpi, oyate wau wicotapi, qa tanka, qa hanskapi Anaqim iye- wicacecapi.

11 Hena Anaqim iyecekceca- pi waziya wicayawapi, tuka Mo- abi kin Emim (Wayušinyeya) ewicakiyapi.

12 Unkan ehanna Hori kin Se- hir en yakonpi, tuka Esa cinca kin nape wicayapi, qa wicakaso- tapi, qa is ito en yakonpi; Israel makoce tawayapi kta Jehowa wicaqu ecakiconpi kin he iyecen.

13 Wanna najinpo, qa Zered wa- kpadan kin iyuwegapo, eya, un- kan Zered wakpadan kin unki- yuwegapi.

14 Unkan Qadeš Barneya etan- han maunnipi, qa ecen Zered wa- kpa unkiyuwegapi anpetu kin waniyetu wikcemna yamni sanpa šahdoyan hehanyan unyakonpi, wicoicage kin he wicašta zuyapi qon wicoti cokaya tanhan owasin sotapi, Jehowa wicakonze ça ewicakiye ciqon he iyecen.

15 Unkan heon Jehowa nape kin iyahdaskin wicaye ça ihang wi- caya, wicoti cokavatanhan ecen wicakasota.

16 Unkan oyate kin hetanhan: ozuye wicašta qon owasin tapi, qa sotapi kin wanna hiyohi.

17 Hehan Jehowa omakiye ça heya.

18 Anpetu kin de Ar (Conkaške) kin Moabi makoce ihanke kin opta idade kta.

19 Nakun Amon cinca makoce ihanke ikiyedán idade kta. Ihnu- han toka wicayaye cin, qa ihnu-

han wicayakize cin; Amon cin- ca tamakocepi etanhan tawa ya- ye kta takudan ciçu kte šni, Lot cinca kin he tawayapi kta wica- waqu nakaš.

20 Eya itokam makoce kin he Waziya tamakocepi kin eciyapi, ehanna Waziya he en oonyanpi, qa Amoni kin Zamzumim caje wicayatapi.

21 Oyate kin he tanka, qa wicota, Anaqim iyecekcecap; tuka Jehowa wicitokam ihang wicaya, qa hecen he tawayapi, qa hena eekiya en oonyanpi ece.

22 Hecen Ēsa cinca Sehir en oonyanpi ecawicakicon, wicito- kam Hori kin ihang wicaya, qa tawayapi kta wicaqu qon, qa is ito hehantanhan anpetu kin de dehanyan oonyanpi.

23 Nakun Awim kin Hatzarim (otonwe) en oonyanpi qon, Gaza etu; tuka Kaptorim Kaptor etanhan upi, qa ihang wicayapi, qa is ito hen oonyanpi.

24 Najinpi ihdakapo, qa Arnon wakpa kin iyuwegapo. Wan Hešbon en wicaštayatapi Siħon Amori kin tamakoce kin koya ninape en iyolıpe ciciya. Ta- wayaye kta inalni wo, azuya qa kiciza wo.

25 Anpetu kin detanhan nicaje kin wowinihan, qa wokokipe oyate maħpiya owancaya ihuku- ya yakonpi ahinħpaye wicawaye kta, hena caje niyatapi naħonpi eca cancanpi kta, qa niye on hanyanpi kta.

26 Unkan Qedemot ħopuza kin etanhan wahoši Siħon Hešbon en wicaštayatapi ekta yewicawa- ši, qa wokiyapi wicoie hewakiya.

27 Nitamakoce kin opta mde kte, cankuku ohna mawani kta, etapa tanhan qa catka tanhan, unmanna eaiyatanhan mde kte šni, iyowin makiya wo.

WICOWOYAKE 3.

28 Woyute mazaska on mayaqu kin he wate kta, qa nakun mini mazaska on mayaqu kta unkan mdatke kta. Opta mawani kta ecedan iyowin makiya wo.

29 Esa cinca Sehir en oonyanpi, qa Moabi Ar en oonyanpi kin ecamiconpi kin he iyecen, ecen Jordan imduwege kta, qa Jehowa wakan undapi makoce wan unqupi kin he en mde kta ce.

30 Tuka he unkiyoptapi Sihon Hesbon en wicaštayatapi kin iyowin unkiyapi šni; Jehowa wakan yada kin he ninape en onihnake kta, anpetu kin de iyecen, heon toksape kin kiyusuta, qa cante kin kipatin nakaš.

31 Unkan Jehowa hemakiya. Wan, detanhan Sihon tamakoce koya ciču ce; tamakoce tawayaye kta e inalnini wo.

32 Unkan Sihon, taoyate owasin om hinanpe ʔa unkizapi kta Jahatz en itkounkipapi.

33 Tuka Jehowa Wakan undapi kin he unqupi, unkan iye qa, cinca kin, qa taoyate kin owasin wicunkaštakapi.

34 Qa hehan otonwe tawa owasin unki cupi, qa otonwe owasin, wicašta qa winohinca qa šiceca ocowasin ihang wicunyanpi, tuwedan niyake unkokaptapi šni.

35 Tuka wanunyanpi kin unhapi kta e unki cupi, qa nakun otonwe unki cupi, woyuha kin hen.

36 Aroer Arnon wakpa, qa otonwe wakpa ohna he cin he tanhan Gileyad aiyahdeya, otonwe unkiyepi etanhan ničiye wanica, Jehowa Wakan undapi kin hena owasin unqupi.

37 Tuka Amon cinca tamakocepi kin ekta yai šni; Jaboq wakpa icahtake cin he ocowasin, qa he akan otonwe kin, qa otonwe

tona Jehowa wakan undapi kin tehinda owašin.

WICOWOYAKE 3.

1 Hehan unkihdamnapi, qa Bašan canku kin ohna itanwankanhde unyanpi. Unkan Og Bašan en wicaštayatapi inanpa, iye qa taoyate owasin om, Edreyi ekta unkiczapi kta takpe unqupi.

2 Tuka Jehowa hemakiya, Ihnuhan he koyakipe cin. Iye qa taoyate owasin tamakoce koya ninape en iyohpe ciciye, Sihon Hesbon en wicaštayatapi token ecayecon kin he iyecen ecawicanon kta.

3 Unkan Jehowa wakan undapi kin Og Bašan en wicaštayatapi, nakun taoyate owasin om unnapipi en unqupi, unkan wicunkaštakapi ecen etanhan tuwedan okaptapi šni.

4 Unkan he ehan otonwe tawa owasin unki cupi, Og Bašan en wicaštayatapi, Argob makoce wowidag yecin otonwe wikcemna šakpe; conkaške unki cupi šni wanica.

5 Otonwe kin hena owasin conkaške tehanwankantuya, qa tiyopa kin inatagtonpi, qa nakun otonwe conkaške codan ota hinca.

6 Hece ocowasin ihang wicunyanpi, Hesbon en wicaštayatapi Sihon ecaunkiconpi qon iyecen, otonwe owasin wicašta winohinca šiceca koya ocowasin ihang wicunyanpi.

7 Tuka wanunyanpi owasin, qa otonwe woyuha kin unhapi kta e unki cupi.

8 Qa he ehan Amori wicaštayatapi nonpa, Jordan itato yakonpi qon, napipi etanhan makoce kin unki cupi, Arnon wakpa-

WOOPE ITAKIHNA,

dan etanhan Ĥermon ĥe kin aiyahdeya.

9 Ĥermon ĥe kin Tzidoni Siri-yon tuku Amori kin Sinir eciyapi.

10 Makomdaye otonwe owasin, qa Gileyad ocowasin, qa Bašan Salka, qa Edreyi aiyahdeya; Og Bašan en otonwe wowidag wicaye cin hena.

11 Bašan wicaštayatapi Og išnana waziya etanhan ni, tohe kin mazasapa ohehdepi kin heca dehanyan wanyakapi, Amon cinca otonwe tawapi Raba ohna, ohanske cin wicišpa napcinwanka, qa hdakinyan wicišpa topa, wicawicišpa.

12 He ehan makoce kin he tawunyanpi, Aroyer Arnon wakpa icahda he cin hetanhan, qa Gileyad hanke, qa otonwe kin koya Rubeni Gadi kici wicawaqu.

13 Qa Gileyad okaptapi kin he, qa Bašan ocowasin, Og wowidag ye ciquon Manaše wicoun hanke wicawaqu; Argob makoce ocowasin, Gileyad makoce ocowasin kici Waziya tamakocepi eciyapi.

14 Manaše cinhintku Jair Argob makoce kin ocowasin icu, Gišuri kin qa Maakati tamakocepi kin ekta, qa iye caje kin on Bašan Jair totonwe caškiton, anpetu kin de hehanyan.

15 Qa Makir iš Gileyad waqu.

16 Qa Rubeni qa Gadi kin Gileyad etanhan Arnon wakpa kin hehanyan, wakpa cokaya, qa makoce kin, qa ecen Jaboq wakpa kin, Amon cinca tamakocepi ihanke kin hehanyan.

17 Qa omdaye puza, qa Jordan qa makoce Kinneret etanhan omdaye puza mde, Miniskuya mde kin hee, Ašdot (Kaduzyapi) Pisga ĥe kin ihukuya, hehanyan.

18 Unkan he ehan wahokon ciciyapi, qa hepa, Jehowa Wakan yadapi kin makoce kin de ničupi, tona wanišakapi owasin wipe kiton Israel cinca hunkawanjinwicayayapi wicitokam idadapi kinhan tawayayapi kta.

19 Tuka nitawinpi qa šiceca nitawapi, qa nitawanunyanpi, (wanunyanpi ota duhapi sdonwaya,) otonwe nitawapi cičupi kin hena ohna yakonpi kta.

20 Jehowa oziniyanpi kin he iyecen nihunkawanjipi oziwicaye cin hehanyan; qa iš eya makoce Jordan akasanpa, Jehowa wakan yadapi kin wicaqu kin he tawayayapi kta hehanyan, qa hehan niš tawayayapi kta ciču kin en otoiyohi yahdipi kta.

21 Unkan hehan Jošuwa wahokonwakiye ča hepa, Wicašta yatapi kin henaos Jehowa wakan yada kin token ecawicakicon kin he niišta kin on wandaka, wokiconze ekta yai kte cin hena owasin he iyecen ecawicakicon kta.

22 Kowicakipe šni wo, Jehowa wakan yada kin he niyepi on wicakize kta.

23 Unkan he ehan Jehowa cewakiye ča hepa;

24 Itancan Jehowa nitanka qa ninape wašaka kin he wowidag mayaya wanna ošpa mayakidutanin, Mašpiya ekta qa maka akan tuwe wakan wašaka, nitowašake iyecen, qa woecon eanon kin iyecen econ okihi he?

25 Tokin akasanpa mde kten, qa makoce wašte Jordan akasanpa yanke cin, qa ĥe wašte kin he, qa Libanon wanmdake kten.

26 Tuka niyepi on Jehowa canniye mayan, qa anamagoptan šni, qa Jehowa hemakiya, Henakeca kta, Ihnuhan wicoie kin he iyececa emayakiye cin.

WICOWOYAKE 4.

27 Pisga paha kin adi wo, qa niišta wankan ikikeu, Wiyohpe yatakiya, Waziyata kiya. Itoka-ga kiya, qa Wiyohiyanpatakiya, henakiya niišta kin on wanyaka wo; Jordan wakpa kin de idu-wege kte šni ce.

28 Tuka Jošuwa hee wahokon-kiya wo, qa yasuta, qa iyopašta-ka wo; Iye oyate kin de wicito-kam akasanpa ye kta, qa makoce wandake kte cin he tawa wica-kiye kta.

29 Unkan Gia (Osmaka) ohna Bet Peyor (Peyor ti kin) iyota-kons unkiyotankapi.

WICOWOYAKE 4.

1 Heon nakaha Israel wokage qa woyaco onspeciciyapi kin na-honpo, qa econpo: hecen yanipi kta, qa makoce Jehowa niyatepi Wakan dapi kin he wicaqupi en yaipi qa tawayayapi kta.

2 Wicoie ociciyakapi kin de takudan ayakagapi kte šni, qa nakun aopten yakagapi kte šni, tuka wokage Jehowa Wakan ya-dapi tawa kin ope cišipi kin hena oyapapi kta.

3 Jehowa Bayal Peyor (Peyor Itancan) on token econ kin he niištapi wanyakapi, Jehowa Wakan yada kin wicašta tona Bayal Peyor opapi qon owasin niye-pi ehna tanhan awihnuni wi-caya.

4 Tuka niyepi tona Jehowa Wakan yadapi kin sutaya duzapi kin owasin, anpetu kin de nahanhin yanipi.

5 Wanyaka wo, makoce wan tawayayapi kta en yaipi kinhan, token ecanonpi, wokage qa wo-yaco onspeciciyapi, Jehowa Wakan wada econ maši kin he iyecen,

6 Hena duhapi, qa ecen eca-

nonpi kta, hecen yaksapapi qa widukcanpi kta, oyate tona wo-kage kin dena owasin nahonpi kin hena wanniyakapi qa, oyate tanka kin de isnana ksapapi qa wiyukcanpi eniciyapi kta.

7 Jehowa Wakan undapi taku hoyeunkiyapi owasin on unkiki-yedan içihnake cin he iyecen oyate tanka wan tuktee he, taku wakan dapi kin wicikiyedan un he?

8 Qa woope kin de nakaha nitokam ecicihdepi kin owasin iyecen, oyate tanka tukte wanji he iyecen wokage qa woyaco yuhapi he?

9 Tuka niye itoničipa wo, qa ninagi nina itonkipa wo, okini wicoie niišta wanyake cin ayektun-ja nunce. Nakun he nicinca qa nicinca cincapi kin sdonye wicayakiye kta, he ihnuhan nicante ehpeye cin tohan yani kin hehanyan.

10 Horeb ekta Jehowa Wakan yada itokam nayajiu qon, anpetu kin he en Jehowa hemakiya, Oyate mitokam mnawicaya wo, mioie nahon wicawaye kta, hecen tohanyan maka akan nipi kin hehanyan komakipapi onspe içiciyapi kta, qa cincapi onspe wicakiyapi kta.

11 Unkan kiyadan yahipi, qa he kin ihukuya nayajinpi, qa he kin peta on itkon, mahpiya cante kin ekta, otpaza mahpiya qa iyowotanin šni.

12 Unkan peta kin cokaya tanhan Jehowa oniciyapi, wicoie ho kin nayahonpi, tuka ouncage takudan wandakapi šni, ho kin heceedan nayahonpi.

13 Qa wicotakuye econ nišipi kin oniciyakapi, wicoie wicemna kin hena, qa inyan mda-ska nom akan okiwa.

14 Qa makoce wan tawa yaya-

WOOPE ITAKIHNA,

pi kta en yaipi kinhan, wokage, qa woyaco ecanonpi kte cin hena he ehan onspe niciyapi maši.

15 Horeb ekta peta cokaya tanhan Jehowa Wakan yadapi kin oniciyapi qon, he ehan, ouncage takudan wandakapi šni heon ninagipi nina ikpatan po.

16 Okini nihdušicapi qa wakagapi taku iyacinyan wan ničicagapi kta, ouncage mdoka wiye unman tukte kašta iyececa.

17 Maka akan woteca ouncage, qa zitkadan hupahu tonna mahpiya onawin un kin ouncage,

18 Qa watutka maka asdohan ouncage, qa maka ihukuya mini ekta hogan un kin ouncage, hena takudan oyakage kte šni.

19 Qa mahpiya ekta eyatonwe ça anpetu wi, qa hanyetu wi, qa wicanhpi mahpiya obe owasin wandake cinhan, ihnuhan yanuni, qa hena ektakiya patuš ničiye ça en wowidag ničiye cin, mahpiya owancaya ihukuya oyate owasin hena yuhapi kta e Jehowa wakan yada kin wicaqu.

20 Tuka niyepi Jehowa inicupi, qa anpetu kin de iyecen tao-yate niyanpi, qa tawa niyanpi kta, e Egiypta makoce etanhan, maza šdoyapi oceti etanhan hinanpe niyanpi.

21 Qa nioiepi on Jehowa canniye maye ça Jordan imduwege kte šni, qa makoce wašte tawa yaye kta Jehowa Wakan yada niču kin he en wai kte šni konza.

22 Miš makoce kin den mašte kta. Jordan imduwege kte šni, tuka niyepi iduwegapi, qa makoce wašte kin he tawayayapi kta.

23 Awanihdaka po, ihnuhan wicotakuye Jehowa Wakan yadapi ničicagapi kin ayektonjapi, qa wakagapi wanji yapagopi kin,

taku kašta ouncage iyececa Jehowa Wakan yada kin tehinda qon.

24 Jehowa Wakan yada kin he peta wahuhinahiye cin taku Wakan wašake ça winawizi nakaš.

25 Makoce kin he en tehan yaunpi, qa cinca nicitonpi, qa cincapi cinca, hehan nihdušicapi, qa wakagapi wan ničipagopi; taku kašta ouncage iyececa, qa Jehowa Wakan yada kin itokam, taku šica ecanonpi, qa canniye niyanpi yakagapi kinhan;

26 Mahpiya maka kici nakaha wicaweco, qa niyaotaninpi kta; makoce wan tawa yayapi kta e Jordan iduwegapi kin he etanhan ecadan ocowasin nisotapi kta, he akan anpetu nitawapi yahdutehanpi kte šni, tuka eca- ca awihnuni niyanpi kta.

27 Qa oyate ota ehna Jehowa oniyumdecapi kta, qa toki Jehowa aniyampi kin ikce wicašta opeya tonagnana onicaptapi kta.

28 Qa heciya can qa inyan, taku wakan wicanape on kagapi kin hena wowidag niyanpi kta, hena tonwanpi kte šni, qa wana- honpi kte šni, qa wotapi kte šni, qa takudan omnapi kte šni.

29 Tuka heciya tanhan Jehowa Wakan yada ayakitapi kinhan iyeyakiye kta, nicante ocowasin on, qa ninagi ocowasin on ayakite cinhan.

30 Tohan wicoie kin hena owasin nihiyahde, qa iyonicišice cinhan, anpetu hakakta kin en, Jehowa Wakan yada kin en nihduhomni, qa ho kin nayaħon kinhan,

31 Jehowa Wakan yada kin wašake ça waonšida, ehpeniye kte šni, qa awihnuni niye kte šni, qa wicotakuye nihunkakepi wicakicage akiktunje kte šni.

32 Ito hekta anpetu tokaheya

WICOWOYAKE 4.

inicage šni qehan, Wakantanka wicašta maka akan icalı wicaye cin ehantanhan, qa małpiya owihanke anog wawiwanga wo, Taku he iyecen tanka yukan hecinhan? qa taku he iyecen nahonpi hecinhan?

33 Peta wan cokaya tanhan Wakantanka ie cin ho kin tukte oyate wan nahon qa ni, nayahon qon he iyececa.

34 Wakantanka oyate cokaya tanhan oyate tokeca wan iwicacu konza, iyutanyanpi kin on, qa wapetokeca on, qa wicołan wakan on, qa okicize on, qa nape waśaka qa isto hdukatin on, qa woyuśinyaye tanka on, Jehowa Wakan yada Egipta en ništa itokam onicıłanyanpi kin he iyecen.

35 Jehowa isnana taku Wakan, qa iye icunonpa tanhan wanica sdonayaye kta, heon hena wandaka.

36 Małpiya eciyatanhan ho kin nahon nıciye, taku onspe nıciye kta heon, qa peta tanka tawa maka akan wanyag niyan, qa peta kin he cokaya tanhan iye oie kin nayahon.

37 Nihunkakepi wašte wicakıda heon ohakam cincapi wıkałnıga, qa towaśake tanka on, qa nıci un kin on, Egipta etanhan hdinanpe niye.

38 Ikce wicašta nikapeya tanka, qa waśakapi nitokapa tanhan napewicaya, qa tamakocepi en aniipi, qa tawayaye kta e nıcupi anpetu kin dehan iyececa.

39 Heon etanhan anpetu kin de en sdonya wo, Jehowa wankan małpiya kin ekta, qa ihukuya maka kin owancaya taku Wakan kin hee, qa tuwedan iyecece šni.

40 Qa tawokage, qa tawoahope nakaha econ ciśi kin hena patan

wo, hecen tanyan yaun kta, qa nihakam nıcinca is nakun, qa hecen Jehowa Wakan yada kin makoce nıcu kin he akan anpetu yahduhanske kta, anpetu owasin.

41 He ehan Mowis otonwe yamni yukınukan, Jordan itato wi hinanpe cin ekta kiya.

42 Hena ekta inanpapi kta, tuwe takodaku hektam sıcekidake šni, tuka wanun ktc kinhan, hen onape kta, otonwe kin he wanji en i kinhan niıciye kta.

43 Betzer tinta ohna makoce mdaye Rubeni tawapi ohna, qa Ramot Gilejad ohna Gadi tawapi, qa Golan Baśan ohna Manase tawapi.

44 Unkan Mowis woope Israel cinca wıcitokam ehna ke cin he dee.

45 Israel cinca Egipta etanhan hdinanpapi qehan, woyaatanin, qa wokage, qa woyaco Mowis ewicakiye cin he dena ee.

46 Jordan wakpa kin itato Bet Peyor (Peyor ti) iyotakons, omdaye wanke cin en, Silon Amori tawicaštayatapi Hesbon en ounye ciqon, Mowis Israel cinca om Egipta etanhan hiyupi qehan ktepi qon, makoce tawa qon he ohna.

47 Makoce kin he, qa Og Baśan en wicaštayatapi tamakoce nakun, Amori wicaštayatapi nonpa Jordan itato wi hinanpe cin ektakiya unpi qon.

48 Aroer otonwe Arnon wakpa ıcahda wanke cin hetanhan Sion he kin Hermon hee hehanyan.

49 Qa Jordan itato iwıyohıyanpa tanhan omdaye puza ocowasin, omdaye puza mde kin Aśdot Pisga he kin ihukuya wanke cin hehanyan.

WOOPE ITAKIHNA,

WICOWOYAKE 5.

1 Unkan Israel owasin Mowis wicakico, qa hecen ewicakiya, Wokage qa woyaco nakaha ninogepi ohna eciciyapi Israel nahonpo, qa hena onspe niçiciyapi kta, qa ecen ecanonpi kta yuha unpo.

2 Jehowa Wakan undapi kin Horeb he ekta wicotakuye unki-cicagapi.

3 Jehowa hunkake wicunyanpi om wicotakuye kin he wicakicage šni, tuka unkiyepi hecen unkicicagapi nakaha owasin den ni unyakonpi.

4 He akan peta cokaya tanhan itohnake icitkokim Jehowa oniciyapi.

5 He ehan Jehowa oie kin oci-ciyakapi kta e Jehowa qa niyepi okitahedan nawajin, peta kin he koyakipapi, qa he kin akan yaipi šni nakaš, unkan heya;

6 Jehowa Wakan yadapi, qa Egipta makoce etanhan, wayaka tipi kin hetanhan hdinanpe niyanpi kin he miye.

7 Mitoye kin itokam Taku Wakan tokeca duhe kte šni.

8 Wakagapi yakpago kte šni, wankan mahpiya ekta, qa kuya maka kin akan, qa maka ihukuya mini mahen taku henakiya ohna ouncage iyecen.

9 Hena itokam patuš niçiye kte šni, qa en wowidag niçiye kte šni; Jehowa Wakan yada taku Wakan winawizi kin he miye, tona šice madapi wahtanipi kin cincapi qa wicoicage iyamni qa itopa kin hehanyan kiba wicawakiya ece.

10 Qa tona wašte madapi, qa mitawoahope tanyan yuhapi kin hena wicoicage kektopawinge hehanyan cante wicawakiya ece.

11 Jehowa Wakan yada kin

ituya caje date kte šni, tuwe he caje kin ituya eye cinhan Jehowa iyopeye kta.

12 Anpetu okihpapi duwakan kta e patan wo, Jehowa Wakan yada econ niši kin he iyecen.

13 Anpetu šakpe htayani, qa taku yakincanye cin owasin ecanon kta.

14 Tuka anpetu isakowin kin he Jehowa Wakan yada tookihpe kin hee; he en wohtani takudan ecanon kte šni, niye, qa nicinkši, qa nicunkši, qa nitahokšidan, qa wikoška nitawa, qa tatanka nitawa, qa nitašonšonna, qa nita wanunyanpi, qa tuwe tokeca otonwe nitawa ohna unkin, hecen hokši dannitawa qa wicinyanna nitawa niye iyecen oziiciyapi kta.

15 Qa Egipta makoce ohna wayaka yaun qon, tuka Jehowa Wakan yada kin he etanhan nape wašake ça isto katinkiyecin on hdinanpe niye, heon Jehowa Wakan yada kin anpetu kin de okihpe niši he yeksuye kta.

16 Niyate nihon kici wicahduonihan wo, Jehowa Wakan yada kin econ niši kin he iyecen; hecen anpetu nitawa hanske kta, qa makoce Jehowa Wakan yada niçu kin he akan tanyan yaun kta.

17 Tuwedan yakte kte šni.

18 Wawicihahapi ecanon kte šni.

19 Wamayanu kte šni.

20 Nitakoda kin en itonšniyan wodake kte šni.

21 Qa Nitakoda tawicu yacin kte šni, qa nitakoda ti kin, qa tamaga, qa tahokšidan, qa wicinyanna tawa, qa tatanka tawa, qa tašunke qa taku kašta nitakoda tawa yakon kte šni.

22 He akan mahpiya šapa otpa-

WICOWOYAKE 6.

za hınca, qa peta cokaya tanhan, Jehowa niyepi owasin mniniciyapi kin en, wicoie kin hena owasin ho tanka kiya oniciyakapi, qa taku sanpa eye sni, qa hehan inyan mdaska nom akan owa qa maqu.

23 Unkan otpaza cokaya tanhan ho kin nayahonpi qehan, qa he kin peta on itkon, hehan niyepi wicoun otoiyo hi etanhan wicašta tankapi, qa hunkayapi kin owasin mikiyedani yahipi;

24 Qa hehapi, Inyun Jehowa Wakan undapi token tanka qa towitan kin wanyag unyanpi, qa ho kin naunhonpi, peta cokaya tanhan Wakantanka wicašta kici wohdaka ešta wicašta kin ni, nakaha wanunyakapi.

25 Qa nakaha tokeca untapi kta he? Ake Jehowa Wakan undapi ho kin naunhonpi kinhan, peta tanka kin de hulinahunyanpi kta, qa untapi kta.

26 Peta cokaya tanhan Taku Wakan wiconi hduhe cin ho kin ie cin naunhonpi, tuwe wicašta akantu he iyecen nahon qa nahanhin ni un he?

27 Niye Jehowa Wakan undapi ikiyedani ya, qa nahon wo, Jehowa Wakan undapi taku eniciye cin owasin, qa hehan Jehowa Wakan undapi taku eniciye cin owasin unkoyakidakapi kta, kinhan naunhonpi qa ecen econkupi kta.

28 Unkan omayakiyapi kin he icunhan Jehowa nioiepi ho kin nahon, qa Jehowa hemakiya, Oyate kin de oie ho kin nawahon, taku eniciyapi owasin, taku eyapi kin owasin tanyan eyapi.

29 Tokin ohinniyan komakipapin, qa mitawoahope owasin opapin, hecen cante yuhapi kten, hecen tanyan unpi kta, qa cincapi nakun, owihanke wanica.

30 Hde ça, Icicawin nitawa-keyapi ekta hda po, ewicakiya wo

31 Tuka niye den miyeci naya-jin kta, qa woahope, qa wokage, qa woyaco onspe wicayakiye kte cin owasin ociciyake kta, qa makoce tawayapi kta wicawaqu kin he en hena econpi kta.

32 Heon token Jehowa econ nišipi ecen ecanonpi kta waktaya unpo, enitapa tanhan canitka tanhan unmanna ekta itoheya nihduhomnipi kte sni.

33 Jehowa Wakan yada canku openišipi kin owasin omani po; hecen makoce tawayayapi kte cin en yanipi kta, qa tehan en tanyan yaunpi kta.

WICOWOYAKE 6.

Unkan woahope, wokage, qa woyaco Jehowa Wakan yadapi onspe ciciyapi maši kin dena ee; makoce tawayayapi kta en yaipi kinhan he en ecen ecanonpi kta.

2 Heon Jehowa Wakan yada kin koyakipe kta; qa wokage qa woahope tawa ociciyake cin owasin duhe kta, niye qa nicinkši qa nicinca cinhintku, anpetu owasin, tohan yani kin, qa hecen anpetu nitawa niciyuotapi kta.

3 E, Israel nahon wo qa ecen ecanon kta wakta iciya wo, hecen tanyan yaun kta, qa hecen makoce pte asanpi qa canhanpi tiktica kaduze cin ohna nina nihduotapi kta; Jehowa nihunkakepi Wakandapi eniciye cin he iyecen.

4 Israel nahon wo, Jehowa Wakan undapi kin ishana Jehowa.

5 Heon nicante ocowasin, qa ninagi ocowasin, qa wanišake cin ocowasin, hena on Jehowa Wakan yada kin wašte yadake kta.

WOOPE ITAKIHNA,

6 Qa wicoie nakaha eciciye cin he nicante akan yanke kta.

7 Qa he nicinca amnihenyan onspe wicayakiye kta, qa yati kin ohna idotanka ca cajedate kta, nakun canku omayani eca, qa makan inonke ca yekta eca.

8 Qa ninape en wapetogton he payahite kta, qa niista otahedan itohnakapi nun kta.

9 Qa yati tosu kin akan oya-wa kta, qa nitatiyopa nakun akan.

10 Unkan kaketu kta, Jehowa Wakan yada makoce wan nicupi kta e niyate Abereham, Izak, qa Jakob konza ewicakiye cion, otonwe tankinyanyan, qa wa-stešte ; hena niye yakage sni en aniye cinhan ;

11 Qa tipi taku wašte owasin ojugjudan, hena niye oyaju sni, qa mini hdoka ota hena ohdog yaye sni, hastanhanka iyuwi, qa wihdi can hena niye hu yahde sni, en yai, qa wayate, qa ini-mnan kinhan ;

12 Jehowa Egipta makoce etanhan, wayaka tipi kin etanhan hdinanpe niye cion he ihnuhan ayektonje cin.

13 Jehowa Wakan yada kin he koyakipe ca htayecini kta, qa isnana cajeyan wodake kta.

14 Nitán oksán oyate yakonpi taku wakan dapi etanhan taku wakan tokeca oyapapi kte sni.

15 Jehowa Wakan yada kin he taku wakan winawizi niyepi ehna un, heon okini Jehowa Wakan yada tocanniye kin aide niye ca maka itohnake kin etanhan ihang niye kta.

16 Masa en Jehowa Wakan yadapi kin iyutan yayapi qon, he iyecen ihnuhan iyutan yayapi kin.

17 Woahope, qa woayaanin, qa wokage Jehowa Wakan yadapi

kin ope nišipi itonpeyahan oya-papi kta.

18 Qa taku Jehowa išta kin itokam wašte qa ecetu ecanon kta ; hecen tanyan yaun kta, qa makoce wašte Jehowa nihunka-kepi iwahowicaye cion, he en yai, qa tawa yaye kta.

19 Qa hecen toka niyanpi kin owasin nape wicaye kta, Jehowa ie cion he ecetu kta.

20 Tokata yeye cin Jehowa Wakan undapi kin woayaanin, qa wokage, qa woahope econ nišipi kin he token ka he? ni-cinca eye ca iniwange cinhan ;

21 Egipta en Paro wayaka unyuhapi qon, tuka Jehowa nape wašake cin on Egipta etanhan hdinanpe unyanpi, nicinksi eya-kiye kta.

22 Qa wowapetokeca, qa ohan wakan tanka, qa tehika, Egipta en Paro, qa iye tihnaka owasin en unkištapi itokam Jehowa econ ;

23 Qa hetanhan tankan hdinanpe unyanpi, qa makoce hunkake wicunyanpi konza ewicakiye cion he unqupi, qa en iyaye unyanpi kta e hecon.

24 Qa Jehowa wokage kin hena owasin econ unšipi, qa Jehowa Wakan undapi kin kounkipapi kta, hecen nakaha tanyan unya-konpi kin he iyecen tohan unni-pi kin ohinniyan tanyan unya-konpi kta :

25 Qa Jehowa Wakan undapi woahope kin dena owasin econ unšipi kin he iyecen itonpeyahan econkupi kinhan, woowotanna unkitawapi kin hee kta.

WICOWOYAKE 7.

1 Makoce wan tawayaye kta e ekta de cin he en Jehowa Wakan yada anii kinhan, qa ikce

WICOWOYAKE 7.

wicašta ota nitokapa tanhan tankan iyaye wicaye cinhan, Ĥeti kin, qa Girgaši kin, qa Amori kin, qa Kanani kin, pa Perazi, kin, qa Ĥiwi kin, qa Jebusi kini hena oyate šakowin nikapeya otapi qa wašakapi.

2 Qa hena Jehowa Wakan yada niču kinhan, hehan awicayape kta, ecaca wicayakasote kta; wicotakuye om wicayecage kte šni, qa onšiwicayada kte šni.

3 Qa okiciyuze otakuye hena om yakage kte šni, nicunkši cinhintkupi kin wicayaqu kte šni, qaiš cunwintkupi wan nicinkši yus yakiye kte šni.

4 Hecanon kinhan nicinkši omape cin etanhan wicayutokanpi kta, qa taku wakan tokeca owicapapi kta, hecen Jehowa tocanniye kin aide niyanpi, qa ecahankeya ihang niye kta.

5 Tuka hecen ecawicayeconpi kta, wahna wošnapi tawapi dujujupi kta, qa wakagapi tawapi yakamdecapi kta, qa can bosdata tawapi yakawankapi kta, qa wapagopi tawapi petan huñnahiyapi kta.

6 Niye oyate niwakan, Jehowa Wakan yada kin tawa, oyate hiyeye cin maka owancaya akan unpi owasin etanhan Jehowa Wakan yada kin niye nicalniga, oyate tehindapi yeci yaun kta, e hecon.

7 Jehowa nicalnige ça niyuze cin, oyate hiyeye cin niye iyotan niotapi e hecon šni, nišnana oyate hiyeye nitonana nakaš.

8 Tuka Jehowa wašte nidapi, qa taku nihunkakepi konza ewicakiye cion, ecetu kiye kta, heon Jehowa wayaka tipi etanhan, Egupta wicašta yatapi nape etanhan, nape wašaka on openicitonpi, qa hdinanpe niyanpi.

9 Jehowa Wakan yada kin

išnana taku Wakan wašake ça wacinyepica, tona wašte dakapi qa tawaohope opapi kin hena wicoicage kektopawinge hehanyan wicotakuye qa wocantekiye wicakiciyuha ece, he sdonya wo.

10 Qa tona šice dapike cin hena itohnakapi en iyecen ecawicakicon kta, qa ihang wicaye kta. Tuwe šice dake cinhan itohnake kin en iyuwin qu kte ça yutehan kte šni.

11 Heon woahope, qa wokage, qa woyaco nakaha econ ciši kin hena duhe kta, qa ecen ecanon kta.

12 Hecen woyaco kin dena nayahonpi, qa duhapi, qa ecen ecanonpi kinhan, Jehowa Wakan yadapi kin wotakuye, qa wocantekiye nihunkakepi konza ewicakiye cion niciyuhe kta.

13 Qa wašte nidake ça niyuwašte kta, qa niyuota kta, qa nicinca, qa maga nitawa taku oicage cin, aguyapi su nitawa, qa hastanhanka nitawa, qa can wihdi nitawa, qa pte nitawa cinca, qa taħinca nitawa cinca kin hena wicayawašte kta, makoce wan niču kta nihunkakepi iwahowicaye cion he en.

14 Oyate hiyeye cin owasin isanpa niyawaštepi kta, wica, qa winyan, qa woteca nitawa, koya en takudan hokši codan kte šni.

15 Qa Jehowa wowayazan owasin niciyutokan kta, qa wošikštin šica Egupta en wandake cion wanjidan en aniu kte šni, qa tona šice nidakapi kin owasin en awicaye kta.

16 Jehowa Wakan yada oyate tona niču kinhan hena owasin wicayakasote kta, ništa itonwicape kte šni, qa taku Wakan dapi kin owicayape kte šni, hecanon kinhan he nihmonkapi kta.

WOOPE ITAKIHNA,

17 Ikce wicašta kin hena iye mikapeya otapi, token hena tawawicawaye kta he? nicante en ehe cinhan.

18 Ihnuhan kowicayakipe cin, Jehowa Wakan yada Paro qa Egipta oyate owasin token ecawicakicon qon he kiksuya un wo.

19 Wowiyutan tankinyanyan ništa wanyaka wapetogtogya, qa wicohan wakan, qa nape waśaka, qa hupahu katinkiya on Jehowa Wakan yada Egipta etanhan tankan hinanpe niye ciqon; he iyecen oyate tona itepi kowicayakipe cin owasin Jehowa Wakan yada ecawicaon kta.

20 Nakun Jehowa Wakan yada kin hena ehna tulmaga yewicaši kta, qa tona okaptapi, qa nitokapa tanhan inahmanpi kin hena owasin sotapi kta.

21 Jehowa Wakan yada kin he taku Wakan tanka qa ohitike cin, he nicokaya un kin heon kowicayakipe kte śni.

22 Nitokam Jehowa Wakan yada kin ikce wicašta kin hena apapadan nape wicaye kta, wancake owasin ihangya oyakihi kte śni, hecanon kinhan okini hewoskan wamanica niye en ihduotapi kta.

23 Jehowa Wakan yada wowinhan tanka on nitokam skan wicaye kta, qa ecen ihang wicaye kta.

24 Qa wicašta yatapi tawapi ninape en iyolipe wicaye kta, qa malpiya ihukuya tanhan cajepi kin awihnnuni wicayaye kta. Nitokam wicašta wanjidan najin han kte śni, ecen owasin ihang wicayaye kta.

25 Taku pagopi wakan dapi kin petan hulnah wicayaye kta, mazaska qa mazaskazi hena akan

yanke cin he yakon kte śni, qa iyacu kte śni; okini heon nihmonkapi nonce, Jehowa Wakan yada he waliteda śni nakaś.

26 Hecen wowahite śni kin he yati kin ekta ade kte śni, okini he iyecen walite nidapi kte śni, he walite dapi śni kin, heon walite yada kte śni qa hitiyahda kta.

WICOWOYAKE 8.

1 Woahope nakaha econ cišipi kin dena owasin ecen ecanonpi kta e yapatanpi kta, heon yanipi, qa nihduotapi, qa Jehowa nihunkakepi makoce iwahowicaye ciqon he en yaipi qa tawa yayapi kta.

2 Qa onśiničida niye kta, qa iniyute kta; taku nicante en un, tawoahope oyape kta, qa oyape kte śni kin tuktee kta sdonye kta, heon waniyetu wikcemna topa kin dena hewoskan omani niye cin canku kin he owasin yeksuye kta.

3 Qa iyokišin niye ɕa wotektehda ničiye, qa wicašta aguyapi hecedan on ni kte śni, taku taku owasin Jehowa i kin etanhan inanpe cin heon wicašta ni kte, sdonye niye kta; he manna kin yun niye cin, he nihunkakepi sdonyapi śni, qa niye sdonyaye śni qon.

4 Waniyetu wikcemna topa kin dehanyan nitawokoyake niciku-ke śni, qa nisiha kin nicapo śni.

5 Qa wicašta wan cinhintku iyoepkiye cin he iyecen Jehowa Wakan yada iyopeniciye cin, he nicante en sdonyaya.

6 Heon Jehowa Wakan yada koyakipe ɕa tacanku tanyan omayani kta e tawoahope kin yapatan kta.

7 Jehowa Wakan yada kin makoce wašte en iyaye niye kta;

WICOWOYAKE 9.

makoce wakpa, mde, qa wako-niya, mini omdaye ohna, qa nakun he ohna inanpa.

8 Aguyapi su makoce, qa nakun barle, qa hastanhanka iyuwi, qa witanśna hu, qa taspan tanka su ota, makoce canhanpi tiktica, qa can wihdi yukan.

9 Makoce kin he en aguyapi icakije śni yan yate kta, qa he en takudan inicakije kte śni, makoce kin he en inyan kin hena mazasapa, qa he kin etanhan mazaśa yaqe kta.

10 Hecen wayate qa inimna kta, qa Jehowa Wakan yada makoce wašte niču kin heon dawašte kta.

11 Awanihdaka wo, okini Jehowa Wakan yada kin ayektonje cin on tawoahope, tawoyaco, qa tawokage nakaha ope ciśi kin yapatani kte śni.

12 Okini wayate qa winipi, qa tipi waštešte yakage qa oyati;

13 Qa pte nitawa, qa taħınca nitawa ihduotapi, qa mazaska nitawa, qa mazaskazi nitawa ota aye qa taku duhe cin owasin ota kinhan;

14 Nicante kin ihduwankantu-ya, qa Jehowa Wakan yada Egipta makoce wayaka tipi kin etanhan hđinanpe niye ciqon ayektonje cin.

15 He ĥopuza tanka qa okopa, wamduśka wahuħnaħya, qa wamduśka sinte wipekiya ko yukan, qa puze ĥınca omani niyan kin, mini wanica tuka wanhi inyan etanhan mini inanpe niciya.

16 Onśiničida niciye qa iniyute kta, qa oniwihanketa taku wašte nicicage kta; heon ĥopuza kin he en manna woyute niču kin, he nihunkakepi sdonyapi śni.

17 Maminiheca, qa minape waśaka kin woyuha kin de owasin mičicaga, ehe kte śni.

18 Tuka Jehowa Wakan yada

kin yeksuye kta, he iye woyuha kin he yakage kta e wowaśake niču, qa hecen nihunkakepi om wicotakuye iwahowicaye ciqon hduśtan anpetu kin de iyececa.

19 Jehowa Wakan yada aye-ktionje qa taku wakan tokeca owicayape, qa en wowidag ničiye qa wicitokam canpeśka makehde inayajin kinhan, awicakehan nitakunipi kte śni, anpetu kin de en sdonye ciciyapi.

20 Jehowa Wakan yada ho kin anayagoptanpi śni, heon anitakunipi kte śni, ikce wicaśta Jehowa nitokam atakuni śni wicaye cin he iyecen.

WICOWOYAKE 9.

1 Israel anagoptan wo, nakaha Jordan wakpa kin iduwege qa oyate nikapeya wicokcota, qa waśakśaka en wicayai kta, otowe tankinkinyan qa maħpiya ekta conkaśkeyapi kin hena tawa wicayaye kta.

2 Anaqi cinca, oyate tanka qa hanskaska sdonwicayaye qa hecen eyapi nayahon, Anaq cinca kin tuwe wicitokam najin okihi he?

3 Anpetu kin de en sdonya wo; Jehowa Wakan yada kin peta wahuħnaħye cin heca, nitokam iyopte kta, qa ihang wicaye kta, qa nitokam wicakawanke kta; hecen nape wicayaye kta, qa ecadan awihnuni wicayaye kta, Jehowa eniciye cin he iyecen.

4 Jehowa Wakan yada nitokam hena nape wicaye cin iyohakam, ihnuhan nicante kin en hecen eha, omaowotanna heon makoce kin de tawa waye kta e Jehowa he en hiyu mayan. Hiya oyate kin hena śicaya oħanyanpi kin heon Jehowa nitokam nape wicaya ce.

WOOPE ITAKIHNA,

5 Jehowa Wakan yada nihun-
kakepi Abereham, Izak, qa Ja-
kob wahowicaye ciqon hduſtan
kta, qa oyate kin hena ſicaya
ohanyanpi kin heon etanhan
Jehowa nape wicaye nitokapa
tanhan, qa makoce tawapi en
yai, qa tawa yaye kta, tuka, oni-
wotanna, qa nicante oze ecetu
kin heon etanhan ſni.

6 Oyate tahu patin henica, qa
makoce waſte kin de tawayaye
kta e Jehowa Wakan yada niçu
kin he oniwotanna heon etan-
han ſni kin he sdotkiya wo.

7 Hewoskan Jehowa Wakan
yada token cantiyahde yaye cin
he kiksuye ça akiktunje ſni wo.
Egupta makoce etanhan anpetu
wan en yahinanpe ciqon hetan-
han, makoce kin den yahipi kin
ecen, ohinniyan Jehowa yakipa-
jinpi ecee.

8 Eya Horeb en Jehowa canti-
yahde yaye cin, he etanhan Je-
howa canniye niyanpi, qa heon
ihang niyanpi kta tuka.

9 Inyan mdaska wicotakuye
Jehowa nicicaga, inyan mdaska
akan owapi kin hena iwacu kta
e he kin akan wai, qa anpetu
wikcemna tom, qa hanyetu wi-
kcemna tom he en manka, he
icunhan aguyapi wate ſni qa mini
mdatke ſni.

10 Unkan Jehowa inyan mda-
ska nonpa kin maqu, Wakantanka
napsukaza on owapi; anpetu
wan en imniciye ciqon ehan Je-
howa he akan peta cokaya tan-
han token oniciyapi qon he
iyecen.

11 Unkan anpetu wikcemna
tom, qa hanyetu wikcemna tom
ihanketa, Jehowa wicotakuye
inyan mdaska nonpa kin hena
maqu.

12. Qa Jehowa hecen emakiya,
Najin qa inaliniyan apamahde

hda wo. Oyate nitawa Egupta
makoce kin etanhan hdinanpe
wicayaye cin ihdutakunipi ſni
ce, canku omani wicawaſi qon
ohankoya etanhan ihdutokanpi,
maza ſdoyapi wakagapi wan içi-
cagapi.

13 Qa Jehowa hemakiya, Oyate
kin de wanmdaka, unkan inyun
oyate tahu patinpi hecapi ce.

14 Amayuſtan wo, unkan ma-
lipiya ihukuya tanhan ihang wi-
cawaye kta, qa cajepi kin waka-
juju kta, qa niye oyate hena
isanpa waſake ça otapi icalicici-
ye kta ce, eya.

15 Unkan mihduhomni, qa he
owancaya peta on itkonyan etan-
han apamahdedan waku, qu wi-
cotakuye inyan mdaska napin
minape napin ohna mduha.

16 Unkan wanmdaka, unkan
inyun Jehowa Wakan yadapi kin
en wayahtanipi, qa canku wan
Jehowa ope niſipi qon, he etan-
han ohankoya nihduhomnipi, pte-
jincadan ſdoyapi niçicagapi.

17 Hehan inyan mdaska kin
napin minape napin on mduza
nitokam elipewaye ça waka-
mdeca.

18 Hehan Jehowa cantiyahde-
yayapi, qa wayahtanipi iſta kin
itokam taku ſica ecanonpi kin
owasin on makata elipemiçiye,
Jehowa itokam, ecamon qon
iyecen, anpetu wikcemna tom,
qa hanyetu wikcemna tom agu-
yapi wate ſni, qa mini mdatke
ſni.

19 Jehowa tocanteptanye kata
on, canniye niyanpi on ihang ni-
yanpi kte cin kowakipa nakaſ;
unkan he ehan nakun Jehowa
anamagoptan.

20 Jehowa Aaron iſ eya nina
canniye on te ye kta, tuka he
ehan Aaron nakun on cewakiya.

21 Qa wayahtanipi kin ptejin-

WICOWOYAKE 10.

cadan yakagapi qon he iwa-cu, qa petan huḥnaliḥwaya, qa wakandeca, tanyan mdukpan, watuśekśeca iyecen cistinna, qa mdu kin ḥe etanhan wakpadan uye cin he en eḥpewayā.

22 Unkañ Tabera (Woḥuḥna-ḥye.) qa Masa (Iyutanyanpi,) qa Qibrot Hatawa (Wakonpi wicahnakapi) hena owasin en, Jehowa iyutan yayapi.

23 Qa Qadeś Barneya etanhan Jehowa ye niṣipi, qa hecen eniciyapi, Makoce wan ciṣupi kin he ekta itanwankanḥde yapi, qa tawa ya po ; tuka Jehowa Wakan yadapi kin i en iyeyapi, qa oie kin wicayadapi śni, qa ho kin eecen ecanonpi śni.

24 Anpetu totanhan sdonciyapi behantanhan ohinniyan Jehowa yakipajinpi ecee.

25 Qa Jehowa ihang niyanpi kta, keya, heon Jehowa itokam makata eḥpemiṣiye ciqon anpetu wikcemna tom, qa hanyetu wikcemna tom ake behanyan makata eḥpemiṣiya.

26 Qa Jehowa cewakiye ṣa ka-ken epa, Itancan Jehowa nita-oyate ihang wicaye śni ye, tawa wicayaya, qa nitanka kin on opewicayakiton, qa nape waśaka on Egipta etanhan hinanpe wicayaya.

27 Abereham, qa Izak, qa Jakob wowidag wicayaye ciqon wicakiksuya ye, oyate kin de wawakipajinpi qa śicaya oḥan-yanpi, qa waḥtanipi hena ekta etonwe śni ye.

28 Okini makoce wan etanhan hinanpe unyayapi qon, en kaken eyapi kta, Jehowa makoce wan en awicaye kta kewicakiye ciqon, tuka okihi śni kin heon, qa śice wicadake cin heon etanhan Egipta etanhan awicaye ṣa ḥe-woskan ṭewicaya, eyapi kta.

29 Tuka hena oyate nitawa, qa hena tawa wicayaya, qa nito-waśake tanḡa on, qa niḥupahu yahdukatin, qa ḥdinanpe wicayaya.

WICOWOYAKE 10.

1 He eḥan Jehowa hemakiya, Inyan mdaska nom kakan wo, eya tokaḥeya qon he iyecen, qa yuha ḥe kin akan mitankiyedan yau kta. Nakun can wohnaka wan niṣicage kta.

2 Eya inyan mdaska nom yakamdece ciqon akan wicoie wakage ciqon, ake inyan mdaska akan owawa kta, qa can wopiye ohna eyahnake kta.

3 Unkan Śitim can on wopiye wakage ṣa inyan mdaska nom wakakan, tokaḥeya qon iyecen, qa inyan mdaska kin napin nape ohna mduḥe ṣa ḥe kin akan wai.

4 Unkan wicoie wikcemna ḥe kin en peta cokaya tanhan Jehowa eniciyapi, anpetu omniciye en wowapi tokaḥeya iyecen owa, qa Jehowa hena maqu.

5 Hehan miḥdamna qa ḥe etanhan apamahde waku, qa inyan mdaska kin hena wopiye wakage ciqon he mahen owehnaka. Unkan mahen yanka, Jehowa emakiye cin iyecen.

6 Unkan Jaaqan cinca miniyowe tawapi etanhan Israel cinca iḥdakapi, Mosera ekta, Aaron henṭa, qa opazuntapi, qa cinhintku Eleazar tohe qon ohna wawayusna.

7 Hetanhan iḥdakapi Gudgoda ekta, qa Gudgoda etanhan Jotba ekta, makoce kin he mini wakpadan.

8 He eḥan Jehowa Lewi wicoun Jehowa wicotakuye tawa wopiye akiyuhapi kta wicayukinun-ke ciqon ; Jehowa itokam najinpi kta, qa wowidag iṣiyapi kta,

WOOPE ITAKIHNA,

qa iye caje kin on wayawaštepi kta, anpetu kin dehan aiyahdeya.

9 Heon etanhan Lewi kin hunka wanjin wicayapi kin makoce wicakipamnipi, qa tawayapi kte cin en opapi kte šni; tuka wotawayapi kin Jehowa hee ce, Jehowa Wakan yada wahowicaye ciqon iyecen.

10 Eya tokaheya anpetu wikcemna tom, qa hanyetu wikcemna topa hehanyan he kin akan manke ciqon ake iyena ecen waun. Unkan ake Jehowa anamagoptan, heon Jehowa ihang niyanpi kta cin šni.

11 Unkan Jehowa hemakiya, Najin, ekta hda. oyate kin wicitokam mani wo, hunkake wicayapi makoce wan wicawaqu kta, eya wakonza qon, he tawa yapi kta e ekta awicaya wo.

12 Wanna Israel Jehowa Wakan yada taku econ niši kin dee šni he? Jehowa Wakan yada koyakipe kta, tacanku owasin omayani kta, qa Jehowa Wakan yada nicante ocowasin on, qa ninagi ocowasin on, wašte yadake kta, qa wowidag ničiye kta.

13 Qa Jehowa tawoahope oyape kta, nakun tawokage nakahope ciši, hecen tanyan yaun kta.

14 Wan małpiya kin, qa małpiya małpiya kin Jehowa Wakan yada kin he tawa, qa nakun maka kin taku ohnaka koya owasin.

15 Hececa tuka Jehowa nihunkakepi wašte wicadake kta e wicayuza, qa wicihakam cincapi, niyepi oyate hiyeye cin owasin etanhan nicałnigapi, nakaha iyecen.

16 Heon etanhan nicantogepi kin bakiłdayapo; qa icimana tahu botin kiyapi šni po.

17 Jehowa Wakan yadapi kin Taku wakan Wakan dapi ee, qa

itancanpi itancan kin; Taku wakan tanka wašake a wohitika, qa owanyake eciyatanhan tuwedan itonpe šni, qa taku nahmana qupi icu šni.

18 Wamdenica wiwazica ko iwicakiya, qa tona oyate tokeca ehna unpi cante wicakiye a aguyapi wokoyake ko wicaqu.

19 Heon wicašta tokeca kin cante wicayakiye kta, Egipta en tokeca niye yaun qon nakaes.

20 Jehowa Wakan yada kin koyakipe a tawowidake yaun kta, qa iye en iyanihdaške kta, qa isnana cajeyan ceyakiye kta.

21 Taku datan kte cin hee, qa Taku wakan yada kin hee, wicołan tanka, qa ohitika ništa on wandake cin hena ecanicon.

22 Nihunkakepi wicanagi wikcemna šakowinpidan Egipta ekta ipi qon, qa wanna Jehowa Wakan yadapi kin małpiya wicanłpi hiyeye cin iyenakeca niyuotapi ce.

WICOWOYAKE 11.

1 Heon Jehowa Wakan yada kin wašte yadake kta, qa taku yuhe niši kin tawokage, tawoyaco, qa tawoahope kin hena anpetu owasin oyape kta.

2 Qa anpetu kin de en wasdotkiya po; nicincapi heepi šni hena Jehowa Wakan yadapi kin wawiyopeye ciqon wanyakapi šni qa sdonyapi šni, token tanka, qa nape kin wašake a łupahu katinkiya.

3 Qa Egipta cokaya, Egipta wicašta yatapi Paro, qa tamakoce owasin wowapetokeca, qa wocon ecawicakicon.

4 Qa Egipta ozuye kin sung akan yotankapi, canpahmihma ko Mde ša en kuwa aniupi tuka mini wiciwankam hiyuya; hecen

WICOWOYAKE 11.

Jehowa owasin ihang wicaya, anpetu kin de hehanyan.

5 Nakun hewoskan taku eca-niconpi ecen dehan yahipi,

6 Qa nakun Datan qa Abiram Eliab cinca he Ruben cinksiya, token ecawicakicon, Israel owasin wicacokaya maka kin i hdukawa, qa nawicapca, iyepi, qa tiyohnakapi, qa wakeya tawapi, qa taku yuhapi owasin.

7 Tuka nis niyepi wicohan tanka Jehowa econ qon niistapi wanyakapi.

8 Heon nakaha woahope ope cišipi kin owasin duhapi kta, hecen niyuwasakapi kta, qa makoce wan tawa yayapi kta e ekta dapi kin he en yaipi, qa tawa yayapi kta.

9 Qa hecen makoce wan he en asanpi canhanpi tiktica ko kaduze cin, he Jehowa nihunkakepi iwahowicaya, iye cincapi wicaqu kta kewicakiya, he akan anpetu kin yahduhanskapi kta.

10 Makoce wan tawa yaye kta e ekta yai kin he Egipta makoce etanhan yahidu kin iyecece šni; makoce kin he en taku kašta oyaju ca małcistinna wan iyecen nisiha on nayalıpanyan ecee.

11 Tuka makoce tawa yayapi kta e ekta dapi kin he makoce he qa kaksiza ko yukan, hecen małpiya eciyatanhan magaju kin yatkan.

12 Makoce kin he Jehowa Wakan yada kin awanyaka, omaka tokaheya ecen omaka owihanke kte cin hehanyan, ohinniyan Jehowa Wakan yada ista kin on atonwan yanka.

13 Unkan kaketu kte, anpetu kin de en woahope ope cišipi kin tanyan nayalıonpi, qa Jehowa Wakan yadapi nicantepi kin on, qa ninagipi ocowasin on, wašte yadapike ca wowidake niyanpi yeciunpi kinhan;

14 Makoncage iyenantu eca nitamakocepi kin amagaju waqu kta, magaju tokaheya, qa magaju ehakedan, hecen aguyapi su nitawa, qa miniša nitawa, qa can ihdi nitawa, yatpahi kta

15 Qa tinta nitawa kin en woteka nitawa on peji icalı wicaweciye kta, hecen wayate ca winipi kta.

16 Itoniipa po, okini nicantepi kin ičihnayanpi, qa nihduhonnipi, qa taku wakan tokeca itokam canpeška makehde ničihnakapi, qa wowidag niyanpi nonce.

17 Kinhan Jehowa tocanniye itkon kiye ca małpiya kin anakipte kta, hecen magaju wanice kta, qa maka kin aicage kte šni, qa makoce wašte Jehowa ničupi kin hetanhan kohanna ihang niyanpi kta.

18 Heon mioie kin dena nican-tepi kin ninagipi ko akan ehna po, qa ninapepi kin on wapetog-tonyan iyakaška po, qa niitepi en niistapi otahedan ohinniyan duhapi kta.

19 Qa nicincapi kin hena onspe wicyakiyapi kta, tohan yati kin ohna idotanke ca canku ohna mayani, qa makan inonke kte cin, qa ye kta eca hena caje date kta.

20 Qa yati tiyopa tošu, qa nitatiyopapi henakiya akan oya-wa kta.

21 Hecen maka kin Jehowa nihunkakepi wicaqu kta konza ewicakiye cigon, he akan anpetu nitawapi, qa nicincapi anpetu tawapi koya yuotapi kta, maka akan małpiya anpetu kin iyececa.

22 Woahope kin de ope cišipi kin ocowasin tanyan duhapi, qa Jehowa Wakan yadapi kin wašte yadakapi, qa tacanku owasin

WOOPE ITAKIHNA,

omayanipi, qa iye en iyanihda-
škapi kinhan ;

23 Jehowa ikce wicasta kin
hena owasin nitokam nape wica-
ye kta, qa hecen oyate nikapeya
tankinyanyan, qa wašakapi ta-
wa wicayayapi kta.

24 Makoce tonakiya ayahanpi
kin hena nitawapi kta ; ĥopuze
cin etanhan Lebanon ĥe kin
ekta hehanyan, qa wakpa kin,
Yuperat wakpa ktn etanhan wi-
yohpeyata miniwanca kin hehan-
yan makoce nitawapi kta.

25 Tuwedan nitokam najinhan
najin kte šni. Makoce tinskoya
ayahe cin owasin Jehowa Wa-
kan yadapi kin konicipapi, qa
ikonipapi wicakiye kta, eniciyapi
qon iyecen.

26 Nakaha woyawašte ociciya-
kapi, qa wotehi kin de nakun
wanyaka po.

27 Jehowa Wakan yadapi kin
tawoahope nakaha ope cišipi kin
he anayagoptanpi kinhan, wo-
yawašte kin ee kta.

28 Qa Jehowa Wakan yadapi
tawoahope nayahonpi šni, qa
canku nakaha omani cišipi kin
hetanhan nihduhomni, qa ta-
ku wakan tokeca sdonwicaya-
yapi šni kin hena owicayapapi
kinhan taku tehika kin hee kta.

29 Qa hecen ecanon kta, ma-
koce wan tawa yaye kta e ekta
de cin he tohan Jehowa Wakan
yada en iyaye niye cinhan, Geri-
zim ĥe kin akan woyawašte kin
datanin kta, qa Ebul ĥe kin
en wotehi kin datanin kta.

30 Paha kin hena Jordan aka-
sanpa wanka, wi aisinyan iyaye
cin canku iyade kin icahda,
More utuhu kin ikiyedani, Ka-
nani Araba (Omdaye puza) kin
Gilgal icunom ounyanpi makoce
tawapi kin en.

31 Makoce wan tawayayapi kta

e Jehowa Wakan yadapi kin ni-
cupi kin he en dapi kta e Jordan
iduwegapi, qa he tawayayapi
kta, qa en ounyayapi kta ;

32 Heon wokage, qa woyaco
owasin nakaha ociciyakapi kin
hena ecen ecanonpi kta, awan-
ihdaka po.

WICOWOYAKE 12.

1 Makoce wan Jehowa nihun-
kakepi wakan dapi kin tawa ya-
yapi kta e ničupi, tohanyan ma-
ka akan yanipi he ohna anpetu
owasin, wokage, qa woyaco ecen
ecanonpi kta e waktaya yaunpi
kta, dena eepi.

2 Ikce wicasta tawa wicayaya-
pi kte cin taku kašta on taku
wakan dapi kin ohodapi, ĥe
tehanwankantuya akan, qa paha
akan, qa can ape yukan owasin
ihukuya, ĥena dujujupi kta.

3 Wahna wošnapi tawapi ihang
yayapi kta, qa wakagapi tawapi
iyakapanpi kta, qa can wakan
tawapi petan ĥuhnaĥ yayapi kta,
qa taku wakan pagopi tawapi ya-
kawankapi kta, qa cajepi oyan-
ke kin he etanhan ihang yayapi
kta.

4 Jehowa Wakan yadapi kin
hecen ecayeconpi kte šni.

5 Tuka oyanke wan wicoun
nitawapi owasin etanhan, ohna
ti kta, qa caje kin hen ohnake
kta e kaĥnige cin he ayakitapi
kta, qa ekta yaipi kta.

6 Qa he ekta woĥuhnaĥyapi
nitawapi, qa wošnapi nitawapi,
qa taku icaĥyayapi iwikcemna-
mna kin, qa ninapepi taku qupi
kin, qa woyakapi wošnapi nita-
wapi, qa taku ikceya yaqupi, qa
wanunyanpi nitawapi, pte taĥin-
ca koya cinca tokapapi kin owa-
sin hiyuyayapi kta.

7 Qa hen wayatapi kta Jehowa

WICOWOYAKE 12.

Wakan yadapi kin itokam tiyohnaka nitawa om, Jehowa Wakan yada kin niyawašte kin on, taku ninapepi ekta yeyakiyapi owasin en widuŝkinpi kta.

8 Token nakaha deciya econkupi, wicašta otoiyoŝi iŝ taku owotanna kecin, he iyecen ecanonpi kte ŝni.

9 Makoce tawa yayapi kta e Jehowa Wakan yada niču kin he ekta, qa wookihpe kin ekta nahanhin yakipi ŝni nakaŝ.

10 Qa Jordan iduwegapi makoce tawa yayapi kta Jehowa Wakan yadapi ničupi kin hen ounyayapi kta, qa toka niyanpi nihduksan unpi owasin etanhan iyoziŝniyanpi kta, hecen okope wanin ounyayapi kta.

11 Unkan oyanke wan yuke kta, Jehowa caje kin ohna yanke kta, tukten hdaŝnige kte cin hentu; he ekta wohuŝnahiyayapi, qa taku waduŝnapi kin, qa taku icaŝiyayapi etanhan iwikcemna-mna kin, qa wodakapi, taku Jehowa iwahoyayapi etanhan taku iyotan wašte owasin, taku au ciŝipi owasin ayahipi kta.

12 Qa hen Jehowa Wakan yadapi kin itokam widuŝkinpi kta, niyepi, qa nicincapi, qa nicunkŝipi; hokŝipidan, qa wicinyanpidan wicaduhapi koya, qa nakun Lewi kin tona otonwe nitawapi ohna unpi; niyepi ehna iye makoce onŝpa yuhapi ŝni nakaŝ.

13 Awanihdaka wo, oyanke tona wandake cin owasin ohna wohuŝnahiyapi nitawa huŝnahiyakiye kte ŝni.

14 Tuka wicoun nitawapi wanji ohna, oyanke wan Jehowa kaŝnige kte cin, hen taku huŝnahiyaye cin huŝnahiyakiye kta, qa hen taku econ ciŝi kin owasin ecanon kta.

15 Takomni woyawašte Jeho-

wa Wakan yada niču kin iyecen otonwe nitawa owasin ohna wayapate ça tado yate kta, tuwe ŝapa, qa tuwe ska he yute kta, tatokadan qa tahnca ikce iyecece kta.

16 Tuka we kin yate kte ŝni, he mini iyecen maka kin ayakaŝtan kta.

17 Otonwe nitawa ohna dena owasin etanhan ongedan yuta oyakihi kte ŝni, aguyapi su nitawa iwikcemna kin, qa miniŝa nitawa, qa can ihdi nitawa iwikcemna kin, pte, qa tahnca wanunyanpi nitawa cinca tokapa kin, qa taku wodaka yakonze cin owasin, qa taku ninape koze cin.

18 Tuka hena oyanke wan Jehowa Wakan yada kaŝnige kte cin he ohna, Jehowa Wakan yada kin itokam hena yate kta, niye, qa nicinkŝi, qa nakun nicunkŝi, hokŝidan qa wicinyanna wicaduhe cin, qa Lewi kin otonwe ohna ti kin, qa tuku ninape iyohiye cin owasin on Jehowa Wakan yada itokam iduŝkin kta.

19 Awanihdaka wo, anpetu nitawa owasin maka nitawa akan nanke cin ihnuhan Lewi kin aduŝtan kin.

20 Tohan Jehowa Wakan yada kin makoce nitawa kin yutanka, eniciye cin iyecen, qa ninagi tado yute kta kon kinkan, heon tado wate kta ehe kta, hehan token ninagi cin kinhan, iyecen tado yate kta.

21 Oyanke Jehowa Wakan yada kin caje ohna ehna ke kta e kaŝnige kte cin he nitantanhan tehan kinhan, pte nitawa qa tahn wanunyanpi nitawa Jehowa niču kin, hena etanhan yapate kta, econ ciŝi kin iyecen, qa otonwe nitawa ohna yate kta, taku ninagi cin kin owasin.

WOOPE ITAKIHNA,

22 Token ikce tatokadan qa ikce tahnca yutapi kin he iye-
cen he yatapi kta, tona šapa qa
tona ska sakim he yutapi kta.

23 Tuka we kin yate kte šni,
waditaka wo, we kin nagi kin
hee, qa tado kin iyahna nagi kin
yate kte šni.

24 Ihnuhan he yate cin, he
maka akan ayakaštan kta, mini
iyecen.

25 Taku Jehowa išta kin en
ecetu ecanon kinhan, niye tan-
yan yaun kta, qa nihakam ni-
cinca nakun, heon he yate kte
šni.

26 Tuka taku yuwakanpi nici-
yuke cin owasin, qa taku odate
cin oyanke Jehowa kašnige kte
cin he ekta yuha yahi kta.

27 Qa wahlnahyaye cin, tado
kin, qa we kin Jehowa tawahna
wošnapi akan hūhnañ yaye kta,
tuka wopida wošnapi nitawa we
kin Jehowa Wakan yada tawa-
hna wošnapi akan kaštanpi kta,
qa tado kin yate kta.

28 Wakta wo, qa wicoie kin
dena nakaha eciciyapi owasin
nañon wo, hecen tanyan yaun
kta, nakun nicinca nihakam
owihanke wanica, Jehowa Wa-
kan yada išta kin en taku wašte
qa ecetu ecanon kinhan.

29 Tohan ikce wicašta tawa wi-
cayaye kta e ekta de cin Jehowa
Wakan yada nitokapa tanhan
wicakašpe cinhan, tawa wicaya-
ye cinhan qa makoce tawapi en
yakidotanke cinhan;

30 Awanihdaka wo, okini nito-
kapa tanhan ihang wicayapi
iyohakam nihmunkapi, qa econpi
qon iyecen ecanon; qa okini
taku wakan dapi kin ayakite ɕa
Ikce wicašta kin hena token
ohodapi kin he iyecen ecanon
kta, ehe kta.

31 Jehowa Wakan yada kin

hecen ecayecon kte šni. Hena
wowahnte šni Jehowa šice dake
cin.hena owasin taku wakan da-
pi kin ecawicakiconpi nakaš, qa
nakun cincapi wica winyan koya
taku wakan dapi on petan hūh-
nahwicayapi.

32 Wicoie econ cišipi kin owa-
sin ecen ecanonpi kta e patan
po; he ekta takudan ayakage
kte šni, qa etanhan ongedan ba-
yašpe kte šni.

WICOWOYAKE 13.

1 Niyepi ehna waayata wan,
qaiš tuwe wowihanmna ihanmna
wan najin, qa wowapetokeca
qaiš oñan wakan wan eniciye cin-
han;

2 Qa wowapetokeca, qa oñan
wakan eniciye cin ecetu ešta,
Taku wakan tokeca (sdonwica-
yaye šni kin hena) Iho unkopapi
qa ohoundapi kta eye cinhan;

3 Waayate kin he, qaiš wowi-
hanmna ihanmna kin he oie kin
anayagoptan kte šni. Jehowa
Wakan yadapi kin he nicantepi
ocowasin on, qa ninagipi ocowa-
sin on wašte yadakapi kta, hecin-
han sdonye kta e Jehowa Wakan
yodapi iyuteniyanpi.

4 Jehowa Wakan yadapi kin
oyapapi kta, qa he koyakipapi
kta, qa tawoahope yapatanpi
kta, qa ho kin nayañonpi kta, qa
hee wowidake niyanpi kta, qa
en iyanihdaškapi kta.

5 Qa waayate kin he, qaiš
wowihanmna ihanmde cin he ɕe
yapi kta, he Jehowa Wakan ya-
dapi Egipta makoce etanhan
hdinanpe niyanpi, qa woyaka
tipi kin etanhan openicitonpi kin
he ayuštañpi keniciyapi, hecen
canku Jehowa Wakan yada
omani niši kin etanhan token
iyaye niye kta; hecen niyepi

WICOWOYAKE 14.

ehna tanhan taku šica yakasotapi kta.

6 Tohan nihunkawanji nihun cinhintku, qaiš nicinkši, qaiš nicunkši, qaiš nitawin niitpi ohna wanke cin, qaiš nitakoda ninagi iyecen teyahinda kin, hena unman tukte, cinniciye ɕa Taku wakan tokeca ekta unyanpi, qa ohowicundapi kte, nahmana eniciye cinhan, sdonwicayaye šni nihunkakepi nakun.

7 Oyate nihdukšan unpi nikiyedan yakonpi, qaiš itehanyan maka anog owihanketa yakonpi taku wakandapi kin hena,

8 Adupte kte šni, qa anayagoptan kte šni, qa ništa itonkipe kte šni onšiyakida kte šni, qa akalipe yakiye kte šni.

9 Tuka awicakehan te yaye kta, ktepi kta e ninape tokaheya ape kta, qa ohakam oyate owasin napepi.

10 Inyan on yakinin kta, qa te kta, Jehowa Wakan yada wayaka tipi etanhan, Egupta makoce etanhan inanpe niye cin oyape cin etanhan nape niye kta akita nakaš.

11 Unkan Israel owasin nahonpi kta, qa kokipapi kta, qa ake taku šice kin de iyecen niyepi ehna econpi kte šni.

12 Tohan otonwe ohna ounyayapi kta e Jehowa Wakan yada niçu kin, hena wanji ohna heyapi nayahon kinhan,

13 Wicašta Beliyal (Wowahite šni) cinca niyepi ehna tanhan inanpapi, qa otonwe tawapi wicašta ounyanpi kin cin wicakiyapi, qa, Ihopo taku wakan tokeca ohoundapi kta eyapi, hena sdonwicayayapi šni.

14 Hehan oyade kta, qa ayakite ɕa tanyan inonge kta, wowahite šni kin de niyepi ehna un, wicoie nayahon kin he wicake ɕa ecetu hecinhan.

15 Otonwe kin he ounyanpi kin canłipi hi kin on wicayakaštate kta, ocowasin ihang yaye kta, qa taku ohna un kin owasin tawanunyanpi nakun canłipi hi on.

16 Qa wahpaya kin owasin ocanku kin cokaya mnayaye kta, qa peta on hulahiyaye kta, Jehowa Wakan yada kin on otonwe qa tawahpaya owasin ocowasin, hecen owihanke wanin otiwota kta icimana ticagapi kte šni.

17 Qa he ocowasin ihang yapi kin etanhan takudan ninape askape kte šni, hecen Jehowa tocanniye kate cin ahduštan kte ɕa wowaonsida niçu, qa cante niciye kta, qa niyuotapi kta, nihunkakepi iwahowicaye cigon iyecen.

18 Jehowa Wakan yada išta kin en taku ecetu ecanon kta, tawoahope nakaha ope ciši owasin yapatan kta e Jehowa Wakan yada ho kin anayagoptan eca.

WICOWOYAKE 14.

1 Jehowa Wakan yadapi cinkši niyanpi, heon tuwe kašta te cin on canicipapi kte šni, qa ništapi otahedan šda yakasanpi kte šni.

2 Jehowa Wakan yada taoyate wakan he niyepi, qa oyate owasin maka ite akan yakonpi etanhan oyate tawahinca niyanpi kta e Jehowa nicałnigapi.

3 Taku wahite šni wanjidan yate kte šni.

4 Woteca yatapi kta dena eepi. Tatanka qa tałin wanunyanpi ska, qa tałin wanunyanpi tatokadan.

5 Tałinca, qa tatokadan, qa hehaka, qa tatoka, qa ta, qa tinta tatanka, qa Zemer.

6 Qa woteca tona wayata konza šake jata, šake ocowasin ki-

WOOPE ITAKIHNA,

našpe cin, woteca kin hena yatapi kta.

7 Tuka wayata konzapi etanhan, qa šake kinašpapi etanhan dena yatapi kte šni, camo, qa maštinea, qa šapan kin, hena wayata konzapi ešta šake kinašpapi šni hena šapa yadakapi kta.

8 Qa kukuše kin siha kinašpa ešta wayata konze šni heon šapa yadakapi kta, cešpipi etanhan yatapi kte šni, qa tancan šapi kin dutanpi kte šni.

9 Qa taku mini ohna yanke cin owasin etanhan dena yatapi kta, taku hoape qa hocespu napin yukan hena owasin yatapi kta.

10 Qa taku hoape qa hocespu nice cin hena owasin yatapi kte šni, he na niyepi on šapapi.

11 Zitkadan tona šape šni kin hena owasin yatapi kta.

12 Tuka wahupakoza etanhan dena yatapi kte šni, huya, qa wanmdi, qa anog paska,

13 Qa raa, qa canška wanmndan, qa daya ocaje owasin,

14 Qa kangi ocaje owasin,

15 Qa hinhan ska, qa heca, qa canška, qa cetan ocaje owasin,

16 Qa hinhan kaga, qa yanešupa, qa tinsemet,

17 Qa mdega, qa mdoza, qa huntka,

18 Qa hoka, qa pehan, ocaje owasin, qa upupa, qa hupawakihdaka.

19 Qa nakun taku kinyan kin sdohan owasin niyepi on šape kta, he yatapi kte šni.

20 Wahupakoza šapa šni owasin yatapi kte.

21 Taku iyecinka te cin yatapi kte šni. Tuwe oyate tokeca otonwe nitawa ohna yanke cin he yaqu kta, qa he yute kta, qaiš oyate tokeca kin ekta wiyo-peyaye kta, Jehowa wakan yada taoyate yuwakanpi niyepi. Ta-

tokadan cinca he hunku taasanpi en oyahe kte šni.

22 Taku oyaju etanhan taku icage cin maga taku aicage cin owasin mdoketu otoiyohi iwikcemna kin dakinunkan kta.

23 Qa Jehowa Wakan yada itokam tukten caje kin ounye kta e kašnige kte cin, oyanke kin he ohna aguyapi su nitawa, qa miniša nitawa, qa can ihdi nitawa iwikcemnamna kin qa pte nitawa qa tahnca nitawa cinca tokapapi wiyedan kin yate kta; hecen Jehowa Wakan yada kin koyakipe kta anpetu owasin onspe ničiciye kta.

24 Qa tohan oyanke Jehowa Wakan yada caje ohna ehna ke kta e kašnige cin he tehantu on canku nicihanska, qa duha oyakitpani kinhan, tohan Jehowa Wakan yada niyawašte kinhan.

25 He mazaska on tokiyopeyaye kta, qa mazaska kin he ninape on payašte kta, qa oyanke Jehowa Wakan yada kašnige kte cin he ekta yai kta.

26 Qa taku kašta ninagi cin kin on mazaska kin yaqu kta, pte on, qa tahnca on, qa mini ša on, qa mini wakan on, qa taku ninape cin kin owasin on, qa hen Jehowa Wakan yada kin itokam yate kta, qa iduškin kta niye qa yati ohnaka owasin.

27 Nakun Lewi kin otonwe nitawa ohna ti kin he ehpeyaye kte šni, niyepi ehna makoce qa maga yuhe šni nakaš.

28 Mdoketu iyamni ihanketa taku omaka kin he icaš yaye cin iwikcemna kin owasin tankan hiyuyaye kta, qa otonwe nitawa ohna eyahnake kta.

29 Unkan Lewi kin he niyepi om makoce onšpa qa maga tawaye šni en hi kta, nakun tuwe oyate tokeca, qa wamdenica kin

WICOWOYAKE 15.

qa wiwazica otonwe nitawa ohna tipi kin hena owasin en hipi kta, qa yutapi qa wipipi kta, hecen Jehowa Wakan yada niyawašte kta taku ninape kage ça taku ecanon owašin en.

WICOWOYAKE 15.

1 Waniyetu šakowin ihanketa woyuške yakage kta.

2 Qa woyuške wicoie kin dee ; Jehowa tawoyuške eciyapi, heon tuwe takodaku qaiš hunkawanjitu taku oqu, qaiš icazo qu kin he kida kte šni, qa takodaku etanhan nape kin kiyuške kta.

3 Tuwe oyate tokeca etanhan yakida kta, tuka taku nitawa nihunkawanji yuhe cin ninape yuške kta.

4 Hececa ešta niyepi ehna wicašta onšika wanice kta, Jehowa Wakan yada makoce tawayayapi kta, qa duhapi kta niču kin he en Jehowa nina niyawašte kta nakaš ;

5 Woahope kin de nakaha ope ciši owasin yapatan qa ecen ecanon, qa Jehowa Wakan yada ho kin tanyan anayagoptan kinhan.

6 Jehowa Wakan yada niyawašte kta, eniciya iyecetu kinhan, ikcewicašta ota owicayaqu kta, tuka niye oyadote kte šni, qa ikcewicašta ota wowidag yaye kta, tuka niye wowidag niyanpi kte šni.

7 Makoce Jehowa Wakan yada niču kin ohna, otonwe nitawa ehna nihunkawanji etanhan wanji walpanica aye cinhan, nicante kin yahdutehike kte šni, qa nihunkawanji walpanica etanhan ninape kin yahdutehan kte šni.

8 Tuka he ekta ninape tankaya yakidugate kta, qa taku icakiye

cin tokakije cin on ohinniyan oyaqu kta.

9 Awanihdaka wo okini nicante kici wicoie wowahšte šni wan yuke ça waniyetu isakowin woyuške waniyetu kin he ikiyedan u ce, eha, qa nihunkawanji walpanica ekta ništa kin šice kta, qa taku yaqu kte šni ; unkan niye on Jehowa hoyekiya, qa woahtani niciyawapi kta.

10 Ohinniyan yaqu kta, qa yaqu kin on cante nišice kte šni ; hecen wicohan kin he on Jehowa Wakan yada kin niyawašte kta, taku ecanon owasin en, qa taku ekta ninape yeyakiye cin owasin en.

11 Makoce ohna wicašta walpanica tohini wanice kte šni, heon miye heciciya, Nitamakoce ohna nihunkawanji onšika, qa walpanica kin ekta ohinniyan ninape yakidugate kta.

12 Nihunkawanji Heberi wica winyan unman tukte kašta opeyaton, qa waniyetu šakpe wowidag yaye cinhan, qa waniyetu isakowin en enitanhan ikce iyaye yaye kta.

13 Qa ikce nitantanhan yeyaye cinhan, cokadan ye yaye kte šni.

14 Taku on Jehowa Wakan yada niyawašte kin yaqu kta, qa talinwanunyanpi nitawa etanhan, qa aguyapi su wopiye nitawa etanhan, qa miniša qa wihdi nitawa etanhan qin yaye kta.

15 Qa Egipta makoce ohna wowidake yaun qon, tuka Jehowa Wakan yada openiciton kin he yeksuye kta ; heon wicoie kin de nakaha ope ciši.

16 Unkan wašte nidake ça yati nakun waštedaka, qa tanyan nici un kin on, Nitan tanhan toki mde kte šni, eniciye cinhan ;

WOOPE ITAKIHNA,

17 Tahinśpa wan iyacu kta, qa noge tawa yapahdoke kta, tiyopa kin ekta, unkan ohinniyan oniciye kta. Wicinyanna nitawa nakun hecen ecayecon kta.

18 Wanna waniyetu śakpe wowidag yaya, qa ookiye wohitani opetonpi nonpa akihde oniciye, heon yati etanhan ikce yeyaye cin he niista kin en tehike kte śni; unkan Jehowa Wakan yada kin taku ecanon owasin en niyawašte kta.

19 Pte nitawa ehna, qa tahnca nitawa ehna tona caskepi owasin Jehowa Wakan yada kin on duwakan kta; tatanka nitawa caske kinhan hitani yakiye kte śni, qa tahnca nitawa caske hin kin duśda kte śni.

20 Omaka otoiyohei Jehowa Wakan yada itokam oyanke iye kahinige kte cin ohna, he yate kta, niye tiyohnaka nitawa om.

21 Tuka he ošteke cinhan, hušte qaiś istagonga, tuktee kašta śicaya ošteke cinhan, Jehowa Wakan yada on wayakiduśna kte śni.

22 Otonwe nitawa ohna he oyate kta, tuwe śapa qa tuwe ska sakim yutapi kta, ikce tato-kadan, qa hehaka iyececa.

23 Tuka we kin yate kte śni, maka akan yakaştan kta mini iyeceen.

WICOWOYAKE 16.

1 Abib (aguyapi itka) wi kin patan wo. Jehowa Wakan yada kin Abib wi kin en Egipta etanhan, hanyen hdinanpe niye cin, heon woacakśin yakage kta.

2 Qa woacakśin kin Jehowa Wakan yada wayakiduśna kta, tahnca, qa tatanka wanunyanpi nakun, tuktee Jehowa caje kin en ounye kta e kahinige kte cin, oyanke kin he en.

3 He kici aguyapi napohiyapi yate kte śni, anpetu śakowin icunhan aguyapi napohiyapi śni yate kta, aguyapi iyokiśinyapi; Egipta makoce etanhan inahniyan yahdinanpe nakaś; hecen anpetu Egipta makoce etanhan yahdinanpe cin he yeksuye kta, tohan yani anpetu owasin.

4 Makoce nitawa owancaya ohna onapohye niciyuke wanyakapi kte śni; anpetu śakowin hehanyan, qa anpetu tokaheya hitayetu taku waduśna etanhan, tado ongedan ihanhanna kin hehanyan en yanke kte śni.

5 Otonwe Jehowa Wakan yada niču kin otoiyohei ohna woacakśin waduśna oyakitpani kta.

6 Tuka oyanke wan Jehowa Wakan yada caje kin en yanke kta e hdahnige kte cin, hen woacakśin waduśna kte, hitayetu wiyyaye cin hehan, Egipta etanhan yahdinanpe cigon oniciyakapi qon iyehantu.

7 He ceyaonpe ça yate kte cinhan oyanke Jehowa Wakan yada hdahnige kte cin he ohna, qa ihanhanna nihdamna, qa nitawa-keya ekta yahde kta.

8 Anpetu śakpe aguyapi napohiyapi śni yate kta, qa anpetu isakowin en oniciye wakan kta, Jehowa Wakan yada kin on; wohitani ecanon kte śni.

9 Anpetu wakan śakowin nicidawa kta, isan śkopa aguyapi hu kin ekta toka yekiyapi etanhan, anpetu wakan śakowin dawakta.

10 Hehan anpetu wakan yawapi wohanpi Jehowa Wakan yada kin yecage kta, token Jehowa Wakan yada niyawašte, taku ninape iyokipiya okihi yaqu kta.

11 Qa Jehowa Wakan yada kin itokam widuśkin kta, niye, qa nicinkśi, nicunkśi, qa nitaho-

WICOWOYAKE 17.

kšidan, qa wicinyanna nitawa, qa Lewi kin otonwe nitawa ohna ti kin, qa tuwe tokeca, qa wamdenica, qa wiwazica, niyepi ehna unpi kin nakun; oyanke Jehowa Wakan yada kin caje ohna yanke kta e hdañnige kte cin hen.

12 Qa Egupta ohna wowidag niyanpi yeksuye kta, qa wokage kin dena yapatan, qa ecanon kta.

13 Ohanzi hdepi wohanpi nicicage kta, anpetu šakowin, aguyapi su nitawa qa miniša qa wihdi nitawa mnanyan yahduštan kinhan.

14 Qa wohanpi wakan nitawa en widuškin kta, niye, qa nicinkši, qa nicunkši, qa nitahokšidan, qa wicinyanna nitawa, qa Lewi kin, qa tuwe oyate tokeca, qa wamdenica, qa wiwazica otonwe nitawa en tipi kin owasin.

15 Taku icañyaye cin owasin en, qa woñtani ninape econ kin owasin en Jehowa Wakan yada kin niyawašte kta, qa nina widuškin kta, heon oyanke Jehowa kañnige kte cin ohna anpetu šakowin Jehowa Wakan yada wohanpi yecage kta.

16 Mdoketu otoiyohi tona wica owasin Jehowa Wakan yada kin itokam yamni akihde nihdutaninpi kta, oyanke kañnige kte cin en, aguyapi napohiyapi šni, wohanpi en, qa anpetu wakan yawapi kin wohanpi en, qa ohanzi hdepi wohanpi en; qa Jehowa itokam tuwedan cokadan ihdutanin kte šni.

17 Jehowa Wakan yada niyawašte kin, taku niču kin etanhan otoiyohi token nape kin qu okihi, he iyecen ahi kta.

18 Wicoun nitawa on, otonwe Jehowa Wakan yada niču kin owasin ohna wicašta wayacopi, qa wowapi kagapi ničicagapi

kte; unkan woyaco owotanna on oyate kin wicayacopi kta.

19 Woyaco duktan kte šni, qa wicite ihayakta kte šni, qa taku nañmana qupi iyacu kte šni, taku nañmana qupi kin wicašta ksapa išta gonge wicaya, qa tona owotanna oiepi, wicayupemni ecee.

20 Woowotanna ohinniyan opa wo, hecen yani kta, qa makoece Jehowa Wakan yada niču kin he tawa yaye kta.

21 Taku kašta can Ašere (Wakagapi) huyahde kte šni, Jehowa Wakan yada tawahna wošnapini nicicage cin ikiyedani.

22 Qa wakagapi wan eyahde kte šni, Jehowa Wakan yada he šicedaka.

WICOWOYAKE 17.

1 Tatanka, qaiš tañinca ošteka, taku kašta en šice cin he Jehowa Wakan yada kin wayakidušna kte šni, he Jehowa Wakan yada wañteda šni nakaš.

2 Tohan niyepi ehna otonwe Jehowa Wakan yada niču kin wanji ohna wicašta, qaiš winohinca wan Jehowa Wakan yada išta kin en taku šica econ, qa otakuye tawa kin acakšin iye-yapi;

3 Qa ekta ye ça taku wakan tokeca ohoda, qa wicitokam patuja, anpetu wi, qaiš hanyetu wi, qaiš mañpiya obe wanji unmantukte kašta miš hecon waši šni.

4 He oniciyakapi, qa nayahon, qa tanyan inonge, qa inyun wicakapi, qa wicoie ecetu, wowahñteda šni kin he Israel ohna econpi kinhan;

5 Wicašta kin he, qaiš winohinca kin he, wicoie šice cin he econpi kin otonwe tiyopa ekta hinanpe yaye kta, qa wicašta kin he, qaiš winohinca kin he inyan

WOOPE ITAKIHNA,

on wicayakinin kta, hecen tapi kta.

6 Wayaotanin nonpa, qais wayaotanin yamni ipi kin on tuwe te kta iyececa te yapi kta, wayaotanin wanjidan i kin on tuwedan te yapi kte sni.

7 Te yapi kta e wayaotaninpi napepi tokaheya aonpapi kta, qa ohakam oyate iyulipa; hecen wosice kin he niyepi etanhan dutokan kta.

8 Tohan otonwe nitawa ohna wicoieakinicapi, wicawe wicawe kici, taku yuhapi tuwe tawa, kastakapi tuwe econ he? qa wicoie yacopi tehika on iyohi yaye sni kinhan, nayajin kta, qa oyanke Jehowa Wakan yada hdahnige kte cin he ekta yai kta.

9 Qa wawayusnapi Lewi kin ekta yai kta, nakun tuwe anpetu kin hena en wayaco heca ekta, qa odate kta, unkan woyaco wicoie kin oniciyakapi kta.

10 Qa oyanke Jehowa hdahnige kte cin wicašta etanhanpi i on wicoie oniciyakapi ecekcen ecanon kta; qa taku onspeniciyapi owasin iyecen aiciciya ecanon kta.

11 Woope i kin onspeniciyapi, qa woyaco oniciyakapi iyecen ecanon kta, wicoie oniciyakapi etanhan icunom etapa, qa catka unmantukte kasta ektakiya idade kte sni.

12 Qa wicašta tuwe wahanhan icidaya ohanyan, qa wawayusna hen najin, qa Jehowa Wakan yada okiye cin anagoptan sni, qais wayaco kin nahon sni, wicašta kin he te kta; hecen sica kin he Israel etanhan dutokan kta.

13 Unkan oyate kin owasin nahonpi, qa wakokipapi kta, qa icimana wahanicidapi kte sni.

14 Tohan makoce Jehowa Wa-

kan yada niču kin ekta yai, qa tawa yaye ca en idotanke cinhan, qa, Wicaštayatapi wan micicage kta, ikce wicašta nihduksan unpi owasin econpi he iyecen, ehe cinhan;

15 Tuwe Jehowa Wakan yada hdahnige kte cin hee wicašta yatapi nicicage kta, nihunkawanjipi etanhan wicašta yatapi nicicage kta Nihunkawanjipi etanhan sni wicašta oyate tokeca wicašta yatapi nicicage kte sni.

16 Tuka sunktanka hduota kte sni, qa sunktanka hduota kta e oyate kin Egipta ekta kihdewicaye kte sni. Jehowa canku kin de ohna icimana idadapi kte sni eniciyapi qon nakaš.

17 Winohinca nakun hduota kte sni, hecen cante kin yuhomnipi kte sni, Nakun mazaska ota hinca mnaiciye kte sni.

18 Unkan tokiconze oiyotanke kin akan kiyotanke cinhan, woope kin de wowapi wan oiciwa kta wawayusnapi Lewi kin wicitokam wowapi yanke cin iyececa:

19 Qa he kici un kta, qa tohanyan ni kin anpetu owasin he en yawa kta; hecen Jehowa iye Wakan da kokipe kta onspe kta qa woope kin de oie kin owasin patan kta, qa wokage kin dena econ kta.

20 Qa hunkawanjitku wiciwan-kam cante kin ihduwankantuya kte sni, qa woahope etanhan ihduhomni kte sni, etapa catka unman tukte ekta kiya.

WICOWOYAKE 18.

1 Wawayusnapi Lewi kin, Lewi wicoun ocowasin wopamni, qa maga takudan yuhapi kte sni. Israel om, Jehowa tapeta wošna-

WICOWOYAKE 18.

pi, qa taku tawa kin he yutapi kta.

2 Tuka hunkawanji wicayapi ehna makoce yuhapi kte šni, Jehowa hee tawa yapi, ewicakiye cin iyecen.

3 Qa oyate etanhan, tona woš-napi wan patapi etanhan wawayušnapi tawoyacopi kin dee; tatanka, qaiš tahinca etanhan isto, qa tapon napin qa tezi kin wawayušna qupi kta.

4 Aguyapi su, qa hastanhanka, qa can ihdi hena etanhan taku toka suton, nakun tahinca nitawa hin tokaheya yušdapi kin wicayaqu kta.

5 Jehowa Wakan yada kin nitawicoun owasin etanhan Jehowa caje kin on wowidake najinpi kta e hena wicakalniga, qa cincapi nakun anpetu owasin.

6 Unkan Lewi wan otonwe nitawa wan etanhan Israel ohna tukten yanke ciqon etanhan u, qa nagı kin iyokipikiye kta e oyanke Jehowa hdašnige kte cin ekta hi kinhan.

7 Qa hunkawanji wicaye cin Lewi kin owasin Jehowa itokam hen najinpi kin iyecen, Jehowa caje, iye Wakan da caje kin on wowidake un kte cinhan;

8 Taku pamnipi etanhan unman yutapi iyecen yute kta, tuka taku ateyapi etanhan tawayapi kin iyopeyapi kin hecece kte šni.

9 Tohan makoce Jehowa Wakan yada niču kin he ekta yai kinhan, ikcewicašta kin hena wowahite šni econpi kin iyecen onspe ničiciye kte šni.

10 Wicašta tuwe iye cinhintku, qaiš cunwintku peta iyopte kiye kta wanjidan iyeyapi kte šni, nakun waayate mahpiya etanhan, qaiš wamduška etanhan, qaiš hmungapi etanhan waayatapi kin;

11 Qa waajijisa, qa wapiyesa, qa wasdonyapi ihdawapi, qa wicanagiiyayapi kin awicakitapi.

12 Tona taku hececa econpi kin owasin Jehowa wahite wicada šni nakaš, qa wowahite šni kin hena on etanhan Jehowa Wakan yada nitokapa tanhan hena nape wicaya.

13 Jehowa Wakan yada kici ecetu hinca yaun kta.

14 Ikce wicašta tawa wicayaye kte cin hena wahmungapi, qa mahpiya etanhan waayatapi, kin hena anawicagoptanpi, tuka niye hecen ecanon kta Jehowa Wakan yada iyowin niciye šni.

15 Jehowa Wakan yada kin nihunkawanjipi etanhan niyepi ehna waayate iyemaceca icalı niciyapi kta; hee anayagoptan kta.

16 Horeb ekta omniciye anpetu kin en, Jehowa Wakan yada etanhan taku yakida kin owasin iyecen, Tokin icimana Jehowa Wakan wada ho kin nawahon kte šni, qa peta tanka kin de icimana wanmdake kte šni, hecen maše kte šni, eha.

17 Unkan Jehowa hemakiya, Taku eyapi kin he wašte.

18 Hunka wanjinpi wicehna tanhan waayate wan icalı wicawakiye kta, niye iyeniceca, qa mioie iye en yewakiye kta, qa taku eye waši kin owasin ewicakiye kta.

19 Qa mioie micajeyan eye kte cin wicašta tuwe nahon šni kinhan, miš toweçon kta.

20 Tuka waayate, tuwe taku eye waši šni wahaničidaya ie cinhan, qa tuwe taku Wakan tokeca cajeyan ie cinhan, waayate kin he te yapi kta.

21 Unkan, Token wicoie Jehowa eye šni sdonyapi kta? nicante mahen ehe cinhan.

WOOPE ITAKIHNA,

22 Wicoie waayate Jehowa cajeyan eye cin he ecetu śni, qa wicoie kin he hi śni kinhan, wicoie kin he Jehowa eye śni, waayate kin he wahaničidaya ia, heon koyakipe kte śni.

WICOWOYAKE 19.

1 Tohan Jehowa Wakan yada ikce wicaśta makoce tawapi niču kin hena Jehowa Wakan yada wicakaśpe, qa he tawa yaye, qa otonwe tawapi, qa tipi tawapi ohna yakidotanke cinhan.

2 Makoce Jehowa Wakan yada tawa yaye kta e niču kin he ohna otonwe yamni nicidukinukan kta.

3 Qa canku tanyan nicicage kta, qa makoce tawayaye kta e Jehowa Wakan yada niču kin he yamni kiya iyakago kta, hecen tuwe wicaśta wan kte kinhan hen nape kta.

4 Qa tuwe wicaśta wan kte kin on wicoie kin dee. Tuwe takodaku wanun kte, qa hektam he śice dake śni kin hen onape kta, qa ni kta.

5 Qa takodaku kici taśkoju ekta can kakse kta e i, qa can wan kakse kta e onspe yuha nape ye kiya, unkan onspe kin ihupa kin etanhan ihduśdoke qa takodaku ape cin on ƣe cinhan, he otonwe kin hena wanji ekta nape kta, qa ni kta.

6 Heconpi śni kinhan, okini tuwe we tokicon kin cante kata icunhan tin kte kin kuwa eyaya, qa canku kin hanska on kihdege kta, qa kte kta tuka, wicanagi kin he woyaco on ƣe kte śni, he itokam śice dake śni nakaś.

7 Heon woope wakage qa otonwe yamni nicidukinukan kta eciya.

8 Unkan Jehowa Wakan yada

nitamakoce niciyutanka kinhan, nihunkakepi konza ewicakiye cin iyecen, qa makoce nihunkakepi wicaqu kta kewicakiye cin owasin niču kinhan ;

9 Qa woahope kin de nakaha ope ciśi owasin yapatan kinhan, qa Jehowa Wakan yada kin waśte yadake qa anpetu owasin tacanku omayani kinhan, otonwe yamni kin dena isanpa otonwe yamni nakun dukinukan kta.

10 Hecen makoce nitawa tawayaye kta Jehowa Wakan yada niču kin ohna wicawe taku iyaonpepicaśni paponpi kte śni, qa wicawe niciyawapi kte śni.

11 Tuka tohan wicaśta wan takodaku śice kidake qa hmunke qa anajin, qa nagi kin ape cin on ƣe cinhan, qa otonwe kin hena ekta wanji nape cinhan ;

12 Otonwe tawa hunkayapi kin akicita ekta yewicaśipi kta, qa hetanhan he icupi kta, qa we tokicon nape en qupi kta ; hecen ƣe kta.

13 Niiśta kin onśikidake kte śni, tuka wicawe iyaonpepicaśni paponpi Israel etanhan dutokan kta, qa tanyan yaun kta.

14 Makoce Jehowa Wakan yada tawa yaye kta e niču kin en, makoce onśpa tawayaye kte cin en wicaśta ehanna makoce icago nicicagopi, nitakoda tamaga icago kin dutokan kte śni.

15 Wicohan taku kaśta on, qa woahitani taku kaśta on wayaatanin wanjidan wicaśta anajin kte śni, woahitani wicaśta wahitani kin owasin en wicoie kin wayaatanin nonpa ipi on, qaiś wayaatanin yamni ipi on yasutapi kta.

16 Wayaatanin wakiunniyan wicaśta wan anajin, qa wicohan śica wan econ, eya yaatanin kinhan,

WICOWOYAKE 20.

17 Wicašta waakinicapi napin Jehowa itokam najinpi kta, wayayusnapi, qa anpetu kin hena en wicašta wayaco hecapi itokam,

18 Unkan wayaco kin tanyehi iwangapi kta, qa wayaatanin itonšni, hunkawanjitku en itonšniyan woyaatanin oyake cinhan;

19 Taku šice cin hunkawanjitku ecakicon kta konze cin, he iyecen ecakiconpi kta; hecen niye cokaya tanhan wicošan šica dutokanpi kta.

20 Unkan unman nahonpi qa kokipapi kta; qa niyepi ehna icimana wicoie šica kin he iyecen econpi kte šni.

21 Niišta kin he onšikidake kte šni, tuka wicanagi on wicanagi, wicišta kin on wicišta, hi wan on hi, nape on nape, siha on siha.

WICOWOYAKE 20.

1 Toka niyanpi azu wicayaye kta e tankan idade ča šuktanka, qa canpahmihma, qa oyate nikapeya ota wandake cinhan, ihnuhan kowicayakipe cin; Jehowa Wakan yada Egipta makoce etanhan hdinanpe niye cin nici un nakaš.

2 Qa wokicize ikiyeddan idadapi kinhan, wawayušna kin en najin kta, qa oyate kin wahokon wiciye kta.

3 Qa hewicakiye kta; Israel nahonpo. Toka niyanpi wicayakizapi kta anpetu kin de ikiyeddan yaunpi; ihnuhan canniwankapidan kin. Ihnuhan kowakipapi, qa nayajicapi, qa wicitokam niyušinyayapi kin.

4 Jehowa Wakan yadapi kin toka niyanpi wicakize kta, qa niyepi ni niyanpi kta e nicipi ya ce.

5 Unkan wowapi kagapi kin iapi, qa oyate kin hewicakiyapi kta. Wicašta tuwe kašta tipi teca wan icicage ča nahanhin he yawakan šni kin, he hdicu qa ti kin ekta kihde kta; okini wokicize en če kta, unkan wicašta tokeca he yawakan kta.

6 Qa wicašta tuwe hastanhan-ka iyuwi ojupi wan hu hde, qa nahanhin he yaikceke šni kinhan, iyaye ča ti kin ekta kihde kta; okini wokicize en če kta, unkan tuwe tokeca he yaikceka kta.

7 Qa wicašta tuwe winohinca wan wayuŕpe ča nahanhin yuze šni kinhan, hdicu qa ti kin ekta kihde kta; okini wokicize en če kta qa wicašta tokeca he yuze kta.

8 Qa Wowapi kagapi nakun iapi qa oyate kin hewicakiyapi kta; Wicašta tuwe kokipe ča canwankadan kinhan, hdicu qa kihde kta; hecen hunkawanjin wicaye cin cantepi skan kte šni, iye cante kin iyecen.

9 Qa wowapi kagapi oyate wahokon wicakiyapi ayaštanpi kinhan oyate wiciwankam mdetan- hunka wicakicagapi kta.

10 Unkan tohantu kašta otonwe wan azuyaye kta e ikiyeddan idade cinhan, wookiye waho ya-ye kta.

11 Unkan wookiye aniyuptapi, qa niciyuŕdokapi kinhan, oyate en iyeyapi kin owasin tawa wicayaye kta, qa wowidag wicayaye kta.

12 Tuka wookiye nicicage šni, qa wokicize nicicage cinhan onayatake kta.

13 Qa Jehowa Wakan yada kin he ninape en qu kinhan, tona wica owasin canŕpi hi on wicayakte kta.

14 Tuka winohinca, qa šiceca,

WOOPE ITAKIHNA,

qa wanunyanpi, qa taku otonwe ohna un kin owasin, woyuha iyulpa kin niye on iyacu kta, qa tóka niyanpi tawoyuha Jehowa Wakan yada niçu kin he yate kta.

15 Otonwe tona ikce wicašta kin dena etanhan šni, tuka nitan-tanhan tehan unpi kin, hena owasin hecen ecawicayeconpi kta.

16 Tuka oyate kin dena makoce tawayayapi kta Jehowa Wakan yada niçu kin, otonwe tawapi etanhan tona niyapi owasin etanhan wanjidan niyaye kte šni.

17 Ĥiti kin qa Amori kin, qa Kanani kin, qa Perazi kin, qa Ĥiwi kin, qa Jebusi kin ocowasin ihang wicayaye kta, Jehowa Wakan yada econ niši kin iye-cen.

18 Hecen wowalhtešni, taku iye wakan dapi ecawicakiconpi owasin iyecen econ onspe ničiyapi kte šni, qa Jehowa Wakan yadapi awayahtanipi kte šni.

19 Qa otonwe wan anpetu ota onayatakapi, qa he iyacupi kta e yakizapi kinhan, can kin ihang yaye kta e onspe ekta ye yakiye kte šni, can kin he etanhan yate kta nakaš: heon yakakse kte šni, onatakapi kin on nun kta heon etanhan; maga can kin he wicašta on icaga nakaš.

20 Tuka can tona etanhan woyute wanica sdonyaya hena ihang yaye kta, hena yakakse kta, qa otonwe wokicize nicicage cin ohiyaye kte cin hehanyan can kin hena on conkaške nicicage kta.

WICOWOYAKE 21.

1 Tohan makoce Jehowa Wakan yada tawayaye kta e niçu kin ohna wicatančan wan ktepi

manin iyeyapi, qa tuwe he kte kin sdonyapi šni kinhan;

2 Hunkayapi kin, qa wayacopi kin hiyupi, qa wicatančan ktepi kin etanhan otonwe ihduksan unpi ekta iyutapi kta.

3 Unkan otonwe wicatančan ktepi ikiyedan, otonwe hunkayapi kin pte wanunyanpi pte he yuktanna tohinni Ĥitanikiyapi šni, qa can wanapin en tokšu šni icupi kta.

4 Qa otonwe kin he hunkayapi kin pte he yuktanna kin kaksiza wan ohinniyan mini kaduza ça yumdupi šni, qa ojupi šni ekta apamahdedan ayapi kta, qa hen kaksiza ohna pte he yuktanna pa baksapi kta.

5 Unkan wawayušnapi Lewi cinca kin ikiyedan hipi kta; Jehowa okiyapi kta, qa caje kin on yawaštepi kta, qa woakinice, qa kiunniyapi owasin ipi on anaptapi kta e Jehowa Wakan yada wicakahniga.

6 Unkan otonwe kin he hunkayapi owasin wicatančan ktepi kin ikiyedan hipi kta, qa pte he yuktanna kaksiza ohna pa baksapi qon iwankam nape hdujajapi kta.

7 Qa iapi qa heyapi kta, unnapipi we kin de paponpi šni, qa unkištapi tuwe hecon wanyakapi šni.

8 Jehowa Israel oyate nitawa opewicayakiton akalpe wicakiciya ye, qa wicawe tin wicaktepi oyate nitawa Israel wicakiciyawa šni ye; unkan wicawe kin akalpe wicakiciyapi kta.

9 Hecen tin wicaktepi we kin niyepi ehna tanhan dutokan kta, taku Jehowa išta kin en ecetu e ecanon kinhan.

10 Tohan tokaniyanpi wicayakize kta e tankan inayapa, qa Jehowa Wakan yada ninape en

WICOWOYAKE 22.

wicaqu, qa wayaka iwicayacu kinhan;

11 Qa wayaka ehna winohinca owanyag wašte wan wandake ça nina iyonicipi, qa nitawin on duze kta yacin kinhan;

12 Yati mahen hiyuyaye kta, qa pa hdušda kta, qa šake icaškiye kta.

13 Qa wokoyake wayaka icupi un kin hdušdoke kta, qa yati kin ohna yanke kta; qa atkuku hunku ko wi wanjidan anpetu iye-naka awicaceye kta; unkan he iyohakam ekta yai kta, qa hihna niye kta, qa nitawin hee kta.

14 Qa ohakam iyonicipi šni kinhan, toki cin kin ekta yeyaye kta, tuka mazaska on iyope yaye kte šni, qa wowidag yaye kte šni, onšika yakaga nakas.

15 Wicašta wan winohinca nonpa yuhe ça wanji wašte dakapi, qa unman šice dakapi, qa wašte dakapi kin, qa šice dakapi kin napin cinca kicitonpi, qa šice dakapi cinca kin he cinca tokapa kinhan.

16 Tohan taku yuhe cin he cinhintku yuhe wicakiye cinhan, šice dakapi caske cinhintku tokapa hinca itokam wašte dakapi cinhintku caske kage kte šni.

17 Tuka šicedakapi cinhintku kin caske yawa kta, qa taku tawa iyeyapi kin owasin nonpa akihde qu kta, hee tookihi otokahe, caske wayaco kin he tawa nakaš.

18 Tohan wicašta wan cinhintku wan šica, qa wawakipajin yuha, he atkuku ho kin qa hunku ho kin nahon šni, qa iyopekiyapi ešta nawicañon šni kinhan;

19 Atkuku hunku ko he yuzapi, qa oyanke tawapi tiyopa ekta totonwe tawapi hunkayapi ekta hiyuyapi kta.

20 Qa taotonwepi hunkayapi kin hewicakiyapi kta; Unkicin-

capi kin de šice ça wawakipajin, unhopi kin nahon šni, wicašta-šni, qa witkosa ce.

21 Unkan totonwepi wicašta owasin inyan on kininpi kta, hecen te kta. Hecen taku šica niyepi cokaya tanhan dutokan kta. Unkan Israel owasin nahonpi qa kokipapi kta.

22 Tohan wicašta wan walitani on te kta yacopi, unkan te yayapi, qa can wan akan otke yayapi kinhan;

23 Tancan te cin hanyetu osan can kin akan yanke kte šni, tuka anpetu kin he en maka mahen oyahnake kta; wicašta otke yap kin Wakantanka wowahšte da šni, qa maka tawa yaya Jehowa Wakan yada niču kin he dušape kte šni.

WICOWOYAKE 22.

1 Nihunkawanji tatanka, qaiš tahinca tawa nuni wandake cinhan, naničihbe kte šni, tuka hena nihunkawanji ekta hdi wicayakiye kta.

2 Unkan nihunkawanji nikiyedand ti šni, qa tuwe kin sdonyaye šni kinhan, yati kin ekta hiyuyaye kta, qa nici yanke kta, nihunkawanji he akite kte cin hehan-yan, qa hehan yecu kta.

3 Nakun tašonšonna iyecen ecayecon kta, qa he iyecen tawokoyake ecayecon kta, qa taku nihunkawanji tawa owasin kitann šni qa iyeyaye cinhan; hecen ecayecon kta, he etanhan naničihbe oyakitpani kta.

4 Nihunkawanji tašonšonna qaiš tatanka tawa canku ohna ihpaya wandake cinhan naničihbe kte šni, tuka kici najin yaye kta.

5 Winohinca wan wicašta tawokoyake kin koyake kte šni, qa

WOOPE ITAKIHNA,

wicašta wan winyan tawokoyake kin koyake kte šni; Jehowa Wakan yada tona heconpi owasin wahte wicada šni nakaš.

6 Canku omayani eca zitkadan hołpi wan can wanji akan qaiš maka akan iyeyaye cinhan, cinca qaiš witka ohna unpi, qa hunkupi cinca akan qaiš witka akan man kinhan, cinca kici hunkupi kin iyacu kte šni.

7 Cinca kin iyacu kta, qa hunkupi niyake yeyaye kta, hecen tanyan yaun kta, qa anpetu nici yahduota kta.

8 Tipi teca wan nicicage cinhan, akeyapi ihduksan canokaske yaye kta; hecen tuwedan hetanhan ihpaye kte šni, qa yati kin awe yaye kte šni.

9 Hastanhanka iyuwi oju nitawa ohna su tokeca oyaju kte šni; hecanon kinhan, su tokeca oyaju qa hastanhanka iyuwi, taku oicage cin koya duwakan kta.

10 Tatanka wan qa šonšonna wan akicaškapi on maga dumdukte šni.

11 Wokoyake tahinca hin qa hałonta on kagapi icicahiya kazuntapi kodake kte šni.

12 Woakałpe on akałpe niciye opapun topa kin akan soso yaye kta ce.

13 Wicašta wan winohinca yuze a kici wanke a šicekide cinhan;

14 Qa wicołan šica oie on aonpe a aje šica kicage a, winohinca kin de mduze a ikiyedan wai qehan witanšna heca šni iyewaya, eye cinhan;

15 Wikoška kin atkuku hunkuko, witanšna awewe kin icupi kta, qa tankan hiyuyapi kta, otonwe tiyopa ekta, hunkayapi ekta;

16 Qa wikoška atkuku kin hunkayapi kin hewicakiye kta, Mi-

cunkši wicašta kin de tawicu kta e waqu, unkan he šicedaka.

17 Qa inyun oie on wicołan šica aonpe a, Nicunkši witanšna heca šni iyewaya ce eya; tuka micunkši witanšna awewe kin dee eye kta, qa minihuha šina kin, otonwe hunkayapi kin wicitokam kamdaye kta.

18 Unkan otonwe kin he hunkayapi kin wicašta qon, icupi kta, qa iyope kiyapi kta.

19 Qa Israel witanšna wan en aje šica inanpe ye cin on mazaska opawinge on hdajuju kiyapi kta, qa wikoška atkuku kin hena qupi kta, qa he tawicu kta, tohanyan ni kin hehanyan ełpe kiya okihi kte šni.

20 Tuka wicoie kin he wicake a, wikoška qon witanšna awewe kin iyeyapi šni kinhan;

21 Wikoška qon atkuku ti tiyopa ekta inanpe yapi kta, qa otonwe wicašta kin inyan on kininpi kta; hecen te kta Israel ohna witkotkoya ołhanyan, qa atkuku ti ohna witkowin icicage nakaes; hecen niyepi cokaya tanhan taku šica dutokan kta.

22 Wicašta wan winohinca wicašta tokeca tawicu heca kici wanke a iyeyapi kinhan, napin api kta, wicašta winohinca kici wanke cin, qa winohinca nakun; hecen Israel etanhan taku šica dutokan kta.

23 Wicašta wan wikoška witanšna wayułpapi heca, otonwe ohna iyeye a kici wanke cinhan,

24 Napin otonwe kin tiyopa kin ekta tankan inanpewicayapi kta, qa inyan on wicakiinpi kta; hecen napin api kta, wikoška otonwe ohna šica howaye šni he on etanhan, qa wicašta kin takodaku tawicu kin kiyuše kin heon etanhan; hecen niyepi

WICOWOYAKE 23.

cokaya tanhan taku šica dutokan kta.

25 Tuka manin wicašta wan wikoška wayuḥpapi iyeye ɕa iya-ḥpaye ɕa kici wanke cinhan, wicašta he kici wanke cin, is nana te kta.

26 Qa wikoška takudan ecaye-con kte šni, wikoška te kta e waḥtani šni, tuka wicoḥan kin he wicašta wan takodaku anajin, qa nagi kin kte kin he iyececa.

27 Wikoška wayuḥpapi kin manin iyeyapi šicahowaya, tuka tuwedan he naḥon šni.

28 Wicašta wan wikoška witan-šna wayuḥpapi šni iyeye ɕa iya-ḥpaye ɕa kici wanke, qa iyewicayapi kinhan ;

29 Wicašta he kici wanke cin wikoška atkuku kin mazaska wikcemna zaptan qu kta, qa he onšika kage cin heon he tawicu kta, tohan ni kin hehanyan he ehpekiya okihi kte šni.

WICOWOYAKE 23.

1 Wicašta wan atkuku tawicu qon yuze kte šni, qa atkuku towinje kin yuzamni kte šni.

2 Tuwe susu kašujapi qaiš ce bašpapi kin Jehowa taomniciye en ope kte šni.

3 Wicašta tuwe ateye tanin šni Jehowa taomniciye en ope kte šni; nakun cinhintku wicoicage wikcemna hehanyan Jehowa taomniciye en ope kte šni.

4 Amoni kin qa Moabi kin Jehowa taomniciye en ope kte šni. Tuwe hena etanhan icage tohini Jehowa taomniciye en ope kte šni, wicoicage wikcemna hehanyan.

5 Egupta etanhan yahdinapapi qehan, aguyapi qa mini yuha canku ohna nitkokim upi šni, heon etanhan, nakun Balam Be-

yor cinhintku, Aram Naharaim (Mdamdata wakpa otahedan) makoce, Petor otonwe etanhan niyašicapi kta e opetonpi, heon etanhan.

6 Tuka Jehowa Wakan yada kin Balam naḥon tawaṭen ye šni, qa Jehowa Wakan yada wašte nidake cin, heon Jehowa Wakan yada kin niyašicapi kte cin yuhomni, qa niyawaštepi.

7 Wokiyapi kta, qa tanyan unpi kta icimana ayakite kte šni, anpetu nitawa owasin.

8 Edomi nihunkawanji hee, heon ihnuhan waḥteyada šni kin. Egupton tamakoce ohna yati qon, heon ihnuhan he waḥte yada kte šni.

9 Cincapi wicakicitonpi wicoicage iyamni Jehowa taomniciye en opapi kta.

10 Toka niyanpi azu wicaya idade cinhan, taku šica owasin. etanhan nikpatan kta.

11 Niyepi ehna wicašta wan hanyen kaduze cin on šape cinhan, wicoti itankan inanpe kta, qa wicoti mahen hi kte šni.

12 Tuka ḥtayetu kte cinhan, minin ihdujaja kta, qa wi iyaye cinhan, wicoti mahen hdi kta.

13 Qa wicoti itankan oyanke wan duhe kta, qa he ekta tankan idade kta.

14 Qa wipe nitawa kici wamna-hecadan duhe kta, qa tankan idotanke cinhan, he on maka yaqe kta, qa idotanka ɕa enitanhan taku inanpe cin akaḥpe ya-kiye kta.

15 Jehowa Wakan yada kin ni niyanpi kta e, qa toka niyanpi kin nitokam wicaqu kta e wicoti nitawa ohna mani kin; heon wicoti nitawa wakan kta, qa niye en taku šape wanyake kte šni; hecen niye etanhan hde kte šni.

WOOPE ITAKIHNA,

16 Ookiye wan yuhe cin etanhan niye ekta najice cinhan, yuhe cin yecu kte śni;

17 Nici ounye kta, niyepi ehna oyanke kaŋnige kta ohna, otonwe nitawa wan iyokipi he en; iyokiśin yaye kte śni.

18 Israel cunwintku wanjidan witkowin kte śni, qa Israel cinhintku wanjidan winyan iċida kte śni.

19 Witkowin taku qupi, qa śunka taku iyope yapi kin, Jehowa Wakan yada ti kin ekta yakahi kte śni; taku kaśta woyake on hena napin Jehowa Wakan yada waŋite da śni nakaś.

20 Nihunkawanji daŋtake kte śni, mazaska woyaŋtake on qa woyute woyaŋtake on, qa taku owasin woyaŋtake on.

21 Tuwe oyate tokeca woyaŋtake on oqu oyakihi kta, tuka nihunkawanji woyaŋtake on oyaqu kte śni, hecen Jehowa Wakan yada kin taku ninape ekta yeyakiye cin owasin en, makoce tawa yaye kta e ekta idade cin he akan niyawaśte kta.

22 Woyake Jehowa Wakan yada odake cin yecu kta e dutehan kte śni, hecanon kinhan woaŋtani nici yawapi kta, qa Jehowa Wakan yada kin nicida kta.

23 Wodake yakapin kinhan woaŋtani niciyawapi kte śni.

24 Awanihdake ċa taku niiha etanhan inanpe cin econ wo; token Jehowa Wakan yada oyakidake, woyake nii kin on ehe cin.

25 Nitakoda hastanhanka iyuwi kin en yaŋ kinhan, hastanhanka imnahan token ninagi cin wayate kta, tuka wojuha nitawa en takudan iyeyaye kte śni.

26 Nitakoda aguyapi oju tawa en yaŋ kinhan, itka ninape on duksa oyakihi, tuka nitakoda

aguyapi su icage cin ekta isan yeyaye kte śni.

WICOWOYAKE 24.

1 Wicaśta wan winohinca yuze ċa hihnaku ee, qa ohakam he en taku śapa iyeye cin on iśta kin en iyokipi śni kinhan, eŋpekiyapi wowapi wan kicage kta, qa nape kin en qu kta, qa iye ti kin etanhan iyaye ye kta.

2 Unkan iye ti kin etanhan inanpe ċa toki iyaye ċa wicaśta tokeca he yuze cinhan;

3 Unkan wicaśta ehake yuze cin he śicedake ċa eŋpekiyapi wowapi wan kicage ċa ti kin etanhan iyaye ye cinhan, qaiś wicaśta tawicu kta e ehake he yuze cin te cinhan;

4 Hihnaku tokaheya eŋpekiya qon, yuśapapi iyohakam, tawicu kta e ake yuze kta okihi śni, Jehowa Wakan yada kin he itokam wowaŋite śni kin hee, qa makoce Jehowa Wakan yada tawa yayē kta e niċu kin he waŋitani yaye kte śni.

5 Wicaśta tuwe aśkatudan winohinca wan yuze cinhan, ozuye obe en ope kte śni, qa on takudan aonpapi kte śni, tuka waniyetu wanjidan ti kin ohna ikce yanke kta, qa tawicu yuze cin iyuśkin kiye kta.

6 Tuwe taku odote hdajuju ki-yapi kta e wiyukpanpi inyan sakim qaiś unmana tuwedan icu kte śni, he wicanagi icupi kin he iyececa nakaś.

7 Tuwe hunkawanjin wicaye cin etanhan, Israel cinca etanhan wicanagi wan iyaliŋpaye ċa manun, qa wiyopeya, iyeyapi kinhan, wamanun kin he te kta, hecen taku śica niyepi cokaya tanhan dutokan kta.

8 Leprosi makośice on waktaya

WICOWOYAKE 25.

un wo, qa nina awanihdake ca Lewi kin wawayuśnapi kin taku onspe niciyapi owasin iyecen econ wo; token econ wicawaśi kin iyecen ecanonpi kta awan-dakapi kta.

9 Egupta etanhan yahdinanpapi canku ohna token Jehowa Wakan yada Miriam ecakicon kin he kiksuya wo.

10 Tohan nitakoda taku oyaqu kinhan, taku odote cin on taku hdajuju kiyapi kin iyacu kte e tipi tawa en yai kte śni.

11 Tankan inayajin kta, qa wicaśta tuwe taku oyaqu, taku on hdajuju kiyapi kin niye ekta tankan hiyuye kta.

12 Qa wicaśta kin onśika hecinhan, taku on hdajuju kiyapi yuha niśtinbe kte śni.

13 Tohan wi iyaye cin taku on hdajuju kiyapi yecu kta; hecen tawokoyake hdown iśtinbe kta, qa niyawaśte kta, qa Jehowa wakan yada woowotanna niciyawa kta;

14 Tuwe waĥpanice a onśike wolitani ope yaton kin yakiduśe kte śni; he nihunkawanji qaiś, oyate tokeca nitamakoce en otonwe nitawa ohna un kin unman tukte kaśta.

15 Tuka anpetu tawa en wi iyaye śni iyuwin yecu kta, he waĥpanica, qa nagi kin ekta yeiiya nakaś, hecen niba Jehowa hoyekiye kte śni, qa woaĥtani niciyawapi kte śni.

16 Hunkayapi iye cinhintkupi on e wicayapi kte śni, qa cinca hunkayapi on e wicayapi kte śni, otaiyohi iye waĥtani kin on e kiyapi kta.

17 Tuwe oyate tokeca, qa wamdenica tawoyaco dapemni kte śni; qa wiwazica taku nicicajuju śni kin on tawokoyake iyacu kte śni.

18 Qa Egupta ohna wayaka ya-un qon, he yeksuye kta, qa he-tanhan Jehowa Wakan yada openiciton heon miye wicoie kin de econ ciśi.

19 Nitamaga ohna woksapi ba-yaksa eca, qa nitamaga ohna wopaĥte ayektonje cinhan; he iyacu kta e ake ekta yai kte śni; tuwe oyate tokeca, wamdenica, qa wiwazica he yuhapi kta; hecen Jehowa Wakan yada niyawaśte kta, wolitani ninape econ kin owasin en.

20 Wihdi can nitawa yakahna eca akta duśpi kte śni, tuwe oyate tokeca, wamdenica, qa wiwazica he yuhapi kta.

21 Hastanhanka iyuwi nitawa duśpi eca okaptapi kin ake duśpi kte śni, hena tuwe oyate tokeca, wamdenica, qa wiwazica vuhapi kta.

22 Unkan Egupta makoce ohna wayaka nanke cin he yeksuye kta, heon wicoie kin de econ ciśi.

WICOWOYAKE 25.

1 Wicaśta woakinicapi, qa wayaco ekta hipi kinhan wayacopi kin tuwe owotanna kin he yawotanpi kta, qa tuwe śica śicaya econ eciyapi kta.

2 Qa śicaya econ kin apapi kta iyecece cinhan, wayaco kin he makipusdiya eĥpe kiyapi wicaśi kta, qa iye itokam, śicaya econ kin on woape iyenaka apapi kta.

3 Wikcemna topa akihde apapi okihipi, tuka sanpa apapi kte śni; hena isanpa apapi kinhan ota apapi kta, qa nihunka wanji nitokam waĥte śni yawapi kta.

4 Tatanka aguyapi su napan kiyapi i kin yuohmuzapi kte śni.

5 Wicaśta hunka wanjin kiciyapi icikiyedani tipi, qa wanji cinca nica e cinhan, wicaśta

WOOPE ITAKIHNA,

tokeca token tanhan ƚe cin tawicu kin yuze kte ƚni, ƚiceku kin he ekta i kta, qa tawicu kta e yuze kta, qa ƚiceku taku ecakicon kta iyececa ecakicon kta.

6 Unkan cinca ton tokapa kin hunkawanjitku ƚe cion caje kin yuhe kta, hecen caje kin Israel etanhan pajujupi kte ƚni.

7 Unkan wicaƚta kin hankaku yuze kta tawaƚen ye ƚni kinhan, hankaku hunkayapi ekta, otonwe tiyopa ekta ye kta, qa heye kta. ƚice waya iye cinu caje kin Israel ohna icaƚye kta wicada ƚni, qa mayuze kta cin ƚni.

8 Hehan otonwe hunkayapi kin he kicopi kta, qa kici wohdakapi kta, unkan ekta najin, qa he mduze kta tawaƚen waye ƚni, eye kta.

9 Hehan hankaku ikiyedani kta, qa hanpa siha kin etanhan kiciyuƚdoke kta, hunkayapi itokam, qa ite kin en tagoƚa kta, qa tuwe cinu ti kin icaƚ ye kta tawaƚen ye ƚni hecen ecakiconpi kta, eye kta.

10 Unkan Israel ohna, Hanpa kiciyuƚdokapi toti kin he, eciyapi kta.

11 Wicaƚta wan hunka wanjitku kici akicipapi, qa wanji tawicu kin tuwe ape cin nape kin etanhan hihnaku ehdaku kta e ikiyedani hi, qa nape kin yekiye ƚa wowiƚtece ekta yuze cinhan,

12 Nape kin bayaƚpe kta, niiƚta kin onƚikidake kte ƚni.

13 Waaspeya ojuha ohna inyan toktokeca, tanka qa ciƚtinna duhe kte ƚni;

14 Wiyutapi toktokeca tanka qa ciƚtinna yati kin ohna duhe kte ƚni.

15 On aspeyapi ecetu qa owotanna duhe kta, qa wiyutapi ecetu qa owotanna duhe kta; hecen anpetu nitawa hanske kta, ma-

koce Jehowa Wakan yada niƚu kin akan.

16 Jehowa Wakan yada wicoƚhan hena owasin wicoƚhan ƚiƚa owasin waƚte da ƚni nakaƚ.

17 Egipta etanhan yahdinanpe cion tahepi Amaleq token ecanicon kin kiksuya wo.

18 He tahepi anicipa ƚa tona ƚihtinpi nihakam upi owasin wicakaƚpe, qa taku Wakan kokipe ƚni, niye ƚanyaya qa mdoyakiƚe ƚehan.

19 Heon tohan Jehowa Wakan yada iyozi niciye, makoce tawa yaye kta, qa yecipamnipi kta e Jehowa Wakan yada niƚu kin ohna, toka niyanpi ihduƚƚan unpi owaƚin etanhan, Amaleq kiksuyapi kin maƚpiya ihukuya tanhan yapajuju kta, ihnuhan ayektonje cin.

WICOWOYAKE 26.

1 Unkan tohan makoce yecipamnipi kta Jehowa Wakan yada niƚu kin ekta yaki, qa tawa yaye ƚa ohna yakidotanke cinhan,

2 Maga nitawa taku toka suton owasin, makoce Jehowa Wakan yada niƚu kin etanhan taku icage cin etanhan iyacu kte ƚa wakiƚkotpa wan en iyeyaye kta, qa oyanke ohna caje kin yanke kta e Jehowa Wakan yada hdaƚnige cin he ekta yai kta.

3 Qa wawayuƚna anpetu kin hena en yuke kte cin he ekta yai kta, qa heyakiye kta, Makoce wan unqupi kta Jehowa hunkake wicunyanpi konza ewicakiya, he ekta wahi, Jehowa Wakan yada kin nakaha ewakiya.

4 Unkan wawayuƚna kin wakiƚkotpa kin ninape etanhan icu, qa wahna woƚnapi Jehowa Wakan yada tawa kin icaƚda ehde kta.

WICOWOYAKE 27.

5 Hehan Jehowa Wakan yada itokam iyae ça ehe kta, Aram wicašta hanyan ate waya, Egupta ekta apamahdeya i, qa hen yan-ka, wicašta tonana om, qa hen oyate tanka, wašaka, qa wicota icaga.

6 Unkan Egupton unkiyušepi, qa iyokišin unyanpi, qa tehiya wowidag unyanpi.

7 Unkan Jehowa hunkake wicunyanpi Wakandapi kin hoye-unkiyapi; unkan Jehowa ho na-unkihonpi, qa iyokišin unyanpi, qa hitani unkiyapi, qa unkiyušepi kin wanyaka.

8 Qa Jehowa Egupta etanhan hdinanpe unyanpi nape wašaka on, qa isto katinkiya on, qa wo-wanyanke tanka on, qa wo wape-tokeca on, qa tohan okitanin on;

9 Qa oyanke kin de ekta hiyu unyanpi, qa makoce kin de un-qupi, makoce pte asanpi qa can-hanpi tiktica on kaduza.

10 Heon wanna wanyaka wo, maga mitawa Jehowa maqu kin taku aicage toka suton wakahi, ehe kta, qa Jehowa Wakan yada kin itokam eyaju kta, qa Jehowa Wakan yada ohoyada kta.

11 Qa taku wašte Jehowa Wakan yada niču, qa yati taku qu kin hena owasin on iduškin kta; niye, qa Lewi kin, qa tuwe toke-ca niyepi ehna un.

12 Omaka iyamni en iwikcemna mnayanpi omaka hee, taku icañ yaye cin iwikcemna yukinukan yahduštan kinhan, Lewi kin, qa tuwe tokeca, qa wamdenica, qa wiwazica wicayaqu kta; unkan otonwe nitawa ohna yutapi qa imnapi kta.

13 Qa Jehowa Wakan yada itokam hehe kta. Taku yuwakanpi iyulipa wati etanhan hiyu waya; qa nakun Lewi kin, qa tuwe oyate tokeca, wamdenica, qa

wiwazica he wicawaqu, woahope nitawa ope mayaši kin owasin iyecen, woahope nitawa kawape šni, qa awektonje šni.

14 Hetanhan wašiwahda icunhan ongedan wate šni, qa taku šapa on ongedan mun šni, qa tuwe te cin on he etanhan ongedan wicawaqu šni, Jehowa Wakan wada ho kin nawahon, qa token econ maši kin owasin iyecen ecamon.

15 Nitohe wakan etanhan, Mañ-piya etanhan ahitonwan, qa oyate nitawa yawašte ye, Israel hee; nakun makoce unyaqupi kin he makoce pte asanpi qa canhanpi tiktica on kaduza, hunkake wicunyanpi konza ewicaya-kiye ciquon iyecen.

16 Anpetu kin de Jehowa Wakan yada wokage qa woyaco kin dena econ niši, heon wakta-ya un, qa nicante ocowasin on, qa ninagi ocowasin on hena ecanon kta.

17 Jehowa taku Wakan yada kin hee, qa tacanku omayani kta, qa tokage, qa tawoahope, qa tawoyaco yapantan kta, qa ho kin nayañon kta, nakaha eyakiya.

18 Unkan nakaha Jehowa heni-ciya, oyate tehindapi miyeciun kta, eniciya qon iyecen, qa tawoahope owasin yapatan kta.

19 Qa oyate owasin wicakaga woyatan on, qa caje kin on, qa wokitanin on, wiciwankam enihdepi kta, qa Jehowa Wakan yada taoyate wakan yaunpi kta, eye ciquon iyecen.

WICOWOYAKE 27.

1 Hehan Mowis qa Israel hun-kayapi kin oyate wahokonwicakiyapi, qa heyapi, Woahope nakaha ope çišipi kin owasin pa-tanpo.

WOOPE ITAKIHNA,

2 Unkan tohan Jordan iduwe-ga, makoce Jehowa Wakan yada ekta, inyan tankinyanyan eyah-nake kta, qa makasan upšija on hena ayapawinte kta.

3 Qa hena akan woope wicoie kin owasin oyawa kta, makoce Jehowa Wakan yada niçu kin en yaki kta e iduwegapi iyohakam, makoce pte asanpi qa canhanpi tiktica on kaduza, Jehowa nihunkakepi Wakan dapi kin eniciye iyecen.

4 Qa Jordan iduwegapi ohakam Ebal paha kin en inyan kin hena eyahnakapi kta, nakaha econ cišipi iyecen, qa makasan upšija on hena ayapawinte kta.

5 Qa hen wahna wošnapı wan Jehowa Wakan yada kin yecage kta, wahna wošnapı inyan kin hena akan mazasapa yakoze kte šni.

6 Inyan ocowasin kakanpi šni on Jehowa Wakan yada owayušna kin yecage kta; qa he akan Jehowa Wakan yada tawohuľnaħyapi huľnaħ yakiye kta.

7 Qa hen wopida wošnapı yate ęa yate kta, qa Jehowa Wakan yada kin itokam widuškin kta.

8 Qa woope kin de oie kin owasin inyan akan taninyanħin oyawa kta.

9 Unkan Mowis qa wawayušnapı kin Lewi kin iapi, qa heyapi, Israel inina un, qa anagoptan wo. Nakaha Jehowa Wakan yadapi kin taoyate kin he niyepi.

10 Heon Jehowa Wakan yada ho kin naľon, qa tawoahope qa tokage nakaha eciciye cin econ wo.

11 Unkan anpetu kin he en Mowis oyate wahokon wicakiye ęa heyapi,

12 Jordan iduwegapi ohakam oyate wicayawaštepi kte e Geri-

zim paha akan inajinpi kta dena eepi, Simeyon, qa Lewi, qa Juda, qa Isakar, qa Josep, qa Benjamin.

13 Qa yašicapi kta e Ebal paha akan najinpi kta dena eepi, Ruben, Gad qa Ašer, Zebulun, Dan qa Napıalı.

14 Unkan Lewi kin ayuptapi kta, qa ho tankakiya Israel wicašta owasin hewicakiyapi kta;

15 Tuwe wakagapi kakanpi, wan qaiš šdoyapi wan, wapago wan nape on kagapi, he Jehowa waľteda šni, kage ęa naľmana ehde, wicašta kin he yašicapi nunwe. Unkan oyate owasin ayuptapi, qa Amen (Hecetu nunwe,) eyapi kta.

16 Tuwe atkuku, qaiš hunku ihakta šni kin he yašicapi nunwe; unkan oyate kin owasin Amen, eyapi kta.

17 Tuwe wicašta tokeca tamaga icago yutokan yašicapi nunwe; unkan oyate kin owasin Amen, eyapi kta.

18 Tuwe wicašta išta gonge cin canku etanhan nuni kiye cin, yašicapi nunwe; unkan oyate kin owasin, Amen, eyapi kta.

19 Tuwe wamdenica, wiwazica, qaiš tuwe tokeca tawoyaco yapemni kin he yašicapi nunwe; unkan oyate kin owasin, Amen, eyapi kta.

20 Tuwe atkuku tawicu kici wanke cin, atkuku towinęe kin yuzamni, heon he yašicapi nunwe; unkan oyate kin owasin, Amen, eyapi kta.

21 Tuwe woteca wan kici wanke cin he yašicapi nunwe; unkan oyate kin owasin, Amen, eyapi kta.

22 Tuwe tawinoħtin kin atku-cunwintku, qaiš hunku cunwintku kici wanke cinhan yašicapi nunwe; unkan oyate kin owasin, Amen, eyapi kta.

WICOWOYAKE 28.

23 Tuwe konku, qaiś takośku kici wanke cin yaśicapi nunwe; unkan oyate kin owasin, Amen eyapi kta.

24 Tuwe wicaśta tokeca wan nahmana kaśtake cinhan yaśicapi nunwe; unkan oyate kin owasin, Amen eyapi kta.

25 Tuwe wicanagi taku śica econ śni we ye kta e taku nahmana qupi icu kinhan, yaśicapi nunwe; unkan oyate kin owasin Amen, eyapi kta.

26 Tuwe woope kin de oie kin owasin yasuta śni, qa ecen econ śni kin yaśicapi nunwe; unkan oyate kin owasin Amen, eyapi kta.

WICOWOYAKE 28.

1 Unkan kaketu kta, Jehowa Wakan yada ho kin nayañon, qa tawoahope nakaha ope ciśi kin owasin yapatan, qa ecen eanon kinhan, Jehowa Wakan yada oyate maka akan iyeye cin owasin iwankam enihde kta.

2 Qa woyawaśte kin dena owasin en niupi, qa iyonihipi kta; Jehowa Wakan yada ho kin nayañon kinhan,

3 Otonwe ohna niyawaśtepi kta, qa maga ohna niyawaśtepi kta.

4 Tamni nitawa taku icañ ye cin yawaśtepi kta, nakun maka nitawa taku icañ ye cin, qa nitawanunyanpi taku icañ yapi, pte nitawa, qa tañin wanunyanpi wiyedan cincapi kin yawaśtepi kta.

5 Waskuyeca opiye nitawa yawaśtepi kta.

6 Tin hidu eca niyawaśtepi kta, qa tankan inanyapa eca niyawaśtepi kta.

7 Tóka niyanpi aninajinpi kin wicayakaśtaka okihi niye kta;

canku wanjidan ohna anihinanpapi kta, qa canku śakowin ohna nitokapa tanhan najicapi kta.

8 Woħa nitawa en Jehowa wowaśte niçu kta, nakun taku ekta ninape yeyakiya owasin en; qa Jehowa Wakan yada maka niçu kin en niyawaśte kta.

9 Qa Jehowa taoyate wakan yaun kta, sutaya najin niyanpi kta konza eniciye cin iyecen; Jehowa Wakan yada tawoahope oyape ça tacanku omayani kinhan.

10 Qa oyate maka akan hiyeye cin owasin Jehowa caje on caje niyatapi kin wanyakapi qa konicipapi kta.

11 Qa Jehowa taku waśte niciyuota kta, taku tamni nitawa icañ ye cin en, qa nitawanunyanpi taku icañ yapi en, qa makoce Jehowa niçu kta, nihunkakepi konza ewicakiye ciqon ohna maga nitawa taku icañ ye cin en.

12 Qa Jehowa wopiye tawa niciyuhdoke kta, mañpiya kin, qa hecen iyehantu eca makoce nitawa amagaju ye kta, qa ninape toñtani owasin niciyawaśte kta; hecen oyate ota owicayaqu kta, tuka niye oyadote kte śni.

13 Qa pa yaun kta e Jehowa enihde kta, qa sinte henica kte śni; qa wankan heceedan yaun kta, qa ihukuya yaun kte śni; Jehowa Wakan yada tawoahope nakaha miye patan qa econ ciśi nayañon kinhan.

14 Qa wicoie owasin nakaha ope ciśi kin etanhan nihduhomi śni, etapa qa catka unman tukte ekta kiya, qa taku wakan tokeca owicayape śni, qa ohowicayada śni kinhan;

15 Tuka tawoahope, qa tawokage owasin nakaha ope cisipi yapatan kta, qa eanon kta e Jehowa Wakan yada ho kin na-

WOOPE ITAKIHNA,

yañon śni kinhan, woyaśice kin dena owasin en niupi qa nicihdegapi kta.

16 Otonwe ohna niyaśicapi kta, qa maga ohna niyaśicapi kta.

17 Waskuyeca opiye nitawa en, qa aguyapi su opiye nitawa en niyaśicapi kta.

18 Tamni nitawa oicage cin, qa maga nitawa taku oicage cin, takin wanunyanpi wiyedan nitawa, qa pte nitawa taku tonpi yaśicapi kta.

19 Tin hidu eca niyaśicapi kta, qa tankan inanyapa eca niyaśicapi kta.

20 Unkan Jehowa woyaśice kin niye ekta ye kiye kta, wovinihan kin, qa woiyopeye kin; taku yakage kta e ninape ekta yeyakiye cin owasin en; ecen ihang niyanpi, qa kohanna niso-tapi kta, niohan wośice kin, qa amayaduśtan kin on etanhan.

21 Qa Jehowa makośice ikoyag niye kta, ecen makoce tawayaye kta e ekta idade cin hetanhan nisotapi kta.

22 Qa Jehowa waśinkte, qa tancan kata, qa śiyakao, qa śaśa anihinanpe on, anipe kta, nakun canłpi on, qa aguyapi hu śni ja qa gigi kin on, hena nipasipi ecen nisotapi kta.

23 Qa małpiya nitawa nipa iwankam mazaśa kta, qa maka kin nihukuya kin mazasapa kta.

24 Qa Jehowa watuśekśeca maka nitawa ahinhe ye kta, qa wi-yaka małpiya etanhan ahinhe niye kta, ecen ihang niyanpi kta.

25 Qa tōka niyanpi itokam nayajicapi kta Jehowa kage kta, canku wanjidani ohna wicatatpe inanyape kta, qa canku śakowin ohna wicitokam nayajice kta, qa maka wokiconze owasin ekta nape niyanpi kta.

26 Qa małpiya wałupakoza, qa

maka wamanica owasin, nitan-canpi woyute yapi kta, qa tuwedan ham wicaye kte śni.

27 Qa Jehowa Egupton tancan ĥdi on anipe kta, nakun nitepo, qa wicayaśpuya, qa hałdi on, tuwedan okizi niye kta okihi kte śni.

28 Qa Jehowa woyuhnaśkinyan on, qa iśtagonga on, qa cante hnuni on anipe kta.

29 Qa tuwe iśtagonga otpaza en yutantan un kin iyecen, wiyotanhan en yutantan yaunpi kta; qa niohan tanyan ihuni ya-kiye kte śni, qa ohinniyan nici-yuśepi, qa taku nitawa nicipi kta, qa tuwedan eniyaku kte śni.

30 Winohinca wadułpe kta, qa wicaśta tokeca he kici wanke kta; tipi yakage kta, tuka ohna yati kte śni. Hastanhanka iyu-wi huyahde kta, tuka tohini waskuyeca kin duśpi kte śni.

31 Tatanka nitawa nitokam patapi kta, tuka etanhan onśpadan yate kte śni. Sonsonna nitawa nitokapatadhan nicipi kta, qa en nihdi kte śni. Toka niyanpi takinca nitawa icupi kta, qa tuwedan oniciye kte śni.

32 Oyate tokeca nicinkśi qa nicunkśi iwicacupi kin niśta wanyakapi, qa hena on etanhan anpetu owasin hanyanpi kta; tuka ninape wowaśake nice kta.

33 Oyate tokeca sdon wicaya-ye śni taku maka nitawa aicage qa taku on litayani owasin tem yapi kta; qa niye anpetu owasin niciyuśepi, qa nicaśujapi ece yaun kta.

34 Qa wowanyake niśta on wandake cin on nihnaśkinyan kta.

35 Unkan Jehowa hupahu akan, qa iśkahu akan nipo śica wan, okiziyepica śni on anipe kta, nishiha etanhan nipesdete aiyahdeya.

WICOWOYAKE 28.

36 Unkan Jehowa niye, qa wicašta yatapi niwankam nicicage kte cin oyate tokeca wan ekta ye niyanpi kta, he sdonyaye šni, qa nihunkakepi sdonyapi šni, qa hen taku wakan tokeca, can qa inyan ohowicayada kta.

37 Qa oyate tona ekta Jehowa yenianpi owasin woyušinyeye, qa wiyacinpi, qa oweštepi niyuhapi kta.

38 Wojupi ota nitamaga ekta ade kta, tuka tonana mnayaye kta; psipsicadan temyapi kta nakaš.

39 Hastanhanka huyahde, qa yakicanye kta; tuka miniša datke kte šni, qa dušpi kte šni; wamdudan yutapi kta nakaš.

40 Wihdi can makoce nitawa owancaya yuke kta, tuka wihdi on sdaničiye kte šni; wihdi waskuyeca štonkadan ihpaye kta nakaš.

41 Cinca wica winyan ko yaka-ge kta, tuka nici unpi kte šni; wayaka awicayapi kta nakaš.

42 Can nitawa owasin, qa maga nitawa taku aicage cin psipsicadan icupi kta.

43 Tuwe tokeca niyepi ehna ounye cin ohiniyan niwankam sanpa, qa sanpa wankan ye kta, qa niye apamahdedan kuya qa kuya idade kta.

44 Iye oniču kta, tuka oyaqu kte šni. Iye pa kin heca kta, qa niye sinte henica kta.

45 Qa Jehowa Wakan yada ho kin nayaħon šni, qa tawoahope, qa tokage ope niši oyape šni, heon woyašice kin dena owasin nipasipi, qa en niupi, qa nicihdegapi kta, ihang niyanpi kte cin hehanyan.

46 Qa niye en, qa tona niye etanhan icagapi kte cin en, hena wowapetokeca, qa wowanyake unpi kta, owihanke wanica.

47 Taku iyulpa ota niču kin on Jehowa Wakan yada kin wiyuškinyan, qa cante wašte on oya-kiye šni, heon,

48 Toka niyanpi niye en Jehowa ye wicaši kin wowidag niye kta, wotektayahda en, qa taku iyulpa inicakija en, Mazasapa tawanapin nitahu ikoyag niye kta, ecen ihang niyanpi kta.

49 Qa Jehowa oyate wan tehan-tanhan maka ihanke etanhan ananitan wicaye kta, wanmdi kinyan iyececa, oyate wan iapi kin naħon oyakihi kte šni.

50 Oyate ite sutapi, wicaħinca ite ihaktapi kte šni, qa tona aškatupidan onšiwicadapi kte šni.

51 Qa wanunyanpi nitawa cincapi kin, qa maga nitawa taku aicage cin tem yapi kta, ecen ihang niyanpi kta; qa aguyapi su, miniša, qa wihdi onicaptapi kte šni, nakun pte nitawa, qa taħinca wiyedan nitawa cinca kin, ecen awihunni niyanpi kta.

52 Qa makoce owancaya, otonwe nitawa owasin ohna onanitakapi kta, ecen conkaške nitawa tehanwankan, qa suta, wacinyaye kte cin hena owasin hinħpayapi kta. Jehowa Wakan yada makoce niču kin owancaya, otonwe nitawa owasin ohna onanitakapi kta.

53 Qa onanitakapi en, qa iyonicišice cin, toka niyanpi iyokišin niyanpi kin en, tamni nitawa taku oicage cin, nicinca wica winyan koya Jehowa Wakan yada niču ceħpipi kin yate kta.

54 Qa wicašta waħba, qa wiyuškinyan, nina wota qon niyepi ehna išta kin hdušice kta, sunkaku ekta, qa tawicu itpi ohna wanke cin ekta, qa iye cinca nahahin nipi ekta;

55 Hecen otonwe nitawa owasiħ ohna toka niyanpi onanita-

WOOPE ITAKIHNA,

kapi, qa iyokišín niyanpi en takudan, ihe šni on, iyokišice cin en iye cinca cełpi hdute cin hetanhan unmanna onšpadan qu kte šni.

56 Niyepi ehna winohinca wali-ba, qa tancan wankadan tanyehin un qon, wankadan on siha makahde ute šni qon, he išta kin hdušice kta, itpi hihnaku kin en, qa iye cinhintku qa cunwintku kin en;

57 Qa otonwe nitawa ohna toka niyanpi iyokišín niyanpi onanitakapi, qa iyokišín niyanpi kin en taku iyulipa icakiye kin on, cinca nakaha tonpi iye siha otahedan etanhan hiyu kin, qa cinca wicaton qon hena nahmana hdute kta.

58 Wowitan qa wowinihan caje kin de Jehowa Wakan yada kin koyakipe kta, qa wowapi kin de woope wicoie owapi owasin ecanon kta waktaya yaun šni kinhan.

59 Wokaštake tanka, qa wowinihan on anipe kta, qa nicinca awicape kta, wowayazan šica, qa suta on.

60 Qa Egupton wošihitin ikoyape ciquon owasin niye en ahinłipa ye kta, qa hena ikoyag niye kta.

61 Nakun wowayazan owasin, qa wokaštake woope kin de wowapi en owapi šni owasin, Jehowa niye akan ehna ke kta, ecen ihang niyanpi kta.

62 Qa wicota linca yaunpi qon mahpiya wicanłipi iyenakeca heekiya Jehowa Wakan yada ho kin nayalıon šni, heon wicašta tonana onicaptapi kta.

63 Unkan token tanyan ecanicon kta, qa niyuota kta e Jehowa iyuškin qon, he iyecen awihnuni niye kta, qa ihang niye kta e Jehowa iyuškin kta; qa makoce tawa yaye kta e ekta

idade cin he etanhan nicahintapi kta.

64 Qa Jehowa oyate owasin ehna enanakiya iyaye niyanpi kta, maka anog ihanke ekta, qa heciya taku wakan tokeca can qa inyan ohoyada kta, hena sdon wicayaye šni, qa nihunkake nakun.

65 Qa ikce wicašta kin hena ehna owanji nanke kte šni, qa ni-siha on iyozi wanice kta, qa heciya cante cancan, qa išta sota, qa nagi skan niyanpi kta.

66 Qa wiconi nitawa nitokam kaozeze un kta, qa hanyetu anpetu koya wakoyakipe kta, qa wiconi nitawa wacin yaye kte šni.

67 Nicante wokokipe ikoyape cin on, qa niišta wowanyake wandake cin on hałanna eca, Tokin łtayetu kten, ehe kta, qa łtayetu eca, Tokin hałanna kten, ehe kta.

68 Qa Jehowa wita wata ohna Egupta ekta hde niye kta, ocanku kin he icimana wandake kte šni, eciciya, qa hen wiyope niyanpi kta; toka niyanpi kin, hokšipidan on qa wicinyanpidan on wowidag niyanpi kta, qa ecen tuwedan ope niton kte šni.

WICOWOYAKE 29.

1 Horeb en Jehowa wicotakuye wan Israel cinca om kage cin ohakam, Moab makoce ohna wicotakuye hena om Mowis kał ši kin wicoie kin dena ee.

2 Unkan Mowis Israel owasin wicakico, qa hewicakiya, Taku Jehowa Egupta makoce ohna niištapi itokam Paro, qa tamakoce ocowasin, qa taokiye owasin ecawicakicon owasin wandakapi.

3 Wowiyutanyan tanka kin

niišta wanyaka, wowapetokeca kin, qa wicoħan tanka kin hena.

4 Tuka cante sdonye kta, qa išta wanyake kta, qa noge naħon kta e anpetu kin de nahaħin Jehowa nicupi śni.

5 Waniyetu wikcemna topa he-woskan mani ciyapi, nitancanpi etanhan wokoyake nitawapi sote śni, qa hanpa nitawa nisiha etanhan napote śni.

6 Jehowa Wakan yada kin he miye sdon yaye kta, heon aguyapi yatapi śni, qa miniša, qa mini wakan datkanpi śni.

7 Oyanke kin den yahipi, unkan Siħon Hesbon wicašta yatapi, qa Og Bašan wicašta yatapi itkounkipapi kta, qa unkizapi kta e inanpapi; unkan wicunkašta-kapi.

8 Qa makoce tawapi unkicupi, Rubeni, qa Gadi, qa Manase wicoun hanke he tawayapi kta e wicunqupi.

9 Heon wicotakuye kin de oie kin patanpi qa ecen econpo; hecen taku ecanonpi kta owasin idukeanpi kta.

10 Niyepi owasin nakaha Jehowa Wakan yadapi itokam naya-jinpi, wicoun nitawapi itancanpi, qa hunkayapi, qa wowapi kagapi kin; Israel wicašta owasin;

11 Śiceca nitawapi, qa nitawinpi, qa tuwe tokeca tonwanyayapi en un, tuwe cande qa mini tokšu aiyahdeya.

12 Jehowa Wakan yada wicotakuye kin en yaipi kta, qa tawokonze Jehowa Wakan yada nakaha nicicagapi en.

13 Heon taoyate henicapi kta e, qa iye wakan yadapi kta e nakaha enihde, eniciye cin iyecen, qa nihunkakepi Abereham, qa Izak, qa Jakob konza ewica-kiye cin iyecen,

14 Qa wicotakuye kin de, qa

wokonze kin de niyepi nišnana-pidan om wakage śni.

15 Tuka tona nakaha Jehowa Wakan undapi itokam najinpi owasin om, qa nakun tona nakaha unkiyepi om un śni.

16 Token Egupta makoce en unyakonpi sdon yayapi, qa nakun oyate ehna unkupi kin token hena iyoopta unkupi.

17 Qa wowahšte śni tawapi, qa toašapapi wandakapi, can qa inyan mazaska, qa mazaskasi ohodapi kin.

18 Okini niyepi ehna wicašta, qaiś winohinca, qaiś wicowazi, qaiś wicoun wan yukan, qa cante kin Jehowa Wakan undapi etanhan nakaha ihduhomni, qa ikcewicašta kin hena taku wakandapi kin ekta ye ça ohowica-da, okini niyepi ehna hutkan wan etanhan pijihuta śica, qa pejiħota icage kta.

19 Qa woyašice kin de oie kin naħon kinhan, cante kin ohna ihdawašte kta, qa heye kta; Micante ihdusuta en mawani, qa innahan mdatke cin on imapuza anamicipte kta ešta, tanyan waun kta.

20 Jehowa wicašta kin he kici-cajuju kta tawaten ye kte śni; tuka wicašta kin he en Jehowa tocanniye kin, qa towinawizi kin ideye kta, qa woyašice wowapi kin de en owapi ocowasin he akan yanke kta, qa caje kin maħpiya ihukuya tanhan Jehowa pajuju kta.

21 Qa Jehowa taku śica on Israel wicoun owasin etanhan he yukinukan kta, wicotakuye woopewowapi de en owapi woyašice owasin iyecen.

22 Unkan nicincapi niyepi iyo-hakam yukanpi kta, wicoicage haka kta, qa wicašta tokeca makoce itehan tanhan upi, qa ma-

WOOPE ITAKIHNA,

koce kin he wokaštake kin, qa wowayazan on Jehowa he kaštake cin wanyakapi kta, qa he-yapi kta ;

23 Maka kin owancaya inyanzi, qa miniskuya, gugu he wojupi šni, qa camni uye šni, qa wato takudan aicage šni, Sodom qa Gomora, Adna qa Tzeboim Jehowa tocanniye, qa tošihda en wicakaštake cin qon, he iyecen kaštakapi.

24 Qa Ikcewicašta owasin he-yapi kta ; Tokeca Jehowa makoce kin de hecen ecakicon he ? Wocanniye tanka kin de token nina itkon he ?

25 Unkan ayuptapi, qa heyapi kta, Jehowa hunkake wicayapi Wakan dapi wicotakuye wicakicaga, Egipta makoce etanhan hdinanpe wicaye ciquon he ehan wicakicage cin he ayuštampi heon etanhan.

26 Qa taku wakan tokeca ekta ipi, qa ohodapi, qa hena itokam patujapi, taku wakan kin hena sdon wicayapi šni, qa wicakicipamni šni.

27 Heon Jehowa tocanniye kin makoce kin he aitkon, qa woyašice wowapi kin de en owapi owasin akan hiyuya.

28 Jehowa wocanniye en, qa wocanteptanyan en qa wošihda tanka en maka kin etanhan wicayujun, qa makoce tokeca ekta ye wicaya, nakaha iyececa.

29 Taku nahmanpi kin he Jehowa Wakan undapi kin he tawa tuka taku yuzamnipi kin he unkitawapi, qa unkiincapi tawapi, owihanke wanica woope kin de oie owasin ecen econkupi kta heon etanhan.

WICOWOYAKE 30.

1 Unkan kaketu kta, wicoie kin dena owasin, woyawašte qa

woyašice nitokam ewahde nihi-yohipi kinhan, qa ikcewicašta ekta Jehowa Wakan yadapi nape niyanpi kin owasin wicehna, hena akan nicante ahdi yaye cinhan.

2 Qa Jehowa Wakan yada kin en yahdi, qa ho kin anayagoptan, taku nakaha eciciye cin owasin iyecen, niye qa nicinca nicante ocowasin on, qa ninagi on hecanon kinhan,

3 Jehowa Wakan yada kin wawaka yaunpi kin hdi niyanpi kta, qa onšinidapi kta, qa oyate owasin ekta Jehowa Wakan yada enanakiya iyaye niyanpi qon etanhan ake niyawaštepi kta.

4 Mahpiya ihanketa ekta nape niyanpi ešta, hetanhan Jehowa Wakan yada inicu kta, qa mnicie niye kta.

5 Qa Jehowa Wakan yada kin makoce nihunkakepi tawa yapi qon he ekta hiyu niyanpi kta, unkan tawa yayapi kta ; unkan tanyan ecanionpi kta, qa nihunkakepi sam iyeya niyuotapi kta.

6 Qa Jehowa Wakan yada nicante kin banicihdaye kta, qa nicinca cante kin nakun, hecen nicante ocowasin on, qa ninagi ocowasin on Jehowa Wakan yada kin wašte yadake kta, wiconi nitawa hee nakaš.

7 Unkan Jehowa Wakan yada kin woyašice kin dena owasin toka niyanpi akan, qa tona šicenidapi, qa šicaya nicuwapi akan awicahnake kta.

8 Hecen niye yahdi, qa Jehowa ho kin nayahon, qa tawoahope nakaha ope ciši kin owasin ecanon kinhan ;

9 Jehowa Wakan yada kin taku ninape econ kin owasin en nicyuota kta, nitamni taku icalhe cin en, qa nitawanunyanpi taku icalh yapi en, qa tanyan ecani-

WICOWOYAKE 31.

con kta, Jehowa nihunkakepi on iyuškin qon, iyecen, ake taku niciwašte kin en iniyuškin kta nakaš.

10 Tohan Jehowa Wakan yada ho kin nayahon, qa tawoahope, qa tokage, woose kin de wowapi en owapi kin hena yapatan, qa ni cante ocowasin on, qa ninagi ocowasin on, Jehowa Wakan yada en yahdi kinhan;

11 Woahope kin de nakaha ope ciši kin inaniciłimapi šni qa initehan šni;

12 Małpiya en un šni, hen un unkanš, Tuwe unkiyepi on małpiya kin adi kta, qa hetanhan unkicicupi kta he? kinhan naunhonpi kta, qa ecen econkupi kta, ehe kta naceca.

13 Qa miniowanca akasanpa un šni. He akasanpa yanka unkanš, Tuwe unkiyepi on minio-
wanca akasanpa ye kta, qa un-
kicicupi kta he? hecen naunhon-
pi kta, qa ecen econkupi kta, ehe
kta naceca.

14 Tuka wicoie kin ecen eca-
non kta e nikiyedan linca nii
kin ohna, qa nicante kin ohna.

15 Wanyaka wo, nakaha, wico-
ni qa taku wašte ecicihnaka, na-
kun wiconte qa taku šica.

16 Token nakaha econ ciši, Je-
howa Wakan yada kin wašte
yadake qa tacanku omayani, qa
tawoahope, tokage, qa tawoyaco
yapatan kinhan yani kta; unkan
Jehowa Wakan yada kin makoce
tawa yaye kta e ekta de cin
en niyuota kta, qa niyawašte
kta.

17 Tuka nicante kin ihduho-
mni, qa wanayahon šni, qa nihna-
yanpi, qa taku wakan tokeca
ohoyada, qa óyakiye cinhan,

18 Nakaha hecen eciciyapi.
Awicakehan ihang niyanpi kta,
maka tawa yaye kta e Jordan

iduwege qa ekta yai kta, he
akan anpetu yahduota kte šni.

19 Wiconi qa wiconte, woya-
wašte qa woyašice nitokam
ewahde, niyepi on, Małpiya qa
maka namałhonpi kta nakaha epa.
Heon wiconi kałniga wo, hecen
yani kta, niye qa nicinca nakun.

20 Hecen Jehowa Wakan yada
kin wašte yadake kta, ho kin
nayahon kta, qa he ekta ikoyag
niciye kta, on yani kin hee na-
kaeš; qa Jehowa makoce nihun-
kakepi Abereham Izak qa Jakob
wicaqu kta, konza ewicakiya, he
akan anpetu ota ounyaye kta.

WICOWOYAKE 31.

1 Unkan Mowis ekta i qa wi-
coie kin de Israel owasin owica-
kiyaka.

2 Qa hewicakiya, Matonpi
ehantanhan anpetu kin de wani-
tu opawinge sanpa wikcemna
nonpa. Tankan inawapa, qa en
wahihbu wanna owakihi šni;
nakun, Jordan wakpa kin de
akasanpa de kte šni, Jehowa
emakiya.

3 Jehowa Wakan yada kin iye
nitokam akasanpa ye kta, iye
nitokam ikcewicašta kin hena
ihang wicaye kta, qa tawa wi-
cayaye kta, Jošuwa iye nitokam
akasanpa ye kta, Jehowa eye cin
iyecen.

4 Unkan token Jehowa Siłon,
qa Og Amori wicastayatapi ihang
wicaya, qa makoce tawapi kin
nakun, he iyecen hena ecawica-
kicon kta.

5 Qa Jehowa niyepi itokam he-
na ewicahde kta, hecen woaho-
pe nakaha econ cišipi owasin
iyecen ecawicayeconpi kta.

6 Waditakapo, qa wašakapo.
Ihnuhan hena kowicayakipapi,
qa niyušinyayapi. Jehowa Wa-

WOOPE ITAKIHNA,

kan yada kin hee, nici ye kta ; aniyuŝtan kte ŝni, qa ehpe niye kte ŝni.

7 Unkan Mowis Joŝuwa kico, qa Israel owasin wanyakapi heciya, Waditaka, qa wakiŝaka wo; niye oyate kin de makoce wan Jehowa hunkake wicayapi wicaqu kta konza ewicakiya, he ekta awicade kta, qa niye he tawa yapi kta e yakage kta.

8 Qa Jehowa iye nitokam ye kta, iye niciun kta; aniyuŝtan kte ŝni, qa ehpe niye kte ŝni. Ihnuhan kopeyahda kin qa niyuŝinyaye cin.

9 Unkan Mowis woope kin de owa, qa he wawayuŝnapi Lewi kin, Jehowa wicotakuye can wohnaka yuhapi kin hena wicaqu, qa nakun Israel hunkayapi owasin.

10 Qa Mowis wahokonwicakiye qa hewicakiya, Waniyetu ŝakowin ihanketa, woyuŝka waniyetu ohanzi hdepi wohanpi iye hantu hehan.

11 Israel owasin Jehowa Wakan yada oyanke kaŝnige kte cin ekta, itokam ihdutaninpi kta e hipi kinhan, Israel owasin naŝonpi wicitokam woope kin de dawa kta.

12 Oyate mniciye wicakiya wo, wicaŝta, qa winohinca, qa ŝiceca, qa oyate tokeca otonwe nitawa en unpi, hecen naŝonpi kta, qa Jehowa Wakan yadapi koki-papi kta e onspepi kta, qa woope kin de oie kin owasin ecen econpi kta e onspepi kta.

13 Hecen cincapi takudan sdon yapi ŝni naŝonpi kta, qa makoce wan ekta yaipi kta e Jordan iduwegapi kin he akan tohanyan yaunpi kta, anpetu owasin Jehowa Wakan yadapi kokipapi kta e onspepi kta.

14 Unkan Jehowa Mowis heci-

ya, Ito anpetu en niŝe kta wanna ikiyedana, Joŝuwa kico, qa itkokipapi wakeya en najinpo, hecen wahokon wakiye kta. Unkan Mowis Joŝuwa kici ekta ipi, qa itkokipapi wakeya en najinpi.

15 Unkan Jehowa itkokipapi wakeya en ihdutanin, maŝpiya bosdata ohna; unkan maŝpiya bosdata kin he wakeya tiyopa kin akan han.

16 Unkan Jehowa Mowis heciya, Ito nihunkake om niŝtinbe kte; unkan oyate kin de najinpi kta, qa makoce ekta yapi ohna wicaŝta tokeca taku wakan dapi om wiinaŝimapi kta; hecen amayuŝtanpi kta, qa wicotakuye mitawa wicawecage yuksapi kta.

17 Unkan anpetu kin he en mitocanniye awicaide kta, qa awicamduŝtan kta, qa miite kin inawicawakiŝman kta; hecen yason unpi kta; qa wokakije, qa woŝice ota akipapi kta, qa anpetu kin he en heyapi kta, Unkiyepi ehna taku wakan wanice naceca, heon woŝice kin dena unkakipapi.

18 Unkan miŝ anpetu kin he en miite kin ocowasin inawakiŝman kta, taku ŝica econpi owasin on, taku wakan tokeca ekta ihduhumnipi nakaŝ.

19 Heon odowan kin de niyepi on owapo, qa Israel cinca kin onspe wicakiyapo, hena ipi kin en he ejupo, hecen odowan kin de wayaatanin induhe kta, Israel cinca kin en.

20 Makoce wan pte asanpi qa wihdi on kaduze cin, hunkake wicayapi konza wahowicawakiya qon, he ekta awicamda; unkan tohan wotapi, qa imnapi, qa cepapi kinhan, taku wakan tokeca ekta ihduhomnipi kta, qa ohowicadapi kta, qa imaŝaŝapi kta, qa wicotakuye mitawa yuksapi kta.

WICOWOYAKE 32.

21 Unkan kaketu kta, wokakije qa woyokišice ota akipapi kinhan, odowan kin de wayaatanin awicayatanin kta, cincapi ipi etanhan he akitkonjapi kte šni, nakaš. Miš nahauhin makoce konza caje mdate cin ekta awicamde šni, token nakaha awacinpí kin sdonwaya.

22 Unkan anpetu kin he en Mowis odowan kin de owa, qa Israel cinca onspewicakiya.

23 Qa Jošuwa Nun cinhintku wahokon kiye ça heya, Waditaka, qa wašaka wo; Niye Israel makoce konza wahowicawaya ekta awicade kta nakaš, qa miš nici waun kta.

24 Unkan Mowis woope kin de oie kin wowapi wan en kaga, ocowasin yušan qehan,

25 Mowis Lewi kin Jehowa otakuye can wohnaka yuhapi kin wahokonwicakiye ça heya.

26 Woope kin de wowapi kin icupo, qa Jehowa Wakan yadapi otakuye can wohnaka icahda

ehnakapo; hecen niyepi en wayaatanin hen yanke kta.

27 Miye ayakinicapi kin sdonwaya, nakun nitahu patin. Inyun nakaha nahanhin niyepi om wani Jehowa en yakipajinpi, maŧe cin iyohakam awicakehan sanpa hecece kta.

28 Miye ekta nitawicoun hun-kayapi owasin, qa wowapi kagapi nitawapi mniciye wicayapo, qa nogepi en wicoie kin dena epe kta, qa mahpiya qa maka kin hena nahonpo, epe kta.

29 Maŧe cin iyohakam nihdu-takunipi kte šni sdonwaya, qa canku ope cišipi etanhan nihdu-homnipi kta; qa anpetu ehake kin en taku šica ayakipapi kta, taku Jehowa išta kin en šice cin ecanonpi kta; qa taku ninape econpi kin on šihdayayapi kta.

30 Unkan Mowis odowan kin de oie kin owasinhin Israel om-niciye ocowasin nogepi en oya-ka.

WICOWOYAKE 32.

- 1 Mahpiya anagoptanpo, hecen iwae kta;
Qa maka mii oie kin nahon wo.
- 2 Woonspe mitawa magaju iyecen hinhe kta,
Mioie kin cu kin iyecen kaduze kta;
Wato akan magaju kin iyececa kta,
Magajuju peji akan iyecece kta.
- 3 Jehowa caje kin eyanwapaha kta,
Taku Wakan undapi kin yatankapo.
- 4 Wakage cin hee, taku econ kin ecetu;
Tohan kin owasin woyaco,
Taku wakan wicaka wohnaye wanica;
Išnana ohan owotanna qa ecetu.
- 5 Ihdušapapi, iye cinca hecapi šni, šapapi ce;
Wicoicage pemni qa škopa.
- 6 Jehowa decen ecayeconpi kta he?
Oyate witkotko, qa ksape šni?
Niyate qa tuwe openiciton hee šni he?
Iye nicage ça niyusuta.
- 7 Anpetu wanakaja kiksuya wo;

WOOPE ITAKIHNA,

- Wicoicage otoiyo hi taomaka awacin wo.
 Niyate iwanga wo, kinhan niciyaotanin kta,
 Hunkayapi nitawa, unkan eniciyapi kta.
- 8 Otancanke oyate maka wicakicipamni,
 Adam cinca enanakiya iyaye wicaye cehan;
 Israel cinca iyenakecapi kin iyecen,
 Oyate kin makoce iwicakicago.
- 9 Jehowa taku tawaye cin taoyate kin hee;
 Qa maga yuhe cin Jakob hee.
- 10 Hewoskan makoce wan en iyewicaya.
 Makoskan takudan ohnaka šni, šicahowayapi ohna.
 Aconkaške wicaya; onspewicakiya;
 Ištasu tawa kin iyecen awanwicayaka.
- 11 Token wanmdi wan holpi kin coskiya.
 Qa cinca kin aman;
 Hupahu kamdage ça iwicacu;
 Tašun akan wicahduha.
- 12 He iyecen Jehowa išnana nape yus awicaya.
 Qa taku wakan tokeca owicape šni.
- 13 Maka paha akan iyotang wicaya;
 Hecen maga waskuyeca kin yutapi;
 Qa canhanpi tiktica imnija etanhan yazokapi;
 Qa wihdi inyan suta linca etanhan.
- 14 Pte asanpi nini, qa tahiŋca asanpi kin,
 Qa wašin tacincadan etanhan;
 Nakun tamdoka Bašan en icagapi etanhan, qa tatoka-
 dan etanhan;
 Aguyapi mdū iyotan wašte linca kici,
 Qa hastanhanka we miniša datkan.
- 15 Unkan ecetudapi kin cepa ayapi, qa nah̄takapi.
 Nicepapi, wašin nišokapi;
 Qa taku Wakan ical̄wicaye cin he ihaktapi šni;
 Qa imnija niwicaye cin taku dapi šni.
- 16 Taku tokeca wakan dapi on inawizi yapi,
 Taku wal̄tešni on šiḥdayapi.
- 17 Wanagi wakan šni wakiciyušnap̄i,
 Taku wakan sdonyapi šni qon,
 Taku wakan teca aškatudan en upi,
 Hunkakepi hena sdonwicayapi šni.
- 18 Imnija ical̄niye cin he eh̄peyaya,
 Qa Taku Wakan nicage cin ayektonja.
- 19 Unkan Jehowa wanyake ça wal̄teda šni,
 Iye cinca wica winyan koya šiḥdayapi nakaš.
- 20 Qa heya, Miite inawicawakiḥbe kta.
 Token ihunnipi kta wanmdake kta;
 Wicoicage pemni hecapi nakaš.
 Cinca wowicake nicapi.
- 21 Iyepi taku wakan šni on winawizi mayanpi.
 Tawakagapi on šiḥda mayanpi.

WICOWOYAKE 32.

- Heon miś oyate heca śni on winawizi wicawaye kta,
Ikcewicašta witkotkoka on śinhda wicawaye kta.
- 22 Mitocanniye on peta wan ideya;
Hades temahentu ekta itkon kta;
Maka kin taku aicage cin ko yasote kta;
He taku ahanpi kin hūhnahe kta.
- 23 Wiciwankam taku śica mnawaye kta.
Hena en wahinkpe mitawa bowakisote kta.
- 24 Wicaakihan on yasotapi kta,
Qa makośice on temyapi kta,
Qa woihangye tehika on.
Qa wicayahtake kta e wamanica hipi kin en yewaye
kta,
Nakun watuśekśeca osdohanpi tagepi kin.
- 25 Tankan canhipi kin wicakte kta,
Timahen woyuśinyaye cin,
Koška kañnigapi, wikoška koya;
Hokśiyopopa waazin, wicañinca pa ska kici.
- 26 Wicawakaśpe kta, epa,
Wicašta ehna tanhan kiksuyapi kin ihangwaye kta.
- 27 Tuka tokayapi tocanniye on itonwapa,
Okini tona wicakiyuśepi okañnigapi kte śni,
Okini heyapi kta, Unnapapi wankantuya;
Taku kin de owasin Jehowa econ śni.
- 28 Oyate wokcan nicapi nakaś,
Hena ohna wookaħnige wanica.
- 29 Tokin ksapapin, taku kin de awacinpin,
Owihanketa token unpi kta awacinpi unkanś;
- 30 Hehan wanjidan kektopawinge pasi kta,
Qa nonpa kektopawinge wikcemna ħamyapi kta tuka;
Imnija tawapi wiyope wicaye śni unkanś;
Qa Jehowa awicayuśtan śni unkanś.
- 31 Imnija tawapi Imnija unkitawapi kin iyececa śni
nakaś.
Qa toka unyanpi kin he iyukcanpi.
- 32 Hastanhanka iyuwi tawapi kin Šodom iyuwi kin iye-
ceca,
Qa Gomora tamaga etanhan,
Hastanhanka, icaħyapi kin pizi hastanhanka heca;
Qa iyage yuhapi kin paħinca.
- 33 Miniśa tawapi wamduška tage kin heca;
Sintelida tage śica tehika ħinca.
- 34 De mici kihnakapi śni he?
Wowapi opiye mitawa en ipuspapi.
- 35 Tokiċonpi kin he mitawa, wokajuju nakun.
Tohan siħapi naśdute cinhan,
Anpetu en atakunipi kte śni kin he wanna ikiyedān.
Qa taku wiyeya wicakicagapi kin ecadan hi kta.
- 36 Jehowa iye taoyate kin wicayaco kta nakaś;

WOOPE ITAKIHNA,

- Qa taokiye on iyope iciye kta ;
 Tohan napepi waśake śni unpi wanyake cinhan ;
 Nakun natakapi qa okaptapi wanica.
- 37 Qa heye kta, Taku wakan dapi qon tukteepi he ?
 Imnija wacinyanpi qon ?
- 38 Hena wopida wośnapi śin kin yutapi qon ;
 Qa miniśa kaśtanpi kin yatkanpi qon ;
 Hena najinpi qa ōniciyapi nunwe.
 Wowinape nićupi nunwe.
- 39 Wanyakapo miye miśnana hemaca ;
 Qa taku wakan iyemaceca wanica.
 Miś waŕewaya qa waniwaya,
 Kiunniwaya qa okizi waye kta.
 Qa tuwedan minape etanhan ehdaku okihi śni.
- 40 Wanna ninape maħpiya ekta kiya ye wakiya,
 Qa hepa, Owihanke wanin wani ;
- 41 Kinhan wakanhdi isan wahdube kta.
 Qa minape wayaco yuze kta.
 Toka manyanpi wotokiçon wicawecu kta ;
 Qa tona śice madakapi kin hdajuju wica waye kta.
- 42 Wahinkpe mitawa we on witko wakiye kta.
 Qa isan mitawa wicaceħpi yute kta ;
 Wicaopi qa wayaka unpi etanhan.
 Toka itancanpi pa tawapi kin on.
- 43 Ikce wicaśta taoyate kin om idowanpo.
 Iye taokiye wepi kin he tokiçon kta ;
 Toka wicayapi kin wotokiçon wicakicu kta ;
 Taoyate tamakocepi kin akaħpe kiciye kta.
- 44 Unkan Mowis ekta hi, qa odowan kin de oie kin owasin oyate nogepi en ia, iye, qa Nun cinhintku Jośuwa.
- 45 Unkan Mowis Israel owasin wicoie kin hena owasin ewicakiye cehan,
- 46 Hewicakiya, Wicoie nakaha ciciyataniŋpi kin owasin ekta nicantepi kin yekiyapo, Hecen woope kin de oie kin owasin nicincapi pŕtan qa econ wicayaśipi kta.
- 47 Wicoie kin de on yanipi kta nakaś ; heon ihnuhan he takuśni yadapi, qa wicoie kin de on anpetu niciyuotapi kta, maka ekta yaipi kta e Jordan iduwegaŋpi kin he akan.
- 48 Unkan anpetu kin he en Jehowa ie a Mowis heciya,
- 49 Abarim ħe kin de, Nebo pa-ha kin, Moab makece ohna yan-ke cin, Jeriħo iyotakons he itan-wankanhde adi wo, qa Kanan makece Israel cinca icupi kta e wicawaqu kin he wanyaka wo.
- 50 Qa ħe ayadi kte cin he akan niħe kta, qa oyate nitawa ekta okipe niyanpi kta, Nicinye Aaron Ĥor ħe akan ħe a taoyate ekta okipe yapi qon he iyecen.
- 51 Wamiyecilħtanipi Israel cinca ehna, Meriba Qades (Kigepi Wakan) mini ekta, Tzin ħewoskan ohna, qa Israel cinca ehna mayadawakanpi śni.
- 52 Heon nitokam makece kin wandake kta, tuka makece wan Israel cinca kin wicawaqu kin heciya yai kte śni.

WICOWOYAKE 33.

- WICOWOYAKE 33. | wicašta tawa ƚe cin itokam, wo-
yawašte on Israel cinca wicaya-
wašte kin dee.
- 1 Unkan Mowis Wakantanka
 - 2 Unkan heya,
Jehowa Sina etanhan u, qa Sehir etanhan awicahin-
nanpe ;
Qa Paran ƚe kin etanhan iyega ;
Qa taokiye wakan oyawa tanka etanhan ;
Iye etapa tawa etanhan peta woope wan en wicahi.
 - 3 Nakun oyate cante wicakiya ;
Wicašta wakan tawa owasin nape ohna wicahduha ;
Qa siha ekta wankapi,
Otoiyoƚi nioie icu kta.
 - 4 Mowis woope wan onspe unkiyapi,
Jakob omniciye taku tawayapi kte cin hee.
 - 5 He Ješurun (Ečetudanpi) en wicaštayatapi,
Israel wicoun, oyate itancanpi kin yuwitayapi hiyeyapi
qehan.
 - 6 Ruben ni kta, qa ƚe kte šni,
Qa wicašta tawa tonana kte šni nunwe.
 - 7 Qa Juda on heya,
Jehowa Juda ho kin naƚon qa taoyate kin ekta hdicu-
ya ye.
Iye on nape kin iyakicu ye kta, qa toka yapi etanhan
iciya ye.
 - 8 Qa Lewi on heya,
Wiyušan wicakiye nitawa qa iyoyan wicaye nitawa
kin wicašta wacantkiye nitawa yuhe kta.
He Masa (Iyutanyapi) ekta iyutan yaya,
Qa Meriba (Iyopeyapi) mini kin ekta iyope yaya.
 - 9 Iye atkuku hunku ko on wanmdake šni eya,
Šunkaku iyeƚiye šni,
Qa iye cinca kin sdonwicaye šni ;
Tuka nioie yuhapi, qa wicotakuye nitawa patanpi.
 - 10 Jakob woyaco nitawa onspe kiyapi kta ;
Woizinye nipoge ekta yekiyapi kta,
Qa woƚuƚnaƚyapi wahna wošnapı nitawa akan.
 - 11 Taku yuhe cin Jehowa yawašte ye,
Qa taku iye nape kin econ iyuškin kiya ye ;
Tona kipajinpi nitepi wicakiyušuja,
Nakun tona šicedakapi, hecen ake najinpi kte šni.
 - 12 Qa Benjamin on heya,
Tuwe Jehowa wašte dake cin he wakokipe šniyan iye
ikiyedani ti kta.
Anpetu osan he akaƚpe kta, qa hiyete otahedan ounye
kta.
 - 13 Qa Josep on heya,
Makoce tawa Jehowa yawašte nunwe, taku iyotan
wašte on,

WOOPE ITAKIHNA,

Maḥpiya etanhan, cu etanhan, qa wošbe ihukuya wan-
ke cin etanhan.

- 14 Nakun taku iyotan wašte anpetu wi icaḥye cin on,
Qa taku iyotan wašte hanyetu wi inanpe ye cin on ;
- 15 Qa ḥe wanakaja pajodan etanhan,
Qa paha owihanke wanica etanhan taku iyotan wašte
on.
- 16 Qa maka taojudan koya etanhan taku iyotan wašte on ;
Tuwe oteḥi ounye cin toiyokipi kin Josep paha akan,
Qa-tuwe iye cincu etanhan yukinukanpi pesdete akan
u nunwe.
- 17 Tatanka tawa tokaheya tonpi towitan kin hee,
Hehe tawa tinta tatanka wan tahe kin iyececa,
Hena on maka ihanke ekta oyate kin yuwitaya wica-
patan kta ;
Epraim oyawawa tanka qa Manase kektopawingege
kin hena eepi.
- 18 Qa Zebulun on heya,
Zebulun inanpe yaye cin en iyuškin wo ;
Qa Issakar wakeya nitawa ohna.
- 19 Ḥe kin ekta oyate wicakicopi kta,
Hen woowotanna wošnapi patapi kta ;
Taku wiyaka ohna naḥmanpi,
Qa miniwanca toicewin kin yazokapi kta, nakaš.
- 20 Qa Gad on heya,
Tuwe Gad yutanka yawaštepi nunwe,
Mnaja iyecen iwanke ɕa isto pa kici yaḥdeca.
- 21 Makoce tokaheya kin ḥe tawa ye kta, iwanyaka ;
Woope kage cin taku yuhe kiya kin ḥe aconkaškayapi
nakaš ;
Qa oyate itancanpi om ḥi,
Qa Jehowa toowotanna qa tawoyaco Israel om econ.
- 22 Qa Dan on heya.
Dan mnaja cinca wan heca,
Bašan etanhan ipsice kta.
- 23 Qa Naptali on heya,
Naptali wocantkiye on wipi, qa Jehowa toyawašte
ojudan ;
Mde kin qa wiyotanhan kin tawaya wo.
- 24 Qa Ašer on heya,
Ašer cinca on yawaštepi kta,
Hunkawanjin wicaye cin iyokipi wicaye kta ;
Qa siha wiḥdi en oputkan kta.
- 25 Tiyopa inatake nitawa mazasapa qa mazaša hecapi kta,
Qa anpetu nitawa iyecen iyozi nitawa kta.
- 26 Ješurun (Ecetudanpi) taku wakan yada kin tuwedan
iyecece šni, ḥe óniciye kta ;
Maḥpiya akan iyotanke ɕa towitan tanka en maḥpiya
šapa akan u ce,

WOOPE ITAKIHNA.

- 27 Taku wakan otokahe wanica wowinape yaya,
Qa isto owihanke wanica nihukuya un ce.
Nitokapa tanhan tóka kin nape wicaye kta qa, Ihang
wicaya wo eye kta.
- 28 Unkan Israel wikopešniyan kinukankiya ounye kta ;
Jakob ísta kin aguyapi su, qa miniša makoce wan akan
un kta ;
Qa mahpiya tawa cu šbu kta.
- 29 Israel wowiyuškin tanka duha ;
Tukte oyate wan niye iyecen Jehowa niwicaya he ?
Wahacanka akašpe niye qa,
Tacanłpi wowitan nitawa kin hee.
Qa toka niyanpi nitokam ístenya hecapi kta,
Qa oyanke pajodan tawapi amayani kta.

WICOWOYAKE 34.

1 Unkan Mowis Moab makomdaye etanhan, Nebo he kin, Pisga paha kin, Jeriho iyotakonza, itanwankanhde adi. Unkan Jehowa Gileyad makoce kin ocowasin, Dan aiyahdeya wanyag kiya.

2 Nakun Naptali tamakoce kin ocowasin, qa Ephraim qa Manaše tamakocepi kin, qa Juda tamakoce kin ocowasin, wiyohpeyata mde kin hehanyan ;

3 Qa itokaga kin, qa omdaye Tamar can otonwe Jeriho kaksiza etanhan, Tzohar hehantu.

4 Unkan Jehowa heciya, Makoce Abereham, qa Izak, qa Jakob nicinca kin he wicawaqu kta konza ewicawakiye cizon he dee ; ništa on he wanyag ciciya, tuka he ekta iduwege kte šni.

5 Unkan Jehowa taokiye Mowis hen ła ; Moab makoce ohna Jehowa eye cin iyecen.

6 Unkan hen hnakapi Moab makoce kaksiza wan ohna, Bet Peyor (Peyor ti) iyotakonza, tuka ohna hnakapi anpetu kin de

hehanyan wicašta wanjidan sdonye šni.

7 Wanna Mowis waniyetu opawinge sanpa wikcemna nonpa hehan țe ; ísta mdeza, qa tookihi šihtin šni.

8 Unkan Israel cinca anpetu wikcemna yamni Mowis aceyapi ; Moab makomdaye ohna ; hehan Mowis on iyokišicapi acyapi anpetu kin henakecapi.

9 Unkan Jošuwa Nun cinhintku woksape woniya ojudan, Mowis nape kin atputaka nakaš ; unkan Israel cinca kin he anagoptanpi, qa token Jehowa Mowis eciye cin iyecen econpi.

10 Unkan wicašta wokcan Mowis iyecen Jehowa itkokim sdonya icimana najin šni.

11 Wowapetokeca, qa oħan wakan Jehowa Egipta makoce ohna Paro, qa taobe owasin ecawicakicon kta yeši qon, owasin en iyecen.

12 Nakun nape wašake cin owasin iyecen, qa oħan tanka, qa woyušinyaye Mowis Israel owasin ístapi itokam econ kin iyecen.

JOŠUWA TAWOWAPI.

WICOWOYAKE 1.

1 Unkan Jehowa taokiye Mowis te cin iyohakam, Jehowa ie ca Jošuwa Nun cinhintku, Mowis tawašitku kin heciya,

2 Mitaokiye Mowis wanna te heon niye najin wo, wakpa kin de Jordan iyuwega wo; niye qa oyate kin de owasin, makoce wan miye Israel cinca kin wicawaqu kin he ekta.

3 Oyanke tona nisiha acankuye kte cin hena owasin ciçupi, Mowis ewakiye cin he iyecen,

4 Hopuze cin qa Lebanon he kin de etanhan, wakpa tanka kin ekta Yuperat wakpa kin hehanyan. Hiti tamakocepi kin ocowasin, mini owanca wi iyaye cin ektakiya, hehanyan makoce nita-wapi kta.

5 Yani kin anpetu owasin, hehanyan wicašta tuwedan nitokim najin kte šni. Token Mowis kici waun qon he iyecen nici waun kta; tohinni aciyušan kte šni, qa ehpeciye kte šni.

6 Wakišaka wo, qa miniheca wo; oyate kin de makoce wan wicawaqu kta, hunkake wicayapi kin konza ewicawakiye ciqon, he wicayakipamni kta nakaš.

7 Tuka woope wan mitaokiye Mowis ope niši kin ocowasin iyecen waktaya ecanon kta; Wakišaka qa nina miniheca wo, Ihnuhan hetanhan nihduhomni kin, etapa ektakiya, qaiš catka ektakiya, hecen toki de cin owasin en tanyan iyahuni kta.

8 Woope kin de wowapi kin nii etanhan tokan iyaye kte šni,

tuka he awacanni kta, anpetu qa hanyetu owasin; hecen taku he en owapi owasin waktaya ecanon kinhan, niohan owasin tanyan ihuniyakiye kta, qa yaksape kta.

9 Miye hecon ciši šni he? wakišaka qa miniheca wo. Ihnuhan niyušinyaye cin, qa ihnuhan wakoyakipe cin; toki de cin owancaya en Jehowa Wakanyada nici un nakaš.

10 Unkan Jošuwa oyate wowapi kagapi kin wahokon wicakiye ca hewicakiya;

11 Wicoti ehna manipo, qa oyate wahokon wicakiye ca hewicakiyapo, Tokata ampetu yamni, makoce tawayayapi kta e Jehowa Wakan yadapi niçupi kin he ekta yaipi kta, on Jordan wakpa kin de iduwegapi kta, heon wanya icicagapo.

12 Unkan Jošuwa ie ca Rubeni kin, qa Gadi kin, qa Manaše wicoun hanke kin hewicakiya,

13 Mowis Jehowa taokiye wicoie econ nišipi, qa Jehowa Wakanyadapi makoce kin de niçupi, qa oziniyanpi eye cin he kiksuyapo.

14 Nitawinpi, qa šiceca nita-wapi, qa wanunyanpi nitawapi makoce Mowis niçupi kin, Jordan itato en yakonpi kta, tuka niyepi tona wašakapi, qa waditakapi owasin wipekitonpi nihunkawanjinpi wicitokam idadapi, qa owicayakiyapi kta.

15 Jehowa Wakan yadapi nihunkawanjipi ozi wicayapi kte cin, niyepi iyecen, qa is eya makoce Jehowa Wakanyadapi wicaqu kte cin, he tawa yapi kta

JOŠUWA TAWOWAPI,

hehanyan; qa hehan yahdipi kta, makoce nitawapi ekta, Jordan itato, wihinanpe cin ektakiya, Mowis Jehowa taokiye niçupi kin he ekta, qa he tawayayapi kta.

16 Unkan ayuptapi, qa Jošuwa heciyapi, Taku econ unyašipi kin owasin econkupi kta, qa toki ye unyašipi kin he ekta unyanpi kta;

17 Jehowa Wakan yada Mowis kici un qon, he iyecen nici un kinhan, token Mowis naunhonpi qon, he iyecen naunhonpi kta.

18 Tuwe kašta nii kin kipajin, qa nioie taku econ unyašipi kin owasin nañon šni kinhan he ƣe yapi kte; wakišake ƣa miniheca wo.

WICOWOYAKE 2.

1 Wanna Jošuwa Nun cinhin-tku Šitim etanhan wicašta nonpa tonweyapi kta, nañmana ye wicaši, qa hewicakiya, Yapo, qa makoce qa Jeriho iwanyakapo. Unkan iyayapi, qa wihomni win wan ti kin en ipi, winohinca Rañab eciyapi, qa hen wankapi.

2 Unkan he Jeriho wicašta yatapi okiyakapi qa, Inyun, han-yetu kin de Israel cinca etanhan, wicašta makoce iwanyakapi kta e den hipi ce, eyapi.

3 Unkan Jeriho wicašta yatapi kin Rañab wahoya, qa heciya, Wicašta niye ekta hipi, yati en ipi kin, tankan hiyu wicaya wo; makoce owancaya iwanyakapi kta e hipi ce nakaš.

4 Tuka winohinca kin wicašta nonpa qon iwicacu, qa nawicañma, qa heya, Hecetu wicašta kin en mahipi ce, tuka tokiya tanhan upi kin sdonwaye šni ye.

5 Unkan otonwe tiyopa nataka-pi qehan, otpaza en wicašta qon

tankan iyayapi. Wicašta kin toki iyayapi sdon waye šni ye. Inañniya owicadepe, hecen wicayehdegapi kta.

6 Tuka winohinca kin tipi tuwa akan adi wicaye ƣa tipi tawa akan, hañonta on kagapi hu kin kihnake ciqon ohna nawicañma.

7 Unkan wicašta kin owicade-pi, canku Jordan iyahde ohna, oiyuwegapi ekta. Unkan wicašta owicadepi kin iyayapi hehan otonwe tiyopa natakapi.

8 Unkan ištımapi itokam, wino-hinca qon tipi tawa akan, ekta wicai;

9 Qa wicašta qon hewicakiya, Jehowa makoce kin de niçupi kin sdon waya ye; konicipapi kin he unkahinñpayapi ye, qa makoce oonyanpi kin owasin ni-yepi on skanpi nakaš.

10 Egupta etanhan yahdinan-papi qehan, token Jehowa Mdeša mini kin oyañe ya, nakun token Amori wicašta yatapi nonpa Jordan akotanhan yakonpi qon, Siñon, qa Og ecawicayeconpi, qa ocowasin ihang wicayayapi naunhonpi ye.

11 He naunhonpi heon uncante-pi skan, qa yaupi on tuwedan toniya najin šni ye; Jehowa Wakan yadapi kin wankan Mañpiya en, qa nakun ihukuya maka akan Wakantanka ee nakaš.

12 Heon ceciciyapi wacantkiya ecaciconpi kin he iyecen ate ti-yohnaka wacantkiya ecawicaye-conpi kta, Jehowa cajeyan konza kemakiyapi qa wowakta wacin-yepica wan maqupe.

13 Hecen ate, qa ina, qa cin-capi wica winyan koya, qa taku tawapi owasin niwicayayapi kta, qa unnagipi kin wiconƣe etanhan eundakupi kta ye.

14 Unkan wicašta kin heciyapi. Unnagipi kin, nitawapi kin on

WICOWOYAKE 3.

tapi kta, Unkolhanpi kin de dao-taninpi šni kinhan, tohan Jehowa makoce kin de unqupi kinhan, wowacantkiya ecaunniconpi, qa wicaunkapi kta.

15 Unkan hałonta kahmupi wan on ojanjan hdepi ohna kun iyaye wicaya; iye ti kin otonwe conkaške akan kagapi nakaš, qa otonwe conkaške akan ounyan.

16 Qa hewicakiya, He ekta yape, okini onide iyayapi kin anicipapi kta, qa yamni can hen inahmanpe; onide iyayapi hdipi kin hehanyan, qa ohakam toki dapi kin ekta idadapi kta ye.

17 Unkan wicašta qon heciyapi, Wokonze kin de on icicons unyakiyapi kin de etanhan unkihdušpapi kta;

18 Iho makoce kin en unhipi kinhan, ojanjanhdepi ohna kun hiyu unyayapi kin he en, hałonta duta kin de iyayakaške kta, qa niyate, qa nihun, qa nihunkawanji niyate tiyohnaka owasin tipi kin den niye ekta wicaduwitaye cinhan;

19 Tuwe kašta yati tiyopa etanhan inanpe cinhan iye we kin pa kici un kta, qa unkiye iyaonpe pica šni unyakonpi kta; tuka tona tipi ohna nici unpi kinhan, tuwe iyalpe wicaye cinhan, we tawapi unpapi akan yanke kta.

20 Nakun taku on unhipi kin de odake cinhan, wokonze on icicons unyakiyapi kin de etanhan unkihdušpapi kta.

21 Unkan, Token ehapi ecetu kta ye eye ca kihde wicaši. Unkan iyayapi. Unkan hałonta duta kin ojanjan hdepi en iya-kaška.

22 Unkan iyayapi qa he ekta ipi, qa anpetu yamni hen yakonpi, owicadepi kin hena hdipi kin hehanyan. Unkan owicadepi kin

canku owasin ohna awicakitapi, tuka iyewicayapi šni.

23 Unkan wicašta nonpa qon kihdapi, he etanhan inahniya apamahde kupi, qa iyuwegapi, qa Jošuwa Nun cinhintku kin en hdipi, qa taku akipapi owasin okiyakapi.

24 Qa Jošuwa heciyapi, Jehowa makoce kin ocowasin unnapipi en unqupi ce, qa makoce ounyanpi kin owasin unkiyepi on skanpi ce.

WICOWOYAKE 3.

1 Unkan Jošuwa hanhanna kin kika, qa iye qa Israel cinca owasin Šitim etanhan ihdakapi, qa Jordan ekta ipi, qa iyuwegapi kta itokam hen wankapi.

2 Unkan anpetu yamni hehan wowapi kagapi kin wicoti cokay iyayapi;

3 Qa oyate kin wahokon wicakiyapi, qa heyapi, Jehowa Wakanypadapi wicotakuye can wohna tawa, qa wawayušnapi Lewi kin he akiyuhapi wandakapi kinhan, niyepi dukanpi kin etanhan iyahdakapi, qa he ihakam idadapi kta.

4 Tuka he etanhan itehan dukanpi kta, wicišpa kektopawinge nonpa iyutapi ece kin hehanyan, he ikiyedani idadapi kte šni, hecen canku ohna idadapi kta sdonyayapi kta. Hektam canku kin he ohna idadapi šni nakaš.

5 Unkan Jošuwa oyate kin hewicakiya, Ihduwakanpo, heyakecinhan Jehowa niyepi ehna woyušinyaye wan econ kta.

6 Nakun Jošuwa ie ca wawayušnapi hewicakiya, Wicotakuye can wohna kin akiyuhapi, qa oyate wicitokam iyayapo; unkan wicotakuye can wohna kin

JOŠUWA TAWOWAPI,

akiyuhapi, qa oyate kin itokam iyayapi.

7 Unkan Jehowa Jošuwa heciya, Anpetu kin de tokaheya ciyutan kta, Israel owasin istapi en, token Mowis kici waun qon, he iyecen niye kici waun kin he sdonyapi kta, heon etanhan.

8 Heon wawayuśnapi wicotakuye can wohnaka akiyuhapi kin wahokon wicakiye ça hewicakiya wo, Tohan Jordan mini tokaheya ekta yaipi kinhan Jordan en nayajinpi kta.

9 Unkan Jošuwa Israel cinca kin hewicakiya, Den ikiyedani kuwapo, qa Jehowa Wakanyadapi oie kin nañonpo.

10 Qa Jošuwa heya, Taku kin de etanhan, Taku wakan ni un kin niyepi ehna yanka, qa nitokapa tanhan Kanani kin, qa Hiti kin, qa Hiwi kin, qa Perazi kin, qa Girgaśi kin, qa Amori kin, qa Jebusi kin ohinniyan nape wicaye kte cin sdonyayapi kta.

11 Inyun maka owancaya itancan kin wicotakuye can wohnaka tawa kin nitokam Jordan en iyaye kta ce.

12 Heon wanna Israel wicoun etanhan wicaśta wikcemna sanpa nonpa ikikeupo, wicoun iyohi wicaśta wanjikśi.

13 Unkan kaketu kta, wawayuśnapi Jehowa maka owancaya itancan can wohnaka tawa akiyuhapi sihapi kin Jordan mini en iyozipi kinhan, Jordan mini kin kiyuśpapi kta, Jordan mini kin tatowapa tanhan kun u kin he, qa bosdan paha wan iyecen wanke kta.

14 Unkan oyate kin Jordan iyuwegapi kta e tawakeyapi etanhan ihdakapi qehan, wawayuśnapi kin wicotakuye can wohnaka akiyuhapi kin hena oyate itokam manipi.

15 Qa can wohnaka kin akiyuhapi kin Jordan ekta ipi, qa wawayuśnapi can wohnaka akiyuhapi sihapi kin mini hutata en oputkanpi qehan, (aguyapi baksapi ece icunhan anpetu owasin Jordan maya owasin iyujiñnayan wanka,)

16 Qa Jordan mini kin tatowapa tanhan u kin he anaptapi, qa bosdan han, paha wan heca nina hanska, Adam otonwe Tzaretan icahda yanke cin hehanyan; tuka Araba mde, miniskuya mde kin hee ekta kaduze cin he oyahe, ocowasin skepa. Unkan oyate kin Jeriho iyotakons opta iyayapi.

17 Unkan wawayuśnapi Jehowa otakuye can wohnaka akiyuhapi kin Jordan cokaya maka puza seca akan owanjin najinpi, ecen Israel owasin maka puza akan opta iyayapi, oyate kin owasin Jordan akasam iyayapi yuśtanpi kin hehanyan.

WICOWOYAKE 4.

1 Hecen oyate kin owasin Jordan iyuwegapi yuśtanpi. Unkan Jehowa ie ça Jošuwa heciya,

2 Oyate kin etanhan wicaśta wikcemna sanpa nonpa ikikeu wo, wicoun otoiyo hi etanhan wicaśta wanjidan.

3 Qa wahokon wicakiye ça hewicakiya, Detanhan Jordan cokaya tanhan, oyanke wawayuśnapi sihapi kin sutaya ahanpi kin hetanhan inyan wikcemna sanpa nonpa icupo, qa hena yuha dapi, qa tukten hanyetu kin de inonkapi kte cin hena eyajupi kta.

4 Unkan Jošuwa Israel cinca etanhan wicaśta wikcemna sanpa nonpa wiyeya wicakage ciqon wicoun iyohi etanhan wicaśta wanjidan wicakipan.

WICOWOYAKE 4.

5 Qa Jošuwa hewicakiya, Jehowa Wakan yadapi can wohnaka tawa ikiyedani yapo, Jordan cokaya ekta, qa otoiyohi inyan wan yuwankan icupo, nitahpapi akan. Israel cinca wicoun iyenaka ;

6 Hecen de wapetokeca duhapi kta, tokata nicincapi iniwangapi qa, Inyan kin dena token kapi he? eniciyapi kinhan?

7 Token Jordan mini kiyuſpapi kin Jehowa otakuye can wohnaka itokam, Jordan iyuwegapi qehan, Jordan mini kin kiyuſpapi owicayakidakapi kta ; hecen Israel cinca kin inyan kin dena wokiksuye owihanke wanin yuhapi kta.

8 Hehan Israel cinca token Jošuwa econ wicaſi iyecen econpi, qa Jordan cokaya tanhan inyan akenonpa icupi, Israel cinca wicoun iyenaka, Jehowa Jošuwa eciye cigon iyecen, qa hena yuha yapi ewankapi kin ekta, qa hen ejupi ;

9 Qa nakun inyan akenonpa Jošuwa ehde Jordan cokaya, wawayuſnapi wotakuye can wohnaka akiyuhapi sihapi ahanpi kin he akan ; qa hena hen yakonpi anpetu kin dehanyan.

10 Unkan wawayuſnapi can wohnaka akiyuhapi kin Jordan cokaya najinpi, taku Jošuwa oyate kin ewicakiya Jehowa eye ſi qon owasin yuſtanpi, qa oyate kin inahniya opta yapi kin dehanyan, Mowis Jošuwa econ ſi qon he iyecen.

11 Unkan oyate kin owasin iyuwegapi yuſtanpi qehan, Jehowa can wohnaka tawa, qa wawayuſnapi kin oyate itokam iyayapi.

12 Wanna Ruben cinca, qa Gad cinca, qa Manaſe wicoun hanke wipe yuhapi Israel cinca itokam

iyayapi, Mowis ewicakiye cigon he iyecen,

13 Wicaſta kektopawinge wikcema topa, kicizapi obe zuya iyayapi, Jehowa itokam, Jeriho makomdaya kin ekta.

14 Anpetu kin he en Jehowa Jošuwa yutanka, Israel owasin iſtapi en. Unkan tohanyan ni kin anpetu owasin kokipapi, Mowis kokipapi qon he iyecen.

15 Unkan Jehowa ie ça Jošuwa heciya,

16 Wawayuſnapi kin woyaatanin can wohnaka akiyuhapi kin Jordan etanhan itanwankanhde ye wicaſi wo.

17 Unkan Jošuwa wawayuſnapi hewicakiya, Jordan etanhan itanwankanhde yapo.

18 Unkan wawayuſnapi Jehowa otakuye can wohnaka akiyuhapi kin Jordan cokaya tanhan iyayapi qehan; wawayuſnapi sihapi kin maka puza ekta hdutitanpi qehan, Jordan mini kin owanka tawa ekta hdi, qa maya tawa owasin iwankam iyaya, htanihan, qa sanpa econ qon he iyecen.

19 Wanna wi tokaheya anpetu wikcemna en oyate kin Jordan etanhan iyayapi, qa Jeriho iwi-yohiyanpa tanhan Gilgal ohna etipi.

20 Unkan inyan wikcemna sanpa nonpa, Jordan etanhan icupi qon hena Jošuwa Gilgal ohna ehde.

21 Qa Israel cinca kin hewicakiya, Tokata nicincapi kin hun-kayapi kin iwangapi, qa, Inyan kin dena taku he? eyapi kinhan,

22 Nicincapi sdonye wicayakiyapi kta, qa Israel maka puza amani Jordan kin de ohiyupi, ehapi kta :

23 Token Jehowa Wakan ya-

JOŠUWA TAWOWAPI,

dapi kin niyepi itokam Jordan mini kin oyahe ya, iduwegapi icunhan, he iyecen Jehowa Wakan yadapi unkiyepi itokam Mdeša mini kin ecakicon, qa oyahe ya, unkiyuwegapi icunhan.

24 Heon oyate owasin maka owancaya Jehowa nape kin hee wašaka sonyapi kta, qa heon Jehowa Wakan yadapi kin koyakipapi kta anpetu owasin.

WICOWOYAKE 5.

1 Unkan Amori wicašta yatapi kin Jordan itato, wiyohpeyata ektakiya owasin, qa Kanani wicašta yatapi miniwanca icahda yakonpi owasin, Jehowa Israel cinca kin Jordan iyuwegapi icunhan, wicitokam token mini kin oyahe ye cin he nahonpi qehan, cantepi kin skanpi, qa woniya nicapi, Israel cinca itokam.

2 He ehan Jehowa Jošuwa heciya, Inyan isan icicaga, qa ake Israel cinca inonpa bawicalhdaya wo.

3 Unkan Jošuwa inyan isan icicaga, qa Ce inkpa paha kin ekta Israel cinca kin bawicalhdaya.

4 Qa taku on Jošuwa bawicalhdaye cin dee, oyate Egiypta etanhan hdinanpapi wica owasin, wicašta ozuye okihipi owasin hewoskan tapi; Egiypta etanhan hdinanpapi canku ohna.

5 Oyate hdinanpapi qon hena owasin bawicalhdayapi; tuka oyate hewoskan tonpi Egiypta etanhan hdinanpapi canku ohna, hena owasin bawicalhdayapi šni.

6 Israel cinca waniyetu wikcemna topa hewoskan manipi, oyate wicašta ozuye okihipi, Egiypta etanhan inanpapi kin hena owasin sotapi kin hehanyan. Hena Jehowa ho, kin anagoptanpi šni nakaš, heon makoce ptea-

sanpi, qa canhanpi tiktica kaduze cin he unqupi kta hunkake wicayapi konza ewicakiye ciqon, he wanyag wicakiye kte šni konza ewicakiya.

7 Tuka hena eekiya cincapi icagapi kin hena bahdayapi šni unpi, tahepi tuwedan bawicalhdaye šni nakaš, heon Jošuwa hena bawicalhdaya.

8 Unkan oyate kin owasin bawicalhdayapi yuštanpi qehan wicoti ohna owanji yukanpi akisnippi kin hehanyan.

9 Unkan Jehowa Jošuwa heciya, Nakaha Egiypta woaie kin niyepi etanhan paptan iyewaya, heon oyanke kin he anpetu kin dehanyan (Gilgal) Paptanyanpi eciyapi.

10 Unkan Israel cinca Gilgal ekta tipi, qa woacakšin kagapi, wi anpetu wikcemna sanpa topa en hitayetu ehan, Jeriho makomdaye ohna.

11 Unkan woacakšin ihanhanna hetanhan maka taku icahiye cin he yutapi, aguyapi napohyapi šni, qa papahyapi, anpetu kin he en.

12 Unkan makoce taku icahiye cin he yutapi ihanhanna hetanhan manna kin anaptapi, qa Israel cinca kin icimana manna yutapi šni, qa waniyetu kin he Kanan makoce taku icahiye cin he yutapi.

13 Unkan Jošuwa Jeriho ikiyedan un kin icunhan išta kin yuwankan ikikeu, qa etonwan; unkan inyun iye itokam wicašta wan najin, qa nape ohna isan wan yuškapi yuha, unkan Jošuwa ikiyedan i qa heciya, Niye unkiyepi kici yatidan, qaiš toka unyanpi kici unman tukte he?

14 Unkan heya, Hiya tuka Jehowa taobe mdetanhunka heca wahi ce. Unkan itokam Jošuwa

WICOWOYAKE 6.

makipusdiya ehpe içiye ça ohoda, qa heciya. Itancan taku nitao-kiye eyakiye kta he?

15 Unkan Jehowa taobe mde-tanhunka kin Joşuwa heciya, Siha etanhan hanpa hduşdoka wo. Oyanke akan nayajin kin he wakan ce. Unkan Joşuwa ecen econ.

WICOWOYAKE 6.

1 Wanna Jeriho tiyopa kin ecen icupi, qa Israel cinca on sutaya natakapi, tuwedan hinanpe şni, qa tuwedan en i şni.

2 Unkan Jehowa Joşuwa heciya, Ito ninape en Jeriho ciçu, nakun tawicaşta yatapi, qa wicaşta waşakapi.

3 Heon ozuye wicaşta owasin otonwe ihdukşan mayanipi kta; wancadan ohomni dapi kta, anpetu şakpe hecen ecanonpi kta.

4 Qa wawayuşnapi şakowin can wohnaka kin itokam Jubele (woiwakta) mazayahotonpi kin ayapi kta, qa anpetu işakowin en otonwe ihdukşan şakowin akihde mayanipi kta, qa wawayuşnapi kin maza yahotonpi kin yahotonpi kta.

5 Qa Jubele (woiwakta) he kin tehan yahotonpi kinhan, yahotonpi ho kin nayaşonpi kinhan, oyate owasin iyaşapi tanka iya-kişapi kta, unkan otonwe conkaşke kin hukuyata hinhpaye kta, unkan oyate wicaşta iyohi iye iyotakonza en yapi kta.

6 Unkan Joşuwa Nun cinhintku kin wawayuşnapi wicakipan, qa hewicakiya, Wicotakuye can wohnaka kin akiyuhapo. Unkan wawayuşnapi şakowin Jubele mazayahotonpi şakowin Jehowa canwohnaka kin itokam ayapi kta.

7 Qa oyate kin hewicakiya, Iya-

yapi qa otonwe kin ihdukşan yapo. Tona wipe kitonpi otoi-yohi Jehowa canwohnaka tawa itokam mani kta.

8 Unkan Joşuwa ewicakiya yaştan qehan, wawayuşna şakowin Jubele mazayahotonpi şakowin yuhapi Jehowa itokam iyayapi, qa maza yahotonpi kin yahotonpi, qa Jehowa otakuye can wohnaka kin wicihakam ku.

9 Qa tona wipe yuhapi kin hena wawayuşnapi mazayahotonpi kin yahotonpi itokam iyayapi, qa oyate kin can wohnaka ihakam manipi, yapi eca maza yahotonpi yahotonpi ece.

10 Wanna Joşuwa oyate taku ewicakiye ciqon he dee, Yapanpanpi kte şni, qa nihopi kin nahonpi kte şni, qa, Panpanpo eciciyapi anpetu kin hehanyan niipi etanhan ho wanjidan inanpe kte şni, tuka hehan yapapanpi kta.

11 Unkan Jehowa can wohnaka tawa kin otonwe ihdukşan wancadan iyaya, hehan wicoti en hdipi, qa wicoti ohna wankapi.

12 Unkan ihanhanna Joşuwa hanhannahin kikta, qa wawayuşnapi kin Jehowa canwohnaka tawa kin ayapi.

13 Qa wawayuşna şakowin Jubele mazayahotonpi şakowin yuhapi, Jehowa canwohnaka kin itokam manipi; manipi eca mazayahotonpi kin yahotonpi ece; qa wicitokam tona wipe yuhapi kin manipi, qa oyate unman kin Jehowa can wohnaka kin ihakam manipi, qa maza yahotonpi kin yahoton manipi.

14 Qa anpetu inonpa wancadan otonwe ohomni yapi, qa wicoti en hdipi. Anpetu şakpe hecen econpi.

15 Qa anpetu işakowin anpao hinanpe çehan kiktapi, qa woyaco kin he iyecen şakowin aki-

JOŠUWA TAWOWAPI,

hde otonwe ohomni yapi; tuka anpetu kin heceedan otonwe kin šakowin akihde ohomni yapi.

16 Unkan išakowin hehan wayuśnapi kin mazayahotonpi kin yahotonpi qehan, Panpanpo, Jehowa otonwe kin niçupi ce, Jošuwa oyate kin ewicakiya.

17 Qa otonwe kin he Jehowa on yuwakanpi kte hinca, nakun taku ohna un kin owasin, Rahab witkowin kin iš nana ni kta, iye qa tona iye ti kin ohna yakonpi kin owasin; ohnihde ye wicunšipi kin hena nawicaħma nakaś.

18 Tuka ihnuhan taku yuwakanpi kin he iyacupi kin, okini niyašicapi kta; taku yawakanpi kin ongedan iyacupi kinhan, Israel obe kin woyašice yakagapi kta, qa he iyoyag yayapi kta.

19 Tuka mazaska, qa mazaskazi owasin, nakun taku mazaša qa maza sapa on kagapi owasin Jehowa on wakan kta; he Jehowa tawopiye en hiyuyapi kta.

20 Unkan oyate kin iyašapi, qa mazayahotonpi kin yahotonpi, qa oyate maza yahotonpi ho kin naħonpi, qa oyate iyašapi tanka on panpanpi qehan conkaške hukuya ekta hinħpaya; unkan oyate kin otonwe en ipi, otoiyo hi iye iyotakonza, qa otonwe kin icupi.

21 Qa otonwe ohna taku un kin iyulħpa yuwakanpi, wicašta qa winohinca, koška qa wicaħinca, pte, qa taħinca, qa šonšonna owasin canħpi hi on ihang yapi.

22 Unkan Jošuwa wicašta nonpa makoce iwanyag ipi qon, itokam hewicakiya, Witkowinna ti en yapo, qa hetanhan winohinca hiyu yapo, nakun taku tawa iyulħpa kin, konza eyakiyapi qon iyecen.

23 Unkan koška tonwe ipi qon

en ipi, qa Rahab hinanpe yapi; nakun atkuku, qa hunku, qa hunka wanjin wicaye cin, qa taku tawa iyulħpa, qa wicowazi tawa owasin hinanpe wicayapi, qa Israel owanka itankan ewicaħnakapi.

24 Unkan otonwe kin peta on ħulinaħyapi, taku ohnaka ko owasin; tuka mazaska kin, qa mazaskazi kin, qa taku mazaša on, qa mazasapa on kagapi kin he Jehowa ti wopiye en ehna kapi.

25 Tuka Rahab witkowin kin, qa atkuku tiyohnaka, qa taku yuhe cin iyulħpa Jošuwa niwicaya: Unkan anpetu kin dehan-yan Israel ehna ti, ohnihde Jošuwa Jeriħo iwanyag ye wicaši qon hena nawicaħma nakaś.

26 Unkan he ehan Jošuwa wakonza, qa heya, Tuwe najin qa otonwe kin de conkaške kage cin, Jehowa itokam yašicapi nunwe; caske tawa en oahehde ejukta, qa cinhintku hakakta en otonwe tiyopa kin bosdan ehde kte.

27 Hecen Jehowa Jošuwa kici un, qa makoce kin owancaya he caje yatapi.

WICOWOYAKE 7.

1 Tuka Israel cinca kin taku yuwakanpi en woalħtani walħtanipi, qa Akan Karimi cinhintku, Zabdi cinhintku, Zeraħ cinhintku, Juda wicowazi etanhan taku yašicapi kin etanhan icu, heon Jehowa Israel cinca canniye wicaya.

2 Unkan Jošuwa Jeriħo etanhan Hai ekta wicašta ye wicaši, he Bet Awen (Takuśni ti) icaħda, Bet-El (Wakanti) iwiyo hiyanpa tanhan wanka; qa hewicakiya, Itanwankanħde yapo, qa makoce kin iwanyakapo. Un-

WICOWOYAKE 7.

kan wicašta kin itanwankanhde yapi, qa Hai iwanyakapi;

3 Qa Jošuwa en hdipi, qa heciyapi, Oyate kin owasin itanwankanhde ye wicaye šni ye. Wicašta kektopawinge nonpa, qaiš wicašta kektopawinge yamni itanwankanhde yapi kta, qa Hai kaštakapi kte. Wicašta kin tonanapidan heon etanhan oyate kin owasin heciya mdokiŋe wicaye šni wo.

4 Unkan oyate etanhan wicašta kektopawinge yamni cetu itanwankanhde yapi, qa Hai wicašta itokam najicapi.

5 Unkan Hai wicašta kin oyate etanhan wicašta wikcemna yamni sanpa šakpe wicaktepi, qa otonwe tiyopa etanhan wicakuwapi, Šebarim (Otiwota) hehanyan, qa apamahde yapi en wicaktepi, heon oyate cantepi skan, qa mini iyececa.

6 Heon Jošuwa tawokoyake kin hduhdehdeca, qa Jehowa canwohnaka tawa itokam makipusdiya ehpe iŋiye hŋayetū kin hehanyan, iye nakun Israel hunkayapi, qa pesdetepi akan watušekseca ejupi.

7 Unkan Jošuwa heya, Hehehe, Itancan Jehowa tokeca oyate kin de Jordan hiyuweh wicaya-ya, qa Amori napepi en unyapupi kta, qa awihnuni unyanpi kta he? Tokin Jordan akasanpa unyakonpi kta tawaŋen unyanpin.

8 Hehehe Itancan wanna Israel tapete tokayapi ekta ihduhomnipi, qa taku epe kta he?

9 Qa Kanani, qa makoce unyanpi kin owasin he naŋonpi kta, qa unkiyepi ihduksan kupi kta, qa uncajepi kin maka kin etanhan kašpapi kta; unkan nicaje tanka on taku ecannon kta he?

10 Unkan Jehowa Jošuwa heciya, Najin wo. Tokeca decen makipusdiya ehpe niŋiya he?

11 Israel wahtanipi, qa nakun wicotakuye mitawa ope wicawaši kin he acakšinpi, qa nakun taku yawakanpi qon etanhan icupi, qa manunpi, qa itonpi šni, qa nakun wahpaya tawapi ehna ejupi.

12 Heon Israel cinca toka wicayapi itokam najinpi okihipi šni, woyašica hecapi nakaš; heon toka wicayapi ekta tapetepi ihduhomnipi. Woyušice kin he enitanhanpi ihang yayapi šni kinhan icimana ocipapi kte šni.

13 Najin, oyate kin wicayuwakan wo; qa hehe kta, Heyakecinhan on ihduwakanpo, Jehowa Israel Wakan dapi kin hecen eya nakaš, Israel niyepi ehna taku yašicapi yukan, heon taku yašicapi niyepi ehna tanhan dutokanpi šni hehanyan toka niyanpi itokam najin oyakihipi kte šni.

14 Heon hanhanna wicoun nitawapi ecekcen ikiyedan yahipi kta, qa wicoun Jehowa icu kte cin he wicowazi kin ecekcen ikiyedan hi kte, qa wicowazi Jehowa icu kte cin he tiyohnaka kin ecekcen ikiyedan hi kta, qa tiyohnaka Jehowa icu kte cin wicašta otoiyoŋi ikiyedan hi kte.

15 Qa tuwe woyašice en iye-yapi kin he petan huŋnahyapi kta, nakun taku yuhe cin owasin; Jehowa tawicotakuye acakšin, qa Israel ohna witkotkoya ohanyan heon etanhan.

16 Unkan Jošuwa hanhannaliin kikta qa Israel wicoun ecekcen ikiyedan hiyu wicaya; unkan Juda wicoun kin icupi.

17 Qa Juda wicowazi ikiyedan hiyuwicaya. Unkan Zerahi wicowazi kin icupi. Unkan Zera-

JOŠUWA TAWOWAPI,

hi wicowazi wicašta kin ikiyedan hiyuwicaya, qa Zabdi icupi.

18 Unkan iye tiyohnaka kin ikiyedan hiyu wicaya, wicašta iyo-hi, qa Akan Karmi cinhintku. Zabdi cinhintku, Zerahi cinhintku, Juda wicowazi etanhan icupi.

19 Unkan Jošuwa Akan heciya, Micinksi ito Jehowa Israel Wakandapi kin wowitan kiču wo, qa he en ohdaka wo, qa taku ecanon kin omakiyaka wo, Ihnuhan miye etanhan nayakihman.

20 Unkan Akan Jošuwa ayupte ça heciya, Awicakehan Jehowa Israel Wakandapi kin he awawahtani, qa decen, qa decen ecamon.

21 Woyuha ehna Šinar šina wan wašte wanmdaka, nakun mazaska šeqel opawinge nonpa, qa mazaskazi ceji wan šeqel wikcemna zaptan aspeyapi, hena wanmdake čehan cantihewaye ça iwacu, qa inyun hena wakeya mitawa ohna, maka mahen nahmanpi, qa mazaska kin hukuya wanka.

22 Unkan Jošuwa ohnihde ye wicaši; unkan ti ekta inyankapi, qa inyun he ti ohna nahmanpi, qa mazaska kin he ihukuya wanka.

23 Unkan wakeya cokaya tanhan hena icupi, qa Jošuwa ekta, qa Israel cinca owasin ekta kahipi, qa Jehowa itokam hena ejupi.

24 Unkan Jošuwa Akan Zerahi cinhintku kin icu, qa mazaska kin qa šina kin, qa mazaskazi ceji kin, qa cinca wica winyan koya owasin, nakun tatanka tawa qa tašonšonna, qa taħinca tawa, qa tawakeya, qa taku yuhe cin owasin, qa Jošuwa qa Israel owasin Akor (Woiyokiši-

ca) kaksiza kin ekta hiyu wicayapi.

25 Unkan Jošuwa heya, Tokeca iyokišin unyayapi he? Nakaha Jehowa iyokišin niye kta. Unkan Israel owasin inyan on kininpi, qa peta ohna huħnaħ wicayapi, inyan on wicakininpi ohakam.

26 Qa akan inyan paha tanka wan ejupi, anpetu kin dehanyan; heon oyanke kin he Akor kaksiza kin ecियapi anpetu kin dehanyan. Unkan Jehowa tocanniye kin etanhan ihduhomni.

WICOWOYAKE 8.

1 Unkan Jehowa Jošuwa heciya, Ihnuhan wakoyakipe ça ihnuhan yušinye niye cin. Oyate ozuye yapi kin owasin nici iwicacu, qa najin Hai ekta itanwan-kanhde ya wo. Inyun Hai wicašta yatapi kin ninape en waqu, nakun taoyate, qa totonwe, qa tamakoce.

2 Qa token Jeriħo qa wicašta yatapi tawa ecayecon he iyecen Hai qa tawicašta yatapi kin ecayecon kta, tuka tawaħpaya, qa tawanunyanpi niyepi on yakipi kta. Otonwe iħeyata wicašta analibeya iyape wicaya wo.

3 Unkan Jošuwa hanħannaħin kikta Hai ekta ye kta, iye, qa wicašta ozuye yapi owasin. Qa Jošuwa wicašta wašaka qa waditaka kektopawinge wikcemna yamni wicakaħniga, qa hanyen ye wicaši.

4 Unkan hecen econ wicaši qa heya, Wanyakapo, niyepi otonwe iħeyata analibeya dukanpi kta. Ihnuhan otonwe etanhan nina itehanyan dukanpi kin, tuka owasin wiyeya yaunpi kta.

5 Unkan miye qa oyate mici unpi kin owasin otonwe kin iki-

WICOWOYAKE 8.

yedan unyanpi kta; unkan unkitkokim tankan inanpapi kinhan, tokaheya econpi qon iyecen wicitokam naunjicapi kta.

6 Qa unkiyepi ihakam inanpapi kta, hecen otonwe etanhan hiyu wicunyanpi kta, wicitokam naunjicapi kta nakaś, heon, Unkitokam najicapi, otokahe ekta iyecen eyapi kta.

7 Hehan niyepi nayajinpi kta, anahibeya dukanpi etanhan, qa otonwe kin iyayahpa dapi kta, qa Jehowa Wakan yadapi kin he ninapepi en qu kta.

8 Qa tohan otonwe kin iyacupi kinhan, otonwe kin peta on ideyayapi kta, Jehowa oie kin iyecen ecanonpi kta; wanyakapo, miye hecon cišipi.

9 Hecen Jošuwa yewicaśi, unkan anahibeya unpi kta e iyayapi, qa Hai qa Betel otahedan wankapi, Hai iwiyohpeyatanhan, unkan Jošuwa hanyetu kin he oyate om wanka.

10 Unkan Jošuwa hanhannañin kikta, qa oyate kin wicayawa, qa itanwankanhde ya; oyate kin itokam, Hai ekta, iye qa Israel hunkayapi kin.

11 Unkan oyate ozuye yapi iye om unpi kin owasin itanwankanhde ipi, qa otonwe itokam ikiyedan ipi, qa Hai iwaziya tanhan etipi, qa iyepi qa Hai otahedan kaksiza wan yanka.

12 Unkan wicaśta kektopawinge zaptan cetu iwicacu, qa hena anahibeya yukanpi kta, otonwe kin iwiyohpeya tanhan, Betel qa Hai otahedan yanke wicasi.

13 Unkan oyate obe kin ocowasin otonwe iwaziya tanhan etipi, qa waiyapepi kin otonwe iwiyohpeya tanhan, qa Jošuwa hanyetu kin he en kaksiza kin mahen i.

14 Unkan Hai wicaśta yatapi

kin he wanyake cehan, otonwe oyate kin inahñipi, qa hanhanna kiktapi, qa iyehantu kinhan iye qa oyate tawa owasin kizapi kta e Israel awicakipapi kta e omdaye puza ekta kiya inanpapi, tuka otonwe iñeyata iye on waiyapepi yukanpi kin he sdonye śni.

15 Unkan Jošuwa, qa Israel owasin awicapapi seca konzapi, qa hewoskan canku kin ohna najicapi.

16 Unkan oyate otonwe ohna yukanpi kin owasin wicakuwapi kta e wicakipanpi, qa Jošuwa kuwa iyayapi, hecen otonwe kin etanhan hiyu wicayapi.

17 Hecen Hai ohna, qa Betel ohna wicaśta wanjidan okaptapi śni owasin Israel hektam inanpapi, qa otonwe yuhdog elipeyapi, qa Israel kuwa iyayapi.

18 Unkan Jehowa Jošuwa heciya, nape, qa wahukeza he ohna duhe cin Hai ektakiya hdugata wo, he ninape en waqu kta nakaś. Unkan Jošuwa wahukeza nape ohna Hai ektakiya hdukata.

19 Unkan nape kin hdugate cehan anahibeya unpi kin hena tukten yukanpi kin etanhan inahñinyan najinpi, qa inyankapi, qa otonwe en ipi, qa otonwe kin peta on ideyapi.

20 Unkan Hai wicaśta kin ihdamnapi, qa hekta etonwanpi, qa inyun otonwe śota kin wankan iyaya mahpiya ektakiya, qa tokidan najica okihipi śni, oyate hewoskan najicapi qon hena wicakuwapi ektakiya ihdamnapi nakaś.

21 Anahibeya yukanpi qon wana otonwe kin icupi, qa otonwe śota kin wankan iyaye cin Jošuwa qa Israel owasin wanyakapi gehan, ihdamnapi, qa Hai wicaśta kin wicakaśtakapi.

JOŠUWA TAWOWAPI,

22 Unkan unman itkokim otonwe etanhan inanpapi, hecen Israel cokaya unpi, hunh itato, qa hunh ako, heon wicaktepi ecen inahmanpi qa napapi etanhan tuwedan niyanpi šni.

23 Tuka Hai wicašta yatapi kin niyake yuzapi, qa Jošuwa ekta aipi.

24 Unkan Israel Hai ounyanpi kin wicakuwa iyayapi qon owasin maga en, qa hewoskan wicaktepi yuŝtanpi qehan, owasin canłpi hi on ilıpayapi ecen sota-pi qehan, Israel owasin ihdamnapı Hai ekta, qa he canłpi hi on kaŝtakapi.

25 Hecen anpetu kin he en wicašta winohınca koya hinłpayapi owasin keptopawinge ake nonpa, Hai wicašta kin owasin.

26 Jošuwa Hai ounyanpi kin owasin ihang wicaye šni kin hehanyan nape kin on wahukeza hdugata qon ehdakn šni.

27 Tuka wanunyanpi kin, qa otonwe walıpayapi kin he Israel yuhapi kta e icupi, wicoie Jehowa Jošuwa econ ŝi kin he iyecen.

28 Unkan Jošuwa Hai peta on hulınahya, qa otıwota paha heca kaga, qa anpetu kin dehanyan tuwedan otı šni.

29 Qa Hai wicašta yatapi kin can wan akan otkeya, łtayetu kte cin hehanyan, qa wi iyaye cehan tancan te cin can kin etanhan icupi, qa otonwe tiyopa ekta elıpeyapi, qa akan inyan paha tanka wan ejupi, Jošuwa econ wicaŝi kin iyecen anpetu kin dehanyan.

30 Hehan Jošuwa Ebal paha akan wahna woŝnapi wan Jehowa Israel Wakandapi kin kicaga.

31 Inyan ocowasin hena iwan-kan tuwedan mazasapa wan koze

šni on wahna woŝnapi kin he kagapi, Jehowa taokiye Mowis econ wicaŝi kin he iyecen, Mowis toope wowapi en owapi kin he iyecen: qa he akan wohulınahıyapi hulınahıyapi, qa wopida woŝnapi wayuŝnapi.

32 Unkan hen inyan kin akan Mowis toope itakihna Israel cinca kin itokam owa qon he owa.

33 Unkan Israel owasin hun-kayapi, qa wowapi kagapi, qa wayaco hecapi, can wohınaka anokatanhan najinpi, Israel oyate cinca, qa tuwe tokeca wicehna ounye cin wawayuŝnapi Lewi kin Jehowa canwohınaka akiyuhapi wicikiyedani, hanke Gerizim paha ikiyedani, qa hanke unman Ebal paha ikiyedani, Israel oyate kin wicayawaŝtepi kta heon etanhan, Mowis Jehowa taokiye tokaheya hecon wicaŝi qon he iyecen.

34 Qa he iyohakam woope oie kin owasin yawa, woyawaŝte, qa woyaŝice woope wowapi en owapi kin owasin iyecen.

35 Taku Mowis yawaŝi owasin Jošuwa yawa, yawa šni oie wanica, Israel omniciye owasin itokam winohınca, qa ŝiceca, qa tuwe tokeca wicehna mani.

WICOWOYAKE 9.

1 Unkan wicašta yatapi Jordan itato yakonpi kin he ohna, qa Šepela (makoce hukuya) kin ohna, qa miniwanca huta kin ocowasin ohna, Lebanon ikiyedani. Ĥiti kin, qa Amori kin, qa Kanani kin, qa Perazi kin, qa Ĥiwi kin, qa Jebusi kin onahonpi qehan,

2 Okowanjidani Jošuwa kici, qa Israel kici kicizapi kta e witaya mniciyapi.

3 Unkan Gibeyon ounyanpi kin

WICOWOYAKE 9.

Jošuwa Jeriño qa Hai taku eca-kicon-nañonpi;

4 Qa hena nakun ksamya ohan-yanpi, qa manipi, qa waneya içi-cagapi, qa šonšonna tawapi akan wojutonpi tanni, qa minišaapahte tanni, qa nañdecapi qa akagegepi icupi.

5 Qa hanpa tanni qa akihdag-tonpi ohanpi, qa wokoyake tanni koyakapi, qa waneya aguyapi yuhapi kin owasin šeca, qa aa.

6 Qa Jošuwa ekta hipi, Gilgal wicoti en, qa heciyapi, iye qa Israel wicašta nakun, Makoce tehantanhan unkupi, heon wana wicotakuye unkicicagapo.

7 Unkan Israel wicašta kin Hiwi kin hewicakiyapi, Okini unkiyepi ehna yatipi, token wicotakuye unnicicagapi kta he?

8 Unkan Jošuwa heciyapi, Nitaokiye heuncapi. Unkan Jošuwa hewicakiya, Nituwepi, qa tokiya tanhan yaupi he?

9 Unkan heciyapi, Nitaokiye makoce nina tehantanhan unkupi, Jehowa Wakan yada caje kin on, iye otanin, qa taku Egipta en econ kin owasin naunñonpi.

10 Nakun Amori wicašta yatapi nonpa Jordan akasanpa yakonpi qon, Šihon Hešbon wicašta yatapi qa Og Bašan wicašta yatapi Aštarot en un qon, taku ecawicakicon.

11 Heon hunkayapi unkitawapi, qa makoce unkitawapi ounyanpi kin owasin heunkiyapi, Ninapepi ohna waneya ikikcupo, qa wicitkokim yapo, qa hewicakiyapo, Nitaokiyepi heuncapi, heon iho, wicotakuye unkicicagapo.

12 Aguyapi kin de waneya on untipi etanhan kata unkikcupi, niyepi ekta unkupi kta anpetu kin he en, tuka inyun wanna šeca qa aa.

13 Qa miniša apahte kin dena teca oju untanpi, tuka wanna nañdecapi, qa canku kin nina tehan on wokoyake unkitawapi wanna kuka.

14 Unkan wicašta kin waneya ahipi kin icupi, tuka Jehowa i kin iwangapi šni.

15 Qa Jošuwa wookiye wicakicaga, qa ni wicaye kta e wotakuye wicakicaga, qa omniciye itancan kin Wakantanka naunñonpi ce, ewicakiyapi.

16 Unkan wicotakuye wicakicagapi kin iyohakam anpetu yamni, hehan wicehna unpi qa wicehna tipi kin he nañonpi.

17 Qa Israel cinca kin ihdaka-pi, qa anpetu iyamni tonwanyanpi kin ekta ipi, qa otonwe tawapi kin Gibeyon, qa Kepira, qa Beerot, qa Qirejat Jeyarim (Taskoju Otonwe.)

18 Qa omniciye itancan kin Jehowa Israel Wakandapi kin cajeyan ewicakiyapi qon heon Israel cinca kin wicakaštakapi šni. Unkan omniciye ocowasin itancanpi kin i en iyewicayapi.

19 Unkan itancanpi kin owasin omniciye ocowasin hewicakiyapi, Jehowa Israel Wakandapi kin cajeyan konza ewicunkiyapi, heon awicunpapi unkokihipi šni.

20 Decen ecawicunkiconpi kta, qa niwicunkiyapi kta, hecen wokonze ewicunkiyapi kin on wošihda unkiyepi en unkupi kte šni.

21 Qa itancanpi kin kewicakiyapi, nipi kta; tuka omniciye ocowasin on can depi qa mini tokšupi kin hecapi kta, itancanpi kin kewicakiyapi iyecen.

22 Unkan Jošuwa wicakico, qa om wohdaka, qa hewicakiya. Tokeca unyahnayanpi, qa hehapi, Niyepi etanhan nina tehan

JOŠUWA TAWOWAPI,

unyakonpi; tuka unkiyepi ehna yatipi.

23 Heon wanna niyašicapi, qa wowidagniyanpi niyepi etanhan tuwedan yuškapi kte šni, qa tuwe Wakan wada ti kin on can depi qa mini tokšupi henicapi kta.

24 Unkan Jošuwa ayuptapi qa heyapi, Taku Jehowa Wakan yada kin iye taokiye Mowis econ šni, qa makoce kin owasin ničupi kta, qa makoce ounyanpi kin owasin nitokapa tanhan awihnuni wicaye kta, he nitawowidake nina unkokiyakapi, heon nina ikounnipapi, unnagipi on, qa decen econkupi.

25 Qa wanna ninape en unyakonpi, token ecaunyeconpi kta, ništa kin en ecetu, qa wašte kta hecen econ wo.

26 Unkan Jošuwa hecen econ, qa Israel cinca napepi etanhan ewicayaku, hecen wicaktepi šni.

27 Hecen anpetu kin he en omniciye on, qa Jehowa tawahna wošnapi on candepi, qa mini tokšupi hecapi wicakaga, tukte kašnige kta he ekta anpetu kin dehanyan.

WICOWOYAKE 10.

1 Unkan Adonitzedeq (Itancan owotanna) Jerusalem wicašta yatapi kin Jošuwa Hai icu qa ihangya, token Jerižo qa tawicašta yatapi ecakicon, he iyecen Hai qa tawicašta yatapi kin ecakicon; qa nakun Gibeyon ounyanpi kin Israel om wokiyapi qa wicahna unpi kin, he nañon qehan;

2 Nina kopahda, Gibeyon he otonwe tanka, otonwe wicašta yatapi tanka yuhapi wan he iyecaca, qa Hai isanpa tanka, qa wicašta ounyanpi kin owasin wicašta wašakapi nakaš:

3 Heon Adonitzedeq Jerusalem wicašta yatapi kin Hoham Hebron (Dakota) wicašta yatapi kin, qa Piram Jarmut wicašta yatapi kin, qa Japiya (Wiyega) Lakiš wicašta yatapi kin, qa Debir Eglon tawicašta yatapi kin hena wahowicaye ča hewicakiya.

4 En Maupo, qa omakiyapo, hecen Gibeyon unkaštakapi kta, Jošuwa kici, qa Israel om wanna wookiye kngapi nakaš.

5 Hecen Amori wicašta yatapi zaptan witaya iheyapi, Jerusalem wicašta yatapi, qa Hebron wicašta yatapi, qa Jarmut wicašta yatapi, qa Lakiš wicašta yatapi, qa Eglon wicašta yatapi, iyepi qa obe tawapi owasin, qa Gibeyon kizapi kta e iyotakonza etipi.

6 Unkan Gibeyon wicašta kin Jošuwa wahoyapi Gilgal owan-kapi ekta, qa heciyapi, Ihnuhan wowidake nitawa on ninape kuje cin. Inašniya unkiyepi ekta kuwa wo, qa niunkiyapi, qa ounkiyapo; Amori he kin ounyanpi wicašta yatapi owasin unkiyepi ekta kawitaya iheyapi nakaš.

7 Unkan Jošuwa Gilgal etanhan itanwankanhde ya, iye qa oyate ozuyapi owasin, wicašta wašaka waditaka owasin.

8 Unkan Jehowa Jošuwa heciya, Ihnuhan kowicayakipe cin, ninape en owasin wicawaqu, hena etanhan wicašta wanjidan nitokam najin kte šni.

9 Unkan Jošuwa hanyetu osan Gilgal etanhan itanwankanhde ye ča ihnuhanna anawicatan.

10 Unkan Jehowa Israel itokam yušinye wicaya, qa wokaštaka tanka on wicakaštaka Gibeyon ekta, qa canku Bethoron ekta iyadipi ohna wicakuwapi, qa Azeqa, qa Makeda hehanyan wicakaštakapi.

WICOWOYAKE 10.

11 Unkan Israel itokam napapi Bethoron apamahde yapi icunhan Jehowa inyan tankinkinyan ahinhe wicaya mahiyya etanhan Azeqa ekta ipi kin hehanyan, unkan wasu inyan on tapi kin hena otapi, qa Israel cinca canhi on wicaktepi kin hena tonanpidan.

12 Unkan Jehowa Israel cinca itokam Amori wicaqu, anpetu kin he ehan Jošuwa ie ça Israel owasin itokam Jehowa heciya, Anpetu wi Gibeyon en owanji yanka wo, qa hanyetu wi Ajalon iwankam.

13 Unkan anpetuwi kin owanji yanka, qa hanyetuwi nakun sanpa i sni, oyate tóka yapi kin toki-conpi kin hehanyan, Jašer (Ece-tu) wowapi en he owapi. Unkan anpetuwi kin mahiyya coka-ya owanji yanka, qa iyaye kte inahni sni, anpetu wan ocowasin hehanyan.

14 Unkan he itokam, qa iyohakam anpetu kin he iyececa wani-ca, Jehowa wicašta ho kin nahon, Jehowa Israel on kiza nakaš.

15 Unkan Jošuwa qa Israel owasin Gilgal owanka ekta kihdapi.

16 Unkan wicašta yatapi zaptan kin hena napapi qa Maqeda en makohdoka wan ohna inahmanpi.

17 Unkan, Wicašta yatapi zaptan Maqeda en makohdoka ohna inahmanpi, wanna iyewicayapi ce, eya Jošuwa okiyakapi.

18 Unkan Jošuwa heya, Inyan tankinkinyan makohdoha i kin ekta paptan iyeyapo, qa he ekta wicašta awanyag wicašipo.

19 Tuka niyepi ihnuhan owanji nayajinpi kin, toka wicayayapi wicakuwapo, qa ehake yakonpi kin wicaktepo. Ihnuhan ton-

wanyanpi kin en kipi kta iyowin wicayayapi kin; Jehowa Wakan yadapi kin ninapepi en wicaqu nakaš.

20 Unkan Jošuwa, qa Israel cinca wopate tanka kin on wicaktepi, yušanpi ecen ihang wicayapi, tona okaptapi najicapi, qa otonwe conkaške en ipi.

21 Hehan oyate kin owasin Jošuwa ekta Maqeda owanka kin en zaniyan hdapi, tuwedan Israel cinca kin ektakiya ceji kin hdaškan sni.

22 Unkan Jošuwa heya, Makohdoka i kin yulhdokapi, qa wicašta yatapi zaptan kin hena makohdoka etanhan miye ekta hinanpe wicayapo.

23 Unkan hecen econpi, qa iye ekta wicašta yatapi zaptan kin hena hinanpe wicayapi; Jerusalem wicašta yatapi kin, qa Hebron wicašta yatapi kin, qa Jarmut wicašta yatapi kin, qa Lakiš wicašta yatapi kin, qa Eglon wicašta yatapi kin.

24 Unkan wicašta yatapi kin hena Jošuwa ekta hiyu wicayapi qehan, Jošuwa Israel wicašta owasin wicakipan, qa wicašta iye kici ozuye ipi mdetanhunkapi kin hewicakiya, Kuwapo, qa wicašta yatapi kin dena tahupi akan nisihapi kin aputakapo. Unkan ikiyedani hipi, qa tahu kin akan siha atputakapi.

25 Unkan Jošuwa hewicakiya, Ihnuhan koyakipapi, qa yušin-yenianpi kin, Wakišakapo, qa waditakapo. Jehowa toka yayapi azuwicayayapi kin hena owasin hecen ecawicakicon kta nakaš.

26 Unkan hehan Jošuwa awicapa, qa wicakte, qa can zaptan akan otkewicaya, unkan hitayetu kin hehanyan can akan okazeze unpi.

JOŠUWA TAWOWAPI,

27 Unkan wi iyaye kte çehan Jošuwa can kin etanhan icu wicaşi, qa makohdoka ohna inahmanpi qon en elhpewicayapi, qa makohdoka i akan inyan tankinkinyan ejupi, anpetu kin dehan-yan hen yankapi.

28 Unkan anpetu kin he en Jošuwa Maqeda icu, qa canłpi hi on kaştaka, tawicaşta yatapi nakun, wicanagi ohna unpi owasin ihang wicaya, okaptapi wanjidan nikiye şni, qa token Jeriho wicaşta yatapi ecakicon qon, he iyecen Maqeda wicaşta yatapi kin ecakicon.

29 Unkan Jošuwa qa Israel owasin Maqeda etanhan iyoptapi, Libna ekta, qa Libna azuyapi.

30 Unkan Jehowa he nakun Israel nape en qu, nakun tawicaşta yatapi, unkan canłpi hi on kaştaka, qa wicanagi ohna unpi kin owasin, okaptapi kin tuwedan nikiye şni, qa Jeriho wicaşta yatapi ecakicon qon he iyecen tawicaştayatapi kin ecakicon.

31 Unkan Jošuwa Israel owasin om Libna etanhan Lakiş ekta i qa ikiyedani eti, qa kiciza.

32 Unkan Jehowa Lakiş Israel nape en qu; unkan anpetu inonpa en icupi, qa canłpi hi on kaştakapi, nakun wicanagi ohna yakonpi kin owasin Libna ecakiconpi qon owasin iyecen.

33 Hehan Horam Gezer wicaşta yatapi Lakiş okiye kta e itanwankanhde u, unkan Jošuwa he kaştaka, nakun taoyate owasin ecen tuwedan okicicapte şni.

34 Unkan Jošuwa Lakiş etanhan Eglon ekta i qa Israel owasin opapi, qa he ekta etipi qa azuyapi.

35 Qa anpetu kin he en icupi, qa canłpi hi on kaştakapi, qa anpetu kin he en wicanagi ohna unpi kin owasin awihnuni wica-

yapi, Lakiş ecakicon qon owasin iyecen.

36 Unkan Jošuwa Eglon etanhan Hebron ekta itanwankanhde i, qa Israel owasin opapi, qa he azuyapi,

37 Qa icupi, qa canłpi hi on kaştakapi; nakun tawicaşta yatapi, qa totonwe kin owasin, qa wicanagi ohna unpi kin owasin, tuwedan niyake okaptapi şni; Eglon ecakicon qon owasin iyecen he ihang ya, qa wicanagi ohna unpi kin owasin nakun.

38 Unkan Jošuwa ihdamna Debir ekta, qa Israel owasin opapi, qa he azuyapi.

39 Qa icupi, qa tawicaşta yatapi, qa totonwe kin owasin; qa canłpi hi on wicaştakapi, qa wicanagi ohna unpi kin owasin awihnuni wicayapi, tuwedan niyake okaptapi şni. Hebronecakicon qon, qa Libna qa tawicaşta yatapi ecakicon qon, he iyecen Debir qa tawicaşta yatapi ecakicon.

40 Hecen Jošuwa he kin, qa hukuya makomdaya, qa Negeb (Itokaga) kin, qa kaksiza kin owasin, makoce kin ocowasin kaştaka, qa wicaşta yatapi owasin, tuwedan niyake okapte şni, tona woniya yukan owasin awihnuni wicaya, Jehowa Israel Wakandapi kin econ şni kin owasin iyecen.

41 Hecen Jošuwa Qadeş Barneya etanhan Gaza hehanyan wicaştaka, qa Goşen makoce owasin, Gibeyon hehanyan.

42 He ehan Jošuwa wicaşta yatapi kin hena owasin icu, nakun tamakocepi, Jehowa Israel Wakandapi kin Israel on kiza nakaş.

43 Hehan Jošuwa Gilgal owanka ekta kihda, qa Israel owasin opapi.

WICOWOYAKE 11.

WICOWOYAKE 11.

1 Unkan Jabin Hatzor wicašta yatapi kin onahon qehan Jobab Madon wicašta yatapi kin, qa Šimron wicašta yatapi kin, qa Aksap wicašta yatapi kin, waho-wicaya.

2 Nakun wicašta yatapi. Waziyatakiya he kin ohna, qa Kinnerot ikiyedon Araba ohna, qa Šepela (huta) kin ohna, qa Napot Dor ohna wiyohpeya tanhan.

3 Kanani kin wiyohiyanpe cin etanhan, qa wiyohpeya tanhan, qa Amori kin, qa Hiti kin, qa Perazi kin, qa Jebusi kin he ohna, qa Hiwi kin Hermon ihukuya Mitzpa makoce ohna.

4 Unkan hena inanpapi, nakun obe tawapi owasin oyate otahinca, wiyaka miniwanca lutata yanke cin iyecen wicota, qa šuktanka, qa canpahmihma nina ota.

5 Unkan wicašta yatapi kin hena owasin mniciyapi, qa upi, qa Merom (Tatowapa) mini ekta witaya etipi, Israel kizapi kta heon etanhan.

6 Unkan Jehowa Jošuwa heciya, Ihnuhan hena on koyakipe cin; heyake cinhan wi dehantu hena owasin capapi Israel itokam wicawaqu kta. Šuktanka tawapi kin kan wicayecakse kta, qa canpahmihma tawapi kin peta on huḥnah yaye kta.

7 Unkan Jošuwa oyate ozuye yapi owasin om, Merom mini ekta ihnuhanna en wicahi, qa anawicatan.

8 Unkan Jehowa Israel napepi en wicaqu; Unkan wicakaštakapi, qa wicakuwapi, Tzidon tanka ekta, qa Misrepat maim (Mini kata) ekta, qa wihinanpa ekta kiya Mitzpa kaksiza ekta; qa

wicakaštakapi ecen hena etanhan tuwedan niyake okapte šni.

9 Qa Jošuwa token Jehowa eciye cin iyecen ecawicakicon, Šuktanka tawapi kan wicakicakse, qa canpahmihma tawapi peta on huḥnahya.

10 Qa he ehan Jošuwa ihdamna, qa Hatzor (Conkaške) icu, tawicašta yatapi nakun, qa canḥpi hi on kaštaka; itokam wicoškanškan kin hena owasin Hatzor pa kin ee yawapi.

11 Qa wicanagi he ohna unpi kin owasin canḥpi hi on wica kaštakapi, ocowasin ihang wicayapi, niyanpi kin wanjidan okapte šni, qa Hatzor peta on huḥnah ya.

12 Qa wicašta yatapi kin hena totonwepi owasin, qa wicašta yatapi kin Jošuwa icu, qa canḥpi hi on wicakaštaka awihnuni wicaya Jehowa taokiye Mowis econsi kin he iyecen.

13 Tuka otonwe paha akan ecen ihanpi kin hena Israel huḥnahye šni; Hatzor hecedan he Jošuwa huḥnahya.

14 Qa otonwe kin hena wahpaya, qa tawanunyanpi kin Israel cinca yuhapi kta e kipi, tuka wicašta kin owasin canḥpi hi on, wicakaštakapi, ecen ihang wicayapi, niyanpi wanjidan okaptapi šni.

15 Token Jehowa iye taokiye Mowis econsi kin, he iyecen Mowis Jošuwa econsi, qa Jošuwa hecen econ, taku Jehowa Mowis econsi kin wicoie ecetu šni wanica.

16 Hecen Jošuwa makoce kin he ocowasin icu, he kin, qa Negeb (Itokaga) kin, ocowasin qa Šepela, qa Gošen makoce ocowasin, qa Araba kin, qa Israel tahe kin qa tahuta kin.

17 He Halaq (Šdušduta) Seyir

JOŠUWA TAWOWAPI,

itanwankanhde yapi etanhan, Bayal Gad (Gad itancan) ekta, Lebanon osmaka ohna Hermon he kin ihukuya hehantu, qa wicašta yatapi en yakonpi kin owasin iwicacu, qa wicakaštake qa wicakte.

18 Jošuwa anpetu ota wicašta yatapi kin hena azuwicaya.

19 Otonwe wanjidan Israel cinca om wokiye šni; Hiwi kin Gibeyon ounyaupi kin henana, tokankan owasin wokicize on icupi.

20 Jehowa hecen konza, heon cantepi ihdusutapi, qa Israel itkokim kiczapi, hecen onšiwicadapi šni, qa ocowasin awihnuni wicayapi, qa heon ihang wicayapi, Jehowa Mowis econ ši qon he iyecen.

21 Unkan he ehan Jošuwa Anaqim (tahu hanska) tahe kin ekta i, qa hetanhan wicakašpe, Hermon etanhan, Debir etanhan, Anab etanhan, qa Juda he kin owancaya etanhan, qa Israel he kin owancays etanhan Jošuwa ocowasin ihang wicaya, otonwe tawapi nakun.

22 Israel cinca kin tamakocepi ohna Anaqim okaptapi wanica, tuka Gaza ohna, qa Gat ohna, qa Ašdod ohna okapta yakonpi.

23 Hecen Jošuwa makoce kin ocowasin icu, Jehowa Mowis eciye ciqu on wasin iyecen, qa Jošuwa he tawa yapi kta e wicaqu, Israel token pamnipi wicoun tawapi kin iyecen. Unkan makoce kin kiczapi etanhan iyoziya.

WICOWOYAKE 12.

1 Israel cinca kin wicašta yatapi wicakaštakapi, qa tamakocepi tawayapi, Jordan akotanhan wihinanpe cin ektakiya, Arnon wak-

pa etanhan Hermon he kin hehanyan, qa Araba wihinanpa ektakiya ocowasin dena eepi.

2 Sihon Amori kin tawicašta yatapi, Hešbon ounye ciqu, qa Aroer Arnon wakpa huta akan yanka, qa wakpa cokaya tanhan, qa Gilejad hanke, Jabok wakpa iyohiya, Amon cinca tamakocepi ihanke kin hehanyan idaka.

3 Nakun makomdaya Kinerot mde iyohiya wihinanpa ektakiya qa makomdaya mde kin Miniskuya mde kin hee, wihinanpe cin ektakiya, Bet Ješimot (otiwotati) canku kin ekta, qa Itokaga Pisga huta kin ekta hehanyan.

4 Nakun Og Bašan wicašta yatapi kin he Repaim etanhan okaptapi, qa Ašerot qa Edreyi (wašaka) en ounye cin tamakoce kin;

5 Qa Hermon he kin, qa Salaka, qa Bašan ocowasin idaka, Gešuri kin, qa Mayakati kin tamakocepi kin ekta, qa Gilejad hanke Sihon Hešbon wicašta yatapi tamakoce kin iyohiya.

6 Mowis Jehowa taokiye, qa Israel cinca wicakaštakapi. Qa Mowis Jehowa taokiye he tawa yapi kta e Rubeni kin, qa Gadi kin, qa Manaše wicoun hanke kin wicaqu.

7 Unkan makoce wicašta yatapi kin Jošuwa qa Israel cinca kaštakapi, Jordan itato wiyohpeyata ektakiya, Bayal Gad Lebanon osmaka ohna yanke cin etanhan, Halaq he kin Sehir ekta itanwankanhde yapi hehanyan, qa Israel wicoun pamnipi iyecen tawayapi kta e Jošuwa wicaqu.

8 He kin ohna, qa Šepela (huta) kin, qa Araba (makomdaye) kin; qa Ašdot (kaksizaota) kin, qa Hopuzakin, qa Itokaga kin hena owasin ohna, Hiti kin, Amori

WICOWOYAKE 13.

kin, qa Kanani kin, Perazi kin, Hiwi kin, qa Jebusi kin ounyanpi.

9 Jeriho wicašta yatapi kin wanji; Hai Betel ikiyedana wanka ta'wicašta yatapi kin wanji;

10 Jerusalem wicašta yatapi kin wanji; Hebron wicašta yatapi kin wanji;

11 Jarmut wicašta yatapi kin wanji; Lakiš wicašta yatapi kin wanji;

12 Eglon wicašta yatapi kin wanji; Gezer wicašta yatapi kin wanji;

13 Debir wicašta yatapi kin wanji; Geder wicašta yatapi kin wanji;

14 Horma wicašta yatapi kin wanji; Arad wicašta yatapi kin wanji;

15 Libna wicašta yatapi kin wanji; Adullam wicašta yatapi kin wanji;

16 Maqeda wicašta yatapi kin wanji; Betel wicašta yatapi kin wanji;

17 Tapuħa wicašta yatapi kin wanji; Heper wicašta yatapi kin wanji;

18 Apeq wicašta yatapi kin wanji; Šaron wicašta yatapi kin wanji;

19 Madon wicašta yatapi kin wanji; Hatzor wicašta yatapi kin wanji;

20 Šimron Meron wicašta yatapi kin wanji; Aksapi wicašta yatapi kin wanji;

21 Tayanak wicašta yatapi kin wanji; Megido wicašta yatapi kin wanji;

22 Qedeš wicašta yatapi kin wanji; Jokneyam Karmel ekta wicašta yatapi kin wanji;

23 Dor Nopat (ipasotka) Dor wicašta yatapi kin wanji;

24 Tirezta wicašta yatapi kin wanji; Wicašta yatapi kin owa-

sin wikeemna yamni sanpa wanjidana.

WICOWOYAKE 13.

1 Unkan Jošuwa wanna wicaħınca, anpetu ota qehan Jehowa heciya, Wanna winicaħınca anpetu ota iyahuni, qa makoce tankaya ħin nahanħin tawayapi šni.

2 Makoce kin de nahanħin ecenhan, Pilistim tamakocepi kin ocowasin, nakun Gešuri tamakocepi ocowasin.

3 Siħor wakpa kin he Egipta iwiyoħiyanpa tanhan waziyatakiya Eqron makoce hehanyan, Kanani kin he tawapi kecinpi, Pilistim wicoškanškan zaptan kin, Gazati kin, qa Ašdodi kin, qa Ašqeloni kin, Giti kin, qa Eqroni kin nakun Awim kin.

4 Itokaga tanhan Kanani tamakocepi ocowasin, qa Meyara (Makoħdoka) Tzidoni kin he tawapi, Apeqa ekta Amori tamakocepi ihanke kin hehanyan.

5 Qa Gibeli tamakocepi kin; qa Lebanon wi hinanpe cin ekta kiya ocowasin, Bayal Gad, Hermon ħe kin ihukuya yanke cin etanhan Ĥamat ekta cankuyapi kin hehanyan.

6 Ĥe kin ounyanpi kin owasin. Lebanon etanhan Misrepat Maim (mini kata) ekta, Tzidoni kin owasin Israel cinca itokapa tanhan, nape wicawaye kta, tuka tawayapi kta e Israel niye wicakicipamni wo, econ ciši kin he iyecen.

7 Heon wanna makoce kin de oeconna on wicoun napcinwanaka qa Manaše wicoun hanke tawayapi kta e wicakicipamni wo.

8 Ĥe kici Rubeni qa Gadi kin makoce tawayapi kta e wanna icupi, he Mowis Jordan akasan-

JOŠUWA TAWOWAPI,

pa wicaqu, hena Mowis Jehowa taokiye wicaqu kin he iyecen.

9 Aroyer Arnon huta akan un qa otonwe wakpa cokaya wanke cin etanhan, Medeba mdamdata kin ocowasin Dibon hehanyan.

10 Nakun Siĥon Amori wicašta yatapi kin, Hešbon en wicašta yatapi totonwe owasin, Amon cinca tamakocepi kin hehanyan.

11 Nakun Gilejad, qa Gešuri kin, qa Mayakati tamakocepi kin, qa Hermon he kin ocowasin, qa Bašan owasin Salka iyohiya.

12 Og Ašterot qa Edreyi idake cin toškanškan owasin, Bašan ohna iye is nana Repaim etanhan okaptapi, hena Mowis wica-kaštaka qa nape wicaya.

13 Tuka Israel cinca kin, Gešuri kin, qa Mayakati kin nape wicayapi šni, tuka Gešuri kin, qa Mayakati kin anpetu kin dehanyan Israel ehna oonyanpi.

14 Tuka Lewi wicoun kin makoce tawayapi kta takudan wicaqu šni, Jehowa Israel Wakan dapi kin he petawošnapi tawa kin taku tawayapi kin hee kewicakiye cigon he iyecen.

15 Qa Mowis Ruben cinca kin wicowazipi kin iyohiya wawicaqu;

16 Qa tamakocepi kin Aroyer Arnon wakpa huta akan yanke cin etanhan, qa otonwe wakpa ohna yanka hetanhan mdamdata kin owasin, Medeba hehanyan.

17 Hešbon, qa totonwe mdamdata ohna wanke cin owasin, Dibon, qa Bamot Bayal, qa Bet Bayal Meyon;

18 Qa Jahatza, qa Qedemot, qa Mepayat;

19 Qa Qirataim, qa Sibma, qa Tzerat Šaħar (Anpao iyega) kin, he He kaksiza ohna yanka.

20 Qa Betpeyon, qa Ašdot Pisga, qa Bet Ješimot;

21 Qa mdamdata kin otonwe owasin, Siĥon Amori wicašta yatapi kin Hešbon en oonye cin toškanškan ocowasin, Mowis he kaštaka; nakun Midian itancan kin Ewi, qa Reqem, qa Tzur, qa Hur, qa Reba Siĥon tamdetanhunka makoce oonyanpi kin.

22 Israel cinca kin nakun Balam Beyor cinhintku waayate kin canĥpi hi on ktepi, unman wica-ktepi opeya.

23 Qa Ruben cinca kin tamakocepi ihanke kin Jordan ee, qa makóce kin he Ruben cinca taku tawayapi kin hee, otonwe kin hena, qa totonwe cikcistina.

24 Nakun Mowis Gad wicoun Gad cinca kin wawicaqu, wicowazipi kin iyecen.

25 Qa makoce tawapi kin he Jazer, qa Gilejad otonwe owasin, qa Amon cinca tamakocepi hanke, Aroyer Raba itokam yanke cin hehanyan.

26 Qa Hešbon etanhan Ramot Mitzepa (Iwanyakapi paha) kin ekta, qa Betonim, qa Mahanaim (Wicobe) etanhan Deber tamakoce ihanke kin hehanyan.

27 Qa Osmaka kin ohna Bet Haram (Tehanwankantipi,) qa Betnimra, qa Sukot (ohanzihdepi,) qa Tzapon; Siĥon Hešbon wicašta yatapi kin toškanškan okaptapi, Jordan qa makoce Kineret mde ihanke ekta, Jordan akasanpa wihinanpe cin ekta-kiya.

28 Gad cinca kin makoce tawayapi kin hee, totonwepi, qa otonwe cikcistinna tawapi, wicowazipi kin iyecen.

29 Unkan Mowis Manaše wicoun hanke wawicaqu; unkan Manaše wicoun hanke kin wicowazipi kin iyecen he yuhapi.

30 Qa makoce tawapi kin dee: Mahanaim etanhan Bašan oco-

WICOWOYAKE 14.

wasin, Og Bašan wicašta yatapi toškanškan ocowasin, Hawot Jair (Jair totonwe) Bašan ohna otonwe wikcemna šakpe.

31 Qa Gileyad hanke, qa Ašta-rot, qa Edreyi otonwe Bašan ohna, Og idake cin Manaše cinhintku Makir cinca hanke kin wicowazipi kin iyecen yuhapi.

32 *Makoce* kin hena Mowis Mobab makomdaya ohna, Jordan akasanpa, Jeriho iwiyohipanpa tanhan tawayapi kta e wicaqu.

33 Tuka Lewi wicoun kin tawayapi kta Mowis wawicaqu šni. Jehowa Israel Wakandapi kin taku tawayapi kin hee; ewicakiye ciquon he iyecen.

WICOWOYAKE 14.

1 Unkan Kanan makoce ohna Eleyazar wawayušna kin, qa Jošuwa Nun cinhintku, qa Israel cinca wicoun hunkayapi tokapapi kin Israel cinca taku tawayapi kta wicaqupi kin dee.

2 Oeonna eciya tanhan wicoun napeinwanka, qa wicoun hanke kin wawicaqupi; Mowis nape on Jehowa econ wicaši kin he iyecen.

3 Mowis Jordan akasanpa wicoun nonpa, qa wicoun wan hanke taku tawayapi wicaqu nakaš, qa Lewi kin hena ehna taku tawayapi kta wicaqu šni.

4 Josep cinca kin wicoun nonpa, Manaše qa Epraim, qa Lewi kin makoce ohna onšpa wicaqupi šni, tuka otonwe otipi kta, qa tinta otonwepi ikiyedan tawotecapi on, qa tawanunyanpi on.

5 Token Jehowa Mowis econ ši kin he iyecen Israel cinca kin econpi, qa makoce kin pamnipi.

6 Unkan Juda cinca kin Jošuwa ikiyedan hipi Gilgal en, qa Kaleb Jepune cinhintku Qenizi kin he-

ciya, Jehowa wicoie wan miye on, qa niye on Mowis Wakan-tanka wicašta tawa eciye cin he sdonyaya.

7 Waniyetu wikcemna matopa qehan Mowis Jehowa taokiye kin Qadeš Barneya etanhan makoce iwanyake kta u maši, qa micante kin iyecen hoši wakaki.

8 Tuka misunka michipi kin hena oyate cante kin skan kiyapi, qa miye Jehowa Wakan wada kin ocowasin owapa.

9 Qa he ehan Mowis konza emakiya, Awicakehan makoce nisiha amani kin he niye, qa nicinca owihanke wanica tawayapi kta e duhe kta, Jehowa Wakanyada kin ohinniyan oyapa heon etanhan.

10 Unkan inyun ehantanhan wanna waniyetu wikcemna topa sanpa zaptan, dehanyan Jehowa ni mayan, Jehowa wicoie kin he Mowis eciye cin hehantanhan Israel hewoskan manipi; qa inyun nakaha anpetu kin de waniyetu wikcemna šahdogan sanpa mazaptan.

11 Qa anpetu kin dehantu, anpetu Mowis yemaši kin he en wamašaka, kizapi on qa inanpapi qa en hdipi on, token he ehan wamašaka he iyecen dehan wamašaka ce.

12 Heon wanna he kin de maqu wo, Jehowa anpetu kin he en eye cin he iyecen; niye anpetu kin he en, Anaqim hen yakonpi, qa tonwanyanpi kin tankinkinyan, qa aconkaške yapi ce, eyapi nayahon; Jehowa mici un kinhan nape wicawa ye kta, Jehowa eye cin he iyecen.

13 Unkan Jošuwa Kaleb Jepune cinhintku yawašte qa tawaye kta Hebron qu.

14 Heon Kaleb Jepune cinhintku Qenizi kin anpetu kin dehan-

JOŠUWA TAWOWAPI,

yan Hebron tawaya, Jehowa Israel Wakandapi kin ohinniyan opa heon etanhan.

15 Wanakaja Hebron Qirjat Arba (Arba totonwe) eciyapi *Arba* he wicašta iyotan tanka Anaqim ehna. Unkan makoce kin kici-zapi etanhan iyoziya.

WICOWOYAKE 15.

1 Unkan Juda cinca wicoun, wicowazipi kin iyecen, oëconna eciya tanhan makoce tawayapi kin dee; Edom tamakoce ekta kiya Tzin tinta kin wiyotahan ekta kiya itokañ ihanke ekta.

2 Qa makoce itokañ ihanke kin dee; Miniskuya mde ihanke etanhan, ceji kin itokañ kiya iyaye cin etanhan,

3 Qa Aqrabim (wamduška) iya-dipi itokañ kiya iyaya Tzin ekta, qa Qadeš Barneya iyokaga tanhan tatowapa iyaya, qa Hetzron ahiyaya, qa tatowapa Adar ekta ya, qa Qarqaya ekta ihduhomni.

4 Qa Atzmon ekta ya, qa Egu-pta kaksiza ekta inanpa, hecen makoce ihanke kin de miniwanca ekta ihuni; wiyotanhan ektakiya makoce ihanke kin he duhapi kta.

5 Qa wihinanpe cin ekta kiya makoce ihanke kin Miniskuya mde kin hee, Jordan mdote kin hehanyan. Qa waziyatakiya ihanke kin mde kañmi etanhan Jordan mdote etanhan,

6 Makoce ihanke kin tatowapa iyaya, Bet Hogla (šiyoti) ekta, qa Bet Araba iwaziyatanhan ya, qa icagopi kin Bohan Ruben cinhintku inyan tawa kin ekta, tatowapa ya;

7 Qa Akor osmaka etanhan Debir ekta itanwankanhde icagopi, qa ihduhomni wazi yatakiya Gilgal ekta, he Adunmim itanwan-

kanhdeyapi iyotakonza, kaksiza iyokaga tanhan, qa icagopi En šemeš (Anpetuwi wakoniya) mini ekta ye ça En Rogel (Iwan-yakapi wakoniya) ekta ihuniya;

8 Qa Hinnom cinhintku kaksiza ohna tatowapa ihanke icagopi, Jebusi heunnaptan (Jerusalem hee itokaga tanhan, qa tatowam icagopi he paha wan Hinnom kaksiza itokam yanke cin he ekta, wiyohpeyata kiya, he Repaim (Waziya) osmaka ihanke ekta yanka waziyatakiya.

9 Qa he paha etanhan Nepetowa mini wakoniya ekta icagopi, qa Epron he otonwe ekta ya, qa Bayala ekta ihanke kin icagopi, Qirejat Jeyarim (taskoju otonwe) kin hee;

10 Qa ihanke icagopi Bayala etanhan wiyohpeyata kiya ohomni yapi Seyir he kin ekta, qa Jeyarim (Taskoju) he unnaptan ekta iyaya, waziyatakiya Kesalon hee, qa Betšemeš (Anpetu-witi) ekta apamahde ya, qa Timena ekta iyaya.

11 Qa Ebron icahda iwaziyata kiya ihanke icagopi, qa Šikeron ekta icagopi, qa Bayala he kin ekta iyaya, qa Jabenat ekta i, qa ihanke kin miniwanca ekta ihuni.

12 Qa miniwanca huta kin wiyohpeyata kiya ihanke kin hee, Juda cinca wicowazipi kin iyecen ihdukšan ihanke icagopi kin hee.

13 Unkan Jošuwa token Jehowa econ ši kin he iyecen, Juda cinca ehna Kaleb Jepune cinhintku makoce onšpa qu, Anaq atkuku Arba totonwe Hebron hee.

14 Unkan Kaleb Anaq cinhintku yamni kin Šišai, qa Ahiman, qa Talmai Anaq kicitonpi kin he-na hetanhan nape wicaya.

15 Qa hetanhan itanwankanhde

iyaya, Debir ounyanpi kin ekta, qa he itokam Debir Qerejat Seper (Wowapi otonwe) eciyapi.

16 Unkan Kaleb heya, Tuwe Qerejat Seper kaštaka qa icu kin he micunkši Aksa tawicu kta e waqu kta.

17 Unkan Kaleb sunkaku Qenaz cinhintku Otniyel he icu. Unkan cunwintku Aksa tawicu kta e qu.

18 Unkan ekta i qehan atkuku etanhan maga wan kida kta e iyopaštaka, qa šonšonna etanhan makata iyahan; unkan Kaleb heciya, Taku yacin he?

19 Unkan heciya, Woyawašte wan maqu ye. Makoce puza wanna maya qu, nakun minihdoka maqu ye. Unkan minihdoka tatowapa kin, qa minihdoka hukuya kin qu.

20 Juda cinca wicoun wicowazipi iyecen makoce tawayapi kin dee.

21 Qa Juda cinca wicoun tonwanyanpi itokaga ihanke ekta Edom tamakoce ikiyedana dena ee, Qabetzal, qa Eder, qa Jagur,

22 Qa Qina, qa Dimona, qa Adada,

23 Qa Qedeš, qa Hatzor, qa Jitnan,

24 Zip, qa Telem, qa Beyalot,

25 Qa Hatzor teca kin, qa Qerejat Hetzron (Hetzron otonwe) Hatzor hee.

26 Aman, qa Šema, qa Molada.

27 Qa Hatzor gada (Wicotati) qa Hešemon, qa Bet Palet,

28 Hatzor šuyal (Šungidan otonwe) qa Beršeba (Wokonze minihdoka,) qa Bozejoteha,

29 Qa Bayala, qa Iyim, qa Yatzem,

30 Qa Ettolad, qa Kesel, qa Horma,

31 Qa Tziqlag, qa Medmanna, qa Sansanna.

32 Qa Lebaot, qa Šelehim, qa Ayin, qa Rinmon; otonwe tankinkinyan owasin wikcemna nonpa sanpa napcinwanka, nakun otonwe cikcistinna tawapi.

33 Qa Šepela (makoce hukuya) ohna dena ee, Eštaol qa Tzora qa Ašena,

34 Qa Zanoña, qa En Gannim (canojupi wakoniya,) Tapuħa, qa Henam,

35 Qa Jarmut, qa Adullam, Soko, qa Azeqa,

36 Qa Šayaraim, qa Aditaim, qa Geder (conkaške) kin, qa Gederotaim, otonwe tankinkinyan wikcemna sanpa topa nakun ton-tonwepi cikcistinna.

37 Tzenan, qa Hadaša, qa Migdolgad,

38 Qa Dilan, qa Mitzepa, qa Jagtel,

39 Lakiš, qa Botzegat, qa Eg-lon,

40 Qa Kabon, qa Lahmas, qa Kitliš,

41 Qa Gederot (Conkaške,) Bet-dagon, qa Nayama, qa Maqeda; Otonwe akešakpe, qa totonwepi cikcistinna.

42 Libna qa Eter, qa Ašan,

43 Qa Jipta, qa Ašna, qa Netzib,

44 Qa Qeyila, qa Akzib, qa Mareša; otonwe napcinwanka, qa tatonwepi cikcistinna;

45 Eqron, qa cunwintku tawa, qa totonwe cikcistinna;

46 Eqron etanhan Miniwanca ekta Ašdod icahda hehanyan owasin, qa totonwepi cikcistinna.

47 Ašdod cunwintku, qa totonwe cikcistinna, Gaza cunwintku, qa totonwe cikcistinna, Egipta kaksiza kin hehanyan, qa miniwanca ihanke kin hehanyan.

48 Qa he kin ohna Šamir, qa Jatir qa Soko,

JOŠUWA TAWOWAPI,

49 Qa Danna, qa Qirejat Sanna Debir hee.

50 Qa Anab, qa Estemo, qa Anim,

51 Qa Gošen, qa Holon, qa Gila; otonwe akewanji, qa totonwepi cikcistinna.

52 Arab, qa Duma, qa Ešeyan,

53 Qa Janim, qa Bettapuha, qa Apeqa,

54 Qa Humeta, qa Qirejat Arba Hebron hee, qa Tziyor otonwe napcinwanka, qa totonwepi cikcistinna.

55 Mayon, Karmel, qa Zip, qa Juta,

56 Qa Jezrel, qa Joqdeyam, qa Zenoħa.

57 Haqin, Gibeya, qa Timna; otonwe wikcemna, qa totonwepi cikcistinna.

58 Halhul, Bet Tzur, qa Gedor,

59 Qa Mayarat, qa Bet Anot, qa Elteqon; otonwe šakpe, qa totonwepi cikcistinna;

60 Qirejat Bayal, Qirejat Jeyarim hee, qa Harabba (tanka kin) otonwe nonpa qa totonwepi cikcistinna.

61 Hewoskan Bet Araba (Makomdaya ti kin) Midin, qa Sekaka,

62 Qa Hanibšan, qa Yir Hame-lah (Miniskuya otonwe,) qa En Gedi (tatokadan wakoniya,) Otonwe šakpe, qa totonwepi cikcistinna.

63 Tuka Juda cinca kin Jebusi Jerusalem ounyanpi kin nape wicayapi okitpanipi; heon Jebusi kin Juda cinca kin wicehna Jerusalem ounyanpi anpetu kin dehanyan.

WICOWOYAKE 16.

1 Unkan Josep cinca on oeconna eciya tanhan taku tawayapi kin dee, Jordan etanhan Jeriħo iyotakonza, Jordan mini kin ekta

wihinanpe cin etanhan hewoskan tatowapa he ohna Betel ekta.

2 Qa Betel etanhan inanpa Luz ekta qa Arki Atarot tamakoce ekta iyaya;

3 Qa wiyohpeyatakiya apamahde ya, Japleti tamakoce ekta, Bethoron hukuya kin tamakoce ekta, qa Gezer ekta qa oihuni kin miniwanca ekta.

4 Hecen Josep cinca Manaše qa Ephraim makoce tawayapi;

5 Qa Ephraim cinca kin wicowazipi kin iyecen makoce yuhapi, qa makoce tawayapi icagopi wihinanpe cin etanhan Atarot Adar Bethoron tatowapa kin ekta.

6 Qa miniwanca ekta icagopi Mikmeta iwaziya tanhan, qa wihinanpe cin ektakiya ohomni icagopi Taanat Šilo ekta, qa he opta iyaya Janoħa iwiyoħi yanpa tanhan.

7 Qa Janoħa etanhan apamahde ya Atarot qa Nayarot ekta, qa Jeriħo icahtaka, qa Jordan ekta ihuni.

8 Qa Tapuha etanhan wiyohpeyata kiya icagopi Qana kaksiza ekta, qa oihuni kin miniwanca kin ekta. Ephraim cinca wicoun makoce tawayapi kin hee wicowazipi kin iyecen.

9 Nakun Manaše cinca makoce tawayapi ohna Ephraim cinca on otonwe yukinukanpi, otonwe iyohi totonwe cikcistinna iyahna.

10 Tuka Kanani Gezer ounyanpi kin hena nape wicayapi šni, tuka Kanani kin Ephraim ehna ounyanpi anpetu kin dehanyan, qa wowidake woħtani econpi.

WICOWOYAKE 17.

1 Unkan Manaše wicoun makoce oeconna on tawaya, Josep cinhintku tokapa kin hee nakaš;

WICOWOYAKE 17.

Makir Manaše cinhintku tokapa kin Gilejad atkuku kin he wicašta ozuyesa heca heon iye Gilejad qa Bašan yuha.

2 Qa Manaše cinca unman kin wicowazipi kin iyecen Abiyezer cinca, qa Heleq cinca, qa Asriel cinca kin, qa Šekem cinca, qa Heper cinca, qa Šemida cinca, Josep cinhintku Manaše cinca wica kin hena eepi, wicowazipi kin iyecen taku yuhapi.

3 Tuka Tzelopehad Heper cinhintku, Gilejad cinhintku, Makir cinhintku, Manaše cinhintku, cinca wica nica, cunwintku eceedan, qa cunwintku cajepi kin dena eepi Maħla, qa Noya, Hogla, Milka, qa Tirtza.

4 Qa Eleyazar wawayušna kin itokam qa Jošuwa Nun cinhintku itokam, qa itancanpi kin wicito-kam ikiyedani hipi, qa heyapi, Jehowa sunka unyanpi wicehna makocē onšpa Mowis unqupi ši. Unkan Jehowa eye cigon iyccen ateyapi hunka wanji wicaye cin wicehna tawayapi kta makocē onšpa wicaqu.

5 Unkan Manaše oeconna on onšpa wikcemna tawayapi, qa nakun Jordan akasanpa Gilejad qa Bašan makocē kin.

6 Manaše cunwintku iye cinca wica wicehna makocē onšpa tawayapi nakaš, qa Manaše cinca unman kin Gilejad makocē tawayapi.

7 Qa Manaše makocē kin Ašer etanhan icagopi, Mikmeta Šekem iyotakonza hee ekta, qa etapakiya yapi En Tapuħa ounyanpi kin ektakiya.

8 Tapuħa makocē kin he Manaše tawaya, tuka Tapuħa otonwe Manaše makocē icahda un kin he Epraim yuha.

9 Qa hetanhan apamahde icagopi Qana (Cedi) kaksiza ohna,

itokaga kaksiza otonwe kin hena Epraim tawa, Manaše totonwe kin ehna, qa kaksiza iwaziya tanhan makocē kin he Manaše tawa, qa icagopi kin miniwanca ekta ihuni.

10 Wiyotanhan ekta kiya Epraim tawa, qa tamakocepi kin miniwanca iyohi qa waziyatanhan Ašer icaħtaka qa wihinanpa tanhan Isakar iyohi.

11. Qa Isakar ohna, qa Ašer ohna, Manaše dena tawaya, Betšeān qa otonwe cunkšiye cin, qa Jibleyam qa otonwe cunkšiwicaye cin, qa Dor ounyanpi kin qa cunkšiwicaye cin, qa En Dor qa cunkšiwicaye cin ounyanpi kin, qa Tayanak qa cunkšiwicaye cin ounyanpi kin, qa Mogiddo qa cunkšiwicaya ounyanpi kin, Napot (makocē pajodan) yamni.

12 Tuka Kanani kin makocē kin he ounyan kitanpi, heon Manaše cinca kin otonwe kin hena etanhan nape wicayapi okitpanipi.

13 Tuka Israel cinca kin wašaka ayapi. qehan Kanani kin wowidake wolitani econ wicakiyapi, tuka ocowasin nape wicayapi šni.

14 Unkan Josep cinca kin iapi, qa Jošuwa heciyapi, Tokcca makocē tawayapi en oeconna wanjidani, qa onšpa wanjidani mayaqu he? Miye Jehowa dehanyan mayawašte, qa dehan oyate matanka.

15 Unkan Jošuwa hewicakiya, Oyate nitanka hecinhan contanka ekta itanwan kanhde ya wo; qa Perazi, qa Repaim tamakocepi ohna oyanke wan nicicakse kta, Epraim he kin he nitawa nakaš.

16 Unkan Josep cinca kin heyapi, He kin iyounhipi šni, qa Kanani kin osmaka makocē ounyanpi kin hena owasin mazasapa canpahmihma yuhapi, Betšeān

JOŠUWA TAWOWAPI,

qa cunkšiwicaye cin ounyanpi kin, qa Jezereel osmaka ounyanpi kin hena.

17 Unkan Jošuwa ie ça Josep tiyohnaka Epraim qa Manaše hewicakiya, Oyate nitanka qa wowašake nitawa kin he tanka. Oeonna wanjidan duhe kte šni.

18 Tuka he kin he nitawa kta, contanka kin hee, qa he yakanke kta, qa he oihuni kin nitawa kta, qa Kanani kin mazasapa canpahmihma yuhapi ešta, qa wašakapi ešta nape wicayaye kta.

WICOWOYAKE 18.

1 Unkan Israel cinca omniciye owasin witaya hiyupi, Šilo ekta, qa hen itkokipapi wakeya kin ehdepi; wanna wicitokam makece kin obiyapi.

2 Tuka wicoun šakowin Israel cinca etanhan makece tawayapi kta nahanhin icupi šni.

3 Unkan Jošuwa Israel cinca kin hewicakiya, Tohanyan nikujapi on makece Jehowa nihunkakepi Wakan dapi kin ničupi kin he ekta yaipi šni, qa iyacupi kte šni he?

4 Wicoun iyohi etanhan wicašta yamni ničihdahinigapo. Unkan ye wicawaši kta; hecen najinpi qa makece kin omanipi kta, qa tawayayapi kta iyecen owapi, qa makahipi kta.

5 Qa he en onšpa šakowin icagopi kta; Juda wiyotanhan ekta-kiya makece tawa ohna yakonpi kta, qa Josep tiyohnaka makece tawa ohna yakonpi kta waziya takiya.

6 Tuka niyepi makece kin owapo, okašpa šakowin, qa den makahipo; qa den Jehowa itokam niyepi on oeonna ecamon kta.

7 Niyepi ehna Lewi kin okašpa yuhapi šni; Jehowa wakiciyušnapi kin taku tawayapi kin hee nakaš; qa Gad, qa Ruben, qa Manaše wicoun hanke kin taku tawa yapi kta wanna icupi, Jordan akasanpa wihinanpe cin ekta kiya, he Jehowa taokiye Mowis wicaqu.

8 Unkan wicašta kin najinpi, qa iyayapi. Wanna Jošuwa, makece owa iyayapi kin hena wahokon wicakiye ciquon, qa heya, Hopo, makece iyaza omanipi qa owapo, qa miye en hdipo; kinhan den Šilo ohna Jehowa itokam, niyepi on oeonna ecamon kta.

9 Unkan wicašta qon iyayapi, qa makece kin iyaza omanipi, qa wowapi wan en otonwewe kin iyecen okašpa šakowin owapi, qa Jošuwa en ahdipi, Šilo wicoti ekta.

10 Unkan Jošuwa Šilo ohna, Jehowa itokam hena on oeonna econ; hecen Jošuwa hen makece kin Israel cinca kin token yuhapikta wicakipamni.

11 Unkan Benjamin cinca wicoun kin on oeonna hiyu, qa oeonna on makece icupi kin he Juda cinca kin qa Josep cinca kin otahedan.

12 Qa makece tawapi waziyata ihanke kin Jordan etanhan tato-wapa icagopi Jerižo icahda iwaziya tanhan, qa he ohna wiyo-ħpeyata kiya itanwankan hdeya. icagopi, qa Betawan (Takušniti) ħopuza ekta ihuni.

13 Qa hetanhan Luz ekta icagopi, Luz Betel hee itokah kiya icahda, qa okah kiya icagopi; Yatarot Adar ekta, he wan Bethoron hukuya kin itokaga tanhan yanke cin ikiyedan.

14 Qa hetanhan wiyoliħpeyata ihanke on icagopi, qa itokah kiya

WICOWOYAKE 19.

yuhomnipi, qa Bethoron itokam he wanke cin etanhan itokahkiya icagopi, qa Qirejat Bayal Qirejat Jeyarim (Taškoju otonwe) hee, Juda cinca totonwe wan hee ekta ihuni; wiyohpeyata ihanke kin hee.

15 Qa itokaga ihanke kin Qirejat Jeyarim ihanke tanhan wiyohpeya tanhan iyaye ca Nepetolia mini wakoniya ekta ihuni.

16 Qa okah icagopi Hinnom cinhintku takaksiza iyotakonza he wanke cin he ihanke ekta, he Repaim osmaka ohna yanka waziyata kiya, qa, Hinnom takaksiza ohna okah iyaya, Jebusi ica-hda itokah kiya, qa okah iyaya En Rogel (Iwanyakapi wakoniya) ekta.

17 Qa waziya tanhan icagopi, qa En Semeš ekta ihuni, qa Geli-lot he Adunmim itanwankanhde yapi kin iyotakonza wanke cin ekta ihuni, qa okah iyaya Ruben cinhintku Bohan inyan tawa ek-ta.

18 Qa Araba heonnaptan ica-hda wiziyata kiya iyaya, qa Araba ekta okah iyaya.

19 Qa waziyata kiya icagopi Bet Hogla ica-hda, Jordan mdote kin ekta; itokaga ihanke kin hee.

20 Qa wihinanpe ektakiya ihanke kin Jordan hee. Benjamin cinca makoce tawa yapi kin ihdukšan icagopi kin hena ee, wicowazipi kin iyecen.

21 Qa Benjamin cinca wicoun, wicowazipi kin iyecen, otonwe kin dena yuhapi, Jeriho, qa Bet Hogla, qa Yemek, Qetzitze (osmaka šda.)

22 Qa Bet Araba, qa Tzema-ram, qa Betel.

23 Qa Hayawim, qa Hapara, qa Yopera.

24 Qa Amoni otonwe kin, qa Yopeni kin, qa Gaba; otonwe

wikcemna sanpa nonpa, qa totonwepi cikcistinna.

25 Gibeyon, qa Rama, qa Berot.

26 Qa Mitzpa, qa Kepira, qa Motzepa.

27 Qa Reqem, qa Jirpel qa Tarala.

28 Qa Tzela, Halep (Tatanka kin) qa Jebusi kin Jerusalem hee, Gebeyat, Qirejat: otonwe wikcemna sanpa topa, qa totonwepi cikcistinna; Benjamin cinca wicowazipi kin iyecen makoce tawayapi kin hee.

WICOWOYAKE 19.

1 Unkan oeconna inonpa kin Simeon on hiyu Simeon cinca wicoun kin on, wicowazipi kin iyecen, qa makoce oeconna on tawayapi kin he Juda cinca tamakocepi ohna wanka.

2 Qa tamakocepi ohna otonwe kin dena yuhapi, Beršeba qa Šeba qa Molada.

3 Qa Hatzar šuyal (Šungidan otonwe,) qa Bala, qa Atzem,

4 Qa Eltolad, qa Betul qa Horma,

5 Qa Tziqlag, qa Bet markabot, qa Hatzar susa (Šuktanka otonwe.)

6 Qa Betlebaot (Mnajati,) Šaru-lie, otonwe wikcemna sanpa yamni, qa totonwepi cikcistinna.

7 Yain, Rinmon, Yeter, qa Ya-šan, otonwe topa qa totonwepi cikcistina.

8 Qa otonwe kin hena ihdukšan otonwe cistinna owasin, Bayalatber ekta Ramot Negeb (Itokaga) hehanyan; Simeon cinca wicoun wicowazipi kin iyecen makoce tawayapi kin hee.

9 Juda cinca okašpa tawayapi kin he nina tanka, heon Juda cinca iwicakicagopi ohna Simeon cinca kin tawayapi.

JOSUWA TAWOWAPI,

10 Unkan oeconna iyamni kin Zebulun cinca kin on hiyu, wicowazipi kin iyecen, qa makece tawayapi kin Sarid iyohiya.

11 Qa waziyata kiya icagopi mini wanca ekta, qa Marala ekta, qa Dabaşet icahtaka, qa kaksiza wan Jokneyam icaħda wanke cin he iyohiya;

12 Qa ake Sarid etanhan wiyo-hiyanpa wihinanpe cin ekta kiya Kiselot Tabor makece kin ekta ya, Daberat iyohi, qa tatowapa Japiya ekta ya.

13 Qa hetanhan wihinanpa ekta kiya iyaya Git Heper iwiyo-hiyanpa tanhan Yet Qatzin ekta, qa Rinmon ekta ihuni, qa icagopi winħya Neyā ekta ya.

14 Qa icagopi kin hetanhan winħ iyaya Hannatōn iwaziya tanhan, qa oihuni Jepetael kaksiza kin ekta yanka.

15 Qa Qatat, qa Nahalal, qa Šimeron, qa Jedala, qa Betlehem, otonwe wikcemna sanpa nonpa, qa totonwepi cikcistinna.

16 Otonwe kin hena, qa totonwepi cikcistinna Zebulun cinca wicowazipi kin iyecen makece tawayapi kin hee.

17 Qa oeconna itopa kin Isakar on hiyu, Isakar cinca kin on, wicowazipi kin iyecen.

18 Qa makece tawapi kin *otonwe dena* iyohiya, Jezereel, qa Kesulot, qa Šunem,

19 Haparim, qa Šion, qa Anaharat,

20 Qa Rabit, qa Qišeon, qa Abetze,

21 Qa Remet, qa Engannim, qa Enhada, qa Betpatzetze.

22 Qa makece tawapi icagopi kin Tabor icahtaka, qa Šahotzim iyohi, qa Betšemes; qa makece tawapi kin Jordan iyohiya; otonwe wikcemna sanpa šakpe qa totonwepi cikcistinna.

23 Isakar cinca wicoun wicowazipi kin iyecen makece tawayapi kin hee, otonwe, qa totonwepi cikcistinna.

24 Unkan oeconna izaptan kin Ašer cinca wicoun on hiyu, wicowazipi kin iyecen.

25 Qa makece tawapi icagopi kin otonwe kin dena iyohiya, Helgat, qa Hali, qa Beten qa Aksap,

26 Qa Alanmelek, qa Amad, qa Mişal, qa Karmel mini wanca icaħda iyohi, qa Libenat (Janjan) wakpa kin.

27 Qa wihinanpe cin ekta kiya winħ iyaya, Bet Dagon ekta, qa Zebulun ekta iyohi, qa Jiptaħel osmaka kin waziyata kiya Bet Emeq (Osmaka ti) kin, qa Niyel, qa hehan Kabul catkatanhan iyaya;

28 Qa Yebron, qa Rehob, qa Hamon, qa Qana Zidon tanka kin iyohi.

29 Qa yuwinħya icagopi Rama ekta, qa otonwe conkaške kin Tzur ekta, qa yuwinħya icagopi Hosa ekta, qa miniwanca ekta ihuni Akzib makece ekta;

30 Qa Unma, qa Apeq, qa Rehob, otonwe wikcemna sanpa nonpa, qa totonwepi cikcistinna.

31 Otonwe kin hena, qa totonwepi cikcistinna kin makece Ašer cinca wicoun tawayapi kin hee.

32 Oeconna išakpe kin Naptali cinca on hiyu, Naptali cinca on wicowazipi kin iyecen.

33 Qa makece tawapi kin Helep etanhan, qa Tzayananim utuhu oju etanhan, qa Adami Neqeb. (İmniya oħdoka kin,) qa Jabenet, Lequm ekta hehanyan, qa Jordan ekta iyohiya,

34 Qa ihdamna icagopi wiyo-ħpeyata kiya, Azenot Tabor ekta, qa hetanhan Huqoq ekta iya-

WICOWOYAKE 20.

ya, qa itokaga ektakiya Zebulun iyohi, qa wiyohpeya tanhan Ašer iyohi, qa wihinanpa ekta Jordan Juda en.

35 Qa otonwe conkaške kin dena Tzidim, Tzer, qa Hamat, qa Raqet, qa Kinneret,

36 Qa Adama, qa Rama, qa Hatzor,

37 Qa Qedeš, qa Edreyi, qa En Hatzor,

38 Qa Jireon, qa Magdolel, Horam, qa Bet Anat, qa Bet Šemeš; otonwe wikcemna sanpa napcinwanka, qa totonwepi cikcistinna.

39 Naptali cinca wicoun wicowazipi kin iyecen makoce tawayapi kin hee; otonwepi, qa totonwepi cikcistinna.

40 Oeonna isakowin kin Dan cinca wicoun on hiyu, wicowazipi kin iyecen.

41 Qa makoce tawayapi kin dee, Tzora, qa Eštaol, qa Yiršemeš (Anpetuwi otonwe.)

42 Qa Sayalbim, qa Ajalon, qa Jitela,

43 Qa Elon, qa Timenat, qa Eqrone,

44 Qa Elteqa, qa Gibbeton, qa Bayalat,

45 Qa Jehud, qa Beneberaq, qa Gat Rinmon.

46 Qa Me Jarqon (Minizi,) qa Raqon, makoce Jopa iyotakonza kin iyahna.

47 Qa Dan cinca makoce tawapi iyowicahi šni, heon Dan cinca kin itanwankannde ipi, qa Lešem azuyapi, qa icupi, qa canłpi hi on kaštakapi, qa tawayapi, qa hen iyotankapi, qa Lešem Dan eciyapi, Dan ateyapi caje kin on.

48 Dan cinca wicoun wicowazipi kin iyecen makoce tawayapi kin hee.

49 Unkan makoce icagopi kin iyecen kicipamnipi yuštampi; qa Israel cinca iyepi ehna Jošuwa

Nun cinhintku makoce onšpa qupi.

50 Jehowa eye cin iyecen, otonwe wan da kin he qupi; Timnat Serali hee Epraim he kin ohna. Unkan otonwe kin he kaga, qa he ohna ti.

51 Eleazar wawaynšna kin, qa Jošuwa Nun cinhintku, qa Israel cinca wicoun ateyapi tokapapi kin Šilo ohna Jehowa itokam, itkokipapi wakeya tiyopa ekta, oeonna on makoce pamnipi kin hena ee, hecen makoce kin pamnipi kin yuštampi.

WICOWOYAKE 20.

1 Unkan Jehowa ie ɕa Jošuwa heciya.

2 Wowinape otonwe ihdahni-gapo, Mowis nape on ociciyakapi qon he iyecen, Israel cinca kin ewicakiya wo.

3 Hecen tuwe iyukcan šniyan wicanagi wan wanun ape ɕa kte kinhan, heciya najice kta; qa we tokiɕon kin etanhan hena wowinape duhapi kta.

4 Qa tuwe otonwe kin hena wanji ekta nape, ɕa otonwe tiyopa ekta najin, qa otonwe kin hun-kayapi nogepi kin ohna ie ɕa toketu owicakiyake cinhan, iyepi ehna otonwe kin en hiyuyapi kta; qa oyanke wan qupi kta, unkan hen yanke kta.

5 Unkan we tokiɕon kin he kuwa kinhan; he nape en wicašta tin kte kin hiyuyapi kte šni; takodaku itokam šicedake šni, tuka sdon ye šni he ape nakaš.

6 Unkan otonwe kin he en yanke kta, omniciye wayaco kin itokam najin kte cin, qa wawayu-šna itancan anpetu kin hena en ni kin, he te kte cin hehanyan; hehan wicašta tin kte kin kihde kta, qa otonwe etanhan najica

JOŠUWA TAWOWAPI,

qon, iye totonwe, qa toti kin ekta ki kta.

7 Unkan Qedeš Galile ohna Naptali he kin en, qa Šekem Epraim he kin en, qa Qirijat Arba, Hebron hee, Juda he kin ohna yuwakanpi.

8 Qa Jordan akotahan Jeriho iwiyo hiyanpa tanhan Ruben wicoun etanhan, Betzer, he tinta ohna yanka, makoce mdaye ohna; qa Gad wicoun etanhan Ramot, he Gilejad ohna yanka; qa Manase wicoun etanhan Golan, Bašan ohna.

9 Otonwe kin hena wowinape on qupi, Israel cinca owasin on, qa tuwe tokeca wicehna ounye cin on, tuwe kašta wicanagi wan wanun ape cinhan hena wanji en nape kta, qa omniciye itokam najin šni kin behanyan we tokičon nape kin on ƚe kte šni.

WICOWOYAKE 21.

1 Unkan Lewi ateyapi tokapapi kin Eleazar wawayušna kin ekta, qa Jošuwa Nun cinhintku ekta, qa Israel wicoun ateyapi tokapapi ekta ikiyedan hiyupi.

2 Qa Šilo ohna Kanan makoce ohna iapi, qa hewicakiyapi, Jehowa Mowis nape on otonwe ohna untipi kta, qa hena ihdukšan tinta wanunyanpi unkitawapi on unqupi niši.

3 Unkan Israel cinca kin makoce tawayapi etanhan Jehowa eye ciqon iyecen otonwe kin dena, qa tinta kin hena ikiyedan Lewi kin wicaqupi.

4 Unkan Qohati wicowazipi on oeconna kin hiyu, qa Lewi Aaron wawayušna cinca kin oeconna on Juda wicoun etanhan, qa Benjamin wicoun etanhan qa Simeon wicoun etanhan otonwe ake yamni yuhapi.

5 Qa Qohat cinca unmanpi kin Epraim wicoun etanhan, qa Dan wicoun etanhan, qa Manase wicoun hanke kin etanhan wicowazipi kin etanhan oeconna on otonwe wikcemna yuhapi.

6 Unkan Geršon cinca kin Isakar wicoun etanhan, qa Ašer wicoun etanhan, qa Naptali wicoun etanhan, qa Manase wicoun hanke Bašan en, wicowazipi kin etanhan otonwe wikcemna sanpa yamni yuhapi.

7 Qa Merari cinca kin wicowazipi kin iyecen Ruben wicoun etanhan, qa Gad wicoun etanhan, qa Zebulun wicoun etanhan otonwe wikcemna sanpa nonpa yuhapi.

8 Unkan Israel cinca kin otonwe kin dena, qa hena ihdukšan tinta ikiyedan Lewi kin wicaqupi, oeconna on Jehowa Mowis nape on econ wicaši kin he iyecen.

9 Qa Juda cinca wicoun etanhan, qa Simeon cinca wicoun etanhan otonwe cajeyatapi kin dena qupi.

10 Qa Lewi cinca etanhan Qohati wicowazipi etanhan Aaron cinca kin hena yuhapi; oeconna tokaheya kin he tawapi nakaš.

11 Unkan Arba Anaq atkuku totonwe Hebron hee Juda he kin ohna, qa tinta ihdukšan ikiyedan wicaqupi.

12 Tuka otonwe tamaga kin, qa totonwe cikeistinna kin Kaleb Jepunne cinhintku tawaye kta e qupi.

13 Unkan Aaron wawayušna kin cinca kin Hebron qa tinta ihdukšan kin wowinape otonwe, tinwicakte kin on, wicaqupi, nakun Libna qa tinta ihdukšan;

14 Qa Jatur, qa tinta ihdukšan qa Estemoya qa tinta ihdukšan;

WICOWOYAKE 21.

15 Qa Holon qa tinta ihdukšan, qa Debir qa tinta ihdukšan,

16 Qa Ayin qa tinta ihdukšan, qa Juta, qa tinta ihdukšan, qa Betśemeś qa tinta ihdukšan, otonwe napcinwanka wicoun nonpa kin hena etanhan.

17 Qa Benjamin wicoun etanhan Gibeyon qa tinta ihdukšan; qa Geba, qa tinta ihdukšan;

18 Qa Anatot, qa tinta ihdukšan, qa Almon qa tinta ihdukšan, otonwe topa.

19 Otonwe Aaron cinca wawayusnapi kin yuhapi owasin otonwe wikcemna sanpa yamni; qa tinta hena ihdukšan.

20 Qa Qohat cinca unmanpi, Qohat cinca Lewi wicowazipi etanhan, oeconna on Ephraim wicoun etanhan otonwe yuhapi:

21 Qa Ephraim he kin ohna Śekem qa tinta ihdukšan, wowinape otonwe tin wicakte kin on wicaqupi, qa Gezer qa tinta ihdukšan;

22 Qa Qebetzaim qa tinta ihdukšan, qa Bethoron (Wohā tipi) qa tinta ihdukšan, otonwe topa.

23 Qa Dan wicoun etanhan Elteqa qa tinta ihdukšan, qa Gibbeton qa tinta ihdukšan;

24 Qa Aijalon, qa tinta ihdukšan, qa Gatrinmon qa tinta ihdukšan, otonwe topa.

25 Qa Manaśe wicoun hanke etanhan Tayanak qa tinta ihdukšan, qa Gat Rinmon qa tinta ihdukšan, otonwe nonpa.

26 Qohat cinca wicowazipi unman on otonwe owasin wikcemna, qa tinta hena ihdukšan.

27 Unkan Lewi wicowazi Gerson cinca kin Manaśe wicoun hanke etanhan, Baśan ohna Golon wowinape otonwe tin wicakte kin on, qa tinta ihdukšan, qa Bayeśerat qa tinta ihdukšan, otonwe nonpa *wicaqupi*.

28 Qa Isakar wicoun etanhan Qiśeon qa tinta ihdukšan, qa Daberet qa tinta ihdukšan,

29 Qa Jarmut, qa tinta ihdukšan, qa Engannim qa tinta ihdukšan, otonwe topa.

30 Qa Aśer wicoun etanhan Miśal qa tinta ihdukšan qa Abdon qa tinta ihdukšan;

31 Qa Helgat qa tinta ihdukšan, qa Rehob qa tinta ihdukšan, otonwe topa.

32 Qa Naptali wicoun etanhan Qedeś qa tinta ihdukšan, Galile ohna wowinape otonwe tin wicakte kin on, qa Hamat Dor qa tinta ihdukšan, qa Qaretan qa tinta ihdukšan, otonwe yamni.

33 Gersoni totonwepi owasin wicowazipi kin iyecen otonwe wikcemna sanpa yamni, qa tinta hena ihdukšan.

34 Unkan Lewi unmanpi kin Merari cinca wicowazipi kin Zebulun wicoun etanhan Joqneyam qa tinta ihdukšan, qa Qareta qa tinta ihdukšan,

35 Dimna qa tinta ihdukšan, qa Nahalal qa tinta ihdukšan otonwe topa.

36 Qa Ruben wicoun etanhan Betzer qa tinta ihdukšan, qa Jahatza qa tinta ihdukšan,

37 Qedemot qa tinta ihdukšan, qa Mepayat qa tinta ihdukšan otonwe topa.

38 Qa Gad wicoun etanhan Gileyad ohna Ramot wowinape otonwe tinwicakte on, qa tinta ihdukšan, qa Mahanaim qa tinta ihdukšan;

39 Hesbon qa tinta ihdukšan, Jazer qa tinta ihdukšan otonwe topa.

40 Lewi wicowazipi okaptapi Merari cinca wicowazipi kin on otonwe oeconna on wicaqupi owasin otonwe wikcemna sanpa nonpa.

JOŠUWA TAWOWAPI,

41 Lewi totonwepi owasin Israel cinca makoce yuhapi ohna, otonwe wikcemna topa sanpa šahdogan, qa tinta kin hena ihduksan.

42 Otonwe hena owasin otonwe iyohi tinta ihduksan kicica, otonwe owasin hececa.

43 Hecen Jehowa, Israel makoce hunkake wicayapi wicaqipi kta konza ewicakiye cion, he owasin wicaqu, unkan tawayapi, qa en iyotankapi.

44 Qa Jehowa hunkake wicayapi konza ewicakiye cion iyeccen wicihduksan iyozi wicaqu; hecen toka wicayapi owasin etanhan tuwedan wicitokam najin šni, Jehowa napepi en toka wicayapi owasin wicaqu.

45 Wicoie wašte Jehowa Israel tiyohnaka kewicakiya owasin ecetu, wicoie ecetušni wanica.

WICOWOYAKE 22.

1 Hehan Jošuwa Rubeni kin, qa Gadi kin, qa Manaše wicoun hanke kin wicakico;

2 Qa hewicakiye; Taku Mowis Jehowa taokiye econ nišipi kin owasin yapatanpi, qa taku miye econ cišipi owasin maho kin nayahonpi ce.

3 Anpetu ota kin dena, anpetu kin dehanyan nihunkawanjipi kin awicadušanpi šni, qa Jehowa Wakanyadapi tawoahope patan nišipi kin hena yapatanpi.

4 Unkan wanna Jehowa Wakan yadapi kin nihunka wanjipi oziwicaya, ewicakiya qon he iyeccen; heon wanna kihdapo, qa makoce tawa yayapi Mowis Jehowa taokiye ničupi kin Jordan akasanpa, nitawakeyapi kin ekta hdapo.

5 Tuka woahope, qa woope Mowis Jehowa taokiye ope niši-

pi kin ecen ecanonpi kta, qa Jehowa Wakan yadapi kin wašte yadakapi kta, qa tacanku kin owasin omayanipi kta, qa tawoahope oyapapi kta, qa iye kin en ikoyag niyanpi kta, qa nicantepi ocowasin on, qa ninagipi ocowasin on oyapapi kta e nina wakta-ya unpo.

6 Unkan Jošuwa wicayawašte, qa kihde wicaši; unkan tawakeyapi ekta kihdapi.

7 Wanna Mowis Manaše wicoun hanke Bašan ohna taku wicaqu, qa hanke kin Jošuwa Jordan itato wiyohpeyata kiya taku wicaqu, hunkawanji wicayapi wicehna, qa tawakeyapi ekta kihde wicaya, qa wicayawašte qehan,

8 Hewicakiya, Wowijice ota yuha nitawakeyapi ekta hdapo; nakun wanunyanpi nina ota hin, qa mazaska, qa mazaskazi, qa maza sapa, qa mazaša, qa woko-yake otahinca, nihunkawanjipi om wayuha tokawicayayapi kin etanhan wicayakipi kin yuakipam ahdapo.

9 Unkan Ruben cinca, qa Gad cinca, qa Manaše wicoun hanke kin kihdapi; qa Israel cinca etanhan, Šilo Kanan makoce ohna wanke cin etanhan iyayapi, qa Gilejad makocce ekta makoce tawayapi kin, Jehowa eciya tanhan Mowis nape on yuhe wicakiyapi kin he ekta yapi.

10 Qa Jordan Gelilot (huta) kin ekta ipi, he Kanan makoce ohna un, qa Ruben cinca, qa Gad cinca, qa Manaše wicoun hanke kin hen, Jordan icahda wahna wošnapi wan kagapi, wahna wošnapi tanka, atonwanpi kta heon.

11 Unkan Israel cinca kin hecen eya nahonpi, Inyun Ruben cinca, qa Gad cinca kin, qa Manaše wicoun hanke kin wahna

WICOWOYAKE 22.

wošnapi wan kagapi, Kanan makoce icahda; Jordan huta akan, Israel cinca kin akasanpa tanhan.

12 Israel cinca kin he nahonpi, qa Israel cinca omniciye owasin witaya hiyupi, Šilo ekta, qa wicakizapi kta ekta yapi kta.

13 Unkan Israel cinca kin Ruben cinca kin, qa Gad cinca kin, qa Manaše wicoun hanke ekta Pinehas Eleazar wawayušna cinhintku kin yešipi, Gilejad ekta.

14 Qa he kici wicašta itancan wikcemna, Israel wicoun owasin ehna atewicayapi tiyohnaka iyohi on itancan wanjidan, Israel kektopawingege ehna ateyapi tiyohnakapi wicašta tokapa hecapi.

15 Unkan Gilejad makoce ekta, Ruben cinca, qa Gad cinca, qa Manaše wicoun hanke ekta ipi, qa iapi, qa hewicakiyapi;

16 Jehowa taomniciye owasin hecen eyapi, Tokeca wokipajin kin de on Israel taku Wakandapi kin yakipajinpi, qa nakaha Jehowa etanhan nihduhomnapi, qa anpetu kin de Jehowa yakipajinpi en wahna wošnapi wan ničicagapi kin.

17 Peyor ekta waunhtanipi, qa Jehowa taomniciye en makošice yukan, qa anpetu kin dehanyan etanhan unyuskapi šni he cistinna kecannipi he?

18 Qa heon nakaha Jehowa etanhan nihduhomnapi he? Nakaha Jehowa yakipajinpi, heon heyakecinhan Israel omniciye owasin canniye wicaye kta.

19 Hiya makoce tawayayapi kin he šape cinhan, Jehowa makoce tawa ye cin, qa Jehowa ti kin olha yanke cin he ekta hiyuwegapo, qa unkiyepi ehna tawayapo; tuka ihnuhan Jehowa yakipajinpi kin, qa ihnuhan unkiyepi

en yakipajinpi, qa wahna wošnapi, Jehowa Wakan undapi tawa kin isanpa wahna wošnapi wan ničicagapi kin.

20 Akan Zerah cinhintku kin taku yawakanpi kin en wahtani, qa heon Israel omniciye owasin en wocanniye yuke šni he? hecen wicašta kin he tohan šica on is nana te šni.

21 Unkan Ruben cinca kin, qa Gad cinca kin, qa Manaše wicoun hanke kin ayuptapi, qa Israel kektopawinge itancanpi kin hewicakiyapi;

22 Jehowa taku wakan iyotan wašaka, Jehowa taku wakan iyotan wašaka sdonya, qa Israel sdonye kta, wokipajin on econkupi kinhan, qa Jehowa en waunhtanipi kta heconkupi kinhan, nakaha niunkiyapi šnipo.

23 Jehowa etanhan unkihduhomnapi kta e wahna wošnapi wan unkičicagapi kinhan, qa akan wohuhnaŋyapi, qa minha hulinahunyanpi kta, qa akan wopida wošnapi waunkiyušnapi kta e unkagapi kinhan, Jehowa he iwanga nunwe.

24 Tuka taku kin de ikounkipapi, heon heconkupi, qa unkeyapi, okini tokata nicincapi unki-cincapi hewicakiyapi kta, Jehowa Israel Wakandapi kin en taku iyoniwajapi he?

25 Ruben cinca, qa Gad cinca, niyepi qa unkiyepi otahedan Jehowa Jordan oicago unqupi, Jehowa en niyepi takudan tawayayapi šni; hecen nicincapi kin unki-cincapi wicayuhomnapi kta on Jehowa kokipapi kte šni.

26 Qa unkeyapi. Ito wahna wošnapi wan unkičicagapi, akan wohuhnaŋyapi, qa wošnapi hulinah unyanpi kta heon etanhan šni;

27 Tuka unkiyepi, qa niyepi

JOŠUWA TAWOWAPI,

otahedan, qa wicoicage unkita-wapi unkihakam he wayaatanin un kta; woľuhnahyapi, qa wośnapi, qa wopida wośnapi unkita-wapi on Jehowa ohoundapi kta, iye itokam, qa tokata, Jehowa en takudan tawa yayapi śni nicincapi unkicincapi ewicakiyapi kte śni.

28 Heon unkeyapi, Tokata tohan heunkeyapi, qa unkicincapi hewicakiyapi kinhan unkeyapi kta, Iho Jehowa tawahna wośnapi uncage kin he wanyakapo; hunkake wicunyanpi kin woľuhnahyapi on, etanhan śni, tuka unkiyepi, qa niyepi otahedan wayaatanin yanke kta e he kagapi.

29 Jehowa unkipajinpi iyounkikipi śni nunwe; qa nakaha Jehowa etanhan unkihduhomnipi, qa Jehowa Wakan undapi tawahna wośnapi toti kin itokam yanke cin icunonpa tanhan wahnna wośnapi wan woľuhnahyapi on, qa minħa on, qa wośnapi on untagapi kta iyececaśni.

30 Unkan Pinehas wawayuśna kin, qa omniciye itancanpi kin Israel kektopawinge en wicaśta tokapapi iye opapi kin wicoie Ruben cinca, qa Gad cinca, qa Manaśe cinca eyapi kin nahonpi qehan he iyowicakipi.

31 Qa Pinehas Eleazar wawayuśna cinhintku kin Ruben cinca, qa Gad cinca, qa Manaśe cinca kin hewicakiya, Nakaha Jehowa unkiyepi ehna un kin sdonunyanpi, qa woecon kin de en yakipajinpi śni; hecen Israel cinca kin Jehowa nape kin etanhan ewicayahdakupi.

32 Qa Pinehas Eleazar wawayuśna cinhintku, qa wicaśta itancan qon Ruben cinca, qa Gad cinca etanhan kihdapi; Gilejad makoce etanhan Kanan makoce

ekta, Israel cinca ekta, qa hośi wicakahipi.

33 Unkan wicoie kin Israel cinca kin iyokipipi, qa Israel cinca kin Wakantanka yawaśtepi, qa Ruben cinca, qa Gad cinca kin, azuwicayapi kta, qa makoce en ounyanpi kin ihang yapi kta eyapi śni.

34 Unkan Ruben cinca kin, qa Gad cinca kin wahna wośnapi kin Ed (Wayaatanin) eciyapi; Jehowa Wakantanka ee unkiyepi otahedan he wayaatanin kta, eyapi nakaś.

WICOWOYAKE 23.

1 Unkan Jehowa Israel wicidukśan toka wicayapi owasin etanhan iyozi wicaya ohakam tehantu, qa Jośuwa anpetu ota wicahinca qehan;

2 Jośuwa Israel owasin wicaco, wicahincapi, qa itancanpi, qa wayacopi, qa wowapi kagapi, qa hewicakiya, Miś wanna wicamahinca, anpetu maota.

3 Qa niyepi on Jehowa Wakan-yadapi kin ikce wicaśta kin dena owasin taku ecawicakicon owasin wandakapi; Jehowa Wakan yadapi kin he niyepi on kiza nakaś.

4 Wanyakapo, oyate okaptapi kin hena owasin, oyate wicawakaśpe kin owasin om, wicoun nitawapi tawa yayapi kta e cicipamnipi. Jordan etanhan minivanca wı iyaye cin ekta kiya hehanyan.

5 Qa Jehowa Wakan yadapi kin iye hena nitokapa tanhan nape wica ye kta, qa nitokam wicakahape kta, qa makoce tawapi kin, tawa yayapi kta, Jehowa Wakan yadapi eniciyapi qon iye-cen.

6 Heon Mowis toope wowapi

WICOWOYAKE 24.

en taku owapi kin owasin yapa-
tanpi kta, qa ecen ecanonpi kta
e wakišakapo, hetanhan nihdu-
homnipi kte šni, etapa qa catka
unman tukte kašta ekta kiya.

7 Hecen ikce wicašta kin hena
niyepi ehna okaptapi kin en
yaipi kte šni, qa taku wakan-
dapi caje kin yeksuyapi kte
šni, qa Namañon ehapi kte šni,
qa ohowicayadapi kte šni, qa
wicitokam yapatujapi kte šni.

8 Tuka Jehowa Wakan yadapi
en ikoyag niyanpi kta, anpetu
kin dehanyan ecanonpi iyecen.

9 Qa Jehowa nitokapa tanhan
oyate tanka, qa wašaka nape wi-
caya, qa niyepi itokam anpetu
kin dehanyan, tuwedan najinhan
okihi šni.

10 Niyepi etanhan wicašta wan-
jidan opawinge wicakuwa kta,
Jehowa Wakan yadapi kin iye
niyepi on kize kta nakaš, eniciya-
pi qon iyecen.

11 Heon Jehowa Wakan yadapi
kin wašte yadakapi kta e ninagi-
pi nina yapatanpi kta.

12 Tuka nihduhomnipi, qa ikce
wicašta okaptapi kin dena ekta
ikoyag niyanpi, niyepi om oka-
ptapi kin dena cunwintkupi duza-
pi, qa nicunkšipi wicayaqupi kin-
han; hena ekta yaipi, qa iyepi
en nihipi kinhan;

13 Jehowa Wakan yadapi kin
oyate kin dena nitokapa tanhan
sanpa nape wicaye kte šni, tuka
mazañitakiyapi, qa wihmuke iye-
cen nici unpi kta, qa nicuwipi
ekta icapsinte hecapi kta, qa
niištapi en wapepeka hecapi kta,
maka wašte kin de Jehowa Wa-
kan yadapi niçupi kin hetanhan
ihang niyanpi kta hehanyan, he
tanyan sdonypo.

14 Qa nakun inyun miye wicašta
maka owancaya yapi kin heciya
nakaha mde kta; qa wicoie wa-

šte Jehowa Wakan yadapi enici-
yapi kin owasin etanhan wanji-
dan ihpaye šni, nicantepi owasin
en, qa ninagipi owasin en sdon-
yayapi; owasin niyepi en iyo-
nihipi, hetanhan wicoie wanjidan
ihpaye šni.

15 Qa token wicoie wašte Je-
howa Wakan yadapi eniciyapi
qon owasin iyonihipi kin, he iye-
cen Jehowa wicoie šice cin hena
iyohi niyanpi kta; ecen maka
wašte kin de, Jehowa Wakan
yadapi niçupi kin etanhan ihang
niyanpi kta.

16 Wicotakuye Jehowa Wakan
yadapi ope nišipi kin he acaya-
kšinpi kinhan, qa toki dapi, qa
taku wakan tokeca ohoyadapi, qa
hena ekta patuš niçiyapi kinhan,
Jehowa tocanniye kin aide niyan-
pi kta, qa ecadan makoce wašte
kin detanhan ihang niyanpi kta.

WICOWOYAKE 24.

1 Unkan Jošuwa Israel wicoun
owasin Šekem ekta mniciye wi-
caši, qa Israel hunkayapi, qa wi-
cašta tokapapi, qa wayacopi, qa
wowapi kagapi wicakico; unkan
Jehowa itokam ahinajinpi.

2 Unkan Jošuwa oyate owasin
hewicakiya, Jehowa Israel Wa-
kan dapi kin hecen eya, Nihunka
kepi ehanna wakpa kin akasanpa
tipi, Terañ Abereham atkuku, qa
Nañor atkuku, qa taku wakan to-
keca ohodapi.

3 Qa Abereham ateyayapi kin
wakpa kin akasanpa tanhan iwa-
cu, qa Kanan makoce owancaya
omani wakiya, qa iye cinca kin
mduota qa Izak waqu.

4 Unkan Izak Jakob qa Esa
waqu; qa Esa Seyir he kin tawa
ye kta e waqu; tuka Jakob, qa
iye cinca kin Egipta ekta apa-
mahde ipi.

JOŠUWA TAWOWAPI,

5 Unkan Mowis qa Aaron yewicawaši, qa Egupton awicawapa, taku ecawicawecon kin iyecen; qa ohakam hetanhan hdinanpe ciyapi.

6 Qa ate yayapi Egupta etanhan inanpe wicawaye qa mde kin ekta yahipi. Unkan Egupton niyatepi wicakuwapi, canpahmihma, qa šuktanka on Mdeša en.

7 Unkan Jehowa ho yekiyapi qehan, niyepi qa Egupton otahedan otpaza hiyuya qa mde kin hena wiciwankam hiyuya, qa akahepe wicaya, qa ništapi taku Egupton ecawicawecon kin wanyakapi, qa hewoskan anpetu ota yatipi.

8 Unkan Amori Jordan akasanpa tipi qon tamakocepi ekta hiyu ciyapi. Unkan nicizapi; unkan ninapepi en wicawa qu. Unkan makece tawapi kin he iyacupi; unkan niyepi itokam ihang wicawaya.

9 Unkan Balaq Tzipor cinhintku kin Moab wicašta yatapi kin najin, qa Israel azuya, qa Balam Bezor cinhintku kin ekta ye wicaši qa niyašicapi kta e kico.

10 Tuka Balam nawahon tawaten waye šni. Unkan nina niyawaštepi, hecen nape kin etanhan ecihdakupi.

11 Unkan Jordan iduwegapi, qa Jeriho ekta yahipi. Unkan Jeriho itancan, kin qa Amori kin, qa Perizi kin, qa Kanani kin, qa Hiti kin, qa Girgaši kin, qa Hiwi kin, qa Jebusi kin nicizapi, qa ninapepi en wicawaqu.

12 Unkan niyepi itokam tuhмага ye waya; unkan niyepi itokapa tanhan Amori wicašta yatapi nonpa kin nape wicaya, niyepi cauhipi nitawa, qa nitinazipe on hecanonpi šni.

13 Unkan makece wan cičupi

kin heon htayanipi šni, qa nakun otonwe yakagapi šni; unkan hena ohna yatipi, hastahanka iyuwi qa wihdican ojupi hu yahdepi šni kin, hena etanhan yatapi.

14 Heon Jehowa ho kin kokipapo, qa ecetuyašin, qa wowicake en ohodapo, qa taku wakan nihunkakepi wakpa akasanpa, qa Egupta ohna ohodapi kin hena etanhan ihduhomnipo, qa Jehowa ohodapo.

15 Tuka Jehowa ohodapi kin he ništapi en šice cinhan, tuwe ohoyadapi kta nakaha kahnigapo, taku wakan nihunkakepi wakpa kin akasanpa ohodapi qon hena, qaiš Amori kin tamakocepi ohna yatipi taku wakandapi kin, unman tukte kašta; tuka miye, qa watiyohnaka kin Jehowa ohoundapi kta.

16 Unkan oyate kin ayuptapi, qa heyapi; Hiya, Jehowa unka-yuštampi qa taku wakan tokeca ohoundapi kin iyounkipi šni nunwe.

17 Tuka taku wakan undapi kin Jehowa hee. Iye unkiyepi, qa hunkake wicunyanpi Egupta makocé etanhan, wayaka tipi etanhan itanwankanhde hiyu unyanpi, qa unkištapi itokam wowape tokeca tanka kin hena econ, qa canku omaunnipi kin owasin ohna awan unyakapi, nakun oyate wicehna iyounptapi kin owasin ehna.

18 Qa Jehowa Amori, qa oyate makece ounyanpi kin owasin unkiyepi itokapa tanhan nape wicaya, heon unkiyepi Jehowa ohoundapi kta, taku Wakan undapi kin he iye nakaš.

19 Unkan Jošuwa oyate kin hewicakiya, Jehowa ohoyadapi kin oyakihipi šni. Taku wakan wakanhinca, Iyotan wašaka, winawizi kin hee nakaš; wayaki-

WICOWOYAKE 24.

pajinpi kin, qa wayahtanipi kin nicicajupupi kte šni.

20 Tanyan ecaniconpi iyohakam Jehowa aduštanpi, qa taku wakan tokeca ohoyadapi kinhan, iye ihduhomni kta, qa šicaya ecaniconpi, qa niyusotapi kta.

21 Unkan oyate kin Jošuwa heciyapi, Hiya Jehowa hee ohoundapi kta.

22 Unkan Jošuwa oyate kin hewicakiya, Jehowa ohoyadapi kta e wanna yakahnigapi wayaatanin henicipi ce. Unkan, Wayaatanin heuncapi ce, eyapi.

23 Unkan, Wanna taku wakan tokeca niyepi ehna unpi kin hena yutokan iyewicayapo, qa Jehowa Israel Wakan dapi kin ekta nicantepi kin yeyapo.

24 Unkan oyate kin Jošuwa heciyapi, Jehowa Wakan undapi kin he ohoundapi kta, qa ho kin naunhonpi kta.

25 Unkan anpetu kin he en Jošuwa oyate kin wicotakuye wan wicakicage ça wokage, qa woyaco wicitokam ehde Šekem ohna.

26 Qa Jošuwa Wakantanka toope wowapi en wicoie kin hena owa, qa inyan tanka wan icu, qa hen ehde, utuhu can wanji Jehowa toti wakan icahda he cin he ihukuya.

27 Qa Jošuwa oyate kin owasin hewicakiya, Wan inyan kin de

unkiyepi otahedan wayaatanin kta, Wicoie Jehowa unkekiyapi owasin he nahou, qa niyepi on wayaatanin kta; lnhuhan Jehowa en iyatonpi šni kin.

28 Unkan Jošuwa oyate kin otoiyohi maga tawa ekta kihde wicaya.

29 Unkan taku kin hena iyohakam Jošuwa Nun cinhintku, Jehowa taokiye ta, waniyetu opawinge sanpa wikcemna wanjidan ni.

30 Unkan Timnat Serahi ohna, iye tamaga ikanke ekta, he Epraim he kin ohna, Gayaš paha iwa-ziyata yanke cin hen, hnakapi.

31 Unkan Israel Jošuwa taanpetu owasin Jehowa ohodapi; nakun hunkayapi woecon Jehowa Israel ecawicakicon owasin sdonyapi, qa Jošuwa iyohakam nipi anpetu tawapi owasin.

32 Unkan Josep huhu kin Israel cinca kin Egipta etanhan aupi kin hena Šekem ohna hnakapi maga wan tawa ye kta e Jakob Šekem atkuku Hamor etanhan maza ska tke utapi opawinge iyope kiya, qa Josep cinca kin he tawayapi he ohna.

33 Nakun Eleazar Aaron cinhintku kin te, qa iye cinhintku Pinehas paha tawa Epraim he kin ohna qupi kin hee ohna hnakapi.



WAYACOPI WOWAPI KIN.

WICOWOYAKE 1.

1 Unkan Jošuwa ƚe cin iyohakam Israel cinca kin Jehowa iwangapi qa heyapi, Unkiyepi on tuwe Kanani azuwicaye kta e tokaheya ye kta he?

2 Unkan Jehowa heya, Juda hee tokaheya azuwicaye kta. Iho iye nape kin en makoce kin waqu ce.

3 Unkan Juda iye cinca Simeyon heciya, Makoce mitawa en mici ya wo; hecen Kanani kin azuye wicunye kta, kinhan mišeya nitamakoe en nici mde kta. Unkan Simeyon he kici i.

4 Unkan Juda Kanani kin, qa Perazi kin azuwicaya. Unkan nape kin en Jehowa wicaqu; unkan Bezeq ohna wicašta kektopawinge wikcemna wicakaštakapi.

5 Qa Bezeq ohna Adoni Bezeq (Bezeq Itancan kin) iyeyapi, qa kizapi; qa Kanani kin, qa Perazi kin wicakaštakapi.

6 Tuka Adoni Bezeq najica, hecen kuwa eyayapi qa icupi, qa napahunka, qa sipahunka baki-ciksapi.

7 Unkan Adoni Bezeq heya, Wicašta yatapi wikcemna šakowin napahunka, qa sipa hunka bawicaksapi wahna wotapi mitawa ihukuya woyute pahi yakonpi ece. Token ecamon qon he iyecen taku wakan ecamicon. Unkan Jerusalem ekta aipi, unkan hen ƚa.

8 Wanna Juda cinca kin Jerusalem azuyapi, qa icupi, qa can-

Judg.

hipi hi on kaštakapi, qa otonwe kin ideyapi.

9 Unkan he iyohakam Juda cinca kin kun hdapi, qa Kanani he kin, qa Negeb (Itokahi makoce), qa Šepela (Huta kin) otipi kin azu wicayapi.

10 Nakun Juda Kanani Hebron otipi kin ekta i, (qa he itokam Hebron Arba otonwe kin eciyapi), qa Šeši, qa Ahiman, qa Talma wicakaštakapi.

11 Qa hetanhan Debir otipi ekta i, qa he itokam Debir Qirjat Seper (Otonwe Wowapi) eciyapi.

12 Wanna Kaleb heya, Tuwe Qirjat Seper kaštake ƚa icu kinhan micunksi Yaksa tawicu kta e waqu kta.

13 Unkan Otniel, Kaleb sunkaku Qenaz cinhintku kin he icu; unkan cunwintku Yaksa tawicu kta e qu.

14 Unkan ekta i qehan, atkuku etanhan maga wan kida kta e iyopaštaka, qa šonšonna etanhan makata iyahan. Unkan Kaleb heciya, Taku yacin he?

15 Unkan heciya, Woyawašte wan maqu ye; makoce puza wanna mayaqu, mini owe nakun maqu ye. Unkan Kaleb miniyowe wankantuya, qa miniyowe hukuya kin qu.

16 Unkan Mowis tunkanku Qeni cinca kin Tamar can otonwe etanhan, Juda cinca om itanwankanhde ipi, Juda tinta ekta, he Arad itokaga tanhan wanka, qa oyate kin om ipi qa om iyotan-kapi.

WAYACOPi WOWAPI KIN,

17 Unkan Juda iye cincu Si-meon kici i, qa Kanani Tzepat, otipi kin wicakaštakapi, qa ihang wicayapi; heon otonwe kin he Ĥorma (Ihangyapi) eciyapi.

18 Nakun Juda Gaza ekta i, qa tamakoce kin, qa Ašqelon qa tamakoce kin, qa Yekron qa tamakoce kin, qa hena icu.

19 Unkan Jehowa Juda kici un, hecen Ĥe otipi kin nape wicaya, tuka osmaka otipi kin napewicaya okitpani; hena maza-sapa canpahmihma yuhapi nakaš.

20 Unkan Kaleb Ĥebiron qupi, Mowis eye ciqon he iyecen. Unkan Yanaq cinhintku yamni hetanhan nape wicaya.

21 Unkan Benjamin cinca kin Jebusi Jerusalem otipi kin nape wicayapi šni, tuka Jebusi kin Benjamin cinca om Jerusalem otipi anpetu kin dehanyan.

22 Nakun Josep tiyohnaka kin Betel ekta yapi, qa Jehowa owicapa.

23 Qa Josep tiyohnaka kin Betel iwanyakapi, qa he itokam otonwe kin he Luz eciyapi.

24 Unkan tonweyapi kin wicašta wan otonwe etanhan inanpa wanyakapi, qa heciyapi, Token otonwe kin en unyanpi kta wanyag unkiyapo, kinhan tanyan ecaunniconpi kta.

25 Unkan token otonwe kin en yapi kta wanyag wicaya; unkan otonwe kin canłpi hi on kaštakapi; tuka wicašta qon, qa wicowazi tawa owasin token ye wicašipi.

26 Unkan wicašta qon Ĥiti kin tamakocepi ekta i, qa otonwe wan kage qa Luz eya caje yata; he anpetu kin dehanyan hecen eciyapi.

27 Unkan Manaše Bet Šan (Iyozi Ti,) qa otonwe cunkšiwicaya *ounyanpi* kin nape wicaye šni,

nakun, Tayanak qa cunkšiwicaya, qa Dor qa cunkšiwicaya, *ounyanpi* kin, qa Jibleyam qa cunkšiwicaya *ounyanpi* kin, qa Megido qa cunkšiwicaya *ounyanpi* kin, tuka Kanani kin makoce kin he *ounyanpi* kta e iyowin wicayapi.

28 Tuka Israel wašake aye cehan Kanani kin wowidag wicayapi, ešta nape wicayapi šni.

29 Unkan Epraim Kanani Gezer *ounyanpi* kin nape wicayapi šni, tuka iyepi ehna Kanani kin Gezer en tipu.

30 Unkan Zebulun Qiteron *ounyanpi* kin nape wicaye šni, nakun Nahalol *ounyanpi* kin, tuka Kanani iye ehna *ounyanpi*, qa wowidake unpi.

31 Ašer Ako *ounyanpi* kin nape wicaye šni, nakun Tzidon *ounyanpi* kin, qa Ašelab, qa Akzib, qa Ĥeleba, qa Apiq, qa Rehob *ounyanpi* kin:

32 Tuka Ašeri kin Kanani kin makoce *ounyanpi* kin wicehna tipu, nape wicayapi šni nakaš.

33 Naptali Bet Šemeš (Anpetu wi ti) *ounyanpi* kin nape wicaye šni, nakun Bet Yanat *ounyanpi* kin; tuka Kanani makoce *ounyanpi* kin wicehna tipu, qa Bet Šemeš qa Bet Yanat *ounyanpi* kin hena wowidake wicayuhapi.

34 Unkan Amori kin Dan cinca kin he kin en otins wicayapi, qa Osmaka ekta kun ūpi iyowin wicakiyapi šni.

35 Unkan Amori kin Har Ĥeres (Anpetu wi tahe) ohna, qa Ajalon ohna, qa Šayalbim ohna *ounyanpi* kta kitanpi; hececa ešta Josep tiyohnaka nape kin wašaka aye cehan wowidag wicaya.

36 Unkan Amori tamakocepi kin Yakrabim itanwankanhde yapi kin hetanhan immija kin etanhan qa he iwankam.

WICOWOYAKE 2.

WICOWOYAKE 2.

1 Unkan Jehowa ohnihde kin Gilgal etanhan, Bokim (Oceyapi) ekta i, qa heya, Egupta etanhan itanwankanhde hiyu ciyapi, qa makoce nihunkakepi konza wahowicawaye ciqon he en hiyu ciyapi, qa hepa, otakuye cicicagapi kin icimana wahdukse kte šni.

2 Qa niyepi oyate makoce otipi kin om otakuye yakagapi kte šni; tawahna wošnapu kin dujujupi kta. Tuka maho kin nayahonpi šni. Tokeca hecannonpi he?

3 Heon hepa, Niyepi itokapa tanhan nape wicawaye kte šni, tuka hena toka wicaduhapi kta, qa taku Wakan dapi kin hena nihmunkapi kta.

4 Unkan Jehowa ohnihde kin wicoie kin hena Israel cinca owasin ewicakiye čehan, oyate kin ho yeyapi qa ceyapi.

5 Unkan oyanke kin he Bokim (Oceyapi) eciyapi, qa hen Jehowa wakiyušnapu.

6 Wanna Jošuwa oyate kihde wicaye čehan, Israel cinca kin otoiyohi makoce onšpa tawa ye cin hduhe kta e ekta i.

7 Qa oyate kin Jehowa ohodapi, Jošuwa taanpetu owasin, nakun hunkayapi tona Jehowa ohan tanka, Israel ecawicakicon owasin wanyakapi qon, Jošuwa iyohakam anpetu hdutehanpi kin owasin.

8 Unkan Jošuwa Nun cinhintku Jehowa taokiye kin ta, waniyetu opawinge sanpa wikcemnana ni.

9 Unkan makoce tawa ye cin Timnat Heres ohna hnakapi, Ephraim he kin ohna, Gayaš paha iwaziya tanhan.

10 Nakun wicoicage kin he

owasin ate wicayapi ekta okipe wicayapi. Unkan ohakam wicoicage tokeca wan icaga, Jehowa sdonyapi šni, qa wicohan Israel ecawicakicon nakun.

11 Unkan Israel cinca kin Jehowa išta kin en taku šica econpi, qa Bayalim ohodapi.

12 Qa hunkake wicayapi kin Jehowa ohodapi qon, qa Egupta makoce etanhan hinanpe wicaye ciqon he ayuštanpi, qa taku wakan tokeca oyate wicidukšan yakonpi taku wakan dapi etanhan opapi, qa hena itokam patujapi; hecen Jehowa šihta yapi.

13 Hecen Jehowa ayuštanpi, qa Ašterot, qa Bayal ohodapi.

14 Heon Jehowa Israel canniye wicaye ča tona wicakipi kin hena napepi en wicaqu, unkan wicakipi kin, qa toka wicayapi wicidukšan yakonpi napepi kin en iyope wicaya; unkan toka wicayapi wicitokam sanpa najin okihihi šni.

15 Toki yapi ešta Jehowa nape kin taku šica on awicapaha, Jehowa eye ciqon he iyecen, qa Jehowa konza wahowicaye ciqon he iyecen, hecen nina iyokišicapi.

16 Unkan Jehowa wayaco wicašta icaḥ wicakiciya; unkan hena tona wicakipi napepi etanhan niwicayapi.

17 Unkan nakun wayacopi kin nawicaḥonpi šni, tuka taku wakan tokeca om nahmana wankapi, qa wicitokam patujapi; qa hunkake wicayapi kin canku omanipi kin, qa Jehowa nahonpi kin hetanhan kohanna ihdutkanpi, qa he iyecen econpi šni.

18 Unkan Jehowa wayaco wan icaḥwicakiciya eca, Jehowa wayaco kici un ece, qa toka wicayapi napepi kin etanhan ni wicaya; wayaco tanpetu kin owa-

WAYACOPi WOWAPI KIN,

sin; qa tona iyokišin wicayapi, qa śicaya wicakuwapi on śica-howayapi, heon Jehowa tawacin hdutokeca nakaś.

19 Unkan wayaco kin ƣe ƣehan ihdamnapi, qa ate wicayapi isanpa ihduśicapi, qa taku wakan tokeca ihakam manipi, qa ohodapi, qa ekta patujapi. Śicaya olan-yanpi, qa canku teħika tawapi kin ayuśtanpi śni.

20 Unkan Jehowa Israel canniye wicaye ƣa heya, Oyate kin de wotakuye mitawa ate wicayapi opewicawaśi kin acakśinpi, qa maho kin naħonpi śni;

21 Heon miś eya tokata ikce wicaśta Jośuwa ƣe ƣehan owicakapte cin, hena etanhan tuwedan nape waye kte śni.

22 Hecen hena on Israel iwicamdute kta, Jehowa tacanku kin patanpi kta, qa omanipi kta, ate wicayapi econpi qon he iyecen, qaiś heconpi kte śni.

23 Heon Jehowa oyate kin hena iyozi wicaya, qa kohanna Jośuwa nape kin en wicaqu śni.

WICOWOYAKE 3.

1 Unkan Israel etanhan tona Kanani wokicize owasin sdon yapi śni, iyutan wicaye kta on Ikce wicaśta iyozi wicaye cin dena eepi;

2 Hecen Israel cinca wicoicage taku hektam econpi kin sdonyapi śni kin hena wokicize onspe wicakiyapi kin on etanhan he sdon yapi kta.

3 Pilistim wicaśta yatapi zaptan; qa Kanani kin, qa Tzidoni kin, qa Ĥiwi kin Lebanon ģe otipi kin owasin, Bayal Ĥermon ģe etanhan Ĥamat en yapi kin hehanyan;

4 Hena on Israel iyutan wicaye kta, heon hen yakonpi, qa Jeho-

wa tawoahope Mowis nape on ate wicayapi ope wicaśi qon hena naħonpi kta, he cinhan sdonye kta heon etanhan.

5 Unkan Israel cinca kin Kanani kin, qa Ĥiti kin, qa Amori kin, qa Perazi kin, Ĥiwi kin, qa Jebusi kin, wicehna tipi:

6 Qa tawicu yapi kta e cunwintkupi kin wicayuzapi, qa iye cunwintkupi Kanani cinhintkupi kin wicaqupi, qa taku wakandapi kin hena ohowicadapi ece.

7 Unkan Israel cinca kin Jehowa iśta kin en takuśice cin he econpi, qa Jehowa Wakan dapi qon akiktunjapi, qa Bayalim qa Aśterot ohodapi.

8 Unkan Jehowa Israel canniye wicaye ƣa Aram Wakpa otahedan wicaśta yatapi kin Kuśan Riśataim nape kin en wiyope wicaya; unkan Kuśan Riśataim Israel cinca kin waniyetu śahdogan wowedag wicaya.

9 Hehan Israel cinca kin Jehowa hoyekiyapi, unkan Jehowa Israel cinca kin wanikiya wan icaħ wicakiciya; unkan Otniel Kaleb sunkaku Qenaz cinhintku kin niwicaya.

10 Unkan Jehowa toniya kin he akan un, hecen Israel wicayaco, qa ozuye kaga, unkan nape kin en Jehowa Kuśan Riśataim Aram wicaśta yatapi kin qu, qa Kuśan Riśataim itkom nape kin waśag kiya.

11 Unkan makoce kin waniyetu wikcemnā topa oziya, hehan Otniel Qenaz cinhintku ƣa.

12 Unkan Israel cinca kin ake Jehowa iśta kin en taku śica econpi, heon Jehowa Moab wicaśta yatapi Yeglon Israel itkom waśag ya; Jehowa iśta kin en taku śica econpi heon etanhan.

13 Unkan Amon cinca kin, qa Amaleq iye ekta mnawicaya, qa

WICOWOYAKE 4.

Israel ekta i, qa wicakaštake ɕa Tamar can otonwe kin tawaya.

14 Qa Yeglon Moab wicašta yatapi kin Israel cinca kin waniyetu wikcemna sanpa šahdogan wowidag wicaya.

15 Unkan Israel cinca kin Jehowa ho yekiyapi; unkan Jehowa wanikiya wanji icaliwicaki-ciya Ehud Gera cinhintku Benjami heca, qa nape anog etapa; unkan iye nape kin on Israel cinca kin Yeglon Moab wicašta yatapi kin taku qupi.

16 Unkan Ehud isan wan icica-ga, anog ope, ohanske wicišpa wanjidan, qa tawokoyake ihukuya ceca etapa akan iya kaška.

17 Unkan taku qupi kin he Yeglon Moab wicašta yatapi kin kahi. Unkan Yeglon wicašta cepa hinca.

18 Unkan taku qupi kin owasin kahi qehan, wicašta taku qupi kin qinpi qon kihde wicaya.

19 Tuka iye inyan kakanpi Gilgal ikiyedat etanhan ihdamna, qa heya, Wicašta yatapi wicoie wan nahmana eciciye kta mduha ce. Unkan inina un wo, eya. Unkan tona iye itokam najinpi owasin iye etanhan tankan iya-yapi.

20 Unkan Ehud ekta i. Unkan mdoketu wankan tipi tawa ohna isnana iyotankahan yanka. Unkan Ehud heciya, Wakantanka oie wan niye ekta mduha ce. Unkan oiyotanke etanhan najin.

21 Unkan Ehud nape catka kin yekiye ɕa isan ceca etapa etanhan ikikcu, qa tezi kin ohna capa.

22 Unkan ihupa kin hi iyahna mahen iyaya, qa wašin kin hi kin askapa, hecen tezi etanhan ikikcu šni, qa cesdi kin tankan hiyu.

23 Unkan Ehud ohanzi hdepi ohna tankan iyaye ɕa wankan

tipi tiyopa kin ecen icu, qa sutaya nataka.

24 Hecen iye kihda. Unkan taokiye kin en hipi, qa wanyakapi qehan; inyun wankan tipi tiyopa kin ecen icupi, qa natakap, heon heyapi, Ecaes mdoketu tipi ohna siha kin ahdaŋpa yanka.

25 Qa akipe unpi ecen ištecap; unkan wankan tipi tiyopa kin hduhdoke šni, heon tiyopa iyuhdoka wan icupi, qa yulidokapi, qa inyun itancan tawapi makata hinhpaya wanka, qa te.

26 Unkan iyokišin iciyapi icunhan Ehud najica, qa inyan kakanpi kin sam iyaye ɕa Seyira ekta ki.

27 Qa ekta ki qehan, Epraim tahe kin ohna cotanka yahoton, unkan he kin etanhan Israel cinca kin om apamahde upi, unkan wicitokam mani.

28 Qa hewicakiya Mihakam upo, Jehowa Moab toka niyanpi kin ninapepi en niɕupi. Unkan ihakam iyayapi qa Jordan oiuyewegapi kin icupi, Moab itokam, hecen tuwedat iyuwega kta iyo-win kiyapi šni.

29 Unkan he ehan Moab kaštakapi, wicašta kektopawinge wikcemna cetu, owasin cepapi qa owasin wicašta wašakapi, qa wicašta wanjidan niyanpi šni.

30 Hecen anpetu kin he en Moab yuhukun yapi Israel nape kin ihukuya, unkan waniyetu wikcemna šahdogan makoce kin iyozi ya.

31 Unkan he iyohakam Šamgar Yanat cinhintku tatanka icape on Pilistim wicašta opawinge šakpe wicakaštaka hecen Israel ni wicaya.

WICOWOYAKE 4.

1 Unkan Ehud te cin iyohakam

WAYACOPi WOWAPI KIN,

ake Israel cinca kin Jehowa išta kin en taku šica econpi.

2 Unkan Jehowa wiyope wica-ya Jabin Kanan wicašta yatapi nape kin en, iye Hatzor ohna wicašta yatapi, qa taobe mdetan-hunka kin Sisera hee; qa iye Harošet Ikcewicašta tawapi ohna ounyan.

3 Qa canpahmihma opawinge napcinwanka yuha, qa waniyetu wikcemna nonpa Israel cinca kin tehiya kakiš wicaya; heon Israel cinca kin Jehowa ho yekiyapi.

4 Unkan he ehan Debora waa-yatewin wan Lapidot tawicu kin he Israel wicayaco.

5 Unkan Debora tamar can tawa kin ihukuya ti, Rama qa Betel otahedan, Ephraim tahe kin ohna, qa Israel cinca kin wicayaco kta e ekta ipi ece.

6 Qa Baraq Abinoan cinhintku kin wohoya, qa kico, Qedeš Naptali etanhan, qa heciya, Awicakehan Jehowa Israel Wakan-dapi kin hecon niši; oyate Tabor he kin ekta hiyu wicayaye kta, qa Naptali cinca etanhan, qa Zebulun cinca etanhan wicašta kektopawinge wikcemna iya-cu kta.

7 Qa miye Qišon wakpa kin ekta, Sisera Jabin taobe mdetan-hunka kin, qa canpahmihma tawa, qa taozuye hiyu wicawaye kta, qa ninape en waqu kta.

8 Unkan Baraq heciya, Mici de cinhan mde kta, qa mici de šni kinhan mde kte šni ce.

9 Unkan heya, Awicakehan nici mde kta ye. Takomni canku ohna de kte cin on wowitan kin nitawa kte šni ye, Jehowa Sisera winohinca wan nape kin en wiyope ye kta nakaš. Qa Debora inajin, qa Baraq kici iyaya Qedeš ekta.

10 Unkan Baraq Zebulun, qa

Naptali Qedeš ekta wicakico; unkan wicašta kektopawinge wikcemna caehde hakam hipi, qa Debora iye kici iyaya.

11 Unkan Heber Qeni kin wana ihdukinukan Hobab Mowis tahanku Qeni cinca etanhan, qa tawakeya Tayanaim ohna utuhu kin ekta ehde, he Qedeš ikiye-dan.

12 Unkan Baraq Abinoyam cinhintku kin Tabor he akan iyaye cin he Sisera okiyakapi.

13 Unkan Sisera canpahmihma tawa owasin, maza sapa canpahmihma opawinge napcinwanka witaya hiyu wicaya, qa oyate iye opapi owasin Harošet ikcewicašta tawapi etanhan Qišon wakpa kin ekta.

14 Unkan Debora Baraq heciya; Najin ye, nakaha Jehowa Sisera ninape en qu kta ye. Awicakehan Jehowa nitokam iyaya ce. Unkan Baraq Tabor he etanhan apamahde iyaya, qa wicašta kektopawinge wikcemna ihakam yapi.

15 Unkan Jehowa Sisera, qa canpahmihma owasin, qa taozuye ocowasin canhi pi on yušinye wicaya, Baraq itokam, hecen Sisera canpahmihma etanhan ipsice ça hu inyun najica.

16 Unkan Baraq canpahmihma ihakam, qa ozuye kin ihakam kuwa eyaya. Harošet Ikce wicašta tawapi kin hehanyan; Unkan Sisera taozuye kin owasin canhi pi on hinhpaya; wanjidani okaptapi šni.

17 Unkan Sisera hu inyun najica, Heber Qeni kin tawicu Jayel tawakeya ekta, Hatzor wicašta yatapi Jabin qa Heber Qeni kin tiyohnaka kin wokiyapi nakaš.

18 Unkan Jayel Sisera itkokim iyaye ça heciya, Kuwa ye, itan-

WICOWOYAKE 5.

can kuwa ye. Ihnuhan wako-yakipe cin, Unkan ihdamna tipi tawa ekta; unkan sina wan on akahpa.

19 Unkan heciya, Imapuza, to-kin mini onge yatke mayakiyen. Unkan pte asanpi apahite wan hduhdoke ça yatkekiye ça akahpa.

20 Unkan heciya, Wakeya tiyopa ekta najinhan inajin, qa wicašta wan u qa iniwange ça, Wicašta wan den un he? eye cinhan, Hiya ehe kta.

21 Unkan Jayel Heber tawicu kin maza wihutipaspe wan icu, qa nape ohna maziya kin yuze ça nahmana en hi, qa nawate ohna wihutipaspe kin maziya on kahuga, qa he maka mahen iheya. Unkan iye ta; nina isti-ma, mdokita nakaš.

22 Unkan iho Baraq Sisera ku-wa eyaya; unkan itkokipe kta Jayel inanpe ça heciya, Kuwa ye; wicašta ayakite cin he wan-yag ciciye kta ye. Unkan en hi

qehan Sisera ta makata wanke ça wihutipaspe nawate ikoyag yanka.

23 Hecen anpetu kin he en Wakantanka Jabin Kanani wicašta yatapi kin yuhukuya, Israel cinca wicitokam.

24 Unkan hetanhan Israel cinca nape kin wašaka aya sanpa qa sanpa, Jabin Kanani wicašta yatapi en, ecen Jabin Kanan wicašta yatapi kin ihang yapi.

WICOWOYAKE 5.

1 Unkan anpetu kin he en Debora, qa Baraq Abinoyam cinhintku dowanpi qa heyapi,

2 Israel ohna mdetanhunka tokata iyayapi on, oyate iyokipiya içicupi kin heon, Jehowa ahiya-yape.

3 Wicašta yatapi nahonpe, Itancan dukanpi anagoptanpe. Miš miye Jehowa iwadowan kta, Jehowa Israel wakan dapi kin awahimdamde kta ye.

4 Jehowa Seyir etanhan inanpe çehan, Edom tatinta etanhan mayani qehan, Maka kin škanškan, nakun mahpiya kin iheya. Nakun mahpiya šapa kin mini šbu.

5 He kin škanškan Jehowa itokam; Sina kin de Jehowa Israel Wakan dapi kin itokam.

6 Šamgar Yanat cinhintku taanpetu kin en; Jayel taanpetu en canku tankinkinyan kin ayuštanpi. Icimanipi kin canku kaksankšan ohna yapi.

7 Mdetanhunka ayuštanpi, Israel ohna wanica ayapi ye. Ecen miye Debora nawajin ye, Israel ehna inamayanpi nawajin.

8 Taku wakan teca kahinigapi, Qehan otonwe tiyopa ekta kicizapi. Wahacanka, qa wahukeza wanyakapi šni ye; Israel kektopawinge wikcemna topa ohna.

9 Micante kin Israel wowapi kagapi kici i ye. Oyate ohna iyokipiya içicupi kin kici, Jehowa yatanpe.

10 Tona šonšonna wiye skaska akan idotankapi, Wayaco oiyotanke akan yakidotankapi kin, Qa canku ohna dapi kin dowanpe.

WAYACOPi WOWAPI KIN,

- 11 Wanunyanpi mini oyatkanpi ekta wapamnipi kin hoton-
pi kin heon.
Hen Jehowa toowotanna kin yatanpi,
Toowotanna kin Israel mdetanhunka kin ekta.
Hehan Jehowa taoyate kin otonwe tiyopa ekta ipi.
- 12 Kikta ye. Debora kikta ye.
Kikta ye ; odowan oie kin kikta ye.
Baraq najin ye, qa Abinoyam cinhintku wayaka nitawa
hiyu wicaya ye.
- 13 Hehan okaptapi kin waśakapi kin anawicatanpi ye.
Jehowa taoyate miye kici wohitipika anawicatan.
- 14 Ephraim etanhan tona Amaleq ohna hutkan icañ yapi
kin kun hiyupi.
Niye nihakam Benjamin oyate nitawa ehna.
Makir etanhan mdetanhunka hipi ye.
Qa Zebulun etanhan wowapi icage yuzapi kin hena.
- 15 Nakun Isakar mdetanhunka Debora opapi ye.
Qa Isakar Baraq iyececa ;
Caehde tawa ohna omdaye en natanpi.
Ruben taobe kin on cante ode tankinkinyan.
- 16 Tokeca tahin wanunyanpi yajopi nayahon kta e,
Tahinca tipi otahedan owanji nanka he ?
Ruben taobe kin on cante ode tankinkinyan yukan ye.
- 17 Gilejad Jordan akasanpa yanka.
Qa tokeca Dan wita wata ohna ti he ?
- 18 Zebulun oyate tapi kta nagipi ihaktapi śni ye.
Naptali nakun tinta pajodan ohna.
- 19 Wicaśta yatapi kin hiyupi qa kizapi ye.
Hehan Kanan wicaśta yatapi, kin hiyupi, qa kizapi ye.
Tayanak ohna Megiddo mini icahda ;
Mazaska kaśpapidan icupi śni.
- 20 Mañpiya etanhan kizapi ;
Wicanhipi kin ocankuyapi kin etanhan Sisera kizapi
ye.
- 21 Wakpa Qiśon ewicayaya ye,
Wakpa wanakaja Qiśon wakpa kin.
Minagi waśakapi kin amayani ye.
- 22 Hehan śuktanka śakepi kin nañugapi ye ;
Wohitiya śkanpi, śuktanka waśaka tawa wohitiya śkan-
pi kin heon.
- 23 Meroz yaśicapo, Jehowa ohnihde kin eya.
En ounyanpi kin nina wicayaśicapo.
Jehowa okiyapi kta e hipi śni ;
Wicaśta waditakapi en Jehowa okiyapi kta e hipi śni,
heon etanhan.
- 24 Winohinca isanpa Jayel yawaśtepi kta ye ;
Heber Qeni tawicu kin.
Wakeya ohna winohinca isanpa yawaśtepi kta ye.
- 25 Mini da, unkan pte asanpi qu ;

WICOWOYAKE 6.

Wicašta yatapi tawakšica ohna pte asanpi nini hiyu kiciya.

- 26 Wihutipaspe wan ekta catka ye kiya ;
 Etapa kin cankajipa tamaziyape ekta.
 Qa Sisera ape ça pa kin kahuga,
 Qa nawate kin cape ça kahdoka.
- 27 Winyan siha ekta patuš hinhpaya, makata wanka ye.
 Winohinca siha kin ekta patuja hinhpaya ye.
 Tukten patuja hen hinhpaya ta.
- 28 Owanye ohna eokasin qa eya niyan,
 Sisera honku owanye akaipa ohna ;
 Tokeca canpahmihma tawa kin, tehan hi šni he ?
 Tokeca ozuye canpahmihma tawa upi kin hunkapi
 šni he ?
- 29 Winohinca ksapa wicayuhe cin ayuptapi ;
 Iye aihdupte ça heya,
- 30 Woyuha iyeyapi qa pamnipi šni he ye ?
 Wikoška wan, qaiš wikoška nonpa wicašta iyohiya ye.
 Wokoyake dun yapi Sisera on,
 Wakoyake ipatapi.
 Wayaka iyohi tahu kin wanapin ipatapi nonpa ye.
- 31 Jehowa tona toka niyanpi owasin he iyecen ihang yapi
 nunwe ye.
 Qa tona wašte nidapi kin hena anpetu wi towašake en
 hinanpe cin iyececapi kta ye.
 Unkan makoce kin waniyetu wikcemna topa iyozi ya.

WICOWOYAKE 6.

1 Unkan Israel cinca kin Jehowa išta kin en taku šica econpi.
 Unkan Jehowa Midian nape en wicaqu waniyetu šakowin.

2 Unkan Midian nape kin Israel akan wašaka, Midian on etanhan Israel cinca kin he kin akan makohdoka kin, qa wolha kin, qa inyan conkaške içicagapi.

3 Unkan Israel wojupi eca Midian en hiyu, nakun Amaleq, qa Wihinanpe cinca kin he akan hiyupi.

4 Qa akan awicahitipi, qa taku maka aicage cin ihang yapi, Gaza ekta de cin hehanyan ; hecen Israel ohna takudan on nipi kta okaptapi šni, nakun tahinca, qa pte, qa šonšonna wanica.

5 Tawanunyanpi, qa tawakeyapi

hduha ihdakapi, psipsicadan iye-
 cen wicota hinca nakaš, qa iyepi
 qa camo tawapi yawapica šni, qa
 makoce awihnuni yapi kta heon
 en hipi.

6 Hecen Israel Midian on etan-
 han nina wahpanicapi, qa Israel
 cinca kin Jehowa hoyekiyapi.

7 Unkan Israel cinca kin Mi-
 dian on etanhan Jehowa hoyeki-
 yapi qehan,

8 Jehowa Israel ekta waayate
 wan yeši ; unkan hewicakiya,
 Jehowa Israel Wakandapi kin
 hecen eya ce. Miye Egupta etan-
 han itanwankanhde hiyu ciyapi,
 qa wayaka tipi kin etanhan hin-
 anpe ciyapi.

9 Nakun Egupton napepi kin
 etanhan ecihdakupi, qa tona iyo-
 kišin niyanpi kin owasin napepi
 etanhan, qa niyepi itokapa tan-

WAYACOPi WOWAPI KIN,

han nape wicawaya, qa makoce tawapi kin cicupi.

10 Qa heciciyapi, Jehowa Wakan yadapi kin he miye, Amori tamakocepi en yakidotankapi taku wakan dapi kin kowicayakipapi kte šni, qa hopi kin nawicayahonpi kte šni.

11 Unkan Jehowa ohnihde kin u, qa utuhu wan Yopra ohna he cin, Joaš Abiyezeri tawa kin he ihukuya hiyotanka; Unkan cinhintku Gideyon hastanhanka iyuska ohna aguyapi su kapa yanka, Midian etanhan nahman kta heon etanhan.

12 Unkan Jehowa ohnihde kin en ihdutanin, qa heciya, Wicašta wašaka waditaka Jehowa nici un ce.

13 Unkan Gideyon heciya. Itancan ceciciya, Jehowa unkipi un kinhan tokeca taku kin de owasin unakikipapi he? Qa tohan wakan ate wicunyanpi kin cajeyatapi, qa Jehowa Egipta etanhan itanwankanhde hiyu unyanpi ce, eyapi kin toki un he? Tuka Jehowa wanna paha iyeunyanpi, qa Midian nape en unqupi ce.

14 Unkan Jehowa ekta ihduhominni qa heciya, Nitowašake kin de hduha ya wo, qa Israel Midian nape kin etanhan ni yaye kta. Miye ye ciši šni he?

15 Unkan heciya, Itancan ceciciya, tokiya tanhan miye Israel ni waye kta he? Manaše ohna kektopawinge mitawa kin he onšika, qa ate ti kin ohna miye mahakakta ce.

16 Unkan Jehowa heciya, Tokešta miye cici waun kta, qa Midian wicašta wanjidan iyecen yakaštake kta.

17 Unkan heciya, Niišta en woiyokipi iyewaye cinhan, wowapetokeca ecamiyecon kten, on

mici wohdake cin he niye *tanin kta*.

18 Tokin ake en cihi kte cin hehanyan detanhan tokidan de kte šnin, hecen waihipeyapi mitawa awahi, qa nitokam ewehnake kta. Unkan ake en yahi kte cin hehanyan owanji manke kta, eya.

19 Unkan Gideyon kihde ça tatokadan wanunyanpi cincadan špankiya, nakun aguyapi mdu epa (wiyutapi) wan onnapohye codan, qa tado kin wakiškotpa en iyeya, qa wahanpi kin cega en, qa utuhu ihukuya yanke cin ekta iyaye, ça ikiyedan hiyuya.

20 Unkan Wakantanka ohnihde kin heciya, Tado kin, qa aguyapi onnapohye codan kin icu, qa inyan kin de akan eju, qa wahanpi kin akaštan. Unkan hecen econ.

21 Unkan Jehowa ohnihde kin cansagye nape ohna hduhe cin inkpa kin tado kin, qa aguyapi ekta yekiye ça icaštaka. Unkan inyan kin etanhan peta hinanpe ça tado kin, qa aguyapi kin huħnaħi ya. Unkan išta kin etanhan Jehowa ohnihde kin aisin-yan iyaya.

22 Unkan Gideyon Jehowa ohnihde kin hee wanyake ça Gideyon heya, Hehehe, Jehowa itancan, icitkokim Jehowa ohnihde kin wanmdaka nakaš.

23 Unkan Jehowa heciya, Wookiye duhe kta. Innuhan wakiyape cin; nište kte šni.

24 Unkan Gideyon hen wahna wošnapı wan Jehowa kicage ça Jehowa Šalom (Wookiye) eya cajeyata: he anpetu kin dehan-yan Abiyezeri Yopra ohna yanka.

25 Unkan hanyetu kin he en Jehowa heciya, Niyate tatanka wayumdu tawa kin icu, qa tatan-ka iyokihe waniyetu šakowin, qa Bayal tawahna wošnapı niyate yuħe cin pajuju wo, qa Ašeri

WICOWOYAKE 7.

(canhuhde) he icahda he cin he yapawanke kta.

26 Qa Jehowa Wakan yada kin wahna wośnapi wan imnija kin de paha akan yakage kta, tukten econpi kta iyececa; qa tatanka iyokihe kin iyacu kte ça Ašeri yapawanke kte cin can kin on wohuhnahiyapi huhnah yaye kta.

27 Unkan Gideyon iye atkuku taokiye etanhan wicašta wikcemna iwicacu, qa Jehowa eciye ciqon he iyecen econ, qa atkuku tiyohnaka, qa otonwe wicašta kin on anposkan econ kte cin kokipa, heon hanyen hecon.

28 Unkan otonwe wicašta kin ihanhanna kiktapi qehan, inyun Bayal tawahna wośnapi kin pajuju, qa Ašeri kin he icahda he ciqon kawankapi, qa tatanka iyokihe kin wahna wośnapi kagapi kin he akan huhnahiyapi.

29 Unkan, Tuwe taku kin de econ hwo, eya ikiciwangapi, qa akitapi. Unkan Gideyon Joaś cinhintku taku kin de econ eyapi.

30 Qa otonwe wicašta kin Joaś heciyapi, Nicinkši Bayal tawahna wośnapi kin pajuju, qa Ašeri kin he icahda he ciqon kawanke cin, heon te kta e hinanpe ya wo.

31 Unkan Joaś tona ahinajinpi owasin hewicakiya, Bayal on yakizapi kta he? He ni yayapi kta hecinhan tuwe he ikiye kta e kize cinhan hanhanna kin de te kta. Iye taku wakan heca kinhan tawahna wośnapi pajuju kin heon iye kize kta.

32 Unkan anpetu kin he en Jerub Bayal (Bayal kize kta) eya caje yata, qa tawahna wośnapi kin pajuju kin heon Bayal kize kta, eya.

33 Unkan Midiani kin owasin, qa Amaleq, qa Wihinanpe cinawitaya mniciyapi, qa hiyuwe-

gapi, qa Jezreyel osmaka ohna ahitipi.

34 Unkan Jehowa toniya kin Gideyon koyag ya, unkan maza yahoton wan yahoton, qa Abiyezer iye en wicakico.

35 Unkan Manaše ocowasin ehna wahoši ye wicaši, qa iye en wicakico, nakun Ašer ekta, qa Zebulun ekta, qa Naptali ekta ye wicaši; unkan itkokipapi kta e hiyupi.

36 Unkan Gideyon Wakantan-ka heciya, Minape on Israel niwicayaye kta hecinhan ehe ciqon he iyecen;

37 Ito tahn wanunyanpi hin yuśdapi wan aguyapi napanpi ohna ewahnake kta, qa hin yuśdapi hecedan akan cu yuke kta, qa maka kin owancaya puze cinhan, minape on Israel niyaye kte cin ehe ciqon iyecen he sdonwaye kta.

38 Unkan iyecetu; hecen ihanhanna kikta, qa tahnca hin kin yuwitaya icu, qa tahnca hin yuśdapi etanhan cu kin yuśkica, can waksica wan mini ojudan.

39 Qa ake Gideyon Wakantan-ka heciya, Canniye maye šni ye, hecinhan ake wancadan iwae kta. Tokin ake wancadan tahnca hin on imdute kten, Ceci-ciya tahnca hin kin hecedan puze kta, qa maka kin owancaya akan cu yuke kta.

40 Unkan hanyetu kin he en Jehowa iyecen econ. Tahnca hin kin he puza, qa maka kin owancaya akan cu yukan.

WICOWOYAKE 7.

1 Unkan Jerub Bayal Gideyon hee hanhannahin kikta nakun oyate iye opapi kin owasin, qa Harod wakoniya ekta-etipi; unkan Midian ozuye kin More paha

WAYACOPi WOWAPI KIN,

iwaziya tanhan iye itokam osma-
ka ohna yakonpi.

2 Unkan Jehowa Gideyon heci-
ya, Oyate wicaduhe cin otañin;
napepi kin en Midian waqu kin-
han okini Israel mitokam ihdatan
kta qa, Minape kin he ni mayan
ce eye kta.

3 Heon wanna oyate nogepi
ohna ieyanpaha qa, Tuwe kokipe
ça cancan kinhan kihde kta, qa
Gileyad he kin etanhan najice
kta, eya wo. Unkan oyate etan-
han kektopawinge wikcemna
nonpa sanpa kektopawinge non-
pa kihdapi, qa kektopawinge
wikcemna okaptapi.

4 Unkan Jehowa Gideyon heci-
ya Oyate kin nahāñin ota ce.
Apamahde mini ekta iyaye wica-
ya wo. Heciya niye on iwica-
mdute kta, qa tuwe nici ye kta
eciciye cinhan hee nici ye kta;
qa tona nici yapi kte šni eciciye
cin hena niciyapi kte šni.

5 Unkan mini ekta apamahde
iyaye wicaya. Unkan Jehowa
Gideyon heciya, Tona cejipi on
mini sdipapi, šunka wan sdipa
iyecen kinukan najin wicayaki-
ye kta; tona yatkanpi kta hupa-
hupi akan patujapi kin etanhan.

6 Unkan tona napepi on ipi
ekta sdipapi kin hena oyawa kin
wicašta opawinge yamni, qa
oyate unman owasin mini ya-
tkañpi kta e hupahupi akan patu-
japi.

7 Unkan Jehowa Gideyon heci-
ya, Wicašta opawinge yamni sdi-
papi kin hena on niciyapi kta, qa
Midian ninape en ciçu kta, qa
oyate kin owasin kihdapi kta.

8 Unkan oyate etanhan napepi
ohna waneya icupi, nakun he ya-
hotonpi kin; hehan Israel wica-
šta kin owasin tawakeyapi ekta
kihde wicaya, qa wicašta opa-
winge yamni wicahduha yanka.

Unkan Midian ozuye kin iye ihu-
kuya osmaka ohna yakonpi.

9 Unkan hanyetu kin he en
Jehowa heciya, Najin ozuye ekta
apamahde ya wo, he ninape en
ciçu naķaš.

10 Qa apamahde de kta ikoyape
cinhan, niye hokšidan nitawa Pu-
ra kicišnana ozuye ekta apama-
hde ya wo.

11 Qa taku eyapi kin he naya-
ñon kta, qa ohakam ninape wa-
šake kta, qa ozuye ekta ya i kta.
Unkan iye tahokšidan Pura kici
apamahde ipi, ozuye wicašta wi-
pe kitonpi wankapi ihanke ekta.

12 Unkan Midian, qa Amaleq,
qa wiyohiyanpa cinca kin owa-
sin osmaka ohna makata wan-
kapi, wicota ñinca psipsicadan
iyececapi, qa camo tawapi yawa
pica šni, wiyaka miniwanca huta
ekta yanke cin iyecen otañin.

13 Unkan Gideyon ekta i, un-
kan inyun wicašta wan wowihan-
mna wan takodaku okiyake ça
heya, Inyun wowihanmna wan
iwahanmde ça, inyun barle agu-
yapi hmiyanyanna wan ihdu-
ptanptan Midian ozuye kin en, qa
wakeya kin ekta hi, qa ape cin
on hinñpaya: qa wankan tanhan
naptanyan hecen wakeya kin
hinñpaya.

14 Unkan takodaku ayupte ça
heya Israel wicašta wan Joaš
cinhintku Gideyon tacanñpi kin
dee, qa takudan tokeca šni; iye
nape en Wakantanka Midian qa
ozuye kin owasin qu ce.

15 Unkan Gideyon wowihan-
mna oyakapi, qa wowiyukcan kin
nañon qehan cekiye ça Israel
obe kin ekta kihde ça heya, Na-
jinpo, Jehowa Midian ozuye kin
ninapepi en qu ce.

16 Unkan wicašta opawinge
yamni wicayašpe, ošpaye yamni,
qa owasin napepi en heyahoton

WICOWOYAKE 8.

wicaqu, nakun makacega mini codan, tuka petijanjan maka cega ohna:

17 Qa hewicakiya, wanmaya-kapi, qa iyecen econpo. Inyun ozuye wankapi ihanke ekta wai kinhan, token ecamon kin he iyecen ecanonpi kte.

18 Miye, qa tona mici unpi heyahotonpi on unyahotonpi kinhan, niyepi nakun ozuye ihdukšan owancaya he yahotonpi hoton yayapi kta; qa Jehowa qa Gideyon tacanhipi kin, ehapi kta.

19 Unkan Gideyon, qa wicašta opawinge iye opapi kin, cokaya iwaktapi otokahe ekta, akicita najin wicakiyapi yuŝtanpi qehan, ozuye wankapi ihanke kin ekta ipi, qa heyahotonpi kin yahotonpi, qa maka cega napepi en yuhapi kin hena namdemdecapi.

20 Qa obe yamni kin heyahotonpi kin hoton yapi, qa makacega kin kamdemdecapi, qa nape catka ohna petijanjan yuzapi, qa nape etapa en hoton yapi kta e heyahotonpi kin; qa Jehowa qa Gideyon tacanhipi kin, eya eyanpahapi.

21 Qa ozuye wankapi ihdukšan otuiyohi tohe kin anajin; tuka ozuye kin owasin napapi, qa ŝicahowayapi, qa najicapi.

22 Unkan wicašta opawinge yamni kin heyahotonpi kin hoton yapi; unkan Jehowa wicašta otuiyohi tacanhipi takodaku ekta kiya ye kiye a ozuye owasin ektakiya; unkan ozuye kin Bet Sitta ekta napapi, Tzarera ektakiya, Sepat Abel Mehola ekta Tabat ikiyedan.

23 Unkan Israel wicašta Napтали etanhan, qa Aŝer etanhan, Manaŝe owancaya etanhan, wicakipan, unkan kuwa eyayapi.

24 Unkan Gideyon Epraim he kin owancaya wahoŝi ye wicaŝi

qa heya, Midian itkowicayakipapi kta kun yapo, qa wicitokam mini kin Jordan hee icupo, Bet Bara hehanyan. Unkan Epraim wicašta kin owasin witaya mni-ciyapi qa Jordan mini iyuwegapi kin icupi, BetBara hehanyan.

25 Qa Midian itancan nonpa iwicacupi, Oreb (Kangi) qa Zeb (Ŝunktokeca), qa Oreb Kangi imnija kin ekta ktepi, qa Zeb. Ŝunktokeca woŝa kin ekta ktepi, qa Midian kuwa eyayapi, qa Oreb pa kin qa Zeb pa kin Jordan akasanpa Gideyon ekta kahipi.

WICOWOYAKE 8.

1 Qa Epraim wicašta kin heciyapi, Tokeca hecen ecaunyeconpi, qa Midian azuyaye kta iwaho unyayapi ŝni he? qa ninahin i en iyeyapi.

2 Unkan hewicakiya, Niyepi iyecen dehan taku ecamon he? Epraim akta yuŝpipi kin he Abiyezer toka yuŝpipi kin isanpa waŝte ŝni he?

3 Taku wakan Midian itancan nonpa Oreb qa Zeb, ninapepi en wicaqu qa niyepi ecanonpi iyecen taku owakihi he? Unkan wicoie kin he ewicakiye ehan tocanniyepi kin akisni.

4 Unkan Gideyon Jordan ekta i, qa iyuwega, qa iye qa wicašta opawinge yamni opapi kin watukapi, tuka wicakuwapi.

5 Unkan Sukot wicašta kin hewicakiya, Wicašta mihakam upi kin aguyapi wanjikŝi wicaqupo; hena watukapi ce, qa miye Midian wicašta yatapi kin Zeba qa Tzalmuna wicawakuwa.

6 Unkan Sukot itancan kin heyapi, Zeba qa Tzalmuna napepi kin ninape en wanna duha nace, qa heon obe nitawa aguyapi wicunqupi kta.

WAYACUPI WOWAPI KIN,

7 Unkan Gideyon hewicakiya, Heon Jehowa Zeba qa Tzalmuna minape en wicaqu kinhan nice-
lipipi kin hopuza wapepeka on,
qa takanheca hu on wakaštaka
kta.

8 Qa hetanhan Penuel ekta itan-
wankanhe i, qa iyecen ewicaki-
ya. Unkan Sukot wicašta ayu-
ptapi qon, he iyecen Penuel wica-
šta kin ayuptapi.

9 Unkan iš eya Penuel wicašta
kin hewicakiya, Zaniyan waku
kinhan conkaške kin de wapa-
juju kta ce.

10 Unkan Zeba qa Tzalmuna
Qarqor en yakonpi, ozuye tawa-
pi om wicašta kektopawinge ake
zaptan cetu, Wihinanpe cinca
ozuye etanhan henana okaptapi,
qa wicašta canłpi kitonpi kecto-
pawinge opawinge sanpa kecto-
pawinge wikcemna nonpa wanna
hinłpayapi.

11 Unkan Gideyon wakeya otipi
tacankupi ohna itanwankanhe i,
Nobał qa Jogbeha iwiyołhiyanpa
tanhan, qa ozuye wikope šniyan
unpi icunhan ozuye kin kaštaka.

12 Unkan Zeba qa Tzalmuna
najicapi; unkan Zeba qa Tza-
lmuna wicakuwa, qa Midian wi-
cašta yatapi nonpa kin wicayuza;
qa ozuye kin owasin yušinye wi-
caya.

13 Hehan Gideyon Joaš cinhin-
tku kin wokicize etanhan Heres
itawankanhe yapi etanhan ku.

14 Qa Sukot wicašta etanhan
koška wan iyahpaye a iwanga;
unkan Sukot itancan kin, qa hun-
kayapi kin wicašta wikcemna
šakowin sanpa šakowin okiciwa.

15 Unkan Sukot wicašta kin en
wicahi, qa heya, Wanyakapo;
Zeba qa Tzalmuna, dena on i en
iyemayayapi qa hehapi, Zeba qa
Tzalmuna napepi kin wanna ni-
nape en duha nace, heon wicašta

nitawa watukapi aguyapi wicun-
qupi kta.

16 Unkan otonwe hunkayapi
kin wicayuza, qa hopuza wape-
peka, qa takanheca hu icu, qa
hena on Sukot wicašta kin kiks-
u ye wicaya.

17 Qa Penuel conkaške kin he
pajuju, qa otonwe wicašta kin
wicakte.

18 Unkan Zeba qa Tzalmuna
hewicakiya; Wicašta Tabor en
wicayaktepi kin hena tokecapi
he? Unkan heyapi, Niye iye-
ni-cccapi, otoiyohi wicašta yatapi
wan cinca kin iyececapi.

19 Unkan heya, Hena cinye
waya, ina cinca hecapi, Jehowa
ni kinhan hena ni wicayayapi un-
kanš ciktepi kte šni tuka.

20 Qa cinhintku tokapa Jeter
heciya. Najin wicakte wo. Tu-
ka hokšidan nahanłin hokšika,
heon kokipe a canłpi yuwankan
ikikeu šni.

21 Unkan Zeba qa Tzalmuna
heciyapi, Niye najin qa unkašta-
kapo, wicašta kin towašake kin
iyececa nakaš. Unkan Gideyon
najin, qa Zeba qa Tzalmuna
wicakte, qa camo tawapi taku
napin wicakiyapi kin icu.

22 Unkan Israel wicašta kin
Gideyon heciyapi, Wowidag un-
yanpo, niye qa nicinkši, qa nicin-
kši cinhintku, Midian nape kin
etanhan niunyayapi heon etan-
han.

23 Unkan Gideyon hewicakiya,
Miye wowidag ciyapi kte šni, qa
micinkši wowidag niyanpi kte
šni. Jehowa hee wowidag ni-
yanpi kte.

24 Tuka Gideyon hewicakiya,
Taku wanji ciciđapi, wicašta
otoiyohi oinpi yakipi kin wanji-
kši maya qupi kte; Ismayeli he-
capi nakaš, heon mazaskazi oinpi
yuhapi.

WICOWOYAKE 9.

25 Unkan heyapi, Awicakehan he unnicupi kta, qa sina wan yumdaya ehnakapi, qa he akan otoiyo hi oinpi wicakipi qon e-
hpeyapi.

26 Unkan mazaskazi oinpi wica-
kida kin seqel kektopawinge san-
pa opawinge, mazaskazi aspeki-
yapi; tuka mazaska mibe, qa
maza sipto, qa wokoyake stan
Midian wicašta yatapi koyakapi
kin ope šni; nakun wanapin ca-
mo tawapi napinpi kin hena ya-
wapi en ope šni.

27 Unkan he etanhan Gideyon
amdo akahe wan kage ça to-
tonwe en ehna ka Opra ohna;
unkan, Israel owasin heciya he
kici wawicihahapi econpi; hecen
he Gideyon, qa tiyohnaka tawa
wicahmuka.

28 Hecen Midian ktepidan Israel
cinca itokam, qa icimana pa yu-
wankan ikikcu okihi šni. Unkan
taanpetu icunhan makoce kin
waniyetu wikcemna topa ozi ya.

29 Unkan Jerub Bayal Joaš cin-
hintku kihde ça iye ti ohna yan-
ka.

30 Qa Gideyon cinca wica wi-
kcemna šakowin yuha, iye ceca
etanhan inanpapi, winohinca ota
yuza nakaš.

31 Unkan tawicu tokeca Šekem
en ounye cin he nakun cinca wan
kiciton, qa Abimelek (Ate wica-
šta yatapi) caje qu.

32 Unkan Gideyon Joaš cinhin-
tku paska wašte en te, qa Joaš
taohnahnakapi kin ohna hnakapi,
Yopra Abiyezer ohna.

33 Unkan Gideyon te cin oha-
kam Israel cinca kin ihduhomni-
pi, qa Bayalim kici wawicihaha-
pi econpi, qa Bayal berit wakan-
dapi kta e ehdepi.

34 Hecen Israel cinca kin Jeho-
wa Wakan dapi qon, qa toka wi-
cayapi wicihdukšan owasin etan-

han ewicahdaku kin he kiksuya-
pi šni.

35 Qa Jerub Bayal Gideyon
wowašte owasin Israel ecawica-
kicon kin iyecen tiyohnaka tawa
wowacantkiye ecakiconpi šni.

WICOWOYAKE 9.

1 Unkan Abimelek Jerub Bayal
cinhintku Šekem ekta i, hunku
sunkawicaye cin owasin ekta, qa
hena, qa hunku atkuku tiyohna-
ka owasin hewicakiya,

2 Ihopo, Šekem itancan owasin
nogepe ohna heyapo, Jerub Bayal
cinca owasin wicašta wikcemna
šakowin wowidag niyanpi kin he
wašte he? qaiš wicašta wanjidan
wowidag niyanpi unman tukte
wašte he? Qa nihuhu kin, qa
nicelipi kin he miye kiksuyapo.

3 Unkan hunku sunka wicaye
cin iye eciya tanhan Šekem itan-
can owasin nogepi ohna wocioe
kin hena eyapi; unkan Abime-
lek opapi kta cantepi yeyapi.
He sunka unyanpi eyapi nakaš.

4 Unkan Bayal berit (Wicota-
kuye itancan) ti kin etanhan
mazaska wikcemna šakowin qu-
pi. Unkan Abimelek hena on
wicašta wicaštapišni, qa wahan
icidapi heca opewicaton, qa hena
ihakam yapi.

5 Unkan atkuku ti kin ekta i,
Opra ekta, qa iye cincu Jerub Ba-
yal cinca wicašta wikcemna ša-
kowin inyan wanjidan akan wica-
kte, tuka Jotam Jerub Bayal cin-
hintku hakakta kin ope šni, iye
inahma nakaš.

6 Unkan Šekem itancan kin
owasin, qa conkaške ohna tipi
kin owasin mniciyapi, qa Abime-
lek wicašta yatapi kagapi, woki-
ksuye utuhu Šekem ohna yanke
cin he ekta.

7 Unkan Jotam okiyakapi qe-

WAYACOPi WOWAPI KIN,

han, Gerizim he kin akan i, qa iyahan, qa ho yeya, qa eyanpaha, qa hewicakiya, Šekem itancan kin namahonpo, kinhan taku wakan nanihonpi kta.

8 Ehanna can kin wicašta yatapipi sda içiyapi kta konzapi, qa wihdi can kin heciyapi, Ito niye ate unniyanpi kta.

9 Unkan wihdican kin hewicakiya, can iwankam waun kta heon wihdi mitawa on taku wakan wicašta ko yuonihanpi kin he amduštan kta he?

10 Unkan can kin witašna hu kin heciyapi, Ito niye ate unniyanpi kta.

11 Unkan witašna hu kin hewicakiya, Can iwankam waun kta e woskuye mitawa, qa taku wašte ical wakiye cin he amduštan kta he?

12 Unkan can kin hastanhanka hu kin heciyapi, Ito niye ate unniyanpi kta.

13 Tuka hastanhanka hu kin. hewicakiya, Can iwankam waun kta e heon miniša skuye cin taku wakan wicašta koya iyuškin wicaye cin he amduštan kta he?

14 Unkan can kin owasin wapepeka hu kin heciyapi, Ito niye ate unniyanpi kta.

15 Unkan wapepeka hu kin can kin hewicakiya, Wowicake en wicašta yatapi sdamayakiyapi kinhan, ihopo ohanzi mitawa wacinyanpo, tuka hecetu šni kinhan wapepeka hu etanhan peta inanpe ça Lebanon hante ša kin hušnašya nunwe.

16 Heon wanna wowicake en, qa woecetu en ecanonpi, qa Abimelek wicašta yatapi yakagapi kinhan; qa Jerub Bayal qa tiyohnaka tawa tanyan ecawicayeconpi hecinhan, qa nape kin iyuwin iyecetu yaqupi kinhan;

17 Ate niyepi on kiza, qa nagi

kin elipekiya, qa Midian nape etanhan enihdakupi;

18 Tuka niyepi nakaha ate tiyohnaka kin iyawicayahpadapi, qa iye cinca wicašta wikcemna šakowin inyan wanjidan akan yaktepi, qa tawicinyanna cinhintku Abimelek, sunkayayapi kin heon, Šekem itancanpi iwankam wicašta yatapi heca yakagapi.

19 Hecen Jerub Bayal qa tiyohnaka tawa kici nakaha wowicake en, qa woecetu en ecawicayeconpi kinhan, Abimelek en iyuškinpo, qa niyepi en Abimelek iyuškin nunwe.

20 Tuka hecetu šni kinhan, Abimelek etanhan peta wan inanpe ça Šekem itancan kin, qa Conkaške otipi kin hušnaš wicaye kte; qa Šekem itancan kin, qa Conkaške otipi kin etanhan peta inanpe ça Abimelek hušnaš ya nunwe.

21 Hehan Jotam najice ça cin cu Abimelek itokapa tankan nape ça Beer ekta i, qa hen ti.

22 Unkan Abimelek waniyetu yamni Israel iwankam itancan yanka.

23 Unkan Wakantanka woniya šica wan yekiya, Abimelek qa Šekem wicašta tokapapi kin otahedan; unkan Šekem wicašta tokapapi kin našmana Abimelek kipajinpi.

24 Hecen Jerub Bayal cinca wikcemna šakowin tehiya ecawicakiconpi, weyapi kin he sunkakupi Abimelek wicakte akan hnakapi kta, qa Šekem wicašta tokapapi kin cin cu wicakte kta e nape wašag yapi kin hena akan u kte.

25 Unkan Šekem itancan kin wicašta Abimelek našmana iya pepi kta e he paha akan yanke wicayapi. Unkan tona wicikiyeddan canku omanipi kin owasin makicinunpi.

WICOWOYAKE 9.

26 Unkan Gayal Ebed cinhintku kin hunkawanjitku kin om u, qa Šekem en hipi. Unkan Šekem wicašta tokapapi kin he wacin-yanpi.

27 Qa maga ekta ipi, qa hastanhanka yušpipi, qa našujapi, qa witkotkoya econpi, qa taku wakan dapi ti kin en ipi, qa wotapi qa wayatkanpi, qa Abimelek yašicapi.

28 Unkan Gayal Ebed cinhintku heya, Šekem he tuwe? qa Abimelek he tuwe on wowidag unyanpi kta he? Jerub Bayal cinhintku kin hee šni he? qa tawowapi kaga Zebul hee šni he? Tokeca he wowidag unyanpi kta he? Hamor Šekem atkuku tawicašta kin ówicakiyapo.

29 Tokin oyate kin de minape en unpin, Unkanš Abimelek mdutokan kta tuka, qa Abimelek on heya, Obe nitawa tanka kage ça inanpa wo.

30 Unkan Zebul otonwe itancan kin Gayal Ebed cinhintku oie kin nahon qa nina šihda.

31 Qa wahoši, Abimelek ekta nahmana ye wicaši, qa heciya, Inyun Gayal Ebed cinhintku hunkawanjitku om Šekem en hipi, qa otonwe toka niyanpi kagapi;

32 Heon wanna hanyen najin wo, niye qa oyate onipapi, qa tinta ohna nahmana iyawicape wo.

33 Qa hanhanna wihinanpe cinhan yektapi, qa otonwe kin anayatanpi kta, qa iho iye qa oyate opapi kin hena nitkokim inanpapi kinhan, token ninape okihi ecawicayecon kta.

34 Unkan Abimelek, qa oyate iye opapi owasin hanyen kiktapi, qa obe topa Šekem nahmana iya-pepi.

35 Unkan Gayal Ebed cinhin-

tku inanpe ça otonwe tiyopa ekta inajin; unkan Abimelek, qa oyate iye opapi kin inahmanpi qon etanhan najinpi.

36 Unkan Gayal oyate kin wanwicayake ça Zebul heciya, Inyun oyate he paha etanhan apamahde upi ce. Unkan Zebul heciya, He ohanzi kin wandaka, wicašta iyececa.

37 Unkan Gayal ake ie ça heya, Inyun makoce pajodan etanhan oyate upi, qa wapiyesa utuhu canku kin ohna obe wanji u ce.

38 Unkan Zebul heciya, Nii on Abimelek he tuwe on wowidag unyanpi kta he? ehe cin wanna tuktee he? Oyate ihawicayakta šni kin dee šni he? Tokin wanna inanpe ça wicakiza wo.

39 Unkan Gayal inanpa Šekem itancan kin wicitokam, qa Abimelek kiza.

40 Unkan Abimelek he anatan. Unkan najica iye itokapa tanhan, qa wicota capapi hinhpayapi, otonwe tiyopa ekta hehan-yan.

41 Unkan Abimelek Aruma en iyotanka. Unkan Zebul Gayal qa hunkawanjitku Šekem en tipi kte šni napewicaya.

42 Unkan ihanhanna oyate kin maga ekta ipi. Unkan Abimelek okiciyakapi.

43 Unkan oyate tawa ikikcu, qa obe yamni kage ça nahmana iyawicape maga ohna, qa oyate otonwe etanhan inanpapi wanwicayake çehan anawicatan, qa wicakaštaka.

44 Qa Abimelek, qa obe iye opapi kin anatanpi, qa otonwe tiyopa ekta najinpi; qa obe nonpa tona maga ohna unpi kin owasin anawicatanpi, wicakuwapi qa wicaktepi.

45 Unkan Abimelek anpetu kin he ihuniyan otonwe kin azuye ça

WAYACOPi WOWAPI KIN,

otonwe kin icu, qa oyate ohna unpi kin wicakte, qa otowwe kin pajuju, qa miniskuya akada.

46 Unkan Šekem conkaške itancan owasin nahonpi qehan, El Berit (Wakan Otakuye) ti ipasotka kin en ipi.

47 Unkan Šekem conkaške wicašta owasin witaya yakonpi, Abimelek okiyakapi.

48 Unkan Abimelek Tzalmon he kin ekta i, iye qa oyate iye opapi kin owasin, qa Abimelek nape kin ohna onspe wan icu, qa can adetka kakse qa yuwankan icu, qa tapete akan ehna, qa oyate opapi kin hewicakiya, Token ecamon kin wandakapi kin he iyecen kohanna econpo.

49 Unkan oyate owasin nakun, otowohi adetka kaksapi, qa Abimelek ihakam yapi, qa ipasotka ekta ejupi, qa peta on ipasotka kin ideyapi; hecen wicašta conkaške ohna yakonpi kin is eya owasin tapi, wicašta qa winohinca owasin kektopawinge cetu.

50 Unkan Abimelek Tebetz ekta i, qa Tebetz itkom iyotanaka, qa he icu.

51 Tuka conkaške wan suta otowwe ohna yukan. Unkan wicašta qa winohinca owasin, qa otowwe wicašta itancan owasin heciya napapi, qa wicihakam sutaya natakap, qa conkaške awakeyapi akan adipi.

52 Unkan Abimelek conkaške ekta i, qa azuya, qa conkaške tiyopa huñnali ye kta e ikiyedani.

53 Unkan winohinca wan wokpan inyan wan onspa kin Abimelek pa akan ehpeya, qa nasuhu kin kahuga.

54 Unkan koška tawipe kicičin kin he kohanna kipan, qa heciya, Nitacanhi ikikcu, qa makte wo; hecen Winohinca wan makte ke-

yapi kte šni. Unkan koška kin cape qa kte.

55 Unkan Israel wicašta kin Abimelek te cin wanyakapi, qa otowohi kihdapi.

56 Hecen Wakantanka Abimelek tohan šica iye atkuku ecakicon, qa cinca wikcemna šakowin wicakte iye en hdikiya.

57 Qa Šekem wicašta tohanpi šica kin owasin iye papi akan hdikiya, qa Jerub Bayal cinhintku Jotam wojašice kin iyowicahi.

WICOWOYAKE 10.

1 Unkan Abimelek iyohakam, Tola Pua cinhintku Dodo cinhintku Issakar wicašta Israel ni wicaye kta najin, qa iye Epraim he ohna Šamir en onyan.

2 Qa Israel waniyetu wikcemna nonpa sanpa yamni wicayaco, hehan te qa Šamir en hnakapi.

3 Unkan iye iyohakam Jair Gileyadi najin qa waniyetu wikcemna nonpa sanpa nonpa Israel wicayaco.

4 Qa cinca wica wikcemna yamni yuha, hena šonšonna mdoka wikcemna yamni akan yotankapi, qa otowwe wikcemna yamni yuhapi, hena Hawot Jair (Jair totonwe) eciyapi, anpetu kin dehanyan Gilejad makoce ohna.

5 Qa Jair te qa Qamon en hnakapi.

6 Unkan Israel cinca kin ake Jehowa išta kin en taku šica econpi, qa Bayalim, qa Ašerot ohodapi; nakun Aram taku wakanda, qa Tzidon taku wakanda, qa Moab taku wakanda, qa Amon cinca taku wakandapi, qa Pilištim taku wakandapi kin hena ohodapi; hecen Jehowa ayušanpi qa ohodapi šni.

WICOWOYAKE 11.

7 Unkan Jehowa Israel canniye wicaye ça Pilistim napepi en, qa Amon cinca napepi en wiyope wicaya.

8 Unkan waniyetu kin he etanhan Israel cinca tona Jordan akasanpa Amori tamakocepi ohna Gileyad ohna yakonpi kin hena owasin śicaya wicakuwapi, qa iyokiśin wicayapi.

9 Qa Amon cinca Jordan iyuwegapi, qa Juda nakun azu wicayapi, nakun Benjamin, qa Epraim tiyohnaka, hecen Israel nina iyokiśin wicayapi.

10 Unkan Israel cinca kin Jehowa hoyekiyapi, qa heciyapi, Taku Wakan undapi unkayuśtanpi, qa Bayalim ohoundapi kin en awaunnihitanipi.

11 Unkan Jehowa Israel cinca kin hewicakiya, Egupton etanhan, qa Amori etanhan qa Amon cinca etanhan, qa Pilistim etanhan *ecihdakupi* śni he?

12 Nakun Tzidoni, qa Amaleq, qa Mayon iyokiśin niyanpi qehan hoyemayakiyapi, unkan *ecihdakupi*;

13 Tuka niyepi amayaduśtanpi, qa taku wakan tokeca ohoyadapi, heon ake niciyapi kte śni.

14 Ihopo taku wakan iyonicipi kin hena ho yewicakiyapo; dehan tehiya yaunpi heon hena niniyanpi nunwe.

15 Unkan Israel cinca kin Jehowa heciyapi, Waunnihitanipi, niye taku niiśta en waśte kin ecaunkiconpo, anpetu kin de en eunyahdakupi kinhan.

16 Hehan taku wakan tokeca iyepi etanhan yutokan iyeyapi, qa Jehowa ohodapi. Unkan Israel wicakiyuśepi on nagi kin iyokiśica.

17 Hehan Amon cinca kin witaya iheyapi, qa Gileyad en ahi wankapi. Unkan Israel cinca

kin mniciyapi, qa Mitzpa en ewankapi.

18 Unkan oyate kin Gileyad itancanpi kin hekiciyapi, Tuwe Amon cinca kin tokaheya azu wicaye kta wicaśta kin he Gileyad ounyanpi kin owasin pa yuhapi kta.

WICOWOYAKE 11.

1 Unkan Jeptali Gileyadi wicaśta waśaka waditaka heca tuka hunku witkowin heca, qa Jeptali Gileyad cinhintku kin hee.

2 Unkan Gileyad tawicu kin he cinca kiciton; unkan tawicu cinca kin tanka icagapi qehan, Jeptali nape yapi, qa heciyapi, Ate unyanpi ti kin ohna takudan tawa yaye kte śni, witkowin cinca henica nakaś.

3 Unkan Jeptali atkuku cinca itokapa tanhan najice ça Tob makoce en iyotanka. Unkan wicaśta takudan yuhapi śni Jeptali en mniciyapi, qa kici iyayapi.

4 Unkan anpetu ota iyohakam Amon cinca kin Israel azuwicayapi.

5 Unkan Amon cinca kin Israel azuyapi qehan Gileyad hunkayapi Tob makoce kin ekta, Jeptali huweyapi.

6 Qa heciyapi, Kuwa mdetan-hunka unniyuhapi kta, qa Amon cinca wicunkizapi kte.

7 Unkan Jeptali Gileyad hunkayapi hewicakiya, Śicemayadakapi śni he? qa ate ti kin etanhan nape mayayapi, qa tokeca nakaha tehiya dukanpi qehan en mayahipi he?

8 Unkan Gileyad hunkayapi kin Jeptali heciyapi, Unkipi de kta, qa Amon cinca kin wicunkizapi kta, qa Gileyad otipi kin owasin itancan unniyuhapi kta, heon en unnihipi.

WAYACUPI WOWAPI KIN,

9 Unkan Jeptah Gileyad hunkayapi kin hewicakiya, Amon cinca wicawakize kta e hde mayayapi kinhan, qa Jehowa mitokam wicaqu kinhan miye itancan mayaduhapi kta he?

10 Unkan Gileyad hunkayapi Jeptah heciyapi, Unkiyepi otahe-dan Jehowa wanahon yanka, token ehe cin iyecen econkupi shi kinhan.

11 Unkan Jeptah Gileyad hunkayapi kin om iyaya: unkan oyate kin wiciwankam he pa kagapi, qa indetanhunka. Unkan Jeptah iye oie kin owasin Jehowa itokam Mitzpa he en ia.

12 Unkan Jeptah Amon cinca wicašta yatapi ekta ohnihde ye wicaši, qa heciya, Taku ecaunkicicon on mitamakoce en azumayaye kta yahi he?

13 Unkan Amon cinca wicašta yatapi kin Jeptah ohnihde wicaye cin hewicakiya, Israel Egupta etanhan itanwankannde upi qehan, makoce mitawa icupi, Arnon etanhan Jaboq, qa Jordan hehanyan, heon *hecamon*. Hecen wana makoce kin he wokicize codan micu wo.

14 Unkan Jeptah ake ohnihde Amon cinca wicašta yatapi ekta ye wicaši,

15 Qa heciya, Jeptah hecen eya, Israel Moab tamakoce, qa Amon cinca tamakocepi kin icu shi.

16 Egupta etanhan itanwankannde upi qehan, Israel hopuza omanipi, Mdesa ekta, qa Qades ekta hipi.

17 Qa Israel ohnihde Edom wicašta yatapi ekta ye wicaši, qa heciyapi, Tokin nita makoce kin opta mde kten; tuka Edom wicašta yatapi kin nahon shi. Nakun Moab wicašta yatapi ekta ye wicaši, tuka wicada shi, heon Israel Qades en oonyanpi.

18 Hehan hopuza kin omanipi, qa Edom tamakoce, qa Moab tamakoce ohomni yapi, qa Moab tamakoce kin wihinanpe cin ecinya tanhan, ahitipi, Arnon akasampa tanhan qa Moab tamakoce en ipi shi, Arnon Moab tamakoce ihanke kin hee nakaš.

19 Unkan Israel Sihon Amori wicašta yatapi kin Hesbon wicašta yatapi kin hee, ekta ohnihde ye wicaši, qa heciyapi, Tokin oyanke mitawa ekta nitamakoce kin itoopta unyanpin.

20 Tuka Sihon iye tamakoce ohna Israel opta ye kta, wicada shi, qa Sihon oyate tawa owasin mnawicaya, qa Jahatze ohna ahitipi, qa Israel om kicizapi.

21 Unkan Jehowa Israel Wakan dapi kin Sihon qa taoyate owasin Israel nape en wicaqu. Unkan Israel wicakaštaka, qa Amori makoce kin he en oonyanpi kin tamakocepi kin ocowasin tawayapi.

22 Hecen Amori tamakocepi kin ocowasin Arnon etanhan Jaboq ekta hehanyan, qa Hopuza etanhan Jordan ekta tawayapi.

23 Qa wanna Jehowa Israel Wakan dapi kin Amori kin napewicaya, iye taoyate Israel itokappa tanhan, qa niye he tawayaye kta he?

24 Kemoš wakan yada taku nicu kin he tawa yaye kte shi he? Hecen taku Jehowa Wakan undapi, tawa unyanpi kta unqupi kin he owasin tawa unyanpi kta.

25 Unkan ecal Balaq Tzipor cinhintku Moab wicašta yatapi kin isanpa niwašte he? Iye Israel om akinica qais azuwicaya he?

26 Israel Hesbon qa *otonwe* cunksi wicaya, qa Aroyer qa cunksi wicaya, qa *otonwe* Arnon ica-hda yakonpi owasin waniyetu

WICOWOYAKE 12.

opawinge yamni hehanyan oun-
yanpi, tokeca he icunhan iyacu-
pi šni he?

27 Hecen miye awacihitani šni,
tuka niye šicaya ecamiecon, qa
azumayaya; Jehowa wayaco kin
nakaha miye qa niye otahedan
wayaco kta, qa Israel qa Amon
cinca kin otahedan.

28 Tuka Amon cinca wicašta
yatapi kin Jeptah oie wahoyeki-
ye cin he anagoptan šni.

29 Unkan Jehowa taniya kin
Jeptah akan hiyu, qa Gileyad
opta iyaya, nakun Manaše, qa
Mitzpa Gileyad ekta, qa Mitzpa
Gileyad etanhan Amon cinca kin
itkom i.

30 Qa wokonze wan Jeptah Je-
howa okiyake ça heya, Amon
cinca kin minape en wicayaqu
kinhan,

31 Qa Amon cinca kin etanhan
zaniyan waku kinhan, taku kašta
wati tiyopa kin etanhan itkoma-
kipe kta inanpe cinhan Jehowa
yuhe kta qa wohuhnahyapi on
huhnahwaye kta.

32 Qa Jeptah azuwicaye kta e
Amon ekta iyaya, qa iye nape
en Jehowa wicaqu;

33 Qa wicakaštaka, Aroyer
etanhan Minnit ekta yaki kin he-
hanyan, otonwe wikcemna non-
pa, qa Abel hastanhanka iyuwi
uju ekta, wopate tanka hinca,
hecen Amon cinca patujapi Is-
rael cinca itokam.

34 Unkan Jeptah iye ti ekta
hdi, Mitzpa en; unkan inyun
itkokipe kta e cunwintku cance-
ga qa wacipi yuha inanpa; un-
kan heceedan ishana icaga cinca
tokeca wica winyan unmana yu-
he šni.

35 Unkan he wanhdake cehan
wokoyake hduhdehdece ça heya,
Cunš niha yuhukun mayaya, qa
niye iyokisim mayaya. Miye

Jehowa ekta i wahdukawa, qa
mihdamna owakihi šni.

36 Unkan heciya, Ate nii Jeho-
wa ekta yahdukawa. Token nii
etanhan inanpe cin he iyecen
ecamicon ye. Jehowa toka ni-
yanpi Amon cinca kin toniciçon
nakaš.

37 Unkan atkuku heciya, Taku
kin de ecamicon ye; wi nonpa
iyowin makiya ye, hecen imda-
mde ça he kin amawani kta, qa
witanšna waun kta awakiceye
kta ye, miye qa mitawaši kin
hena.

38 Unkan heya, Ya wo. He-
cen wi nonpa hehanyan ye ši.
Unkan iyaya, iye qa koda wica-
ye cin, qa witanšna un kta on he
akan akiceya.

39 Unkan wi nonpa hehan atku-
ku en hdi. Unkan wokonze oya-
ke ciqon he iyecen ecakicon.
Unkan wicašta sdonye šni yan-
ka.

40 Unkan Israel ohna wokage
wan dee, iyehantu eca Israel
cunwintku waniyetu otaiyohi
Jeptah Gileyadi cunwintku an-
petu topa aceyapi kta e ekta ipi
ece.

WICOWOYAKE 12.

1 Unkan Epraim wicašta kin
mnaiciyapi, qa waziyata kiya
yapi, qa Jeptah heciyapi, Tokca
Amon cinca azuwicayaye kta
idade cehan nici unyanpi kta
unyecopi šni he? Yati kin ni-
wankam peta on huhnah un-
yanpi kta.

2 Unkan Jeptah hewicakiya,
Miye, qa oyate mitawa Amon
cinca om woakinice tanka unhapi,
qa cicopi tuka nimayayapi
šni.

3 Unkan niye waniyakiyapi šni
wanmdake cehan, minagi minape

WAYACOPi WOWAPI KIN,

en ye wakiye a Amon cinca kin ekta wai. Unkan Jehowa minape en wicaqu; heon tokeca mayakizapi kta e nakaha anamayatanpi he?

4 Qa Jeptali Gileyard wicašta owasin mna wicaye a Epraim kiza. Unkan Gileyard wicašta kin Epraim wicaštaakapi, Niyepi Gileyadi kin Epraim etanhan nayajicapi Epraim qa Manase otahedan, eyapi kin heon etanhan.

5 Unkan Gileyadi Jordan oiyuwega kin icupi, Epraim itokam. Unkan Epraim najicapi kin, Imduwege kta eyapi qehan, Epraim wicašta henica he? Gileyard wicašta kin heciyapi. Unkan Hiya, eye cinhan,

6 Sibolet, (Wakpa) eya wo, eciyapi. Unkan Sibolet, eya, qa iyecetuya ie šni; hehan iyahpayapi, qa Jordan oiyuwega ekta ktepi; hecen he ehan Epraim etanhan wicašta kektopawinge wikcemna topa sanpa kektopawinge nonpa hinhpayapi.

7 Unkan Jeptali waniyetu šakpe Israel wicayaco, hehan Jeptali Gileyadi kin a, qa Gileyard otowe wan en hnakapi.

8 Unkan iye iyohakam Ibetzan Betlehem etanhan Israel wicayaco.

9 Qa cinca wikcemna yamni yuha, qa cunwintku wikcemna yamni titokan ekta ye wicaya, qa titokan etanhan iye cinhintku on winyan takos wicaye kta e wikcemna yamni hiyu wicaya qa waniyetu šakowin Israel wicayaco.

10 Unkan Ibetzan e a Betlehem en hnakapi.

11 Unkan iye iyohakam Elon Zebuluni kin Israel wicayaco, qa waniyetu wikcemna Israel wicayaco.

12 Unkan Elon Zebuluni kin e, qa Aijalon en, Zebulun tamakoce ohna hnakapi.

13 Unkan iye iyohakam Abedon Hillel cinhintku Piratoni kin Israel wicayaco.

14 Qa iye cinca wikcemna topa yuha, qa takojatpaku wikcemna yamni, hena šonšonna wikcemna šakowin akan iyotankapi; qa iye waniyetu šahdogan Israel wicayaco.

15 Qa Abedon Hillel cinhintku Piratoni kin e a Amaleqi he kin en Epraim makoce ohna Piraton en hnakapi.

WICOWOYAKE 13.

1 Unkan ake Israel cinca kin Jehowa išta kin en taku sica econpi; heon Jehowa Pilistim napepi en wicaqu waniyetu wikcemna topa.

2 Unkan Dani wicowazi etanhan wicašta wan icage a Manoah eciyapi, qa tawicu kin cinca ton šni, qa ihdušake šni.

3 Unkan Jehowa ohnihde kin winohinca kin en ihdutanin, qa heciya, Inyun dehan cinca yatonšni, qa nihdušake šni ešta, nihdušake a cinca wica wan yaton kta.

4 Heon detanhan waktaya un wo. Ihnuhan minisa qais miniwakan datke cin, qa taku šapa ongedan yate kte šni.

5 Inyun nihdušake a cinca wica wan yaton kta, qa pa kin akan iyušda hi kte šni, hokšidan kin, tamni kin etanhan Wakan-tanka Nazir (yukinukanpi) heca kta, qa iye tokaheya Pilistim etanhan Israel ni wicaye kta.

6 Unkan winyan kin hihnaku ekta i qa heciya, Wakantanka wicašta wan ekta mahi, qa wanyakapi kin Wakantanka ohnihde

WICOWOYAKE 13.

wan wanyakapi kin iyececa, wohitika hınca, heon tokiya tanhan u kin imonge śni, qa caje kin omakiyake śni.

7 Tuka hemakiya, Inyun ini-hduśake ça cinca wica wan yaton kta; heon wanna ihnuhan miniśa, qa mini wakan unmana datke cinhan, qa taku śapa ongedan yate kte śni, tamni etanhan inanpe cin ehantanhan anpetu en te kte cin hehanyan hokśidan kin Wakantanka Nazir heca kta.

8 Unkan Manoah cekiye ça heya, Itancan token, Wakantanka iawicaśta u yaśi qon, ake unkiyepi en hi kte ça hokśidan tonpi kte cin he token ecaunkiconpi kta onspe unkiyapi kten.

9 Unkan Wakantanka Manoah ho kin nañon; unkan Wakantanka ohnihde kin ake winohınca kin en hi, maga ohna iyotankehan yanka he icunhan; tuka hihnaku Manoah kici un śni.

10 Unkan winohınca kin inañni, qa inyanke ça hihnaku okiyake ça heciya, Inyun wicaśta anpetu wan en mahi qon ake miye en ihdutanin.

11 Unkan Manoah najin, qa tawicu ihakam iyaye ça wicaśta qon ekta i, qa heciya, Winohınca taku eciye ciqon wicaśta kin he niye he? Unkan, He miye ce, eya.

12 Unkan Manoah heciya, Nioie ecetu kinhan hokśidan tawoyaco kin toketu, qa token ecaunkiconpi kta he?

13 Unkan Jehowa ohnihde kin Manoah heciya, Winohınca taku ewakiye ciqon owasin on wakta-ya un kte,

14 Hastanhanka iyuwi taku aicage cin ongedan yute kte śni, qa miniśa, qa miniwakan ongedan yatke kte śni, qa taku śapa ongedan yute kte śni; token

econ waśi qon owasin iyecen econ kte.

15 Unkan Manoah Jehowa ohnihde kin heciya, Token den unniyuhapin, ecen tatokadan cinca wan nitokam unpatapi kte.

16 Unkan Jehowa ohnihde kin Manoah heciya, Den mayaduhapi eśta aguyapi nitawa ongedan wate kte śni, qu wopate wan yakage cinhan Jehowa on yapate kta. Jehowa ohnihde kin hee Manoah sdon ye śni nakaś.

17 Unkan Manoah Jehowa ohnihde kin heciya, Token eniciyapi he? hecen nioie kin ecetu kinhan unniyuonihanpi kta.

18 Unkan Jehowa ohnihde kin heciya, Tokeca de micaje imayanonga? qa Wawinihan hee.

19 Unkan Manoah tatokadan cinca kin ikikeu, minha kin iyahna, qa inyan kin akan Jehowa ekicihnaka. Unkan taku wowinihan econ kin Manoah tawicu kici wanyakapi.

20 Wahna wośnapi etanhan woide kin malipiya ektakiya wankan iyaye cehan, Jehowa ohnihde kin wahna wośnapi oide ohna wankan iyaya. Unkan Manoah tawicu kici he wanyakapi qehan makipusdiya hinhpayapi.

21 Unkan Jehowa ohnihde kin icimana Manoah qa tawicu en ihdutanin śni. Hehan Jehowa ohnihde kin hee Manoah sdon-ya.

22 Qa Manoah tawicu kin heciya, Tokeśta unte kta, Taku wakan wan wanunyaka nakaś.

23 Unkan tawicu kin heciya, Jehowa te unkiya iyokipi unkanś woluñnahiyapi wan qa minha wan unnape etanhan icu kte śni tuka, qa taku kin dena owasin wanyag unkiye kte śni, qa nañon unkiye kte śni econ kin iyecen.

24 Unkan winohınca kin cinca

WAYACUPI WOWAPI KIN,

wica wan ton ; qa Samson eya cajeyata. Unkan hoksidan kin tanka icaga ; unkan Jehowa he yawašte.

25 Qa Jehowa ohnihde kin Dan taakicita ti ohna tokaheya iyopastaka, Tzora qa Eštaol otahe-dan.

WICOWOYAKE 14.

1 Unkan Samson Timnata ekta kun iyaye ça Timnata ohna Pilistim cunwintku winohinca wan wanyaka.

2 Qa hdi, qa atkuku hunku kici owicakiyake ça hewicakiya, Timnata ohna Pilistim cunwintkupi wan wanmdaka. Ito mduze kta e wanna imicicupo.

3 Unkan atkuku hunku kici heciyapi, Nihunkawanji cunwintkupi ehna, qa oyate nitawa owasin wicehna winohinca wanica nace, heon Pilistim bawicakihdayapi šni ekta de ça etanhan winohinca wan duze kta he? Unkan Samson atkuku heciya, He imicicu wo ; miišta kin ohna he ecetu ce.

4 Tuka atkuku qa hunku Pilistim taku ecawicakicon kta akite cin he Jehowa kage cin sdon yapi šni. Unkan he ehan Pilistim Israel wowidag yapi.

5 Unkan Samson qa atkuku hunku kici Timnata ekta kun iyayapi ; qa Timnata hastanhan-ka iyuwi ojupi ekta ipi qehan, mnaja koška wan iye itkokim hoton yanka.

6 Unkan Jehowa toniya kin ahinhpaye ça nape ohna takudan yuke šni ešta kiyuhdeca tatokadan cinca wan kiyuhdecapi he iyecen ; tuka taku econ kin atkuku qa hunku owicakiyake šni.

7 Qa ekta i, qa winohinca kici

wohdaka, unkan Samson išta kin en ecetu.

8 Unkan iyohakam anpetu ota he yuze kta e ake ekta iyaye ça mnaja tancan kin wanyake kta icunom iyaya, unkan inyun tuhmaga optaye wan mnaja tancan kin ohna yanka ; nakun tuhmaga canhanpi.

9 Qa nape en onge icu, qa yun iyaye ça atkuku hunku kici ekta i, qa wicaqu ; unkan yutapi, tuka mnaja tancan etanhan tuhmaga canhanpi kin icu owicakiyake šni.

10 Unkan atkuku winohinca kin ekta i ; unkan Samson wohanpi wan hen kaga, koška hecen econpi ece nakaš.

11 Unkan wanyakapi qehan, koška wikcemna yamni koda wicaye kta e kahinigapi qa hena opapi.

12 Unkan Samson hewicakiya, Wowiyukcan wan ociciyakapi kta. Wohanpi anpetu šakowin icunhan he iyeyayapi, qa awicakehan omayakidakapi kinhan ; mahen unpi wikcemna yamni, qa wokoyake tokeca iyuhpa wikcemna yamni cičupi kta.

13 Qa omayakidakapi oyakitpanipi kinhan, mahen unpi wikcemna yamni, qa wokoyake ocaje tokeca iyuhpa wikcemna yamni niyepi mayaqupi kta. Unkan, Wowiyukcan nitawa ohdaka wo, naunhonpi kta, eyapi.

14 Unkan hewicakiya, Wotesa etanhan woyute inanpa, qa wašake cin etanhan taku skuya inanpa. Unkan anpetu yamni wowiyukcan kin oyakapi okitpanipi.

15 Unkan anpetu isakowin Samson tawicu kin heciyapi, Nihihna, wowiyukcan unkokiyakapi *oniciyake* kta, cin kiya wo. Hecanon šni kinhan, niye qa

WICOWOYAKE 15.

niyate ti kin peta on hūhnaḥ unyanpi kta? Taku unkitawapi kin tawa yayapi kta heon unyecopi śni he?

16 Unkan Samson tawicu kin ceye ça heciya, Wašte mayadake śni, tuka śice mayadaka ecee. Wowiyukcan wan oyate mitawa cinca kin iyukcan wicayaśi, tuka token ke cin omayakidake śni. Unkan heciya, Inyun ate qa ina owicawakimdake śni; qa niye ociciyake kta he?

17 Unkan anpetu śakowin wohanpi kagapi kin hena icunhan itokam ceya yanka, qa nina iya-hdaskica, heon anpetu isakowin en he okiyaka. Unkan taoyate cinca kin owicakiyaka.

18 Unkan otowwe wicašta kin anpetu isakowin en wi iyaye śni itokam heciyapi, Taku tuhmaga canhanpi sanpa skuye cin tuktee he? Qa mnaja isanpa waśaka tuktee he? Unkan Pte mitawa on maka iyakagopi śni unkanś, wowiyukcan mitawa idukcanpi kte śni tuka.

19 Unkan Jehowa toniya kin iyopaštaka, heon Aśkelon ekta kun iyaye ça hetanhan wicašta wikcemna yamni kte, qa heyakepi kin wicakiciyuśdoka, qa wowiyukcan kin okiyakapi kin wokoyake wicaqu, qa canniye atkuku ti ekta hda.

20 Unkan Samson tawicu kin takodaku koda ye ciqon he yuza.

WICOWOYAKE 15.

1 Unkan ohakam aguyapi su baksapi kin he ehan Samson takodadan cinca wan tawicu kahi qa, Mitawin ekta mde kta winohinca tipi en, eya, tuka winyan atkuku kin en ye kta iyowinkiyē śni.

2 Qa, Atkuku heciya, He śice
Dak.

yadaka epapa, qa nitakoda waqu. Tankaku he isanpa wašte śni he? Tokin heekiya he nitawa kten.

3 Unkan Samson hewicakiya Pilistim taku śica ecawicawecon ešta nakaha iyaonpepica śni waun kta.

4 Unkan Samson iyaye ça śungidan opawinge yamni yuza, qa petuspe icu, qa sinte icikoyag wicaya, qa nomnom otahedan sintepi en petuspe ikoyag ya.

5 Qa petuspe ideya, qa Pilistim aguyapi baksapi śni en iyaye wicaya, hecen aguyapi paha, qa aguyapi baksapi śni, qa hastanhanka iyuwi, qa wihdi can hūhnaḥ ya.

6 Unkan, Tuwe decon hwo? Pilistim eyapi. Unkan Samson Timnati takošku, tawicu icupi, qa takodaku qupi nakaś. Unkan Pilistim ekta ipi, qa winyan qon, qa atkuku peta on hūhnaḥ yapi.

7 Unkan Samson hewicakiya, Hecen ecannonpi kinhan tokešta niyepi en towecon kta, qa hehan amduštan kta.

8 Unkan cankpe ceca akan wicakaštaka wicota wicakte, hehan iyaye ça Yetam (Wamanicati) inyan nasdecapi kin ohna ti.

9 Unkan Pilistim itanwankan hde ipi, qa Juda en e tipi, qa Lehi (Cehupa) en enanakiya iya-yapi.

10 Unkan Juda wicašta kin heyapi, Tokeca tatpe unyahipi he? Unkan heyapi Samson unkaška-pi kta e unhipi, qa token iye ecaunkiconpi, he iyecen unkiye ecaunkiconpi kta, heon unhipi ce.

11 Unkan Juda etanhan wicašta kektopawinge yamni Yetam inyan nasdecapi kin ekta kun iya-yapi, qa Samson heciyapi Pilistim wowidag unyanpi sdonyaye

WAYACOPi WOWAPI KIN,

šni he? taku ecaunyeconpi he? Unkan, Token ecamiconpi he iyecen ecawicawecon, ewicakiya.

12 Unkan nicaškapi, qa Pilistim napepi en unnicupi kta, heon unhipi ce, eciyapi. Unkan Niyepi mayakaštakapi kte šni, taku wakan cajeyan emakiyapo, eya.

13 Unkan heciyapi, Hiya, tuka unnicaškapi kta, qa napepi en unnicupi kta, qa unkiyepi unniktepi kte šni. Hehan hakahmonpi teca nonpa on kaškapi, qa inyan qon, etanhan itanwankanhde hiyaye yapi.

14 Lehi ekta i, unkan Pilistim itkokim iyakišapi. Unkan Jehowa toniya iyopaštaka, unkan hakahmonpi isto on kaškapi kin hena haħonta hu peta on gu kin iyececapi, qa taku on kaškapi nape etanhan škanpi.

15 Unkan šonšonna cehupa do wan iyeye a nape ekta ye kiye a icu, qa heon wicašta kektopawinge wicakte.

16 Qa Samson heya, Šonšonna cehupa on opahi opahihi, Šonšonna cehupa on wicašta kektopawinge wicawakte.

17 Unkan ia ayaštan qehan cehupa qon nape kin etanhan elpeya. Unkan oyanke kin he Ramot Lehi (Cehupa Paha) eciyapi.

18 Unkan nina ipuza, heon Jehowa hoye kiye a heya, Niye nitaokiye nape kin on woohiye tanka kin de yaqu; unkan wana ipuza maše a wicašta bakiħdayapi šni napepi mayuzapi kta.

19 Unkan Wakantanka wibope wan Lehi ohna yanke cin he yu-ptuja. Unkan hetanhan mini hinanpa; unkan yatkan, qa toniya kin ake en hdi. Unkan heon miniowe kin he, En haqora, (Mi-

ni owe hoyeya,) eciyapi, qa anpetu kin dehanyan Lehi en yan-ka.

20 Unkan Pilistim taanpetu icunhan waniyetu wikcemna nonpa Israel wicayaco.

WICOWOYAKE 16.

1 Unkan Samson Gaza ekta i, qa hen winohinca witkowin wan wanyake a ekta i.

2 Unkan Samson den hi ce, eyapi Gaza wicašta kin naħonpi; unkan aohomnipi, qa hanyetu osan otonwe tiyopa ekta iyapepi, qa inina unpi, qa hanħanna anpa kinhan un ktepi kta, eyapi.

3 Unkan Samson hanye cokaya hehanyan makan wanka, qa hanyetu cokaya qehan, najin hiyaya, qa otonwe tiyopa kin yuza, qa tiyopa tošu napin yujon icu, tiyopa inatake iyahna, qa amdo akan ehnaka, qa he paha Hebron itokam yanke cin ekta aya.

4 Unkan he iyohakam Soreq kaksiza ohna winohinca wan wašte daka, Delila eciyapi.

5 Unkan Pilistim itancanpi kin winohinca kin ekta ipi, qa heciyapi, Cinkiya wo; qa towašake tanka kin taku en un kin, qa tokiya tanhan kakiš unyanpi kta e unkaškapi unkokihipi amdesya wo; kinhan unkiyepi otoiyoħi mazaska kektopawinge sanpa opawinge unnicupi kta.

6 Unkan Delila Samson heciya, Tokin nitowašake tanka kin he taku en un, qa iyokišin niyanpi kta e token nicaškapi kta omayakiyaken.

7 Unkan Samson heciya, Telħmiso do, toħinni pusyapi šni šakowin on makaškapi kinhan, wicašta wan iyemaceca kta.

8 Unkan Pilistim itancanpi kin telħmiso do šakowin, toħinni pus-

yapi šni ekta ahipi, unkan hena on kaška.

9 Unkan wankanti ohna iyapepi. Unkan winyan qon heciya, Samson Pilistim iyanilipayapi ye; unkan telimiso papsaka, hañonta penmna kinhan papsakapi he iyecen; hecen towaśake kin tuktee kin sdonyapi šni.

10 Unkan Delila Samson heciya, Inyun mayahnayan, qa oitonšni emayakiya ye. Tokin wanna tokiya tanhan nicaškapi kta omayakiya ken.

11 Unkan heciya, Hakahmonpi teca, on tohinni wolitani takudan econpi šni heca on makaškapi kinhan, wamaśake kte šni, qa wicašta wan iyemaceca kta.

12 Unkan Delila hakahmonpi teca icu, qa hena on kaška, qa heciya, Pilistim iyanilipayapi ye Samson. Unkan hena isto kin etanhan papsaka, hañontadan wan iyecen.

13 Unkan Delila Samson heciya, Dehanyan mayahnayan, qa oitonšni emayakiya ye. Taku on nicaškapi kta omakiyaka ye. Unkan heciya, Mapasonpi šakowin hañonta kici yakazonte cinhan.

14 Unkan canicazonte en kaške ça heciya, Pilistim iyanilipayapi ye Samson. Unkan woištiman etanhan kikta, qa canicazonte hañonta iyahna yuha iyaya.

15 Unkan heciya, Nicante mici un šni ye; qa token wašte cidaka emayakiya he? De iyamni mayahnayan ye, qa nitowaśake tanka taku en un kin omayakidake šni ye.

16 Unkan anpetu owasin oie on iyahdaskice ça iyokišin ya; unkan nagi te cakišya qehan;

17 Cante kin ocowasin okiyake ça heciya, Wiyuśda mapa akan tohinni unpi šni. Ina tamni

etahan Nazir wakan hemaca. Mayuśdapi kinhan mitowaśake amayuśtan kta, qa mašihtin, qa wicašta owasin iyemaceca kta.

18 Unkan cante ocowasin ohdake cin he Delila wanyaka; qa Pilistim itancan kin wahowicaye ça hewicakiya, Wanna umiye, cante kin ocowasin omakiyaka ye nakaś. Unkan Pilistim itancanpi kin itanwankannde ekta ipi, qa mazaska qon napepi ohna ekta kahipi.

19 Unkan šiyo to akan ištima kiye ça wicašta wan kico, qa paha sonpi šakowin yuśda kiye ça kakiś ya. Unkan towaśake kin enakiya.

20 Unkan heciya, Samson Pilistim iyanilipayapi ye. Unkan ištibe cin etanhan kikta, qa heya, Inanwape kta, ohinniyan ecamon qon he iyecen, qa mihduške kta, tuka Jehowa wanna ayuśtan kin sdotkiye šni.

21 Unkan Pilistim iyalipayapi, qa išta su kin yuśdokapi, qa Gaza ekta apamahde iyaye yapi, qa mazaśa icaške on kaškapi, unkan wicakaška tipi ohna wayukpan yanka.

22 Unkan yuśdapi iyohakam paha kin ake icaga.

23 Unkan Pilistim itancanpi kin Taku wakandapi kin Dagon wośnapi tanka wan wakiyuśnapi kta, qa wiyuśkinpi kta e mniciyapi, qa heyapi, Taku wakan undapi kin Samson toka unyanpi qon unnapepi en unqupi ce.

24 Unkan oyate wanyakapi qehan taku wakan dapi idowanpi, qa, Taku wakan undapi kin he tuwe toka unyanpi, qa makoce unkitawapi kin ihang ye ça, unkiyepi ota te unyanpi kin he unnapepi en unqupi ce, eyapi nakaś.

25 Qa cante waštepi qehan heyapi, Samson ušipo unkiyepi on

WAYACOPi WOWAPI KIN,

škate kta. Unkan wicakaška tipietanhan u šipi. Unkan wicito-kam škata. Unkan ipatan hdepi nonpa kin otahedan najinkiyapi.

26 Unkan Samson hokšidan wan napata yuze cin heciya, Ozi micieye kta e ipatan hdepi nonpa tipi akan he cin hena mdutan kta iyowin makiya ye, kinhan hena akan mikpatan kte.

27 Unkan tipi kin wicašta qa winohinca ojudan, qa Pilistim itancanpi kin owasin hen unpi, qa ohanzi hdepi ohna wicašta qa winohinca kektopawinge yamni cetu yakonpi, Samson škata wan-yakapi kta heon.

28 Unkan Samson Jehowa hoyekiye ça heciya, Itancan Jehowa wanna miksuya ye, qa Wakantanka nakaha deceedan wašag makiya ye; hecen mišta napin on nakaha Pilistim en watowecon kta.

29 Unkan Samson ipatan hdepi cokaya nonpa, tipi akan he cin yuza, wanji nape etapa, qa unman catka kin on icu.

30 Qa Samson heya, Minagi Pilistim om te kte, hehan towašake on patuja; unkan tipi qon itancanpi akan, qa oyate ohna yakonpi owasin akan hinhpaya; hecen wicašta tapi iye te cin en te wicaye cin hena tona ni icunhan te wicaya isanpa otapi.

31 Unkan hunkawanji wicaye cin, qa atkuku tiyohnaka owasin apamahde ipi, qa icupi, qa itanwankanhde ahdipi, qa Tzora qa Estaol otahedan hnakapi, atkuku Manoah ohna hnakapi tawa ohna. Wanna waniyetu wikcemna nonpa Israel wicayaco.

WICOWOYAKE 17.

1 Unkan wicašta wan Epraim he kin etanhan Mika eciyapi,

2 Qa hunku kin heciya, Mazaska kektopawinge sanpa opawinge inicicupi, qa on wadašice ça minonge en iyae eiqon, inyun mazaska kin he micu un, miye he iwacu. Unkan hunku kin heciya, Micinkši Jehowa niya-wašte ye.

3 Unkan Mazaska kektopawinge sanpa opawinge kin hunku kin kicu; Unkan hunku heya, Mazaska kin he minape etanhan Jehowa ekta mdawakan micinkši on hetanhan wakagapi šdoyapi qa pagopi on kagapi kta, heon ake he ciçu kta.

4 Tuka iye mazaska kin hunku kicu. Unkan hunku mazaska opawinge nonpa icu, qa wašdoya wan qu; Unkan hetanhan wakagapi pagopi qa šdoyapi wan kaga. Unkan he Mika ti ohna yanka.

5 Unkan Mika wicašta kin tipi wakan wan yuha, qa amdo aka-lpe wan, qa terapim kage ça iye cinhintku wan nape kin ojukiya hecen he wawayušna yuha.

6 Anpetu kin hena icunhan Israel ohna wicašta yatapi wanica wicašta otoiyohi taku iye išta kin en owotanna kin he econ.

7 Unkan Betlehem Juda etanhan Juda wicowazi etanhan koška wan Lewi wicašta heca tuka hen un.

8 Unkan wicašta kin he Juda otonwe Betlehem etanhan icimani iyaya, tukten oyanke iyeye cinhan ohna yanke kta, heon, qa oicimani kage çehan Mika ti kin en hi.

9 Unkan Mika heciya, Tokiya tanhan yau he? Unkan heciya, Betlehem Juda etanhan, Lewi wicašta hemaca, qa tukten oyanke wan iyewaye cinhan ohna manke kta e icimawani.

10 Unkan Mika heciya, Miciti

WICOWOYAKE 18.

wo, kinhan ate ciye kta; qa wawayuśna ciyuhe kta, qa mazaska wikcemna ciçu kta, waniyetu iyohi; nakun wokoyake iyecetu kin, qa taku yate kta. Unkan Lewi kin kici i.

11 Unkan hehantanhan Lewi kin wicaśta qon kici ti, qa kośka kin iye einhintku wanji iyececa.

12 Unkan Mika Lewi nape kin ojukiya, qa kośka qon wawayuśna yuha; unkan Mika ti kin ohna yanka.

13 Unkan Mika heya, Lewi wan wawayuśna mduha, heon Jehowa tanyan ecamicon kta wanna sdonwaya.

WICOWOYAKE 18.

1 Anpetu, kin hena icunhan Israel ohna wicaśta yatapi wanica, qa anpetu kin hena en Dani wicoun kin makoce tawa yapi kta, qa en tipi kta e akitapi, anpetu kin hehanyan Israel wicoun ehna makoce tawa yapi kte cin he yuhapi śni.

2 Unkan Dan cinca kin wicowazi tawapi etanhan tonwanyanpi kin etanhan wicaśta waditaka zaptan Tzora etanhan, qa Eśtaol etanhan makoce omanipi, qa iwanyakapi kta ye wicaśipi qa hewicakiyapi, Hopo makoce kin iwanyakapo. Unkan Epraim he kin ekta ipi, Mika ti kin ekta, qa heciya wankapi.

3 Unkan Mika ti ikiyedani yakonpi qehan, kośka Lewi ho kin iyekiyapi, qa ekta ipi, qa heciyapi, Tuwe deciya hiyu niyan, qa taku den ecanon he? qa taku duha he?

4 Unkan hewicakiya, Mika decen qa decen ecamicon, qa wawayuśna mayuhe kta e iyuwin maqu ce.

5 Unkan heciyapi, Wakantanka

iwanga wo, canku ohna unyanpi kin he tanyan unkihunipi kta hecinhan sdon unyanpi kta.

6 Unkan wawayuśna kin hewicakiya, Zaniyan yapo, canku ohna dapi kin Jehowa atonwan.

7 Unkan wicaśta zaptan qon iyayapi, qa Laiś ekta ipi, qa oyate hen yakonpi kin hena wanwicayakapi wikope śniyan yakonpi, Tzidoni iyecen waditagya oziiciyapi; unkan kiunniwicaya, qaiś wicakaśke kta makoce kin he ohna wicaśta yatapi wanica; qa Tzidoni etanhan tehan yakonpi, qa wicaśta tokeca om takudan econpi śni.

8 Unkan hunkawanji wicayapi en hdipi, Tzora qa Eśtaol ekta. Unkan hunkawanji wicayapi kin hewicakiyapi, Taku wandakapi he?

9 Unkan heyapi, Najinpo ekta unyanpi kta. Makoce wanunya-kapi kin he inyun waśte hinca, qa niyepi inina dukanpi, makoce kin ekta yaipi qa tawayayapi kta e ihnuhan nikujapi kin.

10 Ekta yaipi kinhan, oyate wan takudan ikopapi śni ece; qa makoce anoka tanhan tankaya ekta yaipi kta. Oyanke wan Wakantanka ničupi kin he ohna taku maka akan un kin owasin etanhan takudan icakijapi śni.

11 Unkan hehan Dani wicowazipi etanhan, Tzora qa Eśtaol etanhan wicaśta opawinge śakpe ihdakapi, otioyohi wipe kitonpi.

12 Qa iyayapi, qa Qirejat Jeyarim (otonwe contanka) en, Juda ohna etipi, heon oyanke kin he Meliane Dan (Dan tipi) eciyapi anpetu kin dehanyan, he Qirejat Jeyarim iheyata yanka.

13 Unkan hetanhan Epraim he kin iyakaptapi, qa Mika ti ekta ipi.

14 Unkan wicaśta zaptan Laiś

WAYACOPi WOWAPi KIN,

maoce iwanyag ipi qon iapi, qa hunka wanjin wicayapi kin hewicakiyapi, Tipi kin dena ohna amdo akahpe wan, qa terapim, qa wankagapi pagopi, qa sđoyapi wan, yukan/sdonyayapi he? heon token ecanonpi kta iyukcanpo.

15 Unkan icuom iyayapi, qa Lewi koška ti ekta ipi, Mika ti kin qa zaniyan un kinhan iwan-gapi.

16 Qa wicašta opawinge šakpe Dan cinca etanhan wipe kitonpi tiyopa itankan najinpi.

17 Unkan wicašta zaptan makoce iwanyag ipi qehan hen ipi qon, wankan ipi qa wakagapi, pagopi, qa amdo akahpe, qa terapim, qa wakagapi sđoyapi kin icupi. Unkan wawayušna kin tiyopa kin en najin, wicašta opawinge šakpe ozuye wipe kitonpi kin hena itokam.

18 Unkan Mika ti en ipi kin hena wakagapi pagopi kin, qa amdo akahpe kin, qa terapim, qa wakagapi sđoyapi kin icupi qehan, wawayušna kin, Taku ecanonpi he? ewicakiya.

19 Unkan heciyapi, Inina un wo, ninape kin i atpuka wo, qa unkicipi ya wo; hecén wawayušna, qa ate unniyanpi kta, Tipi wanjidan on wawayušna yaun kta, qaiš Israel ohna wicoun qa wicowazi wan on wawayušna yaun kta, unman tukte wašte he?

20 Unkan wawayušna kin cante wašte, qa amdo akahpe kin, qa terapim kin, qa wakagapi pagopi kin icu, qa oyate kin cokayaya iyaya.

21 Hehan ihduhomnipi qa iya-yapi, qa šiceca, qa wanunyanpi kin, qa walipayapi kin owasin wicitokam ye yapi.

22 Mika ti kin etanhan tehan iyayapi qehan, wicašta tona Mika ti kin ikiyedani tipi kin hena mni-

ciyapi, qa Dan cinca kin kihdegapi.

23 Qa Dan cinca kin hoyewicakiyapi. Unkan itkom ihdamnapi, qa Mika heciyapi, Taku yaka heon decen anaunyanpi?

24 Unkan hewicakiya, Taku wakan mičicage cin hena iyacupi, wawayušna kin nakun, qa sanpa taku mduha he? qa token, Taku yaka he, emayakiyapi he?

25 Unkan Dan cinca kin heciyapi, Ihnuhan niho kin unkiyepi ehna nahonpi kin. Okini wicašta nagi wacinko ananitanpi, qa ninagi, qa tiyohnaka nitawa nagipi kin toki ehpeyakiye kta.

26 Qa Dan cinca kin toki yapi canku kin ohna iyayapi. Unkan Mika iye isanpa hena wašakapi wanwicayake cehan ihdamna, qa kihda.

27 Unkan hena taku Mika kage cigon, qa wawayušna yuhe cigon nakun icupi, qa Laiš ekta ipi, oyate owanji unpi, qa wikopapi šni ekta, qa canhpi hi on wica-kaštakapi, qa otonwe kin peta on huhnaliyapi.

28 Tzidon etanhan tehan yakonpi, qa tuwedan kici wotakuye yuhapi šni, heon wanikiye nicapi, qa Bet Rehob osmaka ohna yanka. Unkan otonwe kin kagapi, qa hen iyotankapi.

29 Qa otonwe kin Dan caje yatapi; ateyapi Dan, Israel kicitonpi caje kin iyecen; tuka otonwe kin he otokahe ekta Laiš eciyapi.

30 Unkan Dan cinca kin wakagapi kin iyepi on ehdepi, qa Dan wicoun kin Jonatan Gersom cinhintku Manaše cinhintku, iye qa iye cinca kin wawayušna wicayuhapi, makoce *etanhan* token ayapi šni kin hehanyan.

31 Qa wakagapi Mika kage cin ekicihdepi, tohan Wakantaka ti kin Šilo ohna un kin hehanyan.

WICOWOYAKE 19.

WICOWOYAKE 19.

1 Unkan Israel ohna wicašta yatapi wanica qehan, anpetu kin hena icunhan, Lewi wicašta wan Epraim he onnaptanyan ohna ti, qa Betlehem Juda etanhan winohinca wan yuza, tuka wakan yuze šni.

2 Unkan winohinca kin he ihduhomni, qa ehpekiye ça atkuku ti kin ekta kihda, Betlehem Juda ekta, qa wi topa anpetu kin hen yanka.

3 Unkan hihnaku najin, qa cante iyokipi ye kta, qa hdicu kiye kta, heon okide iyaya. Unkan tahokšidan qa šonšonna nonpa opapi. Unkan winyan qon atkuku timahen hiyuya. Unkan wikoška atkuku kin he wanyake qehan itkokipe cin on iyuškin.

4 Unkan tunkanku wikoška atkuku kin adoksohan yuza. Unkan anpetu yamni kici iyotanka, qa wotapi, qa wayatkanpi, qa hen wankapi.

5 Unkan anpetu itopa hanhanna kiktapi qehan iyaye kta e najin. Unkan wikoška atkuku kin takošku heciya, Aguyapi onšpa on nicante kin wašag kiya wo, qa hehan idade kta.

6 Unkan iyotankapi, qa sakim wotapi qa wayatkanpi, qa wikoška atkuku kin wicašta qon heciya, Tokin den inonke kta iyonicipin, qa cante ni wašte kta.

7 Unkan wicašta kin iyaye kta e najin qehan tunkanku nina cinkiya; unkan iyotanke ça hen wanka.

8 Qa anpetu izaptan iyaye kta e hanhanna hin kikta. Unkan wikoška atkuku heya, Ceciciya cante kin wašagkiya wo. Unkan wiyotanhann inášdoke cin hehanyan yutehanpi, qa sakim wotapi.

9 Hehan wicašta qon iyaye kta

e najin, iye qa tawicu, qa tahokšidan. Unkan tunkanku wikoška atkuku kin heciya, Htayetu kta e anpetu wanna inášdoka, den wanka wo, hecen cante niwašte kta, qa heyakecinhan hanhanna hin yektapi qa icimayani-pi kta, qa wakeya nitawa ekta yahde kta.

10 Tuka wicašta qon hen wanke kta wicada šni; heon najin iyaya kihda, qa Jebus (Jerusalem hee) iyotakons ki, qa šonšonna nonpa aqin kitonpi opapi; qa tawicu nakun kici un.

11 Jebus ikiyedan unpi qehan anpetu wanna iyaye kta hinca; unkan hokšidan kin yuhe cin heciya, Ito icuom unyanpi Jebusi otonwe kin de ekta, qa ohna unwankapi kte.

12 Unkan yuhe cin heciya, Otonwe oyate tokeca, Israel cinca etanhan hecapi šni ekta unyanpi kte šni; tuka Gibea ekta iyoopta unyanpi kta.

13 Nakun tahokšidan kin heciya, Ito otonwe kin dena Gibea qaiš Rama, unman tukte wanji ikiyedan unyanpi, qa ohna unwankapi kte.

14 Unkan iyooptapi, qa manipi, qa Gibea Benjamin tawa ikiyedan yakonpi qehan anpetu wi kin aisinyan iyaya.

15 Unkan Gibea ohna wankapi kta e heciya icuom iyayapi, qa en ipi, qa otonwe canku kin ohna iyotankapi. Unkan wankapi kta e tuwedan tin hiyu wicaye šni.

16 Unkan inyun Htayen wicahinca wan tohtani etanhan maga etanhan hdi, wicašta kin he Epraim he kin etanhan, qa Gibea ohna ti, tuka wicašta hen yakonpi kin hena Benjamin cinca hecapi.

17 Qa išta yuwankan ikikcu, qa wicašta icimani kin otonwe can-

WAYACOPi WOWAPI KIN,

ku kin ohna wanyake a wica-
hinca kin heciya, Toki da, a
tokiya tanhan yau he ?

18 Unkan heciya, Unkiyepi Bet-
lehem Juda etanhan, Epraim he
onnaptanyan ekta unkiyayapi.
Miye hematanhan, a Bethlehem
Juda ekta wai a Jehowa ti kin
ekta mda, a tuwedan tin hiyu
makiye ni.

19 Tuka peji eca, a woyute
ononna unkitawapi on yukan,
nakun aguyapi, a minia miye
on, a wikoka nitawa, a hoki-
dan nitawa unkicipapi on yukan
ce ; takudan unkiakijapi ni.

20 Unkan wicainca kin heya,
Tanyan yaunpi nunwe ; miye ta-
ku nun kta iyececa owasin wa-
cinmayaye kta, tuka ihnuhan
otonwe canku ohna inonke cin.

21 Unkan iye ti mahen hiyu
wicaye a ononna wowicaqu ;
unkan siha ihdujajapi, a wotapi
a wayatkanpi.

22 a cante wate iciyapi.
Unkan otonwe wicata kin wo-
wate ni cinca hecapi ; tipi kin
ihdukan najinpi, a tiyopa kin
kabubupi, a wicata tipi yuhe
cin wicainca qon heciyapi, Wi-
cata yati ekta hi qon tankan
hiyuya wo ; sdon unyanpi kta
ce.

23 Unkan wicata tipi yuhe cin
ekta wicai, a hewicakiya, Hiya.
Mihunkawanji ceciciyapi, ihnu-
han taku ica ecanonpi. Wica-
ta kin de wati en hi ehantan-
han, ihnuhan taku witkotkoya
kin de ecanonpi kin.

24 Ito micunki witanna, a
iye tawicu kin hena niyepi ekta
tankan hiyu wicawaye kta, hena
yuhukuya wicayayapi, a token
nitapi iyokipi ecawicayeconpi
kta, tuka ihnuhan wicata kin de
taku wowate ni kin he ecaye-
conpi kin.

25 Tuka wicata kin he naon-
pi kta wicadapi ni. Unkan wi-
cata kin tawicu napata yuza, a
hena ekta tankan hiyuya. Un-
kan sdonyapi, a hanyetu osan
kaki yapi, ihananna hehanyan,
a anpao hinanpe ehan ayutan-
pi.

26 Unkan winoinca kin anpao
ehan u, a tipi ohna hihnaku
yanke cin tiyopa ekta hinpa-
ya, anpa kta hehanyan.

27 Unkan hihnaku kin hanan-
na kikta, a tipi tiyopa kin yuhdo-
ka, a canku ohna iyaye kta e
inanpa ; unkan inyun tawicu tipi
tiyopa kin ekta makata wanka,
a nape kin tiyopa ahdehe cin
akan yanka.

28 Unkan heciya, Najin wanna
unye kta ; tuka takudan ayupte
ni. Hehan wicata kin najin
a ononna kin akan ehnaqa a
kihda.

29 a ti kin ekta ki ehan, isan
wan icu, a tawicu e cin iya-
paya, a huhu iyahna bapa,
obape akenonpa, a Israel ma-
koce kin owancaya yekiya.

30 Unkan tuwe wanyaka eca
heya, Israel cinca Egipta mako-
ce etanhan itanwankande upi
ehantanhan taku dececa econpi
ni, a wanyakapi ni ; cante
ekta ye kiyapo, a nitawacin o-
hdakapo, eya ece.

WICOWOYAKE 20.

1 Unkan Israel cinca owasin
inanpapi, Dan etanhan Bereba
ekta hehanyan, a Gileyad ma-
koce nakun, omniciye wicata
wanjidan iyecen Jehowa itokam
Mitzpa ekta yuwitaya hiyupi

2 a Israel wicoun owasin oya-
te wicata tokapa kin owasin
Wakantanka taoyate omniciye en
nainpi, wicata huiyun canpi

yuhapi kektopawinge opawinge topa.

3 Unkan Benjamin cinca kin Israel cinca kin Mitzpa ekta hipi kin nahonpi. Unkan Israel cinca kin heyapi, Taku síca kin de token econpi kin oyakapo.

4 Unkan Lewi wicašta, winohinca bašpapi qon hihnaku kin ayupte ça heya, Gibeá Benjamin tawa en wai, miye qa mitawin ohna unwankapi kta.

5 Unkan Gibeá itancanpi kin anamatampi, qa hanyen tipi ohna manke cin ihdukšan najinpi, qa maktepi kta kecinpi, qa mitawin yuhukuyapi on te.

6 Heon mitawin iwekcu, qa bawakišpa, qa Israel makoce tawayapi owancaya yewakiya; taku wowahite šni, qa witkotkoya Israel ohna econpi nakaš.

7 Ihopo niyepi Israel cinca owasin nioiepi, qa token idukcanpi den eyapo.

8 Unkan oyate owasin wicašta wanjidan iyecen najinpi qa heyapi, Unkiyepi tuwedan tipi tawa en kihde kte šni.

9 Qa wanna taku econkupi kte cin dee, woecon eciya tanhan Gibeá azu unyanpi kta.

10 Israel wicoun owasin etanhan wicašta opawinge on wikcemna unki cupi kta, qa kektopawinge etanhan opawinge, qa kektopawinge wikcemna etanhan kektopawinge wanjidan, hena oyate on woyute huweyapi kta, hecen Gibeá Benjamin ekta unyanpi kta, qa taku wahite šni econ kin owasin iyecen ecaunki-conpi kte.

11 Hecen Israel wicašta owasin wicašta wanjidan iyecen imniciyapi, otonwe kin ekta.

12 Unkan Israel wicoun kin Benjamin wicowazi owasin ekta wicašta ye wicašipi, qa heyapi,

Wicošan síca kin de niyepi ehna econpi kin taku hwo?

13 Heon wanna wicašta wowahite šni cinca Gibeá ohna yakonpi kin hiyu wicayapo; unkan wicunktepi kta, qa taku síca Israel etanhan unyutokanpi kta. Tuka Benjamin cinca kin, hunkawanji wicayapi Israel cinca kin nawicahonpi wicadapi šni.

14 Heon Benjamin cinca kin tonwanyanpi kin owasin etanhan Gibeá ekta mniciyapi, qa Israel cinca om kiczapi kta.

15 Qa anpetu kin he en Benjamin cinca tonwanyanpi etanhan wicayawapi wicašta kektopawinge wikcemna nonpa sanpa kektopawinge šakpe canhipi kitonpi, qa nakun Gibeá ohna tipi kin etanhan wicašta kahni gapi heca opawinge šakowin.

16 Oyate kin de owasin etanhan wicašta opawinge šakowin etapa unpi šni, wicašta kahni gapi hecapi, hena hahonta cistinna ekta inyan kahio iyeyapi ešta yušnapi šni.

17 Unkan Israel wicašta Benjamin codan wicayawapi wicašta kektopawinge opawinge topa canhipi kitonpi, hena owasin wicašta zuyapi hecapi.

18 Qa najinpi, qa Betel ekta ipi, qa Wakantanka iwangapi, qa Israel cinca kin heyapi, Tuwe unkiyepi etanhan tokaheya Benjamin cinca kin azuwicaye kta he? Unkan Jehowa heya, Juda hee tokaheya ye kte.

19 Unkan Israel cinca kin hannahanna kiktapi, qa Gibeá itkom etipi.

20 Unkan Israel wicašta kin Benjamin om kiczapi kta e inanpapi, qa Israel wicašta kin ocimdagehan iyayapi, Gibeá ekta kizapi kta heon.

21 Unkan Benjamin cinca kin

WAYACUPI WOWAPI KIN,

Gibea etanhan inanpapi, qa anpetu kin he en Israel wicašta kekto-pawinge wikcemna nonpa sanpa kekto-pawinge nonpa, makata ihang wicayapi.

22 Unkan Israel wicašta oyate kin wakišag içiyapi, qa tukten anpetu tokaheya ocimdañ najinpi qon, he ekta ake kicizapi kta e ocimdagehan iyayapi.

23 Wanna Israel cinca kin itan-wankanhde iyayapi, qa Jehowa itokam ceyapi, hitayetu kte hehanyan, qa Jehowa iwangapi, qa heyapi, Ake misunka Benjamin cinca wecizekta e ekta mde kta he? Unkan ekta yawo, Jehowa eya.

24 Unkan anpetu iyokihe en Israel cinca kin Benjamin cinca kin anawicatan ipi.

25 Unkan itkowicakipe kta e Benjamin Gibea etanhan inanpa, anpetu inonpa en, qa Israel cinca etanhan wicašta kekto-pawinge ake šahdogan makata wicaktepi, hena owasin canłipi kitonpi.

26 Hehan Israel cinca kin owasin itanwankanhde yapi, qa oyate kin owasin Betel ekta ipi, qa ceyapi, qa hen Jehowa itokam iyotankapi, qa anpetu kin he en hitayetu hehanyan wotapi šni; qa Jehowa itokam wohuñnañ yapi qa wopida wošnapi huiñnañ yapi.

27 Qa Israel cinca kin Jehowa wiwangapi, Wakantanka otakuye can wohnaka kin he ehan hen yanka nakaš.

28 Unkan anpetu kin hena en Pinehas Eleyazar cinhintku Aaron cinhintku he itokam najin, qa heyapi, Ake misunka Benjamin cinca kin wicawecize kta e ekta mde kta, qaiš amduštan kta he? Unkan Jehowa heya. Ya wo, heyakecinhan ninape en waqu kta nakaš.

29 Unkan Israel Gibea ihdu-

kšan wicašta nahmanna iyapepi kta iwanke wicayapi.

30 Qa Israel cinca kin anpetu iyamni en Benjamin cinca ekta iyayapi, qa Gibea ekta ocimdagehan ipi, nonpa akihde econpi qon he iyecen.

31 Unkan Benjamin cinca kin oyate itkowicakipapi kta inanpapi, qa wicahnayanpi on otonwe etanhan iyayapi, qa canku nonpa tanka, wanji Betel iyahde, qa unman Gibea tinta ohna iyahde, hena ohna Israel etanhan wicašta wikcemna yamni cetu cawicapapi wicakaštakapi; wanna nonpa akihde econpi qon he iyecen.

32 Qa Benjamin cinca kin heyapi, Unkitokam hinłipayapi otokahe ekta he iyecen. Ecin Israel cinca kin heyapi, naunjicapi, qa otonwe etanhan cankuku ekta hiyu wicunyanpi kta.

33 Qa Israel wicašta owasin tukten wankapi kin etanhan najinpi, qa Bayal Tamar ohna ocimdagehan inajinpi: nakun Israel waiyapepi kin wankapi etanhan Gibea tinta kin etanhan inanpapi.

34 Qa Gibea itokapa tanhan upi, wicašta kekto-pawinge wikcemna, Israel owasin etanhan wicakalinigapi; qa nina kicizapi, tuka taku šica iwicakicihan sdotkiyapi šni.

35 Unkan Jehowa Benjamin kaštaka Israel itokam; unkan anpetu kin he en Israel cinca kin Benjamin wicašta kekto-pawinge wikcemna nonpa sanpa kekto-pawinge zaptan sanpa opawinge wanjidan ihangwicayapi, hena owasin canłipi kitonpi.

36 Unkan Benjamin cinca kin iye ktepidan wanhdakapi. Ecin Israel wicašta kin wicašta Gibea nahmana iyape wicašipi

WICOWOYAKE 21.

qon hena wacinwicayapi, heon Benjamin etanhan najicapi.

37 Unkan waiyapepi kin hena inahni, qa Gibe'a anatanpi, qa waiyapepi kin obe iyayapi, qa otonwe ocowasin canhi hi on kastakapi.

38 Unkan Israel' cinca kin waiyapepi kin wowapetokeca kin de econ wicasipi, sota tanka hinca otonwe etanhan wankan iyayeyapi kta.

39 Heon Israel cinca kicizapi en ihdamnapi. Unkan Benjamin otokahe ekta Israel wicasta etanhan wicasta wikcemna yamni cetu makata wicakastakapi. Unkiyepi awicakehan wanna wicunkastakapi, wokicize tokaheya en iyecen, eyapi naka.

40 Unkan ide otonwe etanhan tokaheya wankan iyaye, cehan, sota bosdata seca, Benjamin ihdamna, qa inyun otonwe ocowasin ide kin mahpiya ektakiya wankan iyaya.

41 Unkan Israel wicasta kin ihdamnapi qehan Benjamin yusinyayapi, taku sica wicayuskica kin wanyakapi naka.

42 Qa Israel itokapa tanhan ihdamnapi, canku hopuza iyahde ekta, qa wokicize wicakihdega, qa hen wicaktepi.

43 Tona Benjamin kuwa ayapi kin hena wicahduksan iyayapi, Nuha (iyozi) ekta anawicatanpi, Gibe'a iyotakonza wihinanpe cin ektakiya hehanyan.

44 Qa Benjamin etanhan wicasta kektopawinge ake shadogan hinhpayapi, hena owasin wicasta wasakapi.

45 Hehan ihdamnapi, qa hewoskantuya napapi, Rimmon imnija ektakiya. Unkan cankuku ohna wicasta kektopawinge zaptan enanakiya wicaktepi; qa Gidom ekta wicakuwapi qa wica-

sta kektopawinge nonpa wicaktepi.

46 Hecen anpetu kin he en Benjamin etanhan hinhpayapi kin owasin wicasta kektopawinge wikcemna nonpa sanpa kektopawinge zaptan, canhi kitonpi, hena owasin wicasta wasakapi.

47 Tuka wicasta opawinge shakpe ihdamnapi, qa hewoskantunapapi Rimmon imnija ekta, qa wi topa Rimmon imnija ohna tipi.

48 Unkan Israel wicasta kin ihdamnapi, Benjamin cinca ekta, qa tonwanyanpi ohna canhi hi on wicaktepi, wicasta qa woteca qa taku iyeyapi owasin. Nakun otonwe tona iyeyapi kin owasin peta on ideyapi.

WICOWOYAKE 21.

1 Wanna Israel wicasta Mitzpa ohna taku wakan caje yatapi, qa heyapi, Unkiyepi etanhan tuwedan iye cunwintku Benjamin yuze kta e qu kte shi.

2 Unkan oyate kin Betel ekta ipi, qa hen Wakantanka itokam iyotankapi hitayetu kin hehanyan, qa hotanka kiya, nina ceyapi.

3 Qa heyapi, Jehowa Israel Wakandapi kin hehehe de toketu hwo, Israel ohna nakaha wicoun waji Israel etanhan kitanin shi.

4 Unkan ihanhanna oyate kin najinpi, qa wahna woshnapi wan hen kagapi, qa woshnapi wayushnapi.

5 Unkan Israel cinca kin heyapi, Israel wicoun owasin etanhan ozuye kin Jehowa ekta tuwe hi shi he? Ecin wokonze tanka kagapi qa heyapi, Tuwe Jehowa ekta hi shi awicakehan te kta.

6 Unkan Israel cinca kin Benjamin sunkayapi on iyope ichiya-

WAYACOPi WOWAPI KIN.

pi qa heyapi, Nakaha Israel etanhan wicoun wan kašpapi ce.

7 Tona okaptapi on token econkupi kta he? Cunkši unyanpi etanhan winohinca wicun qupi kte šni, Jehowa cajeyan unkonzapi nakaš.

8 Heon heyapi, Israel wicoun etanhan Jehowa ekta Mitzpa ekta tuwe hi šni he? Unkan Jabeš Gilejad etanhan omniciye wicoti ekta tuwedan hi šni.

9 Qa oyate kin ihdawapi, qa Jabeš Gilejad ounyanpi kin etanhan wicašta wanjidan hen un šni.

10 Unkan omniciye kin wicašta kektopawinge ake nonpa wicašta waditakapi heciya ye wicašipi, qa wahokon wicakiyapi, qa hewicakiyapi, Yapo Jabeš Gilejad ounyanpi kin wicakaštakapo, canhi hi on; nakun winohinca qa šiceca.

11 Qa taku ecanonpi kte cin dee; tona wica owasin, qa winohinca wica kici wankapi on wicašta sdonyapi kin owasin wicayaktepi kta.

12 Unkan Jabeš Gilejad ounyanpi kin etanhan wikoška tanšna unpi, wica kici wankapi on wicašta sdonyapi šni opawinge topa iyewicayapi, qa hena yuha wicoti Šilo ekta hipi, he Kanan makoce ohna wanka.

13 Unkan omniciye ocowasin Benjamin cinca Rinmon ohna yakonpi ekta wahoši ye wicašipi, qa wokiyapi wicakicopi.

14 Unkan he ehan Benjamin hdi. Unkan Jabeš Gilejad winohinca qon etanhan winohinca wicakupi, tuka owasin iyowicahipi šni.

15 Qa Jehowa Israel wicoun ohna woihang ye wan kage cin heon oyate kin Benjamin on iyo-pe iciyapi.

16 Unkan omniciye hunkayapi kin heyapi, Benjamin winohinca ihang wicunyanpi heon wica unman nipi kin winohinca wicunqupi kta e token econkupi kta he?

17 Nakun heyapi, Benjamin etanhan nipi kin hena makoce tawayapi, qa Israel etanhan wicoun wanjidan kahintapi kte šni.

18 Tuka unkiyepi cunkši unyanpi etanhan winohinca wicunqupi kta unkokihipi šni. Tuwe winohinca wan Benjamin qu kinhan yašicapi kta, Israel cinca eyapi qon nakaš.

19 Unkan heyapi, Ihopo mdoketu otoiyo hi wohanpi wan Jehowa kicagapi, Šilo ekta, Betel iwaziya tanhan, canku tanka Betel etanhan Šekem iyahde kin he iwiyo hiyanpa tanhan, Lebona itokaga tanhan.

20 Qa Benjamin cinca kin wahokon wicakiyapi, qa heyapi, Ihopo ekta yapi qa hastanhanka iyuwi ojupi ohna inahmanpo.

21 Qa inyun Šilo cunwintkupi wacipi en škatapi kta inanpapi kinhan wandakapi kta, qa naya-jinpi kta, hastanhanka iyuwi ojupi etanhan, qa iyawicayahpa dapi kta, niyepi on wicašta otoiyo hi tawicu kin Šilo cunwintkupi etanhan, qa Benjamin makoce ekta yuha yahdapi kta.

22 Unkan ate wicayapi qaiš timdo wicayapi kin kizapi kta en unhipi kinhan hewicunkiyapi kta, Hena wicayaqupi šni, heon dehan inibapi kte šni; qa wokicize en winohinca wicašta iyohi unki cupi šni, heon hena ionšiu ndamiye.

23 Unkan Benjamin cinca kin hecen econpi, qa iyc iyenaka winohinca icupi, wacipi kin en iyawicahpayapi qa hena yuha

RUTE TAWOWAPI.

makoce tawapi kin ekta hdapi, qa otonwe tawapi piya kagapi, qa hena en iyotankapi.

24 Unkan he ehan Israel cinca kin hetanhan kihdapi, wicašta otoiyohi iye tawicoun, qa wico-

wazi tawa ekta, qa hetanhan otoiyohi tamaga ekta kihda.

25 He ehan Israel, ohna wicašta yatapi wanica, wicašta otoiyohi iye išta kin en taku ecetu kin he econ.

RUTE TAWOWAPI.

WICOWOYAKE 1.

1 Unkan wayaco wicašta kin wicašta yatapi hecapi qehan, makoce kin ohna wicaakihan; unkan wicašta wan, Betlehem Juda etanhan, Moab makoce ohna yanke kta e ekta i, iye qa tawicu, qa cinhintku nonpa.

2 Qa wicašta kin he Elimelek (Wakan wicaštayatapi) eciyapi, qa tawicu Nayomi (Iyomakipiwini) eciyapi, qa cinhintku nonpa kin Mahlon qa Kileon ewicakiyapi. Eprati hecapi, Betlehem Juda etanhan; qa Moab makoce ekta ipi, qa hen yakonpi.

3 Unkan Elimelek Nayomi hihnaku ta, hecen is nana ni, cinhintku nonpa om.

4 Unkan napin Moab winohinca yuzapi, wanji Orpa eciyapi, qa unman Rute eciyapi, qa hen yakonpi waniyetu wikcemna cetu.

5 Unkan Mahlon qa Kileon napin nakun tapi; hecen cinhintku napin, qa hihnaku winohinca ehpeya iyayapi.

6 Unkan Moab makoce etanhan kihde kta e najin, takos wicaya om; Jehowa taoyate en wicai qa aguyapi wicaqu kin he Moab makoce ohna nahon nakaś.

7 Qa ohna yanke cigon etanhan

hinanpa, takos wicaya napin om, qa Juda makoce ekta kihdapi kta, canku ohna iyayapi.

8 Qa Nayomi takos wicaye cin napin hewicakiya, Hope, otoiyohi hunku ti kin ekta yahdapi kta ye, Jehowa cante niciyapi nunwe, niyepi tapi kin cante wicayakiyapi, qa mis eya cante mayakiyapi kin he iyecen.

9 Iyohi hihnaku ti kin ohna iyozi iyeyayapi kta e Jehowa ionsinidapi ye; eye qa i iwicaputaka. Unkan hoyeyapi qa ceyapi.

10 Qa heciyapi, Hiya, niye kici oyate nitawa ekta unhdapi kta ye.

11 Tuka Nayomi heya, Micunksi kihdape. Tokeca micidapi kta he? Nahanhin mitezi ohna cinca mayukan, qa hena niyuzapi kta he?

12 Micunksi kihdape; wamankanka hinca, heon tuwedan mayuze kte sni ye. Nakun, Wowacinye mayukan qa hanyetu kin de wicašta wan mayuze kta, qa hoksidan waton kta ye, epa esta,

13 Heon ayapepi kta, tanka ica-gapi kta, hehanyan, wicašta niyuzapi kte sni e onanitikapi tawaten yayapi kta he? Hiya micunksi, niyepi isanpa tehiya ecamiconpi, Jehowa nape kin amapa ye nakaś.

RUTE TAWOWAPI,

14 Hehan hoyeyapi qa ake ceyapi, qa Orpa kunku i kin itputaka; tuka Rute en ikoyag içiya.

15 Unkan Nayomi Rute heciya, Inyun nitanka oyate tawa, qa taku iye wakan da kin ekta kihda ye. Nitanka okipa kihda ye.

16 Tuka Rute heya, Ihnuhan mayakişica ye, on aciyuştan, qa nihakapa tanhan wahde kte cin. Awicakehan toki de cin heciya miş mde kta ye, qa tukten nanke kte cin hen manke kta ye; oyate nitawa kin he oyate mitawa kte, qa taku wakan yada kin he miş wakan wada kta ye.

17 Tukten nişe cin hen mate kta qa hen mahnakapi kta ye. Wiconşe heceedan niye qa miye unyukinunkan kta ye; taku tokeca hecon kinhan Jehowa hecen qa isanpa ecamicon ye.

18 Unkan kici ye kta wakişag içiye cin he wanyake çehan heciye kta ayaştan.

19 Unkan BetLehem (Aguyapi Ti) ekta ipi kin hehanyan sakim manipi, qa Betlehem ekta hipi qehan otonwe kin ocowasin hena on yuşinyayapi, qa Nayomi dee, eyapi.

20 Unkan hewicakiya, Ihnuhan Nayomi (Iyomakipiwın) emayakiyapi kin, Mara (Iyokişica) hemakiyape, Iyotan waşake cin he nina iyokişin mayan ye.

21 Omajudan imdamda, unkan comakadan Jehowa hdicu mayan. Tokeca Nayomi emayakiyapi he? Jehowa amayatanin, qa Iyotan waşake cin iyokişin mayan ye.

22 Hecen Nayomi takoşku Rute Moabiwin kin kici hdi, he Moab makoce etanhan hiyu, qa barle tokaheya baksapi iyehantu, hehan Betlehem ekta hipi.

WICOWOYAKE 2.

1 Unkan wicaştá wan Nayomi takuya, hihnaku qon Elimelek tawicowazı etanhan, wicaştá waşaka waditaka, qa Boyaz eciyapi.

2 Unkan Rute Moabiwin kin Nayomi heciya, Ceciciye maga ekta mde kta ye, qa tuwe iştá kin en woiyokipi iyewaye cin he ihakam aguyapi su itka kin mnawaye kta ye. Unkan, Micunkşı ya ye, eciya.

3 Unkan iyaye ça ekta i, qa wa baksapi ihakam maga ohna wamnayan, hecen Boyaz Elimelek wicowazı etanhan tamaga en wamnayan.

4 Unkan inyun Boyaz Betlehem etanhan hiyu, qa Jehowa niyepi kici un nunwe, wabaksapi kin ewicakiya. Unkan Jehowa niyawaşte ye eciyapi.

5 Unkan Boyaz tahokşidan wabaksapi awanwicayake cin heciya, Wikoşka kin de tuwe tawa he?

6 Unkan hokşidan wabaksapi awanwicayake cin he ayupte ça heya, Moabi wikoşka kin dee. Moab makoce etanhan Nayomi kici hdi kin hee.

7 Qa heya, ceciciya waitka mnawaye kta iyowin makiyaye, kinhan wopalite ehna wamnawaye kta, baksapi kin ihakam, qa en hi, qa hecen şkan hanhanna ehan-tanhan dehantu, Tipi kin de ohna iyotanka aşkatudan.

8 Unkan Boyaz Rute heciya, Micunkşı namañon wo. Ihnuhan wamnaye kta e maga tokeca ekta de cin; qa nakun detanhan iyaye şni wo; tuka den wiciyan-na mitawa wicikiyedán un wo.

9 Qa maga baksapi kin he atonwan, qa wicinyanpidan owicapa wo. Hokşipidan niyutanpi kte şni

WICOWOYAKE 3.

wicawaši ce, qa inipuza eca cega tawapi kin ekta de kta, qa hokšipidan taku huweyapi kin hetanhan datke kta.

10 Unkan patuja, qa makipusdiya ełpe ičiya, qa heciya, Tokeca ništa en woiyokipi iyewaya he? qa oyate matokeca ešta en amayatonwan ye.

11 Unkan Boyaz ayupte a heciya, Nihihna e cin iyohakam taku nikun ecayecon kin, qa niyate, qa nihun, qa makoce en nitonpi kin ełpe wicayakiye cin tanyan omakiyakapi, qa oyate wan itokam sdonyaye šni kin ekta yahi ce.

12 Jehowa niohan kin nicicajuju kta, qa Jehowa Israel Wakandapi ĥupahu ihukuya inayape kta e yahi kin hetanhan iyuwin iyakicuya duhe kta.

13 Unkan Itancan ništa en woiyokipi iyewaya nunwe. Cantomayahnake a nitawicinyanna cante ekta iyae, tuka miye wicinypidan nitawa wanji iyemaceca šni ye.

14 Unkan wotapi iyehantu qehan Boyaz heciya, Deci ikiyedandan kuwa wo, qa aguyapi onšpa yuta, qa onšpa nitawa miniskuya kin en oputkan wo. Unkan wabaksapi kin icahda hiyotanka. Unkan ceonpapi kin onge kicu. Unkan wota qa wipi qa onge okapta.

15 Unkan wamnaye kta najin iyaye cehan, Boyaz tahokšipidan wahokon wicakiye a hewicakiya, Wopalhte ehna wamnaye kta, qa ihnuhan išteu yayapi kin.

16 Qa nakun mnaye kta e napohnaka kin etanhan ongege yušnopo, qa hena mnaye kta e ełpeyapo, qa iyopekiyapi šnipo.

17 Unkan ĥitayetu kin hehanyan maga ohna wamnayan, qa taku mnayan kapa barle epa wanji cetu.

18 Qa qin qa otonwe ekta hdo-hda. Unkan kunku taku mnaye cin wanyaka. Unkan wipi qon etanhan taku okapte cin kipazo.

19 Unkan kunku kin heciya Nakaha tukten wamna yaya he? qa tukten ĥtayani he? Tuwe en anitonwe cin yawaštepi nunwe. Unkan tuwe kici wakage cin kunku okiyake a, Wicašta kici nakaha wawakage cin Boyaz eciyapi ye, eya.

20 Unkan Nayomi takoška heciya, Jehowa he yawašte nunwe ye. He tocantkiye nipi kin qa api kin unmannan ektakiya ahduštan šni. Nakun Nayomi heciya, Wicašta kin he taku unyanpi, qa ope unkitonpi heca wanji ee ye.

21 Unkan Rute Moabiwin kin heya, Nakun hemakiya ye, Hokšipidan wicamduha taku mitawa owasin yušanpi šni hehanyan wicikiyedandan un wo.

22 Unkan Micunkši tawikoška om idade a maga tokeca en anicipapi šni hee wašte ye, Nayomi iye takoška eciya.

23 Unkan barle baksapi, qa aguyapi su baksapi kin yušanpi šni kin hehanyan Boyaz tawikoška opeya un, qa hehan kunku kici kiyotanka.

WICOWOYAKE 3.

1 Unkan kunku Nayomi heciya, Micunkši iyozi acicite kte šni he? Niye on he wašte kta ye.

2 Qa Boyaz wiciyanna wicayuhe cin om, yaun qon he awicakehan taku unyanpi, qa ito hanyetu kin de wakapanpi kin ohna barle kaduga ye.

3 Heon ihdujaja, qa sdaiciyaye, qa wokoyake *waste* kiun ye, qa wakapanpi ekta apamahde ya ye, wotapi qa wayatkanpi kin hduštanpi šni kin hehanyan ihnu-

RUTE TAWOWAPI,

han wicašta kin en nihdutanin kin.

4 Unkan iwanke cinhan, tukten wanekete cin oyanke kin tanyan wanyaka ye, qa ekta de kta, qa siha kin duzamni kta, qa ekta inonke kta. Unkan iye taku ecanon kte cin oniciyake kta ye.

5 Unkan heciya, Taku emayakiye cin owasin ecamon kta ye.

6 Unkan apamahde iyaya wa kapanpi ekta, qa token kunku econsi kin owasin ecen econ.

7 Unkan Boyaz wota qa wayatkan, qa cante wašte qehan barle hu paha ihanke kin ekta iwanka. Unkan winyan kin nahmana ekta i, qa siha kin yuzamni, qa ekta wanka.

8 Unkan hanye cokaya qehan wicašta kin yušinyaye ça ihduptanyan qa inyun siha kin yanke cin ekta winohinca wan yanaka.

9 Qa, Ni tuwe he? eya, Unkan Rute wicinyanna nitawa kin he miye ye, qa wopekiron he niye, heon wicinyanna nitawa nihupahu amakalipa ye, eya.

10 Unkan heya, Micunksi Jehowa on niyawaštepi, Wocante duza ehake kin de tokaheya kin kapa, qa koska walpanica qa wijica unmanna oyape šni.

11 Qa micunksi wanna ihnuhan wikoyape cin. Taku emayakiye cin owasin ecacicon kta; otonwe mitawa oyate owasin winohinca ksapa henica sdonyapi nakaš.

12 Qa wanna wicayaka, wopekiron wan hemaca, tuka wopekiron wan miye isanpa ikiyedanyukan.

13 Hanyetu kin de den wanka wo; qa hanhanna iye openiciron kinhan wašte kta, openiciron kta. Tuka openiciron kte tawaŋen ye šni kinhan, miye ope ciciron kta,

Jehowa ni kinhan. Hanhanna kte cin hehanyan wanka wo.

14 Unkan ihanhanna hehanyan siha kin yakonpi ekta wanka. Unkan, Ihnuhan winohinca wan kapanpi owanka en hi kin sdon-yapi kte cin, eya, heon wicašta wan takodaku iyekiye kta okihi itokam winyan kin kika.

15 Unkan heya, Šina hinmi kin hduza wo. Unkan hduza. Unkan barle iyutapi šakpe ikiciyuta, qa winyan qon akan ehna, qa otonwe ekta kihda.

16 Unkan winyan kin kunku ekta ki. Unkan Nituwe he ye micunksi? eya. Unkan wicašta qon taku ecacicon owasin okiciyaka.

17 Nakun heya, Barle šakpe kin dena maqu, qa heya, Ihnuhan nikun ekta cokadan yaki ce.

18 Unkan, Micunksi iyotanka ye, toketu kte cin sdon yaye kte cin hehanyan. Wicašta kin he nakaha taku owasin hdušan kte cin hehanyan owanjin yanke kte šni ye, eya.

WICOWOYAKE 4.

1 Unkan Boyaz otonwe tiyopa ekta i qa hen iyotanka; unkan wopekiron kin Boyaz ke ciron ahiyaya. Unkan he caje yate ça heciya, Iho ihduhomni qa den iyotanka wo. Unkan ihduhomni, qa hiyotanka.

2 Unkan otonwe hunkayapi etanhan Boyaz wicašta wikcemna iwicacu, qa den iyotankapo, ewicakiya; unkan iyotankapi.

3 Qa wopekiron qon heciya, Nayomi Moab makoce etanhan hdi kin he maga onšpa Elimelek hunkawanji unyanpi tawa qon wiyoepikiye kta cin.

4 Qa miye he nahon ciye kta, qa den iyotankapi itokam, qa

WICOWOYAKE 4.

oyate mitawa hunkayapi itokam opeton wo, epe kta, epca. Opeyakiton kta yacin kinhan opekition wo. Qa opeyakiton kte šni kinhan omakiyaka wo, hecen sdonwaye kta. Wopekition kta niš nana, qa nihakam he miye. Unkan, Miye opewakiton kta, eya.

5 Unkan Boyaz heya, Tohan Nayomi nape etanhan maga opeyakiton kinhan, nakun Rute Moabiwin, ʔe cin tawicu kin etanhan opeyakiton kta, hecen ʔe cin caje kin maga tawaye cin akan eyahde kta.

6 Unkan wopekition kin heya, Miye opewakiton owakihi šni. Hecamon kinhan taku tawa waye cin mdušice kta, Niye on opekition wo, he opekition mašipi, tuka, miye opewakiton kta owakihi šni, nakaš.

7 Unkan ehanna Israel ohna wopekitionpi, qa wiyopeyapi en decen econpi, hecen taku owasin yusutapi, wicašta kin hanpa hdušdoka, qa takodaku qu, qa Israel ohna wayaatanin kin hee.

8 Heon wopekition kin Boyaz heciya, Niye on opekition wo, qa hanpa kin hdušdoka.

9 Unkan Boyaz hunkayapi, qa oyate kin owasin hewicakiya, Taku Elimelek tawa owasin, qa taku Kileon tawa, qa Mašlon tawa owasin, nakaha Nayomi nape etanhan opewaton wayaatanin he niyepi.

10 Qa nakun Rute Moabiwin kin mduze kta e opewaton; Mašlon tawicu qon, ʔe cin tamaga akan caje kin ewahde kta heon etanhan; hecen ʔe cin caje kin hunkawanji wicaye cin etanhan, qa otonwe tawa tiyopa etanhan yušpapi kte šni, nakaha wayaataninpi he niyepi.

11 Unkan oyate otonwe tiyopa
Dak.

ohna yakonpi kin owasin heyapi, Wayaatanin heuncapi, Jehowa winohinca yati en hi kin Rašel qa Leha iyececa kte ionšinicida kte; hena napin Israel tiyohnaka kagapi. Niye Eprata ohna wuwijice kaga wo, qa Betlehem ohna caje niyatapi nunwe ye.

12 Qa yati kin Parez Tamar Juda kiciton ti kin iyececa kte, nicinca Jehowa wikoška kin de etanhan niču kte cin etanhan ye.

13 Unkan Boyaz Rute yuza, hecen tawicu kin hee, qa ekta i, unkan ihdušake kta e Jehowa okihi ya, heon cinca wica, wan ton.

14 Unkan winohinca Nayomi heciyapi, Jehowa yawaštepi nunwe; he nakaha wopekition codan aniciyušan šni, qa he Israel ohna nina caje yatapi kta ye.

15 Qa nagi ekicetu niciye kta, qa pa niska hehan woniču kta, nitakoš cante niciye cin he cinca šakowin isanpa niye ekta wašte ye, he ton nakaš.

16 Unkan Nayomi hokšidan kin icu, qa maku ohnaka, qa kičin ece.

17 Unkan winohinca hen tipi kin caje wan qupi, qa heyapi, Nayomi cinca wan kicitonpi, qa Obed (Ookiye) eya caje yatapi, He Jesse atkuku Dawid atkuku, kin hee.

18 Unkan Parez wicoicage kin dena eepi; Parez Ĥezron cinca kaga.

19 Unkan Ĥezron Ram cinca kaga, qa Ram Aminadab cinca kaga.

20 Qa Aminadab Našon cinca kaga, qa Našon Salmon cinca kaga.

21 Qa Salmon Boyaz cinca kaga, qa Boyaz Obed cinca kaga.

22 Qa Obed Jesse cinca kaga, qa Jesse Dawid cinca kaga.

SAMUEL TOKAHEYA.

WICOWOYAKE 1.

1 Unkan wicašta wan Ramatim Tzopim etanhan, Epraim he kin etanhan, Elqana eciyapi, Jeroham cinhintku, Elihu cinhintku, Tohu cinhintku, Tzup cinhintku Eprati heca.

2 Qa tawicu nonpa, tokaheya kin Hanna eciyapi, qa inonpa kin Peninna eciyapi, qa Peninna cinca yuha, tuka Hanna cinca nica.

3 Unkan wicašta kin he omaka iyohi Jehowa obe yuhe cin cekiye kta, qa wakiyuśna kta e totonwe etanhan Šilo ekta i; unkan Eli cinhintku nonpa kin Hopni qa Pinehas hen Jehowa wawakiyuśnapi.

4 Unkan Elqana wayuśna eca, anpetu kin he en tawicu Peninna, qa iye cinca wica winyan koya owasin, wopamni wicaqu ece.

5 Tuqa Hanna wopamni nonpa qu ece, Hanna wašte kida nakaś; tuka Jehowa he tamni kin nataka.

6 Unkan teyaku kin he yaśinhda, qa nina cante okiçuninya, Jehowa he tamni kin natake cin heon etanhan.

7 Unkan omaka iyohi hecen econ ece, Jehowa ti kin ekta itanwankanhde ya eca yaśinhda ece; unkan ceya, qa wote śni.

8 Unkan hihnaku Elqana heciya, Hanna tokeca yaceya he? qa tokeca wayate śni, qa tokeca cante niśica he? Niye on miye cinca wikcemna isanpa mawašte śni he?

I. Samuel.

9 Unkan Šilo ohna wotapi, qa wayatkanpi ohakam, Hanna najin. Unkan Eli wawayuśna kin Jehowa ti kin ipatan wan icahda oiyotanke wan akan iyotankahan wanka.

10 Unkan winyan naği kin iyo-kiśica, Jehowa cekiye ça nina ceya.

11 Qa wokonze wan içiconze ça heya, Jehowa obe yuhe cin nitawicinyanna toiyokiśice cin ayatonwe cinhan, qa miyeksuye ça nitawicinyanna ayektunje śni, qa nitawicinyanna cinca wica wan yaqu kinhan: he Jehowa waqu kta ye, tohanyan ni kin anpetu owasin, qa iyuśda tohin- ni pa akan ye kte śni ye.

12 Unkan Jehowa itokam tehan cekiya yanke çehan, Eli he iha kin wanyag yanka.

13 Unkan Hanna cante mahen ia, iha kin hecedan škanškan, tuka ho kin enapeye śni; heon witko, Eli hecin.

14 Unkan Eli winyan kin heciya, Tohanyan winitko kta he? Iho, miniśa kin hdutokan iyeya wo.

15 Unkan Hanna ayupte ça heya, Hiya itancan, winohinca woniya iyokiśica hemaca ye; qa miniśa qa mini wakan unmanna mdatke śni ye; tuka Jehowa itokam naği watpapon ye.

16 Wicinyanna nitawa wicašta- pi śni cunwintku heca kecin śni ye. Nina iyomakiśica, qa tehiya waun heon dehanyan iwaa ye.

17 Unkan Eli ayupte ça heya, Zaniyan hda wo; hecen Israel

SAMUEL TOKAHEYA,

taku Wakandapi kin taku cekiya yakida kin ecetu niciye kta.

18 Unkan heya, Wicinyanna nitawa iyonicipi ye. Hehan winohinca kin najin hiyaye ça wota, qa ite kin icimana ecece šni.

19 Unkan hanhanna hin kiktapi, qa Jehowa itokam cekiyapi, qa kibdapi, qa Rama ekta kipi. Unkan Elqana tawicu Hanna sdotkiya. Unkan Jehowa winyan kin kiksuya.

20 Unkan omaka iyehantu qehan, Hanna ihdušake ça cinca wica wan ton, qa Samuel eya caškiton, Jehowa etanhan wakida, eya nakaš.

21 Unkan Elqana wicašta kin, qa tiyohnaka tawa owasin omaka wošnapi kin, qa taku konze cin Jehowa wakiyušna kta e itanwankanhde i.

22 Tuka Hanna ekta iyaye šni, qa hihnaku heciya, Hoksídan kin azin ehpekiya hehan ekta amde kta, qa Jehowa itokam ihdutanin kta, qa ohinniyan hen yanke kta.

23 Unkan hihnaku Elqana heciya, Token niišta kin en wašte kin iyecen econ wo. Azin ayaštan yakiye cin hehanyan owanji yanka wo.

24 Unkan azin ayaštan kiye qehan, hduha ekta i, nakun tatan-kadan yamni, qa aguyapi mdu epa wanjidan, qa miniša apahte wan, qa Šilo Jehowa ti kin ekta kahi: unkan hoksídan kin aškaturan.

25 Unkan tatankadan wan patapi, qa hoksídan kin Eli ekta kahipi.

26 Unkan heya, Itancan ceciciya ye, ninagi ni kinhan itancan winohinca den nici najin, qa Jehowa cekiya yanka he miye ye.

27 Hoksídan kin de Jehowa

cekiya wakida, unkan taku cekiya wakida kin ecetu makiya ye.

28 Heon Jehowa he owaqu ye; tohanyan ni kin hehanyan Jehowa oqupi kta ye, *eya*. Unkan hen Jehowa cekiyapi.

WICOWOYAKE 2.

1 Unkan Hanna cekiye ça heya. Micante kin Jehowa en iyuškin ye, mahe kin Jehowa on wankan iyaya; toka mayanpi ekta i mayukawapi; ni mayakiye cin on imduškin ye.

2 Jehowa iyecen tuwedan wakan šni ye; niš nana heniceca nakaš, qa Taku wakan undapi kin iyecen wowinape wanica.

3 Ihnuhan waħaničidaya wicoie yahduotapi kin. Jehowa taku wakan wasdonya, qa wicacante-oze kin tkeuta ye; heon ihnuhan taku wištenya niipi etanhan inanpe cinhan.

4 Wicašta wašaka tinazipepi kin yuwegapi; tuka hanyanpi kin heña wowašake ipiyag kitonpi.

5 Tona wipipi qon wanna agu-yapi on wowidake içicupi; qa wicaakiħanpi qon wanna oziičiyapi.

Winyan cinca ton šni qon cinca šakowin ton, qa winyan cinca ota ton kin wanna šiħtin ye.

6 Jehowa te wicaya, qa ni wicakiya. Hades ekta ye wicaya, qa hetanhan hdicu wicakiya ye.

7 Jehowa wicayuwahpanica, qa wijica wicakağa.

Wicayuhukuya, qa wicayuwankantuya ye.

8 Onšika kin upšija etanhan eyaku, wahpanica kin tacesdi paha etanhan yuwankan icu. Wicašta tokapapi om iyotang

WICOWOYAKE 2.

wicakiye kta; qa wowitan oiyo-
tanke kin tawa wicakiye kta.
Maka ipatan kin hena Jehowa
tawa, qa hena akan woicaḡe kin
ahekiya ye.

9 Wacantkiyapi tawa sihapi
kin awanwicakiciyake kta.

Tuka wicašta śica otpaza ohna
inina unpi kta.

Wicašta towaśake on tuwedan
wawokihi kte śni ye.

10 Jehowa kipajinpi kin hena
yuśinyeyapi kta;

Hena iwankam maḡpiya ohna
wakinyan hoton kiye kta.

Jehowa maka ihanke kin wica-
yaco kta.

Wicašta yatapi tawa kin wo-
waśake qu kta ye;

Qa tuwe sdakiye cin he yu-
wankantu ye kta ye.

11 Unkan Elqana kihda, Rama
ekta; tuka hokśidan kin Jehowa
ókiya yanka; Eli wawayuśna
kin itokam.

12 Unkan Eli cinca kin wica-
štapi śni, Jehowa sdonyapi śni.

13 Unkan oyate kin en wawa-
yuśna tawoyaco kin kaketu, tu-
we kašta woteca wan wayuśna
kinhan tado kin śpanyanpi icun-
han, wawayuśna tahokśidan kin
ekta i, qa mazicape hiyamni nape
ohna yuha.

14 Qa cega en, qaiś wakśica en,
qaiś taku kašta ohna śpanyanpi
en capa, qa taku mazicape kin
yuwankan icu kin owasin wawa-
yuśna kin iye on icu; Israel
heciya Śilo ekta ipi kin hena
owasin hecen ecawicakiconpi.

15 Nakun waśin kin nahanḡin
zinyapi śni wawayuśna tahokśi-
dan kin ekta i, qa wicašta wayu-
śna kin heciya, Tado ceonpe
kta e wawayuśna qu wo. Tado
śpan niye etanhan icu kte śni tuka
saka.

16 Unkan, Tokaheya waśin kin

zinyapi kta, ohinniyan econpi
kta iyececa, qa hehan taku nina-
ḡi cin kin owasin icu wo, wica-
šta wayuśna eye cinhan, Hiya,
wanna maqu wo; hecanon śni
kinhan iyaliḡaya iwacu kta, eya.

17 Hecen kośka qon Jehowa
itokam walitanipi; heon Jehowa
taminḡa kin wicašta walitedapi
śni.

18 Unkan Samuel Jehowa ito-
kam waokiya; hokśidan kin mi-
niḡuha amdo akalipe wan ipiyag
kiton.

19 Unkan hunku kin śina cistin-
na wan kicaḡe ça omaka iyohi
kahi; hihnaku omaka wośnapi
wakiyuśna kta e kici hi eca.

20 Unkan Eli Elqana, qa tawi-
cu wicayawašte, qa heya, Jeho-
wa winoḡinca kin de etanhan
cinca niḡu kta, de Jehowa oqu
kin heekiya; unkan ekta hdapi.

21 Unkan Jehowa Hanna ekta
i; hecen ihduśake ça cinca wica-
yamni, qa winyan nonpa wica-
ton. Unkan hokśidan Samuel
Jehowa itokam tanka icaga.

22 Unkan Eli nina wicalinca,
qa cinhintku Israel owasin token
ecawicakiconpi kin he naḡon,
qa token winoḡinca itkokipapi
wakeya tiyopa kin ekta hipi kin
hena om wankapi kin nakun.

23 Qa hewicakiya, Tokeca wi-
colan dena ecanonpi he? Oya-
te kin de owasin etanhan nio-
ḡanpi śica onawaḡon ece.

24 Hiya micinkśi taku oyakapi
nawaḡon kin he wašte śni. Je-
howa taoyate kin śicaya econwi-
cayakiyapi ece.

25 Wicašta wan wicašta tokeca
awaḡtani kinhan, Taku wakan
yuecetu kta; tuka wicašta wan
Jehowa awaḡtani kinhan tuwe
iciye kta he? Unkan atkukupi
ho kin anakigoptanpi śni; Jeho-
wa ṡe wicaye kta iyokipi nakaś.

SAMUEL TOKAHEYA,

26 Unkan hoksidan kin Samuel icağa, qa tanka qa wašte Jehowa itokam, qa nakun wicašta wicitokam.

27 Unkan Wakantanka tawicašta wan Eli ekta i qa heciya, Jehowa hecen eya; Niyate tiyohnaka kin en mihdutanin, Egupta ohna, Paro ti kin ekta yakonpi qehan.

28 Qa he wakañiga, Israel wicoun owasin etanhan, wamakiyuşna kta, wahna woşnapi mitawa akan wahuhnahe kta, wizite izinye kta, qa mitokam amdo akahpe yuha kta; qa niyate tiyohnaka kin Israel cinca peta woşnapi kin owasin wicawaqu.

29 Tokeca woşnapi, qa minha tipi wakan ohna wamiciyuşna wicawaşi kin hena nayahtakapi he? qa niye nicinca kin miye isanpa wicadutan, qa oyate mitawa Israel minha makahipi kin owasin etanhan taku iyotan wašte kin on cemniciyapi he?

30 Heon Jehowa Israel Wakan dapi kin hecen eya, Tiyohnaka nitawa, qa niyate tiyohnaka tawa kin owihanke wanin mitokam manipi kta, epapa; tuka he ecetu waye kte şni; tuwe mayutan kin he mdutan kta, qa tuwe ihamakta şni kinhan ihaktapi kte şni, Jehowa nakaha eya.

31 Inyun tokata anpetu kin en niisto, qa niyate tiyohnaka istopi kin wakaşpe kta, hecen yati ohna wicañinca wanice kta.

32 Qa taku wašte owasin Israel iyowicahi kin en, tipi wakan ohna toka wan wandake kta, qa icimana wicañinca wan yati kin ohna yuke kte şni.

33 Qa wicašta nitawa kin tona wahna woşnapi mitawa etanhan wicawakaşpe şni kin hena on ništa kin niciyazan kta, qa naği

şihthin niciyapi kta, qa yati oicage kin owasin nahanhin kanpi şni tapi kta.

34 Unkan wowapetokeca kin de duhe kta, taku nicinca napin awicakipe kta, Hopni qa Pinehas napin anpetu wanjidan en tapi kta.

35 Unkan wawayuşna wacinyepica wan icañmiçiye kta, iye token micante, qa minagi iyokipi kin econ kta, qa tipi wacinyepica wecage kta, qa tuwe sda-wakiye cin itokam ohinniyan mani kta.

36 Unkan tona yati etanhan okaptapi kin he en ipi kta, qa mazaska kaşpapidan on, qa aguyapi hmiyanyanna on ekta patujapi kta, qa Wawayuşna wohtani wan ecamon kta e amakaştan ye, hecen aguyapi onşpadan wate kta ce, eye kta.

WICOWOYAKE 3.

1 Unkan hoksidan kin Samuel Eli itokam Jehowa okiya. Unkan anpetu kin hena en Jehowa oie kin telika, wowanyake taninyan un wanica.

2 Unkan he ehan Eli išta mdeze şni, hecen wawanyaka okihi şni, qa oyanke tawa ohna makata iwanka.

3 Unkan tipi wakan Jehowa tawa, Wakantanka can wohnaka tawa ohna yanke cin, he ohna Samuel makata wanka, qa taku wakan tapetijanjan nahanhin ideya yanka.

4 Unkan Jehowa Samuel kipan; unkan, He miye ce, eya,

5 Qa Eli ekta inyanke ça heya, De miye mayakipan nakaş. Unkan wapən şni; ekta hda kiwan-ka wo. Unkan hda iwanka.

6 Unkan Jehowa ake Samuel kipan. Unkan Samuel najin, qa

WICOWOYAKE 4.

Eli ekta i, qa heya, Mayakipan heon de miye ce. Unkan wapan šni micinkši, hda kiwanka wo, eya.

7 Unkan Samuel nahanhin Jehowa sdonye šni, qa en Jehowa oie kin nahanhin ihduťanin šni.

8 Unkan ake iyamni Jehowa Samuel kipan. Unkan najin qa Eli ekta i qa heya, Mayakipan, heon de miye ce. Unkan hokšidan kipan kin he Jehowa ee Eli iyukcan.

9 Qa Eli Samuel heciya; Hda kiwanka wo, qa ake nicipan kinhan, Jehowa ia ye, nitaokiye nahon yanka ce, ehe kta. Unkan Samuel hda qa toyanke en wanka.

10 Unkan Jehowa ake en hi qa najin, qa hecon qon iyecen Samuel, Samuel kipan. Unkan Samuel heya, Ia ye, nitaokiye wanahon yanka ce.

11 Unkan Jehowa Samuel heciya, Inyun Israel ohna taku wanji ecamon kta, qa tuwe kašta he nahon kinhan nođe napin sna-sna kta.

12 Anpetu kin he en, taku Eli tiyohnaka on epe cion otokahe qa ehake kin owasin Eli ecawecon kta.

13 Iye tiyohnaka kin taku šica econpi kin sdonya, heon owihanke wanin wicamdaco kta, ewakiya, cinhintku wahte šni ičicađapi, qa iye wicakišice šni nakaš.

14 Qa heon Eli tiyohnaka kin on wakonze ąa hepa, Eli tiyohnaka kin wahtanipi kin wošnapin on qa minha on tohinni waka-juju kte šni.

15 Unkan Samuel ihanhanna kin hehanyan makata wanka, qa hehan Jehowa ti tiyopa kin yuhdoka, qa Samuel wowanyake kin Eli okiyake kte cin kokipa.

16 Unkan Eli Samuel kipan, qa Micinkši Samuel, eya. Unkan De miye ce, eya.

17 Unkan, Wicoie eniciye cin he taku? Ihnuhan miye etanhan he nayahbe cin; wicoie eniciye cin owasin miye etanhan wicoie wanjidan nayahbe cinhan, taku wakan hecen ecanicon kta qa nakun isanpa.

18 Unkan Samuel wicoie kin owasin okiyaka, qa takudan anahbe šni, iye etanhan. Unkan, Jehowa hee; taku iye išta kin en wašte kin hee econ kte, eya.

19 Unkan Samuel tanka aya, qa Jehowa kici un, qa oie eye cin wanjidan makata ehpe kiye šni.

20 Unkan Israel owasin Dan etanhan Beršeba ekta hehanyan, Samuel awicakehan Jehowa ta-waayate heca e sdonyapi.

21 Qa ake Jehowa Šilo ohna ihdutanin, Šilo ohna Jehowa Samuel en ihdutanin, Jehowa oie on nakaš.

WICOWOYAKE 4.

1 Unkan Samuel oie kin Israel owasin ekta i. Unkan Israel Pilistim itkowicakipe kta wokicize ekta inanpa, qa Eben-ezer (Inyan waokiye kin) ekta etipi; unkan Pilistim Apeq en wankapi.

2 Qa Pilistim Israel itkowicakipapi kta e ocimdađ najinpi, qa kicizapi qehan Israel napapi, Pilistim itokapa tanhan. Unkan wokicize en tinta ohna wicašta kektopawinge topa cetu wica-ktepi.

3 Unkan oyate kin owanka en hdipi qehan, Israel hunkayapi kin heyapi. Tokeca Jehowa Pilistim itokam nakaha unkašta-kapi he? Jehowa otakuye can

SAMUEL TOKAHEYA,

wohnaka kin Šilo etanhan unki-cupi kta, qa unkiyepi cokaya iyaye kta, qa Pilistim napepi etanhan ni unkiyapi kta.

4 Unkan oyate kin Šilo ekta wicašta yewicašipi, qa Jehowa obe yuha, Kerubim en ounye cin otakuye canwohnaka tawa kin hetanhan yuwankan icupi. Unkan Eli cinhintku napin Hopni qa Pinehas Wakantanka otakuye can wohnaka kici hen unpi.

5 Unkan Jehowa otakuye can wohnaka kin owankapi en hi qehan, oyate kin owasin iyašapi tanka on iyašapi; hecen maka kin snasna.

6 Unkan Pilistim kin iyašapi ho kin nañonpi, qa heyapi, Heberi owankapi ohna iyašapi tanka ho kin de taku hwo? qa Jehowa can wohnaka kin Israel owankapi en hi kin nañonpi.

7 Qa Taku wakan owankapi en hi eyapi qehan, Pilistim kokipapi, qa heyapi, Hehehe de itokam tohini hececa šni.

8 Hehehe tehiya unyakonpi kta. Taku wakan wašaka kin dena etanhan tuwe eunyakupi kta he? Egupton wokaštake owasin on hewoskan wicakaštakapi taku wakan kin dena eepi.

9 Pilistim wakišag iciyapi, qa wicašta ihdutaninpo. Okini Heberi kin wowidag niyanpi kta, niyepi wowidag wicayayapi kin iyecen, heon wicašta ihdutaninpo, qa wakizapo.

10 Unkan Pilistim wakizapi, qa Israel kaštakapi. Unkan Israel napapi wicašta iyohi ti kin ekta; qa nina wicakaštakapi hecen Israel wicašta huiyun kektopawinge wikcemna yamni hinłpayapi.

11 Unkan Wakantanka can wohnaka tawa kin icupi, qa, Eli cinhintku Hopni qa Pinehas napin wicaktepi.

12 Unkan Benjamin wicašta wan wokicize etanhan inyanke a anpetu kin he en Šilo en hi, taheyake hdehdecahan, qa pa kin maka akadapi.

13 Unkan hdi qehan, Eli canku kin icahda, oiyotanke wan akan iyotanka yanka; qa Wakantanka can wohnaka tawa kin on cante kin cancan, heon waktaya un. Unkan wicašta qon oyake kta en hi qehan, otonwe ocowasin ceyapi.

14 Unkan Eli ceyapi ho kin nañon qa heya, Wicota hotonpi kin de taku hwo? Unkan wicašta qon inañini, qa Eli en hi, qa okiyaka.

15 Wanna Eli tonpi ehantanhan waniyetu wikcemna napcinwanka sanpa šahdoğan, qa išta kin mdeze šni, wawanyaka okihi šni.

16 Unkan wicašta qon Eli heciya, Wokicize etanhan u kin he miye, qa miye nakaha wokicize etanhan nawajica. Unkan, Mincinkši wicoie kin toketu he? eya.

17 Unkan wotanin ahi kin ayupte a heya, Israel Pilistim itokam napapi, qa oyate kin wicotahin api, qa nakun nicinkši Hopni qa Pinehas napin api, qa Wakantanka canwohnaka tawa kin icupi.

18 Unkan Wakantanka canwohnaka tawa kiksuye kiye ehan, itunkam ihpaya, oiyotanke etanhan, otonwe tiyopa kin icahda, qa tahu kin nawee a e. He wicahinca nakaš qa tke; qa Israel waniyetu wikcemna topa wicayaco.

19 Unkan takošku Pinehas tawicu kin ihdušake cinca ton kta iyehantu; qa Wakantanka canwohnaka tawa kin icupi, qa tunkanku, qa hihnaku kin api, wo-

WICOWOYAKE 5.

tanin nañon qehan patuja, qa cinca ton, hoksiksuya yazan hda nakaś.

20 Unkan te kte çehan ihdu-kśan najinpi kin heciyapi, Wakokipe śni ye; hokśidan wan yaton heon etanhan. Unkan waayupte śni, qa cante kin ekta ye-kiye śni.

21 Tuka hokśiyoqopa kin, Ika-bod (Wowitan toki un he) caśkiton, Wowitan Israel etanhan tokan iyaya ce eya; Wakan-tanka canwohnaka tawa icupi he on, qa tunkanku qa hihnaku on.

22 Qa Wakantanka canwohnaka tawa kin icupi kin, heon Israel etanhan wowitan kin toki iyaya ye, eya.

WICOWOYAKE 5.

1 Unkan Pilistim Wakantanka canwohnaka tawa kin icupi, qa Ebenezer etanhan Aśdod ekta ayapi.

2 Qa Pilistim Wakantanka ta-canwohnaka kin icupi qehan, Dagon ti kin en kaipi, qa Dagon icahda ehdepi.

3 Unkan Aśdodi ihanñannahin kiktapi qehan, inyun Dagon makipusdiya ihpaya, Jehowa canwohnaka tawa kin itokam. Unkan Dagon yuwankan icupi, qa ake yanke ciqon en ehdepi.

4 Unkan ihanñanna hanñannahin kiktapi qehan, inyun Dagon makipusdiya ihpaya, Jehowa canwohnaka tawa itokam, qa Dagon pa kin, qa nape kin napin naksat iyopa oahehde akan, qa Dagon huha codan okapta.

5 Heon Dagon wawayuśnapi kin, qa tona Dagon ti kin en yapi owasin, anpetu kin dehanyan Aśdod ohna Dagon tiyopa oahde kin amanipi śni.

6 Unkan Jehowa nape kin Aśdodi akan tke, qa ihang wicaya, qa Aśdod qa makoce kin ohna onzepo on wicakaśtaka.

7 Unkan Aśdod wicaśta kin he hecetu iwanhdakapi qehan heyapi, Israel taku wakandapi kin can wohna tawa kin unkiyepi om yanke kte śni; iyc nape kin tehika, unkiyepi akan, qa Dagon wakanundapi kin akan nakaś.

8 Unkan tuwe ye śipi, qa Pilistim itancanpi kin owasin iyepi en mniciye wicayapi, qa heyapi, Israel taku wakandapi canwohnaka tawa kin ou token econkupi kta he? Unkan, Israel taku wakandapi canwohnaka kin Gat ekta ayapi kta, eyapi. Unkan Israel taku wakan dapi canwohnaka kin Gat ekta ayapi.

9 Unkan heciya ayapi ohakam, Jehowa nape kin otonwe akan yanka, woyuśinye nina tanka on, qa otonwe wicaśta kin cistinna tanka koya awicapa, qa onzepo awicahinanpa.

10 Unkan Wakantanka canwohnaka tawa kin Eqron ekta ayapi. Unkan Eqroni kin heyaniyanpi, Israel taku wakandapi ta-canwohnaka kin miye en makahipi, he miye makte kta, qa mitaoyate kin nakun.

11 Qa tuwe ye śipi, qa Pilistim itancanpi kin owasin witaya hiyu wicayapi, qa heyapi, Israel taku wakandapi canwohnaka tawa kin oyanke tawa ekta kihde yapo, hecen miye te maye kte śni, qa oyate mitawa te wicaye kte śni. Taku wakan nape kin hen tehika, qa otonwe owasin akan wiconte woyuśinyan nakaś.

12 Unkan wicaśta tona tapi śni onzepo ececapi; heon śicahowayapi kin malipiya ektakiya iyaya.

SAMUEL TOKAHEYA,

WICOWOYAKE 6.

1 Unkan Jehowa canwohnaka tawa kin Pilistim tamakocepi ohna wi šakowin yanka.

2 Unkan Pilistim kin wawayu-šnapi kin, qa wapiyesapi kin wicakicopi qa heyapi, Canwohnaka Jehowa tawa kin taku ecaunkiconpi kta he? Token kihde unyanpi kta sdonye unkiyapo.

3 Unkan heyapi, Israel taku wakan dapi canwohnaka tawa kihde yayapi kte cinhan, cokadan kihde yayapi kte šni; tuka hdajuju wošnapi wan kici kihde yayapi kta: hecen anisnipi kta, qaiš tokeca niyepi etanhan nape kin ehdaku šni sdonye niciyapi kta.

4 Unkan, Hdajuju wošnapi unqupi kte cin he taku? eyapi. Unkan heyapi, Pilistim wicašta yatapi iyenaka mazaskazi onzepo seca zaptan, qa mazaskazi hitunkadan zaptan, makošice kin okonwanjidan niyepi akan, qa wicašta yatapi nitawapi akan yanka nakaš.

5 Heon onzepo ouncege, qa hitunkadan makoce nitawa ihangyapi kin ouncege kin yakagapi kta, qa Israel taku wakandapi kin wowitan yaqupi kta; hecen okini nape kin niyepi akan yanka, qa taku wakan yadapi akan, qa nitamakocepi kin akan un kin, he hdukapojedan kta.

6 Qa tokeca cante kin tins ničiyapi? Egupton qa Paro cantepi kin tins ičiyapi kin iyecen, yušinye wicaye cin ohakam kihde wicaye šni, unkan iyayapi šni he?

7 Heon wanna canpahmihma teca kağapo, qa pte cinca yukan nonpa, canwanapin tohini napin wicakiyapi šni icupo, qa pte kin canpahmihma kin ekta iko-

yag wicayayapi kta, qa cincapi kin ti mahen wicayahdohdipi kta.

8 Qa canwohnaka Jehowa tawa kin iyacupi, qa canpahmihma kin akan eyahnakapi kta, qa maza-skazi kağapi kin on yahdajujupi kin hena wojuha wan ohua eyahnakapi kta, canwohnaka kin ica-hda, qa kihde yayapi kta, hecen iyaye kta.

9 Qa ekta eyatonwanpi kta makoce tawa canku kin ohna Betšemeš (Anpetuwi ti kin) ohna iyaye cinhan, iye taku šica tanka kin de ecaunkiconpi, tuka kihde šni kinhan nape unkaštakapi kin he tawa šni, tuka de wanun unkakipapi.

10 Unkan wicašta qon hecen econpi, qa pte asanpi yukan nonpa icupi, qa cincapi kin tipi en onatakapi.

11 Qa Jehowa can wohnaka tawa kin canpahmihma kin akan ehnakapi, nakun wojuha kin, qa mazaskazi hitunkadan kin, onzepo ouncege kin.

12 Unkan pte kin Betšemeš canku kin ohna owotanna cankuyapi, canku tanka kin katinyan omanipi, hotonton manipi; qa etapa qaiš catka unnanna ekta-kiya yuwini manipi šni. Unkan Pilistim wicašta yatapi kin wicihakam yapi, Betšemeš makoce kin hehanyan.

13 Unkan Betšemeš wicašta kin osmaka ohna aguyapi su kin baksapi, qa ištapi kin yuwankan ikikcupi, qa canwohnaka kin wanyakapi qa wanyakapi on iyuškinpi.

14 Unkan canpahmihma kin Jošuwa Betšemeš wicašta tamağa en hi, qa hen owanji yanka, qa heciya inyan tanka wan yukan. Unkan canpahmihma can kin kaksapi, qa pte kin woħulnaħiyapi Jehowa wakiyušnapi.

WICOWOYAKE 7.

15 Wanna Lewi kin Jehowa canwohnaka tawa, nakun wujuhadan kici un, qa mazaskazi wakaḡapi en un kin, hena kun icupi, qa inyan tanka kin he akan ehdepi. Unkan anpetu kin he en Betśemeś wicašta kin woḡuhnaḡyapi ḡuhnaḡyapi, qa woteca Jehowa wakiyuśnapi.

16 Unkan Pilistim wicašta yatapi zaptan kin wanyakapi qehan, anpetu kin he en Eqron ekta kihdapi.

17 Unkan mazaskazi onzepo wokajuju on Pilistim hdajujupi kta e Jehowa qupi dena ee, Aśdod on wanjidan, qa Gaza on wanjidan, qa Aśqelon on wanjidan, qa Gat on wanjidan, qa Eqron on wanjidan.

18 Unkan mazaskazi hitunkadan Pilistim otonwe owasin iye-naka, wicašta yatapi zaptan yuhapi kin hena otonwe aconkaška-yapi, qa otonwe ikceka koya. Unkan inyan tanka wan akan Jehowa canwohnaka tawa ehna-kapi kin, he Jośuwa Betśemeś wicašta wan tamaḡa ohna dehanyan yanka.

19 Unkan Betśemeś wicašta kin Jehowa tacanwohnaka kin mahen etonwanpi, heon wicakaštaka, oyate kin wicašta kektopawinge wikcemna zaptan sanpa wikcemna śakowin wicakaštaka. Unkan Jehowa wokaštaka tanka on wicakaštaka cin heon oyate kin ceyapi.

20 Unkan Betśemeś wicašta kin heyapi, Jehowa wakan undapi kin de wakan ce. Tuwe itokam najin okihi he? qa unkiyepi etanhan tuwe ekta itanwankan-hde ye kta he?

21 Qa Qerejat Jeyarim ekta ohnihde ye wicaśipi qa heyapi, Pilistim Jehowa tacanwohnaka

kin ake ahipi ce. Kun upo, qa niyepi ekta ayapo.

WICOWOYAKE 7.

1 Unkan Qerejat Jeyarim wicašta kin ekta ipi qa, Jehowa canwohnaka tawa kin itanwankan-hde aupi, qa Abinadab ti kin pa-ha akan ekta kahipi, qa cinhintku Eleazar Jehowa canwohnaka tawa awanyake kta heon yuwanpi.

2 Unkan canwohnaka kin Qerejat Jeyarim en yanke cin ehan-tanhan wanna tehan, waniyetu wikcemna nonpa qehan, Israel tiyohnaka kin ocowasin Jehowa cantokpani.

3 Unkan Samuel Israel tiyohnaka kin ocowasin hewicakiya, Nicantepi ocowasin on Jehowa en yahdipi kinhan, taku wakan tokeca, qa Aśterot niyepi etanhan yutokan iyeyapo; qa Jehowa on nicantepi kin pikiyapo, qa isna-na ohodapo, kinhan Pilistim napipi etanhan enihdakupi kta.

4 Unkan Israel cinca kin Bayalim, qa Aśtarot yutokan iyeyapi, qa Jehowa isnana ohodapi.

5 Unkan Samuel heya, Israel owasin Mitzpa ekta mnawicayapo; kinhan niyepi on Jehowa ce-wakiye kta.

6 Unkan Israel owasin Mitzpa ekta mniciyapi, qa mini huweyapi, qa Jehowa itokam kaştanpi; qa anpetu kin he en wotapi śni, qa, Jehowa awaunḡtanipi ce, eya ohodapi. Unkan Samuel Mitzpa ohna Israel wicayaco.

7 Unkan Israel Mitzpa ekta mniciyapi kin Pilistim naḡonpi, qa Pilistim wicašta yatapi kin Israel anatan upi. Unkan Israel cinca kin he naḡonpi qehan, Pilistim kowicakipapi.

8 Qa Israel cinca kin Samuel

SAMUEL TOKAHEYA,

heciyapi, Jehowa wakan undapi kin Pilistim napepi etanhan niunkiyapi kta e hoyekiya wo, qa inina yanke šni wo.

9 Unkan Samuel tacincadan waazin wan icu, qa ocowasin wohuhnahyapi Jehowa wakiyušna, qa Samuel Israel on Jehowa hoyekiya. Unkan Jehowa ayupata.

10 Unkan Samuel wohuhnahyapi kuhnahye cin icunhan, Pilistim Israel kizapi kta e ikiyedan hipi. Unkan anpetu kin he en Jehowa ho tanka on Pilistim iwankam wakinyan hoton kiya, qa yušinye wicaya. Unkan Israel itokam najicapi.

11 Unkan Israel wicašta kin Mitzpa etanhan inanpapi, qa Pilistim kuwa eyayapi, qa wikaštakapi, Betkar ihukuya ipi kin hehanyan.

12 Unkan Samuel inyan wan icu, qa Mitzpa qa Šen otahedan ehde, qa Eben-ezer (Inyan wakiye) eya cajeyata qa, Dehanyan Jehowa ounkiyapi ce eya.

13 Unkan Pilistim wicaktepidan, qa ake Israel makoce en hipi šni, qa anpetu Samuel ni kin owasin Jehowa nape kin Pilistim iwankam un.

14 Unkan otonwe tona Pilistim Israel etanhan icupi qon, hena Israel ake hduhapi; Ebron etanhan Gat ekta hehanyan, qa makoce kin Israel Pilistim napepi etanhan ehdakupi. Unkan Israel Amori kin om wokiyapi.

15 Unkan Samuel tohanyan ni kin hehanyan Israel wicayaco.

16 Unkan omaka iyohi Betel, qa Gilgal, qa Mitzpa iyohi ekta i, qa otonwe kin hena owasin ohna Israel wicayaco.

17 Qa Rama ekta hda, tipi tawa kin hen yanka nakaš, qa heciya Israel wicayaco, qa heci-

ya wahna wošnapı wan Jehowa kicağa.

WICOWOYAKE 8.

1 Unkan Samuel wicahinca qehan, iye cinhintku Israel wicayaco wicaši.

2 Unkan cinhintku tokapa kin Joel eciyapi, qa inonpa kin Abia eciyapi, Hena Beršeba en wayacopi ece.

3 Unkan cinhintku iye tacanku omanipi šni, tuka wokamna ekta ihduhumnipi, qa taku nahmana qupi kin icupi, qa woyaco yaškiškapi.

4 Unkan Israel hunkayapi kin owasin witaya hiyupi; qa Samuel ekta Rama en hipi.

5 Qa heciyapi, Iho wanna wicanihinca, qa nicinca kin nitacanku omanipi šni; heon wanna wicašta yatapi wan unkicicağapo; ikcewicašta owasin yuhapi kin iyececa.

6 Unkan, Wicašta yatapi wan unyacopi kta e unqupo, eyapi kin wicoie kin he Samuel išta kin en šica: heon Samuel Jehowa cekiya.

7 Unkan Jehowa Samuel heciya, Oyate ho kin taku eniciyapi kin owasin nahon wo. Niye qe heyata iyenianpi šni; tuka miye atemayanpi kte šni e heyata iyemayanpi ce.

8 Woecon, Egupta etanhan itanwankanhde hdinanpe wicawaya, anpetu kin ehantanhan econpi kin owasin iyecen, anpetu kin dehanyan ehpemayanpi, qa taku wakan tokeca ohodapi kin he iyecen, niš eya ecaniconpi.

9 Heon wanna hopi kin nahon wo. Hececa ešta woyataanin wicakiyaatanin wo; qa wicašta yatapi wowidag wicaye kte cin woyaco kin toketu kte cin owicakiyaka wo.

WICOWOYAKE 9.

10 Unkan Samuel Jehowa oie kin owasin oyate wicašta yatapi dapi kin owicakiyaka;

11 Qa heya, Wicašta yatapi wovidag niyanpi kta tawoyaco kin kaketu kta. Nicinkšipi iwicacu qa canpahmihma tawa en, qa šuktanka tawa akan iyotang wicakiye kta, qa canpahmihma tawa itokam inyankapi kta.

12 Qa kektopawinge itancan, qa wikcemna zaptan itancan wicakađe kta, qa tamađa kin yumdu wicakiye kta, qa woksapi tawa bakse wicakiye kta, qa tawipe owasin, qa canpahmihma tawa aqin kin owasin kašwica-kiye kta.

13 Qa nicunkšipi kin iwicacu kta, qa pejuta waštemna kašwicakiye, qa wohe wicakiye qa aguyapi španye wicakiye kta.

14 Qa mađa nitawapi, qa hastanhanka iyuwi ojupi nitawapi, qa wihdican ojupi nitawapi iyotan waštešte kin icu kta, qa tao-kiye hena wicaqu kta.

15 Qa taku oyajupi kin, qa hastanhanka nitawapi iwikcemna kin icu kte qa taakicita, qa tao-kiye wicaqu kta.

16 Qa nitahokšipidan, qa nitawicinyanpidan, qa koška nitawapi iyotan waštepi kin, qa šonšonna nitawapi iwicacu, qa wolitani tawa econ wicakiye kta.

17 Nakun tašınca nitawapi iwikcemna icu kta, qa wowidake niyanpi kta.

18 Qa anpetu kin he en ateyapi nicicašniđapi on šicahowadapi kta ešta, Jehowa hehan nanihonpi kte šni.

19 Unkan oyate kin Samuel ho kin naħon wicadapi šni, qa heyapi, Hiya wicašta yatapi wan unhapi kta.

20 Nakun unkiyepi ikce oyate kin owasin iyewicuncecapı kta,

qa wicašta yatapi unkitawapi unyacopi kta, qa unkiyepi itokam zuya ye kta, qa unkiyepi on kize kta.

21 Unkan Samuel oyate oiepi kin owasin naħon, qa Jehowa okiyaka.

22 Unkan Jehowa Samuel heciya, Hopi kin naħon wo, qa wicašta yatapi wan wicakicađa wo. Unkan Samuel Israel wicašta kin hewicakiya, Kihdapo, wicašta iyohi totonwe kin ekta.

WICOWOYAKE 9.

1 Unkan Benjamini wicašta wan Qiš eciyapi Abiel cinhintku, Tze-ror cinhintku, Bekoret cinhintku, Apiaħ cinhintku Benjamin wicašta wan cinhintku, wicašta wašaka waditaka.

2 Unkan cinhintku wan Saul eciyapi koška wiciyokipi, qa owanyag wašte, Israel cinca wicehna iye isanpa owanyag wašte wicašta wanica; amdo kin, qa he iwankapa tanhan oyate owasin wiciwankam najin.

3 Unkan Saul atkuku Qiš tašonšonna kin kitaninpi šni, qa Qiš iye cinhintku Saul heciya, Koška wanji ikikcu wo, qa najin, qa šonšonna owicade ya wo.

4 Unkan Epraim ħe kin opta iyayapi, qa Šališa iyoopta iyayapi, qa iyewicayapi šni, qa Šayalim makoce kin opta iyayapi, tuka hen unpi šni, qa Benjamin makoce kin opta iyayapi tuka iyewicayapi šni.

5 Tzup makoce en ipi qehan, Saul iye tahokšidan kici un kin heciya, Ito unhde kta, okini ate šonšonna kin ayuštan, qa unkiyepi on iyokišin ičiye kta.

6 Unkan heciya, Wan otonwe kin de ohna wicašta wakan wan yanka. Wicašta kinihanpi taku

SAMUEL TOKAHEYA,

eye kte cinhan owasin ecetu kta hinca. Wanna en unye kta. Okini canku ohna unye kta iye-ceca unkokiyakapi kta.

7 Unkan Saul tahoksidan kin heciya, Ekta unye cinhan wicašta kin taku unqu kta he? Wajuha unkitawapi ohna aguyapi wanica. Wicašta wakan ekta unkaye kta takudan unkokapte šni. Taku unqu kta he?

8 Unkan hoksidan kin ake Saul ayupte ça heya, Ito minape ohna mazaska šeqel ošpa itopa kin wahduha, he wicašta wakan waku kta, unkan canku unye kte cin unkokiyakapi kta.

9 Ehanna Israel ohna wicašta wan taku wakan wawiwani ya ca decen eya ece. Iho wawanyake kin ekta unye kta. Tuwe nakaha waayate eciyapi kin he ehanna wawanyake eciyapi.

10 Unkan iye takoksidan heciya, Wicoie ehe cin he wašte ce. Iho ekta unye kta. Unkan otonwe ohna wicašta wakan yanke cin ekta ipi.

11 Otonwe ekta itanwankanhde yapi qehan, wikoška mini huweyapi kin awicakipapi, qa hewicakiyapi, Wawanyake kin deciya un he?

12 Unkan awicayuptapi qa heyapi, Toš iho nitokam un ye. Nakaha oyate kin paha akan wawicakiciyušna, qa heon dehan otonwe en hi ye, hecen inahinipe.

13 Hecen otonwe en yaipi kinhan nahanhin wote kta e pahata iyaye šni iyeyayapi kta. Ekta i šni kin hehanyan oyate kin wotapi kte šni. Iye wošnapi kin yawašte kta; ohakam tona wicakicopi wotapi kta ye nakaš.

14 Unkan itanwankanhde otonwe en ipi qehan, inyun Samuel

wicitkokim inanpe ça paha kin ekta iyaye kta.

15 Unkan Jehowa Samuel nođe kin yuzamni, qa Saul hi šni itokam anpetu wan heciya,

16 Heyakecinhan wi kin dehan-tu Benjamin makoce etanhan wicašta wan niye en hiyu waye kta, he qe Israel oyate mitawa mdetanhunka kta e sda yaye kta, qa iye oyate mitawa Pilistim napepi kin etanhan niwicaye kta, oyate mitawa wanwicamda-ke ça šicahowayapi kin en mahi nakaš.

17 Qa Samuel Saul wanyake cehan Jehowa heciya, Wanyaka wo, wicašta wan oyate mitawa ewicahdaku kte cin, eciciye ciquon he dee ce.

18 Unkan Saul otonwe tiyopa kin ohna Samuel ikiyedani hi qa heya, Tokin wawanyake ti kin tuktee omayakidaken.

19 Unkan Samuel Saul ayupte ça heciya, Wawanyake kin he miye ce. Pahata mici ya wo, qa nakaha micawayatapi kta, qa hanhanna kinhan kihde ciye kta, qa taku nicante en un kin owasin ociciyake kta.

20 Qa šonšonna litanihan sanpa nicitaninpi šni kin hena ekta nicante kin yekiye šni wo; wanna iyewicayapi nakaš. Nakun Israel tuwe iyotan cantiheyapi he? He niye, qa niyate tiyohnaka owasin.

21 Unkan Saul ayupte ça heciya, Miye Benjamin wicašta he-maca šni he? Israel etanhan wicoun iyotan cistinna, qa wicowazi mitawa Benjamin wicoun kin wicowazipi owasin aoptetu; heon tokeca wicoie kin de iyecen emayakiya he?

22 Unkan Samuel Saul, qa tahoksidan iwicacu, qa wohan tipi kin ekta hiyu wicaya, qa wicašta

WICOWOYAKE 10.

wikcemna yamni cetu wicakico-
pi wicehna oiyotanke iyotan wa-
šte wicaqu.

23 Qa Samuel wohekiyapi kin
heciya, Wopamni ciçu qa nici
kihnaka wo, eciciye cin he hiyu-
ya wo.

24 Unkan wohekiyapi kin ceca
kin, qa taku ikoyake cin he yu-
wankan icu, qa Saul itokam
ehnika. Unkan, Ho wo, taku
kihnakapi kin nitokam ehde wo,
qa yuta wo. Oyate kin wicaki-
co wo, epe cigon ehantankan, he
nicihnakapi nakaś, eya. Unkan
anpetu kin he en Saul Samuel
kici wota.

25 Unkan paha etanhan otonwe
kin ekta hdiپی, qa tipi awakeya-
pi kin akan *Samuel* Saul kici wo-
hdaka.

26 Qa hanhannahin kiktapi, qa
Samuel anpao hinanpe cehan
Saul tipi awakeyapi ekta kipan,
qa heciya, Kikta wo; hecen ki-
hde ciye kta. Unkan Saul kikta
qa Samuel kici tankan iyaya.

27 Sakim otonwe ihanke ekta
ipi qehan, Samuel Saul heciya,
Kośka kin unkitokam ye śi-
wo; hecen iyaye kta; tuka
niye den owanji najin wo; kin-
han Wakantanka oie kin nañon
ciye kta.

WICOWOYAKE 10.

1 Hehan Samuel wihdi opiye
wan icu, qa pa kin akaśtan, qa
i kin iputake ça heciya, Awica-
kehan Jehowa sda niyan, iye tao-
yate mdetanhunka yaun kta heon
etanhan.

2 Mitanhan ecin idade cinhan,
Tzeltzañ ohna, Benjamin makoce
ihanke ikiyedā, Rañel ohna-
hnakapi ikiyedā, wicaśta nonpa
awicayakipe kta, unkan Šonšon-
na akin idade cin wanna iyewi-

cayapi ce, qa niyate wanna šon-
šonna kin awacin ayuśtan, qa ni-
yepi on iyokiśin içiya; qa heya,
Micinkśi on taku ecamon kta he?
eniciyapi kta.

3 Unkan betanhan ako idade
cinhan, Tabor utuhu kin ekta,
wicaśta yamni Wakantanka kin
Betel ekta yapi, itkonicipapi kta,
wanji tatokadan cinca yamni
hduha, qa wanji aguyapi špan
yamni hduha, qa unman miniśa
apañte wanji.

4 Qa, Tanyan yaun he? eya
iniwangapi kta, qa aguyapi non-
pa niçupi kta, hena napepi etan-
han iyacu kta.

5 Qa iyohakam Paha wakan
Pilistim akicita akan yakonpi
kin ekta yai kta, qa heciya oton-
we kin en yai kinhan, waayate
optaye wan ayakipe kta, hena
pajodan etanhan kun upi, qa wi-
citokam candowankiyapi wan, qa
cancega wan, qa cotanka wan,
qa canpakinzapi wan, qa hena
waayata downpi.

6 Unkan Jehowa taniya kin
akan nihi kta, qa hena om niye
waadate kta, qa wicaśta nitoke-
ca kta.

7 Unkan wowapetokeca kin
hena owasin anicipapi kinhan,
taku ninape icye cin he econ
wo; Jehowa nici un nakaś.

8 Qa mitokam Gilgal ekta apa-
mahde idade kta, qa iho miye
wohuhnañyapi huñnañ ye kta, qa
wopida wośnapi wotcca wakiyu-
śna kta, niye ekta apamahde mde
kta; qa anpetu śakowin amape
nanke kta, niye ekta wai kte
cin behanyan, unkan token eca-
non kta ociciyake kta.

9 Unkan Samuel etanhan iyaye
kta ihdamna, hehan cante kin
Wakantanka yutokeca, qa wo-
wapetokeca kin hena owasin an-
petu kin he en iyecetupi:

SAMUEL TOKAHEYA,

10 Paha kin ekta ipi qehan inyun waayate optaye wan itkoki-papi; unkan Wakantanka taniya kin en hi, heon iye wicehna waayata.

11 Unkan tona itokam sdoniyapi qon, inyun waayatapi om iye waayate kin wanyakapi qehan, oyate kin hekiciyapi, Qis cinhintku kin toketu hwo. Saul is eya waayatapi kin owicapa he? eyapi.

12 Unkan wicašta wan hetanhan awicayupte ça heya, Tuka tuwe ate yapi he? heon, Saul is eya waayatapi kin owicapa he? wicoie wakan on yuhapi.

13 Unkan waayate ayaştan, qa pajodan kin ekta i.

14 Unkan Saul deksitku kin iye, qa tahoksidan kin hewicakiya, Toki yaipi he? Unkan Sonsonna ode unkiyayapi, qa tuktedan wanwicunyakapi šni qehan, Samuel ekta unkipi eya.

15 Unkan Saul deksitku kin heya, Tokin Samuel taku eniciye cin omayakidaken.

16 Unkan Sonsonna wanna iye-wicayapi kin tanyan unkokiya-kapi, Saul iye deksitku eciya. Tuka wokiconze wicoie kin Samuel eciye cin he okiyake šni.

17 Unkan Samuel oyate kin Jehowa itokam, Mitzpa ekta mnicieye wicaši.

18 Qa Israel cinca kin hewicakiya, Jehowa Israel wakan dapi kin hecen eya, Miye Israel Egipta etanhan itanwankanhde hiyu wicawaye ça Egipton napapi etanhan, qa wokiconze tona kakis niyanpi kin owasin etanhan ecihdakupi.

19 Tuka niyepi nakaha, Taku wakan yadapi kin, he taku kiunni niyanpi, qa iyokisin niyanpi kin owasin etanhan ni niyanpi kin, he yakipajinpi, qa heyakiyapi,

Tokešta wicašta yatapi wan un-kicicağapo. Heon ecin wicoun nitawapi kin, qa kektopawinge nitawapi kin iyecen Jehowa itokam inajinpo.

20 Unkan Samuel Israel wicoun owasin ikiyedan hiyu wicaya; unkan Benjamin wicoun kin he icupi.

21 Unkan Benjamin wicoun kin wicowazipi kin iyecen hiyuwicaya; unkan Matri wicowazi kin icupi; hehan Saul Qis cinhintku kin icupi. Unkan akitapi qehan iyeyapi šni.

22 Hehan sanpa Jehowa iwangapi, Wicašta kin nahanhin deciya hi šni he? Unkan Jehowa heya, Iho wahpayeca ehna inalima ce.

23 Unkan inyankapi qa hetanhan akupi. Unkan oyate wicehna najin qehan, oyate kin owasin hiyete kin hehanyan okihanpi.

24 Unkan Samuel oyate kin owasin hewicakiya, Tuwe Jehowa kalinige cin he wandakapi. Oyate kin owasin ehna tuwedan he iyececa šni. Unkan oyate kin owasin iyaşapi, qa heyapi, Wicašta yatapi kin zaniyan un nunwe.

25 Unkan Samuel oyate kin wokiconze woope kin owicakiyaka, qa wowapi wan en kağa, qa Jehowa itokam ehnaka, qa Samuel oyate kin owasin kihde wicaši, iyohi iye ti kin ekta.

26 Unkan Saul is eya kihda, Gibeya ekta. Unkan wicašta waditaka tona Jehowa cante-pi kin wicayutan kin hena kici ipi.

27 Tuka wowalhte šni cinca kin, Wicašta kin de token niunkiyapi kta he? eyapi, qa ihaktapi šni, qa takudan qupi šni. Tuka nahon šni iyececa inina yanka.

WICOWOYAKE 12.

WICOWOYAKE 11.

1 Unkan Nahaś Amoni kin Jabeś Gilejad tatpe hi, qa en ahi ti. Unkan Jabeś wicašta kin owasin Nahaś heciyapi, Wotakuye unkicicagapo, hecen wowidag unyayapi kta.

2 Unkan Nahaś Amoni kin hewicakiya, Wotakuye cicicagapi kte cin dee. Išta etapa kin owasin ciciyuśdokapi kta, qa Israel owasin he oštehdā wicawakiye kta.

3 Unkan Jabeś hunkayapi kin heciyapi, Anpetu śakowin unka-yuśtanpo; hecen Israel makoce kin owancaya wahošiye yewicunśipi kta; unkan tuwedan niunkiyapi śni kinhan, niye ekta unkipi kta.

4 Unkan wahošiye kin Gibeya Saul ekta hipi, qa wicoie kin oyate noġepi en oyakapi. Unkan oyate kin owasin ho yeyapi, qa ceyapi.

5 Unkan inyun Saul maġa etanhan tatanka kaħam u, qa Saul heya, Oyate kin toketupi on ceyapi he? Unkan Jabeś wicašta oiepi kin okiyakapi.

6 Unkan wicoie kin hena naħon qehan, Wakantanka toniya kin Saul iyaħpaya, unkan nina śihda.

7 Qa tatanka akicaśkapi wan ikikeu, qa kaśpaśpa, qa wahošiye nape kin on Israel makoce kin owancaya iyaye ya, qa heya, Tuwe Saul qa Samuel opa hinanpe śni kinhan tatanka tawa kin hecen ecakiconpi kta. Unkan Jehowa tokokipe kin oyate kin awicahinhpaya; heon wicašta wanjidan iyecen hinanpapi.

8 Unkan Bezeq ohna wicayawa. Unkan Israel cinca kin kektopawinge opawinge yamni, qa Juda wicašta kin kektopawinge wikcemna yamni.

9 Qa wahoši hipi qon hewicakiyapi, Jabeś Gilejad wicašta kin hecen ewicayakiyapi kta, Heyakecinhan, anpetu wi kin kata aye cinhan, ounniciyapi kta ce. Unkan wahošiye qon ekta kipi, qa Jabeś wicašta kin owicakiyakapi; unkan iyuśkinpi.

10 Qa Jabeś wicašta kin heyapi, Heyakecinhan niyepi ekta inaunpapi kta, qa token iyonicipi kin owasin ecaunyeconpi kta.

11 Unkan Saul oyate kin obe yamni wicakaġa; unkan heyake cinhan akicita hanħanna iwakta wicayapi kin en, wicoti kin anatanpi, qa anpetu kin kate śni hehanyan Anmon oyate kin wicakaštakapi. Unkan tona okaptapi kin hena enanakiya iyayapi, hecen wicašta nonpa witaya owicakaptapi śni.

12 Unkan oyate kin Samuel heciyapi, Saul ate unyanpi kta he? eyapi hena tuwepi he? Wicašta kin hena hiyu wicayapo, hecen wicunktepi kta.

13 Unkan Saul heya, Nakaha Jehowa Israel niwicaya; heon anpetu kin de wicašta wanjidan teyapi kte śni.

14 Unkan Samuel oyate kin hewicakiya. Hopo Gilgal ekta unyanpi, qa hen wokiconze kin piya unkaġapi kta.

15 Unkan oyate kin owasin Gilgal ekta ipi, qa hen Gilgal ohna, Jehowa itokam Saul wicašta yatapi kaġapi, qa hen wopida wakiyuśnapi Jehowa itokam, qa Saul, qa Israel wicašta kin owasin heciya nina wiyuśkinpi.

WICOWOYAKE 12.

1 Unkan Samuel Israel owasin hewicakiya, Ihopo taku emayakiyapi owasin en nihopi kin ana-

SAMUEL TOKAHEYA,

wagoptan, qa niyepi wicašta yatapi wan cicicağapi.

2 Qa ihopo, dehan wicaştayatapi kin nitokam mani, qa miye wicamahinca, qa pamaska, qa micinca niyepi om unpi, qa miye homakşidan ehantanhan anpetu kin dehanyan niyepi itokam mawani ce.

3 Iho miye Jehowa itokam, qa tuwe sdakiye cin itokam mayao-taninpo. Tuwe tatanka tawa iwacu he? qa tuwe şonşonna tawa iwacu he? Tuwe wahnayan, qa tuwe wakimduşe, qa iştawahmuze kta taku qupi kin iwacu kinhan yaotaninpo, hecen cicicajujupi kta.

4 Unkan, Unyahnayanpi şni, qa unyakiduşepi şni, qa wicašta nape etanhan takudan iyacu şni, eyapi.

5 Unkan hewicakiya, Minape ohna takudan iyeyayapi şni nakaha niyepi en Jehowa waayatani kin hee; qa tuwe sdakiye cin hee waayatanin. Unkan, Hee waayatanin, eyapi.

6 Unkan Samuel oyate kin hewicakiya, Tuwe Mowis, qa Aaron icaşwicaye ça niyatepi kin Egipta makoce kin etanhan hdi-nanpe wicaye cin Jehowa hee.

7 Qa nakaha owanji najinpo, hecen Jehowa toowotanna niye ecaniconpi, qa niyatepi ecawicakicon kin owasin Jehowa itokam ociciyakapi kta.

8 Jakob Egipta en i kin ohakam, niyatepi Jehowa ho yekiyapi. Unkan Jehowa Mowis, qa Aaron ekta ye wicaşı, qa niyatepi hdinanpe wicaya, Egipta etanhan, qa oyanke kin den ounye wicaya.

9 Unkan Jehowa wakandapi kin akiktunjapi, heon Hatzor ozuye mdetanhunke Sisera nape kin en iyope wicaya; nakun Pi-

listim napepi en, qa Moab wicašta yatapi nape en; unkan azuwicayapi.

10 Unkan Jehowa ho yekiyapi, qa heyapi, Waunhtanipi, qa Jehowa unkayuştanpi, qa Bayalim, qa Aşterot ohoundapi, tuka nakaha toka unyanpi napepi kin etanhan eunhdaku miye, kinhan niye ohounnidapi kte.

11 Unkan Jehowa Jerubbayal, qa Bedan, qa Jeptah, qa Samuel u wicaşı, qa toka niyanpi nihdukşan yakonpi napepi etanhan enihdakupi, heon wikopeşniyan ounyayapi.

12 Tuka Naşaş Amon cinca wicašta yatapi kin tatpe niupi kin wandakapi qehan, hemayakiyapi, Hiya wicaştayatapi wan wowidag unyanpi kta uncinpi ce; Jehowa wakanyadapi kin he wicašta yatapi nitawapi tuka qon.

13 Unkan wanna ito wicaştayatapi yakahniğapi, qa yadapi kin, he niwankam Jehowa wicašta yatapi niçupi ce.

14 Jehowa koyakipapi, qa ohoyadapi, qa ho kin nayahonpi kte, qa Jehowa i kin yakipajinpi kte şni kinhan, niyepi qa nakun wicašta yatapi inidakapi kin Jehowa opeya yaunpi kta.

15 Tuka Jehowa ho kin anayagoptanpi şni, qa Jehowa i kin yakipajinpi kinhan; Jehowa nape kin apaha niyanpi kta, niyatepi qon iyecen.

16 Nakun owanji najinpo, qa wicoie tanka kin de niyepi itokam Jehowa econ kte cin he wanyakapo.

17 Dehan aguyapi su baksapi iyehantu şni he? Jehowa ho yewakiye kta, unkan wakinyan hoton qa mağaju kiye kta; hecen niyepi wicašta yatapi yadapi kin he Jehowa išta kin en

WICOWOYAKE 13.

nina śicaya ecanonpi sdonyayapi qa wandakapi kta.

18 Unkan Samuel Jehowa ho yekiya; unkan Jehowa anpetu kin he en wakinyan hoton qa magaju kiya. Unkan oyate kin owasin Jehowa, qa Samuel nina kowicakipapi.

19 Qa oyate kin owasin Samuel heciyapi, Waunhtanipi kin owasin isanpa taku śica econkupi, qa unkiyepi on wicašta yatapi wan unkicidapi; heon nitaokiye on Jehowa wakanyada kin cekiya wo, hecen untapi kte śni.

20 Unkan Samuel oyate kin hewicakiya, Ihnuhan wakoyakipapi kin. Taku śica kin de owasin ecanonpi ešta, Jehowa oyapapi etanhan ihduhonnipi śni po; tuka nicantepi ocowasin on ohodapo:

21 Qa ihduhonnipi śnipo. Tona takuśni, qa taku owicakiyapi okihipi śni kin opapi kin, hena nipi kte śni, hena taku śni nakaś.

22 Jehowa niyepi iye taoyate nicağapi kta iyokipi, heon iye caje tanka on, Jehowa iye taoyate paha iyewicaye kte śni.

23 Nakun miye canku wašte qa ecetu kin onspe ciciyapi kta, hecen niyepi on cewakiya amduştan, qa Jehowa awawalitani kta iyomaki śni nunwe.

24 Tuka niyepi, Jehowa koki-papo, qa wowicake en, qa nican-tepi ocowasin on ohodapo, tohan tanka ecaniconpi kin wandakapi nakaś.

25 Tuka śicaya ecanonpi yakitanpi kinhan, ihang niyanpi kta, niyepi, qa nakun wicaštayatapi nitawapi.

WICOWOYAKE 13.

1 Saul Israel iwicadaka, qa waniyetu tokaheya, qa waniyetu

inonpa wicašta yatapi un kin en,

2 Saul Israel etanhan wicašta kektopawinge yamni wicakahni-ğa, qa hena kektopawinge nonpa Mikmaś ohna, qa Betel he kin ohna Saul kici unpi, qa kektopawinge wanjidan Gibeya ohna Jonatan kici unpi; Unkan wicašta unmanpi kin owasin kihde wica-ya.

3 Unkan Jonatan Pilistim akicita Gibeya ohna yakonpi kin wicakaštaka, unkan Pilistim he nañonpi. Unkan Saul makoce kin owancaya mazayahotonpi yahoton wicakiya, qa heya, Heberi kin nañonpi kte.

4 Unkan, Saul Pilistim taakici-ta wicakaštaka, eyapi kin Israel owasin nañonpi, qa nakun Pilistim Israel walite wicadapi śni; heon oyate kin Saul opapi kta e Gilgal ekta wicakipanpi.

5 Unkan Pilistim Israel kizapi kta e kiwitayapi canpahmihma kektopawinge wikcemna yamni, qa sung akan yotankapi kektopawinge śakpe, qa wicašta wiyaka mini wanca hutata wanke cin iyenaka wicota, qa itanwankan-hde hipi, qa Betawen wiyohi-yanpa tanhan Mikmaś en ahi-tipi.

6 Unkan Israel wicašta kin tehiya unpi e wanhdakapi nağiye wicayapi nakaś, hehan oyate kin inahmanpi makohdoka ohna, qa otehi ohna, qa imnija ohna, qa conkaške ohna, qa woha ohna.

7 Qa Heberi kin Jordan iyuweğapi, Gad makoce kin ekta, qa Gilejad ekta. Unkan Saul nañanhin Gilgal ohna yanke cehan oyate iye opapi kin owasin cancanpi.

8 Unkan Saul anpetu śakowin Samuel eye ciqon hehanyan ape yanka, tuka Samuel Gilgal ekta.

SAMUEL TOKAHEYA,

hi šni; unkan oyate kin Saul etanhan enanakiya iyayapi.

9 Unkan Saul heya, Wohuhnahiyapi wan, qa wopida wošnapi hiyu makiyapo, qa wohuhnahiyapi kin huhnahiya.

10 Unkan wohuhnahiyapi kin huhnahiya hduštan qehan, inyun Samuel ekta hi. Unkan nape kin yuze kta Saul itkokim iyaya.

11 Unkan, Taku ecanon he? Samuel eya. Unkan Saul heya, Oyate kin miye tanhan enanakiya iyayapi qa niye anpetu caje-date cion en yahi šni, qa Pilistim Mikmaš en witaya ahitipi kin wanmdake qehan.

12 Hepa, Ecadan Pilistim Gilgal ekta anamatanpi kta, qa Jehowa ocinyope waye šni, heon tius mičiye qa wohuhnahiyapi wan huhnahi waya.

13 Unkan Samuel Saul heciya, Witkotkoya ecanon, qa Jehowa wakan yada tawoahope ope niši kin oyape šni; hecanon unkanš nitokiconze Israel owihanke watin iwicayakidake kta e dehan niciyusuta kta tuka.

14 Tuka wanna wokiconze kin niciyusuta kte šni, Jehowa taku econ niši kin yapatan šni, heon Jehowa wicašta wan iye cante kin iyecen cante yuze cin, he akita, qa iye taoyate kin wicitokam mani ši kta.

15 Hehan Samuel najin iyaya, Gilgal etanhan Gibeya Benjamin ekta i. Unkan Saul oyate iye kici iyeyapi kin wicayawa, wicašta opawinge šakpe cetu.

16 Qa Saul qa cinhintku Jonatan, qa oyate iye opapi kin Gibeya Benjamin otipi, qa Pilistim Mikmaš en ahitipi.

17 Qa Pilistim owankapi kin etanhan ozuye yamni wamanun iyayapi; wanji Yopra canku kin ohna Suyal makoce ekta i.

18 Qa ozuye wanji Bethoron canku kin ohna iyaya, qa unman hopuze cin ektakiya Gi-Tzeboim (Sungidan Kaksiza kin) iwankam makoce wanke cin canku kin ohna.

19 Unkan Pilistim heyapi qon, Okini Heberi kin isan qa wahu-keza icicagapi kta, heon Israel makoce owancaya mazakaga wanjidan iyeyapi šni.

20 Hecen Israel owasin Pilistim ekta apamahde ipi, otoiyo hi mahiyumdu, qa magicamna tawa, qa onspe tawa piyapi kta heon:

21 Tuka mazipabe yuhapi mahiyumdu, qa magicamna hi pe šni eca, nakun peji icape hi yamni kin on, qa onspe tawapi on, qa tatanka icape pe kagapi kta on.

22 Heon wokicize anpetu kin en oyate Saul qa Jonatan owicapapi owasin napepi ohna isan, qa wahu-keza wanjidan iyeyapi šni; tuka Saul qa cinhintku Jonatan heca yuhapi.

23 Unkan Pilistim akicita kin Mikmaš oiyuwege ekta e tipi.

WICOWOYAKE 14.

1 Unkan anpetu wan Jonatan Saul cinhintku kin koška iye tawipe kicičin kin heciya, Iho Pilistim akicita akasanpa yakonpi kin ekta unye kta. Tuka atku-ku kin okiyake šni.

2 Unkan Saul paha ihanke kin ekta taspantanka suota hu wan Miqron ohna wanke cin ihukuya ti, qa oyate iye kici unpi kin wicašta opawinge šakpe cetu.

3 Qa Ahija Ahitub cinhintku, Ikabod cincu, Pinehas cinhintku Eli cinhintku, Šilo ohna Jehowa wawakiyušna kin he amdo aka-ħpa kin yuha. Unkan Jonatan

WICOWOYAKE 14.

iyaye cin oyate kin sonyapi
śni.

4 Unkan oiyuwege wan ohna Jonatan Pilistim akicita tipi ekta iyaye kta cin kin he icahda anokatanhan inyan bosdata; qa inyan bosdata kin hena wanji Botzetz (Iyega) eciyapi qa unman kin Sene (Taspanhu) eciyapi.

5 Qa inyan kin hena wanji waziya tanhan wanke cin he Mikmaś iyotakonza, qa unman itokaga tanhan kin he Gibeya iyotakonza.

6 Unkan Jonatan kośka iye tawipe kicičin kin heciya, Iho wicaśta bakiĥdayapi śni kin dena akicita tipi kin ekta unye kta; okini Jehowa unkiyepi on econ kta; Jehowa wānikiye kta okitpani wanica, wicota qaiś tonana unmanna on.

7 Unkan tawipe kicičin kin heciya, Token nicante en un kin owasin econ wo. Tokata ya wo, iho ocipe kta, nicante kin iye-cen.

8 Unkan Jonatan heya, Iho wo, akasanpa unye kta, wicaśta kin ektakiya, qa hena en taninunki-çiye kta.

9 Owanji najinpo, niyepi ekta unkipi kte cin hehanyan, unkekiyapi kinhan, tukten unyakon kte cin hen naunjin kta, qa tatpe wicunye kte śni.

10 Tuka unkiyepi ekta upo, eyapi kinhan, ekta unye kta, qa unnape en Jehowa wicaqu kta, qa de wowapetokeca unhe kta.

11 Unkan napin Pilistim akicita tipi kin en ihdutaninpi. Unkan, Inyun Heberi kin makohdoka ohna inahmanpi kin hetanhan inanpapi, Pilistim eyapi.

12 Unkan akicita tipi wicaśta kin Jonatan, qa tuwe tawipe kicičin kin hoye wicakiyapi, qa heyapi, Unkiyepi en upo; kinhan

wicoie wan sdyne unniciyapi kta. Unkan Jonatan tawipe kicičin kin heciya, Omapa wo; Jehowa hena Israel nape en wicaqu nakaś.

13 Unkan Jonatan nape siha ko iyunadi, qa tawipe kicičin kin ihakam u. Unkan Jonatan itokam hinĥpayapi, qa ihakam tawipe kicičin kin wicakte.

14 Unkan wokaśtake tokaheya kin de; Jonatan, qa tawipe kicičin kin wicakaśtake cin he wicaśta wikcemna nonpa cetu; maka onśpa tatanka akicaśkapi wanjidan yumdupi ece hanke kin hinskokeca ohna.

15 Unkan wicoti ohna wicacancan tanka yukan, tankan yakonpi, qa akicita tipi ohna oyate unpi owasin ehna, wamanun iyayapi qon is eya cancanpi; qa maka kin śkanśkan, hecen cancanpi wakan yukan.

16 Unkan Saul wicaśta tonweya najin wicaśi, Gibeya Benjamin ohna wanyakapi; unkan inyun wicota kin skanpi, qa akicipapi iyayapi.

17 Unkan Saul oyate iye opapi kin hewicakiya. Hopo, ihdawapo, qa tuwe unkiyepi etanhan iyaye cin iyeyapo. Unkan ihdawapi, qa Jonatan qa tawipe kicičin kin en unpi śni.

18 Unkan Saul Ahija heciya, Wakantanka canwohnaka tawa kiyedan au wo, he ehan Wakan-tanka tacanwohnaka kin Israel cinca kin om yanka.

19 Unkan Saul nahanhin wawa, yuśna kin okiye cin icunhan, Pilistim owanka kin ohna owo-dutaton icage ca sanpa tanka aya, heon Saul wawayuśna kin heciya, Ninape kin ehdaku wo.

20 Unkan Saul, qa oyate iye kici unpi kin owasin iyaičiśapi, qa wokicize ekta ipi. Unkan ito

SAMUEL TOKAHEYA,

ninahin yušinyeyapi qa canłpi on akicipapi.

21 Unkan Heberi tona he itokam Pilistim opapi, qa owankapi qa ihdukšan en om hipi kin, hena nakun Saul qa Jonatan om unpi kin owicapapi.

22 Unkan Israel Epraim he ohna inahmanpi qon owasin Pilistim najicapi kin nahonpi qehan, is eya wokicize en wicakuwapi.

23 Unkan anpetu kin he en Jehowa Israel niwicaya. Unkan wokicize Betawen iyopta iyaya.

24 Unkan, Toka mayanpi towicawecon kta, heon hitayetu itokam tuwe woyute onęe yute cinhan yašicapi kta Sauleya, qa taku wakan cajeyan wicaya; heon anpetu kin he en Israel wicašta kin nina mdokitapi, oyate owasin woyute onęedan yutapi šni nakaš.

25 Unkan makoce wicašta kin owasin taškoju wanji en ipi, unkan maka akan tuhmaęa canhanpi yukan.

26 Unkan oyate kin taškoju en ipi qehan, inyun tuhmaęa canhanpi kaduza, tuka oyate kin wokonze kin kokipapi, heon tuwedan nape kin i kin ekta ikikcu šni.

27 Tuka Jonatan iye atkuku oyate konza ewicakiye čehan nahon šni, qa sagye nape ohna hduhe cin inkpa kin yekiye ča canhanpi kaduze cin en oputkan, qa nape kin i kin ekta ehdaku, heon išta kin mdeza aya.

28 Unkan oyate etanhan wicašta wan ie ča heya, Niyate Oyate wokonze on nina konze wicaye ča heya, Tuwe nakaha woyute onęe yute cinhan yašicapi kta. Unkan oyate kin mdokitapi.

29 Unkan Jonatan heya, Ate makoce kin kiunniyan. Wanna wanyakapo, canhanpi kin de onęe uwate cin on išta mamdeza.

30 Tokin oyate kin toka wicayapi taku ełpeyapi iyeyapi kin he etanhan nakaha innahan yutapin. Unkanš dehan awicakehan Pilistim sanpa ota wicakaštakapi kta tuka.

31 Unkan anpetu kin he en Mikmaš etanhan Ajalon ekta hehanyan Pilistim wicakaštakapi; tuka oyate kin nina hustakapi;

32 Heon oyate kin taku kipi kin iyahpayapi qa tahnca, qa tatanaka, qa ptejicadan icupi, qa maka akan patapi, qa oyate tado we koya yutapi.

33 Unkan, Inyun oyate kin Jehowa awahtanipi, qa we koya yutapi ce, Saul okiyakapi. Unkan Wayahtanipi do. Nakaha inyan tanka wan miye akan amapaptanyanpo, eya.

34 Nakun Saul heya, Oyate wicehna enanakiya iyayapo, qa hewicakiyapo, Wicašta otaiyohi tatanka tawa, qa tahnca tawa mikiyedan hiyuyapo, qa wakiyušnapi qa yutapo; tuka ihnuhan Jehowa awayahtanipi, qa we koya yatapi kin. Hehan oyate kin owasin iyohi tatanka tawa hanyetu kin he en hiyuyapi, qa hen wakiyušnapi.

35 Unkan Saul wahna wošnapi wan Jehowa kicaęa, wahnawošnapi Jehowa kicaęe cin he tokaheya.

36 Unkan Saul heya, Hopo, hanyetu kin de Pilistim anawicuntanpi, qa hanhanna anpa kte cin hehanyan ihang wicunyanpi kte, hecen wanjidān owicunkaptapi kte šni. Unkan, Token iyonicipi kin iyecen econ wo, eyapi. Tuka wawayušna kin heya, Ito deciya Wakantanka ikiyedan unyanpi kte.

37 Unkan Saul Wakantanka iwānge ča heya Pilistim anawicawatan kta, Israel napepi en

WICOWOYAKE 15.

wicayaqu kta he? Unkan anpetu kin he en ayupte šni.

38 Unkan Saul heya, Oyate tokapapi kin owasin deciya upo, qa woalitani kin de nakaha tuwe en un kin sdonypa, qa wanyakapo.

39 Jehowa Israel ni wicaye cin ni kinhan Jonatan micinkši kaeš en un kinhan hee te kta. Tuka oyate kin owasin tuwedan ayupte šni.

40 Unkan Israel owasin hewicakiya, Niyepi owasin itato dukanpi kta, qa miye qa micinkši Jonatan ako unyakonpi kta. Unkan, Taku ništa kin en wašte kin econ wo, oyate kin Saul eciyapi.

41 Unkan Saul Jehowa Israel Wakandapi kin heciya, Ecetuya hiyuya ye. Unkan Jonatan qa Saul iwicacupi tuka oyate kin wicayuškapi.

42 Unkan Saul heya, Miye qa Jonatan on ehpeyapo. Unkan Jonatan icupi.

43 Unkan Saul Jonatan heciya, Taku ecanon omakiyaka wo. Unkan Jonatan okiyake qa heya, Sagye nape ohna wahduhe cin inkpa kin on tuhmağa canhanpi ongedan uwata, qa inyun mašte kta.

44 Unkan Saul heya, Wakan-tanka he iyecen qa isanpa econ nunwe, Jonatan awicakehan nište kta ce.

45 Unkan oyate kin Saul heciyapi, Jonatan wowanikiye tanka kin de Israel on nakaha econ kin hee te kta he? Hiya hecetu šni; Jehowa ni kinhan nakaha paha tawa sukaza wanjidan makata hinhpaye kte šni. He nakaha Wakantanka kici litani nakaš. Hecen oyate kin Jonatan yuškapi; unkan te šni.

46 Hehan Saul Pilistim wicakuwa etanhan itanwankanhde

kihda. Unkan Pilistim tamakocapi ekta hdapi.

47 Hecen Saul Israel iwankam wokiconze kin icu, qa tokawicaye cin ihdukšan yakonpi kin owasin azuwicaya; Moab, qa Amon cinca kin, qa Edom, qa Tzoba wicašta yatapi kin, qa Pilistim azuwicaya, qa tona etkakiya ihduhomni kin owasin iyokišin wicaya.

48 Qa ozuye tanka wan kağa qa Amaleq kaštaka, hecen Israel tona taku tawapi kipi qon napepi etanhan niwicaya.

49 Unkan Saul cinca kin dena eepi, Jonatan, qa Jišuwi qa Malekišua, qa cunwintku nonpa kin, tokapa kin Merab eciyapi, qa hakakta Mikal eciyapi.

50 Qa Saul tawicu kin Ahinoyam eciyapi he Ahimayatz cunwintku; qa taozuye mdetanhunka kin Abner Saul atkuku sunkaku cinhintku.

51 Qa Qiš Saul atkuku, qa Ner Abner atkuku kin Abiel cinca hecapi.

52 Unkan Saul taanpetu owasin Pilistim om nina kicizapi, heon Saul wicašta wašaka, qa wicašta waditaka tona wanwicayaka owasin iye ekta yuwitaya hiyuwicakiya.

WICOWOYAKE 15.

1 Unkan Samuel Saul heciya, Jehowa iye taoyate Israel ate niyanpi kta e sdaciye kta on niye ekta ye maši, heon nakaha Jehowa oie ho kin naħon wo.

2 Jehowa obe yuhe cin hecen eya, Israel Egupta etanhan itanwanhde kupi qehan, Amaleqi taku ecawicakicon, qa canku kin ohna awicakipe kin he weksuya.

3 Wanna ekta ye qa Amaleqi kaštaka wo, qa taku tawa kin

SAMUEL TOKAHEYA,

iyuhpa ihangya wo, qa wicapatan šni wo; tuka wicakte wo, wicašta qa winohinca qa šiceca azin unpi keš, nakun tatanka, qa tahnca, qa camo, qa šonšonna.

4 Unkan Saul oyate kin nahon wicaya, qa Telaim ohna wicayawa, wicašta huiyun kektopawinge opawinge nonpa, qa Juda etanhan wicašta kektopawinge wikcemna.

5 Unkan Saul Amaleqi tonwanyanpi ekta i, qa kaksiza ohna iyawicape.

6 Qa Saul Qeni kin hewicakiya, Hopo Amaleqi wicehna tanhan ihdutokanpi, qa hunktiyapo. Hecanonpi šni kinhan okini hena om ihang ciyapi kta. Niyepi Israel cinca kin owasin cante wicayakiyapi, Egipta etanhan itanwankanhde kupi qehan. Unkan Qeni kin Amaleqi kin wicehna tanhan iyayapi.

7 Unkan Saul Amaleqi wicakaštaka Hawila etanhan Šur Egipta itokam wanke cin ekta yapi kin hehanyan.

8 Qa Agag Amaleqi wicašta yatapi kin niyake icu; tuka oyate kin owasin canłpi hi on ihang wicaya.

9 Tuka Saul, qa oyate kin Agag, qa tahnca, qa pte wanunyanpi iyotan waštepi, qa tatankadan, qa tahnca cinca tona iyotan wašte niyanpi, qa ihang wicayapi wicadapi šni; tuka wanunyanpi šica, qa wahte šni kin hena owasin ihang yapi.

10 Unkan Jehowa oie kin Samuel heciya.

11 Saul wicašta yatapi wakage cin he on iyope mičiye, omape cin etanhan ihdamna, qa mioie kin ecen econ šni nakaš. Unkan Samuel iyokišice qa hanyetu osan Jehowa hoyekiya.

12 Unkan ihanhanna Samuel

hanhanna kin kika, Saul itkokipe kta. Unkan tuwe Samuel okiyeke qa heciya, Saul Karmel ekta hi, qa wokiksuye wan ekicihde, qa yuwinh iyaya, qa Gilgal ekta apamahde iyaya.

13 Unkan Samuel Saul ekta i. Unkan Saul heciya, Jehowa niyawašte, Jehowa oie kin ecen ecamon ce.

14 Unkan Samuel heya, Hecinhan tahnca ho kin de, qa pte ho kin noqe iyomalıpaye cin de nawañon kin he taku hwo.

15 Unkan Saul heya, Hena Ameleqi etanhan ahđipi. Oyate kin Jehowa Wakanyada wakiyusnapi kta, heon tahnca, qa pte wašte kin etanhan hena niyanpi, qa unman owasin ihang unyanpi.

16 Unkan Samuel Saul heciya, Inina yanka wo; hecen Jehowa oie, hinhan emakiye cin ociciyake kta. Unkan, Eya wo, eciya.

17 Unkan Samuel heya, Ništa en nicistinna qehan, Israel wicoun pa kin henica kta, qa Israel ate niyanpi kta e Jehowa sda niye šni he?

18 Qa canku ohna Jehowa ye niši qa heniciya, Ekta ya, qa walitanipi sa Amaleqi ocowasin wicakte wo, qa wicadusote kte cin hehanyan azuwicaya wo.

19 Heon tokeca Jehowa ho kin nayañon šni, qa woyuha kin iya yałpada, qa Jehowa išta kin en taku šica ecanon?

20 Unkan Saul Samuel heciya, He en Jehowa ho kin nawañon, qa canku ohna Jehowa ye maši kin omawani qa Agag Amaleqi wicašta yatapi kin awahdi, qa Amaleqi kin ocowasin ihang wicawaya.

21 Tuka oyate kin woyuha etanhan icupi, tahnca, qa pte, taku ihang yapi kta etanhan taku iyo-

WICOWOYAKE 16.

tan wašte, Gilgal ohna Jehowa wakiyuśnapi kta e icupi.

22 Unkan Samuel heya, woluħ-nahyapi, qa wośnapi Jehowa ho kin nahonpi kin iyecen Jehowa iyokipi he? Hiya, wanaħonpi kin wośnapi kin isanpa wašte, qa waanaġoptanpi kin tamdoka śin kin isanpa.

23 Wokipajin kin hanmdepi woaħtani kin iyececa, qa wanaħonpi śni kin wakaġapi ohodapi kin iyececa; Jehowa oie kin heya iyeyaya, heon Jehowa niye wicašta yatapi henica kte śni e heyata iyenian ce.

24 Unkan Saul Samuel heciya, Wawaħtani, oyate kin kowicawakipa, qa hopi kin anawaġoptan; heon Jehowa i kin acawa-kśin qa nioie kin nakun.

25 Heon dehan wawaħtani micicajuju wo, qa mici hda wo, ceciciya, hecen Jehowa ohowada kta.

26 Unkan Samuel Saul heciya, Nici mde kte śni; Jehowa oie kin heyata iyeyaya, heon Jehowa heyata iyenian; qa Israel iwankam wicašta yatapi yaun kte śni.

27 Qa Samuel kihde kta ihdamna; unkan taśina opapun yuza, qa yuħdeca.

28 Unkan Samuel heciya, Nakaha Jehowa Israel tokiconze kin niye etanhan yuħdeca, qa nitakoda wan niye isanpa wašte kin he qu.

29 Nakun tuwe Israel waśagye cin itonśni wanica, qa iyope ikiye kte śni; iyopeikiye kta e wicašta heca śni.

30 Unkan heya, Wawaħtani ešta ceciciya, nakaha oyate mitawa hunkayapi itokam mayuonihan wo, qa Israel itokam; qa micihda wo, hecen Jehowa Wakan yada kin ohowada kta.

31 Unkan Samuel ihdamna, Saul ihakam. Unkan Saul Jehowa ohoda.

32 Unkan Samuel heya, Agag Amaleqi wicašta yatapi kin mi-kiyedani hiyuyapo. Unkan Agag iyokipiya ekta hi; qa, Awicakeha wiconte oiyokiśice kin wanna henakeca, Agag eya.

33 Unkan Samuel heya, Canħpi nitawa winoħinca cinca wanica wicakaġe cin iyecen nihun winoħinca ehna cinca nice kta; qa Samuel Agag kaśpaśpa, Jehowa itokam, Gilgal ohna.

34 Unkan Samuel Rama ekta hda, qa Saul Gibeya ekta hda.

35 Unkan Samuel te śni kin hehanyan icimana Saul wanyag i śni; tuka Samuel Saul on iyokiśin ikiye. Unkan Jehowa Saul wicašta yatapi Israel wicakicake cin heon iyope ikiye.

WICOWOYAKE 16.

1 Unkan Jehowa Samuel heciya, Tohanyan niye Saul on iyokiśin nikiye kta he? Israel iwan-kam wicašta yatapi kte śni wakonzana, heon etanhan. Tahe duhe cin wihdi ojuya wo, qa ito Jesse Betlehemi kin ekta ye ciśi kta, iye cinca kin etanhan wicašta yatapi wan wahdaħniga nakaś.

2 Unkan Samuel heya, Token mde kta he? Saul he nahon kinhan makte kta. Unkan Jehowa heya, Pte heyuktanna wan nape on iyacu kta qa, Jehowa wawakiyuśna kta e wahi ce ehe kta.

3 Qa wośnapi ekta Jesse yeco kta, qa token ecanon kta miye sdonye ciciye kta, qa tuwe eciciye cin he sda miyeciciye kta.

4 Unkan Samuel token Jehowa eye cin iyecen econ, qa Betle-

SAMUEL TOKAHEYA,

hem ekta i. Unkan otonwe hun-kayapi kin cancanyan itkokipapi, qa, Wookiye en yahi he? eyapi.

5 Unkan heya, Wookiye en Jehowa wawakiyuśna kta e wahi ce. Ihduwakanpo, qa wośnapi ekta mici yapo. Qa Jesse, qa iye cinca kin wicayuwakan, qa wośnapi ekta wicakico.

6 Unkan hiyupi qehan, Eliab wanyake ça heya, Jehowa sda kiye cin he itokam najin ce.

7 Tuka Jehowa Samuel heciya, Ihnuhan itohnake, qa tancan hanske cin ekta eyatonwe cin. He ihawaktaśni nakaś, wicaśta wiciśta kin en etonwanpi, tuka Jehowa wicacante kin atonwan, hecen wicaśta wanyakapi kin iyecen wanmdake śni.

8 Unkan Jesse Abinadab kipan, qa Samuel itokam hiyaye ya. Unkan he nakun Jehowa kañniġe śni, eya.

9 Unkan Jesse Śanma hiyaye-ya. Unkan, he nakun Jehowa kañniġe śni, eya.

10 Hecen Jesse iye cinhintku śakowin Samuel itokam hiyaye wicaya. Unkan Samuel Jesse heciya, Hena Jehowa wicakañniġe śni.

11 Unkan Samuel Jesse heciya, Kośka denanapi he? Unkan, Hakakta nahanhin hi śni; tuka ito tahnca kin wihanwicaya, eya. Unkan Samuel Jesse heciya, Tuwe huweye śi wo. Tohanyan den hi śni, wotapi unkiyotankapi kte śni ce.

12 Unkan huweyapi, qa en hiyuyapi. Unkan ite kin śa, qa iśta wiciyokipi, qa owanyag waśte. Unkan Jehowa heya, Najin, qa sdaya wo, dee nakaś.

13 Unkan Samuel tahe wihi ojutonpi kin icu, qa cinye wicaye cin wicehna sdaya. Unkan anpetu kin he ehantanhan Jeho-

wa toniya kin Dawid ahinhe. Unkan Samuel najin iyaye ça Rama ekta kihda.

14 Unkan Jehowa toniya kin Saul ayuśtan iyaya; unkan woniya śica wan Jehowa etanhan yuśinyeya.

15 Unkan Saul taokiye kin heciyapi, Inyun yuśinye niye cin woniya wakan śice ee.

16 Ito itancan unyanpi hecon wicayaśi kinhan, nitaokiye nito-kam najinpi kin wicaśta wan candowan-kiyapi econ wayupika akitapi kta; unkan woniya wakan śice cin anihinheya ca nape on dowan kiye kta, hecen niye on waśte kta.

17 Unkan Saul taokiye hewicakiya, Wicaśta wan candowan-kiya wayupika amicicitapo, qa en hiyu makiya po.

18 Unkan kośkapi etanhan wanjie ie ça heya, Iho Jesse Betlehe-mi kin cinhintku wan candowan-kiya wayupika wanmdaka, wicaśta waśaka, waditaka, ozuye wicaśta, qa ie ksapa, qa owanyag waśte, qa Jehowa he kici un ece.

19 Unkan Saul Jesse ekta ohni-hde ye wicaśi, qa heciya, Nicin-kśi Dawid tahnca awanyake cin he miye ekta u śi wo.

20 Unkan Jesse śonśonna wan aguyapi qin kiye ça miniśa opahte wan, nakun tatokadan wanyanpi cinca wan icu, qa iye cinhintku Dawid, hena yuha, Saul ekta yeśi.

21 Unkan Dawid Saul ekta i, qa itokam najin. Unkan nina waśtedaka, unkan tawipe kiciġin ece.

22 Unkan Saul Jesse wahoye ça heciya, Tokin Dawid mici yanke kten; miśta en woiyokipi iyeya nakaś.

23 Unkan woniya taku wakan

WICOWOYAKE 17.

etanhan Saul iyahpaya eca, Dawid candowankiyapi kin icu, qa nape on dowankiya, qa Saul a sni kiya, hecen tanyan un, qa woniya sice cin he ayuŕtan iya-ya ece.

WICOWOYAKE 17.

1 Unkan Pilistim wokicize on obe mnaiciyapi, qa Soko Juda tawapi en ihduwitayapi, qa Soko qa Azeka otahedan Epesdanmim ohna ahitipi.

2 Unkan Saul qa Israel wicaŕta kin ihduwitayapi, qa Ela (utuhu) osmaka en tipi, qa kicizapi kta Pilistim wicitkokim ocimdagehan najinpi.

3 Unkan Pilistim he wan akan najinpi, qa Israel he tokeca wan akan najinpi, qa hena otahedan kaksiza wan wanka.

4 Unkan Pilistim owanka etanhan wicaŕta waŕaka wan inanpa, Golia eciyapi, Gat etanhan, ohan-ske cin wiciŕpa ŕakpe, qa napa-pasdecapi wanjidan.

5 Qa pa kin akan mazaŕa wapaha wan un, qa maku akahe mazaceŕpu seca koyag ya, qa maku akahe mazaŕa kin tkeutapi kin ŕeqel kektopawinge zaptan.

6 Qa huha kin akan mazaŕa akahepa, qa mazaŕa wahacanka wan tahepa akan yuha.

7 Qa tawahukeza ihupa kin wakazuntapi ihupa wan iyececa, qa tawahukeza hi kin mazaŕapa ŕeqel opawinge ŕakpe, qa *wicaŕta* wan wahacanka yuha he itokam mani.

8 Qa owanji najin, qa Israel ocimdahe najinpi kin wicakipan, qa hewicakiya, Tokeca ocimdahe wakizapi kta yahipi he? Miye Pilistim wicaŕta hemaca sni he? qa niyepi Saul wowidag niyanpi.

Wicaŕta wan miye ekta hi kte cin hdahegapo;

9 Makize qa makaŕtake kta oki-hi kinhan wowidake unyaduhapi kta; tuka miye he ohiwaye qa wakaŕtake cinhan, wowidake un-niyuhapi kta.

10 Unkan Pilistim wicaŕta kin heya, Nakaha Israel obe ocimdahe okicize eciciyapi, Wicaŕta wan maqupo, hecen unkeciyapi kta.

11 Unkan Saul, qa Israel owasin Pilisti oie kin hena nahonpi qehan, yuŕinyayapi, qa nina koki-papi.

12 Unkan Eprati wicaŕta qon Jesse eciyapi, Betlehem Juda etanhan, Dawid cinkŕiya. Qa cinhintku ŕahdogan qa wicaŕta kin he Saul wicaŕta yatapi qehan, wicaŕta ehna wicahinca yawapi ece.

13 Qa Jesse cinhintku tokapa yamni iyayapi, qa wokicize ekta Saul opapi; qa cinhintku yamni wokicize ekta ipi kin dena cajepi, caske kin Eliab, qa iyokihe Abinadab, qa iyamni ŕanna eciyapi.

14 Unkan Dawid hakakta, tuka yamni tokapa kin hena Saul opapi.

15 Wanna Dawid Saul etanhan iyaye qa atkuku tahinca tawa wiŕhan wicakiye kta Betlehem ekta ki.

16 Unkan Pilistim wicaŕta qon hanhanna litayetu koya anpetu wikcemna topa wicikiyedani najin.

17 Unkan Jesse iye cinhintku Dawid heciya, ceonpapi kin de etanhan epa wanji nicinye on icu wo; nakun aguypapi wikcemna kin dena, qa owanka ekta nicinye ekta inyang ya wo.

18 Qa pte asanpi suta wikcemna kin dena akicita kektopawinge itancan kin yakai kta; qa

SAMUEL TOKAHEYA,

nicinye tanyan unpi kinhan iwan-wicadake kta, qa taku icazo icu-pi kin wicayecicajuju kta.

19 Hehan Saul, qa hena, qa Israel owasin Ela (utuhu) osmaka ekta Pilistim wicakizapi.

20 Unkan Dawid hanhannahin kikta, qa waawanyake wan tahinca kin awanyag ši, qa hena yuha iyaya, Jesse econ ši qon he iyecen, qa wahpaya hnakapi ekta i, ozuye ocimdañ iyayapi, qa wicakizapi kta iyaşapi iye-han.

21 Unkan Israel ocimdañ iya-yapi; unkan Pilistim wicitkokim ocimdañ hinajinpi.

22 Unkan Dawid taku ahi kin wahpaya awanyake cin nape ohna ehpeya, qa iyaye ça kicizapi kin ocimdañ najinpi kin ekta i, qa cincu tanyan unpi hecinhan iwicawangä.

23 Qa om wohdaka icunhan, Inyun wicaşta waşaka qon, Golia Pilisti kin eciyapi, Gat etanhan, Pilistim ocimdağehan najinpi kin etanhan inanpa, qa oie eye ciquon iyecen ia; unkan Dawid nañon.

24 Unkan Israel wicaşta owasin wicaşta qon wanyakapi qehan, etanhan najicapi qa nina kikipapi.

25 Unkan Israel wicaşta kin heyapi, Wicaşta itanwankanhde u kin de wandaka he? Israel iştēn wicaye kta e hiya ce. Heon tuwe he kaştake cinhan wicaştayapi kin wicaşta kin he wijica kağē kta, wowijice tanka on, qa iye cunwintku qu kta, qa atkuku tiyohnaka Israel ohna ihduhapi heca wicakağē kta.

26 Unkan Dawid wicaşta iye ikiyedan najinpi kin hewicakiya, Tuwe Pilisti wicaşta kin kaştake ça Israel iştēn wicaye cin yuto-kan kin, wicaşta kin he token ecakiconpi kta he? Pilisti baki-

ñdayapi şni kin he tuwe on naka-ha, Taku Wakan ni un taozuye kin iştēnya he?

27 Unkan oyate kin wicoie qon iyecen eyapi, qa heciyapi; Tuwe wicaşta kin he kaştake cinhan hecen ecakiconpi kta.

28 Unkan cincu tokapa kin Eliab wicaşta om wohdaka kin nañon, qa Eliab Dawid canniyeya, qa heya, Tokeca den yahi he? qa tahinca tonana kin hena tuwe yuha hewoskan ehpe wicayaya he? Wahianniçida, qa taku şica nicante en un kin sdonwaya; wokicize wanyag yahi nakaş.

29 Unkan Dawid heya, Nakaha taku ecamon he? qa hecamon kta iyecece şni he?

30 Qa cincu tantanhan wicaşta tokeca wan ekta ihduhomni, qa wicoie qon ake heya. Unkan wicoie tokaheya qon iyecen ake eyapi.

31 Unkan wicoie Dawid eye cin nañonpi, qa Saul okiyakapi; unkan he wahoya.

32 Unkan Dawid Saul heciya, Ihnuhan wicaşta tuwe cante kin hanye cin. Nitaokiye ekta i kte ça Pilisti kin de kize kta.

33 Unkan Saul Dawid heciya, Pilisti kin de ekta de ça yakize kta oyakihi şni; honikşidan, qa iye hokşidan ehantanhan, wicaşta zuye sa.

34 Unkan Dawid Saul heciya, Nitaokiye iye atkuku tahinca awankiciyaka yanka ça mnaja wan en hi, qa wahanksica wan nakun, qa optaye etanhan tahinca wan icupi.

35 Unkan ihakam kuwa imdamde ça wakaştake ça i kin etanhan iwekcu, qa anamajin qehan putinhin induze ça wakaştake ça wakte.

36 Nitaokiye mnaja, qa wahan-ksica napin wicakte, qa Pilisti

bakihdayapi šni kin de hena wanji iyececa kta. Taku wakan ni un kin taozuye kin išten ya nakaš.

37 Nakun Dawid heya, Jehowa mnaja nape kin etanhan, qa wahanksica nape etanhan emahdaku kin he Pilisti kin de nape kin etanhan emahdaku kta ce. Unkan Saul Dawid heciya, Ekta ya wo, qa Jehowa nici un nunwe.

38 Unkan Saul iye tawokoyake kin Dawid koyag kiye ça muzaša wapaha wan pa akan ehna ke ça mazasapa maku akahe wan koyag ya.

39 Unkan Dawid heyake kin akapa tanhan mazasagye kin ipiyag kiton, qa nahanhin ute šni heon mani kta uta. Qa Dawid Saul heciya, Dena nahanhin imdute šni, heon yuha mde kta owakitpani, qa Dawid hena hdušdoka.

40 Qa cansagye nape en ikikcu, qa wakpadan etanhan inyan šdušduta zaptan kašnige ça wihankiyapi wipe hduhe ehna wojuha en iyeye ça iyuhmun nape ohna ikikcu, qa Pilisti kin ikiyedana ya.

41 Unkan Pilisti kin mani, qa Dawid ikiyedan hiyu, qa wicašta wahacanka kiciyuhe cin he itokam mani.

42 Qa Pilisti kin etonwe ça Dawid wanyake ça ihakta šni, he hokšidan, ite kin ša, qa owanyag wašte nakaš.

43 Unkan Pilisti kin Dawid heciya, Šunka hemaca kecanni heon cansagye kiton tatpe mayahi he? Qa Pilistim taku iye wakan da on Dawid yašica.

44 Qa Pilisti kin Dawid heciya, Kuwa wo, hecen nicehi kin mahpiya okinyanpi kin, qa tinta wamanica kin wicawaqu kta.

45 Unkan Dawid Pilisti kin heciya, Niye maza sagye, qa wahukeza, qa canhi hduha tatpe

mayahi, tuka miye Jehowa obe yuha Israel ozuye wakandapi kin išten yaye cin he cajeyan niye ekta wau ce.

46 Qa nakaha Jehowa minape en niču kta, qa cicaštaka kta, qa nipa kin bacikse kta, qa Pilistim obepi celhi kin mahpiya okinyanpi kin, qa maka wamanica kin wicawaqu kta, hecen Israel en taku wakan yukan maka owancaya sdonyapi kta.

47 Qa Jehowa mazasagye, qa wahukeza on ni wicaye šni omnicie kin de ocowasin sdonyapi kta. Wokicize kin de Jehowa tawa ce, qa unnapepi en unniču-pi kta nakaš.

48 Unkan Pilisti kin najin qa mani, qa Dawid itkokipe kta ikiyedan u qehan, Dawid inahni, qa Pilisti kin itkokipe kta wokicize ekta inyanka.

49 Qa Dawid tawojuhadan ekta nape yekiye ça hetanhan inyan wan icu, qa kašo iyeya, qa Pilisti ite en iheya, unkan inyan kin ite kin mahen iyaya, heon ipusdiya makata hinhpaya.

50 Hecen Dawid iyuhmun, qa inyan wan on Pilisti kin ohiye ça Pilisti kin kaštaka ça tehiya, tuka Dawid nape ohna isan nica.

51 Heon Dawid inyanke ça Pilisti tancan kin akan iyahan, qa isan tawa kin yušdoka, ojuha etanhan, qa te kiya, qa on pabaksa. Unkan Pilistim kin wicašta wašaka tawapi kin wanna ta wanyakapi hehan najicapi.

52 Unkan Israel qa Juda wicašta kin najinpi, qa iyašapi, qa Pilistim kuwa ewicayayapi, osmaka ekta de cin, qa Yeqron tiyopa ekta hehanyan. Unkan Pilistim capapi kin hena hinhpayapi canku otonwe tiyopa kin iyahde ohna Gat ekta, qa Yeqron ekta hehanyan.

SAMUEL TOKAHEYA,

53 Unkan Israel cinca kin Pili-stim wicakuwapi etanhan ihdamnapi, qa owanka qon ohna wahpaya kin icupi.

54 Unkan Dawid Pilisti qon pa kin icu, qa he yuha Jerusalem ekta i, tuka tawipe kin wakeya tawa en kihnaka.

55 Unkan Saul Dawid Pilisti kin itkokipe kta iyaye cin wanyake cehan taozuye itancan kin Abner heciya, Abner koska kin de tuwe cinhintku he? Unkan Abner heya, Wicašta yatapi ninaği ni kin sdonwaye šni.

56 Unkan wicašta yatapi kin heya, Niye iwanga wo, koska kin tuwe cinhintku he?

57 Unkan Dawid Pilisti kin kaštake cin etanhan ku qehan, Abner he icu, qa Saul itokam hiyuya, Pilisti pa kin nape ohna yuha un.

58 Unkan Saul heciya, Koska tuwe cinhintku kin he niye he? Unkan, Nitaokiye Jesse Betlehem i cinhintku kin he miye, Dawid eya.

WICOWOYAKE 18.

1 Unkan Saul kici wohdaka aya-štan qehan, Jonatan naği kin Dawid naği en iya-ihdaške ça Jonatan he wašte daka iye naği kin iyecen.

2 Unkan anpetu kin he en Saul he icu, qa atkuku ti en hde kta icimana iyowinkiye šni.

3 Unkan Jonatan iye naği kin iyecen Dawid waštedaka, heon otakuye kicicağa.

4 Qa Jonatan šina in kin hdušdoke, ça Dawid qu, nakun taheyake, qa isan tawa, qa tinazipe, qa ipiyaka tawa.

5 Unkan Dawid tokiya kašta Saul yeši kin owasin ekta i, qa wayupiya econ. Unkan Saul

taakicita tancan kağa. Unkan oyate kin owasin iyowicakipi; nakun Saul taokiye owasin iyowicakipi.

6 Wanna Dawid Pilisti kin kaštake cin etanhan hdicupi qehan, winohinca Israel otonwe owasin etanhan inanpapi, canceğa, qa candowankiyapi yuha, wiyuškinyan dowanpi, qa wacipi Saul wicašta yatapi itkokipapi.

7 Qa winohinca škatapi akiciyuptapi qa heyapi, Saul kektopawinge ota kte, qa Dawid kektopawinge wikcemna ota.

8 Heon Saul nina šihda, qa wicoie kin he šicedaka qa heya, Ecah Dawid kektopawinge wikcemna qupi, qa miye kektopawinge waujidan maqupi. Ehaes tokata iye wicašta yatapi kta.

9 Unkan anpetu kin he etanhan, Saul Dawid inakiwizi.

10 Unkan ihanhanna etanhan taku wakan etanhan woniya šica kin Saul iyahpaya, heon tipi ohna waayate. Unkan Dawid nape kin on dowankiya, anpetu iyohi hecon ece kin iyecen. Unkan Saul nape kin ohna wahukeza yuha.

11 Unkan Saul wahukeza kin yuwankan icu, qa, Dawid tiunaptan icam ihewaye kta ecin. Tuka itokapa tanhan Dawid ihdu-tokan, nonpa akihde.

12 Unkan Saul Dawid kokipa, Jehowa he kici un, qa Saul ayu-štan heon etanhan.

13 Heon Saul iye etanhan tokan iyaye ya, qa akicita kektopawinge itancan kağa. Unkan oyate itokam inanpa, qa hdi.

14 Qa Dawid ohanye cin owasin en ksapa, qa Jehowa kici un.

15 Qa nina ksape cin he Saul wanyaka, heon itokam inihan.

16 Unkan Israel, qa Juda owasin Dawid wašte dakapi, wicito-kam inanpe ça en hdi nakaš.

WICOWOYAKE 19.

17 Unkan Saul Dawid heciya, Howo micinksi, wadinitake ca Jehowa tokicize yakize cinhan, micunksi tokapa Merab he duze kta e ciu kte. Minape he ape kte sni, tuka Pilistim napepi kin heconpi kta Saul ecin nakaš.

18 Unkan Dawid Saul heciya, Miye matuwe he? qa wani kin, ate wicowazi tawa Israel ohna he taku on, wicašta yatapi kin takoš maye kta he?

19 Unkan Saul cunwintku Merab Dawid qupi kta iyehantu qehan; Adriel Meholati tawicu kta e qupi.

20 Unkan Mikal Saul cunwintku kin Dawid wašte daka. Unkan Saul okiyakapi. Unkan wicoie kin he iye išta kin en wašte.

21 Unkan, He waqu kta, hecen he hmunke kta, qa Pilistim apapi kta, Saul eya qa, Nonpapi on nakaha takoš ciye kta Saul Dawid eciya.

22 Howo wicašta yatapi kin wašte nidaka, qa taokiye owasin wašte nidakapi, heon wicašta yatapi kin tunkan ya wo, Saul taokiye owasin Dawid nahmana eciye wicaši.

23 Unkan Saul taokiye wicoie kin hena Dawid nođe ohna eyapi. Unkan Dawid heya, Wicašta yatapi kin tunkan yanpi kte cin taku sni yadapi he? Miye mawahpanica, qa matakun sni tuka.

24 Unkan Saul taokiye kin okiyakapi, qa Wicoie kin dena iye-cen Dawid ia, eyapi.

25 Unkan Saul heya, Decen Dawid eciyapo, Wicašta yatapi kin wolpe takudan cin sni, Pilistim ceinkpaha kin opawinge wanji heceedan, hecen wicašta yatapi kin tokayapi towicakičon kta. Hecen Saul Dawid Pilistim napepi on te ye kta kecin.

26 Unkan taokiye Dawid wicoie

kin hena okiyakapi. Unkan wicašta yatapi tunkan ye kta wicoie kin Dawid iyokipi, qa anpetu *cajeyatapi* kin nahanhin henakeca sni;

27 Qehan Dawid iyaya, iye qa wicašta wicayuhe cin qa Pilistim wicašta opawinge nonpa wicakaštakapi, qa ceinkpaha tawapi kin, Dawid yuha hi, qa wicašta yatapi takošye kta e owasin kiciyawa. Unkan Saul iye cunwintku Mikal tawicu kta e qu.

28 Qa Jehowa Dawid kici un kin, qa Mikal Saul cunwintku Dawid wašte dake cin Saul wan-yake ca sdonya.

29 Unkan ake Saul Dawid on sanpa kokipe ca Saul anpetu owasin Dawid toka ya.

30 Unkan ake Pilistim itancanpi kin zuya hipi, qa zuya hipi eca Dawid Saul taokiye owasin isanpa ksapa ihdutanin, qa caje kin nina kinihanpi.

WICOWOYAKE 19.

1 Unkan Saul iye cinhintku Jonatan, qa taokiye owasin Dawid ktepi kta kewicakiya, tuka Jonatan Saul cinhintku kin Dawid nina wašte daka.

2 Heon Jonatan Dawid okiyake ca heya, Ate nikte kta akin un, heon waktaya un wo, hanhanna kte cin hehanyan, qa inahma, qa nahmanna iwanka wo.

3 Qa miye inawape kta, qa tinta ohna ate kici nawajin kta, nanke kte cin ikiyedon, qa niye on ate kici iwae kta, qa taku wanmdake kte cin he ociciyake kta.

4 Unkan Jonatan iye atukun Saul kici Dawid on taku wašte ie ca heciya, Ihnuhan wicašta yatapi kin taokiye Dawid en wahtani kin, iye wanicihtani sni,

SAMUEL TOKAHEYA,

tuka taku ecanicen kin owasin wašte hinca.

5 Qa naği kin nape en ikikcu, qa Pilisti kin kaštaka, qa woehdaku tanka Jehowa Israel owasin on econ kin wandake ça nina widuškin. Heon nakaha tokeca taku šni on Dawid te yaye kta, qa tuwe takudan šica econ šni we kin awayahtani kta he?

6 Unkan Saul Jonatan ho kin nahon, qa wakonze ça Jehowa ni kinhan teyapi kte šni, eya.

7 Unkan Jonatan Dawid kipan, qa Jonatan wicoie kin hena owasin okiyaka, qa Jonatan Dawid kici Saul ekta ipi, qa he itokam kici un qon ake iyecen kici un.

8 Unkan ake zuya upi, unkan Dawid inanpe ça Pilistim wica-kiza, qa wopate tanka on wica-kaštaka, heon itokapa tanhan napapi.

9 Unkan woniya šica qon Jehowa etanhan Saul akan un qehan, ti kin ohna iyotankehan, nape ohna, wahukeza hduha; unkan Dawid nape on dowankiya.

10 Unkan Saul wahukeza on tiunnaptan ekta Dawid cape kta kecin, tuka Saul itokapa tanhan inašdoka; unkan wahukeza on tiunnaptan kin capa. Unkan Dawid najica, qa hanyetu kin he en ničiya.

11 Unkan Saul Dawid ti kin ekta ohnihde ye wicaši, awanyakapi kta, qa ihanlianna kinhan ktepi kta, heon etanhan. Unkan Mikal Dawid tawicu kin okiyake ça heya, Ninaği hanyetu kin de niničiye šni kinhan, heyakecinhan niše kta ye.

12 Qa Mikal owanyeye wan ohna Dawid kun iyaye ya. Unkan iyaye ça najice ça ničiya.

13 Unkan Mikal wakağapi wan icu, qa towinja akan ehna ke ça tatokadan hin ipahin pa kin ihu-

kuya yeya, qa šina wan on aka-łpa.

14 Unkan Saul ohnihde Dawid huweye wicaši; unkan, Wayazanka ye, eya.

15 Unkan Saul ohnihde wanyakapi kta ye wicaši, qa, Wakte kta e owinja akan miye en aupo, eya.

16 Unkan ohnihde wicaye cin ekta ipi, qa inyun wakagapi wan owinja akan yanke ça pa kin ekta tatokadan hin ipahin yapi.

17 Unkan Saul Mikal heciya, Tokeca decen mayahnayan, qa tokawaye cin iyaye yaya he? hecen wanna ničiya. Unkan Mikal Saul heciya, Iye hecen emakiya ye, Ye mayan wo, tokeca cikte kta he?

18 Unkan Dawid najice ça ničiye ça Samuel ekta i, Rama ekta, qa taku Saul ecakicon owasin okiyaka, qa Samuel kici iyaya, qa Naiot (Waayate tipi) en tipi.

19 Unkan, Ito Dawid Naiot en, Rama ohna yanka ce, Saul okiyakapi.

20 Unkan Dawid yuzapi kta, Saul ohnihde ekta ye wicaši. Unkan waayate optaye woyakapi kin, qa Samuel wiciwankam najin wanyakapi qehan, taku wakan toniya kin Saul ohnihde wicaya awicahinłpaya, qa is eya woyakapi.

21 Unkan Saul okiyakapi qehan, ohnihde tokeca yewicaši, unkan is eya woyakapi. Unkan ake iyamni Saul ohnihde yewicaši; unkan is eya woyakapi.

22 Hehan is eya Rama ekta i, qa minilidoka tanka Seku en yanke cin ehan i qehan, wawiwange ça Samuel qa Dawid tukten unpi he? eya. Unkan waayate tipi en, Rama ohna yakonpi ce, eyapi.

WICOWOYAKE 20.

23 Unkan waayate tipi Rama ohna un kin ekta i. Unkan taku wakan toniya kin is eya akan un, qa waayate tipi ekta, Rama en i kin hehanyan mani, qa waayata.

24 Unkan is eya, wokoyake hdušdoka, qa is eya Samuel itokam woyaka, qa anpetu kin he osan, qa hanyetu osan tancodan makata wanka; heon Saul is eya waayatapi om yanka he? eyapi.

WICOWOYAKE 20.

1 Unkan Dawid waayate tipi, Rama ohna yanke cin hetanhan najice ça Jonatan ekta i, qa heciya, Taku ecamon he? qa miohan šica tukte e he? qa niyate itokam wawahtani tukte e he on minagi kin akita?

2 Unkan heciya, Hiya hecetu šni niŋe kte šni. Ate taku tanka qaiš taku cistinna unmanna econ šni ece, minoŋe yazamni šni itokam, qa token wicoie kin de miye etanhan nahman kta he? hecetu šni ce.

3 Unkan Dawid taku wakan cajeyate ça ake heya, Niišta en woiyokipi iyewaye cin niyate awicakehan sdonya, heon heya, Ihnunhan Jonatan de sdonye cinhan, okini icante šice kta. Awicakehan Jehowa ni qa ninagi ni kinhan, miye qa wiconŋe otahedan caehde wanjidan.

4 Unkan Jonatan Dawid heciya, Ninagi taku cin *emayakiye* cinhan ecacicon kta.

5 Unkan Dawid Jonatan heciya, Ito heyakecinhan wi teca kin hee kta, qa miye wicašta yatapi kin kici imdotanke ça wawate kta iyececa. Tuka iyaye makiya wo, hecen anpetu iyamni htayetu kte cin hehanyan magata inawalibe kta ce.

6 Niyate cajemayate cinhan, Dawid cin makiya, qa imawanŋa, iye totonwe Betlehem ekta inyanke kta; heciya wicowazi owasin on anpetu wanjikši wošnapi wicakicaŋapi ce, ehe kta.

7 Unkan Hecetu ce, eye cinhan nitaokiye wookiye yuhe kta. Tuka šihda kinhan, iye wanna wocanniye on ojudan sdonya wo.

8 Heon nitaokiye wocantkiye ecayecon kta; Jehowa wotakuye nitaokiye qa niye otahedan hiyuyaya nakaš: miohan šice cinhan niye makte wo, qa tokeca niyate ekta hiyu mayaye kta he?

9 Unkan Jonatan heya, Hiya niye on hecetu šni nunwe. Ate taku sica hiyu niciye kta konza e awicakehan sdonwaya unkanš ociciyake kta tuka.

10 Unkan Dawid Jonatan heciya, Niyate icanksiya aniyupte cinhan tuwe omakiyake kta he?

11 Unkan Jonatan Dawid heciya, Ito maga ekta unye kta. Unkan sakim maga ekta ipi.

12 Unkan Jonatan Dawid heciya, Jehowa Israel Wakandapi kin *namahon* tohan ate imdute, heyakecinhan, qaiš heyakecinhan icima wi kin dehantu, Dawid on wašte kinhan, tuwe niye ekta ye waši šni, qa ninoŋe mduzamni šni kinhan,

13 Jehowa Jonatan hecen qa nakun isanpa ecakicon nunwe. Tuka taku šica ecanicon kta ate iyokipi kinhan, ninoŋe ohna ociciyake kta, qa toki ye ciši kta, hecen zaniyan yahde kta, qa Jehowa nici un kta, ate kici un qon he iyecen.

14 Qa tohan wani kin hehanyan ecedan šni, tuka maŋe kte cin ohakam nakun Jehowa tawocantkiye ecamiyecon kta.

15 Qa nitawocantekiye watiohnaka etanhan icimana dušpe

SAMUEL TOKAHEYA,

kte śni; Jehowa Dawid tokayapi kin owasin maka etanhan wicakaśpa eśta.

16 Hecen Jonatan Dawid ti kici otakuye kağa, qa heya, Jehowa Dawid tokayapi kin kajuju wicakiye kta.

17 Unkan Jonatan ake, Taku wakan namahon Dawid eya śi, nina wašte daka heon etanhan; iye naği kin wašte kidake cin he iyecen he wašte daka nakaś.

18 Qa Jonatan heciya, Heyakecinhan wi teca kta, qa niye on wawiwangapi kta, oiyotanke nitawa kin cokadan kta nakaś.

19 Qa anpetu iyamni kohanna kun yau kta, qa anpetu taku econkupi qon tukten inayahbe cin he en yai kta, qa Ezel (iyayapi) inyan kin icahda yakidotanke kta.

20 Unkan unnaptan kin ekta wanhinkpe yamni ye waye kta, canwakute kte cin iyecen.

21 Qa ito hoksıdan kin ye waśi kta, Wanhinkpe huwe ya wo, qa, Wanhinkpe niye itato yanka icu wo hoksına ewakiye cinhan, kuwa wo; wookiye duhe kta, Jehowa ni kinhan taku *sica* wanice kta.

22 Tuka, Ito wanhinkpe ako yakonpi, hoksına ewakiye cinhan, hunktiya wo, Jehowa hee ye niśi ce.

23 Qa wicoie miye, qa niye unkeye cin. Jehowa miye qa niye unkiyotahedan wayaatanin kta, owihanke wanica.

24 Unkan Dawid mağa ohna inahma. Unkan wi teca qehan, wicaśta yatapi kin aguyapi yute kta iyotanka.

25 Qa wicaśta yatapi kin toiyo-
tanke akan, ohinniyan econ qon he iyecen, iyotanka, tipi unnap-
tan icahda, oiyotanke he cin he akan, qa Jonatan najin qa Abner

qa Saul icahda iyotankapi, tuka Dawid oiyotanke tawa cokadan han, wanyakapi.

26 Unkan Saul anpetu kin he en takudan eye śni. Taku akipa on ska śni, qa nahanhin yuskapi śni kecin nakaś.

27 Unkan ihanlianna wi anpetu inonpa qehan, Dawid oyanke tawa cokadan han wanyakapi. Unkan Saul iye cinhintku Jonatan heciya, Tokeca Jesse cinhintku wotapi en hi śni? İtanihan, qa nakun nakaha.

28 Unkan Jonatan Saul ayupta, Dawid Betlehem ekta hde kta nina cinmakiya.

29 Qa heya, Tokin Betlehem ekta mde kta iyowin mayakiyen; otonwe ohna wiçowazi wośnapi wan unhapi, qa cinye ekta u maśipi, heon wanna niśta en woiyokipi iyewaye cinhan nawajice ça cinye wanwicamdake kta. Qa heon wicaśta yatapi tawahna wotapi ekta hi śni.

30 Unkan Saul Jonatan nina canniye ye ça heciya, Witkowin wakipajin cinhintku kin henica. Awicakehan iśten niçiye kta, qa nihun tancodan iśten yaye kta e Jesse cinhintku kin yakahniğa he sdonwaya.

31 Tohanyan Jesse cinhintku maka akan ni kin behanyan wokiconze kin niciyusutapi kte śni, heon huwe ye wicaśi, qa miye ekta aupo, te kta iyececa nakaś.

32 Unkan Jonatan iye atkuku Saul ayupte ça heciya, Taku on te kta taku hecon hwo.

33 Unkan cape kta e Saul wahukeya yuwankan ikikeu, hecen Dawid ktepi kta wanna atkuku Saul konza hduŝtan kin Jonatan sdonya.

34 Heon Jonatan nina śinhda wahnawotapi etanhan najin iyaya, qa wi kin anpetu inonpa aguyaya-

WICOWOYAKE 21.

pi onspadan yute šni; Dawid on iyokišica atkuku nina išten kiya nakaš.

35 Unkan ihanhanna Jonatan Dawid itkokipe kta mağa ekta inanpa; unkan hoksıdan cistinna wan kicica.

36 Qa hoksıdan kin heciya, Ekta inyanka, wanhinkpe ye waye cin akita wo. Unkan hoksıdan inyang iyaye cin icunhan iye wanhinkpe wan ako iheya.

37 Unkan wanhinkpe Jonatan kute yanke cin ekta hoksıdan i kte çehan, Jonatan hoksıdan kin kipan, qa heciya, Wanhinkpe niye akotanhan yanke šni he?

38 Nakun Jonatan hoksıdan kin hoyekiye ça heya, Inahni wo, kohanna, ihnuhan owanji nayajin kin. Unkan hoksıdan kin Jonatan wanhinkpe mnakiciye ça itančan tawa en hdi.

39 Qa hoksıdan kin takudan sdonye šni, Jonatan qa Dawid henana wicoie kin sdonyapi.

40 Unkan Jonatan tawipe kin hoksıdan tawa qu; qa heciya, Icu qa otonwe ekta ahda wo.

41 Unkan hoksıdan iyaye çehan, Dawid itokağa tanhan najin, qa itokam makata elıpe içiye ça yamni akihde patuja, qa i ikici-putakapi, qa napin ceyapi, tuka Dawid iyotan.

42 Unkan Jonatan Dawid heciya, Wookiye en hda wo. Wanna sakim unkiçiconza, Jehowa caje-yan, Jehowa miye qa niye otahedan yanke kta, qa micinca qa nicinca kin otahedan owihanke wanica. Unkan najin, qa toki iyaya; unkan Jonatan otonwe ekta kihda.

WICOWOYAKE 21.

1 Unkan Samuel Dawid Nobe en i, Ahimelek wawayušna ekta.

Unkan Ahimelek Dawid wanya-ke çehan kokipa qa heciya, Tokeca niye nišnana yau, qa wicašta tuwedan nici un šni.

2 Unkan Dawid Ahimelek wawayušna kin heciya, Wicašta yatapi kin taku econ maši qa heya, Taku econ ciši, qa toki yeciši tuwedan sdon ye kte šni. Unkan hoksıpidan wanji kakiya qa wanji deciya ye wicawaši.

3 Qa wanna taku ninape ihukuya un kin aguyapi zaptan, qaiš tona iyeyapi minape en maqu ye.

4 Unkan wawayušna kin Dawid ayupte ça heciya, Minape ihukuya aguyapi ikceka wanica, tuka aguyapi wakan yukan; hoksıpidan awicakehan winohinca etanhan awanihdakapi hecinhan.

5 Unkan Dawid wawayušna kin ayupte ça heciya, Awicakehan wau, htanihan icima ehantanhan, unkiyepi etanhan winohinca natakapi ce; qa hoksıpidan wakšica tawapi kin wakan ce, qa ohan kin de ikceka ce, wakšica ohna nakaha yuwakanpi ešta.

6 Unkan wawayušna kin aguyapi wakan kin qu, hen aguyapi wanica, aguyapi itokam hnakapi kin hecedan, Jehowa itokapa tanhan icupi qehan, heekiya aguyapi kata ehnakapi kta on icupi kin he.

7 Unkan anpetu kin he en Saul taokiye wan hen yanka, Jehowa itokam natakapi, Doeg eciyapi, Edomi heca, wiłanwicakiya Saul wicayuhe cin itancan kin.

8 Unkan Dawid Ahimelek heciya, Nakun den ninape ihukuya wahukeza, qa isan hanska wanica he? Isan, qa wipe nakun minape ohna iwekcu šni, wicašta yatapi oie kin inahni mayan nakaš.

9 Unkan wawayušna kin heya,

SAMUEL TOKAHEYA,

Goliat Pilisti Ela osmaka ohna yakaštaka cin isan hanska tawa kin, iho den śina wan en opemni, amdo akañpe iheyata yanka; he iyacu kta yacin kinhan icu wo; heceedan den yanka, tokeca wanica ce. Unkan Dawid heya, He iyececa wanica; he maqu wo.

10 Unkan Dawid najin, qa anpetu kin he en Saul itokapa tanhan najica, qa Gat wicašta yatapi kin Akiś ekta i.

11 Unkan Akiś taokiye kin heciyapi, Dawid makoce wicašta yatapi kin dee śni he? qa iwakicipi en ahiyayapi, qa Saul kektopawinge ota kaštaka, qa Dawid kektopawinge wikcemna ota kaštaka, eciyapi kin dee śni he?

12 Unkan Dawid wicoie kin dena cante kin en kihnake ça nina kopehda, Akiś Gat wicašta yatapi kin itokam.

13 Qa ištapi itokam tawacin ihdutokeca, qa napepi ohna witkotkoya konza, qa tiyopa kin yutantan, qa tagoša iku hin kin akadus kiya.

14 Unkan Akiś taokiye hewicakiya, Inyun wicašta kin wacin hnuni wandakapi. Tokeca he miye en ayahipi he?

15 Wacinhnunipi kin imakakija kecannipi kin, heon de witkotkoya mitokam śkan kta en hiyyayapi he? De wati en hiyu kta he?

WICOWOYAKE 22.

1 Unkan Dawid hetanhan iyaye ça niiciya, Adullam makohdoka ekta. Unkan cincu, qa atkuku tiyohnaka owasin nañonpi qehan, heciya iye ekta ipi.

2 Unkan wicašta tona kakijapi, qa tona icazo hdajujupi okihihi śni, qa tona nađi iyokiśicapi kin hena owasin en ihduwitayapi;

qa itancan yuhapi; hecen wicašta opawinge topa cetu opapi.

3 Unkan Dawid hetanhan iyaya, Mitzpa Moab ekta, qa Moab wicašta yatapi kin heciya, Tokin ate qa ina den hipi, qa taku wakan token ecamicon kte sdonwaye śni, hehanyan nici yakonpi kten.

4 Qa Moab wicašta yatapi kin itokam hiyu wicaya. Unkan hen yakonpi tohanyan Dawid conkaške en un kin anpetu owasin.

5 Unkan Gad waayate kin Dawid heciya, Conkaške ohna nanke kte śni. Hunktiya, qa Juda makoce kin ekta hda wo. Unkan Dawid iyaye ça Haret taškoju en ki.

6 Unkan Dawid, qa wicašta opapi kin tukten yakonpi kin wanna sdonyapi Saul nañon, qa Saul Gibeya ohna ti contanka Rama en yanke cin he ihukuya, qa wahukeza nape ohna hduha, qa taokiye owasin ihduksan najinpi.

7 Hehan Saul iye taokiye ihduksan najinpi kin hewicakiya, Hopo Benjamini namañonpo, Jesse cinhintku kin owasin maga nićupi kta he? qa owasin hastanhanka hu ojupi nakun, qa kektopawinge itancan, qa opawinge itancan nicagapi kta he?

8 Heon owasin mayakipajinpi, qa micinkśi Jesse cinhintku kici wotakuye kađe cin tuwedan minođe en iyohpe makiye śni, qa nakaha hokśidan mitawa wan kici micinkśi makipajin kin on niyepi wanjidan iyokiśice śni, qa omakiyake śni.

9 Hehan Doeg Edomi kin, Saul taokiye om najin kin he ayupte ça heya, Jesse cinhintku kin Nobe en Ahimelek Ahitub cinhintku ekta i kin wanmdaka.

10 Qa iye on Jehowa iwange

WICOWOYAKE 23.

ca waneya qu, qa nakun Goliat Pilisti isan hanska tawa qon qu.

11 Unkan wicašta yatapi kin Ahimelek Ahitub cinhintku wawayuśna kin, qa atkuku tiyohnaka kin owasin wawayuśnapi, Nobe ohna yakonpi kin tuwe wicakico yeśi. Unkan owasin wicašta yatapi ekta hipi.

12 Unkan Saul heya, Ahitub cinhintku namañon wo. Unkan, De miye ce, eya.

13 Unkan Saul heciya, Tokeca niye qa Jesse cinhintku mayakipajinpi, qa niye aguyapi yaqu, qa isan hanska: qa Wakantanka iyecinunga, hecen iyape mayan dusuta, nakaha iyececa.

14 Unkan Ahimelek wicašta yatapi kin ayupte ca heciya, Qa nitaokiye owasin ehna, tuwe Dawid iyececa, wacinyepica, qa wicašta yatapi takośku, qa naniñonpi itancan kin, qa yati ohna kinihanpi?

15 Anpetu kin he en tokaheya iye on Wakantanka imonga he? Hiya hecetu śni. Ihnuhan wicašta yatapi kin iye taokiye akan taku aonpe cin, qa nakun ate tiyohnaka owasin akan. Nitaokiye wicoie kin de owasin taku cistinna, qa taku tanka unmanna sdonye śni.

16 Unkan wicašta yatapi kin heya, Ahimelek awicakehan niñe kta, niye qa niyate tiyohnaka kin owasin.

17 Unkan wicašta yatapi kin akicita tawa ihduksan najinpi kin hewicakiya, Ohomni yapi, qa Jehowa wawakiyuśnapi kin te wicayapo. Is eya napepi kin Dawid kicicapi, qa najica sdonyapi qehan minonge ohna omakiyakapi śni. Tuka wicašta yatapi taokiye Jehowa wakiciyuśnapi kin awicapapi kta napepi yekiya-pi tawañen yapi śni.

18 Unkan wicašta yatapi kin Doeg heciya, Ihduhomni, qa wawayuśnapi kin wicakaštaka wo. Unkan Doeg Edomi kin ihduhomni, qa iye wawayuśnapi kin wicakaštaka ca anpetu kin he en wicašta wikcemna şahdoğan sanpa zaptan minihuha amdo akahpe koyakapi ece kin te wicaya.

19 Qa Nobe wawayuśnapi tonwepi canñpi hi on kaštaka, wicašta, qa winohinca, qa śiceca azinpi koya; nakun pte, qa sonsonna, qa tahinca canñpi hi on *te wicaya*.

20 Tuka Ahimelek Ahitub cinhintku kin he cinhintku wanjidan niñciya, Abiatar eciyapi, qa najica Dawid ekta.

21 Qa Saul Jehowa wawakiciyuśnapi kin wicakte Abiatar Dawid okiyaka.

22 Unkan Dawid Abiatar heciya, Doeg Edomi kin hen yanke ciqon anpetu kin he en Saul okiyake kta sdonwaya. Miye niyate tiyohnaka owasin nañi wicayapi wakağa.

23 Mici ti wo, Ihnuhan wokayike cin; tuwe minagi akite cin ninagi akita; heon miye kici awanniyakapi kta.

WICOWOYAKE 23.

1 Unkan, Inyun Pilistim Qeila azuyapi, qa aguyapi napanpi manunpi kin Dawid okiyakapi.

2 Unkan Dawid Jehowa iwanga qa, Ekta mde ca Pilistim kin dena wicawakaštaka kta he? eya. Unkan Jehowa Dawid heciya, Ya wo kinhan Pilistim wicayakaštaka kta.

3 Unkan Dawid wicašta tawa kin heciyapi, Inyun den Juda ohna kopeunhdapi, qa token Qeila en Pilistim ozuye ekta unyanpi kta he?

SAMUEL TOKAHEYA,

4 Unkan ake Dawid Jehowa iwanga. Unkan Jehowa ayupta qa, Najin Qeila ekta ya wo, miye Pilistim ninape en wicawaqu kta ce, eya.

5 Unkan Dawid qa wicašta tawa Qeila ekta ipi, qa Pilistim azuwicayapi, qa tawanunyanpi kin icupi, qa wokaštake tanka on wicakaštakapi. Hecen Dawid Qeila ounyanpi kin niwicyaya.

6 Wanna Abiatar Ahimelek cinhintku Dawid ekta najice çehan amdo akañpe wan nape ohna yuha, qa Qeila ekta i.

7 Unkan Dawid Qeila en hi ce, Saul okiyakapi. Unkan Saul heya, Wakantanka he minape en qu, otonwe wan tiyopa, qa tiyopa inatake yukan en i, hecen natakapi nakaš.

8 Qa Saul Dawid, qa wicašta tawa wicakaške kta e oyate owasin, Qeila ekta, apamahde natan wicaši.

9 Unkan Saul taku šica ecakicon kta konze cin Dawid sdonye çehan, Abiatar wawayušna kin heciya, Amdo akañpe kin hduha ikiyedana u wo.

10 Unkan Dawid heya, Jehowa Israel Wakandapi kin Saul miye on otonwe ihang ye kta konze cin nitaokiye wanna nañon.

11 Nitaokiye nañon kin iyecen Saul den hi kte cinhan, qa Qeila wicašta kin nape kin en kaška maqupi kte cinhan, Jehowa Israel Wakandapi nitaokiye oyakidake kta, ceciciya. Unkan, En hi kta, Jehowa eya.

12 Unkan Qeila wicašta kin Saul nape kin en miye, qa wicašta mitawa kaška unqupi kta he? Dawid eya. Unkan. kaška nicupi kta, Jehowa eya.

13 Unkan Dawid qa wicašta tawa, wicašta opawinge šakpe ce-

tu najinpi, qa Qeila etanhan iyayapi, qa toki yapi okihipi iyayapi. Unkan Dawid Qeila etanhan ihduške kin Saul okiyakapi; heon ekta ye kta enakiya.

14 Unkan Dawid hewoskan conkaške ohna ounye ça Zip tinta kin ohna ñe kin en ti. Unkan Saul anpetu owasin he akita, tuka nape kin en Jehowa hiyuye šni.

15 Unkan nađi kin akite kta e Saul inanpe cin Dawid wanyaka, qa Dawid Zip hewoskan taškoju kin ohna yanka.

16 Unkan Jonatan Saul cinhintku najin, qa Dawid ekta i, taškoju en, qa nape kin wašagya, Wakantanka en.

17 Qa heciya, Ihnuhan wakyakipe cin; ate Saul nape kin iyeniye kte šni nakaš. Qa Israel wicašta yatapi kin henica kta, qa miye ciyokihe waun kta; qa ate Saul hecetu kta sdonya.

18 Unkan wotakuye kicicağapi, Jehowa itokam, qa Dawid taškoju ehna yanka, qa Jonatan kihda.

19 Unkan Zipim Saul ekta ipi, Gibeya en, qa heciyapi, Dawid unkiyepi ehna inañbe šni he? Conkaške ohna, qa taškoju ehna, Ĥakila paha kin en, he Ješimon itokağa tanhan yanka.

20 Qa wanna ninagi kun u kta cin kin iyecen wicašta yatapi kun u ye; hecen unkiyepi wicašta yatapi nape en nauntakapi kta iyececa.

21 Unkan Saul heya, Onšimayadapi kin heon Jehowa niya-waštepi.

22 Wanna ekta hdapo, qa sanpa iyukcanpo, qa wanyakapo, qa tukten siha kin mani sdonyapo, nakun hen wanyakapi tuwepi he? Iye ksamya oñanyan ce, omakiyakapi.

23 Qa wanyakapo, qa toinañbe

WICOWOYAKE 24.

ohna inahma kin owasin sdonya-po, qa iyecetu kinhan ake en maupo, qa niyepi om mde kta, qa makoce en un kinhan Juda kektopawinge owasin ohna iyewaye kta.

24 Unkan Zipim najinpi, qa Saul itokam ekta ipi. Unkan Dawid, qa wicašta tawa Mayon tinta kin en unpi, makomdaya ohna, Ješimon itokağa ektakiya.

25 Unkan Saul, qa wicašta tawa akin iyayapi. Unkan Dawid okiyakapi heon imnija ekta apamahde i, qa Mayon tinta ohna ti. Unkan Saul nahon, qa Mayon tinta en Dawid kuwa iyaya.

26 Qa Saul he kin itato iyaya, qa Dawid, qa wicašta tawa kin he kin akotanhana, qa Dawid Saul kokipe cin on etanhana najice kta inahni qehan, Saul qa wicašta tawa Dawid qa wicašta tawa ihduksan iyayapi, qa wicayuzapi kta tuka;

27 Wahoši wan Saul ekta hi qa, Inahni, qa kuwa wo, Pilistim makoce kin enanakiya iyayapi nakaš, eya.

28 Unkan Saul Dawid kuwa etanhana ihdamna, qa Pilistim itkowicakipe kta iyaya. Heon oyanke kin he Sela Hamahlekot (Ihduška imnija) eciyapi.

29 Unkan Dawid hetanhana iyaye qa Engedi (Tatokadan minihdoka) oinahbe kin ohna iyotanka.

WICOWOYAKE 24.

1 Unkan Saul Pilistim wicakuwa etanhana hdi qehan, wahoyapi qa, Iho Dawid Engedi tinta ohna yanka ce, okiyakapi.

2 Unkan Saul Israel owasin etanhana wicašta kektopawinge yamni wicakahniğa, qa hena om Dawid, qa wicašta tawa awica-

kita iyaya, tatokadan inyan he kin akan.

3 Qa talinca tipi kin canku ica-hda ekta i, qa makohdoka wan hen yukan, qa Saul siha ahdahipe kta hen i. Unkan Dawid qa wicašta tawa makohdoka okahmin ohna iyotankahan yukanpi.

4 Unkan Dawid wicašta tawa kin heciyapi, Iho Jehowa heni-ciye cigon, Inyun toka niye cin ninape en waqu kte qa token ništa en wašte iyecen ecayecon kta, anpetu kin dee ce. Unkan Dawid najin, qa Saul tašina opapun kin nahmana bašpa.

5 Unkan ohakam Saul tašina opapun bašpe cin on etanhana Dawid cante kin iyope içiya.

6 Qa wicašta tawa kin hewicakiya, Hiya mayuhe cin Jehowa sdakiye cin ekta nape yewakiye qa wicoie kin de ecawecon kta, Jehowa makišica nunwe. Jehowa he sdakiya nakaš.

7 Hecen Dawid wicoie on wicašta tawa iyope wicaya, qa Saul iyahpayapi kta iyowicaki šni. Unkan Saul najin qa makohdoka etanhana canku ohna iyaya.

8 Unkan ohakam Dawid najin, qa makohdoka etanhana inanpe ca Saul kipan qa, Itancan wicašta yatapi eya. Unkan Saul hakikta. Unkan Dawid patuja, ite kin maka ektakiya qa ohoda.

9 Qa Dawid Saul heciya, Tokeca Dawid šicaya ecanicon kta cin wicašta eniciyapi kin anawicayagoptan he ?

10 Inyun nakaha makohdoka ohna minape en Jehowa niču kin anpetu kin de ništa wanyakapi, qa cikte kta kemakiyapi; tuka itoncipa, qa, Mayuhe cin ekta nape yewakiye kte šni, Jehowa he sdakiya nakaš, epa.

11 Qa iho ate minape ohna šina nitawa opapun kin wanyaka wo.

SAMUEL TOKAHEYA,

Šina nitawa opapun kin bawa-špa, qa cikte šni, he etanhan minape ohna taku šica, qa woalhtani wanica, wanyaka qa sdonya wo, qa awacihitani šni, tuka minagi iyacu kta e yakuwa.

12 Jehowa miye qa niye otahedan wayaco kta, qa niye en tomicicon kta, tuka minape anipe kte šni.

13 Taku šica wicašta šica etanhan inanpa ce, wicoie wakan ehanna kin eye cin iyececa; heon minape anipe kte šni.

14 Israel wicašta yatapi kin tuwe ode inanpa he? qa tuwe yakuwa he? Šunka ta wan, ha wan oyade.

15 Jehowa hee iyukcan kta, qa miye qa niye otahedan wayaco kta, qa wanyake kta, qa waakinice kta, qa ninape etanhan emahdaku kta.

16 Unkan Dawid wicoie kin dena ayaštan qehan, Saul heya, Micinkši Dawid niho kin dee he? qa Saul ho yekiye ca ceya.

17 Qa Dawid heciya, Niye oniwotanna, qa miš hemaca šni, Niye wowašte ecamiyecon, qa miye šicaya ecacicon.

18 Qa odake cin iyecen nakaha wowašte ecamiyecon, Jehowa ninape en kaška maqu qehan mayakte šni.

19 Wicašta wan tuwe toka ye cin iyeye cinhan canku wašte ohna hde kiye kta he? Taku nakaha ecamiyecon kin on Jehowa iyuwin wašte wan niču kta.

20 Qa wanna ito awicakehan wicašta niatapi kta, qa Israel iwicayadake kta e ninape suta kta sdonwaya.

21 Heon wanna, Mihakam micinca wicayakašpe kte šni, qa ate ti kin etanhan micaje kin yakašpe kte šni. Jehowa cajeyan kemakiya wo.

22 Unkan Dawid taku wakan cajeyan Saul heciya. Unkan Saul kihda. Unkan Dawid qa wicašta tawa conkaške ekta itanwankahde ipi.

WICOWOYAKE 25.

1 Unkan Samuel ta; heon Israel owasin mniciyapi, qa aceyapi, qa iye ti ekta Rama ohna hnakapi. Unkan Dawid najin, qa Pاران tinta kin ekta iyaya.

2 Unkan Mayon ohna wicašta wan ti, qa tawanunyanpi kin Karmel ohna yakonpi, qa wicašta kin he tanka hinca, qa tahinca kektopawinge yamni yuha, qa tatokadan kektopawinge wanjidan, qa he ehan Karmel ohna tahinca hdušda.

3 Qa wicašta kin he Nabal (Witkotko) eciyapi, qa tawicu Abigail (Ate iyuškin) eciyapi, winohinca wašte, ksape ca owanyag wašte; tuka hihnaku kin wacinko, qa ohan šica, qa tašunka iyececa.

4 Unkan Nabal tahinca hdušda yanka ce, eyapi kin Dawid tinta ohna nahon.

5 Unkan Dawid koška wikcemna yewicaši, qa Dawid koška kin hewicakiya, Karmel ekta yapo, qa Nabal ekta yaipi kinhan, Zaniyan un hecinhan, micajeyan inongapi kta.

6 Qa tuwe ni un kin hecen eyakiyapi kta. Zaniyan yaun, qa yati kin Zaniyan un, qa taku duhe cin owasin Zaniyan un.

7 Qa nakaha wayušdapi duha nawañon, qa iho wiñanwicakiya wicaduhe cin om Karmel ohna unyakonpi qehan, nağiye wicunyanpi šni, qa takudan tokakiñonpi šni.

8 Koška nitawa iwicawangawo; hecen oniciyakapi kta; qa

koşkapi kin ništa en woiyokipi iyeyapi kta. Anpetu wašte wan en unhipi. Tokin taku ninape iyeye cin hokšipidan nitawa, qa nicinkši Dawid wicayaqu kten.

9 Unkan Dawid koška tawa ekta ipi, qa wicoie kin hena owasin iyecen Nabal eciyapi, Dawid cajeyan, qa enakiyapi.

10 Unkan Nabal Dawid tahokšipidan awicayupte ça heya, Dawid he tuwe, qa Jesse cinhintku kin he tuwe? Dehan hopšipidan ota otoiyo hi yuhe cin etanhan najicapi ce.

11 Ağuyapi mitawa, qa mini mitawa, qa tado wayuśdapi wicamduha on wapate cin hena iwekcu, qa wicašta tokiya tanhan unpi kin sdonwaye šni wicawaqu kta he?

12 Unkan Dawid koška tawa kin nakimnipi, canku kin ohna, qa wicoie kin hena owasin iyecen okiyakapi.

13 Unkan Dawid wicašta tawa hewicakiya, Owasin isan hanska mikihnakapo. Unkan otoiyo hi isan hanska mikihnakapi, qa Dawid is eya isan hanska mikihnaka. Qa wicašta opawinge topa cetu Dawid opapi, qa opawinge nonpa tawahpayeca kin awanyag yakonpi.

14 Unkan koşkapi etanhan koška wan Nabal tawicu Abigail okiyake ça heya, Inyun Dawid tinta kin etanhan wahoši unyuhapi kin yawaštepi kta hiyu wicaši; unkan i en iyewicaya;

15 Tuka wicašta kin hena nina tanyan ecaunkiconpi, qa nağiye unyanpi šni, qa anpetu unkiye pi om yakonpi, tinta ohna, hehanyan takudan tokaunkilionpi šni.

16 Anpetu tona hena om tahinca wihanunkiyapi kin owasin, hanyen anposkan koya aconkaške unyanpi.

17 Heon wanna taku ecanon kta iwanyaka qa sdonya wo; unyuhapi, qa tiohnaka tawa owasin on taku šica wanna konza ce. He nina wicašta šni, hecen tuwe kici wohdake kta okihi šni.

18 Unkan Abigail inahni, qa ağuyapi opawinge nonpa, qa miniša apahta nonpa, qa tahinca patapi zaptan, qa ağuyapisu ceonpapi iyutapi zaptan, qa hastanhanka pusyapi iyađe opawinge wanji, qa suken waskuyeca mibe paskicapi opawinge nonpa, hena iyulpa icu, qa šonšonna qin wicakiya.

19 Qa tahokšidan kin hewicakiya, Mitokam yape, qa miye cihakam wau ce. Tuka hihnaku Nabal okiyake šni.

20 Qa šonšonna akan iyotanke ça he kaksiza kin ekta i qehan, inyun Dawid qa wicašta tawa itkokim upi, qa awicakipa.

21 Qa Dawid heya, Awicakehan ituhi wicašta kin de taku tinta ohna yuhe cin iyulpa wapatan, qa taku tawa iyulpa etanhan takudan tokakilhon šni. Qa taku wašte on taku šica ecamicon.

22 Wakantanka Dawid tokayapi kin hecen, qa isanpa ecawicakicon kte, taku tawa owasin etanhan wicawanjidan anpa kamdeze kte cin hehanyan owakapte cinhan.

23 Unkan Abigail Dawid wan-yake çehan inahni, qa šonšonna etanhan makata najin, qa Dawid itokam makipusdiya elpeiciye ça ohoda.

24 Qa siha kin ekta elpe iciye çehan heya, Itancan taku šice cin de amahinhpaya ye, tuka tokin wicinyanna nitawa ninođe ohna ie kten, qa wicinyanna nitawa oie kin nahon ye.

25 Ceciciye, ihnuhan itancan

SAMUEL TOKAHEYA,

mitawa wicašta wicaštašni kin de, Nabal ekta cante kin yekiye cin; iye caje kin iyececa ye. Nabal (Witkotkoka) eciyapi, qa wowitkotko kicica. Tuka miye wicinyanna nitawa mayuhe cin tahokšipidan, ye wicaši kin wan-wicamdake šni ye.

26 Qa wanna itancan Jehowa ni, qa ninagi ni, Jehowa we yapapson kte šni e nipatan, qa ninape nicipatan. Heon wanna tona tokaniyanpi, qa itancan mitawa šicaya ecakiconpi kin hena owasin Nabal iyececapi kta ye.

27 Qa wanna woyuwašte kin de wicinyanna nitawa mayuhe cin kahi kin de icu ye, qa hokšipidan mayuhe cin cahde kin omanipi wicaqupi kta ye.

28 Wicinyanna nitawa wahtani kin kicicajuju ye, Jehowa tipi wacinyepica awicakehan mayuhe kicage kta; mayuhe cin Jehowa tokicize kiciciza ye, qa taku šica icimana niye ohna iye-yapi kte šni ye.

29 Qa wicašta wan šicaya nicu-wa kta, qa ninagi akite kta najin; tuka Jehowa wakanyada ninagi kin wiconi opahte en pahta kta ye, qa toka niyanpi nagipi kin iyulimun cokaya tanhan kašo iyewicaye kta ye.

30 Qa tohan Jehowa taku wašte niye on eye cin owasin iyecen econ kinhan, qa Israel mdetan-hunka nicage cinhan,

31 We ituh yapapson kin de, qa mayuhe cin tokičicon kin de ibonišo kte šni, qa cante šihin niye kte šni. Qa tohan Jehowa mayuhe cin taku wašte ecakicon kinhan wicinyanna nitawa kiksuya ye.

32 Unkan Dawid Abigail heciya, Jehowa Israel wakandapi kin nakaha itkomakipe kta hiyuniye cin yawaštepi nunwe.

33 Qa nitoksape kin yawaštepi, qa nakaha we wapapson kta, qa minape on tomičicon kta etanhan anamayapte cin heon niyawaštepi ce.

34 Jehowa Israel wakandapi, qa šicaya ecacicon makišice cin he ni kinhan, nakaha itkomayakipe inahniyan yahi šni unkaš, hanlianna anpa kte cin hehanyan Nabal taku tawa etanhan wica wanjidan okaptapi kte šni tuka.

35 Qa taku kahi kin nape kin etanhan Dawid icu qa heciya, Wookiye yuha ekta hda, qa wanyaka wo, niho kin nawašon qa niite kin ihawa kta.

36 Unkan Abigail Nabal ekta hdi, unkan inyun ti kin ohna wohanpi tanka yuha, wicašta yatap wohanpi tawa kin iyececa, qa Nabal cante kin wašte, qa witkohinca. Unkan winyan kin ihanlianna anpa kin hehanyan wicoie cistinna, qa tanka unmanna okiyake šni.

37 Qa ihanlianna miniša Nabal etanhan iyaye čehan tawicu kin wicoie kin hena okiyaka. Unkan iye mahen cante kin kiše, qa inyan wan iyececa.

38 Unkan ohakam anpetu wickemna cetu Jehowa Nabal kaštaka: unkan ta,

39 Unkan Nabal te cin he Dawid našon, qa heya, Jehowa yawaštepi nunwe; i en iyemayanpi woakinice iye Nabal kici akinica, qa taokiye taku šica etanhan anapta, qa Jehowa Nabal tohan šice cin pa kin en hdi kiya. Unkan Dawid Abigail wahoya, tawicu kta e yuze kta.

40 Unkan Dawid taokiye kin Karmel heciya Abigail ekta ipi, qa okiyakapi qa heyapi, Dawid tawicu on niyuze kta e niye ekta unkušipi ce.

WICOWOYAKE 26.

41 Unkan najin qa patuja, ite kin maka ekta kiya, qa heya, Wicinyanna nitawa kin he miye, mayuha taokiye sihapi kin wicakiciyujaja kta e wiyeya manka ce.

42 Qa Abigail inahniyan najin, qa sonsonna akan iyotanka, qa Dawid ohnihde wicaye cin wicihakam ya, hecen tawicu kin hee.

43 Unkan Dawid Ahinoam Jezreel etanhan nakun yuza, qa napin tawicu wicayuha.

44 Unkan Saul iye cunwintku Mikal Dawid tawicu kin Paleti Laiš cinhintku kin qu, iye Galim etanhan u.

WICOWOYAKE 26.

1 Unkan Zipim Saul ekta ipi, Gibeya ekta qa heyapi, Dawid Hakila hoškiški ehna Ješimon (Hewoskan) wihinanpe cin ekta-kiya inahbe šni he?

2 Unkan Saul najin qa Zip tinta ekta i, qa Israel wicašta kañni-gapi kektopawinge yamni opapi, qa Zip tinta ohna Dawid akitapi.

3 Qa Saul Hakila hoškiški ehna ahiti, he Ješimon iwihinanpe cin ektakiya, canku kin icahda; qa Dawid tinta ohna yanka, qa Saul iye ode u kin iyukan.

4 Unkan Dawid tonweyapi ye wicaši, qa Saul awicakehan wana hi sonya.

5 Qa Dawid najin, qa Saul ahiti oyanke kin ekta i, qa Saul qa taozuye mdetanhunka Abner Ner cinhintku kin tukten wankapi kin Dawid wanyaka. Saul wahpayeca ehna wanka, qa ihdukšan oyate kin wankapi.

6 Unkan Dawid ie ça Ahimelek Hiti kin, qa Abišai Tzeruja cinhintku Joab cincu kin hewicakiya, Saul ekta ahitipi en tuwe

mici ye kta he? Unkan Abišai heya, Miye nici mde kta ce.

7 Unkan Dawid qa Abišai hanyen oyate kin ekta ipi. Unkan inyun Saul wahpayeca ehna makata ištima wanka, qa wahukeza tawa maka en pasdan han, pa kin ikiyedana, qa oyate kin ihdukšan wankapi.

8 Unkan Abišai Dawid heciya, Nakaha Wakantanka tuwe tokaniye cin ninape en niçu, heon dehan tokin wancadan wahukeza on maka ekta cawape kten, qa inonpa awape kte šni.

9 Unkan Dawid Abišai heciya, Ihnuhan yakte kin, Jehowa sdakiye cin tuwe nape kin apaha kinhan iyaonpe pica šni un kta he?

10 Nakun Dawid heya, Jehowa ni kinhan Jehowa he kaštaka kta, qa anpetu en te kte cin iyohi kta, qaiš wokicize en ye kta qa ihangyapi kta.

11 Tuka Jehowa sdakiye cin ekta nape yewakiye kte cin Jehowa iyomaki šni nunwe. Tuka iho wahukeza pa kin icahda yanke cin, qa minikoka kin icu wo, qa unhde kta.

12 Hecen Dawid wahukeza, qa minikoka kin Saul pa kin etanhan icu, qa toki iyayapi. Unkan tuwedana wanyake šni; qa sdonye šni, qa kika šni; tuka owasin ištimap; woštima tanka Jehowa ahinhe wicaya nakaš.

13 Unkan Dawid hetanhan iya-ye ça itehanyan he paha wan iyaan, wiciyotahedan makoce ota;

14 Qa Dawid oyate kin, qa Abner Ner cinhintku wicakipan, qa heya, Abner Ner cinhintku amayadupte šni he? Unkan Abner ayupte ça, Wicašta yatapi yakipan kin nituwe he? eya.

15 Unkan Dawid Abner heciya, Wicašta henica šni he? qa Israel

SAMUEL TOKAHEYA,

ohna tuwedan iyeniceca šni, qa tokeca wicašta yatapi niyuhe cin awandake šni he? Oyate etanhan wicašta wan wicašta yatapi itancan nitawa kte kta e ekta i.

16 Taku ecanonpi kin de wašte šni. Niyuhapi kin Jehowa sdakiye cin awandakapi šni; heon Jehowa ni kinhan niŋapi kta iyececa, qa wanna wicašta yatapi wahukeza tawa, qa minikoka pa kin ekta yanke ciqon iwanyaka wo.

17 Unkan Saul Dawid ho kin iyekiye ɕa heya, Dawid micinkši niho kin hee he? Unkan, Wicašta yatapi mayuha maho kin hee ce, Dawid eya.

18 Qa itancan tokeca nitaokiyecen yakuwa he? Taku ecamon he? qa minape ohna taku šica tükte e he?

19 Qa wanna itancan ceciciya wicašta yatapi kin taokiyecine kin naŋon ye. Jehowa mayakuwa kta iyonipaštace cinhan minha izite wan omna kte. Tuka Adam cinca kin heconpi kinhan, Jehowa itokam hena yašicapi ce, nakaha Jehowa tamakoce kin owati kta etanhan nape mayanpi qa, Hunktiya taku wakan tokeca ohoda wo, eyapi kin heon etanhan.

20 Qa wanna Jehowa itokapa tanhan mawe kin makata hinŋpaye kte šni nunwe. Israel wicašta yatapi kin ha wanji akin u ce, he kin ohna šiyo wanjidan kuwa he iyececa,

21 Unkan Saul heya, Wawahtani ce. Micinkši Dawid en hdi wo. Icimana taku šica eacicon kte šni; nakaha ništa en minagi tehika nakaš. Inyun witkotkoya owahanmda, qa ecinšniyan hinca ecamon.

22 Unkan Dawid ayupte ɕa heya, Wanyaka wo, wicašta yatapi

tawahukeza hokšipidan wanji deciya hiyu, qa he icu kte.

23 Qa Jehowa otoiyoŋi toowòtanna, qa towicake kin iyecen ecakicon kte. Jehowa nakaha minape en niɕu, tuka tuwe Jehowa sdakiye cin nape awapaha kta tawaŋenwaye šni.

24 Qa ito mišta en ninagi kin tanka, he iyecen Jehowa išta en minagi tanka kte, qa iye minagi kin woiyokišice owasin etanhan yuške kta.

25 Unkan Saul Dawid heciya, Micinkši Dawid niyawaštepi ce, woecon tanka ecanon kta, qa ohinniyan ohiyaye kta. Unkan Dawid canku kin ohna iyaya, qa Saul oyanke tawa ekta hda.

WICOWOYAKE 27.

1 Unkan Dawid cante mahen heya, Tohantu kašta anpetu wanji en Saul nape kin on ihang mayanpi kta; Pilistim makoce ekta nawajice ɕa nimiɕiye cin he wašte šni he? Hecen Saul icimana Israel makoce kin owancaya amakite kte šni, qa nape kin etanhan nimiɕiye kta.

2 Qa Dawid najin, qa wicašta opawinŋe šakpe opapi kin hena om, Akiš Mayok cinhintku, Gat wicašta yatapi kin ekta i.

3 Qa Dawid qa wicašta tawa nakun Gat ohna iyotankapi, wicašta iyohi tatiohnaka kici; qa Dawid qa tawicu napin, Ahinoyam Jezrelitiwin, qa Abigail Karmeliti Nabal tawicu qon.

4 Unkan Dawid Gat ekta najice cin Saul okiyakapi, heon icimana akite šni.

5 Unkan Dawid Akiš heciya, Tokin ništa en woiyokipi iyewaye cinhan, tinta otonwe cistinna wan ohna oyanke maqupi kten, qa hen imdotanke kten. Tokeca

WICOWOYAKE 28.

wicašta yatapi totonwe ohna ni-taakiye nici yanke kta he?

6 Unkan anpetu kin he en Akiš Tziqlag qu, heon Juda wicašta yatapi kin anpetu kin dehanyan Tziqlag yuhapi.

7 Unkan anpetu Dawid Pilistim makoce ohna yanke cin yawapi kin omaka nonpa qa wi topa anpetu iyenaka.

8 Unkan Dawid qa wicašta tawa iyayapi, qa Gešuri kin, qa Gerezi kin, qa Amaleqi kin anawicatanpi. Hena ehanna makoce Šur ekta de cin, Egipta makoce kin hehanyan ounyanpi.

9 Qa Dawid makoce *ounyanpi* kin kaštaka, qa wicašta qa winohinca unmanna nikiye šni, qa tahinca, qa pte, qa šonšonna, qa camo, qa wokoyake kin Dawid icu, qa hdicu, qa Akiš ekta hdi.

10 Unkan Akiš heya, Nakaha toki omayani he? Unkan Dawid heya, Juda itokağa kin, qa Jeraħmeli itokağa kin, qa Qeni kin itokağa kin ekta.

11 Qa Dawid wica, qa winyan unmana niyake Gat ekta hiyuye šni, tuka heya, Okini unkiyepi caje unyatapi kta, qa Dawid decen econ, qa tohan Pilistim tamakocepi kin en ounye cin hehanyan he iyecen econ kta.

12 Unkan Akiš Dawid wicada, qa heya, Oyate tawa Israel nina išten wicaya, heon ookiye owihanke wanin mduhe kta.

WICOWOYAKE 28.

1 Unkan anpetu kin hena en Pilistim ozuye kağapi, qa Israel kizapi kta e obe hduwitayapi, qa Akiš Dawid heciya, Niye sdonyawo, wokicize ekta mici de kta, niye qa wicašta nitawa nakun.

2 Unkan Dawid Akiš heciya, Hecen nitaakiye taku econ kta

sdonyaye kta. Unkan Akiš Dawid heciya, Hecen mapa ohinnian awanmiyecida kte cin ciyuhe kta.

3 Wanna Samuel te, qa Israel owasin aceyapi, qa otonwe tawa Rama ohna hnakapi qon. Unkan Saul tona wapiyapi, qa tona hanmdapi kin owasin, makoce kin etanhan, tokan iyaye wicaya.

4 Unkan Pilistim mniciyapi, qa upi, qa Šunem en ahitipi; qa Saul Israel owasin mniciye wicaya, qa Gilboya en etipi.

5 Qa Saul Pilistim obe kin wanwicayake ça kokipa, qa cante kin nina cancan.

6 Qa Saul Jehowa iwanga tuka Jehowa wihanmnanpi kin, qa iyoyam wicaye cin, qa waayatapi kin unmanna eciya tanhan ayup-te šni.

7 Qa Saul taakiye hewicakiya, Winohinca hanmdohdag ia okihi wan amicicitapo; kinhan ekta mde qa he eciya tanhan imonge kta. Unkan taakiye heciyapi, Inyun winohinca wan hanmdohdag ia Endor ohna yanka.

8 Unkan Saul ihdutokeca, qa wokoyake tokeca koyag ye ça iyaya, qa wicašta nonpa opapi, qa hanyen winohinca kin ekta ipi, qa heciya, Tokin miye on hanmdohdag iyae ça tuwe cajemdate wankan hiyu miyeciciye kten.

9 Unkan winohinca kin heciya, Inyun niye taku Saul econ kin sdonyaya, token tona hanmdapi kin, qa wapiyapi kin wicakašpe makoce kin etanhan, heon tokeca niye te mayanpi kta e minagi kin yahmunka he?

10 Unkan Saul Jehowa cajeyan konze ça heya, Jehowa ni kinhan wicoie kin de on taku šica anicipe kte šni.

11 Unkan winohinca kin heci-

SAMUEL TOKAHEYA,

ya, Tuwe wankan hiyu ciciye kta he? Unkan Samuel wankan hiyu miciciya wo, eya.

12 Unkan winohinca kin Samuel wanyake ça hotanka on sícahowaya, qa Tokeca mayahnayan he? Saul he niye ye, eya.

13 Unkan wicašta yatapi kin heciya, Ihnuhan wakoyakipe cin, taku wandaka he? Unkan winohinca kin Saul heciya, Taku wakan, maka etanhan hinanpa wamndaka ye.

14 Unkan heciya, Owanyake kin toketu he? Unkan Wicašinca wan wankan hiyu, qa šina hdown ye eya. Unkan Saul Samuel hee, sdonya, qa ite kin maka ektakiya patuja, qa ohoda.

15 Unkan Samuel Saul heciya, Tokeca wankan wahihbu kta e mayaduhica he? Unkan Taku iyotan tehika amakipa, Pilistim makizapi, qa Wakantanka amayušan, qa waayatapi qa wihanmnapi unmana on amayupte šni; heon cicipan, taku ecamon kta sdonye mayakiye kta, heon etanhan.

16 Unkan Samuel heya. Jehowa aniyušan, qa toka niye cinhan, tokeca miye imayanonga he?

17 Jehowa, token minape on eye cigon iyecen, ecanicon kta, wokieonze kin, ninape etanhan yuše kta, qa nitawaši kin Dawid he qu kta.

18 Jehowa ho kin nayañon šni, qa tošinhda kin Ameleq en ecayecon šni, heon wicoie kin de ecanicon.

19 Qa Jehowa niye kici Israel Pilistim napepi en wicaqu kta, qa heyakecinhan niye qa nicinca nakun micipunpi kta, nakun Jehowa Israel owanka kin Pilistim napepi en qu kta.

20 Unkan Saul ihnuhanna makata hinhpaya, tohanske cin oco-

wasin, qa Samuel oie kin nina kokipe ça wowašake nica; anpetu osan, qa hanyetu osan woyute takudan yute šni nakaš.

21 Unkan winohinca kin Saul ekta i, qa nina yušinyaye cin wanyaka, qa heciya, Iho nitao-kiyewin niho kin anağoptan, qa minagi minape en iwekecu, qa nioie emayakiye cin nawañon ye.

22 Heon wanna niye nakun nitakiye win ho kin nañon ye; hecen aguyapi onšpa nitokam ewehnake kta, qa yuta ye, hecen wowašake duhe kta, on toki de cin idade kta ye.

23 Tuka wicada šni, qa, Wawate kte šni eya. Tuka taokiye, qa winohinca koya iyopaštakapi; unkan hopi kin nañon, qa maka kin etanhan najin, qa owinja akan iyotanka.

24 Unkan winohinca kin ptejicadan cepa wan, tipi ohna hduha, qa inahni, qa pata. Nakun aguyapi mdu icu qa pañinza, qa aguyapi hmiyanyanna špan kiciya;

25 Qa Saul qa taokiye itokam ehnaka. Unkan yutapi, qa najinpi, qa hanyetu kin he en iyayapi.

WICOWOYAKE 29.

1 Unkan Pilistim obe kin owasin hduwitayapi, Apeq ekta, qa Israel wakoniya Jezreel ohna yanke cin ekta ahitipi.

2 Unkan Pilistim itancanpi kin opawingege om, qa kektopawingege om iyayapi; Unkan Dawid qa wicašta tawa wicihakam iyayapi, Akiš kici.

3 Unkan Pilistim itancanpi kin heyapi, Heberi kin dena tuwepi he? Unkan Akiš Pilistim itancanpi kin hewicakiya, Dawid Saul Israel wicašta yatapi taokiye dee šni he? anpetu ota qaiš

WICOWOYAKE 30.

omaka kin dena mici un, qa en mahi kin ehantanhan anpetu kin dehanyan, śicaya econ kin takudan iyewaye śni.

4 Unkan Pilistim itancanpi kin canniyeyapi, qa Pilistim itancanpi kin heciyapi, Wicaśta kin de kihde śi wo; oyanke yaqu kin ekta hde kta, qa unkiyepi kici wokicize ekta ye kte śni, qa wokicize en. toka unyanpi kte śni. Taku on itancan tawa iyokipiye kta he? Wicaśta kin dena papi kin on hee śni he?

5 Iwakicipi en dowanpi, qa Saul kektopawinge ota kin kaśtaka, qa Dawid kektopawinge wikcemna ota kin, ekiciyapi kin Dawid kin dee śni he?

6 Unkan Akiś Dawid kipan qa heciya, Jehowa namañon oñan oniwotanna, qa wicoti ohna tankan idade cin, qa yahdi kin niwaśte miiśta en. Ekta mayahi kin ehantanhan, anpetu kin dehanyan niye en taku śica iyewaye śni; tuka itancanpi ištapi kin en niwaśte śni.

7 Heon wanna wookiye yuha iyaye ɕa ekta hda wo; qa Pilistim itancanpi ištapi kin en taku śica econ śni wo.

8 Unkan Dawid Akiś heciya, Tuka taku ecamon he? qa anpetu mici waun kin ehantanhan, dehanyan nitaokiye en taku iyeyaya on mayuhe cin wicaśta yatapi tokayapi wicawakize kta e ekta mde kte śni he?

9 Unkan Akiś ayupte ɕa Dawid heciya, Miiśta en niwaśte, Wakantanka ohnihdeye cin iyeniceca sdonwaya. Hececa eśta Pilistim itancanpi kin heyapi, Wokicize ekta unkiyepi om ye kte śni.

10 Heon hanñannahin kikta wo, qa niyuha taokiye nichipi kin hena wicaduhica kta, heyakecinhan anpao kinhan kihdapo.

11 Unkan Dawid qa wicaśta tawa Pilistim tamakocepi kin ekta hdapi kta e hanñanna ĩin kiktapi. Unkan Pilistim Jezreel ekta ipi.

WICOWOYAKE 30.

1 Unkan anpetu iyammi en Dawid, qa wicaśta tawa Tziqlag ekta kipi qehan, Amaleqi kin itokaga makoce kin, qa Tziqlag anatanpi; qa Tziqlag apapi, qa peta on ĩuññañyapi.

2 Qa winohinca ohna yakonpi kin wayaka iwicacupi, tuwedan te yapi śni, cistinna, qa tanka unmana tuka wayaka iwicacupi, qa akiyahdapi.

3 Unkan Dawid, qa wicaśta tawa otonwe ekta hdipi qehan, inyun peta on wanna ĩuññañyapi, qa tawicupi, qa cincapi wica winyan koya wayaka eyayapi.

4 Unkan Dawid qa oyate iye opapi kin ho yeyapi, qa ceyapi, ecen ceyapi kta wowaśake nicapi.

5 Nakun Dawid tawicu napin Añinoyam Jezreelitiwin, qa Abigail Nabal Karmeliti kin tawicu qon wayaka eyayapi.

6 Qa Dawid iyotanhan iyekiya un, oyate inyan on kininpi kta keyapi; Oyate kin owasin nina canteśicapi, otoiyo hi cinca wica winyan koya on, nakaś. Tuka Dawid taku wakanda Jehowa en waśag iciya.

7 Unkan Dawid Abiatar wawayusna kin Ahimelek cinhintku kin heciya. Amdo akañpe kin hduha deciya kuwa wo. Unkan Abiatar amdo akañpe kin hduha Dawid ekta hi.

8 Unkan Dawid Jehowa iwanğa, qa heya, Ozuye kin de kuwa mde kta he? wakiħdege kta he? Unkan heciya, Kuwa ya wo, kin-

SAMUEL TOKAHEYA,

han awicakehan yakihdege kta, qa taku kipi kin eyahdaku kta.

9 Unkan Dawid qa wicašta opawinge śakpe, iye opapi kin, iyayapi, qa Besor wakpa kin ekta ipi, qa tona ehpeya iyayapi kin hen yankapi.

10 Tuka Dawid, qa wicašta opawinge topa kuwa iyayapi, qa wicašta opawinge nonpa hustakapi, on Besor wakpa kin iyuwegapi okitpanipi kin hen yakonpi.

11 Unkan Egiypta wicašta wan tinta ohna iyeyapi, qa Dawid ekta aupi, qa aguyapi qupi, unkan yuta, qa mini yatke kiyapi.

12 Nakun suken pasutapi onśpa, qa hastanhanka pusyapi iyage nonpa qupi. Unkan yuta, qa toniya kin hdi; wanna anpetu yamni, qa hanyetu yamni aguyapi yute śni, qa mini ongedan yatke śni.

13 Unkan Dawid heciya; Tuwe tawa niyan he? qa tokiya tanhan yau he? Unkan, Egiypton hoksidan hemaca, qa Amaleqi wicašta wan wowidag mayan, qa litanihan sanpa wayazan wahda kin, heon mayuha ehpe-mayan.

14 Kereti itokağa kin, qa Juda taku tawa kin, qa Kaleb itokağa kin, azuunyanpi, qa Tziqlag peta on liuhnali unyanpi, eya.

15 Unkan Dawid heciya, Ozuye kin de ekta amayade kta oyakihi he? Unkan Taku wakan caje-yan maya kte kte śni, qa mayuhe cin nape kin en mayaqu kte śni, hemayakiye cinhan, ozuye kin de ekta aciye kta.

16 Unkan ekta ai qehan, inyun maka ite akan enanakiya wankapi, wotapi qa wayatkanpi, qa woyuha tanka Pilistim tamakocepi etanhan, qa Juda tamakoce etanhan icupi kin on wohanpi kağapi.

17 Unkan Dawid wicakaštaka, anpao etanhan ecen ihanhanna litayetu kin hehanyan. Unkan tuwedan niiciye śni; koška opawinge topa camo akan iyotankapi, qa najicapi henana.

18 Unkan taku Amaleqi kipi kin owasin Dawid ehdaku, nakun Dawid tawicu napin ewicahdaku.

19 Unkan takudan tokawicakihon śni, cistinna, qa tanka, qa cinca wica, qa winyan, qa woyuha; hecen taku Amaleqi icupi qon owasin Dawid hdohda.

20 Qa tahnca, qa pte kin wanunyanpi *tawapi* itokam kahapapi kin hena owasin Dawid icu, qa Dawid tawalipayeca kin dee eyapi.

21 Unkan wicašta opawinge nonpa hustakapi on Dawid opapi śni, qa Besor wakpa ekta yanke wicaši kin, hena ekta Dawid hdi. Unkan Dawid qa oyate opapi kin itkowicakipapi kta inanpapi. Unkan Dawid oyate wicikiyedan hi qehan, tanyan unpi hecinhan iwicawangā.

22 Hehan wicašta śica, qa wicaštapi śni Dawid opapi kin owasin heyapi, Unkiyepi om ipi śni, heon woyuha unkicupi kin etanhan wicunqupi kte śni, tuka wicašta otoiyo hi tawicu kin, qa cinhintku kin, hena icupi kinhan toki cinpi yapi kta.

23 Unkan Dawid heya, Mihunkawanji hecen ecanonpi kte śni. Jehowa taku kin de unqupi, qa niunyanpi, qa ozuye anauntanpi kin unnapepi en unqupi.

24 Heon wicoie kin de tuwe nanihonpi kta he? Tuwe, woki-cize ekta i tawopamni kin, he iyecen, tuwe walipayeca kin kici yanke cin tawopamni kta, iyakidecen okinipi kta.

25 Unkan anpetu kin he etanhan, qa ohakam dehanyan, Is-

WICOWOYAKE 31.

rael wokage qa woyaco kin he yuhapi.

26 Unkan Dawid Tziqlag ekta hdi, qa taku kipi kin etanhan Juda hunkayapi koda wicaye cin ekta aye wicaši, qa hewicakiya. Hopo Jehowa tokayapi etanhan woyuha icupi kin woyawašte kin de nicupi.

27 Tona Betel ohna yakonpi, qa Ramot (Hoškiški) itokaga en unpi, qa Jatir en unpi,

28 Qa Aroyer en yakonpi, qa Sipmot en yakonpi, qa Eštemoya en yakonpi,

29 Qa Rakal en yakonpi, qa Jerahmeli tonwanyanpi en yakonpi, qa Qeni tonwanyanpi en yakonpi,

30 Qa Horma en yakonpi, qa Korasan en yakonpi kin,

31 Qa Hebron en yakonpi kin; Oyanke tona Dawid qa wicašta tawa ekta ipisa, hena owasin taku *wicagu*.

WICOWOYAKE 31.

1 Wanna Pilistim Israel kizapi; unkan Israel wicašta kin napapi, Pilistim itokapa tanhan, qa Gilboya he akan capapi hinhpayapi.

2 Unkan Pilistim Saul, qa iye cinca kin wicakihdegapi, qa Pilistim Saul cinca kin Jonatan, qa Abinadab qa Melekišuya wica-ktepi.

3 Qa Saul nina kizapi, qa itazipa yuhapi kin iyeyapi; unkan itazipa wicašta on nina cancan.

4 Qa Saul tawipe kicičin kin heciya, Isan hdušdoka, qa camappa wo. Okini wicašta bakišda-yapi šni kin dena en mahipi, qa camapapi, qa makiyušepi kta. Tuka tawipe kicičin kin wicada

šni, nina kokipa nakaš, heon Saul isan kin icu qa ahinhpaya.

5 Unkan tawipe kicičin kin Saul wanna te cin wanyaka, heon is eya taisan kin ahinhpaya, hecen sakim tapi.

6 Hecen Saul, qa cinhintku yamni, qa tawipe kicičin kin tapi; nakun wicašta tawa owasin anpetu kin he en witaya tapi.

7 Unkan Israel wicašta osmaka akasanpa yakonpi, qa Jordan akasanpa yakonpi kin Israel wicašta napapi kin wanyakapi, qa nakun Saul, qa iye cinca tapi kin, heon tonwanyanpi kin ayuštanpi, qa napapi. Unkan Pilistim en hipi qa hena ohna iyotankapi.

8 Unkan ihanhanna Pilistim tapi kin heyakepi yušdokapi kta hipi qehan, Saul qa cinhintku yamni Gilboya he akan tapi iyewicayapi.

9 Qa pa kin baksapi, qa tawipe icupi, qa Pilistim makoce ekta yeyapi, qa tawakagapi tipi ekta, qa oyate ehna yuotaninpi kta e tipi iyaza ayapi.

10 Qa tawipe kin Aštarot ti kin ohna ehnakapi, qa tancan kin Betšan otonwe conkaške akan okatanpi.

11 Unkan Jabeš Gilejad otipi kin Pilistim Saul taku ecakiconpi kin nañonpi qehan.

12 Wicašta waditaka owasin najinpi, qa hanyetu osan manipi, qa Saul tancan kin, qa cinhintku tancanpi kin Betšan conkaške etanhan icupi, qa Jabeš ekta ahdapi, qa hen hulinahyapi.

13 Qa huhupi kin icupi, qa con-tanka Jabeš ohna wanke cin ihukuya hnakapi, qa anpetu šakowin wote šni unpi.

SAMUEL WOWAPI INONPA KIN.

WICOWOYAKE 1.

1 Unkan Saul ƚe cin iyohakam Dawid Amaleq kaštake cin etanhan hdi qehan, anpetu nonpa Tziqlag ohna yanka.

2 Unkan anpetu iyamni qehan inyun wicašta wan ozuye kin Saul etanhan, hiyu qa taheyake yulidehdecapi, qa pa kin akan maka ahdada yukan, qa Dawid ekta hi qehan patuja, qa makipusdiya elipeiɕiya.

3 Unkan Dawid heciya; Tokiya tanhan yau he? Unkan heciya, Israel ozuye kin etanhan nawajica ce.

4 Unkan Dawid heciya, He toketu? tokin omayakidaken. Unkan heya; Oyate kin woki-cize etanhan napapi, qa nakun oyate etanhan wicota hinhpayapi, qa ƚapi, qa nakun Saul, qa cinhintku Jonatan ƚapi ce.

5 Unkan Dawid koška okiyake cin heciya, Saul qa cinhintku Jonatan ƚapi kin token sdonyaya he?

6 Unkan koška 'okiyake cin heya, Wanun Gilboa he akan omawani, qa inyun Saul wahukeza akan kpatuja, qa inyun canpahmihma, qa šuktanka akanyotankapi mdetanhunkapi kin kuwapi.

7 Unkan ihdamna qa wanmayake ɕa, makipan, unkan he miye epa.

8 Unkan nituwe he, emakiya. Unkan Amaleqi hemaca, ewakiya.

9 Unkan hemakiya, Anamajin, qa makte wo; itomahomni, qa

minagi kin ocowasin nahanhin en maun; heon etanhan.

10 Unkan anawajin, qa ƚewayaya. Hinhpaye cin ohakam ni kte šni sdonwaya, heon hecamon, qa watešdake pa kin akan un kin, qa maza huhu isto akan un kin iwacu, qa hena deciya itancan cicahi.

11 Unkan Dawid wokoyake hduze ɕa hduhdehdeca, qa wicašta kici unpi kin owasin nakun heconpi.

12 Qa aiɕipapi qa ceyapi, Saul qa cinhintku Jonatan on, qa Jehowa taoyate, qa Israel tiyohnaka owasin canhpi on wicaktepi heon, qa htayetu kin behanyan wotapi šni.

13 Unkan Dawid koška okiyake cin heciya, Nitokiya tanhan he? Unkan heya, Oyate tokeca cinca Amaleqi wicašta hemaca.

14 Unkan Dawid heciya, Tokeca tuwe Jehowa sdakiye cin ihangye kta e nape ye yakiye kta koyakipe šni he?

15 Qa Dawid koška wanji kipan qa heciya, Ikiyedani ya, qa kaštaka wo. Unkan he kaštake: Unkan ƚe.

16 Wanna Dawid heciya, Niwe kin nipa akan un nunwe, Jehowa sdakiye cin he wakte ce, ni i kin eye ɕa aniyatanin.

17 Hehan Dawid Saul qa cinhintku Jonatan woceye odowan kin de on awicakiceya.

18 Qa heya, Juda cinca kin itazipa odowan onspewicakiyapi kta; ito Jašar (Ecetu) wowapi kin en owapi ce.

WICOWOYAKE 2.

19 Israel tatokadan nitawa pajodan nitawa akan ktepi ce. Hehehe wicašta wašaka hinḥpayapi ce.

20 Ihnuhan Gat ohna odakapi kin. Ihnuhan Ašqelon canku ohna wootanin odakapi kin; Okini Pilistim cunwintkupi kin iyuškinpi kta. Okini bakiḥdayapi šni cunwintkupi pidaya dowanpi kta.

21 Gilboa he kin anicu šni qa animagaju šni nunwe. Qa maḡa wošnapi wanica nunwe. Heciya wicašta wašaka wahacanka eḥpekuyapi. Saul wahacanka tawa kin wiḥdi on sdayapi šni iyececa.

22 Wicaktepi we kin etanhan, wašakšakapi šin kin etanhan Jonatan tinazipe kin hektam hiyu šni, qa Saul taisan cokadan ḥdi šni.

23 Saul qa Jonatan nipi qehan wašte wicadakapi, qa wiciyokipipi, qa ṭapi kin en yukinukanpi šni. Wanmdi isanpa duzahanpi, mnaja isanpa wašakapi.

24 Israel cunwintkupi kin Saul akiceyapo. Iye wokoyake duta taku wiciyokipi kici ikoyag niyanpi. Heyake nitawapi akan mazaskazi oinpi ikoyag niyanpi.

25 Hehehe, wicašta wašaka wokicize cokaya hinḥpayapi ce. Jonatan pajodan nitawa akan niktepi ce.

26 Cinye Jonatan niye on iyo-makišica. Ninaḥin iyokipi mayaya. Winohinca wašte wicadakapi isanpa nina wašte mayadaka.

27 Hehehe wicašta wašaka hinḥpayapi. Qa wokicize wipe kin atakunipi šni.

WICOWOYAKE 2.

1 Unkan hena iyohakam Dawid Jehowa iwange ɔa heya, Juda

otonwe wan ekta itanwankanḥde wahde kta he? Unkan Jehowa heciya; Itanwankanḥde ḥda wo. Unkan Dawid heya; Tukten itanwankanḥde wahde kta. Unkan, Hebron ekta, eya.

2 Unkan Dawid heciya i, nakun tawicu napin, Aḥinoyam Jezreeliwin kin, qa Abigail Nabal Karmeli kin tawicu qon.

3 Qa Dawid wicašta iye opapi kin hena ope wicaši, otioyohi tiyohnaka om, qa Hebron otionwe ohna iyotankapi.

4 Unkan Juda wicašta kin ekta hipi, qa hen Dawid sdayapi, Juda tiyohnaka iwankam wicaštayatapi kta. Unkan Dawid okiyakapi qa heyapi, Jabeš Gileyad wicašta kin Saul ḥnakapi kin heepi.

5 Unkan Dawid Jabeš Gileyad wicašta kin ekta ohniḥde ye wicaši, qa hewicakiya, Saul itancan nitawapi wowacantkiya ecayeconpi, qa yahnakapi kin heon Jehowa niyawastepe ce.

6 Heon wanna Jehowa wowacantkiye, qa wowicake ecaniconpi kta, qa miš eya taku kin de ecanonpi kin heon taku wašte ecaciconpi kta.

7 Heon wanna ninapepi wakišakapo, qa waditakapi cincapi kin iyecen econpo. Saul itancan nitawapi kin wanna ṭe, qa miye Juda tiyohnaka kin wanna atemayanpi kta e sdamayanpi ce.

8 Unkan Abner Ner cinhintku kin Saul ozuye tawa mdetanhunka kin Išbošet Saul cinhintku kin icu, qa Mahanaim ekta iyuweḥya.

9 Qa Gileyad on wicaštayatapi kaḡa, qa nakun Ašuri kin on, qa Jezreyel on, qa Ephraim on, qa Benjamin on, qa Israel owasin on.

10 Išbošet Saul cinhintku kin waniyetu wikcemna topa qehan

SAMUEL WOWAPI INONPA KIN,

Israel wicaštayatapi kağapi, qa waniyetu nonpa hehanyan wicaštayatapi. Tuka Juda tiyohnaka kin Dawid opapi.

11 Unkan Dawid Hebron ohna, Juda tiyohnaka iwankam wicaštayatapi heca, anpetu yawapi kin waniyetu šakowin sanpa wi šakpe.

12 Unkan Abner Ner cinhintku, qa Saul cinhintku Išbošet taokiye Mahanaim etanhan iyayapi Gibeyon ekta.

13 Unkan Joab Tzeruja cinhintku, qa Dawid taokiye iyayapi, qa Gibeyon mdedan ekta itkowicakipapi, qa hen iyotankapi, dena indedan kin itato, qa unman mdedan akotanhan.

14 Unkan Abner Joab heciya. Ito hokšipidan najinpi, qa unkiyepi itokam škatapi kte. Unkan, Najinpi kta, Joab eya.

15 Unkan Benjamin on, Išbošet Saul cinhintku on wicašta wikcemna sanpa nonpa wicayawapi najinpi, qa iyayapi; Unkan Dawid taokiye etanhan wikcemna sanpa nonpa.

16 Qa otoiyohi tuwe itkokim u kin pa kin yuze ça cuwi kin en isan capa; hecen šakim hinhpayapi. Unkan oyanke kin he Helqat Hatzurim (Isan Tamağa) eciyapi, he Gibeyon ohna yanka.

17 Unkan anpetu kin he wokicize nina tehika, qa Abner, qa Israel wicašta kin Dawid taokiye kin nakicipapi.

18 Unkan Tzeruja cinca yamni Joab, qa Abišai, qa Yasahel heciya unpi, qa Yasahel siha kin kapoja, tatokadan tinta ohna yakonpi kin iyecen duzahan.

19 Unkan Yasahel Abner kuwa, qa Abner ihakam ye cin etanhan etapa qa catka unmana ekta ihduwinge šni.

20 Unkan Abner ihdamna, qa,

Yasahel he niye he? eya. Unkan, He miye eya.

21 Unkan Abner heciya, Ihduwinga etapa tanhan, qaiš catka tanhan, qa koškapi etanhan wanjiiyahpaya, qa tawipe icu. Tuka Yasahel he kuwa etanhan ihduwinga wicada šni.

22 Unkan Abner ake Yasahel heciya: Miye etanhan ihduwinga wo. Tokeca makata cicaštake kta he? Hecinhan token nicinye Joab ekta ewatonwe kta he?

23 Tuka ihduwinga wicada šni, heon Abner hektam wahukeza on tezi ekta capa, on wahukeza iyoopta inanpa. Unkan hen hinhpaye ça yanke cin ekta ta. Unkan tona Yasahel hinhpaye ça te cin ekta hipi kin, hena owasin en najinpi.

24 Unkan Joab, qa Abišai, Abner kuwapi; qa wi iyaya, Anma paha ekta ipi qehan, he Giah iyotakonza, Gibeyon tinta canku iyahde icahda.

25 Unkan Benjamin cinca kin ihduwitayapi; Abner ihakam, optaye wanjidan, qa paha wanjidan akan owanji najinpi.

26 Unkan Abner Joab kipan qa heciya, Isan kin ohinniyan wayusote kta he? Ohakam pa hince kta sdonyaye šni he? Tohanyan oyate kin hunkawanji wicayapi kuwapi kin etanhan ihdamna wicayaši kte šni he?

27 Unkan Joab heya, Wakan-tanka ni kinhan, niye iyae šni unkanš nakaha hanlianna oyate kin hunkawanji wicayapi kuwapi etanhan kihdapi kte, cigon tuka.

28 Unkan Joab heyahoton wan yahoton; unkan oyate kin owasin enakiyapi, qa sanpa Israel kuwapi šni, qa sanpa wicakizapi šni.

29 Unkan Abner qa wicašta

WICOWOYAKE 3.

tawa hanyetu osan manipi, Araba ohna, qa Jordan iyuwegapi, qa maya kaksiza kin ihunnipi qa Mahanaim ekta kipi.

30 Unkan Joab Abner kuwa kin etanhan kihda, qa oyate owasin wicayuwitaya; unkan Dawid taokiye etanhan Yasahel, qa wicašta wikcemna sanpa napeinwanka en unpi šni.

31 Unkan Dawid taokiye Benjamin etanhan, qa Abner tawicašta etanhan wicašta opawinge yamni sanpa wikcemna šakpe apapi qa wicaktepi.

32 Qa Yasahel akiyuhapi, qa atkuku ohnahnakapi tawa kin Betlehem en yanke cin he ohna hnakapi. Unkan Joab qa wicašta tawa hanyetu osan manipi, qa anpao hehan Hebron en hdipi.

WICOWOYAKE 3.

1 Unkan Saul tiyohnaka kin, qa Dawid tiyohnaka otahedan tehan wokicize yukan, tuka Dawid ohinniyan wašaka aya, qa Saul tiyohnaka kin ohinniyan wasake šni aya ece.

2 Unkan Hebron ohna Dawid cinca kicitonpi, qa tokapa kin Amnon ee, Ahinoyam Jezreyeliwin cinhintku.

3 Qa inonpa kin Kileab Abigail Nabal Karmeli kin tawicu qon cinhintku, qa iyamni kin Abišalom, Gešur wicaštayatapi kin Talma cunwintku Mayaka he cinhintku.

4 Itopa kin Adonija Hagit cinhintku, qa izaptan kin Šepatija, Abital cinhintku.

5 Qa isakpe hin Jitreyam Egla Dawid tawicu kin he cinhintku. Hena Hebron ohna Dawid kicitonpi.

6 Unkan Saul tiyohnaka kin, qa Dawid tiyohnaka kin kiczapi

qehan, Saul tiyohnaka wašagye cin, Abner hee.

7 Unkan Saul tawicu wan Ritzpa eciyapi, Aja cunwintku. Unkan Išbošet Abner heciya, Tokeca ate tawicu kin ekta yai he?

8 Unkan Išbošet oie kin on Abner nina šinhda, qa heya; Sunka wan pa kin hemaca, Juda ekta kiya, kecanni he? Miye niyate Saul tiyohnaka kin nakaha cante wakiya, nakun sunka wicaya, qa koda wicaya, qa Dawid nape kin en ye ciye šni, ešta, nakaha winohinca kin de ou i en iyemayaya.

9 Jehowa Dawid eciye cin he iyecen ecawecon šni kinhan, Wakantanka hecen qa nakun de isanpa Abner ecakicon nunwe.

10 Saul tiyohnaka etanhan wokiconze kin tokan ayapi kta; qa Dawid Israel, qa Juda iwankam, Dan etanhan Beršeba ekta hehanyan, wicaštayatapi sutaya iyotanke kta.

11 Unkan Abner kokipe cin, heon wicoie wanjidan eciye kta okihi šni.

12 Unkan Abner wahoši Dawid ekta ye wicaši iye on, qa heya, Makoce kin tuwe tawa he? wotakuye micicağa wo, kinhan Israel owasin nihukuya upi kta. on minape óniciye kta, eya.

13 Unkan heya; Hecen wašte kta, wotakuye cicicağa kta; tuka taku wanji cicida. Wanmayag yau kinhan Saul cunwintku Mikal mayakahi kta, hecanon šni kinhan miite kin wandake kte šni.

14 Unkan Dawid wahoši Saul cinhintku Išbošet ekta ye wicaši, qa heciya; Mitawin Mikal maqu wo. He Pilistim ceinkpaha opawinge on opewaton.

15 Unkan Išbošet akicita ye

SAMUEL WOWAPI INONPA KIN,

wicaši, qa hihnaku Laiš cinhin-
tku Paltiel etanhan he icu.

16 Unkan hihnaku kin he kici
u, Bahurim hehanyan ihakam
mani, qa ceya. Unkan Abner
heciya, Kihda wo; unkan ki-
hda.

17 Unkan Abner ie ça Israel
hunkayapikin hewicakiya; Ehan-
na Dawid ate yayapi kta e ya-
cinpi.

18 Heon wanna hecen econ po.
Jehowa Dawid heciya, qa heya;
Mitaokiye Dawid nape kin on
oyate mitawa Israel niwaye kta,
Pilistim napepi kin etanhan, qa
toka wicayapi owasin napepi
etanhan.

19 Unkan, Abner Benjamin
nođe nakun ohna ia, qa Abner
nakun Hebron ekta ya, taku Is-
rael istapi en, qa Benjamin tiyo-
hnaka owašin istapi en wašte
kin, he owasin Dawid nođe en ie
kta heon.

20 Qa Abner Hebron en Dawid
ekta hi, qa wicašta wikcemna
nonpa opapi. Unkan Dawid Ab-
ner, qa wicašta iye opapi kin
wohanpi wan wicakicağa.

21 Unkan Abner Dawid heciya;
Nawajin, qa Israel owasin itan-
can mitawa wicaštayatapi kin
ekta mniciye wicawaye kta e
mde kta, qa wotakuye nicica-
gapi kta, qa tona ninaği cin kin
wiciwawankan wicaštaniyatapi
kta. Unkan Dawid Abner ye
ši; unkan wookiye en kihda.

22 Unkan hehan Dawid taho-
ksidan qa Joab ozuye wan etan-
han woyuha ota hdohdipi. Un-
kan Dawid kici Hebron ohna
Abner yanke šni, he kihde ši;
unkan wookiye en kihda nakaš.

23 Unkan Joab, qa obe iye opa-
pi owasin hdipi. Unkan Joab
okiyakapi qa, Abner Ner cinhin-
tku wicaštayatapi kin en hi; un-

kan kihde ši; unkan wookiye en
kihda, eyapi.

24 Unkan Joab wicaštayatapi
kin ekta i qa heciya, Taku eca-
non he? Inyun Abner en nihi,
tokeca kihde yaši, qa wanna
iyaya.

25 Abner Ner cinhintku sdon-
yaya. Nihnaye kta, qa token
timahen yahdi, qa tankan idade
cin sdonye kta, qa taku ecanon
owasin sdonye kta heon hi.

26 Unkan Joab Dawid etanhan
tankan iyaye ça wahoši Abner
ihakam ye wicaši: unkan Sira
wakoniya etanhan icicawin aku-
pi; tuka Dawid sdonye šni.

27 Unkan Abner Hebron en hi
qehan Joab otonwe tiyopa mahen
hiyuya; isnana kici wohdake kta
šeca; qa hen tezi kin en capa,
sunkaku Yasahel we kin on;
unkan ta.

28 Unkan ohakam Dawid he
nahon qehan heya; Miye, qa
wokiconze mitawa Jehowa ito-
kam Abner Ner cinhintku we
kin on iyaonpe pica šni unya-
konpi kta, owihanke wanica.

29 He Joab pa kin akan, qa
atkuku tiyohnaka kin owasin
akan yanke kta. Iye ti kin ohna
obinniyan wicašta wan ha ldi
yuke kta, qaiš leprosi ececa, qaiš
tuwe sagye ikpatan, qaiš isan
ahinhipaya, qaiš aguyapi icakija.

30 Unkan hecen Joab, qa sun-
kaku Abišai Abner ktepi. Sun-
kakupi Yasahel Gibeyon woki-
cize en te kiye, heon etanhan.

31 Unkan Dawid Joab, qa oyate
iye opapi kin owasin hewicaki-
ya; Wokoyake hduhdehdecapo,
qa wakihdaka ipiyag kiton po, qa
Abner akiceya po; qa wicašta-
yatapi kin Dawid akiyuhapi kin
ihakam mani.

32 Unkan Hebron ohna Abner
hnakapi, qa wicaštayatapi kin

WICOWOYAKE 4.

hoyeye ça Abner hnakapi ekta ceya, qa oyate owasin ceyapi.

33 Unkan wicaštayatapi kin Abner aceye ça heya; Wicašta witkotkoka ƚe cin he iyecen Abner ƚa.

34 Nape panicihtapi šni, qa siha mazaša icaške en iyeniciyapi šni. Token wicašta šica itokam wicašta wan hinlipaye cin, he iyecen nihinlipaya. Unkan oyate owasin ake aceyapi.

35 Unkan nahanhin anpa oyate kin owasin Dawid aguyapi yunki-yapi kta e ekta ipi. Unkan Dawid wakonze ça heya; Wi iyaye šni itokam aguyapi, qaiš taku tokeca uwate cinhan, Wakantanka decen, qa nakun de isanpa ecamicon kta.

36 Unkan oyate kin owasin he sdonyapi, qa iyowicakipi, taku wicaštayatapi kin econ kin owasin oyate kin owasin ištapi kin en wašte kin he iyecen.

37 Unkan anpetu kin he en Abner Ner cinhintku ktepi kin, he wicaštayatapi kin eciyatanhan šni kin he oyate kin owasin, qa Israel owasin sdonyapi.

38 Unkan wicaštayatapi kin taokiye hewicakiya; Wicašta itancan, qa tanka wan Israel ohna nakaha hinlipaya sdonyapi šni he?

39 Qa miye wicaštayatapi sdamayanpi ešta nakaha wamašake šni, qa wicašta kin dena Tzeruja cinca miye isanpa wašakapi ce, Jehowa tuwe taku šica econ kin, tošice cin iyecen iyuwin qu kta.

WICOWOYAKE 4.

1 Unkan Abner Hebron ohna ƚe cin Saul cinhintku kin naħon, heon nape kin staka, qa Israel owasin yušinayapi.

2 Qa Saul cinhintku wicašta

nonpa mdetanhunka heca wica-yuha, wanji Bayana eciyapi, qa unman Rekab eciyapi, Rimmon Beroti kin cinca, Benjamin cinca etanhan; Berot he Benjamin kici yawapi nakaš;

3 Tuka Beroti kin Gitaim ekta najicapi, qa anpetu kin hehanyan hen yakonpi.

4 Unkan Jonatan Saul cinhintku kin cinhintku wanji yuha, siha hušte, iye waniyetu zaptan hehan Saul, qa Jonatan ƚapi kin Jezreyel etanhan otanin; unkan winyan iye icaħye cin he icu, qa napa; qa najice kta, inahni kin, heon hokšidan kin hicahan qa hušte icağa; unkan Mepibošet eciyapi.

5 Unkan Rimmon Beroti kin cinca Rekab qa Bayana manipi, qa anpetu kate cehan Išbošet ti kin ekta ipi. Unkan iye wiyotanhan ištınbe cin on makan wanka.

6 Unkan tipi cokaya en ipi, aguyapi su icupi kta iyecen; qa tezi kin ekta capapi, qa Rekab qa sunkaku Bayana najicapi.

7 Tipi en ipi qehan iye ištima, tipi ohna towinja akan makan wanka; unkan capapi, qa ktepi, qa pa kin baksapi, qa pa kin icupi, qa hanyetu osan Araba canku kin omanipi;

8 Qa Išboset pa kin Dawid ekta, Hebron ekta kaipi, qa wicaštayatapi kin heciyapi, Inyun Saul toka niyan, qa ninaği akite eiqon cinhintku Išbošet pa kin dee; Jehowa nakaha wicaštayatapi itancan unyanpi kin Saul, qa cinhintku etanhan wokajuju niçu.

9 Unkan Rimmon Beroti cinca Rekab qa sunkaku Bayana Dawid awicayupte ça hewicakiya, Jehowa minaği woiyokišice owasin etanhan kiyuške cin he ni,

10 Kinhan wicašta wan, Inyun

SAMUEL WOWAPI INONPA KIN,

Saul wanna ɬa ce, emakiye ɕa wotanin on iyuſkin maye kta kecin kin, he iyawaɬpamde ɕa wakte, Tziklag ohna; wotanin makahi on iyuwin waqu kta kecin tuka:

11 Hecen iyotan wicaſta ſica wicaſta ohan owotanna wan, towinja akan tinktepi kin we kin ninapepi etanhan awakite kte ſni he? Maka etanhan ihangciyapi kta.

12 Qa Dawid taakicita wicakte wicaſi; unkan heconpi, qa napepi sihapi koya wicakicicaksapi, qa miniſkokpa wan Hebron ohna yanke cin, he icahda otkeyapi; qa Iſboſet pa kin icupi, qa Abner ohnahnakapi kin Hebron ohna hnakapi.

WICOWOYAKE 5.

1 Unkan Israel wicoun owasin Dawid ekta Hebron en hipi, qa wohdakapi, qa heyapi, Nihuhu, qa niceɬpi kin heuncapi.

2 Nakun ehanna Saul ateunyanpi qehan, Israel inanpe wicaye ɕa hɬicu wicaye cin he niye. Qa Jehowa heniciya; Niye oyate mitawa Israel wonwicayaye kta, qa Israel on mɬetanhunka henica kta.

3 Unkan Israel hunkayapi owasin wicaſtayatapi ekta Hebron en hipi; unkan wicaſtayatapi kin kin Dawid wicotakuye wicakicaɣa, Hebron ohna, Jehowa itokam. Unkan Israel wiciwankan wicaſtayatapi Dawid sdayapi.

4 Dawid waniyetu wikcemna yamni wicaſtayatapi kaɣapi qehan, qa waniyetu wikcemna topa wicaſtayatapi heca.

5 Hebron ohna waniyetu ſakowin sanpa wi ſakpe Juda ateyapi, qa Jerusalem ohna waniyetu wikcemna yamni sanpa

yamni Juda, qa Israel owasin ateyapi.

6 Unkan wicaſtayatapi kin qa wicaſta tawa Jerusalem ekta ipi, Jebusi makɔce ounyanpi kin azuwicaye kta. Unkan Dawid heciyapi, Iſtaɣongapi, qa huſtepi kin wicadutokan ſni kinhan, den hidu kte ſni, Dawid hen ye kta okihi ſni kapi.

7 Tuka Dawid Zion conkaſke kin icu, Dawid totonwe kin hee.

8 Unkan anpetu kin he en Dawid heya; Tuwe kaksiza kin iyohiya, qa Jebusi huſtepi qa iſtaɣongapi wicakaſtake cinhan, iye mɬetanhunka kta: hena Dawid naɣi kin ſice wicadaka. Iſtaɣonge cin qa huſte kin tipi kin en hiyu kte ſni, eyapi nakaſ.

9 Unkan Dawid conkaſke mahen iyotanka, qa Dawid totonwe kin eciya, qa ihdukſan tipi kaɣa Millo ekta hehanyan.

10 Unkan Dawid ohinniyan tanka aya, qa Jehowa taku wakan ozuye yuhe cin he kici un.

11 Unkan Hiram Tzur wicaſtayatapi kin Dawid ekta ohnihde ye wicaſi, nakun hanteſa can, qa cankaɣipa heca, qa ticagapi kta wicaſta inyan kakanpi wayupika; unkan Dawid tipi wan kicaɣapi.

12 Unkan Jehowa Dawid toki-conze kin Israel iwankam yusuta, qa taoyate Israel on tokiconze kin icalihe cin he Dawid sɬonya.

13 Unkan Dawid Hebron etanhan hi kin iyohakam, Jerusalem etanhan winohinca tokeca wicayuz. Unkan ake cinca wicawinyan koya kicitonpi.

14 Unkan cinca wica Jerusalem ohna kicitonpi caɣepi kin dena eepi; Sammuwa, qa Sobab, qa Natan, qa Solomon,

15 Qa Jibher, qa Eliſua, qa N-peg, qa Japiya,

WICOWOYAKE 6.

16 Qa Elisama, qa Eljada, qa Elipelet.

17 Unkan Pilistim Dawid Israel wicaštayatapi kta sdayapi kin nahonpi, heon Pilistim owasin Dawid akin itanwankanhde upi. Unkan Dawid nahon, qa conkaške kin ektakiya iyaya.

18 Unkan Pilistim upi, qa Repaim (Waziya) osmaka kin en enanakiya hiyotankapi.

19 Unkan Dawid Jehowa iwan-ge ca heya, Pilistim anawicawatan kta he? minape en wicamayaqu kta he? Unkan Jehowa Dawid heciya, Anawicatan wo. Awicakehan Pilistim ninape en wicawaqu kta.

20 Unkan Dawid Bayal Peratzim ekta i, qa hen Dawid wicaštaka, qa heya, Jehowa mitokam toka mayanpi enanakiya ehpewicaya, mini enanakiya iya-ye cin he iyecen, heon oyanke kin he Bayal Peratzim, (enanakiya ehpewicaya oyanke,) eciyapi.

21 Unkan wakagapi wakan kin hen ehpewicakiyapi, unkan Dawid qa wicašta tawa hena icupi.

22 Unkan ake Pilistim itanwankanhde upi, qa Repaim osmaka ohna enanakiya hiyotankapi.

23 Unkan Dawid Jehowa iwan-ga. Unkan heya, Anawicayatan kte šni; Wiciñeyata ohomni ya wo, qa canšin can kin eciyatanhan wicikiyedan hidu kta.

24 Qa canšin can inkpa ohna taku hiyaya ho kin nayahon kinhan inahni wo, Jehowa Pilistim ozuye kaštake kta nitokam iyaya nakaš.

25 Unkan Dawid token Jehowa econ ši kin he iyecen econ, qa Pilistim wicaštaka, Geba etanhan Gezer ekta yai kin hehan-yan.

WICOWOYAKE 6.

1 Unkan ake Dawid-Israel wicašta kahniğapi kin owasin kektopawinge wickemna yamni mniciye wicaya.

2 Unkan Dawid, qa oyate iye opapi kin owasin najinpi, qa Bayali Juda ekta iyayapi, hetanhan Taku wakan, Jehowa ozuye yuhe cin, Kerubim otahedan yanke cin eciyapi, tacanwohna-ka kin huweyapi kta.

3 Qa Wakantanka tacanwohna-hnaka kin Abinadab ti kin paha akan yanke cin etanhan icupi, qa canpahmihma teca wan akan tokšupi, qa Abinadab cinca kin Uzzia, qa Ahio canpahmihma teca kin kahapapi.

4 Qa Wakantanka tacanwohna-ka Abinadab ti kin paha akan yanke cin etanhan icupi qehan, iye opa, qa Ahio canwohnaka kin itokam mani.

5 Qa Dawid, qa Israel tiyohna-ka kin owasin Jehowa itokam škatapi, wazi can dowankiyapi ocaje owasin on, candowankiya-pi, qa canpakinzapi, qa cancega, qa wamnuha, qa maza icakokapi hena owasin on.

6 Unkan Nakon tahocoka kin ekta ipi qehan, tatanka kin canwohnaka kin nahpapi kte seca, heon Uzza yuze kta nape kin ekta ye kiya.

7 Unkan Jehowa Uzza canniye-ya, qa taku ecinšniyan econ kin on Wakantanka hen kaštaka; unkan hen ta, Wakantanka tacanwohnaka kin ikiyedan.

8 Unkan wokaštake Jehowa Uzza kaštake cin on Dawid can-ceptanyan; unkan oyanke kin he anpetu kin dehanyan Uzza Kaštakapi eciyapi.

9 Unkan anpetu kin he en Dawid Jehowa kokipe ca, Token

SAMUEL WOWAPI INONPA KIN,

Jehowa tacanwohnaka kin miye ekta hi kta he? eya.

10 Heon Dawid Jehowa tacanwohnaka kin iye ekta, Dawid totonwe en hiyuye kta tawatenye šni; tuka Dawid he icunom aya, Obed Edom Giti kin ti kin ekta.

11 Unkan Jehowa tacanwohnaka kin wi yamni Obed Edom ti kin ohna yanka. Unkan Jehowa Obed Edom, qa tiyohnaka tawa owasin wicayawašte.

12 Unkan Dawid wicaštayatapi kin okiyakapi qa heyapi, Wakan-tanka tacanwohnaka on Jehowa Obed Edom tiyohnaka kin, qa taku yuhe cin owasin yuwašte; heon Dawid iyaya, Wakantanka tacanwohnaka kin Obed Edom ti kin etanhan, Dawid totonwe ekta wiyuškinyan ahdiyaku kta.

13 Unkan wicašta Jehowa tacanwohnaka kin akiyuhapi kin caehdepi šakpe hiyupi, hehan tatanka, qa ptejicadan wakiyušna.

14 Unkan Dawid towašake oowasin on Jehowa itokam waci, qa Dawid miniŋuha amdo akaŋpe wan ipiyag kiton.

15 Unkan Dawid, qa Israel tiyohnaka owasin Jehowa tacanwohnaka kin iyašapi on, qa mazayahotonpi yahotonpi on itanwankannde aupi.

16 Unkan Jehowa tacanwohnaka kin Dawid totonwe en hi qehan, Mikal Saul cunwintku owanyeye ohna eyokasin, qa wicaštayatapi kin Dawid ipsipsica, qa waci yanka, Jehowa itokam wanyake qehan, cante mahen wahteda šni.

17 Unkan Jehowa tacanwohnaka kin hiyuyapi, qa oyanke tawa en okihnakapi, wakeya wan Dawid ekicihde kin cokaya; qa Dawid Jehowa itokam wohu-

ŋnahyapi qa wopida wošnapi wakiyušna.

18 Unkan Dawid wohuŋnahyapi, qa wopida wošnapi huŋnahya yušan qehan, oyate kin Jehowa obe yuhe cin cajeyan wicayawašte.

19 Qa oyate kin owasin, Israel wicota kin owasin, wicašta qa winoŋinca koya, otoiyoŋi aŋuyapi hmiyanyanna wan, qa tado onšpa wan, qa miniša oyatke ohnaka wanji wicakipamni. Unkan oyate owasin kihdapi.

20 Unkan Dawid tiyohnaka tawa kin yawašte kta kihda. Unkan Mikal Saul cunwintku Dawid itkokipe kta hiyu, qa heya, Israel wicaštayatapi kin nakaha taokiye wicinyanpidan ištapi kin itokam tancodan un, koška ikcekapi wan tancodan mani kin iye-cen, he ehan towitan kin ihdu-tanin naceca.

21 Unkan Dawid Mikal heciya, Jehowa niyate, qa tiyohnaka tawa owasin isanpa makahniŋe qa Jehowa taoyate Israel on mde-tanhunka makaŋa, heon Jehowa itokam waškate kta.

22 Qa nakun de isanpa mawahte kte šni, qa mišta kin en hukuya waun kta, tuka wicinyanpidan catedate cin hena mayuonihanpi kta.

23 Unkan Mikal Saul cunwintku kin hetanhan cincaton šni, anpetu en ƣe cin hehayan.

WICOWOYAKE 7.

1 Unkan wicaštayatapi kin toti kin en iyotanka, qa tokayapi owasin ihduksan yakonpi kin etanhan Jehowa woozi qu qehan,

2 Wicaštayatapi kin. Natan waayate kin heciya; Wan, miye wanna hanteša can tipi wan ohna wati, tuka Wakantanka tacan-

WICOWOYAKE 7.

wohnaka kin ozanpi tipi wan ohna yanka ce.

3 Unkan Natan wicaštayatapi kin heciya ; Iho, taku nicante en un kin owasin econ wo ; Jehowa nici un nakaś.

4 Unkan hanyetu kin he en, Jehowa oie kin Natan en u qa heciya,

5 Mitaokiye Dawid ekta ye ça heciya wo ; Jehowa hecen eya ; Ohna wati kta e tipi wan miyecage kta he ?

6 Israel cinca kin Egipta etanhan itanwankannde hiyu wicawaye cin ehantanhan, anpetu kin dehanyan, can tipi wan ohna wati śni ; tuka wakeya ohna, qa ozanpi tipi ohna ihdaka waun.

7 Israel cinca owasin wicelna mawani kin owasin en, Israel wayaco, oyate mitawa Israel won wicawaśi kin tuwe wicoie wan ewakiya, qa, Tokeca hanteśa tipi wanji miyecage śni ewakiya he ?

8 Qa wanna mitaokiye Dawid hecen eyakiye kta ; Jehowa obe yuhe cin hecen eya ; Taħınca wiħan wicakiyapi etanhan icicu, oyate mitawa itokam mayani kta heon etanhan.

9 Qa toki yai kin owancaya nici waun, qa toka niyanpi kin owasin nitokapa tanhan wicawakaśpe, ça wicašta maka akan tankapi cajepi kin, he iyecen caje tanka cicaga.

10 Qa oyate mitawa Israel on oyanke wan wiyeya wicawecage kta, qa hu wicawecihde kta, qa he ohna tipi kta, qa icimana cancanpi kte śni, qa otokahe ekta woah̄tani cinca kin wicayuhukuyapi kin icimana heconpi kte śni ;

11 Wayaco, oyate mitawa wicawaqu ehantanhan heconpi kin iyecen ; nakun niye toka niyanpi owasin etanhan oziciciya, qa

tipi wan Jehowa nieicage kta, Jehowa eniciya.

12 Qa anpetu nitawa henakeca kinhan, qa ate wicayaye cin om inonke cinhan, nicinca nitezi etanhan inanpe kte cin he icalhwaye kta, qa tokiconze kin mdusuta kta.

13 Iye tipi wan micaje on kage kta ; qa tokiconze oiyotanke kin mdusuta kta, owihanke wanica.

14 Iye ate maye kta, qa miye he cinkśi waye kta. Iye śicaya econ kinhan wicašta cansakadan on wakaštate kta, wicašta cincapi awicapapi kin iyecen.

15 Tuka mitocantekiye ewecihdaku kte śni, Saul nitokapa tanhan mdutokan kin etanhan ewecihdaku qon he iyecen.

16 Qa yati kin, qa nitokiconze kin owihanke wanin nitokam wacinyepica kta ; oiyotanke nitawa owihanke wanin suta kta.

17 Wicoie kin hena owasin iyecen, qa wowanyake kin de ocowasin iyecen, Natan Dawid eciya.

18 Unkan Dawid wicaštayatapi kin ekta i, qa Jehowa itokam iyotanke ça heya, Itancan Jehowa, miye matuwe he ? qa wati kin he taku on dehanyan hiyu-mayaya he ?

19 Qa Itancan Jehowa dehantu cistinna niišta kin en, heon nitaoikiye ti kin tokata tehan on iyaa ; Itancan Jehowa wicašta akantu woope kin de tawapi he ?

20 Qa taku sanpa Dawid eniciye kta he ? Itancan Jehowa niye nitaokiye sdonyaya.

21 Nioie kin on, qa nicante kin iyecen taku tanka kin dena owasin ecanon, qa nitaokiye kin sdonye yakiya.

22 Jehowa Wakantanka niye nitanka nakaś, qa tuwedan iye-nicece śni, niye niśnana, qa taku

SAMUEL WOWAPI INONPA KIN,

wakan tokeca wanica; unnogepi on taku naunhonpi kin owasin iyecen.

23 Qa tukte maka akan oyate wanji oyate nitawa Israel iyececa, he opekiton kta, qa oyate tawaye kta, qa caje wan içicage kta e Taku wakan ekta i, qa oyate wan Egupton oyate, qa taku wakan dapi kin etanhan openiciton kin, he itokam makoce nitawa en taku tanka qa wovinihan ecanon.

24 Qa oyate nitawa Israel owihanke wanin oyate nitawa kta e niciyahdusuta, qa taku wakan dapi kin Jehowa he niye.

25 Qa wanna Jehowa Wakan-tanka nitaokiye, qa tipi tawa on wicoie ehe cin ohinniyan yeuce-tu, qa token ehe cin iyecen econ wo.

26 Hecen nicaje kin owihanke wanin yatanpi kta; Jehowa obe yuhe cin Israel on Wakantanka kta, qa nitaokiye Dawid ti kin nitokam yusuta kte.

27 Jehowa obe duhe cin Israel wakan nidapi, niye nitaokiye noge kin duhdoke ça heyakiye; Tipi wan ciciçage kta, heon nitaokiye wocekiye kin de eniciye kta e cante kin en iyekeya.

28 Qa wanna Itancan Jehowa Wakantanka he niye; qa nioie kin wicake kta, qa wowašte kin de nitaokiye eyakiya.

29 Heon wanna nitaokiye ti kin dawašte kta iyonicipi nunwe; hecen ohinniyan nitokam yanke-
kta: Itancan Jehowa niye heha; qa nitaokiye ti kin nitoyawašte kin on owihanke wanin dawašte kta.

WICOWOYAKE 8.

1 Unkan hena iyohakam Dawid Piliştim wicakaštake ça wi-

caktedan; qa Dawid Meteg-anma (otonwe tokapa iyuwi kin) Pilistim napepi kin etanhan icu.

2 Nakun Moab kaštaka, qa makata iwanke wicaye, ça hañonta on iwicayuta, qa ƣe wicaye kta e hañonta nonpa on iwicayuta, qa niwicaye kta on hañonta wanji-dan ocowasin, qa Dawid Moabi wowidag wicaya; Unkan taku itukihanpi.

3 Unkan Dawid Hadadezer, Rehob cinhintku, Tzoba wicaštaya-tapi kin kaštaka, makoce tawa ekicetukiye kta e Yuperate wakpa kin ekta i qehan.

4 Qa Dawid he etanhan šuktanka akanyotankapi kektopawinge wanji sanpa opawinge šakowin icu, qa huiyun wicašta kektopawinge wikcemna nonpa, qa Dawid šuktanka owasin kan wicakicakše, tuka canpahmihma opawinge wanjidan on okapta.

5 Nakun Aram Damaskos Hada-dezer Tzoba wicaštayatapi ókiye kta hi, qa Dawid Aram wicašta kektopawinge wikcemna nonpa sanpa kektopawinge nonpa wicakaštaka.

6 Qa Dawid Aram Damaskos ohna taakicita ti wicakiya, qa Arami kin Dawid ókiyapi, qa taku itukihanpi. Unkan Jehowa Dawid nikiya, tuktetu kašta i eca.

7 Unkan Dawid mazaskazi wahacanka kin Hadadezer taokiye yuhapi kin hena icu, qa hena Jerusalem ekta hdohdi.

8 Qa Betañ qa Berotai, Hadadezer totonwe kin, etanhan wicaštayatapi kin Dawid mazaša ota hin icu.

9 Unkan Toyi, Hamat wicaštayatapi kin, Dawid Hadadezer taozuye owasin kaštake cin nañon qehan,

10 Toyi iye cinhintku Joram

WICOWOYAKE 9.

wicaštayatapi Dawid ekta yesi, wookiye kida kta, qa Hadadezer kize ça kaštake cin on yawašte kta, qa mazaska waksica, qa mazaskazi waksica, qa mazaša waksica kahi. Toyi qa Hadadezer ohinniyan kicizapi qon nakaš.

11 Qa hena wicaštayatapi Dawid yuwakan, Jehowa on, mazaska, qa mazaskazi oyate wicahtedan kin hena owasin etanhan yuwakan kin iyahna.

12 Aram etanhan, qa Moab etanhan, qa Anmoni cinca etanhan, qa Pilistim etanhan, qa Amaleq etanhan, qa Hadadezer Rehob cinhintku Tzoba wicaštayatapi kin etanhan taku ki kin.

13 Qa Aram kaštake cin etanhan Dawid hdi qehan, caje wan icicaga. Miniskuya osmaka ohna wicašta kektopawinge wikcemna sanpa kektopawinge šahdoğan wicakte.

14 Qa Edom ohna taakicita ti wicaši, Edom owancaya ohna taakicita yanke wicaši, qa Edomi owasin Dawid wowidag wicaya. Unkan Jehowa Dawid toki ekta i kin owancaya nikiya.

15 Unkan Israel owasin Dawid ateyapi; unkan Dawid taoyate owasin woyaco qa woowotanna ecawicakicon.

16 Unkan Joab Tzeruja cinhintku kin obe akicita tancan heca, qa Jehošapat Ahilud wakiksuye cin hee

17 Qa Tzadok Ahitub cinhintku, qa Ahimelek Abiatar cinhintku wawayušnapi hecapi, qa Seraja wowapi kađe cin hee.

18 Qa Benaja, Jehojada cinhintku, Kereti (Pabaksapi kin) qa Peleti (Inyankapi,) kin akicita tancan kin hee, qa Dawid cinca kin wawayušnapi hecapi.

WICOWOYAKE 9.

1 Unkan Dawid heya, Saul tiyohnaka etanhan wicašta wan okaptapi he? Kinhan Jonatan on etanhan wowacantkiye eawecon kta.

2 Unkan Saul tiyohnaka kin ookiye wan yuha, he Tziba eciyapi; unkan he Dawid ekta kicopi; unkan wicaštayatapi kin heciya, Tziba he niye he? Unkan, Nitaokiye kin hee, eya.

3 Unkan wicaštayatapi kin heya; Saul ti kin etanhan wicašta wan nahanhin ni he? hecinhan wowacantkiye wakan ecawecon kta. Unkan Tziba wicaštayatapi kin heciya, Jonatan cinhintku wan nahanhin ni, siha napin ksahan.

4 Unkan wicaštayatapi kin heciya, Tukte e he? Unkan Tziba wicaštayatapi kin heciya, Iho Makir Anmiel cinhintku ti kin en, Lodebar ohna yanka ce.

5 Unkan wicaštayatapi kin tuwe ekta yesi, qa Makir Anmiel cinhintku ti kin etanhan Lodebar etanhan icu.

6 Unkan Mepibošet Jonatan cinhintku Saul cinhintku kin Dawid ekta hi, qa makipusdiya elpeiciye ça ohoda. Unkan Dawid, Mepibošet eya. Unkan, Nitaokiye he miye, eya.

7 Unkan Dawid heciya, Ihnuhan wakoyakipe cin; Jonatan niyate on etanhan wowacantkiye ohinniyan ecacicon kta, qa Saul ate yaye cin tamağa kin owasin ake yuhe ciciye kta, qa niye ohinniyan wahna wotapi mitawa ekta aguyapi yate kta.

8 Unkan patuja qa heya; Nitaokiye kin he tuwe, šunka ға wan iyemaceca, on ayatonwan he?

9 Unkan wicaštayatapi kin Tziba Saul tahokšidan kin kipan qa

SAMUEL WOWAPI INONPA KIN,

heciya, Saul qa tiyohnaka tawa owasin, taku tawapi owasin, itancan nitawa cinhintku kin waqu ce.

10 Heon maka kin yecicicanye kta, niye, qa nicinca, qa nitaokiye, qa taku aicage cin yakahi kta; hecen itancan nitawa cinhintku kin aguyapi yuhe qa yute kta, qa Mepibošet, itancan nitawa cinhintku, ohinniyan wahna wotapi mitawa ekta aguyapi yute kta. Unkan Tziba cinca wica wikcemna sanpa zaptan yuha, qa ookiye wikcemna nonpa.

11 Unkan Tziba wicaštayatapi kin heciya; Token itancan mitawa taokiye econši kin owasin, he iyecen nitaokiye econ kta. Unkan Mepibošet wicaštayatapi kin cinhintku wan iyecen wahna wotapi mitawa ekta wote kta, Dawid eya.

12 Wanna Mepibošet cinhintkn cistinna wan yuha, he Mika eciyapi. Unkan tona Tziba ti kin ohna tipi kin owasin Mepibošet ookiye wicayuha.

13 Qa Mepibošet wicaštayatapi tawahna wotapi ekta ohinniyan wota, heon Jerusalem ohna ti, qa siha napin hušte.

WICOWOYAKE 10.

1 Unkan hena iyohakam Anmon cinca wicaštayatapi kin ƚe qa cinhintku Hanun heekiya wicaštayatapi un.

2 Unkan Dawid heya, Hanun Nahaš cinhintku wowacantkiye ecawecon kta, atkuku wowacantkiye ecamicon kin he iyecen; qa atkuku on kicanpte kta Dawid taokiye ekta ye wicaši; Unkan Dawid taokiye Anmon cinca tamakocepi kin ekta ipi.

3 Unkan Anmon cinca wicašta tokapapi kin Hanun itancan ta-

wapi heciyapi, Niyate yuonihan kta e Dawid wakicanptapi niye ekta u wicaši kecanni he? Hiya otonwe kin iwanyake kta, qa tonweye kta, qa pajuju kta e Dawid taokiye niye ekta u wicaši šni he?

4 Unkan Hanun Dawid taokiye iwicacu, qa putinhinpi hanke kasan, qa tawokoyakepi kin hanke, cecapi ekta bawicaksa, qa kihde wicaya.

5 Unkan wicašta kin nina ištecapi Dawid okiyakapi, heon wahoši itkowicakipe yeši, qa wicaštayatapi kin hewicakiya, Putinhin uniyanpi kte cin hehanyan Jeriho en yanka po qa, hehan yahdipi kta.

6 Unkan Anmon cinca kin Dawid en šicamnapı kin wanhdakapi, heon Anmon cinca kin Aram Rehob otipi, qa Aram Tzoba wahowicayapi, qa hena etanhan wicašta huinyun kektopawinge wikcemna nonpa opetonpi, qa Mayaka etanhan wicašta kektopawinge wanji, qa Istob etanhan wicašta kektopawinge wikcemna sanpa kektopawinge nonpa.

7 Unkan Dawid onahon, heon Joab, qa wicašta wašaka obe owasin ekta ye wicaši.

8 Unkan Anmon cinca kin inanpapi, qa kizapi kta otonwe tiyopa ikiyedani ocimdał najinpi, tuka Aram Tzoba, qa Rehob, qa Istob, qa Mayaka icunom tinta ohna najinpi.

9 Unkan Joab wokicize anokatanhan iye tatpe upi kin wanyake cehan, Israel ohna wicašta kałnigapi owasin etanhan wicašta kałnige qa Aram itkokipe kta ocimdał iyaye wicaya.

10 Qa oyate unmanpi kin owasin iye cinu Abiśai nape en wicaqu, qa Anmon cinca kin wicitkokim ocimdał yeyaya.

WICOWOYAKE 11.

11 Qa heciya, Aram miye isanpa waśake cinhan, niye ni mayaye kta, qa Anmon cinca kin niye isanpa waśakapi kinhan ni ciye kta e ekta mde kta.

12 Waditaka wo. Oyate unkitawapi on, qa taku wakan undapi totonwe kin on wadiuntakapi kta, qa Jehowa token iśta kin en wašte kin econ kta.

13 Unkan Joab qa oyate iye opapi kin Aram kize kta ikiyedan ipi qehan, wicitokapa tanhan najicapi.

14 Unkan Aram najica kin Anmon cinca wanyakapi qehan, is eya Abiśai itokapa tanhan najicapi, qa otonwe en ipi. Unkan Joab Anmon cinca wicakize cin etanhan kihda, qa Jerusalem ekta hdi.

15 Unkan Israel itokam wicaktepi Arami kin wanhdakapi qehan witaya mniciyapi.

16 Qa Hadarezer Arami, wakpa kin akasanpa yakonpi kin, wahowicaye ça hiyu wicaya; unkan Helam ekta hipi; unkan Hadarezer ozuye mdetanhunka kin Šobak wicitokam mani.

17 Unkan Dawid okiyakapi, heon Israel owasin mniciye wicaya; qa Jordan iyuweğa, qa Helam ekta i. Unkan Arami ocimdañ Dawid tatpe upi, qa kicizapi.

18 Qa Arami kin Israel itokapa tanhan napapi. Unkan Dawid Aram etanhan canpahmihma opawinge śakowin wicakte, qa śuktanka akanyotankapi kektopawinge wikcemna topa, qa Šobak ozuye mdetanhunka kin kaštaka, unkan hen ға.

19 Unkan Hadarezer taokiye wicaštayatapi kin owasin Israel itokam iyepi ktepidan kin wanhdakapi qehan, Israel om wookiye kağapi; qa owicakiyapi. He-

cen Aram Anmon cinca kin sanpa ni wicaye kta ikopa.

WICOWOYAKE 11.

1 Unkan omaka kin ihuniyanpi, hehan wicaštayatapi zuya yapi ece ake iyehantu, Dawid Joab, qa taokiye owasin om, qa Israel owasin ye wicaśi. Unkan Anmon cinca kin ihang wicayapi, qa Rabba en onawicatakapi. Tuka Dawid Jerusalem ohna yanka.

2 Qa htayetu Dawid towinja etanhan najin, qa wicaštayatapi ti awakeyapi kin akan mani, qa awakeyapi kin etanhan winohinca wan ihdujaja wanyaka. Unkan winohinca kin owanyag wašte hinca.

3 Unkan Dawid winohinca on iwange ye śi. Unkan, Batśeba, Eliyam cunwintku kin Urija Ĥiti kin tawicu kin hee śni he? eciyapi.

4 Unkan Dawid wahośi ekta ye wicaśi, qa icu, unkan ekta hi; unkan kiciwanka, (tośape kin etanhan wanna yuskapi nakaś;) unkan kihda.

5 Unkan winohinca kin ihduśake ça Dawid wahoye ça; Ihdumaśaka ce, eciya.

6 Unkan Dawid Joab wahoya, Urija Ĥiti kin miye ekta uśi wo. Unkan Joab Urija Dawid ekta yeśi.

7 Unkan Urija ekta hi. Unkan Dawid iwanga Joab tanyan un he? qa oyate kin zaniyan unpi he? qa wokicize kin toketu he?

8 Unkan Dawid Urija heciya, Yati kin ekta hda, qa siha hdujaja. Unkan Urija wicaštayatapi ti kin etanhan inanpa. Unkan woyute wicaštayatapi kin qu kin he ihakam kayapi.

9 Tuka Urija wicaštayatapi ti

SAMUEL WOWAPI INONPA KIN,

tiyopa ekta makan wanka, itancan tawa taokiye owasin om, qa toti kin ekta hde šni.

10 Unkan Dawid okiyakapi qa, Urija iye ti kin ekta hde šni, eyapi. Unkan Dawid Urija heciya, Icimayani etanhan yaku šni he? tokeca yati ekta yahde šni he?

11 Unkan Urija Dawid heciya, canwohnaka kin, qa Israel, qa Juda wakeya otipi, qa itancan mitawa Joab, qa itancan mitawa taokiye tinta akan wankapi, icunhan, miye wawate kta, qa wamdatke kta, qa mitawin kici imonke kta e wati en wahde kta he? Yani kinhan, qa ninagi ni kinhan taku kin de ecamon kte šni.

12 Unkan Dawid Urija heciya, Anpetu kin de nakun den yanka wo, kinhan heyakecinhan ye ciši kta. Unkan Urija anpetu kin he, qa nakun ihanhanna Jerusalemlen en yanka.

13 Unkan Dawid he kico; unkan itokam wota, qa wayatkan; unkan witkoya, tuka hitayetu itancan tawa taokiye om wanke ciqon om iwanke kta ake ekta inanpa, tuka ti kin ekta hde šni.

14 Unkan ihanhanna Dawid Joab wowapi wan kicage qa Urija iye nape kin ohna kaye ši.

15 Qa wowapi en owa, qa heya; Tukten iyotan kicizapi ekta Urija ye ši wo, qa kaštakapi qa te kta on iye etanhan hdicu po.

16 Unkan Joab otonwe kin iwanyake qa tukten wicašta waditaka yukan sdonye cin heci Urija ye ši.

17 Unkan otonwe wicašta kin inanpapi, qa Joab kizapi: unkan oyate kin Dawid taokiye etanhan wanjikši hinhpayapi, qa Urija Hiti kin nakun ta.

18 Unkan Joab Dawid wahoye

qa wokicize owasin toketu okiyaka.

19 Qa wahoši kin heciya. Wokicize owasin toketu wicaštayatapi oyakidake cin adaštan kinhan,

20 Wicaštayatapi kin šihda kinhan, qa heniciya; Tokeca kizapi kta otonwe ikiyedani yaipi he? Conkaške etanhan taku elipeyapi kta sdonyayapi šni he?

21 Tuwe Abimelek Jerubešet cinhintku kaštaka he? winohinca wan conkaške etanhan wokpan inyan wan elipeye šni he? unkan Tebetz ekta ta. Tokeca conkaške ekta yaipi he? eye cinhan. Nitaokiye Urija Hiti kin iš eya ta ce, ehe kta.

22 Unkan wahošiye iyaye qa Dawid ekta i, qa taku Joab iwahoye cin owasin okiyaka.

23 Qa wahošiye kin Dawid heciya; Wicašta kin unkiyepi isanpa wašakapi, qa unkizapi kta tinta ekta inanpapi. Unkan otonwe tiyopa kin ekta wicunkuwap.

24 Unkan itazipe yuhapi kin conkaške etanhan nitaokiye wicakutepe; unkan wicaštayatapi taokiye wanjikši tapi, qa nitaokiye Urija Hiti iš eya ta ce.

25 Unkan Dawid wahošiye kin heciya, Joab hecen eyakiye kta; Ihnuhan wicoie kin de on iyokišin ničiye cin. Isan kin tuwe kašta temya ece. Wokicize otonwe ekta hdusuta wo, qa he ihang ya wo, qa niye he waditaka kaga wo.

26 Unkan Urija tawicu kin he hihnaku Urija te cin nañon, qa hihnaku on ceya.

27 Unkan wašihda enakiye cehan, Dawid he wahoye qa iye ti kin ekta hiyuya; unkan tawicu kta yuza. Unkan cinca wan kiciton. Tuka wicoie Da-

WICOWOYAKE 12.

wid econ kin he Jehowa ísta kin en síca.

WICOWOYAKE 12.

1 Unkan Jehowa Natan Dawid ekta yeši; unkan ekta i qa heciya; Otonwe wan ohna wicašta nonpa, wanji wijica, qa unman wahpanica.

2 Wijica kin tahinca, qa pte wanunyanpi otahin yuha.

3 Tuka wahpanica kin takudan yuhe šni, tawiyedan wan hecedan; he opeton, qa ti kin ohna icaħya, iye cinca wicehna, onšpa tawa etanhan yute ca wiyatke tawa etanhan yatkan, qa itpi kin ohna wanka, qa cunwintku wan iyecen hduha.

4 Unkan wicašta icimani wan wicašta wijica kin ekta hi; unkan wicašta icimani en hi kin wohanpi kicaġe kta tahinca tawa, qa pte tawa etanhan ikikeu kapin, qa wicašta wahpanica tahinca tawa kin icu, qa wicašta en hi kin on pata.

5 Unkan Dawid tocanniye kin wicašta kin aideye ca Natan heciya, Jehowa ni wicašta decon kin te kta.

6 Qa waonsída šni, qa taku kin de econ kin heon tawiyedan on topa kajujn kta.

7 Unkan Natan Dawid heciya; Wicašta kin he niye ce, Jehowa Israel wakan dapi kin hecen eya, Miye Israel wicaštayatapi on sdaciya, qa miye Saul nape kin etanhan ecihdaku.

8 Qa itancan nitawa ti kin ciġu, qa itancan nitawa tawicu kin niitpi en wicawaqu, qa Israel qa Juda tiyohnakapi kin ciġu, qa hena cistinna unkanš isanpa decen qa decen ciġu kta tuka.

9 Tokeca Jehowa oie kin ilhayakta šni, qa taku iye ísta kin en

šica ecanon. Urija Ĥiti kin isan on cayapa, qa Anmon cinca tawipe on yakte, qa tawicu nitawin kta on iyacu.

10 Qa ihamayakta šni, qa Urija Ĥiti kin tawicu nitawin kta e duze cin, heon detanhan wipe yati anipaha icimana aniyušan kte šni.

11 Jehowa hecen eya, Inyun tiyohnaka nitawa etanhan taku šica najin waye kta, qa ništa itokam nitawin iwicawacu, qa nitakoda kin wicawaqu kta, qa iye anpetu wi kin de itokam nitawin om wanke kta.

12 Niye nahmana hecanon, tuka miye wicoie kin de Israel owasin itokam, qa anpetu wi kin itokam ecamon kta.

13 Unkan Dawid Natan heciya; Jehowa awawahtani ce. Unkan Natan Dawid heciya, Nakun Jehowa wayahtani kin niciyutokan; nište kte šni.

14 Hececašta wicoie kin de on, Jehowa tokayapi kin nina ilaħa wicayaye cin, he on cinca nakaha nicitonpi kin he awicakehan te kta.

15 Unkan Natan kihda. Unkan Jehowa hokšiyopa Urija tawicu Dawid kiciton kin he apa; unkan hanyan.

16 Unkan hokšiyopa on Dawid Wakantanka cekiya, qa takudan yute šni, qa tankan iyaye ca makan wanka.

17 Unkan iye tiyohnaka hunkayapi kin maka etanhan najinkiyapi kta on ihduksan najinpi. Unkan wicada šni, qa om agu-yapi yute šni.

18 Unkan anpetu isakowin hokšiyopa te cehan Dawid taokiye hokšiyopa te cin okiyakapi kta ikopapi, qa, Inyun hokšiyopa nahanhin ni qehan taku unkeyapi unhopi kin naħon wicada šni,

SAMUEL WOWAPI INONPA KIN,

hoksiyopa kin wanna ta ce, unkeyapi kinhan sanpa nina iyokisin iciye kte sni he? eyapi nakaś.

19 Unkan taokiye iyakitedan jijipi kin Dawid wanyake cehan, hoksidan kin wanna ta Dawid iyukean, heon: Hoksiyopa ta he? Dawid taokiye ewicakiya. Unkan wanna ta, eyapi.

20 Unkan Dawid maka etanhan najin, qa ihdujaja, qa sda-iciye ca wokoyake tokeca kiçun, qa Jehowa ti kin ekta i, qa cekiye ca hdi ca aguyapi da; unkan itokam ehnakapi; unkan wota.

21 Unkan taokiye heciyapi, Wicoie kin de ecanon kin toketu he? Hoksiyopa ni qehan wote sni yaun, qa yaceya; tuka wanna hoksiyopa ta, unkan nayajin qa aguyapi yata.

22 Unkan Tohanyan hoksiyopa ni kin hehanyan wawate sni, qa waceya, Jehowa onsimada, qa hoksiyopa niye kta hecinhan tuwe sdonya he? epa nakaś.

23 Tuka wanna te. Tokeca wote sni waun kta he? Ake hdi wakiya owakihi he? Miye he ekta mde kta, tuka iye en mahi kte sni.

24 Unkan Dawid iye tawicu Batseba kicanpte ca ekta i, qa kici wanka. Unkan cinca wica wan ton. Unkan Dawid he Solomon eya caje yata. Unkan Jehowa he kici un.

25 Qa Natan waayate kin ekta yeśi, qa Jedidija (Ja waśtedaka) eya cajeyata, Jehowa on etanhan.

26 Unkan Joab Amnon cinca kin totonwe Rabba azuye ca wicaštayatapi totonwe kin icu.

27 Qa Joab wahośiye Dawid ekta ye wicaśi, qa heya, Rabba azuwaya, qa mini otonwe kin wanna iwacu.

28 Heon niye oyate unman kin

mniciye wicaya, qa otonwe kin tatpe ahi ti, qa icu wo; hecanon sni kinhan okini miye otonwe kin iwacu kta, qa micaje kin he akan yanke kta.

29 Unkan Dawid oyate kin owasin witaya hiyuwicaye ca Rabba ekta i, qa azuye ca he icu.

30 Unkan wicaštayatapi tawa- teśdake pa kin etanhan Dawid icu. He inyan tehihika iyahna mazaskazi woqin wan aspeyetonpi, qa Dawid pa akan ehnakapi, qa Dawid otonwe kin etanhan, woyuha ota kin ahda.

31 Qa oyate he ohna unpi kin inanpe wicaya, qa canibakse on wicakuwa, qa mazasapa on aguyapi su kapanpi kin hena on, qa mazasapa onspe on, qa maka omdoton spanyanpi ohna iyaye wicaya. Unkan Amnon cinca tonwanyanpi kin owasin hecen Dawid ecawicakicon, hehan Dawid Jerusalem ekta hdi, qa oyate kin owasin nakun.

WICOWOYAKE 13.

1 Unkan hena iyohakam Amnon Dawid cinhintku kin Abiśalom Dawid cinhintku tawinohtin waśtedaka; unkan he owanyag waśte, qa Tamar eciyapi.

2 Unkan Amnon tawinohtin Tamar cantiheye cin on wayazan- ka, he witanśna heon taku eca- kicon kta Amnon iśta kin en tehika nakaś.

3 Qa Amnon koda wanji yuha, Jonadab eciyapi, Dawid cincu Śimeya he cinhintku. Unkan Jonadab he wicaśta nina ksapa.

4 Qa he heciya, Wicaštayatapi cinhintku kin he niye; tokeca anpetu otoiyo hi sanpa tamaheca aniyani he? omayakidake kte sni he? Unkan heciya; Misunka

Abiśalom tankśitku Tamar waśte wadaka.

5 Unkan Jonadab heciya, Nitowinja akan iwanka wo, qa waniyazanka konza wo; qa niyate wanniyag hi kinhan heyakiye kta. Tokin mitankśi Tamar u, qa aguyapi wonmaye kta, miīšta itokam woyute micicage kta; hecen wanmdake kta, qa nape kin etanhan wate kten.

6 Unkan Amnon makata wanka, qa wayazanka konza. Unkan wicaśtayatapi kin he wanyake kta hi. Unkan Amnon wicaśtayatapi kin heciya; Tokin mitankśi. Tamar u, qa aguyapi hmiyanyan micicaga, miīšta itokam, hecen iye nape kin etanhan wate kten.

7 Unkan Dawid Tamar wahoya, iye ti kin ekta, qa heciya; Ito nitimdo Amnon ti kin ekta ya wo, qa woyute kicaga wo.

8 Unkan Tamar iye timdoku ti ekta i; unkan makata wanka. Unkan aguyapi mdū icu, qa patinza, qa išta kin itokam aguyapi hmiyanyan kage ɕa španyan.

9 Qa ceɕa ihupa tonna kin icu, qa itokam kada. Unkan wota wicada śni, qa Amnon heya; Wicaśta owasin mitan tanhan tankan ya po. Unkan wicaśta owasin iye tan tanhan inanpapi.

10 Unkan Amnon Tamar heciya; Woyute kin oištima tipī mahen hiyuya wo; unkan ninape etanhan wate kta. Unkan Tamar aguyapi hmiyanyan kage ciqon icu, qa timdoku Amnon kahi oištima tipī mahen.

11 Qa yute kta ikiyedān kahi. Unkan iyahpaye ɕa heciya; Kuwa mitankśi micī wanka wo.

12 Unkan heciya; Hiya, timdo ihnuhan išten mayaye cin, Israel ohna hecen econpi śni ye. Ihnuhan taku kin de ecanon kin.

13 Qa miye imaštece cin toki amde kta he? qa niye Israel ohna witkotkopika wanji iyenicece kta. Ceciciya, wicaśtayatapi okiyaken, kinhan niye etanhan amanica kte śni ye.

14 Tuka ho kin nahon wicada śni, qa he isanpa waśaka; qa ištenya, qa kici wanka.

15 Qa Amnon he nina śicedaka; hecen wašte dake ciqon isanpa nakaha he śice daka, qa Amnon heciya; Najin hunktiya wo.

16 Unkan heciya, He tokeca he? Nakaha kihde mayaye cin tokaheya śicaya ecamiyecon isanpa śica ye. Unkan he nahon wicada śni.

17 Unkan tahokśidan ookiye kin he kipan qa heya; De mitan tanhan tankan iyaye ya wo, qa ihakam tiyopa kin nataka wo.

18 Unkan onhōdōhida hanska wan kiɕun, wicaśtayatapi cunwintku witanśna unpi hecen koyakapi nakaś. Unkan taokiye kin tankan iyaye ya, qa ihakam tiyopa kin nataka.

19 Unkan Tamar cahotā pa kin ahdada, qa onhōdōhida hanske cin yuhdehdeca, qa nape kin pa atputaka, qa ceya hda.

20 Unkan timdoku Abiśalom heciya, Amnon nitimdo nici wanka he? qa mitankśi dehan inina un wo; nitimdo hee. Wicoie kin de ekta nicante kin yekiye śni wo. Unkan Tamar ehpeyapi heca timdoku ti kin ohna yanka.

21 Unkan wicaśtayatapi Dawid wicoie kin dena owasin nahon, qa nina śihda.

22 Unkan Abiśalom Amnon kici wicoie śica, qa wicoie wašte unmannā eye śni; tankśitku Tamar ištenye cin heon Abiśalom Amnon śice daka nakaś.

23 Unkan waniyetu nonpa anpe-

SAMUEL WOWAPI INONPA KIN,

tu kin ihanketa Abiśalom tahinca yuśdapi heca wicayuha, Bayal İatzor ohna, he Ephraim ikiyedana, qa Abiśalom wicaśtayatapı cinhintku kin owasin wicakico.

24 Unkan Abiśalom wicaśtayatapı kin ekta i, qa heya; İho wanna tahinca yuśdapi nitaokiye yuha ce; ceciciya, wicaśtayatapı kin, qa taokiye, nitaokiye kiciyapi kte.

25 Unkan wicaśtayatapı kin Abiśalom heciya, Hiya micinkşı, tokin owasin nici unyanpi kte şnin, hecen kağı unniyanpi kte şni. Unkan nina kitan, tuka kici ye kta wicada şni, qa yawaşte.

26 Unkan Abiśalom heya; De şni kinhan ceciciya, cinye Amnon mici ye kta. Unkan wicaśtayatapı kin heciya; Tokeca iye nici ye kta he?

27 Unkan Abiśalom nina kitan, heon Amnon, qa wicaśtayatapı cinhintku owasin kici ye wicaşı.

28 Unkan Abiśalom tahokşidan wahokonwicakiye ça hewicakiya; Anağoptan po, Amnon cante kin minişa on waşte kinhan, qa, Amnon kaştaka po, qa kte po, eciciyapi kinhan ihnuhan koyakipapi kin, miye hecon cişıpi şni he? waşaka po, qa wowaditake cinca kin heca po.

29 Unkan Abiśalom tahokşidan token Abiśalom econ wicaşı kin iyecen Amnon ecakiconpi: Unkan wicaśtayatapı cinhintku owasin najinpi qa taşunke şonşonna akan iyotankapi, qa najicapi.

30 Unkan nahanşin canku ohna kupi icunhan, wotanin Dawid okiyakapi, qa Abiśalom wicaśtayatapı cinca kin owasin wicakte, qa wanjidan owicakaptapi şni, eyapi.

31 Unkan wicaśtayatapı kin najin iyaye ça tawokoyake kin hduhdehdeca, qa maka akan wanka, qa taokiye owasin wokoyake hduhdehdecapi ihdukşan najinpi.

32 Unkan Jonadab, Şimeya Dawid cinu kin he cinhintku kin ie ca; İhnuhan wicaśtayatapı cinca koşkapi kin owasin wicaktepi kin itancan mitawa eye cin. Amnon ishana ta ce. Abiśalom tankşitku istenye cin ehan tanhan he konza, qa i kin on econpi.

33 Heon wanna ihnuhan itancan mitawa wicaśtayatapı kin wicaśtayatapı cinca kin owasin tapi ce, wicoie eyapi kin cante kin ekta, kecin kin; Amnon ishana ta nakaş.

34 Unkan Abiśalom najica. Unkan koşka tonwan yanke cin ista kin hduwankan ikikeu, qa inyun wicota iheyata hunnaptan canku kin ohna kupi kin wanwicayaka.

35 Unkan Jonadab wicaśtayatapı kin heciya, İho, wicaśtayatapı cinca kin kupi ce, nitaokiye eye ciqon ecetu.

36 Unkan ie cin ayaştan qehan, inyun wicaśtayatapı cinhintku kin hdipi, qa hoyeyapi, qa ceyapi; qa nakun wicaśtayatapı kin, qa taokiye owasin nina şin ceyapi.

37 Unkan Abiśalom najica, qa Talmai Amihud cinhintku Geşur wicaśtayatapı kin ekta i. Unkan Dawid anpetu owasin cinhintku kin on iyokişica.

38 Unkan Abiśalom najice ça Geşur ekta i, qa waniyetu yamni hen yanka.

39 Hehan Dawid wicaśtayatapı nağı kin Abiśalom cantiheya, wanna Amnon te cin on kicanptapi nakaş.

WICOWOYAKE 14.

WICOWOYAKE 14.

1 Unkan Joab, Tzeruja cinhin-tku, wicaštayatapi kin Abiśalom cantiheye cin sdonya.

2 Unkan Joab Teqoya ekta ye-wicaśi, qa hetanhan winohinca ksapa wan kico, qa heciya; Ceciciye, iyokiśica konza wo, qa waśihda kiçun, qa wihdi on sdaiçiye śni, qa tuwe kite cin on anpetu ota waśihda kin iyececa wo.

3 Qa wicaštayatapi kin en yai kta, qa wicoie kin de iyecen ehe kta; qa Joab wicoie kin winyan i kin en qu.

4 Unkan Teqoya winohinca kin wicaštayatapi kin kici ie cehan makipusdiya ehpeiçiye ça ohoda, qa wicaštayatapi ni mayan ye, eya.

5 Unkan wicaštayatapi kin heciya; Taku yaka he? Unkan heya; Awicakehan wiwazica hemaca, qa mihihna te ye.

6 Qa wicinnyanna nitawa cinca wica nomnana icañ wicaye cin hena tinta ekta waakinicapi, qa wicayukinukan kta tuwedan en un śni ye; unkan wanji unman kaštake ça te kiye ye.

7 Unkan inyun wicowazi kin ocowasin wicinnyanna nitawa anajinpi, qa heyapi ye, Sunkaku kikte kin unqu po; hecen sunkaku kikte kin naçi kin on unktepi kte ça nakun mağa tawaye kte cin he ihang unyanpi kta; qa petaga mitawa okapte cin he kasnipi kta, hecen mihihna on caje kin, qa takudan maka akan okicaptapi kte śni ye.

8 Unkan wicaštayatapi kin winohinca kin heciya; Ekta hda, kinhan miye niye on waecon econ wicawaśi kta.

9 Unkan Teqoya win kin wicaštayatapi kin heciya, Itancan

wicaštayatapi, miye qa ate tiyohnaka kin de on iyope unyanpi kta ye, qa wicaštayatapi qa toiyotanke kin bapi kte śni ye.

10 Unkan wicaštayatapi kin heya, Tuwe aniie cinhan miye en hiyuya wo, kinhan icimana inicaštake kte śni.

11 Unkan heya, Ceciciye wicaštayatapi Jehowa Wakanyada kiksuya ye, on we tokiconpi kin sanpa ihangyapi kte śni, hecen micinkśi ktepi kte śni ye. Unkan heya, Jehowa ni kinhan nicinkśi pa hin kin sukaza wanjidan makata ihpaye kte śni.

12 Unkan winohinca kin heya, Ceciciye, Wicinnyanna nitawa wicaštayatapi itancan mitawa wicoie wanjidan eciciye kte ye. Unkan, Eya wo, eya.

13 Unkan winohinca kin heya, Tokeca Wakantanka taoyate on decen yakonza he? qa wicaštayatapi kin tuwe bapi kta iyecen wicoie kin de eya ye, qa wicaštayatapi cinhintku napeyapi kin hdicuye śni ye.

14 Unkiyepi awicakehan unta pi kta, mini maka apapsonpi, qa mnayanpi kte śni iyeuncecap; Wakantanka wicanagi kin ki śni tuka, tuwe napeyapi un kin iye etanhan napeyapi kte śni wayupiya iyukcan.

15 Qa wanna oyate kin kope mayanpi, heon wicoie kin de wicaštayatapi kin itancan mitawa ociciyag wahi ye, qa wicinnyanna nitawa kin Wicaštayatapi ewakiye kta, okini wicaštayatapi kin tawicinnyanna oie kin iyecen econ kta ye, epa.

16 Qa wanna wicašta wan miye, qa micinkśi sakim Wakantanka tamakoce etanhan ihang unyanpi kte cin, he nape kin etanhan tawicinnyanna ehdaku kta, wicaštayatapi kin namañon ye.

SAMUEL WOWAPI INONPA KIN,

17 Qa wicinyanna nitawa heya, Itancan mitawa wicaštayatapi oie kin iyozimaye kte ye, itancan mitawa wicaštayatapi kin Wakantanka ohnihdeya wan iyececa nakaš; qa itancan mitawa wicaštayatapi kin taku wašte qa taku šica sdonya, qa Jehowa wakanyada kin nici un kte ye.

18 Unkan wicaštayatapi kin ayupte a winohinca kin heciya, Wicoie wan iciwange kte cin, he ihnuhan namiyecihbe cin. Unkan winohinca kin heya, Ceciciye, itancan mitawa wicaštayatapi, eya ye.

19 Unkan wicaštayatapi kin heya, Taku kin de owasin en Joab nape kin nici un šni he? Unkan winohinca kin ayupte a heya, Itancan mitawa wicaštayatapi ninagi ni, taku itancan mitawa wicaštayatapi ie cin owasin etanhan etapa qa catka unmanna ekta kiya yuwinhi yepica šni ye. Nitaokiye Joab hecon maši, qa iye wicoie kin hena owasin nitawicinyanna i kin en iyaye ya.

20 Wicoie kin de yahomniye kta heon nitaokiye Joab wicoie kin de kae ye, qa itancan mitawa ksapa Wakantanka ohnihde wicaye cin ksapapi kin iyeniceca, qa taku maka akan econpi kin owasin sdonyaya.

21 Unkan wicaštayatapi kin Joab heciya; Ito wanna wicoie kin de ecamon. Ekta ya, qa koška kin Abišealom hdikiya wo.

22 Unkan Joab makipusdiya ehpeiciye a wicaštayatapi kin yawašte, qa ohoda, qa Joab heya, Itancan mitawa wicaštayatapi išta kin iyokipi waye cin nakaha nitaokiye sdonya; wicaštayatapi kin taokiye oie kin iyecen econ nakaš.

23 Unkan Joab najin, qa Gešur

ekta i, qa Abišealom hetanhan Jerusalem ekta hdikiya.

24 Unkan wicaštayatapi kin heya; Iye ti kin ekta yuwinhi hde kta, qa miite kin wanyake kte šni. Unkan Abišealom iye ti kin ekta hda, qa wicaštayatapi ite kin wanyake šni.

25 Unkan Israel owasin wicehna tuwedan owanyag wašte šni, Abišealom iyececa, on nina yatanpi, siha etanhan pesdete aiyahdeya oyuhi wanica.

26 Unkan pa kin hdušda qehan, tke kin on waniyetu iyohi ihan-keta hdušda ea, pa hin hdušda kin he tke uta šeel opawinge nonpa, wicaštayatapi taonaspeyapi iyecen.

27 Unkan Abišealom cinca wica yamni, qa winyan wanjidan kicitonpi, qa winyan kin Tamar eciyapi, he winohinca owanyag wašte hinca.

28 Qa Abišealom waniyetu nonpa anpetu iyenakeca hehanyan Jerusalem ohna yanke a wicaštayatapi ite kin wanyake šni.

29 Qa Abišealom Joab wicaštayatapi ekta yeši kta on wahoya. Unkan en hi kta wicada šni. Unkan ake inonpa wahoya, Unkan en hi kta tawaŋenye šni.

30 Unkan taokiye hewicakiya; Wanyaka po, Joab tamaga kin mitawa kin ikiyedana, qa hen barle oju, ekta ya po, qa he ideya po. Unkan Abišealom taokiye kin maga kin ideyapi.

31 Unkan Joab najin qa Abišealom ekta i, ti kin ekta, qa heciya; Tokeca nitaokiye maga mitawa peta on ideyapi he?

32 Unkan Abišealom Joab heciya; Ito wahociye a deci kuwa wo; Wicaštayatapi ekta yeciši kta, qa hewakiye kta, Tokeca Gešur etanhan wahdi he? Dehanyan hen manka unkans wašte

WICOWOYAKE 15.

tuka. Heon wanna wicaštaya-
tapi ite kin wanmdake kta, qa
miohan kin šice cinhan te maye
kta.

33 Unkan Joab wicaštayatapi
kin ekta i, qa okiyaka. Unkan
Abiśalom kico. Unkan wicašta-
yatapi en hi, qa wicaštayatapi
itokam makipusdiya ohoda. Un-
kan wicaštayatapi kin Abiśalom
i itputaka.

WICOWOYAKE 15.

1 Unkan hena iyohakam Abiśa-
lom canpahmihma, qa šuktanka,
qa wicašta wikcemna zaptan, iye
itokam inyankapi kta, wiyeya
içihnaka.

2 Qa Abiśalom haħanna ħin
kikta, qa otonwe tiyopa canku
kin icahda najinhan inajin, qa
tuwe kašta, woakinice yuhe ĉa
yaco kta e wicaštayatapi en hiyu
kinhan, Abiśalom he kico, qa he-
ciya: Niye otonwe tukte enitan-
han he? Unkan Nitaokiye Is-
rael wicoun wanji etanhan ce,
eya.

3 Unkan Abiśalom heciya; Nio-
ie kin he wašte, qa ecetu, tuka
nanihon kta wicaštayatapi kin
tuwedan hecon ši šni.

4 Unkan Abiśalom heya, Tokin
makece ohna wayaco makaġapin
hecinhan tona woakinice, qaiš
woyaco yuhapi kin hena owasin
miye ekta hipi kta, qa wicamdao-
wotanna kte.

5 Unkan tuwe kašta he ohoda
kta ikiyedan i kinhan, nape kin
ekta yekiye ĉa yuze ĉa i iputaka.

6 Qa Israel wicašta tona wica-
štayatapi wicayaco kta e ekta
hipi kin, hena owasin Abiśalom
hecen ecawicakicon, qa Israel
wicašta kin cantepi kin mawi-
canun.

7 Unkan waniyetu wikcemna

topa ihanketa, Abiśalom wica-
štayatapi kin heciya; Ito Hebron
ekta mde ĉa woyake wan Jeho-
wa owakimdake cin hen wahda-
juju kta.

8 Nitaokiye Geśur Aram ohna
yanke ciqon woyake wan omda-
ke ĉa hepa, Jehowa Jerusalem en
hdimakiye cinhan Jehowa ówa-
kiye kta.

9 Unkan wicaštayatapi kin he-
ciya; Wookiye en ya wo. Un-
kan najin, qa Hebron ekta i.

10 Wanna Abiśalom nahmana
Israel wicoun owasin ehna wica-
šta ye wicaši, qa hewicakiya.
Mazayahotonpi kin yahotonpi
kin nayahonpi kinhan, Abiśalom
Hebron ohna wanna wicaštaya-
tapi heca ce, ehapi kta.

11 Unkan Jerusalem etanhan
wicašta opawinge nonpa Abiśa-
lom opapi, wicakico nakaš, hena
ecetupi ipi, takudan sdonyapi
šni.

12 Unkan Ahitopel (Cinye wi-
tkotko) Giloni kin, Dawid tawi-
yukcan kin, totonwe Gilo etan-
han tawoyuśna patapi kin ekta
Abiśalom kico. Unkan odakota
kin waśaka aya, oyate Abiśalom
opapi kin ohiuniyan sanpa ota
aya nakaš.

13 Unkan wahošiye wan Dawid
en hi, qa heciya, Israel wicašta
cantepi kin wanna Abiśalom opa
yanka.

14 Unkan Dawid iye taokiye
owasin iye kici Jerusalem ohna
yakonpi kin hewicakiya; Najin-
po, naunjicapi kte, Abiśalom ito-
kam unnipi kte šni. Dapi ina-
ħnipo. Okini iye inahni, qa un-
kihdeġapi, qa šicaya ecaunkicon-
pi kta, qa otonwe kin canħpi hi
on kaštake kta.

15 Unkan wicaštayatapi taoki-
ye kin wicaštayatapi kin heciya-
pi; Iho token itancan wicaštaya-

SAMUEL WOWAPI INONPA KIN,

tapi econ unšipi kin owasin iye-
cen econkupi kta.

16 Unkan wicaštayatapi kin
tankan inanpa, qa tiyohnaka ta-
wa owasin opapi, tuka wicašta-
yatapi kin winohinca wikcemna
wakanyan wicayuze šni tipi
awanyakapi kta ehpewicaya.

17 Unkan wicaštayatapi kin
inanpa, nakun oyate opapi kin
owasin, qa tipi itehan inajinpi.

18 Qa taokiye owasin iye icahda
manipi, qa Kereti (Pa baksapi),
qa Peleti (Inyankapi) kin, qa
Giti kin wicašta opawinge šakpe
Gat etanhan opapi qon, hena
owasin wicaštayatapi kin itokam
manipi.

19 Unkan wicaštayatapi kin It-
tai Giti kin heciya; Tokeca niš
eya mici de cin; ekta hda, qa
wicaštayatapi kici yanka wo.
Oyate nitokeca, qa nakun oyanke
nitawa etanhan nayajica.

20 Htanihan yahi, qa nakaha
mici enanakiya yeciye kta he?
Qa miye toki owakihi mawani
kta. Ekta hda, qa wowacantki-
ye, qa wowicake en nihunka-
wanji wicahdohda wo.

21 Unkan Ittai wicaštayatapi
kin ayupte ɕa heciya, Jehowa ni,
qa itancan mitawa wicaštayatapi
kin ni kinhan, tukten itancan
mitawa wicaštayatapi kin un kin-
han, wiconɕe qaiš wiconi unman
tukte kašta, oyanke kin he en
nitaokiye nici un kta.

22 Unkan Dawid Ittai heciya;
Ho wo: Tokata ya wo. Unkan
Ittai Giti kin tokata iyaya, iye,
qa wicašta tawa owasin, qa šice-
ca iye opapi kin owasin.

23 Unkan makoce kin owanca-
ya hotankakiya ceyapi, qa oyate
kin iyayapi, qa wicaštayatapi kin
Qedron kaksiza kin akasanpa
iyaya, qa oyate kin owasin hopu-
ze kin canku kin ohna iyayapi.

24 Qa inyun Tzadoq, qa iye kici
Lewi kin owasin Wakantanka
wotakuye canwohnaka kin aki-
yuhapi, qa Wakantanka tacan-
wohnaka kin kihnakapi, qa Abia-
tar, oyate owasin otonwe etan-
han iyayapi icunhan, wošnapi
kağa yanka.

25 Unkan wicaštayatapi kin
Tzadoq heciya; Wakantanka
tacanwohnaka kin otonwe ekta
ahda wo. Jehowa išta kin iyoki-
pi waye cinhan, ake hdimaye
kta, qa he, qa tipi tawa wanyag
maye kta.

26 Tuka miye ke ɕa, Iyomaki-
pi šni eye cinhan, ito token iye
išta kin en wašte kin he iyecen
econ kta.

27 Qa wicaštayatapi kin Tza-
doq wawayušna kin heciya, Wa-
wanyaka henica, wookiye en
otonwe kin ekta hda, qa Ahima-
yatz nicinkši, qa Jonatan Abia-
tar cinhintku napin nicincapi
onipapi.

28 Ito niyepi etanhan tuwe
wahoši makahi kte cin hehanyan
tinta omdaye ohna manke kta.

29 Heon Tzadoq qa Abiatar
Wakantanka tacanwohnaka kin
Jerusalem ekta ahɕapi, qa hen
yakonpi.

30 Unkan Dawid Wihɕican pa-
ha itanwankanhɕe yapi kin ohna
itanwankanhɕe iyaya, pa kin
ahɕahpe ton, sicodan ceya mani,
qa oyate opapi kin owasin otoi-
yohi pa ahɕahpe tonpi, qa ceya-
pi, itanwankanhɕe yapi.

31 Unkan Dawid okiyakapi, qa,
Ahitopel Abišalom odakotapi kin
en opa, eyapi. Unkan Dawid
heya, Jehowa ceciciye Ahitopel
wowahokonkiye kin yuwitkotko-
ka ye.

32 Qa Dawid paha kin iyohi
qehan, hen Wakantanka cekiya.
Unkan inyun Hušai Arki kin wo-

WICOWOYAKE 16.

koyake hduhdehdece, qa pa kin maka ahdata itokam najin.

33 Unkan Dawid heciya ; Mici de cinhan mayaduśake kta.

34 Tuka otonwe ekta yahde cinhan, qa, Wicaśtayatapi nitao-kiye he miye, wanakaja tanhan niyate taokiye hemaca, qa detanhan nitaokiye hemaca kta, Abiśalom eyakiye cinhan, Ahi topel wowahokonkiye kin miyeciduśice kta.

35 Qa Tzadoq, qa Abiatar wawayuśnapi kin nici hen unpi śni he? qa wicaśtayatapi ti kin etanhan wicoie nayahon kinhan, owasin Tzadoq qa Abiatar wawayuśnapi kin owicayakidake kta.

36 Qa ito hena om cincapi nonpa Ahimayatz Tzadoq cinhintku, qa Jonatan Abiatar cinhintku, qa hena napepi on wicoie nayahonpi kin owasin iwaho mayayapi kta.

37 Unkan Huśai Dawid takodaku otonwe en hdi, qa Abiśalom Jerusalem ekta hi.

WICOWOYAKE 16.

1 Unkan Dawid paha kin kitan- na ako iyaye cehan inyun Tziba, Mepibośet tahokśidan kin he akiye kta u, qa ōnōonna nonpa aqin kitonpi, qa hena akan aguyapi opawinge nonpa, qa hastanhanka iyage opawinge wanji, qa waskuyeca puyapi opawinge, qa miniśa opalite wanjidan.

2 Unkan wicaśtayatapi kin Tziba heciya. Taku on dena duha he? Unkan Tziba heya, Wicaśtayatapi tiyohnaka kin ōnōonna akan iyotankapi kta, qa hokśipidan aguyapi kin, qa waskuyeca kin yutapi kta, qa tuwe hewoskan mdokite cinhan miniśa kin yatke kta.

3 Unkan wicaśtayatapi kin heya. Niyuhe cin cinhintku kin toki un he? Unkan Tziba wicaśtayatapi kin heciya, Inyun Jerusalem ekta kihde, qa, Ate wicaśtayatapi kin heon nakaha Israel tiyohnaka kin tohe kin maqupi kta, eya.

4 Unkan wicaśtayatapi kin Tziba heciya, Taku Mepibośet tawa qon owasin nitawa kta. Unkan Tziba heya, Ohocida itancan mitawa wicaśtayatapi, niśta kin iyokipi ciye kta.

5 Unkan wicaśtayatapi kin Dawid Bahurim (Kośka totonwepi) hehayan i qehan, inyun wicaśta wan, Saul ti kin wicowazi etanhan, Śimeyi Gera cinhintku eciyapi, hetanhan inanpe qa wayaśica mani.

6 Qa Dawid, qa wicaśtayatapi Dawid taokiye owasin, qa oyate kin owasin; qa wicaśta waśaka Dawid etapata qa catkata manipi kin owasin inyan on wica-kinin.

7 Qa Śimeyi wayaśice qa, hecen eya; Hunktiya, Hunktiya wo, wicaśta weyesa wicaśta śni cinhintku.

8 Saul tiyohnaka we kin owasin Jehowa anihdikiya : heekiya wicaśtayatapi yaun, tuka Jehowa Abiśalom nicinkśi wicaśtayatapi kağa, qa niye wicaśta weyesa henica, heon ito taku śica iyahde yaye cin he iyonihice.

9 Unkan Abiśai Tzeruja cinhintku kin wicaśtayatapi kin heciya, Tokeca ōnka te cin de itancan mitawa wicaśtayatapi kin yaśica he? Ceciciye, ekta mde qa pa kin bawakiśpe kta.

10 Unkan wicaśtayatapi kin heya, Tzeruja cinca kin niyepi taku iwamayatokiyapi he? Wayaśice kte, Jehowa he Dawid

SAMUEL WOWAPI INONPA KIN,

yašiceši kin heon, Tokeca hecanon, tuwe eciye kta he?

11 Unkan Dawid Abišai, qa tao-kiye owasin hewicakiya, Inyun micinksi mitezi etanhan inanpe cin he minagi akita, hecinhan isanpa Bejamini kin de hecon kta iyececa. Mayašice kta iyowin-kiya po; Jehowa hecon ši nakaš.

12 Okini Jehowa iyomakišice cin wanyake kta, qa nakaha mayašice cin de on wowašte maqu kta.

13 Unkan Dawid qa wicašta tawa kin canku kin omanipi, qa Šimeyi iyotakonza ħunnaptan omani, wayašica, qa inyan kaħo iyeeye qa watušekšeca kadada mani.

14 Unkan wicaštayatapi kin, qa oyate opapi kin owasin Yaipim (Mdokitapi) ekta ipi; qa hen mdesiciyapi.

15 Unkan Abišalom, qa Israel wicašta oyate kin owasin, Jerūsalem en ħipi, qa Ahitopel opa.

16 Unkan Ĥušai Arki kin, Dawid takodaku, Abišalom ekta ki qehan Ĥušai Abišalom heciya. Wicaštayatapi kin ni kte. Wicaštayatapi kin zaniyan un nunwe.

17 Unkan Abišalom Ĥušai heciya. Nitakoda canteyakiye cin dee he? Tokeca nitakoda kici idade šni he?

18 Unkan Ĥušai Abišalom heciya, Ĥiya ees tuwe Jehowa kaħniġa, qa oyate kin de nakun Israel wicašta owasin kaħniġapi kin he tawa maye kta, qa kici manke kta.

19 Qa nakun tuwe ówakiye kta he? Cinhintku kin hee šni he? Nitokam waun kta, niyate itokam ówakiye cin he iyecen.

20 Unkan Abišalom Ahitopel heciya, Iho unkiciyukcan po. Token econkupi kta he?

21 Unkan Ahitopel Abišalom heciya, Niyate tawicu tipi kin awanyakapi kta owanji yanke wicaši kin hena en ya wo; hecen Israel owasin niyate wali-tenidašni naħonpi kta, qa Israel owasin napepi kin niciyusutapi kta.

22 Unkan tipi akapatanhan wakeya wan Abišalom on ehdepi; Unkan Abišalom Israel owasin istapi itokam, atkuku tawicu kin en wicai.

23 Unkan he ehan Ahitopel oie kin, wahokonwicakiye cin he, taku wakan iwangapi kin oie kin iyececa, Ahitopel oie kin owasin Dawid ekta, qa Abišalom ekta hececa.

WICOWOYAKE 17.

1 Unkan Ahitopel Abišalom heciya, Ito wicašta kektopawinge wikcemna sanpa kektopawinge nonpa wakaħniġe kta, qa nawa-jin, qa hanyetu kin de Dawid kuwa amde kta.

2 Iye mdokite qa nape kin hustaka, hecen yušinye waye kta, qa oyate opapi kin owasin napapi kta, qa wicaštayatapi kin isna-na wakaštake kta,

3 Qa niye ekta oyate kin owasin hdicu wicawaye kta, owasin hdipi kinhan, wicašta ayakite cin he oyate kin owasin woki-yapi kta.

4 Unkan wicoie kin he Abišalom ista kin en, qa Israel hunka-yapi owasin istapi en ecetu.

5 Unkan Abišalom heya; Ito, Ĥušai Arki kin nakun kico, iye i kin ohna taku un kin he nakun naunħonpi kta.

6 Unkan Ĥušai Abišalom ekta hi qehan, Abišalom heciya, Wicoie kin de iyecen Ahitopel econ unšipi ce. Eye cin iyecen econ-

WICOWOYAKE 17.

kupi kta, qais econkupi kte sni, niś, eya wo.

7 Unkan Husai Abisalom heciya, Wicoie Ahitopel iyukan kin he nakaha wašte sni.

8 Qa Husai heya, Niye niyate, qa wicašta tawa sdonwicayaya, wicašta waśaka hecapi, qa nakaha naġipi canteptanyanpi, tinta wahankśica wan cinca kin kipi kin iyececapi, qa niyate wicašta zuyesa heca, qa hanyen oyate om wanke kte sni.

9 Qa inyun wanna wolġa wan en, qais tuktetu kašta inalġma, qa otokahe ekta oyate kin wanġikśi hinġpayapi kinhan, oyakapi kta, qa oyate Abisalom opapi kin hena wicaktepi eyapi kin naġonpi kinhan;

10 Tuwe waditake a cante mnaja cante kin iyececa ešta skan kta; niyate kin wicašta waśaka, qa tona opapi kin wicašta waditakapi kin Israel owasin śdonyapi nakaś.

11 Miye hecen wahokonciciye, Israel owasin, Dan etanhan Berśeba hinskoya mnayanpi kta, wiyaka miniwanca huta kin iyececen wicota, qa niye linca wokicize en de kta.

12 Qa tukten iyeyapi kte cin oyanke kin he en anauntanpi kta, qa cu kin maka kin ahinġpaye cin iyecen akan iyaunhanpi kta, qa wicašta iye opapi kin owasin wanġidan unkokaptapi kte sni.

13 Unkan otonwe conkaśke yapi wan en nape cinhan, Israel owasin otonwe kin he conkaśke ekta hakahmunpi ikoyag yapi, qa yusdohanpi kta, kaksiza kin ekta, ecen inyan sukaza wanġidan hen iyeyapi kte sni.

14 Unkan Abisalom, qa Israel wicašta kin owasin heyapi, Husai Arki kin wahokonkiye cin he Ahitopel wahokonkiye cin isanpa

wašte ce. Jehowa Ahitopel wohokonkiye Abisalom on wašte kin he yujuju kta konza, Jehowa Abisalom ekta taku śica hiyuye kta heon etanhan.

15 Unkan Husai Tzadoq, qa Abiatar wawayuśnapi kin hewicakiya, Ahitopel hecen, qa hecen Abisalom, qa Israel hunkayapi kin wahokonwicakiya; qa miye hecen wahokonwicawakiya.

16 Heon wanna kohanna Dawid wahoyapi, qa okiyaka po; qa heciya po, Ihnuhan wicaštayatpi kin hanyetu kin de ġewoskan makomdaya ohna wanke cin, hecon kinhan okini wicaštayatapi, qa oyate opapi kin owasin ihang wicayapi kta; heon katinyan akasanpa idade kta.

17 Unkan Jonatan qa Ahimayatz Enrogel (Tonweyapi wakonġiya) kin ekta yakonpi. Otonwe en hiyupi wanwicayakapi ikopapi nakaś, heon wicinynanna wan ekta i, qa owicakiyaka; unkan wicaštayatapi kin Dawid okiyakapi kta iyayapi.

18 Unkan kośka wan wanwicayaka, qa Abisalom okiyaka. Unkan napin inalġniyan Baġurim ohna wicašta wan ti kin en ipi. Unkan iye tahocoka ohna miniġdoka wan yuha, unkan hen kun ipi.

19 Unkan winoġinca kin miniġdoka i kin akaġpe ton, qa wokpanpi akada; unkan iyukanpi sni.

20 Abisalom taokiye kin winoġinca hen ti kin ekta hipi, qa heciyapi, Ahimayatz qa Jonatan tukteepi he? Unkan winoġinca kin hewicakiya; Mini wakpadan kin akasanpa iyayapi ce. Unkan owicadepi, qa iyewicayapi sni, qa Jerusalem en ġdapi.

21 Unkan kiġdapi ohakam miniġdoka etanhan inanpapi, qa iya-

SAMUEL WOWAPI INONPA KIN,

yapi, qa Dawid wicaštayatapi kin okiyakapi, qa Dawid heciyapi, Abitopel decen niyepi on wahokonwicakiya, heon najin po, qa inahniyan mini kin akasanpa iyaya po.

22 Unkan Dawid, qa oyate iye opapi kin owasin najinpi, qa Jordan iyuweḡapi; hanhanna anpa kin Jordan iyuweḡe šni wanjidan okapte šni.

23 Unkan Abitopel, iye wahokonwicakiye cin iyecen econpi šni wanyake čehan, šonšonna aqin kiton, qa akan iyotanke ca toti kin ekta kihda, totonwe kin en, qa ti kin hduwiyeya, qa poskin içikte, qa atkuku ohnahnakapi tawa kin ohna hnakapi.

24 Unkan Dawid Mahanaim ekta i, qa Abiśalom Jordan iyuweḡa, qa Israel wicašta kin owasin opapi.

25 Unkan Abiśalom Yamasa mdetanhunka kaḡa, Joab hee kiya. Unkan Yamasa atkuku Jitra eciyapi, İsmaeli wicašta heca, qa Abigail Nahaś cunwintku yuza, he Tzeruja Joab hunku tawinohtin heca.

26 Unkan Israel qa Abiśalom Gilejad makoce ohna etipi.

27 Unkan Dawid Mahanaim ekta hi qehan Šobi Nahaś cinhintku Anmon cinca tonwanyanpi Rabba etanhan, qa Makir Yanmiel cinhintku Lodebar etanhan, qa Barzillai Gileyadi kin Rogelim etanhan,

28 Hena owinja, qa maza wakšica, qa maka wakšica, qa aḡuyapi su, qa barle, qa aḡuyapi mdu, qa papahyapi, qa omnica, qa omnica hmiyanyanna, qa papahyapi.

29 Qa canhanpi tiktica, qa asanpi ihdi, qa tahinca, qa pte asanpi suta, Dawid qa oyate opapi kin yutapi kta e wicakahipi. Oyate

kin tinta ohna wotektehdapi, qa mdokiṭapi, qa ipuzapi, eyapi nakaś.

WICOWOYAKE 18.

1 Unkan Dawid oyate iye opapi kin wicayawa, qa akicita kektopawinḡeḡe itancan, qa akicita opawinḡeḡe itancan yuhe wicakiya.

2 Qa Dawid oyate kin obe yamni ye wicasi, obe wanji Joab nape kin en, qa wanji Abiśai Joab cincu Tzeruja cinhintku nape kin en, qa unman İttai Giti kin nape kin en. Unkan wicaštayatapi kin oyate kin hewicakiya, Miś eya niyepi om mde kta ce.

3 Unkan oyate kin heyapi, Hiya de kte šni ce. Unkiyepi naunji-capi kinhan unkiyepi ekta cante ye kiyapi kte šni, qa unkiyepi hanke unṭapi kinhan unkiyepi ekta cante ye kiyapi kte šni. Unkiyepi kektopawinḡe wikcemna iyecen niyawapi, heon otonwe etanhan óunyakiyapi kin he wašte.

4 Unkan wicastayatapi kin hewicakiya; Taku ništapi en wašte kin hee ecamon kta. Qa wicaštayatapi kin otonwe tiyopa icahda najin, qa oyate kin opawinḡeḡe qa kektopawinḡeḡe inanpapi.

5 Unkan wicaštayatapi kin Joab, qa Abiśai qa İttai wahokonwicakiye ca heya, Miye on Abiśalom koška kin walibayedan ecakicon po. Unkan wicaštayatapi kin Abiśalom on mdetanhunka owasin wahokonwicakiye cin oyate kin owasin nahonpi.

6 Qa oyate kin Israel itkokim iyayapi, qa Epraim taškoju ohna kicizapi.

7 Unkan Israel oyate kin hen ktepi, Dawid taokiye itokam, qa

WICOWOYAKE 18.

wokaštake hen anpetu kin he tanka, wicašta kektopawinge wikcemna nonpa.

8 Unkan anpetu kin he en ma-koce kin owancaya kicizapi, qa oyate taškoju wicakasote cin hena ota, isan wicakasote cin isanpa.

9 Unkan Abiśalom Dawid taokiye awicakipa, qa Abiśalom šonšonna wan akan iyotanka, qa šonšonna kin utuhu tanka wan yuhaha ihukuya iyaya, qa Abiśalom pa kin utuhu en ikoyag ya, qa šunka šonšonna kin iye ihukuya tanhan iyaye ça mahpiya qa maka kin otahedan ehpeya.

10 Unkan wicašta wan he wan-yake ça Joab okiyake ça heya, Inyun Abiśalom utuhu wan en okazeze wanmdaka.

11 Unkan Joab wicašta okiyake cin heciya. Inyun he wandake cinhan tokeca hen makata yakaštake šni he? hecanon unkanš miye mazaska wikcemna, qa ipi-yaka wan ciçu kta tuka.

12 Unkan wicašta kin Joab heciya, Miye qe mazaska kektopawinge minape en aspe miciyapi ešta, wicaštayatapi cinhintku minape on kiunniwaye kte šni. Wicaštayatapi kin niye, qa Abiśai, qa Ittai wahokonniciyapi, qa, Miye on Abiśalom koška kin patan po, eniciyapi kin minoge on nawañon.

13 Nađi kin kiunniwaya unkanš, wicoie wanjidan wicaštayatapi kin etanhan nahmanpi šni, qa niye qe anamayajin kta.

14 Unkan Joab heya, Den nici manke kta iyecece šni; qa wahinkpe yamni icu, nape kin ohna, qa Abiśalom cante kin en hena iyeya, nahanñin niyake utuhu cokaya yanke cin icunhan.

15 Hehan koška wikcemna Joab wipe kin kicičinpi kin hena Abi-

śalom ikiyedau ipi, qa capapi qa ktepi.

16 Hehan Joab mazayahotonpi wan yahoton; unkan oyate kin Israel kuwapi etanhan hdicupi, Joab oyate kin kicunni wicaya nakaš.

17 Unkan Abiśalom icupi, qa taškoju ohna wolha tanka kin en ehpeyapi, qa inyan paha tanka wan akan ejupi. Unkan Israel owasin najicapi, otoiyoñi tawakeya ekta.

18 Abiśalom nahanñin ni qehan wokiksuye wan icu, qa ekicihde, he wicaštayatapi osmaka ohna yanka, cinča wica on micaje kiksuyapi kta manica, eya nakaš; qa wokiksuye kin iye caje on cajeyata; unkan anpetu kin dehanyan he Abiśalom nape kin eciyapi.

19 Unkan Ahimayatz Tzadoq cinhintku kin heya; Tokin waimnanke ça wicaštayatapi kin wotanin kin omdake kten, tokayapi kin Jehowa woyaco ecawicakicon nakaš.

20 Unkan Joab heciya, Wotanin oyake kta wicašta kin nakaha henica šni, qa anpetu tokeca wan wotanin odake kta; tuka nakaha wicaštayatapi cinhintku țe cin on wotanin odake kte šni.

21 Unkan Joab Kuši heciya, Inyanka, taku wandake cin wicaštayatapi kin okiyaka wo. Unkan Kuši Joab ektakiya pakapsan, qa inyang iyaya.

22 Unkan Ahimayatz Tzadoq cinhintku kin ake Joab heciya, Hececašta ceciciya, miš eya Kuši ihakam waimnanke kta. Unkan Joab heya; Micinkši taku on yainanke kta he? Wotanin oda-ke kta takudan niciyanke šni.

23 Unkan, Hececašta waimnanke kta, eya. Unkan heciya, Inyanka wo. Unkan Ahimayatz

SAMUEL WOWAPI INONPA KIN,

omdaye canku kin ohna inyanke
ça Kuśi kapeya.

24 Unkan Dawid otonwe tiyopa nonpa kin otahedan iyotanka yanka. Unkan waawanyake cin tiyopa iwankam conkaške akan i, qa wankan etonwe ça wicašta wanjidan inyang ku kin wanyaka.

25 Qa waawanyake kin pan qa wicaštayatapi kin okiyaka. Unkan wicaštayatapi kin heya, Wanjidan u kinhan i kin ohna wotanin yukan. Unkan katinyan inyanke ça ikiyedana ku.

26 Unkan waawanyake kin wicašta tokeca wan inyanke cin wanyake ça tiyopa awanyake cin kipan qa heya, Inyun wicašta wan isnana inyang ku. Unkan wicaštayatapi kin heya, He nakun wotanin yuha ce.

27 Unkan waawanyake kin heya, Tokaheya inyanke cin Ahimayatz Tzadoq cinhintku kin inyanke cin he iyececa wadaka. Unkan wicaštayatapi kin heya; He wicašta wašte, qa wotanin wašte au ce.

28 Unkan Ahimayatz hoyeye ça, Wookiye; wicaštayatapi kin, eciya, hehan wicaštayatapi itokam makipusdiya ehpeiciye ça ohoda, qa heya, Jehowa Wakan yada kin yawaštepi nunwe. Iye wicašta tona itancan mitawa, wicaštayatapi kin, napepi kin apaha kiyapi kin hena wicakaška.

29 Unkan wicaštayatapi kin heya, Koška kin Abiśalom zaniyan un he? Unkan Ahimayatz heya, Joab wicaštayatapi taokiye, qa miye nitaokiye inyang ušipi qehan, owodutaton tanka wammdaka, tuka toketu kin sdonwaye šni.

30 Unkan wicaštayatapi kin heya, Ihduhomni, qa den yanka wo. Unkan ihduhomni qa en yanka.

31 Unkan hehan Kuśi hi, qa Kuśi

heya, Wotanin, itancan mitawa, wicaštayatapi, Jehowa nakaha niyaco, qa tona aninajinpi kin owasin etanhan enihdaku.

32 Unkan wicaštayatapi kin Kuśi heciya; Koška kin Abiśalom zaniyan un he? Unkan Kuśi heya. Tona itancan mitawa wicaštayatapi tokayapi, qa śicaya ecanionpi kta e aninajinpi kin, hena owasin koška kin he iyececapi kta nunwe.

33 Unkan wicastayatapi kin nina iyokiśice ça tiyopa iwankam tipi ekta i, qa ceye ça heya, ceye cin icunhan; Micinkśi Abiśalom, micinkśi, micinkśi Abiśalom. Tokin niye eekiya miye maťa unkanś, Abiśalom micinkśi, micinkśi.

WICOWOYAKE 19.

1 Unkan wicastayatapi kin Abiśalom on ceye ça iyokiśin iciya, Joab okiyakapi.

2 Unkan anpetu kin he en ohiyapi kin oyate kin owasin iyoikiśin wicaya, Wicaštayatapi kin cinhintku kin on iyokiśica eyapi kin anpetu kin he en oyate kin nahonpi nakaś.

3 Unkan oyate kin nahmana otonwe kin en hdicupi, oyate wan okicize etanhan isteca najica inahmapi kin iyecen.

4 Wanna wicaštayatapi kin ite ahdaħpa, qa ho tankakiya ceye ça heya, Micinkśi Abiśalom, Abiśalom micinkśi, micinkśi.

5 Unkan Joab wicaštayatapi ekta ti mahen hi, qa heya. Nitaokiye nakaha ninaği kin niyanpi, qa nicinca wica winyan ko nağipi kin, qa nitawin nağipi kin, qa wicinyanna nitawa nağipi kin niwicayapi, kin hena owasin nakaha itepi kin isten wicayaya.

6 Tona śicenidakapi kin hena

wašte wicayadake ça wašte nidakapi kin síce wicayadaka; nakaha akicita tancan, qa ookiye ihawicayakikta sni daotanin, qa anpetu kin de Abisalom ni unkanś qa unkiyepi owasin untapi unkanś ništa kin en ecetu kta tuka, nakaha sdonwaya.

7 Heon wanna najin iyaye ça nitaokiye om wacantkiya wohdaka wo. Jehowa cajeyan ociciyaka tankan inayape sni kinhan, wicašta wanjidan hanyetu kin de nici yanke kte sni, qa he niye on síce kta, koniška ehantanhantaku síca ayakipe cin hena owasin isanpa.

8 Unkan wicaštayatapi kin najin, qa otonwe tiyopa en iyotanka. Unkan oyate kin owasin owicakiyakapi qa, Inyun wicaštayatapi kin tiyopa kin en iyotanka eyapi. Unkan oyate kin owasin wicaštayatapi itokam hipi, qa Israel owasin wakeyapi ekta najica hdapi.

9 Unkan hehan oyate owasin Israel wicoun owasin ehna akini-capi, qa heyapi, Wicaštayatapi kin toka unyanpi napepi etanhan eunhdakupi, qa iye Pilistim napepi etanhan niunkiyapi, tuka wanna Abisalom on makoce kin etanhan nakipa.

10 Qa Abisalom unhapi kta e sda unkiyapi kin he wokicize en te; heon wanna tokeca wicaštayatapi kin hdicuyapi kin on inina dukanpi he?

11 Unkan wicaštayatapi kin Dawid Tzadoq qa Abiatar wayayusnapi kin wahowicaye ça heya, Juda hunkayapi kin wahokonwicakiye ça heya po; Tokeca wicaštayatapi kin ti kin en hdikiyapi kin niyepi nihektapapi he? wanna Israel owasin oiepi kin wicaštayatapi kin ekta ti kin en hi ce.

12 Mihunkawanji he niyepi, mi-huhu, qa micelpi kin he niyepi. Tokeca wicaštayatapi kin hdikiyapi kta nihektapapi kta he?

13 Qa Yamasa heciya po, Mihuhu qa micelpi henica sni he? Wakantanka hecen qa nakun isanpa ecamicon nunwe, Joab heekiya mitokam tokata ohinniyam mdetanhunka henica kte sni kinhan.

14 Unkan Juda wicašta owasin cantepi kin yuptanyan, wicašta wanjidan iyecen; unkan wicaštayatapi kin wahoyapi, qa, Hdi po, niye qa nitaokiye owasin, eyapi.

15 Unkan wicaštayatapi kin ku, qa Jordan ekta hi. Unkan Juda wicaštayatapi kin Jordan hiyuwehyapi kta e wicaštayatapi kin itkokipapi kta iyayapi, qa Gilgal ekta ipi.

16 Unkan Šimeyi Gera cinhintku Benjamini kin Baħurim ohna yanke cin inahni, qa wicaštayatapi Dawid itkokepi kta, Juda wicašta kin om apamahde iyaya.

17 Unkan Benjamin etanhan wicašta kektopawinge opapi, nakun Saul tiyohnaka ookiye wan Tziba, qa iye cinca wikcemna sanpa zaptan, qa taokiye wikcemna nonpa opapi, qa wicaštayatapi kin itkokim Jordan iyuwegapi.

18 Qa wicaštayatapi tiyohnaka hiyuyapi kta, qa iye išta kin en taku wašte kin econpi kta wata wan akasanpa watom yapi. Qa Šimeyi Gera cinhintku wicaštayatapi kin itokam makata elpeiçiye, Jordan iyuwegapi en.

19 Qa wicaštayatapi kin heciya, Ihnuhan itancan mitawa miohan síce cin miciyawa kin, qa ihnuhan taku pemniyan nitaokiye econ kin yeksuye cin; itancan mitawa wicaštayatapi Jerusalem

SAMUEL WOWAPI INONPA KIN,

etanhan iyaye cin anpetu kin he en, ihnuhan wicaštayatapi kin cante kin ekta yekiye cin.

20 Wawahtani nitaokiye sdon-ya, heon itancan mitawa wicaštayatapi kin itkokim apamahde nakaha wau, Josep tiyohnaka kin owasin wicitokam.

21 Unkan Abišai Tzeruja cin-hintku ie ça heya, Šimeyi de on ƚe kiyapi kte šni he? Tuwe Jehowa sdakiye cin yašice cin heon etanhan.

22 Unkan Dawid heya Tzeruja cinca kin taku iwamayatokiyapi he? Nakaha mayakipajinpi, Israel ohna nakaha tuwedan ƚe yapi kte šni. Israel wicaštayatapi kin he-maca nakaha sdonwakiye šni he?

23 Unkan wicaštayatapi kin, ƚe niyanpi kte šni, Šimeyi eciya; nakun wicaštayatapi kin, Taku wakan namaħon eciya.

24 Unkan Mepibošet Saul cin-hintku wicaštayatapi kin itkokim apamahde hi, qa wicaštayatapi kin iyaye cin anpetu kin he ehantanhan wookiye en hdi an-petu kin hehanyan, siha, qa pu-tinhin kin unmanna pikiye sni, qa wokoyake hdujaja šni.

25 Qa Jerusalem en wicašta-yatapi kin itkokipe ƚehan, wicaštayatapi kin heciya, Mepibošet tokeca mici de šni he?

26 Unkan heciya, Wicaštaya-tapi itancan mitawa, mitaokiye mahnayan. Nitaokiye kin hušte ecee, heon nitaokiye šonšonna kin aqin miciton, qa akan imdotanke ƚa wicaštayatapi kici mde kta, epa.

27 Nakun itancan mitawa wicaštayatapi kin itokam nitaokiye itonšniyan aia. Tuka itancan mitawa, wicaštayatapi kin, Wa-kantanka ohnihdeye cin iyececa; heon taku ništa kin en wašte kin hecon ye.

28 Ate tiyohnaka owasin, itan-

can mitawa wicaštayatapi ito-kam, wicašta ƚapi iyeuncecapı; tuka itancan mitawa wicaštaya-tapi kin, nitaokiye tona wahna wotapi nitawa ekta wotapi kin wicehna iyotang kiya, qa token wanna wicaštayatapi kin sanpa hoyewakiya owakihi kta?

29 Unkan wicaštayatapi kin he-ciya, Tokeca nioie kin emayaki-ya he? Niye qa Tziba mağa kin kihdušpa po, wanna epa.

30 Unkan Mepibošet wicašta-yatapi kin heciya, Itancan mita-wa zaniyan hdi kin heon iye ešta ocowasin icu kta.

31 Unkan Barzillai Gileadi kin wicaštayatapi kin Jordan opta ye kiye kta heon Rogelim etan-han apamahdedan u, qa wicašta-yatapi kici Jordan opta iyaya.

32 Barzillai wanna wicaħinca waniyetu wikcemna šahdoğan, qa wicašta nina tanka, heon wi-caštayatapi kin woqu, Maħanaim en ti kin hehanyan.

33 Unkan wicaštayatapi kin Bar-zillai heciya. Niye micıu wo, kinhan wociçu kta, Jerusalem ohna, miye kici.

34 Unkan Barzillai wicaštaya-tapi kin heciya. Waniyetu tona wani kta on wicaštayatapi kici Jerusalem ekta itanwankanħde mde kta he?

35 Nakaha waniyetu wikcemna mašahdoğan; Nitaokiye taku yu-te ƚa yatke cin ute cinhan, qa wi-cašta qa winohinca dowanpi ho kin naħon kinhan, tuktee wašte, qa tuktee šica sdonya he? Heon tokeca nitaokiye sanpa itancan mitawa wicaštayatapi kin yušağ-ye kta he?

36 Nitaokiye Jordan kitanna akasanpa wicaštayatapi kici ye kta. Qa tokeca wicaštayatapi kin iyuwin kin de on micicajuju kta he?

37 Ceciciye nitaokiye wanna kihde kta, qa otonwe mitawa en mate kta, ate qa ina wicahnakapi kin ikiyedan. Tuka iho nitaokiye Kimham itancan mitawa wicaštayatapi kin kici ye kta, qa token niišta kin en wašte kin hecakicon wo.

38 Unkan wicaštayatapi kin heya, Kimham mici ye kta. Taku niišta en wašte kin hecawecon kta, qa taku econ mayaši kin owasin ecacicon kta.

39 Unkan oyate owasin Jordan iyuwegapi. Unkan wicaštayatapi kin Jordan akasanpa i qehan, Barzillai i itputaka, qa yawaste. Unkan toyanke kin ekta kihda.

40 Unkan wicaštayatapi kin Gilgal ekta iyaya, qa Kimham he kici ya; nakun Juda oyate owasin, qa Israel oyate hanke kin wicaštayatapi kin hdikiyapi.

41 Unkan Israel wicašta owasin wicaštayatapi kin en hipi, qa, wicaštayatapi kin heciyapi, Tokeca hunkawanjin unyanpi Juda wicašta kin maninonpi, qa wicaštayatapi kin, qa tiyohnaka tawa, qa iye kici Dawid wicašta tawa owasin Jordan itato hiyuwicayapi he?

42 Unkan Juda wicašta kin owasin Israel wicašta kin awicayuptapi, Wicaštayatapi kin mikiyedan ce, heon etanhan; qa tokeca de on šinyahda he? Wicaštayatapi taku tawa wauntapi he? qaiš iye taku unqupi he?

43 Unkan Israel wicašta kin Juda wicašta kin awicayuptapi qa heyapi, Wicaštayatapi en nape wikcemna mduha, qa Dawid nitawa ešta isanpa mitawa. Qa tokeca ihamayakta šni, qa wicaštayatapi kin hdiyakiyapi itokam omayakidake šni he? Unkan Juda wicašta oiepi kin Israel wicašta oiepi kin isanpa wohitika.

WICOWOYAKE 20.

1 Ukan he ehan wicašta wahte šni wan hen yanka, Šeba Bikri cinhintku eciyapi, Benjamini wicašta; qa mazayahoton qa heya, Dawid en onšpadan unhapi šni, qa Jesse cinhintku en takudan tawa unyanpi kte šni; Israel owasin tawakayapi ekta hda po.

2 Unkan Israel wicašta owasin Dawid etanhan ihduhomnipi, qa Šeba Bikri cinhintku ihakam iya-yapi. Tuka Juda wicašta kin wicašta ateyapi kin en ikoyag ičiyapi, Jordan etanhan Jerusalem ekta hehanyan.

3 Unkan Dawid Jerusalem en hdi, qa wicaštayatapi kin wicin-yanpidan wikcemna wicayuz, qa tipi awanyag owanji yanke wicaši qon iwicacu, qa wicaškaška tipi wan en ye wicaya, qa wowicaqu, tuka wicikiyedan ye šni. Unkan wiwazica hecapi, qa anpetu en tapi kin hehanyan kaška yakonpi.

4 Unkan wicaštayatapi kin Yamasa heciya, Anpetu yamni en Juda wicašta kin mniciye wicaya, miye ekta, qa niye den najin wo.

5 Unkan Yamasa Juda mniciye wicaya iyaya, tuka, mniciye ši qon iyehan hdi šni.

6 Unkan Dawid Abišai heciya, Wanna Šeba Bikri cinhintku šicaya ecaunkiconpi kta, Abišalom isanpa; niye itancan nitawa taokiye iwicacu, qa he kuwa iya-ya wo. Okini otonwe conkaške iyeya, qa unkištapi etanhan ihduške kta.

7 Unkan Joab tawicašta, qa Pabaksapi kin, qa Inyankapi kin, qa wicašta waška owasin kici iya-yapi, qa Šeba Bikri cinhintku kuwapi kta Jerusalem etanhan inanpapi.

SAMUEL WOWAPI INONPA KIN,

8 Inyan tanka wan Gibeyon ohna yanke cin he ikiyedan yapi qehan, Yamasa wicitokam mani. Unkan Joab šina in kin ipiyag kiton, qa ipiyaka kin akapa tanhan isan wan ojuha kin ohna nite akan mihnaka, qa he hinhpaya, iye iyaye icunhan.

9 Unkan Joab Yamasa heciya, Zaniyan yaun he misunka? qa Joab Yamasa i itputake kta putinhin kin nape etapa on yuza.

10 Unkan Yamasa isan Joab nape en un kin iwakta šni. Unkan he on tezi kin en capa, qa šupe kin makata hiyuya, qa inonpa ape šni, unkan ŋa. Unkan Joab, qa cinu Abišai Šeba Bikri cinhintku kuwa iyayapi.

11 Unkan koška Joab wicayuhe cin wanji he ikiyedan najin, qa heya niyan, Tuwe Joab iyokipi kin, qa tuwe Dawid tawaye cinhan Joab ihakam ya po.

12 Unkan Yamasa we kin en ihduptanptan, canku kin ohna. Unkan wicašta qon oyate kin owasin en hinajinpi kin wanyaka, heon Yamasa yutokan canku kin etanhan maga ekta, qa šina wan akaŋpa, tona ekta hipi kin owasin hen najinpi wanyake cehan.

13 Canku kin etanhan token ayapi qehan, wicašta kin owasin Šeba Bikri cinhintku kuwapi kta, Joab ihakam iyayapi.

14 Unkan Israel wicoun owasin opta iyaya, qa Abel ekta i. Unkan Bet-mayaka qa Berim kin owasin ihduwitayapi, qa nakun ihakam yapi.

15 Qa Abel Bet-mayaka ekta ipi, qa ohna anaptapi, qa otonwe ihduksan maka paha kaŋapi, hecen aohduteyapi, qa oyate Joab opapi kin owasin otonwe conkaške kin pajujupi kta apapi.

16 Unkan winohinca ksapa wan

otonwe etanhan heya niyan; Nahonpe, nahonpe: Ceciciyapi ye: Den ikiyedan hinajin taku eciciye kta ye, Joab okiyakape.

17 Unkan he ikiyedan hi. Unkan winohinca kin heciya, Joab he niye he? Unkan he miye, Joab eya. Unkan heciya, Wicinyanna nitawa oie kin nahon ye. Unkan nahon manka, eya.

18 Unkan winyan kin heya, Wicoie eyapi ca tokaheya iwanŋapi ece eyapi; heon Abel iwanŋapi kta, qa hehan yuŋtanpi.

19 Israel ohna mawaŋbadan, qa wacinmayanpi. Niye otonwe wan Israel inayanpi heca ihang yaye kta ayakita. Tokeca Jehowa taku tawaye cin nayapce kta he?

20 Unkan Joab ayupte ca heya, Hiya hecetu šni, nawapca qa ihang waye kta taku wakan iyomaki šni nunwe.

21 Wicoie kin hecetu šni. Tuka wicašta wan Epraim he kin etanhan Šeba Bikri cinhintku eciyapi, wicaštayatapi Dawid nape apaha. Isnana hiyuya po, hecinhan otonwe kin amduŋtan kta. Unkan winohinca kin Joab heciya, Ito iye pa kin conkaške etanhan ehpeniciyapi kta.

22 Unkan winohinca kin toksape en oyate kin owasin ekta wicai; unkan Šeba Bikri cinhintku pa kin baksapi, qa Joab ekta ehpeyapi. Unkan mazayahoton. Unkan otonwe kin etanhan wicašta enanakiya tawakeyapi ekta hdapi; qa Joab Jerusalem ekta hdi, wicaštayatapi kin ekta.

23 Qa Israel obe kin owasin Joab mdetanhunka heca, qa Benaja Jehojada cinhintku kin Pabaksapi kin qa Inyankapi kin wicayuha.

24 Qa Adoram mazaska mnanayanpi kin itancan, qa Jehoŋapat

WICOWOYAKE 21.

Ahilud cinhintku wokiksuye wuwapi kaga.

25 Qa Sewa he wowapi kaga, qa Tzadoq qa Abiatar wawayu-
šnapi ;

26 Qa Yira Jairo kin nakun wawayu-
šna heca Dawid yuha.

WICOWOYAKE 21.

1 Unkan Dawid wicaštayatapi anpetu kin en waniyetu yamni, waniyetu otoiyo hi wicaakihan. Unkan Dawid Jehowa ite kin iwanğa. Unkan Jehowa heya, Saul, qa tiyohnaka weyesa, qa Gibeyoni kin te wicaya heon hececa.

2 Unkan wicaštayatapi kin Gibeyoni kin wicakico, qa om wohdaka ; ecin Gibeyoni kin Israel cinca hecapi šni, tuka Amori okaptapi hecapi, qa nipi kta Israel cinca kin taku wakan caje-
yan ewicakiyapi. Unkan Saul inawizi wicaya, Israel cinca, qa Juda on, qa ihang wicaya akita.

3 Unkan Dawid Gibeyoni kin hewicakiya, Taku ecaciconpi kta, qa Jehowa makoce tawa dawaste pi kta e taku on akahpe ciciyapi kta he ?

4 Unkan Gibeyoni kin heciyapi, Saul kici, qa tiyohnaka tawa kici mazaska, qa mazaskazi on awakinice šni, qa unkiyepi on Israel ohna tuwedan te yaye kte šni. Unkan, Token ehapi kin he iye-
cen ecaciconpi kta, eya.

5 Unkan wicaštayatapi kin heciyapi, Wicašta wan unyusotapi, qa Israel makoce ohna tuktedan unkanpi kte šni on ihang unyan-
pi kta kecin kin,

6 Iye cinca kin etanhan wicašta šakowin unqupi kta, qa hena otkewicunyanpi kta, Saul Jehowa kalinige cin he paha tawa

akan. Unkan ciciyapi kta, wicaštayatapi kin eya.

7 Unkan wicaštayatapi kin Saul cinhintku Jonatan cinhintku Mepibošet itonpa, Dawid qa Saul cinhintku Jonatan Jehowa caje-
yan ekiciyapi kin heon etanhan.

8 Unkan wicaštayatapi kin Aja cunwintku Ritzpa cinhintku non-
pa Armoni qa Mepibošet Saul kiciton kin hena iwicacu, qa Saul cunwintku Mikal cinhintku zap-
tan Yadriel Barzillai Meholati cinhintku kiciton kin hena na-
kun iwicacu :

9 Qa Gibeyoni napepi en wica-
qu ; unkan he akan otke wica-
yapi, Jehowa itokam. Unkan hena šakowin witaya hinhpaya-
pi, woksapi anpetu en te wica-
yapi, barle toka baksapi kin he ehan.

10 Unkan Aja cunwintku Ritz-
pa wakihdaka ikikeu, qa inyan akan owinš kiya, toka wabaksa-
pi etanhan mahpiya mini awica-
hinhe kin hehanyan, qa mahpiya okinyanpi anposkan awicahiya-
han iyowinwicakiye šni, nakun hanyen tinta wamanica kin.

11 Unkan Aja cunwintku Ritz-
pa Saul tawicinyanna taku econ kin Dawid okiyakapi.

12 Unkan Dawid iyaye ca Saul huhu kin, qa cinhintku Jonatan huhu kin Jabeš Gilejad wicašta kin etanhan icu ; Pilistim Gilboa akan Israel kaštakapi qehan, Bet-
šan canku kin en otke wicaya-
pi, unkan hetanhan mawicanonpi qon.

13 Unkan Saul huhu kin, qa cinhintku Jonatan huhu kin he-
tanhan hiyuya. Unkan otke wi-
cayapi huhu kin nakun mnayan-
pi.

14 Qa Saul qa cinhintku Jona-
tan huhu kin kicihnakapi, Ben-
jamin makoce ohna, Tzila ekta,

SAMUEL WOWAPI INONPA KIN,

atkuku Qis ohnahnakapi tawa kin ohna, qa taku wicaštayatapi kin econ wicaši owasin econpi. Unkan he iyohakam makoce on cekiyapi Wakantanka nawicašion.

15 Unkan ake Pilistim Israel kizapi. Unkan Dawid qa taokiye apamahde ipi, qa Pilistim kizapi, qa Dawid hustaka,

16 Unkan Išbibenob, Rapa (Waziya kin) cinca etanhan, tawa hunkeza aspeyapi kin mazaša seqel opawinge yamni, qa isan teca ipiyagkiton, qa Dawid kaštake kta keya.

17 Unkan Abišai Tzeruja cinhintku anakicijin, qa Pilisti kin kaštake ça teya. Hehan Dawid wicašta tawa taku Wakan caje-yatapi, qa heciyapi, Icimana unkiyepi kici wokicize ekta de kte šni; hecen Israel petijanjan kin sni yaye kte šni.

18 Unkan he iyohakam Gob ekta Pilistim om kicizapi qehan, Sibbekai Hušati kin Sap Waziya cinca wan kaštaka.

19 Unkan ake Pilistim om kicizapi Gob ohna, qa Elhanan Jayiri wakazuntapi cinhintku Betlehemi kin Goliat Giti sunkaku kin kaštaka; wahukeza tawa ihupa kin wakazuntapi ihupa iyececa.

20 Unkan ake kicizapi Gat ekta, qa wicašta hanska wan hen yanka, napsukaža šakpekpe, qa siyukaza šakpekpe, wikcemna nonpa sanpa topa yawapi, qa he nakun waziya kin kicitonpi:

21 Qa Israel oštehdä. Unkan Dawid cincu Šimeya cinhintku Jonatan he kaštaka.

22 Hena topa waziya kin kicitonpi Gat ohna, qa Dawid nape on, qa taokiye napepi on hinhpayapi.

WICOWOYAKE 22.

1 Unkan tokayapi owasin napepi etanhan, qa Saul nape kin etanhan Jehowa nikiye cehan, Dawid odowan kin de oie kin Jehowa heciya;

2 Qa heya,

Jehowa imnija mitawa, qa conkaške mitawa, qa emahdaku kin hee.

3 Taku Wakan wada, inyan paha mitawa en nawape kta.

Wahacanka mitawa qa nimaya he kin;

Paha tehanwankan mitawa, qa wowinape mitawa;

Wanikiya mitawa, wakiunniyanpi etanhan emahdaku.

4 Jehowa yatanpi kta iyecece cin he hoyewakiye kta;

Unkan iye toka mayanpi kin etanhan emahdaku kta.

5 Wiconte taja kin aohdute mayanpi;

Wicaštapi šni minitan kin yušinye mayanpi qehan;

6 Hades icaške kin mihduksan iyamapehanpi,

Wiconte ihmunke kin mayuzapi.

7 Iyotanhan iyewakiye cehan Jehowa hoyewakiya;

Qa tuwe wakan wada kin wakipan.

Unkan tipi wakan tawa en maho kin nalion.

Qa wocekiye mitawa anohkiciya.

8 Hehan maka kin cancan, qa škanškan.

Mašpiya oahehde kin cancan,

Qa nahuhuza; šinhda nakaš.

9 Šota pođe kin etanhan inanpa,

WICOWOYAKE 22.

- Qa iye i kin etanhan peta wahuhnaŋya,
Iye etanhan petaŋa itkonyan. .
- 10 Unkan mahpiya kin yuhukuye ɕa kun hiyu ;
Qa siha ihukuya otpaza hınca.
- 11 Nakun Kerub wan akan iyotanke ɕa kinyan u.
Qa tate hupahu kin akan ihdutanin.
- 12 Iye ihduksan otpaza wakeya hduha :
Mini mnayanpi mahpiya soka kin.
- 13 Iyoyanpa iye itokam u kin petaŋa ideya.
- 14 Qa mahpiya etanhan Jehowa wakinyan hotonkiya ;
Qa Iyotan Wankan kin ho hdatanin.
- 15 Qa tunwanhinkpe kihiyeye ɕa wicakamdeca ;
Wakanhdi kin, qa yuŋinye wiɕaya.
- 16 Unkan miniwanca cete kin wanyakapi :
Qa maka oahehde kin yuzamnpi ;
Jehowa iyope wicaye cin on etanhan.
Poŋe oħdoka oniya ipogan kin heon etanhan.
- 17 Wankantanhan wahomaye ɕa imacu.
Mini ota etanhan mayutitan.
- 18 Toka mayan waŋake cin etanhan mayuŋka ;
Tona ŋice madakapi kin etanhan ;
Hena mikapeya waŋakapi nakaŋ.
- 19 Iyomakiŋica anpetu kin en iyamahpayapi ;
Tuka ipatan waye cin Jehowa hee.
- 20 Qa canku tanka wan en hinanpe mayan ;
Qa mayuŋka, iyokipi waya nakaŋ.
- 21 Omawotanna kin iyecen Jehowa iyuwin maqu.
Minape ska kin iyecen ecamicon.
- 22 Jehowa tacanku kin owapa ;
Qa Taku wakan wada ŋicaya amaduŋtan ŋni.
- 23 Tawoyaco kin owasin mitokam un ;
Qa tawokaŋe kin ehpewaye ŋni.
- 24 Qa iye itokam ecetu waun.
Qa miohan ŋice cin etanhan ŋins miɕiya ;
- 25 Heon Jehowa mitoowotanna iyecen ecamicon ;
Iye iŋta kin en maska kin iyecen.
- 26 Tuwe wacantkiye cin he kici wacantkiya nihdutanin
kta.
Wicaŋta ecetu kin kici ecetuya ecanon kta.
- 27 Tuwe ɛcedan un kin he kici ɛcedan nihdutanin kta ;
Qa tuwe pemni kin he iyuwin kin yecu kta.
- 28 Qa oyate onŋika kin he niyaye kta ;
Qa tona ihduwankantuyapi kin wicaduhukuya kta niŋta
awicatonwan.
- 29 Iyoyam maye cin Jehowa he niye ;
Qa otpas maye cin he Jehowa miciyutokan kta.
- 30 Niye waŋaŋ mayaye cin on ozuye wan anawatan kta.
Tuwe Wakan wada kin on conkaŋke acawaŋŋin kta.
- 31 Iyotan Waŋaka oħan kin yuŋtanpi ;

SAMUEL WOWAPI INONPA KIN,

- Jehowa oie kin peta on iyutanyanpi ce.
Tona wacinyanpi kin hena owasin wahacanka yapi.
- 32 Tuwe Iyotan Waśaka he? Jehowa isnana.
Qa tuwe imnija he? Taku Wakanundapi kin he-
ceedan.
- 33 Iyotan waśake cin wowaśake on waśag mayan.
Qa tacanku kin ecetuya omani mayan ;
- 34 Misiha tatokadan tawa kin iyececa micaga ;
Qa pajòdan mitawa akan najin makiya.
- 35 Minape wicakize kta onspemakiya ;
Hecen miisto kin mazazi itazipa yuwinja.
- 36 Qa wahacanka on niwicayaye cin mayaqu ;
Qa nitowahbadan kin mayutanka.
- 37 Mihukuya caewahde mayadutanka ;
Hecen miiskahu naksankśan śni.
- 38 Toka mayanpi kin wicawakuwa, qa ihang wicawaya :
Qa wicamdusote śni hehanyan wahdicu śni.
- 39 Wicamdusota, qa cawicawapa ; unkan icimana najinpi
śni :
Qa misiha ihukuya hinhpayapi.
- 40 Wokicize on wowaśake ipiyag mayakiton :
Anamajinpi kin hena mihukuya patuś wicayaya ;
- 41 Qa toka mayanpi kin tahupi kin mayaqu.
Nakun tona śicemadapi kin, unkan ihang wicawaya.
- 42 Howayapi tuka wanikiya wanica ;
Jehowa hoyekiyapi tuka anawicagoptan śni.
- 43 Unkan makamdu kin iyecen wicawakamdumdu ;
Ocanku upśija kin iyecen nawicawaskica qa nawica-
wamdaya.
- 44 Unkan oyate mitawa makizapi etanhan emayahdaku ;
Ikcewicaśta pa mayanpi kta on mayapatan.
Oyate wan sdonwaye śni qon wowidag waye kta ;
- 45 Oyate tokeca cinca kin makihnapi kta.
Noġe on nahonpi kinhan anamaġoptanpi kta ;
- 46 Oyate tokeca cinca kin skanpi kta ;
Qa conkaśke tawapi on aohdute iciyapi kta..
- 47 Jehowa ni un, qa imnija mitawa yawaśtepi ce ;
Heon imnija nimaye cin he, Wakan wada kin he yawan-
kantuyapi kta.
- 48 Iyotan waśake watomiciġon ece kin hee ;
Qa mihukuya oyate ota yuhukun wicaya ece.
- 49 Qa toka mayanpi etanhan hinanpe mayan ;
Qa tona anamajinpi kin hena wiciwankam emayahde.
Wicaśta woihangye cin etanhan emayahdaku ;
- 50 Heon ikcewicaśta wicehna Jehowa ciyatan kta ;
Qa nicaje kin iwadowan kta.
- 51 Wicaśta yatapi nitawa woehdaku yecidutanka ;
Qa tuwe sdayakiye cin wowacantkiye ecayecon ece ;
Dawid qa iye cinca kin owihanke wanica.

WICOWOYAKE 23.

1 Dawid oie ehake kin dena ee. Dawid Jesse cinhintku kin heya, Wicašta wan Jakob Wakanda kin sdaye cin on najin kiya kin, qa Israel tadowan wiciyokipi kage cin he hecen eya.

2 Jehowa taniya kin ie makiya, qa oie kin miceji aehnaka.

3 Tuwe Israel Wakanda kin heya, Israel innija kin hemakiya, Tuwe wicašta iwicadake cin Jehowa kokipeyahan wowidag wicaye cinhan,

4 Hanhanna anpa kin iyececa, hanhanna malipiya šapa wanica anpetu wi hinanpa; Wato kin magaju ohakam maka etanhan inanpe cin iyececa.

5 Wati ohnaka kin Iyotan wašake cin kici hecece šni ešta, wotakuye owihanke wanice kta micicage cin he taku owasin en tanyan kicanyanpi, qa awanyakapi; nimaye cin ocowasin, qa iyomakipi hinca hee, he icalye šni ešta.

6 Tuka wicaštapišni kin hena owasin wapepeka ehpeyapi kin iyececapi kta, nape on yuzapi šni.

7 Tuka tuwe hena yuze kte cinhan nape ohna mazasapa yuha, qaiš wahunkeza ihupa kin, qa tukten yakonpi kin ohna peta on ocowasin hulinahyapi kta.

8 Dawid wicašta wašaka tawa cajepi kin dena ee. Yadino yamni itancan kin wicašta ksapa iyotankapi ohna kiyotanke cin, Iye tawahunkeza wikcemna šahdogan awicapaha, qa wancadan wicakte.

9 Qa he iyokihe Eleazar Dodo, cinhintku Ahoi cinhintku, wicašta wašaka yamni Dawid opapi kin he wanji, Pilistim oštehdawicayapi, qa hen witaya iheyapi

wokicize on, qa Israel wicašta kin napapi.

10 Hehan iye najin qa Pilistim wicaštaka nape kin watuka, qa tacanhpi kin ikoyake cin hehan-yan. Unkan Jehowa anpetu kin he en woehdaku tanka kage cin on iye ihakam oyate kin walpaya mnayanpi kta hecedan on ake hipi ce.

11 He iyokihe Šanma Age Aro-ri kin cinhintku, Pilistim ozuye wan mnayanpi qehan maga on-špa omnica ojupi hetu, qa oyate kin Pilistim wicitokam napapi.

12 Tuka iye maga kin cokaya najin, qa he anica, qa Pilistim wicaštaka; unkan anpetu kin he en Jehowa woehdaku tanka wan kaga.

13 Unkan wikeemna yamni kin woksapi hentu, Dawid ekta Yaddullam makohdoka en ipi kin etanhan yamni itancanpi kin Pilistim ozuye kin Repaim osmaka kin ohna wankapi qehan apamahde ipi.

14 Unkan hehan Dawid conkaške wan ohna yanka; unkan Pilistim akicita kin Betlehem otipi.

15 Unkan Dawid wacantiheye ça heya, Tokin Betlehem minihdoka kin otonwe tiyopa icahda wanke cin he mini kin tuwe yatke makiye kten.

16 Unkan wicašta wašaka yamni qon Pilistim owanka kin kaoksapi, qa Betlehem minihdoka tiyopa icahda wanke cin etanhan mini icupi, qa yuha Dawid en hipi; Unkan yatke kta wicašta šni, tuka Jehowa kicicaštan.

17 Qa, Taku kin de ecamon kta Jehowa iyomaki šni nunwe; wicašta nagi ehpekiya ipi kin hena wapi kin hee šni he? eya; heon yatke kta cin šni. Wicašta wašaka yamni kin hena heconpi.

18 Unkan Abišai Joab cincu kin

SAMUEL WOWAPI INONPA KIN,

Tzeruja cinhintku kin he yamni ehna itancan kin hee ; Iye tawahunkeza on wicašta opawinge yamni cawicapa, qa wicakte ; heon yamni kin wicehna caje yuha.

19 Yamni kin he ehna iye to-witan kin iyotan, heon mdetanhunka yuhapi, tuka yamni tokaheya kin iyowicahi šni.

20 Unkan Benaja Jehojada cinhintku, wicašta wašaka wan Qabetz el etanhan wicohan tanka ota econ kin he cinhintku. Iye Moab wicašta nonpa mnaja iye-cecapi wicakte. Nakun waniyetu qehan makohdoka wanji en i, qa mnaja ohna yanke cin kte.

21 Nakun iye Egupton wicašta wan kte, qa Egupton kin wicašta owanyag wašte, qa nape kin ohna wahunkeza wan hduha. Unkan cansagye hduha tatpe i, qa wahunkeza kin Egupton nape etanhan ekiciyaku, qa tawahunkeza on te kiya.

22 Benaja Jehojada cinhintku hena econ, qa wicašta wašaka yamni ehna caje yuha.

23 Wikcemna yamni kin isanpa yutanpi ; tuka yamni tokaheya kin iyowicahi šni. Unkan Dawid iye ti kin awanyakapi kin he itancan kaga.

24 Wikcemna yamni ehna Yasahel Joab sunkaku yawapi, Elihanan Dodo cinhintku, Betlehem.

25 Šanma Harodi kin, Eliqa Harodi kin.

26 Heletz Paleti, Yira Yeqes cinhintku Teqoyi kin.

27 Abiyezer Yanatoti kin, Mebuni Hušati kin.

28 Tzalmon Aliohi kin, Mahari Netopati kin,

29 Heleb Bayana cinhintku Netopati kin, Ittai Riba cinhin-

tku Benjamin cinca Gibeya tawapi etanhan.

30 Benaja Peratoni kin, Hidda Gayaš wakpadan kin etanhan,

31 Abiyalbon Yarebati kin, Yazemawet Barhumi kin.

32 Elihaba Šayalboni kin, Jašen cinca kin Jonatan.

33 Šanma Harari kin, Ahiam Šarar cinhintku Arari kin.

34 Elipelet Ahasbai cinhintku Mayakati kin, Eliam Ahitopel Giloni kin cinhintku.

35 Hetzera Karmeli kin, Payara Arebi kin.

36 Igal Natan Tzoba etanhan cinhintku, Bani Gadi kin,

37 Tzeleq Amoni kin, Nahara Beroti kin, iye Joab Tzeruja cinhintku tawipe kin kicičin ecee.

38 Yira Jiteri kin, Gareb Jiteri kin,

39 Urija Hiti kin : owasin wikcemna yamni sanpa šakowin.

WICOWOYAKE 24.

1 Unkan ake Jehowa Israel canniye wicaya, qa Dawid iyo-paštaka on heya, Ito Israel qa Juda wicayawa wo.

2 Unkan wicaštayatapi kin akicita iye kiciunpi itancan kin Joab heciya, Ito Israel wicoun owasin wicehna omani ; Dan etanhan Beršeba aiyahdeya, qa oyate kin wicayawa wo ; hecen oyate kin tonaka sdonwaye kta.

3 Unkan Joab wicaštayatapi kin heciya, Jehowa Wakan yada kin he oyate kin tonaka yukan opawinge akihde iyenaka wicayuta kte cin he itancan mitawa wicaštayatapi išta kin wanyake kte ; tuka tokeca wicoie kin de itancan mitawa wicaštayatapi kin iyokipi he ?

4 Unkan wicaštayatapi oie kin Joab, qa akicita itancanpi kin

WICOWOYAKE 24.

ohiwicaya. Unkan Joab, qa akicita itancanpi kin wicaštayatapi itokam oyate kin Israel wicayawapi kta iyayapi.

5 Unkan Jordan iyuwegapi, qa Aroyer ohna etipi, otonwe Gad kaksiza ohna wanke cin etapa tanhan, qa Jazer ekta.

6 Qa Gilejad ekta ipi, qa Hodši ihukuya yakonpi tamakocepi ekta, qa Dan Jayan ekta ipi, qa yuwinli Tzidon ekta.

7 Qa Tzur conkaške etanhan, qa Hiwi qa Kanani tonwanyanpi kin owasin, qa Juda itokağa kin, Berseba ekta ipi.

8 Hecen makoce kin owancaya opta ipi, qa wi napcinwanka sanpa anpetu wikcemna nonpa hehan Jeruſalem en hdipi.

9 Qa Joab oyate wicayawapi woyawa kin wicaštayatapi kin qu: Israel wicašta waſaka canłpi yuzapi kektopawinge opawinge ſahdogan, qa Juda wicašta kin kektopawinge opawinge zaptan.

10 Unkan oyate kin hecen wicayawa iyohakam Dawid cante kin ačipa, qa Dawid Jehowa heciya. Taku kin decamon nina wawałtani, qa wanna Jehowa ceciciya, nitaokiye wałtani kin micicajuju ye, witkotkoya ĩinca ecamon nakaſ.

11 Unkan hanłanna, Dawid kıkta qehan, Jehowa oie kin Gad waayate kin Dawid tawa wawanake kin en hi, qa heciya:

12 Ekta ye a Dawid heciya wo, Jehowa hecen eya, Taku yamni nitokam ewahde, hena etanhan wanjidani kałnıga wo, qa hecaci-con kta.

13 Unkan Gad Dawid ekta hi, qa okiyake a heciya, Nitamakoce ohna waniyetu ſakowin wicaakiłan kta, qaiſ wi yamni toka niyanpi nicuwapi itokam nayape

kta, qaiſ anpetu yamni makoſice nitamakoce ohna yuke kta he? Wanna awacin qa wanyaka wo. Wicoie tuktee tuwe u maſi kin he wakai kta he?

14 Unkan Dawid Gad heciya, Taku kin de nina amaskica. Tokin Jehowa nape kin unkohinłpayapin, tawocantkiye kin he tanka ce; tuka wicašta nape en mahinłpaye ſnin.

15 Unkan Jehowa makoſice wan İſrael akan hiyuya, hanłanna etanhan ajeyate ciqon iyehan. Unkan oyate kin Dan etanhan Berseba ekta hehanyan wicašta kektopawinge wikcemna ſakowin api.

16 Unkan ohnihde kin Jeruſalem ihang ye kta, nape kin yekiya qehan, Jehowa woſice cin on iyopeiiya, qa ohnihde oyate ihang wicaye cin heciya, Henakeca, wanna ninape ehdaku wo. Unkan Jehowa ohnihde kin Arana Jebuſi tahocoka kin icahda yanka.

17 Wanna Dawid ohnihde oyate wicakaſtake cin wanyake ehan ie a Jehowa heciya, İho miye wawałtani, qa ſicaya ecamon, tuka talinwanunyanpi kin dena taku econpi kin tuktee he? Ceciciya miye qa ate tiyohnaka kin ninape kaſtake kten.

18 Unkan anpetu kin he en Gad Dawid ekta hi qa heciya. Itanwankanłde ya, qa Arana Jebusi tahocoka kin ohna wahna woſnapi wan Jehowa kicicağa wo.

19 Unkan Dawid Gad oie kin Jehowa econ ſi kin iyecen itanwankanłde i.

20 Unkan Arana etonwan, qa wicaštayatapi kin, qa taokiye kin iye ektakiya upi kin wanwicayaka, qa Arana inanpe a wicaštayatapi ekta ite kin maka ektakiya patuja.

SAMUEL WOWAPI INONPA KIN.

21 Qa Arana heya, Tokeca itancan mitawa wicaštayatapi kin taokiye ekta hi he? Unkan Dawid heya, Hocoka kin opecicaton kta, qa wahna wošnapī Jehowa wecaḡe kta, qa hecen makošice kin oyate etanhan anapte kta, heon etanhan.

22 Unkan Arana Dawid heciya, Ito itancan mitawa wicaštayatapi icu, qa token iyokipi wošna kte. Wanyaka wo, tatanka kin woḡuḡnaḡyapi on, qa canpahmihma qa tatanka tawanapinpi kin can on icu.

23 Arana wicaštayatapi wan iyecen hena iyulpa wicaštayatapi kin qu, qa Arana wicaštayatapi

kin heciya, Jehowa Wakan yada kin iyokipi yaye kte.

24 Unkan Wicaštayatapi kin Arana heciya, Hiya, tuka iyuwin on opecicaton kta, qa taku itu-makiḡanpi etanhan woḡuḡnaḡyapi Jehowa Wakan wada kin wakiyušna kte šni; heon Dawid hocoka kin, qa tatanka kin opeciton, mazaska šeḡel wikcemna zaptan iyopeya.

25 Qa Dawid hen wahna wošnapī wan Jehowa kicaḡe ḡa woḡuḡnaḡyapi, qa wopida wošnapī ḡuḡnaḡyapi. Unkan Jehowa makoce on anoḡkiciya, qa Israel etanhan makošice kin anapta.

WICAŠTAYATAPI

WOWAPI TOKAHEYA KIN.

WICOWOYAKE 1.

1 Unkan wicaštayatapi kin Dawid wicalhınca, anpetu ota qehan, śina akalipapi ešta coze śni.

2 Unkan taokiye heciyapi: Wicaštayatapi itancan mitawa on wikoška witanśna un okicidepi kta, iye wicaštayatapi kici yanke kta, qa winyan tawašitku kta, qa maku nitawa ekta wanke kta, hecen itancan mitawa wicaštayatapi kin coze kta.

3 Hecen Israel makoce kin owancaya wikoška wanji owanyag wašte akitapi, qa Abiśag Śunamiwin iyeyapi, qa wicaštayatapi ekta ahipi.

4 Unkan wikoška kin owanyag wašte hınca, qa wicaštayatapi winyan tawašitku kin qa taokiye yuha; tuka wicaštayatapi kin he sdonye śni.

5 Unkan Adonija Ĥagit cinhintku ihduwankantuya qa heya; Miye wicaštayatapi hemaca kta, qa canpahmihma, qa śuktanka akanyotankapi, qa wicašta wicemna zaptan iye itokam inyankapi kta e wiyeya icicaga.

6 Atkuku he qe tohinni iyokiśinye śni, qa tokeca hecen ecanon eciye śni; nakun iye owanyag wašte hınca, qa Abiśalom ohakam tonpi.

7 Unkan Joab Tzeruja cinhintku, qa Abiatar wawayuśna kin om wohdaka; unkan hena Adonija opapi qa ókiyapi.

1 Kin.

8 Tuka Tzadoq wawayuśna kin, qa Benaja Jehojada cinhintku, qa Natan waayate kin, qa Śimeyi, qa Reyi, qa wicašta waśaka Dawid wicayuhe cin hena Adonija opapi śni.

9 Unkan Zaĥelet inyan kin, Rogel wakoniya icahda wanke cin heciya Adonija tahınca, qa pte, qa ptejincadan cepa pata, qa sunka wicaya wicaštayatapi cinca kin owasin wicakico, qa Juda wicašta, wicaštayatapi ókiyapi kin owasin wicakico.

10 Tuka Natan waayate kin, qa Benaja, qa wicašta waśaka hecapi, qa sunkaku Solomon hena wicakico śni.

11 Unkan Natan Batśeba Solomon hunku kin heciya, Adonija Ĥagit cinhintku kin wanna wicaštayatapi ee nayaĥon śni he? tuka itancan unyanpi Dawid he sdonye śni.

12 Heon dehan ceciciya, wahokonciciye cin namaĥon wo; hecen ninaġi kin niyakiye kta, qa nicinkśi Solomon naġi kin nakun.

13 Ito wicaštayatapi kin Dawid ekta ya wo, qa heciya wo: Nicinkśi Solomon miye iyohakam wicaštayatapi kta, qa iye oiyotanke mitawa akan iyotanke kta, nitaokiye win eyakiya, qa taku wakan cajeate śni he? hecen tokeca Adonija wicaštayatapi ee he?

14 Iho niye wicaštayatapi kici woyahdake cin icunhan miye ni-

I. WICAŠTAYATAPI,

hakam hen wai kta, qa nioie kin mdasuta kta.

15 Unkan Batšeba wicaštayatapi kin ekta i, owanka tipi kin en, wanna wicaštayatapi kin wicahinca, qa Abišag Šunamiwin kin wicaštayatapi kin ōkiya ecee.

16 Unkan Batšeba pakapsan, qa wicaštayatapi kin ohoda. Unkan wicaštayatapi kin heciya; Taku yacin he?

17 Unkan heciya, Itancan mitawa Jehowa wakan yada kin cajeyan yakonze a nitaokiye win heyakiya, Solomon nicinkši miyohakam wicaštayatapi kta, qa iye oiyotanke mitawa akan iyotanke kta.

18 Tuka wanna inyun Adonija wicaštayatapi ee, qa niye wicaštayatapi itancan mitawa he sdonyaye šni.

19 Qa pte, qa ptejincadan cepa, qa tahnca ota pata, qa wicaštayatapi cinhintku owasin wicakico, nakun Abiatar wawayušna kin, qa Joab ozuye mdetanhunka kin; tuka nitaokiye Solomon he kico šni.

20 Qa niye itancan mitawa wicaštayatapi kin Israel owasin ahintonwanpi, tuwe wicaštayatapi iyohakam oiyotanke tawa akan iyotanke kta he owicayakidake kta'heon.

21 Hecanon šni kinhan wicaštayatapi itancan mitawa kin hunlake wicaye cin om ištibe cinhan, miye qa micinkši Solomon wahtanipisa unyawapi kta.

22 Unkan inyun nahanhin wicaštayatapi kici wohdaka icunhan, Natan waayate kin en hi.

23 Unkan wicaštayatapi kin okiyakapi, qa heyapi, Iho Natan waayate kin dee. Unkan wicaštayatapi kin itokam hi, qa maka ektakiya patuja, wicaštayatapi itokam.

24 Qa Natan heya, Itancan mitawa wicaštayatapi, Miyohakam Adonija wicaštayatapi kta, qa iye oiyotanke mitawa akan iyotanke kta niye eha he?

25 Hecen nakaha apamahde iya-ye a tatanka, qa ptejincadan cepa, qa tahnca ota pata, qa wicaštayatapi cinhintku owasin wicakico, nakun obe itancanpi kin, qa Abiatar wawayušna kin: unkan inyun iye itokam wotapi, qa wayatkanpi, qa Adonija wicaštayatapi kin ni nunwe eyapi.

26 Tuka nitaokiye miye qe, qa Tzadoq wawayušna kin, qa Benaja Jehojada cinhintku qa nitaokiye Solomon unkcopi šni.

27 Wicoie kin de itancan mitawa wicaštayatapi kin etanhan he? Qa tuwe wicaštayatapi itancan mitawa ohakam toiyotanke akan iyotanke kta nitaokiye oyakidake šni he?

28 Unkan Dawid wicaštayatapi kin ayupte a heya, Miye ekta Batšeba ušipo. Unkan wicaštayatapi kin itokam hinajin.

29 Unkan wicaštayatapi kin taku wakan cajeyate a heya, Jehowa minagi kin woiyokišice owasin etanhan opekton kin ni ce.

30 Hecen token heciye, Jehowa Israel wakandapi kin namaħon, Solomon nicinkši miye iyohakam wicaštayatapi kta; qa miye eekiya oiyotanke mitawa akan iyotanke kta, epe cin he iyecen nakaha ecamon kta.

31 Unkan Batšeba iye ite kin maka ektakiya patuja, qa wicaštayatapi kin ohoda, qa; Itancan mitawa Dawid wicaštayatapi kin owihanke wanin ni nunwe, eya.

32 Unkan Dawid wicaštayatapi kin heya, Tzadoq wawayušna kin, qa Natan waayate kin, qa Benaja Jehojada cinhintku miye

WICOWOYAKE 1.

ekta u wicaši po. Unkan wicaštayatapi kin itokam hinajinpi.

33 Unkan wicaštayatapi kin he-wicakiya, Itancan nitawapi tao-kiye niyepi om u wicayašipi kta, qa micinkši Solomon šonšonna mitawa akan iyotang yayapi kta, qa Gihon (*Wakpadan*) ekta apamahde iyaye yayapi kta.

34 Qa heciya Tzadoq wawayušna kin, qa Natan waayate kin Israel wicaštayatapi on sdayapi kta, qa mazayahotonpi kin dahotonpi kta, qa Solomon wicaštayatapi kin ni nunwe ehapi kta.

35 Hehan iye ihakam itanwankanhde yaupi kta; hecen iye den hiyu, qa oiyotanke mitawa akan iyotanke kta, qa miye eekiya iye wicaštayatapi kta, iye Israel qa Juda iwicadake kta wakonza nakaš.

36 Unkan Benaja Jehojada cinhintku kin wicaštayatapi kin ayupte ça heya, Hecetu nunwe. Jehowa itancan mitawa wicaštayatapi kin Wakanda kin hecen eya nunwe.

37 Token Jehowa wicaštayatapi kin kici un kin, he iyecen Solomon kici un kte ça toiyotanke kin itancan mitawa Dawid wicaštayatapi toiyotanke kin isanpa tanka nunwe.

38 Unkan Tzadoq wawayušna kin, qa Natan waayate kin, qa Benaja Jehojada cinhintku, qa Pabaksapi kin, qa Wainyankapi kin apamahde iyayapi, qa Solomon Dawid wicaštayatapi tašunke šonšonna akan iyotang kiyapi, qa he kici Gihon ekta ipi.

39 Unkan Tzadoq tahe wan wihdi ojudan Wakeya kin etanhan icu, qa Solomon sdaya, qa mazayahotonpi wan yahotonpi, qa oyate kin owasin heyapi, Solomon wicaštayatapi kin ni nunwe.

40 Qa ihakam oyate kin owasin itanwankanhde kupi, qa oyate kin cotanka yajopi, qa wowiyuškin tanka on iyuškinpi, qa hopi kin on maka kin bubu.

41 Unkan Adonija, qa tona wicakico iye opapi wotapi ayaštanpi qehan nañonpi, qa Joab mazayahotonpi ho kin nañon qehan: Tokeca otonwe owoduta-ton ho kin de, eya.

42 Ie cin icunhan inyun Jonatan Abiatar wawayušna cinhintku kin u; unkan Adonija heciya, Kuwa; wicašta wadinitaka, qa wotanin wašte ayahi nakaš.

43 Unkan Jonatan ayupte ça, Adonija heciya, Hiya, awicakehan itancan unkitawapi Dawid wicaštayatapi kin Solomon wicaštayatapi kağa.

44 Qa wicaštayatapi kin Tzadoq wawayušna kin, qa Natan waayate kin, qa Benaja Jehojada cinhintku, qa Pabaksapi kin qa Wainyankapi kin he kici ye wicaši, qa wicaštayatapi tašunke šonšonna akan iyotang kiyapi.

45 Qa Tzadoq wawayušna kin, qa Natan waayate kin he wicaštayatapi on sdayapi, Gihon ekta, qa hetanhan wiyuškinyan itanwankanhde kupi, hecen otonwe kin bubu, qa ho nayañonpi kin hee.

46 Qa nakun Solomon wicaštayatapi kin toiyotanke kin akan iyotanka.

47 Qa nakun wicaštayatapi tao-kiye en hipi, qa itancan unyanpi wicaštayatapi kin Dawid yawaštepi, qa, Tuwe wakan yada kin Solomon caje kin nicaje isanpa wašte kağa kta, qa toiyotanke oiyotanke nitawa isanpa yutanka kta, eyapi; qa wicaštayatapi kin towinja akan ohoda.

48 Qa nakun wicaštayatapi kin hecen eya, Jehowa Israel wakan

I. WICAŠTAYATAPI,

dapi nakaha tuwe oiyotanke mitawa akan iyotanke kte cin maqu, qa mišta kin wanyake cin he yawaštepi nunwe.

49 Unkan tona Adonija wica-kico, qa opapi kin kokipapi, qa enanakiya iyayapi.

50 Unkan Adonija Solomon ikopa, qa inajin, qa ekta ya, qa wahna wošnapı he kin yuza.

51 Unkan Solomon okiyakapi, qa heyapi, Inyun Adonija Solomon wicaštayatapi kin koki-pe-ça, inyun wahna wošnapı he kin yus yanka, qa, Ito nakaha Solomon wicaštayatapi kin iye tao-kiye isan on tekiye kte šni, taku wakan cajeyan emakiye kta, eya.

52 Unkan Solomon heya, Wicašta ksapa ihdutanin kinhan pa hin tawa wanjidan makata hin-ħpaye kte šni. Tuka taku šica econ iyeyapi kinhan te kta.

53 Hehan wicaštayatapi kin Solomon ye wicaši, qa wahna wošnapı etanhan kun hiyuyapi. Unkan en hinajin, qa wicaštayatapi kin ekta patuja. Unkan Solomon heciya, Tiyata hda wo.

WICOWOYAKE 2.

1 Unkan Dawid te kte cin anpetu kin wanna ikiyedā qehan, iye cinhintku Solomon waho-konkiye ça heciya;

2 Miye wicašta akantu owasin toki yapi kin ekta mde kta ce, heon wašagiçiye ça winicašta ihdutanin wo.

3 Qa taku Jehowa wakan yada patan niši kin yapatan kta, qa tokađe, tawoahope, qa tawoyaco owasin oyape kta, qa token Mowis wowapi tawa en owapi kin iyecen oyakiye kta, hecen taku ecanon owasin, qa tokiya kašta idade cin owasin tanyan ihuniyaye kta.

4 Hecen Jehowa oie emakiya, Nicinkši canku tawapi awanhdakapi, qa cantepi ocowasin, qa nađipi ocowasin on wowicake en mitokam manipi kinhan; Israel wicaštayatapi oiyotanke kin etanhan wicašta nitawa tohinni kašpapi kte šni, eya.

5 Qa nakun Joab Tzeruja cinhintku token ecamicon niye sdon-yaya, token Israel ozuye mde-tanhunka nonpa, Abner Ner cinhintku, qa Yamasa Jeter cinhintku hena wicakte, qa wookiye en zuyapi iyecen we papson, qa wokicize we kin ipiyaka on nite ipiyag kiton kin he akan icu, qa hanpa siha kin ohan akan nakun.

6 Heon nitoksape kin iyecen ecayecon kta, qa pa ska tawa kin ohna hnakapi kin ekta woo-kiye en ye kta iyowinyaye kte šni.

7 Tuka Barzillai Gileyadi cinhintku kin wocantkiye ecawica-yecon kta, qa wahna wotapi nitawa etanhan yutapi kin wicehna ohinniyan unpi kta, Abi-šalom nicinye etanhan nawajice çehan iyepi hecen en mahipi nakaš.

8 Qa iho Šimeyi Gera cinhintku Benjamini kin nici yanka, iye Bahurim etanhan Mahanaim ekta wai, anpetu kin he en woya-šice tehika on mayašica, tuka itkomakipe kta Jordan ekta apamahde i, heon Jehowa caje mdate ça wipe on çikte kte šni, ewakiya.

9 Heon dehan ihnuhan iye iya-onpepica šni kecanni, niye wicašta yaksapa, qa token ecayecon kta on pa ska kin ohna hnakapi ekta weyapi on apamahde yeyaye kta iyececa sdon-yaya.

10 Hehan Dawid hunkake wicaye cin om ištima, qa Dawid to-tonwe ohna hnakapi.

WICOWOYAKE 2.

11 Qa anpetu Dawid Israel ta-wicaštayatapi un kin waniyetu wikcemna topa; Hebron ohna waniyetu šakowin wicaštayatapi, qa Jerusalem ohna waniyetu wikcemna yamni sanpa yamni wicaštayatapi.

12 Hehan Solomon iye atkuku Dawid oiyotanke tawa akan iyo-tanka, qa wokiconze tawa kin nina yusutapi.

13 Unkan Adonija Hagit cinliintku kin Batšeba Solomon hunku ekta i. Unkan wookiye en ya-hi he, eciya; unkan, Wookiye en, eya.

14 Qa taku eciciye kta wacin eya. Unkan, eya ye, eya.

15 Unkan wokiconze kin he mitawa, qa Israel owasin wicašta mayatapi kta e miye ekta etonwanpi sdonyaya; tuka wokiconze kin yutokanpi, qa misunka he yuha, Jehowa he yuhe kta konza nakaš.

16 Qa nakaha taku wanji cicida, ihnuhan, Hiya emayakiye cin. Unkan, Eya ye, eciya.

17 Unkan ceciciya, Solomon wicaštayatapi, Hiya eniciye kte šni, heon Abišag Šunamiwin mduze kta e maqu kta eciya wo.

18 Unkan Batšeba heya, Han niye on wicaštayatapi kin ewakiye kte ye.

19 Unkan Batšeba wicaštayatapi kin Solomon ekta i, Adonija on ie kta heon etanhan. Unkan wicaštayatapi kin itkokiye kta najin, qa ektakiya pakapsan, qa toiyotanke akan iytotanke ča wicaštayatapi hunku on oiyotanke ehde wicaši: unkan etapa kin ekta iyotanka.

20 Qa heya, Taku cistinna wan cicida. Ihnuhan, Hiya emayakiye cin. Unkan wicaštayatapi pi kin heciya, Ina eya wo, hiya eciciye kte šni.

21 Unkan winyan kin heya, Abišag Šunamiwin kin nicinye Adonija yuze kta e qupi kte ye.

22 Unkan Solomon wicaštayatapi kin ayupte ča hunku kin heciya, Qa tokeca Adonija on Abišag Šunamiwin kin yada he? He cinye waya, hecen wicaštayatapi kta e da wo; iye on qa Abiatar wawayušna kin, qa Joab Tzeruja cinhintku on.

23 Qa wicaštayatapi kin Solomon Jehowa cajeyate ča heya, Wakantanka hecen qa nakun isanpa ecamicon kte, Adonija wicoie kin de iye nađi on eye šni kinhan.

24 Qa nakaha Jehowa eye ciqon iyecen tipi micicage ča ate Dawid oiyotanke tawa akan iyotang makiye ča miciyusuta kin he ni kinhan, anpetu kin de Adonija te kta.

25 Unkan wicaštayatapi kin Solomon Benaja Jehojada cinhintku ye šni, qa nape kin on kaštake ča te kiya.

26 Unkan wicaštayatapi kin Abiatar wawayušna kin heciya; Yanatot mađa nitawa ekta hda wo; wicašta ktepi kta henica nakaš, tuka ate Dawid itokam Jehowa canwohnaka tawa duha, qa ate toiyokišice cin owasin en iyonicišica, heon nakaha cikte kte šni.

27 Unkan Solomon Abiatar yutokan, on Jehowa wawayušna heca kte šni, hecen Jehowa oie kin Eli tiyohnaka on Šilo en eye ciqon yuecetu.

28 Unkan Joab nañon (Joab Adonija opa, Abišalom ope šni ešta,) heon Joab najica, Jehowa tawakeya ekta, qa wahna wošnapi he kin yuza.

29 Unkan wicaštayatapi kin Solomon okiyakapi, Joab Jehowa tawakeya ekta najica, qa in-

I. WICAŠTAYATAPI,

yun wahna wošnapi icahda yanka. Unkan Solomon Benaja Jehojada cinhintku heya ye šni, Ekta ya, qa kaštaka wo.

30 Unkan Benaja Jehowa tawakeya ekta i, qa heciya, Wicaštayatapi kin hecen eya, Inanpa wo. Unkan, Hiya den maše kta eya. Unkan Benaja wicaštayatapi kin okiyaka, Joab hecen eya, qa hecen amayupta.

31 Unkan wicaštayatapi kin heciya, Token eye cin iyecen econ, qa kaštaka, qa hnaka wo; hecen we Joab ituh papon kin miye on, qa ate tiyohnaka on akahe miyeciton kta.

32 Iye wicašta nonpa, Abner Ner cinhintku Israel ozuye mdetanhunka, qa Yamasa Jeter cinhintku Juda ozuye mdetanhunka iye isanpa ohan owotanna qa wašte, ate Dawid sdonye šni, wicakaštaka ča isan on wicakte; heon we tawa iye pa kin akan Jehowa hdikiye kta.

33 Hecen hena wepi kin Joab pa akan, qa tona iye etanhan icagapi papi akan owihanke wanica hdi kta; qa Dawid qa tona iye etanhan icagapi, qa iye tiyohnaka, qa oiyotanke tawa Jehowa kici wokiyapi kta owihanke wanica.

34 Unkan Benaja Jehojada cinhintku ekta i, qa kaštaka ča tekiya, qa tinta en ti kin ohna hnakapi.

35 Unkan wicaštayatapi kin heekiya Benaja Jehojada cinhintku ozuye mdetanhunka kaša, qa wicaštayatapi kin Abiatar heekiya Tzadoq wawayušna kaša.

36 Unkan wicaštayatapi kin Šimeyi wahoye ča kico, qa heciya, Jerusalem ohna ticaša, qa hen yanka wo, qa hetanhan tokidan inayape kte šni.

37 Tohan hetanhan inayape ča Qidron kaksiza akasanpa idade cinhan, awicakehan niše kta sdonya wo; niwe kin nipa akan yanke kta.

38 Unkan Šimeyi wicaštayatapi kin heciya, Wicoie kin de wašte ce, token itancan mitawa wicaštayatapi kin eye cin he iyecen nitaokiye econ kta. Unkan Šimeyi anpetu ota Jerusalem ohna yanka.

39 Unkan waniyetu yamni hehan Šimeyi taokiye nonpa Akiš Mayaka cinhintku Gat wicaštayatapi kin ekta najicapi; unkan Šimeyi okiyakapi qa heyapi, Iho nitaokiye Gat en yakonpi.

40 Unkan Šimeyi najin, qa tašonšonna aqin kiton, qa taokiye owicade Gat ekta iyaya, Akiš ekta; hecen Šimeyi ekta i, qa taokiye Gat etanhan wicahdohdi.

41 Unkan Šimeyi Jerusalem etanhan Gat ekta i qa hdi, Solomon okiyakapi.

42 Unkan wicaštayatapi kin Šimeyi wahoye ča kico, qa heciya, Jehowa cajeyan konze ciye ča ciyaotanin, qa, Tohan inayape ča toki idade cinhan hehan awicakehan niše kta sdonya wo, eciciye šni he? qa, Wicoie nawahon kin he wašte ce, ehe šni he?

43 Qa tokeca woahope Jehowa cajeyan ope ciši kin oyape šni he?

44 Nakun wicaštayatapi kin Šimeyi heciya, Niye wicohan šica nicante sdotkiya ate ecayecon owasin sdonyaya; heon niohan šice cin nipa akan Jehowa hdikiye kta.

45 Qa Solomon wicaštayatapi kin yawaštapi kta, qa Dawid tiyotanke kin yusutapi kta owihanke wanica.

46 Unkan wicaštayatapi kin

WICOWOYAKE 3.

Benaja Jehojada cinhintku hecon ši, unkan inanpe ça kaštake ça tekiya. Unkan wokiconze kin Solomon nape kin en yusutapi.

WICOWOYAKE 3.

1 Unkan Solomon Paro Egupton wicaštayatapi kin kici wotakuye kađe ça Paro cunwintku kin yuze ça Dawid totonwe en ahdi, tohan tipi tawa qa Jehowa ti kin, qa Jerusalem ihdukšan conkaške kađe cin hdušan ši kin hehanyan.

2 Hececa ešta oyate kin pajodan akan wošnapi ece, anpetu kin dena hehanyan Jehowa caje on nahanhin tipi kađapi ši nakaš.

3 Qa Solomon Jehowa wašte-dake ça atkuku Dawid tokađe cin omani, tuka pajodan akan wayušna, qa wizinya ece.

4 Qa wicaštayatapi kin Gibeyon ekta i, heciya wayušna kta heon; pajodan iyotan kin hee nakaš; wohuhnahyapi kektopawinge wahna wošnapi kin he akan Solomon huhnahya.

5 Gibeyon en Jehowa Solomon en ihdutanin hanyen wowihanmde en, qa Wakantanka heciya, Taku ciču kta yacin da wo.

6 Unkan Solomon heya, Nitao-kiye Dawid ate wowicake en, qa woowotanna en, qa cante ecetu kin en nici mani kin iyecen wocantekiye tanka ecayecon; qa wocantekiye tanka kin de yecipatan, cinca wan oiyotanke tawa akan iyotanke kta yaqu, anpetu kin de iyececa.

7 Heon Jehowa Wakan cida wanna ate Dawid heekiya nitao-kiye wicaštayatapi yakaga, qa miye hokšiyopa hemaca, token tankan inawape ça en wahdi kte cin sdonwaye ši.

8 Qa nitaokiye oyate nitawa yakalniđe cin ehua un, oyate tanka, ota hin on wicayawapi, qa owicawapi okihipica ši.

9 Heon nitaokiye cante wana-hon qu ye, oyate nitawa wicayaco kta, qa taku wašte qa taku šica iyukcan kta heon; ecin tuwe oyate nitawa kin de hin-skotanka wicayaco kta okihi.

10 Unkan taku kin de Solomon da kin wicoie kin Itancan išta kin en wašte.

11 Unkan Wakantanka heciya; Wicoie kin de yada kin, qa niye on anpetu ota yada ši, qa niye on wowijice yada ši, toka niyanpi nađipi kin niye on yada ši, tuka woyaco nayahon kta e wowiyukcan niye on yada.

12 Iho nioie kin iyecen ecamon, iho cante ksape ça wiyukcan ciču, hecen nitokam tuwedan iyenicece ši, qa niyohakam tuwedan niye iyecen najin kte ši.

13 Qa nakun taku yada ši kin ciču, wowijice, qa wowitan koya, hecen tohanyan yani kin hehanyan wicaštayatapi wicehna tuwedan iyenicece kte ši.

14 Qa mita canku ohna mayani kinhan, qa wokađe mitawa, qa woahope mitawa oyape cinhan, Dawid niyate mani kin iyecen, anpetu nitawa mduota kta.

15 Unkan Solomon kikta; unkan inyun he wowihanmna. Unkan Jerusalem en hdi, qa Jehowa otakuye can-wohnaka kin itokam najin, qa wohuhnahyapi huhna-hya, qa wopida wošnapi kađe ça taokiye owasin wohanpi wicakicağa.

16 Hehan winolinca nonpa witkowin hecapi wicaštayatapi ekta hipi, qa itokam najinpi.

17 Qa winolinca wanji heya, Ecahe, Itancan mitawa, miye qa

I. WICAŠTAYATAPI,

winohinca kin de tipi wanjidan ohna untipi, qa he kici tipi kin ohna cinca waton ye.

18 Unkan cinca waton kin ohakam anpetu iyamni winohinca kin de nakun cinca ton, qa okonwanjidan unyakonpi, tipi kin ohna tuwedan tokeca yanke šni, unkiš nanapidan ye.

19 Unkan winohinca kin de cinhintku kin hanyen ƚe, ahdaskin iwanka nakaš.

20 Unkan hanyecokaya inajin, qa micinkši micahda tanhan icu, nitaokiyewin ištima icunhan, qa maku tawa ohna iwankeya, qa iye cinhintku ƚe cin maku mitawa ohna ehnaƚe ye.

21 Unkan hanhanna micinkši azin wakiye kta wekta qehan, inyun he ƚe; tuka anpa en iwanmdake ƚehan inyun micinkši waton qon hee šni ye.

22 Tuka winohinca unman kin heya, Hiya ni kin micinkši kin hee, qa nicinkši kin he ƚe. Unkan tokaheya kin heya; Hiya nicinkši he ƚe, qa micinkši ni kin hee ye. Hecen wicaštayatapi itokam wohdakapi.

23 Unkan wicaštayatapi kin heya, Wanji iš, ni kin de micinkši ee, qa nicinkši he ƚe ye, eya; qa unman heya, Hiya nicinkši kin ƚe qa micinkši kin ni ye.

24 Nakun wicaštayatapi kin heya, Isan micicau po. Unkan isan wan wicaštayatapi kin itokam hiyuyapi.

25 Unkan wicaštayatapi kin heya, Hoksīdan ni kin kibašpa po, qa wanji iš hanke qu po, qa unman iš hanke qu po.

26 Hehan winohinca cinhintku ni kin iye cinhintku on tezi kata aya, heon wicaštayatapi kin heciya, Itancan ceciciya, hoksīdan ni kin he qu ye, qa ihnuhan he ƚe yaye cin. Unkan unman he-

ya, He mitawa kte šni, qa nakun iye tawa kte šni, kibašpa pe.

27 Hehan wicaštayatapi kin ayupte ƚa heya, Hoksīdan ni kin tokaheya kin he qu po, qa ihnuhan ƚe yayapi kin, hunku kin hee nakaš.

28 Unkan Israel owasin woyaco wicaštayatapi yaco kin nahonpi, qa wicaštayatapi kin itokam kikipapi, woecetu eƚon kta e woksape wakan iye en un kin wanyakapi nakaš.

WICOWOYAKE 4.

1 Unkan wicaštayatapi Solomon Israel owasin iwicadaka.

2 Qa wicašta itancan wicayuhe cin dena eepi, Azarija Tzadoq wawayušna kin cinhintku.

3 Qa Elihorep qa Ahija Šisa cinhintku kin hena wowapi kaƚa hecapi; Jehošapat Ahilud cinhintku kin wokiksuye wowapi kin kaƚa.

4 Qa Benaja Jehojada cinhintku ozuye mdetanhunka, qa Tzadoq qa Abiatar wawayušnapi.

5 Qa Azarija Natan cinhintku akicita kin wicayuha, qa Zebud Natan wawayušna cinhintku kin wicaštayatapi kin takodaku.

6 Qa Ahišar tipi kin awanyaka, qa Adoniram Yabeda cinhintku wamnayanpi itancan.

7 Unkan Solomon akicita wi-keemna sanpa nonpa wicayuha, Israel owasin iwankam unpi, qa hena onaka wi kin wicaštayatapi qa iye tiyohnaka on woyute mnayanpi, otoiyoƚi wi wanjidan on woyute mnayan.

8 Qa cajepi kin dena eepi, Hur cinhintku Epraim he kin ohna.

9 Deqer cinhintku Meqatz ohna, qa Šaalbim, qa Betšemeš, qa Elon, qa Bethanan ohna.

10 Hesed cinhintku Arubbot

WICOWOYAKE 4.

ohna, iye Soko, qa Heper ma-koce kin ocowasin yuha.

11 Abinadab cinhintku Dor paha owasin, iye Tapat Solomon cunwintku kin yuza.

12 Bayana Ahilud cinhintku Tayanak, qa Megiddo, qa Betšan Tzaretan ikiyedan wanke cin Jezreyel ihukuya, Betšan etanhan Abelmehola ekta, qa Joqmeyam akotanhan ocowasin yuha.

13 Geber cinhintku Ramot Gilejad (Gileyad paha) kin ohna, iye Jair Manaše cinhintku totonwe Gileyad ohna, qa Argob makoce kin Bašan ohna otonwe tankinkinyan wikcemna šakpe conkaške qa mazaša inatake yuhapi kin hena owasin yuha.

14 Ahinadab Yido cinhintku Mahanaim yuha.

15 Ahimayatz Naptali ohna, is eya Solomon cunwintku Basmat yuza.

16 Bayana Hušai cinhintku Ašer ohna, qa Yalot ohna.

17 Jehošapat Paroha cinhintku Issakar ohna.

18 Šimeyi Ela cinhintku Benjamin ohna.

19 Geber Uri cinhintku Gileyad Sihon Amori wicaštayatapi, qa Yog Bašan wicaštayatapi tamakocepi kin ohna; qa makoce kin he ohna isnana akicita.

20 Unkan Juda qa Israel wicota, wiyaka miniwanca hutata wanke cin ota hin iyenaka, wotapi, qa wayatkanpi, qa wiyuškinpi.

21 Unkan Solomon wokiconze owasin iwicadaka, wakpa kin etanhan Pilistim tamakocepi kin, qa Egipta makoce ihanke hehanyan, womnaye kahipi qa Solomon anpetu ni kin owasin okiyapi.

22 Qa Solomon anpetu wanjidan on woyute yuhe cin dee,

aguyapi mdu wašte linca koka tanka wikcemna yamni, qa wokpanpi koka tanka wikcemna šakpe.

23 Tatanka cemyapi wikcemna, qa tatanka wihanpi wikcemna nonpa, tahinca wanuyanpi opawinge, nakun tatoka qa tahinca ikceka, qa tatokadan qa maga cemyapi.

24 Wakpa kin itato owasin iwicadaka, Tipsah etanhan Gaza ekta, wicaštayatapi wakpa itato owasin, qa ihdukšan yakonpi kin owasin om wookiye yuha.

25 Qa Solomon anpetu tawa owasin, Juda, qa Israel, Dan etanhan Beršeba ekta hehanyan wikopešniyan yakonpi, wicašta otoiyo hi hastanhanka iyuwi tawa ihukuya, qa suken can tawa ihukuya.

26 Nakun Solomon tačanpahmihma on šuktanka oinajin kektopawinge wikcemna topa yuha, qa šuktanka akan iyotankapi kektopawinge wikcemna sanpa kektopawinge nonpa.

27 Unkan akicita qon woyute Solomon wicaštayatapi on mnanpanpi, qa tona wicaštayatapi Solomon wahna wotapi tawa ikiyedan hipi owasin on, otoiyo hi wi tawa en hecen takudan ica-kijapi šni.

28 Nakun barle, qa peji šeca šuktanka on, qa šonšonna on tukten yakonpi kin ekta ahipi, otoiyo hi econ wicašipi kin iyecen.

29 Unkan Wakantanka Solomon woksape qa wowiyukcan tanka linca qu, qa cante ohdakinyan tanka, wiyaka miniwanca hutata ekta wanke cin he iyecen.

30 Hecen Solomon toksape kin wiyohiyanpa cinca kin owasin toksapepi kapeya, qa Egipton toksapepi owasin nakun.

31 Qa wicašta owasin isanpa

I. WICAŠTAYATAPI,

ksapa, Etan Ezrahi kin, qa Herman, qa Kalkol, qa Darda Mahol cinca kin hena owasin isanpa, qa oyate ihdukšan yakonpi kin owasin cajeyatapi.

32 Qa wicoie wakan kektopawinge yamni ia, qa odowan kektopawinge sanpa zaptan.

33 Qa can kin cajeyata, hanteša Lebanon aicađe cin etanhan pejihota conkaške aicađe cin hehanyan on ia, qa nakun woteca on ia, qa taku kinyan on, qa watutka on, qa hošan on.

34 Unkan oyate owasin etanhan Solomon toksape nahonpi kta hipi, maka wicaštayatapi kin to-na ekta toksape otanin kin owasin etanhan.

WICOWOYAKE 5.

1 Unkan Hiram Tzur wicaštayatapi kin Solomon ekta iye tao-kiye ye wicaši, he atkuku eekiya wicaštayatapi sdayapi kin nahon nakaš, qa Hiram Dawid wašte-daka anpetu tawa owasin.

2 Unkan Solomon Hiram wahoye ɕa heya,

3 Ate Dawid ozuye iye ihdukšan unpi siha kin ihukuya Jehowa ye wicaye šni kin hehanyan, Jehowa iye wakanda caje kin on tipi wan kađa okihi šni lie sdonyaya.

4 Tuka wanna Jehowa wakanwada kin woozi maqu, mihdukšan toka wanica, qa taku šica awakipe šni.

5 Qa ito Jehowa wakan wada caje on tipi wan wakage kta epa, Jehowa ie ɕa ate Dawid heciye cigon iyecen, Nicinkši niye heekiya oiyotanke nitawa akan ɕiɕu kte cin iye micaje on tipi wan kage kta.

6 Heon dehan Lebanon etanhan hanteša can micakse wi-

caši wo; qa nitaokiye mitaokiye om unpi kta. Qa nitaokiye on iyuwin ɕiɕu kta, taku ehe kte cin owasin iyecen, Tzidoni kin iyecen unkiyepi ehna tuwedan can kakanpi wayupike šni sdon-yaya.

7 Unkan Hiram Solomon oie kin nahon qehan nina iyuškin, qa heya, Jehowa nakaha yawaštepi. Iye Dawid oyate tanka kin de iwankam cinca ksapa wan qu.

8 Unkan Hiram Solomon wahoye ɕa heya, Wahomayaye cin he nawahon. Taku iyonicipi owasin, hanteša can qa wazi can en miye ecamon kta.

9 Mitaokiye Lebanon etanhan miniwanca ekta hiyuyapi kta; qa tukten wahomayaye kte cin, heciya, cankađa miniwanca olina amde kta, qa niye heciya can kin iyacu kta, nakun token iyo-makipi niye ecanon kta, qa tiyohnaka mitawa on woyute mayaqu kta.

10 Unkan Hiram hanteša can, qa wazi can Solomon qu, token iyokipi.

11 Unkan Solomon aguyapi su koka tanka kektopawinge wikcemna nonpa, qa can ihdi wašte koka tanka wikcemna nonpa, tiyohnaka tawa yutapi kta on, Solomon waniyetu otoiyohe Hiram hecen qu ece.

12 Unkan Jehowa Solomon woksape qu, eciye cigon he iyecen. Unkan Hiram qa Solomon wokiyapi, qa otakuye kicicağapi.

13 Unkan Solomon Israel owasin etanhan wowidake mnayan, wicašta kektopawinge wikcemna yamni wowidake mnawicaya.

14 Qa Lebanon ekta ye wicaši kektopawinge wikcemna wanji itokto wi iyohi, wi wanjidani Le-

WICOWOYAKE 6.

banon ohna yakonpi, qa wi nonpa tipi tawapi en. Unkan Adoniram wowidake mnayanpi kin awan-yaka.

15 Nakun Solomon wicašta kektopawinge wikcemna šakowin watokšupi heca wicayuha, qa he kin ohna wakakanpi kektopawinge wikcemna šahdoğan.

16 Nakun akicita itancanpi kin Solomon wicayuha kektopawinge yamni sanpa opawinge yamni, wolıtani econ wicakiyapi, hena oyate wolıtani econpi kin awan-wicayakapi.

17 Qa Solomon hecon wicaši heon inyan tankinkinyan qapi, inyan tehika, inyan kakanpi tipi oahde kin on.

18 Hecen Solomon ticaga tawa, qa Hiram ticaga tawa kin, qa to-na inyan kaksapi kin hena kakanpi, qa tipi kin kağapi kta can qa inyan wiyeya kağapi.

WICOWOYAKE 6.

1 Unkan Israel Egupta makece kin etanhan hinanpapi ehantanhan waniyetu opawinge topa sanpa wikcemna išahdoğan en, Solomon Israel itancanyapi waniyetu itopa kin en wi inonpa, Zip eciyapi he en, tokaheya Jehowa on tipi kağa.

2 Qa wicaštayatapi kin Solomon tipi Jehowa kicağe cin he ohan-ske cin wicišpa wikcemna šakpe, qa ohdakinyan kin wikcema nonpa, qa obosdatu kin wicišpa wikcemna yamni.

3 Unkan tipi wakan tipi kin wihinanpe cin ektakiya tiyopa awakeyapi kin he ohanske cin wicišpa wikcemna nonpa, tipi ohdakinyan kin iyenakeca, qa ohdakinyan kin wicišpa wikcemnana tipi wihinanpe cin ektakiya.

4 Qa owanyeye tipi kicağe cin hena cansbudan kazuntapi.

5 Qa tipi tiobosdata ihdukšan owanka kağa, tipi wakan qa tipi wakan linca itankan tiobosdata akan, qa ihdukšan tiobosdata akan tipidan kağa.

6 Tipidan kuya kin ohdakinyan kin wicišpa zaptan, qa inonpa kin ohdakinyan kin wicišpa šakpe, qa iyamni ohdakinyan kin wicišpa šakowin, tipi ihdukšan itankan oahehde kağa nakaš, hecen tipi tiobosdata kin en iko-yag ye kte šni.

7 Unkan tipi kağapi qehan inyan oqapi ekta yuštanpi heca on kağapi, hecen tipi kağapi icunhan hen maziya, qa onspe, qa mazasapa ikicanye unmanna nañonpi šni.

8 Qa tipidan inonpa tiyopa kin tiunnaptan itokaga ektakiya qa caniyadipi kin aohomniyan tipidan inonpa kin ekta adipi, qa inonpa kin etanhan iyamni kin ekta.

9 Hecen tipi kin kağe ça yuštan, qa hanteša can cutuhu qa canmdaska on awakeya.

10 Nakun tipidan obosdata kin wicišpa zaptan, tipi owancaya ihdukšan kağa, qa hena hanteša can on tipi kin akan ahekiya.

11 Unkan Jehowa oie kin Solomon en hi qa heciya,

12 Tipi kin de yakage cin hecen wokage mitawa omayani, qa woyaco mitawa ecanon, qa woa-hope mitawa owasin oyape ça omayani kinhan, mioie Dawid niyate ewakiye ciqon niye en mdusuta kta.

13 Qa Israel cinca wicehna ounwaye kta, qa oyate mitawa amdušan kte šni.

14 Hecen Solomon tipi kin kağe ça hdušan.

15 Nakun tipi tiobosdata kin

I. WICAŠTAYATAPI,

mahentu hanteša canmdaska on kağa, tipi owanka kin hetanhan tice canmdaska aiyahdeya, mahentu can aokatan, qa tipi owanka kin wazi canmdaska aokatan.

16 Qa owohdake kin tipi wakan hinca tipi on, tipi ohanske etanhan catkuta wicišpa wikcemna nonpa, hanteša canmdaska on kağa, owanka etanhan awakeyapi kin aiyahdeya.

17 Qa wicišpa wikcemna topa wihinanpe ektakiya tipi wakan kin hee.

18 Qa timahen hanteša can kin pağopi, pšonkaka qa wahcahca: timahen owancaya hanteša can, inyan kin aisinyan wanka.

19 Qa timahen catkuta owohdake tipi kin wiyeya kağa, hen Jehowa wotakuye can wohnaka ehnake kta heon etanhan.

20 Qa owohdake tipi kin ohanske cin wicišpa wikcemna nonpa, qa ohdakinyan kin wicišpa wikcemna nonpa, qa obosdatu kin wicišpa wikcemna nonpa, qa he mazaskazi ecedan apawinta; qa hanteša wahna wošnapi kin nakun he apawinta.

21 Hecen Solomon tipi kin timahen mazaskazi ecedan on apawinta qa owohdake tipi itokam ozanpi mazaskazi icicahiha on otkeya, qa mazaskazi apawinta.

22 Qa tipi kin owancaya maza-skazi apawinta ecen tipi kin yuštanpi. Nakun wahna wošnapi kin owohdake tipi tawa kin he, owancaya mazaskazi apawinta.

23 Qa owohdake tipi kin ohna Kerubim nonpa wihdi can on kağa, hena obosdatu wicišpa wikcemna.

24 Qa kerub hupahu wanji wicišpa zaptan, hupahu wanji ihanke kin etanhan hupahu unman ihanke ekta wicišpa wikcemna.

25 Qa kerub unman wicišpa wikcemna: Kerub napin iyutapi kin, qa okagapi kin iyakidehankeca, qa iyakidececa.

26 Kerub wanji obosdatu kin wicišpa wikcemna, qa kerub unman kin hehankeca.

27 Unkan kerub napin tipi kin mahen ehde; qa kerub napin hupahu hdamdagapi, qa kerub wanji hupahu kin tiobosdatu kin iyohi, qa kerub unman hupahu kin tiobosdatu unman kin iyohi, qa hupahupi kin tipi kin cokaya en iyokichipi.

28 Unkan kerub napin maza-skazi apawinta.

29 Qa tipi kin ihduksan tiobosdata kin owancaya mahen, qa tankan kerub qa tamar can, qa wahcahca namdağa okagapi pağo.

30 Qa tipi owanka kin maza-skazi apawinta owohdake tipi kin mahen qa itankan.

31 Qa owohdake tipi tiyopa kin wihdi can on kağa, canbosdata ipatan kin zaptan.

32 Nakun tiyopa nonpa wihdi can heca, qa hena akan kerub, qa tamar can, qa wahcahca namdağa opagopi pağo, qa mazaskazi apawinta, qa mazaskazi kin kerub kin, qa tamar can kin apawinsya.

33 Qa hecen tipi kin mahen tiyopa kin on can bosdata topa kağa.

34 Qa tiyopa nonpa wazi can on kağa, canmdaska nonpa yukšijapi tiyopa wanji on, qa canmdaska nonpa yukšijapi tiyopa unman on.

35 Qa kerub, qa tamar can, qa wahcahca namdağa pağo, qa pağopi kin akan wayupiya maza-skazi apawinta.

36 Nakun hocoka mahentu conkaške kin kağa, inyan kakanpi

WICOWOYAKE 7.

yamni itakihna, qa akan hanteša can kakanpi ocanku wanji.

37 Waniyetu itopa Zip wi kin en Jehowa ti oahehde kağapi.

38 Qa waniyetu wikcemna iake wanji Bul wi kin, wi išahdoğan kin hee en, taku owasin woyaco owasin iyecen yuŝtanpi, hecen waniyetu ŝakowin he kağapi.

WICOWOYAKE 7.

1 Unkan Solomon tipi tawa waniyetu wikcemna sanpa yamni hehanyan kağe a tipi tawa kin ocowasin hduŝtan.

2 Nakun Lebanon contanka, tipi kin kağa, ohanske kin wiciŝpa opawinğe, qa ohdakinyan kin wiciŝpa wikcemna zaptan, qa obosdatu kin wiciŝpa wikcemna yamni, hanteša can pasdatapi cankuye topa akan, qa canpasdatapi akan hanteša can kakanpi ehnaƙapi.

3 Qa can bosdan ehdepi wikcemna topa sanpa zaptan cankuye iyohi ake zaptan hena akan tipi cutuhu kin qa hanteša can on akaƙpapi.

4 Qa owanyeye cankuye yamni, qa owanyeye wān owanyeye unman iyotakonza yamni akihde.

5 Qa tiyopa kin, qa can ipatan kin owasin topa omdoton kağapi, qa cankuye yamni kin en owanyeye iyotakonza.

6 Qa tiyopa awakeyapi can pasdatapi on kağa, ohanske cin wiciŝpa wikcemna zaptan, qa ohdakinyan kin wiciŝpa wikcemna yamni; qa hena itokam tiyopa awakeyapi wanji, qa canpasdatapi, qa iyadipi wan hena itokam *kaga*.

7 Nakun wayaco ohanzi hdepi wan kağa, he ohna wayaco oiyo-take kin han; qa owanka etanhan wankan owanka kin hehan-

yan hanteša canmdaska on aka-ħpa.

8 Qa tipi tawa ohna ti kin he en tihocoka wan, awakeyapi kin de iheyata, wokağe kin de iyececa. Nakun Paro cunwintku Solomon yuze cin tipi wan kicağa tiyopa awakeyapi kin de iyecen.

9 Hena owasin inyan teħika on kağapi, wiyutapi kin iyecen kakanpi, qa canibakse on baksapi, anokatanhan, oahehde etanhan tipi tete kin hehanyan, qa tankan ahocoka tanka kin hehanyan.

10 Qa oahehde kin he inyan teħika, inyan tanka, inyan wiciŝpa wikcemna, qa inyan wiciŝpa ŝahdoğan.

11 Qa iwankam inyan teħika wiyutapi kin iyecen kakanpi, qa hanteša can.

12 Qa ihdukŝan hocoka tanka kin inyan kakanpi yamni icitakihna, qa hena akan hanteša can kakanpi cankuye wanjidani, qa Jehowa ti hocoka mahentu kin, qa tiyopa awakeyapi kin he nakun hececa.

13 Unkan Solomon Hiram wahoya, qa Tzur etanhan ukiya.

14 Iye wiwazica wan Naptali wicoun etanhan inaya, qa atku-ku Tzur wicaŝta heca, mazazi kağa; unkan he woksape, qa wowi-yukcan ojudan, qa mazazi okağapi wayupiya kağa. Unkan wicaŝtayatapi Solomon ekta hiyu, qa woħtani econ ŝi kin owasin kağa.

15 Qa mazazi ipatan nonpa kağa, ipatan wanji bosdatu kin wiciŝpa wikcemna sanpa ŝahdoğan, qa haħonta wiciŝpa wikcemna sanpa nonpa ipatan iyohi ohomni iyaya.

16 Qa ipatan nonpa papi kin akan ehde kta e wateŝdake nonpa mazazi ŝdoyapi on kağa, wa-

I. WICAŠTAYATAPI,

tešdake wanji obosdatu kin wicišpa zaptan, qa watešdake inonpa obosdatu kin wicišpa zaptan.

17 Maza yankapi ho kağapi iyececen mazaicicalihia kahmupi watešdake. ipatan akan yakonpi kin hena kicağa, watešdake wanji on šakowin, qa watešdake inonpa on šakowin.

18 Hecen ipatan kağa, qa hena ihdukšan taspantanka su ota cankuye nonpa maza yankapi watešdakapi wanji pa akalihe cin on, qa watešdake inonpa on nakun hecen kağa.

19 Watešdake ipatan nonpa papi kin akan tiyopa awakeyapi ohna yakonpi hena, mnaicalica kağapi, wicišpa topa.

20 Nakun watešdake ipatan nonpa akan, taspantanka su ota opawinge nonpa, maza yankapi icunom tezi kin ikiyedan iwan-kam: watešdake inonpa akan ihdukšan cankuye nonpa.

21 Qa tipi wakan tiyopa awakeyapi ipatan kin bosdan ehde, qa ipatan etapa kin bosdan ehde qehan Jakin (Jehowa yasuta) cajeyata, qa ipatan catka kin bosdan ehde, qa Boaz (miniheca) cajeyata.

22 Qa ipatan papi akan mnaicalica kağapi: hecen ipatan kağapi kin yuštanpi.

23 Qa ceğa šdoyapi tanka kin kağa, mima, qa tete etanhan tete unman ekta wicišpa wikcemna; qa obosdatu kin wicišpa zaptan, qa halionta wicišpa wikcemna yamni ihdukšan iyaya.

24 Qa ihdukšan owancaya tete kin ihukuya can paħa pağopi, wicišpa iyohi wikcemna, cankuye nonpa, ceğa tanka ihdukšan; he šdoyapi qehan can paħa kin nakun šdoyapi.

25 Qa tatanka wikcemna nonpa akan ehdepi, yamni itepi kin wa-

ziyata kiya, qa yamni itepi kin wiyohpeyata kiya, qa yamni itepi kin itokalikiya, qa yamni itepi kin wihinanpe cin ektakiya ceğa tanka kin hena tapetepi akan wauka, qa owasin nitepi kin mahentuya unpi.

26 Qa ošoke cin nape hdakin-yan, qa tete wiyatke tete kin iyececa, mnaicalica namdaya akan kağapi, qa bat (koka iyutapi) kektopawinge nonpa kipi.

27 Nakun mazazi oahe topa kağa, oahe otoiyohi ohanske cin wicišpa topa, qa ohdakinyan kin wicišpa topa, qa obosdatu kin wicišpa yamni.

28 Qa oahe kin decen kağapi, opapun yuhapi, qa opapun kin oise otahedan.

29 Qa oise otahedan opapun akan mnaja, qa tatanka, qa Kerub kağapi. Qa oise akan hute kin iwankam; qa mnaja kin, qa tatanka kin ihukuya, oyuskite okazeze kağapi.

30 Qa oahe iyohi ihukuya mazazi canhdeška topa, qa canhdeška huhdakinyan kin mazazi, qa ceğa kin ihukuya siha kin hiyete yuhapi. Hiyete kin šdoyapi, otoiyohi oyuskite iyotakonza.

31 Qa oiyyuhdoke cin watešdake kin mahentuya obosdatu kin wicišpa wanji; qa oiyyuhdoke cin mima, waksica kağapi iyececen, wicišpa wanjidan sanpa wicišpa hanke; qa oiyyuhdoke akan wapagopi, qa opapun topa omdoton, mibe šni.

32 Qa opapun kin ihukuya canhdeška topa, qa canhdeška hu hdakin-yan oahe en ikoyakapi, qa canhdeška otoiyohi obosdatu kin wicišpa wanji sanpa hanke.

33 Qa canhdeška kağapi kin canpahmihma canhdeška kağapi iyececa, huhdakinyanpi kin, qa

WICOWOYAKE 7.

cancokaya kin, qa mazacanhdeška kin, qa canheškda hu kin hena owasin šdoyapi.

34 Qa oahe otoiyo hi oise topa kin akan hiyete topa, hiyete kin oahe kin etanhan.

35 Qa oahe pa kin mima, obosdatu kin wicišpa hanke, qa oahe pa kin, qa nape kin, qa opapun kin he etanhanpi.

36 Qa huhdakinyan omdaska kin akan, qa opapun kin akan Kerub, qa mnaja, qa tamar can bağopi, otoiyo hi okan kin iyececa, qa nakun oyuskite kin ihdukšan.

37 Oahe wikcemna kin hecen kağapi; owasin iyecen šdoyapi, iyutapi kin wanjidan, obağopi wanjidan.

38 Qa mazazi wakšica wikcemna kağa; wakšica kin iyohi bat wikcemna topa kipi; wakšica otoiyo hi wicišpa topa; qa oahe wikcemna otoiyo hi akan wakšica wanjidan.

39 Qa oahe zaptan tipi etapa kin eciyatanhan, qa oahe zaptan tipi kin catka tanhan ehde; qa ceğa tanka kin tipi kin etapa tanhan itokağa tanhan wi hinanpe ekta kiya.

40 Unkan Hiram wakšica kin kağa, nakun mazamdaska kin, qa ceğa kin. Hecen Jehowa ti kin on wicaštayatapi Solomon wohtani ka hi ški kin owasin yuštani.

41 Maza ipatan nonpa kin, qa maza ipatan nonpa papi akan watešdake mima nonpa kin, qa maza yankapi nonpa on maza ipatan nonpa papi akan watešdake nonpa aka hpapi;

42 Qa taspantanka su ota opawinge topa, maza yankapi nonpa kin on, taspantanka su ota cankuye nonpa, maza yankapi otoiyo hi on, hena watešdake wakšica

maza ipatan akan unpi kin aka hpapi;

43 Qa oahe wikcemna, qa wakšica wikcemna oahe akan yakonpi;

44 Qa ceğa tanka wanjidan, qa tatanka wikcemna sanpa nonpa ceğa tanka ihukuya;

45 Qa ceğa kin, qa maza mdaška kin, qa wakšica kin: qa Hiram Jehowa tipi taku ikicanye cin wicaštayatapi Solomon kicağe cin hena owasin mazazi wiyatpa on kağa.

46 Jordan osmaka kin ohna, wicaštayatapi kin hena šdoya, maka šoka kin ohna Sukot qa Tzaretan otahedan.

47 Hehan Solomon oziičiya, wakšica kağe cin nina ota linca, maza tkeutapi kin aspeye pica šni.

48 Unkan Solomon Jehowa tipi ikicanye cin owasin kağa, mazaskazi wahna wošnapi kin, qa mazaskazi wahna wotapi kin, he akan ağıyapi itokamhnakapi.

49 Qa petijanjan ihupa owohdake tipi itokam, etapa eciyatanhan zaptan, qa catka eciyatanhan zaptan kin, mazaskazi ecedan on kağapi, qa walica kin, qa petijanjan kin, qa petijanjan iyukse, owasin mazaskazi.

50 Qa wakšica kin, qa isan kin, qa wiyatke kin, qa mazatukiha kin, qa oizinye kin, mazaskazi ecedan, nakun tipi mahentuya tipi wakan linca tiyopa on, qa tipi wakan tiyopa kin on, tiyopa okihe kin hena mazaskazi.

51 Hecen wicaštayatapi Solomon wokicanye Jehowa ti kin kicağe cin owasin yuštanpi. Unkan Solomon taku atkuku Dawid yuwakan kin, mazaska kin, qa mazaskazi kin, qa wakšica kin ahi, qa Jehowa ti wopiye kin en ehnaka.

I. WICAŚTAYATAPI,

WICOWOYAKE 8.

1 Hehan Solomon Israel hun-kayapi kin wicoun itancanpi kin owasin Israel cinca ateyapi tokapapi kin mniciye wicaya, wicaśtayatapi Solomon ekta Jerusalema en, Jehowa otakuye canwohnaka kin Dawid totonwe kin Zion etanhan itanwankannde aupa kta.

2 Unkan Israel wicaśta kin owasin wicaśtayatapi kin Solomon ekta mniciyapi, Etanim wi kin en, wi isakowin kin hee, wohanpi wakan kağapi qehan.

3 Qa Israel hunkayapi owasin hipi; unkan wawayuśnapi kin canwohnaka kin akiyuha ayapi.

4 Qa Jehowa tacanwohnaka kin, qa itkokipapi wakeya kin, qa wakśica wakan wakeya ohna yakonpi kin owasin ahipi, hena owasin wawayuśnapi kin, qa Lewi kin akiyuhapi.

5 Qa wicaśtayatapi Solomon, qa Israel omniciye iye en mniciyapi ocowasin canwohnaka kin itokam, tahinca qa tatanka, nina ota on owapi śni, qa yawapi śni wayuśnapi ecee.

6 Unkan wawayuśnapi kin Jehowa otakuye canwohnaka kin toyanke en ahipi, kerub hupahupi kin ihukuya, oyanke wakan hinca owohdake tipi en.

7 Kerub nonpa hupahupi kin hdumdayapi canwohnaka oyanke kin iwankam, hecen kerub nonpa kin canwohnaka kin, qa tośu tawa kin iwankam akaħpa.

8 Qa tośu kin yujunpi hecen tośu inkpapi kin tipi wakan owohdaka tipi itokam un kin etanhan taninyan yakonpi, qa itankan aisinyan unpi, qa anpetu kin dehanyan hen yakonpi.

9 Canwohnaka kin ohna takudan yankę śni, inyan mdaska

nomnana, otakuye Jehowa Israel cinca wicakicağa, Egipta etanhan hdinanpapi qehan, Horeb ekta hena Mowis hen ohnaka.

10 Unkan wawayuśnapi kin tipi wakan etanhan hdinanpapi qehan, mahpiya śoka wan Jehowa ti kin ojuya.

11 Hecen wawayuśnapi kin mahpiya śoka on wokiyapi kta e hen yakonpi kta okitpanipi, Jehowa towitan kin Jehowa ti kin ojuya nakaś.

12 Hehan Solomon heya, Jehowa otpaza śoka en ounye kta keya.

13 Awicakehan tipi en ounyaye kta wan cicicağa, oyanke suta wan ohna yahidotanke kta, owihanke wanin.

14 Hehan wicaśtayatapi kin ite kin ihduhomni, qa Israel omniciye owasin yawaśte; unkan Israel omniciye ocowasin bosdan najinpi.

15 Unkan heya, Jehowa Israel Wakandapi kin yawaśtepi nunwe, Iye ate Dawid i kin on ie ça nape kin on yuecetu, qa heya,

16 Oyate mitawa Israel Egipta etanhan hdinanpe wicawaye cin anpetu kin he ehantanhan, Israel wicoun owasin etanhan otonwe wanji ohna tipi micicağapi kta e wakaħnige śni, he ohna micaje yanke kta, tuka oyate mitawa iwankam un kta Dawid wakaħniga.

17 Unkan Jehowa Israel wakandapi kin tipi kicağe kta e ate Dawid cante kin en un.

18 Unkan Jehowa ate Dawid heciya, Micaje on tipi wan yakağe kta nicante en un kin he tanyan ecanon, nicante en un kin he.

19 Tuka niye tipi kin yakage kte śni, tuka nicinkśi ninite etan-

WICOWOYAKE 8.

han inanpe kte cin he micaje on tipi kin kage kta.

20 Unkan Jehowa iye oie eye ciqon ecetu kiya, hecen Dawid ate eekiya nawajin, qa Israel oi-yotanke kin akan imdotanka, Jehowa eye ciqon iyecen, qa Jehowa Israel wakandapi caje kin on tipi kin wakağa.

21 Qa hunkake wicunyanpi Egipta etanhan hdinanpe wicaye cehan otakuye wicakicaga canwohnaka en yanke cin on oyanke wan wecaga.

22 Unkan Solomon wahna woşnapi Jehowa tawa iwiyohipanpa tanhan, Israel omniciye owasin itokam najin, qa małpiya ekta-kiya nape kin hduğata;

23 Qa heya, Jehowa Israel Wakandapi kin wankan małpiya ekta, qa kuya maka kin akan taku wakan iyececa wanica; nitaokiye cantepi ocowasin on nitokam manipi kin om wotakuye kin, qa wowacantkiye kin wicayecipatan.

24 Niye taku nitaokiye Dawid ate eyakiye cin he yapatan, nii kin on eha, qa ninape on yahducetu nakaha iyececa.

25 Heon dehan Jehowa Israel Wakandapi kin nitaokiye Dawid ate taku eyakiye cin he kicipatan ye; Mitokam mayani kin iyecen nicinca kin mitokam manipi, qa ohanyanpi kin awanhdakapi kinhan, Israel oi-yotanke kin akan iyotanke kte şni wicaşta tohinni nicicaşpe kte şni, eha.

26 Heon nakaha Israel Wakan-dapi kin ceciciya, nioie nitaokiye Dawid ate eyakiye cin he hduwicaka wo.

27 Hececa ešta Jehowa awicakehan maka akan ounye kta he? Inyun małpiya kin, qa małpiya małpiya kin nicipi okihişi şni;

iyotan tipi wakađe cin de okihi şni.

28 Hececa ešta wocekiye nitaokiye eniciye cin ekta ihduhomi, qa taku nicida kin, Jehowa Wakan cida, nitaokiye hoyeye cin, qa wocekiye nakaha nitokam cekiye cin he nañon ye.

29 Hecen ništa kin tipi kin de ektakiya anpetu hanyetu koya yuzamni hanpi kta, Oyanke micaje ohna yanke kta, ehe ciqon he ekta, hecen wocekiye nitaokiye oyanke kin de ektakiya ceniciye cin nayañon kta.

30 Qa nitaokiye, qa Israel oyate nitawa wocekiye oyanke kin den ceniciyapi ca nayañon kta, niye małpiya en yakidotanke cin anağoptan ye, qa nayañon eca wañtanipi kin wicakicicajuju ye.

31 Wicaşta wan takodaku wakiñtani kinhan, qa taku wakan cajeyan wohdag şipi, qa wahna woşnapi nitawa tipi kin de ohna yanke cin he itokam taku wakan cajeyate cinhan;

32 Niye małpiya ekta nañon ye, qa ecen econ, qa nitaokiye wicayaco, qa tuwe şice tohan şica iyecen qu, qa şitkihda ye, qa tuwe owotanna yaowotanna, qa tohan owotanna kin iyecen qu ye.

33 Oyate nitawa Israel waniciñtanipi kin on toka wicayapi kin itokam wicakaştakapi kinhan, niye en ihdamnapi, qa nica-je oyakapi, qa tipi kin de ohna ceki-yapi, qa niciyuğatapi kinhan,

34 Niye małpiya en nañon ye, qa oyate nitawa Israel wañtanipi kin wicakicicajuju ye, qa makoce hunkake wicayapi wicaya-qu qon ake en hdicu wicaya ye.

35 Tohan waniciñtanipi kin on małpiya kin natakapı, qa mağaju wanica, hecen kakiş wicayaya,

I. WICAŠTAYATAPI,

qa wahtanipi etanhan ihduhomnipi, qa nicaje oyakapi, qa oyanke kin de ektakiya cekiyapi kinhan,

36 Niye mahpiya en nahon ye, qa nitaokiye, qa nitaoyate Israel wahtanipi kin wicakicicajuju ye, canku wašte nitawa onspe wicayakiye cin he omanipi hehan, qa makoce nitawa oyate nitawa tawayapi kta e wicayaqu qon akan magaju qu ye.

37 Tohan makoce en wicaakihan, makosica, qais watošnja, aa, psipsicadan, wamduškadan yuke cinhan; toka wicayapi kin makoce tonwanyanpi kin en onawicatakapi kinhan; wokaštake, woyazan taku kašta yuke cin:

38 Wicašta tuwe kašta on, qais oyate nitawa Israel owasin, tuwe iye cante kaštakapi kin sdonye cin on nape kin tipi kin de ektakiya kiyugate, wokiyugate qa wocekiye kin,

39 Niye mahpiya ekta oyanke ohna yakidotanke cin ohna nahon ye, qa wahtani kin kicicajuju ye, qa iyecen econ, qa otoiyohi ohan-yan owasin iyecen qu ye, cante kin sdonyaye cin iyecen, niye nišnana Adam cinca owasin cantepi kin sdonyaya nakaš.

40 Hecen anpetu tona makoce hunkake wicayapi yaqu qon akan nipi kin owasin konicipapi kta.

41 Nakun tuwe oyate tokeca, oyate nitawa Israel etanhan šni, tuka makoce tehan tanhan nicaje on hiyu kta,

42 Nicaje tanka, qa ninape wašaka, qa isto yahduğata on nahonpi kta, qa wanji hi, qa tipi kin de ekta cekiyapi cinhan,

43 Niye mahpiya oyanke ohna idotanke cin en nahon ye, qa econ ye, wicašta oyate tokeca hoyeniciye cin owasin iyecen, hecen oyate maka ohnaka owasin nicaje kin sdonyapi kta, qa

oyate nitawa Israel iyecen konicipapi kta, qa tipi kin de wakage cin nicaje on cajeyatapi kin sdonyapi kta.

44 Tohan oyate nitawa canku ohna ye wicayaši, tokayapi azuwicayapi, wokicize ekta yapi kinhan, qa otonwe yakahnige cin, qa tipi nicaje on wakage cin ektakiya Jehowa cekiyapi kinhan;

45 Kiyugatapi qa cekiyapi kin mahpiya ekta nahon ye, qa woyaco ecawicakicon ye.

46 Tohan wanicihtanipi, (ecin wicašta wahtani šni wanica nakaš,) qa canniye wicayaya, qa toka yapi itokam nape wicayaya, hecen wayaka iwicacupi, qa tokayapi tamakocepi tehan qais kiyedan ekta wayaka awicayapi kinhan;

47 Cantepi en hdipi, makoce ekta wayaka awicayapi ohna, qa ihdamnapi, qa wayaka awicayapi tamakocepi kin ohna ceniciyapi, qa, Waunhtanipi, ecinšniyan unkohanyanpi, šicaya econkupi ce, eyapi kinhan;

48 Qa toka wicayapi kin, wayaka awicayapi kin tamakocepi kin ohna cantepi ocowasin on, qa nağipi ocowasin on niye en hdipi kinhan, qa ceniciyapi, tamakocepi hunkake wicayapi kin wicayaqu kin, otonwe yakahnige cin, qa tipi nicaje on wakage cin ektakiya kinhan;

49 Mahpiya oyanke ohna idotanke cin en niciyugatapi, qa ceniciyapi kin nahon ye, qa woyaco ecawicakicon ye;

50 Qa oyate nitawa wanicihtanipi kin, qa wokipajin nicipajinpi kin owasin wicakicicajuju ye, qa tona wayaka awicayapi kin onšiwicadakapi kta kaga, hecen cante wicakiyapi kta:

51 Tawa wicayaya, qa oyate nitawa Egipta makoce, maza

WICOWOYAKE 9.

oceti cokaya tanhan hdinanpe wicayaye cin hena eepi nakaś :

52 Heon nitaokiye niciyugate cin ekta, qa oyate nitawa Israel niciyugatapi kin ekta ništa hduzamni ye, qa taku hoyeniciyapi kin owasin nawicahon ye.

53 Niye Itancan Jehowa maka oyate kin owasin etanhan tawa wicayaye kta e dena wicadukinukan, nitaokiye Mowis nape on, ehe ciqon iyecen, hunkake wicunyanpi Egupta etanhan hdi nanpe wicayaye cehan.

54 Unkan Solomon wokiyugate, qa wocekiye kin de owasin cekiya yaştan qehan, Jehowa wahna wośnapi tawa itokam canpeška makehde wanke ciqon etanhan, siha akan najin, qa nape kin mahpiya ektakiya hduğata :

55 Qa najin, qa ho tankakiya Israel omniciye ocowasin yawašte, qa heya,

56 Jehowa yawaštepi nunwe. Iye taoyate kin Israel iyozi wicaya, eye ciqon iyecen, wicoie wašte taokiye Mowis nape on eye ciqon, wicoie wanjidan hinhpaye śni.

57 Jehowa Wakan undapi kin hunkake wicunyanpi om un qon, he iyecen unkipi un nunwe, unkayuştanpi kte śni, qa elipeunyanpi kte śni.

58 Uncantepi kin iye ekta yuptanyan ye, hecen tacanku owasin omaunnipi kta, nakun tawoahope, qa tokağe, qa tawoyaco hunkake wicunyanpi econ wicaśi kin.

59 Qa mioie Jehowa itokam cewakiye cin dena, anpetu, qa hanyetu Jehowa ikiyedan un nunwe, hecen taokiye kin woyaco ecakicon kta, qa taoyate Israel woyaco ecawicakicon kte, anpetu iyohi wicoie kin iyececa.

60 Hecen maka oyate kin owa-

sin Jehowa taku wakan kin hee, qa tokeca wanica e sdonyapi kta.

61 Qa nicantepi Jehowa Wakan undapi ekta zanipi kta, qa tokağe omaunnipi kta, qa tawoahope unpatanpi kta, nakaha iyececa.

62 Unkan wicaştayatapi kin, qa Israel owasin opapi, Jehowa itokam wośnapi patapi.

63 Hecen wopida wośnapi, Solomon Jehowa wakiyuśna kin tatanka kektopawinge wikcemna nonpa sanpa kektopawinge nonpa, qa taħınca kektopawinge opawinge sanpa kektopawinge wikcemna nonpa. Hecen wicaştayatapi kin, qa Israel cinca owasin Jehowa ti kin yuwakanpi.

64 Anpetu kin he en wicaştayatapi kin Jehowa ti kin itokam hocoka kin cokaya kin yuwakan, hen wohuħnaħyapi, qa minħa, qa wopida wośnapi śin kin ħuħnaħya, mazaśa wahna wośnapi Jehowa itokam wanke cin he cistinna on wohuħnaħyapi kin, qa minħa, qa wopida wośnapi śin kin kipi śni nakaś.

65 Qa he ehan Solomon, qa Israel owasin nakun wohanpi wakan kağapi, omniciye tanka Ĥamat ekta yapi kin etanhan Egupta kaksiza ekta hehanyan Jehowa itokam anpetu śakowin, qa anpetu śakowin, anpetu wikcemna sanpa topa.

66 Anpetu išahdoğan kin en oyate kin kihde wicaya. Unkan wicaştayatapi kin yawaštepi, qa wiyuśkinyan tawakeyapi ekta kihdapi, taku wašte Jehowa iye taokiye Dawid, qa taoyate Israel ecawicakicon owasin on cante waštepi.

WICOWOYAKE 9.

1 Unkan Solomon Jehowa ti kin, qa wicaştayatapi ti kin kağa, qa toiyokipi taku Solomon

I. WICAŠTAYATAPI,

econ kta cin kin owasin yuŝtan qehan :

2 Jehowa inonpa taniničiye Solomon en, Gibeyon en taniničiye ciqon he iyecen.

3 Qa Jehowa heciya, Wokiyugate mitokam yakiduġate cin, qa wocekiye nitawa nawahon, tipi kin de micaje owihanke wanin en yanke kta, yakage cin he mdawakan, qa mišta kin, qa micante anpetu owasin hen un kta.

4 Qa niyate mitokam mani kin iyecen niye cante ocowasin, qa woecetu en mayani, qa taku econ ciši kin owasin iyecen ecanon, wokage qa woyaco mitawa yapatat kinhan ;

5 Nitokiconze oiyotanke kin Israel iwankam owihanke wanin mdusuta kta ; niyate Dawid ewakiye cin iyecen, Israel oiyotanke akapa tanhan wicašta tohini niciyuŝpapi kte ŝni, epa.

6 Tuka niyepi qa nicineapi mihakapa tanhan ocowasin nihdamnapi kinhan, qa mitawoahope, qa mitokage, niyepi itokam cičupi kin oyapapi ŝni kinhan, qa idadapi qa taku wakan tokeca ohoyadapi, qa itokam pamahdedan dukanpi kinhan ;

7 Israel makoce wicawaqu kin ite etanhan wicawakimduŝpe kta ; qa tipi micaje on mdawakan kin miite kin etanhan ehpewaye kta, qa oyate owasin ehna Israel wiyacinpi, qa oweŝtepi heca kta.

8 Qa tipi kin de pajodan šta, tona ikiyedat iyayapi owasin yuŝinyeyapi kta, qa jojopi kta, qa, Tokeca Jehowa makoce kin de, qa tipi kin de hecen ecakicon, eyapi kta.

9 Qa heyapi kta, Jehowa Wakan dapi qon, qa hunkake wicayapi Egipta etanhan hdinanpe wicaye cin he ayuŝtanpi, qa ta-

ku wakan tokeca yuzapi, qa itokam patujapi, qa ohowicadapi, heon Jehowa taku ŝice cin de owasin iyahde wicaya.

10 Unkan waniyetu wikcemna nonpa icunhan Solomon Jehowa ti kin, qa wicaŝtayatapi tipi tawa napin kage cin hena owihanketa,

11 Hiram Tzur wicaŝtayatapi kin hanteŝa can, qa wazi can, qa mazaskazi, taku cin kin owasin kicicahi kin, heon hehan wicaŝtayatapi kin Solomon Galile makoce kin ohna otonwe wikcemna nom Hiram qu.

12 Unkan Hiram otonwe Solomon qu kin wanyake kta inanpa, tuka išta kin en ecetupi ŝni.

13 Qa, Mihunkawanji otonwe kin deua mayaqu kin taku hwo, qa Kabul (opapun) makoce eya caje wicayata, anpetu kin dehan-yan.

14 Tuka Hiram mazaskazi wokin opawinge sanpa wikcemna nonpa wicaŝtayatapi kin ekta yekiya.

15 Unkan wicaŝtayatapi Solomon wowidake mnayan on econ kin dee, Jehowa ti kin kage kta, qa iye ti kin, qa Millo, qa Jerusalem aconkaŝkeye kta, nakun Hatzor, qa Megiddo, qa Gezer on.

16 Paro Egipta wicaŝtayatapi kin itanwankanhd hiyu, qa Gezer icu, qa peta on huŝnahya, qa Kanani otonwe oonyanpi kin wicakte, qa iye cunwintku Solomon tawicu kin ahpeye.

17 Unkan Solomon Gezer, qa Bet Horon hukuya kin kaga.

18 Nakun Bayalat, qa Tadmor tinta makoce kin ohna.

19 Qa wopiye otonwe Solomon yulie cin owasin, qa canpahmihma otonwe, qa ŝuktanka akan-

WICOWOYAKE 10.

yotankapi otonwe kin, qa Solomon toiyokipi taku Jerusalem ohna, qa Lebanon ohna, makoce idake cin owanyaca ohna, taku kage kta iyokipi on.

20 Oyate owasin tona Amori etanhan Hiti, Perizzi, Hiwi, qa Jebusi etanhan okaptapi, Israel cinca kin etanhanpi šni,

21 Hena cincapi wicihakam makoce en okaptapi kin, Israel cinca ocowasin ihang wicayapi šni kin hena, Solomon anpetu kin dehanyan wayaka wohtani econ wicakiya;

22 Tuka Israel cinca kin etanhan Solomon wayaka wicayuhe šni; tuka hena ozuye wicašta, qa taokiye wicaya, qa taakicita; qa tacanpahmihma akicita kin, qa canpahmihma qa šuktanka akan-yotankapi itancanpi kin.

23 Solomon wohtani econ wicakiya itancanpi kin dena eepi, opawinge zaptan sanpa wikcemna zaptan, hena oyate wohtani econpi kin awanwicayakapi,

24 Unkan Paro cunwintku Dawid totonwe etanhan iyaya, iye ti kin ekta, Solomon kicage cin he; hehan Millo kaga.

25 Unkan Solomon wahna wošnapi iye Jehowa kicage cin akan, mdoketu iyohi yamni akihde, wo-huħnahaŋyapi, qa wopida wošnapi huħnahaŋya; qa nakun Jehowa itokam wanke cin he izinya; hecen tipi kin yušan.

26 Qa wicaštayatapi Solomon Yetzion Geber, Elot ikiyedan, Mdeša huta akan, Edom makoce ohna wita wata kaga.

27 Unkan Hiram iye taokiye, wita wata wicašta miniwanca sdonyapi kin Solomon taokiye om wita wata kin ohna ye wicaši.

28 Unkan Opir ekta ipi, qa he-tanhan mazaskazi woqin opawin-

ge topa sanpa wikcemna non-pa icupi, qa wicaštayatapi Solomon ekta kahipi.

WICOWOYAKE 10.

1 Unkan Šeba wicaštayatapi-win kin Solomon woyakapi kin Jehowa caje kin on, naħon qehan qa wowiyukean on iyute kta en hiyu.

2 Qa wicota hinca om Jerusalem ekta hi, Kamel taku waštemna, qa mazaskazi nina ota ħin qinpi, nakun inyan tehika, qa Solomon ekta hi qehan taku cante en un kin owasin okiyaka.

3 Unkan Solomon taku iwange cin owasin tanyan ayupta, wicoie wicaštayatapi okaħnige šni wanica, owasin okiyaka.

4 Unkan Šeba wicaštayatapi-win kin Solomon toksape kin, qa tipi kage cin wanyake ċehan,

5 Qa tawahna wotapi woyute kin, qa taokiye token iyotankapi, qa taakicita wowaši kin, qa tawokoyakepi kin, qa tawoyatkekiya, qa woħuħnaħapi Jehowa ti kin en ħuħnaħye cin, hena owasin wanyake ċehan woniya sanpa en un šni.

6 Qa wicaštayatapi heciya, Makoce mitawa ohna nioie on, qa nitoksape on wicoie nawaħon kin wicake ye.

7 Tuka en wahi, qa miišta on wanmdake šni, hehanyan wicoie kin ceħonwahda; tuka inyun hanke kin omakiyakapi šni, nitoksape, qa nitowijice wotanin nawaħon kin isanpa ye.

8 Wicašta nitawa tanyan unpi ye, qa nitaokiye nitokam najinpi, qa ohinniyan nitoksape naħonpi kin tanyan unpi ye.

9 Jehowa Wakan yada kin ya-waštepi ye, he wašte nidake ċa Israel oiyotanke kin akan nihna-

I. WICAŚTAYATAPI,

ke cin heon etanhan, Jehowa wanakaja tanhan Israel waśtedaka; heon woyaco qa woowotan-na ecanon kta e wicaśtayatapi nicage ye, eya.

10 Qa mazaskazi woqin opawinge sanpa wikcemna nonpa qu, qa taku waśtemna nina ota hinca, nakun inyan tehika. Taku waśtemna ota hin Šeba wicaśtayatapiwin kin wicaśtayatapi Solomon qu kin iyecen icimana ahipi śni.

11 Nakun Hiram tawita wata Opir etanhan mazaskazi ahipi kin hena almug can ota, qa inyan tehika Opir etanhan ahipi.

12 Unkan wicaśtayatapi kin Jehowa ti kin on, qa wicaśtayatapi ti kin on, ipatan kağa, nakun candowankiyapi, qa canpakinza wadowanpi kin. Almug can kin he iyecen icimana ahipi śni, qa wanyakapi śni, anpetu kin dehan-yan.

13 Qa wicaśtayatapi Solomon Šeba wicaśtayatapiwin kin taku cin, qa da kin owasin qu, nakun taku Solomon wicaśtayatapi towaśake kin iyecen ikce qu. Unkan iye, qa taokiye ihdamnapi, qa tamakoce kin ekta kihdapi.

14 Unkan mazaskazi waniyetu wanjidan icunhan Solomon en ahipi kin tkeutapi kin woqin opawinge śakpe sanpa wikcemna śakpe sanpa śakpe.

15 Wopeton tanka, qa wopeton cistinna taku kahipi, qa Arab wicaśtayatapi kin owasin, qa makoce itancan kin owasin, taku kahipi kin akton.

16 Unkan wicaśtayatapi Solomon mazaskazi kamdayapi wahacanka tanka opawinge nonpa kağa, wahacanka iyohi mazaskazi ūeqel opawinge śakpe.

17 Nakun mazaskazi kamdayapi wahacanka opawinge yamni,

mazaskazi tkeutapi yamni wahacanka wanji iyohi, qa wicaśtayatapi kin Lebanon contanka tipi kin en hena kihnaka.

18 Qa wicaśtayatapi kin oiyo-
tanke tanka wan putehanska hi on kağa, qa mazaskazi ecedan on apawinta.

19 Oiyotanke kin iyadipi śakpe, qa oiyo-
tanke pa kin ihektam mi-
ma qa tukten iyotankapi anoka-
tanhan nape, qa nape kin icahda
mnaja nom najinpi.

20 Qa iyadipi kin akan mnaja
wikcemna sanpa nonpa najinpi,
wokiconze owasin ehna taku he-
ceca kağapi śni.

21 Qa wicaśtayatapi Solomon
wakśica iyatke tawa kin owasin
mazaskazi, qa Lebanon contan-
ka tipi wakśica kin owasin ma-
zaskazi ecedan; mazaska wani-
ca: Solomon taanpetu kin en
mazaska ecaca ihaktapi śni.

22 Wicaśtayatapi kin miniwan-
ca ohna Tarśiś wita wata yuha,
Hiram wita wata tawa om, wani-
yetu yamni ca Tarśiś wita wata
kin wanca hdipi; qa mazaskazi,
qa mazaska, qa putehanska hi,
qa kepi, (waonca,) qa zicatanka
upi waśte kahdipi.

23 Hecen wicaśtayatapi Solo-
mon tanka wowijice on, qa wo-
ksape on, maka wicaśtayatapi
kin owasin kawicape.

24 Unkan maka kin owancaya,
Solomon ite kin akitapi, cante
kin en woksape Wakantanka qu
kin he nañonpi kta.

25 Qa otoiyo-
hi taku qupi kin
ahipi, mazaska wakśica, qa ma-
zaskazi wakśica, qa wokoyake,
qa wipe, qa taku waśtemna, qa
śuktanka, qa ūonūonna, waniye-
tu otoiyo-
hi.

26 Unkan Solomon canpahmi-
hma, qa ūuktanka mnayan, qa
canpahmihma kektopawinge san-

WICOWOYAKE 11.

pa opawinge topa yuha; qa súktanka akanyotankapi kektopawinge wikcemna sanpa nonpa, qa hena canpahmihma otonwe ohna yanke wicakiya, qa Jerusalem ohna wicaštayatapi kin kici.

27 Qa wicaštayatapi kin Jerusalem ohna mazaska inyan iyececa kağa, qa hanteša can nina ota kağa cin on sukamin can Šepele ohna icagapi iyecen kağa.

28 Qa Solomon súktanka tawa Egúpta etanhan, qa Qowa etanhan hiyuyapi, wicaštayatapi wopeton tawa, Qowa etanhan iyuwín on hena opetonpi.

29 Qa canpahmihma wanji mazaska opawinge šapke on opetonpi, qa Egúpta etanhan hiyuyapi, qa súktanka wanji opawinge wanji sanpa wikcemna zaptan on; nakun hena napepi on Hiti wicaštayatapi owasin on, qa Aram wicaštayatapi on hecen wicakahipi.

WICOWOYAKE 11.

1 Tuka wicaštayatapi kin Solomon Paro cunwintku isakim winohinca oyate tokeca ota wašte wicadaka; Moabi, Amoni, Edomi, Tzidoni, qa Hiti winohinca.

2 Ikcewicašta etanhan hena on Jehowa Israel cinca kin hewicakiya, Taku wakandapi oyapapi kta e awicakehan nicantepi yatitanpi kta, heon hena en yaipi kte šni, qa hena niyepi en hipi kte šni; Solomon hena wašte wicadake kta en ikoyag iciya.

3 Qa winohinca itancan hecapi opawinge šakowin yuha, qa winohinca tokeca opawinge yamni, qa cante kin tawicu kin yuptan-yanpi.

4 Hecen Solomon wicahinca qehan tawicu kin taku wakan tokeca ope kta cante kin yuptan-

yanpi, hecen cante kin, Jehowa iye wakanda atkuku cante kin iyecen, zaniyan ope šni.

5 Qa Solomon Aštoret Tzidoni wakandapi kin opa iyaya, qa Amoni wowahte šni kin Milkom opa.

6 Hecen Solomon taku Jehowa išta kin en šica econ, qa atkuku Dawid iyecen cante kin ocowasin Jehowa ope šni.

7 Hehan Solomon he Jerusalem iwihinanpe cin ekta wanke cin akan paha wanji Kemoš, Moab wowahte šni kin kicaga, qa Molek Amon cinca wowahte šni kin on.

8 Qa tawicu oyate tokeca winyanpi kin owasin on hecen econ, hena taku wakandapi kin izinkiyapi, qa wakiyušnapi ece.

9 Unkan Jehowa Solomon canniyeya; nonpa akihde en ihdu-tanin ešta Jehowa Israel Wakan-dapi kin ope cin etanhan cante kin ihduptanyan nakaš.

10 Taku wakan tokeca ope kte šni oie kin de on wahokonkiya, tuka Jehowa taku econ ši kin ahope šni.

11 Unkan Jehowa Solomon heciya, Taku kin de nici un, qa wotakuye mitawa, qa wokage mitawa ope ciši kin hena ahoyape šni, heon awicakehan wokiconze kin niye etanhan mduhdece kta, qa nitaokiye wan waqu kta.

12 Tuka anpetu nitawa en ecamon kte šni, niyate Dawid he on etanhan, tuka nicinkši nape kin etanhan mduhdece kta.

13 Tuka wokiconze ocowasin waki kte šni, mitaokiye Dawid on, qa Jerusalem wakahniğe cin on, wicoun wanjidan nicinkši waqu kta.

14 Unkan Jehowa toka wan Solomon anajin kiya, Hadad

I. WICAŠTAYATAPI,

Edomi kin, Edom wicaštayatapi cinca kin etanhan.

15 Dawid Edom makoce en un qehan, qa Joab ozuye mdetanhunka kin tona ktepi kin wicahnake kta itanwankahde i, qa Edom ohna tona wica kin owasin wicakte qehan;

16 Wi šakpe Joab hen yanka, qa Israel owasin om, Edom ohna wica kin owasin wicakte kin hehanyan.

17 He icunhan Hadad najica, qa Edomi wicašta wanjiksi atkuku taokiye wicaya opapi, qa Hadad nahanhin hokšidan cistinha Eġupta ekta iyaya.

18 Qa najinpi, qa Midian etanhan, Paran ekta ipi, qa hetanhan Paran wicašta om iyayapi, qa Eġupta ekta ipi; Eġupta wicaštayatapi kin Paro ekta. Unkan tipi qu, qa woyute qupi kta keya, qa maġa qu.

19 Unkan Hadad Paro nina iyokipi. Unkan tawicu tankaku qu, Tahpenes wicaštayatapiwin tankaku.

20 Unkan Tahpenes tankaku cinhintku Genubat kiciton, Tahpenes he azin ayaštan kiya, Paro ti kin ohna; unkan Genubat Paro cinca kin wicehna Paro ti kin ohna yanka.

21 Unkan Dawid hunkake wicaya om ištima, qa Joab ozuye mdetanhunka te cin Hadad nahon qehan, Kihde maši, hecen makoce mitawa ekta wahde kta ce, Hadad Paro eciya.

22 Unkan Paro heciya, Tuka taku inicakija he? ou inyun niye makoce nitawa ekta yahde kta yacin. Unkan takudan šni, tuka, Hecašta kihde mayan wo, eya.

23 Nakun toka ye kta Wakan-tanka Rezon Eliada cinhintku anajin kiya. Iye itancan tawa

Hadadezer Tzoba wicaštayatapi kin etanhan najica.

24 Dawid wicakte qehan, iye wicašta mnawicaya, iye ekta, qa ozuye mdetanhunka içicaġa, qa Damaskos ekta i, qa hen iyotankapi, qa iye Damaskos ohna wicaštayatapi un.

25 Qa Solomon taanpetu owasin Israel toka ya, qa Israel wahteda šni, qa Aram idaka; Hadad taku šica econ iyahna.

26 Nakun Jeroboyam Nebat cinhintku, Eprati, Tzereda etanhan, qa hunku wiwazica Tzeruya eciyapi, Solomon taokiye; tuka wicaštayatapi en nape apaha.

27 Qa wicoie on wicaštayatapi en nape apaha kin dee, Solomon atkuku Dawid totonwe aconkaškeye kta e Millo kaġe qehan,

28 Jeroboyam wicašta kin wašaka, wicašta waditaka, qa Solomon koška kin wolitani econ kin wanyaka, heon Josep tiyohnaka woqinpi kin owasin awanyag kiya.

29 Unkan hehan Jeroboyam Jerusalem etanhan inanpa ca Ahija Šiloni kin waayate kin he akipa, canku kin ohna, qa šina teca wan hdowin, qa hena osnana sakim tinta ohna yakonpi.

30 Unkan Ahija šina teca hdown kin hduza, qa hduhdehdeca, onšpa wikcemna sanpa nonpa.

31 Qa Jeroboyam heciya, Niye on onšpa wikcemna icu wo; Jehowa Israel Wakandapi kin hecen eya, Inyun miye wokiconze kin Solomon nape kin etanhan mduhdece kta, qa wicoun wikcemna ciçu kta.

32 Tuka mitaokiye Dawid on, qa Jerusalem otonwe Israel wicoun owasin etanhan wakañiġe cin on, iye wicoun wanji yuhe kta.

33 Miye amayuštampi, qa Ašto-

WICOWOYAKE 12.

ret Tzidoni wakandapi kin, Kemoś Moab wakanda kin, qa Milkom Amon cinca wakandapi kin, hena ohodapi, qa taku mišta kin en ecetu kin, qa wokage mitawa, qa woyaco mitawa econpi šni, atkuku Dawid econ qon iyecen heon etanhan.

34 Tuka mitaokiye Dawid wakahniġe cin on, qa iye woahope mitawa, qa wokage mitawa ope cin heon wokiconze ocowasin iye nape kin etanhan iwacu kte šni, qa tohanyan ni kin anpetu owasin itancan wakaga.

35 Tuka cinhintku nape etanhan wokiconze kin iwacu kta, qa wicoun wikcemna ciġu kta.

36 Qa wicoun wanji iye cinhintku waqu kta, hecen mitaokiye Dawid anpetu owasin mitokam petijanjan yuhe kta, Jerusalem otonwe micaje hen yanke kte wakahniġe cin he ohna.

37 Qa niye wawiyadake kta e cicaħniġa, ninagi cin kin owasin iyecen, qa wicaštayatapi henica kta, Israel iwankam.

38 Qa taku econ ciši kin owasin nayahon kinhan, qa mitacanku kin omayani, qa taku mišta en ecetu ecanon, qa wokage mitawa, qa woahope mitawa oyape cinhan, mitaokiye Dawid econ qon he iyecen, miye cici waun kta, qa tipi suta wan cicicage kta, Dawid wecage cin iyecen, qa Israel ciġu kta.

39 Qa taku kin de on Dawid cinca kin kakiś waye kta, tuka anpetu owasin kte šni.

40 Unkan Solomon Jeroboyam teye kta akita; unkan najica Eġupta ekta, Šiśaq Eġupta wicaštayatapi kin ekta, qa Solomon te šni kin hehanyan Eġupta ohna yanka.

41 Unkan Solomon oie tokeca kin, qa taku econ kin owasin,

qa toksape kin hena owasin Solomon wicoie wowapi en owapi šni he?

42 Unkan Solomon Jerusalem ohna Israel owasin iwankam wicaštayatapi un kin waniyetu wikcemna topa anpetu kin hehanyan.

43 Hehan Solomon hunkake wicaye cin om ištima; qa atkuku Dawid totonwe kin ohna hnakapi; unkan iye heekiya cinhintku Rehoboyam wicaštayatapi un.

WICOWOYAKE 12.

1 Unkan Rehoboyam Šekem ekta i, Israel owasin wicaštayatapi kaġapi kta e Šekem en mniciyapi nakaś.

2 Unkan Jeroboyam Nebat cinhintku nahon, iye nahanhin Eġupta ohna un, heciya wicaštayatapi Solomon itokapa tanhan najica qon heon Jeroboyam Eġupta en yanka.

3 Unkan wahoyapi qa kicopi. Unkan Jeroboyam, qa Israel omniciye ocowasin hiyupi, qa iapi, qa Rehoboyam heciyapi;

4 Niyate wiġin tehika unkicaġapi, heon niye wanna wolitani tehika, qa woqin tke niyate qin unkiyapi kin unkiciyukapojepidan po; kinhan wowidag unyayapi kta.

5 Unkan hewicakiya, Kihda po, anpetu yamni hehanyan, qa ake en mau po. Unkan oyate kin kihdapi.

6 Unkan wicaštayatapi kin Rehoboyam wicahinca iye atkuku ni qehan itokam najinpi qon hena om iyukean, qa heya, Oyate kin de wicoie wicunqupi kta token idukcanpi he?

7 Unkan iapi qa heciyapi, Nakaha oyate kin de taokiye niġicaga, qa owicayakiye ġa awica-

I. WICAŠTAYATAPI,

dupte ça wicoie skuya ewicaya-kiye cinhan, anpetu owasin ookiye wicaduhe kta.

8 Tuka wicahinca wowiyukean iyukeanpi kin he ayuŝtan, qa koška iye kici icagapi, qa itokam najinpi iyukean wicaŝi.

9 Qa hewicakiya; Oyate kin de hemakiyapi, Canwanapin niyate napinunkiyapi kin yukapo-jedan unkiya po, eyapi, token awicunyuptapi kta unkiciyukean po.

10 Unkan koška iye kici icagapi iapi, qa heciyapi; Oyate kin de iapi qa, Niyate canwanapin tke unkicicagapi kin he yukapojedan unkiya po, eniciyapi kin hecen ewicayakiye kta; Miŝaŝte ate nite kin isanpa ŝoke kta.

11 Qa ate canwanapin tke wana yuhe niciyapi kin miye canwanapin isanpa tke cicicagapi kta. Ate cansakadan on nicapsintapi, qa miye teh̄miso okaŝkeŝke on cicapsintapi kta.

12 Unkan anpetu iyamni en Jeroboyam, qa oyate owasin Rehoboyam en hipi, wicaŝtayatapi kin ie ciqon iyecen. Anpetu iyamni ake en mau po, eye cin.

13 Unkan wicaŝtayatapi kin tehiya oyate kin awicayupta, wicahinca wowiyukean iyukeanpi kin ayuŝtan.

14 Qa koška iyukeanpi kin iye-
cen ie ça hewicakiya; Ate nita-
waqinpi yutke, qa miye nitawa-
qinpi sanpa tke wakage kta: ate
cansakadan on nicapsintapi, qa
miye teh̄miso okaŝkeŝke on cica-
psintapi kta.

15 Hecen wicaŝtayatapi kin
oyate kin nawicalion ŝni; wo-
yuhomni kin de Jehowa etanhan,
oie kin Jehowa Ahija ŝiloni
kin nape on Jeroboyam Nebat
cinhintku eciye ciqon hduacetu
kta heon.

16 Unkan wicaŝtayatapi kin
nawicalion ŝni, Israel owasin
wanyakapi; heon oyate kin wi-
caŝtayatapi ahoyeyapi, qa heya-
pi, Dawid en wopamni unhapi
kin tuktee he? qa Jesse cinhin-
tku en takudan tawaunyanpi ŝni,
Israel nitawakeyapi ekta hda po.
Dawid yati kin awanyaka wo.
Unkan Israel tawakeyapi ekta
hdapi.

17 Unkan Israel cinca tona Ju-
da tonwanyanpi kin en tipi kin
hena Rehoboyam iwicadaka.

18 Unkan wicaŝtayatapi kin
Rehoboyam Adoram womnaye
itančan kin ye ŝi; unkan Israel
inyan on kininpi, hecen ta, heon
wicaŝtayatapi kin Rehoboyam
Jerusalem ekta najice kta inah̄ni-
yan tacanpahmihma akan iyotan-
ka.

19 Unkan Israel Dawid tiyohna-
ka kin kipajinpi, anpetu kin de-
hanyan.

20 Qa Israel owasin Jeroboyam
hdi nahonpi qehan, wahoyapi,
qa omniciye ekta kicopi; qa Isra-
el owasin iwankam wicaŝtaya-
tapi kağapi; tuwedan Dawid ti
kin opapi ŝni, Juda wicoun kin
heceedan.

21 Unkan Rehoboyam Jerusa-
lem en hdi, qa Juda tiyohnaka
kin ocowasin, qa Benjamin wico-
un kin, wicaŝta kah̄nigapi kekto-
pawinge opawinge sanpa kekto-
pawinge wikcemna ŝah̄doğan
mniciye wicaya, ozuye kage kta,
wokiconze kin Rehoboyam Solo-
mon cinhintku en hdikiye kta
on, Israel azuwicaye kta.

22 Unkan Wakantanka oie kin
ŝemaja wicaŝta wakan kin en hi
qa heciya,

23 Rehoboyam Solomon cinhin-
tku Juda wicaŝtayatapi kin, na-
kun Benjamin, qa Juda tiyohna-
ka owasin, qa oyate okaptapi

WICOWOYAKE 13.

kin wahokon wicakiye ça heya wo,

24 Jehowa hecen eya, Nihunkawanjipi Israel cinca kin ekta dapi kte śni; qa wicayakizapi kte śni. Otoiyohi kihda po. Wicoie kin de miye etanhan. Unkan Jehowa oie kin nañonpi, qa yapi kin etanhan kihdapi, Jehowa ie cin iyecen.

25 Unkan Jeroboyam Śekem kağa, Epraim he kin ohna, qa he ohna iyotanka, qa hetanhan iya-ye ça Penuel kağa.

26 Unkan Jeroboyam cante mahen heya, Nakaha wokiconze kin Dawid tiyohnaka en hde kta.

27 Oyate kin de wośnapi kağapi kta Jehowa ti kin ekta, Jerusalem en yapi kinhan, oyate kin de cantepi kin itancan tawapi kin Rehoboyam Juda wicaśtayatapi kin ekta hde kta; hecen maktepi kta, qa Rehoboyam Juda wicaśtayatapi kin en hdapi kta.

28 Heon wicaśtayatapi kin wi-yukcan, qa mazaskazi ptejicadan nom kağa, qa hewicakiya, Jerusalem ekta dapi kin he tehan. Iho Israel taku wakan yadapi Egupta makoce etanhan hdinanpe niyanpi dena ee.

29 Unkan wanji Betel en ehde, qa unman Dan en ehde.

30 Unkan wicoie kin de wañtani wicaya, qa oyate kin wanji ohodapi kta e Dan hehanyan ipi.

31 Unkan paha akan tipi kağa, qa oyate ikceka etanhan wawayuśna kağa, Lewi cinca etanhanpi śni.

32 Qa Jeroboyam wi iśahdağan wi anpetu iake zaptan kin en omniciye wakan kağa ece; omniciye wakan Juda ohna he iyececa, qa wahna wośnapi akan wawayuśna, Betel ohna hecen econ, qa ptejicadan kağeci qon wawicakiyuśna, nakun paha kağeci cin

on wawayuśna kin Betel ohna yanke wicaśi.

33 Qa wahna wośnapi Betel ohna kağeci qon akan wawayuśna, wi iśahdağan anpetu wikcemna sanpa zaptan kin en, wi iye cin-ka kañnige cin en, hecen omniciye wakan Israel cinca kin wicakicağa, qa wahna wośnapi kin akan wizice izinya.

WICOWOYAKE 13.

1 Unkan inyun wicaśta wakan wan Jehowa oie on Juda etanhan Betel ekta hi; unkan Jeroboyam wizinye kta wahna wośnapi ica-hda najin.

2 Unkan wahna wośnapi kin Jehowa oie kin on hoyekiye ça heya, Wahna wośnapi, wahna wośnapi, Jehowa hecen eya, Cinca wan Dawid tiyohnaka kici-tonpi kta, Josija eciyapi kta, qa iye qe niye akan paha wawayuśnapi wizinyapi kin wawayuśna kta, qa wicaśta huhu kin niye akan huhnağapi kta.

3 Unkan anpetu kin he en wowapetokeca wan qu, qa heya, Wowapetokeca Jehowa cajeyate cin dee, inyun wahna wośnapi kin namdece kta qa cañota akan wanke cin kadadapi kta.

4 Unkan wicaśtayatapi kin wicaśta wakan oie kin wahna wośnapi Betel ohna yanke cin hoyekiye cin he nañon qehan, Jeroboyam nape hduğate, wahna wośnapi kin etanhan, qa heya, Iyahpaya po. Unkan nape kin ekta hduğate cin śniya, hecen ehdaku kta okitpani.

5 Unkan wahna wośnapi kin namdeca, qa cañota wahna wośnapi kin etanhan kadapi, wowapetokeca wicaśta wakan Jehowa oie on qu qon he iyecen.

6 Unkan wicaśtayatapi kin ayu-

I. WICAŠTAYATAPI,

pta, qa wicašta wakan kin heciya, Tokin Jehowa wakan yada ite kin ohoda, qa miye on wocekiye eya wo, minape kin miye en hdi kten. Unkan wicašta wakan kin Jehowa ite kin cekiya. Unkan wicaštayatapi nape kin ekicetu otokahe ekta iyececa.

7 Unkan wicaštayatapi kin wicašta wakan kin heciya, Wati kin ekta unhde kta, hecen wayate kta, qa iyuwin ciçu kta.

8 Unkan wicašta wakan kin wicaštayatapi kin heciya, Yati hanke mayaqu ešta, nici mde kte šni, qa oyanke kin den aguyapi wate kte šni, qa mini mdatke kte šni.

9 Jehowa oie kin on wahokonmakiye ça heya, Aguyapi yate kte šni, qa mini datke kte šni, qa canku ohna idade cin he ohna yaku kte šni.

10 Hecen canku tokeca wan ohna iyaya, qa canku ohna Betel ekta hiyu kin ohna kihde šni.

11 Unkan waayate tokeca wicahinca wan Betel ohna ti. Unkan iye cinca kin en hipi, qa wocon anpetu kin he en wicašta wakan Betel ohna econ kin owasin, qa wicoie wicaštayatapi kin eciye cin atkukupi kin okiyakapi.

12 Unkan ateyapi kin hewicakiya; Canku tukte ohna iyaya he? Unkan cinhintku wicašta wakan Juda etanhan u qon canku ohna iyaye cin kipazopi.

13 Unkan cinca kin hewicakiya; Šonšonna aqin micicaton po. Unkan šonšonna kin aqin kicitonpi. Unkan akan iyotanka.

14 Unkan wicašta wakan kin ihakam iyaye ça utuhu wan ihukuya iyotankahan iyeye ça heciya, Wicašta wakan Juda etanhan u kin he niye he? Unkan, He miye, eya.

15 Unkan heciya, Mici lida, qa aguyapi yuta wo.

16 Unkan heya, Iicawin mde ça yati kin en wai kta owakihi šni, qa oyanke kin de en nici aguyapi wate kte šni, qa mini mdatke kte šni.

17 Jehowa oie en hemakiya, Heciya aguyapi yate kte šni, qa mini datke kte šni, qa canku ohna idade cin he ohna yaku kte šni.

18 Unkan heciya, Miš eya waa-yate hemaca, niye iyemaceca, qa wahosiye wan Jehowa oie en mici wohdaka, qa heya, Hdicuya wo, yati kin ekta, hecen aguyapi yute kta, qa mini yatke kta, itonšni eciya.

19 Unkan icicawin kici i, qa ti kin ohna aguyapi yuta, qa mini yatkan.

20 Unkan wahna wotapi ekta iyotankapi icunhan, Jehowa oie kin waayate hdicukiye cin ekta hi.

21 Qa wicašta wakan Juda etanhan u qon hoyekiye ça heya, Jehowa hecen eya, Jehowa i kin yakipajin, qa Jehowa Wakantan-ka tawoahope ope niši kin oyape šni;

22 Qa icicawin yau, qa aguyapi yata, qa mini datkan, oyanke ohna, Ihnuhan hen aguyapi yate ça ihnuhan mini datke cin, eniciye ciqon, heon nitancan nihunkakēpi ohna hnakapi kin ohna hnakapi kte šni.

23 Unkan aguyapi yute cin qa wayatke cin ohakam, šonšonna aqin kiciton waayate icicawin u kiye cin on.

24 Unkan iyaya, tuka mnaja wan canku kin ohna akipe ça že kiya, qa tancan canku ohna ihpaya, qa šonšonna ikiyedat najin, qa mnaja kin tancan že cin ica-hda najin.

WICOWOYAKE 14.

25 Unkan inyun wicašta hiya-yapi, qa tancan ƚe cin canku ohna ihpaya wanyakapi, nakun mnaja kin tancan kin icahda najin, qa en hipi, qa otonwe waayate wicahinca kin ohna ti kin hen oyakapi.

26 Unkan waayate kin canku etanhan hdicu ye ciƚon he naƚon, qa heya; Wicašta wakan Jehowa i kin kipajin kin he e, heon Jehowa he mnaja qu; unkan yahdeca, qa kte, Jehowa oie eciye cin iyecen.

27 Qa ie ƚa iye cinhintku hewicakiya, Šonšonna aƚin micitonpo. Unkan aƚin kicitonpi.

28 Unkan iyaye ƚa tancan kin canku ohna ihpaye cin iyeya, nakun šonšonna kin, qa mnaja kin tancan kin ikiyedana najinpi, mnaja kin tancan kin yute šni, qa šonšonna kin yahdece šni.

29 Qa waayate kin wicašta wakan tancan kin yuwankan ieu, qa šonšonna akan ehnaka, qa yuha kihda, qa waayate wicahinca kin aceye kta, qa he kta e otonwe en hdi.

30 Qa iye ohnahnakapi tawa en tancan kin kihnaka, qa, Hehehe, misunka! eya aceya.

31 Qa he hnakapi ohakam iye cinca kin hewicakiya, Tohan maƚe qa mayahnakapi kinhan, ohna hnakapi kin wicašta wakan ohna hnakapi kin he ohna, huhu tawa icahda, huhu mitawa hnaka po.

32 Wicoie Jehowa oie en wahna wošnapi Betel en yanke cin hoyekiye cin, qa paha tipi Samaria tonwanyanpi ohna yakonpi kin hoyewicakiye cin awicakehan ecetu kta.

33 Tuka hena ohakam Jeroboyam tacanku šica etanhan ihdamna šni; tuka oyate ikceka etanhan paha tipi kin wawayušna ka-

ga, tuwe cin kinhan nape ojuya, hecen paha wawayušna heca.

34 Qa wicoie kin de on Jeroboyam tiyohnaka tawa wahtani kiya, qa hecen kašpe kiya, qa ihangkiya maka ite kin etanhan.

WICOWOYAKE 14.

1 Hehan Abija Jeroboyam cinhintku wayazanka.

2 Unkan Jeroboyam iye tawicu kin heciya; Nakaha najin, qa togye ihduza, hecen Jeroboyam tawicu kin he niye sdonniyanpi kte šni, qa Šilo ekta de kta, ito Ahija waayate kin hen yanka. Iye oyate kin de iwicawadake kta kemakiya.

3 Qa ninape ohna aguyapi wikcemna iyacu kta, nakun aguyapi hmihmiyanna, qa maka ceƚa canhanpi tiktica ojudan, qa ekta yai kta, koška ni kte cinhan iye oniciyake kta.

4 Unkan Jeroboyam tawicu kin ecen econ, najin qa Šilo ekta i, qa Ahija ti en i. Unkan Ahija wawanyaka okihi šni, nina wicahinca on išta kin škan šni nakaš.

5 Unkan Jehowa Ahija heciya; Ito Jeroboyam tawicu cinhintku on wicoie iniwange kta u, he wayazanka nakaš: decen qa decen eyakiye kta; he qe en hi kinhan togye ihduze kta.

6 Unkan tiyopa en hi siha kin bubu kin Ahija naƚon qehan heya, Jeroboyam tawicu tin u wo. Tokeca togye nihduza he? Miye wicoie tehika nicahi maši.

7 Ekta hda Jeroboyam heciya wo, Jehowa Israel Wakan dapi kin hecen eya, Oyate wicehna tanhan yuwankan icieu, qa oyate mitawa Israel mdetanhunka cicaga.

8 Qa Dawid tiyohnaka etanhan wokiconze kin mduhdeca, qa ci-

I. WICAŚTAYATAPI,

çu; tuka mitaokiye Dawid mita-woahope yuha, qa cante kin oco-wasin omapa, qa taku mišta kin en ecetu heceedan econ kin iye-nicece šni.

9 Tuka tona nitokam unpi owasin isanpa śicaya ecanon, qa idada, qa taku wakan tokeca ničica-ğa, qa śihdamayaye kta, wakağapi śdoyapi nakun, qa nitapete ihektam elipemayaya.

10 Heon inyun miye Jeroboyam tiyohnaka kin ekta taku śica hiyuwaya, qa Jeroboyam wica tawa owasin onatakapi, qa okaptapi Israel ohna wakašpe kta, qa Jeroboyam tiyohnaka kin okapte cin wakahinte kta, unkce kahintapi kin iyecen, ecen sote kta.

11 Jeroboyam tawa tuwe otowe ohna țe cin śunka yutapi kta, qa tuwe tinta ohna țe cin malipiya okinyanpi kin yutapi kta, Jehowa eya ce.

12 Heon niye najin ekta hda, nisiha otowe kin en kipi kinhan, hoksidan kin țe kta.

13 Unkan Israel owasin aceyapi kta, qa hnakapi kta, Jeroboyam tawa de isnana ohna hnakapi en ye kta, Jeroboyam tiyohnaka ohna deceedan Jehowa Israel wakandapi kin taku wašte en iyeya.

14 Nakun Jehowa Israel iwan-kam wicaštayatapi wan iye on kağe kta; iye qe Jeroboyam tiyohnaka kin kašpe kta, anpetu kin he en: qa taku epa he? dehantu.

15 Qa Jehowa Israel kaštake kta cedi hu wan mini ohna huhu-zahe kin iyecen, qa Israel yujun kta, makoce wašte kin de hunka-kewicayapi wicawaqu kin etanhan, qa wakpa kin akasanpa ena-nakiya iyaye wicaye kta, Jehowa śihdayapi Ašeri kağapi on nakaś.

16 Qa Jeroboyam woahitani kin

iye wahtani, qa Israel wahtani wicaye cin on Israel unkce wica-kağe kta.

17 Unkan Jeroboyam tawicu kin najin, qa kihda, qa Tirtza ekta ki, qa tipi tiyopa oahde ekta ki qehan hoksidan kin țe.

18 Unkan hnakapi, qa Israel owasin aceyapi, Jehowa oie iye taokiye Ahija waayate kin nape on eye cin iyecen.

19 Unkan Jeroboyam ohan unman kin, token zuya, qa token widake kin, ito hena Israel wicaštayatapi taanpetu oyakapi wuwapi en owapi ce.

20 Qa Jeroboyam waniyetu wikcemna nonpa sanpa nonpa anpetu kin hehanyan iwicadaka, qa hunkake wicaya om ištima. Unkan heekiya cinhintku Nadab itancanyapi.

21 Unkan Rehoboyam Solomon cinhintku Juda iwicadaka; Rehoboyam waniyetu wikcemna topa sanpa wanjidan qehan, tokaheya itancanyapi, qa waniyetu wikcemna sanpa śakowin Jerusalemin en itancanyapi; otowe kin he Israel wicoun owasin etanhan Jehowa kašniga, caje kin ohna yankekiye kta heon etanhan. Unkan hunku caje kin Nayama Anmoniwin.

22 Unkan Juda taku Jehowa išta kin en śica econ, qa winawizi yapi, hunkake wicayapi econpi qon owasin isanpa, woahitani wahtanipi on.

23 Qa nakun paha ičicağapi, qa wakağapi, qa Ašeri paha pajodan owasin akan, qa can ape to yukan owasin ihukuya.

24 Qa nakun makoce kin ohna winyan ičidapi yukan. Ikcewicasta Jehowa Israel cinca kin itokapa tanhan nape wicaya woahitepi šni kin owasin iyecen econpi.

WICOWOYAKE 15.

25 Unkan Rehoboyam itancanyapi waniyetu izaptan kin en, Šišaq Eğıpton wicaštayatapi kin Jerusalem azuye hi.

26 Qa Jehowa tipi tawa mazaskazi kin icu, qa wicaštayatapi tipi tawa mazaskazi kin icu; nakun mazaskazi wahacanka Solomon kaḡe cin owasin icu.

27 Unkan Rehoboyam hena eekiya mazazi wahacanka kaḡa, qa akicita wicaštayatapi tipi tiyopa awanyakapi itancanpi napipi en hena qu.

28 Unkan wicaštayatapi kin Jehowa ti kin ekta i ca akicita hena yuhapi, qa ake akicita mazopiye tawapi en hena kihnakapi.

29 Unkan Rehoboyam oħan unman, qa taku econ kin owasin, Juda wicaštayatapi anpetu oyakapi wowapi en owapi šni he?

30 Unkan Rehoboyam, qa Jeroboyam ohinniyan kicizapi.

31 Unkan Rehoboyam hunkake wicaya om ištima, qa Dawid totonwe ohna hnakapi, hunkake wicaya om, qa hunku Nayama Anmoniwin eciyapi. Qa cinhintku Abijam wawidaka iye eekiya.

WICOWOYAKE-15.

1 Unkan Jeroboyam Nebat cinhintku wawidaka, waniyetu wikcemna sanpa išahdoğan en, Abijam Juda iwicadaka.

2 Iye waniyetu yamni Jerusalem ohna wawidaka, qa hunku caje kin Mayaka Abiśalom cunwintku.

3 Qa atkuku iye itokam woaħtani econ qon hena owasin en omani, qa cante kin iye Wakanda Jehowa kici zaniyan un šni, atkuku Dawid cante kin iyecen.

4 Hececa šta Dawid on etanhan iye Wakanda Jehowa petijanjan wan qu, Jerusalem ohna, qa

iye ohakam cinhintku yusuta, qa Jerusalem patan.

5 Dawid taku Jehowa ištā kin en ecetu econ, qa tohanyan ni kin taku econ šī kin wanjidan etanhan yuwinh ye šni, Urija He-ti kin wicoie kin en heceedan.

6 Unkan Rehoboyam tohanyan ni kin Jeroboyam kici wokicize yukan.

7 Unkan Abijam oħan unman, qa taku econ kin owasin Juda wicaštayatapi kin anpetu oyakapi wowapi kin en owapi šni he? Nakun Abijam Jeroboyam kici kiciza ecee.

8 Unkan Abijam hunkake wicaya om ištima, qa Jerusalem en hnakapi, qa eekiya iye cinhintku Asa wawidaka.

9 Jeroboyam Israel iwicadaka waniyetu iwikcemna nonpa en Juda Asa itancanyapi.

10 Qa waniyetu wikcemna topa sanpa wanjidan Jerusalem ohna wawidaka, qa hunku caje kin Mayaka Abiśalom cunwintku.

11 Qa Asa taku Jehowa ištā en ecetu econ, atkuku Dawid iye-cen.

12 Qa winyan icidapi kin makoce etanhan iyaye wicaya, qa wakaḡapi ate wicaya kaḡapi kin yutokan iyeya.

13 Qa hunku Mayaka winyan itancan kte šni yutokan iyeya, he qe Ašeri wakaḡapi wan kicaḡa, qa Asa wakaḡapi kin kawan-ka, qa Qedron kaksiza kin ohna ħuħnaħya.

14 Tuka paha kin yujujupi šni. Hececa šta Asa cante kin Jehowa kici zaniyan un anpetu tawa owasin.

15 Qa taku atkuku yuwakan, qa taku iye yuwakan kin hena Jehowa ti kin en hiyuya, mazaska, qa mazaskazi, qa wakšica.

16 Unkan Asa Bayaša Israel

I. WICAŠTAYATAPI,

wicaštayatapi kici wokicize yukan, anpetu tawapi kin ece owasin.

17 Unkan Bayaša Israel wicaštayatapi kin Juda azuya, qa Rama (Conkaške) kağa, hecen tuwedan Asa Juda wicaštayatapi kin ekta ye kta, qa hdicu kta iyowinkiye kte šni.

18 Unkan Asa mazaska, qa mazaskazi Jehowa ti wopiye ohna, qa wicaštayatapi ti kin wopiye ohna okaptapi kin owasin ieu, qa taokiye napepi en qu: qa wicaštayatapi kin Asa Benhadad Tabrinmon cinhintku Hezion cinhintku Aram wicaštayatapi, Damaskos ohna ounye cin ekta ye wicaši, qa heya,

19 Wotakuye yukan miye qa niye kici, qa ate niyate kici; iho mazaska qa mazaskazi niye ekta yewaye cin he ciçu. Ho wo wotakuye nitawa Bayaša Israel wicaštayatapi kici yujuju, hecen miye etanhan kihde kta.

20 Unkan Benhadad wicaštayatapi kin Asa anağoptan, qa ozuye mdetanhunka wicayuhe cin Israel otonwe azuye wicaši. Unkan Yijon, qa Dan, qa Abel Betmayaka, qa Kinnerot otonwe kin owasin, Naptali makoce koya kaštaka.

21 Unkan Bayaša nañon qehan Rama kağe cin ayušan, qa Tirtza ohna iyotanka.

22 Unkan wicaštayatapi kin Asa Juda owasin wahowicaya; iyulpa ope wicaši; unkan inyan, qa can kin on Bayaša Rama kağe cin icupi, qa hena on wicaštayatapi kin Asa Geba Benjamin ohna, qa Mitzpa kağa.

23 Qa Asa oñan unman owasin, qa towašake owasin, qa taku econ kin owasin, qa otonwe kağe cin hena Juda wicaštayatapi anpetu oyakapi wowapi kin en

owapi šni he? Hececa šta wicahinca qehan siha yazan.

24 Qa Asa hunkake wicaya om ištima, qa atkuku Dawid totonwe ohna hunkake wicaya om hnakapi. Unkan cinhintku Jehošapat eekiya itancanyanpi.

25 Unkan Asa Juda itancanyanpi kin waniyetu inonpa en, Nadab Jeroboyam cinhintku Israel iwicadaka, qa waniyetu nonpa Israel idaka.

26 Unkan taku Jehowa išta kin en šica econ, qa atkuku tacanku ohna mani, qa woalitani Israel walitani wicaye cin ohna.

27 Unkan Bayaša Ahija cinhintku Issakar ti kin etanhan he kipajin, qa Bayaša Gibbeton Pilistim tawapi ekta he kaštaka; Nadab, qa Israel owasin Gibbeton azuyapi qehan.

28 Hecen Juda Asa itancanyanpi waniyetu iyamni en, Bayaša tekiya, qa eekiya iwicadaka.

29 Qa wawidake qehan, Jeroboyam tiyohnaka owasin wicakaštaka, Jeroboyam tawa ihangwicaya, ecen tuwedan niya okapte šni; Jehowa oie kin iye taokiye Ahija Šiloni kin nape on eye ciqon iyecen.

30 Woalitani Jeroboyam walitani kin on, qa Israel walitani wicaye cin wošihda Jehowa Israel Wakandapi šihda ye cin on.

31 Unkan Nadab oñan unman kin, qa taku econ kin owasin, Israel itancan yapi anpetu oyakapi wowapi en owapi šni he?

32 Unkan Asa qa Bayaša Israel itancanyapi kin waniyetu tawapi owasin kicizapi ecee.

33 Asa Juda idake cin waniyetu iyamni etanhan, waniyetu wikcemna nonpa sanpa topa Tirtza ohna Bayaša Ahija cinhintku Israel owasin iwicadaka.

WICOWOYAKE 16.

34 Unkan taku síca Jehowa ísta kin en econ, qa Jeroboyam tacanku omani, qa woah̄tani Israel waht̄ani wicaye cin ohna.

WICOWOYAKE 16.

1 Unkan Jehowa oie kin Jehu Hanani cinhintku en hi, Bayaśa on, qa heciya,

2 Watuśekśeca etanhan yuwan-kan icicu, qa oyate mitawa Israel itancan cicaga, tuka Jeroboyam tacanku omayani, qa oyate mitawa Israel waht̄anipi on śi-hdamayanpi kta waht̄ani wicayaya heon,

3 Inyun miye tona Bayaśa etanhan icağapi, qa tiyohnaka tawa etanhan icağapi kin ihang wicawaye kta; qa tiyohnaka tawa Jeroboyam Nebat cinhintku tiyohnaka tawa iyecen wakage kta.

4 Bayaśa tawa tuwe otonwe ohna te cin śunka yutapi kta, qa tuwe tawa tinta ohna te cin ma-łpiya okinyanpi kin yutapi kta.

5 Unkan Bayaśa ohan unman, qa taku econ kin, qa towaśake kin hena Israel wicaśtayatapi anpetu oyakapi wowapi kin en owapi śni he?

6 Unkan Bayaśa hunkake wicaya om ístima, qa Tirtza en hnakapi, qa eekiya cinhintku Ela wawidaka.

7 Unkan Jehu Hanani cinhintku waayate kin nape kin on, Jehowa oie kin Bayaśa ekta hi, qa tiyohnaka tawa ekta, Jehowa śihda yapi kta e taku śica Jehowa ísta kin en econ, iye nape woht̄ani kin on, Jeroboyam tiyohnaka iyececa, qa nakun he kte kin on.

8 Asa Juda idake cin waniyetu wikcemna nonpa sanpa ísakpe etanhan Ela Bayaśa cinhintku

Tirtza ohna Israel iwicadaka, waniyetu nonpa hehanyan.

9 Unkan iye taokiye Zimri can-pahmihma tawa hanke itancan kin he kipajin, Tirtza ohna Artza tipi awanyake cin tipi tawa ohna witkoiciye wayatkan icunhan.

10 Qa Zimri ekta i, qa kaśtake qa kte, Asa Juda idake cin waniyetu wikcemna nonpa sanpa ísakowin en, qa heekiya he wawidaka.

11 Unkan wawidaka ca oiyo-tanke akan iyotanke cehan, Bayaśa tiyohnaka kin owasin wica-kaśtaka, takuwicaya, qa koda wicaya owasin etanhan wica wanjidan okicapte śni.

12 Hecen Zimri Bayaśa tiyohnaka owasin ihang wicaya, Jehowa oie Jehu waayate kin nape kin on Bayaśa eciye ciquoniyecen.

13 Bayaśa waht̄ani kin owasin on, qa cinhintku Ela woah̄tani waht̄ani kin, qa Israel waht̄ani wicayapi on, qa taku śni wakan-dapi on Jehowa Israel wakanda-pi kin śihda yapi kin on.

14 Unkan Ela ohan unman, qa taku econ kin owasin, Israel wicaśtayatapi anpetu oyakapi wowapi kin en owapi śni he?

15 Asa Juda idake cin waniyetu wikcemna nonpa sanpa ísakowin en, Zimri anpetu śakowin Tirtza ohna wawidaka. Unkan oyate kin Gibbeton Pilistim ta-wapi kin azuye iwankapi.

16 Unkan Zimri wicaśtayatapi kipajin, qa kte eyapi kin oyate wankapi kin en nañonpi; heon Israel owasin anpetu kin he en owanka ohna Omri obe itancan kin Israel wicaśtayatapi kin ka-ğapi.

17 Unkan Omri, qa Israel owa-sin opapi, Gibbeton etanhan itan-wankanhde hdipi, qa Tirtza aona-takapi.

I. WICAŠTAYATAPI,

18 Unkan Zimri otonwe kin icupi wanyake cehan wicaštaya-tapi conkaške tipu kin en i, qa wicaštayatapi tipu kin peta on hulinahya, iye akan, hecen ŧa.

19 Woahitani iye wahitani kin, qa taku ſica Jehowa iſta en econ, qa Jeroboyam tacanku omani, qa woahitani Israel wahitani wicaye kta econ kin ohna heon.

20 Unkan Zimri ohan unman, qa wokipajin kipajin kin, hena Israel wicaštayatapi anpetu oyakapi wowapi en owapi ſni he?

21 Hehan Israel ihdukinukanpi obe nonpa, oyate hanke kin Tibni Ginat cinhintku opapi, he wicaštayatapi kaſapi kta, qa hanke Omri opapi.

22 Unkan oyate Omri opapi kin oyate Tibni Ginat cinhintku opapi kin ohiwicayapi, hecen Tibni ŧa qa Omri iwicadaka.

23 Asa Juda idake cin waniyetu wikcemna yamni sanpa tokaheya etanhan, Omri Israel iwicadaka, waniyetu wikcemna sanpa nonpa; Tirtza ohna waniyetu ſakpe wawidaka.

24 Hehan ſemer etanhan Samaria he kin opeton, mazaska woqin nonpa qu, qa he kin otonwe kaſa, qa otonwe kaſe cin ſemer he yube ciqon caſe kin on Samaria caſeyata.

25 Qa Omri taku Jehowa iſta kin en ſica econ, qa tona iye itokam unpi kin owasin isanpa ſicaya econ.

26 Qa Jeroboyam Nebat cinhintku tacanku owasin omani, qa woahitani Israel wahitani wicaye cin ohna, hecen taku ſni on Jehowa Israel wakandapi kin ſihdayapi ece.

27 Qa Omri ohan econ unman, qa wicohan tanka econ kin hena Israel wicaštayatapi anpetu oyakapi wowapi en owapi ſni he?

28 Qa Omri hunkake wicaya om iſtima, qa Samaria ohna hnakapi, qa heekiya cinhintku Ahab wawidaka.

29 Unkan Asa Juda idake cin waniyetu wikcemna yamni sanpa iſahdogan etanhan Ahab Omri cinhintku Israel iwicadaka, qa Ahab Omri cinhintku Samaria ohna waniyetu wikcemna nonpa sanpa nonpa Israel iwicadaka.

30 Qa Ahab Omri cinhintku taku Jehowa iſta kin en ſica econ, tona itokam unpi kin owasin isanpa.

31 Qa Jeroboyam Nebat cinhintku tacanku kin omani kin taku ſni kecin, qa Jezebel Etbayal Tzidoni wicaštayatapi kin cunwintku yuza, qa Bayal okiya, qa itokam patuja.

32 Qa Samaria ohna Bayal tipu kicaſe cin ohna wahna woſnapi wan Bayal ekicihde.

33 Qa Ahab Aſera kaſa, qa Israel wicaštayatapi iye itokam yakonpi kin owasin Jehowa Israel wakandapi kin ſihdaye kta-e isanpa Ahab econ ece.

34 Anpetu tawa en Hiel Beteli kin Jeriho conkaške kaſa, caske tawa Abiram en oahe kin ehde, qa cinhintku hakakta Segub en tiyopa oyugan kin ehde, Jehowa oie Joſuwa Nun cinhintku nape on eye ciqon he iyecen.

WICOWOYAKE 17.

1 Unkan Elija Tiſbi kin Gilejad ounyanpi kin etanhan Ahab heciya, Jehowa Israel wakandapi kin itokam nawajin ni kin, waniyetu kin dena cu qa maſaju unmanna yuke kte ſni; mi oie kin eciyatanhan eceedan.

2 Unkan Jehowa oie kin en hi, qa heciya,

3 Detanhan iyaye ca wihinanpe

WICOWOYAKE 17.

cin ektakiya yuwinli iyaye ça Kerit kaksiza ohna inalima, he Jordan iwiyohipanpata wanka.

4 Qa wakpadan kin etanhan datke kta; unkan kangî kin heciya woyute nicahi wicawaşi.

5 Unkan iyaye ça Jehowa oie kin iyecen econ, hecen iyaye ça Kerit kaksiza ohna iyotanka, he Jordan iwiyohipanpata yanka.

6 Unkan kangî kin aguyapi qa tado hanhanna eca kahipi, qa aguyapi qa tado htayetu eca kahipi ece, qa wakpadan etanhan wayatkan ece.

7 Unkan anpetu ota ihanketa wakpadan kin puza; makoce kin ohna magaju şni nakaş.

8 Unkan Jehowa oie kin en hi qa heciya,

9 Najin, qa Tzarepta Tzidon tawa kin ekta ya wo, qa heciya nanke kta; iho winohinca wan wiwazica heciya woyute niçu waşi.

10 Unkan najin, qa Tzarepta ekta iyaye ça otonwe tiyopa kin ekta i, qa inyun, winohinca wiwazica wan hen cande. Unkan kipan qa heciya, Tokin wakşica nitawa ohna mini onşe hiyuma-yakiyen hecen mdatke kta ce.

11 Unkan huwe iyaye çehan, kipan, qa heciya, Ceciciya, aguyapi onşpa ninape ohna makau wo.

12 Unkan heya, Jehowa wakan-yada ni kinhan, aguyapi hmiyan-yanna ešta manice ye; tuka aguyapi mdu koka ohna nape ohnaka wan, qa wihdi tonana maka cega ohna, qa ito can oksahe nonpa owade; heon şpan wakiye kta, miye on, qa micinkşi on, hecen untapi, qa untapi kte ye.

13 Unkan Elija heciya, Ihnuhan niyuşinyaya, ekta hda, qa token ehe cin iyecen econ wo. Tuka tokaheya hetanhan aguyapi hmi-

yanna cistinna micicage ça hiyu-makiya wo, qa ohakam niye on, qa nicinkşi on yakage kta.

14 Jehowa Israel wakandapi kin hecen eya, Aguyapi mdu koka ohna osote kte şni, qa wihdi maka cega ohna wanice kte şni, anpetu Jehowa maka ite kin akan magaju qu kte cin hehan-yan.

15 Unkan winyan kin hde ça Elija oie kin iyecen econ, qa anpetu ota hduta, qa tiyohnaka tawa, qa Elija nakun yuta.

16 Aguyapi mdu koka kin osote şni, qa maka cega wihdi kin wamica aye şni; Jehowa oie kin Elija nape on eye cin he iyecen.

17 Unkan taku kin dena iyohakam winohinca tipi yuhe cin cinhintku wayazanka, towayazan nina telika on ecaca niya şni.

18 Unkan winyan kin Elija heciya, Taku iyociwaja he? wicaşta wakan miohan şica kiksuye mayaye kta, qa micinkşi te ye kta on en mayahi he?

19 Unkan nicinkşi maqu wo, eciye ça maku kin etanhan icu, qa wankan tipi, iye yanke cin ekta aye ça iye towinja akan ehnaka.

20 Qa Jehowa hoyekiye ça heya, Jehowa wakan cida wiwazica kici wati kin iyokişin yaye ça cinhintku te yaya he?

21 Unkan yamni akihde hokşidan kin akan ihdugate ça Jehowa hoyekiye ça heya, Jehowa wakan cida, hokşidan kin de nağî kin tan mahen hdi kta ye.

22 Unkan Jehowa Elija ho kin nahon. Unkan hokşidan nağî kin tan mahen hdi; hecen ni.

23 Unkan Elija hokşidan kin icu, qa wankan tipi etanhan kuya tipi kin ekta aye ça hunku kin kicu, qa Elija heya, Wanyaka wo; nicinkşi ni ce.

I. WICAŠTAYATAPI,

24 Unkan winoŋinca kin Elija heciya, Wanna Wakan wicašta henica, qa Jehowa oie kin nii kin ohna he wowicake ee ce sdonwaya.

WICOWOYAKE 18.

1 Unkan anpetu ota hehan Jehowa oie kin Elija en hi, waniyetu iyamni en, heciya, Ekta ya, qa Ahab en ihdutanin wo; unkan maka ite kin akan amagaju waye kta.

2 Unkan Elija Ahab en ihdutanin kta iyaya; unkan Samaria ohna nina wicaakihan.

3 Unkan Ahab Obedija (Jehowa taokiye) kipan, he qe tipi kin awanyake cin ee. Unkan Obedija Jehowa nina kokipa ece.

4 Jezebel Jehowa tawaayate kin ihang wicaye cehan, Obedija waayate opawinge iwicacu, qa inahma wicaya, wikcemna zaptan makohdoka wanji en, qa wikcemna zaptan makohdoka tokeca en, qa wowicagu ece; aguyapi, qa mini.

5 Unkan Ahab Obedija heciya, Makoce kin ohna miniowe, qa wakpadan kin owasin ekta ya wo. Okini wato iyeunye kta, hecen šuktanka qa šonšonna ni wicunkiye kta, qa wanunyanpi iyuhpa ihang yapi kte šni.

6 Unkan makoce kin kicipamni-pi, ohna iyayapi kta on, Ahab canku wanji ohna iyaya, qa Obedija canku tokeca ohna, kinukankiya iyayapi.

7 Unkan Obedija canku kin ohna inyun Elija akipa. Unkan iyekiye ca makipusdiya ehpeiciye ca heya, Itancan mitawa Elija de niye he?

8 Unkan heciya, De miye. Ye ca itancan nitawa heciya wo, Elija deciya un ce.

9 Unkan heya, Wawahtani kin tuktee on Ahab te maye kta e nape kin en nitaokiye ye yaye kta he?

10 Jehowa Wakan yada ni kinhan, oyate qa wokiconze owasin ekta itancan mitawa tuwe onide yeši. Unkan, Den un šni eyapi qehan wokiconze, qa oyate kin iyenianpi šni, taku wakan caje-yan keye wicaši.

11 Unkan wanna, Ekta ya, qa Elija den un ce, itancan nitawa eciya wo, niye eha.

12 Unkan nitan tanhan imdamde hakam Jehowa toki sdonwaye šni aniye kta. Unkan Ahab owakimdake kta mda; unkan iye-niye kte šni on makte kta: tuka nitaokiye homakšidan ehantanhan Jehowa kowakipa.

13 Jezebel Jehowa waayate tawa wicakte qehan, taku ecamon itancan mitawa onciyakapi šni he? Jehowa waayate tawa etanhan wicašta opawinge inahma wicawaya; wikcemna zaptan makohdoka wanji ohna, qa wikcemna zaptan makohdoka tokeca ohna: qa wowicawaqu ece, agu-yapi qa mini.

14 Unkan wanna hemayakiya, Ekta ya, qa Elija den un ce, itancan nitawa eciya wo. Unkan makte kta.

15 Unkan Elija heya, Jehowa obe yuhe cin itokam nawajin ni ce, anpetu kin de en mihdutanin kta.

16 Unkan Obedija Ahab akipa iyaya, qa okiyaka. Unkan Ahab Elija akipa iyaya.

17 Qa Ahab Elija wanyake cehan Ahab he heciya, Israel iyokišin ye cin he niye he?

18 Unkan heya; Hiya miye. Israel iyokišin waye šni, tuka niye, qa niyate tiyohnaka tawa kin, Jehowa tawoahope adušan-

WICOWOYAKE 18.

pi, qa Bayalim owicayapapi kin on.

19 Unkan wanna tuwe ye ši, qa miye ekta, Karmel he kin ekta, Israel owasin mniciye wicaya, nakun Bayal waayate tawa opawinge topa sanpa wikcemna zaptan, qa Ašeri waayate tawa opawinge topa, hena Jezebel tawahna wotapi ekta wotapi ece.

20 Unkan Aħab Israel owasin wahowicaya, qa waayate kin Karmel he kin ekta mniciye wicaya.

21 Unkan Elija oyate owasin wicikiyedani i qa heya; Tohan-yan wicotawacin nonpa otahe-
dan kaktihanhan mayanipi kta, Jehowa Wakantanka kin hee hecinhan he opa po. Tuka Bayal hee kinhan he opa po. Unkan oyate kin wicoie wanjidan ayu-
ptapi šni.

22 Unkan Elija oyate kin hewicakiya, Jehowa waayate tawa mišnana omakaptapi, tuka Bayal waayate tawa opawinge topa sanpa wikcemna zaptan.

23 Hecen tatanka nonpa unqupi kta, hehan iyepi tatanka wanji kaħniġapi kta, qa bašpašpapi, qa can akan ehnaġapi kta, tuka petakta ekta hnakapi kte šni: qa miye tatanka unman wapate kta, qa can akan ewahnake kta, tuka petakta ekta ye waye kte šni.

24 Unkan iyepi taku Wakandapi caje kin hoyekiyapi kta, qa miye Jehowa caje kin hoyewakiye kta. Unkan taku wakan unman tukte peta on ayupte cinhan, hee Wakantanka kta. Unkan oyate kin owasin ayu-
ptapi, qa heyapi, Wicoie kin he wašte ce.

25 Unkan Elija Bayal waayate tawa hewicakiya, Niyepi on tatankadan wanji kaħniġa po: qa niyepi tokaheya pata po, niyepi

niotapi nakaš; qa taku wakan yadapi kin hoyekiya po, tuka petakta ekta yeyapi šni po.

26 Unkan tatankadan wicaqupi kin he icupi, qa patapi, qa Bayal caje kin hoyekiyapi hanħanna etanhan ecen wiyotanhan, qa heyapi, Bayal naunħon po. Tuka wicaho wanica, qa tuwedan awicayupte šni, heon wahna wošnapikagapi kin he akan ipsicapi.

27 Unkan wiyotanhe cin hehan Elija iwicaħalia, qa heya, Hotankakiya kipan po, taku wakan kin hee nakaš, okini wohdaka yanka, qaiš oziiciya, qaiš icimani; okini ištima hecinhan yaħicapi kta.

28 Unkan panyanhan hoyeyapi, qa caiġipapi isan on, qa wanhi on, iye wayacopi kin iyecen, ecen we awicakaduza.

29 Qa wiyotanhan sanpa hehan-yan waayatapi, minħa ħuħnaħiyapi ecee kta, hehanyan, tuka wicaho wanica, qa waayupte wanica, qa ihawicakta wanica.

30 Hehan Elija oyate kin owasin hewicakiya, Mikiyedani u po. Unkan oyate kin owasin ikiyedani hipi, hehan Jehowa wahna wošnapitawa pajujupi qon piya kaġa.

31 Qa Elija inyan wikcemna sanpa nonpa icu, Jakob Jehowa oie kin en hi, qa, Nicaġe kin Israel hee kta, eciye ciqon cinca wicoun yawapi iyenaka.

32 Qa inyan kin hena on wahna wošnapik Jehowa caje on kaġa, qa wahna wošnapik kin ihduksan osmaka wan kaġa, he wojupi wiyutapi nonpa kipi ece ħinsko-keca.

33 Qa can kin akan ehnaġa, qa tatankadan bašpašpa, qa can akan ehnaġa, qa, Wakiškokpa topa mini ojuyapi, qa wohuħnaħiyapi kin, qa can kin akaštan po, eya.

34 Qa, Ake econ po, eya. Un-

I. WICAŠTAYATAPI,

kan inonpa econpi. Unkan, Iyamui, eya; unkan iyamni econpi.

35 Unkan mini kin wahna wo-šnapi ihduksan kaduza, iyaya qa osmaka kin mini ojudan.

36 Unkan minha huhnahyapi ece iyehantu, Elija waayate kin ikiyedani, qa heya, Jehowa Abraham, qa Izak, qa Israel Wakan-dapi kin nakaha Israel ohna Wakannitanka, qa nitaokiye hema-ca, qa nioie kin eciyatanhan taku kin dena owasin ecamon hdutan-in ye.

37 Amayupta ye, Jehowa amayupta ye, hecen oyate kin de Jehowa Wakantanka he niye, qa cantepi kin hekta ihdamna wica-kiye kin he niye sdonyapi kta.

38 Hehan Jehowa tapeta kin hinhpaye qa wohuhnahyapi kin, qa can kin, qa inyan kin, qa maka mdu kin huhnahya, qa mini osmaka ohna wanke cin sdipa.

39 Unkan oyate kin owasin wanyakapi, qa makipusdiya ehpe-iciyapi, qa heyapi, Jehowa Wakantanka kin hee, Jehowa Wakantanka kin hee ce.

40 Unkan Elija hewicakiya, Bayal waayate tawa iyawicalipaya po; hena etanhan wanjidan najice kte šni. Unkan wicayuzapi, hehan Elija Qison wakpa ekta apamalde iyaye wicaya, qa heciya wicakte.

41 Hehan Elija Ahab heciya, Itanwankannde ya, wota, qa wayatkan wo, nina magaju kta hoton nakaš.

42 Unkan wote kta, qa wayatke kta Ahab itanwankannde iyaya; tuka Elija Karmel paha kin ekta itanwankannde i, qa maka ektakiya patuja, qa hupahu otahedan ite kin hduza.

43 Hehan tahoksidan heciya, Ito itanwankannde ya, qa miniwanca ekta etonwan wo. Un-

kan itanwankannde i, qa etonwan qa, Tokeca šni ce, eya. Unkan šakowin akihde econ wo, eya.

44 Unkan isakowin kin hehan heya, Inyun mahpiya šapa cistina wan, wicanape hinskokeca miniwanca etanhan inanpa ce. Unkan ekta ya, qa Ahab heciya wo, Aqin kiton, qa kun ya wo; hecen magaju kin kaği niye kte šni.

45 Unkan ekta i, qa hdi kin icunhan, mahpiya kin ihdušapa, mahpiya šapa, qa tate, qa nina magaju. Unkan Ahab tacanpahmihma ohna Jezreyel ekta hda.

46 Unkan Jehowa nape kin Elija en hi, unkan nite ipiyag kiton, qa Ahab itokam inyanka, Jezreyel ekta ki kin hehanyan.

WICOWOYAKE 19.

1 Unkan taku Elija econ kin owasin, qa token waayate owasin isan on wicakte, Ahab Jezebel okiyaka.

2 Unkan Jezebel wahošiye wan Elija ekta yeši, qa heciya, Heyakecinhan wi dehantu iyehan, hena wanji naği kin iyecen ninaği wakage šni kinhan taku wakan kin hena hecen ecamiconpi kte, qa nakun isanpa.

3 Unkan kokipe qa najin, qa naği kin on iyaye qa Beršeba Juda tawa kin ekta i, qa heciya tahoksidan kin ehpekiya.

4 Tuka iye hewoskan iyaya, anpetu wanji oicimani, qa hantešadan wanji ekta i, qa ihukuya iyotanka, qa naği kin on te kta icekiya, qa heya; Wanna hena-keca, Jehowa minagi icu wo, mi-hunkake isanpa mawašte šni ce.

5 Hehan makan iwanke qa išti-ma, hantešadan wanji ihukuya, unkan inyun hen wahošiye wan

WICOWOYAKE 19.

yuhica, qa heciya, Najin wota wo.

6 Unkan etonwan, qa inyun pa kin eciyatanhan aguyapi wan petaga akan španyanpi, qa mini wakiskokpa ohna. Unkan wote ča wayatkan, qa ake makan iwan-ka.

7 Unkan wahošiye Jehowa ake inonpa en hi, qa yuhice ča heya, Najin wota wo: oicimani kin oyakihi isanpa nakaš.

8 Unkan najin, qa wota, qa wayatkan; qa woyute kin he wašagye cin on icimani, anpetu wikcemna topa, qa hanyetu wikcemna topa, he wakan kin, Horeb ekta.

9 Qa heciya makohdoka wan ekta i, qa hen yanka. Unkan Jehowa oie en hi, qa heciya, Elija taku den ecanon he?

10 Unkan, Jehowa taku Wakan obe yuhe cin on nina nawawizi, Israel cinca kin wotakuye nitawa ehpeyapi, qa wahna wošnapi nitawa yujujupi, qa waayate nitawa isan on wicaktepi: qa mišna-na omakaptapi, qa minagi icupi kta e akitapi.

11 Unkan heya, Inanpe ča he akan Jehowa itokam najin wo. Unkan Jehowa ahiyaya, qa tate tanka wobitika he kin kaptuja, qa innija kamdeca, Jehowa itokam; tuka Jehowa tate kin ohna un šni. Unkan tate kin iyohakam maka cancan, tuka Jehowa maka cancan kin ohna un šni.

12 Unkan maka cancan iyohakam peta, tuka Jehowa peta ohna un šni, qa peta kin iyohakam ho jijiya iwaštedan.

13 Unkan Elija nañon qehan ite kin sina ahdañpa, qa inanpe ča makohdoka tiyopa kin ekta najin. Unkan inyun wicaho wan en hi, qa heya, Elija taku den ecanon he?

14 Unkan heya, Jehowa taku Wakan obe yuhe cin on nina nawawizi, Israel cinca kin wotakuye nitawa ehpeyapi, qa wahna wošnapi nitawa yujujupi, qa waayate nitawa isan on wicaktepi; hecen mišnana omakaptapi, qa minagi icupi kta akita-pi.

15 Unkan Jehowa heciya, Icimani kihda, iyaya wo, tinta ohna Damaskos ekta, qa en yai kinhan, Hazeal Aram wicaštayatapi on sdaya wo.

16 Qa Jehu Nimši cinhintku Israel on wicaštayatapi, qa Eliša Šapat cinhintku, Abel Mehola etanhan, niye eekiya waayate sdaya wo.

17 Unkan tuwe Hazeal taisan etanhan ničiye cinhan Jehu țeyekta, qa tuwe Jehu taisan etanhan najice cinhan Eliša țeyekta.

18 Tuka Israel ohna wicašta kektopawinge šakowin wapatan, hena owasin hupahu našijapi šni, Bayal itokam, qa hena owasin iye i kin iputakapi šni.

19 Unkan hetanhan iyaya, qa Eliša Šapat cinhintku iyeya. Unkan mağa hdumdu, tatanka akicaška ake nonpa iye itokam manipi, qa iye iake nonpa kin ohakam. Unkan Elija ikiyedan ye ča tašina akan ehpekiya.

20 Unkan tatanka kin ahdušan, qa Elija ihakam inyanke ča heya, Ate qa ina i iwicawaputake kta iyowin makiya ye, hehan ocipe kta. Unkan heciya, Ekta hda; taku ecacicon he?

21 Unkan ope cin etanhan kihda, qa tatanka tawanjidan iki-kecu, qa pata, qa tatanka tawana-pin on tado kin špankiye ča oyate kin wicaqu, unkan yutapi. Hehan iye najin, qa Elija ihakam iyaye ča okiya.

I. WICAŠTAYATAPI,

WICOWOYAKE 20.

1 Hehan Ben Hadad (Hadad cinhintku) Aram wicaštayatapi kin taozuye kin owasin mniciye wicaya, qa wicaštayatapi wikcemna yamni sanpa nonpa iye opapi; nakun šuktanka akanyotankapi, qa canpahmihma, qa Samaria ekta hi, qa onatake ɕa kiza.

2 Qa wahošiye Ahab Israel wicaštayatapi ekta ye wicaši, otonwe kin ekta,

3 Qa heciya, Ben Hadad hecen eya, Mazaska duhe cin, qa mazaskazi duhe cin hena mitawa; nakun nitawin, qa nicinca wašte kin hena mitawa.

4 Unkan Israel wicaštayatapi kin ayupte ɕa heya, Itancan mitawa wicaštayatapi kin nioie kin iyecen, miye, qa taku mduhe cin hena iyuhpa nitawa ce.

5 Unkan wahošiye ake en hipi, qa heyapi, Benhadad ie ɕa hecen eya, Wahociye cion, Mazaska nitawa, qa mazaskazi nitawa, qa nitawin, qa nicinca mayaqu kta, epa.

6 Awicakehan heyakecinhan, wi dehantu mitaokiye niye ekta ye wicawaši kta, qa yati kin yuzamnipi kta, nakun nitaokiye tipi tawapi, qa taku ništa iyokipi iyuhpa iyahpayapi, qa icupi kta.

7 Unkan Israel wicaštayatapi kin makoce hunkayapi owasin wicakico, qa hewicakiya, Iye taku šice cin he akita, wanna awacinpi qa wanyaka po. Mitawin, qa micinca, qa mazaska mitawa, qa mazaskazi mitawa makida qehan iye etanhan takudan tewahinda šni.

8 Unkan hunkayapi owasin, qa oyate owasin heciyapi, Ihnuhan he nayañon kin, qa tawaŋenyaye cin.

9 Unkan Benhadad tawahošiye kin hewicakiya, Itancan mitawa wicaštayatapi kin heciya po, Nitaokiye taku tokaheya iwahoyaye cin owasin ecamon kta, tuka wicoie kin de ecamon owakihi šni. Unkan wahošiye qon kihdapi, qa hoši kahdipi.

10 Unkan Benhadad wahoyekiye ɕa heya, Samaria maka mdu oyate omapapi owasin napohnaka iyohiwicaye cinhan, taku wakan kin decen qa nakun isanpa ecamiconpi nunwe.

11 Unkan Israel wicaštayatapi kin ayupte ɕa heya, Ihnuhan tuwe ipiyaka iyakaške cin hdušdoke cin iyecen ihdatan kin, eciya po.

12 Unkan wicoie kin he nañon qehan wayatkan yanka, ohanzi hdepi ohna, iye qa wicaštayatapi kin owasin, qa taokiye hewicakiya, Anatan po. Unkan otonwe kin anatanpi.

13 Unkan inyun waayate wan Ahab Israel wicaštayatapi ekta hi, qa heya, Jehowa hecen eya, Obe tanka kin de owasin wanda ka he? Inyun miye nakaha owasin ninape en wicawaqu kta, hecen Jehowa he mive sdonyaye kta.

14 Unkan Ahab heya, Tuwe on? Unkan heya, Ošpaye itancanpi tahokšipidan kin on, Jehowa eya. Unkan tuwe wokicize mdetan hunke kta he? eya. Unkan, Niye, eya.

15 Unkan ošpaye itancanpi kin tahokšipidan kin wicayawapi, opawinge nonpa sanpa wikcemna yamni sanpa nonpa henana, qa hena iyohakam oyate kin Israel cinca owasin wicayawapi, kekto pawinge šakowin.

16 Unkan wiyotanhan hehan inanpapi. Unkan Benhadad witko iɕiya wayatkan ohanzi hdepi

ohna, iye qa wicaštayatapi wikcemna yamni sanpa nonpa, okiye hipi qon hena om.

17 Unkan ošpaye itancanpi tahokšipidan kin tokaheya inanpapi. Unkan Benhadad wahoyapi, qa okiyakapi, qa heyapi, Wicašta Samaria etanhan inanpapi ce.

18 Unkan, Wokiyapi upi kinhan niyake iyawicalipaya po, qaiš kizapi kta upi kinhan niyake iya-wicalipaya po, eya.

19 Unkan ošpaye itancanpi tahokšipidan kin hena otonwe kin etanhan inanpapi, qa obe kin owicapapi kin.

20 Unkan otoiyohi wicašta itkokim u kin kaštaka. Unkan Arami napapi; unkan Israel wikuwa eyaya. Unkan Benhadad Aram wicaštayatapi kin šuktanka wan akan najica, qa šuktanka akanyotankapi nakun.

21 Hecen Israel wicaštayatapi kin inanpa, qa šuktanka, qa canpahmihma kaštaka, qa Aram wopate tanka on kaštaka.

22 Unkan waayate kin Israel wicaštayatapi ekta hi, qa heciya, Hda, wašag, içiya wo, qa taku ecanon kta awacin, qa iwanyaka wo. Omaka iyehantu kinhan Aram wicaštayatapi kin ake ananitan kta nakaš.

23 Unkan Aram wicaštayatapi taokiye kin heciyapi, Iyepi taku wakan dapi kin taku wakan he ounyanpi kin hecapi, heon ohiunyanpi; omdaye ohna wicunkizapi kinhan okini ohiwicunyanpi kta.

24 Heon wicoie kin de econ wo, wicaštayatapi kin otoiyohi oyanke tawa etanhan yutokan wo, qa hena eekiya akicita tancan en ye wicaya wo.

25 Qa obe nicihinhpaye kin iyeceen obe wan mnayan wo, qa šuktanka qon iyeceen šuktanka,

qa canpahmihma qon canpahmihma iyenaka; qa omdaye ohna wicunkizapi kinhan ohiwicunyanpi kta. Unkan hopi kin anawicagoptan, qa iyeceen econ.

26 Unkan omaka ake iyehantu hehan, Benhadad Arami kin wicayawa, qa Apeq ekta i, Israel wicakize kta heon etanhan.

27 Unkan Israel cinca kin ihdawapi, qa waneya icupi, qa wicitkokim eyaya; qa Israel cinca wicitokam etipi, tatokadan cinca optaye cistinna nonpa iyeceecapi, tuka Arami kin makoce kin ojudanypapi.

28 Unkan Wakantanka tawicašta qon en hi, qa Israel wicaštayatapi kin heciye çehan heya, Jehowa hecen eya; Taku wakan he yuhe cin Jehowa hee, tuka taku wakan osmaka yuhe šni, Arami eyapi kin heon obe tanka kin de ocowasin ninape en waqu; hecen Jehowa he miye sdonyayapi kta.

29 Unkan dena icitkokim anpetu šakowin owanji yakonpi, tuka anpetu išakowin en kiza, anatanpi, qa anpetu wanjidan en Israel cinca kin Arami wicašta huiyun kektopawinge opawinge wicaktepi.

30 Unkan tona okaptapi Apeq otonwe kin ekta napapi, qa conkaške kin wicašta okaptapi kektopawinge wikcemna nonpa sanpa kektopawinge šakowin akan hinlipaya. Unkan Benhadad najica, otonwe ekta owanka tipi wan mahentu.

31 Unkan taokiye heciyapi, Iho Israel ti wicaštayatapi kin wicaštayatapi waonšida hecapi nahunonpi ce. Iho nite wakihdaka ikounhdakapi kta, qa pa akan hakahmupi, qa Israel wicaštayatapi kin ekta unyanpi kta; okini naği niniciye kta.

I. WICAŠTAYATAPI,

32 Unkan nitepi akan wakihdaka kaškapi, qa hakahmupi papi akan, qa Israel wicaštayatapi kin ekta hipi, qa heyapi, Nitaokiye Benhadad heya, Tokin minagi ni kten. Unkan heya, Mihunkawanji hee, nahanhin ni he?

33 Unkan wicašta kin waiyukeanpi, kohanna taku iye etanhan inanpe ça inahniyan heyapi, Nihunkawanji Benhadad. Unkan heya; Hdapi, huweya po. Unkan Benhadad ekta inanpa. Unkan canpahmihma tawa akan iyotang kiya.

34 Unkan heciya; Otonwe ate niyate etanhan icu kin hena ciçu kta, qa Damaskos ohna oyanke ničicage kta, Samaria ohna ate kage cin iyecen. Unkan, Miye wotakuye en kihde ciye kta, eya, qa wotakuye kage ça kihdeya.

35 Unkan waayate cinca etanhan wicašta wan takodaku heciya, Jehowa oie kin en, Makaštaka wo, ceciciya. Tuka kaštake kta wicašta kin wicada šni.

36 Unkan heciya, Jehowa ho kin nayahon šni kin, heon mitan tanhan de cinhan mnaja wan nikte kta. Unkan iye tan tanhan iyaye çehan mnaja wan akipa, qa kte.

37 Unkan wicašta tokeca wan akipa, qa heciya, Makaštaka wo, ceciciya. Unkan nina kaštake ça kahdeca.

38 Unkan waayate kin iyaye ça wicaštayatapi kin itokam canku icahda najin, qa mnihuha išta ihduskite on ihdutokeca.

39 Unkan wicaštayatapi kin hiyaye çehan iye wicaštayatapi kin hoyekiye ça heya, Nitaokiye wokicize cokaya i, unkan inyun wicašta wan ihduhomni, qa wicašta wan miye ekta hiyuye ça heya, Wicašta kin de awanyaka wo. Iye najice cinhan ninaği

iye nagi kin heekiye kta, qaiš mazaska woqin on yakajuju kta.

40 Unkan nitaokiye deciya qa kakiya, waecon icunhan, wicašta qon en yanke šni. Unkan Israel wicaštayatapi kin heciya, Woyaco nitawa niye odake cin iyececa.

41 Unkan inahniyan minihuha kin išta kin etanhan hdušdoka; unkan Israel wicaštayatapi kin wicašta qon waayatapi etanhan hee iyekiya.

42 Unkan heciya, Jehowa hecen eya, Wicašta ihang waye kta wakonze cin ninape etanhan kihde yaye cin, heon ninaği kin iye nagi kin eekiye kta, qa oyate nitawa oyate tawa eekiye kta.

43 Unkan Israel wicaštayatapi kin cante tke qa iyokišica tiyata hda, qa Samaria ekta hdi.

WICOWOYAKE 21.

1 Unkan wicoie kin hena iyohakam Nabot Jezreyeli kin hastanhanka ojupi wan yuha Jezreyel ohna, Ahab Samaria wicaštayatapi tipi tawa ikiyedan.

2 Unkan Ahab Nabot okiyaka, qa heya; Hastanhanka iyuwi ojupi nitawa maqu wo; unkan wato ojupi on mduhe kta, he wati kin ikiyedan nakaš, hecen hastanhanka iyuwi ojupi wan he isanpa wašte on ciçu kta, qaiš ništa en wašte kinhan mazaska iyohiye cin ciçu kte.

3 Unkan Nabot Ahab heciya, Mihunkake maga tawapi qon ciçu kta Jehowa iyomaki šni nunwe.

4 Unkan Ahab cante šica, qa šihda hdi, Mihunkake tamagapi kin ciçu kte šni, wicoie Nabot Jezreyeli eye ciqon, heon etanhan; qa towinja akan iwanka, qa ite hdutokeca, qa aguyapi yute šni.

WICOWOYAKE 21.

5 Unkan Jezebel iye tawicu kin en hi, qa heciya, De taku he? nitaniya hdutokeca, qa aguyapi yate šni ye.

6 Unkan heciya, Nabot Jezreyeli kin kici wowahdaka, qa he-wakiya, Hastanhanka iyuwi ojupi nitawa mazaska on maqu wo; qaiš iyonicipi kinhan, heekiya hastanhanka iyuwi ojupi tokeca ciçu kta. Unkan, Hastanhanka iyuwi ojupi mitawa ciçu kte šni, eya.

7 Unkan tawicu Jezebel heciya, Niye nakaha Israel iwankam wokiconze ecanon, najin aguyapi yuta ye, qa cante wašte un ye. Miye Nabot Jezreyeli kin hastanhanka iyuwi ojupi tawa kin ciçu kte ye.

8 Unkan Ahab cajeyan wowapi owa, qa tawipuspe on apuspa, qa otonwe tawa ohna hunkayapi ekta, qa wicašta ihduhapi kin ekta Nabot ikiyedani yakonpi kin wowapi wicaqu.

9 Qa wowapi kage cin en hecen eya owa; Wote šni unpi kta ieyanpaha pe, qa Nabot oyate wiciwankam iyotang kiya pe.

10 Qa wicašta nonpa wowahšte šni cinca kin he itokam najin wicakiya pe, qa hena, Taku wakan, qa wicaštayatapi niye dašica, eya yaotaninpi kta; hehan tankan aya pe, qa, te kta kinin pe.

11 Unkan otonwe wicašta hunkayapi kin, qa wicašta ihduhapi iye kici otonwe onyanpi kin, Jezebel wahowicaya iyecen, wowapi wicaqu en owapi kin iyecen econpi.

12 Wote šni unpi kte ieyanpahi, qa Nabot oyate kin wiciwankam iyotang kiyapi.

13 Unkan wowahšte šni cinca wicašta nonpa en hipi, qa itokam iyotankapi, qa wowahšte šni wicašta kin Nabot ayaotaninpi, qa

oyate itokam heyapi, Nabot taku wakan, qa wicaštayatapi kin wicayašica. Unkan otonwe itankan yeyapi, qa inyan on kininpi; unkan ta.

14 Unkan Jezebel wahoyapi, qa Nabot wanna kininpi, unkan ta ce, eyapi.

15 Unkan Nabot kininpi unkan te, eyapi kin Jezebel nañon qehan, Jezebel Ahab heciya, Najin Nabot Jezreyeli kin hastanhanka iyuwi ojupi kin tawaya ye, Nabot ni šni, tuka wanna te nakaš.

16 Unkan Nabot wanna ta Ahab nañon qehan, Ahab Nabot Jezreyeli hastanhanka iyuwi ojupi tawa kin ekta ye kta, qa tawaye kta e najin.

17 Unkan Jehowa oie kin Elija Tišbi kin en hi qa, heya,

18 Najin, qa Ahab Israel wicaštayatapi kin Samaria ohna onye cin itkokim ya wo. Inyun Nabot hastanhanka iyuwi ojupi kin tawaye kta e ekta iyaya.

19 Heon ekta de kta, qa heyakiye kta, Jehowa hecen eya; Yakte qa tawayaya he? Nakun iyae kta, qa heyakiye kta, Jehowa hecen eya, Tukten šunka Nabot we kin sdipapi oyanke kin he en niwe kin nakun šunka sdipapi kta.

20 Unkan Ahab Elija heciya, Toka, iyemayaya he? Unkan, Taku šica Jehowa išta kin en ecanon kta e wiyopeničiye cin heon iyeciciya ce.

21 Inyun taku šica hiyu ciciye kta, qa enitanhan icağapi kin ihang wicawaye kta, qa Ahab tawa wica owasin, tona onatakapi, qa kiyuškapi koya, Israel ohna wakašpe kta.

22 Qa yati kin Jeroboyam Nebat cinhintku ti kin iyecen wakage kta, qa Bayaša Ahija cin-

I. WICAŠTAYATAPI,

hintku ti kin iyecen; wošihda on šihda mayaye cin on, qa Israel wahtani wicayaya on

23 Nakun Jezebel on Jehowa heya, Jezreyel conkaške icahda šunka Jezebel yutapi kta.

24 Ahab tawa tona otonwe ohna tapi kin hena šunka yutapi kta, qa tona tinta ohna tapi kin mahpiya okinyanpi kin wicayutapi kta.

25 Hececa ešta tuwedan Ahab iyecece šni, taku Jehowa išta kin en šice cin econ kta wiyo-peiciya, hecon kta e tawicu Jezebel iyopaštaka nakaš.

26 Qa nina ihduwahte šni, qa cankağa ohoda, Amori kin Jehowa Israel cinca kin itokapa tanhan nape wicaya, econpi qon owasin iyecen.

27 Tuka Ahab wicoie kin hena nakon qehan, taheyake hduhdehdeca, qa celpi akan wakihdaka koyagya, qa wote šni un, qa makan wanke ca wakihdaka aihdahpa, qa wahbayedan mani.

28 Unkan Jehowa oie kin Elija Tišbi kin en hi, qa heya,

29 Token Ahab mitokam ihduhukuya wandaka he? Mitokam hecen ihduhukuye cin heon anpetu tawa en taku šica hiyu waye kte šni, iye cinhintku taanpetu kin en taku šica tipi tawa akan hiyu waye kta.

WICOWOYAKE 22.

1 Unkan waniyetu yamni owanji unpi, Arami qa Israel kicizapi šni.

2 Tuka mdoketu iyamni qehan, Jehošapat Juda wicaštayatapi kin Israel wicaštayatapi kin ekta i.

3 Unkan Israel wicaštayatapi kin taokiye hewicakiya, Ramot Gilejad he unkitawapi sonya-yapi he? Tuka unkiyepi owanji

unyakonpi, qa Aram wicaštayatapi nape kin etanhan unkikcupi šni.

4 Qa Jehošapat heciya, Ramot Gilejad unkizapi kta mici de kta he? Unkan Jehošapat Israel wicaštayatapi kin heciya, Miye niye iyemaceca, qa oyate mitawa, oyate nitawa iyececap, qa šuktanka mitawa šuktanka nitawa iyececap.

5 Nakun Jehošapat Israel wicaštayatapi kin heciya, lho nakaha Jehowa oie kin iwanga wo.

6 Unkan Israel wicaštayatapi kin waayate wicašta opawinge topa cetu mniciye wicaya, qa hewicakiya, Ramot Gilejad wakize kta ekta mde kta, qaiš enawakiye kta he? Unkan, Ekta ya wo; unkan, Itancan kin wicaštayatapi nape kin en qu kta, eyapi.

7 Unkan Jehošapat heya, Jehowa waayate tawa etanhan unkiwangapi kta, dehanyan deciya wanjidan yuke šni he?

8 Unkan Israel wicaštayatapi kin Jehošapat heciya, Jehowa unkiwangapi kta on nahanhin wicašta wanjidan en un; tuka he šice wadaka, miye on taku wašte ayate šni, tuka taku šica; Mikaja Imla cinhintku kin hee. Unkan Jehošapat heya, Ihnuhan wicaštayatapi kin hecen eye cin.

9 Hehan Israel wicaštayatapi kin yunokos wanji kipan, qa heya, Mikaja Imla cinhintku kohanna deciya hiyuya wo.

10 Unkan Israel wicaštayatapi kin, qa Jehošapat Juda wicaštayatapi kin otoiyohi oiyotanke tawa akan iyotankapi, qa šina hdownpi, Samaria conkaške tiyopa hocoka kin ohna, qa wicitokam waayate owasin waayatapi.

11 Unkan Tzedeqija Kenayana cinhintku mazasapa he içicağa,

WICOWOYAKE 22.

qa heya, Jehowa hecen eya, Dena on Arami patan iyeyaye kta, ecen wicadusote kta.

12 Unkan waayate owasin iye-cen waayatapi, qa heyapi, Ramot Gileyad ekta ya wo, qa ohiya wo, unkan Jehowa wicaštayatapi nape kin en qu kta.

13 Unkan wahošiye Mikaja kico iyaye cin ie ça heciya, Iho wanna waayate i wanjidan on wicaštayatapi kin taku wašte eciiyapi, ceciciya, nioie hena wanji oie kin iyecece kta, qa taku wašte ia wo.

14 Unkan Mikaja heya, Jehowa ni ce, hecen taku Jehowa emakiye cin, hee epe kta.

15 Qa wicaštayatapi kin ekta hi. Unkan wicaštayatapi kin heciya, Mikaja Ramot Gileyad unkizapi kta ekta unyanpi kta, qaiš enaunkiyapi kta he? Unkan, Ya wo, qa ohiya wo; hecen Jehowa wicaštayatapi nape kin en qu kta.

16 Unkan wicaštayatapi kin heciya, Jehowa cajeyan taku iewicaka heceedan emayakiye kta, tona akihde wokonze on eciciye kta he?

17 Unkan heya, Israel owasin he akan enanakiya iyayapi, tahinca wanunyanpi waawanyake nicapi iyecen, wanwicamdaka; unkan Jehowa heya, Dena itancan nicapi, wookiye en kihdapi kte, otoiyohi tipi tawa ekta.

18 Unkan Israel wicaštayatapi Jehošapat heciya, Miye on taku wašte ayate kte šni, tuka taku šice cin, he eciciye šni he?

19 Unkan heya, Heon Jehowa oie kin nañon wo. Jehowa toiyotanke akan kiyotanka, qa mahpiya obe kin owasin etapa tanhan, qa catka tanhan najinpi kin wanwicamdaka.

20 Unkan Jehowa heya, Añab

Ramot Gileyad ekta ye kta, qa heciya hinhpaye kta, tuwe cinkiye kta he? Unkan wanji hecen eya, qa unman kaken eya.

21 Hehan woniya wan en ihdu-tanin, qa Jehowa itokam najin, qa heya, Miye cinwakiye kta.

22 Unkan, Token ecanon kta he? Jehowa eciya. Unkan heya, Ekta mde ça waayate tawa owasin ipi kin ohna woniya itonšni hemaca kta. Unkan heya, Cinyakiye kta, qa nakun ohiyaye kta. Ekta ya qa hecen econ wo.

23 Hecen wanna inyun, Jehowa woniya itonšni waayate nitawa kin dena owasin ipi en hiyuya, qa Jehowa niye on taku šiea ia.

24 Hehan Tzedeqija Kenayana cinhintku kin ikiyedon hinajin, qa Mikaja iyohia kin apa, qa heya, Jehowa toniya kin mitan tanhan niye kici wohdake kta toki iyaya he?

25 Unkan Mikaja heya; Tohan tipi timahentu wan mahen inayahbe kta idade cinhan anpetu kin he en iho niye wandake kta.

26 Unkan Israel wicaštayatapi kin heya, Mikaja icu wo, qa otonwe itancan kin Amon, qa wicaštayatapi cinhintku Joaš ekta ake aya wo.

27 Qa hecen ehe kta, De wicakaška tipi kin mahen iyeya wo, qa zaniyan en wahdi šni kin hehanyan woiyokišica aguyapi kin yunkiya po, qa woiyokišica mini kin yatke kiya po; wicaštayatapi kin eya ce.

28 Unkan Mikaja heya, Zaniyan en yahdi kinhan Jehowa miye on ie šni do. Nakun heya, Oyate owasin nañon po.

29 Unkan Israel wicaštayatapi, qa Juda wicaštayatapi Jehošapat Ramot Gileyad ekta iyayapi.

I. WICAŠTAYATAPI,

30 Unkan Israel wicaštayatapi kin Jehošapat heciya, Mihdutokeca, qa okicize en mde kta, tuka niye šina hdowin wo. Unkan Israel wicaštayatapi kin togye ihduza, qa okicize en i.

31 Unkan Aram wicaštayatapi kin tacanpahmihma itancanpi kin wikcemna yamni sanpa nonpa wahokonwicakiye ça heya, Tuwe cistinna qa tuwe tanka unmanna yakizapi kte šni; tuka Israel wicaštayatapi kin hecedan kiza po.

32 Unkan canpahmihma itancanpi kin Jehošapat wanyakapi qehan, Awicakehan Israel wicaštayatapi kin hee eyapi, qa he kuwa eyaya kizapi. Unkan Jehošapat šicahowaya.

33 Unkan canpahmihma itancanpi kin he Israel wicaštayatapi kin ee šni wanyakapi qehan, he ihektapa tanhan ihdamnapi.

34 Tuka wicašta wan ituye cin tinazipe ecate, qa Israel wicaštayatapi kin maza heyake okihe ohna icam iheya. Unkan canpahmihma kaħape cin heciya, Ninape hduwinga, qa obe kin etanhan hdicu mayan wo, maopi nakaš.

35 Unkan anpetu kin he en okicize tehika aya, qa wicaštayatapi kin Aram iyotakons bosdan iyotanka, qa ħtayetu hehan ʔa; qa opi kin etanhan we kin canpahmihma koka kin en kaduza.

36 Unkan wi iyaye ʔehan obe ohna ieyanpahapi qa heyapi, Otoiyohi totonwe, qa tamaġa kin ekta kihde kta.

37 Hecen wicaštayatapi kin ʔe; unkan Samaria ekta hdohdapi, qa Samaria ohna wicaštayatapi kin hnakapi.

38 Unkan canpahmihma kin Samaria mini owe kin ekta yujapi, qa šunka we kin sdipapi,

qa witkowinpi kin yujajapi, Jehowa oie eye ciqon iyecen.

39 Unkan Aħab oħan unman kin, qa taku econ kin owasin, qa putehanska hi tipi kaġe cin, qa otonwe kaġe cin owasin Israel wicaštayatapi anpetu oie wowapi kin en owapi šni he?

40 Hecen Aħab hunkake wicaya om ištima, unkan cinhintku Aħazija eekiya wicaštayatapi un.

41 Unkan Jehošapat Asa cinhintku Aħab Israel iwicadake cin waniyetu itopa kin en Juda iwicadaka.

42 Jehošapat waniyetu wikcemna yamni sanpa zaptan hehan wawidaka, qa waniyetu wikcemna nonpa sanpa zaptan hehan-yan Jerusalem ohna wicaštayatapi, qa hunku caje kin Yazuba Šilbi cunwintku.

43 Unkan atkuku Asa tacanku kin owasin omani, taku Jehowa išta kin en ecetu econ kin etanhan yuwini iyaye šni. Tuka pajodan kin yutokanpi šni, nahanħin oyate kin pajodan akan wayušnapi ece, qa wizinyapi ece.

44 Nakun Jehošapat Israel wicaštayatapi kin kici wokiya.

45 Unkan Jehošapat oħan unman, qa towašake, qa taku econ, qa token kicize cin, hena Juda wicaštayatapi anpetu oyakapi wowapi kin en owapi šni he?

46 Unkan waibupi kin atkuku Asa taanpetu kin etanhan okaptapi kin hena makoce kin etanhan iyaye wicaya.

47 Unkan Edom ohna wicaštayatapi wanica, tuwe wicayuhešipi kin iwicadaka.

48 Unkan Jehošapat Taršiš wita wata kaġa, Opir heci yapi kta, mazaskazi on; tuka wita wata kin Yetzion Gaber ohna kawegapi, heon ekta ipi šni.

WICOWOYAKE 22.

49 Hehan Ahazija Ahab cinhintku Jehoşapat heciya, Mitao-kiye nitaokiye om yapi kta, wita wata ohna; tuka Jehoşapat tawatēnye šni.

50 Unkan Jehoşapat hunkake wicaya om ištima, qa hunkake wicaya om hnakapi; atkuku Dawid totonwe ohna. Unkan cinhintku Joram heekiya wicaštayatapi.

51 Ahazija Ahab cinhintku Samaria ohna Israel iwicadaka,

Jehoşapat Juda wicaštayatapi tawaniyetu wikcemna sanpa iša-kowin etanhan, qa waniyetu nonpa Israel iwicadaka.

52 Qa taku Jehowa išta kin en šica econ, qa atkuku tacanku, qa hunku tacanku, qa Jeroboyam Nebat cinhintku Israel wahtani wicaye cin tacanku omani.

53 Qa Bayal okiye qa ohoda, qa Jehowa Israel Wakandapi šihdaya, atkuku econ qon owasin iyecen.

WICAŠTAYATAPI

INONPA.

WICOWOYAKE 1.

1 Unkan Ahab ƚe cin iyohakam Moab Israel kipajin.

2 Unkan Ahazija wankan tipi Samaria ohna yuhe cin en, canyankapi kin ohna hinhpaya, qa wayazanka, qa taohnihde yewicası, qa hewicakiya, Bayal Zebub (Honagidan itancan,) Yekron wakandapi kin ekta yapi, iwanğa po, wowayazan kin de etanhan amasni kta hecinhan?

3 Unkan Jehowa taohnihde kin Elija Tišbi kin heciya, Najin Samaria wicaštayatapi kin ohnihdewicaye cin awicakipe ya wo; qa hewicakiya wo, Israel ohna taku wakan wanica naceca, heon niyepi Bayal Zebub, Yekron wakandapi kin inongapi kta e ekta dapi.

4 Heon Jehowa hecen eya, Owanka akan inonke cin hetanhan nayajin kte šni, tuka awicakehan niƚe kta. Unkan Elija iyaya.

5 Unkan ohnihdewicaye cin, hdipi; unkan hewicakiya, Tokeca yahdipi he?

6 Unkan heciyapi, Wicašta wan unkittokim lu, qa heunkiciyapi, Wicaštayatapi yenisipi kin ekta kihdapi, qa heciya po, Jehowa hecen eya, Israel ohna taku wakan wanica naceca; heon Bayal Zebub, Yekron wakandapi kin inonge kta yewicayaši naceca. Heon owanka akan inonke cin hetanhan nayajin kte šni, tuka awicakehan niƚe kta.

II. Kings. 526

7 Unkan hewicakiya, Wicašta itkonicipapi hi, qa wicoie kin he-na eniciyapi kin oihduze kin toketu he?

8 Unkan heciyapi, Wicašta kin šina hinšma hdowin, qa telmiso wan ipiyagkiton. Unkan, Elija Tišbi kin hee, eya.

9 Unkan akicita tancan wicašta wikcemna zaptan wicayuhe cin om Elija ekta yeši. Unkan ekta i. Unkan inyun ƚe paha akan iyo-tankehan yanka. Unkan heciya, Wakantanka tawicašta kin apamahde kuwa wo, wicaštayatapi kin eya ce.

10 Unkan Elija ayupte ƚa akicita tancan kin heciya, Miye Wakantanka tawicašta hemaca hecinhan, malpiya etanhan peta hiyu, qa niye, qa akicita wikcemna zaptan nitawa ƚuƚnaƚniyanpi kta. Unkan peta malpiya etanhan kun hiyu, qa iye, qa wikcemna zaptan tawa ƚuƚnaƚwicaya.

11 Unkan ake akicita tancan tokeca wan wicašta wikcemna zaptan tawa om ekta yeši. Unkan ie ƚa heciya, Wakantanka tawicašta, wicaštayatapi kin hecen eya, Inaƚni apamahde kuwa wo.

12 Unkan Elija ayupte ƚa hewicakiya, Miye Wakantanka tawicašta hemaca kinhan peta malpiya etanhan kun hiyu, qa niye, qa wikcemna zaptan nitawa ƚuƚnaƚniyanpi kta. Unkan Wakantanka tapeta kin malpiya etan-

WICOWOYAKE 2.

han kun hiyu, qa iye, qa wikcemna zaptan tawa hūhnaḥwicaya.

13 Unkan ake akicita tancan iyamni wikcemna zaptan tawa om yeši. Unkan akicita tancan iyamni kin itanwankanḥde ekta i, qa canpeška makeḥde Elija itokam inajin, qa cekiya, qa heciya, Wakantanka tawicašta ceciciya, minagi kin, qa nitaokiye wikcemna zaptan kin dena naḡipi kin ništa kin en tehikapi nunwe.

14 Inyun peta mahpiya etanhan kutkiya u, qa akicita itancan nonpa tokaheya upi, wikcemna zaptanṭan tawapi om, wicaya-sota, heon tokin minagi kin ništa kin en tehike kten.

15 Unkan Jehowa ohnihde kin Elija heciya, Kici ya wo. Ihnuhan he ikoyape cin. Unkan najin, qa kici i, wicaštayatapi kin ekta.

16 Qa heciya, Jehowa hecen eya, Israel ohna taku wakan oie kin inonge kta wanica naceca, heon Bayal Zebub, Yekron wakandapi kin inonge kta ohnihde yewicayaši; heon owanka akan inonke cin etanhan nayajin kte šni, tuka awicakehan niṭe kta.

17 Hecen Jehowa oie Elija eye cin iyecen ṭa. Unkan cinca nica heon heekiya Joram wawidaka, Juda wicaštayatapi Jehošapat cinhintku Joram wawidaka waniyetu inonpa en.

18 Unkan Ahazija oḥan unman econ kin hena Israel wicaštayatapi anpetu oyakapi wowapi kin en owapi šni he?

WICOWOYAKE 2.

1 Unkan Jehowa tateiyumni ohna Elija mahpiya ekta yuwan-kan icu kte cehan, Elija qa Eliša Gilgal etanhan iyayapi.

2 Unkan Elija Eliša heciya, Ceciciya den yanka wo, Jehowa Betel ekta yemaši ce. Unkan Eliša heya, Jehowa ni, qa ninagi ni kinhan, aciyušan kte šni. Hecen Betel ekta ipi.

3 Unkan waayate cinca, Betel ohna yukanpi kin, Eliša ekta inanpapi, qa heciyapi, Jehowa nakaha itancan nitawa nipa iwankapatanhan inicicu kta sdon-yaya he? Unkan miš eya he sdonwaya, inina unpo, eya.

4 Unkan Elija heciya, Eliša ceciciya den yanka wo, Jehowa Jeriḥo ekta yemaši. Unkan, Jehowa ni, qa ninagi ni kinhan aciyušan kte šni, eya. Hecen Jeriḥo ekta ipi.

5 Unkan waayate cinca Jeriḥo ohna yakonpi kin Eliša ikiyedani hipi, qa heciyapi, Jehowa nakaha itancan nitawa nipa iwankapatanhan inicicu kta, sdonyaya he? Unkan, miš eya sdonwaya ce. Inina unpo, eya.

6 Unkan Elija heciya, Ceciciye den yanka wo; Jehowa Jordan ekta yemaši ce. Unkan Jehowa ni, qa ninagi ni kinhan aciyušan kte šni ce, eya. Hecen sakim iyayapi.

7 Unkan waayate cinca etanhan wicašta wikcemna zaptan iyayapi, qa wiciḥeyata tehan najinpi. Unkan napin Jordan ekta najinpi.

8 Unkan Elija šina ikikeu qa hdupehan, qa mini kin apa. Unkan yukinukan iyaya, deciya, qa kakiya. Hecen sakim opta iyayapi, puza akan.

9 Unkan akasanpa ipi qehan, Elija Eliša heciya, Taku ecacicon kta da wo, nitan tanhan emahdakupi šni itokam. Unkan Eliša heya, Tokin nitaniya nonpa akihde akan maun kten.

10 Unkan, Taku tehika yada,

II. WICAŠTAYATAPI,

nitan tanhan emahdakupi wanmayadake cinhan ecetu niciye kta, qa *wanmayadake* šni kinhan ecetu kte šni.

11 Unkan sakim iyayapi, wohdaka manipi qehan, inyun peta canpahmihma, qa peta šuktanka wicayukinukan; Unkan Elija tate iyumni ohna wankan iyaya mahpiya ekta.

12 Unkan Eliša wanyake ca hoyeya, Ate, ate, Israel canpahmihma tawa, qa šungakanyotankapi tawa; qa icimana wanyake šni. Hehan heyake ikikcu, qa hduhdehdeca onšpa nom.

13 Qa Elija tašina ihpaye cin yuwankan icu, qa kihda, qa Jordan huta kin anajin.

14 Qa šina Elija etanhan ihpaye cin icu, qa mini kin ape ca heya, Jehowa Elija wakanda kin tukte e he? Unkan mini kaštake cin deciya qa kakiya yukinukan iyaya, unkan Eliša opta iyaya.

15 Unkan waayate cinca Jeriho iwiyohipanpa tanhan yakonpi kin he wanyakapi qehan, Elija taniya kin Eliša akan un ce, eyapi; qa itkokim upi, qa itokam maka ekta patujapi.

16 Qa heciyapi, Iho nitaokiye wicašta wašaka wikcemna zaptan yukan, tokin hena yapi, qa itancan nitawa akitapikten. Okini Jehowa taniya kin he yuwankan icu, qa he wan akan, qaiš osmaka wanji en elipeya. Unkan, Yewicašipi šni po, eya.

17 Unkan nina kitanpi ecen iye išteca. Unkan, Yewicašipo, eya. Unkan wicašta wikcemna zaptan yewicašipi. Unkan yamni can akitapi, tuka iyeyapi šni.

18 Qa iye Jeriho ohna yanka en hdi. Unkan hewicakiya, Yapi šni po, eciciyapi šni he?

19 Unkan otonwe wicašta kin

Eliša heciyapi, Iho otonwe kin de oyanke kin wašte, unyuhapi kin wanyake cin iyecen; tuka mini kin šica, qa maka kin cinca nica wicakağa ece.

20 Unkan wakšica teca wan hiyu makiyapo, qa miniskuya ohnaka po, eya. Unkan kahipi.

21 Unkan inanpa minihinape cin ekta, qa heya, Jehowa hecen eya, Mini kin de okiziwaya; icimana hetanhan wiconte, qa itkotpeyapi yuke kte šni.

22 Hecen mini kin okiziyapi, anpetu kin dehanyan, wicoie Eliša eye cin iyecen.

23 Unkan hetanhan itanwan-kanhde Betel ekta i, qa itanwan-kanhde canku ohna mani icunhan, koška cistinna otonwe etanhan inanpapi, qa heciyapi, Pašda wankan ya wo; wankan ya wo.

24 Unkan ihdamna, qa awicat-
tonwan, qa Jehowa cajeyan wicayašica. Unkan wahanksica wiye nonpa taškoju etanhan inanpapi, qa hena etanhan hokšidan wikcemna topa sanpa nonpa wicayašdecapi.

25 Unkan hetanhan Karmel he kin ekta i, qa hetanhan Samaria en hdi.

WICOWOYAKE 3.

1 Unkan Jehošapat Juda idake cin waniyetu wikcemna sanpa išahdoğan kin en, Joram Ahab cinhintku toka Israel idaka, Samaria ohna, qa waniyetu wikcemna sanpa nonpa wawidaka.

2 Unkan taku Jehowa išta kin en šica econ, tuka atkuku, qa hunku iyececa šni; qa Bayal wakağapi atkuku kağe cin he yutokan.

3 Tuka woahitani Jeroboyam Nebat cinhintku Israel wahtaniwicaye cin he kitan, qa hetanhan ihduhomni šni.

WICOWOYAKE 3.

4 Unkan Meša Moab wicaštayatapi kin tahnwanunyanpi yuha heca, qa tacincadan kektopawinge opawinge, qa tamdoka kektopawinge opawinge hin kin iyahna Israel wicaštayatapi kin qu ece.

5 Tuka Ahab te cehan Moab wicaštayatapi kin Israel wicaštayatapi kin kipajin.

6 Unkan hehan wicaštayatapi kin Joram Samaria etanhan inanpa, qa Israel owasin wicayawa.

7 Qa nakun Juda wicaštayatapi kin Jehošapat wahoye ça heciya, Moab wicaštayatapi kin makipajin, Moab unkize kta mici de kta he? Unkan heya, Mde kta ce. Niye iyemaceca, qa oyate mitawa oyate nitawa iyececa, qa šuktanka mitawa šuktanka nitawa iyececapa.

8 Qa heya, Canku tuktee ohna unye kta he? Unkan Edom tinta kin canku kin ohna, eya.

9 Hecen Israel wicaštayatapi kin, qa Juda wicaštayatapi kin, qa Edom wicaštayatapi kin iyayapi, qa anpetu šakowin yuwini yapi, tuka mini wanica, ozuye kin on, qa wanunyanpi opapi kin on.

10 Unkan Israel wicaštayatapi kin heya, Hehehe Jehowa wicaštayatapi yamni kin dena yuwitaya hiyu unyanpi, Moab nape en unqupi kta e.

11 Unkan Jehošapat heya, Jehowa unkiwangapi kta e Jehowa waayate tawa deciya wanica he? Unkan Israel wicaštayatapi taokiye wanji ayupte ça heya, Eliša Šapat cinhintku Elija nape kin mini akašan kin he den un ce.

12 Unkan Jehošapat heya, Jehowa oie kin iye kici un. Unkan Israel wicaštayatapi kin, qa

Jehošapat, qa Edom wicaštayatapi kin iye ekta apamahde ipi.

13 Unkan Eliša Israel wicaštayatapi kin heciya, Taku iyo-ciwaja he? Niyate waayate tawa, qa nilun waayate tawa kin hena ekta ya wo. Unkan Israel wicaštayatapi kin heciya, Hiya Jehowa hee wicaštayatapi yamni kin dena mniciye wicaya, Moab nape en wicaqu kta heon etanhan.

14 Unkan Eliša heya, Jehowa obe yuhe cin itokam nawajin kin, he ni kin iyecen, Jehošapat Juda wicaštayatapi kin ite kin ihawakta, hecetu šni unkanš ila-cikta kte šni, qa acitonwe kte šni.

15 Tuka wanna candowankiyesa wan miye ekta hiyuya po. Unkan candowankiyesa itokam candowankiye cehan Jehowa nape kin iye akan un.

16 Unkan heya, Jehowa hecen eya, Kaksiza kin den makohdoka ota kağa wo.

17 Jehowa hecen eya nakaš, Tate wandakapi kte sni, qa magaju wandakapi kte sni, tuka kaksiza kin de mini ojudan kta, qa datkanpi kta, niyepi, qa nakun tahnca nitawapi, qa wanunyanpi nitawapi.

18 Qa he qe Jehowa išta kin en taku cistinna; nakun Moab ninapepi en qu kta.

19 Unkan otonwe cankaškapi owasin yakaštakapi kta; nakun otonwe wiciyokipi owasin, qa can wašte owasin yakawankapi kta, qa miniyowe owasin aohdu-teyayapi kta, qa mağa wašte owasin inyan on yušağ yayapi kta.

20 Unkan hanhanna minha hūhna hiyapi ece iyehantu, mini Edom canku kin etanhan kaduza, qa maka kin mini ojudan.

II. WICAŠTAYATAPI,

21 Unkan Moab owasin wicaštayatapi azuwicaya upi e nahonpi qehan, tona wipekiton okihi owasin wicakipanpi, qa iyayapi, qa makoce ihanke ekta najinpi.

22 Qa ihanhanna kiktapi, qa mini akan wi kin hinanpe çehan Moab iye itokam mini kin wanyakapi, ša we iyececa.

23 Unkan heyapi, We hee. Wicaštayatapi kin cakicipapi, qa kiciktepi, heon Moab wahpaya kin iyahpaya po.

24 Unkan Israel owanka en hipi qehan, Israel najinpi, qa Moab kaštakapi. Unkan wicitokam napapi. Unkan Moab en wicakaštaka ipi.

25 Qa otonwepi yujujupi, qa mağa wašte owasin akan inyan ehpeyapi, wicašta otoiyohi, hecen ojuyapi, qa miniyowe owasin aohduteyapi, qa can wašte owasin kawankapi, ecen Herešet conkaške inyan heceedan okaptapi, qa he ilidukšan ipi, qa inyan yulimun on he kaštakapi.

26 Unkan Moab wicaštayatapi kin ozuye kin iye isanpa wašaka wanyake çehan, wicašta opawinge šakowin isan hdušdokapi om Edom wicaštayatapi kin kte kta iyaya, tuka okihipi šni.

27 Hehan iye cinhintku tokapa, iye ohakam wicaštayatapi kte cin icu, qa wohuhnahyapi on conkaške akan huhnahya. Hehan wošihda tanka Israel ekta kiya. Unkan ayušanpi qa makoce ekta kihdapi.

WICOWOYAKE 4.

1 Unkan waayate cincapi tawicupi etanhan winohinca wan Eliša hoyekiye ça heya, Nitaokiye mihihna kin wanna te, qa nitaokiye qon Jehowa nina kinihan

sdonyaya. Unkan ikicazo qon micinca napin wowidake on iwicacu kta wanna hi ye.

2 Unkan Eliša heciya, Taku ecacicon kta omakiyaka wo. Yati kin ohna taku duba he? Unkan heya, Nitaokiyewin ti kin ohna takudan yuhe šni ye, wihdi cega wan ohna heceedan.

3 Unkan heya, Hda cega odota wo; titokan nikiyedani tipi kin owasin etanhan, cega takudan ohnaka šni ota hin.

4 Qa yahdi, qa niye nicinca kicišnana mahen tiyopa onataka, qa cega kin hena owasin okaštan wo, qa ojudan kin tokan ehde wo.

5 Hecen iye etanhan iyaya, qa cinca kicišnana mahen tiyopa onataka, hena cega hiyuyapi, qa iye okaštan.

6 Qa cega owasin ojupi qehan, cinhintku wan heciya, Ake cega wan makau ye. Unkan heciya, Wanna cega henana. Unkan wihdi kin anapta.

7 Unkan winyan kin iyaye ca Wakantanka tawicašta kin okiyaka. Unkan heya, Hda, qa wihdi kin wiyopekiye ça iyakazo kin hdajuju, qa tona oyakapte cin on niye qa nicinca yanipi kta.

8 Unkan anpetu wanji Eliša Šunem ekta iyaya. Unkan winohinca tanka wan hen yanka, qa aguyapi yute kta iyopaštaka. Unkan heci iyaya eca, aguyapi yute kta e hen yuwinh i ece.

9 Unkan winyan kin hihnaku heciya, Iho ye wicašta unkiyepi en ijehan hiyaye cin he Wakantanka tawicašta wakan heca sdonwaya ye.

10 Ceciciye owanka tipi wan conkaške akan unkicage kte, qa owinja wan, qa wahna wotapi wan, qa oiyotanke wan, qa petijanjan wan hen unkicihnake

WICOWOYAKE 4.

kta; hecen unkiyepi en hi eca hen yanka ecee kta ye.

11 Unkan anpetu wan heciya i qehan, owanka tipi kin en i, qa hen iwanka.

12 Qa tahoksidan Gehazi heciya, Sunamiwin kin de kico wo. Unkan kico qehan itokam winyan kin hinajin.

13 Unkan heciya, Winyan kin heciya wo, Inyun ihaunyaktapi, qa taku kin dena owasin tanyan ecaunyconpi; taku ecauniconpi kta he? Niye on wicaštayatap taku unkekiyapi kta, qaiš akicitatancan tokapa? Unkan, Oyata mitawa ehna ounwaye ye, eya.

14 Unkan heya, Hehan taku ecakiconpi kta he? Unkan Gehazi heya, Awicakehan cinca nica, qa hihnaku kin wicahinca.

15 Unkan kico wo, eya. Unkan kico. Unkan winyan kin tiyopa en hinajin.

16 Unkan heya, Tokata omaka kin de iyehan wicani kin iyecen cinca wica wan adoksohan yahduze kta. Unkan winyan kin heya, Hiya, itancan mitawa, Wakantanka tawicašta, ihnuhan nitakiyewin yahnaye cin.

17 Unkan winohinca kin ihdušake ça hoksidan wan ton, wicani kin iyehan omaka kin he en, Eliša eciye ciquon iyecen.

18 Unkan hoksidan tanka qehan, anpetu wan atkuku ekta iyaya aguyapi baksapi kin ekta.

19 Qa atkuku heciya, Mapa, mapa. Unkan, Hunku ekta kanya wo, koška wan eciya.

20 Unkan qin, qa hunku ekta kahi. Unkan siyoto akan iyotanke ça wiyotanhan hehan ta.

21 Unkan wankan iyaye ça Wakantanka tawicašta towinja akan ehnaka, qa tiyopa kin ecen icu, qa tankan iyaya.

22 Qa hihnaku kipan, qa heciya, Hoksidan wanji miye ekta uši ye; nakun šonšonna wiyedan, hecen Wakantanka tawicašta ekta dus mde kta, qa wahdi kta ye.

23 Unkan heya, Tokeca niye nakaha ekta de kta he? Witeca šni, qa anpetu okihpapi šni. Unkan winyan heya, Tanyan kte ye.

24 Unkan šonšonna kin aqinkiton, qa hoksidan kin heciya, Kahapa qa tokata ya ye. Ihnuhan kahapa enayakiye cin, econ ciši šni kinhan.

25 Hecen iyaye ça Wakantanka tawicašta kin ekta i, Karmel he kin ekta. Unkan Wakantanka tawicašta kin tehantanhan wanyake cehan tahoksidan kin Gehazi heciya, Inyun Sunamiwin kin hee.

26 Wanna itkokepi kta inyang ya wo, qa heciya wo, Zaniyan yaun he? qa nihihna zaniyan un he? qa hoksidan kin zaniyan un he? unkan, Zaniyan eya.

27 Unkan Wakantanka tawicašta kin ekta hi, he kin ekta, qa siha kin yuza. Unkan Gehazi yutokan kta ikiyedan hi. Unkan Wakantanka tawicašta kin heya, Iyowinkiya wo, nađi kin iyokišica, tuka Jehowa miye etanhan nahma, qa omakiyake šni.

28 Unkan winyan kin heya, Itancan mitawa etanhan cinca wakida he? Ihnuhan mayahnyan epe šni he?

29 Unkan Gehazi heciya, Nite iyahdaška, qa sagye mitawa ninape on icu wo; qa ya wo. Wicašta wan ayakipe cinhan dawaste kte šni; qa tuwe niyawašte kinhan adupte kte šni; qa sagye mitawa hoksidan ite kin akan ehnaka wo.

II. WICAŠTAYATAPI,

30 Unkan hokšidan hunku kin heya, Jehowa ni, qa ninagi ni kin iyecen, aciyušan kte šni. Unkan najin, qa ihakam iyaya.

31 Unkan Gehazi wicitokam iyaye ça sagye kin hokšidan ite akan ehnaka; tuka ho wanica, qa ekta ewacin wanica, heon wicitkokim ihdamna, qa okiyake ça, Hokšidan kin kikta šni, eya.

32 Unkan Eliša tipi kin ekta i, qa inyun hokšidan kin ta, iye towinja akan wanka.

33 Unkan timahen i, qa kicišna-na en un, tiyopa ecen icu, qa Jehowa cekiya.

34 Qa hokšidan kin akan iwan-ka, qa iye i kin i tawa akan, qa iye išta kin išta tawa akan, qa iye nape kin nape tawa akan yekiya, hecen akan ihduğata. Unkan hokšidan cełpi kin kata aya.

35 Unkan ake najin, qa tipi ohna icipašya mani, qa ake akan ihduğata. Unkan hokšidan kin pša šakowin akihde, qa hokšidan kin išta hdukawa.

36 Unkan Gehazi kipan, qa heciya, Šunamiwin kin de kipan wo. Unkan kipan; unkan en hi. Unkan, Nicinkši ikikcu wo, eya.

37 Unkan winyan kin ikiyedān i, qa siha kin ekta ehpeiçiye ça makata patuja, hehan cinhintku ikikcu, qa tankan iyaya.

38 Unkan Eliša Gilgal ekta hda. Unkan makoce ohna wicaakihan. Unkan waayate cincapi kin iye itokam iyotankapi. Unkan tahokšidan heciya, Cega tanka kin otkeya, qa waayate cincapi wahanpi wiçakicaga wo.

39 Unkan wanji wato mnaye kta mağata iyaya, qa hen ikce wiyuwi wan iyeye ça etanhan wamnon pa yušpi tašina ojudan, qa iyekiye šni, heon cega wahanpi kin en bašpašpa ehpeya.

40 Unkan wicašta yutapi kte okašanpi, qa wahanpi yutapi icunhan hoyeyapi, qa heyapi, Wakantanka tawicašta cega ohna wiconțe yukan, qa yutapi okitpanipi.

41 Unkan heya, Ağuyapi mdu hiyumakiya po, qa cega en kada iyeya; hehan heya, Oyate on okašan po. Unkan yutapi, qa cega ohna taku šica wanica.

42 Unkan Bayal Šališa etanhan wicašta wan hiyu, qa taku tokaheya suton etanhan Wakan-tanka tawicašta kin woyute ka-hi, barle ağuyapi wikcemna nonpa, qa ağuyapi štonkadan itka bopanpi šni. Unkan, Oyate kin yutapi kta e wicaqu wo, eya.

43 Unkan taokiye heya, Wicašta opawinge wicitokam de ewehde kta he? Unkan heya, Oyate kin wicaqu wo, hecen wotapi kta. Hetanhan yutapi, qa okaptapi kta, Jehowa eya nakaš.

44 Unkan wicitokam ehde. Unkan yutapi qa okaptapi, Jehowa eye ciqon iyecen.

WICOWOYAKE 5.

1 Unkan Nayaman Aram wicaštayatapi taobe itancan kin, itancan tawa kin itokam wicašta tanka, qa kinihanpi, iye on Jehowa Aram nikiya nakaš, wicašta wašaka, waditaka, tuka leprosi ececa.

2 Ehanna Aram ozuye iyayapi, qa Israel makoce kin etanhan wicinyanna cistinna wan waya-ka yuha hdipi. Unkan Nayanman tawicu itokam najin ece.

3 Qa yuhe cin heciya, Tokin Itancan mitawa waayate Samaria ohna yanke cin he itokam najin kten, hecen leprosi asniye kte ye.

4 Unkan tuwe ekta i, qa itan-

WICOWOYAKE 5.

can tawa okiyake ça heya, Wicinyanna Israel makoce etanhan kin, decen qa decen eya ce.

5 Unkan Aram wicaštayatapi kin heya, Iho, ya wo, qa Israel wicaštayatapi kin wowapi wan waqu kta. Unkan mazaska woqin wikcemna, qa mazaskazi kektopawinge šakpe, qa wokoyake ocaje iyulpa wikcemna icu, qa iyaya.

6 Qa wowapi Israel wicaštayatapi kin kahi kin heya, Wowapi kin de nicahipi kinhan, iho mitaokiye Nayaman niye ekta ye waši, leprosi ececa asni yaye kta heon.

7 Unkan Israel wicaštayatapi kin wowapi kin yawa qehan, heyake kin hduhdehdeca, qa heya, Tewaye kta, qa niwaye kte e taku wakan hemaca he? on wicašta leprosi ececa asniye kta he miye ekta uši? Wanna wanyaka po, qa sdonya po, awicakehan makize kta kuwa ce.

8 Unkan Eliša wakan wicašta kin Israel wicaštayatapi taheyake hduhdehdeca nañon qehan, wicaštayatapi kin wahoye ça heya, Tokeca heyake yahduhdehdeca? Ito miye ekta hi kta, hecen Israel ohna waayate wan yanka sdonye kta.

9 Unkan Nayaman šuktanka, qa canpalimihma hduha, u, qa Eliša ti tiyopa kin ekta hinajin.

10 Unkan Eliša wahoši wan ekta yeši, qa heciya, Ya wo, qa Jordan en šakowin akihde ihdujaja wo, hecen nicełpi ake ecetu kta, qa niska kta.

11 Unkan Nayaman šihda, qa kihda, qa heya, Inyun miye ekta hinanpe kta, qa najin, Jehowa iye wakanda caje kin hoyekiye kta, qa tukten mayazan nape hduwinte kta, hecen leprosi asniye kta, awicakehan ecanmi.

12 Abana qa Parpar Damaskos tawakpa kin Israel mini kin owasin isanpa waštepi šni he? Hena en mihdujaja kinhan maska kte šni he? eye ça ihdamna, qa canniyan kihda.

13 Unkan taokiye ikiyedan hi-pi, qa iapi, qa heciyapi, Ate taku tanka waayate kin eniciya unkanš ecanon kte šni he? Tuka ees, Ihdujaja, qa niska kta eniciya.

14 Hehan apamahde i, qa Jordan en spaye içiye, šakowin akihde, wakan wicašta ie eiqon iyecen, qa cełpi kin ekicetu hokšidan cistinna cełpi kin iyececa, qa iye ska.

15 Unkan ake wakan wicašta kin ekta i, iye qa obe tawa owasin, qa itokam kinajin, qa heya, Inyun maka owancaya taku wakan wanica, Israel ohna hecedan wanna sdonwaya; heon ceciciye woyawašte wan nitaokiye kin etanhan icu wo.

16 Unkan Jehowa itokam nawajin ni kinhan iwacu kte šni, eya. Unkan cinkiya tuka wicašta šni.

17 Unkan Nayaman heya, Ceciciya maka kin de šonšonna woqin nonpa nitaokiye qupi kta. Detanhan nitaokiye icimana woñuhnañyapi, qa wošnapi taku wakan tokeca wakiyušna kte šni, Jehowa hecedan hecaki-con kta.

18 Taku kin de Jehowa nitaokiye kicicajuju kte, Itancan mitawa Rinmon ti en ohoda kta ya eca, minape akan oziiçiya ecee kta, qa Rinmon ti kin ohna wapa-tuja, Rinmon ti kin ohna wapa-tuja kin taku kin de on tokin Jehowa nitaokiye kicicajuju kten.

19 Unkan heciya, Zaniyan hda wo. Unkan canku iyutapi wan iye etanhan iyaya.

II. WICAŠTAYATAPI,

20 Unkan Gehazi Eliša wakan wicašta tahokšidan kin heya, Inyun itancan mitawa Arami kin de Nayaman taku ahi kin nape kin etanhan icu kapin; Jehowa ni kin iyecen ihakam waimnanke kta, qa iye etanhan taku iwacu kta.

21 Qa Gehazi Nayaman kinwa iyaya. Unkan Nayaman he inyang u wanyaka, qa itkokipe kta canpahmihma etanhan ipsice ça, Wookiye he? eya.

22 Unkan heya, Wookiye; itancan mitawa umaši, qa heya, Iho nakaha koška nonpa waayate cincapi, Epraim he kin etanhan en mahipi, ceciciya, mazaska woqin wan, qa wokoyake ocaje iyulpa nonpa wicaqu ye.

23 Unkan Nayaman heya, Cante waštaya woqin nonpa icu wo, hecen cinkiya, qa mazaska woqin nonpa ojuha nonpa en palita; nakun wokoyake ocaje iyulpa tahokšidan nonpa qin wicakiya, unkan itokam qinpi.

24 Qa paha kin ekta hi qehan, napepi kin etanhan icu, qa timahen kihnake ça wicašta qon kihde wicaši; unkan iyayapi.

25 Unkan iye u, qa itancan tawa itokam hinajin. Unkan Eliša heciya, Gehazi tokiya tanhan yau he? Unkan, Nitaokiye tokidan i šni, eya.

26 Unkan heciya, Wicašta kin itkonicipe kta canpahmihma tawa etanhan ihdamna qehan, micante nici i šni he? Nakaha mazaska icupi kte, qa wokoyake, qa wihdi can ojupi, qa hastanhanka iyuwi ojupi, qa tahinca, qa pte, qa ookiye wica qa winyan opetonpi kta iyehantu he?

27 Heon Nayaman leprosi tawa niye, qa nicinca aniskapapi kta, owihanke wanica. Unkan iye itokapatanhan inanpa leprosi ececa, wa iyececa.

WICOWOYAKE 6.

1 Unkan waayate cincapi kin Eliša heciyapi, Inyun oyanke ohna niciunyakonpi kin unkonkanpi šni ce.

2 Iho Jordan ekta unyanpi, qa hetanhan otoiyohi can wanji unkipi kte, qa heciya oyanke wan ohna untipi kta unkičicağapi kta. Unkan, Ya po, eya.

3 Unkan wanji heya, Tokin nitaokiye om de kta iyonicipi kten. Unkan, Miye mde kta ce, eya.

4 Unkan om iyaya. Unkan Jordan ekta ipi, qa cankaksapi.

5 Unkan wanji can wan kawanke cehan, maza kin minin ilpaya. Unkan hoyeya qa heya, Hehehe, itancan mitawa, he odotapi ce.

6 Unkan wakan wicašta kin heya, Tukten ilpaya he? Unkan oyanke kin kipazo. Unkan can wan kakse ça hen elpeya. Unkan maza kin okapota.

7 Unkan heya, Yuwankan iki-keu wo. Unkan nape kin hduğate ça icu.

8 Unkan Aram wicaštayatapi kin Israel azuya, qa taokiye om iyukcan, qa heya, Oyanke kin he en ewati kta.

9 Unkan wakan wicašta kin Israel wicaštayatapi kin wahoye ça heciya, Awanihdaka wo, oyanke kin he iyoopta de kte šni; Aram hen nahmana wankapi nakaš.

10 Unkan Israel wicaštayatapi kin oyanke kin wakan wicašta cajeyate ça on iwaktaye cin he ekta tuwe yeši, qa hecen ničiya wancadan šni, qa nonpa šni.

11 Unkan wicoie kin de on Aram wicaštayatapi cante kin inihan; qa taokiye wicakico, qa hewicakiya, Unkiyepi etanhan tuwe Israel wicaštayatapi kin

WICOWOYAKE 6.

wahoye cin omayakidakapi kte
śni he ?

12 Unkan taokiye wanji heya,
Tuwedan śni, itancan mitawa,
wicaštayatapi : Tuka Eliša waa-
yate Israel en yanke cin wicoie
oištinnma tipi nitawa ohna iyae
cin hena Israel wicaštayatapi
kin okiyaka ece.

13 Unkan heya, Ho po tukten
yanka iwanyaka po, hecen yewi-
cawaye ça mduze kta. Unkan
okiyakapi, qa, Dotan en yanka,
eyapi.

14 Unkan śuktanka, qa canpa-
hmihma, qa ozuye tanka yewi-
caši. Unkan hanyen ipi, qa
otonwe kin aohduteyapi.

15 Unkan wakan wicašta tao-
kiye najin kta bankikta, qa inan-
pa: Unkan inyun ozuye wan
otonwe kin ihduksan wanka;
nakun śuktanka, qa canpahmi-
hma. Unkan tahoksidan heciya,
He he he, itancan, token econ-
kupi kta he ?

16 Unkan heya, Ihnuhan wako-
yakipe cin : Unkiye om unpi
kin hena, iye om unpi isanpa ota-
pi ce.

17 Unkan Eliša cekiye ça heya,
Jehowa ceciciya, išta kin yuza-
mni ye, hecen wanyake kta.
Unkan Jehowa hoksidan išta kin
yuzamni ; unkan wawanyaka, qa
inyun he kin Eliša ihduksan pe-
ta canpahmihma, qa śuktanka
on ojudan.

18 Unkan apa'mahde Eliša ekta
hipi. Unkan Jehowa cekiye ça
heya, Ceciciya, oyate kin de išta-
gonga wicaya ye. Unkan Eliša
oie kin iyecen ištəgonge wicaya.

19 Unkan Eliša hewicakiya,
Canku kin dee śni, qa otowwe
kin dee śni. Mihakam upo, he-
cen wicašta ayakitapi kin ekta
aciyapi kta. Unkan Samaria
ekta awicaya.

20 Unkan Samaria en ipi qehan,
Eliša heya, Jehowa dena ištapi
kin wanna wicakiciyumdaya ye,
hecen wanyakapi kta. Unkan
Jehowa ištapi kin wicakiciyu-
mdaya, unkan wanyakapi, qa
inyun Samaria cokaya unpi.

21 Unkan Israel wicaštayatapi
kin hena wanwicayake cehan
Eliša heciya, Wicawakaštake kta
he ? Ate wicawakaštake kta
he ?

22 Unkan heya, Wicayakaštake
kte śni. Tuwe isan nitawa on,
qa itazipa nitawa on wayaka
iyacu kin he yakaštake kta he ?
Aguyapi qa mini wicitokam ehde
wo, hecen wotapi qa wayatkan-
pi kta, qa itancan tawapi ekta
hdapi kta.

23 Unkan wohanpi tanka wi-
cakicaga. Unkan wotapi, qa wa-
yatkanpi, unkan kihde wicaši ;
unkan itancan tawapi ekta hda-
pi. Unkan Aram ozuye kin Isra-
el makoce en hipi enakiyapi.

24 Unkan hena iyohakam Ben-
hadad Aram wicaštayatapi kin
obe tawa owasin mniciye wica-
ya, qa Samaria anatan, qa aona-
taka.

25 Unkan Samaria ohna nina
wicaakihan, inyun aonawicata-
kapi ecen sonsonna pa wan ma-
zaska wikcemna şahdogan iyo-
hi, qa wakiyedan cesdi miniya-
tkan ohnaka wanjidan mazaska
zaptan on wiyopeyapi.

26 Unkan Israel wicaštayatapi
kin conkaške amani qehan, wi-
nohinca wan hoyekiye ça heya,
Nimayan ye, itancan wicaštaya-
tapi.

27 Unkan heya, Jehowa niniye
śni, tokiya tanhan miye niciye
kta he ? wakanpanpi kin etanhan,
qaiś hastanhanka iyuškice kin
etanhan.

28 Nakun wicaštayatapi kin

II. WICAŠTAYATAPI,

heciya, Taku yaka he? Unkan winyan qon heya, Winohinca kin de hemakiya, Nicinksi kpağan ye, hecen nakaha unhdute kte, qa heyakecinhan micinksi unhdute kte ye.

29 Hecen micinksi unkohanpi, qa untapi ye. Unkan anpetu ihanhanna hewakiya, Nicinksi kpağan ye, he unte kte ye, tuka iye cinhintku nahma ye.

30 Unkan wicaštayatapi kin winohinca oie kin nahon qehan, taheyake hduhdelideca, qa conkaške kin amani; unkan oyate kin wanyakapi, qa inyun mahen cehpi akan wakihdaka un.

31 Unkan heya, Wakantanka hecen ecamicon, qa nakun de isanpa, Eliša Šapat cinhintku pa kin anpetu kin de iye akan yanke kte cinhan.

32 Unkan Eliša iye ti kin ohna yanka, qa hunkayapi kin kici iyotankapi. Unkan *wicastayatapi* kin itokapatanhan wicašta wan ohnihde yeši kin nahanhin ekta hi šni, Eliša hunkayapi kin hewicakiya, Tin wicakte cinhintku kin de mapa ieu kta tuwe uši wandakapi he? Wanyakapo, ohnihde hi kinhan tiyopa kin ecen icupo; qa tiyopa ekta sutaya yuzapo. Itancan tawa siha kin iye ihakam bubu šni he?

33 Hena om wohdaka icunhan, inyun wahoši kin, *qa wicastayatapi* kin iye ekta hi, qa heya, Inyun taku šica kin de Jehowa etanhan u ce. Tokeca Jehowa sanpa awape kta he?

WICOWOYAKE 7.

1 Unkan Eliša heya, Jehowa oie kin nahon po, Jehowa hecen eya, Heyakecinhan wi kin dehantu Samaria tiyopa ekta agu-

yapi mdu iyutapi wan Šeqel wanji wiyopeyapi kta, qa barle wiyutapi nonpa Šeqel wan wiyopeyapi kta.

2 Unkan akicitatancan wan nape kin akan wicaštayatapi kin oziičiye cin he ayupte qa Wakantanka tawicašta kin heciya, Inyun Jehowa mahpiya en owanyeye kaga unkanš wicoie kin de ecetu kta tuka. Unkan heya, Inyun niye ništa on wandake kta, tuka hetanhan yate kte šni.

3 Unkan wicašta topa leprosi ececapi otonwe tiyopa ekta yakonpi, qa hekiciyapi, Tokeca untapi kte cin hehanyan den unyakonpi he?

4 Otoñwe en unyanpi kta unke-yapi kinhan, otonwe mahen wicaakihan, qa hen untapi kta, qa den unkiyotankapi kinhan untapi kta; heon wanna ho po, Aram owankapi ekta unyanpi kta, ni-unyanpi kinhan unnipi kta, qa teunyanpi kinhan untapi kta.

5 Unkan otpaza en najinpi, qa Aram owankapi ekta yapi, qa Aram owankapi ihanke ekta ipi, qa inyun tuwedan hen un šni.

6 Wanna Itancan kin Aram obe kin canpahmihma bu, qa šuktanka hoton ozuye tanka nahon wicaya; heon hekiciyapi, Inyun Israel wicaštayatapi kin Heti wicaštayatapi kin, qa Egupton wicaštayatapi, azuunyanpi kta opewicaton.

7 Heon najinpi, qa anpa šni napapi; qa tawakeyapi, qa šuktanka tawapi, qa šonšonna tawapi ehpekiyapi, owanka ecehna, qa nagipi kin on najicapi.

8 Unkan leprosi ececapi kin wakeya kin ekta ipi, qa owanka ihanke ekta wakeya wanji en ipi, qa wotapi, qa wayatkanpi, qa hetanhan mazaska, qa mazaskazi,

WICOWOYAKE 8.

qa wokoyake icupi, qa iyayapi, qa nahmapi, qa icicawin upi, qa wakeya tokeca wanji en ipi, qa hetanhan icupi, qa yuha iyayapi, qa nahmanpi.

9 Unkan otoiyo hi takodaku hekiciyapi, Unkiyepi taku ecetu šni econkupi; anpetu kin de wotanin wašte anpetu heca, qa unkiyepi inina unyakonpi, qa anpa kamdeza unkapepi kinhan taku šica unkakipapi kta; ho po unyanpi, qa wicaštayatapi ti kin unkokiyakapi kta.

10 Unkan kupi, qa otonwe tiyopa ekta panpi, qa owicakiyakapi, qa heyapi, Aram owankapi kin ekta unkipi, qa inyun tuwedan en un šni, qa wicašta ho kin wanica, tuka šuktanka iyakaškapi, qa šonšonna iyakaškapi, qa wakeyapi kin ecehna wanka.

11 Unkan tiyopa awanyakapi kin panpi, qa wicaštayatapi kin ti kin mahen okiyakapi.

12 Unkan wicaštayatapi kin hanyen najin, qa taokiye hewicakiya, Wanna Aram token ecaunkiconpi kin ociciyakapi kta. Unkakihanpi kin sdonyapi, heon owanka kin etanhan mağa ekta inahmanpi kta e iyayapi, qa heyapi, Otonwe etanhan inanpapi kinhan, niyake iyawicunhpayapi, qa otonwe en unyanpi kta.

13 Unkan taokiye wan ayupte ça heya, Tokin šuktanka okaptapi etanhan zaptan icupi kta henana okaptapi, Israel wicota owasin iyecen henana okaptapi, Israel wicota owasin iyecen sotapi, qa hena iwanyag yewicuňšipi kten.

14 Unkan canpahmihma šuktanka nonpa icupi, qa wicaštayatapi kin Aram ozuye kin ihakam yewicaši, qa heya, Tonwe ya po.

15 Unkan wicihakam iyayapi, Jordan ekta hehanyan. Unkan,

iho canku kin ihunniyan wokoyake, qa wakšica ojudan; hena Aram najicapi en ehpekiyapi. Unkan wahošiye hdipi, qa wicaštayatapi kin okiyakapi.

16 Unkan oyate kin tankan iya-yapi, qa Aram owankapi qon iyahipayapi, hecen aguyapi mdu wiyutapi wan šeqel iyohi, qa Barle wiyutapi nonpa šeqel wanji iyoheyapi, Jehowa eye ciqon iyecen.

17 Unkan wicaštayatapi kin akicitatancan nape akan oziičiye ciqon, he otonwe tiyopa kin awanyag ši. Unkan oyate kin tiyopa kin en amanipi; hecen ta, Wakantanka tawicašta eye ciqon iyecen, wicaštayatapi kin iye ekta hi qehan.

18 Wakantanka tawicašta kin wicaštayatapi kin eciye ciqon, qa heya, Barle wiyutapi nonpa šeqel wanji iyohi kta, qa aguyapi mdu wiyutapi wan šeqel wanji iyohi kta, heyakecinhan wi kin dehantu Samaria tiyopa kin ohna, eye ciqon he ecetu.

19 Unkan akicita tancan qon Wakantanka tawicašta kin ayupte ça heciya, Jehowa mahpiya en owanyeye kağa unkanš wicoie kin de ecetu kta tuka. Unkan heya, Ito niye ništa on wandake kta, tuka hetanhan yate kte šni.

20 Unkan iyecen iye akipa, oyate kin tiyopa en amanipi, unkan ta.

WICOWOYAKE 8.

1 Unkan Eliša winohinca cinhintku niye ciqon kici wohdake ça heya, Najin, niye qa tiohnaka nitawa, qa tukten oyakihi hen yanka wo, Jehowa wicaakihan wan uši, qa hi kta, makoce akan, waniyetu šakowin.

II. WICAŠTAYATAPI,

2 Unkan winohinca qon najin, qa Wakantanka tawicašta kin eye cin iyecen econ, qa iye, qa tiyohnaka tawa kin iyayapi, qa Pilistim tamakocepi kin ohna waniyetu šakowin yankapi.

3 Unkan waniyetu šakowin ihanketa winohinca kin Pilistim tamakocepi kin etanhan hdi, qa tipi tawa, qa mağa tawa on wicaštayatapi kin hoyekiye kta e ekta i.

4 Unkan wicaštayatapi kin Wakantanka wicašta tawa tahokšidan qon Gehazi kici wohdaka, qa heya, Iho wicoħan tanka Eliša econ kin owasin omakiyaka wo.

5 Unkan token hokšidan ƣe cin nikiye cin wicaštayatapi kin okiyake cin icunhan, inyun winohinca cinhintku nikiye cin he iye ti kin on, qa tamağa on wicaštayatapi kin hoyekiya. Unkan Gehazi heya, Itancan wicaštayatapi winohinca kin dee, qa cinhintku Eliša niye cin dee.

6 Unkan wicaštayatapi kin winohinca iwanğa; unkan okiyaka. Unkan wicaštayatapi kin akicita wan winohinca kici yeši, qa heciya, Taku tawa kin owasin kicu wo, nakun tamağa taku aicage cin owasin anpetu elipekiye ciquon ehantanhan ecen dehanyan.

7 Unkan Eliša Damaskos ekta i. Unkan Benhadad Aram wicaštayatapi kin wayazanka. Unkan okiyakapi qa heyapi, Wakantanka tawicašta kin den hi ce.

8 Unkan wicaštayatapi kin Hazael heciya, Taku yaqu kta ninape en icu wo, qa Wakantanka tawicašta akipe kta ya wo, qa iye on Jehowa iwanğa wo, wowayazan kin de etanhan amakisni kta hecinhan.

9 Unkan Hazael akipe kta iya-ya, qa taku qu kta nape en icu,

taku wašte Damaskos ohna un kin iyuhpa, camo wikcemna topa tawaqinpi, qa ekta i qa itokam najin, qa heya, Nicinkši Benhadad Aram wicaštayatapi niye ekta umaši, qa, Wowayazan kin de etanhan amasni kta he? eya.

10 Unkan Eliša heciya, Hda qa heciya wo, Awicakehan yani kta; tuka awicakehan ƣe kta Jehowa wanyag makiya.

11 Unkan ite kin opaħta najin ecen išteca. Unkan Wakantanka tawicašta kin ceya.

12 Unkan Hazael heya, Tokeca itancan mitawa ceya he? Unkan heya, Taku šica Israel cinca kin ecawicayecon kta sdonwaya. Conkaške tawapi kin ide yaye kta, qa koška kaħniğapi kin isan on wicayakte kta, qa šicecapi kin wicayakaštake kta, qa winohinca ihdušaka tawapi bawicayasdece kta.

13 Unkan Hazael heya, Tuka tokeca nitaokiye taku tanka kin de econ kta, šunka heca he? Unkan Eliša heya, Niye Aram iwicayadake kta Jehowa sdonye makiya ce.

14 Unkan iyaya, Eliša etanhan, qa itancan tawa ekta i. Unkan heciya, Eliša taku eniciya he? Unkan heya, Awicakehan yani kta, emakiya ce.

15 Unkan ihanħanna šina šoka onšpa icu, qa minin oputkan, qa ite akan kamdaya. Unkan ƣa. Unkan heekiya Hazael wawidaka.

16 Joram Aħab cinhintku Israel iwicadake cin waniyetu izaptan kin en, Jehošapat Juda idake cin icunhan Joram Jehošapat cinhintku Juda iwicadaka.

17 Iye waniyetu wikcemna yamni sanpa nonpa hehan tokaheya wawidaka, qa waniyetu šahdoğan Jerusalem ohna wawidaka.

WICOWOYAKE 9.

18 Qa Israel wicaštayatapi kin tacankupi kin omani, Ahab tiyohnaka econpi kin iyecen, Ahab cunwintku kin yuza nakaš, qa taku šica Jehowa išta kin en econ.

19 Tuka Jehowa iye taokiye Dawid on, Juda ihangya wicada šni, iye qa cinca kin petijanjan wicaqu kta anpetu owasin eciye cigon iyecen.

20 Iye taanpetu icunhan Edom Juda nape kin kipajin, qa wicaštayatapi wan ičicağapi.

21 Unkan Joram Tzayir ekta iyaya, canpahmihma kin owasin om, qa hankikta qehan Edom iye ihduksan yakonpi kin wicakaštaka, nakun canpahmihma itancanpi kin; tuka oyate kin tawakeyapi kin ekta najicapi.

22 Hecen Edom Juda nape kin etanhan ihduška, anpetu kin dehanyan; hehan Libna nakun kipajin.

23 Unkan Joram ohan unman, qa taku econ kin owasin Juda wicaštayatapi anpetu oie wowapi kin en owapi šni he?

24 Unkan Joram hunkakewicaya om ištima, qa hunkakewicaya om hnakapi, Dawid totonwe ohna; unkan heekiya cinhintku Ahazia wawidaka.

25 Joram Ahab cinhintku Israel idake cin, waniyetu wikcemna sanpa inonpa kin en, Ahazia Joram cinhintku Juda idaka.

26 Ahazia waniyetu wikcemna nonpa sanpa nonpa qehan toka wawidaka, qa waniyetu wanjidan Jerusalem en wawidaka, qa hunku caje kin Atalia Omri Israel wicaštayatapi cunwintku kin.

27 Qa Ahab tiyohnaka canku kin ohna omani, qa Jehowa išta kin en taku šica econ Ahab ti kin iyecen. Ahab wicowazi kin tahan wicaya nakaes.

28 Unkan Joram Ahab cinhintku Hazael Aram wicaštayatapi kin kize kta Gilejad Paha kin ekta zuya iyaya. Unkan Arami kin Joram opi.

29 Unkan wicaštayatapi kin Joram Aram wicaštayatapi kici Paha kin ekta kiczapi Aram opi kin okiziyapi kte Jezreel en hdi. Unkan Ahazia Joram cinhintku, Juda wicaštayatapi kin, Joram Ahab cinhintku wayazanka on Jezreel en wanyake kta e apamahde i.

WICOWOYAKE 9.

1 Unkan Eliša waayate kin waayate cincapi kin wanji kico, qa heciya; Nite ipiyag kiton, qa ninape ohna wihdi janjan kin de icu, qa Gilejad paha ekta ya wo.

2 Qa hen yai, qa Nimši cinhintku Jehošapat cinhintku Jehu hen wandake cinhan, ekta yai kta, qa hunkawanji wicaye cin wicehna tanhan najin yaye ça owanka tipi mahetuya wan en yeyaye kta.

3 Hehan wihdi janjan kin icu, qa pa kin akašan wo; qa heciya wo, Jehowa hecen eya, Israel idake kta e sdaciya ce; hehan tiyopa kin yuhdoka qa najica wo. Ihnuhan owanji naya-jin kin.

4 Unkan koška kin waayate tahokšidan kin Gilejad paha kin ekta iyaya.

5 Unkan ekta i qehan, akicita tancanpi kin hen iyotankapi. Unkan heya, Akicita tancan wicoie wan eciciye kta. Unkan Jehu heya, Unkiyepi owasin etanhan tukte e he? Unkan, Niye, itancan, eya.

6 Unkan najin, qa tipi mahen i. Unkan wihdi kin pa kin akašan, qa heciya, Jehowa Israel wa-

II. WICAŠTAYATAPI,

kandapi kin hecen eya, Jehowa taoyate Israel iwicayadake kta, sdaciya ce.

7 Qa Ahab itancan nitawa tiyohnaka kin yakaštake kta, hecen mitaokiye waayatapi wepi kin, qa Jehowa taokiye owasin wepi kin Jezebel nape kin etanhan towecan kta.

8 Hecen Ahab tiyohnaka kin owasin atakuni kte šni. Unkan tona Ahab tawa wica owasin, nakun tona onatakapi, qa Israel ohna okaptapi kin hena ihang wicawaye kta.

9 Qa Ahab tiyohnaka Jeroboyam Nebat cinhintku tiyohnaka kin iyecen wakage kta, qa Bayaša Ahija cinhintku tiyohnaka kin iyecen.

10 Qa šunka Jezebel yutapi kta, Jezreyel makoce kin ohna, tuwedan hnake kte šni; eye qa tiyopa yuhdoke qa najica.

11 Unkan Jehu itancan tawa taokiye ekta inanpa; unkan wanj heciya, Wookiye he? Tokeca wacinhnuni kin he en nihi he? Unkan hewicakiya, Niyeppi wicašta kin sdonyayapi, oie kin nakun.

12 Unkan heyapi, Hecetu šni. Iho unkokiyaka po. Unkan heya, Decen qa decen emakiya, qa heya, Jehowa hecen eya, Israel iwicayadake kta sdaciya ce.

13 Unkan inalnipi, qa otoiyo hi šina ehdaku, qa ihukuya yumdaya ekihnakapi, caniyadipi akan, qa he yahotonpi, qa heyapi, Wicaštayatapi kin Jehu hee.

14 Hecen Jehu Jehošapat cinhintku he Nimši cinhintku kin Joram kipajin. Unkan Joram, qa Israel owasin Gilejad paha kin awanyakapi, Hazeel Aram wicaštayatapi kin on etanhan.

15 Qa Joram wicaštayatapi kin Hazeel Aram wicaštayatapi kin

kici kiczapi en, Arami opi kin okiziyapi kta e Jezreyel en hdi wanka. Unkan Jehu heya, Niye hecen wacinduzapi kinhan, Jezreyel ekta okiyake kta tuwedan otonwe kin etanhan najice kte šni.

16 Unkan Jehu canpahmihma en iyotanke qa Jezreyel ekta iyaya, Joram hen yanka nakaes. Unkan Ahazia Juda wicaštayatapi kin Joram wanyake kta e heci hi.

17 Unkan waawanyake wan tipi ipasotka akan najin, Jezreyel ohna, qa Jehu taobe kin wanyaka, upi icunhan, qa, Obe wan wanmdaka ce, eya. Unkan Joram heya, Šuktanka akan iyotan-ka wan itkowicakipe yeši po; qa, Wookiye he? eye kta.

18 Unkan šuktanka akan iyotan-ke kin itkokipa iyaya, qa heya, Wookiye he? wicaštayatapi kin eya. Unkan Jehu heya, Wookiye en taku iyoniwaja he? Mihektam ihduhomni wo. Unkan waawanyake kin oyaka, qa heya, Wahoši ekta wicai, tuka ku šni.

19 Unkan šuktanka akan yotanka inonpa yeši. Unkan ekta wicai qa heya, Wookiye he? wicaštayapi kin eya ce. Unkan Jehu, Wookiye en taku iyoniwaja he? Mihektam ihduhomni wo, eya.

20 Unkan waawanyake kin oyaka, qa, Wahoši ekta wicai tuka ku šni ce. Qa kašapapi kin Jehu Nimši cinhintku kašape cin iyececa, witkotkoya kašapa nakaes.

21 Unkan Joram heya, Canpahmihma koyagya wo. Unkan ikoyagyapi. Unkan Joram Israel wicaštayapi kin, qa Ahazia Juda wicaštayatapi kin otoiyo hi canpahmihma tawa en iyayapi, Jehu itkokipapi kta, qa Nabot

WICOWOYAKE 10.

Jezreyeli kin tamağa qon ekta akipapi.

22 Unkan Joram Jehu wanyake çehan heya, Wookiye he? Jehu? Unkan heya, Nihun Jezebel wiinahmapi kin, qa wapiyapi kin nina ihduota kin hehanyan taku wookiye he?

23 Unkan Joram nape kin hduhomni qa napa, qa Ahazia heciya, Ahazia wokipajin dee.

24 Unkan Jehu token okihi itazipa ecate ça Joram tahpa ekta o, qa wahinkpe kin cante kin kakpaiyeya. Unkan canpahmihma ohna ihpaya.

25 Unkan taakicita itancan Bidqar heciya, Yuwankan icu, qa Nabot Jezreyeli tamağa en ehpeya wo. Miye qa niye sakim atku ku Ahab canpahmihma ohna iha kam unkiyaya qehan, Jehowa woyake cin de okiyaka, kiksuya wo.

26 Jehowa heya; Awicakehan Nabot we kin, qa cinhintku wepi kin htanihan wanmdaka, qa maga kin de ekta niye en toweçon kta, Jehowa eya, heon yuwankan icu, qa maga kin den ehpeya wo; Jehowa oie kin iye cen.

27 Unkan Ahazia Juda wicaştayatapi kin wanyake çehan maga ti canku kin ohna napa. Unkan Jehu kuwa iyaya, qa heya, He nakun. Unkan canpahmihma akan opi, Gur itanwankahde yapi ekta, he Jibleyam ikiyadan. Unkan Megiddo ekta najica, qa hen ta.

28 Unkan taokiye Jerusalem ekta canpahmihma ohna ayapi, qa ohnahnakapi tawa en hnakapi, hunkakewicaya om, Dawid totonwe ohna.

29 Unkan Joram Ahab cinhintku waniyetu wikcemna sanpa, tokaheya wawidake cin en, Ahazia Juda idaka.

30 Unkan Jehu Jezreyel ekta ki; unkan Jezebel he nahon; qa išta kin şaya, qa pa kin pikiya, qa owanyeye etanhan eyokasin.

31 Qa Jehu otonwe tiyopa mahen hi qehan heciya, Zimri itancan kikte kin wookiye yuha he?

32 Unkan owanyeye kin ekta wankan etonwan, qa heya, Miciti kin tuwe he? Unkan yunukos nonpa qaiş yamni ahiyokasinpi.

33 Unkan heya, Kun ehpeya po. Unkan kun ehpeyapi; hecen we kin tipi conkaşke kin akastaka, şunktanka nakun. Unkan winyan kin akan ahanpi.

34 Unkan iyaya, qa wota qa wayatkan, hehan heya, Ho po, winohinca yaşicapi kin he ode, qa hnaka po, he wicaştayatapi wan cunwintku nakaes.

35 Unkan hnakapi kta iyayapi, tuka nasuhu, qa siha, qa napcoka heceedan iyeyapi.

36 Unkan hdipi, qa okiyakapi. Unkan heya, Jehowa oie, taokiye Elija Tişbi nape on eye cin dee, Jezreyel makoce kin ohna şunka kin Jezebel cehipi kin yutapi kta.

37 Qa Jezebel tancan te cin Jezreyel makoce ohna tacesdi maga akan iyecece kta; hecen Jezebel dee eyapi kte şni.

WICOWOYAKE 10.

1 Unkan Ahab cinca kin wikcemna şakowin Samaria ohna yakonpi, unkan Jehu wowapi kağa, qa Israel itancanpi kin hunkayapi kin, qa Ahab cinca icalhwicayapi kin Samaria ekta wahowicaye ça heya,

2 Wowapi kin de nicahipi kinhan, itancan nitawa cinhintku niyepi om unpi, qa canpahmihma, qa şuktanka duhapi, nakun otonwe aconkaşkeyapi, qa wipe.

II. WICAŠTAYATAPI,

3 Itancan nitawapi cinca wicehna tuwe wašte qa ecetu iwan-yakapo, qa atkuku toiyotanke akan iyotang kiyapo, qa itancan nitawapi ti kin on kizapo.

4 Tuka ninahin kokipapi, qa he-yapi, Inyun wicaštayatapi nonpa itokam najinpi šni, token unki-yepi naunjinpi kta?

5 Unkan tipi kin itancan kin, qa otonwe itancan kin, qa hun-kayapi kin Jehu wahoyapi, qa heciyapi, Unkiyepi nitaokiye he-uncapi, qa taku unkeyeciyapi kin owasin econkupi kta. Tu-wedan wicaštayatapi unkağapi kte šni, taku ništa kin en wašte econ wo.

6 Unkan inonpa wowapi wica-kicağa qa heya, Mici yatipi, qa maho nayahonpi kte cinhan, itan-can nitawapi cinca wica papi kin icupo, qa heyakecinhan wi kin dehantu Jezreyel ekta en mau-po. Wanna wicaštayatapi cinca kin wicašta wikcemna šakowin otonwe wicašta tanka icahwica-yapi om yakonpi.

7 Unkan wowapi wicakahipi qehan wicaštayatapi cinca kin iwicacupi, qa wicašta wikcemna šakowin wicaktepi, qa papi kin mankanopiye en iyeyapi, qa ekta yeyapi, Jezreyel ekta.

8 Unkan wahoši wan en hi, qa okiyaka qa heya, Wicaštayatapi cinca papi kin wanna ahipi ce; unkan heya, Ihanhanna hehan-yan otonwe tiyopa ekta hena paha nonpa ehdepo.

9 Qa ihanhanna inanpa, qa ekta najin, qa oyate kin hewicakiya, Niyepi ohan oniwoannapi. Inyun miye itancan mitawa waki-pajin qa wakte, tuka tuwe dena owasin wicakte he?

10 Dehan sdonyapo, Jehowa oie, Jehowa Ahab ti kin aie cin, wanjidan makata hinhpaye kte

šni, qa Jehowa taku taokiye Eli-ja nape on eye ciqon he econ ce, *eya.*

11 Qa Jehu Ahab tiyohnaka Jezreyel ohna okaptapi kin hena owasin wicakaštaka; nakun wi-cašta tanka tawa owasin, qa koda wicaya, qa wawayušna ta-wa owasin, ecen tūwedan oki-cicašte šni.

12 Hehan najin Samaria ekta iyaya, qa tahepi tahinca yuždapi tipi ekta i.

13 Hehan Ahazia Juda wica-štayatapi kin sunka wicaya awi-cakipe ça, Nituwepi he, *eya.* Unkan, Ahazia sunkaku heuncapi, qa wicaštayatapi cinca kin, qa wicaštayatapiwin cinca kin wookiye ewicunkiyapi kta on apamanhde unyanpi, *eyapi.*

14 Unkan, Niyake iyawicalipa-yapo, *eya;* unkan niyake wica-yuzapi, qa wicašta wikcemna topa sanpa nonpa wicaktepi, wayuždapi tipi miniowe kin ekta, hena etanhan wanjidan okapte šni.

15 Unkan hetanhan iyaye ça Jonadab Rekab cinhintku itko-kim akipa, qa yawašte qa heci-ya, Micante nicante kici un kin iyecen, nicante kin ecetu he? Unkan Jonadab, Han hecetu, heon ninape maqu wo, *eya.* Unkan nape kin qu, qa icahda can-pahmihma akan iyotang kiya.

16 Qa, Mici u wo, qa Jehowa on mamniheca wanyaka wo, eye ça canpahmihma tawa en iyotangki-ya.

17 Unkan Samaria ekta ipi, qa Samaria ohna tona Ahab tawa Samaria en okaptapi owasin wi-cakaštaka ecen ihang wicaya; Jehowa oie Elija eciye ciqon iyecen.

18 Unkan Jehu oyate owasin mniciye wicaya qa hewicakiya,

WICOWOYAKE 10.

Ahab Bayal kitanna ókiya, tuka Jehu nina ókiye kta.

19 Heon wanna Bayal waayate kin owasin, qa taokiye owasin, qa wawayuśna tawa owasin miye ekta wicakicopo. Ihnuhan wanjidan en hi śni. Wośnapi tanka wan Bayal wecağa, tuwe hi śni kin ni kte śni. Tuka Jehu wohnaye on hecon; Bayal taokiye ihang wicaye kta heon.

20 Unkan omniciye wakan Bayal kicagapo, Jehu eya; unkan eyanpahapi.

21 Unkan Jehu Israel owanca-ya wahowicaya, hecen Bayal taokiye owasin hipi, wicaśta hi śni wanjidan okapte śni. Unkan Bayal tipi tawa en hipi, qa Bayal tipi tawa kin ojudan ibanke wanji etanhan ihanke unman ekta.

22 Unkan wokoyake kin yuhe cin heciya, Bayal taokiye owasin on wokoyake wicaqu wo. Unkan wokoyake wicaqu.

23 Unkan Jehu, qa Jonadab Rekab cinbintku Bayal ti kin en ipi, qa Bayal taokiye hewicakiya, Akitapi qa iwanyakapo, Bayal taokiye heceedan den dukanpi, okini Jehowa taokiye wanji niyepi om den yanka.

24 Unkan wośnapi, qa wahu-łinahyapi kağapi kta en ipi. Unkan Jehu wicaśta wikcemna śahdogan hen tankan najin wicaśi, qa heya, Wicaśta ninapepi en hiyuwicawaye cin tuwe hena etanhan wanji nikiye cinhan, iye naği unman naği on kajuju kta.

25 Unkan wohułinahyapi kin hułinahya yuśtanpi qehan, Jehu wainyankapi kin, qa akicita kin hewicakiya, En yapi, qa wicakaśtakapo, wicaśta wanjidan tankan hi kte śni. Unkan wainyankapi kin, qa akicita kin isan hi on wicakaśtakapi, qa tankan

ehpewicayapi, hehan Bayal tipi otowwe kin ekta ipi.

26 Qa Bayal tipi kin wakağapi kin tankan hiyuyapi, qa hułinahyapi.

27 Unkan Bayal wakağapi kin pajujupi, qa Bayal ti kin pajujupi, qa he unkce tipi kağapi, anpetu kin dehanyan.

28 Hecen Jehu Israel etanhan Bayal ihangya.

29 Tuka Jeroboyam Nebat cinhintku woahitani on Israel wahtani wicaye cin hena etanhan Jehu ihduwinge śni, mazaskazi ptejicadan Betel ohna, qa Dan ohna owicape cin etanhan.

30 Unkan Jehowa Jehu heciya, Tanyan ecanon, qa taku miśta en ecetu ecanon, micante owasin iyecen Ahab tiyohnaka kin ecawicayecon, heon nicinca kin Israel oiyyotanke kin akan iyyotankapi kta, wicoicage topa.

31 Tuka Jehu Jehowa Israel Wakandapi toope kin omani kta cante ocowasin on waktaya un śni, tuka Jeroboyam woahitani kin, Israel wahtani wicaye cin, etanhan ihduwinge śni.

32 Anpetu kin hena en Jehowa tokaheya Israel ihanke kin wicakicicaśpa, qa Hazael Israel makoce ihanke owasin en wicakaśtaka.

33 Jordan etanhan wihinanpe cin ektakiya, Gilejad makoce kin ocowasin, Gadi kin, qa Rubeni kin, qa Manaśi kin Aroyer, Arnon wakpa kin ekta yanke cin etanhan Gilejad qa Baśan ekta hehanyan.

34 Unkan Jehu oie unman, qa taku econ kin owasin, qa towaśake owasin Israel wicaśtayatapi anpetu oyakapi wowapi kin en owapi śni he?

35 Hehan Jehu hunkakewicaya om iśtiman, qa Samaria ohna

II. WICAŚTAYATAPI,

hnakapi, qa heekiya cinhintku Jehohaz wicaśtayatapi un.

36 Qa anpetu Jehu Samaria ohna Israel iwicadake cin waniyetu wikcemna nonpa sanpa śa-hdogan.

WICOWOYAKE 11.

1 Unkan Atalja Ahazia hunku kin iye cinhintku ƣe cin wanyake cehan, najin, qa wicaśtayatapi cinca kin owasin wicakte.

2 Tuka Jehośeba Joram wicaśtayatapi cunwintku Ahazia tawinohtin Joaś Ahazia cinhintku kin wicaśtayatapi cinca wicehna tanhan wicaktepi qehan nahmana icu, iye qa azinkiyeye cin, qa owanka tipi ohna nawicahma, Atalja etanhan, hecen he ktepi śni.

3 Qa winyan kin kici Jehowa ti kin ohna inahma waniyetu śakpe, unkan Atalja makoce kin idaka.

4 Unkan waniyetu iśakowin Jehojada akicitatancanpi kin pabaksapi kin, qa wainyankapi kin iyahna wahowicaye ƣa wicakico, qa Jehowa ti kin mahen hiyuwicaya, qa wotakuye wicakicağa, qa Jehowa ti kin ohna Taku Wakan namañon eye wicakiya, qa wicaśtayatapi cinhintku wicakipazo.

5 Qa wahokenwicakiye ƣa heya, Taku ecanonpi kte cin dee. Anpetu okihpapi eca tona en yaupi ecee yamni kiyuśpeya yaupi kta, ośpaye wanji wicaśtayatapi ti kin awandakapi kta.

6 Qa wanji Sur (inanpapi) tiyopa kin ekta, qa wanji tiyopa wainyankapi kin ihektam yanke cin ekta, sutaya tipi kin awandakapi kta.

7 Qa anpetu okihpapi en inanpapi kin owasin, ośpaye nonpa Jehowa tipi tawa wicaśtayatapi kin on awanyakapo.

8 Qa wicaśtayatapi kin ihdukśan nayajinpi kta, wicaśta otioyohi tawipe nape kin ohna hduhe kta, qa tuwē kaśta ocimdagahan najinpi imahen hiyu kinhan ktepi kta. Qa wicaśtayatapi kin tankan ya, qa en hdi eca oyapapi kta.

9 Unkan akicita itancan kin Jehojada wawayuśna kin taku econwicaśi owasin econpi, qa otioyohi wicaśta tawa yuha hipi, anpetu okihpapi en hipi kin hena, qa anpetu okihpapi en inanpapi kin sakim, qa Jehojada wawayuśna kin ekta hipi.

10 Unkan wawayuśna kin akicita itancan kin wahukeza, qa wahacanka wicaqu, hena wicaśtayatapi Dawid tawa qon, qa Jehowa tipi tawa ohna yanka.

11 Unkan wainyankapi kin otioyohi nape ohna wipe hduha wicaśtayatapi kin ihdukśan najinpi, tionaptan etapatanhan, tionaptan catka aiyahdeya, wahnawośnapi qa tipi ihdukśan.

12 Unkan wicaśtayatapi cinhintku kin tankan hiyuya, qa wateśdake kin pa akan ehna ƣa wayaatanin qu, qa wicaśtayatapi kağa, qa sdaya; unkan nape hdaskapapi, qa, Wicaśtayatapi kin ni nunwe, eyapi.

13 Unkan Atalja oyate panpi ho kin nañon qehan, oyate kin ekta Jehowa ti kin en hi.

14 Unkan etonwe ƣa inyun wicaśtayatapi kin wayaco owanka akan najin, token econpi kin iye-cen, qa akicitatancan, qa mazayahotonpi wicaśtayatapi kin ikiyedan, qa makoce oyate kin wi-yuśkinpi, qa mazayahotonpi on yahotonpi kin wanyake cehan, Atalja taheyake hduhdehdeca, qa, Wokipajin, wokipajin, eya.

15 Unkan Jehojada wawayuśna kin akicitatancan obe yuhapi

WICOWOYAKE 12.

kin wahokonwicaye ça hewica-kiya, Ocimdagahan najinpi kin itankan iyayeyapo, qa tuwe iha-kam ye cinhan isan on ktepo, Jehowa ti kin ohna țeyapi kte šni, wawayušna kin eya na-kaeš.

16 Unkan oyanke kicağapi, unkan winyan kin šuktanka wica-štayatapi ti kin ekta yapi, canku kin en i, qa hen ktepi.

17 Unkan Jehojada wotakuye wan Jehowa, qa wicaštayatapi kin, qa oyate kin wicakicağa. Oyate kin Jehowa taoyatepi kta, qa wicaštayatapi kin oyate kin kicica.

18 Unkan makoce oyate kin owasin Bayal ti kin ekta ipi, qa yujujupi wahnawošnapi tawa, qa wakağapi tawa kamdecapi oco-wasin, qa Mattan Bayal wawa-yušna tawa kin ktepi wahnawo-šnapi tawa icahda. Unkan wa-wayušna kin Jehowa ti kin on waawanyake ewicahde.

19 Qa akicitatancanpi kin, qa pabaksapi kin, qa wainyankapi kin, qa makoce oyate kin owa-sin iwicacu. Unkan wicaštaya-tapi kin Jehowa ti kin etanhan wainyankapi tatiyopa canku kin ohna wicaštayatapi ti kin ekta apamahde hiyayapi. Unkan wi-caštayatapi toiyotanke akan ki-yotanka.

20 Unkan makoce oyate owa-sin wiyuškinpi, qa otonwe kin iyozi, qa Atalja isan on ktepi wicaštayatapi ti kin en.

21 Joaš waniyetu šakowin he-han toka wawidaka.

WICOWOYAKE 12.

1 Jehu wawidake cin waniye-tu isakowin en, Joaš wawidaka, qa waniyetu wikcemna topa Je-rusalem ohna wicaštayatapi un,

qa hunku Ziba eciyapi, Beršeba etanhan.

2 Qa Joaš Jehowa išta kin en taku ecetu econ, tohanyan Jeho-jada wawayušna kin onspe kiya anpetu owasin.

3 Tuka paha kin yujujupi šni, oyate kin nahanhin paha akan wayušnapi qa wizinyapi ece.

4 Unkan Joaš wawayušnapi kin hewicakiya, Mazaska wakan-yapi kin Jehowa ti kin en ahipi kin, wicayawapi nağipi kin on mazaska kin, qa oyakapi maza-ska kin, owasin cante iyokipiya wicašta otoiyohi Jehowa ti en ahi kin,

5 Wawayušnapi icupi kta, oto-iyohi tuwe iyekiye cin etanhan, qa tipi kin onšpašpa yujujupi kin piyapi kta, tuktee kašta oyujuju wan iyeyapi kinhan.

6 Tuka Joaš wawidake cin wa-niyetu wikcemna nonpa sanpa yamni hehanyan tipi kin oyuju-ju kin piyapi šni.

7 Unkan wicaštayatapi kin Joaš Jehojada wawayušna kin, qa wawayušna unmanpi kin wica-kico, qa hewicakiya, Tokeca ti-pi kin oyujuju kin niyepi piya-yapi šni he? Heon detanhan ihnuhan tona sdonwicayayapi kin etanhan mazaska iyacupi kin; he tipi kin piyapi kta e ya-qupi kta.

8 Unkan wawayušnapi oyate etanhan icupi kte šni, qa tipi oyujuju kin iye piyapi kte šni wicadapi.

9 Unkan Jehojada wawayušna kin can koka wan icu, qa iha kin en oħdoka wan kağa, qa wahnawošnapi kin icahda ehnaka, wi-cašta tuwe Jehowa ti kin en ye cin etapa ekta; unkan wawayu-šna tiyopa awanyakapi kin ma-zaska Jehowa ti en ahipi kin owasin hen iyeyapi.

II. WICAŠTAYATAPI,

10 Qa can koka kin ohna mazaska ota wanyakapi qehan, wicaštayatapi wowapikağa tawa kin, qa wawayuśna itancan kin kici ekta i, qa mazaska Jehowa ti en iyeyapi kin yawapi, qa pałitapi.

11 Qa mazaska yawapi kin wicašta wołtani econpi kin napepi kin en qupi, Jehowa ti kin awanyakapi kin hena, cankajipa, qa ticagapi, Jehowa ti kin piya kağapi kin hena ekta he yeyapi.

12 Qa Jehowa ti kin, tukten kamdecapi qon piya kağapi kta e, can qa inyan kakanpi opetonpi kta e wicašta inyan kakanpi qa inyan ehnakapi kin wicaqupi.

13 Tuka Jehowa tipi tawa on mazaska waksica, qa petijanjan iyukse, amnimnipi waksica, mazayahotonpi, mazaskazi wikicanye, qa mazaska wikicanye kağapi śni, mazaska Jehowa tipi tawa en hiyuyapi on.

14 Tuka he Jehowa tipi tawa piyapi kta e wołtani econpi kin he wicaqupi.

15 Qa wicašta mazaska pamnipi, qa wołtani wicakicicajupupi kin hena ecetuya ołhanyanpi, heon awanwicayakapi śni.

16 Onhdajuju mazaska kin, qa wołtani wośnapi mazaska kin he wawayuśnapi kin tawapi, heon he Jehowa tipi tawa kin en hiyuyapi śni.

17 Hehan Aram wicaštayatapi kin Hazael Gat anatan, qa kiza, qa icu, qa Hazael ite kin Jerusalem ektakiya hduhomni, anatan kta e..

18 Unkan Joaś Juda wicaštayatapi kin taku wakanyapi, hunkake wicaya Jehośapat, qa Joram, qa Ahazia Juda wicaštayatapi kin wakanyapi kin owasin, qa taku iye yuwakan, qa mazaska Jehowa ti mazopiye en, na-

kun wicaštayatapi ti kin en iyeyapi kin owasin icu, qa Hazael Aram wicaštayatapi kin, qu; unkan Jerusalem etanhan kihda.

19 Unkan Joaś ołhan uman, qa taku econ kin owasin, hena Juda wicaštayatapi anpetu oyakapi wowapi kin en owapi śni he?

20 Unkan taokiye najinpi, qa kipajinpi qa Sila ekta apamanhde yapi kin Millo ti ekta kaštakapi.

21 Hecen taokiye Jozakar Šimat cinhintku, qa Jozabad Šomer cinhintku kaštakapi, qa ktepi, qa hunkakewicaya om hnakapi; Dawid totonwe ohna. Unkan heekiya cinhintku Amatzia wawidaka.

WICOWOYAKE 13.

1 Joaś Ahazia cinhintku Juda wicaštayatapi kin waniyetu wikcemna nonpa sanpa yamni en, Jehoahaz Jehu cinhintku Samaria ohna toka Israel iwicadaka, qa waniyetu wikcemna sanpa śakowin wawidaka.

2 Qa Jehowa išta kin en taku śica econ, Jeroboyam Nebat cinhintku wołtani kin Israel wołtani wicaye cin opa, hena etanhan ihduwinge śni.

3 Unkan Jehowa tocanniye kin Israel aide, heon Hazael Aram wicaštayatapi nape kin en, qa Benhadad Hazael cinhintku nape kin en, anpetu tawapi kin owasin wicaqu.

4 Unkan Jehoahaz Jehowa ite kin cekiya, unkan Jehowa Israel toiyokiśice Aram wicaštayatapi iyokiśin wicaye cin wanyaka, heon nakiłon.

5 Qa Jehowa Israel wanikiya wan wicaqu, qa Aram nape etanhan ewicahdaku. Unkan Israel tawakeyapi ohna onnyanpi, tannina qon iyecen.

WICOWOYAKE 13.

6 Tuka Jeroboyam ti woahitani kin Israel wahitani wicaye cin etanhan ihduhomni šni, tuka en omanipi, qa Ašeri Samaria ohna yanka.

7 Hecen šuktanka akanyotan-kapi wikcemna zaptan qa can-pahmihma wikcemna qa wicašta huinyun kektopawinge wikcemna henana Jehoahaz okicaptapi; Aram wicaštayatapi kin ihang wicaya, qa watušekšeca amanipi kin iyecen wicakaga nakaes.

8 Unkan Jehoahaz ohan unman, qa taku econ kin owasin, qa towašake kin, hena Israel wicaštayatapi anpetu oyakapi wowapi kin en owapi šni he?

9 Unkan Jehoahaz hunkake wicaya om ištima, qa Samaria ohna hnakapi, qa eekiya cinhintku Joaš wawidaka.

10 Joaš Juda iwicadaka waniyetu wikcemna yamni sanpa isakowin en, Joaš Jehoahaz cinhintku Israel iwicadaka, Samaria ohna, qa waniyetu wikcemna sanpa šakpe wawidaka.

11 Qa Jehowa išta kin en taku šica econ, Jeroboyam Nebat cinhintku woahitani Israel wahitaniwicaye cin wanjidan etanhan ihduhomni šni, hena omani.

12 Joaš ohan unman, qa taku econ owasin, qa towašake on Amatzia Juda wicaštayatapi kin kize cin, hena Israel wicaštayatapi anpetu oyakapi wowapi kin en owapi šni he?

13 Unkan Joaš hunkakewicaya om ištima, qa Samaria ohna hnakapi; Israel wicaštayatapi om; unkan toiyotanke akan Jeroboyam iyotanka.

14 Unkan Eliša wowayazan on te cin wayazanka, unkan Joaš Israel wicaštayatapi kin ekta i, qa ite akan ceye ça heya, Ate,

ate, Israel tacanpahmihma, qa šuktanka akan iyotankapi tawa.

15 Unkan Eliša heciya, Itazipa qa wanhinkpe icu wo. Unkan itazipa qa wanhinkpe ikikcu.

16 Unkan Eliša wicaštayatapi kin heciya, Ninape on itazipa ecata wo. Unkan nape kin on ecata. Unkan Eliša iye nape on wicaštayatapi nape kin akan aputaka.

17 Qa heya, Wi hinape cin ekta-kiya owanyeye kin yuhdoka wo. Unkan yuhdoka. Unkan Eliša heya, Kute wo. Unkan kute. Unkan Jehowa towanikiye wanhinkpe kin hee, qa Aram etanhan wanhinkpe niwicaye cin, qa Apeq ohna Aram yakaštake kta ecen dusote kta.

18 Qa wanhinkpe icu, eya, unkan icu, unkan Israel wicaštayatapi kin heciya, Makata kaštaka wo; unkan yamni akihde kaštake ça enakiya.

19 Unkan Wakantanka tawicašta kin canniyeya, qa heya, Zaptan qaiš šakpe akihde yakaštake kta tuka, unkanš Aram yakaštake kta ecen dusote kta tuka. Tokata yamnina akihde Aram yakaštake kta.

20 Unkan Eliša ta, unkan hnakapi. Unkan waniyetu ihanke-ta Moab ozuye kin makoce en hipi.

21 Unkan wicašta wan hnakapi icunhan inyun ozuye kin wanyakapi, qa wicašta kin Eliša ohna hnakapi kin en ešpeyapi. Unkan iyohi, qa wicašta Eliša huhu kin icahtake čehan kini, qa siha akan najin.

22 Unkan Hazeal Aram wicaštayatapi kin Israel iyokišin wicaya, Jehoahaz anpetu tawa owasin.

23 Unkan Jehowa onšiwicakida, qa wotakuye Abraham, qa

II. WICAŠTAYATAPI,

Izak, qa Jakob om heon ihdomni, qa cantewicakiya, qa ihang wicaya wicada šni, qa dehanyan ite kin etanhan ehpewicaye šni.

24 Unkan Hazeal Aram wicaštayatapi kin ta, qa eekiya cinhintku Benhadad wawidaka.

25 Unkan Joas Jehoahaz cinhintku otonwe iye atkuku Jehoahaz nape kin etanhan wokicize en icupi qon, hena ake iki-ku, Hazeal cinhintku Benhadad nape etanhan, yamni akihde Joas ohiye ça Israel otonwe ehdaku.

WICOWOYAKE 14.

1 Joas Jehoahaz cinhintku Israel iwicadaka waniyetu inonpa kin en Amatzia Joas cinhintku Juda iwicadaka.

2 Waniyetu wikcemna nonpa sanpa zaptan qehan toka wawidaka, qa waniyetu wikcemna nonpa sanpa napcinwanka Jerusalem en wawidaka, qa hunku Joadan eciyapi, Jerusalem etanhan.

3 Qa taku ecetu Jehowa ista kin en econ, tuka atkuku Dawid iyecece šni, atkuku Joas econ kin owasin iyecen econ.

4 Tuka paha kin yutokanpi šni, oyate kin nahanhin paha akan wayušnapi, qa wizinyapi ecee.

5 Unkan towidake sutaya yuze cehan taokiye, atkuku wicaštayatapi kin kaštakapi kin hena, wickaštaka, tuka kaštakapi cincapi hena wicakte šni.

6 Mowis toope wowapi en owapi kin Jehowa econsi qa, Ateyapi kin cincapi on te wicayapi kte šni, qa cincapi kin iye ateyapi on te wicayapi kte šni. Tuwe te yapi kinhan iye wahitani kin on te yapi kta, eye cin iyecen.

7 Iye miniskuya osmaka en

Edom kaštaka kektopawinge wikcemna, qa wokicize on Selah (Imnija kin) icu, qa Joktel (Jehowa ohiya) eciya, anpetu kin dehanyan.

8 Hehan Amatzia wahoši Joas Jehoahaz cinhintku Jehu cinhintku Israel wicaštayatapi kin ekta ye wicaši, qa heya, Iho wicitkokim wanunkiciyake kta.

9 Unkan Joas Israel wicaštayatapi kin, Amatzia Juda wicaštayatapi kin wahoye ça heciya, Wapepeka Lebanon ohna icage cin hanteša Lebanon ohna wahoye ça heya, Nicunksi micinksi yuze kta qu wo. Unkan containka wamanica wan Lebanon en yanke cin hiyuye ça wapepeka kin amani.

10 Awicakehan Edom yakaštaka, qa nicante niyuwankantuya. Ihdatan, qa yati kin en yanka wo. Tokeca taku šica en iyoničipaštaka kta, qa nihicahe kta, niye, qa Juda nicica?

11 Tuka Amatzia nahon šni. Unkan Joas Israel wicaštayatapi kin itanwankahde i, qa iye qa Amatzia Juda wicaštayatapi kin Betsemeš Juda tawa kin ohna itkokim wankiciyakapi.

12 Unkan Israel itokam Juda kaštakapi, qa najicapi, otoiyohti tawakeya ekta.

13 Unkan Joas Israel wicaštayatapi kin Amatzia Joas cinhintku Ahazia cinhintku Juda wicaštayatapi kin wayaka icu Betsemeš ohna, hehan Jerusalem ekta i, qa Jerusalem conkaške yujuju, wicišpa opawinge topa, Ephraim tiyopa kin etanhan kahmin tiyopa kin aiyahdeya.

14 Qa mazaskazi, qa mazaska owasin, qa wakšica Jehowa ti kin en iyeyapi owasin icu, nakun wicaštayatapi tipi tawa mazopiye en, qa wicašta kaška wicaqupi

WICOWOYAKE 15.

kin iwicacu, qa Samaria ekta hda.

15 Qa Joaś oħan unman econ kin, qa towaśake, qa token Amatzia Juda wicaśtayatapi kizé cin, hena Israel wicaśtayatapi anpetu oyakapi wowapi kin en owapi śni he?

16 Unkan Joaś hunkake wicaya om ištima, qa Israel wicaśtayatapi om Samaria ohna hnakapi, qa heekiya cinhintku Jeroboyam wawidaka.

17 Unkan Joaś Jehoahaz cinhintku Israel wicaśtayatapi kin te cin iyohakam, Amatzia Joaś Juda wicaśtayatapi cinhintku waniyetu wikcemna sanpa zaptan ni.

18 Qa Amatzia oħan unman Juda wicaśtayatapi anpetu oyakapi wowapi kin en owapi śni he?

19 Unkan Jerusalem ohna kipajinpi; unkan Lakiś ekta najica. Unkan Lakiś ekta kuwa ipi, qa hen ktepi.

20 Qa šuktanka qin kiyapi, Jerusalem ekta, qa hunkakewicaya om hnakapi, Dawid totonwe ohna.

21 Unkan Juda wicaśta owasin Azaria icupi, iye waniyetu wikcemna sanpa śakpe, qa atkuku Amatzia eekiya wicaśtayatapi kaġapi.

22 Iye, wicaśtayatapi kin hunkake wicaya om ištima iyohakam, Elat kaġa, qa ake Juda he yuhe kiya.

23 Amatzia Joaś cinhintku Juda idake cin waniyetu wikcemna sanpa zaptan kin en, Jeroboyam Joaś Israel wicaśtayatapi cinhintku Samaria ohna wawidaka, waniyetu wikcemna topa.

24 Qa taku śica Jehowa išta kin en econ, Jeroboyam Nebat cinhintku woahitani Israel wa-

hitani wicaye cin wanjidan etanhan ihduwingé śni.

25 Iye Israel makoce kin ekicetu, Hamat ekta yapi canku kin aiyahdeya; Jehowa Israel wakandapi oie kin iyecen, he Jona Amittai cinhintku waayate Gat Heper etanhan nape on eye cin iyecen.

26 Jehowa Israel toiyokiśica pa hinca e wanyaka, aconkaśkayapi wanica, qa ihduhapi wanjidan okaptapi śni, qa tuwedan Israel ókiye śni.

27 Tuka Jehowa Israel caje kin maħpiya ihukuya tanhan pajuju kta eye śni, heon Jeroboyam Joaś cinhintku nape kin on niwicaya.

28 Unkan Jeroboyam oħan unman, qa taku econ kin owasin, qa towaśake on ozuye kaġa, qa Damaskos, qa Hamat Israel on Juda etanhan ekicetu, hena Israel wicaśtayatapi anpetu oyakapi wowapi kin en owapi śni he?

29 Qa Jeroboyam hunkake wicaya om ištima, Israel wicaśtayatapi kin om, qa eekiya cinhintku Zakaria wawidaka.

WICOWOYAKE 15.

1 Jeroboyam Israel idake cin waniyetu wikcemna nonpa sanpa śakowin en, Azaria Amatzia cinhintku Juda idaka.

2 Waniyetu wikcemna sanpa śakpe hehan toka wawidaka, qa waniyetu wikcemna zaptan sanpa nonpa Jerusalem ohna wawidaka, qa hunku Jekolija (Jehowa okihiya) eciyapi, Jerusalem etanhan.

3 Qa taku Jehowa išta kin en ecetu econ, atkuku Amatzia econ qon owasin iyecen.

4 Tuka paha kin yutokanpi śni,

II. WICAŠTAYATAPI,

oyate kin nahanhin paha akan wayušnapi, qa wizinyapi ece.

5 Unkan Jehowa wicaštayatapi kin apa, heon leprosi ececa, anpetu en te cin hehanyan, qa wayazankapi tipi kin ohna yan-ka, qa wicaštayatapi cinhintku Jotam makoce oyate kin wica-yaco, qa tipi kin itancan un.

6 Unkan Azarija (Jehowa oki-ya) oħan unman, qa taku econ kin owasin, Juda wicaštayatapi anpetu oyakapi wowapi en owapi šni he?

7 Unkan Azarija hunkake wica-ya om ištima, qa hunkake wica-ya om hnakapi, Dawid totonwe ohna, qa eekiya cinhintku Jo-tam (Jehowa owotanna) wawi-daka.

8 Azarija Juda idake cin wani-yetu iwikcemna yamni sanpa šahdoġan en Jeroboyam cinhin-tku Zakarija, (Jehowa kiksuye cin) toka Israel idaka, Samaria ohna wi šakpe.

9 Qa taku šica Jehowa išta kin en econ, hunkake wicaya econpi qon iyecen, Jeroboyam Nebat cinhintku woħtani Israel wa-litani wicaye cin etanhan ihda-mna šni.

10 Unkan Šallum Jabeš cin-hintku he kipajin, qa oyate wici-tokam kaštaka a te kiya, qa eekiya wawidaka.

11 Unkan Zakarija oħan unman hena Israel wicaštayatapi anpe-tu oyakapi wowapi kin en owapi šni he?

12 Jehowa oie Jehu eciye ciqon dee; Nicinca wicoicaġe icitopa kin Israel oiyotanke kin akan iytankapi kta, eya; unkan ece-tu.

13 Uzzija (Jehowa towašake) Juda idake cin waniyetu wikce-mna yamni sanpa nappcinwanka en Šallum Jabeš cinhintku toka

wawidaka, qa wi wanji anpetu iyenaka Samaria en wawidaka.

14 Unkan Menahem Gadi cin-hintku Tirtza etanhan Samaria ekta itanwankahde i, qa Šallum Jabeš cinhintku kaštaka Samaria ohna, qa te kiya, qa eekiya wa-widaka.

15 Qa Šallum oħan unman, qa wokipajin on kipajin kin, hena Israel wicaštayatapi anpetu oya-kapi wowapi kin en owapi ce.

16 Hehan Menahem Tipsa ka-štaka, qa tona ohna yakonpi, qa nakun tamakoce ohna Tirtza aiyahdeya, tiyopa kiciyuħdokapi šni, heon winoħinca ihdušaka ohna unpi kin owasin wicaka-štaka a bawicasdeca.

17 Azarija Juda idake cin wani-yetu wikcemna yamni sanpa nappcinwanka en Menahem Gadi cinhintku toka Israel idaka, Sa-maria ohna, qa waniyetu wikce-mna sanpa nonpa wawidaka.

18 Qa taku šica Jehowa išta kin en econ; tohanyan ni kin Jeroboyam Nebat cinhintku wo-ħitani Israel waħitani wicaye cin etanhan ihduhomni šni.

19 Pul Ašur wicaštayatapi kin makoce kin azuya; unkan Mena-hem Pul mazaska woqin kekto-pawinġe qu, őkiye kta, qa iye nape kin en wokiconze yusuta kta heon.

20 Qa Menahem Israel mazaska kin mnaye wicakiya, Ašur wica-štayatapi qu kta e, wicašta wa-šaka wijica otoiyohi mazaska šeqel wikcemna zaptan hiyuye kiya. Hecen Ašur wicaštayata-pi kin kihda, qa makoce kin en yanke šni.

21 Unkan Menahem oħan un-man, qa taku econ kin owasin, hena Israel wicaštayatapi anpetu oyakapi wowapi kin en owapi šni he?

WICOWOYAKE 16.

22 Qa Menahem hunkake wicaya om ístima, qa eekiya cinhintku Peqahja wawidaka.

23 Azarija Juda idake cin waniyetu wikcemna zaptan kin en, Peqahja Menahem cinhintku toka Israel idake ça Samaria ohna waniyetu nonpa wawidaka.

24 Qa taku síca Jehowa ísta kin en econ, Jeroboyam woah-tani Israel wahtani wicaye cin etanhan ihduhomni sni.

25 Unkan Peqah Remaliya cinhintku akicitatancan tawa kin kipajin, qa Argob, Arje, qa Gile-yad cinca wicašta wikcemna zaptan om, Samaria ohna kaštakapi wicaštayatapi tipi tawa conkaške kin ohna, qa ƚe kiya, qa heekiya wawidaka.

26 Unkan Peqahja ohan unman, qa taku econ kin owasin hena Israel wicaštayatapi anpetu oyakapi wowapi kin en owapi ce.

27 Azarija Juda idake cin waniyetu iwikcemna zaptan sanpa nonpa kin en, Peqah Remaliya cinhintku Israel toka idaka, Samaria ohna, qa waniyetu wikcemna nonpa wawidaka.

28 Qa taku síca Jehowa ísta kin en econ, woah-tani Jeroboyam Israel wahtani wicaye cin etanhan ihduhomni sni.

29 Peqah Israel idake cehan Tiglat Pileser Ašur wicaštayatapi hiyu, qa Yijon, qa Abelbetmayaka, qa Janoah, qa Qedeš, qa Hatzor, qa Gile-yad, qa Galile Naptali makoce kin ocowasin icu, qa Ašur ekta wayaka awicaya.

30 Unkan Hošeya Ela cinhintku kin Peqah Remaliya cinhintku kipajin, qa kaštaka ça ƚe kiya, qa eekiya wawidaka, Uzzija cinhintku Jotam waniyetu wikcemna nonpa wawidake cin en.

31 Unkan Peqah ohan unman,

qa taku econ kin owasin hena Israel wicaštayatapi anpetu oyakapi wowapi en owapi ce.

32 Peqah Remaliya cinhintku Israel idake cin waniyetu inonpa kin en, Jotam Uzzija cinhintku toka Juda idaka.

33 Waniyetu wikcemna nonpa sanpa zaptan qehan toka wawidaka, qa waniyetu wikcemna sanpa šakpe Jerusalem ohna wawidaka, qa hunku Jeruša Zadok cunwintku eciyapi.

34 Qa taku ecetu Jehowa ísta kin en econ, atkuku Uzzija econ qon owasin iyecen.

35 Tuka paha kin yutokanpi sni. Oyate kin nahanhin paha akan wayušnapi ece, qa wizin-yapi ece. Iye Jehowa ti tiyopa wankantu kin he kağa.

36 Unkan Jotam ohan unman, qa taku econ kin owasin, hena Juda wicaštayatapi anpetu oyakapi wowapi kin en owapi sni he?

37 Anpetu kin hena en Jehowa Rezin Aram wicaštayatapi, qa Peqah Remaliya cinhintku Juda anatan wicaya.

38 Unkan Jotam hunkakewicaya om ístima, qa hunkakewicaya om hnakapi, atkuku Dawid totonwe ohna, qa heekiya cinhintku Ahaz (wiyuha) wawidaka.

WICOWOYAKE 16.

1 Peqah Remaliya cinhintku wawidake cin waniyetu wikcemna sanpa šakowin kin en, Ahaz Jotam cinhintku wawidaka.

2 Ahaz waniyetu wikcemna nonpa qehan toka wawidaka, qa waniyetu wikcemna sanpa šakpe Jerusalem ohna wawidaka, qa taku ecetu iye wakanda Jehowa ísta kin en econ sni, atkuku Dawid econ qon iyecen.

II. WICAŠTAYATAPI,

3 Tuka Israel wicaštayatapi ta-
cankupi kin omani qa nakun cin-
hintku peta ehna iyayekiya, lkce-
wicašta Jehowa Israel cinca ito-
kapa tanhan hamwicaya, wowa-
hte šni econpi qon iyecen.

4 Qa paha akan wayušna, qa
wizinya ece, nakun pajodan owa-
sin akan, qa can wapatoto yukan
owasin ihukuya.

5 Hehan Rezin Aram wicašta-
yatapi, qa Peqaš Remaliya cin-
hintku Israel wicaštayatapi kin
Jerusalem azuyapi, qa Aħaz
aonatakapi, tuka ihangyapi oki-
tpanipi.

6 Hehan Rezin Aram wicašta-
yatapi kin Elat Aram on eyaku,
qa Juda Elat etanhan nape wi-
caya; unkan Arami kin Elat
ekta ipi, qa anpetu kin dehanyan
hen iyotankapi.

7 Unkan Aħaz wahoši Tiglat
Pileser Ašur wicaštayatapi kin
ekta ye wicaši, qa heciya, Nita-
okiye, qa nicinkši hemaca, kuwa
qa nimayan wo, Aram wicašta-
yatapi nape kin etanhan, qa Is-
rael nape kin etanhan, hena ana-
majinpi nakaes.

8 Unkan Aħaz mazaska, qa ma-
zaskazi Jehowa ti kin en iyeyapi
kin, qa wicaštayatapi ti mazopiye
en iyeyapi kin icu, qa Ašur wica-
štayatapi kin ekta yekiya qa qu.

9 Unkan Ašur wicaštayatapi
kin anaġoptan, qa Ašur wicašta-
yatapi kin Damaskos azuya, qa
icu, qa Qir ekta wayaka aya, qa
Rezin te kiya.

10 Unkan wicaštayatapi Aħaz
Tiglat Pileser Ašur wicaštayata-
pi kin nape yuze kta Damaskos
ekta i, qa wahnawošnapi Damas-
kos ohna yanke cin wanyaka,
qa wicaštayatapi Aħaz wahnawo-
šnapi ouncage kin Urija wa-
wayušna kin ekta yeya, qa token
kaġapi kin owasin.

11 Unkan wawayušna kin Urija
wahnawošnapi wan kaġa; wica-
štayatapi kin Aħaz Damaskos
etanhan wahoye cin owasin iye-
cen, Urija wawayušna kin kaġa,
wicaštayatapi kin Aħaz Damas-
kos etanhan hdi šni itokam.

12 Unkan wicaštayatapi kin
Damaskos etanhan hdi, qa wica-
štayatapi kin wahnawošnapi kin
wanyaka, qa wicaštayatapi kin
wahnawošnapi kin ikiyedani, qa
akan wošna.

13 Qa woħuħnaħyapi tawa, qa
minħa tawa on izinya, qa woka-
štan tawa kaštan, qa wopida wo-
šnapi yuhe cin we kin wahnawo-
šnapi kin akan amnimni.

14 Qa mazazi wahnawošnapi
kin Jehowa itokam yanke cin
tipi kin itokapatanhan icu, wa-
hnawošnapi kin, qa Jehowa ti
kin otahedan etanhan, qa wa-
hnawošnapi icahda ehde, wazi-
yata ekta kiya.

15 Qa wicaštayatapi kin Aħaz
Urija wawayušna kin wahokon-
kiye qa heciya, Wahnawošnapi
tanka kin akan hanħanna woħu-
ħnaħyapi kin, qa minħa kin, qa
ħtayetu woħuħnaħyapi kin, qa
wicaštayatapi woħuħnaħyapi ta-
wa, minħa tawa, qa makoce oyate
owasin woħuħnaħyapi tawapi, qa
minħa tawapi, qa wokaštan ta-
wapi izinyaye kta, qa woħu-
ħnaħyapi we kin owasin, qa wo-
šnapi we kin owasin amnimni-
yaye kta, qa mazazi wahnawo-
šnapi kin wimonge kta e mduhe
kta.

16 Unkan Urija wawayušna kin
token wicaštayatapi Aħaz econ
ši kin owasin iyecen econ.

17 Unkan wicaštayatapi kin
Aħaz oahe iyuskite kin hena
bašpa, qa hena akapatanhan wa-
kšica kin icu, qa ceġa tanka kin
mazaša tatanka kin akan yanke

WICOWOYAKE 17.

cin hena etanhan kun icu, qa inyan owanka wan akan ehde.

18 Qa anpetu okilipapi omani awakeyapi kin tipi kin kicagapi qon, qa wicaštayatapi tankan omani kin Jehowa ti kin ekta yuhdogya, Ašur wicaštayatapi kin on etanhan.

19 Unkan Aħaz ohan unman econ kin hena Juda wicaštayatapi anpetu oyakapi wowapi kin en owapi šni he?

20 Unkan Aħaz hunkake wica-ya om ištima, qa hunkakewica-ya om hnakapi, Dawid totonwe ohna, qa cinhintku Hezekiya (Jehowa wašagya) heekiya wawidaka.

WICOWOYAKE 17.

1 Aħaz Juda idake cin, waniyetu wikcemna sanpa nonpa kin en, Hošeya Ela cinhintku Samaria ohna Israel idaka, qa waniyetu napcinwanka wawidaka.

2 Qa taku šica Jehowa išta kin en econ, tuka Israel wicaštayatapi iye itokam unpi qon iyececa šni.

3 Šalmanezzer Ašur wicaštayatapi kin he anatan; unkan Hošeya wowidake ičiču, qa taku qu.

4 Tuka Ašur wicaštayatapi kin Hošeya en wokipajin iyeya, he wahošiye Egipta wicaštayatapi kin, So ekta yewicaši, qa Ašur wicaštayatapi takudan kai šni nakaš, waniyetu otoiyo hi econ kta iyececa; heon Ašur wicaštayatapi kin aonataka, qa wikaška tipi en kaška hnaka.

5 Ašur wicaštayatapi kin makoce kin owancaya azuya, qa Samaria ekta hi, qa waniyetu yamni aonataka.

6 Hošeya wawidake cin waniyetu inapcinwanka en Ašur wicaštayatapi kin Samaria icu, qa

Israel wayaka awicaya, Ašur ekta, qa Halaš, qa Habor wakpa icahda Gozan en iyotang wica-kiya, qa Madai otonwe kin hena ohna.

7 Takomni Israel cinca Jehowa iye wakandapi kin, qa Egipta makoce kin etanhan itanwankahde uwicaye cin, Paro Egipta wicaštayatapi nape kin ihukuya tanhan, awahtanipi, qa taku wakan tokeca ohodapi.

8 Qa Ikcewicašta Jehowa Israel cinca kin wicitokapatanhan napewicaye cin hena wokaše tawapi omanipi, qa nakun Israel wicaštayatapi wokaše tawapi en.

9 Qa Israel cinca kin Jehowa wakandapi kin taku ecetu šni naħmana ecakiconpi, qa otonwe tawapi owasin en paha ičicagapi, waawanyake tacowahe etanhan otonwe conkaškayapi aiyahdeya.

10 Qa wakağapi, qa Ašerim ičicagapi, paha pajodan owasin akan, qa can ape toto owasin ihukuya.

11 Qa hen paha owasin akan wizinyapi, Ikcewicašta wicitokapatanhan Jehowa ħamwicaye ciqon iyecen, qa wicoie šica econpi on Jehowa šiħdayapi.

12 Qa wakağapi ohodapi; Wicoie kin de ecanonpi kte šni, Jehowa ewicakiya tuka.

13 Tuka Jehowa waayate qa wawanyakapi owasin napepi kin on Israel, qa Juda wicakiyatanin, qa heya, Niohanpi šica etanhan ihduhomnipo, qa woahope mitawa, qa wokaše mitawa opapo, woope nihunkakepi ope wicawaši kin ocowasin iyecen, qa mitaokiye waayate napepi on waho- ciyapi kin iyecen.

14 Tuka naħonpi šni, qa tahu patinpi; hunkake wicayapi Jehowa wakandapi kin wicadapi šni qon tahupi kin iyecen.

II. WICAŠTAYATAPI,

15 Qa wokaġe tawa, qa wotakuye hunkakepi om kaġe ciqon, qa woyaatanin wicayaatanin kin hena ihaktapi šni, qa taku šni opapi, qa ihdutakupi šni, qa Ikcewicašta wicihduksan yakonpi kin opapi. Hena iyecen econpi kte šni Jehowa kewicakiya tuka.

16 Qa Jehowa wakandapi kin tawoahope owasin ayuštampi, qa wakaġapi šdoyapi ičicaġapi, ptejićadan nonpa, qa Áseri kaġapi, qa małhiya obe kin owasin ekta-kiya patujapi qa Bayal ohodapi.

17 Qa iye cinhintkupi, qa cunwintkupi peta ehna iyayewicayapi, qa wapiyapi on wokcanpi, qa waajijipi, qa taku šica Jehowa išta kin en econpi kta, qa šihdayapi kta e wiyopeiçiyapi.

18 Unkan Jehowa Israel nina canniye wicaya, qa ite kin etanhan iyaye wicaya, Juda wicpun heceedan okapta.

19 Juda nakun Jehowa Wakan-dapi kin tawoahope kin opapi šni, tuka Israel wokaġe yuhapi kin omanipi.

20 Heon Jehowa Israel cinca kin owasin ehpewicaya, qa iyo-kišin wicaya, qa wawicakipisa napapi en wicaqu, ecen iye ite etanhan iyaye wicaya.

21 Israel Dawid tiyohnaka etanhan ihdušpapi nakaeš, qa Jeroboyam Nebat cinhintku wicaštayatapi kaġapi. Unkan Jeroboyam Israel Jehowa opapi kin etanhan yewicaye ća woaltani tanka wałtani wicaya.

22 Unkan Israel cinca kin Jeroboyam woaltani econ kin owasin omanipi he etanhan ihduhomnipi šni.

23 Ecen Jehowa iye ite itokapa tanhan wicayutokan, taokiye wayate owasin napapi on eye ciqon iyecen. Hecen Israel tamakocepi etanhan Ašur ekta waya-

ka awicayapi, anpetu kin dehan-yan.

24 Unkan Ašur wicaštayatapi kin Babel etanhan, qa Kuta etanhan, qa Awa etanhan, qa Hamat etanhan, qa Separwaim etanhan, wicašta hiyuwicaya, qa Israel cinca eekiya Samaria otonwe ohna iyotang wicaya, unkan Samaria tawayapi, qa otonwe tawa en yakonpi.

25 Unkan tokaheya en iyotankapi qehan Jehowa kokipapi šni, heon Jehowa hena wicehna mnaja hiyuwicaya; unkan hunh wicaktepi.

26 Unkan Ašur wicaštayatapi okiyakapi qa heyapi; Ikcewicašta wayaka Samaria otonwe tawa ohna iyotang wicayaya, taku wakan makoce yuhe cin tawoyaco kin sdonyapi šni; heon hena wicehna mnaja hiyuwicaya, qa inyun će wicayapi, taku wakan makoce yuhe cin tawoyaco kin sdonyapi šni heon etanhan.

27 Unkan Ašur wicaštayatapi kin ie ća heya; Wawayušna hetanhan wayaka ayakupi qon wanji heciya ayapo; hecen en kipi, qa iyotankapi kta, qa taku wakan makoce yuhe cin tawoyaco onspe wicakiyapi kta.

28 Hehan wawayušna Samaria etanhan awicayapi qon wanji ku, qa Betel en ounyan, qa token Jehowa kokipapi onspe wicakiya ece.

29 Tuka oyate otoiyo hi taku wakan ičicaġapi, qa paha tipi Samaria oyate kin kaġapi qon ohna ewicahdepi, oyate otoiyo hi otonwe ohna iyotankapi kin ohna.

30 Hecen Babel wicašta kin Sukkot Benot (cunkši ohanzi-hdepi tawapi) kaġapi, qa Kuta wicašta kin Nergal kaġapi, Hamat wicašta kin Ašima kaġapi.

31 Qa Awi kin Nibhaz qa Tar-

WICOWOYAKE 18.

tak kağapi, qa Separwi kin Adramelek qa Yanamelek Separwi wakandapi kin on, iye cincapi peta en guwicayapi.

32 Hecekcen Jehowa kokipapi ece, qa tuwe taninśni kin etanhan paha wawayuśnapi icicaga-pi, hena wośnapi wicakicagapi ece, paha tipi kin ohna.

33 Jehowa kokipapi ece, qa taku iye wakandapi kin ókiyapi ece, Ikcewicaśta etanhan hiyu-wicayapi woyaco tawapi iyecen.

34 Anpetu kin dehanyan wanakaja wayacopi kin iyecen econpi ece, Jehowa kokipapi śni, qa wokağe, qa woyaco, qa woope, qa woahope Jehowa Jakob Israel cajeyate cin cinca kin econ wicaśi kin iyecen econpi śni.

35 Hena Jehowa wotakuye wicakicage qa hewicakiya, Taku wakan tokeca kowicayakipapi kte śni, qa wicitokam yapatujapi kte śni, qa ówicayakiyapi kte śni, qa wośnapi wicayecagapi kte śni.

36 Tuka Jehowa Egupta makoce etanhan inanpe niyanpi kin wowaśake tanka, qa isto katin kin on, hee koyakipapi kta, qa ekta yapatujapi kta, qa wośnapi yecagapi kta.

37 Qa wokağe, qa woyaco, qa woope, qa woahope oniciwapi kin iyecen ecanonpi kta e anpetu owasin yapatanpi kta, qa taku wakan tokeca kowicayakipapi kte śni.

38 Qa wotakuye cicicagapi kin ayektunjapi kte śni, qa taku wakan tokeca kowicayakipapi kte śni.

39 Jehowa wakanyadapi kin koyakipapi kinhan, iye toka niyanpi kin owasin etanhan enihdakupi kta.

40 Hecaśta nañonpi śni, tuka woyaco wanakaja kin iyecen econpi.

41 Unkan oyate kin hena Jehowa kokipapi ece, qa wakağapi ókiyapi ece; nakun iye cincapi, qa sanpa cincapi kin hunkake wicayapi econpi qon iyecen iye econpi, anpetu kin dehanyan.

WICOWOYAKE 18.

1 Unkan Hośeya Ela cinhintku Israel iwicadake cin waniyetu iyamni en, Hezekiya Juda idaka.

2 Waniyetu wikcemna nonpa sanpa zaptan qehan toka idaka, qa waniyetu wikcemna nonpa sanpa napcinwanka Jerusalem ohna wawidaka, qa hunku Abi Zakarija cunwintku eciyapi.

3 Unkan taku ecetu Jehowa iśta kin en econ, atkuku Dawid taku econ qon owasin iyecen.

4 Iye paha kin yutokan, qa wakağapi kin kamdeca, qa Aśeri kin kawanka, qa mazaśa wamduśka Mowis kağe ciqon kaksaksa, qa Nehuśtan, (Mazaśadan,) eciya; anpetu kin hehanyan Israel cinca kin he izinyapi ece nakaes.

5 Iye Jehowa Israel wakandapi kin wacinyan, hecen Juda wicaśtayatapi kin owasin iye ihakam tuwedan iyecece śni, qa nakun iye itokam.

6 Qa Jehowa en ikoyag iciya, qa iye ope cin etanhan ihduhomi śni; tuka tawoahope Jehowa Mowis econśi kin hena patan.

7 Unkan Jehowa he kici un, tokiyakaśta i'eca tanyan ilunni kiya ece. Unkan Aśur wicaśtayatapi kin kipajin, qa ókiye śni.

8 Iye Pilistim wicakaśtaka, Gaza ekta, qa makoce tawapi wawanyake tacowahe, qa otonwe aconkaśkeyapi koya.

9 Unkan Hezekiya wawidake waniyetu itopa kin en, Hośeya Ela cinhintku Israel iwicadaka, waniyetu isakowin kin hee, Śal-

II. WICAŠTAYATAPI,

maneser Ašur wicaštayatapi kin Samaria anatan qa aonataka.

10 Qa waniyetu yamni ihanke-ta he icu; Hezekiya waniyetu isakpe kin en, he Hošeya Israel idake cin waniyetu inapcinwan-ka kin en, Samaria icupi.

11 Qa Ašur wicaštayatapi kin Israel wayaka awicaya, Ašur ekta, qa Halaḥi ohna, qa Habor wakpa ikiyedan Gozan ohna, qa Madai otonwe tawapi ohna iyotangwicakiya.

12 Jehowa wakandapi ho kin nahonpi šni, qa wotakuye tawa acakšinpi, Jehowa taokiye Mo-wis taku econ wicaši kin owasin nahonpi šni, qa econpi šni, heon etanhan.

13 Unkan Hezekiya wawidake cin waniyetu wikcemna sanpa topa kin en, Sennaherib Ašur wicaštayatapi kin Juda totonwe cankaškayapi kin owasin anatan, qa icu.

14 Unkan Hezekiya Juda wicaštayatapi kin, Ašur wicaštayatapi kin Lakiš ekta wahoye ça heciya, Wawaḥtani, miye etanhan kihda wo. Taku qu mayaši kin ciçu kta. Unkan Ašur wicaštayatapi kin mazaska woqin opawinge yamni; qa mazaskazi woqin wikcemna yamni Hezekiya Juda wicaštayatapi kin quši.

15 Unkan Hezekiya mazaska Jehowa tipi tawa ohna iyeyapi kin owasin, qa wicaštayatapi ti mazopiye en iyeyapi kin nakun qu.

16 He ehan Hezekiya Jehowa ti tiyopa kin, qa ipatan kin etanhan mazaskazi Hezekiya Juda wicaštayatapi kin apawinta qon bašpašpa, qa Ašur wicaštayatapi kin qu.

17 Hehan Ašur wicaštayatapi kin Tartan, qa Rabsaris, qa Rab-

šaḡe Lakiš etanhan ozuye tanka om Hezekiya Jerusalem ekta ye wicaši. Unkan iyayapi qa Jerusalem ekta hipi, qa ikiyedan hipi qehan, mde kaḡapi wankanwapa kin en hinajinpi, wakpadan iyahde icahda, he canku tanka wayujaja tamaḡa en un.

18 Qa wicaštayatapi kin kipanpi. Unkan Eliakim Hilkiya cinhintku tipi kin awanyake cin, qa Šebna wowapi kaḡe cin, qa Joaḥi Asap cinhintku wakiksuye cin hena ekta wicaipi.

19 Unkan Rabšaḡe hewicakiya, Hezekiya Juda wicaštayatapi kin heciyapo, Wicaštayatapi tanka kin Ašur wicaštayatapi kin hecen eya, Wowacinye wacinyaye cin de taku hwo?

20 Awicakehan wicaiha oie eha; Kicizapi on wowiyukan, qa wowašake yukan. Dehan tuwe wacinyaya on mayakipajin he?

21 Wanna ito cedi wegahan saḡe kin de; Egupton wacinyaya, he wicašta wan apatan kinhan nape kin en iyaye ça palidoke kta, Paro Egupta wicaštayatapi kin hececa tona wacinyanpi kin owasin en.

22 Qa Jehowa wakan undapi kin he wacinunyanpi emayakiyapi kinhan; tuwe paha tawa, qa wahnawošnapi tawa Hezekiya yutokan, qa, Wahnawošnapi kin de itokam Jerusalem en ohoyadapi kta, Juda qa Jerusalem ewicakiye cin hee šni he.

23 Qa wanna itancan mitawa Ašur wicaštayatapi kin taku on ake yecu kta qu wo, hecanon kinhan šuktanka kektopawinge nonpa ciçu kta, wicašta hena akan iyotang wicayakiya oyakihi hecinhan.

24 Hecaešta itancan mitawa, taokiye itancanpi kin iyotan

WICOWOYAKE 19.

cistinna wanji ite kin ihdamna yaye kta he? Tuka niye canpahmihma on qa šuktanka akan yotankapi on Egupton wacinyaya.

25 Qa nakaha Jehowa codan oyanke kin de pajuju wahi he? Makoce kin de takpeya, qa ihangya wo; Jehowa emakiya ce.

26 Hehan Eliakim Hilkiya cinhintku, qa Šebna, qa Joah Rabšaqe heciyapi, Ceunniciyapi, Aram iapi en nitaokiye unkoki-yapi, he unkiyepi naunhonpi ce. Qa ihnuhan Juda iapi on oyate conkaške akan yakonpi kin he nahonpi iyae cin.

27 Tuka Rabšaqe hewicakiya, Mayuhe cin niyuhapi, qa niyepi wicoie kin dena eciciyapi kta umaši he? qa wicašta conkaške akan iyotankapi, iye niyepi omcesdi hdutapi kta, qa deje cin hdatkanpi kte cin hena ekta umaši šni he?

28 Hehan Rabšaqe najinhan najin, qa Juda iapi en hotankakiya hoyeye ça heya, Wicaštayatapi tanka, Ašur wicaštayatapi kin oie kin nahonpo.

29 Wicaštayatapi kin hecen eya ce; Ihnuhan Hezekiya nihnayanpi kin, minape etanhan enihdakupi kta okihi šni nakaes.

30 Qa ihnuhan Hezekiya Jehowa wacinye niyanpi kin, Awica-kehan Jehowa eunhdakupi kta, qa otonwe kin de Ašur wicaštayatapi nape kin en qupi kte šni, eya qeyaš.

31 Ihnuhan Hezekiya anaya-goptanpi kin. Ašur wicaštayatapi kin hecen eya ce; Wotaku-ye micicağapo, qa en maupo, qa otoiyohi hastanhanka iyuwi tawa etanhan, qa suken can tawa etanhan hdute kta, qa mni-yowe tawa etanhan otoiyohi hdatke kta.

32 Ecen wahihbu, qa makoce wan aguyapi su, qa hastanhanka iyuwi makoce, can ihdi qa canhanpi tiktica, nitamakocepi kin iyececa ekta aciyapi kta; hecen yanipi kta, qa niŋapi kte šni. Tuka ihnuhan Hezekiya anaya-goptanpi kin, Jehowa eunhdakupi kta eniciyapi, qa nihnayanpi.

33 Ikcewicašta taku wakandapi iyohi iye tamakoce kin Ašur wicaštayatapi nape kin etanhan ehdaku he?

34 Hamat qa Arpad taku wakandapi tokiya unpi he? Separwaim, Hena, qa Iwa, taku wakandapi tokiya unpi he? Minape etanhan Samaria eyakupi he?

35 Makoce kin owasin taku wakandapi kin tukte wanji iye tamakoce kin minape etanhan ehdakupi he, qa token Jehowa Jerusalem minape etanhan ehdaku kta?

36 Unkan oyate kin inina unpi, qa oie wanjidan ayuptapi šni. Wicaštayatapi kin hecen econwicaši, qa, Ayuptapi šni po, eye cigon.

37 Hehan Eliakim Hilkiya cinhintku tipi awanyake cin he, qa Šebna wowapi kage cin, qa Joah Asap cinhintku wakiksuye cin wokoyake hduhdehdecapi, Hezekiya en hdipi, qa Rabšaqe oie kin okiyakapi.

WICOWOYAKE 19.

1 Unkan wicaštayatapi kin Hezekiya nahon qehan wokoyake hduhdehdeca, qa wakihdaka hdown, qa Jehowa ti kin ekta i.

2 Qa Eliakim tipi awanyake cin, qa Šebna wowapi kage cin, qa wawayušna hunkayapi kin wakihdaka hdown Isaya Amotz

II. WICAŠTAYATAPI,

cinhintku waayate ekta yewica-
ši.

3 Unkan heciyapi, Hezekiya hecen eya ce; Nakaha woiyo-
kišica, qa wošitkihda, qa woiyo-
peye anpetu kin heca. Hokšiyop-
a toupi kta wanna iyehantu,
tuka inanpe wicayapi kta e wo-
wašake wanica.

4 Okini Jehowa wakanyada kin
Rabšaqe itancan tawa Ašur wi-
caštayatapi kin taku wakan ni
un kin yašice kta uši kin oie
owasin nañon kta, qa wicoie Je-
howa wakanyada nañon kin on
iyopeye kta; heon tona okapta-
pi en unpi kin on wocekiye hda-
wankan ewicayeciye kta.

5 Unkan wicaštayatapi Heze-
kiya taokiyeye Isaya ekta ipi.

6 Unkan Isaya hewicakiya, Ni-
yuhapi kin hecen eyakiyapi kta,
Jehowa hecen eya, Ihnuhan ko-
yakipe cin, wicoie Ašur wicašta-
yatapi tahokšipidan mayašicapi
kin hena nayañon kin on.

7 Inyun woniya wan en ye wa-
ye kta, qa woyake wan nañon
kta, qa tamakoce en hde kta, qa
isan on te waye kta, iye tama-
koce ohna.

8 Unkan Rabšaqe kihda, qa
Ašur wicaštayatapi kin Libna
kize cin ekta ki. Lakiš etan-
han iyaye cin he nañon nakaes.

9 Unkan Tirhaqe Kuš wicašta-
yatapi kin, Ito nicize kta u ce,
oyakapi kin nañon, heon kihda,
tuka wahoši Hezekiya ekta ye
wicaši, qa heya;

10 Hezekiya Juda wicaštaya-
tapi kin hecen eyakiyapi kta,
Ihnuhan taku wakanyada wa-
cinyakiye cin niñnaye cin, qa
Jerusalem Ašur wicaštayatapi
nape kin en qupi kte šni, ehe cin.

11 Iho Ašur wicaštayatapi kin
makece owasin token ecawica-
kiconpi kin he niye nayañon,

hena ocowasin ihangyapi, qa ni-
ye enihdakupi kta he.

12 Oyate hunkake wicawaye
cin ihangyapi kin hena taku wa-
kandapi ewicahdakupi he? Go-
zan, qa Haran, qa Retzep, qa
Eden cinca Telasar en unpi qon.

13 Hamat wicaštayatapi kin
tokiya un he? qa Arpad wica-
štayatapi kin, qa Separwaim
otonwe, Hena, qa Iwa wicašta-
yatapi kin tokiya un he? eya.

14 Unkan Hezekiya wowapi
kin wahošiye napepi kin etanhan
icu, qa yawa, qa Jehowa ti kin
ekta i, qa Hezekiya he Jehowa
itokam yumdaya.

15 Qa Hezekiya Jehowa itokam
cekiye qa heya, Jehowa Israel
wakandapi, Kerubim oti kin he
niye, qa taku wakan tokeca wa-
nica, maka wokiconze owasin
en. Niye mañpiya kin, qa ma-
ka kin yakağa.

16 Jehowa anolikiye qa nañon
wo. Jehowa išta hdukawa, qa
wanyaka ye. Senaħerib oie kin
taku wakan ni un kin yašice kta
e wahoye cin he nañon ye.

17 Jehowa awicakehan Ašur
wicaštayatapi kin ikcewicašta,
qa tamakocepi kin hewoskan ka-
ğapi.

18 Qa taku wakandapi kin he-
na peta en elpeyapi. Hena ta-
ku wakan hecapi šni nakaes; tu-
ka can, qa inyan wicašta nape-
pi on kağapi heon hena ihangya-
pi ce.

19 Heon Jehowa wakan unni-
dapi nakaha ceciciye, iye nape
kin etanhan niunkiya miye. He-
cen niye nišnana Wakannitanka
maka wokiconze kin owasin
sdonypapi kta.

20 Hehan Isaya Amotz cinhin-
tku Hezekiya wahoye qa heya,
Jehowa Israel wakandapi kin
hecen eya, Wocekiye Senaħe-

rib Ašur wicaštayatapi kin on emayakiye cin he nawalion.

21 Wicoie iye on Jehowa eye cin dee; Zion cunwintku wikoška kin wahtenida šni, niye nina inihaha. Jerusalem cunwintku kin niye on pomnamna ce.

22 Dašice ça ošteyahda kin tuwe he? Tuwe itokam ho yawankan iyeyaya, qa išta yahduwankantu he? Israel towakan kin hee.

23 Wahošiye nitawa napepi on Itancan kin ošteyahda, qa heha, Canpahmihma ota mitawa en he paha ekta wahihbu, Lebanon hunaptan kin ekta, qa hanteša hanska, wazi can kalinigapi kin wakawanke kta. Ihanke tipi kin, Karmel contanka kin ekta mde kta.

24 Miye waqe ça mini tokeca mdatkan; qa misiha sicu kin on otonwe aconkaškeyapi wakpadan kin owasin oyahe waya, eha.

25 Taku ecamon, qa anpetu ehanna wakađe cin tehantanhan nayalion šni he? Nakaha ece-tu wakiya hecen otonwe aconkaškapi kin hena yujujupi qa otiwota paha hecapi.

26 Heon en ounyanpi kin napeksahanpi, nihinci-yapi, qa wacin-hnunipi, tinta peji kin iyece-capi, peji tipi awakeyapi akan icage ça hu kin icage šni itokam šnija he iyece-capi.

27 Tuka miye tukten yati, qa tankan inayapa, qa en yahdi ece kin sdonwaya; nakun token canniyemayaya.

28 Canniyemayaye cin, qa nihdatanka kin hena minođe en iyohpaye cin, heon mazayuksan mitawa nipođe en iyewaye kta, qa iiyuwi mitawa niiha kin en, qa canku ohna hidu qon he ohna hdicuciye kta.

29 Unkan niye wowapetokeca

kin de duhe kta. Omaka kin de baksapi qon etanhan taku icage cin yuta wo, qa waniyetu inonpa taku iyecinka icage cin, tuka waniyetu iyamni en wojupi, qa baksapo, qa hastanhanka iyuwi huhde po, qa taku aicage cin yutapo.

30 Qa Juda tiyohnaka etanhan tona nipi, okaptapi kin hena ake hutkan kuya yeyapi kta, qa akapatanhan waskuyeca aicagapi kta.

31 Jerusalem etanhan wookapte wan inanpe kta, Zion he kin etanhan nipi qon hena, Jehowa obe yuhe cin towinawizi kin hecon kta.

32 Heon Jehowa Ašur wicaštayatapi kin on hecen eya, Otonwe kin de en hi kte šni, qa wanhinkpe wan en yeye kte šni, qa wahacanka apaha najin kte šni, qa maka paha kage kte šni.

33 Canku ohna hiyu qon he ohna ake hde kta; qa otonwe kin de ekta hi kte šni, Jehowa eya ce.

34 Tuka miye on, qa mitaokiye Dawid on otonwe kin de niwaye kta e anawekšin kta.

35 Unkan hanyetu kin he en, Jehowa ohnihde kin iyaye ça Ašur owanka kin ohna wicašta kektopawinge opawinge qa kektopawinge wikcemna šahdoğan sanpa kektopawinge zaptan wicakaštaka. Unkan hanhanna kiktapi qehan hena owasin tancan ta wankapi.

36 Hehan Senaherib Ašur wicaštayatapi kin iyaye ça kihda, qa Ninewe ekta ki.

37 Unkan taku iye wakanda Nisrok ti kin ohna cekiya icunhan, iye cinhintku Adramelek qa Šaretzer isan on capapi, qa Ararat makoce kin ekta najicapi, unkan cinhintku Esarhadon eekiya wawidaka.

II. WICAŠTAYATAPI,

WICOWOYAKE 20.

1 Anpetu kin hena en Hezekiya wayazanka, on ƚe kta. Unkan Isaya Amotz cinhintku waayate kin en hi, qa heciya, Jehowa hecen eya, Yati kin hduwiyeya wo, niƚe kta, qa yani kte űni nakaű.

2 Unkan ite kin tionnaptan ekta-kiya ihduhomni, qa Jehowa ceciye ƚa heya,

3 Jehowa ceciciya, token wowicake en, qa cante ecetu hduha nitokam mawani, qa niűta kin en taku waűte ecamon ece kin he kiksuya ye, eya. Hehan Hezekiya ninaĥin ceya.

4 Unkan Isaya nahanĥin otonwe cokaya inanpe űni qehan, Jehowa oie kin en hi qa heciya;

5 Icicawin ya, qa Hezekiya oyate mitawa mdetanhunka kin heciya wo, Jehowa Dawid ateyaya wakanda kin hecen eya ce; Ceyakiye cin nawaĥon, qa iűtamnihanpe nitawa wanmdaka. Iho miye okiziciya ce, anpetu iyamni kin en Jehowa ti kin ekta itanwankanhde de kta.

6 Qa anpetu nitawa kin en waniyetu akezaptan ecicihnake kta, qa Aűur wicaűtayatapi nape kin etanhan ecihdaku kta, qa otonwe kin de nakun; qa otonwe kin de anawekűin kta, miye on, qa mitaokiye Dawid on.

7 Unkan Isaya heya, Suken waskuyeca kaűujapi icupo. Unkan icupi, qa űiyakao akan ehnaƚapi, heon ni.

8 Wanna Hezekiya Isaya ceciye ciqon, Jehowa okizimaye kta, qa anpetu iyamni en Jehowa ti kin ekta itanwankahde mde kta, wowapetokeca tuktee he.

9 Unkan Isaya heciye ciqon, Wicoie kin de Jehowa eye cin iyecen econ kta e Jehowa wo-

wapetokeca kin de niƚu. Ohanzi kin iyadipi wikcemna tokata ye kta, qaiű iyadipi wikcemna hektam hdicu kta he?

10 Unkan Hezekiya heya, Ohanzi kin iyadipi wikcemna tokata ye kte cin he taku űni: Hiya ohanzi kin iyadipi wikcemna hektam hdicu kte.

11 Unkan Isaya waayate kin Jehowa hoyekiya. Unkan ohanzi kin Aĥaz iyadipi tawa akan iyaye cin hektam iyadipi wikcemna hdicuya.

12 Hehan Berodak Baladan, Baladan cinhintku, Babel wicaűtayatapi kin wowapi qa taku qu kin Hezekiya kaye wicaűi, Hezekiya wayazanke ciqon he naĥon nakaű.

13 Unkan Hezekiya hena on iyuűkin, qa tipi waűtemna tawa ocowasin wanyag wicakiya, mazaska kin, qa mazaskazi kin, qa taku waűtemna, qa wiĥdi waűte, qa tawipe tipi kin ocowasin, qa taku mazopiye tawa en iyeyapi kin iyuhpa; iye ti kin ohna, qa toűkanűkan owancaya ohna Hezekiya taku wanyag wicakiye űni wanica.

14 Hehan Isaya waayate kin wicaűtayatapi kin Hezekiya en hi qa heciya, Wicaűta kin hena tokiya tanhan hiyupi, qa taku eniciyapi he? Unkan Hezekiya heya, Makoce tehan tanhan Babel hee etanhan.

15 Unkan, Yati kin ohna taku wanyakapi he, eya. Unkan Hezekiya heya, Wati kin ohna taku owasin wanyakapi mazopiye mitawa ohna taku wanyakapi űni wanica ce.

16 Unkan Isaya Hezekiya heciya, Jehowa oie kin naĥon wo.

17 Inyun anpetu u kte cin en taku yati ohna iyuhpa taku nihunkakepi anpetu kin dehanyan

WICOWOYAKE 21.

kihnakapi kin hena owasin Babel ekta ayapi kta; takudan okaptapi kte šni.

18 Nakun nicinca wicayecage ça niye etanhan inanpapi kte cin hena wanjikši iwicacupi kta, qa Babel wicaštayatapi ti kin ohna yunukos hecapi kta.

19 Unkan Hezekiya Isaya heciya, Jehowa oie ehe cin he wašte ce, wani kin hehanyan wookiye qa wowacinye yuke kte cinhan.

20 Unkan Hezekiya ohan unman, qa towašake owasin, qa token mdedan kin, qa wakpadan he iyahde kin hena kage ça mini otonwe en hiyuye cin, hena Juda wicaštayatapi anpetu oyakapi wowapi kin en owapi šni he?

21 Unkan Hezekiya hunkakewicaya om ištima, qa heekiya cinhintku Manaše wawidaka.

WICOWOYAKE 21.

1 Manaše waniyetu wikcemna sanpa nonpa qehan toka wawidaka, qa waniyetu wikcemna zaptan sanpa zaptan Jerusalem ohna wawidaka, qa hunku Hepetziba eciyapi.

2 Qa taku šica Jehowa išta kin en econ, ikcewicašta Israel cinca itokapatanhan Jehowa napewicaye cin wowahte šni econpi qon iyecen.

3 Qa paha atkuku Hezekiya pajuju qon, hena iye piya kaga, qa nakun wahnawošnapi wan Bayal ekicihde, qa Ašeri kaga, Ahab Israel wicaštayatapi kage cigon iyecen, qa mahpiya obe kin owasin ohowicada, qa owicakiya ece.

4 Qa wahnawošnapi Jehowa ti kin ohna kaga; Jehowa he ka qa, Jerusalem ohna micaje kin ewehde kta, eye cigon.

5 Tuka iye Jehowa ti hocoka nonpa kin ohna mahpiya obe kin owasin wahnawošnapi wicakicaga.

6 Qa iye cinhintku peta opta iyaye ya, qa mahpiya on waayata, qa wamduška on waayata, qa wapiyesa kaga, qa wicahmun-gesa nakun, hecen Jehowa šinhdaye kta išta kin en taku šica econ nina hduota.

7 Qa Ašera wakağapi wan iye kage cin Jehowa ti kin ohna ehde, Jehowa he cajeyate ça Dawid, qa iye cinhintku Solomon hewicakiye cigon; Tipi kin den qa Jerusalem Israel wicoun owasin etanhan wakañniğe cin, ohna micaje ewehnake kta owihanke wanin.

8 Qa Israel token econ wicawaši kin owasin iyecen, qa woope mitaakiye Mowis ope wicaši kin ocowasin iyecen econpi kta, waktaya unpi kinhan, maka hunkake wicayapi kin wicawaqu kin etanhan sihapi kin icimana yewaye kte šni.

9 Tuka wanañonpi šni, qa Manaše nuni wicaya; hecen šicaya econpi, ikcewicašta Jehowa Israel cinca itokapa tanhan ihang wicaye cin isanpa.

10 Unkan Jehowa taakiye wayate owasin napapi on ie ça heya;

11 Manaše Juda wicaštayatapi kin wowahte šni kin de econ, qa Amori iye itokam taku šica econpi kin owasin iye isanpa econ, heon; qa nakun wakağapi tawa on Juda wahtani ye cin.

12 Heon Jehowa Israel wakan-da kin hecen eya, Inyun Jerusalem en taku šica hiyu waye cin on tuwe he nañon kinhan noğenapin snasna kta.

13 Qa Jerusalem akan Samaria hañonta kin mdutitan kta; na-

II. WICAŠTAYATAPI,

kun Aħab tiyohnaka mazasu kin, qa Jerusalem wapakinte kta, wakšica wan pakintapi, qa yuahdapšin iyeyapi kin iyecen.

14 Nakun tawa wicawaya okaptapi kin awicamduštan kta, qa tokawicayapi napepi en wicawaqu kta, qa tokawicayapi kin wawaka qa wakipi wicayuhapi kta.

15 Taku šica mišta kin en econpi, qa hunkake wicayapi kin Egipta etanhan hdinanpapiehan-tanhan anpetu kin dehanyan ši-hdamayanpi heon etanhan.

16 Qa nakun Manaše wicawe taku iyaonpepicašni nina ota papon ecen Jerusalem owancaya ojudanya iyahna woahitani Juda wahtaniwicaya on, qa Jehowa išta kin en šicaya econ wicakiya, heon etanhan.

17 Unkan Manaše oħan unman, qa taku econ kin owasin, qa woahitani wahtani kin, hena Juda wicaštayatapi anpetu oyakapi wowapi en owapi šni he?

18 Qa Manaše hunkake wicaya om ištima, qa tipi tawa maġa kin en hnakapi, Uzza tamaġa en; unkan cinhintku Amon eekiya wawidaka.

19 Amon waniyetu wikcemna nonpa sanpa nonpa qehan toka wawidaka qa waniyetu nonpa Jerusalem ohna wawidaka, qa hunku Mišullamet Ĥarutz cunwintku eciyapi he Joteba etanhan.

20 Unkan taku šica Jehowa išta kin en econ, atkuku Manaše econ qon iyecen.

21 Qa atkuku tacanku kin owasin omani, qa wakaġapi atkuku ówicakiya qon hena iye ówicakiya, qa wicitokam patuja.

22 Hecen Jehowa hunkake wicaya wakandapi kin ayuštán, qa Jehowa tacanku kin omani šni.

23 Unkan Amon taokiye kin

kipajinpi, qa wicaštayatapi kin tipi tawa ohna ktepi.

24 Unkan makoce oyate kin tona wicaštayatapi Amon kipajinpi kin owasin wicakaštakapi, qa makoce oyate kin heekiya iye cinhintku Josija wicaštayatapi kaġapi.

25 Unkan oħan unman Amon econ kin hena Juda wicaštayatapi anpetu oyakapi wowapi en owapi šni he?

26 Unkan ohnahnakapi tawa ohna hnakapi, Uzza tamaġa en, qa heekiya iye cinhintku Josija wawidaka.

WICOWOYAKE 22.

1 Josija waniyetu šahdoġan qehan toka wawidaka, qa waniyetu wikcemna yamni sanpa wanjidan Jerusalem ohna wawidaka, qa hunku Jedida Yadaja cunwintku eciyapi, Botzeqat etanhan.

2 Qa taku ecetu Jehowa išta kin en econ, qa atkuku Dawid tacanku owasin omani, qa hetanhan etapa, qa catka unmanna ektakiya yuwinħ iyaye šni.

3 Qa Josija wawidaka waniyetu wikcemna sanpa šahdoġan kin en wicaštayatapi kin Šapan Atzelija cinhintku he Mešullam cinhintku kin Jehowa ti kin ekta yeši qa heya,

4 Ĥilqija wawayušna tanka kin ekta ya, Mazaska Jehowa ti kin en hiyuyapi kin, tiyopa awanyakapi kin oyate kin etanhan mnayanpi kin he yawa kta, keciya wo.

5 Qa Jehowa ti kin awanyakapi kin wohtani econpi kin napepi en qupi kta, Jehowa ti kin ohna wohtani econpi kin tipi oko kin piyapi kta e wicaqupi kta.

6 Cankajipapi kin, qa can qa inyan on ticaġapi kin wicaqupi

WICOWOYAKE 23.

kta; nakun can, qa inyan kakanpi opetonpi kte, on tipi kin piyayapi kta.

7 Tuka mazaska wicaqupi kin he yawapi šni, owotanna oħan-yanpi nakaš.

8 Unkan Ĥilqija wawayušna tanka kin Šapan wowapi kaġe cin heciya, Jehowa ti kin ohna woope wowapi kin iyewaya ce, qa Ĥilqija Šapan wowapi kin qu, unkan he yawa.

9 Qa Šapan wowapi kaġe cin wicaštayatapi kin ekta hi, qa wicaštayatapi kin hošikahi, qa heya, Nitaokiye tipi kin ohna mazaska iyeyapi kin he mnayanpi, qa Jehowa ti kin awanyakapi kin woħtani econpi napepi en qupi.

10 Qa Šapan wowapi kaġe cin wicaštayatapi kin okiyake a heya, Ĥilqija wawayušna kin wowapi wan maqu: hehan Šapan he wicaštayatapi kin itokam yawa.

11 Unkan wicaštayatapi kin woope wowapi oie kin naħon qehan wokoyake kin hduħdeħdeca.

12 Qa wicaštayatapi kin Ĥilqija wawayušna kin qa Aħiqam Šapan cinhintku, qa Yakbor Mikaja cinhintku, qa Šapan wowapi kaġe cin, qa Yasaja wicaštayatapi taokiye kin wahokonwicakiye a heya;

13 Ĥopo Jehowa iwanġapo, miye on, qa oyate kin on, qa Juda owasin on, wowapi iyeyapi kin de oie kin on, Jehowa tocanniye aide unyanpi kin he tanka nakaš; hunkake wicunyanpi wanaħonpi šni, qa wowapi kin de oie owasin unkokiciwapi kin iyecen econpi šni, heon etanhan.

14 Unkan Ĥilqija wawayušna kin, qa Aħiqam, qa Yakbor, qa Šapan, qa Yasaja hena Ĥarħas

cinhintku Tiqwa cinhintku Šalum, heyake awanyake cin tawicu kin, Ĥulda waayate win kin ekta ipi; (iye qe Jerusalem inonpa kin ohna ti), qa kici wohdakapi.

15 Unkan hewicakiya, Jehowa Israel wakandapi kin hecen eyaye, Wicašta miye ekta u nišipi kin heciyape,

16 Jehowa hecen eya, Inyun oyanke kin de, qa tona en tipi kin hena akan taku šica hiyuyamanka; Juda wicaštayatapi kin wowapi yawa oie kin owasin.

17 Amayuštanpi, qa taku wakan tokeca ota en wizinyapi, hecen napepi woħtani econpi kin owasin on šihda mayanpi, heon mitocanniye oyanke kin de aide, qa bosnipi kte šni.

18 Tuka Juda wicaštayatapi kin Jehowa iwanġa unišipi kin he hecen eyakiyapi kta, Jehowa Israel wakandapi kin wicoie nayahon kin on hecen eya;

19 Nicante wankadan, qa, Oyanke kin de otiwota kta, qa en ounyanpi kin woyašice hecapi kta, epe cin nayahon qehan, Jehowa itokam nihduħukuye a wokoyake duħdeħdece a mitokam yaceye cin, heon miye naciħon, Jehowa eya.

20 Qa heon miye nihunkakepi om ope ciye kta, qa ohna hnakapi nitawa en zaniyan nihnakapi kta, qa ništa kin taku šica oyanke kin de akan hiyuwaye kte cin wanyake kte šni, eya. Unkan wicaštayatapi kin hoši kahi-
pi.

WICOWOYAKE 23.

1 Unkan wicaštayatapi kin wahowicaya, hecen Juda qa Jerusalem hunkayapi owasin iye en mniciyapi.

2 Unkan wicaštayatapi kin Je-

II. WICAŠTAYATAPI,

howa ti kin ekta i, qa Juda wicašta kin owasin, qa Jerusalem ounyanpi kin owasin opapi, nakun wawayuśnapi kin, qa waayatapi kin, qa oyate tona cistinna tanka koya owasin; qa woepe wowapi Jehowa ti kin ohna iye-yapi oie kin owasin nogepi en yawa.

3 Wicaštayatapi kin cowahe kin akan najin, qa Jehowa itokam wotakuye kağa, Jehowa opapi kta, qa tawoahope, qa tawoyatanin, qa tokağa patanpi kta; cantepi ocowasin on, qa naġipi ocowasin on wotakuye kin de oie wowapi kin he en owapi kin yuecetupi kta; unkan oyate kin owasin wotakuye kin en najinpi.

4 Hehan wicaštayatapi kin Hilqija wawayuśna tanka kin, qa wawayuśna iyokihepi kin, qa tiyopa awanyakapi kin hena wakśica Bayal kicaġapi qa Ašera kicaġapi, qa maħpiya obe owasin kicaġapi qon Jehowa ti kin etanhan hiynya wicaši; qa Jerusalem itankan Qidron maġa kin ohna hena huħnaħya qa cahota kin Betel ekta ai.

5 Qa wakaġapi wakiyuśnapi kin wicayutokan, hena Juda wicaštayatapi kin Jerusalem ihdukśan, qa Juda otonwe ohna paha akan wizinya wicakiyapi qon; nakun tona Bayal, qa anpetu wi, qa hanyetu wi qa wicanħpi, qa maħpiya obe owasin izinyapi.

6 Qa Ašera Jehowa ti kin etanhan hiynya, Jerusalem itankan, Qidron kaksiza ekta, qa Qidron kaksiza ohna huħnaħya, qa kamdu, qa cahota kin wicašta cinca ohnahnakapi kin akan kadada.

7 Qa winyanicidapi tipi tawapi, Jehowa ti kin ohna yakonpi kin, hena pajuju, hena ohna

winoħinca kin Ašera tipi kici-cazuntapi qon.

8 Qa Juda otonwe owasin etanhan wawayuśnapi kin u wicaši, qa Geba etanhan Beršeba aiyaħdeya paha kin yuśapa; hena akan wawayuśnapi kin wizinyapi qon; nakun tiyopa paha kin yujuju, he Jośuwa otonwe itancan kin tatiyopa kin ekta yanka, otonwe tiyopa kin catka tanhan.

9 Hecašta paha wawayuśnapi kin Jehowa wahnawośnapi tawa Jerusalem ohna yanke cin he ekta ipi śni, tuka hunkawanji-wicayapi om aġuyapi onapoħye codan yutapi ece.

10 Nakun Topet Hinnom cinca taosmaka ohna yanke cin he yuśapa, hecen tuwedan cinhintku qaiś cunwintku Molek ekta peta en yekiye kte śni.

11 Qa śuktanka Juda wicaštayatapi kin anpetuwi qupi kin hena yutokan, Jehowa ti tiyopa kin icahda etanhan, Natan melek yunukos owankati ikiyedan tiyopa kin itankan; qa anpetuwi canpahmihma kin petan huħnaħya.

12 Qa wahnawośnapi Juda wicaštayatapi kin Aħaz wankanti oakaħpe akan kaġapi qon, qa wahnawośnapi Manaše Jehowa ti hocoka napin ohna kağa hena wicaštayatapi kin pajuju qa hetanhan kohanna yutokan, qa cahota kin Qidron kaksiza ekta ehpeya.

13 Nakun paha Solomon Israel wicaštayatapi kin Ašterot Tzidoni wowahite śni kin kicaġe cin, qa Kemoś Moab wowahite śni kin, qa Milkom Anmon cinca wowahite śni kin kicaġe cin, Jerusalem wihinanpa ektakiya Wihdi paha itokağa tanhan, hena wicaštayatapi kin yuśapa.

14 Qa wakaġapi kin kamdeca,

qa Ašeri kin kaksaksa, qa tukten yakonpi qon wicašta huhu on ojuya.

15 Qa nakun wahnawošnapi wan Betel ekta yanke cin, paha Jeroboyam Nebat cinhintku Israel wahtani wicaye cin ka-ge cin, wahnawošnapi, qa paha kin napin pajuju, qa ideya, paha kin watušekšeca ecen kamdemdeca, qa Ašera kin hulnaħya.

16 Hehan Josija ihdamna, qa ohnahnakapi hen, he kin akan yakonpi kin wanyaka, qa tuwe yeši, qa ohnahnakapi etanhan huhu kin icu, qa wahnawošnapi kin akan hulnaħya, hecen yuša-pa; Jehowa oie, Wakantanka tawicašta eyanpaha qon iyecen, wicoie kin dena ieyanpaha qehan.

17 Unkan, Inyan bosdata wam-dake cin he taku hwo, eya. Unkan otonwe wicašta kin heciyapi, Wakantanka tawicašta Juda etanhan u, qa wicoie kin dena Betel wahnawošnapi kin ecayecon kin ieyanpaha qon ohnahnakapi tawa kin hee.

18 Unkan, Owanji yanke kta, tuweden huhu tawa yutokan kte šni, eya. Heon huhu tawa okaptapi, nakun waayate Samaria etanhan hiyu qon huhu tawa.

19 Unkan paha tipi kin owasin Samaria otonwe tawa ohna *Jehowa* šihdayapi kta e Israel wicaštayatapi kin kağapi qon, hena Josija yutokan, qa Betel en woeccon econ qon owasin iyecen hena ecakicon.

20 Nakun paha wawayušnapi hen yakonpi kin owasin wahnawošnapi kin akan wawicayušna, qa hena akan wicašta huhu kin hulnaħya; hehan Jerusalem ekta hdi.

21 Qa wicaštayatapi kin oyate kin owasin wahokonwicakiye

qa heya, Jehowa wakanyadapi kin woacakšin kicicağapo, wicotakuye kin de wowapi en owapi kin owasin iyecen.

22 Wayacopi Israel wicayacopi kin anpetu tawapi ehantanhan, Israel wicaštayatapi, qa Juda wicaštayatapi anpetu tawapi owasin en woacakšin wan de iyececa kağapi šni.

23 Tuka Josija wawidake cin waniyetu wikcemna sanpa išahdoğan kin en woacakšin kin de Jerusalem ohna Jehowa kicağapi.

24 Qa nakun wapiyesa kin, qa wakaniçidapi kin, qa terapim, qa wakagapi kin, qa wowahite šni Juda makoce ohna, qa Jerusalem ohna wanyakapi kin owasin Josija ihangya, hecen wowapi Hilqija Jehowa ti kin ohna iyeya woope oie en owapi kin yuecetu.

25 Qa wicaštayatapi Mowis toope iyecen cante ocowasin on, qa naği kin ocowasin on, qa towašake ocowasin on Jehowa en ihduhomni, iye econ kin iyecen, itokam wanica, qa iye iyohakam iye iyececa wanjidan icage šni.

26 Hececa šta Jehowa tocanniye kata tanka Manaše oħan šica šihdaya on Juda aideye cin he etanhan ihduhomni šni.

27 Qa Jehowa heya, Juda nakun miite itokapa tanhan mdutokankta, Israel mdutokan kin iyecen, qa otonwe wakaħnige cin de Jerusalem, he ihawakta kte šni, nakun tipi ohna micaje hen yanke kta, epe ciqon.

28 Unkan Josija oħan unman, qa taku econ kin owasin, hena Juda wicaštayatapi anpetu oyakapi wowapi en owapi šni he?

29 Anpetu tawa kin en Paro Neko, Egupta wicaštayatapi kin u, Ašur wicaštayatapi kin anatan kta Yuprate wakpa kin ekta.

II. WICAŠTAYATAPI,

Unkan wicaštayatapi Josija itko-
kipe kta iyaya. Unkan wanya-
ke cehan Megiddo en kte.

30 Unkan taokiye iye te cin
canpahmihma ohna Megiddo
etanhan Jerusalem ekta ahdapi,
qa ohnahnakapi tawa en hnaka-
pi. Unkan makoce oyate kin
Jehoahaz Josija cinhintku icupi,
qa sdayapi, qa atkuku eekiya
wicaštayatapi kağapi.

31 Jehoahaz waniyetu wikce-
mna nonpa sanpa yamni qehan
toka wawidaka, qa wi yamni
Jerusalem ohna wawidaka, qa
hunku Hamutal eciyapi, Jere-
miya cunwintku Libna etanhan.

32 Qa taku šica Jehowa išta
kin en econ, hunkake wicaya
econpi qon owasin iyecen.

33 Unkan Paro Neko Hamat
makoce ohna, Ribla ekta kaška,
on Jerusalem en wawidake kte
šni, qa makoce kin on mazaska
woqin opawinge, qa mazaskazi
woqin wanjidan mnakieciye wi-
caši.

34 Qa Paro Neko Josija cin-
hintku Eliaqim (Taku wakan
ehde) wicaštayatapi kağa, atku-
ku Josija eekiya, qa caje yato-
keca Jehoqim, (Jehowa ehde)
qa Jehoahaz, (Jehowa yusuta),
icu, qa Egipta ekta yuha hda.
Unkan hen ta.

35 Unkan Jehoqim mazaska
kin, qa mazaskazi kin Paro qu,
tuka makoce kin yawa, mazaska
kin qu kta e Paro econsi kin
iyecen, makoce oyate kin wica-
šta otoiyohi Paro Neko qu kta
e mazaska, qa mazaskazi mna-
ye wicakiya wicayawapi kin
iyecen.

36 Jehoqim waniyetu wikce-
mna nonpa sanpa zaptan qehan
toka wawidaka, qa waniyetu
wikcemna sanpa wanjidan Jeru-
salem ohna wawidaka, qa hun-

ku Zebuda Pedaja cunwintku
eciyapi, Ruma etanhan.

37 Qa taku šica Jehowa išta
kin en econ, hunkakewicaya
econpi qon owasin iyecen.

WICOWOYAKE 24.

1 Anpetu tawa kin en Nebu-
kadnezar Babel wicaštayatapi
kin anatan hi., Unkan Jeho-
qim wowidake iciçu; waniyetu
yamni ókiya; hehan *tawacin* hdu-
tokeca qa kipajin.

2 Unkan Jehowa Kasdim ozuye
kin, qa Aram ozuye kin, qa Moab
ozuye kin, qa Anmon cinca ozu-
ye kin Jehoqim anatan wicaya.
Hena Juda ihangyapi kta ana-
tan wicaya, Jehowa oie taokiye
waayatepi napepi on eye ciqon
iyecen.

3 Awicakehan Manaše wahtani
kin, taku econ kin owasin iyecen,
Jehowa i kin on hecen iye ito-
kapa tanhan Juda yutokan kta
anatanpi.

4 Qa nakun wicašta takudan
iyaonpepicašni wepi kin papson-
pi kin on, qa wicawe taku iya-
onpepicašni on Jerusalem ojuya;
heon Jehowa he kajuju kta cin
šni.

5 Unkan Jehoqim oħan unman,
qa taku econ kin owasin, hena
Juda wicaštayatapi anpetu oya-
kapi wowapi en owapi šni he?

6 Unkan Jehoqim hunkake wi-
caya om ištima; unkan eekiya
cinhintku Jehoakin wawidaka.

7 Unkan Egipton wicaštaya-
tapi kin iye tamakoce etanhan
inanpa ayušan, Babel wicašta-
yatapi kin Egipta kaksiza etan-
han, Euprate wakpa kin aiya-
hdeya taku Egipta wicaštayata-
pi tawa qon owasin icu nakaš.

8 Jehoakin waniyetu wikcemna
sanpa šahdoğan qehan toka wa-

WICOWOYAKE 25.

widaka, qa wi yamni Jerusalem ohna wawidaka, qa hunku Nehušta Elnatan cunwintku eciyapi Jerusalem etanhan.

9 Unkan taku šica Jehowa išta kin en econ, hunkakewicaya econpi qon owasin iyecen.

10 He ehan Nebukadnezar Babel wicaštayatapi taokiye kin Jerusalem ekta hipi, qa otonwe kin aonatakapi.

11 Nakun Nebukadnezar Babel wicaštayatapi kin otonwe ekta hi taokiye aonatakapi icunhan.

12 Unkan Jehoakin Juda wicaštayatapi kin Babel wicaštayatapi kin ekta inanpa, iye, qa hunku, qa taokiye, qa akicita tawa, qa yunukos tawa; unkan Babel wicaštayatapi kin wawidake cin waniyetu išahdoğan kin en wayaka icu.

13 Qa taku Jehowa ti kin ohna kihnakapi qon, qa wicaštayatapi ti kin ohna kihnakapi qon hetanhan icu, qa mazaskazi wokicanye Jehowa ti kin ohna Solomon İsrail wicaštayatapi kađe ciqon, hena kaksaksa, Jehowa eye ciqon iyecen.

14 Qa Jerusalem ocowasin wayaka icu, akicita owasin, qa wicašta wašaka waditaka owasin, wayaka kektopawinge wikcemna, nakun cankajipapi qa mazakađapi kin owasin; makoce oyate wałpanica kin henana okaptapi.

15 Hecen Jehoakin Babel ekta wayaka akiyahda, nakun wicaštayatapi hunku, qa wicaštayatapi tawicu, qa yunukos tawa, qa makoce wicašta wašaka owasin wayaka Jerusalem etanhan Babel ekta awicaya.

16 Ozuye wicašta kektopawinge šakowin, qa cankajipa qa mazakađa kektopawinge wanji, qa wicašta wašaka ozuye kađapi kin

owasin, hena Babel wicaštayatapi kin Babel ekta wayaka awicaya.

17 Unkan Babel wicaštayatapi kin heekiya ateya Mattenija, (Jehowa qu kin,) wicaštayatapi kađe ɔa ɔaje kin yatokeca, qa Zediqija (Jehowa owotanna tawa) eciya.

18 Zedeqija waniyetu wikcemna nonpa sanpa wanjidan qehan toka wawidaka, qa waniyetu wikcemna sanpa wanjidan Jerusalem ohna wawidaka, qa hunku Hamutal Jeremiya cunwintku eciyapi, Libna etanhan.

19 Qa taku šica Jehowa išta kin en econ, Jehoaqim econ qon owasin iyecen.

20 Jehowa Jerusalem, qa Juda canniye wicaya, heon iye itekapa tanhan iyaye wicaya ecen, Zediqija Babel wicaštayatapi kin kipajin.

WICOWOYAKE 25.

1 Qa wawidake cin waniyetu inapcinwanka wi iwikcemna anpetu iwikcemna kin en, Nebukadnezar Babel wicašta yatapi kin hi, iye qa ozuye tawa owasin Jerusalem en ahitipi, qa ihdukšan conkaške kađapi.

2 Unkan otonwe kin conkaške on natakapi, Zedeqija wawidake cin waniyetu iake wanji kin hehayan.

3 Qa wi *itopa anpetu* inapcinwanka en wicaakihan otonwe kin ohiya, makoce oyate kin on woyute wanica nakaš.

4 Hehan otonwe kin yuħdoka-pi, qa ozuye wicašta kin owasin hanyen najicapi, conkaške nonpa otahedan, tiyopa wicaštayatapi tamađa icahda canku kin ohna; qa Araba canku kin ohna iyayapi, Kasdim otonwe ihdukšan yakonpi nakaš.

II. WICAŠTAYATAPI,

5 Unkan Kasdim ozuye kin owasin wicaštayatapi kin kuwa eyaya, qa Jordan makomdaye ohna kihdegapi; tuka akicita tawa owasin iye etanhan enana-kiya iyayapi.

6 Hecen wicaštayatapi kin yuzapi, qa Babel wicaštayatapi kin ekta aipi, Ribla ekta, qa hen yacopi.

7 Qa Zedeqija cinca wica kin iye išta kin itokam wicaktepi, qa Zedeqija išta kin pahdokapi, hehan mazazi wicaške on kaškapi, qa Babel ekta ayapi.

8 Unkan wi izaptan anpetu išakowin Nebukadnezar Babel wicaštayatapi wawidake cin waniyetu wikcemna sanpa inapcinwanka kin en, Nebuzaradan wicakte itancan kin Babel wicaštayatapi taokiye kin Jerusalem en hi.

9 Qa Jehowa ti kin huḥnahya, qa wicašta yatapi ti kin, qa Jerusalem tipi kin iyuhpa, tipi tanka kin owasin peta on huḥnahya.

10 Qa Kasdim ozuye kin wicakte itancan kin wicayuhe cin conkaške Jerusalem ihduksan owancaya yujujupi.

11 Unkan oyate unman otonwe ohna okaptapi kin, qa najicapi kin tona Babel wicaštayatapi kin ekta iyayapi kin, Nebuzaradan wicakte itancan kin oyate unman kin wayaka awicaya.

12 Tuka wicakte itancan kin makoce en walipanicipi kin hena wanjikši hastanhanka iyuwi, qa maḡa kicanyanpi kta owicakapta.

13 Unkan Jehowa ti mazazi ipatanhdepi kin hena, qa oahehde kin, qa mazazi cega tanka Jehowa ti ohna yanke cin hena iyuhpa Kasdim kaksaksapi, qa mazazi kin Babel ekta ayapi.

14 Qa cega kin, qa mazamda-

ska kin, qa petijanjan iyukse kin, qa wiyatke kin, mazazi wikicanye on kicanyanpi kin hena owasin icupi.

15 Nakun wicakte itancan kin oizinye kin, qa amnimni wakšica, tona mazaskazi qa mazaska koya icu.

16 Mazazi ipatanhdepi. nonpa, qa cega tanka wanji, qa oahehdepi Solomon Jehowa ti kicage cin, wikicanye kin hena owasin mazazi kin tkeutapi šni.

17 Ipatanhdepi wanji bosdata ohanske cin wicišpa wikcemna sanpa šahdogan, qa he iwankam mazazi watešdake wan, qa watešdake bosdata kin wicišpa yamni; qa mazayankapi, qa taspan-tankasuota watešdake ihduksan unpi kin, hena owasin mazazi; qa hena iyecen ipatanhdepi unman akan mazayankapi yanka.

18 Qa wicakte itancan kin Seraja wawayušna tokaheya kin, qa Zepanija wawayušna inonpa kin, qa tiyopa awanyakapi yamni;

19 Qa yunukos wan ozuye wicašta wicayawa kin, qa wicašta zaptan wicaštayatapi ite kin wanyakapi ece kin, hena otonwe ohna iyewicayapi, qa obe kin wowapikaḡa itancan kin, makoce oyate kin iwicadake cin, qa makoce oyate kin wicašta wikcemna šakpe hena iwicacu.

20 Nebuzaradan wicakte itancan kin hena icu, qa Babel wicaštayatapi kin ekta Ribla ekta awicai.

21 Unkan Babel wicaštayatapi kin wicakaštake ca wicakte, Ribla en, Hamat makoce ohna, hecen Juda makoce tawapi etanhan wayaka awicayapi.

22 Qa oyate Juda makoce en okaptapi, Nebukadnezar Babel wicaštayatapi kin owicakapte cin, hena iwankam Šapan cin-

WICOWOYAKE 25.

hintku, he Ahiqam cinhintku, Gedaliya itancan kaga.

23 Unkan ozuye mdetanhunkapi kin, qa wicašta tawapi Babel wicaštayatapi kin Gedaliya he itancan kaga nañonpi qehan, Ismael Netanija cinhintku, qa Johanan Qareña cinhintku, qa Seraja Tanhumet Netopati kin cinhintku, qa Jazaniya Mayakati kin cinhintku, hena qa wicašta tawapi Gedaliya ekta Mitzpa en hipi.

24 Unkan Gedaliya hena, qa wicašta tawapi hewicakiya, Taku wakan namañon, Innuhan Kasdim óyakiyapi kta ikoyapapi kin. Makoce kin en owanji yankapo, hecen tanyan yaunpi kta.

25 Unkan wi isakowin en Ismael Netanija cinhintku Elisama cinhintku, wicaštayatapi cinca kin etanhan en hi, qa wicašta wikcemna opapi, qa Gedaliya kaštakapi qa ktepi; nakun Juda wicašta, qa Kasdim Mitzpa ohna iye kici unpi kin hena.

26 Hehan oyate kin owasin, tona cistinna qa tona tanka koya, najinpi, nakun ozuye mdetanhunkapi kin, qa Kasdim ikopapi on Egipta ekta iyayapi.

27 Unkan Jehoakin Juda wicaštayatapi wayaka un kin waniyetu wikcemna yamni sanpa isakowin en, wi iakenonpa kin anpetu wikcemna nonpa sanpa isakowin en, Ewil Merodak Babel wicaštayatapi kin waniyetu toka wawidake cin en, Jehoakin Juda wicaštayatapi pa kin yuwankan icu wicakaška tipi etanhan.

28 Qa taku wašte eciya, qa toiyotanke kin wicaštayatapi unman, iye kici Babel ohna yakonpi toiyotankapi iwankam ehde.

29 Qa wicakaškapi taheyake kin yutokeca, unkan iye itokam aguyapi yuta tohanyan ni kin anpetu owasin.

30 Qa wopamni wicaštayatapi kin etanhan qupi, wopamni ohinnyan tohanyan ni kin anpetu otoiyo.

ANPETU OYAKAPI,

WOWAPI TOKAHEYA KIN.

WICOWOYAKE 1.

- 1 Adam, Šet, Enoš,
- 2 Qenan, Mahalalel, Jared,
- 3 Henok, Metušela, Lamek,
- 4 Nowa, Šem, Ham, Japet.
- 5 Japet cinca kin Gomer, qa Magog, qa Madai, qa Jawan, qa Tubal, qa Mešek, qa Tiras.
- 6 Qa Gomer cinca kin, Askenaz, qa Ripat, qa Togarma.
- 7 Qa Jawan cinca kin, Eliša, qa Taršis, Kittim, qa Dodanim.
- 8 Ham cinca kin, Kuš, qa Mizraim, (Egupton,) qa Put, qa Kanan.
- 9 Qa Kuš cinca kin, Seba, qa Hawila, qa Sabta, qa Rayema, qa Sabteka; qa Rayema cinca kin, Šeba, qa Dedan.
- 10 Kuš nakun Nimrod kicitonpi. Iye tokaheya maka akan wašaka aya.
- 11 Unkan Mitzraim cinca kicitonpi kin dena eepi, Ludim, qa Yaňamim, qa Lehabim, qa Napthim,
- 12 Qa Patrusim, qa Kasluhim, hetanhan Pilistim, qa Kaptorim inanpapi.
- 13 Unkan Kanan cinca kicitonpi Zidon he tokapa, qa Het;
- 14 Qa Jebusi kin, qa Amori kin, qa Girgaši kin,
- 15 Qa Hiwi kin, qa Yarqi kin, qa Sini kin,
- 16 Qa Arwadi kin, qa Zemari kin, qa Hamati kin.
- 17 Šem cinca kin Elam, qa Ašur, qa Arpaksad, qa Lud, qa

Aram, qa Uz, qa Hul, qa Geter, qa Mišek.

18 Unkan Arpaksad Šela kicitonpi, qa Šela Heber kicitonpi.

19 Unkan Heber cinca wica nonpa kicitonpi; wanji Peleg, (Yušpa) eciyapi, anpetu tawa en maka kin yušpapi nakaš. Qa sunkaku Joqtan eciyapi.

20 Unkan Joqtan cinksiwicaye cin dena eepi, Almodad, qa Šelep, qa Hatzarmawet, qa Jeraħ,

21 Qa Hadoram, qa Uzal, qa Diqla,

22 Qa Yebal, qa Abimael, qa Seba;

23 Qa Opir, qa Hawila, qa Jobab; hena owasin Joqtan cinksiwicaya.

24 Šem, Arpaksad, Šela,

25 Heber, Peleg, Reyuu,

26 Serug, Naħor, Teraħ,

27 Abram he Abraham ee.

28 Abraham cinca kin Izak, qa Išmayel; (Taku Wakan naħon.)

29 Wicoicagepi dena ee. Išmayel; cinhintku tokapa kin Nebajot, qa Qedar, qa Adbel, qa Mibšam,

30 Qa Mišma, qa Duma, qa Masa, Hadad, qa Tema,

31 Jetur, Napiš, qa Qedma; Išmayel cinksiwicaye cin hena eepi.

32 Unkan Qetura Abraham tawicu tokeca cinca ton kin dena eepi, Zimran, qa Jokšan, qa Medan, qa Midian, qa Išbaq, qa Šuħa; qa Jokšan cinca kin, Šeba, qa Dedan.

WICOWOYAKE 2.

33 Qa Midian cinca kin Yepa, qa Yeper, qa Hanok, qa Abida, qa Eldaha; hena owasin Qetura cinkšiwicaya.

34 Nakun Abraham Izak kicitonpi. Izak cinca kin Esa, qa Israel.

35 Esa cinca kin Elipaz, Ruhel; qa Jeyuš, qa Jalam, qa Qorah.

36 Elipaz cinca kin Teman, qa Omar, Zepi, qa Gatam, Qenaz, qa Timna, qa Amaleq.

37 Ruhel cinca kin Nahat, Zerah, Šanma, qa Miza.

38 Seyir cinca kin Lotan, qa Šobal, qa Zibeon, qa Ana, qa Dišon, qa Etzer, qa Dišan.

39 Lotan cinca kin, Hori, qa Homan; qa Lotan tawinohtin kin Timna.

40 Šobal cinca kin, Yalan, qa Manahat, qa Yebal, Šepi, qa Onan. Qa Zibeon cinca kin, Aya, qa Ana.

41 Ana cinhintku Dišon; qa Dišon cinca kin Hamran, qa Ešban, qa Jitran, qa Keran.

42 Etzer cinca kin Bilhan, qa Zayan, qa Agan. Dišon cinca kin Uz, qa Aram.

43 Unkan wicaštayatapi kin dena Edom makoce kin ohna wawidakapi; wicaštayatapi wanjidan Israel cinca iwicadake šni ehan; Bela, he Beyor cinhintku, qa otonwe tawa Dinhaba eciyapi.

44 Unkan Bela ta; qa heekiya Zerah cinhintku Jobab, Botzra etanhan wawidaka.

45 Unkan Jobab ta, qa heekiya Hušam, Timna makoce kin etanhan wawidaka.

46 Qa Hušam ta; unkan heekiya Bedad cinhintku Hadad wawidaka; iye Midian kaštaka Moab tatinta ohna; qa otonwe tawa Awit eciyapi.

47 Qa Hadad ta, qa heekiya

Samla, Masreqa etanhan, wawidaka.

48 Qa Samla te; unkan heekiya Šaul, Relibot wakpa icahda wanke cin etanhan, wawidaka.

49 Qa Šaul ta, unkan heekiya Bayalhanan Yakbor cinhintku wawidaka.

50 Qa Bayalhanan ta; unkan heekiya Hadad wawidaka, qa otonwe tawa Payi eciyapi, qa tawicu Mehetabel Matred cunwintku eciyapi, he Mezahab cunwintku.

51 Qa Hadad ta, Hehan Edom dena itancan wicaya, itancan Timna, itancan Alwa, itancan Jetet,

52 Itancan Aholibama, itancan Ela, itancan Pinon,

53 Itancan Qenaz, itancan Teman, itancan Mibzar,

54 Itancan Magdijel, itancan Yiram. Edom itancan wicaya hena eepi.

WICOWOYAKE 2.

1 Israel cinca kin dena eepi; Ruben, Simeon, Lewi, Juda, Is-sakar, Zebulun,

2 Dan, Josep, qa Benjamin, Naptali, Gad, qa Ašer.

3 Juda cinca kin Er, qa Onan, qa Šela; hena yamni Šuya cunwintku Kananiwin kiciton; tuka Er Juda cinhintku tokapa kin he šica, Jehowa išta kin en; unkan teya.

4 Unkan iye takošku Tamar Perez, qa Zarah kiciton. Juda cinca kin owasin zaptanpi.

5 Perez cinca kin Hezron, qa Hamul.

6 Unkan Zarah cinca kin Zimri, qa Etan, qa Heman, qa Kalkol, qa Dara, owasin zaptanpi.

7 Unkan Karmi cinca kin Akar (Iyokišinya), Israel iyokišinye

ANPETU OYAKAPI,

cin hee, taku yuwakanpi en wakitani nakaś.

8 Unkan Etan cinhintku Azarija.

9 Unkan Hezron cinca kicitonpi kin Jeraħmeel, qa Ram, qa Kelubi.

10 Unkan Ram Aminadab cinkśiya, qa Aminadab Nahson, Juda cinca itancan kin cinkśiya.

11 Qa Nahson Salma cinkśiya, qa Salma Boyaz cinkśiya.

12 Qa Boyaz Obed cinkśiya, qa Obed Jesse cinkśiya.

13 Qa Jesse kicitonpi kin tokappa Eliab, qa inonpa kin Abinadab, qa iyamni kin Šimeya,

14 Itopa kin Netaneel, izaptan kin Raddi,

15 Isakpe kin Otzem, isakowin kin Dawid.

16 Unkan tawinolitinpi kin Tzeruja, qa Abigail. Qa Tzeruja cinca kin Abiśai, qa Joab, qa Yasahel, yamnipi.

17 Unkan Abigail Yamasa ton, qa Yamasa atkuku kin Jeter Ismaeli kin.

18 Unkan Kaleb Hezron cinhintku tawicu Azuba, iye Jereyot cinca kiciton, qa iye cinca kin dena eepi, Jeśer, qa Šobab, qa Ardon.

19 Unkan Azuba ƚa, hehan Kaleb Eprat yuza: unkan Ĥur kiciton.

20 Unkan Ĥur Uri kicitonpi; qa Uri Betzaleel kicitonpi.

21 Qa ohakam Hezron Makir Gileyad atkuku cunwintku ekta i qa yuza; waniyetu wikcemna śakpe qehan; unkan Segub kiciton.

22 Unkan Segub Jair cinkśiya, iye otonwe wikcemna nonpa sanpa yamni Gileyad makoce ohna yuha.

23 Qa Jair otonwe Geśur, qa Aram etanhan icu, Qenat qa

cunkśi wicaye cin otonwe wikcemna śakpe, hena owasin Makir Gileyad atkuku cinkśi wicaya.

24 Unkan Hezron, Kaleb Eprata ohna ƚe cin iyohakam Hezron tawicu Abia Aśħur Teqoa atkuku kiciton.

25 Unkan Hezron cinhintku tokapa Jeraħmeel dena cinkśiwicaya, Ram tokapa kin, qa Buna, qa Oran, qa Otzem Alija *etanhan*.

26 Qa Jeraħmeel tawicu tokeca wan yuha, Yatara eciyapi, Onam hunku hee.

27 Qa Jeraħmeel cinhintku tokapa Ram dena cinkśi wicaya, Mayatz, qa Jamin, qa Yeqir.

28 Unkan Onam cinca kin Šanma, qa Jada; qa Šanma cinca kin Nadab, qa Abiśur.

29 Qa Abiśur tawicu kin Abiħail eciyapi. Unkan Aħban qa Molid kiciton.

30 Unkan Nadab cinca kin Seled, qa Appaim; unkan Seled cinca nica ƚe.

31 Unkan Appaim cinca kin Jiśyi; qa Jiśyi cinca kin Šeśan. Unkan Šeśan cinca kin Aħlai.

32 Unkan Jada Šanma sunkaku cinca kin, Jeter, qa Jonatan. Unkan Jeter cinca nica ƚa.

33 Unkan Jonatan cinca kin Pelet, qa Zaza. Hena Jeraħmeel cinkśiwicaya.

34 Unkan Šeśan cinca wica nica, tuka cinca winyan. Unkan Šeśan Egupton hokśidan wan yuha he Jarħa eciyapi.

35 Qa Šeśan tahokśidan Jarħa yuze kta iye cunwintku qu; Unkan Yattai kiciton.

36 Unkan Yattai Natan cinkśiya, qa Natan Zabad cinkśiya.

37 Unkan Zabad Eplal cinkśiya; qa Eplal Obed cinkśiya.

38 Qa Obed Jehu cinkśiya, qa Jehu Azarija cinkśiya.

WICOWOYAKE 3.

39 Qa Azarija Heletz cinksiya, qa Heletz Eleyasa cinksiya.

40 Unkan Eleyasa Sisama cinksiya, qa Sisama Sallum cinksiya.

41 Qa Sallum Jeqamja cinksiya, qa Jeqamja Elisama cinksiya.

42 Unkan Jerahmeel sunkaku Kaleb cinhintku Meša he toka-pa, Zip atkuku kin hee; nakon Hebron atkuku Mareša cinca kin.

43 Qa Hebron cinca kin Qorah, qa Tappuša, qa Reqem, qa Samya.

44 Unkan Samya Raham cinksiya, Jorqam atkuku hee. Unkan Reqem Sanma cinksiya;

45 Qa Sanma cinhintku kin Mayon, qa Mayon Betzur atkuku kin hee.

46 Unkan Kaleb tawicu tokeca Yepa he Haran, qa Motza, qa Gazez ton; unkan Haran Gazez cinksiya.

47 Unkan Jada cinca kin Regem, qa Jotam, qa Gešan, qa Pelet, qa Yepa, qa Sayap.

48 Kaleb tawicu tokeca Mayaka he Šeber, qa Tiršana ton.

49 Nakon Sayap Madmanna atkuku ton, qa Sewa Makbena atkuku, qa Gibeya atkuku, qa Kaleb cunwintku Yaksa.

50 Kaleb cinca kin dena eepi; Hur Eprata cinhintku tokapa, Šobal Qirjat-Jeyarim atkuku,

51 Salma Bet Lehem atkuku, qa Harep Bet Gader atkuku.

52 Qa Šobal Qirjat-Jeyarim atkuku cinca wicayuha, Haroe, Hatzi, Heminuhot.

53 Qa Qirjat-Jeyarim wicowazi kin Itri kin, qa Puti kin, qa Sumati kin, qa Mišrai kin; hena etanhan Tzorati kin, qa Eštaoli kin icagapi.

54 Salma cinca kin Bet-Lehem, qa Netopati kin, Yaterot Bet-

Joab, qa Manaheti hanke kin, qa Tzarayi kin,

55 Qa wowapikağa wicowazipi kin Jabez ounyanpi kin, Tireyatim, Simeyatim, Sukatim. Hena Qirim hecapi, Hamat etanhan upi, qa Rekab tiyohnaka ateyapi.

WICOWOYAKE 3.

1 Unkan Dawid cinca Hebron ohna tonpi kin dena eepi; toka-pa kin Amnon, Ahinoyam Jezreeli win kin ton; inonpa Daniel, Abigail Karmali win kin he tawa;

2 Iyamni kin Abišalom, Talma Gešur wicaštayatapi cunwintku Mayaka cinhintku; itopa kin Adonija, Hagit cinhintku;

3 Izaptan kin Šepatija, Abital he tawa; isakpe kin Jitreyam, he tawicu Egla tawa.

4 Hena šakpe Hebron ohna kicitonpi, qa hen waniyetu šakowin, qa wi šakpe wawidaka; hehan waniyetu wikcemna yamni sanpa yamni Jerusalem ohna wawidaka.

5 Unkan dena Jerusalem ohna kicitonpi, Šimeya, qa Šobab, qa Natan, qa Solomon topapi; Anmiel cunwintku Batšewa kiciton.

6 Qa Jibhar, qa Elisama, qa Elipalet,

7 Qa Noga, qa Nepeg, qa Japiya,

8 Qa Elisama, qa Eljada, qa Elipelet, napcinwanka.

9 Hena owasin Dawid cinca, qa nakon winohinca wakanyan wicayuze šni cincapi kin, qa tawinohtinpi Tamar.

10 Unkan Solomon cinhintku Rehoboyam hee, iye cinhintku Abija hee; iye cinhintku Asa hee; iye cinhintku Jehošapat hee;

11 Iye cinhintku Joram hee;

I. ANPETU OYAKAPI,

iye cinhintku Ahazija hee ; iye cinhintku Joas hee ;

12 Iye cinhintku Amatzija hee ; iye cinhintku Yazarija hee ; iye cinhintku Jotam hee ;

13 Iye cinhintku Ahaz hee ; iye cinhintku Hezekija hee ; iye cinhintku Manaše hee ;

14 Iye cinhintku Amon hee ; iye cinhintku Josija hee.

15 Unkan Josija cinca tokapa kin Johanan, inonpa kin Jeho-jaqim, iyamni Zedeqija, itopa kin Sallum.

16 Unkan Jehojaqim cinca kin Jekonija, he Zedeqija cinksiya.

17 Unkan Jekonija cinca kin Assir, he Salatiel cinksiya.

18 Qa Malkiram, qa Pedaja, qa Senazar, Jeqamja, Hošama, qa Nedabja.

19 Qa Pedaja cinca kin Zerubabel, qa Šimeyi ; qa Zerubabel cinca kin Mešullam, qa Hananija, qa tawinohtinpi kin Šelomit.

20 Nakun Hašuba, qa Ohel, qa Berekija, qa Hasadja, qa Jošabhesed zaptanpi.

21 Unkan Hananija cinca kin Pelateja, qa Ješaja ; Repaja cinca, Arnan cinca, Obadja cinca Šekaneja cinca.

22 Qa Šekaneja cinca kin Šemayeja ; qa Šemayeja cinca kin Hattuš, qa Igal, qa Bariha, qa Neyarja, qa Šapat, šakpepi.

23 Qa Neyarja cinca kin Elijoyena, qa Hezeqija, qa Yazriqam, yamnipi.

24 Qa Elijoyena cinca kin Hodaja, qa Eliašib, qa Pelaja, qa Aqub, qa Johannan, qa Delaja, qa Yanani, šakowinpi.

WICOWOYAKE 4.

1 Juda cinksiwicaya Parez, Hezron, qa Karmi, qa Hur, qa Šobal.

2 Qa Reaja Šobal cinhintku Jahat kicitonpi ; qa Jahat Ahuma cinksiya, qa Lahad ; Tzorati wicowazipi kin hena eepi.

3 Qa hena Yetam, qa Jezreyel, qa Jišma, qa Jidbaš ateyapi ; qa tawinohtinpi kin Hatzelelponi eciyapi.

4 Qa Penuel Gedor atkuku, qa Ezer Huša atkuku ; hena Hur Eprata cinhintku tokapa Betlehem ateye cin cinca kin eepi.

5 Unkan Ašhur Teqoya ateye cin tawicu nonpa, Helea, qa Nayara.

6 Unkan Nayara dena kiciton, Ahuzam, qa Heper, qa Temeni, qa Ahaštari kin, hena Nayara cinca kin eepi.

7 Qa Helea cinca kin Tzeret, qa Jitzohar, qa Etenan.

8 Qa Qotz cinca kin dena eepi, Anub, qa Tzobeba, qa Harum cinhintku Aharahel wicowazi kin.

9 Unkan Jabez hunkawanji wicaye cin isanpa kinihanpi, qa hunku, Wamayazan on waton, eya, heon Jabez, (Wayazan eciya.)

10 Unkan Jabez Israel Wakan-dapi kin hoyekiye qa heya, Tokin mayadawašte kta, qa makoce mitawa dutanke kten, qa ninape mici un kten, qa taku šica iyokišin maye ktešni on micidutehan kten, eya. Unkan Wakantanka taku da kin qu.

11 Unkan Kelub Šuha sunkaku Mehira cinksiya, Ešton atkuku kin hee.

12 Unkan Ešton he Betrapa, qa Paseha, qa Tehinna Nahaš otonwe ateye cin, hena cinksiwicaya. Hena Reka wicašta kin eepi.

13 Unkan Qenaz cinca kin Otniel, qa Seraja. Qa Otniel cinca kin Hatat.

14 Qa Meyonatai he Opra cin-

WICOWOYAKE 4.

kásiya; qa Seraja Joab cinkásiya, he Harasim (cankajipapi) osmaka kin ateyapi, hena cankajipa hecapi nakaś.

15 Unkan Kaleb Jepunne cinhintku cinca kin dena eepi. Yiru, Ela, qa Nayam. Qa Ela cinca kin, Qenaz.

16 Unkan Jehaleleel cinca kin, Zip, qa Zipa, Tirja qa Asriel.

17 Unkan Ezra cinca kin dena eepi Jeter, qa Mered, qa Yeper, qa Jalon. Unkan Bitia Paro cunwintku Mered yuze cin ihduśake qa Miriam, qa Śanma, qa Išbañ Eśtemoa atkuku hena kiciton.

18 Qa tawicu Judawin kin Jerred Gedor atkuku, qa Heber Soko atkuku, qa Jequtiel Zanoña atkuku hena kiciton.

19 Nakun Hodja tawicu, he Naham tanksitku cinca kin Qeila atkuku Garmi, qa Eśtemoya Mayakati kin.

20 Unkan Śimon cinca kin Amnon qa Rinna, Benhanan, qa Tilon. Unkan Jiśeyi cinca kin Zohet, qa Benzohet.

21 Unkan Śela Juda cinhintku cinca kin, Er he Lika atkuku, qa Layeda Mareśa atkuku, qa Aśbeya tiyohnaka wicowazi minihuha śka kağapi tiyohnaka kin.

22 Nakun Joqim, qa Kozeba wicaśta kin, qa Joaś, qa Sarap, he Moab itancan, qa Lehem ounyanpi kin; tuka wicoie kin hena wanakaja.

23 Hena makawakśica kağa hecapi, qa Netayim, qa Gedera ounyanpi, wicaśtayatapi on litanipi kta heon hen yakonpi.

24 Unkan Śimeyon cinca kin Nemuel, qa Jamin, Jarib, Zerañ, Śaul.

25 Iye cinhintku Śallum, iye cinhintku Mibsam, iye cinhintku Miśma;

26 Qa Miśma cinhintku Hamuel, iye cinhintku Zakur, iye cinhintku Śimeyi.

27 Unkan Śimeyi cinca wicaya wikcemna sanpa śakpe, qa winyan śakpe; tuka hunkawanji wicaya cinca otapi śni, qa wicowazipi kin owasin Juda cinca kin iyecen ihduotapi śni.

28 Qa otonwe ounyanpi kin dena eepi, Berśeba, qa Molada, qa Hatzar-Śuyal,

29 Qa Bilha, qa Yetzem, qa Tolad,

30 Qa Betuel, qa Ĥorma, qa Ziqlağ,

31 Qa Betmarkabot, qa Ĥatzarsusim, qa Betbirei, qa Śayarajim. Hena otonwe tawapi Dawid wicaśtayatapi aiyahdeya.

32 Qa otonwe cistinna tawapi Yetam, qa Yain, Rinmon, Token, qa Yaśan, otonwe zaptan.

33 Qa otonwe cistinna owasin otonwe tanka kin hena ihdukśan, Bayal aiyahdeya. Makoce ounyanpi, qa wicowazi tawapi wuwapi kin hee.

34 Unkan Meśobad, qa Jamelek qa Jośa, Amatzija cinhintku,

35 Qa Joel, qa Jehu Jośibija cinhintku, Seraja cinhintku, Yaśiel cinhintku,

36 Qa Elejoyena, qa Jayakoba, qa Jeśohaja, qa Yasaja, qa Yadiel, qa Jisimiel, qa Benaja,

37 Qa Ziza Śipeyi cinhintku, Allon cinhintku, Jedaja cinhintku, Śimri cinhintku, Śemayeja cinhintku.

38 Hena cajewicayatapi wicowazipi, qa ateyapi tipi itancanpi nina ihduotapi.

39 Qa tukten tañinca tawapi wiñanpi kta akin iyayapi, Gedor ektakiya, osmaka wiyohiyanpa ekta.

40 Unkan wiñanpi icepapi, qa waśte iyeyapi, qa makoce tan-

I. ANPĚTU OYAKAPI,

kaya, qa owanji, qa wookiye unpi, Ham cinca kin wanakaja hen ounyanpi nakaś.

41 Qa cajeyatapi kin hena Hezekia Juda idake cehan heciya ipi, qa wakeyapi, qa ounyanpi hen iyeyapi kin kaśtakapi, qa anpetu kin dehanyan ihang wicayapi, qa hena eekiya en yakonpi, takinca tawapi on wihanpi hen yukan nakaś.

42 Qa hena etanhan Simeyon cinca etanhan, wicaśta opawinge zaptan Seyir he kin ekta ipi; hena Pelateja, qa Nayarja, qa Repaja, qa Uziel Jiśyi cinca itancan yapi.

43 Qa Amaleqi najicapi qon, tona okaptapi kin wicakaśtakapi, qa anpetu kin dehanyan hen yakonpi.

WICOWOYAKE 5.

1 Unkan Israel cinhintku tokapa Ruben cinca kin, (Iye tokapa, tuka atkuku towinja yuśapa, heon watokapa kin Israel cinhintku Josep cinca kin wicaqupi, hecen wicowazipi kin watokapa kin iyecen yawapi śni.

2 Unkan Juda hunkawanji wicaya wicehna iyotan waśaka, qa iye etanhan wicaśta itancanyapi; tuka watokapa kin he Josep tawa.

3 Israel cinhintku tokapa kin Ruben cinca kin Hanok, qa Palu, Hetzron, qa Karmi.

4 Joel cinca kin, iye cinhintku Śemaja, iye cinhintku Gog, iye cinhintku Simyi.

5 Iye cinhintku Mika, iye cinhintku Reaja, iye cinhintku Bayal.

6 Iye cinhintku Beera, he Tilgat Pilneser Aśur wicaśtayatapi kin wayaka aya; he Rubeni itancan yapi.

7 Tuka hunkawanji wicaya wi-

cowazipi kin iyecen, wicoicaġe wowapi kin en owapi qehan, wicowazi itancanpi kin Jiyel, qa Zekareja.

8 Unkan Bela Yazaz cinhintku, Śema cinhintku, Joel cinhintku, iye Aroer Nebo aiyahdeya en ounyan, nakun Bayal-Meyon en.

9 Qa wiyohiyanpa ektakiya ounyan, Yuprate wakpa etanhan tintoskan en yapi kin hehanyan, tawanunyanpi kin Gileyad makoce kin ohna ihduotapi nakaś.

10 Qa Saul anpetu tawa en Hagari kin azuwicayapi; unkan napepi on ihpayapi; unkan tawakeyapi en tipi, makoce Gileyad iwiyo hiyanpata kin owancaya.

11 Unkan Gad cinca kin wici kiyedan tipi, Baśan makoce ohna, Salka aiyahdeya.

12 Joel he itancan, qa Śapam he inonpa kin, hehan Jayeni, qa Śapat Baśan ohna.

13 Unkan sunkawicayapi ateyapi tipi kin iyecen Mikael, Meśullam, qa Śeba, qa Jorai, qa Jayekan, qa Ziya, qa Yeber śakowinpi.

14 Abihail Huri cinhintku, Jaroha cinhintku, Gileyad cinhintku, Mikael cinhintku, Jeśiśi cinhintku, Jahdo cinhintku, Buz cinhintku, cinca kin dena eepi;

15 Ahi Yabdiel cinhintku, Guni cinhintku ateyapi ti kin pa kin hee.

16 Unkan Gileyad, qa Baśan, qa otonwe tawa en, qa Śaron tinta ihdukśan owancaya makoce tawapi ounyanpi.

17 Hena owasin Jotam Juda wicaśtayatapi taanpetu en, qa Jeroboyam Israel wicaśtayatapi taanpetu en, wicayawapi.

18 Ruben cinca kin, qa Gad, qa Manaśe wicoun hanke wicaśta waśaka, wahacanka qa isan

WICOWOYAKE 6.

yuhapi, qa itazipa nawinjapi wokicize onspepi, wicašta kektopawinge wikcemna topa, sanpa kektopawinge topa, sanpa opawinge šakowin sanpa wikcemna šakpe ozuye yapi.

19 Qa Hagari kin azuyapi, nakun Jetur, qa Napeš, qa Nodab.

20 Unkan hena on ówicakiyapi hecen Hagari kin, qa tona owicapapi kin owasin iye napapi kin en wicaqupi, wokicize en Wakantanka hoyekiyapi, qa wacinyanpi kin on cekiyapi kin nawicahon nakaš.

21 Qa tawanunyanpi icupi kamel kektopawinge wikcemna zaptan, qa tahinca kektopawinge opawinge nonpa sanpa kektopawinge wikcemna zaptan, qa šonšonna kektopawinge nonpa, qa wicanagi wayaka kektopawinge opawinge.

22 Wicota capapi hinhpayapi, wokicize kin Wakantanka etanhan nakaš. Unkan hena eekiyapi en iyotankapi, wayaka awicayapi kin hehanyan.

23 Unkan Manaše wicoun hanke makoce kin ounyanpi Bašan etanhan Bayal Hermon ekta, qa Serir, qa Hermon he kin, hena ihduotapi.

24 Qa hunkake wicayapi tipi itancanpi kin dena eepi; Yeper qa Jišcyi, qa Eliel, qa Yazriel, qa Jeremia, qa Hodawija, qa Jahdiel, wicašta wašaka, waditaka, wicašta kinihanpi hunkakewicayapi tipi kin itancanpi.

25 Tuka hunkake wicayapi taku wakandapi kin awahtanipi, qa makoce oyate kin taku wakandapi kin ihakam wiinahmanpi, oyate kin hena Wakantanka iyepi itokapa tanhan ihang wicaya.

26 Heon Israel taku wakandapi kin Pul Ašur wicaštayatapi to-

niya kin, qa Tilgatpilneser Ašur wicaštayatapi toniya kin iyopaštaka, unkan Rubeni kin, qa Gadi kin, qa Manaše wicoun hanke kin wayaka iwicacu, qa Halah ekta, qa Habor qa Hara, qa Gozan wakpa kin ekta awicayapi, anpetu kin dehanyan.

WICOWOYAKE 6.

1 Lewi cinca kin Geršon, qa Qohat qa Merari.

2 Unkan Qohat cinca kin Amram, qa Itzhar, qa Hebron, qa Uzziel.

3 Qa Amram cinca kin Aaron, qa Mowis, qa Miriam; qa Aaron cinca kin Nadab, qa Abihu, Eleazar, qa Itamar.

4 Eleazar Pinehas cinkšiya, qa Pinehas Abišuya cinkšiya,

5 Qa Abišuya Buqi cinkšiya, qa Buqi Uzzi cinkšiya,

6 Qa Uzzi Zerahja cinkšiya, qa Zerahja Merajot cinkšiya,

7 Qa Merajot Amarja cinkšiya, qa Amarja Ahitub cinkšiya,

8 Qa Ahitub Zadoq cinkšiya, qa Zadoq Ahimayatz cinkšiya,

9 Qa Ahimayatz Azarija cinkšiya, qa Azarija Johanan cinkšiya,

10 Qa Johanan Azarija cinkšiya; iye tipi Solomon Jerusalem ohna kage cin he ohna wawayušna ece.

11 Unkan Azarija Amareja cinkšiya, qa Amareja Ahitub cinkšiya,

12 Qa Ahitub Zadoq cinkšiya, qa Zadoq Šallum cinkšiya,

13 Qa Šallum Hilqija, cinkšiya, qa Hilqija Azareja cinkšiya,

14 Qa Azareja Seraja cinkšiya, qa Seraja Jehotzadaq cinkšiya,

15 Qa Jehotzadaq Jehowa Juda qa Jerusalem Nebukadnezar nape on wayaka awicaye čehan opa.

I. ANPETU OYAKAPI,

16 Lewi cinca kin Gersom, Qohat, qa Merari.

17 Unkan Gersom cinca cajepi kin dena ee, Libni, qa Simeyi.

18 Qohat cinca kin, Amram, qa Itzhar, qa Hebron, qa Uzziel.

19 Merari cinca kin, Mahli qa Musi. Hena Lewi kin ateyapi wicowazipi kin eepi.

20 Gersom etanhan, iye cinhintku Libni, iye cinhintku Jahat, iye cinhintku Zinma,

21 Iye cinhintku Joha, iye cinhintku Jiddo, iye cinhintku Zerah, iye cinhintku Jateri.

22 Qohat cinca kin, iye cinhintku Aminadab, iye cinhintku Qorah, iye cinhintku Assir,

23 Iye cinhintku Elqana, iye cinhintku Ebijasap, iye cinhintku Assir,

24 Iye cinhintku Tahat, iye cinhintku Uriel, iye cinhintku Uzija, iye cinhintku Saul.

25 Qa Elqana cinca kin Amasai, qa Ahimot.

26 Iye cinhintku Elqana. Elqana cinhintku Tzopi, qa iye cinhintku Nahat;

27 Iye cinhintku Eliab, qa iye cinhintku Jeroham, iye cinhintku Elqana,

28 Qa iye cinhintku Samuel cinca kin tokapa kin Joel qa inonpa kin Abija.

29 Merari cinca kin Mahli, iye cinhintku Libni, iye cinhintku Simeyi, iye cinhintku Uzza,

30 Iye cinhintku Simeya, iye cinhintku Hagija, iye cinhintku Asaja.

31 Unkan canwohnaka kin owanji yanke cin iyohakam Jehowa ti kin ohna Dawid downpi itancan najin wicakiya dena eepi.

32 Qa itkokipapi wakeya tipi kin itokam okiyapi ece, Solomon Jehowa ti kin Jerusalem ohna

kage cin hehanyan; qa wohtanipi econpi kta e wayacopi kin iyecen najinpi.

33 Qa dena, qa iye cincapi en yakonpi ece; Qohati cinca kin etanhan Heman downpi itancan kin he Joel cinhintku, Samuel cinhintku,

34 Elqana cinhintku, Jeroham cinhintku, Eliel cinhintku, Toha cinhintku,

35 Tzop cinhintku, Elqana cinhintku, Mahat cinhintku, Yamasi cinhintku,

36 Elqana cinhintku, Joel cinhintku, Azarija cinhintku, Tzepanja cinhintku,

37 Tahat cinhintku, Assir cinhintku, Ebijasap cinhintku, Qorah cinhintku,

38 Itzhar cinhintku, Qohat cinhintku, Lewi cinhintku, Israel cinhintku.

39 Unkan hunkawanjitku Asap iye etapa ekta najin; Asap Berekeja cinhintku, Simeya cinhintku,

40 Mikael cinhintku, Bayaseja cinhintku, Malkija cinhintku,

41 Etni cinhintku, Zerah cinhintku, Yadja cinhintku,

42 Etan cinhintku, Zinma cinhintku, Simayi cinhintku,

43 Jahat cinhintku, Gersom cinhintku, Lewi cinhintku.

44 Unkan hunkawanji wicayapi Merari cinca kin iye catka tanhan najinpi; Etan Qisi cinhintku, Yabdi cinhintku, Malluk cinhintku,

45 Hasabja cinhintku, Amatzeja cinhintku, Hilqija cinhintku,

46 Amzi cinhintku, Bani cinhintku, Semer cinhintku,

47 Mahli cinhintku, Musi cinhintku, Merari cinhintku, Lewi cinhintku.

48 Unkan hunkawanji wicayapi kin Lewi kin Wakantanka ti wa-

WICOWOYAKE 6.

keya wohtani kin owasin tawayekiyapi.

49 Unkan Aaron, qa iye cinca kin wohtinahiyapi owayuśna akan, qa wizinyapi owayuśna akan wizinyapi kin hena tipi iyotan wakan wohtani kin owasin econpi, qa Israel akahpe wicakiyapi; Mowis Wakantanka taokiye econ wicaśi kin owasin iyecen.

50 Qa Aaron cinca kin dena eepi; iye cinhintku Eleazar, iye cinhintku Pinehas, iye cinhintku Abisua,

51 Iye cinhintku Buqi, iye cinhintku Uzzi, iye cinhintku Zerahja,

52 Iye cinhintku Merajot, iye cinhintku Amarja, iye cinhintku Ahitub,

53 Iye cinhintku Zadoq, iye cinhintku Ahimayatz.

54 Qa oyanke tawapi kin dena ee, makoce tawapi ohna, conkaśke tawapi kin iyecen, Aaron cinca Qohati wicowazipi kin wopamni wicaqupi qehan.

55 Qa Juda makoce ohna Hebron, qa ihduksan tinta ohna wanunyanpi wiħanpi kta.

56 Tuka otonwe maga kin, qa totonwe ciśtinna kin hena Kaleb Jepunne cinhintku kin qupi.

57 Tuka Aaron cinca kin Hebron wowinape otonwe on qupi; nakun Libna qa tinta ihduksan kin, qa Jattir, qa Eśtemoya, qa hena ihduksan, tinta kin.

58 Qa Ĥilen qa tatinta kin, qa Debir qa tatinta kin,

59 Qa Yaśan qa tatinta kin, qa Betśemeś qa tatinta kin.

60 Unkan Benjamin wicoun etanhan Geba qa tatinta kin, qa Yalemēt qa tatinta kin, qa Anatot qa tatinta kin; otonwe tawapi owasin otonwe wikcemna sanpa yamni tinta tawapi iyahna.

61 Unkan Qohat cinca unman kin otonwe wikcemna wicaqupi, oeconna eciya tanhan, *Epraim wicoun, qa Dan wicoun, qa Manaśe wicoun* hanke wicowazipi kin etanhan.

62 Unkan Gerśom cinca wicowazipi kin Issakar wicoun etanhan, qa Aśer wicoun etanhan, qa Naptali wicoun etanhan, qa Manaśe wicoun Baśan ounyanpi kin etanhan; otonwe wikcemna sanpa yamni wicaqupi.

63 Merari cinca wicowazipi kin Ruben wicoun etanhan, qa Gad wicoun etanhan, qa Zebulun wicoun etanhan, oeconna eciyatanhan, otonwe wikcemna sanpa nonpa.

64 Hecen Israel cinca kin otonwe kin hena, qa tinta ihduksan kin Lewi kin wicaqupi.

65 Qa oeconna eciyatanhan Juda cinca wicoun etanhan, qa Simeyon cinca wicoun etanhan, qa Benjamin cinca wicoun etanhan, otonwe kin hena cajeyatapi qon wicaqupi.

66 Unkan Qohat cinca wicowazipi unman kin otonwe iwicakicaġapi kin Epraim wicoun ohna;

67 Qa Śekem wowinape otonwe wicaqupi, qa tinta tawa, Epraim Ĥe kin ohna, qa Gezer, qa tinta tawa,

68 Qa Joqmeyam qa tatinta, qa Bethoron qa tatinta,

69 Qa Ajalon qa tinta tawa, qa Gatrinmon, qa tinta tawa;

70 Qa Manaśe wicoun hanke etanhan Aner, qa tinta tawa, Bileyam qa tinta tawa. Qohat cinca wicowazi unman otonwe kin hena wicaqupi.

71 Unkan Gerśom cinca kin Manaśe wicoun wicowazipi kin etanhan, Golan Baśan ohna, qa tinta tawa wicaqupi, qa Aśtarot qa tinta tawa,

I. ANPETU OYAKAPI,

72 Qa Issakar wicoun etanhan Qedeś, qa tinta tawa, qa Daberat qa tinta tawa,

73 Qa Ramot qa tinta tawa, qa Anem qa tinta tawa;

74 Qa Aśer wicoun etanhan Maśal qa tinta tawa, qa Abdon qa tinta tawa,

75 Qa Huqoq qa tinta tawa, qa Rehob qa tinta tawa;

76 Qa Naptali wicoun etanhan Qedeś Galil ohna, qa tinta tawa, qa Hamon qa tinta tawa, qa Qirataim qa tinta tawa.

77 Unkan umanpi kin Merari cinca kin Zebulun wicoun etanhan Rinmon qa tinta tawa, qa Tabor qa tinta tawa;

78 Qa Jordan akasanpa Jeriho etanhan, Jordan wihinapa ektakiya Ruben wicoun etanhan Betzer tinta ohna qa tinta tawa, qa Jahatza qa tinta tawa,

79 Qa Qedemot qa tinta tawa, qa Mepayat qa tinta tawa;

80 Qa Gad wicoun etanhan Ramot Gilejad ohna, qa tinta tawa, qa Mahanaim qa tinta tawa,

81 Qa Heśbon qa tinta tawa, qa Jazer qa tinta tawa.

WICOWOYAKE 7.

1 Unkan Issakar cinca kin Tola, qa Puwa, Jaśub, qa Šimron, topapi.

2 Qa Tola cinca kin, Uzzi, qa Repaja, qa Jeriel, qa Jahmai, qa Jibsam, qa Samuel; ateyapi Tola ti kin itancanpi kin, wicoicagepi en wicaśta waśaka waditaka; Dawid taanpetu en wicayawapi kektopawinge wikcemna nonpa sanpa kektopawinge nonpa sanpa opawinge śakpe.

3 Unkan Uzzi cinca kin; Jizrahja; qa Jizrahja cinca kin Mikael, qa Obadja, qa Joel, qa Jiśija, zaptan; owasin itancan hecapi.

4 Qa hena om wicoicagepi hunkakewicayapi tipi kin etanhan, obe ozuye yapi wicaśta kektopawinge wikcemna yamni sanpa kektopawinge śakpe; winohinca qa cinca hduotapi nakaś.

5 Qa hunkawanji wicayapi Issakar wicowazipi kin owasin kektopawinge wikcemna śahdoğan sanpa kektopawinge śakowin; owasin wicoicage wowapi kin iyecen.

6 *Unkan Benjamin cinca kin Bela*, qa Beker, qa Jedayel, yamni pi.

7 Qa Bela cinca kin, Etbzon, qa Uzzi, qa Uzziel, qa Jerimot, qa Yeri zaptanpi, hunkakepi tipi itancanpi kin, wicaśta waśaka waditaka, wicoicage wowapi kin iyecen wicayawapi, kektopawinge wikcemna nonpa sanpa kektopawinge nonpa sanpa wikcemna yamni sanpa topa.

8 Unkan Beker cinca kin Zemira, qa Joyaś, qa Eliyezer, qa Elijoyena, qa Yomri, qa Jerimot, qa Abija, Anatot, qa Yamelet, hena owasin Beker cinca.

9 Qa atewicayapi tipi itancanpi kin, wicoicage wowapi kin iyecen wicayawapi, wicaśta waśaka waditaka kektopawinge wikcemna nonpa sanpa opawinge nonpa.

10 Unkan Jedayel cinca kin Bilhan; qa Bilhan cinca kin Jeyuś, qa Benjamin, qa Ehud, qa Kenayana, qa Zetan, qa Tarsiś, qa Ahiśaħar.

11 Hena owasin Jedayel cinca, atewicayapi *tipi* itancanpi kin iyecen, wicaśta waśaka waditaka kektopawinge wikcemna sanpa kektopawinge śakowin sanpa opawinge nonpa obe zuyapi.

12 Nakun Šupim qa Hupim Yir cinca kin, qa Huśim Aħer cinhintku.

WICOWOYAKE 7.

13 Naptali cinca kin Jahtziel, qa Guni, qa Jezer, qa Šallum, hena Bilha cinca.

14 Manaše cinca kin Asriel he tawicu ton; tawicu tokeca Arami win kin Gileyad atkuku Makir ton.

15 Qa Makir Huppim qa Šuppim tawinohtinpi yuza, he Mayaka eciyapi; qa inonpa kin Tzelopehad; qa Tzelopehad cinca winyan *ecédan* yuha.

16 Unkan Mayaka Makir tawicu cinca wan ton, qa Pereš eya caškiton, qa sunkaku Šereš eciyapi, qa iye cinca kin Ulam qa Raqem.

17 Qa Ulam cinca kin Bedan. Hena Gileyad Makir cinhintku Manaše cinhintku cinca kin.

18 Qa tawinohtin wicaštayatapi win kin Išhod, qa Abiyezer, qa Mahla ton.

19 Unkan Šemida cinca kin Ahian, qa Šekem, qa Leqhi, qa Aniyam.

20 Unkan Ephraim cinca kin, Šutelaḥ, iye cinhintku Bered, iye cinhintku Taḥat, iye cinhintku Eleyada, iye cinhintku Taḥat;

21 Qa iye cinhintku Zabad, qa iye cinhintku Šutelaḥ. Nakun Ezer qa Eleyad; unkan Gat wicašta makoce kin en tonpi kin hena wicaktepi, tawanuyanpi kipi kta apamahde ipi qehan.

22 Unkan ateyapi Ephraim anpetu ota iyokišin ičiya. Unkan hunkawanji wicaya kicanptapi en hipi.

23 Unkan tawicu ekta i. Unkan ihdušake qa cinca wica ton; unkan Beriya, (Woikišice,) eya caškiton, tipi tawa taku šica aki-pa nakaš.

24 Qa cunwintku Šeera he Bet Horon hukuya kin qa wankantu kin kaḡa; nakun Uzzen Šeera.

25 Unkan iye cinhintku Repaḥ, qa Rešep; qa iye cinhintku Telaḥ, qa iye cinhintku Taḥan;

26 Iye cinhintku Layadan, iye cinhintku Amihud, iye cinhintku Elišama;

27 Iye cinhintku Nun, iye cinhintku Jošua.

28 Qa makoce yuhapi qa ounyanpi kin Betel, qa otonwe cunkši wicaya, qa wiyohiyanpa ekta-kiya Nayaran, qa wiyohpeyata Gezer, qa cunkšiwicaya, qa Šekem, qa cunkšiwicaya, Gaza qa cunkšiwicaya hehayan.

29 Qa Manaše cinca kin icahda, Betšan qa cunkšiwicaya, qa Tayanak qa cunkšiwicaya, qa Megiddo qa cunkšiwicaya, Dor qa cunkšiwicaya; hena ohna Israel cinhintku Josep cinca kin ounyanpi.

30 Ašer cinca kin Jimna, qa Jišwa, qa Jišwi, qa Beriya; qa tawinohtinpi kin Seraḥ.

31 Qa Beriya cinca kin, Heber, qa Malkiel, iye Birzawit atkuku.

32 Unkan Heber cinca kin Japlet, qa Šomer, qa Hotam, qa tawinohtinpi Šuya.

33 Qa Japlet cinca kin Pasak, qa Bimhal, qa Yašwat; Japlet cinca kin hena eepi.

34 Qa Šomer cinca kin Ahi, qa Rohega, Jeḥubba, qa Aram.

35 Qa sunkaku Helen cinca kin Tzopaḥ, qa Jimna, qa Šeleš, qa Yamal.

36 Qa Tzopaḥ cinca kin Suḥa, qa Harneper, qa Šuyal, qa Beri, qa Jimra,

37 Betzer, qa Hod, qa Šanma, qa Šilša qa Jiṭran, qa Bera.

38 Qa Jeter cinca kin, Japunne, qa Pispa, qa Ara.

39 Qa Yula cinca kin; Araḥ, qa Hannel, qa Ritzja.

40 Hena owasin Ašer cinkšiwicaya, hunkawicayapi tipi itan-

I. ANPETU OYAKAPI,

canpi, wicašta waśaka, waditaka, kañniḡapi, pa wicayawapi, qa itancan hecapi; wicoicage wuwapi kin iyecen, obe zuyapi wicayawapi, wicašta kektopawinge wikcemna nonpa, sanpa kektopawinge śakpe.

WICOWOYAKE 8.

1 Unkan Benjamin kicitonpi kin *dena* ee, Bela he tokapa, Aśbel inonpa, Aharah̄ iyamui kin,

2 Noħa itopa kin, Rapa izaptan kin.

3 Unkan Bela cinca kin, Addar, qa Gera, qa Abihud,

4 Qa Abisuya, qa Nayaman, qa Aħoħa.

5 Qa Gera, qa Śepupan, qa Ĥuram.

6 Unkan *dena* Eħud cinca kin eepi, Geba ounyanpi ateyapi itancan hecapi, qa Manahat ekta awicayapi;

7 Nayaman, qa Ahija, qa Gera, iye awicaya; qa Uzza, qa Aħiħud cinkśiwicaya.

8 Unkan Śaħaraim tawicu Ĥuśim qa Bayara wicayutokan oħakam Moab makoce en cinca kicitonpi.

9 Qa tawicu Ĥodeś *dena* kiciton, Jobab, qa Tzibia, qa Meśa, qa Malkam.

10 Qa Jeyutz, qa Śabija qa Mirma. Iye cinca kin hena ateyapi *tipi* itancanpi kin.

11 Unkan Ĥuśim Abitub, qa Elpayal cinkśiwicaya.

12 Qa Elpayal cinca kin, Eber, qa Miśeyam, qa Śamed; iye Ono, qa Lod otonwe, qa cunkśiwicaya kaḡa.

13 Qa Beriya qa Śimyi, hena Ajalon ounyanpi ateyapi itancanpi kin. Iyepi Gat ounyanpi kin nape wicayapi.

14 Unkan Ahio, qa Śaśak, qa Jerimot,

15 Qa Zebadeja, qa Yarad, qa Yadar,

16 Qa Mikael, qa Iśpa, qa Joħa, hena Beriya cinca kin.

17 Unkan Zebadeja, qa Meśulam, qa Ĥezeqi, qa Ĥeber,

18 Qa Jismerai, qa Jizelia, qa Jobab, Elpayal cinkśiwicaya.

19 Unkan Jaqim, qa Zikri, qa Zabdi.

20 Qa Eliyena, qa Ziletai, qa Eliel,

21 Qa Adaja, qa Beraja, qa Śimrat, hena Śimyi cinkśiwicaya.

22 Unkan Jiśpan, qa Eber, qa Eliel,

23 Qa Abdon, qa Zikri, qa Ĥanan,

24 Qa Ĥananija, qa Elam, qa Anatotja,

25 Qa Jipedeja, qa Penuel, hena Śaśaq cinkśiwicaya,

26 Qa Śamśerai, qa Śeħarja, qa Atalija,

27 Qa Jayareśja, qa Elija, qa Zikri, hena Jeroħam cinkśi wicaya.

28 Hena atewicayapi *tipi* itancanpi kin, wicoicage itancanpi kin. Hena Jerusalem en ounyanpi.

29 Unkan Gibeyon en ounyanpi kin Gibeyon atkuku, qa tawicu Mayaka eciyapi;

30 Qa cinca kin, tokapa kin Abdon, qa Tzur, qa Qiś, qa Bayal, qa Nadab,

31 Qa Gedor, qa Ahjo, qa Zaker,

32 Qa Miqlot, iye Śimea cinkśiya. Iyepi hunkawanjiwicayapi om ounyanpi, hunkawanjiwicayapi Jerusalem ohna iyotakonza.

33 Unkan Ner Qiś cinkśiya, qa Qiś Saul cinkśiya, qa Saul Jona-

WICOWOYAKE 9.

tan cinksiya; nakun Malkisuya, qa Abinadab, qa Esbayal.

34 Qa Jonatan cinhintku Meribbayal, qa Meribbayal cinhintku Mika.

35 Qa Mika cinca kin Piton, qa Melek, qa Tareya, qa Ahaz.

36 Unkan Ahaz Jehoyada cinksiya, qa Jehoyada Alemet cinksiya; nakun Azmawet, qa Zimri. Unkan Zimri Motza cinksiya,

37 Qa Motza Bineya cinksiya; iye cinhintku Rapa, iye cinhintku Eliyasa, iye cinhintku Azel.

38 Qa Azel cinca sakpe, qa cajeji kin dena ee, Azriqam, Bokeru, qa Ismayel, qa Seyarja, qa Obedja, qa Hanan. Hena owasin Azel cinca.

39 Unkan sunkaku Yeseq cinca kin Ulam; he tokapa, qa Jeyus he inonpa, qa Elipelet iyamni kin.

40 Qa Ulam cinca kin wicasta wasaka waditaka itazipa nawinjapi, cinca, qa sanpa cinca otapi, opawinge sanpa wikcemna zaptan; hena owasin Benjamin cinca.

WICOWOYAKE 9.

1 Hecen Israel owasin wicoica-ge wowapi en ihdawapi, qa hena Israel wicastayatapi tawowapi kin en owapi. Unkan Juda wahanipi kin on wayaka awicayapi, Babulon ekta.

2 Qa tamakocepi otonwe tawapi en toka onyanpi kin dena eepi; Israel, wawayusnapi kin, Lewi kin, qa Netinim (Waqupi) kin.

3 Qa Jerusalem en Juda cinca kin hunh, qa Benjamin cinca kin etanhan, qa Ephraim qa Manase cinca kin etanhan.

4 Yutai Amihud cinhintku, Om-

ri cinhintku, Imri cinhintku, Bani cinhintku, Parez Juda cinhintku cinca kin etanhan.

5 Unkan Selani kin etanhan, Yasaja, he tokapa, qa iye cinca kin.

6 Qa Zerah cinca kin etanhan Joel; hena qa hunkawanji wicayapi opawinge sakpe sanpa wikcemna napcinwanka.

7 Unkan Benjamin cinca kin etanhan Sallu, Mesullam cinhintku, Hodawija cinhintku, Hase-nua cinhintku.

8 Qa Jibneja, Jeroham cinhintku, qa Ela Uzzi cinhintku, Mikri cinhintku; qa Mesullam Sepateja cinhintku, Ruel cinhintku, Jibnija cinhintku.

9 Qa hunkawanjiwicayapi wicoica-gepi kin iyecen, opawinge napcinwanka sanpa wikcemna zaptan sanpa sakpe; hena owasin ateyapi tipi kin wicasta ateyapi pa wicayawapi.

10 Unkan wawayusnapi etanhan Jedaja, qa Jehobarib, qa Jakin,

11 Qa Azarija Hilquija cinhintku, Mesullam cinhintku, Zadoq cinhintku, Merajot cinhintku, Ahitub cinhintku, Wakantanka ti itancan kin.

12 Qa Adaja, he Jeroham cinhintku, he Pashur cinhintku, he Malekeja cinhintku; qa Mayasai, he Adiel cinhintku, he Jahzera cinhintku, he Mesullam cinhintku, he Mesillemit cinhintku, he Inmer cinhintku.

13 Qa sunkawicayapi atewicayapi tipi pa wicayawapi kekto-pawinge wanjidan sanpa opawinge sakowin sanpa wikcemna sakpe; Wakantanka ti kicanyanpi wotani kin on wicasta wasaka waditakapi.

14 Qa Lewi kin etanhan Sema-ja Hasub cinhintku, Yazriqam

I. ANPETU OYAKAPI,

cinhintku, Hósebeja cinhintku, Merari cinca kin etanhan.

15 Qa Baqbaqa, Hérés, qa Galal, qa Mattanja Mika cinhintku, Zikri cinhintku, Asap cinhintku.

16 Qa Obadija Šemaja cinhintku, Galal cinhintku, Jedutun cinhintku; qa Berekeja Asa cinhintku, Elqana cinhintku; iye Netopati hocoka en ounyan.

17 Unkan tiyopa awanyakapi kin, Šallum qa Yakub, qa Talmón, qa Ahiman, qa hunkawanji wicayapi Šallum pa yawapi.

18 Iye wicaštayatapi tatiyopa wihinanpe ektakiya dehanyan awanyaka; hena tiyopa awanyaka hecapi, Lewi cinca obepi etanhan.

19 Ukan Šallum Qore cinhintku, Ebjasap cinhintku, Qorah cinhintku, qa hunkawanji wicaya atkuku ti kin etanhan Qorahi kin wokicanye wolhani kin awanyakapi, qa wakeya wakšica kin, qa hunkake wicayapi kin Jehowa towanka tiyopa kin awanyakapi.

20 Qa Pinehas Eleazar cinhintku otokahe ekta itancan yuhapi. Jehowa iye kici un.

21 Unkan Zekarja Mišelemja cinhintku itkokipapi wakeya tiyopa kin awanyaka.

22 Tiyopa awanyakapi kta kašnigapi kin owasin opawinge nonpa sanpa wikcemna sanpa nonpa; hena hocoka tawapi ohna wicoicagepi kin owapi. Hena Dawid, qa Samuel wawanyake kin woawanyakapi kin yuhewicakiyapi.

23 Iyepi, qa cincapi Jehowa ti kin wakeya tipi kin tiyopa ekta waawanyakapi kta e najinpi.

24 Unkan tateyanpa topa ektakiya wiyohiyanpa, wiyohpeya, waziyata, qa okaqa tiyopa awanyaka yukan.

25 Qa hunkawanjiwicayapi oton-

we tawapi en tipi kin, hena iye-hantu eca anpetu šakowin on en lipi ece.

26 Tiyopa waawanyaka itancan topa yukan, ecetuya yuhapi kta on nakaš, hena Lewi wicašta hecapi, qa hena Wakantanka ti mazopiye, qa wankantipi awanyakapi ecee.

27 Qa Wakantanka ti kin ihdukšan wankapi; hena awanyag wicašipi; qa hanhanna iyohi tiyopa yuhdokapi ece, nakaš.

28 Qa hena etanhan wanjikši wokicanye wakšica kin yuhapi, hecen woyawa on en aupi, qa woyawa on ahdapi ece.

29 Qa wanjikši wokicanye yuhe wicašipi, tipi wakan wokicanye owasin; nakun aguyapi mdu kin, qa miniša kin, qa wihdi kin, qa canšin waštemna kin, qa taku omnanpi wašte kin.

30 Unkan wawayušna cincapi wanjikši wihdi waštemna kaga hecapi.

31 Unkan Lewi kin etanhan Mattiteja Šallum cinhintku tokapa kin, Qorahi heca taku cegu-guyapi kin owasin awanyag šipi.

32 Unkan hunkawanji wicayapi etanhan Qohati cinca kin wanjikši aguyapi taninyan ehna-kapi awanyakapi, anpetu okihipapi otoiyohi on wiyeya kagapi kta.

33 Qa dowanpi itancanpi kin hena Lewi ateyapi *tipi* kin pa wicayawapi, qa anposkan hanyen koya wolhani econwicakiyapi, heon owankatipidan ohna ihduhapi ecee.

34 Hena Lewi ateyapi pawicayawapi, wicoicagepi itancanpi kin, iyepi Jerusalem ohna tipi.

35 Unkan Gibeyon ohna Gibeyon ateyapi Jehiel ounyan, qa tawicu Mayaka eciyapi.

WICOWOYAKE 10.

36 Qa cinhintku tokapa Abdon ; hehan Tzur, qa Qiś, qa Bayal, qa Ner, qa Nadab.

37 Qa Gedor, qa Ahjo, qa Zekarja, qa Miqlot,

38 Qa Miqlot Šimea cinkśiya, qa hena sunkawicayapi om hunkawaji wicayapi Jerusalem en tipi kin iyotakons tipi.

39 Unkan Ner Qiś cinkśiya, qa Qiś Saul cinkśiya, qa Saul Jonatan, qa Malkisua, qa Abinadab, qa Ešbayal cinkśiwicaya.

40 Qa Jonatan cinhintku kin he Meribbayal, qa Meribayal Mika cinkśiya.

41 Qa Mika cinca kin Piton, qa Melek, qa Tahreya,

42 Qa Ahaz ; iye Jayera cinkśiya, qa Jayera Alemet cinkśiya, nakun Azmawet, qa Zimri ; qa Zimri Motza cinkśiya.

43 Qa Motza Bineya cinkśiya, iye cinhintku Repaja, iye cinhintku Eliyasa, iye cinhintku Azel.

44 Qa Azel cinca śakpe yuha, qa cajepi kin dena eepi ; Azriqam, Bokeru, qa Ismael, qa Šeraja, qa Obedja, qa Hanan ; Azel cinca kin hena eepi.

WICOWOYAKE 10.

1 Unkan Pilistim Israel azuyapi ; unkan Israel wicaśta kin Pilistim itokapa tanhan napapi, qa Gilboya he akan capapi hinhpayapi.

2 Unkan Pilistim Saul, qa iye cinca kin ikiyedana wicakuwapi, qa Pilistim Jonatan, qa Abinadab, qa Malkisua Saul cinca kin wicaktepi.

3 Qa wokicize Saul yuśag ya, qa itazipa ekatapi kin iyeyapi, qa wanhinkpe on opi.

4 Unkan Saul wicaśta tawipe kicičin kin heciya, Isan hduśduka, qa on camapa wo ; okini baki-

hdayapiśni kin hena en mahipi, qa ośtemahdapi kta. Tuka tawipe kicičin kin tawatēnye śni, nina kokipa nakaś. Heon Saul isan ikikeu, qa akan ehpeiciya.

5 Unkan tawipe kicičin kin Saul wanna te wanyaka, heon is eya isan akan ehpeiciye ca ta.

6 Hecen Saul ta ; nakun iye cinca yamni, qa tiwahe tawa owasin yuwitaya tapi.

7 Unkan Israel wicaśta osma-ka en tipi kin owasin, napapi kin, qa Saul, qa iye cinca kin tapi kin wanyakapi ; heon otonwe tawapi kin ehpekiyapi, qa najicapi. Unkan Pilistim en hipi, qa hena ohna tipi.

8 Unkan ihanhanna Pilistim to-na capapi qon taheyakepi yuśdokapi kta en hipi qehan, Gilboya he akan Saul, qa iye cinca kin hinhpayapi iyewicayapi.

9 Qa Saul yuśdokapi, qa pa kin, qa tawipe kin icupi, qa Pilistim tamakocepi ekta ahdapi ; taku wakanđapi kağapi, qa oyate tawa ihdukśan wootanin sdonye-wicakiyapi kta heon etanhan.

10 Qa tawipe kin taku wakanđapi tipi kin en ehna kapi ; qa pa kin Dagon ti kin aokatanpi.

11 Unkan Jabeś Gilejad wicaśta owasin taku Pilistim Saul ecakiconpi owasin nañonpi.

12 Qa wicaśta waditaka owasin najinpi, qa Saul tancan kin, qa cinca kin tancanpi kin icupi, qa Jabeś ekta ahdipi, qa huhupi kin utuhu Jabeś en yanke cin he ihukuya hnakapi, qa anpetu śakowin akihaniçiyapi.

13 Hecen Saul te, woahtani Jehowa awahtani kin on, Jehowa oie kin nañon śni kin, heon, qa nakun hanmdohdagia wan iwanh akite cin heon etanhan.

14 Qa Jehowa akite śni, heon Jehowa tekiya, qa wawidake kin

I. ANPETU OYAKAPI,

Dawid Jesse cinhintku ekta yuwinihya.

WICOWOYAKE 11.

1 Unkan Israel owasin Dawid ekta mniciyapi, Hebron en, qa heciyapi, Huhu nitawa, qa celipi nitawa heuncapi.

2 Nakun hitanihan qa sanpa, Saul wicaštayatapi unhapi qehan, Israel tankan awicaye qa hdicuwicaye cin he niye. Qa Jehowa Wakanyada kin heniciya, Niye oyate mitawa Israel wonwicayaye kta, qa niye Israel oyate mitawa mdetanhunka niyuhapi kta.

3 Hecen Israel hunkayapi owasin wicaštayatapi kin ekta Hebron en hipi. Unkan Dawid wotakuye wicakicaga, Hebron ohna, Jehowa itokam. Unkan Dawid sdayapi, Israel iwicadake kta, Jehowa Samuel nape on eye ciqon he iyecen.

4 Unkan Dawid, qa Israel owasin Jerusalem, Jebus hee, ekta ipi, qa he ehan Jebusi makooce oonyanpi kin hen yakonpi.

5 Unkan Jebus oonyanpi kin Dawid heciyapi. Den yahi kte šni. Tuka Dawid Zion conkaške kin icu, otonwe Dawid tawa kin hee.

6 Tuwe Jebusi tokaheya wicaška take cinhan he pa, qa mdetanhunka heca kta, Dawid eye ciqon, heon Joab Tzeruja cinhintku kin tokaheya en i, qa iye pa yawapi.

7 Unkan Dawid conkaške kin en iyotanka, heon he Dawid totonwe eciyapi.

8 Qa Millo etanhan ihdukšan otonwe kin kaga, ihanke kin ekta. Unkan Joab otonwe okapte cin nikiya.

9 Unkan Dawid ohinniyan san-

pa tanka aya, Jehowa obe yuhe cin kici un nakaš.

10 Unkan wicašta wašaka Dawid wicayuhe cin itancanpi kin dena wakišag iciyapi, qa tokiconze en ókiyapi, Israel owasin on wicaštayatapi kağapi kta, Jehowa Israel on eye ciqon iyecen.

11 Qa wicašta wašaka yawapi Dawid wicayuhe cin etanhan dena eepi; Jašobeyam he Hakmoni cinhintku, wikcemna yamni kin itancan kin, iye wahukeza on opawinge yamni cawicape kta hduwankan icu, qa wancadan wicakte.

12 Unkan iye ohakam Eleazar he Dodo cinhintku Ahoši kin, wicašta wašaka yamni kin wanji hee.

13 Qa iye Pasdamin (Wepapsonpi) ohna Dawid kici un. Unkan Pilistim kizapi kta hen mniciyapi, qa hen tinta onšpa barle ojudan, qa oyate kin Pilistim wicitokapa tanhan napapi.

14 Tuka iyepi mağa kin cokaya najinpi, qa ohiyapi, qa Pilistim wicakaštakapi; unkan Jehowa niwicaya, wowanikiya tanka on.

15 Unkan itancan wikcemna yamni etanhan yamni imnija en Dawid ekta ipi, Adullam makohdoka en. Unkan Pilistim Repaim osmaka en wankapi.

16 Unkan hehan Dawid conkaške kin en yanka, qa Pilistim Betlehem en najinpi.

17 Qa Dawid kon, qa heya, Tokin minihdoka Betlehem tiyopa en yanke cin etanhan tuwe mini yatke makiye kten.

18 Unkan yamni kin hena Pilistim owankapi kin kaoksapi; qa minihdoka Betlehem tiyopa en yanke cin etanhan mini yuwankan icupi, qa yuhapi, qa Dawid ekta kahipi. Unkan Dawid ya-

WICOWOYAKE 11.

tke kta wicada śni, qa Jehowa on kaştan.

19 Qa heya, Taku kin de ecamon kta Wakantanka iyowin makiye śni nunwe. Wicašta kin dena naġipi on ahipi hecen wepi kin hee, qa wepi kin he mdatke kta he? hecen yatke kta wicada śni. Wicašta waśaka yamni, kin hena heconpi.

20 Qa Abiśai Joab cinu kin yamni itancanyapi kin hee, qa iye wicašta opawinge yamni wahukeza wicakipazo, qa cawicapa; heon yamni kin ehna caje yuha.

21 Yamni ehna nonpa isanpa kinihanpi, heon mdetanhunka yuhapi. Tuka yamni kin iyo-wicahi śni.

22 Benaja Jehojada cinhintku kin, he wicašta waditaka, Qabetz el etanhan, woecontanka ota econ; he cinhintku. Iye Moab wicašta nonpa mnaja iyececapi wicakte; nakun iye mnaja wan woha mahen yanka ekta i, qa kte, anpetu wa yukan he ehan.

23 Nakun iye Egupton wicašta wan kte, wicašta hanska, wiciśpa zaptan, qa Egupton nape ohna wahukeza yuha, waka-zunta ihupa hinskoceca; tuka cansakadan yuha ekta i, qa Egupton nape kin etanhan wahukeza ki, qa wahukeza tawa on kte.

24 Benaja Jehojada cinhintku hena econ, qa wicašta waśaka yamni kin ehna caje yuha.

25 Wikcemna yamni kin isanpa kinihanpi, tuka yamni kin iyowicahi śni. Unkan Dawid tona iye ti awanyakapi kin itancan kaġa.

26 Unkan wicašta waditaka iyotan waśakapi dena eepi. Yasahel Joab sunkaku, Elhanan he Dodo cinhintku, Betlehem etanhan;

27 Śanmot Harori kin, Heletz Peloni kin;

28 Yira Yeqeś cinhintku kin, Abiyezer Anatoti kin;

29 Sibbeka Ĥuśati kin, Yilai Ahoġi kin,

30 Maharai Netopati kin, Heled he Bayana cinhintku Netopati kin;

31 Itai he Ribai cinhintku Gibeya Benjamin cinca tawapi etanhan, Benaja Piratoni kin,

32 Ĥurai Gayaś kaksiza kin etanhan, Abiel Yarbati kin;

33 Yazmawet Baĥarumi kin, Eljaġiba Śayalboni kin;

34 Haśam Gizoni kin cinca kin, Jonatan Śaġe cinhintku Harari kin;

35 Ahijam Sakar cinhintku Harari kin, Elipal Ur cinhintku kin,

36 Ĥeper Mekerati kin, Ahija Peloni kin,

37 Hetzro Karmeli kin, Nayarai Ezbai cinhintku,

38 Joel Natan sunkaku, Mibĥar Hageri cinhintku,

39 Tzeleq Amoni kin, Naĥari Beroti kin he Joab Tzeruġa cinhintku tawipe kiciġin kin;

40 Yira Jitri kin, Gareb Jitri kin,

41 Urija Ĥitti kin, Zabad Ahlai cinhintku;

42 Yadina Śiza cinhintku Rubeni kin, Rubeni itancan, qa iye kici wikcemna yamni;

43 Ĥanan Maġaka cinhintku, qa Jośapat Mitni kin,

44 Uzzia Yaśterati kin, Śama qa Jeyiel Ĥotam Yaroyeri kin cinca kin.

45 Jedyael he Śimri cinhintku, qa sunkaku Joĥa Titzi kin,

46 Eliel Maĥawi kin, qa Jeriba qa Josaja hena Elnayam cinca, qa Jitma Moabi kin,

47 Eliel, qa Yobed, qa Jasiel he Metzobaja etanhan.

I. ANPETU OYAKAPI,

WICOWOYAKE 12.

1 Unkan dena Dawid ekta Tziqlag en hipi, nahanhin Saul Qís cinhintku on etanhan natakapi qehan, qa hena waśakapi, qa wocicize en ókiyapi.

2 Itazipa yuhapi, qa inyan, qa wanhinkpe itazipa on yeya okihipi, etapapi qa catkapi kin unman tukte kaśta on; Saul hunkawanji wicaye cin Benjamin etanhan.

3 Ahiyezer he itancan, qa Joaś Šimaya cinhintku Gibeyati kin, qa Jeziel, qa Pelet Yazmawet cinca, qa Beraka, qa Jehu Amatoti kin.

4 Qa Jiśmaja Gibeyoni kin, wicaśta waśaka wikcemna yamni kin chna, qa wikcemna yamni kin isanpa; nakun Jeremija, qa Jahaziel, qa Johanan, qa Jozabad Gederoti kin.

5 Elyuzai, qa Jerimot, qa Bejalja, qa Šemarja, qa Šepatja Haropi kin.

6 Elqana, qa Jiśija, qa Yazariel, qa Joyezer, qa Jaśobeyam, Qorahim kin.

7 Qa Joyela, qa Zebadja Jeroham cinca, Gedor etanhan hena eepi.

8 Qa Gadi kin etanhan Dawid, tinta conkaśke kin en yanke çehan, ekta wicaśta waśaka waditaka inanpapi, wicaśta ozuye kağa wayupika, wahacanka, qa wahukeza yuhapi, itepi kin mnaja itepi kin iyececapi, qa tatokadan he akan yakonpi kin iyecen duzahanpi;

9 Yezer he itancan kin, Obadja inonpa kin, Eliab iyamni kin.

10 Miśmanna itopa kin, Jeremija izaptan kin,

11 Yattai isakpe kin, Eliel isakowin kin,

12 Johanan isahdogan kin, Elzabad inapcinwanka kin,

13 Jeremija iwikcemna kin, Makbunnai iakewanji kin.

14 Hena Gad cinca kin akicita tancanpi, wanji cistinna opawinge yuha, qa tanka kin kektopawinge.

15 Hena wi tokaheya en, Jordan minitan ece, maya kin owasin iwankam, he ehan iyuweğapi, qa osmaka *ounyanpi* kin owasin nape wicayapi, wiyohiyanpata, qa wiyohpeyata nakun.

16 Unkan Juda qa Benjamin cincapi kin etanhan Dawid ekta, conkaśke ekta hipi.

17 Unkan Dawid wicitkokim inanpe ça ia, qa hewicakiya, Wookiye on ómayakiyapi kta e yahipi kinhan micante kin nican-tepi om okowanjidan kta; tuka minape ohna ohan śica wanica eśta mayahnayanpi, qa toka mayanpi nape en mayaqupi kte cinhan, tuwe hunkake wicunyanpi wakandapi kin he wanyake kte, qa yaco kte.

18 Unkan woniya kin Amasai wikcemna yamni itancan kin koyaka; unkan heya, Dawid tawa unyayapi, qa Jesse cinhintku unnicapi. Wookiye, niye ekta wookiye, qa tona óniciyapi kin wookiye yuhapi nunwe; Tuwe wakanyada óniciya nakaś. Unkan Dawid iyowin wicakiya, qa mde tanhunka wicakağa.

19 Unkan Pilistim Saul azuyapi Dawid owicape çehan; (tuka owicakiye śni; Pilistim itancanpi kin iwohdakapi, qa heyapi, Unpapi on iye yuhe cin Saul ekta hde kta qa on kihde śipi nakaś;) hehan Manaşe etanhan wanjikśi en hipi.

20 Tziqlag en hdi qehan Manaşe etanhan Yadna, qa Jozabad, qa Jidayel, qa Mikael, qa Joza-

WICOWOYAKE 12.

bad, qa Elihu, qa Tzilletai, Manaše kektopawinge itancanpi kin en hipi.

21 Hena Dawid ókiyapi, ozuye anatanpi qehan, hena owasin wicašta wašaka waditakapi nakaš, qa obe itancan hecapi.

22 He ehan anpetu otoiyohi Dawid ókiyapi kta wicašta en hipi, ecen obe tanka Wakantanka tao-be kin iyececa.

23 Unkan wokicize on wiyeya unpi, itancanpi kin Hebron en Dawid ekta hipi, Saul towidake kin Dawid ekta yuhomnapi kta on, Jehowa eye cion iyecen, wicayawapi kin dena eepi.

24 Juda cinca kin, wahacanka wahukeza ko kičunpi, kektopawinge šakpe sanpa opawinge šahdoğan, ozuye on wipe kitonpi.

25 Simeon cinca etanhan, wicašta wašaka, ozuye waditakapi kektopawinge šakowin sanpa opawinge wanjidan.

26 Lewi cinca kin etanhan kektopawinge topa sanpa opawinge šakpe.

27 Nakun Jehojada Aaron *cinca* kin itancan kin, qa kektopawinge yamni sanpa opawinge šakowin kici unpi.

28 Nakun Zadok koška wašaka waditaka, qa atkuku ti kin etanhan wicašta itancan hecapi wikcemna nonpa sanpa nonpa.

29 Qa Benjamin cinca kin etanhan, Saul sunka wicaye cin etanhan kektopawinge yamni; hena wicota nahanhin Saul ti towanyake kin awanyakapi.

30 Qa Ephraim cinca kin etanhan kektopawinge wikcemna nonpa sanpa opawinge šahdoğan wicašta wašaka waditaka hunkake wicayapi ti kin en caje wicayatapi.

31 Manaše wicoun hanke kin etanhan kektopawinge wikcemna sanpa kektopawinge šahdoğan,

hena Dawid wicaštayatapi kağapi kta caje wicayatapi.

32 Qa Issakar cinca kin etanhan wicašta anpetu kin sdonyapi, on iyehantu wosdonye on taku Israel econpi kta iyececa iyukcanpi, pa wicayawapi opawinge nonpa, qa hunkawanjinwicayapi owasin owicapapi.

33 Qa Zebulun etanhan zuyeyapi, wokicize wipe owasin yuhapi kektopawinge wikcemna zaptan, cante okonwanjidan ocimdağehan najinpi.

34 Qa Naphtali etanhan akicita tancan kektopawinge, qa wahacanka qa wahukeza yuhapi kektopawinge wikcemna yamni sanpa kektopawinge šakowin owicapapi.

35 Qa Dani kin etanhan ozuye wiyeyanpi kektopawinge wikcemna nonpa sanpa kektopawinge šahdoğan qa opawinge šakpe.

36 Qa Ašer etanhan zuye yapi, wokicize wipe yuhapi kektopawinge wikcemna topa.

37 Qa Jordan akasanpa tanhan Rubeni kin, qa Gadi kin, qa Manaše wicoun hanke kin etanhan obe wokicize wipe owasin yuhapi kektopawinge opawinge sanpa kektopawinge wikcemna nonpa.

38 Hena owasin ozuye wicašta ocimdağehan manipi cante ocowasin on, Dawid wicaštayatapi kağapi kta, Hebron ekta hipi, Israel owasin iwankam, qa nakun Israel unmanpi kin owasin cante okonwanjidan Dawid wicašta yatapi kağapi kta cinpi.

39 Qa hen anpetu yamni Dawid kici yakonpi, wotapi, qa wayatkanpi, hunkawanjiwicayapi kin taku wiyeya wicakicağapi nakaš.

40 Qa nakun Israel ohna wowiyuškin yukan; heon tona wici-kiyedani unpi kin, Issakar, qa Ze-

I. ANPETU OYAKAPI,

bulun, qa Naptali ekta hehanyan woyute wicakahipi, šonšonna, qa Kamel, qa šunkašonšonna akan, qa woyute aguyapi indu, qa suken waskuyeca paskicapi, qa hastanhanka pusyapi, qa miniša, qa wihdi, nakun tatanka, qa tahinca, nina ota kahipi.

WICOWOYAKE 13.

1 Unkan Dawid kektopawinge itancanpi kin, qa opawinge itancanpi kin, qa mdetanhunka owasin om wohdaka.

2 Qa Dawid Israel omniciye owasin hewicakiya, Iyonicipipi kinhan, qa Jehowa Wakanundapi kin etanhan kinhan, hunkawanji wicunyanpi Israel makoce owancaya okaptapi kin, iwahowicunyanpi kta, qa wawayušnapi kin, qa Lewi kin otonwe tawayapi ohna yakonpi kin om, unkiyepi en mniciye wicunyanpi kta.

3 Qa taku Wakanundapi canwohnaka tawa unkiyepi en unhdohdipi kta; Saul anpetu tawa icunhan he unkakitapi šni nakaš.

4 Unkan omniciye owasin heconpi kta keyapi; wicoie kin ecetu oyate owasin ištapi kin en nakaš.

5 Unkan Dawid Israel owasin mniciye wicaya, Egupton wakpa kin etanhan, Hamat ekta yapi kin hehanyan; Wakantanka canwohnaka tawa Qirjat Jeyarim ekta huweyapi kte heon etanhan.

6 Unkan Dawid, qa Israel owasin Qirjat Jeyarim otonwe kin ekta ipi, hetanhan, Wakantanka, Jehowa kerubim ounye cin eciyapi, canwohnaka tawa huweyapi kte.

7 Unkan Abinadab ti kin etanhan canpahmihma teca wan akan

hdokupi. Unkan Uzza qa Ašio canpahmihma kin kašapapi.

8 Unkan Dawid, qa Israel owasin, towašakapi ocowasin on, Jehowa itokam škatapi, qa dowanpi, can dowankiyapi on, qa cotanka on, qa cancega on, qa mazaicicasnapi on, qa maza yahotonpi on.

9 Unkan Kidon wakapanpi owanka ekta hipi qehan, Uzza canwohnaka yuze kta nape kin yekiya, tatanka kin nahuhuzapi nakaš.

10 Unkan Jehowa tocanniye kin Uzza aide, qa canwohnaka kin ekta nape kin yekiye cin heon kaštaka; unkan hen ŋa, Wakantanka itokam.

11 Unkan Dawid šihda, Jehowa Uzza kaštaka cin heon etanhan. Unkan oyanke kin he anpetu kin dehanyan Peretz Uzza (Uzza kaštakapi) eciyapi.

12 Unkan anpetu kin he en Dawid Wakantanka kokipa, qa heya, Token Jehowa canwohnaka tawa miye ekta hiyu waye kta he?

13 Heon Dawid iye ti ekta, Dawid totonwe kin en canwohnaka kin hiyuye šni; tuka icuom aya, Obededom Gitti ti kin ekta.

14 Unkan Wakantanka canwohnaka tawa Obededom tiyohnaka om, iye ti kin ohna wi yamni yanka. Unkan Jehowa Obededom tiyohnaka kin, qa taku yuhe cin owasin yawašte.

WICOWOYAKE 14.

1 Unkan Hūram Tzur wicaštayatapi kin wahošiye Dawid ekta u wicaši; nakun hanteša can, qa inyantipikağa, qa cankajipa, tipi kicicağapi kta heon etanhan.

2 Unkan Dawid iye tawowidake kin tehanwankan aya, heon Israel

WICOWOYAKE 15.

iwicadake kta e Jehowa iye yusuta oyate tawa Israel on etanhan sdotkiya.

3 Unkan Jerusalem ohna Dawid winohinca sanpa wicayuz, qacinca wica winyan ko Dawid kicitonpi.

4 Qa cinca Jerusalem ohna kicitonpi cajepi kin dena ee; Samuya, qa Šobab, Natan, qa Solomon,

5 Qa Jibhar, qa Elišua, qa Elipalet,

6 Qa Noga, qa Nepeg, qa Japiya.

7 Qa Elišama, qa Beyeljada, qa Elipalet.

8 Unkan Pilistim Israel ocowasin idake kta e Dawid sdayapi nahonpi qehan, Pilistim owasin Dawid akin itanwankannde upi. Unkan Dawid nahon, qa wicitkokim inanpa.

9 Unkan Pilistim hipi, qa Repaim osmaka ohna enanakiya iyayapi.

10 Unkan Dawid Wakantanka iwange ɕa heya, Pilistim anawicawatan kta, qa minape en wicayaqu kta he? Unkan Jehowa heciya, Anatan wo, hecen ninape en wicawaqu kta.

11 Unkan Bayal Peratzim ekta hipi. Unkan hen Dawid wicakaštaka, qa heya, Jehowa tokamayanpi minape on kadus wicaya, mini caduze cin iyecen; heon oyanke kin he Bayal Peratzim, (Iyotan kaduzapi,) eya caje yatapi.

12 Unkan hen taku wakandapi ehpekiyapi. Unkan peta on hulinahyapi; Dawid hecon wicaš nakaš.

13 Unkan ake Pilistim osmaka qon ohna enanakiya iyayapi.

14 Unkan Dawid ake Wakan-tanki iwanga. Unkan Wakan-tanki heciya, Wicihakam de kte

šni, ewicatanhan ihduhomni, qa Baka can kin itokapa tanhan wicikiyedani ya wo.

15 Qa Baka can inkpa ohna taku iyaya ho kin nayahon kinhan, hehan wokicize ekta inanpa wo; Wakantanka Pilistim wicakaštake kte e nitokam inanpa nakaš.

16 Unkan Dawid, token Wakantanka econš kin, he iyecen econ, qa Gibeyon etanhan Gazer ekta, hehanyan Pilistim obe kin kaštakapi.

17 Hecen makoce kin owasin ohna cajeyatapi, qa ikcewicašt owasin kokipapi, Jehowa kağa.

WICOWOYAKE 15.

1 Unkan Dawid totonwe ohna tipi kağa, qa Wakantanka canwohnaka tawa on oyanke wan wiyeya kağa, qa on wakeya wan ekicihde.

2 Hehan Dawid heya, Lewi kin ishanapi Wakantanka canwohnaka tawa yuhapi kta iyececa. Hena Jehowa wicakahniga, Wakantanka canwohnaka tawa akiyuhapi kta, qa kicanyanpi kta, owihanke wanica.

3 Unkan Dawid Israel owasin Jerusalem ekta mniciye wicaya, Jehowa canwohnaka tawa hdupi kta, oyanke tawa iye kicicage cin he en.

4 Qa Dawid Aaron cinca kin, qa Lewi kin wicayuwitaya.

5 Qohat cinca kin etanhan Uriel itancan kin, qa sunka wicaya opawinge sanpa wikcemna nonpa.

6 Merari cinca etanhan Yasa-ja itancan kin, qa sunkawicaya opawinge nonpa sanpa wikcemna nonpa.

7 Geršom cinca kin etanhan Joel itancan kin, qa sunka wi-

I. ANPETU OYAKAPI,

caya opawinge sanpa wikcemna yamni.

8 Elitzapan cinca etanhan Šemaja itancan kin, qa sunka wicaya opawinge nonpa.

9 Hebron cinca etanhan Eliel itancan kin, qa sunka wicaya wikcemna šahdoğan.

10 Uziel cinca etanhan Anminadab itancan kin, qa sunka wicaya opawinge sanpa wikcemna sanpa nonpa.

11 Unkan Dawid wawayušna kin Zadoq, qa Abiatar; qa Lewi kin Uriel, Yasaja, qa Joel, Šemaja, qa Eliel, qa Anminadab wicakipan;

12 Qa hewicakiya, Lewi ate wicayapi itancanpi kin henicapi, ihduwakanpo, niyepi, qa sunka wicayayapi; qa Jehowa Israel wakandapi canwohnaka tawa *oyanke* wiyeya wecaġe cin ekta hiyuyapo.

13 Tokaheya qon hecanonpi šni, heon Jehowa Wakanundapi kin unkaštakapi, woyaco kin iyecen unkakitapi šni nakaš.

14 Unkan wawayušnapi kin, qa Lewi kin Jehowa Israel wakandapi canwohnaka tawa huweyapi kta ihduwakanpi.

15 Qa Lewi cincapi kin Wakan-tanki canwohnaka tawa tošu on hiyetepi akan akiyuhapi, Mowis Jehowa oie kin eciyatanhan, econwicaši kin iyecen.

16 Unkan Dawid Lewi itancanpi kin sunkawicayapi wanjikšidowan wokicanye on dowan najin wicakiyapi kta kewicakiya, candowankiyapi on, qa cotanka on, qa maza icicasnapi on; hecen wiyuškinyan ho kin wankan yeyapi kta.

17 Unkan Lewi kin, Heman Joel cinhintku, qa hunkawanji wicaye cin etanhan Asap Berekeja cinhintku, qa hunkawanjiwicaye

cin Merari cinca kin etanhan Etan Qušaja cinhintku najin wicayapi.

18 Qa hena om hunkawanji wicayapi iyokihepi Zekareja, Ben, qa Jayaziel, qa Šemiramot, qa Jehiel, qa Yuni, qa Eliab, qa Benaja, qa Mayasija, qa Matiteja, qa Elipelu, qa Miqneja, qa Obededom, qa Jeyiel tiyopa awanyakapi.

19 Qa Heman, Asap, qa Etan wadowanpi, mazaicicasnapi on hotaninpi ece.

20 Qa Zekarija, qa Yaziel, qa Šemiramot, qa Jehiel, qa Yuni, qa Eliab, qa Mayaseja, qa Benaja, candowankiyapi wikoška ho on,

21 Qa Matiteja, qa Elipelu, qa Miqneja, qa Obededom, qa Jeyiel, qa Yazazija candowankiyapi išahdoğan kin on ahiyayeyapi.

22 Qa Kenanaja Lewi itancanpi ahiyayapi kin onspewicakiya, iye ahiyaya wayupika nakaš.

23 Qa Berekeja, qa Elqana canwohnaka kin awanyakapi.

24 Qa Šebaneja, qa Jošapat, qa Netaneel, qa Yamasa, qa Zekareja, qa Benaja, qa Eliezer wawayušnapi kin Wakantanka canwohnake tawa itokam mazayahotonpi on yahotonpi. Qa Obededom, qa Jehija canwohnaka kin awanyakapi.

25 Unkan Dawid, qa Israel hunkayapi kin, qa kektopawinge itancanpi kin Jehowa wotakuye canwohnaka kin, Obededom ti kin ekta, wiyuškinyan huwe ipi.

26 Unkan Wakantanka Lewi kin Jehowa wicotakuye canwohnaka akiyuhapi kin ówicakiye cehan tatanka šakowin, qa tamdoka šakowin wakiyušnapi.

27 Unkan Dawid minihuha onhidohda wan ipiyag kiton; nakun Lewi canwohnaka akiyuha-

WICOWOYAKE 16.

pi kin owasin, qa wadowanpi, kin, qa Kenaneja akiyuhapi itancan kin wadowanpi om, qa Dawid miniñuha amdo akalipe wan koyagya.

28 Unkan Israel owasin Jehowa otakuye canwohnaka kin iyaşapi, qa heyahotonpi on, qa mazayahotonpi, qa mazaicicasnapi hena owasin ho kin on, qa candowankiyapi qa cotanka dowan-kiyapi on akupi.

29 Unkan Jehowa wotakuye canwohnaka kin Dawid totonwe kin en hi qehan, Mikal Saul cunwintku owanyeye ohna eokasin, qa wicaştayatapi kin Dawid škata, qa waci wanyake qehan cante mahen walitedaśni.

WICOWOYAKE 16.

1 Unkan Wakantanka canwohnaka tawa ahipi, qa ehdepi, wakeya wan Dawid ekicihde kin ohna, qa wohuhnañiyapi, qa wopida woşnapi Wakantanka itokam ahipi.

2 Unkan Dawid wohuhnañiyapi, qa wopida woşnapi huñnañiya

8 Jehowa yatanmiye,

Iye caje kin hoyekiya miye.

Oyate ehna iye oñan tanka oyakapo.

9 Iye idowanpo ; kahiyyapapo.

Iye tawowapetokeca owasin awacinpo.

10 Caje wakan tawa yatanpo.

Tona Jehowa akitapi cantepi wiyuşkinpi kta.

11 Jehowa odemiye, qa iye towaşake kin.

Iye ite kin ohinniyan akitapo.

12 Taku wowinihan econ kin kiksuyapo.

Iye wowapetokeca tawa.

Qa woyaco iye i kin etanhan.

13 Iye taokiye, Israel etanhan inicağapi ;

Jakob cinca nicañniğapi.

14 Jehowa Wakanundapi kin he iye.

Tawoyaco kin maka kin owancaya.

15 Wotakuye tawa owihanke wanin kiksuyapo.

Wicoie econ wicaşi kin wicoicağe kektopawinge hehanyan.

yuştan qehan, oyate kin Jehowa cajeyan wicayawaşte.

3 Qa Israel owasin, wicašta, qa winoñinca otoiyohi aguyapi hmiyanyanna wan, qa minişa wiya-tke ohnaka wan, qa waskuyeca kaskicapi wan wicaqu.

4 Qa Lewi kin etanhan waki-canyanpi Jehowa canwohnaka tawa itokam yanke wicaşi, Jehowa Israel wakandapi kin kiksuyapi, qa wopida eyapi, qa idowanpi kta.

5 Asap pa kin hee, qa iyokihepi Zekareja, qa Jeyiel, qa Semiramot, qa Jehiel, qa Matiteja, qa Eliab, qa Benaja, qa Obededom, qa Jeyiel, hena candowankiyapi, qa cotanka yuhapi ; qa Asap mazaicicasnapi on ho yuotanin.

6 Qa Benaja, qa Jihaziel, wawayuşnapi kin mazayahotonpi yuha ohinniyan Wakantanka otakuye canwohnaka tawa itokam yakonpi.

7 Anpetu kin he ehan Dawid odowan kin de tokaheya Jehowa wopida eyapi kta Asap, qa sunkawicaya napepi en qu.

I. ANPETU OYAKAPI,

- 16 Abraham kicicage cin he ;
Qa wokonze tawa Izak en.
- 17 He Jakob kici hdasuta wokage on,
Israel kici wotakuye owihanke wanica.
- 18 Qa heya, Niye Kanan makoce kin ciçu kta,
Tawayaye kta e he iniciyutapi.
- 19 Hinalin tonana wicayawapi,
Qa ohna unhdaka unpi.
- 20 Ikcewicašta wicehna ihdaka yapi;
Wokiconze wan etanhan oyate tokeca ekta.
- 21 Tuwedan wicakiyuše iyowinkkiye šni.
Qa iyepi on wicašta yatapi iyopewicaya.
- 22 Sdawicawakiye cin ihnuhan iwicayakalitake cin.
Qa ihnuhan waayate mitawa šicaya ecawicayeconpi kin.
- 23 Maka kin ocowasin Jehowa idowanpo.
Anpetu otoiyohei waniwicakiye cin he yaotaninpo.
- 24 Ikcewicašta wicehna towitan kin oyakapo.
Oyate owasin wicehna iye ohan wakan kin.
- 25 Jehowa tanka ce, qa nina yatanpi kta.
Taku wakan owasin isanpa kokipapi kta iyececa.
- 26 Oyate taku wakandapi owasin takušnišni.
Tuka Jehowa mašpiya kin kağa.
- 27 Iye itokam wotanka, qa wowitan,
Oyanke tawa ohna wowašake qa wowiyuškin yukān ce.
- 28 Oyate wicowazipi kin Jehowa qupo ;
Wowitan, qa wowašake, Jehowa qupo.
- 29 Iye caje towitan kin Jehowa qupo ;
Minha icupi, qa itokam hiyuyapo.
Wowakan wiciyokipi kin en Jehowa ohodapo.
- 30 Maka ounyanpi kin owasin iye ite kin on inihanpo.
Maka kin sutaya ehdepi ce, hohodan kte šni.
- 31 Mašpiya kin iyuškinpo, qa maka kin pida wo.
Ikcewicašta wicehna, Jehowa wicaštayatapi ce, eyapo.
- 32 Miniwanca, qa toojudan kin ša kta.
Tinta kin, qa taku aicage cin iyuhpa iyuškinpi kte.
- 33 Hehan contanka can kin owasin Jehowa ite kin on do-
wanpi kta ;
Maka kin yaco kta e hiyu nakaš.
- 34 Jehowa yatanpo, iye wašte ce;
Towacantkiye owihanke wanica nakaš.
- 35 Qa heyapo, Taku wakan niunkiyapi ece kin, niunki-
yamiye.
Qa ikcewicašta etanhan eunhdakupi, qa mnaunkiyamiye.
Hecen nicaje wakan kin unyatanpi kta.
Qa niyatanpi odowan en unkihdatanpi kta.
- 36 Jehowa Israel wakandapi kin yawaštepi nunwe ;
Otokahe wanica ehantanhan ecen owihanke wanin.
Unkan oyate kin owasin, Amen, eyapi, qa Jehowa ya-
tanpi.

WICOWOYAKE 17.

37 Unkan hen Jehowa otakuye canwohnaka kin itokam Asap, qa sunka wicaya yanke wicaya, ohinniyan canwohnaka kin itokam ókiyapi kta, anpetu otoiyo hi wicoie kin iyecen.

38 Nakun Obededom, qa sunka wicayapi wikcemna šakpe sanpa šahdogan, qa Obededom Jedutun cinhintku, qa Hosa tiyopa awanyakapi kta.

39 Unkan Zadoq wawayušna kin, qa sunkawicaya wawayušnapi kin Jehowa ti kin paha wan Gibeyon ohna yanke cin akan he cin, he itokam *yakonpi*.

40 Wohuhnahiyapi owayušna akan Jehowa huhnalikiciyapi kta, ohinniyan, hanhanna otoiyo hi, qa hitayetu otoiyo hi Jehowa toope, Israel ope wicaši kin iyecen.

41 Qa hena om Heman, qa Jedutun, qa unmanpi tona Jehowa, iye towaonsida on, owihanke wanica yatanpi kta e wicakalini gapi, qa cajepi owapi.

42 Qa hena wicehna Heman, qa Jedutun mazayahotonpi, qa mazaicicasnapi on hotanin wicakiyapi kta, nakun Wakantanka tadowan kiyapi on yatanpi; tuka Jedutun cinca kin tiyopa awanyakapi ece.

43 Unkan oyate kin owasin kihdapi, otoiyo hi tipi tawa ekta. Qa Dawid iye ti yawašte kta e kihda.

WICOWOYAKE 17.

1 Unkan Dawid iye ti kin ohna iyotanka yanka qehan, Dawid Natan waayate kin heciya, Inyun miye hanteša can tipi ohna wati, tuka Jehowa otakuye canwohnaka kin ozanpi ihukuya yanka.

2 Unkan Natan Dawid heciya, Taku nicante en un kin owasin

econ wo; Wakantanka nici un nakaš.

3 Unkan hanyetu kin he en Wakantanka oie kin Natan en hi qa heciya,

4 Dawid mitaokiye ekta ye qa heciya wo, Jehowa hecen eya, Niye tipi ohna wati kta miyecage kte šni.

5 Israel hdinanpe wicawaye cin ehantanhan dehanyan cantipi ohna wati šni; tuka wakeya wan etanhan wakeya tokeca ekta, qa oyanke etanhan *oyanke tokeca ekta* waun.

6 Israel owasin wicehna tuktentu kašta mawani Israel wacyacopi kin, oyate mitawa wonwicaya wicawaši kin, tukte wanji wicoie wan ewakiye qa, Tokeca hanteša can tipi wan miyecagapi šni epa he?

7 Heon nakaha mitaokiye Dawid hecen eyakiye kta, Jehowa obe yuhe cin hecen eya, Miye oyate mitawa Israel itokam mayani kta on, talinca wicihakam yaun kin, owankapi kin etanhan icicu.

8 Qa tokiya kašta idada ca nici wai, qa nitokapa tanhan tokaniyanpi kin owasin wicawakašpa, qa caje cicicağa, maka akan wicašta tanka cajepi kin iyececa.

9 Qa oyate mitawa Israel oyanke wan wicawaqu kta, qa huwicawehde kta, qa hen yakonpi kta, qa wošica cinca kin icimana wicayusote kte šni, otokahe ekta econpi qon iyecen;

10 Qa wayacopi oyate mitawa Israel yuhe wicawaši kin icunhan. Nakun tókaniyanpi kin owasin wicamduhukuya, qa Jehowa tipi nicicage kta, eciciya.

11 Nakun nihunkakepi ekta de kta, anpetu nitawa ihuniyaye cinhan, hehan nicinca, niye etanhan icagapi etanhan wanji niha-

I. ANPETU OYAKAPI,

kam najin wakiye kta, qa toki-conze mdusuta kta.

12 Iye tipi wan micicage kta, qa toiyotanke kin mdusuta kta, owihanke wanin.

13 Iye atemaye kta, qa miye he cinksiwaye kta, qa iye etanhan mitowacantkiye ewehdaku kteśni; tuwe nitokam un etanhan ewehdaku qon iyecen.

14 Qa wati kin ohna, qa mitokiconze ohna owihanke wanin he najin wakiye kta, qa toiyotanke kin owihanke wanin sutaya he kta.

15 Wicoie kin dena owasin iyecen, qa wowanyake kin de iyecen Natan Dawid eciya.

16 Unkan Dawid ekta i, qa Jehowa itokam iyotanke ça heya, Jehowa Wakantanka, matuwe he? qa wati kin taku he? on dehanyan hiyumayaya.

17 Qa ništa kin en hena owasin cistinna, Wakantanka, heon nitaokiye tokata tehan on iyae ça wicašta wankan yapi okitanin kin iyecen wanyag mayaya, Jehowa Wakantanka.

18 Qa token Dawid, wowitan nitaokiye ecayecon kin on, taku sanpa eniciye kta he? Niye nitaokiye sdonyaya nakaś.

19 Jehowa nicante iyecen wotanka kin de owasin nitaokiye ecayecon, niohan tanka owasin yahdutanin kta, heon etanhan.

20 Jehowa tuwedan iyenicecaśni, qa taku, noqe on nannhonpi owasin en, taku wakan nišnana.

21 Qa maka akan tukte ikce oyate wan oyate nitawa Israel iyececa he? oyate tawaye kta e Wakantanka ekta wicai; hecen caje tanka, qa wowinihan nicicaga, oyate nitawa Egupton etanhan opeyakiton kin itokapa tanhan ikcewicašta nape wicayaye cehan.

22 Qa oyate nitawa Israel owihanke wanin oyate nitawa kta, qa niye Jehowa wakannidapi kta yakonza.

23 Qa Jehowa wicoie nitaokiye on, qa tipi tawa on ehe cin, he owihanke wanin wicaka nunwe; qa token ehe cin iyecen econye.

24 Qa nicaje owihanke wanin wacinyanpi kta, qa yatankapi kta, qa heyapi kta, Israel wakandapi kin Jehowa obe yuhe cin he Israel wakandapi nunwe; qa Dawid nitaokiye ti kin nitokam yusutapi nunwe.

25 Niye wakan cida nitaokiye tipi yecage kta, nitaokiye nahon yaya, heon nitaokiye nitokam cekiye kta tawatnya.

26 Qa wanna Jehowa niye Wakannitanka, qa wowašte kin de nitaokiye on eha.

27 Heon wanna nitaokiye ti kin owihanke wanin nitokam he kta e dawašte iyonicipi nunwe. Niye Jehowa taku dawašte kin he owihanke wanin yawaštepi kta.

WICOWOYAKE 18.

1 Unkan hena iyohakam Dawid Pilistim wicaštaka, qa wica-ktedan, qa Gat, qa *otonwe* cunksiwicaya, Pilistim napepi kin etanhan icu.

2 Nakun Moab kaštaka hecen Moabi kin Dawid wowidag wicaya. Unkan taku qupi kin khipi.

3 Nakun Dawid Hadarezer Tzoba wicaštayatapi kaštaka, Hamat ekta tamakoce Yuprate wakpa ekta yutanke kta i qehan.

4 Qa Dawid iye etanhan canpahmihma kektopawinge icu, qa šuktanka akanyotankapi kektopawinge šakowin, qa huiyun wicašta kektopawinge wikcemna nonpa. Qa Dawid canpahmi-

WICOWOYAKE 19.

hma opawinge wanjidan on súktanka patan, qa canpahmihma unman súktanka kin owasin kan wicakapsaka.

5 Unkan Aram Damaskos Hadarezer Tzoba wicaštayatapi kin ókiye kta hi; unkan Dawid Aram wicašta kin kektopawinge wikcemna nonpa sanpa kektopawinge nonpa wicakaštaka.

6 Qa Dawid Aram Damaskos ohna akicita yanke wicakiya; hecen Dawid Arami wowidag wicaya. Unkan taku qupi kahipi. Unkan Jehowa Dawid tokiya kašta i eca, owancaya nikiya ecee.

7 Unkan Dawid mazaskazi wahacanka Hadarezer taokiye yuhapi kin icu, qa Jerusalem ekta ahdi.

8 Nakun Dawid Tibehat, qa Kun, Hadarezer totonwe etanhan mazazi nina ota icu, qa hetanhan Solomon mazazi cega tanka, qa mazazi ipatan nonpa kin, qa mazazi waksica kin hena kaga.

9 Unkan Dawid Hadarezer Tzoba wicaštayatapi kin taozuye owasin kaštaka cin Toyu Hamat wicaštayatapi kin nahon qehan,

10 Iye cinhintku Hadoram wicaštayatapi kin Dawid ekta ye ši; Tanyan un kinhan iwange kta, qa Hadarezer azuye qa kaštaka cin on yawašte kta; Toyu qa Hadarezer kiczapi ece nakaš, qa mazaskazi waksica, qa mazaska waksica, qa mazazi waksica ocaje owasin kai.

11 Hena nakun wicaštayatapi kin Dawid Jehowa kiciyuwakan, mazaska, qa mazaskazi ikce wicašta owasin etanhan ahdi kici; Edom etanhan, qa Moab etanhan, qa Anmon cinca etanhan, qa Pilistim etanhan, qa Amaleq etanhan.

12 Unkan Abisai Tzeruja cinhintku Miniskuya osmaka ohna Edom kaštaka, wicašta kektopawinge wikcemna sanpa kektopawinge šahdoğan.

13 Unkan Edom ohna akicita yanke wicakiya, hecen Dawid Edom owasin wowidag wicaya. Unkan Jehowa Dawid tokiya kašta i eca nikiya ece.

14 Unkan Dawid Israel owasin wowidag wicaya, qa oyate tawa owasin woyaco, qa woowotanna ecawicakicon ece.

15 Qa Joab Tzeruja cinhintku kin obe kin yuha, qa Jehošapat Ahilud cinhintku wakiksuya ece.

16 Qa Zadoq Ahitub cinhintku, qa Ahimelek Abiatar cinhintku wawayušna hecapi; qa Šaweša wowapikağa kin hee.

17 Qa Benaja Jehojada cinhintku Wabaksapi, qa Wainyankapi itancan kin hee, qa Dawid cinca kin wicaštayatapi kin icahda itancan hecapi.

WICOWOYAKE 19.

1 Unkan hena iyohakam Nahaš Anmon cinca wicaštayatapi kin ta, qa heekiya cinhintku wawidaka.

2 Unkan Dawid heya, Hanun Nahaš cinhintku kin wowacantkiye ecawecon kta, atkuku wowacantkiye ecamicon nakaš; qa Dawid wahošiye atkuku on kicanptapi kta ekta ye wicaši. Unkan Dawid taokiye Hanun kicanptapi kta e Anmon cinca tamakocepi kin ekta ipi.

3 Unkan Anmon cinca itancanpi kin Hanun heciyapi, Niišta kin en niyate kinihanpi kta on, wakicanpta Dawid niye en u wicaši he? Tonwanyanpi, qa ihangyapi, qa makoce kin iwan-yakapi kta on en hipi šni he?

I. ANPETU OYAKAPI,

4 Unkan Hanun Dawid taokiye iwicacu, qa putinhin wicakasan, qa taheyake cokaya bawicakicašpe cana ekta, qa kihde wicaya.

5 Unkan tuwe Dawid ekta i, qa wicašta qon toketu, qa nina ištecapi okiyaka; heon tuwe itkowicakipa yeši, qa wicašta yatapipi kin heya, Jeriho en yankapo, putinhin inicicağapi kte cin hehanyan, qa hehan hdi.

6 Unkan Anmon cinca kin Dawid itokam śicamna içiyapi wanhdakapi qehan, Hanun, qa Anmon cinca kin mazaska woqin kektopawinge wan yeyapi, on canpahmihma, qa śuktanka akan yotankapi opetonpi kta, Aram wakpa otahedan etanhan, qa Aram Mayaka etanhan, qa Tzoba etanhan.

7 Unkan canpahmihma kektopawinge wikcemna yamni sanpa kektopawinge nonpa, nakun Mayaka wicaštayatapi kin, qa oyate tawa opewicatopni. Unkan upi qa Medeba itokam hiwankapi. Unkan Anmon cinca kin otowewitawapi etanhan ihduwitayapi, qa wokicize en hipi.

8 Unkan Dawid nahon qehan, Joab qa wicašta waśaka obe kin owasin ekta yewicaši.

9 Unkan Anmon cinca kin inanpapi, qa kizapi kta otowewitawapi itankan ocimdağehan najinpi, qa wicašta yatapi hipi qon hena itankan kinukan tinta ekta yakonpi.

10 Unkan Joab ozuye iye tatpe u, iye itokam hektam koya wanyake qehan, Israel kañniğapi kin owasin etanhan wicašta wicakaliñiğ, qa Aram itkokim ocimdağ yewicaya.

11 Qa oyate unman kin iye cinca Abiśai nape en wicaqu; unkan ocimdağ Anmon cinca kin tatpe iwicayayapi.

12 Unkan heya, Aram miye isanpa waśake cinhan nimayaye kta en hidu kta, qa Anmon cinca kin niye isanpa waśakapi kinhan miye niciye kta.

13 Waśaka wo, qa wadiuntakapi kta, oyate unkitawapi on, qa tuwe wakanundapi totonwe kin on. Unkan Jehowa taku iye išta kin en wašte kin econ kte.

14 Unkan Joab, qa oyate iye opapi kin Aram wicakizapi wicikiyedan ipi. Unkan nakici-papi.

15 Unkan Anmon cinca kin Aram napapi kin wanyakapi qehan iś eya napapi, cinca Abiśai itokapa tanhan, qa otowewitawapi ipi. Unkan Joab Jerusalem en hdi.

16 Unkan Aram iyepi Israel itokam ktepidan kin wanhdakapi qehan, wahošiye yewicaşıpi, qa Aram wakpa kin akasanpa yakonpi kin, hena hinanpe wicayapi. Unkan Šopak Hadarezer tabe itancan kin mdetanhunka yuhapi.

17 Unkan Dawid okiyakapi; unkan Israel owasin mnawicaya, qa Jordan iyuweğ, qa en wicai, qa ocimdağ tatpe wicai; hecen Dawid Aram itkokim ozuye en tatpe wicai, qehan kicizapi.

18 Unkan Aram Israel itokapa tanhan napapi. Unkan Dawid, Aram etanhan, canpahmihma wicasta kektopawinge śakowin wicakte, qa huiyun wicašta kektopawinge wikcemna topa; nakun Šopak ozuye mdetanhunka te kiya.

19 Unkan Hadarezer taokiye, iyepi Israel itokam ktepidan kin wanhdakapi qehan, Dawid om wokiyapi, qa wowidag içiyapi. Hecen Aram Anmon cinca kin sanpa ówicakiyapi kta tawatenyapi śni.

WICOWOYAKE 21.

WICOWOYAKE 20.

1 Unkan waniyetu ihunniyapi qehan, wicaŕtayatapi inanpapi iyehantu, Joab obe wowaŕake mnayan, qa Aram cinca tamakocepi kin ihang ya, qa Rabba ekta i, qa aonataka; tuka Dawid Jerusalem ohna yanka. Qa Joab Rabba kaŕtake a pajuju.

2 Unkan Dawid wicaŕtayatapi wateŕdake tawa kin pa kin etanhan icu, qa he mazaskazi aspeyapi, woqin wanji iyehantu iye-ya, qa ohna inyan tehika yukan; unkan Dawid pa kin akan ehna-kapi. Unkan otonwe etanhan woyuha nina ota icu.

3 Qa oyate ohna yakonpi kin hinanpe wicaya, qa canibaksa on iwicadaka, qa mazasapa mahiyuhinte on, qa onspe on. Nakun Dawid Anmon cinca tonwanyanpi kin owasin he iyecen ecawicakicon; hehan Dawid, qa oyate kin owasin Jerusalem en hdi.

4 Unkan hena iyohakam wokicize yukan Pilistim om, Gezer ekta qehan Sibbekai Huŕati kin Sipai he Rapa cinca etanhan kaŕtaka; hecen wicaktepidan.

5 Unkan ake Pilistim om wokicize en Elhanan he Jayir cinhintku Lahmi Golia Gati sunkaku kaŕtaka, iye tawahukeza ihupa kin wakazuntapi ihupa kin iye-ceca.

6 Unkan ake Gat ekta wokicize yukan. Unkan wicaŕta wan hanksa napsukaza ŕakpekpe, qa siyukaza ŕakpekpe wikcemna nonpa sanpa topa; qa iŕ eya Rapa kin etanhan icaga.

7 Qa Israel iŕten wicaya. Unkan Jonatan he Dawid cinu ŕimeya cinhintku kin, he kaŕtaka.

8 Hena Gat ohna Rapa kin kicicnpi. Unkan Dawid nape on,

qa taokiye napepi kin on hin-
lipayapi.

WICOWOYAKE 21.

1 Unkan Satan Israel anajin, qa Israel wicayawa kta Dawid iyopaŕtaka.

2 Unkan Dawid Joab, qa oyate itancanpi kin hewicakiya, Hoppo, Israel wicayawapo, Berŕeba etanhan Dan aiyahdeya, qa oyawa kin miye makaupo.

3 Unkan Joab heya, Jehowa iye taoyate tonaka unpi opawinge akihde wicayuota nunwe. Itancan mitawa wicaŕtayatapi, hena owasin itancan mitawa taokiye hecapi ŕni he? Tokeca itancan mitawa taku kin de cin, qa Israel woahŕtani wicakiciyawapi kta?

4 Tuka wicaŕtayatapi oie kin Joab ohiya; hecen Joab iyaye a Israel owancaya omani, qa Jerusalem en hdi.

5 Qa Joab oyate oyawa kin Dawid qu. Unkan Israel owasin kektopawinge kektopawinge sanpa kektopawinge opawinge isan hdusdutapi, qa Juda kektopawinge opawinge topa sanpa kektopawinge wikcemna ŕakowin wicaŕta isan hdusdutapi.

6 Tuka Lewi, qa Benjamin ekta wicai ŕni; wicaŕtayatapi oie kin Joab wahteda ŕni nakaŕ.

7 Unkan wicoie kin de Wakan-tanka iŕta kin en ŕica; heon Israel wicakaŕtaka.

8 Unkan Dawid Wakantanka heciya, Wicoie kin de ecamon miye nina wawahtani, qa wanna ceciciye nitaokiye ohan ŕica kin kicicajuju ye, witkotkoya ecamon nakaŕ.

9 Unkan Jehowa Dawid wawanyaka tawa Gad, wahokonkiye a heya,

10 Ho wo, Dawid wahokonkiye

I. ANPETU OYAKAPI,

ça heciya wo; Jehowa hecen eya, Taku yamni miye nitokam mduzamni. Hena etanhan wanji kañiga wo, qa he ecacicon kta.

11 Unkan Gad Dawid en hi qa heciya, Jehowa hecen eya, Niye on kañiga wo.

12 Waniyetu yamni wicaakihan kta; qa is wi yamni tokaniyanpi itokam ihangyapi, qa tokaniyanpi isan tawapi iyonihipi kta; qais anpetu yamni Jehowa taisan, qa makošice kin makoce ohna, qa Jehowa ohnihde kin Israel makoce kin owancaya waihang ye kta; unman tukte *kañiga wo*, eya. Qa wanna iyukcan wo, taku wicoie tuwe umaši wakai kta.

13 Unkan Dawid Gad heciya, Taku nina amaskica. Tokin Jehowa nape kin en mahinipayen, towaonsida kin nina tanka nakaš; qa wicašta nape en mahinipaye šni nunwe.

14 Unkan Jehowa makošice Israel ehna yekiya. Unkan Israel wicašta kektopawinge wikcemna šakowin hinipayapi.

15 Unkan Wakantanka ohnihde wan Jerusalem ihangye kta e ekta yeši, qa waihangye čehan, Jehowa wanyake ça taku šice cin on iypeiçiya; qa ohnihde waihangye cin heciya, Henakeca, wanna nape ehdaku wo. Unkan Jehowa ohnihde tawa kin Ornan Jebusi aguyapi napanpi tawa kin ikiyedani hinajin.

16 Unkan Dawid wankan etonwe ça Jehowa ohnihde tawa maka qa malpiya otahedan najin kin wanyaka, qa isan hduşduta nape kin ohna Jerusalem ekta-kiya hduğata; hehan Dawid, qa hunkayapi kin wakihdaka koya-kapi kin makipusdiya hinipayapi.

17 Qa Dawid Wakantanka he-

ciya, Oyate wicayawa wo, eye ciqon he miye šni he? qa miye-ñin wawahtani, qa taku šica šicaya ecamon; tuka tañinca kin dena taku econpi tukteehe? Jehowa Wakancida ceciciye, ninape kin miye akan, qa ate ti kin akan un nunwe; tuka oyate nitawa ihang wicayaye šni nunwe.

18 Unkan Jehowa ohnihde kin Gad heciya, Dawid itanwankan- hde ye kta, qa Ornan Jebusi ohna aguyapi napanpi tawa kin ohna owayušna Jehowa kicağe kta, keciya wo.

19 Unkan Dawid Gad oie Jehowa cajeyan eye cin iyecen itanwankanhde i.

20 Unkan Ornan ihduhomni, qa ohnihde kin wanyaka, qa cinhintku topa kici unpi inahmanpi; hehan Ornan aguyapi kapan yan-ka.

21 Unkan Dawid Ornan ekta iyaya. Unkan Ornan tonwe ça Dawid wanyaka, qa wakapanpi kin etanhan inanpe ça makipusdiya Dawid ohoda.

22 Unkan Dawid Ornan heciya, Wakapanpi oyanke kin de maqu ye, kinhan ohna owayušna wan Jehowa wecağe kta, mazaska iyohiye cin on mayaqu kte; hecen makošice kin oyate etanhan anapte kta.

23 Unkan Ornan Dawid heciya, Niye on icu wo, qa itancan mitawa wicaštayatapi kin taku išta kin en wašte econ nunwe. Iho ciçu, tatanka kin woluhnahiyapi on, qa canwinapan kin can on, qa aguyapi su kin minha on, he- na owasin ciçu.

24 Unkan wicaštayatapi kin Dawid Ornan heciya, Hiya, mazaska iyohiye cin on awicakehan opewaton kta. Taku nitawa iwa- cu kte šni, qa taku ituya maqu-

WICOWOYAKE 22.

pi kin Jehowa wawakiyuśna kte śni.

25 Unkan Dawid oyanke kin on Ornan mazaskazi šeql opawinge śakpe tkeuta qu.

26 Unkan hen Dawid owayuśna wan Jehowa kicađe ąa wo-
huhnahyapi, ąa wopida wośnapi
wayuśna, ąa Jehowa hoyekiya.
Unkan Jehowa ayupta peta on,
mahpiya etanhan, wohuhnahyapi
owayusna akan.

27 Unkan Jehowa ohnihde kin
eciye cion on isan kin ojuha
mahen hdicukiya.

28 Hehan Dawid Jehowa Ornan
Jebusi kin wakapanpi oyanke kin
ohna ayupte cin wanyaka heon,
hen wayusna.

29 Tuka he ehan Jehowa tawa-
keya Mowis hewoskan kicađe ci-
qon, ąa wohuhnahyapi owayusna
kin Gibeyon paha kin ohna yan-
ka.

30 Unkan Dawid Wakantanka
akite kta he itokam ye kta okihi
śni. Jehowa ohnihde kin isan
tawa kokipe cin heon etanhan.

WICOWOYAKE 22.

1 ąa Dawid heya, Jehowa Wa-
kantanka ti kin dee, ąa Jehowa
wohuhnahyapi on owayusna kin
dee.

2 ąa Dawid wicaśta oyate to-
keca Israel makoce ohna yakon-
pi kin hena mniciye wicayaśi,
ąa wakakanpi wicakađa, Wakan-
tanka ti kin on inyan omdoton
kakanpi kta heon.

3 ąa mazasapa ota tankan ti-
yopa okatkuđe on, ąa okihe kin
on Dawid wiyeya kađa, ąa ma-
zaśa ota nakaś aspeyapi śni.

4 Nakun hanteśa can yawapica
śni; Tzidoni, ąa Tzuri, kin han-
teśa can ota Dawid kahipi na-
kaś.

5 ąa Dawid heya, Solomon mi-
cinkśi he hokśidan, ąa wanka-
dan, ąa tipi Jehowa kicađe kte
cin he tanka kte, ąa tehanwan-
kan, ąa makoce owasin ohna ąaje
yatapi ąa yutanpi kta: heon de-
han wiyeya wecađe kta. ąa Da-
wid te cin itokam taku ota wi-
yeya kađa.

6 ąa cinhintku Solomon kico,
ąa Jehowa Israel wakandapi kin
tipi kicađe śi.

7 ąa Dawid Solomon heciya,
Micinkśi Jehowa wakanwada
ąaje on tipi wecađe kta e can-
tihewaya.

8 Tuka Jehowa oie kin en ma-
hi, ąa hemakiya, We ota yapa-
pson, ąa ozuye tanka yakađa;
heon micaje on tipi yecađe kte
śni; mitokam maka akan we ota
yapapson nakaś.

9 Iho cinca wan nicitonpi kta,
iye iyozi wicaśta heca kta, ąa
tokayapi ihdukśan owasin etan-
han oziwaye kta, ąa ąaje kin So-
lomon, (Wookiye,) eciyapi kta,
ąa anpetu tawa en Israel wooki-
ye, ąa woozi wicawaqu kta.

10 ąa iye micaje on tipi wan
kađe kta, ąa iye cinkśiwaye kta,
ąa miye ate maye kta, ąa wica-
śtatapi oiyotanke tawa on Is-
rael iwankam mdusuta kta, owi-
hanke wanica.

11 Heon micinkśi dehan Jeho-
wa nici un kte, ąa iyohiyaye kta,
ąa Jehowa wakanyada ti kin ya-
kađe kta, niye on eye cion iye-
cen.

12 Tokin Jehowa woksape, ąa
wowiyukcan niču kten, ąa Israel
iyadake kta, ąa Jehowa wakan-
yada toope oyape kta onspenici-
ye kten.

13 Wokađe, ąa woyaco Israel
on Jehowa Mowis econśi kin he-
na waktaya ecanon kinhan awi-
cakehan tanyan ihunniyaye kta.

I. ANPETU OYAKAPI,

Waśaka wo, qa minihca wo. Ihnuhan kopeyahda kin, qa ihnuhan niyuśinyaye cin.

14 Qa inyun makakija kin en mazaskazi woqin kektopawinge opawinge, qa mazaska woqin kektopawinge kektopawinge, qa mazaśa, qa mazasapa otahin on tkeutapi śni wiyeya wakaga; nakun can, qa inyan wiyeya wakaga; qa niye sanpa mnayaye kta.

15 Qa wokicanye econpi ota niciunpi; inyan qa can kakanpi, qa kajipapi, qa wokicanye owasin on wicaśta ksapa ota.

16 Mazaskazi, qa mazaska, qa mazaśa, qa mazasapa otahin on yawapi śni yukan; najin, qa kaga wo, qa Jehowa nici un nune.

17 Nakun Dawid Israel itancan kin owasin iye cinhintku Solomon ókiya wicaśi, *qa heya*,

18 Jehowa niyepi om un śni he? qa ihduksan iyozi niyanpi śni he? Ninapepi en makoce ounyanpi kin wicaqu nakaś; hecen Jehowa itokam, qa oyate tawa itokam makoce kin ohiyapi.

19 Tokin Jehowa wakanyadapi kin ayakitapi kta nicantepi kin, qa ninaġipi qupo; qa najinpo, qa tipi wakan Jehowa wakanyadapi kin kicaġapo. Hecen Jehowa otakuye canwohnaka kin, qa Wakantanka wakśica wakan tawa Jehowa caje on tipi kicaġapi kte cin en ahipi kta.

WICOWOYAKE 23.

1 Unkan Dawid wicaġinca, qa anpetu on inma qehan, iye cinhintku Solomon Israel on wicaśtayatapi kaga.

2 Qa Israel itancanpi kin owasin, qa wawayuśnapi kin, qa Lewi kin mniciye wicaya.

3 Qa Lewi kin wicayawapi,

waniyetu wikcemna yamni, qa isanpa, qa wicaśta waśaka papi kin yawapi kin kektopawinge wikcemna yamni sanpa kektopawinge śahdogan iyewicayapi;

4 *Qa heya*, Hena etanhan kektopawinge wikcemna nonpa sanpa kektopawinge topa Jehowa ti wokicanye econ wicakiyapi ecee kta; qa kektopawinge śakpe wwapikaġa, qa wayaco hecapi ecee kta;

5 Qa kektopawinge topa tiyopa awanyakapi kta, qa kektopawinge topa dowan ikicanye wakage cin on Jehowa idowanpi kta.

6 Unkan Dawid Lewi cinca Gerśon Qohat, qa Merari obepi kin etanhan wicapamni.

7 Gerśoni kin etanhan Layadan, qa Śimeyi;

8 Layadan cinca kin Jehijel he itancan, qa Zetam qa Joel, yamnipi.

9 Śimeyi cinca kin Śelomit, qa Hazijel qa Haran, yamnipi, hena Layadan ateyapi itancanpi kin eepi.

10 Śimeyi cinca kin Jaġat, qa Zina, qa Jeyuś, qa Beriya; hena topa Śimeyi cinca.

11 Jaġat he itancan, qa Zina he inonpa; tuka Jeyuś qa Beriya cinca hduotapi śni, heon ateyapi ti en wopamni wanjidan wicayawapi.

12 Qohat cinca kin Amram, Itzhar, Hebron, qa Uziel, topapi.

13 Amram cinca kin Aaron, qa Moses; qa Aaron kaġniġapi, taku iyotan wakan kin yuwakan kta, iye, qa iye cinca kin owihanke wanin Jehowa itokam wizinyapi kta, qa waokiyapi kta, qa iye caje kin on wayawaśtepi kta, owihanke wanica.

14 Tuka Moses Wakantanka tawicaśta kin cinca kin Lewi wicoun om wicayawapi.

WICOWOYAKE 24.

15 Moses cinca kin Gersom, qa Eliyezer.

16 Gersom cinca kin Šebuel, he itancan.

17 Qa Eliyezer cinhintku Rehabeja itancan; qa Eliyezer cinca tokeca nica; tuka Rehabeja cinca kin, nina ihduotapi.

18 Itzhar cinca kin, Šelomet he itancan.

19 Hebron cinca kin Jerija itancan, Amarija inonpa, Jehaziel iyamni, Jeameyam itopa.

20 Uziel cinca kin Mika he itancan, qa Jišija he inonpa.

21 Merari cinca kin Mahli qa Muši. Mahli cinca kin Eleazar, qa Qiš.

22 Qa Eleazar cinca wica nica ŋa; tuka cunwintku yukan, qa timdo wicayapi Qiš cinca kin wicayuzapi.

23 Muši cinca kin Mahli, qa Yeder, qa Jeremot, yamnipi.

24 Lewi cinca ateyapi tipi kin hena eepi; ateyapi itancanpi kin wicapa tonakeca caje owicawapi wokicanye econpi kta waniyetu wikcemna nonpa qa akton, Jehowa ti kin wohtani kin econpi kta.

25 Dawid hecen eya nakaš, Jehowa Israel wakandapi kin iye taoyate oziwicaya, qa Jerusalem en onnyanpi kta owihanke wanca.

26 Qa Lewi kin wakeya kin, qa tawakšica owasin akiyuhapi wohtani kin he icimana yuhapi kte šni.

27 Hecen Dawid oie ebake kin eciyatanhan Lewi cinca kin wicayawapi, waniyetu wikcemna nonpa qa akton.

28 Hena Aaron cinca kin napepi ekta najinpi, Jehowa ti kin wohtani kin on; hocoka, qa owanka tipi kin awanyakapi kta; qa wokicanye wakan owasin yuhapi

kta, qa Wakantanka ti kin wohtani owasin econpi kta.

29 Aguyapi ocimdagehan ehdepi, qa aguyapi mdu minha kin on qa aguyapi zipzipedan onnapohiyapi codan on, qa aguyapi mazawiceonpa akan španyanpi on, qa ceğuguyapi on, nakun taku owasin aspekiyapi, qa iyutapi on.

30 Qa hanhanna owasin Jehowa yatanpi, qa abiyayapi kta e najinpi ece, qa htayetu nakun iyeccen najinpi ece.

31 Woħuħnahiyapi owasin Jehowa ħuħnahkiciyapi kta, anpetu okihpapi en, qa witeca kin en, qa omniciye wakan en, woyaco econ wicašipi kin iyeccen, ohinniyan Jehowa itokam iyenaka ahipi ece e kta.

32 Qa itkokipapi wakeya kin awanyakapi kta, qa tipi wakan kin nakun cinye wicayapi Aaron cinca kin Jehowa ti wohtani kin taku awanyag wicašipi kin owasin.

WICOWOYAKE 24.

1 Unkan Aaron cinca ošpaye kağapi kin dena eepi. Aaron cinca kin Nadab qa Abihu, Eleazar qa Itamar;

2 Tuka Nadab qa Abihu ateyapi kin itokam ŋapi qa cinca nicapi; qa Eleazar, qa Itamar wawayušnap ece e.

3 Unkan Dawid, qa Zadoq Eleazar cinca kin etanhan, qa Ahimelek Itamar cinca kin etanhan wicapamnipi, wohtanipi kin awanyakapi kta.

4 Qa Eleazar cinca wicašta wašaka itancan ota iyewicayapi; Itamar cinca kin isanpa; heon Eleazar cinca kin ateyapi tipi itancanpi kin wikcemna sanpa šakpe wicapamnipi, qa Itamar

I. ANPETU OYAKAPI,

cinca ateyapi tipi itancanpi šahdogan.

5 Qa napin oeconna on wicapamnipi, tipi wakan itancan, qa taku wakan itancan on, Eleazar cinca etanhan, qa Itamar cinca etanhan.

6 Qa Semaja Netaneel Lewi kin etanhan wowapikağa kin owicawa, wicaštayatapi kin itokam, qa itancanpi kin, qa Zadoq wawayuśna, qa Abiatar cinhintku Ahimelek qa wawayuśnapi kin qa Lewi kin ateyapi itancanpi kin itokam tipi ateyapi icupi, Eleazar etanhan, qa Itamar etanhan, unman itokto icupi.

7 Unkan oeconna tokaheya inanpe cin Jehojarib on, inonpa kin Jedaja on,

8 Iyamni kin Ĥarim on, itopa kin Šeyarim on,

9 Izaptan kin Malkija on, iśakpe Mejamin on,

10 Iśakowin kin Haqotz on, iśahdogan kin Abija on,

11 Inapcinwanka kin Jeśuya on, iwikcemna kin Šekanija on,

12 Iakewanji kin Eleaśib on, iakenonpa kin Jaqim on,

13 Iakeyamni kin Ĥupa on, iaketopa kin Jeśebab on,

14 Iakezaptan kin Bilya on, iakeśakpe kin Inmer on,

15 Iakeśakowin kin Hezir on, iakeśahdogan kin Hepitzetz on,

16 Iakenapcinwanka kin Petaheja on, iwikcemna nonpa kin Jehezeqel on,

17 Iwikcemna nonpa sanpa wanjji kin Jakin on, iwikcemna nonpa sanpa nonpa kin Gamul on,

18 Iwikcemna nonpa sanpa yamni kin Delaja on, iwikcemna nonpa sanpa topa kin Mayazija on.

19 Hecen wicayawapi wolıtaniipi kin on, Jehowa ti kin en hipi kta, ateyapi Aaron woyaco econ

wicaši kin iyecen, Jehowa Israel wakandapi kin econ ši qon iyecen.

20 Lewi unmanpi kin etanhan, Anram cinca kin etanhan Šubael, qa Šubael cinca etanhan Jehe-dija.

21 Rehabeja etanhan, Rehabeja cinca etanhan Jeśija he tokaheya.

22 Itzĥari etanhan Šelomut, qa Šelomut cinca etanhan Jaĥat.

23 *Hebron cinca* kin Jerija he *tokaheya*, Amarija he inonpa, Jahaziel he iyamni, Jeqameyan he itopa.

24 Uziel cinca kin Mika, qa Mika cinca etanhan Šamir.

25 Mika sunkaku Jiśija, qa Jiśija cinhintku Zekarija.

26 Merari cinca kin Maĥli qa Muśi, Jayazija cinca kin Beno.

27 Merari cinca kin Jayazija etanhan Beno, qa Šoham, qa Zakur qa Yibri.

28 Maĥli etanhan Eleazar tuka iye cinca wica nica.

29 Qiś etanhan, Qiś cinhintku Jeraĥmeel.

30 Qa Muśi cinca kin Maĥli, qa Yeder, qa Jeremot. Lewi cinca ateyapi tipi kin hena eepi.

31 Qa hena iś eya on hunkawanji wicayapi Aaron cinca kin iyecen oeconna econpi, wicaštayatapi kin Dawid itokam, qa Zadoq, qa Ahimelek, qa wawayuśnapi, qa Lewi ateyapi *tipi* itancanpi kin itokam, *ateyapi* tipi tokapapi qa sunkawicayapi hakakta kin iake dececa oeconna on wicapamnipi.

WICOWOYAKE 25.

1 Unkan Dawid, qa obe mde-tanhunkapi kin, Asap cinca etanhan, qa Heman qa Jedutun cincapi etanhan waayatapi wicayukinukanpi, candowankiyapi,

qa cotanka, qa mazaicicasnapi wolitani kin on; qa wicašta miniheca wolitani kin on dena wicayawapi.

2 Asap cinca kin etanhan Zakur, qa Josep, qa Netaneja, qa Asarela; Asap cinca, Asap waayate kin nape ekta wicaštayatapi kin konze cin iyecen.

3 Jedutun etanhan Jedutun cinca šakpe Gedaleja, qa Tzeri, qa Ješayeja, qa Hašabeja, qa Matiteja, *qa Simeyi* Jehowa yatanpi, qa idowanpi candowankiyapi on Jedutun waayate nape kin ihukuya.

4 Heman etanhan Heman cinca kin Buqeja, Mataneja, Uziel, Šebuel, qa Jerimot, Hananeja, Hanani, Elijata, Gedalti, Roman tiezer, Jošbeqaša, Malloti, Hotir, Maħaziot;

5 Hena owasin Heman wicaštayatapi wawanyake tawa kin cinca kin, Wakantanka oie en wowašake wankan yeyapi kta. Wakantanka Heman cinca wica wikcemna sanpa topa, qa winyan yamni qu nakaš.

6 Hena owasin ateyapi napepi kin ihukuya, Jehowa ti kin dowanpi en mazaicicasnapi, qa cotanka, qa candowankiyapi on Wakantanka ti wolitani kin econpi, wicaštayatapi kin, qa Asap, qa Jedutun, qa Heman napepi kin ihukuya.

7 Qa hena sunka wicayapi Jehowa dowan onspepi kin om wicayawapi, tona wayupikapi owasin opawinge nonpa sanpa wikcemna šahdoğan sanpa šahdoğan.

8 Qa tohantu waktaya unpi kta on oeconna econpi, hakakta qa tokapa, wayupika qa onspe šni iakedececa.

9 Qa oeconna tokaheya kin Asap etanhan Josep on inanpa, inonpa kin Gedaleja on, iye qa

sunka wicaya qa cinkši wicaya wikcemna sanpa nonpapi.

10 Iyamni Zakur on, *iye qa* cinkšiwicaya, qa sunkawicaya wikcemna sanpa nonpapi;

11 Itopa kin Jitzir on, *iye qa* cinkšiwicaya, qa sunkawicaya wikcemna sanpa nonpapi,

12 Izaptan kin Netaneja on, *iye qa* cinkšiwicaya qa sunkawicaya wikcemna sanpa nonpapi;

13 Isakpe kin Buqeja on, *iye qa* cinkšiwicaya, qa sunkawicaya wikcemna sanpa nonpapi.

14 Isakowin kin Jesarela on, cinkšiwicaya, qa sunkawicaya wikcemna sanpa nonpapi.

15 Isahdoğan kin Ješayeja cinkšiwicaya, qa sunkawicaya wikcemna sanpa nonpapi.

16 Inapcinwanka kin Mattaneja cinkšiwicaya, qa sunkawicaya wikcemna sanpa nonpapi;

17 Iwikcemna kin Simeyi cinkšiwicaya, qa sunkawicaya wikcemna sanpa nonpapi;

18 Iakewanji Azariel cinkšiwicaya, qa sunkawicaya wikcemna sanpa nonpapi;

19 Iakenonpa kin Hašabeja on, *iye qa* cinkšiwicaya, qa sunkawicaya wikcemna sanpa nonpapi;

20 Iakeyamni kin, Šubael cinkšiwicaya, qa sunkawicaya wikcemna sanpa nonpapi;

21 Iaketopa kin Matiteja cinkšiwicaya, qa sunkawicaya wikcemna sanpa nonpapi;

22 Iakezaptan kin Jeremot on, *iye qa* cinkšiwicaya qa sunkawicaya wikcemna sanpa nonpapi;

23 Iakešakpe kin Hananeja on, *iye qa* cinkšiwicaya qa sunkawicaya wikcemna sanpa nonpapi;

24 Iakešakowin kin Jošbeqaša on, *iye qa* cinkšiwicaya, qa sunkawicaya wikcemna sanpa nonpapi;

I. ANPETU OYAKAPI,

25 Iakešahdoğan kin Hanani on, *ie qa cinkšiwicaya*, qa sunkawicaya wikcemna sanpa nonpapi;

26 Iakenapcinwanka kin Malloti on, *ie qa cinkšiwicaya* qa sunkawicaya wikcemna sanpa nonpapi;

27 Iwikcemna nonpa kin Elijata on, *ie qa cinkšiwicaya* qa sunkawicaya wikcemna sanpa nonpapi;

28 Iwikcemna nonpa sanpa wanj Hotir on, *ie qa cinkšiwicaya* qa sunkawicaya wikcemna sanpa nonpapi;

29 Iwikcemna nonpa sanpa nonpa kin Gedalti on, *ie qa cinkšiwicaya* qa sunkawicaya wikcemna sanpa nonpapi;

30 Iwikcemna nonpa sanpa yamni kin Mahaziot on, *ie qa cinkšiwicaya* qa sunkawicaya wikcemna sanpa nonpapi;

31 Iwikcemna nonpa sanpa topa kin Romanti-ezer on, *ie qa cinkšiwicaya* qa sunkawicaya wikcemna sanpa nonpapi.

WICOWOYAKE 26.

1 Tiyopa awanyakapi obepi kin Qorahi etanhan, Mešelemija he Qore cinhintku, Asap cinca kin etanhan.

2 Qa Mišelemija cinca kin etanhan Zekaraja he tokapa, Jediyel he inonpa, Zebadeja he iyamni, Jatniel he itopa,

3 Elam he izaptan, Johanan he isakpe, Elihoyenai he isakowin.

4 Obed-Edom cinca kin etanhan Šemayeja he tokapa, Jehozabad he inonpa, Joah he iyamni, Sakar he itopa, Netaneel he izaptan,

5 Anmiel he isakpe, Issakar he isakowin, Peyulti he isahdoğan; Wakantanka he yawašte nakaš.

6 Nakun iye cinhintku Šemayeja cinca kicitonpi kin hena ateyapi

pi ti kin idakapi ece, hena wicašta wašaka waditakapi nakaš.

7 Šemayeja cinca kin Otni, qa Repael, qa Obed, qa Elzabad, he sunkaku Elihu qa Semakeja wicašta waditakapi.

8 Hena owasin Obed-Edom cinca etanhan heepi qa cincapi qa sunkakupi kin wicašta waditaka, wolitani on wašaka, wikcemna šakpe sanpa nonpa, Obed-Edom etanhan.

9 Nakun Mešelemija etanhan cinca qa sunka wicaya wicašta waditaka wikcemna sanpa šahdoğan.

10 Nakun Hosa Merari cinca etanhan cinca kin Šimri he itancan, iye tokapa heca šni, tuka atkuku he itancan kağa.

11 Halqija he inonpa, Tebaleja he iyamni, Zekareja he itopa; Hosa cinca qa sunka wicaya owasin wikcemna sanpa yamni-pi.

12 Hena ehna tiyopa awanyakapi kin pamnapi, wicašta wašaka awanyakapi itancanpi kin ehna, sunkawicayapi om, Jehowa ti kin ohna waokiyapi kta.

13 Qa tona cistinna tona tanka om ateyapi tipi kin tiyopa otioyohi on oeconna econpi.

14 Qa wihinanpe cin ektakiya kin Šelemija oeconna on icupi. Heban iye cinhintku Zekareja, waiyukcan ksapa on oeconna econpi, qa iye oeconna on waziyata kin inanpa.

15 Obed-Edom on okağa kin; qa iye cinca kin womnaye tipi kin.

16 Šupim; qa Hosa on wiyo-hpeyata kin oehpeyapi tiyopa kin iyahna itanwankanhde canku kin ohna waawanyake waawanyake iyotakonza.

17 Wihinanpe cin ektakiya Lewi šakpe, waziyata anpetu

WICOWOYAKE 27.

on topa, itokağa anpetu on topa, womnayanpi on nonpa, qa nonpa.

18 Parbar (awakeyapi) wiyo-hpeyata canku kin on topa, qa Parbar on nonpa.

19 Tiyopa awanyakapi obepi kin hena eepi, Qorahi cinca kin etanhan, qa Merari cinca etanhan.

20 Unkan hunkawanji wicayapi Lewi kin Wakantanka ti mazopiye kin, qa taku yuwakanpi mazopiye kin awanyakapi.

21 Layadan cinca kin, Gersóni cinca kin Layadan etanhan, Gersóni Layadan ateyapi *tipi* itancanpi kin Jehieli.

22 Jehieli cinca kin Zetam, qa sunkaku Joel Jehowa ti mazopiye kin awanyakapi.

23 Amrami etanhan, Itzhari etanhan, Hebroni etanhan, qa Uzieli etanhan;

24 Moses cinhintku Gersom cinhintku Sebuél mazopiye awanyakapi kin owasin itancan.

25 Qa sunka wicaya Eliezer etanhan, he cinhintku Rehabeja, qa he cinhintku Jesayeja, he cinhintku Joram, qa he cinhintku Zikri, qa he cinhintku Šelomit.

26 Šelomit iye qa sunka wicaya Dawid wicaštayatapi kin taku yuwakan, qa ateyapi *tipi* itancanpi kin, qa kektopawinge itancanpi kin, qa opawinge itancanpi kin, qa ozuye mdetanhunkapi kin taku yuwakanpi mazopiye owasin awanyakapi.

27 Ozuye en woyuha kipi etanhan Jehowa ti kin pikiyapi kta e hena yuwakanpi.

28 Nakun Samuel wawanyaka kin, qa Saul Qis cinhintku, qa Abner Ner cinhintku, qa Joab Tzeruja cinhintku, taku yuwakanpi kin owasin Šelomit, qa sunkawicaya napepi kin ihuku-

ya, taku yuwakanpi kin owasin yuhapi.

29 Itzhari etanhan Kenaneja, qa iye cinca kin wohtani tankan, Israel on econpi, wowapi kağapi, qa wayacopi ece.

30 Hebroni etanhan Hašabeja, qa sunkawicaya, wicašta waditaka, kektopawinge sanpa opawinge šakowin, Israel Jordan itato wiyohpeyatakiya iwicadakapi, Jehowa wokicanye kin, qa wicaštayatapi wohtani kin owasin on.

31 Hebroni etanhan Jerija he itancan, Hebroni etanhan wicoicagepi ateyapi kin etanhan. Jayezer Gilejad ohna wicašta wašaka waditaka iyewicayapi, Dawid iwicadake cin waniyetu iwikcemna topa en akitapi qehan.

32 Qa sunkawicaya wicašta waditaka kektopawinge nonpa sanpa opawinge šakowin ateyapi *tipi* itancanpi. Unkan wicaštayatapi kin Dawid hena Rubeni kin, qa Gadi kin, qa Manaše wicoun hanke kin awanwicayag wicaši, wicaštayatapi taku tawa on, qa Wakantanka taku tawa owasin on.

WICOWOYAKE 27.

1 Unkan Israel cinca ateyapi *tipi* itancanpi kin iyecen wicayawapi; qa kektopawinge mdetanhunkapi, qa opawinge mdetanhunkapi kin, qa wowapi kağapi obe tawapi en taku owasin on wicaštayatapi kin ókiyapi, qa omaka ihunniyan wi otoiyohi ošpaye wanji wicašta kektopawinge wikcemna nonpa sanpa kektopawinge topa en hiyupi, qa obe wanji inanpa.

2 Obe tokaheya wi tokaheya on Jašobeyam Zabdiel cinhintku yuha, qa obe tawa kin en *wicasta*

I. ANPETU OYAKAPI,

kektopawinge wikcemna nonpa sanpa kektopawinge topa.

3 Parez cinca kin etanhan wi tokaheya ozuye mdetanhunka kin owasin iye itancan.

4 Qa wi inonpa on Doda Ahohi kin obe kin yuha, obe tawa itancan kin he Miqlot, qa obe tawa ohna kektopawinge wikcemna nonpa sanpa kektopawinge topa.

5 Benaja Jehojada wawayuśna kin cinhintku wi iyamni on obe iyamni mdetanhunka, iye itancan, qa obe tawa ohna kektopawinge wikcemna nonpa sanpa kektopawinge topa.

6 Benaja kin he wikcemna yamni ehna waśaka, qa wikcemna yamni kin iwankam, qa iye cinhintku Ammizabad obe tawa he itancan.

7 Yasahel Joab sunkaku itopa kin wi itopa on, qa iye iyohakam iye cinhintku Zebadeja, qa obe tawa ohna kektopawinge wikcemna nonpa sanpa kektopawinge topa.

8 Mdetanhunka izaptan wi izaptan on, Samehut Izrahi kin, qa obe tawa kin ohna kektopawinge wikcemna nonpa sanpa kektopawinge topa.

9 Isakpe wi isakpe on Yira Yiqeś cinhintku Teqoyi kin, qa obe tawa ohna kektopawinge wikcemna nonpa, sanpa kektopawinge topa.

10 Qa isakowin kin, wi isakowin on Heletz Peloni kin Ephraim cinca kin etanhan, qa obe tawa ohna kektopawinge wikcemna nonpa sanpa kektopawinge topa.

11 Isahdogan wi isahdogan kin on, Sibbeka Huśati kin Zerahi kin etanhan, qa obe tawa ohna kektopawinge wikcemna nonpa sanpa kektopawinge topa.

12 Inapcinwanka wi inapcinwanka kin on, Abiyezer Anatoti

kin Benjamini kin etanhan, qa obe tawa ohna kektopawinge wikcemna nonpa sanpa kektopawinge topa.

13 Iwikcemna kin wi iwikcemna on, Mahara Netopati kin, Zerahi kin etanhan, qa obe tawa ohna kektopawinge wikcemna nonpa sanpa kektopawinge topa.

14 Iakewanji wi iakewanji on, Benaja Pereyatoni kin, Ephraim cinca kin etanhan, qa obe tawa ohna kektopawinge wikcemna nonpa sanpa kektopawinge topa.

15 Iake nonpa wi iake nonpa on, Heled Netopati kin, Otniel etanhan, qa obe tawa ohna kektopawinge wikcemna nonpa sanpa kektopawinge topa.

16 Unkan Israel wicoun iwan-kam, Rubeni itancan kin Eliyezer Zikri cinhintku hee. Simeoni on itancan kin Sepateja Mayaka cinhintku.

17 Qa Lewi kin Haśabeja Qemuel cinhintku; Aaroni kin Zadoq.

18 Juda on Elihu Dawid cinco; Issakar on Omri Mikael cinhintku;

19 Zebulon on Ismayeja Obadeja cinhintku; Naptali on Jerimot Azriel cinhintku;

20 Ephraim cinca kin on Hośeya Yazazeja cinhintku; Manaśe wicoun hanke kin on Joel Pedaja cinhintku;

21 Manaśe wicoun hanke Gilead ohna yanke cin on Iddo Zakareja cinhintku; Benjamin on Jayaśiel Abner cinhintku;

22 Dan on Yazariel Jeroham cinhintku; Israel wicoun mdetanhunkapi kin hena eepi.

23 Unkan Jehowa Israel yuota kta, mahpiya wicanhpi kin iye-naka keye ciqon; heon tona waniyetu wikcemna nonpa ihukuya oyawa kin Dawid icu śni.

WICOWOYAKE 28.

24 Joab Zeruja cinhintku *wica-sta* wicayawa iyuta tuka hecon kin on wocanniye Israel ahin-
hpaya, heon yuſtan ſni, qa wicaſtayatapi kin Dawid anpetu oyakapi wowapi akan oyawa kin owapi ſni.

25 Unkan wicaſtayatapi mazo-
piye tawa awanyake cin Azma-
wet he Yadiel cinhintku, qa Jo-
natan Yuzija cinhintku mazopiye
tinta ohna, qa otonwe tanka qa
cistinna ohna, qa conkaſke ohna
awanyaka ece.

26 Qa Ezri Kelub cinhintku
maġa wohtani econpi kin, qa
maka kicanyanpi kin awanwi-
cayaka.

27 Qa ſimeyi Ramati kin ha-
stanhanka iyuwi kin yuha. Qa
hastanhanka iyuwi etanhan mi-
niſa mazopiye kin Zabdi ſipmi
kin yuha.

28 Qa wihdican, qa Sukamin
can kin ſepela ohna Bayalhanan
Gederi kin awanyaka; qa wihdi
mazopiye kin Joaſ awanyaka.

29 Qa pte wanunyanpi ſaron
ohna wihanpi kin ſitri ſaroni
kin awanyaka. Qa ſapat Adila
cinhintku pte osmaka ohna ya-
konpi kin awanyaka.

30 Qa Obil Iſmaeli kin kamel
kin yuha. Qa Jehedeja Merono-
ti kin ſonſonna kin yuha.

31 Qa Jaziz Hagari kin tahnca
wanunyanpi kin awanyaka. He-
na owasin wicaſtayatapi kin Da-
wid woyuha tawa awanyakapi.

32 Unkan Dawid cinkſiye cin
Jonatan he wicaſta kſapa, qa
wowapikaġa heca, waiyukcan
ece. Qa Jehiel Hakmoni cin-
hintku wicaſtayatapi cinca kin
om un.

33 Qa wicaſtayatapi waiyukcan
yuhe cin Ahitopel hee. Qa Hu-
ſai Arki kin wicaſtayatapi kin
takodaku.

34 Qa Ahitopel iyohakam Je-
hojada Benaja cinhintku, qa Abi-
atar. Qa wicaſtayatapi taozuye
mdetanhunka kin Joab hee.

WICOWOYAKE 28.

1 Unkan Dawid Israel itancan-
pi kin owasin mniciye wicaya,
wicoun itancanpi kin, qa wica-
ſtayatapi okiyapi oſpaye itan-
canpi kin, qa kektopawinge itan-
canpi kin, qa opawinge itancanpi
kin, qa wicaſtayatapi, qa iye cin-
hintku woyuha tawapi, qa tawa-
nunyanpi kin yuhapi kin; nakun
owinja awanyakapi, qa wicaſta
tanka qa wowijice yuhapi kin
owasin Jerusalem ekta.

2 Qa wicaſtayatapi kin Dawid
siha akan najin, qa heya, Mihun-
kawanji, qa oyate mitawa na-
mahonpo. Tuwe Wakanundapi
siha ahehde on, qa Jehowa wo-
takuye canwohnaka iyozi kin on
tipi wakage kta micante en un,
qa kaġapi kta on wiyeya wehna-
ka ece.

3 Tuka Wakantanka hemakiya,
Ozuye wicaſta henica, qa we ota
yapapson; heon micaje on tipu
yakage kte ſni.

4 Tuka Jehowa Israel wakan-
dapi kin miye makahniga, ate ti-
wahe kin owasin etanhan, Israel
iwicadake kta owihanke wanin;
he qe Juda mdetanhunka kta e
kahniga, qa Juda ohna ate ti kin,
qa ate ti kin ohna miye Israel
owasin iwicawadake kta e iyo-
kipi.

5 Qa Jehowa cinca ota maqu,
qa micinca owasin etanhan Solo-
mon micinkſi kahniga, Jehowa
tokiconze oiyotanke kin akan
iyotanke kta, Israel iwankam.

6 Qa hemakiya, Nicinkſi Solo-
mon, iye tipu mitawa, qa hocoka
mitawa kage kte. Iye micinkſi

I. ANPETU OYAKAPI,

on wakañniga, qa iye atemaye kta.

7 Qa woahope mitawa, qa wo-yaco mitawa econ kta waşagiçiye cinhan, nakaha iyecen, woki-conze tawa mdusuta kta, owi-hanke wanica.

8 Qa nakaha Israel owasin Jehowa taomniciye wanmayakapi, qa tuwe wakan undapi kin namahon en, Waktaya unpo, qa Jehowa wakanundapi tawoahope owasin akitapo; hecen makoce wašte kin de tawayayapi kta, qa niyepi ohakam nicinca kin yuhe wicayakiyapi kta owi-hanke wanica.

9 Qa micinksi Solomon, niye tuwe niyate wakanda kin sdonya wo, qa cante ecedan on okiya wo, qa naçi iyokipiya on; Jehowa wicacante owasin iwanyaka, qa tawacinpi okaçe kin owasin okahniğa nakaş; heon ayakite cinhan iyeyaye kta, tuka aduştan kinhan owi-hanke wanin eļpeniye kta.

10 Aıçiciya wo, dehan Jehowa towakan kin on tipi yecaçe kta e nicañniga. Waşagiçiya, qa kağa wo.

11 Hehan Dawid iye cinhintku Solomon tiyopa awakeyapi okağa kin, qa tipi okağa kin, qa mazopiye kin, qa wankan tipi kin, qa tipi mahentuya, qa wokajuju iha tipi kin hena owasin okağa kin qu.

12 Nakun taku woniye iye kici un kin sdonekiya owasin, Jehowa ti hocoka kin, qa mazopiye tipi owasin, Wakantanka ti hocoka ihduksan yakonpi kin, qa taku yuwakanpi mazopiye okağa kin.

13 Nakun wawayuśnapi obepi kin, qa Lewi obepi kin, qa Jehowa ti wokicanye waksica kin toketu.

14 Nakun mazaskazi on maza-skazi tkeutapi tonaka wokicanye waksica kin owasin on, qa maza-ska waksica wokicanye owasin on, qa wokicanye iyuhpa, waksica iyuhpa toketu oyaka.

15 Qa mazaskazi petijanjan ihupa kin, qa mazaskazi petijanjan kin tkeutapi kin, petijanjan ihupa kin, qa petijanjan on maza-skazi tkeutapi tonaka, qa maza-ska petijanjan tkeutapi kin, petijanjan ihupa otoiyohi, qa petijanjan otoiyohi kağapi kin iyecen.

16 Qa wahna wotapi akan ağıyapi taninyan ehnakapi on mazaskazi tkeutapi kin, wahnawotapi otoiyohi on, qa mazaska mazaska wahna wotapi kin on.

17 Qa wicape, qa waksica, qa wiyatke mazaskazi ecedan kin, qa mazaskazi cega ihaton tkeutapi kin, cega otoiyohi on.

18 Qa wizinya owayuśna on mazaskazi ecedan tkeutapi kin iyenaka, qa canpahmihma kin, mazaskazi Kerubim, Jehowa wotakuye canwohnaka iwankam ihdumdayapi, qa akahpapi okağa kin.

19 Hena iyuhpa Jehowa nape kin omiciwa, wokicanye iyuhpa okağa kin sdone makiya, eya.

20 Nakun Dawid iye cinhintku Solomon heciya, Wakişaka, qa miniheca wo; qa kağa wo. Ihnuhan niyuşinyaye cin, qa ihnuhan wakoyakipe cin. Jehowa Wakantanka wakanwada kin niciun nakaş; aniyuştan kte şni, qa eļpeniye kte şni, ecen Jehowa ti wolıtani wokicanye kin iyuhpa yahduştan kte cin.

21 Qa iho wawayuśnapi, qa Lewi obepi kin wicaduba, Wakantanka ti wolıtani kin owasin on, qa nakun wokicanye owasin on, tona wolıtani owasin on ksapapi wiyeya unpi; qa mdetanhunka-

WICOWOYAKE 29.

pi, qa oyate owasin nii kin ekta unpi.

WICOWOYAKE 29.

1 Nakun wicaštayatapi kin Dawid omniciye owasin hewica-kiya, Micinkši Solomon isnana Wakantanka kahnige cin he hoksidan, qa wankadan, qa wohtani kin he tanka, tipi kin he wicašta akantu tawapi kte šni, tuka Jehowa Wakantanka tawa kta.

2 Qa miye mitowašake ocowasin on, tuwe wakan wada ti kin on mazaskazi mnawaya, taku mazaskazi on kağapi on, qa mazaska taku mazaska on, qa mazaša taku mazaša on, qa mazasapa taku mazasapa on, qa can taku can on, inyan wicašake iyececa, qa ojupi kta inyan sapa, qa inyan hdeškaška, qa inyan tehika ocaje owasin; qa inyan ska ota.

3 Qa akton tuwe wakan wada ti kin cantihewaye cin on mazaskazi, qa mazaska mitawa hinca etanhan taku tipi wakan kin on wiyeya mnawaye cin isanpa tuwe wakanwada ti kin on dena waqu.

4 Mazaskazi woqin kektopawinge yamni, Opir mazaskazi kin etanhan, qa mazaska šdoyapi woqin kektopawinge šakowin on tiobosdata kin apawintapi kta.

5 Mazaskazi taku mazaskazi on kağapi on, qa mazaska kin taku mazaska on kağapi on, qa wikicanye mazakağa napepi on kağapi kin owasin on, qa tuwe nakaha Jehowa on nape kin iyokipiya ojuđan kiye kta he?

6 Unkan ateyapi itancanpi kin, qa Israel wicoun itancanpi kin, qa kektopawinge qa opawinge mdetanhunkapi kin, qa wicaštayatapi wakicanye itancanpi kin iyokipiya qupi.

7 Qa Wakantanka ti wohtani

kin on mazaskazi woqin kektopawinge zaptan, qa Darekon kektopawinge wikcemna, qa mazaška woqin kektopawinge wikcemna, qa mazaša woqin kektopawinge wikcemna sanpa kektopawinge wikcemna, qa mazasapa woqin kektopawinge opawinge qupi.

8 Nakun tona inyan tehika yuha iyeyapi otoiyoji Jehowa ti wopiye on qupi, Jehiel Geršoni nape kin en.

9 Qa iyokipiya qupi kin on oyate kin iyuškinpi, cante ecedan on Jehowa itukihanpi nakaš; qa Dawid wicaštayatapi kin is eya iyuškin wowiyuškin tanka.

10 Unkan Dawid Jehowa yawašte, omniciye owasin istapi itokam, qa Dawid heya, Jehowa Israel ateunyanpi wakanda kin otokahe wanica ehantanhan owihanke wanica ekta niyawaste.

11 Wotanka kin, qa wowašake kin, qa wowitan kin, qa wowiyega kin, qa wowiyatpa kin hena owasin nitawa; taku mahpiya ekta, qa maka akan owasin *nitawa* nakaš; wokiconze kin niye nitawa, Jehowa, qa taku owasin hduwankan, qa pa kin he niye.

12 Wowijice kin, qa wowitan kin niye etanhan, qa niye taku owasin iyadaka ece; wookihi, qa wowašake ninape ohna yanka qa ninape taku owasin yutanka, qa wašag ya okihi.

13 Heon wanna Wakan unnidapi unkiyepi unniyatampi, qa wowitan nitawa caje kin unkidowanpi.

14 Qa miye matuwe he? qa oyate mitawa tuwepi he? on hecen iyokipiya itukihan wookihi unhapi; taku owasin niye etanhan nakaš, qa taku ninape kin etanhan u kin he unnicupi ce.

15 Unkiyepi niye itokam oyate

I. ANPETU OYAKAPI.

tokeca, qa unhdaka unpi iyeuncapi, ate unyanpi owasin hececapi. Anpetu unkitawapi maka akan ohanzi wan iyececa, qa wacinye picašni.

16 Jehowa Wakanunnidapi woyuha ota kin de tipi nicagapi kta nicaje wakan kin on unyuwiye-yapi kin he ninape etanhan, qa owasin nitawa.

17 Wakancida wicacante iduta, qa ohan ecetu kin iyonicipi sdonwaya. Micante ecetu on miye dena iyuhpa mduwiyea, qa wana oyate nitawa den hiyea cin iyokipiya itunicihanpi kin wowi-yuškin on wanmdaka.

18 Jehowa hunkake wicunyanpi Abraham, qa Izak, qa Israel wakandapi kin oyate nitawa cante ozepi okağa kin awanyaka, qa niye ekta cantepi kin yuecetu ye.

19 Qa micinkši Solomon cante ecetu qu ye ; hecen nitawaohope, woyaco nitawa, qa wokage nitawa ope kta, qa iyuhpa ecen econ kta, qa tipi on wiyeya wahnake cin he kağa kta.

20 Hehan Dawid omniciye owasin hewicakiya, Wanna Jehowa Wakanyadapi kin yawaštepo. Unkan omniciye kin owasin Jehowa hunkake wicayapi wakandapi kin yawaštepi, qa patujapi, qa makata ehpeiçiyapi, Jehowa ekta qa wicašta yatapi kin ekta.

21 Qa wošnapi Jehowa waki-yušnapi, qa anpetu kin he ihanhanna wohuhnahyapi huhnahyapi, tatanka kektopawinge, qa tamdoka kektopawinge, qa tacinca kektopawinge, woakaštanpi iyahna, qa wošnapi nina ota Israel owasin on.

22 Qa anpetu kin he en wowi-yuškin tanka on Jehowa itokam

wotapi, qa wayatkanpi ; qa inonpa akihde Solomon Dawid cinhintku wicaštayatapi kağapi, qa Jehowa on mdetanhunka kta e sdayapi, qa Zadoq wawayušna kta.

23 Unkan Solomon iye Dawid eekiya wicaštayatapi kta, Jehowa toiyotanke akan iyotanka, qa taku econ kin tanyan ihunni, qa Israel owasin oie kin nahonpi.

24 Unkan itancanpi kin owasin, qa wicašta wašaka owasin, qa nakun wicašta yatapi Dawid cinca kin owasin Solomon wicaštayatapi kta e napepi kin qupi.

25 Unkan Jehowa Solomon nina yutanka, Israel owasin ištapi en, qa wicaštayatapi wowitan kin qu, iye itokam Israel ohna tuwedan he iyececa yuke šni.

26 Wanna Dawid Jesse cinhintku Israel owasin iwicadaka.

27 Israel idake cin waniyetu wikcemna topa, anpetu hehan-yan, Hebron ohna waniyetu šakowin wawidaka, qa Jerusalem ohna waniyetu wikcemna yamni sanpa yamni wawidaka.

28 Hehan paska wašte en ƚa, anpetu, qa wowijice, qa wowitan on wipi. Unkan heekiya iye cinhintku Solomon wawidaka.

29 Unkan Dawid wicaštayatapi oie tokaheya, qa ehake kin hena owapi ce, Samuel wawan-yaka tawowapi kin en, qa Natan waayate tawowapi kin en, qa Gad wawanyaka tawowapi kin en.

30 Nakun tawowidake, qa towašake owasin, qa anpetu iye iwankam hiyaye cin, qa Israel iwankam, qa makoce wicaštayatapi kin iwankam.

ANPETU OYAKAPI,

WOWAPI INONPA.

WICOWOYAKE 1.

1 Unkan Solomon Dawid cinhintku tawowidake en nina ihdusuta, unkan Jehowa iye wakanda kin kici un, qa nina hin yutanka.

2 Unkan Solomon Israel owasin wahowicaya, kektopawinge qa opawinge mdetanhunkapi kin, qa wayacopi kin, qa itancanpi kin owasin, Israel ateyapi tipi papi kin owasin.

3 Qa Solomon omniciye ocowasin kici pajodan Gibeyon ohna yanke cin ekta ipi; itkokipapi wakeya Wakantanka tawa, Moses Jehowa taokiye hopuza kin en kage cin hen yanka nakaś.

4 Tuka Wakantanka canwohnaka tawa kin Qiryat Jeyarim etanhan Dawid wiyeya ekicihnake cin ekta itanwankanhde hiyuya; Dawid Jerusalem ohna he wakeya kicicage ciqon nakaś.

5 Tuka mazaśa wahnawośnapi kin Betzaleel Uri cinhintku Hur cinhintku kin kage cin, Jehowa ti kin itokam hen yanka, qa Solomon, qa omniciye kin he ihakta hipi ece.

6 Qa Solomon heciya mazaśa wahnawośnapi kin ekta i, he Jehowa itokam wakeya icahda wanka; qa woħuhnaħyapi kektopawinge he akan ħuhnaħya.

7 Hanyetu kin he en Wakan-tanki Solomon en ihdutanin, qa heciya, Taku ciçu kta yacin da wo.

8 Unkan Solomon Wakantanka

II. Chron.

heciya, Niye ate Dawid wocantkiye tanka ecayecon, qa heekiya wicaśtayatapi mayakağa.

9 Heon, Jehowa Wakantanka, nioie ate Dawid eyakiye cin hduwicaka ye. Niye oyate wan wicota, maka watuśekśeca iyenaka, iwankam wicaśtayatapi mayakağa nakaś.

10 Heon woksape qa wosdonye maqu ye, hecen oyate kin de itokam inawape ça en wahdi kta; ecin tuwe oyate tanka nitawa kin de wicayaco kta okihi he?

11 Unkan Wakantanka Solomon heciya, Hecen cante duze ça wowijice, woyuha qa wowitan unmanna yada śni; nakun tókaniyanpi naġipi kin, qa anpetu ota yada śni; tuka woksape, qa wosdonye on oyate mitawa iwan-kam wicaśtayatapi cicage cin wicadaco kta yada, heon;

12 Woksape, qa wosdonye wanna niçupi; nakun wowijice, qa woyuha, qa wowitan ciçu kta, hecen wicaśtayatapi nitokam unpi kin tuwedan iyeniceca śni, qa niyohakam tuwedan iyeniceca kte śni.

13 Unkan Solomon pajodan Gibeyon ohna wanke cin etanhan, itkokipapi wakeya itokapa tanhan, Jerusalem en hdi, qa Israel owasin iwicadaka.

14 Qa Solomon canpahmihma, qa śuktanka akanyotankapi mna-yan, qa canpahmihma kektopawinge sanpa opawinge topa yu-

II. ANPETU OYAKAPI,

ha, qa sung akanyotankapi kektopawinge ake nonpa; qa hena canpahmihina otonwe kin ohna, qa wicaštayatapi kici Jerusalem ohna yanke wicakiya.

15 Qa wicaštayatapi kin mazaska, qa mazaskazi Jerusalem ohna inyan iyececa kağa, qa hanteša can kin sukamin can Sepela ohna iyececa nina ota.

16 Qa Solomon šuktanka tawa Egipta etanhan, qa Qowa etanhan inanpapi, wicaštayatapi wopeton tawa wiyopeya on hena Qowa etanhan icupi.

17 Qa canpahmihma wan mazaska opawinge šakpe on Egipta etanhan itanwankanhde hiyuyapi, qa šuktanka wan opawinge sanpa wikcemna zaptan on, qa hecen Hiiti wicaštayatapi, qa Aram wicaštayatapi kin owasin on hena napepi on hinanpe wicayapi.

WICOWOYAKE 2.

1 Unkan Solomon Jehowa caje on tipi wan kicağa kta, qa nakun tipi wan iye tawowidake on, keya.

2 Qa Solomon watokšupi on wicašta kektopawinge wikcemna šakowin mnawicaya, qa he akan wakakanpi on kektopawinge wikcemna šahdoğan, qa econ wicakiyapi kta e kektopawinge yamni sanpa opawinge šakpe.

3 Qa Solomon Hiram Tzur wicaštayatapi kin wahoye ça heciya, Token ate Dawid ecayecon, qa tipi ohna iye ti kta, ticage kta e hanteša can hiyuyakiye cin he iyecon *ecamicon* wo.

4 Ito miye Jehowa wakanwada caje on tipi wan wecağa, he yuwakan kta, qa wizinye waštemna iye itokam izin yapi kta, qa aguyapi ohinniyan ehna kapi on, qa

anpetu okihpapi, qa witeca, qa Jehowa wakanundapi tomniciye wakan woluhnañyapi on; ohinniyan econ wicaši kin iyecon.

5 Qa tipi wakage cin he tanka, Jehowa wakan undapi kin he taku wakan owasin isanpa tanka nakaš.

6 Hecen tuwe he tipi kicağa kta okihi he? Mañpiya, qa mañpiya mañpiya kin he kipi kta okitpani, hecen miye matuwe on tipi wecage kta? Iye itokam wizinye kta hecedan on owakihi.

7 Heon wanna wicašta ksapa wan miye ekta uši wo, mazaskazi kağa, qa mazaska, qa mazaša, qa mazasapa, qa stan, qa duta, qa to kağa; qa taku pağopi pağo kta wayupika; hecen iye wicašta ksapa Juda qa Jerusalem ohna, ate Dawid wiyeya wicağa, qa miye om unpi kin, iye hena om un kta.

8 Nakun Lebanon etanhan hanteša can, qa wazi can, qa algumin can makahi wicaši wo, nitaokiye Lebanon can kaksapi wayupikapi e sdonwaya nakaš; qa nitaokiye mitaokiye om unpi kta.

9 Hecen can ota wiyeya micihnakapi kta, tipi wakage cin he tanka, qa wowinihan nakaš.

10 Qa ito wakakanpi can kaksapi kin on nitaokiye aguyapi su kor kektopawinge wikcemna nonpa, qa barle kor kektopawinge wikcemna nonpa, qa miniša bat kektopawinge wikcemna nonpa, qa wiñdi bat kektopawinge wikcemna nonpa ciçu kta.

11 Unkan Hiram Tzur wicaštayatapi kin Solomon wowapi kicağa cin en heya, Jehowa iye taoyate wašte wicadake cin on wiciwankam niye wicaštayatapi nicağa.

12 Hiram nakun heya, Jehowa

WICOWOYAKE 3.

Israel wakandapi kin mahpiya maka ko kage cin he yawaštepi nunwe; iye wicaštayatapi Dawid cinca wan ksapa, qa wasdonya, wayupika, qa wiyukcan qu, qa iye Jehowa ti kin kicage kta; nakun tipi wan tawowidake on.

13 Qa nakaha wicašta wan ksapa, wasdonya, qa wiyukcan, Huram ate tawa niye ekta yewaši.

14 Winohinca wan Dan cunwintkupi kin etanhan he cinhintku, qa atkuku Tzur wicašta heca; iye mazaskazi on taku kaga wayupika, qa mazaska on, qa mazaša on, qa mazasapa on, qa inyan on, qa can on, qa stan on, qa to on, qa miniuha ska on, duta on, nakun taku pagopi owasin pago kta *wayupika*; qa taku iyukcan yaši kin iyukcan kte; wicašta ksapa nitawa, qa itancan mitawa Dawid niyate wicašta ksapa tawa om.

15 Heon kohanna aguyapi su kin, qa barle kin, qa wihdi kin, qa miniša kin itancan mitawa cajeyate cigon taokiye ekta auwicakiya wo.

16 Unkan unkiyepi Lebanon etanhan can tona yacin kin owasin unnicicaksapi kta, qa cankağa miniwanca akan, Joppa ekta unnicicahipi kta, qa hetanhan niye hena Jerusalem ekta ade kta.

17 Unkan Solomon wicašta oyate tokeca Israel makoce ohna yakonpi kin owasin wicayawa, atkuku Dawid wicayawa qon ohakam, qa kektopawinge opawinge sanpa kektopawinge wikcemna zaptan sanpa kektopawinge yamni sanpa opawinge šakpe iyewicaya.

18 Qa hena etanhan kektopawinge wikcemna šakowin watošupi, qa kektopawinge wikce-

mna šahdoğan he akan wakanpi wicakağa, qa kektopawinge yamni sanpa opawinge šakpe oyate kin wohtani econ wicakiyapi.

WICOWOYAKE 3.

1 Unkan Solomon Jehowa ti kin Jerusalem ohna kaga, Moria he akan, tukten iye atkuku Dawid en *Jehowa* ihdutanin qon, qa oyanke Dawid wiyeya kage cin akan Ornan Jebusi aguyapi su okapan tawa akan.

2 Qa waniyetu widake cin itopa, wi inonpa kin en tokaheya kaga.

3 Qa Wakantanka ti Solomon kage cin oahe iyutapi tokaheya kin dee, ohanske cin wicišpa wikcemna šakpe, qa ohdakinyan kin wicišpa wikcemna nonpa.

4 Qa tiyopa awakeyapi tipi kin itokam ohanske kin he tipi ohdakinyan kin iyecen wicišpa wikcemna nonpa, qa obosdatu kin wicišpa opawinge sanpa wikcemna nonpa, qa mahen mazaskazi ecedan on apawinta.

5 Qa tipi tanka kin wazi can aokatan, qa mazaskazi wašte on apawinta, qa akan tamar can, qa mazaicicaħiħa yuhmupi apaġo.

6 Qa wowitan on inyan teħika tipi kin ikoyagya, qa mazaskazi kin Parwaim mazaskazi heca.

7 Qa tipi can hdakinyan kin, qa ipatan kin, qa ti unnaptan kin, qa tiyopa kin mazaskazi apawinta, qa ti unnaptan akan kerubim apaġo.

8 Qa tipi iyotan wakan kin ohanske cin wicišpa wikcemna nonpa kaga, tipi kin ohdakinyan kin iyenaka, qa ohdakinyan kin wicišpa wikcemna nonpa, qa mazaskazi wašte oqin opawinge šakpe on apawinta.

9 Qa maza okatkuġapi tkeutapi kin mazaskazi seqel wikcemna

II. ANPETU OYAKAPI,

zaptan; qa wankantipi kin mazaskazi on apawinta.

10 Qa tipi iyotan wakan kin mahen kerubim pagopi nonpa kaga, qa hena mazaskazi apawinta.

11 Qa kerubim hupahupi kin *owasin* ohaske kin wiciśpa wikcemna nonpa, hupahu wanji wiciśpa zaptan tipi unnaptan kin iyohi, qa hupahu unman kin wiciśpa zaptan, kerub unman hupahu tawa kin iyohi.

12 Qa kerub unman hupahu tawa wiciśpa zaptan tipi unnaptan kin iyohi, qa hupahu unman wiciśpa zaptan kerub tokaheya hupahu kin ikoyaka.

13 Kerubim kin hena hupahupi kamdagapi kin wiciśpa wikcemna nonpa, qa sihapi akan najinpi, qa itepi kin tipi kin ektakiya.

14 Qa cokaya ozanpi kin halionta to, qa stan, qa duta, qa ska on kaga, akan kerubim kaga.

15 Qa tipi kin wiyohiyanpata ipatan nonpa kaga, ohanska wiciśpa wikcemna yamni sanpa zaptan, qa otoiyohi pa akan wateśdake wanke cin he wiciśpa zaptan.

16 Qa mazaicicalihia owohdaka tipi kin ohna *iyececa* kaga, qa ipatan papi akan ehnaka, qa taspantankasuota opawinge kaga, qa mazaicicalihia ekta ikoyagya.

17 Qa ipatan nonpa kin bosdan ehde, tipi kin iwiyohtyanpata wanji etapa tanhan, qa unman catka tanhan, qa etapa kin Jakin, (Jehowa yasuta.) qa catka kin Boaz (Miniheca) eya cajeyata.

WICOWOYAKE 4.

1 Qa mazaśa owayuśna wan kaga, ohanske kin wiciśpa wikcemna nonpa, qa ohdakinyan

kin wikcemna nonpa, qa obosdatu kin wiciśpa wikcemna.

2 Qa cega śdoyapi tanka kin kaga, mima, tete wanji etanhan tete unman ekta hdakinyan wiciśpa wikcemna, qa bosdatu kin wiciśpa zaptan, qa ihdukśan halionta wiciśpa wikcemna yamni iyohiya.

3 Qa ihukuya ihdukśan owancaya tatanka okagapi yukan, wikcemna wiciśpa otoiyohi en, cega tanka ihdukśan owancaya tatanka ocankuye nonpa, śdoyapi, cega tanka kin śdoyapi qehan.

4 Qa tatanka ake nonpa akan han, yamni itepi kin waziyatakiya, qa yamni itepi kin wiyohpeyata kiya, qa yamni itepi kin itokahkiya, qa yamni itepi kin wihinanpa ektakiya; qa cega tanka kin hena tapetepi akan wanka, qa nitepi kin mahentuya unpi.

5 Qa ośoke kin nape topa, qa tete kin wiyatke tete kin iyececa, mnahecalica namdaya akan kagapi, ojudan ca bat kektopawinge yamni kipi.

6 Qa wakśica wikcemna kage ca zaptan etapa tanhan, qa zaptan catka tanhan ehde, hena ohna taku hulinahiyapi kta yujajapi, qa pakintapi ece; tuka wawayuśnapi kin cega tanka kin ohna ihdujajapi ece.

7 Qa mazaskazi petijanjan ihupa wikcemna kaga, woyaco qon iyecen, qa tipi kin ohna hena ehde, zaptan etapa tanhan, qa zaptan catka tanhan.

8 Qa wahnawotapi wikcemna kaga, qa tipi kin en hena ehnaka, zaptan etapa tanhan, qa zaptan catka tanhan; nakun mazaskazi wakśica on amnimnapi opawinge kaga.

9 Qa wawayuśnapi tahocoka

WICOWOYAKE 5.

kağa, qa hocoka tanka kin; qa hocoka tiyopa kin, qa hocoka napin tiyopapi kin mazaskazi apawinta.

10 Qa cega tanka kin, wihinanpe cin *etonwanpi* etapa tanhan, itokali kiya ehde.

11 Nakun Huram cega kin, qa maza mdaska kin, qa waksica kin kağa. Hecen Huram wikicanye wicastayatapi Solomon kicage cin Wakantanka ti kin on hena yustan.

12 Ipatan tanka nonpa kin, qa papi kin, qa watesdake ipatan nonpa papi akan, qa maza yankapi nonpa on watesdake tapa nonpa ipatan papi akan yankapi kin hena akahpapi kta.

13 Qa taspantanka suota opa-winge topa mazayankapi nonpa kin on, taspantanka suota cankuye nonpa mazayankapi otaiyohi on, watesdake tapa nonpa kin akahpe kta.

14 Qa oahe *wikcemna* kin kağa, qa oahe akan waksica kin kağa.

15 Qa cega tanka kin kağa, qa tatanka *wikcemna* sanpa nonpa kin he ihukuya.

16 Nakun cega kin, qa maza mdaska kin, qa wicape kin, qa wikicanye Jehowa ti kin on Huram ateye cin Solomon kicage cin owasin mazazi wiyatpa.

17 Jordan osmaka ohna, maka soka en Sukot qa Tzareda otahedan, wicastayatapi kin hena sdoya.

18 Hecen Solomon waksica kin hena owasin kağa, nina ota, qa mazazi tkeutapi kin iyeyapi sni.

19 Qa Solomon Wakantanka ti kin waksica kin owasin kağa, qa mazaskazi owayusna kin, qa wahnawotapi kin, qa hena akan aguyapi itokam ehnapapi kin,

20 Qa petijanjan ihupa kin, qa petijanjan tawa, mazaskazi ece-

dan on, owohdaka tipi kin itokam itkonpi kta, woyaco kin iye-cen.

21 Qa wahca kin, qa petijanjan kin, qa petijanjan iyukse mazaskazi, hena owasin mazaskazi ecedan.

22 Qa isan kin, qa waksica on amnimnipi, qa wiyatke kin, qa oizinye kin mazaskazi ecedan. Nakun tipi tiyopa kin, tiyopa mahentuya, tipi wakanhinca tiyopa, owohdaka tipi tiyopa kin hena mazaskazi.

WICOWOYAKE 5.

1 Hecen wokicanye Jehowa ti kin on Solomon kage cin owasin yustanpi; qa Solomon taku atku-ku Dawid yuwakan kin, mazaska kin qa mazaskazi kin, qa waksica kin owasin hiyuya, qa Wakantanka mazopiye en ehnaka.

2 Hehan Jehowa otakuye can wohnaka kin Dawid totonwe, Zion hee, etanhan akiyuha aupi kta e Solomon Israel hunkayapi owasin, qa Israel cinca atewicayapi itancanpi kin, qa wicoun papi kin owasin Jerusalem ekta mniciye wicaya.

3 Unkan wi isakowin wohanpi wakan qehan, Israel wicasta kin owasin wicastayatapi ekta mnicayapi.

4 Qa Israel hunkayapi kin owasin en hipi, qa Lewi kin can wohnaka kin yuwankan icupi.

5 Qa can wohnaka kin akiyuha anpi; nakun itkokipapi wakeya kin, qa waksica wakeya ohna yakonpi kin owasin hena wawayusnapi kin, Lewi kin akiyuha aupi.

6 Qa wicastayatapi kin; qa Israel omnicaye iye en mnicayapi kin owasin canwohnaka kin itokam tahinca, qa tatanka wayu-

II. ANPETU OYAKAPI,

śnapi, hena yawapi śni, nina ota heon yawapi śni.

7 Unkan wawayuśnapi kin Jehowa otakuye can wohnaka kin oyanke tawa en ahipi owohdaka tipi iyotan wakan kin en, kerubim hupahupi kin ihukuya.

8 Unkan kerubim hupahupi kin kamdali yakonpi can wohnaka oyanke kin iwankam, qa kerubim kin can wohnaka kin, qa tośu tawa iwankam akañpapi.

9 Qa tośu kin yujunpi hecen tośu inkpapi can wohnaka etanhan owohdaka tipi itokam taninyan yakonpi, tuka tankan tanhan aisinyan yakonpi, qa anpetu kin dehanyan hen yankapi.

10 Can wohnaka kin ohna takudan yanke śni, inyan mdaśka nonpa heceedan, hena Moses Horeb ekta ohnaka, Jehowa wotakuye Israel wicakicağə cin Egiptu etanhan hdinanpapi qehan.

11 Unkan wawayuśnapi kin tipi wakan etanhan hdinanpapi qehan, wawayuśnapi hen hiyeyapi kin owasin wanna ihduwakanpi, hehan obepi iyehanhan awanyakapi śni nakas.

12 Qa Lewi kin, wadowanpi kin owasin Asap, qa Heman qa Jedutun, qa cincapi, qa sunkawicayapi minihuha ska koyakapi, mazaicasnasna qa candowankiyapi, qa cotanka yuha wahna wośnapi kin iwiyohiyanpa tanhan najinpi, qa hena om wawayuśnapi opawinge sanpa wikcemna nonpa mazayahotonpi kin yahotonpi.

13 Qa Jehowa yatanpi kta, qa wopida eciyapi kta e wicaśta wanjidan iyecen ho okonwanjidan on yahotonpi, qa dowanpi ho kin nañonpi qehan, mazayahotonpi, qa mazaicasna, qa dowan ikicanye owasin on ho wankan yeyapi, qa Jehowa waśte on to-

wacantkiye owihanke wanica on yatanpi qehan malipiya śoka wan tipi kin Jehowa ti kin ojuya.

14 Qa Jehowa towitan kin Wakantanka ti kin ojuya, heon malipiya śoka kin on etanhan wawayuśnapi kin wakicanyanpi kta hen najin okitpanipi.

WICOWOYAKE 6.

1 Hehan Solomon heya, Jehowa otpaza śoka ohna ti kta keya.

2 Tuka miye tipi ohna nanke kta e tipi wan cicicağə, oyanke wan ohna owihanke wanin yakidotanke kta.

3 Hehan wicaśtayatapi kin ite ihduhomni, qa Israel omniciye kin ocowasin wicayawaśte; unkan Israel omniciye ocowasin najinpi:

4 Qa heya, Jehowa Israel Wakandapi kin yawaśtepi nunwe; iye ate Dawid i kin on ia, qa iye nape kin on hduacetu qa heya,

5 Oyate mitawa Egiptu etanhan hdinanpe wicawaye cin, anpetu kin hehantanhan otonwe Israel wicoun owasin etanhan wanjidan wakañniğə śni, on micaje hen yanke kta e tipi wan micicağəpi kta, qa oyate mitawa Israel wiciwankam itancan kta wicaśta wanjidan wakañniğə śni.

6 Tuka *nakaha* Jerusalem micaje hen yanke kta e wakañniğə, qa Dawid wakañniğə, oyate mitawa Israel wiciwankam un kta.

7 Unkan Jehowa Israel wakan-dapi caje kin on tipi kağə kta Dawid ate waya cante kin en un.

8 Tuka Jehowa ate Dawid heciya, Micaje on tipi wan yakage kta cantiheyaye cin, eqe cantiheyaye cin he waśte.

9 Tuka tipi kin he niye yakage kte śni, tuka nicinkśi ninite etan-

WICOWOYAKE 6.

han inanpe kte cin, he micaje on tipi kin kage kta.

10 Qa Jehowa iye oie eye ciquon hduacetu, hecen Dawid ate eekiya nawajin, qa Israel oiyotan-ke kin akan imdotanka, Jehowa eye ciquon iyecen, qa Jehowa Israel wakandapi caje kin on tipi kin wakaga.

11 Qa canwohnaka, wotakuye Israel cinca kin Jehowa wicakicage cin he ohna un kin, hen ewahnaka.

12 Hehan Jehowa tawahna wošnapi iwiyo hiyanpata Israel omniciye ocowasin wicitokam najin, qa nape hdukata.

13 Wanna Solomon mazazi cowahe wan kage ciquon, ohanske kin wicišpa zaptan, qa ohdakin-yan wicišpa zaptan, qa obosdatu kin wicišpa yanni, qa ohocoka kin cokaya elnaka; qa he akan canpeška makehde najin, Israel omniciye ocowasin itokam, qa mahpiya ektakiya nape hdukata;

14 Qa heya, Jehowa Israel wakandapi kin niye iyececa mahpiya ekta, qa maka akan taku wakan wanica, nitaokiye cantepi kin ocowasin on nitokam manipi kin wotakuye, qa wocantkiye wicayecipatan.

15 Nitaokiye ate Dawid wicoie eyakiye cin yecipatan, qa taku nii on eyakiye cin ninape on yahduacetu, nakaha iyececa.

16 Heon dehan Jehowa Israel wakandapi kin, taku nitaokiye Dawid ate eyakiye cin hduacetu ye. Iho token mitokam mayani kin, he iyecen nicinca mitokam manipi kta tacankupi awanhdakapi kinhan, Israel oiyotan-ke akan iyotan-ke kte šni, wicašta tohinni nicicašpapi kte šni, eha.

17 Qa Jehowa Israel wakandapi kin nioie nitaokiye Dawid eyakiye cin nakaha hduwicaka ye.

18 Ecin, Wakantanka awicakehan wicašta om maka akan iyo- tanke kta he? Inyun mahpiya kin, qa mahpiya mahpiya kin nicipi okitpani kinhan, iyotan tipi wakage cin de okitpani.

19 Hececašta, Jehowa wakan- cida, nitaokiye hoyeniciye cin, qa ceniciye cin anohkiciya ye; qa howaye cin, qa wocekiye nitaokiye nitokam cekiyeye cin he nahon ye.

20 Hecen anpetu hanyetu koya, tipi kin de ektakiya ništa kin kamdaya un kta; oyanke ohna nicaje yanke yakiye kta kehe ciquon he ektakiya; hecen wocekiye oyanke kin de ektakiya nitaokiye ceniciye cin nayahon kta.

21 Qa nitaokiye, qa Israel oyate nitawa wocekiye oyanke kin de ektakiya eyapi kin nahon ye, qa mahpiya oyanke ohna yati kin etanhan nayahon kta, qa nayahon eca wicakicicajuju ye.

22 Wicašta wan takodaku wakihtani kinhan, qa taku wakan cajeyan wohdag šipi, qa wahnawošnapi nitawa tipi kin de ohna yanke cin itokam u kinhan;

23 Niye mahpiya etanhan nahon ye, qa ecakicon ye, qa nitaokiye wicayaco ye; qa tuwe šica tohan šica iyecen qu ye, pa akan, qa tuwe owotanna yaowotanna, qa toowotanna kin iyecen qu ye.

24 Qa oyate nitawa Israel wanicihtanipi kin on tokawicayapi kin itokam wicakaštakapi kinhan, niye en ihdamnapi, qa nicaje ohdakapi, qa tipi kin de ohna cekiyapi, qa niciyugatapi kinhan;

25 Niye mahpiya etanhan nahon ye, qa oyate nitawa walitanipi kin wicakicicajuju ye, qa makoce wicayaqu, qa hunkake

II. ANPETU OYAKAPI,

wicayapi kin wicayaqu qon, he ekta hdicuwicaya ye.

26 Tohan waniciłtanipi kin on małpiya kin natakapı, qa mağaju wanica, qa kakis wicayaya on wałtanipi kin etanhan ihdamnapı, qa oyanke kin de ektakiya cekiyapi, qa nicaje ohdakapi kinhan,

27 Niye małpiya en nałon ye, qa tohan canku wašte nitawa onspe wicayakiye cin omanipi, hehan nitaokiye, qa oyate nitawa Israel wałtanipi kin wicakicicajuju ye, qa makoce nitawa, oyate nitawa tawayapi kta wicayaqu qon mağaju qu ye.

28 Tohan makoce en wicaakiłhan yuke cinhan, makošica, qaiš watošnija, aa, psipsicadan, wamduškan yuke cinhan; tóka wicayapi kin makoce tonwanyanpi kin en onawicatakapi kinhan, wokaštake, woyazan taku kašta yuke cinhan,

29 Oyate nitawa Israel owasin qaiš tuwe kašta towayazan, qaiš toiyokišica sdotkiye cin on tipi kin de ektakiya nape hduğate, wokiyağate, qa wocekiye kin,

30 Niye małpiya oyanke ohna yakidotanke cin etanhan nałon ye, qa kicicajuju ye, qa otoiyohi ohanyan kin owasin iyecen qu ye, niye nišnana Adam cinça kin owasin cantepi sdonyaya nakaš.

31 Hecen konicipapi kta, qa nitacanku omanipi kta, makoce hunkake wicayapi kin wicayaqu kin akan nipi kin anpetu owasin.

32 Nakun tuwe oyate tokeca, oyate nitawa Israel etanhan šni, nicaje tanka on, qa ninape wašaka, qa niisto yahduğata on, makoce tehan tanhan u, qa hi, qa tipi kin de ektakiya cekiye cinhan;

33 Niye małpiya etanhan, oyanke ohna idotanke cin etanhan nałon ye, qa taku oyate tokeca hoyeniciye cin owasin iyecen econ ye; hecen oyate maka ohnaka owasin nicaje kin sdonyapi kta, qa oyate nitawa Israel iyecen konicipapi kta; qa tipi kin de wakage cin nicaje on cajeyatapi ce, sdonyapi kta.

34 Tohan oyate nitawa canku ohna yewicayaši, tokayapi kin azuwicayapi wokicize ekta yapi kinhan, qa otonwe kin de yakalniğe cin ektakiya, qa tipi nicaje on wakage cin ektakiya ceniciyapi kinhan;

35 Małpiya etanhan, ceniciyapi, qa niciyuğatapi kin nałon ye, qa woyaco ecawicakicon ye.

36 Tohan waniciłtanipi, (ecin wicašta wałtani šni wanica,) qa canniye wicayaya, qa tokayapi nape en wicayaqu; hecen iwicacupi, qa makoce tehan qaiš ikiyedan ekta, wayaka awicayapi kinhan,

37 Cantepi en hdiپی, makoce ekta awicayapi ohna, qa ihdamnapı, qa wayaka awicayapi tamakocepi kin ohna ceniciyapi, qa, Waunłtanipi, ecinšniyan unkołhanyanpi, šicaya econkupi, eyapi kinhan;

38 Qa makoce ekta wayaka awicayapi, qa wayaka unpi kin he ohna cantepi ocowasin on, qa nağipi ocowasin on niye en hdiپی kinhan; qa tamakocepi hunkake wicayapi kin wicayaqu kin ektakiya ceniciyapi kinhan;

39 Niciyuğatapi, qa ceniciyapi kin, małpiya, oyanke ohna idotanke cin etanhan nałon ye; qa woyaco ecawicakicon ye, qa oyate nitawa waniciłtanipi kin wicakicicajuju ye.

40 Wakancida nakaha ceciciye, ništa hduzamni ye, qa oyanke

WICOWOYAKE 7.

kin den ceniciyapi kin ninoge kin anoh kiciya ye.

41 Qa Jehowa Wakantanka, wanna iyozi nitawa en hinajin ye, niye qa nitowaśake canwohnaka kin. Jehowa Wakantanka wawayuśna nitawa wowanikiye koyakapi kte, qa tona cantewicayakiye wowašte on wiyuskinpi kta.

42 Jehowa Wakantanka ihnuhan tuwe sdayakiya ite kin yahduhomni kin. Nitaakiye Dawid towacantkiye kiksuya ye.

WICOWOYAKE 7.

1 Unkan Solomon cekiya hduştan qehan, peta kin mahpiya etanhan kun hiyu, qa wohuhnahyapi, qa wośnapi kin yasota; qa Jehowa towitan kin tipi kin ojuya.

2 Hecen wawayuśnapi kin Jehowa ti kin mahen yapi okihipi śni, Jehowa towitan kin Jehowa ti kin ojuya nakaś.

3 Unkan Israel cinca kin owasin peta kun hiyu kin, qa tipi kin akan Jehowa towitan kin wanyakapi, qa maka kin ektakiya itepi kin patujapi, qa Jehowa ohodapi, qa yatanpi, wašte kin on, towacantkiye kin owihanke wanica on.

4 Wicaştayatapi kin, qa oyate kin owasin wośnapi Jehowa itokam wayuśnapi.

5 Qa Solomon tatanka kektopawinge wikcemna nonpa sanpa kektopawinge nonpa, qa tahinca kektopawinge opawinge sanpa kektopawinge wikcemna nonpa wayuśna; hecen wicaştayatapi kin, qa oyate kin owasin Wakantanka ti kin yuwakanpi.

6 Qa wawayuśnapi kin toawanyakapi ekta najinpi; qa Lewi kin Jehowa idowanpi, Jehowa

towacantkiye owihanke wanica on yatanpi kta e Dawid wicaştayatapi widowankiyapi kage cin on, hena napepi kin on Dawid yatan qehan; qa wawayuśnapi kin wicitokam mazayahotonpi, qa Israel owasin bosdan najinpi.

7 Unkan Solomon Jehowa ti kin itokam hocoka cokaya kin yuwakan, qa hen wohuhnahyapi kin, qa wopida wośnapi śin kin huhnahya; mazaśa owayuśna Solomon kage ciqon wohuhnahyapi kin, qa minha kin, qa śin kin kipi kta okihi śni nakaś.

8 He ehan Solomon wohanpi kağa, anpetu śakowin; qa Israel owasin opapi, omniciye nina tanka, Hamat en yapi kin etanhan Egipta kaksiza ekta hehanyan.

9 Qa anpetu išahdoğan en omniciye wakan kağa, anpetu śakowin wahnawośnapi kin yuwakanpi, qa anpetu śakowin wohanpi wakan kağapi nakaś.

10 Qa wi išakowin anpetu iwikcemna nonpa sanpa yamni en, oyate kin tawakeyapi ekta kihde wicaya, wiyuskinpi, qa cante waštepi, taku wašte iyulpa Jehowa Dawid, qa Solomon, qa iye tao-yate ecawicakicon kin on.

11 Hecen Solomon Jehowa ti kin yuştan, qa wicaştayatapi ti kin, qa taku Jehowa ti kin ohna, qa iye ti kin ohna kage kta e Solomon cante kin en hiyu kin owasin tanyan ihuni.

12 Unkan hanyen Jehowa Solomon en tanin iciye ça heciya, Wocekiye nitawa nawahon, qa oyanke kin de wamiciyuśnapi tipi on wakañniga.

13 Mahpiya kin nawataka on mağaju wanice cinhan, qaiś psipicadan makoce yun wicawaśi kinhan; makośice oyate mitawa ekta ye waśi kinhan;

14 Qa oyate mitawa micaje on

II. ANPETU OYAKAPI,

caje wicayatapi kin ihduhukuyapi, qa cekiyapi, qa miite aki-tapi, qa tacankupi síca etanhan ihdamnapi kinhan; miye mahpiya etanhan nawahon kta; qa wahitanipi kin wicawecicajuju kta, qa tamakocepi kin asniwaye kta.

15 Detanhan miišta kin yumdayapi kta, qa wocekiye oyanke kin den cekiyapi kin minoge kin anohkiciya un kta.

16 Qa wanna tipi kin de wakahníga, qa micaje owihanke wanin en yanke kta e mduwakan; qa miišta, qa micante kin anpetu owasin hen un kta.

17 Qa niye, niyate Dawid mani kin iyecen, mitokam mayani kinhan, qa taku econ ciši kin owasin ecanon, qa wokage mitawa, qa woyaco mitawa yapatan kinhan;

18 Wokiconze oiyotanke nitawa kin mdusuta kta, niyate Dawid wahowaye ciquon iyecen; Israel idake kte šni wicašta tohinni niciyušpapi kte šni, epa.

19 Tuka nihdamnapi, qa wokage mitawa, qa woahope mitawa niyepi itokam ewahde kin, hena ehpeyayapi kinhan; qa taku wakan tokeca ekta dapi, qa hena ekta yapatujapi kinhan;

20 Makoce mitawa wicawaqu qon etanhan wicamdujun kta; qa tipi kin de micaje on mduwakan kin mitokapa tanhan ehpe-waye kta, qa wiyacinpi, qa oweštepi wakage kta, oyate owasin wicehna.

21 Qa tipi kin de pajodan, tona ikiyedani yapi owasin yušinye yapi kta, qa heyapi kta, Tokeca Jehowa makoce kin de, qa tipi kin de hecen ecakicon he?

22 Unkan heyapi kta, Jehowa hunkake wicayapi wakandapi kin, qa Egupta makoce etanhan

hdinanpe wicaye cin he ayu-štanpi, qa taku wakan tokeca yuzapi, qa itokam patujapi, qa ohowicadapi; heon taku síce cin de ocowasin iyahde wicaya.

WICOWOYAKE 8.

1 Unkan waniyetu wikcemna nonpa icunhan Solomon Jehowa ti kin, qa iye ti kin kage cin ihanketa,

2 Solomon otonwe Hiram Solomon kiču qon hena piya kaga, qa hen Israel iyotang wicaya.

3 Qa Solomon Hamat Tzoba ekta i, qa ohiya.

4 Qa Tadmor tinta ohna kaga; nakun wopiye otonwe Hamat ohna Solomon kage cin owasin.

5 Qa Bethoron wankantuya kin, qa Bethoron hukuya kin, otonwe suta conkaške, qa tiyopa oyugan, qa tiyopa inatake yukan, hena kaga.

6 Nakun Bayalat, qa wopiye otonwe Solomon yuhe cin owasin, qa canpahmihma otonwe owasin, qa šuktanka akan yotankapi otonwe, qa taku wiciyokipi kage kta e Solomon iyokipi, Jerusalem ohna, qa Lebanon ohna, qa makoce idake cin owancaya ohna;

7 Oyate Ĥiti kin etanhan, qa Amori kin, qa Perizi kin, qa Ĥiwi kin, qa Jebusi kin etanhan okaptapi kin hena Israel etanhanpi šni;

8 Qa Israel cinca ocowasin ihangwicayapi šni etanhan cin-capi kin iyepi ohakam makoce ohna okaptapi kin, hena Solomon anpetu kin dehanyan wayaka wolhtani econ wicakiya.

9 Tuka Israel cinca kin etanhan Solomon wolhtani tawa on tuwedan wowidake yuhe šni; tuka hena ozuye wicašta, qa

WICOWOYAKE 9.

akicita tancan, qa canpahmihma tawa itancanpi kin, qa šuktanka akan yotankapi tawa itancan hecapi.

10 Unkan Solomon wolitani econ wicakiyapi itancan opawinge nonpa sanpa wikcemna zaptan wicayuha; hena oyate kin iwicadakapi.

11 Unkan Solomon Paro cunwintku Dawid totonwe etanhan hiyuya, tipi wan iye kicađe cin ekta; Dawid Israel wicaštayatapi ti kin he wakan, Jehowa can wohnaka tawa kin hen hiyu nakaš; heon, Mitawin hen yanke kte šni, eya.

12 Hehan Solomon woluhnahyapi Jehowa wakiyušna, owayušna Jehowa kicađe cin akan, tiyopa awakeyapi kin itokam.

13 Anpetu iyohi wicoie kin iyecen woluhnahyapi kin, Moses woahope kin iyecen, anpetu wakan kin on, qa witeca kin on, qa omniciye wakan mdoketu otaiyohi yamni akihde; aguyapi napolhyapi šni wohanpi kin, qa anpetu wakan yawapi wohanpi kin, qa ohanzi hdepi wohanpi kin hena en.

14 Qa wawayušnapi obepi kin najin wicakiya, atkuku Dawid woyaco tawa kin iyecen, wolitanipi kin on, qa Lewi kin toawayakapi ekta yatanpi kta, qa wawayušnapi kin wicitokam najinpi kta, anpetu iyohi wicoie kin iyecen, qa tiyopa awanyakapi obepi kin, tiyopa otaiyohi ekta, Dawid Wakantanka tawicašta hecen econ wicaši nakaš.

15 Wicaštayatapi kin wawayušnapi kin, qa Lewi kin taku econ wicaši kin takudan elpe yapi šni, wicoie on, nakun womnaye on.

16 Hecen Jehowa ti oahe hdepi anpetu kin etanhan, ecen Je-

howa ti kin tanyan yuštanpi kin, Solomon tokicanye kin iyuhpa yuštanpi.

17 Hehan Solomon Etzion gaber ekta i, qa Elot ekta, hena Edom makoce ohna yankapi, miniwanca hutata.

18 Unkan Hiram iye taokiye napepi on witawata, qa ookiye mini wanca sdonyapi kin ekta uwicaši. Unkan hena Solomon taokiye om, Opir ekta ipi, qa hetanhan mazaskazi woqin opawinge topa sanpa wikcemna zaptan icupi; qa wicaštayatapi Solomon ekta kahipi.

WICOWOYAKE 9.

1 Unkan Šeba wicaštayatapiwin kin Solomon oyakapi kin nahon, qa woiyukcan tehika on iyute kta e Jerusalem en hi, wicota hinca om, qa kamel taku waštemna, qa mazaskazi nina ota, qa inyan tehika qinpi, qa Solomon ekta hi, qa taku iye cahte mahen un kin owasin on kici iwohdaka.

2 Unkan taku iwange cin owasin toketu Solomon okiyaka, qa wicoie Solomon okahniđe šni, qa toketu okiyake šni wanica.

3 Unkan Šeba wicaštayatapiwin kin Solomon toksape kin qa tipi kage cin wanyaka;

4 Nakun tawahna wotapi kin, qa taokiye token iyotankapi, qa taakicita tawowašipi kin, qa tawokoyakepi kin; qa tawayatkekiyapi, qa wokoyake tawapi, qa woluhnahyapi Jehowa ti kin en hulahahye cin, hena iyuhpa wanyake cehan woniya sanpa en un šni.

5 Qa wicaštayatapi kin heciya, Makoce mitawa ohna nioie on, qa nitoksape on wicoie nawahon kin he wowicake ye.

II. ANPETU OYAKAPI,

6 Tuka en wahi, qa mišta wan-yake šni hehanyan ceŋonwahda ce; tuka inyun nitoksape otahin hanke kin omakiyakapi šni, wotanin nawahon qon kayapa ye.

7 Wicašta nitawa tanyan unpi ye; qa nitaokiye kin dena ohin-niyan nitokam najinpi, qa nitoksape nahonpi kin tanyan unpi ye.

8 Jehowa Wakanyada kin ya-waštepi ye, iye wašte nidake ɕa toiyotanke akan iyotang niye cin, hecen Jehowa Wakanyada kin on wicašta niyatapi. Tuwe wakanyada Israel wašte wicadaka, qa owihanke wanin wicayusuta kta e wiciwankam wicaštayatapi nicaga; woyaco, qa woowotanna ecanon kta heon etanhan ye, eya.

9 Qa mazaskazi woqin opawinge sanpa wikcemna nonpa qu; nakon taku waštenna nina ota, qa inyan tehika; qa taku wastemna Šeba wicaštayatapi win kin wicaštayatapi Solomon qu kin iye-ceca wanica.

10 Unkan Hūram taokiye, qa Solomon taokiye mazaskazi Opir etanhan ahipi kin hena nakon algum can, qa inyan tehika kahipi.

11 Unkan wicaštayatapi kin algum can kin Jehowa ti kin on, qa wicaštayatapi ti kin on caniyadipi kağa; nakon candowan-kiyapi, qa cotanka wadowanwicakiyapi on; qa hena iyecen itokam tohinna Juda makoce ohna takudan wanyakapi šni.

12 Qa wicaštayatapi Solomon Šeba wicaštayatapi win kin taku iyokipi qa da kin iyuhpa qu, taku wicaštayatapi kin ekta kahi qon isanpa. Unkan ihdamna, qa iye tamakoce ekta kihda; iye, qa ookiye wicaye cin.

13 Unkan mazaskazi Solomon en kahipi waniyetu wanjidan

icunhan tkeutapi kin mazaskazi woqin opawinge šakpe sanpa wikcemna šakpe sanpa šakpe.

14 Wopeton cistinna, qa wopeton tanka taku kahipi kin, qa Arab wicaštayatapi kin owasin, qa makoce itancanpi kin mazaskazi, qa mazaska Solomon kahipi kin owasin akton.

15 Unkan wicaštayatapi Solomon mazaskazi kamdayapi wahacanka tanka opawinge nonpa kağa, wahacanka iyohi mazaskazi seqel opawinge šakpe.

16 Nakon mazaskazi kamdayapi wahacanka opawinge yamni, mazaskazi *seqel* opawinge yamni wahacanka wanjikši iyohi; qa wicaštayatapi kin Lebanon contanka tipi kin en hena kihnaka.

17 Qa wicaštayatapi kin oiyo-tanka wan putehanskahi on kağa, qa mazaskazi écedan apawinta.

18 Qa oiyo-tanke kin iyadipi šakpe, qa siha oahe mazaskazi, qa hena oiyo-tanke kin ikoyag yapi, qa tukten iyotanke cin anoka tanhan nape yukan, qa mnaja nonpa nape kin icahda najinpi.

19 Qa mnaja wikcemna sanpa nonpa hen najinpi, iyadipi akan, anoka tanhan šakpe; wokiconze owasin ehna taku hececa kağapi wanica.

20 Qa wicaštayatapi Solomon wakšica iyatke tawa owasin mazaskazi, qa Lebanon contanka tipi wakšica kin owasin mazaskazi écedan, mazaska wanica, he Solomon taanpetu kin en taku šni yawapi.

21 Wicaštayatapi tawitawata kin Tarsiš ekta ipi, Hūram taokiye om, waniyetu iyamni eca Tarsiš witawata kin wancadan hdipi ece; qa mazaskazi, qa mazaska, qa putehanskahi kin, qa kepe (waonca) qa zicatanka upi wašte kahdipi ece.

WICOWOYAKE 10.

22 Hecen wicaštayatapi Solomon makoce wicaštayatapi kin owasin isanpa tanka ece wowijice, qa woksape on.

23 Qa maka wicaštayatapi kin owasin Solomon ite kin akitapi ece; woksape Wakantanka iye cante en qu kin nahonpi kta heon.

24 Qa hena otoiyohi taku qupi kin kahipi ece, mazaska wakšica, qa mazaskazi wakšica, qa woko-yake, wipe, qa taku waštemna, šuktanka, qa šonšonna, waniyetu otoiyohi wicoie kin iyecen.

25 Qa Solomon šuktanka tawanji, qa canpahmihma kektopawinge topa yuha, qa šuktanka akan yotankapi kektopawinge wikcemna sanpa kektopawinge nonpa; qa hena canpahmihma otowwe kin ohna najin wicakiya, qa wicaštayatapi kici Jerusalem ohna.

26 Qa wicaštayatapi kin owasin, wakpa kin etanhan Pilištim tamakocepi ekta, qa Egipta ihanke kin aiyahdeya iwicadaka.

27 Qa wicaštayatapi kin Jerusalem ohna mazaskazi inyan iyececa kaga, qa hanteša can kin sukamim can Šepela ohna yakonpi kin iyececa ota.

28 Qa Solomon on šuktanka Egipta etanhan hiyuyapi, qa makoce owasin etanhan.

29 Unkan Solomon wicoie unman tokaheya qa ehake kin, hena Natan waayate oie kin en owapi šni he? qa Ahija Šiloni towaayate kin en, qa Iddo wawanyake towanyake kin Jeroboyam Nebat cinhintku caje yate kin en?

30 Qa Solomon Jerusalem ohna Israel owasin waniyetu wikcemna topa iwicadaka.

31 Hehan Solomon hunkake wi-

caya om ištima, qa atkuku Dawid totonwe ohna hnakapi. Unkan heekiya cinhintku Rehoboyam wawidaka.

WICOWOYAKE 10.

1 Unkan Rehoboyam Šekem ekta i, Israel owasin wicaštayatapi kağapi kta e Šekem ekta hipi nakaš.

2 Wanna Jeroboyam Nebat cinhintku wicaštayatapi Solomon itokapa tanhan, Egipta ekta najica qon, qa hen yanke cin he nahon qehan, Jeroboyam Egipta etanhan hdi.

3 Unkan tuwe ekta yešipi, qa kicopi. Unkan en hi, qa Jeroboyam, qa Israel owasin iapi, qa Rehoboyam heciyapi,

4 Niyate woqin tehika qin unkiyapi; heon niye wanna wohtani tehika, qa woqin tke niyate qin unkiyapi kin unkiciyukapojepidanpo, kinhan wowidag unyayapi kta.

5 Unkan hewicakiya, Tokata anpetu iyamni hehan en maupo; unkan oyate kin iyayapi.

6 Unkan wicaštayatapi Rehoboyam wicalinca iye atkuku Solomon ni qehan itokam najinpi ece qon, hena om iyukan, qa heya, Oyate kin de token awicunyuptapi kta idukanpi he?

7 Unkan iapi, qa heciyapi, Oyate kin de ekta nakaha nihduwašte, qa iyokipi wicayaya, qa wicoie skuya wicayaqu kinhan, anpetu owasin ookiye wicaduhe kta.

8 Tuka wicalinca wowiyukan iyukanpi kin ayušan, qa koška iye kici icagapi, qa itokam najinpi kin iyukan wicaši.

9 Qa hewicakiya, Oyate kin de iapi, qa, Canwanapin niyate napin unkiyapi kin yukapojedan

II. ANPETU OYAKAPI,

unkiyapo, emakiyapi, token awi-cunyuptapi kta unkiciyukcanpo.

10 Unkan koška iye kici icagapi, kici wohdakapi, qa heyapi, Oyate kin de iapi qa, Niyate canwanapin tke unkicicagapi kin he yukapojedan unkiyapo eniciyapi kin hecen ewicayakiye kta, Mišašte kin ate nite kin isanpa šoke kta.

11 Qa wanna ate can wanapin tke qin niciyapi kin he miye canwanapin nitawapi kin isanpa tke cicicagapi kta. Ate cansakadan on nicapsintapi, tuka miye tehmisokaškeške on cicapsintapi kta.

12 Unkan anpetu iyamni en, Jeroboyam, qa oyate owasin Rehoboyam ekta hipi, wicaštayatapi kin wicoie kin de eye ciqon iyeceen, Anpetu iyamni kin ake en maupo.

13 Unkan wicaštayatapi kin tehiyā awicayupta, qa wicaštayatapi Rehoboyam wicahinca tawiyukcanpi kin ayušan;

14 Qa koška iyukcanpi kin iyeceen ie ça hewicakiya, Ate nitawaqinpi kin yutke, qa miye nitawaqinpi sanpa tke wakage kta. Ate cansakadan on nicapsintapi, tuka miye tehmisokaškeške on cicapsintapi kta.

15 Hecen wicaštayatapi kin oyate kin nawicaħon šni, Wakantanka hena hecen yuhomni nakaš, Jehowa oie kin Abija Šiloni nape on Jeroboyam Nebat cinhintku eciye ciqon yuecetu kta.

16 Unkan Israel owasin wicaštayatapi kin nawicaħon šni wanyakapi qehan, oyate kin wicaštayatapi kin ayuptapi, qa heyapi, Dawid en wopamni unhapi tukte e he? qa Jesse cinhintku en takudan tawaunyanpi šni: Israel wicašta otoiyoħi tawakeya

ekta hda wo. Dawid yati kin āwanhdaka wo. Hehan Israel owasin tawakeyapi ekta hdapi.

17 Tuka Israel cinca kin Juda otonwe kin ohna tipi kin hena Rehoboyam iwicadaka.

18 Unkan wicaštayatapi Rehoboyam Hadoram womnaye itancan kin yeši. Unkan Israel cinca kin inyan on kininpi, hecen ta. Unkan wicaštayatapi Rehoboyam minihen iciya, tacanpahmi-hma akan iyotanke kta, qa Jerusalem ekta najice kta.

19 Unkan Israel Dawid tiwahe kin kipajin anpetu kin dehanyan.

WICOWOYAKE 11.

1 Unkan Rehoboyam Jerusalem en hdi, qa Juda qa Benjamin tiyohnaka mniciye wicaya, wicašta kaħniġapi kektopawinge opawinge sanpa kektopawinge wicemna šahdoġan, ozuye kaġa hecapi, Israel wicakize kta, qa wokonze kin Rehoboyam en bdi-kiye kta.

2 Unkan Jehowa oie kin Šemaja Wakantanka wicašta tawa en hi, qa heciya,

3 Rehoboyam Solomon cinhintku, Juda wicaštayatapi kin, qa Israel tona Juda qa Benjamin ohna yakonpi kin owasin hecen ewicakiya wo;

4 Jehowa hecen eya, Nihunkawanjipi kin ekta yaipi kte šni, qa wicayakizapi kte šni. Otoiyoħi tiyata hdapo; wicoie kin de miye etanhan nakaš. Unkan Jehowa oie kin naħonpi, qa Jeroboyam azuyapi kta etanhan kihdapi.

5 Unkan Rehoboyam Jerusalem en yanke ça Juda ohna otonwe conkaške kaġa.

6 Hecen Betlehem, qa Yetam, qa Teqoa kaġa.

WICOWOYAKE 12.

7 Nakun Betzur, qa Šoko, qa Adullam,

8 Qa Gat, qa Mareša, qa Zip,

9 Qa Adorajim, qa Lakiš, qa Azeqa,

10 Qa Tzora, qa Ajalon, qa Hebron; hena otonwe conkaškeyapi, Juda qa Benjamin obna.

11 Qa conkaške kin yusuta, qa hena ohna akicitatancan, qa woyute, qa miniša, qa wihdi wopiye kaga.

12 Qa otonwe otoiyo hi ohna wahacanka, qa wahukeza kihnaka; hecen hena nina yusuta, qa Juda qa Benjamin wicayuha.

13 Unkan wawayušnapi kin, qa Lewi kin Israel owancaya yakonpi qon tonwanyanpi kin owasin etanhan iye en hipi.

14 Hena Jehowa wakiyušnapi kte šni e Jeroboyam, qa iye cinhintku heyata iyewicayapi, heon Lewi kin otonwe tawapi, qa ihduksan tinta yuhapi kin ehpekiyapi, qa Juda qa Jerusalem en hipi.

15 Qa Jeroboyam paha on, qa canotidan on, qa ptejicadan iye kage cin on, wawayušnapi eiçihde.

16 Unkan hena iyohakam Israel wicoun owasin etanhan tona Jehowa Israel wakandapi kin akitapi kta cantepi içicupi kin, hena Jehowa hunkake wicayapi wakandapi kin wakiyušnapi kta e Jerusalem en hipi ece.

17 Qa waniyetu yamni Juda wokiconze yusutapi, qa Rehoboyam Solomon cinhintku wašag yapi; waniyetu yamni hehanyan Dawid tacanku, qa Solomon tacanku omanipi nakaš,

18 Unkan Rehoboyam Mahala he Dawid cinhintku Jerimot he cunwintku qa Abihail, he Jesse cinhintku Eliab cunwintku yuza.

19 Unkan cinca kiciton, Jeuš, qa Šemarja, qa Zaham.

20 Unkan ohakam Mayaka Abiśalom cunwintku yuza. Unkan Abija, qa Yatta, qa Ziza, qa Šelomit kiciton.

21 Unkan Rehoboyam Mayaka Abiśalom cunwintku tawicu unman, qa winohinca wakanyan wicayuze šni, hena owasin isanpa wašte daka; iye winohinca wikcemna sanpa šahdoğan wakanyan wicayuz, qa wikcemna šakpe wakan šni wicayuz; qa cinca wica wikcemna nonpa sanpa šahdoğan; qa winyan wikcemna šakpe kicitonpi.

22 Qa Rehoboyam Abija Mayaka cinhintku wicaštayatapi kage kta e hunkawanji wicaye cin wicitokam pa kaga.

23 Qa wiyukcan, qa cinhintku owasin Juda, qa Benjamin tamakocepi kin owancaya enanakiya yanke wicaya, otonwe conkaškeyapi kin owasin ohna, qa woyute ota wicaqu; qa winohinca ota wicayus wacin.

WICOWOYAKE 12.

1 Unkan Rehoboyam toškanškan yusutapi qehan, qa wašaka aye çehan, Jehowa toope kin ayušan, qa Israel owasin nakun.

2 Unkan Rehoboyam wawidake cin waniyetu izaptan kin en Šiśaq Egupta wicaštayatapi kin Jerusalem azuya, Jehowa awahtanipi nakaš.

3 Canpahmihma kektopawinge sanpa opawinge nonpa yuha hi, qa sung akan yotankapi kektopawinge wikcemna šakpe, qa oyate kici hipi kin wicayawapi šni, Egupta etanhan, Lubim, Ohanzihdepi otipi kin, qa Kušim.

4 Qa otonwe conkaškeyapi kin

II. ANPETU OYAKAPI,

Juda tawa kin icu, qa Jerusalem ekta hi.

5 Unkan Šemaja waayate kin Rehoboyam, qa Juda itancanpi kin Šišaq itokapa tanhan Jerusalem en witaya hipi kin hena ekta wicahi, qa hewicakiya, Jehowa hecen eya, Niyepi amayaduŝtanpi heon miye Šišaq nape en eĥpeciyapi ce.

6 Unkan Israel itancanpi kin, qa wicaŝtayatapi kin ihduhukuyapi, qa, Jehowa oĥan owotanna ce, eyapi.

7 Unkan ihduhukuyapi kin Jehowa wanyake qehan Jehowa oie kin Šemaja en hi, qa heciya, Ihduhukuyapi ce, ihang wicawaye kte ŝni; tuka woehdaku ciŝtinna wicawaqu kta, qa mitocanniye kin Šišaq nape kin on awakaŝtan kte ŝni.

8 Tuka wowidake wicayuhe kta; hecen wowidag wicawaye cin, qa maka wicaŝtayatapi kin wowidag wicayapi kin sdonyapi kta.

9 Unkan Šišaq Egipta wicaŝtayatapi kin Jerusalem azuya, qa Jehowa ti wopiye kin icu, qa wicaŝtayatapi ti wopiye kin, hena iyulpa icu, nakun mazaskazi wahacanka Solomon kaqe ciquon.

10 Unkan hena eekiya Rehoboyam mazazi wahacanka kaqe qa wainyankapi itancanpi kin wicaŝtayatapi ti tiyopa awanyakapi napepi en hena qu.

11 Unkan wicaŝtayatapi kin Jehowa ti kin ekta i ca wainyankapi kin hena yuhapi; qa ake wainyankapi mazopiye tawapi en hena kihnakapi.

12 Unkan ihduhukuyapi qehan Jehowa tocanniye kin etanhan ihduhomni, qa ocowasin ihang wicaye ŝni. Unkan Juda on wicoie waŝte yukan.

13 Hecen Rehoboyam Jerusa-

lem en waŝag iĥiye qa wawidaka. Rehoboyam waniyetu wikcemna topa sanpa waniyetu wanjidan qehan toka wawidaka, qa waniyetu wikcemna sanpa ŝakowin Jerusalem ohna wawidaka, otonwe kin he Israel wicoun owasin etanhan Jehowa kaĥniga, caje kin ohna yanke kiye kta heon etanhan; qa hunku Nayama eciyapi Anmoniwin.

14 Qa Jehowa iŝta kin en taku ŝica econ, Jehowa akite kta cante kin hduĕcetu ŝni nakaŝ.

15 Qa Rehoboyam oĥan unman, tokaheya qa ehake kin, hena Šemaja waayate oie kin en owapi ŝni he? qa Iddo wawanyake wicoicage oyaka kin en? Unkan Rehoboyam qa Jeroboyam ohinnyan kicizapi.

16 Qa Rehoboyam hunkake wicaya om iŝtiman. Unkan Dawid totonwe ohna hnakapi, qa eekiya cinhintku Abija wawidaka.

WICOWOYAKE 13.

1 Jeroboyam wawidake cin waniyetu iwikcemna sanpa ŝahdoĝan kin en, Abija toka wawidaka.

2 Waniyetu yamni Jerusalem ohna wawidaka, qa hunku Mikaja eciyapi, he Uriel Gibeya etanhan cunwintku. Qa Abija, qa Jeroboyam kicizapi ece.

3 Qa Abija wicaŝta waŝaka waditaka wicayuha, ozuye kaqa wicaŝta kaĥnigapi kektopawinge opawinge topa. Unkan Jeroboyam he kize kta e wicaŝta waŝaka waditaka kaĥnigapi hecapi kektopawinge opawinge ŝahdoĝan ocimdaĥ najinwicakiya.

4 Unkan Abija Zemaraim ĥe akan inajin, he Epraim ĥe kin en wanka, qa heya, Jeroboyam, qa Israel owasin namaĥonpo.

WICOWOYAKE 13.

5 Jehowa Israel wakandapi kin Dawid, qa iye cinca kin Israel iwankam wokiconze wicaqu, wotakuye owihanke wanica on, he sdonyayapi kta iyececa šni he?

6 Tuka Dawid cinhintku Solomon taokiye Jeroboyam najin, qa itancan tawa kipajin.

7 Unkan wicašta takudan yuhapi šni, wicaštapi šni cinca kin iye en witaya hipi, qa Rehoboyam Solomon cinhintku kipajinyan wašag içiyapi, he ehan Rehoboyam nahanhin askatudan, qa cante wankadan, qa wicitkokim ihdusuta šni.

8 Unkan wanna niyepi Jehowa tokiconze Dawid cinca napepi en un kin itkokim nihdusutapi kta, kehapi; qa niyepi nina niotapi, qa mazaskazi ptejicadan wakanyadapi kta e Jeroboyam nicicağapi kin hena duhapi.

9 Jehowa wawayušna tawa Aaron cinca kin, qa Lewi kin hena heyata iyewicayayapi šni he? qa makoce oyatepi kin iye-cen wawayušna niçicağapi šni he? Tuwe kašta pte wanuyanpi cincadan, qa tamdoka šakowin on nape oju kiye cinhan iye taku wakan šni wawayušna içicağa.

10 Tuka unkiyepi Jehowa wakanundapi, qa he elipeunyanpi šni, qa Aaron cinca kin wawayušnapi ece, qa Jehowa ókiyapi, qa Lewi kin wokicanye tawapi kin econpi ece.

11 Qa Jehowa on hanhanna otoiyohi, qa htayetu otoiyohi wohuhnahiyapi izinyapi, nakun wizinyapi waštemna; qa aguyapi cankuyeye kin wahnawotapi écedan akan yanka, qa maza-skazi petijanjan htayetu otoiyohi ideyapi ece, unkiyepi Jehowa Wakanundapi topatan kin unpatanpi nakaš; tuka niyepi he adušanpi.

12 Qa inyun Jehowa Wakan-tanka mdetanhunka on unkicipi un, qa wawayušna tawa maza-yahotonpi on aniyahotonpi kta; Israel cinca ihnuhan Jehowa nihunkakepi wakandapi kin yaki-zapi kin, ohiyayapi kte šni nakaš.

13 Tuka Jeroboyam wiciheyata wicašta anahbeya iyaye wicaya, hecen Juda itokam yakonpi, qa anahbeya iyayapi kin wicihakam.

14 Unkan Juda hekta etonwanpi qehan, inyun wokicize kin wicitokam, qa wicihakam un, heon Jehowa hoyekiyapi, qa wawayušna mazayahotonpi kin yahotonpi.

15 Qa Juda wicašta kin iyašapi. Unkan Juda wicašta kin iyašapi qehan Wakantanka Jeroboyam qa Israel owasin wicakaštaka, Abija qa Juda wicitokam.

16 Unkan Israel cinca kin Juda itokam napapi; napepi kin en Wakantanka wicaqu nakaš.

17 Unkan Abija, qa oyate tawa wopate tanka on wicakaštakapi hecen Israel wicašta kałinığapi kektopawinge opawinge zaptan capapi hinhpayapi.

18 Hecen anpetu kin he en Israel cinca kin yuhukunwicayapi, qa Juda cinca kin Jehowa hun-kake wicayapi wakandapi kin he wacinyanpi kin, heon wašag wicayapi.

19 Unkan Abija Jeroboyam kuwa aya, qa etanhan otowwe icu, Betel qa otowwe cunkšiwicaya, qa Ješana, qa cunkšiwicaya, qa Epron qa cunkšiwicaya.

20 Unkan Jeroboyam wowašake icimana ekicicetu šni; Abija ni kin hehanyan. Unkan Jehowa he kaštaka heon ға.

21 Unkan Abija wašag içiye ға winohinca wikcemna sanpa topa wicayuz, qa cinca wica wikce-

II. ANPETU OYAKAPI,

mna nonpa sanpa nonpa, qa win-
yan wikcemna sanpa šakpe..

22 Unkan Abija ohan unman,
qa tacanku, qa oie kin Iddo ta-
wowapi kin en owapi ce.

WICOWOYAKE 14.

1 Hecen Abija hunkake wicaya
om ištima. Unkan Dawid toton-
we ohna hnakapi, qa eekiya cin-
hintku Asa wawidaka. Anpetu
tawa en makoce kin waniyetu
wikcema oziya.

2 Qa Asa Jehowa iye wakanda
ištā kin en taku wašte qa ecetu
econ.

3 Qa owayušna tokeca, qa pa-
jodan kin yutokan, qa wakaḡapi
kin kanideca, qa Ašere kin ka-
wanka.

4. Qa Juda, Jehowa hunkake
wicayapi wakandapi kin akitapi
kta, qa toope, qa tawoahope opa-
pi kta, kewicakiya.

5 Qa Juda otonwe kin owasin
etanhan pajodan kin, qa anpetu-
wi okaḡapi kin yutokan, heon
wicoškanškan kin oziya iye ito-
kam.

6 Qa Jehowa ozikiya, qa iye
wokicize nica, makoce woozi
yuha nakaš, heon Juda ohna
otonwe conkaškeyapi kaḡa.

7 Qa Juda hewicakiya, otonwe
kin dena unkaḡapi kta, qa ihdu-
kšan conkaške, qa ipasotka, qa ti-
yopa oyugan, qa inatake on suta
unkaḡapi kta, makoce kin tawa-
unyanpi icunhan; Jehowa Wa-
kan undapi kin unkakitapi, qa
unkakitapi kin on iyozi unqupi,
tona unkihduksan yakonpi kin
etanhan; hecen kaḡapi, qa tan-
yan yušanpi.

8 Unkan Asa obe yuha Juda
etanhan wahacanka, qa wahuke-
za yuhapi *wicasta* kektopawinge
opawinge yamni, qa Benjamin

etanhan wahacanka qa itazipa
yuhapi kektopawinge opawinge
nonpa sanpa wikcemna šahdo-
ḡan; hena owasin wašaka wadi-
takapi.

9 Unkan Zera Kuši kin ozuye
wicasta kektopawinge kektopa-
winge om, qa canpahmihma opa-
winge yamni yuha tatpe wicau,
qa Mareša en ahiti.

10 Unkan Asa itkokim iyaya,
qa Tzepata osmaka ohna, Mareša
ikiyedān wokicize kaḡapi.

11 Unkan Asa iye wakanda kin
Jehowa hoyekiye qa heya, Jeho-
wa wicota qaiš tuwe wowašake
nica on waoyakiye kta unman
tukte kašta tokeca šni. Ounki-
yamiye Jehowa wakanunnidapi,
wacinunniyanpi nakaš; qa nica-
jeyan ozuye tanka kin de itkom
unyanpi, Jehowa wakanunnidapi
kin wicašta ohiniyanpi šni nun-
we.

12 Unkan Jehowa Kušim kin
Asa itokam, qa Juda itokam wi-
cakaštaka, heon Kušim kin na-
papi.

13 Unkan Asa, qa oyate iye
opapi kuwa awicayapi, Gerar
ekta hehanyan. Unkan Kušim
hinlipayapi, ecen wanikiya nica-
pi, Jehowa itokam, qa taobe kin
itokam kamdecapi, nakaš. Un-
kan walipaya ota kipi.

14 Qa otonwe Gerar ihduksan
yakonpi kin owasin wicakašta-
kapi, Jehowa yušinye wicaya na-
kaš, qa otonwe kin hena owasin
wawicakipi; hena ohna walipaya
ota nakaš.

15 Nakun wanunyanpi tipi kin
yujujupi, qa tahinca ota icupi,
nakun kamel, qa Jerusalem en
hdipi.

WICOWOYAKE 15.

1 Unkan Wakantanka toniya
kin Azarija Oded cinhintku en hi.

WICOWOYAKE 15:

2 Unkan Asa akipe kta iyaya, qa heciya, Asa, qa Juda, qa Benjamin owasin namañonpo. Tohan Jehowa oyapapi hehanyan Jehowa niyepi om yanke kta, qa ayakitapi kinhan iyeyayapi kta; tuka aduñtanpi kinhan aniyuñtanpi kta.

3 Anpetu ota wanna Israel taku wakan wicaka nicapi, qa wawayuñna waonspekiya nicapi, qa woope nicapi.

4 Tuka tokakijepi en Jehowa Israel wakandapi kin en ihduhommipi, qa akitapi kte cinhan iye-yapi kta.

5 Qa anpetu kin hena icunhan wookiye nicapi, tankan yapi, qaiś en hdiipi unman tukte kaśta; makoce ounyanpi kin owasin en woyuñinyaye tanka wanka nakaś.

6 Qa oyate oyate kici akicipapi, qa otonwe otonwe kici; Wakan-tanka yuñinye wicaya wokakije iyuhpa on nakaś.

7 Heon niyepi wakiśakapo; ihnuhan nape nistakapi kin, wolithani nitawapi on iyuwin yukan nakaś.

8 Unkan Asa wicoie kin hena, qa Oded waayate kin taku oyake cin nañon qehan, iye waśag iciya, qa wowalhte śni yutokan, Juda qa Benjamin makoce owancaya etanhan; nakon otonwe Epraim he kin etanhan icu qon, hena etanhan, qa Jehowa owayuñna tawa kin piya kağa, he Jehowa tiyopa awakeyapi itokam yan-ka.

9 Qa Juda, qa Benjamin owasin, qa wicaśta tokeca hena om tipi, Epraim, qa Manaśe, qa Simeyon etanhanhan, wicota Israel etanhan, Jehowa iye wakanda kin kici un kin wanyakapi qehan iye en hipi.

10 Qa Asa wawidake cin wani-

yetu wikcemna sanpa izaptan wi iyamni en Jerusalem en mni-ciyapi.

11 Qa hehan wokipi aupi qon etanhan tatanka opawinge śakowin, qa tañinwanuyanpi kekto-pawinge śakowin, Jehowa waki-yuñnapi.

12 Qa wotakuye kağapi; cantepi ocowasin, qa nağipi ocowasin on Jehowa hunkakepi wakan-dapi kin akitapi kta.

13 Qa tuwe kaśta Jehowa Israel wakandapi kin akite kte śni, cistinna qaiś tanka wicaśta qaiś winohinca he ƣe yapi kta.

14 Nakun Jehowa nañon eyapi hotanka on, qa iyaśapi on, qa he yahotonpi on, qa mazayahotonpi on.

15 Qa Juda owasin wokonze kin on nina wiyuñskinpi, cantepi ocowasin on konzapi nakaś; qa tawacinpi ocowasin on Jehowa akitapi, heon iyeyapi; qa wicihdukśan yakonpi kin owasin etanhan iyozi wicaya.

16 Nakun Mayaka wicaśta-yatapi Asa hunku kin winyan itancan kte śni e yutokan, he wakagapi wan Aśere kicağe cin heon; qa Asa wakagapi kin kawanka, qa kamdeca, qa Qidron osmaka ohna huñnañ-ya.

17 Tuka pajodan kin Israel etanhan yujujupi śni. Hececa śta Asa cante kin Jehowa kici zaniyan un anpetu tawa ihuni-yan.

18 Unkan taku iye atkuku yuwakan, qa taku iś iye yuwakan, mazaska, qa mazaskazi, qa wakśica Wakantanka ti kin en hi-yuya.

19 Unkan icimana wokicize yuke śni; Asa wawidake cin wani-yetu iwikcemna yamni sanpa zaptan kin hehanyan.

II. ANPETU OYAKAPI,

WICOWOYAKE 16.

1 Asa wawidake cin waniyetu iwikcemna yamni sanpa šakpe en Baaša Israel wicaštayatapi kin Juda azuya, qa Rama aconkaškeya, hecen tuwedan Asa Juda wicaštayatapi kin ekta ye kta, qaiš etanhan hdi kta iyowin wicakiye kte šni.

2 Heon Asa mazaska qa mazaskazi kin Jehowa ti wopiye kin, qa wicaštayatapi ti kin etanhan hiyuya, qa Benhadad Aram wicaštayatapi Damaskos ohna ti kin ekta yekiye ça heya.

3 Miye qa niye wotakuye unki-ciyukan, qa ate niyate kici. Iho mazaska, qa mazaskazi ciçu. Howo wotakuye nitawa Baaša Israel wicaštayatapi kici kicaksa wo; hecen amayuštan kta.

4 Unkan Benhadad, wicaštayatapi Asa nañon, qa ozuye mdetan-hunka tawa kin Israel totonwe azuye wicaši. Unkan Yijon, qa Dan, qa Abelmaim, qa Naptali otonwe wopiye kin owasin kaštakapi.

5 Unkan Baaša onañon qehan Rama kađe cin ayuštan, qa woñtani kin enakiya.

6 Unkan wicaštayatapi Asa Juda owasin mniciye wicaya; unkan inyan, qa can on Baaša Rama aconkaškeye cin hena yuwankan icupi, qa hena on Geba, qa Mitzpa conkaške yapi.

7 Unkan hehan Hanani wawan-yake kin Asa Juda wicaštayatapi kin ekta hi, qa heciya, Aram wicaštayatapi kin wacinyaye ça Jehowa wakanyada kin wacin-yaye šni, heon Aram wicaštayatapi kin taozuye kin ninapé etanhan niiciyapi ce.

8 Kušim kin, qa Lubim kin hena ozuye wicota, qa canpahmihma qa šuktanka akan yo-

tankapi nina otapi šni he? Tuka Jehowa wakanyada kin wacin-yaya, heon ninape en hena wicaqu.

9 Jehowa išta kin maka kin owancaya atowanpi, tona can-tepi kin iye zaniyan opapi kin wašag wicaye kta nakaš. Taku kin de en witkoya ecanon, heon detanhan wokicize niciyuke kta.

10 Unkan Asa wawanyake kin canniyeya, qa canicaškapi tipi kin en yanke kiya, taku kin de on nina šihda nakaš; qa Asa heehan oyate kin hunñ wicakiyuše.

11 Qa Asa oñan kin tokaheya qa ehahe kin hena Juda, qa Israel wicaštayatapi tawowapi en owapi ce.

12 Qa Asa wawidake cin waniyetu iwikcemna yamni sanpa napcinwanka en siha yazan, ecen ninañin wayazanka; tuka towayazanke kin en Jehowa akite šni, tuka pejihuta wicašta kin awicakita.

13 Qa waniyetu wawidake cin iwikcemna topa sanpa tokaheya en ça, hecen Asa hunkake wicaya om ištima.

14 Qa ohna hnakapi tawa, iye icicakan kin ohna hnakapi, Dawid totonwe ohna, qa owinja taku waštemna ocaje ota pejihuta wicašta icicahiyapi ojudan kin he akan ehnakapi, qa iye on nina ota huñnahiyapi.

WICOWOYAKE 17.

1 Unkan heekiya iye cinhintku Jehošapat wawidake ça Israel itkom wašag iciya.

2 Qa Juda otonwe conkaškeyapi kin owasin ohna akicita ota yanke wicakiya. Nakun Epraim otonwe atkuku Asa icu qon hena ohna.

3 Unkan Jehowa Jehošapat kici

WICOWOYAKE 18.

un, Dawid iye ateye cin tacanku tokaheya omani, qa Bayalim aki-te šni nakáš.

4 Tuka atkuku taku wakanda kin akita, qa woahope tawa opa, qa Israel token econ kin iyecen econ šni.

5 Heon iye nape kin ohna Jehowa wokiconze kin yusuta. Unkan Juda owasin taku qupi kin Jehošapat kahipi hecen wowijice, qa wowitan ota yuha.

6 Qa Jehowa tacanku kin en cante kin sanpa ihdutanka, hecen pajodan kin, qa Ašere kin Juda etanhan yutokan.

7 Qa towawidake waniyetu iyamni en wicašta wašaka wicayuhe cin Obedija, qa Zekarija, qa Nataneel, qa Mikaja Juda otonwe ohnahna waonšpewicakiya ye wicaši.

8 Qa hena om Lewi kin Šemaja, qa Netaneja, qa Zebadija, qa Yasaël, qa Šemiramot, qa Jehonatan, qa Adonija, qa Tobadonija Lewi kin; qa hena om, Elišama qa Jehoram wawayušnapi kin.

9 Unkan hena Juda ohna waonšpekiyapi, qa Jehowa toope wowapi kin yuhapi, qa Juda otonwe owasin ehna iyayapi, qa oyate kin onspewicakiyapi.

10 Unkan makece Juda ihdukšan yakonpi wicoškanškan kin owasin Jehowa yušinye wicaya, heon Jehošapat azuyapi šni.

11 Qa Pilistim hunh taku qupi, qa womnaye mazaska kahipi ece; nakun Arabim tahinca mdoka kektopawinge šakowin sanpa opawinge šakowin qa tatokadan mdoka kektopawinge šakowin sanpa opawinge šakowin kahipi ece.

12 Hecen Jehošapat ohinniyan sanpa tanka icağa, ecen wowitan tanka yuha; qa conkaške, qa wopiye otonwe Juda ohna kağa.

13 Qa Juda otonwe ohna wo-yuha ota yuha, qa ozuye wicašta wašaka obe tanka Jerusalem ohna.

14 Unkan ateyapi tipi itancanpi kin dena eepi, Juda kektopawinge itancanpi itancan kin Yadna, qa iye opapi kin wicašta wašaka waditaka kektopawinge opawinge yamni.

15 Qa iye isakim Jehonatan, itancan kin, qa iye opapi kin kektopawinge opawinge nonpa sanpa kektopawinge wikcemna šahdogan.

16 Qa iye isakim Yamaseja Zikri cinhintku, iye Jehowa en iyokipiya içiçu, qa wicašta wašaka waditaka kektopawinge opawinge nonpa iye opapi.

17 Unkan Benjamin etanhan wicašta wašaka waditaka wan Elijada, qa wicašta kektopawinge opawinge nonpa itazipa qa wahacanka hduha iye opapi.

18 Qa iye isakim Jehozabad, qa wicašta wokicize on wipekitonpi kektopawinge opawinge sanpa kektopawinge wikcemna šahdogan iye opapi.

19 Wicaštayatapi ókiyapi ece hena eepi; nakun tona wicaštayatapi Juda owancaya otonwe conkaškeyapi ohna yanke wicakiya.

WICOWOYAKE 18.

1 Hecen Jehošapat wowijice, qa wowitan tanka yuha, qa wotakuye Ahab kicicağa.

2 Qa ohakam waniyetu kitanna ota Ahab ekta i, Samaria en. Unkan Ahab tahinca qa pte ota kicipata; iye on, qa oyate opapi on, qa iye kici Ramot Gilejad ekta ye ape.

3 Qa Ahab Israel wicaštayatapi kin Jehošapat Juda wicaštayatapi kin heciya, Ramot Gile-

II. ANPETU OYAKAPI,

yad unkize kta micide kta he? Unkan heciya, Niye iyemaceca, qa oyate mitawa oyate nitawa iyececap; hecen ozuye en nici unyakonpi.

4 Nakun Jehoſapat Israel wicaſtayatapi kin heciya, Iho nakaha Jehowa oie kin iwanga wo.

5 Unkan Israel wicaſtayatapi kin waayate wicaſta opawinge topa mniciye wicaya, qa hewicakiya, Ramot Gileyad kiza mde kta, qaiſ enawakiye kta he? Unkan, Ekta ya wo; kinhan Wakantanka wicaſtayatapi nape kin en qu kta, eyapi.

6 Unkan Jehoſapat heya, Jehowa tawaayate unkiwange kta deci wanjidan yuke ſni he?

7 Unkan Israel wicaſtayatapi kin Jehoſapat heciya, Jehowa iwangapi kta on nahanhin wicaſta wanjidan en un; tuka miye he ſicewadaka, miye on taku waſte ayate ſni, tuka taku ſica ohinniyan; Mikaja Imla cinhintku kin hee. Unkan Jehoſapat heya, Ihnuhan wicaſtayatapi kin hecen eye cin.

8 Unkan Israel wicaſtayatapi kin yunokos wanji kipan, qa heciya, Mikaja Imla cinhintku kin kohanna deci hiyuya wo.

9 Unkan Israel wicaſtayatapi, qa Jehoſapat Juda wicaſtayatapi kin, Samaria conkaſke tiyopa hocoka ohna otoiyohi oiyotanke tawa akan ſina hdowin iyotantang yakonpi, qa waayatepi kin owasin wicitokam waayatapi.

10 Unkan Tzedekija Kenayana cinhintku mazasapa he iſicaga qa heya, Jehowa hecen eya, Dena on Aram patan iyeyaye kta ecen wicadusote kta.

11 Qa waayate owasin iyecen waayatapi qa heyapi, Ramot Gileyad ekta ya wo, qa ohiya wo.

Jehowa he wicaſtayatapi nape en qu kta nakaſ.

12 Unkan wahoſiye Mikaja kico iyaye cin ie a heciya; Iho waayate wicaho wanjidan on iapi waſte wicaſtayatapi eciyapi. Ceciciya nioie hena wanji oie kin iyecece kta, qa taku waſte ehe kta.

13 Unkan Mikaja heya, Jehowa ni ce, hecen tuwe wakanwada taku eye cin he iwae kta.

14 Qa wicaſtayatapi kin ekta hi. Unkan wicaſtayatapi kin heciya, Mikaja Ramot Gileyad kize kta ekta unyanpi kta, qaiſ enaunkiyapi kta he? Unkan, Ya wo, qa ohiya wo, hecen ninapepi en wicaqupi kta, eya.

15 Unkan wicaſtayatapi kin heciya, Jehowa cajeyan taku wicaka heceedan emayakiye kta tona akihde taku wakan cajeyan eciciye kta he?

16 Unkan heya, Israel owasin he akan enanakiya iyayapi, taſhinca wanunyanpi waawanyake nicapi iyecen wanwicamdaka. Unkan Jehowa heya, Dena itancan nicapi zaniyan hdapi kte otoiyohi tipi tawa ekta.

17 Unkan Israel wicaſtayatapi kin Jehoſapat heciya, Miye on taku waſte ayate kte ſni tuka taku ſice cin, he eciciye ſni he?

18 Unkan heya, Heon Jehowa oie kin nahonpo. Jehowa toiyotanke akan iyotanke cin, qa maſpiya obe kin owasin etapata qa catkata najinpi kin wanwicamdaka.

19 Unkan Jehowa heya, Tuwe Ahab Israel wicaſtayatapi kin cinkiye kta on Ramot Gileyad ekta ye kta, qa hinſpaye kta he? Unkan wanji hecen eya, qa unman kaken eya.

20 Unkan woniya wan inanpe a Jehowa itokam najin, qa heya,

WICOWOYAKE 19.

Miye cinwakiye kta ce. Unkan Jehowa heciya, Token?

21 Unkan imdamde ça waayate tawa owasin ipi kin ohna woniya itonśni hemaca kta. Unkan heciya, Cinyakiye ça ohiyaye kta. Ekta ya qa hecen econ wo.

22 Unkan wanna iho Jehowa woniya itonśni wan waayate nitawa kin dena ipi kin en yekiya, qa Jehowa niye on taku śica ia ce.

23 Hehan Tzedekija Kenayanna cinhintku ikiyedani hi qa iyoha akan Mikaja apa, qa heya, Jehowa toniya kin mitan tanhan nici wohdake kta tukte canku olna iyaya he?

24 Unkan Mikaja heya, Inyun niye wandake kta, tohan tipi tinahentu wan mahen inayahibe kta idade cinhan anpetu kin he en.

25 Unkan Israel wicaštayatapi kin heya, Mikaja icupo, qa otonwe itancan kin Amon, qa wicaštayatapi cinhintku Joaś ekta kayapo.

26 Qa hehapi kta, Wicaštayatapi kin hecen eya, De wica-kaśka tipi kin mahen iyeyapo; qa, zaniyan wahdi śni kin hehanyan woiyokiśica aguyapi kin yun kiyapo, qa wokakije mini kin yatke kiyapo.

27 Unkan Mikaja heya, Zaniyan yahdi kinhan Jehowa miye on ie śni do; nakon heya, Oyate owasin nahonpo.

28 Unkan Israel wicaštayatapi kin, qa Jehošapat Juda wicaštayatapi kin Ramot Gilejad ekta iyayapi.

29 Qa Israel wicaštayatapi kin Jehošapat heciya, Miye mihdu-tokeca, qa wokicize en mde kta; tuka niye śina hdowin wo. Unkan Israel wicaštayatapi kin togye ihduza, qa okicize en ipi.

30 Unkan Aram wicaštayatapi kin tacanpahmihma itancanpi kin wahokonwicakiye ça heya, Tuwe cistinna, qa tuwe tanka unmana yakizapi kte śni, tuka Israel wicaštayatapi kin hecedan *kizapo*.

31 Unkan canpahmihma itancanpi kin Jehošapat wanyakapi qehan, Israel wicaštayatapi kin hee, eyapi, qa kizapi kta ihdukśan iyayapi. Unkan Jehošapat hoyeya, unkan Jehowa okiya, qa Wakantanka wicayutokan.

32 Unkan canpahmihma itancanpi kin he Israel wicaštayatapi kin ee śni wanyakapi qehan, tokan ihdamnapi.

33 Tuka wicašta wan ituyaken tinazipe ecate, qa Israel wicaštayatapi kin mazaheyake okihe olna icam iheya. Unkan canpahmihma kahape cin heciya, Ninape hduwina, qa obe kin etanhan hdicumayan wo, maopi nakaś.

34 Unkan anpetu kin he en okicize tehiya aya. Unkan Israel wicaštayatapi kin Aram iyotakons canpahmihma ohna bosdan iyotanka, litayetu hehanyan, qa wi iyaye cin hehan řa.

WICOWOYAKE 19.

1 Unkan Jehošapat Juda wicaštayatapi zaniyan Jerusalem en hdi.

2 Unkan Jehu Hanani cinhintku wawanyake kin itkokim iyaye ça wicaštayatapi kin Jehošapat heciya, Wicašta śica owicayakiye kta iyececa he? qa tona Jehowa śicedakapi wašte wicayadaka he? Hecanon kin on Jehowa canniye niyan.

3 Hececašta taku wašte nici iyeyapi ce, makoce kin etanhan Ašerot dutokan kin he, nakon

II. ANPETU OYAKAPI,

nicante Wakantanka akite kta duecetū.

4 Unkan Jehošapat Jerusalem en hdiyotanke çehan, ake oyate kin wicēhna iyaya, Beršeba etanhan Epraim he kin hehanyan, qa Jehowa hunkake wicayapi Wakandapi en hdicuwicaya.

5 Qa makoce en wayaco wicakağa Juda otonwe aconkaškeyapi owasin ohnahna otonwe otoiyo hi on.

6 Qa wayacopi kin hewicakiya, Taku ecanonpi kin waktaya unpo. Wicašta akantu on wadacopi šni; tuka Jehowa on, qa wayaco oie kin en, iye niyepi om un.

7 Qa wanna Jehowa tokokipe niyepi akan un nunwe. Awanihdakapi, qa econpo, Jehowa wakan undapi kici taku šica wanica, nakun wicite ihaktapi, qa taku nahmana qupi kin icupi kin wanica nakaš.

8 Nakun Jerusalem ohna Jehošapat Lewi kin etanhan, qa wawayušnapi etanhan, qa Israel ateyapi itancanpi etanhan wayaco wicakağa, Jehowa woyaco tawa on, qa waakinicapi on, Jerusalem en hdi qehan.

9 Qa wahokonwicakiye ça heya, Decen ecanonpi kta Jehowa tokokipe en, qa wowicake en, qa cante zaniyan en.

10 Woakinice owasin en anihipi, nihunkawanjipi otonwe tawapi otipi kin etanhan, we paponpi kin on, qaiš woope, qa woahope, qa wokage, qa wayacopi kin on, ca iyoyam wicayayapi kta, hecen Jehowa awahtanipi kte šni, qa wošitkihda nihunka wanjipi, qa niyepi anihipi kte šni. Hecen ecanonpi kta, kinhan wayahtanipi kte šni.

11 Qa iho Amarija wawayušna

itancan kin, Jehowa taku tawa owasin on niwan kam un; qa Zebadeja Išmayel cinhintku Juda tiyohnaka itancan kin wicaštayatapi taku tawa on, qa Lewi wowapi kağapi kin nitokam yakonpi. Waditagya ohanyanpo qa tuwe wašte kinhan Jehowa kici un kta.

WICOWOYAKE 20.

1 Unkan hena iyohakam Moab cinca kin, qa Anmon cinca kin, qa hena om Mayanim nakun Jehošapat azuya upi.

2 Unkan wicašta Jehošapat okiyag hipi, qa heyapi; Wicota hinca Mde kin akotanhan, Edom etanhan tatpe niupi, qa inyun Hatzetzontamar, Engedi hee, ohna yakonpi.

3 Unkan Jehošapat kokipa, qa Jehowa akite kta ite kin yekiya, qa Juda owasin wote šni unpi kta ieyanpaha wicaya.

4 Unkan Juda Jehowa etanhan *wookiye* akitapi kta mniciyapi, nakun Juda otonwe owasin etanhan Jehowa akin hipi.

5 Qa Jehošapat Juda qa Jerusalem omniciye en najin, Jehowa ti kin ohna, hocoka teca itokam,

6 Qa heya, Jehowa hunkake wicunyanpi wakannidapi, Malpiya en taku wakan kin niye šni he? qa ikcewicasta woki-conze owasin iwicayadaka, qa ninape ohna wookihi, qa wowasake yuke šni he? hecen tuwedan nicitkokim najin okihi šni.

7 Makoce kin de ounyanpi kin owasin oyate nitawa Israel itokapa tanhan wicayusota tuwe wakan undapi kin niye šni he? qa he nitakuye Abraham cinca kin yaqu, owihanke wanin.

8 Unkan hen tipi, qa hen tipi

wakan nicicagapi, nicaje on, qa heyapi,

9 Taku sica unakikipapi kinhan isan, woyaco, qais makošice, qais wicaakihan, qa tipi kin de itokam naunjinpi niye itokam, nicaje tipi kin de en yanka nakaš; qa unakikipapi on hoyeunniciyapi kinhan nayañon kta, qa niunyayapi kta.

10 Unkan wanna inyun Anmon cinca kin, qa Moab, qa Seyir *ounyanpi* kin, hena Israel Egupta etanhan kupi qehan, wicehna kupi iyowinwicayakiye šni, hecen icuom hiyupi, qa wicaktepi šni.

11 Qa hena sicaya ecaunkiconpi, qa makoce tawaunyanpi kta e unyaqupi kin etanhan nape unyanpi kta hipi.

12 Wakan unnidapi wicadaco kte šni he? Ozuye tanka kin de tatpe unhipi wicitkokim naunjinpi kta unkiyepi en wookihi wanica, qa taku econkupi kta sdonunyanpi šni; heon unkištapi kin anitonwanpi.

13 Hehan Juda owasin Jehowa itokam najinpi, nakun šicecapi, tawicupi, qa cincapi.

14 Unkan omniciye cokaya Jehowa toniya Jehaziel Zekarija cinhintku he Benaja cinhintku, he Jeyiel cinhintku he Mattaneja cinhintku Lewi kin Asap cinca etanhan, he akan hi.

15 Unkan heya, Anağoptanpo, Juda owasin, qa Jerusalem otipi kin, qa wicaštayatapi kin Jehošapat, Jehowa hecen eniciyapi, Ihnuhan niyepi yušinye niyanpi qa ihnuhan ozuye tanka kin de ikowicayapapi kin, wokicize kin niye nitawapi šni, tuka Wakan-tanka he tawa ce.

16 Heyakecinhan wicitkokim yapo, inyun Tzitz oiyakapte kin itanwankanhide upi, qa kaksiza

ihanke en iyewicayayapi kta; Jeruel tinta kin wiyohiyanpata.

17 Hen wicayakizapi kte šni, tuka owanji najinpo, en yan- kapo, qa Jehowa towanikiye ničupi kin wanyakapo. Juda qa Jerusalem ihnuhan yušinye niyanpi kin, qa ihnuhan wako- yakikipapi. Heyakecinhan wici- tkokim inanpapo, qa Jehowa nicipi un kta.

18 Hehan Jehošapat ite kin maka ektakiya patuja, qa Juda qa Jerusalem ounyanpi kin owa- sin Jehowa ohodapi kta e Je- howa itokam *makata* elpeičiya- pi.

19 Qa Lewi kin Qohati cincapi kin etanhan, qa Qorahi cinca kin etanhan ho tanka, qa wan- kantuya on Jehowa yatanpi kta e najinpi.

20 Unkan hanhannahin kiktapi, qa Teqoa tinta kin ekta iyayapi. Unkan yapı kin icunhan Jehoša- pat najin qa heya, Juda qa Jeru- salem ounyanpi kin namañonpo. Jehowa wakanyadapi kin wa- cinyanpo, hecen niyusutapi kta, Waayate tawa wicawicadapo, hecen ohiyayapi kta.

21 Unkan oyate om wohdake qa Jehowa idowanpi kin najin wi- cakiya; unkan wipekitonpi wi- citokam manipi, qa towitan wa- kan yatanpi, qa heyapi, Jehowa yatanpo, towacantkiye owihanke wanica ce.

22 Unkan toka panpi kin, qa wayatanpi kin he ehan Jehowa Anmon cinca kin, qa Moab, qa Seyir he ounyanpi kin Juda takpe upi kin waiyapewicakiya hecen wicakaštakapi.

23 Unkan Anmon cinca kin qa Moab Seyir he ounyanpi kin anawicatanpi ecen wicaktepi, qa ihang wicayapi; qa Seyir oun- yanpi kin wicayusotapi qehan,

II. ANPETU OYAKAPI,

wa hūhnaħkiciyapi kta, Moses toope en owapi kin iyecen; wowiųskin on, qa odowan Dawid nape kin on.

19 Qa tiyopa awanyakapi kin Jehowa ti tiyopa kin ekta najin-wicakiya; hecen tuwe śapa tokadan tin hiyu kte śni.

20 Qa opawinge itancanpi kin, qa wicaśta kinihanpi kin, qa to-na wawidakapi kin, qa makoce oyate kin owasin om, wicaśtayatapi kin Jehowa ti kin etanhan apamahde ayapi, qa wicaśtayatapi tipi tawa tiyopa wankantu kin ohna hiyuyapi, qa wicaśtayatapi toiyotanke akan wicaśtayatapi kin iyotang kiyapi.

21 Hecen makoce oyate kin owasin wiyųskinpi, qa otonwe kin oziiċiya, Atalija ŋeyapi kin ohakam.

WICOWOYAKE 24.

1 Joaś waniyetu śakowin, toka wawidake ċehan, qa waniyetu wikcemna topa Jerusalem ohna wawidaka, qa hunku Tzibia eciyapi Berśeba etanhan.

2 Qa Joaś taku ecetu Jehowa iśta kin en econ, Jehojada wawayuśna kin anpetu tawa owasin.

3 Unkan Jehojada winoħinea nonpa yuskiya. Unkan cinca wica winyan ko kicitonpi.

4 Unkan hena iyohakam Jehowa ti kin pikiye kta e Joaś cante yuza.

5 Qa wawayuśnapi kin, qa Lewi kin mniciye wicaye ċa hewicakiya, Juda otonwe kin ektakta yapo, qa Jehowa wakanyadapi tipi tawa kin yusutapi kta e Israel owasin etanhan mazaska mnayanpo, omaka otoiyohi; qa wicoie kin de niyepi inahniyapo. Tuka Lewi kin inahniyapi śni.

6 Unkan wicaśtayatapi kin Jehojada itancan kin kico, qa heciya, Tokeca woayaanin tipi kin on woahi, Moses Jehowa taokiye kin Israel mnaye wicaśi kin he, Lewi kin Juda qa Jerusalem etanhan ahi wicayakiye śni he?

7 Atalija winoħinea śica kin he cinca kin iyahna Wakantanka ti kin yujuju, qa Jehowa tipi tawa on taku yuwakanpi kin owasin Bayalim ekta ayapi.

8 Unkan wicaśtayatapi kin eye cin iyecen canwohnaka wan kaġapi, qa Jehowa tipi tawa tiyopa ekta itankan ehnaċapi.

9 Hehan woahi, Moses Wakan-tanka taokiye ħopuza kin en Israel ahi wicaśi kin, Juda qa Jerusalem ohna ahipi kta, ieyan-pahapi.

10 Unkan itancanpi kin qa oyate kin owasin wiyųskinpi, qa ahipi, qa en iyeyapi, ecen yuśtanpi.

11 Unkan tohantu kaśta mazaska ota wanyakapi, ċa wicaśtayatapi econ wicaśi iyecen, Lewi kin canwohnaka kin ahipi ċa wicaśtayatapi tawowapi kaġa, qa tuwe wawayuśna itancan kin ċajeyate cin ekta ipi; qa canwohnaka yuħdokapi, qa mazaska kin icupi, qa ake canwohnaka kin oyanke tawa kin ekta ħnaċapi, hecen econpi tohantu kaśta, qa mazaska ota mnayanpi.

12 Unkan wicaśtayatapi kin, qa Jehojada mazaska kin Jehowa ti kin wokicanye woħtani kin econpi kin wicakipamnpi, qa nakun Jehowa ti kin piyapi kta wakanpi, qa canċajipapi opewicatonpi, qa nakun mazasapakaġa, qa mazaśakaġa Jehowa ti kin yusutapi kta on.

13 Hecen wokicanye econpi kin ħitanpi, qa piyapi woħtani

kiconze en najin, qa waśag içiye ça sunkaku owasin isan on wicakte, nakun Israel itancanpi hunñ.

5 Joram waniyetu wikcemna yamni sanpa nonpa qehan toka wawidake ça waniyetu şahdoğan Jerusalem ohna wawidaka.

6 Qa Israel wicaśtayatapi tacankupi kin ohna mani, Ahab tiyohnaka kin econpi kin iyecen, Ahab cunwintku wan yuza nakaś, qa taku śica Jehowa iśta kin en econ ece.

7 Hececa śta Dawid tiyohnaka kin ihangye kta Jehowa iyokipi śni; wotakuye Dawid kicicağe ça iye qa cinca kin petijanjan wicaqu kta, anpetu owasin, keye ciqon, heon etanhan.

8 Anpetu tawa en Edom Juda nape ihukuya unpi qon kipajinpi, qa wicaśtayatapi wan içicağapi.

9 Unkan Joram taakicita tancan om, qa canpahmihma tawa owasin om tawicakpe iyaya qa hanyen najin, qa Edom iye qa tacanpahmihma itancanpi kin ihduksan hiyeyepi kin wicakaśtaka.

10 Tuka Edom anpetu kin dehanyan Juda nape kin kipajinpi. He ehan iye Jehowa hunkake wicaya wakandapi kin ayuśtan kin heon Libna nakun iye nape kin kipajin.

11 Iye nakun pajodan kaga, Juda he kin akan; qa Jerusalem otipi kin wawicilahapi econwicakiya, qa Juda cinwicakiya.

12 Unkan wowapi wan Elija waayate kin etanhan kahipi kin he heya, Jehowa niyate Dawid wakanda kin hecen eya, Niyate Jehośapat tacanku, qa Asa Juda wicaśtayatapi tacanku kin ohna mayani śni,

13 Tuka Israel wicaśtayatapi tacankupi kin ohna mayani, qa

Juda, qa Jerusalem otipi kin wawicilahapi econwicakiya; Ahab tiwahe wawicilahapi econpi kin iyecen; qa nisunka niyate tiyohnaka niye isanpa waśtepi hena wicayakte;

14 Heon inyun Jehowa wokaśtake tanka on oyate nitawa, qa nicinca, qa nitawinpi, qa taku duhe cin iyuhpa wicakaśtake kta;

15 Qa niye tezi niyazan nina waniyazanke kta ecen anpetu iyohi wowayazan on niśupe kin hiyu kta.

16 Unkan Jehowa Pilistim kin, qe Arabim Kuśim ikiyedani yakonpi kin toniyapi kin Joram azuyapi kta e iyopaśtaka.

17 Unkan Juda anatanpi, qa naoksapi, qa wicaśtayatapi tipi tawa ohna woyuha iyeyapi kin iyuhpa icupi, qa nakun iye cinca kin qa tawicu wayaka iwicacupi; hecen cinhintku hakakta Jehoahaz heceēdan okicaptapi.

18 Qa hena owasin ohakam Jehowa he kaśtaka, tezi kin en, wowayazan okizipica śni on.

19 Unkan anpetu owasin otioyohi hececa, ecen omaka nonpa ihanketa, towayazanka on śupe kin hiyu, qa wowayazan śica on ta qa hunkake wicaya izinwicayapi kin iyecen iye on woizinye kağapi śni.

20 Waniyetu wikcemna yamni sanpa nonpa qehan toka wawidaka, qa waniyetu şahdoğan Jerusalem ohna wawidaka, qa iya ye cehan akiceyapi śni, qa Dawid totonwe ohna hnakapi, tuka wicaśtayatapi ohnahnakapi kin hena ohna hnakapi śni.

1 Unkan Jerusalem ounyanpi kin heekiya cinhintku hakakta

II. ANPETU OYAKAPI,

Ahazija wicaštayatapi kağapi, ozuye Arabim om owanka kin en hipi qon, tokapapi kin owasin wicaktepi nakaś. Hecen Joram cinhintku Ahazija Juda idaka.

2 Ahazija waniyetu wikcemna nonpa sanpa nonpa qehan toka wawidaka, qa waniyetu wanjidan Jerusalema ohna wawidaka, qa hunku Atalija Omri cunwintku eciyapi.

3 Nakun iye Ahab tiyohnaka canku kin omani, hunku taku śica econ wahokonkiya nakaś.

4 Hecen Jehowa išta kin en taku śica econ, Ahab tiyohnaka kin iyecen. Hena atkuku te cin iyohakam wawiyukan wicayuha, hecen ihangyapi.

5 Nakun hena tawowahokonkiye ohna mani, qa Joram Ahab cinhintku Israel wicaštayatapi kici Hazael Aram wicaštayatapi azuya wokicize ekta, Ramot Gilead en i, qehan Arami kin Joram kaštakapi.

6 Unkan Ramot ekta Hazael Aram wicaštayatapi azuya wokicize en opi kin okiziyapi kta, heon Jezreyel en hdi. Unkan Azarija Joram cinhintku Juda wicaštayatapi kin Joram Ahab cinhintku wanyake kta apamahde i, he wayazanka nakaś.

7 Qa Ahazija awihnunipi kin he Wakantanka etanhan Joram ekta i kin hee; qa ekta i qehan, Joram kici Jehu Nimśi cinhintku itkokim iyaya, he Ahab tiyohnaka kin wicakaśpe kta Jehowa sdaya.

8 Unkan Jehu Ahab tiyohnaka kin wicayaco qehan; Juda itancanpi kin, qa Ahazija cincu cincapi kin Ahazija okiyapi kin hena iyewicaya, qa wicakte.

9 Qa Ahazija akita, qa icu, he Samaria ohna inahma, tuka Jehu ekta kabipi; unkan te kiya,

qa Jehošapat cante kin ocowasin on Jehowa akite cin cinhintku kin hee, eyapi kin, heon hnakapi. Hecen Ahazija tiyohnaka kin wokiconze yuhapi kta woo-kihi nicapi.

10 Unkan Atalija Ahazija hunku kin iye cinhintku te cin wanyake qehan najin, qa Juda tiyohnaka wicaštayatapi cinca kin owasin wicakte.

11 Tuka Jehošebeat wicaštayatapi cunwintku kin Joaś nahmana icu, wicaštayatapi cinca kin wicehna tanhan, wicaktepi qehan, qa iye, winyan icahiye cin kici, oištima tipi mahentu en iyewicaya. Hecen Jehošebeat Juda wicaštayatapi Joram cunwintku Jehojada wawayuśna tawicu kin he nahma; Atalija ite kin etanhan, unkan ktepi śni; he Ahazija tawinohtin ee nakaś.

12 Unkan iye hena om Wakan-tanka ti kin ohna nahmana yanka, waniyetu śakpe. Unkan Atalija makoce kin idaka.

WICOWOYAKE 23.

1 Unkan waniyetu isakowin en Jehojada waśag iciye qa opawinge itancanpi kin wicakico, Azarija Jeroham cinhintku, qa Ismael Johanan cinhintku, qa Azarija Obed cinhintku, qa Mayasiya Adaja cinhintku, qa Elišapat Zikri cinhintku, qa hena om wotakuye kağa.

2 Unkan Juda ohna enanakiya iyayapi, qa Juda otonwe owasin etanhan Lewi kin, qa Israel ateyapi itancanpi kin mniciye wicayapi, unkan Jerusalem en hipi.

3 Unkan omniciye kin owasin Wakantanka ti kin ohna wicaštayatapi kici wotakuye kağapi. Unkan Jehojada hewicakiya, Inyun wicaštayatapi cinhintku kin

wicaštayatapi kta, Jehowa Dawid cinca kin on eye ciqon iye-cen.

4 Wicoie kin de ecanonpi kta. Anpetu wakan en yaupi eca, wawayuśnapi, Lewi koya obe yamni yaupi kta, qa wanji hocoka tiyopa en yanke kta.

5 Qa wanji wicaštayatapi ti kin en, qa wanji oahehde tiyopa kin ekta, qa oyate kin owasin Jehowa ti hocoka kin ohna yakonpi kta.

6 Qa tuwedan Jehowa ti kin en hi kte śni, wawayuśnapi, qa Lewi owicakiyapi kin henana; hena wakanpi, heon hena en hipi kta, qa oyate kin owasin Jehowa toawanyake kin awanyakapi kta.

7 Unkan Lewi kin wicaštayatapi kin ihdukśan najinpi kta, otoiyo hi wipe kin nape ohna hduze kta, qa tuwe timahen hiyu kinhan țeyapi kta, qa wicaštayatapi kin tin hiyu, qa tankan ya eca kici unpo.

8 Unkan Lewi kin, qa Juda owasin token Jehojada wawayuśna kin econ wicaśi kin ocowasin iyecen econpi, qa otoiyo hi wicašta tawa iwicacupi anpetu wakan en hiyupi kin, nakun anpetu wakan en inanpapi kin; Jehojada wawayuśna kin obe kin kihde wicaye śni nakaś.

9 Unkan Jehojada wawayuśna kin opawinge itancanpi kin wahukeza, qa wahacanka, qa wanju kin wicaqu, hena wicaštayatapi Dawid tawa qon, qa Wakantaka ti kin ohna yankapi.

10 Qa oyate kin owasin najin wicakiya, otoiyo hi wahukeza nape ohna hduha, tipi hiyete etapa (itokağa) tanhan, tipi hiyete catkata (waziyata) aiyahdeya, owayuśna, qa tipi kin koya, wicaštayatapi kin ihdukśan.

11 Hehan wicaštayatapi cin-

hintku kin inanpe yapi, qa wateśdake kin aehnakapi, qa woyaa-tanin qupi, hecen wicaštayatapi kagapi; qa Jehojada, qa iye cinca kin sdayapi; qa, Wicaštayatapi kin ni nunwe eyapi.

12 Unkan Atalija oyate inyan-kapi, qa wicaštayatapi yatanpi hopi kin nahon qehan, oyate Jehowa ti en yakonpi kin ekta wicahi.

13 Unkan etonwan, qa inyun wicaštayatapi kin omanipi ohna cowahe tawa akan najin, qa itancanpi kin, qa mazayahotonpi kin, wicaštayatapi kin icahda, qa makoce oyate kin owasin wiyuśkinpi, qa mazayahotonpi, qa wadowanpi kin widowankiyapi on watan onspewicakiyapi; hehan Atalija taheyake hduhdelideca, qa, Wokipajin, wokipajin, eya.

14 Hehan Jehojada wawayuśna kin opawinge itancanpi kin obe awanyakapi kin inanpewicaye ca hewicakiya, Ocimdañ najinpi kin itankan iyaye yapo, qa tuwe he ope cinhan țeyapi kta, Jehowa ti kin ohna țeyapi śnipo, wawayuśna kin eya nakaś.

15 Unkan iyaliipayapi, unkan wicaštayatapi tipi śuktanka tiyopa ocanku kin ekta i, unkan hen ktepi.

16 Unkan Jehojada wotakuye kaga, iye, qa oyate kin owasin, qa wicaštayatapi kin om, Jehowa oyate tawapi kta.

17 Hehan oyate kin owasin Bayal ti kin ekta ipi, qa yujuju-pi, qa owayuśna tawa, qa wakağapi tawa kin kaksaksapi, qa Mattan Bayal wakiciyuśna kin owayuśna tawa itokam ktepi.

18 Unkan Jehojada Jehowa ti kicanyanpi kta on wawayuśnapi kin, qa Lewi kin najin wicakiya, token Jehowa ti kin on Dawid wicapamni, woħulinahyapi Jeho-

II. ANPETU OYAKAPI,

wa hūhnaḥkiciyapi kta, Moses toope en owapi kin iyecen; wowi-yuśkin on, qa odowan Dawid nape kin on.

19 Qa tiyopa awanyakapi kin Jehowa ti tiyopa kin ekta najin-wicakiya; hecen tuwe śapa tokadan tin hiyu kte śni.

20 Qa opawinge itancanpi kin, qa wicaśta kinihanpi kin, qa to-na wawidakapi kin, qa makoce oyate kin owasin om, wicaśtayatapi kin Jehowa ti kin etanhan apamahde ayapi, qa wicaśtayatapi tipi tawa tiyopa wankantu kin ohna hiyuyapi, qa wicaśtayatapi toiyotanke akan wicaśtayatapi kin iyotang kiyapi.

21 Hecen makoce oyate kin owasin wiyuśkinpi, qa otonwe kin oziiciya, Ataliya ŧeyapi kin ohakam.

WICOWOYAKE 24.

1 Joaś waniyetu śakowin, toka wawidake cehan, qa waniyetu wikcemna topa Jerusalem ohna wawidaka, qa hunku Tzibia ecipyapi Berśeba etanhan.

2 Qa Joaś taku ecetu Jehowa iśta kin en econ, Jehojada wawayuśna kin anpetu tawa owasin.

3 Unkan Jehojada winoḥinca nonpa yuskiya. Unkan cinca wica winyan ko kicitonpi.

4 Unkan hena iyohakam Jehowa ti kin pikiye kta e Joaś cante yuza.

5 Qa wawayuśnapi kin, qa Lewi kin mniciye wicaye ca hewicakiya, Juda otonwe kin ektakta yapo, qa Jehowa wakanyadapi tipi tawa kin yusutapi kta e Israel owasin etanhan mazaska mnayanpo, omaka otoiyoḥi; qa wicoie kin de niyepi inahniyapo. Tuka Lewi kin inahniyapi śni.

6 Unkan wicaśtayatapi kin Jehojada itancan kin kico, qa heciya, Tokeca woayaanin tipi kin on woahi, Moses Jehowa taokiye kin Israel mnaye wicaśi kin he, Lewi kin Juda qa Jerusalem etanhan ahi wicayakiye śni he?

7 Ataliya winoḥinca śica kin he cinca kin iyahna Wakantanka ti kin yujuju, qa Jehowa tipi tawa on taku yuwakanpi kin owasin Bayalim ekta ayapi.

8 Unkan wicaśtayatapi kin eye cin iyecen canwohnaka wan ka-gapi, qa Jehowa tipi tawa tiyopa ekta itankan ehna-kapi.

9 Hehan woahi, Moses Wakan-tanka taokiye ḥopuza kin en Israel ahi wicaśi kin, Juda qa Jerusalem ohna ahipi kta, ieyan-pahapi.

10 Unkan itancanpi kin qa oyate kin owasin wiyuśkinpi, qa ahipi, qa en iyeyapi, ecen yuśtanpi.

11 Unkan tohantu kaśta maza-ska ota wanyakapi, ca wicaśtayatapi econ wicaśi iyecen, Lewi kin canwohnaka kin ahipi ca wicaśtayatapi tawowapi kaḡa, qa tuwe wawayuśna itancan kin cajeyate cin ekta ipi; qa canwohnaka yuḥdokapi, qa mazaska kin icupi, qa ake canwohnaka kin oyanke tawa kin ekta hna-kapi, hecen econpi tohantu kaśta, qa mazaska ota mnayanpi.

12 Unkan wicaśtayatapi kin, qa Jehojada mazaska kin Jehowa ti kin wokicanye woḥtani kin econpi kin wicakipamnipi, qa nakun Jehowa ti kin piyapi kta wakanpi, qa cankaḡipapi opewicatonpi, qa nakun mazasapakaga, qa mazaśakaga Jehowa ti kin yusutapi kta on.

13 Hecen wokicanye econpi kin ḥtanipi, qa piyapi woḥtani

WICOWOYAKE 25.

kin napepi on yuſtanpi, ecen Wakantanka tipi tawa iyutapi qon iyecen ehdepi, qa yusutapi.

14 Unkan yuſtanpi qehan mazaska okaptapi kin wicaſtayatapi kin, qa Jehojada wicitokam hiyuyapi, qa Jehowa ti kin on wakſica kaſapi, wokicanye wakſica, qa wohuſnahiyapi on, qa maza tukiha, qa mazaskazi wakſica, qa mazaska wakſica. Unkan Jehowa tipi tawa ohna wohuſnahiyapi huſnahiyapi, ohinnian, Jehojada anpetu tawa owasin.

15 Unkan Jehojada wicaſhinca, qa anpetu imna, qa waniyetu opawinge sanpa wikcemna yamni qehan te.

16 Unkan Israel ohna taku waſte Wakantanka, qa tipi tawa ecakicon, heon Dawid totonwe ohna, wicaſtayatapi om hnakapi.

17 Unkan Jehojada te cin ohakam Juda itancanpi kin wicaſtayatapi kin en hipi, qa itokam makipusdiya ehpeiçiyapi, hehan wicaſtayatapi kin anawicağoptan.

18 Unkan Jehowa hunkake wicayapi wakandapi tipi tawa ayuſtanpi, qa Aſerim, qa wakaſapi okiyapi; qa taku kin de en wahtanipi kin, heon Jehowa Juda qa Jerusalem canniye wicaya.

19 Jehowa en hdiçuwicaye kta waayate yewicaſi, qa awicayataniipi eſta anağoptanpi ſni.

20 Unkan Wakantanka toniya kin Zekarija Jehojada wawayuſna kin cinhintku kin, koyagya; unkan oyate kin wiciwankam inajin, qa hewicakiya, Wakantanka hecen eya, Tokeca Jehowa tawoahope kin yecaksapi he? Qa tanyan iyahunipi kte ſni, Jehowa aduſtanpi kin heon iye aniyuſtanpi.

21 Unkan kipajinpi, qa wicaſta-

yatapi kin econ wicaſi kin iyecen Jehowa ti hocoka kin ohna inyan on kininpi.

22 Hecen Joaſ wicaſtayatapi kin wowacantkiye atkuku Jehojada iye ecakicon qon, kiksuye ſni, tuka cinhintku kte. Unkan te kta qehan, Jehowa wanyaka, qa tokicon ye, eya.

23 Unkan ohakam waniyetu wanjidan Aram ozuye kin iye anatanpi, qa Juda qa Jerusalem ekta hipi, qa oyate itancanpi kin owasin ihang wicayapi, oyate etanhan, qa wokipi kin owasin Damaskos wicaſtayatapi kin ekta yeyapi.

24 Aram ozuye kin wicaſta tonana hipi, unkan napepi kin en Jehowa obe nina tanka wicaqu, Jehowa hunkake wicayapi wakandapi kin he ayuſtanpi nakaſ; hecen woyaco Joaſ ecakiconpi.

25 Unkan wowayazan ota en ayuſtanpi, qa kihdapi qehan, iye taokiye kipajinpi, qa Jehojada wawayuſna cinca wepi kin on, towinja akan ktepi; hecen ta, qa Dawid totonwe ohna hnakapi; tuka wicaſtayatapi ohnahnaka tawapi ohna hnakapi ſni.

26 Unkan iye kipajinpi kin dena eepi Zabad ſimeyat Anmoniwini cinhintku kin, qa Jehozabad ſimerit Moabiwin cinhintku kin.

27 Unkan iye cinca kin eciyatanhan, qa woqin tanka aehnakapi kin, qa token Wakantanka tipi tawa kin yusuta kin, inyun hena wicaſtayatapi tawowapi kin en owapi ce. Unkan eekiya iye cinhintku Amatzija wawidaka.

WICOWOYAKE 25.

1 Amatzija waniyetu wikcemna nonpa sanpa zaptan qehan toka wawidaka, qa waniyetu

II. ANPETU OYAKAPI,

wikcemna nonpa sanpa napcin-wanka Jerusalem ohna wawidaka; qa hunku kin Jehoyadan eciyapi, Jerusalem etanhan.

2 Qa taku ecetu Jehowa išta kin en econ, tuka cante zaniyan on econ šni.

3 Qa wokiconze en wašake cehan iye taokiye atkuku wicaštayatapi kin ktepi kin hena wicakte.

4 Tuka cincapi kin te wicaye šni. Ateyapi iye cincapi kin on te wicayapi kte šni, qa cinca ateyapi on te wicayapi kte šni; tuka otoiyo hi iye wahtani kin on teyapi kta, Moses wope wowapi Jehowa kašši kin hen eya owapi nakaš.

5 Unkan Amatzija Juda mni-ciye wicaya, qa ateyapi tipi kin iyecen, Juda qa Benjamin owasin on kektopawinge itancan, qa opawinge itancan wicakicağa; qa waniyetu wikcemna nonpa qa akton wicayawa, qa wicašta kašniğapi heca kektopawinge opawinge yamni iyewicaya, wahukeza wahacanka koya yuza ozuye eyaya.

6 Nakun mazaska woqin opawinge on, Israel etanhan wicašta wašaka waditaka kektopawinge opawinge opewicaton.

7 Unkan Wakantanka tawicašta wan en hi, qa heciya, Wicaštayatapi, ihnuhan Israel obe kin nici yapi kin; Jehowa Israel Epraim cinca owasin om un šni nakaš.

8 Tuka wokicize on wašag niciya idade cinhan toka kin itokam Wakantanka našna niye kta. Okiyapi kta, qaiš našnayanpi kta e Wakantanka en wookihi yukan nakaš.

9 Unkan Amatzija Wakantanka wicašta tawa heciya, Hecinhan woqin opawinge Israel

ozuye kin wicawaqu kin on token econkupi kta he? Unkan Wakantanka wicašta tawa heya, He isanpa ota Jehowa niçu kta okihi.

10 Hehan Amatzija ozuye kin Epraim etanhan iye en hipi kin kihdapi kta e wicayukinukan. Unkan Juda nina canniyewicayapi, qa wošihda tanka en kihdapi.

11 Unkan Amatzija wašag içiye ça taoyate awicaye ça Miniskuya osmaka kin ekta i, qa hen Seyir cinca kin kektopawinge wikcemna wicakaštaka.

12 Nakun kektopawinge wikcemna Juda cinca kin niyake wayaka iwicacupi, qa Sela (Imnija) inkpa kin etanhan ehpewicayapi. Unkan owasin naşujapi.

13 Tuka ozuye akicita Amatzija kihde wicaši qon, hecen wokicize ekta kici ipi šni, hena Juda otonwe kin anatanpi, Samaria etanhan Bethoron aiyahdeya, qa wicašta kektopawinge yamni wicaktepi, qa woyuha ota kipi.

14 Unkan Amatzija Edom wicakaštaka cin etanhan hdi qehan, Seyir cinca kin taku wakandapi kin ahdi, qa iye wakan da kta ewicahde, qa wicitokam patuja, qa izinwicaya.

15 Unkan Jehowa Amatzija canniyeya, qa waayate wan ekta yeši qa heciya, Taku wakan iye taoyate ninape etanhan ewicahdaku okitpanipi kin, hena owicayape kta he?

16 Unkan okiye cehan wicaštayatapi kin heya, Tuwe wicaštayatapi kin wahokonkiye niši he. Ayaştan wo. Tokeca niktapi kta he? Unkan waayate kin ayaştan; tuka, Taku kin de ecanon, qa wahokonciye cin anayağoptan šni, heon Jehowa

WICOWOYAKE 26.

ihangniyan konza e sdonwaya ce, eya.

17 Unkan Amatzija Juda wicaštayatapi kin waiyukcan, qa Joaš he Jehoahaz cinhintku he Jehu cinhintku, Israel wicaštayatapi kin wahoye ça heciya, Iho itko-kim wanunkiciyake kta.

18 Unkan Joaš Israel wicaštayatapi kin Amatzija Juda wicaštayatapi kin wahoye ça heciya, Wapepeka Lebanon akan he cin hanteša Lebanon akan he cin wahoye ça heciya, Nicunksi micinksi yuze kta e qu wo. Unkan hewoskan wamanica kin Lebanon ohna un kin ahiyaye ça wapepeka kin naksa.

19 Edom yakaštaka kecanni, qa nihdatan kta nicante kin ihduwankantuya. Dehan tiyata owanji yanka wo. Tokeca taku šica en iyopaštāg ničiya he? hecen nihicahe kta, qa Juda nakun.

20 Tuka Amatzija nañon šni, Edom taku wakandapi kin hena akita, heon tōka nape en wicaqu kta Jehowa konza.

21 Unkan Joaš Israel wicaštayatapi kin itanwankanhde i, hecen iye qa Amatzija Juda wicaštayatapi ite wankiciyakapi, Betšemeš Juda tawa kin en.

22 Unkan Juda hinhpayapi, Israel itokam, qa otoiyohi tawa-keya ekta najicapi.

23 Tuka Joaš Israel wicaštayatapi kin Amatzija Juda wicaštayatapi kin he Joaš cinhintku he Ahazija cinhintku, wayaka icu, Betšemeš ekta, qa Jerusalem ekta ahi, qa Jerusalem conkaške kin yujuju, Epraim tiyopa etanhan okahmin tiyopa kin ekta hehanyan, wicišpa opawinge topa.

24 Qa mazaskazi, qa mazaska, qa wakšica Jehowa ti Obededom awanyake cin he ohna iyeyapi kin owasin icu, nakun wicašta-

yatapi wopiye ti kin en, nakun wicakaška cinca qupi kin, qa Samaria ekta kihda.

25 Unkan Amatzija Joaš cinhintku. Juda wicaštayatapi kin Joaš Jehoahaz cinhintku Israel wicaštayatapi kin ƙe cin ohakam waniyetu wikcemna sanpa zaptan hehanyan ni.

26 Qa Amatzija oñan unman tokaheya, qa ehake, Juda qa Israel wicaštayatapi tawowapi en owapi šni he?

27 Unkan Amatzija Jehowa ope cin etanhan ihdamna ehantanhan Jerusalem ohna kipajinpi. Unkan Lakiš ekta kuwa iyayapi, qa hen ktepi.

28 Qa šuktanka qinkiyapi aupi, qa Juda otonwe ohna hunkake wicaya om hnakapi.

WICOWOYAKE 26.

1 Unkan Juda oyate kin owasin Uzzija icupi, qa atkuku Amatzija eekiya wicaštayatapi kağapi; iye he ehan waniyetu wikcemna sanpa šakpe.

2 Iye, wicaštayatapi kin hunkake wicaya om ištima ohakam, Elot *conkaske* kağe ça Juda on ehdaku.

3 Uzzija waniyetu wikcemna sanpa šakpe qehan toka wawidaka, qa waniyetu wikcemna zaptan sanpa nonpa Jerusalem ohna wawidaka, qa hunku Jekolija eciyapi Jerusalem etanhan.

4 Qa taku ecetu Jehowa išta kin en econ; atkuku Amatzija econ qon owasin iyecen.

5 Qa Zekarija Wakantanka towanyake okahniğe cin anpetu tawa en Jehowa akita, qa tohan Jehowa akita eca, Wakantanka tanyan waokiya ece.

6 Hecen iyaye ça Pilistim azuwicaya, qa Gat conkaške kin, qa

II. ANPETU OYAKAPI,

Jabne conkaške kin, qa Aśdod conkaške kin yujuju; qa Aśdod, qa Pilistim tamakocepi kin en otonwe kağa.

7 Unkan Wakantanka iye waśagya Pilistim azuwicaye kta on, nakun Arabi Gurbayal oonyanpi kin, qa Mayunim *azuwicaye* kta on.

8 Unkan Anmoni kin Uzzija minha qupi, hecen Egupta oenape kin hehanyan cajeyatapi; nina waśaka aya nakaś.

9 Qa Uzzija tipi ipasotka Jerusalem kicağa, oise tiyopa akan, qa osmaka tiyopa akan, qa okahmin akan, qa hena suta kağa.

10 Qa conkaške tintoskan kağa, qa minihdoka ota qa, wanunyanpi ota yuha nakaś, Šepela ohna, qa makomdaya ohna; qa maka kicanyanpi, qa hastanhanka iyuwikicanyanpi he kin akan, qa Karmel akan yuha, wojupi waśtedaka nakaś.

11 Qa Uzzija wokicize on akicita wicayuha, hena Jeyiel wwapikaga, qa Mayaseja akicita tancan wicayawapi kin iyecen obe ozuye iyayapi, wicaśtayatapi mdetanhunka wicayuhe cin wanjiji Hananija nape kin ihukuya.

12 Wicaśta waśaka waditaka ateyapi *tipi* itancanpi wicayawapi kin owasin kektopawinge nonpa sanpa opawinge śakpe.

13 Qa hena napepi kin ihukuya ozuye kin wicaśta kektopawinge opawinge yamni sanpa kektopawinge śakowin sanpa opawinge zaptan, wicaśtayatapi toka kin azuwicaye kta okiyapi, qa woo-kihi on waditagya kizapi.

14 Unkan hena on, obe ihunniyan wahacanka, qa wahukeza, qa mazawapaha, qa mazaheyake, qa itazipa, qa iyuhmun inyan on wiyeya wicakicağa.

15 Qa Jerusalem ohna wanhin-

kpe, qa inyan tanka on kaħo iye-yapi kta e taku wicaśta ksapa iyukcanpi kin kaħiwicaśi, qa hena tipi ipasotka en, qa conkaške okahmin akan ehnaka. Hecen tehan tanhan cajeyatapi, nina okiyapi ecen waśaka nakaś.

16 Tuka waśake ċehan cante kin wahan iċida, woihangye ekta; qa Jehowa iye wakanda kin awahtani, qa wizite owayuśna akan wizinye kta e Jehowa tipi wakan tawa mahen iyaya.

17 Unkan iye ihakam Azarija wawayuśna kin, qa Jehowa wawakiyuśnapi waditaka wikcemna śahdoğan opapi, Uzzija ihakam en ipi.

18 Qa wicaśtayatapi kin Uzzija anajinpi, qa heciyapi, Uzzija Jehowa izinye kte cin he niye nitawa śni; tuka wawayuśnapi kin Aaron cinca wizinyapi kta wicayuwakanpi he tawapi. Tipi wakan kin etanhan inanpa wo: wanna wayalitani, qa deon Jehowa etanhan wowitan duhe kte śni.

19 Unkan Uzzija śihda, qa wizinye kta nape ohna oizite yuha, qa wawayuśnapi kin canniye wicaye ċehan leprosi ite kin akan ahinanpa, wawayuśnapi wicito-kam, Jehowa ti kin ohna wizite owayuśna icahda.

20 Unkan Azarija wawayuśna kin, qa wawayuśnapi kin owasin atonwanpi, qa inyun leprosi ececa ite kin akan; heon hetanhan inahni iyayeyapi, qa is eya Jehowa kaśtake cin on inanpe kta inahni.

21 Hecen Uzzija wicaśtayatapi kin leprosi ececa, ģe cin anpetu kin hehanyan, qa leprosi wayazanka tipi kin ohna ti, Jehowa tipi tawa etanhan yukinukanpi nakaś. Unkan cinhintku Jotam wicaśtayatapi ti kin yuha, qa

WICOWOYAKE 28.

makece oyate kin wicayaco ece.

22 Unkan, Uzzija hunkake wicaya om ištima, qa hunkake wicaya om hnakapi, wicaštayatapi ohnahnakapi maga kin en; Leprosi ececa, eyapi nakaš. Unkan cinhintku Jotam heekiya wawidaka.

WICOWOYAKE 27.

1 Jotam waniyetu wikcemna nonpa sanpa zaptan qehan toka wawidake qa waniyetu wikcemna sanpa šakpe Jerusalem ohna wawidaka, qa hunku Jeruša Zadoq cunwintku eciyapi.

2 Unkan taku ecetu Jehowa išta kin en econ, atkuku Uzzija econ qon owasin iyecen, tuka Jehowa tipi wakan tawa kin en i šni. Hececa ešta oyate kin ihdušicapi.

3 Iye tiyopa tehanwankantu kin Jehowa tipi tawa kicağa. Nakun Opel (Paha kin) conkaške kin tankaya kağa.

4 Nakun otonwe conkaške Juda he kin akan kağa, qa conkaške, qa tipi ipasotka taškoju kin ohna.

5 Qa Anmon cinca wicaštayatapi kin azuya, qa ohiwicaya. Unkan Anmon cinca kin mazaška woqin kektopawinge, qa aguyapi. su kor kektopawinge wikcemna, qa barle kektopawinge wikcemna waniyetu kin he en qupi. Waniyetu inonpa, qa waniyetu iyamni en Anmon cinca kin ake iyenaka qupi.

6 Jotam hecen wašaka aya, Jehowa iye wakanda kin itokam canku kin hduecetu nakaš.

7 Unkan Jotam ohan unman, qa ozuye tawa owasin, qa tacanku, hena Israel qa Juda wicaštayatapi tawowapi en owapi ce.

8 Iye waniyetu wikcemna nonpa sanpa zaptan qehan toka wawidaka, qa waniyetu wikcemna sanpa šakpe wawidaka Jerusalem ohna.

9 Hehan Jotam hunkake wicaya om ištima, qa Dawid totonwe ohna hnakapi. Unkan heekiya iye cinhintku Ahaz wawidaka.

WICOWOYAKE 28.

1 Ahaz waniyetu wikcemna nonpa qehan toka wawidaka, qa waniyetu wikcemna sanpa šakpe Jerusalem ohna wawidaka, tuka taku ecetu Jehowa išta kin en ateye Dawid iyecen econ šni.

2 Nakun Israel wicaštayatapi tacankupi kin omani, qa nakun mazašdoyapi wakağapi Bayalim kicağa.

3 Qa Benhinnom osmaka ohna wizinya, qa iye cinca kin petan hulahwicaya, Ikcewicašta Jehowa Israel cinca itokapa tanhan nape wicaya wowahšte šni econpi kin iyecen.

4 Qa wayušna, qa wizinya paha akan, qa pajodan akan, qa can ape toto yukan owasin ihukuya.

5 Heon Jehowa iye wakanda kin Aram wicaštayatapi nape kin en qu. Unkan he kaštaka, qa etanhan wicota wayaka icupi, qa Damaskos ekta awicahdapi. Nakun Israel wicaštayatapi nape en qupi he qe wopate tanka on wicaštaka.

6 Peqaš Remaliya cinhintku Juda wicašta kektopawinge opawinge sanpa kektopawinge wikcemna nonpa aupetu wanjidan en wicakte, owasin wicašta waditakapi; Jehowa ateyapi wakandapi kin ayušanpi heon etanhan.

7 Qa Zikri Epraim wicašta wa-

II. ANPETU OYAKAPI,

śaka wan wicaśtayatapi cinhin-tku Mayasija, qa Azriqam tipi kin awanyake cin, qa Elqana wicaśtayatapi kin iyokihe kin wicakte.

8 Unkan Israel cinca kin hun-kawanji wicayapi etanhan wino-hinca qa cinca wica qa winyan kektopawinge opawinge nonpa wayaka iwicacupi, qa nakun woyuha ota kipi; qa taku kipi kin Samaria ekta ayapi.

9 Unkan Israel Jehowa waaya-te tawa wan, Oded eciyapi, hen yanka, qa ozuye kin Samaria ekta hdipi wicitkokim inanpe qa hewicakiya, Inyun Jehowa nihunkakepi wakandapi kin Juda canniyewicaya, heon ninapepi en wicaqu; unkan wośihda malipiya kin iyahde on wicayaktepi.

10 Qa nakaha Juda qa Jerusalem cincapi kin wicayaktepidan, qa hokśipidan on qa wicinyanpidan on wicaduhapi kta kecanipi; tuka niyepi kaeś Jehowa wakan-yadapi kin en taku bapica nici-yukanpi śni he?

11 Heon nakaha namañonpo, Jehowa tocanniye aidenianpi, heon wayaka nihunkawanjinpi etanhan iyacupi kin kihde wicayapo.

12 Hehan Epraim itancanpi kin wanjikśi Azarija Johanan cinhin-tku, Berekija Meśillemot cinhin-tku, qa Jehizeqija Šallum cinhin-tku, qa Yamasa Hadlai cinhin-tku wicaśta ozuye etanhan hdipi kin anawicajinpi;

13 Qa hewicakiyapi, Wayaka kin den hiyuwicayayapi kte śni. Inyun wanna Jehowa etanhan taku śica iyahde unkičiyapi, qa niyepi waunhtanipi, qa taku śica iyahdeunkičiyapi kin duotapi kta kecanipi; wanna Israel wocanniye, qa taku śica ota iyahde-ičiyapi qeyaś.

14 Unkan akicita kin wayaka kin, qa woyuha kin ayuśtanpi, itancanpi, qa omniciye owasin wicitokam.

15 Unkan wicaśta cajewicaya-tapi qon najinpi, qa wayaka kin iwicacupi, qa tona tancodan unpi kin hena woyuha kipi qon etanhan heyake wicaqupi, qa koyag wicayapi, qa hanpohekiyapi ca woyute qa woyatke wicaqupi, qa sdawicayapi, qa tona manipi śni kin owasin šonśonna akan iyotang wicayapi, qa Jeriħo (Tamar can otonwe kin) ekta hun-kawanji wicayapi en awicahipi; hehan Samaria ekta hdipi.

16 Hehan wicaśtayatapi kin Aħaz Aśur wicaśtayatapi kin wahoya, qa, Omakiya ye, eya.

17 Edomi ake hipi, qa Juda kaśtakapi, qa wayaka icupi nakaś.

18 Nakun Pilistim Šepela otonwe kin, qa Juda itokağa kin azuyapi, qa Bet Šemeś (Anpetuwi ti kin,) qa Ajalon, qa Gederot, qa Soko, qa otonwe cunkśiwicaye cin, qa Timna, qa cunkśiwicaye cin, qa Gimzo, qa cunkśiwicaye cin icupi, qa ohna iyotan-kapi.

19 Aħaz Israel wicaśtayatapi kin on Jehowa Juda yuhukuya. Iye Juda tancodan wicakiya, qa Jehowa ihakta śni nakaś.

20 Unkan Tilgat Pilneser Aśur wicaśtayatapi kin iyokiśinya, tuka waśagye śni.

21 Aħaz Jehowa tipi tawa etanhan, qa wicaśtayatapi, qa itancanpi tipi tawapi etanhan taku icu, qa Aśur wicaśtayatapi kin qu, tuka ókiye śni.

22 Unkan wicaśtayatapi Aħaz iye toiyokiśice anpetu kin en Jehowa sanpa wakihtani.

23 Qa Damaskos taku wakan-dapi kin hena wakiyuśna, hena

WICOWOYAKE 29.

kaštakapi, heon heya, Aram wicaštayatapi taku wakandapi kin hena ówicakiyapi ece; hena miye wawicawakiyuśna kta, hecen miś ómakiyapi kta; tuka hena on iye, qa Israel owasin awihnu-nipi.

24 Qa Aħaz Wakantanka tipi tawa waksıca kin mnayan, qa Wakantanka ti kin waksıca kin baśpaśpa, qa Jehowa ti tiyopa kin nataka, qa Jerusalem okahmin owasin en wahnawośnapi içicağa.

25 Nakun Juda otonwe owasin ohna paha kağa; taku wakan tokeca izinwicaye kta, hecen Jehowa iye hunkake wicaya wakandapi kin śihdaya.

26 Unkan iye oħan unman, qa tacanku owasin, tokaheya, qa ehake kin hena Juda qa Israel wicaštayatapi wowapi kin en owapi ce.

27 Unkan Aħaz ate wicaya om istima, qa Jerusalem ohna hnakapi; tuka Israel wicaštayatapi ohnahnakapi kin ekta ayapi śni. Unkan iye cinhintku Hezekija heekiya wawidaka.

WICOWOYAKE 29.

1 Hezekija waniyetu wikcemna nonpa sanpa zaptan qehan toka wawidake qa waniyetu wikcemna nonpa sanpa napcinwanka Jerusalem ohna wawidaka, qa hunku Abia Zekarija cunwintku eciyapi.

2 Qa taku ecetu Jehowa ista kin en econ, ateya Dawid econ qon owasin iyecen.

3 Iye waniyetu tokaheya wawidake cin wi tokaheya en Jehowa ti tiyopa kin yuhidoka, qa hena piya.

4 Qa wawayuśnapi kin, qa Lewi kin uwicakiya, qa wiyo-

hiyanpata canku kin en mnawicaya;

5 Qa hewicakiya; Lewi yaunpi kin namaħonpo; Iħduwakanpo, qa Jehowa nihunkakepi wakan-dapi kin tipi tawa yuwakanpo; qa taku śapa kin tipi wakan etanhan tankan ayapo.

6 Ate wicunyanpi kin waħtani-pi, qa taku śıca Jchowa wakan-undapi ista kin en econpi, qa iye ayuśtanpi, qa Jehowa tipi tawa etanhan ihdamnapi, qa heyata iyayapi.

7 Nakun tiyopa awakeyapi tiyopa kin natakapi, qa petijanjan kin bosnipi, qa wizite kin izinyapi śni, qa taku Israel wakandapi tipi tawa ohna woħuħnahıyapi kin huħnahıyapi śni.

8 Heon Jehowa Juda qa Jerusalem canniye wicaya, qa wonihinciye, woihangye, qa wooste-hda en wicaqu, niistapi on wandakapi iyecen.

9 Hecen atewicunyanpi isan on cawicapapi hinħpayapi, qa unkcincapi wica winyan koya, qa unkitawinpi taku kin de on wayaka unpi.

10 Wanna Jehowa Israel wakandapi kin kici wotakuye wecage kta micante en un; hecen tocanniye kata unkiyepi etanhan hduhomni kta.

11 Micinca nakaha ihnuhan ihayaktapi śni kin, niyepi Jehowa nicaħniğapi kin itokam nayajinpi kta, qa óyakiyapi kta, qa ohoda qa waizinya yaunpi kta nakaś.

12 Hehan Lewi kin najinpi Maħat Yamasai cinhintku, qa Joel Azarija cinhintku, Qohati cincapi kin etanhan; qa Merari cinca kin etanhan Qiś Abdi cinhintku, qa Azarija Jehalelel cinhintku; qa Gerśoni kin etanhan Joah Zinma cinhintku.

13 Qa Elizapan cinca kin etan-

II. ANPETU OYAKAPI,

han Šimri, qa Jeyiel; qa Asap cinca kin etanhan Zekarija qa Mattanija.

14 Qa Heman cinca kin etanhan Jehiel, qa Šimeyi; qa Jedutun cinca kin etanhan Šemayeja, qa Uzziel.

15 Qa hena hunkawanji wicayapi kin mniciye wicayapi, qa ihduwakanpi; qa wicaštayatapi kin econ wicaši qon iyecen, Jehowa oie kin eciyatanhan en hipi, qa Jehowa ti kin yuskapi.

16 Unkan wawayušnapi kin Jehowa ti kin yuskapi kta ti mahen ipi, qa taku šapa Jehowa tipi wakan tawa mahen iyeyapi kin owasin Jehowa ti hocoka kin ekta hiyuyapi. Unkan Lewi kin he icupi, qa tankan ayapi, Qedron kaksiza kin ekta.

17 Qa wi tokaheya anpetu tokaheya en toka yuskapi, qa wi anpetu išahdoğan kin en Jehowa tiyopa awakeyapi kin ekta hipi; hehan anpetu šahdoğan hehanyan Jehowa ti kin yuwakanpi; hecen wi tokaheya anpetu iake šakpe en yušanpi.

18 Hehan wicaštayatapi kin Hezekija ekta ti mahen ipi, qa heyapi, Jehowa tipi tawa owancaya unyušanpi; nakun woħuħnaħyapi owayušna kin, qa waksica tawa owasin, qa aguyapi itokam ħnakapi wahna wotapi kin, qa tawaksica kin owasin.

19 Nakun wikicanye tawa wicaštayatapi Aħaz wawidake ċehan tokipajin en hena yušape cin, hena owasin piunyanpi; qa iho hena Jehowa owayušna tawa kin itokam yankapi.

20 Unkan wicaštayatapi Hezekija hanħanna ħin kikta, qa otonwe itancan mnawicaya, qa Jehowa ti kin ekta itanwankanhde i.

21 Unkan tatanka šakowin, qa

tamdoka šakowin, qa amnos šakowin, qa tatokadan mdoka šakowin woahťani wošnapi on ahipi, wokiconze kin on, qa tipi wakan kin on, qa Juda on. Unkan *Hezekija* wawayušnapi Aaron cinca kin hena Jehowa owayušna tawa akan ħuħnaħyapi kta kewicakiya.

22 Unkan tatanka kin patapi, qa wawayušnapi kin we kin icupi, qa owayušna kin akašanpi, qa tamdoka kin patapi, qa we kin owayušna kin akašanpi, qa amnos kin patapi, qa we kin owayušna kin akašanpi.

23 Hehan tatokadan mdoka woahťani wošnapi on wicaštayatapi, qa omniciye kin itokam ikiyedon hiyu wicayapi; unkan akan napepi kin aputakapi.

24 Unkan wawayušnapi kin hena patapi, qa wepi kin on owayušna akan wookiye kağapi, Israel owasin on, akaħpe wicakiciyapi kta, wicaštayatapi kin Israel owasin on woħuħnaħyapi kin, qa woahťani wošnapi kin kağapi kta kewicakiya nakaš.

25 Qa Lewi kin Jehowa tipi tawa ohna najin wicakiya, mazi-casnasna on; qa cotanke on, qa candowankiyapi on, Dawid, qa wicaštayatapi wawanyake tawa Gad, qa Natan waayate kin econ wicašipi kin iyecen; Jehowa waayate tawa napepi on hecon wicaši nakaš.

26 Unkan Lewi kin candowan-kiyapi Dawid kağe cin yuha najinpi; qa wawayušnapi kin mazayahotonpi kin yuhapi.

27 Unkan woħuħnaħyapi kin owayušna akan ħuħnaħyapi kta Hezekija keya. Unkan toka ħuħnaħyapi qehan Jehowa idowanpi mazayahotonpi on, qa Dawid Israel wicaštayatapi wikicanye kağe cin on.

WICOWOYAKE 30.

28 Unkan omniciye owasin ohodapi, qa wadowanpi, qa mazayahotonpi owasin dowanpi, ecen wohuhnahyapi kin yuŝtanpi.

29 Qa wohuhnahyapi kin yuŝtanpi qehan wicaŝtayatapi kin, qa tona kici unpi kin owasin patujapi, qa ohodapi.

30 Hehan wicaŝtayatapi Hezekija, qa itancan unpi kin, Lewi kin Jehowa yatanpi kta kewicakiyapi, Dawid qa Asap wawan-yaka kin oiepi kin iyecen. Unkan yatanpi ecen wiyuŝkinpi qa patujapi, qa ohodapi.

31 Hehan Hezekija ayupte qa heya, Wanna ninapepi Jehowa on ojuyayapi kin ikiyedani upo, qa Jehowa ti kin on woŝnapi, qa woyatan hiyuyapo. Unkan omniciye woŝnapi, qa woyatan woŝnapi hiyuyapi, qa cante iyokipiya owasin wohuhnahyapi ahipi.

32 Unkan wohuhnahyapi omniciye ahipi kin hena yawapi kin tatanka wikcemna ŝakowin, qa tamdoka opawinge, qa tacincadan opawinge nonpa, hena owasin Jehowa kihuhnahyapi.

33 Nakun pte opawinge ŝakpe qa tahnca kektopawinge yamni yuwakanpi.

34 Tuka wawayuŝnapi kin tonana hecen wohuhnahyapi kin owasin hayuzapi okitpanipi; heon hunkawanji wicayapi kin Lewi kin ówicakiyapi, wokicanye kin yuŝtanpi, qa wawayuŝna unman ihduwakanpi kin hehanyan. Lewi kin wawayuŝnapi kin isanpa cante ecetupi nakaŝ.

35 Nakun wopida woŝnapi ŝin kin huhnahyapi kin ota; nakun wohuhnahyapi woakaŝtan; hecen Jehowa tipi tawa wohtani kin yuecetupi.

36 Unkan Hezekija, qa oyate kin owasin wiyuŝkinpi, Jehowa

oyate kin hecen cante yuswicakiya heon. Taku kin de ihnuhanna econpi nakaŝ.

WICOWOYAKE 30.

1 Unkan Hezekija Israel qa Juda owasin wahowicaya, qa Ephraim, qa Manaŝe, wowapi wicakicaga; Jehowa Israel wakan-dapi woacakŝin kicagapi kta e Jehowa ti kin Jerusalem ohna yanke cin ekta hipi kta.

2 Qa wicaŝtayatapi kin, qa itancanpi kin, qa omniciye owasin woacakŝin kin wi inonpa en econpi kta aiapi.

3 Iyehantu hin heconpi okitpanipi, heehan wawayuŝnapi kin nahanhin ihduwakanpi ŝni, qa oyate kin Jerusalem en mniciyapi ŝni nakaŝ.

4 Qa taku kin de wicaŝtayatapi iŝta kin en ecetu, qa omniciye owasin iŝtapi kin en.

5 Heon wicoie kin yusutapi, Israel owasin Berŝeba etanhan Dan aiyahdeya wahowicayapi kta, Jehowa Israel wakandapi toacakŝin kin econpi kta e Jerusalem en hipi kta; owapi kin iyecen, ehanna tanhan econpi ŝni nakaŝ.

6 Unkan wainyankapi kin wowapi kin wicaŝtayatapi, qa itancanpi napepi etanhan yuha iyayapi, Israel qa Juda owancaya ekta, qa wicaŝtayatapi kin econ wicaŝi kin iyecen heyapi, Israel cinca kin Jehowa Abraham Izak qa Israel wakandapi kin en hdi-po; hecen iye niyepi tona onicaptapi Aŝur wicaŝtayatapi napepi etanhan nayajicapi kin en nihdipi kta.

7 Ihnuhan ate wicayayapi kin, qa nihunkawanjipi kin Jehowa hunkake wicayapi wakandapi kin wakihtanipi kin iyenicecapi kin,

II. ANPETU OYAKAPI,

hena wonihinciye wicakage, wandakapi kin iyecen.

8 Nakaha ihnuhan tahu patinyakiyapi, nihunkakepi kin iyecen. Ninapepi Jehowa kicupo, qa tipi wakan tawa ekta upo; he iyê hduwakan owihanke watin, qa Jehowa wakanyadapi kin ôkiyapo; hecen tocanniye niyepi etanhan hduhomni kta.

9 Jehowa en yahdipi kinhan nihunkawanjinpi, qa nicincapi wo-waonsida iyeyapi kta; tona wawaka awicayapi kin wicitokam, qa makoce kin den hdipi kta, Jehowa wakanyadapi kin he wacantkiye ça waonsida nakaş; qa en yahdipi kinhan ite kin niyepi etanhan hduhomni kte şni.

10 Unkan wainyankapi kin otowe iyaza iyayapi, Epraim makoce, qa Manaşe ohna, qa Zebulun aiyahdeya; tuka iwicahahapi, qa unwicacapi ece.

11 Hececašta wanjikşi Aşer etanhan, qa Manaşe etanhan, qa Zebulun etanhan ihduhukuyapi, qa Jerusalem en hipi.

12 Nakun Juda ohna Jehowa nape kin cante wanjidan wicaqu, wicaştayatapi, qa itancanpi kin econ wicaşipi kin iyecen, Jehowa oie kin econpi kta.

13 Hecen oyate wicota Jerusalem en ihduwitayapi, omniciye nina tanka, aguyapi napohyapi şni wohanpi econpi kta, wi inonpa kin en.

14 Qa najin liiyayapi, qa wahnawoşnapi Jerusalem ohna yankapi kin yutokanpi, nakun oizinyapi, qa Qedron kaksiza en hena ehpeyapi.

15 Hehan woacakşin kin patapi wi inonpa anpetu iake topa en; qa wawayuşnapi kin, qa Lewi kin iştacapi, heon ihduwakanpi, qa wohuhnahyapi kin Jehowa ti kin en ahipi.

16 Qa tonajinpi kin ohna najinpi woyaco econ wicaşi kin iyecen, Moses Wakantanka tawicašta toope kin iyecen; wawayuşnapi kin we kin Lewi napepi etanhan icupi qa amnimnipi.

17 Omniciye kin de etanhan wicota ihduwakanpi şni; heon tona skapi şni kin hena owasin on Lewi kin woacakşin kin patapi, Jehowa on wicayuwakanpi kta.

18 Oyate kin etanhan wicota Epraim, qa Manaşe, qa Isakar, qa Zebulun etanhan wicota skapi şni ešta woacakşin kin yutapi, owapi qon iyecen econpi şni; tuka Hezekija wocekiye ewicakiciya, qa heya, Jehowa waşte otuiyohi wicakicicajuju nunwe;

19 Tona Wakantanka Jehowa ate wicayapi wakandapi kin akitapi kta cantepi kin ocowasin yuecetupi kin, tipi wakan yuskapi kin iyecen wicayuskapi şni ešta.

20 Unkan Jehowa Hezekija nahon, qa oyate kin okizi wicaya.

21 Unkan Israel cinca kin Jerusalem en hiyeya kin aguyapi napohyapi şni wohanpi kağapi, anpetu şakowin, wowiyuşkin tanka on, qa Lewi kin anpetu otuiyohi Jehowa yatanpi, qa wawayuşnapi kin widowankiyapi on Jehowa towaşake kin idowanpi.

22 Unkan Hezekija Lewi tona wayupiya Jehowa yatanpi kin cantepi ekta ia. Unkan anpetu şakowin hehanyan omniciye wakan kin wotapi wopida woşnapi wayuşnapi, qa Jehowa hunkake wicayapi kin wakandapi kin yatanpi.

23 Unkan omniciye owasin anpetu şakowin tokeca econpi kta iwohdakapi, hecen ake anpetu şakowin wiyuşkinyan econpi.

24 Hezekija Juda wicaştayatapi

WICOWOYAKE 31.

kin pte kektopawinge, qa tahnca kektopawinge šakowin omniciye kin ituwicakihan, qa itancanpi kin pte kektopawinge, qa tahnca kektopawinge wikcemna ituwicakihanpi nakaš, qa wawayušnapi ota ihduwakanpi.

25 Hecen Juda omniciye kin owasin, qa wawayušnapi kin, qa Lewi kin, qa Israel etanhan upi omniciye kin, qa oyate tokeca Israel makoce kin etanhan upi qa Juda otipi kin owasin wiyuškinpi.

26 Hecen Jerusalem ohna wowiYuškin tanka; Solomon Dawid cinhintku Israel wicaštayatapi anpetu tawa ehantanhan Jerusalem ohna he iyececa wanica.

27 Hehan wawayušnapi kin Lewi kin najinpi, qa oyate kin wicayawaštepi. Unkan hopi kin nahonpi qa wocckiye eyapi kin *Jehowa* tipi wakan tawa iyohi, mahipiya en.

WICOWOYAKE 31.

1 Unkan hena owasin yušanpi qehan, Israel hen hiyeye cin owasin Juda otonwe kin ektakta iyayapi, qa wakağapi kin kamdcapi, qa Ašeri kin kawankapi, qa paha kin, qa owayušna kin pajujuپی, Juda, qa Benjamin, qa Epraim qa Manaše owancaya ecen yušanpi, hehan Israel owasin kihdapi otoiyohi otonwe tawayapi kin ekta.

2 Unkan Hezekija wawayušnapi qa Lewi obepi kin yuacetu, obepi qon iyecen, wawayušnapi qa Lewi wolitanipi kin iyecen, otoiyohi woluhnahyapi, qa wopida wošnapi on, qa waokiyapi kta, qa Jehowa ounye cin tiyopa ekta yatanpi kta.

3 Nakun wicaštayatapi kin woyuha tawa etanhan woluhnahyapi

pi kin qu, hanhanna, qa hitayetu woluhnahyapi; qa anpetu okilipapi, qa wi teca, qa omniciye wakan woluhnahyapi kin Jehowa toope kin iyecen.

4 Nakun oyate kin Jerusalem ounyanpi kin wawayušnapi kin, qa Lewi kin wopamni tawapi wicaqupi kta kewicakiya, hecen Jehowa toope opapi kta e wašag wicayapi kta.

5 Unkan wicoie kin he owancaya iyaye çehan, Israel cinca kin ağıyapi su tokaheya suton kin ota ahipi; nakun hastanhan-ka hanpi, qa wihdi, qa canhanpi tiktica, qa taku mağa aicağe cin iyulipa iwikcemna kin ota ahipi.

6 Nakun Juda, qa Israel cinca Juda otonwe ounyanpi kin is eya pte qa tahnca iwikcemna kin ahipi; taku yuwakanpi Jehowa iyepi wakandapi on yuwakanpi kin iwikcemna kin kahipi, qa pahaha kağapi.

7 Wi iyamni en paha oahe tokaheya kağapi, qa wi isakowin kin en yušanpi.

8 Hehan Hezekija, qa itancanpi kin ekta ipi, qa pahaha kağapi kin wanyakapi, qa Jehowa, qa oyate tawa wicayawaštepi.

9 Qa Hezekija wawayušnapi kin, qa Lewi kin pahaha on iwicawanga.

10 Unkan Azarija Zadoq tiwache kin wawayušna itancan kin ayupte ça heciya, Woahi Jehowa ti en toka ahipi kin ehantanhan imna wauntapi, qa ota unkoka-ptapi; Jehowa iye taoyate kin wicayawašte nakaš; hecen taku ota kin de okaptapi.

11 Hehan mazopiye tipi Jehowa ti kin ohna kağapi kta, Hezekija keya. Unkan wiyeya kağapi.

12 Unkan woahi, qa iwikcemna kin, qa taku yuwakanpi kin ece-

II. ANPETU OYAKAPI,

tuya ahipi, qa Konaneja Lewi kin awanyakapi kin itancan hee, qa sunkaku Šimeyi he iyokihe.

13 Qa Jehiel, qa Yazazija qa Nahat, qa Yasahel, qa Jerimot, qa Jozabad, qa Eliel, qa Jisma-keja, qa Mahat, qa Benaja, wawanyakapi kin Konaneja, qa iye sunkaku Šimeyi napepi kin ihukuya unpi; wicaštayatapi Hezekija hecon wicaši kin iyecen; qa Yazareja Wakantanka ti kin awanyaka.

14 Qa Kore Jimna cinhintku Lewi kin tiyopa wihinanpe cin ektakiya awanyake cin he taku Wakantanka itukihanpi kin awanyaka ece, taku Jehowa kahipi, qa taku iyotan wakan kin pamni kta.

15 Qa iye nape kin ekta Eden, qa Minjamin, qa Ješua qa Šemayija, Amarija, qa Šekanija wawayušnapi otonwepi kin ohna ecetuya hunkawanji wicayapi owecinhan taku tawapi wicakipamnipi kta, tona tanka, qa tona cistinna iakdececa.

16 Nakun tona wica waniyetu yamni qa iwankam wicayawapi, tona Jehowa ti kin en hipi, anpetu otoiyo hi wohtani kin econpi kta en hipi ece kin owasin woawanyake tawapi kin wicapamnipi kin iyecen.

17 Qa wawayušnapi kin ate wicayapi tipi kin iyecen wicayawapi, qa Lewi kin waniyetu wikcemna nonpa qa iwankam, woawanyake tawapi en wicapamnipi iyecen.

18 Qa šiceca, qa winoħincea tawapi owasin wicayawapi, qa cincapi wica qa winyan wicayawapi, omniciye ocowasin wicakipamnipi kta wowicake en nina ihduwakanpi nakaš.

19 Qa Aaron cinca kin wawayušnapi otonwe tawapi ihdukšan

tinta kin ohna yakonpi wawayušna ehna tona wica owasin onšpašpa tawapi wicakupi kta e wicašta cajepi owapi ce en unpi; qa Lewi tona wicoicage wowapi en owapi nakun qupi.

20 Qa Hezekija Juda owancaya hecen econ, qa taku wašte qa ecetu, qa wicaka econ, Jehowa iye wakanda kin itokam.

21 Qa wohtani Jehowa ti kin kicanye kta konze cin owasin en, qa woope kin en, qa woahope en, cante ocowasin on iye wakanda kin akin econ, qa tanyan ihuniyan.

WICOWOYAKE 32.

1 Hena iyohakam, qa he yusutapi qehan, Senaħerib Ašur wicaštayatapi u, qa Juda en hi, qa otonwe aconkaškeyapi kin aonataka, qa iye on ohiwicaye kta keya.

2 Unkan Senaħerib u, qa ite kin Jerusalem azuye kta ektakiya etonwe cin Hezekija wanyake cehan,

3 Wicašta itancan, qa wašaka wicayuhe cin om iwohdaka miniyowe otonwe itankan hiyeye cin natake kta; unkan hecon kta okiyapi.

4 Unkan oyate wicota yuwitaya hiyupi, qa miniyowe kin owasin natakap, qa wakpadan makoce cokaya kaduze cin akaħpapi, Tokeca Ašur wicaštayatapi kin upi, qa mini ota iyeyapi kta he? eyapi nakaš.

5 Nakun wašag iħiye a conkaške kawankapi qon owasin piya, qa ipasotka aiyahdeya wankantuya kaa, nakun itankan conkaške tokeca wan kaa, qa Millo Dawid totonwe suta kaa; qa wahukeza, qa wahacanka ota kaa.

6 Qa akicitatancan wokicize on oyate yuhewicakiya, qa otonwe tiyopa hocoka en, iye ekta mna-wicaya, qa cantepi ekta ie ça hewicakiya,

7 Wakišakapo, qa waditakapo. Ihnuhan Ašur wicaštayatapi kin on, qa obe tanka kin de iye opapi kin on yušinyeniyampi kin, unkiyepi om unpi kin iye kici unpi kin isanpa ota ce.

8 Iye kici wicacehpi isto yukan, qa unkiyepi kici Jehowa wakanundapi ounkiyapi kta, qa wokicize unkitawapi kize kta un nakaš. Unkan oyate kin Hezekija Juda wicaštayatapi oie kin wacinyanpi.

9 He iyohakam Senaherib Ašur wicaštayatapi kin iye taokiye Jerusalem ekta ye wicaši, qa iye, qa tokiconze owasin Lakiš azuyapi, qa Juda wicaštayatapi kin, qa Juda Jerusalem ohna yakonpi kin owasin hewicakiya,

10 Senaherib Ašur wicaštayatapi kin hecen eya, Taku wacin-yayapi, qa Jerusalem kakišyapi kin en owanji dukanpi he?

11 Jehowa wakanundapi kin Ašur wicaštayatapi nape kin etanhan niunkiyapi kta, Hezekija eya; qa wicaakihan, qa iwicapuza on ɽ niyanpi šni he?

12 Tuwe paha tawa, qa wahna-wošnap i tawa pajuju, qa wahna-wošnap i wanjidan itokam ohoyadapi kta, qa he akan wizinyayapi kta, Juda qa Jerusalem ewicakiya, Hezekija kin de e šni he?

13 Makoce ota oyatepi owasin miye, qa ate wicawaya taku ecawicunkiconpi kin sdonyayapi šni he? Makoce kin hena oyate taku wakandapi kin makoce tawapi minape etanhan ehdakupi he?

14 Ikcewicasta ate wicawaya ihang wicayapi kin taku wakan-

dapi kin owasin tukte wanji oyate tawa minape etanhan ehdaku okihi, on taku wakanyadapi kin niyepi minape etanhan enihdakupi kta okihi he?

15 Heon etanhan nakaha ihnuhan Hezekija nihnayanpi, qa ihnuhan hecen awacinniyanpi kin; qa ihnuhan wicayadapi kin; Wokiconze oyatepi kin owasin tuwedan minape, qa ate wicawaya napepi etanhan oyate tawa ehdaku okihi šni, qa isanpa taku wakanyadapi kin minape etanhan enihdakupi kta okihi kte šni.

16 Unkan wahošiye tawa nakun sanpa Jehowa Wakantanka, qa taokiye Hezekija aiapi.

17 Qa Jehowa Israel wakandapi kin i en iyeyapi kta wowapi wan kağa, qa heya, Makoce ota oyatepi taku wakandapi kin iye taoyatepi minape etanhan ehdakupi okitpanipi kin iyecen Hezekija taku wakanda kin minape etanhan oyate tawa ehdaku kta okitpani.

18 Qa Juda iapi en hotanka ieyanpahapi, Jerusalem oyate conkaške akan yakonpi kin itokam kopehdawicayapi kta, qa yušinye wicayapi kta, qa hecen otonwe kin icupi kta, heon etanhan.

19 Qa Jerusalem taku wakan-dapi kin aiapi, makoce oyate taku wakandapi wicanape on kağapi kin iyecen.

20 Unkan Hezekija wicaštayatapi kin, qa Isaya Amoz cinhintku waayate kin taku kin de on cekiyapi, qa mahpiya hoyekiyapi.

21 Unkan Jehowa ohnihde wan yeši, qa Ašur wicaštayatapi owanka tawa ohna, wicasta wašaka waditaka owasin, qa itancanpi kin, qa mdetanhunkapi kin owasin ihang wicaya; heon ište-

II. ANPETU OYAKAPI,

ca makoce tawa ekta hda, qa taku iye wakanda ti kin en i, qa iye tezi etanhan inanpapi kin hena isan on ktepi.

22 Hecen Jehowa Hezekija, qa Jerusalem oonyanpi kin Senaherib Ašur wicaštayatapi nape kin etanhan niwicaya, qa wicihdukšan yakonpi kin owasin napepi kin etanhan ewicahdaku.

23 Unkan wicota Jehowa minha kahipi, Jerusalem ekta, qa Hezekija Juda wicaštayatapi kin taku tehika ota *kahipi*; hecen ohakam yuwankan iyeyapi, ikcewicašta owasin ištapi en.

24 Anpetu kin hena en Hezekija wayazanka on te kta, qa Jehowa cekiya. Unkan ayupta, qa wowapetokeca qu.

25 Tuka Hezekija tanyan eca-kiconpi kin iyecen kicu šni, qa cante kin wahaniciida, heon wošihda iye, qa Juda, qa Jerusalem iyowicahi.

26 Unkan Hezekija cante kin wahaniciida kin on ihdukuya, iye qa Jerusalem oonyanpi kin nakun; heon Jehowa tawošihda kin Hezekija taanpetu en awicahi šni.

27 Unkan Hezekija wowijice, qa wowitan nina tanka yuha, qa mazopiye icicağa, mazaska on, qa mazaskazi on, qa inyan tehika on, qa taku waštemna on, qa wahacanka on, qa wakšica wiciyokipi owasin on;

28 Qa wopiye aguyapi su on, qa hastanhanka hanpi on, qa wihdi on; qa wanunyanpi iyulipa on oinajin, qa optaye on tipi yuha.

29 Qa otonwe icicağa, tahinca, qa pte ota yuha. Wakantanka woyuha nina ota qu nakaš.

30 Qa Hezekija kin he Gihon minihdoka tatowapa kin nataka; qa maka ihukuya Dawid toton-

we en wiyohpeya tanhan he owotanna kadusya. Hecen Hezekija taku kağa cin owasin tanyan hduštan.

31 Hececašta Babel itancanpi kin wahošiye tawapi wowapetokeca makoce en tanin kin on iwangapi kta, iye ekta u wicašipi kin, heon hen iyute kta, qa cante kin en taku un kin owasin sdonye kta Wakantanka ayuštan.

32 Unkan Hezekija ohan unman, qa towacantkiye kin iho hena Isaya Amoz cinhintku waayate towanyake kin en, qa Juda qa Israel wicaštayatapi wowapi en owapi ce.

33 Unkan Hezekija hunkake-wicaya om ištima, qa Dawid cinca ohnahnakapi kin iwankam hnakapi; qa te cehan Juda qa Jerusalem oonyanpi kin owasin wowitan eca-kiconpi. Unkan heekiya iye cinhintku Manaše wawidaka.

WICOWOYAKE 33.

1 Manaše waniyetu wikcemna sanpa nonpa qehan toka wawidake ça waniyetu wikcemna zaptan sanpa zaptan Jerusalem ohna wawidaka.

2 Qa taku šica Jehowa išta kin en econ, ikcewicašta Jehowa Israel cinca itokapa tanhan nape wicaye cin wowahštešni econpi kin owasin iyecen.

3 Qa pahaha atkuku Hezekija yujuju qon owasin piya kağa, qa owayušna Bayalim tawapi kin ehde, qa Ašerot kağa, qa mahpiya obe owasin ohoda, qa ówica-kiya ece.

4 Nakun Jehowa ti kin ohna wahna wošnapi kağa, hen Jerusalem ohna micaje owihanke wanin yanke kta Jehowa eye ciqon tuka.

5 Qa Jehowa ti kin hocoka nonpa kin ohna mahpiya obe iyuhpa wahnawoŋnapi wicakicağa.

6 Nakun iye cinca kin Hinnom cinhintku osmaka en peta opta iyaye wicaya, qa hanmde, qa wamduška on waayate, qa wamunga, qa wapiya, qa wakan kağa; hecen Jehowa šihdaye kta išta kin en taku šica ota econ.

7 Qa wakağapi pağopi iye kağe cin Wakantanka ti kin en ehde; he Wakantanka ke ça Dawid, qa iye cinhintku Solomon hewicakiya, Tipi kin den, qa Jerusalem Israel wicoun owasin etanhan wakahnige cin en micaje owihanke wanin yanke wakiye kta.

8 Qa taku econ wicawaši kin owasin waktaya econpi kinhan, woope, qa wokage, qa woyaco iyuhpa Moses nape on iyecen econpi kinhan icimana Israel sihapi kin makoce hunkake wicayapi akan ewicawahde kin etanhan yewicawaye kte šni.

9 Tuka Manaše Juda, qa Jerusalem ounyanpi kin nuniwicaya, qa ikcewicašta Jehowa Israel cinca kin itokapa tanhan ihang wicaye ciqon isanpa taku šica econ wicakiya.

10 Unkan Jehowa Manaše, qa oyate tawa wahokonwicakiya, tuka anağoptanpi šni.

11 Heon Jehowa Ašur wicaštayatapi taozuye mdetanhunkapi kin anawicatan wicaya. Unkan wapepeka hu ehna iyahpayapi, qa mazaša icaške nonpa on kaškapi qa Babel ekta ayapi.

12 Unkan toiyokišice en Jehowa iye wakanda kin cekiye ça nina ihduhukuya, hunkake wicaya taku wakandapi kin itokam;

13 Qa cekiya: Unkan anohkiciya, qa tawocekiye nahon, qa Jerusalem en hdikiya, tawawi-

dake en. Hehan Jehowa Wakantanka kin hee sdonya.

14 Unkan he iyohakam Dawid totonwe itankan conkaške wan kağa Gihon wiyohpeya tanhan kaksiza ohna, hoğan tiyopa oenape aiyahdeya, qa Opel ihduksan, qa tehanwankantuya hin kağa; qa Juda otonwe aconkaškeyapi owasin ohna akicita tancan ewicahde.

15 Qa taku wakan tokeca, qa wakağapi kin Jehowa ti kin etanhan yutokan, nakun owayušna Jehowa ti paha kin akan, qa Jerusalem ohna kağe ciqon, qa hena iyuhpa otonwe itankan ehpeya.

16 Qa Jehowa taowayušna kin piya kağa, qa he akan wopida woŋnapi, qa woyatan woŋnapi wayušna; qa Jehowa Israel wakandapi kin okiyapi kta Juda kewicakiya.

17 Hececašta oyate kin nahanhin pahaha akan wakiyušnapi ece, tuka Jehowa wakandapi kin heceedan ekta.

18 Unkan Manaše ohan unman kin, qa tawocekiye iye wakanda kin cekiye cin, qa wawanyake Jehowa Israel wakandapi kin cajeyan okiyapi oiepi kin hena owasin Israel wicaštayatapi oiepi kin en owapi ce.

19 Nakun tawocekiye, qa token Jehowa anohkiciya. Nakun tawokipajin, qa wahtani kin owasin, qa ihduhukuya itokam tukten paha kağa, qa Ašerim, qa wakağapi pağopi ehde, hena wawanyakapi oiepi kin en owapi ce.

20 Hecen Manaše hunkahe wicaya om ištima, qa iye ti kin ohna hnakapi, qa eekiya iye cinhintku Amon wawidaka.

21 Amon waniyetu wikcemna nonpa sanpa nonpa qehan toka

II. ANPETU OYAKAPI,

wawidaka, qa waniyetu nonpa Jerusalem ohna wawidaka.

22 Qa taku šica Jehowa išta kin en econ, atkuku Manaše econ qon iyecen. Amon wakağapi pağopi iye atkuku Manaše kağe ciqon owasin wawicakiciyušna, qa ówicakiya.

23 Tuka Jehowa itokam ihduhukuye šni, atkuku Manaše ihduhukuya kin iyecen, tuka Amon sanpa šicaya econ.

24 Unkan taokiye kipajinpi, qa iye ti kin ohna ƣe kiyapi.

25 Unkan makoce oyate kin wicašta kin wicaštayatapi kin Amon kipajinpi kin owasin wicaƣtepi, qa heekiya makoce oyate kin iye cinhintku Josija wicaštayatapi kağapi.

WICOWOYAKE 34.

1 Josija waniyetu šahdoğan qehan toka wawidaka, qa waniyetu wikcemna yamni sanpa wanjidan Jerusalem ohna wawidaka.

2 Qa taku ecetu Jehowa išta kin en econ, qa ateya Dawid tancanku omani, qa etapa qa catka unmana eƣtakiya ihduwinge šni.

3 Qa wawidake cin waniyetu išahdoğan en nahahin hokšidan iye atkuku Dawid taku wakanda toka akita, qa waniyetu iwikcemna sanpa nonpa kin en Juda, qa Jerusalem toka pakinta, pahaha kin etanhan, qa Ašerim etanhan, qa wakağapi pağopi qa šdoyapi etanhan.

4 Qa iye itokam Bayalim towayušnapi kin hena pajujupi, qa anpetuwi kağapi kin hena iwanƣam ƣaksa, qa Ašerim, qa wakağapi pağopi kin, qa šdoyapi kin ƣamdeca, ecen ƣamdu, qa wicašta hena akan wakiyušnapi qon ohnahnakapi kin akan mdu kin akada.

5 Qa wawayušnapi hupi kin huħnahya, owayušna tawapi akan; hecen Juda qa Jerusalem pakinta;

6 Nakun Manaše, qa Epraim, qa Simeon, qa Naptali otonwe kin hehanyan otiwotapi kin ihdukšan owancaya.

7 Qa owayušnapi kin, qa Ašerim ƣawanka, qa wakağapi kin ƣamdeca ecen mdu ƣağa, qa Israel makoce kin owancaya anpetuwi kağapi kin owasin ƣawanka, hehan Jerusalem en hdi.

8 Qa wawidake cin waniyetu iwikcemna sanpa šahdoğan en makoce, qa tipi kin pakintapi qehan, Jehowa iye wakanda ti kin piyapi ƣta e Šapan Atzaleja cinhintku, qa Mayaseja otonwe itancan kin, qa Joali Joahaz cinhintku wakiksuye kin ye wicaši.

9 Unkan Ĥilkija wawayušna tanka kin ekta ipi, qa mazaska Wakantanka ti kin en ahipi kin Lewi wakšica awanyakapi kin Manaše, qa Epraim napepi etanhan, qa Israel okaptapi owasin etanhan, qa Juda qa Benjamin qa Jerusalem ounyanpi kin etanhan mnayanpi qon qupi.

10 Qa Jehowa ti kin awanyakapi kin wokicanye econpi napepi en qupi, qa Jehowa ti kin ohna ģitanipi, woħtani econpi kin tipi kin yusutapi ƣta qa piyapi ƣta e pamnipi.

11 Qa canƣajipapi, qa tiƣağapi kin he wicaqupi, inyan ƣakanpi heca, qa can wiyusƣitapi on, qa canmdaska opetonpi ƣta, Juda wicaštayatapi kin tipi awiħnniyanpi kin yusutapi, qa piyapi ƣta, heon etanhan.

12 Unkan wokicanye en wacinyepicaya ohanyanpi, qa awanwicayakapi kin dena eepi Jahat, qa Obedija Lewi kin Merari cinca kin etanhan, qa Zekareja, qa

Mešullam Qohati cinca kin etanhan iyowicapastakapi kta, nakun Lewi tona can dowankiyapi wawupika owasin.

13 Qa Lewi kin etanhan wowapi kağapi, qa mdetanhunkapi, qa tiyopa awanyakapi heca, tona waqinpi, qa wolhtani ocaje iyulipa econwicakiyapi kin hena awanwicayakapi.

14 Unkan mazaska Jehowa ti kin en ahipi qon tankan ahiyupi qehan Hilkija wawayuśna kin, Jehowa toope wowapi kin Moses nape on kağapi kin he iyeya.

15 Qa Hilkija wawayuśna kin ie ça Šapan wowapi kağe cin heciya, Woope wowapi kin Jehowa ti kin ohna iyewaya ce, qa Hilkija wowapi kin Šapan qu.

16 Unkan Šapan wowapi kin wicaštayatapi kin kahi, qa hośihi, qa heciya, Nitaokiye taku econwicayaśi kin owasin econpi ce.

17 Qa mazaska Jehowa ti kin en iyeyapi kin mnayanpi, qa wolhtani econpi napepi en, qa awanwicayakapi napepi en qupi.

18 Qa Šapan wowapi kağe cin wicaštayatapi kin okiyake ça heya, Hilkija wawayuśna kin wowapi wan maqu; qa Šapan wicaštayatapi itokam hen yawa.

19 Unkan wicaštayatapi kin wowapi oie kin nahon qehan taheyake hduhdehdeca.

20 Qa wicaštayatapi kin Hilkija, qa Ahiqam Šapan cinhintku, qa Abdon Mika cinhintku, qa Šapan wowapi kağe cin, qa Yaśaja wicaštayatapi taokiye kin hewicakiya,

21 Yapo, qa miye on, qa Israel qa Juda ohna owicakaptapi on, Jehowa iwanğapo; wowapi iyeyapi kin de oie kin on etanhan; hunkake wicunyanpi kin

Jehowa oie kin ihaktapi śni, qa wowapi kin de oiepi kin owasin iyecen econpi śni, heon Jehowa tocanniye unkakaštanpi kin he tanka ce.

22 Unkan Hilkija, qa wicaštayatapi tawahośi kin Hulda wayatewin Jerusalem ohna Miśene en ti kin he Šalum tawicu, he Toqat cinhintku he Haśra wokoyake awanyake cin cinhintku ekta ipi, qa he iyecen eciyapi.

23 Unkan hewicakiya, Jehowa Israel wakandapi kin hecen eya ye; Wicašta miye ekta uniśipi kin hecen eciyape,

24 Jehowa hecen eya, Inyun miye taku śica oyanke kin de akan hiyu waye kta, qa ounyanpi kin akan woyaśice tona wowapi Juda wicaštayatapi itokam yawapi kin en owapi kin owasin.

25 Amayuśtanpi qa napepi wolhtani kin owasin on śihdamañanpi kta, taku wakan tokeca izinyapi; heon mitocanniye oyanke kin de akaštanpi qa boñnapi kte śni.

26 Tuka Juda wicaštayatapi Jehowa iwanğa u niśipi kin hecen eyakiyapi kta, Jehowa Israel wakandapi kin wicoie nayahon kin eciyatanhan hecen eya ce,

27 Nicante wankadan, qa oyanke kin de qa ounyanpi kin on wicoie nayahon qehan, Wakan-tanka itokam nihduhukuya, qa mitokam nihduhukuya ça heyake yahduhdehdeca, qa mitokam yaceya; heon miś eya naciñon, Jehowa eya.

28 Iho, nihunkakepi ekta okipe ciye kta, qa ohnahnakapi nitawa en tanyan aniyanpi kta; qa oyanke kin de akan, qa ounyanpi akan taku śica hiyuwaye

II. ANPETU OYAKAPI,

kte ein owasin ništa kin wanyake kte šni. Unkan wicaštayatapi kin hoši kahdipi.

29 Unkan wicaštayatapi kin Juda qa Jerusalem hunkayapi kin owasin wahowicaya, qa mniciye wicaya.

30 Qa wicaštayatapi kin, qa Juda wicašta, qa Jerusalem ounyanpi kin owasin, qa wawayuśnapi, qa Lewi kin, qa oyate kin owasin, tanka cistinna koya Jehowa ti kin ekta ipi; qa wotakuye wowapi Jehowa ti kin ohna iyeyapi qon oie kin owasin noġepi en wicakiciyawa.

31 Qa wicaštayatapi kin co-wahe tawa akan bosdan najin, qa Jehowa itokam wotakuye kin de kaġa, Jehowa opeya mani kta, qa tawoahope, qa tawoyatanin, qa tawokaġe cante ocowasin, qa naġi ocowasin on patan kta, qa wotakuye oie wowapi kin de akan owapi kin iyecen econ kta.

32 Qa Jerusalem ounyanpi kin Wakantanka hunkake wicayapi wakandapi kin wotakuye tawa iyecen econpi kta, tona Jerusalem, qa Benjamin ohna hiyeye cin najin wicakiya.

33 Qa Josija Israel cinca tamakocepi owancaya wowalhtešni kin owasin yutokan, qa tona Israel ohna iyeyapi kin owasin Jehowa iye wakandapi kin ohoda wicakiya; anpetu tawa ihunian Jehowa hunkake wicayapi wakandapi kin opapi etanhan ihduhomnipi šni.

WICOWOYAKE 35.

1 Unkan Josija Jerusalem ohna woacakšin Jehowa kicaġa, qa wi tokaheya anpetu iwikcemna sanpa topa kin en woacakšin kin patapi.

2 Qa wawayuśnapi kin toawanyakapi kin en najin wicakiya, qa Jehowa ti wokicanye kin on iyo-wicapaštaka.

3 Qa Lewi kin Israel owasin onspewicakiyapi, qa Jehowa on wakanpi kin hena hewicakiya, Canwohnaka wakan kin tipi Solomon Dawid cinhintku Israel wicaštayatapi kin kicaġe cin en kihnakapi, niyepi dehan he hiyete akan yaqinpi kte šni, Jehowa wakanyadapi kin, qa taoyate Israel owicakiyapo.

4 Qa hunkake wicayayapi tipi kin iyecen, qa Dawid Israel wicaštayatapi tawowapi en, qa cinhintku Solomon tawowapi en nipamnipi kin iyecen, wiyeya iċihnakapo.

5 Qa oyate cinca nihunkawanjipi ateyapi tipi obepi kin iyecen, qa Lewi ateyapi tipi kin wicapamnipi kin iyecen, tipi wakan kin ohna najinpo.

6 Qa woacakšin kin patapo, qa ihduwakanpo, qa nihunkawanjipi wiyeya wicakicaġapo, hecen Jehowa oie Moses nape kin on he iyecen econpi kta.

7 Unkan Josija tahincaska cinca, qa tatokadan cinca oyawa kektopawinġe wikcemna yamni hena owasin woacakšin on oyate cincapi hen hiyeye cin wicaqu; nakun pte kektopawinġe yamni; hena owasin wicaštayatapi tawanunyanpi etanhan.

8 Qa mdetanhunka tawa kin itukiġanpi wośnapi, oyate kin, wawayuśnapi kin, qa Lewi kin wicaqupi. Hilkiya, qa Zekareja, qa Jehiel Wakantanka ti itancanpi kin wawayuśnapi kin woacakšin on tahinca kektopawinġe nonpa qa opawinġe šakpe, qa pte opawinġe yamni, wicaqupi.

9 Qa Konaneja, qa Šemayeja, qa Netaneel sunkawicaya, qa

Hašabeja, qa Jiyiel, qa Jozabad Lewi itancanpi kin woacakšın on *tahınca* kektopawinge zaptan, qa pte opawinge zaptan wicakupi.

10 Hecen wokicanye kin wiye-ya kağapi; qa wawayušnapi kin oyanke tawapi ohna najinpi, qa Lewi kin wicapamnipi kin iyecen, wicaštayatapi kin econ wicaşı kin iyecen.

11 Qa woacakšın patapi, qa Lewi ha yuzapi napepi kin etanhan wawayušnapi kin we kin amnimnipi ce.

12 Qa oyate cincapi ateyapi tipi obepi kin iyecen wicakipamnipi ca taku hułnahıyapi kta Jehowa kahipi kta on yukinukanpi, Moses tawowapi en owapi kin iyecen, qa pte on nakun hecen econpi.

13 Qa woacakšın kin pasnupi, peta akan, woyaco kin iyecen; tuka taku yuwakanpi kin he ce-ğa ohna, qa wakšica ohna spanyanpi, qa oyate kin owasin kohanna wicakipamnipi.

14 Qa ohakam iyepi on, qa wawayušnapi on wiyeya kağapi, wawayušnapi Aaron cinca kin htayetu hehanyan wołuhnahıyapi kin, qa wašin kin hułnahıyapi unpi; heon Lewi kin iyepi on, qa wawayušnapi Aaron cinca kin on wiyeya kağapi.

15 Qa wadowanpi kin Asap cinca kin wołtani tawapi ekta najinpi, Dawid, qa Asap, qa Heman, qa Jedutun wicaštayatapi wawanyake tawa woahope tawapi kin iyecen; nakun tiyopa awanyakapi kin tiyopa otıyohi ekta yakonpi, hena wołtani tawapi etanhan ihdutokanpi kte šni, hunkawanji wicayapi Lewi kin hena on wiyeya wicakicağapi nakaš.

16 Hecen anpetu kin he en

Jehowa on wołtani kin owasin econpi, woacakšın kağapi kin, qa wołuhnahıyapi Jehowa owayušna tawa akan hułnahıyapi, Josija wicaštayatapi econ wicaşı kin iyecen.

17 Unkan Israel cinca kin hen hiyeye cin he ehan woacakšın kağapi, qa ağıyapi napohıyapišni wohanpi kin anpetu šakowin.

18 Unkan Israel ohna woacakšın wan he iyecen kağapi šni, Samuel waayate kin anpetu tawa ehantanhan; qa Josija, qa wawayušnapi kin, qa Lewi kin, qa Juda qa Israel hen mniciyapi owasin woacakšın kağapi kin iyecen, Israel wicaštayatapi kin owasin kağapi šni.

19 Josija wawidake cin waniyetu iwikcemna sanpa šahdogan kin en woacakšın kin he kağapi.

20 Hena owasin, qa Josija tipi piya kağa iyohakam, Neko Egipton wicaštayatapi kin Karke-mis-Yuprate ikiyedani wanke cin azuye kta e itanwankanhde u. Unkan Josija itkokipe kta inanpa.

21 Unkan wahoši ekta ye wicaşı, qa heciya, Juda wicaštayatapi, miye qa niye unkiyotahedan taku un he? Niye tacikpe wau šni, tuka tipi wan wakize cin he, qa taku wakan inahni maši. Taku wakan mici un ce; itkokim yau enakiya wo, hecen ihangniye kte šni.

22 Tuka Josija iye etanhan ite kin hduhomni šni, qa kize kta ihdutokeca, hecen Neko oie kin taku wakan i kin etanhan anağoptan šni, qa Megiddo osmaka en kize kta i.

23 Unkan itazipa yuhapi kin wicaštayatapi Josija opi. Unkan wicaštayatapi kin taokiye

II. ANPETU OYAKAPI,

hewicakiya, Tokan amayanpo, tehiya maopi ce.

24 Unkan taokiye canpahmihma kin etanhan yutokanpi, canpahmihma inonpa yuhe cin ekta, qa Jerusalem ekta ahdi-pi. Unkan ta. Unkan hunka-ke wicaya ohnahnakapi kin en hnakapi; qa Juda, qa Jerusalem owasin Josija aceyapi.

25 Unkan Jeremia aceya, qa wadowanpi wica winyan koya owasin ceyapi en Josija cajeyatapi, anpetu kin dehanyan, qa wokage kin he Israel qupi, qa iho hena Wicaceya kin en owapi ce.

26 Qa Josija ohan unman, qa Jehowa toope en owapi kin iyecen towacankiye;

27 Qa ohan kin tokaheya qa ehake kin, iho, hena Israel qa Juda wicaštayatapi kin tawowapi kin en owapi ce.

WICOWOYAKE 36.

1 Unkan makoce oyate kin Jehoahaz Josija cinhintku kin icupi, qa atkuku eekiya Jerusalem ohna wicaštayatapi kağapi.

2 Jehoahaz waniyetu wikcemna nonpa sanpa yamni qehan toka wawidake ça wi yamni Jerusalem ohna wawidaka.

3 Unkan Egupton wicaštayatapi kin Jerusalem en hi, qa he yutokan, qa mazaska woqin opawinge, qa mazaskazi woqin wanjidan mnaye wicaši.

4 Qa Egupton wicaštayatapi kin cinu Eliaqim, Juda qa Jerusalem on, wicaštayatapi kağe ça caje kin yatokeca, Jehoahaz Neko icu, qa Egupta ekta ahda.

5 Jehoahaz waniyetu wikcemna nonpa sanpa zaptan qe-

han toka wawidaka, qa waniyetu wikcemna sanpa wanjidan Jerusalem ohna wawidake ça taku šica Jehowa iye wakan-da išta kin en econ.

6 Unkan Nebukadnezzar Babel wicaštayatapi kin iye takpe hi, qa mazaša icicahiha on kaška, Babel ekta aye kta.

7 Nebukadnezzar nakun Jehowa ti waksica kin etanhan hunh Babel ekta aya, qa Babel tipi wakan kin ohna hena kihnaka.

8 Unkan Jehoahaz ohan unman, qa wowahitešni econ, qa en iye-yapi kin, iho hena Israel qa Juda wicaštayatapi wowapi kin en owapi ce. Unkan iye cinhintku Jehoiakin heekiya wicaštayatapi.

9 Jehoiakin waniyetu akešahdogan qehan toka wawidake ça wi yamni, qa anpetu wikcemna Jerusalem ohna wawidaka, qa taku šica Jehowa išta kin en econ.

10 Unkan waniyetu oihuni kin hehan wicaštayatapi Nebukadnezzar taakicita ekta ye wicaši, qa Babel ekta ahi, nakun Jehowa ti waksica wiciyokipi kin. Qa ateye cin Zedekija Juda qa Jerusalem on wicaštayatapi kağa.

11 Zedekija waniyetu wikcemna nonpa sanpa wanjidan qehan toka wawidake ça waniyetu wikcemna sanpa wanjidan Jerusalem ohna wawidaka.

12 Qa Jehowa iye wakanda išta kin en taku šica econ, qa Jeremia waayate Jehowa i kin eciyatanhan ie cin itokam ihduhukuye šni.

13 Qa nakun wicaštayatapi Nebukadnezzar kipajin, he qe taku wakan cajeyan wakonze kiye cigon; tuka tahu botinkiya, qa cante kin ihdusuta, hecen Jehowa Israel wakandapi kin en ihduhomni šni.

WICOWOYAKE 36.

14 Nakun wawayuśnapi kin, qa oyate itancanpi kin owasin ikce-wicaśta wowahitepiśni kin iyecen sanpa qa sanpa, walitanipi; qa Jehowa ti kin Jerusalem ohna hduwakan kin yuśapapi.

15 Unkan Jehowa hunkakewicayapi wakandapi kin wahowicaya, wahośi tawa napepi on, hankikta ye wicaśi, tipi tawa, qa oyate tawa wicakpatan nakaś.

16 Tuka Wakantanka tawahośi kin iwicahaliapi ecee, qa oie kin ihaktapi śni, qa waayate tawa unwicacapi ece, ecen Jehowa tocanniye kin awicaide ecen wookizi wanica.

17 Heon Kasdim wicaśtayatapi anawicatan kta itanwankanhde hiyuya, qa taku owasin nape kin en qu, hecen kośkapi kaluigapi kin tipi wakandapi kin ohna isan on wicakte, qa kośka qa wikośka, wicalinca qa paskapi un-manna patan śni.

18 Nakun Wakantanka ti wakśica kin owasin tanka cistinna koya; qa Jehowa ti maza kin qa wicaśtayatapi qa iye taokiye mdetanhunkapi maza tawapi iyulipa Babel ekta ahda.

19 Qa Wakantanka ti kin hu-haliyapi, qa Jerusalem conkaśke

kin yujujupi, qa tipi tehanwan-kan tawa owasin peta on huhnali-yapi, qa taku wiciyokipi en un kin owasin pajujupi.

20 Qa tona isan owicakapta hena wayaka Babel ekta awicaya, qa iye, qa iye cinca kin wowidake wicayuhapi, Perse wokiconze idake śni hehanyan.

21 Jehowa oie kin Jeremia i kin etanhan makoce kin taokihpe on iyokipi kte cin, ecetuye kta; waniyetu wikcemna śako-win henakeca kta, tohan tuwe-dan oti śni hehanyan okilpa ce.

22 Unkan Kuros Perse wicaśtayatapi waniyetu tokaheya en Jehowa oie kin Jeremia i kin on hducetutu kta e Jehowa Kuros Perse wicaśtayatapi toniya kin iyopaśtaka, heon oyate iwica-dake cin owasin wahowicaya, qa nakun wowapi en kaġe ġa heya,

23 Kuros Perse wicaśtayatapi kin hecen eya, Jehowa mahpiya wakandapi kin maka akan wokiconze owasin maqu, qa Jerusalem ohna Juda makoce en tipi wan wecaġe kta kemakiya. Niyepi ehna tuwe kaśta oyate tawa etanhan yaunpi, ekta hde kta, qa Jehowa iye wakanda kin kici un nunwe.

EZRA.

WICOWOYAKE 1.

1 Unkan Kuros Persia wicašta-yatapi tawaniyetu tokaheya en, Jehowa oie Jeremiah i eciyatanhan qon he yuacetupi/kta e, he-on Jehowa Kuros Persia wicaštayatapi taniya kin yukata, hecen iye tokiconze owancaya woyake wan kağa, qa nakun wowapi en heya;

2 Kuros Persia wicaštayatapi kin hecen eya ce; Maka wokiconze kin iyulipa hena Jehowa Mahpiya Wakantanka maqu; qa iye waeconmaši, tipi wan wecage kta, Jerusalem en Juda etu.

3 Iye taoyate owasin etanhan niyepi tuwe yukan he: Taku Wakan tawa kici un nunwe: kinhan Jerusalem ekta ye kta, he Juda etu, qa Jehowa Israel ta Wakantanka tipi kicage kta; Taku Wakan Jerusalem en un kin hee nakaes.

4 Qa tuwe kašta owanka owasin en okaptapi, he qe tukten ounyan hecinhan, makoce tawa en wicašta kin najinkiyapi kta, mazaska on, qa mazaskazi on, qa woyuha on, qa woteka on; nakun Jerusalem en Wakantanka ti kin on taku wicaqupi koya.

5 Hehan Juda qa Benjamin ateyapi itancanpi kin najinpi, qa wošna kağapi qa Levi wicašta; nakun tona Wakantanka taniyapi wicayukata owasin, Jerusalem en Wakantanka tipi tawa kağa aye kta.

6 Qa tona ihdukšan unpi kin hena owasin nape wicayuwasha-

kapi, mazaska wakšica on, mazaskazi on, woyuha on, qa woteka on, qa taku tehika on, taku ituhanpi kin owasin koya.

7 Nakun Jehowa ti tawakšica Nebukadnezzar Jerusalem etanhan ahiyu, qa iye taku wakan tawa tipi kin en ehanke ciqon, hena Kuros wicaštayatapi kin hiyuya:

8 Han, hena Kuros Persia wicaštayatapi kin Mithredath mazopiye awanyake nape kin on hiyuya, qa Šešbazzar Juda wicaštayatapi kin en kiciyawa.

9 Unkan yawapi kin dena ee: Mazaskazi wakšica wikcemna yamni, mazaska wakšica kektopawinge, isan wikcemna nonpa sanpa nappcinwanka;

10 Mazaskazi wiyatke wikcemna yamni, mazaska wiyatke inonpa kin opawinge topa sanpa wikcemna, wakšica tokeca kektopawinge.

11 Mazaskazi qa mazaska wakšica iyulipa kektopawinge zaptan sanpa opawinge topa. Dena owasin hdicupi kin om Šešbazzar tokšu, Babel etanhan Jerusalem ekta hdicupi qehan.

WICOWOYAKE 2.

1 Unkan makoce cincapi wayaka unpi etanhan kihdapi, Nebukadnezzar Babel wicaštayatapi Babel ekta wayaka awicahdi qon etanhan, dena eepi: unkan Jerusalem qa Juda ekta hdipli, otoiyo iye totonwe kin en:

2 Zerubabel kici kupi: Ješua,

WICOWOYAKE 2.

Nehemiah, Seraiah, Realiyah, Mordekai, Bilšan, Mizpar, Bigvai, Rehūm, Baanah. Israel oyate wicašta wicayawapi:

3 Paroš cincapi kektopawinge nonpa sanpa opawinge, qa wikcemna šakowin sanpa nonpa.

4 Šepatiah cinca kin opawinge yamni, qa wikcemna šakowin sanpa nonpa.

5 Arah cinca kin opawinge šakowin, sanpa wikcemna šakowin sanpa zaptan.

6 Pahath-Moab cincapi, Ješua-Joab cinca kin etanhan, kektopawinge nonpa, qa opawinge šahdoğan sanpa akenonpa.

7 Elam cinca kin, kektopawinge, qa opawinge nonpa, sanpa wikcemna zaptan sanpa topa.

8 Zattu cinca kin, opawinge napcinwanka, sanpa wikcemna topa sanpa zaptan.

9 Zakai cinca kin, opawinge šakowin, sanpa wikcemna šakpe.

10 Bani cinca kin, opawinge šakpe, sanpa wikcemna topa sanpa nonpa.

11 Bebai cinca kin, opawinge šakpe sanpa wikcemna nonpa sanpa yamni.

12 Azgad cinca kin, kektopawinge sanpa opawinge nonpa, sanpa wikcemna nonpa sanpa nonpa.

13 Adonikam cinca kin, opawinge šakpe, qa wikcemna šakpe sanpa šakpe.

14 Bigvai cinca kin, kektopawinge nonpa, qa wikcemna zaptan sanpa šakpe.

15 Adin cinca kin, opawinge topa qa wikcemna zaptan sanpa topa.

16 Ater cinca kin, Hezekiah etanhan, wikcemna napcinwanka sanpa šahdoğan.

17 Bezai cinca kin, opawinge

yamni, qa wikcemna nonpa sanpa yamni.

18 Yorah cinca kin, opawinge sanpa akenonpa.

19 Hašum cinca kin, opawinge nonpa, qa wikcemna nonpa sanpa yamni.

20 Gibar cinca kin, wikcemna napcinwanka sanpa zaptan.

21 Beth-lehem cincapi, opawinge sanpa wikcemna nonpa sanpa yamni.

22 Netopha wicašta kin etanhan, wikcemna zaptan sanpa šakpe.

23 Anathoth wicašta etanhan, opawinge qa wikcemna nonpa sanpa šahdoğan.

24 Azmaveth cinca, wikcemna topa sanpa nonpa.

25 Kirjath-arim etanhan, Kephira qa Beeroth cincapi, opawinge šakowin qa wikcemna topa sanpa yamni.

26 Ramah qa Gaba cincapi, opawinge šakpe, qa wikcemna nonpa sanpa wanjidan.

27 Mikmas wicašta kin, opawinge qa wikcemna nonpa sanpa nonpa.

28 Bethel qa Ai wicašta kin, opawinge nonpa, qa wikcemna nonpa sanpa yamni.

29 Nebo cinca kin, wikcemna zaptan sanpa nonpa.

30 Magbiš cinca kin, opawinge qa wikcemna zaptan sanpa šakpe.

31 Elam unma qon cincapi, kektopawinge qa opawinge nonpa sanpa wikcemna zaptan sanpa topa.

32 Harim cinca kin, opawinge yamni sanpa wikcemna nonpa.

33 Lod, Hadid qa Ono cincapi, opawinge šakowin, qa wikcemna nonpa sanpa zaptan.

34 Jeriko cinca kin, opawinge

EZRA,

yamni, qa wikcemna topa sanpa zaptan.

35 Senaah cinca kin, kektopawinge yamni, qa opawinge šakpe sanpa wikcemna yamni.

36 Wawayušnapi kin: Jedaiah cinca kin, Ješua tipi etanhan, opawinge napcinwanka, qa wikcemna šakowin sanpa yamni.

37 Immer cinca kin, kektopawinge qa wikcemna zaptan sanpa nonpa.

38 Pašur cinca kin, kektopawinge sanpa opawinge nonpa, qa wikcemna topa sanpa šakowin.

39 Harim cinca kin, kektopawinge sanpa ake šakowin.

40 Levi wicašta kin: Ješua qa Kadmiel cincapi, Hodevah cinca etanhan, wikcemna šakowin sanpa topa.

41 Dowanpi kin: Asaph cinca kin, opawinge qa wikcemna nonpa sanpa šahdogan.

42 Tiyopa awanyakapi cincapi: Šallum cinca, Ater cinca, Talmon cinca, Akkub cinca, Hatita cinca, Šobai cinca, owasin opawinge qa wikcemna yamni sanpa napcinwanka.

43 Nethinim (tipi wakan wowidake): Ziha cinca, Hasupha cinca, Tabaoth cinca,

44 Keros cinca, Siaha cinca, Padon cinca,

45 Lebana cinca, Hagaba cinca, Akkub cinca,

46 Hagab cinca, Šalmai cinca, Hanan cinca,

47 Giddel cinca, Gahar cinca, Reaiah cinca,

48 Rezin cinca, Nekoda cinca, Gazzam cinca,

49 Uzza cinca, Paseah cinca, Besai cinca,

50 Asnah cinca, Mehunim cinca, Nephusim cinca,

51 Bakbuk cinca, Hakupha cinca, Harhur cinca,

52 Bazluth cinca, Mehida cinca, Harša cinca,

53 Barkos cinca, Sisera cinca, Tamah cinca,

54 Neziah cinca, Hatipha cinca.

55 Solomon tawowidake cincapi: Sotai cinca, Sophereth cinca, Peruda cinca,

56 Jaalah cinca, Darkon cinca, Giddel cinca,

57 Šepatiah cinca, Hattil cinca, Zebaim etanhan Pokereth cinca, Ami cinca kin.

58 Nethinim iyuhpa qa Solomon tawowidake cincapi koya, opawinge yamni qa wikcemna napcinwanka sanpa nonpa.

59 Unkan tona Tel-mela etanhan, Tel-harsa, Kerub, Addan, Immar etanhanhan hiyupi qon dena eepi: Tuka atkukupi tipi qa wicoicaqe tawapi, Israel etanhanpi hecinhan, ohdaka okihihi šni:

60 Delaiah cinca, Tobiah cinca, Nekoda cinca, opawinge šakpe qa wikcemna zaptan sanpa nonpa.

61 Nakun wawayušnapi cincapi etanhan: Habaiah cinca, Koz cinca, Barzillai cinca; heqe Barzillai Gileadi cunwintkupi etanhan tawicuton, qa iye cajepi eciyatanhan caštonpi.

62 Hena e wicowazi owicawapi kin en wiciye owicawapi kin okidepi, tuka iyeyapi šni; heon etanhan wawayušnapi wicohan kin etanhan wicayušapapi.

63 Unkan Tiršatha kin he, wawayušna wan Urim qa Thummim yuha hinajin kte cin hehan-yan woyute iyotan wakan kin etanhan yutapi kte šni, kewica-kiya.

64 Omniciye ocowasin yuwitaya kektopawinge wikcemna topa sanpa nonpa, qa opawinge yamni sanpa wikcemna šakpe;

WICOWOYAKE 3.

65 Qa wicašta taokiye, winyan taokiye tawapi koya, hena kekto-pawinge šakowin, qa opawinge yamni, sanpa wikcemna yamni sanpa šakowin: qa owicapeya wicašta dowanpi qa winyan dowanpi kin opawinge nonpa.

66 Šunka wakan tawapi kin opawinge šakowin qa wikcemna yamni sanpa šakpe: Šonšonna tawapi iš opawinge nonpa, qa wikcemna topa sanpa zaptan.

67 Kamel tawapi kin, opawinge topa qa wikcemna yamni sanpa zaptan: Šonšonna hinca kekto-pawinge šakpe qa opawinge šakowin sanpa wikcemna nonpa.

68 Unkan ateyapi tokapapi etanhanpi, Jerusalem en Jehowa ti kin ekta hipi qehan, Wakantanka tipi tohe kin en ekihdepi kta on cantewašteya en wachišepayapi ece.

69 Token okihipi wicošan econpi kta womnaye kin en hiyuyapi, mazaskazi drakma kektopawinge wikcemna šakpe sanpa wanjidan, qa mazaska woqin kektopawinge zaptan, qa wawayušna tawokoyake opawinge.

70 Hecen wawayušnapi qa Levi wicašta, qa oyate etanhanhanpi, qa dowanpi kin, qa tiyopa awanyakapi kin, qa Nethinim kin, iye totonwepi ohnahna tipi, qa Israel ocowasin iye totonwepi kin ohna.

WICOWOYAKE 3.

1 Unkan wi išakowin kin hiyohi, qa Israel cincapi iye totonwepi kin ohna yakonpi, hehan oyate kin wicašta wanjidan se Jerusalem ekta ihduwitayapi.

2 Hehan Ješua Jozadak cinhintku kin inajin, qa iye sunkawicaye wawayušnapi kin, qa Zerubabel Šealtiel cinhintku, iye sunkawicaye cin nakun, qa Is-

rael ta Wakantanka owayušna tawa qon he piya kağapi, akan wahuhnahyapi wošnapi wayušnapi kta, Moses Wakantanka tawicašta toope kin en owapi kin iyececa.

3 Unkan owayušna kin tohe qon akan ehdepi, makoce oyate kin hena kowicakipapi nakaes; qa wohuhnağe wošnapi Jehowa wakiyušnapi, wohuhnağe wošnapi hanhanna htayetu koya.

4 Qa ohanzihdepi wohanpi kin he kağapi, wowapi qon iyececa, qa anpetu iyohi wohuhnağe wošnapi yawapi kin iyecen, wicošan yuhapi qon eciyatanhan, anpetu iyohi yušanpi kta iyececa.

5 Qa he iyohakam wohuhnağe ohinniyan kin, wi teca kin en, qa Jehowa tawohe yuwakanpi owasin en, qa taku ituhanpi tuwe Jehowa cante wašteya itukihanpi owasin.

6 Wi yawapi išakowin anpetu tokaheya hetanhan wohuhnağe wošnapi Jehowa wakiyušnapi ece. Tuka Jehowa ti oahe kin hinyahin kağapi šni.

7 Nakun wakakanpi qa waeconpi kin hena mazaska wicaqupi; qa woyute qa woyatke qa wiłdi Zidon qa Tyrus wicašta wicaqupi, Lebanon etanhan hanteša can aupi kta, Joppa miniwanca kin ekta, Kuros Persia wicaštayatapi tawowaši kin eciyatanhan.

8 Unkan Jerusalem en Wakan-tanka ti kin ekta hipi waniyetu inonpa, wi inonpa, hehan Zerubabel Šealtiel cinhintku, qa Ješua Jozadak cinhintku qa hunkanwanj itkupi, wawayušnapi Levi wicašta koya, tona okaptapi qon, qa tona wayaka unpi etanhan Jerusalem en hdipi iyuhpa econpi: qa Levi wicašta ewicahdepi, waniyetu wikcemna nonpa qa

EZRA,

sanpa, Jehowa ti wicoħan kin en itancanpi kta.

9 Hehan Jeſua iye cinca qa hunkawanjitku kin om inajin, Kadmiel qa iye cinca, Juda cincapi kin om, Wakantanka tipi en wicoħan econpi kin iyowica-paſtakapi kta: Henadad cinca, hena cincapi qa hunkawanjitku-pi, Levi wicaſta kin hena.

10 Unkan tipi kaġapi kin Jehowa ti oahe ehnakapi qehan wawayuſnapi ihduzapi mazayahotonpi hduha najin wicakiyapi, qa Levi wicaſta Asaph cinca kin hena mazaicasnasnapi yuhapi, on Jehowa yatanpi kta, David Israel wicaſtayatapi toie kin eciyatanhan.

11 Unkan Jehowa yatanpi qa wopida eciyapi on witaya downpi; He waſte nakaes; Towaoſida kin Israel ekta owihanke wanica nakaes. Unkan oyate iyulpa ho tanka on iyaſapi, Jehowa ti oahe hdepi kin heon Jehowa yatanpi ecee.

12 Tuka wawayuſnapi, qa Levi wicaſta, qa ateyapi itancanpi wicaħincapi ota, tipi tokaheya wanyakapi qon hena iſtapi itokam tipi kin de oahe hdepi qehan ho tanka on ceyapi: qa wicota wiyuſkinpi on ho tankakiya iyaſapi.

13 Hecen oyate wiyuſkinyan iyaſapi ho kin, qa oyate ceyapi ho kin okicaħniġapi ſni: oyate kin ho tankakiya iyaſapi nakaes, qa hopi kin tehan naħonpi.

WICOWOYAKE 4.

1 Unkan Juda qa Benjamin tokawicayapi kin hena, wayaka unpi cincapi Jehowa Israel ta Wakantanka tipi wakan kicaġapi he naħonpi qehan;

2 Hehan Zerubabel qa ateyapi

itancanpi kin en wicahipi qa hewicakiyapi; Nici unkaġapi kta; Taku Wakan nitawapi kin he unakakitapi nakaes, niyepi iyececa; qa Esarhaddon Aſur wicaſtayatapi deciya unkahipi qon taanpetu kin hetanhan waunki-yuſnapi ecee.

3 Tuka Zerubabel qa Jeſua qa Israel ateyapi itancanpi unmapi kin hewicakiyapi; Taku Wakan unkitawapi tipi unkicaġapi kin en takudan unyecicapi ſni; tuka unkiye yuwitaya Jehowa Israel Taku Wakan tawapi kin tipi wan unkicaġapi kta, Kuros wicaſtayatapi kin, Persia wicaſtayatapi kin he econunſipi kin eciyatanhan.

4 Hehan makoce oyate kin Juda oyate napepi kin yuwaſakapi ſni, qa ticagapi en iyokiſinwicayapi ece:

5 Qa hena on waaiapi opewicatonpi, tawacinpi yuecetupi kte ſni, Kuros Persia wicaſtayatapi taanpetu owasin, qa Darius Persia wicaſtayatapi wawidake cin hehanyan.

6 Unkan Ahaſuerus wawidake en, tokaheya wawidake heħantu, Juda qa Jerusalem en ounyanpi kin on woaiwewapi wan kicaġapi.

7 Nakun Artahſaſta taanpetu kin en, Biſlam, Mithredath, Tabbeel qa takodakupi unmapi kin hena Artahſaſta Persia wicaſtayatapi kin wowapi kicaġapi; unkan wowapi kin he Arami oowa on kaġapi, qa Arami iapi en oyakapi.

8 Rehum wayaco itancan qa ſimſai wowapi kaġe cin hena Jerusalem on. Artahſaſta wicaſtayatapi kin wowapi kicaġapi, kaketu:

9 Hehan Rehum wayaco itancan qa ſimſai wowapi kaġe cin,

WICOWOYAKE 4.

qa takodakupi unmapi kin ; Dinayi kin, qa Aparsathki kin, Tarpeli kin, Apharsai kin, Arke-wi kin, Babeli kin, Šušankai kin, Dehawwi kin, Elami kin ;

10 Qa oyate toktokeca Asnap-per tanka qa kinihanpi qon awicau qa Samaria otonwepi kin ohnahna ewicahnake ciquon, qa unmapi wakpa akasanpatanhan unpi qon, qa decetu :

11 Wowapi ekta yeyapi, Artahšasta kicağapi owapi qon he dee ; Nitaokiye, wicašta wakpa akasanpatanhan unpi kin, qa decetu :

12 Wicaštayatapi kin sdoney kta, Juda wicašta niye etanhan unkiyepi ekta hiyupi qon hena Jerusalem en hipi, otonwe wawakipajin qa šica qon he kağapi kta, unkan conkaške kin yuštampi, qa oahe kin iyahdekiciyapi.

13 Heon etanhan wicaštayatapi kin sdoney kta, otonwe kin de kağapi qa conkaške tawa yuštampi kinhan, woicağe, woyute qa ocanku kajujupi mazaska kin hiyuyapi kte šni, hecen unhan-keta wicaštayatapi kin owicayakihanšunkeca kta.

14 Iho, heon etanhan, tipi tanka kin etanhan miniskuya untapi nakaeš, qa wicaštayatapi taku akiciyutakunipi kte šni wanunyakapi kta iyecece šni, heon etanhan yeunyanpi qa wicaštayatapi kin sdoneyeunyanpi.

15 Hecen niyatepi wokiksuye wowapi tawapi kin he ohna odepi kta ; kinhan wokiksuye wowapi kin en decelin iyeyaye kta, qa otonwe kin de otonwe wawakipajin kin heca sdoneyaye kta, qa wicaštayatapi qa wayacopi kin wawicakiciyutakuni šni, qa anpetu ehanna he ohna wokipajin kağapi ecee ; heon etanhan otonwe kin de ihangyapi ce.

16 Unkiye wicaštayatapi kin wasdoney unkiyapi, otonwe kin de kağapi qa conkaške tawa yuštampi kinhan, heciyatanhan wakpa akasanpatanhan takudan nitawa kte šni.

17 Hehan wicaštayatapi kin woayupte wan yeya, Rehūm wayaco qa Šimšai wowapi kağe cin qa takodakupi unmapi Samaria en ounyanpi kin, qa wakpa akasanpa unmapi kin hena : Wookiye qa dehantu :

18 Wowapi hiyuunyeciciyapi qon he mitokam taninyan oyakapi ;

19 Unkan econwicawaši, qa waakitapi, qa anpetu ehanna en otonwe kin de wicaštayatapi wicitkokim ihdunajin qon he iye-yapi, qa he ohna wokipajin wokicize ko kağapi ecee qon.

20 Nakun Jerusalem en wicaštayatapi wašakšaka yukan qon hena wakpa akasanpatanhan owasin iwicadakapi, qa woicağe, woyute qa ocanku kajujupi mazaska kin hena wicaqupi ecee qon.

21 Heon etanhan wokonze wan kağa po, wicašta kin hena ayuštanwicakiyapi kta, qa otonwe kin he kağapi kte šni, miye etanhan wowaši wan hiyu šni hehanyan.

22 Qa waktaya un po, ihnuhan hecanonpi šni kinhan : Tokeca woyutakunišni icage kta he, on wicaštayatapi taku akicitakunipi kte šni.

23 Unkan wanna Artahšasta wicaštayatapi kin etanhan wowapi owapi qon he Rehūm qa Šimšai wowapi kağe cin, qa takodakupi kin wicitokam yawapi qehan, hehan Juda wicašta Jerusalem en unpi kin ekta inahniyan yapi qa isto wowašake ko on ayuštanwicakiyapi.

EZRA,

24 Hehan Wakantanka tipi tawa Jerusalem en wolhiani kin ayuŝtanpi. Hecen Darius Persia wicaŝtayatapi waniyetu inonpa wawidake hehanyan ozikiyapi.

WICOWOYAKE 5.

1 Hehan wicaŝta wokcanpi, Haggai wicaŝta wokcan kin hee, qa Zekariah Iddo cinhintku, Juda wicaŝta Juda qa Jerusalem en unpi kin hena Israel ta Wakan-tanka caje akan wicaun kin he eciyatanhan wowicakiyapi.

2 Hehan Zerubabel Ŗealtiel cinhintku najin, qa JeŖua Joza-dak cinhintku, qa Taku Wakan tipi tawa Jerusalem en kali utapi: Unkan hena owicapeya wicaŝta wokcanpi, Wakantanka tawa, owicakiyapi ecee.

3 Unkan hehantu Tatnai wakpa akasanpatanhan wicaŝta itancan, qa Ŗetharboznai qa takodakupi nakun en wicahipi qa kaken ewicakiyapi; Tuwe e wowaŝi econniŝipi he, hecen tipi kin de yakaŝapi qa conkaŝke kin eyahdepi he.

4 Nakun kaken ewicakiyapi; Wicaŝta tona tipi kin de kaŝapi kin hena tokenken ewicakiyapi he.

5 Tuka Taku Wakan tawapi iŝta Juda hunkayapi akan wicaun, hecen ayuŝtanwicakiya okihipi ŝni, ecen wowiyukcan kin he Darius en hi: Unkan he ehan de on wowapi wan ekta yeyapi.

6 Tatnai wicaŝta itancan wakpa akasanpatanhan un, qa Ŗetharboznai qa takodakupi Apharsakai kin wakpa akasanpatanhan unpi, wowapi kaŝapi Darius wicaŝtayatapi ekta yeyapi okaŝapi kin dee:

7 Wowapi wan ekta yekiciyapi qa ohna kaken wowapi: Darius

wicaŝtayatapi kin wookiye oco-wasin kiciun;

8 Wicaŝtayatapi kin he de sdonye kta, unkiye Juda makoce kin en unyanpi, Taku Wakan tanka ti kin ekta, heqe inyan tankinkinyan on kaŝapi, qa oksan wanke cin ohna can ehnapapi, unkan wicoŝan kin de inalniyan ayapi, qa iye napepi ohna yuŝtanpi kta.

9 Hehan hunkayapi kin hena wiwicunwangapi, kaken ewicun-kiyapi; Tuwe e wowaŝi econniŝipi, hecen tipi kin de yakaŝapi, qa conkaŝke kin bosdan eyahdepi he.

10 Nakun hena cajepi unkiwan-ŝapi, on sdonye unniyanpi kta, hecen tona wicaŝta itancanpi cajepi kin wowapi en unnicaŝapi kta.

11 Unkan kaken eya unkayuptapi; Maŝpiya qa maka Wakantanka tawa tawowidake kin he unkiyepi, qa tipi ehanna hinca waniyetu ota he ehan kaŝapi, Israel wicaŝtayatapi wan tanka kaŝe qa yuŝtan qon hee unkaŝapi.

12 Tuka atewicunyanpi Maŝpiya Wakantanka wacantahdekiyapi iyohakam, hehan Nebukadnezzar Babel wicaŝtayatapi, Kasdim wicaŝta kin he nape en wicaqu, heqe tipi kin de ihangya qa oyate kin Babel ekta wayaka awicakiyahda.

13 Hececa eŝta Kuros Babel wicaŝtayatapi tawaniyetu tokaheya kin en, Kuros wicaŝtayatapi kin wokonze wan kaŝa, Taku Wakan tipi kin de kaŝapi kta:

14 Qa nakun Wakantanka ti tawakŝica mazaskazi qa mazaŝka, tona Nebukadnezzar Jerusalem en tipi wakan kin etanhan icu, qa Babel ekta tipi wakan

WICOWOYAKE 6.

wan en ahdi qon hena e Kuros wicaštayatapi kin Babel tipi wakan kin etanhan eyaku; unkan tuwe Sešbazzar eciyapi wicašta itancan kağe ciquon hee e qupi:

15 Qa heciya; Dena wakšica eyaku qa ya wo, Jerusalem en tipi wakan kin he ekta aya wo, qa Wakantanka ti kin he tohe qon ohna kağapi kta ce.

16 Hehan Sešbazzar heqe Jerusalem en Wakantanka ti oahe kin hena ehnaka: unkan hetanhan qa dehanyan he kağa škanpi, tuka yušanpi šni.

17 Heon etanhan wanna he wicaštayatapi kin en wašte kinhan, wicaštayatapi mazopiye tipi tawa Babel ekta he cin he ohna odepi kta, he wicakapi hecinhan, Kuros wicaštayatapi kin wokonzé wan kağa, on Jerusalem en Wakantanka tipi kin de kağapi kta; unkan de on wicaštayatapi kin token iyokipi hecinhan he iwahounyanpi kta.

WICOWOYAKE 6.

1 Hehan Darius wicaštayatapi kin wokonzé wan kağa, unkan wowapi tipi Babel en maza ehna-kapi ecee qon he ohna odepi;

2 Qa Akmetha ekta, Mede make en, tipi tanka kin he ohna wowapi wan iyeyapi, qa he ohna wowapi kin he hecen owapi:

3 Kuros wicaštayatapi tawaniyetu tokaheya en, Kuros wicaštayatapi kin wokonzé wan kağa, Wakantanka tipi kin on; Tipi kin he kağapi kta, tukten wošnapí wayušnapí ece; qa oahe kin hena sutaya ehna-kapi kta, obosdatu kin he wicišpa wikcemna šakpe, ohdakinyan kin iš wicišpa wikcemna šakpe kta:

4 Inyan tke linca oehnake ya-

mni qa can tekteca kin oehnake wanjidan: qa on kajujupi kin he wicaštayatapi ti kin etanhan hiyuyapi kta.

5 Qa nakun Wakantanka ti etanhan mazaskazi qa mazaska wakšica, Nebukadnezzar Jerusalem en tipi wakan etanhan eyaku qa Babel ekta ahdi qon hena ake wicakicupi kta, qa ake Jerusalem en tipi wakan kin he ekta hde kta, otoiyohe iye tohe qon ekta, qa Wakantanka ti kin en ehna-kapi kta ce.

6 Heon etanhan, Tatnai wakpa akasanpatanhan wicašta itancan, Sethar-boznai qa takodakupi, Apharsakai wakpa akasanpatanhan unpi kin, he itehan yaunpi kta:

7 Wakantanka ticağapi kin de ayušan po; Juda wicašta itancan qa Juda hunkayapi kin hena Wakantanka tipi tawa kin de tohe ohna kağapi kta.

8 Qa nakun miye eciyatanhan wokonzé kin de kağapi, Juda hunkayapi Wakantanka tipi tawa kin he kağapi kta hena kaken ecawicayeconpi kta; hecen wicaštayatapi tawomnaye wakpa akasanpatanhan mnayanpi kin etanhan, kohanna wokajuju wicaqupi kta, qa hena ayušan-wicakiyapi kte šni.

9 Qa nakun taku cinpi, tatanka cinca, qa tamdoka qa tacincadan Mašpiya Wakantanka tawošna hušna hiyapi kte cin on, ağıuyapi, miniskuya, miniša qa wiħdi, Jerusalem en wayušnapí konzapi kin he eciyatanhan, anpetu qa anpetu eca yušna šni wicaqupi kta.

10 Hecen Mašpiya Wakantanka wošna waštemna kin wakiyušnapí kta, qa wicaštayatapi qa iye cinca nipi kta icekiyapi kta.

EZRA,

11 Nakun wokonze wan waka-ga, wicašta otoiyo hi wicoie kin de yutokeca kinhan, iye ti kin etanhan can yusdun icupi kta, qa iye yuwankan icupi qa akan otkeyapi kta; qa heon etanhan iye ti kin tacesdi paha kağapi kta.

12 Qa Taku Wakan iye caje kin hen ounyekiye cin he, wicaštayatapi owasin qa oyate ihangwicaya nunwe, de yutokecapi kta, qa Taku Wakan tipi Jerusalem en un kin he ihangya nape yeyapi kinhan. Darius he miye wokonze kin wakağa: kohana ecen econpi kta.

13 Hehan Tatnai wakpa akasapatanhan wicašta itancan, Šethar-boznai qa iye takodakupi kin, Darius wicaštayatapi taku hiyuye cin he eciyatanhan, kohana ecen econpi.

14 Unkan Juda hunkayapi kin ticağapi qa tanyan iyoptapi, Haggai wicašta wokean, qa Zekariah Iddo cinhintku waayatapi icunhan. Han, ticağapi qa hduştanpi, Israel Taku Wakan tawa wowası kin eciyatanhan, qa Kuros qa Darius qa Artahšašta Persia wicaštayatapi tawokonze kin eciyatanhan.

15 Unkan tipi kin he yuştanpi, Adar wi anpetu iyamni en, he Darius wicaštayatapi wawidake waniyetu isakpe entu.

16 Unkan Israel cincapi, wawayuśnapi qa Levi wicašta qa wayaka ahdi unmapi kin hena wowiyuśkin on Taku Wakan tipi yuwakanpi kağapi;

17 Qa Taku Wakan tipi tawa de yuwakanpi kin on tatanka opawinge, tamdoka opawinge nonpa, tacinca opawinge topa, wayuśnapi: qa Israel ocowasin on woahţani wośnapi kin, tatanka mdoka ake nonpa, Israel wi-

coun wicayawapi kin eciyatanhan.

18 Unkan wawayuśnapi kin obepi kin hecen ewicahdepi, qa Levi wicašta kin owecinhanhanpi, Jerusalem en Wakantanka waokiyapi kta e heon; Moses tawowapi en owapi qon iyececa.

19 Unkan wayaka ahdi cincapi kin, wi tokaheya anpetu iake topa en woacakśin kağapi.

20 Wawayuśnapi qa Levi wicašta kin hena witaya ihduska-pi nakaes, iyulpa skapi, hecen wayaka ahdi cincapi kin on woacakśin kin ktepi, qa iye hunkawanj itkupi wawayuśnapi kin hena on, qa is iyepi nakun on.

21 Unkan Israel cincapi wayaka ahdi kin hena, qa tona makocce en Ikcewicašta wayuśicapi kin etanhan iyepi ekta ihdoupi, Jehowa Israel Taku Wakan tawa akitapi kta, hena owasin yutapi;

22 Qa on napohyapi codan wotapi kin he wowiyuśkin yuha anpetu śakowin econpi: Iye Jehowa wiyuśkinwicakiya nakaes, qa Aśur wicaštayatapi cante kin iyepi en yuhomni, Taku Wakan, Israel ta Wakantanka, tipi tawa tawowaśi kin en nape wicaya-waśake kta.

WICOWOYAKE 7.

1 Unkan wicoie kin dena iyo-hakam, Artahšašta Persia wicaštayatapi wawidake icunhan, Ezra Seraiah cinhintku, Azariah cinhintku, Hilkiah cinhintku,

2 Šallum cinhintku, Zadok cinhintku, Ahitub cinhintku,

3 Amariah cinhintku, Azariah cinhintku, Meraioth cinhintku,

4 Zerahiah cinhintku, Uzzi cinhintku, Bukki cinhintku,

5 Abišua cinhintku, Phinehas

WICOWOYAKE 7.

cinhintku, Eleazar cinhintku, Aaron wawayuśna itancan qon cinhintku:

6 Ezra heqe Babel etanhan itanwankanhde iyaya: Unkan he wowapi kağa wayupika, Moses toope Jehowa Israel ta Wakantanka wicaqu qon he en. Unkan taku kida qon ocowasin wicaśtayatapi kin qu, Jehowa iye ta Wakantanka nape akan yanke cin iyececa.

7 Unkan Artahśaśta wicaśtaya-tapi tawaniyetu isakowin kin en, Israel cinca kin etanhan, qa wawayuśnapi etanhan, qa Levi wicaśta, qa wadowanpi kin, qa tiyopa awanyakapi kin, qa Nethinim—tipi wakan tawowidake—hena Jerusalem ekta iyayapi.

8 Unkan wi izaptan en Jerusalem ekta hi, wicaśtayatapi tawaniyetu isakowin hehantu.

9 Wi tokaheya anpetu tokaheya hehan Babel etanhan itawankanhde iyaya, qa wi izaptan anpetu tokaheya hehan Jerusalem ekta hiyohi, iye Taku Wakan tawa nape waśteya akan yanke cin iyececa.

10 Ezra iye cante ihduwiyeya nakaes, Jehowa toope kin akite kta, qa ecei econ kta, qa Israel en woope qa woyaco onspewica-kiye kta.

11 Unkan Artahśaśta wicaśtayatapi kin wowapi wan Ezra wawayuśna wowapi kağa, Jehowa tawoahope oie, qa Israel taku econ wicaśi wowapi en kağa ecee, qu qon okağapi he dee:

12 Artahśaśta wicaśtayatapi en wicaśtayatapi kin, Ezra wawayuśna kin Mahpiya Wakantanka toope en wowapi kağa wayupike hinca, qa kaketu;

13 Miye qe wokonze wakağa, tona wawidake mitawa ohna

ihduwiyeyapi, Israel oyate etanhan owasin, qa wawayuśna tawapi, Levi wicaśta koya, Jerusalem ekta yapi kta hecinhan hena niye kici yapi kta.

14 Heon etanhan, niye wicaśtayatapi qa wawiyukcan śakowin tawa kin wicitokapatanhan yenishi, Juda qa Jerusalem on wawinunge kta, Taku Wakan nitawa toope ninape ohna yanke cin eciyatanhan:

15 Qa nakun mazaska qa mazaskazi tona wicaśtayatapi kin he, qa wawiyukcan śakowin tawa Israel ta Wakantanka Jerusalem en ti kin ituya qupi kin he ade kta.

16 Nakun mazaska qa mazaskazi iyuhpa Babel makoce ocowasin en iyeyaye cin, oyate qa wawayuśnapi taku ituhanpi koya, taku cante ocowasin on Wakantanka ti Jerusalem en yanke cin qupi hecinhan:

17 He on inahniyan mazaska kin de on tatanka, tamdoka, ta-cinca opeyaton kta, nakun minha tawapi, qa tawokaśtan wośnapi kin ahnalina, qa hena Jerusalem en yanke cin Taku Wakan nitawapi tipu owayuśna kin akan wayakiyuśna kta.

18 Qa mazaska mazaskazi ko okaptapi kin, niye qa nihunkawanjipi taku waśteyadakapi he ohnayan ecanon kta, Wakantanka nitawapi tawacin eciyatanhan econ po.

19 Nakun waksica tona niçupi, Taku Wakan nitawa ti tawowaśi kin on, hena Jerusalem Wakantanka kin itokam eyahnake kta.

20 Qa taku sanpa Wakantanka nitawa ti kin on cinpica, taku yaqu kta iyececa hecinhan, he wicaśtayatapi mazopiye tawa kin etanhan yaqu kta.

EZRA,

21 Qa miye, Artahšašta wicaštayatapi kin miye hinca wakpa akasanpatanhan mazaska opiye awanyakapi kin owasin wokonze wan wicawecağa, Ezra wawayuŝna kin Maħpiya Wakantanka toope en wowapi kağe cin heca taku nicidapi kin owasin kohana ecanonpi kta,

22 Mazaska woqin opawinge hehanyan, qa aguyapi su kor opawinge hehanyan, qa miniša bath opawinge hehanyan, qa wiłhdi bath opawinge hehanyan, qa miniskuya tohanyan yawapi ŝni.

23 Maħpiya Wakantanka tawokonze qon ocowasin, Maħpiya Wakantanka tipi tawa kin on cancanse econpi kta: Tokeca ecin wocanniye wicaštayatapi tawawidake kin en qa cinhintkupi en u kta he.

24 Nakun sdonyeunniyanpi, wawayuŝnapi owasin qa Levi wicašta kin, wadowanpi, tiyopa awanyakapi, Nethinim, qa Wakantanka ti waokiyapi kin hena wiyutapi on, woyute, qa canku on mazaska kajuwicakiyapi kta iyecece ŝni.

25 Unkan niye Ezra, nita Wakantanka toksape ninape ohna un kin eciyatanhan, wayaco qa wicašta itancan kin ewicayahnake kta, hena oyate wakpa akasanpatanhan owasin ehna wayacopi kta, tona Wakantanka nitawa toope kin sdonyapi iyulpa: qa tona onspepi ŝni kin hena onspewicayakiyapi kta.

26 Qa tuwe kašta Wakantanka nitawa toope qa wicaštayatapi toope kin ecen econ kte ŝni hecinhan cancanse woyaco ecakonpi kta, he wiconte hehanyan, qa token iyeyapi kta hehanyan, qa tawalıpaya kipi hehanyan, qa wicakaŝkapi hehanyan.

27 Jehowa atewicunyanpi Wa-

kantanka tawapi he yawaŝtepi nunwe, he de wicaštayatapi cante kin en ehnaka, Jehowa ti Jerusalem en wanke cin yuwašte kta:

28 Qa wicaštayatapi kin itokam qa wiyukcanpi tawa, qa wicaštayatapi wicašta waŝakŝaka tawa owasin wicitokam wowaonŝida yuhemakiya. Nakun Jehowa Wakantanka mitawa nape akan mayanke cin eciyatanhan mayuwaŝakapi, hecen Israel etanhan wicašta tokapapi wicamduwitaya, mici yapi kta heon etanhan.

WICOWOYAKE 8.

1 Unkan atewicayapi itancanpi dena eepi, qa tona Artahšašta wicaštayatapi wawidake en Babel etanhan mici yapi owicawapi kin dee:

2 Phinehas cinca etanhan, Gerŝom: Ithamar cinca etanhan, Daniel: David cinca etanhan Hattuŝ, Ŝekaniah cincapi etanhan.

3 Pharos cinca etanhan, Zekariah: qa he kici owicawapi eciyatanhan wica ece opawinge sanpa wikcemna zaptan wicayawapi.

4 Pahath-Moab cinca etanhan, Elihoenai Zerahiah cinhintku, qa he kici wica ece opawinge nonpa.

5 Ŝekaniah cinca etanhan, Jahaziel cinhintku, qa kici wica ece opawinge yamni.

6 Nakun Adin cinca etanhan, Ebed Jonathan cinhintku, qa kici wica ece wikcemna zaptan.

7 Qa Elam cinca etanhan, Jeŝaiah Athaliah cinhintku, qa he kici wica ece wikcemna ŝakowin.

8 Qa Ŝephatiah cinca etanhan, Zebadiah Mikael cinhintku, qa kici wica ece wikcemna ŝahdogan.

WICOWOYAKE 8.

9 Joab cinca kin etanhan, Obadiah Jehiel cinhintku, qa he kici wica ece opawinge nonpa sanpa ake šahdoğan.

10 Nakun Šelomith cinca etanhan, Josiphiah cinhintku, qa he kici wica ece opawinge sanpa wikcemna šakpe.

11 Qa Bebai cinca etanhan, Zekariah Bebai cinhintku, qa he kici wica ece wikcemna nonpa sanpa šahdoğan.

12 Qa Azgad cinca etanhan, Johannan Hakkaton cinhintku, qa he kici wica ece opawinge sanpa wikcemna.

13 Qa Adonikam cinca ehake kin etanhan, dena cajepi, Eliphalet, Jeiel qa Šemaiah, qa hena om wica ece wikcemna šakpe.

14 Nakun Bigvai cinca kin etanhan, Uthai qa Zabud, qa hena om wica ece wikcemna šakowin.

15 Unkan hena wakpa wan Ahava iyahde kin he ekta wicamduwitaya, qa hen anpetu yamni eti unyakonpi: Unkan oyate qa wawayušnapi kin iwanmdaka, qa Levi cinca etanhan tuwedan en iyewaye šni.

16 Hehan Eliezer wahowaya, Šemaiah qa Elnathan, qa Jarib, qa Elnathan, qa Nathan, qa Zekariah, qa Mešullam, wicašta itancanpi; nakun Joarib qa Elnathan wiyukcanpi kin wahowicawaya.

17 Qa hena Iddo, Kasiphia otonwe en, wicašta itancan kin ekta yewicawaši, qa hena ipi ohna wicoie owicawecihnaka, Kasiphia otonwe en Iddo qa iye hunkawanjinwicaya Nethinim kin, Wakantanka unkitawapi ti pi kin on wowidake unkaupi kta, kewicakiyapi kta.

18 Unkan Wakantanka unkitawapi nape waštaya unkayankapi kin eciyatanhan, wicašta wiyu-

kan wan unkahipi, Mahli cinca etanhan, he Levi cinhintku, Israel cinhintku, Šerebiah hee, iye cinca qa hunkawanjitku kin om, ake šahdoğan:

19 Qa Hašabiah, qa he kici Ješaiah, Merari cinca etanhan, iye hunkawanjitku qa cincapi om, wikcemna nonpa.

20 Nakun Nethinim etanhan, tona David qa wicašta itancanpi Levi wicašta waokiyapi kta on ewicahnakapi qon, Nethinim opawinge nonpa sanpa wikcemna nonpa; hena owasin cajepi on cajewicayatapi.

21 Hehan hen wote šni unpi wan eyanwapaha, Ahava wakpa kin ekta, Wakantanka unkitawapi itokam iyokišinunkiciyapi kta, unkiyepi on canku owotanna wan unkidapi kta, qa hokšiyopa unkitawapi kin on, qa wahpaya unkitawapi owasin on.

22 Canku ohna tokapi kin itokam ounkiyapi kta e akicita obe qa šuktanka akan yotankapi kin wicaštayatapi kin wakida kta imaštaca; wicaštayatapi kin kici wounhdakapi qehan, Tona iye akitapi owasin Wakantanka nape kin waštaya akan wicayanka ece, tuka tona ehpeyapi kin iyulpa iye towašake qa tocaniye itkowicakipa ece, unke-yapi nakaeš.

23 Heon etanhan wote šni unyakonpi, qa Wakantanka unkitawapi de iceunki-yapi: Unkan Iye unkayuptapi.

24 Hehan wawayušna itancanpi ake nonpa wicawakahniga, Šerebiah Hašabiah kici, qa om hunkawanjitkupi wikcemna.

25 Qa mazaska kin hena en tkeuwicawecita, nakun mazaskazi, qa wakšica kin, Wakantanka unkitawapi ti kin on ituhanpi qon, he wicaštayatapi qa iye

EZRA,

wawiyukcanpi tawa, qa itancanpi tawa, qa Israel en unpi iyulipa en ehpeyapi qon.

26 Han, hena napepi ohna aspeyewicaweciton, mazaska woqin opawinge sakpe sanpa wikcemna zaptan, qa mazaska wakšica woqin opawinge, mazaskazi woqin opawinge:

27 Nakun mazaskazi wakšica wikcemna nonpa, hena darik (tkeutapi wan) kektopawinge; qa wakšica nonpa mazaša pabezapi wašte hinca, mazaskazi iye cen yawapi.

28 Unkan hewicawakiya; Niyepi Jehowa ekta niwakanpi; nakun wakšica kin hena wakan; qa mazaska qa mazaskazi kin he Jehowa niyatepi Wakantanka tawapi itukilhanpi ee.

29 Awanyaka po, qa yuha po, Jerusalem ekta, Jehowa ti kin timahen, wawayušnapi qa Levi wicašta itancanpi itokam, qa Israel atewicayapi tokapapi kin wicitokam, hena tkeuyatapi kinhan hehanyan.

30 Hecen wawayušnapi qa Levi wicašta kin mazaska qa mazaskazi, qa wakšica tkeutapi kin he icupi, Jerusalem ekta Taku Wakan unkitawapi ti kin en aipikta.

31 Hehan Ahava wakpa kin etanhan unkiyoptapi, wi tokaheya anpetu iake nonpa en, Jerusalem ekta unyanpi kta. Unkan Taku Wakan unkitawapi nape akan unyankapi, qa iye toka nape kin etanhan eunhdakupi qa tona canku ohna iyaunkipepi etanhan.

32 Hecen Jerusalem ekta hiyo-unhipi qa anpetu yamni hen unyakonpi.

33 Unkan anpetu itopa hehan, mazaska qa mazaskazi, qa wakšica kin hena, Taku Wakan

unkitawapi ti kin ohna, Merimoth Uriah wawayušna kin cinhintku he nape on tkeutapi; qa Eleazar Phinehas cinhintku kin he kicica; qa hena om Jozabad Ješua cinhintku, qa Noadiah Binnui cinhintku Levi wicašta hecapi:

34 Otoiyohi yawapi on tkeutapi: qa tkeutapi ocowasin kin he hehan owapi.

35 Wayaka akiyahdapi cincapi tona wayaka unpi etanhan hdipi kin hena wohuŋnađe wošnapi Israel Taku Wakan tawapi wakiyušnapi, tatanka ake nonpa Israel ocowasin on, tamdoka wikcemna napeinwanka sanpa sakpe, tacinca wikcemna šakowin sanpa šakowin, tatokadan mdoka akenonpa, woahitani wošnapi: owasin Jehowa en wohuŋnađe wošnapi.

36 Unkan wicaštayatapi tawokonze kin hena wicaštayatapi taakicita tancanpi qa wakpa akasanpa wicašta ihdawapi kin wicaqupi. Unkan oyate kin iyo-winwicakiyapi, qa Taku Wakan tipi tawa.

WICOWOYAKE 9.

1 Unkan hena yušanpi qehan wicašta itancanpi kin heya en mahipi; Israel oyate kin, qa wawayušnapi, qa Levi wicašta kin hena makoce oyatepi kin etanhan ihduheyapapi šni, wowalite šni tawapi kin on, Kanani kin, Hitti kin, Perizzi kin, Jebusi kin, Ammoni kin, Moabi kin, Egipta oyate kin, qa Amori kin.

2 Hena cunwintkupi kin etanhan wicayuzapi, iyepi qa cinhintkupi kin on: hecen wicoicage wakan kin makoce oyatepi kin kici icicahi iciyapi: han, wicašta ihdawapi qa wicašta itancan-

WICOWOYAKE 9.

pi napepi tokaheya wahtanipi kin de en un.

3 Unkan wicoie kin he nawa-hon qehan mitasina qa mita onhdohda wahduhdeca qa mapa hin putinhin koya wahdujun, qa inihanyan imdotanka.

4 Hehan tona Israel ta Wakan-tanka oie kin on cancapi kin hena owasin en mahipi, wayaka unpi qon wahtanipi kin he on etanhan: unkan htayetu wošana-pi hehanyan imanihan manka.

5 Unkan htayetu wošnapi hehan mitoiyokišice etanhan nawajin, qa mitasina mitaonhohda ko wahduhdehdeca qehan, canpeška makehde nawajin, qa Jehowa mita Wakantanka nape wakiyugate;

6 Qa hepa; Wakantanka mitawa, wimašteca, qa niye ekta miite hduwankan iyewaye kta imašteca, mita Wakantanka: waunhtanipi kin hena pa iwan-kam yuotapi nakaes, qa waunkipajinpi kin hena mahipiya ekta icaga:

7 Atewicunyanpi taanpetu etanhan wowakipajin tanka en unyakonpi, anpetu kin dehanyan: qa waunhtanipi kin on etanhan unkiye, wicaštayatapi unkitawapi, wawayušana unkitawapi koya, makoce wicaštayatapi napepi en hiyuunyanpi, mazasagye ekta, wayaka unpi ekta, qa wawicakipi ekta, qa ite istecapi kin ekta, anpetu kin de iyececa.

8 Unkan nakaha cistiyedan Jehowa Wakantanka unkitawapi etanhan wowaonsida unkipi un, wookapta wan unkokicicaptapi kta, qa iyokatan wan owanka wakan tawa kin ohna unqupi kta; Taku Wakan unkitawapi ista iyoyamunkiciyapi kta, qa wowidagunyanpi en cistiyedan wiconi unqupi kta.

9 Wowidake unyakonpi nakaes; tuka Taku Wakan unkitawapi wowidagunyanpi kin en ehpeunyanpi šni, tuka Persia wicaštayatapi wicitokam wowaonsida unkipazopi, wiconi unqupi kta, Wakantanka unkitawapi ti kin bosdan ehdepi kta, qa yujujupi qon piya kağapi kta, qa Juda en qa Jerusalem en conkaške wan unqupi kta.

10 Unkan nakaha Wakantanka unkitawapi, de iyahna taku unkeyapi kta he: nitawoahope unkeyuštampi nakaes:

11 Tona nitaokiye wicašta wockan napepi on wayakonze ciquon—heha; Makoce tawayayapi kta e ekta dapi kin he makoce šapa, makoce en ounyanpi wošape tawapi kin on, wowahitešni tawapi on, ihanke etanhan ihanke unma ekta, ojuyapi kin heon.

12 Heon etanhan nicunksipi kin iye cinhintkupi kin wicaqupi šni po, qa iye cunwintkupi kin nicinksipi on wicayuzapi šni po, qa wookiye wowašte ko owicakicidepi šni po owihanke wanica: hecen wanišakapi kta, qa makoce towašte kin yatapi kta, qa nicinca aihpewicayeciyapi kta, owihanke wanica.

13 Tuka taku en unkaupi owasin iyohakam, wicošan šica unkitawapi on, qa waunkipajinpi tanka kin on, niye Taku Wakan unkitawapi waunhtanipi ihukuya ipiunyadapi nakaes, qa wookapte kin de iyececa unyaqupi;

14 Akes nitawoahope kin unka-ksapi, qa wowahite šni kin dena oyatepi kin takodawicunyanpi kta he: kinhan niye canniyeun-yayapi kta, ecen ihangunyayapi kte šni he, hecen wookapte qa wonajice wanice kta tuka.

15 Jehowa Israel ta Wakan-

EZRA,

tanka, niye oniwo tanna : unkiye hinyahin onajice unkokaptapi nakaes, anpetu de iyececa. Iho, waunkipajinpi en nitokam unyakonpi : de on nitokam inajin unkokhipi kte sni nakaes.

WICOWOYAKE 10.

1 Unkan Ezra cekiye cehan, qa ceya wohdaka, qa Wakantanka ti kin itokam makata ehpeiçiye cehan, Israel etanhan omniciye tanka hinca, wicašta qa winohinca qa šiceca, iye en mniciyapi; woceye tanka hinca on oyate ceyapi nakaes.

2 Hehan Šekaniah Jehiel cinhintku, Elam cinca kin etanhan, waayupte qa Ezra heciya; Unkiye Taku Wakan unkitawapi kin en waunkihitanipi, qa makoce oyatepi etanhanhan winohinca toktokeca wicunyuzapi: tuka wanna de on Israel en woape yukan.

3 Heon etanhan wanna Taku Wakan unkitawapi kici wotakuye wan unkağapi kta, winohinca iyulpa hiyuwicunyanpi kta, tona hena etanhan içağapi koya, itancan mitawa tawiyukcan kin eciyatanhan, qa tona Taku Wakan unkitawapi tawoahope on cancanpi kin iyececa: qa he woopë kin eciyatanhan econpi nunwe.

4 Najin wo; de taku kin niye nitawa nakaes; qa unkiye nici unyakonpi: waditaka qa econ wo.

5 Hehan Ezra najin hiyaye qa wawayušna itancanpi, Levi wicašta qa Israel ocowasin wicoie kin de ohnayan içiconswicakiya: unkan içiconzapi.

6 Hehan Ezra Taku Wakan tipi kin itokapatadhan najin, qa Johanan Eliašib cinhintku wan-

kan tipi tawa kin mahen iyaya: Unkan en hi qehan aguyapi yute sni qa mini yatke sni; tona wayaka ewicayayapi qon ihdušicapi kin on iyokišica nakaes.

7 Unkan wicaho yaotaninpi, Juda qa Jerusalem en, wayaka unpi cincapi kin owasin Jerusalem en ahi mniciyapi kta:

8 Qa tuwe kašta anpetu yamni en hi sni kinhan, wicašta itancanpi qa hunkayapi tawiyukcanpi kin eciyatanhan, he tawali-paya ocowasin ihangyapi kta, qa iye hinca tona wayaka unpi qon omniciye kin etanhan heyata iyeyapi kta ce.

9 Hehan anpetu yamni en Juda qa Benjamin wicašta iyulpa Jerusalem ekta ahi minciyapi. Wi inapcinwanka, wi yawapi anpetu wikcemna nonpa hehantu; unkan oyate iyulpa Wakantanka ti hocoka kin ohna iyotankapi, wicoie kin de on cancanpi, qa magaju kin on etanhan.

10 Unkan Ezra wawayušna kin najinhan najin qa hewicakiya; Niye taku šica ecanonpi qa winohinca toktokeca awicayahdipi, Israel wahtanipi kin yuotapi kta e heon.

11 Heon etanhan wanna Jehowa niyatepi Taku Wakan tawapi kin woohdake qu po, qa iye toiyokipi kin econ po; qa makoce oyate qa winohinca tokecapı kin etanhan ihduheyapa po.

12 Hehan omniciye ocowasin waayupte qa ho tanka on heyapi; Niye nioie kin eciyatanhan ecen econkupi kta ce.

13 Tuka oyate kin wicota, qa wanna magaju ota, qa tankan unyakonpi unkokhipi sni; qa wicohan kin de anpetu wanjidan kte sni, qa anpetu nonpa kte sni: wicoie kin de en woahitani unkihduotapi nakaes.

WICOWOYAKE 10.

14 Heon etanhan omniciye oco-wasin on wicašta itancan unkitawapi hena najinpi kta, qa tona otonwe unkitawapi ohnahna winohinca tokeca wicayuzapi kin hena owasin tohantu eca hipi ecee kta, qa otonwe otoiyo hunkayapi qa wayaco nakun hena opapi kta; wicoie kin de on Taku Wakan unkitawapi tocaniye ide kin yutokan iyeunkiciyapi kta behanyan.

15 Tuka Jonathan Asahel cinhintku qa Jahaziah Tikvah cinhintku kin hena de itkokim injinpi, qa Mešullam qa Šabbethai Levi wicašta kin owicakiyapi.

16 Tuka wayaka unpi cincapi kin he ohnayan econpi. Unkan Ezra wawayuśna kin, hunkayapi wicašta itancanpi atewicayapi tipi kin eciyatanhan, qa tona cajewicayatapi kin owasin hena ihdukinukanpi qa wicoie kin de iyukcanpi kta, wi iwikcemna anpetu tokaheya en iyotankapi.

17 Qa wi tokaheya anpetu tokaheya hehan wicašta tona winohinca tokeca wicayuzapi kin hena iyuhpa wicayuştanpi.

18 Unkan wawayuśna cincapi etanhan winohinca tokeca wicayuzapi qon dena iyeyapi: Jeśua Jozadak cinhintku kin he cinca qa hunkawanjinwicaye cin etanhan, Maaseiah, qa Eliezer, qa Jarib, qa Gedaliah.

19 Unkan winohinca ehpewicayapi kta e nape hiyuyapi, qa wahitanipi, hecen woahitani tawapi on optaye etanhan tamdoka wan wayuśnapi.

20 Unkan Immer cinca kin etanhan Hanani qa Zebadiah.

21 Qa Harim cinca kin etanhan, Maaseiah, qa Elijah, qa Šemaiah, qa Jehiel, qa Uziah.

22 Qa Paśur cinca etanhan,

Elioenai, Maaseiah, Ísmael, Nethaneel, Jozabad, qa Elasah.

23 Nakun Levi wicašta etanhan; Jozabad, qa Šimeí, qa Kelaiiah—he Kelita ee, Pethahiah, Judah qa Eliezer.

24 Nakun dowanpi kin etanhan, Eliaśib: qa tiyopa awanyakapi kin etanhan, Šallum, qa Telem, qa Uri.

25 Nakun Israel etanhanpi: Pa-roś cinca etanhan, Ramiah, qa Jeziah, qa Malkiah, qa Miamin, qa Eleazar, qa Malkiyah, qa Benaiah.

26 Qa Elam cinca etanhan, Mattaniah, Zekariah, qa Jehiel, qa Abdi, qa Jeremoth, qa Eliah.

27 Qa Zattu cinca etanhan, Elioenai, Eliaśib, Mattaniah, qa Jeremoth, qa Zabad, qa Aziza.

28 Qa Behai cinca etanhan, Jehohanan, Hananiah, Zabbai, Athlai.

29 Qa Bani cinca etanhan, Mešullam, Malluk, qa Adaiiah, Jaśub, qa Šeal, qa Ramoth.

30 Qa Pahath-moab cinca etanhan, Adnah, qa Kelal, Benaiah, Maaseiah, Mattaniah, Bezaleel, qa Binnui, qa Manasseh.

31 Qa Harim cinca kin, Eliezer, Ísiyah, Malkiah, Šemaiah, Šimeon,

32 Benjamin, Malluk, Šemaiah.

33 Haśum cinca etanhan, Mattenai, Mattathah, Zabad, Eliphelet, Jeremai, Manasseh, Šimeí.

34 Bani cinca etanhan, Maadai, Amram qa Uel,

35 Benaiah, Bedeiah, Kelluh,

36 Vaniah, Mercmoth, Eliaśib,

37 Mattaniah, Mattenai, qa Jaasan,

38 Qa Bani, qa Binnui, Šimeí,

39 Qa Šelemiah, qa Nathan, qa Adaiiah,

NEHEMIAH,

40 Maknadebai, Šasai, Šarai,
41 Azareel qa Šelemiah, Še-
mariah,
42 Šallum, Amariah, Joseph.
43 Nebo cinca kin etanhan,

Jeiel, Mattathiah, Zabad, Zebina,
Jadua qa Joel, Benaiah.

44 Dena iyuhpa winohinca to-
ktokeca wicayuzapi: qa wino-
hincapi hunh cinca wicayuhapi.

NEHEMIAH.

WICOWOYAKE 1.

1 Nehemiah Hakaliah cinhin-
tku oie kin. Unkan kaketu, Ki-
slu wi kin en waniyetu iwikce-
mna nonpa, hehan Šusan conka-
ške kin ohna waun;

2 Qa Hanani mihunkawanji
wan en hi, iye qa Juda wicašta-
pi. Unkan wicašta najicapi, to-
na wayaka unpi owicakaptapi
qon hena on, qa Jerusalem on
iwicamunge.

3 Unkan hemakiyapi; Makoce
kin he en, wayaka unpi qon owi-
cakaptapi kin hena wokakije
tanka qa woaie en unpi: nakun
Jerusalem conkaške kin yujuju-
pi, qa tiyopa kin hena peta on
huhnağa ce.

4 Hehan kaketu, wicoie kin
hena nawahon qehan imdotanke
ça waceya, qa anpetu iyomaki-
šica, qa wote šni waun, qa Ma-
hipiya Wakantanka kin itokam
cewakiya;

5 Qa hepa, Ceciciya, Jehowa
Mahipiya Wakantanka, Taku
Wakan tanka qa wowinihan,
wicotakuye qa wowaonsida to-
na waštekidapi qa tawoahope
ahopapi kin awicakipatan ecee
kin:

6 Tokin wanna ninoge anohya
yanke ça niišta hdumdaya, he-
cen nitaokiye tawocekiye kin
nayañon kta, he wanna nitokam

cewakiye, anpetu qa hanyetu
koya, nitaokiye Israel cinca kin
on; qa Israel cinca wahitanipi,
niye en waunnicihtanipi kin he-
na owahdaka ece: miye qa ate
tiyohnaka koya waunhtanipi na-
kaeš.

7 Nina pemniyan unkonicihan-
yanpi, qa wowaši, qa woope, qa
woyaco Moses nitaokiye econ
yaši qon hena unpatanpi šni ece.

8 Ceciciya ce, wicoie Moses
nitaokiye econ yaši qon he ki-
ksuya ye: Wayahitanipi kinhan,
oyatepi kin wicehnahna ehpeci-
yapi kta:

9 Tuka miye en ake mayahdi-
pi, qa wowaši mitawa yapatanpi
qa ecen ecanonpi kinhan, niye-
pi etanhan mahpiya ihanke hinca
ekta iyaye niyanpi ešta hetanhan
mnawicawakiye kta, qa tukte
en micaje yanke kta wahdahni-
ge cin hen awicawahdi kta ce,
ehe ciqon.

10 Wanna dena nitaokiye qa
nitaoyate eepi, nitowašake tan-
ka qa ninape wašaka on opewi-
cayakiton qon.

11 Jehowa ceciciya, wanna ni-
taokiye tawocekiye kin en, qa
nitaokiyepi nicaje kokipa wacin-
pi tawocekiyepi kin ekta nino-
ge anohya yanka nunwe: qa
anpetu kin de nitaokiye tanyan
okihikiya wo, ceciciya, qa wi-
cašta kin de išta kin en wowaon-

WICOWOYAKE 2.

śida yuhekiya ye. Miye wicaśtayatapi tawiyatke mduha ecee nakaes̄.

WICOWOYAKE 2.

1 Unkan kaketu, Nisan wi kin en, Artahśaśta wicaśtayatapi tawaniyetu iwicemna nonpa hehan miniśa iye itokam yanka: Unkan miniśa kin iwacu qa wicaśtayatapi kin waqu. Unkan he itokam iyomakiśice śni ecee tuka.

2 Heon etanhan wicaśtayatapi kin hemakiya; Tokeca niite iyokiśica he; tuka waniyazanke śni: wicocante śica ecedan he dee ce. Hehan nina nihinmiciya;

3 Qa wicaśtayatapi kin hewakiya; Wicaśtayatapi kin ohinnyan ni un nunwe: Tokeca niite iyokiśice kte śni he, otonwe, atewicawaya wicalhapi tipi kin hewoskan wanka, qa tatiyopa kin peta on hūhnağa nakaes̄.

4 Hehan wicaśtayatapi kin hemakiya; Taku e on yada kta he. Hecen Mahpiya Wakantanka kin cewakiya;

5 Qa wicaśtayatapi kin hewakiya; Wicaśtayatapi kin en he wašte kinhan, qa nitaokiye nitokam wowaonsida iyeye cinhan, Juda ekta yemayaśi kta, atewicawaye hnakapi otonwe kin he ekta, hecen piya wakađe kta ce.

6 Hehan wicaśtayatapi kin hemakiya; nakon winohinca tawa iye icahda iyotanka; Oicimani nitawa tohanyan kta he; qa tohan ake yahdi kta he. Hecen wicaśtayatapi kin yemaśi kta iyokipi; unkan tohanyan kta he owakiyaka.

7 Nakon wicaśtayatapi kin hewakiya; He wicaśtayatapi en wašte kinhan, wakpa akasanpatanhan wicaśta itancanpi wowa-

pi wicakicağapi maqupi kta, hecen Juda ekta wai kta hehanyan amayanpi kta;

8 Qa Asaph wicaśtayatapi cantanka tawa awanyake cin he wowapi wan qupi kta, hecen iye can maqu kta, can omdoton tipi conkaśke tiyopa kin on kağapi kta, otonwe conkaśke kin on, qa tipi ohna waun kte cin he on. Unkan mita Wakantanka nape wašte amyanke cin he eciyatanhan wicaśtayatapi kin maqu ece.

9 Hehan wakpa akasanpatanhan wicaśta itancanpi kin en wicawahi, qa wicaśtayatapi tawowapi wicawaqu. Unkan wicaśtayatapi kin ozuye itancanpi qa śuktanka akan yotankapi kin heca mici uwicaśi qon.

10 Unkan Sanballat Horoni kin, qa Tobiah wowidake Ammoni kin hena he nahonpi qehan, wicaśta wan Israel cincapi tanyan unpi kta akita hi kin heon woiyokiśice tanka hinca yuhapi.

11 Hecen Jerusalem en wahi, qa anpetu yamni hen manke.

12 Hehan hanyen nawajin, miye qa wicaśta tonana mici unpi kin: tuka taku Jerusalem ekta ecamon kta Wakantanka micante en ehwake cin he tuwedan owakiyake śni: nakon woteca wanji mici un śni, miye woteca akan imdotanke cin hecedan.

13 Unkan kaksiza tiyopa kin he ohna hanyen tankan imdamda, wamduśka tamniowe itokam, qa tacesdi tiyopa kin ekta, qa Jerusalem conkaśke yujujupi kin iwanmdake, qa tatiyopa kin hena peta on ġupi.

14 Hehan wakoniya tiyopa kin ekta iyoopte mde a wicaśtayatapi mini ohnaka tawa kin ekta: tuka woteca mihukuya yanke cin he tuktedan hiyaye kte śni.

NEHEMIAH,

15 Hehan hanyetu en wakpadan kin ohnayan imdamde, qa conkaške kin iwanmdake: qa ohomni waku, qa kaksiza tiyopa ohnayan wahdicu qa wahdi.

16 Tuka wicašta itancanpi kin tukten imdamda qa taku ecamon kin sdonyapi šni; nakun hinyahin Juda wicašta, qa wawayušnapi, qa wicašta ihdawapi, qa wicašta itancanpi kin owicawakiyake šni, qa tona wohtani econpi kte cin hena.

17 Hehan hewicawakiya; Wošice en unyakonpi kin he niye wandakapi, Jerusalem otiwota wanka, qa tatiyopa kin peta on gupi: U po, qa Jerusalem conkaške kin unkağapi kta, hecen sanpa wowištece unyakonpi kte šni ce.

18 Hehan Wakantanka nape wašte amayanke cin he owicawakiyaka; qa nakun wicaštayatapi emakiye cion hena. Unkan, Naunjinpi qa unkağapi kta ce, eyapi. Hecen taku wašte on nape ihduwašakapi.

19 Tuka Sanballat Horoni kin, qa Tobiah wowidake Ammoni kin, qa Gešem Arabi kin, hena he nahonpi qehan, wowihahanyanpi qa iwahteundapišni, qa, De taku wicohan ecanonpi he; wicaštayatapi kin yakipajinpi kta he, eyapi.

20 Hehan wicoie wan itkom wicawaqu, qa hewicawakiya; Mahpiya Wakantanka kin heqe tanyan okihiunyanpi kta; heon etanhan taokiyeunyanpi unkiye naunjinpi qa ti unkağapi kta: tuka niyepi Jerusalem en, wootanna qa wokiksuye kin, onšpadan nitawapi šni.

WICOWOYAKE 3.

1 Hehan Eliašib wawayušna itancan kin najin qa iye hunka-

wanjitku wawayušnapi kin hena koya, qa tahin wanunyanpi tiyopa kin he kağapi: he yuwakanpi qa tatiyopa kin bosdan ehdepi; han, Meah conkaške ipasotka hehanyan yuwakanpi, Hananeel conkaške ipasotka hehanyan.

2 Unkan he nape etanhan Jeriko wicašta kağapi. Qa iye napepi etanhan Zakur Imri cinhintku kağa.

3 Tuka hoğan tiyopa kin he Hassenah cinca kin kağapi, hena cankağa kin ehnağapi, qa tiyopa kin bosdan ehdepi, inatake tawa qa can hdakinyan tawa.

4 Qa hena napepi etanhan Meremoth Urijah cinhintku, Koz cinhintku kin piya kağa. Qa hena napepi etanhan Mešullam Berekiah cinhintku Mešezebeel cinhintku kin piya kağa. Qa hena napepi etanhan Zadok Baana cinhintku piya kağa.

5 Qa hena napepi eciyatanhan Tekoi wicašta kin piya kağapi; tuka wicašta tanka wicayuhapi kin hena Itancan tawapi ta-wohtani en tahu ekihnakapi šni.

6 Nakun tiyopa tanni qon he Jehoida Paseha cinhintku piya kağa, qa Mešullam Besodeiah cinhintku: hena cankağa ehnağapi qa tatiyopa bosdan ehdepi, qa inatake tawa, can hdakinyan tawa koya.

7 Unkan hena napepi etanhan Melatiah Gibeoni kin, qa Jadon Meronothi kin, Gibeon qa Mizpah wicašta kin piyapi, wakpa akasanpatanhan wicašta itancan toiyotanke kin hehanyan.

8 Qa he nape eciyatanhan Uzziel Harhahiah cinhintku, mazaskazi kağapi etanhan, he piya kağa. Qa iye nape eciyatanhan Haniah pejihuta kağapi ecee cinca wan he piya kağa. Unkan con-

WICOWOYAKE 3.

kaške hdakinyan tanka kin hehanyan Jerusalem okaptapi.

9 Qa hena napepi eciyatanhan Rephaiah Hur cinhintku Jerusalem hanke en itancan kin he piya kağa.

10 Qa hena napepi eciyatanhan Jedaiah Harumap cinhintku piya kağa, he qe iye ti kin iyotakonza. Qa he nape eciyatanhan Hattuş Haşabniah cinhintku kin piya kağa.

11 Wiyutapi inonpa kin he Malkiya Harim cinhintku, qa Haşub Pahath-moab cinhintku piya kağapi, qa nakun mazaoceti conkaške ipasotka kin.

12 Qa he nape eciyatanhan Şallum Haloheş cinhintku, Jerusalem hanke en itancan kin hee piya kağa, iye qa cunwintkuwicaye cin.

13 Kaksiza tiyopa kin he Hanun piya kağa, qa Zanoah en ounyanpi kin: hena he kağapi, qa tatiyopa kin bosdan ehdepi, inatake tawa qa canhdakinyan tawa; nakun conkaške en wicişpa kektcpawinge, tacesdi tiyopa kin hehanyan.

14 Tuka tacesdi tiyopa kin he Malkiya Rekab cinhintku, Beth-hakarem hanke en itancan kin he piya kağa; he kağe ça tatiyopa kin bosdan ehde, inatake tawa qa canhdakinyan tawa nakun.

15 Tuka miniyowe tiyopa kin he Şallum Kol-hozeh cinhintku, Mizpah hanke en itancan kin he piya kağa; he kağe ça akaşpa, qa tatiyopa kin bosdan ehde, inatake tawa qa canhdakinyan tawa, nakun Siloah miniyowe conkaške kin wicaştayatapi tawoju kin icahda, qa Dawid totonwe etanhan caniyamanipi apamahde iyaye cin hehanyan.

16 He iyohakam Nehemiah

Azbuk cinhintku piya kağa, Beth-zur hanke en itancan kin hee, wicahnakapi Dawid tawa kin iyotakonza, qa miniyowe kağapi kin hehanyan, qa waşakşakapi tipi kin ekta.

17 He iyohakam Levi wicaştapiyapi, Rehum Bani cinhintku. He nape eciyatanhan Haşabiah, Keilah hanke en itancan kin he piya kağa, iye hanke kin on.

18 He iyohakam iye hunkawanjitektupi piya kağapi, Binnui Henadad cinhintku, Keilah hanke en itancan kin hee:

19 Qa iye nape eciyatanhan Ezer Jeşua cinhintku Mizpah en itancan he piya kağa, onşpa inonpa, oise en wipe opiye kin ekta yapi iyotakonza.

20 He iyohakam Baruk Zabbai cinhintku onşpa tokeca wancancanse piya kağa, oyuktan kin hetanhan Eliaşib wawayuşna itancan ti tiyopa kin hehanyan.

21 He iyohakam Meremoth Uriyah cinhintku Koz cinhintku nakun onşpa kağa, Eliaşib ti tatiyopa kin hetanhan, qa Eliaşib ti ihanke kin hehanyan.

22 Qa he iyohakam wawayuşnapi kin piyapi, makomdaye wicaştapi kin hena.

23 He iyohakam Benjamin qa Haşub piya kağapi, iye tipi iyotakonza. He iyohakam Azariah Maaseiah cinhintku Ananiah cinhintku piya kağa, iye ti kin icahda.

24 He iyohakam Binnui Henadad cinhintku onşpa inonpa kağa, Azariah ti kin hetanhan oyuktan kin hehanyan, han, oise kin hehanyan.

25 Palal Uzzai cinhintku kin he oyuktan iyotakons econ, qa conkaške ipasotka wicaştayatapi tipi tehanwankantu kin iheyatawanke cin, wicakaşka tipi hoco-

NEHEMIAH,

ka kin icahda. He iyohakam Pedaiah Paroš cinhintku *econ*.

26 Nakun Nethinim Ophel (paha) en tipi qon hena mini tiyopa wiyohiyanpatanhan wanke cin iyotakonza, qa ipasotka tankan wanke cin hehanyan *econpi*.

27 Hena iyohakam Tekoi kin onspa tokeca nakun piyapi, ipasotka tanka heyata wanke cin iyotakons, qa Ophel conkaške kin hehanyan.

28 Šuktanka tiyopa kin iwan-kapatanhan wawayušnapi kin piyapi, otoiyohi iye ti iyotakonza.

29 Hena iyohakam Zadok Immer cinhintku kin piya kağa, iye ti kin iyotakonza. He iyohakam Šemaiah Šekaniah cinhintku wiyohiyanpata tiyopa awanyake cin he piya kağa.

30 He iyohakam Hananiah Šelemiah cinhintku qa Hanan Zalah cinca wicišakpe kin onspa tokeca piyapi. He iyohakam Mešullam Berekiah cinhintku piya kağa, iye ti kin iyotakonza.

31 He iyohakam Malkiah mazaskazi kağa cin cinhintku kin piya kağa, Nethinim tipi qa wopetonpi kin hehanyan, Mipkad tiyopa kin iyotakonza, qa oise ekta wankan yapi kin hehanyan.

32 Qa oise ekta yapi qa taħinca wanunyanpi tiyopa kin otahedan mazaskazi kağapi ecee kin, qa wopetonpi kin hena piya kağapi.

WICOWOYAKE 4.

1 Tuka kaketu, conkaške kin he unkağapi he Sanballat naħon qehan, canniyan qa nina šiħda qa Juda wicašta iwicaħaħa.

2 Qa iye hunkawanjiwicaye cin qa Samaria ozuye kin wicito-kam ie a heya; Juda wicašta

ħanyanpi kin dena taku *econpi* he: iye ihdušpapi kta he: wayušnapi kta he: anpetu wanjidan en hduštanpi kta he; maka paha etanhan inyan kin qa tona ħuħnağe ciqon hena kiniyapi kta he.

3 Unkan Tobiah Ammoni kin he icahda yanka qa heya; Taku kağapi kin he šungidan wan akan ye cinhan, inyan conkaške tawapi kin najuju kta ce.

4 Wakantanka unkitawapi, naħon ye; unkiye unkiħaħapi nakaes: qa wowiħaħa tawapi kin he iye papi en ihdoyeya wo, qa wayaka unpi makoce en womanon wicakaga wo:

5 Qa taku šica *econpi* kin akaħpe šni wo, qa woaħtani tawapi nitokam wanke cin he kajuju šni wo: ticağapi kin wicitokam wacanniyan *econpi* nakaes.

6 Hecen conkaške kin unkağapi: Unkan conkaške ocowasin hanke kin kici icikoyagyapi: oyate kin wicoħtani ekta cante-yuzapi nakaes.

7 Hehan kaketu, Sanballat qa Tobiah, qa Arabi kin, qa Ammoni kin, qa Ašdodi kin hena Jerusalem conkaške kin wankan ye cin he naħonpi qehan, ohna yujujupi qon hena piya kağapi, hehan nina šiħdapi,

8 Qa iyuhpa okodakiciye icicağapi, Jerusalem en hipi qa kici kicizapi kta, qa yušna kiyapi kta.

9 Tuka Taku Wakan unkita-wapi ceunkiyapi, qa hena on akicita najinwicunkiyapi, hena iyotakons.

10 Hehan Juda heya; Wato-kšupi towašake kin ħanyan, qa hinyahin maka ota; hecen unkağapi unkokihipi šni ce.

11 Qa tokaunyanpi kin heyapi; Sdonyapi kte šni qa wanyakapi

WICOWOYAKE 5.

kte śni, ecen wicacokaya unkupi kta, qa wicunktepi kta, qa wohtani kin ayuŝtanunkiyapi kta ce.

12 Unkan kaketu, Juda wicaŝta wicikiyedani tipi kin hena hipi, qa wikcemna akihe heunkiyapi; Makoce totanhan yaupi owasin unkiye en yahdipi kta ce, eyapi.

13 Heon etanhan conkaŝke ihe-yata kuya owanka kin en, qa tukten pahaya wanke cin hen ewicawahde; han, miye qe oyate ewicawahnaka, wicowazi eciyatanhan, mazasagye, wahukeya, qa tinazipe hduhapi.

14 Hehan watonwan, qa nawajin, qa wicaŝta ihdawapi qa wicaŝta itancanpi qa oyate unmapi kin hewicawakiya; Hena ihnuhan kowicayakipapi kinhan; Itancan tanka qa wowinihan kin he kiksuya po, qa nihunkawanjipi on, nicinkŝipi, nicunkŝipi, nitawinpi, qa yatipi kin on kiza po.

15 Unkan kaketu, he unkiye wanna sdonunyanpi qa iye tawacinpi qon Wakantanka yuecetu śni, he tokaunyanpi kin nahonpi qehan, hehan unkiye iyulpa conkaŝke kin en unhdapi, otoi-yohi iye tohtani kin ekta.

16 Unkan kaketu, anpetu kin hetanhan, koŝka mitawa hanke wicohtani kin en econpi, qa unma hanke kin iŝ wahukeya, nakun wahacanka, qa itazipa qa maza wokoyake hduha unpi: qa wicaŝta itancanpi kin hena Juda tiyohnaka ocowasin wiciheyata yukanpi.

17 Tona conkaŝke en kaġapi, qa tona woqin yuwankan iyeyapi tokŝupi ko, otoi-yohi nape wanji on wohtani econ, qa nape unma kin ohna wipe hduha un ece.

18 Ticagapi kin otoi-yohi mazasagye sican en iyahdaŝkapi na-

kaeŝ, qa hecen kaġapi ecee. Qa mazayahotonpi yahoton ece kin he micahda yanka.

19 Hehan wicaŝta ihdawapi qa wicaŝta itancanpi, qa oyate unmapi kin hewicawakiya; Wicohan kin tanka qa tankaya wanke, qa unkiye conkaŝke kin akan otoi-yohi takodaku kin icitehan-yan unyakonpi:

20 Tuktetu kaŝta mazayahotonpi ho kin nayahonpi kinhan, hen unkiyepi en nihduwitayapi kta: Taku Wakan unkitawapi kin he okicize ecaunkiconpi kta ce.

21 Unkiye wicohan kin en hecen litaunnipi; qa hena etanhan hanke wahukeya hduhapi, anpao hinanpe etanhan qa wicanhipi taninin hehayan.

22 Nakun he ehan oyate kin hewicawakiya; Otoi-yohi taokiyekici Jerusalem mahen iwan-kapi kta, hecen hanyetu icunhan akicita unkici najinpi kta qa anposkantu htanipi kta.

23 Hecen miye linca, qa mihunkawanji, qa mitaokiyekici wicaŝta akicita najinpi miyahna unpi kin, unkiyepi tuwedan wokoyake unhduŝdokapi śni—otoiyohi wipe hduha mini ekta yapie ecee.

WICOWOYAKE 5.

1 Hehan oyate qa tawicupi kin hoyeyapi tanka yukan, iye hun-kawanjitkupi Juda wicaŝta kin on.

2 Qa heyapi yukan; Unkiyepi, unkiinkŝipi, unkiunkŝipi, wicota; heon etanhan aguyapi unki-cupi ece, hecen wauntapi qa unnipi kta ce.

3 Nakun kaken eyapi yukan; Maġa unkitawapi, qa hastanhan-ka ojupi unkitawapi, qa untipi

NEHEMIAH,

kin hena inahniyan wiyopeunyanpi, on aguyapi opeuntanpi kta, wicaakihan kin on etanhan.

4 Nakun heyapi yukan; Wicaſtayatapi tawomnaye on mazaska unkodotapi, maſa qa haſtanhanka ojupi unkitawapi kin on.

5 Tuka wanna uncelhipi kin hunkawanjinunyanpi celhipi kin iyececa, unkiſincapi kin hena iye cinſapi iyeceſapi: Unkan iho, cinſiſiwicunyanpi qa cunſiſiwicunyanpi kin hena wowidake wicunkaſapi; qa cunſiſiwicunyanpi wanjikji wanna wowidake unpi; qa unnapepi ohna takudan yanke ſni; qa maſa unkitawapi, haſtanhanka ojupi unkitawapi ko wicaſta tokeca yuhapi.

6 Hehan hoyeyapi qa wicoie dena nawaſon qehan, nina ſinwahda.

7 Hehan micante mici wohdaka, qa wicaſta ihdawapi qa wicaſta itancanpi kin iyopewicawaya qa hewicawakiya; Woicaſe on, otaiyohi iye hunkawanjitku kin, owicayaqupi ecee. Unkan wicitkokim omniciye tanka ewahna;

8 Qa hewicawakiya; Unkiye unkokihipi eciyatanhan Juda wicaſta hunkawanji wicunyanpi Ikcewicaſta ekta wiyope wicayapi qon hena opewicunkitanpi: unkan niyepi qe nihunkawanjipi wiyopeye wicayayapi kta he; qa unkiye hena opewicuntonpi kta he. Hehan inina unpi, qa wicoie takudan iyeyapi ſni.

9 Nakun hepa; Taku ecanonpi kin he waſte ſni: Wakantanka unkitawapi tokokipe kin ohna mayanipi kta iyecece ſni he, Ikcewicaſta tokaunyanpi tawowihaſa kin on etanhan.

10 Nakun miſ eya, mihunkawanji qa mitaokiye kin, mazaska qa aguyapi owicunqupi ece: ceciciyapi, woicaſe kin de unka-yuſtanpi kta.

11 Ceciciyapi, anpetu kin de wicakicu miye, maſa tawapi, haſtanhanka ojupi tawapi, wihi canwojupi tawapi, qa tipi tawapi qon, nakun mazaska iyopawinge kin he, qa aguyapi kin etanhan, miniſa qa wihi owicayaqupi kin etanhanhan.

12 Hehan heyapi; Unkiſcupi kta, qa hena etanhan takudan undapi kte ſni; hecen niye ehe cin ohna econkupi kta ce. Hehan wawayuſnapi kin wicaweco, qa wicoie kin de eciyatanhan econpi kta keya iciconswicawakiya.

13 Nakun ſiyoto wahdatata qa hepa; Wicaſta otaiyohi wicoie kin de ohnayan econ ſni kinhan, iye ti kin etanhan qa iye tokamna kin etanhan, Taku Wakan kin kadada nunwe: han, decen kata-tapi qa yucokapi kta. Unkan omniciye ocowasin, Amen, eyapi qa Jehowa yatanpi. Unkan oyate kin wicoie kin he ohnayan econpi.

14 Nakun anpetu totanhan Juda makoce kin en wicaſtayatapi mayuhapi kta makaſapi, Artaliſaſta wicaſtayatapi tawaniyetu iwikcemna nonpa hetanhan, qa tawaniyetu wikcemna yamni sanpa inonpa hehanyan, waniyetu akenonpa, miye qa mihunkawanji wicaſtayatapi tawote kin untapi ſni.

15 Tuka wicaſtayatapi tokaheyapi, mitokam unpi qon, oyate kin en tkeya yakonpi, qa hena etanhan aguyapi qa miniſa icupi ecee, nakun mazaska ſekel wikcemna topa: han, iye taokiyepi heepi kaeſ oyate kin en itancan-

WICOWOYAKE 6.

pi ece: tuka miye qe hecen ecamon šni, Wakantanka tokokipe on etanhan.

16 Han, nakun conkaške wolħtani kin de en ecamon ecee, qa mağa takudan opeuntonpi šni: tuka mitaokiye iyulħpa wicoħtani kin he en mniciyapi ece.

17 Nakun wahna wotapi mitawa en Juda wicašta qa wicašta itancanpi opawinge sanpa wikcemna zaptan, qa tona Ikcewicašta ihdukšan hiyeye cin etanhanhan en unhipi ecee.

18 Unkan anpetu iyohi taku kağapi ecee kin, tatanka wanjidan, tahinca waštešte šakpe, qa nakun wahupakoza micağapi, qa anpetu wikcemna eca miniša ocaje owasin hnakapi ece. Tuka hececa ešta wicaštayatapi tawoyute wada šni, oyate kin de en wicoħtani tkeya wanka nakaes.

19 Wakantanka mitawa, taku wašte on miksuya ye, taku oyate kin de ecawicawecon owasin on etanhan.

WICOWOYAKE 6.

1 Hehan kaketu, Sanballat, qa Tobiah, qa Gešem Arab wicašta kin, qa tokaunyanpi unmapi kin hena conkaške wakağa qa en oyujuju takudan okaptapi šni he naħonpi qehan—tuka he ehan oyuganpi en tiyopa kin ewahde šni tuka:

2 Hehan Sanballat qa Gešem heya wahomayanpi: Kuwa, Ono omdaye ohna otonwe kin en unwitayapi kta ce. Tuka taku šica ecamicon wacinpi.

3 Unkan hena ekta wahošiya heya yewicawaši; Wicoħan tanka wan ecamon manka, hecen kun wau kta owakihi šni. Tokeca ecin elħewaye ça en ciupi kta

icunhan wicoħan kin ayuštanpi kta he.

4 Tuka wicoie kin de iyecen topa akilħde wahomayanpi; unkan miye wicoie kin he iyecen awicamdupta ece.

5 Hehan wicoie kin he iyecen, Sanballat iye taokiye kin miye en izaptan uši, qa nape ohna wotapi yumdayapi wan:

6 Mahen wowapi; Ikcewicašta ehna hecen oyakapi, qa Gešem heya—niye qa Juda wicašta wawakipajin wacannipi: heon etanhan conkaške kin yakağa, hecen niye wicaštayatapi niyuhapi kta, wicoie kin dena iyececa.

7 Qa nakun niye wicašta wocan Jerusalem en eyannicipahapi kta wicayakalħniga; Juda en wicaštayatapi yanka ce, eyapi. Unkan nakaha wicoie kin dena iyecen wicaštayatapi kin okiyakapi kta he. Heon etanhan u wo, qa witaya wounhdakapi kta ce.

8 Hehan heya wahowaya; Niye ehe cin ohna wicoie kin takudan econpi šni; tuka nicante etanhan hena ituya yakağa ce.

9 Hena iyulħpa wakokipe unkiçagapi nakaes: Napepi kin wicoħan en yuwašakapi kte šni, hecen yuštanpi kte šni ce, eyapi ece. Heon etanhan wanna nape mayuwašaka wo.

10 He iyohakam Šemaiah Delaiah cinhintku, Mehetabeel cinhintku, ti kin en wahi, unkan he ohna natakapi: Hehan heya; Wakantanka ti kin ohna unwitayapi kta, tipi wakan cokahan, qa tipi wakan tiyopa kin nauntakapi kta: hena nicaštaka hipi kta nakaes; han, hanyetu en nicaštaka hipi kta ce, eya.

11 Tuka hepa; Wicašta dema-

NEHEMIAH,

ceca najice kta iyececa he : qa tuwe e miye iyecen un kinhan tipi wakan timahen niiciya ye kta he. Mahen mde kte šni ce, epa.

12 Hehan iwanmdaka, unkan iho, Wakantanka uši šni, woyake kin de omakiyake kta, tuka Tobiah qa Sanballat he opetonpi.

13 Heon etanhan opetonpi, hecen wakowakipe kta, qa ohnayan ecamon kta, qa wawahtani kta, qa iye woyake šica yuhapi kta, on iyopemayanpi kta.

14 Wakantanka mitawa, Tobiah qa Sanballat wicakiksuya wo, taku econpi kin dena on, qa nakun Noadiah winyan wokcan kin, qa wicašta wokcanpi unmapi, hena wakokipe micagapi kta tuka.

15 Hecen conkaške kin yuštanpi, Elul wi en, anpetu wikcemna nonpa sanpa izaptan qehan, anpetu wikcemna zaptan sanpa nonpa en.

16 Unkan kaketu, tokaunyanpi owasin nahonpi, qa Ikcewicašta unkihdukšan unpi owasin wanyakapi qehan, iye ištapi en kun iyeiciyapi; qa wicošan kin de Taku Wakan unkitawapi eciyatanhan econpi sonyapi.

17 Nakun anpetu kin hena en Juda wicašta ihdawapi wowapi ota Tobiah kicagapi, qa Tobiah tawa hena is en wicahipi.

18 Juda en wicota he en iciconzapi, he qe Šekaniah Arah cinhintku, he takosku nakaes: qa iye cinhintku Johanan he Mešullam Berekiah cinhintku he cunwintku kin yuza.

19 Nakun iye tohan wašte kin mitokam oyakapi, qa miye mioie kin hena iye okiyakapi ecee. Wakokipe micage kta on Tobiah wowapi ukiya ece.

WICOWOYAKE 7.

1 Hehan kaketu, conkaške kin wanna kagapi, qa tiyopa kin bosdan ewahde, qa tiyopa awanyakapi, qa dowanpi kin, qa Levi wicašta kin wicakašniigapi;

2 Hehan mihunkawanji Hanani qa Hananiah conkaške tipi itancan kin, hena Jerusalem awanyag wicawaši; he qe wicašta iewicaka, qa wicota isanpa Wakantanka kokipa nakaes:

3 Qa hewicawakiya; Wi kata šni hehanyan Jerusalem tiyopa kin yuhdokapi šni: qa en najinpi icunhan tiyopa ecen iyeyapi qa natakap kta: qa Jerusalem en ounyanpi etanhan akicita najin wicaši po, otoiyo hi taawanyake kin en, qa otoiyo hi iye ti kin iyo takonza.

4 Unkan otonwe kin anokatanhan hanska qa tanka; tuka oyate ohna tonana, qa tipi kin hin yašin kagapi šni.

5 Hehan Taku Wakan mitawa hecen cante yusmakiya, wicašta ihdawapi qa wicašta itancanpi qa oyate kin mniciye wicawaši, hecen owicawapi qon eciyatanhan wicayawapi kta. Unkan owicawapi wowapi wan tona tokaheya hdicupi qon he iyewaya, qa ohna decen owapi iyewaya;

6 Makoce cincapi wayaka unpi etanhan hiyupi, tona wayaka awicakiyahdapi, Nebukadnezzar Babel wicaštayatapi awicakiyahde cigon etanhan dena eepi, unkan Jerusalem qa Juda en hdi pi otoiyo hi iye totonwe kin ekta.

7 Hena Zerubabel, Ješua, Nehemiah, Azariah, Raamiah, Nahamani, Mordekai, Bilšan, Mispereth, Bigvai, Nahum, Baanah om hipi. Israel oyate wicašta wicayawapi kin:

WICOWOYAKE 7.

8 Paroš cinca kin kektopawinge nonpa, qa opawinge sanpa wikcemna šakowin sanpa nonpa.

9 Sephatiah cinca kin opawinge yamni qa wikcemna šakowin sanpa nonpa.

10 Arah cinca kin opawinge šakpe qa wikcemna zaptan sanpa nonpa.

11 Pahath-moab cinca kin, Ješua qa Joab cincapi, kektopawinge nonpa, qa opawinge šahdoğan sanpa akešahdoğan.

12 Elam cinca kin kektopawinge qa opawinge nonpa sanpa wikcemna zaptan sanpa topa.

13 Zattu cinca kin opawinge šahdoğan qa wikcemna topa sanpa zaptan.

14 Zakai cinca kin opawinge šakowin sanpa wikcemna šakpe.

15 Binnui cinca kin opawinge šakpe qa wikcemna topa sanpa šahdoğan.

16 Bebai cinca kin opawinge šakpe qa wikcemna nonpa sanpa šahdoğan.

17 Azgad cinca kin kektopawinge nonpa, qa opawinge yamni, sanpa wikcemna nonpa sanpa nonpa.

18 Adonikam cinca kin opawinge šakpe qa wikcemna šakpe sanpa šakowin.

19 Bigvai cinca kin kektopawinge nonpa qa wikcemna šakpe sanpa šakowin.

20 Adin cinca kin opawinge šakpe qa wikcemna zaptan sanpa zaptan.

21 Ater cinca, Hezekiah etanhan, wikcemna napcinwanka sanpa šahdoğan.

22 Hašum cinca kin opawinge yamni qa wikcemna nonpa sanpa šahdoğan.

23 Bezai cinca kin opawinge yamni qa wikcemna nonpa sanpa topa.

24 Hariph cinca kin opawinge sanpa akenonpa.

25 Gibeon cinca kin wikcemna napcinwanka sanpa zaptan.

26 Bethlehem qa Netopha wicašta kin, opawinge qa wikcemna šahdoğan sanpa šahdoğan.

27 Anathoth wicašta kin opawinge qa wikcemna nonpa sanpa šahdoğan.

28 Beth-azmaveth wicašta kin wikcemna topa sanpa nonpa.

29 Kirjath-jearim, Kephirah qa Beeroth wicašta kin opawinge šakowin qa wikcemna topa sanpa yamni.

30 Ramah qa Gaba wicašta kin opawinge šakpe qa wikcemna nonpa sanpa wanjidan.

31 Mikmas wicašta kin opawinge qa wikcemna nonpa sanpa nonpa.

32 Bethel qa Ai wicašta kin opawinge qa wikcemna nonpa sanpa yamni.

33 Nebo unma qon wicašta kin wikcemna zaptan sanpa nonpa.

34 Elam unma kin cinca, kektopawinge qa opawinge nonpa, sanpa wikcemna zaptan sanpa topa.

35 Harim cinca kin opawinge yamni sanpa wikcemna nonpa.

36 Jeriko cinca kin opawinge yamni qa wikcemna topa sanpa zaptan.

37 Lod, Hadid, qa Ono cincapi, opawinge šakowin, qa wikcemna nonpa sanpa wanjidan.

38 Senaah cinca kin kektopawinge yamni, qa opawinge napcinwanka sanpa wikcemna yamni.

39 Wawayušnapi kin : Jedaiah cinca kin, Ješua tiyohnaka etanhan, opawinge napcinwanka, qa wikcemna šakowin sanpa yamni.

40 Immer cinca kin kektopa-

NEHEMIAH,

wingé qa wikcemna zaptan sanpa nonpa.

41 Pašur cinca kin kektopawingé, qa opawingé nonpa, sanpa wikcemna topa sanpa šakowin.

42 Harim cinca kin kektopawingé qa ake šakowin.

43 Levi wicašta kin: Ješua cinca kin, Kadmiel etanhan, Hodewah cinca etanhan, wikcemna šakowin sanpa topa.

44 Dowanpi kin: Asaph cinca kin opawingé, qa wikcemna topa sanpa šahdogan.

45 Tiyopa awanyakapi kin: Šallum cinca, Ater cinca, Talmon cinca, Akkub cinca, Hatita cinca, Šobai cinca, opawingé qa wikcemna yamni sanpa šahdogan.

46 Nethinim kin: Ziha cinca, Hašupha cinca, Tabbaoth cinca,

47 Keros cinca, Sia cinca, Padon cinca,

48 Lehana cinca, Hagaba cinca, Šalmai cinca,

49 Hanan cinca, Giddel cinca, Gahar cinca,

50 Reaiah cinca, Rezin cinca, Nekoda cinca,

51 Gazzam cinca, Uzza cinca, Phaseah cinca,

52 Besai cinca, Meyunim cinca, Nephišesim cinca,

53 Bakbuk cinca, Hakupha cinca, Harhur cinca,

54 Bazlith cinca, Mehida cinca, Harša cinca,

55 Barkos cinca, Sisera cinca, Tamah cinca,

56 Neziah cinca, Hatipha cinca kin.

57 Solomon wowidake tawa cincapi kin: Sotai cinca kin, Sophereth cinca kin, Perida cinca kin,

58 Jaala cinca kin, Darkon cinca kin, Giddel cinca kin,

59 Šephatiah cinca kin, Hattil cinca, Pokereth Zebaim etanhan he cinca, Amon cinca kin.

60 Nethinim iyulpa qa Solomon tawowidake cincapi kin, opawingé yamni, qa wikcemna napcinwanka sanpa nonpa.

61 Unkan tona Tel-melah, Tel-hareša, Kerub, Addon qa Immer etanhanhan itanwankanhde yapi kin dena eepi; tuka atkukupi tipi kin ohdag okhipi šni, qa wicoicage tawapi, Israel etanhanpi hecinhan:

62 Delaiah cinca, Tobiah cinca, Nekoda cinca, opawingé šakpe qa wikcemna topa sanpa nonpa.

63 Qa wawayušnapi kin etanhanpi: Habaiah cinca, Koz cinca, Barzillai cinca, he qe Barzillai Gileadi cunwintku etanhan winohinca yuza, qa iye cajepi on cajeyatapi.

64 Dena wicoicage owicawapi kin en tawowapi akitapi, tuka iyeyapi šni: heon etanhan wicayušapapi iyecen wawayušnapi etanhan tankan iyewicayapi.

65 Unkan Tiršatha (wicašta itancan) kin, hena taku iyotan wakan kin etanhan yutapi kte šni, tohan wawayušna wan Yurim qa Thummim (Iyoyanpa qa Wowicake) yuha najin šni hehanyan, kewicakiya.

66 Omniciye ocowasin yuwitaya kektopawingé wikcemna topa sanpa nonpa, qa owawingé yamni sanpa wikcemna šakpe.

67 Wicašta taokiye qa winyan taokiye wicayuhapi kin opapi šni, hena e kektopawingé šakowin, qa opawingé yamni sanpa wikcemna yamni sanpa šakowin: Nakun wicašta dowanpi qa winyan dowanpi kin opawingé nonpa qa wikcemna topa sanpa zaptan wicayuhapi.

WICOWOYAKE 8.

68 Šuktanka tawapi kin opawinge šakowin qa wikcemna yamni sanpa šakpe: šonšonna tawapi opawinge nonpa qa wikcemna topa sanpa zaptan:

69 Kamel opawinge topa, qa wikcemna yamni sanpa zaptan: šonšonna nakpa tanka is kektopawinge šakpe, qa opawinge šakowin sanpa wikcemna nonpa.

70 Unkan atewicayapi itancanpi kin apa wicohtani kin en weliheyapi: Tiršatha kin is mazaskazi drakma kektopawinge, waksica wikcemna zaptan, wawayušnapi tawokoyake opawinge zaptan sanpa wikcemna yamni mazopiye kin en elipeya.

71 Qa atewicayapi itancanpi kin etanhan, wicohtani mazopiye kin en eliheyapi, mazaskazi drakma kektopawinge wikcemna nonpa, qa mazaska woqin kektopawinge nonpa sanpa opawinge nonpa.

72 Qa oyate unmapi kin is en eliheyapi kin, mazaskazi drakma kektopawinge wikcemna nonpa, qa mazaska woqin kektopawinge nonpa, qa wawayušnapi tawokoyake wikcemna šakpe sanpa šakowin.

73 Hecen wawayušnapi, qa Levi wicašta kin, qa tiyopa awanyakapi kin, qa dowanpi kin, qa oyate etanhanpi, qa Nethiniin kin, qa Israel ocowasin iye totonwepi kin ohna tipi: Unkan wi isakowin hiyohi qehan, Israel cincapi kin iye totonwepi kin ohnahna yakonpi.

WICOWOYAKE 8.

1 Unkan oyate ocowasin kin, wicašta wanjidan se, witayamniciyapi, mini tiyopa itokam canku kin he ohna; qa Ezra wowapi kage cin, Moses toope

wowapi kin, Jehowa Israel econwicaši qon he ahi kta keciyapi.

2 Hehan Ezra wawayušna kin woope kin ahi, omniciye kin itokam, wica qa winyan, qa tona nahon okahnigapi kin iyulpa, wi isakowin anpetu tokaheya en.

3 Qa he etanhan yawa, mini tiyopa kin itokam, canku itokam wanke cin hetu, anpa kamdeze hetanhan wicokahan hehanyan, wicašta qa winohinea, qa tona okahnih okihihi kin wicitokam: Unkan oyate ocowasin nogepi kin woope wowapi kin ekta yanka.

4 Unkan Ezra wowapi kage cin can paha wan, on kagapi kin he akan najin, qa isakim Mattithiah, qa Sema, qa Anaiah, qa Uriyah, qa Hilkiah, qa Maaseiah, iye etapa eciyatanhan najinpi; qa iye catkatanhan, Pedaiiah, qa Misael, qa Malkiah, qa Hašum, qa Hašbadana, Zekariah, Mešullam.

5 Unkan oyate ocowasin istapi itokam Ezra wowapi kin yumdaya; iye oyate kin iyulpa wiciwankam un nakaes: Unkan he yumdaya hehan oyate kin owasin najinhan najinpi.

6 Hehan Ezra Jehowa Taku Wakan tanka kin yawašte. Qa oyate ocowasin, Amen, Amen, eya ayuptapi, qa nape hdugatapi: qa pamahdedan hiyeya, qa ite makipusdiya Jehowa ohodapi.

7 Nakun Ješua, qa Bani, qa Šerebiah, Jamin, Akkub, Šabbethai, Hodiyah, Maaseiah, Kelita, Azariah, Jozabad, Hanan, Pelaiiah, qa Levi wicašta kin hena woope kin okahnihwicakiyapi. Unkan oyate kin najin yakonpi.

8 Hecen Wakantanka toope wowapi kin etanhan ieskaya yawapi, qa wookahnige wicaqupi, qa wayawapi kin okahnihwicakiyapi ece.

NEHEMIAH,

9 Unkan Nehemiah Tirsatha kin hee, qa Ezra wawayuśna wowapi kaḡe cin he, qa Levi wicaśta oyate waonspewicakiyapi kin hena oyate kin ocowasin hewicakiyapi; Anpetu kin de Jehowa Taku Wakan nitawapi kin ekta wakan; waśihdapi śni po, qa ceyapi śni po. Oyate kin iyuhpa ceyapi nakaes, wope oie nahonpi qehan.

10 Hehan hewicakiya; Ya po, wasna tasaka kin yuta po, qa woskuye kin yatkan po, qa tona taku wiyeya ekicihnakapi śni kin hena onḡeḡe wicakaya po. Anpetu kin de Jehowa unkitawapi kin on wakan nakaes; qa iyokiśicapi śni po, Jehowa towiyuśkin kin nitowaśakepi kin hee nakaes.

11 Hecen Levi wicaśta kin oyate owasin wicayuininapi: Inina yukan po, anpetu kin wakan nakaes; qa niye cante śicapi śni po, eyapi.

12 Unkan oyate kin owasin iyayapi, wotapi kta qa wayatkanpi kta, qa wawicaqupi kta, qa wowi-yuśkin tanka kaḡapi kta, wicoie owicakiyakapi kin hena okañniḡapi nakaes.

13 Nakun anpetu inonpa en oyate owasin etanhan atewicayapi itancanpi kin, wawayuśnapi qa Levi wicaśta kin hena Ezra wowapi kaḡe cin en witaya mniciyapi, hecen wope oie kin onspeiciciyapi kta.

14 Unkan wope Jehowa Moses nape eciyatanhan econwicaśi kin en wowapi iyeyapi, wi iśakowin wotapi kin icunhan Israel cincapi kin ohanzi hdepi ohna tipi kta ce:

15 Qa iye totonwepi kin owasin en, qa Jerusalem en, woyakapi qa eyanpahapi kta, He kin ekta kta ya po, qa wihdi can adetka,

qa wazi can adetka, qa waḡa can adetka, qa tamar can adetka, qa can wośma adetka kin aku po, ohanzi hdepi kaḡapi kta, wowapi qon iyececa, eyapi.

16 Hecen oyate kin iyayapi, qa ahdipi, qa wokeya içicagapi, otoi-yohi iye tipi akaḡpa akankan, qa tahocokapi kin en, qa Taku Wakan ti tahocoka kin en, qa mini tiyopa canku kin he ohna, qa Ephraim tatiyopa canku kin ohna.

17 Unkan tona wayaka unpi etanhan hdipi omniciye kin ocowasin wokeya kaḡapi, qa wokeyapi kin ihukuya iyotankapi. Jośua Nun cinhintku taanpetu kin hetanhan anpetu kin he ekta, Israel cincapi kin heconpi śni nakaes. Unkan wowiyuśkin kin nina tanka ġinca.

18 Nakun anpetu qa anpetu, anpetu tokaheya etanhan anpetu ehake kin ekta, Wakantanka toope wowapi kin en yawa ece. Unkan wohanpi kin anpetu śakowin yuhapi. Unkan anpetu iśahdoḡan kin en wookihpe omniciye, woyaco kin eciyatanhan.

WICOWOYAKE 9.

1 Unkan wi kin de anpetu wikcemna nonpa sanpa itopa en, Israel cincapi kin waśihdapi qa wakihdaka unpi qa maka ahdaḡpapi hecen mniciyapi.

2 Qa Israel wicoicage kin wicaśta tokeca cincapi kin etanhanhan ihduśpapi, qa najinpi qa waḡtanipi ohdakapi, atewicayapi taku śica econpi koya.

3 Qa oyanke tawapi kin ohna inajinpi, qa Taku Wakan tawapi Jehowa toope wowapi kin en yawapi, anpetu eca hanke itopa; qa hanke itopa icunhan wohda-

WICOWOYAKE 9.

kapi qa Jehowa Taku Wakan tawapi kin he ohodapi ecee.

4 Hehan cowahe kin akan najinpi, Levi wicašta etanhan, Ješua, qa Bani, Kadmiel, Šebaniah, Bunni, Šerebiah, Bani, Kenani, qa ho tanka on Jehowa Taku Wakan tawapi hoyekiyapi.

5 Hehan Levi wicašta, Ješua qa Kadmiel, Bani, Hašabniah, Šerebiah, Hodiyah, Šebaniah, Pethahiah, heyapi; Najin po, Jehowa Taku Wakan nitawapi yawašte po, otokahe wanica qa owihanke wanica hehanyan; qa nicaje wakan kin yawaštepi nunwe, he qe woyawašte qa woyatan owasin iwankan yanka ece.

6 Niye nišnana Jehowa hee; Niye małpiya kin yakağa, małpiya małpiya kin, qa wicobe tawa iyulpa, maka kin qa taku ohnaka owasin, miniwanca qa taku ohnaka owasin, qa hena iyulpa niye niyaya ece; qa małpiya obe kin ohonidapi ecee.

7 Jehowa Taku Wakan kin he niye, niye Abram yakahniga, qa Ur Kasdim etanhan hinapeyaya, qa Abraham eya cašyaton qon:

8 Qa iye cante kin nitokam wicaka e iyeyaya, qa kici wotakuye wan yakaga, Kanani, Hitti, Amori qa Perrizi, qa Jebusi, qa Girgaši tamakocepi kin yaqu kta, iye wicoicage tawa qupi kta; unkan niwie qon yahduecetü, niye oniwošana nakaes.

9 Nakun atewicunyanpi kaki-japi Egipta en wandake qa Mdeša icahda hoyeyapi qon he nayałon:

10 Qa Pharaoh en, qa taokiye owasin en, qa iye tamakoce oyate iyulpa akan, wowapetokeca qa woyušinayaye wicayakipazo;

hena wałanłaničidaye ecawica-kiconpi sonyaya nakaes. Hecen caje wan ničicaga, anpetu de iyececa.

11 Nakun wicitokam mini kin dukinukan, hecen mini cokahan maka puza akan iyoopta iyayapi: tuka wicihakam kuwa awicaupi kin hena wošbe kin en elhpewicayaya, inyan wan mini wašaka kin en iyececa.

12 Nakun anpetu icunhan małpiya bosdata wan on awicada, qa hanyetu icunhan peta bosdata wan on, canku ohna yapi kte cin en iyoyanpa wicakupi kta e heon.

13 Nakun Sinai he kin akan kun yahi, qa małpiya eciyatanhan om woyahdaka, qa woyaco owotanna wicayaqu, qa wowicake woope, wokonze qa woahope waštešte.

14 Qa wookilpe wakan nitawa sonyewicayakiya, qa Moses ni-taokiye nape eciyatanhan wo-waši, wokonze qa woope econ-wicayaši.

15 Qa wotektehdapi on małpiya etanhan ağıyapi wicayaqu, qa ipuzapi on imniya etanhan mini hinapewicayeciciya, qa makoce wicayaqu kta on nape yahdugate ciqon he tawayapi kin en yapi kta, kewicayakiya.

16 Tuka hena ee, han, atewicunyanpi kin, wałanłaničidapi, qa tahu patin ičicagapi, qa wo-waši nitawa kin econpi šni;

17 Qa waanağıoptan wicadapi šni, qa iyepi kin ehna taku woinihan ecanon qon hena kiksuyapi šni; tuka tahu suta ičicagapi, qa wawakipajinpi en wo-kaške tawapi qon ekta icicawin hdapi kta e wicašta itancan wan kağapi: Tuka niye wakajuju Wakantanka henica, wašte qa waonšida, tehan canteniptaye

NEHEMIAH,

śni, qa nina wacanyakiya ece, hecen ehpewicayaye śni.

18 Han, tohinni ptejicadan śdo-yapi wan icicağapi, qa, Taku Wakan Egupta etanhan anihiyupi qon dee ce, eyapi, qa wokipajin tanka econpi qeyaś:

19 Tuka niye nitowaonsida tankinyanyan on makopuza en awicaduśtan śni: anpetu icunhan małpiya bosdata canku ohna yewicaye kte cin he token iwicakiyaye śni, qa peta bosdata hanyetu icunhan, iyoyanpa qa canku ohna yapi kin wicakipazo kta.

20 Nakun Nitaniya wašte wawonspewicakiye kta wicayaqu, qa manna nitawa iye ipi ipiwicayakida śni, tuka ipuzapi on mini wicayaqu qon.

21 Han, makopuza en waniyetu wikcemna topa behanyan wonwicayaya, takudan icakijapi śni: tawokoyakepi kuka aye śni qa siha popi śni.

22 Nakun wokiconze qa oyatepi kin wicayaqu, qa ohomnimni wicayapamni: hecen Sihon tamakoce kin yuhapi, han Heśbon wicaštayatapi tamakoce, qa Og Baśan wicaštayatapi tamakoce kin.

23 Nakun iye cincapi wicaduota, małpiya wicanłpi kin iyececa, qa makoce on iye hunkakewicayapi wahowicayaye, tawaye kta en yapi kte cin he en awicayahi.

24 Hecen cincapi kin en iyayapi, qa makoce kin tawayapi, unkan wicitokam makoce ounyanpi qon, Kanani kin hena wicaduśhtin, qa iye napepi en wicayaqu, han wicaštayatapi tawapi, qa makoce oyatepi kin, hecen token cinpi iyecen ecawicakiconpi kta.

25 Unkan otonwe suksuta kin

icupi, qa makoce cepa wan, qa tipi taku waštešte owasin ojudan yuhapi, miniyowe qapi, hastanhanka iyuwi ojupi, wiłdi can wojupi, qa waskuyeca can ota linca: hecen wotapi qa wipipi, qa cepa icagapi, qa nitowašte tanka en iyuśkiniçiyapi ece.

26 Hececa ešta waanagoptanpi śni, qa niye nicipajinpi, qa nitoope kin wiciheyata ehpeyapi, qa wicašta wokcan nitawa wicaktepi, hena niye ekta ihduhomnipi kta iwahokonwicakiyapi tuka, qa wowalitedaśni tanka econpi ecee.

27 Heon etanhan iye tokawicayapi nape en wicayaqu, qa hena iyokiśinwicayapi: Hehan tokakijapi anpetu kin en niye hoyenicuyapi qehan, niye małpiya etanhan nayahon; qa nitowaonsida tankinyanyan eciyatanhan wani-kiya heca wicayaqu, unkan tokayapi nape kin etanhan niwicayapi.

28 Tuka woozikiye hduhapi ohakam ihdamnapi, nitokam taku śica econpi kta; heon etanhan tokawicayapi nape en ehpewicayaya, hecen hena wowidakewicayapi: heca ešta ake hdicupi qa hoyenicuyapi hehan małpiya etanhan niyc nayahon; qa nitowaonsida eciyatanhan ijehan ewicayahdaku ece:

29 Qa iyopewicayaya, nitoope kin ekta hdicuwicayakiye kta: Tuka wałanłaniçidapi qa nita-woahope anağoptanpi śni, tuka nitawoyaco kin en wałtanipi—hena wicašta wan econ kinhan on ni kta qeyaś—qa hinyete wawakipajin hiyuyapi, qa tahu ihdusutapi qa wanałhonpi śni ecee.

30 Tuka omaka ota awicayape, qa wicašta wokcan nitawa napepi en nitaniya on wahokonwi-

WICOWOYAKE 10.

cayakiya : tuka wanañon wica-
dapi śni, heon etanhan makoce
oyatepi nape kin en wicayaqu.

31 Heca ešta nitowaonśida tan-
ka kin on ocowasin ihangwica-
yaye śni, qa awicaduśtan śni :
Taku Wakan wacantkiya qa wa-
onśida kin he niye nakaeś.

32 Heon etanhan nakaha, Taku
Wakan unkitawapi, Wakantanka
tanka, waśaka qa wawinihan,
wotakuye qa wowaonśida yakpa-
tan ece, wokakije owasin en un-
kupi kin he nitokam cistinna. śni
nunwe, wicaštayatapi unkitawapi
en, wicašta ihdawa unkitawapi,
qa wawayuśnapi unkitawapi, qa
wicašta wokcan unkitawapi, qa
atewicunyanpi kin en, qa oyate
iyuhpa en, Aśur wicaštayatapi
taanpetu kin etanhan anpetu kin
de hehanyan.

33 Qeyaś taku unkaupi kin
owasin en oniwotanna, niye wo-
wicake ccanon, tuka unkiye śi-
caya econkupi nakaeś :

34 Qa wicaštayatapi unkitawa-
pi, wicašta ihdawa unkitawapi,
wawayuśnapi unkitawapi, qa ate-
wicunyanpi kin nitoope kpatanpi
śni, qa nitawoahope qa wadaotan-
in, on wahokonwicayakiye cin
hena anağoptanpi śni ecee.

35 Qa hena wokiconze tawapi
en, qa nitowašte tanka wicaya-
qu kin en, qa makoce tanka qa
cepa wicitokam wicayaqu kin
en, niye en wowidagiçiyapi śni,
qa wicoñan śica tawapi kin
etanhan ihduhomnpi śni.

36 Iho, anpetu kin de wowida-
ke unyakonpi, qa makoce hunka-
kewicunyanpi wicayaqu, ohna
waskuyeca qa taku wašte kin
yutapi kta, iho, he ohna wowi-
dake unyakonpi :

37 Qa waunñtanipi kin on wi-
caštayatapi unkiwankam ewica-
yahnake cin hena woicage ota

icahwicakiciya ece : nakun iye
token iyokipipi, untancanpi qa
wanunyanpi unkitawapi idakapi
ece, hecen wokakije tanka ehna
unyakonpi ce.

38 Unkan de owasin on wowi-
cake unkağapi qa unkowapi ; qa
wicašta ihdawa unkitawapi, Le-
vi wicašta, wawayuśnapi kin
askamyapi kin en unpi.

WICOWOYAKE 10.

1 Unkan waskamyapi en unpi
kin, Nehemiah Tirśatha kin Ha-
kaliah cinhintku, qa Zidekiah,
2 Seraiah, Azariah, Jeremiah,
3 Paśur, Amariah, Malkiyah,
4 Hattuś, Šebaniah, Malluk,
5 Harim, Meremoth, Obadiah,
6 Daniel, Ginnethon, Baruk,
7 Meśullam, Abiyah, Miyamin,
8 Maaziah, Bilgai, Šemaiah :
hena wawayuśnapi.

9 Unkan Levi wicašta kin :
Jeśua Azaniah cinhintku qa Bin-
nui Hanadad cinca etanhan,
Kadmiel :

10 Qa iye hunkawanjitkupi,
Šebaniah, Hodiyah, Kelita, Pela-
iah, Hanan,

11 Mika, Rehob, Haśabiah,
12 Zakkur, Šerebiah, Šebaniah,
13 Hodiyah, Bani, Beninu.

14 Oyate itancanpi kin ; Paroś,
Pahath-moab, Elam, Zattu, Bani,

15 Bunni, Azgad, Bebai,
16 Adoniyah, Bigvai, Adin,

17 Ater, Hizkiyah, Azzur,
18 Hodiyah, Haśum, Bezai,

19 Harip, Anathoth, Nebai,
20 Magpiaś, Meśullam, Hezir,

21 Meśezabeel, Zadok, Jaddua,
22 Pelatiah, Hanan, Anaiah,

23 Hośca, Hananiah, Haśub,
24 Halloheś, Pileha, Šobek,

25 Rehum, Haśabnah, Maa-
seiah,

26 Qa Ahiyah, Hanan, Anan,

NEHEMIAH,

27 Malluk, Harim, Baanah.

28 Nakun oyate unmapi kin, wawayuśnapi kin, Levi wicaśta kin, tiyopa awanyakapi kin, wadowanpi kin, Nethinim kin, qa tona makoce oyatepi etanhan ihduheyapapi, Wakantanka toope ekta, iye tawicupi, cinhintkupi qa cunwintkupi, owasin waokahniğa sdonyapi :

29 Hena iye hunkawanj itkupi, wicaśta ihdawapi wicayuhapi kin en ikoyagiciyapi, qa woihdaco wokonze ko en ihdokupi, Wakantanka toope, Moses Wakantanka taokiye nape on wicaqu qon he ohnayan manipi kta, qa Jehowa Itancan unkitawapi tawoahope qa tawoyaco qa tawowaśi kin owasin ahopapi qa econpi kta :

30 Qa unkićunksipi kin makoce oyate kin wicunqupi kte śni, qa iye cunwintkupi kin unkićinksi pi on unkićupi kte śni :

31 Qa makoce oyate kin anpetu okihpapi en maza qa wotpanpi owasin wiyopeya ahipi eśta, wookihpe en qa anpetu wakan icunhan opewicunkicat onpi kte śni ; qa waniyetu isakowin ecee kin, qa wicanape otoiyo hi oica zo tawa kpağanpi kta.

32 Nakun wokonze unkićicagapi, omaka otoiyo hi Taku Wakan unkitawapi ti waokiyapi kin on śekel onśpa wiciyamnimni unqupi kta.

33 Ağuyapi ehna kapi ecee kin on, qa ohinniyan woyute wośnapi kin on, qa wohuħnağe wośnapi ohinniyan kin on, anpetu okihpapi tawa, wi teca tawa, wohanpi kağapi tawa, qa taku yuwan kanpi kin on, qa woahitani wośnapi Israel akaħpapi kte cin he on, qa Wakantanka unkitawapi tipi tawowaśi owasin on.

34 Unkan wośnapi can kin on

oeconna econkupi, wawayuśnapi qa Levi wicaśta qa oyate kin ehna hna, Taku Wakan unkitawapi ti kin en ahipi kta, tohan wakiconzapi eca, omaka qa omaka, Jehowa Wakantanka unkitawapi owayuśna kin akan ide kta, woope en owapi qon iyececa.

35 Nakun mağa unkitawapi oicağe tokaheya, qa can owasin waskuyeca tokaheya icag e cin hena, omaka qa omaka, Jehowa ti kin en ahipi kta :

36 Nakun unkićincapi qa wanunyanpi unkitawapi tokaheya tonpi kin hena, woope en owapi qon iyececa, qa tatanka unkitawapi qa taħinca unkitawapi tokaheya wicatonpi kin hena Taku Wakan unkitawapi ti kin en unkahipi kta, wawayuśnapi Taku Wakan unkitawapi ti ohna ħitanipi kin hena ekta.

37 Qa nakun ağuyapi bounpanpi tokaheya, qa wośnapi unkitawapi, qa can ocağe owasin waskuyeca kin, miniśa qa wihdi etanhanhan, wawayuśnapi kin ekta unkahipi kta, Wakantanka unkitawapi ti wopiye kin ekta ; qa mağa unkitawapi oicağe iwikcemnamna kin Levi wicaśta kin ekta, hecen Levi wicaśta kin hena woicağe unkitawapi otonwe owasin en iwikcemnamna kin yuhapi kta.

38 Unkan wawayuśna, Aaron cinhintku kin Levi wicaśta kin opeya un kta, Levi wicaśta iwikcemnamna kin icupi eca : Nakun Levi wicaśta kin hena iwikcemnamna kin etanhan iwikcemna kin aupi kta, Taku Wakan unkitawapi ti kin ekta, wopiye ekta, mazopiye tipi kin en.

39 Israel cincapi qa Levi cinca kin ağuyapi su wośnapi kin wopiye en aupi kta, miniśa teca kin etanhan, qa wihdi kin etanhan,

WICOWOYAKE 11.

hen wakśica wakan iyulpa hiyeya, qa wawayuśnapi waokiyapi ecee kin, qa tiyopa awanyakapi qa wadowanpi kin: Hecen Taku Wakan unkitawapi ti kin unkayuśtanpi kte śni ce.

WICOWOYAKE 11.

1 Unkan oyate itancanpi kin hena Jerusalem en tipi: nakun oyate unmapi kin oeconna econpi, wikcemna etanhan wanji Jerusalem otonwe wakan kin en ahiti wicakiyapi kta, qa totonwepi kin ohna napcinwanka ounyanpi kta.

2 Unkan oyate kin wicaśta tona Jerusalem en tipi kta iye cinka hiyuiçiyapi kin hena owasin wicayawaśtepi.

3 Hecen makoce itancanpi kin hena Jerusalem ohna tipi; tuka Juda totonwepi kin ohna wicaśta otoiyo hi iye tamağa totonwepi kin en ounyanpi ece, Israel, wawayuśnapi kin, qa Levi wicaśta, qa Nethinim kin, qa Solomon tawowidake cincapi kin.

4 Unkan Jerusalem ekta Juda cincapi qa Benjamin cincapi kin etanhanhan en tipi. Juda cinca kin etanhan; Athaiah Uziah cinhintku, Zekariah cinhintku, Amariah cinhintku, Šephatiah cinhintku, Mahalaleel cinhintku, Perez cinca etanhan:

5 Qa Maaseiah Baruk cinhintku, Kolhozeh cinhintku, Hazai-ah cinhintku, Adai-ah cinhintku, Joiarib cinhintku, Zekariah cinhintku, Šiloni cinhintku.

6 Perez cincapi owasin Jerusalem en tipi, wicaśta waditaka opawinge topa sanpa wikcemna śakpe sanpa śahdoğan.

7 Unkan Benjamin cinca kin dena eepi: Sallu Meśullam cinhintku, Joed cinhintku, Pedai-ah

cinhintku, Kolaiah cinhintku, Maaseiah cinhintku, Ithiel cinhintku, Jesaiah cinhintku.

8 Qa he iyahna Gabbai, Sallai, opawinge napcinwanka qa wikcemna nonpa sanpa śahdoğan.

9 Unkan Joel Zikri cinhintku kin hena awanwicayaka: qa Juda Senuah cinhintku kin he otonwe en inonpa ee.

10 Wawayuśnapi kin etanhan: Jedaiah, Joiarib, Jakin.

11 Seraiah Hilki-ah cinhintku, Meśullam cinhintku, Zadok cinhintku, Merai-oth cinhintku, Ahitub cinhintku, Wakantanka ti ohna itancan kin hee.

12 Qa iye hunkawanj itkupi kin ohna wicoħan econpi kin hena opawinge śahdoğan qa wikcemna nonpa sanpa nonpa: Qa Adai-ah Jeroham cinhintku, Pelal-iah cinhintku, Amzi cinhintku, Zekariah cinhintku, Paśur cinhintku, Malkiah cinhintku,

13 Qa iye hunkawanj itkupi, atewicayapi itancanpi kin, opawinge nonpa qa wikcemna topa sanpa nonpa: Qa Amaśai Azareel cinhintku, Ahasai cinhintku, Meśillemoth cinhintku, Immer cinhintku,

14 Qa iye hunkawanj itkupi, wicaśta waśaka waditakapi, opawinge qa wikcemna nonpa sanpa śahdoğan: Unkan hena awanwicayake cin he Zabdiel hee, wicaśta tankapi cinca etanhan.

15 Nakun Levi wicaśta etanhan; Šemaiah Haśub cinhintku, Azrikam cinhintku, Haśabiah cinhintku, Bunni cinhintku;

16 Qa Šabethai Jozabad kici, Levi wicaśta itancanpi kin etanhan, hena Wakantanka ti itan-kan wicoħan kin yuhapi.

17 Qa Mattaniah Mika cinhintku, Zabdi cinhintku, Asaph cinhintku, wocekiye en wiyu-

NEHEMIAH,

skinpi kağa itancan kin hee : Qa Bakbukiah iye hunkawanjiwicaya wicehna inonpa, qa Abda Sammua cinhintku, Galal cinhintku, Jeduthun cinhintku.

18 Levi wicašta otonwe wakan kin ohna yakonpi owasin opawinge nonpa, qa wikcemna šalidoğan sanpa topa.

19 Nakun tiyopa awanyakapi kin, Akkub, Talmon qa iye hunkawanjitektupi tiyopa en awanyakapi kin, opawinge qa wikcemna šakowin sanpa nonpa.

20 Unkan Israel unmapi kin, wawayušnapi, Levi wicašta, Juda totonwepi owasin ohnahna, otoiyohiye taku tawa ohna.

21 Tuka Nethinim kin Ophel en tipi : Unkan Ziha Gispa kici Nethinim kin iwankam unpi.

22 Nakun Jerusalem en Levi wicašta awanwicayake cin he Uzzi Bani cinhintku, Hašabiah cinhintku, Mattaniah cinhintku, Mika cinhintku, Asaph cinca etanhan, dowanpi kin Wakan-tanka ti ohna wicoħan kin he iwankam.

23 Hena on wicaštayatapi tawokonze hee nakaeš, anpetu qa anpetu dowanpi kin wowicake wopamni wan yuhapi kta.

24 Qa Pethahiah Mešezebeel cinhintku, Zerah Juđa cinhintku he cinca etanhan, he oyate kin on etanhan, wicoie owasin on wicaštayatapi nape ekta yan-ka.

25 Unkan otonwe cikcistinna en, tamağapi iyahna, Juda cincapi etanhan Kirjath-arba en tipi, qa otonwe cikcistinna tawa kin, qa Dibon qa otonwe cikcistinna tawa kin en, qa Jekabzeel qa otonwe cikcistinna tawa en ;

26 Qa Ješua en, qa Molada en, qa Bethpelet en ;

27 Qa Hazar-šual en, qa Beer-

šeba en, qa otonwe cikcistinna tawa en :

28 Qa Ziklag en, qa Mekonah en, qa otonwe cikcistinna tawa en ;

29 Qa Ayin-rimmon en, qa Zareah en, qa Jarmuth en ;

30 Zanoah, Adullam, qa otonwe cikcistinna tawapi en ; Lakiš qa tamağa ekta ; Azekah ekta qa otonwe cikcistinna tawa en. Unkan Beeršeba etanhan Hinnom kaksiza kin hehayan tipi.

31 Nakun Benjamin cincapi, Geba etanhan Mikmaš hehayan, qa Hai qa Bethel, qa otonwe cikcistinna tawa en ;

32 Anathoth, Nob, Ananiah,

33 Hazor, Ramah, Gittaim,

34 Hadid, Zeboim, Neballat,

35 Lod qa Ono wabağopi kaksiza tawapi kin.

36 Nakun Levi wicašta etanhanpi, hena Juda qa Benjamin ehna wicapamnipi.

WICOWOYAKE 12.

1 Unkan wawayušnapi qa Levi wicašta, Zerubabel Šealtiel cinhintku, qa Ješua om itawankan-hde iyayapi qon dena eepi : Seraiah, Jeremiah, Ezra,

2 Amariah, Malluk, Hattuš,

3 Šekaniah, Rehum, Meremoth,

4 Iddo, Ginnetho, Abiyah,

5 Miamin, Maadiah, Bilgah,

6 Šemaiah qa Joiarib, Jedaiah,

7 Sallu, Amok, Hilkiyah, Jedaiah. Ješua taanpetu kin en wawayušnapi itancanpi qa hunkawanjitektupi qon dena eepi.

8 Nakun Levi wicašta kin : Ješua, Binnui, Kadmiel, Šerebiah, Juda, Mattaniah, wopida odowan en itancan, iye qa hunkawanjiwicaye cin.

9 Nakun hena hunkawanjitektu-

WICOWOYAKE 12.

pi Bakbukiah qa Unni, waawanyakapi iyotakonzapi.

10 Unkan Jeśua Joiakim cincaya, qa Joiakim Eliaśib cincaya, qa Eliaśib Joiada cincaya,

11 Qa Joiada Jonathan cincaya, qa Jonathan Jeddua cincaya.

12 Unkan Joiakim taanpetu en wawayuśnapi yukan, atewicayapi itancanpi; Seraiali etanhan Meraiah; Jeremiah etanhan Hananiah;

13 Ezra etanhan Meśullam; Amariah etanhan Jehohanan;

14 Meliku etanhan Jonathan; Šebaniah etanhan Joseph;

15 Harim etanhan Adna; Meraioth etanhan Helkai;

16 Iddo etanhan Zekariah; Ginnethon etanhan Meśullam;

17 Abiyah etanhan Zikri; Miniamin etanhan, Moadiah etanhan Piltai;

18 Bilgah etanhan Šammua; Šemaiali etanhan Jehonathan;

19 Qa Joiarib etanhan Mattenai; Jedaiah etanhan Uzzi;

20 Sallai etanhan Kallai; Amok etanhan Eber;

21 Hilkiah etanhan Haśabiah; Jedaiah etanhan Nethaneel.

22 Levi wicaśta Eliaśib taanpetu kin en, Joiada, qa Johanan, qa Jaddua, atewicayapi itancanpi owicawapi: Nakun wawayuśnapi kin Darius Persia wicaśtaya-tapi un kin hehanyan.

23 Levi cinca kin atewicayapi itancanpi, anpetu iyohi wicoie wowapi en owicawapi, Johanan Eliaśib cinhintku taanpetu kin hehanyan.

24 Unkan Levi wicaśta itancanpi: Haśabiah, Šerebiah, qa Jeśua Kadmiel cinhintku, qa iye hunkawanjtkupi iyotakons unpi, yatanpi kta, wopida eyapi kta, David Wakantanka tawicaśta tawowaśi qon eciyatanhan, waa-

wanyakapi waawanyakapi kin iyotakonzapi.

25 Mattaniah qa Bakbukiah, Obadiah, Meśullam, Talmon, Akkub, hena waawanyakapi tiyopa icaħda waawanyag unpi ecee.

26 Hena e Joiakim Jeśua cinhintku, Jozadak cinhintku taanpetu kin en, qa Nehemiah itancan kin, qa Ezra wawayuśna wowapi kaga ecee taanpetu kin en unpi.

27 Unkan Jerusalem conkaśke yuwakanpi qehan, Levi wicaśta tohepi kin owasin en ewicadepi, Jerusalem en awicahipi kta, yuwakanpi kin en wowiyuśkin econpi kta, wopida eyapi kta, qa dowanpi on, mazaicicasnapi, candowankiyapi qa kinskinzapi kin on.

28 Unkan dowanpi cincapi kin hena ihduwitayapi, makohomni Jerusalem ihdukśan wanke cin etanhan, qa Netophathi totonwepi kin etanhan:

29 Nakun Gilgal tipi etanhan, qa Geba qa Azmaveth tamaġapi kin etanhan: Dowanpi kin hena Jerusalem ihdukśan otonwe iċicagapi nakaes.

30 Unkan wawayuśnapi qa Levi wicaśta kin ihduskapi, qa oyate kin wicayuskapi, qa tiyopa kin hena qa conkaśke kin.

31 Hehan miye Juda wicaśta ihdawapi kin conkaśke akan awicawahi, qa dowanpi obe tankinyanyan nom ewicawahde, unma etapatanhan unkce tiyopa ektakiya conkaśke akan iyayapi:

32 Qa hena wiċiyahna Hośaiah qa Juda wicaśta ihdawapi hanke iyayapi;

33 Qa Azariah, Ezra qa Meśullam,

34 Juda qa Benjamin, qa Šemaiah qa Jeremiah;

35 Qa wawayuśnapi cincapi

NEHEMIAH,

mazayahotonpi yuhapi; Zekariah Jonathan cinhintku, Semaiah cinhintku, Mattaniah cinhintku, Mikaiiah cinhintku, Zakur cinhintku, Asaph cinhintku;

36 Qa iye hunkawanjiwicaye cin, Semaiah, qa Azarael, Milalai, Gilalai, Maai, Nethaneel qa Juda, Hanani, David Wakantanka tawicašta candowankiyapi tawa yuhapi, qa Ezra wowapi kage cin he wicitokam un.

37 Unkan miniyowe tiyopa kin ekta, he iyepi iyotakons wanka, hen David towonwe caniyadipi kin ohna wankan iyayapi, conkaške itawankanhde ye cin, David ti qon iwankantanhan, qa wiyohiyanpata mini tiyopa kin hehanyan.

38 Unkan wopida eyapi obe unman qon iyotakonsa iyayapi, qa wicihakam miye qa oyate hanke kin conkaške akan, mazaoceti conkaške tehanwankantu akotanhan qa conkaške ohdakin-yan tanka kin hehanyan.

39 Qa Ephraim tatiyopa kin iwankapatanhan, qa tiyopa tani-na qon etanhan, qa hoğan tiyopa kin iwankam, qa Hananeel ipasotka tawa, qa Meah ipasotka kin, qa tahinca tiyopa kin hehanyan: Unkan wicakaškapi tiyopa kin en inajinpi.

40 Hecen wopida eyapi obe nonpa kin hena Wakantanka ti kin ohna najinpi, qa miye qa wicašta ihdawapi hanke mici unpi.

41 Qa wawayuśnapi kin; Elia-kin, Maaseiah, Miniamin, Mikai-iah, Elioenai, Zekariah, Hanani-ah, mazayahotonpi yuhapi;

42 Qa Maaseiah, qa Semaiah, qa Eleazar, qa Uzzi, qa Jehohanah, qa Malkiyah, qa Elam, qa Ezer. Unkan dowanpi kin nina hoyeyapi, qa Jezrahiah awanwicayaka.

43 Nakun anpetu kin he en wośnapi tanktanka wayuśnapi qa wiyuśkinpi: wowiyuśkin tanka on Wakantanka wiyuśkinwicakiya nakaes: nakun winohincapi qa śicecapi kin wiyuśkinpi: hecen Jerusalem tawowiyuśkin kin tehan nahonpi.

44 Unkan anpetu kin he en wicašta wopiye tipi awanyagwicaşıpi, mazopiye on, wośnapi kin on, woicaşe tokaheya kin on, qa iwikcemnamna kin on, hena ohna otonwewe tamağapi kin etanhan mnayanpi kta, woope kin eciyatanhan, wawayuśnapi qa Levi wicašta kin taku tawapi. Wawayuśnapi qa Levi wicašta najinpi kin on Juda wiyuśkinpi nakaes.

45 Unkan wadowanpi qa tiyopa awanyakapi kin hena Wakantanka tawoawanyake yuhapi, qa wicayuskapi tawoawanyake kin, David tawowaşı kin eciyatanhan, qa iye cinhintku Solomon.

46 Ehanna David qa Asaph taanpetu kin en dowanpi itancanpi yukan, qa woyatan odowan, qa Wakantanka wopida eciyapi ecee.

47 Unkan Zerubabel taanpetu kin en, qa Nehemiah taanpetu en, Israel iyulpa wadowanpi kin qa tiyopa awanyakapi kin ongeşe wicaqupi, anpetu qa anpetu taku tawa: qa Levi wicašta kin on taku wicakiciyuwakanpi ecee: qa Levi wicašta kin is Aaron cinca taku wicakiciyuwakanpi ece.

WICOWOYAKE 13.

1 Anpetu kin he en oyate noğepi kin ohna Moses tawowapi kin etanhan yawapi; unkan he en kaken owapi iyeyapi, Ammoni kin qa Moabi kin Wakantanka

WICOWOYAKE 12.

tomniciye kin en upi kte šni, owihanke wanica :

2 Israel cincapi aguyapi qa mini yuha itkowicakipapi šni nakaes; tuka hena on Balaam ope-tonpi, wicayašice kta e heon: heca ešta Wakantanka unkita-wapi woyašice qon woyawašte kağa.

3 Hehan kaketu, woope kin nahonpi qehan, tona icicahiya en unpi kin owasin Israel etanhan yukinukan iyewicayapi.

4 Unkan de itokam, Eliašib wawayušna kin Wakantanka ti kin wankan tipi awanyake cin hee e Tobiah omawahotonya :

5 Qa wankan tipi tanka wan wiyeya ekicihnaka, qa itokam hen minha kin ehnapapi, womna waštemna qa wakšica kin, qa aguyapi, qa miniša teca, qa wi-hdi kin etanhanhan iwikcemna-mna kin, Levi wicašta tawopamni kin, qa wadowanpi qa tiyopa awanyakapi tawapi; nakun wawayušnapi tawošnapi kin.

6 Tuka de ocowasin icunhan miye Jerusalem en waun šni. Artališašta Babel wicaštayatapi tawaniyetu wikcemna yamni sanpa inonpa en, hehan wicaštayatapi kin ekta wahi, qa anpetu henakeca hehan wicaštayatapi kin nina cewakiya :

7 Hehan Jerusalem en wahi, unkan Tobiah on Eliašib taku šica econ, Wakantanka ti hocoka ohna wankan tipi wan wiyeya ekicihnake ciqon he owakal-niğa.

8 Hehan nina iyomakišica; qa Tobiah tawalpaya kin iyuhpa wankan tipi kin etanhan tankan ehpeyaya.

9 Hehan econwicawaši, unkan wankan tipi kin hena yuskapi: Unkan Wakantanka tipi tawakšica kin ake en awahi, woyute

wošnapi qa canšin waštemna kin hena koya.

10 Unkan Levi wicašta tawopamni kin wicaqupi šni ecee sdonwaya: Levi wicašta, qa dowanpi kin wicoħan econpi qon hena otoiyohi iye tamağa ekta kihdapi nakaes.

11 Hehan wicašta itancanpi kin om awakinica, qa, Tokeca Wakantanka ti kin ayušanpi he, epa. Qa hena wicamduwitaya qa oinajinpi qon en ewicawahde.

12 Hehan Juda ocowasin aguyapi su iwikcemna kin, qa miniša teca qa wiħdi etanhanhan mazopiye kin en ahipi ece.

13 Unkan mazopiye kin en wawanyag-wicawakiya, Selemiah wawayušna kin, qa Zadok wawapi kağa cin, qa Levi wicašta kin etanhan Pedaiah: qa hena napepi en Hanan Zakkur cinhintku, Mattaniah cinhintku: hena e wacinyepica kecanwicakinpi nakaes, qa iye hunkawanj itkupi wicakicipamnpi kta he wicoħan tawapi.

14 De on Wakantanka mitawa miksuya wo, qa wowacantkiye mitawa Wakantanka mitawa ti kin on ecamon, qa waawanyakapi tawa on, hena pajuju šni wo.

15 Anpetu kin hena en, Juda ehna, anpetu wakan icunhan wiħdi iyuškice napanpi wanmdaka, qa aguyapi paħtapi ahipi, qa šonšonna waqinwicakiyapi; qa nakun miniša, hastanhanka iya-ge, qa waskuyeca (suken) qa wogin ocaje owasin, hena anpetu wakan icunhan Jerusalem ekta ahipi ecee. Unkan woyute wi-yopeyapi anpetu kin he on om wahdokinica.

16 Nakun Tzur wicašta en ounyanpi, hena hoğan ahipi, qa maza ocaje owasin, qa anpetu wa-

NEHEMIAH.

kan icunhan Juda cinca kin wi-yopewicakiciyapi, qa Jerusalem entu.

17 Hehan Juda wicašta ihdawapi kin om wahdokinica qa hewicawakiya; De taku wicoie šica ecanonpi, qa on anpetu oki-hipapi kin dujujupi he.

18 Niyatepi kin hecen econpi šni he; qa Taku Wakan unkita-wapi wošice kin de ocowasin unkiyepi en, qa otonwe kin de en au šni he: tuka niyepi wocanniye sanpa Israel en ayaupi, anpetu okihipapi yujujupi kin on.

19 Unkan kaketu, anpetu oki-hipapi itokam Jerusalem tiyopa kin aotpasya aya, hehan tiyopa kin ecen icyyapi kta, kepa, qa anpetu okihipapi ihunniyan yu-ħdokapi kte šni, kepa: Nakun mitaokiye etanhan tiyopa kin ektakta ewicawahde, anpetu okihipapi icunhan woqin takudan Jerusalem en aupi kte šni.

20 Hecen wicašta wopeton qa maza ocaje owasin wiyopeyapi ecee qon hena wanca, qa nonpa Jerusalem itankan ahiwanka.

21 Hehan awicawakinica qa hewicawakiya; Tokeca conkaške kin ikiyedan yahinunkapi he. Ake hecanonpi kinhan miye nape acihnakapi kta ce. Anpetu kin he etanhan icimana anpetu okihipapi kin en hipi šni.

22 Unkan Levi wicašta kin ihduska wicawaši, qa tiyopa awanyag hipi kta, anpetu oki-hipapi kin yuwakanpi kta. Taku Wakan mitawa, de nakun on miksuya wo, qa nitowaonšida ota eciyatanhan mapatan ye.

23 Nakun anpetu kin hena en Juda wicašta Ašdodi, Ammoni, Moabi winohincapi wicayuzapi wanmdaka.

24 Unkan cincapi kin hena Ašdodi iapi kin hanke unpi ece,

qa Juda oie kin ohna ia okihda-ħniġapi šni, tuka oyate qa oyate iapi kin ohnayan.

25 Unkan hena om awakinica qa wicamdašica, qa wicašta wanjikši awicawapa, qa paha wicamduħmica, qa Wakantanka eciyatanhan wakonze wicawakiya; Nicunkšipi kin iye cinhintkupi wicayaqupi kte šni, qa nicinkšipi on iye cunwintkupi kin wicaduzapi kte šni, qa nakun niyepi on.

26 Solomon Israel wicaštayatapi kin he dena on waħtani šni he. Tuka oyate ota ehna wicaštayatapi kin tuwedan he iyecece šni, qa Taku Wakan tawa on waštedakapi, nakun Wakan-tankā Israel ocowasin en wicaštayatapi kaġa: Tuka iye kaeš winohinca toktokeca kin waħtanikiyapi.

27 Hecen unkiye anaunnigo-ptanpi kta, taku šica tanka kin de econpi kta, winohinca toktokeca wicayuzapi on Taku Wakan unkitawapi waunkiciħtanipi kta he.

28 Unkan Joiada Eliašib wawayušna tanka cinhintku kin he cinca Sanballat Horoni kin he tunkanye. Heon etanhan miye etanhan napewaye.

29 Wakantankā mitawa, hena wicakiksuya wo, wawayušnapi oun kin he yušicapi nakaeš, qa wawayušna qa Levi wicašta tawotakuye kin.

30 Hecen wicašta tokecapi owasin etanhan wicamduska, qa woawanyake wawayušna qa Levi wicašta tawapi wakaga, otoi-yohi iye tawowaši ohna:

31 Nakun wošnapi can kin on, tohan konzapi iyehantu, qa waskuyeca tokaheya icage cin on. Wakantanka mitawa, taku wašte on miksuya wo.

ESTHER.

WICOWOYAKE 1.

1 Unkan Ahasuerus taanpetu kin en kaketu: Ahasuerus India etanhan Kuś hehanyan, makoce opawinge sanpa wikcemna nonpa sanpa śakowin en wicaštayatapi yanke ciqon he dee:

2 Anpetu kin hena en Ahasuerus wicaštayatapi kin iye toki-conze oiyotanke Śuśan conkaške kin en iyotanke ciqon he ehan:

3 Towidake waniyetu iyamni kin en, wicašta ihdawa qa wowidake tawa iyuhpa wohanpi wan wicakicağa:—Persia qa Media wowaśake kin, makoce en akicita tancan qa wicašta ihdawa iye itokam unpi kin icunhan:

4 Hehan towidake wowitan wowijice, qa iye tanka wowinihan woyuonihan kin anpetu ota kpazo yanka, anpetu opawinge sanpa wikcemna śahdogan hehanyan:

5 Unkan anpetu kin hena hena-keca hehan oyate ocowasin Śuśan conkaške ohna yakonpi kin hena wotapi wan wicakicağa, wicatanka qa wicacistinna, anpetu śakowin hehanyan, wicaštayatapi tipi wašte canwojupi hocoka kin hentu:

6 Miniuha zipzipedan, skaska qa toto, hañonta ska qa hañonta toto on, mazaska canhdeška qa inyan ska ihupa kin en ikoyagyapi: ohehdepi kin hena mazaskazi qa mazaska, inyan sapapa, qa skaska, qa toto, qa śaśa owanka kin akankan.

7 Unkan mazaskazi wiyatke kin ohnahna wayatkewicakiyapi, qa wiyatke kin owasin toktokeca—qa miniśa wicaštayatapi tawa kin ota hinca, wicaštayatapi nape kin etanhan.

8 Unkan wayatkanpi kin he woope kin eciyatanhan; tuwedan wanaġiyeye śni: wicaštayatapi iye ti kin ohna wicašta itancanpi owasin hecen econ wicaši nakaes, wicašta otoiyohti token iyokipi kin hecen ecaki-conpi ecee kta.

9 Nakun Vašti wicaštayatapi winohinca kin is eya winohinca wohanpi wan wicakicağa, wicaštayatapi tipi, Ahasuerus wicaštayatapi tawa kin he ohna.

10 Anpetu isakowin kin en, wicaštayatapi cante miniśa iwašte qehan, hehan Mehuman, Biztha, Harbona, Bigtha qa Abagtha, Zethar qa Karkas, ookiye itancan śakowin, Ahasuerus wicaštayatapi itokam waokiya unpi ecee kin hena,

11 Vašti wicaštayatapi winohinca kin he, wicaštayatapi tawateśdake un, wicaštayatapi kin itokam ahipi kta kewicakiya, he owanyag wašte kin oyate qa wicašta ihdawapi ko wicakipazo kta: he wanyakapi wašte hinca nakaes.

12 Tuka Vašti wicaštayatapi winohinca kin he wicaštayatapi toie, ookiye itancanpi nape on ahipi kin he on u kta wicada śni: hecen wicaštayatapi kin nina śihda qa iye tanmahen tocanteptanye ide.

ESTHER,

13 Hehan wicaštayatapi kin wicašta ksapapi woope sdonyapi ecee kin hena hewicakiya: Tona woope qa woyaco sdonyapi kin hena owasin wicaštayatapi kin hecen ecawicakicon ecee nakaes:

14 Unkan iye iyokihe Karšena, Šethar, Admatha, Taršiš, Meres, Marsena, qa Memukan, Persia qa Media en itancanpi šakowin, wicaštayatapi ite wanyakapi ece, wokiconze en tokaheya iyotankapi kin hena:

15 Ookiye itancanpi nape eciyatanhan wicaštayatapi oie kin ecen econ šni kin heon etanhan, woope eciyatanhan, Vašti wicaštayatapi winohinca kin taku ecaunkiconpi kta he, eya.

16 Unkan Memukan wicaštayatapi qa wicašta ihdawapi kin wicitokam heya; Vašti wicaštayatapi winohinca kin he wicaštayatapi kin išnana taku šica eakicon šni, tuka wicašta ihdawapi owasin en, qa oyate iyulpa Ahašuerus wicaštayatapi makoce tawa owasin en unpi kin hena koya.

17 Wicaštayatapi winohinca oie kin de winohinca owasin en u kta nakaes, hecen iye istapi en hihnaku šicewicakidapi kta; Ahašuerus wicaštayatapi kin Vašti wicaštayatapi winohinca kin he iye itokam aupi kta keya, tuka iye hi šni cee oyakapi kinhan.

18 Persia qa Media winohincapi kin hena wicašta ihdawapi wicaštayatapi tawa, anpetu kin de wicaštayatapi winohinca ohan nahonpi kin iyulpa hecen awicayuptapi ecee kta. Kinhan šicekicidapi qa kicizapi ota kta ce.

19 Wicaštayatapi kin ekta he wašte kinhan, iye etanhan wicaštayatapi oie wanjı ye kta, qa he

Persia qa Media woope kin en opeya owapi kta, hecen yutokecapi kte šni, Vašti icimana Ahašuerus wicaštayatapi kin itokam u kte šni: qa wicaštayatapi tohe tawa kin he tuwe tokeca sanpa wašte kin he wicaštayatapi kin qu kta ce.

20 Unkan wicaštayatapi tawokonze kađe cin he wicaštayatapi toun owancaya nahonpi kinhan—he tanka nakaes—hehan winohinca owasin, tankapi qa cistinpidan, hihnakupi kin wicahduonihanpi kta ce, eya.

21 Unkan wicoie kin he wicaštayatapi kin waštedaka, qa wicašta ihdawapi kin nakun: hecen wicaštayatapi kin Memukan oie kin eciyatanhan ecen econ.

22 Unkan wicaštayatapi makocce ounyanpi tawa kin owasin ektakta wowapi ye ši, ounyanpi otoiyohi kin iye wowapi kin eciyatanhan, qa oyate otoiyohi iye iapi kin ohnahna, wicašta otoiyohi iye ti kin ohna itancan kta: unkan oyate iapi tawa kin ohnahna oyakapi ecee.

WICOWOYAKE 2.

1 Wicoie kin dena iyohakam, Ahašuerus wicaštayatapi tocan-teptanye kin anaptapi qehan, Vašti kiksuye ąa taku econ qon he, qa token wakiconzapi nakun.

2 Hehan wicaštayatapi tawowidake okiyapi ecec kin hena heyapi; Wikoška aškatudan owanyag waštešte kin heca wicaštayatapi kin kicicalniğapi kta;

3 Qa wicaštayatapi kin iye tokiconze en makoce owasin ohnahna wowa wicašta wicakalniğe kta, hecen hena wikoška aškatudan owanyag waštešte kin iyulpa Šušan conkaške kin en wino-

WICOWOYAKE 2.

hinca tipi kin ekta mnawicayapi kta, Hege wicaštayatapi taokiye winohinca awanwicayaka ecee kin he nape ihukuya; qa taku on ihduskapi kte cin wicaqupi kta.

4 Qa wikoška tukte wanji wicaštayatapi išta kin en wašte kinhan hee Vašti eekiya wicaštayatapi winohinca kta ce. Unkan wicoie kin he wicaštayatapi išta kin en wašte: unkan ecen econ.

5 Šušan conkaške kin ohna Juda wicašta wan yanka, qa caje kin he Mordekai ee, Jair cinhintku, Šimej cinhintku, Kiš cinhintku, Benjamin wicašta:

6 He qe Jerusalem etanhan wayaka ayapi, Jekoniah Juda wicaštayatapi wayaka ayapi qon he opeya ayapi, Nebukadnezzar Babel wicaštayatapi wayaka akiyahde ciqon he en.

7 Unkan he Hadassah icaškiya, Esther hee, iye deksitku cunwintku; he atkuku qa hunku wani-ca nakaes, unkan wicinyanna kin ounce wašte qa owanyag wašte: he atkuku qa hunku tapi qehan Mordekai iye cunwintku ye kta on ikikeu.

8 Hecen kaketu, wicaštayatapi oie qa tawokonze nahonpi qehan, qa wikoška ota Šušan conkaške kin ohna, Hege nape ihukuya, wicayuwitayapi qehan, Esther nakun wicaštayatapi ti kin ekta ahipi, Hege winohinca awanwicayaka ecee kin nape kin en.

9 Unkan iye išta kin en wikoška kin he wašte, qa iye itokam wowacantkiye iyeya; hecen taku on ihduska kte cin hena ohankoya qu iyeya, taku tawa kte cin ahna, qa winyan ookiye šakowin wicaštayatapi ti kin etanhan qupi kta iyecece cin

hena koya: unkan iye qa ooki-yewin tawa kin hena winohinca tipi ohna tukten iyotan wašte ekta ewicahnaka.

10 Esther iye taoyate qa taku-wicaye cin hinyahin kpazo šni; Mordekai he ohdake šni ši nakaes.

11 Unkan anpetu otoiyohi Mordekai winohinca tipi hocoka kin itokam mani ece, Esther tanyan un hecinhan, qa taku ecakiconpi kte cin he sdonye kta.

12 Unkan wikoška iyohi eca, Ahasuerus wicaštayatapi kin ekta ye kta, wi ake nonpa winohinca ohanpi kin eciyatanhan un qehan;—ihduskapi kta anpetu kin hecen hduštanpi ecee, wi šakpe mur ihdi unpi kin on, qa wi šakpe taku waštemna kin on, winohinca econpi ecee kin iyececa:

13 Hehan wikoška kin hecen wicaštayatapi kin en ya ece; iye winohinca tipi etanhan wicaštayatapi ti kin ekta yuha ye kte cin taku da kin owasin qupi ecee.

14 Htayetu hehan iyaya, qa ihanhanna hehan winohinca tipi inonpa kin ekta hdicu, Šaašgaz wicaštayatapi taokiye winohinca tawa awanwicayake cin he nape kin ekta: ake icimana wicaštayatapi kin en ku šni, wicaštayatapi kin wašte dake šni, qa caje-yan kico šni kinhan.

15 Unkan Esther Abihail cunwintku Mordekai deksitku, eqe cunwintku kta icu qon he wanna wicaštayatapi kin en ye kta iyehantu qehan, Hege wicaštayatapi taokiye winohinca awanwicayaka ecee kin he taku caje-yate cin heceedan da. Unkan Esther tona wanyakapi kin owasin išta kin en wowacantkiye iyeya ece.

ESTHER,

16 Hecen Esther wicaštayatapi ti kin ohna Ahašuerus wicaštayatapi kin ekta eyakupi, wi iwikiemna kin en, Tebeth wi kin hee, iye tokiconze waniyetu išakowin kin en.

17 Unkan wicaštayatapi kin winohinca owasin isanpa Esther waštekidaka, qa iye išta kin en wowacantkiye qa woiyokipi iye-ya, wikoška iyulpa isanpa: hecen wicaštayatapi tawapaha kin he iye pa kin akan ehnaka, qa Vašti eekiya wicaštayatapi winohinca kağa.

18 Hehan wicaštayatapi kin iye wicašta ihdawapi qa tawowidake owasin wayatkanpi tanka wan wicakicağa, Esther wayatkanpi tawa; qa makoce ounyanpi kin woozikiye wicaqu, wicaštayatapi tookihi eciyatanhan wawicaqu ece.

19 Unkan wikoška inonpa mniciyapi hehan Mordekai wicaštayatapi tatiyopa kin en iyotanka.

20 Esther nahanlin takuwicaye ça taoyate kin kpazo šni, Mordekai econ ši qon iyececa: Esther Mordekai taku eye cin ecen econ nakaes, kici icage ciqon he iyececa.

21 Anpetu kin hena en, Mordekai wicaštayatapi tatiyopa ohna iyotanka icunhan, Bigthan qa Teres, wicaštayatapi taokiyenonpa tiyopa awanyakapi kin hena šihdapi, qa Ahašuerus wicaštayatapi kin nape ahnakapi kta akitapi.

22 Unkan wicoie kin he Mordekai sdonya, qa Esther wicaštayatapi winohinca kin okiyaka; unkan Esther Mordekai caje eciyatanhan wicaštayatapi kin okiciyaka.

23 Unkan wicoie kin he akitapi qehan iyeyapi, qa napin can wanj en otkewicayapi. Unkan

he anpetu wicoie wowapi kin en owapi, wicaštayatapi kin itokam.

WICOWOYAKE 3.

1 Wicoie kin dena iyohakam Ahašuerus wicaštayatapi kin Haman, Hamedatha cinhintku, Agagi kin heca, he tanka kağa, qa yuwankan iyeya, qa toiyotanke kin wicašta ihdawapi om un kin owasin wiciwankam ekicihde.

2 Unkan wicaštayatapi tawowidake wicaštayatapi tatiyopa ohna unpi kin owasin canpeška makehde inajinpi, qa Haman ohodapi ecee; iye on wicaštayatapi kin hecen econ wicaši nakaes. Tuka Mordekai canpeška makehde inajin šni qa ohoda šni.

3 Hehan wicaštayatapi tawowidake wicaštayatapi tatiyopa ohna unpi kin heña Mordekai heciyapi; Tokeca niye wicaštayatapi tawowaši kin acayakšin he.

4 Unkan kaketu, anpetu eca heciyapi ecee, tuka anawicagoptan šni, hehan Haman okiyakapi, Mordekai oie kin ecetu kta hecinhan wanyakapi kta: he qe Juda wicašta heca wanna owicakiyaka nakaes.

5 Unkan Mordekai canpeška makehde inajin šni qa ohoda šni ecee he Haman wanyaka, hehan Haman wocanteptanye ojudan.

6 Tuka Mordekai isnana nape ahnake kta he išta en woiyokipi šni; Mordekai taoyate kin kipazopi nakaes; heon etanhan Juda wicašta Ahašuerus tokiconze owancaya unpi iyulpa, Mordekai taoyate kin hena ihangye wacin.

7 Wi tokaheya kin en, Nisan wi hee, Ahašuerus wicaštayatapi tawaniyetu iake nonpa kin en, anpetu eca Pur, oeconna econpi

WICOWOYAKE 4.

hee, Haman itokam ehpeyapi ece, qa wi otoiyo hi en, iake nonpa, Adar wi kin hee, hehanyan.

8 Hehan Haman Ahasuerus wicaštayatapi kin heciya; Oya-te wan enanakiya unpi, qa nito-kiconze en makoce owasin ekta-kta oyate kin opeya yakonpi: unkan iye woope tawapi kin toktokeca, oyate owasin en, qa wicaštayatapi toope kin ahopapi šni ecee. Heon etanhan wica-štayatapi kin onšiwicada kta iyecetu šni.

9 Wicaštayatapi kin en he wa-šte kinhan, hena ihangyapi kta owapi kta: kinhan tona heconpi kta awanyakapi napepi kin en, miye mazaska woqin kektopa-wingē wickemna wicawaqu kta, hecen wicaštayatapi tawomna-yan kin en aupi kta ce.

10 Unkan wicaštayatapi kin iye nape etanhan mazanapcupe hdu-šdoka, qa Haman Hamedatha cinhintku Agagi kin, Juda oyate tokawicaye cin he qu.

11 Qa wicaštayatapi kin Ha-man heciya; Mazaska kin he niye ničupi, oyate kin he nakun, ništa en taku wašte kinhan eca-wicayecon kta ce.

12 Hehan wicaštayatapi wo-wapi kağapi tawa kin wicakico-pi, wi tokaheya en anpetu iake-yamni hehantu; unkan Haman econ wicaši kin owasin iyecen wowapi wicakicağapi, wicašta-yatapi taakicita tancanpi, qa ma-koce otoiyo hi en wicašta itancan kin, qa makoce owasin en oya-te otoiyo hi awanwicayakapi kin hena, iye wowapi kin eciyatan-han, qa oyate otoiyo hi iye iapi kin en; Ahasuerus wicaštaya-tapi caje kin on owapi, qa wica-štayatapi tamazanapcupe kin on apuspapi ece.

13 Unkan wowapi kin hena

inyankapi napepi on wicaštaya-tapi tamakoce kin owasin ekta-kta yeyapi, waihangye kta, wi-cakte kta, qa awihnuniwicaye kta, Juda wicašta iyulpa, aška-tudan qa wanakaš wotapi, ho-kšiyopa qa winohincapi, anpetu wanjidan en, wi iake nonpa, Adar wi kin hee, anpetu iake yamni hehantu; qa tawałpayapi kin icupi kta.

14 Wowasi wowapi akta owapi makoce otoiyo hi en wicaqupi kte cin he oyate owasin wicakiyao-taninpi, anpetu kin he itokam wiyeya unpi kta e heon.

15 Unkan inyankapi kin hena iyayapi, wicaštayatapi oie kin on yuinalniwicayapi: unkan wo-konze kin he Šušan conkaške kin ohna kağapi. Hehan wica-štayatapi kin hee qa Haman wa-yatkan iyotankapi; tuka Šušan otonwe kin cante šice linca.

WICOWOYAKE 4.

1 Hehan Mordekai taku econpi kin owasin sdonye cehan, Mor-dekai wokoyake hdułdełdeca, qa wakihdaka calhota ko kičun, qa otonwe kin ocokaya ekta iya-ye ca woceye tanka qa pa linca on šicahowaya:

2 Qa wicaštayatapi tatiyopa kin hee kaeš itokam hiyu: waki-hdaka unpi tuwedan wicaštaya-tapi tatiyopa kin ohna tin hiyu kte šni nakaes.

3 Nakun makoce owasin tukten wicaštayatapi oie qa tawokonze kin ee hi kin en, Juda oyate ehna wicaceya tanka, qa wote šni unpi, qa ceyapi, qa šicaho-wayapi, qa wicota wakihdaka calhota ko ohna wankapi ecee.

4 Hecen Esther tawikoška kin iye en hipi, tawowidake kin na-kun he okiciyakapi. Hehan wi-

ESTHER,

caštayatapi winyan kin is nina iyokisica, qa wokoyake Mordekai koyake kta e kaye wicaši, qa wakihdaka kin ekiciyakupi kta: tuka iye icu šni.

5 Hehan Esther Hatak, wicaštayatapi tawowidake wan, itokam najin ši qon he kico, qa Mordekai ekta ye ši, he taku he, qa tokeca hecinhan, he sdonye kta.

6 Hecen Hatak tankan iyaya, Mordekai ekta, otonwe hocoka kin ohna, wicaštayatapi tatiyopa kin itokam hetu.

7 Unkan Mordekai taku akipe cin owasin he okiyaka, qa mazaska oyakapi, tona Haman wicaštayatapi mazaska opiye tawa kin en, Juda oyate on elpeye kta keye cin, hena ihangyapi kta e heon.

8 Nakun wokonze wowapi owapi wan, ihangwicayapi kta on Šušan ekta wicaqupi qon he qu, Esther kipazo kta, qa okiyake kta, qa wicaštayatapi kin ekta ye ši kta, cekiye kta, qa iye taoyate on wocekiye ekiciye kta.

9 Unkan Hatak hdicu qa Mordekai oie kin Esther okiyaka.

10 Akeš Esther Hatak kici ie ça Mordekai ekta ye ši:

11 Wicaštayatapi tawowidake owasin, qa makoce wicaštayatapi tawa en oyate kin he de sdonyapi ecee, tuwe kašta, wicašta qa winohinca owasin, kicopi šni kinhan, hocoka mahentu kin en wicaštayatapi kin ekta tin hiyu kinhan, on tawokonze wanjidan, he ktepi kta; tuwe wicaštayatapi nikiye kta on mazaskazi sagye kin kipazo šni kinhan. Tuka miye qe wanna anpetu wikcemna yamni hehanyan wicaštayatapi kin ekta u mašipi šni ce.

12 Unkan Esther oie kin Mordekai okiyakapi.

13 Hehan Mordekai Esther decen ayuptapi kta keya: Juda oyate iyuhpa isanpa niye wicaštayatapi ti ohna tanhan nayašdoke kta ninagi en kecin šni wo:

14 Dehantu hin niye ocowasin inina yaun kinhan, wowanikiye qa woehdaku Juda oyate kin tokantanhan en wicahi kta; tuka niye qa niyate ti kin ihangniyanpi kta; unkan taku dececa on wicaštayatapi toyanke kin en yahi hecinhan tuwe sdonya he.

15 Hehan Esther Mordekai decen ayuptapi kta keya:

16 Ye ça Juda oyate Šušan en ounyanpi kin iyuhpa mniciye wicaši ye, qa miye on wote šni unpe, han, anpetu yamni wotapi šni qa wayatkanpi šni pe, hanyetu qa anpetu: miš eya wikoška mitawa koya wote šni unyakonpi kta: unkan hecen wicaštayatapi kin en mde kta, he woope kin eciyatanhan šni qeyaš: qa hecen maše cinhan maše kta ce.

17 Unkan Mordekai iyaye ça Esther taku econ ši qon owasin ohnayan yušan.

WICOWOYAKE 5.

1 Unkan anpetu iyamni qehan kaketu, Esther wicaštayatapi ihduze ça wicaštayatapi tahocka mahentu kin ohna inajin, wicaštayatapi ti kin iyotakonza: unkan wicaštayatapi kin he wicaštayatapi ti ohna wicaštayatapi toiyotanke kin akan kiyotanka yanka.

2 Unkan kaketu, wicaštayatapi kin Esther wicaštayatapi winohinca hocoka ohna najin wanhdake cehan, iye išta en wocantekiye iyeya: unkan wicaštaya-

WICOWOYAKE 6.

tapi kin mazaskazi sagye nape ohna hduhe cin he Esther kipazo. Hecen Esther kiyedan u qa sagye pa kin yutan.

3 Hehan wicaštayatapi kin heciya; Esther wicaštayatapi winohinca, taku yacin he, qa yada kte cin he taku he: wokiconze kin hanke hehanyan kinhan niçupi kta ce.

4 Hehan Esther heya ayupta; Wicaštayatapi kin en wašte kinhan, wayatkanpi wan anpetu kin de wicaštayatapi wecage cin he en Haman kici u kta ye.

5 Hehan wicaštayatapi kin heya; Haman inahnikiya po, hecen Esther oie kin ohnayan econ kta. Hecen wicaštayatapi kin he qa Haman wayatkanpi Esther kage ciqon he en hipi.

6 Unkan miniša yatkanpi kin en wicaštayatapi kin Esther heciya; Wocekiye nitawa kin tukte e he, kinhan niçupi kta: qa taku yada kte cin tukte e he, wokiconze hanke kin hehanyan ecen ecaniconpi kta ce.

7 Hehan Esther ayupte ça heya; Mitawocekiye qa taku wada kin;

8 Wicaštayatapi išta kin en wocantekiye iyewaye cinhan, qa mitawocekiye ayupte kta wicaštayatapi waštedake cinhan, qa taku wada kin ecen econ kta hecinhan, wicaštayatapi qa Haman wayatkanpi wicawecage kte cin he ekta upi kta, kinhan wicaštayatapi eye cin he heyakecinhan ecen ecamon kta ye.

9 Hehan anpetu kin he Haman wiyuškin, qa hetanhan cante wašteya kihda: tuka Mordekai wicaštayatapi tatiyopa ohna, iye on najin šni qa ihduškanškan šni Haman wanyake çehan, hehan Mordekai on Haman nina canteptanyan.

10 Tuka Haman ținsiciya: un-

kan iye ti kin ekta ki qehan yewicași, qa iye takuwicaye cin wicakico, qa tawicu Zereš nakun.

11 Qa Haman iye towijice wowan kin owicakiyaka, qa cinca wicota nakun, qa taku owasin on wicaštayatapi yuwankan iyeya, qa wicaštayatapi tawowidake qa wicašta ihdawapi kin hena wiciwankam ehnae cin.

12 Nakun Haman heya; Han, Esther wicaštayatapi winohinca kin he wayatkanpi kage cin tuwedan wicaštayatapi kin kici en ya iyowinkiyen šni, tuka mišnana; qa heyakecinhan nakun wicaštayatapi kin kici iye en micopi;

13 Tuka dena owasin taku šni wadake, tohanyan Mordekai Juda wicašta kin wicaštayatapi tatiyopa en iyotanka wanmdake cinhan.

14 Hehan tawicu Zereš qa takuwicaye cin owasin heciyapi; Can wan obosdatu wicišpa wicemna zaptan kin he kagapi kta, qa heyakecinhan Mordekai he en otkeyapi kta wicaštayatapi kin keyakiye kta; hehan wayatkanpi kin en wicaštayatapi kici wiyuškinyan ya wo. Unkan wicoie kin he Haman waštedaka: hecen can kin he kaš wicași.

WICOWOYAKE 6.

1 Hanyetu kin he en wicaštayatapi kin ištınma okihi šni, qa anpetu wicoie wowapi owapi qon he ahiwicași: unkan wicaštayatapi kin itokam hena yawapi.

2 Unkan Bigthana qa Tereš, wicaštayatapi tawowidake nonpa, tiyopa awanyakapi ecee qon, hena Ahašuerus wicaštayatapi kin nape ahnakapi kta akitapi qon he en owapi iyeyapi, he Mordekai oyake ciqon.

3 Unkan wicaštayatapi kin he-

ESTHER,

ya; De on taku wowitan qa woyuonihan Mordekai ecakiconpi he. Hehan wicaštayatapi tawowidake en okiyapi ecee kin hena heciyapi; Takudan ecakiconpi šni ce.

4 Hehan wicaštayatapi kin heya; Tuwe hocoka kin en un he. Wanna Haman wicaštayatapi ti hocoka tankantu kin en hi, can wan kicađe cin en Mordekai otkeye kta e wicaštayatapi keciye kta e heon.

5 Unkan wicaštayatapi tawowidake kin heciyapi; Iho, Haman hocoka kin en najin ce. Unkan, Tin u kta ce, wicaštayatapi kin eya.

6 Hecen Haman timahen hi. Unkan wicaštayatapi kin heciya; Tuwe wicaštayatapi yuonihan kta iyokipi kin he taku ecakiconpi kta iyececa he. Unkan, Tuwe miye kin isanpa wicaštayatapi kin yuonihan iyokipi kta he, Haman cante ekta ecin.

7 Hehan Haman wicaštayatapi kin ayupta; Wicašta tuwe wicaštayatapi yuonihan iyokipi kin,

8 He on wicaštayatapi tawokoyake wicaštayatapi un ecee, qa šuktanka wicaštayatapi akan iyotanka ecee kin, qa wicaštayatapi tawapaha iye pa kin akan ehnakapi ecee kin hena aupi kta;

9 Qa wokoyake qa šuktanka kin hena wicašta ihdawa iyotanpi wicaštayatapi tawa wanji nape en qupi kta, hecen wicašta kin tuwe wicaštayatapi kin yuonihan iyokipi kin he koyagyapi kta, qa šuktanka akan otonwe canku kin opta hiyuyapi kta, qa itokam, Wicašta kin tuwe wicaštayatapi yuonihan iyokipi kin he decen ecakiconpi ecee kta ce, eya eyanpahapi kta ce.

10 Hehan wicaštayatapi kin

Haman heciya; Inašni wo, wokoyake kin he, qa šuktanka kin icu wo, ehe cin iyececa, qa Mordekai Juda wicašta wicaštayatapi tatiyopa en iyotanke cin he iyecece linca ecakicon wo: taku tona ehe cin wicoie wanjidan ecetu šni wanice kta.

11 Hehan Haman wokoyake qa šuktanka kin icu, qa Mordekai koyagya, qa otonwe canku kin ohna šuktanka akan iyotangkiya, qa itokam eyanpaha, Wicašta tuwe wicaštayatapi yuonihan kta iyokipi kin he decen ecakiconpi kta ce.

12 Unkan Mordekai wicaštayatapi tatiyopa kin en hdi. Tuka Haman iye tilekta inašni ceya kihda, qa pa ahdašpa.

13 Unkan Haman iye tawicu Zereš qa takuwicaye cin taku akiye cin owasin owicakiyaka. Hehan wicašta ksapapi tawa qa tawicu Zereš hena hecen eciyapi; Mordekai itokam hinšpaye niyanpi kin ege Juda wicoicađe kin etanhan hecinhan, niye ohiyaye kte šni, tuka hinšpayapi on nihinšpaye kta ce.

14 Unkan kiei wohidakapi icunhan, wicaštayatapi tawowidake kin hena hipi, qa Esther wayatkanpi kađe cin ekta inašni yeyapi.

WICOWOYAKE 7.

1 Hehan wicaštayatapi qa Haman Esther wayatkanpi kađe cin en hipi.

2 Unkan miniša yatkanpi anpetu inonpa kin en wicaštayatapi kin ake Esther heciya; Esther wicaštayatapi winošhinca, nita-wocekiye kin tukte e he: unkan aniyuptapi kta: qa taku yada kin tukte e he; kinhan ecaciconpi kta ce, wokiconze hanke kta hehanyan.

WICOWOYAKE 8.

3 Hehan Esther wicaštayatapi winohinca kin waayupte ɕa heya; Wicaštayatapi, ništa en wowaonsida iyewaye ɕa wicaštayatapi kin iyokipi kinhan, wani kte cin he mitawocekiye on maqupi kta, qa wada on mitaoyate kin hena:

4 Wiyopeunkiyapi nakaeś, miye qa mitaoyate, ihangwicayapi kta, wicaktepi kta, qa atakunipi kte śni heon. Tuka wicašta wowidake qa winyan wowidake kin heca kta wiyopeunkiyapi unkanś inina waun kta tuka; toka kin wicaštayatapi taku akicitakuni śni kin yuwašte okihi śni qeyas.

5 Hehan Ahaśuerus wicaštayatapi kin waayupte, qa Esther wicaštayatapi winohinca kin heciya; He tuwe he, qa tukten un he, cante on hecen econ wacin kta he.

6 Unkan Esther heya; Wicašta wawakipajin qa toka kin Haman śice cin dee ye, eya. Hehan wicaštayatapi qa wicaštayatapi winohinca kin wicitokam Haman nihinciya.

7 Hehan wicaštayatapi tośin-hda on miniśa yatkanpi kin etanhan najin hiyaya, tipi tanka tawoju kin ekta. Unkan Haman iye nađi on Esther itokam cekiya inajin; wicaštayatapi kin en wanna taku śica kiciyuśtanpi wanyaka nakaeś.

8 Hehan wicaštayatapi kin tipi tanka tawoju kin etanhan miniśa yatkanpi owanka kin en hdi; unkan owinja Esther akan wanke cin he Haman ahinhpaya yanka. Hehan wicaštayatapi kin heya; Nakun tipi ohna mitokam wicaštayatapi winohinca kin kikśan kta he. Wicoie kin he wicaštayatapi i kin etanhan enanpe ɕehan Haman ite akalhpapi.

9 Hehan Harbonah, wowidake wanji iś wicaštayatapi kin itokam heya; Can kin wiciśpa wickemna zaptan wankantu, Haman Mordekai kicađa, eqe wicaštayatapi taku wašte eciya tuka, he Haman ti kin ohna han e wanyaka ye. Hehan wicaštayatapi kin heya; En otkeya po.

WICOWOYAKE 8.

1 Anpetu kin he en Ahaśuerus wicaštayatapi kin Haman Juda oyate tokawicaye cin hee tiyohnaka tawa kin Esther wicaštayatapi winohinca kin qu. Unkan Mordekai wicaštayatapi kin itokam hi; token takuye cin he Esther okiyaka nakaeś.

2 Unkan wicaštayatapi kin mazanapcupe Haman ekicihdaku qon he hduśdoka qa Mordekai qu. Unkan Esther Haman ti kin en Mordekai itancan kađa.

3 Unkan Esther akihdeye ɕa wicaštayatapi kin itokam ie ɕa siha kin en makata ehpeiɕiye ɕa Haman Agag wicašta kin taku śica kađe ɕa woawacin Juda oyate kin awicawakicin kin he yutokan iyeye kta e ceya icekiya.

4 Hehan wicaštayatapi kin mazaskazi sagye kin Esther kipazo. Hecen Esther najin hiyaye ɕa wicaštayatapi kin itokam inajin:

5 Qa heya; Wicaštayatapi kin en he wašte kinhan, qa iye itokam wocantekiye iyewaye cinhan, qa wicoie kin he wicaštayatapi kin itokam owotanna kinhan, qa iye išta en miye mawašte kinhan, Haman Hamedatha cinhintku, Agag wicašta kin, Juda oyate wicaštayatapi tamakoce owasin ohna unpi kin hena ihangye kta on wowapi kađe ciqon;

ESTHER,

wokonze kin he ecetu šni ye kta e wowapi kağapi nunwe :

6 Ecin token owakihi kta, qa mitaoyate taku šica awicau kta en ewatonwe kta he ; qa token owakihi kta, qa mitakuye ihang-yapi kta wanmdake kta he.

7 Hehan Ahašuerus wicaštaya-tapi kin Esther wicaštayatapi winohinca qa Mordekai Juda wicašta kin hewicakiya ; Wanyaka wo, Haman tiyohnaka kin wanna Esther waqu ; unkan iye hinca can wan en otkeyapi, Juda oyate nape awicahnake cin heon etanhan.

8 Nakun niyepi, token iyonicipi, hecen Juda oyate on wowapi kağa po, wicaštayatapi caje en, qa wicaštayatapi mazanapcupe tawa on apuspa po : wowapi kin tukte e wicaštayatapi caje en kağapi, qa wicaštayatapi mazana-peupe tawa on apuspapi kinhan tuwedan ecetu šni ye kte šni ece.

9 Hehan anpetu kin he en wicaštayatapi wowapi kağapi tawa kin hena wicakicopi, wi iyamni kin en, Sivan wi kin hee, anpetu wikcemna nonpa sanpa iyamni kin hehantu ; unkan wowapi, Mordekai token econwicaši kin owasin eciyatanhan, Juda oyate, qa wicaštayatapi, qa wicašta ihdawapi, qa India etanhan Kuš behanyan makoce en itancanpi, makoce opawinge sanpa wikcemna nonpa sanpa šakowin, wowapi wicakicağapi ; makoce otoiyohi tawowapi kin eciyatanhan, qa oyate otoiyohi iapi tawapi eciyatanhan, qa Juda oyate iye tawowapi qa iapi tawapi kin eciyatanhan.

10 Unkan Ahašuerus wicaštaya-tapi caje kin en wowapi kağa, qa wicaštayatapi mazanapcupe tawa kin on apuspa ecee : qa wowapi kin hena inyankapi napepi on

yeya, šuktanka akan iyotankapi, šonšonna akan, kamel akan, šunka wakan cincapi akan.

11 He on wicaštayatapi kin Juda oyate otonwe otoiyohi en unpi kin hecen wicaqu, witaya mniciyapi kta, qa iye nağipi on najinpi kta, waihangye kta, wicakte kta, qa makoce qa oyate tona takpe wicaupi kin he wowašake oco-wasin yutakuni kte šni, hokšiyo-pa qa winohinca, qa tawaḥpaya kin icupi kta ;

12 Anpetu wanjidan en, Ahašuerus wicaštayatapi tamakoce iyulḥpa ohnahna, wi iake nonpa, Adar wi kin hee, anpetu iakeyamni kin en.

13 Wowapi owapi woope on makoce owasin en wicaqupi kin he oyate iyulḥpa wicakiyaotaninpi, qa Juda wicašta kin hena anpetu kin he en tokawicayapi kin towicakiḥonpi kta ihduwitayapi kta.

14 Inyankapi kin hena šonšonna kamel ko akan yanka iya-yapi, wicaštayatapi oie on wicayuduzahanpi, qa inahni wicayapi. Unkan Šušan conkaške kin en woope kin he wicaqupi.

15 Hehan Mordekai wicaštayatapi tawokoyake to qa ska, qa mazaskazi watešdake tanka wan un, qa šina wan ska qa duta in, wicaštayatapi kin etanhan iyaya. Unkan Šušan otonwe kin wiyuškin qa cante wašte hinca.

16 Unkan Juda oyate kin iyo-yanpa, qa cante waštepi, qa woyu- wiyuškin qa woyuonihan yuhapi.

17 Unkan makoce otoiyohi en, qa otonwe otoiyohi en, tukte etu wicaštayatapi oie qa toope kin ekta hi eca, Juda wicašta kin wowiyuškin qa wicocante wašte, wotapi qa anpetu wašte

WICOWOYAKE 9.

yuhapi ece. Unkan makece oyate kin ota Juda wicašta icağapi: Juda oyate tawokokipe kin awicahinłpaya nakaes.

WICOWOYAKE 9.

1 Unkan wi iake nonpa kin en, Adar wi kin hee, anpetu iakeyamni kin en, wicaštayatapi oie qa toope wanna econpi kta kiyedan aye çehan, anpetu kin he en tokawicayapi kin hena Juda wicašta kin wicaktepidan kta kecinpi tuka qon—ešta he yuecetupi śni, qa Juda oyate kin tona śice wicadakapi qon hena wicaktepidan:

2 Juda wicašta kin Ahašuerus wicaštayatapi tamakoce kin owasin ohnahna, iye totonwepi kin en mniciyapi, tona kiunniwicaye wacinpi tuka qon hena nape awicaputakapi kta: Unkan tuwedan wicitkokim najin okihi śni; hena kowicakipapi kin oyate owasin awicahinłpaya nakaes.

3 Unkan makece kin ohnahna wicaštayatapi owasin, qa wicašta ihdawapi, qa wicašta itancanpi, qa wicaštayatapi taakicita kin Juda wicašta owicakiyapi ecee: Mordekai kokipapi kin awicahinłpaya nakaes.

4 Mordekai wicaštayatapi ti kin ohna tanka nakaes, qa tawotanın makece owasin ektakta iyaya. Mordekai wicašta kin de icağe qa tanka aya ece.

5 Hecen Juda wicašta tona tokawicayapi kin iyulpa mazasagye apapi qa wicaktepi, qa ihangwicayapi on awicapapi, qa token tawacinpi tona śicewicadakapi qon ecawicakiconpi ece.

6 Unkan Śusan conkaške kin ohna Juda oyate kin wicašta opawinge zaptan ecetu wicaktepi qa ihangwicayapi.

7 Qa Pařsandatha, qa Dalphon, qa Aspatha,

8 Qa Poratha, qa Adalia, qa Aridatha,

9 Qa Parmašta, qa Arisai, qa Aridai, qa Vajezatha,

10 Haman Hamedatha cinhintku, Juda oyate tokawicaye ciqon he cinca wikcemna kin hena wicaktepi; tuka tawalıpayapi kin nape ahnakapi śni.

11 Anpetu kin he en. tona Śusan conkaške kin en wicaktepi wicayawapi kin he wicaštayatapi kin itokam ahipi.

12 Hehan wicaštayatapi kin Esther wicaštayatapi winohinca kin heciya; Śusan conkaške kin ohna Juda wicašta kin wicašta opawinge zaptan wicaktepi qa ihangwicayapi, qa Haman cinhintku wikcemna kin hena: wicaštayatapi tamakoce unmapi kin ohnahna taku econpi he: Wanna nitawocekiye tukte e he; unkan aniyuptapi kta: qa taku sanpa yada kin tukte e he; kinhan ecen ecaniciconpi kta ce.

13 Unkan Esther heya; Wicaštayatapi kin en he wašte kinahan, anpetu kin de wokonze kin he iyecen nakun Juda wicašta Śusan en unpi kin heyakecinhan iyecen econpi kta e wakiconzapi nunwe, qa Haman cinhintku wikcemna kin hena can akan otkewicayapi kta ye.

14 Unkan wicaštayatapi kin hecen econpi kta keya: qa wokonze kin he Śusan en wicaqupi: unkan Haman cinca wikcemna kin hena otkewicayapi.

15 Hehan Juda wicašta Śusan en unpi kin hena Adar wi kin anpetu iake topa kin en nakun witaya iheyapi, qa Śusan ohna wicašta opawinge yamni wicaktepi; tuka tawalıpaya kin nape ahnakapi śni.

ESTHER,

16 Tuka Juda wicašta unmapi wicaštayatapi tamakoce kin ohnahna unpi kin hena widwita ya mniciyapi, qa iye naḡipi on najinpi, qa tokawicayapi kin etanhan oziiciyapi, qa tokapi kin kektopawinge wikcemna šakowin sanpa kektopawinge zaptanwicaktepi, tuka tawahpayapi kin nape ahnakapi šni;

17 Adar wi kin anpetu iakeyamni kin en; qa anpetu iaketopa kin en oziiciyapi, qa wotapi, qa wiyuškinpi anpetu kaḡapi.

18 Tuka Juda wicašta Šušan en unpi qon hena anpetu iakeyamni qa nakun anpetu iaketopa kin en witaya iheyapi; qa anpetu iakezaptan kin en oziiciyapi, qa he wotapi anpetu qa wiyuškinpi kaḡapi.

19 Heon etanhan Juda oyate makomdaye otonwe kin ohna, otonwe acankaškanpi šni ohnahna tipi kin hena Adar wi anpetu iaketopa kin he wiyuškinpi qa wotapi qa anpetu wašte kaḡapi, qa otoiyohi taku kicičupi ece.

20 Unkan Mordekai wicoie kin dena owa, qa Juda oyate Ahašuerus wicaštayatapi tamakoce ohnahna unpi kin owasin wowapi wicakicaḡa, kiyedan qa tehan unpi kin.

21 Omaka owasin en, Adar wi kin anpetu iaketopa qa nakun anpetu iakezaptan kin ahopapi kta e wicakiciyuštan kta:

22 Anpetu kin hena en Juda oyate kin tokawicayapi etanhan oziiciyapi, qa wi kin he woiyokišice etanhan wowiyuškin iwicakicaḡa, qa wicaceya anpetu wašte icage ciqon: heon anpetu kin hena wotapi qa wowiyuškin kaḡapi kta, qa otoiyohi taku kicičupi kta, qa wahpanica wawicačupi ecee kta.

23 Unkan Juda wicašta kin he ohnayan econpi ecee kta icupi, qa Mordekai wowapi wicakicage cin he ohnayan.

24 Haman Hamedatha cinhintku, Agag wicašta, Juda wicašta owasin tokawicaye ciqon, Juda oyate kin ihangwicaye kta awacin, qa on Pur ehpeya, oeconna hee, on wicayutakuni kte šni qa ihangwicaye kta e heon.

25 Tuka iye—*Esther*—wicaštayatapi kin itokam hiyu qehan, ege woawacin šica Juda oyate wicakiconza qon he iye pa kin en hdiłpaye kta, qa iye hinca cincawicaye cin hena koya can en otkewicayapi kta e wowapi on econwicaši.

26 Heon etanhan anpetu kin dena Purim eya cajeyatapi, Pur caje kin he eciyatanhan. Heon etanhan wowapi kin de wicoie owasin on, qa de on taku wanyakapi, qa taku akipapi kin on etanhan,

27 Juda oyate wakiconzapi, qa iyepi hinca on icupi qa iye cincapi kin on, qa nakun tona en ihdaškapi kin hena owasin on, qa ecetu šni wanice kta, hecen anpetu dena oza wowapi iyecen opapi kta, qa waniyetu owasin en omaka iyehantu kin eciyatanhan:

28 Qa anpetu kin dena kiksuyapi kta, qa wicoicage qa wicoicage kin en opapi kta, wicowazi qa wicowazi, makoce qa makoce, otonwe qa otonwe kin en: qa Purim anpetu kin dena Juda oyate kin en ecetu šni wanice kta, qa okiksuye kin iye cincapi kin etanhan atakuni šni wanice kta.

29 Hehan Esther Abihail cunwintku, wicaštayatapi winohinca kin he, qa Mordekai Juda wicašta kin wowašake ocowasin on

WICOWOYAKE 10.

wowapi kaḡapi, Purim wowapi inonpa kin de yusutapi kta.

30 Unkan wowapi kin hena Juda wicašta owasin ekta yeya, Ahašuerus tokiconze kin en, ma-koce opawinge sanpa wikcemna nonpa sanpa šakowin ekta, woo-kiye qa wowicake oie ;

31 Purim anpetu kin dena yusutapi kta, omaka iyehantu eca, Mordekai Juda wicašta qa Esther wicaštayatapi winohinca econ wicašipi kin iyececa, qa iyepi hinca on qa iye cincapi on içi-conzapi qon he eciyatanhan, wotešni unpi qa howayapi wicoie kin hena.

32 Unkan Esther wakiconze cin he Purim oie kin dena yusuta: Unkan wowapi en kaḡapi.

WICOWOYAKE 10.

1 Unkan Ahašuerus wicaštayatapi kin he wicohtani wan maka kin ahnaka, qa miniwanca wita kin akan.

2 Unkan iye towašake qa too-kihi ohan kin owasin, qa Mordekai tanka oyakapi, on wicaštayatapi kin yutanka qon hena Media qa Persia wicaštayatapi anpetu iyohi wicoie wowapi kin en owapi šni he.

3 Mordekai Juda wicašta kin Ahašuerus wicaštayatapi kin iyokihe yanka, qa Juda oyate kin en tanka, qa iye hunkawanjitku wicota iyo-kipipi, iye taoyate towašte kin akita, qa wicoicaḡe tawa kin iyuhpa wookiye ewicakiya ece.

JOB.

WICOWOYAKE 1.

1 Uz maḡoce kin en wicašta wan Job eciyapi: unkan wicašta kin he ocowasin qa ecetu, nakun Wakantanka kokipe ḡa taku šica icunonpa iyaya ecee.

2 Unkan cinhintku šakowin qa cunwintku yamni kicitonpi.

3 Nakun tawanunyanpi kin hena tašin wanunyanpi kektopawinge šakowin, qa kamel kektopawinge yamni, qa tatanka kiciiyakaškapi kin opawinge zaptan, qa šonšonna wiye opawinge zaptan, qa taokiye ota hinca: hecen wicašta kin de wiyohiyanpata cinca owasin isanpa tanka.

4 Unkan cinhintku iyayapi, qa otoiyohi iye taanpetu en tipi tawa ohna wotapi ece: qa na-

kun tawinohtin yamnipi hena wahowicayapi qa om wotapi kta, qa wayatkanpi kta e wicakicopi.

5 Unkan kaketu, wotapi anpetu kin wanna ohomni iyayapi hehan Job wahowicaya qa wicayuwakan, qa hanhanna hin kikta, qa owasin iyawa iyecen wohu-ħnaḡe wošnapi kin wawicakiciyušna ecee. Job hecen eya nakaes; Okinni micinkši wahtanipi, qa iye cantepi etanhan Wakantanka eħpeyapi naceca. Anpetu owasin Job hecen econ ece.

6 Unkan anpetu wan Wakantanka cinca kin Jehowa itokam eiçihdepi kta hiyupi; qa Satan iš eya owicapeya hi.

7 Unkan Jehowa Satan heciya; Tokiyatanhan yau he. Hehan Satan Jehowa ayupta, qa, Maka

JOB,

kin en omawani qa ohna ohni-hdeya waun kin hetanhan, eya.

8 Unkan Jehowa Satan heciya; Job mitaokiye kin he nicante on awacanni he, maka akan tuwe-dan iyecece šni, wicašta ocowa-sin qa ecetu, Wakantanka kokipe ɕa taku šica icunonpa iyaya ecee.

9 Unkan Satan Jehowa ayupte ɕa heya; Taku šni on Job Wakantanka kokipa he :

10 Iye hinca ihdukšan conkaške wan yakađe šni he, qa iye ti kin ihdukšan, qa taku tawa iyuhpa iyohomni: iye nape ohan kin duwašte, qa tawanunyanpi kin maka akan yuotapi ecee.

11 Tuka wanna ninape ekta yekiye ɕa taku tawa owasin yutan.wo, kinhan awicakehan niite itokam ehpeniye kta.

12 Unkan Jehowa Satan heciya; Iho, taku tawa iyuhpa ninape ohna yanka; tuka iye hinca ihnuhan nape ayahnake cinhan. Hecen Satan Jehowa itokapatanhan tankan iyaya.

13 Unkan anpetu wan, hehan cinhintku qa cunwintku timdoyapi tokapa ti kin ohna wotapi qa miniša yatkan yukanpi.

14 Unkan wahoši wan Job en hi qa heya; Tatanka kin hena mahyumdupi, qa šonšonna kin is wicikiyedan wihanpi :

15 Unkan Šeba wicašta wata-kpe upi qa ewicayakupi: han, mazasagye hi kin on hokšipidan wicaktepi; qa miye mišnana nawajica ociciyake kta e wahihbu ce.

16 De iahan icunhan nakun wanji hi, qa heya; Peta Wakan-tanka tawa kin mahpiya eciya-tanhan hinhpaya, qa tahnca wanunyanpi hokšipidan ko hu-hnašwicaya qa ihangwicaya; qa miye mišnana nawajica ociciya-ke kta e wahihbu ce.

17 He ɕe iahan icunhan nakun wanji hi qa heya; Kasdim oyate kin ozuye yamni kaɕapi, qa kamel iyawicałpayapi qa aki-yahdapi; han, hokšipidan maza-sagye hi on wicaktepi; qa miye mišnana nawajica ociciyake kta e wahihbu ce.

18 He ɕe iahan icunhan nakun wanji hi qa heya; Nicinkši qa nicunkši timdoyapi tokapa ti kin ohna wotapi qa miniša yatkan yukanpi :

19 Unkan iho, tate wan tanka hinca hewoskan tanhan u, qa tipi oise topa kin en iyapa, qa koška kin awicahinhpaya, hecen hena tapi; unkan miye mišnana nawajica, ociciyake kta e wahi-hbu ce, eya.

20 Hehan Job najin hiyaya qa iye tašina hduhdehdeca, qa pa hdasar, qa makata hinhpaya qa cekiya;

21 Qa heya; Ina itpi kin etanhan tancodan hibu, qa ake tancodan ekta wahde kta: Jehowa wawicaqu ece, qa Jehowa wae-hdaku; Jehowa ɕaje kin yawa-štepi nunwe.

22 Dena owasin on Job wahtani šni, qa wowitkotkoka Wakan-tanka qu šni.

WICOWOYAKE 2.

1 Akeš anpetu wan hehan Wakantanka cinca kin Jehowa itokam eičihdepi kta hiyupi, unkan hena owicapeya Satan is eya Jehowa itokam eičihde kta hiyu.

2 Unkan Jehowa Satan heciya; Tokiyatanhan yau he. Unkan Satan Jehowa ayupte ɕa, Maka kin en omawani qa ohna ohni-hdeya waun kin hetanhan, eya.

3 Unkan Jehowa Satan heciya; Job mitaokiye kin nicante on awacanni he, maka akan tuwe-

WICOWOYAKE 3.

dan iyecece šni, wicašta ocowasin qa owotanna, Wakantanka kokipe ça taku šica icunonpa iyaya ece: qa taku on etanhan šni ihangwaye kta icantahdema-yaya qeyaš hinyahin toowotanna en wašagičiya ce.

4 Unkan Satan Jehowa ayupte ça heya; Wawaha wawaha on, han, taku wicašta yuhe cin iyuhpa iye nađi on qu kta.

5 Tuka wanna ninape yekiye ça iye hu qa celipi kin yutan wo; kinhan awicakehan niite itokam elpeniye kta ce.

6 Hehan Jehowa Satan heciya; Iho, ninape ohna yanka; tuka iye nađi kin patan wo.

7 Hehan Satan Jehowa itokapatanhan tankan kihda, qa šiyakao šica on Job apa, sicuha etanhan pesdete hehanyan.

8 Unkan maka cega onšpa icu, on ihdaqođe kta, qa cahota ehna iyotanka.

9 Hehan tawicu kin heciya; Hinyahin nitoowotanna en nihduwašaka he; Wakantanka elpeye ça řa ye.

10 Tuka Job heciya; Wino-hinca witkotkoka ie cin iyecen iyaa. Wakantanka etanhan taku wašte unkićupi kta he, qa taku šica nakun unkićupi kte šni he. De ocowasin en Job iye iha on wahtani šni.

11 Hehan Job takodaku yamni, taku šice cin de owasin akipa nañonpi qehan, otoiyohi iye tohe kin etanhan hiyupi; Eliphaz Temani, qa Bildad Šuhi, qa Zophar Naamathi: hecen wahokiciyapi, ihduwitayapi kta, onšikidapi kta e ekta yapi kta, qa kici ceyapi kta.

12 Unkan itehanyan išta yuwankan ikikćupi qehan, qa iyekiyapi šni, hehan ho hdawankan iyeyapi qa ceyapi; qa otoiyohi

tašina hduhdehdecapi, qa iye pa akan maka ahdadapi, małpiya ektakiya.

13 Hecen kici makata iyotankapi anpetu šakowin qa hanyetu šakowin; qa tuwedan wicoie wanjidan eciye šni; wayazanke cin he tanka hinca wanyakapi nakaes.

WICOWOYAKE 3.

1 He iyohakam Job taanpetu kin hdašice kta e i hdukawa.

2 Qa Job waayupte ça heya:

3 Anpetu en matonpi qon he atakuni šni nunwe; Qa hanyetu, Wicacinca wan icaga ce, eye ciqon.

4 Anpetu kin he otpaza icage kta: On Wakantanka wankan-tanhan wiwange kte šni; Qa iyo-yanpa kin aojanjan šni nunwe.

5 Otpaza qa wiconęe ohanzi opekiron kta: Małpiya šapa wan aunyan nunwe: Anpetu aohanzi kin hena wakokipe kicage kta.

6 Hanyetu kin he, otpaza iyahpaye kta: Owaniyetu anpetu kin ehna kokijuyapi kte šni: Wi yawapi kin en u šni nunwe.

7 Iho, hanyetu kin he wicaton wanice kta: Wowiyuškin ho kin en u šni nunwe.

8 Tona anpetu yašihćinpi ecee kin he yašicapi kta; Unktehi yuhica wayupikapi kin hena.

9 Anpao wicanłpi tawa kin he aotpasyapi nunwe; Iyoyanpa cantokpani kta, tuka wanice kta: Qa anpao ištojuha kin wanyake šni nunwe.

10 Ohna imacaga tiyopa kin ntake šni nakaes; Qa woiyokišice mišta anakicilhe šni.

11 Tokeca itpi kin etanhan ma-ęe šni he: Tamni etanhan hibu qa řa imdamde šni he.

12 Tokeca wicapahu kin itko-

JOB,

makipa he; Qa tokeca azepin-kpa, hecen awazin kta he.

13 Unkanś wanna imunke ça inina waun kta; Miśtinbe kta: hehan ozimiçiye kta tuka;

14 Wicaśtayatapi, qa maka akan waaiapi, otiwota içicağapi kin hena om;

15 Qa wicaśta ihdawa maza-skazi yuhapi, iye tipi mazaska on ojuyapi kin hena om:

16 Qa iś okaśkan tonpi wan hapi kin iyececa, en waun kte śni; hokśiyoqopa tohinni iyoyanpa wanyakapi śni iyececa.

17 Heciya śicapi kin wanağiyeya ayuśtanpi; Qa hen mdo-kiṭapi kin oziiçiya wankapi ecee.

18 Wicakaśkapi kin opeya ozi-kiyapi; Wakahape ho kin nahonpi śni ecee.

19 Wicacistinna qa wicatanka kin hen akiyececapı: Qa wowidake kin yuhe cin etanhan kiyu-śkapi.

20 Tokeca kakişyapi un kin iyoyanpa qupi he: Qa wiconi, wicanaği iyokişica un kin:

21 Wiconṭe cantokpanipi, tuka wanica; Qa taku woḥa en un kin isanpa he odepi ece:

22 Hena nina wiyuśkinpi ecee; Wicahapi iyeyapi kinhan cante waṣtepi hinca ecee.

23 Wicaśta wan tacanku aka-ḥpapi, qa tuwe Wakantanka acan-kaśke cin he.

24 Comniwahdazi kin wawate cin itokam u nakaes; Qa waśicahowamde cin mini iyecen ikpa-son ecee.

25 Wokokipe wan kowakipa, tuka en amau; Qa taku on nihinciya waun kin he en mahi nakaes.

26 Tanyan waun śni, qa owanji manke śni, qa ozimiçiye śni, tuka wonihinciye hi.

WICOWOYAKE 4.

1 Hehan Eliphaz Temani kin waayupte ça heya:

2 Tuwe wicoie wanji oniciya hecinhan iyokişinniye kta he: Tuka ie śni un kta tuwe okihi kta he.

3 Iho, wicota waonspewicaya-kiya; qa nape waśake śni kin hena duwaśaka ecee.

4 Tuwe naśnaśna kin he nioie najinkiya; qa hupahu waśake śni kin niye duwaśaka ece.

5 Tuka wanna niye en nihi, unkan iyonicişica; niye nicaḥta-ka, unkan nicancan.

6 Wakoyakipe cin nitowaśake, nitowacinye qa nitacanku too-wotanna kin hee śni he.

7 Wanna kiksuya wo; tuwewe iyaonpepica śni un atakuni śni he: Qa tohinni tona owotanpi-dan kin ihangyapi he.

8 Token wanmdaka eca, tona woahṭani ayumdupi, qa woiyoki-şice ojupi eca, he qe mnakiyapi ecee.

9 Eloha oniya kin on atakunipi śni: Iye tocanteptanye tateyanpa kin on ihangyapi ecee.

10 Mnaja hoton kin, qa mnaja sapa ho kin, qa mnaja kośka hin-ske kin yujunpi cee.

11 Tado wanica on mnaja kin omani un; qa mnaja cincapi ena-nakiya iyewicayapi ece.

12 Unkan miye en wicoie wanji nahmana hi; qa hetanhan ojijipi minoğe nahon:

13 Hanyetu owanyake etanhan awacinpi kin en, woistınbe wicaśta ahinlipaya hehan:

14 Wonihinciye wan amakipa, qa wicacancan, qa mahuhu kin iyuhpa cancan makiya:

15 Hehan tate wan miite akan imayaya; Miceḥpi hin kin jijiya hiyeya:

WICOWOYAKE 5.

16 He owanji najin, tuka owanyake kin iyewakiye śni : Wakaġapi wan miišta itokam yanka : Oinina, unkan wicaho wan nawahon :—

17 Wicašta wan Eloha isanpa owotanna kta he : Qa wicašta wan Waicahiye tawa kin isanpa ska kta he.

18 Iho, iye taokiye wicaye wacinwicakiye śni, qa tawahosiye kin hena woahṭani wicakiciyawa ece.

19 Nakun isanpa tona maka tipi en ounyanpi kin ; toicagapi kin maka mdu en un ; wamduśkadan itokam namdumdupi ecee kin.

20 Hanhanna tanhan ḥtayetu hehanyan wicakaśuśujapi ; tuwedan awacin śni, hena ohinniyān atakunipi kte śni.

21 Taikanpi kin kipaksapi śni he : Hena ṭapi, tuka woksape en un śni.

WICOWOYAKE 5.

1 Wanna pan wo—kinhan tuwe aniyupte kta he ; Qa wakanpi kin wanji tukte e ekta nihduhommni kta he.

2 Awicakehan wocanniye witkotkoke cin ihangya ; qa wowinawizi he ksape śni kin kte ece.

3 Miś miye hinca witkotkoke cin icalḥ aya wanmdaka : Tuka ihnuhanna ounye cin he mdaśica.

4 Iye cinca kin wanikiyapi itehan unpi ; qa otonwe tiyopa ohna wicakaśujapi, tuka waeyaku wanica.

5 Woksapi tawa kin he wotektehda temye kta ; qa ege wapepeka ehna tanhan icupi kta ; qa tawahpayapi kin he woihangye yapa ece.

6 Wośice watuśekśeca etanhan inanpe śni ; qa woiyokiśice maka kin etanhan icage śni qeyaś :

7 Tuka wicašta akantu woiyokiśica aicaga ece, wakanhdi cinca wankan kinyan iyayapi iyececa.

8 Hececa ešta miye qe Taku Wakan kin en mde kte hinca ; qa wicoie mitawa Wakantanka waqu kta.

9 Iye taku tanka qa okalinḥipica śni econ ece ; taku wowinihan kin yawapica śni.

10 Maka ite kin akan maġaju wicaqu, qa mini kin maġa akan iyayeya ece :

11 Kun unpi kin hena wankan ewicahde kta ; hecen tona kihdapapi kin hena wowanikiye ekta wankan iyewicayapi kta.

12 He qe wahnayan tawacinpi kin yutakuni śni ; hecen iye napepi wocon hduṣtanpi śni ece.

13 He qe ksapapi kin wohṇaye tawapi en wicayuza ece : Qa wacinśkopa tawowahokonkiye kin he inalni ece.

14 Anposkantū eca otpaza aki-papi ece ; qa wiyotanhan hehan yutantanpi, hanyetu en iyececa.

15 Tuka mazasagye kin etanhan onśikapi kin ewicahdaku, iye ipi kin etanhan, qa nape waśaka kin etanhan.

16 Hecen waśake śni un kin wowacinye yuha ; qa wośice iyohmus hduza ecee.

17 Iho, Eloha wicašta kaśtake cin he yuwaśtepi ece : Heon lyotan Waśaka tawowahokonkiye kin he śicedake śni wo.

18 Iye qe wakiunniyan, tuka ake pawicaḥta : wicakaśtaka, tuka iye nape okiziwicaya ecee.

19 Wokakije śakpe en enihdaku kta : Han, śakowin en taku śica niyutan kte śni :

20 Wicaakihan en wiconṭe etanhan openiciton kta ; qa kicizapi en, mazasagye nape kin etanhan.

JOB,

21 Wicaceji wicayahitake cin etanhan nanihmanpi kta: Qa woihangye u kinhan, he koyakipe kte šni.

22 Woihangye qa wotektehdapi on iyahia kta; Qa maka wamanica kin hena on takudan koyakipe kte šni.

23 Tinta inyan kin hena kici odakonyaya nakaes: Qa tinta wamanica kin om wookiye duha ecee kta.

24 Nakun nitawakeya kin he wookiye ee sdonyaye kta: Qa wihanpi nitawa wanhdag yai kta, qa wayahitani kte šni.

25 Nakun nitoicage kin he ota sdonyakiye kta: Qa nicinca kin maka wato kin iyecece kta.

26 Tanyan wicahinca wahapi kin en yahi kta, aguyapi opahte, tohan iyehantu eca, wankan icağa ecee kin iyececa.

27 Iho, de unkakitapi qon, he hecetu: Anagoptan qa niye hinca sdonya wo.

WOCOWOYAKE 6.

1 Hehan Job waayupta qa heya:

2 Tokin mitokakije kin tanyan tkeutapi unkanš; qa taku awakipe cin kici on aspeyapi kin en yuwankan icupin;

3 Kinhan he wanna miniwanca wiyaka kin isanpa tke kta: Heon etanhan mioie yašnašnapi.

4 Iyotan Wašaka tiwanhinkpe kin mahen mayanka; hena kata hinca mitaniya yahepa: Eloha tokokipe kin takpe maupi ecee.

5 Ikce šonšonna kin he wato ehna hoton kta he: Qa tatanka kin is woyute icahiyapi kin en hoton kta he.

6 Taku ecamna šni kin he miniskuya codan yunpica kta he: Qa is witka ska kin ecamna kta he.

7 Taku minagi yutan kte šni qon, hena e wamayazanka tawoyute iyecen icağa ece.

8 Tokin taku icewakiye cin hiyumakiyapi kten; qa Eloha taku cantowakpani kin he maqu unkanš:

9 Eloha heceturake qa ihangmaye kta; iye nape hiyuye qa makaksa unkanš.

10 Hehan cante mawašte kin ohinnian kta: Han, woyazan wacantkiye šni kin on imduškin kta tuka: Taku Wakan oie kin awakahpe šni nakaes.

11 Mitowašake kin tukte e, hecen ape waun kta he; qa mitowihanke kin tukte e, hecen minagi wacintanka kta he.

12 Inyan wašake cin mitowašake kin hee he; qa is michepi kin mazaša heca he.

13 Mitoiçiye en maun kin he taku šni, qa woehdaku kin he ocowasin ehpemayan he.

14 Tuwe onšike cin iye takodaku etanhan wowaonšida en hi kta tuka: Okinni Iyotan Wašaka tokokipe kin ehpeye kta naceca.

15 Mitakuye kin hena wakpadan wan iyecen wahnayanpi ecee; kaksiza wakpadan kin iyecen tanin šni iyayapi:

16 Henake seš caga on sapsapa tuka qon; hena ohna wa anahmanpi tuka:

17 Tohan kadus eyaya eca, hehan tanin šni; kata aya eca tohepi kin etanhan atakunipi šni ecee:

18 Tacankupi omanipi kin hena wicayuhomnipi: Hopuza kin ekta iyayapi qa atakunipi šni.

19 Tema etanhan icimanipi kin hena odepi: Šeba etanhan oicimani kin hena wacinyanpi tuka qon.

20 Wacinyanpi kin on ištecap

WICOWOYAKE 7.

hinca; dehanyan hiyupi qa ite našapi hinca.

21 Wanna nitakupi šni: Woni-hinciye wandakapi, unkan kope-yahdapi.

22 Tokeca he, Maqu po; qa wahpaya nitawapi etanhan itu-makihan po:

23 Qa toka nape kin etanhan emahdaku po; qa wohitikapi nape kin etanhan opemakiton po, epa he.

24 Onspemakiya po, kinhan miye inina waun kta: Qa taku en wauuni kin he sdonyemakiya po.

25 Wicoie ecetu kin hena wašake hinca: Tuka niyepi etanhan woiyopeye kin taku iyo-peye kta he.

26 Wicoie kin iyo-peye wacan-nipi he: Qa tuwe takudan wa-cinye šni oie kin, tate kin iye-ceca.

27 Han, wamdenica kin hin-hpaye yayapi kta, qa nitakodapi woħa yečapi kta tuka.

28 Unkan nakaha iyonicipipi kta, miye amatonwan po; qa niitepi itokam iwatonšni kinhan.

29 Ceciciyapi, hdiču po; wo-ħtani wanice kte; han, hdiču po, hinyahin mitoowotanna en han.

30 Miceji akan woħtani yukan he: Qa iš micaka wošice sdon-ya okihi šni he.

WICOWOYAKE 7.

1 Maka akan okicize wan wicašta kiyuke šni he: Qa taan-petu kin wicašta opetonpi taan-petu kin iyececa.

2 Wowidake wan ohanzi kin cantokpani hinca, qa wicašta opetonpi wokajuju ape un kin iyececa:

3 He iyecen wowayazan wi kin yuhemakiyapi, qa wokakije hanyetu kin imiciyawapi ece.

4 Imunka eca hepa ece; To-han nawajin kta qa ħtayetu iya-ye kta he: Unkan anpao kta he-hanyan mihduškanškan on oma-judan hinca.

5 Miceħpi kin wamduškadan qa maka onšpašpa koyaka ece; uka okizi amayan, qa ake tonma-yan ecee.

6 Mitaanpetu kin kazontapi ye-ye cin isanpa dusduzahan, qa wowacinye codan iyayapi ece.

7 Wani kin he tate wan heca e kiksuya ye: Miišta ake icimana taku wašte atonwe kte šni.

8 Wicišta wanmayake ciqon he ake amatonwe kte šni: Niye niišta amayanka, unkan en waun šni.

9 Maħpiya šapa kin he osote qa iyaya ece; he iyecen tuwe Hades ekta iyaye cin he ake ku kte šni.

10 Iye ti kin en icimana hdi kte šni, qa iye tohe qon he ake sdonkiye kte šni.

11 Heon etanhan miye qe mii wakpatan kte šni: Mitaniya iyo-kišica en iwae kta; Minaği pa hinca kin en wašicahowamde kta.

12 Miye miniwanca qa iš un-kteħi wan hemaca he; hecen akicita amanajin yakiya he.

13 Ohehdepi mitawa canto-hnagmaye kta ce, epa keš; Mitowinja kin iapi mitawa micicın kta ce:

14 Hehan wihamnapi on ini-hanmayaya, qa wowanyake on kopehda mayakiya ecee.

15 Hecen minagi yuťapi kta kaħniğa, wiconťe, huhu mitawa isanpa.

16 Šicewakidaka; ohinniyan wani kta wacin šni: Micunnni wo; mitaanpetu kin oniya wan heca nakaes.

17 Wicašta he taku he, hecen

dutanka kta, qa nicante ekta ye-
yaye kta he;

18 Qa hanhanna eca wanyag
yai kta; ista kakpapi eca iduta
ecee kta he.

19 Tohanyan amayaduŝtan kte
ŝni, qa tage nawakipce kta e
miyecuni kte ŝni he.

20 Wawahtani; Wicaŝta awan-
wicayaka, taku e ecacicon kta
he: Tokeca niye en wotakpe
emayahnaka he, hecen woqin
miŝicağa.

21 Qa tokeca wowakipajin mi-
tawa miyecicajuju ŝni; qa wa-
wahtani kin ehpeyakiye ŝni
he: Unkaŝ wanna watuŝekŝeca
en imunke kta; qa omayade kta,
tuka en waun kte ŝni.

WICOWOYAKE 8.

1 Hehan Bildad Ŝuhi kin waa-
yupta qa heya:

2 Tohanyan dena odake kta, qa
tohanyan nii oie kin tate tanka
linca heca kta he.

3 Wakantanka woyaco yupe-
mni kta he; qa Iyotan Waŝake cin
he woowotanna yuŝkope kta
he.

4 Iye en nicinca wakihtanipi
kinhan; qa iye woŝice tawapi
nape en iyewicaya eŝta:

5 Niye qe wanna Wakantanka
oyakide kinhan, qa Iyotan Wa-
ŝake cin he ceyakiye cinhan:

6 Niye niska qa oniwotanna
yaun kinhan; awicakehan wan-
na niye on ihduhice kta, qa nito-
owotanna ounye cin he niciyu-
ŝtan kta tuka.

7 Nakun otokahe yaun qon he
cistinna eŝta, oniwihanke kte cin
he nina icage kta.

8 Ceciciya ce, wicoicage toka-
heya kin wiwanğa wo, qa iye
atewicayapi taku akitapi qon he
ekta eiçihde wo.

9 Unkiye htanihan unketan-
hanpi qa wasdonunyanpi ŝni;
anpetu unkitawapi kin maka
akan ohanzi heca nakaeŝ.

10 Hena e waonspeniciyapi kte
ŝni he, woniciyakapi, qa iye can-
tepi etanhan wicoie aupi kte
ŝni he.

11 Psa hu kin upŝija codan ica-
ge kta he; sinkpe tawote iŝ mini
codan uye kta okihi he.

12 Hinyahin toya wanka, ka-
ŝdapi ŝni keŝ, wato owasin ito-
kam ŝniŝ aya ece.

13 Tona Wakantanka akikton-
japi owasin tacankupi kin he
iyececa; qa tuwe ihduŝica tawo-
wacinye kin atakuni kte ŝni.

14 Toakipe kin he kaksapi kta,
qa tawowacinye kin he unktomi
ti kin heca.

15 Iye ti kin wacinkiyeye kta,
tuka bosdan he kte ŝni; sutaya
hduze kta, tuka en wanke kte
ŝni.

16 Heqe anpetu wi itokam toya
wanka, qa taadetka kin iye ta-
woju kin ohna icaga:

17 Taadetka kin inyan paha
akan iciyahdaŝkapi; inyan tipi
kin atonwan yanka ece.

18 Towanke kin etanhan iye
ehpekiye cinhan, hehan itonkte
ŝni: Tohinni wanciyake ŝni ce,
eye kta.

19 Iho, tacanku wowiyuŝkin
kin dee: Nakun toktokeca wa-
tuŝekŝeca kin etanhan icage
kta.

20 Iho, Wakantanka wicaŝta
owotanna kin he ehpeye kte ŝni:
Qa wicohan ŝica econpi kin hena
nape wicayuze kte ŝni.

21 Ecen ihapi on nii ojuniciye
kta, qa niiha wowiyuŝkin on.

22 Tona ŝicenidakapi kin hena
wowiŝtece koyakapi kta: Qa wi-
cohan ŝica tawakeya kin atakuni
kte ŝni tuka.

WICOWOYAKE 9.

WICOWOYAKE 9.

1 Hehan Job waayupta qa heya:

2 He wicakapi sdonwaya, tuka hehan token Wakantanka kici wicašta owotanna kta he.

3 He kici wakinica kta akite kta hecinhan; kektopawinge etanhan wanjidan akiciyupte kte šni.

4 Heqe cante ksapa qa wowašake en wohitika, tuwe he itokam ihdusuta qa wookiye en un he.

5 Iye kin he kin yutokan iyeya, unkan sdonyapi šni; Iye tocan-teptanyan en hena yuptanyan ešta:

6 He qe maka kin tohe etanhan yuškanskān; unkan oahe tawa kin huhuzahanpi ece.

7 Iye qe anpetu wi kin heciya, unkan hinanpe šni; qa wicanhpi kin onakitaka ecee:

8 Iye isnana małhiya kin hdu-mdaya, qa miniwanca wankantu kin amani ece:

9 Iye Aš (wicaakiyuhapi), Orion qa Pleiades (Tawamnipa) kağa, qa itokał onakitakapi kin hena.

10 Iye hınca taku tanka kağa, hena akitepica šni, qa taku wowinihan, hena yawapica šni.

11 Iho, Iye en mahiyaya, tuka wanmdake šni; nakun iyoopta iyaya, tuka sdonwaye šni.

12 Iho, iye waehdaku ece, tuwe tehinda kta he: Taku yakağa he, tuwe eciye kta he.

13 Eloha tocan-teptanye kin anakipte kte šni: Iye ihukuya ookiye wałaničidapi kin patujapi ecee.

14 Hecen token miye kici wowahdake kta he; Iye kici mioie wahdahniğe kta he.

15 Miye hınca omawotanna qeyaš amdupte kte šni; Wayaco mitawa kin cewakiye kta tuka.

16 Miye hoyewakiya qa iye

amayupta ešta, miho kin ana-goptan kepce kte šni tuka.

17 Iye qe kiłansica on takpe mau kta, qa taku on etanhan šni ksuwemayanpi kin miciyuota kta.

18 Waniya kta e iyowinmakiye kte šni; tuka taku pa hınca on ojudan maye kta.

19 Wowasake on hecinhan, iho Iye wašaka; qa woyaco hee hecinhan, tuwe wohdag makiye kta he.

20 Miye mihdaowotanna kinhan, mii mahdašice kta: Miye mihdaecetu keš, Iye pemni mayawa kta.

21 Miye ecetu waun ce, mina-ği sdonmiciye šni; mitoni kin šicewakidake kta.

22 De wanjidan, qa heon hepa; Tuwe ecetu qa tuwe šica, nāpin iye ihangwicaya ece.

23 Ihunhanna makošica wica-kte kinhan, wiyaonpe šni unpi iyokišicapi kin on Iye iha kta.

24 Maka kin wicašta šica nāpepi en wicaqupi; Ohna wayacopi itepi kin iye awicakałpa ecee: Wanna hee šni kinhan, he tuwe he.

25 Wanna mitaanpetu kin wāinyanke wan isanpa duzahan; hena kinyan iyaya, taku wašte wanyakapi šni;

26 Tanpa wata kin iyecen iyoopta iyayapi; wanmdi wan tawote kin iyalipaya ecee kin he iyececa.

27 Mitoiyokišice awektonje kta, epa ešta; Miite ełpewakiye kta, qa canmawašte kta ce;

28 Mitokakiye owasin on kope-wahda; owotanna mayadawa kte šni sdonwakiya nakaes.

29 Miye mašice kta hecinhan, hehan tokeca ituhin łitawani he.

30 Wa mini on mihdujaja kin-

JOB,

han, qa wipajaja on nape wahduska ešta;

31 Hehan niye woħa en iyemayaye kta; qa mitawokoyake kin śicemakidake kta.

32 Iye kin miye iyecen wicašta akantu heca śni, unkanś wamdupte kta; napin witaya woyaco ekta unyanpi kta:

33 Unkiyotahedan wicašta wawiciya wanica; he qe napin nape unkahnakapi kta tuka.

34 Cansakadan tawa kin emiciyaku nunwe: kinhan tokokipe kin wakokipe micage kte śni.

35 Wowahdake kta qa kowakipe kte śni tuka: Tuka miye qe hecen nawajin śni.

WICOWOYAKE 10.

1 Wiconi mitawa on minagi śiceiciđaka; mitoiyokiśice aiħpemićiye kta; minagi pa ħinca en wowahdake kta:

2 Eloha hewakiye kta; Mayaco śni ye; taku on mayakiza he sdonjemakiya wo.

3 Wakakiśyaye cinhan he iniwašte kta he; hecen ninape taku kage cin elħpeyaye kta; qa wicašta śica tawiyukan kin aiyoyamyaye kta he.

4 Wicaceħpi išta niciyukan he; qa wicašta wawanyake cin iyecen wawandaka he:

5 Nitaanpetu kin wicašta anpetu tawa iyececa, qa nitawaniyetu kin wicašta taanpetu iyececa he:

6 Hecen mitośice kin ayakite kta, qa wawaħtani kin oyade kta he.

7 Miye maśice śni sdonyaya qeyaś; qa tuwedan ninape etanhan waeyaku okiħi śni ecee.

8 Ninape makage qa ihduksan ocowasin mayuśtan, tuka ihangmayaye kta he.

9 Wanna kiksuya ye, upśija iyecen mayakağa; unkan ake maka mdu mayakage kta he.

10 Asanpi iyecen mayakaśtan śni he, qa asanpi tasaka iyecen nini mayakage śni he.

11 Uka qa ceħpi on koyagmayaya, qa huhu ikan ko on onamayataka.

12 Wiconi qa wowaonśida ecamiecon, qa nitoawanyake kin mitaniya awanmiciyaka ece.

13 Dena nicante en nayakiliħbe: he en niun kin sdonwaye ħinca.

14 Wawaħtani kinhan, hehan niye wapetogyaton kta, qa mitośice kin miyecicajuju kte śni.

15 Taku śica ecamon kinhan, hehehe, miye; qa omawotanna ešta pa yuwankan iwekcū kte śni; wowištece omajudan qa mitoiyokiśice wanħdag manka.

16 Tuka ihduwankantu kta; mnaja iyececa omayade kta; ake yahdicu kta, miye en nihdutanka kta:

17 Wayaotanin nitawa piya miyecicage kta, qa nitocanniye kin miyeciduota kta: yutokecapi qa okicize kin en maupi ece.

18 Hecen tokeca tamni kin etanhan ħinanpe mayaya he: Niya śni imdamde kta tuka, qa wicišta wan wanmayake kte śni;

19 Toħinni wani śni iyecen waun kta tuka; tamni kin etanhan woħa kin ekta amayanpi kta.

20 Mitaanpetu kin tonana śni he: Ayuśtan, micunni wo, hecen kitanna imduśkin kta;

21 Mde śni itokam, qa wahdicu kte śni, otpaza makoce qa wiconte oħanzi kin ekta;

22 Makoce wan otpaza, otpaza śoka iyececa, wiconte oħanzi qa woyuecetu wanica; qa iyege cin he otpaza śoka iyececa ecee.

WICOWOYAKE 12.

WICOWOYAKE 11.

1 Hehan Zophar Naamathi kin waayupta qa heya:

2 Wicoie ota kin hena ayuptapi kte śni, qa wicašta wohdake sa kin he yaowotanpi kta he.

3 Hitunkankapi nitawa wicašta wicayuinina kta he; hecen owe-yahanhan ešta tuwedan išten-niye kte śni.

4 Nakun heha; Wowahokon-kiye mitawa kin ecetu, qa niišta kin en maska hinca ce.

5 Tuka tokin Eloha wicoie hi-yuye kta, qa niye on iye iha hdukawa keś;

6 Qa woksape woinaħbe kin sdonyeniye kta; heqe wooka-ħniġe en yuitakihnapi—: Hecen Eloha wayaħtani etanhan aki-ktonśkiya he sdonya wo.

7 Eloha toinaħbe kin okaħniħ ade kta he; qa Iyotan Waśake cin ocowasin ħin hehanyan oya-kaħniġe kta he.

8 Maħpiya iyecen tehanwan-kantu, taku ecanon kta he; Hades isanpa temahentu, taku sdon-yaye kta he:

9 He iyutapi kin maka kin isanpa ħanska, qa ohdakinyan kin miniwanca kin isanpa.

10 Iye waiyaħpaye ċa kaśka wicaħnaka, qa omniciye kaġe cinhan, hehan tuwe itkoke kta he.

11 Iye qe wicašta itonśni kin sdonwicaya, qa woaħtani wanya-ka ece, unkan okaħniġe kte śni he.

12 Tuka wicašta witkotkoke cin he wokaħniġe kte śni; han, ikce śonśonna cinca kin iyecen wicašta icaġa ece.

13 Hececa ešta niye nicante yahduwiyeya, qa nape yakidu-ġate kte cinhan:—

14 Woaħtani ninape ohna yan-

ke cinhan, he yutehan iyeya wo; qa wicoħan śica nitawa-keya ohna ti śni nunwe.

15 Hehan awicakehan woasape codan ite yuwankan iyekcu kta; han, sutaya yaun kta, qa kopeya-hda kte śni.

16 Nakaes, woiyokiśice kin he ayektonje kta; mini hiyaye ci-qon he iyecen yeksuye kta.

17 Hehan wiyotanhan isanpa wiconi hinanpe kta; inicaġe kta, hanħanna iyecen yaun kta.

18 Nakun wacinyan yaun kta, wowacinye yukan nakaes: Han, waoyade kta, wowacinye en inunke kta.

19 Nakun makan inunke kta, qa tuwedan wakokipe nicaġe kte śni: Han, wicota niite yuwintapi kta.

20 Tuka wicašta śica išta kin atakuniśni, qa wowinape tokan iwicakiciyaya ece: Qa wowacin-ye tawapi kin he naġi iyaye cin iyececa.

WICOWOYAKE 12.

1 Hehan Job waayupta qa heya:

2 Awicakehan oyate kin he ni-yepi, qa woksape nicipi ħe kta!

3 Niyepi iyecen miś eya cante mayukan; miye nihektam iwa-ħpamde śni: Han, tuwe kašta dena sdonye kte śni he.

4 Wanji takodaku ikiciħa iyecen waun; Eloha hoyekiya unkan akiciyupta ešta; wicašta owotanna ecetu kin he wowiħaħa-yapi.

5 Wokakije en wośicedake yu-kan, tona tanyan unpi awacinpi kin en; tuwe siha ħicahe kte cin he iyakipe ece.

6 Waboticapi tawakeyapi kin wookiye en han, qa tona Taku Wakan canniyeyapi kin tanyan

JOB,

unpi : he nape ohna Eloha au-kiya ecee.

7 Tuka wanna woteca kin wicawanga wo, kinhan onspeniciyapi kte ; qa mahpiya okinyanpi kin, kinhan hena oniciyakapi kta :

8 Qa is maka kin kici wohdaka wo, kinhan he waonspeniciye kta ; qa miniwanca hogan kin woniciyakapi kta.

9 Jehowa nape kin he de kage cin, tuwe dena owasin sdoneye kte sni he.

10 He qe nape ohna taku ni un iyulpa nagi yukan, qa celipi wicašta owasin taniya kin.

11 Wicanoge kin wicoie iyukan kte sni he, qa wicai kin tawoyute ute kta.

12 Wanakaš unpi kin ehna woksape yukan, qa anpetu hanska kin he wookahnige.

13 Iye kin kici woksape qa wowašake ; wowiyukan qa wookahnige kin Iye tawa.

14 Iho, Iye yujuju, unkan ake kagapi kte sni ; Iye wicašta onawicataka, unkan yuhdokapi kte sni.

15 Iho, Iye mini kin anapta, unkan oyahe aya ece ; nakun hiyuya, unkan maka kin apašbog iyaya ecee.

16 Wowasake qa woawacin Iye kici un ; tuwe nuni qa nuniwicakiye cin hena tawa.

17 Waaiapi kin hena heyake yuśdokapi ecen awicaya ; qa wayacopi kin witkotkoka wicakaga ecee.

18 Wicaštayatapi towowidake kin kiyuksa, qa icaške on nite iyawicakaška ece :

19 Wawayuśnapi kin heyake codan tokan awicaya, qa wašakake kin ihangwicaya ecee

20 Ieksapapi kin iapi yutokan iyewicakiciya, qa wicahincapi

tookahnigapi kin ewicakiciyaku ece.

21 Wowihaha wicašta ihdawa awicakašan, qa wašakaka ipiyake wicakiciyuka ece.

22 Taku temahentu kin otpaza etanhan yutanin, qa wiconte ohanzi kin iyoyanpa kin ekta hiyuya :

23 Oyate wan yuota, qa hehan ihangwicaya ; oyate kin tankaya icaliya, hehan elhpewicaya ece.

24 Makoce kin en wicašta itancanpi kin cante wicayuwana, qa canku codan hewoskan nuniwicakiya ece ;

25 Hena e otpaza en yutantanpi qa iyoyanpa wanica ; unkan wicašta witko kin iyecen kacekcegya mani wicakiya ece.

WICOWOYAKE 13.

1 Iho, owasin mišta wanyaka ; minoge nahon qa he okahniga :

2 Taku sdonayayapi kin miś eya sdonwaya ; miye niheyapatanhan waun sni cee.

3 Tuka miye qe Iyotan Wašake cin kici iwae kta, qa Wakantanka kici wowahdake kta wacin.

4 Tuka niyepi woitonśni kagapi sa henicapi ; owasin waasniyan okihi sni yaunpi.

5 Tokin ocowasin inina yaunpin, he qe woksape niciyawapi kta tuka.

6 Wanna mitawowahokonkiye kin nahon po, qa miiha tawowiyukan kin anağoptan miye.

7 Wakantanka on taku śica ehapi kta he ; qa Iye on wahnayan iyaapi kta he.

8 Iye ite kin yuwankan iyeyayapi kta, qa is Wakantanka iya-kiyapi kta he.

9 Iye iniyukcanpi kinhan he wašte kta he ; qa is wicašta om

WICOWOYAKE 14.

owehanhanpi ece kin iyecen Iye kici oweyahanhanpi kta he.

10 Iye awicakehan iyopeniyanpi kta, nahmana wicašta ite yuwankan iyeyayapi kinhan.

11 Iye towakan kin he yušin-yeniyanpi kte šni he; qa Iye tokokipe kin anihinlipayapi kta.

12 Taku yeksuyapi kin cahota odowan heca: conkaške nitawapi kin maka conkaške kin heca aya.

13 Mitokam inina yukan po, kinhan miye iwae kta; qa taku kašta en amau kta ce.

14 Tokeca mii ohna michepi iwekcu kta; qa minape ohna minagi wahduhe kta he.

15 Iho, Iye makte kta qeyaš, wacinwakiye kta; tuka Iye itokam mitacanku wahdaowotanna kta.

16 Nakun Iye hin wowanikiye mitawa ee kta: wicašta šapa Iye itokam hiyu kte šni nakaes.

17 Nahon miye, mioie kin nahon po, qa wowahdake cin nino-gepi on.

18 Iho, wanna woyaco mduwi-yeya; miye mihdaowotanna kta sdonwakiya.

19 Tuwe e wamakinica kta he; kinhan wanna inina waun kta, qa niya šni imdamde kta.

20 Taku nomnana ecamicon šni ye; kinhan niite etanhan nami-čihbe kte šni ye:

21 Miye etanhan ninape ehda-ku wo; qa nitokokipe kin woko-kipe micage šni nunwe.

22 Hehan pan wo, kinhan miye amdupte kta; qaiš miye iwae kta qa niye amayadupte kta.

23 Taku šica mitawa qa wawa-htani kin tonaka he: Wawaki-pajin qa wawahtani kin hena sdonyemakiya wo.

24 Tokeca niite nayakihman he; qa tokaciya kecanmayakin he.

25 Can ape wan kahaya iyeyapi kin he wakokipe yecage kta he; qa peji puza kin kuwa ade kta he.

26 Taku pa hinca kin omiye-ciwa ecee nakaes, qa komaska tawoalitani kin yuhemayakiya.

27 Nakun misiha oicaške en eyahnaka; qa mitacanku owasin iwandaka ecee; niye misiha sicu kin ihduksan imiyecašo.

28 Unkan he qe taku kuka iyecen atakuni šni; šina wan wamduška yapotapi kin iyececa.

WICOWOYAKE 14.

1 Wicašta winohinca on tonpi kin he anpetu pteptecedan, qa wokakije ojugjudan ecee;

2 Wahca iyecen hinanpa, unkan kašdapi; ohanzi wan iyecen kin-yan iyaya, qa en yanke šni ece.

3 Nakun he qe ništa adumda-ya, qa niye kici woyaco en miye amayau kta he.

4 Tuwe taku šapa etanhan ta-ku ska icu okihi kta he: Wanji-dan šni.

5 Taanpetu kin wanna kiconza-pi; wi tawa iyawapi kin nici un kinhan; ohomni oicago yecaga, qa sam iyaya okihi kte šni:

6 Hecen token etonwan qa ayušan ye; wicašta opetonpi iyecen taanpetu ihunikiye kta behanyan.

7 Can wan on asepica yukan nakaes: he kaksapi ešta ake ica-ge kta, qa camni kin kiwanica kte šni:

8 Hutkan kin maka mahen šen-ya aya, qa canpaksa watuškseca en ta ešta,

9 Mini omua kin on camni uye kta, qa adetka icage kta, huhde-pi wan iyececa.

10 Tuka wicašta akantu te kta, qa atakuni kte šni; han, wicašta

JOB,

niyašni iyaye kta, unkan tukten un he.

11 Miniwanca etanhan mini kin tokan iyaya, qa wakpa kin oyahe qa pus aye kta:

12 He iyecen wicašta iwanke kta, qa najin kte šni; mahpiya kin wanice kta hehanyan kiktapi kte šni, qa ištinnapi etanhan wicayuhicapi kte šni.

13 Tokin Hades en namayahbe keš; nitocanniye hdicu kta hehanyan wamayakahpe kta; tohantu kin imiyeconza qa miye-ksuya keš.

14 Wicašta kin te cinhan ake kini kta he: Mitokicize anpetu kin owasin ape waun kta, tokan amayanpi kte cin hi kin hehanyan.

15 Niye yapan kta, unkan miye aciyupte kta: Ninape taku kaḡe cin he cantoyakpani kta tuka.

16 Tuka wanna caewahde kin miyeciyawa ece: Wawahtani kin iwanmiyeciyake šni he.

17 Wowakipajin mitawa kin hena wojuha ohna askamtonpi; qa wawahtani kin ayakageḡe ecee.

18 Tuka awicakehan he wan hinhpaye cin he atakuni kte šni, qa innija towanke kin etanhan tokan ayapi kta.

19 Mini kin inyan yušdušduta ece; minitan kin maka mdu kin tokan eyaya ecee: qa wicašta tawowacinye kin niye ihangyaya.

20 Ohinniyan yaktedan, unkan tokan iyaya; ite dutokeca qa tokan yeyaši:

21 Iye cinca kin wicakinihanpi ešta sdonkiye kte šni; qaiš wahpanicapi ešta iye wanwicayake kte šni.

22 Tuka iye celpi akan un kin he kakije kta; qa naḡi mahen un kin he iyokišice kta ce.

WICOWOYAKE 15.

1 Hehan Eliphaz Temani kin waayupta qa heya:

2 Tuwe ksape cin he wosdonye takušni kin oyake kta, qa iye tezi wiyohiyanpata tate kin on ojukiye kta he.

3 Wicoie waicalihe šni kin on wohdake kta he, qa iapi on wayuwašte šni ecee.

4 Nakun wokokipe elipeyaya, qa Wakantanka itokam wocekiye anayapta ece.

5 Wayahtani kin he niye nii hdaotanin nakaes; qa wahnanpi iapi kin yakahniga ecee.

6 Niye nii nihdaco nakaes, qa he miye šni; qa niiha hee nihdotanin ecee.

7 Wicašta tokaheya icage ciqon he niye he; qa paha kin itokam nitonpi he.

8 Wakantanka tomniciye kin en wanayahonhon, qa niye nišnana woksape duha he.

9 Taku e niye sdonnyaya, qa unkiye sdonnyanpi šni; taku oyakahniga, qa he unkipi un šni he.

10 Nakun tona pa skapi qa wicahincapi kin hena unkicicapi, niyate isanpa anpetu wanakaja.

11 Niye en Wakantanka tocanthnake kin hena cistinna he; qa wicoie iwahnana eniciyapi kin.

12 Tokeca nicante wayaka aniyah he; qa tokeca ništa kankpan he.

13 Hecen nitaniya kin Wakan- tanka takpeyakiya, qa nii etanhan wicoie inapeyakiya he.

14 Wicašta akantu he taku, hecen ska kta he; qa tuwe winohinca eciyatanhan tonpi kin he owotanna kta he.

15 Iho, Iye wicašta wakan tawa kin wacinwicakiye šni; qa

WICOWOYAKE 16.

maḥpiya kin hena iye išta en ska śni ece :

16 Nakun isanpa wicašta wa-
htešni qa śica, woahṭani yahepa,
mini iyececa.

17 Wociciyake kta, anamaḡo-
ptan wo ; qa taku miye wanmda-
ke cin he omdake kta.

18 Wicašta ksapa taku oyakapi
qon, qa anahmanpi śni, iye ate-
yapi kin etanhan :

19 Hena ee isnana makece kin
wicaqupi, qa tuwedan tokeca
wicacokaya iyopte śni.

20 Tuwe śice cin he anpetu
owasin wayazanhda ; qa wani-
yetu yawapi kin wakakišye ki-
cihnakapi ecee.

21 Wokokipe ho wan iye noḡe
ohna yanka ; wookiye icunhan
waihangye cin en u kta.

22 Otpaza etanhan hdicu kta
wicada śni ; qa mazasagye kin
he akicipe yanka.

23 Aḡuyapi odede un :—Tokiya
yukan hē : Otpaza anpetu wan
iye nape en wiyeya un he sdon-
ya.

24 Woiyokišice qa wokakije
wakokipe kicaḡapi kta : Wica-
štayatapi wan okicize on wiye-
ya yanke cin iyecen iyahpayapi
kta.

25 Iye nape Wakantanka itko-
kim hduḡata nakaes ; qa Iyotan
Wašake cin en waḥanhaniḡida :

26 Tahu suta on anatan, tawa-
hacanka paha šoka kin on.

27 Iye ite wašin on aihdaḥpa
nakaes, qa tapakšin en wasna
icicaḡa ecee.

28 Hecen otonwe otiwota kin
ohna ti kta ; tipi ake piya kaḡapi
kte śni ; hena otiwota ehpeyapi
nakaes.

29 He qe wijice kte śni, qa ta-
wahpaya kin katinyan un kte
śni, qa tawanunyanpi kin make-
ce en tankaya icage kte śni.

30 Otpaza etanhan nape kte
śni : taadetka kin peta ide kin
ḡu kta ; qa Iye i oniya kin on
napeyapi kta.

31 Taku śica wacinkiye kte
śni—hnayanpi : taku śice cin he
tawokamna ee kta nakaes.

32 Taanpetu kin hinyaḥinke
śni yuštanpi kta, qa taadetka
toya icage kte śni.

33 Hastanhanka štunkadan ta-
wa kin kahna kta, wiyuwi wan
iyececa ; waḥca tawa kin ehpe-
kiciye kta, wihdi can iyececa.

34 Wicašta śica tomniciye kin
akihanpi nakaes ; qa wawica-
qupi tawakeya kin he peta hu-
hnaḡe kta.

35 Hena e woiyokišice itpihna-
kapi, qa woahṭani hiyuyapi, qa
iye tezipi kin wohṇaye kaḡa
ecee.

WICOWOYAKE 16.

1 Hehan Job waayupta qa he-
ya :

2 Taku hececa ota hinca na-
waḥon : wacantohnagya śica iyu-
ḥpa henicapi.

3 Tate wicoie kin wanna hena-
keca he : qaiš taku e iyonipa-
štaka hecen waadupte kta he.

4 Miš eya niyepi iyecen iwaa
owakihi tuka ; Ninaḡipi minaḡi
un kin en unpi unkanš, niyepi
on iapi iciyawakaške kta, qa mi-
ye e acipoptanptanpi kta tuka.

5 Hececa ešta mii on ciyawa-
šakapi kta, qa miiha towacanto-
hnake kin wayuwašte kta.

6 Miye iwaa ešta mitowayazan
kin yuwaštepi śni ece : qa amda-
šan ešta taku e amahececa kta
he.

7 Tuka wanna iye wayazan
makaḡa : Tiyohnaka mitawa
ocowasin ihangyaya :

8 Qa pišpija mayakaḡe, he wa-

JOB,

yuotanin kta he; qa matamaheca kin he en mahinajin, miite itokam mahdaotanin ecee.

9 Tocanteptanye kin mayuhdehdeca qa sícaya makuwa; iye hi on amahdakin skinza; tokamaye cin he miye en ísta hdupestosto ecee.

10 Hena iye i on imakapapi; wowihaha on tapon en amapapi; miye mitkokim mniciyapi ece.

11 Wakantanka wahitani sa kici onamataka, qa sícaya econpi napepi en elipemayan.

12 Tanyan manka, tuka iye makawehwega; han, tahu en mayuze ça makawehwega; qa iye linca makute kta e bosdan emahde.

13 Iye tiwanhinkpe kin aohdutemayanpi; nite bomahdoka qa itonpe sni; pizi mitawa kin maka akan papson.

14 Wopahdoke wopahdoke itakihna on mapahdoka ece: Zuye sa wan iyececa, miye amainyanka.

15 Wakihdaka michepi awahdagege; qa he mitawa watušekseca en wahdušica.

16 Ceyapi on ite mašica amayan, qa wiconte ohanzi mištojucha akan yanka:

17 Minape ohna taku šica yuke sni qeyaš, qa mitawocekiye kin he hecetu tuka.

18 Maka kin, niye mawe kin akahe sni wo; qa wahowamde cin tukten wanke sni nunwe.

19 Tuka wanna, iho, mayao-tanin kin he mahpiya ekta, qa omayake cin he wankan yanka.

20 Takuwicawaye cin hena aomahanhanpi kin eepi: Tuka Eloha en mišta ikpapsonpi ecee.

21 Tokin Eloha kiei wicašta iciyepica unkanš, wicašta cinhintku iye takodaku on iyececa.

22 Omake iyawapi hiyohi kin-

han, canku wan ohna mde kta, ake wahdi kte sni ce.

WICOWOYAKE 17.

1 Oniya mitawa kin osota, mitaanpetu kin kasnipi; wicahapi kin hena mitawa.

2 Wawihaha kin hena mici unpi sni he: qa mišta kin iye toiyokišice kin en yanka he.

3 Wanna ehna wo, niye en wawimakiya wo: ecin tuwe nape mayuze kta he.

4 Niye iye cantepi kin wookahniže analibewicayakiya nakaes; heon etanhan wankan ewicayahna ke kte sni.

5 Tuwe wokamna on takodaku kin wicahnaye cinhan, he qe cinca ištapi kin ee atakuni kte sni.

6 Nakun iye oyate kin ehna oweštepi wan makaga; qa miye ite atažošapi kin heca imacaga.

7 Nakun woiyokišice on mišta san amayan, qa mihuha kin owasin ohanzi wan iyececa.

8 De on wicašta owotanna kin yušinyayapi kta; qa wicašta wašte kin šice cin on škiničiye kta.

9 Tuka wicašta owotanna kin he tacanku kin sutaya hduhe kta; qa tuwe nape kin ska he saupa wašaka icaga ecee.

10 Tuka niyepi owasin hdicu po, qa wanna u po: niyepi ehna wanji ksapa iyewaye sni nakaes.

11 Mitaanpetu kin hiyaya; mitawacin kin yuksapi, micante oyuze kin hena.

12 Hena e hanyetu anpetu eekiya ehna kapi ece; iyoyanpa kin he aškan, otpaza itokam.

13 Ape waun kinhan, Hades watj kin ee kta; otpaza en mitowinja ewahnake kta.

14 Woħa kin hoyewakiya, Ate he niye: Ina qa mitankši, wamduškan ewakiya ece.

WICOWOYAKE 19.

15 Heon etanhan wanna wowa-
cinye mitawa kin tukten un
he; qa mitawowacinye kin tuwe
wanyake kta he.

16 He qe Hades inatake kin
ekta kun ye kta; maka mdu en
witaya woozikiye yuke cinhan.

WICOWOYAKE 18.

1 Hehan Bildad Šuhi kin wa-
ayupta, qa heya:

2 Tohanyan kta, wicoie owi-
hanke eyahnakapi kta he: Awa-
cin po, hehan ohakam unkiapi
kta ce.

3 Tokeca woteca iyecen unya-
wapi he; ništapi en unkiye un-
šapapi ecee.

4 Tocanniye kin en iye nađi
hdałdełdeca ece: Niye kin on
maka kin ehpeyapi kta, qa innija
kin towanke kin etanhan iyaye
kta he.

5 Hececa ešta wicašta šica
taiyoyanpa kin kasnipi kta, qa
iye tapeta ide kin iyeđe kte šni.

6 Tawakeya ohna iyoyanpa kin
he otpaza icaga, qa petijanjan
tawa kin kicisni kta.

7 Iye towašake cahde kin pte-
cedan icaga; qa iye toawacin
kin kun ehpekiye kta.

8 Iye siha on on-hmunkapi wan
en iyohpeyapi nakaes; qa ihmun-
ke wan amani kta.

9 Mazahtakiyapi kin he siyete
en yuze kta; on-hmunkapi kin
iye kaška hde kta.

10 Mazahtakiyapi kin maka ma-
hen ekicionpapi, qa on-hmunkapi
wan canku ohna kiciyanka.

11 Ihduksan wokokipe kin ko-
pehdakiyapi kta, qa iye siha iya-
hna kuwa ayapi kta.

12 Towašake kin akihan teki-
nica kta; qa toihangye kin iye
icahda wiyeya yanke kta.

13 Iye uka onšpašpa kin temki-

ciye kta; wiconte tokaheya ton
kin he iye huha kin temye kta.

14 Taku wacinye cigon he iye
tawakeya kin etanhan yujunpi
kta; qa wokokipe wicaštayatapi
kin ekta ihdoye kta.

15 Iye tawakeya kin en ounye
kta, tawa šni nakaes; iye ti kin
en inyanzi akadapi kta.

16 Kuyatanhan tahutkan kin
šen aye kta; qa wankan taade-
tka kin kaksapi kta.

17 Tokiksuye kin he makoce
kin etanhan iyaye kta, qa tinta
ite akan caje kiwanice kta.

18 Iyoyanpa etanhan otpaza
ekta kałapapi kta; qa maka kin
etanhan ehpeyapi kta.

19 Cinca wanice kta, qa iye
taoyate kin en oicage tawa yuke
kte šni; qa iye ounye cigon en
wanjidan okicicaptapi kte šni.

20 Taanpetu kin on tona iha-
kam icagapi kin hena yušinyaya-
pi kta, qa tona itokam icagapi
qon hena wonihinciye wicayuze
kta.

21 Awicakehan wicašta šica
ounyanpi kin hececa ecee, qa
tuwe Wakantanka sdonye šni
towanke kin he dee.

WICOWOYAKE 19.

1 Hehan Job waayupta qa he-
ya:

2 Tohanyan minađi iyokišin-
yayapi kta, qa wicoie on maya-
łdełdecapapi kta he.

3 Wikcemna akihde ištenma-
yayapi: cantesinmayayapi on
iništecapi šni.

4 Unkan wanuni kin he wica-
kapi ešta, wanuni kin miye en
miciyanka.

5 Awicakehan miye en nihdu-
tankapi kinhan, qa mitowištece
dawicakapi kta hecinhan;

6 Wanna Eloha miciyupemni,

JOB,

qa onhmunkapi tawa kin he amakalpa, he sdonya po.

7 Iho wokakišye on wašicahowamda, tuka namahonpi šni; hoyewaya tuka woyaco wanica.

8 Mitacanku kin he iye namicitaka, hecen sanpa imdamde kte šni; qa canku mitawa ohna otpaza ehnaka ece.

9 Mitowitan kin he iye makiyušdoka, qa mapa wapaha kin he emiciyaku.

10 Ihdukšan tanhan iye ihangmayan, hehan imdamda: qa can wan iyececa, wowacinye mitawa iye miciyujun.

11 Iye tocaniye kin aidemakiya, qa iye tokawicaye cin iye-cen mayawa.

12 Iye taozuye kin witaya mniciyapi, qa miye en canku pahaya ekihnakapi, qa mitawakeya ihdukšan ewanka ece.

13 Mihunkawanji hena mitehanyan iyewicaya: qa sdonmayanpi qon hena awicakehan tokamayanpi icağapi.

14 Takuwicawaye cin hena ehpemayanpi, qa sdonmayanpi qon hena amiktonjapi.

15 Wati en ounyanpi qa mitawicinyanna hena wicašta tokeca iyecen mayawapi; iye ištapi en wicašta sdonyapi šni imacaga.

16 Mitawowidake kin wakipan, tuka amayupte šni; mii on ce-wakiya tuka.

17 Mitawin ekta oniya mitawa tokeca aya; qa mitawocekiye kin cincawicawaye cin ekta.

18 Nakun hokšipidan šicemadakapi; nawajin unkan hena amaiapi ece.

19 Mitakodapi owasin walitemadapi šni; qa tona waštewicawadake cin hena makipajinpi ecee.

20 Uka mitawa qa micelipi kin en huhu mitawa askapa; qa hi

mitawa ha kin ecedan hduha nawajica.

21 Onšimada, onšimada po, mitakuye niyepi; Eloha nape kin mayutan nakaeš.

22 Tokeca šicaya mayakuwapi he, Taku Wakan iyececa; qa micelipi on winipipi šni he.

23 Wanna mioie kin owapi kta tuwe maqu kta he; wowapi en tuwe maqu kta, qa icağopi keš;

24 Mazasapa icago wan on, qa mazasu, tokin ohinniyan innija en bağopi keš.

25 Nakun miye sdonwaye kta, Opemakiton kin he ni un; qa iye linca ehake maka kin akan inajin kta:

26 Qa uka mitawa iyohakam de ihangyapi kta, tuka micelipi en Eloha wanmdake kta;

27 He qe miye linca wanmdake kta, qa mišta wanyakapi kta, qa tokeca kte šni; mapakšin hena tanmahen hanyan amayan ešta.

28 Heon etanhan hehapi kta, Tokeca šicaya unkuwapi kta he: Wicoie hutkan kin miye mahen iyeyapi nakaeš.

29 Heon etanhan mazasagye kin itokam wakokipa po: Wocanniye kin he mazasagye kakišye kte cin ee nakaeš; heon woyaco yukan e sdonyayapi kta ce.

WICOWOYAKE 20.

1 Hehan Zophar Naamathi kin waayupta qa heya:

2 Heon etanhan mitoawacin kin waayupte makiyapi; qa heon miye mahen inahni mayanpi ecee.

3 Mitowištece iyopeyapi kin he nawakilhon: Tuka mitooka-ħniğe taniya kin he waayupte makiya.

4 De wanakaja tanhan un kin

WICOWOYAKE 21.

sdonyaya he; wicašta maka akan ehnakapi kin ehantanhan:

5 Wicašta šica wiyuškinpi kin he ptecedan, qa wicašta šapa cante wašte kin he išta kakpanpi seececa.

6 Iye tanka kin he mahpiya ekta iyahde, qa iye pa mahpiya šapa iyapašo ešta;

7 Taunkce kin iyecen ohinnian atakuni kte šni: Tona wanyakapi qon hena, Tukten un he, eyapi kta.

8 Wowihanmna wan iyecen kinyan iyaye kta, qa tuktedan ieyapi kte šni; han, hanyetu wowanyake kin iyecen hamyapi kta.

9 Wicišta kin he he wanyaka, tuka ake econ kte šni; qa iye towanke kin icimana wanhdake kte šni.

10 Iye cinca kin wahpanicapi kin iyokipi wicayapi kta; qa iye nape kin wowijice tawapi wicakicu kta.

11 Huhu tawa kin iye towaške kin ojudan; tuka he kici maka mahen iwanke kta.

12 Wošice kin iye i ohna skuye dake cinhan, iye ceji ihukuya inahbekiye kta:

13 Kpatan kta, qa kpağan kte šni; qa iye i kin mahen hduha un qeyaš;

14 Tezi mahen taaguyapi kin yutokecapi, iye tanmahen sintehda pizi kin hee kta ce.

15 Wowijice nakipca, tuka ihdepe kta; iye tezi etanhan Wakan-tanka hiyuye kiye kta.

16 Sintehda taše šice cin yazoke kta; sintehda ceji kin he kte kta.

17 Wakpa kin hena en etonwe kte šni, minitan kin, canhanpi tiktica qa asanpi wakpadan kin hena.

18 Tokamna kin he wicakicu kta qa nakipce kte šni; wowi-

jice kicupi kta iyececa, qa he iyuškin kte šni.

19 Kun ehewicaya, wahpanicapi kin awicayušan, heon etanhan tipi wan iyahpaya ešta iye piya kaše kte šni.

20 Iye tezi ekta woozikiye sdonye šni nakaes, taku waštedake cin etanhan takudan ehda-kü kte šni.

21 Tawoyute kin etanhan takudan okaptapi kte šni; heon etanhan taku wašte tawa kin en yanke kte šni.

22 Toojudan woptecašni kin en wokakije kiciyanke kta: kakišyapi napepi iyuhpa en au kta.

23 Kaketu kte; tohan tezi ojukiye kta hecinhan, iye (*Wakan-tanka*) tocanniye wohitike cin aihpekiye kta, qa tawoyute kici ahinhekiye kta.

24 Mazasapa wipe kin etanhan najice kta; mazaša itazipa wan kakpa iyekiciye kta.

25 Yušdokapi qa tezi kin etanhan icupi; han mazasagye wiyatpa kin iye pizi etanhan hiyu kta: wokokipe kin akan yanka.

26 Otpaza ocowasin iye tokamna akicihnakapi: peta wan apoganpi šni kin he hulnahye kta: tawakeya ohna tuwe okaptapi kin he ihangyapi kta.

27 Iye tošice kin mahpiya kin yutanin kta, qa heon maka kin itkokim inajin kta.

28 Iye ti wokamna kin he tanin kte šni, tocanniye anpetu kin en tokan iyaye kta.

29 Wakantanka etanhan wicašta šica taku tawa kte cin dee, qa Taku Wakan eciyatanhan wokamna cajekiciyatapi kin hee.

WICOWOYAKE 21.

1 Hehan Job waayupta qa heya:

JOB,

2 Nañon po, iwae cin nañon po; qa wacantohnagnianpi kte cin hee kta.

3 Iyowinmakiya po, kinhan miye iwae kta ce; qa womdake cin iyohakam hehan niye waunyaca kta.

4 He miye hinca, oiyokišinya iwae cin he wicašta ekta kta he: qa hecetu kinhan, tokeca mitaniya iyokišice kte šni he.

5 Amatonwan po, qa yušinyaya po; qa niipi en nape ekihnaka po.

6 He miye awacanmi eca kowakipa; qa wocancan micelipi en yuza ece.

7 Taku on etanhan wicašta šica ni unpi he, wicahinca ayapi, han wowijice en wašakapi he.

8 Woicage tawapi kin iye om wicitokam yusutapi ece, qa cincawicayapi kin iye ištapi itokam.

9 Iye tipi kin wokokipe codan wookiye yuhapi; qa Eloha ica-psinte tawa kin akan wicayanke šni.

10 Pte tawa kin ihdušake qa okaškanton šni; pteheyuktanna tawa cinca ton qa cinca elipekiye šni cee.

11 Optaye wan iyecen hokšiyopa yewicayapi; qa iye cincawicayapi kin wacipi ece.

12 Cancega qa candowankiyapi on wankan iyeičiyapi, qa cotanka ho kin on wiyuškinpi ece.

13 Anpetu tawapi wowašte en hdušotapi ece, qa išta kakpanpi se Hades ekta iyayapi.

14 Tuka Wakantanka heciyapi; Unkayušan po, qa nitacanku sdonunyanpi kta uncinpi šni ce:

15 Iyotan Wašake cin he taku he; on htaunkicinipi kta he; qa waceunkiyapi kinhan taku unkiwaštepi kta he.

16 Iho, taku wašte tawapi kin iye napepi ohna un šni: wicašta šica toawacinpi kin mitehanyan yanka nunwe.

17 Tohanhan wicašta šica toijanjan kin bokicisnipi; qa toihangyapi kin en awicau kta he: Iye tocanniye en woiyokišice wicakipamni kta.

18 Tateyanpa itokam aguyapi hu kin iyececapi kta, qa aguyapi ha icamna kaha iyeye cin iyececa.

19 Woahtani tawa kin iye cinca Eloha wicakicihnake kta: iye kicicajuju kta, hecen sdonkiye kta.

20 Iye išta kin toihangye kin wanhdake kta; qa Iyotan Wašaka tocanteptanye kin yahepe kta.

21 Taku on iye iyohakam tiyohnaka kin en tawowiyuškin kta he; wi yawapi tawa kin kiciyušanpi nakaeš.

22 Tuwe Wakantanka wosdonye onspekiye kta he: tona wankan unpi kin hena Iye wicayaco kta nakaeš.

23 Wanji ocowasin en un ecen te kta, ocowasin wikope šni un qa owanji yanka:

24 Wakiškotpa tawa kin asanpi ojudan; qa iye hulu cupe kin spayeyapi.

25 Qa wanji iš iye naği iyokišica en te kta, qa wowašte en wote šni ece.

26 Sakim maka mahen iwan-kapi kta, qa wamduškadan kin napin awicakalipapi kta.

27 Iho, nitawacinpi kin miye sdonwaya, qa woawacin on kakišmayayapi kte cin.

28 Niye hehapi nakaeš; Wicašta itancan tukten ti he, qa wicašta šica tawakeya onunyanpi kin tukte epi he.

29 Tona canku ohna hiyayapi

WICOWOYAKE 22.

kin wiwicanungapi šni he; qa owohdake tawapi kin sdonyayapi šni he.

30 Wicašta šica wokakije anpetu kin apatanpi kta: wocanteptanye anpetu kin en aupi kta.

31 Iye ite kin en tacanku kin tuwe okiciyake kta he; qa taku econ hecinhan tuwe kicicajuju kta he.

32 Tuka iye ĥapi kte en ahipi kta, qa ĥnakapi kin he iye awanhdake kta.

33 Kaksiza ohna maka onšpašpa kin hena skuyedaka ece: Qa iye ihakam wicašta owasin pasipi kta, yawapica šni itokam iyayapi qon iyececa.

34 Hecen token taku šni on cantohnagmayayapi kta he: wohnaye waaduptapi ecee kin en un nakaes.

WICOWOYAKE 22.

1 Hehan Eliphaz Temani kin waayupta qa heya:

2 Wicašta wan Taku Wakan okiye kta he; tuwe ksape cin oičiye kta okihi kin iyececa he.

3 Oniwotanna kinhan he Iyotan Wašake cin taku iwašte kta he; qa nitacanku yahduecetu kinhan he wokamna kta he.

4 Nitokokipe on Iye iyopeniye kta he; woyaco ekta Iye nici ye kta he.

5 Wošice nitawa kin he tanka šni he; qa wayahtani kin owihanke wanica.

6 Taku on etanhan šni nihunkawanji yahdaška nakaes, qa tancodan unpi tawokoyake kin wicayeciyašdoka.

7 Tuwe ipuze cin he mini yatkkeyakiye šni, qa wotektehdapi kin aguyapi ipiwicayada ece.

8 Tuka wicašta isto yukan—

makoce kin he tawa; qa wicašta wakinihan kin he en ounyan.

9 Wiwazica taku yuhe šni hde wicayaši ece; qa wamdenica taistopi kawegapi.

10 Heon etanhan mazahtakiyapi nihdukšan hiyeya; qa ihnuhauna wokokipe wakokipe nicağa ecee:

11 Qaiš otpaza—wandake šni, qa minitan mini kin anicalpa.

12 Eloha wankan yanke šni he, maĥpiya ekta: qa wicanĥpi pa kin wanyaka wo, hena tehanwankantu nakaes.

13 Hehan, Wakantanka taku sdonya he; Iye maĥpiya šoka kin ohnayan wayaco kta he, eha.

14 Maĥpiya šapa kin akaĥpa, hecen iye wawanyaka okihi šni; qa maĥpiya ohomni kin he iye omani kta.

15 Canku tanina kin he iwandake kta he, wicašta šica ohna manipi qon:

16 Hena e sutaya wicayuzapi, qa iyehantu šni, towankapi kin wakpa wan aminitan:

17 Hena Wakantanka heciyapi, Unkayuštan po; qa Iyotan Wašake cin taku ecawicakicon kta he.

18 Iye tipi tawapi kin taku wašte on ojuwicakiciya tuka qon:—Tuka wicašta šica toawacin kin mitehanyan un nunwe.

19 Wicašta owotanna kin he wanyakapi qa wiyuškinpi; qa tona ecetupi kin hena iwicalaĥapi ecee.

20 Awicakehan tokawicunyanpi kin ihangyapi; qa tawaĥpayapi kin peta ĥuĥnaga ce.

21 Wanna Iye kici takukiciya wo, qa wookiye en un wo; heciyatanhan taku wašte en niu kta:

22 Wanna Iye i kin etanhan woope kin icu wo, qa Iye oie kin nicante en ehnaka wo.

JOB,

23 Iyotan Wašake cin en yahdi kinhan, ake icañniyanpi kta; nitawakeya etanhan woahñtani yutokan iyeyaye cinhan.

24 Hehan maka mdu isanpa mazaskazi yahnake kta; qa Ophir mazaskazi kin wakpadan inyan kin iyececa.

25 Han, Iyotan Wašake cin he mazaskazi nitawa ee kta, qa mazaska štedapi nitawa kta.

26 Hehan Iyotan Wašake cin en widuškin kta, qa Eloha eka niite iyekcu kta nakaes.

27 Niye ceyakiye cinhan, iye naniñon kta: qa taku wahoyaye ciqon yahdajuju kta.

28 Nakun wicoie wanji idukan kta, unkan niciyuštanpi kta; qa iyoyanpa ee nitacanku kin aiyojanjan kta.

29 Makata ehpeiciyapi kin hena, Najin po, ewicayakiye kta: unkan išta kun unpi kin hena iye niwicaye kta.

30 Tuwe ecetu un šni kin he iye eyaku kta; qa ninape ska kin on eyakupi kta ce.

WICOWOYAKE 23.

1 Hehan Job waayupta qa heya:

2 Nakun anpetu kin de wowahdake cin šicahowaya; minape comniwahdazi kin en tkeya awanka ece.

3 Tokin tukten iyewaye kta hecinhan sdonwaye ces; Iye toyanke kin hetu hinca en wau kta.

4 Mitawoyaco kin Iye itokam ewahnake kta, qa woakinica oie on mii ojuwakiye kta:

5 Wicoie on amayupte kte cin hena sdonwaye kta; qa taku emakiye kte cin owakalniğe kta tuka.

6 Wowasake tanka on amakini-

ca kta he: Hiya; tuka Iye en emicihnake kta.

7 Hen tuwe owotanna kin he Iye kici wakinica kta; hecen miye wayaco mitawa ohinniyan nawecipe kta.

8 Iho, wiyohiyanpata mda, tuka hen un šni; qa wiyohpeyata, tuka kenunwaye šni;

9 Waziyata en ohanyan ece, tuka wanyag ihewaye šni; itokağa kin he on ihdahpa, hecen wanmdake šni.

10 Iye qe mitacanku en maun kin he sdonya nakaes; imayutanpi kinhan mazaskazi iyecen inawape kta tuka.

11 Iye towe kin en misiha suta-ya ahan: Iye tacanku kin wapatan qa icunonpa mde šni.

12 Iye iha tawowaši kin nakun amdaštan šni; Iye i oie kin miye wawehnake cin isanpa awanmdaka ece.

13 Tuka Iye okonwanjidani, hecen tuwe yuhomni okihi kta he: Qa Iye nağı taku cin kinhan hduštan kta.

14 Wamakiconzapi kin he Iye miciyuštan kta nakaes: qa taku hececa ota Iye kici yanka ece.

15 Heon etanhan Iye itokam mayušinyaya; awacanmi eca kowakipa ece.

16 Wakantanka micante wako-kipe kicağa, qa Iyotan Wašake cin he yušinyemayan nakaes:

17 Otpaza itokam ihangmayanpi šni nakaes; qa miite itokam otpaza šoka wakañpa ece kin.

WICOWOYAKE 24.

1 Tokeca oehnakapi kin Iyotan Wašake cin etanhan nahmanpi šni keš, tona sdonyapi kin Iye taanpetu kin wanyakapi šni he.

2 Mağinatake kin yutokan iye-

WICOWOYAKE 25.

yapi; optaye manonpi qa wi-
hanwicakiyapi ece.

3 Wamdenica tašonšonna kin
he icupi, wiwazica tatanka tawa
kin he kaškapi ecee.

4 Waḥpanicapi kin hena canku
etanhan icunonpa iyayewica-
yapi: Maka akan onšikapi kin
hena ptaya inalimanpi kta.

5 Iho, toḥanpi kin ekta iyayapi,
ḥewoskan ikce šonšonna kin
iyececa; hanḥanna ḥinca wiya-
ḥipayapi ece; ḥopuza kin he iye
cincapi kin om woyuteyapi ecee.

6 Maḡa kin en wojupi mnaki-
yapi; qa wicašta šica hastan-
hanka tawa yušpipi.

7 Tancodan wankapi, šina co-
dan, qa osni en woakaḥpe ni-
capi.

8 He akan maḡaju kin on spa-
yapi, qa wowinape codan imnija
kin adoksohanpi ece.

9 Wamdenica kin azepi etan-
han ewicayakupi kta, qa onši-
kapi akan un kin he kaškapi ece.

10 Tancodan iyayapi, wokoyake
nicapi, qa wotektehda aḡuyapi
paḥtapi kin icupi ece.

11 Conkaške tawapi otahedan
wihdi kaḡapi; miniša iyuškice
kin naškicapi tuka ipuzapi kta.

12 Otonwe kin etanhan wica-
šta comnihdazipi: qa taopi naḡi
kin šicahowaye kta: Tuka Elo-
ha wowitkotkoke ewicakicihn-
ke šni.

13 Dena ee iyoyanpa kin to-
kayapi ecee; tacanku kin oka-
ḥniḡapi šni; qa ocanku tawa
kin en ounyanpi kte šni.

14 Tinwicakte kin he anpao
hehan najin, waḥpanicapi qa
onšikapi kin wicakte kta; qa
hanyetu en wamanon kin iye-
cece kta.

15 Nakun wiinaḥman išta kin
he otpaza akita; Wicišta wan
iyemakiye kte šni ce, eya; qa

ite šina pošmi codan hdowin
ece.

16 Otpaza hehan tipi ohna qa-
pi; anposkantun onaičitakapi ece;
iyoyanpa kin sdonyapi šni.

17 Hena en hanḥanna kin wi-
conṭe ohanzi kin iyahde; wi-
conṭe ohanzi wokokipe kin he-
na sdonyapi nakaeš.

18 He qe mini ite kin akan ka-
pojedan: taku tawapi kin ma-
ka akan yašicapi ece; hastan-
hanka iyuwi ojupi canku kin
wanyake kte šni.

19 Opuza, nakun okata kin wa
mini icu kta: Hades tona wa-
ḥtanipi kin iyececa.

20 Tamni kin akiktonje kta,
wamduškadan kin yazokapi kta;
icimana kiksuyapi kte šni; qa
can wan iyecen wošice kin ka-
ksapi kta.

21 He qe cinca yuhe šni cinca
tonšni kin he šicaya kuwa ece;
qa wiwazica kin taku wašte eca-
kicon šni:

22 Tuka iye towašake on wi-
cašta wašaka ihangwicaya ece:
He najin kinhan tuwedan wi-
con i wacinkiye kte šni.

23 Kokipešniyan unpi qupi, qa
wacinye kta, tuka iye išta ta-
cankupi kin akan yanka.

24 Cistiyedan yuwankan iye-
yapi, hehan en unpi šni; qa kun
iyayapi, owasin iyecen ewicaya-
kupi kta; qa wamnaheza inkpa
kin iyecen baksapi kta.

25 Qa he hecetu šni kinhan tu-
we itonšni makaḡe kta, qa mioie
kin yutakuni kte šni he.

WICOWOYAKE 25.

1 Hehan Bildad Šuhi kin wa-
ayupta, qa heya:

2 Wokiconze qa wokokipe Iye
kici un: Iye wankantu tawa kin
en wookiye kaḡa ecee.

JOB,

3 Iye taozuye wicayawapi yukan he; qa iyoyanpa tawa kin he tuwe ahinanpe šni he.

4 Hecen taku on wicašta wan Taku Wakan en owotanna kta he; qa tuwe winohinca eciyatanhan tonpi kin he token ska kta he.

5 Etonwan wo, hanyetu wi ekta, unkan iyojanjan kte šni; han wicanhpi kin hena Iye išta kin en ska šni ece.

6 Sam iyeya wicašta kin, wamdudan heca; qa wicašta cinca kin, wamduškadan heca kin!

WICOWOYAKE 26.

1 Hehan Job waayupta qa heya:

2 Tuwe wowašake nice cin token duwašaka he; isto wašake šni kin he niyakiya he.

3 Woksape codan un kin he token waonspeyakiya he; qa token wookahniđe otakiya odaka he.

4 Tuwe e wicoie oyakidaka he; qa tuwe taniya kin niye etanhan hiyu kta he.

5 Wanađipi kin hena ksuweyapi, mini mahentanhan, qa en ounyanpi kin.

6 Iye itokam Hades šdayehna wanka; qa wošbe kin he woa-
kahpe nica.

7 Iye hin waziyata kin taku tanton šni ayutitan; maka kin taku šni akan otkeya.

8 Iye mahpiya šoka tawa kin ohna mini apahta ece; hecen hena ihukuya mahpiya šapa kin nahdece šni.

9 Iye toiyotanke ite kin ahda-
hpa, mahpiya šapa tawa kin ahdumdaya.

10 Mini ite kin akan iye qe ohomni icađo, iyoyanpa kin otpaza icahtake cin hehanyan.

11 Mahpiya ipatan kin hena cancan, qa, iye iyopeye cin on yušinyaya ece.

12 Iye towašake on miniwanca kin wakokipe kicađa, qa iye to-
okahniđe kin on waňaničida kin kakpa iyeya ecee.

13 Iye Taniya kin on mahpiya kin hduwašte: Iye nape wamduška najice cin he capa.

14 Iho, Iye tacanku opapun kin dena ee; qa Iye on wicoie ci-
stinna hinca naunhonpi: tuka towašake wakinyan kin, tuwe he okahniđe kta he.

WICOWOYAKE 27.

1 Nakun Job tadowan katin-
yan yawankan icu qa heya:

2 Wakantanka ni un, ege mita-
woyaco emiciyaku; qa Iyotan
Wašake cin minagi nina iyoki-
šinya:

3 Tohanyan oniya mitawa en maun, qa Eloha Taniya mapođe ohna yanke cinhan;

4 Hehanyan miiha taku šica ie kte šni, qa miceji kin wohnaye oyake kte šni.

5 Ciyaowotanpi kte cin he mit-
tehanyan un nunwe; tohanyan
mađe šni hehanyan mitocetu
kin ehpewakiye kte šni.

6 Mitoowotanna en sutaya mi-
hduze kta, qa amduštan kte šni;
mitaanpetu en micante iyo-
pe-
maye kte šni.

7 Tokamaye cin he šicaya econ kin iyecece kta, qa tuwe mitko-
kim inajin kin he wahtani sa kin iyecece kta.

8 Wicašta šica tawowacinye kin tukte e he; kakse kta na-
kaeš, tohan nagi kin Eloha eki-
ciyaku kinban.

9 Hoyeye cin he Wakantanka naňon kta he; wicocante šica akan u kte cinhan.

WICOWOYAKE 28.

10 Qaiś Iyotan Waśake cin en wiyuśkin kta he; anpetu owasin Eloha hoyekiye kta he.

11 Wakantanka nape kin eciyatanhan waonspeciciyapi kta; taku Iyotan Waśake cin kici un kin hena anawañbe kte śni.

12 Iho, niyepi owasin he wandakapi, hecen tokeca ocowasin winitkotkokapi he.

13 Wakantanka kici wicaśta śica taku tawa kin dee; qa wicaśta wohitika taku aihpekiyapi, Iyotan Waśake cin etanhan icupi ecee kin:

14 Iye cinca yuotapi kinhan, he mazasagye kin on: qa iye icañwicaye cin hena aguyapi imnanpi kte śni.

15 Tona okicaptapi kin hena wiconṭe en ħapi kta; qa wiwazica tawa kin hena ceyapi kte śni.

16 Mazaska maka mdu kin iyeceñ kamna eśta, qa upśija iyececa wokoyake icicaga qeyaś;

17 Hena kaḡe kta, tuka wicaśta owotanna hee koyake kta, qa wicaśta ecetu kin hena mazaska kin kicipamnipi kta.

18 Wamduśkadan iyececa tipi icicaga, qa waawanyake wan ohanzi hdepi wan kaḡe cin iyececa:

19 Wijice cin he iwanke kta, qa ake econ kte śni: iśta hdu-mdaya, unkan iye en un śni.

20 Wokokipe yuza, minitan iyececa; hanyetu icunhan ica-mna wan nañmana eyaya:

21 Wiyohiyanpata tate wan wankan eyaku kta, unkan ye kta; hecen towanke kin etanhan iyaya.

22 *Wakantanka* en eñpeye kta, qa ayuśtan kte śni; Iye nape kin etanhan nape kta tuka.

23. Eḡe nape ahdaskapapi kta, qa tohe kin etanhan ajiji eñpeyapi kta.

WICOWOYAKE 28.

1 Awicakehan mazaska oqapi kin yukan, qa mazaskazi tukten yuecepidan ecee.

2 Maka mdu etanhan mazasapa icupi ece; qa inyan etanhan mazaśa śdoyapi kta.

3 Otpaza kin owihanke ekicihnaka, qa okañmin owasin en wakita ece; otpaza inyan qa wiconṭe ohanzi kin.

4 Akan yanke cin etanhan makohdoka wan kañdokapi: hen wicasiha on akiktonjapi; otkeyapi, wicaśta itehan kaozezeiciyapi ecee.

5 Maka kin hetanhan aguyapi hinanpa ece; qa ihukuya tanhan ayumdupi peta iyececa.

6 Inyan tawa kin ehna sapphiros (inyan toto) yukan ece; qa mazaskazi mdu kin hen yanka.

7 Canku wan, he zitkadan waiyañpaya ece kin sdonye śni; qa hinhankaga iśta atonwe śni:

8 Wañaniçidapi cincapi kin he cankuyapi śni, qa mnaja kin he tohinni amani śni.

9 Inyan suta kin ekta iye nape yekiya; ñe kin hutkan kin etanhan yuptanyan ece.

10 Imnija kin en wakpa se kaḡa ece; qa iye iśta kin taku teñike owasin wanyaka.

11 Wakpa kin kuse kte śni on nataka ece; qa taku nañmanpi kin iyoyanpa en au kta.

12 Tuka woksape he tukten iyeyapi kta he; qa wookañniḡe kin tukten yanka he.

13 Taku iyopeyapi kte cin he wicaśta sdonye śni; qa maka akan ni unpi kin ehna iyeyapi śni:

14 Wośbe kin, En maun śni ce, eya; qa miniwanca kin iś, Mici un śni ce, eya.

15 Mazaskazi kihnakapi kin he he iyopeyepica šni; qa opetonpi kta on mazaska tkeutapi kte šni.

16 Ophir mazaskazi kin kici tkeutapi kte šni; onyx (wicaśake inyan) tehike, ça sapphiros kicica šni.

17 Mazaskazi qa kohdihdi kin he iyacinpica šni; qa mazaskazi ecedan tehike cin kici iciyopeyepica šni.

18 Taku tehika yawapi qa kohdihdi kin hena kiksuyapi kte šni; qa woksape yuhapi kin he inyan tehike cin isanpa ecee.

19 Kuś topaz kin he he iyecece kte šni; mazaskazi ecedan wašte kin kici tkeutapi kte šni.

20 Hecen tokiyatanhan woksape u kta he; qa wookahniġe toyanke kin tukten un he.

21 Taku ni un owasin ištapi etanhan akaġpetonpi nakaś; qa maġpiya okinyanpi kin etanhan nahmanpi ecee.

22 Abadon qa wiconte heyapi ece; Unnoġepi on he oyakapi kin naunhonpi:

23 Tacanku kin he Wakantan-ka okaġniġa, qa Iye qe oyanke tawa kin sdonya ece.

24 He qe maka ihanke kin ekta etonwan nakaś; maġpiya ihukuya owancaya iye wawanyake kta.

25 Tate tkeutapi kin he kaġe qehan; qa mini kin iyutapi on ašpeyeton;

26 Maġaju woope wan kicaġa qehan; qa wakinyan tawakanhdi canku wan kicaġa;

27 He ehan Iye he wanyaka qa ohdaka; Iye ehnaka qa nakun iyukcan:

28 Tuka wicaśta kin heciya; Iho, Itancan kokipapi kin he Woksape ee; qa taku śica eġpeyapi kin he wookahniġe ee ce.

WICOWOYAKE 29.

1 Nakun Job katinyan tadowan ikikeu qa heya:

2 Tokin wi wanakaja en iye-macecen; Eloha awanmayaka anpetu qon iyececa:

3 Iye qe petijanjan tawa mapa aiyojanjan qehan; Iye taiyoyanpa kin on otpaza omawani ecee qon:

4 Masuton anpetu kin en iye-maceca qon; Eloha tawoinahbe mitawakeya akan yanke qehan;

5 Iyotan Waśake cin he hinyaġin mici un; micinca mihdukśan unpi qehan;

6 Miowe kin pteasanpi en yujajapi qehan; qa imniġa kin wiġdi wakpadan hiyumiciciya ecee qon:

7 Tiyopa ohna otonwe en imdamda qehan, canku ohna oiyotan-ke wan emicihnaka:

8 Kośka kin wanmayakapi qa naiġihmanpi; qa wicalihncapi kin hena najinhan najinpi.

9 Wicaśta ihdawapi kin ia ayaśtanpi, qa nape on iohmus ehna-kapi ecee.

10 Wicaśtayatapi ho kin anaġmanpi, qa ceġipi kin iye caka en ahdaskape.

11 Hehan wicanogē wanaġon qa mayawašte; wicaśta kin wawanyaka qa mayaotanin:

12 Wicaśta waġpanica howaya hehan niwakiya nakaś; nakun wamdenica qa tuwe wawiciye nice cin hena.

13 Tuwe tekinica tawoyawašte kin he en mau ece; qa wiwazica cante kin wiyuśkin waya.

14 Woowotanna komdaka, unkan he komayaka; mitawoyaco kin he śina qa wateśdake ee.

15 Ištaġongapi kin hena išta mayanpi waun, qa huštepi kin hena siha mayanpi ecee qon:

WICOWOYAKE 30.

16 Onsíkapí kin hena atema-
yanpi waun; qa woakinica sdon-
waye síni qon he owade ece.

17 Nakun wicašta síca hi kin
weciyuksaksa, qa iye hi etanhan
yašpašpapi qon he emdaku.

18 Hehan hepa; Hołpi mita-
wa ohna mače kta, qa anpetu
wahduota kta, hool iyececa.

19 Hutkan mitawa mini kin
ayuhdokapi kta, qa cu kin ade-
tka mitawa akan yanke kta.

20 Mitowitan kin he teca mi-
ciyanke kta; qa mitinazipe kin
minape ohna yutecapi kta.

21 Hena e namałonpi qa ape
unpi; qa mitowiyukan kin on
inina yukanpi:

22 Mioie kin iyohakam iye ake
wohdakapi síni; qa iwae cin awi-
cahinhane ece.

23 Nakun amapepi, mağaju
apepi kin iyececa; qa mağaju
ehake kin on i hdukawapi ecee.

24 Hena iwicawahala keš wi-
cadapi síni; qa miite iyoyanpa
kin he ehpeyapi síni.

25 Canku wicawecicałniga, qa
itancan imdotanka, qa ozuye
wan ehna wicaštayatapi iyecen
wati; wanji ceyapi kin wacin-
tonhnagwicaye cin iyemaceca
tuka qon.

WICOWOYAKE 30.

1 Tuka wanna tona anpetu en
mihakam unpi kin hena imala-
łapi; hena atewicayapi qon
optaye mitawa tašunke kin om
ewicawahnake kta tawałenwaye
síni.

2 Han, iye napepi towašake
kin he etanhan imatokeca he,
hena en wicalincapi kin ata-
kuni síni ece.

3 Takudan yuhapi síni, qa wo-
tektehdapi kin on hanyanpi, ma-
ka puza kin yaqogapi ecee, wi-

cotakuni síni hanyetu qa otiwota
ehna.

4 Hena otełi etanhan maluha
yušpipi, qa genista hutkan kin
he woyute yapi ece.

5 Wicacokaya tanhan łamwi-
cayapi; wamanon sa wan iye-
ceca wicihakam panpi ece qon.

6 Wokokipe osmaka kin en
otipi kta, makohdoka qa imnija
kin ohna.

7 Can yulaha kin ehna hotonpi
kta; wapepeka ihukuya makata
iwankapi kta.

8 Hena witkotkoka cincapi,
han, wicašta síca cincapi; ma-
koce kin etanhan łamwicayapi.

9 Tuka wanna hena wowihaha-
mayanpi waun, qa oweštepi ma-
kağapi ece.

10 Walıtemadapi síni, namiciji-
capi, qa miite atagošapi itonpapi
síni.

11 Iye kin ikan mitawa yukca
qa kakišmayan; heon etanhan
iyepi kin iiyuwi kin mitokam
ehpeyapi ece.

12 Wicacinca optaye kin mi-
etapa tanhan inajinpi; misiha
naheyam iyeyapi, qa woihangye
canku tawapi kin mitokam yu-
wankan iyeyapi ece.

13 Mitacanku kin yumdu ehpe-
yapi, ihangmayanpi kta škanpi;
iye wawiciya nicapi tuka.

14 Tankaya bołpapi kin iyecen
hiyupi; kaolpapi kin ihukuya
paptanptan iyeiciyapi.

15 Wonihinciye takpe maupi;
mitawacin kin he kuwa ayapi,
tate iyececa; qa waomakiyapi
kin titokan iyaya, malpiya šapa
wan iyececa.

16 Unkan wanna minagi ami-
hdapson; wokakije anpetu kin
sutaya mayuza ece.

17 Hanyetu kin he mahuhu pa-
łdoka ece; qa kan mitawa ozii-
ciyapi síni.

JOB,

18 Wowasake tanka on mita-wokoyake yutokecapi; onhdo-lda mitawa tahu kin iyecen mayuskiskita ece.

19 Upsija en iyohpemayan; unkan maka mdu qa cahota iyececa imacağa.

20 Hoyeciciya tuka niye amayadupte šni; en nawajin, unkan niye amayatonwe.

21 Wamakipajin nićicağa; ninape wowasake on tehiya mayakuwa ece.

22 Tate on wankan iyemayaya, akan iyayemayaya, qa wuwacinye mitawa dutakuni šni.

23 Tuka de sdonwaya, niye wiconće en amayahdi kta, qa ni unpi iyuhpa tomniciye tipi kin en.

24 Han, iye nape yugate cinhan wocekiye yuke kte šni he; toihangye kin on howayapi esta.

25 Anpetu tehika on waceye šni he; wahpanicapi kin on minagi iyokišica ecee.

26 Taku wašte awakipe, tuka taku šica hi; iyoyanpa awape waun, tuka otpaza hi ece.

27 Mitezi ipiga qa ayušan šni; woiyokišica anpetu kin awakipa ece.

28 Anpetu wi codan šapa omawani ece: nawajin, omniciye kin en wašicahowamda ece.

29 Unktehi sunkamayanpi imacağa; qa hinhankağa tanka kin takodamayanpi.

30 Uka mitawa kin šapa amayan; qa okata on mahuhu hūhnağa ecee.

31 Nakun candowankiyapi mitawa kin he woiyokišice icağa; qa cotanke mitawa tona ceyapi ho kin iyececa.

cağa; hecen token wikoška wan opahta manke kta he.

2 Hehan wankantanhan Eloha taku tawa kin tukte e he; qa Iyotan Wašaka tawoailpeye tehanwankantu kin etanhan *tukte e he*.

3 Wicašta šica woihangye aki-pe kte šni he; qa wicotakuni šni, tona woahani econpi kin.

4 Iye mitacanku kin wanyake šni he; qa miowe iyuhpa yawa šni he.

5 Woitonšni kici mawani kinhan, qa misiha kin wohneye iyahna ye cinhan;

6 Iye qe woowotanna on aspeyapi kin ohna tkeumate kta: qa mitoecetu kin Eloha sdone kta.

7 Miowe kin canku kin etanhan icunonpa iyaya, qa micante miišta iyahna ye cinhan, qa wošape wan minape askape cinhan;

8 Miye hin wowaju kta, qa tuwe tokeca yute kta; qa taku icalhwaye cin hena yujunpi nunwe.

9 Micante winohinca on hnayanpi kinhan; qa mitakoda tatiyopa kin en iyawape hecinhan;

10 Winohinca mitawa wanji tokeca wakiciyukpan kta, qa toktokeca iye akan iwankapi nunwe.

11 He qe wošice hinca tuka; qa he woahani wayacopi kin ekta.

12 Han, he peta wan Abadon behanyan hūhnage kta; qa taku icalhwaye cin owasin yujun kta tuka.

13 Mitaokiye qa mitaokiye win tawoyaco kin ihawakta šni, kici amakinicapi qehan;

14 Hehan Wakantanka inajin kinhan taku ecamon kta he: qa iye waakite cinhan taku amdupte kta he.

15 Tamni mahen tuwe makage

WICOWOYAKE 31.

1 Miišta kici wicotakuye mići-

WICOWOYAKE 32.

cin he ís eya he kage šni he ; qa tuwe tezi mahen ica hunyanpi he Wanjidan šni he.

16 Walhpanicapi taku cantokpanipi kin awicawecinica kinhan, qa wiwazica íšta kin mduwanica hecinhan ;

17 Qa onšpa mitawa kin he mišnana wahdute, qa wamdenica kin mici yutapi šni kinhan :

18 Komaška ehantanhan ateyapi wan iyececa he mici icaga ; qa ina tamni etanhan he waonspewakiya nakaes.

19 Tuwe wokoyake codan tekkinica wanmdake cinhan, qa walhpanica kin woakalhe nica kinhan ;

20 Iye nite mayawašte šni kinhan ; qa talhinca mitawa yuśdapi kin on yucozapi šni kinhan :

21 Wamdenica kin nape apaha mduza kinhan, tiyopa ohna wamakiyapi wanmdaka qehan ;

22 Hinyete mitawa okihe etanhan hinhpaya nunwe ; qa miisto hu kin etanhan kaksapi kte :

23 Kinhan wokokipe amayanke kta, Wakantanka toihangye kin ; qa Iye tehanwankantu kin on owakihi kte šni.

24 Mazaskazi kin he wowaśake mićicaga, qa mazaskazi hinca, Wowacinye mitawa, ewakiya unkanś :

25 Mitowijice kin tanka on imduškin kinhan, qa minape taku ota kamna kin on ;

26 Anpetu wi iyojanjan wanmdaka, qa hanyetu wi kin wiyaťpatpa mani ;

27 Qa micante nahmana en yutitanpi, qa mii minape itputaka hecinhan :

28 He qe nakun woalhtani, wacyaco ekta ; Taku Wakan wankan yanke cin he en iwaton kte šni nakaes.

29 Tuwe śicemadake cin ihang-

yapi kin on imduškin, qa taku śica akipa hehan škinmićiya kinhan ;

30 Tuka iye nađi mdaśice kta e miiha walhtani wakiye šni ece.

31 Mitawakeya taoyate kin, Tokin tado tawa etanhan tuwe unqupin, iunmnanpi šni ce, eyapi šni :

32 Oyate tokeca etanhan tankan iwanke šni ; oicimani kin tiyopa wakiyuhdoka ece.

33 Wowakipajin mitawa akalhe weciton Adam iyececa, mamaku ohna wawalhtani nawakiłhe cinhan :

34 Wicota hinca kowakipa heon etanhan, qa oyate śicedakapi kin he wakokipe micaga he ; hecen inina waun, tiyopa etanhan tankan mde šni.

35 Tòkin tuwe namañon unkanś : Iho, iwakađo ; Tokin Iyotan Waśake cin amayupten, qa wicašta makipajin wowapi kađa keś :

36 Awicakehan hinyete akan ewehnake kta ; he wateśdagweton kta :

37 Miowe iyawapi kin oweci-yake kta ; wicašta ihdawa iyecen he ikiyedani wau kta.

38 Mađa mitawa amahoton kinhan, qa yumdupi kin ohna wita-ya ceyapi kinhan ;

39 He towaśake kin wiyopeyapi codan temwaye cinhan, qa tona tawapi qon nađipi kin tewaya unkanś :

40 Ađuyapi eekiya toka hu icage kta, qa barle eekiya wato icaga nunwe.

Job oie kin henakeca.

WICOWOYAKE 32.

1 Hecen wicašta yamni kin dena Job ayupta ayaťtanpi, iye íšta en owotanna icidaka nakaes.

JOB,

2 Hehan Elihu Barakel cinhin-tku, Buzi kin, Ram wicoun kin etanhan, he tocanniye kin ide: tocanniye kin Job aide, iye nađi hdaowotanna, Wakantanka isanpa, heon etanhan.

3 Nakun takodaku yamni kin hena tocanniye kin aiwicade; iye woayupte iyeyapi řni qeyař, Job yacopi.

4 Unkan Elihu wicoie on Job iyakipe un: hena e anpetu en iye itokapapi nakaes.

5 Unkan Elihu wicařta yamni kin dena ipi ohna woayupte wamica e wanyaka, hehan tocanniye ide.

6 Hehan Elihu Barakel cinhin-tku Buzi kin he waayupta qa heya: Miye qe anpetu en amařkatudan, qa niyepi pa niskapi; heon etanhan kowakipa, qa wosdonye mitawa cicipazopi kta ikowapa.

7 Anpetu kin wohdake kta iyececa ce, epa; qa waniyetu ota kin he woksape sdonye wicakiye kta ce.

8 Heca eřta, woniya wan wicařta mahen yanka, qa Iyotan Wařaka toniya kin he wokafinih-wicakiya ecee.

9 Wicařta tankapi woksape yuhapi řni, qa wicahincapi kin woyaco okahniđapi řni cee.

10 Heon etanhan hepa; Anamađoptan po, miř eya wosdonye owahdake kta ce.

11 Iho, nioiepi kin ape waun, nitowiyukcanpi kin awacin manka, woayupte oyadepi icunhan.

12 Han, aciwacinpi manka, tuka iho, niyepi etanhan tuwedan Job yatokeca řni, iye oie kin aduptapi řni cce.

13 Unkanř, Woksape iyeunyanpi ce; Wakantanka napeya, wicařta hee řni ce, ehapi kta tuka.

14 Unkan miye en iapi ocimda-gehan ehnaķe řni; heon nioiepi kin on miye amdupte kte řni.

15 Hena e yuřinyayapi, aķe ayuptapi řni, iapi ayařtanpi.

16 Ape manka, tuka takudan eyapi řni; iye owanđi najinpi nakaes, aķe ayuptapi řni.

17 Hecen miř eya onřpa mitawa amdupte kta; miř eya wosdonye owahdake kta ce.

18 Wicoie omajudan nakaes; woniya mahen maun kin he aotinsmayan.

19 Iho, mitezi kin miniřa yuhdokapi řni kin iyececa; nahdece kta seca, wouha teca kin iyececa.

20 Iwae kta, hecen tanyan waniya kta; miiha mdukawa kta, qa waamdupte kta ce.

21 Tokin wicařta ite yawankan iyewaye kte řnin; qa wicařta wanđidan mdawinte kte řni.

22 Yawintapi kin onmaspe řni nakaes: Icařmaye cin he ihnuhanna emayaku kta tuka.

WICOWOYAKE 33.

1 Hececa eřta, Job ceciciya ce, iwae cin hena nahon ye: qa mioie owasin tanyan anađoptan wo.

2 Iho, wanna mii wahdukawa; mii ohna miceđi wohdaka.

3 Mioie kin hena micante ece-tu kin etanhan; qa wosdonye ska kin miiha oyake kta.

4 Wakantanka Taniya kin he miye makađa; qa Iyotan Wařaka toniya kin he nimayan.

5 Oyakihi kinhan amayupta wo; mitokam ihduwiyea wo, najin wo.

6 Iho, iyae cin iyececa, miř eya Taku Wakan etanhan waun; miř eya upřija etanhan makađapi.

WICOWOYAKE 34.

7 Iho, mitokokipe kin wakokipe nicaḡe kte śni; qa woqin mitawa kin he tkeya akan niyanke kte śni.

8 Awicakehan minoḡe ohna iyaa, qa nioie ho kin hena nawaḡon:

9 Miye maska ḡinca, wokipajin codan, wakaśoteśni waun, qa wo-ahḡtani manica ce.

10 Iho, miye en wokipajin akita; miye tokawaya kecanmakin ece.

11 Misiha wokaśke en ehnaka; mitacanku owasin iwanmiciyaka ecee.

12 Iho, de en oniwotanna śni: miye aciyupte kta, Eloha wicaśta isanpa tanka nakaes.

13 He tokeca kici ayakinica kta he: Iye oie owasin on waayupte kte śni nakaes.

14 Tuka Wakantanka wanjidan en ie kta; han, nonpa en—tuwedan atonwe kte śni.

15 Wowihanmde kin en, han-yetu wowanyake en, woistinbe ḡinca wicaśta ahinḡpaye cinhan, owinja akan oḡungapi kin en:

16 Hehan wicaśta noḡepi wicayuhdoke kta, qa woonspe aonawicakitake kta.

17 Hecen wicaśta tawowaśi etanhan eyaku kta, qa wahanicidapi wicaśta anakicilibe kta.

18 Iye naḡi kin woḡa kin etanhan ekiciyaku kta, qa toni kin wipe on hinḡpaye kta etanhan.

19 Nakun owinja akan woyazan on kakiśyapi, qa huhu ohinniyankinicipi kin on.

20 Hecen toni kin aḡuyapi hitihda ece, qa iye naḡi woyute waśtedake ciqon.

21 Wanyakapi etanhan iye celipi kin atakuni kte śni, qa huhu tawa śdayehna wanke, wanyakepica śni.

22 Hehan iye naḡi woḡa kin

ikiyedani u, qa toni kin wicaktepi kin ekta.

23 Wawiciya yeśipi wan kici un kinhan, wanji kektopawinḡe wicehna, wicaśta toecetu kin okiciyake kta hecinhan;

24 He onśikida qa heye kta; Woḡa ekta iyaye kta etanhan ehdaku wo, miye woakalipe wan iyewaya ce.

25 Cehpi tawa yutecapi, hokśiyopa isanpa; kośka taanpetu qon en hdi kta.

26 Eloha cekiye kta, qa iye iyokipiye kta; hecen wowiyuśkin on iye ite kin wanyake kta; wicaśta toowotanna kin hdiyohikiye kta nakaes.

27 Wicaśta awicatonwan; unkan, Wawaḡtani qa woecetu kin mdupemni, tuka iyecen ecami-con śni eye cinhan:

28 Iye qe woḡa ekta mi naḡi iyaye kta etanhan eyaku; hecen mitaniya kin iyoyanpa en iyuśkin kta ce.

29 Iho, dena owasin Wakan-tanka econ kta, nonpa, yamni, wicaśta kici;

30 Iye naḡi woḡa kin etanhan hdicuye kta, wiconi iyoyanpa kin on iyoyamyekta e heon.

31 Nalio wo, Job, anamaḡoptan wo; inina yanka wo, kinhan katinyan iwae kta.

32 Wicoie nici un kinhan amayupta wo, wohdaka wo, miye ciyaowotanna kta wacin nakaes.

33 Wanica kinhan, niye anamaḡoptan wo; inina yanka wo, kinhan woksape onspeciciyekta ce.

WICOWOYAKE 34.

1 Hehan Elihu waayupta qa heya:

2 Wicaśta ksapa, mioie kin nahon miye; qa wasdonya yaunpi, miye anamaḡoptan po.

JOB,

3 Wicanogé kin wicoie iyukcan nakaes, wicai woyute uta ecee iyececa.

4 Woyaco unkiyukcanpi kta; unkiyotahedan taku wašte kin sdonunyanpi kta.

5 Job hecen eye ciqon; Miye omawotanna; tuka mitawoyaco kin he Wakantanka heyata iye-ya ece.

6 Mitawoyaco kin en iwatón kte sni he: maopi kin he asniyepica sni, wokipajin codan.

7 Tukte en wicašta wan Job iyececa he; mini iyececa wowi-halia yahepa ece.

8 Nakun śicaya econpi kin om takodawicaya, qa wicašta śica owicapeya mani ecee:

9 Kaken eya nakaes: Wicašta wan Wakantanka kici iyokipi iciye cin he takudan iwašte kte sni ce.

10 Heon etanhan, wicašta cante yukanpi, miye anamagoptan po: wicohan śica Taku Wakan itehan yanka; qa woah-tani econ kte cin he Iyotan Waśake cin itehan un nunwe.

11 Wicašta tohan kin he on kici-cajuju kta nakaes; qa otoi-yohi tacanku kin iyecen iyohi-kici-ciye kta.

12 Han, awicakehan Wakan-tanka śicaya econ kte sni; qa Iyotan Waśake cin woyaco yu-pemni kte sni.

13 Tuwe e Iye maka kin awan-yagkiya he; qa tuwe maka oco-wasin kin ehde he.

14 Iye cante en ehna-ke cinhan; Iye Taniya qa toniya kin ehdaku kinhan;

15 Wicacehpi owasin witaya niya sni iyaye kta; qa wicašta maka mdu kin en hdi kta tuka.

16 Nakun waoyakahniga he-cinhan, de nahon wo, mioie ho kin anagoptan wo.

17 Tuwe woyaco śicedake cin he itancan un kta he; qais iyo-tan owotanna kin he niye daco kta he.

18 Wahtešni ce, wicaštayatapi kin eciyepica he: Śicaya econ ce, itancanpi kin ewicakiyapi kta iyececa he.

19 Ege wicašta itancanpi itepi iyowicakipi sni, qa wijicapi kin wahpanicapi kin isanpa awica-tonwe sni ece; owasin iye nape kađe cin heepi nakaes.

20 Istakakpanpi se hena tapi kta; hanyecokaya hehan oyate kin nihinciyapi qa atakunipi kte sni: qa waśakśakapi kin hena nape codan token awicayapi ecee.

21 Iye ista wicašta otoi-yohi tacanku kin akan un nakaes; qa taowe iyulpa wanyake kta.

22 Otpaza wanica, qa wiconte ohanzi wanica, ohna wicohan śica econpi kin naičilmanpi kta.

23 Iye qeś tuwedan sanpa ahna-ke kte sni, hecen woyaco en Wakantanka ekta ye kta.

24 Waśakśakapi kin odepica sni wicakamdemdece kta, qa to-hepi kin en wicašta tokeca ewi-cahnake kta.

25 Heon etanhan wicohan ta-wapi kin iye okahniga, qa han-yetu en wicayuptanye kta; he-cen ihangyapi kta.

26 Śicaya econpi sa heon wica-kaštake kta, tukten wanyakapi ece kin entu.

27 Hena e Iye ihakapa tanhan iyayapi, qa tacanku owasin awa-cinpi sni nakaes:

28 Onśikapi howayapi kin Iye en ukiyapi; hecen wahpanica howayapi kin iye nawicalion kta.

29 Tuka Iye qe ozikiye wicaye cinhan hehan tuwe e wicayaśice kta he: qa Iye ite anakihbe cinhan hehan tuwe ecin wanyake

WICOWOYAKE 36.

kta he: qa he oyate kin en, qais wicašta sukaza kicica kta.

30 Hecen wicašta walite šni kin wicaštayatapi un kte šni, okinni oyate wicahmunkapi kta.

31 Awicakehan wanji Wakan-tanka heciye kta; Wanna wa-waqin, ake šicaya ecamon kte šni ce:

32 Taku wanmdake šni kin ni-ye wanyagmayan ye; wawa-htani kinhan ake icimana ecamon kte šni ce.

33 He niye yacin kin ohnayan kajuju kta he; niye wicayada šni nakaes: he niye yakašniže kta, qa miye kte šni: hecen taku sdonyaye cin ohdaka wo.

34 Wicašta cante yuke cin hena hemakiyapi kta; qa wicašta ksapa anamağoptan kta:

35 Job wosdonye codan ia ece; qa iye oie kin woksape en un šni ce.

36 Job owihanke hehanyan iyukcanpi kta hecen mitawacin; wicašta wahtanipi kin on waayupta ece kin heon etanhan.

37 Wahtani kin en wowakipajin akaže kta nakaes; unkiyopeyapi nape hdaskaskapa; qa Wakantanka ekta oie hduota ecee.

WICOWOYAKE 35.

1 Nakun Elihu waayupta qa heya:

2 De woyaco eciyatanhan idukcan he: Mitoowotanna kin he Taku Wakan tawa kin isanpa ce; ehe ciqon.

3 Taku e iniwašte kta he, keha nakaes: Wawahtani kin isanpa token imawašte kta he, eha.

4 Miye qe wicoie on aciyupte kta, qa nitakodapi nici unpi kin hena.

5 Małpiya kin ekta etonwan qa wanyaka wo; qa małpiya šapa

kin atonwan wo, hena niwankam tehan wankantu.

6 Niye wayalitani kinhan, iye en taku eçayecon kta he: qa wowakipajin yahduota ešta iye en taku yakaže kta he.

7 Oniwotanna kinhan taku e yaqu kta he; qa ninape etanhan iye qe taku icu kta he.

8 Wicašta wan niye iyececa kin niohan šica itokeca kta; qa nitoowotanna kin wicašta cinca iwašte kta tuka.

9 Wakakišyapi ota on etanhan šicahowayapi kta: wašakšakapi isto kin on howayapi ecee.

10 Tuka tuwedan heye šni; Eloha icalimaye cin tukten un he; he iye hanyetu en dowanpi wicaqu ece.

11 Iye maka woteca kin isanpa waonspeunkiyapi ece, qa małpiya okinyanpi kin isanpa ksapa unkağapi kta.

12 Heciya šicahowayapi kta, tuka iye waayupte kte šni, wicašta šica wałaniçidapi kin on etanhan.

13 Awicakehan Wakantanka taku šni kin nałon kte šni; qa lyotan Wašake cin lie atonwe kte šni.

14 Niye wandake kte šni, keha ešta, woakinica kin he iye itokam yanka; hecen ape yaun kta iyececa.

15 Tuka wanna iye tocanniye kin wawiyohi šni qeyaš, wowakipajin ehna tanyan wasdonye kte šni he.

16 Tuka Job taku šni on i hdukawa ece; wosdonye codan wicoie hdaota ecee.

WICOWOYAKE 36.

1 Hehan Elihu ake ie ça heya:

2 Kitanna iyowinmakiya wo,

JOB,

kinhan wociciyake kta; ehake Eloha on taku oyagpica nakaes.

3 Tehantanhan wosdonye mitawa awau kta; qa Icahmaye cin he woowotanna weciyao-tanin kta.

4 Awicakehan mioie itonšni wanice kta: tuwe wosdonye en ecetu hince cin he niciyanka.

5 Iho, Wakantanka wašaka, tuka wawaliteda šni wanica; cante wowašake en iye wašake hinca.

6 Iye kin wicašta šica niwica-kiye kte šni, tuka onšikapi kin woyaco wicaqu kta.

7 Wicašta owotanna etanhan iye išta ewicakicihdaku kte šni; tuka wicaštayatapi om un, oiyo-tanke kin akan, qa ohinniyan na-jin wicakiye kta, unkan wankan ihdoyapi kta.

8 Nakun mazaicicahiha on wicakaškapi kinhan, wokakije ha-honta on wicayuzapi kinhan;

9 Hehan iye ohanpi kin wica-kipazo; qa wowakipajin tawapi, hena wahanhaničidapi nakaes.

10 Nakun wowahokonkiye ekta nođe wicakiyuhdoka, qa woahtani etanhan hdicupi kta, ke-wicakiya ece.

11 Anağoptanpi, qa ecen econpi kta hecinhan, anpetu tawapi kin wowašte en ihuniyanpi kta, qa waniyetu tawapi kin wowiyuškin en.

12 Tuka waanağoptanpi šni kinhan, wipe on wicaktepi kta, qa wosdonye codan tapi kta.

13 Tuka tona cante en wahna-yanpi kin hena wocanniye mna-kiyapi kta; iye wicakaška ešta ceyapi šni ece.

14 Wicakoška hehan nađi tapi kta; qa taniyapi kin wicašapa om un kta.

15 Iye wicašta onšika toka-kije etanhan eyaku kta, qa ka-

kišyapi en nođe wicakiyuhdoka kta.

16 Qa nakun uiye qe wokakije i kin etanhan eniyaku kta tuka, makoce tanka ocistiyedan wa-nica ekta: qa wahna wotapi ni-tawa tawoyute kin he wasna ojudan kta.

17 Tuka niye qe wicašta šica yacopi kin onijudan: wayacopi qa woyaco kiciyuzapi kta.

18 Wocanniye yukan nakaes, okinni kaštakapi on tokan aniye kta: hehan wokajuju tanka eni-yaku kte šni.

19 Nitowijice kin he iye wašte-dake kta he: hiya, mazaskazi oqapi qa wowašake wokamna ocowasin ešta.

20 Hanyetu kin cantokpani šni wo, en oyate kin tokan awica-yapi ece.

21 Waanağoptan wo, taku šice cin ekta nihduhomni kte šni; he qe wokakije isanpa yahdahniğa nakaes.

22 Iho, Wakantanka iye towa-šake on yuwankan iyeya ece; tuwe Iye iyececa waonspekiya he.

23 Tuwe tacanku kin okici-yake kta he; qa tuwe; Šicaya ecanon ce, eciye kta he.

24 Iye tohan kin datanka kta kiksuya wo, wicašta he ido-wanpi ecee.

25 Wicašta owasin he wanya-kapi kta; itehantanhan wicašta he atonwe kta ce.

26 Iho, Taku Wakan kin he tanka, qa unkiye sdonunyanpi šni; Iye tawaniyetu iyawapi, he qe okañniłpica šni.

27 Tohan Iye hinca mini ošbu kin yutitan eca, minibozan eci-yatanhan mağaju hiyuyapi ece.

28 He małpiya šapa kin šbu-yapi, wicašta ota awicahinhan ece.

WICOWOYAKE 37.

29 Nakun tuwe mahpiya šoka yumdayapi kin okahnige kta he ; tawakeya kahdehdecapi kin he.

30 Iho Iye taiyoyanpa kin ahdu-mdaya, qa miniwanca hutkan kin akaŋpa ecee.

31 Hena on oyate kin wicayaco nakaes, woyute ota wicaqu kta.

32 Nape napin iyoyanpa on ahdaŋpa, qa itkokipe cin en iya-yeya ecee.

33 Wakinyan tawa kin oihdaka ; nakun wanunyanpi kin, tuwe u kte cin on.

WICOWOYAKE 37.

1 Nakun de on micante škan-škan, qa toyanke kin etanhan token iyaya.

2 Naŋon miye, Iye ho hoton kin naŋon po ; qa Iye i etanhan jijiya ho enape cin he.

3 Mahpiya ocowasin ihukuya iyayeya ece, qa wakanhdi tawa maka ihanke kin hehanyan.

4 He iyahna ho wan hoton kta ; Iye towitan ho kin on wakinyan hotonkiye kta ; qa iye ho na-ŋonpi kinhan, *tawakanhdi* kin kpatan kte šni.

5 Wakantanka iye ho kin on wowinihanyan wakinyan hoton-kiya : taku tanka econ ece, un-kiye unkokahnigapi šni.

6 Wa kin, Maka akan yanka wo, eciya nakaes ; qa ikce ma-ğaju, qa iye towašake mağaju kin he nakun.

7 Wicašta owasin napepi askam-wicakiton ece ; hecen wicašta iyulpa iye tohan kin sdonyapi kta.

8 Hehan wamanica kin wašun mahen kihda ece, qa tipi tawa kin ohna yanka yanke.

9 Iye toyanke kin etanhan ta-teiyumni kin hiyu ece, qa wazi-yatanhan tate kin etanhan osni.

10 Wakantanka ipogan kin on cağa wicaqupi, qa mini otanka kin yuciqapidan ece.

11 Nakun mahpiya šoka kin mini ojukiya ece ; taiyoyanpa mahpiya kin he hdumdaye kta.

12 Unkan dena iye tawiyukcan eciyatanhan ihduhomnimnipi ece ; hecen iye taku econ wicaši kin iyulpa maka sintomni ite akan yušanpi kta.

13 Wokakije on hecinhan, qa makoce tawa kin on, qaiš wo-waonsida on hecinhan, he hiyu-kiya ecee.

14 Job, de anağoptan wo ; owanji najin, qa Wakantanka tawowinihan kin awacin wo.

15 Tohinni Eloha hena ehnaka hecinhan niye sdonyaya he ; qa tamahpiya iyoyanpa kin iyeŋiye ciqon.

16 Mahpiya šapa otkeyapi kin he niye oyakahniga he : Tuwe wosdonye en ecetu linca taku wowinihan tawa kin hena.

17 Token nitawokoyake cosco-za aya hecinhan, iye itokağa tanhan maka kin ozikiye cinhan.

18 Iye kici niš mahpiya to kin dumdaya he ; he suta, ihdiyomdasin šdoyapi wan iyececa.

19 Taku unkekiciyapi kte cin he onspeunkiya po : otpaza ite kin on *iapi* ehnaka unkokihipi šni ye.

20 Miye womdake cin he iye okiyakapi kta he : Wicašta wan ie cinhan awicakehan napcapi kta.

21 Unkan nakaha iyoyanpa iye-ğa mahpiya ekta yanke cin he wanyakapi šni ; tuka tateyanpa kin hiyaya qa kaska ecee.

22 Mazaskazi iyeğe cin he waziyatanhan aupi : Eloha kici wo-witan wowinihan linca.

23 Iyotan Wašaka, he unko-

JOB,

hñigapi kte śni, wowaśake en oiyokipi hınca, qa woyaco, wootanna ota nakun; ege waayupte kte śni.

24 Heon etanhan wicaśta koki-papi kta: Tona cante ksapeiçidapi kin hena owasin awica-tonwe kte śni ce.

WOCOWOYAKE 38.

1 Hehan Jehowa tateiyumni etanhan Job ayupta qa heya;

2 De tuwe wowiyukcan aotpas-ya he, wicoie wosdonye codan on.

3 Wanna wicaśta iyecen ipiyagkiton wo: Miye wiciwange kta, hecen amayadupte kta.

4 Maka kin mdusuta qehan tukten yaun he; wookalniğe sdon-yaye cinhan, oyaka wo.

5 He iyutapi kin hena tuwe ehnaka he, sdonyaya hecinhan: qa tuwe he halhonta ayutitan he.

6 Taku e akan he cin en oyus-tanpi he: qa oise inyan tawa kin he tuwe ehnaka he:

7 Anpao wicanhpi kin hena kicidowanpi qehan; qa Wakan-tanka cinca iyuhpa wiyuśkin-yan panpi.

8 Qaiś tuwe tiyopa on mini-wanca kin nataka he, nahdeca, tamni etanhan hiyu qehan:

9 Wokoyake iyecen mahpiya śapa aopemniwakiya qehan, qa otpaza on yuskiskitapi kin iye-ceca.

10 Qa he on wokonze mitawa oweciyaka, qa inatake tiyopa ko ewecihnaka:

11 Qa hepa; Dehanyan yahi kta qa sanpa kte śni; qa den wowitan taja nitawa kin anaptapi nunwe.

12 Nitaanpetu kin en hanhanna kin econ yaśi he; anpao kte cin he toyanke kin sdonyeyakiya he;

13 Hecen maka ihanke kin en yuze kta; qa śicaya econpi kin hena etanhan katatapi kta.

14 Upśija ekta mazanapcupe yuhomnipi kin iyececa; qa wokoyake en iyececa najiniçiyapi ece.

15 Hecen śicaya econpi kin etanhan iyoyanpa yutokan iye-kiciciyapi kta; qa isto yuwankan icupi kin he kaksapi kta.

16 Miniwanca oenape kin ekta yai he; qa ośbe oahe kin hena omayani he.

17 Wiconte tiyopa kin hena ni-ci-yuhdokapi, qa wiconte ohanzi tiyopa kin hena wandaka he.

18 Maka ohdakinyan helanyan oyakalniğa he; hena owasin sdonyaye cinhan, oyaka wo.

19 Iyoyanpa onunye cin ekta canku kin tukte e he; qa otpaza kin tukten toyanka he.

20 Hecen ihanke tawa kin ekta ade kta; qa hecen tipi tawa tancanku kin oyakalniğe kta.

21 He ehan nitonpi kin on sdon-yaye kta he; qa nitaanpetu iyawapi kin he tanka hınca!

22 Wa omnayampi kin mahen yai he; qa wasu ohnakapi kin he wandaka he:

23 He is wokakije anpetu kin ewecihnaka; anpetu en wata-kpapi qa okicize hehanyan.

24 Tukte canku kin ohna iyo-yanpa kiyuśpapi he, maka akan wiyohiyanpata tate kin iyayeye cinhan.

25 Mağaju mini ohna hiyaye kte cin tuwe e yukinukan he, qa wakinyan wakanhdi kin canku kicağa he.

26 Hecen maka akan tukten wicaśta wanica eśta mağaju kta; hewoskan wicaśta wanica kin hetu.

27 Hewotahedan qa otiwota

WICOWOYAKE 39.

kin he imnaye kta, qa peji wohinśma hinanpeye kta e heon.

28 Mağaju kin he ateyapi yukan he; qa tuwe cu opiye kin icalikiya he.

29 Tuwe tamni etanhan caga hinanpe kta he: qa mahpiya hewanke kin tuwe icalikiye kta he.

30 Mini kin inyan iyecen nahbeiciya; qa wośbe ite kin atasaka ece.

31 Tawamnipa (Pleiades) mazaicalihla kin yakaśke kta he: qa Orion ipiyake kin yuśka oyakihi he.

32 Mazaroth (wicanłpi wapaha ake nonpa) tohan iyehantu kinhan, niye ayau kta he; qa wahanksica (akiyuhapi kin) iye cinca iyahna yus ade kta he.

33 Mahpiya wope kin sdonyaya he; qaiś maka akan onnye cin he niye yakonza he.

34 Mahpiya śapa ekta niho yekiya oyakihi he; hecen mini utkanna anicalıpe kta.

35 Wakanhdi kin hena yewicayaśi, unkan yapi kta he; qa, Den unyakonpi ce, eniciyapi kta he.

36 Tuwe e woksape wicapakśin en ehnaka he; qa tuwe wookahniğe wicacante en wicaqu he.

37 Tuwe e woksape on mahpiya śapa kin yawa kta he; qa mahpiya ojuha kin tuwe yucoka kta he:

38 Tohan maka mdu kin suksuta aya, qa maka yuśpaśpapi kin askamkiciyapi kinhan.

39 Mnaja kin niye tado iyecihni kta he; qa mnaja cinca toni kin imnayaye kta he.

40 Tohan waśun ohna pustag iwankapi, can wohinśma en waiyape iyotankapi kinhan.

41 Tuwe e kangı woyute ki-

camna kta he: tohan cinca kin Wakantanka hoyekiyapi eca, woyute codan omani unpi ecee.

WICOWOYAKE 39.

1 Tohan imnija tatoka kin cinationpi eca sdonyaya he; qa tahinca ohomnıpi kin he iwandaka he.

2 Wi tona ihunikiyapi ecee kin yawa oyakihi; qa tohan cinca hiyuyapi ecee kin sdonyaya he.

3 Hena patujapi, cinca hiyuyapi; woyokiśice tawapi ehpekiyapi ecee.

4 Cincapi kin icagapi, tintoskan waśaka ayapi; iyayapi, qa ake en wicahdıpi śni.

5 Tuwe e ikce śonśonna kin kaśke śni iyayeya he; qa tuwe ikce śonśonna on kaśkapi kin kiyukca he:

6 Heqe makopuza tipi tawa wecağ; qa hewoskan makoce kin en onnyan ece.

7 Otonwe en wicota kin wahıewicadaśni; wakahapa hoyeye cin he nahon kte śni.

8 He akan taku iyeyepica hen wiħan ece; qa taku toto owasin ode kta.

9 Tinta tatanka kin he waoniciye kta he; qa tatanka tipi nitawa ohna un kta he.

10 Tatanka ikceka kin mahyumdupi en hahonta on yakaśke kta he; qa nihakam iye kaksiza kin yuhinhe kta he.

11 Iye towaśake tanka, heon wacinyaye kta he, qa nitoħtani kin aihpeyakiye kta he.

12 Wacinyaye kta; woksapi nitawa aku kta, qa wakapanpi nitawa mnaye kta he.

13 Hinhankağ tanka (Ostrich) tahupahu kin wiyuśkin ece; tuka śun qa wiyaka tawa kin wacekiya he.

JOB,

14 Maka kin akan witka kada ece ; qa maka mdu kin en wabe kta.

15 Qa wicasiha nahuhuga kta naceca he akiktonja ; qa tinta woteca kin amani kta.

16 Iye cinca kin tehiya wica-kuwa, tawa šni iyececa : tohtani kin he taku šni, wokokipe codan.

17 Eloha he woksape akiktonš kiya nakaes, qa wookahnige kin okinikiye šni.

18 Tohan wankan ihdapsinta eca, šuktanka qa akan iyotanke cin iwicaħaħa ece.

19 Šunka wakan kin iš wowaśake niye yaqu he ; apeyohin on tahu koyagyaya he.

20 Psipsicadan iyecen psipsin-yakiya oyakihi he : Poġe on pša kin he wokokipe ħinca.

21 Kaksiza ohna wanaqoħqoġa, qa wowaśake on psipsice kta ; okicize wipe tonpi kin hena itkokim ye kta.

22 Wokokipe on iħaħa qa koki-pe kte šni ; qa mazasagye ite etanhan naħni kte šni.

23 Iye iwankam wanju kin ko-kog ħinhda ; wahukeza hbehbeza qa wapahaśa kin.

24 Ipsicapi qa wocanniye on maka kin napce kta tuka ; qa mazayahotonpi hoton kinhan owanji najin kte šni.

25 Mazayahotonpi hoton eca, Ho, ho, eya ece : qa tehantanhan okicize kin omna, akicita tancan wakinyan hotonkiyapi qa iyaśapi kin.

26 Niye nitoksape kin on canśka kin kinye kta he ; itokaħkiya ħupahu yekiye kta he.

27 Qa niye nii on wamdi kin wankantkiya kinye kta, qa wankan hoħpi kicage kta he.

28 He qe imnija en ounye kta, qa imnija hi kin akan ticage kta, qa ħe ipa kin en.

29 Hetanhan woyute akita ece ; iye išta tehan wawanyakapi kta.

30 Nakun iye cinca kin we ya-zokapi kta ; qa wicaktepi wanke cin hen iš yanka ece.

WICOWOYAKE 40.

1 Nakun Jehowa Job ayupta qa heya :

2 Wawakipajin kin he Iyotan Waśake cin kici wakinica kta he. Tuwe Eloha waonspekiye kte cin he ito ayupte kta.

3 Hehan Job Jehowa ayupta qa heya :

4 Iho, miye mawaħte šni, token aciyupte kta he : minape mii en ewehnake kta.

5 Wancadan iwaa, tuka waa-mdupte kte šni : han, nonpa, tu-ka ake ecamon kte šni ce.

6 Hehan icamna kin etanhan Jehowa Job ayupta qa heya :

7 Wanna wicašta iyecen ipi-yag kiton wo : Miye wiciwange kta, qa niye amayadupte kta.

8 Nakun mitawoyaco kin he dutaku kte šni ; niye oniwo-tanna kta on mayadaco kta he.

9 Hecen niye, Taku Wakan iyececa, isto niyukan he ; qa iye iyecen ho on wakinyan hoton yakiye kta he.

10 Wanna wowitan qa woiyo-kiyi on ihduza wo ; wowaśake qa woyuonihan koyagiċiya wo.

11 Wocanteptanye nitawa woptecaśni kin he kaśtan wo, qa wowaħaniċida iyulpa wanyake ċa kun eħpeya wo.

12 Wahaniċida otoiyohi wan-yaka, kun eħpeya wo ; qa taku śica econpi kin iye toyanke ohna awicahan wo.

13 Hena witaya maka mdu en nawicaħman wo ; woinaħibe en ite iyawicakaśka wo.

14 Hehan miś eya wociyake

WICOWOYAKE 41.

kta, nape nietapa kin he wanini-
ciye kta nakaes.

15 Iho, wanna, behemoth (un-
ktehi) he niye kici wakağa; he
peji yuta ece, tatanka iyececa.

16 Iho, wanna, towaśake kin
nite ohna un, qa tezi ikan kin
ohna toiyokihi yanka!

17 Hanteśa can iyecen sinte
hdapsanpsan ece; ceca ikan ta-
wa kin iciyuhmunpi.

18 Huhu kin mazazi pson-
psonna kin heca; huhu tawa
kin hena mazasapa kamdaskapi
kin iyececa.

19 Wakantanka tacanku toka-
pa kin hee: Tuwe icalıye cin he
tamazasagye kin hiyukiya.

20 He kin hena iye on woyute
icalıkiciye kta nakaes; qa heci-
ya tinta woteca iyulıpa şkatapi
kta.

21 Can wapoşbe kin ihukuya
iwanke kta, cedi hu oinaşbe qa
pteğa kin en.

22 Can wapoşbe kin ahanziki-
yapi kta; wakpa colıwanjica kin
aohduteyapi kta.

23 Iho, wakpa kin waşaniçida
kta, iye kokipe kte şni: kopelıda
şni un kta, iye i kin en Jordan
wan akaduza eśta.

24 Iye iśta on yuze kta; iye
poğe on hmunkapi kin yaşdoke
kta ce.

WICOWOYAKE 41.

1 Hinşkijupi wan on leviathan
iyacu kta, qa iıyuwi en ceji kin
iyeyaye kta he.

2 Psa ikan wan poğe ohna iye-
yaye kta, qa wapepeka on cehu-
pa yeciylıdoke kta he.

3 Iye wocekiye niciyuota kta
he; qa iapi skuya eniciye kta he.

4 Niye kici wicotakuye kicağe
kta he; ohinniyan niye wowida-
ke duhe kta he.

5 Kici niye yaşkate kta he, zi-
tkadan wan iyececa; qa wicinca
nitawa kin on he yakaşke kta
he.

6 Kodakiciya unpi kin hena
he hmunkapi kta he: wopeton-
pi kin om he kiyuşpaşpapi kta
he.

7 Iye ha kin wanhinkpe on
ojuyaye kta he, qa iye pa kin hu-
şaka on.

8 Ninape hee qaes akan ehnaka
wo—okicize kin kiksuya wo,
ake ecanon kte şni.

9 Iho, he wacinyanpi kin wica-
hnayan; nakun wanyakapi kin
on tuwe makata elıpeyapi kte şni
he.

10 Hee yulıca kta e tuwedan
waditake şni: Hehan tuwe e
miye mitokam najin okihi kta
he.

11 Tuwe e mitokaheya taku
econ, hecen wecicajuju kta he:
Taku Maşpiya ocowasin ihukuya
kin he mitawa ece.

12 Iye huha on inina manke
kte şni; qa taku on towaśake, qa
tawokoyake oiyokipi kin.

13 Tuwe e tawokoyake ito-
hnake kin yuzamni kta he; qa
tuwe e cehupa itakihna kin en
u kta he.

14 Iye ite tiyopa kin tuwe yu-
şdoke kta he; ihduksanyan hi
kin hena wokokipe.

15 Wahacanka suksuta tawa
kin hena e wowitan; ipuspe
sutaya ahnakapi kin iyecen nata-
kapi.

16 Wanji wanji kici iciyaska-
pa, hecen tate otahedan iyaye
şni.

17 Wanji takodaku iakan askam-
yapi; icikoyagyapi, hecen yu-
şdogpica şni.

18 Psa eca iyoyanpa hiyuya
ece; qa iśta kin anpao iştapehin
iyececa.

19 Iye i etanhan peta ide hiyu; iye etanhan pešnja hinanpa ece.

20 Iye pođe etanhan šota hiyu ecee, cega ipiđa qa mazceđa kin iyececa.

21 Taniya kin petađa idekiya, qa iye i kin etanhan ide wan hinanpa ece.

22 Tahu akan wowašake yanka, qa iye itokam wonihinciye in- yanka ece.

23 Iye cełpi cemcepa kin askamkiciyapi, iakan suksuta, kaškanškanpica šni.

24 Cante suta hınca, inyan iyececa; han wiyutpan inyan ihukuya kin iyecen suta hınca.

25 Wankan iyečiya eca wašakšakapi kin kokipapi; nihinci- yapi on našnapi ecee.

26 Tuwe mazasagye ekta ye- kiya ešta kahtake kte šni, wa- hukeza, wanhinkpe, qa hułaka kin.

27 Mazasapa kin he peji puza iyececa daka, mazaša he can ponpona iyececa.

28 Itazipa cinca kin nape kiye kte šni; inyan yuhmunpi kin aguyapi hu kin eekiya ece.

29 Canłpi kin hena peji hu iyececa daka, qa wahukeza kos- kozapi kin he on iłha kta.

30 Wakšica kamdecapi pepe kin ihukuya hiyeya; iyuhinte pepe wan upšija ayumdaya.

31 Wošbe kin cega ipiđa iyecen ipiłkiya ece; miniwanca kin he pejihuta cega iyececa kađa.

32 Iye ihakam canku wan iyo- janjanya ece; wošbe kin wanna pa ska kecinpi kta.

33 Maka akan iye iyececa wa- nica; wokokipe codan kađapi nakaes.

34 Taku wankantu owasin ekta etonwe kta; heqe wałaničidapi cinca iyuhpa elna wicaštayatapi yanka ce.

WICOWOYAKE 42.

1 Hehan Job Jehowa ayupta qa heya:

2 Taku owasin niye ecanon oyakihi sdonwaya; qa niye ekta woawacin takudan tehike šni.

3 Hehan tuwe e wosdonye co- dan wowiyukcan aotpasye kta he: Heon etanhan womdaka, tuka owakahnige šni, taku miye ekta wowinihan, qa sdonwaye šni qon.

4 Ceciciya ce, nałon ye, kin- han miye iwae kta: miye wici- wange kta, qa niye waonspema- yakiye kta.

5 Nođe winałonpi kin on niye on nawałon ecee, tuka wanna mišta wanniyaka:

6 Heon etanhan wałtemiči- da šni, qa maka mdu całota ko en iyopemičiye kta ce.

7 Unkan kaketu, wicoie kin de- na Jehowa Job eciye cin iyo- hakam, hehan Jehowa Eliphaz Temani kin heciya; Niye qa nitakoda nonpa on wocanniye mitawa ide: taku ecetu kin ema- yakiyapi šni nakaes, Job mitao- kiye kin iyececa.

8 Heon wanna tałanka šakowin qa tamdoka šakowin ikikcu po, qa mitaokiye Job ekta ya po, qa niyepi on wošna wan wahdušna po: kinhan Job mitaokiye woce- kiye eniciyapi kta; iye ite yu- wankan iwacu kta nakaes; hc- cen wowitkotkoke eciyatanhan ecaciconpi kte šni: taku ecetu kin emayakiyapi šni nakaes, mi- taokiye Job iyececa.

9 Hehan Eliphaz Temani kin, qa Bildad Šuhi kin, Zophar Na- amathi kin nakun iyayapi, qa Jehowa ewicakiye cigon he ohna econpi: Unkan Jehowa Job ite kin ekta etonwan.

WICOWOYAKE 42.

10 Hehan Jehowa Job wayaka ayapi kin hdicukiya, takodaku wocekiye ewicakiciye cehan. Unkan Jehowa Job taku tawa qon owasin kiciyuota, nonpa aki-hde.

11 Hehan sunkawicaye cin owasin, qa tanksiwicaye cin owasin, qa sdonwicaye ciquon iyulha en hipi, qa kici aguyapi yutapi, iye ti ohna; qa onsi-kidapi qa kihnahnapa, taku sica Jehowa en au qon iyulha on; qa otoiyo hi mazaska oinpi wanjikji qupi.

12 Unkan Jehowa Job owihan-ke kin yuwašte, otokaheya qon isanpa: Hecen tahinca kektopawinge wikcemna ake topa wicayuha, qa kamel kektopawinge šakpe, qa tatanka tawanji kekto-

pawinge, qa šonšonna wiye kin kektopawinge.

13 Nakun cinhintku šakowin qa cunwintku yamni.

14 Unkan winyan tokapa kin he Jemima eya cajeyata, qa inonpa kin Keziya eciyapi, qa iyamni kin Keren-hapuk.

15 Qa makoce ocowasin en winohinca Job cunwintku kin iye-cen owanyag wašte tuwedan iyeyapi šni. Unkan iye timdowicayapi owicapeya atkukupi woyuha wicaqu.

16 Unkan de iyohakam Job waniyetu opawinge sanpa wikcemna topa ni un, qa iye cinca, qa cinca cincapi, oicage topa hehanyan wanwicahdaka.

17 Hehan Job ʔa, wicalinca qa anpetu imnahan.

PSALM WOWAPI.

PSALM 1.

- 1 Wicašta cante wašte hinca ;
Tuwe wicašta śica tawowahokonkiye kin ohna mani śni,
Qa wahtanipi sa tacanku kin en inajin śni,
Qa wauncapi oyanke tawapi kin en iyotanke śni :
- 2 Tuka Jehowa toope kin wowiyuśkin ya ;
Qa tawoahope kin awacin un kta, anpetu hanyetu koya.
- 3 Unkan he can wan mini wakpa icahda ojupi,
Qa iyehantu eca waskuyeca icaliya ece kin he iyecece kta ;
Nakun ape tawa kin śnije kte śni,
Qa taku econ kte cin owasin tanyan yuśtan kta.
- 4 Wicašta śicapi kin hececapi śni ;
Tuka hena aguyapi ha tate kahbog iyeye cin he iyececapi.
- 5 Heon wicašta śica woyaco kin en najinpi kte śni ;
Qa wahtanipi sa wicašta owotanna tomniciye kin en unpi kte
śni.
- 6 Jehowa wicašta owotanpidan tacanku kin he sdonya ;
Tuka wicašta śicapi tacanku kin atakuni kte śni.

PSALM 2.

- 1 Tokeca Ikcewicašta kin oqoyapi,
Qa oyatepi takuśni awacinpi kta he.
- 2 Maka wicaštayatapi kin odakonkiciyapi,
Qa wicašta itancanpi witaya wohdakapi,
Jehowa qa Tuwe Sdakiye cin on:
- 3 Wicaške tawapi kin unpapsakapi kta ,
Qa hakahmonpi tawapi elipeunyanpi kta ce.
- 4 Mahpiya kin en iyotanke cin he iħa kta ;
Itancan kin iwicahaha kta.
- 5 Hehan tocanniye en wowicakiyake kta ;
Qa śinhda hinca en śitkihda wicaye kta.
- 6 Tuka Zion Paha Wakan mitawa kin akan,
Wicaštayatapi mitawa sdawakiya ce.
- 7 Wokonze kin owahdake kta ;
Jehowa hemakiya, Micinkśi kin he niye,
Anpe dehan cinca cicaga ce.
- 8 Makida wo, kinhan Ikcewicašta tawa wicayaye kta,
Qa maka ihanke kin nitawa kta e ciĉu kta.
- 9 Maza icapsinte wan on wicayakawihnuni kta ,
Maka wakśica iyecen wicayakamdece kta ce.

PSALM 4.

- 10 Heon etanhan wicaŝtayatapi, ksapa po ;
Maka wayacopi, waonspeiçiciya po :
- 11 Wokokipe yuha Jehowa ohoda po ;
Qa wonihinciye on iyaŝa po.
- 12 Cinhintku kin i iputaka po,
Okinni ŝinhda kta, qa tocanniye kitanna ide kinhan,
Canku kin etanhan nitakunipi kte ŝni.
Tona iye wacinyanpi owasin cante waŝtepi ece.

PSALM 3.

Dawid tadowan, iye cinhintku Absalom ite kin nakicipa, he ehan.

- 1 Jehowa, toka mayanpi kin hena ota aya ;
Tona takpe maupi kin hena wicota.
- 2 Wicota minagi heciyapi ;
Wakantanka en nikiyapi wanica ce. Sela.
- 3 Unkan Jehowa, mihdukŝan wahacanka kin he niye ;
Wowitan mitawa qa pa yuwankan imacu kin.
- 4 Miho kin on Jehowa hoyewakiya ;
Unkan iye Paha Wakan tawa kin etanhan namañon. Sela.
- 5 Miye imunke ça miŝtinbe ;
Ake wekta ; Jehowa mayuhe cin heon.
- 6 Oyate kektopawinge wikcemna kowicawakipe kte ŝni,
Ihdukŝan tanhan takpe maupi kin.
- 7 Jehowa inajin wo ;
Wakantanka mitawa nimayan wo ;
Tokamayanpi owasin tapon hu kin en awicayapa ;
Wicaŝta ŝica hi kin wicayecamdeca.
- 8 Woehdaku kin he Jehowa tawa ;
Woyawaŝte nitawa nitaoyate kin en un nunwe. Sela.

PSALM 4.

David tadowan. Candowankiyapi on dowan itancan kin.

- 1 Wakantanka owotanna mitawa,
Houwaye cinhan amayupta wo ;
Makakija en mayadutanka ;
Onŝimakida, qa wocekiye mitawa nañon wo.
- 2 Wicaŝta cinca, tohanyan mitowitan wowiŝtece yayapi kta he ;
Tohanyan takuŝni waŝteyadapi qa woitonŝni ayakitapi kta he.
Sela.
- 3 Tuka Jehowa wicaŝta wacantkiye cin iye on eiçihde e sdonya
po ;
Hoyewakiya eca Jehowa namakiñon ece kta.
- 4 Kokipa po, qa wañtanipi ŝni po,
Nitowinjapi akan nicantepi on awaiçicinpi,
Qa inina yukan po. Sela.
- 5 Wicoowotanna woŝnapi kin woŝna po,
Qa Jehowa wacinyan po.

PSALM 6.

- 6 Tuwe taku wašte unkipazopi kta he, wicota eyapi ece :
Jehowa, niye nitohnake iyoyanpa kin unkayuhomni po.
- 7 Wowiyuŝkin micante kin en eyahnaka,
Aguyapi qa miniŝa wicakiciyuotapi kin he isanpa.
- 8 Wookiye en imunke a nakun miŝtinbe kta ;
Jehowa, niye niŝnana wowacinye en ounye mayakiye cin heon.

PSALM 5.

Dawid tadowan. Cotanka on down itancan kin kicagapi.

- 1 Jehowa mioie kin naŝion wo ;
Mitawacin kin he iyukcan ye.
- 2 Mitawocekiye ho kin he naŝion wo,
Wicaŝtayatapi mitawa, qa Wakantanka mitawa ;
Cecikiye kta heon etanhan.
- 3 Jehowa, hanhanna eca miho kin nayaŝion kta ;
Hanhanna eca houcikiye a wankan ewatonwe kta.
- 4 Taku Wakan woaltani en iyuŝkin kin henica ŝni ;
Taku ŝice cin he niciti kte ŝni.
- 5 Tona witkotkoke cin niŝta itokam najinpi kte ŝni :
Tona woaltani econpi kin iyuhpa ŝice wicayadaka ece.
- 6 Tona itonpiŝni kin hena ihangwicayaye kta ;
We wicaŝta qa wicahnaye sa kin he Jehowa wahteda kte ŝni.
- 7 Tuka miye nitowaonŝida ota kin on yati en wau kte ;
Kocicipe cin on tipi wakan nitawa etkiya ohowada kta.
- 8 Jehowa, nitoowotanna on amayan wo, toka mayanpi kin on
etanhan ;
Miite itokam canku nitawa owotanna kaga wo.
- 9 I kin obna wowicake wanica :
Mahen tanhan wicoŝice yukan ;
Dotepi kin wicawoŝa yuŝdokapi kin heca .
Cejipi on wicahnayanpi ece.
- 10 Wakantanka, kakiŝwicaya wo ;
Wowahokonkiye tawapi on hinŝipayapi nunwe ;
Woaltani hduotapi kin on ehpewicaya wo ;
Niye nicipajinpi kin heon etanhan.
- 11 Tuka wacinniyanpi kin owasin wiyuŝkinpi kte ;
Ohinniyan wiyuŝkinyan-dowanpi kte ;
Niye awanwicayahdake cin heon etanhan :
Nakun tona nicaje waŝtedakapi kin hena iniyuŝkinpi kte.
- 12 Wicaŝta owotanna kin niye dawašte kta ;
Jehowa, wahacanka iyececa, wowašte wateŝdag yaye kta.

PSALM 6.

Dawid tadowan. Kuya ahiyayapi en candowankiyapi on down itancan kin.

- 1 Jehowa, nitocanniyeye en iyopemaye ŝni ye ;
Qa ŝinyahda en kakiŝmaye ŝni wo.
- 2 Jehowa, onŝimakida ye, wamaŝake ŝni ;

PSALM 7.

- Jehowa asnimayan ye, mahuhu teliya kakija.
 3 Minagi kin ís eya nina kakija ;
 Tuka niye Jehowa, tohanyan kta he.
 4 Jehowa hdicu ye, minagi ehdaku wo ;
 Nitowaonśida kin on nimayan wo.
 5 Wiconṭe en niksuyapi kin wanica ;
 Hades ekta tuwe wopida eniciye kta he.
 6 Comniwahdazi on waśake śni amayan ;
 Hanyetu osan mitowinja amnitan waya ;
 Ístamnihampe amau kin on ipahin spaye wakiya ece.
 7 Ceyapi on ísta amatakuni śni ;
 Tokamayanpi owasin on kan amayan.
 8 Taku śica ecanonpi kin owasin mitan tanhan ya po ;
 Jehowa woceye mitawa ho mamañon kin heon.
 9 Jehowa hoyewakiye cin he namañon ;
 Wocekiye mitawa kin he Jehowa icu kta.
 10 Tokamayanpi owasin ístecapi qa nihinciyapi kte ;
 Ihnuhanna hdicupi qa ístecapi nunwe.

PSALM 7.

Dawid tadowan. Kuś Benjamite oie kin on Jehowa kahiyaye cigon.

- 1 Jehowa Wakantanka mitawa, niye wacinciye ;
 Tehiya makuwapi owasin etanhan nimayan qa emahdaku wo :
 2 Okinni mnaja iyecen minagi yaśpaśpa qa yañdeñdece kta ;
 Unkan waehdaku wanice kta.
 3 Jehowa Wakantanka mitawa, hecen ecamon kinhan ;
 Minape ohna taku śica yuke cinhan ;
 4 Tuwe wookiye en mici un kin itkom taku śica ecawecon kinhan ;
 Han, tuwe taku on etanhan śni śicaya makuwa kin he emdaku ece :
 5 Hehan toka kin minagi tapa qa ehdege kte ;
 Han, mitaniya maka kin en namdu kte ;
 Qa mitowitan watuśekśeca en ounye kiya nunwe. Sela.
 6 Jehowa, canniniye cin en inajin wo ;
 Tokamayanpi śinhdapi kin on wankan iyeiṭiya wo ;
 Qa miye on woyaco cajedate cin on ihduhica wo.
 7 Unkan oyate mniciyapi kin aohduteniyanpi kta ;
 Heon etanhan hena on wankan ihdoku wo.
 8 Jehowa oyatepi kin wicayaco kta ;
 Jehowa, mitoowotanna qa mitowašte en maun kin he iyecen mayaco ye.
 9 Tokin wicašta śica toñanpi śica hena owihanke yen ;
 Tuka wicašta owotanna kin he yusuta wo ;
 Taku Wakan owotanna wicacante qa wicapaksin iyukoan kin he niye.
 10 Wahacanka mitawa kin he Wakantanka etanhan ;
 Tona cante owotanna niwicaye cin hee.

PSALM 9.

- 11 Wakantanka wayaco owotanna ;
Qa Wakantanka anpetu iyohi canniyan un ;
- 12 Ihduhomni šni kinhan isan hdube kta ;
Tinazipe wanna nawinja qa wiyeya ehnaka ;
- 13 Qa wiconŋe wipe kin ekta epazo ;
Tunwanhinkpe kin ide kiye kta.
- 14 Wanyaka wo, woahŋani on ŋinge ;
Taku šica on ihdušaka, qa woitonšni hiyuya.
- 15 Wohŋa wan kage ɕa iye kiɕa ;
Qa oqapi iye kage cin en ohinŋipaya.
- 16 Tohtani iye pa kin en hdi kta ;
Qa tohan šica iye pesdete ahdiŋpaye kta.
- 17 Jehowa toowotanna kin on wakahimdande kta ;
Qa Jehowa Tehan wankantu ɕaje kin iwadowan kta.

PSALM 8.

Dawid tadowan. Gittith on dowan itancan kin.

- 1 Jehowa Itancan unkitawapi,
Maka kin owancaya nicaje wokitanin hinca ;
Nitowitan mahpiya kin iwankam eyehde.
- 2 Hoksiiyopa qa azin unpi ipi kin etanhan woyatan yakaga ;
Tona toka niyanpi kin hena on,
Toka watokiɕon ko wicaduinina kta heon.
- 3 Mahpiya nitawa ninapsukaza kage cin he wanmdaka eca ;
Hanyetu wi qa wicanŋpi eyahnake cin ;
- 4 Wicašta kin taku, hecen ekta ewacanni he ;
Qa wicašta cinhintku kin, on en yahi kta he.
- 5 Kitan ecinyan Taku Wakan kin ihukuya yakaga ;
Wowitan qa woyuonihan on watešdag yecaton ;
- 6 Ninape taku kage cin hena idake yakiya ;
Taku owasin iye siha ihukuya eyahnaka ;
- 7 Tahinca optaye, tatanka ko owasin ;
Qa nakun tinta woteca kin ;
- 8 Mahpiya okinyanpi, qa miniwanca hogan kin,
Taku miniwanca ohna cankuye cin hena.
- 9 Jehowa Itancan unkitawapi,
Maka kin owancaya nicaje wokitanin hinca.

PSALM 9.

Dawid tadowan. Muth-laben on dowan itancan kin.

- 1 Micante ocowasin on Jehowa mdatan kta ;
Taku wowinihan nitawa owasin mdatanin kta.
- 2 Cante mawašte qa niye on wimduškin kta ;
Tehan Wankan yaun nicaje iwadowan kta.
- 3 Tokamayampi hekta itoheya hdiɕuyapi kinhan,
Nitokam hicahanpi qa hinŋpayapi kte.
- 4 Woakinica qa woyaco mitawa dusuta ;

PSALM 10.

- Oiyotanke kin akan owotanna wayaco idotanke.
 5 Ikcewicašta iyopewicayaya, tona šice cin hena ihangwicayaya ;
 Ohinniyan qa owihanke wanica cajepi yapajuju.
 6 Toka woihangye tawapi kin wanna owihanke :
 Qa totonwepi kin hena dujuju ;
 Ahna wicakiksuyapi kin he atakuni šni.
 7 Tuka Jehowa owihanke wanica ounye kte ;
 Woyaco on oiyotanke tawa wiyeya ekihde.
 8 Unkan wowašte on maka kin hdaco kta ;
 Woowotanna on oyate kin wicayaco kta.
 9 Nakun šicaya wicakuwapi kin hena Jehowa wowinape yapi kta ;
 Wokakije anpetu kin en he wowinape yapi kta.
 10 Unkan tona nicaje sdonyapi hena wacinniyanpi kta ;
 Niye Jehowa, tona anicitapi kin hena ehpewicayaye šni ece.
 11 Jehowa Zion en ounye cin he idowan po ;
 Tohan tanka oyate kin en oyaka po.
 12 Tohan wicawe akita eca hena kiksuya ece ;
 Tona kakija hoyeyapi kin he akiktonje šni.
 13 Jehowa onšimakida wo ;
 Tona šicemadapi token kakišmayanpi kin he wanyaka wo .
 Wiconšte tiyopa etanhan imacu kin he niye.
 14 Hecen Zion cunwintku tatiyopa kin en nitowitan ocowasin
 omdake kta ;
 Wiconi nitawa on imduškin kta.
 15 Ikcewicašta woħa wan kagapi kin he ohna ihpayapi ;
 Wohmunke wan iye nahmanpi kin he ohna siha içihmunkapi.
 16 Woyaco econ kin eciyatanhan Jehowa sdonyapi :
 Tuwe šice cin he iye nape oħan kin on hmunkapi ece. Higga-
 on. Sela.
 17 Wicašta šicapi Hades en hdicuwicayapi kta ;
 Oyate Wakantanka akiktonjapi kin iyulpa.
 18 Waħpanicapi kin ohinniyan akiktonjapi kte šni ;
 Wicašta onšika wacinyanpi kin he owihanke wanica ihanke
 kte šni.
 19 Jehowa inajin ye, wicašta akantu wašake šni nunwe ;
 Nitokam Ikcewicašta kin wicayacopi kte.
 20 Jehowa, wakokipe wicakicaga wo ;
 Hecen Ikcewicašta wicašta ikceka hecapi e sdoniçiyapi kta.
 Sela.

PSALM 10.

- 1 Jehowa, tokeca itehan nayajin he ;
 Wokakije anpetu kin en nayakilibe kta he.
 2 Wicašta šica wahaniciħa on kakiye cin teħiya kuwa ece ;
 Wohnaye awacinpi kin he on içihduzapi nunwe.
 3 Wicašta šica iye nagi taku cantiheye cin on ihdatan ;
 Qa waicucu kinhan ihdawašte ;
 Jehowa he waliteda šni tuka.

PSALM 11.

- 4 Wicašta śica, ite wañaničida kin on,
Takudan akite kte śni, Wakantanka wanica;
Hecen tawacin ece.
- 5 Tacanku kin ohinniyan suta;
Nitawoyaco kin iwankam un, išta kin itehan;
Tokawicaye cin owasin awicapogan kta.
- 6 Cante mahen heya; Icimana mayutokanpi kte śni;
Wicoicage qa wicoicage hehanyan woiyokiśice wanice kta ce.
- 7 Woyaśice, woyahnayan qa woyuśice on i kin ojudan;
Ceji ihukuya woyaśkiśkapi qa woah̄tani hiyeya.
- 8 Otonwe en waiyapepi kin hen iyotanke kta;
Woinaḥbe oyanke kin en wicašta owotanna wicakte kta;
Iye išta wicašta onśika iyawicape kta.
- 9 Mnaja wan waśun ohna yanka,
He iyecen, woinaḥbe oyanke kin ohna waiyape un kta;
Wicašta onśika yuze kta e iyape kta;
Wohmunke tawa kin en wicašta onśika au eca yuza ece.
- 10 Patuś inajin qa makata iwanka,
Hecen wicašta waśaka wicayuhe cin on wicašta onśika hinḥpa-
yapi kta.
- 11 Cante mahen heya; Wakantanka akiktonja;
Ite nakiḥman; icimana wanyake kte śni ce.
- 12 Jehowa, najin ye;
Wakantanka, nape yuwankan ehdaku wo;
Onśike cin hena akiktonje śni wo.
- 13 Tokeca wicašta śica Wakantanka waḥteda śni he;
Niye wawinunge kte śni, cante mahen keya he.
- 14 Niye wandaka; ninape on toyeḥon kta e
Wicoḥan śica wocanniye ko ayatonwan ece:
Tuwe onśike cin he wacinniye kta;
Wamdenica kin oyakiya ece.
- 15 Waḥtani sa isto kin kawega wo;
Wicašta śica tośice cin ayakite kta,
Takudan iyeyaye kte śni hehanyan.
- 16 Jehowa Wicaštayatapi ohinniyan qa owihanke wanice kta:
Makoce tawa kin etanhan Ikcewicašta kin atakunipi śni.
- 17 Tona onśika taku icekiyapi kin he; Jehowa niye nayaḥon;
Cantepi dusuta kta; ninoge anohyakiye kta.
- 18 Wamdenica qa kakiśyapi kin towicayeciḥon kta;
Hecen wicašta maka akan icimana wakokipe wicakicage kte
śni.

PSALM 11.

Dawid tadowan. Dowan itancan kin kicagapi.

- 1 Jehowa wowinape waye;
Tokeca minagi heyakiyapi he;
Ḥe nitawapi onakipa po, zitkadan iyececa.
- 2 Wan, wicašta śicapi tinazipe nakiwinjapi;
Ikan kin ekta tunwanhinkpe wiyeya ehnaḥapi;

PSALM 13.

- Otpaza en wicašta cante owotanna wicakutepi kta.
3 Woahde kin hena yujujupi kta :
Wicašta owotanna taku econ okihi kta he.
4 Jehowa tipi wakan tawa kin ohna yanka ;
Jehowa oiyotanke tawa mahpiya kin ekta wanka ;
Iye išta kin wanyaka, iye istojuha wicašta cinca wicayukcan ece.
5 Jehowa wicašta owotanna kin yukcan kta ;
Tuka wicašta šica qa tona wawicakipi waštedake cin hena Iye nagi šicewicadaka ece.
6 Wicašta šice cin hena wakanhdi awicamagaju kte,
Peta qa inyanzi, tate iyumni wohitike hinca ;
Miniyatke ohna wicaqupi kin hee.
7 Jehowa owotanna un, woowotanna waštedaka ece :
Tona ecetupi kin hena iye ite kin wanyakapi kta.

PSALM 12.

Išahdogan on dowankiya itancan kin. Dawid tadowan.

- 1 Jehowa wanikiya wo ; wicašta wacantkiye cin he owihanke ;
Wicašta wicake cin Adam cinca kin etanhan atakunipi šni ce.
2 Otoiyohe iye takodaku kici woitonšni okiciciyapi kta ;
Iha šdušduta qa cante nonpa on iapi kta.
3 Jehowa wicaiha šdušduta owasin bašpe kte,
Wicaceji watankaicidaya ie cin he nakun.
4 Hena heyapi ; Uncejipi on wounhitikapi kta ;
Iha unyukanpi ; tuwe itancan unyuhapi he.
5 Wicašta onšika kākijapi kin on,
Wicašta wahpanica ceyapi kin on,
Wanna nawajin kta ce, Jehowa eye kta ;
Tuwe he cantokpani hinca kinhan, wankan wapa ewahnake kta ce.
6 Jehowa taku eye cin hena wicoie ecedan ;
Mazaska maka oceti ohna yuecedan,
Šakowin akihde šdoyapi.
7 Jehowa, niye hena wicayakpatan kta ;
Wicoicage kin de etanhan ohinniyan eyahdaku kta.
8 Wicašta cinca wahitepi šni kin wankan ehdepi kinhan,
Wicašta šica owancaya manipi kta.

PSALM 13.

Dowankiya itancan tawa. Dawid tadowan.

- 1 Jehowa, tohanyan amiyektonje kta he, ohinniyan kta he ;
Tohanyan niite namayakilibe kta he.
2 Tohanyan minagi on awacin waun kta,
Anpetu otoiyohe cante mašice kta he ;
Tohanyan tokamaye cin miwankam un kta he.
3 Wanyaka wo, Jehowa Wakantanka mitawa, namañon wo :

PSALM 15.

- Išta iyoyammayan wo, okinni wiconṭe en miṣṭinbe kta.
4 Okinni tuwe tokamaye cin, Wanna ohiwaya ce, eye kta ;
Maḥicahe cinhan śicaya makuwapi kin iyaśapi kta.
5 Tuka miye nitowaonśida wacinwaya ;
Micante nitowiconi kin on iyaśa kte.
6 Jehowa iwadowan kta,
Tanyan ecamicon heon etanhan.

PSALM 14.

Dowan itancan kin kicagapi. Dawid tawa.

- 1 Witkotkoke cin he, Taku Wakan wanica ce, cante mahen eya.
Hena ihduśicapi, wicoḥan waḥte śni econpi ;
Tuwedan taku wašte econ śni.
2 Jehowa maḥpiya eciyatanhan Adam cinca kin ahiwicationwan ;
Tuwe wacinksamya oḥanyan hecinhan wanyake kta ;
Tuwe Wakantanka akita hecinhan.
3 Iyuhpa icunonpa iyayapi ; witaya ihduśicapi ;
Tuwedan taku wašte econ śni ; han, wanjidan śni.
4 Taku śica econpi kin owasin takudan sdonyapi śni he ;
Mitaoyate aguyapi iyecen wicayutapi,
Qa Jehowa hoyekiyapi śni.
5 Hen wokokipe on kopehdapi ;
Wakantanka wicoicage owotanna kin en un, heon.
6 Wicašta onśika tawowacinye kin ištenyayapi kta ;
Jehowa wowinapeye cin heon.
7 Tokin Israel woehdaku tawa kin Zion etanhan u nunwe :
Tohan Jehowa taoyate wayaka unpi kin awicahdi kinhan,
Jakob iyuśkin kta, Israel pida kta.

PSALM 15.

Dawid tadowan.

- 1 Jehowa, tuwe nitawakeya en ounye kta he ;
Tuwe paha wakan nitawa kin en ti kta he.
2 Tuwe iyaonpepicaśniyan mani, qa woowotanna econ,
Qa cante mahen wowicake ia ece :
3 Tuwe iye ceji on waaie śni,
Tuwe ikiyedan un kin taku śica ecakicon śni ;
Qa takodaku on woyake śica wan icu śni :
4 Iye išta en wicašta waḥteśni kin waḥtedapi śni ;
Tuka tona Jobowa kokipapi kin hena wicayuonihan kta :
Iye iḥiconza on kiunniiḥiya ešta hdutokeca kte śni :
5 Mazaska tawa ota kamna kta ehnaḥe śni ;
Qa wicašta iyaonpepica śni un kin on wokajuju icu śni ;
Tuwe dena econ kin he ohinniyan pahohopi kte śni.

PSALM 17.

PSALM 16.

Dawid tawoinalibe.

- 1 Wakantanka makpatan wo ;
Niye wacinciya, heon etanhan.
- 2 Jehowa heyakiya ; Itancan mitawa kin he niye ;
Mitowašte kin he niye ekta iyahde šni :
- 3 Makoce kin en wicašta wacantkiye cin hena ekta,
Qa itancanpi kin, hena en ocowasin wimduškin.
- 4 Tona wanji tokeca wohpapi kin hena woiyokišice ota yuhapi
kta :
We wošnapi kin hena wapapson kte šni,
Qa cajepi kin miiha ohna iwacu kte šni.
- 5 Jehowa wopamni mitawa qa wiyatke mitawa kin hee ;
Woaihpaye mitawa kin he niye dutanka kta.
- 6 Taku wiciyokipi kin imakiyutapi :
Han, maga wašte hinca mduha.
- 7 Jehowa wahokonmakiye cin he mdatan kta ;
Nakun hanyetu eca mitapakšin onspemakiya ece.
- 8 Mitokam Jehowa ohinniyan ewahde ;
Mietapa ekta un, heon mahohopi kte šni.
- 9 Heon etanhan micante wiyuškin,
Qa mitowitan ipsica ece :
Han, micehpi wowacinye en wanke kta.
- 10 Minagi Hades en amayadušan kte šni ;
Wanji Wakan nitawa kin he wicalhwin wanyagyakiye kte šni.
- 11 Wiconi canku kin he onspemayakiye kta ;
Niite kin he wowiyuškin ojudan ;
Nietapa ekta ohinniyan wiciyokipi.

PSALM 17.

Dawid tawoekiye.

- 1 Jehowa, taku owotanna kin nañon ye ;
Šicahowamde cin he anohkiya wo ;
Wocekiye mitawa namakiñon ye,
Iha wicahnaye šni etanhan u kin he.
- 2 Mayaowotanpidan kin he nitohnake etanhan u kta ;
Ništa taku ocitkonza kin hena wanyake kta.
- 3 Cante imayaduta, hanyetu en mayahi ;
Imayadukcan, takudan iyeyaye kte šni ;
Mii kin mitawacin kakipe kte šni.
- 4 Wicašta wicoñan tawapi ekta, niiha oie kin on,
Waihangye sa, oñanpi kin iwanmdaka ece.
- 5 Mioye kin nitacanku yus un ;
Siha ewahde kin našdute šni.
- 6 Wakantanka houciya ; amayadupte kta heon ;
Anohmakiya wo, taku epe cin namakiñon wo.

PSALM 18.

- 7 Tona wacinyanpi niwicayaye nitocantekiye hdutanin wo ;
Tona najinpi kin etanhan, ninape etapa on.
- 8 Wicišta su kin iyecen makpatan wo ;
Nihupahu ohanzi ihukuya namayahbe kte ;
- 9 Wicašta šica ihangmayanpi itepi kin etanhan ;
Minagi tokayapi aohdutemayanpi kin hena.
- 10 Wašin tawapi kin en aconkaškapi ;
Ipi on waħaničidaya iapi ece.
- 11 Wanna unkowepi kin en aohduteunyanpi ;
Išta on wanyag iheyapi, hdatapi kta heon.
- 12 Mnaja iyececa, wayapota inalini ;
Qa mnaja koška woinalibe en iyotanke cin iyececa.
- 13 Jehowa najin wo, itkokim ya wo, patuškiya wo ;
Mazasagye nitawa on wicašta šica etanhan minagi eyaku wo :
- 14 Jehowa, ninape on, wicašta kin etanhan ;
Wicoicage wicašta etanhan,
Taku tawapi wiconi kin den un ;
Qa taku nahmana yahnake cin on tezi ojuwicayakiye kta :
Hena cinca wipipi kta ;
Qa taku ohdaptapi kin hokšiyooqopa aihpewicakiyapi kta.
- 15 Tuka miye woowotanna en niite wanmdake kta ;
Tohan ouncage nitawa yuha wekta kinhan, cante mawašte kta.

PSALM 18.

Dowankiya itancan kin. Dawid Jehowa taokiye kin he kaga: Jehowa tokayapi owašin napepi etanhan, qa Saul nape etanhan eyaku qon, anpetu kin he en odowan oie kin dena Jehowa eciya.

- 1 Unkan heyā ;
Jehowa mitowaśake, nina wašte cidake kta.
- 2 Jehowa imnija mitawa, qa conkaške mitawa, qa emahdaku ece kin hee :
Wakantanka mitawa, wowinape mitawa, he wacinwaye kta ;
Wahacanka mitawa, qa ni makiya he kin, paha tehanwankantu mitawa kin hee.
- 3 Jehowa yatanpi kte cin he hoyewakiye kta ;
Unkan tokamayanpi etanhan nimayanpi kta.
- 4 Wiconțe ikan kin on mayuskiskitapi ;
Qa wicošice wakpa kin mayuśinyaye kta.
- 5 Hades ikan kin aohdutemayanpi ;
Wiconțe mazahtakiyapi kin mayuzapi.
- 6 Iyotanhan iyewakiye cin en Jehowa hoyewakiye kta ;
Qa Wakantanka mitawa cewakiye kta ;
Tipi wakan tawa kin eciyatanhan miho kin nahon kta ;
Qa wocekiye mitawa iye itokam u kte, iye noge kin en.
- 7 Hehan maka kin yuhuhuzapi qa cancan ;
He oahde kin yuhuhuzapi qa škanškan ;
Iye šinhda heon etanhan.
- 8 Canniyan etanhan šota wankan iyaya ;

P S A L M 18.

- Qa i kin etanhan peta wahulinaga ;
Heon petaga ideyapi.
- 9 Nakun malipiya kin patuškiye ça kun u ;
Qa iye siha ihukuya otpaza.
- 10 Qa Kerub wan akan iyotanke ça kinyan iyaya :
Han, tate lupahu kin akan kinyan.
- 11 Woinalibe tawa otpaza kin he kaga ;
Ihduksan tawokeya kin mini otpaza ;
Malipiya en malipiya šoka kin hee.
- 12 Itokam iyoyanpa on malipiya šoka tawa kin hiyaya ;
Wasu qa petaga.
- 13 Hehan malipiya ekta Jehowa wakinyan hotonkiya ;
Qa Iyotan Wankan kin ho hdatanin :
Wasu qa petaga.
- 14 Unkan tunwanhinkpe kihiyeya qa napewicaya ;
Nakun wakanhdi hiyuye ça yušinyewicaya.
- 15 Hehan mini sicu kin wanyakapi ;
Qa maka oahde kin yutaninpi ;
Jehowa niye he iyopeyaya ;
Nitocanniye oniya ipogan kin heon.
- 16 Hehan wankantanhan hiyu qa mayuze kta ;
Mini ota etanhan imacu kta.
- 17 Tokamaye wašake cin etanhan emayaku kta ;
Qa tona šicemadapi kin etanhan ;
Hena mikapeya wašakapi nakaeš.
- 18 Iyomakišica anpetu kin en iyamalipayapi kta ;
Tuka Jehowa mayusuta kin hee.
- 19 Unkan makoce tanka en amahi ;
Iyokipwaye cin heon emayaku kta.
- 20 Mitoowotanna iyecen Jehowa ecamicon kta ;
Minape ska kin iyecen micicajuju kta.
- 21 Jehowa tacanku kin hena owape ;
Qa Taku Wakan mitawa šicaya amduštan šni.
- 22 Iye tawoyaco kin owasin mitokam un ;
Qa toope kin mitantanhan ehpeyaye kte šni.
- 23 Nakun iye itokam ecetu waun ;
Qa wawahtani kin etanhan tinsmičiya.
- 24 Heon mitoowotanna iyecen Jehowa micicajuju ;
Iye išta itokam minape ska kin heon.
- 25 Tuwe wacantkiye cin he kici wacantkiya nihdutanin kta ;
Wicašta owotanna kici oniwoatanna kta :
- 26 Tuwe ecedan un kin he kici ecedan nihdutanin kta ;
Qa tuwe pemni un kin he kici nihdupemni kta.
- 27 Niye oyate onšika niwicayaye kte :
Tuka išta wankantupi kin kun hiyuwicayaye kta.
- 28 Niye petijanjan mitawa ideyaye kta :
Jehowa mita Wakantanka otpaza iyoyammiciye kte.
- 29 Niye on ozuye wan awaimnanke kta ;
Wakantanka mitawa on conkaške wan awapsice kta.

PSALM 18.

- 30 Iyotan Waśaka tacanku kin he yuśtanpi ;
Jehowa oie kin he yuecepidan ;
Tona wacinyanpi owasin he wahacanka yapi .
- 31 Hecen Jehowa icunonpa tanhan Taku Wakan kin tukte e he ;
Qa Wakantanka unkitawapi icunonpa tanhan tuwe imnija
he.
- 32 Iyotan Waśake cin wowaśake on ipiyag makiton ;
Qa mitacanku miciyuśtan.
- 33 Misiha tatokadan iyececa micaga ;
Qa pajodan mitawa akan najin makiya.
- 34 Minape kicizapi onspemakiya,
Hecen miisto mazaśa itazipa kin yuwinja.
- 35 Unkan nitowiconi wahacanka kin mayaqu :
Nakun ninape etapa kin najin makiye kta ;
Qa nitowahbadan tanka makage kta.
- 36 Mihukuya caewahde kin hena mayadutanka kte ;
Hecen miiśkahu naśdute kte śni.
- 37 Tokamayanpi taŵicawapa qa ewicawehdege kta ;
Qa bowicasotapi śni hehanyan wahdicu kte śni.
- 38 Wicawakahuhuge kta, hecen najin okihipi śni ;
Misiha ihukuya ihpayapi kta.
- 39 Unkan okicize kta wowaśake on ipiyag mayakiton ;
Tona takpe maupi kin hena mihukuya iyewicayaye kta.
- 40 Nakun tokamayanpi tahupi kin mayaqu ;
Qa tona śice madapi kin hena ihangwicawaye kta.
- 41 Hena howayapi kta, tuka wanikiya wanica :
Jehowa hoyekiyapi kta, tuka awicayupte śni.
- 42 Hehan wicawakamdumdu kta, tate itokam maka mdu iye-
ceca ;
Canku upśija iyecen tankan eh̄pewicawaye kta.
- 43 Oyate kicizapi kin etanhan emayahdaku kte ;
Ikcewicaśta kin en itancan emayahnake kte ;
Oyate sdonwicawaye śni qon hena wowidagwaye kta.
- 44 Noge on nañonpi kinhan anamagoptanpi kta ;
Wicaśta tokeca cinca kin mayaonihanpi kte.
- 45 Oyate tokeca cinca kin atakunipi kte śni ;
Qa conkaśke tawapi etanhan cancanyan hiyupi kta.
- 46 Jehowa ni un ; qa Imnija mitawa yawaśtepi nunwe ;
Qa Wakantanka Wanikiya mitawa kin he yatanpi nunwe.
- 47 Iyotan Waśaka watokiçonpi maqu ece kin hee ;
Qa nakun mihukuya oyatepi wicaktedan.
- 48 Tokamaye cin etanhan emahdaku ;
Han, tona takpe maupi kin wiciwankam emayahde kta ;
Wicaśta waihangye cin etanhan emayahdaku kta.
- 49 Heon, Jehowa, Ikcewicaśta ehna ciyatan kte ;
Qa nicaje iwadowan kta.
- 50 Wicaśtayatapi tawa kin woehdaku kiciyutanka ;
Qa tuwe Sdakiye cin he wowaonśida ecakicon ece ;
Dawid qa iye cinca kin, owihanke wanica.

PSALM 20.

PSALM 19.

Dowan itancan kin. Dawid tadowan.

- 1 Mahpiya kin Wakantanka towitan kin oyaka ;
Qa okotonyan kin iye nape ohan kin yuotanin ece.
- 2 Anpetu wan anpetu iapi okiciyake kta ;
Qa hanyetu wan hanyetu wosdonye kiciyuotanin kta.
- 3 Iapi wanica qa wicoie wanica ;
Hena ho kin ecaca nahonpi sni.
- 4 Hena iyutapi ikan kin maka owancaya iyaya ;
Qa oiepi kin maka ihanke kin ekta.
Hena ehna anpetu wi kin wokeya wan kicaga.
- 5 Unkan he winohinca yuze kte cin wan
Wankan tipi etanhan hdinanpe cin iyececa ;
Wicašta waśaka iyecen kiinyanka iyuşkin.
- 6 Mahpiya ihanke kin hetanhan ya ece ;
Qa unma ihanke kin ekta ki :
Qa iyokate cin etanhan takudan nahmanpi sni.
- 7 Jehowa toope kin yuştanpi, wicanagi kin yuhomni ;
Jehowa tawoyaotanin kin he wowicake,
Witkotkoke cin wicayuksapa ece.
- 8 Jehowa taku econ wicaşı kin hena ecetu,
Wicacante iyuşkinkiya ;
Jehowa tawoahope kin ecedan, wicaışta iyoyamya ece.
- 9 Jehowa kokipapi kin he ska, ohinniyan he kta ;
Jehowa tawoyaco kin he wowicake, ocowasin owotanna.
- 10 Hena mazaskazi isanpa waştetapi kte ;
Han, mazaskazi ecedan ota kin isanpa :
Nakun tuhмага canhanpi isanpa skuya ;
Qa tuhмага canhanpi şbu kin.
- 11 Nakun hena on nitaokiye wahokonkiyapi ;
Hena yuhapi kin wokajuju tanka.
- 12 Tuwe wahtani ohdahhiga okihi he ;
Nahmanpi kin hena micicajuju wo.
- 13 Nakun woahitani tanka kin etanhan nitaokiye ehdaku wo ;
Hena wowidagmaye sni nunwe ; kinhan omaowotanna kta,
Qa woahitani ota iyaonpepica sni waun kta.
- 14 Jehowa immija mitawa qa tuwe opemakiton kin,
Mii oie kin qa micante taku awacin kin,
Hena niye iyonicipi nunwe.

PSALM 20.

Dowan itancan kin on. Dawid tadowan.

- 1 Wicocante şica anpetu kin en Jehowa nanihon kte ;
Jakob ta Wakantanka caje kin wankan enihde nunwe.
- 2 Tipi wakan kin etanhan oniciye kte ;
Qa Zion etanhan niyuwaśake kta.
- 3 Nitawoşna owasin kiksuye kte ;
Qa peta on waduşna kin hena icu kta. Sela.

P S A L M 21.

- 4 Nicante yuze cin eciyatanhan niçu kte;
Qa nitawacin owasin ecetuniciciye kta.
- 5 Woehdaku nitawa on unkiyuşkinpi kta ;
Qa Wakantanka unkitawapi caje kin on
Wiyokihedan eunkihdepi kta.
Wocekiye nitawa owasin Jehowa ecetuniciciye kte.
- 6 Jehowa iye Sdakiye cin he nikiya wanna sdonwaya ;
Mahpiya wakan tawa eciyatanhan nakihon kta.
Nape etapa waniye wowaşake kin he on.
- 7 Hunh canpahmihma qa hunh şuktanka,
Tuka unkiye Jehowa Wakantanka unkitawapi caje on unkiwin-
ktapi kta.
- 8 Hena e patujapi qa hinlipayapi :
Tuka unkiye naunjinpi qa bosdan unyakonpi.
- 9 Jehowa wanikiya wo ;
Hoyeunyanpi anpetu kin en,
Wicaştayatapi kin naunkihonpi kte.

PSALM 21.

Dowan itancan kin on. Dawid tadowan.

- 1 Jehowa, nitowaşake on wicaştayatapi kin cante waşte kta ;
Qa woehdaku nitawa on nina iyuşkin kta.
- 2 Taku cantokpani kin he yaqu ;
Qa iye iha taku da kin he teyahinda şni. Sela.
- 3 Woyawaşte waşte kin yuha itkoyakipe kta ;
Mazaskazi wateşdake wan pa akan eyecihnake kta.
- 4 Wiconi nicida, he yaqu ;
Anpetu hanska, ohinniyan qa owihanke wanica.
- 5 Waniyakiye cin on towitan tanka kte ;
Woyuonihan qa wowaşte akan eyahnake kta.
- 6 He woyuwaşte owihanke wanica yakage kta ;
Niite etanhan wowiyuşkin on iyuşkinyakiye kta.
- 7 Wicaştayatapi kin Jehowa wacinyan un ;
Unkan İyotan Wankan un tawocantekiye en kahuhużapi kte
şni.
- 8 Tokaniyanpi owasin ninape iyewicaye kta ;
Tona şicenidapi kin ninape etapa iyewicaye kta.
- 9 Niite itokam maza şdoyapi oceti ide kin iyecen wicayakage
kta ;
Jehowa tocanniye on nawicapce kta ;
Qa peta kin huñnahwicaye kta.
- 10 Taku icañyapi kin maka etanhan ihangyaye kta ;
Qa cincapi kin Adam cinca kin etanhan.
- 11 Taku şica nihiyohi kta cinpi ;
Taku şica konzapi, tuka okihipi kte şni.
- 12 Heon etanhan wicitokam eyakate cinhan,
Hekta itoheya hdicu wicayaye kta.
- 13 Jehowa, nitowaşake on nihduwankantuya nunwe,
Unkahiyayapi kta, qa nitowaşake unkidowanpi kta.

PSALM 22.

PSALM 22.

Dowankiya itancan: Anpao tahnca kin on. Dawid tadowan.

- 1 Wakantanka mitawa, Wakantanka mitawa,
Tokeca ehpemayaya he :
Wasicahowamde oie kin en tehan omayakiye šni.
- 2 Wakantanka mitawa, anpetu icunhan hoyewaye kta,
Tuka amayadupte kte šni ;
Nakun hanyetu en, qa inina manke šni.
- 3 Tuka niye niwakan,
Israel yatanpi kin en ounyaye cin.
- 4 Atewicunyanpi wacinniyanpi qon ;
Wacinniyanpi unkan ewicayahdaku.
- 5 Hoyeniciyapi unkan ewicahdakupi ;
Wacinniyanpi unkan ištecapi šni.
- 6 Tuka miye wamdudan hemaca, qa wicašta hemaca šni ;
Wicašta ekta wowištece mayanpi, qa oyate kin wahtemadapi
šni.
- 7 Tona wanmayakapi owasin wowihaha mayanpi ;
Aikšinmayanpi, apomnamnamakiyapi.
- 8 Jehowa ihduzeze ce ; ehdaku kta ;
Waštedake cin heon nikiye kta ce, *eyapi*.
- 9 Tuka wicatamni etanhan imacu qon he niye ;
Ina aze kin akan wowacinye mayaqu.
- 10 Wicatamni kin etanhan niye en aihpemayanpi ;
Ina tezi kin hetanhan Wakantanka mitawa he niye.
- 11 Mitehanyan un šni wo, woiyokišice kiyedan un ;
Nakun waokiya wanica, heon etanhan.
- 12 Tatanka ota aohdutemayanpi ;
Bašan etanhan wašakapi kin ohomni takpe maupi.
- 13 Mnaja ocinšica qa hoton ece kin,
He iyecen aimayukawapi.
- 14 Mini iyecen mapapsonpi ; qa huhu mitawa owasin makap
šunpi ;
Micante canšin iyececa, mitezi mahen šdoyapi.
- 15 Maka cega onšpa iyecen mitowašake špan ;
Nakun miceji macaka en askapa,
Qa wiconŧe maka mdu kin en amayade kta.
- 16 Šunka ohomni imayayapi ;
Wicašta šica omniciye kin aohdutemayanpi ;
Minape misiha ko capapi.
- 17 Huhu mitawa owasin wahdawa ;
Ahitonwanpi qa opamahtapi.
- 18 Wokoyake mitawa kicipamnipi ;
Qa mitašina on kansu kutepi.
- 19 Tuka Jehowa niye mitehanyan un šni ye ;
Mitowašake he niye, omakiya inahni wo.
- 20 Mazasagye etanhan minagi ehdaku wo ;
Mitawa ecedan kin šunka nape kin etanhan.

PSALM 23.

- 21 Mnaja i kin etanhan nimayan wo :
Unkan tatanka he kin hetanhan amayadupta.
- 22 Nicafe mihunkawanji owicawakiyake kta ;
Omniciye kin cokaya tanhan icidowan kta.
- 23 Jehowa kokipa yaunpi kin, he idowan po ;
Jakob cinca owasin, he yuonihan po :
Qa Israel cinca owasin, kokipa po.
- 24 Tuwe onśika kakije cin he ihaħa śni qa śicedake śni ;
Nakun ite inakihbe śni ; tuka hoyekiya eca nakihon eca.
- 25 Omniciye tanka kin en niye on wadowan kta ;
Tona kokipapi wicitokam wośna mitawa wahdajuju kta.
- 26 Wahbapidan kin hena wotapi qa imnanpi kta ;
Tona Jehowa akitapi kin hena idowanpi kte :
Nicantepi owihanke wanin ni kte.
- 27 Maka ihanke kin owasin kiksuyapi qa Jehowa ekta ihduho-
mnipi kta ;
Qa Ikcewicaśta en wicowazi owasin nitokam ohodapi kta.
- 28 Wokiconze kin he Jehowa tawa ;
Qa iye Ikcewicaśta kin wowidagwicaya ece.
- 29 Maka akan tona cepapi owasin wotapi qa ohodapi kta ;
Watuśekśeca ekta kun yapi kin iyulpa he itokam patujapi
kta :
Qa tuwe iye nagi nikiya okihi śni kin.
- 30 Wicacinca wowidagwicaye kta ;
Hena Itancan kin wicoicage wicahdawa kta.
- 31 Upi qa toowotanna kin oyakapi kta ;
Oyate wan tonpi kte cin en ;
Iye hecon kin heon.

PSALM 23.

Dawid tadowan.

- 1 Wonmakiye cin Jehowa hee ;
Takudan imakakije kte śni.
- 2 Peji toto en iwanke maye kta ;
Wicoozi mini kin icahda yus amaye kta.
- 3 Minagi yuecetu kte ;
Woowotanna canku kin ohna amaye kta ;
Iye caje kin on.
- 4 Han, wiconġe ohanzi kaksiza kin en mawani kinhan,
Taku śica kowakipe kte śni, niye mici yaun heon ;
Cansakadan nitawa qa cansagye nitawa, hena cantohnagmaye
kta.
- 5 Tokamayanpi wicitokam wahna wotapi wan wiyeya miyeci-
hnake kta ;
Wihdi on pa sdamayakiye ;
Wiyatke mitawa iyatahde.
- 6 Awicakehan wani kta anpetu owasin,
Wowaśte wowaonśida ko miyahna un kta :
Qa Jehowa ti kin en onunwaye kta, anpetu hanskaska.

PSALM 25.

PSALM 24.

Dawid tadowan.

- 1 Maka kin Jehowa tawa, qa woojudan kin;
Makowancaya qa tona ounyanpi kin.
- 2 He iye miniwanca kin akan ehde;
Qa wakpa kin iwankam sutaya kaga.
- 3 Jehowa Paha tawa kin tuwe ekta ye kta he;
Qa oyanke wakan tawa ohna tuwe yanke kta he.
- 4 Tuwe nape kin ska, qa cante kin ecedan;
Tuwe takuśniśni ekta nagi yeiçiye śni;
Qa wohnaye on ičiconze śni kin.
- 5 He Jehowa etanhan woyawašte icu kta;
Qa woowotanna, Wakantanka Wanikiya tawa kin etanhan.
- 6 Wicoicage okide unpi kin he dee:
Niite akitapi kin hena Jakob eepi. Sela.
- 7 Tiyopa kin, pa yuwankan ehdaku po;
Qa tiyopa ohinniyan un wankan iyeiçiya po:
Unkan Wowitan Wicaštayatapi kin tin hiyu kta.
- 8 Wowitan Wicaštayatapi kin he tuwe he:
Jehowa waśake ɕa waditake;
Jehowa kicizapi en mdetahunka.
- 9 Tiyopa kin, pa yuwankan ehdaku po;
Qa tiyopa ohinniyan un wankan iyeiçiya po:
Unkan Wowitan Wicaštayatapi kin tin hiyu kta.
- 10 Wowitan Wicaštayatapi kin he tuwe he:
Jehowa Sabaoth,
Wowitan Wicaštayatapi kin hee. Sela.

PSALM 25.

Dawid tawa.

- 1 Jehowa, niye ekta,
Minagi wankan wahdomde kta.
- 2 Wakantanka mitawa, niye wacinciya;
Imaštece śni nunwe;
Tokamayanpi ohimayanpi śni nunwe.
- 3 Nakun tona anipepi owasin ištecapı kte śni:
Takuśni on wahtanipi kin hena ištecapı kta.
- 4 Jehowa, nitacanku kin hena makipazo wo;
Nioħan kin hena onspemakiya ye.
- 5 Nitowicake en omani makiye ɕa onspemakiya wo;
Wakantanka Wanikiya mitawa kin he niye;
Anpetu owasin niye acipe waun.
- 6 Jehowa, nitowaonśida qa nitocantekiye kiksuya ye;
Hena otokahe wanica heon etanhan.
- 7 Komaśka ehan wawahtani qa taku śica ecamon qon hena ki-
ksuye śni ye;
Wawacinkta duza tanka eciyatanhan miksuya wo;
Jehowa, nitowašte kin heon etanhan.

PSALM 26.

- 8 Jehowa wašte qa owotanna ;
Heon canku kin ohna wahtanipi sa onspewicakiye kta.
- 9 Tona onśihanpi kin woyaco en yus awicaye kta ;
Qa onśihanpi kin iye tacañku onspewicakiye kta.
- 10 Jehowa tohan kin owasin wowaonśida qa wowicake,
Tona wicotakuye tawa qa woyaatanin tawa opapi kin hena en.
- 11 Jehowa, nicaje kin on etanhan,
Wawahtani micicajuju ye, he tanka nakaeś.
- 12 Wicašta Jehowa kokipe cin tukte e he ;
Canku hdañnige kte cin he onspekiye kta.
- 13 Iye nagi wowašte en wanke kta ;
Qa cinca kin makoce kin tawayapi kte.
- 14 Tona Jehowa kokipapi kin hena kici wohdakapi ece ;
Unkan wicotakuye tawa kin sdonyewicakiye kta.
- 15 Miišta ohinniyan Jehowa ekta ;
Wohmunke etanhan misiha eyaku kta, heon.
- 16 Miye ekta ihduhomni qa onśimakida ye ;
Mišnana waun qa makakija, heon etanhan.
- 17 Micante iyotanhan iyekiye cin yutankapi ;
Makakije cin etanhan emayaku wo.
- 18 Iyomakiśica qa wamayazan kin wanyaka wo ;
Qa wawahtani owasin micicajuju ye.
- 19 Tokamayampi kin wanwicayaka wo ; hena otapi ;
Qa wośicedake wohitika on śicemadapi ece.
- 20 Minagi micipatan qa emayaku wo ;
Imaštece śni nunwe ; wacinciya heon.
- 21 Woyuecetu qa wicoowotanna mapatanpi kta ;
Acipe waun kin heon etanhan.
- 22 Wakantanka, wicokakije owasin etanhan
Israel ewicahdaku wo.

PSALM 26.

Dawid tawa.

- 1 Jehowa woyaco maqu wo :
Mitoe CETU kin ohna mawani, heon :
Nakun Jehowa wacinyan waun ;
Mahicahe kte śni.
- 2 Jehowa mayukcan qa imayutan wo ;
Mapakśin micante ko yuecedan ye.
- 3 Nitowaonśida miišta itokam un ;
Qa wowicake nitawa ohna mawani.
- 4 Wicašta itonpiśni om imdotanke śni ;
Qa wanakilmanpi kin en mde kte śni.
- 5 Śicaya econpi omniciye kin śice wadaka ;
Qa wahtanipi sa om imdotanke kte śni.
- 6 Wiyaonpepicaśni ohna nape wahdujaja ;
Hecen Jehowa, owayuśna nitawa ohomni mde kta.
- 7 Wopida ho kin on eyanwapaha kta ;

PSALM 27.

- Qa niohan wakan owasin omdake kta.
8 Jehowa, yati oonyanpi kin he wašte wadaka;
Qa nitowitan wokeya oyanke kin he nakun.
9 Wahtanipi sa om minagi mnakiye šni wo;
Qa mitaniya, we wicašta kin om.
10 Hena napepi ohna wicowicašta šni;
Qa nape etapapi wiyopeyapi ojudan.
11 Tuka miye qe mitoecetu ohna mawani kta:
Opemakiton qa onšimakida wo.
12 Misiha makomdaya ohna han:
Mniciyapi kin en Jehowa mdawašte kta.

PSALM 27.

Dawid tawa.

- 1 Jehowa iyoyanpa mitawa qa Wanikiya mitawa hee, tuwe ko-
wakipe kta he;
Jehowa wiconi mitawa wowašake kin hee, tuwe on kopewahda
kta he.
2 Wicašta šica micełpi yutapi kta e mikiyedani upi qehan,
Tokamayanpi qa šicemadapi kin hena eepi hicahanpi qa hin-
łpayapi.
3 Wicota en ahimawanka ešta, micante kokipe kte šni;
Ozuye wan ahimanajin ešta, de wacinyan waun.
4 Taku wanji Jehowa wakida, he awakita ece kta;
Anpetu tona wani kin owasin Jehowa ti kin en waun kta;
Jehowa toiyokipi wanmdake kta,
Qa tipi wakan tawa kin ohna wawimunge kte.
5 Anpetu šice cin en tawokeya ohna namalıbe kta;
Iye tawakeya onalıbe kin en inalibe makiye kta;
Imnija wan akan wankan emahnake kte.
6 Unkan nakaha mapa kin toka mihduksán hiyeya wiciwankam
un kte;
Heon iye tawakeya ohna wowiyuškin wošna kin wawakiyušna
kta;
Wadowan kta, han, Jehowa odowan wakahiyaye kte.
7 Jehowa anagoptan wo, miho on wahowamde;
Hecen onšimakida qa amayupta wo.
8 Miite akita po: Micante heniciya;
Jehowa, niite awakite kta ce.
9 Niite inamakiłbe šni wo;
Canniniyan nitaokiye elıpeye šni ye;
Omakiye cin he niye; amayušan šni wo;
Qa elıpemaye šni, Wakantanka Wanikiya mitawa.
10 Tohan ate qa ina elıpemayanpi kinhan,
Hehan Jehowa imacu kte.
11 Jehowa, nitacanku kin onspemakiya ye;
Qa ocanku owctanna ohna amayan wo,
Tona iwanmayakapi kin hena on.

PSALM 29.

- 12 Tokamayanpi tawacinpi kin en wicamaqu šni wo ;
Wayaanin itonpi šni kin itkom mahinajinpi,
Qa tona wošitkihda apoganpi kin.
- 13 Wiconi makoce kin en,
Jehowa towašte opahta wacinwaye šni kinhan.
- 14 Jehowa wacinyan wo ;
Waditaka wo, kinhan cante niyuwašake kte :
Han, Jehowa wacinyan wo.

PSALM 28.

Dawid tawa.

- 1 Jehowa, niye hoyeciciye kta ;
Imnija mitawa, miye on inina yanke šni wo ;
Miye on noge nikpe cinhan,
Hehan wicahapi ekta yapi kin iyemacece kta.
- 2 Houciciya eca wocekiye mitawa ho kin nañon wo ;
Nitawakeya wakan ektakiya nape mdugata eca.
- 3 Wicašta šica om ehpemaye šni wo ;
Qa tona woahatani econpi kin om ;
Hena wicikiyedani unpi kin om wookiye eyapi ;
Tuka cantepi en woyušica yukan.
- 4 Taku econpi kin iyecen wicaqu wo ;
Qa šicaya ohanyanpi kin iyececa ;
Iye nape ohanpi kin on niye wicaqu wo ;
Taku econpi kin iyecen wicakicu wo.
- 5 Jehowa tohan kin hena awacinpi kte šni,
Qa iye nape taku kage cin hena,
Heon wicakawanke kta, qa icaliwicaye kte šni.
- 6 Jehowa yawaštepi nunwe ;
Wocekiye mitawa ho nañon kin heon.
- 7 Jehowa mitowašake qa wahacanka mitawa kin hee :
Micante wacinyan un, unkan omakiyapi :
Heon micante nina iyuškin kta ;
Qa odowan mitawa on mdatan kte.
- 8 Wowašake tawapi kin Jehowa hee ;
Qa wiconi conkaške wan iye Sdakiye cin tawa.
- 9 Nitaoyate niwicakiya wo ;
Qa taku nitawa kin hdawašte wo ;
Nakun wonwicaya wo,
Qa owihanke wanica hehanyan wicahduha ye.

PSALM 29.

Dawid tadowan.

- 1 Wašakapi cinca kin, Jehowa qu po ;
Jehowa wowitan wowašake ko qu po.
- 2 Iye caje towitan kin Jehowa kicu po ;
Wokoyake wakan un Jehowa ohoda po.

PSALM 30.

- 3 Jehowa ho kin mini kin akan ;
Wowitan Wakantanka wakinyan hotonkiya ;
Jehowa mini tanka kin akan un.
- 4 Jehowa ho kin wowaśake en ;
Jehowa ho kin wowitan en un.
- 5 Jehowa ho kin hanteśa bowehwega ;
Han, Jehowa Lebanon hanteśa kin kawehwega :
- 6 Qa ptejincadan wan iyecen psipsinwicaya ;
Lebanon qa Sirion, tatanka cinca iyececa.
- 7 Jehowa ho kin peta ide kin yapta ece.
- 8 Jehowa ho contanka kin yahuhuze kta ,
Qadeś contanka kin Jehowa yuhuhuze kta.
- 9 Jehowa ho kin tawiyedan hoksiksuye kiya ;
Qa can kin kahna okihi kta :
Unkan iye ti kin ohna owasin, Wowitan, eyapi ece.
- 10 Jehowa mini tanka kin akan iyotanka ;
Han, Jehowa Wicaśtayatapi iyotanka, owihanke wanica.
- 11 Jehowa iye taoyate wowaśake wicaqu kte :
Jehowa iye taoyate wookiye on wicayawašte kta.

PSALM 30.

Odowan. Tipi yuwakanpi kin on dowanpi. Dawid tawa.

- 1 Jehowa, iyotan ciyawa kta, niye wankan emayahde ;
Qa tokamayanpi miye on iyuśkinwicayaye śni heon.
- 2 Jehowa Wakantanka mitawa,
Hoyeciciya, unkan niye asnimayaya.
- 3 Jehowa, Hades etanhan minagi iyacu ;
Woħa ekta yapi kin etanhan nimayaya.
- 4 Wicaśta wacantkiye tawa, niye Jehowa kahiyaya po ;
Qa iye towakan kiksuyapi kin on wopida eya po.
- 5 Tocanniye kin iśta kakkapi hehanyan ;
Toiyokipi kin he wiconi :
Ĥtayetu eca wicaceya yuke kta,
Tuka hanħanna dowanpi kta.
- 6 Unkan miye tanyan waun kin en,
Owihanke wanin mapahohopi kte śni ce, epa.
- 7 Jehowa, nitoiyokipi kin on paha mitawa wowaśake yakaga ;
Niite nayakiħbe, unkan mayuśinyaya.
- 8 Jehowa, niye hoyeciciye kta ;
Qa Jehowa wocekiye ewakiye kta.
- 9 Mawe kin en wokamna yukan he,
Woħa ekta kun mde cinhan :
Maka mdu kin niyatan kta he ;
Nitowicake kin oyake kta he.
- 10 Jehowa, anagoptan qa onśimakida ye ;
Jehowa, omakiye cin he niye nunwe.
- 11 Waśinwahda kin he wacipi miyecaga ;
Heyake śica mayakiduśdoke ċa wowiyuśkin on ipiyag mayakiton.

P S A L M 31.

- 12 Heon wowitan inidowan kta, qa inina un kte śni :
Jehowa Wakantanka mitawa, owihanke wanin wopida eciciye
kta.

PSALM 31.

Dowan itancan kin on. Dawid tadowan.

- 1 Jehowa niye wacinciya :
Owihanke wanin imaštece śni nunwe :
Nitoowotanna on emahdaku wo.
- 2 Anohmakiya ye ; emayaku inalini wo :
Wowasake imnija mitawa kin he niye nunwe ;
Qa conkaske tipi on nimayanpi kte.
- 3 Imnija mitawa qa conkaske mitawa kin he niye ;
Heon nicaje on napata mayaduze ca yus amayade kta.
- 4 On hmunkapi nahmana emakionpapi kin etanhan mayadusdute
kta ;
Wowasake mitawa kin he niye, heon etanhan.
- 5 Mitaniya ninape en owehnake kta ;
Jehowa wowicake Wakantanka, niye opemayakiton.
- 6 Tona takuśni itonśni awacinpi kin hena śicewicawadaka ;
Tuka Jehowa wacinwaya ece.
- 7 Nitowaonśida on piwada qa imduśkin kte :
Woiyokiśice mitawa niye wandaka ;
Wokakije en minagi sdonyaye cigon.
- 8 Nakun toka nape en onamayatake śni ;
Makoce tanka en siha emayahde.
- 9 Jehowa, onśimada wo, makakija heon :
Woiyokiśica on iśta maśica amayan ;
Minagi qa mitezi nakun.
- 10 Wani kin woiyokiśica on masote ;
Qa waniyetu mitawa comnihadazipi on ;
Wawahtani on wasake śni amayan ;
Qa mahuhu kin hena śihtin.
- 11 Tokamayanpi owasin wowahteda śni mayanpi,
Nakun mikiyedani unpi kin hena iyotan ;
Qa tona sdonmayanpi kin wokokipe mayanpi ;
Tona tankan wanmayakapi kin hena namakipapi.
- 12 Taku ta iyecen cante on amiktonjapi ;
Wakśica kamdecapi wan iyemaceca.
- 13 Wicota waaiapi kin nawahon ;
Ihdukśan wokokipe, wiyamaonpapi kin icunhan,
Mitaniya icupi kta akitapi.
- 14 Tuka Jehowa, niye wacinciya ;
Wakantanka mitawa kin he niye ce, epa.
- 15 Mitaanpetu ninape ohna un ;
Tokamayanpi qa śicaya makuwapi napepi etanhan emahdaku
wo.
- 16 Niite nitaokiye aiyehkiya ye ;
Nitowaonśida on nimayan wo.

P S A L M 32.

- 17 Jehowa, imaštece šni nunwe, hoyeciciye cin heon :
Tona śicapi kin hena ištecapi nunwe, Hades en inina unpi kte.
- 18 Woitonśni ihapi kin inina unpi nunwe ;
Hena wañaničiday qawawoštehdaya
Ikceya wicašta owotanna aiapi.
- 19 Tona konicipapi nitowašte wicayecihnake cin he tanka hinca ;
Wicašta cinca itokam tona wacinniyanpi kin en he wicayaki-
dutanin.
- 20 Hena nitohnake woinaħbe kin en nawicayahbe kta,
Wicašta mniciyapi kin etanhan ;
Wicaceji wakinicapi etanhan wokeya wan ohna wicayakpatan
kta.
- 21 Otonwe suta wan ohna wowinihanyan cantemakiya,
Heon Jehowa yawaštepi nunwe.
- 22 Tuka miś imanihan qehan,
Niišta itokapatanhan makaśpapi ce, epa :
Hececa ešta cewakiya ho kin namayakilhon,
Hoyeciciye qehan.
- 23 Wicašta wacantkiye tawa kin owasin, Jehowa waštedaka po :
Tona wicakapi kin hena Jehowa wicakpatan ;
Qa tuwe wañanħaničiday ohanye cin he iyakiçuya kicicajuju
ece.
- 24 Waśaka po, hecen cante niyuťinzapi kte ;
Jehowa wacinyayapi kin owasin.

PSALM 32.

Wowahokonkiye odowan. Dawid tawa.

- 1 Tuwe taku śica econ kin kicicajujupi,
Qa waħtani akaħpapi kin he cante wašte :
- 2 Wicašta kin he cante wašte,
Tuwe Jehowa woaħtani kiciyawa śni,
Qa taniya en wohnayan wanice cin he.
- 3 Inina manke qehan mahuhu śeca aya,
Anpetu osan waśicahowamde qehan.
- 4 Anpetu hanyetu ko ninape amahdaskin yanka ;
Mawe kin mdoketu puze cin iyecen aya. Sela.
- 5 Wawaħtani niye ociciyake kta ;
Qa taku śica ecamon kin anawakiħbe śni :
Taku śica ecamon kin hena Jehowa owakiyake kta ce, epe :
Unkan wawaħtani śice cin miyecicajuju. Sela.
- 6 He on tona wacantkiye cin owasin ceniciyapi kta,
Tohan iyenianpi kte cinhan :
Awicakehan mini ota apaśboka ešta,
He hiyohipi kte śni.
- 7 Woinaħbe mitawa kin he niye ;
Wokakije etanhan emayahdaku kta ;
Woehdaku odowan on aohdudemayaye kta. Sela.
- 8 Wahokonkiciye qa canku ohna de kte cin he onspeciciye kta ;

PSALM 33.

Miišta opacilhta wahokonciciye kta.

- 9 Ihnuhan súktanka qa sónsonna wan iyenicecapi kinhan ;
Hena takudan okahnigapi šni ;
Iiyuwi qa ikan oiyokipi on i pawicahtapi ;
Nikiyedán upi šni heon etanhan.
- 10 Tona šice cin wokakije ota yuhapi kte :
Tuka tuwe Jehowa wacinye cin he wowaonsída aohduteye kta.
- 11 Tona owotanna yaunpi, Jehowa on pidapi qa iyuškin po ;
Qa tona cante ecetu yaunpi owasin, wiyuškinyan iyaša po.

PSALM 33.

- 1 Wicašta owotanna yaunpi, Jehowa on wiyuškin po :
Yatanpi kin tona ecetupi iyokipipi ece.
- 2 Candowankiyapi on Jehowa wopida eciya po ;
Candowankiyapi ikan wikcemna on idowan po.
- 3 Odowan teca wan kahiyaya miye ;
Ho tanka on wayupiya yajo po.
- 4 Jehowa oie kin he ecetu ;
Qa ohan kin owasin wowicake.
- 5 Woowotanna qa wokonze waštedaka ;
Maka kin Jehowa towaonsída on ojudan.
- 6 Jehowa oie on mahpiya kin kagapi ;
Qa iye i taniya on hena obe kin owasin.
- 7 Miniwanca mini kin kawitaya, paha iyececa ;
Ošbe kin mazopiye en ekihnaka.
- 8 Maka kin ocowasin Jehowa kokipapi kte ;
Maka akan ounyanpi iyulipa itokam inihanpi nunwe.
- 9 Iye ia, unkan ecetu ;
Iye kaken eya, unkan sutaya han.
- 10 Ikcewicašta tawacinpi kin Jehowa ecetu šni ya ;
Oyate token wakiconzapi kin he yujuju ece.
- 11 Jehowa tawokonze kin ohinniyan he kta ;
Iye cante yuze cin wicoicage qa wicoicage hehanyan.
- 12 Oyate wan Jehowa Taku Wakan yuhapi kin he cante waš-
tepi ;
Wicašta iye tawawicaye kta wicahdahńige cin hena.
- 13 Jehowa mahpiya eciyatanhan ahitonwan ;
Adam cinca kin owasin wanwicayaka.
- 14 Tukten onye cin hetanhan etonwan,
Maka akan ounyanpi owasin ekta :
- 15 Cantepi kin owasin wicakaga ;
Wicohan tawapi owasin awacin un.
- 16 Wicaštayatapi tuwedan ozuye tanka on niyanpi šni :
Wicašta wašaka keš wowašake tanka on ihduške kte šni.
- 17 Niwicayapi kta on súktanka kin wacinyepica šni ;
Qa iye towašake tanka on waeyaku kte šni.
- 18 Iho, Jehowa išta kin tona kokipapi kin hena awicatonwan ;
Tona iye towaonsída apepi kin hena.

PSALM 34.

- 19 Wiconṭe etanhan nagipi ewicahdaku kta ;
Qa wicaakihan en niwicaye kta.
- 20 Unnagipi Jehowa wacinyanpi ;
Ounkiyapi qa wahacanka unkitawapi kin he iye.
- 21 Iye on uncantepi iyuṣkin kte ;
Iye caje wakan wacinunyanpi heon.
- 22 Jehowa, nitowaonṣida unkiyepi en un nunwe ;
Unkanipepi kin heon etanhan.

PSALM 34.

Dawid tawa. Abimelek itokam togye oḥanyan ; unkan hdeṣi hehan kihda, he ehan.

- 1 Anpetu owasin Jehowa mdawaṣte kta ;
Iye idowanpi kin ohinniyan mii ohna un kta.
- 2 Jehowa on minagi itan kta :
Tona onṣihanpi naḥonpi kta qa iyuṣkinpi kta.
- 3 Jehowa mici yatanka miye ;
Qa yuwitaya iye caje kin unyawankantupi kte.
- 4 Jehowa awakita, unkan amayupta ;
Qa wakowakipe cin owasin etanhan emahdaku.
- 5 Ekta etonwanpi, unkan iyoyamyapi ;
Qa ite naṣapi ṣni nunwe.
- 6 Onṣike cin de howaya, unkan Jehowa naḥon,
Qa tokakije owasin etanhan ehdaku.
- 7 Tona kokipapi kin hena wicihdukṣan,
Jehowa taohnihde kin iwanka,
Qa ewicayaku ece.
- 8 Uta miye, qa Jehowa waṣte e wanyaka po :
Tuwe wacinye cinhan wicaṣta kin he cante waṣte.
- 9 Wacantkiya yaunpi tawaniyanpi, Jehowa kokipa po ;
Tona kokipapi kin hena takudan icakijapi kte ṣni.
- 10 Mnaja cinca wicakiṣ unpi qa wotektehdapi ;
Tuka Jehowa akitapi kin hena taku waṣte takudan icakijapi
kte ṣni.
- 11 Iho po, micinca, anamagoptan po ;
Jehowa tokokipe kin onspeciciyapi kta.
- 12 Wicaṣta wiconi cin, qa taku waṣte
Wanyake kta e anpetu waṣtedake cin he tuwe he.
- 13 Taku ṣica etanhan niceji ehdaku wo ;
Qa niiha wohmayan eyapi kte ṣni.
- 14 Taku ṣica eḥpeya wo, qa taku waṣte e econ wo :
Wookiye akite ṣa kuwa aya wo.
- 15 Jehowa iṣta wicaṣta owotanna awicatonwan ;
Qa howayapi eca anohwicakiya ece.
- 16 Tona taku ṣica econpi Jehowa ite kin itkowicakim un ;
Maka kin etanhan wicakiksuyapi kin icu kte.
- 17 Hoyeyapi, unkan Jehowa naḥon,
Qa tokakijepi iyuḥpa etanhan ewicahdaku.

P S A L M 35.

- 18 Jehowa cante kicaksapi kin wicikiyedan un ;
Qa tona taniya onśike cin hena niwicaya ece.
- 19 Wicašta owotanna tokakije kin ota ;
Tuka owasin etanhan Jehowa eyaku kta.
- 20 Huhu tawa owasin awankiciyaka ;
Hecen wanjidan kaeś kawegapi śni.
- 21 Wośice tona śice cin hena wicakte kta ;
Qa wicašta owotanna śice wicadakapi kin hena yacopi kta.
- 22 Jehowa taokiye nagipi kin opewicakiton ;
Qa tona iye wacinyanpi kin tuwedan yacopi kte śni.

PSALM 35.

Dawid tawa.

- 1 Jehowa, tona makigepi kin hena wicakige wo ;
Tona makizapi kin hena wicakiza wo.
- 2 Mazamakuakalipe wahacanka ko ikikcu,
Qa omakiya inajin wo.
- 3 Nakun wahukeza ehdaku,
Qa tona śicaya makuwapi wicakagi wo ;
Wiconi nitawa kin he miye ce, minagi eciya wo.
- 4 Minagi odepi kin hena inihanpi qa ištecapi nunwe ;
Tehiya amawacinpi kin hena hekta hdicuwicayapi qa ištenwi-
cayapi nunwe.
- 5 Aguyapi ha tate itokam hena iyececapi nunwe ;
Qa Jehowa taohnihde hena wicakaštake kte.
- 6 Tacankupi kin otpaza qa śduśduta nunwe ;
Qa Jehowa taohnihde kin kuwa awicaye kte.
- 7 Taku on etanhan śni wohmunke wan miye on naħmana eon-
papi ;
Taku on etanhan śni minagi on wolħa wan qapi.
- 8 Sdonye śni kinhan woihangye kin en u nunwe ;
Qa wohmunke naħbe cin he iye içihmunka nunwe ;
Woihangye kin hee en ohinħpaya nunwe.
- 9 Hehan minagi Jehowa on iyuskin kta ;
Wiconi tawa kin idowan kta.
- 10 Mahuhu owasin heyapi kta ;
Jehowa, tuwe iyeniceca he ;
Tuwe isanpa waśaka etanhan onśike cin eyahdaku ;
Han, onśike ɕa walħpanica kin, tuwe wamakinon kin etanhan.
- 11 Itonśniyan woyakapi kin hinajinpi ;
Taku sdonwaye śni kin hena on imawangapi.
- 12 Taku wašte on taku śica maqupi ;
On minagi kakiśyapi kta.
- 13 Tuka miye qe, wayazankapi qehan, wakihdaka komdaka ;
Akihanmiciya on minagi kakiśwaye :
Unkan wocekiye mitawa mamaku en hdihan.
- 14 Mitakoda se, misunka hee, he iyecen mawani ;
Tuwe hunku akiceye cin iyecen waśihda pamahdedan waun.

PSALM 36.

- 15 Tuka nakaha nawaşduta, hehan iyuşkinpi qa witaya mniciyapi ;
Waaie sa kin hena miye en mniciyapi, unkan sdonwaye şni :
Wayahdehdecapi qa inina unpi şni.
- 16 Wota ia şicapi kin hena om ;
Hi amahdakinskinzapi.
- 17 Itancan, tohanyan opařita nanke kta he :
Woihangye tawapi etanhan minagi hdohdi wo ;
Waştewakidake cin, mnaja kin etanhan.
- 18 Omniciye tanka kin en wopida eciciye kta ;
Oyate waşaka om ciyatan kta.
- 19 Tokamayanpi itonpişni kin hena miye on iyuşkinpi şni nunwe :
Tona taku on etanhan şni şicemadapi kin hena iştá kakpanpi.
- 20 Hena wookiye iapi kte şni ;
Tuka tona makoce kin en, inina unpi kin
Hena wohnayan wicoie wicakicagapi kta.
- 21 Han, hena nina i makapapi :
Qa heyapi ; Hoho, hoho,
Iştá on wanunyakapi ce.
- 22 Jehowa niye wandaka, inina yanke şni wo ;
Itancan, mitehanyan un şni wo.
- 23 Ihduřica ye, qa mayacopi kte cin on kikta wo ;
Makiyuşepi kin on,
Wakantanka mitawa, qa Itancan mitawa.
- 24 Jehowa Wakantanka mitawa,
Nitoowotanna eciyatanhan mayukcan wo ;
Qa hena miye on iyuşkinpi şni nunwe.
- 25 Cante mahen, Hoho, hecen uncinpi ce, eyapi şni nunwe ;
Naunkipcapi ce, eyapi şni nunwe.
- 26 Tona makakija on iyuşkinpi kin hena iştécapi,
Qa witaya ite naşapi nunwe ;
Tona miye on ihdatankapi kin hena wowahředa şni,
Qa wowiştéce koyakapi nunwe.
- 27 Tona mitoowotanna cinpi kin hena iyaşapi,
Qa wiyuşkinpi nunwe ;
Han, ohinniyan heyapi kte ; Jehowa tanka ce,
Iye taokiye wookiye kicicin kin hee.
- 28 Unkan miceji nitoowotanna cajeyate kta ;
Niyatanpi kin anpetu osan.

PSALM 36.

Dowan itancan kin on. Jehowa taokiye wan kaga. Dawid tawa.

- 1 Micante mahen, wicoşice wicaştá şica heciya ;
Iye iştá itokam Taku Wakan kokipapi wanica ce.
- 2 Iye iştá kin en ihdawaşte ;
Tuka wařtani kin iyeyapi qa şicedapi kta.
- 3 Iye i oie kin hena woitonşni qa wohnayan ;
Wacinksamya waştéya econ kta he ayuştan.
- 4 Towinja akan woitonşni awacin un kta ;

P S A L M 37.

Canku wašte śni wan ohna iyahe kta ;

Taku śica ayuŝtan kte śni.

- 5 Jehowa, nitowaonśida kin he maŝpiya ekta un ;
Nitowicake maŝpiya śapa iyahde.
- 6 Nitoowotanna kin he Iyotan Waśaka ta he kin iyececa :
Wokonze nitawa kin he woŝbe tanka :
Jehowa, wicaŝta woteka ko ni wicayaya.
- 7 Wakantanka, nitowaonśida kin he wašte hinca ;
Heon Adam cinca nihupahu ohanzi kin en wacinyanpi kta.
- 8 Yati wasna kin on imnanpi kte ;
Qa wowašte nitawa wakpa kin etanhan yatke wicayaye kta.
- 9 Wiconi minihdoka wan nici wanke :
Iyoyanpa nitawa en iyoyanpa wanunyakapi kta.
- 10 Tona sdonniyanpi kin hena nitowaonśida iyohi wicakiya wo :
Qa nitoowotanna, tona cante ecepidan kin.
- 11 Waŝaniŝidapi siha kin anamatan śni nunwe ;
Qa ohan śica nape kin napemaye śni nunwe.
- 12 Hen wicoŝan śica econpi kin hinŝpayapi ;
Hena makata ehpeyapi, qa najin okihipi kte śni.

PSALM 37.

Dawid tawa.

- 1 Wicoŝan śica econpi kin hena on iyokiŝiniŝiye śni wo ;
Qa woahŝani econpi kin on winawizi śni wo.
- 2 Hena ecadan kaŝdapi kta, peji iyececa ;
Qa wato iyecen ŝnijapi kta.
- 3 Jehowa wacinyan wo, qa taku wašte econ wo :
Makoce kin en ounye a wowicake akita wo :
- 4 Nakun Jehowa en iyokipiŝiye wo ;
Kinhan taku iceyakiye cin hena niu kta.
- 5 Nitacanku kin Jehowa yuhekiya wo ;
Nakun wacinyan wo ; kinhan ecetuye kta :
- 6 Qa nitoowotanna iyoyanpa iyecen yutanin kta ;
Qa wokonze nitawa kin wiyotanhan iyececa.
- 7 Jehowa en inina un, qa wacintankaya ape wo ;
Tuwe canku ohna wapiya un kin he on iyokiŝiniŝiye śni wo ;
Tuwe wicotawacin śica hduacetu kin on.
- 8 Wocanniye ayuŝtan qa woŝihda ehpeya wo ;
Taku śica ecanon kta e iyokiŝiniŝiye śni wo.
- 9 Tona taku śica econpi kin hena ihangwicayapi kta ;
Tuka Jehowa wacinyanpi kin hena makoce kin yuhapi kta.
- 10 Ehake cistiyedan hehan wicaŝta śica en un kte śni ;
Han, tohe kin opahŝa yaun kta, tuka en un śni.
- 11 Tuka tona onŝiŝidapi kin hena makoce kin tawayapi kta ;
Qa wokiye ota on iyuŝkiniŝiyapi kta.
- 12 Wicaŝta śica wicaŝta owotanna iyape un ;
Qa hi ahdakinskinza ece.
- 13 Itancan kin ihaŝa kta ;

P S A L M 37.

- Taanpetu u kta wanyake cin heon.
- 14 Wicašta śicapi mazasagye ehdakupi ;
Qa tinazipepi nakiwinjapi ;
Onśika qa wahpanica kin makata ehpewicayapi kta ;
Qa tona ohan owotanna kin wicaktepi kta.
- 15 Mazasagye tawapi kin on iye cante caiçipapi kta ;
Qa tinazipepi kin kawegapi kta.
- 16 Taku cistinna wicašta owotanna tawa kin he wašte ;
Wicašta śica ota wowijice yuhapi kin isanpa.
- 17 Wicašta śica isto kawegapi kta :
Tuka Jehowa wicašta owotanna najin wicakiya ece.
- 18 Wicašta ecetu taanpetu kin hena Jehowa sdonya :
Qa taku yuhapi kin he owihanke wanice kta.
- 19 Anpetu śica en ištecapi kte śni ;
Qa wicaakihan anpetu kin en imnahan wotapi kta.
- 20 Tuka wicašta śice cin hena atakunipi kte śni ;
Qa Jehowa tokayapi kin ;
Tahinca cinca śin kin iyecen huhnagapi ;
Śota en taninpi śni.
- 21 Wicašta śica wodota keś wicakicu kte śni :
Tuka wicašta owotanna wacantkiye ca wawicaqu ece.
- 22 Tona wicayawašte kin hena makoce kin tawapi kta :
Qa tona wicayaśice cin hena ihangyapi kta.
- 23 Jehowa eciyatanhan wicašta caehde kin yuecetupi ;
Qa tacanku kin on iyuskin kte.
- 24 Hinłpaye kta, tuka makata ehpeyapi kte śni ;
Jehowa nape yuze cin heon etanhan.
- 25 Homakśidan waun, qa wanna wimacahinca ;
Tuka wicašta owotanna kin elipeyapi,
Qa cinca woda unpi wanmdake śni.
- 26 Anpetu osan waonśida qa owicaqu ece :
Unkan cinca kin hena woyawašte.
- 27 Taku śica ayuśtan qa taku wašte e econ wo ;
Qa owihanke wanin ounyan wo.
- 28 Jehowa wokonze waštedaka ece ;
Qa wicašta wacantkiye tawa kin hena ehpewicaye kte śni ;
Hena ohinniyan wicakpatanpi :
Tuka wicašta śica cinca kin hena ihangwicayapi.
- 29 Wicašta owotanna makoce kin tawayapi kta ;
Qa owihanke wanin en ounyanpi kte.
- 30 Wicašta owotanna i kin woksape ie kta ;
Qa ceji wokonze iwohdake kte.
- 31 Iye ta Wakantanka tawoahope kin cante mahen un ;
Caehde tawa kin kaktihanhan kte śni.
- 32 Wicašta śica wicašta owotanna iwanyaka ;
Qa kte kta akita ece.
- 33 Tuka nape en Jehowa ehpeye kte śni ;
Qa aiapi kinhan yaco kte śni.
- 34 Jehowa ape un wo, qa tacanku patan wo ;

PSALM 38.

- Unkan makece tawayaye kta e yuwankan inicu kta ;
Wicašta śica ihangyapi kinhan wandake kta.
- 35 Wicašta śica wohitika wan wanmdaka ;
Qa ihdutanka, can teca icage cin iyececa :
- 36 Tuka tanin śni iyaya, unkan inyun en un śni ;
Han owade, tuka iyeyapi śni.
- 37 Wicašta ecetu kin he iyukcan, qa owotanna kin wanyaka wo ;
Wicašta kin he owihanke kin wookiye.
- 38 Tuka wawakipajinpi kin witaya ihangyapi kte ;
Wahtanipi sa owihanke kin he baśpa iyeyapi.
- 39 Tuka wicašta owotanna niwicayapi kin he Jehowa etanhan :
Wokakije anpetu kin en wowaśake tawapi kin hee.
- 40 Unkan Jehowa owicakiye ɕa ewicahdaku :
Wicašta śica etanhan ewicayaku qa niwicaye kta ;
Iye wacinyanpi, heon etanhan.

PSALM 38.

Dawid tadowan. Wokiksuye on.

- 1 Jehowa, wocanniye nitawa en iyopemaye śni wo ;
Qa śinyahda ħinca en makapsinpsinte śni wo.
- 2 Nitunwanhinkpe kin bomahdokapi ;
Qa ninape sutaya amapaskica.
- 3 Nitocanniye on michepi zaniyan un śni ;
Wawahtani on mahuhu en woozi wanica.
- 4 Wawahtani kin hena pa iwankam imayaya ;
Waqin tke ħinca iyecen on mduśaka ece.
- 5 Amapapi kin tonyan qa śicamna ;
Wimatkotkoke cin heon etanhan.
- 6 Mahnaśkinyan, nina patuś nawajin ;
Anpetu osan waśihda waun.
- 7 Wowayazan śica wan on pakśin omajudan ;
Qa michepi tuktedan zani śni.
- 8 Wamaśake śni qa nina makaśuśujapi ;
Cante mayazan heon waśicahowamda ece.
- 9 Itancan, token cantowakpani owasin nitokam un ;
Qa waśicahowamde cin he nanicilmanpi śni.
- 10 Cante mahniyanyan, waśake śni amayan ;
Nakun mišta iyoyanpa kin hee kaeś iyemacetu śni.
- 11 Tona waśtemadapi qa mitakuye wamayazan kin en najinpi
kte śni ;
Qa mikiyedani unpi qon itehanyan inajinpi.
- 12 Unkan minagi akitapi kin hena mahmunkapi ;
Qa tona śicaya waun kta cinpi kin hena taku śica eyapi ;
Qa anpetu osan wohnayan awacinpi kta.
- 13 Tuka miye, noge tpa iyececa, nawaħon kte śni ;
Qa ia okitpani i hdukawa kte śni kin iyemaceca.
- 14 Hecen wicašta wanaħon śni kin iyecen waun ;
Qa tuwe i ohna iyoheyapi wanice cin.

P S A L M 39.

- 15 Jehowa niye acipe waun kin heon,
Niye waadupte kte, Itancan Wakantanka mitawa.
- 16 Unkan hepa; Okinni miye on iyuskinpi kta;
Siha nawaşduta eca miye on ihdatanpi ece.
- 17 Miye humaşte waun kin heon;
Qa iyomakişice cin ohinniyan mitokam ur.
- 18 Miohan şice cin owahdake kta;
Qa wawalitani kin on iyokişinmiciye kta.
- 19 Tuka tokamayanpi ni unpi kin hena waşakapi;
Qa tona taku on etanhan şni şicemadapi kin hena ota aya.
- 20 Tona taku waşte on taku şica econpi kin hena,
Taku waşte awakite cin on makiyuşepi kta.
- 21 Jehowa, amayuştan şni wo:
Wakantanka mitawa, mitehanyan un şni ye.
- 22 Omakiya inalini wo;
Itancan, Wanikiya mitawa.

PSALM 39.

Jeduthun dowan itancan kin on. Dawid tadowan.

- 1 Miohan iwanwahdake kta, epa;
Hecen miceji on wawalitani kte şni:
Ionatake wan mii on mduhe kta;
Wicaşta şica mitokam unpi icunhan.
- 2 Ia okitpani iyecen inina manka;
Taku waşte ee kaeş ie şni waun;
Qa mitoiyokişica yuşoşapi.
- 3 Cante mahen makate hinca;
Waawacin waun icunhan peta itkon:
Hehan miceji on iwaa:
- 4 Jehowa, omawihanke kin sdonye makiya wo;
Qa mitaanpetu kin tohanyan kta hecinhan;
Tohan en waun kte şni sdonwakiye kte.
- 5 Wan, mitaanpetu kin nape hdakinyan yakaga;
Qa nitokam wani kin he takuşni iyececa:
Awicakehan wicaşta otoiyohi, sutaya najin ešta, ocowasin ta-
kuşni. Sela.
- 6 Awicakehan wicaşta kin ohanzi wan en omani;
Awicakehan takuşni on nihinciyapi ece:
Waeju ece, tuka tuwe hena yuhe kta sdonye şni.
- 7 Unkan nakaha, Itancan, taku e ape waun he;
Niye hinca wacinciya ece.
- 8 Wawalitani owasin etanhan emayaku wo;
Wicaşta witkotkoka wowihahamayanpi kta makage şni wo.
- 9 Inina waun, i wahdukawa kte şni;
Niye hecanon kin heon etanhan.
- 10 Amayape cin he imicicu wo;
Ninape makaştake cin on atakuni şni amayan.
- 11 Iyopeyapi on wicaşta wahtani kin on iyopeyaya;

P S A L M 40.

Qa wayapote sa iyecen taku iyokipi kin dutakuni šni :
Awicakehan wicašta otoiyohi takušni. Sela.

- 12 Jehowa, wocekiye mitawa nañon wo ;
Qa houwaye cin anohikiya ye :
Ištamnihanpe amau kin on inina yanke šni wo ;
Niye kici wicašta matokeca,
Unhdaka waun, atewicawaye cin owasin iyececa.
- 13 Makpatan wo, hecen wašagmičiye kta,
Imdamde šni qa en waun šni itokam.

PSALM 40.

Dowan itancan kin on. Dawid tadowan.

- 1 Apepi on Jehowa ape waun ;
Unkan anohimakiye ça hoyewaye cin namakihon.
- 2 Nakun wicotakunišni woħa wan etanhan hiyu makiya, upšija
ħinca etanhan ;
Qa misiha imnija wan ahan makiye ; mioye miciyusuta.
- 3 Qa odowan teca wan mii kin en ohnaka ;
Wakantanka unkitawapi yatanpi kin ;
Wicota wanyakapi qa kokipapi kta ;
Qa Jehowa wacinyanpi kte.
- 4 Wicašta wan cante wašte ħinca,
Jehowa wowinape yuhe cin hee ;
Qa tona waħanħaničidapi kin,
Woitonšni opapi kin ħena koħa ekta etonwe šni.
- 5 Jehowa mita Wakantanka taku ota ecanon ;
Nioħan wakan qa unkiyepi on nitawacin kin,
Ĥena owecinhan niciyawapi kte šni ;
Cajemdate ça omdake kta ešta, ħena yawapica šni.
- 6 Wešnapi qa wawicaqupi kin ħena iyonicipi šni ;
Noge mayakiduhidoka :
Wahuħnalihyapi qa woahitani on wošnapi kin yada šni.
- 7 Hehan hepa ; Wanyaka wo, wau ce ;
Wowapi yuhmihmapi kin en hecen omiciwapi :
- 8 Wakantanka mitawa nitawacin ecen ecamon kta iyomakipi ;
Qa nitoope kin micante mahen un.
- 9 Omniciye tanka kin en woowotanna eyanwapaha :
Wanyaka wo, miiha wakpatan kte šni ;
Jehowa niye sdonyaya.
- 10 Nitoowotanna micante mahen nawalħbe šni ;
Wacinniyepica qa waniyakiya omdaka ;
Nitowaonšida qa nitowicake omniciye tanka kin etanhan na-
walħbe šni.
- 11 Jehowa niye,
Nitowaonšida temiyeciħda kte šni ;
Nitocantekiye qa nitowicake ohinniyan mapatan kte.
- 12 Taku šica yawapica šni aohdudemayanpi ;
Wawalitani kin ħena emihdegapi,

P S A L M 41.

- Qa hecen wawanyaka owakihi šni;
Hena mapa hin isanpa ota;
Qa on cante mawanica.
- 13 Jehowa, emahdaku iyonicipi nunwe;
Jehowa, omakiya inahni ye.
- 14 Tona minagi ihangya akitapi kin
Hena witaya cante toketu taninšni qa ištecapi kte;
Tona śicaya waun kta cinpi kin
Hena hekta hdicupi qa ištecapi kte.
- 15 Tona, Hanhan, hanhan, emakiyapi kin
Hena wowištece on atakunipi kte šni.
- 16 Tona anicitapi kin hena owasin cante waštepi qa iniciyuškin-
pi kte;
Tona wiconi nitawa waštedapi kin hena, Jehowa yatankapi
nunwe, eyapi kte.
- 17 Tuka miye onmašike ça mawašpanica;
Itancan kin amawacin un kta:
Tuwe omakiye ça emahdaku kin he niye;
Wakantanka mitawa yutehan šni ye.

PSALM 41.

Dowan itancan kin on. Dawid tadowan.

- 1 Tuwe wicašta onšika en ewacin kin he cante wašte;
Anpetu śice cin en Jehowa ehdaku kte.
- 2 Jehowa awanhdake ça nikiye kta;
Maka akan tanyan un kte;
Qa tokayapi tawacin kin en wicayaqu kte šni.
- 3 Wowayazan ohe akan Jehowa yuwašake kta;
Wayazanka icunhan towinja ocowasin piyaya.
- 4 Miye hepe; Jehowa onšimakida wo;
Minagi asniyan wo; wacicihtani kin heon.
- 5 Tokamayanpi kin hena taku śica emakiyapi kta;
Tohan te kta qa caje atakuni kte šni he.
- 6 Qa wanmayag hi kinhan woitonšni oyaka ece kta;
Cante mahen woahitani mnakiya;
Tokiya ye kte ça oyake kta.
- 7 Tona śicemadapi owasin witaya amajijipi kta;
Hena śicaya cante makiyuzapi kta.
- 8 Taku śice hinca wan aokaštanpi ce:
Qa tuwe makata wanke cin he ake kinajin kte šni.
- 9 Han, wicašta kici wowakiye, wacinwakiye ciqon,
Aguyapi mitawa yute cin he siyete on namahtaka.
- 10 Tuka, Jehowa niye, onšimada qa najinmakiya wo;
Hecen wicawecicajuju kta.
- 11 Detanhan waštemayadaka sdonwakiya;
Tokamaye cin maktedan šni kin heon.
- 12 Unkan miye, mitoečetu kin en mayadusuta;
Qa ohinniyan niite itokam najin mayakiya.

P S A L M 43.

- 13 Jehowa, Israel ta Wakantanka, yawaštepi nunwe ;
Otokahe wanica qa owihanke wanica.
Amen qa amen.

PSALM 42.

Dowan itancan kin. Qora cinca wahokonwicakiyapi.

- 1 Tatokadan mini wakpadan cantokpani,
He iyecen, Wakantanka, minagi cantonikpani ece.
- 2 Wakantanka on minagi ipuza, Wakantanka ni un kin ;
Tohan wau qa Wakantanka ite kin en mihdutanin kta he.
- 3 Istamnihanpe amau kin hena woyute waye, anpetu hanyetu
koya ;
Nita Wakantanka tukten un he, ohinniyan emakiyapi heon.
- 4 Dena weksuye ça minagi amihdapon kta ;
Wicota om imdamde cinhan ;
Hena om Wakantanka ti kin ekta wai ;
Wowiyuŝkin qa woyatan ho kin yuha ;
Wicota anpetu wakan opapi kin hena om.
- 5 Minagi, tokeca pamahdedan yaun,
Qa tokeca miye mahen iyoniciŝica he ;
Wakantanka wacinyan wo, ake mdatan kte,
Miite omakiye ça mita Wakantanka kin hee.
- 6 Mahentanhan minagi iyokiŝica un ;
Heon ciksuye kta, Jordan makoce kin etanhan,
Qa Hermon he, paha cistinna kin hetanhan.
- 7 Mini tanka nitawa ho kin on, mini ŝma kin mini ŝma kipan ;
Taja nitawa qa mini ihaha nitawa owasin miwankam iyaya.
- 8 Anpetu icunhan Jehowa towaonŝida kin ekihde kta ;
Qa hanyetu eca iye tadowan kin mici un ;
Wakantanka nimaye cin he cewakiye kte.
- 9 Wakantanka imnija mitawa hewakiye kta ;
Tokeca aniyektonja he ;
Tokeca waŝihda imdamda he,
Toka ŝicaya makuwapi kin on.
- 10 Tokamayanpi kin iyopemayanpi, mahuhu kaŝuŝujapi kin iye-
ceca ;
Anpetu otoiyohi, Nita Wakantanka toki un he, emakiyapi
kinhan.
- 11 Minagi, tokeca pamahdedan yaun,
Qa tokeca miye mahen iyoniciŝica he ;
Wakantanka wacinyan wo, ake mdatan kta,
Miite omakiye ça Wakantanka mitawa kin hee.

PSALM 43.

- 1 Wakantanka mayaco qa imakiya wo ;
Oyate wacantkiye ŝni kin on ;
Wohnayan wicaŝta qa wahtani sa etanhan emayahdaku kte.
- 2 Wakantanka conkaŝke mitawa kin he niye ;

PSALM 44.

- Tokeca elipemayaya he ;
 Tokeca wašihda imdamde kta he,
 Toka śicaya makuwapi kin on.
- 3 Iyoyanpa nitawa qa wowicake nitawa u kiya wo ;
 Hena yus amaye kte ;
 Paha wakan nitawa kin en hi makiye kte ;
 Qa nakun wokeya nitawa ekta.
- 4 Hehan Wakantanka owayuśna tawa ekta wau kte ;
 Taku Wakan mitowiyuśkin tanka ekta.
 Unkan candowankiyapi on icidowan kta,
 Wakantanka, Wakantanka mitawa.
- 5 Minagi, tokeca pamahdedan yaun,
 Qa tokeca miye mahen iyoniciśica he :
 Wakantanka wacinyan wo, ake mdatan kta ;
 Miite omakiye ɕa Wakantanka mitawa kin hee.

PSALM 44.

Dowan itancan kin on. Qora cinca wahokonwicakiyapi.

- 1 Wakantanka, noge on naunhonpi,
 Atewicunyanpi unkokiyakapi,
 Iye taanpetu kin en wicohan ecanon qon,
 Wanakaja anpetu kin en.
- 2 Niye ninape on Ikcewicaśta hamwicayaya,
 Qa iyepi en owicayakiju ;
 Oyatepi kin ihangwicayaya,
 Qa iye icaliwicayakiya.
- 3 Mazasagye tawapi on makoce kin icupi śni ;
 Qa iye isto kin he on eiɕihdakupi śni ;
 Tuka ninape etapa, qa niisto, qa niite iyoyanpa kin ;
 Niye cantowicayahsnake cin heon.
- 4 Wakantanka, Wicaśtayatapi mitawa kin he niye ;
 Jakob woehdaku kiconza wo.
- 5 Niye on tokaunyanpi kin paha iyewicunyanpi kta ;
 Nicaje on tona itkounkipapi kin nawicunpanpi kta.
- 6 Mitinazipe wacinwakiye kte śni ;
 Qa mazasagye mitawa nimaye kte śni.
- 7 Tuka niye tokaunyanpi kin etanhan eunyahdakupi ;
 Qa tona śiceundapi kin iśtenwicayaya.
- 8 Anpetu osan Wakantanka unkidowanpi ;
 Qa nicaje ohinniyan unyatanpi kta. Sela.
- 9 Hececa eśta, elipeunyayapi qa wowištece unyakagapi ;
 Qa ozuye unkitawapi kin om de kte śni.
- 10 Toka kin itokapatanhan hdicuunyayapi kta :
 Qa tona śiceundapi kin hena wakte hdapi.
- 11 Tahinca wanunyanpi yutapi kte cin iyececa unyakagapi kta :
 Qa Ikcewicaśta ehna enanakiya iyeunyayapi.
- 12 Nitaoyate inyunwin codan wiyopeyakiye kta :
 Qa iyoheyapi on takudan yakamna śni.

P S A L M 45.

- 13 Unkikiyepidan unpi kin en wowištece unyakagapi kta ;
Unkihdukšan unpi kin en wowihahaunyanpi qa poptanptanun-
kiyapi.
- 14 Ikcewicašta ekta oweštepi unyakagapi kta ;
Oyatepi en pomnamnaunkiyapi kte.
- 15 Anpetu osan ištenmayanpi kin mitokam un ;
Qa miite ištece cin he amahdaŋpa :
- 16 Tuwe wawiopeye ɕa wayašica ho kin on ;
Toka ite qa waihangye cin on etanhan.
- 17 Dena owasin unakikipapi, tuka unkaniktonjapi šni ;
Qa wicotakuye nitawa unhnayanpi šni.
- 18 Uncantepi hekta hdicu šni ;
Qa unkoyepi nitacanku icunonpa ye šni.
- 19 Unktehi owanka kin en unyakawehwegapi ;
Qa wiconŋe on unkayakaŋpapi.
- 20 Wakantanka unkitawapi caje unkakiktonjapi,
Qa taku wakan tokeca ekta nape unhdugatapi kinhan ;
- 21 Wakantanka he ode kte šni he :
Wicacante woinaŋbe kin hena iye sdonya nakaes.
- 22 Niye on anpetu osan unktepi unyakonpi ;
Taŋinca wanunyanpi wicaktepi kte cin iyecen unyawapi.
- 23 Itancan, ihduhica wo, tokeca ništinma he ;
Kikta wo, hecehin ehpeunyanpi šni po.
- 24 Tokeca niite nayakiŋbe kta he ;
Iyounkišicapi qa šiɕaya unkuwapi kin ayektonje kta he.
- 25 Unnagipi watušekšeca ekta patuš yanka ;
Untancanpi maka kin ahdaskin wanka.
- 26 Ounyakiyapi kta on inajin wo ;
Qa nitowaonsida on opeunkiton po.

PSALM 45.

Mnaŋcalica on dowan itancan kin. Qora cinca wahokonwicakiyapi. Wowaste
odowan.

- 1 Micante wicoie wašte on ipiga ;
Miohan wicaštayatapi kin owakimdake ;
Wowapi icage wowapi kaga wayupika tawa miceji kin hee.
- 2 Adam cinca ehna niye iyotan owanyag niwašte ;
Niiha en wowaste okaštanpi ;
Heon Wakantanka ohinniyan niyawašte.
- 3 Iyotan Wašaka, mazasagye nitawa ceca en iyahdaška wo ;
Nitowitan qa nitoiyokipi ahna :
- 4 Qa nitowitan hduha šuktanka akan iyoopta ya wo ;
Wowicake qa woowotanna onšike cin hena on ;
Unkan nape nietapa taku wowinihan onspeniciye kta.
- 5 Wanhinkpe nitawa pepe linca ;
Nitokam oyatepi hinŋpayapi kta ;
Tona Wicaštayatapi tokayapi cantepi kin en.
- 6 Wakantanka, oiyotanke nitawa ohinuiyan qa owihanke wanica ;

P S A L M 46.

- Nitokiconze sagye kin he woowotanna sagye.
 7 Woowotanna wašteyadaka, qa woalitani šiceyadaka ;
 Heon Wakantanka, nita Wakantanka kin,
 Wowiyuški kin wihi on sđaniciya,
 Kodawicayaye cin isanpa.
 8 Nitawokoyake owasin canšin, qa canhaša, qa pejihuta wa-
 štemna ;
 Huhu tipi wašte kin etanhan wiyuškinniyanpi.
 9 Wicaštayatapi cunwintkupi kin winohinca waštešte nitawa om
 unpi ;
 Wicaštayatapi tawicu kin nietapa ekta najin,
 Mazaskazi Ophir etanhan en.
 10 Cunš, anagoptan qa wanyaka qa on anohkiya wo ;
 Qa nitaoyate niyate ti ko akiktonja wo :
 11 Unkan wicaštayatapi kin nitowašte waštedake kte :
 He itancan nitawa, hecen itokam patuja wo.
 12 Turos cunwintku taku ituhanpi wan on niite akite kta ;
 Oyate kin en wijicapi kin hena.
 13 Ti mahen wicaštayatapi cunwintku kin ocowasin wowitan ;
 Tawokoyake kin mazaskazi kazontapi.
 14 Šina ipatapi in wicaštayatapi kin en ahipi kta ;
 Wikoškapi takodawicaye ihakam unpi kin hena niye en awi-
 cahipi kta.
 15 Wowiyuški qa wopida yuha en awicahipi kta ;
 Wicaštayatapi ti kin timahen hipi kte.
 16 Niyatepi eekiya nicinkšipi yuke kta ;
 Hena maka kin owancaya wicašta itancan ewicayahde kte.
 17 Wicoicage qa wicoicage owasin en nicaje kiksuyewicawaye
 kta :
 Heon oyatepi kin niyatanpi kta, owihanke wanica.

PSALM 46.

Qora cinca on ; dowan itancan kin. Wikoška dowanpi.

- 1 Wowinape qa wowašake unkitawapi kin Wakantanka hee ;
 Awicakehan wokakije en waokiye iyeyapi ece.
 2 Heon etanhan kopeunhdapi kte šni, maka kin yutokecapi,
 Qa he kin miniwanca cante en ayapi ešta.
 3 Mini kin hotanin qa škanškan kte ;
 Taš tanka on he kin yuhuhuzapi kte. Sela.
 4 Wakpa wan—adetka kin Wakantanka totonwe kin iyuški nye
 kta ;
 Tipi wakan kin—Iyotan Wankan un ounye cin he.
 5 Wakantanka cokaya un, heon pahohopi kte šni ;
 Anpao hinanpa hehan Wakantanka okiye kta.
 6 Ikcewicašta oqoyapi, wicokiconze kin škanškanpi ;
 Iye ho hdutanin, maka kin skan kta.
 7 Jehowa Sabaoth unkicipi un ;
 Jakob ta Wakantanka wowinape unyanpi. Sela.

PSALM 48.

- 8 U miye, Jehowa toľian kin wanyaka po ;
Makoce kin en woihangye kaga ece.
- 9 Maka ihanke hehanyan ozuye ayuřtan kiya ;
Itazipa kin kawege kta, qa wahukeza kakse kta ;
Canpahmihma kin peta on huľnahye kta.
- 10 Ayuřtan po, qa Wakantanka kin he miye e sdonya po ,
Ikcewicařta ehna mayatanpi kte, maka akan mayatankapi kte.
- 11 Jehowa Sabaoth unkicipi un :
Jakob ta Wakantanka wowinape unyanpi. Sela.

PSALM 47.

Dowan itancan kin on. Odowan ; Qora cinca tawapi.

- 1 Oyate owasin, nape hdaskapa miye ;
Wowiyuřkin ho kin on Wakantanka iyařa po.
- 2 Jehowa Tehan Wankan kin he wowinihan ;
Wicařtayatapi tanka, maka kin owancaya.
- 3 Unkihukun wicařta kin ewicahnake kta ;
Qa oyatepi unsihapi ihukuya.
- 4 Makoce wan unkicicaľnigapi kte ;
Jakob wařtedake ciqon toiyokipi kin hee. Sela.
- 5 Iyařapi yuha Wakantanka wankantkiya ikiyopta ;
Jehowa mazayahotonpi ho kin hduha.
- 6 Dowan po, Wakantanka idowan po ;
Dowan po, Wicařtayatapi unkitawapi idowan miye.
- 7 Wakantanka maka kin owancaya Wicařtayatapi ;
Wowahokonkiye wan on dowan miye.
- 8 Wakantanka Ikcewicařta kin wowidagwicaya ;
Wakantanka oiyotanke wakan kin akan kiyotanka.
- 9 Oyatepi en itancanpi kin mniciyapi ;
Abraham ta Wakantanka taoyate kin :
Makoce wahacanka kin hena Wakantanka tawa :
Iye nina tehanwankan un.

PSALM 48.

Qora cinca tawapi. Psalm odowan.

- 1 Jehowa he tanka, qa nina yatanpi kte ;
Taku Wakan unkitawapi totonwe, Paha wakan tawa kin en.
- 2 Oyanke wařte ľinca, maka ocowasin wowiyuřkin ;
Zion Paha kin, waziyata opapun ekta ;
Wicařtayatapi tanka totonwe kin.
- 3 Tipi wařteřte tawa kin ohna,
Wakantanka wowinape yapi kta sdonyapi.
- 4 Iho, maka wicařtayatapi kin mniciyapi ;
Witaya en hiyayapi :
- 5 Hena wanyakapi, unkan inihanpi ;
Kopehdapi qa najica iyayapi.
- 6 Hen cancan hinhdapi ;

PSALM 49.

- Wayazan hdapi, wihoŋinca hoksíksuya iyececa.
- 7 Wiyohiyanpa tanhan tate kin on,
Taršíš wita wata kin yakajuju kta.
- 8 Naunhŋonpi qon he iyecen wanunyakapi;
Jehowa Sabaoth totonwe kin en,
Wakantanka unkitawapi totonwe ohna;
He Wakantanka ohinniyan hdusuta kte. Sela.
- 9 Wakantanka, tipi wakan nitawa ohna,
Nitocantekiye kin awauncinpi.
- 10 Wakantanka, nicaje iyececa,
Niyatanpi maka ihanke kin hehanyan;
Ninape etapa woowotanna ojudan.
- 11 Zion Paha kin iyuškin kte;
Juda cunwinkupi cante waštepi kte;
Woyaco nitawa kin on etanhan.
- 12 Zion ihduksan ya miye, ohomni mani po;
Canpasotka kin hena yawa po:
- 13 Conkaške tawa kin ekta cante yekiya po;
Tipi waštešte kin hena awacin miye;
Hecen wicoicage u kte cin owicayakidakapi kte.
- 14 Taku Wakan kin de Wakantanka unkitawapi, owihanke wa-
nica:
Wiconŋe hehanyan yus unkayapi kte.

PSALM 49.

Dowan itancan kin. Odowan Qora cinca tawapi.

- 1 Oyate owasin, de naŋon miye;
Maka akan ounyanpi kin owasin, anagoptan po:
- 2 Adam cinca, nakun wicašta cinca,
Wijicapi walpanicapi kin om.
- 3 Mii woksape oyake kta;
Qa micante taku awacin kin he wookalŋige.
- 4 Wiyacinpi wan ekta minoge yewaye kta;
Candowankiyapi on mitadowan mduotanin kta.
- 5 Anpetu šica en tokeca kopewahda kta he;
Tona amahanpi walŋtanipi kin aohdudemayan kinhan.
- 6 Iye towašakepi kin wacinkiyapi;
Qa taku ota tonpi kin on ihdatanpi ece:
- 7 Wicašta wan iye sunkaku ecaca opekiron kte šni:
On wiyopeyapi Wakantanka qu kta okihi šni.
- 8 Unkan nagipi opekironpi kin he telika;
Qa owihanke wanica okihipica šni:
- 9 Hecen hinyaŋin ohinniyan ni un kta;
Qa wicaŋwin wanyake kte šni.
- 10 Wicašta ksapa ŋapi kte cin he wanyake kta;
Nakun witkotkoka wacintonšni ko atakunipi kte šni;
Qa taku tonpi kin toktokeca aihpewicakiyapi kte.
- 11 Cante mahen, tipi tawapi owihanke wanice kta, kecinpi;

P S A L M 50.

- Ohna yukanpi kin wicoicage qa wicoicage hehanyan ;
 Makece tawapi iye cajepi icajeyatapi ece.
- 12 Tuka wicašta woyuonihan en yanke kte śni ;
 Woteca iyecen kagapi ; hena atakunipi śni.
- 13 Hecen ohanyanpi ; hecen witkotkokapi :
 Tuka tona ihakam upi kin hena
 Token eyapi qon he waštedakapi kta. Sela.
- 14 Optaye wan iyecen Hades ekta awicayapi ;
 Wiconṭe wonwicaye kta ;
 Qa wicašta owotanna, anpao kinhan, wowidagwicayapi kta :
 Nakun towaśakepi kin Hades yusote kta ;
 Iye tipi kin etanhan tawawicaya.
- 15 Tuka Wakantanka minagi Hades nape etanhan opemakiton kta ;
 Iye emahdaku kta, heon.
- 16 Wicašta wan wijica icage cinhan kopehda śni wo ;
 Tipi tawa wowitan tanka aye cinhan :
- 17 Tohan ṭe cinhan takudan hduha ye kte śni ;
 Towitan ihakam kun ye kte śni.
- 18 Tuka ni un icunhan nagi hdawašte kta :
 Nakun tanyan niṭicuwa kinhan niyatanpi kta.
- 19 Atewicaye wicoicage kin ekta ye kta :
 Hena icimana iyoyanpa wanyakapi kte śni.
- 20 Wicašta yuonihanpi, tuka okaḥnige śni kin
 He woteca kin iyacinpi, hena atakunipi kte śni.

PSALM 50.

Asaph tadowan.

- 1 Jehowa Wakantanka Iyotan Waśake cin ia,
 Qa maka kin kipan,
 Wihinanpa etanhan wi iyaye cin hehanyan.
- 2 Zion woiyokipi iyotan ḥince cin etanhan
 Wakantanka iyega.
- 3 Wakantanka unkitawapi u kta, qa inina un kte śni ;
 Itokam peta wahuḥnahye kta ;
 Qa ihdukšan nina icamna kte.
- 4 Wankan maḥpiya kin kipan kta,
 Qa nakun maka kin, iye taoyate wicahdaco kta.
- 5 Wicašta cante wicawakiye cin miye en awicau po ;
 Tona wośnapi on wicotakuye micagapi kin.
- 6 Unkan maḥpiya kin iye toowotanna kin oyake kta ;
 Wakantanka wayaco un kin heon. Sela.
- 7 Mitaoyate naḥon po, kinhan iwae kta ;
 Qa Israel, wahokonciciye kta ;
 Wakantanka, Wakantanka nitawa kin he miye.
- 8 Nitawośnapi kin on iyopeciye kte śni ;
 Qa peta on waduśnapi kin ohinniyan mitokam un :
- 9 Yati etanhan tatanka wan iwacu kte śni ;
 Optaye nitawa etanhan tamdoka kin :

PSALM 51.

- 10 Contanka en wamanica otoiyohi mitawa ;
Qa woteca paha kektopawinge akan unpi kin.
- 11 He ekta taku kinyan un kin otoiyohi sdonwaya ;
Qa makomdaye en woteca owasin micium.
- 12 Wotektewahda ešta ociciyake kte šni ;
Maka kin he mitawa qa taku ohnaka kin.
- 13 Tatanka conica wate kta he ;
Qa tamdoka we mdatke kta he.
- 14 Wakantanka woyatan wakiyušna wo ;
Qa Iyotan Wankan un kin taku iwahoyaya hdajuju wo.
- 15 Hehan woiyokišica anpetu kin en, houmakiya wo ;
Kinhan ecihdaku kta, hecen imayadowan kta ce.
- 16 Tuka Wakantanka wicašta šica heciya ;
Token on mitoope kin odake kta ;
Qa wicotakuye mitawa tokeca cajedate kta he.
- 17 Wahokonkiyapi kin he šice yadaka ;
Qa mioie kin niheyata ehpeyaya.
- 18 Wamanon sa wan wandaka eca takodayaya ;
Qa wawicihahapi econpi kin owicayapa ece.
- 19 Nii taku šica en owicayaqu ;
Qa niceji wohnaye kazonte kta.
- 20 Nisunka akiia idotanke kta ;
Nihun cinhintku kin waayape kta.
- 21 Hena hecen ecanon, tuka inina manke :
Niye yaun kin ocowasin iyemaceca kecanni ;
Iyopeciye kta, qa ništa itokam hena ewahde kta.
- 22 De awacin po, Wakantanka ayektonjapi kin ;
Okinni waehdaku wanin ciyašpašpapi kta.
- 23 Tuwe woyatan wayušna kinhan, he mayuonihan kta :
Qa tuwe tačanku hduacetu kin
He Wakantanka towiconi kin wakipazo kta.

PSALM 51.

Dowan itancan kin. Dawid tadowan: Nathan wicašta wokcan en hi qehan, iye
Bathšeba en hi qon iyececa.

- 1 Wakantanka, nitocantekiye on onšimada ye ;
Nitowaonšida ota on wawahtani micicajuju wo.
- 2 Taku šica ecamon kin on ocowasin mayujaja ye ;
Qa wawahtani kin hena makipakinta wo.
- 3 Wawahtani kin hena sdonwakiya ;
Qa taku šica ecamon kin ohinniyan mitokam un.
- 4 Niye nišnana en wacicihtani,
Qa ništa kin en taku šica ecamon ;
Hecen iyae cin en oniwotanna kte ;
Wadaco kinhan iyaonpepica šni yaun kta.
- 5 Wanyaka ye, taku šica en matonpi ;
Qa woalitani en ina mahduha.
- 6 Wanyaka ye, tanmahen tanhan wowicake yacin ece :

PSALM 52.

- Qa woinahbe ekta woksape sdonye mayaye kte.
- 7 Ceyakata on mayakipakiute kta, unkan ecedan waun kta ;
Mayadujaja kta, kinhan wa isanpa maska kte.
- 8 Wicocante wašte wowiyuŝkin ko nahon mayaye kte ;
Hehan huhu yakaŝuje cin hena iyuŝkin kta.
- 9 Wawahtani etanhan niite nakihman ye ;
Qa taku ŝica ecamon kin owasin micicajuju wo.
- 10 Wakantanka, cante ska micaga ye ;
Qa miye mahen woniya yuŝtanpi miciyuteca wo.
- 11 Niite etanhan ehpemaye ŝni ye ;
Qa Nitaniya Wakan kin emicihdaku ŝni wo.
- 12 Wiconi nitawa wowiyuŝkin kin he micu ye ;
Qa woniya wašte wan yuhe makiya wo.
- 13 Hehan ŝicaya econpi kin nitacanku onspewicawakiye kta ;
Qa walitanipi sa niye ekta ihduhomnipi kta.
- 14 Wakantanka, wicawe etanhan emahdaku wo ;
Wakantanka, Wanikiya mitawa ;
Miceji nitoowotanna iyuŝkinyan idowan kte.
- 15 Itancan, miiha miyecidukawa kta ;
Hecen mii woyatan nitawa oyake kte.
- 16 Woŝnapi kin yacin kte ŝni, he waqu kta tuka ;
Peta on woŝnapi kin iyonicipi ŝni.
- 17 Woŝnapi Wakantanka tawa woniya kicaksapi kin hena ee ;
Wicacante kicaksapi qa kaŝuŝujapi kin,
Wakantanka, ŝiceyadake kte ŝni.
- 18 Nitoiyokipi kin en Zion taku wašte ecakicon wo :
Jerusalem conkaŝke kin niye yecage kta.
- 19 Hehan woowotanna woŝnapi kin iyonicipi kta ;
Peta on woŝnapi qa woŝnapi ocowasin huhnahiyapi :
Hehan tatanka owayuŝna nitawa adipi kte.

PSALM 52.

Dowan itancan kin on. Dawid tawowahokonkiye. Doeg Edomi kin en hi qa
Saul wokiyaka qa heciya ; Dawid Ahimelek ti en hi ce, eye cigon.

- 1 Wicaŝta waŝaka, tokeca taku ŝica on nihdatan kta he ;
Iyotan Waŝaka towaonŝida kin he anpetu osan.
- 2 Niceji wicohan ŝica kicanye kta ;
Wohnayan kaga, putinhin icasan yumanpi iyececa.
- 3 Taku ŝica waŝteyadaka, taku wašte isanpa ;
Qa woitonŝni, woowotanna oyakapi kin isanpa. Sela.
- 4 Wicoie waihangye cin owasin waŝteyadaka,
Wicaceji wicahnayan yaun kin.
- 5 Heon etanhan Wakantanka owihankeŝniyan ihangniye kta ;
Yutokan iyeniyete kta, qa wakeya etanhan inicu kte ;
Qa wiconi makoce kin etanhan yujun ehpeniyete kta. Sela.
- 6 Unkan wicaŝta owotanna wanyakapi qa kokipapi kta ;
Qa he on ihapi kta :
- 7 Wanyaka po, wicaŝta kin he

PSALM 54.

- Wakantanka wowaśake yuhe kte śni ;
 Tuka iye towijice icage cin wacinkiye kta ;
 Qa tohan śice cin on waśagiçiye kte.
 8 Tuka miye Oliwe can teca wan iyemaceca,
 Wakantanka ti kin ohna ;
 Wakantanka tocantekiye wacinwaya,
 Owihanke wanica hehanyan.
 9 Niye hecanon kin heon ohinniyan ciyatan kta ;
 Qa nicaje wacinwakiye kta ;
 He wicaśta wacantkiya nitawa itokam wašte kin heon.

PSALM 53.

Dowan itancan kin on. Wowayazan on Dawid tawowahokonkiye.

- 1 Taku Wakan wanica ce, witkotkoke cin cante mahen eya :
 Ihduścapi qa wicohan śica wahte śni econpi ;
 Tuwedan taku wašte econ śni.
 2 Wakantanka malipiya eciyatanhan Adam cinca kin ahiwication-
 wan ;
 Tuwe wacinksamya ohanyan hecinhan,
 Tuwe Wakantanka akita hecinhan, he wanyake kta.
 3 Iyuhpa nunipi, witaya hwinpi ;
 Tuwedan taku wašte econ śni ; han, wanjidan śni.
 4 Woahitani econpi kin hena takudan sdonyapi śni he ;
 Aguyapi iyecen mitaoyate wicayutapi ;
 Qa Wakantanka hoyekiyapi śni.
 5 Wokokipe wanica ešta hen nina wikopapi ;
 Tuwe en ahiniwanka huhu kin Wakantanka enanakiya ehpeya ;
 Ištenwicayaya, Wakantanka wahtewicada śni nakaeś.
 6 Tokin Israel woehdaku tawa kin Zion etanhan u nunwe :
 Tohan Wakantanka taoyate wayaka unpi kin en wicahdi kinhan,
 Jakob iyuśkin kta, Israel pidapi kte.

PSALM 54.

Candowankiyapi on dowan itancan kin. Dawid tawowahokonkiye. Ziph oyate
 upi qa Saul heciyapi ; Dawid unkicipi inalibe śni he, eyapi qon he ehan.

- 1 Wakantanka, nicaje on nimayan wo :
 Qa nitowaśake on woyaco ecamiyecon kte.
 2 Wakantanka, wocekiye mitawa nahon ye ;
 Mii oie kin hena anohkiya wo.
 3 Wicaśta tokeca en ahimanajinpi heon ;
 Qa tehiya wakuwapi kin minagi akitapi :
 Iye itokam Wakantanka ehdepi śni. Sela.
 4 Wanyaka wo, Wakantanka omakiya ece :
 Itancan kin tona minagi waśagyapi kin hena om un.
 5 Wośice kin tokamayanpi en awicahdi kte :
 Nitowicake en hena ihangwicaya wo.
 6 Taku ituhanpi on waciciyuśna kte ;

P S A L M 55.

Jehowa, nicaje wašte heon mdatan kta.

- 7 Wokakije owasin etanhan emahdaku ;
Qa mišta tokamayanpi kin opawicahta, heon.

PSALM 55.

Dawid tawa. Candowankiyapi on dowan itancan kin. Wowahokonkiye odowan.

- 1 Wakantanka, mitawocekiye anohkiya wo ;
Qa hoyewaye cin on naiçihbe šni ye.
- 2 Namañon qa amayupta wo ;
Awacin waun qa howamde kta :
- 3 Toka ho kin on, wicašta šica šicaya kuwapi kin on ;
Hena woahñani aomakawinhiyapi kta ;
Qa šinhdapi en tokamayanpi kte.
- 4 Mitan mahen micante škanškan ;
Qa wiconęe ikopapi kin amahinlipaya.
- 5 Kopehdapi qa cancانpi kin mahiyohi ;
Qa wonihinciye amakalipa.
- 6 Unkan hepe ; Tuwe wakiyedan iyecen ĥupahu wan maqu kta
he :
Kinyan imdamde ęa ozimięiye kta.
- 7 Ho, tehan wanuni kte ;
Ĥewoskan owati kta. Sela.
- 8 Wowinape onawakipa inawahni kta ;
Tateyanpa ĥinca etanhan, icamna kin etanhan.
- 9 Itancan, nawicapca wo, cejipi wicakiyuškiška wo :
Otonwe kin en wicokicize qa wicokicige wanmdaka heon.
- 10 Anpetu hanyetu ko otonwe conkaške akan ohomni yapi kte ;
Qa wicošice wicoiyokišice ko mahen un.
- 11 Woahñani cokaya un,
Qa šicaya wicakuwapi wohnayan ko tahocoka kin ayušta kte
šni.
- 12 Toka wan iyopemaye kte cin hee šni ;
Kinnan inina manke kta tuka :
Tuwe miye on wahaniciđa šicemadake cin hee šni ;
He heca unkanš etanhan namiçihbe kta tuka.
- 13 Tuka he niye, wicašta kici iakinimaskokeca ;
Mitakoda qa wacinwaye ciqon hee.
- 14 Unkiye okonwanjidan wicotawacin skuya unkięicaga :
Wicota om Wakantanka ti kin en unye ciqon.
- 15 Woihangye awicakipa nunwe ;
Niyake Hades ekta kun yapi kte :
Tipi tawapi ohna wicoñan šica yukan,
Iye cantepi kin en.
- 16 Miye ęe Wakantanka hoyewakiye kta ;
Unkan Jehowa nimaye kte.
- 17 Ĥtayetu qa hanñanna qa wioytanhan, cewakiye ęa hoyewaye
kta :
Unkan iye miho kin nañon kte.

PSALM 56.

- 18 Makizapi etanhan, wookiye en, nagi opemakiton ;
Wicota om ecamon kin heon etanhan.
- 19 Iyotan Wasake cin he nawicalion qa awicayupte kte ;
Qa tuwe wanakajatanhan ounye cin he. Sela.
Tona wicayutokanpi wanin unpi,
Qa Wakantanka kokipapi šni kin hena.
- 20 Tona om wookiye en un qon hena nape awicahnaka ;
Wicotakuye tawa kin he hdaksa.
- 21 Pteasanpi ihdi iyecen i kin šdušduta ;
Tuka cante kin he okicize :
Wihdi isanpa iye oie kin šdušduta ;
Tuka hena mazasagye ecedan.
- 22 Taku niču kin he Jehowa aihpeya wo ;
Unkan iye awanniyake kta :
Wicašta owotanna wicapahohopi kta tohinni iyowinye kte šni.
- 23 Tuka niye, Wakantanka, wicotakunišni woħa en kun iyaye wi-
cayaye kta :
Wicawe wicašta qa wicahnaye sa kin
Hena anpetu tawapi cokaya iyohipi kte šni.
Hececa tuka miye qe wacinciye kte.

PSALM 56.

Wicašta tokeca om wakiyedān inina un kin on, dowa itancan kin kicagapi. Da-
wid tawoinahbe. Gath ekta Philistine yuzapi qon he ehan.

- 1 Wakantanka, onšimakida ye, wicašta i amahdukawa ;
Anpetu osan watemya kin he kuwa amau ece.
- 2 Anpetu osan tona iwanmayakapi kin hena i amahdukawapi ;
Wahanħaničidapi ota temmakiyapi kta tuka.
- 3 Anpetu kin en kopewahda kinhan,
Hehan wacinciye kta.
- 4 Wakantanka en iye oie kin mdatan kte ;
Wakantanka wacinwaya, kopewahda kte šni ;
Wicaceħpi taku ecamicon kta okihi he.
- 5 Anpetu otoiyohi mioie yapemnipi ;
Amawacinpi kin owasin šica.
- 6 Witaya mniciyapi, waiyape yukanpi kta ;
Mioye kin hena awanyakapi kta ;
Minagi iyapepi kin iyececa.
- 7 Woħtani on ihduškapi kta he ;
Wakantanka, wocanniye en oyatepi kun ehpewicaya wo.
- 8 Wanuni kin hena dawa ece :
Ištamnihanpe mitawa ojuha nitawa en ohnaka wo :
Hena nitawowapi en un šni he.
- 9 Anpetu en hoyewaye cinhan,
Hehan tokamayanpi kin namnipi kta :
He sdonwaya ; Wakantanka miciun kin he.
- 10 Wakantanka en oie kin mdatan kta ;
Jehowa en iye oie kin iwadowan kta.

PSALM 58.

- 11 Wakantanka wacinwaya ; kopewahda kte śni ;
Wicašta taku ecamicon kta okihi he.
- 12 Wakantanka, taku iwahociye cin hena mduha ;
Woyatan wośnapi kin ciçu kte.
- 13 Wiconṭe etanhan minagi edaku ;
Misiha hinḥpaye kte śni :
Wakantanka itokam mawani kta ;
Wiconi iyoyanpa kin en.

PSALM 57.

Dowan itancan kin kicagapi. Waihangye śni wo. Dawid tawoinalibe. Makolido-
ka en Saul ite kin etanhan najice ciqon he ehan.

- 1 Onśimakida wo, Wakantanka onśimakida wo ;
Minagi wacinniyan, heon etanhan ;
Han, niḥupahu ohanzi kin en wowinape awakite kta ;
Wośice kin iyoopte kte cin hehanyan.
- 2 Wakantanka Iyotan Wankan hoyewakiye kta ;
Iyotan Waśaka tanyan miciyuśtan kin hee.
- 3 Maḥpiya eciyatanhan u wicaśi qa emahdaku kta ;
Tuwe amapogan kin he iyopeye kta. Sela.
Wakantanka iye towaonśida towicake ko hiyuye kta.
- 4 Minagi mnaja wicehna un ;
Ideya unpi kin hena ehna imunke kta ;
Wicašta cincapi hi kin wahukeza qa wanhinkpe ;
Qa cejipi kin mazasagye pe hinca.
- 5 Wakantanka, maḥpiya kin iwankam niyatanpi nunwe ;
Nitowitan maka kin ocowasin iwankam.
- 6 Wohmunke wan misiha on wiyeya ehnakapi ;
Minagi kin patuś ya ;
Mitokam woḥa wan qapi ;
He en iye ohinḥpayapi. Sela.
- 7 Micante wiyeya, Wakantanka, micante wiyeya un ;
Wadowan kta qa mdatan kta.
- 8 Mitowitan, kikta wo, cotanke candowankiyapi ko kikta miye ;
Miye qe anpao kin mduḥice kta.
- 9 Itancan, oyate kin ehna ciyatan kte ;
Oyatepi wicehna icidowan kta.
- 10 Nitocantekiye tanka kin maḥpiya iyapaṭo ;
Qa nitowicake kin maḥpiya śapa iyahde.
- 11 Wakantanka, maḥpiya kin iwankam niyatanpi nunwe ;
Nitowitan maka kin ocowasin iwankam.

PSALM 58.

Waihangye śni wo. Dawid tawoinalibe.

- 1 Wicašta cincapi, awicakehan ia oyakitpanipi he ;
Hecen taku owotanna odakapi kte śni,
Taku ecetu kin dukcanpi kte śni.

P S A L M 59.

- 2 Han, cante mahen taku śica ecanonpi kta ;
Makoce kin en ninapepi wicowicaśtaśni kin tkeuyatapi kte.
- 3 Wicaśta śicapi wicatanmni etanhan nunipi ;
Itonpiśni, tonpi ehantanhan śicaya econpi.
- 4 Wamduśka tage śica he iyecen tage śica wicakiyukan ;
Sintehda noge kpe cin he iyecen noge ohmus hduza :
- 5 He wajijipi ho nañon kte śni ;
Wayupiya wajijipi econ eśta.
- 6 Wakantanka, hena ipi ohna hi wicakicaksa wo ;
Jehowa, mnaja kośka hi kin kaśuśuja wo.
- 7 Mini ohinniyan kaduze cin iyecen skan ayapi nunwe ;
Tunwanhinkpe nakiwinje kte, kawegapi iyececa.
- 8 Tusda skan aye cin iyecen tanin kte śni :
Winohinca hinyahinke śni cinca ton kin iyecen,
Anpetu wi kin wanyakapi śni.
- 9 Cega nitawapi wapepeka sdonye śni,
Saka qa iś śpan, ecen kahin iyeye kta.
- 10 Tokiçonpi kin he wicaśta owotanna wanyake cinhan iyuśkin
kte :
Wicaśta śica we kin en siha hdujaja kte.
- 11 Hecen wicaśta wan heye kta ;
Han, wicaśta owotanna waskuyeca ton ;
Han, Taku Wakan maka akan wayaco yanka ce.

PSALM 59.

Dowan itancan kin kicagapi. Waihangye śni wo. Dawid tawoinañbe. Saul ye-wicaśi qehan, qa Dawid ti kin awanyaka, kte kta e heon.

- 1 Wakantanka mitawa, tokamayanpi kin etanhan makiyuśka wo ;
Tona takpe maupi kin on wankan emayahde kta.
- 2 Tona woahñani econpi kin etanhan makiyuśpa wo ;
Qa we wicaśta kin etanhan nimayan ye.
- 3 Wan, minagi iyape yukanpi ;
Waśakapi kin miye on mniciyapi ;
Jehowa, wawañtani śni qa taku śica ecamon śni ye.
- 4 Miohan śice śni eśta anamatanpi qa eicñhdepi :
Kikta wo, itkomayakipa qa wandake kte.
- 5 Heon niye, Jehowa, Wakantanka Sabaoth,
Israel ta Wakantanka, kikta wo,
Oyatepi owasin wanwicadake kte ;
Wicaśta śica wahnayanpi kin owasin wicakpatan śni wo.
- 6 Hñayetü kinhan hñicupi kte ; śunka iyecen hñidopi kte ;
Qa otonwe ohomni inyankapi kte.
- 7 Inyun, ipi kin etanhan hiyuyapi ;
Ihapi kin en mazasagye yukan ;
Qa tuwe nañon kta he, eyapi.
- 8 Tuka Jehowa, niye iwicayañña kta ;
Ikcewicaśta owasin wowiñña wicayaye kte.
- 9 Towasake kin on acipe waun kta ;

P S A L M 60.

- Conkaške mitawa Wakantanka hee.
- 10 Mita Wakantanka iye towaonsida on itkomakipe kta;
Tokamayanpi kin Wakantanka opawicalita makiye kta.
 - 11 Itancan, wahacanka unkitawapi,
Hena wicakte šni wo, okinni mitaoyate akiktonjapi kte:
Nitowašake on onuniwicaye ça kun ehpewicaya wo.
 - 12 Ihapi oie kin hena ipi woahatani kin hee:
Hecen wahaničidapi kin on wicayuzapi kte;
Woitonšni qa iapi šica eyapi kte cin hena on.
 - 13 Waihangya wo, wocanniye on wicayusota wo;
Qa en unpi kte šni;
Hecen Jakob en Wakantanka wicaštayatapi yanka e sdonyapi
kte;
 - Maka ihanke kin hehanyan. Sela.
 - 14 Unkan hitayetu kinhan hdicupi kta;
Šunka iyecen hdopi kte;
Qa otonwe kin ohomni inyankapi kte.
 - 15 Taku yutapi imani unpi kta;
Imnanpi šni ešta hanyetu osan wankapi kta.
 - 16 Tuka miye nitowašake iwadowan kta;
Qa hanhanna nitowaonsida mdatan kta:
Conkaške mitawa kin he niye;
Qa iyomakišica anpetu kin en wowinape mitawa.
 - 17 Wowašake mitawa, niye icidowan kta:
Wakantanka conkaške mitawa kin hee,
Wowaonsida Wakantanka mitawa.

PSALM 60.

Dowan itancan kin kicagapi. Woyaotanin Mnahicalica kin on. Dawid tawoinalibe. Waonspekiyapi kta. Aram wakpa nonpa otahedan, qa Aram Zoba ohiwicaya qon, hehan Joab hdicu qa Miniskuya kaksiza en, Edom etanhan kektopawinge akenonpa wicakte.

- 1 Wakantanka, ehpeunyayapi, unyakawehwegapi;
Canniniyan; tuka ake ounyakiyapi kta.
- 2 Maka kin duškanškan qa naptušyaya,
Naptuptujapi kin yuecetu wo, cancan nakaes.
- 3 Nitaoyate taku tehika wanyagwicayakiya;
Miniša on cekcegyapi kin yatke unyakiyapi.
- 4 Tona konicipapi kin wiyokihedan wan wicayaqu,
Wowicake on yuwankan iyeyapi kta. Sela.
- 5 Tona cantewicayakiye cin wicayukeapi kta;
Heon ninape etapa on niunkiyapi qa naunhon po.
- 6 Wakantanka iye towakan kin en ia;
Wakte wahdi kta;
Šekem wapamni kta;
Qa Sukoth kaksiza kin imdute kta.
- 7 Gilead he mitawa, qa Manassa he mitawa;
Ephraim nakun mapa wowašake kin;
Juda woope kaga mitawa kin hee.

PSALM 62.

- 8 Moab cega oyujaja mitawa kin hee ;
Edom en mitahanpe ehpewaye kta ;
Philistia, miye on iyaša wo.
- 9 Tuwe otonwe aconkaškapi kin en amaye kta ;
Tuwe Edom ekta amai he.
- 10 Wakantanka, ehpeunyayapi qon he niye kte šni he ;
Qa Wakantanka, ozuye unkitawapi om de kte šni qon.
- 11 Toka kin on etanhan ounkiya miye :
Qa wicašta akantu waehdakupi kin he taku šni.
- 12 Wakantanka en wowašake unkičicagapi kte :
Unkan iye tona tokaunyanpi kin nawicapan kte.

PSALM 61.

Dowan itancan kin kicagapi. Candowankiyapi Dawid tawa on.

- 1 Wakantanka, houwaye cin nañon ye ;
Wocekiye mitawa awacin un wo.
- 2 Micante iyokišica en, maka ihanke kin etanhan houčiciye kta :
Imnija wan miwankam tehanwankantu kin he en amayai kte.
- 3 Wowinape mitawa qon he niye ;
Toka kin itokam, conkaške suta ħınca.
- 4 Ohinniyan nitawakeya ohna wati kta ;
Nihupahu ohanzi kin en inawape kta.
- 5 Wakantanka, niye taku iwahowaye cin he nayañon :
Tona nicaje kokipapi taku tawa kte cin he mayaqu.
- 6 Wicaštayatapi taanpetu kin en anpetu yecage kta ;
Waniyetu tawa kin wicoicage qa wicoicage iyececa.
- 7 Ohinniyan Wakantanka itokam iyotanke kte ;
Wowaonšida wowicake ko yuhe yakiye kte ;
Hena patanpi kta.
- 8 Heon ohinniyan nicaje iwadowan kta :
Anpetu eca taku iwahowaye cin wakajuju ece kta.

PSALM 62.

Jeduthun eciyatanhan down itancan. Dawid tadowan.

- 1 Wakantanka ecedan en minagi inina yanka ;
Iye eciyatanhan nimayanpi.
- 2 Iye isnana imnija mitawa qa Wanikiya mitawa ;
Conkaške suta mitawa kin hee ;
Nina mapahohopi kte šni.
- 3 Tohanyan wicašta wan inihanyayapi kta he ;
Niyepi owasin nicamdecapi kte ;
Conkaške takinyan yanka,
Mañinatake yujujupi kin iyececa.
- 4 Wankan yanke cin etanhan isnana kun ehpeye wacinpi ;
Woitonšni waštedakapi ;
Ipi kin on wayawaštepi kta,
Qa tanmahentanhan wayašicapi kta. Sela.

PSALM 63.

- 5 Wakantanka ecedan en, minagi, inina un wo ;
Wowacinye mitawa kin he iye eciyatanhan.
- 6 Iye isnana imnija mitawa qa Wanikiya mitawa ;
Conkaške mitawa kin hee ;
Mapahohopi kte šni.
- 7 Wiconi mitawa qa wowitan mitawa kin
Wakantanka eciyatanhan ;
Imnija suta mitawa qa wowacinye mitawa
Wakantanka en un.
- 8 Oyate kin, anpetu otoiyohi he wacinyan po ;
Itokam nicantepi tpapson po ;
Wowacinye unkitawapi kin Wakantanka hee. Sela.
- 9 Adam cinca kin takuśni ecedan,
Wicašta cincapi kin hena woitonśni ;
On tkeutapi kin en wankan yapi ece ;
Hen. witaya takupiśni.
- 10 Wowidagyapi kin wacinyanpi šni po ;
Qa wawicakipi on wahanicidapi šni po ;
Wowijice icage cinhan cantohnakapi šni po.
- 11 Wakantanka wancadan ia ;
Nonpakiya de nawahon ;
Wowasake he Wakantanka tawa :
- 12 Nakun Itancan, wocantekiye kin he nitawa ;
Tuka otoiyohi iye ohan kin eciyatanhan,
Wicayaqu ece kta.

PSALM 63.

Dawid tadowan-Juda hewoskan en un qehan.

- 1 Wakantanka, Taku Wakan mitawa kin he niye ;
Hanhanna linca ocide kta ;
Niye on minagi ipuza , michepi cantonikpani ;
Makoce puza en, qa mini codan en mdokiša.
- 2 Tipi wakan kin ohna wanciyaka qon iyecen,
Nitowašake qa nitowitan kin wanmdake kta.
- 3 Nitocantekiye kin wiconi isanpa wašte ;
Heon miiha niyatanpi kta.
- 4 Hecen wani kin en icidowan kta ;
Nicaje on nape wahdugate kte.
- 5 Tacupe qa wasna on iyecen minagi imna kte ;
Qa iha wiyuški on mii niyatan kta.
- 6 Mitowinja akan ciksuye cinhan,
Hanyetu osan niye awacicin kta.
- 7 Omakiye cin he niye ;
Unkan nihupahu ohanzi kin en imduški kta.
- 8 Minagi kiyedan onicihan un ;
Ninape etapa sutaya mayuza.
- 9 Tuka tona minagi ihangya akitapi kin
Hena kun yapi kta, maka cokaya ekta.

PSALM 65.

- 10 Mazasagye nape kin en elipewicayapi kte;
Hena sungidan taku tawa uupi kta.
- 11 Tuka wicaštayatapi kin Wakantanka en iyuskin kta;
Tona he cajeyatapi owasin ihdatanpi kta;
Tona itonpišni kin hena iohmus icupi kta.

PSALM 64.

Dowan itancan kin kicagapi. Dawid tadowan.

- 1 Wakantanka, wocekiye mitawa en miho nahon wo;
Toka kokipapi kin etanhan wiconi mitawa yapatan kte.
- 2 Wicašta šica takodakiciyapi etanhan namayašibe kta;
Šicaya econpi oqoyapi kin etanhan.
- 3 Hena, mazasagye iyecen, ceji hdumanpi;
Wanhinkpe iyecen, oie pa kin ekatapi;
- 4 Wicašta ecetu kin nalimana kutepi kte;
Ihnuhanna kutepi kta, qa kokipapi kte šni.
- 5 Wicoie šice cin en wašagičiyapi kta;
Nalmana on hmunkapi eonpapi kin he ohdakapi kta;
Tuwe wanwicayake kta he, eyapi.
- 6 Wicošan šica nina akitapi;
Wiyeya unkanpi; tanyan yušanpi ce:
Unkan mahen wicašta tawacin qa cante kin temahentu.
- 7 Tuka Wakantanka ihnuhanna wanhinkpe on wicakute:
Hen taopi wicayukan.
- 8 Hecen našna wicakiyapi; iye cejipi kin en wicahdi;
Tona opawicahtapi kin owasin najicapi kta.
- 9 Heon wicašta owasin nihinciayapi kta;
Qa Wakantanka ošan kin he oyakapi kte;
Qa taku econ kin awacinpi kta.
- 10 Wicašta owotanna Jehowa en iyuskin kta,
Qa he wacinye kta;
Qa tona cante ecetupi kin owasin witanpi kta.

PSALM 65.

Dowan itancan kin kicagapi. Psalm odowan. Dawid tawa.

- 1 Wakantanka, Zion en ainina yatanpi kin he nitawa;
Qa taku iwahoyapi kin ničupi kte.
- 2 Wocekiye nayahon ece kin,
Niye ekta wicacehpi owasin u kte.
- 3 Woahšani wicoie kin iyakapemayanpi;
Taku šica econkupi kin hena niye yakajuju kta.
- 4 Tuwe yakalnige ča kiyedan ayau kin he cante wašte;
Tihocoka nitawa kin en onnye kta;
Yati wowašte on iunmnanpi kte;
Tipi wakan nitawa kin he.
- 5 Woowotanna en taku wowitonpe on unkayaduptapi kta,
Wakantanka Wanikiya unkitawapi;

PSALM 66.

- Niye maka ihanke kin owasin wacinniyanpi;
 Qa tona miniwanca ekta tehan unpi kin.
- 6 Towaśake on he kin sutaya ehde;
 Wookihi ipiyagkiton kin heon.
- 7 Miniwanca sa kin yuinina;
 Taja sa qa oyate owodutaton kin.
- 8 Nakun tona ihanke ekta tipi kin
 Hena wowapetokeca nitawa kin kokipapi;
 Wiinanpe qa wiyyaya oenape kin hena dowanyakiye kta.
- 9 Maka kin en yahi qa aminitanyaya:
 Wašte hinca yakage kta;
 Wakantanka tawakpa kin mini ojudan:
 Aguyapi icalwicayeciciye kta;
 Wiyeya yakaga nakaes.
- 10 Maka yumdupi kin duspaya;
 Cankuyetonton kin boyamdaya;
 Magaju on panpanna yakaga;
 Taku aicaga ece kin he dawašte kta.
- 11 Nitowašte omaka kin wateśdag yecaton;
 Qa nitacanku wasna śbuya.
- 12 Tinta makoskantu kin śbuya;
 Qa pajodan kin wowiyuśkin ipiyagkiton.
- 13 Tahin optaye kin cincota ogekiton;
 Qa omdaye kin aguyapi aihdaħpa:
 Wowiyuśkin on iyaśapi kta;
 Han, downpi kta.

PSALM 66.

Dowan itancan kin kicagapi. Woyatan odowan.

- 1 Maka kin ocowasin;
 Wakantanka on iyaśa po.
- 2 Iye caje wowitan kin idowan miye;
 Iye yatanpi wowitan kin qu po.
- 3 Wakantanka heciya po;
 Nioħan wowinihan hinca ce;
 Nitowaśake tanka on tokaniyanpi kin
 Niye en itonpi kte śni:
- 4 Maka kin ocowasin ohonidapi kta,
 Qa inidowanpi kta;
 Nicaje kin idowanpi kte. Sela.
- 5 U miye, Wakantanka oħan kin wanyaka po;
 Wicašta cinca kin en wowinihanyan oħanyan.
- 6 Miniwanca kin he puza kaga;
 Wakpa kin opta huinyun yapi kta:
 Hen iye on unkiyuśkinpi kte.
- 7 Towaśake on ohinniyan iye wicaštayatapi;
 Iye išta Ikcewicašta kin iwanwicayaka:
 Waħanħanioidapi kin wankan yeiçiyapi kte śni. Sela.

PSALM 67.

- 8 Oyatepi, Wakantanka unkitawapi yawašte po ;
Iye yatanpi ho kin nahon wicakiya miye.
- 9 Unnagipi wiconi en ehna ;
Qa unsihapi hicahe kta iyowinkiye šni.
- 10 Wakantanka, niye iyutanunyayapi ;
Mazaska šdoyapi iyecen unyaduecepidan.
- 11 On hmunkapi kin en unkayaupi ;
Pakšin unkitawapi en wokakiye eyahnaka.
- 12 Pa unkitawapi akan wicašta yanke wicayakiya ;
Peta qa mini ehna unhiyupi :
Hehan taku utkanna en inanpe unyakiyapi.
- 13 Peta wošnapı kin yuha yati en hibu kte ;
Taku iwahociye cin hena cicicajuju kta.
- 14 Miiha hdaotanin qon hena ;
Qa makakija en mii taku eye ciqon.
- 15 Tahinca cepa peta wošnapı waciciyušna kta,
Tamdoka wasna kin iyahna :
Tatanka tatokadan kici wamdušna kta. Sela.
- 16 U miye, tona Wakantanka koyakıpaı kin, nahon po ;
Unkan taku minagi ecakicon kin he ociciyakapi kte.
- 17 Mii on hoyewakiya ;
Qa woyatan miceji ihukuya un.
- 18 Micante en woalitani awacanmi kinhan,
Itancan kin nahon kte šni.
- 19 Tuka awicakehan Wakantanka nahon ;
Wocekiye mitawa ho kin he anagoptan.
- 20 Wakantanka yawaštepi nunwe,
Wocekiye mitawa yutokan iyeye šni,
Qa iye tocantekiye kin emicihdaku šni.

PSALM 67.

Candowankiyapi on dowan itancan kin. Woyatan odowan.

- 1 Wakantanka onšunkidapi qa unyawaštepi kte ;
Qa iye ite on iyounyanpapi nunwe. Sela.
- 2 Hecen maka akan nitacanku sdonyapi kte ;
Wiconi nitawa, oyatepi owasin ehna.
- 3 Wakantanka, oyatepi kin wopida eniciyapi kta ;
Oyatepi owasin wopida eniciyapi kte.
- 4 Oyatepi wiyuškinpi qa iyašapi kta ;
Oyate kin owotanna wicadaco kta heon ;
Qa maka akan oyatepi yus awicade kta. Sela.
- 5 Wakantanka, oyatepi kin wopida eniciyapi kte ;
Oyatepi iyulıpa wopida eniciyapi kta.
- 6 Maka kin waskuyeca aicage :
Wakantanka, Wakantanka unkitawapi unyawaštepi kte :
- 7 Wakantanka unyuwaštepi kta ;
Qa maka ihanke owasin iye kokıpaı kte.

P S A L M 68.

PSALM 68.

Dowan itancan kin kicagapi. Woyatan odowan. Dawid tawa.

- 1 Wakantanka inajin kta ;
Tokayapi kin hena enanakiya yapi kta ;
Qa tona śicedapi iye itokapatanhan najicapi kta.
- 2 Šota kahboka he iyecen wicayakahape kta ;
Peta en canśin śdo kin he iyecen,
Wicašta śica Wakantanka itokam taninpi kte śni.
- 3 Unkan wicašta owotanna pidapi kta ;
Wakantanka itokam iyaśapi kte ;
Qa wowiyuśkin on iyuśkinpi kte.
- 4 Wakantanka idowan po, iye caje kin yatan miye ;
Tuwe hewoskan śunka wakan akan ye cin he canku kicaga po ;
He Jah eciyapi, heon itokam wiyuśkin po.
- 5 Wamdenica ateyapi, qa wiwazica wayaco tawapi,
Wakantanka hee, wowakan oyanke tawa ohna.
- 6 Tona tanśnana unpi kin hena Wakantanka tipi en owicahnaka ;
Tona kaška yakonpi kin hena wowašte en hiyu wicakiya ece :
Tuka toka kin hena makoce puza en ounyanpi kta.
- 7 Wakantanka, nitaoyate wicitokam idade ciqon ;
Hewoskan makoce kin ehna mayani qehan ; Sela.
- 8 Maka kin śkanśkan ;
Han, mahpiya kin śbuyapi, Wakantanka itokam ;
Sina kin de, Wakantanka itokam,
Israel ta Wakantanka kin.
- 9 Wakantanka, taku ituhanpi kin magajuyaya :
Nitaoyate qa mdokița kin he niye duwaśaka.
- 10 Optaye nitawa kin hen ounyanpi ;
Wakantanka, nitowašte on wicašta onśika taku wicayecamna
kta.
- 11 Itancan kin wicoie kin wicaqu kta :
Tona eyanpahapi kin wicota hinca.
- 12 Ozuye wicaštayatapi kin najicapi kta, najicapi kta ;
Unkan winohinca mdogyanke cin he taku icupi kin pamni kta.
- 13 Tohan makoce opapun kin en inunkapi kinhan,
Wakiyedan hupahu mazaska apawintapi kin iyenicecapi kta ;
Qa śun kin mazaskazi on wiyatpatpa.
- 14 Hen Iyotan Waśake cin wicaštayatapi najice wicaye qehan,
Zalmon en wapa iyececa.
- 15 Baśan paha kin he Wakantanka paha tawa ;
Baśan paha kin he imnija he kin heca.
- 16 Paha imnija kin, tokeca aikśinya eyatonwanpi he ;
Paha ohna Wakantanka ti kta hdañinige cin hee ;
Han, Jehowa ohinniyan en ounye kta.
- 17 Wakantanka canpahmihma tawa kin
Hena woyawa tanka nonpa, kektopawinge yuotapi ;
Itancan kin he en owicapa ;

PSALM 68.

- Tawokeya wakan kin Sina en un.
- 18 Wankan wapa yakiyahda ;
Wayaka awicahdapi kin hena ayahdi ;
Wicašta kin ehna taku wicaqupi kin iyacu ;
Han, tokapi kin ehna ;
Jehowa Wakantanka en ounye kte.
- 19 Anpetu qa anpetu Itancan kin yawaštepi nunwe :
Waqinunkiyapi, tuka Iyotan Waśake cin niunkiyapi kin hee.
Sela.
- 20 Taku Wakan kin de wiconi Wakantanka unkitawapi kin hee ;
Qa wiconŧe oenape kin hena Jehowa Itancan tawa.
- 21 Han, Wakantanka tona tokayapi pa wicakahdehdece kta ;
Tuwe woahŧani en mani un paha kin.
- 22 Itancan kin heya ;
Baśan etanhan awicawaku kte ;
Miniwanca ośbe kin etanhan awicawahdi kta :
- 23 Hecen nishiha toka we kin en śayapi kta ;
Nitaśunke ceji kin he nakun.
- 24 Wakantanka, iniyopte cin he wanyakapi ;
Mita Wakantanka iyoopte cin ;
Wicaštayatapi mitawa, owanka wakan kin ohna.
- 25 Tona dowanpi kin hena tokaheya yapi ;
Hektam candowankiyapi kin ;
Wicihdukśan wikośka cancega kabupi.
- 26 Omniciye kin en Wakantanka yawašte po ;
Itancan kin, Israel minihdoka kin etanhan.
- 27 Benjamin cistinna kin hen un, ohiwicaya ;
Juda itancanpi kin, inyan on wakininpi ;
Zebulon itancanpi ; Naphtali itancanpi kin.
- 28 Nita Wakantanka nitowaśake kiconza ;
Wakantanka, taku unkoyecihanyanpi kin he yuwaśaka wo.
- 29 Jerusalem en tipi wakan nitawa kin on,
Wicaštayatapi kin taku nicahipi kta.
- 30 Woteca psa ehna unpi kin hena niye iyopewicaya wo ;
Wicota waśakapi kin, oyate ptejicadan om ;
Mazaska onśpaśpa yuha ahi patujapi kin ;
Oyate okicize waštedapi kin wicay uomdeca wo.
- 31 Egipta etanhan wicašta cepa upi kta ;
Kuś Wakantanka ekta nape hdugate kta.
- 32 Maka wokiconze kin, Wakantanka yatan po ;
Itancan kin idowan miye : Sela.
- 33 Tuwe małpiya kin akan iyotanka,
Małpiya wanakaja kin ;
Inyun, ho hdaotanin, wowaśake ho kin.
- 34 Wakantanka yawaśaka miye ;
Iye towitan Israel akan un,
Qa towaśake kin małpiya kin ekta.
- 35 Wakantanka, oyanke wakan nitawa etanhan wowinihan yaun ;
Israel ta Wakantanka ;

PSALM 69.

Wowasake qa wookihi kin oyate wicaqu ece.
Wakantanka yawaštepi nunwe.

PSALM 69.

Mnañcalica kin on dowan itancan kin. Dawid tawa.

- 1 Wakantanka, nimayan wo ;
Mini kin minagi ee kaeš hiyohi, heon.
- 2 Upšija temahentu mahen imdamde,
Tukten najinpica šni ;
Mini šma kin en wau ;
Qa mini kin iwankam imayaya.
- 3 Waceya on mihduših̄tin ; dote masaka ;
Wakantanka mitawa ape waun kin on išta mayazan.
- 4 Tona taku on etanhan šni šicemadapi kin
Hena mapa hin isanpa ota ;
Tona ihangmayanpi kta,
Tokamayampi itonpišni kin hena wašakapi ;
Taku iwacu šni kin he wicawecu kta.
- 5 Wakantanka, wimatkotkoke cin he sdonyaya ;
Qa wawahtani kin hena nanicih̄manpi šni.
- 6 Tona anipepi kin hena miye on ištecapi šni nunwe ;
Itancan Jehowa Sabaoth :
Tona anicitapi kin hena miye on ištenwicayapi šni nunwe ;
Israel ta Wakantanka kin.
- 7 Niye on amaiapi waun ;
Wowištece ite amakahpa.
- 8 Mihunkawanji ehna togmahdapi waun ;
Qa ina cincawicaye cin hena om wicašta matokeca.
- 9 Yati cantokpanipi kin he mayutakuni šni ;
Qa tona iyopeniyanpi wawiyopeyapi kin he amahin̄hpaya.
- 10 Unkan waceya, minagi wotešni un ;
Qa he nakun on amaiapi ece.
- 11 Unkan wakihdaka ogeweton ;
Qa heon oweštepi makagapi.
- 12 Otonwe tiyopa en iyotankapi kin hena amaiapi ;
Qa tona woyatke suta yatkanpi kin hena dowanpi.
- 13 Tuka, Jehowa, miye wocekiye eciciya ;
Woiyokipi anpetu kin en,
Wakantanka, nitowaonšida untkana on ;
Namañon wo, wiconi nitawa wowicake kin on.
- 14 Upšija kin etanhan emayaku ye,
Qa mahen imdamde kta iyowinmaye šni ye ;
Tona šicemadapi kin etanhan emayakupi nunwe,
Mini šma kin etanhan.
- 15 Mini tanka kin aomakahpe šni nunwe ;
Qa mini šma kin namapce šni nunwe ;
Qa woħa i kin aokibe maye šni nunwe.
- 16 Jehowa, namañon ye, nitowaonšida wašte kin on ;

PSALM 70.

- Wawacinkta duza tanka ota kin on miye ekta ihduhomni ye.
- 17 Qa niite nitaokiye nakicilibe šni wo :
Makakija he on namañon inañni wo.
 - 18 Minagi ikiyedan u wo, he opekiron ye ;
Tokamayanpi kin on etanhan makiyuška wo.
 - 19 Amאיapi qa ištenmayanpi qa iyopemayanpi kin, niye sdonyaya ;
Tokamayanpi owasin nitokam yakonpi.
 - 20 Waאיapi kin micante kaksa ; heon wamayazan ; .
Unkan onšimadapi kta ape waun, tuka wanica ;
Qa cantohnagmayanpi kta, tuka tuwedan iyewaye šni.
 - 21 Nakun wate kta on pizi maqupi ;
Qa imapuza hehan miniskuya yatkemakiyapi.
 - 22 Wicitokam wahna wotapi kin he wohmunke eekiyapi nunwe ;
Qa tanyan yukanpi kin he mazahtakiyapi kte.
 - 23 Išta tawapi aotpasyapi nunwe ;
Wawanyakapi kte šni ;
Qa nitepi ohinniyan patušwicakiya wo.
 - 24 Nitocanniye kin awicakaštan wo ;
Qa wošihda kata nitawa iyahdewicaya nunwe.
 - 25 Hocoka tawapi kin he otiwota elipeyapi kte ;
Qa tawakeyapi ohna tuwedan ti šni nunwe.
 - 26 Tuwe yakaštaka cin he šicaya kuwapi ;
Qa wicayapañdoka iyokišicapi kin he oyakapi ece.
 - 27 Wañitanipi on woañtani wicaqu wo ;
Qa nitoowotanna kin en upi šni nunwe.
 - 28 Wiconi wowapi kin etanhan wicapajujupi nunwe ;
Qa wicašta owotanna om owicawapi kte šni.
 - 29 Tuka miye iyomakišice ça makakija ;
Wakantanka, wiconi nitawa wankan emahde kte.
 - 30 Odowan wan on Wakantanka caje kin mdatan kta ;
Woyatan dowanpi on mdatanka kta.
 - 31 Unkan he Jehowa iyokipi kta,
Tatanka, tatangmdoka he šake ko yuhe cin isanpa.
 - 32 Wicašta wañbadan he wanyakapi, qa iyuškinpi kta ;
Qa Wakantanka ayakitapi kin niye nicantepi ni kte :
 - 33 Tona onšike cin hena Jehowa nawicañon ;
Qa wicakaškapi tawa kin hena šice wicadake šni.
 - 34 Mañpiya qa maka kin he yatanpi nunwe ;
Miniwanca qa taku ohna škanškan owasin.
 - 35 Wakantanka Zion nikiye kta ;
Qa Juda totonwe kin hena piya kage kta :
Hecen en ounyanpi kta qa tawayapi kta.
 - 36 Nakun iye taokiye cinca kin tawapi kta ;
Qa tona iye caje waštadapi kin hena hen tipi kta.

PSALM 70.

Dowan itañcan kin kicagapi. Dawid tawa. Wokiksuye kta.

- 1 Wakantanka, emahdaku wo :

PSALM 71.

- Jehowa, omakiya inahni wo.
- 2 Tona minagi odepi kin hena token cante yuzapi taninśni qa ístecapi nunwe ;
Tona śicaya waun kta cinpi kin hena namnipi qa ístenwicayapi kte.
 - 3 Ístecapi on namnipi kta ;
Tona, Hanhan, hanhan, eyapi kin.
 - 4 Tona anicitapi kin owasin iyuśkinpi qa pidapi kte ;
Qa, Jehowa yatankapi nunwe, ohinniyan eyapi kta ;
Tona wiconi nitawa waśtedapi kin hena.
 - 5 Tuka miye makakiye a onmaśika ;
Wakantanka en mahi inahni wo ;
Tuwe omakiye a emahdaku kin he niye ;
Jehowa yutehan śni ye.

PSALM 71.

- 1 Jehowa niye wacinciya ;
Icimana ístenmayanpi śni nunwe.
- 2 Nitoowotanna on emayahdaku qa inapemayakiye kta :
Anolimakiye a nimayan wo.
- 3 Tokin imnija tipi ciciyuhen, ohinniyan en waku kte ;
Nimakiyapi kta econwicayaśi :
Imnija mitawa qa conkaśke mitawa kin he niye.
- 4 Mita Wakantanka, wicaśta śica nape etanhan emahdaku wo ;
Śicaya ohanye a waħteśni kin napcokaya etanhan.
- 5 Itancan, wowacinyeciya heon etanhan ;
Jehowa, homakśiyopa ehantanhan wacinciya.
- 6 Wicatamni etanhan niye en imunka ;
Ina tezi kin etanhan yus amau kin he niye ;
Niye en ohinniyan mitadowan.
- 7 Wicota wowinihan mayanpi ;
Tuka wowinape suta mitawa kin he niye.
- 8 Niyatanpi kin on mii ojudan kta ;
Qa, anpetu osan, nitowitan kin on.
- 9 Wimacahinca kinhan ehpepeme śni ye ;
Waśake śni amayan en amayuśtan śni wo.
- 10 Tokamayanpi kin hena amaiapi ;
Qa tona minagi iyapepi kin hena witaya wohdakapi ;
- 11 Qa heyapi ; Wakantanka ehpeya ce ;
Kuwa aye a yuza wo, tuwedan eyaku kte śni.
- 12 Wakantanka, mitehanyan un śni ye ;
Mita Wakantanka omakiya inahni wo.
- 13 Tona minagi tokayapi kin,
Hena ístecapi qa atakunipi śni nunwe ;
Tona śicaya waun kta cinpi kin,
Hena waaiapi qa wowiśtece koyakapi nunwe.
- 14 Tuka miye ohinniyan ape waun kta ;
Qa niyatanpi kin owasin mdaota kta.

PSALM 72.

- 15 Nitoowotanna kin mii oyake kta ;
Anpetu osan, wiconi nitawa kin ;
Tonakeca sdonwaye šni nakaes.
- 16 Jehowa Itancan oħan wašake cin hena en wau kta ;
Nitoowotanna omdake kta, nitawa ecedan.
- 17 Wakantanka, homakšiyopa ehantanhan niye onspemayakiya :
Unkan dehanyan nioħan wakan kin mdaotanin kta.
- 18 Nakun wimacahinea qa pa maska hehanyan,
Wakantanka, amayuštan šni ye ;
Hecen niisto kin wicoicage kin de owakiyake kta ;
Nitowašake, tona u kta owasin en.
- 19 Nitoowotanna nakun, Wakantanka, tehanwankantu ;
Taku tanka ħinca ecanon ece ;
Wakantanka, tuwe iyeniceca he.
- 20 Niye wokakije ota qa tanka wanyag unyakiyapi :
Yahdicu qa niunyakiyapi kta ;
Qa maka ošbe kin etanhan hdicu unyakiyapi kta.
- 21 Niye mayadutanka kte ;
Qa ake cante wašte mayakage kta.
- 22 Nakun candowankiyapi on ciyatan kta ;
Nitowicake on, Wakantanka mitawa :
Israel Taku Wakan tawa, cotanka on ciciyajo kta.
- 23 Tohan ciciyajo kinhan miiha iyuškin kta ;
Qa minagi opeyakiton kin he nakun.
- 24 Nakun miceji, anpetu osan, nitoowotanna cajeyate kta :
Tona tanyan waun kte šni cinpi qon,
Hena ištecapi, hena ite našapi, heon.

PSALM 72.

Solomon tawa.

- 1 Wakantanka, nitawoyaco wicaštayatapi kin qu wo ;
Qa nitoowotanna, wicaštayatapi cinhintku kin.
- 2 Woowotanna on nitaoyate wicayukcan kta ;
Qa onšikapi nitawa kin, woyaco on.
- 3 Hehan ħe kin oyate wookiye icaħwicakiciye kta ;
Qa paha kin, woowotanna on.
- 4 Oyate en tona onšikapi kin on wayaco kta ;
Waħpanica cinca kin hena niwicaye kta ;
Qa teħiya wicakuwa kin he kamdemdece kta.
- 5 Konicipapi kta, tohanyan anpetu wi,
Qa hanyetu wi kin yuke kta,
Wicoicage qa wicoicage hehanyan.
- 6 Maga kašdapi kin amagaju he iyecen hdihe kta ;
Magaju maka bospaya kin he iyececa.
- 7 Iye taanpetu kin en wicašta owotanna icage kta ;
Qa wookiye untkana, hanyetu wi henakeca kta hehanyan.
- 8 Unkan iye miniwanca etanhan miniwanca ekta wicaštayatapi
kta ;

P S A L M 73.

- Qa wakpa kin etanhan maka ihanke kin hehanyan.
 9 Iye itokam Ikcewicašta kin patujapi kta ;
 Qa tona tokayapi kin hena maka mdu kin iputakapi kta.
 10 Taršíš wicaštayatapi qa wita kin
 Hena wopida wošna ahiyupi kta ;
 Šeba qa Šeba wicaštayatapi kin taku itukihanpi kta.
 11 Han, wicaštayatapi owasin iye itokam makipusdiyapi kta ;
 Oyatepi owasin wowidagwicaye kta.
 12 Walipanica hoyekiye cin he ehdaku kta ;
 Qa onśike cin, qa nukun tuwe okiyapi śni.
 13 Wicašta onśika walipanica ko wicakpatan kta ;
 Qa walipanica nagipi kin niwicaye kta.
 14 Wohnayan qa wicokicize etanhan nagi opewicakiton kta ;
 Qa hena wepi kin tehike kta, iye išta kin en.
 15 Unkan ni kta, qa mazaska Šeba etanhan qu kta ;
 Nakun ohinniyan wocekiye ekiciye kta ;
 Anpetu osan yawašte kta.
 16 Makoce kin en wamnaheza napohnaka wanjidan ešta, he ipa
 kin en ;
 Waskuyeca icage cin Lebanon iyecen kahnahnapi kta :
 Unkan otonwe etanhanpi kin maka wato iyecen hea aye kta.
 17 Iye caje kin owihanke wanice kta ;
 Anpetu wi itokam iye caje icage kta :
 Unkan iye on wicašta ihdawaštepi kta ;
 Oyate owasin iye yawaštepi kta.
 18 Jehowa Wakantanka yawaštepi nunwe ;
 Israel ta Wakantanka kin ;
 Isnana wowinihan wicoħan econ ece.
 19 Qa iye caje wakan kin ohinniyan yawaštepi nunwe ;
 Qa iye towakan kin on maka kin ocowasin ojudan kte.
 Amen qa amen.
 20 Dawid Jesse cinhintku tawocekiye kin henakeca.

PSALM 73.

Asaph tadowan.

- 1 Awicakehan Wakantanka Israel wicakiciwašte ;
 Tona cante ecepidan kin hena.
 2 Tuka miye qe misiha naśdute kta ikeyedan ;
 Mioye kin kaicucuya hiyeya tuka.
 3 Wahanħaničidapi kin inawawizi ;
 Wicašta śica wookiye en unpi wanmdake cehan.
 4 Hena tapi kinhan wicakaškapi śni ;
 Qa wowaśake tawapi kin he cepa.
 5 Wicašta iyotanhan iyekiyapi kin en opapi śni ;
 Qa wicašta tokeca om kakijapi śni.
 6 Heon etanhan wahanħaničidapi kin he wanapin kiyapi ;
 Qa wicokicize wokoyake iyecen awicakahpa.
 7 Cepapi on išta pajoya unpi ;

PSALM 73.

- Token canteyuzapi ahinanpa ece.
 8 Owehanhanpi qa taku síca eyapi;
 Wankantanhan wicokicize cajeyatapi ece.
 9 Ipi kin malípiya iyahdekiyapi;
 Qa cejipi kin maka kin omani un.
 10 Heon etanhan iye taoyate dehanyan ahdi;
 Qa mini ojudan hdahepapi.
 11 Unkan heyapi; Tokiyatanhan Wakantanka sdonye kta he :
 Qa Iyotan Wankan kin he wookahnige yuha he.
 12 Wanyaka po, dena wicašta sícapi;
 Tuka ohínniyan tanyan unpi,
 Sanpa wijica ayapi.
 13 Awicakehan ituya micante wahduska;
 Qa wiyaonpepicašni en nape wahdujaja.
 14 Nakun anpetu-otoiyohi makaštakapi;
 Qa hanhanna eca iyopemayanpi ece.
 15 Hecen omdake kta ce, epe cinhan,
 Iho, nicinca wicoicage kin iyokišínwicawaye kta.
 16 Unkan de okahnih awacanmi qehan,
 Miišta kin en tehike :
 17 Tipi wakan Wakantanka tawa kin en hibu kinhan,
 Hehan owihankepi kin wanmdake kta.
 18 Awicakehan canku šdušduta en ewicayahde kta :
 Woihangye en ohinlipaye wicayaye.
 19 Inyun, ihnuhanna wicotakunišni en iyohipayapi :
 Wanna taninpi šni, wonihinciye on atakunipi šni :
 20 Wihamnanpi wan ogungapi ekta he iyececa;
 Itancan, yekta kinhan, touncagepi kin síceyadake kta.
 21 Hecen cante šinmiciya;
 Qa mapakšín wakpašdoka :
 22 Qa wimatkotkoka qa takudan sdonwaye šni;
 Niye en woteca iyemaceca.
 23 Tuka miye hinyahin cici waun;
 Minape etapa kin yus mayaun.
 24 Nitowahokonkiye on yus amayade kta;
 Qa iyohakam wowitan iyahdemayaye kta.
 25 Malípiya ekta tuwe mduha he;
 Qa maka akan niye kici tuwedan wacin šni.
 26 Micehpi qa micante atakuni šni;
 Micante imnija, qa taku ohinniyan mitawa kin Wakantanka hee.
 27 Iho, tona nitehanyan unpi kin hena atakunipi kte šni;
 Tona ehpeniyan wicin iyayapi kin owasin ihangwicayaya.
 28 Tuka miye qe Wakantanka mikiyedan u kin he wašte :
 Jehowa Itancan kin wacinwaye :
 Niohan owasin omdake kta.

PSALM 74.

PSALM 74.

Waonspekiyapi kta. Asaph tawa.

- 1 Wakantanka, tokeca ohinniyan waayakta šni he ;
Tinta nitawa optaye kin en nitocanniye ide kta he.
- 2 Omniciye nitawa kiksuya wo,
Wanakajatanhan opeyaton ;
Taku nitawa cansakadan opeyakiton qon ;
Zion Paha kin de en ounyaye cin.
- 3 Ohinniyan ihangyapi kin ekta caehde nitawa hiyuya wo ;
Toka taku šica owasin econ, tipi wakan nitawa ohna.
- 4 Tokaniyanpi nitomniciye kin en hotonpi ece ;
Wiyokihedan tawapi kin wiyokihedan ehdepi.
- 5 Tuwe contanka en onspe yuwankan ikikcu kin
He sdonyapi tuka qon.
- 6 Tuka nakaha ayuco pagopi kin witaya
Onspe maziya ko on kawankapi.
- 7 Tipi wakan nitawa kin ideyapi ;
Nicaje ohna ti qon he makata ehpeyapi.
- 8 Witaya ihangunyanpi kta ce, cante mahen eyapi ;
Makoce kin owancaya Wakantanka tomniciye kin huñnahiyapi.
- 9 Wowakta wanunhdakapi šni ;
Wicašta wokcan wanica ;
Qa tohanyan kta hecinhan sdonya unkokhipi šni.
- 10 Wakantanka, tohanyan toka owehanhan kta he ;
Toka kin ohinniyan nicaje waheda kte šni he.
- 11 Tokeca ninape, han ninape etapa kin, eyahdaku kta he ;
Nimaku cokaya tanhan ihangwicaya wo.
- 12 Tuka Wakantanka wanakajatanhan
Wicaštayatapi mitawa ;
Makoce cokaya wiconi kaga ece.
- 13 Niye nitowašake on miniwanca kin duptuja ;
Mini akan hogan tankinyanyan pa kin yakaksaksa.
- 14 Niye unktehi pa kin yakahuñuga ;
Oyate yutapi kta wicayaqu kta, makoskan unpi kin.
- 15 Niye miniyowe qa mini tanka kin dukinukan ;
Wakpa ohinniyan minitan kin dupuza.
- 16 Anpetu kin nitawa, han, hanyetu kin nitawa ;
Iyoyanpa qa anpetu wi kin niye yakaga :
- 17 Niye maka opapun kin owasin eyahnaka ;
Mdoketu qa waniyetu, hena niye yakaga.
- 18 De kiksuya wo ; toka wan Jehowa yašica ;
Qa oyate witkotkoka wan nicaje wowihahaya.
- 19 Wakiyedat nitawa optaye wotektehdapi kin en wicaqu šni wo ;
Onšika nitawa optaye kin ohinniyan akiktonje šni wo.
- 20 Wicotakuye kin he atonwan wo ;
Maka akan otpaza kin wicakipi ounyanpi kin ojudan.
- 21 Kiyušepi kin he išteca hdicu šni nunwe ;

PSALM 76.

- Wicašta onśika wahpanica ko nicaje yatanpi kta.
22 Wakantanka najin wo; oihdaka wo;
Anpetu osan witkotkoka niyaśice cin he kiksuya wo.
23 Tokaniyanpi ho kin he akiktonje śni wo;
Takpe niupi oqoyapi ohinniyan wankan ye cin.

PSALM 75.

Dowan itancan kin kicagapi. Asaph tadowan. Waihangye śni wo. Woahiyaye wan.

- 1 Wakantanka, wopida unkeniciyapi;
Unkiye wopida unkeyapi;
Qa nicaje ikiyedani kin he niohan wakan oyakapi.
- 2 Tohan mniciyapi kta cajemdate cinhan,
Woowotanna on miye wamdaco kta.
- 3 Maka kin śdo, qa tona akan tipi kin owasin;
Can ipatan tawa kin hena tkeuwata. Sela.
- 4 Tona ihdatanpi kin, Ihdatanpi śni po, ewicawakiya;
Qa wicašta śica, He hduwankan iyeyapi śni po.
- 5 He nitawapi hduwankan iyeyapi śni po;
Qa tahu suta hduha iapi śni miye.
- 6 Wankan yeyapi kin he wiyohiyanpatanhan śni,
Qa wiyohpeyatanhan śni;
Qa hewoskan makoce kin eciyatanhan śni.
- 7 Tuka Wakantanka wayaco yanka;
De kun ehpeye kta, qa he wankan iyeye kta.
- 8 Jehowa nape ohna wiyatke wan;
Qa miniša ipiga, pejihuta icahiyapi;
Unkan hetanhan kaştan ece;
Ceteta en hiyeye cin henana yahepapi kta;
Maka akan wicašta śica owasin yatkanpi kta.
- 9 Tuka miye qe ohinniyan womdake kta;
Jakob ta Wakantanka iwadowan kta.
- 10 Qa wicašta śica he kin owasin wakašte kte:
Tuka wicašta owotanna he kin wankan icage kta.

PSALM 76.

Candowankiyapi on down itancan kin kicagapi. Asaph tadowan. Woahiyaye wan.

- 1 Juda en Wakantanka sdoniyapi;
Israel en iye caje kin tanka hinca.
- 2 Nakun tawokeya. Salem en han;
Qa Zion en ounyan ece.
- 3 Hen itazipe wanhinkpe kin kawehwega;
Wahacanka qa mazasagye qa okicize kin. Sela.
- 4 Niye wiyatpa yaun, wakinihan hinca,
He akan wapatapi ece kin isanpa.
- 5 Tona cante sutapi kin hena taninpi śni;
Woistinma tawa istinmapi;
Qa wicašta waśakapi tuwedani nape iyekiyapi śni.

P S A L M 77.

- 6 Jakob ta Wakantanka, iyopewicayaye cin on,
Canpahmihma qa nakun šuktanka iŝtinma ɽapi.
- 7 Niye niŝnana konicipapi kta;
Qa tuwe nitokam najin kta he, ŝinyahda kinhan.
- 8 Maḥpiya eciyatanhan woyaco naḥonwicayaya;
Maka kin kokipe ɽa inina yanka;
- 9 Wakantanka wicayaco najin qehan:
Maka akan onŝike cin owasin niwicaye kta. Sela.
- 10 Awicakehan wicaŝta ŝinhdapi kin niyatan kta;
Qa ŝinhdapi ihe cin he ipiyagyeton kta.
- 11 Jehowa Wakantanka nitawapi taku iwahoyapi qa hdajuju po;
Tona ihduksan yaunpi kin owasin;
Tuwe kokipapi kte cin he taku kahipi kta iyececa.
- 12 Iye wicaŝta itancanpi taniya kin baksa ece:
Maka akan wicaŝtayatapi kin kokipapi kta.

PSALM 77.

Dowan itancan Jeduthun etanhan. Asaph tadowan.

- 1 Miho kin Wakantanka ekta *yewaya*, qa cewakiye kta;
Miho kin Wakantanka ekta *yewaye* kta;
Unkan anamagoptan kte.
- 2 Makakija anpetu kin en Itancan kin awakita;
Hanyetu hehan minape yugan un, qa tasaka ŝni;
Minagi wakihnapi cin ŝni.
- 3 Wakantanka weksuya, qa nihinmiciya;
Awacin manka, unkan mitaniya iyokiŝica hinca. Sela.
- 4 Miiŝta iŝtojuha sutaya yus yaun;
Makaŝtakapi, qa ia owakihi ŝni.
- 5 Anpetu wanakaja ekta ewacanmi;
Wanakaja tanhan waniyetu kin hena.
- 6 Hanyetu en mitadowan qon he weksuye kta;
Micante on awacin waun kta;
Qa mitaniya kin nina wiwanga ece.
- 7 Ohinniyan Itancan kin waakta kte ŝni he;
Qa ake icimana wacantkiye kte ŝni he.
- 8 Towaonŝida kin he ohinniyan owihanke he;
Wicoicage qa wicoicage hehanyan, oie kin ayuŝtan he.
- 9 Iyotan Waŝake cin he waonŝida akiktonja;
Qa wocanniye on tocantekiye anakipta he. Sela.
- 10 Unkan hepa; Makakije cin he dee;
Iyotan Wankan un nape etapa waniyetu kin.
- 11 Jah oḥan kin mdaotanin kta;
Wanakaja tanhan nioḥan wakan kin hena weksuye kta.
- 12 Nakun nioḥan owasin awacanmi kta;
Qa taku ecanon kin hena awacin waun kta.
- 13 Wakantanka, woowotanna en nitacanku:
Wanji waŝaka tukte e Wakantanka iyecen tanka he.
- 14 Iyotan Waŝaka wicoḥan wakan econ kin he niye;

PSALM 78.

- Oyate kin nitowaśake sdonye wicayakiya.
- 15 Niisto on nitaoyate opewicayakiton ;
Jakob qa Joseph cinca kin. Sela.
 - 16 Wakantanka, mini kin wanniyakapi :
Mini kin wanniyakapi ; śkanśkanpi ;
Han, mini śbe cin cancan.
 - 17 Małpiya śapa kin mini hdaśtanpi ;
Małpiya kin hotanin ;
Han, nitunwanhinkpe kin kinyan hiyaya.
 - 18 Wakinyan nitawa ho kin tate iyumni en un ;
Wakanhdi maka kin iyoyamya ;
Maka kin cancan qa śkanśkan.
 - 19 Miniwanca kin en nitacanku ;
Qa mini ota ohna cankuyaye ;
Hecen nioye kin sdonyapi śni
 - 20 Optaye wan iyecen nitaoyate yus awicade ;
Moses qa Aaron nape kin on.

PSALM 78.

Asaph tawa. Waonspekiyapi kta.

- 1 Mitaoyate, mitoope kin anagoptan po ;
Mii oie kin hena anolikiya miye.
- 2 Wicoie wakan wan on i wahdukawa kta ;
Wanakaja tanhan wiyukcanpi kin omdake kta.
- 3 Hena unkiye naunhonpi qa sdonunyanpi ;
Qa ate wicunyanpi unkokiyakapi qon ;
- 4 Hena iye cinca anawicunkihmanpi kte śni,
Wicoicage u kte cin,
Jehowa yatanpi kin owicunkiyakapi kta ;
Qa iye towaśake, qa wicohan wakan econ qon hena.
- 5 Unkan Jakob en wayuotanin wan ehde ;
Qa Israel en woope wan kaga ;
Hena hunkake wicunyanpi econ wicaśi,
Iye cincapi owicakiyakapi kta.
- 6 Hecen wicoicage u kte cin sdonyapi kta ;
Wicacınca icagapi kte cin,
Hena najinpi qa iye cinca owicakiyakapi kta.
- 7 Hecen Wakantanka wacinyanpi kta ;
Qa Iyotan Waśaka ohan kin akiktonjapi kte śni ;
Tuka tawoahope kin opapi kta.
- 8 Hecen atewicayapi kin iyececapi kte śni ;
He wicoicage tahu suta qa wakize sa ;
Wicoicage cante hduwiyeye śni ;
Qa taniya kin Wakantanka ekta owotanna śni.
- 9 Ephraim cinca, wanhinkpe wotawe yuhapi kin,
Hena namnipi, kicizapi anpetu kin en.
- 10 Wakantanka wicotakuye tawa yuhapi śni ;
Qa tawoahope eciyatanhan mani wicadapi śni.

P S A L M 78.

- 11 Tuka taku econ qon hena akiktonjapi;
Qa iye ohan wakan wanyagwicakiye ciquon.
- 12 Atewicayapi wicitokam wicohan wakan econ;
Egupta makoce kin en, Zoan tinta kin etu.
- 13 Miniwanca kin yukmukan qa ohna iyaye wicaya;
Qa mini kin maya iyecen najin kiya.
- 14 Hehan anpetu icunhan mahpiya sapa wan on awicaya;
Qa hanyetu osan peta iyoyanpa kin on.
- 15 Hewotahedan makoce kin en innija kin kaptuja;
Qa osbe tanka etanhan iyecen yatkewicakiya.
- 16 Hecen innija wan etanhan mini ihaha kiya;
Qa wakpa iyecen mini kin hiyuya.
- 17 Hececa esta nakun iye en wahtanipi;
Hewoskan makoce kin en,
Iyotan Wankan kin i en hiyeyapi:
- 18 Qa iye cante en Wakantanka iyutanyanpi;
Wipipi kta on woyute kidapi qehan.
- 19 Han, Wakantanka aiapi, qa heyapi;
Iyotan Wasake cin hewoskan makoce kin en,
Wahna wotapi wan wiyeya ehde kta okihi he.
- 20 Iho, innija kin apa, unkan mini hiyu;
Qa etanhan wakpa wan kaduza:
Nakun aguyapi hiyuya okihi,
Qa taoyate kin tado wicaqu kta he.
- 21 Heon Jehowa nahon qa sinhda:
Unkan Jakob en peta wan ideyapi;
Qa nakun Israel en wocanniye awicau:
- 22 Wakantanka wicadapi sni heon etanhan;
Qa niwicaye cin he wacinyanpi sni.
- 23 Unkan wankan mahpiya sapa kin econ si;
Qa mahpiya tiyopa kin hduhdoka;
- 24 Qa manna yutapi kta e ahinhe wicakiya;
Qa mahpiya wamnaheza kin wicaqu.
- 25 Wasakapi taaguyapi kin wicasta yutapi;
Qa waneya imnahan yuhewicakiya.
- 26 Mahpiya kin ekta wiyohiyanpatanhan tate wan yekiya;
Qa iye towasake on tate itokagatanhan ukiya:
- 27 Qa maka mdw iyecen conica ahinhewicakiya;
Qa taku kinyanpi kin miniwanca wiyaka iyececa.
- 28 Qa iye tahocoka kin cokaya ahinipayeya;
Tipi kin ihduksan hiyeya.
- 29 Unkan yutapi qa imnanpi hinea;
Taku cinpi qon he wicakahi nakaes.
- 30 Hinyanhin taku cinpi qon sicekidapi sni;
Woyute nahanhin i ohnakapi;
- 31 Unkan Wakantanka tocanniye kin en wicahi;
Qa tona cepapi kin etanhan wicakte;
Qa Israel kahinigapi kin patuwicakiya.
- 32 Hececa esta nakun wahtanipi;

P S A L M 78.

- Qa wakanyan ohanyan ešta wicadapi šni.
 33 Unkan anpetu tawapi kin takušni en wicakiyusota ;
 Qa waniyetu tawapi, wokakije en.
 34 Wicakte qehan, hehan akitapi,
 Qa hdicupi, qa hanhanna linca Wakantanka on wiwangapi.
 35 Nakun imnija tawapi qon Wakantanka hee e kiksuyapi ;
 Qa Iyotan Waśaka, Iyotan Wankan kin opewicakiton kin hee.
 36 Hececa ešta iye ipi on hnayanpi ;
 Qa cejipi on oitonpi šni.
 37 Qa ekta cante ecetu yuzapi šni ;
 Qa wicotakuye tawa kin en wicakapi šni.
 38 Tuka iye, Waonśida kin, woahitani kajuju, qa ihangwicaye šni ;
 Nakun ijehan tocanniye anakipta ;
 Qa tośinhda ocowasin hduhice šni.
 39 Unkan hena wicacełpi heca kiksuya ;
 Tateyanpa wan iyaye ęa ake hdi kte šni.
 40 Hewoskan makoce kin ekta i en hiyeyapi ;
 Qa makoskan ijehan iyokiśinyapi.
 41 Nakun namnipi qa Wakantanka iyutanyanpi ;
 Qa Israel Taku Wakan tawapi Wanji aowehanhanpi.
 42 Iye nape kin kiksuyapi šni,
 Anpetu en wokakije etanhan ewicahdaku qon.
 43 Egipta en wowakta tawa kin ehnaka ;
 Qa iye oħan wakan kin, Zoan makoce kin en.
 44 Nakun wakpa tawapi kin we kaga :
 Qa mini wakpadan kin yatkan okihipi šni.
 45 Tatawamduśka en hiyuya, unkan wicayajipapi ;
 Qa hnaśka, unkan ihangwicayapi.
 46 Unkan taku icaħyapi kin wamduśkadan wicaqu ;
 Qa wicołtani tawapi kin he psipsicadan qu.
 47 Hastanyanka iyuwi yuhapi kin wasu on kte ;
 Qa sakomin can kin, hewanke on.
 48 Nakun tawanunyanpi kin wasu en onawicataka ;
 Qa optaye yuhapi kin, peta ide kin en.
 49 Iye tocanniye kata en au wicakiya ;
 Wośinhda qa wocanniye qa wonihinciye ;
 Ohnihde śicapi kin hena u wicaśi.
 50 Iye tocanniye kin canku wan kiyumdaya ;
 Hena nagipi wiconęe ipiwicada šni ;
 Qa taniyapi makośica en wicaqu.
 51 Hecen Egipta en tona tokapa kin owasin awicapa ;
 Ĥam tawakeyapi ohna towaśakepi tokaheya kin hena.
 52 Hehan taħinca optaye iyecen, iye taoyate kin awicahiyu ;
 Qa hewoskan makoce kin en optaye iyecen yus awicaya.
 53 Qa tanyan awicaya, unkan wikopapi šni ;
 Tuka tokawicayapi kin hena miniwanca awicaħħpa.
 54 Hecen opapun wakan tawa kin en awicahi ;
 Paha kin de en, iye nape etapa ehdaku qon he.
 55 Nakun wicitokam oyatepi napewicaya ;

P S A L M 79.

- Qa ounyanpi kte cin iyuta wicaqu ;
Qa tawakeyapi ohna Israel wicoun oti wicakiya.
56 Tuka Wakantanka Iyotan Wankan kin
He iyutanyanpi qa sínhdayapi ;
Qa tawoahope kin kiciyuhapi sní.
57 Nakun namnipi, qa hunkake wicayapi iyecen wahnayan ohan-
yanpi ;
Icunonpa iyayapi, itazipa wahnaye sa iyececa.
58 Qa paha tawapi kin on sínhdayapi ;
Qa wakagapi bagopi kin on nawiziyapi.
59 Wakantanka he nahon, unkan sínhda ;
Qa Israel nina sícewicakidake.
60 Hecen Sílo en ounye cin he ayuŝtan ;
Wakeya wicaŝta ehna ti kicage ciqon :
61 Qa iye towaŝake kin wayaka ahde kiya ;
Qa iye towitan kin toka nape kin en wicaqu.
62 Nakun taoyate mazasagye en onawicataka ;
Qa taku tawa hince cin he canniyeya.
63 Wicaŝta kahñigapi tawa kin hena peta hulinahwicaya ;
Qa wikoŝkapi tawa kin hena wiçayatanpi sní.
64 Wawayuŝnapi tawa kin mazasagye on hinhipayapi ;
Qa wiwazicapi kin hena ceyapi sní.
65 Hehan, wicaŝta iŝtinma se iyecen, Itancan kin kikta ;
Wicaŝta waŝaka miniŝa on iyaŝa kin iyececa.
66 Qa tokayapi kin heyata elipewicaya ;
Wowiŝtece owihanke kte sní wicaqu.
67 Nakun Joseph tawakeya kin akta sní ;
Qa Ephraim tawicoun kin kahñige sní.
68 Tuka Juda tawicoun kin he hdañniga ;
Zion Paha kin de waŝtedake ciqon.
69 Qa tipi wakan tawa kin tewankantuya kaga ;
Maka kin iyecen owihankeŝniyan ekihde.
70 Nakun iye taokiye Dawid kahñiga ;
Qa tañinca tipi kin etanhan ikikeu ;
71 Tawiye azinpi kin wicihektapatanhan ehdaku ;
Jakob iye taoyate kin wonwicaye kta ;
Qa Israel iye tawa hince cin.
72 Unkan iye cante ecetu kin on wonwicaya ;
Nakun iye nape wayupike cin on yus awicaye kta.

PSALM 79:

Asaph tadowan.

- 1 Wakantanka, Ikcewicasta makoce nitawa kin en hipi ;
Tipi wakan nitawa kin he yuŝapapi ;
Jerusalem paha seksen ehpeyapi.
2 Mañpiya okinyanpi kin yutapi kta e
Nitaokiye tancanpi kin wicaqupi ;
Wicaŝta wacantkiye nitawa celipi kin maka wamanica wicaqupi.

PSALM 80.

- 3 Jerusalem ihdukšan mini iyecen we paponpi ;
Qa tuwedan wicalhe šni.
- 4 Tona ikiyedan unyakonpi kin hena unkaiapi :
Unkihdukšanpi kin hena pomnamnaunkiyapi qa wowihaha-
unyanpi.
- 5 Jehowa, tohanyan kta he ;
Ohinniyan canniniye kta he ;
Winayawizi kin he peta iyecen ide kta he.
- 6 Oyatepi sdonniyanpi šni kin
Hena nitocanniye awicakaštan wo ;
Qa wokiconze nicaje hoyekiyapi šni kin hena.
- 7 Jakob wanna temyapi ;
Qa tamaga kin ihangyapi.
- 8 Unkitokam unpi wahtanipi qon unkiyepi en kiksuye šni wo ;
Inahni wo, wacanyakiye cin he itkounkipapi nunwe ;
Nina iyotanhan iyeunkiyapi, heon etanhan.
- 9 Wakantanka niunkiyapi kin, ounkiya po ;
Nicaje wowitan kin heon etanhan ;
Nakun unkiyukca po, qa waunhtanipi kin kajuju wo ;
Niye nicaje kin on etanhan.
- 10 Taku Wakan tawapi kin toki un he,
Tokeca Ikcewicašta eyapi kta he :
Nitaokiye we paponpi tokiconpi kin he,
Unkištapi itokam, Ikcewicašta sdonyapi kte.
- 11 Kaška unpi comnihdazipi kin he nitokam u nunwe ;
Niisto tanka kin eciyatanhan,
Tona tapi kte cin hena niwicaya wo.
- 12 Itancan, tona ikiyedan unyakonpi,
Wowihaha on inihahapi kin he,
Iye maku kin ohna, šakowin akihde wicakicu wo.
- 13 Hecen unkiye, nitaoyate qa tahinca wonwicayaye cin,
Ohinniyan wopida unkeniciyapi kta ;
Wicoicage qa wicoicage en niyatanpi kin owicunkiyakapi kta.

PSALM 80.

Asaph tadowan. Mnahalica on dowan itancan kin kicagapi. Wayaotaninpi kta.

- 1 Israel wonwicaye cin, anagoptan ye ;
Optaye wan iyecen Joseph yus ade cin ;
Kerubim ehna idotanke, iyoyanpa wo.
- 2 Ephraim qa Benjamin qa Manasse itokam,
Nitowašake hduhica wo ;
Qa niunkiyapi kta u wo.
- 3 Wakantanka, piya kiyotang unkiya po ;
Qa niite hduwiyakpa, qa niunkiya miye.
- 4 Jehowa, Wakantanka Sabaoth,
Tohanyan nitaoyate cekiyapi kin izinyaye kta he.
- 5 Istamnihanpe aguyapi yunwicayakiya ;
Qa istamnihanpe ota hinca yatke wicayakiya.

PSALM 81.

- 6 Oyate ikiyedān unyakonpi kin en woakinica unyakagapi;
Qa tokaunyanpi kin iye iyakitedan ilāpi.
- 7 Wakantanka Sabaoth,
Piya kiyotang unkiya po;
Qa niite hduwiyakpa, qa niunkiya miye.
- 8 Egipta etanhan hastanyanka iyuwi wan-ayahdiyaku:
Ikcewicašta kin heyata elipewicayaye ɕa he huyahde.
- 9 Itokam wayakahinta;
Unkan hutkan icage ɕa makoce ojudan.
- 10 Ohanzi kin he paha kin akahpa:
Qa adetka, hante ša Wakantanka tawa kin iyececa.
- 11 Adetka kin miniwanca kin iyahde;
Qa hutkan, wakpa kin ekta.
- 12 Tokeca conkaške kin dujuju he:
Hecen tona en hiyayapi owasin yuksaksapi.
- 13 Taškoju etanhan kukuše mdoka kin yatakuni šni;
Qa tinta wamanica kin etanhan yutapi ece.
- 14 Wakantanka Sabaoth, tokin yahdicun;
Małpiya eciyatanhan ahitonwan, qa wanyaka,
Qa hastanyanka iyuwi kin de en hdi wo:
- 15 Qa nape nietapa huhde qon he hdusuta wo;
Qa cinca niye icaliyakiye cin he.
- 16 Peta on hulinaga; kaksapi;
Niite iyopewicaye cin on atakunipi šni.
- 17 Nietapa wicašta kin akan ninape un nunwe;
Adam cinhintku niye yahduwašake cin.
- 18 Hehan unkiye elipeunniyanpi kte šni:
Niye niunyakiyapi kta,
Unkan nicaje hoyeunkiyapi kta.
- 19 Jehowa, Wakantanka Sabaoth,
Piya kiyotang unkiya po;
Niite hduwiyakpa, qa niunkiya miye.

PSALM 81.

Asaph tawa. Gittith on dowan itancan kin kicagapi.

- 1 Wakantanka wowašake unkitawapi kin
Taninyan idowan miye;
Jakob ta Wakantanka iyuškinyan kahiyaya po.
- 2 Odowan ahiyaya po, qa cancega apa po;
Candowankiyapi wašte cotanka kici.
- 3 Wi teca kin en, mazayahotonpi yajo po;
Wi mibe cin en, wounhanpi anpetu kin en.
- 4 Israel en woahope wanji dee;
Jakob ta Wakantanka toope kin.
- 5 Joseph en wayuotannin kin de kaga;
Egipta makoce etanhan hinanpe cin he ehan:
Iapi wan owakałnige šni kin he nawahon.
- 6 Waqinpi kin etanhan tapete eweciyaku;

P S A L M 82.

- Iye nape wakiškokpa kin ayuŕtanpi.
7 Wokakije en yapan, unkan ecihdaku ;
Nakun wakinyan hoton oinahbe etanhan aciyupta :
Woakinica mini kin ekta iyutanciya. Sela.
8 Mitaoyate, nañon wo, kinhan wahokonciciye kta ;
Israel, anamayagoptan kta hecinhan :
9 Taku wakan tokeca niyepi en un kte ŕni ;
Qa ihnuhan oyate tokeca taku wakan
Tawa kin en makata eñpeniçiye cinhan.
10 Jehowa Taku Wakan nitawa,
Egupta makoce etanhan uniye cin he miye :
Nina i hdukawa wo, kinhan ojuwaye kta ce.
11 Tuka mitaoyate miho kin anagoptan ŕni ;
Qa Israel wicamicida ŕni.
12 Hecen iye cante hdusutapi kin en eñpewicawaya :
Iye tawacinpi kin en omanipi kta.
13 Tokin mitaoyate anamagoptanpi kinhan ;
Qa Israel mitacanku ohna manipi kta :
14 Ecadan tokawicayapi kin patuŕ wicawaye kta ;
Qa tona ŕicewicadapi kin minape awicawaknake kta tuka.
15 Jehowa ŕicedakapi kin hena iye en ihdaŕkapi kta :
Tuka iye anpetu tawapi kin owihanke wanice kta.
16 Nakun aguyapi conica kin yunkiye kta :
Qa imnija etanhan tuhmaga canhanpi on imnaciye kta.

PSALM 82.

Asaph taďowan.

- 1 Iyotan Waŕaka tomniciye kin en Wakantanka najin ;
Taku wakan kin wicehna wayaco yanka.
2 Tohanyan ecinŕniyan wadacopi kta he ;
Qa wicaŕta ŕica itepi kin yakinihanpi kta. Sela.
3 Onŕika qa wamdenica kin hena wicakiciyukcan po ;
Tuwe kakije  a wañpanica kin owotanna ecawicakicon miye.
4 Onŕika qa wañpanica kin hdinape wicaya po ;
Wicaŕta ŕica nape kin etanhan ehdaku miye.
5 Sdonyapi ŕni qa okañniñ wacinpi ŕni ;
Otpaza en manipi kte ģinca :
Maka oahde kin owasin yuhohopi.
6 Taku wakan henicapi ce, miye epa ;
Owasin Iyotan Wankan un cinca kin niyepi.
7 Tuka awicakehan wicaŕta iyecen niťapi kta ;
Qa wicaŕta itancanpi wanji iyecen nihinñpayapi kte.
8 Wakantanka inajin wo, maka kin hdaco wo :
Oyate iyuhpa tawawicaye kte cin he niye.

PSALM 84.

PSALM 83.

Psalm odowan. Asaph tawa.

- 1 Wakantanka, inina yaun šni nunwe :
Iyotan Waśaka, inina yanke šni qa owanji yanke šni wo.
- 2 Iho, tokaniyanpi kin hena hotonpi ;
Qa šicenidapi kin hena pa yuwankan ikikcupi.
- 3 Nitaoyate kin šicaya awicaiapi ;
Qa nawicayakihbe cin hena on wohdakapi ece.
- 4 Hena heyapi ; Upo, oyate kin he ihangwicunyanpi kte ;
Qa Israel caje kin icimana kiksuyapi kte šni ce.
- 5 Cante eciyatanhan witaya awacinpi ;
Niye on wicotakuye wan hduſtanpi.
- 6 Edom tawakeyapi, qa Išmaeli kin ;
Moab, qa Hagari kin hena :
- 7 Gebal, qa Ammon, qa Amalek ;
Philistia, Turos en ounyanpi kin hena om :
- 8 Nakun Assur hena owicapa :
Hena Lot cinca isto owicakupi. Sela.
- 9 Midian en iyecen ecawicakicon wo ;
Sisera iyececa, Jabin iyececa, Kiſon wakpadan en.
- 10 Endor ekta ihangwicayapi qon :
Maga akan tacesdi iyececa icagapi.
- 11 Akicita tancanpi kin Oreb qa Zeeb iyecen wicakaga wo ;
Han, wicaſta itancanpi owasin, Zeba qa Zalmunna iyececapi.
- 12 Hena heyapi ; Wakantanka tamaga kin
Hena unkiye tawaunyanpi kta ce.
- 13 Wakantanka mitawa,
Hena tate iyumni iyececa wicakaga wo ;
Tateyanpa itokam aguyapi ha kin iyececa :
- 14 Peta contanka wan huſnage cin iyececa ;
Qa ide wan he aide kin iyececa :
- 15 Hecen tateyanpa nitawa on kuwa awicade kta ;
Qa tate iyumni nitawa on nihinciye wicayaye kta ;
- 16 Itepi kin wowiſtece on ojuwicaya wo :
Unkan, Jehowa, nicaje wicaſta akitapi kte.
- 17 Iſtecapi kta, qa nihinciyapi kta, owihanke wanica ;
Qa ite naſapi kta, qa atakunipi kte šni.
- 18 Unkan niye Jehowa eniciyapi kin sdonyapi kta ;
Niſnana Iyotan Wankan yaun, maka kin owancaya.

PSALM 84.

Gittith on dowan itancan kin kicagapi. Qora cinca tadowanpi.

- 1 Jehowa Sabaoth,
Nitawakeya kin nina wiciyokipi.
- 2 Jehowa tahocoka kin on,
Minagi cantokpani qa nakun niya šni ƣe kta seca :

PSALM 85.

- Micante qa micheŋpi Taku Wakan ni un kin hoyekiya ece.
- 3 Upijate hee kaeŋ tipi wan iyekiya,
Qa icapŋinpsincadan hoŋpi wan,
En cinca ekihnake kta;
Jehowa Sabaoth, owayuŋna nitawa kin hena,
Wicaŋstayatapi mitawa, qa mita Wakantanka.
 - 4 Yati en ounyanpi kin hena cante waŋtepi;
Hena ohinniyan niyatanpi kta. Sela.
 - 5 Wicaŋta tuwe towaŋake niye en un kin he cante waŋte:
Canku tankapi kin iye cantepi ohna wanka.
 - 6 Iŋtamnihanpe Kaksiza ohna yapi kinhan,
He miniyowe kagapi;
Nakun magaju kin woyawaŋte on akaŋpa.
 - 7 Wowaŋake etanhan wowaŋake ekta yapi kta:
Zion en Wakantanka itokam ihdutanin kta.
 - 8 Jehowa, Wakantanka Sabaoth,
Wocekiye mitawa naŋon wo;
Jakob ta Wakantanka, anagoptan ye. Sela.
 - 9 Wakantanka, wahacanka unkitawapi wanyaka wo;
Qa Sdayakiye ite kin atonwan wo.
 - 10 Nitahocoka ohna anpetu wanjidan keŋ
Kektopawinge isanpa waŋte:
Mita Wakantanka ti tiyopa kin en
Imunke kta wakaliniga:
Qa wicowicaŋtaŋni wakeya kin ohna wati kte ŋni.
 - 11 Jehowa Wakantanka anpetu wi qa wahacanka kin heca;
Jehowa wowaonŋida wowitan ko wicaqu kta;
Tona ecetuya manipi kin taku waŋte ipiwicada kte ŋni.
 - 12 Jehowa Sabaoth,
Wicaŋta wacinniye cin he cante waŋte.

PSALM 85.

Dowan itancan kin kicagapi. Qora cinca tadowanpi.

- 1 Jehowa, makece nitawa canteyakiya;
Jakob wayaka unpi kin hdicu wicayakiya.
- 2 Nitaoyate taku ŋica econpi kin yecicajuju;
Wahtanipi kin owasin ayakahpa. Sela.
- 3 ŋinyahda kin ocowasin anayeciŋta;
Nitocanniye kin ide ŋni yakiya.
- 4 Unkiyepi en hdicu wo, Wakantanka Wanikiya unkitawapi;
Qa canniyeunyakiyapi kin anakipta wo.
- 5 Owihanke wanin canniyeunyayapi kta he;
Nitocanniye wicoicage qa wicoicage ekta iyahdeyaye kta he.
- 6 Ake yahdicu qa niunyakiyapi kte ŋni he:
Kinhan, nitaokiye iniyuŋkinpi kta.
- 7 Jehowa, nitowaonŋida wanyagunkiya po:
Qa nitowiconi kin unyaqupi kte.
- 8 Jehowa Iyotan Waŋake cin he taku eye cin he nawaŋon kta;

PSALM 86.

Iye taoyate qa wicašta wacantkiye tawa kin wookiye on owi-
cakiye kta :

Tuka ihnuhan wowitkotkoke cin ekta ihdoyapi kinhan.

- 9 Tona kokipapi kin henana wiconi tawa wicikiyedani un;
Hecen makoce unkitawapi ohna wowitan ounye kta.
10 Wowaońsida qa wowicake itkokicipapi:
Woowotanna qa wookiye i ikiciputakapi.
11 Wowicake maka kin etanhan icaga;
Qa woowotanna małpiya eciyatanhan kun ahitonwan.
12 Nakun Jehowa taku wašte kin wicaqu kta;
Qa makoce unkitawapi taku icalıye kta.
13 Woowotanna iye itokam mani kta;
Qa iye oye kin ohna aunhdepi kte.

PSALM 86.

Dawid tawocekiye.

- 1 Jehowa, ninoge ukiye a amayupta wo;
Makakije a onmařika, heon.
2 Minagi awanyaka ye, wacantkiye wanji he miye:
Nitaokiyen nikiya wo, Wakantanka mitawa he niye;
Wacinniye cin heon.
3 Itancan, onřimakida wo;
Anpetu osan hoyeciciye kta heon.
4 Nitaokiyen nagi kin iyuřkinkiya wo;
Itancan, niye ekta minagi wahdomda.
5 Niye, Itancan, niwašte qa wayakajuju ece;
Qa tona hoyeniciyapi kin owasin,
Wocantekiye utkanna wicayeciyuha.
6 Jehowa, wocekiye mitawa nařon ye;
Qa cewakiya ho kin he anagoptan wo.
7 Anpetu en makakije cinhan houeciciye kta:
Unkan niye amayadupte kta.
8 Itancan, taku wakan ehna tuwedani-iyenicece řni;
Qa takudan niořan iyecece řni.
9 Itancan, oyate wicayakage cin owasin,
Hena nitokam upi qa ohodapi kta;
Qa nicaje yaonihanpi kta.
10 Niye nitanka qa wowapetokeca ecanon;
Niřnana Wakannitanka.
11 Jehowa, nitacanku onřpemakiya ye;
Nitowicake ohna mawani kta;
Micante nicaje kokipe kta en iyakařka wo.
12 Itancan, Wakantanka mitawa,
Micante ocowasin on, wopida eciciye kta;
Qa nicaje mdaonihan kta, owihanke wanica.
13 Miye en nitowaonřida kin tanka;
Qa Hades temahentu kin etanhan minagi edaku.
14 Wakantanka, wařanřaniidapi kin takpe maupi;

PSALM 88.

- Qa wicašta wohitika omniciye kin minagi akitapi;
Qa wicitokam niye enihdepi šni.
- 15 Tuka Itancan,
Taku Wakan waonsida qa wacantkiya kin he niye,
Wawacinkta yuza tanka,
Qa wowaonsida wowicake ko on winijice.
- 16 En mahdiyaku qa onšimakida wo;
Nitowašake kin nitaokiye qu wo;
Qa nitaokiye win cinhintku kin nikiya wo.
- 17 Wowakta wašte wan makipazo wo;
Hehan tona šicemadapi wanyakapi qa ištecapi kta:
Jehowa, niye omayakiye a wacintonhnag mayaye cin heon.

PSALM 87.

Qora cinca tawapi. Psalm odowan.

- 1 Oahde tawa kin wowakan paha kin en un.
2 Zion tatiyopa kin hena Jehowa waštekidaka;
Jakob en ounyanpi kin owasin isanpa.
3 Niye en wicoie wakan kin oyakapi,
Wakantanka totonwe kin. Sela.
4 Rahab qa Babel sdonmayanpi kin he omdake kta;
Iho, Philistia qa Turos Kuš kici;
De hen teca ni en tonpi ce.
5 Qa Zion on heyapi kta;
Wicašta kin de qa kae hen tonpi ce:
Unkan iye lyotan Wankan kin hdusuta kte.
6 Jehowa oyate owicawa kinhan wicayawa kta;
De en teca ni en tonpi ce. Sela.
7 Unkan tona downapi, tona yajopi ko;
Minihdoka mitawa owasin niye en un ce, eyapi kta.

PSALM 88.

Psalm odowan. Qora cinca tawapi. Down itancan kin kicagapi. Wowayazan
kakiše cin on. Waonspekiyapi kta. Heman Ezrahi he kaga.

- 1 Jehowa, Wakantanka Wanikiya mitawa,
Nitokam anpetu hanyetu ko hoyewaye.
2 Wocekiye mitawa nitokam u nunwe;
Hoyewaye cin he anohkiya wo.
3 Wokakije minagi imnahan un;
Qa mitaniya Hades ikiyedan ayapi.
4 Woħa ekta iyayapi kin opeya mayawapi;
Wicašta wowašake nice cin he iyemaceca.
5 Tapi kin opeya makiyuškapi,
Wicaktepi wicahapi en wankapi kin iyececa,
Hena owihanke wanica wicayeksuye šni:
Qa hena ninape etanhan ehpewicayapi.
6 Woħa wan temahentu kin en omayahnaka;

PSALM 89.

- Otpaza tipi kin en, ošbe kin en.
- 7 Nitocanniye tkeya iyamahdaskica ;
Qa taja nitawa owasin on kakišmayaya. Sela.
 - 8 Tona sdonmayanpi kin hena mitehanyan iyeyaya ;
Hena wahtemadapi šni yakaga ;
Onamatakapi, qa tankan waku owakihi šni.
 - 9 Wokakije on miišta atakunišni ;
Jehowa, anpetu otoiyo hi houciyiye ;
Minape ciciyugata ece.
 - 10 Tapi kin hena wicoħan wakan ecawicayecon kta he ;
Wanagi hdinanpapi qa wopida eniciyapi kta he. Sela.
 - 11 Wicahapi en nitowaonšida oyakapi kta he ;
Nitowicake kin wicotakunišni en.
 - 12 Wicoħan wakan nitawa otpaza en sdonyapi kta he ;
Qa nitoowotanna, woakiktonje makoce kin en.
 - 13 Tuka miye, Jehowa, hoyeciciya ;
Qa hanħanna eca mitawocekiye nitokam u kte.
 - 14 Jehowa, tokeca minagi ayakta kte šni ;
Niite anamayakihbe kta he.
 - 15 Homakšiyopa ehantanhan makakije a maħe kta seca ;
Wonihinciye nitawa qin waun ;
Token cantė mduza tanin šni.
 - 16 Nitocanniye miwankam iyaya ;
Wonihinciye nitawa ihangmayanpi :
 - 17 Mini iyececa, anpetu osan, aohdutemayanpi ;
Witaya ohomni imayayapi.
 - 18 Waštemadake a mitakuye kin mitehanyan iyewicayaya ;
Tona sdonmayanpi qon hena otpaza.

PSALM 89.

Waonspekiyapi kta. Ethan Ezrahi kin he tawa.

- 1 Jehowa towaonšida kin ohinniyan iwadowan kta ;
Wicoicage qa wicoicage hehanyan,
Mii on nitowicake omdake kta.
- 2 Woweonšida ohinniyan icaliyapi kta ce, epe ciqon :
Maħpiya kin hena en nitowicake eyehde kta.
- 3 Wanji wakahnige cin he kici wicotakuye wakaga ;
Dawid mitaakiye kici iapi weciyasuta :
- 4 Owihanke wanica hehanyan nicinca sutaya ewahde kta ;
Qa wicoicage owasin hehanyan oiyotanke nitawa icalihwaye kta.
Sela.
- 5 Unkan, Jehowa, maħpiya kin nioħan wakan oyakapi kta ;
Nakun nitowicake, oyate wakan mniciyapi kin en.
- 6 Tuwe maħpiya kin ekta Jehowa iyececa he ;
Wašakapi cinca kin Jehowa iyacinpica he.
- 7 Oyate wakan onahbeya mniciyapi kin en,
Taku Wakan nina kokipapi kta iyececa ;
Qa tona ihduksan unpi kin isanpa kinihanpi kte.

PSALM 89.

- 8 Jehowa, Wakantanka Sabaoth,
Jah Iyotan Waśaka, tuwe iyeniceca he ;
Qa nitowicake nihdukśan un kin.
- 9 Miniwanca wankan ye cin he wowidagyaya ;
Taja wankan aya eca niye amdakedan yakaga ece.
- 10 Wicaktepi iyecen Rahab yakaśuśuja ;
Niisto waśaka on tokaniyanpi kin wicaduomdeca.
- 11 Mahpiya kin he niye nitawa,
Nakun maka kin nitawa ;
Makoce owasin qa woojudan kin
Hena niye yakaga.
- 12 Waziyata qa itokaga, hena niye yakaga ;
Tabor qa Hermon nicaje on iyuśkinpi kta.
- 13 Isto waśaka wan niyukan ;
Ninape waśaka, nape enitapa kin tehanwankantu.
- 14 Woowotanna qa woyaco oiyotanke nitawa oyanke kin hee ;
Wowaońsida qa wowicake niite itokam yapi kta.
- 15 Oyate wotanin wašte sdonye cin hena cante waštepi ;
Jehowa, niite iyoyanpa kin en omanipi kta.
- 16 Anpetu osan nicaje on iyuśkinpi kta ;
Qa nitoowotanna on wankan ihdoyapi kta.
- 17 Iye towaśakepi wowitan kin he niye,
Qa nitoiyokipi kin en he wankan iyeunyeciciyapi kta.
- 18 Wahacanka unkitawapi kin he Jehowa tawa ;
Qa wicaśtayatapi unkitawapi kin he
Israel Wakandapi kin he tawa.
- 19 Hehan wanji wacantkiye nitawa woyuotanin en oyakiya,
Qa heha ; Wanji Waśake cin akan wowaśake ewehnaka ;
Wanji oyate etanhan kałnigapi kin wankan ewehde :
- 20 Dawid mitaokiye kin iyewaye ;
Wihdi wakan mitawa on sdawakiya :
- 21 Minape ohinniyan kici un kta ;
Nakun miisto yuwaśake kta.
- 22 Tokapi kin iyokiśinyapi kte śni ;
Qa woahłani cincapi kakiśyapi kte śni.
- 23 Unkan iye itokam tona tokayapi kin wicawakaśuśuje kta ;
Qa tona śicedapi kin awicawape kta.
- 24 Nakun mitowicake qa mitowaonśida kici un kta ;
Qa micaje on iye he kin wankan icage kta.
- 25 Qa iye nape kin miniwanca en ewahnake kta ;
Qa nape etapa kin mini tanka kin en.
- 26 Iye hoyemakiye kta ; Atewaye cin he niye ;
Mita Wakantanka, qa innija nimaye cin.
- 27 Unkan miye he micinca tokapa wakiye kta ;
Maka wicaśtayatapi kin isanpa wankan un kta.
- 28 Ohinniyan mitowaonśida weciyuhe kta ;
Qa wicotakuye mitawa kici wicake kta.
- 29 Nakun iye cinca owihanke wanica mdusuta kta ;
Qa oiyotanke tawa kin mahpiya anpetu kin iyecece kta.

PSALM 89.

- 30 Iye cinca kin mitoope ehpeyapi kinhan ;
Qa mitawoyaco ohna mani wacinpi šni ;
- 31 Taku omdake cin taku ikceka yawapi ;
Qa mitawoahope opapi šni kinhan :
- 32 Hehan taku šica econpi kin, icapsinte wan on,
Qa wahtanipi kin, apapi on iyopewicawaye kta' :
- 33 Tuka mitowaonsida ewecihdaku kte šni ;
Qa wowicake mitawa kin en itonšni mičicage kte šni.
- 34 Wicotakuye mitawa taku ikceka wakage kte šni ;
Qa miiha taku enapeye cin mdatokeca kte šni.
- 35 Taku wanji mitowakan kin on wakonza ce ;
Dawid en itonšni owakihi šni :
- 36 Iye cinca kin owihanke wanice kta ;
Qa oiyotanke tawa anpetu wi mitokam iyecece kta.
- 37 Ohinniyan sutaya yanke kta, hanyetu wi iyececa ;
Qa mahpiya ekta wayuotanin wicaka. Sela.
- 38 Hececa esta niye ehpeyaye ca ayakta šni ;
Sdayakiye ciqon he canniyeyaya :
- 39 Nitaakiye wicotakuye tawa yecakša ;
Watešdake tawa kin makata ehpeyaya :
- 40 Inatake tawa owasin dujuju ;
Conkaške tawa kin woihangye yakaga :
- 41 Tona canku ohna hiyayapi owasin he ihangyapi ;
Tona ikiyedani unpi kin hena wahtedapi šni :
- 42 Tona šicedakapi nape etapa kin yuwankan iyeyaya ;
Tona tokayapi owasin iyuškinwicayaya.
- 43 Nakun mazasagye tawa kin pe šni yakaga ;
Qa okicize en kici nayajin šni.
- 44 Toiyege kin ayuštanyakiya ;
Qa oiyotanke tawa kin makata ehpeyaya.
- 45 Koška taanpetu kin duptecedan ;
Wowištece on akahpeyeton. Sela.
- 46 Tohanyan kta ; Jehowa, ohinniyan nayakihbe kta he ;
Peta iyecen nitocanniye ide kta he.
- 47 Miye ptenyedani wani kin he kiksuya wo ;
Tokeca Adam cinca owasin ituš yakaga he.
- 48 Wicašta tuwe ni un qa wiconšte wanyake kte šni ;
Hades nape etanhan nagi eihdaku kta he. Sela.
- 49 Itancan, otokahe ekta nitowaonsida kin tukte e he ;
Nitowicake en Dawid wahoyaye ciqon.
- 50 Itancan, nitaakiye i en hdepi kin he kiksuya wo ;
Miikpi ohna oyate ota owasin wicamduha :
- 51 Jehowa, tokaniyanpi i en iyeyapi qon he ;
On Sdayakiya oye kin i en iyeyapi qon.
- 52 Jehowa owihanke wanin yawaštepi nunwe.
Amen qa amen.

P S A L M 90.

PSALM 90.

Wocekiye wan. Moses Wakantanka tawicašta tawa.

- 1 Itancan, niye otiunniyanpi,
Wicoicage qa wicoicage kin en.
- 2 He kin icage šni he itokam;
Qa maka maga ko yakage šni he ehan;
Otokahe wanica qa owihanke wanica,
Iyotan Wašaka kin he niye.
- 3 Maka mdu ee kaeš ekta wicašta hdicuyaya;
Qa, Adam cinca hdicu miye, eha ece.
- 4 Waniyetu kektopawinge, ništa kin en,
Htanihan wanna henakeca he iyececa;
Qa hanyetu en akicita onajin kin iyececa.
- 5 Okahbog iyewicayaya;
Woištinma wan iyececapi;
Hanhanna eca, wato iyecen, taninpi šni.
- 6 Hanhanna eca hca aya, qa hehan tanin šni;
Htayetu hehan kašdapi qa šnija.
- 7 Nitocanniye kin on unsotapi;
Qa šinyahda kin on kopeunhdapi ece.
- 8 Waunhtanipi kin nitokam eyahnaka;
Woanahbe unkitawapi kin niite iyoyanpa kin en.
- 9 Anpetu unkitawapi owasin nitocanniye en iyaya;
Waniyetu unkitawapi wicotawacin wan iyecen enaunkiyapi.
- 10 Waniyetu unkitawapi anpetu kin
Hena waniyetu wikcemna šakowin,
Qa wowašake yuke cinhan, waniyetu wikcemna šahdogan;
Hececa ešta wowašake kin he wokakiye qa wicošice;
Ihnuhanna atakuni šni, unkan kinyan unkiyayapi.
- 11 Nitocanniye wowašake kin tuwe okahniga he;
Qa šinyahda kin he konicipapi kin iyececa.
- 12 Hecen anpetu unkitawapi hdawa onspeunkiya po;
Kinhan woksape ekta cante yeunkiyapi kta.
- 13 Jehowa hdicu wo; tohanyan kta he:
Qa nitaokiyepi on tawacin hdutokeca wo.
- 14 Hanhanna eca nitowaonšida on imnaunyan po;
Kinhan unkiyuškinpi qa piundapi kta,
Anpetu unkitawapi owasin en.
- 15 Anpetu en kakišunyanpi kin he iyecen wiyuškinunkiya miye;
Waniyetu en taku šica wanunyakapi iyececa.
- 16 Niohan kin nitaokiye wanyagwicaya wo;
Qa iye cinca kin, nitowitan kin.
- 17 Qa Jehowa Wakantanka unkitawapi
Towašte kin unkicipi un nunwe;
Qa unnapepi ohan kin unkiciyusuta miye;
Han, unnapepi ohan kin yuecetu wo.

PSALM 92.

PSALM 91.

- 1 Iyotan Wankan un toinañbe kin en,
Tuwe iyotanke cin he,
Iyotan Waśaka ohanzi tawa ihukuya iwanke kta.
- 2 Jehowa hewakiye kta ;
Wowinape mitawa, qa conkaśke mitawa,
Mita Wakantanka, he wacinwaye kta ce.
- 3 Wahmung ye cin wohmunke tawa kin
Etanhan, iye eniyaku kta ;
Makośica waihangye cin etanhan.
- 4 Iye śun kin on akañpenicaton kta ;
Qa tañupahu ihukuya wowinape iyeyaye kta ;
Towicake kin wahacanka qa maza makuakalñpe.
- 5 Hanyetu wokokipe kin he koyakipe kte śni ;
Qa anpetu en wanhinkpe kinyan iyaye cin ;
- 6 Makośica otpaza en omani un ;
Qa wowayazan wiyotanhhan eca wayutakuniśni kin.
- 7 Nicañda kektopawinge hinñpayapi kta ;
Qa nietapa ekta kektopawinge wikcemna ;
Tuka niye nikiyedan u kte śni.
- 8 Niiśta ecedan on ekta eyatonwe kta ;
Qa wicaśta śica tokicñpi kin wandake kta.
- 9 Jehowa, wowinape mitawa kin he niye :
Iyotan Wankan kin he otipi niñicaga :
- 10 Heon taku śica nihiyahde kte śni ;
Qa makośica wan nitawakeya ikiyedan u kte śni.
- 11 Taohnihde kin niye on wahowicaye kta ;
Nitacanku owasin en awanniyakapi kta ;
- 12 Napapi ohna niyuhapi kta ;
Hecen inyan siha ibonito kte śni.
- 13 Mnaja qa wamduśka si ayahde kta ;
Mnaja kośka qa sinteñda kin amayani kta.
- 14 Iye cantomahnaka, unkan ewehdaku kta ;
Micaje sdonye cin on wankan ewehde kta.
- 15 Hoyemakiye kta, kinhan amdupte kta :
Woiyokiśica en kici waun :
Ewehdaku qa mduonihan kta :
- 16 Anpetu hanskaska on innawaye kta ;
Qa wiconi mitawa wanyagwakiye kta.

PSALM 92.

Anpetu wakan on woyatan odowan.

- 1 Jehowa yatanpi kin he waśte ;
Qa nicañe idowanpi kin, Iyotan Wankan yaun.
- 2 Hanñanna eca nitowaonśida oyakapi ;
Qa nitowicake, hanyetu kin en.
- 3 Candowankiyapi ikan wikcemna, qa cancega on ;

PSALM 94.

- Cotanke on awacinpi kin he nakun.
4 Jehowa, niohan kin on iyuşkinmayaya ;
Ninape ohan kin on imduşkin kta.
5 Jehowa, niohan tanka hinca ;
Nitawacin kin temahentu hinca.
6 Wicaşta wacintonşni kin he sdonye kte şni ;
Qa witkotkoke cin he de okahnige kte şni.
7 Wicaşta şica peji iyecen icagapi ;
Qa woahţani econpi kin owasin hca ayapi ;
Owihanke wanica yutakunipi kte şni heon.
8 Tuka, Jehowa owihanke wanica,
Iyotan Wankan kin he niye.
9 Iho, Jehowa, tokaniyanpi kin ,
Iho, tona tokaniyanpi kin atakunipi kte şni :
Woahţani econpi kin owasin enanakiya iyewicayapi kta.
10 Tuka tinta tatanka he kin iyecen,
He mitawa icaliyaya :
Wihdi to on sdamayanpi.
11 Nakun tokamayanpi kin miişta wanwicayake kta ;
Tona wicohan şica econpi takpe maupi kin
Hena on minoge nahon kta.
12 Wicaşta owotanna kin wazi can iyecen uye kta ;
Lebanon hante kin iyecen icage kta.
13 Jehowa ti kin en huhdepi ;
Wakantanka unkitawapi tahocoka ohna hcapi kta :
14 Pa skapi hehanyan waskuyeca icaliyapi kta ;
Cepapi kta, qa toto unpi kta.
15 Jehowa ecetu kin he oyakapi kta ;
He imnija mitawa, qa woowotanua şni takudan en un şni.

PSALM 93.

- 1 Jehowa wicaştayatapi, wowitan kohdaka ;
Jehowa wowaşake kohdaka, ipiyagkiton ;
Nakun maka kin ehdepi, hecen yuhohopi kte şni.
2 Wanakajatanhan oiyotanke nitawa yusutapi ;
Niye otokahe niwanica.
3 Mini tanka kin wankan iyeiçiya ;
Jehowa, mini tanka kin ho hdawankan iyeya ;
Mini tanka kin taja wankan iyeya.
4 Mini ota ho kin isanpa ;
Miniwanca taja tanka kin isanpa ;
Jehowa wankan un kin he waşaka.
5 Taku odate cin hena wicakapi hinca ;
Wowakan yati kin oiyokipi ;
Jehowa, anpetu hanskaska hehanyan.

PSALM 94.

- 1 Jehowa, watokiçon Wakantanka ;
Watokiçon Wakantanka, iyoyanpa wo.

PSALM 95.

- 2 Maka Wayaco yaun, najin wo;
Wahanhanicidapi kin towicakicon wo.
- 3 Jehowa, wicašta šica tohanyan kta he;
Tohanyan wicašta šica iwakicipi kta he.
- 4 Iwašicunpi, taku šica eyapi;
Woahtani econpi kin owasin ihdatanpi.
- 5 Jehowa, nitaoyate wicakapanpi;
Qa taku nitawa kakišyapi ece.
- 6 Wiwazica qa tuwe oyate tokeca etanhan tewicayapi;
Qa wamdenica kin tin wicaktepi.
- 7 Tuka heyapi; Jah wanyake kte šni;
Qa Jakob ta Wakantanka awacin kte šni ce.
- 8 Oyate en wacintonšni yaunpi, awacin po;
Qa winitkotkokapi, tohan wacinksamya niohanpi kta he.
- 9 Tuwe wicanoge kage cin he wanaon kte šni he;
Qa tuwe wicašta kage cin he wawanyake kte šni he.
- 10 Tuwe oyatepi iyopewicaye cin he wicakaštake kte šni he;
Tuwe wicašta waonspewicakiye cin.
- 11 Wicašta tawacinpi kin Jehowa sdonya ece;
Hena taku šni.
- 12 Jah, wicašta iyopeyaye cin he cante wašte;
Qa nitoope eciyatanhan onspeyakiye cin;
- 13 Anpetu šice cin etanhan ozikiye yaye kta;
Wicašta šica woħa wan wicakicapi kta hehanyan.
- 14 Jehowa taoyate kin awicayuŝtan kte šni;
Qa taku tawa kin eħpekiye kte šni.
- 15 Tuka woyaco woowotanna en hdi kta;
Qa tona cante ecetu kin owasin he pasipi kta.
- 16 Šicaya econpi kin on tuwe mici najin kta he;
Woahtani econpi kin on tuwe micica kta he.
- 17 Jehowa omakiye šni unkanš,
Ecan minagi woinina en un kta tuka.
- 18 Misiha našduta ce, epe cinhan;
Jehowa, nitowaonšida najin makiye kta.
- 19 Miye mahen mitawacin iyokišica ota icunhan,
Wacintonhnake nitawa minagi iyuškinkiye kta.
- 20 Woahtani oiyotanke kin he nicica kta he;
Wicoħan šica woope iyecen konze cin he.
- 21 Wicašta owotanna nagi kin takpe hipi;
Qa wicawe taku iyaonpepica šni kin he yacopi.
- 22 Tuka Jehowa conkaške mitawa kin hee;
Qa mita Wakantanka imnija wowinape waye.
- 23 Unkan iye wahtanipi kin iyahdewicaya;
Qa taku šica econpi kin en ihangwicaye kta;
Jehowa Wakantanka unkitawapi ihangwicaye kta.

PSALM 95.

- 1 U miye, Jehowa unkahiyayapi kte;
Wiconi unkitawapi Imnija kin unkidowanpi kte.

P S A L M 96.

- 2 Wopida yuha iye ite kin en unkupi kte ;
Wowiyuſkin odowan on unkiyaſapi kta.
- 3 Jehowa Taku Wakan Tanka ;
Qa taku wakan owasin iwankan Wicaſtayatapi tanka.
- 4 Maka oſbe kin hena iye nape ohna hduha ;
Qa paha ipa kin hena iye tawa.
- 5 Miniwanca kin he tawa, qa iye kaga ;
Nakun maka puze cin he iye nape kaga.
- 6 U miye, patuſ inaunjinpi qa ohoundapi kte ;
Jehowa Waicaſiye unkitawapi kin itokam,
Canpeſka makehde unkanpi kte.
- 7 Wakantanka unkitawapi kin he iye ;
Qa makoce tawa oyate kin unkiyepi ;
Qa iye nape ohna tahin wanunyanpi kin :
Anpetu kin de iye ho kin nayahonpi kta hecinhan ;
- 8 Meribah iyecen cante hdutehipi ſni po ;
Makoskan Massa anpetu kin iyececa.
- 9 Hunkakewicayayapi imayutanpi qehan ;
Imayukcanpi, nakun miohan wanyakapi.
- 10 Waniyetu wikcemna topa hehanyan wicoicage kin he iyoki-
ſinmayan ;
Unkan hepe ; Oyate kin de cante ekta nunipi ;
Qa mitacanku sdonyapi ſni.
- 11 Hecen canmaniyan konza kewicawakiya ;
Woozi mitawa kin en opapi kte ſni.

PSALM 96.

- 1 Jehowa odowan teca wan kahiyaya po ;
Maka kin ocowasin, Jehowa idowan po.
- 2 Jehowa kahiyaya po, iye caje yawaſte po ;
Anpetu otaiyohi waniwicakiye cin he yaotanin po.
- 3 Ikcewicaſta kin ehna iye towitan oyaka po ;
Oyate owasin en iye ohan wakan kin.
- 4 Jehowa tanka, qa nina yatanpi kte ;
Taku wakan owasin isanpa kokipapi kta iyececa.
- 5 Ikcewicaſta taku wakan yuhapi kin owasin taku ſni ;
Tuka Jehowa maſpiya kin kaga.
- 6 Iye itokam woyuonihan qa wowitan ;
Tipi wakan tawa ohna, wowaſake qa wowaſte.
- 7 Jehowa qu miye, oyate wicowazipi kin,
Wowitan qa wowaſake Jehowa qu miye.
- 8 Iye caje towitan kin Jehowa kicu po ;
Wopida woſna wan icupi qa tahocoka kin en u po.
- 9 Wowakan oiyouki kin en Jehowa ohoda po ;
Iye itokam, maka kin ocowasin, inihan miye.
- 10 Oyatepi ehna, Jehowa Wicaſtayatapi ce, eya po ;
Nakun maka kin ehdepi, yuhohopi kte ſni :
Oyate kin woecetu eciyatanhan wicayaco kta.
- 11 Maſpiya kin iyuſkin, qa maka kin pida nunwe ;

PSALM 98.

Miniwanca qa woojudan kin hotanin nunwe.

- 12 Maga kin iyuŋskin kte, qa taku ohna un kin owasin ;
Hehan contanka can owasin wiyuŋskinyan dowan kta :
- 13 Jehowa itokam : He wanna u ;
Maka kin hdaco u ce :
Woowotanna on wicoicage kin yaco kta ;
Qa oyate kin, iye towicake eciyatanhan.

PSALM 97.

- 1 Jehowa Wicaŋstayatapi, maka kin iyuŋskin kte ;
Wita ota hince cin hena pidapi nunwe.
- 2 Ihdukŋan maŋpiya ŋapa qa otpaza ;
Oiyotanke tawa woowotanna qa woyaco akan han.
- 3 Iye ite kin itokam peta iyaya ;
Qa ihdukŋan tokayapi kin huŋnaŋwicaye kta.
- 4 Wakanhdi tawa makoce kin iyoyamya ;
Maka kin wanyaka qa cancan.
- 5 Jehowa itokam paha kin canŋin iyecen ŋdoyapi ;
Maka ocowasin Itancan tawa kin itokam.
- 6 Maŋpiya kin hena iye toowotanna yuotaninpi ;
Qa oyate owasin iye towitan wanyakapi.
- 7 Tona okagapi wan okiyapi kin owasin iŋtecapi kte ;
Tona takuŋni on ihdataŋpi kin hena :
Iye en patuja po, taku wakan owasin.
- 8 Zion he naŋon qa iyuŋskin ;
Qa Juda cunwintku wowiyuŋskin on iyaŋapi :
Jehowa, nitawoyaco kin hena on.
- 9 Niye, Jehowa, maka owancaya Iyotan Wankan yaun ;
Taku wakan owasin iwankam tehanwankantu.
- 10 Jehowa waŋteyadakapi, taku ŋica ŋicedaka po ;
Wicaŋta wacantkiye tawa nagipi kin awanwicayaka ;
Wicaŋta ŋica napepi etanhan wicayukce kta.
- 11 Wicaŋta owotanna kin iyoyanpa owicakieijupi ;
Qa wowiyuŋskin, tona cante ecetupi kin on.
- 12 Owotanna yaunpi kin, Jehowa en iyuŋskin po ;
Qa iye towakan kiksuyapi kin he yatan miye.

PSALM 98.

Odowan.

- 1 Odowan teca wan Jehowa kahiyaya po ;
Wicoŋan wakan kin heca econ ece :
Nape etapa qa isto wakan kin on woohiye iŋicaga.
- 2 Jehowa wiconi tawa kin hduotanin ;
Ikcewicaŋta iŋta kin en toowotanna hduzamni.
- 3 Iye towaonŋida qa towicake kin kiksuya,
Israel tiyohnaka kin on ;
Wakantanka unkitawapi waniwicakiye cin,

PSALM 100.

- Maka ihanke kin owasin wanyakapi.
4 Maka kin ocowasin, Jehowa kahiyaya po ;
Iyaşapi qa wiyuşkinpi qa dowan po.
5 Candowankiyapi on Jehowa kahiyaya po ;
Candowankiyapi qa odowan ho kin on.
6 Mazayahotonpi tanka qa cotanka ho kin on,
Jehowa Wicaştayatapi kin itokam iyaşa po.
7 Miniwanca kin sa nunwe, qa wojudan kin ;
Maka kin, qa tona en oonyanpi nakun.
8 Wakpa kin nape hdaskapapi nunwe ;
Qa paha kin witaya iyuşkinpi kte ;
9 Jehowa itokam :
He maka kin hdaco u ce ;
Woowotanna on wicoicage kin hdaco kta ;
Qa oyatepi kin, wokonze eciyatanhan.

PSALM 99.

- 1 Jehowa Wicaştayatapi, oyate kin cancanpi ;
Kerubim otahedan iyotanka, maka kin şkanşkan.
2 Zion en Jehowa tanka ;
Qa oyate owasin iwankam tehanwankan yanka.
3 Nicafe tanka qa wowinihan kin he yatanpi kte ;
He Wakan hinca.
4 Unkan wicaştayatapi towaşake kin woyaco waşteditaka ;
Niye wicoecetu yahdusuta ;
Jakob en woyaco qa woowotanna yakaga.
5 Jehowa Wakantanka unkitawapi yatanka po ;
Qa iye siha oahe kin en makata ehpeiçiya po ;
Iye Wakan hinca heon.
6 Moses qa Aaron, wawayuşna tawa kin ehna ;
Qa Samuel tona caje hoyekiyapi kin om ;
Hena Jehowa hoyekiyapi, unkan iye awicayupta ece.
7 Małpiya bosdata kin en owawicakiye :
Woyaotanin tawa kin opapi, qa wokage wicaqu kin.
8 Jehowa Wakantanka unkitawapi, niye awicayadupte ;
Iyotan Waşaka, niye wicayeciçaju ;
Tuka wałtanipi kin hena towicayeciçon.
9 Jehowa Wakantanka unkitawapi yatanka po ;
Qa iye paha wakan tawa kin ohna patuja po ;
Jehowa Wakantanka unkitawapi kin he wakan nakaes.

PSALM 100.

Odowan wan. Wopida eyapi kta.

- 1 Maka kin ocowasin, Jehowa iyaşa miye.
2 Wowiyuşkin on Jehowa okiya po ;
Itokam dowanwan u miye.
3 Jehowa he Wakantanka e sdonya po ;

PSALM 102.

Iye unkagapi, qa unkiye unkićicagapi śni :
Taoyate qa taħinca tinta tawa kin en
Hena unkiyepi.

- 4 Tatiyopa kin en wopida eya u po ,
Woyatan yuha iye tahocoka ohna u miye ;
Wopida eciya miye ;
Iye caje kin yawašte po.
- 5 Jehowa wašte, towaonśida kin owihanke śni ;
Qa towicake kin he wicoicage qa wicoicage hehanyan.

PSALM 101.

Dawid tadowan.

- 1 Wowaoonśida qa woyaco on wadowan kta ;
Jehowa, niye icidowan kta.
- 2 Canku yuŝtanpi wan ohna wacin waksape kta :
Tohan en mayahi kta he :
Cante ocowasin hduha wati ohna mawani kta.
- 3 Miišta itokam wicoie śica ewehnake kte śni ;
Taku śica econpi kin hena śice wadaka ;
Miye en amaskape kte śni.
- 4 Wicacante pemni kin he amayuŝtan kta ;
Taku śica sdonwakiye kte śni.
- 5 Tuwe takodaku naħmana aie cin he ihangwaye kta :
Tuwe išta tanka qa waħanićida kin iyowinwakiye kte śni.
- 6 Makoce en tona wicakapi kin miišta awicatonwan ;
Hena mici unpi kta ;
Tuwe canku yuŝtanpi omani kin he omakiye kta.
- 7 Tuwe wohmayan econ kin he wati en ounye kte śni ;
Tuwe itonśni kin he miišta itokam yanke kte śni .
- 8 Hanħanna eca, makoce kin en, tona śicapi
Owasin ihangwicawaye kta ;
Hecen Jehowa totonwe kin etanhan,
Tona śicaya econpi kin owasin ehpewicawaye kta.

PSALM 102.

Wocekiye wan. Tuwe iyotanhan iyekiye, kakija qa Jehowa itokam waśicahowaye cin he tawa.

- 1 Jehowa, wocekiye mitawa naħon wo ;
Qa houwaye cin he en niu nunwe.
- 2 Niite anamakilibe śni wo ;
Makakija anpetu kin en anohmakiya wo ;
Houwaye anpetu kin en amayupta inahni wo.
- 3 Mitaanpetu kin ŝota iyaya ;
Qa mahuhu can ŝeca iyecen itkon.
- 4 Micante peji iyecen śniŝyapi qa pus aya ;
Aguyapi hduta awektonja :
- 5 Waśicahowamda ho kin on,

P S A L M 102.

- Micehpi kin mahuhu en askapa.
- 6 Tinta mdega wan iyemaceca ;
Hinhankaga otiwota en iyecen waun.
- 7 Kiktahan waun, qa zitkadan wan
Tice ekta isnana un kin iyemaceca.
- 8 Anpetu osan tokamayanpi kin iyopemayanpi ;
Tona canniyemayanpi kin hena ostemahdapi ece.
- 9 Aguyapi iyecen cahota wata ;
Qa wamdatke cin he ceyapi kici icahiwaya ;
- 10 Wošinhda qa wocanniye nitawa kin on etanhan :
Yuwankan imayacu qa ehpemayaye cin heon.
- 11 Mitaanpetu ohanzi takinyan ye cin iyececa ;
Qa miye qe peji iyecen mašnija.
- 12 Tuka niye, Jehowa, owihanke wanin idotanke kta ;
Qa wokiksuye nitawa kin he wicoicage qa wicoicage hehanyan.
- 13 Niye nayajin kta, Zion onšiyakida kta ;
Tohan okiyapi kta wanna iyehantu,
Han, tohan iyehantu hince cinhan :
- 14 Tohan inyan tawa kin nitaokiye waštedakapi ;
Qa watušekseca on iyokipipi kinhan.
- 15 Unkan Ikcewicašta Jehowa caje kin kokipapi kta ;
Qa nitowitan kin, maka wicaštayatapi owasin.
- 16 Jehowa Zion kage cin heon ;
Iye towitan en ihdutanin.
- 17 Onšike tawocekiye ekta ihduhomni ;
Qa wocekiye tawapi kin šicedake šni.
- 18 Wicoicage u kte cin on de owapi kta ;
Qa oyate wan icage kte cin he Jah yatanpi kta.
- 19 Towakan paha kin etanhan eyokasin ;
Jehowa mahpiya etanhan maka kin ahitonwan ;
- 20 Kaška unpi comnihdazipi kin nahon kta ;
Wiconšte cinca kin wicakiyukce kta.
- 21 Zion en Jehowa caje kin oyakapi kta ;
Qa iye yatanpi kin, Jerusalem en :
- 22 Oyatepi witaya mniciyapi kin en ;
Qa wokiconze kin, Jehowa ohodapi kta.
- 23 Canku ohna mitowašake kin kun ehpeya ;
Mitaanpetu kin yuptecedan.
- 24 Mita Wakantanka, mitaanpetu cokaya en, emayaku šni wo, epe
kta :
Waniyetu nitawa wicoicage wicoicage hehanyan.
- 25 Otokahe ekta maka kin sutaya eyahde ;
Qa ninape taku kage cin mahpiya kin hee.
- 26 Hena awihnuni kta, tuka niye yani kta ;
Qa hena owasin šina iyecen kuke kta ;
Wokoyake iyecen hena dutokeca kta ;
Unkan yutokecapı kta.
- 27 Tuka he niye,
Qa waniyetu nitawa owihanke kte šni.

P S A L M 103.

- 28 Nitaokiye cinca kin ounyanpi kte ;
Qa iye cincapi kin nitokam wicayusutapi kte.

PSALM 103.

Dawid tawa.

- 1 Minagi, Jehowa yawašte wo ;
Qa taku mahen maun kin owasin, iye caje wakan kin.
- 2 Minagi, Jehowa yawašte wo ;
Qa taku wašte econ kin owasin akiktonje šni wo.
- 3 He wayahtani owasin nicicajuju ;
Waniyazan kin iyuhpa asniniyan :
- 4 Wicotakunišni etanhan nitaniya opekiron ;
Wowaonšida qa wocantekiye on watešdagnicaton.
- 5 Taku wašte on nitaanpetu ojudan ya ;
Hecen koniška ihduteca, wamdi iyececa.
- 6 Jehowa woowotanna ece econ,
Qa woyaco, tona kakišwicayapi owasin on.
- 7 Iye tacanku kin Moses sdonyekiya ;
Qa Israel cinca, iye ohan tanka kin.
- 8 Jehowa wacantkiye ča waonšida ;
Tehan canteptanye šni, qa wawacinkta yuza tanka.
- 9 Ohinniyan wicakige kte šni ;
Qa owihanke wanin canniye wicaye kte šni.
- 10 Waunhtanipi kin iyecen ecaunkiconpi šni ;
Qa taku šica unkitawapi iyecen unqupi šni.
- 11 Małpiya kin maka iwankam tehanwankantu kin,
He iyecen iye towaonšida tona kokipapi kin iwankam wašake
hinca.
- 12 Wiyohiyanpa etanhan wiyohpeyata hehanyan ;
Ihehanyan waunhtanipi kin yutokan ehpeunkiciciyapi
- 13 Ateyapi wan iye cinca onšiwicakida kin iyececa,
Jehowa tona kokipapi kin onšiwicakida ece.
- 14 Token unkiagapi kin he sdonya ;
Maka mdu heuncapi he kiksuya.
- 15 Wicašta taanpetu kin hena wato iyececa ;
Tinta wałca kin he iyecen łca aya :
- 16 Tate oniya wan iwankam iyaya,
Unkan en un šni ;
Qa tohe kin icimana sdonkiye kte šni.
- 17 Tuka Jehowa towaonšida otokahe wanica,
Qa owihanke wanice kta, tona kokipapi kin on ;
Qa toowotanna kin cincapi sanpa cincapi kin en :
- 18 Tona wicotakuye tawa kiciyuhapi ;
Qa tawoahope econpi kta on kik uyapi kin hena.
- 19 Jehowa małpiya kin en oiyotanke ekihde ;
Qa tokiconze kin taku owasin wowidagya.
- 20 Ohnihde wakan tawa, Jehowa yawašte po ;
Wowašake itancanpi, iye oie ecen ecanonpi ;

PSALM 104.

- Iye oie ho kin anayagoptanpi kta.
 21 Taobe kin owasin, Jehowa yawašte po ;
 Taokiyenianpi, iye tawacin ecen ecanonpi.
 22 Taku kage cin owasin, Jehowa yawašte wo ;
 Tokiconze owanka kin owasin ohna :
 Minagi, Jehowa yawašte wo.

PSALM 104.

- 1 Minagi, Jehowa yawašte ye :
 Jehowa, mita Wakantanka, niye nitanka hinca :
 Woyuonihan qa wotanka koyahdaka.
- 2 Šina wan iyecen iyoyanpa hdoin :
 Ozanpi wan iyecen mahpiya kin hdumdaya.
- 3 Mini tanka on tipi icicaga ;
 Mahpiya šapa kin canpahnihma ya ;
 Tate hupahu kin on icimani ece.
- 4 Tateyanpa kin hena ohnihde wicakaga ;
 Peta ide kin taokiye ya ece.
- 5 Maka kin tohe akan sutaya ehde ;
 Hecen owihanke wanica yutokanpi kte šni.
- 6 Miniwanca on wokoyake iyecen ayakahpa ;
 Mini tanka kin paha iwankam hiyeya.
- 7 Yakišica hehan najicapi ;
 Wakinyan nitawa hoton kin on napapi.
- 8 Paha iyecen wankan yapi ;
 Kaksiza iyecen kun ipi ;
 Owanka kin de yecage cin ekta.
- 9 Oicago wan yakaga, sanpa yapi kte šni ;
 Ake maka kin apašbog hiyu kte šni.
- 10 Kaksiza kin en minihdoka inanpe ya ;
 Hena paha kin otahedan kaduza ece.
- 11 Tinta wamanica owasin etanhan mini yatkanpi :
 Hen šonšonna itu unpi kin ipuza enakiyapi.
- 12 Iwankam mahpiya okinyanpi kin otipi ;
 Can adetka ehna hotonpi ece.
- 13 Wankan tipi tawa etanhan he kin amagajuya :
 Niohan etanhan taku icage cin on maka kin imnahan
- 14 Wato kin he woteka icaliwicakiciya ;
 Qa waskuyeca, wicašta woju kin on ;
 Hecen maka kin etanhan aguyapi hinanpe ye kta.
- 15 Qa miniša wicašta cante iyuškinikiya,
 Wihdi isanpa ite kin iyehkiye kta ;
 Qa aguyapi wicacante yusuta ece kin he.
- 16 Jehowa can tawa kin imnahan ;
 Lebanon hante iye oju kin hena.
- 17 Hena en zitkadan holpi kagapi ;
 Hoka wacantkiye cin he wazi en otipi.
- 18 He tehanwankantu kin tatokadan tawapi ;

PSALM 105.

- Qa imnija kin hitunkasan wowinape yapi.
 19 Makoncage on hanyetu wi kin kicaga :
 Anpetu wi tohan iyaye kte cin he sdonkiya.
 20 Otpaza yakaga, unkan ecen hanyetu ;
 Hehan contanka wamanica owasin hinanpapi.
 21 Mnaja cinca taku iyahpayapi kta ahotonpi ;
 Qa Wakantanka woyute kidapi ece.
 22 Wi hinanpa, hehan witaya hdipi ;
 Qa wasunpi kin en hdiwankapi ece.
 23 Hehan wicašta wicohtani ekta ya ;
 Qa htayetu hehanyan wicohan econ ece.
 24 Jehowa, niohan kin hena ota hınca ;
 Woksape on hena owasin yakaga :
 Wowijice nitawa on maka kin ojudan.
 25 Miniwanca kin de tanka qa ohdakinyan hanska ;
 Hen taku škanškan yukan, qa yawapica šni ;
 Taku niyake un cikcistinna tankinyanyan koya.
 26 He ohna wita wata kin ohnihdapi :
 Unktehi kin de ohna škate kta yakaga.
 27 Hena owasin niye wacinniyanpi :
 Tohan iyehantu eca woyute wicayaqu ece kta.
 28 Niye wawicayaqu, hena pahipi ;
 Ninape yahdumdaya, taku wašte on imnanpi ece.
 29 Niye niite nayakilibe, hena nihinciyapi :
 Woniya ewicayeciyaku, hena tapi ;
 Qa maka mdu ekta hdapi.
 30 Nitaniya yeyaši, hena icagapi :
 Qa makoce ite kin duteca ece.
 31 Jehowa towitan kin owihanke wanice kte :
 Jehowa iye ohan kin on ihduškin nunwe.
 32 He maka kin en etonwan, unkan cancan :
 Paha kin yutan, unkan hena izitapi.
 33 Tohanyan wani kin Jehowa iwadowan kta ;
 Waun kin hehanyan mita Wakantanka wakahimdamde kta.
 34 Iye awacin waun kin he skuye kta :
 Jehowa en imduškin kta.
 35 Wahtanipi sa maka kin etanhan owihankepi kta ;
 Qa wicašta šica icimana en unpi kte šni.
 Minagi, Jehowa yawašte wo.
 Jah yatan miye.

PSALM 105.

- 1 Jehowa wopida eciya po,
 Iye caje hoyekiya miye ;
 Iye ohan tanka oyatepi ehna oyaka po.
 2 Iye idowan po, odowan kahiyaya miye ;
 Iye tawowapetokeca kin owasin awacin po.
 3 Iye caje wakan kin itan miye ;

P S A L M 105.

- T'ona Jehowa akitapi kin hena cante waštepi kta.
 4 Jehowa ode miye, qa iye towaśake kin ;
 Ohinniyan ite kin akita miye.
 5 Wicohan wakan econ qon hena kiksuya po ;
 Iye tawowapetokeca, qa woyaco iye i kin etanhan.
 6 Abraham iye taokiye etanhan inicagapi ;
 Jakob cinca wicakahnige ciquon.
 7 Jehowa Wakantanka unkitawapi kin he iye ;
 Tawoyaco kin maka kin owancaya un.
 8 Wicotakuye tawa kin he ohinniyan kiksuya ;
 Wicoie econ wicaśi qon, wicoicage kektopawinge hehanyan :
 9 Abraham kici hduśtan qon he ;
 Qa Isaak en wokonze eciya :
 10 Nakun Jakob he wokage kiciyusuta ;
 Israel en wicotakuye owihanke wanica.
 11 Niye Kanaan makoce kin ciçu kta,
 Makoce iyutapi nitawapi kta ce, eya.
 12 Hinyahin wicayawapi waśakadan ;
 Tonana hinca, qa en unhdaka unpi.
 13 Qa oyate kin wicehna ihdaka yapi ;
 Wokiconze wan etanhan oyate tokeca ekta.
 14 Tuwedan kakiświcaya iyowinkiye śni ;
 Qa iyepi on wicaśtayatapi iyopewicaya :
 15 Sdawicawakiye cin hena owicayutanpi śni po ;
 Qa waayate mitawa taku śica ecawicakiconpi śni po.
 16 Hehan makoce kin he en wicaakihan wan u śi ;
 Aguyapi sagye kin owasin kaksa.
 17 Wicitokam wicaśta wan ye śi ;
 Joseph wowidake kta e wiyopeyapi :
 18 Wicaśke on siha kiunniyanpi ;
 Iye nagi mazasapa kin en u.
 19 Oie kin he ecetu hehanyan,
 Jehowa taku eye ciquon he iyutanye.
 20 Wicaśtayatapi kin he ye wicaśi, qa kiyukca ;
 Oyatepi itancan kin hee, qa kiciyuhdoka.
 21 Iye ti kin ohna itancan kaga ;
 Qa wowijice tawa kin owasin tawakiya.
 22 Tohan iyokipi kinhan akicita tancan wicakaśke kta ;
 Qa hunkayapi wicayuhe cin ksapa wicakage kta.
 23 Hehan Israel Egupta en ahiti ;
 Qa Jakob Ham makoce kin en ounyan.
 24 Unkan taoyate kin nina wicahduota ;
 Qa tokayapi kin isanpa wicayuwaśake.
 25 Hehan cante wicayutokeca, taoyate śice wicadakapi kta ;
 Taokiye wicaye cin hnayan wicakuwapi kta.
 26 Moses iye taokiye kin ye śi ;
 Qa Aaron kahnige ciquon he.
 27 Iye tawowapetokeca oie kin wicakipazopi :
 Qa tohan wakan, Ham makoce kin en.

- 28 Otpaza ye ši, qa otpaza kaga ;
Unkan iye oie kin kizapi ši.
- 29 Mini tawapi kin he we kaga ;
Qa hogan tawapi kin wicakte.
- 30 Makoce tawapi hnaška ota icaliya ;
Wicaštayatapi yuhapi wankan tipi kin ohna.
- 31 Ecen eya, unkan hoponkadan hiyupi ;
Qa heya, makoce tawapi owancaya.
- 32 Magaju kte cin he wasu wicaqu ;
Peta ide kin makoce tawapi owancaya.
- 33 Hastanyanka iyuwi qa suken can tawapi kin hena apa ;
Qa tamakocepi ihdukšan can kin kawega.
- 34 Ecen eya, unkan psipsicadan tanka hiyupi ;
Psipsicadan nakun, qa hena yawapica ši :
- 35 Qa tamakocepi kin en wato owasin yašdapi ;
Qa tamagapi en taku icage cin temyapi.
- 36 Nakun tamakocepi en tona tokapapi owasin wicakte ;
Iye towašakepi tokaheya icage cin owasin.
- 37 Hehan mazaska mazaskazi ko yuha hinapewicaya :
Unkan wicowazi tawa kin en wanjidan hustake ši.
- 38 Iyayapi qehan Egiptu iyuškin :
Nina kowicakipapi, heon etanhan.
- 39 Woakahpe kta on mahpiya šapa hdumdaya ;
Qa peta wan, hanyetu en iyojanjan kta.
- 40 Kidapi, unkan wakiyedani u wicakiya :
Qa mahpiya aguyapi on imnawicaya.
- 41 Imnija wan kahdoka, unkan mini hiyu ;
Hopuza en wakpa wan hiyaya.
- 42 Iye oie wakan qon he kiksuya heon ;
Taakiye Abraham taku eciye ciqon.
- 43 Qa iye taoyate iyuškinyan hinanpe wicaya ;
Tona wicakalnige cin hena iyakišapi.
- 44 Qa makoce Ikcewicasta tawapi qon he wicaqu :
Unkan oyatepi litanipi qon he yuhapi.
- 45 Hecen iye tawoahope kin opapi kta ;
Qa toope kin hena yuhapi kta.
Jah yatan miye.

PSALM 106.

- 1 Jah yatan miye.
Jehowa wopida eciya po ;
Iye wašte, heon etanhan ;
Qa towaonšida kin owihanke wanica.
- 2 Jehowa tohan tanka kin tuwe oyake kta he ;
Iye yatanpi ocowasin tuwe nahonwicaye kta he.
- 3 Tona wokonze opapi kin hena cante waštepi ;
Tuwe ohinniyan woowotanna econ kin.
- 4 Jehowa, nitaoyate cantewicayakiye cin iyecen miksuya ye ;

- Nitowiconi kin hiyumakiya wo.
- 5 Tona yakahniga wowašte yuhapi kin wanmdake kta ;
Nitaoyate wiyuškinpi kin on imduškin kta ;
Woaihpeye nitawa kin en wowitan mičiye kta.
 - 6 Hunkakewicunyanpi om waunhtanipi ;
Pemniyan unkoňanyanpi, śicaya econkupi.
 - 7 Egupta en niohan wakan kin
Hunkakewicunyanpi okañnigapi śni ;
Nitowaonśida untkana kin kiksuyapi śni ;
Tuka wawakipajinpi, mde kin ekta, Mde Śa kin en.
 - 8 Heca ešta iye caje kin on niwicakiya ;
Towaśake sdonyewicakiye kta e heon.
 - 9 Nakun Mde Śa kin kiśica, unkan pus aya ;
Hecen ośbe kin ehna iyaye wicaya, ĥopuza iyececa.
 - 10 Qa waśicedake nape kin etanhan ewicayaku ;
Qa toka nape kin etanhan opewicakiton.
 - 11 Unkan tokawicayapi kin mini awicakaĥpa ;
Etanhan wanĵidan ešta okaptapi śni.
 - 12 Hehan oie kin wicadapi ;
Iye yatanpi kin ahiyayapi.
 - 13 Koyaĥanna iye oĥan kin akiktonjapi ;
Iye tawowahokonkiye kin akipepi śni.
 - 14 Tuka ĥewotahedan wocantiheye wan cantiheyapi ;
Qa ĥopuza en Wakantanka iyutanpi.
 - 15 Unkan taku kidapi qon he awicayupta ;
Tuka wicotamaheca nagipi en ye śi.
 - 16 Nakun otiwita en Moses inakiwizipi ;
Qa Aaron, Jehowa yuwakan kin he.
 - 17 Hehan maka kin ihduĥdoka, qa Dathan napca ;
Qa Abiram tona om un ko awicakaĥpa.
 - 18 Unkan ośpaye kin hena peta wicaĥuĥnaga ;
Ide wan śicapi kin hena ĥuĥnaĥwicaya.
 - 19 Horeb en ptejicadan wan kagapi ;
Qa taku śdoya kagapi kin itokam patujapi.
 - 20 Hecen iye towitanpi kin hdutokecapi,
Tatanka wato yute cin ouncage iyececa.
 - 21 Wakantanka niwicaye ciqon he akiktonjapi ;
Egupta en wicoĥan tanka econ qon :
 - 22 Wowapetokeca Ĥam makoce kin en ;
Mde Śa ekta taku wowinihan.
 - 23 Hehan ihangwicaye kta, keya ;
Moses iye kañnige ciqon he itokam,
Otahedan najin śni unkanś ;
Tocanniye yutokan iyeye kta, on waihangye kte śni.
 - 24 Qa makoce wiciyokipi kin he aktapi śni ;
Iye oie kin wicadapi śni :
 - 25 Tuka tawakeyapi ohna wihnupi ;
Jehowa ho kin he anagoptanpi śni.
 - 26 Hehan hena on nape hdugata ;

P S A L M 106.

- Tintoskan ihpaye wicakiye kta :
- 27 Qa cincapi oyatepi wicehna hinlipaye wicaye kta ;
Qa makoce tokeca ekta iyewicaye kta.
- 28 Unkan Baal Peor en ikoyagiciyapi ;
Qa tapi taku wakiyušnapi kin yutapi.
- 29 Hecen taku šica econpi kin on iyokišinyapi :
Unkan makošica iyowicalipaya.
- 30 Hehan Phinehas inajin qa wayaco :
Unkan makošica kin anaptapi.
- 31 Unkan he woowotanna kiciyawapi ;
Wicoicage qa wicoicage ekta owihanke wanica.
- 32 Nakun Woakinica mini kin ekta šihdayapi :
Hecen iyepi on Moses taku šica akipa :
- 33 Iye taniya kin kipajinpi :
Unkan iha on ecinšniyan ia.
- 34 Oyatepi kin ihangwicayapi šni ;
Jehowa kewicakiye ciqon iyececa.
- 35 Tuka oyatepi kin om icicahiyapi,
Qa wicohan tawapi onspeiciciyapi :
- 36 Qa wakagapi tawapi ohodapi ;
Unkan hena e wohmunke yapi kin ee.
- 37 Han, cinhintkupi qa cunwintkupi kin,
Taku wakan šica wawicakiyušnapi.
- 38 Hecen wicawe taku iyaonpepicašni paponpi,
Cinhintkupi qa cunwintkupi we kin,
He Kanaan wakagapi kin wawicakiyušnapi ;
Hecen makoce kin wicawe on yušapapi.
- 39 Nakun iye ohanpi kin on ihdušicapi ;
Qa šicaya econpi kin on wawicihalapi icicagapi.
- 40 Unkan Jehowa iye taoyate canniyewicaya ;
Qa woailpeye tawa kin wahtekida šni.
- 41 Hehan Ikcewicašta napepi kin en wicaqu .
Unkan tona šicewicadapi kin hena wowidake wicayapi :
- 42 Qa tokawicayapi kin šicaya wicakuwapi :
Hecen napepi kin ihukuya patujapi.
- 43 Iye ijehan wicakiyukca ;
Tuka wakiconzapi on kipajinpi ;
Hecen wahtanipi kin on atakunipi šni.
- 44 Tuka iyokišicapi kin he wanyaka,
Šicahowayapi nañon qehan.
- 45 Qa iyepi on wicotakuye tawa kin he kiksuya ;
Qa towaonšida untkana on tawacin hdutokeca.
- 46 Qa wayaka wicayuhapi owasin itokam,
Hena onšiwicadapi kta wicaqu.
- 47 Jehowa Wakantanka unkitawapi, niunkiya po ;
Qa Ikcewicašta etanhan ake unhduwitaya po :
Nicaje wakan kin unyatanpi kta ;
Nitowitan kin en unkihdatanpi kta.
- 48 Jehowa Israel ta Wakantanka kin yawaštepi nunwe ;

PSALM 107.

Otokahe wanintanhan qa owihanke wanica.
Unkan wicašta owasin, Amen, eyapi.
Jah yatan miye.

PSALM 107.

- 1 Jehowa wopida eciya po, iye wašte kin heon ;
Towaonšida kin he owihanke wanica :
- 2 Tona Jehowa opewicakiton kin hena eyapi kta ;
Tona toka nape kin etanhan opewicakiton kin.
- 3 Qa makoce tokeca etanhan wicahduwitaya ;
Wiyohiyanpa tanhan qa wiyohipeya tanhan,
Waziyatanhan qa miniwanca etanhan.
- 4 Makoskan onunipi, hewoskan canku ohna ;
Otonwe en ounyanpi kte cin iyeyapi šni.
- 5 Wotektehđapi, nakun ipuzapi ;
Tanmahen tanhan nagipi hanyanpi.
- 6 Hehan iyokišicapi en Jehowa hoyekiyapi :
Unkan wicokakije etanhan ewicayaku ;
- 7 Qa canku owotanna ohna cankuye wicaya ;
Otonwe en ounyanpi kta he ekta yapi kta.
- 8 Jehowa wopida eciyapi kte,
Iye towaonšida kin on,
Qa wowapetokeca Adam cinca ecawicakicon kin hena on.
- 9 Wicanagi cantokpani kin he imnaya ece ;
Qa nagi wotektehda kin he taku wašte on ojuya.
- 10 Tona otpaza qa wiconšte ohanzi en iyotankapi ;
Wokakije mazasapa ko on wicakaškapi :
- 11 Hena Iyotan Wašaka oie kin kipajinpi ;
Qa Iyotan Wankan tawowahokonkiye kin aktapi šni :
- 12 Hecen wicohtani on cante onšika wicakaga :
Hicahanpi qa waokiyé wanica.
- 13 Hehan iyokišicapi en Jehowa hoyekiyapi :
Unkan wicokakije etanhan ewicayaku :
- 14 Otpaza qa wiconšte ohanzi etanhan iwicacu ;
Qa on wicakaškapi kin hena yuksa.
- 15 Jehowa wopida eciyapi kta, towaonšida kin on ;
Qa wowapetokeca Adam cinca ecawicakicon kin hena on :
- 16 Mazaša tiyopa kin kaptuptuja heon ;
Qa mazasapa inatake kin kaksaksa.
- 17 Witkotkopi kin, walitanipi canku kin on,
Qa taku šica econpi kin on, kakišicayapi.
- 18 Iye nagipi woyute owasin hitihđapi ;
Qa wiconšte tiyopa kin ikiyedán yapi.
- 19 Hehan iyokišicapi en Jehowa hoyekiyapi :
Unkan wicokakije etanhan ewicayaku :
- 20 Iye oie kin ukiye ça asniwicaya ;
Qa wicotakunišni etanhan hđinanpe wicaya.
- 21 Jehowa wopida eciyapi kte, towaonšida kin on,

P S A L M 108.

- Qa wowapetokeca Adam cinca ecawicakicon kin hena on :
- 22 Qa wopida wośnapi wayuśnapi kte ;
Qa dowanpi on iye oħan kin oyakapi kte.
- 23 Tona miniwanca ekta wita wata ohna yapi,
Qa mini ota kin ohna wicoħan econpi kin ;
- 24 Hena Jehowa oħan kin wanyakapi ;
Qa ośbe kin en wowapetokeca econ kin.
- 25 Hehan ecen eya, unkan tate wohitika wan uye ;
Qa taja kin wankan icu.
- 26 Maħpiya ekta wankan yapi ;
Kuya wośbe kin ekta ipi ;
Śicaya unpi kin on nagipi nihinciyapi.
- 27 Itoħomnipi qa kacegya manipi, witkopi iyececa ;
Qa wacinksapapi qon iyuhpa taninśni iyaya.
- 28 Hehan iyokiśicapi en Jehowa hoyekiyapi ;
Unkan wokakije etanhan hinanpe wicaya.
- 29 Tate wohitika qon he amdakedan kaga :
Unkan taja tawapi kin inina hiyeya.
- 30 Hehan owanji yukanpi on pidapi :
Hecen oihunni cinpi qon en awicahi.
- 31 Jehowa wopida eciyapi kte, towaonśida kin on ;
Qa wowapetokeca Adam cinca ecawicakicon kin hena on.
- 32 Nakun oyate mniciyapi kin en yatankapi kte ;
Qa hunkayapi omniciye kin en idowanpi kte.
- 33 Wakpadan kin hena tintoskan ee kiya ;
Qa miniħdoka kin ĥopuza kaga :
- 34 Waskuyeca makoce wan miniskuya icu kiya ;
Tona en ounyanpi śicaya econpi kin he on.
- 35 Tintoskan kin he miniyowe kiya ;
Qa ĥopuza kin he miniħdoka eepi kaga :
- 36 Qa hen wotektehdapi kin ewicahnaka ;
Unkan otonwe en ounyanpi kte cin he kagapi :
- 37 Qa maga ojupi, qa hastanyanka iyuwi huhdepi ;
Qa woicage waskuyeca icahyapi.
- 38 Nakun wicayawašte, hecen nina ihduotapi ;
Qa tawanuyanpi kin wicayutonna śni.
- 39 Hena wanistinna ayapi qa patuś unpi tuka qon ;
Wokakije, wowayazan qa woiyokiśice kin on.
- 40 Wicaštayatapi wowaħteda śni wicakaga ;
Qa canku codan makoskan onuniwicaya.
- 41 Tuka waħpanicapi kin wokakije etanhan ewicayaku ;
Qa optaye iyececa wicowazi wicakaga.
- 42 Wicašta ecetupi wanyakapi qa iyuśkinpi kta ;
Qa woaħtani owasin iohmus icu kta.
- 43 Tona wacinksapapi qa dena awacinpi kinhan,
Hena Jehowa towaonśida kin iyukeanpi kta.

P S A L M 109.

PSALM 108.

Psalm odowan. David tawa.

- 1 Wakantanka, micante wiyeya un ;
Wadowan qa mdatan kta, mitowitan kin he on.
- 2 Cotanka candowankiyapi ko kikta miye ;
Miye qe anpao kin mdulhice kta.
- 3 Jehowa, oyatepi ehna ciyatan kta ;
Oyate kin en ciyaonihan kta.
- 4 Mahpiya iwankapatanhan nitowaonsida kin tanka ;
Qa nitowicake kin mahpiya šapa iyahde.
- 5 Wakantanka, mahpiya isanpa niyawankantuyapi nunwe ;
Qa maka kin ocowasin iwankam nitowitan.
- 6 Waštewicayadake cin hena ewicayakupi kta,
Heon ninape etapa on niunkiyapi qa unkayupta po.
- 7 Wakantanka iye towitan en wohdaka ;
Wimduškin kta ; Šekem wapamni kta ;
Sukoth kaksiza kin imdute kta ce.
- 8 Gilead he mitawa, Manassa mitawa ;
Ephraim nakun mapa wowašake kin ;
Juda woope kaga mitawa kin hee :
- 9 Moab woyujaja koka mitawa kin hee ;
Edom akan mitahanpe ehpewaye kta ;
Philistia on wimduškin kta.
- 10 Tuwe otonwe aconkaškapi kin en amaye kta he ;
Tuwe Edom en amai kta he.
- 11 Wakantanka ehpeunyanpi qon hee kte šni he ;
Qa Wakantanka ozuye unkitawapi om ye šni qon.
- 12 Toka kin etanhan ounkiya miye :
Wicašta akantu waehdakupi kin he taku šni.
- 13 Wakantanka eciyatanhan wowašake unkiagapi kta ;
Qa iye tokaunyanpi kin nawicapce kta.

PSALM 109.

Dowan itancan kin kicagapi. Dawid tadowan.

- 1 Wakantanka mdatan ece kin,
Inina yanke šni ye.
- 2 Wicai šica qa wicai wahnayan amahdukawapi ;
Wicaceji itonšni on amaiapi.
- 3 Nakun šicedakapi wicoie on aohdutemayanpi ;
Qa taku on etanhan šni makizapi.
- 4 Wacanwakiye cin on toka mayanpi ;
Tuka miye qe wocekiye en waun.
- 5 Wašte on taku šica iyamaonpapi ;
Qa wošicedake, wocantekiye kin on.
- 6 Wicašta šica wan iye awanyagkiya wo ;
Qa etapa eciyatanhan Satan inajin nunwe.

PSALM 109.

- 7 Tohan yacopi kinhan síca yawapi kte ;
Qa tawocekiye kin he woahitani kte.
- 8 Anpetu tawa kin tonnana kte ;
Qa toawanyake kin tuwe tokeca icu kte.
- 9 Cinca kin wamdenicapi kta ;
Qa tawicu kin wiwazice kta.
- 10 Qa cinca kin onuniyan unpi qa wo dapi nunwe ;
Qa tihulia kin ehna waakitapi kte.
- 11 Taku tawa kin owasin icazokiye cin he iyahpaye kte ;
Qa tohtani kin oyate tokeca kipi kte.
- 12 Tuwedan katinyan onsíikida kte sni ;
Qa wamdenica tawa kin tuwedan cantewicakiye kte sni.
- 13 Tona etanhan icage cin hena awihnunipi kte ;
Wicoicage iyokihe en cajepi pajujupi nunwe.
- 14 Iye atewicaye wahtanipi kin Jehowa kiksuye kte ;
Qa hunku taku síca econ kin he kajujupi sni nunwe.
- 15 Hena ohinniyan Jehowa itokam wanke kte ;
Hecen kiksuyapi kin maka kin etanhan icu kte.
- 16 Iye wowaonsída econ kta kiksuye sni heon ;
Nakun wicašta onsíika qa wahpanica kin sícaya kuwa ;
Qa wanji cante kasujapi kin kte kta tuka.
- 17 Tuka wayašicapi kin he waštedaka, hecen akipa ;
Qa wayawaštepi kin he waštedake sni, hecen he itehan iyeyapi.
- 18 Unkan wokoyake iyecen wayašicapi kohdaka ;
Hecen mini iyecen tan mahen hiyu ;
Qa wihdi iyecen huhu kin en hiyohi.
- 19 Wokoyake un kin he iyecen kohdake kta ;
Qa ipiyaka iyececa ohinniyan ipiyagkiton kte.
- 20 Tona tokamayanpi Jehowa etanhan wokajuju tawapi kin dee ;
Qa tona minagi taku síca eciyapi kin hena.
- 21 Tuka niye, Jehowa, Itancan,
Nicaje eciyatanhan ecamicon wo ;
Nitowaonsída wašte, heon makiyuška wo.
- 22 Miye makakije ça onmašika ;
Qa mahentanhan cante mapahdokapi.
- 23 Ohanzi wan takinyan ye cin iyecen mataninsni.
Qa psipsicadan iyecen kaham iyemayanpi.
- 24 Akilianpi on hupahu wamašake sni ;
Qa sin manica on michepi son aya.
- 25 Nakun miye wowihahamayanpi ;
Wanmayakapi, pomnamnamakiyapi.
- 26 Jehowa, Wakantanka mitawa, omakiya wo ;
Nitowaonsída eciyatanhan nimayan wo.
- 27 Unkan ninape kin he dee sdonyapi kta ;
Jehowa niye hecanon kin.
- 28 Hena wayašicapi kta, tuka niye wadawašte kta :
Hena najinpi qa ístecapi kta ;
Tuka nitaokiye iyuškin kta.
- 29 Tona tokamayanpi wonihinciye koyakapi kta ;

PSALM 111.

- Qa wowištece kin he šina iyecen inpi kta.
30 Mii on Jehowa nina wopida ewakiye kta ;
Qa wicota ehna, mdatan kta.
31 Iye wicašta onśike cin etapa eciyatanhan najin kta ;
Tona nagi yacopi kin etanhan eyaku kta.

PSALM 110.

Dawid tadowan.

- 1 Jehowa Itancan mitawa kin heciya ;
Mietapa ekta iyotanka wo,
Tona tokaniyanpi siha oahde nitawa wakage kta hehanyan.
2 Nitowaśake icapsinte kin Jehowa Zion etanhan hiyuye kta :
Tokaniyanpi kin cokaya wicaštayatapi yanka wo.
3 Nitowaśake anpetu kin en, nitaoyate waihdusnapi,
Wowakan wiciyokipi kin on ;
Anpao tamni kin etanhan,
Koniška cu kin he yahduha.
4 Jehowa wakonza, qa tawacin hdutokeca kte šni ;
Niye wawayuśna owihanke wanica henica kta,
Melkizedek touncage kin eciyatanhan.
5 Itancan kin nietapa ekta yanke cin,
Iye tocanniye anpetu kin en,
Wicaštayatapi katpa iyewicaya.
6 Ikcewicašta ehna wayaco kta ;
Wicašta tapi on ojuya ;
Maka ohdakinyan hehanyan pa wicakahuge.
7 Canku ohna minihdoka kin etanhan yatke kta :
Heon etanhan pa yuwankan icu kta.

PSALM 111.

- 1 Jah yatan miye.
Micante ocowasin on Jehowa mdatan kta ,
Wicašta ecetu takodakiciyapi qa omniciye kin en.
2 Jehowa ohan kin hena tankinyanyan ;
Tona iyokipipi owasin hena akitapi ece.
3 Iye ohan kin woyuonihan qa wotanka ;
Qa toowotanna kin owihanke wanica.
4 Iye ohan wakan kin wokiksuye kicaga :
Jehowa waonśida qa wacantkiya.
5 Tona kokipapi kin woyute wicaqu ;
Wicotakuye tawa kin ohinniyan kiksuye kta.
6 Iye tohtani wowaśake kin taoyate owicakiyaka ;
Ikcewicašta tamakoce kin wicaqu kta.
7 Iye nape taku econ kin hena wowicake qa wokonze :
Tawowahokonkiye kin owasin wicakapi :
8 Owihanke wanica hehanyan yusutapi ;
Wowicake qa woowotanna on econpi.

PSALM 113.

- 9 Iye taoyate woehdaku wicaqu ;
Wicotakuye tawa kin owihankešniyan hdusuta :
Iye caje kin wakan qa wokokipe.
10 Woksape otokahe Jehowa kokipapi kin hee ;
Tona heconpi kin hena owasin wayupikapi :
Iye yatanpi kin he owihanke wanice kta.

PSALM 112.

- 1 Jah yatan miye.
Wicašta Jehowa kokipe cin he cante wašte ;
Tawoahope kin on iyuškin hinca.
2 Iye cinca maka akan wašakapi kta ;
Tona ecetupi wicoicage kin he yawaštepi kta.
3 Woyuha qa wowijice iye ti kin ohna ;
Qa toowotanna kin owihanke wanice kta.
4 Otpaza en wicašta ecetu iyoyanpa awicahinanpa ;
Waonšida qa wacantkiya qa owotanna.
5 Wicašta wacantkiye ça wawicaqu kin he wašte ;
He wokonze on tohan kin hduštan kta.
6 Awicakehan ohinniyan yuhohopi kte šni :
Wicašta owotanna kin owihankešniyan kiksuyapi kta.
7 Taku šica nañonpi kin on kopehda kte šni ;
Cante yusutapi, Jehowa wacinyan un.
8 Iye cante kin yusutapi, wakokipe kte šni ;
Tokawicaya awicatonwe kte cin hehanyan.
9 Ituwicakiñan, wañpanicapi taku wicaqu ;
Toowotanna kin owihanke wanice kta :
Iye he kin wowitan on wankan un kta.
10 Wicašta šice cin he wanyake ça šinhda kta ;
Hi hdakinskinze ça skan kta :
Wicašta šica taku cin kin he awihunni kta.

PSALM 113.

- 1 Jah yatan miye.
Yatan po, Jehowa taokiye kin ;
Jehowa caje kin he yatan miye.
2 Jehowa caje kin yawaštepi nunwe ;
Detanhan qa owihanke wanica.
3 Wi hinanpe cin hetanhan, iyaye cin hehanyan,
Jehowa caje kin yatanpi nunwe.
4 Jehowa tehan wankan un, oyate owasin iwankam ;
Iye towitan mañpiya kin iwankam.
5 Jehowa Wakantanka unkitawapi,
Tehanwankantu kiyotanke cin he tuwe iyececa he :
6 Temahentuya etonwe cin hee ;
Mañpiya en qa maka kin en.
7 Wañpanica kin watušekšeca etanhan eyaku ;

PSALM 115.

- Onsíke cin tacesdi paha kin etanhan yuwankan eyaku kta ;
8 Wicašta itancanpi kin om iyotanke kiye kta ;
Iye taoyate itancanpi kin om.
9 Winohinca cinca ton síni ti kin
He iyúškinyan cinca hduha iyotanke kiya.
Jah yatan miye.

PSALM 114.

- 1 Israel Egupta etanhan hinanpe cehan ;
Jakob ti kin oyate wan ša iapi kin hetanhan ;
2 Juda he tipi wakan tawa kin icaga ;
Tokiconze kin Israel hee.
3 Mini tanka kin he wanyake ça najica ;
Jordan he nakun namni :
4 Paha kin hena tamdoka iyecen ipsicapi ;
Qa pajodan kin tacinca kin iyececapí.
5 Mini tanka, tonikeca on nayajica he ;
Jordan, tokeca nayamni he.
6 Paha kin, tokeca tamdoka iyecen iyapsicapi he ;
Pajodan, tokeca tacinca iyenicecapi he.
7 Maka kin. Itancan kin itokam, cancan wo ;
Jakob ta Wakantanka kin itokam.
8 He imnija kin minihdoka kaga ;
Wanhi inyan kin he miniyowe ee kiya.

PSALM 115.

- 1 Unkiyepi síni, Jehowa, unkiyepi síni ;
Tuka nicaje wowitan qu wo ;
Nitowaonšida on, nitowicake kin on.
2 Tokeca Ikcewicašta heyapi kta ;
Wanna Taku Wakan tawapi tokiya un he.
3 Tuka Wakantanka unkitawapi mahpiya ekta yanka ;
Token iyokipi kin owasin econ ece.
4 Wakagapi tawapi kin hena mazaska qa mazaskazi ;
Wicašta nape taku kage cin hena.
5 Hena i yukanpi, tuka iapi síni ;
Íšta yukanpi, tuka wawanyakapi síni :.
6 Noge yukanpi, tuka winahonpi síni ;
Poge yukanpi, tuka taku omnanpi síni :
7 Nape yukanpi, tuka wiyuzapi síni ;
Siha yukanpi, tuka manipi síni ;
Nakun dote eciyatanhan ho enapeyapi síni.
8 Tona kagapi kin hena íš iyececapi kta ;
Tona hena wacinyanpi kin owasin.
9 Israel, niye Jehowa wacinyan wo ;
Owicakiye ça wahacanka tawapi kin he iye.
10 Aaron ti kin, Jehowa wacinyan wo ;

P S A L M 116.

- Owicakiye ça wahacanka tawapi kin he iye.
- 11 Jehowa koyakipapi kin, Jehowa wacinyan po ;
Owicakiye ça wahacanka tawapi kin he iye.
- 12 Jehowa unkiye unkiksuyapi ; wayawašte kta ;
Israel ti kin wicayawašte kta ;
Aaron ti kin wicayawašte kta.
- 13 Tona Jehowa kokipapi kin hena wicayawašte kta ;
Cistinpidan tankinkinyanpi om.
- 14 Jehowa niyuotapi nunwe ;
Niyepi qa nakun nicincapi kin.
- 15 Jehowa eciyatanhan niyawaštepi ;
Małpiya qa maka kage cin hee.
- 16 Małpiya małpiya kin he Jehowa tawa ;
Tuka maka kin Adam cinca wicaqu.
- 17 Tona tapi kin hena Jah yatanpi šni ;
Tona woinina ekta yapi kin owasin nakun.
- 18 Tuka unkiye Jah unyawaštepi kta ;
Detanhan qa owihanke wanica.
Jah yatan miye.

PSALM 116.

- 1 Jehowa waštewadaka,
Miho qa mita wocekiye nañon kin heon.
- 2 Iye anolimakiye cin heon,
Mitaanpetu kin en, hoyewakiye kta.
- 3 Wiconțe icaške kin aohdudemayan ;
Qa Hades wowayazan kin mayuze ;
Wokakije woiyokišica ko iyewaye.
- 4 Hehan Jehowa caje kin hoyewakiye kta :
Jehowa, ceciciya ce, minagi ehdaku wo.
- 5 Jehowa wacantkiye ça owotanna ;
Qa Wakantanka unkitawapi kin he waonšida.
- 6 Jehowa ksapapi šni kin hena awanwicayaka :
Miye kun ehpemayanpi, unkan nimayan.
- 7 Minagi, woozi nitawa ekta hdicu wo ;
Jehowa tanyan ecanicon kin heon etanhan.
- 8 Niye wiconțe etanhan minagi edaku ;
Miišta kin ceyapi etanhan,
Misiha licahanpi etanhan edaku.
- 9 Jehowa itokam mawani kta,
Wiconi makoce kin en.
- 10 Wicawada, heon iwaa :
Nina makakija qon.
- 11 Nihinmiciye cin en hepa ;
Wicašta owasin itonpi šni ce.
- 12 Jehowa taku ota maqu kin,
Taku on wecicajuju kta he.
- 13 Wiconi miniyatke kin iwacu kta,

PSALM 118.

- Qa Jehowa caje kin hoyewakiye kta.
14 Jehowa taku iwahowaye cin wecicajuju kta,
Iho, iye taoyate owasin wicitokam.
15 Tona wacantkiye tawa kin hena tapi kin
He Jehowa ista kin en tehika.
16 Tokin, Jehowa, nitaokiye miyen ;
Nitaokiye, nitaokiyewin cinhintku kin miyen :
Makaškapi kin mayakidukca.
17 Wopida wošna wan waciciyušna kta ;
Qa Jehowa caje kin hoyewakiye kta :
18 Jehowa taku iwahowaye cin wecicajuju kta,
Iye taoyate owasin wicitokam :
19 Jehowa ti hocoka kin en ;
Jerusalem, niye cokaya.
Jah yatan miye.

PSALM 117.

- 1 Oyate owasin, Jehowa yatan miye ;
Wicašta hiyeye cin owasin, he idowan po.
2 Towaonšida kin unkiyepi en tanka hinca ;
Qa Jehowa towicake kin he owihanke wanica.
Jah yatan miye.

PSALM 118.

- 1 Jehowa wopida eciya po, iye wašte heon ;
Towaonšida kin he owihanke wanica.
2 Tokin Israel heyapin ;
Iye towaonšida kin he owihanke wanica.
3 Tokin Aaron ti kin heyapin ;
Iye towaonšida kin he owihanke wanica.
4 Tokin tona Jehowa kokipapi kin heyapin ;
Iye towaonšida kin he owihanke wanica ce.
5 Wokaške etanhan Jah hoyewakiya ;
Owanka tanka en Jah amayupta.
6 Jehowa mici un ; wakowakipe kte šni ;
Wicašta akantu taku ecamicon okihi he.
7 Jehowa mici un, tona omakiyapi kin ehna ;
Hecen tona šicemadapi kin awicawatonwe kta.,
8 Jehowa wacinyanpi kin he wašte,
Wicašta wacinwicayapi kin isanpa.
9 Jehowa wacinyanpi kin he wašte ;
Wicaštayatapi wacinwicayapi kin isanpa.
10 Ikcewicašta owasin aohdudemayanpi ;
Tuka Jehowa caje kin on bawicawašpe kta.
11 Aohdudemayanpi, han, aohdudemayanpi ;
Tuka Jehowa caje kin on bawicawašpe kta.
12 Tuħmaga iyececa aohdudemayanpi ;

PSALM 119.

- Wapepeka ide kin iyececa bowicasnipi ;
Tuka Jehowa caje kin on bawicawaſpe kta.
- 13 Wacayape, mahinhpaye kta on camayapa ;
Tuka Jehowa omakiya.
- 14 Mitowaſake qa mitadowan kin Jah hee ;
Nakun he wanikiya mitawa.
- 15 Wiconi qa wowiyuſkin ho kin he
Wicaſta owotanna tawakeya kin ohna :
Jehowa nape etapa kin he wowaſake kaga.
- 16 Jehowa nape etapa hduwankan icu ;
Jehowa nape etapa kin he wowaſake kaga.
- 17 Maſe kte ſni, tuka wani kta ;
Qa Jah ohan kin omdake kta.
- 18 Awicakehan Jah nina iyopemayan ;
Tuka wiconſe ekta yemaye ſni.
- 19 Woowotanna tiyopa kin makiyuſdoka ye ;
Hena ohna hibu kta, Jah wopida ewakiye kta.
- 20 Jehowa tatiyopa kin he dee ;
Ohna wicaſta owotanna tin hiyupi kta.
- 21 Amayadupta, heon wopida eciciye kta ;
Qa wiconi mitawa kin he niye.
- 22 Inyan wan ticagapi aktapi ſni qon
He oise pa kin icaga ce :
- 23 He Jehowa eciyatanhan,
Qa unkiſtapi kin en taku wowinihan.
- 24 Jehowa anpetu kage cin he dee ;
En unkiyuſkinpi qa piundapi kta.
- 25 Ceunniciyapi, Jehowa, dehan niunkiya po ;
Ceunniciyapi, Jehowa, dehan wapi unyan po.
- 26 Tuwe Jehowa caje on u kin he yawaſtepi :
Jehowa ti kin etanhan unniyawawaſtepi.
- 27 Jehowa Iyotan Waſaka qa iyoyanpa unqupi :
Woſnapi kin he haſhonta on kaſka po,
Owayuſna he kin en.
- 28 Iyotan Waſaka mitawa kin he niye,
Heon ciyatan kta ;
Wakantanka mitawa, icidowan kta.
- 29 Jehowa wopida eciya po ;
Iye waſte kin heon etanhan ;
Towaonſida kin he owihanke wanica.

PSALM 119.

ALEPH.

- 1 Canku ohna ecetupi kin hena cante waſtepi ;
Tona Jehowa toope omanipi kin hena.
- 2 Tawoyaotanin opapi kin hena cante waſtepi ;
Tona cante ocowasin on akitapi kin hena :
- 3 Nakun taku ſica econpi ſni ;

PSALM 119.

Tuka iye tacanku kin ohna manipi.

- 4 Woonspe nitawa yakonza ;
Awicakehan ounpapi kta e heon.
5 Tokin mitacanku yusutapin,
Wokage nitawa owape kta heon.
6 Hehan imaštece kte šni,
Nitawoahope owasin en ewatonwe cinhan.
7 Cante ecetu kin on wopida eciciye kta ;
Woyaco owotanna nitawa onmaspe kinhan.
8 Wokage nitawa owape kta ;
Tokin ocowasin elipemayaye šnin.

BETH.

- 9 Koška wan taku on tacanku kpakinte kta,
Hecen nioie eciyatanhan hduhe kta he.
10 Micante ocowasin on acicita ;
Nitawoahope etanhan wanuni šni nunwe.
11 Taku ehe cin he cante mahen nawahman ;
Hecen wacicihtani kte šni.
12 Jehowa, niye niyawaštepi nunwe ;
Nitoope kin onspemakiya ye.
13 Nii wayaco kin owasin,
Hena miiha on omdaka.
14 Nitawoyaotanin canku kin ohna imduškin ;
Wowijice owasin on iyececa.
15 Wowahokonkiye nitawa awacin waun kta ;
Qa nitacanku ekta ewatonwe kta.
16 Wokage nitawa en iyuškin mičiye kta ;
Nioie kin awektonje kte šni.

GIMEL.

- 17 Nitaokiyē miye wani kta maqu wo ;
Kinnan nioie awanmdake kta.
18 Išta mayukawa wo, kinnan ewatonwe kta ;
Nitoope eciyatanhan wicoňan wakan.
19 Maka akan unhdaka waun ;
Nitawoahope kin anamakihbe šni wo.
20 Ohinniyan minagi nitawoyaco
Cantokpani on kašusujapi.
21 Wahanhaničidapi kin hena iyopewicayaya,
Wicayašicapi kin ;
Hena nitawoahope etanhan nunipi.
22 Waaiapi qa šicedakapi kin yutokan iyemiciciya wo ;
Nitawoyaotanin awacanmi kin heon.
23 Wicašta itancanpi nakun iyotankapi qa amaiapi :
Tuka nitaokiyē wokage nitawa awacin yanka.
24 Nakun woayaotanin nitawa wowiyuškin waye ;
Wicašta waonspemakiye cin hena ee.

DALETH.

- 25 Minagi maka mdu en askamičiya :

P S A L M 119.

- Nioie eciyatanhan nimayan wo.
- 26 Mitacanku kin owahdaka ;
Unkan amayadupta ;
Wokage nitawa onspemakiya wo.
- 27 Nitawoonspe ocanku kin okahniłmıyan ye ,
Kınhan niohan wakan kin awacanmi kta.
- 28 Woıyokiřica on minagi ceya un ;
Nioie eciyatanhan najin makiya wo.
- 29 Woitonřni canku kin yutokan iyemiciciya wo ;
Qa nitoope kin he ionřimakida ye.
- 30 Wowicake canku kin he wakahniga ;
Nitawoyaco kin hena mitokam ewahnaka.
- 31 Nitawoyaotanin sutaya mduza ;
Jehowa, iřtenmaye řni wo.
- 32 Nitawoahope canku kin ohna waimnanke kta ;
Cante mayakidutanka kta, heon etanhan.
- HE.
- 33 Jehowa, wokage nitawa canku ohna amayan wo ;
Kınhan, owihanke hehıyan owape kta.
- 34 Okahniłmıyan wo, kınhan nitoope awacanmi kta ;
Qa cante ocowasin on owape kta.
- 35 Nitawoahope canku ohna mani mayan wo ;
He en wımduřkin ece.
- 36 Nitawoyaotanin ekta cante yemayan ye ;
Qa wowijice ekta řni.
- 37 Takuřni wanyakapi etanhan iřta mayuhomni wo :
Nitacanku ohna nimakiya wo.
- 38 Nitaakiye nioie kin kiciyusuta wo ;
He on konicipapi kta.
- 39 Wowiřtece mitawa kowakipe cin he micıyutokan wo ;
Woyaco nitawa kin wařte, heon etanhan.
- 40 Iho, nitawoonspe kin cantowakpani řinca ;
Nitoowotanna kin en nimayan wo.
- VAU.
- 41 Nakun, Jehowa, nitocantekiye en mau nunwe ;
Nitowiconi, nioie kin eciyatanhan.
- 42 Hecen tuwe taku iyamaonpe cin amdupte kta ;
Nioie wacinwaye cin heon etanhan.
- 43 Nakun mii etanhan wowicake oie kin
Ocowasin ehdaku řni wo ;
Woyaco nitawa ape waun kin heon.
- 44 Hecen nitoope kin ohinniyan ahowape kta ;
Owihanke wanica, qa owihanke wanica.
- 45 Unkan makece tanka wan omawani kta ;
Nitawowahokonkiye awakite cin heon.
- 46 Nakun wicařtayatapi wicitokam
Nitawoyaotanin caje mdate kta ;
Qa imařtece kte řni.
- 47 Nakun nitawoahope en iyuřkin miřiye kta ;

PSALM 119.

Hena waštewadake hinca.

- 48 Nitawoahope waštewadake cin hena on,
Nape wankan yewaye kta;
Qa wokage nitawa awacin manke kta.

ZAIN.

- 49 Nioie kin nitaokiye kiciksuya wo;
Wacinye mayakiye cin heon.
50 Makakija en wacintonhnagmaye cin he dee;
Qa nioie kin he kinimakiya.
51 Wahaniçidapi kin hena nina imahañapi;
Tuka nitoope amduñtan ñni.
52 Jehowa, nitawoyaco wanakaja kin hena weksuya;
Qa cante wašte miçicaga.
53 Wicañta ñicapi on nina ñinwahda;
Nitoope eñpeyapi kin heon.
54 Wokage nitawa odowan mitawa kin hee;
Ounhdaka tipi mitawa ohna.
55 Jehowa, hanyetu icunhan nicaje weksuya;
Qa nitoope ahowapa ece.
56 Nitawoonspe owape cin he on,
De mduha ece qon.

CETH.

- 57 Jehowa, taku mitawa kin he niye;
Nioie kin mduhe kta, kepa.
58 Nitocantekiye micante ocowasin on awakita;
Nioie eciyatanhan onñimakida wo.
59 Mitacanku kin awakicanmi;
Qa nitawoyaotanin ekta misiha hdicu wakiya.
60 Woonspe nitawa mduhe kta e,
Heon inawañni qa mdutehan ñni.
61 Wicañta ñica ikan tawapi mihdukñan hiyeya;
Tuka nitoope awektonje ñni.
62 Ciyatan kta hanyecokaya imdotanke kta,
Nitoowotanna woyaco kin hena on.
63 Tona konicipapi kin owasin kodawicawaya;
Qa tona nitawoonspe opapi kin hena.
64 Jehowa, nitowaonñida on maka kin ojudan;
Wokage nitawa kin onspemakiya-wo.

TETH.

- 65 Jehowa, nitaokiye taku wašte ecayecon,
Nioie kin eciyatanhan.
66 Wiyukcanpi wašte qa wookañnige onspemakiya wo;
Nitawoahope wicawada kin heon.
67 Makakije ñni he ehan wanuni;
Tuka nakaha iyae cin he owape.
68 Niye niwašte qa taku wašte ecanon ece;
Wokage nitawa onspemakiya wo.
69 Wahaniçidapi kin hena woitonñni amakagapi;
Miye qe micante ocowasin on nitawoonspe kin owape kta.

P S A L M 119.

- 70 Iye cantepi kin wasna iyecen cepa ;
Miye qe nitoope on induşkin.
- 71 Kakişmayanpi kin he waşte ;
He on wokage nitawa onspemiçiciye kta.
- 72 Nii woope kin he miciswaşte,
Mazaska qa mazaskazi kektopawinge isanpa.
- YOD.
- 73 Ninape makage ça icaşmayan ;
Onspemakiya wo, kinhan nitawoahope onmaspe kta.
- 74 Tona konicipapi kin hena wanmayakapi qa wiyuşkinpi kta ;
Nioie wacinwaye cin heon etanhan.
- 75 Jehowa, nitawoyaco kin hena woowotanna sdonwaya ;
Qa wowicake on kakişmayaya.
- 76 Tokin nitowaonşida wacintonhnagmayen :
Nitaokiye taku eyakiye ciqon iyececa.
- 77 Wacanyakiye cin he mahiyohi kte, hecen wani kta ;
Nitoope kin he wowiyuşkinwaye, heon.
- 78 Wahaniçidapi kin iştecapi nunwe,
Woitonşni on mayapemnipi, heon :
Miye qe nitawoonspe awacin manke kta.
- 79 Tona konicipapi kin hena miye en maupi kte ;
Qa tona nitawoyaotanin sdonyapi kin hena.
- 80 Wokage nitawa en micante zanika un nunwe ;
Hecen imaştece kte şni.

KAPH.

- 81 Wiconi nitawa on minagi niyaşni iyaya ;
Nioie kin on ape waun.
- 82 Iyae cin on iştā manaka ;
Hecen, Tohan cante waşte mayakage kta he, epa.
- 83 Wojuha wan şota en un kin iyemaceca ;
Wokage nitawa kin hena awektonje şni.
- 84 Nitaokiye taanpetu kin tonakeca he ;
Tona şicaya makuwapi kin tohan wicadaco kta he.
- 85 Wahaniçidapi kin hena woħa miçapi ;
Hena nitoope kin eciyatanhan şni.
- 86 Nitawoahope kin owasin wowicake ;
Woitonşni on şicaya makuwapi ; niye omakiya wo.
- 87 İşnikaes makoce kin etanhan ihangmayanpi şni ;
Tuka nitawoonspe kin amduştan şni.
- 88 Nitowaonşida eciyatanhan nimayan wo :
Kinhan nii taku yaotanin kin owape kta.

LAMED.

- 89 Jehowa, nioie owihanke wanica,
Maħpiya kin ekta yusutapi.
- 90 Wowicake nitawa kin he wicoicage qa wicoicage hehanyan :
Maka kin dusuta, unkan ecen han.
- 91 Nitawoyaco on anpetu kin dehan hena ecen un ;
Hena owasin wowidagyaye cin heon.
- 92 Nitoope kin he wowiyuşkinwaye şni unkanş,

PSALM 119.

- Makakije cin en matakuni kte śni tuka.
 93 Nitawoonspe kin ohinniyan awektonje kte śni ;
 Hena en kinimayakiya nakaeś.
 94 Tawamayaya, nimayan wo ;
 Nitawoonspe kin awakite cin heon.
 95 Wicaśta śica ihangmayan iyapepi ;
 Nitawoyaotanin kin hena owakañnige kta.
 96 Woecetu kin owasin ihanke kin wanmdaka ;
 Nitawoahope ohdakinyan tanka ĩinca.

MEM.

- 97 Nitoope waśtewadake ĩinca :
 Anpetu osan he awacin manka.
 98 Nitawoahope ksapa makaga,
 Tokamayanpi kin isanpā ;
 He ohinniyan mitawa nakaeś.
 99 Waonspemakiyapi owasin isanpa,
 Wacinksamya mioħan ;
 Nitawoyaotanin kin hena awacin waun.
 100 Wicañincapi kin isanpa wowakañniga ;
 Nitawoonspe wapatan kin heon.
 101 Canku śica owasin etanhan misiha ewehdaku ;
 Nioie mduhe kta heon etanhan.
 102 Nitawoyaco kin icunonpa mde śni ;
 Niye onspemayakiye cin heon.
 103 Micaka en nioie kin skuye ĩinca ;
 Tuħmaga canhanpi mii kin ohna he isanpa.
 104 Wowahokonkiye nitawa etanhan wookaħniga mduha ;
 Heon woitonśni canku owasin śice wadaka.

NUN.

- 105 Nioie misiha kin en petijanjan hee ;
 Qa mitacanku ohna iyoyanpa kin.
 106 Wakonza, nakun ecen ecamon kta ;
 Woyaco owotanna nitawa kin ahowape kta.
 107 Miye nina ĩin makakija ;
 Jehowa, nioie eciyatanhan kinimayan wo.
 108 Jehowa ceciciya, mii taku itunicilian kin
 Hena iyonicipi nunwe ;
 Qa nitawoyaco kin hena onspemakiya wo.
 109 Minagi ohinniyan minape ohna yanka ;
 Tuka nitoope kin he awektonje śni.
 110 Wicaśta śica mahmunkapi kta ;
 Tuka nitawoonspe etanhan wanuni śni.
 111 Nitawoyaotanin kin hena ohinniyan mitawa kta ;
 Micante towiyuśkin kin hena ee.
 112 Wokage nitawa ecamon kta e cante ekta yewaye ;
 Ohinniyan qa owihanketa heħanyan.

SAMEK.

- 113 Tona cante nonpa kin hena śicewadaka ;
 Tuka nitoope kin he waśtewadaka.

P S A L M 119.

- 114 Wowinape mitawa qa wahacanka mitawa kin he niye ;
Nioie kin he ape manka.
- 115 Šicaya ecanonpi kin, micuni po :
Kinhan mita Wakantanka tawoahope kin wapatan kta.
- 116 Wahomayaye cin eciyatanhan najin makiya wo ;
Kinhan wani kta ;
Qa wacinwaye cin on imaštece kte šni.
- 117 Sutaya mayuza wo, kinhan tanyan waun kta ;
Qa ohinniyan wokage nitawa en ewatonwe kta.
- 118 Tona wokage nitawa etanhan nunipi kin
Hena owasin wahtewicayada šni ;
Wohnaye tawapi kin he wowištece.
- 119 Ginginca iyececa, maka akan
Wicašta šica owasin ihangwicayaya ;
Heon nitawoyaotanin kin hena waštewadaka.
- 120 Kocicipe cin heon micelipi cancan ;
Qa nitawoyaco kin hena kowakipa

AYIN.

- 121 Woyaco qa woowotanna ecamon ece ;
Tehiya makuwapi kin en ehpemaye šni wo.
- 122 Taku wašte on nitaokiye acakšin wo ;
Wahaničidapi kin hena makiyušepi šni nunwe.
- 123 Nitowiconi kin on išta mamdeze šni ;
Qa nakun nitoowotanna oie kin on.
- 124 Nitocantekiye eciyatanhan nitaokiye ecakicon wo ;
Qa wokage nitawa onspemakiya wo.
- 125 Nitaokiye kin he miye, waokalinilimayan wo ;
Qa nitawoyaotanin kin sdyemakiya wo.
- 126 Jehowa wanna ohanye kta iyececa ;
Nitoope kin kicaksapi heon.
- 127 Heon etanhan nitawoahope waštewadaka ;
Mazaskazi isanpa, han mazaskazi hinca.
- 128 Heon etanhan nitawoonspe owasin owotanna wadaka ;
Woitonšni canku otoiyo hi šicewadaka

PE.

- 129 Nitawoyaotanin kin hena wowinihan ;
Heon etanhan minagi hena ahopa.
- 130 Nioie yuzamnipi kin he iyoyamya ece ;
Tona wacinton šni kin hena wokaliniliwicaya.
- 131 Mii wahdukawa qa niya šni maša nun seca ;
Nitawoahope cantowakpani, heon etanhan.
- 132 Miye ekta ihduhomni qa cantemakiya wo .
Tona nicaje waštedakapi kin iyececa.
- 133 Nioie kin on mioye kin yasuta wo ;
Qa taku šica takudan wowidagmaye šni nunwe.
- 134 Wicašta wakakišye cin etanhan opemakiton wo ;
Hecen nitawoonspe kin ahowape kta.
- 135 Niite kin nitaokiye aojanjanya wo ,
Qa wokage nitawa onspemakiya ye.

P S A L M 119.

- 136 Miišta etanhan mini wakpadan kaduza ;
Nitoope opapi šni kin heon etanhan.

TSADI.

- 137 Jehowa, niye oniwotanna ;
Qa nitawoyaco kin hena ecetu.
138 Nitawoyaotanin kin woowotanna eyehde,
Qa wowicake hinca.
139 Wacantawahde kin he mahdusota ;
Tokamayanpi nioie akiktonjapi kin heon.
140 Nioie kin ecedan hinca ;
Heon nitaokiye he waštedaka.
141 Miye macistinna qa wahtemadapi šni ;
Tuka nitawoonspe awektonje šni.
142 Nitoowotanna kin he woowotanna owihanke šni ;
Qa nitoope kin he wowicake.
143 Wonihinciye qa wokakije mayuzapi ;
Nitawoahope kin hena wowiyuškinwaye.
144 Nitawoyaotanin kin ohinniyan owotanna ;
Okahniłmayan wo, kinhan wani kta.

QOPH.

- 145 Micante ocowasin on hoyeciciya ;
Jehowa amayupta wo ;
Wokage nitawa kin hena owape kta.
146 Houciciya ce, nimayan wo ;
Kinhan nitawoyaotanin awacanmi kta.
147 Anpao kin en nitokam wau qa houciciya :
Nioie kin on ape waun.
148 Miišta hankiktapi kin kawicapa ;
Nioie kin awacanmi kta heon.
149 Nitocantekiye eciyatanhan ho namakilion wo ;
Jehowa, nitawoyaco kin on nimayan wo
150 Tona taku šica kuwapi kin hena kiyedan unpi ;
Tuka nitoope kin itehanyan unpi.
151 Jehowa, niye kiyedan yaun ;
Qa nitawoahope kin owasin wowicake.
152 Wanakajatanhan nitoope kin on sdonwaya ;
Hena otokahe wanin tanhan yahdušan.

REŠ.

- 153 Mitokakije wanyake qa emayaku wo ;
Nitoope awektonje šni, heon etanhan.
154 Woakinica mitawa amicinica qa opemakiton wo ;
Nioie kin eciyatanhan nimayan wo.
155 Wanikiyapi kin he wicašta šica itehan un ;
Wokage nitawa odepi šni kin heon.
156 Jehowa, wocantekiye nitawa kin hena ota ;
Nitawoyaco kin on kinimakiya wo.
157 Šicaya makuwapi qa tokamayanpi kin hena otapi ;
Tuka nitawoyaotanin kin amdušan šni.
158 Wahtanipi sa wanwicamdaka qa wamayazan ;

P S A L M 120.

Hena nioie opapi śni kin heon.

159 Jehowa, nitawoonspe waštewadake cin he wanyaka ye ;
Nitocantekiye eciyatanhan nimayan wo.

160 Nioie otokahe kin he wowicake ;
Qa nitoowotanna woyaco kin owasin owihanke wanica.

ŚIN.

161 Ituh wicašta itancanpi śicaya makuwapi ;
Tuka micante nioie kin kokipa.

162 Taku ehe cin on wimduškin ;
Tuwe woyuha tanka iyeye cin iyececa.

163 Woitonśni śicewadake ça waštewada śni ;
Nitoope kin he waštewadaka.

164 Anpetu eca śakowin akihde ciyatan ece ;
Nitoowotanna woyaco kin hena on.

165 Nitoope waštadakapi kin hena wookiye ota yuhapi ;
Qa takudan ibowicato kte śni.

166 Jehowa, nitowiconi kin ape waun ;
Qa nitawoahope kin ecamon ece.

167 Minagi nitawoyaotanin kin patan ;
Qa hena nina waštewadaka ece.

168 Nitawoonspe qa nitawoyaotanin kin mduha ;
Miohan owasin nitokam hiyeye cin heon.

TAU.

169 Jehowa, waceye cin nitokam ikiyedan u nunwe ;
Nioie eciyatanhan okañniłmayan wo.

170 Mitawocekiye nitokam u nunwe ;
Nioie kin on makiyuška wo.

171 Miiha woyatan hiyuye kta ;
Wokage nitawa onspemayakiye kta heon.

172 Miceji iyae cin ayupta nunwe ;
Nitawoahope kin owasin owotanna ce.

173 Ninape omakiya un nunwe ;
Nitawoonspe kin hena wakałniga heon.

174 Jehowa, waniyakiye cin he cantowakpani ;
Qa nitoope kin he wowiyuškinwaye.

175 Minagi ni un nunwe, kinhan niyatan kta ;
Qa nitawoyaco kin omakiya nunwe.

176 Tahinca wan taninśni iyecen wanuni ;
Nitaokiye okide wo ;
Nitawoahope awektonje śni, heon etanhan.

PSALM 120.

Oicimani odowan.

1 Makakija en Jehowa hoyewakiya :
Unkan iye amayupta.

2 Jehowa, woitonśni iha etanhan minagi eyaku wo ;
Wohnayan ceji kin etanhan.

3 Taku niçu kta he, wohmayan ceji kin ;

P S A L M 122

- Qa taku sanpa yuheniciye kta he.
4 Wicašta wašaka tiwanhinkpe pe hinca,
Genista petaga koya.
5 Hehehe, miye Mešek en ounwaye ;
Kedar tawakeyapi kin ohna wati.
6 Tuwe wookiye šicedake cin he
Minagi wanna tehan kici ti.
7 Miye wookiye wacin, tuka iwaa eca,
Hena e kicizapi kta.

PSALM 121.

Oicimani odowan.

- 1 Paha kin ekta miišta wankan yewaya :
Omakiyapi kin he tokiyatanhan u he.
2 Omakiyapi kin he Jehowa eciyatanhan,
Maḥpiya maka ko kage cin he.
3 Nisiha našdute kta iyowinkiye kte šni :
Tuwe awanniyake cin he ištínbe kte šni.
4 Iho, Israel Waawanyake tawa kin
He ḥba kte šni qa ištínbe kte šni.
5 Waawanyake nitawa kin Jehowa hee ;
Nietapa ekta ahanziniye cin Jehowa hee.
6 Anpetu eca anpetu wi kin kiunniniye kte šni ;
Qa hanyetu wi kin, hanyetu icunhan.
7 Taku šica owasin etanhan Jehowa awanniyake kta ;
Ninagi awanyake kta.
8 Tankan de ça tin yahdi eca,
Jehowa awanniyake kta,
Detanhan qa owihanke wanica.

PSALM 122.

Oicimani odowan. Dawid tawa.

- 1 Jehowa ti kin ekta unyanpi kta ce,
Emakiyapi kin on imduškin.
2 Jerusalem, nitat iyopa kin en
Unsihapi iyahanpi.
3 Otonwe wan icikoyagya he cin
He iyececa Jerusalem kagapi.
4 Heciya wicowazipi wankan yapi ece ;
Jah tawicowazi kin, Israel yaotaninpi kta ;
Jehowa caje yatanpi kta heon.
5 Hen woyaco oiyotanke kin hdepi ;
Dawid tiyohnaka oiyotanke tawapi.
6 Jerusalem wookiye kin icekiya po ;
Tona waštenidapi kin hena wookiye yuhapi nunwe.
7 Wookiye conkaške nitawa mahen un nunwe ;
Qa woozi içiyapi tipi waštešte nitawa mahen.

PSALM 125.

- 8 Mihunkawanji qa mitakuye on,
Wookiye mahen niun nunwe, epe kta.
- 9 Jehowa Wakantanka unkitawapi ti kin on,
Tanyan yaun kta awakite kta.

PSALM 123.

Oicimani odowan.

- 1 Maḥpiya kin en yakidotanke cin
Niye ekta miišta wankan yewaye.
- 2 Wan, wicašta taokiye wicayuhapi napepi kin ekta išta yeyapi ;
Winyan taokiye yuhe cin nape ekta etonwan ece ;
He iyecen unkištapi
Jehowa Wakantanka unkitawapi ekta etonwanpi,
Onśiunkidapi kte cin hehanyan.
- 3 Onśiunkida po, Jehowa onśiunkida po ;
Wowahṭedaśni on nina iunmnanpi ;
- 4 Tona owanji yukanpi kin hena
Wahṭedapiśni on unnagipi imnan ḥinca ;
Wahaničidapi wowahṭedaśni kin he.

PSALM 124.

Oicimani odowan. Dawid tawa.

- 1 Jehowa unkicipi un śni unkanś ;
Hecen Israel eyapi kta ;
- 2 Unkicipi un kin Jehowa ee śni unkanś,
Wicašta akantu anauntanpi qehan ;
- 3 Hehan niyake nauncapi kta tuka,
Wocantahdeunyanpi ide qehan :
- 4 Hehan mini kin unkiwankam iyaye kta,
Wakpa wan unnagipi iwankam iyaye kta ;
- 5 Héhan unnagipi iwankam,
Mini ipiga kin iyaye kta tuka.
- 6 Iye hipi kin on unyaḥtakapi kta unqupi śni.
Heon Jehowa yawaštepi kte.
- 7 Unnagipi ihduške,
Zitkadan wan wicašta wahmunke etanhan he iyececa ;
On hmunkapi kin yuhdecapi,
Unkan unkiye unkiyukcapi.
- 8 Ounkiyapi kin he Jehowa caje kin en un ;
Maḥpiya qa maka kage cin he.

PSALM 125.

Oicimani odowan.

- 1 Jehowa wacinyanpi kin hena,
Zion Paha kin iyececap ;
Yuhohopi śni, ohinniyan han.

PSALM 127.

- 2 Paha kin Jerusalem ihdukšan hiyeya ;
Qa Jehowa iye taoyate wicihdukšan un,
Detanhan qa owihanke wanica.
- 3 Wicošice can sagye kin wicašta owotanna
Tamakoce kin akan wanke kte šni ;
Hecen wicašta owotanna taku šica
Ekta nape yeyapi kte šni.
- 4 Jehowa, tona wašte taku wašte ecakicon wo ;
Qa tona cante ecetu kin hena.
- 5 Tuka tona canku pemni ekta icunom yapi kin,
Hena wicošan šica econpi kin om Jehowa iyaye wicaye kta. .
Israel wookiye kici un nunwe.

PSALM 126.

Oicimani odowan.

- 1 Zion hdicu kin en Jehowa ihdohdi qehan,
Wihanmnanpi kin iyeuncecapı.
- 2 Hehan ihapi on i unkojupidan ;
Qa uncejipi wowiyuškin on :
Hehan Ikcewicašta ehna heyapi ;
Jehowa taku tanka ecawicakicon ce.
- 3 Jehowa taku tanka ecaunkiconpi ;
On unkiye piundapi.
- 4 Jehowa, unhdicupi kin en ihdoku wo,
Itokañ wakpadan kin iyececa.
- 5 Tona ceya wojupi kin
Hena wiyuškinyan wamnayanpi kta.
- 6 Ceya ye kta, wojupi opahte yuha ye kta ;
Wiyuškinyan ku kta,
Aguyapi pahtapi hduha ku kta.

PSALM 127.

Oicimani odowan. Solomon tawa.

- 1 Tipi kin Jehowa kage šni kinhan,
He en tona kagapi kin ituya škanpi.
Jehowa otonwe kin awanyake šni kinhan,
Waawanyake kin ituya kiktahan un.
- 2 Ituli hanhanna hin yektapi ;
Tehan oziničiyapi šni ;
Wicohtani woyute yatapi kta.
Waštekidake cin hecen woištinma qu ece.
- 3 Iho, wicacinca Jehowa taku wicaqu kin hee ;
Wicatamni oicage cin he wokajuju ee.
- 4 Wanhinkpe wicašta wašaka nape ohna,
Wicakoška cinca kin hena iyececa.
- 5 Tuwe hena on wanju okikju kinhan,
Wicašta kin he cante wašte linca ;

PSALM 130.

Hena ístecapi kte śni;
Tiyopa kin ohna toka om wohdakapi kta.

PSALM 128.

Oicimani odowan.

- 1 Jehowa kokipapi kin otoiyohi cante wašte;
Iye tacanku ohna manipi kin hena.
- 2 Ninape ohtani kin he yahdute cinhan,
Cante niwašte hinca, qa tanyan nanke kta.
- 3 Nitawin hastanyanka iyuwi waicage cin he iyececa,
Tipi nitawa mahen;
Nicinca kin hena Oliwe ojupi kin iyececapí,
Wahna wotapi nitawa ihdukšan.
- 4 Wanyaka wo, wicašta Jehowa kokipe cin,
He hecen yawaštepi kta.
- 5 Jehowa Zion etanhan niyawašte kte;
Qa Jerusalem towašte kin wandake kta,
Yani kin anpetu owasin.
- 6 Nakun nicinca cinca kin wanyahdake kta.
Israel wookiye kici un nunwe.

PSALM 129.

Oicimani odowan.

- 1 Komaska ehantanhan ota kakiśmayanpi ce;
Israel eye kta iyececa;
- 2 Komaska ehantanhan ota kakiśmayanpi,
Tuka maktepidan śni.
- 3 Mañyumdupi kin mitapete ayumdupi;
Cankuyetonton hanskaska kagapi.
- 4 Jehowa owotanna;
Wicašta śica ikan tawa kin he bapsaka.
- 5 Tona Zion śicedakapi kin hena
Owasin ístecapi qa hekta hdicuyapi kta.
- 6 Tipi akan wato icage cin he iyececapí kta;
He yujunpi śni itokam śnija ece.
- 7 He on aguyapi bakse cin nape okikju śni;
Qa tuwe pahte cin he maku en ohnaka śni.
- 8 Nakun tona en hiyayapi kin heyapi śni;
Jehowa tawoyawašte en niunpi nunwe;
Jehowa caje on unniyawaštepi ce, eyapi śni.

PSALM 130.

Oicimani odowan.

- 1 Jehowa, wośbe kin etanhan, housiciya ece.
- 2 Itancan miho kin nañon ye;
Wocekiye mitawa ho kin anohkiya wo.

P S A L M 132.

- 3 Jah, woah̄tani cajeyakiyate cinhan,
Itancan, tuwe en najin okihi kta he.
- 4 Tuka wokajuju kin he niye duha ;
Hecen konicipapi kta.
- 5 Jehowa ape waun, minagi ape un ;
Qa iye oie kin wacinwaye.
- 6 Minagi Itancan kin akipe ;
Anpao kta ape unpi kin isanpa ;
Anpao kta ape unpi kin hena.
- 7 Israel, Jehowa wacinyan wo ;
Jehowa wowaon̄sida hduha ;
Qa wopektonpi untkanna kici un.
- 8 Unkan iye Israel opekton kta,
Wah̄tani owasin etanhan.

PSALM 131.

Oicimani odowan. Dawid tawa.

- 1 Jehowa, micante wah̄anicida' šni,
Qa miišta wankantuye šni ;
Nakun taku tanka kin en opimičiye šni,
Qa taku miwankam hiyeye cin.
- 2 Awicakehan minagi wahduwah̄badan,
Qa wahduinina ;
Tuwe hunku azin eh̄peye cin iyececa ;
Azin enakiya wanji minagi iyececa.
- 3 Israel, Jehowa wacinyan wo ;
Detanhan qa owihanke wanica.

PSALM 132.

Oicimani odowan.

- 1 Jehowa, Dawid on kiksuya wo,
Tawokakije kin owasin.
- 2 He Jehowa ekta iciconza ;
Awicakehan Wanji Waśaka Jakob tawa kin heciya ;
- 3 Wakeya ohna wati kin en wahde kte šni ;
Oheh̄depi akan manke cin en mde kte šni ;
- 4 Miišta woištinma waqu kte šni ;
Qa miištojuha, owicagunga ;
- 5 Jehowa owanka wan iyeweciye šni ;
Tipi wan Wanji Waśaka Jakob tawa kin on.
- 6 Iho, Ephrata en he naun̄honpi ;
Can wojupi kin ohna iyeunyanpi ce.
- 7 Iye ti kin en unkupi kta ;
Iye siha hde kin en canpeška makehde inaunjinpi kta.
- 8 Jehowa najin wo, woozi nitawa kin en ;
Niye qa nitowaśake can koka kin.
- 9 Wawayuśnapi nitawa woowotanna koyakapi kte ;

PSALM 134.

- Qa wicašta wacantkiya nitawa iyaşapi nunwe.
- 10 Dawid nitaokiye kin on etanhan,
Sdayakiye cin ite kin hduhomni şni wo.
- 11 Jehowa wowicake eciyatanhan Dawid heciya ;
Etanhan namni kte şni ;
Nitancan etanhan icage cin he
Oiyotanke nitawa akan iyotangwakiye kta ce.
- 12 Nicinca wicotakuye mitawa patanpi kinhan ;
Qa mitawoyaotanin onspewicawakiye cin hena ;
Hehan nakun iye cinca kin ohinniyan
Oiyotanke kin akan nici iyotankapi kta.
- 13 Jehowa Zion hdałniga ;
Ohna ti kta cin kin heon.
- 14 Ohinniyan woozi mitawa kin he dee ;
Den manke kta, wahdałniga heon etanhan.
- 15 Tawoyute woyawašte on mdawašte kta ;
Wahpanicapi taŵa kin hena
Aguyapi on imnawicawaye kta.
- 16 Nakun wawayuśnapi tawa kin
Hena wiconi koyagwicawaye kta ;
Qa wicašta wacantkiya tawa kin
Hena iyaşapi, iyaşapi kta.
- 17 Hen Dawid he wan icalıweciye kta ;
Petijanjan wan Sdawakiye cin piweciya.
- 18 Tona tokawicaye cin wowištece koyagwicawaye kta.
Tuka iye akan tawateşdake kin hea kta.

PSALM 133.

Oicimani odowan. Dawid tawa.

- 1 Wanyaka wo, hunkawanjinkiciyapi
Nakun witaya tipi kin
He wašte qa wiciyokipi hinca.
- 2 He wihdi wašte kin iyececa, pa akan,
Putinhin ekta kaduza, Aaron putinhin tawa ;
Qa taonıdohıda okagege kin ekta iyahde.
- 3 Hermon cu kin iyececa,
Zion paha kin ahinhe cin hee :
Hen Jehowa woyawašte wan u şı ;
Owihanke wanin wiconi kin hee.

PSALM 134.

Oicimani odowan.

- 1 Iho, Jehowa taokiye kin owasin,
Jehowa yawašte miye ;
Hanyetu eca Jehowa ti kin ohna nayajinpi kin.
- 2 Oyanke wakan kin ekta nape kiyugata po ;
Qa Jehowa yawašte miye.

P S A L M 135.

3 Jehowa Zion etanhan niyawašte kta ;
Tuwe małpiya maka ko kage cin he.

PSALM 135.

Jah yatan miye.

- 1 Jehowa caje kin he yatan po ;
Jehowa taokiye yaunpi, he idowan po.
- 2 Tona Jehowa ti kin ohna nayajinpi kin ;
Wakantanka unkitawapi ti hocoka en yaunpi :
- 3 Jah yatan miye ; Jehowa wašte ;
Iye caje kin idowan po, he oiyokipi nakaeš.
- 4 Jehowa Jakob hdałniga ;
Israel tawaye kte cin heon.
- 5 Jehowa tanka ɦinca he sdonwaya ;
Qa Itancan unkitawapi taku wakan owasin isanpa.
- 6 Jehowa taku cin kin owasin econ ece ;
Małpiya kin ekta qa maka akan ;
Miniwanca qa wošbe owasin en.
- 7 Maka ihanke etanhan opo wankantkiya iyayeya ;
Magaju kin wakanhdi kicaga ;
Mazopiye tawa etanhan tate kin hiyu kiya.
- 8 Egupta en tokaheya tonpi kin wicakaštaka ;
Wicašta qa nakun wanunyanpi kin.
- 9 Wowapetokeca qa taku wowinihan,
Egupta, niye en ukiye ciqon ;
Pharoh qa taokiye kin owasin en.
- 10 Oyate ota wicakaštaka,
Qa wicaštayatapi wašakšaka wicakte :
- 11 Sihon, Amori wicaštayatapi kin ;
Qa Og, Bašan wicaštayatapi ;
Qa Kanan wokiconze kin owasin :
- 12 Qa makoce tawapi qon yuhapi kta wicaqu ;
I-rael iye taoyate yuhapi kta.
- 13 Jehowa, nicaje kin he owihanke wanica :
Jehowa, niksuyapi kin he
Wicoicage qa wicoicage hehanyan.
- 14 Jehowa iye taoyate kin hdaco kta ;
Qa iye taokiye kin hena on ihduhomni kta.
- 15 Ikcewicašta taku wakan tawapi kin
Hena mazaska qa mazaskazi ;
Wicašta nape on kagapi.
- 16 I yukanpi, tuka iapi šni ;
Išta yukanpi, tuka wawanyakapi šni ;
- 17 Noge yukanpi, tuka winahonpi šni ;
Nakun ipi ohna oniya wanica.
- 18 Tuwe hena kage cin hena iyececapı ;
Nakun tona wacinyanpi kin owasin.
- 19 Israel tiyohnaka, Jehowa yawašte po ;

PSALM 136.

- Aaron tiyohnaka, Jehowa yawašte po.
20 Lewi tiyohnaka, Jehowa yawašte po ;
Jehowa koyakipapi kin, Jehowa yawašte po.
21 Jehowa Zion etanhan yawaštepi nunwe,
Jerusalem en ounye cin.
Jah yatan miye.

PSALM 136.

- 1 Jehowa wašte, hecen wopida eciya po ;
Towaonsida kin he owihanke wanica.
2 Taku wakan ta Wakantanka kin wopida eciya po ;
Towaonsida kin he owihanke wanica.
3 Itancanpi kin en Itancan kin wopida eciya po ;
Towaonsida kin he owihanke wanica.
4 Tuwe isnana taku tanka wowinihan econ kin ;
Towaonsida kin he owihanke wanica.
5 Tuwe woksape on mahpiya kage cin ;
Towaonsida kin he owihanke wanica.
6 Tuwe maka kin mini akan yumdaya ;
Towaonsida kin he owihanke wanica.
7 Tuwe iyoyanpa tanka kage cin ;
Towaonsida kin he owihanke wanica.
8 Anpetu wi anpetu en ounye kte cin ;
Towaonsida kin he owihanke wanica.
9 Hanyetu wi wicanhpi ko hanyetu en ounyanpi kta ;
Towaonsida kin he owihanke wanica.
10 Tuwe Egipta en tokaheya wicatonpi wicakaštaka cigon ;
Towaonsida kin he owihanke wanica.
11 Qa wicacokaya tanhan Israel ewicahdaku ;
Towaonsida kin he owihanke wanica.
12 Nape wašake ça isto hdugate cin on ;
Towaonsida kin he owihanke wanica.
13 Tuwe Mde ša kin yukinukan ehnaka ;
Towaonsida kin he owihanke wanica.
14 Qa cokaya Israel iyayeye cin ;
Towaonsida kin he owihanke wanica.
15 Tuka Pharo qa ozuye tawa kin Mde ša kin en ehpewicaya ;
Towaonsida kin he owihanke wanica.
16 Tuwe iye taoyate hewotahedan yus awicaye cin ;
Towaonsida kin he owihanke wanica.
17 Tuwe wicaštayatapi tanka wicakaštaka ;
Towaonsida kin he owihanke wanica.
18 Qa wicaštayatapi wašaka wicakte ;
Towaonsida kin he owihanke wanica.
19 Sihon, Amori wicaštayatapi kin ;
Towaonsida kin he owihanke wanica.
20 Qa Og, Bašan wicaštayatapi kin ;
Towaonsida kin he owihanke wanica.

PSALM 138.

- 21 Qa tamakocepi kin yuhapi kta wicaqu;
Towaonsída kin he owihanke wanica.
- 22 Iye taokiye Israel yuhe kta;
Towaonsída kin he owihanke wanica.
- 23 Tuwe unwahpanicapi en unkiksuyapi;
Towaonsída kin he owihanke wanica.
- 24 Qa tokaunyanpi kin etanhan eunhdakupi;
Towaonsída kin he owihanke wanica.
- 25 Tuwe celpi ton owasin woyute wicaqu;
Towaonsída kin he owihanke wanica.
- 26 Mahipiya ta Wakantanka kin wopida eciya po;
Towaonsída kin he owihanke wanica.

PSALM 137.

- 1 Babel tawakpa kin icahda,
Hen unkiyotankapi, nakun unceyapi,
Zion unkiksuyapi qehan.
- 2 He cokaya colíwanjica kin en,
Cadowankiyapi unkitawapi otkeunyanpi.
- 3 Hen wayaka unyuhapi dowanpi oie kin unkidapi;
Qa waunkipi kin hena wowiyuskin dapi;
Zion tadowan etanhan unkicidowan po, eyapi.
- 4 Token Jehowa tadowan kin,
Makoce tokeca en, unkahiyayapi kta he.
- 5 Jerusalem aciktonje cinhan,
Minape etapa kin akiktonja nunwe:
- 6 Miceji macaka en askapa nunwe,
Ciksuye sni kinhan;
Mitowiyuskin tokapa ekta
Jerusalem ewahnake sni kinhan.
- 7 Jehowa, Edom cinca kin ekta,
Jerusalem taanpetu kin kiksuya wo:
Yuju po, yuju po,
Taku ahdehe cin hehanyan, eyapi.
- 8 Babel cunwintku, ihangyapi kte cin,
Tuwe ecaunyeconpi kin iyecen
Nicaaju kinhan he cante wašte kta.
- 9 Tuwe hoksíyopa nitawa iyawicahpaya,
Qa inyan en ehpewicaye cinhan, he cante wašte kta.

PSALM 138.

Dawid tawa.

- 1 Micante ocowasin on wopida eciciye kta;
Taku wakan kin wicitokam icidowan kta.
- 2 Tipi wakan nitawa ekta canpeška makehde inawajin kta;
Qa nicaje mdatan kta, nitowaonsída qa nitowicake on:
Nioie kin nicaje ocowasin isanpa tanka yakaga heon.

P S A L M 139.

- 3 Anpetu en hoyewaya, hehan amayadupte ;
Minagi en wowaśake on waditag mayaya.
- 4 Jehowa, maka wicaśtayatapi owasin niyatanpi kta ;
Nii oie kin nahonpi kinhan.
- 5 Qa Jehowa tacanku ohna dowanpi kta ;
Jehowa towitan kin he tanka nakaes.
- 6 Jehowa tehanwankantu esta kun unpi kin awicatonwan ;
Tuka wahaniçidapi kin tehantanhan sdonwicaya.
- 7 Wokakije cokaya mda esta nimayaye kta ;
Tokamayampi sinhdapi kin ekta nape yahdugate kta ;
Qa ninape etapa on nimayaye kta.
- 8 Jehowa taku miciyuśtan kta :
Jehowa, nitowaonśida kin he owihanke wanica :
Ninape taku kage cin ehpeye śni wo.

PSALM 139.

Dowan itancan kin kicagapi. Dawid tadowan.

- 1 Jehowa, mayadukcan qa sdonyaya ;
- 2 Imdotanka nawajin ko sdonyaya ;
Mitawacin tehantanhan oyakañniga.
- 3 Omawani qa imunke cin wapetogyaton ;
Qa miohan kin owasin tanyan idukcan.
- 4 Miceji en wicoie wanjidan esta,
Iho, Jehowa, niye ocowasin sdonyaya.
- 5 Miheyata qa mitokam aohdudemayaya,
Qa ninape amayahnaka.
- 6 Wosdonye kin he okañniñ owakihi śni ;
Tehan wankantu, hecen owakihi kte śni.
- 7 Nitaniya etanhan toki mde kta he ;
Qa niite etanhan toki nawajin kta he.
- 8 Wankan mahpiya ekta mde cinhan, hen niye yaun ,
Qa Hades en owinśwatón kinhan, inyun, niye.
- 9 Anpao hupahu kin wakamdage kta ;
Miniwanca ihanke kin en ounwaye kta :
- 10 Heciya esta ninape amayan ;
Qa nape nietapa kin mayuza.
- 11 Awicakehan otpaza amahinlipaye kta, epa esta ,
Hehan hanyetu kin mihdukśan iyoyanpa.
- 12 Otpaza hee kaeś aotpasniye śni ;
Qa hanyetu kin anpetu iyecen iyojanjan :
Otpaza kin he iyoyanpa kin iyececa.
- 13 Mitapakśin kin niye yakaga ;
Ina tamni mahen akahpemayaton.
- 14 Wowinihanyan makagapi heon ciyatan kta ;
Niohan kin hena wowinihan ;
Qa he minagi tanyan sdonya.
- 15 Woinaħbe en makagapi qehan,
Mahuhu kin ananiciħmanpi śni,

PSALM 140.

- Maka ošbe kin en makazontapi qehan.
- 16 Wiyapemni waun qon niišta wanmayaka,
Qa mitaanpetu icage kte cin,
Hinahin wanica ehan,
Owasin nitawowapi kin en owapi.
 - 17 Unkan lyotan Waśaka nitawacin kin hena nina tewahinda ;
Hena yuwitayapi kin tanka hinca.
 - 18 Hena mdawa kta, tuka wiyaka kin isanpa ota :
Wekta qa hinahin cici waun.
 - 19 Wakantanka, awicakehan wicašta śica yakte kta :
Heon we wicašta yaunpi kin, amayuŝtan po.
 - 20 Hena taku śica on cajanizatapi ece :
Tokaniyanpi kin ikcekceya cajanizatapi.
 - 21 Jehowa, tona śicenidapi kin hena śicewicawada kte śni he ;
Qa tona nicipajinpi kin hena walitewicawada kte śni he.
 - 22 Wośicedake wowicake on śicewicawadaka ;
Hena tokawicawaya iyececa.
 - 23 Wakantanka, imayukan qa micante sdonya wo ,
Imayute qa micanteoze kin sdonya wo.
 - 24 Qa wokakije canku wan en maun kinhan wanyaka wo :
Qa canku owihanke wanice cin en amayan wo.

PSALM 140.

Dowan itancan kin kicagapi. Dawid tadowan.

- 1 Jehowa, wicašta śice cin etanhan emayaku wo ;
Wicašta wohitika etanhan mayakpatan kta.
- 2 Hena cante mahen wicohan śica awacinpi ;
Anpetu osan wokicize on mniciyapi ece.
- 3 Ceji hdumanpi, wamduška iyececa ;
Ihapi mahen sintehda tage yukan. Sela.
- 4 Jehowa, wicašta śica nape etanhan emayaku wo ;
Wicašta wawicaki sa etanhan mayakpatan kta ;
Hena mioye yutehi wacinpi.
- 5 Walhaničidapi kin hena,
On hmunkapi wan emaonpapi, hañonta nakun ;
Canku icahda wohmunke wan ehnakapi ;
Qa mazalitakiyapi emaonpapi. Sela.
- 6 Wakantanka mitawa kin he niye, Jehowa ewakiya ;
Jehowa, wocekiye mitawa ho kin nañon wo
- 7 Jehowa Itancan, wowaśake wanimakiye cin ;
Kicizapi anpetu kin en pa akahpemayaton.
- 8 Jehowa, wicašta śica taku cin kin ayupte śni wo ;
Taku awacin kin ecetu śni kiya wo ;
Walhaničidapi kta. Sela.
- 9 Tona mihdukšan hiyeye cin
Hena iha taku wayuśice cin pa ahdahpapi kta.
- 10 Petaga ahipewicayapi kta ;
Peta en iyewicaye kta, qa mini śma en :

PSALM 142.

Hecen ake najinpi kte śni.

- 11 Wicaśta iwakan kin hena
Makoce kin en yusutapi śni nunwe :
Taku śica wicaśta wawicaki sa ihangya kuwa kta.
- 12 Jehowa wicaśta onśika woowotanna,
Qa wicaśta walipanica kin woyaco ecakicon kta sdonwaya.
- 13 Wicaśta owotanna ecedan nicaje yatanpi kta ;
Wicaśta ecetupi kin nitokam iyotankapi kta.

PSALM 141.

Dawid tadowan.

- 1 Jehowa, houciciya, en mau inalinī ye ;
Ceciciya eca maho kin nañon wo.
- 2 Wocekiye mitawa azintonpi kin nitokam un nunwe ;
Minape yugatapi h̄tayetu woñnapi kin iyececa.
- 3 Jehowa, mii kin en akicita najin wicaśi wo ;
Miiha tiyopa kin awanyaka ye.
- 4 Wicoie śica wan ekta micante yekiye śni wo ;
Wicaśta woah̄tani econpi kin om,
Wicośice en h̄tawani kte śni.
Qa woyute wašte yuhapi kin wate kte śni.
- 5 Wowaoñsida on wicaśta owotanna amape ;
Qa iyopemayan ; he ihepi ee kta,
Mapa telinda kte śni ;
Tuka nakun iye kakijapi kin en cewakiye kta.
- 6 Wayaco tawapi kin hena inyan en eh̄pewicayapi :
Unkan mioie nañonpi, hena skuya nakaes̄.
- 7 Tuwe maka yundu qa yuksaksa iyececa,
Huhu unkitawapi Hades i kin en kada eh̄peyapi.
- 8 Jehowa Itancan, miiśta kin niye ekta yanke ;
Wowacinye mitawa kin he niye ;
Minagi papson śni wo.
- 9 Mazahtakiyapi emaonpapi kin etanhan imacu wo ;
Qa woah̄tani econpi wohmunke tawapi etanhan.
- 10 Wicaśta śica wohmunke iye tawapi en eh̄peiçiyapi nunwe ;
Tuka miye qe sam imdamde kta.

PSALM 142.

Dawid tawoonspe, makoh̄doka en un qehan. Wocekiye wan.

- 1 Miho kin on Jehowa hoyewakiya ;
Miho kin on Jehowa cewakiya.
- 2 Iye itokam taku awacanmi wakpapon ;
Itokam woiyokiśice mitawa owahdaka.
- 3 Mahentanhan mitaniya ktepitan ;
Tuka mitacanku kin niye sdonyaya ;
Canku ohna mde cin en wohmunke wan emakionpapi.
- 4 Etapa tanhan etonwe ça wanyaka wo ;

P S A L M 143.

- Unkan tuwedan sdonmaye šni ;
 Wowinape takudan mduhe šni ;
 Tuwedan minagi ekta etonwe šni.
- 5 Jehowa, niye houciciya :
 Wiconi makoce kin en taku mitawa,
 Wowinape mitawa kin he niye, epa.
- 6 Waceye cin he nañon wo, nina makakija ;
 Tona šicaya makuwapi etanhan emayaku wo ;
 Hena mikapeya wašakapi nakaeš.
- 7 Wicakaška tipi kin etanhan minagi icu wo,
 Hecen nicaje mdatan kta :
 Tanyan ecamiyecon kinhan,
 Wicašta owotanna mihduksan hiyeye kta.

PSALM 143.

Dawid tadowan.

- 1 Jehowa, wocekiye mitawa nañon wo ;
 Onšiya hoyewaye cin he anohikiya ye :
 Nitoowotanna eciyatanhan nitowicake on amayupta wo.
- 2 Qa nitaokiy kici woyaco akite šni wo ;
 Niye nitokam ni unpi kin tuwedan owotanna šni.
- 3 Toka kin he minagi šicaya kuwa ;
 Wiconi mitawa makata ehpeya ;
 Wanakaš tapi kin iyecen otpaza en ounye makiya.
- 4 Heon mahentanhan mitaniya aopaskicapi ;
 Mahentanhan micante atakuni šni.
- 5 Anpetu wanakaja kin hena weksuya ;
 Niohan kin owasin awacanmi ;
 Ninape taku kage cin hena awacin waun.
- 6 Minape ciciyugata ;
 Maka puze cin iyecen minagi nitokam wanka. Sela.
- 7 Inaħni wo, Jehowa amayupta wo ;
 Minagi atakuni šni.
 Niite inalibe makiye šni wo ;
 Okinni wicaħapi ekta yapi kin iyemacece kta.
- 8 Hanlianna eca wocantekiye nitawa nañon mayan wo ;
 Niye wacinciya, heon :
 Canku ohna mde kte cin he sdonye mayan wo ;
 Niye ekta minagi wahdomda, heon etanhan.
- 9 Tokamayampi kin etanhan emayaku wo ;
 Jehowa, niye en inawalibe.
- 10 Nitawacin ecamon kta onspemakiya wo ;
 Taku Wakan mitawa kin he niye :
 Nitaniya kin he wašte ;
 Makoce omdaya en amayan nunwe.
- 11 Jehowa, nicaje on etanhan nimayaye kta ;
 Nitoowotanna on minagi wokakije etanhan inape yaye kta.
- 12 Nakun nitowaonsida on tokamaye cin ihangyaye kta ;

PSALM 144.

Qa tona minagi iyokišinyapi kin owasin atakunišni iyewica-
yaye kta ;
Nitaokiye kin he miye, heon etanhan.

PSALM 144.

Dawid tawa.

- 1 Jehowa, Imnija mitawa, yawaštepi nunwe ;
He minape zuyapi onspekiya ;
Qa minapsukaza, kiczapi kin.
- 2 Wacanmakiye ça conkaške mitawa,
Wowinape mitawa qa emahdaku ece ;
Wahacanka mitawa qa tuwe wacinwaye cin,
Mitaoyate mihukuya hiyuye cin he.
- 3 Jehowa, wicašta kin taku he, on sdoniyaye kta ;
Qa wicašta cinhintku, unkan en yahi kta he.
- 4 Wicašta kin taku šni iyececa ;
Taanpetu kin ohanzi wan hiyaye cin iyececa.
- 5 Jehowa, małpiya nitawa hduhukuye ça kun u wo ;
He kin hena yutan wo, kinhan hena izite kta.
- 6 Wakanhdi hdutanin qa wicakamdeca wo ;
Wanhinkpe nitawa hiyuye ça yušinye wicaya wo.
- 7 Wankantanhan ninape hiyukiya wo ;
Makiyuška qa mini ota etanhan imacu wo ;
Toka cinca nape kin etanhan.
- 8 Hena ipi wohnayan iapi ece ;
Qa nape etapa tawapi kin he nape itonšni.
- 9 Wakantanka, odowan teca wan cicahiyaye kta ;
Candowankiyapi ikan wikcemna on icidowan kta.
- 10 He wicaštayatapi wanikiyapi wicaqu ;
Iye taokiye Dawid isan šice cin etanhan icu ece.
- 11 Makiyuška qa toka cinca nape kin etanhan imacu wo ;
Hena ipi kin wohnayan iapi ece ;
Qa nape etapa tawapi kin he nape itonšni.
- 12 Hecen unkicinkšipi koškapi ehan
Taku ojupi tanka icage cin iyececapi kta ;
Unkicunkšipi kin tipi wakan oise
Inyan ayuco bagopi kin iyececapi kta.
- 13 Dotopiye unkitawapi kin ocaje owasin on ojudan kta :
Taħinca unkitawapi kin kektopawinge cinca tonpi kta,
Qa kektopawinge yuotapi canku unkitawapi ohna.
- 14 Tatanka unkitawapi yuřakapi kta ;
Yuksapi wanica qa yujujupi wanica ;
Qa canku unkitawapi ohna ceyapi wanice kta.
- 15 Oyate wan hecen unpi kin he cante waštepi :
Oyate Taku Wakan tawapi kin
Jehowa hee hecinhan he cante waštepi.

PSALM 145.

PSALM 145.

Dawid tawa. Woyatan.

- 1 Wakantanka, Wicaštayatapi mitawa ciyawankantuya kta ;
Qa nicaje mdawašte kta, ohinniyan qa owihanke šni.
- 2 Anpetu owasin ciyawašte kta ;
Qa nicaje iwadowan kta,
Ohinniyan qa owihanke šni.
- 3 Jehowa tanka qa nina yatanpi kta iyececa ;
Qa tanka kin he iyukcanpica šni.
- 4 Wicoicage wicoicage iyahdeya taku ecanon kin yatanpi ;
Qa niohan wašaka oyakapi kta.
- 5 Wotanka nitawa wowitan oiyokipi kin he,
Qa wicoie wowinihan nitawa awacanmi kta.
- 6 Nakun niohan wakan wokokipe kin he oyakapi ;
Unkan miye wotanka nitawa mdaotanin kta.
- 7 Nitowašte tanka wokiksuye kin he yatanpi ;
Qa nitoowotanna kin on iyašapi ece.
- 8 Jehowa waonšida qa wacantkiya ;
Tehan canteptanye šni qa tocantekiye tanka.
- 9 Owasin ekta Jehowa wašte ;
Qa tocantekiye taku kage cin owasin en un.
- 10 Jehowa, taku icaŋyaye cin owasin niyatanpi ;
Qa wicašta wacantkiya nitawa kin hena niyawaštepi kta.
- 11 Nitokiconze wowitan kin he oyakapi ;
Qa nitowašake kin cajeyatapi ece.
- 12 Tohan tanka kin wicašta cinca sdyewicayapi kta ;
Qa tokiconze wotanka wowitan kin.
- 13 Nitokiconze kin he wokiconze owihanke wanica ocowasin ;
Qa wicašta niyatapi kin he wicoicage qa wicoicage en.
- 14 Tona hicahanpi owasin Jehowa najin wicakiya ;
Qa patujapi kin hena owasin wicayubosdata.
- 15 Taku išta yuke cin owasin niye anipepi ;
Unkan iyehantu eca woyute wicayaqu ece.
- 16 Ninape yahdumdaya,
Qa taku ni un kin owasin imna wicayaya.
- 17 Tacanku owasin en Jehowa owotanna ;
Qa ohan owasin en wacantkiya.
- 18 Jehowa tona hoyekiyapi kin owasin wicikiyedana un ;
Tona wowicake en hoyekiyapi kin owasin.
- 19 Tona iye kokipapi taku cinpi kin ecetuye kta ;
Qa nakun hoyeyapi kin naŋon, qa niwicaye kta.
- 20 Tona waštedapi kin hena owasin Jehowa wicapatan ;
Tuka šicapi kin hena owasin ihangwicaye kta.
- 21 Jehowa yatanpi kin he mii cajeyate kta ;
Qa wicašehpi owasin iye caje wakan kin he yawaštepi kta ;
Ohinniyan qa owihanke wanica.

PSALM 147.

PSALM 146.

- 1 Halleluya :
Minagi, Jehowa yatan wo.
- 2 Tohanyan wani kin hehanyan
Jehowa mdatan kta ;
Tohanyan en waun hehanyan
Mita Wakantanka iwadowan kta.
- 3 Wicaštayatapi wacinwicayapi šni po ;
Adam cinca kin, en wanikiyapi wanica.
- 4 Taniya kin iyaya, hehan maka ekta hda ;
Anpetu kin he en tawacin kin atakuni šni.
- 5 Jakob ta Wakantanka tuwe okiye cin he cante wašte ;
Ta Wakantanka Jehowa he wacinye cinhan.
- 6 He małpiya qa maka kin kaga ;
Miniwanca qa taku ohnaka kin owasin :
He wowicake ohinniyan kpatan.
- 7 Tona śicaya wicakuwapi kin on woyaco econ ece ;
Wotektehdapi kin hena aguyapi wicaqu ;
Kaška unpi kin hena Jehowa wicayukca.
- 8 Išttagongapi kin hena Jehowa išta wicakiyukawa ;
Pakopi kin hena Jehowa wicayuowotanna ;
Wicašta owotanna kin hena Jehowa wašte wicadaka.
- 9 Jehowa tona oyate tokeca kin hena awanwicayaka ;
Wamdenica qa wiwazica kin owicakiya ece :
Tuka wicašta śica tacanku kin yupemni.
- 10 Jehowa owihanke wanin wicaštayatapi un kta ;
Zion, nita Wakantanka ohinniyan qa ohinniyan kta.
Halleluya.

PSALM 147.

- 1 Halleluya.
Wakantanka unkitawapi idowanpi kin he wašte ;
He wiciyokipi, heon yatanpi kin he wicimdeza.
- 2 Jehowa Jerusalem piya kaga ;
Israel enanakiya iyayapi kin hena mnawicakiya.
- 3 Tona cante kicaksapi kin okiziwicaya ;
Qa capapi kin pawicakihta ece.
- 4 Wicanłpi kin tonakeca ešta hena yawa ;
Owasin cajeyata ece.
- 5 Itancan unkitawapi kin tanka, qa towaśake kin ota ;
Qa tookałnige kin he yawapica šni.
- 6 Wałpanicapi kin hena Jehowa najin wicakiya ;
Śicapi kin hena makata ehpewicaya ece.
- 7 Wopida odowan on Jehowa ayupta po ;
Candowankiyapi on Wakantanka unkitawapi kahiyaya po.
- 8 He małpiya kin małpiya śapa on akałpa ;
Maka kin magaju kicaga ;

PSALM 148.

- Qa he kin peji oicahya ece.
 9 Woteca kin woyute wicaqu;
 Kangi cinca nakun, ceyapi kinhan.
 10 Suktanka towasake kin he iyokipi sni;
 Wicašta huha kin hena on iyuškin šni.
 11 Tona kokipapi kin hena Jehowa iyokipi;
 Tona iye towaonšida apepi kin hena.
 12 Jerusalem, Jehowa yatan wo;
 Zion, Wakantanka nitawa idowan wo.
 13 Nitatiyopa ihupa kin hena yusuta;
 Nicokaya nicinca kin wicayawašte.
 14 Nihduksan wookiye kaga ece;
 Aguyapi šin kin on imnaniyan.
 15 Taku eye cin he maka kin ekta ye ši;
 Iye oie kin dus inyanka ece.
 16 Wa kin he hiyuya, tašinca hin iyececa;
 Hewanke kin cahota iyecen kada ece.
 17 Wasu tawa kin onšpašpa iyecen ehpeya;
 Osni tawa itokam tuwe najinhan najin okihi he.
 18 Iye oie kin ye ši, qa hena span kiya;
 Tate tawa ukiya eca mini kaduza ece.
 19 Iye oie kin Jakob okiyaka;
 Tawoahope qa tawoyaco kin, Israel en.
 20 Oyate kin owasin hecen ecawicakicon sni;
 Qa tawoyaco kin hena sdonypapi sni.
 Halleluya.

PSALM 148.

- 1 Halleluya.
 Małpiya kin etanhan Jehowa yatan po;
 Tehanwankantu ekta he yatan miye.
 2 Taohnihdewicaye cin owasin, he yatan po;
 Wicobe tawa iyulpa, he yatan miye.
 3 Anpetu wi qa hanyetu wi, he yatan po;
 Iyoyanpa wicanłpi owasin, he yatan miye.
 4 Małpiya małpiya kin, he yatan po;
 Qa mini, małpiya iwankam un kin nakun.
 5 Hena Jehowa caje kin yatanpi kte;
 Iye ecen eya, unkan kagapi, heon etanhan.
 6 Qa hena yusuta, owihanke sni hehanyan;
 Wooke wan wicaqu, unkan he acakšinpi sni.
 7 Maka kin etanhan, Jehowa yatan miye;
 Hogan tankinyanyan qa ošbe kin owasin.
 8 Peta qa wasu, wa qa šota;
 Tateiyumni iye oie econ ece kin:
 9 He kin hena, qa paha owasin;
 Waskuyeca can, qa hante owasin:
 10 Wamanica, qa woteca owasin;
 Watatka, qa taku kinyan un kin:

PSALM 150.

- 11 Maka wicaštayatapi, qa oyate owasin ;
Wicašta itancanpi, qa maka akan wayaco owasin :
- 12 Koška, qa nakun wikoška ;
Wicahinca qa hokšiyopa om :
- 13 Hena Jehowa caje kin yatanpi kte ;
Iye caje kin ecedan yatankapi ece ;
Towitan kin maka qa małpiya kin iwankam.
- 14 Unkan iye taoyate he wan icałwicakiciya ;
Wicašta wacantkiya tawa owasin on wowitan kin hee ;
Israel cinca kin on, oyate wan iye ikiyedani unpi.
Halleluya.

PSALM 149.

- 1 Halleluya.
Jehowa odowan teca wan kahiyaya po ;
Towitan kin, wicašta wacantkiya mniciyapi kin en.
- 2 Waicalıye cin on Israel iyuškin nunwe ;
Zion cinca Wicaštayatapi tawapi kin on içidowanpi kte.
- 3 Wacipi kin on iye caje kin yatanpi nunwe ;
Cancega cotanka ko on idowan miye.
- 4 Jehowa iye taoyate kin on iyuškin ;
Onšiiçidapi kin hena wiconi koyagwicaya ece.
- 5 Wowitan on wicašta wacantkiya iyuškinpi kte ;
Towinjapi akan downpi nunwe.
- 6 Iyotan Wašaka yatanpi kin dotepi ohna un ;
Qa napepi ohna mazasagye anog ope kin.
- 7 Hecen lkcewicašta ehna watokiçonpi kta ;
Qa oyatepi kin kakišwicayapi kta.
- 8 Wicaštayatapi wicayuhapi mazaicicalıha on wicakaškapi kta ;
Qa tona wicakinicapi kin hena maza icaške on.
- 9 Hena en woyaco owapi kin yušanpi kta ;
Wowitan kin de wicašta wacantkiya tawa owasin yuhapi.
Halleluya.

PSALM 150.

- 1 Halleluya.
Tipi wakan tawa ohna Wakantanka yatan po ;
Wowasake małpiya tawa kin ohna idowan po.
- 2 Wicołan tanka econ kin on yatan miye ;
Iyotan tanka kin iyececa idowan po.
- 3 Mazayahotonpi on yatan miye ;
Cotanka candowankiyapi ko on yatan po.
- 4 Cancega wacipi ko on he yatan miye ;
Candowankiyapi cotanka ko on yatan po.
- 5 Mazasnasna hotanka on yatan po ;
Mazasnasna wiyuškin on he yatan miye.
- 6 Taku niya un kin owasin Jah yatan po.
Halleluya.

WICOIE WAKAN.

WICOWOYAKE 1.

1 Wicoie wakan Israel wicašta yatapi kin, Dawid cinhintku Salomon he tawa.

2 Woksape woonspe ko sdonye wicakiye kte, wowiyukan iapi kin okałniih wicakiye kta,

3 Woksape, woonspe, woecetu, woyaco qa wicołan owotanna yuhe wicakiye kta;

4 Tona wacintonśni ksam wicaye kta; koška kin woksape wowayupike ko wicaqu kta.

5 Wicašta ksapa nałon kinhan sanpa ksape kta, qa wicašta wokcan wokonze okałnige kta.

6 Heon wicoie wakan kin okałnigapi kta, wicašta ksapa oiepi qa taku okałnigapi tełika eyapi kin koya.

7 Jehowa kokipapi kin wosdonye otokahe kin hee, tuka wicašta witkotkopi woksape qa woonspe ihaktapi śni.

8 Micinksi, niyate taku onspe niciye cin nałon wo, qa nihun taku ope niši kin ełpeye śni wo.

9 He wateśdake wašte nipa kin ihduksan, qa wanapin nitahu kin en un kta.

10 Micinksi, wałtanipisa niyutitan cinpi ešta ihnuhan wicayada kin.

11 Ito unyanpi kte, wicašta ktepi kta e nałmana awicunpepi kta, taku śica econpi śni kin hena ituł wicunhmukapi kte;

12 Woła en iyohpayapi oowasin, qa Hades iyecen ni unpi nawicunpcapi kta;

13 Taku wašte ota iyeunyanpi

Prov.

kta, untipi woyuha ojugjudan unhapi kta:

14 Hena owasin en oonyapapi kta, mazaska opiye okonwanjidan unhapi kta, eniciyapi kinhan:

15 Micinksi ihnuhan canku kin he en owicayape cin; oye tawapi kin etanhan nisiha kin ehdaku wo.

16 Sihapi kin taku śica oinyankapi, qa wicawe papson inahłnipi.

17 Taku hupahu ton hiyeye cin owasin wanyakapi icunhan mazałtakiyapi ituł onpapi.

18 Tuka hena iye we kin hmunkapi, iye nagipi kin on inahłmanpi.

19 Tona śicaya taku kamnapi, qa tuwe tawa ktepi kin hena owasin tacankupi kin hececa.

20 Woksape tankan pan, canku kin ohna hoyeya ece;

21 Otonwe canku ihanke kin ohna, tiyopa icahda mniciyapi ohna ieyanpaha, qa heya,

22 Wacintonpi śni tohanyan wicawitkotkoke cin he wašte yadakapi kta, qa waoncesapi tohanyan wowaonce kin he iyonicipi kta, qa witkotkopika wosdonye śiceyadakapi kta he?

23 Miye ocihanpi heon ihducetupo; mitaniya kin acicaštanpi kta, mioie kin okałniih ciciyapi kta.

24 Hoyeciciyapi tuka ayaktapı śni, minape kin mdumdaya tuka tuwedan en ewacin śni.

25 Wahokonciciyapi kin owasin ełpeyayapi, qa wakta ciyapi kin iyonicipi śni.

WICOIE WAKAN.

26 Miś eya nihnaśkinyanpi kin icihapi kta, tohan nina koyakipapi kinhan oncicapi kta.

27 Woihangye tohan hiyohi qa koyakipapi kinhan, iyoniciśicapi, wamniomni iyececa wocante śica wicokakije ahna nihiyohipi kinhan :

28 Hehan houmakiyapi kta tuka waamdupite kte śni, hanhan-na omadepi eśta iyemayanpi kte śni.

29 Wosdonye śice dakapi, qa Jehowa kokipapi kin kañnigapi śni.

30 Wahokonwicawakiye cin tawatenyapi śni, iyopewicawaye cin owasin wañtedapi śni ;

31 Heon oñanyanpi waskuyeca kin hdutapi kta, qa iye wahokonkiciyapi kin he imna kiciyapi kta.

32 Oziiciyapi kin witkotkopi kin te wicaya, qa iyokipiiciyapi kin wacintonpi śni kin ihang wicaya ece.

33 Tuka tuwe anamagoptan kin wikope wanin ounye kta, qa taku śica ikope śni owanji un kta ce.

WICOWOYAKE 2.

1 Micinkśi, tokin mioie kin iyacu qa wahokonkiciye cin nahmana niciyehnaken ;

2 Ninoge kin woksape anagoptan qa nicante kin wookañnige ekta ye yakiyen.

3 Han wokcan yakipan, qa wookañnige hoyeyakiye kta ;

4 Mazaska iyecen ayakite ca patanyan mazaska wokihnake iyecen oyade cinhan ;

5 Hehan Jehowa kokipapi kin oyakañnige kta, qa Wakantanka sdonyapi kin iyeyaye kta.

6 Jehowa woksape wicaqu ece, iye i kin etanhan wosdonye wookañnige koya.

7 Tona owotanna kin hena wiconi awicakicihnaka ; tona ece-tuya oñanyanpi kin Jehowa wahacanka yapi ;

8 Hecen wicoope canku kin ope wicakiye ca, tona wašte wicakida hena canku awanwicakiciyaka ece.

9 Hehan wicoowotanna, woyaco, wokonze, oye wašte owasin oyakañnige kta ;

10 Woksape nicante kin en hiyu kinhan, qa wosdonye ninagi kin iyokipi kinhan ;

11 Wacintonpi kin awanniciyake kta, wookañnige niyuhe kta.

12 Heon canku śica etanhan enihdaku kta, wicaśta pemniyan ie cin etanhan ;

13 Hena canku owotanna ehpeyapi, qa otpaza canku kin omapi ;

14 Taku śica econpi kta e iyuśkinpi, pemniyan oñanyanpi kin wowinktayapi ;

15 Oye tawapi kin śkoškopa, qa tacankupi kin pemnimni ece.

16 Wihomniwin kin etanhan enihdaku kta, witkowin i skuya etanhan.

17 He tokaheya yuze cin ehpekiye ca, taku wakan tawa tawicoun kin akiktonja.

18 Tiyoñnaka kin wiconte ekta-kiya atakinyan ya, qa oye tawa kin wanna tapi iyahde.

19 Tona en yapi kin hetanhan wanjidan ku śni, qa wiconi canku kin iyahde śni do.

20 Hecen wicaśta wašte tacankupi kin omayani kta, qa wicaśta owotanna tacankupi kin oyape kta.

21 Wicaśta ecetupi kin hena maka kin otipi kta, wicaśta wašte kin hen ounyanpi kta.

22 Tuka wicaśta śica kin maka kin etanhan wicakawankapi

WICOWOYAKE 3.

kta, qa tona śicaya ohanyanpi kin hena wicakawihnunipi kta.

WICOWOYAKE 3.

1 Micinkśi, mitoope kin ihnuhan ayektonje cin, qa mitawoa-hope kin nicante kin ekta yuha wo.

2 He wookiye anpetu hanskaska qa wiconi omaka ota aokijuniciye kta.

3 Ihnuhan wocantkiye qa wowicake aniyuśtan kin, hena nitahu kin en apahta wo, qa nican-tojuha kin akan okiwa wo.

4 Hecen yaksape kta, qa Wakantanka wicaśta ko cante niciye kta.

5 Nicante ocowasin on Jehowa wacinyan wo, qa nitawacin kin ikpatan śni wo ;

6 Canku nitawa kin owasin ohna he kiksuya wo, kinhan ni-oye kin owasin awanniciyake kta.

7 Ihnuhan ksape nićida kin, Jehowa kokipeyahan un qa taku śice cin etanhan ihduhomni wo.

8 He nicehpi zaniyan niniye kta, qa nihuhu acuniciye kta.

9 Woicēihde duhe cin on Jehowa ohoda wo, qa taku icahyaye cin otokapa iyahna :

10 Kinhan tipi womnayaye cin woicewinyan on ojudan kta, qa miniśa iyuśkice nitawa kin anapsonpson kta.

11 Cinś Jehowa nicapsinpsinte cin he ihnuhan ihayakta śni ; qa iyopeniye cinhan wacin ibośake śni wo.

12 Jehowa tona waśte wicakidake cin hena iyopewicakiya ece, wicaśta wan cinca iyotan kida kin he iyececa.

13 Wicaśta kin woksape iyeye cin, qa wicaśta wookahnige enapeye cin he wopida yuha.

14 He opetonpi kin hee waśte, mazaska opetonpi kin hee śni ce ; hetanhan icage cin hee iyotan, qa mazaskazi kapeya.

15 He inyan tehihika kin he sam iyeya tehika, qa taku iyonicipi iyeye cin owasin hena iyowaja śni.

16 He etapa kin ohna anpetu hanskaska, qa catka kin ohna woyuha wowitan iyahna un.

17 Owe tawa kin owe wiciyokipi, qa tacanku kin owasin wookiye ;

18 Tona kaskita yuzapi kin he can wiconi yanpi, qa tuwe he patan kinhan he wopida ya.

19 Jehowa woksape on maka kin tinsaya ehnae ća, wookahnige kin on mahpiya kin yuśtan.

20 Tosdonye kin on wośbe kin naptujapi, qa mahpiya kin cu kin śbuya.

21 Micinkśi, woksape wicake, wowayupike iyahna awanyaka wo. Ihnuhan hena niiśta kin etanhan nunipi kin ;

22 Kinhan hena nitahu en wana-pin waśte kta, qa ninagi wiconi yuhe kta.

23 Hecen okope wanin nitacanku kin ohna mayani kta, qa nisiha kin wanahnaye kte śni.

24 Makan inonke cinhan takudan koyakipe kte śni, makan inonka eca tanyan niśtinbe kta ece.

25 Ihnuhanna yuśinye wicaye cin he koyakipe kte śni, qa wicaśta śica wayutakunipiśni wicahiyohi eśta nakun.

26 Nakaes Jehowa wacinyaye kta, qa nisiha icupi kte śni e awanniyake kta ce.

27 Tona onśika ninape taku waśte ecawicakicon okihi kinhan ihnuhan teyahinda kin.

28 Nitawaśi taku yakiduhe cin-

WICOIE WAKAN.

han, Ekta hda qa ake kuwa wo, heyakecinhan ciçu kta, ihnuhan eyakiye cinhan.

29 Nitakoda takudan ikopešni-yan nikiyedan ti kinhan takudan šica ecakicon šni wo.

30 Wicašta taku šica ecanicon šni kinhan ihnuhan kici ayakini-ca kin.

31 Wicašta wakisa kin icekin šni wo, qa ohan tawa kin wanji-dan kalnige šni wo.

32 Jehowa tona pemniyan o-ħanyanpi kin wahte wicada šni, tuka wicašta ecetupi kin om wo-hdaka.

33 Jehowa wicašta šica ti kin yašica, tuka wicašta owotanna ounye cin hee yawašte.

34 Waoncapi en Jehowa waon-ca, ešta onšiičidapi kin wowašte wicaqu ece.

35 Tona ksapapi kin hena wo-witan ohiyapi kta, tuka tona wi-tkotkopike cin hena wowištece en ihduwankantupi.

WICOWOYAKE 4.

1 Hokšiyopa niyate wahokonni-ciyapi kin naħonpo, qa wowiyu-kecan sdonyapi kin cantotpanipo.

2 Woonspe wašte cičupi ce, mitoope kin ihnuhan ehpeyayapi kin.

3 Ate cincamayan nahanhin mawankadan, qa mišnana ina icahda waun qehan;

4 Onspemakiya, qa hemakiya; Mioie kin nicante kin yuhe kte, woahope mitawa kin yuha wo, hecen yani kta ce.

5 Woksape kin opeton wo; wokcan kin opeton wo; akikton-je šni wo, qa mii kin etanhan mioie kin nakicipe šni wo.

6 Ehpeye šni wo, hecen awan-niyake kta; wašte daka wo, hecen nipatan kta.

7 Wicoksape kin he iyotan; wicoksape kin he opeton wo, qa taku mnayaye cin owasin on wowiyukcan kin opeton wo.

8 He iyotan yada kinhan yu-wankan inicu kta, kaskita duze cinhan hehan niyuwitan kta.

9 He nipa kin ihduksan wowi-ciyokipi yuwitaye kta; wate-šdake okitanin niçu kta.

10 Cinš, anagoptan wo, qa mi-oie kin icu wo, hecen omaka wi-coni nitawa kin niciyuotapi kta.

11 Wicoksape canku kin ocici-yaka, canku owotanna kin ohna omaniciciya.

12 Ohna mayani kinhan oihe yaye cin aotinsyapi kte šni, qa yainanka ešta nilicahe kte šni.

13 Woonspe kaskita yuza wo; ihnuhan adušan kin, awanyaka wo heon yani kta ece.

14 Wicašta ohan šica tacanku-pi kin ihnuhan ohna idade cin, qa wicašta pemni kin tacanku kin ohna mayani kte šni.

15 He ehpeya wo, ihnuhan o-hna de cinhan, he etanhan ihdu-homni qa tokan iyaya wo.

16 Taku šica econpi šni kinhan ištimapı šni ce: Tuwedan wan-kaheyapi šni kinhan wicoħba kin wicakipi ece.

17 Wicoħan šica aguyapi kin he yutapi; boticapi miniša kin he yatkanpi ece.

18 Tuka wicašta owotanna can-ku tawapi kin he iyoyanpa iyega ohinniyan sam wiyatpa aya ecen anpetu wiyotanhan he iyececa.

19 Wicašta šica tacankupi kin he aotpaza; taku en ħicahanpi kte cin he sdotkiyapi šni.

20 Micinkši, mioie kin awacin wo, taku eciciye cin anoh kiciya wo.

21 Ihnuhan he ništa kin icun-om iyeyakiye cin, nicante kin cokaya yuha wo.

WICOWOYAKE 5.

22 Tona he iyeyapi kin he wiconi tawapi ee, qa cehpi kin oco-wasin okizi wicaya ce.

23 Taku duhe cin owasin isanpa nicante kin awanhdaka wo, hetanhan wiconi owahinanpe kin hee ce.

24 Wicopemni nii kin etanhan yutokan wo, qa wicaštapi šni niiha etanhan hdutehan wo.

25 Niišta kin nitokam owotan-na etonwan kte, niištojuha kin nitokapa ecetuya tonwanhanpi kte.

26 Nisiha oye kin awacin wo; hecen canku yaye cin owasin tanyan yahdušan kta.

27 Nietapa nicatka ihnuhan unmanna eciyatanhan nihduhommni kin, taku šice cin etanhan nisiha kin ehdaku wo.

WICOWOYAKE 5.

1 Micinkši, mitoksape kin awacin wo, wookahnige mitawa kin anohi kiciya wo;

2 Hecen wowayupike duhe kta, qa nisiha kin wosdonye patan kta.

3 Witkowin iha kin etanhan tuhмага canhanpi kaduza, qa caka kin wiłdi isanpa šduta.

4 Tuka hetanhan taku icage cin peji hota iyecen pa, isan pesto kin iyecen pe hinca.

5 Siha kin apamahdedan wiconte oiyahdeya, oye kin wakanšica ti kin iyohiya.

6 Wiconi canku kin našna niciye kta e oye kin kpakšikšan, hecen idukcan kte šni.

7 Hokšiyopa detanhan anamagoptanpo, qa wicoie mii kin etanhan inape cin ihnuhan ehpeyayapi kin.

8 Witkowin kin etanhan canku kin hdutehan wo, qa tatiyopa kin ihnuhan kiyadan de cin.

9 Okini nitowašake tokan wicayaqu kta, qa omaka nitawa kin wicašta waonsidapi šni yuhapi kta.

10 Okini toka woyuha nitawa kin on imnapi kta, qa taku on htayani kin witkowin ti kin ohna yanke kta;

11 Okini oniwihanketa woyute nitawa nicelipi ko sotapi kinhan šicahowade kta;

12 Qa, Hehehe, tokeca woon-spe šice wadaka, qa wahokonmakiyapi kin ihawakta šni he.

13 Tona waonspemakiyapi kin nawicawašon šni, qa wahokonmakiyapi ho kin anawagoptan šni ece.

14 Wicota qa omniciye cokaya taku šica owasin en'ye mičiye kta tuka, ehe kta.

15 Miniłdoka nitawa kin etanhan hdatkan wo, qa wakpadan mini owe nitawa etanhan kaduze cin nakun etanhan.

16 Hecen wakoniya nitawa kin tankaya kaduze kta; otonwe canku kin ohna mini wakpadan kaduze kta;

17 Hena nišnana nitawa kte, tokan tuwedan tawa kte šni.

18 Hecen wakoniya nitawa kin yawaštapi kta, qa honikšidan qehan winohinca duze ciqon he niñduškin kte;

19 Tawiyedan wašte dakapi, qa tatokadan wiciyokipi iyecece kta, azinpi kin imna ničiye kte, anpetu owasin, qa wašte yakidake cin ohinniyan wanipi nunwe.

20 Tokeca micinkši winohinca tokeca wanipi kta, qa witkowin maku kin adoksohan duze kta he?

21 Jehowa wicašta canku kin owasin wanyake ca token oħan-yanpi kin wicakicitkeuta.

WICOIE WAKAN.

22 Iye ecinsniyan ohanye cin he wicašta sice cin kihdege kta, qa iye wahtani ikan kin on hmunkapi kte;

23 Witkoya ohanye cin ota onuni kta, qa onspekiyapi šni on te kta.

WICOWOYAKE 6.

1 Micinkši, nitakoda wanji taku yecicajuju kta kehe cinhan, qa on wicašta tokeca nape duza hecinhan;

2 Nii kin etanhan nioie kin he iyanicaškapi; nii kin on taku ehe cin he niyuzapi ce.

3 Heon micinkši hecen econ wo, qa ihduška wo, nitakoda nape kin iyahpade cinhan hunktiya; ihduhukuya qa nitakoda iyopaštaka wo.

4 Niišta kin en wicalhba kin qu šni wo, qa niištojuha kin on ištibe šni wo.

5 Zitkadan tuwe hmunke kta nape kin etanhan ihduška, qa tatokadan wicanape kin etanhan ihduške cin he iyecen ihduška wo.

6 Kuja nanke cin tajuška kin ekta ya wo, yaksape kta e ohan-yanpi kin wanyaka wo.

7 He itancan nica, akicita nica, qa wicašta yatapi nica;

8 Tuka mdoketu eca taku yutapi kihnaka, qa woksapi eca woyute tawa mnayan ece.

9 Tohantu kinhan makan inonke kta? kuja, ništibe cin etanhan tohantu yekta kta he?

10 Nihba onge qa ništibe onge, qa makan inonke kta e nape pakšijapi onge;

11 Hecen wowałpanice kin wicašta icimani wan he iyecen en niu kta, qa wicašta wipe hduha en nihi kin he iyecen taku owasin inicakije kta.

12 Wicašta šica wicaštapi šni i pemni hduha mani;

13 Išta kin on wiyuta, qa iye siha okiya, qa iye napsukaza on waonspekiya ece;

14 Wacansinyapi kin cante mahen ohinniyan taku šica kaga, okicize kin he kada ehpeya.

15 He etanhan ihnuhanna ihdu-takuni kte šni, oħankoya yukukapi kta, qa wokicizi wanice kta.

16 Taku šakpe Jehowa sice daka, qa šakowin nagi kin wałtedašni.

17 Wicišta wankantuya, qa wicaceji itonpi šni, qa wicanape tona taku šica econpi šni wewicayapi;

18 Wicacante wicoħan šica ewacin, wicasiha taku šica econpi kta e inahniyan inyankapi;

19 Wayaatanin ecinsniyan woi-tonšni ipohya, qa tuwe hunka-wanjin kiciyapi iyakitedan kicikigepi oju kin he nakun.

20 Cinš, niyate wahokonniciye cin tanyan yuha wo, qa nihun toope kin ehpeye šni wo.

21 Hena ohinniyan nicante kin en palita wo, qa nitahu kin en iyakaška wo.

22 Hecen mayani eca yus anie kta ece, ništima eca awan-niyake kta, qa tohan yekta eca oniciye kta ece.

23 Woahope kin he petijanjan qa wicoope kin he iyoyanpa, qa iyopewicayapi woonspe kin he wiconi canku kin ee.

24 He winohinca šica etanhan awannihdake kta, winohinca oyate tokeca ceji skuya etanhan.

25 He owanyag wašte ešta nicante kin ekta kon šni wo; qa ištojuha kin on ihnuhan inicu kin.

26 Witkowin kin wicašta wan

WICOWOYAKE 7.

aguyapi ciqadan ekta aye kta, qa wawicilahapi econsa kin wicanagi tehika apasi kta.

27 Wicašta wan peta ikpihnake cinhan tawokoyake kin hulnange kte šni he?

28 Tuwe petaga amani kinhan siha kin gu kte šni he?

29 He iyecen tuwe wicašta tokeca tawicu kici iwanke cinhan; tuwe kašta he yutan kinhan taku šica iyahdeya.

30 Tuwe wotektehda on woyute manun qa wipiiciya ešta nina šicedakapi šni;

31 Tuka iyeyapi kinhan šakowin akibde wicakicu kta; ti kin ohna taku yuke cin owasin ešta wicaqu kta.

32 Tuka tuwe wawicilahapi winohinca wan kici econ kin he cante wanica, tuwe hecon kinhan nagi kin ihang kiya.

33 He apapi kta, qa ištenyapi kta, qa wowištece kin he kajujupi kte šni.

34 Wowinawizi he wicašta tocanteptanye kin ee, tohan tokicon kinhan wawitonpe kte šni.

35 Wokajuju tanka ešta ihakta kte šni, taku ota yaqu ešta iyokipi kte šni.

WICOWOYAKE 7.

1 Micinkši, mioie kin yuha wo, qa mitawoahope kin niye eničihnaka wo.

2 Mitawoahope ništa su kin iyecen yuha wo, qa mitoope kin, hecen yani kta;

3 Hena ninapsukaza en apahta wo, qa nicante ojuha kin akan owa wo.

4 Wicoksape kin, Nis tanke ciya eciya wo, qa wookalinige, Mitakuye caje yata wo.

5 Hecen witkowin kin etanhan

nipatan kta, wihomniwin i skuya kin etanhan.

6 Wati owanyeye kin hetanhan can ipuskica ohna aowakasin qehan;

7 Wacintonpi šni wicehna ewatonwan, cincapi ehna koškadan cante nica iyewaya;

8 Witkowin oise tawa kin ikiyedan mani, canku wan ti kin iyahde kin he ohna ya;

9 Anpetu owihanketa litayetu, hanyetu otpaza he ehan;

10 Unkan inyun winohinca kin he itkokipa, witkowin wan iyecen ihduze ça cante kin nakihbe.

11 Owanji yanke šni qa wicakihna, siha kin tipi tawa ohna yakonpi šni.

12 Tuktekten tiyopa ekta, tuktekten canku kin ohna, qa oise owasin ikiyedan wicahmonka.

13 He yuze ça i iputake ça waditagya heciya,

14 Wopida wošnapi mduha, nakaha hanmdapi wahdušan;

15 Heon itkocipe kta e tan kan wahinawape; niite kin wanciyake kte hinca qa wanna iye-ciye.

16 Ohewahde kin šina owinš waya; Egupton wipatapi on apahtan waton;

17 Mitowinja kin mura, canšin qa canhaša okahtan waya.

18 Ito unhde ça iyokipi kiciya imnaunkiciye kte: Hanyetu osan waštekidaya unkiciyuškin kte;

19 Wicašta kin tin yanke šni, tehan icimani iyaya;

20 Mazaska ojutonpi nape ohna icu, wi mibe kin anpetu kin he en hdi kta ce.

21 Wicoie skuya ota on he yahomni, iha skuya on yaptanye ya.

22 Unkan ihnuhanna ihakamya

WICOIE WAKAN.

mani, tatanka wan tutken patapi kta ekta ye cin he iyecen, qa tahinca hmunkapi kin en inyanke cin he iyecen.

23 Ecen wanhinkpe wan pi kin ipalidan iheyapi; zirkadan wan hmunkapi en kinyan iyo-pta, qa on te kta sdotkiye sni he iyecen.

24 Heon micinca anamagoptanpo, qa wicoie mii kin ie cin awacinpō.

25 Ihnuhan nicante kin winohinca kin he oye kin en nihduhomni kinhan, tacanku kin ohna onuniye sni wo.

26 Wicota capapi makata ehpewicaya, wicakte kin hena owasin wasakapi.

27 Ti kin he Hades canku iyahde kin hee, wiconte temahentuya ohna iyaye wicaya.

WICOWOYAKE 8.

1 Awicakehan woksape kin waiyanpaha, qa wookahnige kin hoyeya ece.

2 Paha hinca akan najin, canku icipawega ohna.

3 Tiyopa icahda, otonwe tiyopa en, tukten tiyopa ohna hiyupi ekta wicakipan.

4 Ihopo, wicašta cicipanpi qa Adam cinca kin hoyeciciyapi ce.

5 Tona wacinnitonpi sni kin wowayupike onspeiciciyapo, qa winitkotkopika cante kiksapo.

6 Anagoptanpo, qa iha wahdukawa ca taku owotanna epe kta.

7 Micaka kin wowicake eye kta, qa wowicašta sni miiha kin wahite da sni.

8 Mii kin etanhan wicoie kin owasin ecetupi, hena en takudan skope sni qa pemni sni.

9 Wicašta wiyukcan kin hena owasin mdeza e iyeya, tuwe wo-

sdonye akite cinhan hena owotanna e iyeye kta.

10 Mazaska hee sni, tuka wonspeciciyapi kin he icupo, qa mazaskazi hinca hee sni tuka wosdonye kin he kahniapo.

11 Woksape kin he inyan tehika kin sam iyeya tehika, qa taku kašta iyowicakipi owasin he iyowaja sni.

12 Woksape he miye, qa iyo-tan wamdupika; taku wayupika sdonyapi kin hena owasin iye-wayace.

13 Tona Jehowa kokipapi kin hena wicohan sica sicedakapi; wahaniçidapi, watanka içidapi, sicaya opiiciciyapi, qa wicai pemni kin hena sice wadaka.

14 Wahokonwicakiyapi wiconi ko hena mitawa, wokcan kin he miye, wowaşake he mitawa.

15 Miye eciyatanhan wicašta yatapi wawidakapi, qa itancanpi taku owotanna wakiconzapi ece.

16 Miye eciyatanhan itancanpi oyate yuhapi, qa tona maka akan wayacopi itancanyan unpi.

17 Tona wašte madapi kin hena wašte wadaka, qa tona hanhanna hin amakitapi kinhan iye-mayanpi kta.

18 Woyuha ota qa wowitan miciyukan, woicihde suta qa wokiconze.

19 Mazaskazi ecedan hin ešta mitawaskuyeca kin he iyotan, qa mazaska kahniapi ešta taku icahwaye cin hee iyotan wašte.

20 Wicoowotanna canku ohna mani wicawaya, wokiconze oye kin cokaya ohna.

21 Hecen tona wašte madapi kin hena taku hohoşni tawayapi kta, qa wopiye tawapi ojudan wicawakiye kta.

22 Jehowa tohan tokaheya mayuhe cigon, takudan icahye sni he itokam kici waun.

WICOWOYAKE 9.

23 Otokahe wanin ehantanhan
sdamayanpi, otokahe ekta maka
kin itokam.

24 Ošbe wanica hehan maton-
pi, wakoniya mini ojudan itokam
icahmayanpi;

25 He imnija kin sutaya ehde-
pi šni, qa paha kin itokam icah-
mayanpi;

26 Maga qa tinta qa maka mdu
paha kin kage šni itokam;

27 Małpiya ehnake čehan en
waun; ošbe akan wohmihbe
ehde he ehan.

28 Wankantanhan małpiya šo-
ka otke ya; ošbe kin etanhan
wakoniya yušan he ehan;

29 Miniwanca kin toope qu, qa
mini kin huta kin sanpa ye kte
šni konze čehan, maka kin sicu
kin yasuta qehan;

30 He ehan ikiyedan manka,
kici icahmayanpi, anpetu oto-
iyohi toiyokipi kin he miye, qa
ohinniyan itokam wimduškin.

31 Wicašta cincapi om imdu-
škin, qa maka ounyanpi kin he
iyomakipi.

32 He etanhan dehan micinca
anamagoptanpo. Tona mitacan-
kuopapi kinhan hena pidaiciyapi.

33 Woonspe kin nałonpo, qa
ihduksapapo, ihnuhan he ełpe-
yayapi kin.

34 Wicašta tuwe anamagoptan
anpetu owasin mitatijopa awan-
yake ča tiyopa icahda najin kin
he wopida.

35 Tuwe iyemaye cin he wi-
coni iyeya, qa Jehiowa en wo-
iyokipi aihdutan.

36 Tuwe miye en wałtani kin
he nagi kin kiunniyan, tona šice
madapike cin hena wiconęe wa-
šte dakapi ece.

WICOWOYAKE 9.

1 Woksape tipi tawa wanna

kage ča inyan šakowin oahe kin
hdakan:

2 Tado wanna kpata, miniša
kin icicahi, qa wahna wotapi
kin ekihde.

3 Wikoška tawa kin ye wicaši,
wicote wakan otonwe ohna he
ipa kin akan pan yanka.

4 Tuwe wacintonšni deci u
wo, cante nicapi kin hewicakiya,

5 Kuwapo, aguyapi mitawa e-
tanhan yutapo, qa miniša wiye-
ya ewehde kin etanhan yatkanpo.

6 Wicowitkotko kin ełpeyapo,
hecen yanipi kta; qa wokcan
canku kin ohna manipo.

7 Tuwe waonca wahokonkiye
cin he wowištece iyahdeiciya,
qa tuwe wicašta šica iyopeye
cin he ihdušape kta.

8 Wicašta waonca ihnuhan
iyopeyaye cin, šice nidake kta
naceca; tuka wicašta ksapa he
iyopeya wo, hecen wašte ni-
dake kta.

9 Wicašta ksape cin waonspe-
kiya wo, hecen sanpa ksape kta;
wicašta owotanna wosdonye qu
wo, he icu kta.

10 Woksape otokaheya kin he
Jehowa kokipapi kin ee, qa ta-
ku wakan sdonyapi kin wokcan
itancan kin hee.

11 Miye on anpetu nitawa ni-
ciyuotapi kta; nakun wiconi
omaka yuhe ciciye kta.

12 Yaksape cinhan nitoksape
taku aicage cin he nitawa kta,
qa waonyace cinhan nišnana ši-
tkihda ničiye kta.

13 Winohinca witkotkoka kin
he iwakan, wacintonšni qa taku-
dan sdonye šni.

14 Iye ti tiyopa kin icahda iyo-
tanka, otonwe pajodan ohna can-
akanyotankapi akan.

15 Ahiyayapi kin wicakipan,
canku katinyan omanipi kin he-
na;

WICOIE WAKAN.

16 Tuwe wacinton śni kinhan, kuwa wo, eciya, qa tona cante nicapi hewicakiya,

17 Mini manonpi kin he skuya ce, qa aguyapi nahmana yutapi kin he wiciyokipi ce, eya.

18 Tuka hen wicanagi yakonpi, tona wicakico Hades osmaka kin ohinipayapi wicašta kin sdoneyē śni.

WICOWOYAKE 10.

1 Wicoie wakan Salomon tawa. Hoksiyopa ksapa eca atkuku iyuśkin kiya ece; tuka hoksiyopa witkotkoke cin he hunku kin iyokiśinya.

2 Wicohan śica on mazaska mnayanpi kin owicakiyapi śni; tuka wicoowotanna wiconte etanhan waehdaku.

3 Jehowa wicašta owotanna nagi kin akilian ye kte śni, tuka wicašta śica taku cinpi ehpe-wicakiciya ece.

4 Tuwe nape kuje cinhan ihdu-wahpanica, tuka wicanape minihca kin he wijinwicaya ece.

5 Tuwe mdoketu eca wamnayan ece kin he hoksiyopa wayupika, tuka tuwe wamnayanpi icunhan iŝtinbe cin he hoksiyopa wawištenya ece.

6 Wicašta owotanna pa kin yawaštepi, tuka wowištece wicašta śica i kin aohdute ye kta.

7 Wicašta owotanna kiksuyapi kin yawaštepi kta, tuka wicašta śica caje kin kuke kta.

8 Tuwe cante ksape cin he wahokonkiyapi icu kta, tuka tuwe iha witkotkoke cin he wan-kahe kta.

9 Tuwe wohnaye wanin mani kinhan okope codan mani kta; tuka tuwe canku kin hdupemni kin he sdonyapi kta.

10 Tuwe išta kin on wiyute

cin he woiyokiśice icaliya, qa tuwe iha witkotkoke cin he hi-cahe kta.

11 Wicašta owotanna i kin wiconi minihdoka kin hee, tuka wicowohitike kin wicašta śica ipi kin akahpe kta.

12 Woŝicedake kin wicakigepi kaga, tuka wowaŝtedake kin he woahitani owasin akahpa.

13 Wicašta wiyukan iha kin ohna woksape iyeyapi kta, tuka wicašta cante nice cin nite ekta cansakadan kta.

14 Wicašta ksape cin hena woksape nakihmanpi, tuka tuwe witkotkoka i kin ecadan inihan kta.

15 Wicašta wawokihika towijice kin conkaške suta kin hda-wa, tuka wowahpanice wicašta onśika yuśinye wicaya.

16 Wicašta owotanna kin wiconi iyuwin yapi, tuka wicašta śica woahitani icaliyapi ece.

17 Tuwe woonspe hduhe cin he canku wiconi iyahde kin he opa; tuka tuwe wahokonkiyapi awakicin śni kinhan nuni.

18 Tuwe iha itonpi śni on wocanniye anakihbe, ca tuwe wowištece yaotanin kin iŝ eya witkotkoka.

19 Tuwe wicoie ota ie cin wahitani, tuka tuwe iha nina hduhe cin he ksapa.

20 Wicašta ohan owotanna cante kin he mazaska kahnigapi, wicašta śica cante kin he taku śni.

21 Wicašta owotanna iha kin wicašta won wicaya ece, tuka wicašta witkotkopi kin cante nicapi on ŝapi kta.

22 Jehowa toyawašte kin wawijinya kin hee, qa iyahna woiyokiśica opeye śni.

23 Taku śica econpi kin wicašta witkotko imagaga icuyapi,

WICOWOYAKE 11.

tuka wicašta wiyukcan woksape opa.

24 Wicašta śica taku ikope cin he akipe kta, qa wicašta owotanna taku cin kin he kiçupi kta.

25 Tate iyumni ahiyaya eca wicašta śica en un kte śni; tuka wicašta owotanna oahe kin owihanke wanica.

26 Hastanhanka toto wicahi kiuniyan, qa śota wicišta kin en he iyecen wicašta kuja tona yeşipi kin en.

27 Jehowa kokipapi kin he anpetu wicakiciyuota, tuka wicašta śica omaka tawapi kin wicakiciyuptecedanpi kta.

28 Wicašta owotanna wowiyuşkin aperi, tuka wicašta śica taku aperi awihnuni kta.

29 Jehowa tacanku kin wicašta waşte waşag wicaya ece, tuka wicašta śica yuşinyewicaya.

30 Wicašta owotanna ohinnian yuhohopi kte śni, tuka wicašta śica maka kin ounyanpi kte śni.

31 Wicašta owotanna i kin woksape hinanpe ya, tuka wopemni ceji kin başpapi kta.

32 Wicašta owotanna iha kin taku wiciyokipi sdonya, tuka wicašta śica ipi kin wicoşkişke.

WICOWOYAKE 11.

1 Wohnayan tke utapi kin he Jehowa wahtedaşni, tuka tke utapi ecetu kin he Jehowa toiyokipi ee.

2 Tohan waħaniçidapi hi kin kan wowištece he nakun u ece, tuka woksape onşihanpi kin wicayukan.

3 Wicašta waşte towaştepi kin awicaye kta, qa wicašta śica topemnipi kin ihang wicaye kta.

4 Wocanniye anpetu ehan woyuha takudan okihi śni, tuka

wicoowotanna wiconţe etanhan waehdaku.

5 Wicašta waşte toowotanna kin canku wicakiciyumdaye kte, qa wicašta śica toħan śicapi kin on ħicahanpi kta.

6 Wicašta ecetupi kin toowotanpi kin wicakiyuşka ece, tuka wicašta wakonsa tawohnayanpi kin wicahmunka.

7 Tohan wicašta śica ţe cinhan taku cin qon awihnuni kta, qa taku wicašta oħan śica aperi atakuni śni ece.

8 Wicašta owotanna woiyokişice etanhan inapa, qa wicašta śica wan he en hiyu.

9 Wicašta wahnayan iye i kin on takodaku ihangya, tuka wicašta owotanna tosdonyepi kin he ewicahdaku.

10 Wicašta owotanna tanyan unpi kinhan otonwe kin iyuşkin, qa wicašta śica awihnunipi eca wiyuşkinyan dowanpi ece.

11 Wicašta ecetupi yawaştepi kin he otonwe kin yawankan-tuya, tuka wicašta śica ipi kin he yajuju.

12 Tuwe takodaku wahtedaşni kin he cante nica, tuka wookaħnige wicašta kin inina yanka.

13 Waaiesa kin taku nahmana oyakapi kin he yaotanin, tuka tona woniya wacinyepica kin hena wicoie analımanpi ece.

14 Tukten wahokonkiyapi wanime cin hen oyate wankahe kta, tuka wiyukcanpi ota on etanhan wicani.

15 Tuwe wicašta tokeca taku icazo kicicajuju kta keye cinhan kiunni kta, tuka tuwe he weciçajuju kta eye kapin kin he wacinyepica.

16 Winohinca waşte wowitan yuhe kta, qa wicašta waşaka woyuha patanpi ece.

17 Wicašta wacantkiya iye na-

WICOIE WAKAN.

gi tanyan ecakicon; tuka tuwe waonsida s̄ni kin he iye cehpi kin kiunni.

18 Wicašta s̄ica wohnaye wohitani econpi; tuka tuwe wootanna oju kin iyuwin wicaka yuhe kta.

19 He iyecen wicoowotanna on wicani, qa tuwe wicoħan s̄ica ope cinhan ŧeiċiya.

20 Tona cante pemniyan unpi kin hena Jehowa wowah̄tedašni, tuka tona tacanku ecetupi kin hena iyokipi yapi.

21 Wicanape tokan nape ekta yekiyapi ešta wicašta s̄ica ūitki-hdayapi kta; tuka wicašta owotanna cincupi kin he inape kta.

22 Winoh̄inca owanyag wašte tuka woksape nice cin he mazaska oinna kukuše pasu kin ohna kin he iyececa.

23 Wicašta owotanna taku wašte heceedan cinpi, tuka wicašta s̄ica wocanniye aepi.

24 Wanji wakadada ešta sanpa mnayan, qa wanji taku owotanna isanpa tehinda ešta ihduwahpanica.

25 Wicanagi wayawašte kin he cepe kta, qa tuwe waamni-mni kinhan amnimnipi kta.

26 Tuwe wamnaheza tehinda kin he oyate kin yašicapi kta, tuka tuwe he iyopeye cinhan woyawašte pa akan un kta.

27 Tuwe wowašte nina akite cinhan woiyokipi iyeye kta, qa tuwe taku s̄ica ode kinhan he iyohi kta.

28 Tuwe towijice kin wacinkiyey cinhan hicahe kta, tuka wicašta owotanna canwapa iyecen tanyan icagapi kta.

29 Tuwe iye ti kin iyokišinye cinhan tateyanpa ekicihnakapi kta, qa tona witkotkokapi kin hena, tuwe ksape cin wowidag wicaye kta.

30 Wicašta owotanna taku icaħye cin he can wiconi kin ee, qa tuwe wicanagi ohiwicaye cin he wicašta ksapa.

31 Wicašta owotanna maka akan iyuwin yuhe kta, hecinhan wicašta s̄ica qa waħtanisa isanpa hececapi kta.

WICOWOYAKE 12.

1 Tuwe wahokonkiyapi wašte dake cinhan wosdonye wašte daka qa tuwe iyopekiyapi kin sice daka he witkotkoka.

2 Jehowa wicašta wašte cante kiya, tuka tuwe taku s̄ica awacin kin he yaco kta.

3 Wicašta wicoħan s̄ica eciyatanhan sutaya he kte s̄ni, tuka wicašta owotanna hutkan tawapi kin hohodan kte s̄ni.

4 Tuwe hihnaku ištenkiyey cin he huhu owasin kuke kiya iyececa, tuka winoh̄inca ksapa wan hihnaku watešdake tawa kin hee.

5 Wicašta owotanna cante oze-pi kin hena ecetupi, tuka wicašta s̄ica wahokonkiyapi kin he wohnaye.

6 Tona s̄ica oiepi on wicawe hmunkapi, tuka wicašta owotanna i tawapi ewicayakupi kta.

7 Wicašta s̄ica kawankapi qa en unpi s̄ni, tuka wicašta owotanna tipi kin sutaya he kta.

8 Wicašta token ksapa he iyecen yatanpi kta, qa tuwe cante pemni kin woihaktapi s̄ni un kta.

9 Tuwe ihaktapi s̄ni ešta ookiye wan yuhe cinhan tuwe ihduonihan qa aguyapi codan un kin he isanpa tanyan un ece.

10 Wicašta owotanna kin tawoteca ni un kin en ewacin ece, tuka wicašta s̄ica wawacinkta yuzapi kin he wohitika.

11 Tuwe tamaga kicanye cin

WICOWOYAKE 13.

he aguyapi imnaiçiye kta, tuka tuwe takuśniśni kuwa kin he cante wanica.

12 Wicašta śica kin śicapi conkaške tawapi cin ece, tuka tona owotanna hutkan tawapi kin taku icaliya.

13 Iha itonpi śni kin on śicaya wicahmunkapi, tuka wicašta owotanna wokakiye etanhan inanpe kta.

14 Wicašta i waskuyeca tawa kin he etanhan taku wašte on imnapi kta, qa taku iye nape kage cin he kicupi kta.

15 Wicašta witkotko canku tawa kin he owotanna kecin, tuka tuwe wahokonkiyapi anagoptan kin he ksapa.

16 Wicašta witkotko tocanniyek kin ecadan hdutanin, tuka wicašta wayupika ištenyapi kin ahdałpa.

17 Tuwe wowicake ie cinhan taku owotanna yaotanin, tuka wayaatanin itonśni kin he wohnaye.

18 Wicašta wan isan cawicape iyecen ia, tuka tona ksapa cejipi kin he wookizi.

19 Wowicake iha kin he ohinnyan suta kta, tuka ceji itonśni kin he aškayedan.

20 Tona taku śica awacinpi cantepi kin ohna wohnaye yukan, tuka wookiye wahokonkiyapi kin hena wowiyuški.

21 Wicašta owotanna takudan śica iyahde śni unpi kta, tuka tona śicapi kin hena taku śica ojupidan.

22 Wicaiha itonpiśni kin Jehowa wałtedaśni, tuka tona ecetu oħanyanpi kin hena toiyokipi kin ee.

23 Wicašta ksapa wosdonye ahdałpa, tuka tona witkotkoka cantepi kin wacintonpi śni ieyanpaha.

24 Wicanape miniheca kin he wawidake kta, tuka wicašta kuje cin he wowidake yapi kta.

25 Woiyokiśice wicašta cante mahen he patuśya, tuka wicoie wašte wan he iyuški.

26 Wicašta owotanna kin tawaśitku kin kapeya, tuka wicašta śica tacankupi kin wicahnayan.

27 Wicašta kuja taku ihni kin he pasnu śni, tuka wicašta miniheca woyuha tawa kin he teħika.

28 Wicoowotanna canku kin ohna wiconi, qa oye canku kin ohna wiconę wanica.

WICOWOYAKE 13.

1 Hoksıdan ksape cin he atku ku wahokonkiya nahon, tuka waoncesa iyopekiyapi ešta nahon śni.

2 Wicašta wan i kin taku icaliyek cin etanhan taku wašte yute kta, tuka tona pemniyan oħanye cin nagipi kin wicowohitike yutapi kta.

3 Tuwe i kin awanhdake cin he nagi kin kpatan, tuka tuwe iha kin hdugaga woiyokiśica yuhe kta.

4 Wicašta kuja nagi kin taku cin tuka wanica; tuka tona miniheca nagipi cepapi kta.

5 Wicašta owotanna wicoie wicake śni śice daka, tuka wicašta śica ĥonwin qa ištece kta.

6 Wicoowotanna tona ecetupi kin wicapatan, qa wicoħan śica kin wałtanipisa nawicahnaye kta.

7 Wanji ihdawijica tuka takudan yuhe śni, qa wanji ihdawaħpanica ešta woyuha ota ton.

8 Wicašta wan toni kin opekiton kta e towijice kin iyopekiya, tuka wicašta śica iyopeyapi nahon śni.

WICOIE WAKAN.

9 Wicašta owotanna toiyoyanpa kin wiyuſkin kiya, tuka wicašta ſica petijanjan tawapi kin bowicakisnipi kta.

10 Wahaniciđapi kin hecedan waakinicapi kaga, tuka tuwe wahokonkiyapi nañon kin he ksapa.

11 Wicahnayanpi kin eciyatanhan woyuha kin he wanistina aye kta, tuka tuwe iye nape kin on kamna kin he hduota kta.

12 Woape kin yutehanpi kin cante kin iyokiſin ya, tuka taku cinpi kin iyohipi kin he wiconi can kin he iyececa.

13 Tuwe wicoie kin ihakta ſni kin ihang ičiye kta, tuka tuwe woahope kin ikope cin iyuwin yuhe kta.

14 Wicašta ksapa toope kin he wiconi wakoniya kin heca, on wiconte wihmunke yuiyokapi.

15 Tawacin wašte kin wicoiyokipi icañya, tuka tona wahte-daſniyan oñanyanpi kin canku tawapi kin he teñika.

16 Wicašta ksapa otoiyohi wosdonye on taku econ, tuka tuwe wacintonſni towitkotkoke cin hduotanin.

17 Wahoſiya ſica taku ſica ohinłpaya ece, tuka wahoſiya wicake cin he wookizi.

18 Tuwe woonſpe eñpekiye cinhan wowahpanica wowištece iyahna ičicaga, tuka tuwe iyopekiyapi awacin kin he kinihanpi kta.

19 Taku cinpi kin iyohipi kinhan wicanagi kin iyokipi, tuka wicoñan ſica ayuſtanpi kin he wicašta witkotkopi wañtedapi ſni.

20 Tuwe wicašta ksapa om mani kinhan ksape kta, tuka tuwe wicašta witkotkoke koda wicaye cinhan hee ihang yapi kta.

21 Taku ſica wañtanipisa wicapasi, tuka tona owotanna taku wašte wicakicupi kta.

22 Wañtanisa woyuha tawa kin wicašta owotanna wicakicihnakapi, qa wicašta wašte cinhintku cincapi kin woyuha tawa wicakiye kta.

23 Wicašta wañpanica mañkicanyanpi on woyute ota icaga, tuka owotanna oñanyanpi ſni on apa awihnuni.

24 Tuwe wicapsinte tpatan kin he cinhintku ſice kidaka, tuka tuwe he wašte kidake cin he kohanna iyopekiya.

25 Wicašta owotanna nagi kin imnahan wota ece, tuka wicašta ſica tezipi kin akiñhanpi kta.

WICOWOYAKE 14.

1 Winohinca ksape cin otoiyohi tipi ičicaga ece; tuka witkotkoke cin he iye nape kin on ti kin hdujuju.

2 Tuwe iye toecetu kin omani kin he Jehowa kokipa, tuka tuwe canku kin hdupemni kin he ihakta ſni.

3 Wicašta witkotko ipi kin ohna wañanicidapi sagye yukan, tuka tona ksapapi ihapi kin wicahduhapi.

4 Tukten tatanka waniea hen aguyapi tipi takudan ohnaka ſni, qa oicage ota kin he tatanka waſake cin he eciyatanhan u ce.

5 Wayaatanin wicake cin he itonſni wanice kta, tuka wayaatanin ecinſniyan kin he woitonſni ipohya.

6 Waoncesa woksape akita ešta he iyeye ſni, tuka tuwe wokalininge cin he wosdonye waſakadan iyeya.

7 Wicašta witkotkoka itokapatanhana ya wo, qa nakun tuwe

WICOWOYAKE 14.

woksape iha yuhe śni sdonyaye cinhan.

8 Wicašta wayupika toksape kin he tacanku kin iyukean, tuka wicašta witkotko towitkotkopi ke cin he wohmeye.

9 Wicašta witkotkopi kin woahtani ilahayapi, tuka tona ece-tupi kin ehna wacantkiyapi yukan.

10 Wicacante nagi kin toiyoki-śice cin sdotkiya, qa towiyuśkin en tokan icicahiye śni.

11 Wicašta śica tipi kin kawan-kapi kta, tuka wicašta ecetupi tawakeyapi icage kta.

12 Canku wanji ecetu seca wicašta itokam, tuka he iyohakamya wiconṭe iyahdeya.

13 Nakun tuktektan ilahapi icunhan cante śicapi, qa wowiyuśkin kin he ihanke kin ekta woiyokiśica.

14 Tuwe cante namni kin iye tacanku kin on imna kta, qa wicašta wašte iye cante oze on ipi kta.

15 Tuwe wacintonśni kin wicoie owasin wicada, tuka wicašta wayupika caehde kin iwanhdaka.

16 Wicašta ksapa kokipe ça taku śica etanhan ihduhomni ece, tuka wicašta witkotkoke cin iyo-pta iyaye ça waciniciya.

17 Tuwe wacinko kinhan witkotkoya ohanyan, qa tuwe taku śica cantiheye cin śice dakapi kta.

18 Tona wacintonpi śni wowitkotko kin tawayapi, tuka wicašta ksapa wosdonye wateśdag tonpi.

19 Wicašta śica tona waštepi wicitokam patujapi, qa tona owotanna tatiyopa itokam.

20 Kodawicaya ešta wicašta wahpanica kin śicedakapi, tuka wicota wijica wan taku yapi.

21 Tuwe takodaku ihakta śni kin wahṭani, tuka tuwe tona onśika onśiwicakida yawaštepi kta.

22 Tona taku śica kagapi kin hena nunipi, tuka tona taku wašte kagapi wacantkiyapi wo-waonśida ahna tawayapi.

23 Taku kicanyanpi kin owasin on taku mnayanpi ece, tuka wicaiha iapi kin wicayuwahpanica hecedan.

24 Wicašta ksapa woyuha tawapi kin he wateśdag tonpi, tuka tona wacintonpi śni towitkotkopi ke cin he wowitkotko.

25 Wayaatanin wicake cin he wicanagi ewicayaku, tuka wayaatanin wahnaye cin woltonśni ipohya.

26 Jehowa kokipapi kin en wuwacinye suta yukan, qa tuwe hecon cinca kin hena wowinape yuhapi kta.

27 Jehowa kokipapi kin he wiconi minihdoka kin hee, on wiconṭe wihmunke kin etanhan ihduśpapi.

28 Oyate ihduotapi eca wicašta yatapi kin wowitan yuha ece, tuka oyate kin wanistina aye cinhan atakuni kte śni e ikopa.

29 Tuwe tehan canteptanye śni kin he wiyukcan tanka, qa tuwe wacinko kin he towitkotkoke cin hdutanin.

30 Cante zanika celipi nikiya kin hee, tuka winawizipi kin he wicahu kin yukuka kin hee.

31 Tuwe wicašta onśika wan sanpa yuwahpanice cin he tuwe he icahiye cin he ištenya, tuka tuwe he ohoda kin he wahpanicipi kin cante wicakiya ece.

32 Wicašta śice cin taku śica en napeyapi kta, tuka wicašta owotanna ṭa ešta taku wacinyan un.

33 Woksape kin wicašta wiyu-

WICOIE WAKAN.

kean cante kin ohna iyozi, qa wicašta witkotko cokaya kin sdonyapi kta.

34 Wicoowotanna kin he oyate kin wowitan icalhwicakiciye cin ee, tuka woahłani kin he oyate wowištece kin ee.

35 Ookiye ksapa kin wicašta yatapi toiyokipi kin hee, tuka tuwe wowištece kage cin he canniye kta.

WICOWOYAKE 15.

1 Hbayedan waayupte cin he wowacinko anapta, tuka wicoie tehike cin he wocanteptanyan kaga.

2 Wicašta ksapa cejipi kin wosdonye yawašte, tuka wicašta witkotko ipi kin wowitkotko enapeya.

3 Jehowa išta kin owancaya wicašta śica wicašta wašte ko owasin iyohi wicaya.

4 Wicaceji wawokizi ye cin he can wiconi kin iyececa, tuka wicaceji wayapemni kin wicanagi kin he yawega.

5 Tuwe witkotko kin he atku-ku wahokonkiye cin ihakta śni, tuka tuwe iyopeyapi iyowiničiye cin he ksapa.

6 Wicašta owotanna ti kin ohna woyuha tanka yanka, tuka wicašta śica taku mnayanpi kin en woškiške yukan.

7 Tona ksapa ihapi kin wosdonye kadadapi, tuka tona witkotko cantepi kin hecetu śni.

8 Wicašta śica wošnapi kin he Jehowa wowałteda śni, qa wicašta ecetupi kin cekiyapi kin he iyokipi.

9 Wicašta śica tacanku kin he Jehowa wałtedaśni, qa tuwe woowotanna ope cin he wašte daka.

10 Tuwe canku ehpeye cin

wahokonkiyapi kin iyokipi śni, qa tuwe iyopekiyapi śice dake cin he ę kta.

11 Jehowa wicašte cin nagipi kin qa tancan atakunipi śni owasin wanyaka, nakun Adam cinca cante ozepi kin owasin.

12 Waoncesa wahokonkiyapi wašte dake śni, qa wicašta ksapapi kin ekta ye kte śni.

13 Wicacante wiyuśkin kin he itohnake wašte kaga, tuka cante wicaśice cin on wicoksape kin kawanka.

14 Wicacante ksape cin wosdonye akita, tuka witkotko ipi kin wowitkotkoke woyute yapi.

15 Tona iyokiśica anpetu tawapi owasin śicapi, tuka cante wašte kin wohanpi en ohinniyan opapi kin he iyececa.

16 Jehowa wokokipe yapi taku cistina yuhapi ešta hee wašte, tuka woyuha tanka wicoškiške iyahna hee wašte śni.

17 Wałpe tanka heceedan ešta cante wašteya kiciyus yutapi kin hee wašte, qa tatanka cepa ešta cante śicaya kiciyus yutapi kin hee śica.

18 Wicašta wacinko kicigepi kaga, qa tuwe tehan canteptanye śni woakinica anapta ece.

19 Wicašta kujapi tacankupi kin wapepeka małinatake wan iyececa, tuka wicašta owotanna tacanku kin he yumdayapi.

20 Hoksıdan ksape cin he atku-ku wiyuśkin kiya, tuka wicašta witkotkoke cin he hunku kin ihakta śni.

21 Tuwe cante nice cin he wowitkotkoke cin wiyuśkinyan, tuka wookałniga wicašta ece-
tuya mani.

22 Wiyukcanpi wanice cinhan cante ozepi kin atakuni śni ece, tuka wiyukcanpi ota on yusutapi kta.

WICOWOYAKE 16.

23 Wicašta i kin tanyan wa-ayupte cin on iyuskin kta, qa wicoie iyehantu kin he wašte hinca.

24 Wiconi canku kin wankantuya wicašta ksapa opa, hecen Hades ihukuya kin yuiyogya.

25 Jehowa wahaničida ti kin yujuju, tuka wiwazica ti kin yusuta ece.

26 Cante ozepi šiksica kin Jehowa wahitedašni, tuka wicoie wakašotešni kin he iyokipi.

27 Tuwe šiksicaya wakamna kin he iye ti kin iyokišinya ece, tuka tuwe taku qupi kin šice dake cin hee ni kta.

28 Wicašta owotanna cantepi token waayupte kta awacin, tuka tona šica ipi kin taku šica enapeya ece.

29 Wicašta šicapi kin Jehowa itehanyan wicaun, tuka wicašta owotanna cekiyapi eca nawicahon ece.

30 Wicašta iyoyanpa kin he wicacante iyuskin, qa taku wašte nañonpi kin wicahuhu cem-ya ece.

31 Wicanoge wiconi woiyopeye nañon kin he wicašta ksapa om wanke kta.

32 Tuwe woonspe aktašni kin he iye nagi kin eñpekiya, qa tuwe woiyopeye nañon kin he cante ton.

33 Jehowa kokipapi kin woksape woonspe kin ee, qa onšihan ičidapi kin he wowitan itokamya u ece.

WICOWOYAKE 16.

1 Cante ozepi kin wicašta etanhan, tuka Jehowa ceji wo-ayupte kin he qu.

2 Wicašta iye tacanku kin owasin ecedan kecin, tuka woniya wicatkeuta Jehowa hee.

3 Nitohitani kin Jehowa en ya-kizamni wo, hecen nicante oze-pi kin yusutapi kta.

4 Taku Jehowa kage cin owasin akiciyuptapi, qa wicašta šica anpetu šice cin on nakun.

5 Wicacante wahaničida kin otoiyohi Jehowa wowahitedašni, nape iciyahdeyapi ešta iyopewicayapi kta ce.

6 Wowaonšida wowicake iya-hna on woahitani kajujupi, qa Jehowa kokipapi kin on taku šica etanhan inapapi.

7 Tohan wicašta wan oñan kin Jehowa iyokipi kinhan tona tokayapi qon takuyapi kta e kaga.

8 Woowotanna kici taku cistina ešta hee wašte, qa woyuha tanka ecetu šni mnayanpi kin he šica.

9 Wicašta cante kin tacanku kin hdukcan, tuka cahde tawa kin Jehowa konza.

10 Wokcan wicoie wan wicašta yatapi iha kin etanhan, wacyaco eca i kin nuni kte.šni.

11 Tke utapi ecetu kin he Jehowa etanhan, ojuhadan ohna inyan un kin hena owasin iye kaga.

12 Wicašta yatapi kin šicaya ohanyanpi kin wowahitedašni yanpi kte, nakaeš woowotanna kin oiyotanke kin yusuta.

13 Wiciha owotanna wicašta yatapi iyowicakipi, qa tuwe ecetuya ie cin he wašte dakapi kta.

14 Wicašta yatapi tocanniye kin he wiconte wahošiwicaya iyececa, tuka wicašta ksapa wan he anapte kta.

15 Wicašta yatapi itohnake kin iyoyanpa kin ohna wiconi yukan, qa cante wicakiye cin he magaju ehake kin he iyececa.

16 Woksape mnayanpi kin hee iyotan, qa mazaskazi hee šni;

WICOIE WAKAN.

qa wokcan iyohiyapi kin he mazaska isanpa cinpi kte.

17 Taku śica yuiyokapi kin he wicaśta ecetupi tacanku yumdayapi kin hee, qa tuwe iye oħan kin awanhdake cin he nagi kin kpatan.

18 Wicotakuniśni itokamya watankaicidapi u, qa wicawan-kahe kte cin itokam woniya wahanicida ya ece.

19 Onśipika om woniya onśihan icida kin hee waśte, qa wahanicidapi om taku kipi kicipamnipi kin en opapi kin he śica.

20 Tuwe wicoie kin awacin kinhan taku waśte iyeya, qa tuwe Jehowa wacinye cin he yawaśtepi kta.

21 Tuwe cante ksape cinhan wokcan eciyapi kta, qa iha oskuye cin he woonspe icahye kta.

22 Tuwe woksape yuhe cin he wiconi wakoniya wan seca yuha, tuka wicaśta witkotko onspekiyapi kin he wowitkotko.

23 Wicacante ksape cin he i kin wayupikiya, qa iha kin akan woonspe aokijuya ece.

24 Wicoie wiciyokipi tuhmaga canhanpi kin he iyececa, wicanagi woskuye kin, qa wicahuħ okizi kin hee.

25 Canku wanji ecetu seca wicaśta itokam eśta, iyohakamya wiconťe canku kin iyahdeya.

26 Tuwe ħtani kin he iye on ħtani, i kin iyopaśtaka nakaś.

27 Wicaśta wicaśtapi śni kin taku śica kicanye ċa, iha kin ohna peta ideya seca.

28 Woopemni wicaśta kin he woakinice icahya, qa wicaśta śin woyag un kin he takodakiciyapi wicayamdece cin hee.

29 Wicaśta wakisa kin takodaku kihnayan, qa canku wan waśte śni kin omanikiya.

30 Woyapemni kin yukcan kta e iśta kin ohmus ikikcu, qa iha kin hdaħtaka wicoħan śica hduśtan.

31 Wicapa ska woowotanna canku kin ohna iyeyapi kinhan wateśdake owaśtecaka kin hee.

32 Tuwe tehan canteptanye śni kin he wicaśta waśaka kapeya, qa tuwe toniya wowidag kiye cin he wicaśta otonwe icu kin he kapeya.

33 Wicaśta econpidan kansu kin ojuha ohna iyeyapi, tuka token hinanpe kta Jehowa konza.

WICOWOYAKE 17.

1 Aguyapi onśpadan wapaye codan eśta wokiyapi en hee waśte, qa tipi wan tado akinicapi ojudan kin hee śica.

2 Ookiye ksape cin he cinca iśtenwicakiye cin he wowidag ye kta, qa sunka kiciyapi om taku tawayapi kta en wopamni yuhe kta.

3 Maka wakśica ohna mazaska iyutapi, qa maza oceti ohna mazaskazi, tuka Jehowa wicacante pi kin iwicayuta.

4 Wicaśta śica wiciha ecinśniyan anagoptan, qa tuwe itonśni kin ceji awihnuniyan kin anoh kiciya.

5 Tuwe wicaśta walpanica kin iħa kin he tuwe he kage cin iśtenya, qa tuwe tokan yuśakapi kin on iyuśkin śitkiħdayapi kta.

6 Cinca qa sanpa cinca kin hena wicahinca wateśdag yapi, qa hokśipidan atkukupi kin wowitan wicayapi ece.

7 Iapi tanka kin wicaśta witkotkopika iyewicacecapi śni, qa he isanpa iha itonpi śni kin wicaśta tokapapi kin iyowiniċiyapi kte śni.

8 Taku wicaqupi inyan wici-

WICOWOYAKE 18.

mdeza iyececa tuwe he yuhe cin išta kin itokam, taku kašta ektakiya yuhomnipi taku okihi.

9 Tuwe woah̄tani akah̄peton kin he otakuye akita, qa tuwe he oyakesa he kodakiciyapi tan-ka yujuju.

10 Iyopeyapi kin wicašta ksa-pa nina yaskinya, tuka opawinge apapi keš wicašta witkotko kin awacin šni.

11 Tuwe wakipajin taku šica hecedan akita, heon wahoši wohitika ekta ye šipi kta.

12 Eeš wicašta wanji wahan-ksica cinca owasin kitanin šni akiye cin he telhika ešta, wicašta witkotkoka towitkotkoke cin ohna he isanpa telhika.

13 Tuwe taku wašte on taku šica iyowinye cinhan, taku šica iye ti kin ayušan kte šni.

14 Okicigepi otokahe kin he mini okadusyapi kin he iyececa, heon akinicapi kin ihdutaninšni itokam elpeya wo.

15 Tuwe wicašta šica yaowotanna, qa tuwe wicašta owotan-na yašice cin hena napin Jehowa wowahtedašni.

16 Taku on etanhan woksape opeton kta e witkotkoka nape ohna maza yukan tuka cante wanica?

17 Kodayapi wan ohinniyan takodaku cante kiye kta, qa telhiya unpi eca owicakiye kta ece kin heon sunkayapi wan wicakicitonpi.

18 Wicašta cante nice cin takodaku itokam icazopi kicicajuju kta keye ça nape yekiya.

19 Tuwe wokipajin wašte dake cin he akinicapi wašte daka, qa tuwe tatiyopa kin hduwankantuya kin he ihang içiye kta e akita.

20 Tuwe cante pemni kin he taku wašte iyeye kte šni, qa tu-

we ceji kin hdatokeca kin he taku šica ohinhpaye kta.

21 Tuwe cinca witkotko wan kage cin he woiyokišin içiya, qa hokšidan wicaštašni atkuku kin iyuškin kte šni.

22 Wicacante wiyuškinyan tanyan okizi wicaya, qa woniya iyokišice cin he wicahuhu kin našeca.

23 Taku itpi etanhan qupi kin he wicašta šica icu, qa woyaco canku kin yapemni.

24 Wokcan wicašta kin itokamya woksape yukan, tuka wicašta witkotko išta kin maka ihankeya kin etonwanpi.

25 Hokšidan witkotko kin he atkuku okičuninya, qa tuwe ton kin iyokišinya ece.

26 Wicašta owotanna iyopewicayapi kin he wašte šni, wicašta tokapapi kin taku ecetu kin on awicapapi kin he nakun.

27 Tuwe oie kin kpatan kin he wosdonye sdonya, qa woniya inina kin he wookašnige wicašta.

28 Tuwe witkotkoka ešta inina un kin hehanyan ksapa kecinpi kta, iohmus un kin he wiyukan.

WICOWOYAKE 18.

1 Wicašta wan iyokipi içiye kta e išnana iyaye ça taku awacinpi kin owasin on wicakige.

2 Wicašta witkotko wookašnige iyokipi šni, tuka cante kin toketu ihdutanin kta he iyokipi.

3 Wicašta šica u kinhan wooktašni nakun u, qa wicakigepi kin he iwicašteca opa.

4 Woksape wakoniya kin he wakpa kaduze cin heca, wicašta i kin etanhan wicoie kin mini šma kin he iyececa.

5 Wayacopi en wicašta šica wan ihaktapi on wicašta owotan-na yapemni kin he wašte šni.

WICOIE WAKAN.

6 Wicašta witkotko iha kin akinicapi en ye içiya, qa i kin apapi kin kipan.

7 Wicašta witkotko i kin ihdu-takunišni, qa iha kin iye nagi kin kihmunka ece.

8 Tuwe iwakan kin oie kin woyute skuya kin iyececa, wicatezi kin mahentuya iyaya ece.

9 Nakun tuwe tohtani on kuje cinhan tuwe woyuha ihang ye cin he cinye ya.

10 Jehowa caje kin conkaške suta wan heca, wicašta owotan-na kin hen onapa qa okope wanin yanke.

11 Wicašta wijica taku yuhe cin he otonwe suta, qa conkaške tehanwankantuya iyececa kecin.

12 Nawegapi kin itokam wicacante kin wahaniçida, qa wowitan itokam onsihan içidapi kin.

13 Tuwe taku nahon šni itokam waayupte cin he witkotko içiye ça kiunniçiya.

14 Wicašta tancan yazan ešta taniya kin wakişaka ece, tuka wicaniya naşujapi kinhan tuwe wakişake kta okihi he?

15 Wicacante wiyukcan kin he wosdonye ton kta, qa wicašta ksapa nogepi kin wosdonye akitte kta.

16 Taku ituhan kin wicašta kiciyukan kta, qa wicašta tanka wicitokam hiyuye kta.

17 Waakinicapi en tuwe tokaheya wohdake cin he ihdaowotanna, tuka uman hi qa iwange kta.

18 Oeonna kin akinicapi kin anapte ça wicašta waşaka wicayukinukan.

19 Sunkakiciyapi akinicapi kin conkaške tiyopa onatakapi kin iyececa, qa otonwe suta ohiyapi tehika ešta sunkakiciyapi kicipajinpi kin he sanpa tehika.

20 Wicašta tezi kin taku i kin icalhye cin on imna kta, taku iha kin etanhan inape ein heon imna kta.

21 Wiconęe wiconi ko wicaceji nape kin ohna un, qa tuwe he wašte dake cinhan taku icalhye cin he etanhan yute kta.

22 Tuwe tawicu iyeye cinhan taku wašte iyeya, qa Jehowa wicašta kin he cante kiya.

23 Wicašta wahpanica wacekiya yanka, tuka tuwe wijice cin he sutaya waayupta.

24 Tuwe wicota kodawicaye cin he kodayapi iyccen ihdutanin kta, qa wanji wacantkiya sunkayapi wicapatan ešta sam iyeya wicapatan.

WICOWOYAKE 19.

1 Tuwe iha pemni qa witkotkoka hee šni, tuka tuwe ecetuya mani wahpanica ešta hee wašte.

2 Wicanagi kin wosdonye nice cin he nakun wašte šni, qa tuwe siha kin inahni kin he nuni.

3 Wicašta towitkotkoke cin canku kin hdupemni, qa cante kin Jehowa canniyeya.

4 Wowijice kodayapi ota icalhya, tuka tuwe wahpanica kin he takodaku yukinukan.

5 Wayaatanin itonšni kin he iyopeyapi kta, qa tuwe taku ecinkta enapeye cinhan ihduşpe kte šni.

6 Tuwe nina wo wicaqu kin wicota he ite kin kastostopi kta, qa tuwe ituhanza kin he owasin kodayapi kta.

7 Tuwe onşika eca hunkawanjitku owasin şice dakapi, qa hecen sam iyeya kodawicaya ihdutehanpi, wicoie pasi tuka hena taku šni.

8 Tuwe cante ton kin he nagi

WICOWOYAKE 20.

kin wašte kidaka, tuwe wooka-
hnige patan kin taku wašte iye-
ye kta.

9 Wayaatanin itonśni kin iyo-
peyapi kta, qa tuwe taku ecin-
kta enapeye cinhan awihnuni
kta.

10 Wicašta witkotko taku wi-
ciyokipi yuhe kta he iyecece
śni, qa ookiye yuhapi qon wica-
šta itancan wowidag wicaye
kta e sanpa tehika.

11 Wicašta toksape kin tocan-
niye kin kihnaka, qa śicaya eca-
kiconpi kin iwankam iyaye cin
towitan kin hee.

12 Wicašta yatapi tocanniye
kin he mnaja hoton kin iyececa,
qa toiyokipi kin cu kin wato
akan he iyececa.

13 Hokśidan witkotko atkuku
toiyokiśice kin ee, qa winohinea
kigesa kin śbuyapi ohinniyan
kin heca.

14 Tipi qa woyuha hunkake
yapi etanhan tawayapi, tuka ta-
wicu ksape cin he Jehowa etan-
han.

15 Wokuje kin he libapi kaga,
qa wicanagi econkapin kin he
wotektehda un kta.

16 Tuwe woope kin yuhe cin-
han nagi kin hduha, qa tuwe
tacanku kin iyakiktaśni kin he
te kta.

17 Tuwe walipanicipi cante
wicakiye cin he Jehowa oqu, qa
taku wašte kin he iyecen tan-
yan kicu kta.

18 Nahanhin taku wašte ape
oyakihi nicinca iyopekiya wo,
qa te yakiye kta ihnuhan ninagi
en inape cin.

19 Tuwe wocanteptanye tanka
kin he śitkihdayapi kta, hetan-
han edaku ešta ake ecanon kta.

20 Wahokonniciyapi kin awa-
cin wo, hecen iyohakamya ya-
ksape kta.

21 Wicacante ekta taku ota
awacinpi, tuka Jehowa taku kon-
ze cin he sutaya he kta.

22 Wicašta toiyokipi towacan-
tkiye kin hee, qa wicašta wa-
hpanica kin wicašta itonśni kin
kapeya.

23 Jehowa kokipapi kin on wi-
con, qa tuwe hecon kin he
imnahan yanke kta, taku śica
he iyohi kte śni.

24 Wicašta kuje cin nape kin
waksica ohna yekiya, ake i kin
ekta ešta hiyukiye kte śni.

25 Waoncesa nina ayape cin-
han tuwe wacintonśni kin he
ksape kta, qa wicašta wokahni-
ge kin he iyopeya wo, wosdonye
okahnige kta.

26 Hokśidan waištenya qa wa-
ihakta śni kin he atkuku kin
hdutakuniśni, qa hunku napeki-
ya.

27 Micinkśi woonspe kin wo-
sdonye wicoie kin etanhan nuni
wicakiye cin he nahon kta ayu-
ştan wo.

28 Wayaatanin wicašta śni kin
he woyaco ihaħa, qa wicašta śi-
ca ipi kin taku śniśni napcapi.

29 Woyaco wicašta śica wiye-
ya wicakicihnakapi, qa wicašta
witkotkopi tapetepi kapsinpsin-
tapi kta.

WICOWOYAKE 20.

1 Miniśa kin he waiħaħa qa
mini wakan kin he owodutaton
wicaya; tuwe unman tukte ka-
šta on nuni kinhan ksape kte
śni.

2 Wicašta yatapi kin yuśinye-
wicaye cin he mnaja hoton kin
he iyececa, tuwe he canniyeye
cinhan iye nagi kin awaħtani.

3 Akinicipi anapte cin wicašta
towitan kin ee, tuka wicašta wi-
tkotko otaiyohi wakigepi en ye-
içiye kta.

WICOIE WAKAN.

4 Wicašta kuja osni kin on maga hdumdu kte šni, he on woksapi icunhan woda kta, tuka wanice kta.

5 Wicašta taku konze cin he cante mahen mini šma kin iyececa, tuka wicašta wookahnige kin he tankan hiyuye kta.

6 Wicašta ota otoiyo hi towa cantkiye kin ohdake kta, tuka wicašta wowicake tuwe iyeye kta he ?

7 Tuwe ecetuya mani kin he ohan owotanna, cinca iyohakam icagapi is eya tanyan unpi ece.

8 Wicašta yatapi woyaco oiyo tanke akan yanke cin he ista kin on taku šica owasin bomden iyaye ya.

9 Micante kin mihducedan, wawahani kin etanhan mihduska, tuwe eye kta okihi he ?

10 Wiyutapi toktokeca, qa tke utapi toktokeca henioza Jehowa wahtedašni.

11 Koška ešta oħanye cin etanhan ihdutanin, ohan kin ecedan kinhan qa ecetu kinhan.

12 Noge wanaħon kin qa ista wawanyaka kin henioza Jehowa kaga.

13 Ihnuhan woistima wašte yadake cin, okini nihduwahpanice kta ; ista hdukawa hecen aguyapi inimna kta.

14 Šica, šica ce, tuwe opeton kta eye a wanna tawa tankan iyaya hehan ihdatan.

15 Mazaskazi yukan, qa tukihasan ša ota ešta, wosdonye wiciha kin he wojuha tehike hinca hee.

16 Tuwe oyate tokeca wicašta on, wecicajuju kta, eniciye cinhan tašina kin icu wo, qa tuwe wicašta sdonwicaye šni, wicawecicajuju kta, eye cinhan taku tohanyan kajuju šni duhe kte cin he icu wo.

17 Tokan wicakicicajujupi eyapi kin he aguyapi itonšni, qa iyohakam i kin isbudan oju ye kta.

18 Taku konzapi kin wiyukcanpi kin on yusutapi kta, qa tanyan iyukcanpi kin hehan ozuye kaga wo.

19 Tuwe waaia mani kin he taku nahmana oyakapi kin yaotanin, heon tuwe iha hdakawahan he kici icicahiye šni wo.

20 Tuwe atkuku hunku ko wicayašice cinhan otpaza cokaya kin petijanjan tawa kin bokicišni kta.

21 Woyuha otokahe ekta inahnina mnayanpi kin he owihan keta yawaštepi kte šni.

22 Taku šica towecon kta, ihnuhan ehe cin ; Jehowa apeya wo, iye niniye kta.

23 Nonpakiya tke utapi kin Jehowa wahteda šni, qa wohmaye aspekiyapi kin he wašte šni.

24 Wicašta oye kin he Jehowa etanhan, hecen tokiya tanhan wicašta canku kin hdukcan kta he ?

25 Wicašta tuwe ihnuhanna taku tawa hdawakan kin he hmug iciye, nakun tuwe konze cin iyohakan iwange cinhan.

26 Wicašta yatapi ksape cin he wicašta šica wicayamdece a canpahmihma wiciwankam hiyuya.

27 Jehowa petijanjan tawa kin wicašta taniya kin ee, taku wicacante mahentuya un kin owasin iwanyaka.

28 Wocantekiye wowicake ahna wicašta yatapi kin awanyakapi, qa oiyo tanke tawa wocantekiye on hdusuta.

29 Koška towašakapi kin iwin ktapi kin hee, qa wicahinca kin pa skapi kin wowitan yapi.

30 Bahonpi paskitapi kin he

WICOWOYAKE 21.

taku śica patehan ya, qa apapi kin tezi cokaya iyohi kin he nakun.

WICOWOYAKE 21.

1 Jehowa wicaśta yatapi cante kin mini wakpadan iyecen nape kin ohna yuhe ça toki cin kin heciya he yuptanyan.

2 Wicaśta iyohi tacanku kin owasin ecetu kecin, tuka Jehowa wicacante owasin aspe kiya.

3 Wośnapī Jehowa iyokipi eśta taku owotanna qa ecetu econpi kin he isanpa iyokipi.

4 Iśta ihduwankantuyapi qa cante kin ihdatankapi kin hena wicaśta śica petijanjan yapi tuka woahitani.

5 Wicaśta miniheca cante-ozepi on taku mnayanpi ece, tuka tona inahūipi kin owasin on ihdukakijapi ece.

6 Woyuha ota ceji itonśni on mnayanpi kin hena takuśniśni bomdu iyayapi, qa tona heconpi kin hena wiconṭe akitapi.

7 Wicaśta śica wakipi kin ihang wicaye kta, nakaś woyaco econ tawatenyapi śni.

8 Wicaśta canku pemnimni kin he oyate tokeca, tuka tuwe ecedan kin he tancanku kin ecetu.

9 Tice kaḥmin otipi kin hee waśte, tuka winoḥinca wakigesā kici tipī tankaya eśta otipi kin he tehika.

10 Wicaśta śica nagi kin taku śica cin ece, iśta kin takodaku eśta wacantkiya yuze śni.

11 Waoncesa aonpapi kinhan tuwe wacintonśni ksape kta, qa wicaśta ksapa onspe kiyapi kinhan wosdonye icu kta.

12 Wicaśta owotanna kin wicaśta śica toti kin iyukcan : Tuwe wicaśta śica taku śica ohna napewicaya.

13 Tuwe tohan wicaśta onśika hoyekiyapi ca noge kin onakitake cinhan iś eya hoyeye kta, tuka tuwedan ayupte kte śni.

14 Taku naḥmana qupi kin he wocanniye anapte, ça itpi kin ohna taku ituḥanpi kin he canteptanye tanka.

15 Woyaco econpi kin he tona owotanna iyuśkin wicakiya, tuka śicaya oḥanyanpi kin wicakahintapi kta.

16 Wicaśta wan wookaḥnige canku kin etanhan nuni kin he wicaśta ṭapi yuwitayapi om yanke kta.

17 Tuwe iyokipi iḥiye kta waśte dake cinhan ihduwaḥpanica, qa tuwe miniśa wiḥdi ko waśte dake cin he wijice kte śni.

18 Wicaśta śica tona owotanna oḥanyanpi kin wicakicicajujupi kta, qa wicaśta wakisa kin tona ecetupi on.

19 Tinta ḥewoskantuya ounyanpi kin he waśte, tuka winoḥinca wakigesā qa wacanniyesa kici tipī kin he śica.

20 Wicaśta ksapa ounye cin ohna woyuha wiciyokipi qa wiḥdi yukan, tuka wicaśta witkoṭko kin he napca iyeya.

21 Tuwe woowotanna wocantekiye ohna ope cinhan wiconi woowotanna qa wowitan iyeye kta.

22 Wicaśta ksape cin he waśakapi otonwepi kin ohiye ça, taku suta wacinyanpi kin he yuhukuya ece.

23 Tuwe i kin qa ceji kin awanhdake cin he nagi kin taku tehika etanhan kpatan.

24 Tuwe waḥaniḥidaya wocanniye kage cin he wamnaḥida, waḥaniḥida waoncesa eciyapi kta.

25 Wicaśta kuja nape kin ḥitani kapin, heon wocin kin ṭe kiye.

WICOIE WAKAN.

26 Anpetu osan wahduhaha kte cin cantotpani, tuka wicašta owotanna woqu qa tehinda šni.

27 Wicašta šica wošnapı kin he wowahitedašni ece, ecahı taku šica awacinyan au kinhan isanpa.

28 Woitonšni wayaatanin kin awihnuni kta, tuka wicašta token nañon kin yatanin kin he ohinniyan ie kta.

29 Wicašta šice cin itohnake kin hduşuta, tuka wicašta owotanna kin canku kin hduşetu.

30 Jehowa itkokim wicoksape wanica, qa wookahnige wanice a wokcan wanica ce.

31 Kiczapi anpetu kin heon űuktanka kin wıyeya kihnakapi, tuka niwicaye cin Jehowa hee.

WICOWOYAKE 22.

1 Woyuha ota hee šni, tuka tanyan aje niyatapi kin he kañniga wo; mazaska mazaskazi kici hee šni, tuka tanyan wacin en niyuzapi kin.

2 Wicašta wijica qa wañpanica itkokicipapi, Jehowa napin wicakaga.

3 Wicašta ksape cin taku šice cin he wanyake a inahma, tuka tona wacintonpi šni kin hena iyoptapi qa kakišwicayapi.

4 Jehowa kokipapi qa onšihan iidapi iyuwin kin he wowitan qa wowijice qa wiconi.

5 Wicašta pemni tacanku kin ohna wapepeka on hmunkapi ko yukan, tuwe nagi kin awanhdake cinhan hena ihduťehan kta.

6 Otokahe etanhan hokšidan tacanku kin ohna kihiya wo, hecen wicañinca ešta eñpekiye kte šni.

7 Wicašta wijica wañpanicipi wowidag wıcaya, unkan tuwe

waodote cin he waoqu kin he okiya ece.

8 Tuwe wicoñan šica oju kin he wicotaniñni mnaye kta, qa tocanniye sagye kin sote kta.

9 Išta wacantkiya kin he ya-wašťepi kta, nakaš aguyapi tawa kin onšpa wakanheja wıcaqu.

10 Waoncesa napeya wo, hecen wakigepi kin tokan ye kta, nakun waakinicipi kicibapi ko enakiyapi kta.

11 Tuwe wıcacante ecedan kin he wašťe kidake cin he iha wiciyokipi on wicašta yatapi kin kodaye kta.

12 Jehowa išta kin wosdonye patan ece, qa wicašta wahnayesa oie kin yuptanyeya.

13 Mnaja wan tankan yanka, otonwe canku kin ohna makťe kta, wicašta kuje cin eya.

14 Wihomniwin i kin he wolıa šbe ñinca, tona Jehowa wałıťe wıcadašni kin hena ohinñpaya-pi kta.

15 Hokšidan cante kin ohna wopemni opaťtapi ešta iyopekiyapi icapsinte kin he yutehan yekiciye kta.

16 Tuwe taku tawa hduota kta e wicašta onšika wıcayuwañpanica, qa tuwe watonka wawıcaqu kin he awıcakehan wañpanice kta.

17 Nogoptan qa wicašta ksapa oiepi kin nañon wo, qa nicante kin mitoksape kin awacin kta.

18 Hena maku mahen yapatan kinhan wiciyokipi; niha kin akan yuećetupi kta.

19 Niš niye Jehowa wacinyaye kta, heon nakaha hena sdonye ciciya.

20 Wahokonkiciyapi qa wosdonye kin taku itancanyan oci-ci-yake šni he?

21 Hecen wowıcake wicoie kin

WICOWOYAKE 23.

woecetu kin sdonye ciciye, heon tona ye nišipi kin hena wicoie wicake cin wicayahdi kta.

22 Wicašta onšike cin he on-šiya un kin on etanhan ihnuhan taku tawa yaki kinhan, qa wicašta walipanice cin he wayacopi en yašuje šni wo ;

23 Awicanicapi en Jehowa iwicakiye kta, qa tuwe wawicaki kin he nagi kin ki kta.

24 Ihnuhan wicašta wacinko wan kodayaye cin, qa wicašta wacanniyesa kin kici ye šni wo ;

25 Okini ohan tawa kin ecewayakta nace, qa ninagi kin ničihmunkapi nun ce.

26 Tokan on taku wicakicicajujupi kta, icazopi kin wicakicicajujupi kta eyapi kin, ihnuhan owicayape cinhan ;

27 Taku on kajujupi oyakihi šni kinhan tokeca owinja niuhuya tanhan eniciyakupi kta he ?

28 Maga wapetokeca wanakaja nihunkakepi chdepi qon he dutokan kte šni.

29 Wicašta wohtani en miniheca wandaka he ? wicašta yatapi wicitokam najin kta ; wicašta caje wicayatapi šni kin hena wicitokam najin kte šni.

WICOWOYAKE 23.

1 Wicašta yatapi wanji kici wayate kta idotanke cinhan, taku nitokam he cin he en ewacin wo.

2 Wayate cin iyakape niye cinhan isan wan dote kin hda-kinyan iniyakiye non ce.

3 Woyute tawa wiciyokipi kin he iyotan da šni wo, he woyute kin wicahnayan.

4 Wijinničiye kta e ihdustute šni wo, wookahnige nitawa kin he ahduštan wo.

5 Taku en un šni kin he ekta

išta kin yeyakiya he ? wanmdi wan mahpiya ektakiya kinyan iyaye cin he iyecen wowijice hupahu içicage ça iyaya ece.

6 Tuwe wohinyesa kin aguyapi tawa kin etanhan yute šni wo, qa woyute skuya tawa kin kon šni wo ;

7 Nakaš token nagi mahen ecin kin he iyececa, Wote ça wayatkan wo, eniciya ešta cante kin nici un šni.

8 Onšpa yate cin he hdemyaye kta, qa nioie wašte kin owasin ehpeyakiye kta.

9 Wicašta witkotkoka noge kin ohna ie šni wo, nioie woksa-pe kin ihakta kte šni.

10 Maga wapetokcea wanakaja kin he dutokan kte šni, qa wamdenica maga tawapi kin en ye šni wo.

11 Nakaš tuwe taku wicaye cin he wašaka, iye linca taku tawapi kin on nici akinice kta.

12 Woonspe ekta nicante kin hiyukiya wo, qa ninoge kin woksa-pe wicoie kin ekta.

13 Hoksídan iyopekiyapi patan šni wo ; cansakadan on ayapa ešta te kte šni.

14 Cansakadan on ayape kta, hecen nagi kin Hades etanhan edaku kta.

15 Micinkši nicante kin ksape cinhan micante kin iyuškin kta, miye linca ;

16 Qa pakšin mitawa nina pida kta, niiha taku ecetu eye cinhan.

17 Ihnuhan nicante wahtanisa icewicakin kin, tuka anpetu osan Jehowa kokipeyahan un wo.

18 Nakaš woyušan yuke cinhan taku wacinyan ayape kin he nicicašpe kte šni.

19 Micinkši niye anagoptan, qa ksapa wo ; qa canku ohna ncan-te kin hduowotanna wo.

WICOIE WAKAN.

20 Miniša yatkanpisa qa iyokipi içiyapi kta e tado napcapisa owicape šni wo.

21 Witkosa qa wotesa kin hena ihduwahpanicapi, qa ogungapi kin hena wokoyake hdehdecahan koyakapi kta.

22 Niyate cinca nicage cin he nañon wo, qa nihun wakanka ešta ihnuhan ihayaktašni kin.

23 Wowicake kin opeton wo, qa wiyopekiye šni wo, nakun woksape qa woonspe qa wookah-nige.

24 Tuwe oñan owotanna kin he atkuku nina iyuškin kta, qa tuwe hokšidan ksapa wan icañiye cinhan he etanhan pida kta;

25 Hecen niyate nihun kici iyuškinpi kta, qa tuwe niton kin nina pida kta.

26 Cinš nicante kin maqu wo, qa canku mitawa kin he ništa kin awanyaka nunwe.

27 Witkowin kin he makohdoka temahentuya, qa wihomniwin kin he woña cistiyedan ee;

28 Awicakehan he wabotica iyecen wawihmunke ça wicašta ehna wañtanipisa wicayuota.

29 Tuwe, Hehehe, eya he? tuwe ceya he? Tuwe kicikigepi yuha he? tuwe woyokišice yuha he? tuwe taku on etanhan taninšni apapi he? išta samyahan un kin he tuwe?

30 Tona miniša tehan opapi kin, tona miniša icicahiyapi kin akin yapi kin hena.

31 Miniša tohan šaiçiye, tohan wiyatke ohna išta kin hdutanin, wiciyokipiya kaduze cin hehan atonwe šni wo.

32 He iyohakam wamduška iyecen wayahtake kta, qa sintehda wan iyecen wakiunniye kta.

33 Hehan ništa kin winohinca tokeca wanwicayake kta, qa ni-

cante kin taku pemnimni kin enapeye kta;

34 Qa tuwe miniwanca cokaya kin iwanke cin he iyenicece kta, qa tuwe šina watopekiyapi ihupa inkpata wanke cin he iyenicece kta.

35 Makaštakapi tuka mayazan šni, amapapi tuka weksuye šni, tohan wekta kinhan ake awakite kta, ehe kta.

WICOWOYAKE 24.

1 Wicašta šice cin icewicakin šni wo, qa owicayape kta cin šni wo.

2 Cantepi kin waboticapi awacinpi, qa ihapi kin waapañayapi kin ecedan cajeyatapi.

3 Woksape on tipi kagapi ece, qa wookah-nige on sutaya he kta.

4 Wosdonye on wopiye owasin woyuha tehike ça wiciyokipi ojudan yapi kta.

5 Wicašta ksape cin he waška, qa wosdonye wicašta kin he tuwe wašake cin he kapeya.

6 Ozuye yakage cinhan wayupiya econ wo, qa wiyukcanpi ota on ohiyapi ece.

7 Woksape kin he tehanwan-kantuya un, hecen wicašta witkotko kin he iyohi šni, otonwe tiyopa kin ohna ikin hdukawa šni.

8 Tuwe taku šica econ wacin kinhan he wicoñan šica itancan eciyapi kta.

9 Witkotkoka cante oze kin he woahtani kin ee, qa waoncesa kin he wicašta wowahtedašni yapi kta.

10 Iyokišicapi anpetu kin en cante niwankadan kinhan nito-wašake kin cistinna kta.

11 Tona wiconñe en yusdohan awicayapi, qa wicaktepi kta e kaktihanhanpi kin hena ewicayahdaku kta yakapin kinhan.

WICOWOYAKE 25.

12 He sdonunyanpi śni, eha ešta, tuwe wicacante kin iyukan kin he iyukan kte śni he? tuwe ninagi kin awanyake cin he sdonye kta, qa wicašta otoi-yohi token oħanye cin he iye-cen yuhekiye kta.

13 Cinś tuhмага canhanpi kin he wašte heon yuta wo, qa can-hunpute kin he nicaka ekta sku-ye kta;

14 Woksape ninagi kin ekta hecece kta, tohan he iyeyaye cinhan iyuwin yuke kta, qa taku ayape kin heon niçihnaye kte śni he sdonya wo.

15 Wicašta śica, ihnuhan wicašta owotanna onnye cin iwan-dake cin, qa tipi tawa kin awi-hnuniye śni wo.

16 Wicašta owotanna śakowin akihde hicaħan ešta najin kta, tuka wicoħan śice cin he taku śica oiħpaye kta.

17 Toka niye cin hicahe cinhan ihnuhan iduśkin kin, qa nai-çipson ešta ihnuhan nicante kin iyokipi içiye cin;

18 Okinni Jehowa he wanya-ke cinhan iyokipi kte śni, qa to-canniye kin he etanhan niye en aniyuhomni nun ce.

19 Wicašta śicapi išta ihnuhan iyonyake cin, qa wicoħan śice cin he icekin śni wo;

20 Nakaś wicašta śica iyuwin yuhe kte śni, qa wicoħan śicapi kin hena petijanjan wicakiyu-snipi kta.

21 Cinś, Jehowa kokipeyahan un wo, wicašta yatapi nakun; qa tona taku toktokeca akitapi kin hena om opiĩciye śni wo.

22 Heniyoza tohan kakiś wica-yapi kta tuwe sdonya he? woi-yokiśicapi ihnuhanna anawica-jin kta.

23 Wicašta ksapa oiepi kin he-na nakun eepi: Wayacopi kin

Prov.

en wicite iyekiyapi kin he wa-šte śni.

24 Tuwe wicašta śice cin, oni-wotanna eciye cin he oyate kin yaśicapi kta; han, owasin wo-waħtedaśni yapi kta.

25 Tuka tona he iyopeyapi ta-ku wiciyokipi iyeyapi kta, qa tuwe wašte kin wicayawašte kta.

26 Tuwe wicoie ecetu ayupte cinhan iha kin iputakapi kta.

27 Nitoħtani tankan iwanhda-ka wo, qa nitamaga kin tanyan hduśtan wo, qa hehan tipi yeca-ge kta.

28 Ihnuhan ituħ nitakoda on taku śica odake cin; niħa kin on wicayahnaye kta he?

29 Token eeamiconpi kin he iyeccen ecawecon kta, wicašta otoi-yohi token oħanye cin he iyeccen owakiħanye kta, eye śni wo.

30 Wicašta kuja wan tamaga kin icahda iyamdupta, qa wica-šta cante nica wan wiyuwi tawa ikiyedān;

31 Unkan inyun hena owanca-ya haśbe aicage ça itolmake kin osan wapepeka on akalipetonpi, qa inyan on inataktonpi kin he yuwankapi;

32 Hena awatonwan, qa mi-cante kin ekta ewahnaka; wan-mdake ça waonspemiçiciye.

33 Ehake cistiyedan niśtibe, cistiyedan makan inunke kta e nape pakśijapi;

34 Hecen nitowaħpanice kin he wicašta icimani wan he iyeccen en niħi kta, qa wicašta wipe hduhe cin en u kin iyeccen taku owasin inicakije kta.

WICOWOYAKE 25.

1 Wicoie wakan kin dena na-kun Salomon tawa, qa Juda o-

WICOIE WAKAN.

yate wicašta yatapi Hizekiya wicašta tawa kin dena akta owapi.

2 Wakantanka taku anakihbe kta towitan kin ee, tuka taku tanyan iyukcan kta e wicašta yatapi kin towitan kin hee.

3 Mahpiya tehanwankantuya kin, qa maka temahentuya kin, qa wicašta yatapi cante kin hena owasin iyukcanpicašni.

4 Mazaska etanhan gigi kin he yutokan iyeya wo, hecen wakšica wan mazakage cin un kta e hiyu kta.

5 Wicašta yatapi itokapa tanhan wicohan šicapi kin hena wicayutokan wo, hecen oiyotan-ke tawa woowotanna on sutaya he kta.

6 Wicašta yatapi kin itokam ihdutan šni wo, qa wicašta tokapapi ohe kin ohna najin šni wo.

7 Nakaš, Wankantuya deciya u wo, eniciyapi kin hee wašte, tuka wicašta itancan ništa wanyake cin he itokam niyuhukuyapi kin hee wašte šni.

8 Ihnuhan inahniyan woakini-ce en yeniciye cin, okini owihanketa tuwe kici ayakinice cin he ištenniye kta, hehan token ecanon kta he?

9 Tuwe kici ayakinice cin he kicišnana wohdaka wo, unkan token taku nahmana oniciyake cin he yuotanin šni wo.

10 Okini tuwe nanihon kin he iyopeniye kta, qa ištenniyanpi kin niciyutokanpi kte šni.

11 Wicoie wan tohan iyececa iapi kin he taspan tanka zizi kin mazaska wakiskotpa ohna he iyececa.

12 Wawiopeye ksape cin noge wanahon kin ekta he mazaska oinpi kin, qa mazaskazi wanapin kin he iyececa.

13 Wahoši wacinyepica wan tona ye šipi kin iyowicakipi kin he, mdoketu cokaya wa osni kin iyecen, qa itancan tawa nagi kin ekicetu.

14 Tuwe taku wicaqu kta itonšniyan on ihdatan kin he mahpiya sapa qa tate magaju wanica kin he iyececa.

15 Wacintankapi on wicašta yatapi kin cinkiyapi, qa ceji skuya kin he wicahuhu kin yaksa ece.

16 Tuhmaga canhanpi iyeyaya he? winipi kta e heceedan yuta wo. Okini iyatahdeniciye cinhan yahdepe kta.

17 Ihnuhan nisiha kin anpetu owasin nitakoda ti kin en ye yakie cin; okini ijehan en de cinhan šice nidake kta.

18 Tuwe takodaku oitonšniyan wayaatanin kin he wanhinkpe, qa isan qa canhpi wan iyececa.

19 Wohnaye wicašta wan, anpetu iyokišicapi en wacinyanpi kin he hi wan ksahan qa siha pšunwahan kin he iyececa ece.

20 Tuwe cante šice cin he ekta wiyuškinyan odowan abiyayapi kin he anpetu sni icunhan heyake yušdokapi kin, qa wipajaja miniskuya akaštanpi kin he iyececa.

21 Tuwe šice nidake cin he wotektehda kinhan aguyapi yunkiya wo, qa ipuza kinhan mini yatkekiya wo;

22 Hecen petaga iye pa kin akan mnayaye kta, unkan Jehowa iyuwin niču kta.

23 Tate waziya tanhan u kin he magaju kaha iyeya, he iyecen itohnake canksiya wicaceji taku šica nahmana oyake cin.

24 Tice okahmin otipi kin hee wašte, tuka winohinca wakiges kici tipi tankaya ešta he tehika.

WICOWOYAKE 26.

25 Wootanin wašte wan ma-koce tehantanhan aupi kin he mini sni tuwe ipuza kin ekta he iyececa.

26 Wicašta owotanna wan wicašta śica itokam patuje cin he mini owe omanipi kin, qa wakoniya waihang ye cin he iyececa.

27 Tułmaga canhanpi ota yutapi kin he wašte śni, he iyecen taku tke owasin iyukcanpi kin he tełika.

28 Tuwe toniya hduhe kta okihi śni kin he otonwe wan kawankapi, qa conkaške wanica he iyececa.

WICOWOYAKE 26.

1 Mdo ketu eca wa, qa woksapi icunhan magaju, he iyecen tuwe witkotkoka kinihanpi kin he wiciyokipi śni.

2 Zitkadan kinyanyan, qa ica-pśinpśincadan anawinyan kin, he iyecen itułi yaśicapi kin he iyo-wicałi kte śni.

3 Śuktanka on wicapsinte, qa śonśonna on iyyuwi kin, qa wicašta witkotkopi tapetepi kin on cansakadan.

4 Ihnuhan wicašta witkotko towitkotkoke cin he iyecen adupte cin, okini niś eya he inihda-cin kta.

5 Wicašta witkotko towitkotkoke cin he iyecen ayupta wo; hecanon śni kinhan okini ksape ičida kta.

6 Tuwe taku tanka on wicašta witkotko wahośi ye cin he siha kin kakse ɕa iye kiunničiye.

7 Wicoie wakan wan wicašta witkotko i kin ohna, tuwe hušte sicogan natitantan kin he iyececa.

8 Tuwe wicašta witkotko wan wowitan qu kin he inyan tehihi-

ka opahte wan inyan paha wan en ełipeye cin he iyececa.

9 Wicoie wakan witkotkoka ipi kin ohna qa wapepeka wan wicašta witko nape kin ohna hena iyececa.

10 Tuwe tanka kin he owasin yuśinye wicaya, wicašta witkotko iyyuwin qu, qa tona kapapi nakun iyyuwin wicaqu ece.

11 Śunka taku hdepe cin he ake en hdi kin, he iyecen wicašta witkotko towitkotkoke cin ake econ ece.

12 Wicašta wan ksape ičida wandaka he? hee śni tuka wicašta witkotko kin hee ksape kta kecanni kta.

13 Inmutanka canku icahda yukan, otonwe canku kin ohna mnaja wan yanka ce, wicašta kuje cin eya.

14 Tiyopa wan iyuze kin akan ihduhomnimni he iyecen wicašta kuje cin towinja kin akan ihduptanptan.

15 Wicašta kuja wakśica ohna nape kin ye kiya, ake i kin ekta hiyukiye kapin.

16 Wicašta kuje cin he wicašta śakowin wayupiya waayuptapi kin hena isanpa ksape ičida.

17 Tuwe taku tawa śni akini-capi ahiyaye ɕa en ye ičiye, he tuwe śunka noge kin yuze cin he iyececa.

18 Tuwe magaga ičiye kta e petuspe wanhinkpe qa wiconte kało iye ye cin,

19 He iyecen wicašta takodaku hnaye ɕa, tokešta waśkate śni he? eye cinhan.

20 Can wanice cinhan peta kin sni kta, he iyecen woyakesa wanice cinhan kicigepi kin ayu-śtanpi ece.

21 Całidi petaga aonpapi, qa can peta akan, he iyecen wica-

WICOIE WAKAN.

šta wakigesa woakinice ideya ece.

22 Tuwe iwakan kin oie kin woyute skuya iyececa, qa wicatezi kin mahentuya iyaya ce.

23 Wiciha kata cante wahnaye kici mazaska icicahiyapi kin maka wakśica apawintapi kin he iyececa.

24 Tuwe śice dake cin he iha kin on ihdatokeca, qa iye mahentuya wohnaye kihnaka;

25 Tohan ho kin wiciyokipi kaga he wacinye śni wo, hehan cante mahen taku wahtedapi śni śakowin yukan.

26 Wocanniye kin wohnaye on akaŋpe, tohan śice cin he omni-ciye ohna yazamnipi kta.

27 Tuwe woha wan qe cin he iye ohinŋpaye kta, qa tuwe inyan wan paptanye cin he en icicawin hdi kta.

28 Wicaceji itonśni kin he tona wicayaśuje cin śice wicadaka, qa wicai śdute cin wicotakuni śni kaga.

WICOWOYAKE 27.

1 Ihnuhan heyakecinhan on nihdatan kinhan, anpetu wan taku ton kta he sdonyaye śni.

2 Nii kin hee kte śni, tuka tuwe tokeca niyatan nunwe, wicašta wan oyate tokeca, tuka niiha kin hee kte śni.

3 Inyan wan tke qa wiyaka kin he yuśagwicaya, tuka wicašta witkotko tocanniye kin heniyoza isanpa tke.

4 Wocanniye he wohitika, qa wocanteptanye kin he minitan wan iyececa, tuka wowinawizi itokam tuwe najin kta okihi he?

5 Nahmana wašte dakapi kin hee śni, tuka taninyan iyopekiiyapi kin hee wašte.

6 Kodayapi iyopecwicaye cin

he wicaka, tuka tuwe śicedake cin i iwicaputaka ešta wicahnayan.

7 Tuwe wipi kin he tuhmagacanhampi ihakta śni, tuka tuwe wotektehda kin woyute pa ešta owasin skuye daka.

8 Wicašta oyanke tawa etanhan nuni kin he zitkadan wan hoŋpi kin etanhan nuni kin he iyececa.

9 Wihdi qa wizinyapi kin wicacante iyuśkin kiya; nakun takodaku nagi kin etanhan wahokonkiye cin oskuya.

10 Nitakoda qa niyate takodaku kin ayuśtan śni wo, qa anpetu winicakije cin heban nisunka ti kin en ye śni wo; sunkayapi wan tehan yanke cin hee śni, tuka tuwe nikiyedani kin hee wašte.

11 Micinkśi ksapa wo, hecen micante kin iyuśkin kta, qa tuwe taku śica emakiye cin itkom taku ewakiye kta.

12 Wicašta ksape cin taku śica wanyake ɕa inahma, tuka tona wacintonpi śni kin hena iyoptapi qa kakiświcayapi.

13 Tuwe oyate tokeca wicašta on wecicajuju kta, eniciye cinhan taśina kin icu wo; qa tuwe wicašta sdonwicaye śni on wicawecicajuju kta, eye cinhan taku tohanyan kajuju śni duhe kte cin he icu wo.

14 Tuwe hanhanna hin kikta qa takodaku hotankakiya yawašte kinhan he yaśicapi kiciyawapi kta.

15 Magaju anpetu icunhan ohinnyan ośbuyapi wan, qa winohinca wakigesan wan hena iakedececa;

16 Tuwe he anakihbe cin he tate kin analima he iyececa, qa nape etapa wihdi waštemna kin he ihdutanin kta.

WICOWOYAKE 28.

17 Mazasapa on mazasapa pekiyapi, qa wicašta kin takodaku ite kin on pe kiyapi.

18 Tuwe witanšna hu patan kinhan hetanhan waskuyeca yute kta, qa tuwe itancan awanhake cin he yutanpi kta.

19 Mini ohna ite wan ite kin iyececa, he iyecen wicacante kin wicašta kin iyececa.

20 Hades qa wiconte kin imnapi šni, he iyecen wicišta kin imna kte šni.

21 Mazaska maka wakšica on, qa mazaskazi maza oceti on, qa wicašta kin wicai yatanpi kin on iyutapi.

22 Wicašta witkotko wan wibope ohna wamnaheza kici wibope ihupa on boyapan ešta, to-witkotkoke cin he ayušta kin kte šni.

23 Tahinca nitawa kin token taninpi tanyan sdotkiya wo, qa wanuyanpi kin awakicin wo :

24 Nakaš woyuha kin he ohinnyan en un šni, qa wicašta yatapi wicowazi wanjidan etanhan ohinniyan un kta he ?

25 Peji kin inanpa qa wato kin tanin, qa he peji kin he mnayanpi kta.

26 Tahinca ska kin etanhan wokoyake yaton kta, qa tatokadan wanuyanpi on maga wan opeyaton kta ;

27 Hecen tatokadan asanpi imna wayate kta, qa tiyohnaka nitawa nakun, qa he on wikoška nitawa nipi kta.

WICOWOYAKE 28.

1 Wicašta šica tuwedan wikuwa šni ešta najicapi ece, tuka wicašta owotanna mnaja iyecen waditakapi.

2 Makoce wokipajin kin on wicašta yatapi ota, tuka wooka-

lnige wosdonye wicašta wan eciyatanhan tehan ecetu kta.

3 Wicašta wahpanica wan tona onšika wicayuwahpanice cin he magaju wakawankeya wan on woyute wanica he iyececa.

4 Tona woope opapi šni kin hena wicašta šice cin yatanpi, tuka tona woope opapi kin hena wicakigepi ece.

5 Wicašta šica woyaco okašni-gapi šni, tuka Jehowa akitapi kin hena owasin okašnigapi ece.

6 Wicašta wahpanica toecetu kin omani kin hee wašte, tuka tuwe canku kin hdupemni wiji-ca ešta hee wašte šni.

7 Tuwe woope patan kin he hokšidan ksapa, tuka tuwe wotapisa kodawicaye cin he atkuku ištenya.

8 Tuwe woyahtake qa ota wicakida on woyuha kin hduota kin he tuwe wahpanicapi onšiwicada kte cin he on he mnaye kta.

9 Tuwe woope nañon kte šni e noge kin hdutokan kin he wocekiye eye cin he wowahteda šni yapi kta.

10 Tuwe wicašta ecetu kin canku šica onuni wicakiye cin he wolha wan iye qe cin he ohinhpaye kta, tuka tona ecetupi kin hena taku wašte tawayapi kta.

11 Wicašta watonka kin ksape icida, tuka wicašta wakašnige cin he iyukcan kta.

12 Wicašta owotanna iyuškinpi eca wowitan tanka ece, tuka wicašta šica wankan ayapi eca wicašta inahmanpi ece.

13 Tuwe wahtani kin ahdañpe cin he tanyan ihuni kte šni, tuka tuwe ohdake ça ayušta kinhan onšidapi kta.

14 Tuwe ohinniyan kokipe cin he wowašte wicašta kin heca,

WICOIE WAKAN.

tuka tuwe cante kin hdušuta kin he taku šica ohinhpaye kta.

15 Wicašta yatapi šice cin he oyate onšika akan he mnaja hdoya, qa mato waanatan wan he iyececa.

16 Wicašta yatapi wookahnige nice cin he taoyate kin nina wicayuwahpanica, tuka tuwe wicakipi šice dake cinhan anpetu tawa kin hduota kta.

17 Tuwe wicašta we kin on yušakapi kin he tuwedañ yuze kte šni e woħa kin ekta inyan-ka.

18 Tuwe ecetu kiya mani kin he ni kta, tuka tuwe canku ota ohna ihdupemni kin he wanji ohinhpaye kta.

19 Tuwe tamaga kin kicanye cin he woyute imna kta, tuka tuwe tona takuska econpi owi-cape cin he wowicakakije on imna iciye kta.

20 Wicašta wicake cin he wo-wašte ota, tuka tuwe ihduwijice kta e inahni kin he taku šica akipe kta.

21 Wicite iyekiyapi kin he wašte šni, wicašta hecon kin he aguyapi onšpadan on wahtani kta.

22 Tuwe ihduwijice kta inahni kin he išta šica, qa heon wowa-ħpanice akipe kta sdotkiye šni.

23 Tuwe ceji skuye cin hee šni, tuka wicašta iyopeye cin hee iyohakam wašte dapi kta.

24 Tuwe atkuku qa hunku e-šta taku tawa iĉu qa, taku šica ecamon šni, eye cin he wai-hangyesa dakonya.

25 Tuwe nagi tanka iĉida kin he kicigepi kaga, tuka tuwe Jehowa wacinye cin he cepa aye kta.

26 Cante kin wacinkiyeye cin he witkotkoka, tuka tuwe woksape omani kin he ihduške kta.

27 Tuwe onšipike cin hena cante wicakiye cin he wicakije kte šni, tuka tuwe išta anakihbe cin he wicota yašicapi kta.

28 Wicašta šica najinpi eca wicašta inahmanpi ece, tuka hena atakunipi šni eca wicašta owotanna ota ayapi ece.

WICOWOYAKE 29.

1 Wicašta ijehan iyopeyapi e-šta tahu kin ihdušuta kin he ihnuhanna kašujapi kta, qa wo-asni wanice kta.

2 Tohan wicašta owotanna ota ayapi eca oyate kin wiyuškinpi kta, tuka wicašta šica widaka-pi eca oyate kin šicahowayapi ece.

3 Tuwe woksape wašte dake cin he atkuku iyuškinkiye kta, tuka tuwe witkowiñ om iyokipi iĉiye cin tawoyuha kin toki e-ħpekiye kta.

4 Wicašta yatapi kin woyaco on makoce tawa kin sutaya he kiye kta, tuka tuwe mazaska qupi wašte dake cin he pawan-ke kta.

5 Tuwe takodaku on ceji kin hduskuye cin he siha kin on ma-zahtakiyapi wan eonpa.

6 Wicašta šica wahtani kin ohna mazhtakiyapi wan yukan, tuka wicašta owotanna wiyu-škin qa dowan kta.

7 Wicašta owotanna tona on-šika wicayacopi kin sdonya, tu-ka wicašta šica he sdonye kta okahnige šni.

8 Wicašta waoncesa otonwe kin ideyapi, tuka wicašta ksapa wocanniye anaptapi ece.

9 Wicašta ksapa wan wicašta witkotko wahokonkiye cinhan, canksiya ia qa iħa ešta iyozi wa-nice kta.

10 We wicašta kin hena tuwe

WICOWOYAKE 30.

wašte kin šicedakapi, qa wicašta ecetu nagi kin akitapi.

11 Wicašta witkotko tawacin kin ocowasin hiyuya, tuka wicašta ksape cin he tokata ekihnaka.

12 Wicašta yatapi wicoie itonšni anagoptan kinhan ookiye wicaye cin owasin šicapi kta.

13 Wicašta wakiyuše qa wāhpanica akicipapi, Jehowa napin ištapi kin iyoyam wicaya ece.

14 Wicašta yatapi tona onšika wowicake eciyatanhan wicayaco kinhan oiyotanke tawa kin owihanke wanin sutaya he kta.

15 Hokšidan kiyuškapi kin he hunku ištenya, tuka icapsinte iyopekiyapi iyahna he ksapa kaga.

16 Wicašta šica ihduotapi eca wicohan šica nakun ota kta, tuka wicašta owotanna hena atakunipi šni kin atonwanpi kta.

17 Nicinkši kin iyopekiya wo, hecen oziničiye kte ɕa ninagi kin iyokipi kta.

18 Tukten Wakantanka oie kin wanice cinhan oyate kin wohitika, tuka woope yuhapi kin he wowašte oyate.

19 Wowidake wan wicoie on yuecetupi šni, okašniga ešta ayupte kte šni.

20 Wicašta ia oħanko wandake cinhan hee šni, tuka wicašta witkotko kin hee etanhan taku wašte ayape kta iyececa.

21 Tuwe tawowidake kin hokšiyopa ehantanhan kihna kinhan, owihanketa he cinca ye kta.

22 Wicašta wacinko kicigepi kin icaħya, qa wocanniye wicašta kin woahšani ota.

23 Wicašta wamnaicida kin on ihdukuye kta, tuka tuwe woniya kucedan kin he wowitan ton kta.

24 Tuwe wamanusa kici wopamni yuhe cin he nagi kin šice

kidaka, yašicapi kin naħon tuka oyake šni.

25 Wicašta kokipapi kin he wicahmunka, tuka tuwe Jehowa wacinye cinhan okope wanin un kta.

26 Wicota wicašta yatapi ite kin akitapi, tuka wicašta wicayaco kin Jehowa hee.

27 Wicašta owotanna wicašta šice cin he wowahšedapi šni, qa wicašta šica tuwe oħan owotanna kin he wowahšedapi šni.

WICOWOYAKE 30.

1 Agur Jake cinhintku kin wicoie tawa, odowan wan, Itael eciya, Itael Yukal ko ewicakiya.

2 Woteca iyemaceca qa wicašta iyemacece šni, qa wicašta towiyukcan kin mayuke šni.

3 Awicakehan woksape kin onmaspe šni qa wicašta wakan wosdonye kin he sdonwaye šni.

4 Tuwe wankantuya Maħpiya ekta i he? qa tuwe hetanhan kun hdi he? Tuwe nape kin ohna tate kin mnayan he? Tuwe mini kin šina wan ohna opaħta he? Tuwe maka ihanke kin owasin ehde he? Token eciyapi qa cinhintku token eciyapi he? sdonyaye cinhan oyaka wo.

5 Taku wakan oie kin owasin peta on yuecepidan; tona he wacinyanpi kin hena wahacanka yapi.

6 lħnuhan oie tawa kin ekta taku aokijuyaye cinhan, okini iyopeniye kta, qa iyatonšni iyenianpi kta.

7 Taku nom cicida, maħe šni ecen hena temicihda šni wo;

8 Wicohan šica qa iapi ecinkta miciyutehan ye, wowahpanice wowijice unmanna maqu šni, woyute wate kta iyececa wonmayan'ye;

WICOIE WAKAN.

9 Okini wimapi kinhan miçihnaye ça, Jehowa he tuwe, epe kta ; qa wimakakije cinhan okini wamawanun, qa iwaton šni ešta taku wakan namañon epe kta.

10 Ihnuhan wowidake wan yuhe cin ekta ayakiiia, okini niyašice kta qa taku šica ayakipe kta.

11 Wicoicage wan atkuku kin yašice ça hunku kin yawašte šni.

12 Wicoicage wan wakašote-šni icidapi, tuka unkce kin wicakiyujajapi šni.

13 Wicoicage wan išta hduwankanpi ĩinca, qa ištojuha wankan ayapi ece.

14 Wicoicage wan hipi kin canhipi kin iyececapı, qa hiskepi kin isan iyececapı ; hecen tona onšika maka etanhan temwicayapi, qa tona wañpanica wicašta ehna unpi kte šni.

15 Tusda cunwintku nonpa, napin, Maqu ye, maqu ye, eyapi. Taku yamni imnapi šni, qa taku topa, Henakeca, eyapi šni ;

16 Hades, qa tamni cinca ton šni, qa maka kin mini imna šni, qa peta, Henakeca, eye šni.

17 Wicašta wan atkuku ihaña, qa hunku kin nahon kta e iha- ktašni kin he kaksiza kangı kin capapi kta, qa wanmdi cinca kin he yutapi kta.

18 Taku yamni yušinyemayan, qa taku topa owakahnige šni ;

19 Wanmdi canku kin mañpiya ohna, wamduška canku kin imni- ja akan, wata canku kin mde cokaya, qa wicašta canku kin wikoška kici.

20 Winohinca wawiciñañapi econ canku tawa kin he iyececa, wota qa i kin itpakinte ça, Taku šica ecamon šni ce, eya.

21 Taku yamni on maka kin škanškan qa taku topa on oziçi- ye kta okihi šni.

22 Wowidake on tohan wica- šta yatapi un ece, qa wicašta witkotko on aguyapi imna wota ece ;

23 Winohinca canniyesa on hi- hna ton kinhan, qa wayakawin on yuhe cıqon woýuha kin tawa- ye cinhan.

24 Taku topa maka akan iyo- tan cistinna tuka ksape ĩinca ;

25 Tajuška kin oyate wašake šni tuka mdoketu eca woyute kihnakapi ece ;

26 Hitunkasan kin tancan su- tapi šni, tuka imniya ohna tipi kicagapi ece ;

27 Arebe (psipsicadan ocaje wan) wicašta yatapi nicapi tuka obe tawapi owasin yuwıtaya icımanipi ;

28 Onktomi napepi on yuzapi qa wicašta yatapi ti kin ohna yakonpi ece.

29 Taku yamni tanyan manipi ece, qa taku topa tanyan yapi ;

30 Mnaja kin he wamanica iyo- tan wašake ça takudan etanhan ihduhomni šni ;

31 Šunka wakan nite ipiyag tonpi, qa tatokadan mdoka, qa wicašta yatapi oyate tawa opa- pi kin he.

32 Witkotkoya nihduwankan- tuya kinhan, qa taku šica yakon- ze cinhan, nii kin akan nape kin atputaka wo.

33 Awicakehan pte asanpi kin icicahiyapi kinhan pte asanpi ihdi kin hiyu kta, qa wıcapoge yutitanpi kinhan we hiyu kta, qa wocanniye yutitanpi on kici- gepi hiyu kta.

WICOWOYAKE 31.

1 Lemuel wicašta yatapi wi- coie tawa, odowan hunku kin he onspekiye cin dee.

2 Cınš taku hwo? mitamni cin-

WICOWOYAKE 31.

ca kin taku eciye kta he? womiciyake ota eciyatanhan citon kin taku hwo?

3 Ihnuhan nitowaśake kin he winohinca yaqu kin, qa canku nitawa taku wicaśta yatapi ihang wicaye cin ekta ye yakiye cin.

4 Wicaśta yatapi, Lemuel, wicaśta yatapi miniśa yatkanpi kta he iyecece śni, qa wicaśta yatapi cincapi kin mini wakan cinpi kta he iyecece śni.

5 Okini he yatke cinhan taku konzapi kin akiktonje kta, qa wicaśta onśika tawoyaco kin yaśkiśke kta.

6 Tuwe wanna te kte cin he mini wakan kin qu wo, qa tona cante śicapi kin hena miniśa wicaqu wo.

7 Hecen yatke kta, qa tokakije cin akiktonje kta, qa toiyokiśice cin icimanna kiksuye kte śni.

8 Iapi okitpani kin he on i kin hdukawa wo, qa wamdenica owasin wicayacopi kinhan;

9 I kin hdukawa qa tona onśika qa wicakijapi owasin iwica-kiya owotanna wayaco wo.

10 Tuwe winohinca ksapa wanj i iyeye kta he? Tukiha tehihika ee kaeś sam iyeya iyawapi.

11 Hihnaku cante kin he wacinkiya, qa woyuha icakije kte śni yan un kta.

12 Tohan ni kin hehanyan taku wašte ecakicon kta, qa taku śica wanice kta.

13 Tahinca hin hañonta on kagapi ko akita, qa nape kin iyokipi ya htani.

14 Wopeton witawata tawapi kin iyececa, tehantanhan woyute tawa kin en ihdoku.

15 Nahanhin anpa śni kikta, qa tiyohnaka tawa owasin woyute wicaqu, qa wikośka taku econpi kta sdonye wicakiya.

16 Maga wan awacin qa ope-

ton, taku nape kin kagapi kin on hastanhanka iyuwi wan huhde.

17 Ipiyaka sutaya iyahdaśka qa hupahu kin hduwaśaka.

18 Taku wiyopeye cin he wašte e sdonkiye; hanyetu osan petijanjan hde kin kicisni śni.

19 Wipahmu kin ekta nape ye-kiya qa napsukaza kin iyuhmu kin yuza.

20 Tona onśika kin hena on nape kin hdugata, qa wicaśta oncikpani owicakiye kta e nape kin ye kiya.

21 Wapa keś tiyohnaka tawa kin on ikope śni; nakaś owasin taku icitakihna ece koyakapi.

22 Owinja icicaga; qa minihuka zibzipedan śinaśa ko koyaka ece.

23 Otonwe tiyopa kin ekta makoce hunkayapi wicehna hihnaku iyotanka eca iyekiyapi ece.

24 Minihuha zibzipedan kage ça wiyopekiye, ipiyaka nakun qa wopeton kin wicaqu.

25 Wowasake wowitan iyahna ihduze ça tokata anpetu u kte cin iħa.

26 I kin hdukawa eca wico-ksape ia, qa ceji kin wacantkiya woope yuha.

27 Tiyohnaka tawa oħanyanpi kin owasin iwanyaka, qa kujahan aguyapi kin hdute śni.

28 Cinca kin najinpi eca hda-waštepi; hihnaku nakun qa hdatan.

29 Cunwintkupi ota ksamya oħanyanpi, tuka niye owasin kape wicayaya ce, eya.

30 Wowiciyokipi kin he wicahnayan qa wicite wašte kin he ptenyedat, tuka winohinca Jehowa kokipeyahan un kin he yawaštepi kta.

31 Nape kin taku icaliyeye cin he qupo, qa otonwe tiyopa kin ohna iye oħan kin hena yatanpinunwe.

EYANPAHA KIN.

WICOWOYAKE 1.

1 Eyanpaha kin, Dawid cinhin-tku Jerusalem en Wicaštayatapi oie kin dena ee.

2 Takušni, takušni, Eyanpaha kin eya, takušni, takušni, iyulpa takušni ce.

3 Anpetu wi ihukuya wicašta wicohtani econ kin owasin on iyunwin taku yuha he.

4 Wicoicage wanji iyaye ça wicoicage wan u ece ; tuka maka kin ohinniyan han.

5 Nakun anpetu wi kin hinanpa, qa anpetu wi kin iyaya, qa totanhan hiyu qon he ekta inahni hda ece.

6 Tate kin itokałkiya iyaye ça waziyatakiya ihduhomni ; tate ihduhomnimni, qa totanhan iyaye cin ake en hdi ece.

7 Wakpa iyulpa miniwanca kin en iyaya ; tuka miniwanca kin ojudan šni ; wakpa kin totanhan hiyupi qon he ake ekta hdapi ece.

8 Wicoie owasin hunkitapi ojudan ; wicašta oyake kta okihi šni : wicišta kin he wawan-yaka imnan šni, qa wicanoge kin wanałonpi on imnan šni.

9 Taku un qon he u kte cin hee : qa taku econpi ece kin taku econpi kte cin ee : qa anpetu wi kin ihukuya taku teca wanica.

Eccle.

10 Taku on, Wanyaka wo, de teca ce, eyepica he : wanna tannina un qon hee, unkiye unkito-kapatanhan yanke.

11 Taku hekta un qon hena kiksuyapi šni ; qa nakun taku tokata kin tona obakam unpi kte cin hena kiksuyapi kte šni.

12 Eyanpaha kin he miye, Jerusalem en Wicaštayatapi manka.

13 Unkan taku małpiya ihukuya econpi kin owasin woksape on awakite kta, qa imdukan kta e micante ekta yewaya : wicohtani tehike cin de Wakantan-ka wicašta cinca wicaqu, on htanipi kta heon.

14 Anpetu wi kin ihukuya wicohan econpi kin owasin wamdaka, unkan iho, iyulpa taku-šni qa woniya iyokišinyapi kin hee.

15 Taku škope cin he yuowotanpidan kta okihipica šni ; qa taku iyokpani un kin hena yawapica šni.

16 Micante kici wowahdaka qa hepa ; Iho, tanka imacaga qa woksape mnawakiya, tona Jerusalem en mitokam unpi qon owasin isanpa : han, micante woksape qa wosdonye ota wanyaka.

17 Nakun woksape sdonwaye kta micante waqu, wicoksape šni qa wowitkotkoke sdonwaye

EYANPAHA KIN,

kta : De nakun woniya iyokišin-yapi kin hee indukcan.

18 Woksape ota en woiyokišice ota yukan ; qa tuwe wosdonye hduota kinhan he wicocantesica hduota ece.

WICOWOYAKE 2.

1 Micante en hepa ; Iho wo, wowiyuškin on iciyute kta ce ; hecen taku wiciyokipi sdonya wo. Unkan iho, he nakun taku šni.

2 Ihapi kin he, Wowitkotkoka, ewakiya : qa wowiyuškin, He taku token he.

3 Micehpi miniša on wahdusuta kta micante en awakita, qa micante woksape sdonyewakiye kta ; qa wowitkotkoka kin he mduze kta, hecen wicašta cinca on taku wašte kin tukte e he, anpetu towanakeca nipi kin en, mahpiya ihukuya taku econpi kte cin he wanmdake kta.

4 Taku tanka mičicaga ; tipi mičicaga ; hastanhanka iyuwi ojupi kin hu wehde :

5 Maga qa canwojupi kin mičicaga, qa en waskuyeca can ocaje owasin hu wahde :

6 Miniyowe kagapi kin mičicaga, on contanka can icalhye cin he spayewaye kta :

7 Wicašta taokiye qa winyan taokiye opewicawaton, qa wati ohna tonpi wicamduha ; nakun tatanka qa tahinca wanunyanpi ota hinca wicawahduha, Jerusalem en mitokam unpi qon owasin isanpa :

8 Nakun mazaska qa mazaskazi mnamičiye, qa wicaštayatapi makoce tawapi ko tawokamna kin : wicašta dowanpi qa winohinca dowanpi heca icalhwicawakiya, qa wicašta cinca tawo-

wiyuškinpi, winohinca qa winohincapi.

9 Hecen matanka, qa tona mi tokam Jerusalem en unpi qon ikapeya taku ota mičicaga : nakun woksape mitawa mi-ciun.

10 Qa taku miišta da kin takudan ipimičida šni, wowiyuškin wanjidan keš micante etanhawakipatan šni ; mitohitani owasin on micante iyuškin nakaes : qa mitohitani oowasin on wokamna mitawa kin hee.

11 Hehan wicohan minape econ kin owasin en ewakitonwan, qa wicohtani htawani kta ecamon kin hena ; unkan iho, oowasin takušni qa woniya iyokisica hee, qa anpetu wi kin ihukuya wokamna wanica.

12 Unkan woksape qa wicoksapešni qa wowitkotkoke kin iwanmdake kta mihdamna : wicašta wan wicaštayatapi ihakam u kin he taku okihi kta he : taku wanna econpi kin heceedan.

13 Hehan woksape en wokamna yukan e wanmdaka, wowitkotkoke kin isanpa, iyoyanpa kin he otpaza isanpa wašte kin he iyececa.

14 Wicašta ksapa išta iye pa kin en un ; tuka witkotkoke cin he otpaza omani : hececa ešta miye qe taku wanjidan owasin awicakipa ece e wanmdaka.

15 Hehan cante mahen hepa ; Witkotkoke cin he taku akipa he iyecen miš eya awakipa ; hecen tokiyatanhan miye qe iyo-tan waksapa he. Hehan cante mahen, De is eya takušni ce, epa.

16 Witkotkoke cin iyececa wi-

WICOWOYAKE 3.

cašta ksapa kin ohinniyan kiksuyapi šni nakaeš; taku nakaha un kin hena tokata anpetu kin en owasin akiktonjapi kta, heon etanhan. Qa wicašta ksape cin iš token ƚe kta he; witkotkoke cin iyececa.

17 Heon etanhan wicani kinsicewakidaka; anpetu wi kin ihukuya wicohan econpi kin he wacin-iowakišica nakaeš: iyulpa takušni qa woniya iyokišinyapi kin hee.

18 Han, mitohtani anpetu wi ihukuya ecamon kin ocowasin šicewakidake; wicašta mihakam u kte cin he aihpewakiye kta, heon etanhan.

19 Qa he wicašta ksape kta, qa iš witkotkoka kta tuwe sdonya he. Hececa ešta, mitohtani ecamon kin owasin, qa en anpetu wi ihukuya ksapa mihdutanin kin hena iye tawaye kta. De nakun takušni.

20 Heon etanhan anpetu wi kin ihukuya wicohtani ecamon kin iyulpa micante kicunniwakiye kta mihdamna.

21 Wicašta wan tohtani kin woksape en, qa wosdonye en, qa wokonze en un: tuka he wicašta wan on htani šni kin he tawa kta aihpekiye kta. He nakun takušni qa taku šica tanka.

22 Wicašta iye tohtani owasin, qa cante iyokišica, on anpetu wi ihukuya htani kin etanhan taku hduha he:

23 Taanpetu kin iyulpa wicocantesica, qa tokakije kin he woiyokišica nakaeš: han, hanyetu en iye cante oziiciye šni. He nakun takušni.

24 Wicašta wote kta, qa wayatke kta, qa iye nagi tohtani kin on iyušinkiyekta, taku sanpa wašte wanica. De iš eya Wakan-

tanka nape kin etanhan wam-daka.

25 Tuwe wote kta he, qa miye mikapeya tuwe wiyuškin kta he.

26 Taku iye itokam wašte kin he Wakantanka wicašta wicaqu ece, woksape qa wosdonye qa wowiyuškin: tuka wahtani sa kin he wokakije qu, wamnaye kta qa waeju kta, hecen Wakan-tanka itokam taku wašte kin he qu kta. He nakun takušni qa woniya iyokišica.

WICOWOYAKE 3.

1 Taku iyulpa iyehantu yukan, qa mahpiya kin ihukuya woawacin owasin tohantu kte cin yukan ece.

2 Wicatonpi iyehantu yukan, Qa wicaƚe kta iyehantu; Waju econpi iyehantu; Qa wajuپی yujunپی kta iyehantu:

3 Wicakteپی iyehantu yukan, Qa okiziyapi iyehantu; Wayujujupi iyehantu, Qa piya kagapi iyehantu yukan:

4 Wicaceya iyehantu yukan, Qa ihapi kta iyehantu; Wašihdapi iyehantu, Qa škatapi iyehantu yukan:

5 Inyan ehpeyapi iyehantu yukan, Qa inyan witaya pahipi kta; Adoksohan wicayuzapi iyehantu yukan, Qa poskin wicayuzapi ayuštanپی kta.

6 Waakitapi iyehantu yukan, Qa toki ehpeyapi kta iyehantu; Wapatanپی kta iyehantu, Qa wapaganپی iyehantu yukan:

7 Wayuhdehdecapi iyehantu yukan,

EYANPAHA KIN,

Qa wakagegepi iyehantu yukan ;

Inina yukanpi iyehantu,

Qa iapi kta iyehantu yukan :

8 Waštewicadaka iyehantu yukan,

Qa šicewicadaka iyehantu ;

Okicize iyehantu yukan,

Qa wookiye kagapi kta iyehantu.

9 Wicašta htani kin he iye tohtani eciyatanhan iyunwin taku hduha he.

10 Wicohtani en wicašta cinca htaniiciyapi kta Wakantanka wicaqu kin he wanmdaka :

11 Taku owasin iyehantu eca owanyag wašte kaga : nakun iye cantepi kin en ohinniyan kte cin he ewicakicihnaka, hecen Wakantanka tohtani kage cin otokaheya tanhan qa owihanke ekta wicasta tuwedan okahnige kte šni.

12 Hena en taku wašte wanica sdonwaya ; tuka wiyuškin kta, qa ni un icunhan taku wašte econ kta :

13 Qa nakun wicašta otoiyohi wote kta, qa wayatke kta, qa tohtani owasin taku wašte en un kin he on ihduškin kta ; Wakan-tanka taku qu kin hee.

14 Taku Wakantanka econ kin owasin owihanke wanice kta sdonwaya ; takudan en akagapi kte šni, qa takudan etanhan icupi kte šni : unkan iye itokam wakokipapi kta e Wakantanka hecon ece.

15 Taku hekta un qon he nakaha un, qa taku tokatam u kte cin he wanna hekta un : qa taku hekta un kin he Wakantanka kin ake hdiyohi kiye kta.

16 Unkan nakun anpetu wi ihukuya woyaco oyanke kin wanmdaka, wošice hen yanka ; qa

woowotanna oyanke kin, wicošice en yanka.

17 Cante mahen hepa ; Owotanna kin he qa šice cin Taku Wakan kin wicayaco kta : han, wicotawacin otoiyohi qa wicohan otoiyohi hen iyehantu yukan.

18 Wicašta cinca kin on cante mahen hepa ; Tokin Wakantanka hena iwicayuten, hecen iye qe woteca hecapi e wanihdakapi kta.

19 Wicašta cinca kin taku akipapi hecinhan, he woteca akipapi ; han, taku wanjidan awicakipa ece : wanji is token ta hecinhan, unma kin is iyecen ta : han, owasin woniya okonwanjidan yuhapi : hecen wicašta kin is woteca isanpa takudan iciwašte šni ; iyulipa takušni nakaes.

20 Owasin oyanke wanjidan ekta yapi ; iyulipa maka mdu heca, qa iyulipa ake maka mdu icagapi ece.

21 Wicašta cinca taniya wankan ye cinhan, qa woteca taniya kin is maka ekta kun ye cinhan, tuwe sdonya he.

22 Heon etanhan wicašta iye tohan kin on ihduškin kta taku sanpa wašte wanica inducean ; he taku tawa kin ee nakaes : qa iye iyohakam taku u kte cin he tuwe wanyagkiye kta he.

WICOWOYAKE 4.

1 Unkan wahdicu qa wokakišye anpetu wi ihukuya econpi kin hena owasin iwanmdaka : qa iho, kakišyapi ištamnihanpe awicau ; qa wicakicanpte yuhapi šni : unkan wakakišwicaye nape ohna wowašake yukan ; tuka wicakicanpte yuhapi šni.

2 Heon etanhan t̄api kin, tona wanna t̄api kin hena wicadma-

WICOWOYAKE 5.

wašte, nipi, tona nahanhin ni unpi kin isanpa :

3 Han, tuwe tohinni ni un šni kin he hena napin isanpa wašte, wicoľan šica anpetu wi ihukuya econpi kin hena wanyake šni nakaes.

4 Akeš wicoľtani owasin iwanmdaka, qa wicoľan yuŝtanpi otioyohi, on wicašta iye takodaku kici nakiciwizipi kin hee. De iŝ eya takušni qa woniya iyokišica ce.

5 Witkotkoke cin he nape hdukšija qa iye celpi hduta ece.

6 Napohnaka wanjidan woozi kici hee wašte, nape nonpa ojudan isanpa, wicoľtani econpi qa woniya iyokišica iyahna hecinhan, *eya*.

7 Hehan wahdiyaku qa anpetu wi ihukuya takušni kin he wanmdaka.

8 Wanjidan yukan, qa inonpa wanica ; han he cinca qa sunkaku takudan hduhe šni ; tuka toľtani owasin ayuŝtan šni ; nakun iye iŝta kin wowijice imna šni ; qa, Tuwe on ĥtawani qa minagi taku wašte icakišwaya he, eye šni. De nakun taku šni ; han, wicoľtani tehika.

9 Nonpa kinhan wanjidan isanpa waštepi ; wicoľtani econpi kin on wokajuju wašte yuhapi nakaes.

10 Hena hinľpayapi kinhan, unma kin iŝ takodaku najin kiye kta : tuka, hehehe, tuwe iŝnana un hinľpaye cinhan ; tuwe najinkiye kta yuhe šni nakaes.

11 Akeš, nonpa sakim wankapi kinhan cozapi ece ; tuka tokiyatadhan wanjidan iŝnana coza kta he.

12 Unkan wanji kici econ ohiye cinhan, nonpa kici inajinpi kta ; qa halionta yamni kahmonpi kin he yupsakapi tehika.

13 Hoksıdan wan walľpanica qa ksapa he wašte, wicaŝtayatapi wan wicalinca qa witkotkoka wanna onspekiyapi kta wicada šni kin he isanpa.

14 He qe wicokaške tipi kin etanhan wicaŝtayatapi kta hiyu ; tuka nakun tuwe iye toŝkanŝkan kin en tonpi kin he walľpanica aya.

15 Wicašta ni unpi owasin anpetu wi kin ihukuya manipi kin hena, hoksıdan inonpa kin eekiya inajin kte cin kici iwanwicamdaka.

16 Oyate kin owasin wopteca šni, tona wicitokam unpi qon owasin : nakun tona ohakam upi kin hena he on iyuŝkinpi kte šni. Awicakehan he nakun takušni qa woniya iyokišice cin hee.

WICOWOYAKE 5.

1 Wakantanka ti kin ekta da eca nisiha awanhdaka wo, qa witkotkoka tawoŝna yaqu kte šni e wanahon yanka wo ; hena ege taku šica econpi kecinpi šni.

2 Nii on oľanko šni wo, qa nicante Wakantanka itokam taku eya inalini kte šni. Wakantanka malľpiya ekta yanka, qa niye maka akan yaun ; heon etanhan nioie tonana kta iyececa.

3 Wicoľan ota eciyatanhan wihanmnanpi icaga : qa witkotkoka ho kin wicoie ota en un.

4 Tohan Wakantanka ekta taku on niľiconze cinhan, hdajuju dutehan kte šni ; iye qe witkotkokapi kin on wiyuŝkin šni ; taku on niľiconze cin he hdajuju wo.

5 Niľiconza qa yahdajuju šni kinhan, niľiconze šni unkanš hee wašte kta tuka.

6 Ihnuhan nii kin he nicelpi walľtanikiye cinhan ; qa Wawa-

EYANPAHA KIN,

yuśna kin itokam, He woyaśna ce, ebe kte śni : Taku on etanhan Wakantanka niho on śin-hda kta, qa ninape taku econ kin ihangye kta he.

7 Wihanmnanpi ota kin en takuśniśni yukan, qa wicoie ota ; tuka niye Taku Wakan kin koki-pa wo.

8 Wicaśta onśika wicakipi kin he, qa makoce tehan yanke cin en woyaco woowotanna ko yu-pem-nipi kin hena wandake cinhan, he taku kin on yuśinyaye śni wo: tuwe waśaka keś isanpa waśake cin he awacin yanka ; qa hena isanpa waśakapi yukan.

9 Nakun maka wokamna kin he wicaśta owasin tawapi ; wicaśtayatapi hee kaeś maga kin wowidagya.

10 Tuwe mazaska waśtedake cin he mazaska imnan kte śni ; qa tuwe woyuha ota waśtedake cin he oicage on imnan kte śni. He nakun takuśni.

11 Woyuha kin hena ota aye cinhan, tona yutapi kin hena yuotapi ; hecen tuwe tawapi kin hena taku iwaśtepi he ; iśta on wanhdakapi heceedan.

12 Tuwe ħtani iśtinbe cin he skuya, taku tonana qa iś ota yuta eśta : tuka wijice woyuha ota ton kin he iśtinma okihi śni kiya.

13 Anpetu wi kin ihukuya taku śica telhika wan wanmdaka, woyuha tona tawapi iśicapi kte cin on kihnakapi hee.

14 Tuka woyuha kin hena śica caya waakipapi on atakuni śni ece ; unkan cinca wan icaħkiye ca takudan nape ohna yanke śni.

15 Iye hunku tamni etanhan u qon he iyecen tancodan hde kta, hiyu qon iyecen ye kta, toħtani etanhan taku nape ohna aye kte cin takudan icu kte śni.

16 Unkan de iś eya taku śica telhika, token u qon he iyecelhin ake hde kta : hecen tuwe tate ħtakicini kin wokamna taku yuha he.

17 Nakun taanpetu owasin otpaza en wota, qa wicocante śica ota yuha, qa wayazanka en woiyokiśice.

18 Iho, taku wanmdake cin he dee ; taku waśte wan oiyokipi, wote kta qa wayatke kta, qa toħtani anpetu wi ihukuya econ kin owasin, anpetu ni un towanakeca Wakantanka qu kin hehanyan iyuśkin kta ; taku tawa kte cin hee nakaes.

19 Nakun wicaśta otoiyohi Wakantanka woyuha qa wowijice qu kin he etanhan yute kta okihi, qa taku tawa kte cin hduhe kta, qa toħtani on iyuśkin kta : Wakantanka taku qu kin hee.

20 Ota śni qeyaś anpetu ni un kin kiksuye kta ; iye cante wiyuśkin kin en Wakantanka toayupte yanka nakaes.

WICOWOYAKE 6.

1 Anpetu wi kin ihukuya taku śica wanji yukan wanmdaka, qa he wicaśta ehna tanka ħinca :

2 Wicaśta wanji wowijice, woyuha qa woyuonihan Wakantanka qu, hecen iye nagi taku cin kin iyuhpa takudan kiwanice śni, tuka hetanhan hduke kta Wakantanka okihikiye śni, tuka wicaśta tokeca yuta. De iś eya takuśni qa woyazan telhike.

3 Wicaśta wan opawinge cin-caton, qa waniyetu ota ni un, hecen iye tawaniyetu anpetu ota qeyaś, iye nagi taku waśte on imnan śni, qa nakun wicaħapi hduhe śni kinhan, okaśkan tonpi wan hee kaeś he isanpa waśte, epa.

WICOWOYAKE 7.

4 He qe opo etanhan hiyu, qa otpaza en iyaya, qa iye caje kin otpaza akañpe kta.

5 Nakun anpetu wi wanyake śni qa sdonye śni, eqe woozi yuha, unma qon isanpa.

6 Han, waniyetu kektopawinge nonpa hehanyan ni qeyaś taku wašte takudan wanyake śni: owasin ounyanpi wanjidan ekta yapi śni he.

7 Wicašta tohtani ocowasin iye i kin on etanhan, hececa ešta iye nagi kin imnan śni.

8 Wicašta ksapa wicašta witkotkoka isanpa taku yuha he: wicašta onśike cin ni unpi wicitokam mani sdonye cin he taku yuha he.

9 Wicašta wawanyake cin he wicanagi onuni kin isanpa wašte. De nakun takuśni qa woniya iyokiśice cin hee.

10 Taku hekta un qon hena wanna cajeyatapi; qa he taku kin wicašta ee sdonyapi: nakun tuwe iye isanpa waśake cin he kici econ kta okihi śni.

11 Hecen wicoie ota takuśni-śni yuotapi ece, heon wicašta hena taku iwašteka he.

12 Wicašta wan ni un, takuśni ni un taanpetu iyuhpa ohanzi iyecen hiyaye cin he taku wašte yuhe kta tuwe sdonya he: qa anpetu wi kin ihukuya wicašta wan iyohakam taku u kte cin tuwe he okiyake kta he.

WICOWOYAKE 7.

1 Wicacaje wašte kin he wi-hdi waštemna isanpa wašte, qa anpetu en wicašte cin he anpetu en tonpi kin isanpa wašte.

2 Wicaceya tipi ekta yapi kin he wayatkanpi tipi ekta yapi kin isanpa wašte; eqe wicašta owasin owihankepi kin hee,

Ec.

qa ni un kin he iye cante en ekihnake kta.

3 Waciniyokiśicapi kin he iħapi kin isanpa wašte; wicite iyo-kiśice cin on wicacante kin yu-waštepi nakaes.

4 Wicašta ksapapi cante kin he wicaceya tipi kin ohna yanka; tuka witkotkokapi cante kin iyaśapi tipi kin ohna yanka.

5 Wicašta ksapa wawiyopeye cin nañonpi kin he wašte, witkotkokapi downpi wicašta nañon kte cin he isanpa.

6 Cega wan ihukuya wapepeka ho kin witkotkokapi iħapi kin iyececa. He nakun taku śni.

7 Awicakehan wokakiśyapi kin he wicašta ksapa yuwitkotkoka; qa taku wicaqupi kin he wicacante kin yuśica ece.

8 Wicoie iħanke kin he otokaheya kin isanpa wašte; qa woniya wacintanka kin he woniya wahaničida kin isanpa wašte.

9 Ihnuhan nitaniya en canniniyan inayañini kinhan: wocanniye kin he witkotkokapi maku ohna yanka ece.

10 Tokeca anpetu tokaheya qon anpetu kin dena isanpa wašte he, ihnuhan ehe cinhan: woksape eciyatanhan de on winunge śni, heon etanhan.

11 Woksape kin he wašte, woyuha yuhapi kicica; qa tona anpetu wi wanyakapi wokamna ta-wapi kin hee.

12 Woksape kin he wowinape, qa mazaska he wowinape; tuka wosdonye wokamna kin, woksape tona yuhapi wiconi wicaqu ece kin hee.

13 Wakantanka toħan kin awacin wo: taku škopa kage cin tuwe owotanna kage kta okihi he.

14 Anpetu wašte kin en cante wašte wo; tuka wośice anpetu kin en waawacin wo: nakun

EYANPAHA KIN,

dena icitkokim Wakantanka kaga, wicašta iye iyohakam takudan iyeye kte śni heon etanhan.

15 Anpetu takuśni mitawa kin icunhan dena iyulpa wanmdaka : wicašta owotanna iye toowotanna en kašpapi, qa wicašta śica iye tohan śice cin en ihdutehan ece e yukan.

16 Ihnuhan owotanna hinca yaun, qa ksape hinca nićicage cinhan : tokeca nihdutakuni kte śni he.

17 Ihnuhan śice hinca nićicage ça winitkotko ke cinhan : tokeca nahahin iyenihantu śni niće kta he.

18 De duze kte cin he wašte ; han, nakun detanhan ninape ehaku śni wo : tuwe Wakantanka kokipe cin he iyulpa etanhan hdinanpe kta.

19 Woksape he wicašta ksapa kin yuwaśaka, wicašta waśaka wikcemna otonwe ohna yukanpi kin isanpa.

20 Awicakehan maka akan wicašta owotanna, taku wašte ece econ qa wahtani śni kin heca wanica.

21 Nakun wicoie eyapi kin owasin ekta cante yeye śni wo ; okinni nitaokiye niyaśica nayahon kta :

22 Niś eya nakun wicašta tokeca ijehan wicadaśica nicante sdonkiya nakaes.

23 De ocowasin woksape on imdute : Waksape kta ce, epa ; tuka he mitehan un.

24 Taku itehanyan yanke ça temahentu hince cin he tuwe iyukcan okihi kta he.

25 Miye qa micante mihduhomi, sdonwaye kta, qa owade kta, qa woksape wowiyukcan ko awakite kta, qa wowitkotko ke wośice kin sdonwaye kta, han, wowitkotko ke wotakuśni koya.

26 Unkan winohinca tuwe cante kin mazalitakiyapi qa on hmunkapi, nape kin mazaicaške kin heca he wićonte isanpa pa hinca iyewaye : tuwe Wakantanka itokam wašte kin he etanhan ilidušte kta ; tuka wahtani sa kin he iye on yuzapi kta.

27 Wanyaka wo, de iyewayace, Eyanpaha kin eya ; wanjidan wanjidan iyahna wowiyukcan kin iyeye kta ;

28 He hinyahin minagi akita, tuka iyewaye śni ce : kektopawinge ehna wicašta wanjidan iyewaye ; tuka dena owasin ehna winohinca wanjidan iyewaye śni.

29 Wanyaka wo, decedan iyewaye, Wakantanka wicašta owotanna kaga ; tuka iye qe wowiyukcan ota akitapi ece.

WICOWOYAKE 8.

1 Tuwe wicašta ksapa iyececa he ; qa tuwe e wicoie iyukcan sdonya he : wicašta toksape kin he iye ite kin iyehikiya, qa ite tosuta kin yutokeca kta.

2 Miye *wahokonciciya*, wicaštayatapi tawoahope kin patan wo, qa Wakantanka tawokonze oie kin on etanhan.

3 Iye itokapatanhan de kta inahni śni wo ; wicoie śica en inajin śni wo ; iye qe taku cin kin owasin econ nakaes.

4 Wicaštayatapi oie kin tukten yanke cin hen wowaśake yukan ; unkan tuwe, Taku ecanon he, eciye kta he.

5 Tuwe woahope kin patan kinhan he taku śica sdonye kte śni : qa wicašta ksapa cante kin he tohan iyehantu qa wowiyukcan kin sdonye kta.

6 Taku owasin on wiyukcanpi qa tohan iyehantu yukan ece ;

WICOWOYAKE 9.

heon etanhan wicašta wošice tanka kiciyanke :

7 Taku u kte cin he sdonye šni nakaes: ecin tohantu kte cin tuwe okiyake kta he.

8 Wicašta tuwedan woniya on wašake šni, iye taniya hduhe kta heon; qa nakun tuwedan wiconte anpetu kin en wowašake hduhe šni: qa okicize kin de en tuwedan kiyuškapi šni: nakun taku šica tona en iyohpayapi kin hena wicayuške kte šni.

9 De ocowasin wanmdaka, qa taku anpetu wi ihukuya econpi kin owasin ekta micante ewacin wakiya: tohan wicašta wanji is wicašta tokeca wowidagya on taku šica akipa eiye hantu yukan.

10 Unkan hecen wicašta šica wicašapi wanmdaka, hena upi qa oyanke wakan kin etanhan iyayapi, unkan otonwe en heconpi kin hen awicakiktonjapi. De nakun taku šni.

11 Taku šica econpi yacopi kin kohanna yuštampi šni, heon etanhan wicašta cinca cantepi kin šicaya econ wacinkiyuzapi hinca.

12 Wahtani sa wan opawinge akihde taku šica econ qa tehan ni ešta, tona Wakantanka koki-papi, tona iye itokam kokipapi kin hena tanyan unpi kta, awicakehan sdonwaya.

13 Tuka tuwe šice cin he taku wašte yuhe kte šni, qa taanpetu hdutehan kte šni, hena ohanzi iyececa; Wakantanka itokam kokipe šni, heon etanhan.

14 Taku šni wan maka akan econpi; wicašta owotanna wicašta šica ohanpi kin eciyatanhan iyecen akipapi; akeš wicašta šica kin is wicašta owotanna ohanpi kin eciyatanhan iyecen akipapi. He nakun taku šni ce, epa.

15 Hehan wiyuškinpi kin he mdawašte, wicašta anpetu wi ihukuya taku sanpa wašte yuhe šni, wote kta, qa wayatke kta, qa wiyuškin kta: iye tohtani etanhan, anpetu ni un, anpetu wi ihukuya Wakantanka taku qu kin he hduhe kta nakaes.

16 Unkan woksape sdonwaye kta e micante awacinwakiya, qa maka akan wicohan econpi kin wanmdake kta: nakun tuwe anpetu icunhan qa hanyetu icunhan išta on woštinnma wanyake šni yukan:

17 Hehan Wakantanka tohan owasin wanmdaka; anpetu wi ihukuya wicohan econpi kin owasin wicašta wan iyeye kta okihi šni: wicašta wan he iyukean kta htani qeyas iyeye kte šni; han, nakun wicašta ksapa he sdonye kta keya ešta, iyeya okihi kte šni.

WICOWOYAKE 9.

1 Dena owasin micante ekta yewaye, qa de ocowasin omdake kta, wicašta owotanna qa ksa-papi, qa wicohan tawapi iyulpa Wakantanka nape ohna yakonpi: taku wicitokam un qon owasin on wicašta tuwedan wowaštédake qa wošicedake unmana sdonye kte šni.

2 Iyulpa akyecen owasin en awicau; wicašta owotanna qa wicašta šica taku wanjidan awicakipa; tona wašte, qa tona ska qa tona šapapi kin; tuwe wošna qa tuwe wayušna šni kin: wašte kin he wahtani sa kin iyececa; tuwe Taku wakan cajeyata eciyatanhan taku eye cin he tuwe Taku wakan cajeyata kokipe cin iyececa.

3 Anpetu wi ihukuya taku econpi kin owasin en dee šica,

EYANPAHA KIN,

owasin taku wanjidan akipapi kin hee : han, nakun wicašta cinca cantepi taku šica ojūgjudan, nakun tohanyan ni unpi wowitkotkoke cantepi kin en un, qa he iyohakam tapi kin ekta iyayapi.

4 Tuwe ni unpi kin iyuhpa ekta kahņigapi kin he wowacinye yuha ; šunka ni un kin he mnaja te cin isanpa wašte nakaes.

5 Tona nipi kin hena tapi kta sdonkiyapi ; tuka tapi kin hena takudan sdonyapi šni, qa nakun sanpa iyunwin yuhapi šni ; hena wicakiksuyapi kin hee kaeš akihtonjapi.

6 Nakun wawaštedakapi qa wašicedakapi qa wawinawizipi qon wanna henakeca ; qa hetanhan anpetu wi ihukuya taku econpi kin takudan tawapi šni owihanke wanica.

7 Ya wo, aguyapi nitawa iyuškinyan hduta wo, qa cante wašteya miniša hdatkan wo ; naka ha niolan kin Wakantanka iyo-kiyiya.

8 Nitawokoyake kin ohinnian ska nunwe ; qa nipa kin ihapi codan un šni nunwe.

9 Nitawin wašteyakidake cin he kici wiyuškinyan ni wo, takušni wiconi nitawa anpetu kin owasin, anpetu wi ihukuya takušni anpetu niču kin iyuhpa : wiconi kin de en qa anpetu wi ihukuya wicohan ecanon kin en taku nitawa kte cin hee nakaes.

10 Ninape taku econ kta iyeye cin he token oyakihi econ wo : Hades ekta de cin heciya wicohan wanica, wicotawacin wanica, wosdonye wanica qa woksape wanica, heon etanhan.

11 Wahdicu qa anpetu wi ihukuya tuwe duzahe cin he oinyanke kin en ohiye šni wanmdaka, qa wašake cin he okicize en

ohiye šni, qa nakun ksapapi kin aguyapi yuhapi šni, qa wicašta wakahniga kin hena wowijice yuhapi šni, qa nakun wicašta wayupikapi woiyokipi yuhapi šni ; tuka tohantu qa toketu kin hena owasin en awicau ece.

12 Nakun tohantu kte cin wicašta sdonkiye šni : hogan ho šica wan on wicayuzapi kin iyececa, qa zitkadan on hmunkapi wan on wicayuzapi iyececa ; he iyecen wicašta cinca anpetu šica en wicayahtakapi, ihnuhanna awicahinhpaye cinhan.

13 Nakun anpetu wi ihukuya woksape kin de wanmdaka, unkan he tanka wadaka :

14 Otonwe wan cistinna qa ohna wicašta tonana : unkan wicaštayatapi tanka wan he takpe u, qa aonataka qa conkaške tanka en akaga :

15 Unkan he ohna wicašta ksapa onšika wan iyeyapi, qa iye toksape kin ecizatadhan otonwe kin nikiya : hececa esta tuwedan wicašta onšike cin kiksuye šni.

16 Hehan hepa ; Woksape he wowašake isanpa wašte : hececa esta wicašta onšike cin he toksape kin dektayapi qa oie kin anagoptanpi šni.

17 Wicašta ksapa oiepi kin ainina anagoptanpi, tuwe witkokapi ehna itancan hoyeye cin he isanpa.

18 Woksape he okicize wipe kin isanpa wašte : tuka wahtani sa wanjidan taku wašte ota ihangya ce.

WICOWOYAKE 10.

1 Honagidan tapi ihapi kaga tawihdi kin šicamna kiya ece : tuwe woksape qa woyuonihan on yatankapi kin he wowitkotko-

WICOWOYAKE 11.

ke cistinna hduhe cinhan he iye-ceca.

2 Wicašta ksapa cante kin iye etapa eciyatanhan yanka, tuka witkotkoka cante kin he catka tanhan yanka.

3 Han, nakun tuwe witkotkoke cin he canku ohna mani eca cante kiwanica, qa iye witkotkoka e owasin owicakiyaka.

4 Tuwe itancan kin he taniya nirkokim inajin kinhan nitohe ayuŝtan ŝni wo; inina unpi kin he woaltani tanka yuwaŝte ece.

5 Anpetu wi ihukuya taku ŝica wanji wanmdaka, ecinŝniyan econpi wan tuwe itancan kin itokapatanhan hiyu:

6 Wowitkotkoke kin wankan wapa ehnapki, qa wijicapi kin iŝ kuya iyotankapi:

7 Wowidake unpi kin hena ŝuktanka akan iyotankapi wanmdaka, qa wicaŝtayatapi makata manipi, wowidake unpi iyececa.

8 Tuwe woŝa wan qe cinhan en ohinŝpaye kta, qa tuwe conkaŝke wan yujuju kinhan wamduŝka wan yaŝtake kta.

9 Tuwe inyan qe cinhan hena on kiunniye kta: tuwe can kaŝdesdece cin he on ksuweiçiye kta.

10 Mazasapa kin he pe ŝni, qa he hdube ŝni kinhan, nina hin waŝagya econ kta: tuka woksa-pe he yukcankiya okihi.

11 Wamduŝka kin ajijipi ŝni kinhan wicayaŝtake kta; qa tuwe iwakan kin iŝ he isanpa waŝte ŝni.

12 Wicašta ksapa i oie kin hena wowaŝte; tuka witkotkoka iha kin iye naiçipce kta.

13 Iye i oie tokaheya kin he wowitkotkoke; qa taku eya owihanke kin he iŝ wowitkotkoke ŝice hinca.

14 Nakun tuwe witkotkoke cin

he oie ota: taku kte cin wicašta wan sdoney ŝni; qaiye iyohakam taku u kte cin tuwe okiyake kta okihi he.

15 Witkotkokapi htanipi kin mdokiŝewicaya ece, ecin token otonwe ekta ye kta sdonkiye ŝni.

16 Hehehe makece, wicaŝtaya-tapi nitawa hokŝiyopa kinhan, qa itancanpi nitawa hanhanna hinca wotapi kinhan.

17 Makece, niyawaŝtepi ce, wicaŝtayatapi nitawa wicašta tanka cinca hecinhan, qa wicaŝta itancanpi nitawa tohan iye-hantu eca wotapi kinhan, waŝakapi kta heon qa witkopi kte ŝni.

18 Wokuje ota on tipi tihuŝa kin hinŝpaya; qa wicanape takudan econ ŝni kin on tipi kin ohiyu ece.

19 Ihapi kta on aguyapi kagapi, qa miniŝa wicani wiyuŝkin-kiya ece: tuka mazaska taku owasin on waayupte.

20 Nitawacin hee kaeŝ en wicaŝtayatapi kin yaŝice ŝni wo; qa tipi ohna nunke cin mahen tanhan wijice cin yaŝice ŝni wo: mahpiya zitkadan wan wicaho kin aye kta, qa taku hupahu ton kin he wicoie kin oyake kta, heon.

WICOWOYAKE 11.

1 Aguyapi nitawa mini ite kin akan kada ehpeya wo; anpetu ota kinhan ake iyeyakiye kta.

2 Onge ŝakowin wicaqu wo, qa nakun ŝahdogan: taku ŝica maka akan un kta tukte e sdon-yaye ŝni nakaŝe.

3 Mahpiya ŝapa kin mini ojuggedan kinhan maka akan ihducokapi; qa can wan itokahkiya hinŝpaya, qa iŝ waziyatakiya hinŝpaya kinhan, tukte en can

EYANPAHA KIN,

wankahan hecinhan hen wanke kta.

4 Tuwe tate kin iwanyake cinhan woju kte śni; qa tuwe malipiya śapa kin ekta ewacin kinhan aguyapi bakse kte śni.

5 Woniya tacanku kin he, tuwe ihduśaka tamni ohna token huhu icage cin sdonyaye śni, he iyecen Wakantanka taku owasin kage cin he toľan kin sdonyaye śni.

6 Hanhanna eca nitawoju kin okikju wo, qa ĥtayetu eca ninape ehdaku śni wo: unma tukte icage kta, dee qa hēe, qa iś napin akiyecen wašte kta sdonyaye śni.

7 Awicakehan iyoyanpa kin he oiyokipi ĥinca, qa wicaista anpetu wi wanyake cin he wašte:

8 Tuka wicašta wan waniyetu ota ni, owasin on iyuškin ešta, otpaza anpetu kin kiksuye kta iyececa; hena iś eya ota kta. Taku u kte cin iyulĥpa takuśni.

9 Koška, honikśiyopa icunhan cante wašte wo; qa koniška anpetu kin en nicante iyuškiniĥiya nunwe; qa nicante tacanku kin ohna mani wo, qa niista wawanyake cin en: tuka dena owasin on Wakantanka wojačo en aniu kta, he sdonya wo.

10 Heon etanhan nicante etanhan wicocanteśice hdutokan wo, qa niceĥpi etanhan taku śica eĥpeya wo: hokśiyopa qa koška unpi kin napin takuśni nakaes.

WICOWOYAKE 12.

1 Wanna koniška anpetu kin en Wawicaĥniye cin he kiksuya wo, anpetu śice cin hinyaĥin ahi śni, qa waniyetu en, Hena ecaca iyomakipi śni ce, ehe kte cin hinyaĥin kiyađan u śni:

2 Anpetu wi, qa iyoyanpa, qa

hanyetu wi, qa wicanĥpi kin hinyaĥin aotpasyapi śni, qa malipiya śapa magaju iyokakam ake ĥdiyohi icunhan:

3 Anpetu kin en ti awanĥdaka-pi kin cancanpi kta, qa wicašta waśaka patuś iĥiyapi kta, qa hi wiyakpan kin hena ayaštaŋpi kta, tonana heon, qa owanyeye eciyaťanhan eyokasinpi kin aotpasyapi kta;

4 Qa canku ohna tiyopa kin ecen icupi kta, wotpanpi ho kin ayuštankiyapi kinhan; qa zitkađan hoton kin on inajin kta, qa dowanpi cunwintkupi iyulĥpa kun eĥpeyapi kta:

5 Nakun taku wankantu kin kokipapi kta, qa canku ohna kopēĥdapi kta; qa uma kin he aktapi kte śni, qa psipsicadan kin he wośake dapi kta, qa cinpi kin he enakiyapi kta: wicašta tipi owihanke wanice cin he ekta ĥde kta nakaes, qa tona ceyapi kin hena canku ohna yapi ece:

6 Nahanĥin mazaska ikan kin yuškapi śni, qa mazaskazi wiyaťke kin yuptujapi śni, qa wakśica miniyowe kin ekta kamdecapi śni, qa miniĥdoka en iyuhmihma kin yuwegapi śni itokam.

7 Hehan maka mdu kin token un qon maka kin ekta ĥde kta, qa wicaniya kin he Wakantanka qu qon he ekta ĥde kta.

8 Takuśni takuśni, Eyanpaha kin eya; owasin takuśni ce.

9 Unkan Eyanpaha kin he sanpa ksapa nakaes, heon etanhan nakun oyate kin wosdonye onspewicakiya; ĥan, nina awacin qa wicoie wakan ota owotanna kage kta akita.

10 Wicoie oiyokipi Eyanpaha kin iyeye kta akita: unkan taku owapi kin he owotanna, wowicake oie kin heca.

WICOWOYAKE 1.

11 Wicašta ksapa oie kin hena wicahtake kin iyececa, qa won-wicaye wanjidan etanhan qupi mazaiyokatkuge omniciye itan-canpi okatanpi kin iyececa.

12 Nakun, micinksi, dena on onspeiciciya wo: wowapi ota kagapi kin he owihanke yuke šni; qa nina wayawapi kin he wicacehpi mdokiteya ece

13 Wicoie ocowasin yuſtanpi kin he naunhonpi kte; Wakan-tanka kokipa wo, qa iye tawoa-hope kin ahopa wo: wicašta ocowasin kin hee.

14 Wakantanka wicohan owa-sin woyaco on au kta nakaes, taku nahmanpi iyuhpa koya, wašte qa šica unma tukte kašta.

DOWANPI ODOWAN.

WICOWOYAKE 1.

1 Dowanpi Odowan Solomon tawa kin he dee.

2 Iye i oiputake tawa on i ima-putaka nunwe. Nitowaſtedake kin he miniša isanpa wašte nakaes.

3 Ihepi waſtemna nitawa oomna kin on nicaje wihdi okaſtanpi kin iyececa: heon etanhan witanšna unpi kin waſtenidakapi.

4 Mayutitan ye. Nihakam unkinyankapi kta. Wicaſtayatapi kin he iye ti kin timahen amahi. Piundapi kta qa unkiniyuſkinpi kta; nitowaſtedake kin he miniša isanpa unikſuyapi kta: tona ecetu kin hena waſtenidakapi.

5 Jerusalem cunwintkupi, miye masapa tuka owanyag wašte, Kedar tawakeya iyececa, Solomonozan hdepi tawa kin iyececa.

6 Masapa heon amatonwanpi šni pe, anpetu wi kin he on maſtimaſpan nakaes: ina cinca can-niyemakiyapi; hastanhanka iyu-wi ojupi kin awanyag emahdepi; hastanhanka iyuwi ojupi mitawa kin awanwahdake šni.

7 Minagi waſtekidake cin niye, ito, omakiyaka ye, tukten wawihanyakiya, tukten wiyotanhan iwanke wicayakiya hecinhan: tokeca miye, nitawaſi taoptaye kin en, wanji nuni kin iyemacece kta he.

8 Winohinca ehna owanyag niwašte hinca, he sdoniyaye šni kinhan, detanhan cankuya ye, optaye owepi ohna, qa won-wicayapi tawakeyapi kin icahda tatokadan cinca nitawa wihan-wicakiya ye.

9 Wiwašte mitawa, Pharaoh tacanpahmihma en ſung wiye kin he iciyacin.

10 Nitapon oinpi skaskadan on owanyag wašte, nitahu wanapin on.

11 Mazaskazi oinpi unnicagapi kta ye, mazaska taſpudan koya.

12 Wicaſtayatapi kin wahna wotapi kin en yanka icunhan nard mitawa oomna hiyuya ece.

13 Waſtewakidake cin he canšin waſtemna opahte wan eewakiya, aze mitawa otahedan han-yetu osan wanke kta.

14 Waſtewakidake cin he kopher iyage wan iyececa wada-

DOWANPI ODOWAN,

ka, Engedi hastanhanka iyuwi ojupi kin ehna.

15 Iho, wiwašte mitawa, owanyag niwašte; han, owanyag niwašte, ništa tinwakiyedan iyececa.

16 Iho we, waštécicidake, niye owanyag niwašte, han oiyokipi hınca; nakun owanka unkitawa kin he toto.

17 Untipi canhdakinyan wanke cin hena hanteša, wankan obagopi unkitawapi kin hena wazi can.

WICOWOYAKE 2.

1 Šaron onjinjintka, kaksiza en mnaħcaħca kin he miye.

2 Mnaħcaħca wapepeka ehna un kin he iyececa, wiwašte mitawa kin cunwinkuyapi kin owicapeya un.

3 Taspantanka hu taškoju can kin ehna, he iyecen waštewakidake cin he cinhintkuyapi kin owicapeya un ye. Iye ohanzi tawa kin on imduškin qa en imdotanka, unkan tawaskuyeca kin micaka en skuye hınca.

4 Miniša tipi kin en amahi; unkan tawiyokihedan miwankan un kin he wocantekiye.

5 Hastanhanka on wacintonhnagmayan ye; taspantanka on wašagmayan ye, wowaštédake on wamayazan heon.

6 Iye catka kin mapa kin ihukuya, qa iye nape etapa kin he poskin mahduza ce.

7 Jerusalem cunwintkupi, tinta tatokadan wiye qa tawiyedan on ceciciyapi ce, waštewakidake cin yapaninipi kte šni qa duħicapi kte šni, tohanyan iyokipi hehanyan.

8 Waštewakidake ho kin! wan, he kin akan psipsica, paha kin akan psipsin u ye.

9 Waštewakidake cin he tato-

kadan qa taħınca cinca wan iyececa ye: wan, conkaške iħeyata inajin, owanyeye eciyatanhan ahitonwan, ozanpi ohna tanin-iciya ye.

10 Waštewakidake cin he ie ca hemakiya; Wiwašte mitawa, owanyake wašte mitawa, najin qa kuwa wo.

11 Iho, waniyetu kin wanna henakeca, magaju kin hdapte, wanna sam iyaya;

12 Maka akan waħca kin taninin; dowañpi kte cin wanna hiyohi: qa makoce unkitawapi ohna tinwakiyedan ho kin naħonpi:

13 Suken can kin waskuyeca toto icaħya, qa hastanhanka iyuwi ħca aye cin hena omnanpi wašte. Wiwašte mitawa, owanyag wašte mitawa, najin qa kuwa wo.

14 Tinwakiyedan mitawa, imni-ja oħdoka ohna, he iyadipi oinaħbe kin ohna, tokin niite wandaken, niho nawaħon kta; niho kin he oiyokipi, qa niite kin owanyag wašte nakaes.

15 Tokadan, tokadan cikeisti- nna hastanhanka iyuwi kiunniyanpi kin hena unkiciyuza miye: hastanhanka iyuwi unkitawapi hastanhanka štunkaka aicaga nakaes.

16 Waštewakidake cin he miye mitawa, qa iye tawamayan: mnaħcaħca kin ehna wawiħan-kiya ece ye.

17 Anpao hinanpa qa ohanzi kin kinyan iyaye kte cin hehanyan, hdiu ye, waštécicidake, tatokadan wan iyececa un ye, qa taħınca cinca wan Bether he kin akan iyececa.

WICOWOYAKE 3.

1 Hanyetu icunhan mitowinja akan tuwe minagi waštekidake

WICOWOYAKE 4.

cin he owakide; owakide tuka iyewaye sni.

2 Wanna nawajin kta, qa otonwe kin en mde kta, canku kin ohna qa ocanku tanka ohna, tuwe minagi wastekidake cin he owakide kta ce. Owakide tuka iyewakiye sni ye.

3 Waawanyake otonwe ehna hna yapi ece kin hena iyemayanpi. Minagi wastekidake cin he wandakapi he, *ewicawakiya*.

4 Kitan ecinyan hena sanpa imdamda hehan tuwe minagi wastekidake cin he iyewaya: mduza qa amdustan kte sni, ecen ina ti kin en awahdi, qa tuwe cinca mayuhe cin ti mahen.

5 Jerusalem cunwintkupi, tinta tatokadan qa tawiyedan kin on ceciciyapi ce, wastewakidake cin he yapaninipi kte sni qa duhicapi kte sni, tohanyan iyokipi hehanyan.

6 Tuwe sota wankan ye cin iyececa hewoskan tanhan u, cansin wastemna qa wihdi wastemna wopeton tapejihuta mdu kin owasin koya on aizinyapi kin he tuwe hc.

7 Iho we, on akiyuhapi tawa he Solomon tawa; wicasta waditaka wikcemna sakpe ihdukšan yakonpi, Israel waditakapi kin etanhan.

8 Hena owasin mazasagye hduhapi, kiczapi en wayupikapi: hanyetu en wokokipe on otoiyohi tamzasagye ceca akan yanka.

9 Solomon wicastayatapi kin Lebanon can kin etanhan on akiyukapi wan icicaga ye.

10 Bosdan he cin hena mazaska on kaga, onnaptan kin he mazaskazi on, oakahpe kin he mini-huha sa stan on, ocokaya kin he wocantekiye en owinstonpi, Jerusalem cunwintkupi kin wicakicagapi.

11 Zion cunwintkupi, inanpapiqa Solomon wicastayatapi hunku wateŕdake teŕdag kicaton un kin he wanyaka pe, wakanhduze anpetu kin en, qa iye cante wiyuŕskin anpetu kin en.

WICOWOYAKE 4.

1 Iho wo, wiwaŕte mitawa, o-wanyag niwaŕte; iho, owanyag niwaŕte; paha nisonpi otahedan niŕsta kin tinwakiyedan iyececa; pa hin nitawa tatokadan optaye wan Gilead paha akan iwankapi kin iyececa.

2 Hi nitawa optaye wan yuŕdapi wicayujajapi etanhan upi kin iyececa, hena otoiyohi cekpa yuhapi, qa etanhan cinca ton sni wanica.

3 Niiha haŕonta duta wan iyececa; iyaec cin he wiciyokipi hinca; nawate nitawa taspan-tanka su ota onŕpa iyececa, paha nisonpi otahedan.

4 Nitahu kin he Dawid taconkaŕke kin iyececa, wipe on kagapi, wahacanka kektopawinge en otkeyapi, iyuhpa wicasta waŕsaka wahacanka tawapi.

5 Aze nom nitawa tacinca nom cekpapi, mnaŕcalica ehna wihanpi kin iyececa.

6 Anpao kta qa ohanzi kinyan iyaye kta, hehan cansin wastemna he kin ekta, qa cansin kohdihdi paha kin ekta, mde kte.

7 Wiwaŕte mitawa, ocowasin owanyag niwaŕte; tuktedan oniyuŕhi sni.

8 Lebanon etanhan micu wo, mitawin, Lebanon etanhan micu wo: Amana ipa kin etanhan etonwan wo, Senir qa Hermon paha pajodan kin etanhan, mnaja otipi kin etanhan, inmutanka he kin etanhan.

9 Cante mayaki, mitawin, mi-

DOWANPI ODOWAN,

tanksi; niista wanjidan on, nitahu tawanapin oboyaya wanjidan on cante mayaki.

10 Mitawin, mitanksi, nitowaštedake kin he oiyokipi hinca: nitowaštedake kin miniša isanpa wašte: qa ihepi nitawa omnanpi kin he taku waštemna owasin isanpa.

11 Mitawin, canhanpi tiktica šbu niiha hena ee: niceji ilukuya tūhmaga canhanpi pte asanpi ko yukan: qa nitawokoyake omnanpi Lebanon omnanpi kin iyececa.

12 Mitawin, mitanksi canwojupi natakapi kin hee; minihdoka natakapi, miniyowe askamtonpi kin heca.

13 Taku icalhyaye cin taspan-tanka su ota ojupi kin heca, waskuyeca wašte hinca nakun; canšin oomna wašte nard kici-ca:

14 Nard qa wiziye kici; sinkpe tawote qa canhaša, canšin kohdihdi can kin owasin koya; canšin waštemna qa canšin pa hinca, wizinye waštemna ocaje owasin koya:

15 Miniyowe canwojupi, minihdoka wakoniya, qa Lebanon etanhan wakpadan kin.

16 Waziyatanhan tate uya, kiktaye; qa itokagatanhan uye cin, u ye: mitawoju kin atateyanpa ye; hecen oomna waštemna kin hiyu kta. Tokin waštewakidake iye canwojupi tawa kin en ku, qa waskuyeca wašte kin hduten.

WICOWOYAKE 5.

1 Mitawin, mitanksi, canwojupi mitawa kin en hibuy: canšin mitawa taku omna waštemna ko mnawakiya: canhanpi tiktica mitawa tūhmaga canhanpi

mitawa kici wahdute: miniša mitawa pte asanpi iyahna wahdatkan. Mitakuye, wota po; wayatkan po, han, waštecicidapi, wiyuškinyan wayatkan miye.

2 Mištinbe, tuka micante kiktahan yanke; Waštewakidake katoto yanka ho kin hee; Mitanksi, wiwašte mitawa, tinwakiyedan mitawa, wanj taku iyaonpepica šni mitawa, makiyuhdoka wo; mapa kin cu ojudan, qa mapa hin hanyetu ošbuye kin ojudan nakaes.

3 Onhdohda wahdušdoka, token ake wecun kta he: siha wahdujaja, token ake šamwakiye kta he.

4 Waštewakidake cin he owanyeye eciyatanhan nape hiyuye, unkan iye on tanmahen miliduškanškan.

5 Waštewakidake wakiyuhdoka kta najin imdamda, unkan inatake iyuze akan minape etanhan canšin šbuya, qa minapsukaza canšin waštemna šbuya.

6 Waštewakidake wakiyuhdoka; tuka waštewakidake cin he wanna ihdutokan iyaya: ie cehan minagi hiyu tuka: owakide tuka iyewaya owakihi šni: wikipan tuka amayupte šni ye.

7 Waawanyake otonwe ohomni yapi kin hena iyemayanpi, hena amapapi, hena ksuwemayanpi: conkaške awanyakapi kin hena ite akahe kin makipi.

8 Jerusalem cunwinkupi, ceciciyapi ce, waštewakidake cin he iyeyayapi kinhan wowaštedake on wamayazanka he oyakidakapi kte.

9 Winohinca wicehna owanyag niwašte hinca, wašteyakidake cin he waštedakapi tokeca taku on isanpa he; wašteyakidake cin taku on waštedakapi

WICOWOYAKE 6.

tokeca wan isanpa wašte he, on hecen ceunyakiyapi he.

10 Waštewakidake cin he ska qa šamna, kektopawinge wikcemna ehna okitanin hinca.

11 Pa kin he mazaskazi ecedan: pa hin kin hena yuħaħa qa sapsapa, kang iyececa:

12 Išta kin tinwakiyedan mini wakpa icahda kin iyececa, pte asanpi ohna yujajapi, ayuco oštanpi:

13 Iye tapon taku omna waštemna oicage kin iyececa, walica waštemna kin iyececa: iha kin mnaħcalica iyececa, canšin waštemna šbuyapi:

14 Iye nape kin mazaskazi napeupe Taršis inyan tehika oštanpi kin iyececa: tezi kin he hu hu wiyatpa inyan toto tehika akaħpapi kin iyececa:

15 Iye hu kin inyan skaska ihupa mazaskazi ecedan oyuštanpi kin en ehdepi iyececa: ite kin Lebanon iyececa, ħanteša kin iyecen oiyokipi hinca.

16 Iye i kin skuye hinca: han, ocowasin wašte hinca. Jerusalem cunwintkupi, waštewakidake cin he dee, qa mitakuye ħinca hee.

WICOWOYAKE 6.

1 Winohinca ehna owanyag niwašte hinca, wašteyakidake cin he tokiya iyaya he: wašteyakidake cin he tokiya icunonpa iyaya he; niyeci unkodepi kta ce.

2 Waštewakidake cin he iye canwojupi tawa kin ekta iyaya, taku omna waštemna oicage ekta: canwojupi kin en wawihanye kta, qa mnaħcalica hdušpi kta.

3 Waštewakidake cin he tawamayan, qa waštewakidake cin

he miye mitawa: mnaħcalica kin ehna wawihanyan ece ye.

4 Wiwašte mitawa, owanyag niwašte hinca, Tirzeh iyececa, Jerusalem iyecen oiyokipi hinca, ozuye wiyokihedan yuhapi iyecen wokokipe hinca.

5 Miye etanhan ništa hduhommni wo, hena maktepidan: pa hin nitawa tatokadan optaye Gilead en iwankapi kin iyececa.

6 Nihi kin hena taħinca wanunyanpi optaye wicayujajapi etanhan iyayuptapi kin iyececa, henaotoiyohicekpayuhapi, qa hena etanhan cinca ton šni wanica.

7 Paha sonpi otahedan nawate nitawa taspantanka su ota onšpa iyececa.

8 Wicaštayatapi winohinca wikcemna šakpe, qa winohinca wicayuhapi wikcemna šahdogan, qa witanšna unpi yawapica šni.

9 Tinwakiyedan mitawa, wiyaponpica šni mitawa kin he wanjidani, hunku tawa kin he išnana, tuwe yuhe ciqonhdaħnigecinhee. Cunwintkuyapi kin hena wanyakapi qa yawaštepi; wicastayatapi winohinca qa winohinca wicayuhapi kin hena nakun yao-nihanpi.

10 Tuwe anpao iyececa etonwan, hanyetu wi iyecen owanyag wašte, anpetu wi kin iyecen wiyatpa, ozuye wiyokihedan yuhapi iyecen wokokipe hinca, he tuwe he.

11 Hma can wojupi kin ekta kun imdamda, kaksiza en waskuyeca kin wanmdake kta, hastanhanka iyuwi icaga hecinhan, taspantanka su ota camni uye wanmdake kta.

12 Sdonwakiye šni, ihnuhanna minagi Amminadib tacanpahmihma iyececa micicaga.

13 Hdicu wo, hdicu wo, Šulamith; hdicu wo, hdicu wo, wan-

DOWANPI ODOWAN,

unniyakapi kta. Šulamith en taku wandakapi kta he. Ozuye nom owaci kin iyececa ce.

WICOWOYAKE 7.

1 Wicaštayatapi cunwintku, nishi hanpokiton kin hena owanyag wašte hinca : ceca okihe nitawa wamnuha tuwe wayupika nape [on kage cin hena iyececa.

2 Nicekpa kin he waksica ohmihma miniša iyujimnana kin hee : nitezi kin he aguyapi su opaha wan mnaicaica ihdukšan hiyeye cin he iyececa.

3 Aze nom nitawa totokadan cinca cekpapi kin iyececa.

4 Nitahu kin he huhu wašte canpasotka kin iyececa : ništa Hešbon miniyowe kin iyececa, Bath Rabbim tatiyopa kin etu : nipoge Lebanon conkaške Damasek ektakiya etonwe cin he iyececa.

5 Nipa akan niyanke cin he Karmel iyececa, qa nipa hin boyaya kin ša stan iyececa : sonpi kin on Wicaštayatapi kin kaškapu ye.

6 Wiwašte mitawa, owanyag niwašte, qa wowiyuškin on oiyo-kihi hinca yaun.

7 Nihanske cin he tamar can kin iyececa, qa aze nitawa iyage kin iyececa.

8 Tamar can kin en mde kta, adetka kin mduze kta ce, epa : unkan hinnakaha aze nitawa hasthanhanka iyage imdacin kta, qa nipoge omnanpi kin taspantanka iyecece kta :

9 Qa nicaka kin miniša wašte iyececa, he wašewakidake cin en katinyan ya, tona ištinnapi iha akan iwaštedan iwicaya-ya.

10 Wašewakidake cin he ta-

wamayan, qa iye tocantekiye kin miye en mau ye.

11 Waštecicidake, kuwa, maga kin ekta unye kta, otonwe cistina kin hena ekta hanyetu unyakon kta.

12 Hanhanna hinca hasthanhanka iyuwi ojupi kin ekta unye kta ; wiyuwi kin icage cinhan wanunyake kta, iyage štunkaka wanna tanin hecinhan, taspantanka su ota kin wanna camni uye cinhan : heciya mitocantekiye ciu kta.

13 Wocantekiye waskuyeca kin oomna hiyuya, qa tiyopa unkitawapi ohna waskuyeca wašte ocaje owasin, teca qa tanni, waštecicidake, hena ecicihnaka ce.

WICOWOYAKE 8.

1 Mitimdo, ina aze hdazoke ciqon, tokin henicecen ; unkanš canku ohna iyeciciya ehantanhan iiciputake kta : hececa ešta miye walitemadapi kte šni.

2 Yus aciye kta, ina ti kin en acii kta, he onspemakiye kta : miniša icicahiyapi taspantanka su ota hanpi mitawa kin he yatkeciciye kta tuka ye.

3 Iye nape catka mapa kin ihukuya kta, qa etapa kin poskin mahduze kta tuka.

4 Jerusalem cunwintkupi, ceciciyapi ce, wašewakidake cin he yapaninipi kte šni, qa duhicapi kte šni, tohanyan iyokipi hehanyan.

5 Tuwe hewoskan tanhan u, waštekidake cin he hdus un kin he tuwe he. Taspantanka hu kin ihukuya najinciciya ; nihun hen niton ; tuwe niyuhe cin he hen niton.

6 Askape wan iyecen nicante en, ipuspe wan iyececa ništo akan emahnaka ye : wowašteda-

WICOWOYAKE 1.

ke kin wiconṭe iyecen waśaka : wowinawizi kin he Hades iyecen suta : he pehnige kin peta pehnige ide hinca heca.

7 Mini ota wowaśtedake kasni kte śni, qa mini tanka kin spaye-ye kte śni : wicaśta wan iye ti tawahpaya kin iyuhpa wowaśtedake on tokiyopekiya eśta, he ocowasin aktapi kte śni.

8 Tankśiunyanpi kin he cistin-na qa aze nica. Anpetu en tankśiunyanpi kin dapi kinhan token ecaunkiconpi kta he.

9 He conkaśke unkanś akan mazaska tipi wan unkagapi kta ; he tiyopa unkanś hante śa canmdaska on onauntakapi kta tuka do.

10 Miye qe conkaśke hemaca, qa aze mitawa pajodan iyececa. Heon iye iśta kin en wanji wo-

cantekiye iyekiye cin hemaceca ye.

11 Baal-Hamon en hastanhan-ka iyuwi ojupi wan Solomon yuha : wiyuwi ojupi kin he wawanyake owicaqu : waskuyeca on otoiyo hi mazaska kektopawinge kahi kta.

12 Wiyuwi ojupi mitawa mitokam wanke cin he mitawa. Solomon, niye kektopawinge duhe kta, qa tona waskuyeca awanyakapi kin hena opawinge nonpa yuhapi kta ye.

13 Canwojupi kin en ounyaye cin, okodakiciye kin hena niho anagoptanpi ece : he iś nañonmakiya wo.

14 Waśtecicidake, najica u ye ; qa taku omnanpi waśte paha kin akan tatokadan wiye qa iś tahinca cinca wan iyececa un ye.

ISAYA TAWOYUKCAN KIN.

WICOWOYAKE 1.

1 Isaya Amoz cinhintku towan-yake kin, Juda qa Jerusalem on wanyake, Juda wicaśtaytapi Uziya, Joṭham, Ahaz, qa Hezekiya taanpetu kin en.

2 Mahpiya, nañon wo, qa maka, anohya wo : Jehowa ia ; Cinca icalhwicawakiye ca tanka wicawakaga, unkan makipajinpi ce.

3 Tatanka ee tuwe tawa kin sdonkiya, qa śonśonna kin he tuwe yuha dotopiye tawa sdonya ; tuka Israel wasdonye śni, mitaoyate waawacin śni.

4 Hehehe, oyate wan wahitani sa, wicaśta woahitani on hduśakapi. wicoicage wan śicaya econ-

Isaiah.

pi, wicacınca wayuśicapi ; Jehowa ayuśtanpi, Israel Wanji Wakan tawa kin he wahitedapi śni, hektam ihdoyapi.

5 Taku on sanpa anipapi kta he ; nakun wawakipajinpi ece ecanonpi kta ; wicapa ocowasin wayazanka, qa wicacante kin ocowasin hanyeca :

6 Sicu etanhan pa iyahdeya tuktedan zani śni ; capapi, kaśuśujapi qa ton awicau ; aohduteyapi śni, yuskiskitapi sni qa wihdi on waśte kagapi śni.

7 Makoce nitawapi kin he otiwita, nitotonwepi kin peta on huhnagapi ; maga nitawapi wicaśta tokeca nitokam temyapi, qa hewoskan ehpeyapi, wicaśta tokeca awihnunipi iyececa.

ISAYA TAWOYUKCAN KIN,

8 Zion cunwintku kin hastan-yanka ojupi wan en ohanzi hdepi kin he iyecen ehpeyapi, sakayutapi ojupi en wakeya he cin iyececa, otonwe anatanpi kin iyececa.

9 Jehowa ozuye tawa onajice cistinna wan unkokicicaptapi šni unkanš Sodom iyeuncecapiki, qa Gomorrah iyecen unkicagapi kta tuka.

10 Sodom wicaštayatapi, Jehowa oie kin nahon po; Gomorrah oyate, Wakantanka unkitawapi toope kin awacin po.

11 Tokeca taku ota wamaya-kidušnapi he, Jehowa eya; tamdoka hulinagapi qa cemyapi wasna kin on imamna hinca; qa tatanka, tacincadan qa tatokadan mdoka we kin iyomakipi šni.

12 Nakun tohan miye en ihdu-tanin yahipi kinhan, mitahocoka omayanipi kin, tuwe he ninapepi etanhan icu kta he.

13 Detanhan wošnapi takušni kin heca e aupi šni po; wizinyapi kin he wah tewada šni; wi teca qa wookihpe omniciye kagapi kin hena mduha owakihi šni; omniciye wakan kin he hee kaeš woahitani.

14 Wi teca nitawapi qa mnini-ciyapi ece kin hena minagi šicedaka; hena woyuśake mdawa; yuha mdowakita.

15 Unkan nape yahdugatapi kinhan miišta anacihmanpi kta; han, wocekiye daotapi kinhan nawahon kte šni; nape we onijupidan nakaes.

16 Ihdujaja po, ihduska po; miišta itokapatanhan taka šica ecanonpi kin ehpeya po; šicaya econpi ayušan po:

17 Taku wašte econpi onspe-iciyiya po: wokonzek akitapo; šicaya wicakuwapi kin hena owotanna ecawicakicon po, wa-

mdenica kin hena wicayaco po, wiwazica kin he iciya po.

18 Iho miye, nakaha wounhda-kapi kta, Jehowa eya: wayahtanipi kin hena duta ešta wa iyecen ska kta; hena ša stan iyececa ešta tahinca hin kin iyecece kta ce.

19 Hecen yacinpi qa waanayagoptanpi kinhan, makoce taku wašte aicage cin he yatapi kta:

20 Tuka wicayadapi šni qa wayakipajinpi kinhan, mazasagye on temniyanpi kta, Jehowa i kin he hecen eya ce.

21 Hehehe, otonwe owotanna qon he witkowinna icaga: wokonzek on ojudan, woowotanna ohna ti tuka qon; tuka nakaha tin wicaktepi sa.

22 Mazaska nitawa ginginca icaga; miniša nitawa mini ica-hiyapi.

23 Wicaštayatapi nitawa kin hena wicaštapišni qa wamanonpi sa takodawicayapi: otoiyohtaku wicakupi waštedaka qa ica-juu akitapi; wamdenica kin hena on wayacopi šni, qa wiwazica tawoakinica kin he en wicahi šni.

24 Heon etanhan Itancan kin, Jehowa ozuye yuha, Israel Iyotan Waśaka tawa kin he hecen eya; Han, tona makipajinpi kin on iyokipimičiye kta, qa tokamayapi kin hena towicaweciçon kta ce.

25 Qa minape aciyuhomni kta, qa ginginca nitawa wiśdoyek on ciciyuecedan kta, qa maza šdoyapi kin ocowasin ehpecičiye kta.

26 Qa wayaco nitawapi tokaheya ekta iyecen wicamduecetu kta, qa waaiewicakiyapi nitawa otokahe ekta iyececapiki kta: hehan iyohakam, otonwe owotan-

WICOWOYAKE 2.

na, otonwe wacinyepica, eniciyapi kta.

27 Woyaco on Zion opekitonpi kta, qa tona en hdiipi kin hena woowotanna on.

28 Unkan śicaya econpi sa qa wahtanipi kin witaya ihangwicayapi kta, qa tona Jehowa ayuśtanpi kin hena yusotapi kta.

29 Qa utuhu can waśteyadakapi qon hena on iśtecapi kta, qa can wojupi yahdahñigapi kin hena on iniśtecapi kta.

30 Utuhu can wan ape śnije cin he iyenicecapi kta, qa can wojupi wan mini wanice cin he iyececa.

31 Qa tuwe waśake cin he hahonta on kagapi kin he iyecece kta, qa iye oħan kin peśnija iyecece kta; unkan napin ptaya ideyapi kta, qa tuwedan kasni kte śni.

WICOWOYAKE 2.

1 Wicoie Juda qa Jerusalem on, Isaya Amoz cinhintku wan-yake cin he dee.

2 Unkan anpetu ehake kin en, Jehowa tipi Paha kin he ĥe ipa kin en ehdepi kta, qa paha kin isanpa wankan kagapi kta; unkan oyate owasin en kawitaya iheye kta.

3 Unkan oyate ota upi qa heyapi kta; U miye, Jehowa Paha tawa kin ekta unyanpi kta, Jakob ta Wakantanka ti kin ekta; unkan iye tacanku kin onspeunki-yapi kta, kinhan ocanku tawa ohna maunnipi kta: Zion etanhan woope kin inanpe kta, qa Jehowa oie kin Jerusalem etanhan.

4 Unkan iye Ikcewicaśta ehna wayaco kta, qa oyate ota iyopewicaye kta; hecen mazasagye yuhapi kin mahiyumdu kagapi kta, qa wahukeza on isan śkopa

kagapi kta: oyate wan oyate tokeca mazasagye apaha kte śni, qa icimana kiczapi onspeiĥici-yapi kte śni.

5 Jacob tiyohnaka, u po, Jehowa iyoyanpa tawa kin en maunnipi kta.

6 Heon nitaoyate, Jakob ti kin he, ehpeyakiya; wiyohiyanpata tanhan isanpa ihduotapi, qa hanmdepi, Philistia oyate kin iyececa, qa wicaśta tokeca cinca takodawicayapi, heon etanhan.

7 Nakun makoce tawapi kin mazaska mazaskazi ko ojudan, qa wowijice tawapi kin wopteca śni; nakun makoce tawapi kin śuktanka on ojudan, qa canpahmihma tawapi kin wopteca śni.

8 Makoce tawapi nakun wakagapi on ojudan; iye nape oħan kin hena ohodapi ece, taku iye napsukaza kagapi kin hena:

9 Hecen wicaśta ikceka patuś inajin, qa wicaśta tanka kin he makata ehpeiĥiya ece; heon wicayecicajuju kte śni.

10 Imnija kin ihukuya ya wo, qa maka mdu kin en inahman wo, Jehowa tokokipe kin itokapa tanhan qa tawootanin wowitan kin heon.

11 Wicaśta wahaniĥida iśta kin kun iyeyapi kta, qa wicaśta watankaĥidapi kin he kun ehpeyapi kta; qa anpetu kin he en Jehowa iśnana yatankapi kta.

12 Jehowa ozuye tawa taanpetu kin he tona wahaniĥida qa watankaĥida owasin akan un, qa tona yuwankan iyeiĥiya owasin akan; unkan yuhukun ehpeyapi kta:

13 Nakun Lebanon ĥante śa tehanwankantu qa wankan iye-yapi owasin akan un, qa Baśan utuhu can kin owasin akan;

14 Qa ĥe tehanwankantu kin

ISAYA TAWOYUKCAN KIN,

iyulpa akan, qa paha wankan iyeyapi kin owasin akan yanke ;

15 Qa tipi tehanwankan otoiyohi, qa conkaške suta owasinakan ;

16 Qa Tarsiš wita wata iyulpa, qa taku owanyag wašte kin owasin akan yanke.

17 Unkan wicašta wahaničidapi kin kin he kun ehpeyapi kta, qa wicašta watankaicidapi kin he patuşıyapi kta ; qa anpetu kin he en Jehowa isnana yatan-kapi kta.

18 Nakun wakagapi kin hena ocowasin token aye kta :

19 Qa imnija ohdoka ohna, qa maka ohdoka kin ohna yapi kta, Jehowa tokokipe kin itokapatanhan, qa tawootanin wowitan kin heon, tohan maka kin wakokipe kicaħ inajin kinhan.

20 Anpetu kin he en wicašta mazaska wakagapi qa mazaskazi wakagapi tawa, iye ohoda kta on kagapi kin hena napeihetyatahedan qa ħupawakihdake-dan kin ekta ehpeyapi kta :

21 Imnija ohdoka ohna yapi kta, han imnija kaħdokapi kin ohna, Jehowa tokokipe kin itokapatanhan, qa tawootanin wowitan kin heon, tohan maka kin wakokipe kicaħ inajin kinhan.

22 Wicašta, taniya poge ohna un kin, he ayušta po : taku on he taku yawapi kta he.

WICOWOYAKE 3.

1 Wanyaka, Itancan kin Jehowa ozuye tawa Jerusalem qa Juda etanhan ipatan qa sagye kin icu kta, aguyapi sagye kin ocowasin, qa mini sagye kin ocowasin :

2 Wicašta waśaka qa wicašta zuye sa, wayaco qa wicašta wokcan, tuwe hanmdohdaka qa wicahinca kin ;

3 Wikcemna zaptan en itancan qa tuwe ite kinihanpi, qa wawiciye kin, qa wabago wayupika, qa tuwe ie ksapa.

4 Unkan koška wicaštayatapi wicawaqu kta, qa hokşıyoqopa iwicadakapi kta.

5 Qa oyate kin otoiyohi kakis-kiciyapi kta, qa otoiyohi ti kiye-dan unpi kin nakun ; hokşidan kin he wicahinca en ihdatan kta, qa tuwe waħte šni kin he tuwe kinihanpi kin en.

6 Tohan wicašta wan iye cin-yeku, atkuku ti kin etanhan, he hduze ça, Niye wokoyake niciun, itancan unniyuhapi kta, qa wohangye kin de niye ninape en un kta, eye cinhan ;

7 Anpetu kin he en nape hdu-gate heye kta ; Wawokiziya he-maca kte šni, wati kin ohna wo-yute wanica qa wokoyake wani-ca, heon oyate kin en itancan makagapi šni po.

8 Jerusalem atakuni šni qa Juda hinhpaya ; iye cejipi qa oħan-pi kin Jehowa tawowitan išta kin iyokišinyapi kin heon etanhan.

9 Iye ite hdutaninpi kin he owicayaka, qa Sodom iyececa iye waħtanipi ohdakapi, nakiħmanpi šni. Woiyokišice iye na-gipi en kiciyankapi nunwe, taku šica ecaiciconpi nakaes.

10 Tuwe owotanna kin, Tanyan un kta ce, keciya po ; iye oħanpi waskuyeca kin hdutapi ece kta :

11 Hehehe, tuwe šice cin, tehike kta, iye nape oħan kin iye-cen ecakiconpi kta nakaes.

12 Mitaoyate hokşıpidan on wowidagyapi, qa winohinca kin itancan wicayuhapi ece. Mitaoyate, tona wahokonniciyapi kin hena nuniniyanpi, qa canku o-mayanipi kin he awihnnuniyapi.

WICOWOYAKE 5.

13 Jehowa waakinin inajin, qa oyate wicahdaco yanka.

14 Jehowa iye taoyate en hun-kayapi kin wicahdaco kta, nakun wicaštayatapi kin. Niye hastanyanka iyuwi ojupi kin tem-yayapi; wowahpanica taku wicakipi kin he yatipi kin ohna yanke.

15 Tokeca mitaoyate wicayakapanpi qa wahpanica itepi kin wicadumanpi he, Jehowa ozuye Itancan kin eya.

16 Nakun Jehowa heya; Zion cunwintku tankaiciđapi, qa pa hduwankan icu manipi, qa token cincin išta yeyapi, manipi qa kaicicuya yapi, qa siha on nasnasnapi;

17 Heon etanhan Itancan kin Zion cunwintku pesdete oyuhii on pešda kage kta, qa tancodan unpi kin Jehowa wicayutanin kta.

18 Qa anpetu kin he en Itancan kin sicogokaške wowitan kin ewicakiciyaku kta, qa watešdake mazaska wanapin koya;

19 Oinpidan, qa napokaške, qa ite akałpe kin;

20 Wapaha qa siha icaške, qa paipałte, qa wojuha wakan, qa oinpi wakan kin;

21 Napcupe qa poge oinpidan;

22 Wokoyake wašte, qa onłdołda, qa šina, qa mazaška opiye;

23 Ihdiyomdasin, qa mahen unpi wašte, qa watešdake, qa ite akałpe.

24 Unkan kaketu kte, taku waštemna on šicamna yuke kta; qa ipiyake on tełmiso; qa paha sonpi on nasušda kagapi; qa šina zipzipedan on wakihdaka ipiyagkitonpi; owanyag wašte on wicagupi ee yuke kta.

25 Wicašta nitawapi mazasagye on hinłpayapi kta, qa wicašta waditaka nitawapi kicizapi en.

Is.

26 Hecen iye tatiyopa iyokisica qa ceye kta, qa iye hınca cokadan makata iyotanke kta.

WICOWOYAKE 4.

1 Unkan anpetu kin he en winohınca šakowin wicašta wanjidan en yuzapi qa heyapi kta; Aguyapi unłdutapi kta qa wokoyake kounhdakapi kta, tuka nicađe on cajeunyatapi nunwe, wiyaonpapi eunkiciyakupi kta.

2 Anpetu kin he en Jehowa toicage kin he woyuonihan qa wowitan kta, qa maka waskuyeca kin he wowašte qa woiyokipi kta, Israel tona okaptapi kin hena on.

3 Unkan kaketu kte, Zion en okaptapi qa Jerusalem en mdogyanke cin hena, Owotanna, ewicakiyapi kta, tona wiconi on Jerusalem en owicawapi kin otaiyohi;

4 Tohan woyaco oniya qa ide oniya kin on, Itancan kin Zion cunwintku tawošape kicicajuju, qa Jerusalem cokayatanhan we kin pakinte cinhan.

5 Unkan Jehowa Zion Paha oyanke otaiyohi akan, qa tomniciye kin en, anposkan, małpiya šapa qa šota wan kage kta, qa hanyetu eca, peta ide iyega; wowitan ocowasin iwankam wokałpe kta.

6 Unkan wakeya wan yuke kta, anpetu icunhan wašte kin on ohanzi kta, qa wowinapeyapi kta, qa icamna magaju ko on woinałbe kta.

WICOWOYAKE 5.

1 Iho, mitakoda wakidowan kta, mitakoda tadowan kin hee, hastanhanka iyuwi ojupi tawa kin on. Mitakoda hastanhanka

ISAYA TAWOYUKCAN KIN,

iyuwi ojupi wan yuha, pajodan wašte hinca wan en.

2 Unkan he ihdukšan nakitake, qa etanhan inyan pahi, qa hastanhanka iyuwi hu waštešte kin en oju, qa cokaya cowahe tehanwankantu wan kaga, qa en iyuškice wanji nakun kicaga. Hehan hastanhanka aicage kta ape yanka, unkan hastanhanka ikceka aicaga.

3 Hecen dehan, Jerusalem en ounyayapi qa Juda wicašta, tokin miye qa hastanhanka iyuwi ojupi mitawa imiyeciyukcanpin.

4 Hastanhanka iyuwi ojupi mitawa kin en ecamon kin taku sanpa econpica he. Hecen hastanhanka aicage kta ape manka, tokeca hastanhanka śica aicaga he.

5 Unkan nakaha, iho, hastanhanka iyuwi ojupi mitawa taku ecawecon kta he ociciyakapi kta: Wapepeka inatake kin emdaku kta, unkan temyapi kta; conkaške kin he mdujuju kta, hecen amanipi kta:

6 Qa hewoskan ehpewaye kta; adetka abašpapi kte śni qa maka akatapi kte śni; tuka wapepeka can pepe ko en icage kta; nakun mahipiya śapa kin wahowaye kta, magaju takudan ahinhe kte śni.

7 Jehowa ozuye tawa hastanhanka iyuwi ojupi tawa kin Israel tiyohnaka kin hee, qa Juda wicašta wojupi waštešte tawa kin hena ee: unkan wokonze kta e ape yanka, tuka iho, we papsonpi; woowotanna on ape un, tuka iho, śicahowayapi.

8 Tona tipi en tipi akagapi, maga en maga ikoyagyapi, hecen oyanke wanica, qa iye isna- na maka cokaya yankapi kta, he- na wotehi kiciyankapi nunwe.

9 Minoge en Jehowa ozuye yu-

he cin he hecen eya; Awicakehan tipi ota hewotahedan unpi kta tanka qa wašte tuwedan ohna ti kte śni.

10 Han, hastanhanka iyuwi ojupi maka iyutapi wikcemna bath wanji icalye kta, qa homer wanji ojupi kin he epha wan icalye kta.

11 Wotehi kiciyankapi nunwe, tona mini wakan kuwapi kta hankiktapi, htayetu hehanyan econpi, miniša wicayuwitko kta;

12 Qa wohanpi kin en cadowankiyapi ikan wikcemna qa cadowankiyapi ikceka, cancega miniša ko yukan; tuka Jehowa tohan kin ekta ewacinpi śni, qa iye nape taku econ kin awacinpi śni.

13 Mitaoyate taku yukcanpi śni heon wayaka ayapi, qa wicašta kinihanpi kin hena akihan tapi, qa wicota tawa ipuzapi on pus aya.

14 Heon etanhan Hades ihdu- tanka qa nina hin i hdukawa; unkan wowitan tawa, qa wicota tawa, qa owodutaton kagapi, qa tuwe wiyuškin nakun en yapi kta.

15 Hecen wicašta ikceka kin makata iyeyapi kta, qa wicašta tanka kin yuhukun ehpeyapi kta, qa wahaničidapi išta kin kun icu- pi kta:

16 Tuka Jehowa ozuye yuhe cin he woyaco en yatankapi kta, qa Wakantanka wakan kin he woowotanna on yawakanpi kta.

17 Hehan talinca cincapi kin tukten awicayapi hen wiħanpi kta, qa makotahedan tona cepa- pi kin hena wicašta tokeca tem- yapi kta.

18 Wotehi kiciyankapi nunwe, tona woalħani teħmiso on wico- ħan śica hdutitanpi, qa canpa- ħmihma ikan on iyecen walħan- ipi kin:

WICOWOYAKE 6.

19 Tona heyapi; Ohanko kte, taku econ inahni kte, hecen wanunyakapi kta; qa Israel Taku Wakan tawa kin he ku qa kiyedan u kte, hecen sdon-unyanpi kta ce.

20 Tona taku šica wašte eci-yapi, qa taku wašte kin he šica ce, eyapi; tona iyoyanpa otpaza eekiyapi, qa otpaza iyoyanpa eekiyapi; tona taku skuya kin he pa kiyapi qa taku pa skuye kiyapi kin hena wotehi kiciyan-kapi nunwe.

21 Tona iye išta kin en ksapa-pi, qa wayupikeiçidapi kin hena wotehi kiciyankapi nunwe.

22 Tona miniša yatkan ohitika-pi, qa mini wakan icahiya wicašta wašakapi kin hena wotehi kiciyankapi kta;

23 Tona taku wicaqupi on wicašta šica wicayaowotanpi, qa wicašta owotanna toowotanna ekiciyakupi kin hena.

24 Heon etanhan, peta ceji aguyapi hu yasota, qa peji ideyapi hinhpaye cin he iyecen, hena hutkan kin can ponpon iyecece kta, qa wahca tawapi kin maka mdu iyecen wankan ye kta; Jehowa ozuye tawa toope kin ehpe-yapi, qa Israel Taku Wakan tawa oie kin aktapi šni, heon etanhan.

25 Heon Jehowa tocanniye kin iye taoyate aidewicakiya, qa iye nape awicapaha, qa wicakašta-ka: Hecen paha kin cancan aya, qa wicašta tapi tacesdi iyecen canku cokaya wankapi. Hece-ca ešta tocanniye enakiye šni, tuka hinyahin nape hdugan un.

26 Unkan oyate tehanhan unpi kin wiyokihedan wan ewicakihde kta, qa maka ihanke tanhan hena wicakijojo kta; unkan iho, hena inahni dus upi kta.

27 Hena etanhan tuwedan mdo-

kiše šni, qa tuwedan kakti-hahan kte šni; liba kte šni qa iştinbe kte šni; qa nite on ipiyag kitonpi kin he yukcapi kte šni, qa hanpkan tawapi kin yupsakapi kte šni:

28 Hena tiwanhinkpepi kin pepe, qa tinazipepi kin owasin ekatapi; šunka wakan tawapi šakepi kin inyan iyecen yawapi kta, qa canhdeška tawapi kin tate-iyumni wan iyecece kta.

29 Hena hotaninpi kin mnāja iyececa, mnāja koška iyecen hotaninpi kta: han, iyašapi qa wawiyahpayapi kta, qa tanyan kihnakapi kta; unkan tuwedan ehdaku kte šni.

30 Unkan anpetu kin he en miniwanca sa wanke cin iyecen hena iyawicakišapi kta; hecen maka kin ekta etonwanpi kinhan, iho, otpaza woiyokišica, qa malipiya kin ekta iyoyanpa kin he aotpasyapi.

WICOWOYAKE 6.

1 Waniyetu Uziya wicaštaya-tapi ta he ehan, Itancan kin oiyo-tanke tehanwankantu qa wakan ehdepi wan akan iyotanka wamdaka; unkan tawokoyake kin tipi wakan kin ojuya.

2 Hen icahda seraphim inajinpi; otoiyohi hupahu šakpe yuhapi; nom on ite ahdašpa, qa nom on siha ahdašpa, qa nom on kinyanpi ece.

3 Unkan wanji wanji tokeca kipan qa heciya; Wakan, wakan, wakan, Jehowa ozuye hduha; towitan kin on maka kin oco-wasin ojudan ce.

4 Unkan tuwe pan ho kin on tiyopa taku akan he cin hena škanškan, qa tipi kin šota ojudan.

5 Hehan hepa; Hehehe, mata-kunišni ce: wicašta iha šapa he-

ISAYA TAWOYUKCAN KIN,

maca, qa oyate wan iha šapapi om wati; miišta Wicaštayatapi kin Jehowa ozuye yuhe cin he wanyakapi, heon etanhan.

6 Hehan seraphim wanji kin-yan'en mahi, qa petaga wan peta oicu on owayušna kin etanhan icu qon he nape ohna yuha:

7 Qa he mii kin icalitagya qa heya; Iho, de niiha kahtaka; qa niohan šice cin eniciyakupi, qa wayahtani kin nicicajujupi ce.

8 Nakun Itancan ho kin heya nawahon; Tuwe yewaši kta, qa tuwe unkiyepi on ye kta he, eya. Hehan hepa; De miye ce, yemaši ye.

9 Unkan heya; Ya wo, qa oyate kin de hewicakiya wo; Wana-honpi on nayahonpi, tuka oyaka-hnigapi šni; qa wanyakapi on wandakapi, tuka sdonayayapi šni ce.

10 Oyate kin de cantepi cemya wo, qa noge kpe wicakaga wo, qa išttagonge wicakiya wo; okin-ni išta on wanyakapi kta, qa noge on nahonpi kta, qa cante on okah-nigapi kta, qa ihduhompipi kta, kinhan okiziwicawaye kta tuka.

11 Unkan hepa; Itancan, tohanyan kta he. Unkan heya; Otonwe kin ihangyapi kta tuwedan ohna ti šni, qa tipi wicašta codan, qa makoce kin ocowasin hewoskan ehpeyapi kta;

12 Qa Jehowa wicašta kin tehan iyewicaya, qa makoce cokayayujujupi tanka wanke kta hehanyan.

13 Tuka iwikcemna wanji en un, qa he ake icage kta, qa he woyute yapi kta: wazi can qa utuhu can kin iyececa: kaksapi ešta oicage kin mahen un, he iyecen wicoicage wakan kin he oicage kta ce.

WICOWOYAKE 7.

1 Unkan Ahaz, Jotham cinhintku, Uziya cinhintku, Juda wicaštayatapi taanpetu kin en, Rezin Aram wicaštayatapi, qa Peka Remaliah cinhintku, Israel wicaštayatapi kin, hena Jerusalem ekta hipi, azuyapi kta, tuka he ktedan okihipi šni.

2 Hehan, Aram Ephraim takodaya ce, Dawid tiyohnaka kin hecen eya okiyakapi. Unkan iye cante škanškan, nakun tao-yate cantepi kin, contanka en can tateyanpa on kahuhuzapi iyececa.

3 Unkan Jehowa Išaya heciya; Wanna ekta ya wo, qa Ahaz itkokipa wo, niye qa nicinkši Šear-Jašub kici, wankan wapa mde kagapi wakpa iyahde ihan-ke kin ekta, wayujaja tamaga canku kin ohna:

4 Qa heyakiye kta; Iwanihda-ke ča inina un wo; kopehda šni qa cante wankadan šni wo; petuspe šonya un sinte kin dena oza on, Rezin Aram kici qa Remaliah cinhintku tocanniye ide kin on:

5 Aram šicaya waniciconza kin heon; nakun Ephraim qa Remaliah cinhintku kin hena heyapi;

6 Juda ekta unyanpi qa nagieunyanpi kta, qa cokaya wicaštayatapi wan Tabeal cinhintku kin hee, eunhdepi kta ce, eyapi:

7 Heon etanhan Jehowa Itancan kin he hecen eya; He ecen he kte šni, qa ecetu kte šni.

8 Aram pa kin he Damasek, qa Damasek pa kin Rezin hee; nakun waniyetu wikcemna šakpe sanpa zaptan iyotpani Ephraim yuksaksapi kta, hecen oyate kte šni.

9 Nakun Ephraim pa kin Samaria hee; qa Samaria pa kin

WICOWOYAKE 8.

Remaliah cinhintku kin hee : Wicayadapi šni kinhan niyusutapi kte šni.

10 Nakun Jehowa ie ça Ahaz heciya ;

11 Niye on Jehowa Wakantanka nitawa wowakta wan kida wo ; kuyatanhan qa is wankan-tanhan he kida wo.

12 Tuka Ahaz heya ; Wakida kte šni, qa nakun Jehowa iyutan-waye kte šni ce.

13 Unkan heya ; Dawid tiyohnaka, wanna nañon po ; wicašta akantu ikokišinyayapi kin he taku eistinna, tuka nakun mita Wakantanka iyokišinyayapi kta he.

14 Heon etanhan Itancan kin iye hinca wowakta wan niçupi kta : Iho, wikoška wan ihduške ça cinca ton ; unkan Emmanuel—Wakantanka unkicipi un—eya caškiton kta.

15 Pteasanpi ihdi canhanpi tiktica ko yute kta, taku šica akta šni qa taku wašte kañniga sdoneye kta heon.

16 Hoksiyoqopa kin he taku šica akta šni, qa taku wašte kañniga sdoneye kta itokam, wicaštayatapi nom kowicayakipe cin makoce tawapi kin he hewoskan ehpeyapi kta.

17 Jehowa, niye en, qa nitao-yate en, qa niyate ti kin en, anpetu tohinni u šni kin heca au kta, anpetu en Ephraim Juda ayušan qon hetanhan ; Ašur wicaštayatapi kin hee kta.

18 Unkan anpetu kin he en kaketu kte, honagidan Egipta wakpa ihanke en un kin he Jehowa kijojo kta, qa tuhmaga Ašur makoce en un kin he nakun.

19 Unkan hena upi kta, qa iyuhpa hewoskan kaksiza kin en ounye kta, qa innija ohidoka kin ohna, qa wapepeka ojupi owa-

sin en, qa owihankepi iyulipa akan.

20 Anpetu kin he en, isan pe hinca opetonpi kin, wakpa kin akotanhan kin hena, Ašur wicaštayatapi kin hee on, Itancan kin pa kasan kta, qa siha kin koya ; qa he putinhin nakun eyaku kta.

21 Unkan anpetu kin he en kaketu kte ; wicašta wan pteheyuktanna wanji qa tawiyedan nom icañwicaye kta :

22 Unkan ašanpi ota qupi kin on asanpi ihdi hdute kta ; tona makococokaya okaptapi kin owasin pteasanpi ihdi canhanpi tiktica ko yutapi ece kta nakaes.

23 Unkan anpetu kin he en kaketu kte, makocajeyate owasin tukten mazaska kektopawinge on hastanhanka iyuwi he kektopawinge yukan tuka qon, hen wapepeka can pepe ko yuke kta.

24 Wanhinkpe itazipa ko hduha en hipi kta ; makoce owancaya wapepeka can pepe ko yuke kta heon etanhan.

25 Qa paha owasin magicamna on qapi qon hen wapepeka can pepe ko kokipapi on ekta de kte šni : tuka hen tatanka awicayapi kta, qa tahinca wanunyanpi amanipi kta.

WICOWOYAKE 8.

1 Unkan Jehowa hemakiya ; Tahasaka tanka wan ikikcu wo, qa wowapi icage wicašta tawa on, Maher-šalal-hašbaz, (Wopate inañnikiya wapata inañni) eya en owa wo.

2 Unkan waayatanin wacinyepica iwicawekcu, Uriah wawayušna kin he qa Zekariah Jeberakiah cinhintku :

3 Qa winohinca wawiyukcan kin he ikiyedan wai ; unkan

ISAYA TAWOYUKCAN KIN,

ihdušaka qa cinca ton. Hehan Jehowa hemakiya; Maher-šalal-hašbaz, eya caškiton wo.

4 Hokšiyopa kin he hinahin, Ate qa ina, eya hoyeya onspe šni itokam, Damasek towijice qa Samaria tawahpaya kin hena yutokan icupi kta, Ašur wicaštayatapi ite kin itokam.

5 Unkan ake Jehowa omakiye ça heya;

6 Oyate kin de Shiloa mini iwahnana iyaye cin wahtedašni, qa Rezin qa Remaliah cinhintku kin on iyuškin;

7 Heon etanhan, iho, Itancan kin wakpa wan mini wašaka qa ota en awicau; unkan kaksiza owasin ohna hiyu kta, qa maya apašbog ye kta:

8 Qa Juda ehna ye kta; apašbog hiyu qa akam iyaye kta, dote kin hehanyan hiyohi kta: qa tahupahu akamdage kta, Emmanuel, nitamakoce ohdakinyan ojudan kta.

9 Oyate yaunpi, dakonkiciya po; unkan nicamdecapi kta: Makoce tehantu owasin, anagoptan po; ipiyagkiton miye; kinhan nicamdecapi kta; ipiyagkiton po, unkan nicamdecapi kta ce.

10 Woawacin awacin po, unkan yujujupi kta; wicoie wan eya po, unkan ecen he kte šni: Wakantanka unkicipi un naka-eš.

11 Jehowa nape wašaka wan on decen emakiya, qa oyate kin de tacanku kin ohna mawani kte šni e onspemakiya qa heya;

12 Oyate kin de tona, odakota eciyapi kin owasin, odakota eyakiyapi kte šni; qa iye taku kikipapi kin he koyakipapi kte šni, qa kopeyahdapi kte šni.

13 Jehowa ozuye tawa iye hinca daowotanpi kta; qa iye hinca

wowitonpe nitawapi kta, qa iye hinca wokokipe nitawapi ee kta.

14 Unkan iye wowinape kin heca kta: tuka Israel tiyohnaka napin on inyan ibotopi qa innija on hicahanpi ee kta, Jerusalem en tipi kin hena on wohmunke qa mazahtakiyapi heca kta.

15 Unkan hena wicota hicahanpi qa hinłpayapi kta, qa wicakamdecapi kta, qa wicahmun-kapi kta, qa wicayuzapi kta.

16 Woyaotanin kin pahta qa woope kin apuspa wo, waonspe-wicawakiye cin hena en.

17 Unkan Jehowa Jakob tiyohnaka on ite anakilbe cin he miye awakipe kta, qa he ekta ewatonwe kta.

18 Wanyaka wo, miye qa micinca Jehowa maqu kin Israel en wowakta qa wowapetokeca unyakonpi, Jehowa ozuye tawa Zion paha en ti kin he eciyatanhan.

19 Unkan tohan, Tona hamdohdag iapi qa tona wahanicidapi jijipi qa wapiya dowanpi kin hena owicade po, eniciyapi kinhan;—oyate wan Taku Wakan tawapi kin akitapi kte šni he; tona nipi on tona țapi kin owicadepi kta he.

20 Woope qa woyaotanin kin akita po; wicoie kin de iyecen iapi šni kinhan, iyoyanpa takudan en wicaun šni heon etanhan.

21 Unkan he ohna iyotanhan iyekiyapi qa wotektehda yapi kta; qa tohan wotehdapi kinhan šinhdaiciyapi kta, nakun wicaštayatapi qa Taku Wakan tawapi wicahdašicapi kta, qa wankan etonwanpi kta.

22 Nakun maka kin ekta etonwanpi kta, unkan, iho, wonihinciye qa otpaza; otpaza, woiyokišica; tuka otpaza kin he yutokan iyeyapi kta.

WICOWOYAKE 9.

WICOWOYAKE 9.

1 Hececa ésta iyokişinyapi kin en tokaheya otpaza qon iyecece şni, Zebulon makoce qa Naphtali makoce iwaştedan kakişye ci-qon he ehan; tuka iyohakam mde kahda, Jordan akasanpatanhan, Galile Ikcewicašta ounyanpi en nina iyokişinya.

2 Oyate otpaza en manipi qon hena iyoyanpa tanka wan wanyakapi; wiconte ohanzi makoce en ounyanpi kin hena iyoyanpa awicahinanpa.

3 Oyate kin duota; wowiyuşkin kin yeciyutanğa; woksapi wowiyuşkin kin chna nitokam wiyuşkinpi; woyuha kicipamni-pi on cante waştēpi kin he iyececa.

4 Can napinpi napin kin he, qa iye tapete cansakadan, qa wowidagye cansagye tawa kin hena duksaksa, Midian anpetu kin en iyececa.

5 Zuye cin otoiyohi kicizapi owodutaton, qa wokoyake we en oputkanpi kin en hanpokihan ece; qa huhnagapi kta, peta ta-wote kin hee.

6 Hokşiyogopa wan unkicitonpi, cinca wan unqupi: unkan wokiconze kin he iye tapete akan yanke kta; qa caje kin, Wawinihan, Wawiciya, Taku Wakan Iyotan Waşaka, Ateyapi Owihanke Wanica, Wookiye Wicaştayatapi kin eciyapi kta.

7 Tokiconze oicage qa wookiye kin he owihanke wanice kta, Dawid oiyotanke tawa akan, qa tokiconze akan, ecen ehde kta, qa woyaco woowotanna ko on hdusuta kta, detanhan qa owihanke wanica: Jehowa ozuye hduha he tomniheca kin he de econ kta.

8 Itancan kin wicoie wan Ja-

kob en yeşi, unkan he Israel ahinlipaya.

9 Unkan oyate owasin sdonyapi kta, Ephraim qa Samaria en tipi kin heepi kaeş, hena cante wahaniçida qa suta kin on heyapi;

10 Maka şpanyanpi kin hena hinlipayapi, tuka inyan kakanpi on tipi unkagapi kta; sukamin can kin hena kawankapi, tuka hanteşa eeunkiyapi kta ce.

11 Heon etanhan Jehowa tona Rezin şicedakapi kin hena iye itkokim hiyuwicaye kta, qa tokawicaye cin hena wicayuwitaya kta:

12 Aram oyate wiyohiyanpatanhan, qa Philistia oyate wiyohpeyatanhan unpi; qa hena i ocowasin on Israel temyapi kta. Hececa ésta iye tocanniye kin ayuhomnipi şni, tuka hinyahin nape hdugan un.

13 Oyate kin tuwe wicakaştake cin ekta ihduhomnipi şni, qa Jehowa ozuye yuhe cin he akitapi şni.

14 Heon etanhan, anpetu wan-jidan en, Jehowa Israel etanhan pa sinte ko bakse kta, adetka qa psa hu kin nakun.

15 Hunkayapi qa wicaştayatapi kin he pa kin ee; qa wicašta wokcan woitonşni oyake cin he sinte kin ee.

16 Tona oyate kin wicayawaştēpi kin hena nuniwicayapi; qa tona hena on yawaştēpi kin hena napca iyewicayapi.

17 Heon etanhan koşka wicayuhapi kin on Itancan kin wiyuşkin kte şni; qa wamdenica wiwazica ko wicayuhapi kin hena onşiwicada kte şni: otoiyohi wayuşica qa taku şica econpi; qa wicai otoiyohi witkotkoya ia ece. Hena owasin on iye tocanniye kin etanhan yuhomnipi

ISAYA TAWOYUKCAN KIN,

śni, tuka hinyahin nape hdugan un.

18 Wicośice peta iyecen itkon; wapepeka canpepe ko hulinage kta, qa contanka otehi kin ohna ide kta, hecen śota wankan ye cin en wankan kaħbog yapi kta.

19 Jehowa ozuye yuha tośinhda kin on maka kin aotpasyapi, qa oyate kin peta tawote kin iyecece kta; tuwedan iye sunkaku kin itonkipe kte śni.

20 Unkan etapa eciyatanhan wicaki kta, tuka wotektehda kta; qa catkatanhan wote kta, tuka hena imnanpi kte śni: wicaśta otoiyohe iye isto conica hđutapi kta:

21 Manassa Ephraim, qa Ephraim Manassa; napin witaya Juda anatanpi. Hececa eśta iye tocanniye kin yuhomnipi śni, tuka hinyahin nape hdugan un.

WICOWOYAKE 10.

1 Tona woyaco owotanna śni yacopi, qa wowapi kagapi tona wokakiśye owapi kin hena wotehi wicakiciyanka nunwe:

2 Wokonze etanhan waħpanica kin wicayuhomnipi kta, qa mitaoyate onśikapi woowotanna ewicakiciyakupi kta, wiwazica wamawicakinonpi kta, qa wamdenica wawicakipi kta, heon etanhan.

3 Hecen wokakiśye anpetu kin en taku ecanonpi kta he, qa woihangye tehantanhan au kte cinhan, waokiyapi on tuwe ekta nayajicapi kta he; qa nitowitanpi kin tukten eyahnakapi kta he.

4 Miye cōdan wayaka unpi kin ihukuya canpeśka makehde inajinpi kta, qa wicaktepi kin wicihukuya hinħpayapi kta. Hececa eśta iye tocanniye kin yuho-

mnipi śni, tuka hinyahin nape hdugan un.

5 Hehehe, Aśur, mitocanniye icapsinte, qa cansakadan iye napepi ohna wośinhda mitawa kin hee.

6 He oyate wahnayesa wan takpe yewaśi kta, qa oyate canniyewicawaye cin hena on taku econ waśi kta, wawicaki qa tawaħpaya icu kta, qa canku upśija iyecen awicamani kta.

7 Hececa eśta iye hecen ke kte śni, qa cante mahen hecen awacin kte śni; tuka waihangyapi iye cante kin en un, qa oyate tonana śni wicakaśpe kta.

8 He kaken eya; Akicita tancan mitawa kin hena ocowasin wicaśtayatapi śni he.

9 Kalno he. Karkemiś iyecece śni he; Hamath Arpad iyecece śni he; Samaria Damasek iyecece śni he:

10 Oyate takuśni śni wakandapi, qa wakagapi tawapi, Jerusalem qa Samaria tawa kapapi qon hena minape iyowicahi kin heon,

11 Samaria qa taku wakan tawa token ecawicawecon he iyecen Jerusalem qa taku wakan tawa kin ecawicawecon kte śni he, eya.

12 Heon etanhan kaketu kte, Itancan kin tohan Zion ĩe kin en, qa Jerusalem en, ocowasin hduśtan kinhan, hehan Aśur wicaśtayatapi cante waħanicida waskuyeca kin he toweciĉon kta, qa iye iśta wankantu witantan kin.

13 He kaken eya; Minape waśake cin on hecamon, qa mitoksape on, wamdupika nakaeś: nakun oyate makoce icagopi kin mdutokan, qa towijicepi wicawaki, qa tuwe waśaka iyececa, en ounyanpi kin hena iwicawadaka:

14 Qa waholipi wan iyecen minape oyate towijicepi kin iyeya : qa wanji witka okaptapi pahi kin iyecen maka kin ocowasin mnawaye : unkan takudan hupahu hduškanškan šni, qa i hduka-wa šni, qa hoton šni ce, eya.

15 Onspe kin he tuwe on wakakan kin iwankam walianiçida kta he ; canibakse kin he tuwe kaškanškan kin isanpa watankaiçida kta he : cansakadan wan tona he yuwankan yuzapi kin wicitokam ihduškanškan he iyececa : cansagye kin, taku can šni iyecen bosdan eihde kte cin he iyececa.

16 Heon etanhan Itancan kin, ozuye Itancan kin, tona cepapi wicayuhe cin en wicotamaheca ye ši kta, qa iye towitan kin ihukuya ide wan ideye kta, peta ide iyececa.

17 Unkan Israel Toiyoyanpa kin he peta heca kta, qa iye Towakan kin he ide kin ee kta ; qa tanpetu wanjidan en wapepeka tawa canpepe koya huhnage ça awihnuni kta :

18 Nakun contanka tawa wowitzan, qa iye tamaga wašte kin yusote kta, nagi tancan koya : qa wayazanka wan lianye cin he iyecece kta.

19 Qa contanka tawa can okaptapi kin hena tonana kta, hecen hokšiyopawan henaowaokihikta.

20 Unkan anpetu kin he en kaketu kte, tona Israel etanhan okaptapi, qa Jacob ti kin etanhan tona niyanpi kin hena tuwe wicakaštake cin he icimana wacinyanpi kte šni ; tuka Jehowa Israel Towakan kin he awicakehan wacinyanpi kta.

21 Tona okaptapi, Jakob etanhan owicakaptapi kin hena Taku Wakan lyotan Wašaka en ihdoupi kta.

22 Israel, nitaoyate miniwanca wiyaka kin iyececa qeyaš, tonana okaptapi kin hena hdi-pi kta : woihangye konzapi qon he woowotanna on iyatahde kta.

23 Woihangye wan, qa taku konzapi kin he, makoce ocowasin cokaya, Itancan Jehowa ozuye yuhe cin he is econ kta.

24 Heon etanhan Jehowa ozuye Itancan kin kaken eya ; Mitaoiyate Zion en ounye cin, Ašur kokipe šni wo : cansakadan on anipe kta, qa Egipta ekta econpi qon iyecen niye en cansagye hduwankan icu kta ;

25 Tuka ehake cistiyedan hehan wošihda kin henakeca kta, qa mitocanniye tona ihangyapi kin hena en un kta.

26 Unkan Jehowa ozuye yuhe cin he icapsinte wan icaškiciye kta, Midian Oreb imnija ekta wicaktepi qon iyececa ; qa cansakadan tawa Mdeša akan, qa Egipta ekta econ qon he iyecen hduwankan icu kta.

27 Unkan anpetu kin he en kaketu kte, woqin tawa nitapete etanhan eyakupi kta, qa cannapi tawa nitahu etanhan ; unkan sdayapi kin on cannapi kin yuwegapi kta.

28 Ayath en hi : Migron ekta iyoopte iyaya ; Mikmaš en tawahpaya kihnaka ;

29 He hdoka kin ohna iyayapi ; Geba ekta ewankapi : Rama kopahda ; Gibeah Saul najica.

30 Gallim cunwintku, ho wan kan iyekiya wo : Anathoth onšika, Laša hehanyan ho hdutanin wo.

31 Madmena najica iyaya : Gebim en ounyanpi kin hena nape kta ihduwiyeyapi.

32 Tuka anpetu kin he Nob en owanji yanke kta ; Zion cun-

ISAYA TAWOYUKCAN KIN,

wintku he tawa, Jerusalem Pa-ha kin ektakiya nape koze kta.

33 Iho, Itancan Jehowa ozuye yuha wokokipe on adetka kin kaspe kta: qa tona hanska icagapi kin kaksapi kta, qa wahanicidapi kin hena yuhukun iyeyapi kta.

34 Unkan contanka can kin mazasapa on kawanke kta, qa Lebanon wanji wasaka on hinlipaye kta.

WICOWOYAKE 11.

1 Unkan Jesse canhute kin etanhan cansakadan wan hinanpe kta, qa tahutkan etanhan ade-tka wan icage kta;

2 Qa Jehowa Taniya kin iye akan yanke kta, woksape qa wookahnige woniya, wowiyukcan qa wowaśake woniya, wosdonye qa Jehowa kokipapi woniya kin he:

3 Unkan he Jehowa kokipapi kin en wakcanyan wayupika kage kta; iye ista wanyake cin eciyatanhan wayaco kte ūni, qa iye noge nañon kin eciyatanhan wiyukcan kte ūni:

4 Tuka woowotanna on wicaśta onśika wicayaco kta, qa wokonzē on wakinica kta, maka akan wahpanicapi kin hena on etanhan; qa iye i icapsinte on maka kin ape kta, qa iye iha oniya kin on wicaśta śica wicakte kta.

5 Unkan woowotanna kin iye nite ipiyake kin hee kta, qa wowicake ipiyagkiton kta.

6 Nakun ūnktokeca kin he ta-ñinca wanunyanpi cinca kin kici ti kta, qa inmuħdeska kin he ta-cinca kin kici iwanke kta; qa tatankadan qa mnaja kośka pte-jicadan koya witaya unpi kta; unkan hokśidan cistinna wan hena yus awicaye kta.

7 Pte kin nakun qa wahanksi-ca kin wiñanpi kta; hena cinca-pi kin witaya makata iwankapi kta; qa mnaja kin he tatanka iyecen aguyapi hu yute kta.

8 Unkan kokśiyooqopa azin kin he sinteħda oti kin akan śkate kta, qa hokśiyopa azin enakiye cin he wamduśka śica ti kin akan nape yekiye kta.

9 He wakan mitawa kin owancaya wakiunniyanpi kte ūni qa waihangyapi kte ūni: miniwan-ca mini akañpe cin, he iyecen maka kin Jehowa sdonyapi kin on ojudan kta nakaes.

10 Unkan anpetu kin he en Jesse hutkan oicage wan yuke kta, he oyate kin en wiyokihedan he kta; iye ekta Ikcewicaśta kin ode upi kta: unkan iye ozikiye tawa kin he wowitan kta.

11 Nakun anpetu kin he en kaketu kte, Itancan kin ake ici-nonpa nape yeye kta, tona taoyate okaptapi kin opewicakiton kta, tona owicakaptapi kin hena, Aśur etanhan, qa Egiptu etanhan, qa Pathros etanhan, qa Kuś etanhan, qa Elam etanhan, qa Śinar etanhan, qa Hamath etanhan, qa miniwanca wita kin etanhan.

12 Qa Ikcewicaśta wiyokihe-dan wan ewicakihde kta, qa Israel etanhan heyata iyewicayapi qon hena wicayuwitaya kta, qa Juda etanhan enanakiya iyayapi maka tate ouye topa kin etanhan wicapahi kta.

13 Unkan Ephraim tawowina-wizi kin ayuśtan kta, qa Juda tokayapi kin hena wicakaśpapi kta; Ephraim Juda inakiwizi kte ūni, qa Juda Ephraim nagi-yeye kte ūni.

14 Tuka Philistim hinyetepi akan wiyohpeyatakiya kinyanpi

WICOWOYAKE 13.

kta; wiyohiyanpata cinca kin witaya wawicakipi kta; hena Edom qa Moab nape awicahnakapi kta; qa Amon cinca kin anawicagoptanpi kta.

15 Unkan Jehowa Egupta mde ceji kin ocowasin ihangye kta; qa tate waśaka tawa on wakpa kin en nape koza kta, qa adetka śakowin kin en ape kta, qa hanpokiton opta maniwicakiye kta.

16 Unkan iye taoyate okaptapi, Aśur etanhan owicakaptapi kin hena, canku tanka wan yuhapi kta; Israel Egupta makoce etanhan hinanpe cin anpetu qon he iyececa.

WICOWOYAKE 12.

1 Unkan anpetu kin he en hecen ehe kta; Jehowa, ciyatan kta, canniyemayaya qeyaś nitocanniye yutokan iyeyapi, qa cantohnag mayaya.

2 Iho, Taku Wakan nimakiye cin hee: he wacinwaye kta qa kopewahda kte śni: mitowaśake qa mitadowan kin Jehowa Iyotan Waśake cin hee; nakun iye Wanikiya mitawa kte cin hee.

3 Heon etanhan wowiyuśkin on wanikiyapi miniyowe kin etanhan mini edakupi kta.

4 Nakun anpetu kin he en hecen ehapi kta; Jehowa yatan miye, iye caje kin hoyekiya po, iye ohan kin oyate ehna oyaka po, iye caje kin wankan un ce, eya po:

5 Jehowa idowan miye; taku wiciyokipi econ kin heon; maka kin owancaya de sdonyapi ce.

6 Zion en ounye cin hoyeye ça iyaśa wo; Wanji Wakan Israel tawa nicokaya un kin he tanka hinca, heon etanhan.

WICOWOYAKE 13.

1 Babel tawoyake kin, Isaya Amoz cinhintku wanyake ciqon.

2 He tehanwankantu kin akan wiyokihedan wan ehde po, hena hoyewicakiya miye, nape kozapo, hecen akicita tancanpi tiyopa tawa kin ohna yapi kta.

3 Wicaśta wakan mitawa wana econ wicawaśi, nakun mitocanniye on wicaśta waśaka mitawa wicaweco, tona mitawootanin on iyuśkinpi kin hena.

4 He kin ekta wicota hotaninpi, oyate ota iyececa; oyate wokiconze yuwitaya owodutatonyan hotaninpi: kicizapi kta on Jehowa ozuye tawa ozuye kin owicawa.

5 Makoce tehan tanhan upi, maħpiya ihanke kin etanhan, Jehowa qa iye tocanniye wotawe kin hena, makoce ocowasin ihangye kta heon etanhan.

6 Ceya miye; Jehowa taanpetu kin kiyedan ihan; Iyotan Waśake cin etanhan woihangye wan iyecen u kte.

7 Heon etanhan wicanape iyuħpa hinħpayapi kta, qa wicaśta otioyohi cante skan kta:

8 Qa kokipapi kta; wonihinciye qa woiyokiśice wicayuze kta; wanji cinca ton kte cin iyecen wayazankapi kta: wicaśta iye takodaku kici niħinciyapi kta; iye itepi kin ide ite kin hececapi kta.

9 Iho, Jehowa taanpetu kin u ce, wośinhda qa wocanniye ide kin on wohitika, hecen makoce kin ħewoskan kage kta; qa etanhan waħtanipi sa ihangwicaye kta.

10 Maħpiya wicanħpi qa wicanħpi tankapi kin hena iyoyanpa ħiyuyapi kte śni; anpetu wi kin hinanpa eca aotpasyapi kta,

ISAYA TAWOYUKCAN KIN,

qa hanyetu wi kin is taiyoyanpa iyehe kte sni.

11 Unkan woſice on etanhan wicoicage kin ſitkihdawaye kta, qa wicaſta ſica iye walitanipi kin on : nakun wicaſta wahaniciſida towohitike kin he ayuſtanwakiye kta, qa wicaſta wohitika towahaniſidapi kin he kun ehpewaye kta.

12 Wicaſta wan mazaskazi isanpa tehiſika wakage kta ; han, wicaſta wan Ophir mazaskazi tehiſike cin isanpa kta.

13 Heon etanhan maſipiya kin mduſkanſkan kta, qa maka kin towanke kin etanhan ſkanſkan iyaye kta, Jehowa ozuye yuha tocanniye kin on, qa toſinhda ohitika anpetu kin on.

14 Hecen tatokadan wan niya ſni kuwapi, qa taſinca wanunyanpi tuwedan wicayuwitaya ſni kin he iyecece kta ; wicaſta otoiyohi iye taoyate ekta hde kte, qa iye tamakoce kin ekta wicaſta otoiyohi najice kta.

15 Tuwe iyeyapi kinhan capapi kta, qa tuwe opeya un kin he mazasagye on ktepi kta.

16 Nakun iye iſta itokam iye cinca kin wicakicicaſuhugapi kta ; tipi tawapi kin yucokapi kta, qa tawicupi wicakikſanpi kta.

17 Iho, Made oyate kin anawicatan wicawakiye kta, hena e mazaska aktapi kte ſni, qa mazaſkazi on iyuſkinpi kte ſni.

18 Unkan tinazipepi kin koſkapi kin makata ehpewicayapi kta, qa wicatamni oicage cin onſidapi kte ſni : iye iſtapi wicacinca wicapatani kte ſni.

19 Hecen Babel wokiconze wiciyokipi, Kasdim wowitan oinpi kin he Wakantanka Sodom qa Gomorrah ihangye cion he iyecece kta.

20 He icimana otipi kte ſni, qa wicoicage yeye cin hehanyan tuwedan en ounye kte ſni : nakun Arabi wicaſta kin hen ticaſge kte ſni ; qa taſinca wanunyanpi wonwicayapi kin hen wankapi kte ſni.

21 Tuka wamanica kin hena hen wankapi kta ; qa wicaſta otipi qon hena hinſhankagapi on ojudan kta ; qa kangi cinca kin hen tipi kta, qa canotidan kin hena hen wacipi kta.

22 Qa tipi tawapi yujupupi kin ohna wamanica hotonpi kta, qa tipi waſteſte qon ohna unktehi yuke kta. Unkan he tawaniyetu kin kiyedan ihan, qa taanpetu kin yutehanpi kte ſni.

WICOWOYAKE 14.

1 Jehowa Jakob onſikida kta, qa ehake Israel hdaſnige kta, qa iye tamakoce kin ohna ewicahake kta nakaſ : nakun oyate tokeca kin hena om witayapi kta, qa Jakob ti kin en kokijuyapi kta.

2 Unkan oyate kin is hena iwicacupi qa tohepi kin en awicahipi kta : qa Israel tiyohnaka kin hena wicaſta taokiye qa winyan taokiye wicayuhapi kta, Jehowa tamakoce kin en : qa tona iye wayaka wicayuhapi qon hena is wayaka iwicacupi kta ; qa wowidagwicayapi qon hena is iwicadakapi kta.

3 Unkan anpetu kin he en, nitoyokiſice etanhan, qa nitokokipe etanhan, qa wowidagyapi tehiſike en inidakapi qon etanhan Jehowa woozikiye niſu kta :

4 Hehan Babel wicaſtayatapi kin on wicoie kin de iyacu kta, qa hecen ehe kta ; Wawicakiſye cin he ayuſtan, wawicakiſyapi kin he ayuſtanpi ce.

5 Jehowa wicašta śica cansagye tawa kin he yuksaksa, wicaštayatapi tasagye kin.

6 Tuwe wośinhda on oyate ayuŝtan śni awicaŝe ciqon, tuwe wocanniye on Ikcewicašta iwicadake cin he śicaya kuwapi, qa tuwedan teħinda śni.

7 Maka kin ocowasin ozikiya un, owanji yanke: hena dowanwan hinhdapi.

8 Han, niye on śinta can iyuškinpi, Lebanon ħante śa kin; Inunka ehantanhan cankaksa tuwedan unkiyepi en unkupi śni ce, eyapi.

9 Kuyatanhan niye on Hades ihduŝkanŝkan, yau kin itkonicipe kta: niye on wicašta tapi kin hena wicayulica, maka akan mdetahunkapi owasin: oyate wicaštayatapi owasin iye tohepi etanhan najinwicakiya.

10 Hena iyulpa waayuptapi qa heniciyapi kta; Niŝ eya waunŝakapi śni iyecen inicaga he; unyakonpi kin iyeniceca he.

11 Nitowitan kin he Hades ekta kun ahipi, candowankiyapi nitawa ho kin: nihukuya wamdudan owinŝyapi, qa woakalpe nitawa wamduŝka kin hena ee.

12 Wicanłpi iyega, anpao cinca kin, malpiya eciyatanhan nihinhpaya; oyate wicaduwaŝake śni qon niye qe makata nicawan-kapi.

13 Tuka niye nicante en hehe ciqon; Malpiya ekta wankan mde kta; mitoyanke kin wicanłpi Taku Wakan tawa kin iwankam ewehde kta; nakun omniciye paha kin en waziyata ihanke kin ekta imdotanke kta;

14 Malpiya ŝapa wankantu kin isanpa imdamde kta; Iyotan Wankan un kin iyemacece kta ce, eha.

15 Hececa ešta Hades ekta kun ełpeniyanpi kta, wolha cetete kin ekta.

16 Tona wanniyakapi kin hena opaniłtapi kta, iniyukcanpi kta; Wicašta maka kin yuhuhuza, wokiconze kin yuŝkanŝkan qon he dee se:

17 Makoce kin ħewoskan kage a otonwe en un kin hena ihangya; kaŝkawicahnaka tipi wicakiyulıdoke śni he dee he, eyapi kta.

18 Oyate wicaštayatapi kin owasin, han iyulpa, wowitan ohna wankapi, otoiyohi iye ti kin ohna.

19 Tuka niye qe niłapi śni tankan ełpeniyanpi, adetka walte śni wan iyececa, wicaktepi tawokoyake, mazasagye on capapi, inyan wolha kin en ełpeyapi kin he iyececa; wicašta a wanka amanipi kin iyececa.

20 Hena owicaŝeya niłapi kte śni; nitamakoce ħewoskan yecage nitaoyate wicayekte nakaes. Śicaya econpi cinca kin tohinni wicayaotaninpi kte śni.

21 Iye cinca hunkakewicayapi walıtanipi on wicaktepi wicakicaga miye: hecen inajinpi kte śni, qa maka kin tawayapi kte śni, qa makoce ite kin otonwe on ojuyapi kte śni.

22 Tuka miye qe hena itkom inawajin kta, Jehowa ozuye yuhe cin he hecen eya; qa Babel etanhan wicacaje, qa wookapte; qa wicacinca, qa wicatakojakpa ko baweciŝpe kta, Jehowa eya.

23 Nakun pahin en oonyanpi kta e wakage kta, qa psa mde heca kta: qa wicotakuni śni icahinte kin on wakakinte kta ce, Jehowa ozuye yuhe cin he hecen eya.

24 Jehowa ozuye tawa wakon-

ISAYA TAWOYUKCAN KIN,

za on heya ; Awicakehan token awacanmi qon he iyecetu kta ; qa token wakonze cin he ecetu kta :

25 Makoce mitawa kin ohna Ašur wakamdece kta, qa amawani kta, he mitawa akan : hehan hena etanhan cannapinpi tawa kin token iyaye kta, woqin tawa iye tapetepi etanhan token ye kta.

26 Wokonze maka kin owancaya wakonzapi kin he dee : qa oyate owasin nape ayukatinpi kin he dee.

27 Jehowa ozuye tawa he wakonza, unkan tuwe ecetušniye kta he ; qa iye nape hdukatin, unkan tuwe he pakam iyeye kta he.

28 Ahaz wicaštayatapi ta waniyetu kin he en woyake kin he dee.

29 Palestina ocowasin, tuwe anipe icapsinte tawa kawegapi on iyuškin šni wo ; wamduška oicage etanhan sintehda wan hinanpe kta, qa he cinca kin peta wamduška kinyan un kin heca kta e heon.

30 Unkan onšikapi cinca tokapapi kin hena wotapi kta, qa walpanicapi kin wikopešniyan wankapi kta : tuka miye wicaakihan on hutkan nitawa wakte kta ; qa iye tona onicaptapi kin hena wicakte kta.

31 Tiyopa, šicahowaya wo ; otonwe, hotanin wo ; Palestina ocowasin, niye niskan : waziyatanhan šota uye kta, qa tuwedan ozuye tawa etanhan najice kte šni.

32 Hehan oyate wahošı uwicaši kin hena token awicayuptapi kta he. Jehowa Zion sutaya ekihde, hecen iye taoyate onšikapi kin hena he wowinape yapi kta.

WICOWOYAKE 15.

1 Moab tawoyake kin. Hanyetu icunhan Ar-Moab ihangyapi, kašpapi heon : Hanyetu kin en Kir-Moab ihangyapi, kašpapi heon etanhan.

2 Dibon tipi, owanka tehanwankantu ekta ceye kta wankan iyayapi : Nebo qa Madeba akan Moab šicahowaye kta ; wicapa iyuhpa nasušdapi, qa putinhin otoiyo hi baksapi.

3 Iye tacankupi ohna wakihdaka ipiyagkitonpi kta ; iye ti akašpapi akan qa tihocoka ohna otoiyo hi šicahowaye kta, ceyaya kun kupi kta.

4 Hecen Hešbon ceye kta qa Elealeh ; Jahaz hehanyan hohdataninpi kta : heon etanhan Moab taakicita šicahowayapi kta ; iye nagi telikekida kta.

5 Moab on micante šicahowaye kta : tawonajice kin Zoar iyahdeyapi, pte wan wanna waniyetu yamni : Luhith ekta wankan yapi kin ohna itanwankanhde ceya yapi kta ; Horonaim canku iyahde ohna woihangye woceye yataninpi kta.

6 Nimrim mini kin hōpuza wanke kta ; peji kin šnija, wato wanin aya, taku toto wanice hinca.

7 Heon etanhan taku okapta hduhapi, qa taku kihnakapi kin hena cošwanjica kaksiza kin ekta hdoyapi kta.

8 Wašicahowayapi kin he Moab ihanke kin ohomni iyaya ; woceye kin he Eglaim ekta, han, woceye kin he Elim minihdoka ekta iyohi.

9 Dimon mini kin we ojudan kta : Dimon en akihdewaye kta ; tuwe Moab etanhan najice cinhan mnaja en awau kta, qa tona makoce en okaptapi kin hena.

WICOWOYAKE 17.

WICOWOYAKE 16.

1 Makoce wicaštayatapi kin ta-
cinca wan kaya po, Sela etan-
han hewoskantu hehanyan, Zion
cunwintku Paha tawa kin ekta.

2 Unkan kaketu kte, zitkadan
wan, hołpi kiyujujupi kinhan,
nuni kin he iyecen Moab cun-
wintkupi Arnon iyuwegapi kin
ekta unpi kta.

3 Wiyukcan miye, woowotanna
econ po; ohanzi nitawa wiyot-
tanhan cokaya hanyetu iyecen
kaga wo; heyata iyewicayapi
kin hena nawicalıman wo; tuwe
nuni kin he hnaye śni wo.

4 Moab, heyata iyewicayapi
mitawa kin hena niye kici oun-
yewicakiya wo; waihangya ite
kin etanhan niye hena awicaka-
łpa yanka wo: wašitkihdaye
cin he owihanke, waihangye cin
he ayušan, waanatanpi kin he-
na makoce kin etanhan atakuni-
piśni ce.

5 Unkan wowaonśida on oyan-
ke kin sutaya ehdepi kta; qa iye
wowicake on akan iyotanke kta,
Dawid tawakeya ohna wayaco
yanke, wokonze akite ɕa woowo-
tanna yuinalıni kta.

6 Moab towałaniɕida kin he
naunhonpi, nina wałaniɕida na-
kaeś; wotankaıɕida tawa qa to-
wałaniɕida qa tośinhda kin he-
na: tuka woitonśni tawa kin
iyecetu kte śni.

7 Heon etanhan Moab Moab on
śicahowaye kta, ocowasin wa-
śicahowaye kta: Kirhareś oahde
kin on yaceyapi kta, awicake-
han kaštakapi nakaeś.

8 Heśbon tamaga kin śnija aya,
qa Sibma hastanhanka iyuwi
kin: adetka wašte icage cin he-
na Ikcewicašta itancanpi kaksapi;
Yazer hehanyan iyohi, tintos-
kan onunipi: adetka tawa han-

ska icaga mini kin akasanpa iya-
ya.

9 Heon etanhan Yazer tawoce-
ye on Sibma hastanhanka iyu-
wi kin awaceye kta: Heśbon,
Elealeh kici, ištamnihanpe mita-
wa on amagajuciye kta: woceye
wan nitawaskuyea qa nitawo-
jupi kin ahinłpaya heon.

10 Nakun maga wašte kin
etanhan wowiyuśkin qa wopida
eyakupi: hecen hastanhanka oju-
pi kin en dowanpi wanice kta,
nakun iyaśapi yuke kte śni:
wanapanpi kin iyuśkice ohna
miniśa takudan naśkicapi kte
śni: iyaśapi kin ayušan wakiya.

11 Heon etanhan mitezi Moab
on, candowankiyapi wan iyecen
houye kta, qa mitanmahentanhan
Kirhareś on.

12 Unkan kaketu kte, tohan
Moab oyanke tehanwankantu
ohna mdokiɕa ihdutanin kinhan,
hehan iye tawakeya wakan kin
ekta cekiya hi kta; tuka ohiye
kte śni.

13 Tanihan wicoie Jehowa Mo-
ab eciye cıqon he dee.

14 Tuka nakaha Jehowa ie ɕa
hecen eya; Waniyetu yamni iyo-
kpani, tuwe opetonpi tawaniye-
tu iyececa, hehan Moab towitan
kin he takudapi kte śni, wicota
tanka hince cin he nakun: un-
kan wookapte kin he tonana
hince kta, ota śni.

WICOWOYAKE 17.

1 Damasek tawoyake kin. Iho,
otonwe kin etanhan Damasek
ihangyapi; hecen otiwita heca
kta.

2 Aroer otowwe kin hena ełpe-
yapi; hen wanunyanpi optaye
yuke kta, en wankapi kta, qa
tuwedan wakokipe wicakicage
kte śni.

ISAYA TAWOYUKCAN KIN,

3 Conkaške kin Ephraim etanhan yutokan iyeyapi kta, qa wokiconze kin Damasek etanhan, qa Aram okaptapi kin etanhan: hena Israel cinca towitan kin iyececapa kta, Jehowa ozuye yuhe cin he hecen eya.

4 Unkan anpetu kin he en Jakob towitan kin wasake šni aye kta, qa iye cepi cepe cin he tamaheca aye kta.

5 Qa wicašta wamnayan aguyapi hu mnayan, qa isto on wahuwapa pahi ece kin he iyecece kta; nakun Rephaim kaksiza en wahuwapa mnayanpi kin iyecece kta.

6 Tuka hastanhanka yušnapi en okaptapi kta, Oliwe can kahnapa iyececa, waskuyeca, nonpa yamni adetka wankan oinkpa ekta, topa zaptan adetka waicaħya ece kin en, Jehowa Israel ta Wakantanka hecen eya.

7 Anpetu kin he en, wicašta wan Waicaħye tawa kin ekta ekitonwe kta, qa iye išta Israel Wanji Wakan tawa kin ihakta kta.

8 Qa owayušna iye nape kage cin hena ekta ekitonwe kte šni, qa iye napsukaza taku kage cin wanhdake kte šni, wakagapi qa nakun anpetu wi okagapi kin hena.

9 Anpetu kin he en iye totonwe suksuta kin hena, adetka eħpeyapi qa caninkpa tehanwankantu, Israel cinca on okaptapi qon he iyececapa kta: unkan he-woskantu kta.

10 Taku Wakan Wanikiya nitawa kin he ayektonja, qa Imni-ja nitowašake kin he yeksuye šni, heon etanhan wojupi waštešte oyaju kta, qa ehna can tokeca huyahde kta:

11 Anpetu icunhan taku huya-

hde kin he icaħyakiye kta, qa hanhanna eca woyaju kin ħcaya-kiye kta: tuka anpetu tawayapi kte cin en womnayan kin he kinyan iyaye kta, qa woiyokišice tehike yuke kta.

12 Hehehe, oyate ota wicota kin, miniwanca hoton kin iyecen houyapi: qa oyate owodutatonpi, mini ota owodutaton iyecen owodutaton kagapi:

13 Mini ota kokijuya iyaye cin iyecen oyate kin owodutatonyan kokijupi kta: tuka iye iyowica-ki kte šni, unkan tehan napapi kta, qa ħe kin akan aguyapi ha tate itokam he iyecen napeyapi kta, qa ohmihma wan tateiyumni itokam he iyececa.

14 Unkan iho, ħtayetu eca wonihinciye; hanhanna itokam he en un šni. Tona waunkipi taku tawapi, qa tona unyapotapi taku yuhapi kte cin he dee.

WICOWOYAKE 18.

1 Hehehe, makoce ħupahu on ahanziyapi, Kuš tawakpa kin akotanhan wanke:

2 He wahošiyapi miniwanca akan yewicaši, han, psa wata ohna mini ite kin akan: Wahošiyeye dusduzahanpi, oyate wan hanskaska qa šicaya kuwapi ekta ya miye, oyate wan otokaheya tanhan qa dehanyan wohitikapi; oyate wašake ħinca qa wanapan ece, wakpa kin makoce tawapi kicaksaksa:

3 Maka kin en onunyayapi qa makoce akan dukanpi kin owasin wanyaka po, tohan ħe akan wiyokihedan wan ehde kinhan; qa mazayabotonpi wan yahoton kinhan naħon po.

4 Jehowa kaken emakiya; Ozimiċiyeye kta, qa mitowanka en awacin manke kta, wato akan

WICOWOYAKE 19.

amdakedan mašte kin iyececa, womnayan mašte kin en amahpiya cu kin iyecece.

5 Wojupi mnayanpi šni itokam, camni wanna icage ça walica ohna hastanhanka skuye cin he suton aye kta, hehan isan škopa on camni kin bašpe kta, qa nakun adetka kin hena icu qa baksalipeye kta.

6 Hena witaya elipeyapi kta, he wakinyanpi qa maka woteka kin hena yuhapi kta : qa wakin-yanpi kin hena amdoketupi kta, qa maka woteka iyulpa hena awanietupi kta.

7 Hehan woqupi wan Jehowa ozuye yuha kahipi kta, oyate wan hanskaska qa šicaya kuwapi, qa oyate otokaheya tanhan qa dehanyan wohitikapi, oyate wašake hinca qa wanawicapan ece, wakpa kin makoce tawapi kicaksaksa kin hena, Jehowa ozuye yuha caje oyanke kin en, Zion Paha kin ekta.

WICOWOYAKE 19.

1 Egipta tawoyake kin. Iho, Jehowa mahpiya šapa duzahan wan akan iyotanke ça Egipta en u kta. Unkan iye itokam Egipta wakagapi tawa kin hena škanškanpi kta, qa cokayatanhan Egipta cante skan kta.

2 Unkan Egipta wicašta Egipta oyate icitkokim ewicawalde kta; hecen kiczapi kta, wicašta otioyohi iye sunkaku kici, qa wicašta otioyohi iye takodaku kici; otonwe otonwe kici, woki-conze wokiconze kici.

3 Unkan tanmahentanhan Egipta toksape kin atakuni kte šni, qa iye tawacin kin ecetušniwaye kta : hecen wakagapi kin ekta ode yapi kta, qa tona jijipi, qa

tona hanmdapi, qa tona wapiyapi hena awicakitapi kta.

4 Unkan Egipta oyate kin itancan wan ksizeca nape kin en wicawaqu kta; qa wicaštayatapi wohitika wan wicayuhe kta ce, Itancan Jehowa ozuye yuha he hecen eya.

5 Unkan miniwanca etanhan mini kin wanica aye kta; qa wakpa kin mini oyalhe qa puza aye kta.

6 Qa wakpa kin hena šicamna kta; Egipta wakpa kin hena honke šni qa puza aye kta; cedi psa ko šni je kta.

7 Wakpicahda tinta kin, wakpa mdote ekta, qa taku wakpicahda ojupi kin hena iyulpa šni je kta, kahoya iyeyapi kta, qa en un kte šni.

8 Nakun tona hopsicapi kin hena comnihdazipi kta, qa tona wakpa kin en ho iyupsice elipeyapi kin hen owasin šicahowayapi kta, qa tona ho minin ehna-kapi kin hena hanyanpi kta.

9 Nakun tona halhonta zipzipe-dan kagapi qa minihuha ska kazontapi kin hena ištecapi kta.

10 Qa tona en itancanpi kin hena kicaksapi kta, tona taku kamnanpi ece kin hena owasin iyokišicapi kta.

11 Awicakehan Zoan itancanpi kin witkotkokapi; wiyukcan ksapapi Pharaoh tawa tawowiyukcan kin he wowitkotkoke icaga. Wicašta ksapa cinhintku, wana-kaja wicaštayatapi cinhintku kin he miye ce, token Pharaoh eyakiyapi kta he.

12 Hena tokiya unpi he : wicašta ksapa nitawa tokiya unpi he. Tokin wanna oniciyakapin; qa Jehowa ozuye yuha token Egipta on wakonze cin he sdonyapi kte.

13 Zoan itancanpi kin hena

ISAYA TAWOYUKCAN KIN,

witkotkoka icagapi; Noph itan-
canpi kin wicahuayanpi; nakun
Egupta hnayanpi, tawicoun mde-
tahunkapi kin hena.

14 He cokaya Jehowa woaki-
nica woniya wan yuicicahi: he-
cen wicohan owasin en Egupta
nuniyapi, wicašta witko iye hde-
pe cin ohna kacegya mani kin
he iyececa.

15 Nakun Egupta tohtani wa-
nice kta, taku pa qa sinte, can
adetka qa cedi, econ kte cin yu-
ke šni.

16 Anpetu kin he en Egupta
winohinca wan iyecece kta; qa
nihinciye kta qa cancan kta, Je-
howa ozuye yuha nape koze cin
on, iye iwankam hduškanškan
kin heon etanhan.

17 Unkan Juda makoce kin he
Egupta ekta wokokipe ee kta;
tuwe kašta he cajeyate cin-
han nihinciye kta, Jehowa ozu-
ye yuha tawokonze he kiconze
cin heon etanhan.

18 Anpetu kin he en Egupta
makoce kin ohna otonwe za-
ptan Kanaan iapi on iapi kta,
qa Jehowa ozuye yuha en içi-
conzapi kta. Wanji, Wicota-
kunišni otonwe, eciyapi kta.

19 Anpetu kin he en Egupta
makoce cokaya owayušna wan
Jehowa kiciyanke kta, qa opa-
pun ihanke ekta obosdatu wan
Jehowa kicihe kta.

20 Qa he wowapetokeca qa
woyuotanin Jehowa ozuye yuha
tawa kta, Egupta makoce kin
en. Tehiya wicakuwapi kin on
hena Jehowa hoyekiyapi kta,
kinhan he Wanikiya wan, han,
wanji wašaka, wicaqu kta, qa
iye cwicahdaku kta.

21 Unkan Egupta en Jehowa
sdonyapi kta, qa anpetu kin he
en Egupta wicašta kin Jehowa
sdonyapi kta, qa wošnapi woqu-

pi ko econpi kta; han, Jehowa
taku qu içiconzapi kta qa econ-
pi kta.

22 Unkan Jehowa Egupta ka-
štake kta; hdaštake qa okiziye
kta. Hehan Jehowa en hdipi
kta, unkan iye anohwicakiye kta
qa okiziwicaye kta.

23 Anpetu kin he en canku
tanka wan Egupta etanhan Ašur
iyahde kta; unkan Ašur wicašta
Egupta en hi kta, qa Egupta
wicašta kin iš Ašur ekta i kta,
qa Egupta oyate Ašur oyate ki-
ci wowidagiçiyapi kta

24 Anpetu kin he en Israel
wiciyamni kta, Egupta kici qa
Ašur kici, makoce cokaya woya-
wašte kta:

25 He Jehowa ozuye yuhe cin
he heya yawašte kta; Egupta
mitaoyate, qa Ašur minape ical-
ye cin he, qa Israel tawa wica-
waye cin hena yawaštcipi nunwe.

WICOWOYAKE 20.

1 Waniyetu wan Tartan Ašdod
ekta hi, Sargon Ašur wicaštaya-
tapi u ši, qa Ašdod kici kicize qa
icū qehan;

2 He ehan Jehowa oie kin Isa-
ya Amoz cinhintku nape en hi,
qa heciya; Ya wo, ka ninite
etanhan wakihdaka hdušdoka
wo, qa nisiha etanhan nitahanpe
hdušdoka wo. Unkan ecen e-
con, tancodan sicodan ko ma-
ni.

3 Unkan Jehowa heya; Isaya
mitaokiye Egupta ekta qa Kuš
ekta wowapetokeca qa woyušin-
yaye on waniyetu yamni tan-
codan sicodan ko mani kin,

4 He iyecen Ašur wicaštayata-
pi kin Egupta oyate wayaka
awicaye kta, qa Kuš oyate wa-
yaka awicaye kta, wicahakakta
qa wicatokapa, tancokapidan qa

WICOWOYAKE 21.

sicopidan, han, onze taninpi, Egupta istece kta heon.

5 Unkan kopehdapi kta, qa Kuš wacinyanpi qa Egupta wotanyapi qon hena on istecapi kta.

6 Unkan wita kin de en ounye cin he anpetu kin he en heye kta; Iho, wowacinye unkitawapi kin dececa, tukten ounkiyapi kta on naunpapi, Ašur wicašta-yatapi nape etanhan eunyakupi kta e heon. Hecen token naunjicapi kta he.

WICOWOYAKE 21.

1 Miniwanca hewoskantu tawoyake kin. Okaga ekta tate iyumni iyoopte iyaye cin he iyecen makoskan tanhan u, makoce okokipe kin etanhan.

2 Wowanyake tehike wan omakiyapi: Wawicaki sa wawicaki ece, qa waihangye cin he waihangya ece. Elam, itanwan-kanhdeya wo; Medea, niš aconkaška wo: comnihdazipi kin owasin ayušan wakiya.

3 Heon etanhan nite wowayazan omajudan, winohinca hokšiksuya yazan kin he iyecen wazyazan wahda: he nañonpi kin on pamahdedan waun he wan-yakapi on mayušinyaya.

4 Micante nuni, woyušinyaye mayušinyeya: hanyetu wimduškin kin he wokokipe micaga.

5 Wahna wotapi kin wiyeya ehnaka wo, owinja owinškiton wo, wota wo, wayatkan wo: itancan yaunpi, najin po, waha-canka sdakiya miye.

6 Itancan kin kaken emakiya; ya wo, waawanyake wan ehde wo, taku wanyake cinhan ohdake kta.

7 Unkan canpahmihma wan, šuktanka akan iyotankapi nom,

šonšonna tacanpahmihma, camo tacanpahmihma ko wanwicayaka: hehan wanañonpi on anolikiya yanka:

8 Qa mnaja wan iyecen houya; Itancan, owanyake tipi ohna anpetu icunhan ohinniyan nawajin, qa oinajin mitawa ohna hanyetu otoiyohi emahdepi;

9 Unkan iho, hinnakaha canpahmihma wicašta ohna, šuktanka akan iyotankapi nom upi ce. Hehan waayupte ça heya; Hinñpaya, Babel hinñpaya, qa wakagapi tona wakanda kin hena iyuhpa, makata kamden ehpeya ce.

10 Onapanpi mitawa, qa oonapan mitawa cinca kin; Jehowa ozuye yuha Israel ta Wakantan-ka taku nañonmaye cin he ociciyakapi.

11 Duma tawoyake kin. Sier etanhan houmakiya; Waawanyake, hanyetu kin toketu he: Waawanyake, hanyetu kin toketu he.

12 Waawanyake kin hecen eya; Wihinanpa kin he u, qa nakun nanyetu kin: wawinungapi kta hecinhan wawiwanga po: hdicu po, kuwa miye.

13 Woyake Arab akan un kin. Dedanim etanhan icimayanipi kin, Arab contanka kin en inunkapi kta.

14 Tema makoce en ounyanpi kin hena tuwe ipuza kin itkokim mini kaupi; tuwe najice cin he aguyapi yuha itkokipapi.

15 Hena mazasagye ite kin etanhan najicapi, mazasagye yuwankan icupi ite kin etanhan, qa itazipa nawinjapi etanhan qa kicizapi tehike etanhan.

16 Itancan kin kaken emakiya; Waniyetu wanjidan, tuwe wolitani opetonpi tawaniyetu iyececa, hehan Kedar towitan oco-wasin tanin kte šni.

ISAYA TAWOYUKCAN KIN,

17 Qa itazipa yuhapi qon tona okaptapi, Kedar cinca wicašta wasaksakapi kin hena wicayutonananpidan kta, Jehowa Israel ta Wakantanka kin he hecen eya nakaes.

WICOWOYAKE 22.

1 Wowanyake Kaksiza tawoyake kin. Dehan tonikeca, hecen ocowasin tiakahpe kin ekta ida-da he.

2 Wicoşkanskan ojudan, owo-dutaton otonwe, otonwe wiyuşkinyan yaun; tona nicitapi kin hena mazasagye on wicaktepi şni, qa kicizapi en tapi şni.

3 Itancanpi nitawa owasin witaya najicapi, itazipa yuhapi kin ege hena wicakaşkapi; tona niye en iyewicayapi kin hena iyuhpa witaya wicakaşkapi, tehan najicapi.

4 Heon etanhan hepa; En ematonwanpi şni po, nina waceye kta; mitaoyate cunwintku wakipi kin on cantohnagmayan akitapi şni po.

5 Anpetu kin he woiyokişice qa waanatanpi qa wonihinciye, Jehowa Itancan wicobe tawa kin etanhan, wowanyake kaksiza kin en, conkaşke oqapi qa he kin ekta hoyekiyapi.

6 Unkan Elam wanju hduha u, canpahmihma wicašta ohnaka, şuktanka akan iyotankapi koya; qa Kir wahacanka hducoka.

7 Unkan kaketu kte, kaksiza kaşnigapi nitawa kin hena canpahmihma on ojudan, qa şuktanka akan iyotankapi kin hena tiyopa kin en wiyeya eişihdepi kta.

8 Hehan Juda tawoakalipe kin yuzamni: unkan anpetu kin he en contanka tipi wotawe kin ekta eyakitonwan.

9 Nakun Dawid totonwe ohna

oyujupui kin wandakapi, hena ota; qa kuya mini ohnaka mini kin duwitayapi:

10 Qa Jerusalem tipi kin hena dawapi, qa conkaşke piyayapi kta on tipi kin dujupui.

11 Nakun conkaşke nonpa otahedan tanina mini ohnaka kin on maka oşkotpa wan yakagapi; tuka Waicaşye cin he ekta eyatonwanpi şni, qa tuwe wanakaja he kage cin he ihayaktapi şni.

12 Unkan anpetu kin he en Jehowa Itancan wicobe tawa kin he ceyapi kta iwicakico, qa waşinhdapi, qa pa yuşdapi, qa wakihdaka ogekitonpi kta:

13 Tuka iho, wicocante waşte, qa wowiyuşkin, tatanka wicaktepi, qa taşinca wanunyanpi wicakatapi, tado yutapi, qa minişa yatkanpi: Wauntapi qa waunyatkanpi kta, heyakecinhan untapi kta ce.

14 Unkan minoge ohna Jehowa wicobe tawa kin he oihdake: Awicakehan woahşani kin de akahpeniciyapi kte şni ecen nitapi kta, Jehowa Itancan wicobe tawa kin he eya ce.

15 Jehowa Itancan wicobe tawa kin he hecen eya; Hunkatiya, wamnayan kin de ekta ya wo, Shebna tipi awanyake cin hee ekta;

16 Qa heciya wo; Den taku duha, qa tuwe den niciyanka he, hecen den woşa wan nihdakan, tuwe wankan woşa wan hdakan, imnija ohna tipi wanji ihdakan iyececa.

17 Iho, makata eşpeyapi on Jehowa makipusdiya eşpeniye kta, qa woakalipe on anicaşpe kta.

18 Taku pahmihma se awicakehan pahmihma iyeniyeye kta, tapa wan makoce tanka kin en iyececa: hen nişe kta, qa hen

WICOWOYAKE 23.

nitowitan canpahmihma kin niyuha ti wowištece kin ee kta.

19 Nakun nitoyanke kin etanhan ehpeciye kta, qa nitohe etanhan tuwe kun eniyaku kta.

20 Unkan anpetu kin he en kaketu kte, mitaokiye Eliakim Hilkiyah cinhintku kin weco kta :

21 Qa nitawokoyake koyagwakiye kta, qa ipiyake nitawa on wašagwakiye kta, qa wokiconze nitawa iye nape kin ohna ewahnake kta. Unkan Jerusalem en ounyanpi qa Juda tiyohnaka kin hena iye ateyapi kta.

22 Qa Dawid ti tiyopa iyuhdoke kin iye hinyete akan ewahnake kta; hecen yuhdoke kta qa tuwedan ecen icu kte šni; qa iye ecen icu kta qa tuwedan yuhdoke kte šni.

23 Qa he owakatan kta, iyokatkuge owanka wacinyepica kin en iyececa; hecen iye atkuku ti kin en wowitan oyanke heca kta.

24 Unkan atkuku tiyohnaka wowitan ocowasin iye en otkeyapi kta, taku etanhan icage qa inanpe cin, ceganstinna owasin owayujaja waksica qa cega mini oyuhapi kin iyulipa.

25 Jehowa wicobe tawa kin he hecen eya; Anpetu kin he en, iyokatkuge owanka wacinyepica en okatanpi qon he yutokan iye-yapi kta, qa kaksapi kta, qa hinlipaye kta: qa taku en otkeyapi qon he kašpapi kta: Jehowa hecen eya nakaes.

WICOWOYAKE 23.

1 Turos tawoyake kin. Taršiš wita wata tawa, šicahowaya po; he yujujupi nakaes, hecen tipi wanica, mahen yapi kta wanica: Kittim makoce kin etanhan he wicakiyuotaninpi.

2 Wita en ounyayapi, inina un po; Zidon wopeton tawa miniwanca akasanpa tanhan yapi kin hena ojuniyanpi.

3 Unkan mini tanka kin icahda Sihor tawoju kin, wakpa tawomnayan kin he tawokamna kin ee; qa hen Ikcewicašta wopetonpi ece.

4 Zidon išteca wo, miniwanca kin he ia; miniwanca towašake kin he hecen eya; Mihdušake šni qa cinca waton šni, qa koška icahwicawakiye šni, wikoška nakun icahwakiye šni ce.

5 Egipta oyakapi kin on, he iyecen Turos oyakapi kin on nina wayazanhdapi kta.

6 Taršiš ekta akasanpa ya miye; wita kin en ounyayapi šicahowaya po.

7 Wanji wiyuškin nitawapi, otokahe ekta icage cin, anpetu wanakaja tanhan, he dee he: ounye kta e iye siha tehan aye kta.

8 Turos watešdake kiton kin on tuwe hecen wakiconza he; wicašta wopeton tawa kin hena wicaštayatapi, qa en wopeton yukanpi kin hena maka akan wicašta kinihanpi tuka.

9 Jehowa wicobe tawa kin he hecen wakiconza, wowinkta wowitan ocowasin yušice kta, maka akan wicašta kinihanpi owasin wahtewicada šni kage kta e heon.

10 Taršiš cunwintku, wakpa wan iyecen nitamakoce opta ya wo; detanhan ipiyake wanica.

11 Miniwanca kin ekta nape hdukatin; wokiconze kin hena yuškanskan: Jehowa wopeton otonwe kin on econwicaši, towašake kin ihangyapi kta.

12 Qa heya; Ake icimana wiđuškin kte šni, Zidon cunwintku wikoška kakišyapi kin; najin

ISAYA TAWOYUKCAN KIN,

wo, Kittim ekta akasam ya wo ; heciya nakun oziiciyapi wanin yaun kta.

13 Kasdim makoce kin wanyaka wo ; he oyate šni ; Ašur tona tintoskan otipi qon hena he wicakicage ; conkaške kin hena bosdan ehdepi, tipi waštešte kagapi : tuka iye qehe otiwita kaga.

14 Taršiš wita wata, šicahowaya po, nitowašakepi kin he ihangyapi ce.

15 Unkan anpetu kin he en kaketu kte, Turos akiktonjapi kta, waniyetu wikcemna šakowin, wicaštayatapi wanjidan taanpetu kin hehanyan. Waniyetu wikcemna šakowin iyohakam hehan witkowinna wan iyececa Turos dowan kta.

16 Witkowinna akiktonjapi qon, niye candowankiyapi wan icu qa otonwe kin ohomni ya wo ; wayupiya dowan wo, odowan ota ahiyaya wo ; hecen niksuyapi kta.

17 Unkan kaketu kte, waniyetu wikcemna šakowin iyohakam, Jehowa ake Turos ekta etonwe kta ; unkan iye wokajuju tawa kin en ihdoku kta, qa maka ite kin owancaya wokiconze maka akan un kin owasin om wawicihaŋapi econ kta.

18 Tuka tokamna qa wokajuju tawa kin hena Jehowa ekta wakan kta ; hena kihnakapi kte šni qa ejupi kte šni ; tokamna kin he tona Jehowa itokam ounyanpi kin imnahan wotapi kta, qa wokoyake wašte linca heon.

WICOWOYAKE 24.

1 Iho, Jehowa makoce kin yucoka, qa hewoskan kaga, qa ite yuahdapsinyan ehna, qa en ounyanpi kin hena enanakiyaiyewicaye kta.

2 Unkan kaketu kte, oyate unpi kin wawayušna kin išiyececa ; wowidake un kin tuwe yuhe cin iyececa ; wikoška un kin tuwe yuhe cin iyececa ; wopeton un kin wiyopeye cin iyececa ; woqu un kin wodota he iyececa ; oicage on owicaqu kin tuwe oicage kicicajuju kin he iyecen un kta.

3 Makoce kin ocowasin yucokapi, qa ocowasin wakipi kta ; wicoie kin de Jehowa ecen eya nakaes.

4 Makoce kin ceya un, šniš aye ; wicoicage kin hanyan, šniš aya ; makoce kin en oyate tehanwan kan unpi kin hena hanyanpi.

5 Nakun makoce kin tona en ounyanpi ihukuya yušapapi ; hena woope kin ahtanipi, wokonze kin yutokecapi, wicotakuye owihanke šni kin he kicaksapi nakaes.

6 Heon etanhan woyašice kin he makoce kin temya iyeya ; qa en ounyanpi kin hena šitkihdawicayapi ; heon etanhan makoce en ounyanpi kin wicahuŋnagapi, qa wicašta tonana okaptapi.

7 Miniša teca kin hanyan ; canwiyuwi kin šniš aya ; tona cante waštepi ece kin owasin comnihdazipi.

8 Cancega wiyuškinpi kin ayušan, tona wiyuškinpi iyašapi kin he owihanke, candowankiyapi towiyuškin he ayušan.

9 Dowanwan miniša yatkanpi kte šni ; mini wakan tona yatkanpi kin he wicakicipa hince kta.

10 Otonwe cokadan un kin he yujujupi ; tipi otioyohi natakap, hecen tuwedan mahen ye kte šni.

11 Canku ohna miniša dapi tuka qon ; wowiyuškin ocowasin aotpasyapi, makoce wiyuškinpi kin he henakeca.

WICOWOYAKE 25.

12 Otonwe kin en woyujuju ecedan, qa tiyopa kin ocowasiu kamdecapi.

13 Tohan makoce cokaya oyate kin ehna hecetu kinhan, oliwe can yuhnapi iyececa, hastanhanka yuŕpi yuŕtanpi opahipi kin iyecece kta.

14 Hena ho wankan yeyapi kta, Jehowa towitan on iyaŕapi kta, miniwanca etanhan nina houyapi kta.

15 Heon etanhan peta kin en Jehowa yatanka po, miniwanca wita kin ekta Jehowa Israel Taku Wakan tawapi kin.

16 Maka ihanke hinca etanhan dowanpi naunhonpi, wicaŕta owotanna wicayatanpi kin he. Tuka hepa ; Matakuniŕni, matakuniŕni, hehehe miye ; wahnayan econpi kin hena wahnayanpi ; han wahnayan econpi kin hena nina wahnayanpi.

17 Maka akan ounyaye cin, wokokipe, qa woŕa, qa wohmunke kin hena akan niyanka.

18 Unkan kaketu kte, tuwe wokokipe hotanin kin etanhan najice cinhan he woŕa ohinŕpaye kta, qa tuwe woŕa cokayatanhan hdicu kinhan wohmunke kin on hmunkapi kta ; wankantanhan owanyeye kin hena yuŕdokapi, qa maka oahde kin hena ŕkanŕkan nakaes.

19 Kamdecapi on maka kin kamdecapi, yuksaksapi on maka kin yuksaksapi, maka kin nina ŕkanŕkan.

20 Witkopi iyececa maka kin kacegya un kta, qa cowahe wan iyecen kahuhuzapi kta : unkan woŕitani tawa kin on hduŕaka ; hecen hinŕpaye kta qa ake najin kte ŕni.

21 Unkan anpetu kin he en kaketu kte, tona wankan unpi optaye wahaniŕidapi kin hena Jeho-

wa kakiŕwicaye kta, qa makata wicaŕtayatapi maka akan unpi kin hena.

22 Unkan hena wicayuwitayapi kta, wayaka wokaŕke tipi ohna wicayuwitayapi kin om, qa conkaŕke en onawicatakapi kta, tuka anpetu ota iyohakam en wicahipi kta.

23 Unkan hanyetu wi kin ite naŕa kta, qa anpetu wi kin iŕtece kta, tohan Jehowa wicobe tawa kin he Zion Paha akan, qa Jerusalem en Wicaŕtayapi yanke kta, qa hunkawicayapi tawa wicitokam wowitanyan un kinhan.

WICOWOYAKE 25.

1 Jehowa Wakantanka miŕtawa kin henye, ciyawankantuya kta, nicaje mdatan kta : taku wowinihan ecanon, nitowiyukcan kin hena wanakajatanhan wowacinye qa wowicake.

2 Otonwe kin he woyujuju pahaha yakaga ; otonwe aconkaŕkapi kin he ihangyapi ; oyate tokeca conkaŕke tawa kin he otonwe kte ŕni ; icimana kagapi kte ŕni.

3 Heon etanhan oyate waŕake cin he niyatan kta, oyate wohitikapi totonwe kin konicipe kta.

4 Tona wahpanica wowaŕake tawa kin he niye, onŕika kakiŕyapi kin wowaŕake tawa, icamna etanhan wowinape, omaŕte kin en ohanzi wan he niye, oyate wohitike taniya kin he conkaŕke aicamna kin iyececa qehan.

5 Toka owodutaton hin he dhukuya kta, ŕopuza en maŕte kin iyececa ; omaŕte en mahpiya ŕapa ohanzi kin he : oyate wohitikapi tadowanpi kin yuhukuyapi kta.

6 Unkan paha kin de akan Je-

ISAYA TAWOYUKCAN KIN,

howa wicobe tawa kin he taku cepa on wohanpi wan oyate owasin wicakicage kta, minisa koka ohna han oyatke, taku cepa cupe ojudan, minisa koka etanhan tanyan puskepapi kin.

7 Qa paha kin de en ite akahpe oyate owasin akahpapi kin he yatakuni kte sni, qa woakahpe kazontapi Ikcewicašta owasin awicakahpapi kin he nakun.

8 Wiconte ocowasin yatakuni kte sni; qa Jehowa Itancan kin wicite owasin etanhan istamnihanpe wicakipakinte kta; qa iye taoyate tawowistece kin maka ocowasin etanhan eyaku kta; Jehowa hecen eya nakaes.

9 Unkan anpetu kin he en heyapi kta; Iho, Wakantanka unkitawapi kin he dee; he unkapepi, unkan iye niunkiyapi kta: Jehowa dee, he unkapepi, cante unwaštepi kta qa iye towiconi on unkiyuskinpi kta.

10 Paha kin de en Jehowa nape kin yanke kta; unkan iye ihukuya Moab ahanpi kta, aguyapi hu tacesdi paha kin en amanipi iyececa.

11 Qa hena cokaya nape hdugate kta, tuwe niwan niwe kta nape hdugate cin iyececa: tuka iye nape oskiskeya ohanye cin on towahaniçidapi kin he kun ehpeye kta.

12 Qa conkaške nitawa ipasotka tehanwankantu kin he yujuju kta, kun ehpeye kta, makata ehnae kta, maka mdu kin en.

WICOWOYAKE 26.

1 Anpetu kin he en Juda makoce kin ohna odowan kin de ah yayapi kta:

Otonwe suta wan unhapi;

Wanikiyapi kin he conkaške qa maka qapi kin eekiye kta.

2 Tiyopa kin yuhdoka miye, Hecen oyate owotanna wowicake patanpi kin mahen yapi kta.

3 Wicacante wacinyan un kin he wookiye hinca ohna duhe kta,

Iye wacinniyan nakaes.

4 Ohinniyan Jehowa wacinyan miye;

Wowasake owihanke wanice cin he Jah Jehowa en un nakaes.

5 Tona wankantuya tipi kin hena kun iwicacu;

Otonwe tehanwankantu kin kun ehpeye kta,

Kun ehpeye kta, maka kin ekta;

Maka mdu kin en icu kta.

6 He wicasiha ahe kta;

Onsika sihapi, wahpanica si-
cuhapi kin.

7 Tuwe owotanna tacanku kin he owotanna:

Owotanna hinca yaun, wica-
šta owotanna tacanku kin
dumdaye kta.

8 Han, Jehowa, nitawoyaco canku kin ohna unkanipepi;

Unnagipi cantokpani kin he
nicaje qa niksuyapi kin e-
kta.

9 Hanyetu en minagi on cantocikpani;

Han, tanmahen tanhan mita-
niya on nina acicite kta:

Nitawoyaco kin maka akan un
kinhan,

Makoce en ounyanpi kin wo-
owotanna onspeiciyapi kta.

10 Tuwe sica cantekiyapi esta woowotanna onspeiciye
sni:

Woecetu makoce kin ohna si-
caya ohanyan;

Qa Jehowa tokitanin kin wan-
yake kte sni.

11 Jehowa, ninape yuwankan

WICOWOYAKE 27.

- icupi ešta hena wanyag wacinpi šni :
- Tuka wanyakapi kta, qa oyate inawicayakiwizi kin on ištecapi kta :
- Han, tokawicayaya ide kin he hułnahwicaye kta.
- 12 Jehowa, wookiye unyaqupi kta ;
- Unkiolhanpi owasin niye qe unkoyeciħanyanpi nakaes.
- 13 Jehowa Wakantanka unkita-wapi,
- Nicunonpa itancanpi wowidagunyanpi ;
- Tuka niye nišnana on nicajecajeunyatapi kta.
- 14 Takpe wicayai qa ihangwicayaya ;
- Qa tokiksuyapi kin ocowasin dutakuni šni :
- Heon etanhan ɥapi, ake kini-pi kte šni ;
- Nagi iyayapi, hdinanpapi kte šni.
- 15 Oyate kin duota,
- Jehowa, oyate kin duota ;
- Nihduonihan ;
- Makoce opapun iyulħpa dutanka.
- 16 Jehowa, wokakije on en nihipi ;
- Kakišwicayaye cin he on Wocekiye wan hoyeniciyapi.
- 17 Tuwe ihdušaka wanna ecdan cinca ton kta,
- He wayazanħda, hokšiksuya on šicahowaya,
- He iyecen, Jehowa, nitokam unyakonpi ce.
- 18 Unkiħdušákapi, waunyazanpi,
- Tate hiyuunyanpi seca ;
- Makoce kin en owicakiyapi econkupi šni ;
- Nakun maka ounyanpi kin hena hinħpayapi šni.
- 19 Tona nicitapi kin hena nipi kta ;

- Mitancan ɥe cin he kici hdi-nanpapi kta :
- Kikta po, iyaša miye, tona maka mdu en ounyayapi kin ;
- Wato cu kin he cu nitawa ;
- Qa maka kin wicaye cin hiyu-ye kta.
- 20 Iho ye, mitaoyate, tı mahen hdicu wo,
- Qa tiyopa kin onaiçitag icu wo :
- Cistiyledan se anaicihman wo ;
- Wošinhda kin sam iyaye kta hehanyan.
- 21 Iho, Jehowa iye tohe etanhan hiyu,
- Maka ounyanpi kin walitanipi on kakišwicaye kta :
- Nakun maka kin he we hdu-tanin kta,
- Qa tona wicaktepi tawa kin icimana awicakaħpe kte šni.

WICOWOYAKE 27.

- 1 Unkan anpetu kin he en, Jehowa, iye tacanħpi tke, tanka qa suta on, Leviathan wanmduška duzahe cin he kaštake kta ; han, Leviathan wanmduška pemni kin he ; qa unktehi tanka miniyata un kin he kte kta.
- 2 Anpetu kin he en hastanħanka ojupi wan kahiyaya miye.
- 3 Jehowa miye he awanwahdaka ; ohinniyan amagajwaye kta : okinni kiunniyanpi kta, heon hanyetu anpetu ko awanmdake kta.
- 4 Wošinhda en maun šni : tuwe okicize en wapepeka canpepe ko mitkokim ehna ke kta he : hena takpe mde kta, hena ocowasin hułnahwaye kta tuka.
- 5 Qa is mitowašake en sutaya yuze kta ; miye kici wookiye icicage kta : han, wookiye micicaga nunwe.

ISAYA TAWOYUKCAN KIN,

6 Anpetu u kte cin en Jakob hutkan icage kta: Israel paħa kta qa ħea aye kta, qa waskuyeca on maka ite kin ojuyapi kta.

7 Tuwe ape ciqon apapi kin iyecen apa he; qa wicaktepi on iye wicakte qon iyecen ktepi he.

8 Ehpeyapi kin he kici iyuteya ayakinica kta: wiyohiyanpatanhan tate uye anpetu kin en tate wohitika tawa on yutokan iyeya ece.

9 Heon etanhan de on Jakob toħan śice cin kajujupi kta; qa woħtani tawa yutokan iyeye kta oicage ocowašin he dee. Owayuśna inyan kin iyuhpa inyan acetipi kamdemdecapi kin iyecen ehpeye cinban, wakagapi qa anpetu wi okagapi kin hena bosdan he kte śni.

10 Tuka otonwe aconkaśkapi kin he ħewoskan wanke kta: otipi yujujupi qa ehpeyapi, tintoskan iyecceca: hen ptejicadan wiħan kta, qa hen makan iwanke kta, qa adetka kin temye kta.

11 Toħan adetka śnijapi kinhan yuksapi kta: winohinca kin upi qa hena ideyapi kta: He oyate wiyukcan śni, heon etanhan tuwe icaħwicaye cin he onśiwicada kte śni, qa tuwe wicakage cin he cantewicakiye kte śni.

12 Unkan anpetu kin he en wakpa tancan kin etanhan Egupta kaksiza kin hehanyan Jehowa kahna kta; qa, Israel cinca, niyepi wanjigjidan nipahipi kta.

13 Nakun anpetu kin he en mazayahotonpi tanka wan yahotonpi kta; hehan tona Aśur makoce kin en enanakiya unpi, qa Egupta makoce en ehpewicayapi qon hena upi kta, qa Jerusalem ekta, Paħa wakan kin akan, Jehowa ohodapi kta.

WICOWOYAKE 28.

1 Wateśdake tehanwankantu, Ephraim witkopi kin woteħi wicakiciyanka nunwe; qa waħca śniye kta iye towašte wakan kin he, miniśa on ohiyapi kaksiza cepa tawapi oinkpa kin ekta yanke cin he.

2 Iho, wanji wawokihi qa waśaka Itancan kin kici un, wasu hinhe, icamna waihangye cin iyecceca, mini tanka nina apaśbogye cin iyecen iye nape on makata ehpeye kta.

3 Ephraim witkopi kin tawateśdake tehanwankantu kin he wicasiha ihukuya napanpi kta:

4 Qa towašte wakan kin, waħca śniye kta kaksiza cepa oinkpa kin ekta yanke cin he, mdoketu śni suken waskuyeca suton, tuwe ekta etonwe wanyake cinhan, nahahin nape ohna un icunhan temya iyeya he iyeccece kta.

5 Anpetu kin he en, iye taoyate okaptapi kin on Jehowa wicobe tawa kin he wowakan wapaha qa wowašte wateśdake kin ee kta;

6 Qa tona wayaco iyotankapi kin hena on woyaco woniya kin heca kta, qa tona otonwe tiyopa kin ohna okicize yuhomnipi kin hena on wowaśake kta.

7 Tuka hena ege nakun miniśa on nunipi, qa mini wakan on icunonpa unpi; wawayuśna qa wicaśta wokcan kin hena mini wakan on nunipi, hena miniśa on napcapi, mini wakan on icunonpa unpi; wawanyakapi en nunipi, wiyukcanpi en kaktihanhanpi.

8 Wahna wotapi iyuhpa hdepapi śica on ojugjudan; owanka wanica.

9 Tuwe he wosdonye onspekiye kta he; qa tuwe he woonspe

okañniñkiye kta he: tona asanpi ayuñtanwicakiyapi, tona aze etanhan ewicayakupi.

10 Woonspe woonspe iyahna, woonspe woonspeiyahna; woope woope iyahna, woope woope iyahna; deciya tonana, heciya tonana ece.

11 Heon etanhan wicaiha yañkiñkapi qa wicaceji tokeca on oyate kin de om wowahdake kta.

12 Hena hecen ewicakiya; Woozi kin he dee; mdokiñapi kin oziwicakiya miye; qa owanjani yankapi kin he dee ce; tuka anagoptan wacinpi ñni.

13 Hececa eñta hena en Jehowa oie kin he woonspe woonspe iyahna; woope woope iyahna; deciya tonana, heciya tonana; hecen yapi kta qa itunkam hinñpayapi kta, qa wicakawegapi kta, qa wicahmunkapi kta, qa wicayuzapi kta.

14 Heon etanhan wicañta wawihaha yaunpi, Jerusalem en oyate kin de iwicayadakapi kin, Jehowa oie kin nañon po.

15 Wiconñe kici wicotakuye unkicagapi, qa Hades kici okiciya unyakonpi; hecen tohan wawiopeye apañboke iyopta ye cinhan unkikiyepidan u kte ñni; woitonñni he wowinape unyanpi nakaes, qa ecinkta eyapi kin en inaunkicilñmanpi ce, ehapi;

16 Heon etanhan Jehowa Itancan kin he hecen eya; Iho, Zion en inyan wan oahehde ewahnaka, inyan iyutapi, oise inyan tehika, oahehde hñepi wan; tuwe wicada kin he inañni kte ñni.

17 Nakun woope kin en woyaco ewahnake kta, qa woowotanana, on tkeutapi kin en: unkan wasu kin he woitonñni wowinape kin kahin iyeye kta, qa mini kin woinañbe kin apañboke kta.

18 Hecen wiconñe kici wicota-

kuye nitawapi kin he yujujupi kta, qa Hades kici oyeciciyapi kin he ecen he kte ñni; qa wawiopeye apañboke cin he iyoopta iyaye cinhan, hehan anihanpi kta.

19 Tohan iyaya eca niyuzapi ece kta: hanñanna qa hanñanna iyaye kta, anpetu qa hanyetu: hecen onañonpi kin he okañnigapi kin he wonihinciye ecedan kta.

20 Owinja kin he tuwe anasonson kta iyehantu ñni, qa oakañpe kin he cistinna, hecen on iyañcipemni kte ñni nakaes.

21 Perazim paha kin ekta Jehowa iyecen inajin kta; Gibeon kaksiza qon en iyecen ñinhda kta; hecen iye toñan kin econ kta, iye toñan tokeca kin he; qa iye toñtani hduñtan kta, toñtani tokeca kin he.

22 Heon etanhan wawihahapi ñni po, okinni on nicañkapi kin niciyusutapi kta: woyutakuniñni wan, qa he Itancan Jehowa wicobe tawa kin eciyatanhan nawañon, maka kin owancaya yuñtanpi.

23 Anoliya miye, qa miho kin nañon po; anagoptan miye, qa iwae cin nañon po.

24 Mahyumdu kin woju kta e on anpetu otoiyohi maga hdu-mdu he; tamaga hdupanpan qa hduhint ece kta he.

25 Tohan maga ite kin yumdaya hehan qetsa kada ñni he; komin he oju, qa aguyapi su kin cankuyetonton ohnaka, qa ñuktanka tawote kin tukten hdaññige cin en, qa icage kte cin en wayahota kada ehpeya ece.

26 Hecen iye Taku Wakan tawa wowiyukcan onspekiya, wokañniñkiya ce.

27 Qetsa kin he maziyan on kapanpi ñni, qa canpahmihma

ISAYA TAWOYUKCAN KIN,

wan komin ayuhomnipi šni; tuka qetsa kin he cansagye on kapampi, qa komin he cansakadan on.

28 Aguyapi icaŋyapi kin he napanpi ece, tuka ohinniyan kapan kte šni, qa canpahmihma tawa kin ayuhmihma kte šni, qa šuktanka akan iyotankapi tawa kin on namdu kte šni.

29 De nakun Jehowa wicobe tawa kin etanhan u ece; iye to-wiyukcan kin wakan hinca, tohan kin hdutanka ece.

WICOWOYAKE 29.

1 Hehehe, Ariel, Ariel otonwe en Dawid ti qon: waniyetu waniyetu en kokijuya po: wošnapiki ihunnikiyapi kta.

2 Tuka Ariel tehiya wakuwa kta; qa woiyokišice woceye ko yuke kta: hececa ešta he Ariel iyececa micinyanke kta.

3 Tuka niye nihdukšan ewati kta, qa ozuye on aonacitake kta, qa niye en conkaške awakage kta.

4 Hecen kun elipeniyanpi kta, maka kin etanhan houyaye kta, qa iyae cin he kuya maka mdu etanhan kta, qa niho kin wanagi maka etanhan iyecece kta, qa iyae cin he maka mdu kin etanhan jiji kta.

5 Nakun oyate tokeca ota wicaduhe cin hena watuškéseca iyececapi kta, qa wicota wašakšakapi kin hena aguyapi ha kaŋbog iyaye cin iyececapi kta: unkan he ihnuhanna hince kta.

6 Wakinyan hotonpi, qa maka škanškan, qa ho tanka on Jehowa wicobe tawa kin he en nihi kta, magaju qa icamna on, qa peta ide waluhnahiye cin on.

7 Unkan oyate kin owasin wicota hinca, Ariel kici kiczapi,

tona iye qa taconkaške kin kici kiczapi owasin, qa tona iyokišinye cin hena hanyetu en wowanyake ihamnanpi kin iyececapi kta.

8 Tuwe wotektehda wihamna, unkan iho wota, tuka kikta, unkan nagi cokadan, he iyecece kta; qa iš, tuwe ipuza wihamna, unkan iho wayatkan, tuka kikta, unkan iho wašake šni qa nagi ipuza: oyate ota hinca Zion Paha kin en kiczapi kin owasin iyececapi kta.

9 Owanji yukan po, qa nihinciya po; iyuškiničiya po qa ištangonga po. Hena witkopi, tuka miniša on etanhan šni; kacekcegya manipi, tuka mini wakan on etanhan šni.

10 Woistinbe hinca oniya wan Jehowa anicaštanpi, qa išta niyuotinzapi: wicašta wokcan qa itancan nitawapi, tona wawan-yakapi kin hena wawicakahpa.

11 Hecen wowanyake ocowasin niyepi ekta wowapi oie apuspapi kin iyececa; tuwe wowapi onspe kin he qupi, qa; De yawa wo, ceunniciyapi ce, eyapi: tuka, owakihi šni, he apuspapi ce, eya:

12 Hehan wowapi kin he tuwe wowapi onspe šni kin he qupi, qa; De yawa wo, ceunniciyapi ce, eyapi: tuka, Wowapi onmaspe šni ce, eya.

13 Heon Itancan kin heya; Oyate kin de i on mikiyedani, qa ihapi on mayaonihanpi, tuka cantepi mitehanyan iyeičiyapi, qa komakipapi kin he wicašta tawoonspe kin eciyatanhan onspewicakiyapi;

14 Heon etanhan iho, oyate kin de ehna wakanyan owahanmde kta, taku wowinihan qa wowapetokeca: tona ksapa wicayuhapi toksapepi kin he atakuni kte

WICOWOYAKE 30.

śni, qa tona wiyukcanpi tooka-
hñigepi kin anahmanpi kta na-
kaeś.

15 Hehehe, tona towiyukcanpi
kin temahentuya Jehowa anaki-
cihman akitapi, qa tohianpi kin
otpaza en, qa heyapi, Tuwe
wanunyakapi he ; qa tuwe sdon-
unyanpi he.

16 Awicakehan waduptanyan-
pi kin he maka cega kaga maka
tawa kin iyacinpi kta: wicohan
wan tuwe econ kin on, He ma-
kage śni ce, eye kta he ; qa ta-
ku kagapi kin he tuwe kage cin
on, Takudan okahñige śni ce,
eye kta he.

17 Ehake cistiyedan hin hehan
Lebanon maga wašte icage kta,
qa maga wašte kin he contanka
yawapi kte śni he.

18 Qa anpetu kin he en noge-
tpapi kin wowapi oie kin hena
nahonpi kta, qa išttagongapi išta-
pi kin owotanın śni qa otpaza
etanhan wawanyakapi kta.

19 Wicašta onśiicidapi kin na-
kun Jehowa en sanpa wiyuśkin-
iciyapi kta, qa wicašta opeya on-
śikapi kin hena Israel Taku Wa-
kan tawa kin ikiciyuśkinpi kta.

20 Tuwe wohitike cin he ata-
kuni śni, qa wawihaha kin he
ihangyapi, qa tona woahñani
iyapepi kin owasin wicakaksapi :

21 Wicoie wanjidan on wica-
šta wañtani yawapi, qa tuwe ti-
yopa ohna wayaco kin he hmung
wacinpi, qa takuśni on wicašta
owotanna icunonpa iyayeyapi
kin hena.

22 Heon etanhan Jehowa Abra-
ham opekton qon he Jakob ti-
yohnaka kin hewicakiya ; De-
han Jakob ištece kte śni, qa de-
han iye ite nasan kte śni.

23 Tuka tohan iye cinca, mina-
pe taku kage cin hena, iye coka-
ya wanwicahdake cinhan, mica-

je yawakanpi kta, qa Jakob Ta-
ku Wakan tawa yawakanpi kta,
qa Israel ta Wakantanka kokipa-
pi kta.

24 Qa tona tawiyukcanpi en
nunipi qon hena nakun wooka-
hñige sdonyapi kta, qa tona wa-
wakiyajinpi qon hena woonspe
onspepi kta.

WICOWOYAKE 30.

1 Hehehe, wawakipajinpi cinca,
Jehowa eya ; hena wokonze
hduśtanpi, tuka miye etanhan
śni ; qa woyatke wan okaśtanpi,
tuka Mitaniya kin eciyatanhan
śni, hecen woahñani woahñani
en ejupi kta.

2 Hena Egupta ekta apamahde
huinyun yapi, tuka mii etanhan
wawiwangapi śni ; Pharaoh to-
waśake kin en waśagiçiyapi kta,
qa Egupta ohanzi kin wacinyan-
pi kta.

3 Heon etanhan Pharaoh towa-
śake kin he wowišteceyayapi
kta, qa Egupta ohanzi wacinyan-
pi kin he wonihinciye kta.

4 Iye ta wicaštayatapi kin Zo-
an en unpi, qa iye uwicaśi qon
hena Hanes en hipi.

5 Hena owasin oyate wan owi-
cakiye kta okihi śni kin he on
ištecapi, waanakikśinpi qa wa-
okiyapi okihipi śni, tuka wowi-
štece qa nakun wowihaha ece-
dan.

6 Itokah woteca tawoyakapi
kin. Wonihinciye qa woiyoki-
śice makoce, etanhan mnaja wi-
ye qa mnaja waśaka, sintehda
qa wamduśka kinyan ideya, he-
na etanhan upi, he ekta towijice-
pi kin śunka wakan sonsonna
amdo akan ayapi kta, qa taku
kihñakapi kin camo pśunka kin
akan, oyate waokiye kte śni
wan ekta.

ISAYA TAWOYUKCAN KIN,

7 Egipta wawokiye cin he takuśni, qa takudan okihi śni : heon etanhan decen ewakiye cigon ; Wahanicidapi owanji yankapi ce.

8 Iho wo, wanna wicitokam wahna wowapi wan en he owa wo, qa wowapi en kaga wo, hecen he anpetu u kte cin hehanyan kta, owihanke wanice :

9 Oyate kin de wawakipajin ece, wicacınca itonpi śni, wicacınca Jehowa toope kin anagoptan wacinpi śni hecapi :

10 Hena, Wawanyakapi śni po, wawanyakapi kin ewicakiyapi ; qa wiyukcanpi kin, Taku ecetu unkiciyukcanpi śni po, iapi śduśduta unkokiyaka po, woiton-śni ayata po :

11 Canku kin icunonpa ya po ; ocanku icunonpa wahtani po : Israel Taku Wakan tawa kin he yutokan iyeunkiciciya po, eyapi.

12 Heon etanhan Israel Towakan kin he hecen eya ; Oie kin de ayakta pi śni, qa woh naye woyupemni ko wacinyayapi qa en enicihnakapi ;

13 Heon etanhan woahitani kin de conkaśke tehanwankantu en okakse wan iyecen he apaha yanka qa hinlpaye kta se, okamdece kin he istakakpapi se ihnuhanna u kte cin he iyecen niciyankapi kta.

14 Qa he maka cega kaga takakiśkotpa ocowasin kamdecapi wokamdece kin he iyecen kamdece kta ; itonkipe kte śni : hecen okamdece kin he etanhan onśpa oceti etanhan on peta icupi kta, qa on miniyowe etanhan mini eyakupi kta, takudan iye-yapi kte śni.

15 Itancan Jehowa Israel Towakan kin he hecen eya ; Hdicupi qa owanji yukanpi kin he on yanipi kta ; inina unpi qa wa-

cinyanpi kin on waniśakapi kta tuka : unkan wicayadapi śni.

16 Tuka hehapi ; Hiya, śuktanka akan naunjicapi kta ce ; heon etanhan nayajicapi kta : qa, Taku duzahan akan unkiyotankapi kta, ehapi ; heon etanhan tona tanipapi kin hena duzahanpi kta.

17 Wanjidani wawiopeye on kektopawinge wanji najicapi kta, zaptan wawiopeyapi on nayajicapi kta : hecen niyuhuhuzapi kta, wiyokihedan he akan ehdepi qa wapahaśa wan paha ekta he cin iyececa.

18 Heca eśta Jehowa ape un kta, onśinidapi kta ; qa heon inajin kta, cantonihnakapi kta e heon : Jehowa Taku Wakan kin he wayaco nakaes : Tona apepi kin owasin cante waštepi ece.

19 Oyate kin Zion en Jerusalem ohna ounyanpi kta : istamnihanpe aniu yaceye kte śni ; tuwe waonśida kin he ho uyaye cin on onśinida kta ; he nahon kinhan aniyupte kta.

20 Unkan Itancan kin woiyokiśice aguyapi qa wokakije mini kin nicupi qe yaś, tona waonspeniciyapi kin hena ake icimana naičilmanpi kte śni, tuka ni-istapi waonspeniciyapi kin wanwicayakapi kte :

21 Qa niheyatanhan ninogepi wicoie wanji nahonpi kta, Canku kin he dee ce, ohna mani po, eye kta, tohan etapatanhan dapi kta, qa tohan catkatanhan dapi kta hecinhan.

22 Nakun nita mazaska wakagapi oakałpe kin daśapapi kta, qa nita mazaskazi wakagapi okaśtanpi oakałpe kin ; iśnati mahen unpi tawa iyecen hena ehpeyaye kta : Tokan yanka wo, eyakiye kta.

23 Hehan nitawojupi magaju

WICOWOYAKE 31.

kin hiyuye kta, hecen on nita-maga kin oyekju kta ; qa maka oicage etanhan aguyapi yuke kta ; qa he cepa qa oicah ota kta. Anpetu kin he en nitawoteka tinta tanka en wihanpi kta.

24 Nakun tatanka qa sonsonpidan maga kicanyanpi kin hena woyute skuyeyapi, mazaicu qa icaduge on kadugapi kin he yutapi kta.

25 Unkan he tehanwankan otoi-yohi, qa paha pajodan otoi-yohi akan wakpadan yuke kta, mini kaduze kta, anpetu kin en tanka-ya wicaktepi, conkaške kin hinhpayapi kinhan.

26 Nakun hanyetu wi iyoyanpa kin he anpetu wi iyoyanpa iyecece kta ; qa anpetu wi iyoyanpa kin he šakowin akihde kta, anpetu šakowin iyoyanpa iyecece kta ; anpetu kin en Jehowa iye taoyate okamdece tawa pakihde qa apapi okaške kin okiziyen cinhan.

27 Iho, Jehowa caje kin tehan-tanhan u, tocanniye ide, qaide kin he tehike : iye iha kin wošinhda on ojudan, qa ceji kin he peta wahuhnage cin iyececa.

28 Qa iye taniya wakpa apašboke wan iyecen tahu cokaya iyahde kta, wicotakunišni icaduge wan on oyate kin wicakaduge kta : qa nuniwicaye kta e iiyui wan oyate ipi kin ohna yanke kta.

29 Odowan wan duhapi kta, hanyetu en omniciye yuwakanpi kin iyececa ; qa cante iyuškinpi, tuwe cotanka wan hduha Jehowa Paha tawa ekta ye kte cin iyececa, Israel ta Imnija kin ekta.

30 Unkan Jehowa towitan ho kin nahon wicakiye kta, qa iye isto kun u kin he hdutanin kta,

nakun wocanniye wošinhda, qa peta wahuhnage ide kin, icamna qa magaju, qa wasu hinhan.

31 Jehowa ho kin on, Ašur cansagye on wakaštaka ece qon he kawankapi kta.

32 Unkan cansakadan kahnigapi kin Jehowa akan ehnae kte cin he tukten hiyaye cin otoi-yohi, he cancega qa candowankiyapi kicica kta : qa okicize owodutaton on om kicize kta.

33 Tanihan-tanhan Tophet wi-yeya kagapi ; han, wicaštayatapi kin on yuwiye-yapi ; tanka, temahentu kaga ; peta qa can ota ejupi ; Jehowa taniya kin, canšin wakpa wan iyececa, he ideye kta.

WICOWOYAKE 31.

1 Hehehe, tona owicakiyapi kta on Egipta ekta apamahde iyayapi ; qa šunka wakan wacinwicayapi, qa canpahmihma inapapi, hena otapi heon ; qa šuktanka akan iyotankapi, hena wašakapi hinca nakaes : tuka Israel Towakan kin he ekta etonwanpi šni, qa Jehowa akita-pi šni.

2 Hececa esta iye nakun ksa-pa, qa taku šica au kta, qa iye oie kin ehdaku kte šni : tuka wicošan šica econpi tipi kin itkom inajin kta, qa woahitani econpi waokiyapi kin hena itkowicakipe kta.

3 Nakaes, Egipta oyate kin hena wicašta, qa Taku Wakan hecapi šni ; qa iye tašunkepi kin hena celpi qa woniya hecapi šni. Tohan Jehowa nape hdugate cinhan hehan tuwe waokiye cin he kacegya mani kta, qa tuwe okiyapi kin he nakun hinhpaye kta, qa owasin witaya atakunipi kte šni

ISAYA TAWOYUKCAN KIN,

4 Jehowa hecen emakiye ci-qon; Mnaja qa mnaja koška taku iyahpaya ahdo, waawanyake wicota takpe upi qeyas hena hopi on kopehda kte šni, qa hena owodutaton kagapi kin on makata ehpeiçiye kte šni; he iyecen Jehowa wicobe tawa kin he Zion he kin on, qa paha tawa kin on kicis kun u kta.

5 Zitkadan waakahpapi ece kin he iyecen Jehowa wicobe tawa kin he Jerusalem ahdahpe kta; ahdahpa qa ehdaku kta; acakšin qa kpatan kta.

6 Israel cinca, tuwe itehan icunonpa idadapi kin he ekta ihdo-ku po.

7 Anpetu kin he en wicašta otoiyohi iye tamazaska wakagapi, qa tamazaskazi wakagapi, niye ninape woahṭani on ničicagapi qon hena ehpeyapi kta.

8 Hehan Ašur oyate kin mazasagye on linhpaye kta, wicašta tawa šni, qa mazasagye wicašta akantu tawa šni kin he he temye kta: tuka mazasagye ite kin etanhan nape kta, qa koška tawa kin hena wayaka unpi kta.

9 Qa iye wokokipe on taconkaške kin en onajice kta, qa itancan wicayuhe cin hena wi-yokihedan kin kokipapi kta ce, Jehowa iye tapeta Zion en un, qa oceti tawa Jerusalem en yan-ke cin he hecen eya.

WICOWOYAKE 32.

1 Iho, wicaštayatapi wan w-owotanna on wicaštayatapi kta, qa itancanpi kin is woyaco on wakonzapi kta.

2 Hecen wicašta wan tateyanpa etanhan woinalibe kta, qa icamna etanhan wowinape iyecece kta; hopuza en mini wakpadan iyececa, makoce ohna wicaḥtate

en imnija tanka ohanzi kin iyececa.

3 Qa tona wanyaka istošnjapi kte šni, qa tona wanaḥonpi nogepi anagoptanpi kta.

4 Nakun tona inahnipi cantepi kin wosdonye okaḥnigapi kta, qa ia yaškiškapi cejipi kin tanyan ia inahnipi kta.

5 Hehan witkotkoke cin icimanna wacantkiya eciyapi kte šni, qa watehinda kin he oḥanpi eciyapi kte šni.

6 Witkotkoke cin he wowitkotkoke ecen ie kta, qa iye cante woahṭani kage kta, wicošice econ kta, qa Jehowa on woitonšniöyake kta; tuwe wotektehda un nagi kin he yucoka kta, qa tuwe ipuza tawoyatke kin yuwanice kte.

7 Nakun watehinda taku w-winyunye kin hena šica; he woyušice wakiconza, woitonšni oie kin on wicakiš unpi kin wicayutakuni kte šni, wicašta onšika ecetuya ia ešta.

8 Tuka wacantkiye cin he taku wocantekiye kin konza ece; qa wocantekiye on sutaya najin kta.

9 Winohinca waḥaničidapi inajin miye; kopehda šni cunwin-
tkupi, maho kin naḥon po, iwae cin anagoptan po.

10 Waniyetu anpetu ota ahna nihinniciyapi kta, kopehda šni yaunpi; hastanhanka oicage yuke kte šni, mnayanpi kin he u kte šni.

11 Waḥaničida yaunpi, cancan po; kopehda šni yaunpi, nihinci-
ya po, ihdušdoka po, qa tancoka-
pidan po, qa nite en ipiyagkiton po.

12 Maku en aičipapi kta, omda-
ye wašte hinca on, qa hastanhanka iyuwi waicalihe cin on.

13 Mitaoyate tamakoce kin en wapepeka can pepe ko uye kta;

WICOWOYAKE 33.

han, wowiyuŝkin tipi iyuhpa akan, otonwe wiyuŝkin kin en.

14 Tipi tehanwankantu kin ayuŝtanpi, oyate ota tonwanyanpi kin he ehpeyapi; paha qa conkaŝke kin hena ohinniyan makohdoke kta, ŝonŝonna itu unpi on wiyuŝkinpi, wanunyanpi en wihanpi kta:

15 Ecen Woniya kin wankan-tanhan unkakaŝtanpi kta, qa tintoskan kin he maga waŝte kta, qa maga waŝte kin he contanka yawapi kta.

16 Hehan wokonze tintoskan ounye kta, qa woowotanna maga waŝte kin ohna yanke kta.

17 Unkan woowotanna ohan kin wookiye hee kta, qa woowotanna yuŝtanpi kin he oziiŝiyapi qa wowacinye owihanke wanice kta.

18 Qa mitaoyate wookiye owanka wan en ounyanpi kta, qa tipi wacinyepica ohna, qa wiko-pe ŝni ozikiyapi owanke kin en.

19 Unkan wasu contanka kin ahinhe kta, qa otonwe kin omdaye wan en yuhukun ehpeyapi kta.

20 Mini owasin icahda woyajupi cante niwaŝtepi, tatanka qa ŝonŝonna siha kin heciya yeyaŝipi.

WICOWOYAKE 33.

1 Hehehe, niye wawicayaki tuka wanicipi ŝni; qa wawicayahnayan tuka niye nihnayanpi ŝni: Tohan wawicaki aduŝtan kinhan hehan wanicipi kta; tohan wawicahnayan enayakiye cinhan hehan niye nihnayanpi kta.

2 Jehowa onŝiunkida miye; unkanipepi. Hanhanna eca hena isto niyuhapi nunwe; nakun wokakije anpetu kin en waniun-kiyapi kin he niye kte.

3 Owodutaton hoyeye cin on oyate kin najicapi; wankan nihdohda on oyate kin enanakiya iyayapi.

4 Unkan wayakipi kin he mnanyanpi kta, psipsicadan mnaiciyapi kin hee kta; psipsica tanka inyan kapi kin he iyecen ainyan kapi kta.

5 Jehowa wankan hdoyapi; wankan ounyan nakaes: wokonze qa woowotanna on Zion oju ya.

6 Qa iye nitaanpetu woyusuta kin hee, wanikiyapi wowaŝake, woksape qa wosdonye kin hena eepi kta: wokihnaka tawa Jehowa kokipapi kin hee.

7 Iho, mdetahunkapi wicayuhapi kin tankan ŝicahowayapi kta: wookiye on yewicaŝipi qon hena nina ceyapi kta.

8 Canku tanka kin hena hewotahedan ehpeyapi; oicimani wаница. Wicotakuye kin he kica-ksa, otonwe kin wahtewicada ŝni, wicaŝta kin ihawicakta ŝni.

9 Maka kin hanyan, ceya: Lebanon iŝteca, ŝeca aya: Ŝaron tintoskan iyececa: qa Baŝan Karmel kici kahnapi.

10 Wanna nawajin kta ce, Jehowa eya: wanna wankan mahdoyapi kta; wanna mihduwan tu kta ce.

11 Peji ŝeca on ihduniŝakapi kta, aguyapi hu yatonpi kta; nitaniyapi kin petaiyecen huhnahniyanpi kta.

12 Qa oyate kin inyan acetipi kin hecapi kta; wapepeka kahin iyeyapi iyecen peta en huhnagapi kta.

13 Tehan yaunpi, taku ecamon kin he nahon miye; qa kiyedan yaunpi, mitowaŝake kin he sdon ya po.

14 Zion en wahtanipi kin hena kopehdapi; wicacancan wayuŝa-

ISAYA TAWOYUKCAN KIN,

papi kin wicayuza. Unkiyepi etanhan tuwe peta wahuhnage cin en ounye kta he; unkiyepi etanhan tuwe ide owihanke wance cin en ounye kta he.

15 Tuwe owotanna mani, qa ecetuya ia ece; tuwe wohdaye wokamna sícedaka, on opetonpi kte cin yuza nape hdatata, weyapi nahon kte śni on noge okihmuze, qa taku śica wanyake kte śni on ístohmuza icu;

16 He wankan owanka kin en ounye kta; imnija conkaške kin wowinapeye kta; aguyapi qupi ece kta; mini tawa kin he ohin-niyan kta.

17 Niišta wicaštayatapi iye toiyokipi kin en wanyakapi kta; makoce tehantu hince cin he wanyakapi kta.

18 Nicante wonihinciye qon he kiksuye kta. Wowapi kage cin he tokiya un he; tuwe waaspeya ece kin he tokiya un he; tuwe conkaške yawa ece qon he tokiya un he.

19 Oyate wan ite wawinihan kin heca wandake kte śni; oyate wan iapi nayañon kta isanpa tehika; ceji yaškiška, taku kapi tanin śni kin heca.

20 Zion otowwe ohna mniunkiciyapi ece kin he wanyaka wo: Jerusalem woozi ounyanpi kin he niišta wanyakapi kta; wakeya kahpapi kte śni, canhutipaspe tawa icimana yujun icupi kte śni, qa taikan kin wanjidan yuksapi kte śni.

21 Tuka hen Jehowa waśake hince cin he wakpa qa wakpadan ohdakingyan tankapi kin e-eunkiyapi kta; wamnaheca wata takudan he ohna ye kte śni, nakun wita wata waśaka en hiyaye kte śni.

22 Wayaco unkitawapi kin Jehowa hee; woope kaga unkitawapi

Jehowa hee; Jehowa he Wicaštayatapi unkitawapi; iye niunyanpi kta.

23 Ikan nitawa yukcapi, can ihupa kin en sutaya iyakaškapi kte śni: śina on watopapi kin hena yumdayapi kte śni. Hehan wawicakipi tankawan kicipamni-pi kta: taku icupi kin tona hušte iyañpayapi.

24 Tuwe en ounye cin, Wamayazanka ce, eye kte śni; oyate en tipi kin hena wañtanipi wicakicicajujupi nakaes.

WICOWOYAKE 34.

1 Ikcewicašta, nayañonpi kta e kiyadan u miye, qa oyate yanpi, anagoptan po: maka kin nahon kte, qa toojudan kin; maka kin tona etanhan icagapi kin hena koya.

2 Jehowa tocanniye kin Ikcewicašta owasin akan yanke, qa ozuye tawapi owasin wośinhda awicaun: Hena iye wicakiconza, wicaktepi kta e wicaqu.

3 Unkan wicaktepi tawapi kin hena tankan ehpeyapi kta, qa tancan tapi kin etanhan śicamna au kta, qa hena we kin on he kin ñpan kta.

4 Qa mañpiya taobe kin iyuhpa skan kta, qa mañpiya kin hena tahasaka wan iyecen opehanpi kta, qa taobepi owasin hinñpaye kta, hastanhanka iyuwi ape hinñpaya, qa suken can etanhan ape śniye cin iyececa.

5 Han, mazasagye mitawa mañpiya kin en imnan: iho, woyaco on Edom en ahiyu kta, qa oyate wicamdaśice cin en.

6 Jehowa tamazasagye kin he we on ojudan, waśin on cepa, tahn wanunyanpi cinca qa tatokadan we on, tamdoka tapakśin śin on: Bozra en wośna wan Jeho-

WICOWOYAKE 35.

wa kicagapi nakaes, qa wokte tanka wan Edom makoce kin en.

7 Unkan tinta tatanka hena om apamahde upi kta, qa tatanka tatang mdoka kin om : unkan iye tamakoce kin we on imnan kta, qa maka mdu kin wasin on cepe kta.

8 Jehowa towicakicon anpetu kin dee, Zion toakinica ou wokajuju waniyetu kin hee nakaes.

9 Hecen tawakpa kin hena cansin icage kta, qa maka mdu kin inyanzizi kta, qa makoce kin cansin ide eceh icage kta.

10 Hanyetu qa anpetu he kasnipi kte sni ; etanhan sota kin he owihanke wanin wankantkiya ye kta ; wicoicage qa wicoicage hehanyan hewoskan wanke kta ; tuwedan he opta ye kte sni, owihanke wanica.

11 Tuka mdega qa pahin he tawayapi kta ; nakun hoka qa kangin hen unpi kta ; qa toketu tanin sni ikan kin he ayutitanpi kta, qa woihangye inyan kin.

12 Wicašta tankapi kin wicaštayatapi kta e iwicakicopi kta, tuka wanica ; qa akicita tancanpi tawa owasin sotapi kta.

13 Qa tipi waštešte tawa kin en wapepeka uye kta, hasbe canpepeko conkaške tawa kin ohna : qa canotidan kin hena he tipi yapipi kta, hinhankaga cinca tahocka kin hee kta.

14 Qa tintoskan tanhan woteca kin wita etanhan wamanica kin itkowicakipapi kta, qa hohnogeca kin he takodaku kipan kta ; nakun wanagi kin he hen yanke kta, qa woozi makoce wan iyeiciye kta.

15 Hen wanhinkpe wamduška kin wasin icicage kta, qa witka kada kta, qa man kta, qa taohanzi kin en mnawicaye kta ; nakun heciya kangin tanka kin mniciya-

pi kta, otoiyohi iye takodaku kici.

16 Jehowa tawowapi kin ohna akita po, qa wanyaka po ; dena wanjidan en un sni wanice kta, otoiyohi iye takodaku kicica kta. Mii kin he de econwicaši, qa iye taniya kin he hena mnawicaya nakaes.

17 Is eya hena makoce wicakipamni, qa iye nape ikan on de iwicakiciyute : hena ohinniyan tawayapi kta, wicoicage qa wicoicage hehanyan hen ounyanpi kta.

WICOWOYAKE 35.

1 Dena on tintoskan qa makoce puze cin iyuškin kta, qa hopuza kin he wiyuškin kta qa onjinjintka iyecen hca kta :

2 Hcahca kta qa iyuškin kta, han, wowiyuškin qa dowanpi kin on. Lebañon towitan kin qupi kta, Karmel qa Šaron toiyokipi kin : Hena Jehowa towitan wanyakapi kta, Wakantanka unkitawapi toiyokipi kin.

3 Wicanape suta sni kin hena yuwasaka po, wicahupahu wasake sni kin hena wicayusuta miye.

4 Tona cante inahnipi kin hena hewicakiya po ; Ihdutinza po ; kopehdapi sni po : Taku Wakan nitawapi wanhdaka po : watokiconpi u kta, Wakantanka tawokajuju kin he ; iye hınca u qa ni-nyanpi kta ce.

5 Hehan istagongapi kin ista wicakiyukawapi kta, qa noge tpapi kin hena noge wicakiyuhdokapi kta.

6 Hehan tuwe hušte kin he tamdoka wan iyecen ipsice kta, qa ia okitpani ceji kin dowan kta : hewoskan mini bohdog hiyu nakaes, qa wakpa hopuza kin en.

7 Qa makoce aspanšpan kin he mde icage kta, qa maka puze

ISAYA TAWOYUKCAN KIN,

cin he minihdoke kta: Canotidan oonyanpi tukten wankapi kin hen cedi psa ko yuke kta.

8 Unkan canku tanka wan hen wanke kta, qa ocanku kta; qa he Woowotanna canku eciyapi kta: tuwe šape cin he omani kte šni: tuka he iye tawapi kta: oicimanipi kin hena witkotkopi qe yaš nunipi kte šni.

9 Hen mnaja wanice kta, qa wamanica wayapote cin he ohna ye kte šni, hen iyayapi kte šni: tuka tona opewicakitonpi kin hena omanipi kta:

10 Qa tona Jehowa opewicakiton qon hena hdicupi kta, qa iye pa akan dowanpi qa wowiyuškin owihanke šni hduha Zion en hipi kta: wowiyuškin wopida ko hduhapi kta, qa woiyokišice comnihdazipi ko najice kta.

WICOWOYAKE 36.

1 Unkan Hezekiya waniyetu aketopa wicaštayatapi he en, Senakerib Ašur wicaštayatapi kin Juda otonweaconkaškapi kin owasin takpe wicau qa iwicacu.

2 Qa Ašur wicaštayatapi kin Lakiš etanhan Rabšaka, ozuye tanka wan kici, Hezekiya Jerusalem en un kin he ekta ye ši. Unkan wankan miniyowe wakpa kagapi kin icahda hinajin, wayujaja tamaga canku tanka kin he ohna.

3 Hehan Eliakim Hilkiya cinhintku, tipi awanyake cin he, qa Šebna wowapi kaga ece, qa Joaš Asaph cinhintku, owicawa ece kin, hena ekta hinanpapi.

4 Unkan Rabšaka hewicakiya; Ito, Hezekiya heciya po; Wicaštayatapi tanka, Ašur wicaštayatapi kin he hecen eya; Wowacinye kin de wacinyaye cin he tukte e he.

5 Kiczapi on wowiyukcan qa wowašake, hena e wicoie takušni ecedan cajemdate. Iho, tuwe e wacinyaya qa on mayakipajin he.

6 Iho, cedi yuksapi sagye kin de, Egupta he wacinyaya; he wicašta wan apatan kinhan nape en iyaye ça palihdoke kta. Pharaoh Egupta wicaštayatapi kin hececa tona wacinyanpi kin owasin en.

7 Tuka, Jehowa Wakantanka unkitawapi kin he wacinunyanpi ce, emayakiye cinhan; tuwe pahata tipi kagapi tawa, qa owayušna tawa Hezekiya token ehpeye ça Juda Jerusalem kici, Owayušna kin de itokam ohoyadapi kta ce, ewicakiya, he dee šni he.

8 Heon nakaha ceciciya ce, mayuhe cin, Ašur wicaštayatapi kin, kici ekiciya wo, kinhan šuktanka kektopawinge nonpa ciçu kta; wicašta akan iyotangwicakiya oyakihi kinhan:

9 Hecen token mayuha taokiyey itancan cistinna wanjidan qe yaš ite kin napeyakiye kta, qa canpahmihma šuktanka akan iyotankapi ko Egupta iwacinyaye kta he.

10 Qa nakaha Jehowa codan makoce kin de ihangya wau he. Makoce kin de takpe ya wo, qa ihangya wo, Jehowa emakiya ce.

11 Hehan Eliakim qa Šebna qa Joaš Rabšaka heciyapi; Tokin nitaokiyey Aram iapi on unkokiya pin; he unkokahni gapi: qa Juda iapi on unkokiyapi šni po, conkaške akan oyate yukanpi kin nañonpi kta.

12 Tuka Rabšaka heya; Mayuhe cin he niyuhapi qa niyepi wicoie kin dena eciciyapi kta e umaši he; qa wicašta conkaške

WICOWOYAKE 37.

akan iyotankapi, iye cesdi hdu-
tapi kta qa iye deje cin niyepi
om hdatkanpi kte cin hena ekta
umaši šni he.

13 Hehan Rabśaka najin qa Ju-
da iapi en hotankakiya hoyeye
ce heya ; Wicaštayatapi tanka,
Aśur wicaštayatapi, oie kin na-
hon po.

14 Wicaštayatapi kin he heya
ce ; Hezekiya nihnayanpi šni
nunwe ; iye enihdakupi kta oki-
hi šni.

15 Nakun ihnuhan Hezekiya
Jehowa wacinye niyanpi kinhan :
Awicakehan Jehowa eunhdaku-
pi kta ; otonwe kin de Aśur wi-
caštayatapi nape kin en qupi
kte šni ce, eya qeyaś :

16 Hezekiya anagoptanpi sni
po : Aśur wicaštayatapi kin he
kaken eya ; Wookiye micaga po,
qa tankan en mau po ; kinhan
wicašta otoiyohi iye hastanhan-
ka iyuwi etanhan, qa suken can
tawa kin etanhan hdute kta, qa
otoiyohi miniyowe nitawapi etan-
han yahdatkanpi kta :

17 Ecen wau qa makoce wan
nitamakocepi kin iyececa, wa-
mnaheza miniša ko makoce, agu-
yapi qa hastanhanka iyuwi oju-
pi makoce kin ekta aciyapi kta
ce.

18 Jehowa eunhdakupi kta ce,
Hezekiya eye cin on ihnuhan
awacinniyanpi kinhan. Oyate
tokeca taku wakan yuhapi kin
iye tamakoce Aśur wicaštayata-
pi nape kin etanhan ehdaku he.

19 Hamat qa Arpad taku wa-
kan tawapi kin hena tokiya un
he : Sepharvaim taku wakan ta-
wa kin tokiya un he : qa Sama-
ria minape etanhan eyakupi he.

20 Makoce kin hena owasin ta-
ku wakan tawapi kin tukte wan-
ji iye tamakoce minape etanhan
ehdaku he ; hecen Jehowa Jeru-

salem minape etanhan ehdaku
kta, eya.

21 Tuka inina yukanpi qa oie
wanjidan ayuptapi šni : wicašta-
yatapi kin hecen econ wicaši, qa,
Takudan ayuptapi šni po, eye
ciqon.

22 Hehan Eliakim Hilkiya cin-
hintku tipi awanyake cin he, qa
Šebna wowapi kage cin, qa Jo-
aħ Asaph cinhintku owicawa ece
kin, hena wokoyake hdupotapi,
Hezekiya en hdipi qa Rabśaka
oie kin okiyakapi.

WICOWOYAKE 37.

1 Unkan Hezekiya he naħon
qehan, tawokoyake hduhdece,
qa wakihdaka ogekiton, qa Jeho-
wa ti kin en tin iyaya :

2 Qa Eliakim tipi awanyake
cin he, qa Šebna wowapi kage
cin, qa wawayuśna itancanpi kin
hena wakihdaka ogekitonpi Isa-
ya Amoz cinhintku wicašta wo-
kcan kin ekta ye wicaši.

3 Unkan hena heciyapi ; Heze-
kiya hecen eya ce ; Anpetu kin
de woiyokśice qa wośitkihda qa
woiyopeye anpetu kin hee : ho-
kśiyoqopa hiyupi kta wanna en
hipi, tuka hiyuwicayapi kta e
wowaśake yuke šni.

4 Okinni Jehowa Wakantanka
nitawa Rabśaka oie kin naħon
kta, he iye yuhe cin Aśur wica-
štayatapi kin Taku Wakan ni un
kin yaśice kta e uśi, qa wicoie
Jehowa Wakantanka nitawa na-
ħon kin hena iyopeye kta : heon
etanhan tona okaptapi en unpi
kin hena on wocekiye hdawan-
kan ewicayeciye kta.

5 Unkan Hezekiya wicaštaya-
tapi taokiye kin Isaya en hipi.

6 Unkan Isaya hewicakiya ;
Niyuhapi kin hecen eyakiyapi
kta ; Jehowa kaken eya ce ; Wi-

ISAYA TAWOYUKCAN KIN,

coie nayañon kin on Aśur wicaśtayatapi taokiye wicaye cin mayāšicapi kin hena kokipe śni wo.

7 Iho, woniya wan en yewaśi kta, nakun woyake wan nañon kta, qa iye tamakoce kin ekta hde kta: qa iye tamakoce kin en mazasagye on hinhpaye waye kta ce.

8 Hecen Rabśaka hdicu qa Aśur wicaśtayatapi Libna kici kiciza en hdi: Lakiś etanhan kihda he nañon tuka qon.

9 Unkan iye Tirhaka Kuś wicaśtayatapi on heyapi nañon; Nicize kta e wanna hiyu ce. Qa he nañon qehan Hezekiya ekta wahośi yewicaśi qa heya;

10 Hezekiya Juda wicaśtayatapi kin oyakiyapi qa kaken eyakiyapi kta; Ihnuhan Taku Wakan nitawa wacinyakiye cin he nihnayan kinhan, on hehe cin, Jerusalem Aśur wicaśtayatapi nape kin en qupi kte śni ce.

11 Iho, Aśur wicaśtayatapi kin makoce owasin token ecawica-kiconpi kin he niye nayañon, hena ocowasin ihangyapi; unkan niye enihdakupi kta he.

12 Ikcewicaśta oyate tona atewicaye cin ihangyapi qon hena taku wakan tawapi ewicahdakupi he: Gozan, qa Haran, qa Rezep, qa Eden cincapi Telasar en unpi kin.

13 Hamat wicaśtayatapi kin tokiya un he, qa Arpad wicaśtayatapi, qa Sepharvaim otonwe, Hena qa Ivah en wicaśtayatapi kin tokiya un he.

14 Unkan wahośiyapi napepi etanhan Hezekiya wowapi kin he icu qa yawa. Hehan Hezekiya Jehowa ti kin ekta ye qa he Jehowa itokam yumdaya.

15 Qa Hezekiya Jehowa cekiye qa heya;

16 Jehowa wicobe tawa, Israel

Taku Wakan tawa, Kerubim oyati, maka akan wokiconze owasin en niye niśnana Wakanitanka; niye mahpiya qa maka kin yakaga:

17 Jehowa anohye qa nañon wo; Jehowa niśta hdumdaye ca wanyaka wo; qa Senakerib oie kin, on Wakantanka ni un yaśice kta e u wicaśi kin, hena owasin nañon wo.

18 Jehowa, awicakehan Aśur wicaśtayatapi kin maka ounyanpi owasin qa makoce tawapi kin yutakunipi śni;

19 Qa taku wakan tawapi kin peta en qupi; hena taku wakan śni nakaeś, tuka wicaśta nape taku kagapi kin heca, can qa inyan, heon etanhan hena ihangyapi.

20 Heon nakaha Jehowa Wakantanka unkitawapi, he nape etanhan niunkiya po; hecen maka wokiconze kin owasin Jehowa he niye, niye niśnana e sdonyapi kta.

21 Hehan Isaya Amoz cinhin-tku Hezekiya ekta yewicaśi qa heciya; Jehowa Israel ta Wakantanka kin hecen eya; Senakerib Aśur wicaśtayatapi kin on wocekiye emayakiye cin heon etanhan,

22 Jehowa oie wan eciye cin he dee: Wikośka Zion cunwin-tku kin he walitenidaśni, nina inihaha: Jerusalem cunwintku kin niye on pommamna ce.

23 Wawiopeyaye qa daśice cin he tuwe he: tuwe on ho hdawankan iyeyaye qa niśta yahduwankan he: Israel Towakan kin hee.

24 Nitaokiye napepi on Itancan kin iyopeyaya, qa heha; Canpahmihma ota mitawa on he paha kin ekta hibu, Lebanon opapun kin ekta; qa liante śa tankinyan-

WICOWOYAKE 38.

yan qa wazi can kah̄nigapi kin hena wakawanke kta, qa wankan ihanke kin ekta wai kta, qa maga waštešte contanka kin en.

25 Miye maka waqe ça mini mdatkan; qa misiha sicu kin on otonwe aconkaškapi wakpadan kin owasin oyahewaya ce, eha.

26 Wanakaja taku ecamon kin he nayahon šni he; ehanna anpetu kin en he wakaga: Dehan nakaha ecetuwakiye, niye otonwe aconkaškapi kin wicotakunišni on ihangyaye kta:

27 Heon en ounyanpi kin hena nape ptecedan, nihinciypapi qa wacinhnunipi; hena maga wato kin iyececapi, peji toto, tipi akałpapi kin ekta wato, qa taku icage šni itokam šnija he iyececapi.

28 Tuka tukten inunke cin he miye sdonwaya, qa tankan idada, qa tin hidu ece, qa canniyemaya-ye cin nakun:

29 Canniyemayaye ça nihdatanka kin hena noge en hiyomalıpaya, heon etanhan mazi yukšan mitawa nipoge en iyewaye kta, qa iiyuwi mitawa niiha en, qa canku ohna hidu qon he ohna hdicu ciciye kta ce.

30 Unkan de wowakta yaye kta; Omaka kin detaku iye cinka icage cin etanhan yatapi kta; qa omaka inonpa taku he etanhan icage cin hena: tuka mdoketu iyamni hehan woju po, qa wamnayan po, qa hastanhanka iyuwi huhde po, qa waskuyeca etanhan hduta po.

31 Unkan tona najicapi, Juda tiyohnaka etanhan okaptapi kin, hena ake kuyatanhan hutkan icagapi kta, qa wankantanhan waskuyeca icałıyapi kta.

32 Jerusalem etanhan wookapte hiyu kta, qa Zion etanhan niiciypapi yuke kta: Jehowa wicobe tawa kin he tocantekiye kin hecon kta ce.

33 Heon etanhan Jehowa Ašur wicaštayatapi kin on kaken eya; Otonwe kin de en hi kte šni, qa wanhinkpe wanji en hiyuye kte šni, qa wahacanka hduha itokam u kte šni, qa ihduksan maka qe kte šni:

34 Canku ohna hiyu qon he ohna ake hde kta, qa otonwe kin de en u kte šni, Jehowa eya.

35 Miye on etanhan qa mitaokiye Dawid on etanhan otonwe kin de niwaye kta e awahdałpe kta ce.

36 Hehan Jehowa tawahosiye wan iyaye ça Ašur oyate wankapi kin en kektopawinge opawinge qa kektopawinge wikcemna šahdogan sanpa kektopawinge zaptan wicakaštaka. Unkan hanhanna hin kiktapi hehan, inyun, hena owasin řa wankapi.

37 Hecen Senakerib Ašur wicaštayatapi kin ihdake ça kihde ça hdicu qa Ninewa ekta eti.

38 Qa iye taku wakan tawa Nisrok ti kin ohna cekiya icunhan iye cinhintku Adramelek qa Šarezer mazasagye on hdaštakapi; qa Ararat makoce kin en niiciypapi. Unkan cinhintku Esarhadon iye eekiya wicaštayatapi yanka.

WICOWOYAKE 38.

1 Anpetu kin hena en Hezekiya ře kta wayazanka. Unkan Isaya wicašta wokcan Amoz cinhintku kin he en hi qa heciya; Jehowa hecen eya ce; Yati kin hduwiyeya wo; niře kta qa yani kte šni, heon etanhan.

2 Hehan Hezekiya tiyonaptan ektakiya ite hduhomni qa Jehowa cekiya,

3 Qa heya; Hehehe, Jehowa ceciciya ce, wowicake en qa cante ecetu hduha nitokam ma-

ISAYA TAWOYUKCAN KIN,

wani, qa ništa kin en taku wašte ecamon ece kin he dehan kiksuya ye, eya. Unkan Hezekiya woceye tanka on ceya.

4 Hehan Jehowa oie kin Isaya en hi qa heya ;

5 Ya wo qa Hezekiya heciya wo ; Jehowa Dawid ateyaya ta Wakantanka kin he hecen eya ce ; Nitawocekiye kin he nawahon, istamnihanpe nitawa wanmdaka ; iho, nitaanpetu kin en waniyetu akezaptan ewaju kta.

6 Qa Ašur wicaštayatapi nape kin etanhan ecihdaku kta, niye qa otonwe kin de ; qa otonwe kin de awahdahpe kta.

7 Qa Jehowa taku cajeyata wicohan kin de econ kta e Jehowa etanhan decen wowakta ya-ye kta :

8 Iho, iyadipi ohanzi kin hdicuwakiye kta, Ahaz iyadipi tawa en anpetu wi kici iyaye cin, he iyadipi wikcemna hekta hdicu kta, eya. Unkan anpetu wi kin iyadipi wikcemna hdicu, iyadipi kin hena wanna iyaya nakaes.

9 Hezekiya Juda wicaštayatapi kin wayazanke ça wayazanke etanhan kini qon he ehan tadowan kin he dee :

10 Miye hepe cigon ;

Mitaanpetu kaksapi en Hades tiyopa ekta mde kta ;

Mitawaniyetu okaptapi kin hena makipi.

11 Jah wanmdake kte šni ce, epa,

Jah wicani makoce kin ohna : Icimana wicašta wanmdake kte šni,

Nakun maka akan ounyanpi kin hena.

12 Mitoicage kin he ihdag iyaya, Qa tahnca awanyaka tawakeya iyecen emiciyakupi :

Wakazonta wan iyecen wani kin wahduksa :

Hahonta etanhan iye mayukse kta :

Anpetu etanhan hanyetu ekta owihanke mayaye kta.

13 Hanhanna hehanyan mitokam ewahde ;

Mnaja iyecen mahuhu iyulpa yuweliwege kta ;

Anpetu etanhan hanyetu ekta owihanke mayaye kta.

14 Icapšinpšincadan ohomni kinyan he iyecen wahotonton ; Tinwakiyedan iyecen waceya :

Wankan etonwanpi on išta matke :

Woiyokišice micium, Jehowa anamakikšin wo.

15 Token epe kta he ;

Iye omakiye ça nakun isnana he hdušan ;

Minagi iyokišica on waniyetu mitawa owasin iwaštedan mde kta.

16 Itancan, dena on wicani ece ; Qa dena owasin on mitaniya ni un :

Hecen asnimayaye ça nimaya-ye kta.

17 Iho, wookiye on wicocante šice hinca imicicaga ;

Qa minagi canteyakiya on wicotakunišni wolha etanhan edaku :

Wawahtani owasin niheyata elpeyaya nakaes.

18 Hades niyatan kte šni, wicon-
te inidowan kte šni ;

Tona wolha kin ekta iyayapi hena nitowicake aepi kte šni.

19 Ni un kin, ni un kin he niyatan kta,

Anpetu kin de ecamon iyececa ;

Ateyapi kin iye cinca nitowicake kin sdonyewicakiye kta.

20 Jehowa nimaye cin hee :

WICOWOYAKE 40.

Hecen candowankiyapi on mitadowan unkahiyayapi kta, Anpetu annipi kin owasin, Jehowa ti kin ohna.

21 Isaya heye ciqon; Suken waskuyeca kapanpi icupi kta qa siyaka ahnakapi kte, kinhan asni kta ce.

22 Nakun Hezekiya, Jehowa ti ekta mde kta e wowakta tukte e he, eye ciqon.

WICOWOYAKE 39.

1 He ehan Merodak Baladan, Baladan cinhintku Babel wicaštayatapi kin he wowapi qa taku qu kin iyahna Hezekiya kaye wicaši: he wayazanka qa akisni nahon kin heon.

2 Unkan Hezekiya hena on iyuskin, qa tipi ohna wakihnake cin he wanyagwicakiya, mazaska, qa mazaskazi, qa taku waštemna, qa wiłdi wašte, qa tawotawe tipi kin ocowasin, taku mazopiye tawa kin en iyeyapi kin iyulipa koya; taku iye ti kin ohna qa toškanškan ocowasin en Hezekiya wanyagwicakiye šni wanica.

3 Hehan Isaya wicašta wokcan Hezekiya wicaštayatapi kin en hi qa heciya; Wicašta kin dena taku eyapi he; qa tokiyatanhan hipi he. Unkan Hezekiya heya; Makoce wan tehan tanhan Babel hee etanhan en mahipi.

4 Hehan heya; Yati ohna taku wanyakapi he. Unkan Hezekiya ayupta; Wati ohna taku owasin wanyakapi; taku wehnake cin taku wanyagwicawakiye šni wanica, eya.

5 Unkan Isaya Hezekiya heciya; Jehowa wicobe tawa he oie kin nahon wo:

6 Iho, anpetu kin u kta, hehan taku yati ohna yanke cin iyulipa,

qa niyatepi taku kihnakapi anpetu kin dehanyan, hena owasin Babel ekta ayapi kta; takudan okaptapi kte šni ce, Jehowa eya.

7 Qa nicinca niye etanhan inanpapi kta, tona cincawicayaye cin etanhan awicayapi kta; qa hena Babel wicaštayatapi ti kin ohna wowidake unpi kta ce.

8 Hehan Hezekiya Isaya heciya; Jehowa oie odake cin he wašte. Nakun, Wookiye qa wowicake mitaanpetu kin en un kta ce, eya.

WICOWOYAKE 40.

1 Wacintonbnagya po, mitao-yate wacintonhnagya miye, nita Wakantanka eya.

2 Jerusalem cante kin okiya po qa hoyekiya po, toozuye kin yuštānpi, taku šica econ qon hena kicicajujupi; iye wałtani owasin on Jehowa nape kin etanhan nonpa akiñde kicupi nakaes.

3 Wicaho wan hewoskan hoyeya; Jehowa tacanku kin yuwi-yeya po; hewoskantū Wakan-tanka unkitawapi canku tanka wan owotanna kicaga miye.

4 Kaksiza otoiyohi wankan kagapi kta, qa lie paha ko otoiyohi kun icupi kta; qa hoškiški kin makomdaya kta, qa tałtağa kin he yumdayapi kta:

5 Qa Jehowa towitan kin yutaninpi kta, qa he wicacełpi owasin yuwitaya wanyake kta; Jehowa i kin he hecen eya nakaes.

6 Wicaho kin he, Hoyeya wo, eya. Unkan, Taku eyanwapaha kta he, eya. Wicacełpi iyulipa wato, qa towašte kin ocowasin maga wałca kin iyececa:

7 Wato kin šnija, wałca kin san aya; Jehowa taniya kin ata-teyanpa nakaes: awicakehan oyate kin wato heca.

ISAYA TAWOYUKCAN KIN,

8 Wato kin snija, wahca kin san aya : tuka Taku Wakan unkitawapi oie kin he ohinniyan un kta.

9 Zion, wotanin wašte eyanyapaha kin, paha tehanwankantu ekta ihdoya wo ; Jerusalem, wotanin wašte eyanyapaha kin, wašagya niho hdawankan iyeya wo : Hdawankan iyeya kokipe sni wo ; Taku Wakan nitawa wanhdaka miye, Juda otonwe kin ewicakiya wo.

10 Iho, Jehowa Itancan kin wowašake hduha u kta, qa iye isto kin he wawidagye kta : Iho, iyo-peyapi bduha un, qa tokajuju kin iye itokam yanka.

11 Wonwicaya wan iyececa iye optaye tawa kin wonwicakiye kta ; isto on tacincadan mna-wicakiye kta, qa maku ohna wicahduhe kta : tona azinwicakiye cin hena iwaštedan awicaye kta.

12 Tuwe mini kin nape cokaya ohna iyuta he, qa napapašdecapi on małpiya kin iyuta : qa maka mdu kin wiyutapi wan en onakitaka, qa he kin hena on aspeyetonpi en, qa paha kin on tkeutapi on aspeyeton kin he tuwe he.

13 Tuwe Jehowa Taniya kin wahokonkiya he, qa iš wicašta wiyukcan tawa ; hecen waonspekiye kta he.

14 Tuwe he kici wohdaka, qa wokałniłkiya, qa woyaco canku en onspekiya, qa wosdonye onspekiya, qa wookałnige canku kin wanyagkiya he.

15 Iho, Ikcewicašta kin cega etanhan šbuyapi wan iyececapi qa on aspeyetonpi akan watuše-kšeca iyecen yawapi : iho, wita kin hena taku sni se iyecen yuwankan icu kta.

16 Qa Lebanon ideyapi kta henakeca sni, qa wamanica tawa

kin hena wołniłnage wošnapi on henakeca sni.

17 Iye itokam Ikcewicašta iyułpa takupi sni ; qa hena taku wanica qa taku sni hdawa ece.

18 Hecen tuwe e Wakantanka idacinpi kta he ; qa wiyacinpi kin tukte e he iyececa yadapi kta he.

19 Wakagapi wan wabago kin kaga, qa mazazikage cin he mazaskazi on akałpa, qa mazaska icicałiłha kicaga.

20 Tuwe wošna iwałpanica kin he can wan ponpon kte sni hdałnige kta ; wabago wayupika wan akite kta ; wakagapi bagopi wan yuhohopi kte sni kin heca ehde kta.

21 Sdonyayapi sni he ; nayałonpi sni he ; otokaheya tanhan he oniciyakapi sni he ; maka kagapi kin ehantanhan he oyakałnigapi sni he ;

22 He maka mihbe akan iyo-tanke cin hee, unkan tona ounyanpi kin hena psipsicadan iyececapi : he ozanpi wan iyecen małpiya kin hdumdaya, qa hena wakeya otipi kta iyecen hduťitan :

23 He iye wicašta itancanpi kin wicayutakuni sni ; maka akan wayaco yukanpi kin hena takušni iyececa wicakaga ce.

24 Han, hena huhdepi sni ; han, hena ojupi sni ; han, hena tancanpi maka en hutkan icagapi sni : tuka iye hena awicatateyanpa, unkan snijapi kta, qa tateiyumni kin hena kałbog iyewicaye kta, aguyapi ha iyececa.

25 Hecen tuwe e imayadacinpi kta qa iyemacece kta he, Tuwe Wakan kin he hecen eya.

26 Niištapi wankan yeya po, qa wanyaka po, tuwe dena kaga he, wicayawa iyecen obepi kin dena hinanpe wicaye cin he tu-

WICOWOYAKE 41.

we he : tookihi tanka kin on hena owasin cajeyata ; wowaśake on waśake hinca he on wanjidan okapte śni.

27 Mitacanku Jehowa anakicihnanpi, qa Taku Wakan mitawa mitawoyaco kin acakśin ce, tokeca Jakob, hecen ehe kta he, qa Israel, tokeca hecen iyaa he.

28 Sdonyaye śni he ; nayañon śni he ; Taku Wakan Owihanke wanica, Jehowa, maka ihanke kage cin he hanye kte śni, qa mdokiṭe kte śni : tookaḥnige kin he iyukcanpica śni.

29 Tona mdokiṭapi kin hena wookihi wicaqu, qa tona takudan okihihi śni kin hena wowaśake wicakicaga ece.

30 Kośka kin heepi kaeś mdokiṭapi qa hanyanpi kta, qa wicakahnigapi kin hena waśakapi śni, waśakapi kte śni :

31 Tuka tona Jehowa apepi kin hena sanpa ihduwaśakapi kta, wamdi iyecen ħupahu on wankan yapi kta ; hena iyankapi kta, tuka mdokiṭapi kte śni ; manipi kta, tuka hustakapi kte śni.

WICOWOYAKE 41.

1 Wita, mitokam inina yukan po ; kinhan oyate kin ihduwaśakapi kte ; hena kiyedan upi kte ; hehan iapi kte ; woyaco oiyo-tanke kin en witaya kiyedan unkupi kta.

2 Tuwe wiyohiyanpatanhan wicaśta owotanna kin yuhica he, iye siha ekta kico, qa itokam ĩkcewicaśta kin qu, qa wicaśta-yatapi wowidagyekiya he ; watuśekśeca iyecen iye tamazasagye kin en, peji okañbogyapi kin iyecen iye tinazipe kin en wicaqu.

3 Hena kuwa awicaya, tanyan

iyopta, iye siha canku wan ohna ye śni kin he ohna.

4 Tuwe he kage ɕa hduśtan, otokaheya tanhan wicoicage kin cajewicayata he : Jehowa miye, tokaheya qa ehake un kin he miye ce.

5 Wita kin hena wanyakapi qa kokipapi ; maka ihanke kin hena cancanpi ; kiyedan hiyupi qa hipi.

6 Wicaśta otoiyoḥi iye takodaku kin okiciyapi kta, qa otoiyoḥi iye sunkaku, Waśaka wo, ekiciyapi kta.

7 Hecen wabago waśdoya kin waśagye ; tuwe maziyaḡe on kaśduśdute cin he maziyaḡapi ape cin he waśagya ; qa mazaśdoyapi kin he waśte ce, eya : Unkan iyokatḡuge on kasutapi, hecen yuhohopi kte śni.

8 Tuka Israel mitaokiye, Jakob wahdañnige cin, mitakoda Abraham cinca kin he niye :

9 Maka ihanke kin etanhan ecihdaku, qa ħunnaptan tanhan cico qa heciciya ; Mitaokiye kin he niye ; cihdañnige ɕa eñpeciye śni ce.

10 Wakokipe śni wo, cici waun nakaes ; nihinciye śni wo, Wakantanka nitawa kin he miye : ciyuwaśaka ; han, ociciya : han, mitoowotanna nape etapa kin on ciyuza.

11 Iho, tona canniyenianpi kin hena owasin ištecapi qa nihinciḡapi kta ; hena takuśni iyeceḡapi kta ; qa wicaśta nicigēpi kin hena atakunipi kte śni.

12 Wicaśta nicigēpi qon hena awicayakite kta tuka iyewicaya-ye kte śni ; wicaśta nicizapi kin hena taku śni qa taku sotaḡapi kin iyeceḡapi kta.

13 Jehowa Taku Wakan nitawa, nape nietapa yus un kin he miye nakaes : Kokipe śni wo ;

ISAYA TAWOYUKCAN KIN,

ociciya ce, tuwe eniciye cin he miye.

14 Jakob wamdudan, wakokipe šni wo, qa Israel wicašta kin; miye ociciye kta ce, Jehowa, qa tuwe openiciton, Israel Towakan kin he hecen eya.

15 Iho, mazicapan pe hinca teca hi yukan heca cicage kta; he kin hena yakapan qa yakamdu kta, qa paha kin hena aguyapi ha iyececa yakage kta.

16 Hena yakaduge kta, unkan tate kin hena yuwankan iwicacu kta, qa tateiyumni kin hena kañoya ehpewicaye kta: Tuka niye Jehowa on iduškin kta, Israel Towakan kin on nihdatan kta.

17 Onšikapi qa wañpanicapi kin hena mini odepi, unkan wanica, ipuzapi on ceji sakapi; hehan Jehowa miye nawicawañon kta, Israel Taku Wakan tawa kin miye hena ehpewicawaye kte šni.

18 Hopuza en wakpa mduñdoke kta, qa kaksiza cokaya miniyowe kta: tintoskan kin he minihdoka qa makoce puze cin he miniyowe wakage kta.

19 Hante ša, šitta can, qa he das can, qa wihdi can hena tintoskan owaju kta; wazisaka can utuhu can, qa wazi can hewoskan makoce kin en witaya huwahde kta.

20 Hecen wanyakapi kta, qa sdonyapi kta, qa iyukcanpi kta, qa witaya okañnigapi kta; Jehowa nape kin he de econ qa Israel Towakan kin he kaga.

21 Woakinica nitawapi kin aku po, Jehowa eya: Wicoie waśaka nitawapi hduha kiyedan u po, Jakob ta Wicaštayatapi kin eya.

22 Hena aupi kta, qa taku u kte cin wanyagunyanpi kte; taku otokahe ekta un qon hena

yutaninpi kta, hena taku hecinhan, hecen hena awauncinpi kta, qa hena owihanke kin sdonunyanpi kta; qa iś taku u kte cin hena unkokiyakapi kte.

23 Taku tokata u kte cin hena pazo po, hecen taku wakan henicapi sdonunyanpi kta: han, taku wašte qa iś taku śica econ po, kinhan ekta euntonwanpi kta qa wanunyakapi kta.

24 Iho, takuśni enitanhanpi, qa nioñanpi kin taku šni; tuwe nicalinigapi kin he wowaħite šni.

25 Waziyatanhan tuwe mduñica, unkan he u kta; wihinanpatanhan micaje hoyemakiye kta; wicaštayatapi kin en wicau kta, upśija iyececa, qa wakśica kaga wan maka nacoco kin iyececa.

26 Tuwe otokaheya tanhan oyaka he; hecen sdonunyanpi kta; qa itokamtu, hecen, Owotanna ce, unkeyapi kta: Han, tuwedan wayuotanin šni; han, tuwedan woyake šni; han, tuwedan nioiepi nañon šni.

27 Tokaheya kin he Zion heciye kta; Wanyaka, wanwicayaka wo: unkan tuwe wotanin wašte au kin he Jerusalem waqu kta.

28 Unkan ewatonwan, tuka wicašta wanica; han, hena ekta, tuka wiyukcan wanica; qa hena wiwicamunga, tuka oie wanjidan amayuptapi šni.

29 Iho, hena iyuhpa takupi šni, iye oñanpi kin taku šni; wakagapi śdoyapi yuhapi kin hena tate qa toketu taninšni.

WICOWOYAKE 42.

1 Iho, mitaokiye sutaya wahduze; wahdañnige cin minagi iyuškin kin hee; he Mitaniya awahnaka; iye wokonze

Ikcewicašta kin wicakaye kiye kta.

2 Pan kte šni, qa hdawankan iyeye kte šni, qa canku ohna ho hdatanin kte šni.

3 Cedi kašujapi kin he yukse kte šni, qa halionta kitanna ide kin he bosni kte šni : wowica-ke ekta wokonze au kta.

4 Iye hanye kte šni qa wacin ibošake kte šni, ecen wokonze maka kin en ekihde kta : qa wita kin hena iye toope kin aperi kta.

5 Jehowa Wakantanka, malipiya kin kage ça hdumdaya ; tuwe maka kin kamdaya qa taku etanhan uye cin ; tuwe oyate akan unpi wiconi wicaqu, qa tona amanipi woniya wicaqu ece kin he hecen eya :

6 Jehowa miye woowotanna en cico, nakun nape cihduze kta, qa cipatan kta, qa oyate wicota-kuye tawapi kta, qa Ikcewicašta ekta iyoyanpa cicage kta.

7 Išta tonwanpi šni kin wicadumdaye kta, wicakaškapi kin wicokaške etanhan hiyuwicaya-ye kta, tona otpaza en iyotanka-pi okaške tipi kin etanhan.

8 Jehowa he miye ; micaje kin hee : unkan mitowitan kin he tuwe tokeca waqu kte šni, qa mitoyatan kin taku bagopi kin waqu kte šni.

9 Iho, taku tokaheya qon hena yuecetupi, nakun taku teca omdaka ece ; hena icage šni itokam nahonciyapi kta.

10 Odowan teca wan Jehowa kahiyaya po, iye toyatan maka ihanke kin etanhan, tona miniwanca ekta idadapi qa taku on ojudan ; wita kin hena, en ounyanpi kin hena koya :

11 Tintoskan qa en tonwanyanpi ho wankan yeyapi kte, Kedar en tonwanyanpi kin hena : imni-

ja ounyanpi kin hena downapi kte, he ipa kin etanhan iyašapi nunwe.

12 Wowitan Jehowa qupi nunwe, qa iye toyatan kin he wita kin ekta oyakapi kte.

13 Wicašta wašaka iyecen Jehowa himanpe kta : wicašta zu-ye cin iyecen wowinawizi hduhice kta : iyaša kta, han, ho hdatanin kta ; tokawicaye cin on ihduwašake kta.

14 Wanakajatanhan inina manka ; ie šni waun ; tinsmičiya ce ; tuka nakaha winohinca hokšiksuya iyecen wašicahowamde kta ; wamdapote kta qa wancahna wanawapce kta.

15 He qa paha kin hena he-woskan wakage kta, qa wato en'un kin iyuhpa mdušnije kta ; qa wakpa kin hena ihewita wakage kta ; qa mdedan kin hena mdupuze kta :

16 Qa canku wan sdonyapi šni kin he ohna išttagongapi kin maniwicawaye kta ; ocanku sdon-yapi šni kin ohna yus awicawau kta : wicitokam otpaza kin he iyoyanpa kta, qa taku škoškopa owotanna wakage kta. Dena taku kin ecawicawecon kta, qa awicamdušan kte šni.

17 Tona wakagapi bagopi wacinyanpi, tona wakagapi sdoyapi kin, Taka wakan unkitawapi kin he niyepi ce, eyapi kin hena nina ištecapi kta, hena hekta hdicuwicayapi kta.

18 Noge nitpapi, nahon po ; qa išanigongapi, etonwan po, hecen wandakapi kta ce.

19 Tuwe mitaokiye iyecen išttagonga he ; qa tuwe wahošiya mitawa yewaši kte cin iyecen nogetpa he : tuwe koda iyecen išttagonga, qa tuwe Jehowa tao-kiye iyecen išta wanica he.

20 Taku ota wandaka, tuka

ISAYA TAWOYUKCAN KIN,

awacanni kte śni: noge yuhdokapi, tuka wanahon kte śni.

21 Jehowa iye toowotanna on iyuskin hinca; wope kin he hduonihan kta.

22 Tuka oyate kin de wicakipi qa waboticapi; hena owasin makohdoka ohna wicayuzapi, qa wicokaške tipiohnanawicahmanpi: hena wayaka awicayapi, qa tuwedan ewicahdaku śni; wawicakipi qa tuwedan, Wicakieu wo, eye śni.

23 Niyepi etanhan tuwe de awacin kta he; tuwe anohkiye ca tokata anagoptan kta he.

24 Jakob wakipi kta wicaqu, qa Israel wamanonpi en hiyuwicaye cin he tuwe he: Jehowa waunkicihtanipi kin hee śni he. Iye tacanku kin ohna mani wacinpi śni, qa toope kin anagoptanpi śni nakaes.

25 Heon etanhan iye tocaniye wohitika qa wicokicize wowaške kin he akaśtan: unkan he ohomni aidekiya, tuka sdoneyē śni; qa iye guya tuka cante ekta yus wacin śni.

WICOWOYAKE 43.

1 Tuka wanna Jakob, tuwe nicage cin he, qa Israel, tuwe icaħniye, Jehowa hee hecen eya; Wakokipe śni wo, opeciciton nakaes; nicaje on cico, tawaciya.

2 Mini kin ehna idada kinhan cici waun kta; qa wakpa kin opta, he akam iniyaye kte śni; peta ehna mayani kinhan nigu kte śni, nakun ide kin ainide kte śni.

3 Jehowa Wakantanka nitawa kin he miye nakaes, Israel Towakan, Wanikiya nitawa; opeciciton kta on Eġupta waqu, niye on Kuś qa Seba iyopewayaya.

4 Miišta en nitehika heon niyuonihanpi, nakun miye waštecidaka; heon etanhan niye on wicašta wicawaqu kta, qa oyate ninagi on.

5 Wakokipe śni wo, miye cici waun nakaes; wicoicage nitawa wiyohiyanpatanhan awaku kta, qa wiyohpeyatanhan mnaciyekta:

6 Waziyata kin hewakiye kta; Hiyuya wo; qa itokaga kin; Patan śni wo; tehantanhan micinkśi awicau wo, qa micunkśi kin maka ihanke kin etanhan:

7 Tona micaje on caśtonpi qa mitowitan on wakaga owasin; miye wakaga nakaes, han icaħwaya.

8 Oyate iśtagongapi kin hena hiyuwicaya wo, qa tona išta yukanpi; qa nogetpapi, qa tona noge yukanpi:

9 Ikcewicašta owasin witayapi kta, qa oyate kin mniciyapi kta; hena etanhan tuwe he de oyake kta, qa taku otokahe ekta unqon unkipazopi kta he: wayaotanin wicahdoupiki kte, hecen ihdaowotanpi kta; qa iś nahonpi qa, He wowicake ce, eyapi kte.

10 Wayaotanin mitawa kin he niyepi, qa mitaokiye wahdahniġe ciqon, Jehowa eya; hecen sdoniyayapi qa wicamayadapi kta, qa he miye e oyakaħnigapi kta: mitokam taku wakan takudan kagapi śni, qa mihakam wanice kta.

11 Jehowa he miś miye: qa micunonpatanhan Wanikiya wanica.

12 Miye womdake ca waniwakiya qa wamdaotanin, wanji tokeca niyepi ehna un śni qehan; heon etanhan wayaotanin mitawa kin niyepi, Wakantanka he miye e, Jehowa eya.

WICOWOYAKE 44.

13 Han, anpetu kin he itokam he miye; qa tuwedan minape etanhan waeyaku okihi šni: miye taku ecamon kta, qa tuwe ana-pte kta he.

14 Jehowa Wanikiya nitawapi, Israel Towakan kin he hecen eya; Niyepi on Babel ekta yewicawaši, qa wonajice tawa iyuhpa kun ehpewicawaya, nakun Kasdim oyate wita wata ohna iyašapi kin hena.

15 Jehowa Taku Wakan nitawapi, Israel Icahwicaye cin, Wicaštayatapi nitawapi kin he miye ce.

16 Tuwe miniwanca ohna canku wan kage ça mini tanka en ocanku wan;

17 Tuwe canpahmihma qa šuktanka, ozuye qa wowašake hiyuye cin, Jehowa heehecen eya; Witaya iwankapi kta, ake inajinpi kte šni: hena atakunipi šni, haħonta ide kin iyecen kasnipi ce.

18 Taku tokaheya qon hena kiksuyapi šni po; qa taku tanina un kin hena awacinpi šni po.

19 Iho, taku teca wan ecamon; wanna icage kta; he sdonyayapi kte šni he. Han, tintoskan canku wan wakage kta, ħewotahedan wakpa wanke kta.

20 Tinta wamanica kin, unktehi qa hinhankaga cinca hena mayuonihanpi kta; tintaoskan mini hiyuwaye, ħewotahedan wakpa wicawaqu, mitaoyate wahdahņige cigon mini yatkwica-wakiye kta heon.

21 Oyate kin de miye mičicaga: hena mitoyatan yaotaninpi kta.

22 Tuka Jakob, hoyemayakiye šni; Israel, miye on mdoyakiče cigon:

23 Wohuħnage nitawa talinca cinca mayakahi šni; qa nitawošna on mayaduonihan šni. Wo-

šnapi on wowidagciye šni, qa wowizite on iyotanhān iyeciciye šni.

24 Mazaska on sinkpe tawote takudan opemiyeciton šni, qa nitawošna cepa on imnamayaye šni: tuka wayaħtani on wowidag mayaya, taku šica ecanon kin on iyotanhān iyemayakiya.

25 Miye, miye ħinca on, tuwe taku šica nitawa nicicajuju kin he miye; qa wayaħtani kin hena weksuye kte šni.

26 Kiksuyemayan ye; unkiciyukcan kta: niħdaowotanna kta e on wohdaka wo.

27 Niyate tokaheya qon he waħtani, qa tona waonspeniciyapi kin hena makipajinpi.

28 Heon etanhan tipi wakan itancanpi kin wicamdašica, qa Jakob woyašice en iyewaya, qa Israel woiyopeye ekta.

WICOWOYAKE 44.

1 Tuka nakaha Jakob mitaokiye, naħon wo; qa Israel wahdahņige cin:

2 Jehowa hecen eya; Tuwe nicage ça wicatamni etanhan icaħniye cin he oniciye kta: Jakob mitaokiye, wakokipe šni wo; qa niye Ješurun wahdahņige cin.

3 Tuwe ipuza kin he mini awakaštan kta, qa mini tanka maka puza kin akan: nicinca kin Mitaniya awakaštan kta, qa mitoya-wašte cincawicayaye cin akan:

4 Hecen peji ehna icagapi kta, wakpicahda coħwanjica kin iyececa.

5 De, Jehowa tawamayan ce, eye kta; qa he Jakob caje eya caje ihdate kta; qa wanji is, Jehowa tawa ce, iye nape en okiwa kta, qa Israel caje eya caje ihdate kta.

6 Jehowa Israel ta Wicaštaya-

ISAYA TAWOYUKCAN KIN,

tapi, qa tuwe opekiron qon, Jehowa wicobe tawa kin he hecen eya; Tokaheya kin he miye, qa ehake un kin he miye; qa micunonpatanhan Taku Wakan wanica ce.

7 Qa tuwe, miye iyececa eyanpaha kta, qa he oyake kta, qa wiyeya emicihnake kta, wanakaja oyate ewicawahde kin iyececa he: hecen taku tona u, qa taku u kte cin hena owicakiyakapi kta.

8 Cancanpi šni qa wakokipapi šni po: hetanhan miye nahonciyapi šni qa omdake šni he; wa-yaotanin mitawa kin he niyepi nakaes: Micunonpatanhan Taku Wakan yukan he. Hiya, Imnija wanica, takudan sdonwaye šni.

9 Tona wakagapi bagopi kagapi kin hena owasin takupi šni; taku waštedakapi kin hena takudan okihi kte šni: nakun iye ihdaotaninpi; hena wawanyakapi kte šni, qa wasdonyapi kte šni; hecen ištecapi kta tuka.

10 Tuwe taku wakan wan kaga, qa wakagapi wan takudan okihi šni kin heca šdoya he.

11 Iho, tawašitku kin iyuhpa ištecapi kta: qa tona kagapi kin hena wicašta etanhanpi: hena owasin yuwitayapi kta, hena najinpi kte; hena wakokipapi kta, hena witaya ištecapi kta.

12 Maza kage cin he onspe wan kaga, qa petaga ehna hitani, qa nakun maziya pe on kicanyan qa iye isto wašake cin on yušan kta: han, iye hinca wotektehda, unkan towašake wanica; mini yatke šni, unkan hunkita.

13 Cankajipe cin he caniyute wan on iyuta; icago wan on icagokta; canicalhoke onkaške kta; qa mazicago wan on kago kta; qa hehan wicašta ouncage iyece-

ca kage kta, wicašta towašte kin iyececa; hecen tipi kin ohna he kta.

14 Hante ša hdaksa, nakun uskuyeea qa utuku can icu, he contanka can kin ehna kiyuwašake kta; wazi can wan oju, unkan magaju kin icañye kta.

15 Unkan he wicašta wan peta en aonpe kta; qa hetanhan iye icu kta, qa on cosičiye kta; han, iceti qa aguyapi španyan; han, on taku wakan wan kage ça ohoda; etanhan wakagapi bagopi wan kage ça itokam makata ehpeičiya.

16 Hanke etanhan peta en hulinaga; hanke on tado yuta; wošpanye ceonpa qa imnan; han, cosičiya, qa, Aha, macoza, peta wanmdaka ce, eya:

17 Qa taku okaptapi kin he taku wakan kaga, wakagapi bagopi iye tawa kin hee; en makata ehpeičiya, qa ohoda, qa cekiya, qa, Emahdaku wo, taku wakan mitawa kin he niye nakaes, eya.

18 Hena sdonyapi šni, qa okahinigapi šni; iye hena išta aohdutewicaya, hecen wanyakapi kte šni, cantepi nakun, hecen okahinigapi kte šni.

19 Heon tuwedan cante on awacin šni, nakun wosdonye wanica, qa wookahnige wanica, on heye kta tuka; Hanke peta en hulinahwaye; han, nakun he petaga on aguyapi španwaye; on tado cowaqin qa wata: unkan taku okaptapi kin he etanhan wowahitedašni wan wakage kta he; cankaga wan en makata ehpeimičiye kta he.

20 Cahota yuta; cante hnanpanpi wan he icunonpa iyayeya, heon iye nagi eihdaku kte šni, qa, Minape etapa ohna woitonšni yuke šni he, eye kte šni.

21 Dena kiksuya wo, Jakob qa

Israel; mitaokiye kin he niye nakaes: miye cicaga, mitaokiye kin he niye: Israel, miye aciktonje kte sni.

22 Taku sica ecanon kin, mahpiya soka iyececa, wakajuju; qa wayahitani kin mahpiya sapa iyececa: Miye en ihdoku wo, opeciciton kin heon etanhan.

23 Mahpiya, dowan miye, Jehowa hecon nakaes: maka ihukuya kin, iyaša po: paha kin niye, contanka qa ohna can'otoiyohi, kahiyaya po: Jehowa Jakob opekiron nakaes, qa Israel en wowitan icicaga.

24 Jehowa openiciron qa wicatanmi etanhan icalniye cin he hecen eya; Jehowa taku owasin kaga, ishana mahpiya kin hdumdaya qon he miye: maka kin misnana wahdumdaya:

25 Tona itonpi sni wowakta tawapi kin yuecetu sni, qa wapiye sa kin wicayuhnaškiye kta; wicašta ksapa hekta itoheya hdi-cuwicaya, qa tookahnigepi kin yuwitkotkoke kta:

26 Iye taokiye oie kin yuecetu, qa wahošiya tawa tawowahokonkiye kin ecetukiciciye kta; tuwe, Ounniyanpi kta ce, Jerusalem eciya; qa Juda otonwe kin, Ake nicagapi kta, qa makoskantuya wanke cin ake piwaye kta ce, eye cin he miye.

27 Tuwe mini šbe cin heciya; Puza wo, qa wakpa nitawa oyahewaye kta ce:

28 Tuwe Kuros heciya; Wonwicaye mitawa hee, hecen mitoiyokipi ocowasin econ kta; qa Jerusalem heciye kta; Nicagapi kta; qa tipi wakan kin, Ohehdepini nitawa ehnakapi kta ce, eciye kta.

WICOWOYAKE 45.

1 Jehowa Kuros sdakiye cin
Is.

hee, itokam Ikcewicašta kin awicahanpi kta e nape etapa sutaya mduza; qa wicaštayatapi ipiya-ke wicawakiyuške kta, hecen he itokam tiyopa itakihna kin yuhdokapi kta; qa tiyopa kin hena ecen icupi kte šni, hecen eciya;

2 Nitokam miye mde kta, qa taku škopa kin he owotanna wakage kta: mazaša tiyopa kin mduwehwege kta, qa maza sapa inatake kin wakaksaksa kta.

3 Qa otpaza en womnaye kin cicu kta, qa wowijice onahbe en nahmanpi kin hena; hecen Jehowa miye, tuwe nicaje cajeyate cin, Israel Taku Wakan tawa kin he miye e sdonyaye kta.

4 Jakob mitaokiye qa Israel wahdahniye cin heon nicaje on cico kta: sdonmayaye sni ešta cašciron kta.

5 Jehowa he miye, qa tokeca wanica, micunonpatanhan Taku Wakan wanica: miye ipiyagciron kta, sdonmayaye sni ešta.

6 Hecen tona wihinanpatanhan qa wiyohpeyatanhan kin hena micunonpatanhan wanica e sdonyapi kta. Jehowa he miye, qa tokeca wanica.

7 Iyoyanpa icalhwaya, qa otpaza wakaga; wookiye mdušan, qa wošice wakaga; Jehowa miye dena owasin ecamon ece.

8 Mahpiya kin wankantanhan sbuya miye, qa mahpiya soka kin hena woowotanna hinheya nunwe; maka kin ihduhdoke kte, hecen wowanikiye icalhyapi kte, qa woowotanna kici icaga nunwe: Jehowa miye hena wakaga ce.

9 Hehehe, tuwe Waicalhye tawa kin kipajin hecinhan; waksica onšpa maka waksica onšpa kicica. Upšija kin he tuwe kage cin, Taku ecanon he, eciye

ISAYA TAWOYUKCAN KIN,

kta he : qa nitohtani, Nape wamica ce, eye kta he.

10 Hehehe, tuwe atkuku heciya ; Taku icaliyaya he ; qa winohinca kin, Taku yaton he, eciye cinhan.

11 Jehowa Israel Towakan qa Waicalhye tawa kin he hecen eya ; Micinca on taku tokata u kte cin hena imawanga po, qa minape taku kage cin on econ mayasipi kta.

12 Miye maka kin wakaga, qa wicašta aicalhwaye. Miye minape kin mahpiya kin yumdayapi, qa obe tawa kin iyulipa mdu-suta.

13 Woowotanna on iye icalhwaya, qa tacanku owasin mduowotanna kta : iye mitotonwe kin kage kta, qa wayaka mitawa hdicuwicakiye kta, on opetonpi qa wiyopeyapi wanica, Jehowa wicobe tawa kin he hecen eya.

14 Jehowa hecen eya ; Egupta tohtani, qa Kuś tokamna, nakun Sabea wicašta tanka tokamna kin niye en u kta, qa hena nitawa kta ; nitokam upi kta ; mazaicicaliha ikoyag ihdoupi kta, qa nitokam makata elipeiciyapi kta ; hena ceniciyapi kta ; Awicakehan Taku Wakan kin niciun, qa wanji tokeca yuke šni, taku wakan wanica ce, eyapi kta.

15 Israel ta Wakantanka, Wanikiye cin he, awicakehan Taku Wakan anaicilhe cin he niye.

16 Hena owasin witaya istecapi qa nakun nihinci-yapi ; wakagapi kagapi kin hena witaya wonihinciye ekta iyayapi.

17 Jehowa en wowanikiye owihanke wanica on Israel nikiyapi kta : niye iništecapi kte šni, qa nihinniciyapi kte šni, owihanke wanica.

18 Jehowa mahpiya kin kaga ; Wakantanka iye hinca maka kin

icalhye ça kaga ; he hdusuta, taku on etanhan šni kage šni, ohna tipi kta e icalhye cin he hecen eya ; Jehowa he miye, qa tokeca wanica.

19 Woinalhe en, maka otpaza awanke cin ohna iwae šni : Jakob cinca kin, Taku šni on mite akita po, ewicawakiye šni : Jehowa woowotanna ohdake cin he miye, taku ecetu kin hena omdaka ece.

20 Mniciyapi qa u po ; Ikcewicašta etanhan nayajicapi kin witaya kiyedan ihdou po. Tona wakagapi bagopi can kin ekihdepipi qa taku wakan wanikiya okihi šni cekiyapi kin hena takudan sdoniyapi šni.

21 Woyaka po qa kiyedan ihdou po : han witaya ikiciyukcanpi kte. Wanakaja tanhan de tuwe oyaka he ; hetanhan tuwe yaotanin he : Jehowa miye šni he ; qa micunonpatanhan taku wakan wanica ; Taku Wakan owotanna qa Wanikiya ; micunonpa tanhan wanica.

22 Maka ihanke kin owasin ahimatonwan po, kinhan yanipi kta : Wakantanka he miye, qa tokeca wanica nakaeš.

23 Miye hinca on wakonza, woowotanna on wicoie kin mii etanhan enapeya, unkan hdicu kte šni : Miye en wicahupahu otioyohi patuje kta, qa wicaceji otioyohi wohdake kta :

24 Awicakehan Jehowa en woowotanna qa wowicake mduha ce, eye kta : iye en ahi kta ; qa tona canniyeyapi kin owasin istecapi kta.

25 Israel cinca kin owasin Jehowa en ihdaowotanpi qa itanpi kta.

WICOWOYAKE 46.

1 Bel canpeška makehde ina-

WICOWOYAKE 47.

jin, Nebo patuś un : wakagapi tawapi kin hena woteca qa wanutyanpi kin akan hiyeya : waqinpi nitawapi kin iakan ehna-kapi ; mdokite cin he yuśaka.

2 Patuś unpi, witaya canpeśka makehde yukanpi ; taku qinpi kin anakikśin okihipi śni, tuka iyepi kaeś wayaka iyayapi.

3 Jakob tiyohnaka qa Israel ti-pi etanhan tona okaptapi, wicatezi etanhan wicayuhapi, wicatanmni etanhan wicaqinpi owasin niye anamagoptan po :

4 Wicahinca ehan yaipi kta hehanyan he miye ; qa pa skapi hehanyan ciċinpi kta ; miye wakaga nakun mduhe kta ; miye hinca wawaqin kta, qa ecihdaku-pi kta.

5 Hecen tuwe e imayadacinpi kta he, qa iyececa mayakagapi kta he, qa kici iwanmayadakapi kta, hecen akiyeuncapi kta.

6 Mazaska opiye etanhan mazaskazi hiyuyapi, qa onaspeyapi kin on mazaska tkeutapi ; mazaskazi kage cin wan opetonpi kta ; unkan he taku wakan wan kage kta : en makata eĥpeiciyapi kta, han ohodapi kta :

7 Hinyete akan ehna-kapi kta, qinpi kta, qa tohe kin en ehdepi kta ; unkan en he kta ; tohe kin etanhan tokan ye kte śni : han, tuwe hoyekiya eśta ayupta oki-hi kte śni, qa tokakije etanhan eyaku kte śni.

8 De kiksuya po, qa wicaśta yaunpi hdutanin po : ake cante en yuza miye, wayaĥitanipi sa.

9 Taku wanakajatanhan un kin hena kiksuya po ; lyotan Waśa-ke cin he miye, qa tokeca wani-ca ; Taku Wakan kin he miye, qa tuwedan iyemacece śni.

10 Otokaheya tanhan owihan-ke kin omdaka, qa wanakajatanhan taku nahanĥin econpi śni

kin ; Mitowiyukcan kin ecen he kta, qa mitoiyokipi kin iyulipa mduśtan kta ce, epa :

11 Wihinanpatanhan zitkadan wayapote sa wan weco, qa ma-koce tehan wanke cin etanhan mitowiyukcan wicaśta kin : Han, miye ecen epa, nakun ece-tuwakiye kta ; wakonza, nakun ecen ecamon kta ce.

12 Tona cante nisutapi, wo-owotanna itehan yaunpi kin, anamagoptan po :

13 Mitoowotanna kin he kiye-dan awaku ; he itehan yanke kte śni, qa wowanikiye mitawa kin he hanhi kte śni. Tuka Israel mitowitan kin on Zion en wowanikiye ewehnake kta

WICOWOYAKE 47.

1 Babel cunwintku witanśna, kun u qa watuśekśeca en iyotan-ka wo : makata iyotanka wo : Kasdim cunwintku, oiyotanke waśte wanica ; detanhan icima-na wankadan qa suta śni enici-yapi kte śni.

2 Inyan wiyutpan kin icu qa wotpanpi kaga wo : ite akaĥpe nitawa eyaku wo, nitośke hduśdoka wo, sican hducoka wo, wakpa kin copa wo.

3 Tanconikadan śdayehna un kta ; han, nitowiśtece kin wan-yakapi kta : watokiċonpi ecamon kta, qa wicaśta kici oweciye kte śni.

4 Opeunkitonpi kin he Jehowa wicobe tawa eciyapi, Israel To-wakan kin hee.

5 Kasdim cunwintku, inina iyo-tanka wo, qa otpaza ekta ya wo ; detanhan icimana, Wokiconze wicaśtayatapi winoĥinca, enici-yapi kte śni.

6 Mitaoyate canniyewicawaki-ya, taku mitawa kin he mduśape

ISAYA TAWOYUKCAN KIN,

ça ninape en wicawaqu. Ecaca onšiwicayada šni; wicahincapi kin hena cannapinpi nitawa tke-ya awicayahnaka.

7 Qa heha; Ohinniyan wicašta-yatapi wimanohinca kta ce. Hecen dena en nicante eyahnake šni, owihanke kte cin he yeksu-ye šni.

8 Heon etanhan de nañon wo, oiyokipiiciya nanke cin, oziiiciya idotanke, nicante en hehe cin; Miye qa micunonpatanhan tuwedan šni, wiwazica imdotanke kte šni, qa wicacinca taninpi šni kin he sdonwaye kte šni ce, eha.

9 Tuka dena oza ihnuhanna, anpetu wanjidan en aniu kta, wicacinca taninpi šni, qa wiwazica unpi kin: hena ocowasin en ni u kta, wakan yakaga ota qeyaš; nina hin wapiyapi ecanon ešta.

10 Niohan šice cin he wacinyakiya; Tuwedan wanmayake šni ce, eha. Nitoksape qa nitookahinge kin he nihnayan: hecen nicante en heha; Miye, qa micunonpatanhan tuwedan šni ce.

11 Heon etanhan taku šica en niu kta; tokiyatanhan hinanpa sdonyaye kte šni; qa wošice anihinhpaye kta; yutokan iyeyaye kta oyakihi kte šni; qa woihangye sdonyaye kte šni kin he ihnuhanna en niu kta.

12 Wanna wapiyapi nitawa, qa wakan yakaga ota hinca, inicaga ehantanhan ehna yaškan kin hena hduha inajin wo; okinni iwašte yaun oyakihi kta, okinni wakokipe wicayecage kta.

13 Wowiyukcan nitawa ota on mdoyakiša. Iho, wanna tona nahpiya iyutapi kin, tona wicanhpi wanyakapi, tona wi kin on waayatapi ece kin hena inajinpi, qa taku en aniupi kte cin etanhan eniyakupi nunwe.

14 Iho, hena aguyapi hu iyece-capi; peta hufnahwicaye kta; ide nape kin etanhan iye nagi eihdakupi kte šni: petaga on cosiciyapi, qa peta itokam iyo-tankapi kte cin wanice kta.

15 Tona inicaga ehantanhan om litayani, wicašta wopeton nitawa kin hena hecen nicuwapi kta; otoiyohi makoce tawa kin ekta hde kta; tuwedan niniye kte šni.

WICOWOYAKE 48.

1 Jakob tiyohnaka, de nañon po, tona Israel caje on cajeniya-tapi, qa Juda mini kin etanhan inayapapi, tona Jehowa caje on wakonzapi qa Israel ta Wakan-tanka cajeyatapi ece, tuka wo-wicake qa woowotanna eciya-tanhan šni.

2 Hena otonwe wakan kin ica-jeiciyatapi, qa Taku Wakan Israel tawa kin he wacinyanpi nakaeš: He Jehowa wicobe tawa eciyapi.

3 Otokaheya tanhan taku tokaheya qon hena omdaka; unkan hena mii etanhan enape, qa hena mdaotanin: ihnuhanna ecamon, unkan hena ecetu.

4 Nitehika e sdonwaya, qa nitahu maza ikan kin heca, qa nite mazaša, nakaeš:

5 Heon etanhan otokaheya tanhan hena ociciyaka; hinyahin ecetu šni ehan ciciyaotanin: okinni, Wakagapi mitawa dena econ; qa wakagapi bagopi mitawa, qa wakagapi sdoyapi mitawa kin he hena yušan ce, ehe kta nace.

6 Wanna nayahon, dena owasin wanyaka wo; unkan niye odakapi kte šni he. Detanhan taku teca wanyagciciya, taku nahmanpi qon, unkan hena sdonyaye šni.

WICOWOYAKE 49.

7 Hena nakaha kagapi, qa otokaheya tanhan śni; anpetu kin de itokam hena nayahon śni; okinni, Iho, hena sdonwaya ce, ehe kta tuka qon.

8 Han, nayahon śni; han, sdonyaye śni; han, nakun itokam noge niyuhdokapi śni. Wahnayan oyahande kta, qa wicatanmi etanhan walitani sa eniciyapi kin he sdonwaya.

9 Micaje on etanhan mitocaniye wahdapte kta, qa mayatanpi kta e niye on anamicipte kta, hecen cicakse kte śni.

10 Iho, ciyuecedan, tuka mazaska kicica śni; wokakije oعتi kin en cihdahniaga.

11 Miye on etanhan, miye linca on etanhan ecamon kta: tokeca micaje yuašapapi kta he: qa mitowitan kin he tuwe tokeca waqu kte śni.

12 Jakob anamagoptan wo, qa Israel weco qon; He miye, Tokaheya qa nakun Ehake un kin he miye.

13 Nakun minape maka oahe cin ehna; qa minape etapa mahpiya kin. hdumdaya. Hena wicawakipan eca witaya inajinpi ece.

14 Niyepi owasin mniciyapi qanahon po: hena etanhan wanji tukte dena oyaka he. Jehowa he waštedaka: iye toiyokipi kin Babel en econ kta, qa iye nape Kasdim akan yanke kta.

15 Miye, miye iwae; han, miye he weco; miye awahi; unkan iye tacanku kin tanyan ihunnikiye kta.

16 Mikiyedani u po, de nahon miye: otokaheya tanhan oinahbe en iwae śni; totanhan unkin hen miš waun. Unkan nakaha Jehowa Itancan kin u maši, qa iye Taniya kin.

17 Jehowa openiciton kin, Is-

rael Towakan kin he hecen eya; Jehowa Taku Wakan nitawa, token oyakihi kta onspeniciye, canku opeya de kte cin he ohna aniye cin he miye.

18 Tokin mitawoahope kin hena anayagoptan unkanś; hehan wookiye nitawa kin wakpa wan iyecece kta, qa nitoowotanna miniwanca taja kin iyecece kta tuka.

19 Nakun nicinca wiyaka kin iyecece kta, qa nitezi etanhan icage cin hena casmu iyececapikta: iye caje kin kaksapi kte śni, qa mitokapatanhan ihangyapi kte śni tuka.

20 Babel etanhan hdinanpa po, Kasdim etanhan najica po; downpi ho kin on eyanpaha miye, de oyaka po, maka ihanke kin hehanyan yaotanin miye; Jehowa iye taokiye Jakob he opekiton ce, eya po.

21 Unkan hena hewotahedan makoce kin ohna awicaye ciqon hehan ipuzapi śni: innija kin etanhan mini hiyuwicakiciciya; nakun innija kin kahdoka, unkan mini bomdu hiyu.

22 Tona śicapi kin hena wookiye nicapi ce, Jehowa eya.

WICOWOYAKE 49.

1 Wita kin, niye namahon po; qa oyate tehan yaunpi, anohkiya po: Wicatanmi etanhan Jehowa makipan, ina tezi etanhan cajemayata.

2 Qa mii kin he mazasagye pe hinca iyececa kaga; iye nape ohanzi kin en namahbe, qa wanhinkpe pabezapi makaga; iye wanju tawa kin onamahman;

3 Qa hemakiya; Israel, mitaokiye kin he niye, niye on mihduwitan kta ce.

4 Hehan miye hepe; Takuśni

ISAYA TAWOYUKCAN KIN,

on htawani; etanhan takudan icage šni, qa takušni on mitowa-šake wahdusota; Tuka woyaco mitawa kin he Jehowa kici un, qa mitohitani kin mita Wakan-tanka kici un.

5 Unkan nakaha Jehowa wica-tamni etanhan taokiye maye kta makaga, Jakob iye en awaku kta, he kaken eya; Israel mna-yanpi šni qeyaš Jehowa išta kin en wowitanyan waun kta, qa mita Wakantanka wowašake mi-tawa kin hee kta.

6 Nakun hecen eya; Mitaoki-ye he niye, Jakob towicoun na-jin wicayakiye kta, qa Israel okaptapi kin wicaduecetu kte cin he taku tanka šni: nakun Ikcewicašta kin iyoyanpa yaun kta ciču, heon maka ihanke kin hehanyan wowanikiye mitawa kin he niye kta.

7 Jehowa Israel opekiron, qa Towakan kin he, tuwe nina šice-dakapi, tuwe Ikcewicašta wa-łitedapi šni, wicaštayatapi tawo-widake kin he heciya; Wicašta-yatapi wanyakapi kta, qa wica-šta itancanpi kin inajinpi kta, nakun patujapi kta, Jehowa wa-cinyepica; Israel Towakan kin on; unkan iye nicałnigapi kta.

8 Jehowa kaken eya; Tohan oiyokipi kinhan naciłon, qa wo-wanikiye anpetu kin en ociciya: Unkan awanciyake kta, qa oyate kin en wicotakuye wan ecihde kta, maka kin yusutapi kta, qa ounyanpi ɛewoskantı kin tawa wicayaye kta:

9 Hecen wicakaškapi kin, Tan-kan u po, ewicayakiye kta: to-na otpaza en unpi kin hena, Iłdutanin po, ewicayakiye kta. Canku kin ohna wotapi kta, qa paha šdayehna owasin akan ta-wiłanpi yuke kta.

10 Hena e wotektehdapi kte

šni, qa ipuzapi kte šni; qa oma-šte qa anpetu wi kin ašpanwi-cayapi kte šni: Tuwe onšiwica-kida kin he yus awicaye kta na-kaeš, qa miniyowe kin en awicai kta.

11 Qa ɛe mitawa owasin canku wakage kta, qa ocanku tanka mitawa kin hena wankan yeyapi kta.

12 Iho, dena tehantanhan hipi kta; qa iho, dena waziyatanhan qa wiyohıpeyatanhan; qa dena Sinim makoce kin etanhan.

13 Małpiya, dowan miye; qa maka, wiyuškinyan un wo; na-kun paha kin, dowan hinhda mi-ye; Jehowa iye taoyate canto-hnagwicaya nakaeš, qa kakišwi-caye cin hena onšiwicakida kta.

14 Tuka Zion heya; Jehowa amayušan, qa Itancan mitawa amiktonja ce.

15 Winohinca hokšiyooqopa a-zin kin he akiktonje kta, hecen iye tamni cinca kin onšikida kte šni he: Han, hena wakiktonjapi kta nace; tuka miye qe acikton-je kte šni.

16 Iho, minape cokaya en baci-go; conkaške nitawa ohinniyan mitokam wanke.

17 Nicinca inałnıpi: tona ni-yujujupi qa niyutakunipi šni qon hena nitantanhan napapi kta.

18 Ohomni išta yuwankan iki-keu qa wanyaka wo: dena owa-sin ihduwitayapi; hena en niu-pi. Miye wani, Jehowa eya, he-cen dena iyulıpa koyahdake kta, oinpi wan iyececa, qa winohinca wan hihnaton kte cin iyecen ipi-yahdake kta.

19 Tintoskan nitawa, qa ɛe-woskan makoce nitawa. qa ma-koce en niyutakunipi šni qon he dehan wicota en ounyanpi kin on onikan kte šni, qa nanıpcapi qon hena itehan unpi kta.

20 Nakun cinca nicitaninpi śni qon hena ninoge en heyapi kta; Makoce ocikan śni, makiyukan wo, hecen en ounwaye kta ce.

21 Hehan nicante en hehe kta; Dena tuwe icaħmiciya he, cinca makitanin śni, qa cinca codan wayaka waun qa unhdaka waun; unkan dena tuwe icaħwicaya he. Iho, miśnana omakaptapi; dena tokiya unpi tuka he.

22 Jehowa Itancan kin he hecen eya: Iho, Ikcewicašta ekta nape wahdugate kta, qa oyate kin en wiyokihedan wan ewehde kta: unkan maku ohna nicinkśi awicaupi kta, qa nicunkśipi kin hinyete akan wicaqinpi kta.

23 Qa ateyayapi wonicupi kte cin wicaštayatapi eepi kta, qa winohinca tanka tawapi kin hena azinniciyapi kta: hena niye en makipusdiya patuś inajinpi kta, qa nisiha watuśekśeca kin asdipapi kta: unkan Jehowa he miye sdonyaye kta; tona wacinmayanpi kin hena ištecapi kte śni nakaes.

24 Wakipi kin he wicašta waśaka etanhan, icupi kta he, qa owotanna wayaka un kin he ehdakupi kta he.

25 Tuka Jehowa hecen eya; Wicašta waśaka wayaka wicayuhapi kin hena ewicayakupi kta, qa wakipi kin wicašta wohitika ewicakicihdakupi kta ce. Tuwe nicize cin he kici wecize kta nakaes, qa nicinca niwicawaye kta.

26 Qa tona kakiśniyanpi kin hena iye ceħpi hdunwicawakiye kta, qa iye we kin on witkopi kta, miniśa teca on iyececa; unkan Jehowa Wanikiya nitawa, qa tuwe openiciton, Wanji Waśaka Jakob tawa kin he miye e wicaceħpi owasin sdonyapi kta.

WICOWOYAKE 50.

1 Jehowa hecen eya; Kicipaganpi wowapi on nihun ehpewakiye cin tukte e he: qa icazo-makiyapi kin tukte wanji en wiyopēciciyapi he. Iho, wayaħtanipi on wiyopeniciyapi, qa taku śica ecanonpi kin on etanhan inayayapi kin kpaganpi.

2 Heon etanhan wahi qehan tokeca wicašta wanica he: wapen qehan tokeca tuwedan amayupte śni he. Minape ptecedan, ptecedan, hecen wopekiton okihi śni he; qa waehdaku owakihhi śni he. Iho, wawiyopewaye on miniwanca kin mdapuze kta; wakpa kin hena ħewotahedan wakage kta; hogan tawapi śicamna kta, mini wanica nakaes, qa ipuza on ħapi kta.

3 Maħpiya kin otpaza koyagwaye kta, qa wakihdaka woakahpe wecage kta ce.

4 Jehowa Itancan kin waonspekiyapi ceji kin maqu, hecen wicoie wanji on tuwe mdokiħa iwakiya onmaspe kta: hanħanna, hanħanna wayuhice kta, minoge wicašta waonspe iyecen wanaħon kta e yuhice kta.

5 Jehowa Itancan kin noge makiyuhdoka; unkan wawakipajinyan waun śni, qa hekta wahdicu śni.

6 Mitapete waapapi kin wicawaqu, qa hin yujunpi kin iyoha mitawa wicawaqu: miite wowiśtenyapi qa atagośapi kin etanhan nawakiħbe śni.

7 Tuka Jehowa Itancan kin omakiye kta, heon etanhan mayuśinyaye kte śni: heon etanhan miite wanhi iyecen wahduza, hecen imaštece kte śni sdonwakiya.

8 Tuwe mayaowotanna kin he ikiyedani un: tuwe amakinica

ISAYA TAWOYUKCAN KIN,

kta he; witaya naunjinpi kte: tuwe makipajin kta he; he mi-kiyedana u nunwe.

9 Iho, Jehowa Itancan kin oma-kiye kta; tuwe mayaco kta he: iho, hena owasin wokoyake iye-cen kuke kta; wayapote sa kin hena wicayapotapi kta.

10 Niyepi etanhan tuwe Jeho-wa kokipe, tuwe e iye taokiye ho kin anagoptan, tuwe otpaza omani qa iyoyanpa codan un he; he Jehowa caje kin wacinye kta, qa ta Wakantanka en eiçihde nunwe.

11 Iho, niyepi owasin ceyatipi, qa peşnija on aohduteniçiyapi; peta nitawa iyoyanpa kin en ma-ni po, qa peşnija ideyayapi kin en. Minape etanhan de nitawa-pi kta; woiyokişice en inunkapi kta.

WICOWOYAKE 51.

1 Tona woowotanna yapasipi, Jehowa ayakitapi, niye anama-goptan po: innija etanhan nica-kanpi kin he ekta ekitonwan po, qa maka ohdoka etanhan niçapi qon he ekta:

2 Abraham ateyayapi kin he ekta etonwan miye, qa Sara ni-yuhapi kin he ekta: iye ecedan weco, qa mdawaşte qa mduota ce.

3 Jehowa Zion wacintonhnag-ya; makoce puza tawa ocowa-sin wacintonhnagya nakaes: qa tintoskan tawa kin he Eden iye-ceca kage kta, qa hopuza tawa Jehowa tawoju kin iyececa: wicocante waşte qa wiyuşkin-pi hen un kta, wopida eya-pi qa dowanpi ho kin hena.

4 Mitaoyate, anamagoptan po; qa oyate mitawa, anohmakiya po: woope kin mitantanhan inanpe kta, qa mitawoyaco oyate kin en iyoyanpa ewehde kta nakaes.

5 Mitoowotanna kin he kiye-dan un; wowanikiye mitawa hinanpa; qa miisto oyate kin wicayaco kta: wita kin hena amapepi kta, qa miisto kin he wacinyanpi kta.

6 Małpiya kin ekta išta hdu-wankan iyeya po, qa kuya maka kin ekta etonwan po. Małpiya kin şota iyecen tanin şni iyaya, qa maka kin wokoyake iyecen kuka aye kta; qa tona en oun-yanpi kin is eya iyecen tapi kta; tuka wowanikiye mitawa kin he owihanke wanice kta, qa mito-owotanna kin he ihangyapi kte şni.

7 Tona woowotanna sdoniyaya-pi, oyate mitoope nicantepi en un kin, anamagoptan po: wica-šta wawiopeyapi kin he kokipa-pi şni po, qa wayaşicapi kin he-na on nihinciyapi şni po.

8 Hena wokoyake iyececa wa-yapote sa temwicaye kta, qa ta-hinca hin iyececa wamduşkadan hena wicayapotapi kta: tuka mitoowotanna kin he owihanke wanice kta, qa wowanikiye mi-tawa kin he wicoicage qa wi-coicage hehanyan.

9 Ihduhica, ihduhica wo; Je-howa isto, ihduwaşaka wo; wa-nakaja anpetu kin en iyececa, kikta wo, wanakaja wicoicage kin en iyececa. Rahab kaksa-ksa qa unktehi pałdoke ciqon he niye şni he:

10 Miniwanca, mini tanka kin yupuze ciqon he niye şni he; tuwe miniwanca oşbe kin en canku kaga, hecen tona opewi-cakitonpi kin ohna yapi kta.

11 Heon etanhan Jehowa ope-wicakiton kin hena hdicupi kta, qa dowanwan Zion ekta kupi kta; unkan wowiyuşkin owihan-ke şni kin he iye pa akan yanke kta: wicocante waşte qa wowi-

WICOWOYAKE 52.

yuškin icupi kta ; woiyokišice qa comnihdazipi kin hena najice kta.

12 Miye, han tuwe wacinton-hnagnianpi kin he miye : tuwe niye he, hecen wicašta Ƨe kte cin koyakipe kta he, qa wicašta cinhintku peji iyececa kagapi kte cin he.

13 Qa Jehowa icañniye cin, mañpiya kin hdumdaya qa maka oahehde kin ehde kin he aye-htonja ; qa wawakipajin tocan-niye kin on anpetu otoiyohi ohin-niyan kopeyahda, waihangya okihi kta iyececa. Unkan wawakipajin tocanniye kin tukte e he.

14 Patuš un kin he kiyuškapi kta inañni, qa hecen woña kin ohna Ƨe kte šni, qa aguyapi kiwanice kte šni.

15 Tuka Jehowa he miye, Taku Wakan nitawa, miniwanca yuškanskan, unkan taš tawa hoton ; Jehowa wicobe tawa eciyapi.

16 Unkan mioie kin hena nii en owahnaka, qa minape ohanzi kin ohna akañpecicaton ; hecen mañpiya kin ti wecage kta, qa maka oahehde kin ewehde kta, qa, Mitaoyate kin niye, Zion ewakiye kta heon.

17 Ihduhica wo, ihduhica wo, Jerusalem, Jehowa nape etanhan iye tocanniye miniyatke dahepe cigon, inajin wo : witkopi miniyatke cetete hehanyan pa-skicapi kin dahepa.

18 Cinca wicaton kin owasin etanhan tuwedan yus aye šni ; qa cinca icaliwicakiye cin iyu-ħpa etanhan wanjidān napata hduze šni.

19 Taku kin dena oza en niupi ; tuwe aniceye kta he : wicotakuni šni qa woihangye, qa wicaakihan, qa mazasagye :

tokiyatanhan wacintonhnagciye kta he.

20 Nicinca kin hena hustakapi ; canku otoiyohi ipa kin en wankapi, tatokadan wan wohmunke en un kin iyececa. Jehowa tocanniye kin on ojupidan, Taku Wakan nitawa towiyopekiye kin on.

21 Heon etanhan, kakišniyanpi qa winitko yaun tuka miniša on etanhan šni, ceciciya, de nañon wo ;

22 Jehowa Itancan nitawa qa Wakantankta nitawa, tuwe taoyate iwicakiye cin he hecen eya ; Iho, witkopi miniyatke kin ninape etanhan emdaku, mitocanniye miniyatke hminyanna kin hee ; ake icimana datke kte šni.

23 Tuka tona kakišniyanpi napepi kin en wicawaqu kta ; tona ninagi heciyapi ; Patuja wo, kinhan akan unkiyayapi kta ce : unkan iwankam iyayapi kin hena en nitancan maka iyecen eni-čihnaka, qa canku kin iyececa.

WICOWOYAKE 52.

1 Kikta wo, kikta wo ; Zion, nitowašake kohdaka wo : Jerusalem otonwe wakan kin, woko-yake waštešte kin kohdaka wo ; detanhan celpi bakiħdayapi šni qa ašapapi kin icimana en niupi kte šni.

2 Maka mdu kin etanhan ihdatata wo ; Jerusalem, najin, iyotanka wo ; nitahu iyakaškapi kin hdušdoka wo, Zion cunwin-tku wayaka yaun kin.

3 Jehowa hecen eya ; Taku šni on wiyopeniciyapi ; unkan mazaska codan openicitonpi kta.

4 Jehowa Itancan kin he hecen eya ; Ehanna mitaoyate Egipta en ounyanpi kta e ekta

ISAYA TAWOYUKCAN KIN,

apamahde iyayapi; unkan taku on etanhan šni Ašur oyate kin kakišwicayapi.

5 Unkan nakaha den taku mici un he, hecen mitaoyate taku šni on ewicayakupi he, Jehowa eya; tona iwicadakapi kin hena iyašapi, hecen ohinniyan anpetu osan micaje yašicapi ce, Jehowa eya.

6 Heon etanhan mitaoyate micaje sdonyapi kta: heon etanhan anpetu kin he en he miye hepa e sdonyapi kta; iho, he miye.

7 He kin akan tuwe wotanin wašte au, tuwe wookiye eyanpaha, he siha oiyokipi hinca; tuwe wowašte wotanin au, tuwe wowanikiye eyanpaha; tuwe, Wakantanka nitawa he Wicaštayatapi ce, Zion eciye cin.

8 Waawanhake nitawa hopi kin; ho wankan yeyapi; witaya dowanpi kta; išta išta itkokim wankiciyakapi kta nakaes, tohan Jehowa Zion ake en hdi kinhan.

9 Jerusalem otiwita kin, wi-yuškin hinhda po, witaya dowan miye; Jehowa iye taoyate wacintonhnagwicaya, Jerusalem opekiron nakaes.

10 Oyate owasin išta kin itokam Jehowa iye isto wakan kin hduzamni: unkan maka ihanke kin iyuhpa Wakantanka unkitawapi tawowanikiye kin wanyakapi kta.

11 Hanta po, hanta po, hetanhan tankan ya po, taku šapa yutanpi šni po; cokaya tanhan tankan u po; Jehowa tawakšica yaqinpi kin niye ihduska miye.

12 Hetanhan inalniyan inayapapi kte šni, qa najica dapi kte šni: Jehowa nitokapatanhan ye kta, qa Israel ta Wakantanka kin he hektapatanhan mnaniyanpi kta.

13 Iho, mitaokiye wacinksam-

ya ohanye kta, ihduwankantu kta, qa yuwankan iyeyapi kta, qa tehan wankan un kta.

14 Token niye on wicota nina yušinyayapi: iye tookitanin kin nina kašicapi, wicašta isanpa, qa itohnake kin Adam cinca isanpa.

15 He iyecen oyate ota awicamnimni kta: iye on wicaštayatapi iohmus icupi kta: taku owicakiyakapi šni kin he wanyakapi kta; qa taku nahonpi šni qon he awacinpi kta nakaes.

WICOWOYAKE 53.

1 Wounyakapi kin he tuwe wicada he; qa Jehowa isto kin, tuwe ekta yutaninpi he.

2 Unkan iye itokam camni wankadan iyecen uye kta, qa maka puza etanhan hutkan wan iyececa: wookitanin codan un, qa owanyag wašte šni; hecen wanunyakapi kinhan wašteundakapi kta e owanyake wašte wanica.

3 Wahtedapi šni qa wicašta on ehpeyapi; wicašta cante šica qa woiyokišice sdonkiya; qa tuwe ite anaunkičihmanpi kin iyececa; wahtedapi šni, unkan unkiye awauncinpi šni.

4 Awicakehan waunyazanpi kin hena iye yuha, qa wicocante šica unkitawapi kin hena iye qin: tuka kaštakapi, Wakantanka eciyatanhan apapi qa kakišyapi ecanunkinpi.

5 Tuka waunhitanpi kin hena on iye pahdokapi, taku šica econkupi kin on kašujapi: wookiye unkitawapi on wokakišye iye akan yanke; qa iye apapi kin eciyatanhan woasni unhapi.

6 Unkiye owasin tahinca waunyanpi iyecen unnunipi; otaiyohi iye tacanku kin ekta unkihduhomnpi; unkan Jehowa un-

WICOWOYAKE 54.

kiye owasin taku śica econkupi kin hena iye en yuwitaya ehna-ka.

7 Nagiyeyapi qa iye hinca kakiśyapi ešta ihdukawa kte śni; taħinca cinca iyecen ktepi kta en ahipi, qa taħinca wanunyanpi hin yuśdapi, wicitokam inina yanke cin he iyecen iye i hdukawa kte śni.

8 Kaśkapi qa yacopi etanhan eyakupi; unkan toicage kin tuwe oyake kta he: wicani makoce kin etanhan kaśpapi nakaes; mitaoyate taku śica econpi kin on, iyepi on kaśtakapi.

9 Unkan wicašta śicapi om woħa qupi, tuka te ċehan wijicapi kin owicapeya wanka: ecin wośice takudan econ śni, qa iye i ohna wohneye wanica nakaes.

10 Tuka kaśuje kta Jehowa iyokipi; wanna iyokiśinya: Tohan iye nagi woħtani wośna yakage cinhan, hchan cinca wanhake kta, anpetu hduhanska kta, qa Jehowa toiyokipi kin iye nape ohna ecetu kta.

11 Iye nagi ħtani kin etanhan wanhake kta, imnan kta: Iye sdonyapi kin on mitaokiye owotanna wicota wicayuowotanna kta; qa waħtanipi kin iye wicakiciċin kta.

12 Heon etanhan wicašta tanka om wecipamni kta; qa iye wakipi kin wicašta waśaka om okini kta; wiconċe hehanyan iye nagi kpapson nakaes. Unkan śicaya econpi sa om yawapi; qa wicota waħtanipi kin hena iye wicakiciċin; hecen śicaya econpi sa kin hena iwicakiye kta.

WICOWOYAKE 54.

1 Cinca okitpani, cinca yaton śni, dowan wo: kokśinyeksuye śni, dowan hinhda qa iyaśa wo:

tuwe iśnana ehpeyapi kin he cinca ota nakaes, winohinca hiħnaton cinca kin isanpa, Jchowa eya.

2 Nitawakeya owanka kin hdutanka wo, qa yati ozanpi kin yutitanpi nunwe; kicunni śni wo, ikan hduhanska qa hutipaspe hdusuta wo.

3 Etapatanhan qa catkatanhan nihduota kta; qa nicinca Ikcewicašta kin tawawicayapi kta, qa otonwe otiwita ehpeyapi kin en ounyanpi kta.

4 Wakokipe śni wo, iništece kte śni nakaes; nakun wištece śni wo, ištennianpi kte sni nakaes: tokaheya inicaga wowištece kin he ayektonje kta, qa wiwazica yaun iyopeyapi qon he icimana yeksuye kte śni.

5 Wawicaħniye cin he nihihna ee nakaes; Jehowa wicobe tawa eciyapi; qa tuwe openiciton Israhel Towakan kin hee, Taku Wakan maka ocowasin tawa eciyapi kta.

6 Winohinca wan ehpeyapi qa nagi iyokiśica, qa aniktapi śni qehan wikośka yuzapi kin iyececa Jehowa nico ce, Wakan-tanka nitawa eya.

7 Išta kakpapi se hehanyan ehpeciya; tuka wowaonśida tanka on cikpahi kta.

8 Wośinhda hiyuyapi kin en išta kakpapi se hehanyan miite anaciħbe; tuka wowašte owihanke wanica on onśicida kta ce, Jehowa openiciton kin he hecen eya.

9 Miye ekta Nowa mini kin he de iyececa: Nowa mini kin icimana ake maka akaħpe ye kte śni, keya wakonze ciqon, he iyecen nakun icimana canniyeciye kte śni, qa iyopeciye kte śni, keya wakonza.

10 He kin hena tokan aye kta,

ISAYA TAWOYUKCAN KIN,

qa paha kin yutokan iyeyapi kta ; tuka mitowašte token iniciyaye kte šni, qa wookiye mitawa wicotakuye kin he yutokan iyeyapi kte šni, Jehowa canteniciye cin he hecen eya.

11 Kakišyapi, kahuhuzapi, wacintonhnagyapi šni, iho, miye linca inyan nitawa wašeša on ewahnake kta, qa oahehde nitawa inyan tehihika on.

12 Qa ipasotka nitawa inyan wiyatpatpa on wakage kta, qa nitatiyopa pešnišnija inyan kin on, qa nihduksan owancaya inyan wiciyokipi kin on.

13 Unkan nicinca owasin Jehowa waonspewicakiye kta ; qa nicinca wookiye tanka yuhapi kta.

14 Woowotanna on niyusutapi kta : wicokakišyapi kin itehan un wo ; koyakipe kte šni nakaes : qa wonihinciye kin, he nikiyedani u kte šni.

15 Iho, mniciyapi, mniciyapi kta, tuka wapahaša mitawa ekta šni : tona niye itkokim mniciye cin hena niye on hinhpaye kta.

16 Iho, mazakaga peta en petaga apogan, qa iye tolitani on ikicanye wan hiyuye cin he miye linca icañwaya : qa nakun waihangye ihangye kte cin he miye wakaga ce.

17 Ikicanye otioyohi niye nicis kagapi kte cin he takudan okihi kte šni ; qa wicaceji niye en wayaco inajin kte cinhan otioyohi niye daco kta. Jehowa takoiye taku yuhapi kte cin he dee, qa iye toowotanpidan kin he miye eciyatanhan, Jehowa eya.

WICOWOYAKE 55.

1 Ho, ipuzapi kin owasin, mini kin en u po ; qa tuwe mazaska codan un eša ; kuwa miye, wo-

petonpi qa wota po ; han, u miye, mazaska codan qa iyunwin codan miniša qa pteasanpi ope-ton po.

2 Tokeca aguyapi šni on mazaska yahdusotapi kta he ; qa tokeca taku innawicaye šni kin on litayanipi he : Anagoptan-yan anamagoptan po, qa taku wašte kin he yuta po ; kinhan ninagipi wašin on iyuškini-čiyapi kta.

3 Anohmakiyapi qa en mau po ; waanagoptan miye, kinhan ninagipi ni kta ; unkan wicotakuye owihanke wanica wan cici-cagapi kta, Dawid towaonsida wowicake kin hee.

4 Iho, iye wayaotanin kta e oyate kin wicawaqu, oyate kin en wicaštayatapi qa waonspekiya.

5 Iho, oyate wan sdoniyaye šni qon he yeco kta ; qa oyate sdoniyanpi šni kin hena niye en inyang upi kta, Jehowa nita Wakantanka kin on, qa Israel Towakan kin on etanhan ; iye niyuwakan nakaes.

6 Jehowa iyeyepica icunhan akita miye, ikiyedani un kin icunhan hoyekiya po :

7 Tuwe šice cin he tacanku ahdušan kte, qa wicašta wahtani sa iye tawacin elpekiye kta ; qa Jehowa en ihdoku kta, kinhan onšikida kta ; qa Wakan-tanka unkitawapi kin ekta, iye wokajuju hduota kta nakaes.

8 Niye nitawacinpi kin mitawacin kin ee šni, qa mitacanku kin he nitacankupi kin ee šni, Jehowa eya.

9 Mañpiya kin maka kin isanpa tehanwankantu, he iyecen mitacanku nitacankupi kin isanpa tehanwankan, qa mitawacin nitawacinpi kin isanpa nakaes.

10 Magaju kin he kun u, qa wa

WICOWOYAKE 56.

kin mahpiya eciyatanhan, qa ake ekta hnihde šni, tuka maka kin immakiye ça waicahyekiye ça camni uyekiya, hecen tuwe woju kin ojupi qu kta, qa wayute cin he woyute qu kta ;

11 He mioie mii etanhan inanpe cin iyecece kta : miye en cokadan ihdoku kte šni ; tuka taku iyomakipi kin he yušan kta, qa taku on yewaši kin he ece-tukiye kta.

12 Niye wowiyuškin yuha inayapapi kta, qa wookiye hduha yus aniyampi kta : nitokapatanhan lie qa paha kin dowan hinhapi kta, qa maga can kin iyulpa nape hdaskapapi kta.

13 Canpepe kin eekiya wazi can uye kta, qa wapepeka eekiya hanteša uye kta : unkan he Jehowa en wocajeyatapi ee kta, qa wowakta owihanke wanica kašpapi kte šni kin heca kta.

WICOWOYAKE 56.

1 Jehowa hecen eya ; Woyaco patan po, qa woowotanna econ miye : wowanikiye mitawa kin he kiyedan u nakaes, qa mitowotanna kin he yuotaninpi kta.

2 Wicašta tuwe de econ kte, ça wicašta cinhintku de sutaya yus un kte cinhan ; tuwe anpetu okihpapi yušape šni kpatan, qa iye nape taku šica econ šni awanihdake cinhan, he cante wašte.

3 Unkan wicašta tokeca cinhintku Jehowa en askamičiye cin he ie ça, Jehowa iye taoyate kin etanhan ocowašin heyata iyemayan ce, ihnuhan eye cinhan ; nakun, Wanyaka wo, can šeca hemaca ce, ihnuhan yunokos eye cinhan.

4 Jehowa hecen eya ; Yunokos tona anpetu okihpapi mitawa

patanpi, qa taku iyomakipi ka-hnigapi, qa wicotakuye mitawa yus unpi kinhan ;

5 Hena wati ohna qa conkaške mitawa mahen owanka wicawaqu kta, qa wicacaje cinhintkuyapi qa cunwintkuyapi isanpa wašte ; wicacaje owihanke wanica icimana kašpapi kte šni waqu kta.

6 Nakun wicašta tokeca cinca Jehowa en askamičiypapi, ohodapi kta, qa Jehowa caje kin waštedapi kta, iye wowidagwicaye kta, wicašta otoiyohi anpetu ohihpapi yušape šni patan, qa wicotakuye mitawa sutaya yus un kinhan ;

7 Hena eepi kaeš paha wakan mitawa kin ekta awicawau kta, qa wocekiye tipi mitawa ohna, wiyuškin wicawaye kta : wohu-huage wayušnapi qa wošua tawapi kin owayušna mitawa akan oiyokipi kta ; wati kin he oyate owasin on wocekiye tipi eciyapi kta nakaes.

8 Jehowa Itancan Israel enanakiya iyewicayapi qon mniciye wicakiye cin he hecen eya ; Tona iye en mniciyapi kin isanpa nakun en mniciye wicawakiye kta ce.

9 Tinta wamanica owasin, niye watemya u miye ; contanka wamanica kin iyulpa.

10 Waawanyake tawa kin hena owasin išttagongapi, wasdonye šni unpi, owasin šunka inina unpi, wapa okihipi šni ; wihamnanpi. iwankapi, išttnma waštedakapi.

11 Han, hena šunka wotapi sa, imnanpi sdonkiyapi šni, qa hena is wonwicaya okašni okihipi šni ; hena owasin iye tacankupi ekta ekiktonwanpi, otoiyohi iye oyanke tawa kin etanhan tawokamna kta ekta.

ISAYA TAWOYUKCAN KIN.

12 Kuwa miye, miniša iwacu kta, unkan mini wakan on wipi-unkiciyapi kta; qa heyakecinhan anpetu kin de iyecece kta, tanka, wopteca šni, iyotan hinca kta ce, eyapi.

WICOWOYAKE 57.

1 Wicašta owotanna taninšni iya-ya, tuka tuwedan cante ekta yeye šni: qa wicašta waonsida ewicayakupi, tuka wicašta owotanna taku šica etanhan eyakupi tuwedan kecin šni.

2 Wookiye en ye kta; towan-kapi kin akan ozikiyapi kta; tuwe ecetuya mani kin.

3 Tuka wapiye sa cinhintkupi, deciya kiyedan u po, wiina-ħmanpi qa wawicihahapi econ sa cinca kin.

4 Tuwe on iyahahapi he: tuwe on i yahdukawapi he, ceji hiyuyayapi he: wokipajin cinca, woi-tonšni ojupi kin henicapi šni he:

5 Uskuyeca can ehna can teca otoiyohi ihukuya iyokipiiciya yaunpi, hokšiyopapi kin kaksiza ohna wicayaktepi, imnija yuptutujapi kin ihukuya:

6 Kaksiza en inyan šdušduta ehna taku oyakini qon yanke; hena, hena e taku tawayaye cin ee; nakun hena en woyatke wošna yahdaštan, wošna wayahdušna. Hena on iyokipimičiye kta he.

7 Paha pajodan qa tehanwan-kantu akan nitohe eyehde; han, heciya wahdušna idada.

8 Nakun tiyopa can qa tiyopa kin iħeyatanhan wokiksuye eyehde; miye icunonpatanhan niħduzamni, qa wankan idada; ohehdepi nitawa yahdutanka, qa hena om wicotakuye ničicaga; iye ohehdepi tawapi kin wašte-yadaka, owanka yahdutanka.

9 Wihdi on wicaštayatapi kin anihduwiyeya, qa wihdi wašte-mna yahduota; qa makoce tehan ekta wahoši yewicayaši, qa Hades e qeš ekta nihduhukuya.

10 Canku hanska nitawa on mdokište ničiya; tuka, Wacinyepica šni ce, ehe šni; ninape towiconi kin he iyečakiya; heon etanhan wašake šni ničida šni.

11 Unkan tuwe e on kopeya-hda qa koyakipa he, hecen iya-tonšni, qa miyeksuwe šni, qa en cante duze šni he: wanakajatanhan kaeš inina manke šni he: hecen komayakipe šni,

12 Miye nitoowotanna omdake kta, qa niohan nakun; tuka hena iniwašte kte šni.

13 Hoyeyaye cinhan hehan nitomniciye kin hena enihdakupi nunwe: tuka tate kin he hena iyuhpa kahbog iyewicaye kta, takušni iwicacu kta. Tuka tuwe wacinmaye cinhan makoce kin yuhe kta, qa paha wakan mitawa kin he tawaye kta:

14 Qa heye kta; Pahaya ehna-ka po, pahaya ehna-ka po, canku wiyeya kaga miye, can ibotopi kin mitaoyate ewicakiciyaku po.

15 Wanji tehanwankantu qa wankan un, otokahe wanica en ounyan, qa tuwe Wakan eciyapi kin he hecen eya; Tehanwankantu qa owanka wakan kin hen wati kta, nakun tuwe taniya kašujapi qa onšike cin he kici; to-na onšikapi taniyapi niwicawaye kta, qa cante kašujapi kin hena kiniwicawakiye kta heon.

16 Owihanke wanica hehanyan wawakize kte šni, qa ohinniyan šinwahda kte šni: mitokam woniya kin ħanye kta nakaeš, wicataniya wakage cin nakun.

17 Tokamna šica woahitani kin on šinwahda qa wakaštaka: namičihbe qa šinwahda; heca ešta

WICOWOYAKE 58.

iye cante yuze canku kin ohna pemniyan ikiyopta.

18 Tacanku kin wanmdaka, unkan okiziwaye kta; nakun yus amde kta, qa iye akiceyapi qon hena koya om wacintonhnagwaye kta.

19 Wicaiha oicage cin he miye wakaga; Wookiye, wookiye, tuwe itehan un qa tuwe ikiyedan un kin kici, Jehowa ekiciya: unkan miye okiziwaye kta ce.

20 Tuka wicašta śicapi kin hena miniwanca taś ton kin iyece-capi, he owanji yanka okihi śni, mini tawa kin upśija qa maka hiyuya ece.

21 Wicašta śicapi kin hena wookiye nicapi ce, Jehowa eya.

WICOWOYAKE 58.

1 Dote eciyatanhan pan wo, ihnuhan inina nanke cinhan, maza yahotonpi wan iyecen niho wankan yeya wo; qa mitaoyate taku śica econpi, qa Jakob tiyohnaka iye wahtanipi kin owicakiciyaka wo.

2 Tuka anpetu otoiyohi omade-pi, qa mitacanku sdonya iyokipipi, oyate wan woowotanna econ ece, qa Taku Wakan tawapi tawoahope elipeye sni kin he iyececa: Woowotanna wokonze kin hena makidapi, Taku Wakan ikiyedan upi iyokipipi.

3 Tokeca akihan unkiciyapi tuka wandake kte sni he: nagi iyokišinunkiciyapi tuka sdonye wacanni kte śni he, eyapi. Wanyaka wo, anpetu en akihanniciyapi hehan iyokipi niciyapi kta, qa wicolitani ecaniconpi kin oco-wasin wicayakidapi ece.

4 Wanyaka wo, wicokicige qa woakinica on akihanniciyapi, qa wośice nape on waayapapi kta heon: Anpetu kin de iyececa

nibopi wankantanhan nahonwicayayapi kta e akihanniciyapi kte śni.

5 Akihanniciyapi wakahnige kte cin he de iyecece kta he: Anpetu wan en wicašta iyokišiniçiyekta: hintkan hu iyecen pamahdedan un kta, qa wakihdaka caħota ko owinśkiton kta he. He akihanniciyapi qa anpetu Jehowa iyokipi kta, eya cajedate kta he.

6 Akihanniciyapi wakahnige kte cin he dee śni he; wicośice icaśke kin yukcapi kta, canwanapin wiçin kin kiyuśkapi kta, tona kakiśyapi kin hena wicakiyukcapi kta, qa can napinpi owasin duksapi kta:

7 Wotektehdapi kin aguyapi nitawa wicayakipamni kte cin hee śni he; qa tona onśika kakiśyapi kin hena yati en awicayaku kta; tuwe tancodan un wandake cinhan wakahpeyecaton kta, qa wicacelipi nitawa kin etanhan naniçilibe kte śni.

8 Hehan iyoyanpa nitawa anpao iyecen inanpe kta, qa woaśni nitawa kohanna hiyu kta; nakun nitoowotanna nitokam ye kta, qa Jehowa towitan kin he hekpatanhan awanniyake kta.

9 Hehan niye hoyeyaye kta, unkan Jehowa waayupte kta; niye yapan kta, unkan iye, Iho, miye ce, eye kta. Nicokayatanhan canwanapin kin elipeyakiye cinhan, napsukaza pazopi qa ecinkta eyapi kin hena:

10 Qa wotektehdapi kin ekta ninagi hiyuyaye ça wicanagi kakiśyapi kin he imnayaye cinhan, hehan iyoyanpa nitawa kin otpaza en hinanpe kta, qa owotaninśni nitawa kin he wiyotanhan iyecece kta.

11 Unkan Jehowa ohinniyan yus aniye kta, qa iwicapuza en

ISAYA TAWOYUKCAN KIN,

ninagi imnaye kta, qa nihuhu kin cemniciye kta : hecen niye maga wan mini imna kin he iye-nicece kta, qa minilidoka wan mini wicahnaye kte sni kin he iyececa.

12 Unkan niye eciyatanhan otiwita wanakaja kin hena piya kicagapi kta ; wicoicage qa wicoicage oahehdepi kin ake yakage kta ; qa, Conkaške kawankapi piya kage cin, Canku otipi kta yuecetu kin, eniciyapi kta.

13 Anpetu okilipapi kin etanhan siha eyahdaku, anpetu wakan mitawa en nitoyokipi kin ecen ecanon kte sni ; qa anpetu okilipapi kin he woyokipi, Jehowa towakan kin he wowitan, keya cagedate cinhan ; qa nitacanku ohna oyahande sni, nitoyokipi oyakide sni, qa niye nioie oyahdake sni, on he duonihan kinhan :

14 Hehan Jehowa en iyokipiniciye kta ; unkan maka paha kin akan iyotanke ciciye kta, qa Jakob niyate taku tawa qon etanhan wonciye kta ce, Jehowa i kin he hecen eya nakaes.

WICOWOYAKE 59.

1 Iho, Jehowa nape niwicaya okiki kte sni e yuptecedan sni ; qa iye noge wanaon okihi kte sni e kpe sni :

2 Tuka taku sica ecanonpi kin hena niyepi qa Taku Wakan nitawapi yukinukan iyenianpi ; qa wayahitanipi kin hena iye ite analibeniciyapi, hecen naon kte sni.

3 Ninapepi we on asapapi nakaes, qa ninapsukazapi sicaya econpi kin on : niihapi woiton-sni iapi, nicejipi wošice ajijipi ece.

4 Tuwedan woowotanna kipan

sn̄i, qa tuwedan wowicake eciyatanhan wayaco sn̄i : hena takušni wacinyanpi, qa woitonšni ohdakapi ; wicošan sica on ihdušakapi qa woah̄tani hiyuyapi.

5 Wamduška itka kin manpi, qa unktomi tahokata kazontapi : tuwe witka tawapi yute cinhan te kta, qa wanji pakpipi kinhan sintelida wan hiyu kta.

6 Taku kazontapi kin hena wokoyake kte sni, qa iye ošanpi kin on ihdalipapi kte sni : iye ošanpi kin wošice wicošan kin heca, qa iye napepi ohna wakipi ošanyanpi yukan.

7 Iye siha taku sica ekta inyan-kapi, qa tona taku iyaonpepica sni unpi we kin he papson inah̄nipi ; iye tawacinpi sicaya econpi wicotawacin kin heca ; woihangye qa wokakse iye ta-cankupi ohna yanka.

8 Wookiye canku kin sdonyapi sni ; qa manipi kin en wokonze wanica : ocanku škoškopa icicagapi ; tuwe ohna ye cinhan wookiye sdonye kte sni.

9 Heon etanhan wokonze unkitahanpi yanka, qa woowotanna unkihdegapi kte sni : iyoyanpa unkapepi, tuka iho, otpaza ; iyo-wotanin unkapepi, tuka owotanin sni unkomanipi.

10 Ištagongapi iyececa conkaške yutantan unkakitapi, išta codan iyecen unyutantanpi : wi-yotanhan siha ibountopi, hanyetu en iyececa ; maga waštešte ohna wicašta tapi iyeuncecapi.

11 Unkiye iyuhpa wahanksica iyececa unlidopi, qa tinwakiyedan ceya iyecen unceyapi : wokonze unkapepi, tuka wanica ; wowanikiye unkapepi, tuka unkitahanpi yanka.

12 Taku sica econkupi kin hena nitokam yuotapi, qa waunh̄tanipi kin hena unkoyakapi

WICOWOYAKE 60.

ece : taku šica econkupi kin hena unkicipi hiyeya, qa waunkitanipi kin hena sdonunkiyapi :

13 Šicaya econpi, qa Jehowa en itonpi sni, qa Taku Wakan unkitawapi ayuŝtanpi, wokakiŝyapi qa okicize cajeyatapi, woi-tonŝni oie awacinpi qa cante eciyatanhan eyapi kin hena on.

14 Hecen woyaco hekta itoheya iyeyapi, qa woowotanna itehan inajin ; hocoka ohna wowicake hinŝipaya, qa woecetu kin en u kta okihi ŝni.

15 Han, wowicake wanica aya ; qa tuwe taku šica ayuŝtan kin he wakipi ece : Unkan he Jehowa wanyake qa woyaco wanice cin he ŝicedaka.

16 Qa wicaŝta wanica he wanyaka, qa wawiciya wanice cin heon yuŝinyaya : heon etanhan iye isto wowanikiye hdamna ; qa iye toowotanna kin he ihduŝuta.

17 Woowotanna kin he maku akaŝpe iyecen kiçun : qa wowanikiye wateŝdake wapaha kiya ; qa watokiçonpi wokoyake kin hena kohdaka, qa wowinawizi ŝina iyecen hdown nakaeŝ.

18 Iye oŝhanyanpi kin eciyatanhan wicakicu kta, tona kipajinpi kin, wocanniye ; tokayapi kin hena wotokiçon wicakicu kta ; wita kin hena wicoŝhan on towicakiciçon kta.

19 Heon wiyolŝpeyatanhan Jehowa caje kin kokipapi kta, qa iye towitan wihinanpatanhan. Wakiyuŝe kin wakpa tanka iyecen hiyu kinhan, Jehowa Taniya kin itkokim wiyokihedan ekihde kta.

20 Hehan Wopekiton kin Zion en u kta, qa Jakob etanhan tona ŝicaya econpi ayuŝtanpi kin hena en, Jehowa eya.

21 Unkan miye, wicotakuye

Is.

mitawa wicakici un kin he dee, Jehowa eya : Mitaniya en niun, qa mioie nii en owehnake cin hena nii ayuŝtan kte ŝni, qa nicinea ipi kin, qa nicinea sanpa cincapi ipi kin awicayuŝtan kte ŝni, detanhan qa owihanke wanica, Jehowa eya.

WICOWOYAKE 60.

1 Najin wo, iyojanjan wo ; iyojanpa nitawa wanna u, qa Jehowa towitan kin anihinanpa.

2 Iho, otpaza maka kin akaŝpe kta, qa otpaza ŝoka oyate kin awicakaŝpe kta ; tuka Jehowa anihinanpe kta, qa iye towitan kin anitanin kta.

3 Qa Ikcewicaŝta kin iyoyanpa nitawa en manipi kta, qa wicaŝtayatapi kin hena yahinanpa ojanjan kin en.

4 Ihduksan iŝta hduwankan iye-ye qa wanyaka wo ; hena owasin witaya mniciyapi, niye en niupi ; nicinkŝipi tehantanhan upi kta, qa nicunkŝipi adoksohan wicayuhapi kta.

5 Hehan wandake qa widuŝkin kta ; qa nicante cancan qa tanka aye kta : miniwanca wicota kin niye en yuhomnipi kta, Ikcewicaŝta towijicepi kin niye en niu kta.

6 Camo ota linca anicalŝpapi kta, Midian qa Ephra etanhan camo koŝka kin hena : Šeba etanhan hena owasin upi kta ; mazaskazi qa canŝin waŝtemna kin ahipi kta, qa Jehowa yatanpi wotanin waŝte oyakapi kta.

7 Kedar optaye kin iyulŝpa niye en mniciyapi kta, Nebayoth tamdoka kin hena iwicadake kta ; hena oiyokipiya owayuŝna mitawa adipi kta, unkan mitowitan tipi kin he wahduwitan kta.

8 Maŝipiya ŝapa iyececa, qa tin-

ISAYA TAWOYUKCAN KIN,

wakiyedan iyecen iye tipi ekta kinyan upi kin dena tuwepi he.

9 Awicakehan wita kin hena amapepi kta ; qa Taršiš tawita-wata tokaheya, tehantanhan nincinkši awicaupi kta, mazaska qa mazaskazi tawapi koya, Jehowa Taku Wakan nitawa caje kin ekta, qa Israel Towakan kin ekta, he iye niyuwitan nakaes.

10 Unkan wicašta tokeca cincapi conkaške nitawa kagapi kta, qa wicaštayatapi tawapi kin hena oniciyapi kta. Sinwahda qehan cicaštaka, tuka canmawašte kin en onšicida nakaes.

11 Unkan nitat iyopa ohinniyan yuhdog he kta, hena anpetu hanyetu koya ecen iyeyapi kte šni ; hecen Ikcewicašta tawowijice kin niye ekta aupi kta, qa wicaštayatapi tawapi kin hena upi kta.

12 Oyate qa wicoškanškan tukte wanji oniciye kte šni kinhan he atakuni kte šni ; han, Ikcewicašta kin hena ocowasin ihangyapi kta.

13 Lebanon towitan kin he en niu kta ; wazisaka can, wazi can qa hanteša kicica, tipi wakan mitawa owanka kin yuwašte kta ; unkan tukten siha wahde kin he wahduwitan kta ce.

14 Hehan tona kakišniyanpi qon hena cinca patuš en niupi kta ; qa tona wahtenidapi šni qon owasin siha yahde kin en makata patujapi kta ; qa, Jehowa Totonwe, Zion Israel Towakan tawa, eniciyapi kta.

15 Niye ehpeniyanpi qa šiceni-dapi, hecen tuwedan opta ye šni ; heon etanhan wowašte owihanke wanica, wicoicage yeye cin hehanyan wowiyuškin cicage kta.

16 Nakun Ikcewicašta asanpi tawa dazoke kta, qa wicaštaya-

tapi aze ayazin kta : qa Jehowa Wanikiya nitawa qa Wopekiron nitawa, Wanji Wašaka Jakob tawa kin he miye e sdonyaye kta.

17 Mazaša on mazaskazi eekiya awau kta, qa mazasapa on mazaska eekiya awau kta, qa can on mazaša, qa inyan on mazasapa kta : Nakun akicita tancan nitawa wookiye wicawakage kta, qa wicaštayatapi nitawa woowotanna kta.

18 Wawicakipi kin he nitamakoce ohna icimana nañonpi kte šni, woihangye qa woyutakunišni nitaopapun mahentanhan ; tuka conkaške nitawa, Wowanikiye, qa nitat iyopa kin, Woyatan, eya cašyakiron kta.

19 Hetanhan anpetu icunhan anpetu wi kin iyoyanpa nitawa kte šni, qa iyojanjan kta on hanyetu wi kin iyoyamniye kte šni ; tuka niye en iyoyanpa owihanke wanica Jehowa ee kta, qa nita Wakantanka wowitan nitawa ee kta.

20 Anpetu wi nitawa ake icimana isinyan iyaye kte šni, qa hanyetu wi nitawa icimana eihdaku kte šni ; iyoyanpa owihanke wanica nitawa Jehowa ee kta, qa anpetu en yaceye cin hena henakeca kta.

21 Nakun nitaoyate iyulpa owotanna kta : makoce kin ohinniyan tawapi kta, adetka huwahde, minape taku kage cin heepi, hecen mayuwitanpi kta.

22 Wanji cistinna kin he kektopawinge icage kta, qa tona kin he oyate wašake kta. Tohan iyehantu kinhan Jehowa miye he mduinahni kta ce.

WICOWOYAKE 61.

1 Jehowa Itancan Taniya kin

WICOWOYAKE 62.

akan mayanka; Jehowa sdama-kiya, wotanin wašte wicašta on-šihanpi owicawakiyake kta heon etanhan; tona cante kašujapi wicamduskiskite kta e yemaši; wayaka unpi wicayukcapi kta owicawakiyake kta, qa kaška unpi wicokaške tipi wicakiyu-hdokapi kta:

2 Jehowa tawaniyetu oiyokipi kin omdake kta, qa Wakantanka unkitawapi anpetu watokiçonpi tawa kin; tona ceyapi owasin wacintonhnagwicawaye kta:

3 Tona Zion en ceyapi kin hena wakoyagwicayapi kta, caħota eekiya watešdake wicaqu kta, wicaceya eekiya wowiyu-škin wihdi, cante wankadan eekiya woyatan wokoyake kin wicaqu kta: heon etanhan, Woowotanna uskuyeca can, Jehowa tawoju, ewicakiyapi kta, hecen iye yuwitanpi kta:

4 Unkan otiwita kin hena piya kagapi kta, tanina yujujupi kin hena bošdan ehdepi kta, qa otonwe otiwita wanke cin hena piyapi kta, wicoicage qa wicoicage ħewoskantuya wanke ciqon.

5 Hehan oyate tokeca etanhan najinpi qa nitawanunyanpi wonwicayapi kta, qa wicašta tokeca cinca kin hena maga niciyumdupi qa hastanhanka iyuwi nicipakintapi kta.

6 Tuka niyepi, Wawayušnapı Jehowa tawa, eniciyapi kta: Wakantanka unkitawapi taokiye, eniciyapi kta. Ikcewicašta tawowijicepi kin yatapi kta, qa towitanpi kin on nihdatanpi kta.

7 Nitowištecepi kin on nonpa akihde kta, qa wonihinciye on taku tawapi kin on wiyuškinpi kta; heon etanhan tawapi ohna nonpa akihde yuhapi kta; wowiyuškin owihanke wanica wicakiciun kta.

8 Jehowa miye, woyaco wašte-wadaka; wahuhnage wošnapı kta on wawicakipi kin šicewadaka; qa iye ohanyanpi iyecen wicawaqu kta, wowicake eciyatanhan, qa wicotakuye owihanke wanica wan wicawecage kta.

9 Hehan iye oicage tawa Ikcewicašta ehna sdonwicayapi kta, qa etanhan icagapi kte cin oyate kin wicehna: Tona wanwicayakapi owasin, oicage Jehowa yuwašte kin hena eepi e sdonwicayapi kta.

10 Miye qe iyuškinyan Jehowa on imduškin kta, minagi miša Wakantanka on pida kta: iye wowanikiye wokoyake koyagmayan nakaes, woowotanna šina kin amakaħpa; wicašta tawicu ton kta watešdake hduwašte, qa winohinca hihna ton kta oinpi kiçun kin iyececa.

11 Maka kin camni ukiye ça maga kin taku en ojupi icahkiye cin he iyecen Jehowa Itancan kin woowotanna qa woyatan oyate owasin wicitokam icaliye kta.

WICOWOYAKE 62.

1 Zion on etanhan inina manke kte šni; qa Jerusalem on etanhan oziwakiye kte šni; toowotanna kin woiyege iyececa inanpe kta, qa towanikiye kin petijanjan ide kin iyecece kta hehanyan.

2 Unkan Ikcewicašta kin nitoo-wotanna wanyakapi kta, qa wicaštayatapi owasin nitowitan kin. Qa wicacaje teca, Jehowa i cajeyate kte cin he icajeniyatapi kta.

3 Nakun Jehowa nape ohna wowitan watešdake kin he niye kta, qa wicaštayatapi tawapaha Wakantanka nitawa nape kin ohna.

ISAYA TAWOYUKCAN KIN,

4 Hetanhan icimana, (Azubah) Ehpeyapi, eniciyapi kte śni; qa nitamakoce icimana, (Semamah) Hewoskan, eciyapi kte śni; tuka, (Hephzibah) Mitowiyuśkin-en-un, eniciyapi kta, qa makoce nitawa, (Beulah) Wakanyuzapi, eciyapi kta: Jehowa iniyuśkin, qa nitamakoce kin he wakan yuzapi kta nakaeś.

5 Kośka wan wikośka wan wakan yuze cin he iyecen nicinkśipi wakan nihduzapi kta; qa wicaśta winohinea yuze cin on iyuśkin kin he iyecen nita Wakantanka iniyuśkin kta.

6 Jerusalem, conkaśke nitawa akan waawanyake ewicawahnaka, anpetu owasin qa hanyetu owasin ohinniyan inina unpi kte śni: tona Jehowa kiksuyeyayapi, ihnuhan inina dukanpi kinhan;

7 Qa woozikiye qupi śni po, Jerusalem hdusuta qa maka kin ohna woyatan kage kte cin hehanyan.

8 Jehowa iye nape etapa kin on, qa isto waśake cin on iciconza; Awicakehan icimana wamnaheza nitawa tokaniyanpi yutapi kta wicawaqu kte śni; qa oyate tokeca cincapi kin miniśa nitawa on hitayanipi kin he yatkanpi kte śni.

9 Tuka tona mnakiyapi kin he hdutapi kta, qa Jehowa yatanpi kta; qa tona wayuśpipi kin hena mitowakan hocoka kin ohna hdatkanpi kta.

10 Ohna ya po, tiyopa kin ohna ya po; oyate tacanku kin wiyea kaga po: wankan ehna po, canku wankantu kaga po; etanhan inyan pahi po; wiyokihedan wan oyate kin wankan ewicakicihde po.

11 Iho, Jehowa maka ihanke hehanyan nahonwicaya; Zion

cunwintku kin heciya po; Iho, wowanikiye nitawa kin u ce; iho, inyunwin hduha un, qa woecon tawa kin he itokam yanke.

12 Unkan hena, Oyate wakan, Jehowa opewicakiton, ewicakiyapi kta: qa niye, Akitapi, otonwe ehpeyapi śni, eniciyapi kta.

WICOWOYAKE 63.

1 Edom etanhan, Bozra etanhan śina duta in u kin he tuwe he; wokoyake waśte kohdaka, iye towaśake tanka on icimani un kin he tuwe he. Woowotan-na eciyatanhan ia, wanikiya waśake cin he miye ce.

2 Tokeca nitawokoyake kin duta, qa nitaśina tuwe miniśa iyuśkice naśkice cin iyececa he.

3 Miniśa iyuśkice cin miśnana nawaśkica; qa oyate kin etanhan tuwedan micica śni: heon mitocanniye on nawicawaśkice kta, qa mitośinhda on nawicawapan kta; qa iye hanpi kin mitaśina amnimnipi kta, qa mitawokoyake ocowasin wahdustan kta.

4 Watokiçonpi anpetu kin he micante en un, qa opewicawakiton tawaniyetu kin he wanna hiyohi nakaeś.

5 Unkan ekta ewatonwe, tuka waokiya wanica; qa tuwedan wayusuta śni heon mayuśinyaya; heon etanhan miye miisto wowanikiye hdamna, qa mitośinhda kin he mahdusuta.

6 Hecen mitocanniye on oyate kin nawicawapan kta, qa mitośinhda on witkowicawakiye kta, qa iye hanpi kin he makata ehpewaye kta.

7 Jehowa wawacinkta yuza tanka kin he mdatan kta, Jehowa yatanpi kin, Jehowa taku icantounhnakapi kin owasin eci-

WICOWOYAKE 64.

yatanhan, qa wowašte tanka Israel tiyohnaka icantowicahnaka, iye towaonsida eciyatanhan qa iye wawacinkta yuza tanka ota kin eciyatanhan.

8 Unkan iye heya; Awicakehan hena mitaoyate, wicacinca taku ecinkta eyapi kte šni ce. Hecen Wanikiya tawapi kin he iye.

9 Toiyokišicapi iyulpa en iye iyokisica; qa iye ite Taohnihde kin he niwicakiya: iye towašte-dake qa tocantekiye kin on ope-wicakiton, qa wicacin, qa wanakaja anpetu kin owasin iye wicahduha un.

10 Tuka hena ege wawakipajinpi qa iye Taniya Wakan kin iyokišinyapi; heon etanhan iye tokawicaye kta ihduhomni, iye hınca wicakiza.

11 Hehan wanakaja anpetu kin hena kiksuya, Moses qa iye taoyate: Tuwe mini tanka etanhan awicau qon he tukten un he, obe tawa wonwicaye cion: Tuwe iye Taniya Wakan mahen ehnahe cion he tukten un he.

12 Tuwe Moses nape etapa on yus awicaya, iye isto wakan kin on wicitokam mini kin wicakiyukinukan, caje owihanke wanica wan icicage kta.

13 Tuwe mini šbe kin ehna maniwicakiya, šuktanka wan hopuza en un kin iyececa, hecen kaktihanhanpi kte šni.

14 Woteka wan kaksiza ekta iyaye cin iyecen Jehowa Taniya kin oziyekiya; he iyecen niye nitaoyate yus awicada, wowitan caje ničicage kta heon.

15 Małpiya kin eciyatanhan kun ahitonwan wo, qa nitoowotanna qa nitowitan tipi kin etanhan wanyaka ye: nitowinawizi qa nitowašake kin tukte e he; nitowaonsida qa miye en nito-

cantekiye kin hena anakiptapi he.

16 Awicakehan niye ateunniyanpi, Abraham sdonunkiyapi šni qa Israel iyeunkiyapi šni qe-yaš: niye, Jehowa, Ateunniyanpi, Wopekiton unkitawapi; nicaje kin he otokahe wanica.

17 Jehowa, tokeca nitacanku etanhan nuniunyakiyapi he; nitokokipe icunonpa cante unyadusutapi he. Nitaokiyepi on, wicoun tawawicayaye cin on etanhan hdicu ye.

18 Oyate wakan nitawa ptenyedan tawakiyapi: tokaunyanpi kin hena tipi wakan nitawa našapapi.

19 Unkiye wanakajatanhan unyakonpi: hena e tohinni wowidagwicayaye šni: hena nicaje icajewicayatapi šni.

WICOWOYAKE 64.

1 Tokin małpiya kin yahduhdecen, kun hidu kta; hecen nitohnake on he kin skan ayekta.

2 Peta canliaka ideya, peta mini ipiłya ece kin iyececa; tona tokaniyanpi nicaje sdonyewicakiye kta, nitohnake on Ikcewicašta cancanpi kta heon.

3 Taku wowinihan ecanon qehan, hena unkapepi šni; kun hidu, nitohnake on he kin skan aya.

4 Wakantanka, nicunonpatanhan, tuwe wacinyan un taku kicage kte cin, otokaheyatanhan nañonpi šni, wicanoge kin en iyolipaye šni, wicaišta wanyake šni.

5 Tuwe wiyuškin qa woowotanna econ ece kin he itkoyakipa; nitacanku ohna niksuyapi kin hena: Iho, niye šinyahda; unkan waunhtanipi: dena en ohinniyan, tuka niunyanpi kta.

ISAYA TAWOYUKCAN KIN,

6 Tuka unkiye owasin taku šapa iyeuncecapi, qa woowotanna unkitawapi iyuhpa wokoyake awe-pi kin iyececa; qa iyuhpa canwapa iyecen šniš unkayapi; qa taku šica econkupi kin hena, tate iyececa, yutokan unkayapi kta.

7 Hececa ešta tuwedan nicaje hoyekiye šni, tuwedan en niyuzekta ihduhica šni; niye niite anaunyecihmanpi nakaes, qa taku šica econkupi kin on awihnu-niunyakiyapi.

8 Tuka nakaha Jehowa, Ate-unyanpi kin he niye; maka coko kin he unkiyepi, qa cega kaga unkitawapi kin he niye; qa ninape taku kage cin he unkiyepi iyuhpa.

9 Jehowa nina šinhda šni wo, qa ohinniyan woahtani kiksuye šni ye: iho, wanyaka ye, ceun-niciyapi, unkiye owasin nitaoyate unyakonpi.

10 Otonwe wakan nitawa kin hena makoskantu; Zion hewoskantu; Jerusalem otiwita.

11 Tipi wakan qa owanyagwašte unkitawapi, ohna atewic-unyanpi niyatanpi qon he peta on huhnaga: qa taku oiyokipi unkitawapi iyuhpa ihangyapi.

12 Jehowa, dena on ananičipte kta he; inina nanke ča nina ka-kišunyayapi kta he.

WICOWOYAKE 65.

1 Tona wimawangapi šni qon hena amakitapi; tona omade-pi šni qon hena iyemayanpi: Ikce-wicašta micaje on icajeyatapi šni qon; Wanmayaka ye, wanmayaka ye, ewicawakiya.

2 Oyate wan wawakipajin, canku wašte šni ohna iye tawacinpi eciyatanhan mani kin he anpetu osan nape wicawakiyugate:

3 Oyate wan miite itokam ohin-niyan šinhdamayanpi, can wojupi ehna wawayušnapi, qa maka omdoton ohna wizinyapi ece.

4 Hena wicašta hnakapi ehna yukanpi, qa woinahbe kin en iwankapi; kukuše šin yutapi, qa cega ohna tado ašapa hanpi hduhapi.

5 Hena heyapi; Ako inajin wo; mikiyedan u šni wo; niye isanpa miye mawakan nakaes. Dena mapoge ohna šota heca, peta wan anpetu osan itkon.

6 Iho, mitokam wowapi; Inina manke kte šni, tuka watokičon ecamon kta; han, iye maku ohna wicawecu kta;

7 Wayahtanipi qa niyatepi wahtanipi yuwitaya: hena he kin akan wizinyapi, qa paha kin akan ištenmayanpi: heon etanhan iye ohanyanpi qon hena maku ohna iwicaweciyute kta ce, Jehowa eya.

8 Jehowa kaken eya; Miniša teca kin hastanhanka iyage kin en un, qa, Ihangye šni wo, woyawašte wan en un ce, eyapi kin, he iyececa mitaokiye on ecamon kta, hecen iyuhpa ihangwicawa-ye kte šni.

9 Unkan Jakob etanhan oicage wan awau kta, qa Juda etanhan tuwe paha mitawa tawaye kta wan: hecen wicawahdašnige cin hena tawayapi kta; qa mitaokiye kin hena he en ounyanpi kta.

10 Unkan Šaron tahinca optaye otipi kin heca kta, qa Akor kaksiza kin he wanunyanpi owanka kin hee kta, mitaoyate amakitapi kin hena on.

11 Tuka Jehowa ayušanpi, paha wakan mitawa akiktonjapi, Gad (wicanhpi tanka) wahna wotapi wan wiyeya ekicihnakapi, qa Meni, (anpao wicanhpi)

WICOWOYAKE 66.

woyatke wan okicaŝtanpi kin hena niyepi.

12 Heon etanhan mazasagye ekta ciyawapi kta, qa niyepi owasin wicaktepi en yapatujapi kta: cicipanpi tuka amayadup-tapi ŝni, iwaa tuka nayahonpi ŝni, tuka miŝta itokam taku ŝica ecanonpi, qa taku iyomakipi ŝni kin he yakahnigapi;

13 Heon etanhan Jehowa Itancan kin hecen eya; Iho, mitaokiye wotapi kta, tuka niye wotekteyahdapi kta; iho, mitaokiye wayatkanpi kta, tuka niye inipuzapi kta; iho, mitaokiye wiyuŝkinpi kta, tuka niye winiŝtecapi kta:

14 Iho, mitaokiye cante waŝte on dowanpi kta, tuka niye cante ŝicapi on yaceyapi kta, qa woniya kaksapi on yaŝicahowadapi kta.

15 Qa nicajepi woyaŝice icajeyatapi kin he wicawahdaŝnige cin aihpewicayayapi kta: qa Jehowa Itancan kin nikte kta, qa iye taokiye kin wicacaje tokeca eya icaŝkiton kta.

16 Hecen tuwe maka akan ihdawaŝte kinhan Taku Wakan wicake cin on ihdawaŝte kta; qa tuwe maka akan taku eya iciconze cinhan, Taku Wakan wicake cin on konze kta; tanina woiyokiŝica kin hena akiktonjapi qa miŝta etanhan analimanpi kin heon etanhan.

17 Iho, mahpiya teca qa maka teca wakaga; unkan tanina qon hena kiksuyapi kte ŝni, qa wicacante kin en u kte ŝni.

18 Tuka niyepi, taku wakage cin on ohinniyan pidapi qa wiyuŝkin po; iho, Jerusalem he wiyuŝkinpi, qa taoyate kin woiyuŝkin wakaga heon etanhan.

19 Hecen Jerusalem on imdu-

ŝkin kta, qa mitaoyate on cante mawaŝte kta: unkan he ohna wicaceya ho kin icimana nahonpi kte ŝni, qa ŝicahowayapi ho kin nakun.

20 Hetanhan anpetu hokŝiyogopa wan icimana yuke kte ŝni, qa wicahinca anpetu imna ŝni wanice kta: hokŝiyogopa kin eqe waniyetu opawinge cinca hehan te kta nakaeŝ: tuka wahanisa kin he waniyetu opawinge kinhan yaŝicapi kta.

21 Unkan tipi kagapi kta qa ohna tipi kta; qa hastanhanka hu hdepi kta qa etanhan waskuyeca hdutapi kta.

22 Tipi kagapi kinhan tuwe tokeca ohna ti kte ŝni; wojupi kinhan tuwe tokeca yute kte ŝni: mitaoyate taanpetu kin can anpetu kin iyecece kta; qa tona wicawahdaŝnige cin hena iye nape ohanyanpi kin tehan hdu-tapi kta.

23 Takuŝni on hitanipi kte ŝni, qa woiyokiŝica on cinca tonpi kte ŝni: tona Jehowa wicayawaŝte cinca kin hena eepi, qa tona hena etanhan icagapi nakun.

24 Unkan kaketu kte, hena hoyeyapi ŝni itokam waamdupte kta, qa iahan unpi icunhan nawahon kta.

25 Ŝunktokeca qa taŝinca cinca kin aiptan wiŝhanpi kta; qa mnaja kin he tatanka iyececa peji yute kta; qa wamduŝka tawoyute maka mdu kin hee kta. Paha Wakan mitawa owancaya wayuŝicapi kte ŝni, qa waihangyapi kte ŝni, Jehowa eya.

WICOWOYAKE 66.

1 Jehowa hecen eya; Mahpiya kin he mitoiyotanke kin ee, qa maka kin misiha oahde kin hee. Tipi miyecagapi kte cin tukte

ISAYA TAWOYUKCAN KIN,

e he ; qa woozikiye mitawa kin tukten yanka he.

2 Dena owasin minape kaga, qa dena owasin ecen un, Jehowa eya : tuka de ekta ewatonwe kta, tuwe onśike ça taniya kaśujapi, qa mioie on cancan kin he.

3 Tuwe tatanka kikte kin he wicaśta kaśtaka iyececa ; tuwe taħinca cinca wayuśna kin śun-ka tahu kakse cin iyececa ; tuwe minha wan wayuśna kin he kukuśe we iyececa ; tuwe wizinyapi wokiksuye wośna kin he wakagapi wan yawaśte kin iyececa. Han, hena e canku hdaħnigapi, qa taku śapa tawapi on nagi ihduśkinpi.

4 Miś eya wicoiyokiśica wicawecicaħnige kta, qa taku koki-papi kin hena en awicawau kta. Wicawakipan qehan tuwedan waayupte śni ; iwae cehan naħonpi śni ; tuka miśta itokam taku śica econpi, qa taku iyomakipi śni kin hena hdaħnigapi kin heon etanhan.

5 Tona iye oie on nicancanpi kin, Jehowa oie kin naħon miye : Nihunkawanjipi śicenidapi, qa micaje on etanhan tankan elpe-niyanpi qon hena, Jehowa yuwitanpi nunwe, eyapi : tuka wi-duśkinpi kta on ihdutanin kta, qa hena ege iśtecapi kta.

6 Oqoyapi ho wan otonwe kin etanhan ; tipi wakan kin etanhan wicaho wan ; Jehowa tona tokayapi towicakicieon ho kin hee.

7 Hokśiksuye śni itokam hiyuya, hinyaħin wayazanhda śni itokam hokśidan wan ton.

8 Taku he iyececa tuwe naħon he ; tuwe taku hececa wanyaka he. Maka kin anpetu wanjidan en waicalıye kta he ; oyate wan wancahna wicatonpi kta he :

Tuka Zion hokśiksuya hehantudan cinca hiyuwicaya.

9 Ihduħdece wakiye kta qa hiyuwakiye kte śni he, Jehowa eya : hiyuwakiya eśta onawata-ke kta he, nita Wakantanka eya.

10 Jerusalem kici wiyuśkin po, qa tona waśte yadakapi owasin kici cante waśte miye ; wowiyuśkin on kici wiyuśkin po, tona ayakiceyapi kin iyulıpa.

11 Hecen ayazinpi kta qa to-cantohnake aze on winipipi kta ; hecen dazokapi kta, qa iye towitan aze ojudan kin etanhan wiyuśkinniçiyapi kta.

12 Jehowa kaken eya ; Iho, wakpa iyecen wookiye waqu kta, qa Ikcewicasta towitanpi kin mini kaduze cin iyececa. Hehan ayazinpi kta, maku ohna niyuhapi kta, qa śiyoto akan niyuhnahnapi kta.

13 Tuwe hunku cantohnagye cin he iyecen cantohnagciyapi kta ; qa Jerusalem en wacintoshnagnianpi kta.

14 Tohan wandakapi kinhan nicantepi iyuśkin kta, qa nihuhupi kin wato iyecen icage kta. Unkan Jehowa nape kin he iye taokiye sdonyapi kta, qa tokawicaye cin en iye tośinhda kin tan-in kta.

15 Iho, Jehowa peta yuha u kta, qa canpahmihma tawa kin tate iyumni iyececa ; hecen to-canniye kin wośinhda kici, qa toiyopeye kin peta ide kici wicaku kta.

16 Peta on qa iye tamazasagye on Jehowa wicaceħpi iyulıpa om wohdake kta : unkan Jehowa wicakte kin hena ota kta.

17 Tona ihduwakanpi qa can wojupi ehna ihduskapi, cokata wanji ihakam, kukuśe śin, qa taku aśapa, hitunkadan ko yutapi

WICOWOYAKE 66.

kin hena yuwitaya awihnunipi kta, Jehowa eya.

18 Unkan kaketu kte, iye ohan-pi qa tawacinpi kin hena on etanhan Ikcewicašta qa wicace-ji iyulipa mduwitaya kta : unkan hena upi qa mitowitan kin wan-yakapi kta.

19 Unkan hena wicehna wowa-
kta wan ewahnake kta, qa tona etanhan najicapi kin hena Ikce-
wicašta kin ekta yewicawaši
kta, Tarśiś, Pul qa Lud, hena itazipa ekatapi ; Tubal qa Javan, wita tehan unpi kin, tona oma-yakapi nahonpi śni qa mitowi-tan wanyakapi śni. Unkan hena iś Ikcewicašta ehna mitowitan yaotaninpi kta.

20 Qa hena nihunkawanjipi owasin awicaupi kta, Jehowa wakiyuśnapi wan, Ikcewicašta owasin etanhan, śuktanka akan, qa canpahmihma ohna, qa tato-kadan akan, qa śonśonna akan, qa camo cincapi akan, Jerusalem

Paha Wakan mitawa ekta, Israel cinca wośna wan waksica ska ohna Jehowa ti kin en ahipi kin he iyececa, Jehowa eya.

21 Unkan miś eya hena etan-han wawayuśnapi qa Lewi wica-šta hecapi kta e iwicawacu kta ce, Jehowa eya.

22 Małpiya teca qa maka teca wakage kte cin hena mitokam wanke kta, he iyecen niye nicin-capi qa nicajepi unpi kta ce, Je-howa eya.

23 Unkan kaketu kte, wi teca wan etanhan witeca ekta, qa wookilipe etanhan wookilipe e-
kta hehanyan, wicacełpi owasin mitokam waohoda au kta, Je-howa eya.

24 Qa hena yapi kta, qa wica-šta wamicilhtanipi tancan ąapi kin wanwicayakapi kta. Wamdu-śka tawapi kin ąe kte śni, qa pe-ta tawapi kin kasnipi kte śni : tuka wicacełpi owasin hena wo-waliteda śni yawapi kta.

JEREMIAH TAWOYUKCAN KIN.

WICOWOYAKE 1.

1 Jeremiah Hilkih cinhintku oie kin dena; Benjamin makoce kin en wawayuśna Anathoth en ounyanpi kin hetanhan:

2 He qe Jehowa oie kin en hi, Josiah Amon cinhintku Juda wicaśtayatapi taanpetu kin en, waniyetu iakeyamni wicaśtaya-tapi yanka hehantu.

3 Nakun Jehoiakim Josiah cinhintku Juda wicaśtayatapi taanpetu kin en, Zedekiah Josiah cinhintku Juda wicaśtayatapi tawaniyetu iakewanji ihanke kin hehanyan, wi izaptan en Jerusalem wayaka ayapi kin hehanyan.

4 Unkan Jehowa oie en mahi kin he hecen eya:

5 Wicatezi ohna cicaġe cin he itokam sdonciya; qa tamni kin etanhan inayape śni he itokam ciyuwakan, oyate kin en wicaśta wokcan cicaġa ce.

6 Hehan hepa; Hehehe, Jehowa Itancan, wanyaka ye, iapi onmaspe śni; homakśidan nakaes.

7 Tuka Jehowa hemakiya; Homakśidan ce, eye śni wo; tona ekta yeciśi kin owasin ekta de kta, qa taku eye ciśi kin hecehin odake kta ce.

8 Hena itokam kopehda śni wo; miye ecihdaku kta on cici waun nakaes, Jehowa eya.

9 Hehan Jehowa nape hiyukiya qa i mayutan: qa Jehowa hemakiya; Iho, mioie kin nii en owahnaka ce.

10 Wanyaka wo, anpetu kin de oyate kin wiciwankam ecihnaka,

Jeremiah.

qa wokiconze kin iwankam, yujunpi qa yujupi kin on, qa ihangyapi qa yutakunipi kte śni on, icaliyapi qa ojupi kta on etanhan.

11 Hehan Jehowa oie en mahi kin he hecen eya; Jeremiah, taku wandaka he. Unkan, Waa-wanyake can adetka wanji wandaka ce, epa.

12 Hehan Jehowa hemakiya; Tanyan wandaka: mioie wadhuecetu kta on awanwahdake kta nakaes.

13 Unkan Jehowa oie kin inonpa en mahi; Taku wandaka he, eya. Unkan hepa; Cega ipiga wan wandaka, qa ite kin waziyata ektakiya yanka ce.

14 Hehan Jehowa hemakiya; Waziyatanhan wośice wan makoce en ounyanpi kin owasin ahiju kta ce.

15 Iho, waziyata wokiconze kin wicowazipi kin owasin wicawakipan kta, Jehowa eya: unkan hena upi kta, qa otioyohi toiyotanke kin Jerusalem tiyopa yulidokapi kin en ekihdepi kta, qa conkaśke ihdukśan wanke cin owasin akan, qa Juda otonwe kin owasin ekta.

16 Unkan tona amayuśtanpi qa taku wakan tokeca izinwicakiyapi, qa iye nape ohanyanpi kin en patuśicēiyapi kin hena taku śica econpi kin owasin on woyaco mitawa mdaotanin kta ce.

17 Heon etanhan niye najin qa ipiyag kton wo, qa miye taku eye ciśi kin owasin owicakiyaka wo; hena itepi kin on kopehda

JEREMIAH TAWOYUKCAN KIN,

śni wo, okinni wicitokam wako-
kipe cicage kta.

18 Unkan miye, iho, anpetu kin
de, otonwe acankaškapi wan iye-
ceca cicaga, qa mazasapa bo-
sdan he cin iyececa, qa mazaša
conkaške kin iyececa, makoce
kin owasin on, Juda wicaštaya-
tapi kin on, wicašta ihdawapi
kin on, wošna kağapi kin on, qa
makoce en oyate kin hena on
etanhan.

19 Unkan hena e nicizapi kta
tuka ohiniyanpi kte śni; miye
ecihdaku kta on cici waun kta
nakaes, Jehowa eya.

WICOWOYAKE 2.

1 Hehan Jehowa oie en mahi
kin he hecen eya:

2 Ya wo, qa Jerusalem noğe
ohna eyanpaha wo, hecen eya
wo; Jehowa hecen eya ce; Ci-
ksuya, winikoška towašte kin,
wakankiciyuzapi nitawa tocante-
kiye kin, hopuza en, makoce
ojupi śni ohna mihakam yau qe-
han:

3 Israel wakan, Jehowa en, toi-
cage tokaheya suton kin hee:
tona temyapi kin hena owasin
śicaya econpi kta; wošice en
awicau kta ce, Jehowa eya.

4 Jakob tiyohnaka qa Israel
tipi wicowazi iyulpa, Jehowa
oie kin nañon miye:

5 Jehowa hecen eya; Taku
śica en maun nihunkakepi iyeya-
pi kin tukte e he, hecen tehan
imayayapi, qa takuśni kin iha-
kam manipi, qa takuśni içicaga-
pi he:

6 Qa, Tuwe Egipta makoce
kin etanhan hinanpe unyanpi
qon, tuwe hopuza kin en mani
unkiyapi, hewotahedan makoce
qa woħa yuke cin ehna, makoce
puza qa wiconte ohanzi kin en,

makoce wicašta tuwedan ohna
mani śni, qa wicašta cinca tu-
wedan ohna ti śni ece, Jehowa
hee tukten un he, eyapi śni.

7 Unkan makoce cepa wan en
hiyuciyapi, waskuyeca tawa qa
taku wašte oicage tawa kin ya-
tapi kta heon: Qa en hidupi qa
makoce mitawa duścapi qa taku
mitawa kin wowalhteśni yaka-
ğapi tuka qon.

8 Wawayuśna kin hena, Jeho-
wa tukten un he, eyapi śni; qa
tona woope awanyakapi kin he-
na sdonmayanpi śni; nakun wa-
wihanwicakiye cin hena wama-
kihtanipi, qa wicašta wokcan
kin hena Baal on waayatapi, qa
taku waokiye śni imanipi ece.

9 Heon etanhan nakun acicini-
ca kta, Jehowa eya, qa nicinca
cincapi kin om wahdokinica kta
ce.

10 Hecen Kittim makoce kin
ekta ya po, qa wanyaka miye;
qa Kedar ekta ye wicaši po, qa
tanyan awacin po, qa taku hece-
ca yuke cinhan wanyaka po:

11 Oyate wan taku wakan ta-
wa, wakan śni qeyaś, hena hdu-
tokecapi he: tuka mitaoyate iye
towitanpi kin taku waokiye śni
on tokiyopekiyapi.

12 Mahpiya kin, de on inihan
po, qa nihinciya miye; nina tan-
sag ƚa nunwe, Jehowa eya.

13 Mitaoyate taku śica nom
econpi; miye amayuśtanpi wi-
coni minihdoka kin he, miniyowe
içicapi kta e heon, miniyowe
kaolhpapi, mini yuhe kta okihi
śni heca.

14 Israel wowidake heca he;
tipi kin ohna tonpi hecinhan to-
keca wakipi he.

15 Mnaja cinca kin hena aho-
tonpi; wanna ho hdataninpi, qa
makoce tawa hewoskan kica-
ğapi; otonwe tawa kin hena

WICOWOYAKE 2.

huhnahyapi, tuwedan en ounye
śni.

16 Nakun Noph qa Tahapanes
cinca kin hena pesdete nicalide-
capi.

17 De niye nicicage śni he ;
Jehowa Taku Wakan nitawa
canku ohna maniniye cion he
ehpeyaya, heon etanhan.

18 Unkan nakalia Egupta can-
ku iyahde kin ohna, Sihor mini
kin datke kta, taku iniwašte kta
he ; qa Aśur ekta canku kin ohna
taku iniwašte kta he, wakpa kin
etanhan mini datke kta.

19 Niye niohan śice cin he
nihdaštaka kta, qa wayakipajin
kin he iyopeniye kta : heon etan-
han sdonya wo, qa wanyaka wo,
Jehowa Taku Wakan nitawa
ehpeyakiye ça mitokokipe en
ni un śni kin he taku śica qa pa
hinca, Jehowa ozuye Itancan kin
he hecen eya.

20 Wanakaja cannapinpi nita-
wa mduksaksa, on nicaškapi kin
mdupsapsaka : unkan, Wawaki-
pajin kte śni ce, eha ; tuka paha
pajodan owasin akan, qa can te-
ca otoiyohi ihukuya wawiciha-
hapi imayani ece.

21 Heca ešta miye qe hastan-
hanka iyuwi kašnigapi wan hu-
cihde, ocowasin ojupi wašte lin-
ca heca : unkan token hastanhan-
ka tokeca, huhdepi śica kin heca
imiyecicaga he.

22 Neter on nihdujaja qa wipa-
jaja ota iyacu qeyaś, wayahtani
kin mitokan okaḡopi yanka ce,
Jehowa Itancan kin eya.

23 Mihduśapa śni, Baalim iha-
kam mawani śni ce, token ehe
kta he : kaksiza kin ohna nita-
canku wanhdaka wo ; taku eca-
non kin he sdonkiya wo ; son-
sonna duzahan canku icipawe-
liya ece kin henica :

24 Šonsonna wiye wan mako-

skan un ece kin he token iyokipi
tate omna eca, tuwe hdicukiya
okihi kta he : tona odepi owasin
ito mdokišteiciyapi kte śni, wi to-
han iyehantu kinhan iyeyapi kta.

25 Sicodan unpi kin etanhan
nisiha kpatan wo, qa dote nita-
wa ipuzapi kin etanhan. Tuka
heha ; Wacinyepica śni ; hiya,
wicašta tokeca waštewicawada-
ke ça hena wicihakam mde kta
ce, eha.

26 Wicašta wamanon iyeyapi
kinhan išteca ece, he iyecen Is-
rael tiyohnaka ištenciçiyapi, iyepi,
wicaštayatapi tawapi, wicašta
itancan tawapi, wawayuśna ta-
wapi qa wicašta wokcan wica-
yuhapi :

27 Hena e qe, Atewaye cin he
niye ce, can kin eciyapi ; qa,
Niye mayakaga ce, inyan kin
eciyapi : Tapete makiyuhomnpi
qa itepi kin ee śni qeyaś tohan
iyokiścicapi eca, Najin qa niun-
kiya miye, eyapi ece.

28 Tuka taku wakan niçicage
cin hena tukte e he : hena ees
najinpi qa iyoniciśica anpetu kin
en niniyanpi kta, okihipi kin-
han : Juda, nitotonwe tonakeca
hecinhan taku wakan nitawa kin
henakeca ce.

29 Tokeca kici amayakinicapi
kta he : iyulpa mayakipajinpi
nakaes, Jehowa eya.

30 Ituhin nicinca wicawaka-
štaka : wowaonspekiye ecaca
icupi śni : Mazasagye nitawapi
kin he wicašta wokcan nitawapi
ihangwicaya, mnaja waihangye
cin iyececa.

31 Wicoicage, niye Jehowa oie
kin wanyaka po : Israel ekta he-
woskan makoce, qa otpaza ma-
koce kin hemaca he. Unkiye
wicaštaunyatapi ; icimana en
unnikupi kte śni ce, tokeca mi-
taoyate eyapi he.

JEREMIAH TAWOYUKCAN KIN,

32 Wicinyanna wan oinpi tawa, qa wikoška wan tawanapin akiktonje kta he : tuka mitao-yate anpetu yawapica šni amiktonjapi ce.

33 Tokeca waštedakapi ayakita on nitacanku piyakiya he : hecen nitacanku on niohan šica onspewicayakiya ecc.

34 Nakun nitašina en walipnica wiyaonpepeca šni nađi we kin he iyeyapi. Ohna qapi kin he eciyatanhan iyewaye šni, tuka dena owasin akan.

35 Tuka kaken eha ; Wiyaonpepica šni waun, heon awicakehan iye tocanniye kin mitantanhan hduhomni kta : Iho, wawahitani šni ce, ehe cin heon woyaco kin en acicinica kta.

36 Tokeca nitacanku ijehan dutokeca kta on nina imayani he : Ašur on ištenniyanpi kin he iyecen Egipta on nakun ištenniyanpi kta.

37 Nakun detanhan inayape kta, qa ninape nipa akan yanke kta : tona wacinwicayaye cin hena Jehowa wahitewicada šni nakaes, qa hena on tanyan yaun kte šni.

WICOWOYAKE 3.

1 Heyapi ecee ; Wicašta wan tawicu kpağan kinhan, qa hetanhan iyaye ça wicašta tokeca tawaya hecinhan ake en hde kta he : makoce kin he nina yušappi kte šni he. Tuka niye qe waštewicayadake cin ota om wawicilihapi ecanon ešta miye en ihdoku wo, Jehowa eya.

2 Paha ipa kin ektakta etonwan qa iwanyaka ye, tukte en niciwankapi šni he : Arab wicašta makoskan ti kin he iyecen canku ohnahna iyawicape nanka ; hecen wawicilihapi nitawa

qa niohan šice cin on makoce yahdušapa ce.

3 Heon etanhan magaju kin anaptapi, qa magaju ehake kin he wanica : tuka wihomni win ite heniceca, iništece kta wicayada šni.

4 Detanhan, Ate, homakšiyopayus amayan kin he niye ce, eya hoyemayakiye kte šni he.

5 Ohinniyan kpatan kta he ; owihanke behanyan hduhe kta he. Iho, iyae ça token oyakihi hecen taku šica ecanon ece.

6 Hehan Josiah wicaštayatapi taanpetu kin en Jehowa hemakiya ; Israel wawakipajin kin he taku econ kin wandaka he : paha tehanwankantu owasin ekta iyaya, qa can teca otoiyohi ihukuya, qa hen wawicilihapi econ ece.

7 Unkan hena owasin econ kin iyohakam hepa ; Miye en ihdoku wo : Tuka ihdoku šni. Unkan cunku Juda wahnaye sa kin he he wanyaka.

8 Hehan wanmdaka, dena taku owasin on, Israel wawakipajin wawicilihapi econ kin on elipewakiya, qa kpağanpi wowapi wan waqu ; hereca ešta cunku Juda wahnaye sa kin he kokipe šni, tuka iye linca iyaye ça nakun wawicilihapi econ.

9 Unkan oħankoya witkowinna oħanyan kin on makoce kin hdušapa, qa inyan qa can kici wawicilihapi econ ece.

10 Tuka nakun dena owasin on etanhan cunku Juda wahnaye sa kin he cante ocowasin on miye en ihdoku šni, tuka itonšni, Jehowa eya.

11 Hehan Jehowa hemakiya ; Juda wahnaye sa isanpa Israel wawakipajin kin nađi ihduowotanna ce.

12 Ya wo, qa waziyatakiya

WICOWOYAKE 4.

wicoie kin dena ieyanpaha, qa heya wo; Israel wawakipajin, ihdoku wo, Jehowa eya; mitocanniye kin he anihinlipaye waye kte śni: waonśiwada nakaeś, Jehowa eya, ohinniyan wośinhda wahduhe kte śni ce.

13 Tuka wayalitani kin he sdonkiya wo; Jehowa Taku Wakan nitawa kin he yakipajin, qa nitacanku wicaśta tokeca en wicayakipemni, can toto otoiyohi ihukuya; qa miho kin he anayağoptanpi śni ce, Jehowa eya.

14 Cinca wawakipajinpi, hdicu po, Jehowa eya, cihduzapi nakaeś; kinhan otonwe wan etanhan wanjidan, qa wicowazi etanhanhan nom icicupi, qa Zion ekta hiyuciyapi kta ce.

15 Qa wonwicaye micante eciyatanhan kin heca ciçupi kta; unkan hena wosdonye qa wookaħniğe yunniciyapi kta.

16 Unkan tohan makoce kin ohna nihduotapi qa inicağapi kinhan, anpetu kin hena en, Jehowa tawotakuye canwohnaka kin, tohinni eyapi kte śni, Jehowa eya; qa he cante en yuzapi kte śni, qa kiksuyapi kte śni, qa wanyag yapi kte śni, qa tohinni kağapi kte śni.

17 Hehan Jerusalem Jehowa toiyotanke eciyapi kta; qa en oyate kin owasin mniciyapi kta, Jehowa caje kin on, Jerusalem ekta: qa nakun ake icimana iye cante śicapi wacinyuzapi kin hena eciyatanhan manipi kte śni.

18 Anpetu kin hena en Juda tiyohnaka Israel tiyohnaka kin kici mani kta, qa hena yuwitaya waziyata makoce kin etanhan hiyupi kta, makoce hunkakewicayayapi hduhapi kta wicawaqu qon he ekta.

19 Tuka miye qe hepa; Token cincapi kin en opeciye kta he;

qa makoce oiyokipi ciçu kta, oyate wicota yuhapi kta cinpi qon he. Nakun hepa; Niye, Ate emayakiye kta, qa miye etanhan nihduhomni kte śni ce.

20 Awicakehan, winohinca wan hihnaku okiħanśunkeca he iye-cen Israel tiyohnaka omakiħanśunkeca ce, Jehowa eya.

21 Paha pajodan kin etanhan wicaho wan nahonpi, wicaçeya, Israel cinca cekiyapi kin hee: canku ihduśicapi, Jehowa Taku Wakan tawapi kin he akiktonjapi, heon etanhan.

22 Hokśiyopa wawakipajinpi, hdicu po, wawayakipajinpi kin he okiziwaye kta ce. Iho, en unnikupi, Jehowa Taku Wakan unkitawapi kin he niye nakaeś.

23 Awicakehan paha kin etanhan taku śni, ĩe ota kin hena: Awicakehan Israel towanikiye kin he Jehowa Taku Wakan unkitawapi kin en un.

24 Nakun wowištece houkśiyopapi ehantanhan atewicunyanpi toħitanipi kin temya; taħinca optaye qa tatanka tawapi, cinhintkupi qa cunwintkupi koya.

25 Unkištecapi kin en unkiwan-kapi, qa wowištece unkitawapi unkaħapapi: Jehowa Taku Wakan unkitawapi awaunkihitanipi nakaeś, unkiye qa atewicunyanpi, houkśiyooqopapi etanhan, anpetu kin dehanyan; qa Jehowa Taku Wakan unkitawapi ho kin anaungoptanpi śni ce.

WICOWOYAKE 4.

1 Israel, yahdicu kta hecinhan miye en hdicu wo, Jehowa eya; qa mitokapatanhan wośice nitawa yutokan iyeyaye cinhan onuni yaun kte śni ce.

2 Tohan, Jehowa ni un ce, wovicake en, woyaco en qa woo-

JEREMIAH TAWOYUKCAN KIN,

wotanna en, eya niçiconza kinhan, hehan Ikcewicašta kin iye on ihdawaštepi kta, qa iye on ihduwitanpi kta.

3 Jehowa Juda qa Jerusalem wicašta kin hecen ewicakiya; Mağa yumdupi nitawapi kin akta hdumdu po, qa wapepeka ehna wojupi šni po.

4 Juda wicašta qa Jerusalem en ounyanpi, Jehowa on ohomni bakiłdaya po, nicantepi ha iyotan kin he eyaku po: okinni niohanpi šice cin on mitošinhda peta iyecen hiyu kta, qa ide kin tuwedan kasni kte šni.

5 Juda en oyaka po, qa Jerusalem en eyanpaha po; qa heya po; Han, makoce kin ohna mazayahotonpi tanka kin yajo po; ihduwitaya hoyeya po, qa heya po; Ihduwitaya miye, otonwe acankaškapi kin hena en unyanpi kta:

6 Zion ekta wiyokihedan ekihde po: inalini po, owanji yukanpi šni po; waziyatanhan taku šica wan qa wicotakunišni tanka awau kta nakaes.

7 Otehi tawa kin etanhan mna-ja kin hiyu, qa Ikcewicašta oyate ihangwicaye kte cin he ihdaka u: makoce nitawa ihangye kta heon iye tohe kin etanhan hinanpa: nitotonwe kin awihnu-nipi kta, tuwedan ohna ti kte šni.

8 He on wakihdaka ipiyag kiton po, wašihdapi qa šicahowaya po; Jehowa tocanteptanye wohi-tike cin unkiciyuhomnipi šni, heon etanhan.

9 Unkan anpetu kin he en kaketu kta, Jehowa eya: Wicaštayatapi cante kin atakuni kte šni, qa wicašta ihdawa cantepi kin; qa wawayušna kin hena nihinci-yapi kta, qa wicašta wokcan kin yušinyayapi kta ce.

10 Hehan miye hepa; Hehehe Jehowa Itancan, awicakehan oyate kin de qa Jerusalem nina wicayahnayan, Wookiye duhapi kta eyapi kin he on; tuka mazasagye wicanagi kin hiyohiya ce.

11 Hehan oyate kin de qa Jerusalem hewicakiyapi kta; Hopuza makoce kin etanhan tateyanpa kata wan mitaoyate cunwin-tku kin en u kta, kaduge kte šni qa kaska kte šni:

12 Tateyanpa suta hinca wan hetanhan miye on u kta; hehan miye hinca wicamdaco kta ce.

13 Iho, mahpiya šapa kin iye-cen wankan u kta, qa canpahmihma tawa kin tateiyumni iye-cece kta; šuktanka tawa kin hena wanmdi isanpa duzahanpi. Hehehe unkiyepi; ihangunyanpi hinca nakaes.

14 Jerusalem, taku šica etanhan nicante hdujaja wo, hecen nini-yanpi kta: tohanyan nitawacin šica mahen niun kta he.

15 Wicaho wan Dan etanhan eyanpaha, qa Ephraim he kin etanhan wošice oyaka ece:

16 Ikcewicašta oyate kin owicakiyaka po; Iho, Jerusalem ekta eyanpaha po; Iwanyakapi kin heca makoce tehan etanhan upi, qa Juda otonwe kin iyawicašapi kta ce.

17 Mağa awanyakapi kin he iyecen he ihdukšan hiyeya: iye makipajin, heon etanhan, Jehowa eya.

18 Nitacanku qa niohan kin hena taku dececa nicicağa; wošice kin he niye nitawa, tehike hinca qeyaš nicante kin en iya-hde.

19 Mitezi, mitezi! micante oge ekta mayazan; mahen micante šicahowaya; inina manke kte šni; mazayahotonpi tanka ho

WICOWOYAKE 5.

kin minagi nahon, kiczapi iya-
sapi kin hee.

20 Kamdecapi, kamdecapi iya-
hna oyakapi: makoce ocowasin
atakunišni nakaes; ihnuhanna
wakeya mitawa ihangyapi, ozan-
pi mitawa istakakpanpi wan en.

21 Tohanyan wápahaša kin
wanmdake kta he: tohanyan
mazayahotonpi tanka ho kin na-
wahon kta he.

22 Mitaoyate kin witkotkoka,
miye sdonmayanpi šni: hokši-
yopa wačinton šni, qa takudan
okałniğapi šni: taku šica econ
wayupikapi, tuka taku wašte
econpi kta sdonyapi šni.

23 Maka kin ekta ewatonwan,
uncan iho, takudan en un šni,
qa toketu tanin šni; małpiya
kin ekta, unkan iyoyanpa wanica.

24 He kin ekta ewatonwan,
uncan iho, hena cancan, qa paha
kin owasin škanškan:

25 Ekta ewatonwan, unkan iho,
wicašta wanica, qa małpiya
okinyanpi kin owasin najicapi.

26 Ekta ewatonwan, unkan iho,
Karmel hopuza icaga, qa toton-
we owasin ihangyapi hinca, Je-
howa itohnake kin on, iye tošin-
hda wohitike on etanhan.

27 Jehowa hecen eya ce: Ma-
koce kin ocowasin hewoskantu
kta, tuka ocowasin owihanke
waye kte šni.

28 De on makoce kin ceye kta,
qa wankan małpiya kin sapa icu
kta: miye hepa nakaes, miye
hecen wakonza, qa iyopemičiye
kte šni, qa etanhan nawamni kte
šni ce.

29 Šuktanka akan iyotankapi qa
itazipa yuhapi iyašapi kin on
otonwe kin ocowasin najica:
contanka kin mahen iyayapi qa
imnija kin adipi; otonwe owasin
elipeyapi qa wicašta tuwedan
ohna ti šni.

30 Unkan ihangniyanpi kinhan
niye taku ecanon kta he. Wo-
koyake duta kodaka ešta; ma-
zaskazi oinpi kin on nihduwašte
ešta; wašeša on ništa yahdu-
tanka qeyaš, taku on etanhan
šni owanyag wašte ničicage kta:
canteniciyapi kin hena elipeni-
yanpi kta, hena ninagi akitapi
kta.

31 Wanji hokšiksuya ho kin
nawahon, tuwe hokšin tokaheya
hiyuya šicahowaya, Zion cun-
wintku ho kin hee; tehiya niya,
nape hduğata; Hehehe miye,
tinwicaktepi kin on minagi skan
aya ce.

WICOWOYAKE 5.

1 Jerusalem canku kin ohnahna
ya po, qa wanna wanyaka po, qa
sdonya po; qa canku tanka kin
ohna ode po; wicašta wanjidan
iyeyayapi kinhan; tuwe wokon-
ze econ kinhan, tuwe wowicake
akita heca yuke cinhan, wakpa-
tan kta ce.

2 Tuka, Jehowa ni un ce, eyapi
ešta, awicakehan itonšniyan iči-
conzapi kta.

3 Jehowa, ništa wowicake kin
ekta yanke šni he: Hena wica-
yakaštaka tuka iyokišicapi šni:
hena wicadutakuni šni; woiyo-
peye icu wacinpi šni: imnija
isanpa ite suta ičicagapi: ahdi-
yaku kta wicadapi šni.

4 Hehan hepa; Awicakehan
dena onšikapi; dena witkotko
ayapi; Jehowa tacanku, Taku
Wakan tawapi tawokonze kin
sdonyapi šni nakaes.

5 Miye hinca wicašta tankin-
kinyan ekta mde kta, qa hena
om wowahdake kta; hena eqe
Jehowa tacanku, Taku Wakan
tawapi tawokonze kin sdonyapi
naceca: tuka is eya cannapinpi

JEREMIAH TAWOYUKCAN KIN,

kin ocowasin hduwegapi, icaške kin hduksapi.

6 Heon etanhan mnaja wan contanka kin etanhan wicakte kta; šunktokeca wan tintoskan tanhan ihangwicaye kta; inmu hota tanka wan otonwe tawapi kin awanyake kta: hetanhan tankan yapi kin otoiyohi yahdehdecapi kta: wahtanipi kin hena ota, wawakipajinpi kin ihduotapi nakaes.

7 De on token cicicajuju kta he. Nicinca amayušanpi qa taku wakan šni kin on iciconzapi. Miye qe imnahan wonwicawaya tuka wawicihalapi econpi, qa witkowinpidan tipi kin ohna mniciyapi.

8 Šuktanka hanhanna eca wonwicayapi kin iyececap; otoiyohi iye takodaku tawicu ahotonpi ecee.

9 Dena on en wicawai kte šni he, Jehowa eya: qa oyate wanji dececa kin en minagi watokičon kte šni he.

10 Inyan conkaške tawa kin akan ya po, qa waihangya po: tuka ocowasin owihankeyapi šni po: Adetka tawa kin hena eyaku po; hena Jehowa tawa šni nakaes.

11 Israel tipi qa Juda tiyohnaka kin hena wohnaye on šicaya ecamiconpi ce, Jehowa eya.

12 Hena Jehowa oitonpišni, qa, He iye šni; qa taku šica en unkaupi kte šni; nakun mazasagye qa wicaakihan wanunyakapi kte šni ce, eyapi.

13 Unkan wicašta wokcan kin tate heca kta; qa wicoie kin en wicaun šni: hecen ecawicakiconpi kta ce.

14 Heon etanhan Jehowa Wakananka ozuye yuhe cin he hecen eya; Iapi kin de ehapi kin heon, iho, mioie kin he nii

ohna peta wakađe kta, qa oyate kin de can heca kta, unkan hulinahiwicaye kta ce.

15 Wanyaka wo, Israel tiyohnaka, oyate wan tehantanhan niye en awau kta ce, Jehowa eya: oyate wan wašake hinca, oyate wanakajatanhan un, oyate iapi tawa kin sonyaye šni, qa taku eyapi kin nayahon kte šni.

16 Wanju tawapi kin woha yuhdokapi kin heca, owasin wicašta wašaksaka.

17 Unkan wojupi nitawa qa woyute nitawa temniciye kta; qa nicinkši nicunkši kici temniciyapi kta; tahinca wanunyanpi nitawa qa tatanka nitawa temye kta; hastanhanka iyuwi nitawa qa witanšna hu nitawa temye kta; nitotonwe acankaškapi wacinyaye ciqon hena mazasagye on ocowasin ihangye kta.

18 Tuka hececa ešta anpetu kin hena en ocowasin ihangciyapi kte šni, Jehowa eya.

19 Hehan kaketu kta, tohan, Tokeca e Jehowa Taku Wakan unkitawapi kin dena owasin ecaunkiconpi he, ehapi kinhan, hehan niye awicayadupte kta; Niye amayadušanpi qa nitamakoce ohna taku wakan tokeca ohoyadapi kin he iyecen makoce nitawapi šni ohna wicašta tokeca wowidagnianpi kta ce.

20 Jakob tiyohnaka en de oya-ka po, qa Juda ohna eyanpaha, heya po;

21 Oyate witkotkoka qa wacinton šni unpi, wanna de nahon miye; išta yukanpi tuka wawan- yakapi šni; noge yukanpi tuka wanahonpi šni:

22 Miye komayakipapi kte šni he, Jehowa eya: Miye miniwan- ca opapun kin wiyaka ewahnaka, wokonze owihanke wanica on, unkan acakšin iyaye šni; taja

WICOWOYAKE 6.

kin ipsipsica ešta okihi šni; qa nina hotonton ešta acakšín iyaye šni, mišta itokam nicancanpi kte šni he.

23 Tuka oyate kin he wicacante pemni qa wawakipajin ece kin he en un; wawakipajinpi qa iyayapi ce.

24 Nakun cante mahen, Wana Jehowa Taku Wakan unkitawapi kounkipapi kta, he qe mağaju hiyuya ece, tokaheya qa ehake kin iyehantu kinhan; anpetu wakan tona woksapi kta iyehantu konzapi qon hena unkicipatanpi ce, eyapi šni.

25 Taku šica ecanonpi kin hena dena yutokan iyeyapi, qa wayahtanipi kin hena taku wašte anicinicipi ece.

26 Mitaoyate ehna wicašta šicapi yukan; waakita unpi, tuwe mazahitakiyapi eonpe cin iyececa; on hmunkapi kin ehnapapi, wicašta wicayuzapi ece.

27 On hmunkapi wan zitkadan ojudan kin he iyececa tipi tawapi kin wolnaye on ojukiypapi: heon tanka icagapi qa wijica ayapi.

28 Hena cepa aya, hena iyegapi: han, tona šica oiepi kin kapeyapi ece; woyaco on wayacopi šni, wamdenica tawoyaco kin hee, tuka wapiya unpi; qa wicašta onšikapi taku owotanna wicakiciyuštanpi šni.

29 Dena on en wicawai kte šni he, Jehowa eya: oyate kin dececa on minagi watokiçon kte šni he.

30 Taku wowinihan qa wowitonpe hinca makoce kin ohna econpi:

31 Wicašta wokcan itonšniyan woyakapi, qa hena napepi on wawayušna kin itancan unpi: unkan mitaoyate kin hecetu da-

kapi: hecen he owibanke kin en token ecanonpi kta he.

WICOWOYAKE 6.

1 Benjamin cinca, Jerusalem cokayatanhan napa inalni po; qa Tekoa en mazayahotonpi tanka kin yajo po; qa Beth-hakerim ohna wiyokihedan ehde po: waziyatanhan wošice qa woihangye tanka tanin nakaes.

2 Wanji owanyag wašte qa tanyan icahyapi kin heca Zion cunwintku kin imdacin.

3 Waawanyake optaye tawapi kin om en hipi kta; hena en ikiyedan iticagapi kta, ihduksantanhan; otoiyohi iye tohe kin en wiłhanpi kta.

4 En okicize yuwankan po; najin po, wiyotanhan hehan anatan unyanpi kta. Hehehe, unkiyepi, anpetu kin wanna hena-keca, hitayetu ohanzi kin hanskaska aya ce.

5 Najin po, qa hanyen unyanpi kta, qa tipi waštešte tawa kin ihangunyanpi kta.

6 Jehowa ozuye yuhe cin he hecen eya; Can kaksa po, qa Jerusalem icahda paha wan kağa po: otonwe en hipi kte cin he dee: ocowasin wokakišye cokaya yanka ce.

7 Miniyowe wan mini hiyuye cin he iyecen wicoħan šica tawa kin hiyuya ece: iye ohna wokakišye qa wicakipi nahonpi ece: ohinniyan kiunniyanpi qa waapapi yukan.

8 Jerusalem, ihducetuwu, okinni minagi nikpağan kta; okinni hewoskan ehpeciye kta, makoce wan tuwedan en ounye šni kin heca.

9 Jehowa ozuye itancan kin he hecen eya; Hastanhanka iyuwi wan iyecen, akta wošpipi on Is-

JEREMIAH TAWOYUKCAN KIN,

rael okaptapi kin wicayuspi kta: hastanhanka yuspi kin iye-
cen ninape makanopiye kin ekta
yekiya wo.

10 Tona e wowicawakiyake
kta qa owawicawakiye kta, he-
cen nahonpi kta he. Iho, noḡe
bakihdaye šni yukanpi, hecen
anaḡoptan okihipi šni: Iho, Je-
howa oie kin he wowahtešni
dakapi, ecaca en iyuškinpi šni
ce.

11 Tuka Jehowa tocanteptanye
kin omajudan hinca: tinsmičiya
mdowakita: tankan šiceca kin
awicawakaštan kta, qa nakun
koška omniciye kin en: han,
wicašta qa tawicu kin napin wi-
cayuzapi kta: wicahinca qa tu-
we anpetu ojudan kici.

12 Unkan tipi tawapi kin wica-
šta tokeca yuhewicakiyapi kta,
maḡa qa tawinohincapi koya:
makoce en onunyanpi kin hena
nape awicawakiyugate kta na-
kaeš, Jehowa eya.

13 Wicacistinna qa wicatanka
hehanyan ocowasin wakipi ka-
mna wacinpi: nakun wicašta wo-
kecan qa wawayušna kin ocowa-
sin wohnaye econpi ece.

14 Nakun takušni on mitao-
yato cunwintku tokakije kin oki-
ziyapi; Wookiye, wookiye, eya-
pi; tuka wookiye wanica.

15 Taku wahtešni econpi kin
on išteničiyapi; tuka wowištece
on ištecap šni; nakun ite naša-
pi sdonkiyapi šni; heon etanhan
tona hinlipayapi kin om hinlipa-
yapi kta, tohan en wicawahi kin-
han, hehan hicahanwicayapi kta,
Jehowa eya.

16 Jehowa kaken eya; Canku
kin ohna inajin qa etonwan mi-
ye; qa tanina canku kin on wi-
wanga po; canku wašte kin
tukte e hecinhan, qa he ohna ya
po, kinhan ninaḡipi on woozi-

kiye iyeyayapi kta ce. Tuka,
Unyanpi kte šni ce, eyapi.

17 Nakun niyepi on waawan-
yake najin wicawakiya: Maza-
yahotonpi tanka ho kin anaḡo-
ptan po: Tuka, Anaungoptanpi
kte šni, eyapi.

18 Heon etanhan, oyatepi, na-
hon miye, qa omniciye, taku
wicakici un kin sdonya po.

19 Maka, nahon wo; Iho, taku
šica wan oyate kin de en miye
awau kta, iye tawacinpi oicage
kin hee; mioie anaḡoptanpi šni,
qa mitawoahope aktapi šni, heon
etanhan.

20 De taku on etanhan canšin
waštemna Šeba etanhan maka-
hipi he; qa sinkpe tawote ma-
koce tehan tanhan: wohuḡnaye
wošnapi nitawapi kin hena icu-
pica šni, qa nitawošnapi kin hena
iyomakipi šni.

21 Heon etanhan Jehowa kaken
eya; Iho, oyate kin de itokam
on hicahanpi kin ewahde kta;
unkan hena ahicahanpi kta, ate-
yapi qa cincapi kin om: tuwe en
onunyan qa takodaku kici ataku-
nipi kte šni.

22 Jehowa kaken eya; Iho,
oyate wan waziyata makoce kin
etanhan u kta, qa oyate tanka
wan maka ihanke kin etanhan
icage kta:

23 Itazipa qa wahukeza hdu-
zapi kta: hena wohitikapi, qa
waonsidapi šni: hena hopi kin
miniwanca iyecen hoton kta, qa
šuktanka akan iyotankapi kta;
wicašta zuyapi ece he iyecen,
Zion cunwintku, niye on wiyeya
eičihdepi.

24 He oyakapi kin naunhonpi;
unnapepi wašake šni aya; woi-
yokisice unyuzapi, woyazan wan-
ji hokšiksuye cin iyececa.

25 Maḡa kin ekta tankan ye šni
wo; qa canku kin ohna mani

WICOWOYAKE 7.

śni wo : toka tamazasagye, wo-kokipe ihdukšan tanhan yanka nakaes.

26 Mitaoyate cunwintku, waki-hdaka ipiyag kiton wo, qa cahota en iwanka wo : hoksídan is-nana on iyecen wicaceya içicağa wo, śicahowayapi tehike hınca : wawicaki sa kin ihnuhanna unki-yepi en u kta nakaes.

27 Mitaoyate en wiwanyake ecihde, conkaške wan, hecen sdonyaye qa tacankupi kin idu-kean kta e heon.

28 Hena owasin wawakipajinpi on wawakipajinpi, waaiapi om manipi : mazaša qa mazasapa heca ; iyuhpa ihdušicapi.

29 Wipoğan kin he peta on gu, mazasu kin he hułnağa ; ituhin wašdoye kin śdoya ece ; qa śica-pi kin ewicayakupi śni.

30 Mazaska ehpeyapi eya caje-yatapi kta ; Jehowa ehpewicaya nakaes.

WICOWOYAKE 7.

1 Jehowa etanhan wicoie Jere-miah en hi qon he hecen eya :

2 Jehowa ti tiyopa kin ohna na-jin qa hen wicoie kin de eyanpa-ha wo, qa heya wo : Juda owa-sin tiyopa kin dena ohna Jehowa cekiya mahen idadapi kin, Jeho-wa oie kin nañon miye.

3 Jehowa ozuye itancan Israel ta Wakantanka he hecen eya ; Nitacankupi qa niohanpi kin hduwašte po, kinhan den cicipi waun kta ce.

4 Tona itonśniyan iapi qa, Jeho-wa ti kin, Jehowa ti kin, Jehowa ti kin dena ee ce, eyapi kin hena wacinyanpi śni po.

5 Yuwaštepi on nitacankupi qa niohanpi yahduwaštepi kinhan ; wicašta qa takodaku otahedan wo-konze tanyan ecanonpi kinhan :

6 Wicašta tokeca, wamdenica qa wiwazica kin hena kakišwi-cayayapi śni, qa owanka kin de ohna wicawe taku iyaonpepica śni kin yapapsonpi śni, nakuñ nihdušicapi kta on taku wakan tokeca imayanipi śni kinhan ;

7 Hehan den ounyeciyapi kta, makoce niyatepi wicawaqu qon he ohna, ohinniyan qa owihanke wanica.

8 Iho, wicoie itonśni qa waoki-ya okihi śni kin hena wacinya-yapi :

9 Wamanonpi, tin wicaktepi, qa wawicibaħapi econpi, qa iton-śni içiconzapi, qa Baal en wizite izinkiyapi, qa taku wakan tokeca sdonyayapi śni qon hena ihakam mayanipi ;

10 Tuka yaupi qa tipi kin de micaje on cajeyatapi kin ohna nayajinpi, qa, Dena wowahšte śni kin owasin econunkiyapi ce, ehapi kta he.

11 Tipi kin de micaje on caje-yatapi kin he niištapi en wama-non sa tipi heca he. Iho, miye qe hena wanmdaka ce, Jehowa eya.

12 Tuka wanna owanka mitawa Šilo en, otokahe ekta micaje ewahnake ciqon he ekta ya po, qa mitaoyate Israel taku śica econpi kin on taku ecawecon kin he wanyaka po.

13 Unkan nakaha, wicoħan kin dena owasin ecanonpi, Jehowa eya ; qa wociciyakapi, hanwekta qa iwaa, tuka niye waanayağop-tanpi śni, qa cicipanpi tuka ama-yaduptapi śni ;

14 Heon etanhan nakun tipi micaje on cajeyatapi wacinya-yapi kin he, qa owanka niyepi qa niyatepi ko ciçupi qon hena en, taku Šilo ecawecon qon he iye-cen ecamon kta.

15 Qa miite etanhan ehpeciyapi

JEREMIAH TAWOYUKCAN KIN,

kta, nihunkawanjipi owasin, Ephraim oicage ocowasin ehpe-wicawaya iyececa.

16 Heon etanhan niye oyate kin de iwicakiye šni wo, qa hena on hoyeyapi qa wocekiye uyaye kte šni; qa hena on wocekiye emakiye šni wo; nacihon kte šni, heon etanhan.

17 Juda otonwe kin en qa Jerusalema canku kin ohna taku econpi kin he wandake šni he.

18 Hokšipidan can depi, qa atkukupi kin cetipi, qa winohinca kin hena aguyapi pasutapi, aguyapi hmiyanua mahpiya wicašta-yatapi winohinca kin kicağapi kta, qa wokaštan wošnapu taku wakan tokeca kicaštanpi kta, iyokišinmayanpi kta e heon etanhan.

19 Unkan iyokišinmayanpi he, Jehowa eya: iye ite ištecapi kta on ecaičiconpi šni he.

20 Heon etanhan Jehowa Itancan kin hecen eya; Iho, mitocanniye qa mitocanteptanye kin owanka kin de en akaštanpi kta, wicašta qa woteca akan, qa maga can kin hena akan, qa makoce oicage kin akan; unkan ide kta, qa kasnapi kte šni ce.

21 Jehowa ozuye yuhe cin, Israel Taku Wakan tawa kin he hecen eya; Wohuhnage wošnapu nitawapi nitawošnapu kin en ehnaka po, qa tado hduata po.

22 Niyatepi Egupta makoce etanhan hinanpewicawaye cigon anpetu kin he en, wohuhnage wošnapu qa wošnapu kin on takudan ewicawakiye šni, qa econwicawaši šni.

23 Tuka wicoie kin de econwicawaši qa hepa; Miho kin anagoptan po, kinhan Taku Wakan nitawapi kin he miye kta, qa mitaoyate kin he niyepi kta; qa taku econ cišipi kin he ocowasin

ohna mani po, hecen tanyan yaunpi kta ce.

24 Tuka anagoptanpi šni qa nođe ekta uyapi šni; tuka iye cante šicapi tawacinpi pemni kin he ohnayan manipi, qa lieyatakia ihdoyapi qa tokatawapa šni;

25 Anpetu en niyatepi Egupta makoce etanhan hinanpapi qon hetanhan anpetu de hehanyan: Unkan mitaokiye wicašta wokcan owasin niyepi ekta ye wicawaši, anpetu otoiyo hi hanwekta qa ye wicawaši:

26 Tuka anamağoptanpi šni, qa nođe ekta uyapi šni; tuka tahu suta içicağapi; atewicayapi isanpa taku šica econpi ece.

27 Heon etanhan niye wicoie kin dena owasin owicayakidake kta; tuka ananiğoptanpi kte šni: nakun niye wicayakipan kta, tuka aniyuptapi kte šni.

28 Heon hewicayakiye kta; Oyate kin de Jehowa Taku Wakan tawapi oie kin anagoptanpi šni, qa iyoheyapi icupi šni: wowicake kin tanin šni, qa iye ipi kin etanhan kašpapi ce.

29 Paha hdušda wo, qa ehpeya wo, qa pajodan ektakta woceye wan eyaku wo; Jehowa iye wicoicage canniye cin he ehpekiya qa ayuštan nakaes.

30 Juda cinca kin miišta itokam taku šica econpi ece, Jehowa eya: Taku wahtešni tawapi kin hena tipu micaje on cajeyatapi kin he en ahipi, yušicapi kta e heon.

31 Nakun Tophet paha kin içicağapi, Hinnom cinhintku takaksiza kin ohna, iye cinhintkupi qa cunwintkupi peta en hušnašwicayapi kta e heon; he hecen econ wicawaši šni, qa micante kin en u šni tuka.

32 Heon etanhan anpetu kin u

WICOWOYAKE 8.

kta, Jehowa eya; hehan, Topphet, qa Hinnom cinhintku takaksiza, icimana eciyapi kte šni, tuka, Wicaktepi kaksiza: Topphet en wicahapi kta, owanka wanica nakaeš.

33 Unkan oyate kin de wicašta tapi kin hena mahpiya okinyanpi qa maka wamanica kin woyute yuhapi kta: qa tuwedan wahamye kte šni.

34 Hehan Juda otonwe tawa kin etanhan, qa Jerusalem canku kin etanhan wowiyuškin ho kin ayušanwakiye kta, qa iyašapi ho kin, wicašta tawicu ton kta ho qa winohinca yuzapi kta ho kin hena: makoče kin hewoskantutu kta nakaeš.

WICOWOYAKE 8.

1 Jehowa hecen eya; Anpetu kin he en Juda wicaštayatapi huhu tawapi kin hena aupi kta, qa wicašta ihdawa huhu, qa wawayušna huhu, qa wicašta wokcan huhu, qa Jerusalem en ounyanpi huhu kin hena, wicahapi kin etanhan:

2 Qa hena anpetu wi kin itokam kadapi kta, qa hanyetu wi kin itokam, qa mahpiya obe kin iyuhpa itokam, hena waštedakapi qa hena anağoptanpi qa hena ihakam manipi, qa hena odepi qa hena en patujapi nakaeš: hecen pahipi kte šni qa wicahapi kte šni; maka ite kin akan tacesdi iyecece kta.

3 Unkan wiconi ee šni, wiconte hee e kañnigapi kta, wookapte ocowasin tona wicowazi šice cin de etanhan okaptapi, makoce tuktekte ekta yewicawaye cigon tona en unpi kin hena, Jehowa ozuye yuhe cin he hecen eya.

4 Nakun decen ewicayakiye kta; Jehowa hecen eya ce:

Hena hinlipayapi kta, qa ake najinpi kte šni he: tuwe ye kta qa ake hdicu kte šni he:

5 Tokeca oyate kin de hdicupi he: Jerusalem ohinniyan hdicucu kta: wohnaye sutaya yuzapi; hdicu kta wicadapi šni.

6 Anoħya manka qa nawahon: Hiya: hecen eyapi: Tuwedan tošice on iyopeiçiye šni; hecen, Taku ecamon he, eye kta. Otoi-yohi iye toinyanke kin ekta ihdoyapi, šuktanka okicize ekta inyang ye cin he iyecece.

7 Nakun mahpiya en hoka kin he tohan iyekicihantu sdonkiya ece; qa tin wakiyedan qa pehangidan, qa upijate kin tohan upi kte cin he awacinpi ece: tuka mitaoyate Jehowa tawoyaco kin sdonyapi šni.

8 Tokiyatanhan, Unkiye unksapapi, qa Jehowa toope kin unki-cipi un ce, ehapi kta he. Nakaeš; iho, wohnaye on kağapi; wowapi kağa icage tawapi kin he wohnaye on.

9 Tona ksapapi hena ištecapi, hena inihanpi qa wicayuzapi: Iho, Jehowa oie kin aktapi šni, hecen woksape tukte e en wicaun he.

10 Heon etanhan tawicupi kin wicašta tokeca wicawaqu kta, tamağapi kin tuwe tokeca tawayapi kta: wicacistinna qa wicatan-ka hehanyan otioyohi wokamna akita nakaeš; wicašta wokcan qa wawayušna kin otioyohi wohnayan kağapi ece.

11 Qa mitaoyate cunwintku tokakije kin taku šni on okiziyapi: Wookiye, wookiye, eyapi ece; tuka wookiye wanica.

12 Wowahtešni econpi kin heon ištecapi he: Hiya, wowištece on ištecapi šni, qa ite našapapi kta onspepi šni: heon etanhan tona hinlipayapi kin hena om hinlipa-

JEREMIAH TAWOYUKCAN KIN,

yapi kta : tohan en wicahipi kinhan hehan atakunipi kte šni ce, Jehowa eya.

13 Miye woihangye on ihangwicawaye kta ce, Jehowa eya : hastanhanka iyuwi en hastanhanka wanice kta ; qa suken can kin en waskuyeca wanice kta ; qa canwapa kin šniš aye kta : qa tona ehna yapi kin hena wicawaqu kta ce.

14 Tokeca owanjidan unkiyotankapi he. Ihduwitaya po, kinhan otonwe acankaškapi kin en unyanpi kta ; qa hen inina unkanpi kta : Jehowa Taku Wakan unkitawapi kin he inina yanke unšipi, qa pizi mini kin yatkeunki-yapi, Jehowa waunkihtanipi kin heon etanhan.

15 Wookiye apepi, tuka taku wašte wanica : wokizi iyehantu kta, tuka, iho, wonihinciye.

16 Šunkawakan tawa poğanpi kin Dan etanhan nahtonpi ; wašakšaka tawa hotonpi ho kin on makoce kin ocowasin cancan : unkan hena upi kta, qa makoce taku ohna un ko temyapi kta ; otonwe qa en qunyanpi kin hena koya.

17 Nakun, iho, wamduška, wamduška tanka niyepi ehna yewicawaši kta, hena iwicadowanpi kte šni, tuka niyahtakapi kta ce, Jehowa eya.

18 Iyuškinmičiye en woiyokišica mici un ; micante mahen matakuni šni ce.

19 Iho, tehan unpi makoce kin hetanhan mitaoyate cunwintku hoyeya ho kin : Jehowa Zion en un šni he : en Wicaštayatapi wanica he : Tokeca wakağapi bağopi kin on, takušnišni toktokeca on canteptanyan mayanpi he.

20 Womnaye kin wanna hena-keca, mdoketu kin wanna owi-

hankeyapi, tuka unkiye niunki-yapi šni ce.

21 Mitaoyate cunwintku tokakije on makakija ; masapa amayan : wonihinciye mayuze hinca.

22 Gilead en wiconi pejihuta wanica he ; awicakehan wawokiziye cin en un šni he : tokeca mitaoyate cunwintku zaniyan kağapi šni he.

WICOWOYAKE 9.

1 Mapa kin mini, qa miišta ištamnihanpe owenape kin heca kta e tuwe maqu kta he ; hecen mitaoyate cunwintku wicağiktepi kin hena on anpetu qa hanyetu waceye kta tuka.

2 Hewoskan wakeya oicimani en yapi ece kin wan tuwe maqu kta he : hecen mitaoyate elpewicawakiye ça tokan mde kta ; hena owasin wawicihahapi econpi sa, witaya nahmana ohanyanpi ece kin hecapi nakaeš.

3 Nakun iye cejipi woitonšni itazipa tawapi kin hena nawinjapi ece : tuka makoce ohna wowicake kin on waditakapi šni ; taku šica etanhan taku šica ekta iyoopta yapi nakaeš, qa miye e sdonmayanpi šni ce, Jehowa eya.

4 Otoiyohi iye takodaku kin etanhan ihdonicapi po, qa sunkayayapi wanjidan wacinyakiyapi kte šni : wicasunkaku otoiyohi wiciheyatanhan wicahnaye kta, qa takodayapi otoiyohi waaie mani kta.

5 Unkan otoiyohi iye takodaku kin wicahnaye kta, qa wowicake eyapi kte šni : woitonšni oie eyapi kta iye cejipi onspekiyapi, wahtanipi kta on mdokite içiyapi ece.

6 Wohnaye cokaya ounyaya : wohnaye on miye sdonmayan wicadapi šni ce, Jehowa eya.

WICOWOYAKE 9.

7 Heon etanhan Jehowa ozuye yuhe cin he hecen eya; Iho, šdowicawaye kta qa iwicamdute kta: Ecin mitaoyate cunwintku kin on token ecamon kta he.

8 Ceji tawapi kin wanhinkpe wao sa kin heca; wahnayan ia ece; wanji takodaku kici i on wookiye cajeyata, tuka cante mahen iyakipe.

9 Dena on en wicawahi kte šni he, Jehowa eya: oyate wanji de-ceca minagi tokičon kte šni he.

10 He kin on woceye qa šica-howayapi kin iwacu kta, qa hewoskan owihanpi kin on waceye kta; hena ġupi, tuwedan opta ye šni, qa ohna wanuyanpi hotonpi kin nahonpi šni; mahpiya okinyanpi kin hena, qa nakun woteca kin najicapi, token iya-yapi.

11 Unkan Jerusalem pahaha wakage kta, wamduška tanka tipi kin heca; qa Juda otonwe kin hewoskan wakage kta, tuwedan en ounye kte šni.

12 Tuwe wicašta ksapa qa de okahniġe kta he; qa tuwe Jehowa i kin kici wohdaka he, hecen oyake kta; taku on makoce kin ihangyapi, ġupi, tinta kin iyececa, hen oicimani wanica.

13 Unkan Jehowa heya; Wicitokam mitoope wahnake cin he ehpeyapi, qa miho kin anagoptanpi šni, qa ohna manipi šni:

14 Tuka iye cante tawacinpi kin eciyatanhan manipi, qa Baalim ihakam, he qe atewicayapi kin onspewicakiyapi.

15 Heon etanhan Jehowa ozuye yuha, Israel Taku Wakan tawapi kin he hecen eya; Iho, oyate kin de peji pa linca yunwicawakiye kta, qa pizi mini kin yatkwicawakiye kta ce.

16 Nakun Ikcewicašta, iye qa atewicayapi sdonwicayapi šni

qon hena ehna enanakiya iye-wicawaye kta; qa wicihakam mazasagye wan ye waši kta, ihangwicawaye kta hehanyan.

17 Jehowa ozuye yuhe cin he hecen eya; Awakicin po, qa winohinca accya ece econpi kin hena wicakico po, hecen upi kta, qa tona wayupipi kin hena waho-wicaya miye, hecen upi kta:

18 Qa inahnipi kta, qa woceye wan yawankan iyeunkiciciyapi kta; hecen unkištapi ištamnihampe hiyuye kta, qa išta ojuha unkitawapi mini šbuye kta.

19 Zion etanhan woceye ho kin nahonpi; Hehehe, ihangunyanpi linca, nina ištenunyanpi; makoce ehpeunki-yapi nakaes, en untipi kin tankan hiyuunyanpi, heon etanhan.

20 Tuka winohincapi, ito Jehowa oie kin nahon po, qa iye i oie kin ninogepi icu kta, qa nincunksi wicaceya onspewicakiya po, qa otioyohi iye takodaku woceye odowan onspekiyapi kta.

21 Wiconte owanye unkitawapi kin adi, conkaške unkitawapi kin ohna hiyu; hoksiyopa tankan unpi kin hena, qa koška canku ohna yakonpi ihangwicaye kta e heon.

22 Woyaka wo, Jehowa hecen eya ce; Nakun wicašta ta hinlipayapi kta, tacesdi maga ite kin akan iyececa, qa aguyapi bašta wanjikji yušna kin he iyececa, qa tuwedan wapahi kte šni.

23 Jehowa hecen eya; Tuwe ksape cin he toksape on ihdatan kte šni, qa tuwe wašake cin towašake itan kte šni, qa tuwe wijice cin towijice en witan kte šni.

24 Tuka tuwe witan kta hecinhan de on witan kta, omakahniġe qa sdonmaye cin heon: Jehowa maka akan wowaonšida, wokon-

JEREMIAH TAWOYUKCAN KIN,

ze qa woowotanna econ ece kin he miye; hena en wimduškin hinca nakaes, Jehowa eya.

25 Iho, anpetu kin u kta ce, Jehowa eya; hehan ohomni baħdayapi šni kin om ohomni baħdayapi kin hena en wicawai kta:

26 Egupta, qa Juda, qa Edom, qa Ammon cinca, qa Moab, qa to-na putinhin hdasarpi kin owasin hewoskan oonyanpi kin hena: oyate kin hena iyuhpa ohomni baħdayapi šni nakaes; qa Israel tiyohnaka ocowasin cante en baħdayapi šni.

WICOWOYAKE 10.

1 Israel tiyohnaka, wicoie Jehowa eniciyapi kin hena naħon po.

2 Jehowa hecen eya; Ikcewicašta tacanku kin onspeičiciyapi šni po; qa malhipiya wowakta kin on nihinciyapi šni po; hena on Ikcewicašta nihinciyapi nakaes.

3 Oyate tawokaģe kin hena taku šni: contanka kin etanhan can wan kaksapi; tuwe nape on onspe un kin he wicoħan tawa nakaes:

4 Mazaska qa mazaskazi on yu-waštepi; mazaiyokatkuģe qa mazi-yape on sutaya kaģapi; hecen pahohopi kte šni.

5 Hena bosdan han, wazi can iyececa, tuka iapi šni; qinpi on yuhapi, mani okihipi šni nakaes. Hena kowicakipapi šni po; taku šica econ okihipi šni, qa nakun taku wašte econpi kta en wicaun šni, heon etanhan.

6 Jehowa, tuwedan iyenicece šni; niye nitanka, qa nicaje kin tanka, wowašake en.

7 Oyate en Wicaštayatapi kin, tuwe e konicipe kte šni he; he niye nitawa nakaes: oyate en

wicaksape iyuhpa ehna, qa iye tokiconzepi kin owasin en tuwedan iyenicece šni, heon etanhan.

8 Tuka hena e ocowasin woteca iyececa, qa witkotkoka: takušni-šni onspewicakiye cin can kin hee.

9 Mazaska kamdaskapi kin hena Taršiš etanhan aupi, qa mazaskazi Upaz etanhan, mazakaģa toħan qa tuwe šdoya nape oħan kin hee: wokoyake tawapi kin to qa stan kin heca, hena owasin wicašta ksapa toħanpi.

10 Tuka Jehowa wowicake Wakantanka, Taku Wakan ni un kin hee, qa Wicaštayatapi owihanke wanica: iye tošinħda kin on maka kin cancan kta, qa iye tocanteptanye kin Ikcewicašta kin okihipi kte šni.

11 Kaken ewicayakiyapi kta ce; Taku wakan malhipiya maka ahna kaģe šni kin hena maka kin etanhan, qa malhipiya kin dena ihukuya tanhan atakunipi kte šni ce.

12 Tuwe iye towašake on maka kaģe cin he toksape kin on taku maka akan wiyeya ehna, qa tookaħniģe kin on malhipiya kin hdumdaya:

13 Iye ho uya eca malhipiya ekta mini ota ece, maka ihanke kin etanhan malhipiya šapa au nakaes: Wakanhdi maģaju kin kicaģa, qa mazopiye tawa kin etanhan tate ukiya ece.

14 Wicašta owasin wosdonye kin en woteca iyececapi; wašdoye cin otoiyohi wakaģapi baģopi kin on išteca ičicaģa, wakaģapi šdoye cin he woitonšni; qa woniya takudan en wicaun šni.

15 Hena takušni, wicahnayanpi wicoħan; tohan en wicaipi kinhan atakunipi kte šni.

16 Jakob Tawaye cin he hena

WICOWOYAKE 11.

iyeecece šni : He qe taku owasin kağa : qa taku tawaye kta wiyute kin Israel hee ; Jehowa ozuye yuha, he caje kin ee.

17 Conkaške ohna yati kin, makoce kin etanhan wopahte nitawa ehdaku wo.

18 Jehowa kaken eya ce ; Iho, dehan makoce en ounyanpi kin hena inyan iyuhmun etanhan kaħoya ehpewicawaye kta, qa acanwicawakaške kta, hecen iyewicayapi kta.

19 Hehehe makaštakapi on ; amapapi kin teħike hinca : Tuka hepe ; Awicakehan woyokišice he dee ; tuka mduha kta ce.

20 Wakeya mitawa kin he ihangyapi, qa ikan mitawa owasin yupsapsakapi ; micinca kin hena ehpemayanpi, qa en unpi šni ; detanhan tuwedan mitawakeya ticage kte šni, qa ozanpi mitawa otkemiciye kte šni.

21 Wawihankiye cin hena woteka iyececapi, qa Jehowa akitaapi šni ; heon etanhan wayupiya hduštanpi kte šni ; qa wihanwicakiyapi kin owasin oyumdecapi kta.

22 Ho wan naħonpi, iho uye do ; han, waziyata makoce kin etanhan woškanškan tanka ; Juda totonwe kin ihangyapi kta, wamduška tanka otipi kta heca.

23 Jehowa, wicašta tacanku kin he iye en un šni sdonwaya ; nakun tuwe mani kta owe hdušuta kta okihi kte šni.

24 Jehowa iyopemayan wo, tuka woyaco eciyatanhan ; nito-canniye kin eciyatanhan šni, okinni mayadutakuni kte šni.

25 Ikcewicašta oyate sdonniyanpi šni qa wicowazi tona nicaje hoyekiyapi šni kin hena nitocanteptanye kin awicakaštan wo : hena e Jakob yutapi qa

temyapi qa ihangyapi qa toounye kin yutakunipi šni nakaes.

WICOWOYAKE 11.

1 Wicoie Jehowa etanhan Jeremiah en hi kin he hecen eya ;

2 Wicotakuye kin de oie kin hena naħon po : Unkan Juda wicašta qa Jerusalem en ounyanpi kin omi woyahdake kta ;

3 Qa hecen ewicayakiye kta ; Jehowa Israel Taku Wakan tawapi kin he hecen eya ce : Wicašta tuwe wicotakuye kin de oie kin anağoptan šni kinhan he yašicapi ce.

4 Niyatepi anpetu wan en Egupta etanhan, mazasapa oceti kin etanhan hiyuwicawakiye ciqon he ehan econ wicawaši qon hee : Maho kin naħon po, qa taku econ cišipi kin hena owasin econ po : kinhan mitaoyate kin he niyepi kta, qa Wakantanka nitawapi kin he miye kta ce, epa.

5 Hecen wokonze oie niyatepi konza ewicawakiye ciqon, makoce wan pte asanpi tuħmağa canhanpi koya on apašboka wicawaqu kta he mdusuta kta, anpetu kin de iyececa ce. Hehan waamdupta qa, Jehowa hecetu nunwe, epa.

6 Hehan Jehowa ħemakiya ; Wicoie kin dena owasin Juda otonwe kin en, qa Jerusalem canku kin ohna eyanpaha wo, qa heya wo ; Wicotakuye kin de oie kin naħon po, qa hena econ po :

7 Wasdonyeyapi on niyatepi sdonyewicawaye ciqon, Egupta etanhan hiyuwaye ciqon anpetu kin he en, qa anpetu dehanyan, hanwekta qa wowicawakiyaka ; Maho kin anağoptan po, epa.

8 Tuka anağoptanpi šni, qa noğe ekta uyapi šni ; tuka otoi-

JEREMIAH TAWOYUKCAN KIN,

yohi iye cante tehike sutapi kin eciyatanhan manipi : heon etanhan wicotakuye kin de oie kin econ wicawaši tuka econpi šni kin hena owasin en awicawau kta ce.

9 Hehan Jehowa hemakiya : Juda wicašta qa Jerusalem en ounyanpi kin om woihdaške wan kağapi.

10 Iye hunkakewicayapi tokaheya mioie nañon wacinpi šni qon hena wañtanipi kin ekta ihdohdapi ; qa taku wakan tokeca ohodapi kta e ihakam manipi ; Israel tiyohnaka qa Juda tiyohnaka kin hena wicotakuye mitawa iye atewicayapi om wakağe cigon he yujujupi.

11 Heon etanhan Jehowa hecen eya ; Iho, taku šica en awicawau kta, he qe etanhan napa okihipi kte šni : hehan nina hoyemakiyapi kta, tuka miye nawicawañon kte šni ce.

12 Hehan Juda otonwe qa Jerusalem en ounyanpi kin hena yapi qa taku wakan izinwicakiyapi kin hena nina hoyewicakiyapi kta : tuka toiyokišicapi anpetu kin en wiconi on niwicakiyapi kte šni.

13 Juda, nitotonwe kin tonakeca hecinhan taku wakan nitawa kin iyenakeca ; qa Jerusalem canku tonakeca kin is iyenakeca taku wowištece kin he wahna wošnap i yecağapi, wahna wošnap i on Baal izinyakiyapi kta e heon.

14 Hecen niye oyate kin de on wocekiye ewicakiciye šni wo, qa hena on woceye wocekiye ko wankan ukiye šni wo : tohan toiyokišice on hoyemakiyapi kinhan nawañon kte šni nakaes.

15 Hecen waštewakidake cigon wati ohna taku econ kta, he, wicota om wowalhte šni econ nakaes, qa celipi wakan kin he

niye etanhan tokan iyaya : tohan taku šica ecanon eca widuŝkin ece.

16 Oliwe can teca, owanyag wašte, waskuyeca wašte heca, Jehowa cajeniyata : oqoyapi tanka ho kin on peta wan en idekiya, unkan adetka kin boksaksapi ce.

17 Hecen Jehowa ozuye yuha hunihde qon he taku šica eniciya, Israel tiyohnaka qa Juda tiyohnaka taku šica iye ecaici-conpi kin on, wizite Baal qupi kin on canteptanyan mayanpi kta e heon etanhan.

18 Unkan Jehowa wasdonyemakiya, qa sdonwaya : Hehan wicoñan řawapi kin wanyagma-yakiya.

19 Tuka miye qe tañin wanunyanpi cinca walibadan ktepi kta aupi kin iyemaceca ; hecen miye on taku šica awacinpi sdonwaye šni : Can kin tawaskuyeca kici ihangunyanpi kta, han wicani makoce kin etanhan unkaksapi kta, qa iye caje tohinni kiksuyapi kte šni ce, eyapi.

20 Tuka Jehowa ozuye yuha, wayaco owotanna, wicapakšin qa wicacante iyukcan yaun ; hena towicayecicon kte cin wanmdake kta, woakinica mitawa kin he niye en wahdomda nakaes.

21 Heon etanhan, Anathoth wicašta, ninaği akitapi, Jehowa caje kin on wounkiciyakapi šni po, hecen unnapepi on niře kte šni ce, eyapi kin hena on Jehowa hecen eya :

22 Heon etanhan Jehowa ozuye yuha he hecen eya ; Iho, hena wicawakaštake kta : koškapi kin hena mazasagye on řapi kta : cinhintkupi qa cunwintkupi kin hena akilian řapi kta.

23 Qa hena etanhan wookapte wanice kta : Anathoth wicašta

WICOWOYAKE 12.

kin taku šica en awicawau kta nakaes, wicakaštakapi waniyetu kin hee.

WICOWOYAKE 12.

1 Jehowa niye oniwotanna, heon nici wowahdake kta; tuka woyaco on wociciyake kta: Tokeca wicašta šica tacanku kin tanyan ihuni he: tona wohneye on wahnayan kin hena owasin owanji yakonpi.

2 Hena niye huwicayahde, han, hutkan icalı aya; sanpa icağapi, han, waskuyeca icalıyapi: hena ipi kin en ikiyedana nanka, tuka pakšınpi kin itehan yaun.

3 Tuka niye, Jehowa, sdonmayaya; wanmayadaka, qa micante cante niciyuze cin he idukean: talınea wanuyanpi wošnapı kte cin iyecen iwicacu wo, qa anpetu en wicaktepi kte cin on wiyeya ewicahnaka wo.

4 Tohanyan makoce kin cante šın un kta he, qa en ounyanpi taku šica econpi kin on mağa otoiyohi oicağe kin šen aye kta he: woteka qa zitkadan nakun kahin iyewicayapi: Unkowihankepi kte cin he wanyake kte šni ce, eyapi ešta.

5 Huinyun unpi kin om yainanka qa hena mdokıte niyanpi hecinhan, hehan šuktanka om token nihdudemni kta he: qa wookıye makoce kin en tanyan yaun, tuka Jordan minitan kin en token yaħan kta he.

6 Nihunkawanji qa niyate tiyohnaka hena eepi qaes nihnayanpi, hena ee nihakam nina houyapi; taku wašte eniciyapi ešta wicawicada šni wo.

7 Wati kin he elıpewakiya; taku mitawa qon he amdušan; minagi waštekidake cıqon he tokayapi napepi kin en waqu:

8 Taku mitawa kin he containka en mnaja kin iyececa imicicaga: ho kin on amahoton, heon etanhan šicewakidake.

9 Taku mitawa qon he miye en zitkadan hdehdezedan kin heca; ihduksan zitkatanka kin takpe upi: U po, tinta wamanica otoiyohi mniciya po, watemya inafini po.

10 Wawihankıye ota hastanhanka iyuwi ojupi mitawa kin ihangyapi, wopamni mitawa kin siha on ahanpi; wopamni wašte mitawa kin he hewoskan hopuza kağapi:

11 Ocowasin hewoskantı elıpeyapi; hopuza heon hoyemakiya; makoce kin ocowasin hewoskantı, tuka tuwedan awakicin šni.

12 Hopuza en pajodan owasin ektakta waihangye kin hena upi; Jehowa etanhan mazasagye kin watemye kta; makoce ihanke kin etanhan makoce ihanke unma kin hehanyan wicacelıpi owasin wookıye nicapi.

13 Ağuyapi ojupi, tuka wapepeka mnakiyapi kta; nina htanıpi, tuka on wijicapi kte šni: han, womnaye nitawapi kin on iste-capi kta, Jehowa tocanteptanyan wohitike cin on etanhan.

14 Mikiyedana unpi šıcaya econpi kin owasin, taku tawayapi mitaoyate Israel hduhewicawakiye cıqon tona he yutanpi kin hena on Jehowa hecen eya; Iho, makoce tawapi kin etanhan wıcamdujun kta, qa hena wıcehna tanhan Juda tiyohnaka kin wahdujun kta ce.

15 Hehan kaketu kta, wıcamdujun kin iyohakam wahdicu kta, qa onšıwicawakida kta, qa otoiyohi taku tawaye cin en, qa otoiyohi iye tamakoce kin ekta hdicuwicawakiye kta:

16 Hehan kaketu kte, hena

JEREMIAH TAWOYUKCAN KIN,

mitaoyate tacankupi kin tanyan onspeiçiyapi kinhan, micaje on konzapi kta, Jehowa ni un ce, eyapi kta; mitaoyate Baal on konza onspewicakiyapi qon iyececa; hehan mitaoyate wicacokaya icalhwicayapi kta:

17 Tuka waanagoptanpi šni kinhan hehan oyate kin he wicamdujun kta, mdujun qa ihangwaye kta ce, Jehowa eya.

WICOWOYAKE 13.

1 Jehowa decen emakiya; Ye a hałonta ipiyaka wan opeiçiton wo, qa ninite en ipiyag kiton wo, qa mini en oputkan šni wo.

2 Hecen ipiyake wan opewaton qa ipiwahdake, Jehowa oie kin iyececa.

3 Hehan Jehowa oie inonpa en mahi kin he hecen eya:

4 Ipiyaka opeyaton ninite akan yanke cin he icu wo, qa najin qa Euphrates ekta ya wo, qa heciya imnija ołdoka wan ohna inahman wo.

5 Hecen imdamde qa Euphrates ekta he nawahbe, Jehowa econ maši kin iyececa.

6 Hehan anpetu ota iyohakam Jehowa hemakiya; Najin qa Euphrates ekta ya wo, qa hetanhan ipiyake en inahbe ciši qon he ehdaku wo.

7 Unkan Euphrates ekta wai, qa en waqe a ipiyake en nawahbe ciqon he iwekcu: unkan iho ipiyake qon kuke linca, takudan on wašte šni.

8 Hehan Jehowa oie en mahi kin he hecen eya:

9 Jehowa hecen eya ce; He iyecen Juda towahaniçida kin mdukuke kta, qa Jerusalem towahaniçida tanka kin.

10 De oyate šia mioie anagoptan wicada šni, iyc cante tawa-

cinpi kin eciyatanhan manipi, qa taku wakan tokeca ihakam yapi, ohodapi kta qa itokam makata elıpeiçiyapi kta, hena eqe ipiyake kin de iyececapı kta, takudan on wašte kte šni.

11 Ipiyake wan wicašta nite en askape cin he iyecen, Israel tiyohnaka ocowasin qa Juda tiyohnaka ocowasin miye en askam mayanpi kta wakaa; hecen hena mitaoyate kin ee kta, qa miye on wicacaje qa woyatan qa wowitan heca kta e heon etanhan: tuka anagoptan wacinpi šni.

12 Heon etanhan wicoie kin de ewicayakiye kta; Jehowa Israel Taku Wakan tawa kin he hecen eya ce; Makajanjan otoiyohi miniša on ojudan kta ce. Unkan, Makajanjan otoiyohi miniša on ojudan kta, he wosdonye on sdonunyanpi šni he, eniciyapi kta.

13 Hehan hecen ewicayakiye kta; Jehowa hecen eya ce; Iho, makoce kin de en ounyanpi kin owasin, wicaštayatapi Dawid toiyotanke kin akan kiciiyotankapi kin heepi kaeš, qa wawayušnapi kin hena, qa wicašta wokcanpi, qa Jerusalem en ounyanpi kin iyuhpa witkopi on ojuwicawakiye kta.

14 Qa hena wakamdemdece kta, wanji iye sunkaku kici, atkukupi qa iye cinhintkupi kin yuwitayapi: wacanwakiye kte šni, qa wakpatan kte šni, qa onšiwicawada kte šni, tuka ihangwicawaye kta ce, Jehowa eya.

15 Nahon po, qa anagoptan po: wahaniçidapi šni po; Jehowa ia nakaes.

16 Jehowa Taku Wakan nita-wapi kin he wowitan qu po; otpaza kae šni itokam; qa otpaza he kin akan nisihapi hicahanpi šni itokam; qa anpa ayapepi icunhan wiconte ohanzi kin ee

WICOWOYAKE 14.

kage kta, otpaza šoka hinca ical-
ye kta.

17 Tuka anayağoptanpi kte šni hecinhan, hehan minagi onalibe en wahaničidapi kin on ceye kta: han, śicahowayapi on waśicahowamde kta, qa miišta etanhan išta minigaga au kta, Jehowa optaye tawa kin wayaka ayapi kin heon etanhan.

18 Wicaštayatapi qa wicaštayatapi winoñinca kin hena hēwica-kiya wo; Ihduhukuya po, iyo-tanka po; wowitan wateśdake nitawapi nipapi etanhan hinłpa-ye kta nakaes.

19 Itokali otonwe kin hena na-takapi, qa tuwedan yuhdoke kte šni: Juda ocowasin wayaka ayapi; wayaka ayapi yuŝtanpi hinca.

20 Niištapi wankan ehdaku po, qa tona waziyatanhan upi kin wanyaka po: optaye ničupi qon, wowitan optaye nitawa kin tu-kten un he.

21 Tohan en nihi kinhan taku ehe kta he: mdetahunkapi kin itancan nitawa kta e niye onspe-wicayakiya nakaes: winoñinca hoksiksuye cin iyececa woiyoki-šica niyuze kte šni he.

22 Tuka nicante en, Tokeca dena mahiyohi he, ehe cinhan: Wayalitani ota heon etanhan nitoške niciyutaninpi, siyete ni-tawa śdayehna enicihnakapi.

23 Kuśi wicašta kin ha hduto-keca kta he, qa inmu hdeśkaška kin he hdeśkaška hdutokeca oki-hi kta he: nakun niye taku śica ecanonpi ece kin taku wašte econ oyakihipi kta.

24 Heon etanhan aguyapi ha hopuza tate on kałbog iyeyapi kin he iyecen enanakiya iyewi-cawaye kta ce.

25 Taku tawayaye kte cin he dee, miye etanhan hinskokeca

iniciyutapi qon, Jehowa eya: miye amiyektonja qa woitonšni wacinyaya nakaes:

26 Heon etanhan miś nakun niite hehanyan nitoške ciciyu-śdoke kta, hecen nitowištece tan-in kta.

27 Wawiciłahapi ecanon, qa yadowanwan, qa inahmanpi awacanni, maga ekta paha akan wowahite šni nitawa kin hena wanmdaka. Hehehe Jerusalem, niye ska nicagapi tawatenyaye šni he; ehake tohanyan kta he.

WICOWOYAKE 14.

1 Wopuza wicoie kin on Jeho-wa oie Jeremiah en hi qon he dee.

2 Juda waśihda, tatiyopa kin atakunipi šni, makoce kin on hena ceyapi; qa Jerusalem śica-howaye cin he wankan iyaya.

3 Qa wicašta itancan wicayu-hapi kin hena taśiceca kin mini huwe yewicašipi qehan miniyo-we kağapi kin ekta ipi, tuka mini iyeyapi šni; ceğa coka ahdi-
pi; ištecapi qa nihinciyapi, qa pa ahdałpapi.

4 Makoce kin en magaju šni nakaes maka kin nałdełideca, heon etanhan mahyumdu kin hena ištecapi, pa ahdałpapi.

5 Nakun tawiyedan kin tintata un cinca ton qa ełpekiya, wato wanica heon etanhan.

6 Qa šonsonna itu unpi kin he-na pajojo kin akan najinpi. tate ahotonpi, wamduška tanka iye-ceca, išta akitakunipi šni, peji wanica heon etanhan.

7 Waunłitanipi kin hena unyao-taninpi ešta, Jehowa niye nicaje on ołhanyan wo: wawaunkipa-jinpi kin hena ota aya; niye waunniciłtanipi nakaes.

8 Israel wacinkiye cin, woiyo-

JEREMIAH TAWOYUKCAN KIN,

kišica anpetu kin en Wanikiya tawa, tokeca wanji makoce kin en ti šni kin iyeniceca he; qa icimani wan hanyetu wanke kta e tin iyaye cin iyececa:

9 Tokeca wicašta wan nihinciya iyenicece kta he; wicašta wašaka keš wanikiya okihi šni kin iyececa: tuka, Jehowa niye unikocakayapi yaun; qa nicaje ica-jeunyatapi: ełpeunyanpi šni po.

10 Oyate kin de on Jehowa hecen cya; Hena hecen nunipi waštedakapi, siha ehdakupi šni: heon etanhan Jehowa cantewicakiye šni; wanna taku šica econpi kin hena kiksuye kta, qa wałtanipi kin on iyopewicayc kta.

11 Hehan Jehowa hemakiya; Oyate kin de on wocekiye ewicakiye šni wo, taku wašte on.

12 Tohan wotektehdaiciyapi kinhan hoyeyapi kin he miye nawahon kte šni; qa tohan wohułnađe wošnapi qa wošnapi wayušnapi kinhan cantewicawakiye kte šni; tuka mazasagye on, qa wicaakihan on, qa makošice on atakuni šni iyewicawakiye kta.

13 Hchan hepa; Hehehe Jehowa Itancan; iho, wicašta wokcan tawapi kin hena, Mazasagye wandakapi kte šni, qa wicaakihan en niunpi kte šni; tuka owanka kin de en awicakehan wookiye cičupi kta ce, ewicakiyapi ecee.

14 Hehan Jehowa hemakiya; Wicašta wokcan kin hena micaje on woitonšni oyakapi ece: yewicawaši šni, qa takudan econwicawaši šni, qa ecaca owicawakiye šni: woitonšni wowanyake, qa wakan kağapi, qa wotakušni qa iye cantepi eciyatanhan wohnaye kin hena e iye cinka oniciyakapi ece.

15 Heon etanhan wicašta wokcan micaje on woyakapi, qa yewicawaši šni tuka; Mazasagye qa wicaakihan makoce kin de en yuke kte šni ce, eyapi kin hena on Jehowa hecen eya; Mazasagye qa wicaakihan on wicašta wokcan kin hena atakuni-
pi kte šni.

16 Qa oyate wowicakiyakapi kin hena wicaakihan qa mazasagye on etanhan Jerusalem canku kin ohna tankan ełpewicayapi kta; qa tuwedan wicahe kte šni; iyepi qa tawicupi, qa cinhintkupi qa cunwintkupi: hecen taku šica econpi kin iyepi en awicaweci-
caštan kta.

17 Heon etanhan wicoie kin de ewicayakiye kta cc: Miišta etanhan ištaminihanpe kadus au kta, hanyetu qa anpetu, qa hena ayu-
štan kte šni: wokakse tanka on mitaoyate cunwintku kin kaksapi; kaštakapi kin he tełike linca.

18 Mağa ekta tankan mde cinhan, hehan iho, mazasagye on capapi; qa otonwe kin en mde cinhan, hehan iho, wicaakihan on lianyanpi; tuka wicašta wokcan qa nakun wawayušna kin hena makoce kin en omani unpi, qa wasdonyanpi šni.

19 Ełpeyapi on Juda ełpeyaya he; ninaği Zion wahtekida šni he: tokeca unyakaštakapi qa okiziyapi unnicapi he: wookiye apepi, tuka taku wašte wanica: qa tohan wokiziyapi kta, tuka iho, wonihinciye.

20 Jehowa taku šica unkita-wapi kin hena sdonunkiyapi, atewicunyanpi wałtanipi kin; niye en wanuniciłtanipi nakaes.

21 Wašicedake šni wo, nicaje on etanhan; nitowitan oyanke kin hdušice šni wo; kiksuya wo, wicotakuye nitawa unkicipi un kin he hdakse šni wo.

WICOWOYAKE 15.

22 Ikcewicašta takuśnišni tawapi kin mağaju inahnikiya okihi he: qa is mahpiya kin hena mini hinhan wicaqu he: Jehowa Wakantanka unkitawapi kin he niye ee šni he: heon etanhan niye ekta eunnitonwanpi kta, dena owasin niye yakaga nakaes.

WICOWOYAKE 15.

1 Hehan Jehowa hemakiya; Moses qa Samuel mitokam najinpi qeyas minagi oyate kin de ektakiya yanke kte šni: mitokapathanhan elipewicaya wo, tokan yapi kta ce.

2 Unkan kaketu; Tokiya unyanpi kta he, eniciyapi kinhan, hehan hewicayakiye kta; Jehowa hecen eya ce; Tona wiconte tawa, hena wiconte ekta; qa tona mazasagye tawa kin hena mazasagye kin ekta; qa tona wicaakihan tawa hena wicaakihan ekta; qa tona wayaka ayapi kte cin hena wayaka ayapi kin ekta.

3 Unkan ocaje topa en wanyag wicahi wakiye kta, Jehowa eya: mazasagye kin wicakte kta; qa šunka wicayahdehedece kta; qa mahpiya okinyanpi qa maka wamanica kin watemyapi qa wayapotpotapi kta.

4 Qa hena wonihinciye on woki-conze maka akan un kin owasin wicawaqu kta, Mannaseh Hezekiah cinhintku Juda wicaštayatapi kin on etanhan, taku Jerusalemon en econ qon heon.

5 Jerusalem, tuwe e onšinida kta he; tuwe wookiye nitawa on iwange kta e icunom ye kta he.

6 Niye elipemayaya ce, Jehowa eya; hekta itoheya mayani: tuka niwankam minape yewakiye kta

qa ihangciye kta: waonšidapi on wamatuka ce.

7 Unkan wicaduğe wan on wicawakaduğe kta, makoce tatiyopa owasin ohna; cinca codan elipewaye kta, mitaoyate kin ihangwakiye kta; iye tacankupi kin etanhan hdicupi šni nakaes.

8 Wiwazica tawapi kin hena miciyuotapi, miniwanca wiyaka kin isanpa; en awicawau, koška hunku kin en waihangye wan awau, wiyotanhan hehantu; ihnuhanna ahinhpaye waye, wonihinciye qa woihangye hinca.

9 Tuwe šakowin cinca ton kin he hanyan; iye nagi niya šni iyaya; hinyahin anpetu tuka anpetu wi tawa isinyan iyaya; iste-ca qa nihinciya: unkan tona okaptapi kin hena mazasagye en wicawaqu kta, tokawicayapi kin itokam, Jehowa eya.

10 Hehehe, miye, ina, maka ocowasin en wicašta wakinica qa wicašta wawakipajin kin heca mayaton. Wodote šni waun qa wicašta womakidotapi šni; tuka iyulpa mayašicapi ece.

11 Jehowa heya; Otokahe nitawa kin he wašte šni he; anpetu šica en qa wokakije anpetu kin en toka kin tanyan ecanicon wakiye šni he.

12 Mazasapa kin he waziyata mazasapa qa nakun mazaša kin kamdece kta he.

13 Wowijice qa wokamna nitawa kin, wiyopeyapi codan, wokipi wakağe kta, tuka wayahtani owasin on etanhan, qa makoce opapun nitawa owasin en.

14 Qa tokaniyanpi om makoce wan sdonyaye šni qon he ekta iyaye ciye kta: mitocanteptanye en peta wan itkon, niyepi aidenianpi kta nakaes.

15 Jehowa, niye wasdonyaya: miksuye qa en mahi wo; qa tona

JEREMIAH TAWOYUKCAN KIN,

kuwa amapi kin en tomicion wo: nitocanniye kin hdutehan sni wo; emayaku wo: niye on waaipapi mduha he sdonya wo.

16 Nioie kin hena iyeyapi, unkan hena temwaya; qa nioie kin hena wopida qa taku on micante iyuſkin kin hee: Jehowa Taku Wakan ozuye yuha, niye nicaje on caſmatonpi nakaes.

17 Wawihaha unpi kin hena om imdotanke sni; tuka ninape on etanhan imduſkin: miſnana imdotanke, wocanteptanyan on ojumayaya nakaes.

18 Tokeca wamayazan kin ohin-niyan, qa ksuwemayanpi kin asni-yepica sni he; okiziyapi kta wicada sni: mini wacinyepica-sni wohname kin iyececa miye en ocowasin yaun kta he.

19 Heon etanhan Jehowa hecen eya; Yahdicu kinhan hehan hdi-cuciciye kta, mitokam nayajin kta: qa taku ſice cin etanhan taku telika iyacu kinhan, hehan mii kin hee iyenicece kta: hena e niye en ihdokupi kta, tuka hena ekta niye nihdoye kte sni.

20 Qa oyate kin de en mazaſa conkaſke suta hinca cicage kta: unkan nicizapi kta, tuka ohini-yanpi kte sni; miye cici waun kta, niciciye kta, qa ecihdaku kta e heon, Jehowa eya.

21 Han, wicaſta ſicapi nape etanhan ecihdaku kta, qa wicaſta wohitikapi nape kin etanhan ci-yuſke kta ce.

WICOWOYAKE 16.

1 Hehan Jehowa oie en mahi kin he hecen eya:

2 Makoce kin de ohua tawicu yaton kte sni, qa nicinkſi qa nicunkſi niciyuke kte sni.

3 Makoce kin de en cinkſiwicayapi qa cunkſiwicayapi wicaton-

pi, qa hunkupi wicayuhapi qa atkukupi makoce kin de ohna wicakaſapi kin hena on Jehowa hecen eya:

4 Hena woſihtin wiconſe on tapi kta, awicakiceyapi kte sni qa wicaſapi kte sni; tacesdi iyececa maka ite kin akan hiyeye kta: han, mazasagye qa wicaa-kihan on atakunipi kte sni, qa tancan tapi kin hena mahi-piya zitkadan qa maka wamanica wo-yute yapi kta.

5 Jehowa hecen eya; Wicaceya tipi kin en ye sni wo; qa awicakiceyapi qa wacintonhnagwicayapi on ye sni wo: Oyate kin de wookiye mitawa eweciyaku nakaes, Jehowa eya; wowaonſida qa wocantekiye kin hena ee.

6 Wicatanka qa wicacistinna kin makoce kin de en tapi kta; qa wicaſapi kte sni qa awicakiceyapi kte sni: qa hena on bai-ſihonpi kte sni, qa ihduſdapi kte sni.

7 Qa ceyapi on aguyapi wicakiyuſpapi kte sni, tapi on wacintonhnagyapi kta: qa atkukupi on qa hunkupi on wowacintonhnake wiyatke kin yatke wicakiyapi kte sni.

8 Nakun wotapi qa wayatkanpi on om idotanke kta e wohanpi tipi kin en de kte sni.

9 Jehowa ozuye yuha, Israel ta Wakantanka kin he hecen eya: Iho, makoce kin de ohna, niſta-pi itokam qa nitaanpetu kin en wowiyuſkin ho qa iyaſapi ho kin ayuſtan wakiye kta, tuwe wino-hinca yuze kta qa tuwe hihnaton kta ho kin nakun.

10 Unkan tohan wicoie kin dena owasin oyate kin de owicayakiyake cinhan, qa, Taku on etanhan Jehowa taku ſica tanka kin de ocowasin unkekiciyapi he; qa

WICOWOYAKE 17.

waunhitanipi kin tukte e he ; qa taku šica Jehowa Wakantanka unkitawapi ecaunkiconpi kin tukte e he, eniciyapi kinhan ;

11 Hehan hewicayakiye kta ; Niyatepi elipemayanpi kin heon etanhan, Jehowa eya ; qa taku wakan tokeca ihakam manipi, qa hena anagoptanpi, qa itokam makata elpeiçiyapi ; han, miye elipemayanpi qa mitawoahope yuhapi šni :

12 Unkan niye niyatepi isanpa taku šica ecanonpi ; iho, wicašta otoiyohi iye cante šica tawacinpi kin eciyatanhan mayanipi ece, hecen anamagoptanpi kte šni.

13 Heon makoce kin de etanhan tankan iyaye ciyapi kta, makoce wan niyatepi qa niyepi nakun sdonyayapi šni qon he ekta : unkan heciya taku wakan tokeca wowidag niyanpi kta, anpetu qa hanyetu koya ; hen wocantekiye ciçupi kte šni.

14 Heon etanhan anpetu kin u kta, Jehowa eya ; hehan, Jehowa, Israel cinca Egiypta makoce kin etanhan hiyuwicaye ciqon he ni un ce, icimana eyapi kte šni :

15 Tuka, Jehowa Israel cinca waziyata makoce kin etanhan, qa makoce owasin ektakta kalam iyewicaye ciqon hetanhan awicahdiyaku kin he ni un ce, eyapi kta : Unkan miye makoce tawapi, atewicayapi wicawaqu qon he en awicawahdi kta ce.

16 Iho, hopsicapi ota wahowicawaye kta, Jehowa eya ; unkan wicayupsicapi kta : qa iyohakam wotihnipi ota wahowicawaye kta, unkan hena iwicahnipi kta, he kin owasin etanhan, qa paha otoiyohi etanhan, qa imnija ohdoka kin etanhan.

17 Miišta iye tacankupi kin owasin ekta etonwe kta nakaes : hena miite etanhan inahbe içiya-

pi šni, qa miišta etanhan wahta-nipi kin anahmanpi šni.

18 Tuka tokaheya, iye wahtanipi qa taku šica econpi kin nonpa akihde kajujuwicawakiye kta ; taku wowahštešni tawapi tapi kin hena on makoce mitawa yušicapi, qa taku šice linca yuhapi kin on taku tawawaya ojuyapi, heon etanhan.

19 Jehowa, wowašake mitawa, qa conkaške mitawa, qa wokakije anpetu kin en wowinape mitawa, maka ihanke kin etanhanhan Ikcewicasta oyate kin niye ekta upi kta, qa heyapi kta ; Awicakehan atewicunyanpi kin woitonšni yuhapi, taku šni qa taku owicakiye šni cee.

20 Wicašta wan taku wakan içicağe kta he, qa hena taku wakan heca šni.

21 Heon etanhan, iho, dehan wasdonye wicawaye kta, minape qa mitowašake sdonyewicawaye kta : unkan micaje kin he Jehowa ee e sdonyapi kta ce.

WICOWOYAKE 17.

1 Juda wahtani kin mazasapa icago kin on owapi qa inyan suta oinkpa kin on : iye cantepi omdaska kin en bağopi, qa owayušna nitawa he kin akan.

2 Ieunhan, iye cinca owayušna qa wakağapi tawapi kin hena kiksuyapi, can teca icahda, paha tehanwankantu kin akan :

3 He nitawa, mağa kin ekta, taku nitawa, womnaye nitawa ocowasin wokipi kta wicawaqu kta, paha nitawa kin wahtanipi on, makoce nitawa owancaya.

4 Unkan niye, han niye linca, makoce tawayaye kta ciçu qon he adušan kta : qa makoce wan sdonyaye šni qon he olna tokaninyanpi wowidagnianpi wakağe

JEREMIAH TAWOYUKCAN KIN,

kta: mitocanteptanye kin en pe-
ta wan ideyayapi nakaes, he
ohinniyan itkon kta.

5 Jehowa hecen eya; Wicašta
kin wicašta wacinye cinhan, qa
wicacehpi isto iciya, qa cante
tawa Jehowa ehpeye cin he ya-
sicapi ce.

6 Qa he hewoskan tancodan un
kin iyecece kta, qa tohan taku
wašte u kinhan wanyake kte šni;
tuka. hopuza en maka puza oti
kta, miniskuya makoce qa tuwe-
dan ti šni kin hetu.

7 Wicašta tuwe Jehowa wacin-
ye ça wowacinye tawa kin Jeho-
wa ee hecinhan he yawaštepi ce.

8 Unkan he qe can wan mini
icahda ojupi, qa hutkan wakpa-
dan ektakiya yeye cin he iyecece
kta; qa tohan kata aye cinhan
sdoneye kte šni, tuka ape tawa kin
toya yanke kta, qa omaka puza
kin kokipe kte šni, qa waskuyeca
icaliya ayuŝtan kte šni.

9 Wicacante taku owasin isanpa
wicahnaye sa qa okiziyepica šni;
tuwe sdonya okihi kta he.

10 Jehowa miye hinca wica-
cante mdukcen, wicapaksin kin
imduta, wicašta otoiyohi iye ta-
canku kin eciyatanhan, iye ohan
icalhye cin on waqu kta heon.

11 Zica wan waman tuka wa-
pakpi šni, tuwe taku owotanna
šni on wowijice kamna kin he
iyecece kta, taanpetu cokaya
hehan ehpekiye kta, qa owihanke
ekta witkotkoka heca kta.

12 Otokaheya tanhan tipi wa-
kan unkitawapi oyanke kin he
wowitan oiyotanke tehanwan-
kantu kin heca.

13 Jehowa Israel wacinyanpi
kin, tona aniyuŝtanpi kin hena
owasin ištecapi kta, tona mitehan
iyayapi kin hena maka en owica-
wapi kta; Jehowa mini wiconi
wakoniya kin ayuŝtanpi nakaes.

14 Jehowa, okizimayan wo, kin-
han omakizi kta; nimakiya wo,
kinhan wani kta: woyatan mita-
wa kin he niye nakaes.

15 Iho, hemakiyapi; Jehowa
oie kin tukte e he: wanna ešta
u kte.

16 Tuka miye qe nihakam won-
wicawaya waun kta inawalni
šni; qa wokakije anpetu kin he
awakite šni: miiha etanhan taku
inanpe cin hena niye sdonyaya,
niite itokamtu nakaes.

17 Wakokipe micage šni wo;
anpetu šica en wowacinye mita-
wa kin he niye.

18 Tona šicaya makuwapi kin
hena ištecapi kta, tuka miye qe
imaštece kte šni; hena e nihin-
ciyapi kta, tuka miye qe nihin-
miciye kte šni: anpetu šiea kin
he en awicau wo; qa woihangye
itakihna on ihangwicaya wo.

19 Jehowa hecen emakiya; Ya
wo, qa nitaoyate cinca tatiyopa
kin ohna inajin wo, Juda wica-
štayatapi kin ohna tin hiyupi, qa
ohna tankan hdapi ece kin hena,
qa Jerusalem tatiyopa owasin
ohna.

20 Qa hewicakiya wo; Juda
wicaštayatapi, qa Juda oyate oco-
wasin, qa Jerusalem en ounyanpi
kin iyulpa, tiyopa kin dena ohna
idadapi ece, Jehowa oie kin na-
hon po:

21 Jehowa hecen eya ce; Nina-
gipi iwanihdaka po, qa anpetu
wakan icunhan ecaca waqinpi
šni po, qa Jerusalem tiyopa ohna
tin akiyahdapi šni po.

22 Qa anpetu wakan eca yatipi
kin etanhan tankan taku qin
ayapi šni po, qa wicolitani taku-
dan econpi šni po; tuka anpetu
wakan kin he niye yuwakan po,
niyatepi econwicawaŝi qon iye-
ceca.

23 Tuka anaŝoptanpi šni qa

WICOWOYAKE 18.

noḡe ekta yeyapi śni, tuka tahu suta iḡicagapi, hecen naḡonpi kte śni, qa woonspe iḡupi kte śni.

24 Unkan kaketu kte, Jehowa eya; Wanaḡonyan anamayagoptanpi kinhan, anpetu wakan icunhan otonwe kin de tiyopa kin ohna woqin takudan ayahdiyakupi śni, qa anpetu wakan en wicoḡtani econ śni ohoyadapi kinhan;

25 Hehan wicaṡtayatapi qa wicaṡta itancan Dawid oiyotanke tawa akan yankapi, canpahmihma qa śuktanka akan iyotan-kapi ecen otonwe kin de tiyopa kin ohna hiyupi kta, iyepi qa wicaṡta ihdawa wicayuhapi, Juda wicaṡta, qa Jerusalem en ounyanpi kin hena; qa otonwe kin de en ounyanpi kta owihanke wanica.

26 Hehan Juda totonwe kin etanhanhan upi kta, qa Jerusalem ihdukśan wanke cin etanhanhan, qa Benjamin makoce kin etanhan, qa mde huta kin etanhan, qa ḡe kin etanhan, qa itokaḡa tanhan, wohuḡnaḡe wośnapi qa ikce wośnapi, qa waskuyeca wośnapi qa wizite yuha upi kta, qa woyatan wośnapi Jehowa ti kin en aupi kta.

27 Tuka anpetu wakan kin ohoyadapi kta e on anamayagoptanpi śni kinhan, qa anpetu wakan icunhan woqin hduha Jerusalem tiyopa kin ohna hidupi kinhan, hehan tiyopa kin dena ohna peta idewaye kta, qa he Jerusalem en tipi waṡteṡte kin hena ḡuḡnaḡe kta, unkan kasnapi kte śni.

WICOWOYAKE 18.

1 Wicoie Jehowa etanhan Jeremiah en hi kin he hecen eya :

2 Najin wo, qa maka wakśica kaḡa tipi kin ekta kun ya wo :

uncan hen mioie kin naḡonciye kta ce.

3 Hehan maka ceḡa kaḡa ti kin ekta apamahde imdamda : unkan iho, inyan pahmihma kin akan taku kaḡa yanka.

4 Unkan upśija etanhan wakśica kaḡe cin he maka ceḡa kaḡa nape ohna yuśicapi : hecen ake wakśica tokeca kaḡa, iye maka ceḡa kaḡe cin token iyokipi he iyececa.

5 Hehan Jehowa oie kin en mahi qa heya;

6 Israel tiyohnaka, maka ceḡa kaḡe cin de iyecen ecaciconpi kta owakihi śni he, Jchowa eya. Wanyaka wo, upśija maka ceḡa kaḡa nape ohna yanke cin he iyecen, Israel tiyohnaka, minape ohna yaunpi ce.

7 Tohan ihnuhanna oyate wan qa wokiconze wan on iwae kta, yujunpi kta qa yujujupi kta qa ihangyapi kta on :

8 Unkan oyate kin he taku śica econpi cajemdate cin he etanhan ihduhomni kinhan, hehan taku śica ecawecon kta wacanmi qon etanhan mihduhomni kta.

9 Qa akeś ihnuhanna oyate wan qa wokiconze wan on iwae kta, ojupi kta qa icaḡyapi kta on :

10 Miiṡta kin en taku śica econ, on miho anaḡoptan śni kinhan, hehan taku waṡte on mduwaṡte kta kepe ciqon he etanhan mihduhomni kta ce.

11 Heon etanhan wanna Juda wicaṡta qa Jerusalem en ounyanpi kin wowicakiyake ḡa heya wo : Jehowa kaken eya ce; Iho, wośice wan cicagapi, qa niyepi on woawacin wan awacanmi : Wanna otoiyohi tacanku śica etanhan hdicu po; qa nitacankupi nioḡanpi koya waṡte kaḡa po.

12 Tuka heyapi; Wowacinye wanica; heon unkitawacinpi kin

JEREMIAH TAWOYUKCAN KIN,

ohna maunnipi kta, qa otoiyohi iye cante síca taku awacin kin he ohnayan econkupi kta ce.

13 Heon etanhan Jehowa hecen eya; Wanna Ikcewicašta kin ehna wiwanga po, tuwe taku hececa nahon hecinhan; Israel wikoška kin taku wowinihan hınca econ nakaes.

14 Imnija on tuwe maga wan Lebanon wa kin on spayeyapi kin ehpeye kta he: wakpa snisni kin hena mini tokeca on ehpeyapi kta he.

15 Tuka mitaoyate amiktonjapi; takuśni izitekiyapi, qa tacankupi ohna hicahan wicakiyapi, canku wanakaja kin hena; hecen canku cistinna wan ohna manipi kta, canku wiyeya kagapi sni.

16 Makoce tawapi kin he hewoskan ehpeyapi kta; taku ohinnian ajijipi kin heca kta: tona en hiyayapi kin otoiyohi yušinyaye kta qa pakapsanpsan kta.

17 Tate wiyohiyanpatanhan kin on iyecen toka ite kin itokam enanakiya iyewicawaye kta: wokakije anpetu tawapi kin en tahu wicawakipazo kta, qa ite hee kte sni.

18 Hehan heyapi; U miye, Jeremiah on woawacin awauncinpi kta; awicakehan woope kin wawayušta kin akicitakuni sni wanice kta; qa wowahokonkiye wicašta ksapa etanhan; qa wicoie kin wicašta wokcan ayušta kte sni. U po, ceji on unyapapi kta, qa wicoie tawa owasin anangoptanpi kte sni ce.

19 Jehowa, amawacin ye, qa tona makigepi kin hena ho kin nahon wo.

20 Taku síca taku wašte on tokiyopeyapi kta he; woha wan minagi kicapi nakaes. Hena on taku wašte epe kta heon nitokam nawajin tuka qon he kiks-

ya wo, nitocanniye wicaweciyu-homni kta e heon.

21 Heon etanhan iye cincapi kin wicaakihan kin en wicaqu wo, qa mazasagye nape en iye-wicaya wo; qa tawicupi cinca codan unpi kta, qa wiwazicapi kte: qa wicašta tawapi kin hena wiconte on wicaktepi kte: koška tawapi kin hena okicize en maza-sagye on wicakaštakapi nunwe.

22 Tohan ihnuhanna ozuye wan iye en awicayau kinhan. hehan iye tipi kin etanhan sícahowa-yapi wan nahonpi kta: mayuzapi kta on woha wan micapi, qa misiha on mazahtakiyapi emakionpapi nakaes.

23 Tuka Jehowa, maktepi kta on token amawacinpi kin owasin niye sdonyaya: Woahtani tawapi kin akahpe sni wo, qa taku síca econpi kin hena nitokapatanhan kajuju sni wo; tuka nitokam hena ihangyapi kta, nitocanniye anpetu kin en ecawicakicon wo.

WICOWOYAKE 19.

1 Jehowa hecen eya; Ya wo, qa maka cega kage cin etanhan maka janjan wan opeton wo, qa oyate hunkayapi qa wawayušta wicalincapi kin om;

2 Qa Hinnom cinhintku takaksiza kin ekta inanpa wo, he maka wakšica tiyopa yuhdokapi kin hetu, qa hen wicoie tona ociciyake kte cin owasin eyanpaha wo:

3 Qa hecen ehe kta; Juda wicaštayatapi qa Jerusalem en ounyanpi kin, Jehowa oie kin nahon po: Jehowa ozuye yuha, Israel Taku Wakan tawa kin he hecen eya ce; Iho, otonwe kin de en taku síca wan awau kta, tuwe he nahon kinhan nođe snasna kta.

4 Miye ehpemayanpi; qa oyan-

WICOWOYAKE 20.

ke kin de yutokecapi, qa ohna taku wakan tokeca izitewicakiyapi, iyepi qa atewicayapi, qa Juda wicaštayatapi kin sdonyapi šni qon hena, qa oyanke kin de tona wiyaonpepicašni unpi we kin on ojudanyapi nakaes:

5 Nakun Baal pajodan kin hena kağapi, iye cinhintkupi kin peta on hułnaħya Baal wakiyušnapi kta e heon; he qe econwicawaši šni, qa cajemdate šni, qa tohinmi micante en u šni tuka.

6 Heon etanhan iho, anpetu kin u kta, Jehowa eya, oyanke kin de Tophet qa Hinnom cinhintku takaksiza kin icimana eciyapi kte šni, tuka, Wicaktepi kaksiza eciyapi kta.

7 Unkan owanka kin de ohna Juda qa Jerusalem taku awacinpi kin he ecetu šni wakiye kta; qa tokawicayapi wicitokam mazasagye on hinħpaye wicawakiye kta, qa tona naği iyaye wicaya akitapi napepi kin on: qa tancan ħapi kin hena malħiya okinyanpi qa maka wamanica kin woyute yapi kta wicawaqu kta.

8 Qa otonwe kin de woyušin-yaye qa wowiħaħa wan wakage kta; tona en hiyayapi kin otoidyohi yušin-yaye kta qa iħaħa kta, wokaštake tawa kin owasin on etanhan.

9 Unkan iye cinhintkupi celħi kin yunwicawakiye kta, qa cunwintkupi celħi kin, qa otoidyohi iye takodaku celħi kin yutapi kta, onatakapi qa wokakiye kin on, tona tokawicayapi qa tona naği wicakuwapi onawicatakapi kte cin he on.

10 Hehan wicašta om idade cin hena išta itokam makajanjan qon he yakamdece kta;

11 Qa hewicayakiye kta; Jehowa ozuye yuħa he hecen eya ce; He iyecen oyate kin de qa

otonwe kin de owakamdece kta, tuwe maka ceğa kağa tawakšica wan kamdece cin he iyececa, he ake piya kağapi kta okihipica šni: unkan Tophet en wicalħapi kta; tukten wicalħapi kta owanka wanica nakaes.

12 Oyanke kin de qa en ounyanpi kin hena hecen ecawicawecon kta ce, Jehowa eya: qa otonwe kin de Tophet iyececa icage kta:

13 Qa Jerusalem tipi kin hena, qa Juda wicaštayatapi tipi tawapi kin hena yušaapapi kta, Tophet owanka kin iyececa; tipi tona akaħpe akan malħiya ozuye kin iyulħa izitekiyapi kin hena owasin on, qa taku wakan tokeca wokaštan wošna owicakicicaštanpi kin heon etanhan.

14 Hehan Jeremiah Tophet en woyake kta Jehowa ekta yeši qon hetanhan ħdicu; qa Jehowa ti tiħocoka kin ohna inajin, qa oyate kin ocowasin hewicakiya;

15 Jehowa ozuye yuħa Israel Taku Wakan tawa kin he hecen eya ce; Iho, otonwe kin de en, qa otonwe tawa kin iyulħa en taku šica owakiyake cin ocowasin awau kta; mioie anağoptanpi kte šni e on tahu patin icicagapi kin heon etanhan.

WICOWOYAKE 20.

1 Unkan Pašur Immer cinhintku wawayušna kin hee, qa nakun Jehowa ti kin ohna itancan tokapa kin hee, wicoie kin dena Jeremiah oyaka he naħon:

2 Hehan Pašur Jeremiah wicašta wokcan kin kaštaka, qa can icaškapi kin en ehnaka, he Benjamin tiyopa wankantu kin hetu, Jehowa ti kin icahda.

3 Unkan ihanħanna hehan Pašur canicaškapi kin etanhan Jeremiah eyaku. Hehan Jeremiah

JEREMIAH TAWOYUKCAN KIN,

heciya; Nicaje Pašur (Itancan wašte) Jehowa eya cajeyate šni, tuka Magor-missabib (Ihduksan wokokipe.)

4 Jehowa kaken eya ce; Iho, niye hinca en qa nitakuye owasin en wokokipe cicage kta: unkan hena e tokawicayapi tamazasagye on hinłpayapi kta, qa niye ništa wanyake kta. Nakun Juda ocowasin Babel wicaštaya-tapi nape kin en wicawaqu kta, unkan iye Babel ekta wayaka awicakiyahde kta, qa mazasagye on wicakte kta.

5 Nakun otonwe kin de towašake ocowasin, qa tohtani ocowasin, qa taku tehike tawa kin ocowasin waqu kta; han, Juda wicaštayatapi wokamna tawapi kin iyulıpa iye tokawicayapi napepi en waqu kta, qa hena wawicakipi kta, qa wicayuzapi kta, qa Babel ekta awicayapi kta.

6 Qa niye, Pašur, qa yati ohna unpi kin iyulıpa wayaka anıyan-pi kta; han, Babel ekta yai kta, qa hen nište kta, qa hen niłapi kta, niye qa takuwicayaya woi-tonšni owicayakidake cin hena owasin koya.

7 Jehowa, awacinmayaya unkan awacanmi; sutaya mayaduza qa niye ohıyaya; anpetu otoiyohi wowiıahamayampi waun; ocowasin imahahapi:

8 Tohan iwaa eca wokakišye mdaotanin qa wawicakipi omdaka ecee: Jehowa oie kin he, anpetu iyohi, miye en wowiıahıa qa woaie kin heca micagapi nakaeš.

9 Heon etanhan, Ake cajemdate kte šni, qa icimana iye caje on iwae kte šni ce, epa: tuka he micante kin en peta wahuhnağa mahuhu kin en onatakapi iyecen icağa; unkan tinsmičiya owakița qa owakihi šni.

10 Wicota waaiapi nawaıon

nakaeš; anokatanhan wokokipe: Oyaka po, kinhan unkoyakapi kta ce. Wicašta wookiye en miciunpi kin owasin mitankiyedan iwanmayakapi. Okinni yušna kta, hehan ohıunyanpi kta, qa tounkiciıonpi kta ce, eyapi.

11 Tuka Jehowa miciun wicašta wohitike cin iyececa; heon etanhan tona šıcaya makuwapi kin hena hiıahanpi kta, qa ohıye šni unpi kta: wacinksamya econpi kte šni, heon nina ištecapi kta; he wowištece owıhanke wanica, icimana akiktonjapi kte šni.

12 Tuka Jehowa ozuye yuha, wicašta owotanna kin iyukcan, wicapakšin qa wıacante wanyaka ecee kin, watowıcayeıon kin he wanyagmayan wo: mitowakinica kin he niye en amda nakaeš.

13 Jehowa kahıyaya po, Jehowa yatan po; tona taku šıca econpi napepi etanhan wicašta onšıka naği kin ehdakukin heon etanhan.

14 Anpetu en matonpi qon he yašıcapi nunwe; anpetu en ina mayuhe ciıon he yawaštepi šni nunwe:

15 Wicašta wan ate hošıkahi qa, hokšin cinca wan nicitonpi ce, eciya, qa nina iyuškinkıye ciıon he yašıcapi nunwe:

16 Nakun otonwe Jehowa ihangye hinca qa on iyopeiıııye qon hena wicašta kin he iyececa nunwe: qa hanhanna eca iyašıapi naıon kta, qa wıyotanhan kinhan owodutaton kta.

17 Tokeca tamni kin en makte šni he; qa iš ina woıha mitawa eekıyapi šni qa tamni ohınnıyan ihdušake šni he.

18 Tokeca wıcoııtani qa woiyokišıce wanmdake kta e on tamni kin etanhan hıbu, qa mitaanpetu wowištece en sotapi kta he.

WICOWOYAKE 22.

WICOWOYAKE 21.

1 Jehowa etanhan wicoie Jeremiah en hi qon he dee; Zedekiah wicaštayatapi kin Pašur Melkiah cinhintku qa Zephaniah Maasaiah cinhintku wawayušna kin hena ekta yewicaši qehan, hecen eya:

2 Ceciciya ce, unkiyepi on Jehowa iwanğa wo: Nebukadnezzar Babel wicaštayatapi kin unkizapi nakaes: okinni Jehowa iye tohan wakan kin owasin eciyatanhan ecaunkiconpi kta, qa unkiyepi etanhan kihdeye kta naceca.

3 Hehan Jeremiah hewicakiya; Kaken Zedekiah eyakiyapi kta ce:

4 Jehowa Israel ta Wakantan-ka kin he hecen eya ce; Iho, wipe ninape ohna yahduhapi, on Babel wicaštayatapi kin kici, qa on Kasdim oyate conkaške tankantanhan aonanitakapi om yecizapi kin hena hekta mduhomni kta, qa hena e otowwe kin de cokaya wicamduwitaya kta.

5 Qa miye hinca cicizapi kta, nape hduğata qa isto wašaka on; han, wocanniye en, qa wocanteptanye qa wošinhda tanka en:

6 Qa otowwe kin de en ounyanpi kin hena wicawakaštake kta, wicašta qa woteca nakun; makošica tehika on ƚapi kta.

7 Qa he iyohakam Zedekiah Juda wicaštayatapi, qa iye tao-kiye, qa oyate kin, qa tona otowwe kin de ohna makošica qa mazasagye qa wicaakihan etanhan okaptapi kin hena Nebukadnezzar Babel wicaštayatapi nape kin en wicawaqu kta, qa toka-wicayapi napepi kin en, qa tona nağipi akitapi kin hena napepi kin en: Unkan iye qe mazasagye hi kin on awicape kta, iton-

wicape kte šni, qa wacantkiye kte šni qa waonšida kte šni, Jehowa eya.

8 Nakun oyate kin de hewicayakiye kta; Jehowa hecen eya ce; Iho, nitokam wiconi canku qa wiconƚe canku ewahnaka:

9 Tuwe otowwe kin de ohna owanji yanke cinhan mazasagye qa wicaakihan qa makošica on ƚe kta: Tuka tuwe tankan ye ƚa Kasdim oyate onanitakapi kin en iyohpaye cinhan he ni kta, qa iye naği kin wokamna iyecen hduhe kta.

10 Miite otowwe kin de itkokim ewehnaka nakaes, taku šica on, qa taku wašte on etanhan šni, Jehowa eya: Babel wicaštayatapi nape kin en qupi kta, unkan iye peta on huhahe kta ce.

11 Nakun, Juda wicaštayatapi ti kin on, Jehowa oie kin naħon po:

12 Dawid tiyohnaka, Jehowa hecen eya ce; Hanlianna eca woowotanna econ po, qa tuwe wakipi kin he wakakišye nape kin etanhan eyaku po; okinni wicoħan šica ecanonpi kin on mitocanniye hinanpe kta, peta iyececa, qa ide iyaye kta, qa tuwedan kasni kte šni.

13 Iho, osmaka en ounye cin, imnija mdaya kin akan, nitkokim waun, Jehowa eya; tuwe itkounkipapi u kta, qa tuwe oununyanpi kin en hiyu kta he, eyapi ece.

14 Tuka miye qe nioħanpi taku icahe cin en aciupi kta, Jehowa eya: qa contanka tawa kin en peta wan wakage kta, qa taku ihdukšan wanke cin owasin huhahe kta ce.

WICOWOYAKE 22.

1 Jehowa hecen eya; Juda wicaštayatapi ti kin ekta kun ya

JEREMIAH TAWOYUKCAN KIN,

wo, qa heciya wicoie kin de oyaka wo ;

2 Qa heya wo ; Juda wicašta-yatapi Dawid oiyotanke tawa akan idotanka, Jehowa oie kin nañon wo, niye qa nitaokiye qa nitaoyate tiyopa kin dena ohna hiyupi ecee :

3 Jehowa hecen eya ce : Wo-yaco qa woowotanna econ po, qa tuwe wakipi wakakišye nape kin etanhan eyaku po ; qa wicašta tokeca, wamdenica qa wiwazica šicaya ecakiconpi šni po, qa otonwe kin de ohna wiyaonpepica šni we kin papsonpi šni po.

4 Awicakehan wicoie kin de ecanonpi kinhan, hehan tipi kin de tiyopa kin ohna wicaštayatapi hiyupi kta, Dawid oiyotanke tawa kin akan kici iyotankapi kta, qa canpahmihma en qa šuktanka akan iyotankapi kta, iye, qa taokiye, qa taoyate kin.

5 Tuka wicoie kin dena nayahonpi šni kinhan, miye mičiconza ce, Jehowa eya ; tipi kin de otiwota icage kta ce.

6 Jehowa Juda wicaštayatapi tiyohnaka kin hecen eciya ; Niye Gilead Lebanon ipa kin iyececa cidaka ešta, hewoskan makoce, otonwe tuwedan ohna ti šni kin heca cicage kte šni he.

7 Qa niye on walhangye kin heca wicamduwakan kta, wicašta qa tawipe kici : unkan hena e hante ša waštešte nitawa kawankapi kta, qa petan elpeyapi kta.

8 Unkan oyate ota otonwe kin den hiyayapi kta, qa otoiyo hiye takodaku hekiciyapi kta ; Tokeca Jehowa otonwe tanka kin de hecen ecakicon hwo :

9 Hehan heyapi kta ; Jehowa Taku Wakan tawapi toope kin he elpeyapi, qa taku wakan tokeca en makata elpeiciyapi, qa

en wowidagičiyapi kin heon etanhan.

10 Tapi kin on ceyapi šni po, qa on pakapsanpi šni po : ceyapi on tuwe titokan iyaye cin akiceya po : he icimana ku kte šni, qa makoce tawa ake wanhdake kte šni nakaeš.

11 Šallum, Josiah Juda wicaštayatapi kin he cinhintku, iye atkuku Josiah eekiya wicaštayatapi yanka, makoce kin de etanhan iyaye ciquon he on Jehowa hecen eya ; Deci ya icimana hdi kte šni ;

12 Tuka makoce ekta wayaka ayapi kin hen te kta, qa makoce kin de ake icimana wanhdake kte šni ce.

13 Hehehe, tuwe woowotanna šni on tipi icicage cinhan, qa wankan tipi woyaco šni on ; tuwe iyunwin codan takodaku wowidagye cinhan, qa wicohtani econ kin on takudan qu šni kinhan :

14 Tuwe, Tipi tanka qa wankan tipi okadusyapi kin heca mičicage kta ce, eye cinhan ; hecen ojanjan hdepi tanka kaga : unkan hante ša can on akañpapi, qa wašeša on šayapi.

15 Hante ša on iyokipi ničiye cinhan wicaštayatapi yaun kta he : Niyate wota qa wayatke šni he : tuka woyaco woowotanna ko econ qehan hehan wašteya un.

16 Wayacopi on onšikapi qa walpanica kin wicakiciyukcan ecee : hehan wašte : sdonmayanpi kin he dee šni he, Jehowa eya.

17 Tuka ništa qa nicante wokamna nitawa eceedan akan yanka ; qa wiyaonpepica šni we kin papsonpi kta, qa wokakišye qa wicakipi kin ekta, econpi kta e heon.

18 Heon etanhan Jehoiakim Jo-

WICOWOYAKE 23.

siah cinhintku Juda wicaštaya-tapi kin on Jehowa hecen eya; He akiceyapi kte śni; Hehe, cinye; qa, Hehe, micun: He akiceyapi kte śni; Hehe Itan-can; qa, Hehe towitan kin, eya-pi kte śni.

19 Šonšonna ħapi ece kin iye-cen ħapi kta, yusdohanpi qa Je-rusalem tiyopa kin itankan eħpe-yapi kta.

20 Lebanon ekta wankan ya wo, qa pan wo; Bašan ħe kin akan ho hduwankan iyeya wo; Abarim etanhan śicahowaya wo: tona waštenidapi qon hena owa-sin ihangyapi nakaeś.

21 Oziiciya yaun qehan woci-ci-yaka. Nawahon kte śni ce, eha ece. Hokśiyopa yaun ehantan-han hecen cankuyaya ece: miho anayağoptan śni nakaeś.

22 Tona wonniciyapi kin hena owasin tateyanpa temwicaye kta; qa waštenidakapi qon hena wayaka awicayapi kta: hehan awicakehan niohan śica owasin on iništece kta qa nihinniciye kta.

23 Lebanon en ounyaya, ħante śa en hoħpi nićicage ciqon, to-han hokśinyeksuya, cinca tonpi iyecen yazan yahda kinhan, he-han onśike nidapi kta he.

24 Miye wani, Jehowa eya, Ko-niah Jehoiakim cinhintku Juda wicaštayatapi kin he ipuspe ma-zanapcupe nape ematapa akan yanka hee kaeś, hetanhan ciyu-śdoke kta tuka ce:

25 Qa tona ninagi akitapi kin hena napepi kin en ciçu kta, qa tona ite koyakipa nape kin en, han, Nebukadnezzar nape kin en, qa Kasdim oyate napepi kin en:

26 Qa tankan eħpeciye kta, qa inayaya niton kin he nakun, ma-koce tokeca ekta, en nitonpi śni

kin heciya: unkan hen niťapi kta.

27 Qa makoce cantekiyuzapi kin ekta hdicupi kta, he ekta ihdokupi kte śni.

28 Maka wakśica wahteśni kamdecapi kin heca Koniah wi-cašta kin hee he: wakśica wan woiyokipi takudan en un śni kin heca he: Tokeca iye qa cinca kin tankan eħpewicayapi he, qa makoce wan sdonyapi śni qon ekta iyaye wicayapi he.

29 Maka, maka, maka kin, Je-howa oie kin nahon wo.

30 Jehowa hecen eya ce; Wi-cašta kin de eħpeyapi owa po; wicašta iye taanpetu kin en tan-yan icage kte śni: han, iye oi-cage kin etanhan tuwedan tan-yan icage kte śni, Dawid oiyo-tanke tawa kin akan iyotanke kte śni, qa Juda en icimana wi-caštayatapi yanke kte śni.

WICOWOYAKE 23.

1 Hehehe, wawihankiya tona owihankiye mitawa etanhan ta-ħinca kin ihangwicayapi, qa ena-nakiya iyayewicayapi kin, Jeho-wa eya.

2 Heon etanhan Jehowa Israel Taku Wakan tawa kin he wawi-ħankiyapi mitaoyate wonwica-yapi kin hena hecen ewicakiya; Niye optaye mitawa wicadu-mdecapi qa tankan iyewicaya-yapi, qa awanwicadakapi śni: iho, niohanpi śice cin hena en cicaupi kta ce, Jehowa eya.

3 Qa optaye mitawa okaptapi kin hena makoce ektakta iyaye-wicawaye ciqon owasin etan-hanhan mnawicawakiye kta: un-kan icagapi qa ihduotapi kta.

4 Qa wawihankiya heca wica-waqu kta, unkan wiħanwicaki-yapi kta: unkan icimana kope-

JEREMIAH TAWOYUKCAN KIN,

hdapi kte śni qa nihinciyaipi kte śni, qa nakun nunipi kte śni, Jehowa eya.

5 Iho, anpetu kin u kta, Jehowa eya, hehan Adetka Owotanna wan Dawid icaliweciciye kta, qa Wicaštayatapi wan wicaštayatapi un kta, qa iye wacinksamya ohanye kta, qa maka akan wokonze qa woowotanna econ kta.

6 Iye taanpetu kin en Juda nikiyapi kta, qa Israel wowacinye en unpi kta; unkan caje on cajeyatapi ece e kta, Jehowa Woowotanna unkitawapi hee.

7 Heon etanhan, iho, anpetu kin u kta, Jehowa eya; hehan, Jehowa Israel cinca Egipta makoce kin etanhan hiyuwicaye ciqon he ni un ce, icimana eyapi kte śni:

8 Tuka, Jehowa Israel tipi wicoicage kin waziyata makoce kin etanhan hiyuwicaye, qa makoce owasin ektakta iyayewicaye ciqon hetanhan yus awicau kin he ni un'ce: unkan iye tamakoce kin en ounyanpi kta.

9 Wicašta wokcan kin hena on micante mahen maun kin nina iyokišinyapi: mahuhu owasin cancan: wicašta witko kin hemaceca, qa wicašta wan miniša ktedan kin iyecēca, Jehowa ite kin on, qa iye towitan oie kin on etanhan.

10 Makoce kin wiinalhmanpi on ojudan; itonśni icicagapi heon makoce ceya; tinta wiłhanpi kin śeca aya; hecen iye inyankapi kin he śica aya, qa towašakepi kin suta śni.

11 Wicašta wokcan qa nakun wawayuśna kin ihdušicapi: han, wati ohna taku śica econpi kin iyewaya ce, Jehowa eya.

12 Heon etanhan iye tacankupi kin otpaze linca en canku šduśduta linca iyecece kta: he en

naśdun yapi kta qa ohna hinłpa-yapi kta: taku śica wan en awicawau kta nakaēś, omaka en wanyag wicaipi kte cin hee ce, Jehowa eya.

13 Nakun Samaria wicašta wokcan kin hena en wowitkotkoka wanmdaka: hena Baal eciyatanhan waayatapi, qa Israel mitaoyate nuniwicakiyapi ece.

14 Tuka Jerusalem wicašta wokcan kin hena en taku wonihinciye wan wanmdaka; wawicihałhapi econpi qa woitonśni ohna manipi ece: nakun śicapi kin nape kiyuwašakapi, hecen iye tośice etanhan otioyohi ihduhmnipi kte śni: hena owasin Sodom iyececa wicawadaka icagapi, qa en ounyanpi kin Gomorrah iyececapi.

15 Heon etanhan Jehowa ozuye yuhe cin he wicašta wokcan kin hena hecen ewicakiya; Iho, woyute śica yunwicawakiye kta qa pizi mini kin yatkwewicawakiye kta; Jerusalem wicašta wokcan kin hena etanhan ihdušicapi kin makoce owancaya iyaya nakaēś.

16 Jehowa ozuye yuha he hecen eya; Wicašta wokcan wanicayukcanpi oiepi kin anağoptanpi śni po: hena niyawitkotkokapi; iye cantepi kin en taku wanyakapi kin he ohdakapi, qa Jehowa i kin eciyatanhan śni.

17 Tona waltemadapi śni kin hena hewicakiyapi ece; Wookiye duhapi kta, Jehowa eya ce: qa tuwe iye cante tawacin kin eciyatanhan mani otioyohi, Taku śica takudan en niupi kte sni ce, ewicakiyapi ece.

18 Tuka tuwe Jehowa toinalıbe kin ohna najin he: qa tuwe iye oie wanyake qa okalnıga he; iye oie kin tuwe e nałion qa okalnıga he.

19 Iho, tateiyumni wan, Jehowa

WICOWOYAKE 23.

tocanniye kin iyaya ; han, tatei-yumni waśake hinca ; wicašta śica pa kin ayulidece kta.

20 Jehowa tocanniye tohanyan hduŝtan śni, qa tohanyan iye cante tawacin kin ecen econ śni hehanyan hdicu kte śni : anpetu ehake kin en wookaŝnige on de oyakaŝnigapi kta.

21 Wicašta wokcan kin dena yewicawaśi śni, tuka inyang ya-pi ; wowicawakiyake śni tuka woyakapi ece.

22 Hececa ešta mitawiyukcan ohnayan najinpi unkaś, hehan mitaoyate mioie naŝonwicayapi kta, qa canku śica tawapi kin etanhan, qa wicoŝan śica econpi kin etanhan wicayuhomnipi kta tuka.

23 Taku Wakan ikiyedān un kin hemaca he, Jehowa eya ; qa itehan un Taku Wakan hemaca śni he.

24 Wicašta wan woinaŝbe en inaŝbe kta okihi, qa hecen miye wanmdake kte śni he, Jehowa eya ; Maŝpiya kin qa maka kin miye ojudan waye śni he, Jehowa eya.

25 Wicašta wokcan woitonśni on woyakapi ece kin hena taku eyapi ; Wiwahanmna, wiwahanmna ce, eyapi kin he nawaŝon ce.

26 Wicašta wokcan woitonśni oyakapi, qa iye cantepi wohŝaye kin ohdakapi ece kin hena tohanyan de iś cantepi en un kta he :

27 Iye wihamnapi otoiyohi takodaku okiciyakapi kin hena on mitaoyate micaje akiktonś kiya wacinpi, iye atewicayapi Baal on micaje akiktonjapi qon iyececa.

28 Wicašta wokcan kin tuwe wowihanmde wan kici un kinhan wowihanmde ohdake kta : qa tuwe mioie kici un kinhan he awicakehan mioie yaotanin kta ;

ağuyapi ha kin he ağuyapi su kin kici taku kicica kta he, Jehowa eya.

29 Mioie kin he peta iyecece śni he ; qa maziyaŝe wan innija kamdemdece cin he iyecece śni he, Jehowa eya.

30 Heon etanhan, iho, wicašta wokcan kin hena itkowicawakipa, Jehowa eya ; hena otoiyohi mioie kin iye takodakupi etanhanhan makicinonpi.

31 Iho, wicašta wokcan kin hena itkowicakim waun, Jehowa eya ; hena iye ceji unpi tuka, Iye heya ce, eyapi ece.

32 Iho, tona wowihamna itonśni kin heca ayatapi kin hena wicitkokim waun, Jehowa eya ; qa hena ohdakapi qa iye itonpiśni qa waŝanŝanićidapi kin on mitaoyate nuniwicakiyapi : tuka hena ye wicawaśi śni qa econ wicawaśi śni : heon etanhan oyate kin de ecaca waowicakiyapi kte śni, Jehowa eya.

33 Unkan tohan oyate kin de, qa iś wicašta wokcan qa wawayuśna wan iniwangapi qa, Jehowa tawoqin kin tukte e he, eyapi kinhan, hehan hewicayakiye kta ; Woqin kin he niyepi ; unkan cipalŝpapi kta ce, Jehowa eya.

34 Han, wicašta wokcan qa wawayuśna qa oyate kin tuwe kašta, Jehowa tawoqin, eya caje-yate cinhan, hehan wicašta kin he qa tiyohnaka nakun kakiśwaye kta.

35 Otoiyohi iye takodaku kici, qa otoiyohi iye sunkaku kici kaken eycciyapi kta ; Jehowa token waayupta he ; qa, Jehowa taku eya he.

36 Tuka Jehowa tawoqin ici-mana cajedatapi kte śni : wicašta otoiyohi tawoqin kin iye oie kin hee kta nakaes : Wakantan-ka ni un, Taku Wakan unkita-

JEREMIAH TAWOYUKCAN KIN,

wapi, Jehowa ozuye yuha he oie kin datokecapi nakaeś.

37 Wicaśta wokcan kin kaken eyakiye kta; Jehowa token aniyupta he; qa, Jehowa taku eya he.

38 Tuka, Jehowa tawoqin, eha-pi ece kin heon etanhan Jehowa hecen eya; Wicoie kin de, Jehowa tawoqin, eya caje-datapi ece, tuka miye wahociyapi qa, Jehowa tawoqin kin ecaca caje-datapi kte śni ce, epa :

39 Heon etanhan, iho, miye, han, miye qin aciyapi kta qa cipahpapi kta; miite etanhan elpeciyapi kta, qa otonwe niyepi qa niyate-pi koya ciĉupi qon he nakun.

40 Qa woia owihanke śni wan he niyepi en aciupi kta, qa ohin-niyan wowištece akiktonjapi kte śni kin heca.

WICOWOYAKE 24.

1 Nebukadnezzar Babel wicaśtayatapi kin Jekoniah Jehoiakim cinhintku Juda wicaśtayatapi, qa Juda itancanpi, nakun cankajipa qa mazakaġa kin hena Jerusalem etanhan wayaka awicaya qa Babel en awicahdi kin he iyohakam, Jehowa wawanyagmakiya, unkan iho, makanopiye nonpa suken waskuyeca ojudan, hena Jehowa ti kin itokam ehnakapi.

2 Makanopiye wanji suken waskuyeca wašte hinca ohnaka, suken waskuyeca tokaheya suton kin iyececa; qa makanopiye unma kin ohna suken waskuyeca śice hinca, yunpica śni, śice hinca nakaeś.

3 Hehan Jehowa hemakiya; Jeremiah, taku wandaka he. Unkan, suken waskuyeca, epa; suken waskuyeca wašte kin hena wašte hinca; qa śice ĉin hena śice hinca, yunpica śni, śice hinca nakaeś.

4 Hehan Jehowa oie en mahi kin he hecen eya;

5 Jehowa Israel ta Wakantan-ka kin he hecen eya ce; Suken waskuyeca wašte kin dena iye-cen, tona Juda etanhan wayaka awicayapi, otonwe kin de etanhan Kasdim makoce kin ekta taku wašte on yewicawaśi qon hena tawawicawaye kta :

6 Hena taku wašte on awicawatonwe kta, qa ake makoce kin de en awicawahdi kta : qa piya icalhmicawaye kta, qa ake mdujuju kte śni; qa owicawaju kta qa mdujun kte śni ce.

7 Qa wicacante wan on Jehowa he miye e sdonmayanpi kta wicawaqu kta : unkan hena mitaoyate kin eepi kta, qa Wakantan-ka tawapi kin he miye kta; cante ocowasin on miye en ihdokupi kta nakaeś.

8 Tuka suken waskuyeca śica, śice hinca heon yunpica śni he iyececa, awicakehan Jehowa hecen eya; Zedekiah Juda wicaśtayatapi, qa wicaśta itancan tawa, qa Jerusalem en owicakaptapi, makoce kin de en yakonpi, qa tona Egipta makoce kin en ounyanpi kin hena iyecen wicawakaġe kta.

9 Qa wośice on maka akan wokiconze owasin ektakta śicaya wicakuwapi kta on wicawaqu kta, woiyaonpe qa woiaie, wošte-hda qa woyaśice eepi kta, tukte en kaġam iyewicawaye kte cin owasin ekta.

10 Qa hena ehna mazasagye, wicaakilhan qa makośice yewaśi kta, ecen makoce, iyepi qa atewicayapi wicawaqu qon etanhan ihangwicawaye kta ce.

WICOWOYAKE 25.

1 Jehoiakim Josiah Juda wicaśtayatapi cinhintku tawaniyetu

itopa en, Nebukadnezzar Babel wicaštayatapi tawaniyetu tokaheya kin he en, wicoie Juda oyate kin owasin on Jeremiah en hi qon he dee :

2 He Jeremiah wicašta wokcan kin Juda oyate owasin qa Jerusalem en ounyanpi kin owasin owicakiyaka qa heya ;

3 Josiah Amon cinhintku Juda wicaštayatapi tawaniyetu iakeyamni hetanhan qa anpetu kin dehanyan waniyetu wikcemna nonpa sanpa yamni hehanyan Jehowa oie kin en mahi, unkan oci-ci-yakapi, hanwekta qa epa ecee : tuka anayağoptanpi šni.

4 Nakun Jehowa iye taokiye owasin wicašta wokcan kin hena niyepi ekta yewicaši, hankikta qa yewicaši : tuka anayağoptanpi šni, qa nayahonpi kta e ekta noğe yeyayapi šni.

5 Hena hecen eyapi ; Wanna ake ihduhomni po, otoiyohi iye tacanku šica etanhan, qa niohanpi šice cin etanhan ; kinhan Jehowa makoce niçupi, qa nihunkakepi kin nakun, he en ounyan po, wicoicage qa wicoicage hehanyan.

6 Qa taku wakan tokeca en wowidag niçiyapi kta, qa ohowicayadapi kta e on ihakam yapi šni po ; qa ninape ohanpi kin on šinhda mayanpi šni po ; kinahan taku šica ecaciconpi kte šni.

7 Tuka anamayağoptanpi šni ce, Jehowa eya ; niye šicaya yaunpi kta e ninape taku šica econpi kin on šinhdamayayapi kta nakaes.

8 Heon etanhan Jehowa ozuye yuha he hecen eya ; Mioie anayağoptanpi šni, heon etanhan,

9 Iho, wahowaye kta, qa waziyata wicowazi iyulha iwicawacu kta, Jehowa eya ; qa mitaokiye Nebukadnezzar Babel wi-

caštayatapi nakun, qa makoce kin de en, qa en ounyanpi kin hena en takpe hiyuwicawaye kta, qa oyate ihdukšan unpi owasin en, qa hena ocowasin ihangwicawaye kta, qa hena wonihinciye qa woajiji, qa ohinniyan woihangye wicawakage kta ce.

10 Nakun hena ekta ilhapi ho, qa wiyuškinpi ho kin ayušan wakiye kta ; wicašta tawicu ton kta ho, qa winohinca yuzapi kta ho kin ; wiyutpan ho kin, qa petijanjan ijanjan kin nakun.

11 Qa makoce kin de ocowasin hewoskan wanke kta, wonihinciye kta : unkan oyate kin dena Babel wicaštayatapi kin en wowidagiçiyapi kta, waniyetu wikcemna šakowin hehanyan.

12 Unkan kaketu kte, waniyetu wikcemna šakowin hena yušanpi kinhan, hehan Babel wicaštayatapi qa oyate kin he, taku šica econpi kin on, en wicawahi kta ce, Jehowa eya ; qa Kašdim makoce nakun, unkan he owihanke wanin hewoskan wakage kta ce.

13 Qa mioie tona awomdaka owasin, wowapi kin de en kağapi owasin, Jeremiah oyate iyulha on oyake cigon, hena makoce kin he en awau kta.

14 Oyate ota qa wicaštayatapi tankinyanyan dena e qe wowidagwicayapi kta : qa iye ohanpi kin eciyatanhan wicawaqu kta, iye napepi ohanyanpi kin eciyatanhan.

15 Jehowa Israel Taku Wakan tawa kin he hecen emakiya ; Wocanteptanye miniša iyatke kin de minape etanhan icu wo, qa oyate tona ektakta yeciši kin hena iyulha etanhan yatkwicakiya wo.

16 Unkan yatkanpi kta, qa witkoiciyapi kta, qa wicehna maza-sagye yewaši kin he on capapi kta ce.

JEREMIAH TAWOYUKCAN KIN,

17 Hehan Jehowa nape etanhan wiyatke kin iwacu, qa oyate tona ektakta Jehowa yemaši qon hena owasin yatke wicawakiya :

18 Jerusalem qa Juda otonwe kin hena, qa wicaštayatapi tawa, qa wicašta itancan tawa kin hena, hena e woihangye kağapi kta, qa wonihinciye, qa woajiji qa woyušice; anpetu dehanyan iyececa.

19 Pharo Egupta wicaštayatapi, qa taokiye, qa wicašta itancan tawa, qa taoyate owasin.

20 Qa oyate icicahiyapi owasin, qa Uz makoce kin en wicaštayatapi owasin, qa Philistia makoce en wicaštayatapi iyuhpa, qa Aškelon, qa Azzah, qa Ekron, qa Ašdod en okaptapi kin :

21 Edom, qa Moab, qa Ammon cinca :

22 Qa Turos wicaštayatapi owasin, qa Zidon wicaštayatapi owasin; han, miniwanca akasanpatanhan wita en wicaštayatapi kin :

23 Dedan, qa Tema, qa Buz, qa tona ihanke ekta yakonpi kin owasin.

24 Qa Arabia en wicaštayatapi owasin, qa oyate icicahiyapi hcpuza en ounyanpi hena wicaštayatapi tawapi kin iyuhpa :

25 Qa Zimri wicaštayatapi owasin, qa Elam wicaštayatapi owasin, qa Mede wicaštayatapi owasin :

26 Qa waziyata wicaštayatapi kin iyuhpa, tehan qa ikiyedon, wanji qa sunkaku kici, qa oyate wokiconze kin iyuhpa, maka ite akan yakonpi kin; qa hena ihamkam Šešak wicaštayatapi kin wayatke kta ce.

27 Unkan hewicayakiye kta : Jehowa ozuye yuha, Israel Taku Wakan tawa kin he hecen eya ce; Wayatkan po, qa witkoici-

ya po, qa ldepa po, qa hinhpaya po, qa mazasagye niyepi en yewaši kte cin he itokam ake najinhan nayajinpi kte šni.

28 Unkan kaketu kte, ninape etanhan wiyatke yatkanpi kta on icu wicadapi šni kinhan, hehan hewicayakiye kta; Jehowa ozuye yuhe cin he hecen eya ce; Yatkan po, datkanpi kta ce.

29 Iho, otonwe micaje on caje-yatapi kin he en taku šica awau manka; unkan niye kiyuškapi on niciyuškapi kta he; Niciyuškapi kte šni : miye hinca maka kin en ounyanpi kin owasin akan mazasagye wan weco kta nakaes, Jehowa ozuye yuhe cin eya.

30 Heon etanhan niye wicoie kin dena owasin owicayeciyake kta, qa hewicayakiye kta; Jehowa wankantanhan houye kta, qa tipi wakan tawa kin etanhan ho hdatanin kta : ho hdataninpi on iye ounye tawa kin ahoton kta; hastanhanka naškicapi iyašapi kin iyececa, on maka akan ounyanpi kin owasin awicayupte kta.

31 Hotaninpi kin he maka ihanke kin ekta i kta; Jehowa oyate kin hena om woakinica wan yuha; wicacehpi iyuhpa wicayaco kta; tona šicapi kin hena mazasagye en wicaqu kta, Jehowa eya.

32 Jehowa ozuye yuhe cin he hecen eya; Iho, wošice wan oyate wan etanhan oyate tokeca ekta ye kta, qa maka ihanke etanhan tateiyumni tanka wan icage kta.

33 Unkan anpetu kin he en Jehowa wicakte kin hena maka ihanke kin etanhan maka ihanke kin hehanyan wanke kta : hena awicakiceyapi kte šni, qa wicapahipi kte šni, qa wicañapi kte šni; tacesdi iyecen maka ite kin akan hiyeye kta.

WICOWOYAKE 26.

34 Wiñanwicakiya yaunpi kin, ceya po, qa śicahowaya po; qa optaye en itancan yaunpi, paptanptan icyiciya po: anpetu en niktepi kta qa oyumden elipeniyanpi kte cin wanna.

35 Hehan wiñanwicakiya unpi kin hena on wonajice wanice kta, qa optaye itancanpi kin woehdaku yuhapi kte śni.

36 Wiñanwicakiya unpi ho hdataninpi, qa optaye itancanpi śicahowayapi yukan; owiñan tawapi kin he Jehowa ihangya nakaes.

37 Hecen wookiye owiñanpi kin atakunipi śni, Jehowa tocanniye ide kin on etanhan.

38 Mnaja wan psa kin elpekiye cin iyecen wakakiśya towohitike on, qa tocanniye ide kin on etanhan, makoce tawapi kin hewoskan icaga.

WICOWOYAKE 26.

1 Jehoiakim Josiah cinhintku Juda wicaśtayatapi kin tokaheya wicaśtayatapi yanke cin en, wicoie kin de Jehowa etanhan u qa heya:

2 Jehowa hecen eya ce; Jehowa ti hocoka kin en najin wo, qa Juda otonwe owasin etanhan tona Jehowa ti kin en wacekiya hipi kin hena wicoie tona ewicakiye ciśi kin hena iyuhpa owicakiyaka wo: wicoie wanjidan oyapte śni wo.

3 Okinni nañonpi kta, qa otoi-yohi iye tacanku śica etanhan ihduhomnpi kta; kinhan miś miye, iye oñanpi śica on taku śica en awicawau kta wakonze ciqon etanhan mihduhomni kta.

4 Unkan hewicayakiye kta; Jehowa hecen eya ce; Mitoope nitokam ewahnake cin ohna ma-

yanipi kta e miye namayañonpi śni kinhan;

5 Mitaokiye wicaśta wokcan oiepi kin anayağoptanpi kta—hena e niyepi ekta yewicawaśi, hanwekta qa yewicawaśi; tuka waanayağoptanpi śni:

6 Hehan tipi kin de Śiloh iyeceen wakage kta, qa otonwe kin de maka akan oyate owasin ehna-hna woyaśice wakage kta.

7 Hecen wawayuśna kin hena, qa wicaśta wokcan, qa oyate ocowasin wicoie kin dena Jeremiah Jehowa ti kin ohna oyake cin he nañonpi.

8 Unkan kaketu, Jeremiah taku Jehowa oyate ocowasin ewicakiye śi qon oyaka ihunnikiya, hehan wawayuśna kin hena qa wicaśta wokcan qa oyate ocowasin he yuzapi, Wiconte on niñe kta ce, eyapi:

9 Tokeca Jehowa caje on wodaka; Tipi kin de Śiloh iyecece kta, qa otonwe kin de ihangyapi kta, en onyanpi wanice kta ce, tokeca eha he. Unkan oyate kin ocowasin Jeremiah en kiwitayapi, Jehowa ti kin ohna.

10 Juda itancanpi kin hena dena wicoie nañonpi qehan, hehan wicaśtayatapi ti kin etanhan Jehowa ti kin ekta itawankannde iyayapi qa Jehowa ti tiyopa teca en iyotankapi.

11 Hehan wawayuśna kin hena, qa wicaśta wokcan kin hena koya wicaśta itancanpi qa oyate ocowasin wowicakiyakapi; Wicaśta kin de ta iyacopi kta iyececa ce, eyapi; otonwe kin de on woyaka nakaes, niye ninoğepi on nayañonpi kin iyececa ce.

12 Hehan Jeremiah wicaśta itancanpi qa oyate ocowasin wowicakiyaka; Tipi kin de on qa otonwe kin de on, wicoie naya-

JEREMIAH TAWOYUKCAN KIN,

honpi kin owasin omdake kta e Jehowa umaši ce, eya.

13 Heon etanhan nakaha nita-cankupi qa niohanpi kin hena wašte kicağa po, qa Jehowa Taku Wakan nitawapi ho kin he ana-goŋtan po; kinhan Jehowa taku šica eniciyapi kin he etanhan ihduhomni kta ce.

14 Tuka miye qe, iho, ninapepi ohna manka; ništapi en taku wašte qa owotanna hecen ecamicon po:

15 Hececa ešta, wosdonye on sdonya po, mayaktepi kinhan wicawe taku iyaonpepica šni kin he niyepi akan ayakamnapi kta, qa otonwe kin de en, qa en ounyanpi kin hena en: awicakehan ninogepi en wicoie kin dena owasin omdake kta e Jehowa umaši ce.

16 Hehan wicašta itancanpi qa oyate ocowasin wawayušna qa wicašta wokean kin hena hewicakiyapi; Wicašta kin de ƙa iya-copi kta iyecece šni; Jehowa Taku Wakan unkitawapi caje on wounkiyakapi kin heon etanhan.

17 Hehan makoce kin en hun-kayapi wanjikji najinpi qa oyate inniciyapi kin ocowasin wowicakiyakapi qa heyapi;

18 Hezekiah Juda wicaštayatapi taanpetu kin en Mika Morasthi kin he woyake ca Juda oyate ocowasin wowicakiyaka; Jehowa ozuye yuhe cin he hecen eya ce; Zion yumdupi kta, mağa wan iyececa, qa Jerusalem pahaha kta, qa tipi paha kin he otehi pajojodan iyecece kta ce, eye cigon.

19 Hezekiah Juda wicaštayatapi qa Juda oyate ocowasin wiconƙe on he ktepi he. Jehowa kokipe šni he; qa Jehowa cekiya: unkan taku šica ewicakiye cigon he on Jehowa iyokišini-

ciya. Hecen unkiye taku šica tanka unnagipi en ecaunkiciconpi kta tuka.

20 Qa nakun wicašta wan Jehowa caje on woyaka, Urijah Šemaiah cinhintku, Kirjath-jea-rim etanhan, he qe otonwe kin de qa makoce kin de on woyaka, Jeremiah oie kin owasin iyececa:

21 Qa Jehoiakim wicaštayatapi, qa wicašta wašakšaka tawa kin owasin, qa wicašta itancanpi kin hena iyulpa he nahonpi qehan wicaštayatapi kin he he kte kta akita; tuka Urijah he nahon qehan kokipa, qa najica, qa Egupta ekta iyaya:

22 Unkan Jehoiakim wicaštayatapi kin he Egupta ekta wicašta yewicaši, Elnathan Akbor cinhintku qa kici wicašta toktokeca, Egupta ekta.

23 Unkan hena Egupta etanhan Urijah ahdiyakupi qa Jehoiakim wicaštayatapi kin en ahdipi; he qe mazasagye on kte, qa tancan ƙe cin he wicašta ikceka wicašapi kin ohna elpeya ce.

24 Tuka Ahikam Šaphan cinhintku nape kin Jeremiah kici un, hecen ktepi kta on oyate napepi kin en wicaqupi kte šni.

WICOWOYAKE 27.

1 Jehoiakim Jošiah cinhintku Juda wicaštayatapi kin, wicaštayatapi yanke cin otokahe ekta, wicoie kin de Jeremiah en hi, Jehowa etanhan, qa heya:

2 Jehowa hecen emakiya ce; leaške qa can napinpi içicağa wo, qa nitahu en ekihnaka wo:

3 Qa hena tona Jerusalem ekta Zedekiah Juda wicaštayatapi kin en hipi hena napepi on, Edom wicaštayatapi qa Moab wicaštayatapi, qa Ammon cinca wica-

štayatapi tawapi kin, qa Turos wicaštayatapi, qa Zidon wicaštayatapi kin hena wicakaya wo.

4 Qa wicayuhapi kin hena he-wicakiye wicaši wo: Jehowa ozuye yuha Israel Taku Wakan tawa kin he hecen eya ce; Niyuhapi kin hecen ewicayakiyapi kta;

5 Miye hinca maka kin wakaga, wicašta kin hena qa woteca kin tona maka ite akan unpi kin, mitowaśake tanka qa nape wahdu-katin on; qa miišta en token iyecetu wadaka hecen wicawaqu ecee.

6 Unkan nakaha miye qe makoce kin dena owasin Nebukadnezzar Babel wicaštayatapi mitaokiye nape kin en waqu; qa nakun mağa woteca kin wowidagwicaye kta e waqu.

7 Hecen oyate kin owasin iye en wowidagiçiyapi kta, qa cinhintku, qa cinhintku sanpa cinhintku, iye tamakoce taanpetu hinca hi kte cin hehanyan: hehan oyate odota qa wicaštayatapi waśakapi he wowidagyapi kta.

8 Unkan kaketu kte, oyate wan qa wokiconze wan Nebukadnezzar Babel wicaštayatapi kin hee en wowidagiçiye kte śni hecinhan, qa Babel wicaštayatapi tawanapin kin ihukuya tahu iyeiçiye kte śni kinhan, oyate kin he en wai kta, mazasagye on, qa wicaakihan on, qa makośica on, iye nape kin on ihangwicawaye kte cin hehanyan, Jehowa eya.

9 Heon etanhan niye wicašta wokcan nitawapi anawicagoptanpi śni po, qa wakanyan econpi wicaduhapi, qa wihanmnanpi nitawapi, qa wicanłpi iwanyakapi nitawapi, qa wakan kağapi wicaduhapi kin hena, hena heniciyapi ece, Babel wicaštayatapi kin en

wowidagniçiyapi kte śni ce, eyapi.

10 Hena itonśniyan woniciyakapi, nitamakoce itehan iyaye niyanpi kta: hecen kaham iyeçiyapi kta, qa nitakunipi kte śni.

11 Tuka oyate tona Babel wicaštayatapi tawanapin ihukuya tahu iyeiçiyapi qa en wowidagiçiyapi kinhan, hena iye tamakoce kin en owanji yanke wicawakiye kta, Jehowa eya; unkan kicanyanpi kta qa en ounyanpi kta.

12 Nakun Zedekiah Juda wicaštayatapi kin wowakiyaka, wicoie kin dena owasin eciyatanhan; Babel wicaštayatapi tawanapin kin ihukuya tahu iyeiçiya po, qa iye en, qa taoyate en wowidag içiya po, qa ni po, epapa:

13 Tokeca niłapi kta he, niye qa nitaoyate, mazasagye on, wicaakihan on, qa makośica on, oyate wan Babel wicaštayatapi kin en wowidagiçiye kte śni, Jehowa eciye cigon iyececa.

14 Heon etanhan wicašta wokcan woniciyakapi qa, Babel wicaštayatapi kin he wowidagninyanpi kte śni ce, eyapi kin hena anawicagoptanpi śni po: hena woitonśni oniciyakapi nakaes.

15 Miye yewicawaśi śni, Jehowa eya: tuka micaje en woitonśni wan oniciyakapi: hecen tankan iyeciçiyapi kta, qa hecen nitakunipi kte śni, niyepi qa wicašta wokcan woniciyakapi kin hena koya.

16 Nakun wawayuśna kin hena, qa oyate kin de ocowasin wowicawakiyaka, Jehowa hecen eya ce; Wicašta wokcan nitawapi woniciyakapi oiepi kin anawicagoptanpi śni po; hena heyapi; Iho, wanna aśkadan Jehowa ti tawakśica kin hena ake Babel etanhan akupi kta ce, eyapi: he-

JEREMIAH TAWOYUKCAN KIN,

na woitonśni oniciyakapi nakaes epa.

17 Hena anawicagoptanpi śni po: Babel wicaštayatapi kin en wowidagičiya po, qa ni po; tokeca otonwe kin de ihangyapi kta he.

18 Tuka hena wicašta wokcan hecapi, qa Jehowa oie kin wicakiciun hecinhan, wanna Jehowa ozuye yuhe cin he cekiyapi kta, hecen wakśica tona Jehowa ti kin en okaptapi kin hena, qa tona Juda wicaštayatapi ti kin ohna, qa tona Jerusalem en un kin hena Babel ekta ayapi kte śni.

19 Jehowa ozuye yuhe cin he kaken eya, Bosdan he cin hena on, qa mini ohnaka tanka kin he on, qa oahe kin hena on, qa wakśica tona otonwe kin de en okaptapi kin hena on;

20 Nebukadnezzar Babel wicaštayatapi Jekoniah Jehoia kim cinhintku Juda wicaštayatapi, qa Juda qa Jerusalem wicašta itancanpi owasin, Jerusalem etanhan Babel ekta wayaka awicakiyahda he ehan hena icu śni;

21 Han, Jehowa ozuye yuha, Israel Taku Wakan tawa kin he, wakśica tona Jehowa ti kin ohna yanke, qa Juda wicaštayatapi ti kin ohna, qa Jerusalem en yanke cin hena on hecen eya ce;

22 Hena Babel ekta ayapi kta, qa anpetu en wanyagwicawai kte cin hehanyan hen hiyeye kta, Jehowa eya: hehan hena awahdiyaku kta qa owanka kin de en ake ewehnake kta ce.

WICOWOYAKE 28.

1 Unkan waniyetu kin he en, Zedekiah Juda wicaštayatapi yanke cin otokahe ekta, waniyetu itopa kin en, qa wi izaptan hehan Hananiah Azur cinhintku wicašta

wokcan, Gibeon etanhan, he Jehowa ti kin ohnayan, wicašta wawayuśna kin hena, qa oyate kin ocowasin wicitokam, womakiyaka, qa hecen eya;

2 Jehowa ozuye yuha Israel Taku Wakan tawa kin he hecen eya ce; Babel wicaštayatapi tawanapin kin mduksa ce:

3 Waniyetu nonpa ocowasin kinhan Jehowa ti tawakśica tona Nebukadnezzar Babel wicaštayatapi kin owanka kin de etanhan icu qa Babel ekta akiyahde ciqon hena owasin ake den awahdi kta ce:

4 Qa nakun Jekoniah Jehoia kim cinhintku Juda wicaštayatapi qon, tona Juda etanhan wayaka awicayapi qa Babel ekta ipi kin hena koya owasin owanka kin de en awicawahdi kta; Babel wicaštayatapi tawanapin mdukse kta nakaes, Jehowa eya ce, eya.

5 Hehan Jeremiah wicašta wokcan kin, wawayuśna kin hena, qa oyate owasin Jehowa ti kin ohna najinpi kin hena wicitokam Hananiah wicašta wokcan kin heciya;

6 Han, Jeremiah wicašta wokcan kin hecen eya; Amen: Jehowa hecen econ nunwe: Jehowa ti tawakśica kin hena, qa wayaka ayapi kin ocowasin Babel etanhan owanka kin de en ahdi-pi kta e nioie oduke cin Jehowa yuecetu nunwe.

7 Hececa esta, wanna wicoie kin de, ninoḡe en qa oyate ocowasin noḡepi kin en, omdake cin he nañon wo:

8 Wanakajatanhan wicašta wokcan miye mitokam unpi qa niye nitokam unpi qon hena makoce ota qa wokiconze tankinyanyan en, okicize, qa taku śica, qa makośica on oyakapi ecee.

9 Wicašta wokcan kin wookiye

WICOWOYAKE 29.

on woyake cinhan, tohan wicašta wokcan oie kin yucetupi kinhan, he qe awicakehan wicašta wokcan Jehowa uši kin hee e sdonyapi kta ce.

10 Hehan Hananiah wicašta wokcan kin he Jeremiah wicašta wokcan tahu etanhan can napinpi kin icu qa yuksa.

11 Qa Hananiah oyate ocowasin wicitokam woyaka qa hecen eya; Jehowa hecen eya ce; He iyecen Nebukadnezzar Babel wicaštayatapi tawanapin kin oyate owasin tahupi etanhan wicaweciyukse kta, waniyetu nom ocowasin kinhan. Unkan Jeremiah wicašta wokcan kin kihda.

12 Hehan Hananiah wicašta wokcan kin Jeremiah wicašta wokcan tahu etanhan cannapinpi kin yukse cin iyohakam, Jehowa oie Jeremiah en hi kin he hecen eya;

13 Ya wo, qa Hananiah woki-ciyake ça heya wo; Jehowa hecen eya ce; Can napinpi kin hena duksa; tuka mazasapa wana-pin kin wicayecage kta ce.

14 Jehowa ozuye yuha, Israel Taku Wakan tawa kin he hecen eya ce; Mazasapa napinpi wan oyate kin dena owasin tahupi kin en ewicawecihnaka, Nebukadnezzar Babel wicaštayatapi kin wowidagwicaye kta e heon: unkan wowidagwicaye kta: Nakun tinta wamanica kin hena koya waqu.

15 Hehan Jeremiah wicašta wokcan kin he Hananiah wicašta wokcan kin hecen eciya; Hananiah, wanna nañon wo; Jehowa uniši šni; tuka oyate kin de woi-tonšni wan wacinkiyeye wicayakiya.

16 Heon etanhan Jehowa hecen eya ce; Iho, maka ite kin etanhan elhepciye kta: omaka kin de

en niñe kta, Jehowa etanhan icunonpa iyayapi kin he onspewicayakiya nakaes.

17 Unkan omaka kin he en Hananiah wicašta wokcan kin ta, wi isakowin kin en.

WICOWOYAKE 29.

1 Unkan hunkayapi okaptapi tona wayaka awicayapi qon hena, qa wawayuśna unpi kin, wicašta wokcanpi koya, qa oyate ocowasin Nebukadnezzar Jerusalem etanhan Babel ekta wayaka awicakiyahde ciqon, Jeremiah wicašta wokcan kin Jerusalem etanhan wowapi wicakicaga wicoie kin dena ee:

2 Jekoniah wicaštayatapi, qa wicaštayatapi winohinca, qa ookiye unpi kin, nakun Juda qa Jerusalem en itancanpi kin, qa cankajipa qa mazakaga kin hena Jerusalem etanhan iyayapi qon he iyohakam:

3 Elasaħ Šaphan cinhintku qa Gemariah Hilkiyah cinhintku napipi kin on; hena Zedekiah Juda wicaštayatapi kin Babel ekta yewicaši, Nebukadnezzar Babel wicaštayatapi kin ekta; unkan heya:

4 Jehowa ozuye yuha Israel Taku Wakan tawa kin he, tona wayaka awicayapi, Jerusalem etanhan Babel ekta iyayewicawakiye ciqon hena owasin hecen ewicakiya;

5 Tipi icicaga po qa okiti po; canwojupi kin okikju po, qa etanhan waskuyeca kin hduta po:

6 Winohinca wicayuza po, qa cinca wica winyan ko wicakaga po; qa nicinkšipi kin hena tawicu tonwicakiya po, qa nicunkšipi wicašta wicagu po, hena is eya cinhintku qa cunwintku wicayuhapi kta; hecen hen nihduota-

JEREMIAH TAWOYUKCAN KIN,

pi kta qa nihdutonananpidan kte šni.

7 Qa otonwe ekta wayaka aye-niciyapi wakađe cin he wookiye ayecitapi kta, qa on Jehowa cekiya po; wookiye tawa kin en niye wookiye duhapi kta nakaes.

8 Jehowa ozuye yuha, Israel Taku Wakan tawa kin he hecen eya ce; Wicašta wokcan nitawapi qa wicašta wakan nitawapi nicokaya unpi kin hena ihnuhan nihnayapi kinhan; qa wowihanmde nitawapi ihamna wicayakiyapi kin hena anakigoptanpi šni po.

9 Hena e micaje on woitonšni oniciyakapi; hena yewicawaši šni ce, Jehowa eya.

10 Jehowa hecen eya ce; Waniyetu wikcemna šakowin Babel ekta yuštanpi kinhan, hehan en cihipi kta, qa mioie wašte kin he niyepi on mducetetu kta, owanka kin de en ake hdiyohiniyanpi kta e heon.

11 Miye hinca mitawacin tona niyepi on awacanmi kin hena sdonwakiya ce, Jehowa eya; hena wookiye woawacin, qa wošice ee šni, owihanke kin hee, qa wowacinye wan cičupi kta.

12 Hehan hoyemayakiyapi kta, qa iyoopta dapi qa cemayakiyapi kta, kinhan nacihtonpi kta.

13 Unkan omayadepi kta qa iye-mayayapi kta, nicanjepi ocowasin on omayadepi kta hecinhan:

14 Qa iyemayayapi kta, Jehowa eya: unkan wayaka yaunpi kin he hdicuwakiye kta; qa oyate owasin etanhan, qa makoce tukte e ekta iyaye ciyapi kin etanhanhan mnaciyapi kta ce, Jehowa eya: qa totanhan wayaka aye-niciyapi wakađe cigon makoce kin he en ake hdiyohiciyapi kta.

15 Jehowa wicašta wokcan Babel en icaħunkiciciyapi ce, ehapi;

16 Heon etanhan Jehowa, wicaštayatapi Dawid oiyotanke tawa kin akan iyotanke cin he, qa oyate otonwe kin de en ounyanpi kin iyuhpa, hunkawanji wicayayapi, wayaka aniyanpi qon en opapi šni kin hena on hecen eya ce:

17 Jehowa ozuye yuhe cin he hecen eya; Iho, hena en mazasagye, qa wicaakihan qa makošica yewaši kta, qa suken waskuyeca šiksice cin iyececa wicawakađe kta, hena šiksice ħinca nakaes yunpica šni.

18 Qa mazasagye on, wicaakihan on, qa makošica on kuwa awicamde kta, qa maka akan wokiconze owasin ektakta awicayapi kta wicawaqu kta, woyašice, qa wonihinciye, qa woajiji, qa woaie kin heca kta, oyate owasin ektakta iyayewicawaye kte cin heciya.

19 Mioie kin anaġoptanpi šni heon etanhan, Jehowa eya; hena mitaokiye wicašta wokcan kin on wahowicawaya, hanwekta qa yewicawaši tuka: tuka anayaġoptanpi šni, Jehowa eya.

20 Heon etanhan niye Jehowa oie kin naħon miye, wayaka yaunpi kin owasin, Jerusalem etanhan Babel ekta iyayewicawaye cin:

21 Jehowa ozuye yuha, Israel Taku Wakan tawa kin he, Ahab Kolaiah cinhintku qa Zedekiah Maaseiah cinhintku micaje on woitonšni wan oniciyakapi kin hena on hecen eya ce; Iho, Nebukadnezzar Babel wicaštayatapi nape kin en wicawaqu kta, unkan iye hena wicakte kta ništapi itokam.

22 Unkan hena on Juda etanhan Babel en wayaka unpi kin owasin woyašice wan icupi kta, Zedekiah iyececa qa Ahab iyececa

WICOWOYAKE 30.

Nebukadnezzar Babel wicašta-yatapi peta en huhnahwicaye ciquon hena iyecen Jehowa nicaga nunwe, eyapi kta.

23 Israel en wowahťesni kagapi, qa iye takodakupi tawicupi kin om wawicilahapi econpi, qa micaje on woitonšni oie oyakapi, hena eye wicawaši šni tuka: unkan miye linca hena sdonwaya qa mdaotanin ce, Jehowa eya.

24 Nakun Šemaiah Nehelemi kin he kaken eyakiye kta:

25 Jehowa ozuye yuha, Israel Taku Wakan tawa kin he hecen eya ce; Niye nicaje on Jerusaleml en oyate ocowasin, qa Zephaniah Maaseiah cinhintku wawayušna kin, qa nakun wawayušnapi kin owasin wowapi wicayecağa;

26 Jehoiada wawayušna kin eekiya Jehowa wawayušna nicaga ce; hecen Jehowa .ti kin ohna waawanyake yaunpi kta, wicašta witkotkoka otoiyohi on, qa tuwe waayate icicage cin on, hecen mazaicaške en, qa wicakaška tipi kin ohna eyahnake kta ce.

27 Heon etanhan Jeremiah Anathoth etanhan, niyepi en wicašta wokcan icicage cin he tokeca iypeyaye šni he.

28 Iye Babel en unyakonpi kin hecen wahounyanpi, qa, De tehan kta; tipi icicaga po qa okiti po; qa canwojupi kin okikju po qa waskuyeca etanhan hduta po, eya ce, eha.

29 Unkan Zephaniah wawayušna kin Jeremiah wicašta wokcan nođe kin ohna wowapi kin he yawa.

30 Hehan Jehowa oie kin Jeremiah en hi kin he hecen eya;

31 Tona wayaka unpi kin owasin wahowicaye ға heya wo; Šemaiah Nehelemi kin on Jehowa hecen eya ce; Šemaiah ye-

waši šni tuka woniciyakapi qa woitonšni wan wacinyenianpi;

32 Heon etanhan Jehowa hecen eya; Iho, Šemaiah Nehelemi kin takpe mde kta, qa oicage tawa kin nakun: wicašta tawa wanjidan oyate kin de om ounye kte šni: nakun taku wašte mitaoyate ecawicawecon kte cin he wanyake kte šni, Jehowa eya: Jehowa en wawakipajinpi kin he oyake nakaes.

WICOWOYAKE 30.

1 Jehowa etanhan wicoie Jeremiah en hi kin he hecen eya;

2 Jehowa Israel Taku Wakan tawa kin he ie ға hecen eya ce; Wicoie tona ociciyake cin hena owasin wowapi wan en owa wo.

3 Iho, anpetu kin u kta, Jehowa eya; hehan Israel qa Juda mitaoyate wayaka unpi kin ake hdicuwakiye kta, Jehowa eya; qa makoceiye hunkakewicayapi wicawaqu qon he ekta hdicuwicawakiye kta; unkan tawayapi kta.

4 Unkan Israel on qa Juda on, wicoie tona Jehowa ie cin dena ee:

5 Jehowa hecen eya ce; Wicacancan ho wan naunhonpi, wokokipe hee, qa wookiye šni:

6 Wanňa wawiwangapi qa wanyaka miye; Wicašta wan hokšiksuya he: Toketu he. Wicašta otoiyohi nape nite kin akan yan-ka wanmdaka, winohinca hokšiksuye cin iyececa; qa wicaite kin owasin san icaga.

7 Hehehe, anpetu kin he tanka kta; wanjidan iyecece šni: han Jakob toiyokišice anpetu kin hee kta; tuka etanhan ehdakupi kta ce.

8 Unkan anpetu kin he en kaketu kte, Jehowa ozuye yuhe

JEREMIAH TAWOYUKCAN KIN,

cin eya; cannapinpi tawa kin he nitahu etanhan ciciyukse kta, qa maza icaške nitawa kin mdupsake kta: qa oyate tokeca icimana ake wowidag yapi kte šni.

9 Tuka Jehowa Taku Wakan tawapi kin en wowidagiçiyapi kta, qa Dawid wicaštayatapi tawapi kin icaħwicaweciciye kte cin he nakun.

10 Heon etanhan niš, Jakob mitaokiye, wikope šni wo, qa Israel niye waciniyokišice šni wo, Jehowa eya: Iho, tehan tanhan niciye kta, qa woicağe nitawa makece en wayaka unpi kin etanhan; Jakob hdicu kta, qa oziiçiye kta, qa owanji yanke kta, qa tuwedan wakokipe kicağe kte šni ce.

11 Niciye kta on ciciwaun kta ce, Jehowa eya: oyate owasin tukte e en iyayeciye ciqon hena owihanke wicawaya ešta, niye ocowasin ihangiye kte šni; tuka wiyukcanyan iyopeciye kta, qa ocowasin wiyaonpepica šni ciyawa kte šni ce.

12 Jehowa hecen eya ce; Nicawegapi kin he asniyepica šni, nicaštakapi kin he teħike nakaes.

13 Tuwedan wawiniçiye šni; palıtapi kta on wokizi waskape cin ninica.

14 Waštenıdakapi qon owasin aniktonjapi; hena onidepi šni: awicakehan toka wicakaštaka wan on cicaštaka, iyopewicayapi teħike ħinca on; taku šica eanon kin ota, wayaħtani kin yahdusuta nakaes.

15 Tokeca nitokakije en yašicahowada he: nitoiyokišice kin he asniyepica šni, taku šica eanon kin hena ota ħinca aya nakaes, wayaħtani kin hena wašaka icağ, heon dena ecacicon ce.

16 Heon etanhan tona temniyanpi kin hena owasin temwica-

yapi kta; qa tona tokaniyanpi kin iyuhpa, han, otoiyohi, wayaka awicayapi kta: qa tona wanicipi kin hena wawicakipi kta; qa tona wamanicinonpi kin hena owasin womanon wicawakağe kta.

17 Hehan wookiziye cicahi kta, qa nicaštakapi qon okiziwaye kta, Jehowa eya: Tankan ehpeyapi, Zion he wicašta tuwedan okide šni kin dee ce, eniciyapi kin, heon etanhan.

18 Jehowa hecen eya; Iho, Jakob tawakeya wayaka unpi kin hena hdicuwicawakiye kta, qa ounyanpi tawa kin onsiwakida kta: unkan otonwe kin palıa tawa qon ohna piya kağapi kta, qa conkaške kin iye tohe kin en he kta.

19 Hehan hena etanhan woyatan qa wiyuškinyan unpi ho kin hinanpe kta: unkan hena wicamduota kta, qa tonana aye kte šni; nakun wicamduonihan kta qa yuhukun iyewicayapi kte šni.

20 Nakun cincawicayapi kin hena otokahe ekta iyececapi kta, qa omniciye tawapi kin he mitokam yusutapi kta; qa tona kakišwicayapi kin hena owasin en wicawai kta.

21 Unkan wicašta itancan tawapi kin hena iye etanhanpi kta, qa wicaštayatapi yuhapi kin iye pi cokayatanhan hinanpe kta, qa kiyedan hiyu wakiye kta, hecen mikiyedani u kta: De tuwe he mikiyedani u kta on cante içiconza he, Jehowa eya.

22 Hehan mitaoyate kin he niyepi kta, qa Wakantanka nitawapi kin he miye kta ce.

23 Iho, tateiyumni wan Jehowa towohitike kin hiyaya, tateiyumni wohitike ħinca: woyazan on wicašta šicapi pa kin en hdiħpaye kta.

WICOWOYAKE 31.

24 Jehowa tocanseptanye wohi-tike cin he hdicu kte śni, tohanyan econ śni qa tohanyan iye canteyuze cin kiciyuśtan śni hehanyan: anpetu ehake kin en niye awacannipi kta.ce.

WICOWOYAKE 31.

1 Hehan Israel wicowazi owasin en miye Taku Wakan waun kta, qa mitaoyate kin hena iyepi kta, Jehowa eya.

2 Jehowa hecen eya; Makoskan oyate tona mazasagye owicakapte cin hena wowaonśida iyeyapi, Israel wicoozi tawa kin ekta iyaya qehan.

3 Wanakaja Jehowa miye en ihdutanin: Tuka wowaśtedake owihanke śni on waśtecidaka; heon etanhan wocantekiye on ciyutitan ce, eya.

4 Israel wikośka, ake icałiciye kta, unkan inicađe kta: ake canceđa nitawa yećun kta, qa tona wiyuśkinyan yapi wacipi kin en owicayape kta.

5 Ake Samaria paha kin en hastanhanka iyuwi hu kin huyahde kta: wojupi kin hewa huhdepi kta, qa taku ikceka iyecen yutapi kta ce.

6 Anpetu kin u kta, Ephraim he kin akan waawanyake kin panpi kta; Najin po qa Zion en Jehowa Taku Wakan unkitawapi kin ekta unyanpi kta ce.

7 Jehowa hecen eya ce; Jakob towiyuśkin kin idowan miye; qa oyate itancanpi kin en eyanpaha po, wayaotanin po, yatan po qa, Jehowa nitaoyate Israel okaptapi kin niwicakiya wo, eya po.

8 Wanyaka wo, waziyata makoce kin etanhan awicawaku kta, qa maka ihanke kin etanhan mna-wicawakiye kta, iśtağongə qa huśtepi kin, winohinca ihduśaka qa

tuwe cinca yuhe cin hena koya opapi kta: wicota linca den hdi-yohipi kta.

9 Ceyapi qa wocekiye eyapi hduha kupi kta; awicawaku kta, yus awicawau kta, mini wakpa kin icaħda, canku owotanna wan ohna: he ohna ħicahanpi kte śni: Israel ateyapi kin he miye, qa Ephraim micinca tokapa kin hee nakaes.

10 Oyate yaunpi, Jehowa oie kin naħon po, qa wita tehan yanke cin ekta eyanpaha po, qa heya po; Tuwe Israel enanakiya iyayewicaye ciqon hee ake mna-kiye kta, qa awanhdake kta, wawihankiye wan optaye tawa hduha he iyececa.

11 Jehowa Jakob opekiron kta, qa tuwe iye isanpa waśaka nape kin etanhan ehdaku kta nakaes.

12 Hehan kupi kta, qa Zion paha kin akan dowanpi kta, qa Jehowa towaśte kin on cantewaśtepi kta, ađuyapi on, qa miniaś teca on, qa wihdi on, qa optaye cinca qa pte kin on; qa iye nađipi kin canwojupi wan spayeyapi kin iyecece kta; qa ake icimana ħanyanpi kte śni.

13 Hehan wikośka kin wacipi kin en wiyuśkin kta, nakun kośkapi wicaśta tanka koya: unkan ceyapi qon he wowiyuśkin wakage kta; qa cantohnagwicawakiye kta, qa cante śicapi qon isanpa cantewaśte wicawakage kta ce;

14 Nakun wawayuśna nađipi kin waśin on imnawicawakiye kta; qa mitaoyate kin mitowaśte on ipipi kta ce, Jehowa eya.

15 Jehowa hecen eya; Rama en wicaho wan naħonpi, śicahowayapi, ceyapi pa linca; Rachel cinca awicakiceya, cinca on kihnahnapı kta cin śni, hena en unpi śni nakaes.

JEREMIAH TAWOYUKCAN KIN,

16 Jehowa hecen eya; Ceyapi etanhan niho kin tinsiçiya wo, qa ništa iştamnihanpe etanhan: niohanpi kin on iyunwin yuke kta ce, Jehowa eya: unkan hena e toka tamakoce kin etanhan hdi-cupi kta.

17 Qa oniciwihanke kin ekta wowacinye yuke kta ce, Jehowa eya; han, wicacinca kin hena iye tamakoce kin ake en hdi-pi kta.

18 Winahonpi on Ephraim iyo-kişiniçiya nawahon ce; Iyope-mayaya, unkan iyopemayanpi, ta-tanka kaonspepi şni kin iyececa. Hdicumayan wo, kinhan wahdi-cu kta; Jehowa niye Taku Wa-kan mitawa kin hee nakaes.

19 Awicakehan hdiyohimayan-pi iyohakam iyopemiçiya; qa sdonmiçiye cin iyohakam sican en amiçiye: imaşteca, han, na-kun nihinmiciya, komaska wiya-maonpapi kin hduha waun kin heon etanhan.

20 Ephraim micinca tewahinda kin hee he; hoksincinca wiciyo-ki-pi kin heca he: totanhan awa-kiie cin ehantanhan kiksuyapi on hinyahin weksuya: heon etanhan iye on mitezi şkanşkan: wacan-tkiya onşiwakida kta ce, Jehowa eya.

21 Iwanyakapi kin eiçihde wo, inyan bosdata ekihde wo: canku wankantu kin, canku ohna idade cin he ekta cante yekiya wo: hdi-cu wo, Israel wikoşka, otowenitawa qon dena ekta hdiyohi wo.

22 Wowakipajin cunwintku, tohanyan nihdonica kta he: Jehowa taku teca wan maka akan kaçe kta; Winohinca wicašta acakşin kta.

23 Jehowa ozuye yuha, Israel Taku Wakan tawa kin he hecen eya; Tohan wayaka unpi hdi-cu-wicawakiye cinhan ake Juda ma-koce kin en, qa otowenitawa kin

ohna, wicoie kin de, Woowotan-na tipi, Paha wakan kin Jehowa niyawaste nunwe, eyapi kta.

24 Unkan Juda makoce qa totowenitawa kin otowenitawa en, waju wicašta kin heca, qa optaye hduha ihdaka unpi kin hena witaya tipi kta.

25 Wicanagi ipuza kin he waya-tkewakiye kta; qa wicanagi wotektehdapi kin otowenitawa wipiwicawaye kta nakaes.

26 Hehan wekta qa iwanmdaka, unkan miştinbe kin he miciwaste hinca.

27 Iho, anpetu kin u kta, Jehowa eya; hehan Israel tipi qa Juda tipi kin hena wicašta oicage qa woteka oicage kin on owekju kta.

28 Unkan kaketu kta, yujunpi, qa yuksapi, qa yujupui, qa ihang-yapi, qa kakiswicayapi on awanwicamdake ciqon, he iyecen piya kaçapi kta, qa ojupi kta e on awanwicawahdake kta ce, Jehowa eya.

29 Anpetu kin hena en, Atewicayapi kin hastanhanka ştunkaka yutapi, unkan cincapi kin hi psonpsonna icaga ce, icimana eyapi kte şni.

30 Tuka ototiyohi iye wahitani kin on te kta: wicašta ototiyohi hastanhanka ştunkaka yute cinhan he iye hi psonpsonna icage kta ce.

31 Iho, anpetu kin u kta, Jehowa eya; hehan Israel tiyohnaka qa Juda tiyohnaka kin om wicotakuye teca wan wicawecicage kta:

32 Atewicayapi Egipta makoce kin etanhan hinanpe wicawaye kta on nape wicamduza, anpetu kin he en wicotakuye wan om wicawecicaga qon he iyecece şni: he qe wicotakuye mitawa yujupui, miye qe wicawahduza tuka qon, Jehowa eya.

WICOWOYAKE 32.

33 Tuka Israel tiyohnaka om wicotakuye wicawecicage kte cin he dee; Anpetu kin hena iyohakam, Jehowa eya; mitoope kin iye tanmahen ewakihnake kta, qa iye cantepi akan owakiwa kta; unkan Taku Wakan tawapi kin he miye kta, qa is nakun mitaoyate ee kta ce.

34 Unkan otoiyohe iye takodaku qa otoiyohe iye sunkaku kin wonspekiciyapi kte sni, qa, Jehowa sdonya miye eyapi kte sni: hena owasin sdonmayanpi kta nakaes, wicacistinna qa wicatanka koya, Jehowa eya: taku sicā econpi kin hena wicawecicajuju kta, qa wahtanipi kin icimana weksuye kte sni, heon etanhan.

35 Jehowa hecen eya; Tuwe anpetu iyoyanpa kta anpetu wi elnaka, hanyetu iyoyanpa kta on hanyetu wi qa wicanlipi wokonze wicaqu, miniwanca taja hoton eca tuwe yuamdakedan ece e, Jehowa ozuye yuha he caje kin ee:

36 Wokonze kin dena mitokapa tanhan hiyaye cinhan, Jehowa eya; hehan Israel cinca kin mitokam oyate yanke cin he nakun ayuſtan kta, anpetu owasin.

37 Jehowa kaken eya; Wankan mahpiya kin he iyutapi kinhan, qa kuya maka oahe kin hena iyukeanpi kinhan, hehan nakun Israel cinca ocowasin, taku econpi kin owasin on ehpewicawaye kta ce, Jehowa eya.

38 Iho, anpetu kin u kta, Jehowa eya; hehan otonwe kin Jehowa kicagapi kta, Hananeel conkaſke kin etanhan okahmin tiyopa kin hehanyan.

39 Han, haſonta on iyutapi kin he ake ayapi kta, he iyotakonza Gareb paha kin ohna, qa Goath aihdukſan ye kta.

40 Qa kaksiza ocowasin ohna

wicaſa qa caſota wanka, qa maga iyuhpa Kidron wakpadan hehanyan, wiyohiyanpata ekta okahmin en ſuktanka tiyopa kin hehanyan, Jehowa on wakan kta: he ake yujujupi kte sni qa ihangyapi kte sni, owihanke wanica.

WICOWOYAKE 32.

1 Zedekiah Juda wicaſtayatapi tawaniyetu iwikcemna, Nebukadrezzar tawaniyetu iakeſahdoſan kin hee en wicoie Jehowa etanhan Jeremiah en hi qon he dee.

2 Hehan Babel wicaſtayatapi taakicita kin Jerusalem aonata-kapi nakaes: Unkan Jeremiah wicaſta wokcan kin wicakaſka tipi hocoka kin ohna nata-kapi, Juda wicaſtayatapi ti kin hetu.

3 He ohna Zedekiah Juda wicaſtayatapi kin onakitaka qa heya; Tokeca e wodake a heha he; Jehowa hecen eya ce; Iho, otonwe kin de Babel wicaſtayatapi nape kin en waqu kta, unkan icu kta;

4 Qa Zedekiah Juda wicaſtayatapi kin Kasdim oyate napepi kin etanhan najice kte sni, tuka awicakehan Babel wicaſtayatapi nape kin en qupi kta, qa iye i kin on kici wohdake kta, qa iye iſta kin iſta tawa wanyake kta.

5 Unkan Zedekiah Babel ekta aye kta, qa hen un kta, en wai kte cin hehanyan, Jehowa eya ce: Kasdim oyate kin om yecizapi eſta oyakihipi kte sni ce.

6 Hehan Jeremiah hecen eya; Jehowa oie en mau kin he hecen eya;

7 Iho, Hanameel ſallum ateyaya he cinhintku kin en nihi kta, qa, Anathoth ekta maga mitawa kin he opeiton wo: opekitonpi

JEREMIAH TAWOYUKCAN KIN,

kin he niye nitawa, on opeyaton kta iyececa ce, eye kta ce.

8 Hehan Hanameel ate cinhintku kin wicakaška tipi hocoka ohna en mahi, Jehowa oie kin iyececa, qa hemakiya; Ceciciya ce, mağa mitawa, Anathoth ekta, Benjamin makoce kin en, he opeton wo; tawayapi kta iyececa he niye nitawa, qa opekitonpi kin he nakun nitawa; hecen opeiçiton wo. Hehan de Jehowa oie kin hee e sdonwakiya.

9 Hecen Hanameel ate cinhintku tamağa Anathoth ohna wanke cin he opewecaton, qa mazaška aspeye weciton, sekel mazaška akeşakowin.

10 Qa wowapi kin en owawa qa askamwaton, qa wayaotanin iwacu, qa on-aspeyapi kin on mazaška kin tkeimduta.

11 Qa opetonpi wowapi kin iwacu, askamyapi kin he, woope qa wicohan econpi ece kin eciyatanhan, qa yuhdog un kin he nakun:

12 Qa opetonpi wowapi kin he Baruk Neriah cinhintku, Maaseiah cinhintku kin waqu, Hanameel ate *cinhintku* išta kin itokam, qa wayaotanin tona opetonpi wowapi yutanpi kin hena wicitokam, qa Juda wicašta wicakaška tipi hocoka kin en iyo-tankapi kin owasin wicitokam:

13 Qa hena wicitokam Baruk wahokonwakiya on hepa;

14 Jehowa ozuye yuha Israel Taku Wakan tawa kin he hecen eya ce; Wowapi kin hena icu wo, opetonpi wowapi askamyapi kin he, qa wowapi yumdayapi kin he nakun, qa maka ceğa wan en ohnaka wo, hecen anpetu ota yanke kta ce.

15 Jehowa ozuye yuha, Israel ta Wakantanka kin he hecen eya; Tipi qa mağa qa hastan-

hanka iyuwi ojupi kin makoce kin de ohna ake yuhapi kta ce.

16 Hehan Jehowa cewakiye, opetonpi wowapi kin Baruk Neriah cinhintku waqu qon iyohakam, qa hepa;

17 Hehehe Jehowa Itancan, iho, nitowaşake tanka qa isto yahdu-katin on mahipiya qa maka kin niye yakaga; niye ekta takudan tehike şni:

18 Wowaoşida kektopawinge wicayakipazo, qa ateyapi wahanipi kin hena iye cincapi iha-kam unpi maku en wicayecu ecec: Taku Wakan Tanka, Waşaka, Jehowa ozuye yuha, he caje kin ee:

19 Wowiyukcan en tanka, qa wicohan econpi kin en waşake linca: wicašta cinca tacankupi kin owasin ekta niišta opahita yanka, otoiyo hi iye tacanku eciyatanhan qa tohan taku icalye cin eciyatanhan yaqu kta:

20 Egipta makoce kin en wowapetokeca qa taku wowinihan ecanon, anpetu kin de hehanyan, Israel itokam qa wicašta kin ehna; qa wicacaje wan niçicağa, anpe dehan iyececa:

21 Qa Israel nitaoyate Egipta makoce kin etanhan hinanpe wicayaya, wowapetokeca on, qa taku wowinihan on, qa nape waşaka on, qa isto hdukatın on, qa wonihinciye tanka on:

22 Qa makoce kin de atewicayapi konza wahowicayaye cigon he wicayaqu; makoce wan pteasanpi qa tuhmağa canhanpi on apaşboka:

23 Unkan en hiyupi qa tawayapi; tuka niho kin anağoptanpi şni qa nitoope kin ohnayan manipi şni; taku econ wicayaşı qon owasin takudan econpi şni: heon etanhan taku şice cin de ocowa-

sin niye hınca itkokipe wicaya-kiya :

24 Paha kağapi kin hena wan-yaka wo ; otônwe kin icupi kta heon hipi : unkan Kasdim oyate kis unpi kin hena napepi en otônwe kin wicaqupi, mazasagye on, qa wicaakihan on, qa makoşica on : hecen taku ehe ciqon he yuecetupi ; unkan iho, niye wandaka.

25 Tuka Jehowa Itancan niye hemayakiya ; Mağa kin he ope-ton wo, mazaska on, qa wayuotanin kin icu wo ; otônwe kin Kasdim oyate napepi kin en wicaqupi tuka.

26 Hehan Jehowa oie Jeremiah en un kin he hecen eya :

27 Iho, Jehowa taku celipi iyuhpa ta Wakantanka kin he miye : taku owasin miye ekta telike kta he.

28 Heon etanhan Jehowa hecen eya ce ; Iho, otônwe kin de Kasdim oyate napepi kin en wicawaqu kta, qa Nebukadrezzar Babel wicaştayatapi nape kin en ; unkan he icu kta :

29 Qa Kasdim oyate otônwe kin de kici kicizapi kin hena en upi kta, qa peta on otônwe kin de ideyapi kta, qa hulnahiyapi kta, tipi akañpe akan Baal izinyapi, qa canteptanye mayanpi kta on taku wakan tokeca woyatke woşnapi wicakicaştanpi qon hena nakun.

30 Israel cinca qa Juda cinca kin hena tokañ icagapi kin hetanhan mitokam taku şica eceedan econpi ; Israel cinca kin iye nape ohanpi kin on canteptanye mayanpi eceedan nakaes, Jehowa eya.

31 Anpetu kin en kağapi kin ehantanhan anpetu kin dehan-yan otônwe kin de wocanteptanye qa woşinhda icalmiciya ece ;

heon mitokapatanhan token iye-waye kta :

32 Israel cinca qa Juda cinca taku şica econpi ocowasin on etanhan, canteptanye mayanpi kta on econpi kin hena ; iyepi, wicaştayatapi tawapi, wicaşta ihdawa wicayuhapi kin, wawayuşna tawapi qa wicaşta wokcan tawapi, qa Juda wicaşta, qa Jerusalem en ounyanpi kin hena.

33 Unkan miye en ite itoheya şni, tuka tapete itoheya ihduzapi : qa waonspewicawakiya, hanwekta qa onspewicawakiya qe-yaş woonspe icupi kta on anağoptanpi şni ecee.

34 Tuka tipi ohna micaje caje-yatapi ecee kin he en wowahte şni tawapi kin ehdepi, yuşapapi kta e heon etanhan.

35 Qa conkaşke, Hinnom cinhintku takaksiza kin ohna, hena Baal kicagapi, cinhintkupi qa cunwintkupi kin Molek ekta iyaye wicayapi kta ; he qe econwicawaşi şni, qa tohinni mitawacin kin en u şni, Juda wicaşta wahitani wicakiyapi kta e on wowahte şni kin de econpi kta.

36 Unkan nakaha, heon etanhan Jehowa Israel ta Wakantanka kin he, otônwe kin de on, Babel wicaştayatapi nape en qupi ce, mazasagye qa wicaakihan qa makoşica on, niye ehapi ecee kin heon hecen eya ce :

37 Iho, makoce owasin ektakta, mitocanniye en, qa mitoşinhda en, qa mitocanteptanye tanka en, iyaye wicawaye ciqon hetanhan miye mnawicawaye kta ; qa makoce kin de en ake awicawahdi kta, qa wikopeşniyan en ounye wicawaye kta.

38 Unkan hena mitaoyate eepi kta, qa Taku Wakan tawapi kin he miye kta ce.

39 Qa wicacante wanjidan qa

JEREMIAH TAWOYUKCAN KIN,

canku wanjidan wicawaqu kta, hecen anpetu owasin komakipapi kta, iyepi qa iyohakam iye cincapi kin tanyan unpi kta heon etanhan.

40 Nakun wicotakuye owihanke śni wan wicawecađe kta, taku wašte ecawicawecon kta e wicheckpatanhan mihduhomni kte śni; tuka wokokipe mitawa iye cantepi kin en ewahnake kta, hecen eh̄pemayanpi kte śni, heon etanhan.

41 Han, taku wašte ecawicawecon kta on iwicaweciYuškin kta; qa awicakehan micante on qa minagi ocowasin on makece kin de en owicawakiju kta ce.

42 Jehowa hecen eya nakaes; Taku śica tanka kin de ocowasin oyate kin de wanna en awicawau kin he iyecen, taku wašte wahowicawaye cin owasin en awicawau kta ce.

43 Unkan ake makece kin de ohna mađa opetonpi kta, on, Hewoskan wanka, wicašta wanica, woteca wanica; Kasdim oyate napepi kin en qupi ce, ehapi ecee tuka.

44 Mazaska on mađa opetonpi kta, qa wowapi en kađapi kta, qa apuspapi kta, qa wayuotanin yutanpi kin icupi kta, Benjamin makece kin ohna, qa Jerusalem ihduksan wanke cin, qa Juda totonwe kin en, qa he akan otonwe kin ohna, qa omdaye otonwe kin en, qa itokałi otonwe kin ohnahna; wayaka unpi kin hdi-cuwicawaye kta nakaes, Jehowa eya.

WICOWOYAKE 33.

1 Nakun inonpa Jehowa oie kin Jeremiah en hi, wicakaška tipi hocoka kin ohna natakipi icunhan, he hecen eya:

2 Jehowa waicałiye kin, Jehowa hdsuta kta on icaliye cin hee; Caje kin Jehowa hee, he hecen eya ce:

3 Makipan wo, kinhan aciyupte kta, qa taku tanka qa taku anahmanpi, sdonyaye śni qon hena cicipazo kta ce.

4 Jehowa Israel Taku Wakan tawapi kin he, otonwe kin de ohna tipi kin hena, qa Juda wicastayatapi tipi kin hena on hecen eya; Hena paha kađapi kin on, qa mazasagye on yujujupi;

5 Kasdim oyate kin zuya upi, qa wicašta tapi, mitocanniye en qa mitocanteptanye en wicawakaštaka, hena on tipi ojuyapi kta; taku śica econpi iyuhpa on otonwe kin de miite anaweciłman kin heon etanhan.

6 Iho, on yuskiskitapi qa okiziyapi kin wakahi kta, qa okiziwicawaye kta, qa wookiye wowicake ko woptecaśni, wicawakiyuzamni kta.

7 Qa Juda wayaka unpi qa Israel wayaka unpi kin he hdi-cuwakiye kta, qa ake icałwica-wakiye kta, otokahe ekta iyececa.

8 Qa taku śica econpi kin owasin, tona on wamakilihtanipi kin hena etanhan wicawakiyujaja kta; qa taku śica econpi kin owasin, on wahtanipi, qa on śicaya ecamiconpi kin hena wicawecicajuju kta ce.

9 Unkan he qe wowiyuškin caje mduhe kta, woyatan qa woyuonihan kta, maka akan oyate iyuhpa wicitokam, taku wašte ecawicawecon kin owasin nahonpi kta nakaes: unkan wowašte qa wookiye yuhewakiye cin owasin on kokipapi kta qa nihinciyapi kta ce.

10 Jehowa hecen eya; Makece kin de hewoskan wanka kehapi,

wicašta wanica qa woteca wanica ; Juda totonwe kin ohna, qa Jerusalem canku kin ohna, hewoskan wanka, wicašta wanica, en ounyanpi wanica, qa woteca wanica, hena en,

11 Wowiyuŝkin ho kin naŝonpi kta, qa wicocante wašte ho kin ; wicašta winohinca yuza ho kin, qa winyan yuzapi kin he ho kin ; tona, Jehowa ozuye yuhe cin yatan miye ; Jehowa wašte qa tawocantekiye kin he owihanke wanica ce, eyapi hopi kin : tona Jehowa ti kin en wowiyuŝkin woŝnapi ahipi kte cin hena. Makoce wayaka unpi kin he hdicuwakiye kta nakaes, otokahe ekta iyececa, Jehowa eya.

12 Jehowa ozuye yuhe cin he hecen eya ; Ake makoce kin den, hewoskan wanka, wicašta wanica qa woteca wanica, qa totonwe iyuhpa en wawihankiya owanka, en optaye kin iwangwicakiyapi kin heca yuke kta.

13 He otonwe kin en, omdaye otonwe kin en, qa itokali otonwe kin en, qa Benjamin makoce kin en, qa Jerusalem ihdukŝan wanke cin, qa Juda otonwe kin en, optaye kin ake tuwe wicayawa nape ohna hiyayapi kta ce, Jehowa eya.

14 Iho, anpetu kin u kta, Jehowa eya, hehan wicoie wašte Israel tiyohnaka qa Juda tiyohnaka ewicawakiye ciquon he wahduŝtan kta ce.

15 Anpetu kin hena en, qa hehantu hin Woowotanna Adetka kin Dawid icaliweciciye kta : Unkan he qe woyaco qa woowotanna makoce kin ohna econ kta.

16 Anpetu kin hena en Juda nikiyapi kta, qa Jerusalem wikopeŝniyan ounye kta : Unkan he, Jehowa Woowotanna unkitawapi, eciyapi kte cin hee.

17 Jehowa hecen eya nakaes ; Wicašta wan Israel tiyohnaka oiyotanke tawa kin akan iyotanke kta Dawid kiwanice kte ŝni.

18 Qa wawayuŝnapi, Lewi wicašta, mitokam wohuhnage woŝnapi wayuŝnapi kta, qa woyute woŝna izitekiyapi kta, qa wawayuŝnapi kta anpetu owasin yuke kta ce.

19 Hehan Jehowa oie Jeremiah en u kin he hecen eya :

20 Jehowa hecen eya ce ; Anpetu wicotakuye mitawa qa hanyetu wicotakuye mitawa kin hena yujuju oyakihipi kinhan, hecen tohan iyehantu eca anpetu qa hanyetu yuke kte ŝni hecinhan ;

21 Nakun Dawid mitaokiye kin kici wicotakuye mitawa kin yujujupi kta, hecen iye oiyotanke tawa kin akan cinhintku wicaŝtayatapi yanke kta takudan yuke kte ŝni ; nakun Lewi wicašta wawayuŝna wowidake mitawa kin hena om.

22 Maŝpiya obe kin hena yawapica ŝni, qa miniwanca wiyaka kin iyutepica ŝni, he iyecen Dawid mitaokiye oicage tawa kin wahduota kta, qa Lewi wicašta mitaokiye kin hena.

23 Nakun Jehowa oie kin Jeremiah en u kin he hecen eya :

24 Oyate kin de iapi qa, Wicowazi nonpa Jehowa hdaŝnige ciquon hena ege elhpewicaya ce, eyapi kin he wandake ŝni he : hecen mitaoyate kin walitewicadapi ŝni, wicitokam icimana oyate kte ŝni e heon.

25 Jehowa hecen eya ; Wicotakuye mitawa kin he anpetu qa hanyetu kin kici un ŝni ; maŝpiya qa maka woope kin he mduŝuta ŝni kinhan ;

26 Hehan Jakob oicage, qa Dawid mitaokiye kin elhpewicawa-

JEREMIAH TAWOYUKCAN KIN,

kiye kta; hecen oicage tawa kin etanhan, Abraham, Isaak qa Jakob oicage tawapi kin en wicaštayatapi kta on iwacu kte śni: Wayaka unpi kin hdicuwakiye kta qa onśiwicawakida kta nakaes, Jehowa eya.

WICOWOYAKE 34.

1 Nebukadnezzar Babel wicaštayatapi, qa ozuye tawa kin ocowasin, qa maka akan wokiconze tona iye nape ihukuya unpi kin owasin, qa oyate iyuhpa, Jerusalem qa totonwe owasin nakun azuwicayapi qehan, wicoie Jehowa etanhan Jeremiah en hi kin he hecen eya:

2 Jehowa Israel Taku Wakan tawa kin he hecen eya ce; Ya wo, qa Zedekiah Juda wicaštayatapi kin kici wohdaka qa heciya wo; Jehowa hecen eya ce; Iho, otonwe kin de Babel wicaštayatapi nape en waqu kta, unkan iye peta on huhnaliye kta:

3 Qa iye nape etanhan niye nayajice kte śni, tuka awicakehan niyuzapi kta qa iye nape kin en ničupi kta, qa ništa Babel wicaštayatapi išta kin wanyake kta, qa iitkopatanhan nici wohdake kta, qa Babel ekta de kta ce.

4 Tuka, Zedekiah Juda wicaštayatapi, Jehowa oie kin nahon wo; Jehowa hecen eniciya; Mazasagye on niče kte śni;

5 Wookiye en niče kta, qa atewicayaya, wicaštayatapi nito kam unpi qon hena hulinahwicakiciyapi kin iyecen hulinahniciyapi kta, qa, Hehehe Itancan, eya aniceyapi kta: miye wicoie kin de omdaka nakaes, Jehowa eya.

6 Hehan Jeremiah wicašta wokcan kin, Jerusalem en, Zedekiah

Juda wicaštayatapi wicoie kin dena owasin okiyaka:

7 Babel wicaštayatapi taakicita kin Jerusalem qa Juda otonwe okaptapi kin owasin om kicizapi qehan, Lakiś qa Azekah kici: Juda otonwe acankaškapi qon hena okaptapi nakaes.

8 Jehowa etanhan wicoie Jeremiah en hi qon he dee; Zedekiah wicaštayatapi kin oyate Jerusalem en unpi kin iyuhpa om wicotakuye wicakicaga iyohakam, tawaičiyapi kta owicakiyaka qehan:

9 Wicašta otoiyohi wicašta taokiye, qa wicašta otoiyohi winyan taokiye wicayuske iyaye wicayapi kta, hena Hebrew wicašta qa Hebrew winohinca kin heca kinhan; hecen tuwedan iye sunkaku Juda wicašta kin wowidagwicaye kte śni ecee.

10 Unkan wicašta ihdawa iyuhpa, qa oyate kin ocowasin, wicotakuye en opapi qon hena, otoiyohi wicašta taokiye qa otoiyohi winyan taokiye kin tankan iyayewicayapi kta, qa hetanhan tuwedan wowidagwicaye kte śni, nahonpi qehan, hehan waanagoptanpi qa iyayewicayapi:

11 Tuka iyohakam ihduhomni pi, qa wicašta taokiye qa winyan taokiye iyayewicayapi qon hena ake en hdicuwicayapi, qa ake wicašta taokiye qa winyan taokiye heca wicahduhapi.

12 Heon etanhan Jehowa etanhan Jehowa oie Jeremiah en hi kin he hecen eya;

13 Jehowa Israel Taku Wakan tawa kin he hecen eya ce; Ate-wicayayapi Egupta makoce kin etanhan, wokaške tipi kin etanhan hinanpe wicawaye cigon anpetu kin he en wicotakuye wan wicawecaga;

14 Waniyetu śakowin ihanke

WICOWOYAKE 35.

kin ekta otoiyohi sunkaku Hebrew wicašta kin heca kinhan, niye en wiyopeiciye cinhan, hena wicayakiduškapi kta; qa wanna waniyetu šakpe wowidagyaye cinhan, hehan niye etanhan tawaičiya iyaye yaye kta ce, epa. Tuka hunkakewicayayapi kin anamağoptanpi šni qa noğe ekta uyapi šni.

15 Unkan anpetu kin de nihduhomnipi, qa mišta en taku owotanna ecanonpi, otoiyohi takodaku tawaičiyapi owicakiciyakapi kin on; nakun miye mitokam tipi kin micaje on cajeyatapi kin he ohna wicotakuye ničicağapi tuka;

16 Tuka nihdamnanpi qa micaje dušicapi, qa otoiyohi wicašta taokiye qa winyan taokiye nağihduhapi kta e iyaye wicaye ciqon hena ake en hdicuwicayakiyapi, qa wowidake wicayakiyapi, wicašta taokiye qa winyan taokiye wicaduhapi kta e heon.

17 Heon etanhan Jehowa hecen eya; Otoiyohi iye sunkaku qa otoiyohi iye takodaku kin tawaičiyapi kta owicayeciyakapi qon he en anamayagoptanpi šni: Iho, niyepi on tawaičiyapi kta wan omdake kta, Jehowa eya; maza-sagye en, makošica en, qa wicaakihan kin ekta; unkan wonihinciye kta on maka akan wokiconze owasin ektakta ciçupi kta.

18 Nakun wicašta tona wicotakuye mitawa awahtanipi kin hena wicawaqu kta, mitokam wicotakuye ičicağapi wicoie kin hena hdušanpi šni, ptejicadan kičaksapi qa onšpašpa kin ehna hiya-yapi qehan;

19 Juda wicašta ihdawapi, qa Jerusalem wicašta ihdawapi, akicita tancanpi qa wawayušnapi kin, qa makoce en oyate iyulpa

ptejicadan onšpašpa kin ehna iyayapi qon hena;

20 Han, hena ee tokawicayapi napepi kin en wicawaqu kta, qa nağipi akitapi kin hena napepi kin en: unkan hena tancan tapi kin małpiya zitkadan qa maka wamanica kin hena woyute yapi kta.

21 Qa Zedekiah Juda wicaštayatapi kin he, qa wicašta ihdawa wicayulha, hena tokawicayapi napepi kin en wicawaqu kta, qa tona nağipi odepi kin hena napepi kin en, qa Babel wicaštayatapi taakicita niyepi etanhan kihdapi kin hena napepi en.

22 Iho, miye econ wicawaši kta ce, Jehowa eya; qa otowwe kin de en ake icicawin hiyuwicawakiye kta: unkan kici kicizapi kta, qa icupi kta qa peta on huinahyapi kta: Hecen Juda otowwe kin hena hewoskan wakage kta, en ounyanpi wanice kta.

WICOWOYAKE 35.

1 Jehoiakim Josiah cinhintku Juda wicaštayatapi taanpetu kin en, Jehowa etanhan wicoie Jeremiah en u kin he hecen eya:

2 Rekabi tipi kin ekta ya wo, qa om wohdaka wo, qa Jehowa ti kin ekta awicau wo, wankan tipi kin wanji en, qa miniša yakte wicakiya wo.

3 Hehan Jaazaniah, Jeremiah cinhintku, Habazaniah cinhintku kin iwacu, qa iye hunkawanjitku qa cinhintku kin iyulpa, qa Rekabi tiyohnaka kin ocowasin;

4 Qa Jehowa ti kin en awicawahi, wankan tipi wan Hanan cinca tawapi kin he en, he Igdaliah cinhintku, Wakantanka tawicašta kin heca, wicašta ihdawapi wankan tipi tawapi kin icahda, Maaseiah Šallum cinhintku

JEREMIAH TAWOYUKCAN KIN,

tiyopa awanyake kin he wankan tipi tawa kin iwankamtu :

5 Unkan Rekabi tiyohnaka cinca kin wicitokam cega miniša ojugjudan ewahde, qa wiyatke nakun : qa, Miniša yatkan po, ewicawakiya.

6 Tuka heyapi ; Miniša unyatkanpi kte šni : Jonadab, Rekab cinhintku, ateunyanpi kin he wahokonunkiyapi nakaeš, qa heya ; Miniša datkanpi kte šni, niyepi qa nicincapi owihanke wanica.

7 Qa tipi ničicağapi kte šni, qa wojupi oyajupi kte šni, qa hastanhanka iyuwi ojupi yakağapi kte šni, qa duhapi kte šni : tuka anpetu nitawapi owasin wakeya ohna yatipi kta ; hecen makoce en oyate tokeca yaunpi kin he ohna anpetu ota yanipi kta ce.

8 Unkan Jonadab Rekab cinhintku ateunyanpi ho kin he anaunkigoptanpi, tona iwahokonunkiyapi kin ocowasin, anpetu unkitawapi owasin miniša unyatkanpi kte šni, unkiyepi, unkitawicupi, cinkši wicunyanpi qa cunkši wicunyanpi kin hena :

9 Qa tipi unkotipi kta unkiciçagapi šni ; nakun hastanhanka iyuwi ojupi qa mağa qa wojupi unhapi šni ce.

10 Tuka wakeya ohna untipi, qa waanağoptan unyakonpi, qa Jonadab ateunyanpi token econ unšipi owasin eciyatanhan econkupi ecee.

11 Tuka Nebukadnezzar Babel wicaštayatapi kin he makoce kin en hiyu qehan, hehan, U po, qa Jerusalem ekta unyanpi kta, Kasdim oyate ozuye itepi kin etanhan, qa Aram oyate ozuye itepi kin etanhan, unkeyapi ce. Hecen Jerusalem en unyakonpi ece, eyapi.

12 Hehan Jehowa oie Jeremiah en hi kin he hecen eya :

13 Jehowa ozuye yuha, Israel Taku Wakan tawa kin he hecen eya ce ; Ya wo, qa Juda wicašta qa Jerusalem en ounyanpi kin hena hecen ewicakiya wo ; Mioie anayağoptanpi kta on wowahokonkiye iyacupi kte šni he, Jehowa eya.

14 Jonadab Rekab cinhintku oie kin, iye cinca iwahokonwicakiye cigon, miniša yatkanpi kte šni, hena e ecen econpi, anpetu dehanyan takudan yatkanpi šni nakaeš, tuka ateyapi ho kin anakiğoptanpi : hececa ešta miye taku eciciyapi, hanwekta qa epa ecee ; tuka anamayağoptanpi šni :

15 Nakun initaokiye wicašta wokcan kin owasin niyepi ekta yewicawaši, hanwekta qa yewicawaši ; Wanna otoiyo hi tacanku šica etanhan hdicu po, qa niohanpi kin wašte kağa po, qa taku wakan tokeca wowidagniyanpi kta e ihakam yapi šni po, kinhan makoce miye ciçupi qa hunkakewicayayapi nakun, he en ounyayapi kta, epa ece : tuka ninogepi kin uyayapi šni qa anamayağoptanpi šni.

16 Jonadab Rekab cinhintku cinca kin hena ateyapi tawoa hope econwicaši qon he ecen ecakiconpi ; tuka oyate kin de anamağoptanpi šni :

17 Heon etanhan, Jehowa Taku Wakan ozuye yuha, Israel ta Wakantanka kin hee hecen eya : Iho, Juda qa Jerusalem en ounyanpi kin owasin, taku šica ewicawakiye cigon iyulpa en awicawau kta : Wowicawakiyaka tuka nahonpi šni : wicawakipan tuka iye waayuptapi šni, heon etanhan.

18 Hehan Jeremiah Rekabi tipi kin hewicakiya ; Jehowa ozuye yuha, Israel Taku Wakan tawa kin he hecen eya ce ; Jonadab

WICOWOYAKE 36.

niyatepi tawoahope kin anaya-kigoptanpi, qa toope kin owasin yeciyuhapi, qa taku econnišipi kin owasin ecen ecanonpi ecee;

19 Heon etanhan Jehowa ozuye yuha Israel Taku Wakan tawa kin he hecen eya ce; Jonadab Rekab cinhintku wicašta mitokam najin kte cin nice kte šni, owihanke wanica.

WICOWOYAKE 36.

1 Unkan kaketu, Jehoiakim Josiah cinhintku Juda wicaštaya-tapi tawaniyetu itopa kin en, Jehowa etanhan wicoie kin de Jeremiah en hi kin he hecen eya:

2 Wowapi pehanpi wan ehdaku wo, qa tokaheya wociciyake cin ehantanhan, Josiah taanpetu kin hetanhan, anpetu kin dehanyan, Israel on, qa Juda on, qa oyate owasin on, wicoie tona ociciyake cin hena owasin en owa wo.

3 Okinni Juda tiyohnaka kin taku šica ecawicawecon kta wacanmi kin hena owasin nañonpi kta: hecen wicašta otoiyohi iye tacanku šica etanhan ihduhumnipi kta; hecen taku šica econpi qa wañtanipi kin wicawecicajuju kta ce.

4 Hehan Jeremiah Baruk Neriah cinhintku kin kico: Unkan Baruk Jeremiah i kin etanhan, Jehowa oie kin owasin, tona eciye ciqon hena, wowapi pehanpi kin en owa.

5 Hehan Jeremiah Baruk waho-konkiya qa heya; Miye iyamanicapi; Jehowa ti kin ekta mde kta owakihi šni:

6 Heon etanhan niye ya wo, qa Jehowa oie, mii eciyatanhan wowapi en yakage cin hena, Jehowa ti kin ohna wotešni unpi anpetu kin he en, oyate nañonpi

kin en yawa wo: qa nakun Juda wicašta owasin iye totonwepi etanhan upi kin hena nañonpi kin en dawa kta.

7 Okinni wocekiye tawapi kin he Jehowa itokam u kta, qa otoiyohi iye tacanku šica etanhan ihduhumnipi kta: wocanniye qa wocanteptanye, oyate kin de on, Jehowa cajeyate cin he tanka linca nakaes.

8 Unkan Baruk Neriah cinhintku kin he Jeremiah wicašta wokcan kin taku econsi kin owasin ecen econ; Jehowa ti kin ohna Jehowa oie kin yawa.

9 Unkan kaketu, Jehoiakim Josiah cinhintku Juda wicaštaya-tapi kin tawaniyetu izaptan, wi inapcinwanka kin en Jehowa itokam wotešni unpi wan yaotaninpi, oyate kin ocowasin Jerusalem en unpi, qa Juda otonwe kin etanhanhan oyate Jerusalem en hipi kin hena iyuhpa en.

10 Hehan Baruk, Jehowa ti kin ohna, Jeremiah oie kin hena wowapi kin etanhan yawa, Gemariah Šaphan cinhintku wowapi kage cin he wankan tipi tawa kin ohna, wankan hocoka kin he ekta, Jehowa ti tiyopa teca ohna hiyupi ece kin hetu, oyate owasin nañonpi kin en.

11 Unkan Mikaiiah Gemariah cinhintku Šaphan cinhintku kin he wowapi kin etanhan Jehowa oie owasin nañon qehan;

12 Hehan wicaštayatapi ti kin ekta iyaya, wowapi kağapi tipi kin en: Unkan, iho, wicašta itancanpi kin owasin hen iyotankapi; Elišama wowapi kage cin he, qa Delaiah Šemaiah cinhintku, qa Elnathan Akbor cinhintku, qa Gemariah Šaphan cinhintku, qa Zedekiah Hananiah cinhintku, qa wicašta ihdawa iyuhpa.

13 Hehan Mikaiiah Baruk oyate

JEREMIAH TAWOYUKCAN KIN,

noġepi ohna wowapi yawa qehan, wicoie tona naġon qon hena owasin owicakiyaka.

14 Heon etanhan wicašta itancanpi kin iyulpa Jehudi Nethaniah cinhintku, Selemiah cinhintku, Kuśi cinhintku kin he Baruk ekta ye śipi, qa heyapi, Wowapi pehanpi etanhan oyate noġepi kin en dawa qon he ninape ohna icu qa u wo. Hecen Baruk Neriah cinhintku kin he wowapi qon nape ohna eyaku qa en wicahi.

15 Unkan heciyapi; Wanna iyotanka wo, qa unnoġepi ohna he yawa wo. Hecen Baruk iye noġepi kin ohna yawa.

16 Unkan kaketu, wicoie kin hena owasin naġonpi qehan, otioyohi takodaku kici kopehdapi, qa Baruk heciyapi; Awicakehan wicoie kin dena owasin wicaštayatapi kin unkokiyakapi kta ce.

17 Hehan Baruk wiwangapi; Token iye i kin eciyatanhan wicoie kin dena owasin oyawa hecinhan, wanna unkokiyaka po, eyapi.

18 Hehan Baruk awicayupta; Iye i kin on wicoie kin dena owasin omakiyaka, unkan minisapa on wowapi kin en wakaga ce.

19 Hehan wicašta itancanpi kin Baruk heciyapi; Ya wo, inahman un wo, niye qa Jeremiah nakun; qa tukten yaunpi kin tuwedan sdonye kte śni.

20 Hehan hocoka kin en, wicaštayatapi kin ekta iyayapi; tuka wowapi kin he Eliśama wowapi kage cin wankan tipi tawa kin en ehna kapi, qa wicoie kin hena iyulpa wicaštayatapi noġe kin en oyakapi.

21 Hecen wicaštayatapi kin he Jehudi wowapi kin huwe yeśi: Unkan Eliśama wowapi kaga wankan tipi tawa kin etanhan

eyaku. Hehan Juhudi wicaštayatapi noġe kin ohna, qa wicašta itancanpi wicaštayatapi ica hda najinpi kin hena noġepi kin ohna *wowapi* kin he yawa.

22 Unkan wicaštayatapi kin he waniyetu tipi kin en iyotanka yanka, wi inapcinwanka kin en; qa itokam oceti kin en cetipi.

23 Unkan kaketu, Jehudi yumdapi yamni, qa is topa yawa qehan, hehan hena isan on baksa, qa oceti en peta kin en ehpeya ecee, ecen wowapi kin oceti peta en ocowasin huhnaġa.

24 Tuka nihinciyapi śni, qa on hdo hda kin hdupotapi śni, wicaštayatapi qa iye taokiye kin owasin, wicoie kin dena naġonpi qehan.

25 Hececa ešta Elnathan qa Delaiah qa Gemariah wicaštayatapi kin cekiyapi, wowapi kin he huhnaġe kte śni: tuka anawicagoptan śni.

26 Tuka wicaštayatapi kin he Jerameel Hammalek cinhintku, qa Seraiah Azriel cinhintku, qa Selemiah Abdeel cinhintku kin hena Baruk wowapi kage cin he qa Jeremiah wicašta wokcan kin wicayuze wicaśi. Tuka Jehowa inahbe wicakiya.

27 Hehan wowapi qa wicoie Jeremiah i kin etanhan Baruk owa qon hena wicaštayatapi huhnaġe cin iyohakam Jehowa oie Jeremiah en hi kin he hecen eya;

28 Ake wowapi pehanpi tokeca wan icu wo, qa wowapi tokaheya Jehoiakim Juda wicaštayatapi huhnaġe cin wicoie en un qon hena owasin en owa wo.

29 Unkan Jehoiakim Juda wicaštayatapi kin heyakiye kta; Jehowa hecen eya ce; Wowapi kin he huhnaġyaya; Tokeca, Awicakehan Babel wicaštayatapi

WICOWOYAKE 37.

kin hi kta, qa makoce kin de ihangye kta, qa ohna wicašta qa woteca wanica kage kta, eha qa wowapi en oyawa he, eha ce.

30 Heon etanhan Jehowa Jehoiakim Juda wicaštayatapi kin on hecen eya; Dawid oiyotanke tawa kin akan tuwedan kici iyotanke kte šni; qa iye tancan te cin he anposkan omašte kin en tankan elipeyapi kta, qa hanyetu osni kin en.

31 Qa iye linca qa oicage tawa qa taokiye kin hena wahtanipi kin en awicawau kta; qa iyepi en qa Jerusalem en oonyanpi kin hena, qa Juda wicašta kin hena en, taku šica cajewicaweciyate cin owasin en awicawau kta: tuka anagoptanpi šni ce.

32 Hehan Jeremiah wowapi pehanpi tokeca wan icu, qa Baruk Neriah cinhintku wowapi kage cin he qu: unkan he ohna Jeremiah i kin etanhan wowapi wan Jehoiakim Juda wicaštayatapi kin peta en huħnaħiye ciqon wicoie en un qon owasin en owa. Nakun wicoie iyececa ota koya en ehnaċapi.

WICOWOYAKE 37.

1 Unkan Zedekiah Josiah cinhintku wicaštayatapi kin he Koniah Jehoiakim cinhintku eekiya wicaštayatapi yanka; he qe Nebukadnezzar Babel wicaštayatapi kin Juda makoce kin en wicaštayatapi kaċa.

2 Tuka iye, qa taokiye kin hena, qa makoce en oyate kin, Jehowa oie Jeremiah wicašta wokcan kin oyake cin hena anagoptanpi šni.

3 Hehan Zedekiah wicaštayatapi kin he Jehuċal Šelemiah cinhintku, qa Zephaniah Maaseiah cinhintku wawayušna kin, hena

Jeremiah wicašta wokcan kin ekta yewicaši, qa heya; Wana Jehowa Wakantanka unkita-wapi kin wocekiye unkekiciya miye.

4 He icunhan Jeremiah oyate kin ehna tin u qa tankan ya ecee: hinaħin kaška hnakaċi šni nakaes.

5 Unkan Pharaoh taakicita kin Eċuċta etanhan hinanpapi. Qa Kasdim oyate Jerusalem azuyapi kin hena hecen oyakapi kin naħionpi qehan, hehan Jerusalem etanhan kihdapi.

6 Hehan Jehowa oie Jeremiah wicašta wokcan en hi kin he hecen eya:

7 Jehowa Israel Taku Wakan tawa kin he hecen eya; Juda wicaštayatapi wimayanongapi kta on miye en unišipi kin he kaken eyakiyapi kta; Iho, Pharaoh taakicita oniciyapi kta hiyupi kin hena Eċuċta iye tamakoce kin ekta hdapi kta:

8 Qa Kasdim oyate kin ake upi kta, qa otowwe kin de kici kici-zapi kta, qa icupi kta, qa peta on huħnaħiye kta.

9 Jehowa hecen eya; Awicakehan Kasdim oyate kin elipeya unkakiyahdapi kta ce, eya ninaċipi iyuškiniċiyapi šni po: hena hdapi kte šni nakaes.

10 Kasdim akicita nicizapi kin iyulċa wicayakaštakapi, qa hena en tawicaopi wicašta eceedan okaptapi qeyaš, otuiyohi iye tawakeya kin etanhan naħinpi kta, qa otowwe kin de peta on huħnaħiye kta ce.

11 Unkan kaketu, Kasdim ozuye kin Pharaoh taakicita kin witokapatanhan Jerusalem etanhan iyayapi qehan;

12 Hehan Jeremiah Jerusalem etanhan iyaya, Benjamin makoce kin ekta ye kta, hetanhan taku

JEREMIAH TAWOYUKCAN KIN,

tawa kin oyate wicacokayatanhan ehdaku kta.

13 Unkan Benjamin tatiyopa kin en un qehan owicawa itancan wanji hen un, Irijah eciyapi, Šelemiah cinhintku, Hananiah cinhintku; unkan he Jeremiah wicašta wokcan kin yuza, Kasdim oyate kin ekta nayajica ce, eya.

14 Hehan Jeremiah heya; He wicakapi šni, Kasdim oyate kin ekta nawajice šni ce. Tuka anağoptan šni: hecen Irijah Jeremiahi yuze ça itancanvi kin en ahi.

15 Heon etanhan wicašta itancanpi kin Jeremiah canniyeyapi, qa kaštakapi, qa kaška hnakapi, Jonathan wowapi kağa ti kin ohna: he wicakaška tipi kağapi nakaes.

16 Jeremiah wolha tipi kin en i, qa ohna yakonpi ece kin en, qa Jeremiah ota can hen yanka qehan;

17 Hehan Zedekiah wicaštayatapi kin he ekta yewicaši, qa hetanhan eyaku: qa wicaštayatapi kin iye ti kin ohna nahmana wiwanga, qa heya; Jehowa etanhan wicoie yukan he. Unkan Jeremiah, Han, eya; qa nakun heya; Babel wicaštayatapi nape kin en niçupi kta ce.

18 Nakun Jeremiah Zedekiah wicaštayatapi kin heciya; Taku e on niye en wacicihtani he, qa nitaokiye, qa oyate kin de en, hecen mayakaškapi he.

19 Wanna wicašta wokcan tona woniciyakapi qa, Babel wicaštayatapi kin takpe niupi kte šni, qa makoce kin de en u kte šni ce, eyapi qon tukte epi he.

20 Heon etanhan ceciciya, wicaštayatapi itancan mitawa namahon ye; ceciciya ce, wocekiye mitawa nitokam hiyu nun-

we; hecen Jonathan wowapi kağa ti kin ekta ake iyaye mayaye kte šni, qa hen mašte kte šni.

21 Hehan Zedekiah wicaštayatapi kin wicakaška tipi hocoka kin en Jeremiah ehnake wicaši, qa anpetu otoiyohi ağıuyapi spanyanpi canku kin etanhan ağıuyapi hminyanna wan qupi kta, otonwe ohna ağıuyapi ocowasin yusotapi kta behanyan. Hecen Jeremiah wicakaška tipi hocoka kin en yanka.

WICOWOYAKE 38.

1 Hehan Šephatiah Mattan cinhintku, qa Gedeliah Pašur cinhintku, qa Jukal Šelemiah cinhintku, qa Pašur Malkiah cinhintku kin hena wicoie Jeremiah oyate kin owasin owicakiyake cin hena nahonpi;

2 Jehowa hecen eya ce; Tuwe kašta otonwe kin de ohna yanke cinhan mazasagye qa wicaakihan qa makošice on te kta; tuka tuwe Kasdim oyate kin ekta ye cinhan he ni kta: iye naği kin he woehdaku hduhe kta qa ni kta nakaes.

3 Jehowa hecen eya; Awicakehan otonwe kin de Babel wicaštayatapi taakicita napepi kin en qupi kta ce, eya ecee.

4 Heon etanhan wicašta itancanpi kin wicaštayatapi kin heciyapi; Ceunniciyapi ce, wicašta kin de teyapi kta: wicoie kin hena owicakiyake cin on akicita tona otonwe kin de ohna yakonpi qa oyate iyulpa napepi wicakiyawašake šni ecee: wicašta kin de oyate kin de tanyan unpi kta akite šni nakaes, tuka šicaya unpi kta.

5 Hehan Zedekiah wicaštayatapi kin heya; Iho, ninapepi kin

ohna yanka; niye icunonpatanhan wicaštayatapi kin takudan okihi śni nakaeś.

6 Hehan Jeremiah icupi qa Malkiah Hammelek cinhintku woħa tawa kin en iyeyapi, he wicakaśka tipi hocoka kin hetu: Unkan haħonta on woħa kin ekta Jeremiah kun iyeyapi. Unkan woħa kin he en mini wanica, upśija eceedan. Hecen Jeremiah upśija kin en iyotanka.

7 Unkan Ebed-melek, Kuś oyate kin etanhan, wicaštayatapi ti kin ohna ookiye unpi kin wanji hee, Jeremiah woħa kin en iyeyapi he naħon qehan; icunhan wicaštayatapi kin Benjamin tiyopa kin en iyotanka:

8 Hehan Ebed-melek wicašta-yatapi ti kin etanhan iyaye qa wicaštayatapi kin kici wohdaka qa heya;

9 Wicaštayatapi itancan mitawa, wicašta kin dena Jeremiah wicašta wokcan taku ecakiconpi kin owasin śicaya econpi, he woħa kin en iyohpeyapi: unkan yanke cin en akiħan ƚe kta; otonwe kin en wanna aguyapi wani-ca nakaeś.

10 Hehan wicaštayatapi kin Ebed-melek Kuś wicašta kin waeconśi, qa heciya; Detanhan wicašta wikcemna yamni ninape en iwicacu wo, qa Jeremiah wicašta wokcan kin ƚe śni itokam woħa kin etanhan eyaku wo.

11 Hehan Ebed-melek wicašta kin hena iye nape en iwicacu, qa wicaštayatapi ti kin mazopiye ihukuya ekta iyaya, qa hetanhan wokoyake tanika yuħdeħdecapi qa heyake kuke ħinca hena icu, qa haħonta on woħa kin en Jeremiah ekta iyekiciciya.

12 Qa Ebed-melek Kuś wicašta kin Jeremiah heciya; Wanna wokoyake tanika yuħdeħdecapi

qa heyake kuke ħinca kin hena haħonta ohdateya ninape okihe ihukuya ehnaka wo. Unkan Jeremiah ecen econ.

13 Hecen haħonta kin on Jeremiah icupi, qa woħa kin etanhan eyakupi. Unkan Jeremiah wokaśke tipi hocoka kin ohna yanka.

14 Hehan Zedekiah wicaštayatapi kin yewicaśi, qa Jeremiah wicašta wokcan kin Jehowa ti kin oenape iyamni kin he ohna iye ekta hiyuya. Unkan wicaštayatapi kin Jeremiah heciya; Miye taku wanji iciwange kta; wicoie wanjidan anamakihbe śni wo.

15 Hehan Jeremiah Zedekiah heciya; Ociciyake cinhan awicakehan mayakte kte śni he; qa wahokonciciye cinhan anamaya-goptan kte śni he.

16 Unkan Zedekiah wicaštayatapi kin Jeremiah en analibeyahan iciconza, qa heya; Jehowa naġi kin de unkicaġapi kin he ni un, cikte kte śni, qa wicašta kin dena ninagi akitapi kin hena napepi kin en cicu kte śni ce.

17 Hehan Jeremiah Zedekiah heciya; Jehowa Taku Wakan ozuye yuha, Israel Taku Wakan tawa kin he hecen eya; Awicakehan Babel wicaštayatapi taakicita tancanpi kin hena ekta de cinhan, hehan ninagi ni kta, qa otonwe kin de peta on ħuħnaħiyapi kte śni; tuka niye yani kta, tiyobnaka nitawa nakun.

18 Tuka Babel wicaštayatapi taakicita tancanpi kin ekta de kte śni kinhan, hehan otonwe kin de Kasdim oyate napepi kin en qupi kta, unkan peta on ħuħnaħiyapi kta, qa niye hena napepi etanhan eniħdaku kte śni.

19 Hehan Zedekiah wicaštayatapi kin Jeremiah heciya; Juda

JEREMIAH TAWOYUKCAN KIN,

wicašta Kasdim oyate kin ekta iyayapi kin hena kowicawakipa, okinni hena napepi kin en maqupi kta, qa imahahiapi kta.

20 Tuka Jeremiah heya; Nicupi kte šni. Ceciciya ce, Jehowa oie ociciyake cin he anagoptan wo; kinhan tanyan yaun kta, qa ninaği ni kta.

21 Tuka de kta tawatenyaye šni kinhan, wicoie Jehowa wanyagmakiye cin he dee:

22 Unkan iho, winohinca owasin tona Juda wicaštayatapi ti kin en owicakaptapi kin hena Babel wicaštayatapi taakicita tancanpi kin ekta yapi kta, qa hena heyapi kta; Wookiye wicašta nitawa kin hena nihnayanpi qa ohiniyanpi: nisiha upšija kin en kadom niyanpi, ehpeya niciyahdapi ce.

23 Hecen nitawinohinca owasin qa nicinca kin hena Kasdim oyate kin en wicakahipi kta; qa niye hena napepi kin etanhan nihdušpe kte šni, tuka Babel wicaštayatapi nape on niyuzapi kta; qa otonwe kin de peta on hūhnaħiye wicayaye kta ce.

24 Hehan Zedekiah Jeremiah heciya; Wicoie kin dena tuwedan sdonye yaye kte šni, kinhan niħe kte šni.

25 Tuka wicašta itancanpi kin hena wounhdaka he nahonpi, qa en nihipi kinhan, qa heniciyapi, Wicaštayatapi kin taku eyakiye cin hena wanna unkokiyaka po, anaunkilmanpi šni po, kinhan ĩeunniyanpi kte šni: qa nakun wicaštayatapi kin taku eniciye cin:

26 Hehan hewicayakiye kta; Wicaštayatapi kin itokam wocekiye epa, Jonathan wowapi kağa ti kin en maħe kta e ake ekta iyaye maye kte šni ce.

27 Hehan wicašta itancanpi kin

owasin Jeremiah en hipi qa wiwangapi: unkan wicaštayatapi econsi kin wicoie kin dena owasin eciyatanhan owicakiyaka. Hecen kici wohdaka ayaštanpi: wicoie kin okahnigapi šni nakaes.

28 Unkan Jeremiah wokaške tipi hocoka kin hen yanka, Jerusalem icupi anpetu kin hehan: Qa Jerusalem icupi qehan hen yanka.

WICOWOYAKE 39.

1 Zedekiah Juda wicaštayatapi kin tawaniyetu inapcinwanka en, wi iwikcemna en, hehan Nebukadnezzar Babel wicaštayatapi kin Jerusalem ekta hi, qa taakicita owasin, qa aonatakapi.

2 Zedekiah tawaniyetu iake wanjidan en, wi itopa, wiyawapi anpetu inapcinwanka kin en otonwe kin kamdecapi.

3 Hehan Babel wicaštayatapi taakicita tancanpi kin owasin en hipi, qa otonwe tiyopa cokaya kin en iyotankapi—Nergal-šarez, Samgar-nebo, Sar-sekim, Rab-saris, Nergal-šarez, Rabmag, qa Babel wicaštayatapi taakicita tancanpi unmapi kin iyulħa.

4 Unkan kaketu, Zedekiah Juda wicaštayatapi kin hena qa ozuye wicašta kin iyulħa wanwicayaka qehan, hehan najica, qa han-yen otonwe kin etanhan tankan inanpa, wicaštayatapi tawoju canku kin he eciyatanhan, conkaške nonpa otahedan tiyopa kin he ohna: qa omdaye canku kin he ohnayan iyaya.

5 Tuka Kasdim akicitapi kin tawicapapi, qa Jeriko omdaye kin en Zedekiah ekiħdegapi: unkan yuzapi qehan Nebukadnezzar Babel wicaštayatapi kin ekta

WICOWOYAKE 40.

ahipi, Riblah en Hamath makoce kin ohna, unkan hen woyaco okiciyaka.

6 Hehan Babel wicaštayatapi kin Zedekiah cinhintku kin hena wicakte, Riblah en, iye išta itokam : nakun Babel wicaštayatapi kin Juda itancanpi kin owasin wicakte.

7 Qa nakun Zedekiah išta kiyuśdoka, qa mazaicacahiha nom on kaśka, Babel ekta ahde kta.

8 Unkan Kasdim oyate kin wicaštayatapi ti kin he, qa oyate tipi kin hena peta on hūhnaŋyapi, qa Jerusalem conkaśke kin yujujupi.

9 Hehan oyate okaptapi, tona otonwe kin ohna yakonpi, qa tona iye ekta najicapi kin, oyate etanhan okaptapi kin hena koya, Nebuzar-adan wicakte itancan kin he Babel ekta wayaka awicakiyahda.

10 Tuka oyate etanhan tona onśikapi, takudan yuhapi śni kin hena Nebuzar-adan wicakte itancan kin Juda makoce kin en owicakapta, qa anpetu kin he en hastanhanka ojupi mağa ko wicagu.

11 Unkan Nebukadnezzar Babel wicaštayatapi kin Nebuzar-adan wicakte itancan nape kin on Jeremiah on econwicaśi, qa heye ciqon :

12 Icu wo, qa ništa on tanyan awanyaka wo, qa taku śica ecakicon śni wo ; tuka taku eniciye cinhan he ohna hinca ecakicon wo.

13 Hecen Nebuzar-adan wicakte itancan kin yewicaśi, qa Nebuśasban, Rab-saris qa Nergal-šarezer, Rab-mag qa Babel wicaštayatapi taakicita tancanpi kin iyuhpa ;

14 Han, hena yewicaśipi qa Jeremiah wokaśke tipi hocoka

kin etanhan eyakupi, qa Gedeliah Ahikam cinhintku, Šaphan cinhintku kin he ekta kahipi, iye ti kin ekta ahde kta e heon. Hecen oyate kin om ounyan.

15 Tuka Jeremiah linyahin wokaśke tipi hocoka kin en onatakapi qehan Jchowa oie kin en hi, qa hecen eya :

16 Ya wo, qa Ebed-melek Kuś wicašta kin he wokiciyaka wo, qa heya wo ; Jehowa ozuye yuha, Israel Taku Wakan tawa kin he hecen eya ce : Iho, mioie kin otonwe kin de en awau kta, taku śica on, qa taku wašte on etanhan śni, qa anpetu kin he en ništa itokam ecetu kta.

17 Tuka anpetu kin he en ecihdaku kta, Jehowa eya ; qa wicašta itepi kowicayakipe cin hena napepi kin en ničupi kte śni.

18 Woehdaku on ecihdaku kta, qa mazasagye on nihinhpaye kte śni, tuka ninaği kin he wokamna yahduhe kta ; wacinmayaye cin heon etanhan, Jehowa eya.

WICOWOYAKE 40.

1 Jehowa etanhan wicoie Jeremiah en hi kin he dee, Nebuzar-adan wicakte itancan kin Ramah etanhan kiyuśke cin iyohakam ; he icu tuka, Jerusalem etanhan qa Juda etanhan wayaka awicayapi, tona Babel ekta awicakiyahdapi qon hena om mazaicacahiha on kaśkapi qehan.

2 Unkan wicakte itancan kin he Jeremiah icu qa heciya ; Jehowa Taku Wakan nitawa otonwe kin de taku śice cin de okiciyaka :

3 Nakaha Jehowa hduecetu, qa eye ciqon ohna econ : Jehowa wayecihtanipi nakaes, qa ho kin anayağoptanpi śni, heon etanhan wicoie kin de en aniupi.

JEREMIAH TAWOYUKCAN KIN,

4 Unkan nakaha, iho, anpetu kin de ninape pahtapi kin ciciyuska; niista kin en waste kinhan, Babel ekta mici de kta hecinhan, u wo, kinhan tanyan awanciyake kta; tuka Babel ekta mici de kta niista kin en sice cinhan, u sni wo. Wanyaka wo, makece kin ocowasin nitokam wanka, tukte en de kta iyonicipi qa wasteyadake cinhan, en ya wo.

5 Unkan hinyahin hde sni icunhan, hehan, Gedaliah Ahikam cinhintku, Saphan cinhintku, Babel wicastayatapi kin Juda otonwe kin en itancan kage cin he ekta hda wo, qa kici un wo, oyate kin wiciyopeya; qa tukten de kta iyonicipi kinhan, hen ya wo, eya. Hehan wicakte itancan kin woyute qa mazaska qu, qa kihdeya.

6 Hehan Jeremiah Gedaliah Ahikam cinhintku kin ekta iyaya, Mizpah ekta; qa kici un, oyate makece en okaptapi kin hena owicapeya.

7 Unkan akicita tancanpi tona magata unpi kin owasin, iyepi qa wicasta wicayuhapi kin hena, Babel wicastayatapi kin Gedaliah Ahikam cinhintku makece kin en itancan kaga, qa wicasta qa winohinca siceca koya, qa makece ohna walpanicapi, tona Babel ekta wayaka awicayapi sni kin, hena yuhe kiya, he nahonpi qehan;

8 Hehan Mizpah en, Gedaliah ekta hipi; han, Ismael Nethaniah cinhintku, qa Johanan qa Jonathan Kareah cinca, qa Seraiah Tanhumeth cinhintku, qa Ephai Netophath wicasta wan he cinca, qa Jezaniah Maakath wicasta wan cinhintku, iyepi qa wicasta tawapi kin hena.

9 Unkan Gedaliah Ahikam cinhintku, Saphan cinhintku kin,

hena qa wicasta wicayuhapi kin wokonze on hecen ewicakiya; Kasdim oyate kin en wowidagniciyapi kta kokipapi sni po: makece kin en ounyan po, qa Babel wicastayatapi kin en wowidagiciya po, kinhan tanyan yaunpi kta ce.

10 Miye hinca, iho, Mizpah en waun kta, Kasdim oyate en unkupi kte cin hena itokam wawakiya ecee kta: Tuka niyepi minisa mnakiya po, qa mdoketu waskuyeca, qa wihdi, qa cega nitawapi kin en okihnaka po, qa otonwe iyacupi kin hena en ounyan po, eya.

11 Nakun Juda wicasta owasin Moab en unpi, qa Ammon cinca kin om, qa Edom en, qa makece owasin ektakta yakonpi kin hena Babel wicastayatapi kin Juda onge owicakapta, qa hena Gedaliah Ahikam cinhintku Saphan cinhintku kin wicayuhekiya he nahonpi qehan:

12 Han, Juda wicasta owasin tuktekte ekta iyaye wicayapi qon owasin etanhanhan hdicupi, qa Juda makece kin en hdipi, Gedaliah ekta, Mizpah etu, qa minisa mdoketu waskuyeca ko ota hinca mnayanpi.

13 Hehan Johanan Kareah cinhintku qa akicita tancanpi magata unpi kin iyuhpa Gedaliah ekta hipi, Mizpah etu;

14 Qa heciyapi, Baalis Ammon cinca wicastayatapi kin he Ismael Nethaniah cinhintku kin ninaqi ape kta u si, he wosdonye on sdonyaya he. Tuka Gedaliah Ahikam cinhintku kincetunwicahda;

15 Hehan Johanan Kareah cinhintku kin Mizpah en Gedaliah kici nahmana wohdaka qa heya; Ceciciya, iyowinmakiya wo, kinhan Ismael Nethaniah cinhintku

WICOWOYAKE 41.

kin wakaštake kta, qa tuwedan sdone kte šni; tokeca ninaği ape kta he, hecen Juda wicašta niye en mnayanpi kin owasin enanakiya iyewicayapi kta, qa Juda okaptapi kin atakuni kte šni he.

16 Tuka Gedaliah Ahikam cinhintku kin he Johanan Kareah cinhintku kin heciya; De wicoľan kin ecanon kte šni: Išmael on iewicayake šni nakaes.

WICOWOYAKE 41.

1 Hehan kaketu, wi isakowin kin en, Išmael Nethaniah cinhintku, Elišama cinhintku, wicaštayatapi cinca kin etanhan, qa wicašta itancanpi wicaštayatapi tawa qon etanhan wicašta wikcemna kin hena om Gedaliah Ahikam cinhintku kin en hi, Mizpah ekta; qa hen witaya aguyapi yutapi, Mizpah en.

2 Hehan Išmael Nethaniah cinhintku qa wicašta wikcemna kici unpi kin hena najinpi, qa Gedaliah Ahikam cinhintku, Šaphan cinhintku kin mazasagye on kaštakapi qa ktepi, Babel wicaštayatapi kin makoce kin en itancan kađe cion.

3 Nakun Juda wicašta kici unpi kin owasin, Mizpah en, hena Gedaliah kici Išmael wicakte, qa Kasdim oyate, akicita unpi hen iyewicayapi kin hena nakun.

4 Unkan he Gedaliah kte kin iyohakam anpetu inonpa, qa tuwedan sdone šni,

5 Hehan Šekem etanhan, Šiloh etanhan qa Samaria etanhan, wicašta en hipi, wicašta wikcemna šahdoğan, putinhin hdasarpi, qa wokoyake hduhdehdecapi, qa baičihonhonpi, qa napepi kin ohna minha wošnapi qa wizite kin, Jehowa ti kin en ayapi kta.

6 Unkan Išmael Nethaniah cinhintku kin he Mizpah etanhan itkowicakipa iyaya, mani, mani qa ceya: Unkan itkowicakipa hehan hewicakiya; Gedaliah Ahikam cinhintku kin ekta u po.

7 Unkan kaketu, wanna otonwe cokaya ehan hipi qehan, hehan Išmael Nethaniah cinhintku hena wicakte, woľa cokaya kin hetu, iye qa wicašta om un kin hena.

8 Tuka hena owicapeya wicašta wikcemna, hena Išmael heciyapi; Unktepi šni po, wokamna mağata unhapi nakaes, aguyapi, qa barle, qa wihdi, qa tuhmağa canhanpi. Hecen ayušan qa hunkawanj itkupi kin om wicakte šni.

9 Unkan woľa Išmael wicašta owasin tancan tapi, tona Gedaliah kici wicakaštake cin en ehewicaye cin he Asa wicaštayatapi kin Baaša ite kin on kađe cion hee. Išmael Nethaniah cinhintku kin wicaktepi kin on ojuya.

10 Hehan Išmael oyate okaptapi, Mizpah en unpi kin owasin iwicacu, wicaštayatapi cunwintku kin hena, qa oyate Mizpah en unpi qon iyulpa, Nebuzaradan wicakte itancan kin Gedaliah Ahikam cinhintku kin wicayuhekiye cin hena: unkan hena Išmael Nethaniah cinhintku kin iwicacu, qa Ammon cinca kin ekta ye kta e iyaya.

11 Tuka Johanan Kareah cinhintku, qa akicita tancan tona om un kin hena Išmael Nethaniah cinhintku taku šica econ kin owasin naľonpi qehan;

12 Hehan wicašta iyulpa iwicacupi qa Išmael Nethaniah cinhintku kin kici kiczapi kta iyayapi, qa Gibeon en mini tanka kin ekta iyeyapi.

13 Unkan kaketu, oyate iyulpa

JEREMIAH TAWOYUKCAN KIN,

Ísmael kici unpi kin Johanan Kareah cinhintku qa akicita tancanpi kin ówasin-om un kin hena wanwicayakapi qehan wiyuúskinpi :

14 Hecen oyate iyuhpa Ísmael Mizpah etanhan iwicacu qon hena ihduhomnipi, qa hdicupi, qa Johanan Kareah cinhintku kin ekta iyayapi.

15 Tuka Ísmael Nethaniah cinhintku kin, wicašta šahdoğan om, Johanan ite kin etanhan nakišdoka, qa Ammon cinca kin ekta iyaya.

16 Hehan Johanan Kareah cinhintku qa akicita tancan opapi kin owasin, oyate okaptapi, Ísmael Nethaniah cinhintku kin etanhan ewicayakupi kin hena owasin iwicacupi, Mizpah etanhan, Gedaliah Ahikam cinhintku kaštaka ciqon he iyobakam—okicize wicašta wašaksakapi, qa winohinca qa šiceca kin, qa wowidake unpi, Gibeon etanhan awicakupi kin hena ;

17 Unkan iyayapi qa Cimham oti qon he en ounyanpi, he Bethlehem ikiyedana, Egupta ekta yapki kta e heon etanhan :

18 Kasdim oyate itepi kin etanhan ; hena kowicakipapi nakaes, Ísmael Nethaniah cinhintku Gedaliah Ahikam cinhintku, Babel wicaštayatapi makoce kin en itancan kađe ciqon he kaštaka heon etanhan.

WICOWOYAKE 42.

1 Hehan akicita tancanpi kin iyuhpa, qa Johanan Kareah cinhintku, qa Jezaniah Hošeaiah cinhintku, qa oyate iyuhpa, wicacistinna qa wicatanka kin hehanyan, ikiyedana upi ;

2 Qa Jeremiah wicašta wokcan kin heciyapi ; Ceunniciyapi, wo-

cekiye unkitawapi kin nitokamu nunwe, qa unkiyepi on Jehowa Taku Wakan nitawa wocekiye unkeyeciyapi kta, okaptapi kin de ocowasin on ; wicota etanhan tonana unkokaptapi nakaes ; niye ništa wanunyakapi kin iyececa :

3 Hecen Jehowa Taku Wakan nitawa kin he canku ohna maunnipi kte cin he unkipazopi kta, qa wicoie econkupi kte cin hena.

4 Hehan Jeremiah wicašta wokcan kin hewicakiya ; Nawahon ; iho, Jehowa Taku Wakan nitawapi kin he nioiepi kin eciyatanhan cewakiye kta : unkan Jehowa taku aniyuptapi kinhan, he ociciyakapi kta, takudan anaciciptapi kte šni.

5 Hehan Jeremiah heciyapi ; Unkiyotahedan Jehowa wayaotanin wacinyepica qa iewicaka heca nunwe ; wicoie on Jehowa Taku Wakan nitawa kin unkiyepi en uniši kin hena owasin eciyatanhan econkupi šni kinhan.

6 Wašte kinhan, qa šice cinhan, Jehowa Taku Wakan unkitawapi ekta ye unnišipi kin he ho kin anaunkigoptanpi kta ; hecen on tanyan unyakonpi kta, Jehowa Taku Wakan unkitawapi ho kin anaunkigoptanpi kinhan.

7 Unkan anpetu wikcemna iyo-hakam, hehan Jehowa oie kin Jeremiah en hi.

8 Hehan Johanan Kareah cinhintku, qa akicita tancanpi om un kin owasin, qa oyate kin ocowasin, wicacistinna qa wicatan-ka kin hehanyan, hena wicakico ;

9 Qa hewicakiya ; Jehowa Taku Wakan Israel tawa, wocekiye nitawapi kin itokam amde kta e ekta yemayašipi qon he hecen eya ce :

10 Makoce kin de en ounyan owanji dukanpi kta hecinhan, hehan icalheciyapi kta, qa mduju-

WICOWOYAKE 43.

ju kte śni: qa ocijupi kta, qa mdujun kte śni; taku śica eaciconpi kin on iyopemičiya nakaes.

11 Babel wicaštayatapi koyakipapi kin he kokipapi śni po; he kokipapi śni po, Jehowa eya: miye niniyanpi kta qa iye nape kin etanhan enihdakupi kta on cicipi waun nakaes.

12 Nakun wowaonsida cičupi kta, hecen iye onśinidapi kta, qa nitamakoce kin en ounyenianpi kta.

13 Tuka Jehowa Taku Wakan nitawapi ho kin anagoptanśniyan; Makoce kin de en unyakonpi kte śni ce, ehapi kinhan:

14 Hiya; tuka Egipta makoce kin ekta unyanpi kta, heciya okicize wanunyakapi kte śni, qa mazayahotonpi ho kin naunhonpi kte śni, qa aguyapi iwotekteunhdapi kte śni, qa hen onunyanpi kta ce, ehapi kinhan:

15 Wanna Jehowa oie kin nahon po, Juda etanhan okaptapi yaunpi kin: Jehowa ozuye yuha, Israel Taku Wakan tawa kin he hecen eya; Egipta ekta dapi kta awicakehan niitepi eyehdepi, qa en onunayapi kta e ekta dapi kinhan;

16 Hehan kaketu kte, mazasagye koyakipapi kin he Egipta makoce kin en enihdegapi kta, qa wicaakihan on nihinniciyapi kin he Egipta ekta nihakam nipasipi kta; qa heciya niłapi kta.

17 Wicašta owasin Egipta en onunyanpi kta ekta yapi kta ite ekihdapi kin hena hecetu kte; mazasagye on, wicaakihan on, qa makośica on łapi kta: qa hena taku śica en awicawau kte cin etanhan tuwedan okaptapi kte śni, qa tuwedan najice kte śni.

18 Jehowa ozuye yuha, Israel Taku Wakan tawa kin he hecen

eya nakaes; Mitocanniye qa mitocanteptanye Jerusalem en onunyanpi kin hena awicakaştanpi qon he iyecen mitocanniye anicaştanpi kta, Egipta en yaipi kinhan; unkan woyaśice, qa wonihinciye, qa iapi śica, qa woienhdapi kin henicapi kta; qa ake makoce kin de icimana wanda-kapi kte śni.

19 Juda etanhan wokapte yaunpi kin, Jehowa heniciyapi; Egipta ekta yapi śni po: Anpetu kin de wahokonciyapi he awicakehan sdonya po.

20 Jehowa Taku Wakan nitawapi kin ekta yemayaśipi, qa, Jehowa Taku Wakan unkitawapi kin wocekiye unkekiciya miye; qa Jehowa Taku Wakan unkitawapi kin taku eye kte cin owasin eciyatanhan unkokiyaka po, kinhan ecen econkupi kta ce, ehapi qehan, ninałipi en ničihnanpi.

21 Unkan anpetu kin de wociyakiyapi; tuka Jehowa Taku Wakan nitawapi ho kin anaya-goptanpi śni, qa taku on niyepi en umaśi kin hena owasin.

22 Heon etanhan wanna wosdonye on sdonya po, mazasagye on, wicaakihan on, qa makośica on niłapi kta, makoce en onunayapi kta e ekta dapi yacinpi kin heciya.

WICOWOYAKE 43.

1 Unkan kaketu, Jehowa Taku Wakan tawapi oie kin owasin on, Jehowa Taku Wakan tawapi kin ekta wicaśi, wicoie kin dena owasin, Jeremiah oyate ocowasin owicakiyaka ihunikiya;

2 Hehan Azariah Hośaiah cinhintku qa Johanan Kareali cinhintku, qa wicašta wahanhanici-dapi kin owasin iapi qa Jeremiah

JEREMIAH TAWOYUKCAN KIN,

heciyapi; Iyaton śni ce; Jehowa Taku Wakan unkitawapi kin he, Egipta en ounyanpi kta e ekta yapi śni po, eya uniśi śni.

3 Tuka Baruk Neriah cinhintku kin hee unkiyepi on iyopastagnian, Kasdim oyate napepi en unqupi kta, hecen unktepi kta, qa Babel ekta wayaka unkayapi kta e heon etanhan.

4 Hecen Johanan Kareah cinhintku, qa akicita tancanpi kin owasin, qa oyate kin ocowasin Jehowa ho kin anagoptanpi śni, Juda makoce kin en ounyanpi kta:

5 Tuka Johanan Kareah cinhintku, qa akicita tancanpi kin owasin, Juda okaptapi kin ocowasin oyate tokeca ektakta iyewicayapi qon etanhan hdicupi, Juda makoce kin en ounyanpi kta, hena iwicacupi.

6 Wicašta qa winohinca qa śiceca kin, qa wicaštayatapi cunwintkupi, qa tona Nebuzar-adan wicakte itancan kin Gedaliah Ahikam cinhintku Šaphan cinhintku kin kici iyotanke wicaši qon, qa Jeremiah wicašta wokean kin, qa Baruk Neriah cinhintku kin hena.

7 Qa Egipta makoce kin en hipi; Jehowa ho kin anagoptanpi śni nakaes. Hecen Taphanes ekta hipi.

8 Hehan Taphanes en Jehowa oie Jeremiah en hi kin he hecen eya:

9 Inyan tankinyanyan ninape ohna icu wo, qa maka omdoton kagapi upśija kin en inahman wo, Taphanes en, Pharaoh ti tiyopa kin hetu, Juda wicašta ištapi kin itokam:

10 Qa hewicakiya wo; Jehowa ozuye yuha, Israel Taku Wakan tawa kin he hecen eya ce; Iho, Nebukadnezzar Babel wicašta-

yatapi mitaokiye kin he wahowaye kta, qa awau kta, qa iye toiyotanke kin inyan nawalibe cin dena akan ewahde kta, unkan iye ohehdepi wašte tawa kin hena akamdaye kta.

11 Unkan hi kinhan hehan Egipta makoce kin kaštake kta, tona wiconte ekta wiconte on; qa tona wayaka ayapi kta ekta, hena wayaka ayapi kta on; qa tona mazasagye ekta hena mazasagye kin en *wicagu* kta.

12 Unkan Egipta taku wakan tawa tipi kin en peta wakage kta, qa hena hułnage kta; qa hena iwicacu kta, qa Egipta makoce kin he koyake kta, tahinca awanwicayake wan śina hdowin kin iyececa; qa hetanhan wookiye en hde kta.

13 Nakun Beth-śemes (anpetu wi ti) wakağapi tawa, Egipta makoce kin en un, hena kamdemdece kta; qa Egipta taku wakan tipi kin hena peta on hułnaliye kta.

WICOWOYAKE 44.

1 Wicoie Juda wicašta Egipta makoce kin en ounyanpi kin owasin on, Jeremiah en hi kin he dee, tona Migdol en ounyanpi, qa Taphanes en, qa Noph en, qa Pathros makoce kin en, he hecen eya;

2 Jehowa ozuye yuha, Israel Taku Wakan tawa kin he hecen eya ce; Taku śica ocowasin Jerusalem qa Juda totonwe kin owasin en awau kin he niye wandakapi: unkan iho, anpetu kin de hena otiwota wanka, qa tuwedan ohna ti śni.

3 Wicohan śica econpi, on śinhdamayampi kta, hena on etanhan, taku wakan tokeca izitewicakiyapi kta, qa en wowidagiçi-

yapi kta iyayapi qehan, hena sdonwicayapi šni tuka, iyepi qa niyepi, qa nakun atewicayayapi kin.

4 Tuka wicašta wokcan mitaokiye kin owasin niyepi ekta yewicawaši, hanwekta qa yewicawaši; Ceciciyapi ce, wowalite šni šicewadake cin he econpi šni po, epapa.

5 Tuka nañonpi šni, qa nođe ekta ukiyapi šni, wicolian šica etanhan ihduhomnipi kta, taku wakan tokeca wizite izitekiyapi kte šni.

6 Heon etanhan mitocanniye qa mitocanteptanye kin akaštanpi, qa Juda otonwe kin en, qa Jerusalem canku kin ohna ide: unkan hena hewoskan qa wonihin-ciye, anpetu kin de iyecece.

7 Heon etanhan wanna Jehowa ozuye en Taku Wakan, Israel Taku Wakan tawa kin he hecen eya ce; Tokeca taku šica tanka kin de ninagipi en ecayeconpi he, niyepi etanhan wicašta qa winohinca, šiceca qa hokšiyogopa Juda etanhan wicašpapi kta; hecen tuwedan onicaptapi kte šni.

8 Ninapepi oñanpi kin on šinhdamayayapi, Egipta makoce en ounyayapi kta yaipi kin he ohna taku wakan tokeca izite wicayakiyapi ece kin on, hecen ihangniyanpi kta, qa hecen maka akan oyate owasin ehnahna woyašice qa woienhdepi kin henicapi kta.

9 Atewicayayapi wicolian šica tawapi, qa Juda wicaštayatapi wicolian šica, qa tawicupi wicolian šica, qa niye niohanpi šica, qa winohinca nitawapi tohanpi šica, Juda makoce kin en, qa Jerusalem canku kin ohna econpi qon hena ayektonjapi he.

10 Anpetu kin dehanyan iyoki-

šiničiyapi šni, qa wakokipapi šni, qa mitoope qa wowaši mitawa nitokam qa niyatepi wicitokam ewahnake cigon hena olnayan manipi šni.

11 Heon etanhan Jehowa ozuye yuha, Israel Taku Wakan tawa kin he hecen eya; Iho, taku šica on miite nitkokim ewehnake kta, Juda ocowasin ihangyapi kta e heon.

12 Qa Juda okaptapi kin, tona Egipta makoce kin en ounyanpi kta e ekta yapi kta ite eičihdepi kin hena wicamduze kta, qa iyu-hipa awihnunipi kta, Egipta makoce kin ohna hinhipayapi kta; mazasagye qa wicaakihan on awihnunipi kta; wicacistinna qa wicatanka kin hehanyan mazasagye on, qa wicaakihan on tapi kta; qa woyašice, wonihinciye qa woienhdepi qa woiyopeye kin hecapi kta.

13 Qa tona Egipta makoce kin en ounyanpi kin hena, mazasagye on, wicaakihan on, qa makošica on, en wicawai kta, Jerusalem en wicawai qon iyececa.

14 Qa Juda okaptapi Egipta makoce kin en ounyanpi kta e ekta hipi, qa Juda makoce kin ekta hdapi kta, en ounyanpi kta e ekta cante yeyapi kin hena wonajice qa wookapte wanice kta: Najicapi šni kinhan ekta hdapi kte šni nakaeš.

15 Hehan wicašta owasin tona iye tawicupi kin taku wakan tokeca izite kiyapi sdonyapi kin hena, qa winohinca en najinpi kin iyuhpa, omniciye tanka hinca, oyate Egipta makoce kin en ounyanpi kin owasin, Pathros etu, hena Jeremiah ayuptapi qa heciyapi;

16 Wicoie Jehowa caje on un-koyeciyakapi kin he en anaunni-goptanpi kte šni:

JEREMIAH TAWOYUKCAN KIN,

17 Tuka i unkitawapi etanhan taku enanpe cin hena awicakehan econkupi kta, hecen mahpiya wicaštayatapi winohinca kin iziteunkiyapi kta, qa woyatke wošnapi kin unkokicicaštanpi kta, econkonpi ece kin iyecen, unkiyepi, qa atewicunyanpi, wicaštayatapi unkitawapi, qa wicašta itancanpi unkitawapi, Juda otonwe kin hena en, qa Jerusalem canku kin ohna: qa aguyapi iunmnanpi, qa taku wašte unhapi, qa taku šica wanunyakapi šni tuka qon.

18 Tuka mahpiya oicage kin izitekiya qa woyatke wošnapi okicicaštan unkayuštanpi ehan-tanhan taku owasin.unnicapi, qa mazasagye qa wicaakihan on awiunhnunipi:

19 Qa mahpiya oicage kin wizite unkiyapi qa woyatkan wošnapi kin unkokicicaštanpi qehan, on ohoundapi kta, wicašta unkita-wapi codan aguyapi hminyanna unkicagapi qa woyatkan wošnapi kin unkokicicaštanpi he.

20 Hehan Jeremiah, oyate kin iyuhpa, wicašta, qa winohinca, qa oyate ocowasin woayupte kin he qupi kin hena wowicakiyaka qa heya:

21 Wizite Juda otonwe kin hena en, qa Jerusalem canku kin ohna iziteyayapi qon, niyepi qa atewicayayapi, wicaštayatapi nitawapi qa wicašta itancanpi nitawapi, qa makece kin en oyate ocowasin, hena Jehowa kiksuye šni, qa iye cante kin en u šni he.

22 Hecen niohanpi šice cin on, qa wowalitešni ecanonpi kin hena on, Jehowa tinsiciya okihi šni; heon etanhan makece nitawapi qon he hewoskantu, qa wonihinciye, qa woyašice, anpetu kin de iyececa.

23 Wizite iziteyakiyapi kin

heon, qa Jehowa wayakihtanipi, qa Jehowa ho kin anayağoptanpi šni, qa toope kin en, qa wowašitawa qa tawoyatanin kin ohnayan mayanipi šni kin heon etanhan taku šice cin de en niupi, anpetu kin dehan iyececa.

24 Nakun Jeremiah oyate kin iyuhpa, qa winohinca kin owasin hewicakiya; Juda ocowasin Egipta makece ohna yaunpi kin, Jehowa oie kin nahon po:

25 Jehowa ozuye yuha, Israel Taku Wakan tawa kin he hecen eya ce; Niyepi qa winohinca nitawapi niipi on taku ehapi, qa ninapepi on yahduštanpi: Mahpiya oicage kin wizite iziteunkiyapi kta, qa woyatkan wošnapi kin unkokicicaštanpi kta e wokonze on unkičiconzapi kin he awicakehan econkupi kta ce, ehapi: wokonze nitawapi awicakehan yahduecetupi kta, qa wokonze nitawapi awicakehan ecanonpi kta ce, eya.

26 Heon etanhan, Juda wicašta Egipta makece kin en ounyayapi owasin, Jehowa oie kin nahon po; Iho, miye micaje tanka kin on miciconza, Jehowa eya; Ihnuhan Juda wicašta wanjidan i on micaje hoyekiye ça, Jehowa Itancan kin ni un ce, Egipta makece kin owancaya, eye cinhan.

27 Iho, taku šica on awicatonwan waun kta, qa taku wašte on etanhan šni; qa Juda wicašta Egipta makece en unpi kin hena iyuhpa mazasagye qa wicaakihan on awihnunipi kta, ihangyapi kta hehayan.

28 Tuka mazasagye etanhan wonajice kin hena Egipta makece kin etanhan Juda makece kin ekta hdapi kta: qa Juda okaptapi kin Egipta makece kin en ounyanpi kta ekta hipi kin hena owasin, wicoie, miye mita-

WICOWOYAKE 46.

wa qa ís iye tawapi kin unma tukte ecetu kta hecinhan sdon-yapi kta.

29 Unkan makoce kin de en cihipi kta hecen taku síca on mioie kin niyepi en awicakehan sutaya he kta sdonyayapi kta e wowakta kin de duhapi kta :

30 Jehowa hecen eya ce ; Iho, Pharaoh Hophra Egipta wica-
stayatapi kin he iye tokayapi na-
pepi kin en waqu kta, qa tona
nagi akitapi napepi kin en ; Ze-
dekiah Juda wicastayatapi qon
Nebukadnezzar Babel wicašta-
yatapi iye tokaye ça nagi akite
ciqon nape kin en waqu qon he
iyececa ce.

WICOWOYAKE 45.

1 Jehoiakim Josiah cinhintku
Juda wicastayatapi tawaniyetu
itopa kin en, Baruk Neriah cin-
hintku Jeremiah i kin etanhan
wicoie kin dena wowapi en kage
cehan, hehan Jeremiah wicašta
wokcan taku eciye cin de wicoie
ee.

2 Baruk, Jehowa Israel Taku
Wakan tawa kin he hecen eni-
ciya :

3 Hehehe, miye nakaha ; Jeho-
wa mitoiyokišice en wokakije
iyahdemayan, comniwahdazi on
mdowakiša, qa wooziye iyewa-
ye šni ce, ehe ciqon.

4 Kaken eyakiye kta ; Jehowa
hecen eya ce ; Iho, taku wakage
cin he mdujuju kta, qa taku
owaju kin he wahdujun kta, han
makoce kin de ocowasin.

5 Nakun taku tanka oniçide
he : okide šni wo : Iho, wicace-
hipi owasin en taku síca awica-
wau kta ce, Jehowa eya ; tuka
tokiya de cin owasin ektakta
ninaği woihdamna yuhe ciciye
kta ce.

WICOWOYAKE 46.

1 Ikcewicašta oyate kin on Je-
howa oie Jeremiah wicašta wo-
kcan kin en hi qon he dee :

2 Egipta on, Pharaoh Neko
Egipta wicastayatapi taakicita
kin on, hena Karkemiš en Perat
wakpa kin icahda Nebukadnezzar
Babel wicastayatapi kin wi-
cakaštaka, Jehoiakim Josiah cin-
hintku Juda wicastayatapi tawa-
niyetu itopa hehantu.

3 Woakahiye qa wahacanka kin
hena hduwiyeya po, qa okicize
kin en ya po.

4 Šuktanka kin en ikoyagwica-
ya po, qa, šuktanka akan yotan-
kapi, wankan ya po, qa wapaha
kiton eiçihde po ; wahukeza pa-
beza po, maza wokoyake kin ki-
cun po.

5 Taku on etanhan nihinciya
hekta itoheya hdicupi wanwica-
mdaka he : qa waditakapi tawa-
pi kin hena wicakaštakapi, qa
najicapi on najicapi, qa hakikta-
pi šni : Ihdukšan wokokipe yu-
kan, Jehowa eya.

6 Tuwe duzahan kin he nape
kte šni, qa tuwe waditake cin he
eihdaku kte šni : waziyata ekta
Perat wakpa kin icahda hica-
hanpi qa hinhpayapi kta.

7 De tuwe mini tanka kin iye-
cen wankan u he ; mini tawa
kin škanškan, wakpa kin iye-
ceca.

8 Egipta mini tanka kin iye-
cen wankan u : qa mini tawa kin
škanškan, wakpa kin iyececa :
unkan heya ; Wankan mde kta,
maka kin awakahiye kta ; oton-
we kin he ihangwaye kta, en
ounyanpi kin hena koya.

9 Wankan u po, šuktanka ; qa
canpahmihma, psipsica po ; qa wi-
cašta waditakapi kin hiyupi kta :
Kuš qa Put wicašta wahacanka

JEREMIAH TAWOYUKCAN KIN,

yuzapi kin ; qa Lud wicašta ita-
zipa hduš nawinjapi kin hena.

10 Anpetu kin de Jehowa ozuye
en Itancan kin he tawa ; wato-
kičonpi anpetu kin hee, tona to-
kawicaye cin towicakičon kta e
heon : unkan mazasagye kin he
watemye kta, qa hena we on
imnahan ičiye kta, qa witkoičiye
kta : Jehowa ozuye Itancan kin
he waziyata ekta Perat wakpa
kin icahda wošna wan hduha
nakaes.

11 Wikoška, Egipta cunwin-
tku, Gilead ekta ya wo, qa can-
šin icu wo : itušin pejihuta ya-
hduota kta ; wookiziye ninice kta.

12 Wowištece nitawa kin he
oyate kin načonpi ; qa yašica-
howada kin he maka kin oju-
dan : waditaka kin he waditaka
kin kici hicačan, qa napin okon-
wanjidan hinčpayapi.

13 Nebukadnezzar Babel wica-
štayatapi kin Egipta makoce kin
kaštaka kta hi kte cin he on Je-
howa oie, Jeremiah wicašta wo-
kcan kin eciye ciqon he dee :

14 Egipta en woyaka po ; qa
Migdol en eyanpaha po, qa Noph
en, qa Tahpanes en eyanpaha po :
Inajin wo, qa ihduwiyeya wo ;
ihduksan mazasagye kin wai-
hangye kta nakaes, eya po.

15 Tokeca waditakapi nitawa
kin hena makata elčpewicayapi
he : Jehowa kačam iyewicaya,
heon inajinpi šni.

16 Wicota hinčpayewicaya ;
han, wānji takodaku ahinčpaya
ece : Unkan heyapi ; Najin po,
qa oyate unkitawapi kin ekta
unhdapi kta, qa makoce en unki-
cačapi kin ekta, mazasagye wai-
hangye cin itokapatanhan.

17 Heciya panpi ; Pharaoh
Egipta wicaštayatapi kin he
woihangye ; iyehantu kin wanna
sam iyaya ce.

18 Miye wani waun ce, Wica-
štayatapi kin Jehowa ozuye yuha
eciyapi kin he hecen eya ce ;
Awicakehan Tabor he kin ehna
wanka he iyececa, qa Karmel
miniwanca kin icahda wanke
cin he iyecen u kta.

19 Egipta cunwintku en oun-
yaye cin, unhdaka waksica ičica-
ga wo : Noph hewoskan wanke
kta, qa ihangyapi kta, tuwedan
en ounye kte šni nakaes.

20 Egipta he pte wiye owan-
yag wašte hinca heca : woihang-
ye waziyatanhan u kte cin he
u ce.

21 Nakun wicašta opewicaton
kin hena ptejicadan cemyapi kin
iyecen cokaya unpi ; hena hekta
lidicupi, witaya napapi ; en na-
jinpi šni ; tawoiyokišice anpetu
kin, tohan wanyag wicalhipi kte
cin he en awicau nakaes.

22 He ho kin wamduška wan
iyecen ye kta ; ozuye hduha upi
kta nakaes ; qa can kaksapi ece
kin iyecen onspe hduha takpe
upi kta :

23 Qa contanka tawa kawan-
kapi kta, Jehowa eya, he iwan-
yakepica šni qeyaš ; psipsicadan
isanpa ihduotapi qa wicayawapi-
ca šni nakaes.

24 Egipta cunwintku kin išteca
kta : waziyata oyate napepi kin
en qupi kta.

25 Jehowa ozuye yuha, Israel
Taku Wakan tawa kin he hecen
eya ; Iho, No wicašta ota kin
hena en, qa Pharaoh en, qa Egi-
pta en, qa taku wakan tawa kin
en, qa wicaštayatapi tawa kin
hena en wanyag wicawahi kta ;
han, Pharaoh qa tona wacinyan-
pi kin hena.

26 Qa tona nači akitapi kin
hena napepi kin en wicawaqu
kta, qa Nebukadnezzar Babel
wicaštayatapi nape kin en, qa

WICOWOYAKE 48.

iyé taokiye napepi kin en : tuka iyohakam en ounyanpi kta, anpetu wanakaja kin en iyececa, Jehowa eya.

27 Tuka niye, Jakob mitaokiye, wakokipe šni wo, qa Israel, nihinciye šni wo : iho, miye tehan-tanhan ecihdaku kta, qa oicage nitawa makoce en unhdaka unpi kin hetanhan : unkan Jakob hdi-cu kta, qa oziiciye kta, qa wiko-pe šni un kta, qa tuwedan wako-kipe kicage kte šni.

28 Niye, Jakob mitaokiye, wakokipe šni wo, Jehowa eya ; miye cici waun nakaes ; oyate ektakta iyaye ciye cin hena owasin ocowasin ihangwicawaye kta ; tuka ocowasin ihangciye kte šni ; hececa esta wokonze eciyatanhan iyopeciye kta ; tuka aktakta cicicajuju kte šni ce.

WICOWOYAKE 47.

1 Philistia oyate on Jehowa oie Jeremiah wicašta wokcan en hi kin he dee ; Pharaoh Gaza kaštaka cin he itokamtu.

2 Jehowa hecen eya ; Iho, wazyatanhan mini au, qa hena wakpa apašboke cin iyececa kta, qa makoce kin apašbog iyaye kta, qa taku akan un ; otonwe, qa tona en ounyanpi kin hena koya : Hehan wicašta kin šicahowayapi kta, qa makoce en ounyanpi kin owasin ceyapi kta.

3 Tona wašakapi tawa šake nahotonpi kin on, canpahmihma tawa inyankapi kin on canhdeška tawa himunyan kin on, wicašta ateyapi un kin hena nape wašake šni on cincapi ekta hakiktapi kte šni.

4 Anpetu u kte cin he on, Philistine wicašta owasin ihangwicaye kta ; Tyrus qa Zidon etanhan ookiye okaptapi kin owasin

kašpapi kta e heon etanhan : Jehowa Philistine oyate kin ihangwicaye kta nakaes, Kaptor wita okaptapi kin hena.

5 Gaza en nasušdapi icaga : Aškelon ihangyapi, Anakim okaptapi qon hena : Tohanyan banicihonhon kta he.

6 Hehehe, Jehowa tamazasagye, tohanyan owanji nanke kte šni he : wojuha nitawa kin en ihdoya wo, oziiciya qa owanji yanka wo.

7 Token owanji yanke kta he, Jehowa Aškelon ekta ye ši nakaes, qa miniwanca kahda ekta ; heciya wakiciconza.

WICOWOYAKE 48.

1 Jehowa ozuye yuha, Israel Taku Wakan tawa kin he Moab on hecen eya ; Hehehe, Nebo, ihangyapi nakaes ; Kiriathaim ištenyapi, icupi ; Misgab ištenyapi, qa nihinciya.

2 Hešbon en Moab idowanpi wanice kta ; he on taku šica awacinpi ; U po, qa oyate kin etanhan unkaksapi kta ce : Nakun, Madmen, niš eya ihangnyanpi kta ; nihakam mazasagye kin u kta.

3 Horonaim etanhan šicahowayapi ho kin ; woihangye qa wokamdeca tanka.

4 Moab kamdecapi ; wicacistina tawa kin hena šicahowayapi hdataninpi.

5 Luhith ekta itanwankanhde yapi, ceyapi ceya ece ya ecee : Horonaim ekta apamahde yapi kin en woihangye on šicahowayapi, wocante šica he nahonpi.

6 Napa po, ninašipi niiciya po, qa Aroer hopuza en wanke cin iyenicecapi kta.

7 Taku yakage cin hena, qa mazopiye nitawa wacinyakiye

JEREMIAH TAWOYUKCAN KIN,

cin heon etanhan nakun niye hinca niyuzapi kta: Nakun Kemoś wayaka ayapi kta, wawayuśna tawa qa wicaśta itancan wicayuhe cin hena koya.

8 Unkan waihangye kin he otonwe owasin en hi kta, qa otonwe wanjidan eihdaku kte śni; nakun osmaka kin awihnuni kte qa omdaye kin ihangyapi kta, Jehowa eye cin iyececa.

9 Moab hupahu qu po, hecen kinyan iyaye kta; totonwe kin hena ihangyapi kta nakaes, tuwedan en ounye kte śni.

10 Tuwe Jehowa toltani kin ecinśniyan econ kinhan he yaśicapi nunwe; qa tuwe tamazasagye kin we etanhan kpatan kinhan he yaśicapi kta.

11 Hokśiyopa ehantanhan Moab owanji yanka, qa cetete en hiye-ye cin hena akan kiyotanka, qa ceġa wanji etanhan ceġa tokeca en okaśtanpi śni, qa unhdaka ye śni: heon etanhan toyate kin en kiciun, qa toomna kin yutokecapi śni.

12 Heon etanhan iho, anpetu kin u kta, Jehowa eya; hehan wayuptanyan kin heca en yewicawaśi kta, unkan yuptanyanpi kta, qa ceġa tawa kin yucokapi kta, qa maka-janjan wicakicamdecapi kta.

13 Unkan Moab Kemoś on ištece kta, Israel tiyohnaka Bethel wacinkiyapi qon on ištecapi kin iyececa.

14 Wicaśta waśaka heuncapi, qa okicize on akicita waditaka heuncapi ce, tokiyatanhan ehapi he.

15 Tuwe Moab qa totonwe kin ihangye kte cin he wankan iyaya; qa kośka kałniġapi tawa kin hena wicaktepi ekta kun iyayapi ce, Wicaśtayatapi kin tuwe Je-

howa ozuye yuha eciyapi kin he hecen eya.

16 Moab toihangye kin kiyedan u, qa taku śica tawa kin inałni hinca.

17 Tona ihdukśan yaunpi kin owasin, akiceya po; qa caje sdonyayapi kin iyuhpa, Iye towaśake sagye kin he, wowašte cansakadan kin he taku on kaksapi he, ehapi kta.

18 Dibon cunwintku en ounya-ye cin, wowitan etanhan kun u, hopuza en iyotanka wo: Tuwe Moab yutakuniśni, conkaśke suta nitawa ihangye kte cin he takpe niu kta nakaes.

19 Aroer en ounye cin, canku kin icahda inajin qa tonwan wo; tuwe naśdoke qa winyan najice cin hena wiwicawangā wo; Taku econpi he, eya wo.

20 Moab išteca; he kawankapi nakaes: śicahowaya po qa ceya po: Moab ihangyapi kin he Arnon en oyaka po:

21 Qa woyaco omdaye makoce kin en hi; Holon akan, qa Jahazah akan, qa Mephaath akan;

22 Qa Dibon akan, qa Nebo akan, qa Diblathaim tipi akan;

23 Qa Kiriathaim akan, qa Beth-gamul akan, qa Beth-meon akan;

24 Qa Kirioth akan, qa Bozrah akan, qa Moab makoce kin en otonwe owasin akan, tehan qa ikiyedan kin.

25 Moab he kin he kaksapi, qa isto kawegapi ce, Jehowa eya.

26 Witko kaġa po; Jehowa itokam ihdutanka nakaes: Nakun Moab ihdepe cin hiyuye kta, qa is eya wowihaħa icicage kta.

27 Qa niye, Israel he wowihaħa dawa śni he: Wamanonpi kin om iyeyapi he: Awicakehan taku eyakiye cin ehantanhan niś psipsin idada.

28 Moab en ounyayapi kin, otonwe kin hena ayuſtan po, qa imni-ja kin ohna ti po, qa wakiyedan akowapa tehan makohdoka ohna ticağa ece kin iyenicecapi kta.

29 Moab towahaniçida kin he on naunhonpi; nina wahaniçida; qa watankaicida, qa wahanhanciçida, qa witantan, qa cante en ihdutanka kin.

30 Iye watankaicida kin miye sdonwaya ce, Jehowa eya; tuka iyecetu kte ſni; iye oitonſni kin iyecen econpi kte ſni.

31 Heon etanhan Moab on waſicahowamde kta, qa Moab oco-wasin on hoyewaye kta: Kir-heres wicaſta kin hena on waceye kta.

32 Jazer aceyapi kin on aciceye kta, Sibmah hastanhanka iyuwi kin; ojupi nitawa kin hena mini tanka kin akasanpa iyaya; Jazer mini tanka kin iyahde: mdoketu waskuyeca qa hastanhanka nitawa waihangye wan iyahpaya.

33 Hecen mağa waſte kin etanhan, qa Moab makoce kin etanhan wowiyuſkin qa wicocante waſte kin eyakupi: Nakun hastanhanka iyuſkice kin en mini ſa wanica wakağa: tuwedan iyaſa omani kte ſni: iyaſapi kin he iyaſapi kte ſni.

34 Heſbon ſicahowayapi kin etanhan Eleala ekta, han, Jahaz ekta, ho ukiyapi; Zoar etanhan Horonaim ekta, pte wan waniyetu yamni: Nimrim mini kin he nakun ho puza kta nakaeſ.

35 Nakun Moab en tuwe paha akan wawayuſna, qa tuwe taku wakan tawa kin wizite izinwica-kiye cin hena ayuſtan wakiye kta ce, Jehowa eya.

36 Heon etanhan Moab on micante howaye kta, cotanka kin iyececa; qa micante cotanka

iyecen Kir-heres wicaſta kin on ho uye kta: wokamna kağe cin hena atakuni ſni, heon etanhan.

37 Wicapa owasin nasu ſda kta, qa owasin putinhin hdujunpi kta; wicanape owasin en baiçihonhonpi yuke kta, qa wakihda-ka wicanite owasin akan un kta.

38 Moab tipi akalipe owasin akan, qa canku owasin ohnahna wicaceya yuke kta: wakſica wan oiyokipi ſni kin iyecen Moab wakamdeca nakaeſ, Jehowa eya.

39 Hehe, kamdecapi; hehe, tahu ihduhomni; Moab iſteca ce, eyaya ceyapi kta: Hecen Moab wowihaha icage kta, qa wokokipe kta tona ihduksan unpi kin owasin en.

40 Jehowa hecen eya ce; Iho, wanmdi wan iyecen kinyan u kta, qa tahupahu Moab akamda-ge kta.

41 Kerioth icupi, qa conkaſke suta kin hena yuzapi; qa anpetu kin he en Moab wicaſta waſaka cante kin winohinca hokſiksuya cante kin iyecece kta.

42 Unkan Moab oyate kin etanhan ihangyapi kta: Jehowa itokam ihdutanka nakaeſ.

43 Moab en ounyaye cin, wokokipe, qa woħa, qa wohmunke en niciyanke kta, Jehowa eya.

44 Tuwe wokokipe kin etanhan nape cinhan woħa kin ohinhpaye kta, qa tuwe woħa etanhan hdi-cu kinhan wohmunke kin on yuzapi kta: Waniyetu wanyag wicahipi kte cin he en awau kta, Moab en, Jehowa eya.

45 Tona najicapi kin hena Heſbon ohanzi kin en najinpi, wo-waſake codan: tuka Heſbon etanhan peta wan u kta, qa Sihon otahedan tanhan ide wan, qa Moab oise kin huħnahiye kta, qa owodutaton cinca pesdete kin.

JEREMIAH TAWOYUKCAN KIN,

46 Hehe, Moab, niye; Kemoś taoyate kin atakunipiśni: nicinkśi wayaka awicayapi, qa nicunkśi unhdaka unpi.

47 Tuka anpetu ehake kin en Moab unhdaka unpi kin hdicuwakiye kta ce, Jehowa eya. Moab yacopi kin he dehanyan.

WICOWOYAKE 49.

1 Ammon cinca kin on Jehowa hecen eya; Israel cinca nica he: tuwe tawaye kte cin hduhe śni he: Tokeca wicaśtayatapi tawapi kin Gad tawaya, qa totonwe kin en taoyate ounyanpi he.

2 Heon etanhan, iho, anpetu kin upi, Jehowa eya; hehan Rabbah Ammon cinca tawapi en kicizapi iyaśapi kin nahonwicawaye kta: unkan he woihangye paha kin heca kta, qa otonwe cunwintkuwicaye cin hena peta on hūhnañwicayapi kta: hehan tona Israel yuhapi qon hena iye wicayuhe kta ce, Jehowa eya.

3 Heśbon, śicahowaya wo, Ai ihangyapi nakaes; Rabbah cunkśiwicaya, ho hdatanin po, wakihdaka ipiyag kiton po; ceya po, qa conkaśke kin ohnahna icicawin inyang ya po: wicaśtayatapi yuhapi kin he unhdaka iyaya nakaes, wawayuśna tawa qa wicaśta itancan tawa kin hena koya.

4 Wawakipajin cunwintku, tokeca osmaka kin on winitantan he; osmaka nitawa taninśni iyaya; wokamna wacinkiyen cin he, Tuwe en mau kta he, *eya*.

5 Iho, tona nihdukśan unpi kin owasin etanhan wokokipe wan niye en aciu kta, Jehowa ozuye Itancan kin he hecen eya: Unkan napeniyampi kta, wicaśta otoiyohi iye ite itohaya; qa nuni kin tuwedan mnaye kte śni.

6 Hehan iyohakam Ammon cinca unhdaka unpi kin hdicuwakiye kta ce, Jehowa eya.

7 Edom on Jehowa ozuye hduhe cin he hecen eya: Wanna Teman en woksape wanica he: Wacinksapapi etanhan wookahniġe atakuni śni: woksape tawapi qon tanin śni.

8 Dedan en ounyanpi, napa po; hdieu po, tipi temahentu icicaga po: Esau tokakije, tohan en hipi kte cin he en awau kta nakaes.

9 Hastanhanka yuśpipi kin en nihipi unkanś, hastanhanka wanjikji okaptapi kte śni he; hanyen wamanonpi kinhan, hena tohanyan cinpi ihangyapi kta.

10 Tuka miye Esau tancodan wakage kta, taku anakihbe cin hena śdayehna ewahnake kta; naiġihbe kta okihi kte śni: ojupi tawa kin ihangyapi, qa hunkawanjitku, takodaku koya, qa iye en un śni.

11 Wamdenica nitawa ehpekiya wo, miye niwicawaye kta ce; qa wiwazica nitawa kin hena wacinmayanpi kte.

12 Jehowa kaken eya; Iho, tona tawoyaco miniyatke kin etanhan yatkanpi kte śni kin hena awicakehan yatkanpi kta: unkan niś niye wiyaonpepica śni yaun kta he; wiyaonpepica śni yaun kte śni; tuka awicakehan datke kta ce.

13 Miye on miġiconza nakaes, Jehowa eya; Bozrah he wonihinciye, woiyopeye, otiwita qa woyaśice icage kta; qa totonwe iyuhpa ġopuza kta owihanke wanica.

14 Wonañon wan Jehowa etanhan nawañon, qa wahośi wan Ikcewicaśta oyate kin ekta yeśipi; Mniciya po, qa takpe u po, qa kicizapi kta on inajin po.

15 Iho, Ikcewicaśta kin ehna

cistinna cicage kta, wicašta ehna wahtedapi šni.

16 Imnija ohdoka kin en ounyaye, paha ipa kin akan yati kin, wakokipe wicayecage cin he, nicante wahaničida kin hee e ničihnayan. Wanmdi kin iyecen tehanwankan holipi ničicaga ešta, hetanhan kun hiyuciye kta ce, Jehowa eya.

17 Nakun Edom hewoskan wanke kta, en hiyayapi kin otioyohi nihinciye kta, qa tokakije owasin on ajiji kta.

18 Sodom qa Gomorrah qa ihdukšan wanke cin ihangyapi qon he iyecen, Jehowa eya, wicašta tuwedan en ounye kte šni, qa wicašta cinhintku kin en ti kte šni ce.

19 Iho, mnaja wan Jordan minitan kin etanhan iyecen tipi suta kin ekta itanwankanhde u kta : tuka etanhan ihnuhanna najice wakiye kta : qa tuwe kałniğapi kin he en itancan wakage kta : Tuwe miye iyemaceca he ; qa tuwe itkomakipe kta he : qa wawihankiye cin mitokam najin kte cin he tuwe he.

20 Heon etanhan Jehowa toawacin on Edom awakicin kin he, qa tokiconze on Temań en ounyanpi wicakiconze cin he nańon po : Awicakehan optaye etanhan cistinpidan kin hena yusdun iwicacupi kta : awicakehan tipi tawapi kin ihangwicakiciye kta.

21 Hinłpayapi nańonpi kin on maka kin škanškan ; šicahowayapi ho kin he Mde ša ekta nańonpi.

22 Iho, wanmdi wan iyecen wankan u kta, qa kinye kta, qa tańupahu Bozrah akamdağc kta ; Unkan anpetu kin he en Edom wicašta waditake cantepi kin winohinca wan tokakije en cante kin iyecece kta ce.

23 Damasek on etanhan : Hamath išteca, Arpad nakun : wotanin šica nańonpi nakaes, owasin skan aya ; miniwanca en woiyokišice ; tuwedan owanji yankekiya okihi šni.

24 Damasek wašake šni aya ; nape kta ihduhomni, unkan wokokipe iyahpaya ; woiyokišice qa woyazan yuza, winohinca hokšiksuye cin iyececa.

25 Tokeca woyatan otonwe kin okaptapi šni he, mitowiyuškin otonwe kin he.

26 Heon etanhan koška tawa kin hena canku tawa ohnahna hinłpayapi kta, qa anpetu kin he en ozuye wicašta kin owasin ihangwicayapi kta ce, Jehowa ozuye hduhe cin eya.

27 Unkan Damasek conkaške kin en peta wakage kta, qa tipi waštešte Ben-hadađ tawa kin hena awihnuniye kta.

28 Kedar on, qa Hazor woki-conze, Nebukadnezzar Babel wicaštayatapi kin wicakaštake kte cin hena on Jchowa hecen eya ; Najin po, qa Kedar takpe ya po, qa wiyohiyanpa cinca kin wawicaki po.

29 Tawakeyapi qa optaye tawapi kin hena ewicayakupi kta ; ozanzan hdepi qa waksica tawapi owasin, qa kamel wicayuhapi kin hena tawakiyapi kta ; qa, Ihdukšan wokokipe ce, eya hoyewicakiyapi kta.

30 Hazor en ounyayapi, najica po, tehan ya po, temahentuya ti po, Jehowa eya ; niyepi on Nebukadnezzar Babel wicaštayatapi kin woawacin wan awacin, qa niyepi on wokonze wan kiconza nakaes.

31 Najin po, oyate wijica wan, wikopešniyan ounyan, conkaške tiyopa qa inatake wanica, išnana un kin he ekta ya po, Jchowa eya.

JEREMIAH TAWOYUKCAN KIN,

32 Unkan kamel tawapi kin hena wokipi ee kta, qa wanunyanpi ota yuhapi kin hena womanon ee kta; qa okahmin tehan ekta yakonpi kin hena tate ouye topa kin ektakta iyewicawaye kta; qa owancaya ihduksantanhan oihangye tawapi kin awau kta ce, Jehowa eya.

33 Unkan Hazor sunktokeca ece en ounyanpi kin heca kta, ohinniyan otiwota wanke kta: wicašta tuwedan en ti kte šni, qa wicašta cinhintku kin en ounye kte šni.

34 Zedekiah Juda wicaštayatapitokaheya wicaštayatapianke cin en, Elam on Jehowa oie Jeremiah wicašta wokcan en hi kin dee, hecen eya;

35 Jehowa ozuye yuhe cin he hecen eya ce; Iho, Elam tinazipe, towašakepi iyotan kin he mduwege kta.

36 Qa mahpiya ouye topa kin etanhan tate topa kin hena Elam en awau kta, qa tate ouye kin hena owasin ektakta iyaye wicawaye kta: qa oyate kin, Elam onajice kin ekta ipi kte šni wance kta ce.

37 Qa tokawicayapi wicitokam, qa tona nađi akitapi kin hena wicitokam, Elam nihinciye waye kta: qa taku šica, mitocanteptanye ide kin he en awicawau kta, Jehowa eya: qa mazasagye kin wicihakam yewaši kta, ihangwicawaye kta hehanyan.

38 Qa miye mitoiyotanke kin Elam en ewehde kta, qa hetanhan wicaštayatapianke wicašta itancanpi kin ihangwicawaye kta ce, Jehowa eya.

39 Tuka anpetu ehake kin en Elam unhdaka unpi kin he ake hdicuwaye kta ce, Jehowa eya.

WICOWOYAKE 50.

1 Babel on, Kasdim oyate makoce kin on, Jehowa oie Jeremiah wicašta wokcan nape kin eciyatanhan ie cin he dee:

2 Oyate kin ehnahna eyanpaha po, qa nahon wicaya po; wiyokihedan ehde po; nahon wicaya po; anahmanpi šni po: Babel icupi ce, eya po; Bel išteca, Merodak kamdecapi, wakađapi bađopi tawa kin hena išteca, wakađapi tawa kin hena kamdecapi ce.

3 Waziyatanhan oyate wan takpe u kta, makoce tawa kin he hewoskan kađe kta nakaes, hecen tuwedan en ounye kte šni: hena najicapi kta, wicašta qa nakun woteka token yapi kta.

4 Anpetu kin hena en qa hehan-tu, Jehowa eya; Israel cinca kin kupi kta, iyepi qa Juda cinca kokijuya, manipi qa ceyapi kta: manipi kta qa Jehowa Taku Wakan tawapi kin okidepi kta.

5 Itepi etkiya hduzapi Zion canku kin on wiwangapi kta; U miye, qa wicotakuye wan owihanke šni qa akiktonjapi kte šni kin he on Jehowa en unkihdaškapi kta ce.

6 Mitaoyate taħinca nuni kin hecapi; wawihanwicakiye cin hena icunonpa iyayewicayapi; ħe kin akan onuni wicayapi: ħe kin etanhan paha kin ekta yapi ece, woozikiye tawapi qon he akiktonjapi.

7 Tona iyewicayapi kin hena iyulpa temwicayapi: qa tona tokawicayapi kin hena heyapi; Unkiye šicaya econkupi šni, hena Jehowa woowotanna otipi kin hee e wakiħtanipi nakaes; han, atewicayapi wacinkiyapi qon Jehowa hee, heon etanhan.

8 Babel cokayatanhan najica

po, qa Kasdim makece kin etanhan ya po, qa optaye wicitokam tamdoka kin hena iyewicaceca po.

9 Iho, miye hinca waziyata makece kin etanhan oyate tan-kinyanyan ota wicamduhice kta, qa Babel takpe uwicawakiye kta: unkan hena en wiyeya eicihdepi kta: hecen icupi kta: wanhinkpe tawapi kin hena wicašta wašaka wayupika tawa iyecece kta; cokadan hdicupi kte šni.

10 Unkan Kasdim makece kin wokipi kin heca kta, tona waki-pi kin owasin imnanpi kta ce, Jehowa eya.

11 Cante niwaštepi nakaes, wi-duškinpi nakaes, makece mitawa ihangyayapi kin; pte wiħan kin iyecen nicepapi nakaes, qa šuktanka wašaka iyecen hoton yaunpi kin heon etanhan;

12 Inayayapi kin he nina ištece kta, tuwe niyuhapi qon he nihinciye kta: Iho, oyate en ehake kin hee, makece hewoskantu, makopuza, qa ĥopuza kin heca kta.

13 Jehowa tocanteptanye kin on tuwedan en ounye kte šni, tuka ocowasin hewoskan wanke kta: Babel en hiyayapi otoiyohi yušin-yaye kta, qa wokakije tawa kin owasin on jojo kta.

14 Babel ihduksan itkokim wi-yeya eicihnaka po; itazipa naya-winjapi kin owasin, he kute po, wanhinkpe kpatanpi šni po: he qe Jehowa wakihitani, heon etanhan.

15 Ihduksantanhan iyaša po; wanna nape hiyuya: taku akan he cin hena jujuwahan, conkaške tawa kin yujujupi: Jehowa watokiĥon kin hee nakaes; tokiciĥon po; iye econ ece kin he iyecen ecakicon miye.

16 Babel etanhan tuwe woju, qa tuwe woksapi eca ibaksa un ece kin hena awihnuni wicaya po: Mazasagye waihangye itokapatanhan otoiyohi iye taoyate ektakta etonwanpi kta, qa otoiyohi makece tawa kin ekta najice kta.

17 Israel taħinca nuni kin heca: mnaja kin hena ĥamyapi: tokaheya Ašur wicaštayatapi kin temya; hehan ehake de Nebukadnezzar Babel wicaštayatapi kin he huhu kin yamnumuĥa.

18 Heon etanhan Jehowa ozuye yuhe cin he hecen eya; Iho, Babel wicaštayatapi qa iye tamakoce kin wanyag wai kta, Ašur wicaštayatapi kin wanyag wai qon iyececa.

19 Qa ake Israel en ounyanpi qon he ekta hdicuwakiye kta; hehan Karmel qa Bašan akan wiħan kta, qa Ephraim qa Gilead he kin akan iye naĥi wipiĥiye kta.

20 Anpetu kin hena en qa hehantu, Israel taku šica econpi qon hena odepi kta, tuka wanice kta; qa Juda waħtanipi kin hena, tuka iyeyapi kte šni; tona owicawahdapta kin hena wicawecicajuju kta nakaes, Jehowa eya.

21 Makece wawakipajin hinca kin he ekta takpe ya wo, qa Pekod en ounyanpi kin hena; wica-kte, qa ihakam unpi kin hena ihangwicaya wo, Jehowa eya; qa token econ eiši kin owasin eciyatanhan econ wo.

22 Makece kin ohna okicize ho kin, qa woihangye tanka.

23 Wan, maka ocowasin mazi-yape tawa kin he kaksapi qa kamdecapi: Wan, oyate kin ehna Babel wonihinciye iĥaĥa.

24 Babel, cihmunka, unkan nakun niyuzapi, tuka sdonyakiye

JEREMIAH TAWOYUKCAN KIN,

śni; iyenianpi qa nakun inieupi, Jehowa kici yeciza nakaes.

25 Jehowa mazopiye hduhdoka, qa tocanptanye wipe kin hena ikikcu: Kasdim makoce kin ohna Jehowa ozuye Itancan tohan kin he dee nakaes.

26 Ihanke hince cin etanhan takpe u po, dotopiye tawa kin yuhdoka po; pahaha iyecen kaga po, qa ocowasin ihangya po: takudan ikiciyaye sni nunwe.

27 Tatanka tawapi kin owasin wicakte po; wokte kin ekta kun yapi kte: Hehehe, iyepi on; anpetu tawapi kin, tohan wanyag wicahipi kte cin he wanna hiyohi nakaes.

28 Tona najicapi qa Babel makoce kin etanhan ihdufpapi hena ho kin dee, Zion en Jehowa Taku Wakan unkitawapi watokicon kin he oyakapi kta, tipi wakan tawa watokicon kin hee.

29 Babel ekta wicota kin wicakico po: tona itazipa nawinjapi owasin, he ihdukstantanhan eti po: tuwedan etanhan eihdaku kte sni: iye tohan kin eciyatanhan kicu po: taku econ ece owasin iyecen ecakicon po: Jehowa en wahanhanciida nakaes, Israel Wanji Wakan tawa kin en.

30 Heon etanhan koska tawa kin hena canku ohnahna hinlipayapi kta, qa okicize wicasta tawa kin iyulpa anpetu kin he en wicaktepi kta ce, Jehowa eya.

31 Iho, wahanhanciida, miye itkocicipa ce, Jehowa ozuye Itancan kin eya: Anpetu nitawa, tohan wanyag cihi kte cigon he wanna hiyohi nakaes.

32 Hehan wahanhanciida kin he hicahe kta qa hinlipaye kta, qa tuwedan ake najinkiye kte sni: unkan totonwe kin ohna peta wakage kta, qa ihdukstan-

tanhan taku owasin huhnaga kta.

33 Jehowa ozuye yuhe cin he hecen eya; Israel cinca qa Juda cinca kin hena witaya kakišwicayapi: unkan tona iwicacupi kin hena sutaya wicayuzapi; kihdewicayapi kta wicadapi sni.

34 Wopewicakiton kin he wasaka; Jehowa ozuye yuha eciyapi: woakinica on woakinica tawapi kin akinica kta; hecen makoce kin oziičiye kiye kta, qa Babel en ounyanpi kin wakokipe wicakicage kta.

35 Mazasagye wan Kasdim oyate kin akan yanka, Jehowa eya; qa Babel en ounyanpi kin hena akan, qa itancan wicayuhe cin akan, qa wicasta ksapapi tawa kin hena akan.

36 Mazasagye wan itonpiśni kin hena akan wanka, unkan witkokokapi kta; wicasta waditakapi tawa kin hena akan mazasagye wan yanka, unkan nihinci-yapi kta.

37 Mazasagye wan suktanka tawapi qa canpahmihma tawapi kin akan yanka, qa oyate tokeca etanhan cokaya unpi kin hena owasin akan; unkan hena winyan icagapi kta: tokamna kin akan mazasagye wan wanka, unkan hena manonpi kta.

38 Makopuze wan mini tawa kin akan, unkan hena oyahe aye kta: wakağapi bagopi makoce kin dee nakaes, qa taku wakan tawapi kin on witantanpi.

39 Heon etanhan hopuza tanhan woteca, qa wita tanhan wamanica kin hena en ounyanpi kta, qa hinhankağapi kin hena en unpi kta: Unkan ake owihanke wani-ca hen tuwedan ti kte sni; qa wicoicage qa wicoicage hehanyan en ounyanpi kte sni.

40 Wakantanka Sodom qa Go-

WICOWOYAKE 51.

morrah, qa wicikiyedān unpi kin hena ihangwicaye ciqon he iyececa, Jehowa eya; wicašta tuwedan en ti kte šni, qa wicašta cinca kin en ounye kte šni.

41 Iho, oyate wan waziyatanhan u kta, han, oyate tanka qa wicaštayatapi ota maka ihanke kin etanhan wicayuhicapi kta.

42 Hena itazipa wahukeza ko ikikcupi kta: hena wohitikapi qa waonšidapi kte šni: hena ho kin miniwanca iyecen hotanin kta, qa wicašta kicizapi kta iyecen ocimdağahan šuktanka akan iytanka, niye Babel cunwintku, takpe niupi kta.

43 Hena oyakapi kin Babel wicaštayatapi kin nañon, unkan nape wašake šni aya: wicoiyo-kišice yuza, woyazan, winohinea hokšiksuye cin iyececa.

44 Iho, mnaja wan Jordan minitan kin etanhan iyecen, tipi suksuta kin ekta itawankanhde u kta: Tuka hetanhan ihnuhanna najice wicawakiye kta: Qa tuwe kahniğapi kin, he en itancan ewahnake kta: Tuwe miye iye-maceca he: Qa tuwe itkomakipe kta he: Qa wawihankiye cin mitokam najin kta okihi kin he tuwe he.

45 Heon etanhan Jehowa toawacin on Babel awakicin kin he, qa tokiconze on Kasdim makoce kiconze cin he nañon po: Awicakehan optaye tona cistina kin hena wicayusdutapi kta; awicakehan tipi tawapi kin hena om ihangwicakiciye kta.

46 Babel yuzapi howayapi kin on maka kin škanškan; qa šica-howayapi kin he oyate kin ehna-hna nañonpi.

WICOWOYAKE 51.

1 Jehowa hecen eya; Iho, Babel itkom, qa tona tamakpe ina-

jinpi wicacokaya ounyanpi kin hena wicitkokim waihangye tate wan icalhwaye kta.

2 Qa wakaduğe kin heca Babel ekta yewicawaši kta, unkan kaduğapi kta, qa tamakoce kin yucokapi kta; anpetu šice cin en hena itkokim ihduksanyan unpi kta nakaeš.

3 Wanawinge kin itkokim wanawinge itazipa nakiwinje kta, qa tuwe mazawokoyake tawa on witantan kin he nakun: Unkan koška tawa kin hena onšiwicadapi šni po, ozuye tawa kin oco-wasin ihangya po.

4 Hehan tona tawicaopi kin hena Kasdim makoce kin ohna hinłpayapi kta, qa tona katpa iyewicayapi kin hena tacanku kin ohnahna.

5 Israel Towakan wakiłtanipi kin on makoce tawapi kin ojudan qeyaš, Wakantanka tawa, Jehowa ozuye hduhe cin he Israel qa Juda wiwazica elıpewicakiye šni tuka.

6 Babel cokayatanhan najica po, qa wicašta otoiyohi naği ei-hdakupi kte: ihnuhan taku šica econ kin en ihangniyanpi kinhan: Jehowa watokiçon anpetu kin he dee nakaeš; woecon tawa kin he kicu kta.

7 Jehowa nape ohna mazaskazi miniyatke Babel heca, maka kin ocowasin witkokiya: miniša tawa kin he oyate kin yatkanpi: heon etanhan oyate kin witkottokapi.

8 Ihnuhanna Babel hinłpaya qa ihangyapi: akiceya po; woyazan tawa kin on canšin ikicicu po, hecen okizikiyapi kta naceca.

9 Babel okiziunyanpi kta uncinpi tuka okiziyapi šni: elıpeya po, qa otoiyohi iye tamakoce kin ekta unlıdapi kta: tawoyaco kin

JEREMIAH TAWOYUKCAN KIN,

he mahpiya kin icahtake, qa mahpiya šapa kin iyahde nakaes.

10 Woowotanna unkitawapi kin he Jehowa unkiciyuotaninpi: U po, qa Zion en Jehowa Taku Wakan unkitawapi tohan kin unyaotaninpi kta.

11 Wanhinkpe kin kaqoga po; wahacanka kiçun po: Mede wicaštayatapi taniya kin Jehowa wicayuhica: Babel ihangyapi kta awacin nakaes: Jehowa watokiçon tawa kin hee, Tipi wakan tawa watokiçon kin hee, heon etanhan.

12 Babel conkaške kin akan wi-yokihedan ekihde po; tonweya unpi kin wicayuwašaka po; akicita najin wicakiya po; waiyape kin hena wiyeya ewicahnaka po: Jehowa Babel en onunyanpi kin taku ewicakiye ciqon he awacin qa nakun ecen econ nakaes.

13 Mini ota ehna onnyaye cin, wowijice niota, oniwihanke kin, wawicayaki iyutapi kin he wana hiyohi.

14 Jehowa ozuye hduhe cin he iye naçi on içiconza; Awicakehan wicašta on ojuciye kta, psipicadan iyececa: unkan niye on iyašapi kta.

15 Iye qe towašake kin on maka kin kağa; toksape kin on taku owasin hdušuta; qa tookalniçe eciyatanhan mahpiya kin hdumdaya.

16 Iye ho kin on mahpiya ekta mini ota hiyuya ece; qa maka ihanke kin hena etanhan po kin wankantkiya yeya ece; qa mazopiye tawa kin etanhan tate kin hiyukiya ecee.

17 Wicašta otioyohi wosdonye on witkotkoka: wašdoye kin owasin wakağapi šdoyapi kin on ištecapi; wakağapi šdoyapi kin he itonšni; qa woniya en wicaun šni nakaes.

18 Hena taku šni, wohnaye wicohan; tohan en wicahipi kinhan hehan hena atakuni kte šni.

19 Jakob tawakiyapi kin he hena iyecece šni: He qe taku owasin kağa nakaes; qa taku tawa sagye kin hee; Jehowa ozuye hduha eciyapi.

20 Canłipi mitawa, okicize wipe kin he niye: qa niye on oyate kin wicamduomdemdece kta, qa niye on wokiconze kin ihangwicawaye kta:

21 Qa niye on šuktanka qa tuwe akan iyotanke cin wicamduomdemdece kta; qa niye on canpahmihma qa tona en iyotanke cin hena wicamduomdemdece kta:

22 Qa niye on wicašta qa tawicu kici wicamduomdemdece kta; qa niye on wicalinca qa hokšiyopa kin hena wicamduomdemdece kta; qa niye on koška wikoška ko wicamduomdemdece kta:

23 Qa niye on wawihankiye qa optaye tawa kin wicamduomdemdece kta; qa niye on mahyumu qa tatanka wicayuhe cin hena wicamduomdemdece kta; qa niye on akicita tancanpi qa wicaštayatapi kin wicamduomdemdece kta.

24 Qa taku šica tawapi Zion en econpi qon hena ocowasin Babel en qa Kasdim makoce en onunyanpi kin hena owasin en, ništapi itokam hdicuwakiye kta ce, Jehowa eya.

25 Iho, he waihangye, maka kin ocowasin ihangya ece kin, miye itkocicipa ce, Jehowa eya; qa niye akan minape yewaye kta, qa imnija kin etanhan paptanptanyan iyeciye kta, qa he ideyapi cicage kta ce.

26 Unkan niye etanhan oise inyan wan, qa oahehde inyan kin icupi kte šni: tuka hewoskan

WICOWOYAKE 51.

nanke kta, owihanke wanica, Jehowa eya.

27 Makoce kin en wiyokihedan wan ehde po; oyate kin ehna hna mazayahotonpi kin yahoton po; he itkom oyate kin wicayuwiyeya po; itkokim Ararat, Meni qa Aşkenaz wokiconze kin wica-kico po; en akicita tancan kağa po; şuktanka kin hena e uwica-kiya po, psipsica tanka kin iyececa.

28 En oyate kin wicayuwohduze miye, Mede wicaştayatapi kin hena, akicita tancanpi, qa wicašta itancan kin owasin, qa tokiconze makoce kin ocowasin.

29 Hehan makoce kin şkanşkan kta qa yazanhda kta: Babel on Jehowa toawacin kin owasin yuştanpi kta nakaeş, Babel makoce kin hewoskan kağapi kta, en oonyanpi kin wanice kta.

30 Babel wicašta waditakapi kin hena kis ayuştanpi; conkaşke kin ohna iyotankapi: wowaditake tawapi qon he skan aya: winyan icağapi: tipi waşteşte tawa kin hena hūhnaşyapi; otonwe tiyopa inatake kin kaksapi.

31 Wainyanke wan wanji tokeca itkokipa inyang ye kta; qa wakoşiye wanji wanji tokeca itkoke kta, otonwe ihanke kin ekta icupi kin he Babel wicaştayatapi kin okiyakapi kta:

32 Qa oiyuwege kin iyaşpayapi, qa cedi ojupi kin peta on ideyapi, qa okicize wicašta kin hena nihinciye ce.

33 Jehowa ozuye hduha, Israel Taku Wakan tawa kin he hecen eya ce; Babel cuşwintku kin he onapanpi wan iyececa; napanpi kte cin iyehantu kte; ehake cistiyedan hehan woksapi kin he kicihi kta.

34 Nebukadnezzar Babel wicaştayatapi kin he temmayan, ma-

yahuhuga, waksica cokađan han emahde, ocowasin namaşca, miniwanca hoğan wan iyececa; taku waşteşte mitawa on tezi ojuişiya; ehşemayan.

35 Mitokakije qa micelipi taku ecakiconpi kin hena Babel akan yanka nunwe, Zion en oonye cin eye kta: qa mawe kin he Kasdim en oonyanpi kin akan yanka nunwe, Jerusalem eye kta:

36 Heon etanhan Jehowa hecen eya; Iho, woakinica nitawa kin miye awakinica kta, qa miye watocicişon kta: Unkan miniwanca tawa kin mdupuza kta, qa minişdoka tawa kin oyaşe waye kta ce.

37 Unkan Babel pahaha icağe kta, wamduşka en oonyanpi kin heca kta, wonihinciye qa woajiji kta, tuwedan en oonye kte şni.

38 Witaya hotonpi kta, mnaja kin iyececa; qa mnaja cinca kin iyecen ihduşkanşkanpi kta.

39 Kanişiyapi kin en woyatke ewicawecihde kta, qa witko wicawakiye kta; hecen wiyuşkinpi kta, qa woiştinma owihanke şni iştinmapi kta, qa kiktapi kte şni, Jehowa eya.

40 Wicaktepi kin ekta hiyuwicawaye kta, tacinca kin iyececa, tamdoka kin iyececa, tatokadan nakun.

41 Hehe Şeşek icupi, qa maka ocowasin woyatan kin he iyaşpayapi! Hehe oyate kin owasin ehna hna Babel wonihinciye icağa!

42 Babel ekta miniwanca kin hiyu; taja ota tawa kin on akaşpayapi.

43 Totonwe kin hena wonihinciye aya, makopuza qa hewoskantu, makoce wicašta owasin tuwedan en oonye kte şni, qa wicašta cinhintku kin ehna hiya-ye kte şni.

JEREMIAH TAWOYUKCAN KIN,

44 Nakun Babel en Bel wanyag wai kta, qa taku napce cin hena iye i kin etanhan ake hiyukiye waye kta: Unkan oyate kin hena iye ekta ake kiwitaya iheye kte sni: nakun Babel conkaške kin hinhpaye kta ce.

45 He cokaya tanhan hda po, mitaoyate; qa Jehowa tocantepanye wohitike cin etanhan otioyohi nagi niiciya po.

46 Qa ihnuhan cante niwankapidan, qa makoce kin ohna woyakapi oyakapi kin koyakipapi kinhan: tohan waniyetu wangi en woyakapi wan u kta, qa iyo-hakam waniyetu kin en woyakapi kta, qa makoce kin ohna wawicakipi yuke kta, wicašta itancan wan wicašta itancan kici.

47 Heon etanhan iho, anpetu kin u kta, hehan Babel wakağapi bağopi kin wanyag wai kta; qa makoce kin ocowasin nihinciye kta, qa wicaktepi tawa kin hena iyulpa iye cokaya hinhpayapi kta.

48 Hehan mahpiya qa maka qa taku ohnaka kin owasin Babel on dowanpi kta: waziyatanhan waihangye kin hena he en hipi kta nakaś, Jehowa eya.

49 Israel wicaktepi kin hena Babel hinhpaye wicaye cion, he iyecen maka ocowasin wicaktepi kin hena Babel ekta hinhpayapi kta ce.

50 Tona mazasagye kin etanhan nayaśdokapi, katinyan ya po, owanji najinpi sni po: itehan tanhan Jehowa kiksuya po, qa Jerusalem nicantepi kin en u nunwe.

51 Unkiştecapı, woiyopeye naunhonpi kin heon etanhan; wowištece ite unkakahpapi, wicašta tokeca Jehowa ti tipi wakan kin en upi nakaś.

52 Heon etanhan, iho, anpetu

kin u kta, Jehowa eya, hehan wakağapi bağopi tawa kin hena wanyag wahi kta; qa tamakoce kin owancaya wicaktepi kin hena śicahowayapi kta.

53 Babel mahpiya ekta iyohi ešta, qa towaśake tehanwankantu kin suta içicağa qeyaś, miye etanhan waihangye kin hena en upi kta, Jehowa eya.

54 Babel etanhan śicahowayapi ho wan, qa oyumdecapi tanka Kasdim makoce kin etanhan.

55 Jehowa Babel yutakuniśni qa ihangya, heon etanhan hetanhan wicaho tanka wan u, qa taja kin hena tanin, mini ota iyececa, ho uyapi kin he owodutaton.

56 Waihangye kin he en hi, Babel en, qa wicašta waditakapi tawa kin hena wicayuzapi; tinazipepi kin iyulpa yuwelhwegapi; Jehowa Taku Wakan watokiçon ece kin he awicakehan wawicakicu kta.

57 Unkan wicašta itancan tawa kin hena witko wicawakiye kta, wicašta ksapa, akicita tancan, wicaştayatapi qa wicašta waditaka tawa kin hena; unkan woiştinma owihanke wanica iştinmapi kta, qa kiktapi kte sni, Wicaştayatapi, Jehowa ozuye hduha, eciyapi kin he hecen eya.

58 Jehowa ozuye yuhe cin he hecen eya; Babel conkaške ohdakinyan tanka kin he ocowasin yujujupi kta, qa tatiyopa tehanwankantu kin peta on gupi kta; hecen oyate kin takuśni on htanipi kta, qa wicašta kin peta en, qa mdokite içiyapi kta.

59 Jeremiah wicašta wokcan kin Seraiah Neriah cinhintku, Maaseiah cinhintku, taku econsi qon wicoie kin dee, Zedekiah Juda wicaştayatapi tawaniyetu itopa kin en kici Babel ekta ye cion he ehan. Unkan Seraiah

WICOWOYAKE 52.

wicašta itancan ozikiya un kin heca.

60 Hecen Jeremiah taku sica Babel en u kte cin hena owasin wowapi wan en kağa, Babel on wicoie kağapi qon dena ee.

61 Unkan Jeremiah Seraiah heciya; Babel en yai kinhan, qa wandake cinhan, hehan wicoie kin dena owasin dawa kta;

62 Qa hehe kta, Jehowa niye otonwe kin de ihangyapi kta, hecen tuwedan en un kte sni, wicašta qa woteka nakun, tuka hewoskan wanke kta owihanke wanica, keyakiya ce.

63 Unkan kaketu kte, tohan wowapi kin de yawa ihunniyakiye cinhan, hehan inyan wan en iyayakaške kta, qa Euphrates cokaya kahoya iyeyaye kta:

64 Qa, He iyecen Babel spaya iyaye kta, qa taku sica miye en awau kte cin etanhan hinanpe kte sni ce, ehe kta: unkan mdo-kitapi kta. Dehanyan Jeremiah oie kin.

WICOWOYAKE 53.

1 Zedekiah waniyetu wikcemna nonpa sanpa wanjidan hehan wicaštayatapi kağapi; qa waniyetu ake wanjı Jerusalem en wicaštayatapi yanka. Unkan hunku kin Hamutal eciyapi, Jeremiah Libnah etanhan he cunwintku.

2 Unkan Jehoiakim econ qon owasin eciyatanhan he iyecen Jehowa išta kin en taku sica econ ece.

3 Heon etanhan Jehowa tocan-teptanye kin Jerusalem qa Juda en yanka, hecen iye itokapatanhan ehpewicaye kta: Unkan Zedekiah Babel wicaštayatapi kin kipajin.

4 Unkan kaketu, wicaštayatapi yanka waniyetu inapcinwanka,

wi iwikcemna, wiyawapi anpetu iwikcemna, hehan Nebukadnezzar Babel wicaštayatapi kin Jerusalem takpe hi, iye qa ozuye tawa kin iyulpa, qa en etipi, qa ihdukšan acankaškapi.

5 Hecen otonwe kin onatakapi, Zedekiah wicaštayatapi tawaniyetu iake wanjı hehanyan.

6 Unkan wi itopa kin en, wiyawapi inapcinwanka hehan otonwe kin ohna wicaakihan telike hinca, hecen makoce kin en oyate kin aguyapi nicapi hinca.

7 Hehan otonwe kin yujujupi, qa ozuye wicašta kin iyulpa najicapi, qa otonwe kin etanhan hanyen iyayapi, conkaške nonpa otahedan tiyopa canku kin he ohna, wicaštayatapi tawaju kin hetu: Kasdim oyate kin otonwe kin ihdukšanyan hiyeya: Unkan makomdaye canku kin he ohna hiyayapi.

8 Tuka Kasdim akicita kin he na wicaštayatapi kin tapapi qa Jeriko makomdaye kin en Zedekiah ehdegapi: Unkan taakicita kin owasin iye etanhan enanakiya iyayapi.

9 Hehan wicaštayatapi kin yuzapi, qa Babel wicaštayatapi, Riblah en, Hamath makocé ohna, he ekta ayapi: Unkan woyaco okiciyaka.

10 Qa Babel wicaštayatapi kin Zedekiah cinhintku kin hena, iye išta itokam, wicakte: nakun Juda wicašta itancanpi kin owasin, Riblah en, wicakte.

11 Hehan Babel wicaštayatapi kin Zedekiah išta kiyuśdoka, qa mazaicicaliha on iyakaška, qa Babel ekta akiyahda, qa woka-kişye tipi kin en ohnaka, anpetu en te cin hehanyan.

12 Hehan wi izaptan en, wiyawapi anpetu iwikcemna kin en, Nebukadnezzar Babel wicašta-

JEREMIAH TAWOYUKCAN KIN.

yatapi tawaniyetu iunmanapcin-wanka kin hee, hehan Nebuzar-adan wicakte itancan, Babel wicaštayatapi itokam najin ecee kin he Jerusalem en hiyu;

13 Qa Jehowa ti kin he hūhnaḥya, qa wicaštayatapi ti kin nakun; qa Jerusalem ohna tipi kin iyuhpa, han, tipi tankinkinyan owasin, peta on hūhnaḥya.

14 Qa Kasdim akicita tona wicakte itancan kici unpi kin hena owasin Jerusalem conkaške ihduksan wanke cin he ocowasin yujujupi.

15 Hehan Nebuzar-adan wicakte itancan kin he, oyate wahpanicipi kin etanhan, qa otonwe ohna oyate etanhan okaptapi qon, qa tona najicipi, Babel wicaštayatapi kin ekta najicipi qon, qa wicota etanhan okaptapi qon hena etanhanhan wayaka awicakiyahda.

16 Tuka Nebuzar-adan wicakte itancan kin makoce kin en wahpanicipi kin etanhan hastanhanka iyuwi kicanyanpi kta, qa maga yumdupi kta e on en owicakapta.

17 Nakun mazazi ipatan kin, Jehowa ti kin ohna, qa oahe kin, qa mazazi mini ohnaka tanka Jehowa ti kin en yanke ciqon, hena Kasdim oyate kin kaksaksapi, qa mazazi kin ocowasin Babel ekta akiyahdapi.

18 Qa cega kin hena, qa on cahota icupi, qa wiyatke kin, qa tukiha, qa mazazi waksica on kicanyanpi ecee qon hena owasin eyakupi:

19 Hecen oyujaja kin, qa oceti kin, qa wiyatke kin, qa cega kin, qa petijanjan kin, qa tukiha kin, qa miniyatke kin; tona maza-skazi ecedan, qa tona ocowasin mazaska, hena wicakte itancan kin akiyahda.

20 Maza ipatan nonpa, mini ohnaka tanka wanjidan, qa mazazi tatanka akenonpa oahe kin hukuya wanke cin, Solomon wicaštayatapi kin Jehowa ti kin kicage ciqon; waksica kin hena owasin mazazi kin tkeutapi sni.

21 Nakun maza ipatan kin, maza ipatan wanji tehanwankantu kin wicišpa akešahdoḡan, qa ihduksan haḥonta wicišpa akenonpa iyuta; qa šoka kin he napehdakinyan; mahen olidoka.

22 Qa akan watešdake kin he mazazi; qa watešdake wanji wicišpa zaptan wankantu; qa watešdake kin akan okagege qa taspantanka kaḡapi kin ihduksan hiyeya, hena owasin mazazi: Nakun mazaipatan inonpa, qa taspantanka kaḡapi kin hena is iyececapi.

23 Qa tate ouye eciyatanhan taspantanka kaḡapi wikcemna napcinwanka sanpa šakpe. Ihduksanyan okagege akan taspantanka kaḡapi kin owasin hena opawinge tkonsedan.

24 Unkan wicakte itancan kin he Seraiah wawayušna itancan, qa Zephaniah wawayušna inonpa, qa tiyopa awanyake yamni kin hena iwicacu:

25 Qa otonwe kin etanhan akicita tancan wan, ozuye wicašta kin en itancan kin he nakun icu; qa wicaštayatapi ikiyedon unpi qon etanhan wicašta šakowin otonwe ohna iyewicayapi kin hena; qa ozuye owicawa itancan, makoce kin en oyate wicayawa kin he; qa makoce ohna oyate kin etanhan wicašta wikcemna šakpe otonwe ohna iyewicayapi kin hena nakun.

26 Hena Nebuzar-adan wicakte itancan kin ewicayaku, qa Riblah en Babel wicaštayatapi kin ekta awicaki.

WICOWOYAKE 1.

27 Unkan Babel wicaštayatapi kin he wicakaštake ça wicakte, Riblah en Hamath makoce kin ohna. Hecen Juda oyate kin iye tamakoce kin etanhan wayaka awicayapi.

28 Oyate kin Nebukadnezzar unhdaka iyayewicakiye cin he dee: waniyetu išakowin kin en Juda wicašta kektopawinge yamni, sanpa wikcemna nonpa sanpa yamni.

29 Nebukadnezzar tawaniyetu iake šahdoğan hehan Jerusalem etanhan wicašta opawinge šahdoğan sanpa wikcemna yamni sanpa nonpa wayaka awicakiyahda.

30 Nebukadnezzar tawaniyetu wikcemna nonpa sanpa iyamni kin en, Nebuzar-adan wicakte itancan kin he Juda wicašta opawinge šakowin sanpa wikcemna topa sanpa zaptan awicakiyahda: wicanagi owasin kektopawinge topa sanpa opawinge šakpe.

31 Unkan kaketu, Jehoiakin Juda wicaštayatapi wayaka un waniyetu wikcemna yamni sanpa šakowin, wi iake nonpa qa wiya-wapi wikcemna nonpa sanpa zaptan, hehan Evil Merodak Babel wicaštayatapi kin, waniyetu en wicaštayatapi kağapi he en, Jehoiakin Juda wicaštayatapi qon pa yuwankan iyeya, qa wicaška tipa etanhan hdinanpe kiya;

32 Qa taku wašte eciya, qa toiyotanke kin wicaštayatapi om Babel en un kin hena toiyotankepi kin iwankam ehde.

33 Qa wicaška tipa wokoyake kin hena yutokeca: unkan tohanyan ni un kin anpetu owasin itokam aguyapi yuta.

34 Unkan tawoyute kin, Babel wicaštayatapi kin etanhan anpetu woyute kin ohinniyan qupi, anpetu otoiyo hi onge, anpetu en te cin hehanyan, anpetu ni un kin owasin.

W I C A C E Y A.

WICOWOYAKE 1.

1 Tokiyatanhan otonwe oyate ojudan qon he isnana iyotanka he: oyate kin ehna tanka tuka qon he wiwazica iyecen icaga: makoce kin ehna wicaštayatapi winohinca yanke ciqon he kajujukiyapi ihukuya yanka.

2 Ceya ece, hanyetu kin en ceya yanka; qa tapon akan istaminigaga yukan; waštadakapi qon owasin etanhan mağagayekte cin wanica: takuwicaye ciqon hena iyulpa hnayanpi, hena toka icagapi.

Lamentations. 70

3 Wokakišye qa wowidagyapi ota on etanhan Juda unhdaka iyaya: Ikcewicašta oyate kin om ounyan, woozikiye iyeye šni: pasi yapi kin owasin okiyute kin en ehdegapi.

4 Zion tacanku kin ceyapi, tomniciye wakan kin ekta tuwedan u šni nakaes: totonwe tiyopa kin owasin ihangyapi: wawayušna tawa kin hena comnihdazipi ece, witanšna tawa kin hena kakišyapi, qa iye linca wopazeca en un.

5 Wakakišye cin hena itancan icagapi, tokayapi kin hena tanyan unpi: walitani ota kin heon

WICACEYA,

etanhan Jehowa iyokišinya nakaes: tašiceca kin wakakišya ite kin itokam wayaka awicayapi.

6 Qa Zion cunwintku kin to-wanyagwašte qon ocowasin ayu-šan: wicašta itancan tawa kin hena tawiyedan wihanpi iyeye šni kin iyececapi, qa wicapasi kin itokam wowašake codan iyayapi.

7 Wokakišye anpetu tawa qa tokakije kin en, Jerusalem wanakaja anpetu kin en taku waštešte yuhe ciqon hena kiksuya; tokayapi nape en ohinłpaya qa tuwedan okiye šni, hehan toka kin wanyaka, woihangye tawa kin on ihałapi.

8 Jerusalem wałtani hinca, heon wayaka iyaya; tona yuonihanpi qon owasin šicedakapi, to-wištece kin wanyakapi nakaes: han, iye hinca comnihdazi qa hektam ihdohda.

9 Tošice kin he tašina en un; owihanke tawa kin kiksuye šni: heon etanhan wowinihanyan hinłpaya; wicakicanpte takudan yuhe šni. Jehowa, kakišmayanpi kin wanyaka ye; toka kin ihdutanka hinca nakaes.

10 Taku cinpica tawa qon owasin toka kin nape ayumdaya; iye wanyaka nakaes; Ikcewicasta oyate kin tipi wakan tawa kin en yapi qehan; niye ekta omniciye kin en upi kte šni, kewicayakiya tuka qon.

11 Oyate tawa iyulıpa comnihdazipi, aguyapi akitapi; taku tełike hinca yuhapi kin woyute on tokiyopeyapi, nađi nikiyapi kta heon: Jehowa wanyaka wo, qa awacin wo, miye walitešni imacađa nakaes.

12 Canku ohna idadapi owasin, niye initokecapi šni he: Tonwan po qa wanyaka po, woiyokišice

wan woiyokišice mitawa en mau kin iyececa yukan hecinhan, on Jehowa tocanteptanye anpetu kin en kakišmaye ciqon.

13 Wankantanhan mahuhu kin en peta uši, unkan mahen iyaya; onhmunkapi wan misiha emakionpa; hekta hdicumayan: anpetu ocowasin atakuni šni cante šica emahnaka ece.

14 Miohan šica can napinpi kin he iye nape kin on iyakaškapi; hena pahmonpi, mitahu akan u: mitowašake kin awihnunimakiya: Itancan kin wicanape kin en emahnaka; najin owakihi kte šni.

15 Itancan kin wašaksakapi mitawa kin owasin micokaya awicanajin: mitokam ozuye wan wicakico, koška mitawa wicakamdecapi kta: miniša iyuškiye wan ohna Itancan kin Juda cunwintku wikoška kin naškica ece.

16 Hena on miye waceya; mišta, mišta etanhan miniđađa au; wicakicanpte kin tuwe minađi yuecetu kte ciqon he mitehanyan yanka nakaes; micinkši awihnunipi, toka kin ohiya nakaes.

17 Zion nape hduđata; wicakicanpte kiwanica; Jehowa Jakob on hecen wakiconza, ihdukšan unpi kin hena wakakišyapi kta: hena owicapeya Jerusalem wino-łinca išnati kin iyececa.

18 Jehowa iye łinca owotan-na; miye i en iyewayaya nakaes: Ceciciyapi ce, oyate owasin onahon po, qa mitoiyokišice kin wanyaka miye: wikoška mitawa qa koška mitawa wayaka iyayapi.

19 Cantemakiyapi qon hena wicawakipan; hena mahnayanpi: Wawayušna mitawa qa hunkayapi mitawa otonwe kin en łapi, woyute on nađi hduecetuyapi kta e okidepi icunhan.

WICOWOYAKE 2.

20 Jehowa wanyaka wo, woka-kije en maun nakaes: mitezi nina skanskan; tanmahen micante ihduptanye; miye nina hin wawakipajin nakaes: tankan maza-sagye kin cincodan ehpewicaya, timahen wiconte iyececa.

21 Comniwahdazi kin he nahonpi; wicakicanpte kin manica: tokamayanpi kin owasin taku sica mitawa onahonpi; niye hecanon kin on iyu skinpi: Niye anpetu cajedate ciquon he ayahi kta; unkan iye iyemaceca unpi kta.

22 Taku sica tawapi kin ocowasin niye nitokam u nunwe: qa wawahtani owasin on token ecamiyecon kin he iyecen ecawicakicon wo: comniwahdazi kin hena ota, qa micante wankadan nakaes.

WICOWOYAKE 2.

1 Tokiyatanhan Itancan kin iye tocanptanye en Zion cunwintku kin mahpiya sapa on akahpa he: Israel toiyokipi kin he mahpiya eciyatanhan makata elipeya: qa tocanptanye anpetu kin en siha oahé tawa kin kiksuye sni.

2 Itancan kin wanapca iyeya, qa Jakob ounye cin iyulpa onsikida sni: tosinhda en Juda cunwintku taconkaske suta kin yujuju; hena makata elipeya: wokiconze kin he qa wicašta itancan tawa kin wicayusica.

3 Tocanteptanye wohitike en Israel he kin ocowasin kaksu: toka kin itokapatanhan nape etapa kin ehdaku; hecen Jakob aide kiya, peta itkon iyececa, ihduksan hihnahiya ece.

4 Tinazipe kin nakiwinja, toka kin iyececa; wawakipajin wan iyecen nape etapa hdus najin;

qa tona owanyag waštešte kin owasin Zion cunwintku tawa-keya ohna wicakte: tosinhda hdaštan, peta iyececa.

5 Itancan kin toka wan iyececa; Israel ihangya, tipi waštešte tawa kin iyulpa ihangya: taconkaske suta kin yujuju, qa Juda cunwintku kin en wicoiyokišice qa wicaceya nina yuota.

6 Qa maga iyecen ihduksan canokaške kin hdujunjun; omniciye tipi kin hena ihangkiya: Zion en omniciye wakan qa anpetu wakan kin hena Jehowa akiktonšyeya, qa tocanptanye wohitike cin en wicaštayatapi wawayusna ko wahtewicada sni.

7 Itancan kin he owayusna tawa elipekiya: tipi wakan tawa kin wahtekida sni: tipi waštešte tawa conkaske kin hena toka nape kin en wicaqu: Jehowa ti kin ohna ho hiyuyapi, omniciye anpetu kin en iyececa.

8 Zion cunwintku taconkaske kin he Jehowa ihangya awacin: ikan wan ayutitan, ihangya etanhan nape ehdaku sni: heon etanhan ihduksan maka qapi qa conkaske kin hinlpayekiya; ptaya ocowasin atakuni sni.

9 Otonwe tiyopa tawa kin maka mahen iyaya: inatake tawa ihangya qa yuksaksa: wicaštayatapi tawa qa wicašta itancan wicayuha qon hena Ikcewicasta ehna unpi: woope kin wanica: nakun wicašta wokcan tawa kin hena Jehowa etanhan wowanyake takudan yuhapi sni.

10 Makata iyotankapi, Zion cunwintku hunkayapi tawa kin inina unpi: pa akan maka aihpeiçiyapi: wakihdaka ipiyag kiconpi: Jerusalem tawikoška kin makata pamahdedan unpi.

11 Istamnihanpe on miišta atakuni sni, mitezi skanskan, mapi

WICACEYA,

kin he makata papsonpi, mitaoyate cunwintku ihangyapi kin heon etanhan; síceca qa hoksíyoqopa otonwe canku kin ohna hanyanpi qehan.

12 Wicašta taopi iyecen otonwe canku kin ohnahna ihpayapi qehan, Aguyapi qa miniša tukte e hunkupi ewicakiyapi; iye inayapi maku kin ohna nađi kpapsonpi qehan.

13 Taku e akta ociciyake kta he; Jerusalem cunwintku, taku iciyacin kta he; taku e iyececa cidake kta, hecen cantohnagciye kta he, wikoška Zion cunwintku: ihangniyanpi kin he tanka, miniwanca kin iyececa nakaeš: tuwe okiziniyan okihi kta he.

14 Wicašta wokcan nitawa woitonšni qa wowitkotkoke wanniciyakapi; tuka wayahtanipi kin niciyataninpi šni, wayaka yaunpi kin yahomnipi kta: tuka woitonšni wowiyukecan qa wohnaye wanniciyakapi ece.

15 Tona canku ohna hiyayapi kin owasin niye on nape hdaskaskapapi; jojopi qa pa kapsanpsanpi, Jerusalem cunwintku kin on: Otonwe wan, Iyotan owanyag wašte hinca, Maka ocowasin wowiyuškin, eciyapi qon he dee he, eyapi.

16 Tokaniyanpi kin owasin niye on i kapapi: jojopi qa hi hdakinskinzapi: Napca iyeunyanpi ce: Awicakehan anpetu unkodepi qon he dee, iyeunyanpi, wanunyakapi ce, eyapi.

17 Jehowa taku konze ciqon he hduštan; iye oie anpetu wanakaja tanhan hdasute ciqon he hduecetu: waeħpeya qa waonšida šni; tuka niye on toka kin iyuškinikiya; nicipajinpi he kin he yuwankan iyeya.

18 Iye cantepi Itancan kin hoyekiyapi: Zion cunwintku ta-

conkaške, anpetu qa hanyetu ištaminigaga hiyukiya wo, minicaduza iyececa; oziičiye šni wo; ništa cunwintku (su) kin ayušan kiye šni wo.

19 Najin wo; hanyetu en pan wo: tokaheya awanyakapi kin en, Itancan ite kin itokam, nicante, mini iyecen, hdapson wo: hoksíyopa nitawa canku pa kin owasin en wotektehdapi on hanyanpi hena nađipi on iye ekta nape hdugata wo.

20 Wanyaka ye, Jehowa, qa tuwe decen ecayecon kin he awacin ye: Winohinca iye cinca hdutapi kta iyececa he, hoksíyoqopa nape ohna wicahduhapi kin: Itancan tipi wakan tawa ohna wicašta wokcan wawayušna ko wicaktepi kta iyececa he.

21 Hokšidan qa wicahinca kin canku ohnahna makata wankapi: wikoška mitawa qa koška mitawa mazasagye on hinhpayapi: nito-canniye anpetu kin en wicayakte; waťeyaya, waonšiyada šni.

22 Anpetu en mniciyapi kin iyecen wonihinciye mitawa ihduksantanhan yeco, hecen Jehowa tocanniye anpetu kin en najica un qa okaptapi kin wani-ca: tona wicawahnahna qa icaliwicawaye cin hena tokamaye cin awihnuniwicaya.

WICOWOYAKE 3.

1 Wicašta wokakije wanyake cin he miye, iye tocanteptanye cansakadan kin on.

2 Yus amayan, qa otpaza en amayan, qa iyoyanpa šni.

3 Awicakehan miye en iye ihduhomni; anpetu osan iye nape hduptanyan ece.

4 Miceħpi qa uka kin kuka icalimiciya; mahuhu kin hena kawehwega.

WICOWOYAKE 3.

5 Iye acanmakaška, qa pizi wokakiye ko on aohdudemayan.

6 Tukten otpaza kin en ounye mayan, wanakaja tapi kin iyececa.

7 Iye onamataka, hecen tankan mde kte šni; on makaškapi kin tke hinca micağa.

8 Nakun wapan qa hoyewaya ešta mitawocekiye kin he icagi makiya.

9 Inyan kakanpi on mitacanku kin aconkaška; cankuwaye cin he yupemni.

10 Miye en wahanhsica wawiyape kin iyececa; mnaja wan woinahbe en iyecen un.

11 Mitacanku miciyupemninni, qa mayuhdehdeca: wotakuni šni makağa.

12 Itazipa nakiwinja, qa wanhinkpe on makutepi kta emahnaka.

13 Tawanju wanhinkpe kin minite en iyaye kiya.

14 Mitaoyate iyuhpa imahahapi waun; anpetu ihuniyan imadowanpi waun.

15 Taku paza on ojumayan, pizi on witkomayan.

16 Nakun inyan on he mayutemtepa; cahota on amakahpa.

17 Unkan minagi wookiye itehan iyeyaya; taku wašte awektonja.

18 Hehan hepa; Mitowašte qa taku Jehowa etanhan ape waun qon he atakuni šni ce.

19 Makakiye qa iyomakišice cin kiksuya wo, taku paza qa pizi kin.

20 Kiksuya, hena kiksuya waun kta, hecen miye mahen minagi pamahdedan yanke kta.

21 De micante ekta yewaye kta, heon etanhan ape waun kta.

22 Jehowa tocantekiye on awicakehan unyusotapi šni; towaonšida kin owihanke šni nakaes.

23 Hanhanna eca hena yutecapi ece; nitowicake kin he tanka hinca.

24 Taku mitawa kte cin Jehowa hee, minagi eya; heon etanhan wacinwaye kta.

25 Tona akipe unpi kin hena en Jehowa wašte, wicanagi akite cin he en.

26 Jehowa towanikiye aepi qa inina unpi kin he wašte ece.

27 Wicašta koška icunhan cannapinpi kin qin kinhan he wašte ce.

28 Isnana iyotanke, qa inina yanka; iye akan ehnaka nakaes.

29 Iye i kin makata eičihnake kta; okinni aepica yuke kta.

30 Iye tapon waapa kin kipazo kta; waapi kin on imna hinca.

31 Itancan kin ohinniyan waehekpekiye kte šni nakaes.

32 Tuka wakakišya ešta towaonšida ota kin eciyatanhan wacantekiye kta.

33 Cante eciyatanhan wakakišye šni, qa wicašta cinca iyotanhan iyewicakiye šni nakaes:

34 Iye siha ihukuya maka akan wicakaškapi kin iyuhpa nawicašusuje kta:

35 Iyotan Wankan un ite itokam wicašta tawoyaco kin yupemnipi kta:

36 Wicašta tawoakinica yuhomnipi kin he ekta Jehowa atonwe šni ecee.

37 He tuwe heya unkan ecetu he, Itancan kin econ ši šni kinhan.

38 Iyotan Wankan un i kin etanhan taku šica qa taku wašte koya inanpe kte šni.

39 Tokeca wicašta ni un kin wawicaba kta he; wicašta wan tawoahtani kin on.

40 Canku unkokidepi qa unkitapi kta, qa Jehowa en unkihduhomnipi kta.

WICACEYA,

41 Wicanape kici uncantepi kin Wakantanka mahpiya ekta wankan iyeunkiyapi kta.

42 Unkiye waunhtanipi qa wa-waunkipajinpi ecee : niye waya-kajuju šni.

43 Wocanniye on aohduteun-yayapi qa kuwa unkayaupi : niye waŕeyaya, niye onšiwicayada šni.

44 Mahpiya šapa on aohduteni-ciya, hecen ohna wocekiye nihi-yohi kte šni ye.

45 Oyate wicacokaya watušek-šeca qa taku tankan ehpeyapi ece kin heca unyakaŕapi.

46 Tona tokaunyanpi kin owasin iunkapapi ece.

47 Wokokipe qa mazahtakiyapi en unkanpi ; woihangye qa wo-yutakuni šni.

48 Mitaoyate cunwintku kin awihnnuniyapi kin on etanhan miišta mini wakpadan hiyuya ece.

49 Miišta minigaga qa owanji yanke kte šni, ayušta wanica :

50 Jehowa mahpiya eciyatanhan kun ahitonwan, qa wanyake kte cin hehanyan.

51 Miišta minagi iyokišinya, mitotonwe cunwintku kin owasin on etanhan.

52 Taku on etanhan šni toka-mayanpi kin nina makuwapi ece, zitkadan wan iyececa.

53 Wolha kin en mitaniya kawihnunipi, qa inyan wan amapa-ptanyanpi.

54 Pa iwankam mini imayaya : Makaksapi ce, epa.

55 Wolha temahentu kin etanhan, Jehowa, nicaje hoyewakiya.

56 Miho kin nayaŕon ece ; waniya kin en, hoyewakiye cin en, ninoŕe kpe iŕicage šni wo.

57 Anpetu en hoyeciciya he ehan kiyedan yau : Wakokipe šni wo, eha.

58 Itancan, minagi toakinica kin he ayakinica : mitaniya kin opeyakiton.

59 Jehowa, patušmayanpi kin he wandaka : mitawoyaco kin he niye yaco wo.

60 Watokiçonpi tawapi kin iyulipa niye wandaka ; amawacinpi kin hena owasin.

61 Woaie tawapi kin, Jehowa, niye nayaŕon ; amawacinpi kin hena iyulipa :

62 Tona makipajinpi iha kin, qa anpetu osan amajijipi kin hena.

63 Iyotankapi qa najinpi kin hena wanyaka wo : miye imadowanpi waun.

64 Jehowa, iye nape ohanpi kin eciyatanhan wokajuju wicakicu wo :

65 Cante aotpasyapi kin wicaqu wo ; woyašice nitawa wicakiciun nunwe.

66 Wocanniye en wicakuwa qa ihangwicaya wo, Jehowa tamahpiya kin ihukuyatanhan.

WICOWOYAKE 4.

1 Tokiyatanhan mazaskazi kin san aya he ; mazaskazi iyotan wašte kin he yutokecapi : inyan wakan kin hena tankan ehpeyapi, canku pa kin owasin ekta-
kta !

2 Zion cinhintku tehhipike cin hena mazaskazi kici tkeuwicatap iyececa, tokiyatanhan hena makawakšica, maka wakšica ka-ga nape on kaŕapi kin iyececa wicadakapi he.

3 Unktehi heepi kaeš aze kpa-zopi, cinca azin wicakiyapi ece : mitaoyate cunwintku kin cante tehike iŕaga, makoskan hinhan-ka-ga tanka iyececa.

4 Hoksioqopa azin kin he ceji caka en ihdaskapa, ipuza on

WICOWOYAKE 4.

etanhan: šiceca aguyapi dapi, tuwedan wicakipamni šni.

5 Tona taku waštešte ece yutapi qon hena canku ohnahna hanyanpi: tona taku duta ece unicagapi kin hena tacesdi paha kin adoksohanpi ece.

6 Mitaoyate cunwintku taku šica econ kin he Sodom wahtani kin isanpa tanka: he qe ihnuhanna ihangyapi, qa he ekta wicanape ihduhomnipi šni.

7 Içiconzapi tawa kin hena wa isanpa wakašotešni unpi; pteasanpi kin isanpa skaskapi; hena tancan inyan šaša kin isanpa šašapi; sapphir (inyan wan) iyecen šdušdutapi:

8 Itohnake tawapi kin otpaza isanpa sapsapa aya; otonwe canku kin ohna sdonwicayapi šni: ha kin huhu en askapa, pišpija, can šeca iyececa.

9 Mazasagye on ktepi kin he akihanapi kin isanpa wašte: dena e hanyanpi, mağa waskuyeca codan on wicaktepi nakaes.

10 Winohinca waonšida napepi iye cinca kin ohanpi: mitaoyate cunwintku ihangyapi kin en hena e woyuteyapi ece.

11 Jehowa wanna tocanniye kin hdušan; tocanteptanye wohitike cin he hdašan, qa Zion en peta wan itkonya, unkan taku akan he cin hena hulinahya.

12 Maka akan wicaštayatapi qa maka en ounyanpi kin owasin, wawakipajin qa toka kin hena Jerusalem, tiyopa kin ohna tin iyayapi kta, he wicadapi kte šni tuka.

13 Wicašta wokcan tawa tawoahitanipi kin on, wawayušna tawa taku šica econpi kin on etanhan, hena e *otonwe* cokaya wicašta owotanna we paponpi nakaes:

14 Canku kin ohna nunipi ece,

ištağongapi; we on ihdušapapi, hecen tawokoyake yutanpi kta okihipi kte šni.

15 Woasape, napa po, eya hoyewicakiyapi; napa po, napa po, yutanpi šni po: najicapi, han onuni unpi qehan, Ikcewicašta kin ehna heyapi, Icimana ake en ounyanpi kte šni ce.

16 Jehowa ite kin yukinukan iyewicaya; ake en awicatonwe kte šni: wawayušna tawapi itepi kin ohokidapi šni, hunkayapi wicayuhapi kin onšiwicakidapi šni ece.

17 Hehanyan unkiyepi, waounkiyapi takušnišni kin on išta unkitakunipi šni; oyate wan wanihiya okihi šni kin he ekta etonwan unyakonpi nakaes.

18 Unkowepi kin ode unpi; hecen otonwe canku unkitawapi ohna unyanpi unkokihipi šni; unkowihankepi kin he kiyedan; anpetu unkitawapi kin henakeca; unkowihankepi kin wanna hiyohi nakaes.

19 Kuwa unkaupi kin hena mahpiya wamdi kin isanpa duzahanpi hinca: he akan kuwa unkaupi, makotahedan unkapepi yakonpi.

20 Unpoğepi taniya, Jehowa sdakiye cin hee e woħa tawapi kin ohna yuzapi; he qe on, Ikcewicašta ehna ohanzi tawa kin ihukuya unnipi kta ce, unkeyapi tuka qon.

21 Edom cunwintku, Uz makoce kin en ounyaye cin, cante wašte qa wiyuškin wo: nakun wiyatke kin he niye ekta iyoopta iyaye kta: winitko kta qa tancodan niçicage kta.

22 Zion cunwintku, taku šica ecanon kin on wokakišyapi kin he yušanpi; ake icimana wayaka aniye kte šni: Edom cunwintku, taku šica ecanon kin he

WICACEYA.

wanyag i kta ; wayahtani kin he
sdayehna ehna ke kta.

WICOWOYAKE 5.

1 Jehowa, taku unkakipapi kin
he kiksuya wo : awacin qa iyaun-
qonpapi kin he atonwan wo.

2 Taku aihpeunkiyapi qon he
toka wicašta kin ekta iyaya, un-
tipi kin wicašta tokeca ekta.

3 Wamdenica heuncapi qa ate-
yapi codan unyakonpi ; inawic-
unyanpi kin wiwazicapi iyece-
capi.

4 Mini unkitawapi kin mazaska
on unyatkanpi ; can unkitawapi
kin he opetonpi on u ece.

5 Untahupi akan kuwa unkaupi
ece ; litaunnipi, qa woozikiye un-
hapi šni.

6 Egipta oyate kin nape wicun-
qupi, Ašur oyate kin, aguyapi
iunmnanpi kta e heon.

7 Atewicunyanpi wahtanipi, qa
en unpi šni ; unkan unkiye taku
šica econpi kin unkičinpi ece.

8 Wowidake unpi hena unkida-
kapi : iye nape kin etanhan tu-
wedan eunyakupi šni.

9 Unnağipi oohnaka aguyapi
unkicupi ece, hewoskan maza-
sagye kin on etanhan.

10 Ha unsapapi mazaoceti wan
iyececa, wicaakihan tehike hinca
on etanhan.

11 Zion en winohinca wicaki-

kšanpi, wikoškapi kin Juda oton-
we kin ohna.

12 Wicašta itancanpi kin hena
nape on otkewicayapi ece ; wica-
hinca itepi ohowicadapi šni.

13 Koškapi kin hena wotpan
wicakiyapi, qa hokšipidan can
ihukuya kaktihanhanpi ece.

14 Wicahincapi otonwe tiyopa
kin ayušanpi, koška can cega
apapi enakiyapi.

15 Uncantepi wiyuškin kin he-
nakeca ; unyajojopi kin wica-
ceya icaga.

16 Paha unkitawapi watešdake
kin hinhpaya : wanna woyašice
unkicipi un, waunhtanipi na-
kaeš.

17 Heon etanhan cante unya-
zanpi : dena on išta unkatpazapi.

18 Hewoskan icaga, heon Zion
he kin akan šungidan amanipi
ece.

19 Jehowa, niye owihanke wa-
nica idotanka ; nitoiyotanke kin
wicoicage qa wicoicage hehan-
yan.

20 Tokeca ohinniyan unkaye-
ktonjapi kta he ; anpetu ota
ehpeunyanapi.

21 Jehowa, niye en hdicu un-
kiya po, kinhan unhdicupi kta ;
anpetu unkitawapi kin yuteca ye,
wanakaja qon iyececa.

22 Tuka ocowasin ehpeunya-
yapi ; nina hin canniyeunyaki-
yapi nakaes.

EZEKIEL TAWOWAPI.

WICOWOYAKE 1.

1 Unkan waniyetu iwikcemna yamni, wi itopa, wiyawapi anpetu izaptan kin en, Kebar wakpa kin ekta, wayaka unpi kin om waun qehan, mahpiya kin yuhdokapi qa Taku Wakan towanyake kin heca wanmdaka.

2 Wiyawapi anpetu izaptan kin en, Jehoiakim wicaštayatapi wawaka un kin waniyetu izaptan hehantu.

3 Awicakehan Jehowa oie kin Ezekiel Buzi cinhintku wawayusna kin he en hi, Kasdim makoce kin en, Kebar wakpa kin hetu: unkan hen Jehowa nape kin akan yanka.

4 Unkan watonwan, qa iho, tate iyumni wan waziyatanhan mu, mahpiya šapa tanka wan, qa peta wan ihdus un, qa ihduksan wiyatpa hinca, qa ocokaya mazazi pabezapi išta kin iyececa, peta cokaya tanhan.

5 Unkan he cokaya tanhan taku ni un topa ounce kin au; unkan decen owanyakapi, wicašta ounce kin yuhapi.

6 Qa otoiyohi ite topa, qa otoiyohi hupahu tom yuhapi.

7 Unkan sihapi kin hena siha owotanna, qa sihapi sicu kin he ptejicadan sicuha kin iyececa, qa mazazi pabezapi išta kin iyecen wiyatpatpa.

8 Unkan cuwi topa kin en hupahu ihukuya wicašta nape yuhapi: Hecen hena topa itepi qa hupahu yukampi.

9 Hupahu tawapi kin kicicaška-

Ezekiel.

pi, wanji takodaku kici; yapi eca ihduhomnipi šni; otoiyohi iye ite itoheya iyayapi ecee.

10 Unkan itepi ounce, hena topa wicašta ite qa mnaja ite kin etapa eciyatanhan yuhapi; qa hena topa catkatanhan tatanka ite yuhapi; nakun hena topa wamdi ite kin yuhapi.

11 Itepi kin hecetu: unkan hupahu kin wankan hduzapi; otoiyohi nomnom kicicaškapi, qa nom tancan ahdahpapi.

12 Unkan otoiyohi ite etoopteya yapi; woniya kin tukte ekta ye kta hecinhan heciya yapi ece; yapi eca ihduhomnipi šni ecee.

13 Unkan taku ni un ounce kin owanyakapi kin he peta petaga ide kin iyececa, petijanjan wanyakapi kin iyececa: he qe taku ni un kin hena ehna icimani ece: unkan peta kin ijanjan, qa peta kin etanhan wakanhdi hiyu.

14 Unkan taku ni un kin iyaye ça hdi kin he wakanhdi tanin wanyakapi kin iyececa.

15 Unkan taku ni un kin wanmdaka, hehan iho, taku ni un ite topa yuhe cin he icahda canhdeška wanji makata han.

16 Canhdeška owanyakapi qa okagapi kin Taršiš išta kin iyececa: unkan hena topa ounce wanjidan; qa owanyakapi qa okagapi kin he canhdeška wan canhdeška ocokaya iyececa.

17 Yapi eca topa omdotonyan yapi ece; yapi eca ihduhomnipi šni.

18 Unkan canhdeška kin hena tehanwankantu, qa wokokipe hin-

EZEKIEL TAWOWAPI,

ca: unkan hena topa ihdukšan tanhan canhdeška kin ista ojuggedan.

19 Unkan taku ni un kin hena iye yapi eca, eanhdeška kin hena icahda yapi ecee: qa taku ni un kin hena maka kin etanhan wankan eyakupi eca canhdeška kin is wankan eyakupi eec.

20 Woniya kin tukte ekta ye kta hecinhan heciya yapi ecc; woniya kin hen ye kta nakacš: qa hena kici canhdeška kin wankan eyakupi ece: taku ni un taniya kin canhdeška kin mahen un nakaeš.

21 Hena iyayapi eca, dena is yapi; hena owanji najinpi eca, dena owanji najinpi; hena wankan cyakupi eca, canhdeška kin is eya kici wankan eyakupi ecee: taku ni un taniya kin he canhdeška kin mahen wicaun nakaeš.

22 Unkan taku ni unpi pa iwankam okotonyan ouncege kin he caga okokipe hinca ista kin iyececa, iye pa kin iwankam yumdayapi.

23 Unkan okotonyan kin ihukuya tanhan hupahu tawapi kin owotanna, wanji qa tawinohtin ektakiya: otoiyo hi nom yuha, deciyatanhan aihdalpa, qa otoiyo hi nom tancan unma eciyatanhan aihdalpa.

24 Unkan iyayapi hehan hupahu tawapi limunyanyan kin he nawahon, mini tanka ho kin iyececa; Iyotan Wasaka ho kin iyececa; oqoyapi ho kin, ozuye ho kin iyececa: owanji najinpi eca hupahu kpehanpi ece.

25 Unkan hupahu kpehan owanji najinpi qehan, okotonyan iye pa iwankam wanke cin hetanhan wicaho wan hiyu.

26 Unkan iye pa iwankam okotonyan wanke cin he iwankam oiyotanke ouncege wan, saphir

inyan owanyakapi kin iyececa: qa oiyotanke ouncege kin akan wicašta ouncege owanyakapi wan he iwankam akan yanka.

27 Unkan mazazi pabezapi ista kin iyececa wanmdaka, he imahentu ihdukšan peta owanyakapi kin iyececa, nite kin etanhan wankantanhan owanyakapi, qa nite etanhan kuyatanhan owanyakapi, peta owanyakapi kin iyececa wanmdaka, unkan ihdukšan wiyatpatpa.

28 Mağaju anpetu kin en wihmunke mahpiya šapa ohna yanka owanyakapi kin he iyececin ihdukšan wiyatpatpa owanyakapi kin iyececa. Jehowa towitan ouncege owanyakapi kin he dee. Unkan wanmdaka hehan ite makipusdiya ehpmiciya, qa tuwe ie cin he ho kin nawahon.

WICOWOYAKE 2.

1 Unkan hemakiya; Wicašta cinhintku, siha ohna najin wo, kinhan wociciyake kta ce.

2 Unkan womakiyaka icunhan Woniya kin en mau, qa siha on najin makiya, unkan tuwe womakiyake cin he nawahon.

3 Hehan hemakiya; Wicašta cinhintku, Israel cinca, oyate wawakipajin wan makipajin ece kin he ekta ye ciši: iyepi qa atewicayapi kin wamakilitanipi, anpetu dehanyan.

4 Hena cinca ite sutapi qa cante tehpike nakaeš. Hena ekta ye ciši: Unkan hewicayakiye kta; Jehowa Itancan kin hecen eya ce.

5 Unkan hena e nahonpi kta hecinhan, qa is econpi kte šni unma tukte keš, tipi wawakipajin heca qeyaš, wicašta wokcan wan wicacokaya un e sdonyapi kta.

6 Unkan niye, wicašta cinhintku, hena kowicakipe šni wo, qa

WICOWOYAKE 3.

oiepi kin kokipe śni wo, wapepeka can pepe ko nici un ešta, qa wamduška śica om yati ešta; hena oiepi kin kokipe śni wo, qa ite owanyakapi kin on nihinciye śni wo, tipi wawakipajin heca qeyaś.

7 Unkan mioie kin hena owicayakidake kta, anagoptanpi kta qa is econpi kte śni hecinhan, hena wawakipajin hinca nakaes.

8 Tuka, wicašta cinhintku, niye taku eciciye cin he nahon wo: Wawakipajin tipi kin he iyecen niye wawakipajin śni wo: nii hdukawa, qa taku ciçu kte cin he yuta wo.

9 Hehan watonwan, unkan iho, wicanape wan en umakiyapi: unkan iho, ohna wowapi pehanpi wan.

10 Hehan mitokam yumdaya; unkan mahen qa akantanhan wowapi: Unkan wicaceya, qa wicanihinciye, qa wicokakije kin hena en owapi.

WICOWOYAKE 3.

1 Nakun, hemakiya; Wicašta cinhintku, taku iyeyaye cin he yuta wo; opehanpi kin de temya wo, qa ya wo, Israel tiyohnaka kin wowicakiyaka wo:

2 Unkan i wahdukawa, hecen opehanpi kin he yunmakiye kta.

3 Unkan hemakiya; Wicašta cinhintku, nitezi yunkiya wo, qa opehanpi ciçu kin de on šupe nitawa ojudan kiya wo. Hehan temwaya: unkan mii ohna tulinağa canhanpi kin iyecen skuya.

4 Hehan hemakiya; Wicašta cinhintku, ya wo, Israel tiyohnaka kin en i wo, qa mioie kin on hena om wohdaka wo.

5 Oyate wan śa iapi qa ceji tehike hinca ekta śni, Israel tiyohnalpa kin ekta yenisipi.

6 Oyate ota iapi okañnihpica śni, qa cejipi tehike hinca, oiepi nayahon kte śni kin ekta śni. Awicakehan hena ekta yeciśi unkanś ananigoptanpi kta tuka.

7 Tuka Israel tiyohnaka kin ananigoptanpi kte śni; miye qaes anamağoptanpi kte śni nakaes: Israel tiyohnaka ocowasin itohnake sutapi, qa cante tehipike.

8 Iho, iye itepi kin itkokim niite suta wakaga, qa itohnake nitawa suta iye itohnakepi kin itkokipatanhan.

9 Inyan pe hinca iyececa, imnija isanpa suta nitohnake wakaga; kowicakipe śni wo, owanyakapi kin on nihinciye śni wo, tiyohnaka wawakipajin kin hecapi ešta.

10 Nakun hemakiya; Wicašta cinhintku, mioie kin tona ociciyake kte cin hena owasin nicante en icu wo, qa ninoğe on nahon wo.

11 Qa ya wo, tona wayaka unpi kin en i wo, nitaoyate cinca kin ekta, qa om wohdaka wo, qa, Jehowa Itancan kin hecen eya ce, ewicakiya wo; nahonpi kta hecinhan, qa is econpi kte śni.

12 Hehan Woniya kin yuwan-kan imacu, qa miheyata woşkanşkan tanka ho kin nawahon; Toyanke kin etanhan Jehowa Towitan kin yawaštepi nunwe, eya.

13 Nakun taku ni unpi tahupahu ho kin, hena kicicahtake, wanji tokodaku kici; qa canhdeška itkokim yanke cin hena ho kin; qa woşkanşkan tanka ho kin.

14 Hečen Woniya kin yuwan-kan imacu qa emayaya; unkan mitaniya kata en iyokiśica imdamda; tuka Jehowa nape kin sutaya amayanka.

15 Hehan Tel-abib ekta, Kebar wakpa icahda tipi, wayaka unpi kin hena en wicawai, qa iyotan-

EZEKIEL TAWOWAPI,

kapi kin om imdotanka, qa anpetu šakowin hena owicapeya yušinyaya manka.

16 Unkan kaketu, anpetu šakowin ihuniyanpi hehan Jehowa oie en mahi kin he hecen eya;

17 Wicašta cinhintku, Israel tipi kin en waawanyake cicaga; heon mii etanhan wicoie kin nation wo, qa miye eciyatanhan wahowicaya wo.

18 Tohan wicašta šica, Wicon-
te on niŕe kta ce, ewakiye cinhan; hehan wahoyaye šni, qa wicašta šica iye tacanku šica on iwaktayaye kta e on takudan ehe šni kinhan, on niŕiye kta tuka; hehan wicašta šice cin iye wahtani kin en ŕe kta, tuka iye we kin he ninape etanhan awakite kta.

19 Tuka wicašta šica iwaktayaye cinhan, qa iye tohan šice qa tacanku šica etanhan ihduhommni šni kinhan, he qe wahtani kin ohna ŕe kta, tuka niye ninaŕi eyehdaku.

20 Nakun wicašta owotanna wan iye toowotanna kin ayuŕtan qa taku šica econ kinhan, qa itokam inašna wan ewahnake cinhan, he qe ŕe kta: iwaktayaye šni kin heon iye wahtani kin en ŕe kta, qa toowotanna econ qon hena kiksuyapi kte šni; tuka iye we kin ninape etanhan awakite kta.

21 Tuka wicašta owotanna wahtani kte šni iwaktayaye cinhan, qa hecen wahtani šni kinhan awicakehan ni kta, waktayapi nakaeŕ; nakun niye qe ninaŕi eyehdaku ce.

22 Unkan hen Jehowa nape kin amayanka; unkan hemakiya; Najin wo, makomdaye kin ekta ya wo, kinhan heciya wociyake kta ce.

23 Hehan nawajin qa mako-

mdaye kin ekta imdamda; unkan iho, Jehowa Towitan kin hen najin, Kebar wakpa kin en wowitzan wanmdake cizon he iyececa: unkan ite makipusdiya elipemiŕiya.

24 Hehan Woniya kin en mau qa siha on najin makiya, qa womakiyaka qa hemakiya; Ya wo, yati kin en onaiŕitaka wo.

25 Tuka niye, wicašta cinhintku, iho, icaške anihnakapi kta, qa hena on nicaškapi kta, hecen wicacokaya tankan de kte šni.

26 Unkan niceji kin nicaka en askape wakiye kta, hecen ie šni yaun kta, qa hena en wicašta wawiyopeya nanke kte šni: tipi wawakipajin kin heca nakaeŕ.

27 Tuka tohan wociyake cinhan, hehan nii mdulidoke kta, qa hewicayakiye kta; Jehowa Itancan kin hecen eya ce: Tuwe anaŕoptan kta hecinhan anaŕoptan kta, qa tuwe econ kte šni hecinhan econ kte šni: tipi wawakipajin kin heca nakaeŕ.

WICOWOYAKE 4.

1 Unkan niye, wicašta cinhintku, maka ŕpanyanpi wan ikikcu wo, qa niite itokam eyahnake kta, qa he akan Jerusalem otonwe kin bayago kta:

2 Qa en ihduksan acanyakaške kta, qa owanyake wan en yakage kta, qa paha wan ayakage kta: nakun ozuye kin en ewicayahna-ke kta, qa ihduksan ibojuju tan-ka ehnaka wo.

3 Nakun mazacega ihupa hanska wan niye iyekcu kta, qa niye qa otonwe kin otahedan mazasapa conkaške hee e eyahnake kta: qa itkokim niite eniŕihnake kta, hecen azuyapi kta, qa niye azuyaye kta. Israel tiyohnaka kin en wowakta kin hee kta.

WICOWOYAKE 5.

4 Nakun niye nicuwi catkathanhan en inunke kta, qa Israel tiyohnaka wahtani kin aeniçihnake kta; anpetu towanakeca iyawa nunke cin hehanyan wahtanipi kin wicayeciyuha kta.

5 Anpetu iyawa towanakeca he iyecen waniyetu wahtanipi kin hena acihnaka, anpetu opawinge yamni sanpa wikcemna napcinwanka hehanyan. Hecen Israel tiyohnaka wahtanipi kin duha kta.

6 Unkan hena ihuniyakiye cinhan, hehan ake nicuwi etapathanhan ecen inunke kta, qa Juda tiyohnaka wahtanipi kin anpetu wikcemna topa hehanyan duha kta, waniyetu on anpetu, waniyetu on anpetu hecen ciçu ce.

7 Unkan Jerusalem azuyapi kin ektakiya niite eyehnake kta, qa niisto ogeton šni un kta, unkan woyeciyake kta.

8 Unkan iho, icaške kin acihnake kta, hecen cuwi unma eciyatanhan nihduptanye kte šni, azuyapi nitawa anpetu kin ihuniyakiye šni hehanyan.

9 Nakun aguyapi, qa barle, qa omnica, qa omnica hmiyanyan, qa peji su, qa wayahota, hena niye iyekcu kta, qa cega wanji dan en oyahnake kta, qa on aguyapi niçicage kta, anpetu iyawa towanakeca nicuwi akan nunke kte cin he iyacinyan; anpetu opawinge yamni sanpa wikcemna napcinwanka hehanyan etanhan yate kta.

10 Unkan woyute nitawa tkeuta yata ecee kta, anpetu iyohi šekel wikcemna nonpa kta; tohanhan yata ecee kta.

11 Nakun iyuteyaken mini datkan ecee kta, hin onge isakpe, tohanhan datkan ecee kta.

12 Unkan barle aguyapi hminyanyan iyecen yate kta, qa iye

wanyakapi kin en, cesdi wicašta etanhan hiyu kin he on španyakiye kta ce.

13 Unkan Jehowa heya; He iyecen Israel cinca Ikcewicašta kin ehnahna iyayewicawaye kte cin hen aguyapi šapa hdutapi kta ce.

14 Hehan hepa; Hehehe Jehowa Itancan, iho, minagi tohinni ihdušape šni; homakšidan ehan tanhan qa dehanyan, taku iye cinka ta qa taku yahdehdecapi kin tohinni wate šni, qa nakun tado šica tohinni mii ohna hiyaye šni cee.

15 Hehan iye hemakiya; Wanyaka wo, tacesdi kin hee wicašta cesdi kin eekiya ciçu; hecen he on aguyapi niçicage kta ce.

16 Nakun kaken emakiya; Wicašta cinhintku, iho, Jerusalem en aguyapi sagye kin mdukse kta; unkan aguyapi tkeutapi qa itonpapi on hdutapi kta; qa mini iyuteya qa nihinciya hdatkanpi kta.

17 Hecen aguyapi qa mini ica-kijapi kta, qa wanji takodaku kici nihinciya kta, qa wahtanipi kin on atakunipi kte šni ce.

WICOWOYAKE 5.

1 Nakun niye, wicašta cinhintku, isan pe hinca wan ikikeu wo, putinhin kasanpi ece icasan tawapi wan ikikeu wo, qa nipa qa putinhin nitawa kin en iyayeyakiye kta; hehan aspeyeton kta on tkeutapi kin icu wo, qa kihdušpašpa wo:

2 Hanke iyamni kin he otonwe cokaya peta on huñnahyaye kta, azuyapi anpetu kin wanna hena-keca kinhan: qa hanke iyamni wanji iyacu kta, qa isan on ohomnimni ayape kta: qa hanke iyamni wanji is tate ekta kaño-

EZEKIEL TAWOWAPI,

ya ehpeyaye kta; unkan hena ihakam mazasagye mduśdoke kta.

3 Nakun hetanhan tonana iya-wa iyacu kta, qa śina nitawa en payah̄te kta:

4 Hehan hena etanhan ake icu, qa peta cokaya en ehpeya wo, qa peta en hena huḥnah̄ya wo: hetanhan Israel tiyohnaka owasin en peta wan hiyu kta ce.

5 Jehowa Itancan kin he hecen eya; De Jerusalem ee: Oyate qa makoce ihduks̄an wanke cin hena wicacokaya ewahnaka tuka.

6 Tuka mitawoyaco kin woyuśice on tokiyopeyapi, Ikcewicasta kin isanpa, qa wowaśi mitawa, makoce ihduks̄an wanke cin isanpa: mitawoyaco kin hena aktapi śni, qa wowaśi mitawa kin hena ohnayan manipi śni na-kaeś.

7 Heon etanhan Jehowa Itancan kin hecen eya; Oyate nihduks̄an yakonpi kin isanpa ota inicaḡapi qeyaś, mitoope kin ohnayan mayanipi śni, qa mitawoyaco kin eciyatanhan ecanonpi śni; qa nakun oyate nihduks̄an yakonpi tawoyacopi kin ohna ecanonpi śni ecee:

8 Heon etanhan Jehowa Itancan kin he hecen eya; Iho, miye, han miye itkocicipa waun; qa oyatepi kin wicitokam niye en woyaco ciciyuśtan kta:

9 Qa niye en, taku tohin̄ni ecamon śni, qa taku tohin̄ni ake iye-cen ecamon kte śni, kin he ecamon kta, wowah̄te śni nitawa kin owasin on etanhan.

10 Heon etanhan nicokaya atewicayapi kin iye cinhintkupi wicah̄dutapi kta, qa cincapi kin is̄ iye atkukupi kin wicah̄dutapi kta: unkan niye en woyaco wah̄duśtan kta, qa tona onicaptapi

kin iyuh̄pa tate ouye owasin ektakta enanak̄iya iyayewicawaye kta ce.

11 Heon etanhan, miye wani ce, Jehowa Itancan kin eya; Awicakehan tipi wakan mitawa wowah̄te śni nitawa owasin on, qa taku śica nitawa iyuh̄pa on duśapa, heon etanhan nakun miś miye hinca ehpeciye kta; qa miīsta kpatan kte śni, qa miye ecaca waonśiwada kte śni.

12 Niye etanhan onḡe wiciyamni kin makośica on ṭapi kta, qa wicaakiḥan on nicokaya atakunipi kte śni: qa onḡe wiciyamni wanji nihduks̄an mazasagye on hinḥpayapi kta: qa onḡe wiciyamni wanji is̄ tate ouye owasin ektakta yewicawaye kta, qa wicihakam mazasagye yewakiye kta.

13 Hecen mitocanniye kin yuśtanpi kta, unkan mitocanteptanye kin he iyepi en ahinḥpaye waye kta, hecen cante waśte mi-ḡicage kta: Unkan tohan mitocanteptanye kin iyepi en wicaweciyuśtan kinhan, hehan Jehowa miye e cante makata en hecen epa, iye sdonyapi kta ce.

14 Nakun otiwita cicage kta, qa oyate nihduks̄an wanke cin en wowih̄aha yaun kta, tona en hiyayapi owasin is̄tapi kin en.

15 Hecen he wowih̄aha kta, qa woienhdepi kta, woonspe kta, qa wonihinciye kta, oyate nihduks̄an wanke cin hena en, tohan wocanniye, qa wocanteptanye, qa woiyopeye wohitike on niye en woyaco wah̄duśtan kinhan; Jehowa miye e hecen epa ce.

16 Tohan wicaakiḥan tiwanhin̄kpe śice cin hena en yewakiye cinhan, hena on woihangye kta, hena ihangniyanpi kta on yewakiye kta: unkan niyepi akan wicaakiḥan kin mduota kta, qa

WICOWOYAKE 6.

aguyapi sagye nitawapi kin he mdukse kta :

17 Hecen wicaakiĥan qa wamanica śikśice cin hena niyepi kin en yewicawaśi kta, unkan hena wanicipi kta ; qa makośica qa wewe kin hena niye en hiyaġe kta, qa mazasagye kin he niye en awau kta : Jehowa he miye e hecen epa ce.

WICOWOYAKE 6.

1 Hehan Jehowa oie en mahi kin he hecen eya :

2 Wicaśta cinhintku, Israel ĥe kin itkokim niite ehnaka wo, qa hena on woyaka wo :

3 Qa, Israel ĥe kin, niye Jehowa Itancan oie kin naĥon ye, ehe kta : Jehowa Itancan kin he ĥe qa paha, wakpa qa osmaka kin hena hecen ewicakiya ce : Iho wo, miye, miye ĥinca, mazasagye en aciupi kta, qa owanka tehanwankantu nitawapi kin hena ihangwaye kta ce.

4 Unkan owayuśna nitawapi kin hena otiwota kaġapi kta, qa wakaġapi nitawapi kin kamdemdecapi kta, qa wicaktepi nitawa wakaġapi baġopi nitawapi kin itokam makata eĥpewicawaye kta.

5 Qa Israel cinca ġapi kin hena wakaġapi tawapi kin itokam ewicawahnake kta ; qa huhu nitawapi kin hena owayuśna nitawapi ihdukśan eĥpewaye kta.

6 Tukten onunyayapi kin owasin en otonwe kin hena ihangyapi kta, qa paha tehanwankantu kin hena otiwota kta : hecen owayuśna nitawapi kin ihangyapi kta, qa otiwota kta ; qa wakaġapi nitawapi kin hena kamdemdecapi kta, qa henakeca kta ; qa wakaġapi baġopi nitawapi kin hena kawankapi kta, qa nioĥanpi kin hena pajujupi kta.

7 Qa wicaktepi kin hena nico-kayapi ĥinĥpayapi kta ; unkan Jehowa he miye e sdonyayapi kta ce.

8 Tuka wookapte owakapte kta, hecen makoce ehna enanakiya yaunpi kinhan, Ikcewicaśta kin en mazasagye napapi kta yuke cin hena wicaduhapi kta.

9 Unkan tona onicaptapi kin hena tukten wayaka ayapi, Ikcewicaśta hena ehnahna miksuyapi kta ; cantepi wawiciĥaĥapi econ ece kin he miye eĥpemayan, qa iśtapi wakaġapi tawapi en inaĥman yapi ece kin hena on makamdecapi heon etanhan : Hehan iye iśtapi kin en śiceicidakapi kta, wowaĥte śni tawapi owasin en taku śica econpi kin hena on etanhan.

10 Unkan Jehowa he miye e sdonyapi kta ; taku śice cin de ecawicawecon kta ituhin epe śni.

11 Jehowa Itancan kin he hecen eya ; Ninape on waapa wo, qa riśiha on wanaĥtaka wo, qa heya wo ; Hehehe, Israel tiyohnaka wowaĥte śni śica tawapi kin owasin on : mazasagye, qa wicaakiĥan, qa makośica on ĥinĥpayapi kta nakaeś.

12 Tuwe tehan un kin he makośica on ġe kta ; qa tuwe ikiyedān un kin he mazasagye on ĥinĥpaye kta ; qa tuwe okaptapi qa onatakapi kin he wicaakiĥan on ġe kta : hecen mitocanteptanye kin wicaweciyuśtan kta ce.

13 Tohan wicaktepi tawapi kin wakaġapi yuhapi kin ehnahna, owayuśna tawapi kin ihdukśan wanke cinhan, paha tehanwankantu owasin akan, ĥe ipa kin owasin ekta, qa can toto owasin ihukuya, qa utuhu canwapośbe owasin hukuya, tukten wizite waśte wakaġapi tawapi kin owa-

EZEKIEL TAWOWAPI,

sin wakiyušnapi ece qon hetu, hehan Jehowa he miye e sdon-yayapi kta.

14 Hecen minape awicawaki-yugate kta, qa makoce kin oti-wota wakage kta, han, Diblath hopuza kin isanpa hewoskantu, iye ounyanpi kin owasin en. Unkan Jehowa he miye e sdon-yayapi kta.

WICOWOYAKE 7.

1 Nakun Jehowa oie en mau kin he hecen eya :

2 Nakun, niye wicašta cinhin-tku, Jehowa Itancan kin he Is-rael makoce kin on hecen eya ce : Owihanke, owihanke kin he wanna makoce oise topa kin akan u ce.

3 Wanna owihanke kin en niu ; unkan mitocanniye kin he niye en yewaši kta, qa nitacanku kin eciyatanhan ciyaco kta, qa wowahštešni nitawa kin iyuhpa niye en cicicau kta.

4 Qa miišta nikpatan kte šni, qa waonšiwada kte šni : tuka nitacanku kin he niye en cicicau kta, qa wowahštešni nitawa kin hena nicokaya un kta : Unkan Jehowa he miye e sdonyayapi kta.

5 Jehowa Itancan kin hecen eya ; Taku šica, taku šica ecedan wan, iho, wanna hiyohi.

6 Owihanke wan u, owihanke kin wanna hi ; iš anipe yanka ; iho, wanna hiyohi.

7 Makoce kin en ounyaya, hanhanna kin he wanna nihiyohi : wanna iyehantu, wokakije anpetu kin kiyedan u, qa he tawowi-yuškin kin hee šni.

8 Wanna ecadan mitocanteptanye kin acicaštan kta, qa mitocanniye kin he niye en wahduštan kta : qa nitacanku kin eciyatanhan ciyaco kta, qa wowa-

htešni nitawa kin iyuhpa niye en cicicahdi kta.

9 Qa miišta patan kte šni, qa waonšiwada kte šni : nitacanku kin eciyatanhan ciçu kta, qa wowahštešni nitawa nicokaya yanke kta : unkan tuwe waapa Jehowa he miye e sdonyayapi kta.

10 Wan, anpetu kin ; iho, wanna hiyohi ; hanhanna kin wanna hiyaya ; adetka kin hca aya, wahaniciđapi waskuyeca icalya.

11 Wakakišyapi kin he wošice adetka icaga : hena etanhan šni, qa wicota tawapi etanhan šni, qa taku tawapi kin etanhan wance kta : qa hena on wicaceya yuke kte šni.

12 Wanna iyehantu, anpetu kin kiyedan u : wopeton kin he wiyuškin kte šni, qa wiyopeye cin he cante šin ičiye kte šni : wocanteptanye wicota tawa kin ocowasin akan wicaun nakaes.

13 Wiyopeye cin he taku wiyopeyapi kin en ku kte šni, hena ni unpi opapi ešta : wowanyake kin he wicota kin ocowasin on, hena hdicupi kte šni nakaes ; qa tuwedan iye tošice kin en towiconi hduwašake kte šni.

14 Taku owasin hduwiyeyapi kta on mazayahotonpi kin yahotonpi ; tuka tuwedan okicize kin ekta ye šni : mitocanteptanye kin he wicota tawa kin owasin akan wicaun nakaes.

15 Tankan mazasagye, qa timahen makošica qa wicaakihan yukan : tuwe magata un kin he mazasagye on te kta, qa tuwe otonwe mahen un kin he, wicaakihan qa makošica temyapi kta.

16 Tuka hena etanhan tona najicapi kte cin hena najicapi kta, qa he kin akan unpi kta, kaksiza wakiyedan kin iyececa, hena owasin ceyapi kta, otoiyohi iye wahitani kin on.

WICOWOYAKE 8.

17 Wicanape owasin waśake kte śni, qa wicahupahu owasin mini iyecen śkanśkan kta.

18 Nakun wakihdaka ipiyag kitonpi kta, qa wonihinciye awicalahe kta; qa wicaite owasin akan wowištece yuke kta, qa hena owasin pa akan nasuśda kta.

19 Mazaska tawapi kin he canku ohna elheyapi kta, qa mazaskazi yuhapi kin he woyuśice kta: mazaska tawapi qa mazaskazi hduhapi kin Jehowa tocan-teptanye anpetu kin en ewicayaku okihi kte śni: iye naġipi kin imnaiciyapi kte śni, qa tezi ojui-ci-yapi kte śni; iye walitanipi on hicahanpi kte cin hee nakaes.

20 Towaste wowitan kin he woiyokipi en ekihde; tuka hena e wowahite śni tawapi, taku śice hinca yuhapi okaġapi kin he ohna kaġapi: heon etanhan he taku elheyapi on wicawaqu.

21 Unkan he wokipi on oyate tokeca napepi kin en, qa woicupi kta on maka akan tona śicapi kin wicawaqu kta: unkan hena yuśapapi kta.

22 Nakun iyepi etanhan miite wicaweciyuhomni kta, unkan woinalibe mitawa yuśapapi kta: wayujujupi kin hena hipi kta qa yuśapapi kta nakaes.

23 Mazaicicahila wan kaġa wo: makece kin weyapi on wicayacopi ojudan, qa otonwe kin wokakiśye on ojudan, heon etanhan.

24 Heon etanhan Ikcewicaśta iyotan śicapi kin hena awicawau kta, unkan tipi tawapi kin hena tawayapi kta: Nakun waśakapi towahanićidapi kin he ayuśtan wakiye kta; qa tipi wakan tawapi qon hena yuśapapi kta.

25 Woihangye kin u: hehan woikiye akitapi kta, tuka wani-ce kta.

26 Woyuśice woyuśice itakihna u kta, qa woyakapi woyakapi itakihna kta: hehan wicaśta wockan etanhan wowanyake akita-pi kta: tuka woope kin wawayuśna kin kitanin kte śni, qa wowahokonkiye hunkayapi kin ayuśtan kta.

27 Wicaśtayatapi kin he ceye kta, qa wicaśta itancan kin wicotakuni śni koyake kta, qa makece oyate napepi kin cancanpi kta: iye tacankupi kin eciyatanhan ecawicawecon kta, qa tawoyacopi kin eciyatanhan wicamdaco kta: Unkan Jehowa he miye e sdonyapi kta.

WICOWOYAKE 8.

1 Unkan kaketu, waniyetu iśakpe, wi iśakpe, wiyawapi anpetu izaptan, wati ohna iyotankehan manka, qa Juda hunkayapi kin mitokam iyotankapi, hehan Jehowa Itancan nape kin hen amahinhpaya.

2 Hehan watonwan, unkan iho, ouncage wan peta owanyake kin iyececa: nite owanyake kin hetanhan kuntkiya, peta; qa nite etanhan wankantkiya ojanjan owanyake kin iyececa, mazaśa pabezapi iśta kin iyececa.

3 Unkan wicanape ouncage iyececa wan hiyuya, qa mapa hin sonpi kin on mayuza: Unkan Woniya kin yuwankan imacu, maka kin qa malpiya kin otahe-dan, qa Wakantanka towanyake kin on Jerusalem ekta amahi, tiyopa mahentu waziyatakiya okaħmin ohanzi kin hetu: wowinawizi ouncage oiyotanke kin hen yanka, he winawizikiyapi ecee.

4 Unkan iho, Israel Taku Wakan tawa towitan kin hen yanka, omdaye kin en wowanyake wamdake ciqon iyececa.

EZEKIEL TAWOWAPI,

5 Hehan iye hemakiya ; Wicašta cinhintku, wanna waziyatakiya canku kin ekta ništa yuwankan iyeya wo. Hecen waziyatakiya canku kin ekta mišta hduwankan iyewaya, unkan iho, waziyatakiya owayuśna tiyopa kin ekta, wowinawizi ouncege kin de, ohna hiyupi kin hetu.

6 Hehan hemakiya ; Wicašta cinhintku, taku econpi kin hena wandaka he ; wowaliteśni tankinyanyan Israel tiyohnaka kin den econpi ecee ; hecen on tipi wakan mitawa kin etanhan tehan mde kta. Tuka ake ihduhomni wo, wowaliteśni sanpa tanka wandake kta ce.

7 Hehan tihocoka tiyopa kin ekta amahi ; unkan watonwan, qa iho, conkaške kin ohna olidoka yukan.

8 Hehan iye hemakiya ; Wicašta cinhintku, wanna conkaške kin ohna qa wo. Unkan conkaške kin owaqa, hehan iho, tiyopa wan.

9 Unkan iye hemakiya ; En ya wo, qa wowaliteśni śice hinca den econpi kin hena wanyaka wo.

10 Hecen mahen wai qa wammdaka ; unkan iho, wamakaśkan ouncege owasin, qa woteca walitepi śni, qa Israel tiyohnaka wakağapi tawa iyulpa conkaške akan ohomni owapi.

11 Unkan hena itokam Israel tipi hunkayapi kin etanhan wicašta wikcemna śakowin en najinpi, qa Jaazaniah Šaphan cinhintku wicacokaya najin, qa otaiyohi nape ohna oizite wan hduhapi : unkan izite mahpiya śoka wankan iyaya.

12 Hehan iye hemakiya ; Wicašta cinhintku, Israel tipi hunkayapi kin otpaza en taku econpi wandaka he, otaiyohi iye waka-

ğapi tipi tawa kin ohna : Jehowa wanunyakapi śni ; Jehowa maka kin ayuśtan ce, eyapi ece kin heon etanhan.

13 Nakun iye hemakiya ; Ake ihduhomni wo, wowaliteśni tanka hinca econpi kin hena wandake kta ce.

14 Hehan Jehowa ti tiyopa waziyatakiya wanke cin he ekta amahi : unkan iho, hen winohinca iyotankapi Tammuz akiceyapi.

15 Hehan iye hemakiya ; Wicašta cinhintku, wandaka he : ake ihduhomni wo, dena isanpa wowaliteśni tanka wandake kta ce.

16 Unkan Jehowa ti kin en tihocoka mahentu kin ekta amahi ; unkan iho, tipi wakan Jehowa tawa tiyopa kin hetu, ohanzi hdepi qa owayuśna kin otahedan, wicašta wikcemna nonpa sanpa zaptan ecetu, tapete tipi wakan Jehowa tawa kin ektakiya yukanpi, qa ite wiyohiyanpatakiya yakonpi, qa ite wiyohiyanpatakiya anpetu wi kin itokam makata ehpaiyapi.

17 Hehan iye hemakiya ; Wicašta cinhintku, de wandaka he. Juda tiyohnaka kin wowaliteśni econpi kin den econpi kin he taku cistinna he : wokakiśye on makece kin ojuyapi, qa miye canteptanye mayanpi kta on en hdicupi nakaeś : Unkan iho, hena can adetka kin poğe en hduzapi ecee.

18 Heon etanhan miś eya wocanteptanye on ecamon kta : mišta patau kte śni qa waonśiwada kte śni : qa ho tanka on minoğe en hoyekiyapi ešta nawicawañon kte śni ce.

WICOWOYAKE 9.

1 Nakun ho tanka on minoğe en hoyemakiya, qa heya ; Oton-

WICOWOYAKE 10.

we awanyakapi kin hena kiyedan uwicakiya wo, qa otoiyohi waihangye wipe nape ohna hduhe kta.

2 Unkan iho, wicašta śakpe tiyopa wankantu waziyatakiya wanke cin canku kin he ohna upi, qa otoiyohi tawipe canłpi kin he nape ohna hduhapi: unkan wicacokaya wicašta wan minihuha oğekiton, qa wowapi kağa iyokaştan tawa ipiyake kin en yanka: unkan hena mahen iyayapi qa mazazi owayuśna kin icalda inajinpi.

3 Unkan Israel Taku Wakan tawa towitan kin he Kerub akan yanka ece kin hetanhan iyaya, tipi tiyopa akan he cin ekta. Unkan wicašta minihuha kohdake qa wowapi kağa iyokaştan ipiyake ohna hduhe cin he kipan:

4 Qa Jehowa heciya; Otonwe kin cokaya ehna ya wo, Jerusalem cokaya, qa wicašta tona wowahteśni owasin ohna econpi kin hena on comnihdazipi qa ceyapi kin hena itohnake en wowape-tokeca wan ehnaka wo.

5 Tuka nałon manke cin en unmapi kin hewicakiya; He iya-hna otonwe kin ehna ya po, qa wakaştaka po: niistapi wicapatan kte śni, qa waonśiyadapi kte śni.

6 Wicahincapi, kośka qa wikośka, qa hokśiyopa, qa winohincapi, woihangye on wicakte po; qa tipi wakan mitawa kin en tokaheya econ po. Unkan wicahincapi tipi itokam unpi kin hena en tokaheya econpi.

7 Nakun iye hewicakiya; Tipi kin yuśapa po, qa tihocoka kin wicaktepi kin on ojuya po: ya po. Unkan hena iyayapi qa otonwe kin ohna wicaktepi.

8 Unkan kaketu, wicaktepi icunhan, qa miye omakaptapi,

hehan ite makipusdiya ehpeimiya, qa wapan, qa hepa; Hehehe, Jehowa Itancan, wocanteptanye nitawa Jerusalem ayakaştan kin en Israel wookapte ocowasin ihangwicayaye kta he.

9 Hehan iye hemakiya; Israel qa Juda tiyohnaka walitanipi kin he tanka hinca wopteca śni, qa makoce kin he we ojudan, qa otonwe kin wopemni econpi kin on: Jehowa maka kin ehpekiya; qa, Jehowa wawanyake śni ce, eyapi nakaeś.

10 Heon etanhan miś eya, miišta wicapatan kte śni, qa waonśiwada kte śni: iye pa kin en ta-cankupi kin wicawecu kta ce.

11 Unkan iho, wicašta minihuha ihduze wowapi kağa iyokaştan ipiyake en hduhe cion he hośi hdi, qa heya; Taku econ mayası qon he ecen ecamon ce.

WICOWOYAKE 10.

1 Hehan watonwan, unkan iho, okotonyan iwankam, kerubim pa kin iwankapatanhan, saphir inyan wan iyecen, oiyotanke ounce owanyake kin iyececa, hena iwankam tanin.

2 Unkan he qe wicašta minihuha ihduze cin kici wohdaka qa heciya; Canhdeśka kin iyotahe-dan, kerub ihukuya, ya wo, qa kerubim otahedan tanhan peta-petağa kin nape ojudan eyaku wo, qa otonwe kin iwankamkam ehpeya wo. Unkan en ewatonwan icunhan mahen iyaya.

3 Unkan wicašta qon ti mahen iyaya hehan kerubim kin tipi kin etapatanhan najinpi; qa małpiya śapa kin on tihocoka mahentu kin ojudan.

4 Hehan Jehowa towitan kin kerub iwankapatanhan wankan iyaya, tipi tiyopa oahe iwankam

EZEKIEL TAWOWAPI,

ekta: unkan tipi kin mahpiya šapa on ojuyapi, qa tihocoka kin Jehowa towitan wiyatpa linca on ojudan.

5 Unkan kerubim tahupahu ho kin tankan tihocoka kin hehanyan nahonpi, Taku Wakan iyotan Wasaka ia eca ho kin iyececa.

6 Unkan kaketu, wicašta mini-huha ihduze cin he econ ši, qa, Canhdeška kin otahedan, kerubim iyotahedan tanhan peta icu wo, eciya, hehan mahen iyaya, qa canhdeška kin icahda inajin.

7 Unkan kerub wanji kerubim otahedan tanhan nape hiyukiya, kerubim otahedan peta wanke cin ekta, qa etanhan icu, qa mini-huha ihdus ui kin nape napin en ohnaka; unkan he icu qa tankan iyaya.

8 Unkan kerubim tahupahu kin ihukuya wicašta nape ounce kin iyececa wan tanin.

9 Unkan watonwan, qa iho, kerubim icahda canhdeška topa, kerub wanji isakimtu canhdeška wanjidan, qa kerub wanji isakim canhdeška wanjidan: unkan canhdeška kin hena owanyake kin Taršiš inyan išta kin iyececa.

10 Unkan hena topa owanyake kin ounce wanjidan, canhdeška wanji canhdeška wanji coka-ya un kin iyececa.

11 Yapi eca topa omdotonyan yapi ece; yapi en oyuktanyan yapi šni, tuka tukte ekta pa itohaya etonwan yanke cin heciya iyahna yapi ece; yapi en oyuktanyan yapi šni.

12 Unkan tancan sintomni, qa tapete ekta, qa napepi, qa hupahu, qa canhdeška kin hena išta ojugjudan, canhdeška hena topa kin ihdukšan.

13 Canhdeška kin hena wicaki-

panpi, minoge en, O, canhdeška, eyapi.

14 Unkan otoiyohi ite topa; ite tokaheya kin he kerub ite, qa ite inonpa kin he wicašta ite, qa iya-mni kin he mnaja ite, qa itopa kin he wamdi ite kin heca.

15 Unkan kerubim kin wankan iyayapi. Taku ni un Kebar wakpa ekta wanmdake ciqon he dee.

16 Unkan kerubim iyoopta yapi eca, canhdeška kin is icahda yapi ece: qa tohan kerubim hupahu wankan ehdakupi, maka etanhan wankan yapi kta, hehan canhdeška kin is hdicupi šni, hena icahda unpi ecee.

17 Hena najinpi eca dena najinpi; qa hena wankan yapi eca, is eya wankan ihdoyapi ecee: taku ni un taniya kin he mahen wicaun nakaes.

18 Hehan Jehowa towitan kin tipi tiyopa oahe kin etanhan iyaye qa kerubim iwankam inajin.

19 Unkan miišta itokam kerubim hupaha yuwankan ikikcupi qa maka kin etanhan wankan iyayapi: tankan iyayapi hehan canhdeška kin icahda unpi; unkan Jehowa ti tiyopa wiyohi-yanpatanhan yuhdokapi kin hen najinpi: qa Israel Taku Wakan tawa towitan kin hena iwankam yanka.

20 Kebar wakpa kin ekta taku ni un Israel Taku Wakan tawa ihukuya wanmdake ciqon he dee: Unkan kerubim hena ee sdonwaya.

21 Hena otoiyohi ite topa, qa otoiyohi hupahu tom yuhapi; qa wicašta nape ounce kin hupahu ohdateya wicakiciyanka.

22 Unkan itepi ounce kin hena Kebar wakpa ekta itepi wanmdake ciqon heepi: towanyake-

WICOWOYAKE 11.

pi qa iyepi: hena otoiyohi iye
ite itoheya yapi ecee.

WICOWOYAKE 11.

1 Hehan Woniya kin yuwankan imacu, qa Jehowa ti wiyohiyanpata tiyopa wiyohiyanpatakiya etonwan kin he ekta amahi: unkan iho, tiyopa yuhdokapi kin ekta wicašta wikcemna nonpa sanpa zaptan; hena wicacokaya Jaazaniah Azur cinhintku, qa Pelatiah Benaiah cinhintku, oya-te en itancanpi kin hena wanwicamdaka.

2 Hehan hemakiya; Wicašta cinhintku, otonwe kin de ohna wicašta taku šica awacinpi, qa wowahokonkiye šica wicaqupi ecee kin dena eepi.

3 He ikiyedani šni; tipi unkičicağapi kta ce: ceğā kin dee, qa tado kin he unkiyepi ce, eyapi ece.

4 Heon etanhan dena en woyaka wo; wicašta cinhintku, eyanpaha wo.

5 Hehan Jehowa Taniya kin amahinhpaya, qa hemakiya; Heya wo; Jehowa hecen eya ce; Israel tiyohnaka, niye hecen eha-pi ece; nitawacinpi taku en u kin hena miye sdonwaya nakaes.

6 Otonwe kin de ohna wicaktepi nitawapi yahduotapi, qa canku kin hena wicaktepi kin on ojuyayapi.

7 Heon etanhan Jehowa Itancan kin he hecen eya ce; Wicaktepi nitawapi he cokaya ewicayahnakapi kin hena tado eepi, qa otonwe kin de ceğā kin hee: tuka de cokayatanhan tankan iyeciyapi kta ce.

8 Mazasagye kin he'koyakipapi ece; unkan mazasagye en aciupi kta ce, Jehowa Itancan kin eya.

9 Hecen de cokayatanhan iya-yeciyapi kta, qa wicašta tokeca napepi kin en hiyuciyapi kta, qa niyepi ehna woyaco ecamon kta ce.

10 Mazasagye kin on nihinhpayapi kta; Israel makoce ihanke kin ekta ciyacopi kta: unkan Jehowa he miye e sdonyayapi kta.

11 Ceğā nitawapi kin he dee kte šni, qa he ocokaya tado kin he niyepi kte šni: Israel makoce ihanke kin ekta ciyacopi kta.

12 Unkan Jehowa he miye e sdonyayapi kta: mitawoahope kin ohnayan mayanipi šni, qa mitawoyaco kin hena ecanonpi šni nakaes: tuka Ikcewicašta nihdukšan unpi tawoyacopi kin ohna ecanonpi ecee.

13 Unkan kaketu, womdaka icunhan Pelatiah Benaiah cinhintku kin ta: Hehan ite makipusdiya ehpeمیچیا, qa hotankakiya hoyewaya qa hepa; Hehehe, Jehowa Itancan, Israel okaptapi kin ocowasin owihanke yaye kta he.

14 Hehan Jehowa oie en mau kin he hecen eya:

15 Wicašta cinhintku, nihunkawanjipi, nihunkawanjipi, wicašta takuwicayaye, qa Israel tiyohnaka ocowasin, Jerusalem en ounyanpi kin heepi; Jehowa itehanyan ya po, makoce kin de tawaunyanpi kta unqupi ce, ewicakiyapi qon hena eepi.

16 Heon etanhan heya wo; Jehowa Itancan kin hecen eya ce; Hena Ikcewicašta ehna tehan ehpewicawaya ešta, qa makoce kin ohnahna enanakiya iyewicawaya qeyaš, makoce kin tuktekte ekta ipi kinhan, hen tipi wakan cistinna iyececa wicakici waun ecee kta.

17 Heon etanhan heya wo; Jehowa Itancan kin hecen eya ce;

EZEKIEL TAWOWAPI,

Nakun oyate kin ehnahna tanhan mnaciyapi kta, qa makoce ekta-kta enanakiya iyaye niyanpi qon hetanhan ciyuwitayapi kta, qa Israel makoce kin ciçupi kta.

18 Unkan hena den hdipi kta, wowahŕešni en un kin owasin, qa wakağapi kin iyuhpa hetanhan yutokanpi kta.

19 Unkan wicacante okonwan-jidan wicawaqu kta, qa woniya teca wan tanmahen ecicihnakapi kta; qa iye celpi etanhan inyan cante kin ewicaweciyaku kta, qa wicacehpi cante wicawaqu kta :

20 Hecen mitoope kin ohnayan manipi kta, qa mitawoyaco kin ahopapi kta, qa ecen econpi kta : unkan hena mitaoyate eepi kta, qa Taku Wakan tawapi kin he miye kta ce.

21 Tuka tona cantepi wowahŕešni tawapi kin eciyatanhan, qa wakağapi tawapi eciyatanhan mani kinhan, iye tacankupi kin iye pa akan awicawau kta ce, Jehowa Itancan kin eya.

22 Hehan kerubim kin hupahu yuwankan ikikcupi, qa nakun canhdeška wicicahda unpi kin : qa Jehowa Israel Taku Wakan tawa towitan kin he wiciwankam yanka.

23 Unkan Jehowa towitan kin otowwe cokayatanhan wankan iyaye ça he otowwe iwiyoŕhiyanpatanhan wanke cin he akan han.

24 Hehan Woniya kin yuwankan imacu qa Kasdim makoce kin en amahdi, wowanyake en, wayaka unpi kin ekta, Wakan-tanka Taniya kin on. Hecen wowanyake wanmdake cin he elpeya imiciyaya.

25 Hehan wicoie Jehowa wan-yagmakiye cin hena owasin wayaka unpi kin owicawakiyaka.

WICOWOYAKE 12.

1 Nakun Jehowa oie en mahi kin he hecen eya :

2 Wicašta cinhintku, wawakipajin tipi wan cokaya yati ; hena išta on wanyakapi kta yuhapi, tuka wawanyakapi šni ; hena noğe winahonpi kta yuhapi tuka wanahtonpi šni ece : tipi wawakipajin kin hena eepi nakaes.

3 Heon etanhan wicašta cinhintku, niye wahpaya on ihdakapi ece kin hera wiyeya ehnaka wo, qa iye wanyakapi kin en, anpetu icunhan ihdaka wo : unkan iye ištapi itokam nitohe etanhan owanka tokeca ekta iyahdake kta : okini awacinpi kta, tipi wawakipajin kin hecapi qeyaš.

4 Hehan anposkan, iye ištapi itokam wahpaya nitawa edaku kta, wahpaya on ihdakapi kta iyececa : qa hitayetu hehan iye ištapi itokam idade kta, wayaka unpi ihdakapi kin iyececa.

5 Iye ištapi itokam conkaške ohna qa wo, qa ohna qin aya wo.

6 Iye ištapi itokam tapete akan wayaqin kta, tokañ otpaza hehan aya wo : niite ayahdalipe kta, hecen maka kin wandake kte šni : Israel tiyohnaka en wowakta ecihnaka nakaes.

7 Unkan econ mašipi kin iye-cen ecamon ; wahpaya mitawa anposkan emdaku, wayaka yapi kta wahpaya kin iyececa, qa hitayetu hehan minape on conkaške kin owaqa ; tokali otpaza hehan tankan awau, hinyete akan waqin, iye wanyakapi icunhan.

8 Unkan ihanhanna Jehowa oie en mahi kin he hecen eya :

9 Wicašta cinhintku, Israel tiyohnaka, wawakipajin tipi kin he, Taku ecanon he, eniciyapi šni he.

10 Hewicakiya wo ; Jehowa

WICOWOYAKE 12.

Itancan kin hecen eya ce; Wo-qin kin de Jerusalem en wicašta itancan, qa Israel tiyohnaka wicacokaya unpi kin ocowasin heepi.

11 Wowakta nitawapi kin he miye ce, eya wo: token ecamon kin he iyecen ecawicakiconpi kta; ihdakapi, qa wayaka unpi kin en yapi kta.

12 Unkan wicašta itancan wicacokaya un kin he tokañ otpaza hehan hinyete akan qin kta qa inanpe kta: hena conkaške ohna tanhan waqinpi kta e oqapi kta: iye qe ite ahdañpe kta, hecen išta on maka kin wanyake kte šni.

13 Nakun wohmunke mitawa kin he ewaonpe kta, qa mazahtakiyapi mitawa on yuzapi kta: unkan Babel ekta Kasdim makoce kin en awahi kta; tuka iye qe wanyake kte šni, ohna te kta eštahan.

14 Unkan tona ihdukšan unpi owasin, taokiye qa ozuye tawa iyuhpa tate ouye owasin ektakta yewicawaye kta; qa wicihakam mazasagye wan mdušdoke kta.

15 Hecen tohan oyate kin ehna-hna enanakiya iyewicawaya, qa makoce ektakta iyaye wicawaya, hehan Jehowa he miye e sdon-yapi kta.

16 Tuka hena etanhan mazasagye etanhan, qa wicaakiñan etanhan, qa makošica etanhan wicašta tonana owakapte kta; hecen Ikcewicašta ektakta ipi kin hena en wowahite šni tawapi kin owasin ohdakapi kta; qa Jehowa he miye sdon-yapi kta ce.

17 Hehan Jehowa oie en mahi kin he hecen eya:

18 Wicašta cinhintku, aguyapi nitawa cancansa hđuta wo, qa mini nitawa cancanyan qa koki-peyahan hdatkan wo:

19 Qa makoce en oyate kin hewicakiya wo; Israel makoce ohna, Jerusalem en oonyanpi kin hena on Jehowa Itancan kin hecen eya ce; Hena aguyapi koki-peyahan hđutapi kta, qa wonihinciye en mini hdatkanpi kta; hecen makoce tawapi kin taku ota tawa kin iyutakunipi kte šni; en oonyanpi owasin wakakišya ohanyanpi kin he on etanhan.

20 Qa otonwe otipi kin hena ihangyapi kta, qa makoce kin otiwota kta: unkan Jehowa he miye e sdon-yapi kta.

21 Hehan Jehowa oie en mahi kin he hecen eya;

22 Wicašta cinhintku, he taku wicoie wakan Israel makoce ohna duhapi he; Anpetu kin yutehanpi, qa wowanyake owasin ecetu šni ce, eyapi ece.

23 Heon etanhan hewicakiya wo; Jehowa Itancan kin hecen eya ce; Wicoie wakan kin de ayušan wakiye kta, qa Israel en icimana hecen wiyacinpi kte šni: Tuka hewicakiya wo; Anpetu kin, qa wowanyake wicoie kin owasin wanna iyehantu ce.

24 Detanhan icimana wowanyake itonšni qa wakan kağapi šdušduta owasin Israel tiyohnaka ohna yuke kte šni.

25 Jehowa he miye e iwae kta nakaes; wicoie kin epe kta, qa he ecen ecamon kta, icimana yutehanpi kte šni; wawakipajin tipi, niye nitaanpetu kin en wicoie kin epe kta qa ecen ecamon kta ce, Jehowa Itancan kin eya.

26 Hehan Jehowa oie en mahi kin he hecen eya;

27 Wicašta cinhintku, iho, Israel tiyohnaka kin heyapi; Wowanyake wanyake cin he anpetu ota ekta, qa waniyetu tehan on woyaka ecee.

28 Heon etanhan hewicakiya

EZEKIEL TAWOWAPI,

wo; Jehowa Itancan kin hecen eya ce; Detanhan mioie owasin icimana yutehanpi kte šni: wicoie kin epe kta, unkan ecen econpi kta ce, Jehowa Itancan kin eya.

WICOWOYAKE 13.

1 Unkan Jehowa oie en mahi kin he hecen eya:

2 Wicašta cinhintku, Israel wicašta wokcan woyakapi ece kin hena wowicakiyaka wo; qa tona iye cantepi eciyatanhan woyakapi ece kin hena hewicakiya wo; Jehowa oie kin nañon po:

3 Jehowa Itancan kin hecen eya ce; Hehehe, wicašta wokcan witkotkokapi, tona taniyapi okipapi, qa takudan wanyakapi šni!

4 Israel, wicašta wokcan nita-wapi kin hena hewoskan šungidan kin iyececapi:

5 Oyujujupi kin ekta dapi šni, qa conkaške piya yakağapi šni, on Israel tiyohnaka okicize en najinpi kta, Jehowa taanpetu kin en.

6 Taku šni qa wakan kağapi woitonšni kin wanyakapi: Jehowa heya ce, eyapi; tuka Jehowa yewicaši šni: Unkan wicoie hdušutapi kta kecinpi.

7 Wowanyake taku šni kin heca wandakapi šni he; qa wakan kağapi itonšni wan odakapi šni he: Jehowa heya ce, ehapi nakaeš; tuka miye takudan epe šni.

8 Heon etanhan Jehowa Itancan kin hecen eya ce; Takušnišni odakapi qa woitonšni wandakapi kin heon etanhan iho, miye itkocicipapi, Jehowa Itancan kin eya.

9 Qa wicašta wokcan takušni wanyakapi, qa woitonšni ayatapi

ece kin hena minape akan wicaun kta: hena mitaoyate inniciyapi kin en unpi kte šni; qa Israel tipi oiçiwapi kin en owicawapi kte šni; nakun Israel makoce kin en yapi kte šni; unkan niye Jehowa Itancan kin he miye e sdonyayapi kta.

10 Heon etanhan, han, mitaoyate wicahnayanpi, Wookiye eyapi, tuka wookiye wanica: unkan tuwe conkaške ehna, qa upšija on apawintapi ece, heon etanhan;

11 Tona upšija apawintapi kin hena hewicakiya wo; Han, hinhpaye kta; minitan mağaju yuke kta, qa cağa inyan hiyuwaye kta, qa tate iyumni wan bomdece kta ce.

12 Unkan iho, conkaške kin hinhpaye cinhan, hehan, Upšija on ayapawintapi qon he toki un he, eniciyapi kte šni he.

13 Heon etanhan Jehowa Itancan kin hecen eya ce; Mitocanteptanye kin en tate iyumni hinarpe wakiye kta, qa mitocanniye en minitan mağaju yuke kta, qa cağa inyan wocanteptanye en, ihangyapi kta e heon.

14 Hecen conkaške upšija on ayapawintapi kin he niđuju kta, qa makata elipewaye kta, qa akan he ciqon he tanin kta, unkan hinhpaye kta, qa cokayatanhan niye ihangniyanpi kta: hecen Jehowa he miye e sdonyayapi kta.

15 Hecen conkaške kin en, qa tona upšija on apawintapi qon hena akan mitocanteptanye wadušan kta: hehan heciciyapi kta; Conkaške kin he wanna en un šni, qa tona apawintapi qon hena nakun:

16 Israel wicašta wokcan tawapi, Jerusalem on woyakapi, qa on wookiye wowanyake wanyakapi ece kin heepi; tuka wookiye

WICOWOYAKE 14.

wanica ce, Jehowa Itancan kin eya.

17 Nakun, wicašta cinhintku, nitaoyate cunwintku iye cantepi eciyatanhan woyakapi ece kin hena wicitkokim niye niite ekihnaka wo; qa niś wowicakiyaka wo;

18 Qa heya wo; Jehowa Itancan kin he hecen eya ce; Hehehe, tona nape okihe owasin en ipahin akagegepi, qa wicašta ouncaḡe owasin pa kin paogedan kicaḡapi ece, wicanagi iyapepi kta e heon. Mitaoyate naḡipi kin ayapepi kta he; qa ninaḡipi kin niniḡiyapi kta he.

19 Qa mitaoyate owicapeya mayaduṣapapi kta he, barle naphnaka on, qa aḡuyapi onṣpaṣpa on; hecen wicanagi ṭapi kte śni kin hena wicaktepi kta, qa wicanagi nipi kte śni kin hena niwicayapi kta, mitaoyate woitonśni nahonpi ece kin hena wicayahayanpi kin heon etanhan.

20 Heon etanhan Jehowa Itancan kin hecen eya; Iho, ipahin nitawapi on wicanagi ayapepi, kinye wicayapi kta, hena itkokim waun, qa hena niistopi etanhan mdulḡdece kta, qa wicanagi kin hena niwicawaye kta, wicanagi kinye wicayapi kta on iya-wicayapepi kin hena.

21 Nakun wapaogedan nitawapi kin hena mdulḡdeḡdece kta, qa ninapepi etanhan mitaoyate ewehdaku kta; unkan iyawicapepi kta on icimana ninapepi en unpi kte śni: hecen Jehowa he miye e sdonyayapi kta.

22 Woitonśni on wicašta owotanna cante iyokiṣinyayapi, tuka miye iyokiṣinwaye śni; qa wicašta śica nape duwaśakapi, hecen wiconi yuhe kta on iye tacanku śica etanhan ihduhomni kte śni nakaes;

23 Heon etanhan icimana woitonśni wandakapi kte śni, qa wakan kaḡapi ecanonpi kte śni: ninapepi etanhan mitaoyate ewicawehdaku kta nakaes: unkan Jehowa he miye e sdonyayapi kta.

WICOWOYAKE 14.

1 Hehan Israel hunkayapi kin etanhan wicašta wanjikji en mahipi, qa mitokam iyotankapi.

2 Unkan Jehowa oie en mahi kin he hecen eya;

3 Wicašta cinhintku, wicašta kin dena wakaḡapi tawapi iye cante kin en ekihdepi, qa woahitani inaśnapi tawapi iye itepi itokam ehnakapi: wiwangapi on hena wimawangapi kta iyececa he.

4 Heon etanhan wowicakiyake ḡa hewicakiya wo; Jehowa Itancan kin hecen eya ce; Israel tiyohnaka wicašta otoiyohi wakaḡapi iye cante kin en ekihdekinhan, qa woahitani inaśnapi tawa kin iye ite itokam ekihnaka, qa wicašta wokcan kin en hi kinhan; Jehowa miye hinca, tuwe hi kin he wakaḡapi tawa ota hinca eciyatanhan amdupte kta ce:

5 Hecen Israel tiyohnaka iye cantepi kin on wicamduze kta, wakaḡapi tawapi eciyatanhan hena iyuhpa ehpemayanpi nakaes.

6 Heon etanhan Israel tiyohnaka kin hecen ewicakiya wo; Jehowa Itancan kin hecen eya ce; Namni po, qa wakaḡapi nitawapi etanhan ihduhomni po; qa wowahiteśni nitawapi owasin etanhan niitepi hduhomni po.

7 Israel tiyohnaka etanhan wicašta otoiyohi, qa wicašta tokeca Israel om ounye cin hena etanhan, tuwe ehpemaye ḡa iye cante kin en wakaḡapi tawa ekihde, qa

EZEKIEL TAWOWAPI,

woahitani inasnap i tawa iye ite itokam ekihnaka, qa miye on wicašta wokcan wiwange kta en hi kinhan; Jehowa miye linca atayedan waamdapte kta ce.

8 Qa miite wicašta kin he itko-kim ewehnake kta, qa wowakta qa wocajeyate wakage kta, qa mitaoyate cokaya tanhan wicašta kin he ihangwaye kta; unkan Jehowa he miye e sdoniyayapi kta ce.

9 Unkan wicašta wokcan wan hnayanpi qa wicoie wan oyake cinhan, Jehowa miye wicašta wokcan kin he wahnayan: qa minape amdugate kta, qa Israel mitaoyate cokaya tanhan wicašta kin he ihangwaye kta ce.

10 Unkan iye walitanipi kin kicinpi kta; tuwe wiwanhi hi walitani kin he wicašta wokcan walitani kin iyecece kta.

11 Hecen Israel tiyohnaka ake omapapi etanhan nuni yapi kte šni, qa taku šica econpi kin on icimana ihdušapapi kte šni: tuka hena mitaoyate eepi kta, qa Taku Wakan tawapi kin he miye kta, Jehowa Itancan kin eya.

12 Hehan Jehowa oie en mahi kin he hecen eya:

13 Wicašta cinhintku, makoce kin wohdaye tehike on wamakihitani kinhan, hehan minape amdugate kta, qa aguyapi sagye tawa kin mdukse kta, qa wicaakihan en yewaši kta, qa etanhan wicašta woteka ko ihangwicawaye kta:

14 Qa dena wicašta yamni, Noah, Daniel qa Job cokaya unpi ešta, woowotanna tawapi on iye nagipi ecedan eihdakupi kta, Jehowa Itancan kin eya.

15 Wamanica šica makoce kin ehna iyaye wicawaye cinhan, qa hena he ihangyapi hecinhan, hecen hewoskan wanke, qa wama-

nica on etanhan tuwedan opta ye kte šni hecinhan;

16 Dena wicašta yanini en unpi ešta, miye wani, Jehowa Itancan kin eya; awicakehan cinhintkupi qa cunwintkupi niwicakiyapi kte šni; iye isnana eihdakupi kta, tuka makoce kin hewoskan wanke kta.

17 Mazasagye wan makoce kin en awau kinhan, qa, Mazasagye, makoce kin ehna ya wo, epe cinhan; hecen hetanhan wicašta qa woteka ihangwicawaye cinhan;

18 Qa dena wicašta yamni en unpi ešta, miye wani, Jehowa Itancan kin eya; hena cinhintkupi qa cunwintkupi kin niwicakiyapi kte šni, tuka iye isnana eihdakupi kta ce.

19 Qa makoce kin he en wiconte wan yewaši, qa wewe en mitocanteptanye kin awakaštan kinhan, etanhan wicašta qa woteka ihangyapi kta;

20 Noah, Daniel qa Job en unpi ešta, miye wani ce, Jehowa Itancan kin eya; hena cinhintku qa cunwintku unmana eihdakupi kte šni; iye woowotanna tawapi on nagi eihdakupi kta.

21 Jehowa Itancan kin hecen eya; Nakun isanpa, woyaco šica topa mitawa, mazasagye, qa wicaakihan, qa wamanica šica, qa makošica kin hena Jerusalem en yewicawaši, on wicašta qa woteka ihangwicayapi kta hecinhan:

22 Tuka iho, najicapi en woopakte un hena hinanpe yapi kta, cinhintkupi qa cunwintkupi; iho hena niyepi ekta hiyupi kta, unkan iye tacankupi qa ohanpi kin niye wandakapi kta: hehan taku šica Jerusalem en awau qon, taku owasin en hiyuwakiye cin hena on niye wacintonhnagniçiyapi kta.

WICOWOYAKE 16.

23 Unkan hena wacintonhnag-niyanpi kta, tohan iye tacan-kupi qa ohanpi kin wandakapi kinhan: unkan he en taku ecamon kin owasin taku šni on etanhan ecamon šni he sdon-yayapi kta ce, Jehowa Itancan kin eya.

WICOWOYAKE 15.

1 Hehan Jehowa oie en mahi kin he hecen eya;

2 Wicašta cinhintku, hastanhanka can kin he taku he, can adetka can owasin contanka ehna kin isanpa he.

3 Hetanhan can icupi kta wicohtani on taku kağapi kta he; qa iŝ hetanhan can kapestodan icupi kta, taku waksica kin en otkeyapi kta he.

4 Iho, peta tawoyute on petan ehpeyapi; oinkpa napin peta kin huhnahya, qa cokaya kin he nakun ġu: Taku wicohtani kin on okihi kta he.

5 Iho, zaniyan un qehan taku on kałpica šni: hecen tohan peta huhnahya qa ocowasin ġu kinhan isanpa taku wicohtani on takudan okihi kte šni.

6 Heon etanhan Jehowa Itancan kin he hecen eya; Hastanhanka can contanka can ehna, peta tawoyute on peta waqu kin he iyecen Jerusalem en ounyanpi kin hena wicawaqu kta:

7 Qa miite wicitkokim ewehnake kta; hena peta wanji etanhan hiyupi kta, qa peta kin huhnahwicaye kta: unkan tohan miite wicitkokim ewehnake cinhan, Jehowa he miye e sdonyayapi kta.

8 Unkan makoce kin he hewoskan wakage kta, iye wohneye on wahnayanpi kin heon etanhan, Jehowa Itancan kin eya.

WICOWOYAKE 16.

1 Hehan Jehowa oie en mahi kin he hecen eya:

2 Wicašta cinhintku, Jerusalem wowalite šni tawa kin sdonkiye-ya wo:

3 Qa heya wo; Jehowa Itancan kin he Jerusalem hecen eciya ce; Icałniyanpi qa nitonpi kin Kanaan makoce kin etanhan, niyate Amori heca qa nihun Hittiwin heca.

4 Unkan nitonpi kin, anpetu en nitonpi qehan cekpa kan nitawa baksapi šni, qa yuskapi kta on mini en niyujajapi šni; qa miniskuya on skuyeniyanpi šni; qa woyuskite on iyanipemnipi šni.

5 Wicašta wacantkiye akan niyanke šni, dena taku kin wanji-dan ecanicon kta ionšinida kta: tuka tankan mağata ehpeniyanpi, ninaği wałtedapi kte šni, anpetu en nitonpi qehan.

6 Unkan niye nanke cin en wahimdanda qehan, qa niwe en tankan ehpeniyanpi wanciyaka, hehan niwe kin en heciciya; Ni wo; han, Ni wo, niwe kin en eciciya.

7 Mağa oicage kin iyecen ihduota ciciya; unkan nihduota qa tanka inicaga, qa oinpi wašte ģinca ekta yahi: aze nitawa hminyana hiyu, qa nipahin hanskica; tancodan qa onśika yaun tuka qon.

8 Unkan niye en wahimdanda qa acitonwan, hehan iho, anpetu nitawa kin he waštedakapi anpetu ee: unkan niye akan mitaśina iyewaya, qa tancodan yaun kin awakałpa: Han, awicakehan wociciyaka qa wokonze wan cicaga, Jehowa Itancan kin eya; unkan mitawa kta inicaga.

9 Hehan mini on ciyujaja; han, niye etanhan niwe kin ocowasin

EZEKIEL TAWOWAPI,

ujaja iyewaya, qa wihdi on sdaciciya:

10 Nakun wokoyake hdeškaška koyagciciya, qa hokaha hanpa oheciciya, qa minihuha wašte on ipiyagciciton, qa hamhapedan ahdahpe ciciya:

11 Nakun oinpi kin on ciyuwašte, qa mazahuhu ninape en iye-wakiya, qa nitahu en wanapin wan:

12 Qa nipoge en taku hminyan-na wan ewahnaka, qa oinpi nino-ge en, qa wateške wašte hinca wan nipa kin akan.

13 Hecen mazaskazi qa mazaska on nihduwašte; qa nitawokoyake kin minihuha wašte qa hamhapedan qa hdeškaška kin heca: aguyapi mdu qa tuhmagā canhanpi qa wihdi yata ecee: hecen owanyag niwašte hinca, qa wokiconze ekta tanyan yahinape.

14 Unkan Ikcewicašta oyate kin ehnahe nicahe yutaninpi, owanyag niwašte hinca on; he yuštampi hinca, wowašte mitawa acihnaka heon etanhan, Jehowa Itancan kin eya.

15 Tuka owanyag niwašte kin he wacinyakiya, qa nicahe tanka on wawicilahapi ecanon, qa wiinahmanpi nitawa tona en hiyaye cin otoiyohi ayakāstan; he iye tawa kta.

16 Unkan nitawokoyake kin etanhan iyekcu qa wakeya hdeškaška ničicağa, qa hena on wawicilahapi ecanon ece: en yai kte šni, nakun iyecetu kte šni tuka.

17 Nakun oinpi wašte nitawa, mazaskazi qa mazaska mitawa etanhan ciçu qon hena iyekcu qa wicašta ouncage kin ničicağa, qa hena on wawicilahapi ecanon ecee.

18 Nakun wokoyake hdeškaška

nitawa iyekcu, qa on awicayakalpa: qa wihdi mitawa qa wizite mitawa kin hena wicitokam eyahnaka.

19 Nakun woyute mitawa ciçu qon, aguyapi mdu, qa wihdi, qa tuhmagā canhanpi yunciye cigon hena ee womna oiyokipi wicitokam eyahnaka; unkan hecetu ecee, Jehowa Itancan kin eya.

20 Nakun nicinkši qa nicunkši miyeciton kin hena ewicayahdaku, qa hena on wicayekte, temyapi kta e heon: Wawicilahapi ecanon kin de taku cistinna he.

21 Qa micinca kin hena wawicadušna, qa hena ekta ehna hiyayeyapi kta ewicayahnaka.

22 Tuka wowahštešni nitawa owasin en, qa wawicilahapi nitawa ehna, winikoška anpetu qon hena yeksuye šni, tancodan qa šdayehna yaun, niwe kin en tankan ehpeniyanpi yaun qehan.

23 Unkan kaketu, taku šica nitawa owasin iyohakam—hehehe, hehehe, niye, Jehowa Itancan kin eya—

24 Nakun wakeya wan ničicağa, qa canku owasin ohnahna paha ničicağa:

25 Canku owasin pa kin en pajodan ničicağa; hecen nitowašte kin he waštešni dakapi yakaga; qa en hiyayapi kin otoiyohi siha yakidujate, qa wawicilahapi nitawa yahduota ece.

26 Nakun nitankiyedan unpi, Mizraim cinca celpi tankinyan-yan hena om wawicilahapi ecanon; qa canteptanye mayanpi kta on wiinahmanpi yahduota ecee.

27 Heon etanhan iho, minape aciyugate, qa taku nitawa kte cin ewehdaku, qa tona šicenidapi cante kin ekta hiyayeciya,

Philistin cunwintkupi nitacanku waktešni on ištecapí kin heepi.

28 Nakun Ašur cinca om wawicihapi ecanon, winipi šni nakaes: han, hena om wawicihapi ecanon ece, tuka nakun imnaničiya okihipica šni.

29 Nakun Kanaan makoce kin en Kasdim makoce hehanyan wawicihapi nitawa yahduota; tuka nakun imnaničiye šni.

30 Cante niwankadan hinca, Jehowa Itancan kin eya; dena owasin ecanon ece kin on, winohinca witkowinna wohitika ohan kin iyececa.

31 Canku oinkpa otoiyohi en wakeya nitawa eyehde kin heon, qa canku tanka owasin ohna pajodan nitawa yakağa ece; qa wiopeyapi ayakta šni ece, hecen witkowinna iyenicece šni.

32 Winohinca wan wawicihapi econ ece kin he iye hihna-ku eekiya wicašta tokeca iyo-winwicakiya ecee, he iyececa.

33 Witkowinpidan owasin wiopeyapi wicaqupi ecee: tuka tona waštewicayadake cin owasin niye taku wicayaqu, qa ope-wicayaton ece, hecen ihduksantanhan en nihipi kta, wiinahmanpi nitawa on etanhan.

34 Unkan winohinca witkowinpidan ece kin iyenicece šni, tuwedan wiinahmanpi on nihakam u šni nakaes: nakun niye taku wicayaqu ecee, qa takudan ničupi šni, heon etanhan niye nito-keca.

35 Heon etanhan, witkowinna, Jehowa oie kin naħon wo:

36 Jehowa Itancan kin hecen eya ce; Mazaša nitawa kadadapi kin heon, qa wašte wicayadake cin om wawicihapi ecanon ecee kin on tanconikadan tanin, qa wowahte šni nitawa wakağapi kin hena owasin om; qa nicinca

wicayaqu kin hena we kin on etanhan.

37 Heon etanhan, iho, tona waštenidakapi kin owasin, tona om iyokipiničiye eiqon hena, han, tona waštewicayadake qa tona šicewicayadake cin hena koya wicamduwitaya kta: han, hena niye en nihduksan wicamduwitaya kta, qa hena ekta tanconikadan kin miye mdutanin kta; unkan hena e tanconikadan kin ocowasin wanyakapi kta.

38 Unkan tona wawicihapi econpi qa weyapi econpi ecee tawoyaco kin eciyatanhan ciyaco kta; qa wocanniye wowina-wizi en we ciču kta.

39 Nakun iye napepi kin en ciču kta; unkan wakeya nitawa kaħpapi kta, qa pajodan kin hena niciyujupupi kta: nakun wokoyake nitawa kin niciyušdokapi kta, qa oinpi wašte hinca nitawa kin hena icupi kta, qa tancodan qa šdayehna eħpeniyanpi kta.

40 Nakun niye en ozuye wan aupi kta, qa inyan on nicininpi kta, qa mazasagye on canipapi kta.

41 Qa tipi nitawa peta on ħu-ħnaħyapi kta, qa winohinca ota ištapi itokam woyaco ecaniconpi kta: hecen witkowinna yaun kin he ayuštanciciye kta: qa niš eya icimana woiyopeye wicayaqu kte šni.

42 Unkan niye ekta mitocanteptanye kin ozikiye wakiye kta, qa wowinawizi mitawa kin aniyuštan kta; hecen ozimičiye kta, qa icimana canmaniye kte šni ce.

43 Winikoška anpetu qon hena yeksuye šni, tuka dena owasin on canzemayaya nakaes; heon etanhan, iho, miš eya nitacanku kin nipa en awau kta, Jehowa Itancan kin eya; qa wowahte-

EZEKIEL TAWOWAPI,

śni nitawa kin owasin isanpa taku śice cin de ecanon kte śni.

44 Iho, owasin wiyacinpi kin de on iniyacinpi kta; Cunwintku kin he hunku kin iyececa ce, eyapi kta.

45 Nihun hihnaku qa cinca śicewicakidake ciquon cunwintku kin he niye; qa nicunwicayaye hihnakupi qa cincapi śicewicakidapi qon hena tankayapi kin niye: Inayayapi kin he Hittiwin heca, qa ateyayapi kin he Amori heca.

46 Qa nicunyaye cin Samaria hee, iye qa cunwintku kin nicaŧkatanhan ounyanpi; qa tankayaye cin, nietapa eciyatanhan ti kin he Sodom qa iye cunwintku-pi kin heepi.

47 Tuka hena canku tawapi kin ohnayan mayani śni, qa wowaŧteśni tawapi kin eciyatanhan ecanon śni—he qe taku cistinna seca—tuka nitacanku owasin ohna hena isanpa nihduśica ece.

48 Miye wani ce, Jehowa Itancan kin eya; niye taku ecanon, niye qa nicunkśi kin hena, nitanka Sodom iyecen econ śni, iye qa cunwintkuwicaye cin.

49 Iho, nitanka Sodom woahŧani tawa qon dee, waŧhaniŧidapi, woyute ota, qa ozikiyapi tanka iye qa cunwintkuwicaye cin kici un; tuka wicaŧta onśika qa waŧpanica kin hena nape wicayuwawaśake śni ecc.

50 Unkan hena tankaŧidapi, qa mitokam wowaŧteśni kin econpi ecee: heon etanhan miye wandake cin iyecen ewicamdaku.

51 Nakun wayaŧtani hanke kin hehanyan Samaria waŧtani śni; tuka niye taku wowaŧte śni kin iye isanpa yahduota, qa taku wowaŧteśni ecanon kin iyuhpa on nitankawicayaye cin wicaduwotanna ece.

52 Nitanka wicayaya wicadaco, niś niye hinca wowištece hduha wo, wayaŧtani en hena isanpa taku śica ecanon nakaes: hena e niye isanpa ihduowotanpi: han, nakun nihinciya wo, qa wowištece nitawa hduha wo, nitanka wicayaye cin wicayahduowotanna kin heon etanhan.

53 Tohan hena wayaka unpi kin ayuŧtanwakiye kta, Sodom qa cunwintku wayaka unpi, qa Samaria qa iye cunwintku wayaka unpi kin, hehan hena wicacokaya wayaka unpi nitawa ayuŧtanwakiye kta:

54 Hecen wowištece nitawa yahduhe kta, qa taku ecanon kin owasin on nihinniciye kta, hena wacintonhnag wicayaya nakaes.

55 Tohan nitankawicayaye, Sodom qa iye cunwintku koya otokaheya qon ekta hdicupi kinhan, qa Samaria iye cunkśiwicaye cin koya otokaheya unpi qon ekta hdicupi kinhan, hehan niye nicunkśi kin om otokahe nitawa qon en yahdipi kta.

56 Waŧhanŧanniŧida anpetu qon en nitanka Sodom nii tawoyake kin en un śni;

57 Taku śica nitawa yuotaninpi śni itokam, Aram cunwintku iŧtenniyanpi qon he ehan, qa tona ihdukśan unpi kin owasin, Philistine cunwintku ihdukśantanhan waŧtenidapi śni qon hena etanhan.

58 Woihduśica nitawa qa wowaŧteśni nitawa kin hena yeŧin, Jehowa eya.

59 Jehowa Itancan kin hecen eya ce; Taku ecanon kin he eciyatanhan miye ecacicon kta, wicotakuye kaksapi kta on woiŧiconze kin waŧteyada śni nakaes.

60 Hececa eŧta winikośka anpetu qon en wicotakuye mitawa

WICOWOYAKE 17.

nici un kin he weksuye kta, qa wicotakuye owihanke wanica wan ciciyusuta kta ce.

61 Hehan nitacanku kin yeksuye kta, qa iništece kta, tohan nitanka wicayaye cin, nicun qa nitanka, hena ewicayahdaku kinhan : unkan hena cunksiwicayaye kta cieu kta, tuka wicotakuye nitawa eciyatanhan šni

62 Unkan wicotakuye mitawa kin ciciyusuta kta; qa Jehowa he miye e sdonyaye kta ce :

63 Hecen yeksuye kta, qa on iništece kta, qa wowištece nitawa on icimana i yahdukawa kte šni, tohan taku ecanon kin owasin on ciciyajuju kinhan, Jehowa Itancan kin eya.

WICOWOYAKE 17.

1 Unkan Jehowa oie en mahi kin he hecen eya :

2 Wicašta cinhintku wiyacinpi wan oyaka wo, qa wowiyukcan wan Israel tiyohnake iyukcan wicaši wo :

3 Qa heya wo ; Jehowa Itancan kin hecen eya ce ; Wamdi tanka wan hupahu tankinyanyan, wiya-ka hanskaska, hin ota hinca, hena hdeškaška, he Lebanon en hi, qa hante ša oinkpa kin eyaku :

4 Taadetka pa kin he yaksa, qa owopeton makoce wan ekta aya; wopeton otonwe wan en ehde.

5 Nakun makoce ojupi kin etanhan icu qa mağa waicalıye wan en oju, mini tankinyanyan ekta huhde, cohwanjica can iyecen ehde.

6 Unkan icaga, qa wiyuwi yuhaha kucedan icaga, taadetka kin iye etkiya yuktanyan, qa tahutkan kin hena iye ihukuya yan-ka : hecen wiyuwi iyecen icaga, qa adetka icalıya, qa etanhan ape uya.

7 Hehan nakun wamdi tokeca tanka wan, is hupahu tankinyanyan, qa hin ota hinca : unkan iho, wiyuwi kin de hutkan kin iye ekta nakiktanyan, qa taadetka kin iye etkiya uyeya, hecen tawoju kin ohna cankuyetonton kin en spayekiciye kta.

8 He qe maka wašte en mini tanka icalıda ojupi, adetka oicağe kta, qa waskuyeca icalıye kta, hecen wiyuwi wašte hinca kta.

9 Niš heya wo ; Jehowa Itancan kin hecen eya ce ; He qe tanyan icaga kta he : tahutkan kin yujun kte šni, qa tawaskuyeca kin kakse kte šni he ; hecen šniš aye kta ; taadetka canwapa kin owasin šnije kta ; qa hute patanhan yujunpi kta, isto tanka qa oyate ota on etanhan šni.

10 Unkan iho, ojupi ešta tanyan icaga kta he : wiyohiyanpata tate kin ape cinhan wošnije on šnije kte šni he : cankuyetonton ohna icaga cin hen šniš aye kta ce.

11 Nakun Jehowa oie en mahi kin hecen eya :

12 Wanna tiyohnaka wawakipajin kin heciya wo ; Dena taku hecinhan sdonyayapi šni he. Heya wo ; Iho, Babel wicaštayatapi kin he Jerusalem en hi, qa wicaštayatapi tawa kin eyaku, qa wicašta itancanpi nakun, qa Babel ekta awicakiyahda :

13 Qa wicaštayatapi toicaga kin etanhan icu, qa kici wicotakuye wan kicaga ; qa woiconze oie kin icu kiya : qa makoce kin en wašakapi kin hena ewicayaku :

14 Hecen wokiconze kucedan kta ; han, icimana ihduwankantuya kte šni ; wicotakuye tawa kin ahope kta, hecen ohna najin kta tuka.

15 Tuka iye kipajin, wahošiye tawa Egipta ekta yewicaši, šu-

EZEKIEL TAWOWAPI,

ktanka qa oyate ota qupi kta e heon: Tanyan icagc kta he: dena econ kin he eihdaku kta he: qa wicotakuye hdakse kta, qa niiciye kta he.

16 Miye wani, Jehowa Itancan kin eya; awicakehan wicaštaya-tapi tuwe he wicaštayatapi kaga hecinhan, woĩconze tawa šice kicidaka, qa wicotakuye tawa kicaksa, he toyanke kin ohna, iye kici Babel cøkaya hen ƣe kta ce.

17 Nakun Pharaoh ozuye tanka tawa qa oyate ota hinca on, okicize kin en okiye kte šni, wicanagi ota wicaktepi kta on pahaha ehnakapi qa conkaške kağapi kta e heon.

18 Nakaeš wicotakuye kicakse kta on woĩconze kin wahtekida šni, unkan iho nape hiyukiya tuka; hecen dena owasin econ kin on niiciye kte šni.

19 Heon etanhan Jehowa Itancan kin he hecen eya; Miye wani, awicakehan woĩconze mitawa wahtedašni kin he, qa wicotakuye mitawa kicakse cin he iye pa kin en hdicu wakiye kta.

20 Qa wohmunke mitawa aihpe-wakiye kta, unkan mazahtakiyapi mitawa kin on yuzapi kta: hecen Babel en awahi kta, qa hen mdaco kta, woahitani tawa on wamakihitani kin heon etanhan.

21 Qa onajice tawa iyuhpa, ozuye tawa ocowasin koya, mazasagye on hinlpayapi kta; qa tona okaptapi kin hena tate ouye owasin ektakta iyaye wicayapi kta: Unkan Jehowa he miye e iwae cin he sdonyayapi kta.

22 Jehowa Itancan kin he hecen eya; Nakun hanteša hanska adetka tehanwankantu etanhan iwacu kta, qa ewahde kta: taa-

detka aškatudan kin etanhan wankadan wan mdukse kta, qa he tehanwankantu qa pajodan kin akan owaju kta:

23 Israel tehanwankantu he kin en owaju kta: unkan etanhan adetka uye kta, qa waskuyeca icahiye kta, qa hanteša wašte hinca heca kta: nakun zitkadan ocaje owasin hupahu ton iyuhpa he ihukuya unpi kta; taadetka ohanzi kin en otipi kta.

24 Hecen Jehowa miye e can tehanwankantu kin kun ehpe-way, qa can kucedan kin he hanskaka wakağa, can teca kin is šnišwaya, qa can šeca qon he piya icahwaya, he taškoju can kin owasin sdonyapi kta: Jehowa miye e hecen epa, qa ecen eamon ece.

WICOWOYAKE 18.

1 Ake Jehowa oie kin en mahi kin he hecen eya:

2 Etanhan initokecapi he; Israel makoce kin ohna wiyacinpi kin de on widacinpi ece; Ateyapi kin hena hastanhanka hanpi skuya yutapi, hecen cincapi kin hi psonpsonna icaga ece, eyapi.

3 Miye wani, Jehowa Itancan kin eya; Israel en wiyacinpi kin de icimana on widacinpi kte šni.

4 Iho, wicanagi kin iyuhpa mitawa; atkuku nagi kin he iyecen cinhintku nagi kin mitawa: wicanagi wahtani kin he ƣe kta.

5 Tuka wicašta wan owotanna, qa woyaco woowotanna ko econ kinhan;

6 He kin akan wote šni, qa Israel tiyohnaka wakağapi tawa kin ekta išta yuwankan ikikeu šni kinhan; qa takodaku tawino-hinca kin yušice šni, qa winyan isnati kin en ye šni kinhan;

7 Qa tuwedan kakišye šni, iki-

WICOWOYAKE 18.

cazo oicazo kicu kinhan, womanon on tuwedan wamakinon šni, aguyapi tawa tuwe wotektehda kin qu kinhan, qa tancodan un kin šina akałpa hecinhan :

8 Woyałtake on owicaqu šni, qa oicaęe icu šni kinhan; taku šica econpi kin etanhan nape ehdaku, wicašta qa wicašta otahedan awicakehan woyaco econ kinhan;

9 Mitoope kin ohnayan mani kinhan, qa mitawoyaco kin ahopa, wowicake econ kta e heon; he qe owotanna, nipi on ni kta ce, Jehowa Itancan kin eya.

10 Tuka he qe cinhintku wan yuha, wamanon sa, weya ece, qa dena wanji iyecen econ kinhan;

11 Nakun hena owasin ohnayan econ šni kinhan; tuka he kin akan wota, qa takodaku tawinołınca kin yušice cinhan;

12 Onšika qa wałpanica kin hena kakišwicaya; womanon on wamakinon ece; oicazo kin wica-kicu šni; qa wakaęapi kin ekta išta yuwankan ikikcu, wowahte šni econ kinhan;

13 Woyałtake on owicaqu, qa oicaęe icu ece: hecen ni kta he: ni kte šni: wowahtešni kin dena owasin econ: wiconęe on ęe kta: iye we kin iye łınca akan yanke kta.

14 Unkan iho, he qe cinhintku wan yuhe cin he atkuku woałtani econ kin owasin wanyake ęa kokipe ęa iyecen takudan econ šni kinhan;

15 He kin akan wote šni, qa Israel tiyohnaka wakaęapi tawa kin ekta išta yuwankan ikikcu šni kinhan, takodaku tawinołınca kin yušice šni,

16 Qa tuwedan kakišye šni, oicazo on wicakaške šni, qa woka-kišye on wawicaki šni; agu-yapi tawa wotektehda pi kin wi-

caqu, qa tancodan un kin šina akałpa hecinhan;

17 Onšikapi kin etanhan nape ehdaku, oicaęe qa wokajuju kin icu šni kinhan; mitawoyaco kin econ, qa mitawoahope kin ohnayan mani kinhan; he qe atkuku wałtani kin on ęe kte šni, wiconi on ni kta.

18 Atkuku nina wakakišya sunkaku kin waki ecee; qa iye tao-yate ehna taku wašte šni econ ece, iho, he qe iye wałtani kin ohna ęe kta ce.

19 Tuka, Tokeca, cinhintku kin atkuku tawoałtani qin kte šni he, ehapi ece. Cinhintku kin woyaco qa woowotanna econ kinhan; mitawoahope owasin ahopa qa hena ecen econ kinhan; he qe wiconi on ni kta.

20 Wicanagi wałtani kinhan hee ęe kta: Cinhintku kin atkuku woałtani tawa kin kięin kte šni; qa atkuku kin he iš cinhintku woałtani tawa kięin kte šni: wicašta owotanna toowotanna kin iye akan yanke kta, qa wicašta šica tošice kin iye akan yanke kta ce.

21 Tuka wicašta šice cin he woałtani econ kin iyulpa etanhan ihduhomni kinhan, qa mitawoahope owasin ahope cinhan, qa woyaco woowotanna ko econ kinhan, wiconi on ni kta, ęe kte šni.

22 Wokipajin tawa econ qon hena owasin icimana cajekiciyapapi kte šni: woowotanna tawa econ kin he ohnayan ni kta.

23 Wicašta šice cin he ęe kta e ecaca iyomakipi kta he, Jehowa Itancan kin eya: qa ni kta e tancanku kin etanhan ihduhomni kte šni he.

24 Tuka tuwe owotanna kin iye toowotanna etanhan ihduhomni kinhan, qa taku šica econ

EZEKIEL TAWOWAPI,

kinhan, wicašta śica wowah̄te-śni econ kin owasin ohnayan econ kinhan, he ni kta he. Woowo-tanna econ kin owasin cajeyatapi kte śni: wohnayan tawa on wicahnayan, qa woah̄tani tawa on wahtani kin hena en ʔe kta.

25 Tuka, Itancan tacanku kin mdaye śni ce, ehapi ecee: Israel tiyohnaka, wanna nañon po; Mitacanku kin he mdaye śni he: niye nitacankupi kin hoškiški śni he.

26 Tohan wicašta owotanna wan iye toowotanna kin etanhan ihduhomni qa taku śica econ kinhan, qa hena en ʔe cinhan; tohan śica econ kin he on ʔe kta ce.

27 Nakun wicašta śica wan to-śice kaḡe cin he etanhan ihduhomni kinhan, qa woyaco woowotanna ko econ kinhan, he ʔe iye naḡi kin niñiye kta.

28 Ekta etonwan qa wokipajin tawa tona econ qon owasin etanhan ihduhomni, heon etanhan awicakehan ni kta, ʔe kte śni.

29 Tuka Israel tiyohnaka kin, Itancan tacanku kin mdaye śni ce, eyapi ece. Israel tiyohnaka, mitacanku kin hena mdaye śni he; niye nitacankupi kin hena hoškiški śni he.

30 Heon etanhan Israel tiyohnaka, otoiyoñi iye tacanku kin eciyatanhan ciyacopi kta ce, Jehowa Itancan kin eya: Hdicu po, qa ihdoku po, wokipajin nitawapi kin owasin etanhan: hecen wośice kin hicahan niyanpi kte śni.

31 Wokipajin nitawapi on wayakipajinpi kin owasin ehpeya po: qa cante teca qa woniya teca icicaḡa po: Israel tiyohnaka, tokeca niṭapi kta he.

32 Tuwe ʔe cinhan wiconṭe kin he on iyomakipi śni ce, Jehowa

Itancan kin eya: Heon etanhan ihdoku po, qa niñiye po.

WICOWOYAKE 19.

1 Nakun Israel itancanpi kin on woiyokiśica odowan wan icu wo:

2 Qa heya wo; Tokeca nihun mnaja wiye kin heca he; mnaja kin ehna iwanka; mnaj-cinca tawa kin hena mnaja kośka kin ehna icalhwicakiya ece.

3 Unkan mnaj-cinca tawa etanhan wanji icalhkiya; he mnaja kośka icaḡa qa woteca yañdeh̄deca onspeiṭiciya; wicašta temwicaya.

4 Hehan he on oyate kin nañonpi; makoh̄doka tawapi kin ohna yuzapi; unkan mazaicicaliñha on Egupta makoce kin en ahipi.

5 Unkan taku wacinkiyē cin, taku ape un kin he atakuni śni wanhdaka, hehan ake mnaj-cinca tawa etanhan wanji icalhkiya, mnaja kośka icaḡe kta.

6 Unkan he ʔe mnaja kin ehna mani ece; mnaja kośka icaḡa, qa woteca yañdeh̄deca onspeiṭiciya, wicašta temwicaya.

7 Unkan tipi waštešte tawapi kin hena sdonya, qa totonwepi kin ihangya ece; hecen makoce qa toojudan kin hewoskan ehpeyapi, iye ho hoton kin heon etanhan.

8 Hehan makoce ihdukśan wanke cin hetanhan oyate kin hena takpe upi, qa on hmunkapi tawapi kin akañpapi: unkan makoh̄doka tawapi kin ohna yuzapi.

9 Unkan wokaśke tipi ohna mazaicicaliñha en ehnañkapi, qa Babel wicaštayatapi kin en ahipi: conkaśke kin en ahipi, hecen ake icimana ho kin Israel ñe akan nañonpi kte śni.

10 Niye iyeniceca, nihun hastan-

WICOWOYAKE 20.

hanka iyuwi mini icahda ojupi kin iyececa; he waicahya qa adetka ojudan, mini ota kin heon etanhan.

11 Unkan adetka suksuta kiyukan, tona itancanpi cansagye yuhapi kta e heon; unkan ohanske kin he adetka yuhaha ehna ica-ga, qa adetka ota kin on tehan-wankantu wanyakapi.

12 Tuka wocanteptanye en yujunpi, makata ehpeyapi; qa wiyohiyanpata tate kin waskuyeca tawa kin bošnja: can adetka suksuta tawa kin hena yuksaksapi qa šniš aya; peta kin hena huñnahya.

13 Unkan he wanna hewoskan ojupi, makoce puza qa mini ica-kija kin ohna.

14 Qa taadetka cansakadan wanji etanhan peta iyaya, waskuyeca tawa huñnahya; hecen iye en adetka suta, on itancan-yan cansagye yuhapi kta wanica. He qe woiyokišica odowan, qa woiyokišica odowan heca kta ce.

WICOWOYAKE 20.

1 Unkan kaketu, waniyetu iša-kowin, wi izaptan, wiyawapi iwikcemna kin en, Israel hunkayapi etanhan Jehowa wiwangapi kta on upi, qa mitokam hiyotankapi.

2 Hehan Jehowa oie en mahi kin he hecen eya;

3 Wicašta cinhintku, Israel hunkayapi kin wowicakiyaka qa hewicakiya wo; Jehowa Itancan kin hecen eya ce; Wimayanungapi kta yahipi he: Miye wani, wimayanungapi waun kte šni ce, Jehowa Itancan kin eya.

4 Wicadaco kta he; wicašta cinhintku, niye hena wicadaco kta he: atkukupi wowahštešni tawapi kin hena sonyewicakiya wo:

5 Qa hewicakiya wo; Jehowa Itancan kin hecen eya ce; Anpetu en Israel wakahniğe ciqon, qa Jakob tiyohnaka oicage kin nape wicawakiyugate, ça Egipta makoce kin en sdonmaye wicawaye ciqon, he ehan nape wicawakiyugate, Jehowa Taku Wakan nitawapi kin he miye ce, epa.

6 Anpetu en nape wicawakiyugate, Egipta makoce kin etanhan hinanpe wicawaye kta, makoce wan iwanwicaweciyake cin he ekta, asanpi qa tulimağa canhanpi apašbog wanka, makoce owasin en woiyokipi kin hee:

7 He ehan hewicawakiye ciqon; Wicašta otoiyo hi iye išta taku wowahštešni tawa kin hena ehpeya po, qa Egipta wakağapi kin hena on ihdušapapi šni po; Jehowa Taku Wakan nitawapi kin he miye ce.

8 Tuka miye wamakipajinpi qa anamağoptan wacinpi šni; wicašta otoiyo hi iye išta taku wowahštešni tawa kin hena ehpekiyapi šni, qa Egipta wakağapi kin ayuştanpi šni: Hehan; Mitocanteptanye wicaweciyuştan kta on Egipta makoce cokaya mitocanniye awicawakaştan kta ce, epa.

9 Tuka micaje on ecamon, Ikce-wicašta wicacokaya unpi wicito-kam yuštapi kte šni, iye ištapi kin en sdonmaye wicawakiye ciqon, Egipta makoce kin etanhan hinanpe wicawaye kta e heon.

10 Heon etanhan Egipta makoce kin etanhan hinanpe wicawaye ça hopuza kin en awicawahi:

11 Qa mitoope wicawaqu, qa mitawoyaco kin wanyagwicawakiya, hena e wicašta wan ecen econ kinhan, eqe ohnayan ni kta ce.

12 Nakun anpetu okiğpapi mitawa kin hena wicawaqu, miye

EZEKIEL TAWOWAPI,

qa iyepi otahedan wowakta heca kta, hecen tuwe wicayuwakan kin Jehowa he miye e sdonyapi kta tuka.

13 Tuka Israel tiyohnaka hopuza kin en wamakipajinpi, mitoope kin ohnayan manipi šni, qa mitawoyaco kin hena wahtedapi šni: hena e wicašta wan ecen econ kinhan hena ohna ni kta tuka; qa anpetu okilpapi mitawa kin hena nina yuśapapi: hehan hopuza en ihangwicawaye kta on mitocanteptanye awicawakaštan kta, kepa.

14 Tuka micaje kin on htawani, hecen he qe oyate ištapi kin en hinanpe wicawaye ciquon hena wicitokam yuśapapi kte šni.

15 Tuka nakun hopuza kin en nape wicawakiyugate, hecen makoce wicawaqu qon, asanpi qa tuhmağa canhanpi apašbog wanka, makoce owasin en woiyokipi hinca he en awahi kte šni tuka:

16 Mitawoyaco kin hena śicedakapi, qa mitoope kin ohnayan manipi šni, qa anpetu okilpapi mitawa kin yuikcekapi, heon etanhan: iye cantepi wakağapi tawapi kin imanipi nakaes.

17 Tuka hena e wicayutakunipi kte šni miišta wicakpatan, qa hena hopuza kin en owihanke wicawaye šni.

18 Tuka hopuza kin en iye cinca kin heepi; Niyatepi toope kin ohnayan manipi šni po, qa tawoyaco kin hena ahopapi šni po, qa wakağapi tawapi kin on ihduśapapi šni po;

19 Jehowa Taku Wakan nitawapi kin he miye cc: mitoope kin ohnayan mani po, qa mitawoyaco kin ahopa po, qa ecen econ po, ewicawakiya:

20 Qa anpetu okilpapi mitawa kin hena yuwakan po; kinhan

hena miye qa niyepi otahedan wowakta un kta, hecen Jehowa Taku Wakan nitawapi kin he miye e sdonyayapi kta.

21 Hececa ešta cincapi kin is eya makipajinpi; mitoope kin ohnayan manipi šni, qa mitawoyaco kin ecen econpi kta on ahopapi šni; he qe wicašta wan ecen econ kinhan hena on ni kta tuka; anpetu okilpapi mitawa kin hena yuśapapi ece: Hehan hopuza kin en mitocanniye wicaweciyušan kta on mitocanteptanye kin awicawakaštan kta, kepe.

22 Tuka minape ewehdaku, qa micaje on htawani, hecen lkcewicašta ištapi kin en hinanpe wicawaye cin hena wicitokam yuśapapi kte šni.

23 Nakun hopuza kin en nape wicawakiyugate, hena lkcewicašta kin ehnahna wicamduomdece kta, qa makoce kin ektakta iyaye wicawaye kta e heon:

24 Mitawoyaco kin hena ecen econpi šni, tuka mitoope kin śicedakapi, qa anpetu okilpapi mitawa kin hena yuśapapi, qa iye išta atkukupi wakağapi tawapi qon imanipi ecee heon etanhan.

25 Heon nakun woope wašte šni kin heca wicawaqu, qa woyaco on nipi kte šni heca:

26 Qa iye tawośnapi kin en wicamduśapa, tona tamni yuldo-kapi kin hena owasin *peta* ehna iyaye wicakiyapi heon, hecen on ihangwicawaye kta, hecen Jehowa he miye e sdonyapi kta.

27 Heon etanhan, wicašta cinhintku, Israel tiyohnaka kin wowicakiyake ça hewicakiya wo; Jehowa Itancan kin hecen eya ce; De on niyatepi mayaśicapi, wohnaye on mahnayanpi kin heon.

28 Makoce wicawaqu kta on nape wicawakiyugate cin he en awahi qehan, hehan paha tehanwankantu kin owasin, qa can wapošbe owasin wanyakapi, qa hen ece wošna tawapi kin wahdušnapi, qa he en tawošnapi woiyokišinye kin ahipi: nakun he en wowizite waštemna kağapi ece, qa hen woyatke wošnapi kin hdaštanpi ecee.

29 Hehan hewicawakiya; Tehanwankantu kin ekta dapi ece kin he taku he. Unkan he caje kin anpetu dehanyan. Bamah (tehanwankantu) eciyapi.

30 Heon etanhan Israel tiyohnaka kin hewicakiya wo; Jehowa Itancan kin he hecen eya ce; Niyatepi tacanku kin ohna nihdušapapi he: qa wowahšte šni tawapi kin eciyatanhan wawicihağapi ecanonpi he.

31 Tohan nitawošnapi wayahdušnapi qa nicincapi peta ehna hiyayewicayayapi eca, wakağapi nitawapi iyulpa on nihdušapapi ecee, anpetu kin de iyececa: Unkan, Israel tiyohnaka, wimayanunğapi waun kta he. Miye wani, Jehowa Itancan kin eya, wimayanunğapi kte šni ce.

32 Qa taku nitawacinpi kin en hiyu kin he ecaca ecetu kte šni; niye hehapi; Ikcewicašta oyate kin, makoce wicowazipi kin iyeuncceapi kta, can qa inyan ohoundapi kta ce.

33 Miye wani, Jehowa Itancan kin eya, nape wašake cin on, qa isto wahdukat in on, qa wocanteptanye wahdaštan kin on, wowidagciyapi kta:

34 Qa oyatepi kin etanhan hinanpe ciyapi kta, qa makoce ektakta iyeniyampi qon etanhan mnaciyapi kta, nape wašaka on, qa isto hdukat inpi kin on, qa wocanteptanye hdaštanpi kin on.

35 Qa oyate hopuza tawa kin en acihihi kta, qa hen itekoci-cipa ciyacopi kta.

36 Egupta makoce hopuza kin en niyatepi wicamdaco qon iyeccen ciyacopi kta ce, Jehowa Itancan kin eya.

37 Qa cansagye kin ihukuya iyaye ciyapi kta, qa wicotakuye icaške kin en uciyapi kta.

38 Qa niyepi etanhan wawakipajinpi kin hena, qa tona wamakihitanpi kin hena wicawapahi kta: Makoce en ounyanpi kin hetanhan hiyuwicawaye kta, qa Israel makoce kin en hdipi kte šni; hecen niye Jehowa he miye e sdoniyayapi kta ce.

39 Unkan wanna niyepi, Israel tiyohnaka, Jehowa Itancan kin hecen eya ce; Otoiyo hi wakağapi tawa kin ohoda ya po, nakun tokata, anamayagoptanpi kte šni kinhan: tuka nitawošnapi qa wakağapi nitawapi kin on, micağje wakan kin icimana yušapapi šni po.

40 Nakaeš he wakan mitawa kin en, Israel tehanwankantu he kin akan, Jehowa Itancan kin eya, heciya Israel tiyohnaka ocowasin; tona makoce en unpi iyulpa, ohomadapi kta: hen ece iyowicawakipi kta, qa hen nitawošnapi kin owade kta, qa taku mayaqupi tokaheya kin hena, taku tona dawakanpi kin owasin koya.

41 Womna waštemna nitawapi ohna iyowinciciyapi kta, tohan oyate kin etanhan hinanpe ciyapi kta, qa makoce ektakta enağakiya idadapi qon hena etanhan mnaciyapi kinhan; qa niyepi en Ikcewicašta itokam mayuwakanpi kta.

42 Qa tohan Israel tamakoce kin en hdiyohiciyapi kinhan, makoce niyatepi wicawaqu kta e on

EZEKIEL TAWOWAPI,

nape wahdugate cigon, hehan Jehowa he miye e sdon-yayapi kta.

43 Unkan hen nitacankupi kin yeksuyapi kta, qa niohanpi owasin on nihdušapapi kin hena : qa taku šica ecanonpi kin owasin on etanhan niye ništapi en šice-niçidapi kta.

44 Unkan tohan micaje hinca on htacicinipi kinhan, nitacankupi šice cin hena eciyatanhan šni, qa niohanpi wahtešni kin on etanhan šni, hehan, Israel tiyoh-naka, Jehowa he miye e sdon-yayapi kta ce, Jehowa Itancan kin eya.

45 Nakun Jehowa oie mici un kin he hecen eya ;

46 Wicašta cinhintku, niite itokalihiya canku kin ekta hduza wo, qa itokali makoce kin ašbuya wo, qa itokali tinta contanka kin he on woyaka wo.

47 Qa itokali contanka kin heciya wo ; Jehowa oie kin nañon wo : Jehowa Itancan kin hecen eya ce ; Iho, niye en peta wan wakage kta ; unkan niye en can teca otoiyo hi qa can šeca otoiyo hi huñnahye kta : peta ide kin kasnipi kte šni ; unkan he on itokağa tanhan waziyata ekta hehanyan wicaite kin iyulipa gu kta.

48 Unkan Jehowa he miye e idewaya wicacehi pi ocowasin wanyakapi kta ; he kasnipi kte šni ce.

49 Hehan hepa ; Hehehe Jehowa Itancan, hena, Wiyacinpi kin on wiyacin šni he, emakiyapi ecee :

WICOWOYAKE 21.

1 Hehan Jehowa oie en mau kin he hecen eya ;

2 Wicašta cinhintku, niite Jeru-

salem itkokim hduza wo, qa nioie owanka wakan kin hena ašbuya wo, qa Israel makoce kin on woyaka wo :

3 Qa Israel makoce kin heciya wo ; Jehowa hecen eya ce ; Iho, itkocicipa, qa mazasagye mitawa ojuha etanhan wahdušdoke kta, niye etanhan wicašta owotanna qa šice cin napin bawicawakse kta ce.

4 Hecen niye etanhan tuwe owotanna qa šice cin nakun bawicawakse kta, heon etanhan iye ojuha etanhan mazasagye mitawa kin he itokağa tanhan qa waziyata ekta hehanyan wicacehi pi ocowasin takpe wicaye kta :

5 Hecen Jehowa miye mazasagye mitawa ojuha kin etanhan wahdušdoka e wicacehi pi ocowasin sdon-yapi kta ; ake icimana en ihdoku kte šni.

6 Heon etanhan, wicašta cinhintku, wicanite pawegapi kin iyecen šicahowaya wo ; qa iyo-kišicapi on iye ištapi itokam šicahowaya wo.

7 Unkan kaketu kte, tohan, Taku on yašicahowada he, eniciyapi kinhan, hehan waadupte kta ; Taku nañonpi kin on, he u kta nakaeš : Unkan wicašta cante owasin skan kta, qa wicanape owasin šilitin kta, qa wicataniya otoiyo hi wašake kte šni, qa wicahupahu owasin mini iyecen icage kta : iho, u kta, ecetu kta, Jehowa Itancan kin eya.

8 Ake Jehowa oie en mau kin he hecen eya :

9 Wicašta cinhintku, woyake ça heya wo ; Jehowa hecen eya ce ; Heya wo, Mazasagye wan, mazasagye wan yumanpi qa pabezapi nakun :

10 Nina wicakte kta heon yumanpi ; wiyakpakpa kta heon pabezapi ; hecen unkiyuškinpi kta

WICOWOYAKE 21.

he; micinksi tasagye kin can owasin takuda sni ece.

11 Unkan he pabezapi kta wicagu, hecen unpi kta: mazasagye kin de yumanpi qa pabezapi, hecen wicakte sa nape kin en qupi kta.

12 Wicašta cinhintku, ceya qa sicahowaya wo; he qe mitaoyate kin akan wanke kta, Israel itancanpi kin owasin akan: mazasagye on wonihinciye mitaoyate kin akan un kta: heon etanhan sican en ačipa wo.

13 He unpi nakaes; unkan tokeca, sagyc watakuda sni ece kin he en un sni kinhan, Jehowa Itancan kin eya.

14 Heon etanhan, wicašta cinhintku, niye woyake ca nape hdaskaskapa wo, qa mazasagye kin yamni akihde yukipas econpi kta, mayasagye wicakte kin; mazasagyc kin he tona tanka wicakte ecee, aohdutewicaye kin hee.

15 Heon cantepi skan kta, qa woyuju tawapi kin yuotapi kta e heon mazasagye wicakte sa kin tiyopa tawapi owasin en ewahna. He wiyakpakpa kta kagapi, wicakte kta on pabezapi.

16 Ihduwitaya wo, etapa ekta; catka ekta inajin wo; niite ekta-kiya hdepi hecen ya wo.

17 Nakun mis eya nape wahdaskaskapa kta, qa mitocantepanye kin oziwakiye kta ce: Jehowa miye e hecen epa.

18 Hehan Jehowa oie en mau kin he hecen eya:

19 Qa nis eya, wicašta cinhintku, canku nonpa icicaga wo, ohna Babel wicaštayatapi tamazasagye kin u kta: napin makece wanjidan etanhan hiyu kta: qa owanka wan kaga wo, otonwe iyahde canku pa kin en kaga wo.

20 Canku wan yakage kta, he-

ciyatanhan mazasagye kin Rabbath Ammon cinca tawa kin en hiyu kta, qa Juda en Jerusalem acankaškapi kin ekta.

21 Babel wicaštayatapi kin he canku ojate ekta, canku nonpa ipa kin en inajin, wakanyan econ kta: wanhinkpe kin paškanškan, wakağapi kin on wawiwanga, taku pi kin en etonwan.

22 Iye etapa eciyatanhan Jerusalem on wakanyan econpi kta yanka, on akicita ewicahde kta, wicaktepi kta on i hdukawapi kta, iyaşapi on ho hdataninpi kta, tiyopa itkopatanhan ibohtake ehdepi kta, on paha kagapi kta, conkaške kagapi kta e heon.

23 Unkan tona woiciconze on iciconzapi kin hena istapi kin en wakanyan econpi kin he ituya econpi iyecece kta: tuka iye qe taku şica econpi kin kiksuye kta, hecen wicayuzapi kta.

24 Heon etanhan Jehowa Itancan kin hecen eya ce; Taku şica ecanonpi kin kiksuyeyakiyapi, wawayakipajinpi kin hena tanin kta, hecen niohanpi owasin en wayahtanipi wanyakapi nakaes; heon etanhan wanna niksuyapi hecen nape on niyuzapi kta ce.

25 Qa nis niye, Israel wicaštayatapi, şica ihduşapa kin, woahani ehake kin on nitaanpetu kin wanna hiyohi;

26 Jehowa Itancan kin hecen eya; Wateşake kin eyaku po; qa wicaštayatapi tawapaha kin yutokan iyeya po: de qe wanna hee kte sni: kuya un kin he yuwankan iyeyapi, qa wankan un qon he yuhukuyapi ecee:

27 Mduptanye kta, mduptanye kta, he mduptanye kta: unkan de qe en un kte sni; tuwe woyaco tawa kin he hi kta hehanyan; unkan he waqu kta ce.

28 Unkan niye, wicašta cinhin-

EZEKIEL TAWOWAPI,

tku, woyake ça heya wo; Ammon cinca kin on qa waoštehdapi tawapi kin on, Jehowa Itancan kin hecen eya ce: Han, heya wo; Mazasagye, mazasagye kin yuśdokapi; wicaktepi kta on pabezapi; wiyatpatpa on waihangye kta.

29 Niye on woitonśni wanyakapi, niye on wohnaye iyukeanpi icunhan, wicašta wicaktepi tahu-pi en aniupi kta, wicašta śicapi taanpetu kin wanna hiyohi, taku śica econpi kin owihanke kte cin he on.

30 Taojuha kin en iyekiya wo: owanka ohna nicagapi, makoce en nitonpi qon he ohna ciyaco kta ce.

31 Qa mitocanteptanye kin acicaştan kta; mitocanniye peta kin on acipoğan kta, qa wicašta wacintonśni wicakte wayupikapi napepi kin en ciçu kta.

32 Peta tawoyute kin henica kta; niwe kin he makoce cokaya wanke kta; niye niksuyapi kte śni: Jehowa he miye e hecen epa nakaes.

WICOWOYAKE 22.

1 Hehan Jehowa oie en mau kin he hecen eya:

2 Unkan niye, wicašta cinhintku, wadaco kta, otonwe awewe kin daco kta he: Han, wowaliteśni tawa iyulpa wanyagyakiye kta ce.

3 Hehan heya wo; Jehowa Itancan kin hecen eya ce; Anpetu tawa hiyohi kiye kta e heon otonwe kin he cokahan weya ecee; qa ihduşape kta on wakagapi icicaga ecee.

4 We yakpapon kin on walitan niçiya; qa wakagapi niçicage cin hena on nihduşapa; qa nitaaanpetu kin kiyedan hiyuyaki-

ya, qa nitawaniyetu kin wanna yahdiyohi: heon etanhan Ikcewicašta ehna woaię cicaga, qa makoce owasin en waunnicipi ece.

5 Kiyedan unpi qa nitehan unpi kin hena waunnicipi kta, caje niyuşapapi qa nina nihinciya yaun.

6 Iho, niye en Israel itancanpi kin otoiyohi token okihiya we paponpi ece.

7 Niye en atkukupi qa hunkupi takuśni wicakidapi; nicokaya wicašta tokeca kakişyapi ece: niye ohna wamdenica wiwazica ko iyotanhan iyewicakiyapi ece.

8 Taku kin wakan mitawa kin hena niye ihayakta śni, qa anpetu okilpapi mitawa kin hena duşapa ecee.

9 Wicašta waaie sa kin hena en niunpi, weyapi kta e heon: qa niye ohna he kin akan wotapi ece: nicokaya wawicihalpapi econpi ece.

10 Niye ohna atkukupi tancodan kin he wanhdakapi: niye ohna tuwe isnati yanke cin he yuhukuyapi ecee.

11 Qa wanji iye takodaku tawicu kin kici taku wowalite śni econ; qa wanji is takoşku kin woşice on hduşica; qa niye ohna wanji is tankşitku, iye atkuku cunwintku kin he hduhukuya ece.

12 Niye ohna we paponpi kta on wiyopeya icupi ecee: woyalitake qa oicage kin niye iyacu, qa wokakişye on nitakodapi wawicayaki, qa miye e amiyektonja ce, Jehowa Itancan kin eya.

13 Unkan iho, wamayanon eanon kin he on, qa nicokaya we nitawa yanke cin he on nape wahduskapa ce.

14 Anpetu en miye ecacicon kinhan, hehan nicante sutaya yanke kta, qa ninape waşake kta

he : Jehowa miye e hecen epa, qa ecen ecamon kta ce.

15 Unkan Ikcewicašta ehnahna iyayeciye kta, qa makoce kin ektakta ciyuomdece kta, qa niye etanhan nitawoŝice kin ihangci-ciye kta.

16 Unkan Ikcewicašta ištapi itokam niye hinca taku nitawa tawayakiye kta, qa Jehowa he miye e sdoniyaye kta ce.

17 Hehan Jehowa oie en mau kin he hecen eya :

18 Wicašta cinhintku, Israel ti-yohnaka kin he ġingınca imici-caġa : hena iyulpa mazaša, qa wišdoye, qa mazasapa, qa mazasu, peta ošdoye cokaya hiye-ya ; hena mazaska ġingınca kin heca.

19 Heon etanhan Jehowa Itancan kin hecen eya ; Niyepi iyulpa ġingınca inicagapi nakaes ; iho, heon etanhan Jerusalem cokaya mnaciyapi kta.

20 Mazaska, qa mazaša, qa mazasapa, qa mazasu, qa wišdoye kin hena peta ošdoye cokaya mnayanpi ece, on peta ipoġanpi kta, he iyecen, mitocanniye qa mitocanteptanye kin en wamna-waye kta, qa en ehpeci-yapi kta, qa šdociyapi kta.

21 Han, ciyuwitayapi kta, qa mitocanteptanye ide kin ohna acipoġanpi kta : unkan he ocokaya nišdopi kta.

22 Peta ošdoye ohna hinca mazaska šdoyapi ece kin he iyecen he ocokaya šdoniyanpi kta ; unkan Jehowa he miye e mitocanteptanye acicaštanpi kin he sdoniyayapi kta ce.

23 Hehan Jehowa oie en mau kin he hecen eya ;

24 Wicašta cinhintku, kaken eciya wo ; Makoce yuhintapi šni, qa wocanteptanye anpetu kin en amagaju šni kin he niye.

25 Cokaya wicašta wokcan tawa kin hena ihdaškapi, mnaja hoton wayahidehdeca ece kin he iyececa ; hena wicanaġi temyapi ; hena womnaye qa taku tehike cin hena icupi ; hena he ocokaya wiwazica ota kicaġapi ece.

26 Wawayušna tawa kin hena mitoope kin šicaya yuhapi, qa taku mitawa wakan kin hena yušapapi, taku wakan qa taku ikceka kin yukinukanpi šni, qa taku šapa qa taku ska kin hena wicakipazopi šni, qa anpetu okilpapi mitawa kin etanhan išta ehdakupi ; hecen wicacokaya mayušapapi.

27 Ocokaya wicašta itancanpi tawa kin hena šunktokeca wayahidehdeca kin iyececapi, we paponpi kta, wicanaġi ihangyapi kta, ohinniyan wamanonpi kta e heon.

28 Unkan wicašta wokcan tawa kin hena upšija awicapawintapi, wohnaye hanmdapi, qa woitonšni iwicakiciyukcanpi, Jehowa ie šni qeyaš, Jehowa Itancan kin heya ce, eyapi ece.

29 Makoce oyate kin hena wokakišye on wakakišyapi ece, qa womanon kaġapi, qa onšika walipanica ko hena cante šinwicayapi ecee : han, woyaco eciyatanhan šni wicašta tokeca kakišyapi ece.

30 Unkan wicašta wan owade, makoce kin en mitokam conkaške kin piya kaġe kta, qa oyujuppi kin ohna inajin kta, hecen ihangwaye kte šni tuka ; tuka iyewaye šni.

31 Heon etanhan mitocanteptanye kin awicawakaštan : mitocanniye peta kin en wicamdu-takuni šni : iye tacankupi kin iye pa kin en hdiyohi wakiya ce, Jehowa Itancan kin eya.

EZEKIEL TAWOWAPI,

WICOWOYAKE 23.

1 Hehan Jehowa oie en mau kin he hecen eya:

2 Wicašta cinhintku, winohinca nonpa, hena hunkupi wanjidan cunksiwicaya.

3 Unkan Egipta en wawicilahapi econpi; hena wikoškapi qehan wawicilahapi econpi: heciya azepi paskicapi; qa heciya witanšna unpi qehan, aze pinkpapi kin yutantanpi.

4 Unkan hena cajepi, Ahola he tokapa, qa tankaku kin is Aholiba: Unkan hena mitawa, qa hena cinhintkupi qa cunwintkupi wicatonpi: Unkan cajepi kin hena, Samaria he Ahola ee, qa Jerusalem he Aholiba ee.

5 Unkan Ahola mitawa qeyas wawicilahapi econ ece; qa tona waštedakapi qon hena cantewicakiya, Ašur wicašta kiyedan unpi kin hena:

6 Šina to inpi, akicita tancan qa wicaštayatapi, owasin koška oi-yokipipi, šuktanka-wicašta šunka wakan akan iyotankapi ecee.

7 Hecen hena om wawicilahapi econ ece, Ašur cinca kašnigapi kin hena owasin om, qa tona cantewicakiye ciqon iyulpa kici; wakağapi tawapi kin iyulpa kici ihdušica ece.

8 Qa nakun Egipta etanhan wawicilahapi hduhe ciqon hena ayušan šni; wikoška qehan kici iwankapi, qa witanšna un aze kin yutantanpi, qa wiinalmanpi tawapi kin hena akašanpi ecee.

9 Heon etanhan tona waštedakapi kin napepi kin en waqu, Ašur cinca cantewicakiye ciqon hena napepi kin en.

10 Hena tancodan wanka kiyuzannipi; cinhintku qa cunwintkupi hena ewicayakupi, qa iye qe mazasagye on ktepi: Unkan

winohinca ehna nina cajeyatapi, hena e woyaco ecakiconpi nakaeš.

11 Unkan tankaku Aholiba he wanyaka, hehan is isanpa cantewicakiye cin om ihdušica, qa iye wawicilahapi tawa kin en cunku wawicilahapi tawa qon isanpa econ.

12 Ašur cinca kiyedan unpi kin hena cantewicakiya, akicita tancan qa wicaštayatapi oiyokipiya ihduzapi, šuktanka akicita šunka wakan akan iyotankapi ece.

13 Hehan is eya ihdušica wamdaka: hena napin canku wanjidan.

14 Unkan de qe wawicilahapi hduota: tiunnaptanyan wicašta owapi wanyaka qehan, Kasdim oyate ounce kin wašeša on owicawapi;

15 Nite en ipiyake on ipiyagkitonpi, pa akan watešdake štedapi hinca, hena owasin wicaštayatapi se ececa, Babel cinca Kasdim makoce en wicatonpi ounce kin iyececa.

16 Unkan hena išta on wanwicayaka qehan, hehan cantewicakiya, qa Kasdim ekta wahowicaye kta yewicaši.

17 Unkan Babel cinca kin hena iye en hipi, tocantekiye ohehdepipi kin entu, qa wiinalmanpi on yušicapi; hecen iye qe hena om ihdušapa, hehan hena etanhan naği eihdaku.

18 Hecen wawicilahapi hdutanin qa tancodan wanke cin hdutanin: Hehan iye etanhan miye minaği ewehdaku, cunku etanhan naği emiçihdaku qon he iyececa.

19 Tuka nakun wawicilahapi hduota, wikoška anpetu qon kiksuyeiciye cin heon, he ehan Egipta makoce kin ohna witkwinna un qon.

20 Qa waštewicadakapi qon hena cante en wicakiyuza, hena celipi kin šonšonna celipi iyececa, qa tadeja kin šuktanka deje kin heca.

21 Hecen winikoška tošice qon he kiksuyeničiya, aze nitawa Egipta wicašta yutantanpi qehan, winikoška aze pinkpa nitawa kin hena on.

22 Heon etanhan, Aholiba, Jehowa Itancan kin hecen eya ce; Iho, waštenidakapi qon, tona ninaği šicewicadake cin hena nitkokim najinwicawakiye kta, qa ihduksantanhan hena takpe niu wicawakiye kta:

23 Babel cinca qa Kasdim oyate kin ocowasin, akicita tancan, qa wijica, qa wicašta ihdawa, Ašur cinca kin iyuhpa om: owasin koška oiyoikipi, akicita tancanpi, qa wicaštayatapi, itancan tankapi qa kinihanpi; iyuhpa šuktanka akan iyotankapi.

24 Unkan hena takpe niupi kta, wipe kiton, ozuye canpahmihma qa canpahmihma ikceka ohna, qa oyate wicota hinca om; ihduksan maza-makuakahpe qa wahacanka qa ozuye wapaha nitkokim ehdepi kta: Unkan miye wicitokam woyaco ewahnake kta, hecen iye tawoyaco kin ecizatadhan niyacopi kta.

25 Nakun wowinawizi mitawa nitkokim ewehde kta; hecen hena e wocanniye on nicuwapi kta; nipođe qa ninođe hena eyakupi kta; qa onicaptapi kin hena mazasagye on hinhpayapi kta; hena nicinkšipi qa nicunkšipi iwicacupi kta; qa onicaptapi kin he peta on hułnahiyapi kta.

26 Nakun nitawokoyake kin niciyušdokapi kta, qa oinpi waštešte nitawa kin hena icupi kta.

27 Hecen nitošice kin he niye etanhan ayušanwakiye kta, qa

wawicilahapi nitawa Egipta makoce kin etanhan qon: Heon etanhan hena ekta išta yuwan-kan iyekcu kte šni, qa Egipta ake icimana yeksuye kte šni.

28 Jehowa Itancan kin hecen eya nakaes; Iho, tona šicewicayadake cin nape kin en, qa tona etanhan ninaği eyehdaku qon hena napepi kin en ciču kta:

29 Unkan hena wošicedake on ecaniconpi kta, qa wokamna nitawa ocowasin eniciyakupi kta, qa tancodan qa šdayehna ehpeniyanpi kta: hecen wawicilahapi nitawa tancodan kin he yutaninpi kta, nitošice qa wawicilahapi nitawa nakun.

30 Ikcewicašta wicihakam witkowinna idada heon, qa wakagapi tawapi on nihdušapa kin heon etanhan dena decen ecacicon kta.

31 Nicun tacanku kin ohnayan mayani, heon etanhan iye tawiyatke kin ninape en ewahnake kta ce.

32 Jehowa Itancan kin hecen eya; Nicun tawiyatke temahentu qa tanka hinca etanhan niye datke kta: wowihaha niyanpi kta qa waunnicapi kta: he utkan- na ohnaka nakaes.

33 Witkopi qa woiyokišice on winipi kta, wonihinciye qa wotakuni šni wiyatke kin on, nicun Samaria tawiyatke kin on.

34 Unkan niye datke kta qa dazoke kta, qa kamdecapi kin hena dahtahtake kta, qa aze bayehonhon kta: he miye e hecen epa nakaes, Jehowa Itancan kin eya.

35 Heon etanhan Jehowa Itancan kin hecen eya ce; Miye amiyektonja, qa nihayata ehpe- mayaya, heon etanhan nitošice qa wawicilahapi nitawa kin hena yečin kta ce.

EZEKIEL TAWOWAPI,

36 Nakun Jehowa hemakiya; Wicašta cinhintku, Ahola qa Aholiba hena niye wicadaco kta he: Han, wowahŕešni tawapi kin hena owicakiciyaka wo:

37 Wawicihahapi econpi ece, qa iye napepi ohna we yukan, qa wakağapi tawapi kin om wawicihahapi econpi, qa nakun iye cinhintkupi micitonpi kin hena iyepi on iyoopta iyayewicayapi, ihangwicayapi kta e heon.

38 Nakun de ecamiconpi; anpetu wanjidan en tipi wakan mitawa kin he yuŕapapi, qa anpetu okihpapi mitawa kin hena yuikeekapi ecee.

39 Iye cinhintkupi wakağapi tawapi kin en wicakiktepi qehan, anpetu kin he en tipi wakan mitawa yuŕapapi kta e en hipi: unkan iho, tipi mitawa cokaya hinca hecen econpi ecee.

40 Qa nakun tehantanhan wicašta upi kta wahowicayayapi, hena ekta wahoŕiye wanji yeŕipi; unkan iho, hipi: Hena on nihdujaja, qa išta yehdapa, qa oinpi on nihduwašte;

41 Qa owinja wašte hinca akan idotanka, qa itokam wahna wotapi wan wiyeya yanka; unkan he akan wizite mitawa qa wisdaye mitawa kin hena eyahnaka.

42 Unkan wicota ozikiyapi ho kin he kici un; qa wicašta om, hopuza etanhan wicašta wakize sa witkopi kin heca awicaupi, qa hena mazahuhu isto en iyekiya-pi, qa wateŕdake owanyag wašte hinca wapaha kitonpi.

43 Hehan wawicihahapi kin on ihduŕihtin kin hewakiya; He kici wiinalimanpi econpi kta he, qa iye nakun.

44 Tukaŕ hena en iyayapi, winohinca witkowinna en yapi ece kin he iyececa; hecen Ahola qa

Aholiba winohinca witkowiŕni kin hena en iyayapi.

45 Heon wicašta owotanna kin hena e wicayacopi kta, witkowiŕni tawoyaco kin eciyatanhan, qa winohinca we papsonpi ece kin tawoyaco kin eciyatanhan: hena witkowiŕni, qa napepi ohna we yukan nakaeŕ.

46 Heon etanhan Jehowa Itancan kin hecen eya; Wicota hena takpe wicau wicawakiye kta, qa kakiŕwicayapi qa wawicakipi kta wicawaqu kta ce.

47 Unkan wicota kin he hena inyan on wicakininpi kta, qa mazasagye tawapi on bawicaŕpuŕpupi kta; cinhintkupi qa cunwintkupi kin hena wicaktepi kta, qa tipi tawapi kin peta on hułnah-yapi kta.

48 Hecen woŕice makoce kin etanhan ayuŕtanwakiye kta, qa winohinca owasin woŕice nitawapi kin ohnayan econpi kte ŕni e onspewicakiyapi kta.

49 Unkan woŕice nitawapi kin niye en aniupi kta, qa wakağapi nitawapi wałitanipi kin hena ye-činpi kta: qa Jehowa Itancan kin he miye e sdoniyayapi kta ce.

WICOWOYAKE 24.

1 Ake waniyetu inapcinwanka, wi iwikcemna, wiyawapi iwikcemna en, Jehowa oie en mahi kin hecen eya:

2 Wicašta cinhintku, anpetu caje kin owa wo, anpetu kin dee; anpetu kin de en Babel wicašta-yatapi kin Jerusalem anatan.

3 Qa wiyacinpi wan tipi wawakipajin kin owicakiyaka wo, qa hewicakiya wo; Jehowa Itancan kin hecen eya ce; Cega wan akan ehde wo; ehde wo, qa nakun mini en okaŕtan wo:

4 Baŕpuŕpupi kin hena omna-

yan wo, onśpaśpa waštešte kin owasin, ceca qa amdo; huhu ka-
hniġapi kin hena on ojuya wo.

5 Optaye etanhan kaħniġapi kin icu wo, qa nakun ihukuya huhu kin hena ohan wo, nina ipilkiya wo; nakun ohna huhu kin span-
yanpi kta.

6 Heon etanhan Jehowa Itan-
can kin he hecen eya; Hehehe
otonwe awewe kin, cega taġe
hinyaħin ohna yanka, qa taġe kin
eħpekiyapi śni: onśpaśpa kin
hena yuze icu wo; he akan ihnu-
han oeonna econpi kinhan.

7 Iye we kin cokaya yanka na-
kaeś; imnija oinkpa kin akan
ekihnaka; maka akan kpapson
śni, hecen maka on akaħpapi kta
tuka.

8 Hecen watokiġonpi kta on
wocanteptanye icalikiye kta: mi-
ye qe iye we kin imnija pa kin
akan ewahnaka, hecen akaħpapi
kte śni.

9 Heon etanhan Jehowa Itan-
can kin hecen eya; Hehehe,
otonwe awewe kin; nakun miye
qe can ejupi tanka wakaġe kta ce.

10 Can ota aonpa wo, qa ideya
wo, tado kin spanyan wo, qa wa-
paya en ohnaka wo, nakun huhu
kin hena ġuyapi kta.

11 Hehan cokadan petaġa kin
akan ehde wo, hecen mazaśa kin
kate kta, qa ġu kta, qa ohna to-
śice kin śdoyapi kta, ġiġi kin he
ħulnaħyapi kta.

12 Nina ħtani kin on mdokiġe
iġiya, tuka ġiġi kin ayuśtan śni;
ġiġi kin he peta en un kta.

13 Nitośape kin en wośice yu-
kan: Ciyujaja tuka niyuskapi
śni, heon etanhan icimana nito-
śape etanhan niyuskapi kte śni,
mitocanteptanye niye en acica-
śtan kta hehanyan.

14 Jehowa miye e hecen epa:
ecetu kta, qa ecen ecamon kta;

nawamni kte śni, qa wawakpa-
tan kte śni, qa iyopemiġiye kte
śni: nitacanku eciyatanhan qa
nioħan kin eciyatanhan niya-
copi kta, Jehowa Itancan kin
eya.

15 Hehan Jehowa oie en mau
kin he hecen eya:

16 Wicaśta cinhintku, iho, nii-
śta waštekidake cin he makośica
on eciciyaku kta: tuka aniġipe
kte śni qa ayakiceye kte śni, qa
iśtamnihanpe aniu kte śni:

17 Comnihdazi, inina yanka,
wicaġe cin on akiceyapi kaġe śni
wo; wateśdake nitawa kin teki-
śdaka wo, qa hanpa hanpokihan
wo, qa putinhin akaħpekiton śni
wo, qa wicaśta taaguyapi kin
yute śni wo.

18 Unkan hanħanna hehan oya-
te kin om wowahdaka; qa ħta-
yetu hehan mitawinohinca ma-
kiġa: unkan ihanħanna token
econ maśipi kin ecen ecamon.

19 Hehan oyate kin hemakiya-
pi; Decen ecanon kin on, dena
itokeca unyakonpi kta hecinhan
unkoyakidakapi kte śni he.

20 Hehan awicamdupta; Jeho-
wa oie en mau kin he hecen
eya ce:

21 Israel tiyohnaka kin hewica-
kiya wo; Jehowa Itancan kin
hecen eya ce; Iho, tipi wakan
mitawa kin he wahduśape kta,
nitowaśakepi woiyokipi kin, nii-
śtapi towaśedake, qa taku nina-
ġipi kpatan kin hee; qa nicinkśi-
pi qa nicunkśipi eħpewicayayapi
kin hena mazasagye on hinħpa-
yapi kta ce.

22 Kinhan miye ecamon kin
iyecen ecanonpi kta; putinhin
ayahdaħpapi kte śni, qa wicaśta
tokeca aguyapi tawa kin yatapi
kte śni.

23 Tuka wateśdake kiton yaun-
pi kta, qa nisiha en hanpoyaki-

EZEKIEL TAWOWAPI,

hanpi kta ; aniçipapi kte šni, qa yaceyapi kte šni ; tuka wayahta-nipi kin on hanyan yaunpi kta, qa wicašta otoiyohei ayeciceyapi kta.

24 Hecen Ezekiel wowakta duhapi : Iye taku econ kin owasin iyecen niye ecanonpi kta : Unkan de iyecetu kinhan, hehan Jehowa Itancan kin he miye e sdonyayapi kta ce.

25 Nakun niye, wicašta cinhintku, anpetu kin en tohan iye towašakepi, iye towitanpi wowiyu-škin, iye ištapi towaštedake, qa taku iye naçipi awacinpi, cinhintkupi qa cunwintkupi ewicawe-ciyaku kinhan ;

26 Anpetu kin he en tuwe najice cinhan, noçe on nahonniye kta on en niu kte šni he.

27 Anpetu kin he en tuwe najica hi kin he nii kiyukawapi kta ; qa niye iyae kta, qa icimana ia okitpani yaun kte šni : Hecen wowakta wicakici yaun kta ; unkan Jehowa he miye e sdonyapi kta ce.

WICOWOYAKE 25.

1 Hehan Jehowa oie en mau kin he hecen eya :

2 Wicašta cinhintku, Ammon cinca kin itkowicakim niite eki-hde wo, qa hena on woyaka wo :

3 Qa Ammon cinca kin hewica-kiya wo ; Jehowa Itancan oie kin nahon po ; Jehowa Itancan kin he hecen eya ce ; Tipi wakan mitawa yušapapi qehan, qa Israel makoce hewoskan elipeyapi, qa Juda tiyohnaka wayaka awicayapi qehan, niye, Aha, eha ece :

4 Heon etanhan, iho, wiyohi-yanpata cinca kin tawaniyanpi kta on niyuhewicawakiye kta ; unkan niye en conkaške eiçihdepi kta ; qa niye en tipi içicaçapi

kta, nitawaskuyeca kin hena yu-tapi kta, qa asanpi nitawa he yatkanpi kta.

5 Unkan Rabbah kamel tipi heca wakage kta, qa Ammon cinca kin optaye owanka heca kta : Hecen Jehowa he miye e sdonyayapi kta ce.

6 Jehowa Itancan kin hecen eya ce ; Nape yahdaskaskapa, qa siha on nayatantan, qa naçi en nitowahanhaniciida ocowasin on Israel makoce kin itkom wi-duškinškin ;

7 Heon etanhan, iho, minape niye awahdumdaye kta, qa wikipi on lkcewicašta oyate kin niyuhe wicawakiye kta ; qa oyate etanhan cicakse kta, qa makoce kin etanhan atakunišni iyayeciye kta : Ocowasin ihangciye kta ; unkan Jehowa he miye e sdonyaye kta ce.

8 Jehowa Itancan kin hecen eya ce ; Moab qa Seir, Iho Juda tiyohnaka kin lkcewicašta owasin iyececa ce, eyapi ece ;

9 Heon etanhan, iho, Moab un-naptanyan kin mdūhdoke kta, otonwe kin itoopteja, iye ihanke otonwe kin en, makoce towitan kin hena ee, Beth-ješimoth, Baal-meon qa Kiriathaim,

10 Ammon cinca kin hena om, wiyohiyanpata cinca *wicawaqu* kta ; qa hena tawawicayapi kta wicawaqu kta ; hecen oyate wicehna Ammon cinca kin wicaki-ksuyapi kte šni.

11 Nakun Moab en woyaco ecamon kta ; hecen Jehowa he miye e sdonyapi kta.

12 Jehowa Itancan kin hecen eya ; Edom watokiçonpi on Israel tiyohnaka kin ecawicakicon, qa woahhani on wahani, qa iye-pi en watoçiçon nakaes ;

13 Heon etanhan Jehowa Itancan kin hecen eya ce ; Miye qe

WICOWOYAKE 26.

nakun minape Edom awahdu-
mdaye kta, qa etanhan wicašta
woteca ko wakašpe kta; qa Te-
man hetanhan hewoskan wakage
kta, qa Dedan mazasagye on
hinhpayapi kta.

14 Qa mitaoyate Israel nape on,
watokiçonpi mitawa Edom akan
ewahnake kta: unkan hena e
mitocanniye eciyatanhan qa mi-
tocanteptanye kin iyecen Edom
en econpi kta: qa hena watoki-
çonpi mitawa sdonyapi kta ce,
Jehowa Itancan kin eya.

15 Jehowa Itancan kin hecen
eya ce; Philistine oyate kin wa-
tokiçonpi eciyatanhan econpi, qa
nagi en wahanhaniçidaya watoi-
çiçonpi, tannina wošicedake on
waihangyapi kta:.

16 Heon etanhan Jehowa Itan-
can kin hecen eya ce: Iho, mi-
nape Philistine oyate kin awica-
wahdumdaye kta, qa Kerethim
wicawakakse kta, qa mini icahda
okaptapi qon hena ihangwicawa-
ye kta.

17 Qa hena en watokiçonpi tan-
ka ecamon kta, wocanniye woi-
yopeye koya: unkan watokiçon-
pi mitawa iyepi aewicawahnake
cinhan, hehan Jehowa he miye
e sdonyapi kta ce.

WICOWOYAKE 26.

1 Unkan kaketu, waniyetu iake-
wanji, wiyawapi tokaheya kin en
Jehowa oie en mau kin he hecen
eya:

2 Tyrus Jerusalem itkom, Aha,
eciya; tuwe oyate tatiyopa hee
qon he yujupupi; miye ekta
ihdou; iye ihangyapi, miye oju-
mayanpi kta ce.

3 Heon etanhan Jehowa Itan-
can kin hecen eya; Iho, Tyrus,
miye nitkokim waun, qa oyate
ota takpe niu wicawakiye kta,

miniwanca kin taja tawa wan-
kan hiyukiya iyececa.

4 Unkan hena e Tyrus conka-
ške kin ihangyapi kta, qa conka-
ške tehanwankantu kin hena yu-
jujupi kta: Nakun miye hetan-
han maka mdu kin wakahinte
kta, qa imnija puza kin iyecen
wakage kta.

5 Miniwanca cokaya ohna ho
yumdayapi ece kin heca kta.
Miye qe hecen epa nakaeš, Jcho-
wa Itancan kin eya: Unkan he
lkcewicašta womanon tawapi ee
kta.

6 Unkan cunwintkupi hutata
unpi kin hena mazasagye on wi-
caktepi kta: qa hena e Jehowa
he miye e sdonyapi kta.

7 Jehowa Itancan kin kaken
eya nakaeš; Iho, Nebukadnezzar
Babel wicaštayatapi kin he Tyrus
takpe u wakiye kta; waziyata
ekta wicaštayatapi en wicašta-
yatapi heca; šuktanka qa canpa-
hmihma koya; qa šuktanka akan
yotankapi, qa wicobe, qa oyate
ota om.

8 Hutata nicunkšipi kin hena
mazasagye on wicakte kta: qa
niye en conkaške wan akage kta,
qa niye en pahaha ehna kta,
qa niye itokam wahacanka yu-
wankan iyeye kta.

9 Qa ibolitake kin conkaške ni-
tawa itokam ekihde kta, qa con-
kaške tehanwankantu nitawa kin
hena taonspe on kawanke kta.

10 Šunka wakan tawa kin ota
hinca, heon maka mdu on aka-
hpe niyanpi kta: Šuktanka akan
yotankapi, qa canpahmihma, qa
ozuye canpahmihma hopi kin on
conkaške nitawa huhuzahe kta,
tohan nitatiyopa mahen iyaye
cinhan, otonwe wan obomdecapi
kin ohna wicašta tin iyayapi kin
iyececa.

11 Šunkawakan tawa šake kin

EZEKIEL TAWOWAPI,

on nitacanku owasin nasuta kta: nitaoyate kin mazasagye on wicakte kta, qa conkaške suksuta nitawa kin hena makata iyaye kta.

12 Unkan hena nitowijice kin nicipi kta, qa maza nitawa kin iyahpayapi kta: qa conkaške nitawa kin hena yujujupi kta, qa tipi waštešte nitawa kin hena ihangyapi kta: nakun inyan nitawa, qa can nitawa, qa maka mdu nitawa mini cokaya ehna-kapi kta.

13 Unkan nitadowan ho kin ayuŝtanwakiye kta, qa cadowankiyapi nitawa ho kin he icimana nahonpi kte ŝni.

14 Qa imnija puza kin iyecen cicage kta: tukten ho ayumdayapi ece kta henica kta: ake piya nicagapi kte ŝni: Jehowa miye hecen epa nakaes, Jehowa Itancan kin eya.

15 Jehowa Itancan kin he Tyrus heciya; Tohan tawicaopi ŝicahowayapi, tohan nicokaya wicaktepi kağapi kinhan, hehan nihinhpayapi ho kin on wita kin cancanpi kte ŝni he.

16 Hehan miniwanca wicašta-yatapi kin owasin iye toiyotankepi kin etanhan kun upi kta, qa taŝina ekihnakapi kta, qa wokoyake hdeŝkaška kin hduŝdokapi kta: hena wocancan koyakapi kta: makata iyotankapi kta, qa ihnuhanna cancanpi kta, qa niye on nihinciyapi kta.

17 Unkan hena woceye odowan wan inicicupi kta qa heniciyapi kta; Miniwanca tawicašta: en ounniyanpi kin, token ihangniyanpi he; otonwe idowanpi ece, iye qa en ounyanpi kin hena, miniwanca kin ohna. waŝakapi qon, ohna tipi kin iyulpa wakokipe wicakicagapi ecee tuka.

18 Wanna anpetu en nihinhpa-

ye cinhan, wita kin hena cancanpi kta; han, miniwanca wita kin hena, taku ayakipe cin on nihinciyapi kta.

19 Jehowa Itancan kin hecen eya nakaes; Tohan otonwe otiwota cicage cinhan, otonwe en ounyanpi ŝni iyececa; tohan mini ŝma kin niye en awau kinhan, qa mini tanka kin hena anicalipe cinhan;

20 Hehan kun elipeciye kta, tona wolha kin ekta yapi kin hena om, oyate wanakaja kin hena om, qa maka cetete kin ekta ecihnake kta, owanka wanakaja hewoskantu kin en, tona wolha kin ekta iyayapi kin hena om, hecen icimana en ounniyanpi kte ŝni: tuka wiconi makoce kin ohna wowaste ewehde kta:

21 Wokokipe cicage kta, qa en yaun kte ŝni: han onidepi kta, tuka ake iyenianpi kte ŝni, owihanke wanica, Jehowa Itancan kin eya.

WICOWOYAKE 27.

1 Hehan Jehowa oie en mau kin he hecen eya:

2 Wanna, wicašta cinhintku, Tyrus on woceye wan yawankan iyeya wo:

3 Qa Tyrus heciya wo; Miniwanca oiyaye en enihdepi, wita ota taoyate on wopetonna henica, Jehowa Itancan kin hecen eya; Tyrus niye, Owanyake wašte en mayuŝtanpi ce, eha ece.

4 Makoce opapun nitawa miniwanca cante ekta yanka; ticağapi nitawa kin hena nitowaste niciyuŝtanpi:

5 Wata akalpe nitawa kin hena owasin Senir wazi can on kağapi: Lebanon etanhan liante ŝa icupi, on wita wata ihupa nicicagapi kta:

6 Bašan utuhu kin hena on wamnaheca nicağapi; Kittim wita etanhan Šerbin hante ša cunwin-tku, huhu kin he on akan iyotan-kapi kin nicağapi:

7 Egipta etanhan minihuha ska hdeškaška ko he wiyokihedan nitawa kta dumdaya: Eliša wita etanhan taku to qa ša stan kin heca on anihdaħpa ece.

8 Zidon qa Arvad en ounyanpi watopapi nitawa kin heepi: Tyrus, tona wacinksapa en niunpi kin hena iyupse yuzapi nitawa eepi.

9 Gebal etanhan wicašta tanka qa wacinksapa en niunpi kin hena watopuskicapi nitawa: Miniwan-ca wita wata iyulipa qa tona watopapi kin hena en niunpi, maza nitawa wiyopeyapi kta heon.

10 Pares qa Lud qa Put etanhanpi kin hena ozuye nitawa en unpi, hena akicita nitawa: hena wahacanka qa maku akaħpe kin niye en otkeyapi ecee; hena nitowitan kin yutaninpi.

11 Arvad cinca qa nitaakicita kin hena conkaške nitawa ihdukšan wanke cin akan unpi, qa akicita wohitikapi kin hena conkaške tehanwankantu nitawa ohna yakonpi ecee: hena ihdukšan conkaške nitawa en wahacanka tawapi otkeyapi: hena owanyag niwašte kin yuštanpi hinca.

12 Taršiš he wopetonna nitawa ee, wowijice ocaje owasin en; mazaska, mazasapa, mazaikceka qa mazasu, hena mazopiye nitawa ohna ehna-kapi ece.

13 Javan, Tubal qa Mešek, hena wopeton nitawa; hena wicašta nağipi qa mazaša ceğa hena wopeton tipi nitawa ohna ehna-kapi ecee.

14 Togarma tipi etanhan hena suktanka qa ozuye suktanka qa

šonšonna kin hena mazopiye nitawa ohna ehna-kapi ece.

15 Dedan cinca kin wicašta wopeton nitawa eepi; wita ota hena ninape wiyopeyapi kin hee; hena taku niçupi, huhu qa inyan-can kin nicaħpi ece.

16 Taku ikicanye ota hinca yakage cin heon Aram wopetonna nitawa ee: hena e inyan tehike, witoye, qa taku hdeškaška, qa minihuha ska, qa taku opetonpi tehika, qa inyan wiyatpatpa kin hena wopeton tipi nitawa en ehna-kapi ecee.

17 Juda qa Israel makece kin hena wopetonna nitawa eepi: hena aguyapi su Minnith etanhan, qa aguyapi skuskuya, qa tulmağa canhanpi, qa wiħdi, qa canšin hena wopeton tipi nitawa kin en ehna-kapi ece.

18 Damasek wopetonna nitawa ee, taku ota yakage cin on, wowijice owasin ota hinca on; miniša Helbon etanhan, qa talinca hin skaska kin hena on.

19 Vedan qa Javan taku pahmonpi kin wopeton tipi nitawa en' ahihnakapi ece: mazasapa kamdaskapi, canhaša qa sinkpe tawote, hena mazopiye nitawa en un.

20 Dedan wopetonna nitawa ee; canpahmihma ozanpi wašte hinca kin hena on.

21 Arabia qa Kedar itancanpi kin hena owasin tacinca, qa tamdoka, qa tatokadan, hena niye en ahihnakapi; hena en wopetonna nitawa kin heepi.

22 Šeba qa Raama en wopetonpi kin hena wopetonna nitawa eepi: hena mazopiye nitawa ohna taku iyotan waštemna kin owasin, qa inyan tehike ocaje owasin, qa mazaskazi hena ahihnakapi ece.

23 Haran, qa Kanne, qa Eden,

EZEKIEL TAWOWAPI,

Šeba, Ašur Kilmad wopeton tawapi kin hena wopetonna nitawa.

24 Dena wopetonna nitawa eepi, maza waštešte en, šina toto qa hdeškaška kin en, qa wokayake hdehdezedan canwohnaka hañonta on yuskiskitapi qa hanteša on kağapi kin hena ohnahna, hena maza nitawa ehna un.

25 Taršiš wita wata kin hena wopeton tipi nitawa en waoniciyapi: hecen miniwanca cante kin en ojuniyanpi, qa niyuwitanpi hınca.

26 Watopapi nitawa kin hena mini tanka ekta aniyanpi: wiyohiyanpata tate kin he nicamdemdeca, miniwanca cante kin ekta.

27 Nitowijice, qa mazopiye nitawa, maza nitawa, watopapi nitawa, qa iyupse yuzapi nitawa, watopuskicapi nitawa, qa maza iyoheyapi wicaduhe cin hena, qa ozuye wicašta nitawa en niunpi kin iyuhpa, qa omniciye nitawa ocowasin nicokaya unpi kin hena, miniwanca cokaya iyohpayapi kta, anpetu en ihangniyanpi kinhan.

28 Iyupse yuzapi nitawa šicahowayapi ho kin on tinta ihdukšan wanke cin he nahuhuza kta.

29 Qa tona wamnaheca unpi owasin, watopapi kin hena, miniwanca en iyupse yuzapi kin iyuhpa wita wata kin etanhan kun hdicupi kta, hena makata hdinajinpi kta:

30 Qa niye on ho hdaotaninpi kta, qa nina šicahowayapi kta, qa maka mdu pa ahdadapi kta; hena cañota ohna paptanptan iyeiçiya-pi kta:

31 Qa niye on ocowasin nasušta içicağapi kta, qa wakilhdaka ipiyag kitonpi kta, qa nina cante-

šicapi on aniceyapi kta, woceye tehike hınca on.

32 Qa ceyapi en niye on woceye odowan wan yawankan iye-yapi kta, qa niye aniceyapi kta; Tyrus taku iyececa he; miniwanca cokaya ihangyapi kin he taku iyececa he.

33 Maza nitawa miniwanca kin etanhan hiyaye ciqon, hehan oyate ota ojuwicayaya ecee: nitowijice ota hınca qa taku iyoheyaye ciqon hena on maka wicaštayatapi kin wijinwicayaya ecee qon.

34 Tohan miniwanca kin on, mini šbe hınca en nicamdemdecapi kinhan, taku iyoheyaya ece kin, qa wicota nitawa iyuhpa nicokaya hinłpayapi kta.

35 Wita en ounyanpi kin hena owasin niye on nihinci-yapi kta, qa wicaštayatapi tawapi kin hena nina kopehdapi kta; hena itepi en cancanpi kta.

36 Ikcewicašta ehnahna wicašta wopeton kin hena anijijipi kta: wokokipe yaun kta, qa ake icimanna en yaun kte šni ce.

WICOWOYAKE 28.

1 Hehan Jehowa oie en mau kin hecen eya:

2 Wicašta cinhintku, Tyrus wicaštayatapi kin heciya wo; Jehowa Itancan kin hecen eya ce; Nicante wankan iyeiçiya, qa, Taku Wakan hemaca, Taku Wakan toiyotanke kin en imdotanka, miniwanca cante kin en, eha ecee: tuka wicašta henica, qa taku wakan šni, Taku Wakan cante kin iyecen nicante eniçihnaka ešta.

3 Iho, Daniel isanpa niye yaksapa, woinalıbe takudan niye etanhan natakapi šni.

4 Nitoksape qa nitokañniğe kin

on wowijice nićicaga, qa maza-skazi mazaska ko mazopiye nita-wa ohna mnayakiya.

5 Nitoksape tanka on, wopeton yaun kin on nitowijice yahduota; qa nitowijice kin on etanhan nicante wankan iyeiçiya ece.

6 Heon etanhan Jehowa Itancan kin he hecen eya ce; Nicante kin Taku Wakan cante kin iyecen enicihnaka nakaes;

7 Heon etanhan, iho, wicašta tokeca niye en awicawau kta, oyate wohitıkapi: Unkan hena nitoksape oiyokipi kin on maza-sagye hduşdokapi kta, qa nitowiyatpatpa kin he yuşapapi kta.

8 Hena woħa kin en anihipi kta, qa miniwanca cante en wicaktepi wiconęe kin he on niye nięe kta.

9 Tuwe nikte kte cin itokam, Taku Wakan kin he miye ce, ehe kta he: Tuka wicašta henica, qa taku wakan śni, tuwe nikte kta nape ohna.

10 Wicašta tokeca nape on, ohomni baħdayapi śni wiconęe kin on nięe kta: He miye e hecen epa nakaes, Jehowa Itancan kin eya.

11 Nakun Jehowa oie en mau kin he hecen eya »

12 Wicašta cinhintku, Tyrus wicaştayatapi kin on woceye odowan wan yawankan icu wo, qa heciya wo; Jehowa Itancan kin hecen eya ce; Woksape ojudan, qa wowašte oiyokipi ħınca niye wojudan kin askamyaya.

13 Eden Wakantanka tawoju kin en yaun; inyan teħihike cin owasin woakaħpe nitawa ee, inyan śa (*sardius*) inyan zi (*topaz*), qa inyan kohdihdi (*diamond*), inyan teħike (*beryl*), inyan wicaśake iyececa (*onyx*), qa inyan śduşduta (*jasper*), inyan oiyokipi (*sapphire*), inyan toto (*emerald*),

qa inyan wiykpakpa (*carbuncle*), qa mazaskazi: oyuhdoke qa oyuştanpi nitawa okağapi kin he anpetu en nicağapi qehan, niye en wiyeya elnakapi qon.

14 Kerub sdayapi waakaħpe cin he niye: unkan miye ecihnaka: ħe wakan Wakantanka tawa kin he akan yaun; peta inyan kin ehnaħna icicawin mayani ecee.

15 Anpetu en nicağapi kin ehan-tanhan nitacanku kin ohna niyuştanpi ħınca, woşice en niun ieyapi śni hehanyan.

16 Wiyopeyapi ota nitawa kin on etanhan nicokaya woşice ojunianpi; hehan wayaħtani: Heon etanhan ħe Wakantanka tawa etanhan taku śapa iyecen kun elpeciye kta: Nakun, kerub waakaħpe, peta inyan kin cokaya tanhan ihangciye kta.

17 Owanyag niwašte on nicante wankan iyeiçiya: nitowiyatpatpa kin on nitoksape kin yahduśica: Miye qe makata elpeciye kta; wicaştayatapi wicitokam ecihnake kta, hecen wanniyakapi kta.

18 Woşice ota nitawa kin on, wiyopeyapi nitawa woşice kin on tipi wakan nitawa kin hena yahduśapa: heon etanhan nicokaya tanhan peta wan ħinanpe waye kta; he qe ħuħnaħniye kta, hecen maka akan caħota cicage kta, tona wanniyakapi owasin iştapi kin itokam.

19 Tona oyate kin ehna sdonniyanpi kin hena owasin niye on nihinciyapi kta: wokokipe yaun kta; qa ake icimana en yaun kte śni ce.

20 Hehan Jehowa oie en mau kin he hecen eya:

21 Wicašta cinhintku, niite Zidon itkokim ekihnaka wo, qa he on woyaka wo;

22 Qa heya wo; Jehowa Itancan kin hecen eya ce; Iho, Zi-

EZEKIEL TAWOWAPI,

don nitkokim waun : qa nicokaya mihduwitan kta : Unkan tohan he en woyaco ecamon, qa he en mihduwakan kinhan, hehan Jehowa he miye e sdonyapi kta ce.

23 He en makošica yewaši kta nakaes, qa we, iye tacankupi kin ohna : unkan ihdukšan mazasagye kin on iye cokaya tawicaopi kin hena hinhpayapi kta : Unkan Jehowa he miye e sdonyapi kta ce.

24 Unkan ake icimana Israel tiyohnaka kin en wapepeka wapepe, qa canpepe iyokišinwicaye cin wanice kta, tona wicihdukšan wanke cion, qa šicewicadakapi qon owasin etanhan. Unkan hena Jehowa Itancan kin he miye e sdonyapi kta ce.

25 Jehowa Itancan kin he hecen eya ; Tohan Israel tiyohnaka kin oyate ehnahna iyaye wicayapi qon hetanhan wicawapahi kinhan, qa Ikcewicasta istapi itokam hena en mayuwakanpi kinhan, hehan makoce tawapi, mitaokiye Jakob waqu qon he en ounyanpi kta.

26 Qa wikopešniyan hen unpi kta, qa tipi içicagapi kta, qa hastanhanka iyuwi ojupi kin hena okikjupi kta : han, wikopešniyan en unpi kta, tohan tona wicihdukšan šicewicadakapi qon hena owasin en woyaco ecamon kinhan. Unkan Jehowa Taku Wakan tawapi kin he miye e sdonyapi kta ce.

WICOWOYAKE 29.

1 Waniyetu iwikcemna, wi iwikcemna, wiyawapi iakenonpa, hehan Jehowa oie en mau kin he hecen eya :

2 Wicasta cinhintku, niite Pharaoh Egipta wicastayatapi kin itkokim ekihde wo, qa he on

woyaka wo, qa Egipta ocowasin on :

3 Ie ça heya wo, Jehowa Itancan kin hecen eya ce ; Iho, Pharaoh Egipta wicastayatapi, citkokim waun, wanmduska ša tanka tawakpa kin cokahan iwanaka, Mitawakpa kin he miye mitawa, qa he miye mičicağa ce, eya ecee.

4 Tuka iyolia nitawa ohna hinšikijupi iyewaye kta, qa nitawakpa hoğan kin hena hoespu nitawa en askape wicawakiye kta ; qa wakpa nitawa cokayatanhan ciyupsice kta : unkan nitawakpa hoğan kin iyuhpa hoespu nitawa en askape kta.

5 Unkan hewoskan elpeciye kta, niye qa nitawakpa hoğan kin iyuhpa nakun : tintoskan nihinhpaye kta ; niyuwitayapi kte šni qa nipahipi kte šni : maka wamanica qa mahpiya okinyanpi tawoyute cicaga.

6 Hecen Egipta en ounyanpi kin owasin Jehowa he miye e sdonyapi kta : hena e Israel tiyohnaka ekta cedi sagye kin hecapi nakaes :

7 Nape en niyuzapi qehan nipa wegapi, qa amdo ocowasin wicayeciyupsun ; qa sagye niyanpi qehan nipaksaksapi, qa iye nitepi owasin cancanwicayakiya.

8 Heon etanhan Jehowa Itancan kin hecen eya ; Iho, mazasagye wan niye en awau kta, qa enitanhan wicasta woteca ko ihangwaye kta ce.

9 Unkan Egipta makoce kin hewoskan qa hopuza kta : qa hena Jehowa he miye e sdonyapi kta : Wakpa kin he mitawa, qa miye wakağa ce, eye cin heon etanhan.

10 Heon etanhan iho, miye nitkokim waun, qa nitawakpa kin itkokim waun, qa Egipta ma-

WICOWOYAKE 30.

koce kin ocowasin hopuza hewoskan wakage kta, Syenne conkaške kin hetanhan, qa Kuś ihanke kin hehanyan :

11 Wicašta siha kin he ehna mani kte śni, qa woteca siha kin ohna ye kte śni, qa waniyetu wikcemna topa hehanyan en ounyanpi kte śni.

12 Qa makoce hewoskan wanke cin hena ehna Egipta makoce kin otiwita wakage kta, qa otowe ihangyapi kin opeya iye totonwe kin otiwita wanke kta, waniyetu wikcemna topa hehanyan : qa Egipta wicašta kin hena oyate kin ehna iyaye wicawaye kta, qa makoce kin ekta kta yewicawakiye kta ce.

13 Tuka Jehowa Itancan kin kaken eya ; Waniyetu wikcemna topa henakeca kinhan, Egipta oyate kin oyate ehna iyayewicayapi qon hetanhan ake mna-wicawaye kta :

14 Qa Egipta ounhdaka un qon he awaku kta, qa Pathros makoce kin, makoce en icağapi qon he ekta hdicuwicawakiye kta : Unkan hen wokiconze kun wanke cin hecapi kta :

15 Wokiconze kin isanpa he kun un kta ; qa ake icimana oyate kin wiciwankam iyeiciye kte śni ; qa wicamdu-tonana kta, hecen icimana oyate kin wowidagwicayapi kte śni.

16 Unkan hetanhan icimana Israel tiyohnaka wowacinye tawapi, wicihakam etonwanpi eca wohtani kiksuyeyapi ecee kin hee kte śni : Tuka Jehowa Itancan kin he miye esdonyapi kta ce.

17 Unkan kaketu, waniyetu wikcemna nonpa sanpa isakowin, wi tokaheya, wiyawapi tokaheya kin he en Jehowa oie en mau kin he hecen eya :

18 Wicašta cinhintku, Nebukad-

nezzar Babel wicaštayatapi kin he taakicita kin Tyrus on woecon tanka econwicawakiya ; wicapa owasin nasuśda kağapi, qa wicahinyete iyuhpa ha paśdoka-pi : tuka Tyrus on wokajuju takudan yuhe śni, iye qa taakicita kin, wicohtani on econpi qon heon.

19 Heon etanhan Jehowa Itancan kin hecen eya ; Iho, Egipta makoce kin Nebukadnezzar waqu kta ; unkan wicota tawa kin hena iwicacu kta, qa wokipi tawa wicaki kta, qa womanon tawa kin makinon kta ; unkan he taakicita wokajuju tawapi kin ee kta.

20 Iye tohtani, he en htani qon he on Egipta makoce kin waqu, htamicinipi nakaes, Jehowa Itancan kin eya.

21 Anpetu kin he en Israel tiyohnaka he kin he icahtwakiye kta ; qa hena wicacokaya i hdukawapi kte cin he ciçu kta : Unkan hena Jehowa he miye e sdonyapi kta cee.

WICOWOYAKE 30.

1 Hehan Jehowa oie en mau kin he hecen eya :

2 Wicašta cinhintku, woyaka wo, qa heya wo ; Jehowa Itancan kin hecen eya ce ; Śicahowaya po ; Hehehe anpetu kin :

3 Anpetu kin kiyedan nakaes ; han, anpetu kin kiyedan ; Jehowa taanpetu kin he amahpiya ; he qe Ikcewicasta taanpetu kin hee kta.

4 Hehan mazasagye wan Egipta en hi kta ; qa hokśiksuya woyazan kin he Kuś en un kta ; wicaktepi Egipta ohna hinlpa-yapi kinhan ; unkan wicota tawa kin hena iwicacupi kta, qa oahehde tawa kin yujujupi kta.

EZEKIEL TAWOWAPI,

5 Kuś qa Put qa Lud, qa oyate tokeca owasin, qa Cub, qa makoce odakonyapi cinca kin hena owicapeya mazasagye kin on hinlipayapi kta.

6 Jehowa hecen eya; Nakun tona Egupta okiyapi kin hena hinlipayapi kta: qa towaśake wowitan kin he kun u kta: Syenne conkaśke kin hetanhan, he ohna mazasagye on hinlipayapi kta ce, Jehowa Itancan kin eya.

7 Unkan makoce hewoskan wanke cin wicacokaya hena hewoskan wanke kta; qa totonwe kin hena otonwe ihangyapi kin hena cokaya wanke kta.

8 Unkan Egupta en peta wan wakaġe cinhan, qa tona okiyapi qon iyuhpa ihangyapi kinhan, hehan Jehowa he miye e sdonyapi kta ce.

9 Anpetu kin he en wita wata ohna wahośiye mitantanhan yapi kta, Kuś oyate wikopeśniyan unpi wakokipe wicakicaġapi kta; unkan hokśiksuye woyazan kin en awicau kta, Egupta taanpetu qon iyececa: Iho, wanna u nakaes.

10 Jehowa Itancan kin hecen eya; Nakun Egupta wicota kin, Nebukadnezzar Babel wicaśtayatapi nape on, yuwanin wicawakiye kta ce.

11 Iye qa taoyate, Ikcewicaśta ehna wohitikapi kin hena, makoce kin ihangyapi kta on uwicakiyapi kta: Unkan mazasagye Egupta ayuśdokapi kta, qa wicaktepi kin on makoce kin ojuyapi kta.

12 Unkan wakpa kin hena puza wakaġe kta, qa wicaśta śica napapi en makoce kin wiyopeya waqu kta; qa oyate tokeca napapi on makoce kin hewoskan wakaġe kta, qa taku en un kin ocowasin: Jehowa miśmiye hinca hecen eya.

13 Jehowa Itancan kin hecen eya; Nakun wakaġapi kin hena ihangwaye kta, qa takuśniśni kin hena Noph etanhan ayuśtanwakiye kta; qa Egupta makoce kin etanhan icimana wicaśta itancan yuke kte śni: qa Egupta makoce kin en wokokipe wan ewahna ke kta.

14 Nakun Pathrōs hewoskan wakaġe kta, qa Źoan en peta wan wakaġe kta, qa No en woyaco ecamon kta.

15 Qa Sin Egupta towaśake kin mitocanteptanye awakaśtan kta; qa No wicota tawa kin awihnnuniwicawaye kta.

16 Qa Egupta en peta wakaġe kta; Sin nina yazan hda kta, qa No kicaksapi kta, qa Noph en anpetu iyohi woiyokiśice yuke kta.

17 Aven qa Pi-beseth kośkapi kin hena mazasagye on hinlipayapi kta, qa hena wayaka awicayapi kta.

18 Nakun Tehapnehes en anpetu kin otpaza kta, tohan hen Egupta cannapi tawa mduksaksa kte cinhan: unkan he ohna towaśake wahaniġida kin he ayuśtan kta: iye qe maħpiya śapa wan akaħpe kta, qa cunwintkuwicaye cin hena wayaka yapi kta.

19 Hecen Egupta en woyaco ecamon kta; qa hena Jehowa he miye e sdonyapi kta ce.

20 Hehan kaketu, waniyetu iakewanġidan, wi tokaheya, wiya-wapi iśakowin kin en, Jehowa oie en mau kin he hecen eya:

21 Wicaśta cinhintku, Pharaoh Egupta wicaśtayatapi isto kin mduweġa; unkan iho, okiziyapi kta on yuskiskitapi kte śni, ipaħte ehnakapi on palitapi kta, mazasagye yuze kta on yuwaśake kte śni.

WICOWOYAKE 31.

22 Heon etanhan Jehowa Itan-
can kin hecen eya ce; Iho, Pha-
raoh Egipta wicaštayatapi kin
itkokim waun, qa isto weciyu-
ksaksa kta, wašake cin he, qa
yuwegapi qon he nakun; qa iye
nape kin etanhan mazasagye kin
hinłpaye wayc kta.

23 Qa Egipta oyate kin Ikce-
wicašta kin ehna hna iyayewica-
waye kta, qa makoce ektakta
enanakiya yewicawakiye kta.

24 Qa Babel wicaštayatapi isto
kin mduwašake kta, qa mazasag-
ye mitawa iye nape kin en ewa-
hnake kta: Tuka Pharaoh isto
kin mduksaksa kta, unkan wica-
šta taopi šicahowaye cin on ito-
kam šicahowaye kta.

25 Han, Babel wicaštayatapi
isto kin mdusuta kta, tuka Pha-
raoh isto kin hinłpaye kta: Un-
kan tohan Babel wicaštayatapi
nape kin en mazasagye mita-
wa cwahnake, qa he Egipta ma-
koce kin ayuğate cinhan, hehan
Jehowa he miye e sdonyapi kta
ce.

26 Unkan Egipta oyate kin
Ikcewicašta ehna hna iyayewi-
cawaye kta, qa makoce ektakta
enanakiya yewicawakiye kta;
hecen Jehowa he miye e sdon-
yapi kta ce.

WICOWOYAKE 31.

1 Hehan kaketu, waniyetu iake-
wanji, *wi* iyamni, wiyawapi an-
petu tokaheya kin en Jehowa oie
en mau kin he hecen eya:

2 Wicašta cinhintku, Pharaoh
Egipta wicaštayatapi, qa wicota
tawa kin hena hewicakiya wo;
Tanka yaun kin en tuwe iyeni-
ceca he.

3 Iho, Ašur Lebanon en hante
ša adetka waštešte kin heca, qa
contanka ohanzi, qa tehanwan-

kan icağa; qa oinkpa kin he
canwapošbe hinca:

4 Mini kin hena he tanka kağa-
pi; mini ošbe kin yuwankan
ehde, tawakpa kin ojupi tawa
ohomni ahiyaya ece kin he on,
qa tawakpadan kin omdaye can
kin owasin ektakta iyayeya
ece.

5 Heon etanhan tohanske kin
omdaye can kin owasin iwankam
iyeyapi, qa taadetka kin hena
yuotapi, qa adetka tawa icağa
qehan mini ota on nina hanska
aya:

6 Taadetka kin ohna mahpiya
okinyanpi owasin hołpi kağapi,
qa adetka tawa ihukuya tinta
wamanica kin iyuhpa cinca ton-
pi ece, qa taohanzi kin ihukuya
oyate tankinyanyan owasin oun-
yanpi.

7 Hecen tanka kin en qa taade-
tka kin hanskaska on nina oiyo-
kipi: hutkan kin he mini tanka
icahda nakaeš.

8 Taku Wakan canwojupi tawa
ohna hanteša kin hena aohanzi-
kiya okihipi šni; wazi can kin
he taadetka kin iyecece šni, qa
adetka tawa wazi saka can kin
iyeccapi šni; iye owanyag wa-
šte kin on Taku Wakan tawoju
kin ohna can hiyeye cin owasin
iyececece šni.

9 Taadetka ota hinca on woiyo-
kipi wakağa; hecen Eden en
can kin owasin, Taku Wakan
tawoju ohna un kin iyuhpa he
inawizipi ecee.

10 Heon etanhan Jehowa Itan-
can kin hecen eya; Ohanska en
nihduwankantu nakaeš, qa can-
wapošbe kin ehna oinkpa kin
wankan icałkiya, qa tehanwan-
kantu kin on cante ihduwankan
iyeiçiya:

11 Heon etanhan Ikcewicašta
iyotan wašaka nape kin en waqu;

EZEKIEL TAWOWAPI,

woecon on ecakicon kta: tošice kin on etanhan tankan iyewaya.

12 Unkan wicašta tokecapı, oyate wohitikapi hena, he kaksapi qa ehpeyapi: he akan qa kaksiza owasin ohnahna taadetka hinhpayapi; qa adetka tawa kin hena makoce wakpa kin owasin on kaksaksapi; qa maka akan oyate kin iyulpa taohanzi kin etanhan eyaya, qa ayuŝtanpi.

13 Ihangyapi kin en mahpiya okinyanpi kin iyulpa ounyanpi kta, qa taadetka kin ekta tinta wamanica kin owasin hiyeye kta:

14 Hecen can kin owasin mini icaħda ohanska on ihduwankantupi kte ŝni, qa canwapoŝbe kin ehna oinkpa kin wankan iyeiçiyapi kte ŝni, qa mini yahepapi kin owasin can kin hena ohanska kin on najinpi kte ŝni: Hena iyulpa wiconte en wicaqupi nakaes, maka kin ihukuya ekta, wicašta cinca kin wicacokaya, tona woħa kin ekta iyayapi kin hena om.

15 Jehowa Itancan kin hecen eya; Anpetu en Hades ekta iyaye ciqon he ehan woceye wan wakaĝa; he on woŝbe kin awakaħpa, qa tawakpa kin anawapte; unkan mini tanka kin hena anaptapi: Nakun he on Lebanon aceye wakiya, qa kaksiza can kin owasin iye on ĥanyanpi.

16 Iye hinhpaya ho kin on Ikcewicašta oyate kin cancanwicawakiya, tona woħa en iyayapi kin hena om Hades ekta kun ehpewaye ciqon he ehan: hecen maka ihukuya Eden can kin owasin, Lebanon en kaħniĝapi qa waŝteŝte, tona mini yahepapi kin hena iyulpa cantohnagya-pi kta.

17 Hena iŝ eya iye kici Hades ekta iyayapi, mazasagye on wi-

caktepi kin ekta; qa iye istoyapi, Ikcewicašta cokaya iye taoħanzi en ounyanpi qon hena.

18 Wowitan qa wotanka en, Eden can kin ehna tuwe iyeniceca he: Tuka Eden can kin hena opeya maka ihukuya ekta kun aniupi kta; bawicaħdayapi ŝni wicacokaya mazasagye on wicaktepi kin hena om inunke kta. Pharaoh qa wicota tawa ocowasin he dee ce, Jehowa Itancan kin eya.

WICOWOYAKE 32.

1 Unkan kaketu, waniyetu iakenonpa, wi iakenonpa, wiyawapi tokaheya kin en, Jehowa oie en mau kin he hecen eya:

2 Wicašta cinhintku, Pharaoh Egipta wicaŝtayatapi kin on woceye odowan yawankan iyeya wo, qa heciya wo; Ikcewicašta ehna mnaja koŝka iyeniceca, qa miniwanca ohna unkteħi wan iyecen yaun; qa nitawakpa kin om naŝdog hidu, qa nisiha on mini kin nayaŝoŝe, qa tawakpapi kin hena nayacoco ece.

3 Jehowa Itancan kin he hecen eya; Heon ho mitawa kin acicaħpe kta, oyate ota ĥinca kin hena om: unkan hena e ho mitawa ohna wankan hiyu niyanpi kta.

4 Hehan makata acihnake kta, maĝa ite kin akan ehpeciye kta, qa mahpiya zitkadan iyulpa niye en iyahan wicawakiye kta, qa niye on maka ocowasin wamanica kin wipi wicawaye kta.

5 Qa niceħpi kin ĥe kin akan ewahnake kta, qa wamdudan nitawa kin on kaksiza kin ojuwaye kta.

6 Qa nakun makoce apaŝbog-yaye cin he niwe kin on ĥpanwakiye kta, ĥe kin hehanyan;

qa niye on wakpa kin hena ojudan kta.

7 Unkan nicasnipi kin en mahpiya kin awakalipe kta, qa wicanhpi tawa aotpaswakiye kta; anpetu wi kin he mahpiya sapa on awakalipe kta, qa hanyetu wi kin is janjan kte sni.

8 Niye niwankam mahpiya en iyoyanpa hinca kin iyuhpa otpaza wakage kta, qa nitamakoce kin en otpaza ewahde kta ce, Jehowa Itancan kin eya.

9 Nakun oyate ota cante kin iyokisinwaye kta, tohan Ikcewicašta ehna hna ihangniyanpi kin makoce sdonyaye sni qon ekta kta awau kinhan.

10 Han, niye on oyate ota nihinciye wicawakiye kta, qa wicaštayatapi tawapi kin hena niye on nina kopehdapi kta, tohan wicitokam mazasagye mitawa hiyuwakiye cinhan: qa ihnuhanna cancanpi kta, wicašta otoiyo hi iye nagi kin on, anpetu en nihinhpaye cinhan.

11 Jehowa Itancan kin he hecen eya nakaes; Babel wicaštayatapi tamazasagye kin he en nihi kta ce:

12 Wašakšakapi tamazasagye on wicota nitawa hinhpaye wicawaye kta, hena owasin oyate en wohitikapi kin hepi: unkan hena e Egipta towahanicidapi kin yutakunipi kte sni, qa wicota tawa kin iyuhpa ihangyapi kta.

13 Nakun mini tanka kin ica hda woteca iyuhpa ihangwicawaye kta; qa hetanhan icimana wicašta siha hena našoše kte sni, qa woteca šake kin nakun našošapi kte sni.

14 Hehan mini tawapi kin ahe wakiye kta, qa tawakpapi kin wihdi iyecen iyaye waye kta, Jehowa Itancan kin eya.

15 Tohan Egipta makoce kin

hewoskan wakage cinhan, qa makoce taku on ojudan qon owasin ihangyapi kinhan; tohan en ounyanpi kin iyuhpa wicawakaštake cinhan, hehan Jehowa he miye e sdonyapi kta.

16 De woceye kin ee, unkan akiceyapi kta: Ikcewicašta cunwintkupi kin hena aceyapi kta: Akiceyapi kta, Egipta hee, qa wicota tawa kin owasin on, Jehowa Itancan kin eya.

17 Hehan kaketu, waniyetu iakenonpa, wiyawapi iakezaptan, hehan Jehowa oie en mau kin he hecen eya:

18 Wicašta cinhintku, Egipta wicota tawa kin on śicahowaya wo, qa hena kun ehpewicaya wo, iye qa Ikcewicašta wašakšakapi cunwintkupi kin hena, maka ihukuya ekta, tona wolha ekta iya yapi kin hena om.

19 Tuwe isanpa oiyokipi yaun he: kun ya wo, qa tona baki hdayapi sni kin hena om iwanka wo.

20 Tona mazasagye on wicaktepi kin hena wicacokaya hinhpayapi kta: mazasagye en qupi: yutokan iyeya po, iye qa wicota tawa kin iyuhpa.

21 Tona okiyapi ecee qon hena om, Hades cokaya tanhan iyotan wašakapi kin hena kici wohdakapi kta: kun iyayapi, baki hdaye sni iwankapi, mazasagye on wicaktepi ce.

22 Ašur hen yanka qa tomniciye kin iyuhpa: ohna hnakapi tawa kin owasin ihdukšan wanka: hena iyuhpa wicaktepi, mazasagye on hinhpayapi:

23 Ohna hnakapi tawa kin hena wolha unnaptanyan en ehnakapi, qa tomniciye kin hena iye ihdukšan wanka: Hena owasin wicani makoce kin en unpi woko kipe kağapi qeyaš, wicaktepi, mazasagye on hinhpayapi.

EZEKIEL TAWOWAPI,

24 Hen Elam yanka, qa wicota tawa kin ohna hnakapi kin ihdukšan wanka, iyuhpa wicaktepi, mazasagye on hinhpayapi; hena wicani makoce kin en wokokipe kaḡapi qeyaś, maka oħdateya bakiħdaye śni iyayapi: tuka tona woħa ekta iyayapi kin hena om wowištece hduhapi ece.

25 Wicaktepi wicacokaya ohehdepi wan akan ehnakapi, wicota tawa kin iyuhpa om: ohna hnakapi kin hena ihdukšan wanka: hena iyuhpa bakiħdayapi śni, mazasagye on wicaktepi: wicani makoce kin ohna wokokipe kaḡapi qeyaś, tona woħa kin ekta iyayapi kin hena om wowištece hduhapi: ege wicaktepi wicacokaya ohnakapi.

26 Mešek hen yanka, Tubal qa wicota tawa kin iyuhpa: ohna hnakapi tawa kin ihdukšan wanke: hena iyuhpa bakiħdayapi śni, mazasagye on wicaktepi, wicani makoce ohna wokokipe kaḡapi qeyaś.

27 Unkan hena, tona waśakśakapi bakiħdaye śni hinhpayapi, ozuye wipe kiton Hades ekta iyayapi qon, hena om wankapi kte śni he: Unkan hena mazasagye pa ihukuya kihnakapi; tuka waħtanipi kin hena iye huhu tawapi kin akan yanke kta, wicani makoce kin ohna waśakśaka woko kipe wicakicaḡapi qeyaś.

28 Han, bakiħdayapi śni wicacokaya nicaksaksapi kta, qa tona mazasagye on wicaktepi kin hena om inunke kta ce.

29 Edom hen yanka, wicaštayapi tawa, qa wicašta itancan tawa kin owasin, hena wowaśake hduhapi koya mazasagye on wicaktepi kin om ehnakapi: tona bakiħdayapi śni, qa tona woħa kin ekta kun iyayapi kin hena om iwankapi kta.

30 Waziyata itancanpi kin hen yakonpi, hena owasin, qa Zidoni kin iyuhpa, hena wicaktepi kin om iyayapi: wokokipe tawapi en towaśakepi kin on ištecapi: qa bakiħdayapi śni mazasagye on wicaktepi kin hena om iwankapi; qa tona woħa kin ekta iyayapi kin hena om wowištece hduhapi.

31 Pharaoh hena wanwicayake kta, qa iye taobe ocowasin on cantohnagyapi kta; Pharaoh qa iye taakicita iyuhpa mazasagye on wicaktepi kin, Jehowa Itancan kin eya.

WICOWOYAKE 33.

1 Hehan Jehowa oie en mau kin he hecen eya:

2 Wicašta cinhintku, nitaoyate cinca kin om wohdake ɕa hewicakiya wo; Tohan mazasagye kin makoce wan en awau kinhan, qa makoce en oyate kin wiciye etanhan wicašta wan icupi, qa he waawanyake kicaḡapi kinhan:

3 Qa iye mazasagye makoce kin en u wanyake cinhan, qa mazayahotonpi kin yahoton, qa oyate kin waktawicaya kinhan:

4 Hehan tuwe kašta mazayahotonpi ho kin naħon, tuka onspekiyapi śni, qa mazasagye kin u qa eyaku kinhan, iye we kin pa akan kiciyanke kta.

5 Mazayahotonpi ho kin he naħon, tuka iwakta śni; iye we kin iye ħinca akan un kta. Tuka tuwe waktaya un kinhan iye naḡi eiħdaku kta.

6 Tuka waawanyake kin he tohan mazasagye u wanyake cinhan, mazayahotonpi kin yahoton śni, qa oyate kin iwaktayapi śni: qa mazasagye kin u, qa hena etanhan wicanaḡi wan eyaku

WICOWOYAKE 33.

kinhan; he qe tošice kin en eyakupi; tuka we kin he waa-wanyake nape etanhan wakida kta.

7 Hecen niye wicašta cinhintku, Israel tiyohnaka kin en waawanyake ecihnaka; heon etanhan mii etanhan wicoie kin nayahon kta, qa miye eciyatanhan waonspewicayakiye kta.

8 Tohan, Wicašta šica, wiconțe on nițe kta ce, šice cin ewakiye cinhan; wicašta šica tacanku on onspeyakiye kta iyae šni kinhan; wicašta šice cin he iye wahtani kin ohna țe kta; tuka we kin he ninape etanhan wakida kta.

9 Tuka niye wicašta šica tacanku kin ayušan kta on onspeyakiye cinhan; iye tacanku kin etanhan ihduhomni šni kinhan, iye wahtani kin ohna țe kta; tuka niye qe ninagi eyehdaku.

10 Heon etanhan, niye wicašta cinhintku, Israel tiyohnaka kin hewicakiya wo; Decen ehapi; Waunkipajinpi qa waunhtanipi kin hena akan unyankapi, qa hena en unhanyanpi kinhan, token unnipi kta he, ehapi ece.

11 Hewicakiya wo; Miye wani, Jehowa Itancan kin eya; Wicašta šice cin he țe cinhan iyomakipi šni; tuka wicašta šica iye tacanku kin etanhan ihduhomni qa ni kinhan: Ihduhomni po, nitacankupi šica etanhan ihduhomni po; Israel tiyohnaka, tokeca nițapi kta he.

12 Heon etanhan, niye wicašta cinhintku, nitaoyate cinca kin hena hewicakiya wo; Wicašta owotanna toowotanna kin he, anpetu en wawakipajin kinhan, ehdaku kte šni; qa wicašta šica anpetu kin en tošice kin etanhan ihduhomni kinhan, he on hinhpaye kte šni; qa nakun wicašta owotanna anpetu kin en wahtani

kinhan *toowotanna* qon on ni kte šni.

13 Tohan wicašta owotanna kin wiconi on ni kta kewakiye cinhan, iye toowotanna kin wacinkiyē ța taku šica econ kinhan, toowotanna qon ocowasin kiksuyapi kte šni; tuka taku šica econ kin hee on țe kta.

14 Ake tohan wicašta, šice cin, Wiconțe on nițe kta ce, ewakiye cinhan; hehan iye wahtani qon etanhan ihduhomni, qa woyaco woowotanna ko eciyatanhan ohanye cinhan;

15 Wicašta šica woicaške kin wicakicu, taku wicaki qon wicakicu, taku šica econ šni yanka wiconi woope kin ohnayan mani kinhan; he qe wiconi on ni kta, țe kte šni.

16 Woahitani tawa qon on wahtani kin hena owasin kiciksuyapi kte šni: woyaco qa woowotanna econ nakaes; he wiconi on ni kta.

17 Tuka nitaoyate cinca kin, Itancan tacanku kin ocitkonze šni ce, eyapi ece: Tuka is iyepi tacankupi kin ocitkonzapi šni.

18 Tohan wicašta owotanna kin he toowotanna kin etanhan ihduhomni, qa taku šica econ kinhan hee on țe kta.

19 Tuka wicašta šice cin he tošice kin etanhan ihduhomni, qa woyaco woowotanna ko econ kinhan, hee on ni kta.

20 Heca ešta, Itancan tacanku kin ocitkonze šni ce, ehapi ece. Israel tiyohnaka otioyohi iye tacanku kin eciyatanhan ciyacopi kta ce.

21 Hehan kaketu, wayaka unyakonpi waniyetu iakenonpa, wiwikcemna, wiyawapi anpetu izaptan en, wanji Jerusalem etanhan najica kin he en mahi qa, Otonwe kin kaštakapi ce, eya.

EZEKIEL TAWOWAPI,

22 Unkan hitayetu hehan Jehowa nape kin akan mayanka, najica qon en mahi šni itokamtu, qa i makiyuhdoka, hanhanna en mahi kin hehanyan: unkan i mayuhdokapi, qa hetanhan ia owakitpani wanica.

23 Hehan Jehowa oie en mau kin he hecen eya:

24 Wicašta cinhintku, tona Israel makoce hewoskan wanke cin dena en ounyanpi kin hena iapi, qa, Abraham he wanjidan, tuka makoce kin tawaya: unkan unkiye wiuncotapi; makoce kin tawaunyanpi kta unqupi tuka qon, eyapi ece.

25 Heon etanhan hewicakiya wo; Jehowa Itancan kin hecen eya ce: We koya yatapi ece, qa wakağapi nitawapi ekta išta yuwankan iyekcupi, qa we yapapsonpi ecee: unkan niye makoce kin tawayayapi kta he.

26 Mazasagye nitawapi kin en nayajinpi ece, wowahtešni yakağapi, qa otoiyo hi takodaku tawicu wicayeciyaşapapi ece: unkan niye makoce kin tawayayapi kta he:

27 Kaken ewicakiya wo: Jehowa Itancan kin hecen eya ce; Miye wani ce, awicakehan tona hewotahedan unpi hin hena mazasagye on hinhpayapi kta, qa tuwe tintoskan un kin he wamanica temyapi kta wicawaqu kta, qa tona conkaške qa makohdoka kin ohna yakonpi kin hena makosica on tpi kta.

28 Makoce kin hewoskantu qa hopuza wakağe kta nakaeş, qa towaşake wahaniçida kin he ayuştan kta; qa Israel tahe kin hena hewoskantu kta, hecen tuwedan opta ye kte šni.

29 Unkan tohan wowahtešni econpi kin owasin on etanhan makoce kin hewoskan qa hopuza

wakağe cinhan, hehan Jehowa he miye e sdonyapi kta ce.

30 Nakun niye, wicašta cinhintku, nitaoyate cinca kin conkaške icahda, qa tipi tiyopa kin ohna ania yukanpi, qa wanjikji wohdahdakapi, otoiyo hi sunkaku kici, U po, ceciciyapi, qa Jehowa etanhan wicoie hinanpe kte cin he naunhonpi kta ce, eyapi ecee.

31 Unkan oyate upi kin iyecen en nihipi, qa mitaoyate iyecekcen nitokam hiyotankapi, qa nioie nahonpi, tuka hena ohnayan econpi kte šni: hena ipi kin on woiyokipi odowan kağapi, tuka cantepi wocantahdepi tawapi kin iyahna yapi ece.

32 Unkan iho, niye, tuwe ho waşte tadowan oiyokipi kin iyececa nidakapi, qa candowankiyapi on wayupiya econ kin iyececa; nioie nahonpi, tuka hena ohnayan econpi šni ecee.

33 Unkan de ecetu kinhan, iho u kta, hehan wicašta wokcan wan wicacokaya un kin he sdonyapi kta ce.

WICOWOYAKE 34.

1 Hehan Jehowa oie en mau kin he hecen eya:

2 Wicašta cinhintku, Israel wonwicaye cin hena on woyaka wo, woyake ça hewicakiya wo; Jehowa Itancan kin wonwicaye cin hena hewicakiya; Hehehe, Israel wonwicayapi kin, hena wonciyapi ece: wonwicaye cin hena optaye kin wonwicayapi kta iyecece šni he.

3 Wašin kin he yatapi, qa hin kin kodakapi, qa tona cemyapi kin hena wicayaktepi ece; optaye kin wonwicayayapi šni.

4 Hanye cin he waşagyayapi šni, qa wayazanke cin he asniyayapi šni, qa yuweğapi kin pa-

yahtapi šni, qa hamyapi kin he ake ayakupi šni, qa taninšni qon he oyadepi šni : tuka wowašake qa wokakišye on wicayakuwapi ece.

5 Hecen okamden iyayapi, wonwicaya wanica heon etanhan : Unkan hena e tinta wamanica kin owasin woyute yapi kta heca, qa enanakiya iyayapi.

6 Optaye mitawa kin hena he kin owasin ehahna nunipi, qa paha tehanwankantu kin owasin ektakta : han, optaye mitawa kin maka ite kin ocowasin akan eyaya : qa tuwedan waode šni qa waakite šni ce.

7 Heon etanhan, wonwicaya yaunpi kin, Jehowa oie kin nahon po :

8 Miye wani, Jehowa Itancan kin eya ; Optaye mitawa wokipi icaga, qa optaye mitawa tinta wamanica woyute yapi kta heca, wonwicaya wanica nakaes, qa wonwicaya mitawa kin hena optaye mitawa okidepi šni, tuka wonwicaye cin hena woniçiyapi, qa optaye mitawa wonwicayapi šni ece :

9 Heon etanhan, wonwicaya yaunpi kin, Jehowa oie kin nahon po :

10 Jehowa Itancan kin hecen eya ce ; Wonwicaye cin hena wicitkokim waun ; qa iye napepi kin etanhan optaye mitawa wicawakida kta, qa optaye kin wonwicaya ayuŝtanwicawakiye kta ; qa wonwicaye cin hena ake icimana woniçiyapi kte šni ; qa iye ipi etanhan optaye mitawa kin ewehdaku kta, hecen hena woyute yapi kte šni.

11 Jehowa Itancan kin hecen eya ; Iho, miye, miye hinca optaye mitawa kin awakite kta, qa nakun owicawakide kta ce.

12 Wonwicaya wan optaye ta-

wa enanakiya unpi anpetu kin he en owicakide kin he iyecen, miš eya optaye mitawa kin owicawakide kta, qa tuktekten anpetu amalipiya qa otpaza en enanakiya iyewicayapi qon owasin he-tanhan ewicawehdaku kta.

13 Qa oyate kin etanhanhan awicawaku kta, qa makoc kin etanhanhan mnavicawakiye kta, qa iye tamakoce kin ekta hdicuwicawakiye kta, qa Israel he kin akankan wonwicawaye kta, wakpa kin icahda, qa makocce en oonyanpi ece kin hena owasin en.

14 Owihan wašte kin en wihanwicawakiye kta, qa Israel he tehanwankantu kin ekta optaye tipi kin yanke kta ; hen optaye tipi wašte kin ohna iwankapi kta, qa owihan cepa wan ohna wihanpi kta, Israel tahe kin akan.

15 Miye hinca optaye mitawa kin wonwicawakiye kta, qa miye hinca hena iwankewicawakiye kta ce, Jehowa Itancan kin eya.

16 Taku taninšni qon he owakide kta, qa taku hamyapi qon he ake awaku kta, taku pawegapi kin pawakihite kta, qa wayazanke cin he mduwašake kta ; tuka taku cepa qa wašake cin he ihangwaye kta ; hena woyaco yunwicawakiye kta ce.

17 Qa niš niyepi, optaye mitawa, Jehowa Itancan kin hecen eya ; Iho wanunyanpi etanhan wanunyanpi kin otahedan wamdaco kta, tahinca ska mdoka, qa tatoka mdokapi kin kici.

18 Owihanpi wašte temyayapi kin he taku cistinna yadakapi ; tuka owihan nitawa odaptapi kin he nakun siha on nayawinšwinjapi kta he : qa minišma etanhan datkanpi ešta, nakun oyaptapi kin siha on nayašoŝapi kta he.

19 Tuka optaye mitawa taku

EZEKIEL TAWOWAPI,

siha on nayawinšwinjapi kin he yutapi, qa taku siha on nayašo-šapi kin he yatkanpi ecee.

20 Heon etanhan Jehowa Itancan kin he hecen ewicakiya; Iho, miye, han miye linca wamdaco kta, wanunyanpi cepa qa wanunyanpi tamaheca kin otahedan.

21 Cuwi qa hinyete on pahe-yata iyeyayapi, qa he nitawapi on wayazanpi kin owasin cawicayapapi nakaes, hecen enanakiya iyewicayayapi:

22 Heon etanhan optaye mitawa kin niwicawakiye kta, qa hena icimana womanon yapi kte šni, tuka wanunyanpi wanunyanpi kici wamdaco kta ce.

23 Qa Wonwicaye wanjidan awanwicayagwakiye kta, qa iye wiłanwicakiye kta, Dawid mitaokiye kin hee: he qe wiłanwicakiye kta, qa wonwicaye tawapi kin hee kta ce.

24 Qa Jehowa Taku Wakan tawapi kin he miye kta, qa Dawid mitaokiye kin he wicacokaya itancan yanke kta; Jehowa miye e hecen epa.

25 Qa hena om wookiye wicotakuye wicawecage kta, qa wamanica šice cin hena makoce kin ayušan wicawakiye kta, qa hena wikopešniyan hewoskan ounyanpi kta, qa taškoju ohna ištınmanpi kta.

26 Qa hena ege, qa paha mitawa ihduksan wanke cin wowašte wakage kta: qa iyehantu eca magaju kin ahinhewakiye kta; wowašte magaju kin yuke kta.

27 Unkan can magata un kin he waskuyeca icahe kta, qa maka kin oicage kin hiyuye kta; qa iš iye makoce tawapi ohna wikopešniyan unpi kta; qa cannapinpi wicawakiyuwege ca, to-na wowidagwicayapi qon napepi

etanhan ewicawe hdaku kinhan, hehan Jehowa he miye e sdon-yapi kta.

28 Unkan hena e ake icimana Ikcewicašta on womanon yapi kte šni; qa makoce wamanica kin hena temwicayapi kte šni; tuka wowacinye en ounyanpi kta, qa tuwedan wakokipe wicakicage kte šni.

29 Unkan hena on woicage wocajeyate wan icaħwicaweciye kta; hecen makoce kin ohna ake icimana akiłanpi on iyog iyewicayapi kte šni, qa Ikcewicašta tawowištece kin ake icimana yuhapi kte šni.

30 Heciyatanhan Jehowa miye Taku Wakan tawapi wicakici waun kin he sdonyapi kta, qa iyepi, Israel tiyohnaka kin mitaoyate eepi, Jehowa Itancan kin eya.

31 Qa nakun niye optaye mitawa, owiłan mitawa optaye kin, wicašta henicapi, Taku Wakan nitawapi kin he miye, Jehowa Itancan kin eya.

WICOWOYAKE 35.

1 Nakun Jehowa oie en mahi kin he hecen eya:

2 Wicašta cinhintku, Seir he kin itkokim niite ekihde wo, qa he on woyaka wo;

3 Qa heya wo; Jehowa Itancan kin hecen eya ce; Iho, Seir he kin, nitkokim waun, qa minape aciyugate kta, qa hewoskantun linca cicage kta.

4 Nitotonwe kin hena hewoskan ehpewaye kta, hecen niye otiwita yaun kta, qa Jehowa he miye e sdonyaye kta.

5 Ohinniyan wošicedake hduha yaun nakaes, qa Israel cinca tokakijepi anpetu kin en maza-sagye nape kin en ye wicaya-

WICOWOYAKE 36.

ya, wošice woihangye kin hehantu :

6 Heon etanhan, miye wani, Jehowa Itancan kin eya ; Weyapi on cicage kta, qa we kin he kuwa aniye kta ; we kin šiceyadake šni, hecen we kin ege nicuwa ecee kta.

7 Hecen Seir he kin he otiwita qa otiwita ewahnake kta, qa hetanhan tuwe opta ye ça hdicu kin wakašpe kta.

8 Qa he tawa kin wicaktepi on ojuwaye kta : paha nitawa, qa kaksiza nitawa, qa wakpa nitawa owasin ohnahna mazasagye on wicaktepi kin hinšpayapi kta.

9 Owihanke wanica otiwita cicage kta ; qa nitotonwe kin hena piya kağapi kte šni : unkan Jehowa he miye e sdonyayapi kta ce.

10 Oyate kin denaoza, qa makece kin denaoza mitawa kta ce, qa unkiye tawaunyanpi kta ce, eha nakaes ; tuka Jehowa hen yanka :

11 Heon etanhan, miye wani, Jehowa Itancan kin eya ; nakun nitocanniye qa nitowinawizi kin on šicewicayadake cin en oyahande cin he eciyatanhan miye ecacicon kta ; qa hena wicehna mihdutanin kta, tohan ciyaco kinhan.

12 Unkan Jehowa he miye e sdonyaye kta ; wošice nitawa owasin Israel he kin on iyae cigon, Hena hewoskan kağapi, qa unkiye unyutakunipi kte šni unqupi ce, eha ecee nawahon.

13 Hecen niipi kin on miye en nihdatankapi, qa iapi ota on amayaiapi : miye hinca nawahon ce.

14 Jehowa Itancan kin he hecen eya ; Tohan maka kin ocowasin wiyuškin kinhan, hehan otiwita cicage kta.

15 Israel tiyohnaka taku tawapi qon otiwita wanke cin on widuškin, heon he iyecen ecacicon kta ; Seir he kin niye otiwita yaun kta, qa Edom ocowasin, han ocowasin : unkan hena e Jehowa he miye sdonyapi kta ce.

WICOWOYAKE 36.

1 Nakun, wicašta cinhintku, niye Israel he kin on woyake ça heya wo ; Israel he kin Jehowa oie kin nahon po :

2 Itancan kin Jehowa hecen eya ce : Hohohe, toka kin eniciyapi, qa, conkaške wanakaja kin hena tawaunyanpi ce.

3 Heon etanhan woyake ça heya wo ; Itancan kin Jehowa hecen eya ce : Hewoskan nicagapi, qa ihdukšan tanhan inicapapi ece, hecen Ikcewicašta okaptapi kin tawaniyanpi kta, qa waaia ipi kin on inicupi qa oyate aniia-pi ecee :

4 Heon etanhan, Israel he kin, Itancan Jehowa oie kin nahon po ; He kin, qa paha kin, qa wakpa kin ; qa kaksiza kin, hewoskan wanke cin, qa otonwe ehpeyapi, Ikcewicašta okaptapi ihdukšan wanke cin on womanon yapi, qa oyate wowihahayapi kin hena Itancan Jehowa kin hecen ewicakiya :

5 Heon etanhan Itancan kin Jehowa hecen eya ; Awicakehan mitowinawizi ide kin en Ikcewicašta okaptapi qa Edom ocowasin on iwaa ; iye cante ocowasin wiyuškin on mitamakoce kin tawayapi kta iciconzapi, cante wahanhaničidapi on wicakipi kta nakaes :

6 Heon etanhan Israel makece kin on woyake, ça he kin, qa paha kin, qa wakpa kin, qa kaksiza kin hewicakiya wo ; Jehowa

EZEKIEL TAWOWAPI,

Itancan kin he hecen eya ce; Iho, mitowinawizi qa mitocanteptanye kin en iwaa, Ikcewicašta tawowištece duhapi kin heon etanhan.

7 Heon etanhan Itancan kin Jehowa hecen eya; Miye minape wahdugate: Awicakehan Ikcewicašta nihduksan unpi kin hena wowištece hduhapi kta.

8 Tuka Israel he kin niye ade-tka wankan icaliyayapi kta, qa Israel mitaoyate waskuyeca icaliwicaycciciyapi kta: wanna eca-dan kupi kta nakaes.

9 Iho, miye ocipapi waun nakaes, qa niyepi ekta mihduhomni kta: unkan niyumdupi kta qa onijupi kta.

10 Qa niyepi akan wicašta wicamduota kta, Israel tiyohnaka owasin, ocowasin hinca: unkan otonwe kin hena en oonyanpi kta, qa otiwota qon hena piya kagapi kta.

11 Han, niyepi akan wicašta qa woteka wicamduota kta: unkan hena ihduotapi kta qa cinca icalikiyapi kta: hecen otokahe ekta yaunpi qon iyecen en owanji yankeciyapi kta; qa tokaheya yaunpi qon isanpa wašte ecamon kta; qa Jehowa he miye e sdoniyaya-pi kta.

12 Han, wicašta animani wicawakiye kta, Israel mitaoyate heepi; unkan niye tawaniyanpi kta, qa tawayapi kte cin he niye kta; qa hetanhan icimana cinca codan wicayakage kte sni.

13 Itancan kin Jehowa hecen eya; Niye wicašta temwicayakiya, qa oyate nitawa cinca codan wicayakaga ce, eniciyapi ecee:

14 Heon etanhan ake icimana wicašta temwicayakiye kte sni, qa ake icimana nitaoyate cinca wanignica wicayakage kte sni, Jehowa Itancan kin eya.

15 Qa nakun niye en icimana Ikcewicašta tawowištece kin nahonwicawaye kte sni; qa nakun oyate tawiopeye kin icimana duhe kte sni; qa nitaoyate kin icimana hinlipayeyakiye kte sni, Jehowa Itancan kin eya.

16 Hehan Jehowa oie en mahi kin he hecen eya:

17 Wicašta cinhintku, Israel tiyohnaka iye tamakoce en oonyanpi qehan, helan iye tacankupi qa olanpi kin on hdušicapi: tacankupi mitokam wanke cin hena winohinca isnati tošape kin iyececa.

18 Heon etanhan makoce kin en we paponpi kin on, qa wakagapi tawapi hdušapapi kin on, mitocanteptanye kin awicawakaštan:

19 Qa Ikcewicašta ehna hna iya-ye wicawaya, qa makoce kin ektakta enanakiya iyayapi: iye tacankupi kin on, qa iye olanpi kin on wicamdaco.

20 Unkan Ikcewicašta ektakta iyayapi qon hena en hipi qehan, micaje wakan kin he yašicapi, Jehowa taoyate kin dena eepi, qa iye tamakoce kin etanhan tankan iyayapi ce, ewicakiyapi qehan.

21 Tuka micaje wakan kin on waonšiwada, Israel tiyohnaka tokiya ipi eca, Ikcewicašta ehna hna yašicapi ece tuka.

22 Heon etanhan Israel tiyohnaka kin hewicakiya wo; Jehowa Itancan kin hecen eya ce; Israel tiyohnaka, niyepi kin on etanhan decen ecamon sni, tuka micaje wakan, toki yaipi eca, Ikcewicašta ehna hna datakupi sni ecee kin hee on etanhan.

23 Unkan micaje tanka kin he wahduwakan kta, he qe Ikcewicašta kin ehna hna yašicapi, hena wicacokaya niye dašicapi qon:

WICOWOYAKE 37.

unkan tohan iye ístapi kin itokam, niyepi kin on mihduwakan kinhan, hehan Jehowa he miye e sdonyapi kta ce, Jehowa Itancan kin eya.

24 Ikcewicašta ehnahna tanhan eciyakupi kta nakaeś, qa makoce owasin etanhanhan mnaciyapi kta, qa makoce nitawapi kin en acihdipi kta ce.

25 Hehan mini ska acimnimnipi kta, unkan niskapi kta: nitośapapi owasin etanhan, qa wakağapi nitawapi owasin etanhan ciyuskapi kta:

26 Nakun wicacante teca ciçupi kta, qa woniya teca mahen ecicilnakapi kta: qa nicełpi etanhan inyan cante kin he emdaku kta, qa wicacełpi cante wan ciçupi kta.

27 Qa Mitaniya kin he nitanmahen ewehnake kta, qa mitoope kin ohnayan maniciyapi kta, unkan mitawoyaco kin hena yapatanpi kta, qa ecen ecanonpi kta.

28 Unkan makoce atewicayayapi wicawaqu qon he en ounyayapi kta; qa mitaoyate kin he niyepi kta, qa Taku Wakan nitawapi kin he miye kta ce.

29 Nakun nitośapapi kin owasin etanhan niciyapi kta: qa aguyapi kin wakipan kta qa mduota kta, qa wicaakiłan takudan acihnakapi kte śni.

30 Qa can waskuyeca kin mduota kta, qa mağa oicage kin nakun; hecen ake icimana Ikcewicašta ehna wicaakiłan iyanionpapi kta duhapi kte śni.

31 Hehan nitacankupi śice cin hena yeksuyapi kta, qa niołanpi wašte śni kin hena; qa niístapi en wahteśniniçidapi kta, wayalıtanipi qa wowahteśni nitawapi kin on etanhan.

32 Niyepi kin on etanhan decen ecamon śni, Jehowa Itancan kin

eya, he sdonya po: Israel tiyohnaka, ísteca po, qa nitacankupi kin on nihinciya po.

33 Jehowa Itancan kin he hecen eya; Anpetu en wayalıtanipi owasin etanhan ciyuskapi kinhan, hehan otonwe kin ohnayan ounyewicawakiye kta, qa otiwota kin hena piya kağapi kta.

34 Qa makoce hewoskan wanke ciqon he yumdupi kta, he qe tona hiyayapi owasin ístapi en hewoskan wanka tuka qon.

35 Unkan heyapi kta, Makoce kin de hewoskan wanke ciqon he Eden tawoju kin iyecen icağa; qa otonwe otiwota, qa hewoskan, qa yujupui qon hena acankaśkapi kin en ounyanpi ecee.

36 Hehan Ikcewicašta nihdukśan okaptapi kin hena, tuwe yujupui kin piya kağa, hewoskan wanke ciqon woju kin he Jehowa miye e sdonyapi kta: Jehowa miye hecen epa, qa miye ecen ecamon kta ce.

37 Jehowa Itancan kin hecen eya ce; Tuka de on Israel tiyohnaka kin wimawangapi kta, ecawicawecon kta e heon: hena optaye iyecen wicašta wicamduota kta:

38 Optaye wakan kin iyececa, Jerusalem tomniciye kin en optaye kin he iyececa: hecen otonwe otiwota qon hena wicašta optaye ojugjudan kta: Unkan hena Jehowa he miye e sdonyapi kta ce.

WICOWOYAKE 37.

1 Jehowa nape kin akan mayanka, qa Jehowa Taniya kin on hetanhan emayaya, qa omdaye huhu ojudan kin cokahan emahnaka;

2 Qa hena ehna ihdukśan hiyaye mayan: unkan iho, omdaye

EZEKIEL TAWOWAPI,

ite akan ota hınca; qa iho, hena šekšeka hınca.

3 Hehan iye hemakiya; Wicašta cinhintku, huhu kin dena ni okihi kta he. Unkan amdupta; Jehowa Itancan, niye sdonyaya ce.

4 Hehan ake iye hemakiya; Huhu kin dena on woyaka wo, qa hewicakiya wo; Huhu šekšeca, Jehowa oie kin nañon po.

5 Itancan kin Jehowa huhu kin dena hecen ewicakiya; Iho, miye woniya mahen niupi wakiye kta, unkan yanipi kta.

6 Qa kan kin acicihnakapi kta, qa ceñpi icañiciyapi kta, qa uka on akañpeton ciyapi kta, qa oniya mahen ecicihnakapi kta, unkan yanipi kta: hecen Jehowa he miye e sdonyayapi kta ce.

7 Hecen econ mašipi kin iyecen womdaka: unkan womdaka icunhan ho yukan, qa iho, škanškanpi, qa huhu kin hena itkokicipa upi, hu wanji hu tawa ekta.

8 Unkan waumdana, qa iho, kan qa ceñpi kin akan awicau, qa akantanhan uka awicakañpa: tuka oniya en wicaun šni.

9 Hehan iye hemakiya; Tate kin wahoya wo, wicašta cinhintku, woyake ça tate kin heciya wo; Jehowa Itancan kin hecen eya ce; Tate ouye topa kin etanhan woniya u wo, qa dena wicañtepi kin awicaniya wo, hecen nipi kta ce.

10 Hehan econ maši kin iyecen womdaka; unkan woniya kin mahen wicau, qa hena kinipi, qa siha on inajinpi, ozuye nina tanka hınca.

11 Hehan iye hemakiya; Wicašta cinhintku, huhu kin dena Israel tiyohnaka ocowasin heepi: Iho, hena, Huhu unkitawapi kin šekšeca, qa wacinunyanpi qon he

taninšni; unkiyepi unyutakunipi šni ce, eyapi ece.

12 Heon etanhan woyake ça hewicakiya wo; Jehowa Itancan kin hecen eya ce; Iho, mitaoyate, woña nitawapi ciciyuhdokapi kta, qa niñapi kin etanhan hdinanpe ciyapi kta, qa Israel makoce kin en hdiyohiciyapi kta.

13 Hehan mitaoyate, Jehowa he miye e sdonyayapi kta, tohan woña nitawapi ciciyuhdokapi, qa niñapi etanhan hdinanpe ciyapi kinhan;

14 Qa Mitaniya mahen ecicihnakapi, qa yanipi, qa nitamakoce kin en ahdicihnakapi kinhan: hehan Jehowa miye e hecen epa, qa ecen ecamon kin he sdonyayapi kta ce, Jehowa eya.

15 Hehan Jehowa oie en mahi kin he hecen eya:

16 Nakun wicašta cinhintku, niye cansakadan wanji icu wo, qa akan, Juda qa Israel cinca, tawašitku wicaye cin tawapi, he en owa wo: Hehan cansakadan tokeca wan icu wo, qa akan, Joseph, Ephraim cansakadan tawa, qa Israel tiyohnaka tawašitku wicaye cin owasin tawapi, he en owa wo.

17 Qa wanji unma kin kici ici-koyagya wo, cansakadan wanjidan kta: unkan hena ninape ohna okonwanjidan icage kta.

18 Unkan tohan nitaoyate cinca winiwangapi kinhan, Dena taku hecinhan unyakipazopi kte šni he, eniciyapi kinhan;

19 Hewicakiya wo; Itancan kin Jehowa hecen eya ce; Iho, Joseph cansakadan tawa, Ephraim nape en un, qa tawašitku Israel wicowazi kin hena, iwacu kta, qa he kici ewahnake kta, han, Juda cansakadan tawa kici, qa hena cansakadan wanjidan wa-

WICOWOYAKE 38.

kage kta, unkan hena minape ohna wanjidan icage kta ce.

20 Unkan cansakadan akan oya-wa kin hena ninape ohna yanke kta, iye istapi itokam :

21 Qa hewicakiya wo ; Jehowa Itancan kin hecen eya ce ; Iho, Israel cinca kin Ikcewicašta wicehna tanhan, toki iyayapi qon hetanhan miye ewicamdaku kta, qa ihdukšan tanhan mnawicawaye kta, qa iye tamakoce kin en awicawahdi kta :

22 Qa makoce kin ohna Israel he kin akan hena oyate wanjidan wakage kta ; qa wicaštayatapi wanjidan hena owasin en wicaštayatapi un kta ; qa hetanhan ake oyate nonpapi kte šni, qa ake icimana wokiconze nonpa on kiyušpapi kte šni.

23 Nakun hetanhan icimana wakağapi tawapi kin on, qa wowahtešni tawapi, qa wawakipajinpi econpi owasin on, ihdušapapi kte šni : tuka en ounyanpi tawapi ohna walitanipi qon hena owasin etanhan niwicawaye kta, qa wicamduska kta : hecen hena mitaoyate kin eepi kta, qa Taku Wakan tawapi kin he miye kta ce.

24 Qa mitaokiye Dawid hena en wicaštayatapi yanke kta ; qa hena owasin wonwicaye wanjidan yuhapi kta : Nakun hena mita-woyaco kin ohnayan manipi kta, qa mitoope kin ahopapi kta qa ecen econpi kta.

25 Unkan hena makoce Jakob mitaokiye waqu qon he en ounyanpi kta, atewicayayapi kin en ounyanpi qon hee, is eya en ounyanpi kta, iyepi qa cincapi, qa cincapi sanpa cincapi owihanke wanica : unkan Dawid mitaokiye he Itancan hduhapi kta, owihanke wanica.

26 Nakun miye wookiye wicotakuye wan om wicawecage kta,

he qe wicotakuye owihanke wanica wicakici un kta : unkan ewicawahnake kta qa wicamduota kta, qa hena wicacokaya tipi wakan mitawa ewehde kta, owihanke wanica.

27 Unkan mitawakeya wakan kin he wicakici yanke kta : Han, Taku Wakan tawapi kin he miye kta, qa hena mitaoyate eepi kta.

28 Unkan tipi wakan mitawa kin he owihanke wanin wicacokaya yanke cinhan, hehan Jehowa miye e Israel wicamduwakan he Ikcewicašta kin sdonyapi kta ce.

WICOWOYAKE 38.

1 Hehan Jehowa oie en mau kin he hecen eya :

2 Wicašta cinhintku, Gog itkokim niite ekihde wo, Magog tamakoce, Mešek qa Tubal en wicaštayatapi itancan kin hee ; qa he on wakanyan woyaka wo ;

3 Qa heya wo ; Jehowa Itancan kin hecen eya ce ; Iho, Gog, Mešek qa Tubal wicaštayatapi itancan tawapi kin, miye nitkokim waun :

4 Qa hektam hdicuciye kta, qa maza icu cehupa nitawa ohna iyewaye kta, qa tankan hinanpe ciye kta, niye qa ozuye nitawa ocowasin, šuktanka qa šunka wakan akan yotankapi, hena iyulipa taku ota koyakapi, omniciye tanka hinca, mazawokoyake qa wahacanka, hena iyulipa maza-sagye kiçunpi :

5 Peres, Kuš qa Put owicapapi ; hena iyulipa wahacanka qa mazawapaha yuhapi :

6 Gomer qa ozuye tawa owasin ; Togarmah tipi waziyata ihanke kin etanhan, qa ozuye tawa kin iyulipa ; oyate ota hinca nici unpi.

EZEKIEL TAWOWAPI,

7 Wiyeya un wo, qa ihduwiye-ya wo, niye qa wicota nitawa niye ekta mniciyapi kin owasin, qa niye hena awanwicayag yaun kta.

8 Anpetu ota iyohakam yahdawa kta: waniyetu ehake kin en makoce kin en yahi kta, maza-sagye etanhan ehdakupi, oyate ota etanhanhan mnakiyapi qon, Israel he ohinniyan hewoskan wanke ciqon he etu; tuka he qe oyate kin etanhanhan hinanpe yapi, qa hena iyulpa wikopešniyan ounyanpi tuka:

9 Tuka itawankanhde yau kta, mağaju hinca wan iyecen yau kta, makoce akalpe kta on malpiya šapa iyecen yaun kta, niye qa ozuye nitawa iyulpa, qa oyate ota onipapi kin hena.

10 Jehowa Itancan kin hecen eya; Nakun kaketu kta, anpetu kin he en wicoie nicante en upi kta, qa wicotawacin šica wan awacanni kta:

11 Qa hecen ehe kta; Makoce ikce otonwe kin ekta mde kta; to-na oziiciyapi wikopešniyan ounyanpi, iyulpa acankaškapi šni unpi, qa tiyopa, inatake ko nicipi kin hena takpe wicamde kta ce:

12 Wokipi wan wicakipi kta, qa womanon wan manonpi kta; hewoskan wanke ciqon en ounyanpi kin hena ekta nape yeyaye kta, oyate wan Ikcewicašta etanhanhan mnawicayapi, qa woteca walipaya koya kamnanpi, makoce tehanwankantu en ounyanpi kin hena.

13 Šeba qa Dedan qa Taršiš en wicašta wopeton kin hena, qa en mnağa koška kin owasin heniciyapi kta; Wokipi wicaki kta on yau he: womanon wan manon kta on nitomniciye mnayakiya he; mazaska qa mazaskazi aya-

hde kta, woteca qa walipaya iya-cu kta, wokipi tanka wan wica-yaki kta he.

14 Heon etanhan, wicašta cinhintku, wakanyan woyaka wo, qa Gog heciya wo; Jehowa Itancan kin hecen eya ce; Anpetu kin en mitaoyate Israel wikopešniyan okihpapi kinhan, niye sdonyaye kte šni he.

15 Hecen nitohe kin etanhan yau kta, waziyata makoce kin etanhan, niye qa oyate ota nicipi kin, hena owasin šuktanka akan yotakanpi, omniciye tanka qa ozuye ota hinca.

16 Qa mitaoyate Israel takpe wicayau kta, malpiya šapa iyecen makoce kin akalipapi kta: he anpetu ehake kin etu, hehan mitamakoce kin takpe uciye kta, hecen Ikcewicašta kin sdonmayanpi kta, tohan iye išta itokam, Gog, niye en mihduwakan kinhan.

17 Jehowa Itancan kin hecen eya; Tuwe wanakaja cajemdate ciqon he niye he; Israel en wicašta wokcan, anpetu waniyetu hena en woyakapi qon hena nape eciyatanhan, hecen takpe wicauciye kta.

18 Unkan kaketu kta, anpetu en Gog Israel makoce kin takpe u kinhan, hehan mitocanteptanye miite akan hiyu kta, Jehowa Itancan kin eya.

19 Mitowinawizi en, mitocanniye ide kin en hecen epa nakaeš; Awicakehan anpetu kin he en Israel makoce kin ohna wicacancan tanka kta:

20 Hecen miniwanca hoğan kin hena qa malpiya zitkadan, qa tinta woteca, qa wamakaškan tona maka asdohan unpi kin owasin, qa wicašta owasin tona maka ite akan unpi kin hena miite on cancanpi kta, qa he kin

WICOWOYAKE 39.

hena pawankapi kta, qa he imni-
ja kin hena hinhpayapi kta, qa
inyan conkaške otoiyohi makata
hinhpaye kta.

21 Hehan he on he mitawa
owasin ohnayan mazasagye wan
weco kta ce, Itancan kin Jeho-
wa eya: wicašta otoiyohi tama-
zasagye kin iye sunkaku kin apa-
ha un kta.

22 Qa makošica qa we on he
mdaco kta; qa iye kin, ozuye
tawa koya, qa oyate ota kici un-
pi kin hena awicamağaju waye
kta, mağaju apaške kta, qa
wasu tankinkinyan, peta qa can-
sin.

23 Hecen mihdutanka kta qa
mihduwakan kta; unkan oyate
ota istapi kin en sdonmayanpi
waun kta, qa Jehowa he miye
e sdonyapi kta ce.

WICOWOYAKE 39.

1 Heon etanhan, wicašta cin-
hintku, Gog on wakanyan wo-
yake qa heya wo; Itancan kin
Jehowa hecen eya ce; Iho, Gog,
Mešek qa Tubal wicaštayatapi
itancan, miye itkocicipa ce.

2 Unkan ciyuhomni kta, qa hi-
nanpe ciye kta, qa waziyata
ihanke kin etanhan hiyuciye kta,
qa Israel he kin akan acihi kta.

3 Qa ninape catka etanhan niti-
nazipe kin wakaške kta, qa nina-
pe etapa etanhan nitawanhinkpe
kin hinhpaye waye kta.

4 Israel he kin akan nihinhpaye
kta, niye qa ozuye nitawa iyuhpa,
qa oyate nici unpi kin hena: zi-
tkadan wayapote cin ocaje owa-
sin, qa tinta wamanica kin temni-
yanpi kta e ciçu kta.

5 Tinta ite kin akan nihinhpaye
kta: miye hecen epa nakaes,
Jehowa Itancan kin eya.

6 Unkan peta wan Magog en

yewaši kta, qa wita en wikope-
šniyan ounyanpi kin hena ehna;
hecen Jehowa he miye e sdonya-
pi kta ce.

7 Hecen micaje wakan kin Is-
rael mitaoyate cokaya sdonye wi-
cawaye kta, qa ake icimana mi-
caje wakan kin wahdušape kte
šni. Unkan Jehowa Israel en
Wanji Wakan kin he miye e
Ikcewicašta kin sdonyapi kta.

8 Iho, wanna u qa iyecetu, Je-
howa Itancan kin eya: anpetu
cajemdate ciquon he dee ce.

9 Unkan Israel otonwe en oun-
yanpi kin hena tankan yapi kta,
qa wipe kin hena ideyapi qa hūh-
nahyapi kta, han, wahacanka qa
maku akalipe, itazipa qa wan-
hinkpe kin, qa nape sagye qa
wahukeza, unkan waniyetu ša-
kowin hena peta on hūhnahyapi
kta:

10 Hecen taškoju etanhan can
icupi kte šni, qa contanka kin
etanhan hdaksapi kte šni; wipe
kin hena peta en aonpapi kta
nakaes: hecen tona iye wawica-
kipi qon hena wicakipi kta, qa
tona wamawicakinonpi qon hena
mawicakinonpi kta, Itancan kin
Jehowa eya.

11 Unkan anpetu kin he en ka-
ketu kta, Israel en tukten wica-
hapi kin wan Gog waqu kta,
kaksiza ohna manipi ece, mini
tanka iwiyohiyanpa tanhan; qa
he qe icimanipi kin wicakaği
kta: Unkan hen Gog qa wicota
tawa qon owasin wicahapi kta;
qa, He Gog-wicota takaksiza,
eciyapi kta.

12 Unkan Israel tiyohnaka kin
wi šakowin hehanyan wicaha
škanpi kta, makoce yuskapi kta
e heon.

13 Han, makoce en oyate oco-
wasin wahapi kta: unkan he qe
wocajeyate hduhapi kta, anpetu

EZEKIEL TAWOWAPI,

mihduwakan kte cinhan, Jehowa Itancan kin eya.

14 Unkan wicohan tawapi kta on wicašta wicakahnigapi kta, hena icimanipi kin om makoce optapta yapi kte, tona maka ite akan okaptapi kin hena wicahapi kta, hecen yuskapi kta : wi šakowin ohakam hehan ode yapi kta.

15 Unkan icimanipi kin hena maka ohna yapi eca, tohan wanj wicašta hu wanyake cinhan, hehan bosdatu wan icahda ehde kta, tohanyan wahapi kin Gogwicota takakšiza ohna hapi kta hehanyan.

16 Qa nakun otonwe kin he Hamona (wicota) eciyapi kta. Hecen makoce kin hduskapi kta.

17 Unkan niye wicašta cinhintku, Itancan kin Jehowa hecen eya ; Zitkadan hupahu ton owasin qa tinta wamanica kin iyulha hewicakiya wo ; Ihduwitaya po qa u po ; ihduksantanhan ionaičiya po, wošna mitawa niyepi on wawahdušna kin ekta, Israel he kin akan wošnapi tanka kinca, hecen tado yatapi kta qa we datkanpi kta.

18 Wašaksakapi celipi kin yatapi kta, qa wicaštayatapi we kin datkanpi kta, wanunyanpi tamdoka tawa, tacincadan tawa, qa tatoka mdoka tawa, tatanka tawa, hena iyulha Bašan en cemyapi qon heca.

19 Unkan inimnanpi kta e wašin yatapi kta, qa winitkopi kta hehanyan we datkanpi kta, wošna mitawa niyepi on wawahdušna kin etanhan.

20 Hecen wahna wotapi mitawa en, šuktanka qa canpahmihma on, wašaksakapi qa ozuye wicašta owasin on winipipi kta, Itancan kin Jehowa eya.

21 Unkan mitowitan kin he Ikcewicašta ehna ewehde kta,

qa mitawoyaco ecamon kin he, qa minape akan ewicawahnake cin hena Ikcewicašta owasin wanyakapi kta.

22 Hecen anpetu kin hetanhan qa sanpa, Israel tiyohnaka kin Jehowa Taku Wakan tawapi kin he miye e sdonyapi kta.

23 Unkan walitanipi kin on Israel tiyohnaka wayaka unpi kin en iyayapi he Ikcewicašta kin sdonyapi kta : taku šica ecami-conpi kin heon etanhan miye miite anawicawakihbe, qa tokawicayapi napepi en wicawaqu : unkan hena iyulha mazasagye on hinhpayapi.

24 Ihdušapapi kin on, qa wawakipajinpi kin eciyatanhan ecawicawecon, qa miite anawicawakihbe.

25 Heon etanhan Jehowa Itancan kin hecen eya ; Wanna Jakob unhdaka unpi kin ake hdicuwakiye kta, qa Israel tiyohnaka ocowasin onšiwakida kta, qa micaje wakan kin on winawawizi kta ce.

26 Tohan tawowištece kičinpi kinhan, qa wawakipajinpi tawapi owasin on makipajinpi, makoce en wikopešniyan owanji yukanpi qa tuwedan wakokipe wicakicage šni qehan.

27 Tohan oyate kin etanhanhan hdicuwicawakiye, ça tokawicayapi tamakoce kin etanhanhan mnawicawakiye, ça iyepi en oyate ota itokam mihduwakan kinhan ;

28 Hehan Ikcewicašta ehnahna wayaka iyayewicaye ciqon Jehowa Taku Wakan tawapi kin he miye e sdonkiyapi kta : tuka makoce tawapi kin ohna mnawicawakiya, qa hena etanhan tuwedan ake ehpewaye kte šni.

29 Nakun miite ake anawicawakihbe kte šni : Mitaniya kin

WICOWOYAKE 40.

Israel tiyohnaka kin awicawakastan kta nakaes, Jehowa Itancan kin eya.

WICOWOYAKE 40.

1 Wayaka unyakonpi waniyetu wikcemna nonpa qa sanpa zaptan en, omaka otokahe ekta, wiya-wapi anpetu iwikcemna hehantu, otonwe kin kastakapi qon iyohakam waniyetu iaketopa kin en, anpetu kin hee linca, hehan Jehowa nape kin akan mayanka, qa ekta amahi:

2 Taku Wakan tawowanyake kin en Israel makece kin ekta amahi, qa he wan tehanwankantu linca akan emahnaka, qa hen itokagatanhan otonwe okagapi wan wanka.

3 Hecen he en amahi, unkan iho, wicašta wan towanyake kin mazazi wanyakapi kin iyececa, hałonta pahmonpi wan nape ohna qa cedi on iyutapi wan: unkan he qe tiyopa kin ohna inajin.

4 Unkan wicašta kin he hema-kiya; Wicašta cinhintku, ništa on wawanyaka wo, qa ninoge on wanałon wo, qa taku wanyagciciye cin owasin en nicante yekiya wo: wawanyagciciye kta e heon den anhipi nakaes: taku wandake kte cin hena owasin Israel tiyohnaka kin owicakiyaka wo.

5 Unkan iho, tipi kin itankan ihduksan conkaške wan, qa wicašta qon nape ohna cedi wan on iyutapi kta, wicišta šakpe, wicišta qa napehdakinyan eciyatanhan: hecen conkaške kin iyuta, ohdakinyan cedi wanjidan; qa obosdatu kin cedi wanjidan.

6 Hehan tiyopa wan ite kin wiyohiyanpatakiya wanke cin he en hi, qa caniyadipi kin ohna

wankan iyaya, qa tiyopa ihukuya wanke cin he iyuta, okdakinyan cedi wanjidan, qa ihukuya wanke cin unma kin is ohdakinyan cedi wanjidan.

7 Qa wankan tipi kin is ohan-ske cedi wanjidan qa ohdakinyan cedi wanjidan: qa wankan tipi kin otahedan wicišta zaptan: qa tiyopa ihukuya wanka, tiyopa ohanzi hdepi icahda wanke cin mahentanhan, cedi wanjidan.

8 Nakun tiyopa ohanzi hdepi kin mahentanhan iyuta, cedi wanjidan.

9 Hehan tiyopa en ohanzi hdepi kin iyuta, wicišta šahdogan, qa can ipatan kin hena wicišta nonpa: unkan tiyopa en ohanzi hdepi kin mahenkiya wanka.

10 Unkan tiyopa wiyohiyanpatakiya canku ekta wankan tipi yamni deciyatanhan qa yamni heciyatanhan; hena yamni wiyutapi okonwanjidan: qa can ipatan kin wiyutapi okonwanjidan, deciyatanhan qa heciyatanhan.

11 Unkan tiyopa oenape ohdakinyan kin iyuta, wicišta wikcemna; qa tiyopa ohanske kin wicišta akeyamni.

12 Nakun wankan tipi itokam opapun kin he wicišta wanjidan, qa heciyatanhan opapun kin is wicišta wanjidan: unkan wankan tipi kin deciyatanhan wicišta šakpe, qa heciyatanhan wicišta šakpe.

13 Hehan tiyopa kin iyuta, wankan tipi akalipe etanhan akalipe ekta; ohdakinyan kin wicišta wikcemna nonpa sanpa zaptan, oenape oenape icitkokim.

14 Nakun can ipatan kin hena wicišta wikcemna šakpe kaga, qa tiyopa ihduksan hocoka can ipatan kin ekta.

15 Unkan tiyopa oenape ite kin

EZEKIEL TAWOWAPI,

etanhan tiyopa mahentu ohanzi hdepi ite kin hehanyan wiciśpa wikcemna zaptan.

16 Unkan wankan tipi kin ohna owanyeye natakapi yukan, qa tiyopa imahentu ihduksan can ipatan tawapi kin ohna, qa nakun opahte kin en: qa imahentu ihduksanksan owanyeye yukan, qa can ipatan en tamar can okagapi.

17 Hehan tankan hocoka kin ekta amahi, unkan iho, tipi cistinna yukan, qa hocoka ihduksan inyan canku wan kicagapi: inyan canku kin ekta tipi cistinna wikcemna yamni yukan.

18 Unkan inyan canku tiyopa icahda wanke cin, tiyopa ohanske iyotakonza kin he kuya inyan canku kin ee.

19 Hehan kuya tiyopa kin itokapa hocoka mahentu kin itankan, ohdakinyan kin iyuta, wiciśpa opawinge wiyohiyanpata qa waziyata ekta.

20 Nakun tankan hocoka tiyopa ite waziyatakiya canku kin ekta he ohanske qa ohdakinyan kin iyuta:

21 Unkan wankan tipi kin deciyatanhan yamni qa heciyatanhan yamni; qa can ipatan kin, opahte tawa nakun, hena tiyopa tokaheya iyutapi qon iyececa: ohanske wiciśpa wikcemna zaptan qa ohdakinyan kin is wikcemna nonpa sanpa zaptan.

22 Qa owanyeye tawapi, qa opahte qa tamar can okagapi tawapi kin hena tiyopa wiyohiyanpata canku ekta yanka iyutapi qon iyececa: unkan can adipi sakowin on ekta yapi ece; qa opahte kin hena itokam yanke.

23 Unkan mahen hocoka tiyopa kin he tiyopa ite waziyatakiya qa wiyohiyanpatakiya canku kin ekta iyotakons wanke: Unkan

tiyopa etanhan tiyopa ekta iyuta, wiciśpa opawinge.

24 Hehan itokali canku kin ekta amahi: unkan iho, tiyopa wan itokalihiya canku kin ohna: unkan he can ipatan tawa kin iyuta, qa opahte kin nakun, wiyutapi qon hena iyececa.

25 Unkan he ohna owanyeye yukan, qa ihduksan opahte kin hena ohna, owanyeye qon hena iyecekceca: ohanske wiciśpa wikcemna zaptan, qa ohdakinyan kin is wikcemna nonpa sanpa zaptan.

26 Qa adipi sakowin on ekta yapi ece; qa opahte kin hena itokapatanhan wanke: unkan tamar can okagapi yukan, wanji deciyatanhan qa wanji heciyatanhan, can ipatan tawa kin akan.

27 Unkan hocoka mahentu kin en, canku itokalihiya wanke cin ohna, tiyopa wan yanka: unkan tiyopa etanhan tiyopa ekta itokalihiya wiyuta, wiciśpa opawinge.

28 Hehan itokali tiyopa kin ohna hocoka mahentu kin ekta amahi: unkan itokali tiyopa kin iyuta, wiyutapi qon hena iyececa.

29 Qa wankan tipi tawa kin hena, qa can ipatan kin hena, qa opahte tawa kin hena, wiyutapi qon hena iyececa: unkan ohna owanyeye yukan, qa ihduksan opahte tawapi kin ohna: ohanske wiciśpa wikcemna zaptan, qa ohdakinyan kin is wikcemna nonpa sanpa zaptan.

30 Unkan opahte ihduksan wanke cin hena ohanske wiciśpa wikcemna nonpa sanpa zaptan, qa ohdakinyan is wiciśpa zaptan.

31 Unkan opahte tawa kin hena tankan hocoka kin ektakiya; qa can ipatan tawa akan tamar can okagapi yukan; unkan adipi shadogan on ekta yapi ece.

32 Hehan hocoka mahentu kin

en amahi, wiyohiyanpata canku ektakiya wanke cin hetu: Unkan tiyopa kin he iyuta, wiyutapi kin dena iyececa.

33 Qa wankan tipi tawa kin hena, qa can ipatan, qa opalite tawa kin hena wiyutapi kin dena eciyatanhan: unkan he ohna owanyeye yukan, qa ihduksan opalite tawa kin ohnahna: ohanske wiciŝpa wikcemna zaptan, qa ohdakinyan is wiciŝpa wikcemna nonpa sanpa zaptan.

34 Unkan opalite tawa kin tankan hocoka kin ektakiya wanke; qa can ipatan tawa kin akan tamar can okaŝapi yukan, deciyatanhan qa heciyatanhan: unkan adipi ŝahdoŝan on ekta yapi ece.

35 Hehan waziyata tiyopa kin en amahi, qa wiyutapi kin dena iyecen iyuta:

36 Wankan tipi kin, can ipatan kin, qa opalite tawa, qa ihduksan owanyeye tawa kin hena: ohanske wiciŝpa wikcemna zaptan, qa ohdakinyan kin is wiciŝpa wikcemna nonpa sanpa zaptan.

37 Unkan can ipatan tawa kin hena hocoka tankantu kin ektakiya; qa can ipatan kin akan tamar can okaŝapi yukan, deciyatanhan qa heciyatanhan: qa adipi ŝahdoŝan on ekta yapi ece.

38 Unkan mazopiye qa oenape kin hena tiyopa can ipatan kin icahda; hen woŝuŝnaŝe woŝnapi kin yujajapi ece.

39 Unkan tiyopa ohanzi hdepi kin ohna, deciyatanhan wahna hnakapi nonpa, qa heciyatanhan wahna hnakapi nonpa; hena akan woŝuŝnaŝe woŝnapi, qa woŝtani woŝnapi, qa wayuŝnapi woŝnapi kin wicaktepi kta.

40 Unkan tankan tiunnaptanyan en, waziyata tiyopa oenape ekta yapi ece kin hetu, wahna hnaka-

pi nonpa; qa tiunnaptanyan unma eciyatanhan, tiyopa ohanzi hdepi kin icahda, wahna hnakapi nonpa yukan.

41 Deciyatanhan wahna hnakapi topa, qa heciyatanhan wahna hnakapi topa, tiyopa unnaptanyan kin icahda: wahna hnakapi ŝahdoŝan akan wapatapi ece.

42 Nakun woŝuŝnaŝe woŝnapi tawahnahnakapi topa kin hena inyan kakanpi, ohanske wiciŝpa wanji sanpa hanke, qa ohdakinyan wiciŝpa wanji sanpa hanke, qa obosdatu kin is wiciŝpa wanjiŝan: unkan hena akan ikicanye on woŝuŝnaŝe woŝnapi qa woŝnapi wicaktepi ece kin hena ehnakapi ece.

43 Qa timahen oyuze nape hda-kiinyan wanji ihduksan okatanpi: qa wahna hnakapi kin akan woŝnapi conica kin hiyeya.

44 Unkan tiyopa mahentu itankan mazopiye dowanpi tawapi, hocoka mahentu kin hetu, waziyata tiyopa unnaptanyan kin ekta; unkan hena itokaŝi canku kin ektakiya etonwan; wanji wiyohiyanpata tiyopa icahda kin he waziyata canku kin ektakiya yanka.

45 Unkan hemakiya; Mazopiye kin de itokaŝi canku ektakiya yanke cin he wawayuŝna tipi tawowaŝi awanyakapi kin hena tawapi:

46 Qa mazopiye waziyata canku ekta itoheya yanke cin he wahna woŝnapi tawowaŝi awanyakapi wawayuŝna kin hena tawapi: Hena Zadok cinhintku, Lewi cinca ehnatatanhan Jehowa okiyapi kta ikiyedani upi ecee kin eepi ce.

47 Hecen hocoka kin he iyuta, ohanske kin wiciŝpa opawinŝe, qa ohdakinyan wiciŝpa opawinŝe, topa omdotonyan wanka; qa na-

EZEKIEL TAWOWAPI,

kun tipi kin itokam wahna wo-
śnapi kin.

48 Hehan tipi ohanzi hdepi kin
en amahi, qa ohanzi hdepi can
ipatan kin iyuta, deciyatanhan
wiciśpa zaptan, qa heciyatanhan
wiciśpa zaptan; qa tiyopa ohda-
kinyan kin he deciyatanhan wi-
ciśpa yamni, qa heciyatanhan
wiciśpa yamni.

49 Ohanzi hdepi ohanske kin
he wiciśpa wikcemna nonpa, qa
ohdakinyan kin is wiciśpa ake-
wanji; unkan ekta yapi ece kin
adipe yukan: unkan can ipatan
icahda oinajin yukan, wanji de-
ciyatanhan qa wanji heciyatan-
han.

WICOWOYAKE 41.

1 Hehan tipi wakan kin en
amahi, qa can ipatan kin iyuta,
deciyatanhan ohdakinyan wici-
śpa śakpe, qa heciyatanhan ohda-
kinyan wiciśpa śakpe; wakeya
ohdakinyan kin hee.

2 Qa oenape ohdakinyan kin he
wiciśpa wikcemna; qa oenape
unnaptanyan kin deciyatanhan
wiciśpa zaptan, qa heciyatanhan
wiciśpa zaptan: qa ohanske kin
iyuta wiciśpa wikcemna topa, qa
ohdakinyan kin is wiciśpa wikce-
mna nonpa.

3 Hehan mahenkiya iyaya, qa
owenape can ipatan kin iyuta,
wiciśpa nonpa, qa tiyopa kin wi-
ciśpa śakpe, qa tiyopa ohdakin-
yan kin is wiciśpa śakowin.

4 Hecen ohanske kin iyuta, wi-
ciśpa wikcemna nonpa; qa ohda-
kinyan kin is wikcemna nonpa,
tipi wakan kin itokapatanhan:
Unkan iye hemakiya; De iyotan
wakan kin hee ce.

5 Hehan tipi unnaptanyan ka-
gapi kin he iyuta, wiciśpa śa-
kpe; qa cuwi tipi kin ohdakin-

yan wiciśpa topa, tipi kin anoka-
tanhan ihduksan hiyeya.

6 Unkan cuwi tipi kin hena ya-
mni, cuwi tipi cuwi tipi iakan-
kan, owancaya wikcemna ya-
mni; unkan tipi kagapi unna-
ptanyan kin en, cuwi tipi ihdu-
ksan hiyeye cin hena mahen ya,
hecen oyuze kta, tuka tipi kaga-
pi kin en yuzapi śni.

7 Unkan yutankapi qa yuktan-
yanpi yukan, wankan, wankan
yapi, cuwi tipi kin ekta: tipi
oyuktanyanpi kin he wankan ece
ya, tipi ihduksan nakaes; hecen
tipi ohdakinyan kin he wankan-
tkiya ya, qa hecen cokaya kuya-
tanhan wankan ical aya ece.

8 Nakun ihduksan tipi obosdatu
kin wanmdaka: cuwi tipi oahe
kin hena unnaptanyan kin he
cedi wanji ocowasin wiciśpa
śakpe.

9 Unkan tankantanhan cuwi
tipi kin on conkaske kagapi ohda-
kinyan kin he wiciśpa zaptan;
qa okaptapi kin he mahentu,
cuwi tipi owanka kin hee.

10 Unkan wankan tipi kin ota-
hedan wiciśpa wikcemna nom-
nonpa ohdakinyan, tipi kin
ihduksan hiyeya.

11 Unkan cuwi tipi oenape
kin hena okaptapi kin ektakiya
wanke; tiyopa wanji waziyata
canku kin ekta, qa tiyopa wanji
is itokagatanhan yanka: qa
owanka okaptapi ohdakinyan
kin he wiciśpa zaptan ihduksan
hiyeya.

12 Unkan hocoka okaptapi kin
itokam wiyohpeyata ihanke kin
ekta, tipi kagapi kin he ohdakin-
yan wiciśpa wikcemna śakowin,
qa tipi conkaske kin ohdakinyan
wiciśpa zaptan ihduksan hiyeya,
qa ohanske kin is wiciśpa wikce-
mna napcinwanka.

13 Hecen tipi kin iyuta, ohan-

WICOWOYAKE 42.

ske wicišpa opawinge ; qa hocka okaptapi kin he, qa tipi kağapi, conkaške koya hena ohanske wicišpa opawinge.

14 Nakun tipi kin itokam ohdakinyan kin he, qa hocoka okaptapi wiyohiyanpatakiya, hena wicišpa opawinge.

15 Qa tipi kağapi ohanske kin he iyuta, hocoka okaptapi kin itokam, he iheyata nakaes, qa omanipi kin, deciyatanhan qa heciyatanhan wanke, wicišpa opawinge, tipi wakan mahentu qa hocoka ohanzi hdepi kin hena iyahna.

16 Tiyopa ipatan kin, qa owanyeye ociqadan kin, qa ihduksan yamnikiya omanipi kin, tiyopa iyotakonza, ihduksan can on akalipapi, qa maka etanhan owanyeye kin ekta, qa owanyeye kin hena natakapi.

17 Tiyopa iwankamtu hehanyan, qa nakun tipi kin mahen qa itankan, qa conkaške ihduksan hiyeye cin ocowasin ekta, iyutapi.

18 Unkan kerub qa tamar can okağapi kin on econpi, hecen kerub qa kerub iyotahedan tamar can okağapi wan yanka : qa kerub otoiyo hi ite nonpa yuha.

19 Hecen deciyatanhan wicašta ite kin tamar can okağapi kin ektakiya yanka, qa heciyatanhan mnaja ite kin tamar can okağapi ektakiya yanka ; tipi kin ihduksan owancaya hecen kağapi.

20 Maka etanhan tiyopa kin iwankamtu hehanyan kerub qa tamar can okağapi kin kağapi, qa tipi wakan unnaptanyan kin en.

21 Tipi wakan can ipatan kin hena omdoton kağapi, qa owanka wakan kin itokam owanyake kin is owanyakapi kin iyececa.

22 Can wahna woşnapi kin he

obosdatu wicišpa yamni, qa ohanske kin is wicišpa nonpa ; unkan oise kin, qa ohanske, qa unnaptanyan kin hena can : Unkan iye hemakiya ; Jehowa itokam wahna hnakapi kin he dee ce.

23 Unkan tipi wakan qa tipi wakan hinca kin hena en tiyopa nonpa.

24 Unkan tiyopa otoiyo hi oyugan nonpa, oyugan yuhdokapi kta nonpa ; tiyopa wanji oyugan nonpa, qa unma kin is oyugan nonpa.

25 Unkan hena akan, tipi wakan tiyopa kin akan, kerub qa tamar can okağapi kin iyahna kağapi, unnaptanyan kin en kağapi kin he iyececa : unkan ohanzi hdepi kin tankan tanhan ite kin akan canmdaska oakalipe.

26 Unkan owanyeye ciqadan qa tamar can okağapi yukan, deciyatanhan qa heciyatanhan, ohanzi hdepi unnaptanyan kin en, qa tipi en cuwi tipi kin akan, qa oakalipe kin.

WICOWOYAKE 42.

1 Hehan tankan hocoka kin ekta hinanpe mayan, canku waziyatakiya yanke cin he ohna : qa tipi cistinna owanka okaptapi iyotakonza kin he en amahi, qa he qe tipi kağapi kin iwaziyata itokamtu.

2 Ite ohanske wicišpa opawinge kin hentu waziyata tiyopa kin yanka, qa ohdakinyan kin is wicišpa wikcemna zaptan.

3 Wikcemna nonpa kin iyotakonza, hocoka mahentu kin hee, qa inyan canku kin iyotakonza, tankan hocoka kin hee, hen omanipi omanipi kin iwankam yamni yukan.

4 Unkan tipi cistinna kin hena itokam cankuyapi wan ohdakin-

EZEKIEL TAWOWAPI,

yan wiciśpa wikcemna mahentu, canku kin he wiciśpa wanjidan ; qa tiyopa tawapi waziyatakiya yanka.

5 Unkan tipi cistinna wankantu kin hena pteptecedan : omanipi kin he dena etanhan, qa tipi kağapi kin en, kuya qa ocokaya yanke cin nakun etanhan nakaes.

6 Hena yamnikiya yanka, tuka can ipatan wanica, hocoka can ipatan kin iyececa ; heon etanhan yuciqapidan, maka kin etanhan, kuya qa ocokaya kin isanpa.

7 Unkan tankan conkaške, tipi cistinna kin iyotakonza, tankan hocoka canku kin heciya, tipi cistinna itokam, he ohanske kin wiciśpa wikcemna zaptan.

8 Tankan hocoka kin ohna tipi cistinna kin hena ohanske wiciśpa wikcemna zaptan nakaes : unkan iho, tipi wakan kin itokamtu he wiciśpa opawinge.

9 Unkan tipi cistinna kin dena ihukuya wiyohiyanpata oenape yanka ; tankan hocoka kin etanhan hena mahen yapi kte cin hee.

10 Tipi cistinna kin hena hocoka wiyohiyanpata conkaške kin ohnahna, owanka okaptapi kin iyotakonza, qa tipi kağapi kin iyotakonza.

11 Unkan hena itokam canku kin he tipi cistinna waziyatakiya hiyeye cin owanyakapi kin iyececa ; ohanska kici akiyececa, ohdakinyan kin hena kici akiyececa : qa hena oenape owasin okağapi qon iyececa, qa tiyopa tawapi kin iyececa.

12 Unkan itokah canku ohna tipi cistinna tiyopa kin hena iyececan canku ipa kin en tiyopa wan yanka ; conkaške itokamtu hinca wiyohiyanpata canku kin hee, en yapi ecee hetu.

13 Hehan iye hemakiya ; Waziyata tipi cistinna, itokah tipi

cistinna ko, owanka okaptapi kin itokam, hena tipi cistinna wakan, hena ohnahna wawayuśna Jehowa ikiyedan upi ecee kin woyute wakan kin yutapi kta : han, taku wakan hinca kin hena hen elhnakapi kta, woyute wośnapi, qa woahṭani wośnapi, qa wawayuśnapi wośnapi kin hena : owanka kin he wakan nakaes.

14 Wawayuśna kin hena he mahen yapi eca, hehan tipi wakan kin etanhan tankan hocoka kin en hdapi kte śni ; tuka tawokoyake un kicanyanpi kin hena hen kihnakapi kta ; hena wakan nakaes : qa wokoyake tokeca kiçunpi kta, hehan oyate taku tawapi kin ikiyedan yapi kta.

15 Hehan tipi mahentu iyuta hduśtan qehan, hehan wiyohiyanpata canku ohna tiyopa ektakiya etonwe cin he en amahi, qa he ihduksan iyuta.

16 Cedi iyute kin on wiyohiyanpata wanke cin he iyuta, cedi opawinge zaptan, cedi iyute kin on ihduksantanhan.

17 Waziyata wanke cin he ohna iyuta, cedi iyute kin on ihduksan, cedi opawinge zaptan.

18 Itokah wanke cin he iyuta, cedi iyute on cedi opawinge zaptan.

19 Wiyohpeyata wanke cin ekta ihduhomni, qa cedi iyute on, cedi opawinge zaptan iyuta.

20 Topa omdotonyan wanka hecen iyuta : he ihduksan conkaške yukan, ohanske cedi opawinge zaptan, qa ohdakinyan opawinge zaptan, hecen tipi wakan qa owanka ikceka kin yukinukan kta.

WICOWOYAKE 43.

1 Hehan tiyopa kin en amahi, tiyopa wiyohiyanpata canku ekta oenape kin hee.

2 Unkan iho, Israel Taku Wakan tawa Towitan kin wiyohiyanpata canku kin ohna u : unkan iye ho kin he mini ota he kin iyececa : qa Towitan kin on maka kin iyoyamyapi.

3 Unkan wowanyake wanmdake ciqon he owanyake kin iyececa, otonwe ihangyapi kta on wahi qon wowanyake kin he iyececa : nakun wowanyake kin he wowanyake Kebar wakpa ekta wanmdake ciqon iyececa : unkan makipusdiya elipemiciya.

4 Unkan Jehowa Towitan kin he tiyopa wiyohiyanpata canku ektakiya ite kin, canku kin he ohnayan ti mahen hiyu.

5 Hehan Woniya kin imacu qa hocoka mahentu kin en amahi ; unkan iho, Jehowa Towitan tipi kin ojuya.

6 Qa ti mahen tanhan womakiyaka nawahon : unkan wicašta qon micahda najin.

7 Hehan iye hemakiya ; Wicašta cinhintku, mitoiyotanke oyanke, qa misiha oahe oyanke, tukten. Israel cinca wicacokaya ohinniyan wati kte ciqon, qa micaje wakan kin, hena Israel tiyohnaka ake icimana yuſapapi kte ſni, iyepi, qa wicaštayatapi tawapi, wawicihahapi econpi kin on, qa paha tawapi akan tawicaštayatapi tancan tapi kin hena on.

8 Tiyopa oahe tawapi tiyopa oahe mitawa kin en ehdepi, qa can ipatan tawapi can ipatan mitawa kin icahda, qa conkaſke miye qa iyepi otahedan wanka hena on ; han, heon wowahſeſni econpi kin on micaje wakan kin yuſapapi ece : Heon etanhan mitocanteptanye kin en awihnuniwicawaya.

9 Wanna wawicihahapi econpi kin hena, qa tawicaštayatapi tan-

can tapi kin hena mitokapa tanhan yutehan iyemiciciyapi kta ; kinhan miye owihanke wanin owicapeya wati kta ce.

10 Niye, wicašta cinhintku, tipi kin he Israel tiyohnaka kin wica-
kipazo wo ; hecen iye wahitanipi kin on iſtecapi kta : qa okağapi kin he ito iyutapi kta.

11 Hehan taku econpi kin owasin on iſtecapi kinhan, tipi okağapi kin he wicakipazo wo, qa tokenken ehnağapi, qa oenape kin hena, qa ohna hiyupi ece kin, qa okağapi kin ocowasin, qa tawokağe owasin, qa okağapi kin iyuhpa, qa toope kin ocowasin ; qa iye iſta itokam hena owa wo, hecen okağapi kin ocowasin yuhapi kta, qa tawokağe kin owasin, qa hena ecen econpi kta.

12 Tipi woope kin he dee : He ipa kin ekta ihdukſan hiyeye cin owanka ocowasin wakan hince kta : Iho, tipi woope kin hee.

13 Unkan owayuſna iyutapi kin dena ee, wiciſpa eciyatanhan : wiciſpa kin he wiciſpa qa napehdakinyan : unkan maku kin he wiciſpa wanji, qa ohdakinyan kin iſ wiciſpa wanji, qa ihdukſan ihanke kin en opapun kin he napapaſdecapi wanji : owayuſna nite kin hee.

14 Qa maku kin etanhan, he maka kin, kuya oahe kin ekta, wiciſpa nonpa qa ohdakinyan wiciſpa wanjidan : qa oahe ciqadan kin etanhan oahe tanka kin ekta, wiciſpa topa, qa ohdakinyan kin wiciſpa wanjidan.

15 Hecen wohuhnage owayuſna kin he wiciſpa topa kta ; qa wohuhnage owayuſna kin etanhan qa wankantu, he topa yukan.

16 Unkan wohuhnage owayuſna ohanske kin wiciſpa akenonpa, ohdakinyan kin iſ akenonpa, to-

EZEKIEL TAWOWAPI,

pa omdotonyan hecen omdotonyan/wanke kta.

17 Unkan oahe kin he ohanske wiciśpa aketopa, qa ohdakinyan kin is aketopa, topa omdotonyan wanka; qa opapun kin he wiciśpa hanke; qa cetete kin he wiciśpa wanjidan ihdukśanyan wanke: unkan iyadipi ite kin wiyohiyanpatakiya yanke kta.

18 Hehan iye hemakiya; Wicaśta cinhintku, Jehowa Itancan kin he hecen eya ce; Owayuśna wokage tawa kin dena ee, anpetu kin en kağapi kinhan, akan woħulnäge wośnapi kin wayuśnapi kta, qa akan we amnimnipi kta.

19 Unkan wawayuśna, Lewi etanhan, Zadok wicowazi etanhan, omakiyapi kta mikiyedan upi ece kin hena tatanka pte cinca wanji woħtani on wośnapi kta e wicayaqu kta, Jehowa Itancan kin eya:

20 Qa hetanhan we kin iyacu kta, qa he topa kin akan eyahnake kta, qa oahe oise topa kin akan, qa opapun ihdukśan wanke cin he akan: hecen duska kta qa ayakahpe kta.

21 Hehan woħtani on wośnapi tatanka kin he iyacu kta, qa tipi wakan kin itankan, tipi ohna cajeyatapi kin hen ħulnaħye kta.

22 Unkan anpetu inonpa kin en tatokadan cinca ecetu ħinca wan woħtani on wośnapi kta he waduśna kta: unkan owayuśna kin yuskapi kta, tatanka on yuskapi qon iyececa.

23 Tohan yuskapi duśtan kinhan, hehan tatanka wan pte cinca kin ecetu ħinca, qa optaye kin etanhan tamdoka wan ecetu ħinca kin hena waduśna kta:

24 Qa Jehowa itokam hena waduśna kta, qa wawayuśna kin hena miniskuya akadapi kta;

hecen woħulnäge wośnapi on hena Jehowa wakiyuśnapi kta.

25 Anpetu śakowin anpetu iyoħi, tatokadan wan woħtani on wośnapi yakage kta: Nakun tatanka pte cinca wan qa optaye etanhan tamdoka ecetu ħinca wan econpi kta.

26 Anpetu śakowin owayuśna kin akaħpapi kta qa yuskapi kta; nakun iye ihduśtanpi kta.

27 Unkan anpetu kin hena ihuniyanpi hehan kaketu kta, anpetu isahdogan qa hetanhan tokata wawayuśna kin hena woħulnäge wośna nitawapi kin owayuśna kin akan econpi kta, qa wookiye wośnapi nitawapi: Unkan iyokipi mayayapi kta ce, Jehowa Itancan kin eya.

WICOWOYAKE 44.

1 Hehan tipi wakan tankantu tiyopa wiyohiyanpatakiya oenape kin he canku kin ekta amahdi: unkan he natakapi.

2 Hehan Jehowa hemakiya; Tiyopa kin de natag he kta; yuħdokapi kte śni, qa ohna tuwedan tin hiyu kte śni: Jehowa Israel Taku Wakan tawa kin hee ohna hiyu kin heon natag un kta.

3 Wicaśtayatapi kin he tawa; wicaśtayatapi kin he de ohna Jehowa itokam ağuyapi yun iyotanke kta: tiyopa ohanzi hdepi canku kin he eciyatanhan hiyu kta, qa he canku kin ohna ake kihde kta.

4 Hehan tipi kin itokamtu, waziyata tiyopa canku kin en hiyuman: unkan watonwan, qa iho, Jehowa towitan Jehowa ti kin ojudan: hehan ite makipusdiya iwaħpamda.

5 Unkan Jehowa hemakiya; Wicaśta cinhintku, nicante ekta

yeya wo, qa ništa on wanyaka wo, qa Jehowa ti tawokonze kin owasin on, qa toope kin owasin on taku eciciye kte cin hena iyulipa ninoŋe on naŋon wo: qa tipi ohiyupi kin he nicante ekta yeya wo, qa tipi wakan etanhan oenape owasin ekta.

6 Unkan wawakipajin kin he, Israel tiyohnaka kin heyakiye kta; Jehowa Itancan kin hecen eya ce; Israel tiyohnaka, wowalitešni nitawapi owasin wanna niciotapi:

7 Wicašta tokeca cinca, cante bakiŋdaye šni, qa ceŋpi bakiŋdaye šni kin hena tin hiyuwicayayapi, tipi wakan mitawa ohna unpi kta, yušaŋapi kta, tipi mitawa ohna woyute mitawa, wašin qa we kin wadušnapapi eca; unkan wowalitešni nitawapi owasin on wicotakuye mitawa kin yujujupi.

8 Qa taku mitawa wakan kin hena niye awandakapi šni; tuka niyepi on tipi wakan mitawa ohna wowaši mitawa awanyakapi kte cin heca ewicayahnakapi ece.

9 Jehowa Itancan kin hecen eya; Wicašta tokeca cinca, cante en bakiŋdaye šni, qa ceŋpi en bakiŋdaye šni, tuwedan tipi wakan mitawa ohna hiyu kte šni, oyate tokeca cinca owasin Israel cinca wicehna unpi kin hena.

10 Nakun Lewi wicašta mitehan iyayapi qon, Israel nunipi qehan, wakaŋapi tawapi ihakam mitantanhan nuni yapi qehan, hena ege wahtanipi kičnpi kta.

11 Tuka hena e tipi wakan mitawa ohna waokiya unpi kta, tipi tiyopa kin yuŋdokapi ecee kta, qa tipi en waokiya unpi kta: hena woŋuŋnaŋe wošnapapi qa wošnapapi kin oyate wicakiktepi kta,

qa hena wicitokam inajinpi kta, owicakiyapi kta e heon.

12 Wakaŋapi tawapi itokam owicakiyapi, qa Israel tiyohnaka wahtani kiyapi qon, heon etanhan miye minape wicawakiyugate, Jehowa Itancan kin eya; hecen iye wahtanipi kin kičnpi kta.

13 Heon wawayušna mitawa kta on mikiyedan upi kte šni, qa tipi wakan hiŋca ohna taku mitawa wakan kin owasin ikiyedan upi kte šni: tuka wowištece hduhapi kta, qa wowalitešni econpi qon hena.

14 Tuka tipi tawowaši awanyakapi kin heca ewicawahnake kta, wokicanye owasin on, qa taku ohna econpi kte cin iyulipa on.

15 Tuka wawayušna, Lewi wicašta, Zadok cinca kin, tipi wakan mitawa tawowaši awanyakapi qon, Israel cinca mitantanhan nunipi qehan, hena e omakiyapi kta mikiyedan hiyupi kta, qa hena mitokam najinpi kta, wašin qa we kin wamakiyušnapapi kta e heon, Jehowa Itancan kin eya.

16 Hena ege tipi wakan mitawa kin en tin hiyupi kta, qa hena omakiyapi kta on wahna wotapi mitawa ikiyedan upi kta, qa hena e wowaši mitawa kin awanyakapi kta ce.

17 Unkan kaketu kta, tohan hocoka mahentu tiyopa kin ohna tin hiyupi eca miniŋuha wokoyake unpi ecee kta; qa taŋinca hin kin en wicau kte šni, tohanyan hocoka mahentu tiyopa kin ohna qa imahen waokiya econpi kinhan.

18 Miniŋuha wapaha pa akan unpi kta, qa miniŋuha onzeoge nite akan unpi kta; taku on temniyapi kta ipiyag kitonpi kte šni.

EZEKIEL TAWOWAPI,

19 Qa tohan tankan hocoka kin ekta hdapi kinhan, tankan hocoka oyate kin ekta, wokoyake un waokiya unpi ecee kin hena hduśdokapi kta, qa tipi cistinna wakan kin mahen ekihnakapi kta, qa wokoyake tokeca kiçunpi kta: hecen wokoyake tawapi on oyate kin wicayuwakanpi kte śni.

20 Nakun pa hdasarpi kte śni, qa sonpi hanska icalikiyapi kte śni; yuśdapi on hduśdapi ecee kta.

21 Qa wawayuśna kin hocoka mahentu kin en yapi kinhan, tuwedan miniśa yatke kte śni.

22 Qa wiwazica qa tuwe elipeyapi kin hena winohinca wicayuzapi kte śni: tuka Israel tiyohnaka oicage etanhan witanśna unpi, qa iś wawayuśna yuze ciqon wiwazica kin, hena wicayuzapi ece kta.

23 Hecen mitaoyate kin taku wakan qa taku ikceka otahedan onspewicakiyapi kta, qa taku śapa qa ska kin kinukankiya sdonyewicakiyapi kta.

24 Qa woakinica kin en hena wayaco najinpi kta; mitawoyaco kin eciyatanhan wayacopi ecee kta: nakun omniciye mitawa owasin en mitawoahope qa mitoope kin hena ahopapi kta; qa wookilpe mitawa kin hena wakandapi kta.

25 Unkan wicaśta te cin en hipi kte śni, on ihduśapapi kta; tuka atkuku on, qa hunku on, qa cinhintku on, qa cunwintku on, qa sunkaku on, qa tawinohtin hihna ton śni, hena on ihduśapapi kta.

26 Unkan ihduska kinhan, hehan anpetu śakowin kiciyawapi kta.

27 Qa tipi wakan kin en, hocoka mahentu ekta, tipi wakan kin ohna waokiya ye cinhan, anpetu

kin he en woalitani wośna kin wahduśna kta, Jehowa Itancan kin eya.

28 Unkan he qe tawayapi kte cin ee kta; tawayapi kte cin he miye hinca: hecen mağa yuhapi kte cin Israel ehna wicayaqupi kte śni: taku yuhapi kte cin he miye ce.

29 Woyute wośnapi qa woalitani wośnapi qa wayuśnapi wośnapi kin hena e yutapi ecee kta; qa Israel en taku hduwakampi kin hena owasin tawapi kta.

30 Qa taku owasin etanhan taku tokaheya icage cin hena, qa taku owasin etanhan woahi kin iyulpa, niye woahi nitawapi kin iyulpa, hena wawayuśna tawa kta: nakun wotpanpi nitawapi etanhanhan wawayuśna kin yaqupi ecee kta; hecen yati kin ohna wowašte ahinhekiye kta.

31 Taku iye cinka ta, qa yahdehdecapi kin owasin, wahupakoza qa woteca, etanhan wawayuśna kin yutapi kte śni.

WICOWOYAKE 45.

1 Hehan makoce kin tawayapi kta e oeconna onyeciduśpapi kinhan, wośna wan Jehowa wayakiduśnapi kta, makoce ośpe wakan kin hee kta; ohanske kin he kektopawinge wikcemna nonpa sanpa zaptan, qa ohdakinyan kin iś cedi keptopawinge wikcemna: De wakan kta, ihanke ihduksan hiyeye cin owasin en.

2 Hetanhan opawinge zaptan *ohanska* qa opawinge zaptan *ohdakinyan* ihduksan omdotonyan wanke kta, he tipi wakan kin on; qa he ihduksanyan opapun wanke cin wiciśpa wikcemna zaptan.

3 Qa wiyutapi kin de etanhan, ohanska kektopawinge wikce-

mna nonpa sanpa zaptan, qa ohdakinyan kin kektopawinge wikcemna idute kta: unkan he tipi wakan kin on, wakan hince kte cin hee.

4 Makoce wakan kin he wayuśna tawapi kta, tipi wakan taokiye, tona Jehowa okiya ikiyedan upi ecee kta hena on: Unkan he ohna tipi kaġapi kta, qa tipi wakan kin on owanka wakan kta.

5 Unkan ohanske kektopawinge wikcemna nonpa sanpa zaptan, qa ohdakinyan kin is kektopawinge wikcemna kin he Lewi wicaśta, tipi taokiye kin hena e hduhapi kta, tipi cistinna wikcemna nonpa kta on tawayapi kta.

6 Unkan otonwe tawa kte cin he ohdakinyan kektopawinge zaptan, qa ohanske kektopawinge wikcemna nonpa sanpa zaptan duśtanpi kta, wośna wakan kin iyotakonza wanke kta; he qe Israel tiyohnaka ocowasin kin hena on.

7 Hehan wicaśtayatapi kin he tawa kta, wośna wakan kin he qa otonwe tawa kte cin ideciyatanhan qa iheciyatanhan, wośna wakan kin itokam, qa otonwe tawa kte cin he itokam, wiyohpeyata etanhan wiyohpeyatakia, qa wiyohianpa tanhan wiyohianpatakia: unkan ohanske kin he ośpe wanji iyotakonza kta, wiyohpeyata ihanke kin etanhan wiyohianpata ihanke kin hehanyan.

8 Makoce kin ohna Israel ehna taku tawa kta: unkan hetanhan wicaśtayatapi mitawa icimana mitaoyate kin kakiświcayapi kte śni: Unkan makoce kin Israel tiyohnaka kin wicaqupi kta, wicowazi tawapi kin eciyatanhan.

9 Jehowa Itancan kin hecen eya; Israel wicaśtayatapi, wan-

na iyenihantupi nunwe; wokipi qa wamanonpi kin yutokan iyeya po, qa woyaco woowotanna ko econ po, mitaoyate kakiświcayapi kin ayuśtan po, Jehowa Itancan kin eya.

10 On aspeyetonpi kin owotanna duhapi kta, qa epha (wiyutapi) owotanna, qa bath (wiyutapi) owotanna.

11 Epha qa bath hena wiyutapi okonwanjidan, hecen bath he homer (wiyutapi) kiyuśpapi iwikcemna wanji kipi kta, qa epha is nakun homer kiyuśpapi iwikcemna wanji kipi kta; wiyutapi kin he homer eciyatanhan kta.

12 Unkan śekel (mazaska tkeutapi) he gerah (omnica) wikcemna nonpa: śekel wikcemna nonpa, śekel wikcemna nonpa sanpa zaptan, śekel ake zaptan, hecen maneh (tkeutapi) nitawapi kta.

13 Woahi waduśnapi kte cin he dee kta, aġuyapi su homer wanji etanhan epha kiyuśpapi isakpe wanji, qa barle homer wanji śakpe kiyuśpapi wanjidan yaqupi kta.

14 Unkan wihdi woope, wihdi bath wanjidan, kor etanhan bath okiyuśpe wikcemna etanhan wanji *nunpi kta*; kor he homer wanjidan bath wikcemna kipi; bath wikcemna hecen homer nakaes.

15 Qa optaye etanhan tacinca wanjidan, opawinge nonpa etanhan, Israel owihan waśte kin etanhan; woyute wośnapi, qa woħuħnaġe wośnapi, qa wookiye wośnapi kta on, waawicakaħpe kta e heon, Jehowa Itancan kin eya.

16 Makoce kin ohna oyate ocowasin Israel en wicaśtayatapi kin he on woahi kin de qupi kta.

17 Unkan wicaśtayatapi tawa

EZEKIEL TAWOWAPI,

kte cin, wohuhnage woŋnapi qa woyute woŋnapi, qa woyatke woŋnapi econ kte, wohanpi kin en, qa wi teca en, qa wookihpe kin en, Israel tiyohnaka omni-ciye wakan kin owasin en: Iye hinca woahitani woŋnapi kin ode kta, qa woyute woŋnapi, qa wohuhnage woŋnapi, qa wookiye woŋnapi, Israel tiyohnaka wawicakahpe kta e heon.

18 Jehowa Itancan kin hecen eya; Wi tokaheya en, wiyawapi anpetu tokaheya en, tatanka, pte cinca ecetu hinca wan iyacu kta, qa tipi wakan kin duska kta:

19 Unkan wawayuŋna kin he woahitani woŋnapi we kin etanhan icu kta, qa tipi can ipatan kin en, qa owayuŋna oahe oise topa kin akan amnimni kta, qa mahentu hocoka tiyopa can ipatan kin akan.

20 Unkan wiyawapi anpetu isakowin kin en he iyecen ecanon kta, tuwe nuni kin on, qa ksape ŋni kin on: hecen tipi kin wawicakahpapi kta.

21 Wi tokaheya en, wiyawapi anpetu iaketopa kin en woacaksin duhapi kta, anpetu ŋakowin wohanpi; aguyapi napoliye ŋni yutapi kta.

22 Unkan anpetu kin he en wicaŋtayatapi kin econ kta, iye hinca on, qa makoce oyate owasin on, tatanka wan woahitani on woŋnapi kta.

23 Unkan wohanpi anpetu ŋakowin kin en wohuhnage woŋnapi wan Jehowa wakiyuŋna kta, tatanka ŋakowin qa tamdoka ŋakowin ecetu hinca, anpetu ŋakowin anpetu iyohi hecen econ kta: qa woahitani woŋnapi kta on tato-kadan cinca wan anpetu otaiyohi.

24 Unkan woyute woŋnapi econ kta, tatanka otaiyohi on epha

wanjidan, qa tamdoka otaiyohi on epha wanjidan, qa epha otaiyohi wihdi etanhan hin (wiyutapi) wanjidan.

25 Wi isakowin kin en, wiyawapi anpetu iakezaptan en, is eya iyecen econ kta, anpetu ŋakowin wohanpi kin icunhan, woahitani woŋnapi kin iyececa, wohuhnage woŋnapi kin iyececa, qa woyute woŋnapi kin iyececa, qa wihdi kin iyecece kta.

WICOWOYAKE 46.

1 Jehowa Itancan kin hecen eya; Mahentu hocoka tiyopa wiyohiyanpata etonwe cin he anpetu ŋakpe wicohtani econpi kin hena en natakapi kta; tuka anpetu wakan hehan yuhdokapi kta, qa wi teca anpetu kin he en yuhdokapi kta.

2 Unkan wicaŋtayatapi kin he tiyopa kin he ohanzi hdepi tankantu canku kin ohna tin hiyu kta, qa tiyopa can ipatan kin ica-hda najin kta, unkan woahitani woŋna qa wookiye woŋna tawa kin hena wawayuŋna kin ecaki-conpi kta, unkan tiyopa oahe kin en patuŋ yanke kta; hehan tankan hde kta; tuka hitayetu hehanyan tiyopa kin natakapi kte ŋni.

3 Nakun makoce oyate kin tiyopa kin de oenape kin en Jehowa itokam patuŋ inajinpi kta, anpetu wakan eca qa wi teca kin en.

4 Unkan anpetu wakan kinhan wicaŋtayatapi wohuhnage woŋnapi Jehowa wakiyuŋna kte cin he, tacinca ecetu hinca ŋakpe, qa tamdoka ecetu hinca wanjidan.

5 Qa woyute woŋna kin he tamdoka wanji on epha wanjidan kta, qa tacinca kin on woyute woŋna kin he token econ okihi

kta, qa epha wanji on wihdi hin wanjidan kta.

6 Qa wi teca anpetu kin he en, tatanka pte cinca ecetu hinca wanjidan, qa tacinca šakpe, qa tamdoka wanjidan kta; hena ecetu hinca kta.

7 Unkan tatanka on epha wanjidan, qa tamdoka on epha wanjidan, hecen woyute wošna econ kta, qa tacinca kin on token nape okihi kin iyececa, qa epha wanjidan on wihdi hin wanjidan ecee.

8 Unkan wicaštayatapi kin tin hiyu eca tiyopa ohanzi hdepi kin he mahen hiyu ecee kta, qa canku kin he ohna ake hde kta.

9 Tuka makoce oyate kin hena tohan, wakan mniciyapi kin en, Jehowa itokam hiyupi eca, tuwe waziyata tiyopa canku kin ohnayan patuš un kta tin hiyu kinhan, he itokağa tiyopa canku kin ohnayan hde kta; qa tuwe itokağa tiyopa canku kin ohna tin hiyu kinhan, he waziyata tiyopa canku kin ohna hnihde kta: tiyopa canku ohna tin hiyu kin he ohna hnihde kte šni, tuka he iyo-takonza ohnayan kinanpe kta.

10 Unkan hena mahen yapi eca wicaštayatapi kin is iyehan en ye kta, qa hninanpapi eca is eya hehan hninanpe kta.

11 Unkan wohanpi kin en, qa wakan mniciyapi kin en, woyute wošnapi kin he tatanka on epha wanjidan, qa tamdoka on epha wanjidan, qa tacinca on token econ okihi, qa epha wanjidan on wihdi hin wanjidan ecee kta.

12 Unkan tohan wicaštayatapi kin he iye tawacin eciyatanhan woħuħnađe wošnapi qa wookiye wošnapi kin iye cinka Jehowa ecakicon kta hecinhan, hehan tiyopa wiyohiyanpata etonwe cin he kiyuħdokapi kta, qa anpetu

wakan en econ ece qon he iye-cen woħuħnađe wošna qa woo-kiye wošna kin econ kta: hehan tankan hnihde kta: unkan tankan kihda hehan tiyopa kin nata-kapi kta.

13 Anpetu iyohi tacinca ecetu hinca waniyetu wanjidan, he woħuħnađe wošna Jehowa eca-yecon kta: hanħanna otoiyohi ecanon kta.

14 Qa hanħanna otoiyohi woyute wošna wan yecage kta, epha okiyušte šakpe etanhan wanjidan kta, qa wihdi hin okiyušte yamni etanhan wanjidan kta, mdu kin ħpanye kta: he ohinniyan woyute wošnapi Jehowa tawa, woepe owihanke wanica eciyatanhan.

15 Hecen hanħanna otoiyohi tacinca kin econpi kta, qa woyute wošnapi, qa wihdi kin, woħuħnađe wošnapi owihanke wani-ce kta.

16 Jehowa Itancan kin hecen eya; Wicaštayatapi kin he iye cinhintku wanji taku qu kinhan, he cinhintku tawaye kte cin ee kta; tawayapi on ħduhapi kta.

17 Tuka iye taku tawaye cin etanhan tawowidake wan taku qu kinhan, hehan he ħduhapi waniyetu kin hehayan yuhe kta; he iyohakam wicaštayatapi kin en ħdi kta: tuka makoce tawaye cin he iye cinca tawapi ecee kta.

18 Nakun wicaštayatapi kin he wokakiše on oyate makoce tawayapi kin icu kte šni, taku tawayapi kin etanhan heyata iye-wicaye kta: iye makoce tawa kin etanhan cinca wayuhewica-kiya ecee kta: hecen mitaoyate wicašta otoiyohi iye makoce tawapi kin etanhan wicayušpapi kte šni.

19 Hehan oenape tiyopa icahda wanke cin he ohna hiyumayan,

EZEKIEL TAWOWAPI,

tipi cistinna wakan waziyatakiya etonwan, wawayuśna tawapi kin hena ekta : unkan iho, wiyohpeyata ihanke kin ekta owanka wan wanka.

20 Hehan iye hemakiya; Owanka kin de ohna wawayuśna kin hena wayuśnapi wośnapi qa woalitani wośnapi kin ohanpi kta, qa woyute wośnapi kin he den şpanyanpi kta : hecen oyate wicayuwakanpi kta on hena tankan hocoka kin ekta ayapi kte śni.

21 Hehan tankan hocoka kin en amahi, qa hocoka okaħmin topa kin ekta hiyaye mayan : unkan iho, hocoka okaħmin otoiyohi en hocoka yukan.

22 Hocoka okaħmin topa kin ohna hocoka icikoyagyapi yukan, ohanska wikcemna topa qa ohdakinyan wikcemna yamni : Okaħmin topa kin dena wiyutapi wanjidani.

23 Unkan hena en ihdukśan conkaśke wan wanka, hena topa ihdukśan ; unkan ihdukśan conkaśke kin ihukuya ohna wohanpi ecee kin hena kağapi.

24 Hehan iye hemakiya ; Tona wohan econpi ecee kin hena owanka kin de tawapi, tipi tawowidake kin hena den oyate tawośnapi kin owicakicihanpi ecee kta ce.

WICOWOYAKE 47.

1 He iyohakam ake tipi oenape kin en amahi ; unkan iho, tipi oahe kin ihukuyatanhan wiyohiyanpatakiya mini hiyaya : tipi ite kin wiyohiyanpata wanka nakaes ; unkan tipi etapatanhan ihukuyatanhan mini kin hinanpa, owayuśna kin itokagatanhan.

2 Hehan waziyata tiyopa canku kin ohna hinanpe mayan, qa tankan canku kin ohna ohomni yus

amayan, tankan tiyopa kin ekta, canku wiyohiyanpatakiya etonwe cin he ohna : unkan iho, he etapatanhan mini kadus hiyaya.

3 Unkan wicaśta nape ohna ikan lduhe eqon wiyohiyanpatakiya iyaya qa wiciśpa kektopawinge iyuta, hehan mini kin iyuweħ makiya ; mini kin iśkahu hehanyan.

4 Ake kektopawinge iyuta hehan mini kin iyuweħ makiya ; mini kin hupahu kin hehanyan. Akeś kektopawinge iyuta, qa ohna hiyumayan ; mini kin wicanite kin hehanyan hiyeya.

5 Nakun kektopawinge iyuta ; wakpa imduwege kta owakihi śni : mini kin minitan aya, mini ohna niwanpi kta, wakpa iyuweħpica śni nakaes.

6 Unkan iye hemakiya ; Wicaśta cinhintku, wandaka he. Hehan amahiya qa wakpa hute kin ekta hdicumayan.

7 Wanna en wahdi hehan iho, wakpa hute icahda can ota ħinca, deciyatanhan qa heciyatanhan.

8 Hehan iye hemakiya ; Mini kin dena wiyohiyanpata ohomni wanke cin ektakiya hiyu, qa Arabah ekta hiyaya, qa mini tanka kin en iyohpaya : mini tanka kin iyahde hehan mini kin yuwaštepi kta.

9 Unkan kaketu kta, taku ni un kin owasin, tukten wakpa kin hiyu kte cin owancaya, en şkanşkanpi kin hena ni kta : unkan hoğan ota ħinca kta, mini kin dena hen hiyu kta nakaes : hena yuwaštepi kta ; qa tukten wakpa kin hiyu kte cin hen taku owasin ni kta.

10 Unkan kaketu kta, hopsicapi kin hena Engedi etanhan Eneglaim hehanyan en najinpi kta ; ho ayumdayapi ecee yuke kta ;

WICOWOYAKE 48.

hoğan tawapi oicage kin hena miniwanca hoğan kin iyecece kta, nina ota hinca kta.

11 Tuka upsija qa tukten lidi-ldidan kin hena yuwaštepi kte šni; hena miniskuya on qupi kta.

12 Unkan wakpicaħda, hute kin en deciyatanhan qa heciyatanhan, waskuyeca can owasin icage kta, ape tawa kin šnije kte šni, qa tawaskuyeca kin owihanke kte šni; wi kin en waskuyeca teca icaħya ecee kta, mini tawa kin hena tipi wakan kin etanhan hiyu nakaes: unkan waskuyeca tawa kin he woyute kta, qa ape kin hena pejihuta yapi kta.

13 Jehowa Itancan kin hecen eya; Israel wicowazi akenonpa kin eciyatanhan makoce kin tawayayapi kta opapun ihanke kin he dee. Joseph wiyutapi nom yuhe kta.

14 Unkan otoiyohi tawayayapi kta; niyatepi wicawaqu kta on nape wahdugate cion he eciyatanhan: hecen makoce kin tawayayapi kta on yecipamnipi kta.

15 Unkan waziyata ihanke ekta, miniwanca tanka kin etanhan, Hethlon canku kin ohna, Zedad ekta yapi ecee kin he opapun kin ee:

16 Hamat, Berotha, Sibraim, he qe Damasek opapun qa Hamat opapun okitahedan; Hazor cokaya kin he Hauran opapun kin icaħda.

17 Unkan miniwanca kin etanhan opapun kin he Hazor minihdoka ee kta, Damasek opapun, qa waziyata waziyatakiya, qa Hamat opapun. Waziyata ihanke kin hee.

18 Unkan wiyohiyanpata ihanke kin, Hauran otahedan, qa Damasek ohna, qa Gilead ohna, qa Israel makoce kin otahedan,

Jordan ee, opapun kin ohna wiyohiyanpata ihanke kin dee.

19 Unkan itokagata ihanke kin itokahkiya, Tamar etanhan okicege mini kin ekta Kades en, wakpa kin etanhan miniwanca tanka kin ekta. Unkan itokah ihanke itokahkiya wanke cin hee.

20 Unkan wiyohpeyata ihanke kin he miniwanca tanka opapun kin ohnayan, Hamat iyotakons ipi kin hehanyan. Wiyohpeyata ihanke kin hee.

21 Hecen Israel wicowazi kin eciyatanhan makoce kin yecipamnipi kta.

22 Unkan kaketu kta, tawayayapi kta on, niyepi qa wicašta tokeca niyopeyapi ounyanpi kin hena koya, niyopeyapi cinca yuhapi kte cin hena, oeconna econpi kin on yecipamnipi kta. Unkan hena e makoce kin ohna Israel cinca owicapeya wicatonpi kin iyeccen wicadawapi kta; hena e Israel wicowazi ehna hena niyepi om makoce tawayayapi kta.

23 Unkan kaketu kta, wicowazi tukte wanji ehna wicašta tokeca ounyan hecinhan, hen makoce tawaye kte cin yaqupi ecee kta, Jehowa Itancan kin eya.

WICOWOYAKE 48.

1 Unkan wicowazi cajepi kin dena eepi. Waziyata ihanke etanhan hute kin ekta, Hethlon canku kin ohna, Hamat ekta yapi ecee kin, Hazor minihdoka Damasek ihanke waziyatakiya, Hamat huta kin ekta; wiyohiyanpata qa wiyohpeyata dena opapun ee; wanji Dan tawa.

2 Qa Dan ikiciyutapi kin icaħda wiyohiyanpatanhan wiyohpeyata ihanke ekta, wanji Aser tawa.

EZEKIEL TAWOWAPI,

3 Qa Aser ikiciyutapi kin ica-hda wiyohiyanpatanhan wiyohpeyata ihanke ekta, wanji Naphtali tawa.

4 Qa Naphtali ikiciyutapi kin ica-hda, wiyohiyanpatanhan wiyohpeyata ihanke ekta, wanji Manasseh tawa.

5 Qa Manasseh ikiciyutapi kin ica-hda, wiyohiyanpatanhan wiyohpeyata ihanke kin ekta, wanji Ephraim tawa.

6 Qa Ephraim ikiciyutapi kin ica-hda, wiyohiyanpatanhan wiyohpeyata ihanke kin ekta, wanji Ruben tawa.

7 Qa Ruben ikiciyutapi kin ica-hda, wiyohiyanpatanhan wiyohpeyata ihanke kin ekta, wanji Juda tawa.

8 Unkan Juda ikiciyutapi kin ica-hda, wiyohiyanpatanhan wiyohpeyata ihanke kin ekta, wośnapi waduśnapi kte cin ee kta, ohdakinyan cedi iyutapi kektopawinge wikcemna nonpa sanpa zaptan, qa ohanske kin he unma kiyuśpapi kin iyehankeca, wiyohiyanpatanhan wiyohpeyata ihanke kin ekta : unkan cokaya tipi wakan kin he kta.

9 Makoce wośnapi Jehowa wakyiduśnapi kte cin he ohanske kin kektopawinge wikcemna nonpa sanpa zaptan, qa ohdakinyan kektopawinge wikcemna.

10 Unkan hena on, wawayuśnapi kin hena on wośnapi wakan kin dee kta ; waziyatakiya ohanske kektopawinge wikcemna nonpa sanpa zaptan, qa wiyohpeyatakiya ohdakinyan kektopawinge wikcemna, qa wiyohiyanpatakiya ohdakinyan is kektopawinge wikcemna, qa itokalikiya ohanske kin kektopawinge wikcemna nonpa sanpa zaptan. Unkan Jehowa tipi wakan tawa kin he cokata he kta.

11 Wawayuśna ihduwakanpi Zadok cinca kin he tawapi kta ; hena e wowaśi mitawa hduhapi, Israel cinca nunipi qehan hena nunipi śni, Lewi wicaśta nunipi qon iyececa.

12 Unkan makoce wośnapi wayuśnapi kin he wakan linca hduhapi kta, Lewi wicaśta ihanke tawapi kin ica-hda.

13 Qa wawayuśna makoce tawapi kin iyotakons Lewi wicaśta kin is kektopawinge wikcemna nonpa sanpa zaptan ohanske, qa ohdakinyan kektopawinge wikcemna yuhapi kta : ohanske ocowasin kektopawinge wikcemna nonpa sanpa zaptan qa ohdakinyan kin kektopawinge wikcemna.

14 Unkan he wiyopeyapi kte śni, qa tokiyopekiyapi kte śni, qa makoce oicaġe tokaheya kin hena token wicaqupi kte śni : Jehowa ekta wakan nakaes.

15 Unkan kektopawinge zaptan ohdakinyan en okaptapi, kektopawinge wikcemna nonpa sanpa zaptan kin itokam wanke cin he owanka ikceka otonwe tawa kta, tipi kaġapi kta qa ihduksan wanke kta on, qa otonwe kin he cokata yanke kta.

16 Qa decen wiyutapi kta, waziyata icagopi kin he kektopawinge topa sanpa opawinge zaptan, qa itokali icagopi kin kektopawinge topa sanpa opawinge zaptan, qa wiyohiyanpata icagopi kin kektopawinge topa sanpa opawinge zaptan, qa wiyohpeyata icagopi kin he kektopawinge topa sanpa opawinge zaptan.

17 Qa otonwe ihduksan wanke kte cin he waziyatakiya opawinge nonpa sanpa wikcemna zaptan, qa itokali kiya opawinge nonpa sanpa wikcemna zaptan, qa wiyohiyanpatakiya opawinge nonpa sanpa wikcemna zaptan, qa

wiyohpeyatakiya opawinge nonpa sanpa wikcemna zaptan.

18 Unkan ohanska en okaptapi kin, makoce wakan kin icahda, he wiyohiyanpatakiya kektopawinge wikcemna, qa wiyohpeyatakiya kektopawinge wikcemna kta; unkan he makoce wakan kin iyotakonza kta: unkan hetanhan oicage kin tona otonwe en waokiya unpi kin hena woyute yapi kta.

19 Unkan tona otonwe en wao-kiyapi kin hena Israel wicowazi iyuhpa etanhan waokiyapi ecee kta.

20 Makoce wośnapi ocowasin kin he kektopawinge wikcemna nonpa sanpa zaptan ecehi kektopawinge wikcemna nonpa sanpa zaptan kta: wośnapi wakan kin he topa omdotonyan waduśnapi kta, otonwe tawa kte cin ahna.

21 Hehan okaptapi kin hena wicaśtayatapi tawa kta, wośnapi wakan kin ideciyatanhan qa iheciyatanhan, qa otonwe tawa kte cin nakun, kektopawinge wikcemna nonpa sanpa zaptan wiyohiyanpata ihanke kin iyotakonza, qa wiyohpeyatakiya kektopawinge wikcemna nonpa sanpa zaptan wiyohpeyata ihanke kin iyotakonza, he wicaśtayatapi okiyuśpe tawa kin icahda; unkan he qe wośnapi wakan kin hee kta, qa tipi wakan kin he cokaya he kta.

22 Hehan Lewi wicaśta makoce tawapi qa taku otonwe tawa kin etanhan, wicaśtayatapi tawa kin otahedan wanke cin, Juda ikiciyutapi qa Benjamin ikiciyutapi kin otahedan, he wicaśtayatapi tawa kta.

23 Hehan wicowazi unmapi kin on, wiyohiyanpata ihanke kin etanhan wiyohpeyata ihanke ekta, wanji Benjamin tawa.

24 Qa Benjamin ikiciyutapi kin

icahda wiyohiyanpata ihanke kin etanhan wiyohpeyata ihanke ekta wanji Simeon tawa.

25 Qa Simeon ikiciyutapi kin icahda, wiyohiyanpata ihanke etanhan wiyohpeyata ihanke kin ekta, wanji Issakar tawa.

26 Qa Issakar ikiciyutapi kin icahda, wiyohiyanpata ihanke kin etanhan wiyohpeyata ihanke ekta, wanji Zebulun tawa.

27 Qa Zebulun ikiciyutapi kin icahda, wiyohiyanpata ihanke kin etanhan wiyohpeyata ihanke kin ekta, wanji Gad tawa.

28 Qa Gad ikiciyutapi kin, itokagatanhan itokahi ihanke kin he iyutapi kin, he Tamar etanhan Kadeś okicige mini kin hee, miniwanca tanka ektakiya wakpa kin hehanyan.

29 Israel wicowazi tawapi kta e oeconna econpi kin on yeciyuśpapi kta makoce kin he dee, qa tawapi kte cin dena ee, Jehowa Itancan kin eya.

30 Unkan otonwe etanhan oenape kin dena ee, waziyata ihanke kin wiyutapi kektopawinge topa sanpa opawinge zaptan.

31 Unkan otonwe tiyopa kin hena Israel wicowazi cajepi kin eciyatanhan kta: waziyatakiya tiyopa yamni; tiyopa wanji Ruben tawa, tiyopa wanji Juda tawa, tiyopa wanji Lewi tawa.

32 Qa wiyohiyanpata ihanke ekta kektopawinge topa sanpa opawinge zaptan: qa tiyopa yamni; qa tiyopa wanji Joseph tawa, tiyopa wanji Benjamin tawa, tiyopa wanji Dan tawa.

33 Qa itokahi ihanke kin is wiyutapi kektopawinge topa sanpa opawinge zaptan: qa tiyopa yamni; tiyopa wanji Simeon tawa, tiyopa wanji Issakar tawa, tiyopa wanji Zebulun tawa.

34 Nakun wiyohpeyata ihanke

DANIEL TAWOWAPI KIN,

kin kektopawinge topa sanpa opawinge zaptan; tiyopa yamni nakun; tiyopa wanji Gad tawa, tiyopa wanji Aser tawa, tiyopa wanji Napthali tawa.

35 Ihduksan kektopawinge ake-sahdogan: Unkan anpetu kin hetanhan otonwe caje kin he JEHOWA SAMMAH (*Jehowa hen un*) ee kta.

DANIEL TAWOWAPI KIN.

WICOWOYAKE i.

1 Jehoiakim Juda wicastayatapi tawaniyetu iyamni kin en, Nebukadnezzar Babel wicastayatapi kin he Jerusalem ekta hiyu, qa ihduksan aonataka.

2 Unkan Itancan kin Jehoiakim Juda wicastayatapi kin he iye nape kin en qu, Wakantanka ti ohna waksica kin apa nakun. Unkan hena Sinar makece kin ekta akiyahda, iye taku wakan tawa ti kin ekta: qa waksica kin hena taku wakan tawa mazopiye kin en ahdi.

3 Unkan wicastayatapi kin Aspenaz iye yunok tawa kin wicayuhe cin he, Israel cinca kin etanhan awicaku kta keciya, wicastayatapi cinca, qa wicasta itancanpi kin etanhanhan:

4 Koska tokeca sni unpi, tuka owanyag wastepi, qa woksape owasin en wayupikapi, qa wosdonye sdonyapi, qa wookahnige okahnigapi, qa tona wicastayatapi ti kin en najin okihipi kta; qa hena Kasdim tawowapi qa iapi koya onspewicakiyapi kta.

5 Unkan wicastayatapi kin, anpetu iyohi iye tawoyute etanhan hena ongege wicagu ece, qa minisa hdatke cin etanhan: hecen waniyetu yamni icahwicakiye

kta, qa hena ihuniyanpi kinhan wicastayatapi kin itokam inajinpi kta.

6 Unkan Juda cinca kin etanhan Daniel, Hananiah, Misael qa Azariah hena en opapi.

7 Unkan yunok unpi kin en itancan kin he hena caje wicagu; Daniel he Beltesazzar qu, qa Hananiah, Sadrak; qa Misael, Mesak; qa Azariah, Abednego.

8 Tuka Daniel wicastayatapi tawoyute onge on, qa minisa hdatke cin on, iye cante mahen ihdušape kte sni kecin: Heon etanhan ihdušape kte sni e yunok unpi itancan kin kida.

9 Unkan yunok unpi kin en itancan kin he Daniel tanyan cante-kiyuze qa wastekidaka, he Wakantanka kaga.

10 Hehan yunok unpi kin en itancan kin Daniel heciya; Itancan mitawa wicastayatapi woyute woyatke ko nicupi ecee kin he kowakipa: tokeca koska obe nitawapi kin ehna isanpa ite iyokisica wanniyakapi kta he: kinhan wicastayatapi kin ekta pa iyaco mayakiyapi kta.

11 Hehan Daniel, yunok unpi en itancan kin, Melzar, Daniel, Hananiah, Misael qa Azariah wicayuhekiye ciquon he heciya;

12 Ceciciya ce, wowidake nita-

WICOWOYAKE 2.

wa anpetu wikcemna hehanyan iwicayuta ye: qa omnica etanhan unqupi kta, qa mini ece yakteunki yapi kta.

13 Hehan nitokam itohnake iwanunyakapi kta, qa koška wicaštayatapi tawoyute ongege yutapi kin hena is eya itohnake wanyakapi kta: unkan iwandake cin he eciyatanhan wowidake nitawa kin ecawicakicon ye, eya.

14 Unkan wicoie kin de en anawicagoptan, qa anpetu wikcemna hehanyan iwicayukan.

15 Unkan anpetu wikcemna owihanketa koška owasin wicaštayatapi tawoyute ongege yutapi ecee kin kici iciwankiciyakapi kin iye itohnake sanpa owanyag wašte, qa celpi isanpa cepapi.

16 Hecen Melzar woyute ongege qa minisa yatkanpi kte cion hena ewicakiciyaku; qa omnica ecee wicaqu.

17 Unkan koška topapi kin dena Wakantanka wosdonye wicaqu, qa woonspe woksape ko owasin en wowiyukan: qa Daniel wowanyake wowihanmde ko owasin okalniga.

18 Unkan anpetu tona en awicau kta wicaštayatapi keye cion hena wanna henakeca, hehan yunok unpi wicayuhe cin he hena Nebukadnezzar itokam hiyuwicaya.

19 Unkan wicaštayatapi kin hena om wohdaka; qa iyulpa owicapeya tuwedan Daniel, Hananiah, Misael qa Azariah iyececa iyeyapi sni: Heon etanhan hena wicaštayatapi kin itokam inajinpi.

20 Unkan woksape wicoie qa wowiyukan tona wicaštayatapi kin iwicawange cin hena is, wicašta ksapa owasin qa wicanlpi

iwanyakapi ecee kin iye tamakoce owancaya unpi, dena wikcemna akihde isanpa wašte iye-wicaya.

21 Unkan Daniel Kuros wicaštayatapi tawaniyetu tokaheya kin hehanyan en un.

WICOWOYAKE 2.

1 Unkan Nebukadnezzar wicaštayatapi un tawaniyetu inonpa en, Nebukadnezzar wowihanmde ihanmna, on taniya kin ilniyan-yan qa istinbe cin akiciyušan.

2 Hehan wicaštayatapi kin wicašta ksapapi, qa wicanlpi iwan-yakapi, qa wapiyapi, qa Kasdim wicašta kin hena wicakico wicaši, wicaštayatapi tawowihanmde kin okiciyakapi kta. Hecen hena en upi qa wicaštayatapi kin itokam inajinpi.

3 Unkan wicaštayatapi kin he-wicakiya; Wowihanmde wan iwahanmna, unkan mitaniya ilniyan-yan, wowihanmde sdonkiye kta e heon.

4 Hehan Kasdim wicašta kin Aram iapi kin on wicaštayatapi kin heciyapi; Wicaštayatapi, ohinniyan ni un nunwe: wowidake nitawa wowihanmde kin owicakiyaka ye, kinhan ieska unkoyataninpi kta ce.

5 Wicaštayatapi kin waayupte ca, Kasdim wicašta kin hewicakiya; Wicoie kin tokan imakiyaya: wowihanmde kin he, qa ieska yaotaninpi kin nakun omiyeciyakapi sni kinhan, niye nica-ksaksapi kta, qa yatipi kin ocesdi paha kağapi kta:

6 Tuka wowihanmde kin he qa ieska yaotaninpi kin nakun omiyeciyakapi kinhan, miye etanhan taku wicaqupi, wocinyopeyapi qa woyuonihan tanka iyacupi kta: heon etanhan wowihanmde

DANIEL TAWOWAPI KIN,

qa ieska yuotaninpi kin nakun' omiciyaka po.

7 Hena ake ayuptapi qa heya-
pi; Wicaštayatapi kin wowidake
tawa wowihanmde kin owicaki-
ciyake kta, kinhan ieska oyakapi
kin unyaotaninpi kta ce.

8 Wicaštayatapi kin waayupte
ça heya; Anpetu yutehan wa-
cannipi awicakehan sdonwaya,
wicoie kin tokan imakiyaya wan-
dakapi nakaes.

9 Tuka wowihanmde kin he
omiyecidakapi šni kinhan woya-
co wanjidan niciyankapi: Woi-
tonšni qa wicoie waašape mito-
kam odakapi kta yakašapi, anpe-
tu yutokecapı kta hehanyan:
Heon etanhan wowihanmde kin
he omiciyaka po, kinhan ieska
oyakapi kin he yaotanin oyakihi-
pi sdonwaye kta ce.

10 Kasdim wicašta kin wicašta-
yatapi kin itokam waayuptapi qa
heyapi; Wicašta maka akan unpi
tuwedan wicaštayatapi toie kin
oyaka okihi kte šni: Heon etan-
han wicaštayatapi, wicašta itan-
can qa wowidake wicayuhe cin
tuwedan wicašta ksapa, wicanłpi
iwanyakapi ecee kin, qa Kasdim
wicašta kin wicoie hececa wica-
kida šni.

11 Qa wicaštayatapi kin taku
tehike hinca wan da, qa tuwedan
tokeca wicaštayatapi kin itokam
he oyake kte šni, taku wakan
wicacełpi en tipi šni kin henana
okihipi ce.

12 Heon etanhan wicaštayatapi
kin šinhda qa canteptanye hinca,
qa Babel en ksapapi kin iyulpa
wicaktepi kta konza.

13 Unkan ksapapi kin wicaktepi
kta keya wokonze kin he yao-
taninpi: Unkan Daniel qa iye
takodawicaye cin om wicaktepi
kta e owicadepi.

14 Hehan Daniel, Ariok wica-

štayatapi taakicita tancan, Babel
en wicašta ksapa owasin wicakte
kta iyaye cin he, woksape qa
wowiyukcan on ayupte:

15 Waayupte ça Ariok wicašta-
yatapi taakicita tancan kin heci-
ya; Tokeca wokonze kin wica-
štayatapi kin etanhan inahni he.
Hehan Ariok wicoie kin Daniel
okiyaka.

16 Hehan Daniel tin iyaye ça
wicaštayatapi kin anpetu qu kta
kida, hecen ieska yaotaninpi kin
he wicaštayatapi kin kipazo kta.

17 Hehan Daniel iye ti kin ekta
kihda, qa taku kin he Hananiah,
Mišael qa Azariah, iye tawaši-
tkupi kin owicakiyaka:

18 Hena woinahbe kin de on
Mahpiya Wakantanka kin ito-
kam wowaonsida kidapi kta; he-
cen Daniel qa iye tawašitkuwica-
ye cin Babel en wicašta ksapa
unmapi kin om ihangyapi kte šni.

19 Hehan hanyetu wowanyake
wan en woinahbe kin he Daniel
okiyakapi. Hehan Daniel Ma-
łpiya Wakantanka kin yawašte:

20 Daniel waayupte ça heya;
Wakantanka caje kin he yawa-
štepi kta, otokaheya wanica qa
owihanke wanica; woksape qa
wowašake kin hena iye tawa
nakaes.

21 Qa iye omaka qa waniyetu
kin yutokeca ece; wicaštayatapi
heyata iyeya, qa wicaštayatapi
wankan ehde; ksapapi kin hena
woksape wicaqu, qa tona wowi-
yukcan sdonyapi kin hena wo-
sdonye *wicaqu* ece.

22 Iye taku temahentu qa na-
łmana un kin hena yuotanin:
taku otpaza en un kin he sdon-
ya, qa iyoyanpa kin he iye kici ti.

23 Atewicawaye Wakantanka
tawapi, wopida eciciya qa ciya-
tan, woksape qa wookihi maya-
qu, qa taku unnicidapi kin he

WICOWOYAKE 2.

sdonyemayaya : wicaštayatapi toie kin he sdonyeũnyakiyapi nakaes̃.

24 Heon etanhan Daniel Ariok, wicaštayatapi Babel en ksapapi kin ihangwicaye śi qon he ekta iyaya : Ekta ye ça kaken eciya ; Babel en wicašta ksapapi kin ihangwicaye śni wo : wicaštayatapi kin itokam amayan wo, kinhan ieska yaotaninpi kin he wicaštayatapi kin wakipazo kta ce.

25 Hehan Ariok inah̃ni hınca, Daniel wicaštayatapi kin itokam ahi qa heciya ; Juda eciyatanhan wayaka unpi cinca kin etanhan wicašta wan iyewaya, he qe ieska yaotaninpi kin wicaštayatapi kin sdonyekiye kta ce, eya.

26 Wicaštayatapi kin waayupte ça Daniel, nakun Beltešazzar eciyapi kin he heciya ; Wowihanmde wanmdake cin he omiyeciye kta oyakihi he, nakun ieska yaotaninpi kin.

27 Daniel wicaštayatapi kin itokam waayupte ça heya ; Woinah̃be wicaštayatapi da kin he wicašta ksapapi, wicanl̃pi iwanyakapi, wowapi kağapi qa wapiyapi econpi kin hena wicaštayatapi kin okiciyakapi kta okihi pi śni :

28 Tuka mah̃piya ekta Taku Wakan wanji yanka, he woinah̃be yuotanin ece, qa anpetu ehake kin en taku u kte cin hena wicaštayatapi Nebukadnezzar okiyaka. Wowihanmde nitawa qa nipa makata nunka taku wanyake ciqon dena ee :

29 Niye wicaštayatapi, nitowinja akan, nitawacin wankan u, taku tokata anpetu kin en u kte cin hena ; qa tuwe woinah̃be yuotanin ecee kin he taku u kte cin hena sdonyeniyān.

30 Tuka miye qe, ni unpi kin owasin isampa woksape mduhe cin on woinah̃be kin de omaki-

yakapi śni ; tuka ieska yaotaninpi kin he wicaštayatapi kin okiciyakapi kta, qa nicante oyuze kin sdonyakiye kta e heon etanhan.

31 Wicaštayatapi, niye opal̃ta nanka, unkan inyun wakağapi tanka wan ! Wakağapi tanka, oiyege wašte hınca he nitokam han ; qa owanyake kin he wowinihan hınca.

32 Wakağapi kin de pa kin mazaskazi wašte heca ; maku qa isto hena mazaska ; tezi qa sican kin hena mazazi ;

33 Huha kin mazasapa ; siha kin onśpa mazasapa qa onśpa maka.

34 Opahta nanka ecen inyan wanji nape codan baśpapi, he wakağapi kin siha mazasapa qa maka kin en iyapa, qa hena kamdemdeca.

35 Hehan mazasapa kin, maka kin, mazazi kin, mazaska kin, qa mazaskazi kin okonwanjidan kamdemdecapi, qa mdoketu okapanpi ha kin iyececa icaga ; qa tate kin hena okah̃bog iyeya, hecen tukten wanke kte iyeyapi śni : tuka inyan wakağapi kin iyapa qon he he tanka icaga, qa maka ocowasin ojuya.

36 Wowihanmde kin hee : unkan ieska yaotaninpi kin he wicaštayatapi kin itokam unkoyakapi kta.

37 Wicaštayatapi, niye wicaštayatapi en wicaštaniyatapi : Mah̃piya Wakantanka kin he wokiconze wan niçu, wookihi, qa wowaśake, qa wowitan :

38 Qa tukte etu wicašta cinca tipi kin, tinta woteca qa mah̃piya zitkadan kin hena ninape en niçu, qa hena owasin iwankam itancan nicaga. Mazaskazi pa kin he niye.

39 Qa niye onihakam wokiconze wan tokeca nihukutu inajin kta ;

DANIEL TAWOWAPI KIN,

qa wokiconze tokeca wan wiciyamni kin he mazazi; he qe maka kin ocowasin iwankam ounye kta.

40 Unkan wokiconze itopa kin he mazasapa iyecen waśake kta: mazasapa taku owasin kamdemdeca qa ohiya nakaes: qa mazasapa dena iyulpa kamdemdece cin he iyecen is eya wakamdemdece ca wakamdumdu kta.

41 Qa nakun siha qa siyukaza kin onśpaśpa maka upśija kin heca, qa onśpaśpa mazasapa wandake ciqon, wokiconze kin he kiyuśpapi kta; tuka mazasapa wowaśake kin en un kta, mazasapa maka upśija kici icicahiyapi wandake nakaes.

42 Qa siha sipinkpa kin hena hanke mazasapa qa hanke maka heca, he iyecen wokiconze kin he hanke suta kta qa hanke wankadan kta.

43 Nakun mazasapa maka upśija kici icicahiyapi wandake ciqon, hena wicaśta akantu oicage kin kici icicahiičiyapi kta; tuka en askamkiciyapi kte śni, mazasapa maka upśija kin kici tanyan icicahiyapi śni nakaes.

44 Unkan wicaśtayatapi kin dena taanpetu kin en, Małpiya Wakantanka kin he wokiconze wan tohinni ihangyapi kte śni kin heca yuwankan ehde kta: unkan wokiconze kin he oyate tokeca aihpewicayapi kte śni: wokiconze kin owasin kamdumdu kta qa yutakuni kte śni; tuka he qe owihanke wanin un kta.

45 Qa nakun inyan wan he kin etanhan nape codan baśpapi wandaka, qa he mazasapa kin, mazaśa kin, maka kin, mazaska kin, qa mazaskazi kin hena kamdemdeca; hecen Taku Wakan Tanka kin he taku tokata u kte cin hena wicaśtayatapi kin sdon-

yekiya: unkan wowihanmde kin he wowicake, qa ieska yaotaninpi kin he wacinyepica ce.

46 Hehan Nebukadnezzar wicaśtayatapi kin ite makipusdiya ehpeiciye ca Daniel ohoda, qa wośna wan womna waśtemna iyahna wakiyuśna wicaśi.

47 Wicaśtayatapi kin Daniel ayupte ca heya; Awicakehan Taku Wakan nitawapi kin he taku wakan ehna Wakantanka hee, qa wicaśtayatapi ehna Itancan, qa woinahebe yuotanin ece kin heca, woinahebe kin de yaotanin oyakihi nakaes.

48 Hehan wicaśtayatapi kin Daniel wicaśta tanka kağa, qa taku wicaqupi tanka ota qu, qa Babel makoce kin ocowasin en itancan kağa, qa Babel en ksapapi kin iyulpa iye iyotan tanka.

49 Hehan Daniel wicaśtayatapi kin kida, unkan Śadrak, Meśak qa Abednego Babel makoce kin en taku eonpi kin awanyag wicaśi. Tuka Daniel wicaśtayatapi tatiyopa kin en un.

WICOWOYAKE 3.

1 Nebukadnezzar wicaśtayatapi kin mazaskazi wakağapi wan kağa, obosdatu kin he wiciśpa wikcemna śakpe qa ohdakinyan wiciśpa śakpe: Babel makoce Dura makomdaya kin ohna bosdan ekihde.

2 Hehan Nebukadnezzar wicaśtayatapi kin he, wicaśta ihdawapi kin, wicaśta itancanpi kin, qa akicita tancanpi kin, wayaco itancanpi kin, mazaska awanyakapi kin, woope aiapi kin, woope sdonyapi qa makoce kin en itancanpi kin iyulpa yuwitaya hiyuwicakiyapi kta ye wicaśi; wakağapi Nebukadnezzar wicaśtayatapi kin bosdan eki-

WICOWOYAKE 3.

hde kin yuwakanpi kta ekta upi kta.

3 Hehan wicašta ihdawapi kin, wicašta itancanpi kin, qa akicita tancanpi, wayaco itancanpi kin, mazaska awanyakapi kin, woepe aiapi kin, woepe sdoniyapi, qa makoe kin en wicašta itancanpi kin owasin witaya mniciyapi, wakağapi Nebukadnezzar wicaštayatapi bosdan ekihde kin yuwakanpi kta ekta: unkan hena Nebukadnezzar wakağapi bosdan ekihde kin he itokam inajinpi.

4 Hehan eyanpaha wan waşagya eyanpaha, Wicašta, oyate, qa iapi yaunpi kin, niyepi kaken econ nişipi ce:

5 Tohan tatokadan he yajopi, cotanka, candowankiyapi, sakbut, canceğa, mazayahotonpi, qa dowankiyapi ocaje owasin, hena ho kin nayahonpi kinhan, hehan mazaskazi wakağapi Nebukadnezzar wicaštayatapi bosdan ekihde kin he en makata ehpeniciyapi qa ohoyadapi kta.

6 Qa tuwe makata ehpeiçiye şni qa ohoda şni hehantudan kin peta ide oceti wan cokaya ehpeyapi kta ce.

7 Heon etanhan hehantudan, oyate kin iyulpa tatokadan he yajopi, cotanka, candowankiyapi, sakbut, canceğa, mazayahotonpi, qa dowankiyapi ocaje owasin, hena ho kin nahonpi qehan, wicašta iyulpa, oyate kin, qa iapi kin hena makata ehpeiçiya-pi, qa mazaskazi wakağapi Nebukadnezzar wicaštayatapi bosdan ekihde kin he ohodapi.

8 Tuka hehan Kasdim wicašta wanjikji kiyadan upi qa Juda wicašta kin wiyawicaonpapi.

9 Hena woyakapi qa Nebukadnezzar wicaštayatapi kin heciyapi; Wicaštayatapi, ohinniyan ni un nunwe.

10 Niye, wicaštayatapi, wokonze wan yakaga, wicašta owasin tatokadan he yajopi, cotanka, candowankiyapi, sakbut, canceğa, mazayahotonpi qa dowankiyapi ocaje owasin hena ho kin nahon kinhan, makata ehpeiçiye qa mazaskazi wakağapi kin ohoda kta:

11 Qa tuwe makata ehpeiçiye şni qa ohoda şni kinhan peta ide oceti wan cokaya iyohpeyapi kta ce.

12 Juda wicašta wanjikji Babel en wicohan awanyagwicayakiya, Şadrak, Meşak qa Abednego; wicaštayatapi, wicašta dena en eniwacinpi şni: taku wakan nitawa kin en wowidagiciyapi şni, qa mazaskazi wakağapi bosdan eyehde kin he ohodapi şni ece.

13 Hehan Nebukadnezzar şinhda qa canteptanyan on Şadrak, Meşak qa Abednego auwicaşi. Hecen wicašta kin dena wicaštayatapi kin itokam awicahipi.

14 Nebukadnezzar ie qa hewicakiya; He wicakapi he, Şadrak, Meşak qa Abednego, taku wakan mitawa kin hena en wowidagniciyapi şni, qa mazaskazi wakağapi bosdan ewehde kin he ohoyadapi şni he.

15 Wanna wiyeya yaunpi kinhan, tohantu tatokadan he yajopi, cotanka, candowankiyapi, sakbut, canceğa, mazayahotonpi qa dowankiyapi ocaje owasin ho kin nayahonpi, hehan makata ehpeniciyapi qa wakağapi wakage cin he ohoyadapi kta: Tuka ohoyadapi şni kinhan, wihiyayedan oape kin he en peta ide oceti wan cokaya iyohpeniyanpi kta: qa Taku Wakan tukte e he minape etanhan eniyakupi kta he.

16 Şadrak, Meşak qa Abednego waayuptapi qa wicaštayatapi kin heciyapi; Nebukadnezzar, wi-

DANIEL TAWOWAPI KIN,

coie kin de on unkaniyuptapi kta iyecece šni.

17 He hecetu kinhan, Taku Wakan unkitawapi, en wowidagiçiya unyakonpi kin he peta ide oceti kin etanhan eunyakupi kta okihi, qa ege, wicaštayatapi, ni-nape etanhan eunyakupi kta.

18 Tuka hecon šni ešta, taku wakan nitawa en wowidagunkiçi-yapi kte šni, qa mazaskazi wakağapi bosdan eyehde kin he ohoundapi kte šni, wicaštayatapi, he sdonya wo.

19 Hehan Nebukadnezzar wocanteptanye on ojudan, qa Šadrak, Mešak qa Abednego on ite tokeca hinhda: ie ça oceti kin kanyapi wanyakapi ecee qon isanpa šakowin akihde kanye wicaši:

20 Qa iye taakicita obe kin wicašta iyotan wašakapi kin, Šadrak, Mešak qa Abednego pawicalıtapi kta, peta ide oceti kin en iyohpewicayapi kta, kewicakiya.

21 Hehan wicašta kin hena akan unpi tawapi, taonlıdohda, tašina koya, qa wokoyake tokeca ecehnana pawicalıtapi, qa peta ide oceti kin cokaya iyohpewicayapi.

22 Heon etanhan wicaštayatapi oie kin wainahni, qa oceti kin nina kata hinca, heon tona Šadrak, Mešak qa Abednego iwicacupi qon wicašta kin hena peta ide kin wicakte.

23 Unkan dena wicašta yamni, Šadrak, Mešak qa Abednego pawicalıtapi ecen peta ide oceti kin cokaya hinlpayapi.

24 Hehan Nebukadnezzar wicaštayatapi kin nina yušinyaya, qa ohankoya najin hiyaya—ie ça wicašta waaiewicakiye cin hena hewicakiya; Wicašta yamni palıtapi peta cokaya iyohpewicunyanpi šni he. Hena waayuptapi

qa wicaštayatapi kin heciyapi; Wicaštayatapi, he hecetu ce.

25 Iye waayupte ça heya; Inyun, wicašta topa kaške šni unpi peta cokaya manipi wanmdaka, qa tuktedan kiunniyanpi šni: unkan itopa owanyake kin he Taku Wakan Cinhintku kin iyececa ce, eya.

26 Hehan Nebukadnezzar peta ide oceti tiyopa kin ikiyedana u; ie ça heya; Šadrak, Mešak qa Abednego, Taku Wakan Tehanwankan taakiye, niye tankan u po, qa kuwa po. Hehan Šadrak, Mešak qa Abednego peta kin cokaya tanhan hdicupi.

27 Unkan wicašta ihdawapi, wicašta itancanpi, qa akicita tancanpi, qa wicaštayatapi woope aiewicakiye cin hena witaya unpi wicašta kin dena wanwicayakapi, tancanpi en peta takudan okihi šni, qa paha wanjidana gu šni, qa akan unpi tawapi kin yutokeca šni, qa iyepi akan peta gumna kin iwicayaye šni.

28 Nebukadnezzar ie ça heya; Šadrak, Mešak qa Abednego Taku Wakan tawapi kin he yawaštepi nunwe; ege taohnihde wakan kin uši, qa wowidagwicaya wacinyanpi kin hena wicaštayatapi oie kin yutokecapi, qa iye Taku Wakan tawapi ecedan en wowidagiçi-yapi, qa taku wakan tokeca ohodapi kte šni e tancan kpağanpi kin hena ewicahdaku.

29 Heon etanhan wokonzewa wakaga, Oyate owasin, wicašta qa iapi kin, Šadrak, Mešak qa Abednego Wakantanka tawapi kin on tuwe taku šica eye cinhan, he kicaksaksapi kta, qa tipi tawapi kin ocesdi paha kağapi kta: taku wakan tokeca decen waehdaku okihi kta wanica na-kaeš.

30 Hehan wicaštayatapi kin Ša-

WICOWOYAKE 4.

drak, Mešak qa Abednego, Babel makoce kin en itancan wicakağa.

WICOWOYAKE 4.

1 Nebukadnezzar wicaštayata-pi kin, wicašta owasin, oyate qa iapi maka kin ocowasin en oun-yanpi kin, Wookiye niciyuotapi nunwe.

2 Wowakta wowapetokeca ko Taku Wakan Tehanwankantu ecamicon kin hena mdaotanin kta iyomakipi.

3 Wowakta tawa kin hena tanka; qa wowapetokeca tawa kin hena wawokihi hinca: Wokiconze tawa kin he Wokiconze owihanke wanica, qa Wicaštayatapi un kin he wicoicağa qa wicoicağa behanyan.

4 Nebukadnezzar miye wati ohna owanji manka, qa tipi wašte mitawa ohna icalı amayan.

5 Wowihanmde wan on kopewahda kin he wanmdaka, qa mitowinja akan mitawacin qa mapa towanyake kin hena cancanmakiya.

6 Heon etanhan wokonze wan wakağa, Babel en wicašta ksapa iyuhpa mitokam awicaupi kta, wowihanmde ieska yaotaninpi kin omiciyakapi kta heon.

7 Hehan wicašta ksapapi kin, wicanhpi iwanyakapi kin, Kasdim wicašta, qa wapiyapi kin hena en hiyupi. Unkan hena wicitokam wowihanmde kin owahdaka; tuka ieska yaotaninpi kin he omiciyakapi šni.

8 Tuka unhanketa Daniel mitokam hiyu, he nakun Beltešazzar eciyapi, taku wakan mitawa caje kin iyececa, he Taku Wakan wakan hinca Taniya kin en un: Unkan he itokam wowihanmde kin owahdaka:

9 Beltešazzar, wicašta ksapapi

itancan, Taku Wakan wakan hinca taniya kin en niun sdonwaya, qa taku woinahbe takudan nağiyeniye šni, heon wowihanmde wowanyake wanmdake cin hena omiciyaka wo, qa nakun ieska yaotaninpi kin.

10 Mitowinja akan mapa towanyake kin hena kaketu; Opahta manka, unkan iho, maka kin cokaya can wan, qa obosdatu kin he tanka hinca.

11 Can kin he tanka icağa qa wašaka aya, qa ohanske cin malpiya iyapačo, qa wanyakapi kin maka ocowasin ihanke kin behanyan:

12 Ape kin hena owanyag wašte, qa waskuyeca tawa kin ota hinca, qa ohna taku owasin woyute wicakiciun: he ihukuya tinta woteka kin ohanzi yuhapi, qa malpiya okinyanpi kin hena adetka kin ehna tipi, qa taku celipi owasin hetanhan woyute tonpi ece.

13 Mitowinja akan mapa towanyake kin en, opahta manka, unkan iho, waawanyake wan qa taku wakan wan malpiya kin eciyatanhan kun u:

14 He wašagya eyanpaha qa kaken eya; Can kin kawanka po, qa taadetka kin kaksaksa po, ape kin kasnasna po, qa tawa-skuyeca kin kahnahna po; woteka kin ihukuya tanhan yapi kte, qa taku kinyanpi kin adetka kin etanhan.

15 Tuka canpaksa hutkan kin he maka kin en ayušan po, qa mazasapa mazaša ko iyuskite wan kici, tinta wato wankadan kin ehna: nakun malpiya cu kin on spayeyapi kta, qa taku tawa kte cin he maka wato kin en woteka kin om un kta:

16 Iye cante kin wicacante etanhan yutokecapi kta, qa wo-

DANIEL TAWOWAPI KIN,

teca cante kin qupi kta ; qa oma-
ka śakowin akan iyaye kta.

17 Wokonze kin de waawan-
yakapi yacopi kin eciyatanhan,
qa taku kin de tona wakanpi toie
kin etanhan : tona ni unpi kin
Iyotan Wankan un kin he wicašta
tokiconzepi kin en wicaštayatapi
ee e sdonyapi kta, qa token cin
eca wicaqu ece, qa wicašta onśi-
ka heca yuhekiya ece.

18 Wowihanmde kin de miye,
wicaštayatapi kin, wanmdaka.
Hehan niye, Beltešazzar, ieska
yaotaninpi kin oyaka wo : Mito-
kiconze kin en tona ksapapi kin
iyulipa ieska yaotaninpi kin omi-
ciyaka okihipi śni : tuka niye
oyakihi, Taku Wakan hinca Ta-
niya kin en niun nakaes.

19 Hehan Daniel, he nakun
Beltešazzar eciyapi, wihiyayedan
oape wanjidan yušinyaya, qa ta-
wacin en iliniyanyan. Wicašta-
yatapi kin ie ça heya ; Beltešaz-
zar, wowihanmde qa ieska yao-
taninpi kin unmana yušinyeniye
śni nunwe. Beltešazzar waayu-
pte ça heya ; Itancan mitawa,
wowihanmde kin he tona śiceni-
dapi, qa ieska yaotaninpi kin he
tona tokaniyanpi kin en wicahi
nunwe.

20 Can wandake cigon, tanka
icage ça waśaka aya, ohanske
kin małpiya ekta iyahde, qa
maka ocowasin ihanke kin he-
hanyan wanyakapi ;

21 Ape kin owanyag waštešte,
qa tawaskuyeca ota linca, qa
taku owasin en woyute wica-
kiciyanka : ihukuya tinta wote-
ca kin oonyanpi, qa adetka kin
małpiya okinyanpi kin en tipi
qon ;

22 Wicaštayatapi, he niye, tan-
ka inicaga qa waśaka aniyanyan ;
nitanka kin he icage ça małpiya
ekta iyahde, qa wicaštayatapi

yaun kin he maka ihanke kin
ekta.

23 Qa nakun wicaštayatapi
kin waawanyake wan qa Wanji
Wakan kin małpiya eciyatanhan
kun u wanyaka, qa he hecen eya ;
Can kin kawankapi qa ibangya
po ; tuka canpaksa hutkan kin
he maka kin en kpatan po, qa
mazasapa mazaśa ko iyuskite
wan ahna, tinta wato wankadan
kin ehna ; qa małpiya cu kin on
spayeyapi kta, qa taku tawa kte
cin he tinta woteka kin om un
kta, omaka śakowin akan iyaye
kta hehanyan ce :

24 Wicaštayatapi, ieska oya-
kapi kin he dee, qa Iyotan Wan-
kan un tawokonze, itancan mita-
wa wicaštayatapi kin akan u kte
cigon he dee :

25 Wicašta etanhan kałam iye-
niyanpi kta, qa tinta woteka kin
om oonyaye kta, qa tatanka iye-
cen wato ece yunniciyapi kta,
qa małpiya cu kin on spayeni-
yanpi kta, qa waniyetu śakowin
akan iniyaye kta, ecen Iyotan
Wankan un kin wicašta tokicon-
zepi kin en wicaštayatapi un, qa
token cin eca wicaqu ecee sdon-
yaye kta ce.

26 Unkan nakun canpaksa hu-
tkan kin he kpatanpi kta keyapi,
hecen nitokiconze kin wicakeya-
han niciyanke kta, tohan Małpi-
ya kin he Itancan yanka e sdon-
yaye cinhan.

27 Heon etanhan, wicaštayata-
pi, wowahokonkiye mitawa kin
iyonicipi nunwe, qa woowotanna
on wayahtani etanhan ihduśpa
wo, qa taku śica ecanon kin etan-
han, wałpanicapi onśiwicakidapi
kin on ; okinni woozikiye nitawa
niciyuhanskapi kta naceca ce.

28 Taku kin de ocowasin Ne-
bukadnezzar wicaštayatapi kin
en u.

WICOWOYAKE 5.

29 Wi akenonpa ihuniyanpi hehan Babel wokiconze tipi wašte kin ohna mani un.

30 Wicaštayatapi kin ie ça heya; Mitowašake wawokihi kin on, qa mitowitan yuonihanpi on Babel tanka wakağa, mitokiconze tipi kin he dee šni he, eya.

31 Wicoie kin he hinyašin wicaštayatapi i kin ohna yanka icunhan, wicaho wan małpiya eciyatanhan hiyu; Nebukadnezzar wicaštayatapi, niye heniciyapi ce; Wokiconze kin he aniyušan;

32 Unkan wicašta etanhan ka ham iyenianpi kta, qa tinta woteka kin om ounyaye kta: tatanka iyecen wato ece yunniciyapi kta, qa waniyetu šakowin akan iniyaye kta, ecen Iyotan Wankan un kin wicašta tokiconzepi kin en wicaštayatapi un, qa tuwe cin eca qu ece e sdonyaye kta ce.

33 Wihiyayedan oape kin hee en wicoie kin he Nebukadnezzar kiciyušanpi: Unkan wicašta etanhan ka ham iyeyapi, qa tatanka iyecen peji yuta, qa iye tancan kin małpiya cu on spaya, ecen hin kin wanmdi tawa iyececa içağa, qa šake zitkadan tawa iyececa.

34 Unkan anpetu kin hena hena keca hehan, Nebukadnezzar miye małpiya ekta išta yuwankan iwekcu, unkan wowakałniğe ciquon he ake en mahdi, qa Iyotan Wankan un kin he mdawašte, qa Tuwe ohinniyan ni un kin he mdatan qa mdaonihan, ege wicaštayatapi un kin wicaštayatapi unpi heca owihanke wanica, qa tokiconze kin he wicoicage qa wicoicage hehanyan:

35 Qa maka akan ounyanpi kin owasin takuśni wicayawa: qa małpiya ozuye kin en iye tawacin kin eciyatanhan econ ece, qa

maka akan ounyanpi kin ehna: qa tuwedan nape pakam iyeya, qa, Taku ecanon he, eciye kta okihi šni.

36 Hehantudan ĩin wowakałniğe ciquon he en mahdi, qa mitokiconze wowitan on mitoyuonihan qa mitohnake wašte kin ake en mahdi: unkan woope aiewicawakiye ciquon hena, qa wicašta itancan mitawa qon hena omakidepi; hecen mitokiconze kin en sutaya mihdušanpi, qa wowinihan oiyokipi ĩinca en akihde mayanpi.

37 Nebukadnezzar miye, wanna Małpiya Wicaštayatapi kin he mdatan, qa mdatanka, qa mdaonihan, iye tohan kin owasin wowicake, qa towiyukcan kin woyuecetu: qa tona wałaničidaya manipi kin hena yuhukun iyewicaye kta okihi ece.

WICOWOYAKE 5.

1 Belšazzar wicaštayatapi kin wohanpi tanka wan wicašta ihdawa kektopawinge wicayuhe cin wicakicağa, qa kektopawinge kin hena wicitokam miniša yatkan.

2 Belšazzar miniša yatkan uta icunhan, mazaskazi qa mazaska wakšica, iye tunkankišitku Nebukadnezzar Jerusalem en Tipi Wakan etanhan ahdiyaku qon hena en au wicaši: hecen wicaštayatapi kin iye, qa wicašta ihdawa wicayuhe, tawicupi qa winohinca wicayuhe cin hena om, etanhan wayatkanpi kta.

3 Hehan mazaskazi wakšica Wakantanka ti tipi wakan Jerusalem ekta yanke cin etanhan eyakupi qon hena ahipi: Unkan wicaštayatapi iye, qa wicašta ihdawa wicayuhe cin, tawicupi qa winohinca wicayuhe cin hena etanhanhan wayatkanpi.

DANIEL TAWOWAPI KIN,

4 Miniša yatkanpi qa taku wakan mazaskazi, qa mazaska, mazaša, mazasapa, can qa inyan on kagapi kin hena yatanpi.

5 Wihiyayedan oape kin hee hinca en wicanape napsukaza kin hiyu, qa petijanjan ihupa iyotakons wicaštayatapi ti kin en tipi unnaptanyan apuspapi kin akan wowa: unkan nape inkpa wowa kin he wicaštayatapi kin wanyaka.

6 Hehan wicaštayatapi itohnake wašte kin tokeca hinhda, qa tawacin kin yušinyeiciya, qa nite ipiyake kin kiyuškapi, qa hupahu iciyapapi.

7 Wicaštayatapi kin nina pan, wicanłpi iwanyakapi, Kasdim wicašta qa wapiya econpi kin hena en awicaupi kta. Wicaštayatapi kin ie ęa Babel en ksapapi kin hewicakiya; Tuwe kašta wowapi kin de yawa, qa ieska yaotaninpi kin omakiyake cinhan, wokoyake duta koyake kta, qa mazaskazi wanapin wan napin kiye kta, qa wokiconze kin en wicašta ihdawa wiciyamni ee kta ce.

8 Hehan wicašta ksapa wicaštayatapi wicayuhe cin iyuhpa en hipi; tuka wowapi kin he yawa okihipi šni, qa ieska yaotaninpi kin wicaštayatapi kin sdonyeki-yapi šni.

9 Hehan Belšazzar wicaštayatapi kin nina yušinyeyapi, qa itohnake tokeca hinhda, qa wicašta ihdawa wicayuhe cin hena is eya yušinyayapi.

10 Wicaštayatapi qa wicašta ihdawa wicayuhe cin oiepi kin on wicaštayatapi winohinca kin he woyatke tipi kin en tin hiyu: Wicaštayatapi winohinca kin ie ęa heya; Wicaštayatapi ohinnian ni un nunwe: nitawacin kin yušinyenięiye kte šni, qa

nitohnake tokeca hinhda šni nunwe.

11 Nitokiconze kin en wicašta wan Taku Wakan wakan hinca Taniya kin en un: qa nitunkanši taanpetu qon en, wosdonye, qa wookahnięe, qa woksape, taku wakan toksape kin iyececa, en un iyeyapi qon; he qe nitunkanši Nebukadnezzar wicaštayatapi kin, wicaštayatapi nitunkanši he wicašta ksapapi, wicanłpi iwan-yakapi, Kasdim wicašta wapiya-pi kin en itancan kaga:

12 Unkan woniya wan iyotan wašte, qa wosdonye, qa wookahnięe, wowihanmde yaotaninpi, qa wicoie telika iyukanpi, qa woiyakaške yakcapi kin hena Daniel ege en iyeyapi, heon etanhan wicaštayatapi kin he Beltešazzar eya cašton. Wanna Daniel kicopi kte, kinhan ieska yaotaninpi kin oyake kta ce, eya.

13 Hehan Daniel wicaštayatapi kin itokam ahipi. Wicaštayatapi kin ie ęa Daniel heciya; Juda wicašta wayaka unpi cinca, tunkanši wicaštayatapi kin Juda makoce kin etanhan awicahdi qon hetanhan Daniel he niye he.

14 Niye on nawahon, taku wakan taniya kin en niun, wosdonye, qa wookahnięe, qa woksape wašte hinca en niun iyeyapi keyapi:

15 Unkan nakaha ksapapi kin, wicanłpi iwanyakapi kin hena mitokam awicahpi, wowapi kin de yawapi kta, qa ieska yaotaninpi kin omakiyakapi kta e heon: tuka wicoie kin he ieska yaotaninpi kin oyaka okihipi šni:

16 Tuka niye qe ieska yaotaninpi kin odake kta, qa woiyakaške wicoie dakca kta oyakihi keyapi nawahon. Wanna wowapi kin de dawa, qa ieska yaotaninpi kin omayakidake kta oya-

WICOWOYAKE 6.

kihi kinhan, wokoyake duta kodake kta, qa mazaskazi wanapin wan napin niciyapi kta, qa wokiconze kin en wicašta ihdawa wiciyamni yaun kta ce.

17 Hehan Daniel waayupte, qa wicaštayatapi kin itokam heya; Taku mayaqu kte cin hena niye yahduhe kta, qa woiyopeye nitawa token wicayaqu kta; tuka wowapi kin he wicaštayatapi kin weciyawa kta, qa ieska yaotaninpi kin sdonyewakiye kta.

18 Wicaštayatapi niye, Taku Wakan Iyotan Wankan un kin he wokiconze, qa wowaśake, qa wowitan, qa woyuonihan nitunkanśi Nebukadnezzar qu:

19 Qa wowaśake qu kin heon wicašta owasin, oyate qa iapi kin hena itokam cancapi qa inihanpi: tuwe cin eca kte ece, qa tuwe cin eca nikiya ece: tuwe cin eca yuwankan ehde, qa tuwe cin eca kun elpeya ece.

20 Tuka cante wankan iyeiçiya, qa tawacin wahaniciđaye kta e ihdusuta qehan wicaštayatapi toiyotanke kin etanhan kun ukiyapi, qa towitan kin he ekiciyakupi:

21 Qa wicašta cinca kin etanhan kañam iyeyapi; qa iye cante kin woteca iyececa kağapi, qa šonšonna itu unpi kin om ounyan: tatanka iyecen peji yunki-yapi, qa tancan kin mahpiya cu kin on spayekiyapi, ecen Taku Wakan Iyotan Wankan un kin he wicašta tokiconze kin ohna wicaštayatapi yanka sdonya, qa tuwe cin eca he en ounyekiya ece.

22 Qa niye Belśazzar, cincaniyan, de ocowasin sdonyaya qe-yaś, nicante yahduwalibadan śni;

23 Tuka Mahpiya Itancan kin itokam wankan iyeniciya: qa iye ti kin etanhan wakśica kin hena

nitokam ahipi, qa niye, qa wicašta ihdawa wicaduha, nitawinpi qa winolinca wicaduhe cin hena etanhan miniša datkanpi: qa taku wakan mazaska qa mazaskazi, mazaśa, mazasapa, can qa inyan heca, wawanyake śni qa wanañon śni, qa wasdonye śni kin hena daonihan; tuka Taku Wakan nape ohna nitaniya yanka, qa nitacanku iyulipa niciyuhe cin hee duonihan śni.

24 Hehan Iye itokapatadhan nape inkpa kin hiyuyapi; qa wowapi kin de owapi.

25 Unkan wowapi owapi qon he dee; MENE, MENE, TEKEL, UPHARSIN.

26 Qa wicoie ieska yaotaninpi kin he dee; MENE; Wakan-tanka nitokiconze kin niciyawa qa ihunnikiya.

27 TEKEL; Aspeyetonpi kin on tke iniyutapi, qa iyotpani niyawapi.

28 PERES; Nitokiconze kin he kiyuśpapi, qa Media, Perse kici wicakupi.

29 Hehan Belśazzar econwicaśi, unkan Daniel wokoyake duta koyagyapi, qa mazaskazi wanapin wan napinkiyapi, qa on eyanpahapi, wokiconze kin en wicašta wiciyamni un kta ce.

30 Hanyetu kin he en Belśazzar Kasdim oyate en wicaštayatapi kin he ktepi.

31 Unkan Darius Media kin he wokiconze kin icu; wanna waniyetu wikcemna śakpe sanpa nonpa ecetu.

WICOWOYAKE 6.

1 Wokiconze kin en wicašta ihdawa opawinge sanpa wikcemna nonpa Darius wicakage kta iyokipi, hena wokiconze kin ocowasin en ounyanpi kta:

DANIEL TAWOWAPI KIN,

2 Qa dena wiciwankam itancanpi yamni, hena en Daniel tokaheya un : hecen hena wicašta ihdawapi kin wiwicawangapi ecee kta, qa wicaštayatapi kin taku kitanin šni wanice kta.

3 Hehan Daniel he wicašta itancanpi qa wicašta ihdawapi kin wicikapeya yawapi, woniya wašte hinca en un nakaes; unkan wicaštayatapi kin wokiconze kin ocowasin en ounyekiye wacin.

4 Hehan wicašta itancanpi qa wicašta ihdawapi kin wokiconze kin eciyatanhan Daniel en taku iyaonpepica iyeye wacinpi : tuka taku on bapi kta, qa taku iyaonpapi kta takudan iyeya okihipi šni : wacinyepica un, qa taku yušnapi qa on bapica kin takudan en iyeyapi šni nakaes.

5 Hehan wicašta kin dena heyapi; Daniel he en taku iyaonpepica takudan iyeunyanpi kte šni, tuka iye Taku Wakan tawa toope kin eciyatanhan taku iyeunyanpi kta naceca ce.

6 Hehan wicašta itancanpi qa wicašta ihdawapi kin hena wicaštayatapi kin ekta witaya mniciyapi, qa decen eciyapi; Darius, wicaštayatapi ohinniyan ni un nunwe.

7 Wokiconze kin ohna wicašta itancanpi kin iyulpa, wicašta waawanyakapi, qa wicašta ihdawapi kin, woope aiewicakiyapi, qa akicita tancanpi kin hena witaya wohdakapi, wicaštayatapi tawokonze wan yusutapi kta qa woicaške suta wan kağapi kta, tuwe kašta, anpetu wikcemna yamni hehanyan, taku wakan qaiš wicašta taku wocekiye eciye cinhan, niye, wicaštayatapi, nicunonpa tanhan, he mnaja tipi kin en iyolhepapi kta ce.

8 Wanna, wicaštayatapi, woi-

caške kin he yusuta ye, qa wowapi kin yutan ye, hecen yutokecapi kte šni, Media qa Perse woope kin yutokecapi šni ecee kin iyececa ce, eyapi.

9 Heon etanhan Darius wicaštayatapi wowapi qa woicaške kin yutan.

10 Unkan Daniel wowapi kin yutanpi sdonye cehan tin kihda; qa iye ti ohna Jerusalem ekta-kiya owanyeye kin yuħdog han, anpetu eca yamni akihde canpeška makahde inajin, qa cekiya, qa iye ta Wakantanka kin itokam wopida eya ece, he itokam econ ece qon iyececa.

11 Hehan wicašta kin hena witaya iheyapi, qa Daniel cekiya un, qa iye Taku Wakan tawa itokam wada yanka iyeyapi.

12 Hehan ikiyedan upi qa wicaštayatapi kin itokam wicaštayatapi tawokonze qon on heyapi; Woicaške wan dutan šni he, wicaštayatapi, niye icunonpa, wicašta otoiyoħi taku wakan wangi, qa iš wicašta akantu, anpetu wikcemna yamni hehanyan, taku kida kinhan, he mnaja tipi kin en iyolhepapi kta ce. Wicaštayatapi kin waayupta qa heya; Wicoie kin he hecetu, Media qa Perse woope tawapi tokan aye kte šni kin he iyececa ce.

13 Hehan hena ayuptapi qa wicaštayatapi kin itokam heyapi; Daniel, Juda wayaka unpi cinca kin etanhan, hee, niye wicaštayatapi, ihanikta šni, qa wokonze dutan kin he nakun, tuka anpetu eca yamni akihde wacekiya ece.

14 Hehan wicaštayatapi kin wicoie kin hena naħon qehan nina šiceicidaka, qa Daniel ehda-ku kta e cante ekta hduza; qa wi iyaya hehanyan ehdaku kta htani.

WICOWOYAKE 7.

15 Hehan wicašta kin dena wicaštayatapi kin en mniciyapi, qa wicaštayatapi kin heciyapi; Wicaštayatapi, Media qa Perse tawoope kin he dee, Taku woicaške qa woahope wicaštayatapi kin yusuta kinhan he yutokecapica kte šni e he sdonya wo.

16 Hehan wicaštayatapi kin hecon wicaši, unkañ Daniel ahipi qa mnaja tipi kin en iyohpeyapi. Wicaštayatapi kin ie ça Daniel heciya; Taku Wakan nitawa ohinniyan litayecini kin he enihdaku kta ce.

17 Unkan inyan wan aupi qa wašun i kin akan ehnakapi. Unkan wicaštayatapi kin he apuspa, iye wipuspe tawa, qa wicašta ihdawapi wicayuhe wipuspe tawapi kin on, hecen Daniel on wakiconzapi qon he yutokecapi kte šni.

18 Hehan wicaštayatapi kin hetanhan iye ti wašte kin ekta kihda, qa hanyetu kin wote šni un: nakun candowankiyapi kin heca itokam ahipi šni; qa toištinma elipeya ikiyaya.

19 Hehan wicaštayatapi kin hanhanna hin najin hiyaye ça mnaja tipi kin ekta inahni iyaya:

20 Qa wašun kin ekta hi qehan hoiyokišica on Daniel hoyekiya: wicaštayatapi kin ie ça Daniel heciya; Daniel, Taku Wakan ni un tawowidake, nita Wakantanka ohinniyan litayecini kin he mnaja kin etanhan enihdaku okihi he.

21 Hehan Daniel wicaštayatapi kin heciya; Wicaštayatapi, ohinniyan ni yaun nunwe:

22 Wakantanka mitawa iye taohnihde kin uši, qa mnaja ipi kin yuohmus iwicacu, hecen mnaja kin ksuwe mayanpi šni; iye itokam wiyaonpepica šni waun nakaes; qa nakun, wica-

štayatapi, niye en takudan šica ecamon šni, heon etanhan.

23 Hehan he on wicaštayatapi kin wiyuškin hinca, qa Daniel wašun kin etanhan yuwankan eyaku wicaši. Hecen Daniel wašun kin etanhan eyakupi; unkan en okiunniye takudan iyeyapi šni, Taku Wakan tawa wacin-kiya nakaes.

24 Hehan wicaštayatapi kin hecon wicaši, unkan wicašta tona Daniel yalitakapi qon hena awicahipi qa mnaja tipi kin en iyohpewicayapi, iyepi qa cincapi qa tawicupi kin: Unkan wašun owanka kin ehan ipi šni ecen mnaja kin ohiwicayapi qa huhu iyulha wicakiyaweñwegapi.

25 Hehan Darius wicaštayatapi kin oyate kin owasin, wicašta qa iapi maka owancaya tipi kin wuwapi wicakicaga; Wookiye niciyuotapi nunwe:

26 Tokaheya miye wokonze wan wakaga; Wokiconze mitawa wicaštayatapi ounyanpi kin otioyohi en, Daniel Taku Wakan tawa kin itokam wicašta cancapi qa kokipapi kta: Iye isnana Taku Wakan ni un nakaes, qa iye tokiconze kin he ihangyapi kte šni, qa iye wicaštayatapi un kin he owihanke kin ekta:

27 Iye hinca wanikiya qa wae-hdaku, qa wowakta wowapetokeca ko econ ece, mahpiya kin ekta qa maka kin akan, he qe Daniel mnaja nape kin etanhan ehdaku nakaes.

28 Hecen Darius wicaštayatapi un kin icunhan, qa Kuros Perse wicaštayatapi kin hehanyan Daniel zaniyan un.

WICOWOYAKE 7.

1 Belšazzar Babel wicaštayatapi kin tawaniyetu tokaheya en,

DANIEL TAWOWAPI KIN,

Daniel wowihanmna qa iye pa towinja akan wowanyake wan wanyaka: Hehan wowihanmde kin okiwa, wicoie kin yuptahnaka ohdaka.

2 Daniel ie ça heya; Hanhepiya mitowanyake en opahta manka, unkan iho, mahpiya tate ouye topa hena miniwanca tanka kin akan kiczapi.

3 Unkan wamanica tankinyan-yan topa miniwanca kin etanhan hiyupi, hena akiyececapi šni.

4 Tokaheya kin he mnaja iyececa, qa wanmdi hupahu yuha: opalita manka ecen hupahu kin kiyujunpi, qa maka kin etanhan yuwankan icupi, qa wicašta iyececen siha on najinkiyapi, qa wicacante wan qupi.

5 Unkan iho, wamanica tokeca wan inonpa kin he wahanksica iyececa, qa sanina tanhan hduwankan iyeiciya, qa i kin ohna cutuhu yamni hi ohna yapa yanka: unkan kaken ec iyapi, Inajin wo, cehpi ota temya wo.

6 He iyohakam wanmdaka, unkan iho, wanji tokeca, inmuheška tanka iyececa; he qe amdo akan wahupakoza hupahu tawa topa yukan; nakun wamanica kin he pa topa; qa wokiconze wan qupi.

7 He iyohakam hanhepi wowanyake kin en opahta manka, unkan iho, wamanica itopa wan, he wowinihan, qa wohitika, qa wašake hinca; qa mazasapa hi tankinyanyan yuha: watemya qa wayamdemdeca, qa okaptapi kin siha on napanpan: qa wamanica itokam unpi qon de is tokeca; qa he wikcemna yuha.

8 He kin hena awacin manka, unkan iho, hena ehna he tokeca cistinna wan uya, qa he on he tokaheya unpi kin yamni hute ekta yujunpi: unkan iho, he kin

de en išta yukan, wicašta išta iyececa, qa i wan taku tanka eya ece.

9 Opahta manka ecen oiyotanke kin ehdepi, qa Tuwe Anpetu Wanakaja kin he en iyotanka, iye tawokoyake kin wa iyececen ska, qa paha kin talinca wanunyanpi hin ecedan kin iyececa: oiyotanke tawa kin he peta ide šaša, qa canhdeška tawa kin peta ide kin heca.

10 Iye itokapa tanhan peta wakpa wan hinanpa qa hiyaya: kektopawinge eceh kektopawinge htakicinipi, qa kektopawinge wikcemna ecee kektopawinge wikcemna itokam inajinpi: wayaco kin kiyotanka, qa wowapi kin yumdayapi.

11 Hehan opahta manka, he kin he wicoie tanka eya ece ho kin heon: opahta manka ecen wamanica kin ktepi, qa tancan ihangyapi, qa peta ide kin en ehpeyapi.

12 Qa wamanica unmanpi qon hena wokiconze kin ewicakiciyakupi; tuka ni unpi kin he kiciyuhanskapi, omaka qa waniyetu hehanyan.

13 Hanyetu wowanyake kin en opahta manka, unkan iho, wanji Wicašta cinlintku kin iyececa, mahpiya šoka kin akan u, qa Tuwe Anpetu Wanakaja kin en hi; unkan he itokam kiyadan ahiyupi.

14 Unkan he wicaštayatapi unpi, qa wowitan qa wokiconze wan qupi, hecen wicašta iyulpa, oyate qa iapi kin hena htakicinipi kta: wicaštayatapi oun tawa kin he wicaštayatapi unpi owi- hanke wanica, he tokan aye kte šni, qa tokiconze kin he ihangyapi kte šni.

15 Miye Daniel mitaniya ojuha tawa kin ohna iyokišica un; qa

WICOWOYAKE 8.

mapa towanyake kin hena yuśin-yemayan.

16 Tona en najinpi kin wanji ikiyedān hibu, qa dena owasin on tukte wowicake kin he imunga. Hecen omakiyaka, qa dena taku kin ieska yaotaninpi kin he sdon-yemakiya.

17 Wamanica tankinyanyan kin dena topapi hena wokiconze topa maka kin etanhan inanpapi kta.

18 Tuka Iyotan Wankan un wicašta owotanna tawa kin hena wokiconze kin icupi kta, qa woki-conze kin ohinniyan yuhapi kta, han, ohinniyan owihanke wanice kta.

19 Hehan wamanica itopa kin he on wowicake kin sdonwaye kta wacin, he qe unmanpi kin iyecece śni, wokokipe ħinca, hi kin mazasapa, qa śake kin mazaśa; watemya, wayawehweġa, qa okaptapi kin siha on napanpan qon he :

20 Qa pa akan he wikcemna kin hena; qa wanji icage qa itokam yamni hinħpaye ciqon; han, he kin išta yukan, qa i wan wicoie tanktanka eye cin, itohnake kin tawaśitku kin isanpa waśake cin hee.

21 Opaħta manka, unkan he kin ege wicašta owotanna kin hena wicakiza qa ohiwicaya :

22 Ecen Tuwe Anpetu Wankaja kin he hi, qa wicašta owotanna Iyotan Wankan un tawa kin hena woyaco wicaqupi; qa wicašta owotanna wokiconze kin yuhapi kta wanna iyehantu.

23 Iye kaken eye; Wamanica itopa kin he maka akan wokiconze itopa kin hee kta; ege wokiconze owasin iyecece kte śni, qa maka ocowasin kin temye kta, qa napanpan kta, qa namdemdece kta ce.

24 Qa wokiconze kin de etanhan he wikcemna kin wicaštayatapi wikcemna inajinpi kte cin hena eepi: qa hena iyohakam wanji tokeca inajin kta; qa ege tokaheya qon hena iyecece kte śni, qa wicaštayatapi yamni wicaktedan kta.

25 Qa Iyotan Wankan un kin itkom wicoie eciye kta, qa Iyotan Wankan un wicašta owotanna tawa kin hena iyotanhan iyewicakiye kta, qa anpetu qa woope kin yutokeca wacin kta: Unkan hena iye nape kin en qupi kta, waniyetu qa waniyetu nonpa, qa waniyetu okise hehanyan.

26 Tuka wayaco kin iyotanke kta, qa wicaštayatapi oun kin he ekiciyakupi kta, yusote kta qa ihangye kta, owihanke kin hehanyan.

27 Unkan wokiconze qa wicaštayatapi oun kin, qa maħpiya ocowasin ihukuya wokiconze tanka kin he Iyotan Wankan un wicašta owotanna tawa oyate kin he wicaqupi kta, he qe tokiconze kin wokiconze owihanke wanica, qa wicaštayatapi iyulħpa iye ħtakicinipi qa anagoptanpi kta ce.

28 Dehanyan wicoie kin owihanke. Daniel miye qe mitawacin kin nina yuśinyemayan, qa mitohnake kin tokeca mahinħda: Tuka wicoie kin he micante en hduha waun.

WICOWOYAKE 8.

1 Belśazzar wicaštayatapi tokiconze waniyetu iyamni en wowanyake wan wanyagmakiyapi, Daniel miye, tokaheya taku en micitanin qon he iyohakam.

2 Unkan wowanyake en wammdaka; qa opaħta manka icunhan kaketu; Śuśan tipi wašte kin ohna waun, he Elam makoce

DANIEL TAWOWAPI KIN,

kin entu : unkan wowanyake kin en wanmdaka, qa Ulai wakpa kin icaħda waun.

3 Hehan iŝta hduwankan iwe-kecu qa wanmdaka, unkan iho, wakpa kin itokam tamdoka wan najin, qa he yukan : unkan he kin hena tehanwankantu ; tuka wanji iŝ unma kin isanpa han-ska, qa iyotan tehanwankantu kin he ehake uya.

4 Tamdoka kin he wanmdaka, wiyolipeyata, qa waziyata, qa itokalikiya wacapa yanka ; hecen wamanica wanjidan itokam najin okihi ŝni, qa iye nape kin etanhan tuwedan waehdaku okihi ŝni ; tuka iye tawacin kin eciya-tanhan olihanyan ece, qa tanka icaġa.

5 Unkan awacin manka icunhan, iho, tatoka mdoka wan, maka itohnake ocowasin akan wiyolipeyatanhan u, qa maka en icaħtake ŝni : qa tatoka mdoka kin iŝta otahedan he tanka wanji yuha.

6 Unkan heqe tamdoka he nom yuha, wakpa itokam najin wanmdake ciqon he en li, qa tocan-niye wowaŝake hduha anatan.

7 Qa tamdoka kin ikiyedan u wanmdaka ; unkan nina canniye-kiya, qa tamdoka kin capa, qa he nonpa kipaksa : Unkan tamdoka kin ecaca itokam najin okihi ŝni ; tuka makata iyeya, qa ahan ; qa iye nape kin etanhan tuwedan tamdoka kin eyaku okihi ŝni.

8 Heon etanhan tatoka mdoka kin nina tanka icaġa : tuka wa-ŝaka aye cehan he tanka qon paksapi : Unkan heekiya tom wanyakapi waŝte kin heca uya, mahpiya tate ouye topa kin ekta-kiya.

9 Unkan hena iŝ wanjidan etanhan he cistinna wan uya, eqe nina tanka icaġa, itokalikiya qa

wiyohiyanpata qa makoce waŝte kin ektakiya.

10 Nakun sanpa tanka icaġa, mahpiya ozuye kin ekta, qa ozu-ye kin he etanhan qa wicanłpi kin etanhan wanjikŝi makata ehpeya, qa hena awicahanhan.

11 Han, ozuye itancan kin ekta ihdutanka ; qa iye qe ohinniyan woŝnapi kin he anapta, qa tipi wakan tawa oahe kin he kun ehpeya

12 Unkan ozuye kin qupi, ohin-niyan woŝnapi kin akan, woah-tani on etanhan ; hecen wowicake kin makata ehpeya : unkan wae-con qa hduŝtan ece.

13 Hehan wanji wakan kin ia nawałon ; unkan wanji wakan tokeca wan tuwe ie ciqon he heciya ; Ohinniyan woŝnapi, qa woahłtani wayujuju ece wowan-yake kin, tipi wakan qa ozuye kin amanipi kta wicaqupi kin he tohanyan kta he.

14 Unkan iye hemakiya ; Hta-yetu hanłanna kektopawinge nonpa sanpa opawinge yamni, hehan tipi wakan kin yutecapi kta ce.

15 Unkan kaketu, miye, Daniel miye hınca, wowanyake kin wanmdaka, qa ookalniġe kin awaki-te cehan, iho, tuwe wicaŝta itohnake iyececa wan mitokam hinajin.

16 Unkan Ulai otahedan wica-ho wan nawałon, heqe pan qa heya ; Gabriel, wicaŝta kin de wowanyake kin okałniłkiya wo.

17 Hecen nawajin kin en ikiyedan hiyu : unkan hiyu qehan kowakipa qa ite makipusdiya ehpeimiġiya. Tuka iye hemakiya ; Wicaŝta cinhintku, wowan-yake kin he owihanke ekta kta okałniġa wo.

18 Unkan womakiyaka icunhan miŝtinbe hınca ite makipusdiya

WICOWOYAKE 9.

manka : Tuka iye mayutan qa manke cin en najin makiya :

19 Qa heya; Iho, wośinhda ihanke hinca ekta taku kte cin he sdyeciciye kta ce : Tohan iyehantu kinhan owihanke kta nakaes.

20 Tamdoka he nom yuha wanda ke cigon he Media qa Perse wicaštayatapi kin hena eepi.

21 Qa tatoka mdoka hin śma qon he Javan wicaštayatapi kin hee : qa he tanka išta otahedan yuhe cin he wicaštayatapi tokaheya kin ee.

22 Unkan hee paksapi, qa eekiya tom icagapi qon, hecen oyate kin he etanhan wokiconze topa inajinpi kta, tuka iye towaśake qon ohna kte śni.

23 Unkan hena tokiconzepi anpetu ehake kin en, tohan wahtanipi kin ihduštanpi kinhan, hehan wicaštayatapi wan ite suta, qa wahnayan okañniğa heca inajin kta.

24 Qa tookihi kin he waśake hince kta, tuka iye towaśake kin ohna kte śni. Nakun wowinihayan waihangye kta, qa ihduštan kta, qa waecon kta, qa oyate waśaka qa wakan kin he ihangwicaye kta.

25 Qa nakun tookañniğe kin on iye nape ohna wohnaye yušan kiye kta; qa cante en ihdutanka kta, qa wookiye on wicota ihangwicaye kta : Nakun itancanpi en Itancan kin he itkokim inajin kta; tuka nape codan ihangyapi kta ce.

26 Unkan hitayetu qa hanlianna wowanyake oyakapi kin he wowicake : heon etanhan, niś wowanyake kin nakitaka wo; anpetu ota kta nakaes.

27 Unkan Daniel miye qe iwałpamde, qa anpetu wanjiksi wamayazanka. Hehan nawajin qa

wicaštayatapi tokicanye kin eamon ece : qa wowanyake kin on mayuśinyaya, tuka tuwedan okahniğe śni.

WICOWOYAKE 9.

1 Darius Ahaśuerus cinhintku Media wicoicage kin etanhan, Kasdim wokiconze kin en wicaštayatapi kağapi qon he tawaniyetu tokaheya kin entu :

2 Waniyetu tokaheya wicaštayatapi un qehan, Daniel miye qe wowapi eciyatanhan waniyetu tonakeca hecinhan owakalniğa, Jehowa oie Jeremiah wicašta wokcan qon en hi, Jerusalem yujupui kin en waniyetu wikcemna śakowin yušan kta keye cigon.

3 Hecen Itancan Wakantanka ekta miite ewehnaka, wote śni unpi, qa wakihdaka calota ko en, wocekiye qa hoyekiyapi kin on awakite kta :

4 Qa Jehowa Wakantanka mitawa cewakiya, qa wowahdaka, qa hepa; Itancan, Taku Wakan tanka qa wowinihan kin, tona waštedakapi qa tawoahope kiciyuhapi kin hena wicotakuye qa wowaonśida wicakiciyuha;

5 Unkiye waunhtanipi, qa tehiya unkoňanyanpi, qa śicaya econkupi, qa wawaunkipajinpi, han nitoope qa nitawoyaco kin hena elipeunyanpi nakaes.

6 Qa nakun nitaokiyeye wicašta wokcan, nicaje on, wicaštayatapi unkitawapi, wicašta itancan unkitawapi, qa hunkakewicunyanpi, qa makoce ohna oyate owasin taku ewicakiyapi qon hena anaungoptanpi śni.

7 Itancan, niye woowotanna niciyanka, tuka unkiye ite ištecapi, anpetu de iyececa; Juda wicašta kin, qa Jerusalem en oun-

DANIEL TAWOWAPI KIN,

yanpi kin, qa Israel ocowasin, kiyedan qa itehan unpi, makoce owasin ektakta enanakiya nape-wicayaye cin hena, taku šica econpi on wanicihtanipi kin hena on etanhan.

8 Itancan, unkiyepi en ite našapi yukan, wicaštayatapi unkitawapi, wicašta itancan unkitawapi qa hunkakewicunyanpi, waunnicihtanipi nakaes.

9 Itancan Wakantanka unkitawapi kin wowaonšida qa woka-juju hduha, unkiye waunkipajinpi ešta :

10 Qa nakun Jehowa Wakan-tanka unkitawapi ho kin anaun-goptanpi šni, wicašta wokcan iye taokiye on toope unkitokam ehnaqe cigon hena ohna maunni-pi kta tuka.

11 Han, Israel owasin nitoope awahtanipi, qa icunonpa iyayapi, hecen niho anaogoptanpi kte šni; heon etanhan woyašice kin un-kakaštanpi, qa wokonze Moses Wakantanka taokiye toope kin en owapi qon, iye en waunhtani-pi nakaes.

12 Qa iye oie, unkiyepi on, qa wayaco unkitawapi unyacopi ccee kin hena on eye cigon hena hdušuta, taku šica tanka kin de en unkaupi kin heon: taku Jeru-salem ecakiconpi kin he mahpiya ocowasin ihukuya iyecen econpi šni nakaes.

13 Moses toope kin en owapi qon he iyecen taku šice cin de owasin unakipapi: hececa ešta Jehowa Wakantanka unkitawapi kin itokam nape unkiyugatapi šni, waunhtanipi kin etanhan unkihduhomnipi kta, qa nitowicake unkokahniḡapi kta.

14 Heon etanhan Jehowa taku šice cin atonwan qa en unkaupi: Jehowa Wakantanka unkitawapi kin iye tohan econ kin owasin en

owotanna un; iye ho kin anaun-goptanpi šni nakaes.

15 Unkan wanna, Itancan Wa-kantanka unkitawapi nape wa-šaka on nitaoyate Egiypta ma-koce kin etanhan wicayahdou, qa caje wan ničicaga, anpetu dehanyan hececa; unkiye waunhtanipi, unkiye šicaya econkupi ece.

16 Itancan ceciciya ce, nitoo-wotanna ocowasin eciyatanhan, Jerusalem nitotonwe kin etanhan, he wakan nitawa kin hctanhan, nitocanniye qa nitocante-ptanye kin yuhomnipi nunwe: waunhtanipi kin hena on, qa hunkakewicunyanpi taku šica econpi kin on, Jerusalem qa ni-taoyate, tona unkihdukšan unpi owasin en wowihahayapi yakon-pi nakaes.

17 Heon etanhan nakaha Wa-kantanka unkitawapi, nitaokiye tawocekiye qa hoyeye cin hena naḡon ye, qa tipi wakan nitawa jujuwahe cin he niite on iyoyam-kiya wo, Itancan kin on etanhan.

18 Wakantanka mitawa, ninoge ukiye qa naḡon ye; ništa hdu-mdaya qa otiwita unkitawapi, qa otonwe nicaje icajcyatapi kin he wanhdaka wo: woowotanna un-kitawapi on etanhan nitokam wocekiye unkeyapi šni; tuka nitowaonšida tanka kin hena on etanhan.

19 Itancan, naḡon ye; Itancan, kajuju ye; Itancan, anaogoptan qa econ ye; Wakantanka mita-wa, niye hinca on etanhan yutehan šni ye: nitotonwe qa nitaoyate kin hena nicaje icajcyatapi nakaes.

20 Unkan iahan waun, qa cewa-kiya, qa wawahtani, Israel mi-taoyate wahtanipi koya owahda-ka, qa Jehowa Wakantanka mi-

WICOWOYAKE 10.

tawa itokam, mita Wakantanka he wakan tawa kin on wowaon-śida wakida icunhan ;

21 Han, wocekiye en iahan waun icunhan, Gabriel wicaśta ege otokahe ekta wowanyake en wanmdake ciqon, dus kinyan ukiyapi, he mayutan, litayetu wośnapi ecee kin iyehantu ;

22 Qa okañnihmayan, qa mici wohdaka, qa heya ; Daniel, wookañniġe woksape ko ciġu kta on wanna hibu :

23 Wocekiye tokaheya eha hehan wicoie kin hiyu, qa cicipazo kta hibu ; nina waśtenidakapi nakaeś : heon etanhan wicoie kin okañniġa wo, qa wowanyake kin sdonya wo.

24 Nitaoyate on, qa otowwe wakan nitawa on, wikcemna śakowin ece śakowin konzapi, wośice anaptapi kta, qa woalitani apuspapi kta, qa taku śica econpi kin akañpapi kta, qa woowotanna owihanke śni kin ukiyapi kta, qa wowanyake wowiyukcan ko yuśtanpi kta, qa Iyotan Wakan hinca kin he sdakiyapi kta e heon.

25 Heon etanhan sdonya wo, qa niye okañniġa wo, Jerusalem yuecetupi kta qa piya kaġapi kta wicoie kin hiyu kinhan, hetanhan Messiya Mdetahunka kin ekta, śakowin ece śakowin qa wikcemna śakpe sanpa nonpa ece śakowin kta : hocoka kin piyapi kta, qa conkaśke kin ake kaġapi kta, han wokakiġe anpetu kin en.

26 Unkan wikcemna śakpe sanpa nonpa ece śakowin kin iyohakam Messiya kaśpapi kta, tuka iye on etanhan kte śni : Hehan mdetahunka wan u kte cin he taoyate kin otowwe qa tipi wakan kin ihangyapi kta : qa owihanke kin he minitan iyecece kta, qa

okicize ihanke kin hehanyan wayujujupi ece konzapi.

27 Unkan iye anpetu wakan wanġidan wicota om wicotakuye kin wicakiciyusuta kta : qa anpetu śakowin cokaya hehan wośnapi qa minha kin ayuśtan kiye kta, qa ħupahu kin akan wowa-ħteśni wayutakuni śni ece kin yanke kta ; qa woyuśtan kta hehanyan, qa taku konzapi qon he wayujuju kin en akaśtanpi kta ce.

WICOWOYAKE 10.

1 Kuros Perse wicaśtayatapi tawaniyetu iyamni en, Daniel, caje kin Belteśazzar eciyapi kin he wicoie wanġi okiyakapi : unkan wicoie kin he wicakapi, tuka okicize kin he tanka : Unkan wicoie kin he okañniġa, qa wowanyake kin on wookañniġe yuha.

2 Anpetu kin hena icunhan Daniel miye qe anpetu śakowin eceħ yamni hehanyan iyokiśin waun :

3 Woyute oiyokipi takndan wate śni, qa tado qa miniśa mii ohna ye śni ; nakun ecaca sdamiciye śni, anpetu śakowin eceħ yamni kin ihuniyanpi śni hehanyan.

4 Unkan wi tokaheya, anpetu wikcemna nonpa sanpa itopa kin en, wakpa tanka kin Hiddekel hee icahda waun gehan ;

5 Hehan iśta hduwankan iwekeu qa ewatonwan, qa iho, wicaśta wanġi miniħuha ska koya-ka, qa nite opta Upaz etanhan mazaskazi waśte kin ipiyag kiton :

6 Qa tancan kin topaz iyececa, qa ite kin iś wakanhdi wanyakapi kin iyececa, qa iśta peta ide śaśa iyececa, qa isto qa siha kin mazaśa pabezapi owanyake kin

DANIEL TAWOWAPI KIN,

iyececa, qa oie ho kin he wicota hopi kin iyececa.

7 Unkan Daniel miye mišnana wowanyake kin wanmdaka: qa wicašta mici unpi kin hena wanyakapi šni; tuka wonihinciye tanka wan awicahinhpaya, hecen naičilman najicapi.

8 Heon mišnana ehpemayanpi waun, qa wowanyake tanka kin de wanmdaka: unkan wowašake takudan en maun šni; qa owanyag mawašte qon he wicahwin ekta hinhda, qa wowašake takudan mduhe šni.

9 Tuka iye oie ho kin nawañon: unkan oie ho kin nañon waun qehan, ite akan mištinbe hinca iwañpamde, qa miite maka akan wanke.

10 Unkan iho, wicanape wan mayutan, qa mitahupahu qa minape cokaya akan hdunajin makiya:

11 Qa hemakiya; Daniel wicašta waštedakapi, wicoie eciciye cin hena okañniğa wo, qa nanke cin en inajin wo; niye ekta nakaha umašipi nakaes. Unkan wicoie kin de emakiya hehan cancanyan nawajin.

12 Hehan hemakiya; Daniel, kopehda šni wo, nicante wokañniğa kta eyelnaka, qa Wakan-tanka nitawa itokam kakišniçiye cin anpetu tokaheya kin hetanhan nioie nañonpi, qa nioie kin on etanhan miye hibu.

13 Tuka Perse wokiconze kin en mdetahunka kin he mitkokim hinajin, anpetu wikcemna nonpa sanpa wanjidan: tuka iho, Mikael itancan tokapa wanji hee omakiya u: unkan hen Perse wicaštayatapi kin ehna woohiye ecamon.

14 Wanna, anpetu ehake kin en, nitaoyate taku akipapi kte cin he okañniçiye kta wahi:

wowanyake kin he ehake anpetu ota kta nakaes.

15 Unkan wicoie kin hena omakiyaka, hehan miite maka akan ewehnaka, qa ia okitpani manka.

16 Unkan iho, Adam cinca iyececa wanji miiha mayutan: Hehan i wahdukawa qa iwaa, qa tuwe mitokam najin kin hewakiya; Itancan mitawa, wowanyake kin on wayazanwahda qon ake en mihdou, qa wowašake takudan mduhe šni.

17 Qa Itancan mitawa tawowidake kin de token Itancan mitawa kin kici wohdake kta he: miye qe ecahankeya wowašake takudan en maun šni, qa nakun oniya en mayanke šni ce.

18 Hehan ake wicašta owanyake iyececa wan en mahi qa mayutan, qa mayuwašaka:

19 Qa heya; Wicašta waštedakapi hinca, kopehda šni wo: wookiye niciyanka nunwe; wašaka wo, han, wašaka wo. Unkan hemakiye cin on wašagmayanpi, qa hepa; Itancan mitawa ia nunwe; mayaduwašaka nakaes.

20 Hehan heya; Taku on en cihi sdonyaya he: Tuka ecadan Perse mdetahunka kin kici wecize kta e ekta wahde kta. Qa detanhan imdamda hehan, hinakaha, Javan mdetahunka kin u kta.

21 Tuka taku Wowicake Wowapi kin en owapi kin he cicipazo kta: qa tuwedan taku kin dena en mici ihduwašake šni, Mikael mdetahunka nitawapi kin hecedan.

WICOWOYAKE 11.

1 Unkan miye qe, Darius Media kin tawaniyetu tokaheya kin

WICOWOYAKE 11.

en, mdusuta kta qa mduwaśake kta inawajin.

2 Unkan dehan wowicake kin cicipazo kta. Iho, tokata Perse en wicaśtayatapi yamni inajinpi kta, qa itopa kin he owasin isanpa wijice kte hinca, qa towijice wowaśake kin on owasin Javan wokiconze kin anatan wicaye kta.

3 Unkan wicaśtayatapi waśake hinca wan inajin kta, he qe wowaśake tanka hduha wicaśtayatapi un kta, qa iye tawacin kin ohnayan econ ecee kta.

4 Qa inajin kinhan tokiconze kin yujujupi kta, qa mahpiya ouye topa kin ektakiya kicipamnipi kta; tuka iye cinca kin ohna śni, qa wicaśtayatapi oun tawa kin en ounye cin eciyatanhan śni: iye tokiconze kin yujunpi kta nakaeś, qa hena icunonpatanhan toktokeca yuhapi kta.

5 Unkan itokañ wicaśtayatapi kin he waśake kta; tuka mdetahunka wicayuhe cin wanji iye isanpa waśake kta, qa wicaśtayatapi un kta; iye wicaśtayatapi oun tawa kin he oun tanka kta.

6 Unkan waniyetu iyenakeca hehan hena takodakiciyapi kta: qa itokañ wicaśtayatapi cunwintku kin he waziyata wicaśtayatapi kin kici wookiye kañ u kta: tuka isto wowaśake kin hduhe kte śni; qa iye qe najin kte śni, qa isto kin nakun; tuka he qe wicaqupi kta, qa tona aupi kin hena, qa tuwe cincaye cin, qa tuwe anpetu kin hena en yuwaśake ciqon.

7 Tuka iye hutkan adetka kin etanhan wanji iye onajinye cin en inajin kta, he qe ozuye wan hduha u kta, qa waziyata wicaśtayatapi taconkaśke kin en i kta, qa hena on econ kta qa ohiye kta.

8 Qa nakun taku wakan tawapi, wakağapi tawapi kici, waksica waśtedakapi, mazaska qa mazaskazi nakun, hena Egupta ekta wayaka ahde kta: qa he qe waziyata wicaśtayatapi kin isanpa waniyetu ota najin kta.

9 Hecen itokañ wicaśtayatapi kin wokiconze kin en hi kta, qa ake iye tamakoce kin ekta hde kta.

10 Qa unma cinhintkupi kin ozuye kağapi kta, qa wicota ozuye tanka yuwitayapi kta: qa wanji awicakehan u kta, qa apaśboke kta qa opta ye kta: hehan akeś hiyu kta, qa ozuye kağe kta, conkaśke tawa kin hehan-yan.

11 Unkan itokañ wicaśtayatapi kin nina śinhda kta, qa hiyu kta, qa kici kicize kta, han, waziyata wicaśtayatapi kin kici: unkan he qe wicota inajin wicakiye kta: tuka wicota kin he unma nape kin en wicaqupi kta.

12 Unkan wicota kin ewicayaku kinhan, iye cante en walianiçida kta; qa kektopawinge wikcemna makata ehpewicaye kta; tuka iye ihduwaśake kte śni.

13 Hehan waziyata wicaśtayatapi kin ake u kta, qa tokaheya qon isanpa wicota hinca inajin wicakiye kta, qa omaka waniyetu kin iyohakam, awicakehan ozuye tanka qa wowijice ota hduha u kta.

14 Unkan anpetu kin hena en wicota itokañ wicaśtayatapi kin itkokim inajinpi kta: nakun nitaoyate etanhan waboticapi cincapi kin wowanyake kin yusutapi kta on wankan iyeiçiyapi kta; tuka hena hinhpayapi kta.

15 Hecen waziyata wicaśtayatapi kin u kta, qa paha wan kağe kta, qa otonwe acankaśkapi kin hena icu kta: tuka itokağa ozuye

DANIEL TAWOWAPI KIN,

kin najinpi kte śni ; qa oyate wicakalnige ciquon, qa wowaśake on najin kte cin wanice kta.

16 Tuka tuwe anatan u kin he iye tawacin kin eciyatanhan econ ecee kta, qa tuwedan itokam najin kte śni : unkan iye wowaśte makōce kin ohna inajin kta, heqe iye nape kin on yusotapi kta ce.

17 Nakun iye tokiconze wowaśake ocowasin hduha en ye kta ite ekihnake kta, qa wicaśta owotanna kin om : hecen ohanye kta : qa winohinca cunwintku kin qu kta, yuśice kta heon etanhan : tuka he qe najin kte śni, qa kicica kte śni.

18 Hehan wita kin ektakiya ite hduze kta, qa ota icu kta : Tuka mdetahunka wan tawowiopeye kin ayuśtankiye kta ; iye wowiopeye codan en hdicukiye kta.

19 Hehan iye tamakoce kin en conkaśke suta kin ekta ite hduhomni kta : tuka naśna kta, qa hinłpaye kta ; qa iyeyapi kte śni.

20 Hehan iye tohe qon ohna inajin kte cin he wamnayan wan makōce waśte kin opta ye śi kta : tuka anpetu tonana kinhan ihangyapi kta, tuka wocanniye qa okicize unmana eciyatanhan śni.

21 Unkan iye tohe kin ohna wanjı walıtedapi śni kin inajin kta ; qa he qe wokiconze woyuonihan kin qupi kte śni ; tuka wookiye yuha en u kta, qa iapi śduśduta on wokiconze kin icu kta.

22 Qa he itokam apaśboka on apaśbog iyewicayapi kta, qa ihangyapi kta ; han wicotakuye mdetahunka kin iś eya.

23 Qa wicotakuye kici kağapi kin iyohakam wahnayan ohanye kta : en u kta, qa oyate tonana on waśaka icage kta nakaes.

24 Wookiye on makōce cepcepa

kin en hiyu kta ; qa taku iye ate-wicaye cin hena qa tunkanśidan-wicaye cin econpi śni qon iye econ kta ; wowicaki qa womanon qa wowijice kin hena wica-kipamni kta ; qa conkaśke suksuta kin on tawacin kin awakicin kta, iyehantu kta hehanyan.

25 Qa itokał wicaśtayatapi kin ekta, iye towaśake qa tookihi kin ozuye tanka hduha ihduśkanśkan kta. Unkan itokał wicaśtayatapi kin iś eya ozuye tanka qa waśake ĩinca wan hduha kici kicize kta ; tuka najin okihi kte śni : iye on wicotawacin awacinpi kta nakaes.

26 Han, iye tawoyute waśte kin etanhan yutapi ecee kin hena ihangyapi kta ; qa ozuye tawa kin apaśbog ye kta ; tuka wicota ktepi ilłpaye kta.

27 Unkan wicaśtayatapi kin dena napin cante mahen śicaya econ wacinpi kta, qa wahna wotapi wanjidani en oitonpi kte śni : tuka ecetu kte śni : hececa eśta iyehantu kinhan owihanke kin tanin kta.

28 Hehan iye tamakoce kin ekta wowijice tanka yuha hdicu kta ; qa wicotakuye wakan kin itkom cante yekiye kta ; qa waecon kta, qa iye tamakoce kin ekta hde kta.

29 Tohan iyehantu kinhan iye ihduhomni kta, qa itokałkiya u kta ; tuka tokaheya qa inonpa qon iyecece kte śni.

30 Kittim wita wata kin hena itkokim upi kta nakaes : Heon etanhan nihinciye kta qa hdicu kta qa wicotakuye wakan kin canniye kta : Hecen ohanye kta ; han, hdicu kta, qa tona wicotakuye wakan ayuśtanpi kin hena om okicicalnige kta.

31 Qa iye eciyatanhan ozuye wan inajin kta, qa tipi wakan

WICOWOYAKE 11.

conkaške.kin yuŝapapi kta, qa anpetu iyohi woŝnapi ecee kin yutokan iyeyapi kta, qa wowahteŝni wayutakuni ŝni kin he ehdepi kta.

32 Qa tona wicotakuye.kin en ŝicaya econpi kin hena iapi ŝduŝduta on wicayuŝice kta: tuka tona Taku Wakan sdonkiyapi kin hena waŝakapi kta qa taku econpi kta.

33 Qa oyate etanhan tona wokaŝniŝapi kin hena wicota waonspewicakiyapi kta: Hececa eŝta, mazasagye on, qa peŝa ide on, wayaka unpi on, qa wawicakipi on hinŝpayapi kta, anpetu ota.

34 Unkan tohan hinŝpayapi kinhan waokiyapi cistinna on owicakiyapi kta: tuka iapi ŝduŝduta yuha wicota hena en aopeiŝiyapi kta.

35 Unkan tona okaŝniŝapi kin etanhan wanjikji hinŝpayapi kta, hena on iyutanpi kta, qa yuecepidan kta, qa yuskapi kta, owihanke iyehantu hehanyan: iye-hantu konzapi yukan nakaeŝ.

36 Unkan wicaŝtayatapi kin iye tawacin kin eciyatanhan oħanye kta, qa ihduwankantu kta, qa taku wakan owasin iwankam tanka iŝicage kta; qa taku wakan ehna Wakan hince cin he taku wowinihan eciye kta, qa wocanteptanye yuŝtanpi kta hehanyan iyoopta ye kta; taku konzapi qon he ecen econpi kta nakaeŝ.

37 Qa iye atewicaya taku wakan tawapi kin he akta kte ŝni, winoħinca waŝtedakapi kin he nakun, qa taku wakan owasin akta kte ŝni: iye owasin iwan-kam tanka iŝicage kta nakaeŝ.

38 Tuka iye tohe kin en taku wakan conkaške suta yuhe cin he yuonihan kta: qa taku wakan wan iye atewicaye cin sdonyapi

ŝni qon he, mazaskazi on, qa mazaska on, qa inyan teħike on, qa taku waŝtedakapi kin on yuonihan kta.

39 Conkaške suta ħinca ohna taku wakan tokeca, iye kaħniŝe kte cin on hecen econ kta: wowan on icage kta; qa hena wicota en ounyekiye kta, qa wokamna on makoce kin pamni kta.

40 Unkan owihanke kin iyehan-tu, hehan itokaŝa wicaŝtayatapi kin he wacapa iyeye kta: Tuka waziyata wicaŝtayatapi kin he tate iymni wan iyececa, itkom hiyu kta, canpahmihma on, qa ŝuktanka akan yotankapi kin on, qa wita wata ota on: qa makoce kin hena en hiyu kta, qa apaŝboke kta, qa iyoopta iyaye kta.

41 Nakun makoce oiyokipi kin he en ye kta, qa makoce ota ihangyapi kta; tuka Edom, qa Moab, qa Ammon cinca tokapapi kin hena iye nape etanhan eiħda-kupi kta.

42 Nakun makoce kin hena ekta nape hduŝate kta: qa Egu-pta makoce kin eiħda ku kte ŝni.

43 Tuħa iye mazaskazi qa mazaska opiye kin on waŝake kta, qa Egupta en taku waŝtedakapi kin iyulpa yuhe kta: Unkan Lubin qa Kuŝ oyate kin hena iye owe kin en opapi kta ce.

44 Tuka wiyohiyanpa tanhan qa waziyatanhan woyakapi kin he inihanye kta: Heon etanhan woŝinhda tanka hduha waihangya ye kta, qa wicota ocowasin wicayutakuni kte ŝni.

45 Qa iye tawakeya tipi waŝteŝte iyececa kin hena mini otahe-dan ħe wakan oiyokipi kin en ekiħde kta: hececa eŝta iye ihangyapi kta, qa tuwedan okiye kte ŝni ce.

DANIEL TAWOWAPI KIN.

WICOWOYAKE .12.

1 Unkan hehantu hin Mikael, mdetahunka tanka nitaoyate cinca kin on inajin ecee kin he inajin kta. Unkan hehan wokakije anpetu kta, oyate yukán hetanhan qa anpetu kin he hehanyan tohinni hecece sni. Unkan hehantu hin nitaoyate kin ehdakupi kta, tona wowapi kin en owicawapi iyeyapi kin hena owasin.

2 Unkan maka mdu kin en istinmapi kin ota kiktapi kta, dena owihanke wanin wiconi ekta, qa hena is wowistece, wosicedake owihanke wanica ekta.

3 Unkan tona ksapapi kin hena okotonyan wiyatpa kin iyecen wiyatpapi kta, qa tona wicota wicayuowotanpi kin hena wicanhpi iyececapapi kta, ohinniyan qa owihanke wanica.

4 Tuka niye, Daniel, wicoie kin nakitaka wo, qa wowapi kin apuspa wo, owihanke iyehantu kta hehanyan. Wicota icipas inyankapi kta, qa wosdonye yuotapi kta ce.

5 Hehan Daniel miye ekta ewatonwan, unkan iho, nom toktokeca najinpi, wanji deciyatanhan wakpa kin icahda, qa unma kin is kakiyatanhan wakpa kin icahda.

6 Unkan wanji wicašta mini-huha ska koyake wakpa mini kin iwankam un kin he heciya; Taku wowinihan kin dena owihanke kta tohanyan kta he.

7 Unkan wicašta minihuha ska

koyaka wakpa mini kin-iwankam un, nape etapa qa catka kin mahpiya ekta hdugate qa tuwe ohinniyan ni un cajeyan konza qehan hecen eya nawahon; Omaka qa omaka nonpa qa omaka hanke hehanyan kta; qa tohan oyate wakan towasake kin enanakiya iyeya yuŝtan kinhan, hehan dena iyulpa yuecetupi kta ce.

8 Unkan nawahon, tuka owakahnige sni: Hehan hepa; Itancan mitawa, dena owihanke kte cin tukte e he.

9 Unkan heya; Daniel, ya wo: wicoie kin natakapi, qa owihanke kte cin hehanyan puspapi.

10 Wicota wicayutecapi kta, qa wicayuskapi kta, qa wicayuecepidan kta; tuka tona sicapi kin hena sicaya econpi kta: qa sicapi kin tuwedan okahnige kte sni; tuka ksapapi kin hena okahnigapi kta.

11 Unkan totanhan anpetu iyo-hi woŝnapi kin yutokan iyeyapi, qa wowahŝesni wayutakuni sni ece kin ehdepi kin hetanhan anpetu kektopawinge sanpa opawinge nonpa qa sanpa wikcemna napcinwanke kta.

12 Tuwe ape un, qa anpetu kektopawinge sanpa opawinge yamni, qa sanpa wikcemna yamni sanpa zaptan ehan i kinhan he yawaŝtepi ce.

13 Tuka niye ya wo, owihanke kin hehanyan. Niye oziniŝiye kta nakaes, qa anpetu ihanke kin ekta niowe kin ohna nayajin kta ce.

HOSEA.

WICOWOYAKE 1.

1 Uziah, Jotham, Ahaz qa Hezekiah, Juda wicaštayatapi kin taanpetu kin en, qa Jeroboam Joash cinhintku Israel wicaštayatapi taanpetu kin en, Jehowa oie Hosea Beeru cinhintku en hi kin he dee.

2 Jehowa oie Hosea etanhan tokaheya kin dee. Unkan Jehowa Hosea heciya; Ya wo, winohinca witkowinna wan yuza wo, qa wicacınca wawicihahapi etanhan: Jehowa icunonpa makoce kin wawicihahapi nina econ nakaes.

3 Hecen iyaye qa Gomer Diblaim cunwintku kin he yuza: unkan he ihdušake qa hoksidan wan kiciyuha.

4 Hehan Jehowa heciya; Jezreel eya caškiton wo; ehake cistiye-dan hehan Jezreel we kin on Jehu ti kin en wai kta, qa Israel tipi kin etanhan wokiconze kin ayuštawakiye kta nakaes:

5 Qa anpetu kin he en Jezreel kaksiza kin ohna Israel tinazipe kin mduwege kta ce.

6 Hehan ake ihdušake qa wicınca wan yuha. Unkan heciya; Lo-ruhama (onšidapi šni) eya caškiton wo: Detanhan icimana Israel tiyohnaka kin onšiwakida kte šni nakaes; tuka ocowasin yutokan iyewicawaye kta ce.

7 Tuka Juda tiyohnaka kin onšiwicawakida kta, qa Taku Wakan tawapi Jehowa hee on niwicawakiye kta; qa itazipe, qa

mazasagye, qa okicize, qa šuktanka, qa šunka wakan akan yotankapi kin on niwicawakiye kte šni ce.

8 Unkan Loruhamu wanna azin ayuštankiya, hehan ihdušaka qa hoksidan wan yuha.

9 Hehan Wakantanka heya; Lo-ami (mitaoyate šni) eya caškiton wo: Oyate mitawa kin he niyepi šni nakaes, qa nakun tawamayayapi kte šni ce.

10 Hececa ešta Israel cinca wicayawapi kin he miniwanca wiyaka iyutepica šni qa yawapica šni kin iyecece kta. Unkan kaketu kte, tukten, Mitaoyate kin niyepi šni ce, ewicakiyapi qon, hen, Wakantanka ni un cinca kin, ewicakiyapi kta.

11 Hehan Juda cinca qa Israel cinca kin yuwitayapi kta; unkan wicašta itancan wanjidan hda-hnigapi kta; qa makoce kin etanhan upi kta; Jezreel taanpetu kin he tanka kta nakaes.

WICOWOYAKE 2.

1 Nihunkawanjipi Ami, qa nitawinohtinpi Ruhama, hewicakiya po:

2 Cekiya po, inayayapi kin ce-kiya po: he qe winohinca mitawa kin ee šni, qa nakun wicašta tawa kin he miye šni: heon etanhan witkowinna ohanye cin hena iye išta kin etanhan, qa wawicihahapi econ kin iye aze otahedan tanhan elpekiye kta:

3 Okinni heyake yušdogwakiye kta, qa anpetu en tonpi qon iye-

HOSEA,

cen ewahnake kta, qa hewoskan-tu wan iyececa wakage kta, qa makoce puza wan iyececa ewahde kta, qa ipuzapi on tewakiye kta:

4 Qa iye cinca kin hena onsi-wicawakida kte sni; hena wawicihahapi cinca kin heca nakaes.

5 Hunkupi kin he wawicihahapi econ ece: tuwe wicayuhe cin he wawistenya ohanyan: Wasitemadakapi kin hena wicihakam mde kta ce, hena aguyapi mitawa, qa mini mitawa, tahinca hin mitawa qa hahonta mitawa, wihdi mitawa qa minisa mitawa maqupi ece, eya nakaes.

6 Heon etanhan iho, canpepe kin on nitacanku kin aonawata-ke kta, qa acanwakaške kta, hecen canku tawa qon hena iyekiye kte sni.

7 Qa wastekidapi kin hena nina kuwa awicaye kta, tuka ewicakihdege kte sni; qa owicade kta, tuka iyewicaye kte sni. Hehan heye kta; Mde qa wicasta tokahya mduhe cigon he ekta wahde kta; hektam tanyan waun qon dehan iyecece sni nakaes.

8 He miye wamnaheza, qa wihdi minisa kici waqu, qa mazaska mazaskazi ko weciyuota he sdonkiye sni; hena Baal qupi ece.

9 Heon etanhan wahdiyaku kta, qa iyehantu kinhan wamnaheza mitawa ewehdaku kta, qa minisa mitawa tohan iyehantu kinhan, qa tahinca hin mitawa hahonta ko, on tancodan ahdahpe kta tuka qon hena ake iwekcu kta.

10 Qa wanna wastedakapi istapi itokam tawowistece kin mdu-tanin kta; unkan tuwedan minape etanhan eyaku kte sni.

11 Nakun tawowiyuskin kin ocowasin ayustan wakiye kta,

wohanpi anpetu tawa, wi teca tawa, anpetu wakan tawa, qa omniciye wakan tawa kin iyu-hpa.

12 Qa hastanhanka iyuwi tawa, qa witanсна hu tawa, on, Wastemakidapi iyunwin maqupi kin dena ee ce, eye cigon, hena ihangwaye kta: unkan hena otehi wakage kta, qa tinta woteca kin hena yutapi kta.

13 Qa Baalim taanpetu kin hena on iyopewaye kta, he ehan wizice izinwicakiya, qa oinpi wana-pin ko on ihduwaste, qa wastekidapi qon wicihakam iyaya, qa miye amiktonja ce, Jehowa eya.

14 Heon etanhan iho wo, miye wicadawakiye kta, qa hopuza en awai kta, qa cante ekta owakiye kta.

15 Qa hetanhan hastanhanka ojupi kin wecu kta, qa Akor kaksiza kin he wowacinye tiyopa kta. Hehan anpetu en wikoška qon iyececa hen dowanwan kta, qa anpetu Egipta makoce kin etanhan hinanpe cigon he iyececa.

16 Unkan anpetu kin he en, Isi (wicasta mitawa) emayakiye kta, qa icimana Baali (itancan mitawa) emayakiye kte sni ce, Jehowa eya.

17 Baalim cajepi kin iye i kin etanhan emdaku kta nakaes, qa cajepi kin hena on icimana kiksuyapi kte sni.

18 Qa anpetu kin he en wicota-kuye wan wicawecicage kta, tinta woteca kin om, qa mahpiya okinyanpi kin om, qa maka asdohan unpi kin hena om: qa makoce kin etanhan itazipa, qa mazasagye, qa canhi kin hena mduwehwege kta; qa wikope-sniyan iwanke wicawaye kta ce.

19 Nakun owihanke wanica he-

WICOWOYAKE 4.

hanyan cihduze kta: han, wootanna en cihduze kta, qa woyaco en, qa wawacinkta yuzapi tanka en, qa wowaonsida en:

20 Han, wowicake en miye cihduze kta: unkan niye e Jehowa sdonyaye kta ce.

21 Unkan anpetu kin he en ketu kta, waamdupte kta, Jehowa eya; mahpiya kin amdupte kta; qa mahpiya kin he maka kin ayupte kta:

22 Qa maka kin aguyapi ayupte kta, qa minisa qa wihdi nakun; unkan hena e Jezreel ayupte kta.

23 Qa makoce kin en he omiciju kta: nakun Loruhama (onsidapi sni qon) he onsiwakida kta, qa Loami, (mitaoyate sni qon) hena, Mitaoyate, ewicawakiye kta; unkan hena e, Mita Wakan-tanka ce, eyapi kta.

WICOWOYAKE 3.

1 Hehan Jehowa hemakiya; Ake ya wo, winohinca wan takodaku wastekida, tuka witkowinna heca he wastedaka wo, Jehowa Israel cinca wastewicakidake cin iyececa; hena e taku wakan tokeca ekta etonwanpi, qa hastanhanka paskicapi kin wastedakapi ece.

2 Hecen mazaska akezaptan on wamdulipe, qa barle homer (wiyutapi) wanjidan, qa sanpa homer hanke on:

3 Qa miye hewakiya; Anpetu ota mici yaun kta, wawicihahapi ecanon kte sni, qa wicašta tokeca kici yaun kte sni: hecen mis cici waun kta ce.

4 Anpetu ota Israel cinca kin wicaštayatapi nicapi kta, qa wicašta itancan wanica, qa wošnap wanica, qa wakağapi wanica, qa ephod (maku akañpe) wanica, taku wakan kağapi koya.

5 He iyohakam Israel cinca kin hdicupi kta, qa Taku Wakan tawapi, Jehowa hee okidepi kta; qa Dawid wicaštayatapi tawapi qon: qa anpetu ehake kin en Jehowa qa iye Towašte kin kkipapi kta ce.

WICOWOYAKE 4.

1 Israel cinca, Jehowa oie kin nahon po: makoce en ounyanpi kin hena om Jehowa woakinica wan yuha; wowicake, qa wowaonsida, qa Wakantanka sdonyapi kin makoce kin ohna wanica nakaes.

2 Wayašicapi, qa itonpišni, qa tin wicaktepi, qa wamanonpi, qa wawicihahapi econpi kin hena on waihdusiçapi; qa we we icahtaka ece.

3 Heon etanhan makoce kin ceye kta, qa en ounyanpi kin otioyohi hanye kta, tinta woteca kin nakun, qa mahpiya okinyanpi kin hena koya; han, miniwanca hogan kin hena nakun ihangyapi kta.

4 Tuka wicašta tuwedan tuwe tokeca kici akinica kte sni, qa iyopeye kte sni: nitaoyate kin tona wawayušna kin kici akiniçapi kin iyeceçapi nakaes.

5 Heon etanhan anpetu kin en nihinhpaye kta, qa hanyetu en wicašta wokcan kin is nici hinhpaye kta, unkan nihun awihnni waye kta ce.

6 Mitaoyate wosdonye codan unpi kin on awihnnunipi: Niye wosdonye ayakta sni, heon wawayušna mici yaun kin etanhan ehpeciye kta: Taku Wakan nitawa toope kin ayektonja, heon etanhan mis eya nicinca kin awektonje kta ce.

7 Wicayuotapi kin he iyecen wamakihitanipi ecee: towitanpi

HOSEA,

kin he wowištece wicawecicage kta.

8 Mitaoyate wahtanipi kin hena temya iyeyapi; qa taku sica econpi kin cante ekta yeyapi ece.

9 Heon etanhan oyate token un kin is wawayusna kin iyecece kta: qa iye tacankupi ohna kakiswicawaye kta, qa taku econpi kin on wicawecicajuju kta ce.

10 Hena wotapi kta, tuka imnanpi kte sni: wiinahmanpi econpi kta tuka he on ihduotapi kte sni: Jehowa ohodapi kta he ayustanpi nakaes.

11 Wiinahmanpi, qa minisa, qa minisa teca, hena wicacante manonpi ece.

12 Mitaoyate can okikjupi kin he wiwangapi, qa cansagye tawapi kin he wowicakiciyaka ece: wiinahmanpi oniya kin he nuniwicakiya nakaes, qa Taku Wakan tawapi kin etanhan wawicihalapi iyayapi.

13 He ipa kin akan wawayusnapi ece, qa paha kin akan wizice iziteyapi, utuhu can, qa waga can, qa wazi can ihukukuya, ohanzi kin waste nakaes: Heon etanhan nicunksipi inahmanpi kta, qa takoswicayayapi kin wawicihalapi econpi kta.

14 Nicunksipi inahmanpi kinhan wicawakaštate kte sni, qa takoswicayayapi wawicihalapi econpi kinhan: iyepi qaes wiinahmanpi kin om iyayapi, qa witkowinpi kin om wawayusnapi ece: heon etanhan oyate okalnige sni kin he awihnnuni kta.

15 Niye, Israel, wawicihalapi ecanon qeyas, ihnuhan Juda wahtani kinhan: nakun niye Gilgal en upi sni po, qa Beth-aven ekta yapi sni miye, qa, Jehowa ni un ce, eya iconzapi sni po.

16 Pte heyuktanna wawakipajin kin he iyecen Israel wawa-

kipajin ece: Tuka wanna owanka tanka ohna tacinca wan iyececa Jehowa wihanwicakiye kta ce.

17 Ephraim wakagapi en ihdaska: ito ayustan wo.

18 Wayatkanpi kin he sica: wawicihalapi nina econpi ece: wicasta itancan tawa kin hena wastedapi, wowištece wastedakapi.

19 Tate kin he iye tahupahu en opahta; hecen tawosnapi kin on istecapi kta tuka.

WICOWOYAKE 5.

1 Wawayusna yaunpi, de nahon po; qa Israel tiyohnaka, anagoptan yanka po; qa wicastayatapi tiyohnaka, niye nahon miye; woyaco niyepi en niupi, Mizpah akan mazahtakiyapi yaunpi, qa Tabor en on-hmunkapi akahpapi kin henicapi nakaes.

2 Unkan wicaktepi kta on woahitani temahentuya econpi; tuka miye hena iyuhpa iyopewicawaye ece.

3 Miye qe Ephraim sdonwaya, qa Israel miye etanhan uacilibe sni: Ephraim, niye qe wanna wiinayahman, Israel ihdusapa nakaes.

4 Taku Wakan tawapi kin ekta ihduhomnapi kta e wicohan econ wacinpi sni: wawicihalapi econpi oniya kin he wicacokaya un, qa Jehowa sdonyapi sni nakaes.

5 Unkan Israel towahaniida kin iye ite kin en ihdutanin: heon etanhan Israel qa Ephraim iye wahtanipi kin en hdihpayapi kta, qa Juda nakun om hinhpaye kta.

6 Tahin wanunyanpi tatanka ko hduha Jehowa okide yapi kta, tuka iyeyapi kte sni; iye qe hena ehpeya iwicayaya.

WICOWOYAKE 6.

7 Jehowā en hnayan olianyanpi ece; cinca tokeca icaliwicayapi nakaes: wanna wi teca kin he awihnuniwicaye kta, taku tawapi koya.

8 Gibeah en cotanka kin yajopo, mazayahotonpi tanka kin Rama entu: Beth-aven ekta sica-howaya miye, Benjamin, niye nihakamtu ce.

9 Woiyopeye anpetu kin en Ephraim otiwota wanke kta. Israel wicowazipi kin ehna taku awicakapi kte cin he mdaotanin.

10 Juda itancanpi kin hena maga icagopi yutokanpi kin iyececapi: mitocanniye kin mini iyecen awicawakaŝtan kta.

11 Ephraim tehiya kuwapi, woyaco on kaŝuŝujapi, taku econŝipi kin he iyokipiya opa nakaes.

12 Heon etanhan miye Ephraim en wamduŝkadan wayapota iye-maceca, qa Juda tiyohnaka kin en woyukuke hemaca kta.

13 Ephraim iye towayazan kin wanhdaka, qa Juda opakihte wanhdaka qehan, Ephraim Aŝur ekta iyaya, qa Jareb wicaŝtaya-tapi kin ekta ye wicaŝi: tuka he qe asniniyanpi okihi ŝni, qa opanicihte kin okiziyan okitpani.

14 Heon miŝ miye Ephraim en mnaja iyemacece kta, qa Juda tiyohnaka en mnaja koŝka hema-ca kta; miŝ miye hinca mdapot-pota qa imdamde kta; miye tokan emdamde kta, qa tuwedan ehdaku kte ŝni.

15 Miye mde kta, mitowanka kin ekta wahde kta, kakiŝwicayapi qa miite akitapi kte cin hehanyan: iye tokakijapi kin en kohanna omadepi kta nakaes.

WICOWOYAKE 6.

1 Kuwa miye, Jehowa ekta unhdapi kta: iye wayaŝpuŝpu, tuka

ake okiziunyanpi kta; iye unkaŝtakapi, tuka ake paunhtapi kta nakaes.

2 Anpetu nonpa iyohakam niunkiyapi kta: anpetu iyamni en najin unkiyapi kta, unkan iye itokam unnipi kta.

3 Hehan wasdonunyanpi kta, Jehowa sdonya unkuwapi kta: iye oenape kin he anpao kin iye-cen wiyeya yanka: unkan magaju iyecen en unkupi kta, ehake magaju maka bospaya ece kin iyececa.

4 Ephraim, taku ecacicon kta he: Juda, taku ecacicon kta he: nitowaŝtepi kin he hanhanna amahiya kin iyececa nakaes, qa cu kohanna tanin ŝni iyaye cin he iyececa.

5 Heon etanhan wicaŝta wokcan kin on bawicawaŝpaŝpa; mii oie kin on hena wicawakte. Unkan woyaco nitawa kin hena iyoyanpa hinanpe cin iyececa ce.

6 Wowaonŝida he waŝtewadaka, qa woŝnapi ce ŝni; qa Wakantanka sdonyapi kin he woŝnapi huŝnahiyapi kin icanpa.

7 Tuka hena e, Adam iyecen, wicotakuye kin awalitanipi; hen wahnayan omakihanyanpi ece.

8 Gilead otonwe tona woahitani econpi sa kin he tawapi; wicawe on nakiŝapapi.

9 Wamanon sa wicota wicaŝta wan iyapepi kin he iyecen wayuŝna okodakiciye kin Ŝekem ekta canku iyahde ohna tin wicaktepi ece: hena wikikŝanpi nakaes.

10 Israel tipi kin en taku wonihinciye wanmdaka: Ephraim wiinahman kin hen yanka, Israel ihduŝapapi.

11 Nakun, Juda, iye womnayan wan niciyuŝtan, tohan mitaoyate wayaka unpi hdicuwicawakiye cinhan.

HOSEA,

WICOWOYAKE 7.

1 Israel okiziwaya icunhan Ephraim tawoalitani qa Šamaria taku šica econ kin hena tanin: woi-tonšni econpi nakaes: qa nakun wamanon sa kin he en u kta, waboticapi kin hena tankan wawicakipi ece.

2 Unkan taku šica econpi kin iyuhpa miye weksuya ecee he cante mahen awacinpi šni: tuka iye ohanpi kin hena aohdutewicakiya; hena miite itokam yan-ka.

3 Šicaya econpi kin on wicaštayatapi kin iyuškinkiyapi ece, qa iye itonpišni kin on wicašta itancanpi kin iyuškinpi.

4 Hena owasin wiinahmanpi ece, wašpanyan wan mazaoceti ohna ceti eca, aguyapi pažinza kin he napogan šni hehanyan sanpa kanya ayušan kte cin he iyececa.

5 Wicaštayatapi unkitawapi taanpetu kin en, wicašta itancanpi kin miniša kanyapi on wawazanka icicağapi: iye wawihahapi kin om nape hduğata.

6 Wawiyape unpi icunhan, mazaoceti wan iyecen cante ikiyed- dan ukiyapi nakaes: hanyetu osan wašpanyan tawapi kin iština; hanhanna eca peta itkon iyecen ide ece.

7 Hena iyuhpa katapi, mazao- ceti wan iyececa, qa wayaco tem- wicakiyapi: wicaštayatapi ta- wapi kin owasin hinlpayapi; hena etanhan tuwedan hoyema- kiye šni.

8 Ephraim oyate kin ehna icica- hiičiya: Ephraim aguyapi kağapi yuptyanyanpi šni kin heca.

9 Towasake kin he oyate toke- ca temkiciyapi, tuka iye sdonki- ye šni: han, tuktektan pa hin skaska en un tuka sdonkiye šni.

10 Nakun Israel towahaničida kin iye ite kin en oihdake: Tuka dena owasin on etanhan Jeho- wa Taku Wakan tawapi kin en ihdoyapi šni, qa okidepi šni ece.

11 Nakun Ephraim tinwakiye- dan witkotkoka wan iyececa, cante nica: Egupta hoyekiyapi, Ašur ekta yapi ece.

12 Tohan yapi kinhan on-hmun- kapi mitawa awicawakalpe kta: mahpiya okinyanpi kin iyececa kun ehpewicawaye kta: iye to- mnickiye nahonpi kin he iyecen wicawakaštake kta ce.

13 Wotehi wicakiciyanka nun- we, hena namicijicapi nakaes: woyutakuni šni wicakiciun nun- we, wamicihnanipi heonetanhan: hena opewicawakiton qeyaš oi- matonpišni ece.

14 Qa iye towinjapi akan šica- howayapi ešta, cante on hoye- makiyapi šni: aguyapi qa mini- ša immiciyapi, miye makipajinpi ece.

15 Nakun miye wahokonwica- wakiya on isto wicaweciyuwa- šaka ešta šicaya wacinnakiyu- zapi ece.

16 Hdicupi ešta Iyotan Wankan un kin ekta šni: itazipa wahna- ye sa wan iyececap: wicašta itancan wicayuhapi kin hena mazasagye on hinlpayapi kta, iye ceji wayašicapi kin on etan- han: Decen Egupta makoce kin ohna wawihahawicayapi kta ce.

WICOWOYAKE 8.

1 Nii kin en mazayahotonpi:— Wanmdi wan iyececa Jehowa ti kin takpe u kta, wicotakuye mi- tawa awahitanipi, qa mitoope kin kicaksapi nakaes.

2 Miye hoyemakiyapi kta; Mita Wakantanka sdonunniyanpi ce, Israel unkiyepi.

WICOWOYAKE 9.

3 Israel taku wašte kin dektaya: toka kin hena kuwa ayapi kta ce.

4 Wicaštayatapi ewicahnakapi, tuka miye etanhan šni; wicašta itancan wicakağapi, tuka sdonwaye šni: mazaska qa mazaskazi tawapi on wakağapi içicağapi, hecen ihangyapi kta.

5 Samaria, ptejicadan nitawa kin he wowalhtešni: mitocanniye kin aidewicakiyapi: tohanyan iyaonpepicašni kin iyohiyapi kte šni he.

6 He nakun Israel etanhan nakaes: mazakağa kin he kağa; heon etanhan he Taku Wakan kin ee šni: Tuka Samaria ptejicadan tawa kin he kaksaksapi un kta.

7 Hena tate ojupi, heon etanhan tateiyumni kin mnayanpi kta: hu yuke šni; camni uye cin he ağıyapi icalıye kte šni: taku aicağa ešta oyate tokeca napcapi kta.

8 Israel napca iyeyapi: wanna lkcewicašta wicehna unpi kta, ceğa wan oiyokipi wanice cin he iyececa.

9 Ašur ekta iyayapi nakaes, šonšonna wan ishana un kin iyececa: Ephraim waštedakapi kin heca opewicaton.

10 Tuka lkcewicašta kin ehna wiyopeiçiyapi ešta, wanna mnawicawaye kta, unkan wicašta itancanpi en wicaštayatapi yuhapi kin on cistiyedan iyokišiniçiyapi kta.

11 Ephraim walhani kta on owayušna ota kağa, heon etanhan owayušna kin hena walhani-kiya ecee kta.

12 Mitawoahope taku tanka kin hena on wowapi wecağa: tuka hena taku tokeca dakapi.

13 Wošna wamakiyušnapi, tado wayušnapi qa yutapi ece: Jeho-

wa iyowinwicakiye šni: Wanna taku šica econpi kin kiksuye kta, qa walhanipi kin on iyopewicaye kta: Egupta ekta icicawin yapi kta ce.

14 Israel Tuwe Icalıye cin he akiktonja nakaes, qa tipi tanka içicağa: Juda nakun otonwe acankaškapi kin hduota ece: Tuka otonwe tawa kin hena en peta yewaši kta, unkan tipi tanka kin hena ihangkiciye kta ce.

WICOWOYAKE 9.

1 Israel, oyate kin iyecen, woiyuškin on wiyuškin šni wo: nita Wakantanka ehpekiya wiinalıman idada, ağıyapi onapanpi otoiyohi ohna iyunwin wašteyadaka nakaes.

2 Onapanpi qa miniša onaskicapi kin hena wonwicayapi kte šni: qa ohna miniša teca kin he wohnaye kta.

3 Jehowa tamakoce kin en ounyanpi kte šni: tuka Ephraim Egupta ekta hde kta, qa Ašur ohna taku šapa yutapi kta.

4 Jehowa miniša okicaštanpi kte šni, qa nakun iyokipi yapi kte šni: tawošnapi kin hena oi-yokišica ağıyapi kin iyececa: tona etanhan yutapi kin owasin yušapapi kta: iye nağıpi on taaguyapi kin Jehowa ti kin en u kte šni nakaes.

5 Omniciye anpetu kin en, qa Jehowa tawošna anpetu kin en taku ecanonpi kta he.

6 Iho, hena woyutakunišni on iyayapi: Egupta mnawicaye kta, Memphis wicalıe kta: mazaska tawapi opiye wašte kin hašbe en un kta; tawakeyapi kin ohna can pepe yuke kta.

7 Wicakiciyawapi anpetu kin wanna hiyohi; iyopewicayapi anpetu kin wanna hi: Israel

HOSEA,

sdonye kta: Wicašta wokcan kin he witkotkoka; wicašta wakan kin is wacinhnuni, wayahtani ota kin on, qa wicotakunišni tanka kin on etanhan.

8 Ephraim mita Wakantanka akipe yanka: wicašta wokcan kin is iye tacanku owasin ohna wahmunke sa onhmunkapi tawa kin heca; iye taku wakan tawa ti kin ohna wicotakunišni heca.

9 Ošungye ihdušicapi, Gibeah taanpetu qon en iyececa: Taku šica econpi kin iye kiksuye kta, wahtanipi kin iye wicakiciyawa kta.

10 Hewotahedan hastanhanka iyage iyececa Israel iyewaya: witanšna hu kin akan tokaheya suton kin iyececa, nihunkakepi wanwicamdaka: Tuka Baal Peor ekta iyayapi, qa wowištece kin he en ihduwakanpi; qa iye waštedakapi kin iyececa wowahtešni yukankan.

11 Heon etanhan Ephraim towitanpi kin kinyan iyaye kta, zitkadan wan iyececa; tokaheya icage cin wanica, qa tamni etanhan, qa tonpi kin etanhan.

12 Han, cinca icaħwicakiyapi ešta cinca codan wicawakage kta, wicašta wanice kta: han, tohan ehpewicawaye cinhan wotehi wicakiciyanke kta.

13 Turos wanmdake ciquon iyececen Ephraim makoce wašte en ojupi: Tuka tin wicakte kin ekta Ephraim cinca hiyuwicakiye kta.

14 Jehowa, wawicaqu wo: Taku e wicayaqu kta he: Tamni hokšin yuhe šni kin he wicaqu wo, qa nakun aze asanpi wanica.

15 Wicoħan šica tawapi kin iyulpa Gilgal en un: hen šicewicawakidaka nakaeš: Taku šica econpi kin on wati kin etanhan napewicawaye kta; icimana

waštwicawadake kte šni: wicašta itancan tawapi iyulpa wawakipajinpi.

16 Ephraim kaštakapi, hutkan tawa kin šeca aya; waskuyeca takudan icaħyapi kte šni: Han, cinca yuhapi ešta, tamnipi etanhan tona waštedakapi kin hena wicawakte kta ce.

17 Wakantanka mitawa anağoptaupi šni, heon etanhan iye ehpewicaye kta: Unkan oyate kin ehnahna onuni unpi kta ce.

WICOWOYAKE 10.

1 Israel hastanhanka hu tankaya icage cin heca; iye on waskuyeca icaħiciya ece: tawaswuyeca ota kin he iyececen owayušna icicaga; makoce tawa wašte kin he iyececen wakağapi bağopi ece.

2 Cantepi jagjata; wanna kakišyapi kta: Owayušna tawapi kin hena iye pajuju kta, wakağapi tawapi kin hena iħangye kta ce.

3 Wanna heyapi kta; Jehowa kounkipapi šni, heon wicaštayatapi unnicapi; hecen wicaštayatapi wan taku ecaunkiconpi kta he.

4 Wicoie eyapi, wicotakuye kağapi kin en itonšni icicagapi; heon etanhan woyaco uye, mağa ocanku ohnahna wato šica kin he iyececa.

5 Samaria en ounyanpi kin Bethaven ptejicadan kin hena on kopəhdapi kta: hecen taoyate kin he aceye kta, qa wawayušna on wiyuškinpi qon hena nakun, towitan kin on, wanna ayušan nakaeš.

6 He nakun Ašur ekta ayapi kta, Jareb wicaštayatapi kin qupi kta. Ephraim wowištece icu kta, qa Israel iye tawowahokonkiye kin on ištece kta ce.

WICOWOYAKE 11.

7 Samaria wicaštayatapi tawa kin he atakunišni, mini akan can-okahpaŋpa wan iyececa.

8 Nakun Aven pajodan, Israel tawoahtani qon, hena ihangyapi kta: Owayušna tawapi kin akan wapepeka qa toka hu uye kta: Hehan he kin, Unkakahpa miye, eciyapi kta; qa, Unkahinhpaya po, paha kin eciyapi kta.

9 Israel, Gibeah taanpetu kin hetanhan wayahtani ece. Hen inajinpi: Gibeah en woahtani cinca kin om okicize kin he ewicakihdege šni.

10 Iyopewicawaye kta cante mduza: unkan oyate kin takpewicayapi kta, tohan wahtanipi nom on ihdaškapi kinhan.

11 Nakun Ephraim pteheyuktanna kaonspepi, wanapan waštédake cin heca: tuka miye qe tahu wašte kin akan imdamda. Ephraim en ikoyagwaye kta: Juda womdu kta; Jakob mağa kiciyuhinhe kta ce.

12 Woowotanna on okikju po, wowaonšida eciyatanhan wamnayan po: mahteca hdumdu po: Jehowa hi kta, qa woowotanna amagaju niciyapi kta hehanyan wanna akitapi kta iyehantu nakaeš.

13 Wošice idumdupi, woahtani mnayakiyapi; woi-tonšni waskuyeca kin yatapi ece: Nitacanku kin he, wicašta wašaka ota nitawa kin hena e wacinyakiya nakaeš.

14 Heon etanhan nitaoyate kin en owodutaton wan icage kta, qa conkaške nitawa iyulpa yujupupi kta, okicize anpetu kin en Šalman Beth-arbel ihangye ciquon iyececa; winohinca iye cinca kin akan ihangyapi qehan.

15 He iyecen Bethel ecaniconpi kta, wicohan šica nitawapi šice hince cin hena etanhan, hanhan-

na kinhan, Israel wicaštayatapi kin ocowasin kašpapi kta ce.

WICOWOYAKE 11.

1 Israel hokšiyooqopa qehan waštewakidaka, qa micinkši Egipta etanhan weco.

2 Hena wicakicopi, tuka ehpeya iwicayayapi: Baalim wakiyušnapi, qa wakağapi bağopi kin en wizice izinkiyapi ece.

3 Nakun miye Ephraim, isto en wicamduze, mani wakiya: tuka he miye e okiziwicawakiya sdon-yapi šni.

4 Wicašta taikan kin on wicamdutitan, wowaštédake icaške kin on. Unkan tona cannapinpi kin tahu etanhan eyakupi kin iyececa madakapi, unkan woyute ewicawecihnaka.

5 He qe Egipta makoce kin ekta hde kte šni, tuka Ašur wicaštayatapi kin yuhe kta; hdicupi kta wicadapi šni nakaeš.

6 Hehan iye totonwe kin hena en mazasagye kin hiyu kta, qa taakicita tancan kin ihangwicaye kta, qa temye kta, iye wahokonkiciyapi kin on etanhan.

7 Nakun mitaoyate ehpemayanpi kta on nina litanipi ece: Hena Iyotan Wankan un kin ekta wicakicopi keš, tuwedan yuonihan kte šni.

8 Ephraim, token ehpeciye kta he; Israel, token cikpağan kta he; token Adma iyecen ecihnake kta, Zeboim iyecen ecihde kta he: micante mahen ihduhomni, mitocantekiye kin okonwanjidan kaničiya.

9 Wocanteptanye mitawa ide-wakiye kte šni; Ephraim ihangwaye kta on waku kte šni; Wakan tanka he miye nakaeš, qa wicašta hemaca šni; Taku Wakan Wanji nicokayapi un kin: heon

HOSEA.

wocanteptanye yuha hibu kte
śni.

10 Jehowa ihakam manipi kta :
iye qe mnaja iyecen hoton kta :
tohan ho hdatanin kinhan, hehan
miniwanca kin etanhan wicacin-
ca kin cancanyan upi kta.

11 Zitkadan waniyececa Egipta
etanhan cancanyan upi kta, qa
tinwakiyedan wan iyecen Ašur
makoce kin etanhan. Unkan mi-
ye hena tipi tawapi kin en ewi-
cawehnake kta, Jehowa eya.

12 Ephraim woitonśni on oho-
mni imayaya, qa Israel tiyohna-
ka kin wohnaye on : Tuka Juda
hinyahin Wakantanka kici itan-
canyan un, qa tona owotanna kin
om wacinyepica un.

WICOWOYAKE 12.

1 Ephraim tate kin yun un, qa
wiyohiyanpata tate kin kuwa
aya : anpetu owasin woitonśni
woihangye ko hduota ece : Na-
kun Ašur kici wicotakuye wan
kağapi kta, hecen Egipta ekta
wihdi ayapi.

2 Nakun Jehowa Juda kici woa-
kinica yuha, qa Jakob iye tacan-
ku kin iyecen en au kta ; taku
econ kin he iyecen ecakicon kta.

3 He qe tamni en cinyeku siye-
te en yuza, qa iye towaśake on
Wakantanka kici econ.

4 Han, tuwe ušipi kin he kici
econ qa ohiya : ceya qa cekiya :
Bethel en iyeye ciqon, unkan hen
wounkiyakapi :

5 Heon Jehowa Taku Wakan
ozuye yuhe cin hee ; wokiksuye
tawa kin he Jehowa ee ce.

6 Heon etanhan niye Taku
Wakan nitawa ekta ihduhomni
wo ; wowaonśida qa woyaco
kpatan wo ; qa nita Wakantanka
ohinniyan akipe un wo.

7 Wopeton kin heca, on-aspeye-

tonpi itonśni kin nape ohna yan-
ka : wakakiśya waśtedaka ece.

8 Tuka Ephraim heya ; Awica-
kehan wijica imacağa ; wowiji-
ce mihdamna : wicohan mitawa
owasin miye en taku śica woa-
htani iyececa takudan iyeyapi
kte śni ce, eya.

9 Tuka miye, Jehowa nita Wa-
kantanka Egipta makoce kin
etanhan he miye ; ake wakeya
ohna ounyeciye kta, omniciye
anpetu qon en iyececa.

10 Nakun wicaśta wokcan kin
hena om wowahdaka : qa miye
wowanyake kin mduota, qa waa-
yate nape kin eciyatanhan wi-
mdacin ece.

11 Iho, Gilead woahhtani heca :
awicakehan hena itonpiśni : Gil-
gal en tatanka wayuśnapi : han,
owayuśna tawapi kin hena mağa
ocankuye ohna maħpajo kin iye-
ceca.

12 Unkan Jakob Aram makoce
kin ekta najica iyaya, qa wino-
hinca wan on Israel wowidagi-
ciya ; han, winohinca on wawi-
hankiya.

13 Nakun wicaśta wokcan wan
on Jehowa Israel Egipta etan-
han hinanpe wicaya, qa wicaśta
wokcan on iye awanyakapi ece.

14 Ephraim nina ĩin śinhdaki-
ya : Heon etanhan Itancan tawa
kin he iye we kin en ekicihnake
kta, qa toiyopeye ciqon he iye
en hdicuye kta ce.

WICOWOYAKE 13.

1 Ephraim kokipeyahan ie ce-
han, Israel ehna wankan ihdo-
hda ; tuka Baal en wahtani, he-
han řa.

2 Unkan nakaha hena sanpa
nina wahtanipi, qa wakağapi ūdo-
yapi kin heca mazaska on icica-
ğapi, wakağapi iye towiyukcan

WICOWOYAKE 14.

kin eciyatanhan, mazakağa he ocowasin kaga ece. Hena on heyapi; Wicašta wayuśnapi ece kin hena ptejicadan kin iiputakapi kta ce.

3 Heon etanhan hena hanhanna amalhiya kin iyececapı kta, qa cu kohanna tanin śni kin iyececa, aguyapi ha owanka etanhan tate iyumni kaľibog iyeye cin iyececa, qa śota oceti etanhan kin he iyececa.

4 Hececa ešta Jehowa nita Wakantanka, Egipta makoce kin etanhan, he miye, qa micunonpata taku wakan sdonyaye kte śni: micunonpa Wanikiya wanica nakaeś.

5 Hewoskantu miye sdonciye ciqon, makoce puze ģinca ohna.

6 Wiľanpi kin eciyatanhan he iyecen wipipi qon: wipipi qa cante wankan yeiċiyapi; heon etanhan amiktonjapi ece.

7 Heon mnaja wan iyececa wicawecica kta; inmuľota tanka wan iyececa canku ohna waawakite kta:

8 Waľanksica cinca ekiciyakupi kin iyecen itkowicawakipe kta, qa cante oġepi kin wicawakiyuľdece kta; qa hen mnaja iyecen temwicawaye kta: wamanica kin wicayuľdeľidece kta ce.

9 Israel, niye niľdutakuni śni, tuka waoniciyapi kin he miye en un.

10 Wicaštayatapi nitawa kin wanna tukte e he; hecen nitotonwe owasin ohna niniye kta; qa wayaco nitawa tukte epi, on, Wicaštayatapi qa wicašta itancan kin heca maqu wo, eha.

11 Mitocanniye en wicaštayatapi wan ciċu; mitošinhda en ewehdaku.

12 Ephraim taku śica econ kin

he palitapi; woalıtani tawa kin he kihnakapi.

13 Winolinca hokśiksuya wayazanhda kin hena en au kta: hokśidan ksape śni kin heca; hecece śni kinhan hokśiyoqopa oyuľdecapı kin en eiċihnake kte śni tuka.

14 Hades nape etanhan ewicawehdaku kta; wiconċe etanhan opewicawakiton kta: Wiconċe, woihangye nitawa kin tukte e he; Hades, woiyalıpeye nitawa tukte e he: Woiyopeiċiye kin mišta etanhan analımanpi kta ce.

15 Iye hunkawanjitku kin ehna waskuyeca icalıya qeyaś, wiyoĥiyanpata tate wan uye kta, Jehowa tate tawa ģewoskan tanhan u kta; qa tamniyowe kin kapuza kta; unkan miniľdoka tawa kin pus aye kta: Wakśica wašte ģinca owasin ohna wakiľnakapi kin hena awiľnuniye kta.

16 Samaria kakiśyapi kta; Taku Wakan tawa kin kipajin nakaeś: Hena mazasagye on ģinľpayapi kta, hokśiyoqopa tawapi wicakaluľuġapi kta, qa winolinca ihduśakapi tawapi kin hena bawicamdazapi kta ce.

WICOWOYAKE 14.

1 Israel, Jehowa nita Wakan-tanka ekta iľdoku wo; wayalıtani kin on niľinľpayana nakaeś.

2 Wicoie icu miye, qa Jehowa en hdi po: heciya po; Wicoľan śica owasin yutokan iyeya wo, qa tanyan iyowinunkiya miye, kinhan unkiľapi tawośna kin unniċupi kta ce.

3 Aśur niunkiyapi kte śni: śuktanka akan unkiyotankapi kte śni: qa detanhan icimana unnapipi taku kage cin, Taku wakan unkitawapi, keunkiyapi kte śni:

JOEL,

niye etanhan wamdenica onsiwicadapi ecee nakaes.

4 Hekta ihduhomnipi qon he miye okiziwicaweciciye kta, qa iyakicuya cantewicawakiye kta: mitocanniye kin he iye etanhan yuhomnipi nakaes.

5 Miye Israel en cu kin iyemacece kta: iye mnaheca kin iyecen namdaqa kta, qa hutkan icage kta, Lebanon iyececa.

6 Acincaton kin hena tankaya icage kta, qa toiyokipi kin he wihdi can kin iyecece kta, qa omnanpi kin Lebanon iyecece kta.

7 Tona ohanzi tawa ihukuya iyotankapi kin hena hdicupi kta,

woicage kin iyecen kinipi kta, qa hastanhanka hu kin iyecen icagapi kta: hena omnanpi kin Lebanon minisa kin iyecece kta.

8 Ephraim heye kta; Detanhan wakaqapi kin kici taku micica he: Miye amdupte, qa ihawakta kta: Wazi can toto kin he iye-maceca ce: Miye etanhan waskuyeca nitawa iyeyapi ece.

9 Tuwe ksapa he, kinhan dena okalinige kta; tuwe wasdonya he, kinhan dena sdonye kta: Jehowa tacanku kin hena owotan-na nakaes, qa tona owotanpidan kin hena ohna manipi kta: tuka wawakipajinpi kin hena he ohna hicanhanpi kta ce.

JOEL.

WICOWOYAKE 1.

1 Jehowa oie Joel Pethuel cinhintku en hi qon he dee.

2 Wicahincapi, de nahon po, qa makoce en ounyayapi owasin anagoptan miye. De anpetu nitawapi kin en, qa is niyatepi anpetu tawapi kin en hecetu he.

3 Nicincapi kin hena he owicakiyaka po, qa nicincapi kin is iye cincapi kin, qa iye cincapi kin wicoicage tokeca owicakiyakapi kta.

4 Wamduskadan taku oyapte cin he psipsicadan temya; qa psipsicadan taku oyapte cin he psipsica cinca temya; qa psipsica cinca kin taku oyapte cin he psipsica tanka kin temya ece.

5 Witkopi sa, kikta po, qa ceya po; qa minisa datkanpi ecee kin iyuhpa, sicahowaya miye, minisa

teca kin on etanhan: niipi etanhan kawanicapi nakaes.

6 Oyate wan mitamakoce kin en u nakaes, wasake qa yawapica sni; hi kin hena mnaja hi kin heca, qa mnaja wiye hinske kin yuha.

7 Hastanhanka iyuwi kin ihangmakiya, qa witanisna hu mitawa kin micaksa; ocowasin ha kahu qa elipeya: adetka tawa kin hena kasansanpi.

8 Witanisna wan wikoška ehan hihnaton kin on wakihdaka ipiyagkiton iyecen ceya ye.

9 Woyute wošnapi qa woyatkan wošnapi kin hena Jehowa ti kin etanhan kawanicapi; Jehowa taokiye wawayusna kin hena wasihdapi.

10 Maga kin ihangyapi, makoce kin wasihda; wojupi kin ihangyapi nakaes; minisa teca kin pus aya, wihdi kin wanica aya ece.

WICOWOYAKE 2.

11 Maḥyumdu yaunpi, ísteca po ; hastanhanka iyuwi kicanyan yaunpi, śicahowaya po, aguyapi qa barle icage cin on : maḡa oi-cage kin ihangyapi nakaes̄.

12 Hastanhanka iyuwi kin pus aya ; witanśna can kin śen aya ; taspantanka su ota, can bosdan he cin nakun, qa taspantanka can, maḡa can iyulpa śeca aya : wicaśta cinca kin en' wowiyuśkin śen aya nakaes̄.

13 Wawayuśna yaunpi, ipiyag-kitonpi qa ceya po ; owayuśna en wowidake yaunpi, śicahowaya miye ; u po, Wakantanka mitawa taokiye kin, hanyetu osan waki-hidaka in iwanka po : woyute wośnapi qa woyatke wośnapi kin Taku Wakan nitawapi ti kin ipi-dapi nakaes̄.

14 Woteśni unpi wan yawakan po, omniciye wakan wan kico po : hunkayapi, makoce en ounyanpi kin owasin Jehowa Wakantanka nitawapi ti kin en wicayuwitaya po, qa Jehowa hoyekiya miye :

15 Hehehe anpetu kin : Jehowa taanpetu kin kiyedan ihan, qa woihangye wan iyececa lyotan Waśake cin etanhan u kta.

16 Unkiśtapi itokam woyute kin kawanicapi śni he ; wowiyuśkin qa wopida Taku Wakan unkita-wapi ti kin etanhan.

17 Maḡa yuśpuśpupi kin ihuku-ya su ojupi kin ṭa : dotopiye kin ihangyapi, aguyapi su opiye kin yujujupi ; wojupi kin śniḡa nakaes̄.

18 Woteca kin comnihdazipi ; wanunyanpi optaye kin hotonton-pi, wiḡanpi takudan yuhapi śni heon : han, taḡinca wanunyanpi optaye kin sotapi.

19 Jehowa, niye houciye kta : tinta en wiḡanpi kin peta temya, qa maḡa can kin iyulpa ide kin huḡnaḡya nakaes̄.

20 Nakun maḡa wanunyanpi kin hoyeniciyapi : wakpa mini kin oyaḡe, qa tinta ekta wiḡanpi kin peta huḡnaḡa, heon etanhan.

WICOWOYAKE 2.

1 Zion en mazayahotonpi kin yajo po, qa paha wakan mitawa akan eyanpaha po : makoce en ounyanpi kin owasin cancanpi kte : Jehowa taanpetu kin u ce, wanna kiyedan ihan.

2 Otpaza anpetu qa woiyoki-śica, anpetu amaḡpiya qa maḡpi-ya śoka ; anpao he kin akamda-yapi iyececa ; oyate wan tanka qa waśaka : tohinni taku iyece-ca yuke śni, qa nakun ohakam wanice kta, wicoicage qa wicoi-cage waniyetu kin hehanyan.

3 Wicitokam peta wan watemya iyaya ; qa wicihakam ide wan itkonyan un : wicitokam makoce kin Eden wojupi qon iyececa, qa wicihakam hevoskan ehpeyapi ; han, okaptapi wanice kta.

4 Wanwicayakapi kin he śu-ktanka wanyakapi kin iyececa ; qa śuktanka akan yotankapi kin iyecen kiinyankapi kta.

5 Canpahmihma he pajodan akan ḡmunḡmunyan tanin kin he iyecen ipsicapi kta, peta ide peji huḡnaḡe cin ho kin iyececa, oyate waśaka wan kiciza wiyeya ehdepi kin iyececa.

6 Hena wicitokam oyate kin nina cante śicapi kta : wicaite iyulpa naśa aye kta.

7 Wicaśta waśakapi kin iyecen inyankapi kta ; ozuye wicaśta kin iyececa conkaśke adipi kta ; qa otoiyohi iye tacanku kin ohna-hna manipi kta, qa canku tawapi kin hdutokecapi kte śni.

8 Nakun wanjī takodaku kici paanawam iyekiciyapi kte śni ; otoiyohi iye tacanku kin ohna

JOEL,

yapi kta: qa mazasagye ahin-
hpayapi kinhan kicaksapi kte śni.

9 Otonwe kin ohna icicawin
kiinyankapi kta; conkaške kin
akan inyang yapi kta; tipi kin
iyadipi kta; owanyeye kin ohna
mahen yapi kta, wamanon sa wan
iyececa.

10 Hena itokam maka kin can-
can kta; mahpiya kin škanskan
kta: anpetu wi qa hanyetu wi
kin otpaza icu kta, qa wicanhpi
kin hena oiyege kin anaiçiptapi
kta.

11 Hehan Jehowa iye ozuye
tawa kin wicitokam ho hdatanin
kta; owanka tawa kin tanka
hinca nakaes: iye oie yueçetupi
kin wicota hinca: Jehowa taan-
petu kin tanka qa nina wowini-
han nakaes; qa tuwe en najin
okihi kta he.

12 Nakun heon etanhan, naka-
ha Jehowa hecen eya; Nicante-
pi ocowasin on en mahdiyaku
po; qa woteśni unpi on, qa ceya-
pi on, qa waśihdapi on:

13 Qa nicantepi hduhdehdeca
po, qa nitaşinapi ee śni; qa Je-
howa Taku Wakan nitawapi kin
ekta ihdohda po: Iye qe wacan-
tkiya, qa waonşida, qa tehan
canteptanye śni, qa waşte hinca,
qa taku şice cin on iyokişiniçiya
nakaes.

14 Tuwe sdonya he, okinni hdi-
cu kta, qa iyokişiniçiye kta, qa
ihektan woyawaşte wan ahie-
hpeye kta; Jehowa Wakantanka
nitawapi woyute wakiyuşnapi
wan, qa woyatkan woşnapi na-
kun.

15 Zion en mazayahotonpi tan-
ka kin yajo po; woteśni unpi
wan yawakan po; omniciye wa-
kan wan wicakico po:

16 Oyate kin wicayuwitaya po;
omniciye kin yuecepitan miye;
hunkayapi kin u wicaşi po; ho-

kşiyopa qa tona aze azinpi kin
hena mnawicaya po: wakan ta-
wicu ton kte cin he timahen tan-
han hinanpe kta, qa winyan yu-
zapi kin he iye ohehdepi tawa
kin etanhan:

17 Jehowa taokiye, wawayu-
şnapi kin hena, ohanzihdepi qa
owayuşna kin otahedan ceyapi
nunwe, qa heyapi kte; Jehowa,
nitaoyate onşikida wo, qa tona
nitawa kin wowiştenyapi kin en
wicaqu śni wo, Ikcewicašta wo-
widagwicayapi kta e heon: to-
keca oyate kin ehna, Taku Wa-
kan tawapi kin tukten un he,
eyapi kta he.

18 Hehan Jehowa iye tamakoce
kin on winawizi kta, qa taoyate
kin onşikida kta.

19 Han, Jehowa waayupte qa
taoyate hewicakiye kta; Iho,
wojupi, qa minişa, qa wihdi hiyu-
ciciyapi kta, unkan hena on ini-
mnanpi kta: qa ake icimana
Ikcewicašta ehna wowiştenyapi
cicağapi kte śni:

20 Tuka waziyata un kin he
nitehanyan ehpewaye kta, qa
makoce wan hewoskan qa hopu-
za ekta iyewaye kta; ite kin wi-
yohiyanpata mini tanka kin ekta-
kiya, qa unma ihanke kin wiyo-
hpeyata mini tanka etkakiya
wanke kta, qa iye şicamna kin
hiyu kta, qa omnapi şica etanhan
hiyu kta, taku tanka econ kin
heon etanhan.

21 Makoce, kopehda śni wo;
pida qa wiyuşkin wo: Jehowa
taku tanka econ kta heon etan-
han.

22 Tinta woteca, wikopapi śni
po; hewotahedan makoce kin
owihanpi icağa nakaes, can kin
waskuyeca aicağa nakaes, witan-
şna can qa hastanhanka iyuwi to-
wijice kin hiyuya ece.

23 Hecen Zion cinca, cante

WICOWOYAKE 3.

wašte po, qa Jehowa Taku Wakan nitawapi kin on wiyuſkin po; maġaju tokaheya kin he iwaſtedan niĉupi nakaeſ; qa nakun maġaju kin hiyuniciyapi kta, maġaju tokaheya qa maġaju eha-ke, wi tokaheya kin en.

24 Unkan onapanpi kin aġuyapi su ojudan kta, qa oyuſkicapi kin miniſa qa wihdi apaſboke kta.

25 Qa psipsicadan, wamduſkadan, qa psipsica cinca, qa psipsica tanka, ozuye tanka mitawa niyepi en hiyuwicawaye cin, waniyetu temyapi qon hena iyaki-hdeciciyapi kta.

26 Unkan wotapi en wayatapi kta, qa inimnanpi kta, qa Jehowa Taku Wakan nitawapi wowinihayan onicilihanyanpi kin he caje datanpi kta: unkan mitaoyate kin ohinniyan wiſtecapi kte ſni.

27 Qa Israel wicacokaya waun sdonyayapi kta; qa miye e Jehowa Wakantanka nitawapi, qa tuwedan tokeca ſni: unkan mitaoyate kin ohinniyan wiſtecapi kte ſni ce.

28 Unkan he iyohakam kaketu kta, Mitaniya kin wicaceġpi owasin awakaſtan kta; qa nicinkſipi qa nicunkſipi kin hena waayatapi kta, wicahinca nitawapi kin wowihanmna ilanmnapi kta, koſka nitawapi kin hena wowan-yake wanyakapi kta:

29 Qa nakun anpetu kin hena en, wicaſta taokiye qa winyan taokiye kin hena Mitaniya awicawakaſtan kta:

30 Qa mahpiya en qa maka kin akan wowapetokeca mdutanin kta, we, qa peta, qa ſota bosdata.

31 Anpetu wi kin he otpaza icage kta, qa hanyetu wi kin iſ we icage kta, Jehowa taanpetu tanka qa wowinihan kin hi ſni itokam.

32 Hehan kaketu kta, tuwe kaſta Jehowa caje kin hoyekiye cinhan ehdakupi kta: Zion Paha kin akan qa Jerusalem en woe-hdaku yuke kta nakaeſ, Jehowa eye ciqon iyececa, qa wookapte Jehowa wicakico kte cin hena en.

WICOWOYAKE 3.

1 Iho, anpetu kin hena en, qa he iyehantu kinhan, Juda qa Jerusalem wayaka unpi kin wahdoku kta;

2 Nakun oyate owasin wicamduwitaya kta, qa Jehoſaphat taomdaye kin ekta kun awicawau kta, qa hen wicamdaco kta, mitaoyate on, qa Israel tawawakiye cin on, hena oyate kin wicehna hna enanakiya iyewicayapi, qa mitamakoce kin kicipamnipi.

3 Nakun mitaoyate on oeconna econpi; qa hokſidan wan witkwinna on wicacupi, qa wicinyan na wan miniſa tokiyopekiyapi, yatkanpi kta heon.

4 Qa nakun Turos, qa Zidon, qa Palestina makoce opapun owasin, niye miye kici taku unki-cicapi he: niye miyecicajujupi kta he: qa miyecicajujupi kinhan, kohanna oġankoya wokajuju nitawapi nipapi kin en ihdoyeciciyapi kta:

5 Mazaska mitawa, qa mazaſkazi mitawa iyacupi, qa taku oiyokipi wašte mitawa kin hena tipi wakan nitawapi kin en adapi nakaeſ:

6 Nakun Juda cinca, qa Jerusalem cinca kin hena Javan cinca kin ekta wiyopewicayayapi, iye tamakoce kin itehan iyewicayayapi kta e heon.

7 Heon etanhan iho, tukten wiyopewicayayapi kin hetanhan

JOEL.

hiyuwicawaye kta, qa wokajuju nitawapi niye nipapi kin en ihdo-yeciciyapi kta.

8 Nakun nicinkási pi qa nicunkási pi kin Juda cinca napepi kin en wiyopewicawaye kta; qa is ito Šeba wicašta, oyate wan tehan unpi kin ekta wiyopewicayapi kta; Jehowa hecen eya nakaes.

9 Ikcewicašta kin ehna hna decen eyanpaha po; Wipe hduwakan po; wicašta wašakapi wicayuhica po; okicize wicašta owasin kiyedan hiyupi kta; upi kta.

10 Mañiyumdu nitawapi on mazasagye kağa po, qa isan škopa nitawapi on wahukeza kağa po: tuwe wašake šni kin, Wamašaka ce, eye kta.

11 Mniciya po, qa u po, Ikcewicašta iyuhpa yaunpi, qa ihdukšan tanhan ihduwitaya miye: Jehowa, tona wašakšaka nitawa kin hena hen hiyuwicaya wo.

12 Ikcewicašta kin ihduhicapi kta, qa Jehošaphat taomdaye kin en upi kte: heciya Ikcewicašta ihdukšan yakonpi kin owasin wicayaco imdotanke kta nakaes.

13 Isan škopa kin en iyekiya po, wojupi kin suton nakaes: u po, ekta dapi kte; iyuškiye kin ojudan, iyohnakapi kin apašboka ce: wicoñan šica econpi kin tanka nakaes.

14 Wicota, wicota, woyaco omdaye kin ohna: woyaco omda-

ye kin en Jehowa taanpetu kin kiyedan nakaes.

15 Anpetu wi qa hanyetu wi kin otpaza icu kta, qa wicanhpi kin is wowiyatpa ei hdakupi kta.

16 Nakun Jehowa Zion etanhan ho uye kta, qa Jerusalem etanhan ho hdatanin kta: qa mañipiya qa maka kin cancan kta: Tuka taoyate kin Jehowa wowa-cinye yapi kta, qa Israel cinca he wowašake yapi kta.

17 Hecen Jehowa Taku Wakan nitawapi, Zion Paha wakan mitawa en ounyan kin he miye e sdonyayapi kta. Hehan Jerusalem wakan kta, qa hetanhan icimana oyate tokeca tuwedan. opta ye kte šni.

18 Unkan anpetu kin he en kaketu kta, he kin hena miniša teca šbuye kta, qa paha kin asanpi on kaduze kta, qa Juda kaksiza kin owasin mini ohna iyaye kta, qa Jehowa ti kin etanhan minihdoka wan uye kta, qa Šitim omdaye kin spayeye kta.

19 Egipta otiwota ehpeyapi kta, qa Edom hopuza makoce kin heca kta, Juda cinca owicakiñan-šunkecapi kin heon, iye tamakocce kin ohna wicawe wiyaonpepica šni kin papsonpi nakaes.

20 Tuka Juda owihanke wanin ounye kta, qa Jerusalem wicoicage qa wicoicage hehanyan.

21 Qa wicawe wapakinte šni qon he wicawecipakinte kta ce: Jehowa Zion en ounyan nakaes.

AMOS.

WICOWOYAKE 1.

1 Amos oie kin, Tekoa en wanunyanpi yuhapi kin hetanhan, Uziah Juda wicaštayatapi taanpetu en, qa Jeroboam Joash cinhintku Israel wicaštayatapi taanpetu kin en, maka škanškan itokamtu waniyetu nonpa he ehan, taku Israel on wanyake cin dena ee.

2 Unkan heya; Jehowa Zion etanhan ho hdatanin kta, qa Jerusalem etanhan ho uye kta; hecen wanunyanpi wicayuhapi en owihanwicakiyapi kin hena ceyapi kta, qa Karmel ipa kin šnije kta ce.

3 Jehowa kaken eya; Dainasek wokipajin tawa yamni qa topa on weciyuhomni kte šni; mazasapa icapan on Gilead wicakapan, heon etanhan.

4 Tuka Hazael ti kin en peta wan yewaye kta; unkan he Benhadad tipi waštešte tawa kin huhnage kta.

5 Nakun Damasek inatake kin mduwege kta, qa en ounyanpi kin Aven omdaye kin etanhan ihangwicawaye kta, qa tuwe mazasagye yuhe cin Eden tipi kin etanhan: unkan Aram oyate kin Kir ekta wayaka aye kta ce, Jehowa eya.

6 Jehowa hecen eya; Gaza wokipajin tawa yamni qa topa on weciyuhomni kte šni: wayaka unpi kin Edom en wicaqupi kta ocowasin wayaka ayapi, heon etanhan.

7 Tuka Gaza conkaške kin en peta wan yewaye kta, qa tipi

waštešte tawa kin huhnage kta:

8 Nakun en ounyanpi kin Ašdod etanhan ihangwicawaye kta, qa tuwe mazasagye yuhe cin Aškelon etanhan; qa Ekron ekta minape wahduhomni kta; qa Philistine okaptapi kin atakuni kte šni ce, Jehowa Itancan kin eya.

9 Jehowa hecen eya; Turos wokipajin tawa yamni qa topa on weciyuhomni kte šni; wayaka ayapi kin ocowasin Edom wicaqupi, qa hunkawanjinkiciyapi wicotakuye kin he kiksuyapi šni, heon etanhan:

10 Tuka Turos conkaške kin en peta wan yewaye kta, qa tipi waštešte tawa kin hena huhnage kta ce.

11 Jehowa hecen eya; Edom wokipajin tawa yamni qa topa on weciyuhomni kte šni: iye sunkaku kin mazasagye on kuwa aya, qa wocantekiye ocowasin ehpekiya, qa tocanniye kin ohinnyan wayuhdelideca, qa tocan-teptanye kin owihanke wanin hduha un kin heon etanhan:

12 Tuka Teman en peta wan yewaye kta, qa Bozrah tipi waštešte tawa kin gu kta ce.

13 Jehowa hecen eya; Ammon cinca wokipajin tawa yamni qa topa on wicaweciuhomni kte šni: makoce hdutankapi kta on Gilead en winohinca ihdušakapi kin hena bawicamdazapi, heon etanhan:

14 Tuka Rabbah conkaške kin en peta wan wakage kta, qa tipi waštešte tawa kin gu kta; okicize anpetu kin en iyašapi on,

AMOS,

tateiyumni anpetu kin en icamna hinca on :

15 Qa wicaštayatapi tawapi kin he wayaka ayapi kta, iye qa wicašta ihdawa wicayuhe cin hena koya, Jehowa eya.

WICOWOYAKE 2.

1 Jehowa hecen eya; Moab wokipajin tawa yamni qa topa on weciyuhomni kte śni: Edom wicaštayatapi huhu kin inyan acetipi iyecen guya, heon etanhan :

2 Tuka Moab en peta wan yewaye kta, qa he Qirioth tipi waštešte kin huhnađe kta: qa owodutaton kağapi, iyaśapi, mazayahotonpi tanka jajopi ko en Moab te kta.

3 Qa cokayatanhan wicašta wacyaco kin ihangwaye kta, qa kici wicašta ihdawapi kin iyuhpa wicawakte kta ce, Jehowa eya.

4 Jehowa hecen eya; Juda wokipajin tawa yamni qa topa on weciyuhomni kte śni: Jehowa toope kin aktapi śni, qa tawoa hope kin ahopapi śni; qa woicihnaye tawapi, iye atewicayapi iyahna manipi qon hena nuniwicakiya nakaes:

5 Tuka Juda en peta wan yewaye kta, qa he Jerusalem tipi waštešte kin huhnađe kta ce.

6 Jehowa hecen eya; Israel wokipajin tawa yamni qa topa on weciyuhomni kte śni: wicašta owotanna mazaska on wiyo-
peyapi, qa walipanica kin hanpa tawanji tokiyopekiyapi nakaes.

7 Hena walipanica pa akan maka watuśekśeca kin on temniiciyapi, qa onśiicidapi tacanku kin icunom iyeyapi ece. Nakun wicašta wan iye atkuku kici wikośka wanjidan en yapi, micaje wakan kin yuśapapi kta e heon :

8 Qa owayuśna otoiyohi en wokoyake ikoyagyapi kin akan iwankapi, qa wicayacopi miniśa tawapi kin he taku wakan tawapi ti kin ohna yatkanpi ece.

9 Heca ešta miye qe hena wicitokam Amori wicašta kin ihangwaya, he qe hanske cin hanteśa can hanska iyececa, qa uskuyeca can kin iyecen waśaka; tuka wankantanhan tawaskuyeca, qa kuyatanhan hutkan tawa kin ihangweciya.

10 Nakun miye hinca Egupta makoce kin etanhan hinanpeci-
yapi, qa waniyetu wikcemna topa hehanyan hopuza kin en maniciyapi, Amori tamakoce kin tawayayapi kta e heon.

11 Qa nicinkśipi etanhan wicašta wokcan icaliwicawaya, qa kośka nitawapi etanhan Nazari wicašta heca kta. Israel cinca, he hecetu śni he, Jehowa eya.

12 Tuka Nazari wicašta kin miniśa yatkewicayakiyapi, qa wicašta wokcan kin, Woyakapi śni po, ewicayakiyapi ece.

13 Wanyaka po, miye nihukuya mapaskicapi, canpahmihma wan wopalite ojudan paskicapi iyececa.

14 Heon etanhan tuwe duzahan kin he najica anaptapi kta, qa tuwe waśake cin he towaśake kin hduwaśake kte śni, qa tuwe waditake cin he iye nađi niiciye kte śni:

15 Qa tuwe itazipa hduze cin he najin kte śni; qa tuwe siha on duzahan ešta eiħdaku kte śni; qa tuwe śuktanka akan iyotan-
ke cin he nakun nađi niiciye kte śni.

16 Tuka tuwe waśakapi kin ehna waditake cin he anpetu kin he en tancodan nape kta ce, Jehowa eya.

WICOWOYAKE 4.

WICOWOYAKE 3.

1 Israel cinca, wicowazi Egipta etanhan awau qon ocowasin, wicoie on Jehowa owaniciyepi kin de nalion po, he hecen eya:

2 Maka akan wicowazi owasin etanhan niye nišnana sdonciyapi; heon etanhan wayalitani pi owasin on en aciyapi kta ce.

3 Tuwe nom wicakicidapi šni ehantanhan sakim mani okihipi kta he.

4 Mnaja wan takudan iyalipaye šni kinhan contanka ehna tanhan hoton kta he: mnaja koška wan takudan icu šni kinhan šun kin etanhan ho uye kta he.

5 Tukten takudan ekionpapi šni kinhan zitkadan maka akan on-hmunkapi en ohinlpaye kta he: mazalitakiyapi ecaca takudan yuze šni kinhan, tuwe maka kin etanhan eyaku kta he.

6 Otonwe kin ohna mazayahotonpi tanka yajopi kinhan oyate kin kokipapi kte šni he: wošice kin otonwe wan en un kinhan, qa Jehowa he kaše šni he.

7 Awicakehan Jehowa Itancan kin takudan econ kte šni, toinašibe iye taokiye wicašta wokcan kin wicakiyaotanin šni kinhan.

8 Mnaja kin wanna hoton, tuwe kokipe kte šni he: Jehowa Itancan kin wanna ia, tuwe he oyake kte šni he.

9 Ašdod tipi waštešte ohna, qa Egipta makoce en tipi waštešte ohna eyanpaha po, qa heya po; Samaria he kin akan mniciya po, qa ohna wonihinciye tanka kin wanyaka po, qa ohna wokakišye kin hena.

10 Tona wokamna owotanna šni qa taku wicakipi kin tipi waštešte ohna ekikjupi kin hena owotanna econpi kta sdonyapi šni nakaeš, Jehowa eya.

11 Heon etanhan Jehowa Itancan kin hecen eya; Toka wan, han, makoce kin ihdukšan un kta: qa iye nitowašake kin kun ehpeniciye kta, qa tipi waštešte nitawa kin hena yucokakapi kta ce.

12 Jehowa hecen eya; Waa-wanyake wan mnaja i kin etanhan isto nonpa qa iš noše onšpa ikicicu kin he iyecen Israel cinca Samaria en ounyanpi kin owinja okise ohna ewicayakupi kta, qa Damasek etanhan ohehdepi wan ohna.

13 Niye nalion po, qa Jakob ti kin ohna eyanpaha po, Jehowa Itancan, Taku Wakan ozuye yuhe cin he hecen eya:

14 Anpetu wan Israel wokipajin tawa kin en awicawai kinhan, behan nakun Bethel owayušna tawa kin en amde kta: unkan owayušna he kin hena kaksapi kta, qa makata hinlpaye kta ce.

15 Hehan waniyetu tipi qa mdoketu tipi kin kici awape kta: qa huhu tipi waštešte kin hena atakuni kte šni, qa tipi tankinyanyan kin owihanke kta ce, Jehowa eya.

WICOWOYAKE 4.

1 Bašan ptewanunyanpi, Samaria paha akan yaunpi, walpani-capi kin kakišwicayayapi, onšikapi kin šicaya wicayakuwapi, tona itancan tawapi kin hewicayakiyapi, Au po, kinhan waunya-tkanpi kta ce, ehapi ecee kin, wicoie kin de nalion po:

2 Jehowa Itancan kin iye towa-kan kin on ičiconza, iho, anpetu kin en niupi kta, hehan iye mazaškopa on eniyakupi kta, qa tona nihakam upi kin hinškijupi kin on.

3 Qa yujujupi kin hena ohna

AMOS,

tankan dapi kta, otoiyo hi ite ito-
heya, qa conkaške kin ohna iyo-
hpeniyanpi kta ce, Jehowa eya.

4 Bethel en u po, qa wawaki-
pajin po; Gilgal ekta wokipajin
hduota po: qa hanhanna eca wo-
šna nitawapi aku po, iwikcemna-
mna kin hena omaka yamni iyo-
hakam.

5 Nakun taku on napohiyapi kin
on wopida wayušna po, qa cante
waštaya pağanpi kin hena yao-
tanin po, eyanpaha po: Israel
cinca, hecen iyonicipi nakaes,
Jehowa Itancan kin eya.

6 Unkan miš nakun otonwe ni-
tawapi owasin ohna hi takudan
ostake šni kin cičupi, qa ounya-
yapi kin iyulpa en aguyapi wa-
nica: tuka hececa ešta miye en
nihdoupı šni, Jehowa eya.

7 Qa nakun miye mağaju kin
anaciciptapi, hinyalin ehake wi
yamni hehan wayuksapi kta tu-
ka: qa otonwe wanji amağaju-
waya, qa otonwe tokeca wan
amağajuwaye šni: hanke ama-
ğaju, qa onšpa amağaju šni kin
he šnija.

8 Hecen otonwe nonpa qa ya-
mni otonwe wanjidan ekta kacę-
ya manipi, mini yatkanpi kta,
tuka imnanpi šni: hececa ešta
miye en nihdokupi šni ce, Je-
howa eya.

9 Wošnije qa aa kin on acipapi:
mağa nitawapi, qa haštanhanka
iyuwi ojupi nitawapi, qa witan-
šna hu nitawapi, qa wihdi can
nitawapi kin hena icaga hehan
psipsica cinca kin temyapi: he-
ceca ešta miye en nihdokupi šni,
Jehowa eya.

10 Niyepi ehna makošica kin
yewaši, Egipta canku kin en
iyececa: koška nitawapi kin he-
na mazasagye on wicawakte,
nakun šuktanka nitawapi ecici-
yakupi; qa wicoti nitawapi šica-

mna kin he nipogepi ohna hiyu-
waya: tuka hececa ešta miye
en nihdokupi šni ce, Jehowa eya.

11 Niyepi etanhan ihangwica-
waya, Wakantanka Sodom qa Go-
morrah ihangye ciqon iyececa,
uncan ide kin etanhan petuspe
wan icupi kin iyenicecapi: tuka
hececa ešta miye en nihdokupi
šni ce, Jehowa eya.

12 Heon etanhan, Israel, hecen
ecacicon kta: qa hecen ecacicon
kta heon etanhan, Israel, Taku
Wakan nitawa itkokipa ihduwi-
yeya wo.

13 Iho, tuwe he kin icaliya, qa
tate kin kağa, qa wicašta toawa-
cin kin okiciyaka, tuwe hanhan-
na kin otpaza kağa, qa maka ipa
kin akan mani ecee kin, Jeho-
wa, ozuye Wakantanka, he caje
kin ee.

WICOWOYAKE 5.

1 Israel tiyohnaka, wicoie kin
de, niyepi on woceye iwacu kin
he nahon po:

2 Hinhpaya; Israel wikoška kin
ake najin kte šni: makoce tawa
kin ohna ehpeyapi; tuwedan na-
jinkiye kte šni.

3 Jehowa Itancan kin kaken
eya; Otonwe wan kektopawinge
iyaye ciqon he opawinge oki-
captapi kta, qa wanji opawinge
iyaye cin he wikcemna okicapta-
pi kta, Israel tipi kin en.

4 Jehowa Israel tipi kin hecen
ewicakiya; Miye omakide po,
kinhan yanipi kta ce.

5 Tuka Bethel odepi šni po, qa
Gilgal en yapi šni po, qa Beer-
šeba ekta iyoptapi šni miye:
awicakehan Gilgal wayaka ayapi
kta nakaes, qa Bethel atakuni
kte šni.

6 Jehowa ode po, kinhan yanipi
kta: okinni Joseph ti kin en iyo-

WICOWOYAKE 5.

pta iyaye kta, ide wan iyececa, qa huhnage kta, qa Bethel ekta tuwedan kasni kte šni.

7 Tona woyaco pa hinca yakagapi, qa maka akan woowotanna aduŝtanpi ece;

8 Tuwe Pleiades (Tawamnipa) qa Orion kağa, qa wiconŝe ohanzi kin anpao icaħya, qa anpetu kin hanyetu on aħanzikiya; tuwe miniwanca mini kin kipan, qa hena maka ite kin akaŝtan kin hee ode po: Caje kin he Jehowa ee.

9 Tuwe waŝakapi kin en wicotakuniŝni wicakiyutanin ece, hecen wicotakuniŝni conkaŝke kin en u kta.

10 Tiyopa kin ohna tuwe wawiopeye cin he ŝicedakapi, qa tuwe owotanna ie cin he waħtedapi ŝni ece.

11 Hecen wicaŝta waŝake ŝni kin he ayahanpi, qa aguyapi ojutonpi kin eyeciyakupi ecee, heon etanhan inyan kakanpi kin on tipi yakagapi qeyaŝ ohna yatipi kte ŝni; hastanhanka iyuwi ojupi oiyokipi kin heca oyajupi, tuka etanhan miniŝa datkanpi kte ŝni.

12 Wokipajin nitawapi ota, qa wayaħtanipi tankinyanyan kin hena sdonwaya ce. Wicaŝta owotanna kin ŝicaya kuwapi, wiopeyapi icupi, qa otonwe tiyopa ohna waħpanica kin icunonpa iyeyapi ece.

13 Heon etanhan tuwe wasdonya kin he anpetu kin he en inina un kta; he anpetu kin ŝica nakaes.

14 Taku waŝte akita po, qa taku ŝica ee ŝni, hecen yanipi kta; qa heon Jehowa, ozuye en Wakantanka kin he nicipi un kta, keħapi kin iyececa.

15 Taku ŝice cin ŝicedaka po, qa taku waŝte kin waŝtedaka po, qa otonwe tiyopa kin ohna wo-

yaco ekihde po: okinni Jehowa, ozuye en Wakantanka kin he Joseph okaptapi kin onŝikida kta.

16 Heon etanhan Jehowa, ozuye en Wakantanka, Itancan kin hee hecen eya ce; Tihocoka owasin ohna, Hehehe, hehehe, eyapi kta; qa maħyumdu kin waŝihdapi ikicopi kta, qa tona ceya wayupikapi kin ŝicahowapi kin ekta.

17 Qa hastanhanka iyuwi ojupi kin owasin ohna wicaceya yuke kta: niyepi ehna mde kta nakaes, Jehowa eya.

18 Tona Jehowa taanpetu cantoyakpanipi kin woteħi niciyan kapi kta: he etanhan initokecapi he: Jehowa taanpetu kin he otpaza ee, qa iyoyanpa ŝni.

19 Wicaŝta wan mnaja ite etanhan nakipa, unkan waħanksica itkokipa kin he iyececa; qa iŝ tipi timahen kihde qa tiunnapanyan nape apatan, unkan wamduŝka wan yaħtaka kin he iyececa.

20 Jehowa taanpetu kin he otpaza kta, qa iyoyanpa kte ŝni he; han, otpaza hinca qa iyoyanpa takudan en un kte ŝni he.

21 ŝicewadaka, wohanpi nitawapi kin waħtewada ŝni, qa omniciye nitawapi kin en womna waun kte ŝni.

22 Woŝna huhnahiyapi qa woyute woŝnapi nitawapi wamaya-kiduŝnapi eŝta iyomakipi kte ŝni: qa woteka cepa wookiye waduŝnapi kin hena nakun ekta ewatonwe kte ŝni.

23 Odowan nitawa ho kin tokan iyemiciciya wo: candowankiyanipi nitawa ho kin nawahon kte ŝni nakaes.

24 Tuka woyaco mini kin iyececa iyaye kta, qa woowotanna wakpa ohinniyan kaduze cin iyececa nunwe.

AMOS,

25 Israel tiyohnaka, woteca wośnapi qa woyute wośnapi kin heca waniyetu wikcemna topa hopuza en miye mayakahipi he.

26 Tuka Molek nitawapi tawakeya kin yaqinpi, qa Kiun wakagapi nitawapi, taku wakan nitawapi wicanłipi tawa kin hee, hena niye nićicagapi qon.

27 Heon etanhan Damasek akotanhan wayaka ayeciciyapi kta ce, Jehowa, ozuye Wakantanka eciyapi kin he hecen eya.

WICOWOYAKE 6.

1 Hehehe, tona Zion en owanji yankapi, qa tona Samaria paha akan wikopeśni unpi kin, oyate wicehna tokaheya ewicakiyapi, qa Israel tiyohnaka en wicahipi qon.

2 Kalne ekta unhdaka ya po, qa wanyaka po; qa hetanhan Hamath tanka kin ekta ya po; qa Gath Philistine tawa ekta kun ya miye: hena wokiconze kin dena isanpa wašte he; qa is makoce icağopi kin niye inicağopi kin isanpa tanka he.

3 Tona anpetu śica yutehanpi, qa wokakiśye oiyotanke kin kiyedan u kiyapi:

4 Tona huhu ohehdepi kin en iwankapi, qa towinjapi akan nasonsonpi ece; tona optaye kin etanhan tahnca cinca, qa tatan-ka tipi etanhan ptejicadan hdu-
tapi ecee:

5 Tona candowankiyapi ho kin on iwobdahdakapi; Dawid iye-
cen on dowanpi kte cin ićicagapi ece:

6 Tona miniśa iyatke kin etanhan yatkanpi, qa wipakinte iyo-
tan on sdaiciyapi ecee; tuka Joseph ihdułdecapi kin on cante śicapi śni.

7 Heon etanhan wanna wayaka ayapi kin wicitokam hena wayaka yapi kta; qa tona nasonsonpi śicahowayapi kin tanin kte śni.

8 Jehowa Itancan kin iye hnca on ićiconza, Jehowa ozuye en Wakantanka he hecen eya; Miye hnca Jakob towahanićida kin he wałtewada śni, qa tipi wa-
štešte tawa kin śicewadaka; heon etanhan otonwe qa taku ohna un kin icuwicawakiye kta.

9 Unkan kaketu kta, tipi wan-
ji ohna wicaśta wikcemna oka-
ptapi kinhan hena nakun țapi kta.

10 Qa tuwe takuye wan he icu kta, han, tuwe hułnahiye cin he, huhu kin tipi kin etanhan eyaku kta e heon; qa tuwe catkutanhan yanke cin he heciye kta; Nakun tuwe nici wanka he. Unkan iye, Wanica ce, eye kta. Hehan heye kta; Inina yanka wo; Jehowa caje kin en kiksuye unkićiciye kte śni nakaes.

11 Iho, Jehowa wakiconza; qa tipi tanka kin he wokamdece on ape kta, qa tipi cistinna kin he wokaptuje on.

12 Śunka wakan kin imnija wan ainyankapi kta he: tuwe tatanka on he ayumdu kta he: Tuka niyepi woyuecetu kin he pejihuta śica yakagapi, qa woowotanna waskuyeca kin he peji pa hnca yakagapi nakaes:

13 Tona takuśni on widuśkinpi: Wowasake unkitawapi on he kin heca unkićupi śni he, ehapi ece.

14 Tuka Jehowa ozuye en Wakantanka kin he hecen eya; Iho, Israel tiyohnaka, oyate wan itkonicipe wicawakiye kta: qa hena kakiśniyanpi kta, Hamath en yapipi kin hetanhan hopuza wakpa kin hehanyan.

WICOWOYAKE 7.

WICOWOYAKE 7.

1 Jehowa Itancan kin hecen wanyagmakiya; unkan iho, peji ehake uye cin he ehan psipsicadan kağa: unkan iho, wicaştayatapi kaşda iyohakam peji içağ cin iyehantu.

2 Unkan kaketu, makoce peji kin wanna ocowasin temyapi hehan hepa; Jehowa Itancan, ceciciya ce, kajuju ye, Jakob token najin kta he; he eistinna nakaes.

3 De on Jehowa iyokişiniçiya: Ecetu kte şni ce, Jehowa eya.

4 Jehowa Itancan kin decen wanyagmakiya; unkan iho, Jehowa Itancan kin peta on wicakize kta kico: unkan he minivanca tanka kin temya, qa maka kin hūhnağa.

5 Hehan hepa; Jehowa Itancan ceciciya ce, ayuştan ye: taku on Jakob najin kta he; he eistinna nakaes.

6 He on Jehowa iyokişiniçiya: De nakun ecetu kte şni ce, Jehowa Itancan kin eya.

7 Decen wanyagmakiya; unkan iho, Itancan kin nape ohna mazasu on iyutapi wan yuha inyan conkaşke bosdan kağapi he akan najin.

8 Hehan Jehowa hemakiya; Amos, taku wandaka he. Unkan, Mazasu on iyutapi wan, epa. Hehan Itancan kin heya; Iho, mitaoyate Israel wicacokaya mazasu on iyutapi wan ewahna ke kta; ake ieimana acawicawakşin kte şni.

9 Tuka Isaak pajodan tawa kin hena ihangyapi kta, qa Israel tipi wakan tawa kin hena awihnuni pi kta: qa mazasagye yuha Jeroboam ti kin apaha nawajin kta ce.

10 Hehan Amaziah Bethel en

wawayuşna kin he Jeroboam Israel wicaştayatapi kin wahoye ça heciya; Amos Israel tipi kin cokahan niye on ieiconza; oie iyuhpa makoce kin yuha okihi kte şni:

11 Amos kaken eya ce: Jeroboam mazasagye on te kta; qa Israel wayaka ayapi on iye tamakoce kin etanhan wayaka ayapi kta ce.

12 Nakun Amaziah Amos heciya; Waayate, hunkatiya wo, Juda makoce kin ekta napa wo, qa heciya aguyapi yuta wo, qa hen waayata wo:

13 Tuka ake icimana Bethel en waayate şni wo, he wicaştayatapi tipi wakan tawa, qa tipi waşte hinca wicaştayatapi tawa hee nakaes.

14 Hehan Amos waayupte ça Amaziah heciya; Miye waayate hemaca şni, qa waayate cinca kin hemaca şni; tuka wanunyanpi wiħanwicakiye cin hemaca, qa sukamin waskuyeca wapaħi ecee.

15 Unkan wanunyanpi wicihakam waun qon hetanhan Jehowa imacu; qa Jehowa hemakiya; Ya wo, Israel mitaoyate kin wowicakiyaka wo.

16 Heon etanhan niye nakaha Jehowa oie kin naħon wo: Israel en waayate şni wo, qa Isaak tiyohnaka en takudan ahinbe şni wo, eha ece.

17 Heon etanhan Jehowa hecen eya; Otonwe kin ohna winohinca nitawa wawiciliħapi econ kta, qa nicinkşı qa nicunkşı kin hena mazasagye on hinħpayapi kta: qa nakun makoce nitawa haħonta on kiyuşpapi kta; qa niye makoce şapa wan ohna niħe kta; qa wayaka ayapi on Israel iye tamakoce kin etanhan wayaka ayapi kta ce.

AMOS,

WICOWOYAKE 8.

1 Jehowa Itancan kin decen wanyagmakiya: unkan iho, makanopiye wan waskuyeca suton ohna.

2 Hehan iye heya; Amos, taku wandaka he. Unkan, Makanopiye wan waskuyeca suton ohnaka, epa. Hehan Jehowa hema-kiya; Mitaoyate Israel owihanke kin wanna hiyohi; ake icimana acawicawaksin kte sni.

3 Qa anpetu kin he en tipi wakan ohna dowanpi ece kin hena sicahowayapi kta ce, Jehowa Itancan kin eya: owanka owasin ohna wicafa ota kta; inina un tankan elipewicayapi kta ce.

4 Tona walipanicapi kin nawicayapcapi, de nahon po, makoce en onsikapi kin ihangwicayapi kta:

5 Tohan wi teca kin henakeca kta, hecen aguyapi wiyopeunyanpi kta; qa anpetu wakan kin tohan henakeca kta he, hecen aguyapi su taninyan eunhnakapi kta, ehapi; wiyutapi kin cistinna yakagapi, qa iyopecye cin (sekel) dutankapi, qa onaspeyetonpi kin wohnaye on itonsniyakiyapi:

6 Hecen onsikapi kin mazaska on opewicayatonpi kta, qa walipanicapi kin hanpa tawanji kin on; qa aguyapi su elipeyapi kin he wiyopeyayapi ece.

7 Jakob toiyokipi kin on Jehowa iciconza! Wicolian tawapi owasin icimana awektonje kte sni.

8 De on makoce cencan kte sni he; qa en onnyanpi kin otioyohi iyokisiniyiye kte sni he: unkan he ocowasin wankan u kta, wakpa wan iyececa; minitan aye kta, qa oyahe aye kta, Egipta wakpa kin iyececa.

9 Unkan anpetu kin he en kaketu kta, Jehowa Itancan kin eya; Wiyotanhan hehan wi kin

isinyan iyayewaye kta, qa anpetu amalpiya sni en makoce kin aotpas wakiye kta:

10 Qa wonkiciyapi nitawapi kin wicocante sica wakage kta, qa nitadowanpi owasin wicaceye kta: qa iyulipa wakihdaka ipiyagkiton wicawakiye kta; qa wicapa otioyohi pesda kte; qa hoksincantkiyapi akiceyapi kin iyececa wakage kta, qa owihanke kin he anpetu pa hinca iyececa.

11 Iho, anpetu kin u kta, Jehowa Itancan kin eya; wicaakilian wan makoce kin en yewaye kta; aguyapi on akihanpi kin ee sni, qa mini on ipuzapi kin hee sni; tuka Jehowa oie nahonpi kte cin hee:

12 Unkan miniwanca kin etanhan miniwanca kin ekta yapi kta, qa waziyatanhan wiyohiyanpata ekta icimani icicawin inyang yapi kta, Jehowa oie kin odepi kta, tuka iyeyapi kte sni.

13 Anpetu kin he en wikoška wastepi qa koskapi kin hena ipuzapi on hanyanpi kta.

14 Tona Samaria tawoahtani on iciconzapi; qa, Dan, taku wakan nitawa ni un; qa, Beerseba canku kin ni un ce, eyapi kin hena hinlpayapi kta, qa icimana najinpi kte sni.

WICOWOYAKE 9.

1 Itancan kin owayusna kin akan najin wanmdaka: unkan heya; Tiyopa pa kin apa wo, hecen anokatanhan huhuzahe kta; qa hena owasin pa akan kamden elipeya wo: unkan hena iyohakam upi kin mazasagye on wicawakte kta: tuwe hena etanhan napa esta najice kte sni, qa tuwe hena etanhan nahmana iya-ya esta niyapi kte sni.

WICOWOYAKE 9.

2 Hades en oqapi ešta hetanhan minape iwicacu kta; qa mahpiya ekta adipi ešta hetanhan kun awicawau kta:

3 Qa Karmel ipa kin en inahmanpi ešta, hen owicawade qa wicamduze kta; qa miniwanca šbe kin ekta miišta etanhan anahbe içiyapi ešta, hen wamduška tanka kin econwaši kta, unkan he wicayahtake kta.

4 Qa tokawicayapi wicitokam wayaka yapi ešta, hen mazasagye kin econwaši kta, unkan wicakte kta; qa taku šica on miišta awicawahnake kta, qa taku wašte on etanhan šni.

5 Unkan Jehowa ozuye en Itancan kin hee e maka kin yutan, unkan šdo kta; qa en ounyanpi kin iyuhpa cante šicapi ece e kta; qa he wakpa wan iyecen wankan u, qa ake kun ye kta, Egupta wakpa kin iyececa.

6 Tuwe mahpiya ekta wankan tipi içicağa, qa maka akan okotonyan tawa ekihde: tuwe miniwanca mini kin kipan qa maka ite apapson ece; caje kin he Jehowa ee.

7 Israel cinca, miye en Kuš cinca kin iyenicecapi šni he, Jehowa eya. Israel Egupta makoce kin etanhan miye hinanpewicawaye šni he; qa Philistine oyate kin Kaphtor etanhan, qa Aram oyate kin Kir etanhan.

8 Wanyaka wo, Jehowa Itancan išta kin wokiconze wahtani sa kin atonwan ece; qa maka ite kin etanhan ihangwaye kta: tuka Jakob ti kin ocowasin ihangwaye kte šni ce, Jehowa eya.

9 Wanyaka wo, miye econwi-

cawaši kta, qa oyate owasin ehnahna Israel tipi kin wicamducanc kta, wiyucan ohna wayucanpi kin iyececa, tuka su wanjidan keš makata hinhpaye kte šni.

10 Tuka mitaoyate etanhan wahtanipi sa, Taku šice cin unkiyahdepi kte šni, qa ahunhdegapi kte šni ce, eyapi kin hena iyuhpa mazasagye on tapi kta ce.

11 Anpetu kin he en Dawid tawakeya hinhpaye cin he bosdan ewahde kta; qa okamdece kin hena piya wakage kta; qa yujujupi tawa qon ake najin wakiye kta, qa anpetu wanakaja kin en iyececa wakage kta.

12 Hecen Edom okaptapi kin he yuhapi kta, qa Ikcewicašta owasin micaje on cašwiconpi kte cin hena; Jehowa hecon kin he hecen eya.

13 Iho, anpetu kin u kta, Jehowa eya; hehan mahyumdu kin he wayuksa kin ekihdege kta; qa hastanhanka naskice cin he tuwe taku su oju kin: hehan he kin miniša teca on šbuye kta, qa paha kin owasin šdo kta.

14 Unkan Israel mitaoyate wayaka unpi kin hdicuwakiye kta; hehan otonwe yujujupi qon hena piya kağapi qa ohna tipi kta; qa hastanhanka iyuwi ojupi kin huhdepi qa etanhan miniša hdatkanpi kta; nakun mağa kağapi kta, qa oicage kin hdutapi kta.

15 Hehan iye tamakoce kin en owicawekju kta; qa makoce wicawaqu kin hetanhan icimana wicayujunpi kte šni ce, Jehowa nita Wakantanka kin hecen eya ce

OBADIAH.

1 Obadiah towanyake kin. Edom on Itancan Jehowa kaken eya ce: Jehowa etanhan wicowoyake wan naunhonpi, qa wahošiye wan oyate wicelna yešipi; Najin po, qa he kici unkicizapi kta on inaunjinpi kta ce.

2 Iho, Ikcewicašta ehna cistin-na cicaga: nina walitenidapi šni yaun.

3 Imnija ołdoka ohna, oyanke tehanwankantu kin en yati, nicante towaħaniçida kin he nihnan ece: cante mahen, Tuwe e makata elpemaye kta he, eha ece.

4 Wamdi iyecen wankan iyeniciya, qa hołpi nitawa wicanłpi kin ehna eyehnaka ešta, hetanhan kun elpeciye kta ce, Jehowa eya.

5 Wamanon sa kin heca, qa iš wabotica hanyetu en nihipi kinhan; hehehe nitakuni šni; tohan-yan imnanpi hehanyan manonpi kte šni he: hastanhanka yušpipi kin en nihipi unkanš, iyađe wanjikji okaptapi kte šni he.

6 Esau taku tawa kin kahipi linca! taku anakilıbe cin hena akitapi linca!

7 Wicašta okodakiciye nitawa etanhan owasin heyata iyenianpi; wicašta wookiye en nici unpi kin hena nihnayanpi, niktepidan; ađuyapi nitawa wohñaye ee niciyapi: wookalñiđe takudan en un šni.

8 Anpetu kin he en Edom etanhan wicašta ksapa awihñuniwicawaye kte šni he, qa wowiyukan Esau he kin etanhan, Jehowa eya.

9 Teman, wicašta waditaka nitawa kin hena nihinciyapi kta, hecen Esau he kin etanhan wicaktepi on owasin ihangyapi kta.

10 Jakob nisunka kiunniyaye cin on etanhan wowištece anicalıpe kta, qa ihangniyanpi kta owihanke wanica.

11 Anpetu kin en iyotakons inayajin; anpetu en tawałpaya toka kin akiyahdapi, qa wicašta tokeca iye tatiyopa kin ohna iyayapi, qa Jerusalem on oeconna econpi qehan, hehan niye qe iyewicaceca yaun.

12 Nisunka taanpetu kin en opayakilıhte kte šni tuka: anpetu en ihangyapi qon he ehan Juda cinca kin iwankam widoškin kte šni tuka: nakun woiyokišice anpetu kin hehan i yakapa kte šni tuka qon.

13 Anpetu en atakunipi šni qehan mitaoyate tatiyopa kin ohna idade kte šni; han, anpetu en atakunipi šni qehan niye qe kakišyapi kin en eyatonwe kte šni; qa anpetu en atakunipi šni qehan tawowijice kin ekta nape yeyaye kte šni tuka.

14 Nakun tona etanhan najicapı qon hena ihangwicayaye kta on canku ipaweđe en inayajin kte šni tuka: qa woiyokišice anpetu kin en, tona iye etanhan okaptapi kin hena hiyuwicayaye kte šni tuka.

15 Jehowa taanpetu kin Ikcewicašta oyate owasin wicikiyedandan nakaes: niye token ecanon kin he iyecen ecaniconpi kta:

JONAH.

niohan kin nipa kin en nihdi kta.

16 Niye lie wakan mitawa akan wadatkanpi kin he iyecen Ikce-wicašta kin iyuhpa ohinniyan wayatkanpi kta; han, wayatkanpi qa wanapeapi kta, qa tohinni unpi šni iyecen unpi kta.

17 Tuka Zion lie kin akan woe-hdaku yuke kta; unkan he wakan kta; qa Jakob tiyohnaka taku tawayapi qon hena ehdakupi kta.

18 Unkan Jakob tipi kin he peta kta, qa Joseph ti kin he ide heca kta; qa Esau tipi kin he aguyapi hu kin ee kta; unkan ehna ideyapi kta qa hūhnaŋyapi kta; hecen Esau ti kin etanhan okaptapi

wanice kta: Jehowa hecen oya-ka nakaes.

19 Hehan okagatanhan kin Esau lie kin yuhapi kta, qa Philistine is omdaye kin: Nakun Ephraim tamağa qa Samaria makoce kin yuhapi kta; qa Benjamin Gilead yuhe kta.

20 Qa Israel cinca wayaka unpi wicota kin de Kanaan oyate om unpi kin hena Zarephath behan-yan yuhapi kta; qa Jerusalem etanhan wayaka unpi, tona Sepharad en unpi kin hena itokağa otonwe kin yuhapi kta.

21 Qa wanikiya kin heca /Zion lie kin ekta upi kta, Esau lie kin yacopi kta: Unkan wokiconze kin lie Jehowa tawa kta ce.

JONAH.

WICOWOYAKE 1.

1 Hehan Jehowa oie Jonah Amittai cinhintku en hi kin he hecen eya:

2 Najin wo, Nineveh otonwe tanka kin he ekta ya wo, qa on eyanpaha wo: wicohan šica tawapi kin mitokam u nakaes.

3 Tuka Jonah Jehowa ite kin etanhan Taršiš ekta nape kta najin, qa Joppa ekta apamahde iyaya: unkan wita wata wan Taršiš ekta ye kte cin iyeya, qa en ope kta hdajuju, qa mahen iyaya, Jehowa ite kin etanhan Taršiš ekta om ye kta.

4 Tuka Jehowa tate tanka wan mini kin en hiyukiya; unkan miniwanca kin ohna kihansica tanka, hecen wita wata kin kamdecapi kta seca.

5 Hehan watopapi kin nihinci-

yapi, qa otoiyohi taku wakan tawapi kin hoyekiyapi, qa wita wata ohna maza kin hena minin ehpeyapi, yukapojedan kta e heon. Tuka Jonah wita wata cuwi mahen iyaya, qa iwanka, qa istinbe linca.

6 Hecen wahektape cin he en ye ça heciya; Istinma nița, taku yaka he; najin wo, Taku Wakan nitawa hoyekiya wo; okinni Taku Wakan kin unkiksuyapi kta, hecen awiunhnunipi kte šni ce.

7 Hehan otoiyohi takodaku he-kiciyapi; U miye, qa oeconna econkupi kta; hecen tuwe on etanhan taku šice cin de unka-kipapi hecinhan sdonunkiyapi kta ce. Unkan econpidan, qa oeconna kin Jonah ahinlipaya.

8 Hehan heciyapi; Ceunniciyapi ce, taku on etanhan taku

JONAH,

šice cin de en unkaupi he unko-
kiyaka po : Woecon nitawa kin
tukte e he : Tokiyatanhan yau
he : Nitamakoce tukte e he ; Qa
tukte oyate kin enitanhan he.

9 Unkan iye hewicakiya ; He-
brew hemaca ; qa Jehowa ma-
hpiya Wakantanka, tuwe mini-
wanca qa maka puza kađe cin he
kowakipa ce.

10 Hehan wicašta kin wokokipe
tanka on kopehdapi, qa, Tokeca
decen ecanon he, eciyapi. Je-
howa ite kin etanhan napa wica-
šta kin sdonyapi, iye owicakiya-
ka nakaes.

11 Unkan heciyapi ; Taku eca-
unniconpi kta he ; on mini un-
katajapi kin amdakedan kta :
mini kin škanškan qa nina taja
aya nakaes.

12 Hehan iye hewicakiya ; Ima-
cupi qa minin ehpemayan po ;
kinhan mini kin amdakedan ini-
ciyayapi kta : he miye on etan-
han icamna tanka kin de en niu-
pi, he sdonwakiya ce, eya.

13 Hececa ešta wicašta kin hu-
tata kihunnipi kta nina watopa-
pi : tuka okihipi šni ; mini kin
škanškan qa nina awicataja na-
kaes.

14 Hehan Jehowa hoyekiyapi
qa heyapi ; Ceunniciyapi ce, Je-
howa ceunniciyapi, wicašta kin
de nađi kin on awiunhnunipi kte
šni ; qa wicawe taku iyaonpepica
šni kin en unkaupi šni po ; niye,
Jehowa, token iyonicipi kin he
ohna ecanon nakaes.

15 Hecen Jonah icupi qa minin
ehpeyapi : unkan miniwanca taja
aya qon he ayušan.

16 Hehan wicašta qon hena
wokokipe tanka on Jehowa koki-
papi, qa Jehowa wošna wakiyu-
šnapi, qa ičiconzapi.

17 Wanna Jehowa hođan tanka
wan econ ši, Jonah napce kta.

Unkan Jonah anpetu yamni qa
hanyetu yamni hođan tezi kin
mahen yanka.

WICOWOYAKE 2.

1 Hehan Jonah hođan tezi kin
etanhan, Jehowa iye Taku Wa-
kan tawa kin cekiya ;

2 Qa heya ;

Mitoiyokišice on Jehowa ho-
yewakiya ;

Unkan iye amayupta :

Hades tezi etanhan hoye-
waya ;

Miho kin nayaňon.

3 Unkan wošbe kin en ehpe-
yaya, miniwanca cokaya ;
Hecen wakpa kin aohdute-
mayan :

Minitan nitawa qa taja nitawa
iyuňpa iwankam imayaya
ce.

4 Hehan miye hepa ;

Ništa itokapa tanhan ehpe-
mayanpi :

Tuka ake tipi wakan nitawa
ekta ewatonwe kta ce.

5 Mini kin aomapaskica, mi-
nađi en ;

Wošbe kin aohdudemayan ;

Psa kin mapa iyapemnipi :

6 He hute kin ekta imdamda ;
Maka kin tatiyopa on ohinni-
yan aonamakitaka :

Tuka niye, Jehowa Taku Wa-
kan mitawa,

Woňa kin etanhan mitaniya
hiyuyakiya.

7 Miye mahen minađi hanye
cehan,

Hehan Jehowa weksuya :

Unkan wocekiye mitawa kin
he en niu,

Tipi wakan nitawa kin entu.

8 Tona woitonšni takušni akpa-
tanpi kin

Hena wowaonsida ehpekiya-
pi ece.

WICOWOYAKE 4.

9 Tuka miye qe wopida ho kin on waciciyušna kta :

Taku on mičiconza kin he wahduecetü kta :

Wowanikiye kin he Jehowa etanhan.

10 Hehan Jehowa hogan qon econši : unkan he puzata ekta ake Jonah hiyuya.

WICOWOYAKE 3.

1 Hehan Jehowa oie Jonah inonpa en hi kin hecen eya :

2 Najin wo, Nineveh otonwe tanka kin ekta ya wo, qa taku eye ciši kin he en eyanpaha wo.

3 Hecen Jonah najin, qa Nineveh ekta iyaya, Jehowa oie kin iyececa. Unkan Nineveh otonwe tanka, Wakantanka ekta, anpetu yamni imanipi.

4 Unkan Jonah anpetu wanji imani hehanyan otonwe mahen i, hehan eyanpaha qa heya ; Eha-ke anpetu wikcemna topa hehan Nineveh ihangyapi kta ce.

5 Hecen Nineveh wicašta kin Wakantanka wicadapi, qa wotešni unpi wan ieyanpahapi, qa wakihdaka oğekitonpi, wicatanka etanhan wicacistinna hehanyan.

6 Unkan wicoie kin de Nineveh wicaštayatapi kin en hi, qa is eya oiyotanke tawa kin etanhan najin hiyaya, qa tašina wašte kin ekihnaka, qa wakihdaka aihdapi, qa cahota en iyotanka.

7 Hehan Nineveh ehna eyanpaha qa hecen oyake wicakiya, wicaštayatapi hee qa wicašta itancan wicayuhe tawokonzepi eciyatanhan, hecen eyapi ; Ihnuhan wicašta qa woteca, tatanka qa tahinca wanunyanpi, taku yute cinhan ; takudan yutapi kte šni qa mini yatkanpi kte šni :

8 Tuka wakihdaka oğekitonpi kta, wicašta qa woteca nakun ;

qa nina hin Wakantanka hoyekiyapi kta : han, otoiyo hi iye tacanku šice cin etanhan, qa napipi ohna woyušice kin etanhan ihduhomnipi kta :

9 Tuwe sdonya he, okinni Taku Wakan kin hdicu kta, qa iyopeiciye kta, qa tocanteptanye wohitike cin etanhan ihduhomni kta, hecen ihangunyanpi kte šni ce.

10 Unkan wicohan tawapi kin Wakantanka wanyaka, tacankupi šice cin etanhan ihduhomnipi : hecen Wakantanka is eya taku šica ecawicakicon kta keye cin etanhan ihduhomni, qa ecen econ šni.

WICOWOYAKE 4.

1 Tuka Jonah he šicedake hinca, qa nina canteptanyan.

2 Qa Jehowa cekiye ça heya ; Hehehe wanna, Jehowa, mitama-koce en waun qehan, mioie qon he dee šni he : Heon etanhan tokaheya Taršiš ekta nawapa : Taku Wakan canwašte qa waonšida, wacantkiye hinca qa wawacinkta yuza tanka, qa taku šica on iyopeiciya ecee kin heni-ca sdonwaye ciqon :

3 Hecen wanna, Jehowa, ceciciya ce, minagi kin emiciyaku wo ; mašte kte cin hee wašte, wani kte cin isanpa nakaes.

4 Unkan Jehowa heciya ; Canteniptanyan kin he tanyan eanon he.

5 Hehan Jonah otonwe kin etanhan tankan iyaye ça otonwe iwiyo hiyanpatanhan iyotanka ; qa hen canwapa okeya wan icicaga, qa ohanzi kin en iyotankehan yanka ; otonwe kin taku iyahde kte cin he wanyake kta.

6 Unkan Jehowa Wakantanka kikion wanji econši, qa he Jonah iwankam icalikiciya, pa kin aohanzi kiye kta, toiyokišice ana-

MIKA,

kicipte kta heon etanhan. Hecen Jonah kikion kin on nina iyuškin hinca.

7 Tuka ihanhanna anpao kta hehan Wakantanka warnduška wan econsi, unkan he kikion ica-ge cin he kiunniya, hecen šniš aya.

8 Unkan kaketu, wihinanpa hehan wiyohiyanpa tanhan tate katta wan Wakantanka ukiya; unkan anpetu wi kin Jonah pa kin nina akanya, hecen ihpaya, qa iye nađi ekta 7e kta cin; qa, Ma7e kte cin he wani kin isanpa wašte kta ce, eya.

9 Hehan Wakantanka Jonah heciya; Kikion he on canteni-

ptanyan kin he wašte he. Unkan, Ma7e kte cin hehanyan cantemaptanyan kin he wašte kta ce, eya.

10 Hehan Jehowa heya; Niye kikion kin, on hitayani šni qa icaliyakiye šni esta, tuka hanyetu wanjidan en icađa, qa hanyetu wanjidan en atakunišni qon he onšiyakida:

11 Qa miš miye Nineveh otonwe tanka kin, ohna wicašta nape etapa qa catka kin kinukankiya ohdałniđapi šni, kektopawinge wikcemna eceł akenonpa sanpa yukan, qa nakun wanuyanpi ota hinca, he onšiwakida kte šni he.

MIKA.

WICOWOYAKE 1.

1 Jotham, Ahaz, qa Hezekiah Juda wicaštayatapi kin taanpetu kin en, Jehowa oie, Samaria qa Jerusalem on, Mika Morašti wicašta en hi kin he dee.

2 Oyate iyuhpa nałon miye: Maka kin anađoptan kta qa toojudan koya: Qa Jehowa Itancan kin niyepi on wayaotanin kta; Itancan kin iye tipi wakan tawa kin etanhan.

3 Iho, Jehowa oyanke tawa kin etanhan u nakaes; kun u kta, qa maka pajodan kin en iyahe kta.

4 Iye ihukuya 7e kin sđoyapi kta; qa omdaye kin hena yuptujapi kta, peta en cansin iyececa, maya etanhan mini hdihan iyececa.

5 De ocowasin Jakob wawakipajin kin on, qa Israel tiyohnaka wałtani kin heon etanhan. Ja-

kob wawakipajin kin tukte e he; Samaria hee šni he: Qa Juda pajodan tawa kin tukte e he; Jerusalem hee šni he.

6 Heon etanhan Samaria maga en paha kađapi kin heca wakađe kta, hastanhanka iyuwi huhdepi kin iyececa: qa inyan tawa kin kaksiza ekta ehpcwaye kta, qa taku akan he cin he mdutanin kta.

7 Qa wakađapi bađopi tawa iyuhpa kamdecapi kta; qa wicin wicaqupi kin iyuhpa peta on hułnałyapi kta; qa wakađapi tawa kin iyuhpa mdutakuni kte šni: Hena witkowinna opetonpi kin on kamna nakaes, unkan hena witkowinna opetonpi kin ekta hdoyapi kta ce.

8 Heon etanhan waceye kta, qa wašicahowamde kta, sicodan qa tancodan mde kta: šunktokeca iyecen wahoton kta, qa hinhan-kađapi iyecen waceye kta.

WICOWOYAKE 2.

9 Ksuweyapi kin he asniyepica šni; Juda ekta hiyohi nakaes; he mitaoyate tiyopa kin iyahde, Jerusalem etu.

10 Gath ekta oyakapi šni po; ceyapi on ceyapi šni po: Ophra ti kin ekta maka mdu on ihdupe-mni wo.

11 Saphir en ounyaye cin, tancodan nitowistece en ako ya miye: Zaanen en ounye cin he hinanpe kte šni: Hezel tipi kin en wicaceya kin he owote tipi eniciyakupi kta.

12 Merath en ounye cin taku wašte on yazan hda, tuka taku šica Jehowa etanhan kun u, Jerusalem tatiyopa kin en.

13 Lakiš en ounye cin, suktanka duzahe cin he canpahmihma en ikoyagya wo: Zion cunwintku woahani tawa tokaheya qon hee: Israel wawakipajin kin hena niye en iyeyapi nakaes.

14 Heon etanhan kpağanpi wuwapi wan Morešeth Gath yaqu kta: Akzib tipi kin hena Israel wicaštayatapi kin wicahnayanpi ece.

15 Tuka, Mareša en ounyaye cin, tuwe tawaye kte cin he niye en awahi kta: Israel towitan kin he Adullam en hi kta.

16 Hdušda qa hdasar wo, hokšidan waštewicayakidake cin hena on: tankaya ihdušda wo, huya cinca kin iyececa; hena ehpeniyan wayaka ayapi kin heon etanhan.

WICOWOYAKE 2.

1 Hehehe, tona wicohan šica awacinpi, qa towinjapi akan taku šica ka hi wacinpi kin: hanhanna anpa kta hehan econpi kta, iye napapi en wowašake yukan nakaes.

2 Unkan maga konpi qa iyałpa-yapi, nakun tipi kin hena, qa icu-

pi: hecen wicašta wan kakišyapi, qa tipi tawa; han, wicašta wan qa taku tawaye cin nakun.

3 Heon etanhan Jehowa hecen eya; Iho, wicowazi kin de taku šica wan en hiyuwicawakiya, hetanhan tahu eyehdakupi kte šni; qa wahaničidaya mayanipi kte šni; he anpetu šice hinca nakaes.

4 Anpetu kin he en niyepi on tuwe odowan wan abiyaye kta, qa ceyapi tehike on ceye kta: Woihangye on ihangunyanpi ce, eye kta: mitaoyate taku tawa kin iye yutokeca; yutokan iyemici-ciya ce: wawakipajin wan kici maga unkitawapi kin kipamni.

5 Heon etanhan Jehowa tomniciye kin en oeconna on tuwedan hałonta on makoce iniciyute kta duhe kte šni.

6 Woyakapi šni po: tona dena on woyakapi kte šni kin hena woyakapi kta: Wowistece yutokanpi kte šni ce.

7 De taku iapi ka, Jakob tiyohnaka; Jehowa Taniya kin he hduptecedan he; wicohan kin dena iye tawa he; mioie kin hena tuwe owotanna mani kin yuwašte šni he.

8 Tuka ehanna tanhan mitaoyate kin toka wan iyecen inajin: tona kicizapi cinpi šni, tona wiko-ke šni mani hiyayapi kin hena šina okde ko wicayakipi ece.

9 Mitaoyate winyanpi kin hena tipi waštekidapi kin etanhan tankan iyewicayayapi: iye cincapi etanhan mitowitan ewicayeciya-kupi, owihanke šniyan.

10 Najin po, qa tokan ya po; ozičiyapi kte cin he detu šni nakaes: he woasape heon waihangye kta, qa he woihangye tehika hinca.

11 Wicašta wan taku šni eciyatanhan mani qa wohnaye on iton-

MIKA,

śni; Miniša qa mini wakan on wociciyake kta ce, eye cinhan, he qe oyate kin wicašta wokcan tawapi kta.

12 Jakob, niye ocowasin awicakehan mnaciye kta: Israel okaptapi kin yuwitayapi on wicamduwitaya kta: Bozrah tahinca wanunyanpi kin iyecen witaya ewicawahnake kta; wiñanpi kin en ocokaya optaye kin iyececa: wicašta on owodutaton tanka kta.

13 Wayujuju kin he wicitokam iyaya: hena wayujupui, qa tiyopa kin ekta iyayapi, qa ohna tankan hinanpapi: Unkan wicaštayatapi tawapi kin he wicitokam iyopte kta, qa Jehowa hee wicitokamtu kta ce.

WICOWOYAKE 3.

1 Unkan hepa; Jakob itancanpi kin, ceciciyapi, qa Israel en wicašta wayaco, nañon miye: Niye wokonze kin sdonyakiyapi kta iyecece śni he.

2 Taku wašte śicedakapi qa taku śica waštedakapi; ha bawicakigapapi qa huhu bakicismipi kin he niyepi:

3 Nakun mitaoyate celpi kin temyapi qa ha bawicakigapapi; huhu wicakaksaksapi, qa cega en ohnakapi kta iyecen bawicašpušpupi, qa conica maza cega kin ohna iyececa ece.

4 Hehan Jehowa hoyekiyapi kta, tuka iye awicayupte kte śni: nakun hehan iye ite anahbewicakiye kta, wicoñan econpi kin en ihdušicapi kin heon etanhan.

5 Wicašta wokcan tona mitaoyate nuniwicakiyapi, tona hi on wayahtakapi eca, Wookiye, eyapi ece; tuka tuwe taku i en owicakicihnake śni kinhan he

kizapi ecee kin hena on Jehowa hecen eya:

6 Heon etanhan hanyetu nicyankapi kta, wowanyake wanice kta; qa otpaza nicyankapi kta, waayatapi wanice kta; qa anpetu wi kin wicašta wokcan kin etanhan aisinyan iyaye kta, qa anpetu kin aotpaswicaye kta.

7 Hehan wawanyakapi kin ištecapi kta, qa waayatapi kin nihinciyapi kta: han, hena iyulpa putinhin ahdañpapi kta, Wakan-tanka eciyatanhan woayupte wamica nakaeš.

8 Tuka miye qe wowašake omajudan, qa woyaco wookihi ko on, Jehowa Taniya kin eciyatanhan; hecen Jakob wawakipajin kin, qa Israel woahñani tawa kin weciyaotanin kta.

9 Ceciciyapi ce, Jakob tiyohnaka itancanpi, qa Israel tipi en wayacopi kin, de nañon miye; tona wokonze śiceyadakapi, qa taku owotanna kin owasin dupe-mnipi ece:

10 Zion wicawe on piya kağapi, qa Jerusalem, wicoñan śica on:

11 Itancanpi tawa kin hena kajujupi on wayacopi ece, qa wawayuśna tawa wiyopeyapi on waonspewicakiyapi, qa wicašta wokcan tawa kin hena mazaska on waayatapi ece: tuka Jehowa wacinyanpi kta, qa, Jehowa unkipi un śni he; taku śica un-kakipapi kte śni ce, eyapi.

12 Heon etanhan niyepi on etanhan Zion yumdupi kta, mağa iyececa, qa Jerusalem inyan paha kin heca kta, qa tipi paha kin he contanka pajodan kin hena iyecece kta ce.

WICOWOYAKE 4.

1 Tuka anpetu ehake kin en kaketu kte; Jehowa ti paha kin

WICOWOYAKE 5.

he he ipa kin en ehdepi kta, qa paha kin hena iwankam iyeyapi kta; unkan oyate kin kadus en au kta ce.

2 Han, Ikcewicašta oyate ota upi kta qa heyapi kta; U miye, Jehowa Paha tawa kin ekta itawankanhde unyanpi kta, Jakob ta Wakantanka ti kin ekta; hecen iye tacanku kin onspeunki-yapi kta, qa ocanku tawa kin ohna maunnipi kta: Zion etanhan woopé wan hinanpe kta, qa Jehowa oie kin Jerusalem etanhan kta nakaes.

3 Unkan iye oyate ota ehnahna wayaco yanke kta, qa Ikcewicašta wašakšaka tehan unpi kin iyopewicaye kta: hecen mazasagye on mahiyumdu isan içi-cağapi kta, qa wahukeza tawapi kin isan škopa kta: Ikcewicašta oyate wan oyate tokeca kici mazasagye apahapi kte šni, qa nakun ieimana okicize onspeiçiciyapi kte šni.

4 Tuka otoiyo hi hastanhanka iyuwi tawapi kin ihukuya, qa suken can tawa kin ihukuya iyotankapi kta; qa tuwedan wakokipe wicakicage kte šni: Jehowa ozuye yuhe cin hee i kin hecen eya nakaes.

5 Oyate otoiyo hi iye taku wakan tawapi caje kin eciyatanhan manipi kta; tuka unkiye Jehowa Wakantanka unkitawapi caje eciyatanhan maunnipi kta, ohin-niyan qa owihanke wanica.

6 Anpetu kin he en tuwe hušte kin mnawaye kta, qa heyata iye-wicayapi qon hena mduwitaya kta, qa tona kakišwicawaye ci-qon, Jehowa eya.

7 Qa tuwe hušte kin he wookap-te wakage kta, qa tona tehan heyata iyeyapi qon hena oyate wašake kta: qa hena wiciwan-kam Jehowa Zion paha akan

wicaštayatapi un kta, detanhan qa owihanke waniea.

8 Unkan niye, optaye conkaške kin, Zion cunwintku pajodan tawa kin, niye en hi kta, han, iwicadake tokaheya qon he hi kta, wokiconze Jerusalem cunwintku kin en.

9 Tokeca wanna nina yašiea-howada he: Wicaštayatapi takudan en niun šni he; waonspe-kiye nitawa ihangyapi he; wino-hinca hokšiksuye cin iyecen wayazanyahda nakaes.

10 Wayazanhda qa hiyu ya wo, Zion cunwintku, winohinca hokšiksuye cin iyececa: Wanna otonwe kin etanhan yahidu kta, qa mağa kin en yati kta; qa Babel ekta de kta; heciya cinca yaton kta; heciya Jehowa tona tokaniyanpi napepi etanhan openiciton kta ce.

11 Unkan nakaha oyate ota takpe niupi; Iho, yušapapi kta ce, qa unkištapi Zion opalıta un nunwe, eyapi.

12 Tuka hena Jehowa tawacin kin sdonyapi šni, qa iye tawokonze kin okałnigapi šni: hena e onapanpi kin en mnawicawaye kta, aguyapi opalıte kin iyececa.

13 Najin wo, Zion cunwintku, wakapan wo; he nitawa kin he mazasapa wakage kta, qa šake nitawa mazaša wakage kta nakaes: Unkan niye oyate ota wicayakamdemdece kta: qa miye wokamna tawapi qon Jehowa on wohduze wakage kta, qa taku yuhapi kin maka ocowasin Itancan kin he tawa kta ce.

WICOWOYAKE 5.

1 Ozuye cunwintku, wanna mniciya wo: ihdukšan acanunkaškapi: icapsinte wan on Israel wayaco kin tapon en apapi.

MIKA,

2 Unkan niye Bethlehem Ephra-tah, Juda kektópawinge kin ehna nicistinna qeyaś, niye etanhan Tuwe Israel en wawidagye un kte cin he en mahi kta, unkan iye toicage kin wanakajatanhan, anpetu otokaheya wanica etanhan.

3 Heon etanhan winoñinca ho-kśiksuye cin cinca ton kta hehanyan wicapagan kta: hehan iye hunkawanjitku okaptapi kin ihdokupi kta, Israel cinca kin om.

4 Unkan iye najin kta, qa Jehowa towaśake on wawihankiye kta, Jehowa iye ta Wakantanka caje wowitan kin en: unkan hena owanji yakonpi kta: wanna maka ihanke kin hehanyan iye tanka kta nakaes.

5 Unkan heqe wookiye un kta, tohan Aśur makoce unkitawapi en hiyu, qa tipi waštešte unkitawapi kin en iyahan kinhan, hehan itkom wawihankiye śakowin, qa wicaśta sdakiyapi śahdogan najin wicunkiyapi kta.

6 Qa hena Aśur makoce kin ihangyapi kta, qa Nimrod tamakoce kin iye tatiyopa kin etu: hecen Aśur tohan makoce unkitawapi kin en hiyu, qa ihanke unkitawapi kin en iyahan kinhan, etanhan woehdaku yuke kta.

7 Unkan Jakob okaptapi kin hena oyate ota ehna hna Jehowa etanhan cu kin iyecece kta; magaju peji aśbu, wicaśta apeya un śni, qa wicaśta cinca awicakipe śni kin he iyececa.

8 Nakun Jakob okaptapi kin Ikcewicaśta ehna, oyate ota wicacokaya, contanka en woteca ehna mnaja kin he iyecece kta; mnaja kośka tañin wanunyanpi optaye ehna un kin iyececa: heqe opta ye cinhan naihangye kta, qa wayapotpote kta, qa waehdaku wanice kta.

9 Tona kakiśniyanpi qon wiciwankam ninape yanke kta; qa tokaniyanpi kin iyulipa awihnuni kta ce.

10 Unkan anpetu kin he en kaketu kta, Jehowa eya; Niye nicokaya tanhan śuktanka nitawa awihnuniwaye kta, qa canpahmihma nitawa ihangwaye kta.

11 Qa makoce nitawa en otonwe kin awihnuniwaye kta, qa conkaśke śuta nitawa mdujuju kta.

12 Qa wakan kağapi kin he ninape etanhan awihnuniwaye kta; qa wakan kağapi ece kin hena en niunpi kte śni.

13 Nakun wakağapi bağopi, qa taku wakan yakağapi kin hena nicokaya tanhan awihnuniwaye kta; qa taku ninape kağe cin ici mana ohoyada kte śni.

14 Qa can wojupi nitawa nicokaya tanhan mdujun kta: hecen otonwe nitawa ihangwaye kta ce.

15 Nakun wocanniye qa wocanteptanye en Ikcewicaśta oyate waanağoptan śni unpi kin hena en towicaweciçon kta ce.

WICOWOYAKE 6.

1 Wanna Jehowa taku eye cin he nañon miye: Najin wo, ñe kin itokam wakinica wo; qa paha kin hena niho nañonpi kte.

2 Ñe kin niye, qa maka oahe suta kin, Jehowa toakinica kin nañon miye: Jehowa iye taoyate kici woakinica wan yuha nakaes; qa Israel om wakinica kta ce.

3 Mitaoyate, taku ecacicon he; qa taku on iyotanhan iyeciciya he, omiciyaka wo.

4 Egipta makoce kin etanhan hinanpeciya, qa wowidake tipi kin etanhan opeciciton nakaes;

WICOWOYAKE 7.

qa Moses, Aaron qa Miriam nito-
kam yewicawaši.

5 Mitaoyate, Balak Moab wi-
caštayatapi kin taku awacin gon
he dehan kiksuya wo, qa Šit-
tim etanhan Gilgal hehanyan Ba-
laam Beor cinhintku taku ayupte
ciqon: hecen Jehowa toowotan-
na kin oyakalinigapi kta.

6 Taku yuha Jehowa itokam
hibu kta, qa Wakantanka Tehan-
wankantu kin itokam pamahde-
dan waun kta he: wohuľnaħ-
yapi wošnapi, ptejicadan wani-
yetu wanjidan hduha hibu kta he.

7 Tamdoka kektopawinge ece,
wihdi wakpa kektopawinge wi-
kcemna Jehowa iyokipi kta he:
Micinca tokapa kin he taku šica
ecamon kin on waqu kta he; mi-
tancan etanhan taku icage cin
he minagi wahtani kin on.

8 Wicašta, iye taku wašte kin
oniciyaka ce: Unkan Jehowa
taku nicida kin tukte e he; wo-
konze ecanon kta, qa wowaonšida
wašteyadake kta, qa nita Wa-
kantanka kici aħbayedan mayani
kte cin hena ee.

9 Jehowa ho kin otonwe kin en
hoyekiya: Unkan wowiyukean
nicaje kin iyekiye kta: Ica-
psinte kin he anaġoptan po, qa
tuwe pazo kin he nakun.

10 Hinyahin wicašta šica ti kin
ohna wokamna šica, qa epha (wi-
yutapi) iyotpani wahtešni kin
heca yukan he.

11 On aspeyapi šica qa wohna-
ye inyan wojuha ohna mduhe
cinhan maska kta he.

12 Wicašta wijica en unpi kin
hena wokakišye ojupidan, qa en
ounyanpi kin hena itonpišni ecee,
qa iye ipi ohna ceji wahnayan
yuhapi.

13 Heon etanhan miš eya asni-
yepica šni cicaštake kta, waya-
htani kin on awihnuniciye kta.

14 Niye wayate kta qa winipi
kte šni, tuka wotekteyahda kin
mahen niun kta; qa watoničikšu
ešta takudan eyahdaku kte šni;
qa taku eyahdaku ešta mazasag-
ye kin en waqu kta.

15 Niye woyaju kta tuka wadu-
kse kte šni; wihdi su kin naya-
pan. kta tuka wihdi on sdaničiye
kte šni; hastanhanka teca kin
hena, tuka miniša datke kte šni
ce.

16 Omri toope kin hena opapi
nakaes, qa Ahab tiyohnaka wi-
cohan tawa iyuhpa; qa hena taku
konzapi kin ohna mayanipi ece;
hecen otiwota ehpeciye kta, qa
en ounyanpi kin hena woajiji
wakage kta: Heon etanhan mi-
taoyate towištece kin he niye
duhapi kta ce.

WICOWOYAKE 7.

1 Hehehe miye, mdoketu wa-
skuyeca yušpipi kin he iyemaceca
nakaes, hastanhanka yušpišpipi
kin iyececa; iyage yutapi kta
wanica: suken tokaheya icage
cin he minagi cantokpani tuka.

2 Tuwe wašte kin he maka kin
etanhan ihangyapi; qa wicašta
ehna tuwedan owotanna šni; iyu-
hpa wicawe iyapepi: on-hmun-
kapi kin on otoiyohi sunkakici-
yapi akicitapi ece.

3 Taku šica econpi kta on wa-
yupikapi: wicašta itancan qa wa-
yaco kin hena wokajuju dapi, qa
wicašta tanka kin iye naġi taku
šica cin kin he yaotanin ece: he-
cen içiyuhmunpi.

4 Hena etanhan tuwe iyotan
wašte kin he wapepeka iyececa,
iyotan owotanna kin he canpepe
iyececa: waawanyake nitawa ta-
anpetu, en kakišniyanpi kte cin
he u ye: wanna wonihinciye ta-
wapi yuke kta ce.

MIKA,

5 Wicitakuye wicayecidapi kte šni; wicatakodaku wacinyakiyapi kte šni: tuwe nimaku en iwanka ece kin he nii tiyopa kin onakicitaka wo.

6 Wicacinca kin atkuku witkokidaka nakaš; wicinca kin he hunku itkokim inajin, takošku kin kunkišitku kin itkokipa ece: wicašta tokayapi kin iye tiyohuaka wicašta kin hena eepi ce.

7 Tuka miye qe Jehowa ekta ewatonwe kta; wowanikiye mitawa Wakantanka kin he ape waun kta: Wakantanka mitawa namakihon kta.

8 Tokamaye cin, miye on wiyuškin šni wo: mahinlipaya ešta ake nawajin kta; otpaza en imdotanka ešta Jehowa iyoyanpa mitawa kin hee kta.

9 Jehowa tocanniye kin mduha kta, iye en wawahtani nakaš: woakinica mitawa on imakiye kta, qa wokonze eciyatanhan ecamicon kta hehanyan iyoyanpa ekta inanpe maye kta; iye toowotanna kin wanmdake kta.

10 Hehan tuwe tokamaye ciqon he wanyake kta, qa wowištece akašpe kta: tuwe, Jehowa Wakantanka nitawa tukten un he, emakiye cin he mišta wanyake kta: wanna he qe canku upšija kin iyececa amanipi kta.

11 Anpetu kin he en conkaške nitawa piya kašapi kta; anpetu kin he en makoce iyutapi kin yutehanpi kta.

12 Anpetu kin he en nakun Ašur etanhan qa otonwe acankaškapi kin etanhan niye en nihi kta, qa conkaške kin etanhan wakpa kin ekta, qa miniwanca

etanhan miniwanca ekta, qa he kin etanhan he kin ekta.

13 Tuka tona en.ounyanpi kin hena on makoce kin otiwota ešpeyapi kta, iye wicohan waskuyeca kin hena on.

14 Cansagye nitawa on nitao-yate, optaye tawayakiye ciqon hena wihanwicakiya wo, isnana ounyanpi, contanka kin en, Karmel cokaya: Bašan qa Gilead en wihanpi kta, anpetu wanakaja qon iyececa.

15 Egupta makoce kin etanhan yahinanpe ciqon anpetu kin he iyececa taku wowinihan wan-yagwakiye kta ce.

16 Ikcewicašta kin wanyakapi kta, qa towašakepi kin owasin on nihinciyapi kta: nape iaputakapi kta, noše kpapi kta.

17 Maka mdu kin sdipapi kta, wanmduška kin iyececa; maka wanmduškadan iyececa aonaici-takapi kin ohna cancanpi kta: Jehowa Wakantanka unkitawapi kokipapi kta, qa niye nitokam kopehdapi kta ce.

18 Taku Wakan tuwe iyeniceca he, šicaya econpi kin kajuju, qa oyate tawa okaptapi wawakipajinpi kin acakšin iyaya ece: Ohinniyan tošinhda kin hduhe šni, wowaonšida on iyuškin nakaš.

19 Iye ake hdicu kta, onšiunkidapi kta; taku šica econkupi kin hena ihangye kta: Unkan niye hena wahtanipi kin iyulpa miniwanca ošbe kin en ešpeyaye kta.

20 Wowicake qon Jakob yaqu kta, wowaonšida anpetu wanakajatanhan hunkakewicunyanpi konza iwahowicayaye ciqon he Abraham ecayecon kta ce.

NAHUM.

WICOWOYAKE 1.

1 Nineveh on woyake kin. Nahum Elkosi kin tawowanyake wowapi kin dee.

2 Taku Wakan winawizi qa watokiçon ecee kin Jehowa hee: Jehowa watokiçon qa wohitika: Jehowa tona kipajinpi kin towicakiçon kta, qa tona tokayapi kin wošinhda wicakiyuhe kta.

3 Jehowa wawacinkta yuza tanka, tuka wašake linca, qa iyaonpepica šni wicayawa kte šni: Jehowa tacanku kin tateiyumni qa kihašica ohna wanka, qa watušekšeca iye siha askape cin mahpiya sapa kin hena ee.

4 Miniwanca kin kišica qa kapuza, qa wakpa owasin oyaheya ece: Bašan qa Karmel šniš aya; qa Lebanon walica kin šnija.

5 Iye itokam he kin cancan, qa paha kin skan aya; nakun maka kin škanškan, iye itokapatanhan; han, maka qa en ounyanpi kin owasin koya.

6 Iye tošinhda kin itokam tuwe najin okihi kta he: qa tocanniye wohitike cin tuwe en un kta he: iye towohitike kin peta iyeccen kaštanpi, qa iye eciyatanhan imnija kamdemdecapi ece.

7 Jehowa wašte, wonihinciye anpetu kin en he wowinape yapi kin heca: qa tona wacinyanpi kin hena sdonwicakiya ece.

8 Tuka minitan apašboka on owanka kin he ocowasin ihangye kta; qa tokawicaye cin hena otpaza kuwa awicaye kta.

9 Taku e Jehowa on awacan-nipi he: woihangye kađe kta;

wokakije kin he inonpa binanpe kte šni.

10 Wapepeka iyececa icihmunpi keš, qa miniša tawapi on witkopi ešta, peji puze linca iyeccen hulinahyapi kta ce.

11 Tuwe Jehowa on taku šica awacin, wiyuacan wicaštašni kin heca, he niye etanhan hinanpa.

12 Jehowa hecen eya ce; lhdustanpi qa decen otapi qeyaš hecen wicakašdapi kta, tohan iye iyopta ye cinhan. Kakišciya tuka ake icimana kakišciye kte šni.

13 Unkan nakaha iye tawanapin kin niye etanhan ciciyukse kta, qa on nicaškapi kin mduwehweđe kta ce.

14 Nakun niye on Jehowa wakiconza, nicaje etanhan icimaña ojupi kte šni: Taku wakan nitawa ti kin etanhan wakađapi bađopi qa wakađapi šdoyapi kin ihangwaye kta: woħa cicićage kta, niwahtešni nakaes.

15 Wanyaka wo, tuwe he akan wotanin wašte au siha kin, woo-kiye eyanpaha: Juda, wohanpi wakan nitawa hduštan wo; wahoyaye cin hduacetu wo: Tuwe wicaštašni kin he ake icimana en niu kte šni; he ocowasin ihangyapi nakaes.

WICOWOYAKE 2.

1 Waihangye kin he nitkokim hiyu: Conkaške kin acankaška wo, canku kin awanhdaka wo, nite hduwašaka wo, wowašake kin he nina hdusuta wo.

2 Jehowa Jacob towitan kin tokan iyeya, Israel towitan qon iyececa: wawicaki sa kin hena

NAHUM,

wawicakipi, qa iyuwi adetka tawapi kin ihangyapi nakaes.

3 Wicašta waditaka tawa tawahacanka kin šayapi, wicašta wašakapi kin hena wokoyake duta unpi: anpetu en pičiya eca maza wiyakpakpa kin canpahmihma ikoyagyapi, qa wahukeza kin koskozapi ece.

4 Canpahmihma kin canku ohna witkotkoya škanpi, otonwe canku kin ohna icicawin nawankapi: wanyakapi kin petuspe seececa, wakanhdi iyecen iyoyam hinnda kta.

5 Taakicita tancan kin hena owicawa kta: hena manipi kinhan hicanhanpi kta; ihduksan conkaške kin ekta inahni yapi kta, qa woakalipe kin ehdepi kta.

6 Wakpa tiyopa kin hena yuhdokapi, qa tipi waštešte kin hena skan aya.

7 Wanna yušanpi, tancodan ehpeyapi, wayaka ayapi, qa wikoška tawa kin hena maku en aičipapi wakiyedani ho kin on iyecen yus ayapi kta.

8 Anpctu wanakajatanhan Nineveh mini kiwitayapi kin iyececa. Tuka najicapi kta: Inajin po, inajin po, eyapi: Tuka tuwedan hakikta šni.

9 Mazaska kin icu po, mazaskazi kin icu po: taku mnayanpi kin yusotepica šni; waksica okali wašte kin owasin wopteca šni nakaes.

10 Kašanpi, qa yucokapi, qa yutakunipi šni: qa wicacante kin skan aya, qa wicahupahu kin icicakog hinhdapi, qa wicanite kin otoiyo hi nina yazan hda, qa wicaite owasin samya icupi ece.

11 Mnaja wamaniti kin tukten un he, qa mnaja koška en wotapi kin, tukten mnaja, mnaja wiye, mnaja cinca ko manipi, qa tuwedan wakokipe wicakicage šni.

12 Mnaja kin he iye cinca on wawicakiyašpašpa, qa mnaja wiye tawa on wicakiyahuhuga ece, qa makohdoka tawa kin wawicakipi on ojudan kihnaka, qa wašun tawa kin taku manonpi on.

13 Iho, itkocicipe kta ce, Jehowa ozuye yuhe cin eya; qa canpahmihma tawa kin šota en hulinahwaye kta; qa mazasagye kin mnaja koška nitawa kin hena temwicaye kta: Qa maka kin etanhan taku mayanon ece kin wakaške kta; qa wahoši yewicayaši ho kin ake icimana nahonpi kte šni ce.

WICOWOYAKE 3.

1 Hehehe wewe otonwe kin! wohnaye qa wicayahtahtakapi kin ojudan; wamanonpi kin ayušan šni ece:

2 Icapsinte ho kin, qa canhdeška kokogya unpi, qa šuktanka nawangwankapi, qa canpahmihma ipsipsicapi ece.

3 Šunka wakan akan iyeičiya-pi, mazasagye pawiyakpapi, qa wahukeza kin wiyakpakpa: Unkan wicota wicaktepi; qa wicašta ta wanka ota hinca; qa wicašta wanke cin wopteca šni; wicašta ta wankapi kin ehna naktihanhanpi ecee.

4 Witkowinna owanyag wašte wawicihalapi ota econ kin on, wakanyan econpi itancan kin hee, wawicihalapi econ kin on oyate wiyopewicaya, qa wakanyan econ kin on wicowazi wiyopeya ecee kin hee:

5 Iho, itkocicipe kta, Jehowa ozuye yuhe cin eya; sanksanica nitawa nite ekta ewahnake kta, qa tanconikadan kin he oyate kin wanyagwicawakiye kta, qa wokiconze kin nitowištece kin wanyakapi kta ce.

WICOWOYAKE 3.

6 Qa taku śice hince cin aihpe-
ciye kta, qa wahteśni cicage
kta, qa owanyake on ecihnake
kta ce.

7 Hehan kaketu kte, tona wan-
niyake cin otoiyo hi nanicipe kta,
qa heye kta; Nineveh ihangya-
pi, tuwe aceye kta he; tokiya-
tanhan aniceyapi kte cin owade
kta he.

8 No-amon (wicota) isanpa ni-
wašte he; he qe wakpa kin ehna
iyotanka; ihdukšan mini hiyaya;
towaśake kin he miniwanca kin
akan yanka, conkaśke tawa kin
mini tanka kin en.

9 Kuś sanpa yuwaśaka, qa Egu-
pta; unkan hena woptecaśni;
Put qa Lubim waoniciyapi.

10 Tuka he qe unhdaka iyaya,
wayaka ayapi; nakun hokśiyopa
tawa kin hena canku oise owasin
en wicakahuhugapi; qa wicašta
okinihan tawa kin on oeonna
econpi, qa wicašta tanka tawa
kin owasin maza on wicaka-
śkapi.

11 Niś eya winitko kta, inalibe-
ničiye kta; niś eya tokapi kin
on wowinape ayakite kta.

12 Conkaśke suta nitawa owa-
sin suken can waskuyeca toka-
heya suton kin he iyececa; yu-
hnapi kinhan hena tuwe yute kta
i ohna hinhpaye kta.

13 Iho, nitaoyate nicokaya unpi
kin hena winyanpi: makoce ni-
tawa tiyopa kin hena tokaniyanpi
kin ocowasin wicakiyuhdokapi

kta: inatake nitawa peta hułna-
ge kta.

14 Onatakapi kin on mini toki-
kśu wo; conkaśke nitawa hdu-
suta wo: upśija kin en ya wo,
qa maka nacoco wo, maka omdo-
ton kin yusuta wo.

15 Hen peta temniye kta; maza-
sagye kin ihangniye kta; psipsi-
ca tanka kin iyececa temniye
kta: Psipsica tanka kin iyece-
ca ihduota wo; psipsicadan kin iye-
ceca ota icicağa wo.

16 Wicašta wopeton nitawa
kin hena malipiya wicanłpi kin
isanpa yahduota: Psipsica tanka
kin he watemya qa kinyan iyaya
ece.

17 Wateśdake wicayecaton kin
hena psipsicadan iyececapi, qa
akicita tancan nitawa kin hena
psipsica tanka kin iyececapi, an-
petu snisni conkaśke icahda wan-
kapi ece: wi hinanpa hehan kin-
yan eyaya, qa tukten unpi kin
sdonyapi śni.

18 Aśur wicaštayatapi, waawan-
yake nitawa kin hena iśtinmapi:
wicašta itancan nitawa makan
iwankapi: nitaoyate kin he akan
enanakiya iyayapi, qa tuwedan
mnawicakiye śni.

19 Nicałuhugapi kin he okizi-
yepica śni; anipapi kin he tehike
łınca: oniyakapi kin tona na-
łonpi kin iyuhpa niye on nape
hdaskaskapapi kta: Taku śica
ecanon kin ohinniyan en au śni
kin he tuwe he.

HABAKUK.

WICOWOYAKE 1.

1 Woyake wakan Habakuk wicašta wokcan okiyakapi qon he dee.

2 Jehowa, tohanyan hoyewaye kta, qa niye nayahon kte šni he: wošice on hoyeciciya, tuka waniyakiye šni ece.

3 Tokeca wicoħan šica wanyagmayakiya, qa woiyokišice ayatonwan he: Woihangye qa wošice mitokam yanka: nakun kicigepi qa kicizapi wankan ihdoya ece.

4 Heon etanhan woope kin tan-sag aya, qa woyaco tohinini inan-pe šni: taku šica wicašta owotanna ihdukšan hiyeya; heon etanhan woyaco škoškopa hiya-ya ece.

5 Ikcewicašta ehna tanhan wanyaka po, qa awacin po, qa yušinyayapi on yušinyaya po: nitanpetu kin en wicoħan wan ecamon kta; he oniciyakapi ešta wicayadapi kte šni.

6 Iho, Kasdim oyate kin icaħwicawakiya, oyate wohitika qa oħanko, maka obdakinyan omani kta, ounyanpi tawapi šni qon hena tawaye kta.

7 Hena wawinihan qa wokokipe hinca: woyaco qa wowitan tawapi kin iye etanhan hiyu kta.

8 Nakun šunka wakan tawapi kin inmutanka kin isanpa duzahanpi, qa hitayetu šunktokeda kin isanpa oħankopi: qa šuktanka akan yotankapi tawa kin waħan-ħaničidaya nawankapi ece; qa nakun šuktanka akan yotankapi

tawa kin tehantanhan au kta, hena kinyan upi kta; wanmdi watemye inahni kin iyececa.

9 Ocowasin waihangya u kta; ozuye itepi kin tokatawapa yanka; qa wayaka mnawicaye kta, wiyaka iyececa.

10 Qa wicaštayatapi iwicaħaħa kta, qa wicašta itancanpi kin woiħaħa yawa kta; conkaške suta otoiyohi on iħa kta, maka mdu kin en eju, qa icu kta nakaes.

11 Hehan hiyaye kta, tate iyececa, qa iyoopta iyaye kta, qa waħtani kta: towašake kin de taku wakan tawa kecin.

12 Jehowa Wakantanka mitawa, Wanji Wakan mitawa, niye otokaheya wanica etanhan yaun šni he. Unkiye unġapi kte šni. Jehowa, he woyaco on yeconza; qa, Imnija, he woiyopeye kta on eyahnaka.

13 Išta niska hinca, hecen taku šica wandake kta iyonicipi šni, qa wicoħan šica ayatonwe kta iyecece šni: Tokeca wicahnayan oħanyanpi kin awicayatonwan he; wicašta šica tuwe isanpa owotanna kin temya ešta inina nanke kta he.

14 Qa miniwanca hoħan kin iyececa wicašta wicayakaħa he, maka asdohanpi kin iyececa, en itancan wanice cin hena.

15 Hena iyulħa hinškiġupi on icupi kta; ho wan on mnawicayapi kta; qa hoħan icuwa kin on yuzapi kta: heon etanhan wi-yuškin kta, qa pida kta.

16 Heon etanhan ho kin waki-yušnapi, qa hoħan icuwa tawapi

WICOWOYAKE 2.

kin en wizite izinyapi ece; he-
na on taku tawayapi kin cepa,
qa woyute ota nakaes.

17 Heon etanhan ho kin hduco-
kaka kta, qa ohinniyan oyate kin
wicakte ayuŝtan kte ŝni he.

WICOWOYAKE 2.

1 Owanyake mitawa kin ohna
nawajin kta, qa conkaŝke kin
akan emiçihnake kta, qa taku
emakiye kta hecinhan ekta eton-
wan manke kta, qa woiyopeye
mitawa on token amdupte kta
hecinhan.

2 Unkan Jehowa amayupte ça
heya; Wowanyake kin he owa
wo, qa canmdaska akan taninyan
kağa wo, hecen tuwe inyanka
eŝta yawa kta.

3 Wowanyake kin he ehake an-
petu yuŝtanpi kte cin hehanyan
kta nakaes; tuka owihanke ekta
inalni kta, qa itonŝni wanice kta :
ihdutehan kinhan ape un wo;
awicakehan u kta nakaes, hanhi
kte ŝni ce.

4 Iho, walianiçida kin he naçi
owotanna ŝni yanka: tuka tuwe
owotanna kin he iye wacinye
cin on ni kta.

5 Nakun miniŝa on walianhiani-
çida nakaes, wicaŝta watankai-
çida kin heca, qa owanji yanke
kte ŝni: hades iyececa naçi hdu-
tanka, qa wiconçe iyececa, qa
tohinni imnan ŝni, tuka Ikcewi-
caŝta oyate iyulpa mnakiye, qa
oyate owasin yuhe kta e wica-
pahi.

6 Dena iyulpa he on wiyacinpi
wan, qa wowihaha odowan wan
yawankan iyeyapi kta, qa heyapi
kta; Hehehe, tuwe taku tawa
ŝni kamna ece: Tohanyan kta
he: Tuwe taku icazowicakiya
iye en mnakiya ece.

7 Tona niyahtakapi kte cin he-

na ihnuhanna najinpi kte ŝni he;
qa naçiyeŝniyanpi kte cin hena
kiktapi kta; qa woiyalhpaye ta-
wapi kin he niye kta ce.

8 Niye oyate ota wawicayaki
ece, he iyeceŝen oyate okaptapi
kin owasin wanicipi kta: wi-
caŝta weyapi kin on, qa woi-
hangye makoce otonwe ko en,
qa en ounyanpi kin owasin on
etanhan.

9 Hehehe tuwe iye ti kin en
wokamna ŝica wan kamna kin-
han, holpi wankan eiçihnake
kta, taku ŝica nape kin etanhan
eihdaku kta e heon.

10 Oyate ota ihangyapi kin on
yati en taku wowiŝtece wan niye
niçicağa, qa ninagi en waniçi-
htani.

11 Hecen conkaŝke etanhan in-
yan kin houye kta, qa can kin
etanhan inatake kin ayupte kta
ce.

12 Hehehe tuwe weyapi kin on
otonwe kağa, qa otonwe tanka
taku ŝica econpi kin on yusuta
kinhan.

13 Iho, oyate kin peta linca en
htanipi kta; han, takuŝniŝni on
oyate kin mdokiçe içiyapi kte cin
he Jehowa ozuyé yuhe cin he-
tanhan ŝni he.

14 Jehowa towitan sonyapi kin
he maka kin ojudan kta nakaes,
miniwanca mini akaŝpe cin iye-
ceca.

15 Hehehe tuwe tikiyedani un
wayatkekiye cinhan; janjan ni-
tawa etanhan oyecicaŝtan, qa na-
kun witko yakaga; hecen tanco-
dan unpi kin ayatonwe kta.

16 Wowitan eekiya wowiŝtece
on winipi linca: niŝ eya waya-
tkan wo, qa tanconikadan kin
hdutanin wo: Jehowa nape etapa
wiyatke kin he niye en ihdoye
kta, qa nitowitan akan wowiŝtece
ihdepapi yuke kta.

HABAKUK.

17 Lebanon wokakişye tawa kin he anicalıpe kta nakaeş, qa wamanica waihangye cin wakokipe wicakicağa ecee kin hena; wicaşta weyapi kin on, qa woihangye makoce qa otonwe kin ohna, qa en ounyanpi kin owasin on etanhan.

18 Wakağapi bağopi kin tuwe bağo hecinhan he taku okihi kta he; wakağapi şdoyapi, qa woi-tonşni onspewicakiye cin, hecen wakağapi kağe cin he wacinkiyekta he, wakağapi ia okitpani kin heca kağe kta.

19 Hehehe, tuwe can kin, Kikta wo, eciye cinhan; tuwe inyan ia okihi şni kin ihduhice şi kinhan. He waonspekiye kta he. Wanyaka wo, he mazaskazi mazaska ko on akalıpapi, tuka mahen oniya ecaca takudan en un şni.

20 Tuka Jehowa iye tawakeya wakan kin ohna yanka; iye itokam maka kin ocowasin inina un nunwe.

WICOWOYAKE 3.

1 Şigionoth on Habakuk wicaşta wokcan tawocekiye kin.

2 Jehowa, oniyakapi nawahon, kopewahda:

Jehowa, waniyetu kin ehna niohan kin piya econ wo;

Waniyetu ehna wayuotanin wo,

Wocanniye en wowaonşida kiksuya wo.

3 Teman etanhan Wakantanka hiyu;

Qa Wanji Wakan kin Paran he kin etanhan. Sela.

Iye tawootanin kin malıpiya kin akalıpa;

Qa maka kin iye towitan kin on ojudan.

4 Unkan towiyakpa kin he iyo-yanpa kin iyececa:

Witaninin kin iye nape kin etanhan:

Qa hen towaşake kin inahıman ece.

5 Iye itokam makoşica hiyaya; Qa oide wan iye siha kin etanhan hiyu ece.

6 Inajin, unkan maka kin cancan:

Ekta etonwan, unkan oyate kin nihinciıyapi:

Nakun he tanina kin hena mdecahanpi,

Paha wanakaja kin hena kun ełıpeiııyapi:

Iye tacanku kin otokahe wanica.

7 Kuşan tawakeya kin wokaki-je en wanmdaka:

Midian makoce ozanhdepi kin kahuhuza.

8 Jehowa, wakpa kin canniyaya he;

Wakpa kin en nitocanteptan-yan yukan he:

Nitoşinhda kin miniwanca kin en;

Hecen şuktanka nitawa akan, Wowanikiye canpahmihma nitawa kin ohna idada he.

9 Itazipa nitawa şdayehna taninyan yanka:

Wanhukeza şakowinwin kta, keya. Sela.

Maka kin wakpa on niye dup-
tuptuja ece.

10 He kin hena wanniyakapi, şkanşkanpi:

Mini hinhe linca hiyaya:

Minişbe kin ho hiyuya.

Nape yuwankan ikikeu.

11 Anpetu wi, hanyetu wi kin iye ounyanpi kin en inajinpi:

Nitawanhinkpe iyoyanpa kin on yapi ece,

Wanhukeza nitawa ijanjan wiyakpakpa kin on.

12 Woşinhda hduha maka kin omayani;

ZEPHANIAH.

- Wocanniye on Ikcewicašta
oyate kin wicayakaštaka
ece.
- 13 Nitaoyate niwicakiya on ida-
da ;
Sdayakiye ciqon ehdakupi
kta e heon :
Wicašta śica tipi ohna pa kin
yakaḥuḥuḡa ;
Oahe hdepi tahu kin hehan-
yan yuaśdaya eyahnaka.
Sela.
- 14 Wanhukeza tawa on taakici-
ta tancan pa cawicayecipa :
Hena nuni makiyapi kta on
tateiyumni iyecen kuwa
amaupi ;
Waḥpanicapi kin naḥmana
temyapi kta iyuśkinpi ece.
- 15 Śuktanka nitawa om mini-
wanca kin ehna mayani ;
Mini tanka ejupi kin ehna-
hna.
- 16 He nawahon, unkan mitezi
śkanśkan :
Wicaho kin on iha namapapi
ece :
Huhu mitawa kuka aya,
Qa mahen macancan ḥinca :
- Tuka wokakije anpetu kin en
ozimičiye kta ;
Tohan oyate om anauntanpi
kta upi kinhan.
- 17 Suken can kin namdaḡa śni
qeyaś,
Qa hastanbanka iyuwi kin en
waskuyeca wanica ;
Oliwe can kicanyanpi kin he
atakuniśni,
Qa maḡa kin woyute taku-
dan icaḥye śni ;
Tahin wanunyanpi tipi etan-
han optaye kin ihangyapi,
Qa tatanka tipi ohna tatanka
wanica qeyaś :
- 18 Tuka miye qe Jehowa on
imduśkin kta ;
Wowanikiye mitawa Wa-
kantanka kin on iyawaśa
kta.
- 19 Jehowa Itancan kin wowa-
śake mitawa kin hee ;
Unkan misiha tatokadan iye-
ceca kaḡe kta ;
Qa paha mitawa akan mani-
makiye kta ce.
Candowankiyapi mitawa en
itancan kin he de kicaḡapi.

ZEPHANIAH.

WICOWOYAKE 1.

1 Josiah Amon cinhintku Juda
wicaštayatapi taanpetu kin en,
Jehowa oie Zephaniah Kuśi cin-
hintku, Gedaliah cinhintku, Ama-
riah cinhintku, Hezekiya cinhin-
tku kin en hi kin he dee.

2 Ihangyapi on makoce ite kin
etanhan taku owasin ihangwaye
kta ce, Jehowa eya.

3 Wicašta qa woteca ihangwi-

cawaye kta ; maḥpiya zitkadan
qa miniwanca hoḡan kin ihang-
waye kta, qa taku on waḥtani-
wicayapi, wicoḥan śica econpi
koya : qa maka ite kin etanhan
wicašta ihangwicawaye kta ce,
Jehowa eya.

4 Nakun Juda iwankam miye
nape wahduḡate kta, qa Jerusa-
lem en ounyanpi kin iyulḥpa ekta ;
qa oyanke kin de etanhan Baal
okicaptapi kin ihangwaye kta,

ZEPHANIAH,

wakağapi wakiyuşnapi cajepi qa wawayuşnapi kin hena koya :

5 Qa tona tiakalıpe ekta ma-
hpiya ozuye kin ohodapi; han,
tona ohodapi, tona Jehowa on
içiconzapi qa nakun wicašta-
yatapi tawapi kin on içiconzapi
ece :

6 Qa tona Jehowa etanhan na-
mnipi, nakun tona Jehowa aki-
tapi şni, qa on wawiwangapi şni
kin hena.

7 Jehowa Itancan kin itokam
inina yanka wo : Jehowa taanpe-
tu kin he kiyedan ihan nakaes̃ :
Jehowa woşna wan hduwiyeya
nakaes̃, tona wicakico kin hena
wicayuwakan.

8 Unkan Jehowa tawoşna an-
petu kin en kaketu kte ; wicašta
ihdawapi qa wicaştayatapi cinca
kin wanyag wicawahi kta, qa to-
na wokoyake tokeca on ihduzapi
kin hena iyulpa.

9 Nakun anpetu kin he en, tona
tiyopa oahe akan ipsicapi kin he-
na wanyag wicawahi kta ; tona
itancan tawapi tipi woihangye
qa wohnaye on ojuyapi ece kin
hena.

10 Unkan anpetu kin he en ka-
ketu kte, Jehowa eya ; hoğan
tiyopa kin etanhan ceyapi ho ye-
yapi kta, qa tiyopa inonpa kin
etanhan şicahowayapi kta, qa
woihangye tanka wan paha kin
etanhan kta ce.

11 Makteş (canwibope) en oun-
yanpi kin, şicahowaya po ; wo-
peton oyate kin ocowasin ihang-
yapi nakaes̃ ; tona mazaska qin-
pi kin iyulpa atakunipi şni.

12 Unkan hehan kaketu kte,
petijanjan yuha Jerusalem en
owakide kta, qa wicašta cetete
akan pustag iyotankapi kin hena
wanyag wicawahi kta ; tona
cante mahen heyapi, Jehowa ta-
ku wašte econ kte şni, qa nakun

taku şica econ kte şni ce, eyapi
ece kin hena.

13 Heon etanhan walipaya ta-
wapi kin wicakipi kta, qa tipi ta-
wapi kin otiwita kta : Nakun
hena e tipi kağapi kta, tuka otipi
kte şni ; qa hastanhanka iyuwi
ojupi kta, tuka etanhan minişa
yatkanpi kte şni ce.

14 Jehowa taanpetu tanka kin
kiyedan hinca ; kiyedan qa ina-
hni hinca : Jehowa taanpetu ho
kin : he en wicašta waditake cin
şicahowaye kta.

15 Anpetu kin he wocanniye
anpetu ; wonihinciye qa wica-
cante şica anpetu ; woihangye
qa woyutakunişni anpetu ; anpe-
tu amalpiya qa otpaza hinca :

16 Mazayahotonpi tanka qa iya-
şapi anpetu, otonwe acankaşkapi
akan, qa conkaške tehanwankan-
tu kin ekta.

17 Unkan wicašta en wonihin-
ciye awicawau kta, hecen iştā-
gongapi iyecen manipi kta ; Je-
howa en wakihtanipi nakaes̃ :
unkan iye we kin kaştanpi kta,
maka mdu iyececa, qa celpi ta-
wapi kin tacesdi iyecece kta.

18 Mazaska tawapi qa nakun
mazaskazi tawapi, Jehowa to-
canniye anpetu kin en ewicahda-
ku okihi kte şni : Tuka tawowi-
nawizi peta kin on makoce oco-
wasin huhnage kta : ihnuhanna
woihangye wan kağe kta na-
kaes̃, maka akan ounyanpi kin
owasin en.

WICOWOYAKE 2.

1 Oyate wiştece şni yaun, ihdu-
witaya wo ; han, ihduwitaya
wo.

2 Wokonze kin hinyahin icage
şni ; anpetu kin aguyapi ha kin
iyecen hiyaye kta ; Jehowa toşin-
hda wohitike cin en niupi şni ito-

WICOWOYAKE 3.

kam; Jehowa tocanniye anpetu kin en niupi šni itokam :

3 Maka akan onšihan yaunpi kin owasin, Jehowa akita po, ta-woyaco ecen ecanonpi kin ; wo-owotanna akita po, wowahbadan akita po : okinni Jehowa tocanniye anpetu kin en anicalipapi kta ce.

4 Gaza otiwita kta, qa Aškelon hewoskan kta : Ašdod anpecokaya hehan napewicayapi kta, qa Ekron yujun icupi kta ce.

5 Hehehe, miniwanca kahda ounyanpi ; Kerethim oyate kin ; Jehowa oie kin itkonicipapi : Kanaan, Philistia makoce kin, niye ihangeiye kta, en ounyanpi wance kta ce.

6 Tuka miniwanca kahda ohna wihanpi yuke kta, wihanwicakipapi miniyowe qa optaye otipi kta.

7 Han, makoce kin he Juda tiyohnaka okaptapi kin yuhapi kta, he ohna wotapi kta : hitayetu hehan Aškelon tipi kin ohna iwan-kapi kta : Jehowa Taku Wakan tawapi kin he wanyag wicahi kta, qa wayaka unpi kin hdicukiye kta nakaes.

8 Moab waawicaie cin hena nawahon, qa Ammon cinca i kapapi kin, on mitaoyate iyopewicayapi, qa makoce opapun tawapi kin en wahanhancidapi ecee qon.

9 Heon etanhan Israel Taku Wakan tawa kin he miye ni waun, Jehowa ozuye yuhe cin he hecen eya ; Awicakehan Moab Sodom iyecece kta, qa Ammon cinca kin Gomorrah iyecece kta, makoce wapepeka oicage kta, qa miniskuya oqapi yuke kta ; qa owihanke wanica otiwita kta : mitaoyate okaptapi kin hena wicakipi kta, qa mitaoyate etanhan wookapte kin hena wicayuhe kta.

10 Wahanancidapi kin on decen waakipapi kta, Jehowa ozuye yuha taoyate kin i en iyewicayapi, qa en ihdatanpi kin heon etanhan.

11 Hena en Jehowa wohitike kta ; maka akan taku wakan kin iyulpa wicayusihtin kta nakaes. Unkan otoiyohi oyanke tawa kin etanhan iye ohodapi kta, han, Ikcewicašta wita kin iyulpa.

12 Nakun Kuš oyate, niyepi mazasagye mitawa on niktepi kta ce.

13 Unkan iye qe waziyatakiya nape hdugate kta, qa Ašur ihangye kta ; qa Nineveh hewoskan kage kta, hopuza iyecen puza kta.

14 Unkan he cokaya optaye kin iwankapi kta, Ikcewicašta wamanica tawapi iyulpa : Nakun hoka kin, nakun pahin kin, hena wankan oinkpa kin en wankapi kta, owanyeye kin ohna hotonpi kta ; tiyopa kin ohna woyutakuni šni yuke kta ; hanteša can on kagapi kin he yutaninyan ehna kta nakaes.

15 Otonwe kin he dee, wiyu-škin un, wikope šni yanke ciqon, cante mahen, Miye, qa micunonpa tanhan wanica ce, eye ciqon he dee. Wanyaka wo, he otiwita icaga, wamanica owanka kin heca ; en hiyayapi kin otoiyohi ajiji kta qa nape koza kta ece.

WICOWOYAKE 3.

1 Hehehe, wawakipajin qa ašapapi kin, otonwe wawicakišya ecee kin :

2 Wicaho kin anagoptan šni ; wawiopeyapi kin he awakicin šni : Jehowa wacinkiye šni : Taku Wakan tawa kin ikiyedana u šni ece.

3 Cokaya wicašta ihdawa yuke

ZEPHANIAH.

cin hena mnaja hotonpi kin heca ; wayaco tawa kin hena hitayetu sunktokeca kin hecapi ; hanhan-na hehanyan takudan kihnakapi sini.

4 Wicašta wokcan tawa kin hena witantanpi, wicašta wicahuayanpi ece : wawayuśna tawa kin hena taku wakan kin yuśapapi, woope kin kicaksapi ece.

5 Jehowa owotanna un kin he cokaya yanka : He qe taku śica takudan econ kte sini. Hanhan-na qa hanhanna woyaco kin iyo-yanpa en ekihde ece : he qe iyotpani kte sini : tuka tuwe śice cin he wowištece sdonkiye sini ece.

6 Ikcewicašta kin ihangwicawaye : conkaške tawapi kin atakuniśni : canku tawapi kin hewotahedan ehpewaye ; hecen tuwedan olha hiyaye sini : Otonwe tawapi kin ihangyapi, hecen wicašta wanica, en ounyanpi wаницe hinca.

7 Awicakehan komayakipe kta ; wowahokonkiye iyacu kta ce : hecen en ounyanpi kin ihangki-
ciyapi kte sini, token waweciconze cigon owasin eciyatanhan, epa. Tuka hankiktapi, taku econpi kin owasin hduśicapi ece.

8 Heon etanhan niye amakipe po, Jehowa eya ; anpetu en wawicaki nawajin kta hehanyan : Ikcewicašta wicamduwitaya kta mičiconza ; wokiconze kin hena mnawicawaye kta ; mitocanteptanye, mitocanniye wohitike cin ocowasin awicawakaśtan kta e heon : wowinawizi peta mitawa kin he maka kin ocowasin temye kta nakaes.

9 Hehan oyate kin wicaiha yutecapi wicawecu kta nakaes ; hecen Jehowa caje kin hoyekiyapi kta, wicotawacin wanji-

dan on en wowidagičiyapi kta e heon.

10 Kuś wakpa kin akotanhan tona cemakiyapi kin hena, enanakiya iyewicayapi mitawa cinca kin hena ee mitawośna aupi kta ce.

11 Anpetu kin he en niohan, mayakipajin qon hena iyuhpa on iništece kte sini he : hehan nicokaya tanhan tona nitowahaničida on wiyuśkinpi kin hena yutokan iyewicawaye kta nakaes : qa he wakan mitawa kin en icimana wahanničida kte sini.

12 Nakun nicokaya oyate wan kakiśyapi qa onśika owicawakapte kta ; unkan hena e Jehowa caje kin wacinyanpi kta.

13 Israel okaptapi kin taku śica econpi kte sini, qa woitonśni eyapi kte sini, qa ipi ohna ceji wicahnayan yuke kte sini : tuka hena e wotapi qa iwankapi kta, qa tuwedan wakokipe wicakicage kte sini ce.

14 Zion cunwintku, dowan wo ; Israel, iyaśa wo : Jerusalem cunwintku, wiyuśkin qa cante ocowasin on ipsica wo.

15 Niyacopi qon hena Jehowa eyaku ; tokaniyanpi kin hena ihangwicaya : Israel Wicaštayatapi kin, Jehowa hee e nicokaya yanka : icimana taku śica wandake kte sini ce.

16 Anpetu kin he en Jerusalem heciyapi kta ; Wakokipe sini wo : Zion, Ihnuhan nape niwankadan kinhan.

17 Jehowa Taku Wakan nitawa kin he nicokaya yanka : Wanji Waśake cin he niniye kta : woyiyuśkin on iniciyuśkin kta : towaśtedake en ozičiya un kta ; dowanpi on iniciyuśkin kta.

18 Tona omniciye wakan kin on icanteśicapi kin hena mnawicawaye kta, hena niye etan-

HAGGAI.

hanpi, woiyopeye on yusaŋapi qon hena.

19 Wanyaka wo, hehan tona kakisniyanpi kin owasin taku ecawicawecon kta; qa tuwe hušte kin he niwaye kta, qa tona napeyapi qon hena mnawaye kta; qa makoce kin en wowištece yuhapi qon hena owasin en

wicacaje qa wowitan wicawecaŋe kta ce.

20 Hehan cihdoui kta, tohan ciyuwitayapi kinhan: maka oyate kin owasin ehnahe wicacaje qa wowitan cicicaŋapi kta nakaes; tohan ništapi itokam wayaka yaunpi kin hdicuwaye cinhan, Jehowa eya.

HAGGAI.

WICOWOYAKE 1.

1 Darius wicaštayatapi kin tawaniyetu inonpa, wi isakpe, anpetu tokaheya en, Haggai wicašta wokcan nape eciyatanhan, Jehowa oie Zerubabel Šealtiel cinhintku, Juda wicaštayatapi, qa Joshua Josedek cinhintku wawayušna itancan kin hena en hi, qa heya:

2 Jehowa ozuye yuha he woyake ça hecen eya; Oyate kin de kaken eyapi ece; Hinyahin iye hantu šni, tohan Jehowa tipi kaŋapi kte cin hinyahinke šni ce.

3 Hehan Jehowa oie Haggai wicašta wokcan nape eciyatanhan u kin he hecen eya:

4 Niye tipi ayuco hduštanpi kin ohna yatipi kta iyenihantupi, qa tipi kin de jujuwahan yanke kta he.

5 Heon etanhan wanna Jehowa ozuye hduhe cin he hecen eya; Nitacankupi kin awakicin po.

6 Ota oyajupi, tuka tonana ayahdipi ece: wayatapi, tuka winipipi šni; wadatkanpi, tuka yatkanpi on inimnanpi šni; woko-yake kodakapi, tuka tuvedan icoza šni; qa tuwe wokamna

ahtani kin he wokamna wojuha ohdoha yuke cin en ohnake kta e htani ece.

7 Jehowa ozuye hduhe cin he hecen eya; Nitacankupi kin awakicin po.

8 He kin ekta ya po, qa can icu po, qa tipi kin kaŋa po; kinhan on iyokipimičiye kta qa mihduwitan kta ce, Jehowa eya.

9 Taku ota dubapi kta kecan-nipi, tuka iho, tonana: unkan ayahdipi hehan awapoŋan. He tokeca he, Jehowa ozuye hduhe cin eya. Tipi mitawa jujuwahan wanka heon etanhan, qa niyepi otoiyohi tipi ekta inyang yahdapi ece.

10 Heon etanhan niwankamtu mahpiya kin cu anakipte; qa maka kin waskuyeca tawa anakipta ece.

11 Unkan miye makopuza weco, maka kin akan, qa he kin akan, qa wojupi kin akan, qa miniša teca kin akan, qa wihti kin akan, qa taku maka etanhan icaŋa ece kin akan, qa wicašta akan, qa woteka akan, qa wicanape htani kin iyuhpa akan.

12 Hehan Zerubabel Šealtiel cinhintku, qa Joshua Josedek

HAGGAI,

cinhintku, wawayuśna itancan kin, oyate okaptapi kin owasin koya, Jehowa Taku Wakan tawapi ho kin anağoptanpi, qa Haggai wicaśta wokcan Jehowa Taku Wakan tawapi u śi oie kin hena; qa oyate kin Jehowa itokam kokipapi.

13 Hehan Haggai Jehowa u śi kin he woyake a, Jehowa oyate taku wahowicaye cin en hecen eya; Miye cicipi waun ce, Jehowa eya.

14 Unkan Jehowa Zerubabel Śealtiel cinhintku Juda itancan taniya kin yuhica, qa Joshua Josedek cinhintku wawayuśna itancan taniya kin, qa oyate okaptapi owasin taniya wicayuhica: Hecen upi, qa Jehowa ozuye hduha Taku Wakan tawapi tipi kin en ħitanipi ece:

15 Darius wicaśtayatapi kin tawaniyetu inonpa, wi isakpe, qa anpetu wikcemna nonpa sanpa topa kin en.

WICOWOYAKE 2.

1 Wi isakowin, anpetu wikcemna nonpa sanpa wanġidan en, Jehowa oie Haggai wicaśta wokcan nape kin eciyatanhan u kin he hecen eya:

2 Wanna, Zerubabel Śealtiel cinhintku Juda itancan, qa Joshua Josedek cinhintku wawayuśna itancan, qa oyate okaptapi kin hena om wohdaka, hewicakiya wo:

3 Onicaptapi kin etanhan tuwe tipi kin de towitan tokaheya kin en wandakapi he: qa wanna token wandakapi he: he kici iwan yakapi niistapi kin en wanna takuśni iyecece śni he.

4 Tuka nakaha, Zerubabel, waśaka wo, Jehowa eya; qa Joshua Josedek cinhintku wawayu-

śna itancan kin, waśaka wo; qa makoce kin en oyate ocowasin, waśaka po qa ħitani po; miye cicipi waun nakaes, Jehowa ozuye hduhe cin eya.

5 Egupta etanhan yahinapapi qon he ehan, niyepi kin en mioie miçiconze cin he iyececa, Mitaniya kin nicipi un: wakokipapi śni po.

6 Jehowa ozuye hduhe cin he hecen eya ce: Ehake wancadan, wanna ecadan kta, hehan miye maħpiya kin mduśkanśkan kta, qa maka kin, qa miniwanca kin, qa ħopuza kin:

7 Nakun oyate kin owasin mduśkanśkan kta, qa oyate owasin Cantiheyapi kin he u kta: Qa tipi kin de wowitan on ojuwaye kta ce, Jehowa ozuye hduhe cin eya.

8 Mazaska kin he mitawa, qa mazaskazi kin he mitawa ce, Jehowa ozuye hduhe cin eya.

9 Tipi ehake kin de wowitan tawa kin he tokaheya qon isanpa tanka kta, Jehowa ozuye hduhe cin eya: Nakun oyanke kin de en wookiye wicawaqu kta ce, Jehowa ozuye hduhe cin eya.

10 Wi inapcinwanka anpetu wikcemna nonpa sanpa topa, Darius tawaniyetu inonpa en, Jehowa oie Haggai nape kin eciyatanhan u kin he hecen eya:

11 Jehowa ozuye hduhe cin he hecen eya ce; Wanna woope kin on wawayuśna kin wiwicawanga qa heya wo:

12 Tuwe tado yuwakanpi kin he taśina opapun kin ohna qin aye a, taśina on ağuyapi, qa is taku ohanpi, qa minisa, qa wiħdi, qa woyute taku kaśta, kaħtake cinhan he wakan kta he. Unkan wawayuśna kin ayuptapi qa, Ĥiya, eyapi.

13 Hehan Haggai heya; Tuwe

WICOWOYAKE 2.

taku ʔa on aʕape cin he taku hececa yutan kinhan iʕ aʕape kta he. Unkan wawayuʕna kin ayu-ptapi qa, He aʕape kta ce, eyapi.

14 Hehan Haggai waayupta qa heya ; Wicaʕta kin dena hececa, qa oyate kin de mitokam hececa, Jehowa eya: qa wicoʕan nape on econpi kin owasin hececa, qa hen taku wayuʕnapi kin hena yuʕapapi ece.

15 Heon etanhan, ceciciyapi ce, anpetu kin de etanhan qa hekta-pa de awakicin po ; Jehowa tipi tawa kin en inyan wan inyan akan ehnapapi ʕni qon itokantu ;

16 Hena etanhan, tuwe paha wan wikcemna nonpa kta en hi qehan wikcemnana en un ; miniʕa iyuʕkice en hi, iyuʕkiee kin etanhan wikcemna zaptan ikikeu kta, tuka wikcemna nomnana en un ece.

17 Woyuʕniʕe, qa aa, qa wasu kin on, taku ninape econpi kin owasin en aeipapi ; tuka miye en nihduhomnipi ʕni, Jehowa eya.

18 Wanna nicantepi en awacin po, anpetu kin de etanhan qa tokata wapa, wi inapcinwanka en anpetu wikcemna nonpa sanpa topa etanhan, Jehowa tipi

wakan tawa ahdehe cin ehnapapi kin hetanhan awacin po.

19 Wojupi kin hinyahin mazopiye kin ohna yanka he : han, hinyahin hastanhanka iyuwi, qa witanʕna hu kin, qa taspantanka su ota, qa wihdi can kin takudan aicage ʕni : anpetu kin detanhan ciyuwaʕtepi kta ce.

20 Unkan wi kin en anpetu wikcemna nonpa sanpa topa kin en, Jehowa oie kin inonpa Haggai en hi kin he hecen eya :

21 Zerubabel Juda itancan kin he kici wohdake ʕa heya wo ; Miye maʕpiya kin qa maka kin mduʕkaʕkan kta ;

22 Qa wokiconze oiyotanke kin mduptanye kta, qa Ikcewicaʕta wokiconze wowaʕake kin ibangwaye kta : qa canpahmihma kin hena mduptanye kta, tona en iyotankapi kin hena koya ; qa ʕuktanka qa tona akan iyotankapi kin hena hinʕpayapi kta, otaiyohi iye takodaku tamazasagye kin on.

23 Anpetu kin he en, Jehowa ozuye hduhe cin he hecen eya, Zerubabel mitaokiye, ʕealtiel cinhintku kin, niye icicu kta, qa woipuspe wan iyececa cicage kta ce, Jehowa eya : Miye cicaʕniʕa nakaes, Jehowa ozuye hduhe cin eya.

ZEKARIAH.

WICOWOYAKE 1.

1 Darius tawaniyetu inonpa, wi isahdogan kin en, Jehowa oie Zekariah, Barakiah cinhintku, Iddo cinhintku, wicašta wokcan kin en hi kin he hecen eya :

2 Jehowa canteptanyan, hunka-kewicayayapi kin canniyewicaya :

3 Heon etanhan hewicakiya wo; Jehowa ozuye hduhe cin he kaken eya; En mahdiyaku po, Jehowa ozuye hduhe cin eya : kinhan niyepi en mihdoku kta ce, Jehowa ozuye hduhe cin eya.

4 Nihunkakepi kin iyececapi šni po : wicašta wokcan tokaheya hena hoyewicakiyapi qa heyapi; Wanna nitacankupi šice cin etanhan, qa taku šica ecanonpi kin etanhan ihdoku po, Jehowa ozuye hduhe cin eya ce. Tuka nahonpi šni qa anamağoptanpi šni, Jehowa eya.

5 Nihunkakepi kin tokiya unpi he : qa wicašta wokcan kin hena ohinniyan ni unpi he.

6 Tuka mioie qa mitawoyaco mitaakiye wicašta wokcan kin econwicawaši qon hena nihunkakepi kin ewicakihdegapi šni he : Unkan hena e ihduhomnipi qa heyapi; Unkitacankupi kin eciyatanhan, qa unkiohanpi kin eciyatanhan Jehowa ozuye yuhe cin ecaunkiconpi kta cante yuze ciqon he iyecen wanna ecaunkiconpi ce.

7 Darius tawaniyetu inonpa, wi iakewanji, wi kin Sebat eciyapi kin he en, anpetu wikcemna non-

pa sanpa topa, hehan Jehowa oie Zekariah, Barakiah cinhintku, Iddo cinhintku, wicašta wokcan kin en hi kin he hecen eya :

8 Hanyetu hehan wanmdaka, unkan iho, wicašta wan šuktanka hin ša wan akan iyotanka, qa kaksiza ohna hadas can kin ehna inajin : qa he idazatanhan šuktanka hin ša, hin to, qa hin ska yukan.

9 Hehan hepa; Itancan mitawa, dena taku he. Unkan wahoši wakan miciwohdake cin he hemakiya; Dena taku kin cicipazo kta ce.

10 Hehan wicašta hadas can kin ehna najin qon he waayupte, qa heya; Tona Jehowa maka kin en ohnihdeya unpi kta yewicashi qon hena eepi.

11 Hehan hena is Jehowa wahoši wakan tawa hadas can ehna najin kin ayuptapi qa heyapi; Maka kin en ohnihdeya unyakonpi, unkan iho, maka kin ocowasin owanji yanka qa oziiciya ce.

12 Hehan Jehowa wahoši wakan tawa kin waayupta qa heya; Jehowa ozuye hduhe cin, Jerusalem qa Juda otonwe kin wanna waniyetu wikcemna šakowin hehanyan canniyewicayaye cin tohayan onšiwicayakida kte šni he.

13 Unkan Jehowa wahoši wakan miciwohdake cin he wicoie wašte qa wicoie oiyokipi kin on ayupta.

14 Hehan wahoši wakan miciwohdake cin hemakiya; Eyanpaha qa heya wo; Wowinawizitanka on Jerusalem qa Zion on

WICOWOYAKE 2.

winawawizi ece, Jehowa ozuye hduhe cin eya:

15 Qa wocanteptanye tanka on Ikcewicašta owanji yakonpi kin canniyewicawaya: miye cistina cantemaptanyan, tuka heepi e wošice kin okiyapi.

16 Heon etanhan Jehowa hecen eya; Wocantekiye hduha Jerusalem en wahdiyaku: Tipi mitawa kin he kağapi kta, qa Jerusalem akan ikan wan yutitanpi kta ce, Jehowa ozuye hduhe cin eya.

17 Ehake eyanpaha qa heya wo; Otonwe mitawa kin he taku wašte on apašbog un kta, qa Jehowa ehake Zion cantohnagye kta, qa ehake Jerusalem hdañnige kta ce, Jehowa ozuye hduhe cin eya.

18 Hehan miišta hduwankan iwekcu qa wanmdaka, unkan iho, he topa.

19 Unkan wahoši wakan miciwohdake cin hewakiya; Dena taku he. Unkan iye amayupta; He kin dena Juda qa Jerusalem enanakiya iyewicayapi qon hena ee.

20 Hehan Jehowa mazakağa topa makipazo.

21 Hehan hepa; Dena taku econ upi he. Unkan iye ie ça heya; Juda wicašta enanakiya iyewicaye ciqon, hecen tuwedan pa yuwankan ikikeu šni, he kin hena ee. Tuka dena e hamwicaya hipi, Ikcewicašta he kin ihangyapi kta, tona Juda makoce kin enanakiya iyewicayapi kta on he yuwankan ikikcupi qon hena.

WICOWOYAKE 2.

1 Hehan išta yuwankan iwekcu qa ekta ewatonwan; unkan iho, wicašta wan, qa nape ohna wiyutapi ikan wan.

2 Hehan hepa; Tokiya da he.

Unkan iye hemakiya; Jerusalem imdute kta, tohanyan ohdakin-yan, qa tohanyan ohanske kta he wanmdake kta ce, eya.

3 Unkan iho, wahoši wakan miciwohdake cin he iyaya, qa wahoši wakan wan tokeca itkokipaya:

4 Qa heciya; Ekta inyang ye ça koška kin de heciya wo; Conkaške codan iyecen Jerusalem en ounyanpi kta, wicašta ota qa woteca ota ohna kta nakaes:

5 Qa miš miye ihdukšan peta conkaške waun kta, qa cokaya wowitan waun kta ce, Jehowa eya.

6 Ho, ho, qa waziyata makoce kin etanhan najica po, Jehowa eya: małpiya tate ouye topa kin iyecen ciyuomdecapi nakaes, Jehowa eya.

7 Ho, Zion, Babel cunwintku kin kici ounyaye cin, niiciya wo.

8 Jehowa ozuye hduhe cin he hecen eya; Wowitan ohakam, oyate wanicipi qon hena ekta yemaši; tuwe kiunniniyanpi kin he iye išta su kiunniya nakaes.

9 Iho, hena iwankam nape wakoza kta, unkan iye wowidake wicayapi kin on wawicakipi kta; hecen Jehowa ozuye yuhe cin umaši kin he sdonyayapi kta.

10 Dowan wo, qa wiyuškin wo, Zion cunwintku; iho, wau qa nicokaya ounwaye kta ce, Jehowa eya.

11 Unkan anpetu kin he en oyate ota Jehowa en ikoyagiçiyapi kta, qa mitaoyate eepi kta: unkan nicokaya ounwaye kta, qa Jehowa ozuye yuhe cin he niye ekta umaši kin he sdonyaye kta ce.

12 Unkan Juda makoce wakan tawa qon he Jehowa tawakiye kta, qa ake Jerusalem en iyokipiiçiy kta.

ZEKARIAH,

13 Wicacehpi owasin, Jehowa itokam inina un wo: Iye tipi wakan tawa kin etanhan yuhicapi nakaes.

WICOWOYAKE 3.

1 Unkan iye Joshua wawayu-sna itancan kin wanyagmakiya; Jehowa wahoši wakan tawa kin itokam najin: unkan iye etapa eciyatanhan Satan kipajin kta inajin.

2 Unkan Jehowa Satan heciya; Satan, Jehowa iyopeniyan nunwe; han, Jehowa Jerusalem en iyokipiiciye cin hee iyopeniyan nunwe. Petuspe wan peta etanhan icupi kin he dee sni he.

3 Unkan Joshua wokoyake sica ece un, qa wahoši wakan kin itokam najin.

4 Hehan iye waayupte, qa tona itokam najinpi kin hewicakiya; Wokoyake sice cin hena ekiciyaku po, eya. Hehan iye hinca heciya; Wanyaka wo, wayahtani kin yutokan iyeciciya, qa wokoyake waste hinca koyageciye kta ce.

5 Hehan, Wateśdake ska wan pa akan ekicihnaka po, eya. Hecen wateśdake wan teśdagkiyapi, qa wokoyake kiçunkiyapi. Unkan Jehowa wahoši wakan tawa kin hen najin.

6 Unkan Jehowa wahošiye kin he Joshua wakiciyaatanin qa heya;

7 Jehowa ozuye hduhe cin he hecen eya ce; Mitacanku kin ohna mayani kinhan, qa mitoawanyake kin he awandake cinhan, hehan nakun wati ohna wadaco ece kta, qa nakun mitahocoka kin awandake kta; qa tona den najinpi kin hena ehna hna cankuyaye kta ciçu kta.

8 Heon etanhan, Joshua wawa-

yuśna itancan, nahon wo, niye qa tawašiwicayaye cin nitokam iyo-tankapi kin: wicašta kin hena wowapetokeca nakaes: Qa iho, mitaokiye ADETKA he hinanpe-waye kta ce.

9 Joshua itokam inyan ewahna-ke cin he wanyaka wo; inyan wanji akan išta śakowin: Ihe, bağopi kin hena bawağo kta; qa makoce kin he woahitani kin anpetu wanjidan en yutokan iye-waye kta ce, Jehowa ozuye hduhe cin eya.

10 Anpetu kin he en otoiyo hi mitakodapi hastanhanka iyuwi ihukuya, qa suken can ihukuya yecicopi kta ce, Jehowa ozuye hduhe cin eya.

WICOWOYAKE 4.

1 Hehan wahoši wakan mici wohdake cin he ake hi, qa mayuhica, wicašta wan iştinma etanhan yuhicapi kin iyececa:

2 Qa hemakiya; Taku wanda-ka he. Unkan hepa; Watonwan, qa iho, petijanjan ihupa wan ocowasin mazaskazi, qa iwan-kamtu wakśica wan, qa petijanjan śakowin tawa, qa pa akan petijanjan iyahde wiħdi ohna hiyaye cin śakowin ikoyaka:

3 Qa icahda wiħdi can nomhan, wanji is wakśica kin etapa-tanhan, qa unma icatkatanhan.

4 Hehan waamdupte, qa wahoši wakan mici wohdake cin hewakiya; Itancan mitawa, dena taku he, epa.

5 Hehan wahoši wakan mici wohdake cin he waayupte, qa hemakiya; Dena taku sđonyaye sni he, eya. Unkan, Han, Itancan mitawa, epa.

6 Hehan iye waayupte, qa womakiyake ça heya; Jehowa oie Zerubabel eciye cin he dee; Woo-

WICOWOYAKE 5.

kihl eciyatanhan šni, qa wowaša-ke eciyatanhan šni, tuka Mitaniya eciyatanhan kta, Jehowa ozuye hduhe cin eya.

7 He tanka Zerubabel itokam, niš nitaku he : makomdaye kta. Unkan iye Inyan itancan kin au kta, Woiyokipi, woiyokipi kiciun ce, eyanpahapi kta.

8 Nakun Jehowa oie en mahi kin he hecen eya ;

9 Zerubabel nape tipi kin de akan he cin he ehna ; nakon iye nape hdušan kta ce : hecen Jehowa ozuye yuhe cin he niyepi ekta umaši kin he sdonyaye kta.

10 Anpetu en taku cistinna ece e kin he tuwe wahitedašni he : Jehowa išta šakowin maka ocowasin en ohnihdeya unpi kin hena mazasu inyan Zerubabel nape ohna wanyakapi qa iyuškinpi kta.

11 Hehan waamdupte, qa hewakiya ; Wihdi can nom petijanjan ihupa etapatanhan qa catkatanhan kin dena taku he.

12 Qa inonpa waamdupte qa hewakiya ; Wihdi can adetka nonpa mazaskazi oiyahde nonpa ohna mazaskazi wihdi hiyuyapi kin dena taku he.

13 Unkan iye hemakiya ; Dena taku hecinhan sdonyaye šni he, eya. Unkan, Han, Itancan mitawa, epa.

14 Hehan iye heya ; Wihdi cinca nonpa maka ocowasin Itancan kin icahda najinpi kin dena eepi ce.

WICOWOYAKE 5.

1 Hehan mihduhomni, qa išta yuwankan iwekcu qa watonwan, unkan iho, wowapi wan kinyan un.

2 Unkan iye hemakiya ; Taku

wandaka he. Unkan amdupte ; Wowapi wan kinyan un wammdaka, ohanske cin wicišpa wikcemna nonpa, qa ohdakinyan iš wicišpa wikcemna, epa.

3 Hehan iye hemakiya ; Woyašice maka ite kin owancaya iyaye cin he dee. Tona wamanon kinotoiyohi pajujupi kta nakaeš, deciyatanhan un kin iyececa ; qa ičiconzapi otoiyohi unma eciyatanhan un kin iyecen pajujupi kta ce.

4 He hinanpe waye kta ce, Jehowa ozuye hduhe cin eya ; unkan tuwe wamanon ti kin en i kta, qa tuwe micaje on itonšni ičiconza ti kin en : qa tipi tawa kin cokaya wanke kta, qa ihangye kta, can qa inyan koya.

5 Hehan wahoši wakan mici wohdake cin he hinanpe ça hemakiya ; Wanna išta yuwankan ikikeu qa taku hinanpe cin de wanyaka wo.

6 Unkan, He taku he, epa. Unkan iye heya ; De epha wan (ohna wiyutapi) hinanpa ce. Nakun iye heya ; Hena maka kin owancaya decen owanyake ece.

7 Unkan iho, mazasu hmiyanwan wan yuwankan icupi : unkan epha cokaya winohinca wan iyo- tankehan yanke cin he dee.

8 Hehan iye heya ; Wicošan šice cin he dee. Unkan he epha kin ocokaya ehpeya ; qa i kin ohna mazasu inyan kin iyo- lpeya.

9 Hehan išta yuwankan iwekcu qa watonwan, unkan iho, winohinca nonpa hinanpapi, qa tate kin he hupahu tawapi ohna yanka ; hena hupahu yuhapi nakaeš, pehan tanka hupahu iyececa : unkan hena epha kin maka qa mahpiya otahedan tokan aya- pi.

ZEKARIAH,

10 Hehan wahoši wakan mici wohdake cin hewakiya; Dena epha kin tokiya ayapi he.

11 Unkan iye hemakiya; Šinar makoce kin en tipi kicaġapi kta: unkan hen ehnakapi kta, qa iye tohe kin en ehdepi kta ce.

WICOWOYAKE 6.

1 Hehan wahdicu, qa išta yu-wankan iwekcū qa watonwan; unkan iho, he nom otahedan tanhan canpahmihma topa hiyupi; unkan he kin hena mazaša he kin heca.

2 Canpahmihma tokaheya kin šunka wakan šaša; qa canpahmihma inonpa kin šunka wakan sapsapa:

3 Qa canpahmihma iyamni kin šunka wakan skaska; qa canpahmihma itopa kin en šunka wakan hdeškaška dusduzahanpi.

4 Hehan waamdupte, qa wahoši wakan mici wohdake cin hewakiya; Itancan mitawa, dena taku he.

5 Unkan wahoši wakan kin waayupte, qa hemakiya; Maħpiya woniya topa kin dena ee, maka owancaya Itancan itokam najinpi kin etanhan hiyupi.

6 Šunka wakan sapsapa en unpi kin hena waziyata makoce kin ekta yapi; qa hena ihakam šaša kin hiyayapi; qa hdeškaška kin hena itokaħ makoce kin ektakiya yapi.

7 Qa dusduzahanpi kin hena iyayapi, qa maka kin en ohnihdeya mani kta akitapi. Unkan iye heya; Hunktiya po, maka kin en ohnihdeya mani po. Hecen maka kin en ohnihdeya unpi.

8 Hehan iye houmakiye qa wo-

makiyake qa heya; Wanyaka wo, tona waziyata makoce kin ekta iyayapi qon hena Mitaniya waziyata makoce kin en ehnakapi ce, eya.

9 Unkan Jehowa oie en mahi kin he hecen eya:

10 Wayaka unpi kin etanhan icu wo, Heldai etanhan, Tobijah etanhan, qa Jedaya etanhan, qa anpetu kin he en niye hinca u wo, qa Josiah Zephaniah cinhintku ti, Babel etanhan en hipi kin, he en ya wo:

11 Hehan mazaska qa mazaskazi icu qa watešdake kaġa wo, qa Joshua Josedek cinhintku wawayušna itancan pa kin akan ehna-ka wo:

12 Qa kici wohdake qa heciya wo; Jehowa ozuye hduhe cin he hecen eya ce; Wicašta ADETKA eciyapi kin he wanyaka wo; unkan iye towanke kin etanhan uye kta, qa iye Jehowa tipi kin he kicaġe kta ce:

13 Han, iye hinca Jehowa tipi kin kaġe kta; qa iye hinca wowitan kin hduhe kta; qa iye toiyotanke kin en kiyotanke kta, qa itancan yanke kta; qa iye toiyotanke kin akan wawayušna un kta: unkan wookiye iyukcanpi kin he hena oza om un kta.

14 Unkan watešdake kin hena Helem, qa Tobijah, qa Jedaya, qa Hen Zephaniah cinhintku kin hena tawapi kta, Jehowa tipi kin ohna wokiksuye kta e heon.

15 Hecen tona itehan unpi kin hena upi kta, qa Jehowa tipi kin ticaġapi kta; unkan Jehowa ozuye hduhe cin he niyepi ekta umaši kin he sonyayapi kta. Unkan Jehowa Taku Wakan nita-wapi ho kin anagoptanyan anaya-goptanpi kinhan hena hecetu kta ce.

WICOWOYAKE 8.

WICOWOYAKE 7.

1 Unkan Darius wicaštayatapi tawaniyetu itopa kin en, Jehowa oie Zekariah en hi, anpetu itopa, wi inapcinwanka, Kislu he en :

2 Wakantanka ti kin ekta Šerezzer qa Regem-melek, qa wicašta tawapi, Jehowa itokam cekiya yewicaši qon he ehan :

3 Jehowa ozuye hduhe cin he ti kin ohna wawayuśna unpi, qa wicašta wokcan unpi kin hena om wohdakapi kta, qa heyapi kta : Wi izaptan en wanna waniyetu ota ecamon ece kin iyeccen woteśni un waceye kta iyececa he.

4 Hehan Jehowa ozuye hduhe cin oie kin en mahi kin hecen eya :

5 Makoce oyate ocowasin qa wawayuśnapi kin hena om wohdake ça heya wo ; Wi izaptan qa iśakowin kin en woteśni yaunpi qa yaceyapi, waniyetu wikcemna śakowin hehanyan, he miye, miye hinca on, woteśni yaunpi he.

6 Qa tohan wayatapi qa wadatkanpi eca, he niye wayahdutapi qa wayahdatkanpi śni he.

7 Jerusalem en ounyanpi qa wookiye yuhapi, qa ihdukšan otonwe kin, qa okañ makoce makomdaye ko en tipi qehan, wicašta wokcan tokaheya Jehowa oie eyanpahapi qon dena ee śni he.

8 Hehan Jehowa oie Zekariah en hi kin he hecen eya :

9 Jehowa ozuye hduhe cin he ie ça decen eya ce ; Woyaco wowicake kin econ po ; qa wowašte wocantekiye ko wicašta otioyohi iye sunkaku kin en ecaye-ciconpi kta.

10 Nakun wiwazica qa wamdenica, oyate tokeca qa wahpanica

kin hena kakiświcayapi śni po ; qa tuwedan cante mahen iye sunkaku kin śicaya canteyeciyuzapi kte śni, eya.

11 Tuka anağoptan wicadapi śni, qa hinyete kipajinyan ehna-kapi, qa noğe ohmus icupi, hecen nañonpi kte śni.

12 Han, woope kin nañonpi kte śni e heon cante inyan suta içicagapi, qa wicoie Jehowa ozuye hduha iye Taniya on, wicašta wokcan tokaheya eciyatanhan hiyuye cion hena. Heon etanhan wocanteptanye tanka wan Jehowa ozuye hduhe cin etanhan hiyu.

13 Heon etanhan wanna kaketu, iye ho uya qehan hena nañon wacinpi śni, he iyecen hena iś ho uyapi kta, tuka miye nawañon kte śni ce, Jehowa ozuye hduhe cin eya.

14 Tuka oyate owasin sdonwicayapi śni qon hena ehnañna, icamna wan on, enanakiya iye-wicawaye. Heon etanhan wicihakam makoce kin hewoskan ehpeyapi, qa tuwedan en ohnihdeya un śni : makoce oiyokipi kin he otiwota kağapi nakaes.

WICOWOYAKE 8.

1 Akeś Jehowa ozuye hduhe cin he oie kin hi qa heya :

2 Jehowa ozuye hduhe cin he hecen eya ce ; Zion on wowinawizi tanka on winawawizi, qa wocanteptanyan tanka on inawawizi ce.

3 Jehowa hecen eya ; Zion en wahdi qa Jerusalem cokaya wati kta : unkan Jerusalem Wowicake Otonwe eciyapi kta ; qa Jehowa ozuye yuha he tawa kin he He Wakan eciyapi kta ce.

4 Jehowa ozuye yuhe cin he hecen eya ; Nakun wicahincapi

ZEKARIAH,

qa wakankapi Jerusalem canku kin en iyotankapi kta, qa waniyetu otapi on wicašta otoiyohi sagye kiton kta.

5 Qa nakun otonwe canku kin, hokšipidan qa wicinyanpidan, canku ohnahna škatapi, ojudan kta ce.

6 Jehowa ozuye hduhe cin he hecen eya; Anpetu kin hena en oyate kin de okaptapi istapi kin en de wowinihan kinhan, miye mišta en wowinihan kta iyececa he, Jehowa ozuye yuhe cin eya.

7 Jehowa ozuye hduhe cin he hecen eya; Iho, wihinanpe makoce kin etanhan qa wiyyaya makoce kin etanhan mitaoyate niwicawaye kta.

8 Qa hena awicawaku kta, unkan Jerusalem cokahan oonyanpi kta; qa hena e mitaoyate kta, qa Taku Wakan tawapi kin he miye kta, wowicake qa woowotanna en.

9 Jehowa ozuye hduhe cin he hecen eya; Tipi wakan kağapi kta, on Jehowa ozuye yuha he tipi oahe ehnakapi, anpetu kin en wicašta wokcan i eciyatanhan oiepi, tona anpetu kin dena en wicoie kin hena nayañonpi, nape wanišakapi nunwe.

10 Anpetu kin dena itokamtu wicašta htani wicakicicajujupi wanica, qa woteca wicakicicajujupi wanica nakaeš: qa tuwe tankan ye ça tin ku ešta wookiye yuhe šni, wokakije kin on etanhan; wicašta owasin akicipaha wicawakiya nakaeš.

11 Tuka nakaha oyate kin de okaptapi kin en anpetu ehanna waun qon iyemacece kte šni, Jehowa ozuye yuhe cin eya.

12 Wojupi kin he wookiye en un kta; hastanhanka iyuwi kin waskuyeca icalye kta; qa maka

kin oicage hiyuye kta, qa malipi-ya kin cu wicaqu kta; qa oyate kin de okaptapi kin hena dena iyulipa tawaye wicawaye kta ce.

13 Unkan kaketu kte, Juda tiyohnaka qa Israel tiyohnaka, Ikcewicašta ehnahna woyašice iyececa yaunpi qon, he iyecen miye niciyapi kta, qa woyawašte yaunpi kta: Wakokipapi šni po, nape hduwašaka po.

14 Jehowa ozuye hduhe cin he hecen eya; Nihunkakepi šihdamayanpi qehan, šicaya cicuwapi kta wacanmi qon, Jehowa ozuye yuhe cin eya, qa iyopemiciye šni;

15 He iyececa, ake anpetu kin dena en Jerusalem qa Juda tipi kin tanyan ecawicawecon kta wacanmi; wakokipapi šni po.

16 Wicoie ecanonpi kte cin dena ee: Wicašta otoiyohi takodaku kici wowicake ecee eyeci-yapi kta; wowicake qa wookiye woyaco kin nitatiyopa ohnahna hdaco po.

17 Qa tuwedan cante mahen takodaku taku šica ecakicon wacannipi kte šni, qa woitonšni wokonze kin he waštedakapi šni po; hena owasin taku šicewadake ciquon ee ce, Jehowa eya.

18 Hehan Jehowa ozuye yuhe cin oie en mahi kin he hecen eya:

19 Jehowa ozuye yuhe cin he hecen eya ce; Wi itopa en wotešni unpi, qa izaptan en wotešni unpi, qa isakowin en wotešni unpi, qa iwikcemna en wotešni unpi qon hena Juda tipi kin en wiyuškinpi kta, qa woiyokipi kta, qa wotapi wašte kta ce. Heon etanhan wowicake qa wookiye waštedaka po.

20 Jehowa ozuye yuhe cin he hecen eya; Ehake oyate kin upi

WICOWOYAKE 9.

kta, qa otonwe ota en ounyanpi kin hena ;

21 Qa otonwe wanji en ounyanpi kin wanji tokeca ekta yapi kta qa heyapi kta ; Unyanpi kta, Jehowa itokam cekiya unyanpi kta, qa Jehowa ozuye hduhe cin he unkodepi kta. Miś eya mde kta ce.

22 Han, oyate ota qa Ikcewicašta wašakapi kin hena upi kta, Jerusalem en Jehowa ozuye hduhe cin he akitapi kta, qa Jehowa itokam cekiyapi kta ce.

23 Jehowa ozuye hduhe cin he hecen eya ; Anpetu kin hena en, Ikcewicašta iapi toktokeca owasin etanhan wicašta wikcemna wiyuzapi kta ; han, Juda wicašta wanjidan tašina en yuzapi kta, qa heyapi kta ; Nici unyanpi kta ce, Wakantanka niepi un kin he naunhonpi nakaes.

WICOWOYAKE 9.

1 Jehowa oie Hadrak makoce kin en oyakapi, qa Damasek toozikiye kta ; tohan wicašta išta qa Israel wicowazi owasin Jehowa ektakiya yakonpi kinhan :

2 Qa nakun Hamat ikoyag yanke kta ; Turos qa Zidon, he ksape hinca qeyaś.

3 Unkan Turos conkaške suta wan içicağa, qa maka mdu iyececa mazaska eju aya, qa mazaskazi hinca, canku upşıja kin iyececa.

4 Iho, Itancan kin he tankan hiyuye kta, qa towaśake miniwanca ohna kin he kaštake kta ; qa peta on hūhnahyapi kta.

5 Aşkelon he wanyake kta qa kokipe kta ; Gaza nakun nina nihinciye kta ; nakun Ekron, wowacinye tawa kin ištenyapi nakaes : Unkan Gaza etanhan wicaštayatapi kin atakuni kte śni,

qa Aşkelon en ounyanpi kte śni.

6 Qa tuwe cinca taninśni wan Aşdod en ounye kta ; qa Philistia oyate towahaniçida kin he wakaşpe kta.

7 Qa iye i kin etanhan we kin iwacu kta, qa taku wowahteśni iye hi kin otahedan tanhan : tuka tuwe okaptapi kin, iye hinca, Taku Wakan unkitawapi kin on, en yanke kta, qa he qe Juda en wicaštayatapi iyecece kta, qa Ekron Jebus wicašta iyecece kta.

8 Qa tipi mitawa ihduksan ahiwati kta, ozuye kin on etanhan, tuwe iyopta ye ça tuwe ku kin on : Qa hetanhan wakakişye kin icimana hena opta ye kte śni ; wanna mišta on wanmdaka nakaes.

9 Zion cunwintku, nina wiyuşkin wo ; Jerusalem cunwintku, iyaşa wo ; iho, Wicaštayatapi nitawa en niku kta ; He owotanna qa wowanikiye hduha ; waħbayedan qa şonşonna wan akan iyotanka, han, şonşonna wiye cinca wan akan.

10 Unkan Ephraim etanhan ozuye canpahmihma kin ihangwaye kta, qa şuktanka kin Jerusalem etanhan, qa okicize itazipa kin kaksapi kta : Hehan iye Ikcewicašta kin wookiye owicakiciyake kta : qa iye tokiconze kin miniwanca kin etanhan miniwanca kin ekta, qa wakpa kin etanhan maka ihanke kin hehanyan kta.

11 Nakun niye on, wicotakuye nitawa we kin ecijatadhan kaška hnakapi nitawa kin hena woħa mini codan kin hetanhan hiyuwicawaye kta ce.

12 Wowacinye yuha nicaşkapi kin, conkaške suta kin ekta hdi-cu po : Anpetu kin de eyanwapaha ; Nonpa akihde cicicajuju kta ce :

ZEKARIAH,

13 Tohan Juda namiciwinje cinhan, Ephraim itazipa kin en ewahnake kta, qa, Zion, nicinca, Javen nicinca kin itkokim inajin wicawakiye kta, qa wicašta waditake tamazasagye kin iyececa cicage kta ce.

14 Unkan hena wiciwankamtu Jehowa taninyan un kta, qa tiwanhinkpe kin wakanhdi iyeccen iyaye kta: Qa Jehowa Itancan kin mazayahotonpi tanka kin yahoton kta, qa itokah tate iymni kin ohna hiyaye kta.

15 Jehowa ozuye hduhe cin he awicakalipe kta: hecen hena wotapi kta, qa inyan kahoya hiyuyapi kin hena amanipi kta; qa wayatkanpi kta, minisa on oqoyapi iyecece kta; qa wipipi kta waksica iyececa, owayusna oise kin iyececa.

16 Unkan anpetu kin he en, Jehowa Taku Wakan tawapi kin he niwicakiye kta, iye taoyate, optaye wan iyececa; watesdake inyan, iye tamakoce kin en bosdan ehnakapi kin iyececapi kta nakaes.

17 Iye towašte kin tanka linca, qa toiyokipi kin he wopteca sni: wojupi kin he koska kin icahwicaye kta, qa minisa teca kin, wikoska kin hena.

WICOWOYAKE 10.

1 Ehake magaju kta hehan Jehowa magaju kida po: Jehowa wakanhdi kage kta, qa magaju wicaqu kta; maga en otoiyohi woicage qu kta.

2 Wakagapi kin hena takusni sni oyakapi nakaes, qa wakan kagapi kin hena woiton sni wanyakapi, qa wowihanmna wicakapi sni ohdakapi ece: takusni on wacintonhnag wicakiyapi: Heon etanhan nunipi, tahinca

optaye wan iyececa, waawanyake wanica heon wacin iyokisi-capi.

3 Waawanyake kin hena on mitocanniye ide, qa tamdoka kin iyopewicawaye. Tuka Jehowa ozuye yuhe cin he iye optaye tawa wanhdag wicahi, Juda tiyohnaka kin hee, qa okicize en tasunke wakan oiyokipi kin iyececa wicakaga.

4 Oise kin he iye etanhan; mazaiyokatkuge kin he iye etanhan; okicize itazipe kin he iye etanhan; iye etanhan wawicakišye owasin witaya upi kta.

5 Unkan wicašta waditake okicize en canku upsiya iyeccen awicamanipi kin iyececapi kta: nakun kicizapi kta, Jehowa wicakiciun nakaes, qa suktanka akan yotankapi kin hena wacinhnuni-pi kta.

6 Hehan Juda tiyohnaka kin mduwasake kta, qa Joseph tiyohnaka kin niwakiye kta, qa en ounyewicawakiye kta, onsiwicawakida nakaes: unkan hena ehpewicawakiye sni iyececapi kta; Jehowa Taku Wakan tawapi kin he miye nakaes, hecen nawicawahon kta ce.

7 Nakun Ephraim wicašta waditaka iyececapi kta; qa cantepi wiyuskin kta, minisa on iyececa; han, iye cinca kin wanyakapi kta qa wiyuskinpi kta; hena cantepi Jehowa on iyu skinpi kta ce.

8 Hena wicawakijojo kta, qa wicamduwitaya kta, opewicawakiton nakaes: unkan ihduotapi kta, ihduotapi qon iyececa.

9 Unkan oyate kin ehnahna owicawaju kta: nakun makoce tehanhan kin en miksuyapi kta; qa iye cinca kin om nipi kta, qa ake hdicupi kta.

10 Nakun Egipta makoce kin

WICOWOYAKE 11.

etanhan awicawaku kta, 'qa Ašur etanhan wicamduwitaya kta: qa ake Gilead makoce qa Lebanon en awicawahdi kta; qa owicakan kte šni.

11 Unkan iye wokakišye yuha mini tanka kin ehna ye kta, qa miniwanca taja kin ape kta; hecen wakpa ošbe kin iyuhpa oyahe kta: qa Ašur towaḥaničida kin he makata ehpeyapi kta, qa Egiptu cansagye tawa kin tokan iyaye kta.

12 Qa hena Jehowa en wicamduwašake kta; hecen iye caje kin on hena ohnihdeya unpi kta, Jehowa eya.

WICOWOYAKE 11.

1 Lebanon, tiyopa nitawa hduhdoka wo; hecen peta kin hanteša nitawa huḥnahe kta.

2 Wazi can, šicahowaya wo; hanteša kin wankahan nakaes, suksuta kin hena awihnnunipi. Bašan utuhu kin, šicahowaya po, contanka en yepica šni qon he kawankapi nakaes.

3 Waawanyake šicahowayapi ho kin; towitanpi kin awihnnuni nakaes; mnaja koška hotonpi ho kin; Jordan towaḥaničida kin awihnnuni kin heon.

4 Jehowa Wakantanka mitawa kin he hecen eya; Optaye ktepi kte cin he wo qu wo:

5 Tona wicayuhapi kin hena wicaktepi ece, tuka šicaya econ ihdawapi šni; qa wiyopewicaya ecee kin hena heyapi; Jehowa yawaštepi nunwe; miye wima-jica nakaes: qa waawanyake tawapi kin wicakpatanpi šni ece.

6 Miš eya ake makoce ounyanpi kin wicawapatan kte šni, Jehowa eya: tuka iho, wicašta otoiyohi iye takodaku nape kin en iyohpaye waye kta, qa wica-

štayatapi tawa nape kin en: unkan hena makoce kin kaštakapi kta, qa iye napepi kin etanhan ewehdaku kte šni ce.

7 Hecen optaye ktepi kte cin he wo waqu ece, awicakehan taḥinca onšikapi kin. Unkan cansagye nom iwekcu; wanji, Wocantekiye, eya cašwakiton, qa unma kin iš, Woicaške, cašwaton: hecen optaye kin wonwicawakiya ece.

8 Nakun wi wanjidan en waa-wanyake yamni ihangwicawaya: Qa minagi hena wahtewicada šni, qa iye nagipi kin iš eya šice-madakapi.

9 Hehan hepa; Woyute cičupi kte šni: taku te kte cin he te kta; qa taku ihangyapi kte cin ihangyapi kta; qa tona okaptapi kin hena otoiyohi celpi kiciyutapi kta ce.

10 Hehan cansagye mitawa, Wocantekiye he iwacu qa wahdaksaksa, oyate owasin om wicotakuye wicawecage. ciqon he mdujuju kta heon.

11 Unkan anpetu kin he en yujupui: Hecen taḥinca onšikapi tona anamağoptanpi kin hena he Jehowa oie kin hee e sdonyapi.

12 Hehan hewicawakiya; Niištapi en he wašte hecinhan wokajuju maqu po; qa hecetu šni kinhan, econpi šni po. Unkan wokajuju mazaska wikcemna yamni tke imiciyutapi.

13 Hehan Jehowa hemakiya; Waksica kağe cin he en ehpeya wo; wokajuju wašte hinca on imayacinpi kin hee. Unkan mazaska wikcemna yamni qon hena iwekcu, qa waksica kağe cin en ehpeyaya, Jehowa ti kin etu.

14 Hehan cansagye mitawa unma qon, Woicaške he wahduksa; Juda qa Israel kici wicotakuye

ZEKARIAH,

kin he mdujuju kta e heon etanhan.

15 Unkan Jehowa hemakiya; Waawanyake witkotkoka ikicanye tawa kin ake ikikcu wo.

16 Iho, makoce kin en waawanyake wan najinwakiye kta; he qe taku atakunišni kin ekta etonwe kte šni, taku taninšni kin he okide kte šni, taku kiunniyanpi kin he okiziye kte šni, qa taku en un kin he wo qu kte šni; tuka tona cepa celpi kin temye kta, qa šake kin hena yuksaksa kta ce.

17 Hehehe waawanyake taku šni, optaye elipewicaye cin he: mazasagye kin iye isto kin akan yanke kta, qa išta etapa kin akan: isto kin ocowasin šniye kta, qa išta etapa kin he ocowasin aotpasyapi kta.

WICOWOYAKE 12.

1 Jehowa oie Israel on oyakapi. Jehowa mahpiya kin hdumdaya, qa maka oahe kin ehna-ka, qa wicašta mahen woniya kicağa ecee kin he hecen eya:

2 Iho, Jerusalem wiyatke iwitkopi kin heca wakage kta, oyate ihdukšan hiyeye cin owasin on; qa nakun Juda akan yanke kta, Jerusalem onatakapi kin en.

3 Unkan anpetu kin he en oyate owasin on Jerusalem inyan yuwankan icupi kte cin heca wakage kta: yuwankan icupi kin hena owasin kiunnii-çiyapi kta, maka akan oyate hiyeye cin iyulpa en kiwitayapi qeyaš.

4 Jehowa hecen eya; Anpetu kin he en šuktanka otoiyo hi wakkope wecage kta, qa akan yotanke cin he wacinhnuni kta: tuka Juda tipi kin en ewatonwe kta, qa šuktanka oyate tawapi

kin iyulpa ištağonge wicawakiye kta ce.

5 Hehan Juda itancanpi kin cante mahen heyapi kta; Jerusalem en ounyanpi kin Jehowa ozuye yuha Taku Wakan tawapi kin en, wowašake mitawa kin heepi kta ce.

6 Anpetu kin he en Juda itancanpi kin hena can ihukuya peta oceti kin iyececa wicawakage kta, qa peji opahte kin en petuspe wan iyececa: unkan etapa eciyatanhan qa catkatanhan oyate ihdukšan hiyeye cin owasin hulahawicayapi kta. Unkan Jerusalem ake en ounyanpi kta, iye towanke kin en, Jerusalem hetu.

7 Qa nakun Jehowa tokaheya Juda tawakeya kin niwicaye kta, hecen Dawid ti towitan, qa Jerusalem en ounyanpi towitanpi kin Juda iwankam iyeiçiye kte šni.

8 Anpetu kin he en Jehowa Jerusalem en ounyanpi kin wawicakalpe kta; qa hena ehna tuwe huha suta šni kin anpetu kin he en Dawid iyecece kta; qa Dawid tiyohnaka kin Taku Wakan iyecece kta, wahosi wakan Jehowa tawa wicitokam un kin iyececa.

9 Unkan anpetu kin he en oyate Jerusalem takpe upi kin hena owasin ihangwicaya awakite kta:

10 Qa Dawid tiyohnaka qa Jerusalem en ounyanpi kin hena wocantekiye qa wocekiye woniya kin awicawakaštan kta: Hecen miye camapapi kin en ahimatonwanpi kta, qa iye on ceyapi kta, hokšincantkiyapi on ceyapi kin iyececa, qa on nina cante šicapi kta, tuwe cinca tokapa on nina cante šica iyececa.

11 Anpetu kin he en Jerusalem

WICOWOYAKE 14.

en wicaceya tanka kta, Megid-don kaksiza ohna Hadad-rimmon wicaceya qon iyececa.

12 Unkan makoce kin ceye kta, wicowazi otoiyo hi isnana; Dawid tiyohnaka wicowazi isnanpidan, qa tawicupi isnanpidan; Nathan tiyohnaka wicowazi isnana, qa tawicupi isnanpidan:

13 Levi tiyohnaka wicowazi isnana, qa tawicupi isnanpidan; Shimei tiyohnaka wicowazi isnana, qa tawicupi isnanpidan:

14 Wicowazi okaptapi kin iyulha, wicowazi otoiyo hi isnana, qa tawicupi kin isnanpidan kta.

WICOWOYAKE 13.

1 Anpetu kin he en woahitani qa woasape on minihdoka wan Dawid tiyohnaka qa Jerusalem en oonyanpi kin wicakiyulhokapi kta.

2 Unkan anpetu kin he en kaketu kta, Jehowa ozuye hduhe cin eya; maka kin etanhan wakagapi cajepi kin ihangwaye kta, qa hetanhan ake kiksuyapi kte shi: qa nakun waayatapi qa wosice woniya kin hena makoce kin etanhan tokan iyayewaye kta ce.

3 Unkan kaketu kta, wicašta wangi waayate kinhan, atkuku qa hunku icalhkiyapi kin hena heciyapi kta; Yani kte shi, Jehowa cajeyan itonshian iyaa nakas: Hecen atkuku qa hunku icalhkiyapi qon hena capapi kta, waayate kin heon.

4 Unkan anpetu kin he en waayatapi kin otoiyo hi waayatapi kinhan, wowanyake tawa kin on istecapi kta, qa wicahnayanpi kta on icimana wokoyake hin sma kin koyakapi kte shi.

5 Tuka heye kta; Waayate hemaca shi, mahyumdu hemaca;

homaksidan qehan wicašta wan opematon nakas.

6 Hehan tuwe heciye kta; Ninape ohna osnazi kin hena taku he. Unkan is, Mitakoda ti kin ohna ksuwemayanpi qon hena ece, eye kta.

7 Mazasagye, Waawanyake mitawa iwankam inajin wo, qa wicašta mitakoda kin he iwankam, Jehowa ozuye yuha eya: Waawanyake kin he apa wo, kinhan optaye kin enanakiya iyewicayapi kta: tuka cistinpidan kin hena en nape yewakiye kta ce.

8 Unkan makoce ocowasin en kaketu kta, Jehowa eya; ohna ospaye nonpa ihangwicayapi kta, tapi kta; tuka ospaye iyamni kin he ohna okaptapi kta.

9 Unkan ospaye iyamni kin he peta ehna awicawau kta, qa mazaska yuecepidan iyecen wicamducedan kta, qa mazaskazi iyutapi kin iyecen iwicamdute kta: Hena micaje hoyekiyapi kta, unkan awicamdupte kta: Mitaoyate hee ce, epe kta; unkan is, Jehowa Taku Wakan mitawa ce, eyapi kta ce.

WICOWOYAKE 14.

1 Iho, Jehowa taanpetu kin u kta, unkan walipaya nitawa nicokaya pamnapi kta.

2 Oyate iyulha Jerusalem azuya awicawau kta nakas: qa otonwe kin icupi kta, qa tipi kin hena wawicakipi kta, qa winyan kin is wicakikshanpi kta. Unkan otonwe hanke wayaka awicayapi kta; tuka wicašta okaptapi kin hena otonwe etanhan kaspa iye-wicayapi kte shi ce.

3 Hehan Jehowa hinanpe kta, qa oyate kin hena azuwicaye kta; okicize anpetu kin en, anatanpi anpetu qon iyececa.

ZEKARIAH.

4 Unkan anpetu kin he en iye siha Oliwe Paha kin en iyahe kta, Jerusalem itokam iwiyo-
yanpa tanhan wanke cin; unkan Oliwe Paha kin wihinanpatakiya qa wiyohpeyatakiya cokaya kina-
ksa iyaye kta, kaksiza tanka hinca kta: qa Paha hanke waziyata-
kiya iyaye kta, qa hanke kin is itokahkiya ye kta.

5 Unkan niye he mitawa kaksiza kin ekta nayapapi kta, hecaksiza kin he Azal iyahde kta nakaes: han, nayapapi kta, Uziah Juda wicastayatapi taanpetu kin en maka skanskan etanhan nayapapi qon iyececa. Hehan Jehowa Taku Wakan mitawa kin u kta, tona owotanna kin owasin nici unpi kta.

6 Unkan anpetu kin he en kaketu kta, iyoyanpa kin he sota kte sni, tuka caga kta.

7 Tuka anpetu kin he wanjidan kta, Jehowa sdoneye kta; anpetu sni qa hanyetu sni; tuka hitayetu kinhan hehan iyoyanpa kta.

8 Unkan anpetu kin he en wiconi mini Jerusalem etanhan hiyu kta; hanke wiyohiyanpata miniwanca kin ekta, qa hanke wiyohpeyata miniwanca kin ekta hiyaye kta; mdoketu qa waniyetu nakun hecetu kta.

9 Hehan Jehowa maka kin owancaya Wicastayatapi kta: Anpetu kin he en Jehowa wanjidan kta, qa iye caje kin wanjidan kta ce.

10 Makoce kin ocowasin omdaye kin iyecece kta, Geba etanhan qa Rimmon hehanyan, Jerusalem itokagatanhan; qa he qe yuwan-
kan iyeyapi kta, qa towanke kin en ounyanpi kta, Benjamin tatiyopa etanhan tiyopa tokaheya kin ekta, okahmin tiyopa kin hehanyan; qa Hannameel conkaske tawa kin etanhan minisa iyuškece

wicastayatapi tawa kin hehanyan.

11 Unkan en ounyanpi kta, qa woyašice icimana yuke kte sni; tuka Jerusalem wikopešniyan en ounyanpi kta ce.

12 Unkan oyate Jerusalem azuyapi qon owasin makošica on Jehowa wicakaštake kte cin he dee: Siha on najinpi icunhan cełpi wicakikuke kta; qa ista ołdoka ohna kuke kta, qa iye ipi ohna cełpi kin kuka aye kta.

13 Unkan anpetu kin he en kaketu kta, Jehowa etanhan wonihinciye tanka wan wicehna un kta; hecen wicašta otioyohi takodaku iyakiciłpayapi kta, qa takodaku nape kin itkom nape apaha najin kta.

14 Qa nakun Juda Jerusalem ekta ozuye econ kta: unkan oyate ihduksan hiyeye cin tawowijice kin mnayanpi kta, mazaskazi, qa mazaska, qa wokoyake utkanna hinca.

15 Unkan šuktanka makošica, šonšonna, camo, qa šonšonna cistinna, qa woteca owasin ozuye owanka kin de en unpi kin he makošica kin de iyecece kta.

16 Unkan kaketu kta, tona okaptapi, oyate owasin Jerusalem takpe upi qon etanhan, hena iyulpa omaka qa omaka eca, Wicastayatapi kin Jehowa ozuye yuhe cin hee e ohoda yapi kta, qa ohanziłdepi wohanpi kin en opapi kta.

17 Unkan kaketu kte, maka akan wicowazi kin etanhan tona Jerusalem ekta Jehowa ozuye yuha Wicastayatapi kin ohoda upi kte sni kin hena en magaju wanice kta.

18 Qa Egipta wicowazi kin ekta ye sni, qa en u sni kinhan, is eya en wanice kta: oyate ohanziłdepi wohanpi kin en opa

MALAKI.

upi kte śni, Jehowa makośica on wicakaśtake kte cin he en un kta.

19 Egipta wałtani kin he dee, qa oyate owasin ohanzihepi wohanpi kin en opa upi kte śni wałtanipi kin hee.

20 Anpetu kin he en śuktanka tamazałdałida kin akan Jehowa on Wakan ce; qa Jehowa ti kin ohna ceđa kin hena owayuśna

itokam mazawakśica kin iyecece kta.

21 Han Jerusalem en, qa Juda en, ceđa otoiyohi Jehowa ozuye yuhe cin on wakan kta; qa tona wawayuśnapi kte cin hena upi kta, qa etanhan icupi kta, qa ohna wohanpi ece kta: Unkan anpetu kin he en Jehowa ozuye yuhe cin he ti kin ohna Kanaan wicaśta wanice kta ce.

MALAKI.

WICOWOYAKE 1.

1 Jehowa oie Malaki nape kin ecijatanhan Israel owicakiyakapi kin dee.

2 Canteciciyapi ce, Jehowa eya: Tuka, Taku e en canteun-yakiyapi he, ehapi. Esau Jakob cincu kin hee śni he, Jehowa eya: tuka Jakob waśtewakidaka;

3 Qa Esau śicewadaka, qa he tawa kin hevoskan wakađa, qa makoce tawa hewotahedan wamduśka ounyanpi kin heca.

4 Unkiyujupupi, tuka ake unhdapi kta qa otiwita kin piya unkađapi kta ce, Edom eya keś, Jehowa ozuye hduhe cin hecen eya; Hena piya kađapi kta, tuka miye mdujuju kta: unkan, Wośice ihanke, qa, Oyate Jehowa ohinniyan canniyewicaya, ewicakiyapi kta.

5 Tuka niiśta wanyakapi kta, qa niye hehapi kta; Jehowa yatankepapi nunwe, Israel makoce ihanke kin etanhan.

6 Wicacinca wan atkuku kin ohokida, qa wowidake wan itancan tawa kin *kokipa* ece. Hecen miś miye atemayanpi waun kin-

han ohomakidapi kin tukte e he; qa itancan mayanpi waun kinhan komakipapi kin tukte e he; wawayuśna yaunpi, micaje wałteyadapi śni kin, Jehowa ozuye yuhe cin heniciyapi ce. Tuka, Taku e en nicaje wałteundapi śni he, ehapi.

7 Owayuśna mitawa akan woyute aśapapi kin wamayakiyusnapi ece. Tuka, Taku e en unniyuśapapi he, ehapi. Jehowa tawahnawotapi kin he wałteśni ce, ehapi kin heon.

8 Qa taku iśtağonge cin he wayaduśnapi kinhan, he śice śni he: qa taku huśte qa wayazanka kin wayaduśnapi kinhan, he śice śni he. Wanna wicaśtayatapi nitawa kin qu wo; he iyo-kiyaye kta he, qa niite yuwankan inicu kta he, Jehowa ozuye yuhe cin eya.

9 Heon nakaha, ceciciyapi, Wakan tanka ite kin yuwinta po, hecen onśiunkidapi kta: Niye ninapepi kin etanhan deceđa nakaeś: niitepi yuwankan inicupi kta he, Jehowa ozuye yuhe cin eya.

10 Niyepi kaeś etanhan tuwe

MALAKI,

tiyopa kin ecen iyeye kta he : han, wokajuju codan owayuśna mitawa akan ceyatipi kte śni. Ecaca iyomayakipipi śni ce, Jehowa ozuye hduhe cin eya ; qa ninapepi etanhan wośna wan iwacu kte śni.

11 Wihinanpe cin etanhan, qa wiiyaye cin hehanyan Ikcewicaśta oyate kin ehnahna micaje tanka kta nakaes ; qa owanka owasin en micaje on wizinye izitapi kta, qa wośnapi ska wan : Ikcewicaśta oyate kin ehnahna micaje kin tanka kta nakaes, Jehowa ozuye yuhe cin eya.

12 Tuka niye he daśicapi, Jehowa tawahnawotapi kin yuśapapi, qa tawaskuyeca, woyute tawa kin he wahteśni ce, ehapi kin heon.

13 Nakun hehapi ; Ecahe, taku on mdokiłapi cee : qa apoyaśinśinpi, Jehowa ozuye yuhe cin eya. Nakun taku yaħdelidecapi, qa hušte kin, qa wayazanke cin hena ayaupi ece ; hecen wośna ayahipi ecee. De ninapepi etanhan iwacu kta iyececa he, Jehowa eya.

14 Tuka tuwe optaye tawa kin en mdoka wan yuha, tuka wicahnayan, qa ičiconze ęa Itancan taku śica wan wakiyuśna kinhan, he yaśicapi kta ce : Wicaśtayałapi tanka kin he miye nakaes, qa Ikcewicaśta oyate kin ehnahna micaje kin wowinihan ĩinca, Jehowa ozuye yuhe cin eya.

WICOWOYAKE 2.

1 Unkan nakaha, wawayuśna yaunpi, niyepi on wowaśi kin dee :

2 Wanayalhonpi śni, qa micaje wowitan yaqupi kta cante en eniċihnakapi kte śni hecinhan, woyuśice wan en aciyapi kta, qa

nakun woyuwašte nitawapi kin mduśice kta, Jehowa ozuye yuhe cin eya : han, wanna hena mdaśica, cante en eyeciĥnakapi śni kin heon.

3 Iho, wojupi nitawa iyopeci-ciyapi kta, niitepi kin en tacesdi awakada kta, wośnapi nitawapi tacesdi kin hee ; unkan he ekta aniyampi kta.

4 Unkan woahope kin de cicahipi he sdonyakiyapi kta, wicotakuye mitawa kin he Levi kici un kta e heon, Jehowa ozuye yuhe cin eya.

5 Wicotakuye mitawa kin he wiconi qa wookiye on kici un : unkan wokokipe on hena waqu, hecen komakipe kta, qa micaje itokam nihinciye kta e heon.

6 Wowicake woope kin he iye i kin ohna yanka, qa iha en wohnaye takudan iyeyapi śni nakaes : iye ęe wookiye qa woyucetu yuha mici mani, qa wicota woalitani etanhan wicayuhomni ce.

7 Wawayuśna iha kin wosdonye kpatan kta nakaes, qa iye i kin etanhan woope kin akitapi kta iyececa : Jehowa ozuye yuhe cin wahośiye tawa kin hee nakaes.

8 Tuka niyepi canku kin icunonpa idadapi ; woope kin en wicota naśnawicayakiyapi ; Levi wicotakuye tawa kin he duśicapi ece, Jehowa ozuye yuhe cin eya.

9 Heon etanhan miś eya oyate owasin ehnahna wahteśni qa śica cicagapi ; mitacanku kin yapatampi śni, tuka woope kin en wicite iwandakapi ecee kin he iyececa.

10 Owasin ateyapi wanjidan unhapi śni he ; Taku Wakan wanjidan icalhunyanpi śni he : hecen tokeca hunkakewicunyanpi wicotakuye tawapi yuśicapi

WICOWOYAKE 3.

kin on, wicašta otoi-yohi iye sun-kaku en śicaya unkokicihanyan-pi he.

11 Juda śicaya oħanyan, qa wowahteśni wan Israel qa Jerusalem en econpi ece; Jehowa tipi wakan waštekidake cin he Juda yuśica, qa taku wakan tokeca cunwintku kin yuza nakaes.

12 Wicašta tuwe hecon kin he Jehowa ihangye kta, tuwe kikta un, qa tuwe waayupte, Jakob tawakeya kin etanhan, qa tuwe Jehowa ozuye yuhe cin wośna wan wakiciyuśna kinhan.

13 Unkan de inonpa ecanonpi, Jehowa owayuśna tawa kin ištammihanpe, qa ceyapi, qa śicahowayapi on ayakahpapi; hecen wośnapi kin icimana ekta etonwe śni, qa ninapepi etanhan woiyokipi kin icu śni.

14 Tuka, Tokeca he, ehapi. Jehowa waayatanin yanka, niye qa nitawin hokśiwinna duze ciqon otahedan, he en śicaya oycihanyan nakaes: Tuka he qe nitawin, qa winohinca en ničiconze cin hee.

15 Unkan wanjidan kaġe śni he: Woniya wookapte kin hduha tuka qon. Unkan tokeca wanjidan he. Wakantanka tawicoicaġe kin akita heon. Heon etanhan nitaniyapi kin awanhdaka po; qa tuwedan tawicu hokśiwinna yuze cin he śicaya okicihanye kte śni.

16 Eħpekiciyapi kin he śicewadaka ce, Jehowa Israel Taku Wakan tawa kin eya: nakon tuwe tawicu on wośice ahdahpa, Jehowa ozuye yuhe cin eya. Heon etanhan nitaniyapi kin awanhdaka po, śicaya oyahandapi kte śni e heon.

17 Nioiepi kin on Jehowa daśiħtinpi ece. Tuka, Taku e on unyaśiħtinpi he, ehapi. Tohan,

Tuwe taku śica econ kin otoi-yohi Jehowa išta kin en wašte, qa hena iyowicakipi ce, ehapi kinhan: Qa, Woyaco Wakan-tanka kin tukten un he, ehapi kinhan.

WICOWOYAKE 3.

1 Iho, wahośi mitawa yewaśi kta, unkan iye mitokam canku kin yuwiyeke kta: Hehan Itancan oyakidepi kin he ihnuhanna u kta, tipi wakan tawa kin ekta; han, wicotakuye wahośiye wašteyakidapi kin hee; iho, iye hi kta ce, Jehowa ozuye yuhe cin eya.

2 Tuka anpetu en hi kinhan he tuwe okihi kta he; qa ihdutanin kinhan tuwe najin kta he: waśdoye peta tawa kin iyececa, qa wayujaja wipajaja tawa kin iyececa nakaes.

3 Qa mazaska śdoye qa yuecedan iyotanke kta; qa Levi cinca kin wicayuecedan kta, qa mazaskazi mazaska ko iyecen wicayucan kta; hecen woowotanna en wośna wan Jehowa wakiyuśnapi kta.

4 Hehan Juda qa Jerusalem tawośna kin Jehowa iyokipi kta, hekta anpetu kin en, qa tanihan waniyetu qon en iyececa.

5 Tuka woyaco on nikiyepidan wau kta: qa inahniyan waamdatanin kta, wakan kaġapi kin en, qa wawicihahapi econpi kin en, qa tona wohneye on ičiconzapi kin en, qa tona wicašta opetonpi, wiwazica wamdenica ko iyopeye tawapi wicakipi ece, qa oyate tokeca kin wicakiyuśepi, qa komakipapi śni kin hena en, Jehowa ozuye yuhe cin eya.

6 Jehowa he miye, mihdutokeca śni; heon etanhan, Jakob cinca, ihangniyanpi śni ce.

MALAKI,

7 Nihunkakepi anpetu tawapi kin ehantanhan mitawoahope etanhan icunom idadapi, qa hena yapatampi šni ece. Miye en ihdou po; kinhan niyepi en mihdoku kta ce, Jehowa ozuye yuhe cin eya. Tuka, Taku on unkihdoupi kta he, ehapi.

8 Wicašta wan Wakantanka wamakinon kta he. Tuka niye mayakinonpi ece. Tuka, Taku e maunnicinonpi he, ehapi. Iwikcemnamna qa wošnapı kin hena.

9 Woyašice on niyušicapi, tuka wamayakinonpi ece, oyate kin de ocowasin.

10 Iwikcemnamna kin iyulıpa mazopiye tipi kin en au po, hecen wati ohna woyute yuke kta, qa heon wanna imayukcan po, Jehowa ozuye yuhe cin eya; kinhan mahpiya owanyeye kin ciciyulıdokapi kta, qa woyuwašte wan acicaştampi kta, yuhépica šni hehanyan.

11 Nakun niyepi on watemye kin he iyopewaye kta, hecen maka nitawapi oicage kin ihangye kte šni; qa nitamağa en hastanhanka iyuwi kin štunkaka elıpeye kte šni, Jehowa ozuye yuhe cin eya.

12 Hehan oyate owasin niyawaštepi kta; woiyokipi makoce kin he niyepi kta nakaeš, Jehowa ozuye yuhe cin eya.

13 Miye on nioiepi kin wohitipika linca, Jehowa eya. Tuka, Taku e šicaya unkeniciyapi he, ehapi.

14 Wakantanka ohodapi kin he takušni ce, ehapi: qa tawoahope unkiciyuhapi, qa Jehowa ozuye yuhe cin itokam iyokišinya maunnipi kin etanhan wokajuju tukte e he:

15 Qa wanna wahaniçidapi kin hena wicunyawaštepi ece: han, tona taku šica econpi ece kin

hena icałwicayapi; han, tona Wakantanka iyutanpi kin hena niwicayapi cee.

16 Hehan tona Jehowa koki-papi kin otoiyohi wokiciyakapi ecee: unkan Jehowa anolıya yanke ça nałon, qa iye itokam wokiksuye wowapi wan kağapi, tona Jehowa kokipapi qa iye caje awacinpi ece kin hena on.

17 Unkan hena mitawa kta ce, Jehowa ozuye yuhe cin eya; anpetu en wohdamna miçicage cinhan; qa hena cantewicawakiye kta, wicašta wan cinhintku wowidagye cin cantekiye cin iyececa.

18 Hehan yahdicupi kta, qa iwandakapi kta, wicašta owotan-na qa wicašta šica kici, tuwe Wakantanka wowidagye, qa tuwe wowidagye šni kin otahedan.

WICOWOYAKE 4.

1 Iho, anpetu kin u, mazaoceti kin iyecen ide kta: unkan tona wahaniçidapi qa tona šicaya econpi kin iyulıpa ağıyapi hu kin heca kta; qa anpetu u kte cin he hulınalıwicaye kta, hecen hutkan qa adetka wanin elıpewicaye kta ce, Jehowa ozuye yuhe cin eya.

2 Tuka niyepi, micaje koyakipapi kin, WOOWOTANNA WI kin anihinanpapi kta, qa tahupahu kin en wookiziye yuke kta: hecen tankan dapi kta, qa ptejica-dan tatanka tipi kin etanhan, iyeceen psipsin yaunpi kta.

3 Qa šicapi kin hena awicaya-hanpi kta; hena e nısihapi sicuha ihukuya całota kin heca kta, anpetu kin en decen ecamon kinhan, Jehowa ozuye yuhe cin eya ce.

4 Israel ocowasin on Moses mitaokiye toope Horeb he kin

WICOWOYAKE 4.

akan econwicawaši qon he kiksuya po, wowaši qa woyaco kin hena.

5 Iho, Jehowa taanpetu tanka qa wohitike cin he u šni itokam, Elijah wicašta wokcan kin he niyepi en uwaši kta.

6 Unkan he qe wicaatkuku wicacınca kin ekta cante wicakiyuhomni kta, qa wicacınca kin is wicaatkuku cante en yuswica-kiye kta ecee: hecece šni kinhan, wau qa maka kin woyašice wan on awape kta ce.

WICOWAZI OWICAWAPI.

WAKANKICIYUZAPI.

WICOWAZI OWICAWAPI.

WICATONPI.

WICOWAZI, OWICAWAPI.

WICATONPI.

WICOWAZI OWICAWAPI.

WICATE CIN.

DAKOTA
WOWAPI WAKAN KIN.

THE NEW TESTAMENT,

IN THE

DAKOTA LANGUAGE:

TRANSLATED FROM THE ORIGINAL GREEK,

BY STEPHEN R. RIGGS, A. M.

MISSIONARY OF THE A. B. C. F. M.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

Dakota 8vo.

1887.

MATTHEOS

WOTANIN WAŠTE OYAKE CIN.

WICOWOYAKE 1.

1 Jesus Messiya, Dawid cinhintku, Abraham cinhintku, oicage wowapi kin he dee.

2 Abraham Isaak cincaya; qa Isaak Jakob cincaya; qa Jakob Judas qa hunkawanjitku ko cincawicaya:

3 Unkan Judas Phares qa Zara, Tamar etanhan, cincawicaya; qa Phares Esrom cincaya; qa Esrom Aram cincaya:

4 Qa Aram Aminadab cincaya; qa Aminadab Naasson cincaya; qa Naasson Salmon cincaya:

5 Qa Salmon, Racab etanhan, Booz cincaya; qa Booz, Ruth etanhan, Obed cincaya; qa Obed Jesse cincaya:

6 Qa Jesse Dawid wicaštaya-tapi kin cincaya; qa Dawid wicaštayatapi kin Solomon cincaya, Urias tawicu qon etanhan.

7 Qa Solomon Roboam cincaya; qa Roboam Abia cincaya; qa Abia Asa cincaya:

8 Qa Asa Josaphat cincaya; qa Josaphat Joram cincaya; qa Joram Ozias cincaya:

9 Qa Ozias Joatham cincaya; qa Joatham Akaz cincaya; qa Akaz Ezekias cincaya:

10 Qa Ezekias Manasses cincaya; qa Manasses Amon cincaya; qa Amon Josias cincaya:

11 Qa Josias Jekonias cincaya; hunkawanjitku hena koya, Babulon ekta awicayapi qon he ehan.

12 Unkan Babulon ekta awicapi hehan Jekonias Salathial

cincaya; qa Salathial Zorobabel cincaya:

13 Qa Zorobabel Abiud cincaya; qa Abiud Eliakim cincaya; qa Eliakim Azor cincaya:

14 Qa Azor Sadok cincaya; qa Sadok Akim cincaya; qa Akim Eliud cincaya:

15 Qa Eliud Eleazar cincaya; qa Eleazar Matthan cincaya; qa Matthan Jakob cincaya.

16 Unkan Jakob Joseph, Mary hihnaku kin, he cincaya; he etanhan Jesus Messiya eciyapi kin icaga.

17 Hečen wicoicage owasin, Abraham etanhan Dawid hehan-yan, wicoicage ake topa; qa Dawid etanhan, Babulon ekta awicayapi qon hehanyan, wicoicage ake topa; qa Babulon ekta awicayapi etanhan, Messiya hehan-yan, wicoicage ake topa.

18 Unkan Jesus Messiya icage cin he kaketu: Hunku Mary he Joseph yuze kta, tuka hinahin kici un šni, wanna Woniya Wakan kin on ihdušaka.

19 Unkan hihnaku Joseph he wicašta owotanna, qa taninyan oyake kta tawaŋenye šni, heon nahmana ehpeye kta kecin.

20 Tuka hena hecen awacin un qehan, iho, Itancan taohnihde wan wowihanmde en ihdutanin qa heya; Joseph, Dawid cinhintku, Mary winohinca nitawa kin he yahduze kta kokipe šni wo, taku itpihnake cin he Woniya Wakan kin etanhan.

21 He cinca ton kta, unkan

MATTHEOS.

Jesus eya caşyaton kta ; iye tao-yate kin wahitanipi kin etanhan niwicaye kta, heon etanhan.

22 Unkan dena owasin hecen econpi, Itancan oie, wicašta wokcan oyake ciqon he yuecetupi kta ; he hecen eya ;

23 Iho, witanşna un wan ihduşake ça cinca ton kta ; unkan Emmanuel eya caştonpi kta ; Wakantanka unkipi un, eyapi kin he kapi.

24 Unkan Joseph iştinma etanhan kikta, hehan Itancan taohnihde token econşi qon he ecen econ, qa tawicu hduza.

25 Tuka cinca tokapa cinca ton şni hehanyan sdonye şni ; unkan Jesus eya caşkiton.

WICOWOYAKE 2.

1 Unkan Herod wicaştayatapi taanpetu kin he ehan, Bethlehem Juda makoce kin en Jesus tonpi, hehan iho, wiyohiyanpatanhan wicašta ksapa Jerusalem en hipi qa heyapi ;

2 Tuwe Juda oyate kin en wicaştayatapi kta tonpi kin he tukten un he ; wicanłpi tawa kin he wiyohiyanpata wanunyakapi qa ohoundapi kta on unhipi ce.

3 Herod wicaştayatapi kin he nałon, unkan nina yuşinyaya, Jerusalem ocowasin nakun.

4 Unkan woşnapi kagapi owasin qa oyate kin en wowapi kagapi kin hena wicayuwitaya, hehan Messiya tukten tonpi kta hecinhan, he iwicawanga.

5 Unkan heciyapi ; Juda makoce kin en Bethlehem otonwe kin hetu ce ; wicašta wokcan kin en kaken owapi ;

6 Qa niş Bethlehem, Juda makoce kin en, Juda itancanpi kin ehna iyotan nicistinna şni ; enitanhan wicaştayatapi wan u kta,

he Israel mitaoyate kin wonwicaye kta.

7 Hehan Herod wicašta ksapapi qon nahmana wicakico, qa wicanłpi kin tohanhan tanin ece, he atayedan iwicawanga.

8 Hehan Bethlehem ekta ye wicaşı qa heya ; Ya po, qa hokşıyoqopa kin nina ode po ; qa iyeyayapi kinhan hoşimakahdi po ; miş eya wau qa ohowada kta, eya.

9 Wicaştayatapi ia nałonpi hehan tankan iyayapi ; unkan iho, wicanłpi wiyohiyanpata wanyakapi qon he wicitokam iyaye ça hokşıyoqopa wanke cin he iwan kam inajin.

10 Unkan wicanłpi kin wanyakapi qehan wowiyuşkin tanka on iyuşkinpi.

11 Unkan ti mahen ipi hehan hokşıyoqopa kin wanyakapi, hunku Mary nakun, qa itokam makata ehpeiciyapi qa ohodapi : unkan wopiye hduhdokapi hehan taku qupi, mazaskazi, qa canşin pejihuta waştamna kaya.

12 Unkan wowihanmde on Wakantanka wahowicaya, Herod ekta hdapi kte şni, hehan canku tokeca ohna iye tamakoce ekta hdapi.

13 Hena wanna kihdapi hehan, iho, Itancan taohnihde wan wowihanmde on Joseph en ihdutanin qa heya ; Najin qa hokşıyoqopa hunku kici iwicacu qa Egipta ekta najica wo, qa tohan ociciyake kte cin hehanyan hen un wo : Herod hokşıyoqopa kin kte wacin on etanhan ode kta ce.

14 Hecen hanyen najin hiyaye, ça hokşıyoqopa hunku kici ewicahdaku, qa Egipta ekta iyaya :

15 Qa hen un, Herod te cin hehanyan : Hecen Itancan wicašta wokcan on taku eye ciqon

WICOWOYAKE 3.

he yuəcetupi kta ; Egipta etanhan micinksi weco ce.

16 Wicašta ksapapi qon Herod hnayanpi wanhdake cehan nina šihta ; qa *akicita* ekta yewicaši, qa Bethlehem qa makoce ihdukšan koya en, hokšiyopa owasin wicakte, tona waniyetu nonpa qa ihukuya, wicašta ksapapi wiwicawange ciqon he iyacinyan.

17 Unkan hehan Jeremiya wicašta wokcan oie qon yuəcetupi, he kaken eya ;

18 Rama en wicaho wan nahonpi, içidowanpi, wicaceya qa wašihtađapi tanka ; Racel cinca awicakiceya qa wacintonknakapi kta cin šni, cinca en unpi šni nakaes.

19 Tuka Herod wanna ta hehan, iho, Itancan taohnihde wan Egipta ekta Joseph en taniničiya ;

20 Qa heya ; Najin qa hokšiyopopa hunku kici ewicahdaku, qa Israel makoce tawa kin ekta hda wo ; tona hokšiyopopa ta cinpi qon hena wanna tađapi.

21 Unkan najin hiyaye qa hokšiyopopa hunku kici ewicahdaku qa Israel tamakoce kin en hdi.

22 Qa Arcelaos, Juda makoce kin en, atkuku Herod tohe kin en wicaštayatapi yanka, he nahon hehan ekta hde kta kokipa ; tuka wowihanmde on Wakantanaka wahoye cin on, Galile makoce kin ekta iyaya :

23 Qa otonwe wan Nazareth eciyapi kin he en hi qa hen yanka ; hecen, Nazareth wicašta eciyapi kta ce, wicašta wokcan eye ciqon he yuəcetupi.

WICOWOYAKE 3.

1 Unkan anpetu kin hena en, Johannes baptem wicaqu ece kin

he Juda tamakoce hewoskan ekta woyaka hi ;

2 Qa heya ; Ihduəcetu po, mahpiya wokiconze kin wanna kiyeđan u ce.

3 Isaya wicašta wokcan caje-yate ciqon he dee, kaken eya ; Wicaho hewoskan en hotanin ; Itancan tacanku kin wiyeya ehnaka po, ocanku tawa kin owotanna kaga po.

4 Unkan Johannes eqe tawokoyake taku wan kamel eciyapi he hin kin on kagapi, qa teħmi-so wan ipiyagkiton ; unkan tawoyute kin psipsicadan qa tuħmaga canhanpi kin hee.

5 Hehan Jcrusalem qa Juda qa Jordan ihdukšan tanhan owasin en hipi :

6 Unkan Jordan en baptem wicaqu, woaħtani ohdakapi.

7 Unkan Pharisee qa Saddukee wicota baptem wicaqu kin en hipi wanwicayaka, hehan hewicakiya ; Wamduška wicoicage kin, wocanniye u kte cin naye-cipapi kta tuwe e wahokonni-ciyapi he.

8 Heon etanhan ihduəcetupi kta iyececa waskuyeca icaħya po :

9 Qa, Abraham ateunyanpi ce, eyeciyapi kta awacinpi šni po ; miye heciciyapi, Inyan kin dena etanhan Wakantanka Abraham cinca kicage kta okihi.

10 Unkan wanna onspe kin can hute kin en ehnađapi ; heon etanhan can otaiyohi waskuyeca wašte aicage šni kin he kawan-kapi qa petan elipeyapi ece.

11 Miye nihduəcetupi kta on mini on baptem ciđupi ; tuka wanji iyotan waśaka mihakam u, he tahanpe kin weciyuhe kta iyemicihantu šni ; he qe Woniya Wakan qa peta on baptem niđupi kta.

MATTHEOS.

12 Icaduge nape ohna hduha, owanka tanyan hdahinte kta, qa aguyapi su kin dotopiye ohna mnakiye kta, tuka ha kin peta kasnipica šni on huñnaliye kta.

13 Hehan Jesus Galile etanhan u, qa Jordan ekta Johannes en hi, baptem qupi kta e heon.

14 Tuka Johannes telinda qa heya; Baptem mayaqu kta iye-maceca, qa niš en mayahi he.

15 Tuka Jesus ayupte ça heciya; Dehan iyowinyan wo; decen wicoowotanna ocowasin unštan kta iyececa. Hehan iyo-winkiya.

16 Unkan Jesus baptem qupi qehan echankeya mini kin etanhan itawankanhde hda; unkan iho, mañpiya kin ayuzamni, qa Wakantanka Taniya kin wakiyedani kahiya kuntkiya u, qa en hiyahan, wanyaka.

17 Unkan iho, mañpiya eciyatanhan wicaho wan heya; Mincinkši wašte wakidake cin he dee, on iyomakipi hinca ce.

WICOWOYAKE 4.

1 Hehan Jesus woniya on he-woskan makoce kin ekta ayapi, Wakanšica iyutanye kta e heon.

2 Unkan wanna anpetu wikcemna topa qa hanyetu wikcemna topa wote šni un, hehan wote-ktehda.

3 Unkan wawiyutanyan kin en hi qa heciya; Wakantanka Cinhintku kin he niye hecinhan, inyan kin dena aguyapi icage kta keya wo.

4 Tuka iye ayupte ça heya; Aguyapi ecedan on wicašta ni kte šni, tuka wicoie otoiyo hi Wakantanka i eciyatanhan enanpe cin hena on, hecen wowapi kagapi qon.

5 Hehan Wakanšica otonwe

wakan kin ekta aya, qa tipi wakan oinkpa wan akan ehde;

6 Qa heciya; Wakantanka Cinhintku kin he niye hecinhan, hetanhan kun elpeiciya wo; kaken wowapi en kagapi ce; Tao-hnihde kin niye on econ wica-ši kta, hecen nape ohna niyuhapi kta, inyan wan en siha iboni-to kte šni.

7 Tuka Jesus heciya; Akeš wowapi en kagapi; Itancan Wakantanka nitawa kin he iytanyaye kte šni.

8 Hehan ake Wakanšica paha wan tehanwankantuya kin he ekta aya, qa maka akan wokinconze kin owasin wowitan ko kipazo;

9 Qa heciya; Makata elpeni-çiye ça ohomayada kinhan, dena owasin ciçu kta ce.

10 Hehan Jesus heciya; Satan miheyata ya wo; Itancan Wakantanka nitawa kin he ohoyada kta, qa ishana wowidagniye kta ce, eya owapi tuka qon.

11 Hehan Wakanšica ayušan; unkan iho, mañpiya ohnihde kin en hihi qa okiyapi.

12 Unkan Johannes kaškapi he nañon hehan *Jesus* Galile ekta iyaya:

13 Qa Nazareth elpeya iyaye ça Kapernaum en hiyanka, he mde kin icahda, Zabulon qa Nephtalim opapun kin hetu.

14 Hecen Isaya oie qon yuecetupi kta;

15 Zabulon makoce qa Nephtalim makoce, mde kahda ocanku kin, Jordan akasanpa tanhan, Galile Ikcewicašta onyanpi kin:

16 Oyate otpaza en iyotanke cigon he iyoyanpa tanka wanyakapi, qa tona wiconte makoce qa ohanzi kin en iyotankapi kin hena iyoyanpa awicahinanpa ce.

17 Unkan hetanhan Jesus wo-

WICOWOYAKE 5.

yaka aye ça heya ece ; Ihduece-
tu po, mahpiya wokiconze kin
wanna kiyedan u ce.

18 Unkan Galile mde kin ica-
hda mani icunhan, wicašta nom
sunkakiciyapi wanwicayaka, Si-
mon, Inyan eciyapi, qa sunkaku
Andrew *eciyapi*, ho wan mde kin
en iyeyapi ; hena hopsicapi kin
hecapi :

19 Unkan hewicakiya ; Miyahna
u, po, kinhan wicašta wicadupsi-
capi ece e kta cicagapi kta ce.

20 Unkan ecahankeya ho kin
ehpeyapi qa ihakam iyayapi.

21 Unkan hetanhan iyoopta ye
ça, nakun nom sunkakiciyapi
wanwicayaka, Jakob Zebede
cinhintku qa sunkaku Johannes,
wata kin ohna atkukupi Zebede
kici unpi qa ho piyapi ; unkan
hena wicakico.

22 Is eya wata kin atkukupi ko
ohankoya ehpeyapi qa ihakam
iyayapi.

23 Unkan Jesus Galile owan-
caya iyaya, omniciye tipi yuhapi
kin ohna waonspewicakiye ça,
wokiconze wotanin wašte kin
oyaka ece, qa oyate kin en wo-
wayazan owasin qa wicocante
šica owasin asniyan ece.

24 Unkan ohan kin Suriya
owancaya oyakapi ; hecen tona
šicaya yukanpi, qa tona wowa-
yazan ocaje owasin on waya-
zanpi, qa tehiya unpi, qa tona
taku wakan šica yuhapi, qa taťa-
pike cin hena koya owasin en
awicahipi ; unkan asniwicaya.

25 Hecen oyate ota ihakam
yapi ece, Galile etanhan, qa De-
kapolis qa Jerusalem qa Juda
etanhan, qa Jordan akasanpa
tanhan.

WICOWOYAKE 5.

1 Unkan wicota wanwicayaka
hehan paha wan ekta iyaya ; qa

hen iyotanka hehan waonspe-
wicakiye cin en hipi.

2 Unkan i hdukawa qa waon-
spewicakiye ça heya ;

3 Tona cante mahen onšiiči-
dapi kin hena wicayawaštepi ce ;
mahpiya wokiconze kin he tawa-
pi ece.

4 Tona ceyapi kin hena wicaya-
waštepi ; hena wicakihnapi kta.

5 Tona onšihanpi kin hena wi-
cayawaštepi ; maka kin de ta-
wapi kta.

6 Tona woowotanna on wote-
ktehdapi qa ipuzapi kin hena
wicayawaštepi ce ; hena imnan-
pi kta.

7 Tona waonšidapi kin hena
wicayawaštepi ; hena onšiwica-
dapi kta.

8 Tona cante en ecepidan kin
hena wicayawaštepi ; hena Wa-
kantanka wanyakapi kta.

9 Tona wookiye kagapi kin he-
na wicayawaštepi ; hena Wakan-
tanka cinca ewicakiyapi kta.

10 Tona woowotanna econpi
kin on šicaya kuwapi kin hena
wicayawaštepi ; mahpiya woki-
conze kin he tawapi ece.

11 Tohan aniiapi qa šicaya ni-
cuwapi, qa miye on itonšniyan
taku šica owasin eniciyapi kin-
han, niyawaštepi ece.

12 Wiyuškinpi qa nina cante
wašte po, mahpiya ekta ocinyo-
peniyanpi tanka yanka ; wicašta
wokcan nitokam unpi qon hena
is eya hecen wicakuwapi qon.

13 Maka miniskuya kin he ni-
yepi. Tuka miniskuya kin he
skuye šni kinhan taku e on sku-
yeyapi kta he ; hetanhan taku-
dan okihi kte šni, tankan ehpe-
yapi kta qa wicašta amanipi kta.

14 Oyate iyoyanpa kin he niye-
pi. Otonwe wan paha akan ka-
gapi kin he analibepica šni ece.

15 Nakun petijanjan ideyapi qa

MATTHEOS.

koka ohdateya iyeyapi šni, tuka petijanjan ihupa wan en oštanpi, hecen tipi kin ohna owasin ioyaniwicaya ece

16 He iyecen wicašta itokam iyoyanpa nitawa iyojanjan kta, hecen wicoħan wašte nitawa wanyakapi kta, qa maħpiya ekta ateyayapi yanke cin he yuonihanpi kta.

17 Wooke qa wicašta wokcan kin mdutakuni kte šni on wahi kecinpi šni po, ihangyapi on wahi šni tuka yuecetupi kta on.

18 Awicakehan heciciyapi; Maħpiya qa maka kin atakunišni ešta, oowa wanjidan qa oehnake wanjidan wooke kin etanhan icupi kte šni, owasin ecetu kta.

19 Heon etanhan, tuwe woahope kin dena wanji cistinna ahope šni, qa hecen wicašta onspewicakiye cinhan, he maħpiya wokiconze kin en iyotan cistinna yawapi kta; tuka tuwe ecen econ qa iyecen waonspewicakiye cinhan, he maħpiya wokiconze kin en tanka yawapi kta.

20 Miye heciciyapi ce; Wicoo-wotanna nitawapi kin, wowapi kagapi qa Pharisee tawapi kin isanpa tanka šni kinhan, maħpiya wokiconze kin en ecaca oyapapi kte šni.

21 Tuwedan yakte kte šni, hunkawicayapi kin eyapi keyapi nayahonpi; qa tuwe tin wicakte kinhan he yacopi kta ce.

22 Tuka miš heciciyapi; Tuwe taku on etanhan šni sunkaku šicekidake cinhan he yacopi kta; qa tuwe sunkaku, Waħtešni, eciye cinhan he omniciye tanka kin en ayapi kta; qa tuwe, Winitkotkoka, eciye cinhan, he Wakansica tapeta kin en iyohpeyapi kta iyececa.

23 Heon etanhan wošnapa nitawa owayušna kin ekta ayahi kin-

han, qa hen nisunka taku iyanionpa he yeksuya hecinhan;

24 Ito wošnapa nitawa owayušna kin itokam ehna ke ca ekta ya wo, tokaheya nisunka kici okiciciye ca hehan ku qa wahdušna wo.

25 Tuwe taku en aniu hecinhan he kohanna kici okiciyuwašte wo, canku ohna kici yaun kin icunhan; okinni wayaco ekta aniye kta, qa wayaco kin is aki, cita en aniye kta, qa hecen kaska nihnakapi kta:

26 Awicakehan heciciya; Tohanyan mazašadan ehake yahdajuju šni kinhan hetanhan tankan yaku kte šni.

27 Wawiciahapi ecanon kte šni, hunkawicayapi qon eyapi keyapi nayahonpi.

28 Tuka miš heciciyapi; Tuwe winohinca wan en etonwe ca cantihaye cinhan he wanna cante ekta kici wawiciahapi econ.

29 Niišta etapa eciyatanhan kin he waħtaniniye cinhan hdušdoke ca ehpeya wo; niišta wanji atakunišni kinhan he wašte kta, qa tancan ocowasin Wakansica ti kin en ehpeniyanpi kte šni.

30 Qa ninape etapa kin waħtaniniye cinhan hdakse ca ehpeya wo; nihuha wanjidan atakunišni kinhan he wašte kta, qa tancan ocowasin Wakansica ti kin en iyohpeniyanpi kte šni.

31 Tuwe tawicu ehpekiye kta hecinhan kpaganpi wowapi wanqu kta, keyapi qon.

32 Tuka miš heciciyapi; Tuwe tawicu ehpekiya, wawiciahapi econ kin on etanhan šni, he wawiciahapi econkiya ece; qa tuwe winohinca ehpeyapi kin he yuze cinhan he nakun wawiciahapi econ ece.

33 Akeš hunkawicayapi qon heyapi keyapi nayahonpi; Itonšni

WICOWOYAKE 6.

ničicage kte šni, tuka taku konza Itancan kin eyakiye cinhan hena yahduecetu kta ce.

34 Tuka miš heciciyapi; Taku cajedate ça he namañon ce, eye šni wo; mañpiya kin he hecen *cajedate* kte šni, he Wakantanka oiyotanke tawa kin hee.

35 Qa nakun maka kin de, he Wakantanka siha oahe kin ee; qa nakun Jerusalem hecen *cajedate* kte šni, Wicaštayatapi tanka to-tonwe kin hee.

36 Qa nakun nipa kin he caje yahdate kte šni, paha wanjidan kaeš ska qa iš sapa yakage kta oyakihi šni, heon etanhan.

37 Tuka taku ehe cin, Han, han; Hiya, hiya, ecedan kta; taku dena sanpa kinhan he taku šica etanhan icage kta.

38 Išta wanji išta wanjidan on etanhan, qa hi wanji hi wanjidan on etanhan, keyapi nayañonpi.

39 Tuka miš heciciyapi; Taku šica tokiconpi šni po; tuka tuwe tapon etapa eciyatanhan anipe cinhan unma eciyatanhan kipazo po.

40 Qa tuwe woope on niyaco qa onñdohda nici kta cin kinhan, nitašina nakun teñinda šni wo.

41 Qa tuwe wiyutapi hanska wanji hehanyan kici yeniye kta hecinhan, nom kici ya wo.

42 Tuwe taku nicida kinhan qu wo; qa tuwe wonicidota hecinhan etanhan ihdamna šni wo.

43 Tuwe nikiyedon un kin he wašteyadake kta, qa tuwe toka-niye cin he šiceyadake kta, eyapi qon nayañonpi.

44 Tuka miš heciciyapi; Tona tokaniyanpi kin hena cante wicakiya po; qa tona niyašicapi kin hena wicayawašte po; tona šicenidapi kin hena taku wašte ecawicakicon po; qa tona taku i en iyenianpi qa teñiya nicuwapi

kin hena wocekiye ewicakiciya po.

45 Hecen Ateyayapi mañpiya ekta un kin he cincaniyanpi yaunpi kta; he qe anpetu wi tawa kin wicašta šica wicašta wašte ko en awicahinanpeya ece, qa wicašta owotanna owotanna šni ko awicamagajuya ece.

46 Tona waštenidapi kin hena wašte wicayadapi kinhan woka-juu taku duhapi he; wamnayanpi kin hena eepi kaeš heconpi šni he.

47 Qa sunka wicayayapi kin henana napewicaduzapi kinhan, taku econpi ece sanpa tukte e ecanonpi he; wamnayanpi kin hena eepi kaeš heconpi šni he.

48 Heon etanhan Niyatepi mañpiya ekta un kin he owotanna hinca he iyecen niš eya owotanna hinca un po.

WICOWOYAKE 6.

1 Wicašta itokam ihnuhan taku ituyañanpi kinhan, wanniya-kapi kta heon; hecen ecanonpi kinhan Niyatepi mañpiya ekta un kin he takudan ničupi kte šni.

2 Heon etanhan tohan taku wicayaqu kta hecinhan nitokam cotanka yajowicayakiye kte šni, wanañiñmanpi kin omniciye tipi qa canku ohna econpi ece kin iyececa, wicašta on wicayatanpi kte cin heon; awicakehan heciciyapi; Hena wokajuu hduhapi ece.

3 Tuka niye taku wicayaqu eca ninape etapa taku econ kin he nicaťka sdonye kte šni.

4 Hecen wawicayaqu kin he nañmana un kta; qa Niyatepi taku nañmana un kin wanyaka ece kin he iye taninyan nicicajuu kta.

MATTHEOS.

5 Qa tohan ceyakiya eca wana-
içihmanpi kin iyenicece kte şni;
hena ege omniciye tipi qa canku
oise kin en najin cekiyapi waşte-
dakapi ece, wicašta wanwicaya-
kapi kta e heon; awicakehan
heciciyapi; Hena wokajuju hdu-
hapi ece.

6 Tuka niye qe ceyakiye cin-
han, tipi cistinna nitawa kin en
timahen yakiyahde ça tiyopa
ecen iyacu kinhan, hehan Ni-
yate nahmana un kin he cekiya
wo, qa Niyate nahmana wawan-
yaka ece kin he taninyan nici-
cajuju kta.

7 Ceyakiyapi kinhan akihdehde
oie kiçunpi şni po, Ikcewicašta
econpi kin iyececa; hena e iapi
ota unpi kin on nawicañon kta
kecinpi.

8 Niye hena iyenicecapi kte
şni; hinahin yakidapi şni itokam,
hena taku kin yacinpi, Niyatepi
sdonya ece.

9 Heon etanhan kaken cekiya
po; Ate unyanpi mañpiya kin
en; Nicaje wakandapi kte;

10 Nitokiconze u kte; Nitawa-
cin ecen econpi nunwe, mañpiya
kin en iyececa, nakun maka
akan:

11 Anpetu kin de anpetu woyu-
te unqu miye:

12 Qa waunñtanipi kin unkici-
cajuju po, tona waunkiciñtanipi
wicunkicicajujupi kin he iye-
ceca:

13 Qa taku wawiyutanyan un
kin en unkayapi şni po, tuka
taku şice cin etanhan eunhdaku
po: Wokiconze kin he niye ni-
tawa, qa wowaşake kin, qa wo-
witan kin, owihanke wanica.
Amen.

14 Niye wicašta wañtanipi wi-
cayecicajujupi kinhan, Niyatepi
mañpiya ekta un kin he nakun
niye nicicajujupi kta.

15 Tuka niye wicašta wañta-
nipi kin wicayecicajujupi şni
ehantanhan, nakun Niyatepi wa-
yañtanipi kin nicicajujupi kte
şni.

16 Tohan wote şni yaunpi kin-
han wanaçihmanpi kin iyece-
ite şinkiyapi şni po; hena ege
ite hduşicapi ece, hecen wicašta
ekta wote şni unpi e ihdutaninpi
kta; awicakehan heciciyapi,
Hena wokajuju hduhapi ece.

17 Tuka niye qe wote şni yaun
kinhan pa sdakiye ça ite hduja-
ja wo:

18 Hecen wicašta en wote şni
yaun nihdutanin kte şni, tuka
Niyate nahmana un kin he en
nihdutanin kta; qa Niyate na-
hmana wawanyake cin he tanin-
yan nicicajuju kta.

19 Woyuha maka akan ekihna-
kapi şni po; hen wamduşkadan
qa gigi kin wayutakunişni ece,
qa wamanon sa wayujujupi qa
wamanonpi ece.

20 Tuka woyuha mañpiya kin
ekta ekihnaka po; heciya wa-
mduşkadan qa gigi kin wayuşice
cin wanica, qa wamanon sa wa-
yujujupi şni qa wamanonpi şni.

21 Tuktan woyuha niciyanka-
pi hecinhan, nicantepi nakun
hen un kta.

22 Wicišta kin he wicatan-
can iyoyanpa kin hee; heon etanhan
ništa tokeca şni kinhan nitan-
can ocowasin iyoyanpa kta:

23 Tuka uiišta şice cinhan ni-
tancan kin ocowasin otpaze kta.
Heon iyoyanpa en niun kin he
otpaza hecinhan, otpaza kin he
tanka hinca.

24 Tuwedan wicašta itancan
nom anawicagoptan kta okihi
şni; wanji şice kidake kta, qa
unma kin is waşte kidake kta;
wanji en iyaihdaske kta, qa un-
ma kin is en etonwe kte şni;

WICOWOYAKE 7.

Wakantanka qa mammon napin anagoptan oyakhipi kte *śni*.

25 Heon etanhan heciciyapi ; Yanipi kin on nagiyeiciyapi *śni* po, taku yatapi kta, qa taku datkanpi kta ; qa nakun nitancanpi on taku kodakapi kta : Wiconi kin he woyute isanpa *śni* he ; qa wicatančan kin is wokoyake isanpa yawapi *śni* he.

26 Mahpiya okinyanpi kin hena wanwicayaka po, hena wojupi *śni*, qa woksapi *śni*, qa mazopiye en omnayanpi *śni*, tuka Niyatepi mahpiya ekta un kin he hena wo wicaqu ece ; unkan niye. hena isanpa niyawapi *śni* he.

27 Niyepi etanhan wanji tukte e he awacannipi on wicišpa wanjidan kaeš sanpa nihduhanskapi oyakhipi kta he.

28 Qa tokeca wokoyake on iyokišinniçiyapi he ; tinta mnahecalca kin wanyaka po, icage cin ; hitani *śni* qa nakun wapa-hmun *śni* ;

29 Tuka heciciyapi ; Solomon wowitan tanka hduha un qon hee kaeš de wanji iyececa wokoyake kiçun *śni*.

30 Unkan tinta peji, dehan icage ça heyakecinhan oceti en ełpeyapi ece kin, he Wakantanka hecen koyagya hecinhan, niš niye wacinyan nicistinpidan, sanpa wakoyagnianpi kte *śni* he.

31 Heon etanhan, Taku untapi, qa taku unyatkanpi, qa taku kounyakapi kta he, eya wacin iyo-kišicapi *śni* po.

32 Taku kin hena owasin Ikcewicašta akitapi ece ; qa Niyatepi mahpiya ekta un kin he dena takuowasin yacinpi esdonya ece.

33 Tuka Wakantanka tokiconze kin he tokaheya akita po, qa too-wotanna nakun ; kinhan dena taku owasin koya niçupi kta.

34 Heon etanhan heyakecinhan

on iyokišinniçiyapi *śni* po ; heyakecinhan he taku tawa kin on iyokišica ece e kta ; anpetu eca taku šica tawa kin yukan ece e kta.

WICOWOYAKE 7.

1 Wayacopi *śni* po, hecen niyacopi kte *śni*.

2 Woyaco tukte e on wadacopi hecinhan he on niš eya niyacopi kta ; qa wiyutapi tukte e on wicutapi eca hee on winiciyutapi ece e kta.

3 Qa nisunka išta kin en takušni yanka e tokeca wandaka he ; qa cankaga wan ništa ohna yanke cin he wanyahdake *śni*.

4 Qa is token nisunka, Ito ništa kin etanhan takušni kin icicicu kta, eyakiye kta he ; qa iho, cankaga wan ništa ohna yanka ce.

5 Wanaicihman, tokaheya cankaga išta ohna niyanke cin he hdušdoka wo ; qa hehan taku-šni nisunka išta ohna yanke cin he iyacu kta tanyan wandake kta.

6 Taku tona wakan kin hena šunka wicauppi *śni* po, qa inyan tehika nitawapi kin kukuše wicitokam ełpeyapi *śni* po ; okinni siha on amanipi kta, qa akeš hdicupi qa niyahdecapi kta.

7 Da po, kinhan niçupi kta ; ode po, kinhan iyeyayapi kta ; en katoto po, kinhan niciyuhdokapi kta.

8 Tuwe da eca icu ece ; qa tuwe ode eca iyeya ece ; qa tuwe *tiyopa* katoto eca he kiciyuhdokapi ece.

9 Unkan enitanhanpi wicašta wanji cinhintku aguyapi kida kinhan, inyan wanji qu kta he.

10 Qa hogan kida kinhan wamduška wan qu kta he.

11 Heon etanhan niye nišicapi

MATTHEOS.

ešta, taku wašte nicinca wica-
yaqupi kta onnispepi ehantan-
han, Niyatepi mahpiya ekta un
kin he, sam iyeya tona kidapi
kin, taku waštešte wicaqu ece
e kta.

12 Heon etanhan taku tona
wicašta ecaniconpi kta yacinpi
kinhan, hena owasin ecawicaki-
con po; woepe qa wicašta wo-
kcanpi kin iho hee.

13 Tiyopa ciqadan kin he ohna
ya po; Tiyopa kin tanka qa can-
ku nakun tanka wicotakunišni
iyahde, qa ohna iyayapi kin wi-
cota hinca.

14 Tuka tiyopa kin ciqadan qa
canku nakun ocistiyedan wico-
ni iyahde; qa wicašta tonana
iyeyapi ece.

15 Wicašta wokcan itonpišni
kin hena kowicakipa po; hena
tahinca wanunyanpi iyecen ko-
yag en nihipi, tuka mahen šun-
ktokeca wayapota ece kin hecapi.

16 Waskuyeca tawapi kin on
sdonwicayayapi kta. Wicašta
wapepeka etanhan hastanhanka
yušpipi he, qa toka hu kin etan-
han suken waskuyeca icupi he.

17 He iyecen can wašte owasin
waskuyeca wašte icaħya ece;
tuka can šice cin waskuyeca
šica aicaga ece.

18 Can wašte kin he waskuye-
ca šica icaħye kta ohihi šni; qa
nakun can šice cin he waskuyeca
wašte icaħye kta ohihi šni.

19 Can otoiyoħi waskuyeca
wašte aicage šni kin he kawan-
kapi qa petan ehpeyapi ece.

20 Heon etanhan waskuyeca
tawapi on sdonwicayayapi kta.

21 Tona, Itancan, Itancan, ema-
kiyapi kin owasin mahpiya wo-
kiconze kin en yapi kte šni; tu-
ka tuwe Atewayaya mahpiya ekta
un kin tawacin kin ecen econ
kinhan hee *en un kta*.

22 Anpetu kin he en wicota
hemakiyapi kta; Itancan, Itan-
can, nicaje on wiunyukcanpi šni
he; qa nicaje on taku wakan
šica napewicunyanpi; qa nicaje
on wicoħan tanka ota econkupi
ce.

23 Tuka hehan hewicawakiye
kta; Tohinni sdonciyapi šni,
wicoħan šica ecanonpi kin mi-
tantanhan iyaya po.

24 Heon etanhan tuwe mioie
kin dena naħon, qa ecen econ
kinhan, he wicašta ksapa e imda-
cin kta, he qe imnija wan akan
ti kicaga.

25 Unkan nina magaju qa mi-
nitan aya; nakun tateyanpa
hinca, qa tipi kin he en iħeya,
tuka hinħpaye šni; inyan akan
kagapi nakaeš.

26 Qa tuwe mioie kin dena
naħon, tuka ecen econ šni kin-
han, he wicašta witkotkoka iye-
ceca, he wiyaka akan tipi kica-
ga.

27 Unkan nina magaju qa mini
tanka icaga. nakun tateyanpa
hinca, qa tipi kin he en iħeya;
unkan hinħpaya; qa iħangyapi
kin he tanka.

28 Unkan Jesus wicoie kin
dena ihunnikiya, hehan wicota
wahokonwicakiye cin on yušin-
yayapi.

29 Wanji wookihi yuhe cin
iyecen wahokonwicakiya, qa wo-
wapi kagapi econpi kin iyece-
ce šni.

WICOWOYAKE 8.

1 Unkan paha kin etanhan kun
ku qehan, wicota hinca ihakam
unpi.

2 Unkan iho, wicašta wan lep-
ros ececa he en hi qa canpeška
makehde inajin qa heciya; Itan-
can, yacin kinhan, asnimayaye
kta oyakihi.

WICOWOYAKE 8.

3 Unkan Jesus nape ekta yekiye ça yutan, qa heciya; Wacin; hecen asni wo. Unkan ecehnana wowayazan kin ayuſtan.

4 Unkan Jesus heciya; Ihunhan tuwe oyakidake cinhan; tuka ekta ye ça woſnapi kage cin he en ihdutanin wo, qa taku Moses econniſi qon he wayuſna wo, sdonyapi kta e heon etanhan.

5 Unkan Jesus Kapernaum en hi qehan, akicita tancan wan en u qa cekiya;

6 Qa heya; Itancan, hokſidan mitawa tiyata wanka taſaka, nina yazan.

7 Unkan Jesus heciya; Wau qa aſniwaye kta.

8 Hehan akicita opawinge wicayuhe cin he ayupte ça heya; Itancan, wati en timahen yau kta iyemacece ſni; tuka oie kin ecedan eya wo, kinhan hokſidan mitawa asni kta:

9 Miſ eya wicaſta itancan hemaca, qa akicita wicamduha; unkan wanji, Ya wo, ewakiya eca, ya ece; qa wanji tokeca, U wo, ewakiya eca, u ece; qa mitaokiye, Kaken econ wo, ewakiya eca, ecen econ ece.

10 Unkan Jesus he naſon qehan yuſinyaya, qa ihakam unpi kin hewicakiya; Awicakehan heciciyapi, Israel hee kaeſ en wacinyanpi hinsko tanka iyewaye ſni ce.

11 Nakun heciciyapi; Wiyo-hiyanpa tanhan qa wiyohpeya tanhan wicota upi kta, qa Abraham qa Isaak qa Jakob om iytankapi kta, maſpiya woki-conze kin en:

12 Tuka wokiconze cincapi kin hena tankan iyewicayapi kta, otpaze hinca ekta; heciya wicaceya hi hdakinskinzapi ko yuke kta.

13 Unkan Jesus akicita opa-

winge wicayuhe cin heciya; Hda wo, wacinyaye cin iyecen ecaniconpi nunwe. Unkan wihiyayedan oape kin he en hokſidan tawa kin asniyanpi.

14 Unkan Jesus Inyan ti kin en tin iyaya, hehan kunku kin makata wanka wanyaka, tancan kata.

15 Unkan nape kin yutan, hehan tancan kate cin ayuſtan; unkan najin qa wowicakihan.

16 Wanna htayetu hehan wakan ſica wicayuhnaſkinyan ota en awicahipi; unkan oie kin on wakan ſica napewicaya; qa tona wayazankapi kin owasin asniwicaya.

17 Hecen Isaya wicaſta wo-kean taku eye ciqon he yuecetupi kta; he kaken eya; Iye tehiya unyakonpi kin eunkiciyakupi qa waunyazanpi kin yutokan iyeunkieiciyapi ece.

18 Unkan Jesus wicota hinca ihduksan yukanpi kin hena wanwicayaka hehan akasanpa yapi kta keya.

19 Unkan wowapi kaga wan en hi qa heciya; Waonspekiya, tokiya da eca cihakam waun ece e kta.

20 Unkan Jesus heciya; Sun-gidan waſun tonpi, qa maſpiya okinyanpi kin hoſpi yuhapi ece; tuka Wicaſta Cinhintku kin tukten pa ipahinye kta yuhe ſni.

21 Hehan waonspewicakiye cin tokeca wanji heciya; Itancan, tokaheya wahde ça ate wehe kta e iyowinmakiya ye.

22 Tuka Jesus heciya; Miha-kam un wo; ito tapi kin hena tona kiſapi kin wicakiſapi kta.

23 Unkan wata wan en opa, hehan waonspewicakiye cin iha-kam upi.

24 Unkan iho, mini kin ekta tate iyumni wan tanka; hecen

MATTHEOS.

wata kin taja on akaŋpapi ; tuka iye iŋtinma yanka.

25 Unkan waonspewicakiye cin en hipi, qa yuhicapi qa heciyapi ; Itancan, niunkiya po, unŋapi kta ce.

26 Unkan hewicakiya ; Cistina wacinyayapi kin, tokeca koyakipapi he. Hehan inajin qa tate mini ko kiŋica ; unkan amdakedan tanka.

27 Tuka wicaŋta kin hena yuŋinyayapi qa heyapi ; De taku wicaŋta ka hwo, hecen tate mini ko anagoptan ece.

28 Unkan akasanpa i, Gadarene makoce tawapi kin en, hehan wicaŋta nom wakan ŋica wicayuhnaŋkiye cin hena itkoki-papi, wicaŋta hnakapi kin etanhan upi, wohitikapi hinca, hecen tuwedan canku kin he ohna ye kta okihi ŋni.

29 Unkan iho, heya howayapi ; Jesus Wakantanka Cinhintku, taku unkiyotahedan un he ; hinahinke ŋni tuka itokam ka-kiŋunyayapi kta on yahi he.

30 Unkan yukanpi kin itehan kukuŋe optaye wan wo wicaqupi ece.

31 Hecen wakan ŋice cin hena cekiyapi qa heyapi ; Napeunya-yapi kinhan kukuŋe optaye kin en unkiyayapi kta iyowinunkiya miye.

32 Unkan ; Ya po, ewicakiya. Hecen tankata hinanpapi hehan kukuŋe optaye kin en iwicaya-yapi. Unkan iho, kukuŋe optaye kin iyuhpa maya hinca apamahde inyang naŋdog iyayapi, mde kin en, qa minin ŋapi.

33 Unkan tona wo wicaqupi qon hena najicapi ; qa otonwe en kipi, qa taku owasin oyakapi, wicaŋta wakan ŋica wicayuhnaŋkinyanpi qon, taku ecawicakiconpi kin hena koya.

34 Unkan iho, otonwe kin oco-wasin Jesus itkokim upi, qa wanyakapi qehan, makoce tawapi kin etanhan hde kta icekiyapi.

WICOWOYAKE 9.

1 Hehan wata kin en okipe a akasanpa kihde a iye totonwe kin en ki.

2 Unkan iho, wicaŋta aake cin wan owinja akan wanka e he en ahipi. Unkan Jesus wacinyanpi kin wanyake ehan aake cin heciya ; Cinŋ, cante waŋte wo ; wayahtani kin nicicajujupi ce.

3 Unkan iho, wowapi kagapi kin wanjikji iyakitedan hekiciyapi ; Wicaŋta kin de ŋicaya ia.

4 Unkan Jesus canteyuzapi kin wanyaka hehan heya ; Tokeca cante mahen taku ŋica awacannipi he.

5 Wayahtani kin nicicajujupi e, eyapi ; qa iŋ ; Najin qa mani wo, eyapi kin, unma tukte waŋakadan he.

6 Tuka Wicaŋta Cinhintku kin woahtani maka akan kajuju kta okihi e he sdonayayapi kta ; hehan aake cin heciya ; Najin wo, nitowinja ehdaku qa tiyata hda wo.

7 Unkan najin hiyaye a iye ti ekta hda.

8 Tuka wicota he wanyakapi hehan yuŋinyayapi, qa Wakan-tanka wicaŋta wookihi hinsko tanka wicaqu kin he yatanpi.

9 Unkan Jesus hetanhan iyoopta iyaya hehan wicaŋta wan Mattheos eciyapi, mazaska mnananpi kin en iyotanka he wanyaka ; qa heciya ; Miyahna u wo. Unkan najin hiyaye a ihakam iyaya.

10 Unkan ti mahen wota iyo-

WICOWOYAKE 9.

tanka yanka hehan, iho, mazaska mnayanpi wahtanipi sa ko ota en hipi, qa Jesus kici iyotankapi, waonspewicakiye cin om.

11 Unkan Pharisee kin is he wanyakapi hehan waonspewicakiye cin hewicakiyapi ; Tokeca Waonspekiye nitawapi mazaska mnayanpi wahtanipi sa ko om wota he.

12 Unkan Jesus he nahon qehan hewicakiya ; Tona zanipi kin hena pejihutawicašta cinpi šni, tuka wayazankapi kin.

13 Tuka ya po, qa de taku kapi hecinhan sdonya po ; Wowoonašida iyomakipi qa wošnapa wacin šni. Wicašta owotanna wicakico wahi šni, tuka wahtanipi sa iyopeiciyapi kta on wahi ce.

14 Hehan Johannes waonspewicakiye cin en hipi qa heciyapi ; Tokeca unkiye qa nakun Pharisee kin ijehan akihanunkiciyapi, tuka waonspewicayakiye cin akihaničiyapi šni.

15 Unkan Jesus hewicakiya ; Wakankiciyuza cincapi kin tohanyan tawicu ton kte cin om un kinhan, hehanyan token ecin iyokišicapi kta he ; tuka anpetu u kta tawicu ton kte cin ewicakiciyakupi kta, unkan hehan akihaničiyapi kta.

16 Tuwedan šina teca onšpa wokoyake tanika en akihdag ton šni ; kinhan onšpa teca qon he mnawahe kta qa sanpa tanka hdecahan aya ece.

17 Nakun miniša teca ojuha tanika en okaštanpi šni ece ; kinhan ojuha kin napopa, qa miniša kin skepa, qa ojuha kin ihangyapi ece. Tuka miniša teca ojuha teca en okaštanpi ece, hecen napin tanyan yuhapi.

18 Hena hecen ewicakiya icunhan, iho, wicašta itancan wan en u qa canpeška makehde ina-

jin qa heciya ; Micunkši nakaha ta, tuka en yau qa nape on ayaputake cinhan kini kta.

19 Unkan Jesus najin qa kici hda, nakun waonspewicakiye cin.

20 Unkan iho, winoħinca wan waniyetu ake nonpa wayazanka, we ece iheya, he idazatanhan en u qa tašina opapun kin yutan :

21 Tašina kin hee kaeš mdutan kinhan amasni kta ce, cante mahen eye qa *hecon*.

22 Tuka Jesus ihdamna, qa wanyake čehan heya ; Cunš, cante wašte wo ; wacinyaye cin he asniniyan ce. Unkan wihiyayedan oape kin he en winoħinca kin asni.

23 Unkan Jesus wicašta itancan qon ti kin en i, qa tona cotanka yajopi, oyate ceyapi ko wanwicayaka ;

24 Hehan hewicakiya ; Ako iyaya po ; wicinyanna kin te šni, tuka iština ce. Unkan ihaħapi.

25 Tuka oyate tankan hdicuwicayapi, hehan ti mahen i, qa nape on yuza ; unkan wicinyanna kin inajin.

26 Unkan he makoce kin owancaya oyakapi.

27 Unkan Jesus hetanhan iyo-opte iyaya, hehan wicašta nom išttagongapi kin hena ihakam yapi, howayapi qa heyapi ; Dawid Cinhintku onšiunkida miye.

28 Unkan ti mahen iyaya, hehan wicašta išttagongapi kin en hipi : Unkan Jesus hewicakiya ; Hecen ecamon kta owakihi wicayadapi he. Unkan, Han, Itancan, eyapi.

29 Hehan išta en wicayutan qa heya ; Wacinyayapi kin iyecen ecaniconpi nunwe.

30 Hecen išta hdukawapi. Unkan Jesus wašagya wahokonwi-

MATTHEOS.

cakiye ca heya; Ito tuwedan sdonye kte šni

31 Tuka tankan hdapi hehan makoce kin he owancaya nina oyakapi.

32 Unkan hena iyayapi hehan iho, wicašta wan ia okitpani, wakan šica yuhnaškinyan, he en ahipi.

33 Unkan wakan šice cin napayapi hehan ia okitpani qon ia; unkan oyate kin inihanpi qa heyapi; Israel en tohinni decen wanyakapi šni tuka qon.

34 Tuka Pharisee kin heyapi; Wakanšica itancan kin on taku wakan šica napewicaya ece.

35 Unkan Jesus otonwe kin owasin, otonwe ciqadan ko iyaza un, omniciye tipi yuhapi kin ohnahna waonspekiye ca woki-conze wotanin wašte kin he oyaka ece; qa wayazankapi owasin, oyate kin en tehiya unpi ko asniwicaya ece.

36 Tuka wicota wanwicayaka hehan onšiwicakida; nina mdo-kitapi qa enanakiya iyayapi ece, tahinca wanunyanpi tuwedan wicayuhe šni iyececa.

37 Hehan waonspewicakiye cin hewicakiya; Awicakehan woksapi kin he tanka, tuka litanipi kte cin hena tonana:

38 Heon etanhan woksapi en Itancan kin iye tamaga kin en wicašta litanipi kte cin hena hiyuwicaye kta icekiya po.

WICOWOYAKE 10.

1 Unkan waonspewicakiya akenonpapi kin hena wicakico qehan, taku wakan šica on wowašake wicaqu, napewicayapi kta, qa nakun wowayazan šicaya unpi ko, owasin asniwicayapi kta.

2 Unkan wahošiyapi akenonpapi kin kakenken ewicakiyapi;

tokaheya Simon he nakun Inyan eciyapi, qa Andrew iye sunkaku; Jakob Zebede cinhintku qa Johannes iye sunkaku;

3 Philip qa Bartholomew; Thomas qa Mattheos wamnaye cigon; Jakob Alpheus cinhintku qa Lebbeus he nakun Thaddeus eciyapi;

4 Simon Kananite kin, qa Judas Iskariot wiyopeye kte cin hee.

5 Dena akenonpapi kin Jesus yewicaši, wahokonwicakiye ca heya; Ikcewicašta tacanku wan ohna yapi šni po, qa Samaria oyate otonwe tawapi kin en yapi šni po:

6 Tuka Israel ti kin etanhan tahinca wanunyanpi taninpi šni kin hena ekta ya po.

7 Qa dapi eca yaotanin po, qa; Małpiya wokiconze kin wanna kiyedan un ce, eya po.

8 Tona wayazankapi kin asniwicaya po, tona lepros ececapi kin ska wicakaga po, tapi kin hena kiniwicaya po, qa taku wakan šica napewicaya po; iyunwin codan iyacupi, iyunwin codan wicaqu po.

9 Ipiyake nitawapi ohna mazaskazi, qa mazaska, qa mazaša unmana yuhapi šni po.

10 Qa icimayanipi kin on wujuhadan, qa onłidołida nonpa, qa hanpa, qa cansagye, yuhapi šni po; tuwe litani kin he woyute qupi ece e kta iyececa.

11 Qa otonwe tanka otonwe ciqadan ko, wanji tukte en yaipi kinhan, tuwe iyececa hecinhan iwicawanga po, qa he kici yukan po, tohanyan etanhan yahdapi šni kinhan.

12 Qa tipi wanji en yaipi kinhan, Wookiye en un nunwe, eya po.

13 Qa tipi kin he iyececa hecinhan wookiye nitawapi akan

WICOWOYAKE 10.

un kta ; tuka iyecece śni kinhan wookiye niye en nihdipi kta.

14 Qa tukten iyowinniciyapi śni qa nioiepi kin nañonpi śni kinhan, tipi kin he, qa otonwe kin he, etanhan tankan yahdapi kinhan, watuśekśeca siha onitkapapi kin he natata po.

15 Awicakehan heciciyapi ; Woyaco anpetu kin en otonwe kin he tehiya un kta, Sodom qa Gomorra makoce kin isanpa.

16 Iho, tahnca wanunyanpi śunktokeca wicehna iyecen yeciśipi ; heon etanhan wamduśka iyecen ksapa po, qa wakiyedan iyecen wahbapidan po.

17 Tuka wicaśta iwanwicayaka po ; woyaco omniciye kin en anianpi kta, qa omniciye tipi yuhapi kin ohna nicapsinsintapi kta :

18 Qa wicaśta itancanpi wicaśtayatapi ko, en anianpi kta, miye on etanhan, hecen iyepi qa Ikcewicaśta ko wicayakiyutaninpi kta.

19 Unkan tohan hecen wicanicupi kinhan, taku, qa token ehapi kte cin, heon iyokiśinićiyapi śni po ; wihiyayedan oape kin he en token ehapi kta he nicupi kta ce.

20 Ie kte cin he niyepi śni, tuka Niyatepi Taniya en niunpi kin he iye ie kta.

21 Hunkawanjinkiciyapi kin is unma ktepi kta e wicaqu kta ; qa wicaśta wan iye cinhintku kin nakun ; qa wicacince kin is hunkakewicayapi itkowicakipapi qa wicakiktepi kta.

22 Qa micaje on owasin śice-nidapi kta ; tuka tuwe owihanke kin hehanyan sutaya un kinhan he ni kta.

23 Tuka tohan otonwe kin de en śicaya nicuwapi kinhan, wanji

tokeca ekta najica po ; awicakehan heciciyapi, Israel otonwe tawapi kin iyaza yaunpi kte śni ecen Wicaśta Cinhintku kin hi kta.

24 Waonspekiyapi kin he waonspekiya tawa kakipe śni ; qa tuwe wowidake un kin he yuhe cin isanpa tanka śni ece.

25 Tuka waonspekiyapi kin waonspekiya tawa kin iyececa, qa wowidake un kin yuhe cin iyececa hecinhan hecetu kta. Tipi tawa kin he Beelzebub eciyapi hecinhan, tiyohnake tawa kin is nakun hewicakiyapi kte śni he.

26 Heon etanhan kowicakipapi śni po ; taku akañpapi qa yuzamnipi kte śni wanica, qa taku anahmanpi qa sdonyapi kte śni wanica.

27 Taku otpaza en ociciyakapi kin he anpa en daotaninpi kta ; qa taku noge on nayañonpi kin he tipi akañpe kin etanhan eyanpaha odakapi kta.

28 Unkan tona wicatančan ecedan ktepi kta okihihi, qa wicanagi kte okihihi śni kin hena kowicakipapi śni po ; tuka tuwe wicanagi wicatančan ko Wakanśica ti kin en ihangye kte cin hee e kokipa po.

29 Zitkadan nom mazaśa wanjidan iyoheyapi śni he ; qa etanhan wanjidan kaeś Niyatepi codan makata iñpaye kte śni.

30 Tuka paha nitawapi kin hee kaeś owasin yawapi ece.

31 Heon etanhan kopehdapi śni po ; zitkadan ota isanpa niyawapi ece.

32 Heon etanhan tuwe kaśta wicaśta wicitokam miye omayake cinhan, he Ate mañpiya en un kin itokam omdake kta.

33 Tuka tuwe wicaśta wicito-

MATTHEOS.

kam miye ehpemaye cinhan, he miye Atewaye mahpiya en un kin itokam ehpewaye kta.

34 Wookiye maka akan wicawaqu kta on wahi kecinpi šni po; wookiye wicawaqu kta wahi šni tuka mazasgye.

35 Wicašta wan atkuku šicekidake wakiye kta wahi, qa cunwintku iye hunku kin, qa takošku iye kunku kin šicekidake kta heon.

36 Qa wicašta tona tokayapi kin iye ti en unpi kin hena eepi kta.

37 Tuwe miye isanpa atkuku qa is hunku kin waštekidake cinhan, he mici un kta iyecece šni; qa tuwe miye isanpa cinhintku qa is cunwintku kin waštekidake cinhan, he mici un kta iyecece šni:

38 Qa tuwe cansusbeca tawa kin ehdaku šni qa miyahna u šni kinhan, he mici un kta iyecece šni.

39 Tuwe wiconi tawa kpatan kinhan, he toki ehpekiye kta; qa tuwe miye on etanhan wiconi tawa kpatan kinhan, he kpatan kte cin ee.

40 Tuwe iyowinniciyapi kin he iyowinmakiya; qa tuwe iyowinmakiye cin he tuwe umaši kin he iyowinkiya ece.

41 Tuwe wicašta wokcan, wicašta wokcan caje on iyowinkiye cinhan, he wicašta wokcan iyunwin tawa yuhe kta; qa tuwe wicašta owotanna, wicašta owotanna caje on iyowinkiye cinhan, he wicašta owotanna iyunwin tawa kin icu kta.

42 Qa tuwe waonspekiyapi caje on, dena cikcistinpidan wanji wiyatke ohna mini sni ecedan yatkekiye cinhan, awicakehan heciciyapi, he iyunwin tawa toki ehpekiye kte šni.

WICOWOYAKE 11.

1 Unkan Jesus waonspewicakiye akenonpapi kin taku econwicaši ayaštan, hehan hetanhan iyaya, otonwe tawapi kin ohnahna woyake kta qa waonspekiye kta.

2 Unkan Johannes kaška hnakapi kin en Messiya ohan kin nahon qehan, iye waonspewicakiye cin nom ekta yewicaši;

3 Qa heciya; Tuwe u kte cigon he niye he, qa is tuwe tokeca wanunyakapi kta he.

4 Unkan Jesus waayupte qa hewicakiya; Hda po, qa taku tona nayahonpi qa wandakapi kin hena Johannes okiyaka po:

5 Išttagongapi kin tonwanpi ece, huštepi kin manipi ece, tona lepros ececapi kin ska wicakagapi ece, tapi kin kinipi ece, qa tona onšikapi kin hena wotanin wašte owicakiyakapi ece.

6 Qa tuwe miye on našdute šni kinhan, he yawaštepi ce, eya.

7 Hena wanna kihdapi hehan Jesus Johannes on oyate kin wowicakiyaka; Taku wandakapi kta on hewoskan yaipi he; cedi wan tateyanpa kahuhuza:

8 Tuka taku e wanyag yaipi he; wicašta wan wokoyake panpanna koyake cin he; iho tona taku panpanna koyakapi kin hena wicaštayatapi tipi ohna yakonpi ece.

9 Tuka taku e wanyag yaipi he; wicašta wokcan kin heca he; han, eciciyapi, qa wicašta wokcan isanpa.

10 Wowapi en kagapi qon, Iho, niite itokam wahošiya mitawa yewaši, he nitokam canku nita-wa nicage kta ce, iho hee.

11 Awicakehan heciciyapi; Tona winohinca eciyatanhan

WICOWOYAKE 12.

wicatonpi kin wanji Johannes baptem wicaqu ece kin sanpa tanka icage šni; tuka tuwe mahpiya wokiconze kin en iyotan cistinna kin he sanpa tanka.

12 Nakun Johannes baptem wicaqu taanpetu kin hetanhan dehanyan mahpiya wokiconze kin nina akitapi, qa nina akite cin hena iyahpayapi ece.

13 Johannes hehanyan woope qa wicašta wokcanpi owasin woyakapi:

14 Qa niš wicada wacannipi hecinhan Elias u kte ciqu he dee.

15 Tuwe noge winahon yukan hecinhan he ito nahon kta.

16 Tuka ito wicoicage kin de taku e imdacin kta he. Hokšipidan tihocoka en iyotankapi kin hena e iyececa, takodakupi wicakipanpi,

17 Qa hewicakiyapi; Cotanke unniciyajopi tuka niye wayacipi šni; wašinunhdapi tuka niye yaceyapi šni.

18 Johannes wote šni qa wayatke šni hi; unkan, Taku wakan šica yuha ce, eyapi.

19 Wicašta Cinhintku kin wota qa wayatkan hi; unkan heyapi; Iho, wicašta wan wote sa qa miniša yatkan ece, wamnayanpi qa walitanipi sa takodawicaya ece. Tuka woksape iye cinca kin on owotanna oyakapi ece.

20 Hehan otonwe kin tona en iye ohan tanka econpi qon hena iyopewicaya, iyopeiciyapi šni heon.

21 Hehehe Korazin, hehehe Bethsada; wicohan tanka niyepi en econpi kin, hena Turos qa Sidon en econpi unkanš, wana-kaja heyake šica cahota ko en iyopeiciyapi kta tuka.

22 Heon etanhan heciciyapi; Woyaco anpetu kin en, tehiya

yaunpi kta, qa Turos Sidon kici aopten unpi kta.

23 Qa Kapernaum niye, mahpiya ekta wankan aniyampi, tuka wicahapi ekta ehpeniyanpi kta; wicohan tanka niye en econpi kin hena Sodom en econpi unkanš, anpetu kin dehanyan ecen un kta tuka.

24 Heon etanhan heciciyapi; Woyaco anpetu kin en tehiya yaun kta, qa Sodom makoce kin ahecece kta.

25 Anpetu kin hena en Jesus waayupte ça heya; Ate, mahpiya maka ko Itancan kin, ciyatan, dena taku kin tona ksapapi qa wasdonyapi kin anawicayakilbe ça hokšiyopapi owicayakidaka ece.

26 Han, Ate hecetu, hecen iyonicipi nakaeš.

27 Ate taku owasin maqu; unkan tuwedan Cinhintkuyapi kin sdonye šni, Ateyapi un kin hecedan sdonkiya; nakun tuwedan Ateyapi kin sdonye šni, tuka Cinhintku kin hecedan; qa tuwe Cinhintku kin sdonyekiye cin he nakun.

28 Tona litayanipi qa tkeya wayaqinpi kin owasin en mau po, kinhan ozikiyapi cičupi kta.

29 Can napinpi mitawa kin he icu po, qa miye eciyatanhan onspeiciya po, cante ekta onšimicida qa walibayedan waun; hecen ninagipi en woozikiye duhapi kta.

30 Can napinpi mitawa kin he tehike šni, qa waqin mitawa kin he kapojedan.

WICOWOYAKE 12.

1 Anpetu kin hena en, anpetu wakan icunhan, Jesus aguyapi ojupi kin ehna iyaya; unkan waonspewicakiye cin wotekte-

MATTHEOS.

hdapi, qa aguyapi yuksa icupi qa yutapi.

2 Unkan Pharisee kin he wan-yakapi hehan heciyapi; Wanyaka wo, waonspewicayakiye cin, anpetu wakan icunhan taku econpi kte sni ece kin, hee econpi.

3 Unkan iye hewicakiya; Dawid taku econ qon he tohinni dawapi sni he; iye qa tona om un kin wotektehdapi qehan;

4 Tipi wakan kin en i, qa aguyapi taninyan ehnakapi kin yuta, he iye qa tona om un kin yutapi kte sni, tuka woŋnapi kagapi kin ecedan yutapi kta tuka.

5 Qa woope kin en nakun dawapi sni, woŋnapi kagapi kin tipi wakan ohna anpetu wakan ahopapi sni eŋta iyaonpepica sni unpi.

6 Tuka heciciyapi; Tuwe tipi wakan kin isanpa tanka wan den un.

7 Wowaoŋsida wacin qa woŋnapi *wacin* sni ce, eyapi qon he idukeanpi unkanŋ, tona walitanipi sni kin hena wicadacopi kte sni tuka.

8 Qa Wicaŋta Cinhintku kin he anpetu wakan Itancan kin he nakun ee.

9 Hehan hetanhan iyaye a omnieiye tipi tawapi kin en i.

10 Unkan iho, wicaŋta wan nape snija hen un; unkan wi-wangapi qa heciyapi; Anpetu wakan icunhan waasnuyapi kta iyececa he; he iyaonpapi kta e heyapi.

11 Unkan hewicakiya; Enitanhanpi wicaŋta wanji tahnca wanunyanpi wanjidan yuhe cinhan, he anpetu wakan icunhan wolha en iyolipaya hecinhan, tancan en yuze a ehdaku kte sni he.

12 Wicaŋta kin he tahnca wanunyanpi isanpa ece. Heonetanhan anpetu wakan icunhan taku waŋte econpi kta iyececa.

13 Hehan wicaŋta qon heciya; Nape hdukatin wo; hecen yukatin, unkan unma kin iyecen asni icaga.

14 Unkan Pharisee kin hetanhan tankan hdapi, qa token ktepi kte cin he akiiapi.

15 Tuka Jesus he sdonye a hetanhan token iyaya; unkan wicota hnca ihakam unpi, qa iye hena owasin asniwicaya:

16 Qa nina oyake sni wicaŋi.

17 Hecen Isaya wicaŋta wo-kean kin taku eye ciqon yuecetupi kta; he kaken eya;

18 Iho, mitahokŋidan wahdahnige ciqon; waŋte wakidake cin on minagi iyuskin ece; mitaniya kin waqu kta, hecen Ikcewicaŋta kin woyaco owicakiyake kta.

19 Wicakize kte sni, qa pan kte sni, qa ho kin tuwedan canku ohna nalion kte sni:

20 Cedi kaŋuŋujapi kin he yukse kte sni, qa halionta ide kte cin he kasni kte sni, woyaco he woohiye ekta au sni kinhan:

21 Qa iye aje kin Ikcewicaŋta wacinyanpi kta.

22 Hehan wanji wakan ŋica yuhnaŋkinyan he en ahipi, iŋtagonge a ia okitpani; unkan asniyan, hecen iŋtagonge a ia okitpani kin he ia qa nakun tonwan.

23 Unkan wicaŋta ota kin owasin yuŋinyayapi qa heyapi; Dawid cinhintku kin he dee sni he.

24 Tuka Pharisee kin iŋ he nalionpi qehan heyapi; Wicaŋta kin de wakan ŋica napewicaye cin he Beelzebub wakan ŋica itancan kin on hecon ece.

25 Unkan Jesus token cante-

WICOWOYAKE 12.

yuzapi kin he sdonye ça hewica-kiya; Wokiconze wan iye iyakitedan kiciza eca hinhpaya ece; nakun otonwe qa tipi otoiyohi iye iyakitedan kicizapi ehan-tanhan ecen he kte sni.

26 Qa Satan Satan napeye cinhan wanna iye iciciza; hecen token tokiconze kin sutaya he kta he.

27 Qa miye Beelzebub on wakan sica napewicawaya ehan-tanhan, nicincapi kin is taku on napewicayapi he; heon etanhan hena niyacopi kta.

28 Tuka miye Wakantanka Taniya on wakan sica napewicawaya hecinhan, Wakantanka tokiconze kin wanna en nihipi.

29 Wicašta wasaka ti kin en, tuwe tin iyaye ça taku tawa kin ihangye kta token okihi kta he; tokaheya wicašta wasake cin kaske cinhan hehan tipi kin ihangye kta.

30 Tuwe mici un sni kinhan he makipajin ece; qa tuwe micipahi sni kinhan he yutakuni sni ece.

31 Heon etanhan heciciyapi; Woahani owasin iapi sica ko wicašta wicakicicajujupi kta; tuka Woniya Wakan alapi kin he wicašta wicakicicajujupi kte sni.

32 Qa tuwe Wicašta Cinhintku kin taku sica eciye cinhan, he kicicajujupi kta; tuka tuwe Woniya Wakan kin taku sica eciye cinhan, he kicicajujupi kte sni, wiconi kin de en, qa nakun wiconi u kte cin en.

33 Can kin wašte kaga po, kinhan waskuyeca wašte kta; qa is can kin sica kaga po, kinhan waskuyeca sice kta; can kin waskuyeca tawa kin on sdonyapi ece.

34 Wamduška wicoicage, ni-

šicapi hecen token taku wašte ehapi kta oyakhipi he; wica-cante ojudan kin he eciyatanhan wicai kin ia ece.

35 Wicašta wašte kin iye cante wašte ojudan kin eciyatanhan taku wašte hiyuya ece; qa nakun wicašta sice cin iye cante sica ojudan kin etanhan taku sica hiyuya ece.

36 Tuka wicoie wašte sni otoiyohi wicašta eyapi kin hena on woyaco anpetu kin en ohdakapi ece e kta, he miye eci-ciyapi.

37 Nioie kin on niyaowotanpi kta, qa nakun nioie kin on niyacopi kta.

38 Hehan wowapi kagapi wanjikji qa Pharisee kin ayuptapi qa heciyapi; Waonspekiya, wowapetokeca wan wanyagunya-kiyapi kta uncinpi.

39 Tuka iye waayupte ça hewicakiya; Wicoicage sice ça wawicilahapi econ sa kin he wowapetokeca da, tuka wowapetokeca wanjidan qupi kte sni, Jonas wicašta wokcan wowapetokeca tawa kin heceedan kta.

40 Anpetu yamni qa hanyetu yamni hehanyan Jonas hogan tanka tezi kin ohna un qon, he iyecen anpetu yamni qa hanyetu yamni Wicašta Cinhintku kin maka cante kin en un kta.

41 Woyaco anpetu kin en Ninewe wicašta kin inajinpi qa wicoicage kin de yacopi kta; hena e Jonas woyake cin on iyopeiciyapi tuka; unkan iho, Jonas isanpa tanka wanji den un.

42 Itokah wicaštayatapi winohinca qon he woyaco kin en inajin kta, qa wicoicage kin de yaco kta; eqe Solomon toksape nahon kta on maka ihanke kin etanhan u tuka; unkan iho,

MATTHEOS.

wanji Solomon isanpa tanka den un.

43 Woniya šape cin wicašta kin etanhan tankata hinanpa, hehan makoce puza en omani, ozikiyapi akita, tuka takudan iyeye šni;

44 Hehan heya; Tipi mitawa etanhan wahinape cigon he ake ekta wahde kta. Unkan ekta ki, qa tuwedan ohna yanke šni, kahintapi qa ayuco yuštampi, hecen iyeya.

45 Hehan iyaye ɕa woniya tokeca šakowin iye isanpa šicapi, hena iwicacu qa om mahen iyaya, qa ohna yukanpi; unkan wicašta kin he hetanhan tehiya un, tokaheya un qon isanpa. Wicoicage šice cin de hecece kta.

46 Unkan oyate kin hecen wowicakiyaka icunhan, iho, iye hunku qa hunkawanjitku kin tankan hinajinpi qa okiyapi kta cinpi.

47 Unkan wanji heciya; Iho, nihun qa nihunkawanji tankan najinpi qa oniciyapi kta cinpi.

48 Tuka iye waayupte ɕa tuwe heye cin he heciya; Tuwe inawaya he, qa mihunkawanji kin hena tuwepi he.

49 Unkan waonspewicakiye cin ektakiya nape hdugate ɕa heya; Iho, mihun qa mihunkawanji dena eepi ce.

50 Tuwe kašta Ate mahpiya ekta un tawacin kin ecen econ kinhan he mihunkawanji qa mitawinohtin qa mihun ee.

WICOWOYAKE 13.

1 Unkan anpetu kin hena en Jesus tipi kin etanhan tankata iyaye ɕa mde kin icahda iyo-tanka.

2 Unkan wicota hinca en mniciyapi, hecen iyotanke kta e

wata wan en opa, qa oyate kin iyuhpa hutata najinpi.

3 Unkan wiyacinpi on taku ota owicakiyaka, qa heya; Iho, wicašta woju wan woju iyaya:

4 Unkan woju icunhan, apa canku icahda hinhpaya; hecen wahupakoza en hipi qa temyapi.

5 Qa apa tukten inyan ota ehna ihpaya, hen maka tonana; unkan ohankoya hinanpa, maka tonana nakaes.

6 Tuka wi kata aya hehan owasin gu; qa hutkan nica heon etanhan šnija.

7 Unkan apa is wapepeka ehna ihpaya; unkan wapepeka tanka icage ɕa hecen kte.

8 Tuka apa maka wašte en ihpaya, qa etanhan ota icaga, apa opawinge, apa wikcemna šakpe, apa wikcemna yamni.

9 Tuwe noge winahon kta yukan hecinhan, ito nahon kta.

10 Unkan waonspewicakiye cin en hipi qa heciyapi; Tokeca wiyacinpi on owawicayakiya he.

11 Unkan iye awicayupte ɕa heya; Mahpiya wokiconze woa-nahbe kin niye oyakalinigapi kta niɕupi, tuka hena hecen wicacupi šni, heon etanhan.

12 Heon tuwe taku yuhe cinhan nakun qupi kta, hecen iya-kiɕuya yuhe kta; tuka tuwe takudan ton šni, tona yuhe cin hee kaeš kipi ece e kta.

13 Heon etanhan wiyacinpi on wowicawakiyaka ece; hecen tonwanpi keš wanyakapi šni, qa winahonpi keš nahonpi šni, qa nakun okahinigapi šni.

14 Qa hecen Isaya wicašta wokcan taku eye cigon iyepi on yuecetupi; Winahonpi on nayahonpi kta, tuka oyakalinigapi kte šni; qa tonwanhan wandakapi kta, tuka idukcanpi kte šni ce.

WICOWOYAKE 13.

15 Oyate kin de cantepi kin cepa aya, qa nogepi kin kitan se winahonpi, qa istohmuzapi; hecece šni unkanš, išta on wanyakapi kta, qa noge on nahonpi kta, qa cante on iyukcanpi kta, qa ihduhomnipi kta, kinhan a-sniwicawaye kta tuka.

16 Tuka' niištapi kin wowašte, on wandakapi ece; qa ninogepi kin wowašte, on nayahonpi ece.

17 Awicakehan heciciyapi; Wicašta wokcan ota, qa wicašta owotanna, taku wandakapi ece kin hena wanyakapi kta cinpi, tuka wanyakapi šni; qa taku nayahonpi ece kin, hena nahonpi kta cinpi, tuka nahonpi šni.

18 Heon etanhan wicašta waju qon wiyacinpi kin he ito nahon po.

19 Wicašta otoiyohe wokiconze oie kin nahon keš, okahnige šni kinhan, he tuwe šice cin en hi, qa taku cante en ojupi qon eyaku ece; iho, canku icahda ojupi icu qon hee.

20 Unkan inyan ota en ojupi icu qon he dee; tuwe wicoie kin nahon qa ohanakoya iyuškinyan icu;

21 Tuka iye en hutkan wanica, hecen ecadan enakiya; tohan wicoie kin on wokakije qa šicaya kuwapi akipa hecinhan, hinna-kaha ayuštān iyaya ece.

22 Unkan wapepeka ehna ojupi icu qon, tuwe wicoie kin nahon kin hee; tuka wiconi kin de awacinpi qa woyuha ota wohnaye kin hena wicoie kin kte ece, hecen waskuyeca takudan aicage šni.

23 Tuka maka wašte en ojupi icu qon, he tuwe wicoie kin nahon qa okahniga; qa hecen waskuyeca icahiya ece; apa opawinge, qa apa wikcemna šakpe, qa

apa iš wikcemna yamni icaga ece.

24 Wiyacinpi tokeca wan owicakiyake ça heya; Mahipiya wokiconze kin wicašta wan iye tamaga en su waštešte oju kin he iyececa.

25 Tuka wiciština hiyeya icunhan, toka wan en hi, qa aguyapi ehna wayahota oju, qa kihda.

26 Unkan ape kin wanna uye ça wahuwapa icage kta, hehan wayahota iš nakun tanin.

27 Unkan tipi tawa wowidakewicaye cin en hipi qa heciyapi; Itancan, nitamaga en su waštešte oyaju šni he; hecen wayahota kin tokiyatanhan yuha he.

28 Unkan iye hewicakiya; Wicašta wan toka kin heca e hecon. Unkan wowidakewicaye cin hena heciyapi; Unyanpi qa unpahipi kta yacin he.

29 Tuka iye heya; Hiya; okinni wayahota kin yapahipi kinhan, nakun aguyapi koya dujunpi kta.

30 Ito woksapi kta hehanyan napin icicahiya icage kta. Unkan woksapi anpetu kin he en, wayuksapi kin hewicawakiye kta; Tokaheya wayahota pahipi qa huhnahiyapi kta on pahota po; tuka aguyapi kin he doto-piye mitawa en omnayan po.

31 Wiyacinpi tokeca wan owicakiyake ça heya; Mahipiya wokiconze kin sinape su wanji iyececa, he wicašta wan icu qa iye tamaga kin en oju.

32 He su kin owasin iyotan cistinna; tuka icaga hehan wato kin owasin isnana tanka; qa can iyececa icaga, hecen mahipiya okinyanpi kin en upi, qa adetka kin en ahياهو ece.

33 Wiyacinpi tokeca wan owicakiyaka; Mahipiya wokiconze kin on napohiyapi kin iyececa,

MATTHEOS.

he winohinca wan icu qa wotpanpi wiyutapi yamni en inahman, hecen ocowasin napohiyapi.

34 Dena taku owasin Jesus wiyacinpi on oyate kin owicakiyaka, qa wiyacinpi codan takudan owicakiyake shi.

35 Hecen wicašta wokcan taku eye ciquon yuacetupi, he hecen eya; Wiyacinpi on i wahdukawa kta; taku maka kagapi ehantanhan anahmanpi kin he omdake kta ce.

36 Hehan Jesus oyate kin hde-wicaši, qa tipi wan en tin iyaya. Unkan waonspewicakiye cin en hipi qa heciyapi; Maga en wayahota wiyacinpi kin he unko-kiyaka miye.

37 Unkan iye awicayupte ça hewicakiya; Tuwe su waštešte oju qon he Wicašta Cinhintku kin hee.

38 Maga kin he maka ocowasin ee; su waštešte qon he wokiconze cinca kin hena eepi; wayahota kin he tuwe šica cinca kin hena eepi:

39 Toka hena oju qon Wakanšica hee. Woksapi kin he wiconi kin de owihanke kin hee; qa wayuksapi kte cin mahpiya ohnihde kin hena eepi.

40 Heon etanhan, wayahota pahipi qa peta en huhnagapi qon he wiconi kin de owihanke kin ekta becece kta.

41 Wicašta Cinhintku kin tona ohnihdewicaye cin hena yewicaši kta; unkan tokiconze kin etanhan tona wahitanipi qa taku šica econpi kin owasin pahipi kta:

42 Qa peta mde kin en ehpe-wicayapi kta; hen wicaceya hi hdakinskinzapi ko yuke kta.

43 Hehan wicašta owotanna kin anpetu wi kin iyecen iyega-

pi kta, atkukupi tokiconze kin en. Tuwe noge winahon kta yukan hecinhan, ito nahon kta.

44 Akeš mahpiya wokiconze kin he mazaska, maga wan en nahmanpi kin he iyececa, he wicašta wan iyeya, unkan anahbe ça, wiyuškinyan iyaye ça, taku yuhe cin owasin wiyopekiye ça, maga kin he opeton.

45 Akeš mahpiya wokiconze kin wicašta wopeton inyan tehika akite ciquon he iyececa ye:

46 He inyan tehika wanjidan, ota iyoheyapi kin, he iyeya, unkan iyaye ça, taku tawa kin owasin wiyopekiye ça, he opeton.

47 Akeš mahpiya wokiconze kin he ho wan, mde kin en iyo-hpeyapi, qa ocaje owasin etanhan manaye cin, he iyececa;

48 He wanna ojudan hehan hutata ahdipi, en iyotankapi, qa waštešte kin hena cega ohna mnakiyapi, tuka šiksice cin hena ehpeyapi.

49 Maka owihanke kinhan he iyecece kta; hehan mahpiya ohnihde kin upi kta, qa tona šice cin owotanna unpi kin wiciyopeyapi kin hena iwicacupi kta;

50 Qa peta mde kin en iyo-hpewicayapi kta. Heciya wicaceya hi hdakinskinzapi ko yuke kta.

51 Jesus hewicakiya; Dena owasin oyakahnigapi he. Han, Itancan, eciyapi.

52 Hehan hewicakiya; Heon etanhan wowapi kaga otioyohi, mahpiya wokiconze on onspekiyapi kin, he wicašta wan tipi yuhe ça, mazopiye tawa kin etanhan taku teca tannika ko ikikcu ece kin he iyececa.

53 Unkan Jesus wiyacinpi kin dena ihunnikiya, hehan hetanhan tankan iyaya:

WICOWOYAKE 14.

54 Qa iye tamakoce kin en ki qehan, omniciye tipi yuhapi kin ohna waonspewicakiya; hecen yušinyayapi qa heyapi; Woksape kin de, qa wicoľian tanka, wicašta kin de tokiyatanhan yuha he.

55 Cankajipa cinhintku kin he dee šni he; hunku he Mary eciyapi, qa sunkawicaye cin hena Jakob qa Joses qa Simon qa Judas:

56 Qa tawinoľtin hena owasin unkiyopeyapi unpi šni he; hecen tokiyatanhan dena taku kin owasin yuha he.

57 Unkan canniyeyapi. Tuka Jesus hewicakiya; Wicašta wokcan yuonihanpi ece, tuka iye tamakoce qa iye ti kin ohna *yuonihanpi* šni.

58 Unkan wicoľian tanka ota hen econ šni, wicadapi šni heon etanhan.

WICOWOYAKE 14.

1 Unkan anpetu kin hena en Herod wicaštayatapi kin Jesus oyakapi kin he naľon;

2 Qa tahokšidan kin hewicakiya; Johannes baptem wicaqu ece kin he dee; ƚapi kin etanhan kini, heon etanhan wicoľian tanka econ ece.

3 Herod Johannes yuze ƚa kaška, qa conkaške en ehnaka, Herodias iye sunkaku Philip tawicu qon heon.

4 Duhe kta iyecece šni ce, Johannes eciye ciqon.

5 Unkan heon kte kta cin, tuka oyate kin kowicakipa; hena e wicašta wokcan heca kecinpi.

6 Tuka Herod anpetu en tonpi qon he ake hiyohipi, hehan Herodias cunwintku kin wicacokaya waci, qa Herod iyokipiya.

7 Heon etanhan, taku wakan

cajeyate ƚa, taku kida kta hecinhan, awicakehan qu kta, keciya.

8 Unkan he itokam hunku onspekiya, heon heya; Wanna Johannes baptem wicaqu ece qon he pa kin waksica wan ohna maqu ye.

9 Unkan wicaštayatapi kin iyokišice ģinca, tuka wakanyan wacajeyate cin heon, qa tona om wota iyotanke cin hena on, he qu wicaši.

10 Hecen ekta ye wicaši, qa conkaške mahen Johannes pa baksa.

11 Unkan pa kin he waksica ohna akupi, qa wikoška kin qupi; unkan iye iyoopta hunku qu.

12 Unkan waonspewicakiye cin hena en hipi, qa tancan kin eyakupi qa ģapi; hehan yapi qa Jesus okiyakapi.

13 Unkan Jesus he naľon qehan, hetanhan watom iyaye ƚa, isnana ģewoskan makece wan ekta i. Unkan oyate kin he naľonpi qehan, otonwe etanhanhan ģuinyun ihakam yapi.

14 Unkan huta ekta ihunni qehan, wicota wanwicayaka; qa onšiwicakida, qa tona tehiya unpi kin hena asniwicaya.

15 Unkan wanna ģtayetu hehan waonspewicakiye cin en hipi qa heyapi; Makece kin de ģewotahedan, qa wanna ģtayetu, heon oyate kin hde wicaši wo, hecen otonwe ciqadan kin en yapi kta, qa taku yutapi opeiċitonpi kta.

16 Tuka Jesus hewicakiya; Hdapi kta iyecece šni; ito niye taku yutapi wicaqu po.

17 Unkan heciyapi; Aguyapi kagapi zaptan qa hogan nonpa, ģenana den unģapi ce.

18 Unkan heya; Hena makau po.

MATTHEOS.

19 Unkan oyate kin wato en iyotanke wicaşı, qa aguyapi zaptan qa hogan nonpa nakun icu, qa mahpiya ekta etonwan, hehan yawašte, qa yuşpaşpa qa waonspewicakiye cin wicaqu, unkan waonspewicakiye cin is oyate kin wicaqupi.

20 Unkan owasin wotapi qa imnanpi; unkan oyaptapi etanhan pahipi, makanopiye akenonpa ojudan.

21 Unkan tona wotapi kin hena wicašta kektopawinge zaptan ecetu, nakun winohinca şiceca koya.

22 Hehan ecahankeya Jesus waonspewiyakiye cin wata wan en ope wicaşı, iye itokam akasanpa yapi kta, oyate kin hde wicaşı icunhan.

23 Unkan wanna oyate kin hde wicaşı, hehan isnana paha wan ekta cekiya iyaya. Wanna otpaza tuka isnana ekta yanka.

24 Tuka wata kin wanna mde kin cokaya un, taja on iyotanhani iyekiyapi, tatohekiya yapi nakaes.

25 Unkan hanyetu en itopa kiktapi hehan Jesus mini kin amani en wicaya.

26 Unkan waonspewicakiye cin mini kin amani wanyakapi qehan, yuşinyayapi qa heyapi; He wanagi; qa kokipapi on şicahowayapi.

27 Tuka Jesus kohanna owicakiye ça heya; Cante wašte po; de miye ce; kopehdapi şni po.

28 Unkan Inyan ayupte ça heya; Itancan he niye hecinhan, ekta mini kin amani u maşı wo.

29 Unkan; U wo, eciya. Hecen Inyan wata kin etanhan kun iyaye ça Jesus ekta ye kta mini kin amani.

30 Tuka wohitiya tateyanpa wanyaka, hehan kokipa. Qa spaye kta iyaya, hehan şicahowaya, qa heya; Itancan, nima-yan wo.

31 Unkan Jesus ecahankeya nape ekta yekiye ça yuwankan icu, qa heciya; Cistinna wacin-
yaya, tokeca wacetunyahda he.

32 Unkan wata kin en opapi hehan amdakedan icu.

33 Hehan wata en unpi kin en hipi, makata elpeiciyapi qa heciyapi; Awicakehan Wakantanka Cinhintku kin he niye.

34 Unkan akasanpa ihunnipi hehan Geneseret makoce kin en hipi.

35 Unkan wicašta makoce kin he en unpi kin hena iyekiyapi, qa ihdukşan wanke cin owancaya hoşı wicakayapi. Unkan tona tehiya unpi kin owasin en awicahipi;

36 Qa cekiyapi, taşina opapun heceedan kaeşyutanpi kta heon; unkan tona yutanpi kin owasin tanyan asnipi.

WICOWOYAKE 15.

1 Hehan Jerusalem etanhan wowapi kagapi qa Pharisee kin Jesus en hipi qa heyapi;

2 Tokeca waonspewicayakiye cin hunkawicayapi woope oyakapi qon acakşinpi he; qa aguyapi yutapi kte cinhan nape hdujajapi şni.

3 Unkan iye waayupte ça he-
wicakiya; Qa niş nakun tokeca woope odakapi kin on Wakan-
tanka toope kin acayakşinpi he.

4 Wakantanka heya econ wicaşı; Niyate nihun kici wicahduonihan wo; nakun; Tuwe atkuku hunku kici wicayaşıce cinhan wiconşe on te kta ce.

5 Tuka niye hehapi; Tuwe

WICOWOYAKE 15.

atkuku qa ís hunku kin heciye kta iyececa; Taku on ociciye kte cin he wanna woónapi ce; qa hecen atkuku hunku kici wicahduonihan sni ece

6 Hecen woope odakapi kin on Wakantanka toope kin dutakunipiśni.

7 Wananiçihmanpi, niyepi on Isaya tanyan woyake ça heye ciquon;

8 Oyate kin de i on mikiyedani upi, qa iha on mayaonihanpi; tuka cantepi kin hena mitehan unpi ece.

9 Wicašta wicoope kagapi kin hena woope keya onspewicakiyapi, qa on mayuonihanpi kte cin he takudan okihi sni ece.

10 Hehan oyate kin wicakico qa hewicakiya; Nahonpi qa okaliniga po:

11 Taku wicai kin ohna iyaye cin he wicašta kin yuśape sni; tuka taku wicai kin etanhan hiyu kin he wicašta yuśape cin ee.

12 Hehan waonspewicakiye cin en hipi qa heciyapi; Wicoie kin de Pharisee kin nahonpi qa šihdapi, he sdonyaya he.

13 Unkan waayupte ça heya; Taku ojupi kin, tona Ate mahpiya ekta un kin oju sni kinhan, hena owasin yujunpi kta.

14 Awicayuśtan po; ístagongapi ístagongapi awicayapi kin hena hecapi. Unkan tuwe ístagonga ístagonga wan yus aye cinhan, napin makohdoka en ohinhpayapi kta.

15 Hehan Inyan ayupte ça heciya; Wiyacinpi kin de unkoikiyaka miye.

16 Unkan Jesus heya; Niś nakun hinahin oyakañigapi sni he.

17 Taku wicai kin ohna iyaye cin he wicatezi kin ekta i ece, qa hehan hetanhan tankan elpe-

yapi ece; he hinahin oyakañigapi sni he

18 Tuka taku wicai kin etanhan hiyu kin hena wicacante kin eciyatanhan u ece; qa wicašta yuśape cin hena ee.

19 Wicacante kin eciyatanhan wicotawacin śica hiyu ece; tinwicaktepi, wawiciliahapi, wiinahmanpi, wamanonpi, woitonśni qa wicayaśicapi kin.

20 Wicašta yuśape cin dena ee; tuka nape hdujaja sni wotapi kin he wicašta kin yuśape sni.

21 Hehan Jesus hetanhan tokan iyaye ça, Turos qa Sidon makece ihdukśan wanke cin he ekta i.

22 Unkan iho, Kanan winohinca wan makece kin hetanhan hiyu, qa hoyekiye ça heya; Itancan, Dawid Cinhintku, onśimada ye, micunkśi wakan śica yuhnaśkinyan, śicaya un.

23 Tuka iye oie wanjidan ayupte sni. Unkan waonspewicakiye cin en hipi, cekiyaqi qa heyapi; Hdeśi wo, unkihakam śicahowaya ece.

24 Tuka iye waayupte ça heya; Israel tiyohnaka tahinca wanunyanpi nunnipi kin henana ekta umaśipi ce.

25 Hehan winohinca qon en hi, makata elpeiciye ça heciya; Itancan, omakiya we.

26 Tuka iye ayupte ça; Hoksíyopa aguyapi tawapi kin icupi qa śunka wicakupi kin he hecetu sni ce, eya.

27 Unkan iye; Han, Itancan; tuka śunka kin iye wicayuhapi wahna wotapi tawapi kin etanhan ośnaśna hinhpaye cin hena etanhan yutapi ece, eya.

28 Hehan Jesus ayupte ça heciya; Winohinca, wacinyaye cin he tanka; token yacin kin he enicicetu nunwe. Unkan wihi-

MATTHEOS.

yayedan oape kin he hetanhan cunwintku kin asni.

29 Unkan Jesus hetanhan iya-ye ça Galile mde kin ikiyedan u; qa paha wan ekta iyaye ça akan iyotanka.

30 Unkan wicašta ota en hipi, tona huštepi, išttagongapi, ia okitpanipi, hu bawicaksapi, qa toktokeca ota en awicahipi, qa Jesus siha kin en ewicahnakapi; unkan asniwicaya.

31 Hecen wicota yušinyayapi, ia okitpanipi qon hena iapi, hu bawicaksapi qon hena tokecapi šni, huštepi qon hena manipi, qa išttagongapi qon hena tonwanpi wanwicayakapi, heon etanhan; qa Israel Taku Wakan tawapi kin he yatanpi.

32 Hehan Jesus waonspewicakiye cin wicakico qa hewicakiya; Oyate kin onšiwicawakida, wanna yamni can taku yute šni mici unpi; qa wote šni hde-
wicawaši kta tawaŋenwaye šni, okinni tahepi ihpayapi kta.

33 Unkan waonspewicakiye cin heciyapi; Makoce hewotahedan kin de en tokiyatanhan aguyapi iyenakeca unhapi qa oyate hinsko tanka imnawicunyanpi kta he.

34 Unkan Jesus hewicakiya; Aguyapi kaŋapi tona duhapi he. Unkan; Šakowin qa hoganstinna tonana nakun, eyapi.

35 Unkan oyate kin makata iyotanke wicaši;

36 Qa aguyapi šakowin icu, hogan kin hena nakun, qa ya-
wašte, hehan kiyušpašpa qa waonspewicakiye cin wicaqu; unkan waonspewicakiye cin oyate kin wicaqupi.

37 Unkan owasin yutapi qa imnanpi; qa oyaptapi kin hena pahipi, makanopiye šakowin oju-
dan.

38 Wotapi kin hena wica ece kektopawinge topa, nakun winohinca šiceca koya.

39 Hehan oyate kin hdewicaši, qa wata wan en ope ça Magdala makoce kin en hi.

WICOWOYAKE 16.

1 Unkan Pharisee qa Sadukee etanhan en hipi, qa mašpiya eciyatanhan wowapetokeca wan wicakiyutanin šipi, iyutanyanpi kta.

2 Tuka iye waayupte ça hewicakiya; Tohan h̄tayetu eca, Mašpiya šaša heon owaštecake kta ce, ehapi ece.

3 Qa hanhanna eca, Ecin ošicecake kta, mašpiya šaša qa šapšapa, heon etanhan. Wana-
ničilmanpi, mašpiya ite kin he yukcan onnispepi, tokeca anpetu kin dena wowapetogton oyaka-
h̄nigapi šni he.

4 Wicoicage šice ça wawicih̄ah̄api econ sa kin he wowapetokeca wan da; tuka wowapetokeca wanjid̄an qupi kte šni; Jonas wicašta wokcan tawowapetokeca kin heceedan. Unkan eh̄pewicaya iyaya.

5 Unkan waonspewicakiye cin akasanpa ipi, qa aguyapi icu akiktonjapi.

6 Hehan Jesus hewicakiya; Pharisee qa Sadukee on napoh̄yapi tawapi kin he iwanyakapi qa kokipa po.

7 Unkan iye iyakitedan akini-
capi qa heyapi; Aguyapi unki-
cupi šni, heon etanhan, *heya ce*.

8 Tuka Jesus he sdonye ça hewicakiya; Cistinna wacinyayapi kin, tokeca niye iyakitedan aya-
kinicapi he, aguyapi iyacupi šni heon.

9 Hinah̄in oyakah̄nigapi šni, wicašta kektopawinge zaptan

WICOWOYAKE 17.

qa aguyapi zaptanna, qa makanopiye ojudan tonakeca yapahipi he yeksuyapi šni he.

10 Nakun wicašta kektopawinge topa qa aguyapi šakowin, qa makanopiye ojudan tonakeca iyacupi he.

11 Tokeca oyakašinigapi šni he, Pharisee qa Sadukee on napohiyapi tawapi kin he kokipe cišipi, he aguyapi on heciciyapi šni.

12 Hehan aguyapi on napohiyapi kin he kokipe wicaši šni, tuka Pharisee qa Sadukee woon-spe tawapi kin hee kokipapi kta, he okašinigapi.

13 Jesus Kesarea Philippi makoce kin en i qehan waonspewicakiye cin wiwicawange ça heya; Wicašta Cinhintku kin miye, matuwe kin, wicašta keyapi he.

14 Unkan heyapi; Apa Johannes baptem wicaqu qon; qa apa is; Elias; qa toktokeca; Jeremias, qa is wicašta wokcan wanji.

15 Qa niš matuwe kehapi he, ewicakiya.

16 Unkan Simon Inyan ayupte ça; Messiya Wakantanka ni un Cinhintku kin he niye, eya

17 Unkan Jesus ayupte ça heciya; Simon Jona cinhintku niyawaštepi ce; wicacełpi qa wicawe kin he oniciyake šni, tuka Ate małpiya ekta un kin he *oniciyaka*

18 Qa miš nakun heciciya; Inyan he niye, qa imnija kin de akan okodakiciye mitawa wakage kta; qa wakanšica tatiyopa kin he yujuju kte šni.

19 Unkan małpiya wokiconze iyuhdoke kin he ciçu kta; hecen taku maka akan yakaške cinhan he małpiya ekta kaškapi kta; qa taku maka akan yakiduške cinhan he małpiya ekta kiyuškapi kta.

20 Hehan waonspewicakiye

cin Jesus Messiya kin he iye, he tuwedan okiyake šni wicaši.

21 Hetanhan Jesus waonspewicakiye cin wowicakiyaka, Jerusalem ekta ye kta iyececa, qa wicahincapi, wošnapi kagapi, wowapi kagapi ko on taku ota kakije kta, qa ktepi kta, qa anpetu iciyamni hehan ake kini kta, hena owicakiyaka.

22 Hehan Inyan Jesus icu qa iyopeye ça heya; Itancan, hece-tu šni; dena ayakipe kte šni.

23 Tuka iye ihduhomni qa Inyan heciya; Satan mihekta-pa tanhan ya wo, tokamayaya; Wakantanka taku tawa kin awacanni šni, tuka wicašta taku tawapi kin.

24 Hehan Jesus waonspewicakiye cin hewicakiya; Tuwe miyahna u kta cin kinhan, wai-piicida kta, qa cansusbeca ehda-ku qa mihakam un kta.

25 Tuwe kašta wiconi tawa kpatan kinhan, he toki ehpekiye kta; qa tuwe miye on wiconi tawa kin kpagan kinhan, he iyeye kta.

26 Wicašta wan maka kin ocowasin kamna, qa nagi kin toki ehpeye cinhan he taku okihi kta he; qa wicašta nagi kin taku iyopekiye kta he.

27 Wicašta Cinhintku kin iye Atkuku towitan hduha taohni-hdewicaye cin om u kta; hehan wicašta otoiyohi iye ołanpi kin eciyatanhan wicaqu kta.

28 Awicakehan heciciyapi; Tona den najinpi kin etanhan wan-jikji wiconę utapi kte šni, ecen Wicašta Cinhintku kin iye to-kiconze kin en u wanyakapi kta.

WICOWOYAKE 17.

1 Unkan iyohakam anpetu šakpe hehan Jesus Inyan qa

MATTHEOS.

Jakob, qa iye sunkaku Johannes, hena iwicacu, qa paha wan tehanwankantu ekta awicaya;

2 Qa wicitokam yutokecapi; ite kin anpetu wi kin iyecen iyega, qa tawokoyake kin iyoyanpa iyecen ska.

3 Unkan iho, Moses qa Elias en ihdutaninpi qa kici wohdakapi.

4 Hehan Inyan ayupte ça Jesus heciya; Itancan, den unyakonpi kin he wašte; yacin kinhan, den wakeya yamni ti un-kagapi kta, wanji unnicagapi kta, qa Moses Elias kici wanjikji *wicunkicagapi* kta.

5 Iahan icunhan iho, iyoyanpa malpiya wan aowicahanzi, qa iho, malpiya kin eciyatanhan wicaho wan heya; Micinksi wastewakidake ça on iyomakipi kince cin he dee ce; anagoptan po.

6 Unkan waonspewicakiye cin he nalionpi hehan makipusdiya elipeiciyapi, qa nina kokipapi.

7 Tuka Jesus en wicahi, qa wicayutan qa heya; Inajin po, qa kokipapi sni po.

8 Unkan ista yuwankan ikikcupi hehan, tuwedan wanyakapi sni, Jesus ecedan.

9 Unkan paha kin etanhan kun hdicupi, hehan Jesus wahokonwicakiye ça heya; Wowanyake kin he tuwedan okiyakapi sni po, Wicašta Cinhintku kin wiconte etanhan piya ikicage sni hehanyan.

10 Unkan waonspewicakiye cin wiwangapi qa heciyapi; Wowapi kagapi kin, Elias tokaheya hi kta ce, eyapi kin, tokeca heyapi hwo.

11 Unkan Jesus waayupte ça hewicakiya; Awicakehan Elias tokaheya hi kta, qa taku owasin yuecetu kta.

12 Tuka heciciyapi; Elias wanna hi tuka iyekiyapi sni, qa token cinpi qon ecakiconpi. He iyececa Wicašta Cinhintku kin iyepi eciyatanhan kakije kta.

13 Hehan waonspewicakiye cin okašnigapi, Johannes baptem wicaqu qon e he ke ça heon hewicakiya.

14 Unkan wicota en hdihi qehan, wicašta wan en hi qa canpeška makehde inajin,

15 Qa heya; Itancan, micinksi onšimicida ye, hanyetu wi ihnaškinyan qa śicaya un; otakiya peta en ihpaye ça otakiya mini en iyohpaya ece:

16 Qa waonspewicayakiye cin wicawakahi, tuka asniyanpi kta okihipi sni.

17 Hehan Jesus ayupte ça heya; Wicoicage wacinye sni qa wacin tehike, tohanyan cicipi waun kta he; tohanyan iyowinciciyapi kta he; den makau po.

18 Unkan Jesus iyopeya, qa hecen wakan śice cin tankata hinanpa; unkan wihiyayedan oape kin hetanhan hoksidan kin asniyanpi.

19 Hehan waonspewicakiye cin Jesus isnana yanke cin en hipi qa heyapi; Tokeca unkiye he napeunyanpi kta unkokihipi sni he.

20 Unkan Jesus hewicakiya; Wacinyayapi sni heon; awicakehan heciciyapi; Sinape su wanjidan hinskoceca wacinyayapi unkanś, paha kin de, Detanhan tokan iyaya wo, eyakiyapi kta; unkan tokan iyaye kta, qa taku oyakitpanipi wanime kta.

21 Tuka taku decece cin he cekiyapi qa wote sni unpi ecedan on tankan hinanpa ece.

22 Unkan Galile en unpi icunhan Jesus hewicakiya; Wicašta

WICOWOYAKE 18.

Cinhintku kin wanna ecadan wicašta napepi kin en wicaqupi kta.

23 Unkan ktepí kta, qa anpetu iciyamni kinhan ake piya ikicage kta ce, eya. Unkan nina iyo-kišicapi.

24 Hehan Kapernaum en hipi qehan, tona mazaska mnayanpi ece kin Inyan en hipi qa heyapi; Waonspeniciyapi kin he mazaska mnayanpi en iyohpeye kta he.

25 Unkan, Han, eya. Hehan tin hdicu qehan Jesus tokaheya ie ça heciya; Simon token iducan he; maka akan wicaštayatapi kin tokiyatanhan mazaska mnayanpi he; iye cincapi etanhan, qa is wicašta tokecapi kin etanhan.

26 Wicašta tokecapi etanhan, Inyan eya. Unkan Jesus heciya; Hehan cincapi kin wicakaskapi šni ece:

27 Tuka šihda wicunyanpi kte šni, e heon niš mde kin ekta ye ça hinšikijupi wan minin iyeya wo, qa hogan tokaheya hiyu kin he icu wo; he i kin dukawa kinhan ohna kangí kagapi wan iyeyaye kta; he icu qa miye qa niye on wicaqu wo:

WICOWOYAKE 18.

1 Unkan hehan waonspewiciye cin Jesus en hipi qa heciyapi; Małpiya wokiconze kin en tuwe iyotan tanka he.

2 Unkan Jesus hokšiyogopa wan kico qa wicacokaya ehnaka;

3 Qa heya; Awicakehan heciyapi; Nihduhomnipi šni, qa hokšiyogopa iyenicecapi šni kinhan, małpiya wokiconze kin en yaipi kte šni.

4 Tuwe ihduhukuye ça hokšiyogopa kin de iyecen canteyuze

cinhan, małpiya wokiconze kin en iyotan tanka kin hee.

5 Qa tuwe hokšiyogopa dececa wan, micaje on, iyowinkiye cinhan, he miye iyowinmakiya ece.

6 Qa tuwe hokšiyogopa kin dena, wacinmayanpi kin, wanjí wahtanikiye cinhan, he inyan wiyutpan wan tahu en iyakaškapi, qa iye miniwanca ošbe kin en iyohpeyapi unkanš wašte kta tuka.

7 Wahtaniwicayapi kin on oyate kin wotehi yuhapi kta; eya wahtanikiyapi yuke kta iyececa; tuka wicašta tuwe wahtaniwicaya hecinhan, he wotehi yuhe kta.

8 Heon etanhan, ninape qa nisiha wahtaniniyanpi hecinhan, hena hdakse ça ehpeya wo; huha kaksapi wiconi en yai kta hee wašte, qa nape nonpa qa siha nonpa hduha peta owihanke wanica en iyohpeniyanpi kte cin he šica.

9 Qa ništa wahtaniniye cinhan, hdušdoke ça ehpeya wo; išta wanjidan hduha wiconi en yai kte cin he wašte, qa išta napin hduha peta owihanke wanica en iyohpeniyanpi kte cin he šica.

10 Ihnuhan dena cikcistinpidan wanjidan ešta šiceyadake cinhan; heciciyapi ce; Małpiya ekta ohnihdewicayapi tawapi kin hena Ate małpiya ekta un kin ite ohinniyan wanyakapi ece.

11 Wicašta Cinhintku kin taku atakunišni qon he niye kta on hi.

12 Hecen token iducanpi he. Wicašta wan tahinca wanunyanpi opawinge wicayuhe, ça etanhan wanjidan kitaninšni hecinhan, wikcemna napecinwanka sanpa napecinwanka hena owanjidan ewicahnake ça he kin ekta iyaye ça wanjí taninšni kin he okide šni he.

MATTHEOS.

13 Qa iyeye cinhan, awicakehan heciciyapi; hee on iyuškin, qa wikcemna napcinwanka sanpa napcinwanka tokiya iyayapi šni kin hena on iyuškin šni ece.

14 He iyececa, dena cikeistinpidan wanjidan ešta toki ehpeyapi kta, Niyatepi mahpiya ekta un kin hecen tawacin šni.

15 Tuka nisunka wanicihtani kinhan, ekta ye ça iye niye kicišnana he okiciyaka ye; nanihon kinhan nisunka ake yahduhe kta.

16 Tuka ananigoptan šni kinhan, hehan wanji qa is nonpa om de kta; hecen waayatanin nonpa, qa is yamni ipi kin on wicoie owasin yusutapi kta.

17 Tuka hena nakun anawicagoptan šni kinhan, hehan okodakiciye kin owicakiyaka wo; unkan okodakiciye kin anawicagoptan šni kinhan, hehan Ikcewicašta qa wamnayanpi kin iyecen yahdawa kta.

18 Awicakehan heciciyapi; Taku maka akan yakaškapi kinhan, he mahpiya ekta kaškapi kta; qa taku maka akan yakiduškapi kinhan, he mahpiya ekta kiyuškapi kta.

19 Akeš heciciyapi; Tuwe nom maka akan taku wanjidan yadapi kta e wayeconzapi kinhan, Ate mahpiya ekta un kin he ecen ecawicakicon kta.

20 Tukten nom yamni, micaje on mniciyapi kinhan, hen wiciyopeya waun ece.

21 Hehan Inyan en hi qa heciya; Itancan, misunka tona wamicihtani qa wecicajuju kta he; šakowin hehanyan he.

22 Jesus heciya; Šakowin hehanyan kta, eciciye šni, tuka wikcemna šakowin ece šakowin.

23 Heon etanhan mahpiya wokiconze kin wicaštayatapi wan

iyeececa, he wowidake wicayuhe cin wicakiciyawawa kta:

24 Unkan wicakiciyawawa icunhan wanji mazaska ikeutapi tanka kektopawinge wikcemna iyohiye šni kin he ahipi.

25 Unkan on kajuju kta takudan yuhe šni, hecen yuhe cin he tancan wiyopeyapi kta, qa tawicu, qa cinca, qa taku yuhe cin owasin, qa kajuju kta, keya.

26 Heon wowidake un kin he en makipusdiya ehpeičiya, cekiye ça heya; Itancan, amakipe ye, owasin cicicajuju kta.

27 Hehan yuhe cin he wowidake tawa kin onšikida, kiyuška qa ikicazo qon kicicajuju.

28 Tuka wowidake un kin he tankan iyaye ça om idakapi kin wanji, kašpapidan opawinge ikicazo kin he iyeya, qa iyahpaye ça poskin yuze ça heciya; Tona imiyecazo kin micicajuju wo.

29 Hehan kici idakapi un kin he siha en ehpeičiya, cekiye ça heya; Amakipe ye, kinhan owasin cicicajuju kta.

30 Unkan wicada šni; tuka iyaye ça conkaške mahen kašahnaka, oicazo hdajuju kta hehanyan.

31 Unkan kici wowidake unpi kin hena taku econpi kin wan-yakapi qehan, nina iyokišicapi: heon en hipi qa wicayuhe cin taku econpi kin owasin okiyakapi.

32 Hehan yuhe cin he ake kico qa heciya; Wowidake nišice hinca, icazopi hinsko tanka qon he cicicajuju, cemayakiye cin heon.

33 Hecen miye onšicida kin he iyecen kici wowidake yaun kin is eya onšiyakida kta iyecece šni he.

34 Unkan yuhe cin šihda qa kakišyapi kte cin en wicaqu,

WICOWOYAKE 19.

tona iyohiye śni qon ocowasin hdajuju kta hehanyan.

35 He iyecen; Ate maḥpiya ekta un kin ecaniconpi kta, otoi-yohi cante eciyatanhan nisunkapi tona waniciḥitanipi kin wicayecicajujupi śni kinhan.

WICOWOYAKE 19.

1 Unkan Jesus wicoie kin he-na heya ayaśtan, hehan Galile makoce kin etanhan iyaye ça Juda makoce, Jordan wakpa akasanpa tanhan he en hi :

2 Qa wicaśta ota ḥinca ihakam unpi ; unkan hen asniwicaya.

3 Pharisee kin iś nakun en hipi, qa iyutanyanpi kta heciyapi ; Taku owasin on wicaśta tawicu eḥpekiye kta iyececa he.

4 Unkan waayupte ça hewicakiya ; Tuwe otokahe ekta wicakage cin he wica winyan ahna wicakaga, he tohinni dawapi śni he :

5 Qa heya ; Heon etanhan, wicaśta atkuku hunku ko eḥpewicaye kta, qa tawicu kin en iyai-hdaśke kta ; qa henaoya ceḥpi wanjidan kta.

6 Heon, hetanhan nonpapi śni, tuka wicaceḥpi wanjidan ece. Heon, taku Wakantanka yuonkonwanjidan kin he ihnuhan wicaśta kiyuśpe cinhan.

7 Hehan heciyapi ; Itancan, Moses kpaganpi wowapi wan qu kta, qa eḥpeye kta, tokeca heconwicasi hwo.

8 Unkan hewicakiya ; Nican-tepi suta kin heon winoḥinca eḥpewicayayapi kta, Moses iyo-winniciyapi ; tuka otokaheya tanhan hecetu śni.

9 Qa miś heciciyapi ce ; Tuwe, wawiciḥaḥapi econ kin on etanhan śni, tawicu eḥpekiye ça

wanji tokeca yuze cinhan, he wawiciḥaḥapi econ ece ; qa tuwe winyan eḥpeyapi kin yuze cinhan, he nakun wawiciḥaḥapi econ ece.

10 Unkan waonspewicakiye cin heciyapi ; Wicaśta winoḥinca kici hecetu kinhan, tawicu tonpi kin he waśte śni.

11 Tuka hewicakiya ; Wicoie kin he owasin okihipi śni, tona wicagupi kin henana okihipi.

12 Yunokos heca yukan ; hunḥ hunku tezi kin etanhan heca icagapi ; qa hunḥ wicaśta on heca wicakagapi ; qa hunḥ maḥpiya wokiconze kin on heca icicagapi. Tuwe he icu okihi kinhan he icu kta.

13 Hehan hokśiyoqopa en awicahipi, nape awicaputake ça cekiye kta e heon ; unkan waonspewicakiye cin teḥindapi.

14 Tuka Jesus heya ; Hokśiyoqopa en mahipi kta iyowinwicakiya po, qa teḥindapi śni po ; maḥpiya wokiconze kin he hetanhanpi ece.

15 Unkan nape awicaputake ça hetanhan tokan iyaya.

16 Unkan iho, wanji en hi qa heciya ; Waonspekiye waśte, taku waśte ecamon kta, on wiconi owihanke wanica mduhe kta, tukte e he.

17 Unkan heciya ; Tokeca waśte emayakiya he ; tuwedan waśte śni, wanji heceedan waśte, Wakartanka hee. Tuka wiconi en yai kta yacin kinhan woahope kin hena ahopa wo.

18 Hehan heciya ; Tukte e he. Unkan Jesus heya ; Dena, Tinwicayakte kte śni ; Wawiciḥaḥapi ecanon kte śni ; Wamayanon kte śni ; Woitonśni odate kte śni ;

19 Niyate nihun kici wicahduonihan wo ; qa, Niye inihda-

MATTHEOS.

cin nikiyedani un kin wašteyada-ke kta.

20 Koška kin he heciya; Imacaga ehantanhan dena owasin ecen ecamon ece; taku hinahin iyotpani waun he.

21 Jesus heciya; Owotanna yaun kta yacin kinhan, hde ça taku nitawa wiyopeye ça walipanicapi kin wicaqu wo; kinhan mahpiya ekta woyuha duhe kta; hehan ku qa mihakam un wo.

22 Tuka koška kin he wicoie kin de nahon qehan iyokišica kihda; taku ota ton kin heon etanhan.

23 Unkan Jesus waonspewicakiye cin hewicakiya; Awicakehan heciciyapi; Tuwe wijica un kin he kitan se mahpiya wokiconze kin en i kta.

24 Qa ake heciciyapi; Kamel wan tahnispaciqadan ohdoka ohna iyaye kte cin he tehike šni, qa wicašta wijica Wakantanka tokiconze kin en ye kte cin he tehika.

25 Waonspewicakiye cin he nahonpi, hehan nina yušinyayapi qa heyapi; Tuwe hehan ni okihi kta lie.

26 Unkan Jesus ekta etonwe ça hewicakiya; Wicašta ekta he okihipica šni; tuka Wakantanka ekta taku owasin okihipica ece.

27 Hehan Inyan ayupte ça heciya; Iho, taku owasin ehpeunyanpi qa nihakam unyakonpi; hecen taku unhapi kta he.

28 Unkan Jesus hewicakiya; Awicakehan heciciyapi; Niyepi tona teca ni en wicatonpi kin de en omayapapi kin, tohan Wicašta Cinhintku kin wowitan oiyotanke tawa kin en kiyotanke cinhan, niš eya oiyotanke akenonpa akan idotankapi kta, qa

Israel wicoun akenonpa wicadacopi kta ce.

29 Qa tuwe kašta, tipi, qa hun-kawanjitku, qa tawinohtin, qa atkuku, qa hunku, qa tawicu, qa cinca, qa maga, micaje on etanhan ehpeye cinhan, he opawinge akihde hduhe kta, qa nakun owihanke wanin wiconi mnaiciye kta.

30 Tuka tokaheya unpi kin wicota ehake unpi kta; qa ehake unpi kin hena tokaheyapi kta.

WICOWOYAKE 20.

1 Mahpiya wokiconze kin he wicašta wan tipi yuhe cin he iyececa, he hanhanna linca hastanhanka iyuwi ojupi tawa kicanyanpi kte cin wicašta ope-ton iyaya.

2 Unkan wicašta anpetu eca kašpapidan wanjidan on opewicaton, hehan hastanhanka iyuwi ojupi tawa kin en yewicaši.

3 Unkan wihiyayedani oape yamni, hehan ake tankan iyaye ça toktokeca tihocoka en taku token šni najinpi wanwicayaka;

4 Qa hewicakiya; Niš eya hastanhanka iyuwi ojupi kin en ya po; kinhan token owotanna cičupi kta ce. Unkan en iyayapi.

5 Ake oape išakpe qa inapeinwanka hehanhan tankan iyaye ça ake iyecen econ.

6 Hehan oape iakewanji ecetu, ake tankan iyaye ça toktokeca taku token šni najinpi wanwicayaka, qa hewicakiya; Tokeca anpetu osan taku token šni najinpi he.

7 Unkan, Tuwedani opeuntonpi šni ce, eciyapi. Hehan hewicakiya; Niš eya hastanhanka iyuwi ojupi kin en ya po, kinhan taku owotanna iyacupi kta.

WICOWOYAKE 20.

8 Wanna litayetuhehan, hastanhanka iyuwi ojupi yuhe cin iye taokiye itancan kin heciya; Wicašta litanipi kin wicakico qa wokajuju wicaqu wo, ehake hipi kin hena tokaheya, ecen tokaheya hipi qon wicayeciyušan kta ce.

9 Unkan tona oape wanjidan litanipi kin hena hipi, qa otoi-yohi kašpapidan wanji icupi.

10 Tokaheyapi kin hena en hipi qehan, sanpa yuhapi kta kecinpi, tuka is eya otoi-yohi kašpapidan wanji icupi.

11 He icupi hehan tipi tawa kin bapi;

12 Qa heyapi; Ehake hipi kin dena oape wanjidan litanipi, tuka unkiye anpetu osan, wi kata ešta litannipi, iyeuncecapi wicayakaga ece.

13 Unkan iye waayupte ça wanji heciya; Koda, taku šica ecacicon šni; kašpapidan wanjidan on litamiyecini kta kemayakiye šni he.

14 Taku nitawa kin ehdaku qa hda wo; ehake hi kin de niye ciçu kin iyecen waqu ece e kta.

15 Miye mitawa kin token wacin kin ecen ecamon kta iyecece šni he; miye mawašte kin heon etanhan išta nišica he.

16 Hecen ehake unpi kin hena tokaheyapi kta; qa tokaheya unpi kin hena ehake unpi kta; wicota wicakicopi, tuka tonana wicakašnigapi ece.

17 Unkan Jesus Jerusalem ekta itanwankanbde ya, hehan wanspewicakiya akenonpa kin canku kin icunonpa isnana awicaya, qa hewicakiya;

18 Iho, Jerusalem ekta itanwankanbde unyanpi, qa Wicašta Cinhintku kin wošnapi kagapi wowapi kagapi ko nape en wi-

caupi kta; unkan te kta on yacopi kta,

19 Qa iħahapi kta, kapsinpsintapi kta, qa icipaweh okatanpi kta on Ikcewicašta iyoopta wicaupi kta; unkan anpetu iciyamni hehan kini kta ce.

20 Hehan Zebedee cinca hun-kupi kin en hi, cinhintku napin om, cekiye ça taku wanji kida.

21 Unkan iye heciya; Taku yacin he. Hehan heciya; Micinkši kin denaoza wokiconze nitawa en, unma nietapa ekta iyotanke kta, qa unma is canitka en iyotanke kta, keya ye.

22 Tuka Jesus waayupte ça heya; Taku yadapi kin sdonyakiyapi šni. Wiyatke etanhan mdatke kte cin he etanhan yatkan oyakihipi he; qa baptem maupi kte cin he niš eya ničupi kta oyakihipi he. Unkan, Unko-kihipi ce, eciyapi.

23 Hehan hewicakiya; Awicakehan wiyatke mitawa kin etanhan datkanpi kta, qa baptem maupi kte cin heon niš eya baptem ničupi kta; tuka ematapa qa camatka tanhan iyotankapi wicaupi kte cin he miye mitawa šni; tuka Ate tona wiyeya wicakiciyušan kinhan hena tawapi kta.

24 Unkan wikcemnapi kin hena he nañonpi qehan sunkakiciyapi nom on šiħdapi.

25 Tuka Jesus wicakico qa heya; Ikcewicašta ekta tona itancanpi kin hena oyate wicayuhapi, qa wicašta tankinyanpi kin oyate wowidakewicayapi ece, he sdonyayapi.

26 Tuka niyepi ekta hecece kte šni; tuka wanji tukte tanka yaunpi kta yacinpi kinhan, he wowidake duhapi kta.

27 Qa tuwe niyepi en tokapa

MATTHEOS.

un kta hecinhan, wowidake nitawapi kin hee kta.

28 He iyececa, Wicašta Cinhintku wowidake wicayuhe kta on hi šni, tuka idakapi kta, qa wiconi tawa wokajuju kta wicota on wicaqu kta heon hi.

29 Unkan Jeriko etanhan iyooptapi, hehan wicota ihakam unpi.

30 Unkan iho, wicašta išttagonga nonpa canku icahda iyotankapi, Jesus en hiyaya nahonpi, hehan howayapi qa heyapi; Itancan, Dawid Cinhintku onsiunkida miye.

31 Unkan wicota kin tehindapi qa inina yanke wicašipi; tuka iš hehan heon iyotan howayapi qa heyapi; Onsiunkida po, Itancan, Dawid Cinhintku.

32 Unkan Jesus owanji najin qa wicakico qa heya; Taku ecaciconpi kta yacinpi he.

33 Itancan išta unhdukawapi kta ye, eciyapi.

34 Hehan Jesus onsiwicakida qa išta wicayutan; unkan ecahankeya išta on tonwanpi qa ihakam unpi.

WICOWOYAKE 21.

1 Unkan Jerusalem ikiyedani yapi, qa Bethpage ehan ipi, Olive paha kin etu, hehan Jesus waonspewicakiye cin nom yewicaši;

2 Qa hewicakiya; Dukanpi kin otonwe iyotakons wanke cin he ekta ya po; kinhan kohanna šonsonna wan cinca iyahna han iyeyayapi kta; kiyuškapi qa makaku po.

3 Qa tuwe taku eniciyapi kinhan, Itancan kin hena cin ce, eya po; kinhan kohanna awicau nišipi kta.

4 Dena owasin econpi, wicašta wokcan oie qon yucetupi kta, he kaken eya;

5 Zion cunwintku kin heciya po; Iho, Wicaštayatapi nitawa en niu, walibadan qa šonsonna wan akan iyotanka, šukcinca wan, šonsonna cinca kin akan u ce.

6 Unkan waonspewicakiye cin yapi, qa Jesus econ wicaši kin ecen econpi;

7 Qa šonsonna cinca iyahna awicahipi, qa iye tašina akan ehpeyapi, qa hena iakan Jesus ehnakapi.

8 Unkan wicota canku ohna šina ehpeyapi; qa apa canwapa kaksapi qa canku ohnahna owinšyapi.

9 Qa wicota tokata yapi, qa tona ihakam upi kin, howayapi qa heyapi; Dawid Cinhintku woohiye yuha nunwe. Tuwe Itancan caje on u kin yawašepi nunwe: Mahpiya ekta woohiye yuha nunwe.

10 Unkan Jerusalem en hi qehan otonwe kin ocowasin škanškanpi, qa heyapi; De tuwe he.

11 Unkan wicota kin heyapi; Jesus wicašta wokcan Galile en Nazareth otonwe kin etanhan he dee.

12 Unkan Jesus tipi wakan Wakantanka tawa kin en i, qa tipi wakan ohna wiyopeyapi ece, wopetonpi ko, hena tankan iye-wicaya; qa mazaska tokiyopeyapi ahna econpi kin hena yuahdapsinyan ehpeya, tona wakiyedan wiyopeyapi oiyanke tawapi koya;

13 Qa hewicakiya; Tipi mitawa kin he wocekiye tipi eciyapi kta, eya wowapi en kagapi; tuka niye wamanon tipi yakagapi.

14 Hehan išttagongapi hušepi ko tipi wakan kin en hipi; unkan okiziwicaya.

15 Unkan wošnapi kagapi wo-

WICOWOYAKE 21.

wapi kagapi ko taku wowapeto-keca econ kin hena wanyakapi, qa hoksiyoqopapi tipi wakan kin ohna, Dawid Cinhintku kin woo-hiye yuha nunwe, eya howa-yapi, hehan nina shidapi:

16 Qa heciyapi; Dena taku eyapi kin nayahon he. Unkan Jesus hewicakiya; Han; Hoksiyoqopa, tona azinpi ko ipi kin etanhan wowitan dustan ce, eyapi kin he tohinni dawapi shi he.

17 Hehan awicayustan, qa otowwe kin etanhan tankan iyaye ca Bethani ekta i, qa hen wanka.

18 Unkan hanhanna hinca otowwe kin ekta icicawin hda, unkan wotektehda;

19 Qa suken can wanji canku ohna han wanyake chehan, he en i, tuka takudan iyeye shi, ape eceedan aicaga; unkan heya; Icimana waskuyeca ainicage shi nunwe. Unkan suken can kin kohanna shija aya.

20 Unkan waonspewicakiye cin he wanyakapi qehan yusin-yayapi qa heyapi; Ehanqon suken can kin kohanna shija aya.

21 Jesus waayupte ca hewicakiya; Awicakehan heciyapi; Wowacinye duhapi qa wacetunyahdapi shi kinhan, taku suken can kin de ecakiconpi kin heceedan ecanonpi kte shi, tuka paha kin de, Tokan iyaye ca miniwanca kin en iyolipeniyanpi nunwe, eyakiyapi kinhan, ecetu kta.

22 Qa taku tona wocekiye eya yadapi, qa wicayadapi kinhan, hena owasin duhapi ece e kta.

23 Unkan tipi wakan kin en hi, qa waonspewicakiya icunhan, woshnapi kagapi, qa oyate kin en wicasta tankapi ko, en hipi qa heciyapi; Wicookihi tukte e on dena ecanon he; qa tuwe wicookihi kin de niyu he.

24 Unkan Jesus waayupte ca hewicakiya; Mis eya taku wanji iciwangapi kta; he omayakidakapi kinhan, hehan wicookihi kin tukte on dena ecamon kin ociciyakapi kta.

25 Johannes baptem wicaqu qon he tokiyatanhan he; mahpiya eciyatanhan qa is wicasta eciyatanhan. Unkan he iyakitedan aiapi qa hekiciyapi; He mahpiya eciyatanhan, unkeyapi kinhan; Tokeca he wicayadapi shi he, eye kta:

26 Tuka, He wicasta eciyatanhan, unkeyapi kinhan, oyate kin kowicunkipapi; owasin Johannes wicasta wokcan heca kecinpi.

27 Unkan ayuptapi qa Jesus heciyapi; Sdonunyanpi shi ye. Unkan is hehan hewicakiya; Mis nakun wicookihi tukte on dena ecamon kin ociciyakapi kte shi.

28 Tuka token idukeanpi he: Wicasta wan cinhintku nonpa; unkan tokapa kin en hi qa heciya; Cins, anpetu kin de hastanhanka iyuwi ojupi mitawa kin en htani ya wo.

29 Unkan ayupte ca heya; Ecamon kte shi ye. Tuka iyohakam iyopeiciye ca iyaya.

30 Unkan hakakta kin en hi, qa iyecen eciya; Unkan iye ayupte ca; Itancan, mde kta ce, eya. Tuka ye shi.

31 Denaoza unma tukte atkukupi tawacin kin ecen econpi he. Unkan, Tokapa kin, eciyapi. Hehan Jesus hewicakiya; Awicakehan heciyapi; Wamnayanpi qa wawicilahapi econpi sa niyepi nitokam Wakantan-ka tokiconze kin en yapi kta.

32 Johannes wicoowotanna canku kin ohna en niupi, tuka wicayadapi shi; tuka wamna-

MATTHEOS.

yanpi qa wawiciliahapi econpi sa, hena wicadapi; he wanda-kapi ešta nakun iyohakam wicayadapi kta e on nihduhomnipi šni.

33 Wiyacinpi wan tokeca nahon po; Wicašta wan tipi yuhe cin he hastanhanka iyuwi ojupi wan oju, qa ihdukšan natake ça obna iyuškiye wan qe ça nakun cowahe wan en kaga; qa wicašta kicanyanpi kta owicaqu, hehan icimani iyaya.

34 Unkan wanna waskuyeca suton kta, hehan wowidake wicayuhe cin wicašta kicanyanpi kin ekta yewicaši; waskuyeca etanhan icupi kte cin heon.

35 Unkan wicašta kicanyanpi kin wowidake unpi kin hena wicayuzapi; wanji apapi, wanji ktepi, qa wanji inyan on kininpi.

36 Akeš wowidake toktokeca ota ekta yewicaši; unkan is iyecen wicakuwapi.

37 Hehan ehake iye cinhintku kin ekta yeši, qa heya; Micinkši yuonihanpi kta.

38 Tuka maga kicanyanpi kin cinhintku wanyakapi, hehan hekiciyapi; Tawa kte cin he dee; iho po, unktepi kta, hehan taku yuhe cin he unkicupi kta.

39 Hecen yuzapi qa hastanhanka iyuwi ojupi kin etanhan tankan elpeyapi qa ktepi.

40 Hecen tohan hastanhanka iyuwi ojupi tawa kin hi kinhan kicanyanpi kin hena token eawicakicon kta he.

41 Unkan heciyapi; Wicašta šiksice cin hena teliya ihangwicaye kta, qa kicanyanpi toktokeca tohan iyehantu eca waskuyeca kicupi ece e kta hena hastanhanka iyuwi ojupi kin owicaqu kta.

42 Hehan Jesus hewicakiya; Inyan wan tipi kagapi kin elpe-

yapi qon he oise pa kin icaga; he Itancan kin eciyatanhan hecetu, qa unkištapi en taku wwapetokeca kin hee, eyapi kin he tohinni wowapi wakan kin en dawapi šni he.

43 Heon etanhan heciciyapi; Wakantanka tokiconze kin eniciyakupi kta, qa oyate wan waskuyeca icaliyapi kte cin he wicacupi kta.

44 Unkan tuwe inyan kin de ahinlipaye cinhan kamden elipeyapi kta; qa tuwe he akan ilpaye cinhan tanyan kamdu kta.

45 Unkan wošnapi kagapi hena, qa Pharisee ko wiyacinpi tawa kin nahonpi qehan, iye wicaka e heya sdonyapi.

46 Qa heon yuze wacinpi, tuka oyate kin kowicakipapi; owasin wicašta wokcan heca kecinpi.

WICOWOYAKE 22.

1 Unkan Jesus waayupte ça ake wiyacinpi on wowicakiyake ça heya;

2 Wicašta wan wicaštayatapi heca cinhintku kin wakankiciyuzapi kicage cin he malipiya wokiconze kin iyececa.

3 Unkan wowidake wicayuhe cin hena yewicaši, tona wankiciyuzapi en wicakicopi qon hena uwicašipi kta; tuka upi kta wicadapi šni.

4 Akeš wowidake toktokeca ekta yewicaši qa hewicakiya; Tona wicakicopi qon hena hewicakiya po; Wotapi mitawa wiye ya yanka; tatanka mitawaptejicadan ko wanna ktepi, qa taku owasin wiye ya hiye ya; iho po, wakankiciyuzapi kin en u po.

5 Tuka ilialiapi qa toki iyayapi; wanji tamaga ekta iyaye ça, wanji is mazopiye tawa ekta iyaya.

WICOWOYAKE 22.

6 Qa hunli wicakico ipi kin hena wicayuzapi, qa sicaya wicakuwapi qa wicaktepi.

7 Wicaštayatapi kin he nahon qehan nina šiħda; qa taakicita ekta yewicaši, qa tinwicaktepi kin hena ihangwicaye a totonwepi kin huħnahya.

8 Hehan wowidake tawa kin hewicakiya; Wakankiciyuzapi kin wiyeya yanka, tuka tona en wicakicopi qon hena opapi kta iyececapı ši.

9 Heon etanhan canku ojate kin ektakta ya po, qa tona iye-wicayayapi kin wakankiciyuzapi kin en uwicaši po.

10 Hecen wowidake unpi kin hena canku ojate kin ektakta iyayapi, qa tona iyewicayapi, šia qa wašte ko, en awicaupi; hecen wakankiciyuzapi wicašta ota en opapi.

11 Unkan wicaštayatapi kin tona wotapi kte cin hena wanwicayaka tin hiyu, qa iho, wicašta wanji wakankiciyuzapi wokoyake kin kiun ši hen wanyaka:

12 Qa heciya; Koda, tokeca wakankiciyuzapi wokoyake kiun ši en hidotanka he. Unkan takudan eye ši.

13 Hehan wicaštayatapi kin taokiyewicaye cin hewicakiya; Siha nape ko paħtapi qa detanhan aya po, qa tankan otpaza kin en ehpeya po; heciya wicaceya qa hi hdakinskinzapi yuke kta.

14 Wicota wicakicopi tuka tonana wicakaħnigapi ece.

15 Hehan Pharisee kin is yapi, qa token iapi on yuškiškapi kta aiapi.

16 Qa iye waonspewicakiyapi kin Herodian hena om ekta yewicašipi qa heyapi; Waonspekiye, iewicayaka sdonunyanpi, qa awicakehan Wakantanka ta-

canku kin onspeunyakiyapi ece, qa tuwedan koyakipe ši; wicašta akantu ekta eyatonwe ši nakaes.

17 Heon token idukcan he; unkokiyaka po; Kesar mazaska qupi ece kin he owotanna he.

18 Unkan Jesus taku šia en wicaun kin he sdonya qa heya; Wananiihmanpi, tokeca iyutanmayayapi he:

19 Mazaska mnayanpi ece kin he makipazo po, eya. Unkan kašpapidan wanji kaħipi.

20 Hehan hewicakiya; Wicite qa wowapi kagapi kin de tuwe tawa he.

21 Unkan, Kesar tawa ce, eyapi. Hehan hewicakiya; Heon etanhan Kesar taku tawa kin kicu po, qa Wakantanka taku tawa kin kicu po.

22 He nahonpi hehan yušinya-yapi qa ehpeya hdicupi.

23 Unkan anpetu kin he en Sadukee kin en ħipi, hena piya wicoicage kin wanica ce, eyapi ece, qa wiwangapi;

24 Qa heciyapi; Waonspekiye, Wicašta wan cinca yuhe ši e cinhan, tawicu qon he iye sunkaku yuze kta, qa cinca cinca icaħkiciciye kta, Moses keye ciqon.

25 Unkan unkiyepi en wicašta šakowin sunkakiciyapi; unkan tokapa kin he winohinca wan yuza tuka a; qa cinca nica heon iye iyokihe cin he tawicu aihpekiya.

26 Qa icinonpa iyecen econ, qa iyamni, qa ecen šakowinpi kin.

27 Hehan ehake winohinca qon a.

28 Hecen piya wicoicage kin en, hena šakowinpi kin wanji tukte winohinca kin he hduhapi kta he; owasin yuzapi.

29 Jesus waayupte a hewicakiya; Yanunipi, wowapi wakan

MATTHEOS.

qa Wakantanka towaśake kin sdoniyayapi śni.

30 Piya wicoicage kin en wino-hinca wicayuzapi śni, qa hihnatonpi śni, tuka małpiya ekta Wakantanka ohnihdewicaye cin iyececapi ece.

31 Tuka wicate cin piya ica-gapi kin on Wakantanka taku eniciyapi kin he dawapi śni he; he kaken eya;

32 Abraham Wakantanka tawa, Isaak Wakantanka tawa, qa Jakob Wakantanka tawa kin he miye: Wakantanka wicaśta ɥapi kin tawapi śni, tuka ni unpi Wakantanka tawapi ece.

33 Unkan oyate kin hena na-ħonpi hehan taku onspewicakiye cin on yuśinyayapi.

34 Tuka Pharisee kin hena, Jesus Sadukee kin inina yanke wicakiya, he naħonpi hehan en mniciyapi:

35 Qa etanhan wanji woope aiekiyapi kin heca wiwange ɥa iyutanyan heciya;

36 Waonspekiye, woope kin en woahope kin tukte iyotan tanka he.

37 Unkan Jesus heciya; Itan-can Wakantanka nitawa kin he nicante ocowasin on, qa ninagi ocowasin on, qa nitoksape ocowasin on waśteyakidake kta.

38 Woahope tokaheya qa tan-ka kin hee.

39 Qa inonpa kin he iyececa; Nikiyedani un kin niye inihdacin waśteyadake kta ce.

40 Woahope kin denaoza woo-pe ocowasin wicaśta wokcan ko en ikoyaka ece.

41 Pharisee kin iś en mniciya-pi icunhan Jesus wiwicawange ɥa heya;

42 Messiya on token idukcanpi he; tuwe cinhintku he. Unkan, Dawid Cinhintku ce, eciyapi.

43 Hehan hewicakiya; Hecen token Dawid Woniya Wakan kin on Itancan, eciya he; qa heya;

44 Itancan kin Itancan mitawa heciya; Mietapa ekta iyotanka wo, tona tokaniyanpi kin siha oahe nitawa wicawakage kta, hehanyan.

45 Hecen Dawid, Itancan, eciya hecinhan, token ecin cinhintkuye kta he.

46 Unkan tuwedani oie wanji-dan ayupte kta okihi śni; qa anpetu kin hetanhan tuwedani ake wiwanga tawaɥenye śni ece.

WICOWOYAKE 23.

1 Hehan Jesus oyate kin, iye waonspewicakiye cin om wowicakiyaka:

2 Qa hewicakiya; Wowapi kagapi Pharisee ko Moses oiyo-tanke tawa kin en iyotankapi ece.

3 Heon etanhan taku tona openiśipi kin hena owasin opapi qa econ po; tuka iye oħanpi kin ohna econpi śni po; taku eyapi, tuka iyecen econpi śni ece.

4 Waqinpi tketke qa qinpi teħika heca oheyunpi, qa wicaśta tapete akan eħnakapi ece, tuka iye qe śaśte on yutanpi kta tawaɥenyapi śni.

5 Qa wicohan econpi kin owasin wicaśta wanwicayakapi kta e heon econpi ece. Wateśdake tanka iɥicagapi, qa śina opapun hdutankapi ece.

6 Wotapi en oyanke waśtešte cinpi, qa omniciye tipi kin ohna wankan iyotankapi kte cin he waśtedakapi ece:

7 Qa tihocoka kin en wicayuwintapi, qa, Itancan, Itancan, wicaśta ewicakiyapi kta cinpi.

8 Tuka niye, Itancan, eniciya-

WICOWOYAKE 23.

pi kte śni; wanji mdetahunka duhapi, Messiya hee; qa niyepi owasin hunkawanjinyeciyapi.

9 Qa nakun maka akan tuwe-dan, Ate, eciyapi śni po; Wanji małpiya ekta un kin he Ateya-yapi.

10 Qa nakun, Waonspekiye, eniciyapi kte śni; Wanji Waonspekiye duhapi, Messiya hee.

11 Qa tukte wanji iniyotanpi kta hecinhan, he wowidake nitawapi ee kta.

12 Tuwe yuwankan iyeiciye kta hecinhan, he yuhukun ehpe-yapi kta; qa tuwe ihduhukuya hecinhan, he yuwankan iyeyapi kta.

13 Tuka wowapi kagapi qa Pharisee kin, wananičilmanpi, wotehi niciyankapi nunwe; wiwazica tipi tawapi ihangya-yapi ece, qa wanniyakapi kta on wocekiye hanska ehapi ece; heon etanhan woyaco tanka iya-hdeniciyapi kta.

14 Wowapi kagapi qa Pharisee kin, wananičilmanpi, wotehi niciyankapi nunwe; małpiya wokiconze kin wicašta anawicayeciaptapi, niye en dapi kte śni, qa tona en yapi kta cinpi kin teya-lindapi ece.

15 Wowapi kagapi qa Pharisee kin, wananičilmanpi, wotehi niciyankapi nunwe; miniwanca maka ko aokibeyayapi, wicašta wanjidan duhomnipi kta; qa ece-tu kinhan, niye isanpa nonpa akihde Wakanśica cinca yakagapi ece.

16 Tokakeya mani išttagongapi kin, wotehi niciyankapi nunwe; hehapi ece; Tuwe tipi wakan kin on wakonze cinhan he taku śni; tuka tuwe tipi wakan kin en mazaskazi yuke cin, he on wakonze cinhan, he wałtani ece.

17 Winitkotkokapi qa ištani-gongapi; mazaskazi, qa iś tipi wakan mazaskazi wakan kage cin unma tukte iyotan he.

18 Nakun, Tuwe owayuśna kin on wakonze cinhan he taku śni; tuka tuwe wośna owayuśna akan un kin he on wakonze cinhan, he wałtani ece.

19 Winitkotkokapi qa ištani-gongapi kin; wośnapi qa iś owayuśna wośnapi kin wakan kage cin unma tukte tanka he.

20 Heon etanhan tuwe owayuśna kin on wakonze cinhan, he owayuśna qa taku akan un kin koya on wakonza ece.

21 Qa tuwe tipi wakan kin on wakonze cinhan, he tipi wakan, qa nakun tuwe ohna ti ece kin, hee on wakonza ece.

22 Qa tuwe małpiya kin on wakonze cinhan, he Wakantan-ka oiyotanke tawa, qa nakun tuwe akan iyotanke cin on wakonza ece.

23 Wowapi kagapi qa Pharisee kin, wananičilmanpi, wotehi niciyankapi nunwe; ceyakata wa-lpe skuya, wacanga ko, iwikcemna kin waduśnapi ece; qa woope kin en taku tanka, wootanna, wowaonśida qa wowa-cinye, hena ayaktapi śni ece; dena e ecanonpi kta, qa unma nakun econ śni yaunpi kte śni tuka.

24 Tokaheya mani išttagongapi kin, hoponkadan puskem edakupi, qa kamel heca napca iye-yayapi ece.

25 Wowapi kagapi qa Pharisee kin, wananičilmanpi, wotehi niciyankapi nunwe; waksica wiyatke ko akantanhan duskapi ece, tuka mahen wamanonpi qa wicotawacin śica on ojugjudan.

26 Pharisee išttagonge, tokaheya wiyatke waksica ko ma-

MATTHEOS.

hentanhan ska kaga wo, kinhan akantanhan he nakun ska kta.

27 Wowapi kagapi qa Pharisee kin, wananiçilmanpi, wotehi niciyankapi nunwe; ohua wicahapi sanyanpi henicecapi; hena akantanhan owanyag wašte, tuka mahentanhan wicašta huhu qa taku šica owasin on ojugjudan ece.

28 He iyecen niyepi wicašta ekta akantanhan owotanna yaunpi seececa, tuka mahentanhan wanaicilmanpi qa woowotanna šni on onijupidan.

29 Wowapi kagapi qa Pharisee kin, wananiçilmanpi, wotehi niciyankapi nunwe; wicašta wokcan ohna wicahapi kin en tipi wicayecagapi, qa wicašta owotanna ohna wicahnakapi kin hena sanyayapi ece:

30 Qa hehapi; Atewicunyanpi ni unpi he anpetu kin en unyakonpi unkanš, wicašta wokcan wicaktepi qon en ounpapi kte šni tuka ce.

31 Hecen tona wicašta wokcan wicaktepi qon cincapi kin hena niyepi e onihdakapi ece.

32 Qa nakun niye niyatepi wicohan tawapi kin hena wicayeciyaštampi kta.

33 Wamduška henicapi, sintelida wicoicage, token wakanšica ti iwicayacopi kin nayecipapi kta he.

34 Heon etanhan iho, wicašta wokcan, wicašta ksapa, wowapi kagapi hena koya, niyepi ekta yewicawaši; unkan etanhan apa wicayaktepi kta, qa icipaweli owicayakatanpi kta; qa apa omni-ciye tipi nitawapi kin ohnahna wicayakapsinpsintapi kta; qa otonwe iyasyaza šicaya wicayakuwapi ece.e kta.

35 Hecen maka akan wicašta owotanna wicaktepi hena we.

kin ocowasin niyepi en aniupi kta; Abel owotanna we kin hentanhan, Zakarias, Barakias cinhintku, tipi wakan qa owayušna kin iyotahedan yaktepi qon he we kin hehanyan.

36 Awicakehan heciciyapi; Dena owasin wicoicage kin de en awicau kta.

37 Jerusalem, Jerusalem, wicašta wokcan wicayakte sa, qa tona niye ekta yewicašipi qon hena inyan on wicayakinin ece qon, wahupakoza wan iye cinca hupahu ihukuya wicatpahi ece kin, he iyecen wanna ota nicinca wicawapahi kta wacin, tuka niye wicayadapi šni ece.

38 Iho, yatipi kin wanna otiwota elipeniciyapi:

39 Qa heciciyapi; Detanhan tohanyan, Tuwe Itancan caje yuha u kin he yawaštepi nunwe, ehapi šni, behanyan wanmayadakapi kte šni.

WICOWOYAKE 24.

1 Unkan Jesus tipi wakan kin etanhan tankan inanpe ça token iyaya; unkan waonspewicakiye cin en hipi qa tipi wakan token kagapi kin he wanyag šipi.

2 Unkan Jesus hewicakiya; Dena owasin waudakapi šni he; awicakehan heciciyapi; Dena inyan wanji inyan itakihna wanke kte šni, owasin yujupupi kta.

3 Unkan Oliwe paha kin akan iyotankehan yanka, hehan waonspewicakiye cin isnana en hipi qa heciyapi; Dena tohan ecetu kta, qa niye yahi kte ça maka ihanke kta, taku on sdonyapi kta, he ito unkokiyaka miye.

4 Unkan Jesus waayupte ça hewicakiya; Ihnuhan tuwe nihnyanpi kinhan.

5 Wicota micaje on upi kta qa,

WICOWOYAKE 24.

Messiya he miye ce, eyapi kta ;
qa wicašta ota wicahnayanpi
kta.

6 Unkan wicokicize qa kicizapi
oyakapi kin nayahonpi kta ;
ihnuhan nihinniciyapi kinhan ;
hena owasin hecetu kte, tuka
owihanke kin hinahinke šni.

7 Oyate wan oyate azuwicaye
kta, qa wokiconze wokiconze
anatan kta ; qa tuktekten wica-
akihan qa makošiksica qa maka
škanškan yuke kta.

8 Dena owasin wicoiyokišice
tokaheya kin hee.

9 Hehan wicokakije en yeni-
yanpi kta qa niktepi kta ; qa mi-
caje on oyate owasin šicenidapi
kta.

10 Unkan hehan wicašta ota
šihdapi kta, qa otioyohi kici-
hnayanpi kta qa šicekicidapi kta.

11 Qa wicašta wokcan itonšni
ota icagapi kta, qa wicota wica-
hnayanpi kta.

12 Hehan wicošan šica ota
icage kta, heon wicota wašte-
dake cigon he sni aye kta.

13 Tuka tuwe owihanke he-
hanyan najin kinhan he ni kta.

14 Unkan wokiconze wotanin
wašte kin de maka kin owancaya
oyakapi kta, oyate owasin en
wotanin un kta ; qa hehan owi-
hanke kta.

15 Tohan wošice woihangye
kin, Daniel wicašta wokcan
cajeyata qon he tipi wakan kin
en han wandakapi kinhan ; tuwe
yawa kinhan okašniga nunwe ;

16 Hehan tona Judamakoce kin
en unpi kin he kin. ekta napapi
kta.

17 Qa tuwe tipi akan un kinhan
kun ku, qa taku ti mahen tanhan
ehdaku kte šni.

18 Qa nakun tuwe magata un
kinhan, hdicu qa wokoŷake iki-
keu kte šni.

19 Unkan tona anpetu kin hena
en ihdušakapi, qa hokšioqopa
azinwicakiyapi kin hena wotehi
yuhapi kta.

20 Tuka waniyetu, qa anpetu
wakan icunhan, nayajicapi kte
šni e ito cekiya po.

21 Hehan wokakije tanka kte,
maka kagapi kin ehantanhan de-
hanyan taku hecece šni, qa na-
kun tohinni tokata ekta hecece
kte šni.

22 Qa anpetu kin hena yupte-
cedan šni kinhan, wicašta tuwe-
dan ni kte šni ; tuka wicakašni-
gapi kin hena on anpetu kin
hena yuptecedan kta.

23 Hehan tuwe, Messiya den
un ce, qa, kakiya un ce, enici-
yapi ešta, wicadapi šni po.

24 Messiya itonšni, qa wicašta
wokcan itonšni kin heca icagapi
kta, qa wowanyake tanka wi-
cohan tanka ko econpi kta, hecen
okihipica unkanš wicakašnigapi
kin hena eepi kaeš wicahnayanpi
kta tuka.

25 Iho, itokam hena ociciya-
kapi.

26 Heon etanhan ; Iho, hewo-
tahedan un ce, eniciyapi ešta,
ekta yapi šni po ; qa, Iho na-
hmana un ce, eniciyapi ešta, wi-
cadapi šni po.

27 Wakanhdi wiyohiyanpa tan-
han u, qa wiyolpeyata hehanyan
tanin hinhda ece, Wicašta Cin-
hintku kin hi kte cin he iyecece
kta.

28 Tukten taku ŷa wanka eca,
hen wamdi kiwitayapi ece e kta.

29 Unkan wokakije anpetu kin
hena ahankeya, anpetu wi kin
aotpaza kta, qa hanyetu wi kin
iyoyanpa kte šni, qa wicanšpi
mašpiya eciyatanhan hinhpaye
kta, qa mašpiya wowasake kin
yuhuhuzapi kta.

30 Unkan hehan mašpiya en,

MATTHEOS.

Wicašta Cinhintku kin wowakta tawa kin tanin kta. Hehan maka akan oyate owasin nihinciyapi kta, qa Wicašta Cinhintku kin wowaśake qa wowitan tanka hduha, małpiya śapa akan u wanyakapi kta.

31 Unkan mazayahotonpi tanka hotanin kin on ohnihdewicaye cin yewicaśi kta, qa hena tate uya topa eciyatanhan, tona wicakahnige cigon hena wicapahi kta, małpiya ihanke kin etanhan unma ihanke kin ekta hehanyan.

32 Wanna suken can kin etanhan wiyacinpi wan onspeiciciya po. Can intpa hinałin suta śni, qa wanna ape uya, hehan mdo- ketu kin wanna ikiyedan sdon- yayapi ece.

33 He iyecen dena owasin ece- tu wandakapi kinhan, wanna iki- yedan, tiyopa kin ehantu e sdon- ya po.

34 Awicakehan heciciyapi; Wi- coicage kin de ihanke kte śni, ecen dena owasin ecetu kta.

35 Małpiya maka ko ihanke kta, tuka mioie kin owihanke kte śni.

36 Tuka anpetu kin he, qa wi- hiyayedana oape kin he tuwedana sdonye śni; małpiya ohnihde kin hena *sdonyapi* śni; Ate ece- dana sdonya.

37 Nowa taanpetu qon hena, Wicašta Cinhintku kin hi kte cin iyecece kta.

38 Minitan qon isanpa anpetu kin hena en, wotapi qa waya- tkanpi, winohinca wicayuzapi qa wicašta hihnawicayapi ece, Nowa wata kin en iyaye cin anpetu kin hehanyan;

39 Qa iyukcanpi śni, ecen mi- nitan aye a iyuhpa ihangwicaya: iho, Wicašta Cinhintku kin u kte cin he iyecece kta.

40 Hehan wicašta nom magata

unpi kta; wanji icupi kta, qa unma kin is okaptapi kta.

41 Winohinca nom wiyutpan on wotpan unpi kta; wanji icupi kta, qa unma kin okaptapi kta.

42 Heon etanhan waktaya un po, wihiyayedana oape tukte en Itancan nitawapi u kta sdonya- yapi śni.

43 Tuka de sdonya po; wi- cašta tipi tawa kin wamanon sa tohan hi kta sdonya unkaś, ki- kta un qa tipi tawa yuhdokapi kta iyowinwicakiye kte śni tuka.

44 Heon etanhan niś eya wi- yeya un po; Wicašta Cinhintku kin wihiyayedana oape tukte wan- ji en hi kta, he sdonyayapi śni.

45 Tuwe wowidake owotanna qa wayupika, itancan tawa tipi awanyagkiya, tohan iyehantu eca wo wicaqu ece e kta.

46 Wowidake kin hecen econ ece, itancan tawa en hdi qa wanhdake cinhan, he yawaśtepi ece.

47 Awicakehan heciciyapi; Taku yuhe cin owasin awan- yagkiye kta.

48 Tuka wowidake śice cin he cante mahen, Itancan mitawa tehan hdi śni ce, eye cinhan;

49 Qa tona om wowidake un kin hena wicakaśtake a, witko- pi om wote a wayatke cinhan;

50 Anpetu wan waktaya un śni, qa wihiyayedana oape wanji iye kecin śni, he en wowidake un kin yuhe cin hdi kta;

51 Qa cokaya kicakse kta, qa wanaicihmanpi kin om taku yu- hekiye kta; heciya wicaceya qa hi hdakinskinzapi yuke kta.

WICOWOYAKE 25.

1 Hehan małpiya wokiconze kin witanśna unpi wikcemna iyacinpi kta; petijanjan ihupa

WICOWOYAKE 25.

ikikcupi qa tawicu ton kte cin he itkokim iyayapi.

2 Unkan zaptan ksapapi, qa zaptan witkotkokapi.

3 Witkotkokapi kin hena petijanjan ihupa icupi, tuka wihdi takudan yuhapi šni.

4 Tuka ksapapi kin hena cega ohna wihdi hduhapi, petijanjan ihupa iyahna.

5 Unkan tawicu ton kte cin he u šni; hehanyan iyuhpa hbapi qa ištmapi.

6 Unkan hanyecokaya hehan wicaho wan tanin, Iho, tawicu ton kte cin he u ce; itkokim ya po.

7 Hehan witanšna unpi kin hena owasin iyotankapi, qa petijanjan kin piyapi.

8 Unkan witkotkokapi kin hena ksapapi kin hewicakiyapi; Wihdi nitawapi etanhan ongege unqu miye, petijanjan unkicisnipi kta.

9 Tuka ksapapi kin waayuptapi qa hewicakiyapi; Hiya, okinni unkiye niyepi nakun iyounhipi kte šni; tuka tona wopetonpi ece kin ekta ya pe, qa opeičiton miye.

10 Unkan he opeton iyayapi, hehan tawicu ton kte cin he hi; unkan tona wiyeya unpi kin hena wakankiciyuzapi kte cin en kici iyayapi; hehan tiyopa kin ecen icupi.

11 Iyohakam witanšna unpi unmapi kin en hipi, qa heyapi; Itancan, Itancan, tiyopa unki-
ciyuhdoka miye.

12 Tuka iye waayupte ça; Sdonciyapi šni, awicakehan eci-
ciyapi ce, eya.

13 Heon etanhan kiktahan un po, anpetu qa wihiyayedan oape kin tukte wanji en, Wicašta Cinhintku kin hi kte cin he sdoniyayapi šni.

14 He iyecen wicašta wan makece tokeca ekta ye kta, hehan wowidake wicayuhe cin wicakico, qa woyuha tawa kin wicakipamni.

15 Unkan wanji mazaska tkeutapi tanka zaptan qu, qa wanji nom, qa wanji is wanjidan qu; otoiyo hi token okihi kta hecen wicaqu; hehan icimani iyaya.

16 Unkan tuwe tkeutapi tanka zaptan icu qon he iyaye, ça on wopeton ece econ, qa nakun tkeutapi tanka zaptan kamna.

17 'Qa tuwe' nom icu qon is eya iyecen nom nakun kamna.

18 Tuka tuwe wanjidan icu qon he iyaye ça, maka ge ça, yuhe cin mazaska tawa kin inahma.

19 Unkan wanna tehan hehan wowidake unpi kin dena itancan tawapi kin hdi, qa wicakiciyawa.

20 Unkan tuwe tkeutapi tanka zaptan icu qon he zaptan toktokeca koya ahi qa heya; Itancan, tkeutapi tanka zaptan mayaqu; iho, nakun tkeutapi tanka zaptan hena awakamna, eya

21 Unkan yuhe cin heciya; Han, wowidake wašte qa wacin-
yepica; taku tonana on wacin-
yepica yaun, taku ota yuheci-
ciye kta; niyuha towiyuškin kin en opa wo.

22 Hehan tuwe tkeutapi tanka nom icu qon he hi, qa heya; Itancan, tkeutapi tanka nom mayaqu; iho, nakun tkeutapi tanka nom hena awakamna.

23 Itancan tawa kin heciya; Han, wowidake wašte qa wacin-
yepica; taku tonana on wa-
cinyepica yaun, ito taku ota yu-
heciciye kta; niyuha towiyuškin kin en opa wo.

24 Hehan tuwe tkeutapi tanka wanjidan icu qon he hi, qa heya;

MATTHEOS.

Itancan, wicašta nitehika sdonwaya, tukten woyaju šni ešta etanhan wamnayaya ece, qa tukten taku elipeyaye šni kin hetanhan wayapahi ece.

25 Qa kowakipa, heon imdamde ça mazaska tkeutapi tanka nitawa maka kin en nawalibe; iho, nitawa kin yahduha.

26 Itancan tawa kin waayupte ça heciya; Wowidake nišice ça nikuja; tukten wowaju šni kin hetanhan wamnawaya ecc, qa tukten taku wakada šni hetanhan wawapahi ece e sdonyaya;

27 Heon etanhan mazaska mitawa wicašta wopetonpi kin yuhewicayakiye kta iyececa tuka; hecen wahdi, qa mitawa oicage ko ewehdaku kta tuka.

28 Heon tkeutapi tanka kin ekiciyaku po, qa tuwe tkeutapi tanka wikcemna yuhe cin he ito qu po.

29 Tuwe taku ota yuhe cin he nakun qupi ece e kta, hecen iyakicuya yuhe kta; tuka tuwe takudan yuhe šni kin hetanhan taku ton kin hee kaes ekiciyakupi ece e kta.

30 Qa wowidake wakamna šni kin he tankan otpaza kin en elipeya po; heciya wicaceya qa hi hdakinskinzapi yuke kta.

31 Tohan Wicašta Cinhintku kin wowitan hduha, ohnihadewicaya wakan kin owasin om u kinhan, hehan wowitan oiyotanke tawa kin en kiyotanke kta:

32 Qa itokam oyate kin iyulpa mniciyapi kta; unkan wicayukinukan kta, waawanhdake wan tahinca wanunyanpi, tatokadan etanhan wicapahi ece kin he iyececa.

33 Qa tahinca wanunyanpi kin hena iye etapa eciyatanhan, qa tatokadan kin iye catka eciyatanhan ewicahnake kta.

34 Hehan Wicaštayatapi kin tona etapa eciyatanhan unpi kin hena hewicakiye kta; U po, Ate eciyatanhan niyawaštepi kin, wokiconze maka kagapi kin ehantanhan wiyeya niciyankapi kin he ito hduha po.

35 Wotektewahda, unkan wo mayaqupi; imapuza, unkan wayatkemayakiyapi; wicašta matokeca waun, unkan tin hiyumayayapi:

36 Tancomakadan, unkan wamayakalipapi; wamayazanka, unkan onsimayadapi; makaškapi, unkan wanyag mayahipi ece.

37 Hehan wicašta owotanna kin hena ayuptapi qa heciyapi kta; Itancan, tohinni wotektayahda wanunniyakapi, qa wo unnicupi he; qa inipuza qa wayatkeunniciyapi he:

38 Tohinni wicašta tokeca yaun wanunniyakapi, qa tin hiyuunniyanpi he; qa tancodan yaun, qa wokoyake unnicupi he:

39 Tohinni waniyazanka qa kaška nihnakapi yaun wanunniyakapi, qa en unnihipi he.

40 Unkan Wicaštayatapi kin waayupte ça hewicakiye kta; Awicakehan heciyapi; Mihunkawanji kin dena cikcistinpidan hecawicayeconpi kin he miye ecamieconpi ece.

41 Hehan tona catka kin eciyatanhan unpi kin hewicakiye kta; Niyašicapi kin, mitantanhan iyaya po, peta owihanke wanica ekta, wakanšica iye taokiyewicaye cin koya on kagapi qon.

42 Wotektewahda, tuka wo mayaqupi šni; imapuza, tuka wayatkemayakiyapi šni:

43 Wicašta matokeca waun, tuka tin hiyumayayapi šni; tancodan waun, tuka wokoyake mayaqupi šni; wamayazanka qa

WICOWOYAKE 26.

kaška mahnakapi waun, tuka onśimayadapi śni.

44 Hehan ayuptapi qa heciyapi kta; Itancan, tohinni wotekte-yahda, qa inipuza, qa wicašta tokeca yaun, qa tanconikadan, qa waniyazanka, qa kaška ni-hnakapi yaun wanunniyakapi, qa ounniciyapi śni he.

45 Hehan awicayupte ça heye kta; Awicakehan heciciyapi; Dena cikcistinpidan hecawica-yeconpi śni kin he miye ecami-yeconpi śni ece.

46 Unkan dena owihanke wa-nin wokakiye kin en yapi kta; tuka wicašta owotanna kin hena owihanke wanin wiconi kin en yapi kta.

WICOWOYAKE 26.

1 Unkan Jesus wicoie kin dena owasin ihunnikiya, hehan waon-spewicakiye cin hewicakiya;

2 Anpetu nom iyohakam woacakśin kin hehantu kta sdonya-yapi; hehan Wicašta Cinhintku kin icipaweli okatanpi kta e wicacupi kta.

3 Hehan wośnapi kagapi, wo-wapi kagapi qa oyate kin en wicašta tankapi kin hena koya mniciyapi, wośnapi kagapi itan-can, Kaiaphas eciyapi, he ti kin en.

4 Qa Jesus token nahmana icu-pi qa ktepi kta he aiapi.

5 Tuka wotapi anpetu kin hena icunhan śni, okinni oyate kin owodutaton kta, eyapi.

6 Unkan Jesus Bethani en Si-mon lepros ecece cigon he ti kin ohna yanka.

7 Hehan winohinca wan inyan opiye wan wihdi waśtemna teli-ka ojudan he yuha en hi, qa iye iyotankehan yanka icunhan, pa kin en okaśtan.

8 Tuka waonspewicakiye cin

hena he wanyakapi qehan śihda-pi, qa heyapi; Tokeca de awi-hnuniyapi he.

9 Wihdi waśtemna kin de ota iyoheyapi kta, qa wahpanica wicacupi kta iyececa tuka ce.

10 Jesus he okaśnige ça hewi-cakiya; Tokeca winohinca kin de iyokiśinyayapi he; wicoħan wašte wan ecamicon.

11 Wahpanicapi kin ohinni-yan wicaduhapi, tuka miye ohin-niyan mayaduhapi śni.

12 Wihdi waśtemna kin de mitancan amakaśtan kin, ma-hnakapi kte cin on etanhan he-con.

13 Awicakehan heciciyapi; Ma-ka kin owancaya wootanin wa-šte kin de tukten oyakapi hecin-han, winohinca kin de taku econ kin he wowitan on oyakapi ece e kta.

14 Hehan akenonpapi kin etan-han wanji, Judas Iskariot eciya-pi, he wośnapi kagapi kin ekta wicai;

15 Qa heya; He cicupi kinhan taku mayacupi kta he. Unkan mazaska wikcemna yamni qupi kta, keciyapi.

16 Unkan hetanhan token hna-yan wicaqu kta e he akita.

17 Aguyapi on napohiyapi co-dan anpetu tokaheya, hehan waonspewicakiye cin Jesus en hipi, qa heciyapi; Tukten woacakśin kin yate kta wiyeya un-nicihnakapi kta yacin he.

18 Unkan heya; Otonwe kin en ya po, qa wicašta kae heciya po; Wanna iyemicihantu, woacakśin kin yati en waonspewi-cawakiye cin om ecamon kta ce, Waonspekiye cin heya ce.

19 Unkan waonspewicakiye cin Jesus econ wicaśi kin ecen econpi, qa woacakśin kin wiye-ya ehnakapi.

MATTHEOS.

20 Wanna htayetu hehan ake-nonpapi kin om en iyotanka.

21 Qa wotapi icunhan heya; Niyepi etanhan wanji wiyopemayayapi kta, awicakehan eciciyapi ce.

22 Unkan iyokišicapi hinca, qa otoiyohi heciyapi; Itancan, he miye he.

23 Unkan waayupte ça heya; Tuwe wakšica ohna kici nape yewaye cinhan he wiyopemaye kte cin ee.

24 Wowapi en kagapi qon he iyecen, Wicašta Cinhintku kin ye kta; tuka wicašta kin Wicašta Cinhintku kin wiyopeye cinhan he wotehi kiciyanke kta; wicašta kin he tohinni tonpi šni unkanš wašte kta tuka.

25 Unkan Judas wiyopceye kte cin he ayupte ça; Itancan, he miye he, eya. Unkan, Niye heha ce, eciya.

26 Unkan wotapi icunhan Jesus aguyapi icu, qa yawašte, qa yušpašpa, qa waonspewicakiye cin wicaqu, qa heya; Icupi qa yuta po; mitancan kin he dee.

27 Qa wiyatke kin ehdaku, qa wopida eye ça wicaqu, qa heya; Owasin etanhan yatkan po.

28 Mawe kin he dee, wicota-kuye teca kin en, wicota on paponpi, woahłani kajuju kta heon.

29 Tuka heciyapi, Detanhan hastanhanka iyuwi waskuyeca kin etanhan icimana mdatke kte šni, Ate tokiconze kin en anpetu wan teca unyatkanpi kte cin hehanyan.

30 Unkan odowan wan ahiyayapi hehan tankan iyayapi, Olive paha kin he ekta.

31 Hehan Jesus hewicakiya; Hanyetu kin de niyepi owasin ehpemayayapi kta. Kaken wotapi en kagapi; Waawanhake

kin he awape kta, unkan hetanhan talinca wanunyanpi optaye kin enanakiya iyayapi kta.

32 Tuka ake wakini kinhan Galile ekta nitokam mde kta.

33 Hehan Inyan ayupte ça heciya; Owasin ehpeniyanpi ešta, miye tohinni ehpeciye kte šni.

34 Jesus heciya; Hanyetu kin de anpaohotonna hoton šni itokam yamni anamayakiłbe kta, awicakehan eciciya.

35 Inyan heciya; Nici mašta ešta anaciłbe kte šni. Waonspewicakiye cin iyuhpa nakun iyecen eyapi.

36 Hehan Jesus waonspewicakiye cin om can wojupi wan Gethsemane eciyapi kin he en i, qa hewicakiya; Den iyotanka po, ito kakiya cekiya mde kta.

37 Unkan Inyan qa Zebedee cinhintku kin napin iwicacu, qa iyokišica hinhda qa nina yuška.

38 Hehan hewicakiya; Minagi iyokišice hinca, mašte kta iyececa; den kiktahan mici yukan po.

39 Unkan hetanhan kitan ecinyan iyoopte iyaye ça makata ehpeičiya, cekiye ça heya; Ate, okihipica kinhan, wiyatke kin de tokan imiciyaye kta; tuka miye wacin kin hee šni, niye token yacin kin hee ecetu kte.

40 Unkan waonspewicakiye cin ištınma liyeya en wicahdi, qa Inyan heciya; Tokeca wihiyayedan oape wanji kiktahan mici yaunpi kta oyakihipi šni he.

41 Kiktahan unpi qa cekiya po, okinni taku wawiyutanyan un kin en idadapi nun ce. Wicanagi kin he wicada, tuka wicacełpi kin wašake šni.

42 Ake inonpa ekta iyaye ça cekiye ça heya; Ate, wiyatke kin de mdatke šni tokan imiciyaye kta okihipica šni kinhan, nitawacin ecen econpi nunwe.

WICOWOYAKE 26.

43 Hehan ake en wicahdi, qa iştinma hiyeya wanwicahdaka ; iştá libapi hinca nakaes̃.

44 Unkan eh̃pewicaye ça ake iyaye ça iyamni cekiya, oie un qon hena ake ohna ecen eya.

45 Hehan waonspewicakiye cin en wicahdi qa hewicakiya ; Wanna niştinmapi qa oziniçiyapi he ; iho, wanna iyehantu, qa Wicašta Cinhintku kin wahta-nipi sa napepi kin en wicaqupi.

46 Najin po, unyanpi kta ; iho, tuwe wiyopemaye cin he kiye-dan u ce.

47 Unkan iahan icunhan, iho, Judas, akenonpapi kin wanji ee, he hi, qa wicota woşnapi kagapi qa oyate kin en wicašta tankin-yanyanpi etanhan, mazasagye cansagye ko yuha kici hipi.

48 Unkan tuwe wiyopeye cin he iwaktawicaye ça heya ; Tuwe i iwaputake cinhan hee kta ; sutaya yuza po.

49 Unkan katinyan Jesus en hi qa, Iho, Itancan, eye ça i iputaka.

50 Unkan Jesus heciya ; Kicuwa, taku on yahi he. Hehan en hipi qa Jesus nape ahnakapi qa yuzapi.

51 Unkan, iho, Jesus kici unpi wanji nape hdukatin, qa mazasagye ehdaku, qa on, woşnapi kagapi itancan taokiye wanji ape ça noge kaşpa.

52 Hehan Jesus heciya ; Mazasagye nitawa ojuha en iyekiya wo ; tona mazasagye ehdakupi kin owasin mazasagye kin on tapi kta.

53 Nakaha Ate cewakiya owakihi şni kecanni he ; qa hinna-kaha mahpiya ohnihde wicobe akenonpa sanpa maqu kta tuka.

54 Tuka hecetu kinhan, wowapi en kagapi, he decetu kta eyapi qon he token yuecetupi kta he.

55 Wihiyayedan oape kin he en Jesus oyate kin hewicakiya ; Tokeca wamanon sa iyecen, mazasagye cansagye ko hduha takpe mayahipi he ; anpetu ototiyohi tipi wakan kin ohna waonspeciciyapi manka, tuka mayaduzapi şni.

56 Tuka dena owasin ecoupi, wicašta wokcan taku owapi qon he yuecetupi kta heon. Hehan waonspewicakiye cin owasin eh̃pēyapi qa najicapi.

57 Unkan tona Jesus yuzapi kin hena Kaiaphas woşnapi kagapi itancan kin ekta ayapi, wowapi kagapi wicahincapi ko mniciyapi kin en.

58 Tuka Inyan itehan ihakam u, woşnapi kagapi itancan ti kin hehanyan, qa mahen ye ça ookiyewicayapi kin om iyotanka, owihanke kte cin he wanyake kta.

59 Unkan woşnapi kagapi qa wicahincapi kin, qa omniciye ocowasin, woitonşni wootanin oyakapi Jesus on akitapi, ktepi kte cin heon :

60 Tuka takudan iyeyapi şni ; woitonşni woyakapi ota hipi, tuka takudan iyeyapi şni. Unhanketa woitonşni oyakapi nom hipi ;

61 Qa heyapi ; Wicašta kin de, Tipi wakan Wakantanka tawa kin he mdujuju, qa anpetu yamni kinhan ake piya wakage kta owakihi ce, eya ce.

62 Hehan woşnapi kagapi itancan kin najin hiyaye ça heciya ; Dena taku iyanionpapi kin takudan adupte şni he.

63 Tuka Jesus inina yanka. Unkan woşnapi kagapi itancan kin heciya ; Wakantanka ni un kin on wacajeciciyate, Messiya Wakantanka Cinhintku kin he niye hecinhan, unkokiyaka miye.

MATTHEOS.

64 Unkan Jesus heciya; Niye ecen eha; tuka nakun heciyiapi; Tokata ekta Wicašta Cinhintku kin wowaśake etapa eciyatanhan iyotanka qa mahpiya śapa akan u wandakapi kta.

65 Hehan wośnapi kagapi itancan kin śina hduhdehdece ça heya; Taku śica eya; taku on sanpa woyakapi unkakitapi kta he; iho, wanna śicaya ie cin he nayahonpi:

66 Token idukcanpi he. Unkan ayuptapi qa, He te kta iyececa ce, eyapi.

67 Hehan ite atagośapi qa nape on apapi; qa hunh kapsinsintapi;

68 Qa heyapi; Messiya he niye, tuwe anipe cin he ito unko-kiyaka po.

69 Inyan tankan tipi kin ohna iyotankehan yanka; unkan wikośka wan en hi qa heciya; Qa niś nakun Jesus Galile etanhan kin he kici yaun qon.

70 Tuka iye owasin wicitokam anakihbe ça heya; Taku ehe cin he sdonwaye śni.

71 Unkan ohanzi hdepi kin ekta tankan iyaya, hehan wanji tokeca wanyake ça tona en unpi kin hewicakiya; De nakun Jesus Nazareth etanhan kin he kici un qon.

72 Unkan akeś anakihbe ça, Taku wakan namañon, wicašta kin de sdonwaye śni ce, eya.

73 Hehan ake iecadan tona en najinpi kin hena hipi, qa Inyan heciyapi; Awicakehan ewicatanhan yaun; iyae cin he oniyaka ece.

74 Hehan iapi śica ota eye ça, Taku wakan namañon, wicašta kin he ecaca sdonwaye śni ce, eya. Unkan ecahankeya anpaohotonna kin hoton.

75 Hehan Inyan, Jesus taku

eciye ciqon, Anpaohotonna hoton śni kin itokam yamni anamayakihbe kta ce, eye cin he kiksuya. Unkan tankan iyaye ça nina ceya.

WICOWOYAKE 27.

1 Unkan hanhanna hinca wośnapi kagapi kin owasin qa oyate kin en wicahincapi kin hena koya, Jesus token ktepi kta e he aiapi.

2 Unkan kaśkapi hehan ayapi, qa Pontios Pilate wicašta itancan kin he kaipi.

3 Unkan Judas wiyopeye cin he wanna yacopi wanyaka, hehan iyopeiciye ça, mazaska wikcemna yamni kin, wośnapi kagapi wicahincapi ko ake wicakahi;

4 Qa heya; Wawahtani, wicawe taku iyaonpepica śni kin wiyopewaya ce. Unkan heyapi; He etanhan unkitokecapi śni; he niś niye.

5 Unkan mazaska kin tipi wakan kin en ehpeye ça kihda; qa hetanhan iyaye ça poskin icikte.

6 Unkan wośnapi kagapi kin mazaska kin hena icupi, qa heyapi; Mazaska opiye kin en unko-hnakapi kta iyecece śni, wicawe iyopeyapi kin dena ee, heon etanhan.

7 Hecen wiyukcanpi qa hena on wakśica kage cin tamaga he opetonpi; ohna wicašta tokeca wicahapi kta.

8 Heon etanhan maga kin he, Wicawe maga, eciyapi, anpetu kin dehanyan.

9 Hehan Jeremiya wicašta wolkcan taku eye ciqon yuecetupi; he kaken eya; Unkan mazaska wikcemna yamni, tuwe iyopeyapi qon, Israel cincapi kin hecen iyacinpi qon, hena icupi,

WICOWOYAKE 27.

10 Qa wakśica kage cin tamaga kin iyopeyapi, Itancan kin econmaśi iyececa.

11 Unkan Jesus wicaśta itancan kin itokam inajin: Qa wicaśta itancan kin wiwange ça heciya; Juda wicaśtayatapi kin he niye he. Unkan; Niś heha ce, Jesus eya.

12 Unkan wośnapi kagapi wicahincapi ko taku iyaonpapi, tuka takudan ayupte śni.

13 Hehan Pilate heciya; Dena taku iyanionpapi kin nayalġon śni he.

14 Tuka oie wanġidan eśta ayupte śni, hecen wicaśta itancan kin nina yuśinyaya.

15 Wotapi kin de iyehantu eca wicaśta itancan kin wicakaśkapi wanġi kiyuśka ece, tukte wanġi oyate kin kicapi.

16 Unkan he ehan wanġi tanyan sdonyapi, Barabbas eciyapi, he kaśka hnakapi.

17 Hecen en mniciyapi hehan Pilate hewicakiya; Unma tukte ciciyuśkapi kta yacinpi he, Barabbas qa iś Jesus nakun Messiya eciyapi.

18 Winawizipi on he iye en kahipi e sdonya.

19 Unkan woyaco oiyotanke kin akan kiyotanka hehan tawicu kin tuwe en uśi, qa heciya; Wicaśta owotanna kin he takudan ecakicon śni we, on anpetu kin de wiwahamna en nina mayuśinyaya ce.

20 Tuka wośnapi kagapi wicahincapi ko oyate kin waho-konwicakiyapi, Barabbas kicapi kta, qa Jesus ihangyapi kta.

21 Hehan wicaśta itancan kin ake wiwicawange ça hewicakiya; Unma tukte ciciyuśkapi kta yacinpi he. Unkan, Barabbas, eyapi.

22 Pilate hewicakiya; Jesus

nakun Messiya eciyapi kin he token ecamon kta he. Unkan owasin; Icipaweli okatanpi kta, eciyapi.

23 Unkan wicaśta itancan kin heya; Tokeca, taku śica econ kin tukte e he. Tuka nina panpi qa; Icipaweli okatanpi kta, eyapi.

24 Hecen Pilate takudan okihi śni, qa nina owodutaton icaga he wanyaka, hehan mini icu, qa wicota wicitokam nape hdujaja, qa heya; Wicaśta owotanna kin de we kin miye en amaupi kte śni; niye ito wanyaka po.

25 Hehan oyate kin iyuhpa ayuptapi qa lieyapi; He we kin unkiyepi qa unkiġincapi koya en unkaupi nunwe.

26 Unkan hehan Barabbas wicakiciyuśka; qa Jesus kapsinpsinta hehan icipaweli okatanpi kta e wicaqu.

27 Hehan wicaśta itancan taakicita kin Jesus ti mahen ayapi, qa wicobe ocowasin en mniciyapi.

28 Qa iye tawokoyake kiyuśdokapi, qa śina duta wan inkiyapi.

29 Qa wapepeka kazontapi on wateśdake kagapi qa teśdagkicattonpi, qa cedi wan nape etapa kin on yuskiyapi; qa itokam canpeśka makehde inajinpi, qa iħahapi, qa heyapi; Iħo, Juda Wicaśtayatapi kin.

30 Qa atagośapi, qa cedi kin icupi qa pa en apapi.

31 Unkan hecen iħahapi hehan śina kin ekiciyakupi qa iye tawokoyake qon kiġunkiyapi, qa icipaweli okatanpi kta ayapi.

32 Tankan ayapi hehan wicaśta wan Kurene etanhan, Simon eciyapi, he wanyakapi; unkan he cansusbeca kin kiġiġinkiyapi.

33 Unkan makoce wan Golgo-

MATTHEOS.

tha eciyapi, he wicapahu makoce eyapi kin he kapi, he ekta ipi;

34 Hehan miniša pizi icahiyapi kin hetanhan yatkekiyapi; tuka uta hehan yatke kta wicada šni.

35 Unkan hen icipaweli okatanpi, oeconna econpi qa tawokoyake kicipamnipi. Hecen wicašta wokcan oie qon yuecetupi; Mitawokoyake kicipamnipi qa onhdohda mitawa on oceonna econpi ce.

36 Unkan hen iyotankapi qa awanyakapi:

37 Qa wiyaonpapi kin de owapi qa pa iwankam ehnakapi; JESUS, JUDA WICAŠTAYA-TAPI KIN HE DEE.

38 Nakun wicašta wamanon sa nom kici icipaweli owicakatanpi, unma etapa eciyatanhan, qa unma is catka tanhan econpi.

39 Unkan tona en hiyayapi kin hena aiapi, qa apomnamnapi;

40 Qaheyapi; Tipi wakan ihangyaye qa anpetu yamni ake piya yakage kte cigon, ničiya wo. Wakantanka Cinhintku kin he niye hecinhan, cansusbeca kin etanhan kun ku wo.

41 He iyececa, wošnapi kagapi kin ihahapi, qa wowapi kagapi wicalincapi ko om heyapi;

42 Wicašta tokeca niwicaya ece, iye ničiye kta okihi šni; Israel wicaštayatapi tawapi hecinhan, iho, wanna cansusbeca kin etanhan kun ku kta, kinhan wicaundapi kta.

43 Wakantanka wacinkiye cigon; tawa kta hecinhan wanna ehdaku kta; Wakantanka Cinhintku kin he miye ce, eye cigon.

44 Nakun wicašta wamanon sa, kici icipaweli owicakatanpi kin hena is eya iyecen i en hiyeyapi.

45 Unkan wihiyayedan oape

šakpe hetanhan napcinwanka ape cin hehanyan makoce kin owancaya otpaza.

46 Unkan napcinwanka apa hehantu ecetu, Jesus howaye ca hotankakiya heya; Eli, Eli, lama sabakthani; Wakantanka mitawa, Wakantanka mitawa, tokeca elhpemayaya he, eyapi kin hee.

47 Unkan en najinpi kin he nahonpi qehan, apa heyapi; Elias kipan ce.

48 Unkan wanji etanhan inyang ye ca mini iyuhepe wan icu, qa miniskuya en oputkan, cedi wan icape ca yatkekiya.

49 Unmapi kin heyapi; Hin nahanka, Elias nikiya hi kta hecinhan ito wanunyakapi kta.

50 Tuka Jesus ake hotankakiya hotanin qehan, taniya kin hiyuya.

51 Unkan iho, tipi wakan cokaya ozanpi kin he okiyuhdecapi, wankantanhan qa kun ihanke kin hehanyan; nakun maka kin škanškan qa inyan namdecapi:

52 Qa wicahapi kin yuhdokapi, qa wicašta wašte ištinnapi kin hena ota hiyupi;

53 Qa wicahnakapi kin etanhan hninanpapi, qa otonwe wakan kin en hipi, qa wicota en taniničiya.

54 Unkan akicita tancan qa tona om Jesus awanyake cin hena maka kin škanškan qa taku econpi ko wanyakapi qehan, nina yušinyayapi. qa, Awicakehan Wakantanka Cinhintku kin he dee tuka ce, eyapi.

55 Unkan winohinca ota hen unpi qa itehanyan wanyakapi; tona Galile etanhan upi qa okiyapi ece qon:

56 Mary Magdalene he wanji ee, qa Mary Jakob qa Joses hunku, qa Zebede cinca hunkupi kin.

WICOWOYAKE 28.

57 Wanna hitayetu hehan Arimathea etanhan wicaŝta wijica wan en hi, Joseph eciyapi, he nakun Jesus waonspewicakiye cin wanji ee :

58 He Pilate en i, qa Jesus tancan kin kida. Hehan Pilate tancan kin he quwicaŝi.

59 Unkan Joseph tancan kin he icu qehan, miniŝuha ska wan opazunta ;

60 Qa ohna hnakapi tawa teca, imnija kin en kaŝdoke cin, he en ohnaka ; qa inyan wan tanka ohna hnakapi i kin en eonpa, hehan kihda.

61 Unkan ohna hnakapi kin iyotakons, Mary Magdalene qa Mary unma qon iyotankehan yukanpi.

62 Unkan anpetu en ihduwiyeyapi ece kin he ihanŝanna, hehan woŝnapi kagapi qa Phariŝee kin hena Pilate en hipi,

63 Qa heyapi ; Itancan, wicahnaye sa kin de ni un qehan, Anpetu yamni hehan wakini kta ce, eya keyapi, he unikŝuyapi.

64 Heon etanhan wicahnakapi kin natag wicaŝi wo, anpetu yamni hehanyan ; okinni waonspewicakiye cin hena en hipi qa tancan kin manon akiyahdapi kta, qa hehan, Wicaŝe cin etanhan kini ce, oyate kin ewicakiyapi kta ; hecen ehake wicahnayanpi kin he tokaheya kin isanpa tanka kta.

65 Pilate hewicakiya ; Akicita wicaduhapi ; hdapi qa token oya-kihipi sutaya nataka po.

66 Hecen kihdapi qa wicahnakapi kin sutaya natakapi ; inyan kin he apuspapi qa akicita en najinwicakiyapi.

WICOWOYAKE 28.

1 Anpetu wakan owihanke kin ekta, wanna anpetu tokaheya

ayanpa kta hehan, Mary Magdalene qa Mary unna kin, wicahnakapi kin wanyag hipi :

2 Unkan iho, maka ŝkanŝkan wan tanka ; maŝpiya eciyatanhan Itancan taohnihde wan kun u, en hi qa tiyopa kin etanhan inyan kin yuptanye ɕa akan iyo-tanka.

3 He ite kin wakanhdi kin iyececa, qa tawokoyake kin wa iyecen ska :

4 Unkan he kokipapi on awanyakapi kin nina cancanpi qa wicaŝta ɕapi kin iyecen ayapi.

5. Unkan maŝpiya ohnihde kin he waayupte ɕa winohinca kin hewicakiya ; Niye kokipapi ŝni po ; Jesus icipaweŝ okatanpi qon he oyadepi sdonwaya :

6 Den un ŝni ; wanna ihduekicetu, heye ciqon iyececa : Kuwa po, Itancan kin wanke ciqon he wanyaka miye.

7 Qa kohanna hdapi qa, Wicaŝe cin etanhan kini ce, waonspewicakiye cin ewicakiya po ; unkan iho, Galile ekta nitokam iyaya ce, hen wandakapi kta ; iho, wanna ociciyakapi.

8 Unkan wokokipe wowiyuŝkin tanka ko yuha koyahanna kihdapi ; waonspewicakiye cin hoŝi wicakakipi kta inyanghdapi.

9 Unkan waonspewicakiye cin hoŝi wicakahdapi icunhan, iho, Jesus itkowicakipa qa heya ; Wiyuŝkin po. Unkan en hipi qa siha en yuzapi qa ohodapi.

10 Hehan hewicakiya ; Kopehdapi ŝni po ; mihunkawanji owicakiyag ya po, Galile ekta yapi kta ; heciya wanmayakapi kta ce.

11 Unkan hena hdapi icunhan, akicita awanyakapi qon etanhan wanjikji otonwe kin en hipi, qa woŝnapi kagapi kin taku econpi kin owasin owicakiyakapi.

MARKOS.

12 Unkan hena witaya mniei-yapi, wicahincapi ko om, qa he akiiapi, hehan akicita mazaska ota wicaqupi;

13 Qa heyapi; Unkiŝtinmapi icunhan waonspewicakiye cin hanyen hipi qa manon icupi ce, eya po.

14 Unkan he wicaŝta itancan kin naŝon kinhan, unkiye ceunki-yapi kta, qa anaunniciŝinpi kta.

15 Hecen mazaska kin icupi, qa token onspewicakiyapi kin iyecen econpi; heon wicoie kin he Juda oyate kin en oyakapi ece, anpetu kin dehanyan.

16 Hehan waonspewicakiye cin akewanjipi, hena Galile ekta iya-

yapi, paha wan Jesus cajeyate ciqon hetu.

17 Unkan wanyakapi hehan ohodapi; tuka apa ceŝunhdapi.

18 Unkan Jesus en wicahi, owawicakiye a heya; Maŝpiya ekta qa maka akan wowaŝake ocowasin maqupi:

19 Heon etanhan ya po, oyate kin owasin waonspewicakiya po, qa Ateyapi, Cinhintkuyapi, qa Woniya Wakan kin caje on baptem wicaqu po;

20 Qa taku tona econciŝipi kin owasin yuhapi kta e onspewicakiya po. Unkan iho, anpetu owasin cicipi waun, maka owi-hanke kin hehanyan. Amen.

MARKOS

WOTANIN WAŝTE TAWA.

WICOWOYAKE 1.

1 Jesus Messiya Wakantanka Cinhintku kin Wotanin Waŝte tawa tokaheya kin he dee.

2 Wicaŝta wokcanpi kin en owapi qon iyececa; Iho, niite kin itokam wahoŝi mitawa yewaŝi kta, nitokam canku wiyeya enicihnake kta.

3 Wicaho wan hewotahedan hotanin kin hee, Itancan tacanku kin wiyeya ekicihnaka wo, ocanku owotanna kicaga wo.

4 Johannes hewotahedan baptem wicaqu, qa woaŝtani kajujupi kta, on iyopeiiyapi baptem wicaqupi kin he oyaka ece.

5 Unkan Juda makocekin owancaya tanhan, qa nakun Jerusalemin etanhan ekta yapi; unkan woaŝtani ohdaka, Jordan wakpa

kin en, iye owasin baptem wicaqu.

6 Unkan Johannes kamel hin kin koyake a teŝmiso wan ipiyagkiton; qa psipsicadan tuŝmaga canhanpi ahna yuta ece:

7 Qa woyake a heya; Miha-kam wanji mikapeya waŝake cin he u ce, he patuŝ nawajin qa hankpan weciyuŝdoke kta iye-micihantu ŝni.

8 Miŝ miye awicakehan mini on baptem ciupi; tuka iye qe Woniya Wakan kin on baptem niupi kta ce.

9 Unkan anpetu kin hena icunhan, Galile en Nazareth etanhan Jesus u, qa Jordan en Johannes baptem qu.

10 Unkan mini kin etanhan itanwankanhdde ku qehan, ecahankeya maŝpiya kin yuzamnipi qa Woniya Wakan kin wakiye-

WICOWOYAKE 1.

dan kaliya kuntkiya u qa en hi-
yahan, he wanyaka.

11 Unkan mahpiya eciyatanhan
wicaho wan tanin, Micinksi wa-
stewakidake ca tanyan iyoma-
kipi kin he niye ce.

12 Hehan ecahankeya Woniya
kin hewoskan makoce kin ekta
kaham aya.

13 Unkan anpetu wikcemna
topa hewotahedan makoce kin
en un; qa hen Satan iyutanyan;
wamanica kin om un, unkan
mahpiya ohnihde kin okiyapi
ece.

14 Unkan Johannes kaska hna-
kapi qehan, Jesus Galile en hi,
qa Wakantanka tokiconze wo-
tanin waste kin oyaka:

15 Qa heya; Wanna iyehantu,
Wakantanka tokiconze kin kiye-
dan un; iypeiciya po, qa wo-
tanin waste kin wicada po.

16 Unkan Galile mde kin icahda
omani, hehan Simon wanyaka,
qa iye sunkaku Andrew nakun,
mde kin en ho wan iyohpeyapi;
hena hopsicapi kin hecapi na-
kaes.

17 Unkan Jesus hewicakiya;
Miyahna u po, kinhan wicasta wi-
cadupsicapi kta cicagapi kta ce.

18 Unkan ecahankeya ho kin
ehpekiyapi, qa ihakam iyayapi.

19 Unkan hetanhan kitan ecin-
yan iyoopta ye ca, Jakob Zebede
cinhintku, nakun sunkaku Jo-
hannes eciyapi, wanwicayaka;
hena wata ohna ho kin piyapi.

20 Unkan ecahankeya wica-
kico; unkan atkukupi Zebede,
qa tona wowidake wicayuhe cin
hena om, wata kin en ehpewicay-
yapi, qa ihakam iyayapi.

21 Hehan Kapernaum en yapi;
unkan anpetu wakan icunhan
omniciye tipi kin katinyan en
ye ca, woyaka.

22 Unkan taku oyake cin on

yuşinyayapi; wicasta itancan-
yan waonspewicakiya, qa wo-
wapi kagapi kin iyecece sni.

23 Unkan omniciye tipi kin he
ohna wicasta wan woniya sica
yuha; unkan he howaya,

24 Qa heya; Unkayustan po;
Jesus Nazareth etanhan, taku
ecaunniconpi he; ihangunya-
yapi kta yahi he; nituwe kin
sdonwaya, Taku Wakan Wanji
Wakantanka tawa kin he niye.

25 Hehan Jesus iypeye ca he-
ciya; Inina yanke ca, tankata
hninanpa wo.

26 Unkan woniya sice cin he
wicasta kin yuhdece ca, hotan-
kakiya hotanin, hehan tankan
hinanpa.

27 Unkan owasin inihanpi qa
heya ikiciwangapi; De taku he;
de woonspe teca kin tukte e he;
woniya sice cin itancanyan owa-
wicakiya, unkan anagoptanpi
ece.

28 Unkan hetanhan Galile ma-
koce ihdukšan owancaya ohan
kin oyakapi.

29 Unkan omniciye tipi kin
etanhan hdicupi, hehan katinyan
Simon qa Andrew tipi tawapi
kin en yapi, Jakob qa Johannes
nakun opapi.

30 Tuka Simon tawicu hunku
kin he tancan kata on wayazan-
ka yanka; unkan he okiyakapi.

31 Hehan en hi, qa napata
yuze ca najinkiya; unkan eca-
hankeya tancan kata ayustan,
qa hehan owicakiya.

32 Wanna litayetu, wi iyaya
hehan, wayazankapi kin owasin
yanke cin eu awicahipi, tona
wakan sica wicayulnaşkinyan
hena kaya.

33 Hecen otonwe kin ocowa-
sin tiyopa kin en kata ihaya.

34 Unkan wowayazan tokto-
keca on wayazanpi kin ota asni-

MARKOS.

wicaya, qa taku wakan śica ota nakun tankan hinanpe wicakiya; qa wakan śice cin hena ia iyowinwicakiye śni, hena iyekiyapi nakaeś.

35 Unkan ihanhanna, hinahin anpa itehan, hehan inajin, qa tankan inanpe ça, hewotahedan makoce wan ekta ye ça, hen wocekiye eya.

36 Unkan Simon tona om un kin hena koya ihakam iyayapi.

37 Qa iyeyapi hehan heciyapi; Owasin anicitapi ce.

38 Unkan hewicakiya; Otonwe ikiyedan kin hena en unyanpi kta; hen nakun womdake kta; heon etanhan wahi ce, eya.

39 Unkan Galile makoce kin owancaya, omniciye tipi kin ohna woyake ça, wakan śica hinape wicakiya ece.

40 Unkan wicaśta wan lepros ececa, he en hi, qa cekiya, canpeśka makehde inajin qa heciya; Yacin kinhan ska mayakage kta oyakihi.

41 Unkan Jesus onśikida, nape ekta yekiye ça, yutan qa heciya; Wacin, ska un wo.

42 Unkan heye cin hecehnana, lepros ececa qon he ayuśtan, qa ska icaga.

43 Hehan tanyan wahokonkiye ça hetanhan hdeśi;

44 Qa heciya; Ihnuhan tuwe taku eyakiye cinhan; tuka hde ça, wośna kage cin he en hdutanin wo, qa niyuskapi kta on taku Moses econ wicaśi qon hena wayuśna wo, hecen iyepi ekta woyutanin kta.

45 Tuka tankan hde ça, nina ohdake ça, owancaya yaotanin, hecen hetanhan Jesus otonwe kin en taninyan ye kta okihi śni, tuka tankan hewotahedan un ece: unkan owancaya tanhan yanke cin en hipi ece.

WICOWOYAKE 2.

1 Anpetu tonana iyohakam hehan ake Kapernaum en i; unkan ti mahen yanka he oyakapi.

2 Unkan hecehnana wicota en mniciyapi, hecen tuktedan en hipi kte śni, tiyopa kin itankan tanhan ocikan śni: unkan wicoie kin owicakiyaka.

3 Unkan hehan en hipi, wicaśta wan taťake cin wicaśta tom akiyuhapi, he en aupi.

4 Unkan wicota kin on tokadan ikiyedan upi śni, hehan tipi akałpe kin yuhdokapi; he yujujupi hehan taťake cin owinja akan yanka ecehna en yuhukun iye-yapi.

5 Unkan wacinyanpi kin he Jesus wanyake cehan, taťake cin heciya; Cinś wayahtani kin nicicajujupi ce.

6 Tuka wowapi kagapi wanjikji hen iyotankehan unpi kin hena cante mahen hecinpi;

7 Tokeca wicaśta kin de śica-ya ia he: Tuwe woahťani kajuju kta okihi he, Wakantanka ecedan.

8 Unkan hena hecekcen awacinpi kin, Jesus iye tawacin ekta sdonya, hehan hewicakiya; Tokeca hena hecekcen awacan-nipi he.

9 Wayahtani nicicajujupi, qa iś, Najin, owinja ehdaku qa mani wo, taťake cin ecinyapi kta, unma tukte waśakadan he.

10 Tuka Wicaśta Cinhintku kin he maka akan woahťani kajuju kta okihi, he sdonyayapi kta; hehan taťake cin he heciya;

11 Najin, qa owinja ehdaku, qa yati ekta hda wo, eciciya ce, eya.

12 Unkan hecehnana najin hi-yaye ça, owinja ehdaku, qa owa, sin wicitokam tankan kihda; he

WICOWOYAKE 2.

cen owasin inihanpi, Wakan-tanka yatanpi qa heyapi; Tohinni taku dececa wanunyakapi šni.

13 Hehan ake tankan mde kahda iyaya; unkan wicota en mniciyapi; unkan waonspewicakiya.

14 En hiyaya icunhan, Lewi, Alpheus cinhintku, mazaska mnayanpi ece kin en iyotanka, he wanyake ça; Miyahna u wo, eciya. Unkan najin hiyaye ça ihakam ya.

15 Unkan he ti kin ohna Jesus wota iyotanka, hehan mazaska mnayanpi walitanipi sa ko ota Jesus kici iyotankapi, waonspewicakiye cin hena koya: wicota qa ihakam unpi ece.

16 Unkan wowapi kagapi Pharisee ko, wamnayanpi qa walitanipi sa om wota yanka wan-yakapi, hehan waonspewicakiye cin hewicakiyapi; Tokeca e wamnayanpi walitanipi sa ko om wota qa wayatkan he.

17 Jesus he nañon, hehan hewicakiya; Tona zanipi kin hena pejihutawicašta kin cinpi šni, tuka wayazankapi kin hena e cinpi: wicašta owotanna kin heca on wahi šni, tuka walitanipi sa iyopeiciyapi kta e wicakico wahi ce.

18 Johannes waonspewicakiye cin hena, qa Pharisee tawapi kin akihaniçiyapi ece; unkan en hipi qa heciyapi; Tokeca e Johannes waonspewicakiye cin hena, qa nakun Pharisee tawapi kin, akihaniçiyapi he, tuka waonspewicayakiye cin hena akihaniçiyapi šni.

19 Unkan Jesus hewicakiya; Wakankiciyuzapi cinca kin hena tohanyan tawicu ton kte cin om un kin hehanyan akihaniçiyapi kta okihipi he. Tohanyan

tawicu ton kte cin yuhapi kinhan, hehanyan akihaniçiyapi kte šni.

20 Tuka anpetu kin u kta, tohan tawicu ton kte cin hewicakiciyakupi kta, unkan anpetu kin hena en akihaniçiyapi kta.

21 Tuwedan šina teca onšpa onhidoħda tanike cin en akihdagton šni; hecon kinhan onšpa teca en akagegepi kin he tanike cin etanhan namna kta, hecen oyuhdece kin sanpa tanka aya.

22 Nakun tuwedan miniša teca ojuha tanike cin en okaštan šni; hecon kinhan miniša teca kin he ojuha tanike cin kahideca ece, hecen miniša skepe ça ojuha kin ihangyapi; tuka miniša teca kin ojuha teca kin en okaštanpi kta.

23 Unkan anpetu wakan icunhan wojupi kin ehna iyaya; qa waonspewicakiye cin, yapi icunhan, wahuwapa yuksapi.

24 Hehan Pharisee kin heciyapi; Wanyaka wo, anpetu wakan icunhan, taku econpi kta iyecece šni tokeca econpi he.

25 Unkan hewicakiya; Dawid qa tona om un qon, wotektehda-pi qa cinpi qehan, token econpi qon he dawapi šni he.

26 Abiathar wošnapı kaga itancan taanpetu kin en, Wakantanka ti kin en ye ça, wayutanin aguyapi kin he yute ça, om un kin hena nakun wicaqu; he wošnapı kagapi isnana yutapi kta tuka.

27 Unkan hehan hewicakiya; Anpetu wakan kin he wicašta on kagapi, qa wicašta kin is anpetu wakan kin on kagapi šni:

28 Heon etanhan Wicašta Cinhintku kin anpetu wakan kin en Itancan un.

MARKOS.

WICOWOYAKE 3.

1 Hehan ake omniciye tipi kin en iyaya; unkan wicašta wanji nape šnija hen yanka.

2 Unkan anpetu wakan icunhan asniye kta hecinhan he iawanyakapi; taku iyaonpapi kta e heon.

3 Unkan wicašta nape šnije cin he heciya; Cokata inajin wo.

4 Hehan hewicakiya; Anpetu wakan icunhan taku wašte econpi kta iyececa, qa is taku šica econpi kta, unma tukte he; waniyanpi kta qa is waŕeyapi kta he. Tuka inina hiyeya.

5 Unkan icanksiya awicatonwan, cante tehipike cin on iyoikišica, hehan wicašta kin heciya; Nape hdukatin wo. Unkan hduowotanna; hecen nape kin ocowasin yuecetupi, unma kin iyececa.

6 Hehan Pharisee kin hena iyayapi, qa ecahankeya Herodian kin om wohdakapi, token he ihangyapi kta e heon.

7 Tuka Jesus mde kin ekta hdicu, waonspewicakiye cin om; qa Galile etanhan qa Juda makoce kin etanhan wicota hinca ihakam yapi.

8 Nakun Jerusalem etanhan, qa Idumia, qa Jordan akasanpa tanhan; qa Turos qa Sidon ihdukšan tanhan wicota, taku wicohan tanka econ naŕonpi, hehan en hipi.

9 Unkan wicota aotinsyapi kta e heon, wata cistinna wan yuha waonspewicakiye cin akipepi kta, kewicakiya.

10 Wicašta ota asniwicaya; heon tona tancan šihtinpi kin hena yutanpi kta e yuotinzapi.

11 Qa tona woniya šapa yuhapi kin hena wanyakapi, hehan itokam makata ihpayapi qa he-

ya howayapi, Wakantanka Cinhintku kin he niye ye.

12 Unkan oyakapi kte šni nina kewicakiya.

13 Unkan hetanhan paha wan ekta ye ɕa, tona cin kin hena wicakico; unkan en hipi.

14 Unkan akenonpa wicakaliniga, ohinniyan kici unpi kta, qa woyaka yewicaši kta;

15 Qa wayazankapi kin asniwicayapi kta, qa wakan šica napewicayapi kta, wowašake yuhapi kta.

16 Unkan Simon he Inyan eya cašton;

17 Qa Jakob, Zebede cinhintku, qa Johannes Jakob sunkaku; unkan hena Boanerges ewicakiya, Wakinyan cincapi he kapi:

18 Qa Andrew, qa Philip, qa Bartholomew, qa Mattheos, qa Thomas, qa Jakob Alpheus cinhintku, qa Thaddeus, qa Simon Kananite;

19 Qa Judas Iskariot, wiyopeye cin hee. Unkan tipi wan ti mahen iyayapi.

20 Hehan ake wicota en mniciyapi, hecen aguyapi yuta okihipi šni.

21 Unkan iye takuwicaye cin he naŕonpi qehan, yuzapi kta e ekta iyayapi; qa, Wanna wacinhnuni ce, eyapi.

22 Nakun wowapi kagapi Jerusalem etanhan hipi kin hena heyapi; He Beelzebub yuha, qa wakanšica itancan kin on wakan šica napewicaya ece.

23 Unkan iye hena wicakico qa wiyacinyan hewicakiya; Token Satan Satan napeya okihi kta he.

24 Qa wokiconze wan iye iyakitedan kicize cinhan, wokiconze kin he ecen he kte šni.

25 Qa tipi wanji iye iyakite-

WICQWOYAKE 4.

dan kicize cinhan, tipi kin he ecen he kte śni.

26 Nakun Satan inajin, qa iye iyakitedan kicize ɕa ihdunonpa kinhan, he ecen un kta okihi śni, tuka wanna owihanke kta.

27 Tuwedan wicašta waśaka ti kin en ye ɕa, tawaŋpaya kin ihangye kte śni; wicašta waśake cin he tokaheya kaśke cinhan, hehan tipi tawa kin ihangye kta.

28 Awicakehan heciciyapi; Waŋtanipi owasin wicašta cin-capi kin wicakicicajujupi kta, qa iapi śica on wayaśicapi ece kin hena nakun;

29 Tuka tuwe Woniya Wakan kin yaśice cinhan, he icimana kicicajujupi kte śni; tuka woyaco owihanke wanica kicihe kta:

30 Woniya śapa wan yuha ce, eyapi kin heon etanhan heya.

31 Unkan hehan iye hunkawan-jitkupi qa hunku kin hena en hipi, tankan hinajinpi, wahoyapi qa kicopi.

32 He icunhan wicota ihdu-kśan iyotankapi; unkan heciyapi; Iho, tankan nihun qa nihunkawanjipi anicitapi ce.

33 Unkan heya awicayupta; Inawaye cin he tuwe, qa mihunkawanji tuwepi he.

34 Unkan tona okśan iyotankapi kin hena ekta ewicatonwe ɕa heya; Ina qa mihunkawanji, wanwicayaka po.

35 Tuwe Wakantanka tawacin kin ecen econ kinhan, he mihunkawanji ee, mitawinolitin qa inawaye cin nakun.

WICOWOYAKE 4.

1 Hehan ake mde kin icahda waonspewicakiya; unkan wicota linca en mniciyapi, hecen wata wan en ope ɕa, mini ekta

iyotanka; unkan oyate kin owasin mde icahda maka akan unpi.

2 Unkan wiyacinpi on taku ota onspewicakiya; qa waonspewicakiya icunhan hewicakiya;

3 Naŋon po: Iho, wicašta woku wan woku iyaya.

4 Unkan woku icunhan, apa canku icahda hinŋpaya; unkan zitkatanka en ahiyahe ɕa temyapi.

5 Qa apa inyan ehna hinŋpaya, hen maka tonana; unkan maka akantuyedan heon oŋankoya hinanpa.

6 Tuka wi hinanpa hehan gu; qa hutkan nice cin heon śniś aya.

7 Unkan apa wapepeka hu kin ehna hinŋpaya; unkan wapepeka kin hu uye ɕa aotinsya, hecen waskuyeca takudan ieage śni.

8 Unkan apa maka wašte kin en hinŋpaya, he waskuyeca aicaga; hinanpe ɕa icaga, qa suton, hunŋ wikcemna yamni, hunŋ wikcemna śakpe, qa hunŋ opawinge akihde aicaga ece.

9 Hehan hewicakiya; Tuwe noge winahon yukan hecinhan, ito nahon kta.

10 Unkan iśnana un hehan, akenonpapi qa tona om ihdu-kśan unpi kin hena wiyacinpi kin he on iwangapi.

11 Unkan hewicakiya; Wakantanka tokiconze woanaŋbe kin hena niye sdonyayapi kta e niɕupi; tuka tankan unpi kin hena taku owasin wiyacinpi kin on econpi.

12 Hecen wawanyakapi on wanyakapi kta, tuka iyukanpi kte śni; qa winahonpi on nahonpi kta tuka okahniŋapi kte śni; hecece śni kinhan okinni wicayuhomniŋapi kta, qa woahitani wicakicicajujupi kta.

MARKOS.

13 Unkan hewicakiya; Wiya-
cinpi kin de sdonayayapi šni he,
hecen token ecin wiyacinpi owa-
sin oyakahnigapi kta he.

14 Tuwe woju kin he wicoie
kin oju ece.

15 Tona canku icahda qon,
tukten wicoie kin ojupi, tuka he
nañonpi hehan, ecahankeya Wa-
kansica en hi, qa wicoie cantepi
kin en ojupi qon he icu ece, iho,
hena eepi.

16 Qa he iyececa, inyan ota en
ojupi qon, tona wicoie kin na-
ñonpi eca, kohanna iyuškinyan
icupi ece kin hena eepi;

17 Tuka iyepi mahen hutkan
nicapi heon askayedan icaga;
tohan wicoie kin on śicaya wi-
cakuwapi qa šitkihdawicayapi
icaga, hehan hinnahanka śihda-
pi.

18 Unkan tona wapepeka hu
ehna ojupi qon, tona wicoie kin
nañonpi;

19 Unkan maka kin de awa-
cinpi, qa wijicapi on wicahna-
yanpi, qa taku tokeca cantihe-
yapi kin hena en u, qa wicoie
kin yuotınza, hecen wasuton šni,
hena eepi.

20 Unkan maka wašte kin en
ojupi qon, tona wicoie kin na-
ñonpi eca icupi ece, qa wasku-
yeca icahyapi, wikcemna yamni,
wikcemna šakpe, qa opawinge
akihde, iho, hena eepi.

21 Unkan hewicakiya; Peti-
janjan koka wan ihukuya, qa is
ohéhdepi ihukuya iyeyapi kta,
qa petijanjan ihupa en ostanpi
kte šni, aupi he.

22 Taku akalipetonpi qa yu-
taninpi kte šni wanica; qa taku
analimanpi qa iyoyanpa en aupi
kte šni wanica ce.

23 Tuwe noge winañon yukan
hecinhan he nañon kta.

24 Unkan hewicakiya; Taku

nayañonpi kin awacin po. Wi-
yutapi kin tukte on widutapi ece
kin, he on ake winiciyutapi kta,
qa tona anagoptan dukanpi kin
sanpa niçupi ece e kta.

25 Tuwe wayuhe cin he sanpa
taku qupi kta; qa tuwe takudan
yuhe šni, taku yuhe cin hee kaeš
kipi kta.

26 Unkan heya; Wakantanka
tokiconze kin he wicašta wan
taku su kin maka kin en iyolipe-
ya, he iyececa;

27 Qa iştinma, qa hanyetu an-
petu ko inajin; unkan su kin he
hinanpe ça icage kta, tuka token
icaga he sdonye šni.

28 Maka kin he iye cinka wai-
caliya ece, ape kin he tokaheya,
hehan wahuwapa, qa hehan wa-
huwapa en tanyan wasuton ece.

29 Unkan wanna suton hehan
kohanna isan škopa kin en iye-
kiya, wanna kašdapi kta iye-
hantu nakaeš.

30 Hehan heya; Taku e Wa-
kantanka tokiconze kin iyececa
unyawapi kta he; qa wiyacinpi
kin tukte e on unkiyacinpi kta
he.

31 Sinape su wan iyececa, he
maka kin en ehpeyapi, hehan
taku su maka en un kin owasin
he iyotan cistinna;

32 Tuka maka kin en ojupi,
hehan uye ça wato owasin san-
pa tanka icaga; adetka tankin-
yanyan aicaliya, hecen malpiya
okinyanpi kin ohanzi ihukuya
manpi ece.

33 Unkan wiyacinpi hecekcen
ota on wicoie kin owicakiyaka,
token nañon okihipi kin he iye-
ceca.

34 Qa wiyacinpi codan taku-
dan owicakiyake šni. Unkan
isnana yukanpi, hehan taku
owasin waonspewicakiye cin
hdaheya owicakiyaka ece.

WICOWOYAKE 5.

35 Unkan anpetu kin he en, wanna hitayetu hehan, hewicakiya; Akasanpa unyanpi kta.

36 Unkan wicota kin wanna hdewicašipi, hehan ecehna wata kin en ohnakapi: qa nakun wata cikeistinna toktokeca opapi.

37 Unkan tate tanka wan uya; qa taja wata kin apaspa, hecen wanna mini ojudan.

38 Tuka iye wahektapa tanhan ipahin wan akan iŝtinma wanka. Unkan yuhicapi qa heciyapi; Waonspekiye, unkowihankepi kta he etanhan initokeca ŝni he.

39 Unkan iyotanka, tate kin kiŝice a mde kin heciya; Owanji yanka wo. Unkan tateyanpa ayuŝtan qa amdakedan tanka.

40 Hehan hewicakiya; Tokeca kopeyahdapi he; tokeca wicayadapi ŝni he.

41 Unkan nina kokipapi, qa iyakitedan hekiciyapi; De taku wicaŝta hwo, tate kin hee kaeŝ, mde ko anagoptanpi ece.

WICOWOYAKE 5.

1 Unkan mde kin akasanpa ihunnipi, hehan Gadarene makoce kin en ipi.

2 Unkan wata kin etanhan inanpa, hehan ecahankeya wicaŝta wan woniya ŝica yuha wicahnakapi etanhan itkokim hiyu:

3 He wicahnakapi kin en un ece; qa tuwedan kaŝka okihi ŝni, mazaicicahiha hee kaeŝ on.

4 Wanna ota kaŝkapi, siha on wicakaŝkapi mazaicicahiha ko on; tuka mazaicicahiha kin hena yuwelhwega ece, qa siha on wicakaŝkapi kin yuksaksa ece; qa tuwedan walibadan kaga okihi ŝni.

5 Ohinniyan, haniyetu anpetu koya, wicahnakapi kin ehna, qa he kin ekta ŝicahowaya un, qa inyan on kiihdaksa ece.

6 Tuka Jesus tehan tanhan wanyaka, hehan ekta inyang ye a ohoda.

7 Qa hotankakiya hotanin qa heya; Jesus Wakantanka Tethanwankantu Cinhintku kin, taku e unkiyotalhedan un he; Taku Wakan cajeyan ceciciya, kakiŝmayaye kte ŝni.

8 Wanna, Woniya ŝapa, wicaŝta kin etanhan hinanpa wo, eciya nakaes.

9 Unkan, Token eniciyapi he, eya iwanga. Unkan heciya; Wicota, emakiyapi ce, wiuncotapi nakaes.

10 Unkan makoce kin he etanhan hde wicaŝi kte ŝni, nina cekiya.

11 Imnija he kin hen ikiyedana kukuŝe optaye wan tanka wo wicaqupi.

12 Hecen wakan ŝicapi kin cekiya; Kukuŝe kin ekta ye unŝi po, mahen wicunyanpi kta ce.

13 Unkan hecehnana Jesus iyowinwicakiya. Hecen woniya ŝapapi kin tankan hinanpapi qa kukuŝe kin mahen iwicayayapi. Unkan optaye kin ecehna maya hince cin en naŝdog eyaye a minin iyayapi; owancaya kekto-pawinge nonpa ecetu, qa minin tapi.

14 Unkan tona kukuŝe wo wicaqupi qon hena najicapi, qa otonwe kin en makoce ihdukŝan koya he oyakapi. Unkan taku econpi kin he wanyag ipi.

15 Qa Jesus en hipi, qa wicaŝta wakan ŝica yuhnaŝkinyan, qa wicota yuhe ciqon, wanna ogekiton qa tawacin ecetu iyotankehan yanka he wanyakapi; unkan yuŝinyayapi.

16 Unkan tona wanyakapi qon hena, wicaŝta wakan ŝica yuhnaŝkinyanpi, kukuŝe kin hena ko

MARKOS.

token ecawicakiconpi qon hena owicakiyakapi.

17 Hehan makoce tawapi kin etanhan hde kta e icekiyapi.

18 Unkan wata kin en okipa hehan tuwe wakan síca yuhe ci-qon he cekiya, kici un kta heon.

19 Tuka Jesus iyowinkiyé sni, qa heciya; Takuwicayaye cin ekta hda wo, qa taku tona Itancan kin ecanicon qa onsinida, hena owicakiyaka wo.

20 Hecen kihde ça Dekapolis en taku tona Jesus ecakicon kin he ohdaka ece. Unkan owasin yusinyayapi.

21 Unkan Jesus ake watom akasanpa ki qehan, oyate ota en mniciyapi; qa mde kin ikiyedan un.

22 Hehan iho, omniciye tipi itancanpi wanji, Jairus eciyapi, he en hi; qa wanyaka hehan siha kin en makata ehpeiciya,

23 Qa nina cekiye ça heya; Micunksi cistinna wanna te kta wanka; en u qa nape on aputake ça asniya ye; hecen ni kta ce.

24 Unkan kici iyaya; qa wicašta ota ihakam yapi qa aotinsyapi.

25 Unkan winohinca wan waniyetu ake nom hehanyan we ece iheya;

26 Qa pejihutawicašta ota on tehiya kuwapi, qa taku owasin on hdusota, qa etanhan wašte icage sni, tuka sanpa síca aya;

27 He Jesus oyakapi nahon qehan, heyata tanhan wicota ehna hiyu, qa tawokoyake yutan.

28 Tawokoyake hee kaeš mdutan kinhan, amasni kta ce, eye ciqon.

29 Unkan hecehnana we iheye ciqon anapta; qa tancan mahen he wayazan kin on wanna akisni sdonkiya.

30 Unkan hecehnana woasni etanhan hiyu kin Jesus atayedan sdonkiya, wicota ehna ihduhomni qa heya; Mitawokoyake tuwe yutan he.

31 Unkan waonspewicakiye cin heciyapi; Wicašta ota aotinsniyanpi he wandaka, qa, Tuwe mayutan he, eha he.

32 Unkan tuwe hecon kin he wanyake kta e ohomni awica-tonwan.

33 Tuka winohinca kin taku ecakiconpi kin sdonkiya, hecen kokipeyahan cancanyan en hi, qa itokam makata ehpeiciye ça owasin awicakehan okiyaka.

34 Unkan heciya; Cunš, wacinyaye cin he asniniyan; woo-kiye hda wo, qa waniyazan qon okizi un wo.

35 Unkan iahan icunhan omniciye tipi itancan ti kin eciyatanhan upi qa heyapi; Nicunksi wanna ta; tokeca sanpa Waonspekiye cin nagiyeyaya he.

36 Tuka Jesus taku eyapi nahon qehan, hecehnana omniciye tipi itancan kin heciya; Kokipe sni wo, wicada wo ecedan.

37 Unkan tuwedan kici ye kta iyowinkiyé sni, Inyan, qa Jakob, qa Johannes Jakob sunkaku, he-nananpidan.

38 Unkan omniciye tipi itancan ti kin he en hi, qa owodutaton kin he wanyaka, tona ceyapi qa nihinciyapi kin hena kaya.

39 Unkan en i qehan hewicakiya; Tokeca owodutaton yakagapi qa yaceyapi he; wicinyanna kin te sni, tuka istinma ce.

40 Unkan nina ihapi. Tuka owasin tankan iyewicaya, hehan wicinyanna atkuku qa hunku, qa tona om un kin hena iwicacu, qa wicinyanna wanke cin en i;

41 Qa wicinyanna kin nape yuze ça heciya; Talitha kumi,

WICOWOYAKE 6.

Wicinyanna najin wo, eciciya, eyapi kin he kapi.

42 Unkan ecahankeya wicin-yanna kin najin qa mani; wana waniyetu akenonpa. Unkan nina hin yuśinyayapi.

43 Hehan nina oyake śni wicaśi; qa taku yutapi qupi kta, kewicakiya.

WICOWOYAKE 6.

1 Unkan hetanhan iyoopta iya-ye ça iye tamakoce kin ekta ki; qa waonspewicakiye cin hena opapi.

2 Unkan wanna anpetu wakan hehan omniciye tipi kin ohna waonspewicakiya. Qa wicota nahonpi qehan yuśinyayapi qa heyapi; Tokiyatanhan dena yuha he; qa taku woksape qupi he; qa token iye nape on wicoħan tanka dececa econpi he.

3 Cankajipe cin, Mary cinhin-tku, qa Jakob, qa Joses, qa Judas, qa Simon cinu kin he dee śni he; qa tawinoħtin kin hena owasin den unkicipi unpi śni he. Unkan he on canniyeyapi.

4 Tuka Jesus hewicakiya; Wicaśta wokcan iye tamakoce en, qa iye takuwicaye cin ehna, qa iye ti kin ohna, ecedan yuonihanpi śni ece.

5 Unkan heciya wicoħan tanka takudan econ okihi śni; tuka wayazankapi tonana nape on awicaputake ça asniwicaya.

6 Unkan wicadapi śni kin heon yuśinyaya. Qa otonwe ihduksan wanke cin ektakta waonspewicakiya iyaya.

7 Unkan akenonpapi kin wicakico, qa nom nom yewicaśi; qa woniya śapa on wowaśake wicaqu;

8 Qa wahokonwicakiya, icimani yapi kte cin on takudan icupi

kte śni, cansagye ecedan; wujuha, qa waneya, qa mazaśa opiye ohna hduhapi kte śni.

9 Tuka hanpokihanpi kta; qa onħdoħda nom kiĉunpi kte śni.

10 Unkan hewicakiya; Tukten tipi wanji mahen yaipi kinhan, tohanyan hetanhan iyoopta dapi śni, hehanyan hen yukan po.

11 Qa tona iyowinniciyapi śni qa ananigoptanpi śni kinhan, tohan hetanhan dapi kinhan, owicadakapi kta e leon watuśekśeca siha etanhan yahdatatapi kta. Awicakehan heciciyapi; Woyaco anpetu kin en, otonwe kin he kakije kte cin Sodom qa Gomorrah ahecece kta.

12 Unkan iyayapi, qa wicaśta ihducetupi kta e woyakapi.

13 Qa taku wakan śica ota napewicayapi, qa wayazankapi kin ota wiħdi on sdawicayapi qa asniwicayapi.

14 Unkan Herod wicaśtayatapi kin hena nahon; caje kin tankaya oyakapi nakaes; hehan heya; Johannes baptem wicaqu qon he ĩapi kin etanhan kini, heon etanhan wicoħan tanka econ ece.

15 Tuka toktokeca heyapi; Elias hee. Qa toktokeca is; He wicaśta wokcan, qa is wicaśta wokcan wanji iyececa ce, eyapi.

16 Tuka Herod nahon qehan heya; Johannes pa bawakse ciqon hee, wiconĩe etanhan kini ce.

17 Herod atayedan yewicaśi, qa Johannes yuze ça haśka hnaka, Herodias iye sunkaku Philip tawicu qon heon etanhan; he yuza nakaes.

18 Unkan Johannes; Nisunka tawicu duze cin he hecetu śni ce, Herod eciya.

19 Heon etanhan Herodias can-

MARKOS.

niyekiye ça kte kta cin tuka oki-
hi šni.

20 Herod Johannes kokipa, wicašta owotanna qa wašte sdonya, heon itonpa; qa oie nañon eca taku ota ecen econ, qa iyuškin-
yan nañon ece.

21 Tuka anpetu iyehantu qe-
han, Herod anpetu en tonpi qon
he ehan, wicašta itancanpi wi-
cayuhe ça, akicita tancan tanka-
pi, qa Galile en wicašta toka-
heya kin hena, hitayetu wotapi
wan wicakicaga.

22 Unkan Herodias cunwintku
kin en hi, qa waci, qa Herod
tona om un kin hena koya iyo-
kipiwicaya, hehan wicaštayatapi
kin heciya; Taku yacin kinhan
makida wo, hecen ciçu kta.

23 Nakun taku wakan cajeyan
heciya; Taku mayakida kinhan
ciçu kta, mitokiconze hanke he-
hayan.

24 Unkan tankan iyaye ça hun-
ku heciya; Taku wakida kta he.
Unkan is, Johannes baptem wi-
caqu ece pa kin, eya.

25 Hehan ecahankeya inalini-
yan wicaštayatapi ekta tin hiyu
qa heya kida; Johannes baptem
wicaqu pa kin, waksica ohna ko-
hanna mayaqu kta wacin ce,
eya.

26 Unkan wicaštayatapi kin
nina iyokišica, tuka taku wakan
cajeyan heye cin heon, qa tona
om wota iyotanke cin hena on,
he ipida kta tawatēnye šni.

27 Unkan hecehnana wicašta-
yatapi kin wicakte wan ekta
yeši, qa pa kin aku ši: Unkan
he ekta iyaye ça, wicakaška
tipi kin ohna pa baksa;

28 Qa waksica wan ohna pa
kin ahdi, qa wikoška kin qu;
unkan wikoška kin is iyoopta
hunku kin qu.

29 Unkan iye waonspewica-

kiye cin hena, he nañonpi qehan,
en hipi qa tancan ehdakupi, qa
ohna hnakapi wan en hnakapi.

30 Unkan tona yewicaši qon
hena Ješus en hdipi, qa taku
owasin okiyakapi, taku econpi
qa taku oyakapi ko.

31 Hehan hewicakiya; Niye
ito icunonpa hewotahedan ekta
u po, qa cistiyedan oziiciya po.
Wicota upi qa hdapi ece, qa he-
cen wotapi kta hee kaeš, okihipi
šni.

32 Unkan heon hewoskan ma-
koce wan ekta isnana watom
iyayapi.

33 Tuka yapi kin wicašta ota
wanyakapi, qa he iye iyekiyapi:
qa otonwe owasin etanhan ekta
inyang iyayapi, qa kawicapapi,
qa en i kte cin hen mniciyapi.

34 Unkan Jesus ekta ihunni,
hehan wicota wanwicayaka, qa
onsiwicakida, talinea wanun-
yanpi tuwedan wicayuhe šni
kin iyececapi heon, qa hecen
taku ota onspewicakiya.

35 Unkan wanna wi kucedan
hehan, waonspewicakiye cin en
hipi qa heciyapi; De hewotahe-
dan makoce qa anpetu kin wanna
owihanke:

36 Hde wicaši wo, hecen ma-
koce ihduksan, qa otonwe kin
ektakta yapi, qa woyute opeiçi-
tonpi kta; taku yutapi takudan
yuhapi šni.

37 Tuka iye waayupte ça he-
wicakiya; Niš ito wo wicaqu
po. Unkan heciyapi; Unyanpi
qa kašpapi opawinge nonpa agu-
yapi iyopeunyanpi, qa wo wic-
unqupi kta he.

38 Aguyapi španyanpi kin tona
duhapi he; ito wanyaka po,
ewicakiya. Unkan sdonyapi he-
han; Zaptan qa hogan nonpa,
eyapi.

39 Unkan owasin wato kin

WICOWOYAKE 7.

akan optayetonton iyotangkiye wicaśi.

40 Unkan optayeton iyotankapi, opawingege qa wikcemna zaptanptan.

41 Unkan aguyapi zaptan qa hogan nonpa hena icu, hehan mahipiya ekta etonwe ça yawaśte, qa aguyapi yuśpaśpa, qa waonspewicakiye cin wicaqu, oyate kin wicaqupi kta heon; nakun hogan nonpa kin hena owasin wicakipamni.

42 Unkan iyuhpa wotapi qa imnanpi.

43 Qa oyaptapi kin etanhan makanopiye akenonpa ojudan pahipi, nakun hogan kin etanhan.

44 Unkan aguyapi yutapi kin hena kektopawinge zaptan ece-tu.

45 Hehan ecahankeya waonspewicakiye cin wata kin en okipe wicaśi, qa tokaheya akasanpa Bethseda ekta yapi kta, kewicakiya; icunhan iye wicota kin hde wicaśi kta.

46 Unkan hena hde wicaśi, hehan paha wan ekta wocekiye eya iyaya.

47 Wanna hitayetuh hehan, wata kin mde kin cokaya un, qa iye isnana maka akan un.

48 Unkan watopapi iyotanhon iyekiyapi wanwicayaka; tatohekiya yapi nakaes. Unkan hanyetu en awanyakapi itopa hehan, mini amani ekta wicaya.

49 Tuka mde kin amani wanyakapi qehan, he wanagi kecinpi, qa śicahowayapi.

50 Owasin wanyakapi qa yuśinyayapi. Unkan hecehnana owicakiye ca hewicakiya; Cante waśte po, he miye, kokipapi śni po.

51 Unkan ekta wicaya, wata kin en; hehan tate kin ayuśtan.

Dak.

Hecen nina yuśinyayapi qa ihniyanyanpi.

52 Aguyapi econ qon he awacinpi śni; cantepi kin aotpasyapi nakaes.

53 Unkan akasanpatanhan ipi, hehan Gennesaret makoce kin en yapi, qa hutata ihunnipi.

54 Unkan wata kin etanhan inanpapi, hehan hecehnana iye-kiyapi;

55 Qa makoce kin he owancaya inyang yapi, qa tukten un nahonpi kinhan, wicaśta wayazankapi kin owinja akan wicayuhapi, qa en awicayapi.

56 Unkan otonwe ciqadan, qa otonwe tanka, qa ihdukśan makoce wanke cin, tukte en ya eca, canku ohna wayazankapi kin ahiwicahnakapi qa cekiyapi; tawokoyake opapun hee kaes yutanpi kta; unkan tona yutanpi kin hena asnipi ece.

WICOWOYAKE 7.

1 Hehan Pharisee qa wowapi kagapi wanjikji, Jerusalem etanhan upi qa en ahimniciya;

2 Qa iye waonspewicakiye cin wanjikji nape śapa, nape hdujajapi śni he kapi, aguyapi yutapi wanyakapi qehan wicabapi.

3 Pharisee kin Juda wicaśta ko owasin tanyan nape hdujajapi śni kinhan wotapi śni ece, qa wicahincapi tawoahope kin opapi.

4 Qa mazopiye etanhan hiyupi eca ihdujajapi śni ehantanhan wotapi śni. Unkan taku hececa ota opapi kta icupi, miniyatke, qa can koka, qa cega, ohehdepi ko yujajapi ece.

5 Hehan Pharisee kin wowapi kagapi ko wiwangapi; Tokeca waonspewicayakiye cin wicahincapi tawoahope kin ahopapi

MARKOS.

śni he, tuka nape hdujaja śni aguyapi yutapi ece.

6 Unkan waayupte ça hewicakiya; Wananiçihmanpi, niyepi on Isaya tanyan woyake ciqon, hecen wowapi en kagapi; Oyate kin de ihapi kin on mayaonihanpi, tuka cantepi kin mitehanyan un ece.

7 Tuka wicašta akantu tawoahope kin hena woonspe eekiya-pi, qa oyakapi ece kin heon ohomadapi kin he taku śni.

8 Wakantanka tawoahope kin ehpeyayapi, qa wicašta akantu toope kin duhapi, cega qa waksica yujajapi kin; qa taku hececa ota ecanonpi ece.

9 Unkan hewicakiya; Wicašta akantu toope duhapi kta e heon Wakantanka tawoahope kin ehpeyayapi, he tanyan ecanonpi he.

10 Moses hecen eya; Niyate nihun kici wicahduonihan wo. Nakun; Tuwe atkuku, qa is hunku kin hdašice cinhan, he wiconte on te kta ce.

11 Tuka niye hehapi; Wicašta wan atkuku, qa is hunku; He wohduze, tokan wicaqupi he kapi, hecen on ociciye kte śni, eciye cinhan he hecetu ce.

12 Hecen atkuku qa hunku taku sanpa owicakiye kta iyoyakipi śni;

13 Qa niye woope yakagapi qa wicayaqupi kin on Wakantanka tawoahope kin dutakunipi śni: qa taku hececa ota ecanonpi ece.

14 Unkan oyate kin owasin wicakico, hehan hewicakiya; Owasin anamagoptan po, qa okahiniga po.

15 Wicašta tankan tanhan taku mahen iyaye cin takudan yušica okihi śni; tuka tona mahen tanhan hinape cin wicašta yušice cin hena ee.

16 Tuwe noge winahon yukan hecinhan he nahon kta.

17 Unkan wicota wicehna tanhan ti mahen iyaye çehan, wonspewicakiye cin wiyacinpi kin he on wiwangapi.

18 Unkan hewicakiya; Niš eya oyakahinigapi śni he. Taku kašta tankan tanhan wicašta mahen iyaye cin he yušape kta okihi śni e idukcanpi śni he.

19 Hena cante kin en i śni, tuka tezi mahen, qa hehan tankan ehpeyapi, hecen woyute owasin yuecetupi.

20 Unkan heya; Taku wicašta kin etanhan hinanpe cin he wicašta kin yušapa ece.

21 Mahentanhan, wicacante kin etanhan wicotawacin šica hiyu; wawicihalapi, wiinalhmanpi, tinwicaktepi,

22 Wamanonpi, waicucupikte, wošice, wohnaye, wowihahia, ištašica, wayašicapi, wahaniçidapi, witkotkokapi;

23 Dena taku šice cin owasin mahentanhan hiyu, qa wicašta yušape cin hena ee.

24 Unkan hetanhan najin hiyaye ça, Turos qa Sidon makoce opapun kin en i, qa tipi wanji timahen iyaya; unkan tuwedan sdonye kte śni cin, tuka analhmanpi kta okihiپی śni.

25 Winohinca wan cunwintku cistinna woniya šapa yuhe cin he nahon qehan, en hi qa siha kin en makata ehpeiciya.

26 He Hellenes winohinca kin heca, Surophenikiya oyate kin etanhan; unkan taku wakan šica cunwintku kin etanhan hinanpe ši kta e icekiya.

27 Tuka Jesus heciya; Wicacinca kin hena tokaheya wotapi kta; wicacinca aguyapi tawapi kin icupi, qa šunka wicaqupi kta he hecetu śni.

WICOWOYAKE 8.

28 Unkan iye waayupte ça heciya; Han, Itancan; tuka wahnawotapi kin ihukuya hoksiyopa yuśnapi kin śunka yutapi ece.

29 Unkan heciya; Wicoie kin de on ekta hda wo, taku wakan śicanicunkśi etanhan hinanpa ce.

30 Unkan iye ti kin ekta ki, hehan taku wakan śica tankan iyaye ça, cunwintku ohehdepi kin akan wanka e wanhdaka.

31 Unkan ake Turos makoce kin ehpeye ça, Sidon opta, Dekapolis makoce kin cokaya omani, qa Galile mde kin ekta ki.

32 Unkan wicaśta wan noge tpa qa ia okitpani he en ahipi, qa nape ahnake kta icekiyapi.

33 Unkan wicota etanhan isna-na icunonpa aya, qa nape noge ohna iyeye ça, tagośa qa on ceji yutan:

34 Hehan mahipiya ekta etonwe ça comnihdazi qa heciya; Ephatha, yuhdokapi nunwe, eyapi kin he kapi.

35 Unkan ecahankeya noge yuhdokapi, qa ceji ikan kin yukcapi, qa hdaheya ia.

36 Hehan he tuwedan okiyake śni wicaśi; tuka taku ewicakiye cin on etanhan sanpa nina oyakapi cce.

37 Qa nina yuśinyayapi qa heyapi; Taku owasin tanyan econ ece; noge tpapi kin winahonwicakiye ça, nakun ia okitpani iewicakiya ece.

WICOWOYAKE 8.

1 Unkan anpetu kin hena en nina wicota ħinca, qa takudan yutapi śni, hehan waonspewicakiye cin wicakico qa hewicakiya;

2 Wicota kin onśiwicawakida, wanna yamni can mici unpi, qa taku yutapi takudan yuhapi śni.

3 Qa wote śni hde wicawaśi kinhan, okinni tahepi ħħpayapi kta; hunħ tehan tanhan hipi nakaes.

4 Unkan waonspewicakiye cin ayuptapi; Makoce ħewotahedan kin den, tokiya tanhan dena aguyapi imnahan yute wicakiyapi kta he.

5 Unkan, Aguyapi kagapi tona duhapi he, eya iwicawanga. Unkan is, Śakowin, eyapi.

6 Unkan oyate kin maka akan iyotanke wicaśi; qa hehan aguyapi śakowin qon icu, yawaśte qa yuśpaśpa qa waonspewicakiye cin wicaqu, iyoopta wicakupi kta; unkan is oyate kin wicakipamnipi.

7 Nakun hogan tonana yuhapi; hena yawaśte qa wicakupi kta, keya.

8 Hecen wotapi qa imnanpi; unkan aguyapi oyaptapi kin etanhan makanopiye śakowin pahipi.

9 Tona wotapi kin hena kekto-pawinge topa ecetu; hehan hde wicaśi.

10 Hehan ecahankeya wata wan en opa, waonspewicakiye cin om, qa Dalmanutha makoce kin ekta i.

11 Unkan Pharisee kin en hipi, qa iyutanyan wiwangapi, qa mahipiya eciyatanhan wowapetokeca kida.

12 Unkan iye cante ekta comnihdazi qa heya; Tokeca wicoicage kin de wowapetokeca akita he. Awicakehan heciciyapi; Wicoicage kin de wowapetokeca takudan qupi kte śni.

13 Hehan ehpewicaye ça wata kin en okipe ça akasanpa hda.

14 Unkan aguyapi icupi kta akiktonjapi, qa wata ohna aguyapi wanħidan sanpa yuhapi śni.

15 Hehan wahokonwicakiye ça

MARKOS.

heya; Wanyaka po, qa on napohyapi Pharisee tawapi qa Herod tawa kin he kokipa po.

16 Hecen iye iyakitedan hdo-kinicapi qa heyapi; Aguyapi unhapi šni, heon etanhan heya ce.

17 Jesus he sdonya hehan hewicakiya; Tokeca aguyapi duhapi šni on ayakinicapi he. Hinahin oyakahnigapi šni qa wi-dukcanpi šni he. Hinahin cante aotpasniyanpi he.

18 Išta niyukanpi wandakapi šni, qa noge niyukanpi ešta nayahonpi šni, qa yeksuyapi šni he.

19 Aguyapi zaptan wicašta kektopawinge zaptan wicawakipamni, hehan oyaptapi kin makanopiye ohnaka tona yapahipi he. Akenonpa, eyapi.

20 Hehan šakowin qa kektopawinge topa; hehan oyaptapi makanopiye ohnaka tona iyacupi he. Unkan, Šakowin, eyapi.

21 Hehan hewicakiya; Tokeca oyakahnigapi šni he.

22 Unkan Bethseda en hi. Hehan išttagonga wan en ahipi, qa yutan kta e icekiyapi.

23 Unkan išttagonge cin napata yuze ça otonwe kin tankan aya; qa išta kin en atagoša hehan nape kin akan ehnaka, qa taku wanyaka hecinhan he iwanga.

24 Unkan wankan etonwe ça heya; Wicašta wanwicamdaka, mani unpi, can kin iyececa.

25 Hehan ake nape kin išta akan ehnaka, qa ake wankan etonwekiya; unkan hehan yuecetupi, qa taku owasin tanyan wanyaka.

26 Hehan iye ti ekta hde ši, qa heya; Otonwe kin en ye šni wo, qa otonwe kin en tuwedan okiyake šni wo.

27 Unkan Jesus hetanhan Ke-

sareya Philippi otonwe kin hena ekta iyaya, waonspewicakiye cin om. Unkan tahepi waonspewicakiye cin heya iwicawan-ga; Matuwe, wicašta keyapi he.

28 Unkan ayuptapi; Johannes baptem wicaqu kin; qa wanjikji; Elias; qa wanjikji; Wicašta wokcan wanji *he niye*, eyapi.

29 Unkan hewicakiya; Qa niye matuwe kehapi he. Unkan Inyan waayupte ça heciya; Messiya he niye.

30 Unkan he tuwedan okiyake šni wicaši.

31 Hehan wowicakiyaka, Wicašta Cinhintku kin taku ota kakije kta; wicahincapi qa wošnapı kagapi, wowapi kagapi ko heyata iyeyapi kta, qa ktepi kta; qa anpetu yamni iyohakam kini kta.

32 Unkan hena taninyan ohdaka. Hehan Inyan icu qa iyokišni.

33 Tuka ihduhomni qa waonspewicakiye cin awicatonwan, hehan Inyan iyopeye ça heya; Satan miheyata ya wo; taku Wakantanka tawa kin awacanni šni, tuka wicašta akantu taku tawa kin.

34 Unkan oyate kin waonspewicakiye cin om wicakico qehan, hewicakiya; Tuwe kašta omape kta hecinhan, waipiçida kta, qa cansusbeca kiçin kta, qa mihakam u kta.

35 Tuwe wiconi tawa tehinda kinhan he toki elpekiye kta; tuka tuwe miye on qa wotanin wašte kin on wiconi toki elpekiye cinhan, he qe wiconi hduhe kta.

36 Qa wicašta wan maka kin de ocowasin ohiya ešta, qa iye nagi kin toki elpekiye cinhan, taku on iwašte kta he.

WICOWOYAKE 9.

37 Qa taku e wicašta nagi kin tokiyopekiye kta he.

38 Heon etanhan tuwe, wicoicage wiinahman qa wahtani sa kin de en, miye qa mioie kin on istece cinhan, tohan Wicašta Cinhintku kin iye Atkuku towitan hduha, ohnihde wakan kin om u kinhan, wicašta kin he on istece kta ce.

WICOWOYAKE 9.

1 Hehan hewicakiya ; Awicakehan heciciyapi ; den najinpi etanhan wanjikji wiconte utapi šni itokam, Wakantanka toki-conze wowašake on hi wanyakapi kta.

2 Unkan anpetu šakpe iyohakam Jesus, Inyan, qa Jakob, qa Johannes iwicacu, qa icunonpa paha wan tehanwankantu kin ekta awicaya ; qa wicitokam yutokecapi :

3 Tawokoyake kin wiyatpatpa, ska linca, wa iyececa ; maka akan wayuska kin tuwedan iye-cen ska kaga okihi šni.

4 Unkan hen Elias qa Moses en ihdutaninpi ; qa hena Jesus kici wohdag yukanpi.

5 Hehan Inyan waayupte qa Jesus heciya ; Itancan, den unyakonpi he wašte ; ito wakeya yamni ti unkiagapi kta ; wanji niye on, qa wanji Moses, qa wanji Elias unkiagapi kta.

6 Taku eye kta sdonkiye šni ; nina yušinyayapi nakaes.

7 Unkan mahpiya wan aohanziwicaya ; qa mahpiya kin eciyatanhan wicaho wan tanin qa heya ; Micinkši waštewakidake cin he dee, he anagoptan po.

8 Hehan ecahankeya ihdukšan etonwanpi qehan, wicašta tuwedan wanyakapi šni, Jesus isnana kici unpi.

9 Unkan paha kin etanhan apamahde kupi icunhan waho-konwicakiya, taku wanyakapi kin tuwedan okiyakapi kte šni, Wicašta Cinhintku kin tapi etanhan kini šni hehanyan.

10 Unkan wicoie kin he awacinpi, qa tapi etanhan kini eyapi kin he taku kapi hecinhan he ikiciwangapi.

11 Unkan heya iwangapi ; Tokeca e Elias tokaheya hi kta ce, wowapi kagapi kin eyapi he.

12 Unkan awicayupte qa heya ; Awicakehan Elias tokaheya hi kta, qa taku owasin yuecetu kta ; qa Wicašta Cinhintku kin token taku ota kakije kta, qa heyata iyeyapi kta e wowapi en kagapi qon, he nakun owicakiyaka.

13 Tuka heciciyapi ce ; Awicakehan Elias wanna hi ; unkan token cinpi kin ecen ecakiconpi, wowapi en kagapi qon iyececa.

14 Unkan waonspewicakiye cin en hdi qehan, wicihdukšan wicota linca wanwicayaka ; qa wowapi kagapi kin wiwicawan-gapi.

15 Unkan oyate kin iyulipa wanyakapi qehan nina yušinyayapi, qa ekta inyang yapi qa okiyapi.

16 Unkan wowapi kagapi kin, Taku e on wiwicanungapi he, eya iwicawanga.

17 Unkan wicota etanhan wanji ayupta ; Waonspekiye, micinkši woniya ie šni kin heca yuhe cin he cicahi.

18 Qa tukten eyaku eca yuhdehdeca ece ; hecen i minitaga au, qa hi hdakinskinza, qa lian-yan ece ; unkan waonspewicayakiye cin hena tankan ehpeyapi kta kewicawakiya, tuka okitpanipi.

19 Unkan waayupte qa hewicakiya ; Wicoicage wicada šni,

MARKOS.

tohanyan cicipi waun kta; tohanyan iyowinciciyapi kta he. En makau po.

20 Hehan en kahipi. Unkan wanyag iheye cin hecehna woniya kin yuhdehdeca; qa makata ehpeye ça, i minitaga au paptanptan iyeiciya wanka.

21 Unkan atkuku kin heya iwanga; Tohantanhan hececa he. Unkan is; Hoksiyoqopa ehantanhan, eya.

22 Qa ota petan ehpeye ça, minin ehpeya, ihangye kta e heon; tuka nis taku oyakihi kinhan, onsiunkida po qa ounkiya po.

23 Jesus heciya; Wicada oyakihi kinhan; tuwe wicada kin he on taku owasin okihipica ce.

24 Unkan hecehnana hoksidan atkuku kin hotanin qa ceya heya; Itancan wicawada; wicawada sni kin he niye omakiya wo.

25 Jesus oyate kin en inyang hiyupi wanwicayaka, hehan woniya sapa iyoapeye ça heciya; Woniya ia okitpani qa noge tpa, tankan hinanpe ça, icimana en ye sni wo, he miye e econ cisi ce, eya.

26 Unkan hotanin qa nina yuhdehdeca, qa tankata hinanpa; unkan wicašta ta iyececa, hecen, Wanna ta ce, wicota eyapi.

27 Tuka Jesus napata yuze ça yuwankan icu; unkan najin hiyaya.

28 Unkan tin hiyu qehan, waonspewicakiye cin nahmana iwangapi; Tokeca unkiye tankan ehpeya unkokihipi sni he.

29 Unkan hewicakiya; Ocaje kin de wote sni cekiyapi kin ecedan on tankan hiyu kta okihi ece.

30 Hehan hetanhan yapi qa Galile iyoopta iyayapi; qa tuwedan sdonye kte sni cin.

31 He icunhan waonspewica-

kiye cin wowicakiyaka qa; Wicašta Cinhintku kin wicašta napepi kin en wicaqupi, unkan ktepi kta; qa ktepi iyohakam anpetu iciyamni hehan kini kta ce, ewicakiya.

32 Tuka wicoie kin he okałni-gapi sni, qa on iwangapi kta koki-papi.

33 Unkan Kapernaum en hi; qa ti mahen yanka hehan wiwicawanga; Canku ohna taku e on ayakinicapi he.

34 Tuka inina yukanpi; canku ohna wanji tukte iyotan tankapi kta e heon hdokinicapi.

35 Unkan iyotanke ça akenon-papi kin wicakico qa hewicakiya; Wicašta wan tokaheya un kta cin kinhan, hee ehake un kta, qa owasin wowidagyapi kta.

36 Hehan hoksiyoqopa wan icu, qa wicacokaya ehnaka; qa nape ohna eyaku, hehan hewicakiya;

37 Tuwe hoksiyoqopa dececa wanji, micaje on tin hiyuye cinhan, miye tin hiyumayan ece; qa tuwe tin hiyumaye cin he miye sni, tuka tuwe u masi kin he tin hiyuya ece.

38 Hehan Johannes ayupte ça; Waonspekiye, wicašta wan micaje on taku wakan sica tankan ehpeya wanunyakapi, he unkihakam u sni; unkan unkihakam u sni kin on etanhan teunkindapi ce, eya.

39 Tuka Jesus heya; Tefindapi sni po; wicašta tuwe micaje on wicołhan tanka econ kinhan, he ituya mayašice kta okihi sni.

40 Tuwe unkizapi sni kinhan, he unkicipi un ece.

41 Tuwe micaje on miniyatke ohna mini datkanpi kta nicupi kinhan, Messiya niyuhapi kin heon, he wokajuju toki ehpekiye kte sni, awicakehan eciciyapi.

WICOWOYAKE 10.

42 Qa tuwe dena cikeistinpi-dan wacinmayanpi kin wanji wahtanikiye cinhan, tahu en in-yan wiyutpan wan iyakaškapi qa miniwanca kin en ehpeyapi unkanś, he wašte kta tuka.

43 Qa ninape wahtaniniye cinhan hdaksa wo; nape ksa wiconi kin en yai kinhan hee wašte kta, qa nape napin hduha Wakanśica ti, peta icimana kasnipi kte śni kin en iyohpeniyanpi kte śni.

44 Hen wamduška tawapi kin te kte śni, qa peta kin kasnipi śni ece.

45 Nakun nisiha wahtaniniye cinhan hdaksa wo; hunište wiconi kin en yai kinhan, he wašte kta, qa siha nom hduha Wakanśica ti peta icimana kasnipi kte śni kin en iyohpeniyanpi kte śni.

46 Hen wamduška tawapi kin te kte śni, qa peta kin kasnipi śni ece.

47 Nakun niišta wahtaniniye cinhan hduśdoka wo; išta wan-jidan hduha Wakantanka toki-conze kin en de cinhan, hee wašte kta, qa išta napin hduha Wakanśica ti peta kin en iyo-hipeniyanpi kte śni.

48 Hen wamduška tawapi kin te kte śni, qa peta kin kasnipi śni ece.

49 Wicašta otoiyohi peta on skuyeyapi kta, qa wośnapi otoiyohi miniskuya on skuyeyapi kta.

50 Miniskuya kin he wašte; tuka miniskuya kin skuye śni aye cinhan taku e on skuyeyapi kta he. Miniskuya ihduha po, qa wookiye kiciyuha po.

WICOWOYAKE 10.

1 Hetanhan najin hiyaye a, Jordan akasanpatanhan, Juda

makece kin en hi: unkan ake oyate kin en witaya kata iheya; qa econ ece qon he iyecen ake wowicakiyaka.

2 Unkan Pharisee kin en hipi qa wiwangapi, Wicašta tawicu ehpeye kta iyececa hecinhan, he iyutanyanpi.

3 Unkan waayupte a hewicakiya; Moses token econ niśi-pi he.

4 Unkan; Moses kpaganpi wo-wapi kage a ehpeye kta iyo-winyan ce, eyapi.

5 Unkan Jesus waayupte a hewicakiya; Cante nitelhipi kin heon Moses woope kin he nica-gapi.

6 Tuka wicoicage otokaheya tanhan Wakantanka hena wica winyan ahna wicakaga:

7 Heon etanhan wicašta wan atkuku hunku ko ehpewicaye kta, qa tawicu en iyaihdaške kta:

8 Qa henaoya wicacehipi wan-jidan kta ce. Hecen hetanhan nonpapi śni, tuka wicacehipi wan-jidan.

9 Heon taku Wakantanka yuonkonwanjidan kin he ihnuhan tuwe yujuju kinhan.

10 Unkan ti mahen yukanpi, hehan waonspewicakiye cin he akta wiwangapi.

11 Unkan hewicakiya; Tuwe winohinca ehpekiye a wanji tokeca yuze cinhan, he wawicahapi ecakicon ece.

12 Qa winohinca wan hihnaku ehpeye a wanji tokeca hihnaye cinhan, he nakun wawicahapi econ ece.

13 Hehan hokśiyoqopa en awicahipi, wicayutan kta heon; tuka waonspewicakiye cin tona awicaupi kin iyowicakipiśni.

14 Tuka Jesus he wanyaka, hehan nina iyokiśice a hewica-

MARKOS.

kiya; Hoksíyoqopapi en maupi kta iyowinwicakiya po, qa tehindapi šni po; tona dececapi kin Wakantanka tokiconze kin eepi ce.

15 Awicakehan heciciyapi; Tuwe Wakantanka tokiconze kin hoksíyoqopa iyecen icu šni kinhan he mahen ye kte šni.

16 Hehan poskin wicayuza, qa nape awicaputake ça wicaya-wašte.

17 Unkan canku kin ohna iya-ye çehan, wanji inyang u, qa en canpeška makehde inajin, qa wi-wanga; Waonspekiye wašte, wiconi owihanke wanice cin he ohimiçiye kta e on taku ecamon kta he.

18 Unkan Jesus heciya; Tokeca wašte emayakiya he; tuwedan wašte šni; Wakantanka isnana.

19 Woahope kin sdoniyaya; Wawicilahapi econ šni wo, Tinwicakte šni wo, Wamanon šni wo, Woitonšni oyake šni wo, Wawicaki šni wo, Niyate nihun kici wicahduonihan wo.

20 Unkan waayupte ça heciya; Waonspekiye, dena owasin homakšíyopa ehantanhan ecamon ece.

21 Hehan Jesus atonwe çehan waštekidake ça heciya; Taku wanji ninica; hde ça taku duhe cin wiyopeya, qa wahpanicapi kin wicaqu wo, kinhan mahpiya ekta wowijice duhe kta; hehan ku, can susbeca kiçin, qa miham u wo.

22 Unkan oie kin he on iyokisica, qa cante šica hda; taku ota yuha nakaes.

23 Unkan Jesus ihduksan etonwe ça waonspewicakiye cin hewicakiya; Tona watonpike cin hena Wakantanka tokiconze kin en yapi kte cin he tehika ce.

24 Unkan oie kin on waonspewicakiye cin yušinyayapi. Tuka Jesus ake waayupte ça hewicakiya; Hoksíyoqopa, tona wowijice wacinyanpi kin hena Wakantanka tokiconze kin en yapi kte cin he tehike hinca.

25 Wicašta wijica Wakantanka tokiconze kin en ye kta he tehika, qa kamel wan tahnšpaciqadan ohdoka ohna ye kte cin he aoptetu.

26 Unkan heon nina yušinyayapi qa hekiciyapi; Hehan tuwe ni kta he.

27 Jesus awicatonwe ça heya; Wicašta ekta he okihipica šni, tuka Wakantanka ekta hecece šni; Wakantanka ekta taku owasin okihipica ece.

28 Hehan Inyan heciya; Iho, unkiye taku owasin elpeunyanpi, qa nihakam unyakonpi.

29 Jesus waayupte ça heya; Awicakehan heciciyapi, tuwe, miye qa wotanin wašte kin on, tipi qa hunkawanjitku, qa tawinohtin, qa atkuku, qa hunku, qa tawicu, qa cinca, qa makoce elpeye cinhan;

30 Nakaha wiconi kin de en opawinge akihde icu kta; tipi, qa hunkawanjitektupi, qa tawinohtin, qa hunkupi, qa cincapi, qa makoce ko, wošitkihdapi iyahna; qa wiconi u kte cin he en wiconi owihanke wanica yuhe kta.

31 Tuka wicota tokaheya kin hena ehake unpi kta, qa ehake unpi kin hena tokaheyapi kta.

32 Hehan canku ohna Jerusalelem ekta yapi; unkan Jesus wicitokam ya; qa iyepi qeš ihamkam upi, inihanpi qa kopehdapi. Unkan akeš akenonpapi kin iwicacu, qa taku akipe kte cin hena kohan owicakiyaka:

33 Iho, Jerusalem ekta itan-

WICOWOYAKE 11.

wankanhde unyanpi; qa Wicašta Cinhintku kin wošnapi kagapi, wowapi kagapi ko napepi kin en wicaqupi kta; unkan hena te yacopi kta, qa Ikcewicašta kin iyoopta wicaqupi kta:

34 He qe iħahapi kta qa kapsinpsintapi kta, qa atagošapi kta, qa ktepi kta; unkan anpetu iciyamni kinhan ake kini kta.

35 Hehan Jakob qa Johannes, Zebede cinhintkupi, en hipi qa heciyapi; Waonspekiye, taku uncinpi kin he ecen ecaunyeconpi kta uncinpi.

36 Unkan, Taku e ecaciconpi kta yacinpi he, ewicakiya.

37 Unkan heciyapi; Nitowitan kin en, wanji nietapa qa unma nicatka tanhan unkiyotankapi kta e unqu po.

38 Tuka Jesus hewicakiya; Taku yadapi kin sdonyakiyapi šni. Wiyatke etanhan mdatke kte cin he niš yatkan oyakihipi he; qa baptem miye maqupi kte cin he on niš eya ničupi kta oyakihipi he.

39 Unkan, Unkokihipi ce, eciyapi. Unkan Jesus hewicakiya; Awicakehan wiyatke etanhan mdatke cin niš etanhan datkanpi kta; qa baptem maqupi kin he iš nakun ničupi kta;

40 Tuka mietapa qa micatka tanhan iyotankapi kin wicaqupi kte cin he miye mitawa šni; tuka tona wiyeya wicakicihnakapi kta.

41 Unkan wikcemna kin he naħionpi qehan, Jakob qa Johannes nina canniyewicayapi.

42 Tuka Jesus wicakico qa hewicakiya; Oyate kin ekta tona itancan unpi kin wowidagwicayapi ece; qa tona tanka unpi kin hena oyate wicayuhapi ece.

43 Tuka niyepi ekta hecece

kte šni; tuka tuwe iyotan tanka yaunpi kta hecinhan, he ookiye duhapi kta:

44 Qa tuwe tokaheya yaunpi kta hecinhan, he owasin wowidagyapi kta.

45 Wicašta Cinhintku kin hee kaeš waokiyapi kta hi šni, tuka waowicakiye kta, qa wicota opewicakitonpi kta on wiconi tawa ehpeye kta on hi.

46 Unkan Jeriko en hipi; qa Jeriko etanhan oyate ota qa waonspewicakiye cin om hdi-nanpa, hehan Bartimeus, Timeus cinhintku, išttagonge ciqon he canku icahda wada iyotanka.

47 Unkan he Jesus Nazareth etanhan hee naħion qehan, hotanin qa heya; Jesus, Dawid Cinhintku, onšimakida wo.

48 Unkan wicota iyokipišni, inina un kta; tuka iye iyotan hotankakiya heya; Dawid Cinhintku, onšimakida wo.

49 Unkan Jesus owanji najin qa kicopi kta, keya; hecen išttagonge cin kicopi qa heciyapi; Cante wašte wo, najin wo, wanna nico ce.

50 Unkan iye šina ehpeya najin hiyaye qa Jesus en hi.

51 Unkan Jesus waayupte qa heciya; Taku ecacicon kta yacin he. Išttagonge cin; Itancan, watonwe kta, eciya.

52 Unkan Jesus heciya; Hda wo, wacinyaye cin he asninyan ce. Unkan hecehnana tonwe qa canku ohna Jesus ihakam ya.

WICOWOYAKE 11.

1 Unkan wanna Jerusalem ikiyedan hipi, Bethphage qa Bethani hetu, Oliwe Paha kin en, hehan waonspewicakiye cin nom ye wicaši;

2 Qa hewicakiya; Otonwe iyo-

MARKOS.

takons yanke cin en ya po; unkan wanna en yaipi kinhan, hehan šukcinca wan, tohinni wicašta akan iyotanke šni, he iye-yayapi kta; yukcapi qa aku po.

3 Qa tuwe, Taku on hecanonpi he, eniciyapi kinhan, Itancan kin cin ce, eya po. Unkan hecehnana au nišipi kta.

4 Unkan ekta iyayapi, qa canku nonpa ipawehi wanka, tiyopa wan en šukcinca kin kaška najin iyeyapi; hecen kiyukcapi.

5 Unkan hen najinpi kin wanjikji, Tokeca šukcinca kin dukcapi he, ewicakiyapi.

6 Unkan Jesus econ wicaši qon he ohna ewicakiyapi: hecen iyowinwicakiyapi.

7 Hehan šukcinca kin Jesus kahipi; qa tawokoyake akan ehna-kapi; unkan iye akan iyotanka.

8 Unkan wicota canku ohna tawokoyake kin owinšyapi; qa apa can kin etanhan adetka kaksapi, qa canku ohna ehpeyapi.

9 Unkan tona tokaheyapi qa tona ihakam upi kin hena hotaninpi qa heyapi; Osanna, tuwe Itancan caje on u kinhan, he yawaštepi ce.

10 Dawid ateunyanpi tokiconze Itancan caje kin on u kin he yawaštepi: Osanna iyotan tehan wankantu.

11 Unkan Jesus Jerusalem en ye ça, tipi wakan kin en iyaya; qa wanna taku owasin ekta etonwe ça, litayetu aya, hehan akenonpapi kin om Bethani e- kta kihda.

12 Unkan ihanhanna Bethani etanhan kupi, hehan wotektehda.

13 Qa itehan suken can wanape yuke cin he wanyaka, he en hi, okinni en waskuyeca iyeye kta; tuka en hi qehan takudan iyeye šni, ape ecedan; suken icage kta hinahinke šni.

14 Unkan Jesus waayupte ça heciya; Detanhan tuwedan waskuyeca enitanhan yute kte šni, owihanke wanica. Unkan waonspewicakiye cin he nahonpi.

15 Hehan Jerusalem en hipi; unkan Jesus tipi wakan kin en i, qa tona tipi wakan kin ohna wiyoheyapi qa wopetonpi kin hena tankan iyewicaya, qa mazaska tokiyoheyapi ahna econpi kin ahdapšinyan ehpeya, qa wakiyedan iyoheyapi can akan iyotankapi hena koya:

16 Qa tipi wakan kin ohna tuwe cega yuhe kta iyowinwicakiye šni.

17 Unkan wowicakiyake ça hewicakiya; Wati kin he oyate owasin on wocekiye tipi eciyapi kta ce, eya wowapi en kagapi šni he; tuka niye wamanon sa otipi kin yakagapi ce.

18 Wošnap i kagapi qa wowapi kagapi kin he nahonpi, unkan token ihangyapi kta akitapi; kokipapi, wicašta owasin ta-woonspe kin on yušinyayapi nakaes.

19 Unkan wanna litayetu hehan otonwe kin etanhan tankan iyaya.

20 Unkan ihanhanna en hiyayapi hehan suken can kin wanna hute hehanyan šnija e wan-yakapi.

21 Unkan Inyan he kiksuye ça heciya; Itancan, wanyaka wo, suken can dašice ciqon he wanna šnija.

22 Unkan Jesus waayupte ça hewicakiya; Wakantanka wacinyanpi kin he yuha po.

23 Awicakehan heciyapi; Tuwe paha kin de, Tokan iyaye ça miniwanca kin en iyohpaya wo, eciye ça, cante kin en ce-ťunhda šni, qa taku tona eye cin hena hecetu kta e wicada

WICOWOYAKE 12.

kinhan; he taku eye cin hena ecen yuhe kta.

24 Heon etanhan heciciyapi; Ceyakiyapi eca taku tona yacimpi kin hena iyacupi e wicada po, kinhan hena duhapi kta.

25 Unkan cekiya nayajinpi kinhan, tuwe taku on yeksuyapi kinhan kicicajuju po; hecen Ateyayapi mahpiya ekta yanke cin he wayahitanipi kin nicicajujupi kta.

26 Qa nis wayecicajujupi sni kinhan, nakun Ateyayapi mahpiya ekta yanke cin wayahitanipi kin nicicajujupi kte sni.

27 Unkan ake Jerusalem en hdi; qa tipi wakan kin ohna mani un qehan, woŋnapi kagapi wowapi kagapi wicahincapi koya en hipi;

28 Qa heciyapi; Taku wowaŋake on dena taku kin ecanon he; qa tuwe dena econ nisi, qa hecen ecanon he.

29 Unkan Jesus waayupte a hewicakiya; Miŋ eya taku wanji iciwangapi kta, amayupta po, kinhan wowaŋake tukte e on dena ecamon kin ociciyakapi kta.

30 Johannes baptem wicaqu qon wicohan kin he mahpiya eciyatanhan, qa iŋ wicaŋta eciyatanhan, unma tukte he; amayupta po.

31 Unkan hdokinicapi qa hekiciyapi; He mahpiya eciyatanhan, unkeyapi kinhan, hehan; Tokeca wicayadapi sni he, eye kta.

32 Tuka, He wicaŋta akantu eciyatanhan, unkeyapi kinhan, oyate kin kowicunkipapi; wicaŋta owasin Johannes wicaŋta wokcan kin heca kecinpi.

33 Unkan waayuptapi qa Jesus heciyapi; Sdonunyanpi sni. Unkan Jesus waayupte a hewicakiya; Miŋ eya wowaŋake tukte

e on dena ecamon kin he nakun ociciyakapi kte sni.

WICOWOYAKE 12.

1 Hehan wiyacinpi on wowicakiyaka; Wicaŋta wan hastanhanka iyuwi wojupi wan oju, qa ohomni natake a, miniŋa iyuŋkice wan en qe a, cowahe tehan wankantu wan kaga; qa kicanyanpi kte cin owicaqu, qa makoce wan tokeca ekta icimani iyaya.

2 Qa wanna iyehantu qehan taokiye wan kicanyanpi kin ekta ye ŋi, kicanyanpi kin etanhan hastanhanka ojupi kin waskuyeca icu kte cin heon etanhan.

3 Unkan he yuzapi, qa apapi, qa cokadan hde ŋipi.

4 Unkan ake taokiye wanji tokeca ekta ye ŋi; tuka e qe inyan on kininpi, qa pa kaŋdecapipi, qa tehiya kuwapi hde ŋipi.

5 Unkan ake wanji tokeca ekta ye ŋi; qa he qe ktepi: unkan nakun wicota, hunh awicapapi qa hunh wicaktepi.

6 Hehan cinhintku wanjidan waŋtekidake cin he hinahin hduha; unkan he ehake ekta ye ŋi, qa; Micinkŋi yuonihanpi kta ce, eya.

7 Tuka kicanyanpi kin hekiciyapi; Tawa kte cin he dee; iho po, unktepi kta; hecen he unkitawapi kta ce.

8 Unkan hecen yuzapi qa ktepi, qa wojupi kin etanhan tankan elipeyapi.

9 Heon hastanhanka ojupi yuhe cin he taku econ kta he. En hi qa kicanyanpi kin hena ihangwicaye kta, qa hastanhanka ojupi kin wicaŋta tokeca owicaqu kta.

10 Wowapi kin de dawapi sni he; Ticagapi inyan wan elipe-

MARKOS.

yapi qon he oise en pa icaga ce.

11 He Itancan kin econ, qa unkištapi kin en taku wowinihan.

12 Hehan yuze wacinpi, tuka oyate kin kowicakipapi; wiya-cinpi kin de iye wicaka e heya sdonyapi. Unkan ehpeya kihdapi.

13 Hehan Pharisee qa Herodian etanhan wanjikji ekta ye wicašipi; taku eye cin on yuzapi kta.

14 Unkan hena en hipi qehan heciyapi; Waonspekiye, iewicayaka qa tuwedan koyakipe šni sdonunyanpi; wicašta tancan ekta eyatonwe šni ece, tuka awicakehan Wakantanka tacanku kin odaka ece; Kesar wamnayanpi qupi kta iyececa he.

15 Unqupi kta, qa iš unqupi kte šni he. Tuka iye wohnyaye hduhapi sdonye ça hewicakiya; Tokeca iyutanmayayapi he. Kašpapidan wanji makau po, wanmdake kta ce.

16 Unkan kahipi. Hehan hewicakiya; Wicite qa wowapi kin de tuwe tawa he. Unkan, Kesar tawa ce, eciyapi.

17 Hehan Jesus waayupte ça; Kesar taku tawa kin kicu po; qa Wakantanka taku tawa kin kicu po, ewicakiya. Unkan heon inihanpi.

18 Hehan Saddukee kin, piya iwicacage kte cin wanica keyapi, hena etanhan en hipi; qa wiwangapi qa heyapi;

19 Waonspekiye, Moses wowapi unkicagapi, wicašta wan tawicu ehpeya te ça, cinca nice cinhan, sunkaku winohinca kin he hduze kta, qa cincu qon cinca kicage kta ce.

20 Hunkawanjinkiciyapi šakowin; unkan tokapa kin winohinca wan yuze ça, cinca codan ta.

21 Hehan iyokihe kin he hduze ça nakun ta, qa cinca nica; unkan iyamni kin iš nakun.

22 Unkan ecen šakowinpi kin hduzapi, qa cinca nicapi: eha-ke winohinca kin iš eya ta.

23 Hecen piya iwicacage cin en inajinpi kinhan, wanji tukte tawicuyapi kta he: šakowin hduzapi tuka.

24 Unkan Jesus waayupte ça hewicakiya; Wowapi wakan kin sdonyayapi šni, qa nakun Wakantanka towašake kin, heon yanunipi.

25 Wiconte etanhan piya wicoicage kinhan tawicu tonpi šni qa hihnaku yuhapi šni; tuka malipiya ekta ohnihde unpi kin iyececap.

26 Unkan tona tapi kin hena piya icagapi kta, on Moses tawowapi kin en dawapi šni he; can opamna etanhan Wakantanka okiye ça heya; Abraham Wakantanka tawa, qa Isaak Wakantanka tawa, qa Jakob Wakantanka tawa kin he miye ce.

27 Wicašta tapi kin Wakan- tanka tawapi šni, tuka ni unpi kin Wakantanka tawapi: heon etanhan šogya yanunipi.

28 Hehan wowapi kagapi wanji en hi, qa akinicapi kin nahon, qa tanyan awicayupta iyukcan heon etanhan, Woahope toka- heya kin tukte e he, eya iwan- ga.

29 Unkan Jesus ayupta; Israel nahon po, Jehowa Wakantanka unkitawapi kin he Itancan wan- jidan, woahope owasin tokapa kin hee ce.

30 Unkan Jehowa Wakantan- ka nitawa kin he nicante oco- wasin on, qa ninagi ocowasin on, qa nitowasake ocowasin on,

WICOWOYAKE 13.

wašteyakidake kta ce; woahope tokaheya kin hee.

31 Qa inonpa kin he he iyececa; Nikiyedana un kin he niye inihdacin wašteyadake kta. Woahope dena isanpa tanka wanica.

32 Unkan wowapi kage ein he heciya; Han, Waonspekiya, wowicake ecen eha, Taku wakan wanjidan, qa icunonpa tanhan wanica.

33 Qa wicacante ocowasin on, qa wicotawacin ocowasin on, qa wicanagi ocowasin on, qa wicowaśake ocowasin on wašte-dakapi, qa wicikiyedan unpi kin wiciye ihdacin waštewicadapi kin, peta ou wośnapi qa ikce wośnapi owasin, he isanpa tanka ece.

34 Unkan he wacinksamya ayupta Jesus wanyaka, hehan heciya; Wakantanka tokiconze kin itehan yaun śni. Unkan hetanhan tuwedana sanpa wiwanga tawaŋenye śni.

35 Hehan Jesus tipi wakan kin ohna wowicakiyaka icunhan waayupte ca heya; Wowapi kagapi kin Messiya he Dawid Cinhintku ce, tokeca heyapi he.

36 Dawidiye qe Woniya Wakan on heya; Itancan kin Itancan mitawa heciya; Mietapa ekta iyotanka wo, tona tokaniyanpi kin hena siha oahe nitawa kin wakage kta hehanyan.

37 Heon etanhan Dawid iye qe Itancan eciya; hecen token cin-caya he. Unkan oyate ikceka kin wiyuśkinyan nañonpi.

38 Unkan wowicakiyaka icunhan hewicakiya; Wowapi kagapi kin kowicakipa po, hena wokoyake hanskaska kiçun waśtedakapi, qa wopeton tipi kin ohna owicakiyapi kta nakun:

39 Qa omniciye tipi kin en oi-

yotanke tokapapi, qa wotapi kin en oyanke waštešte kin: .

40 Hena e wiwazica tipi kin temyapi, qa ihdutaninpi on wocekiye hanska eyapi ece: hena woyaco iyotan tanka yuhapi kta.

41 Unkan Jesus mazaska opiye kin iyotakons iyotanka, qa to-ken oyate kin mazaska opiye kin en, mazaska ehpeyapi kin he wanyaka. Unkan wicota wijicapi kin hena odota en ehpeyapi.

42 Unkan wiwazica walipanica wan en hi, qa mazaśa onśpadan nom en ehpeya, he mazaśa wanjidan yawapi.

43 Unkan waonspewicakiye cin hena wicakico qa hewicakiya; Dena owasin mazaska opiye kin en ehpeyapi, tuka wiwazica walipanica kin de owasin isanpa en ehpeya, awicakehan eciciyapi.

44 Dena owasin taku ota tonpi kin eciyatanhan en ehpeyapi ece; tuka iye qe nice cin etanhan taku yuhe cin ocowasin en ehpeya, on ni kte cin ocowasin.

WICOWOYAKE 13.

1 Unkan tipi wakan kin etanhan kinanpa hehan waonspewicakiye cin wanji heciya; Waonspekiya, inyan tankinyanyan kin dena, qa tipi kagapi kin dena wanyaka wo.

2 Unkan Jesus waayupte ca heciya; Tipi tankinyanyan kin dena owasin wandaka he. Inyan wanji inyan itakihna wanke kte śni, owasin jujuwahe kta.

3 Unkan Oliwe Paha kin akan iyotanka, tipi wakan kin iyotakons, hehan Inyan qa Jakob qa Johannes qa Andrew nañmana wiwangapi;

4 Tohañ hena hecetu kta he, qa dena owasin iyecetu kta e

MARKOS.

wowapetokeca tukte e hecinhan, unkokiyaka po.

5 Unkan Jesus waayupte ça hewicakiya; Iwanihdaka po, okinni tuwe nihnayampi kta.

6 Wicota micaje on hipi qa; He miye ce, eyapi kta, qa wicašta ota wicahnayanpi kta.

7 Unkan tohan wicokicize qa kiczapi kta oyakapi kin nayahonpi kinhan, nihinciayapi šni po: hena hecetu kta, tuka owihanke kin hinahinke šni.

8 Oyate wan oyate tokeca on najin kta, qa wokiconze wan wokiconze tokeca on; qa tuktekten maka škanškan yuke kta, qa wicaakihan qa wicokicize yuke kta. Dena wicoiyokišice tokaheya kin ee.

9 Tuka iwanihdaka po; omniciye tanka kin en aniyampi kta; qa omniciye tipi kin ohna nicaštakapi kta; qa miye on wicašta itancanpi wicaštayatapi ko en aniipi kta, owicayakapi kta heon.

10 Tuka tokaheya wotanin wašte kin he oyate owasin owicakiyakapi kta.

11 Tuka tohan aniyampi qa wicanicupi kinhan, itokam taku ehapi kta awacinpi šni po, qa on cante šicapi šni po; tuka wihiyayedan oape kin he en taku ničupi kin he ohna eya po; eye kte cin he niyepi šni, tuka Woniya Wakan kin hee kta.

12 Hunkawanjinkiciyapi wiconțe en kicičupi kta, qa wicašta wan iye cinca nakun; qa wicacınca inajinpi kta qa hunkakewicayapi kin tewicayapi kta.

13 Unkan miye on owasin šice-nidapi kta; tuka tuwe owihanke kin hehanyan ope cinhan he ni kta.

14 Tuka tohan wošice woihangye, Daniel wicašta wokcan cajeyate cigon, tukten najin

ktá iyecece šni, hen wandakapi kinhan, tuwe yawa kinhan okahnige kta, hehan tona Juda makoce kin en unpi kin he kin ekta najicapi kta:

15 Qa tuwe tipi akan yanke cin he kun ku, qa timahen tanhan takudan ehdaku kte šni:

16 Qa nakun tuwe magata un kinhan, wokoyake ehdaku kta on hdicu kte šni.

17 Tuka anpetu kin hena en tona ihdušakapi qa hokšiyopopa azinwicakiyapi kin hena tehiya unpi kta.

18 Unkan waniyetu icunhan nayapapi kte šni e icekiya po.

19 Anpetu kin hena en wicokakije yuke kta, tokaheya Wakantanka taku kage cin ehan-tanhan, qa dehanyan takudan iyecece šni, qa nakun tokata ekta iyecece kte šni.

20 Unkan Itancan kin anpetu kin hena yuptecedan šni kinhan, wicacehpi takudan ni kte šni; tuka wicakahnigapi tona wicakahnige cin hena on anpetu kin hena yuptecedan.

21 Unkan hehan tuwe; Iho, Messiya hen yanka ce, qa iš; Kan yanka ce, eniciyapi ešta, wicadapi šni po.

22 Messiya itonpišni qa wicašta wokcan itonpišni kin heca ica-gapi kta, qa wowapetokeca taku wowinihan ko econpi kta, okihipica unkanš wicakahnigapi kin hena eepi kaeš wicahnayanpi kta tuka.

23 Tuka iwanihdaka po; iho, itokam hena'ociciyakapi.

24 Tuka anpetu kin hena en, wicokakije kin iyohakam, anpetu wi kin aotpasyapi kta, qa hanyetu wi kin iyoyanpa kte šni;

25 Qa mahpiya wicanhpi kin hinhpaye kta, qa mahpiya ekta wowašake kin yuhuhuzapi kta.

WICOWOYAKE 14.

26 Unkan hehan Wicašta Cinhintku kin wowaśake tanka wowitan ko hduha małpiya śapa akan u wandakapi kta.

27 Unkan hehan ohnihdewicaye cin hena ye wicaśi kta, qa tate ouye topa kin etanhan, maka ihanke kin etanhan qa małpiya ihanke kin hehanyan, wicakalnige ciqon hena witaya wicakpahi kta.

28 Suken can kin etanhan wi-yacimpi kin de okałniga po: Can intpa kin hinahin wankadan, qa etanhan ape icage cinhan, hehan mdoketu wanna ikiyedan sdon-yayapi ece.

29 He iyececa, niś tohan dena owasin iyecetu wandakapi kinhan, wanna ikiyedan, tiyopa kin etu, e sdonya po.

30 Awicakehan heciciyapi, wicoicage kin de tokan iyaye śni, ecen dena owasin econpi kta.

31 Małpiya maka ko tokan iyaye kta, tuka mioie kin hena tokan iyaye kte śni.

32 Tuka anpetu kin he, qa wihiyayedan oape kin he tuwedan sdonye śni, małpiya ohnihde kin heepi kaeś, qa nakun Cinhintku-yapi kin; tuka Ateyapi kin ecedan sdonya.

33 Iwanihdaka po, wakta unpi qa cekiya po; tohan iyehantu kte cin sdonyayapi śni nakaeś.

34 Wicašta wan icimani ye kte cin, tipi ehpeye qa taokiyewicaye cin taku econ wicaśi, otioyohi wicołan wicaqu, qa tiawan-yake cin he awanyake śi, he iyececa.

35 Heon etanhan waktaya un po; tipi ohna itancan kin tohan hdi kta sdonyayapi śni, łtayetu, qa hanye cokaya, qa anpaohoton-na hoton, qa iś hanłanna kinhan.

36 Okinni ihnuhanna hdi kinhan niśtinmapi iyenianpi kta.

37 Unkan taku eciciyapi kin he owasin ewicawakiya ece, Waktaya un po.

WICOWOYAKE 14.

1 Anpetu nonpa iyohakam hehan woacakśin qa aguyapi napohiyapi śni: Unkan wośnapi kagapi wowapi kagapi ko token hnayan yuzapi kta akitapi, ktepi kta e heon.

2 Tuka heyapi; Wośnapi anpetu kin hehantu kte śni; okinni oyate kin owodutaton kta.

3 Unkan Bethani etu, Simon lepros ececa qon he ti kin en wota iyotanka, hehan winohinca wan inyan opiye wan wihdi waśtemna tehike hinca he yuha hi, qa opiye kin yulidoke qa iye pa kin akaśtan.

4 Unkan hen wanjikji cante mahen iyokipipi śni qa heyapi; Tokeca wihdi waśtemna kin hecen yutakunipi śni he.

5 Wihdi waśtemna kin de kaśpapi opawinge yamni sanpa iyo-
peyapi qa walpanica wicaqupi kta tuka. Hecen winohinca qon icaptapi.

6 Unkan Jesus heya; Ayuśtan po; tokeca nagiyeyayapi he. Wicołan waśte wan ecamicon.

7 Walpanicapi kin ohinniyan wicayahduhapi, qa tohan yacimpi kinhan tanyan ecawicayeconpi kta oyakihipi; tuka miye ohinniyan mayaduhapi śni.

8 Taku okihi kin ecen econ; mitancan łapi kte cin on itokam sdaye kta on hi.

9 Awicakehan heciciyapi; Maka kin owancaya tukten wotanin waśte kin de oyakapi kinhan, winohinca kin de nakaha taku econ kin he oyakapi kta, wokiksuye kta e heon.

10 Unkan Judas Iskariot, ake-

MARKOS.

nonpapi kin wanji ee, wośnapi kagapi kin ekta ya, he hnayan wicaqu kta heon.

11 Unkan he nahonpi qehan wiyuśkinpi, qa mazaska qupi kta keciyapi. Unkan token tanyan hnayan wicaqu kta he akita.

12 Unkan aguyapi napohye śni anpetu tokaheya en wośna ktepi ece kin hehantu, waonspewicakiye cin heciyapi; Tukten woacaksin wośnapi yate kta wiyeya eunhnakapi kta yacin he.

13 Unkan waonspewicakiye cin nom ye wicaśi, qa hewicakiya; Otonwe kin en ya po, kinhan wicaśta wan mini ohna wakiśkotpa wan qin itkonicipapi kta, he ihakam ya po.

14 Qa tukte en tin kihde cinhan, tipi tawa kin heciya po; Waonspekiye cin heya ce; Wankan tipi kin tukten waonspewicawakiye cin om wośnapi kin wate kta tukte e he.

15 Unkan wankan tipi wan tanka, tanyan yuśtanpi qa wiyeya yanka, nicipazopi kta; hen wiyeya eunkicihnaka po.

16 Unkan waonspewicakiye cin iyayapi, qa otonwe kin en ipi, qa token ewicakiye cin hecen iyeyapi; unkan wośnapi kin wiyeya ehnakapi.

17 Unkan wanna hitayetu hehan akenonpapi kin om en hi.

18 Unkan wota iyotankapi icunhan Jesus heya; Awicakehan heciyapi; Mici wayatapi kin wanji wiyopemayayapi kta.

19 Hehan iyokiśica hinhdapi, qa otoiyohi heciyapi; He miye he; qa ake wanji, He miye he, eyapi.

20 Unkan hewicakiya; Akenonpapi kin etanhan wanji waksica ohna mici oputkan kin hee ce.

21 Wicaśta Cinhintku kin awi-

cakehan token wowapi en kagapi qon he iyecen iyoopta ya, tuka wicaśta kin tuwe Wicaśta Cinhintku kin wiyopeye cinhan, he wotehi yuhe kta; wicaśta kin he tohinni tonpi śni unkanś waśte kta tuka.

22 Unkan wotapi icunhan Jesus aguyapi icu, yawaśte, qa kiyuśpa, qa wicaqu, qa heya; Icupi qa yuta po; mitanean kin he dee.

23 Nakun wiyatke kin icu; qa yawaśte hehan wicaqu. Unkan owasin etanhan yatkanpi.

24 Unkan hewicakiya; Wicotakuye teca kin en, mawe kin he dee, wicota on papsonpi.

25 Awicakehan heciyapi; Detanhan wiyuwi waskuyeca etanhan icimana mdatke kte śni, anpetu wan en Wakantanka tokiconze kin en teca mdatke kte cin hehanyan.

26 Unkan odowan wan ahiyayapi hehan Oliwe Paha kin ekta iyayapi.

27 Hehan Jesus hewicakiya; Hanyetu kin de miye on iyuhpa nihicahanpi kta; kaken wowapi en kagapi qon, Waawanhake kin he awape kta, hecen tahinca wanunyanpi kin mdечahanpi kta ce.

28 Tuka ake wakini iyohakam, Galile ekta nitokam imdamde kta.

29 Tuka Inyan heciya; Owasin hicahanpi eśta, miye qe ecamon kte śni.

30 Unkan Jesus heciya; Awicakehan heciyapi; Anpetu kin de, hanyetu kin de en, anpaohotonna nonpa hoton śni, ecen yamni akihde anamayakiħbe kta.

31 Hehan iyotan nina kitan hinca; Cicimaťa eśta anaciciħbe kte śni. Iyuhpa nakun iyecen eyapi.

WICOWOYAKE 14.

32 Unkan wojupi wan en ipi, Gethsemane eciyapi; hehan waonspewicakiye cin hewicakiya; Den iyotanka po, icunhan cewakiye kta.

33 Unkan Inyan qa Jakob qa Johannes hena iwicacu, hehan inihan qa nina iyokišica hinhda;

34 Qa hewicakiya; Minagi nina iyokišice hinca, maŋe kta iyececa; den yukanpi qa waktaya un po.

35 Unkan hetanhan kitan ecinyan iyoopta ye ɕa, makata ihpaye ɕa cekiya, okihipica kinhan, wihiyayedan oape kin he token iyaye kta.

36 Unkan heya; Abba, Ate, niye ekta taku owasin okihipica; wiyatke kin de emiciyaku wo; tuka miš taku wacin kin hee kte šni, taku yacin kin he hecetu kta.

37 Hehan en hdi, qa ištínmapi iyewicaya, unkan Inyan heciya; Simon ništínma he; wihiyayedan oape wanjidan kiktahan yaun kta oyakihi šni he.

38 Kiktahan unpi qa cekiya po; okinni taku wawiyutanyan un kin en yaipi nun ce; wicanagi kin he awicakehan wicada, tuka wicacehi kin wašake šni.

39 Unkan ake iyaye ɕa cekiya, qa wicoie un qon hena ake ecen eya.

40 Unkan ake en hdi qehan, ake ištínmapi iyewicaya, išta hɓapi hinca, unkan token ayutapi nun tanin šni.

41 Unkan iciyamni en hdi, qa hewicakiya; Ištínma po qa oziiciya po; wanna henakeca, wihiyayedan oape kin wanna iye-hantu; wanyaka po, Wicašta Cinhintku kin wahtanipi sa napipi kin en hnayan wicaqupi.

42 Najin po, unyanpi kta; iho, tuwe mahnaye cin he wanna kiyedan u ce.

43 Unkan ecahankeya, iahan icunhan, Judas hi, akenonpapi kin wanji ee, qa kici wicota hinca, mazasagye can oŋoza ko yuhapi, wošnapí kagapi, wowapi kagapi, qa wicahincapi kin etanhan upi.

44 Unkan tuwe hnayan wicaqu kte cin he iwaktawicaye ɕa; Tuwe i iwaputake cinhan hee kta; yuzapi qa tanyan akiyahda po, eya.

45 Unkan en hi qehan, ecahankeya en ye ɕa, Itancan, Itancan, eciye ɕa, i itputaka.

46 Hehan nape ahnakapi qa yuzapi.

47 Unkan wanji en najinpi kin mazasagye ehdaku, qa wošnapí kagapi itancan taokiye wanji ape ɕa noge bašpa.

48 Unkan Jesus waayupte ɕa hewicakiya; Wamanon sa takpe hipi iyececa, mazasagye can oŋoza ko yuha mayaduzapi kta on yahipi he.

49 Anpetu eca tipi wakan kin ohna ocipapi qa waonspekiya waun, tuka mayaduzapi šni; tuka wowapi wakan kin yuecetupi kta.

50 Hehan owasin ehpɛya najicapi.

51 Unkan koška wan ihakam ya, tancodan un tuka minihuha ska tancan iyakipemni. Unkan koškapi kin hena yuzapi:

52 Hehan minihuha ska kin he ehpɛya, qa tancodan kihda.

53 Unkan Jesus wošna kagapi itancan kin ekta ayapi; qa hen wošnapí kagapi, wicahincapi, wowapi kagapi ko owasin mniciyapi.

54 Unkan Inyan itehan ihakam u, qa wošna kagapi itancan ti kin en hi; qa ookiyewicayapi kin om iyotanke ɕa peta kin en cosičiya.

MARKOS.

55 Unkan woŋnapi kagapi qa omniciye ocowasin tuwe Jesus on taku oyakapi kta odepi, ktepi kta e heon, tuka takudan iyeyapi ŋni.

56 Wicota itonŋniyan woyakapi, tuka taku oyakapi kin ocitkonze ŋni.

57 Hehan wanjikji inajinpi, qa itonŋniyan taku iyaonpapi, qa heyapi;

58 Unkiye, Tipi wakan nape on kagapi kin de ihangwaye kta, qa anpetu yamni hehan wanjitokeca nape codan kagapi kin he wakage kta ce, eya naunhonpi ce.

59 Tuka iŋ eya taku oyakapi kin ocitkonze ŋni.

60 Hehan woŋna kagapi itancan kin wicacokaya inajin, qa Jesus iwange ɔa; Dena taku iyanionpapi kin takudan adupte ŋni he, eya.

61 Tuka iye inina un qa takudan ayupte ŋni. Ake woŋna kagapi itancan kin wiwange ɔa heciya; Messiya, Iyotan Waŋŋe Cinhintku kin he niye he.

62 Unkan Jesus heya; He miye; qa Wicaŋta Cinhintku kin wowaŋake etapa eciyatanhan iyotanke ɔa, maŋpiya ŋapa akan u wandakapi kta ce.

63 Hehan woŋna kagapi itancan kin wokoyake hdupote ɔa heya; Taku on woyakapi sanpa uncinpi kta he.

64 Wayaŋice cin he niye nayaŋonpi: token idukcanpi he. Unkan owasin, ɛ kta iyececa, yacopi.

65 Hehan wanjikji atagoŋapi qa ite ogekicionpi, qa apapi qa; Wokcan wo, eciyapi. Unkan ookiye unpi kin iŋ eya nape on apapi.

66 Unkan Inyan ihukuya tipi kin ohna yanka; hehan woŋna

kagapi itancan winyan wowidagwicaye cin wanjien hi;

67 Qa Inyan petiŋkan yanka wanyake ɔehan en etonwe ɔa heya; Qa niŋ eya Jesus Nazareth kici yaun qon.

68 Tuka anakihbe ɔa heya; Taku ehe cin he sdonwaye ŋni, qa nakun owakaŋnige ŋni ce. Hehan tankan ohanzi hdepi kin ekta iyaya: unkan anpaohotonna wan hoton.

69 Unkan ake wikoŋka wan wanyake ɔa, tona en najinpi kin hewicakiya; De iŋ nakun he-tanhan.

70 Unkan iŋ ake anakihman. Hehan kitan ecinyan iyohakam tona en najinpi kin ake Inyan heciyapi; Awiɔakehan niŋ he-nitanhan; Galile wicaŋta heni-ca; qa iyae cin he iyececa ce.

71 Tuka iye wayaŋice ɔa taku wakan cajeyata; Wicaŋta kin de cajedatapi kin ecaca sdonwaye ŋni ce, eya.

72 Hehan inonpa anpaohotonna kin hoton. Unkan hehan Inyan Jesus taku eciye cion; Anpaohotonna nonpa hoton ŋni, yamni akihde anamayakihbe kta ce, wicoie kin he kiksuya. Unkan he awakicin hehan ceya.

WICOWOYAKE 15.

1 Unkan wanna anpao, hehan woŋnapi kagapi qa wicaŋincapi, wowapi kagapi ko omniciye ocowasin om he aiapi, qa Jesus kaŋkapi, qa ekta ayapi qa Pilate qupi.

2 Unkan Pilate wiwanga; Juda oyate Wicaŋtayatapi kin he niye he. Unkan Jesus ayupte ɔa, Niye ecen eha ce, eya.

3 Unkan woŋnapi kagapi kin taku ota iyaonpapi; tuka takudan ayupte ŋni.

WICOWOYAKE 15.

4 Unkan Pilate ake wiwange ça; Takudan adupte śni he; iho, taku ota iyanionpapi ce, eya.

5 Tuka Jesus takudan ayupte śni; hecen Pilate yušinyaya.

6 Wośnapi kin de ekta wica-kaśkapi wanji wicakiciyukca ece, wanji tukte cinpi kinhan.

7 Unkan wanji Barabbas eciyapi, he tona om inajin qon kaśkapi yanka, he inajinpi qehan nakun tinwicakte.

8 Unkan oyate kin, token econ ece qon he iyecen ecawicakicon kta, panyehan keciyapi.

9 Tuka Pilate awicayupte ça; Juda Wicaśtayatapi kin he ciciyukcapi kta yacinpi he.

10 Wośnapi kagapi kin winawizipi on kahipi e sdonya.

11 Tuka wośnapi kagapi kin oyate kin wahokonwicakiyapi, Barabbas he wicakiyukca kta e heon.

12 Unkan Pilate ake awicayupte ça; Hehan tuwe Juda Wicaśtayatapi eyakiyapi kin he token ecamon kta yacinpi he, ewicakiya.

13 Unkan ake panyehan heyapi; Icipaweh okatan wo.

14 Hehan Pilate hewicakiya; Tokeca, taku śica econ kin tukte e he. Unkan hehan iyotan nina; Icipaweh okatan wo, panyehan eyapi.

15 Unkan Pilate oyate kin iyokipiwicaye kta cin, heon Barabbas wicakiciyukca, qa Jesus kapsinpsinta hehan icipaweh okatanpi kta wicaqu.

16 Unkan akicita kin tipi wan tanka, Pretorium eciyapi, he ekta ayapi; qa wicobe ocowasin wicakicopi.

17 Unkan śina duta wan inkiyapi, qa wapaha wan wapepeka on kazontapi qa unkiyapi.

18 Qa hehan okiyapi, Iho, Juda Wicaśtayatapi kin.

19 Qa cedi tanka wan on pa kin en apapi, qa atagośapi, qa canpeśka makehde inajinpi, qa ohodapi.

20 Unkan hecen iħahapi, hehan śina duta kin ikicicupi, qa iye tawokoyake qon ake kiçunki-yapi. Hehan icipaweh okatanpi kta e ekta ayapi.

21 Unkan Simon, Kurene wicaśta, en hiyaya, he Alexander qa Ruphus atkuku kin, makoce kin etanhan u kin he can susbeca tawa kin kiciçinkiyapi.

22 Unkan Golgotha owanka kin en ahipi, he, Wicapahu makoce, eyapi kin he kapi.

23 Unkan miniśa pejihuta ica-hiyapi kin he yatke kta e qupi; tuka wicada śni.

24 Unkan wanna icipaweh okatanpi, hehan tawokoyake qon kicipamnpi, qa on oeconna econpi, wicaśta otoiyohi taku icupi kta.

25 Unkan wanna wihiyayedan oape yamni, hehan icipaweh okatanpi.

26 Unkan taku iyaonpapi wowapi iwankam owapi kin, JUDA WICAŚTAYATAPI KIN, hee.

27 Unkan kici wamanon sa nom icipaweh owicakatanpi, wanji etapa eciyatanhan, qa unma catka eciyatanhan.

28 Hecen wowapi kagapi qon yuecetupi; Qa waħtanipi sa om yawapi ce, eya.

29 Unkan tona en hiyayapi kin hena yaśicapi, poptanptanpi qa heyapi; Iho, tipi wakan kin iħangyaye kta, qa anpetu yamni ake piya yakage kta:

30 Ito, niçiya wo, qa cansusbeca kin etanhan kun ku wo.

31 Nakun wośnapi kagapi kin iħahapi, qa wowapi kagapi om iye iyakitedan hekiciyapi; Wi-

MARKOS.

cašta tokeca niwicaya ece, tuka iye atayedan niçiye kta okihi šni.

32 Messiya Israel Wicaštaya-tapi kin, ito cansusbeca kin etanhan kun hdicu kta, hecen wanunyakapi qa wicaundapi kta. Unkan tona kici icipaweł owicakatanpi qon is eya ilahapi.

33 Unkan wihiyayedan oape isakpe, hehan maka kin owan-caya otpaza, oape inapcinwanka hehanyan.

34 Qa wihiyayedan oape inapcinwanka, hehan Jesus hotankakiya panyehan; Eloī, Eloī, lama sabakthani, eya: Wakan-tanka mitawa, Wakantanka mitawa, tokeca elipemayaya he, eyapi kin he kapi.

35 Unkan en najinpi wanjikji he nañonpi qehan heyapi; Iho, Elias kipan.

36 Unkan wanji inyang ye ça, mini iyuhepe wan miniskuya en oputkan, qa can icam yatkekiye kta, qa heya; Hinnakahan po, Elias kun eyaku kta on hi kinhan wanunyakapi kta.

37 Unkan Jesus hotankakiya hotanin, qa taniya hiyuya.

38 Unkan tipi wakan cokaya ozanpi qon he owangya okinahdece ça, wankan tanhan qa kun ihanke kin aiyahdeya.

39 Unkan akicita opawinge wicayuhe cin iyotakons najin, he hecen pan qa taniya hiyuya wan-yaka, hehan heya; Awicakehan wicašta kin de Wakantanka Cinhintku kin hee.

40 Nakun winohinca itehan tanhan wanyag yukanpi; Mary Magdalene, qa Mary, Jakob eistinna qa Joses hunku kin, qa Salome, hena opapi.

41 Galile en un qon he ehan ihakam unpi qa okiyapi ece kin hena eepi, qa nakun winohinca

toktokeca kici Jerusalem en hipi qon.

42 Unkan wanna litayetu, Ihdu-wiyeyapi kta anpetu, anpetu wakan kin itokam anpetu kin hee, heon,

43 Joseph, Arimathea etanhan, woope aiekiyapi owotanna, qa nakun Wakantanka tokiconze kin ohinniyan ape un kin he u, qa waditagya Pilate en ye ça, Jesus tancan kin kida.

44 Unkan wanna ta hecinhan Pilate yušinyaya; heon akicita opawinge wicayuhe cin he kico, qa wanna wanakaja tanhan ta hecinhan he iwanga.

45 Unkan akicita opawinge wicayuhe cin he ecen okiyaka, hehan tancan kin Joseph qu.

46 Unkan he minihuha ska wašte opeton, qa tancan kin kun eyaku, qa minihuha ska kin iyapemni, qa wicahapi ohdoka wan imnija en kagapi, he en ohnaka, qa inyan tanka wan wicahapi ohdoka i kin en eonpa.

47 Unkan Mary Magdalene qa Mary Joses *hunku* kin hena tukten hnakapi kin he wanyakapi.

WICOWOYAKE 16.

1 Unkan anpetu wakan kin wanna owihanke, hehan Mary Magdalene, qa Mary Jakob *hunku*, qa Salome hena tancan kin sdayapi kta on pejihuta waštemna aupi:

2 Unkan anpetu tokaheya hanlianna linca, wicahapi ohdoka kin en hipi, wanna wi hinanpa hehantu.

3 Unkan hekiciyapi; Tuwe wicahapi ohdoka i kin etanhan inyan kin yutokan iyeunkiciciyapi kta he.

4 Unkan ekta etonwanpi, hehan inyun, inyan kin wanna yutokan iyeyapi; he tanka linca.

WICOWOYAKE 16.

5 Unkan wicahapi ohdoka kin mahen ipi, hehan koška wan etapa eciyatanhan iyotanka, woyake ska hanska koyaka, he wanyakapi; unkan yušinyayapi.

6 Tuka iye hewicakiya; Ihnuhan niyušinyayapi kinhan; Jesus Nazareth etanhan, icipaweli okatanpi qon he oyadepi; wanna ihduekicetu; den wanke šni; tukten hnakapi qon he wanyaka po.

7 Tuka niš hda po, qa waonspewicakiye cin, qa Inyan nakun, nitokam Galile ekta ye kta, heciya wanyahdakapi kta, eniciyapi qon iyececa, he owicakiyaka po.

8 Unkan hecen koyahanna hdi-cupi, qa wicahapi ohdoka kin etanhan najica kihdapi; nina cancanpi qa yušinyayapi; qa tuwedan takudan eciyapi šni, inihanpi nakaes.

9 Unkan anpetu wakan anpetu tokaheya hanhanna hinca, *Jesus* ihduekicetu hehan, Mary Magdalene, etanhan taku wakan šica šakowin ehpekiciye ciqon, he tokaheya en taniničiya.

10 *Hehan* iye hde ča, tona om un qon iyokišicapi qa ceya yukanpi kin owicakiyaka.

11 Unkan hena, wanna kini, qa he wanyaka keya ohdaka nahonpi ešta, wicadapi šni.

12 Hehan iyohakam etanhan wicašta nom makoce ekta ici-

mani yapi, hehan icunhan en taniničiya.

13 Hena unmapi kin hoši wicakapi, tuka nakun wicadapi šni.

14 He iyohakam akewanjipi wota iyotankapi icunhan en taniničiya, qa wacetunhdapi qa cante sutapi on iyopewicaya; kini iyohakam tona wanyakapi kin heepi kaeš wicawicadapi šni heon.

15 Unkan hewicakiya; Maka kin owancaya ya po, qa wicašta otoiyo hi wotanin wašte kin owicakiyaka po.

16 Tuwe wicada qa baptem qupi kinhan he ni kta; qa tuwe wicada šni kinhan he yacopi kta.

17 Qa tona wicadapi kin hena wowapetokeca dena yuhapi kta; Micaje kin on taku wakan šica tankan ehpeyapi kta; wicaceji tokeca on iapi kta;

18 Sintelida yuwankan icupi kta; qa pejihuta šica yatkanpi ešta etanhan itokecapi kte šni; wayazankapi kin nape awicahnakapi kta, kinhan asnipi kta ece.

19 Hecen Itancan kin owicakiya, hehan mahpiya ekta eyakupi, qa Wakantanka etapa eciyatanhan kiyotanka.

20 Unkan hena iyayapi, qa owancaya woyakapi; qa Itancan kin wicohan tanka econwicakiye cin on wicoie kin yuecetu ece. Amen.

LUKAS

WOTANIN WAŠTE TAWA.

WICOWOYAKE 1.

1 Taku tona ceṭunhdašniyan wicaundapi kin hena wicota hdaheya oyag utapi ;

2 Tona otokahe ehantanhan išta on wanyakapi qa wicoie oyakapi ece kin hena token unkokiyakapi qon he iyececa :

3 Heon etanhan miš eya, taku kin hena owasin otokahe hinca ehantanhan tanyan owakañnige cin on, Taku Wakan waštedaka iyotan wašte, hena hdaheya wuwapi cicage kta iyomakipi.

4 Hecen taku onspeniciyapi qon hena wicakapi e tanyan sdonyaye kta.

5 Herod Juda wicaštayatapi taanpetu kin en wawayušna wan Zacariyas eciyapi, Abia optaye kin hetanhan ; qa tawicu kin iš Aaron cunwintkupi kin etanhan ; unkan he Elisabeth eciyapi.

6 Hena sakim Wakantanka itokam owotanpidan, qa Itancan tawoahope qa wicoope tawa kin owasin omanipi, iyaonpepica šni unpi.

7 Unkan Elisabeth hokšin yuhe šni un, qa hecen cinca nicapi ; unkan sakim wanna kanpi.

8 Unkan iye optaye kin ohna wošna wicoñan kin Wakantanka itokam econ eca,

9 Tipi wakan Itancan tawa kin timahen iyaya eca, waazintonpi econ šipi ece, wošna wicoñan econpi kin eciyatanhan.

10 Unkan waazintonpi icunhan,

oyate kin owasin itankan cekiya hiyeya.

11 Unkan Itancan taohnihde wan en taniničiya, qa wahna azintonpi kin etapa tanhan hina-jin.

12 Unkan Zacariyas he wanyake cehan, wacin iyokišice qa wakokipe hinca.

13 Tuka ohnihde wakan kin heciya ; Wakokipe šni wo, Zacariyas ; wocekiye nitawa kin nahonpi ; qa nitawin Elisabeth hokšidan wan niciyuhe kta, unkan he Johannes eya cašyakiton kta.

14 Qa he on wowiyuškin wopida ko duhe kta, qa tonpi kin on wicota iyuškinpi kta.

15 Qa iye Itancan kin itokam tanka kta ; qa miniša miniwakan ko takudan yatke kte šni ; qa hunku ikpi kin etanhan Woniya Wakan kin on ojudan kta.

16 Unkan iye Israel cinca kin wicota Itancan Wakantanka tawapi kin ekta wicayahomni kta.

17 Qa Elias toksape qa towašake kin yuha itokam ye kta, qa atewicayapi cincawicayapi kin kici cante wicayuokonwanjidan, qa wanañonpi šni kin hena owotanna unpi wicoksape kin ekta wicayuhomni kta ; qa oyate wan Itancan on ihduštanpi kin wiye-ya kicihnake kta e heon etanhan.

18 Unkan Zacariyas ohnihde wakan kin heciya ; Wanna wimacahinca, qa mitawin wanna kan ; hecen taku on de sdonwaye kta he.

WICOWOYAKE 1.

19 Unkan ohnihde wakan kin waayupte ça heciya; Gabriel, Wakantanka itokam najin kin he miye; qa ociciye ça, wotanin wašte kin de sonyeciciye kta e u mašipi.

20 Unkan iho, mioie kin tohan iyehantu kinhan yuecetupi kte cin he wicayada šni kin he on, tohanyan yuecetupi šni kin hehanyan, ie šni, qa ia okitpani yaun kta ce.

21 Unkan oyate kin Zacariyas ape hiyeye, ça tehan tipi wakan kin ohna yanke cin on etanhan inihanpi.

22 Unkan tankan hdicu qehan, owicakiye kte cin okitpani: unkan namwicakicawin, qa ie šni un; on etanhan tipi wakan kin ohna taku wakan wanji wanyaka e iyukcanpi.

23 Unkan wicošan econ ece kin anpetu kin wanna ihunnikiya, hehan iye ti kin ekta kihda.

24 Unkan anpetu kin hena iyohakam tawicu Elisabeth hokšin itpihnaka; unkan wi zaptan hehanyan inalibe, ça heya;

25 Anpetu kin en, Itancan kin wicašta kin taku i en mahdepi qon he emiciyaku kta on ahimatonwe cehan, decen ecamicon ce.

26 Unkan wi isakpe kin en, Gabriel ohnihde wakan kin Wakantanka etanhan u šipi; Galile ekta, otonwe wan Nazareth eciyapi kin hetu;

27 Wikoška wan wicašta wan Joseph eciyapi, Dawid wicowazi tawa kin etanhan, yuze kte cin he ekta; unkan wikoška kin Mary eciyapi.

28 Unkan ohnihde wakan kin he en hi qa heciya; Wiyuškin wo, wašteya yaun kin; Itancan kin niciun, winohinca owicapeya niye niyawaštepi ce.

29 Unkan he wanyake cehan, oie kin on inihan, qa okiyapi kin de taku kta hecinhan he awacin un.

30 Unkan ohnihde wakan kin heciya; Mary, wikope šni wo; Wakantanka ekta wowašte iye-yaya.

31 Qa iho, hokšin itpiyahnake ça hokšidan wan yaton kta, qa Jesus eya cašyakiton kta.

32 Iye tanka kta, qa Iyotan Wankantu kin Cinhintku kin eciyapi kta; qa atkuku Dawid tohe kin Wakantanka Itancan kin hduhekiye kta.

33 Qa Jakob ti kin he ohinnian idake kta; qa wokiconze tawa kin okiciwihanke kte šni ce, eya.

34 Hehan Mary ohnihde wakan kin heciya; Wicašta sdye šni waun kin heon, de token on iyecetu kta he.

35 Unkan ohnihde wakan kin waayupte ça heciya; Woniya Wakan kin en niu kta, qa Iyotan Wankantu towašake kin aohanziniye kta, qa hecen taku wakan wan yaton kte cin he Wakantanka Cinhintku kin eciyapi kta.

36 Unkan inyun, Elisabeth icepanšiyaye cin, he wakanka tuka is eya wanna hokšin itpihnaka ce, qa hokšin yuhe sni eciyapi qon, he wanna wi kin de isa-kpe.

37 Wakantanka ekta taku okihipica šni wanica ce.

38 Unkan Mary heya; Itancan ookiyemaye cin wanmayaka we; nioie kin iyecen ecamiconpi nunwe. Hehan ohnihde kin elipeya kihda.

39 Unkan anpetu kin hena en Mary inajin, qa koyahanna hoški makoce kin, Juda otonwe wan ekta iyaya:

LUKAS.

40 Qa Zacariyas ti kin en tin iyaye, ça Elisabeth okiya.

41 Unkan Elisabeth Mary ia nahon qehan, itpi mahen hoksiyoqopa kin shehanhan; hehan Elisabeth Woniya Wakan kin ojudan:

42 Qa hotankakiya hotanin, qa heya; Winohinca opeya niye niyawaštepi, qa niitpi kin etanhan icage kte cin he yawaštepi ce.

43 Qa Itancan mitawa hunku kin ekta mahi kte cin de token kapi he.

44 Inyun, iyae cin noge iyohipemaye cehan, hecehnana miiitpi mahen hoksiyoqopa kin woyuški on shehanhan.

45 Unkan tuwe wicada qon he yawaštepi: Itancan kin taku eciye cion hena ecen yuštampi kta ce, eya.

46 Unkan Mary heya; Minagi kin Itancan kin yatan;

47 Qa mitaniya kin he Wakan-tanka Wanikiya mitawa kin on iyuški ece.

48 Taokiye kuya un kin ekta ahimatonwan on etanhan inyun, detanhan wicoicage kin owasin yawaštepi emakiyapi kta ce.

49 Tuwe waśake cin he taku hinca ecamicon; unkan caje kin wakan ce.

50 Tona kokipapi kin hena wicoicage qa wicoicage kin onśiwicakida ece.

51 Iye isto kin on wowaśake hdutanin; witantampi kin hena taku cante mahen wacinyuzapi kin en wicayuomdeca.

52 Waśaksakapi kin oyanke etanhan kun hdicuwicaye ça, kuya unpi qon hena wakan wapa awicaya.

53 Wotektehdapi kin hena taku waštešte on imnahanwicaye,

ça wijicapi kin is cokakadan tokan yewicaşi.

54 Iye towaonsida kiksuye cin on taokiyeye cin Israel he iciya ece.

55 Hunkakewicunyanpi owica-kiye cion iyececa, Abraham iye cinca kin om, owihanke wanica.

56 Unkan wi yamni ecetu hehanyan Mary Elisabeth kici un, qa hehan iye ti ekta kihda.

57 Elisabeth cinca ton kte cin wanna iyehantu; unkan hokşidan wan ton.

58 Unkan ikiyedan unpi kin hena, içepanwicaye cin koya, Itancan kin nina onśikida nahonpi; hecen kici iyuški.

59 Unkan anpetu isahdogan qehan, hoksiyoqopa kin bahdayapi kta on hipi; unkan atkuku Zacariyas caje kin he icajeki-yapi.

60 Unkan hunku kin waayupte ça heya, Hiya; tuka Johannes eciyapi kta.

61 Unkan heciyapi; Takuwicayaye cin tuwedan hecen eciyapi şni ce.

62 Unkan atkuku kin is token eya cajeyate kta hecinhan, he iyuteya iwangapi.

63 Unkan is wowapi akan kagapi wan da, qa; Johannes he caje kin ee ce, eya owa. Unkan owasin inihanpi.

64 Unkan hecehnana i kin yukawapi, qa ceji kin kiyuškapi; unkan ie, ça Wakantanka yatan.

65 Unkan oksan tipi kin owasin wikopapi: unkan iapi kin dena owasin Juda hoški kin owancaya yaotaninpi.

66 Unkan tona nahonpi kin owasin cante mahen awacin unpi, qa heyapi; De taku hoksiyoqopa kta he. Unkan Wakan-tanka nape kin he kici un.

WICOWOYAKE 2.

67 Hehan atkuku Zacariyas Woniya Wakan ojudan, qa wokcan qa heya;

68 Itancan Wakantanka Israel tawa kin he taoyate kin wanna wicahiyohi, qa opewicakiton, on etanhan yawaštepi nunwe:

69 Taokiye Dawid ti kin en wanikiyapi he wan yuwankan eunkicihdepi ce:

70 Maka kin tokaheya icage cin ehantanhan, wicašta wokcan wakan tawa ipi kin eciyatanhan, oie kiton kin hena iyecetu:

71 Hecen tokaunyanpi qa unkiyušepi kin hena napepi kin etanhan niunkiyapi kta;

72 Wowaonšida hunkakewicunyanpi cajewicakiyate ciquon, he ecen econ kta, qa wokiyapi wakan tawa kin he kiksuye kte;

73 Abraham ateunyanpi kin he taku wakanyan eciye ciquon he hee kta ce;

74 Decen ionšiumkidapi kta, tona tokaunyanpi nape kin etanhan unkiyušpapi kinhan, wokokipe codan ohoundapi kta,

75 Iye itokam, wicoowotanna qa wicoecetu kin en, tohanyan unnipi kin hehanyan.

76 Qa niye, hokšiyogopa, Wicašta wokcan Iyotan Wankantu tawa kin eniciyapi kta; Itancan tacanku kin wiyeya yecage kta on ite kin itokam de kta;

77 Taoyate woahitani wicakicicajujupi kin eciyatanhan wanikiyapi sonyapi kte cin he wicayaqu kta;

78 Wakantanka unkitawapi canteunkiyapi kin heon etanhan; qa heon wankan tanhan anpao kin hiyounhipi ce;

79 Hecen otpaza qa wiconte ohanzi kin ehna iyotankapi kin hena iyoyamwicaye kta; qa unsihapi kin wookiye canku kin ohna unkayapi kta ce, eya.

80 Unkan hokšiyopa kin icage, ça tawacin kin wašaka aya; unkan Israel en taniničiye kte cin hehanyan, makoskan en ece un.

WICOWOYAKE 2.

1 Unkan anpetu kin hena en, Kesar Agustus, maka kin owancaya wicašta owicawapi kta, wakiconza.

2 Kurenios Suria en wicaštayatapi yanke cin he ehan tokaheya owicawapi kin de yuštampi.

3 Unkan owasin toketken tonwanyanpi qon owicawapi kta e ektakta kipi.

4 Unkan Joseph, Dawid ti qa wicowazi tawa kin hetanhan, heon iš eya, Galile en Nazareth otonwe kin etanhan ye ça, Bethlehem Dawid totonwe kin ekta ki;

5 Mary tawicuye kte cin he kici owapi kta; he wanna cinca ton kta ikiyedan.

6 Unkan hen yukanpi kin icunhan, anpetu en cinca ton kte cin wanna iyehantu.

7 Hecen cinhintku tokapa kin ton, qa šina on hduskite ça, wanunyanpi en wotapi wan en ohnaka; timahen owicakan šni heon etanhan.

8 Unkan makece kin he en tahincaska awanwicayakapi kin heca hanyen optaye tawapi kin awanwicahdakapi.

9 Unkan iho, Itancan taohnihde wan en wicahi, qa Itancan tawookitanin kin ohomni iyojanjanwicaya; unkan nina wikipapi.

10 Unkan ohnihde wakan kin hewicakiya; Wikopapi šni po; iho, wopida tanka wootanin wašte oyate kin owancaya ecen ye kte cin, he eca hoši cicahipi ce.

11 Anpe dehan Dawid totonwe

LUKAS.

kin en Wanikiya wan nicitonpi, Messiya Itancan kin he hee.

12 Qa on sdonayayapi kte cin he dee; Hoksiyoqopa kin sina on yuskiskitapi qa wanunyanpi en wotapi wan ohna wanka iye-yayapi kta ce.

13 Unkan ihnuhanna mahpiya ekta unpi kin wicota ohnihde wakan kin kici hiyeya, Wakan-tanka yatanpi qa heyapi;

14 Iyotan wankantu ekta Wakantanka wowitan yuha nunwe, maka akan wookiye qa wicasta ekta wicokiciyuwaste.

15 Unkan mahpiya ohnihde kin hena ehpeya wicakiyahdapi qehan, wicasta tahincaska awan-wicayakapi kin hekiciyapi; Wanna Bethlehem ekta unyanpi, qa taku hiyohi Itancan unko-kiyakapi kin de wanunyakapi kta ce.

16 Hecen koyahanna upi, qa Mary Joseph kici, qa hoksiyoqopa kin wanunyanpi en wotapi wan ohna wanka iyeyapi.

17 Unkan wanyakapi qehan, hoksiyoqopa kin on iapi nahonpi qon, he owancaya yaotaninpi.

18 Unkan tahincaska awanwicayakapi taku yaotaninpi kin he tona nahonpi kin owasin yusin-yayapi.

19 Tuka Mary wicoie kin dena owasin cante mahen okihna-ke ca awakicin un.

20 Unkan tahincaska awanwicayakapi kin hena kihdapi, qa taku nahonpi qa wanyakapi kin on Wakantanka yaonihanpi qa yatanpi; taku owicakiyakapi qon he iyececa.

21 Unkan wanna anpetu isa-hdogan, hoksiyoqopa bahdayapi kta hehan Jesus eciyapi; nahahin itpihnakapi sini he ehan mahpiya ohnihde kin hecen caston.

22 Unkan Moses woope kage cin iyececa, anpetu en ihdukašote kte sini hena wanna henakeca, hehan Itancan kin qupi kta e Jerusalem ekta hdoupi.

23 Itancan woope tawa kin en owapi qon iyececa; Tona toka-papi, wica eca, otoiyohi Itancan kin ekta wakan eciyapi kta ce.

24 Qa nakun wawayušnapi kta, token Itancan toope kin en eyapi qon he iyececa; Wakiyedan tawanjidan, qa is wakiyedan cinca nonpa ce.

25 Unkan iho, Jerusalem en wicasta wan Simon eciyapi; he wicasta owotanna qa cekiya ece kin heca, qa Israel Wokicanpte kin ape un; unkan Woniya Wakan kin kici un.

26 Unkan he te sini itokam Itancan Messiya tawa kin he wanyake kta, Woniya Wakan kin okiyaka.

27 He Woniya kin on tipi wakan kin en tin hiyu; unkan hun-kakewicaye cin hoksiyoqopa Jesus, wicoope kin eciyatanhan ecakiconpi kta e en hdoupi;

28 Hehan adoksohan yuze, ca Wakantanka yawašte, qa heya;

29 Mayuha, nitaokiye kin wanna wookiye yuha iyayeyaye kta;

30 Wowanikiye nitawa kin he mišta kin on wanmdaka ce;

31 Oyate kin owasin wicitokam wiyeya yehnake cin he;

32 Ojanjan wan oyate kin aojanjanwicaye kte cin, qa nitao-yate Israel wookitanin kin, he hee ce, eya.

33 Unkan taku eciyapi kin hena on hunku qa Joseph yu-sinyayapi.

34 Unkan Simon wicayawašte, qa hunku Mary heciya; Inyun, Israel en wicota hicahanpi, qa ake inajinpi kte cin on hoksi-yopa kin de ehdepi, qa nakun

WICOWOYAKE 3.

wowapetokeca ienhdepi kte cin ee kta ;

35 Qa nakun mazasagye wan on nitaniya kin canipapi kte ; qa hecen wicacanteoze ota yuotaninpi kta ce, eya.

36 Unkan waayate wanji Anna eciyapi, Phanuel cunwintku, qa Aser wicowazi kin etanhan ; he wanna wakanka hinca, qa hihnaton kin etanhan waniyetu šakowin hehanyan hihnaku kici un :

37 Qa he wanna wiwazica, waniyetu wikcemna šahdogan sanpa topa ecetu, qa tipi wakan kin en ece un, qa wote šni unpi wocekiye eya ahna on ohoda ece.

38 Unkan he hehantudan hin en u, qa is eya Itancan kin yatan, qa Jerusalem en tona opewicakitonpi kin ape unpi kin hena owasin Jesus cajewicakiyata.

39 Unkan Itancan wicoope tawa kin owasin ecekcen yuštampi qehan, Galile en iye otonwe tawapi Nazareth he ekta kihdapi.

40 Unkan hokšiyopa kin icage, ça woniya kin en wašaka aye, ça wicoksape kin on ojudan ; unkan Wakantanka towašte kin he kici un.

41 Woacakšin wotapi eca, hunkakewicaye cin waniyetu towanakeca Jerusalem ekta ipi ece.

42 Unkan Jesus wanna waniyetu akenonpa, hehan wotapi wicohan kin iyececa, Jerusalem ekta ipi.

43 Unkan anpetu kin yuštampi qehan, hdicupi, tuka hokšiyopa Jesus hekta Jerusalem en yanka ; tuka hunku Joseph kici he sdon-yapi šni.

44 Tuka ptaya hdapi kin en opa kecinpi, hecen anpetu wan-

jidan iyooptapi, qa takuwicayapi kici sdonkiciyapi ko wicehna okidepi.

45 Qa iyeyapi šni, hehan Jerusalem ekta ake icicawin akin ipi.

46 Unkan yamni can, hehan tipi wakan kin en waonspekiyapi kin wicacokam waanawicagoptan, qa wiwicawanli yanka iyekiyapi.

47 Unkan wacin ksape cin, qa waayupte cin tona nahonpi qon owasin inihanpi.

48 Unkan wanhdakapi qehan yušinyayapi ; qa hunku kin heciya ; Cinš, tokeca decen unko-yakilihandapi he ; iho we, niyate kici wacin iyokišinya ocide ce.

49 Unkan hewicakiya ; Tokeca omayadepi he : Atewaye cin wicohan tawa kin he ito owecipe kta kecannipi šni he.

50 Unkan taku ewicakiye cin he okalinigapi šni.

51 Hecen om hde, ça Nazareth ekta ki, qa anawicakigoptan un. Unkan hunku kin wicoie kin dena owasin cante mahen yuha un.

52 Unkan Jesus sanpa ksape ça hanska icaga ; qa Wakantanka wicašta ko ekta waštadakapi.

WICOWOYAKE 3.

1 Unkan Tiberius Kesar wicaštayatapi un waniyetu iakezaptan, Pontius Pilate Juda en itancan, Herod Galile en itancan, qa iye sunkaku Philip Itureya qa Trakonitos en itancan, qa Lusanius Abilene en itancan ;

2 Qa Annas Kaiaphas kici wošna kaga itancanpi qon he ehan, he-wotahedan ekta, Johannes Zacariyas, cinhintku kin Wakantanka oie kin hiyohi.

LUKAS.

3 Unkan he Jordan kahda ma-koce kin owancaya en u, qa woahitani kajujupi kta on iyopeiçiyapi baptem wicaqupi kin he oyaka:

4 Wicašta wokcan Isaya oie wowapi kin en owapi qon he iyececa; Wicaho wan tuwe makotahedan ekta heya niyan; Itancan tacanku kin wiyeya kicaga po, ocanku tawa kin kiciyuowotan po:

5 Kaksiza owasin ojuyapi, qa heyaka paha ko owasin kahukun iyeyapi kta, qa pakşikšan kin hena yuowotanpi, qa ocanku tahtage cin hena yumdayapi kta ce;

6 Qa wicacełpi kin owasin Wakantanka wowanikiye kin wanyakapi kta ce.

7 Unkan wicota baptem wicaqu kte cin en ahi kin hena hewicakiya; Wamduška wicoicage kin, tuwe wocanniye u kte cin etanhan nape niłipi he.

8 Hecen iyopeiçiyapi iyececa waskuyeca icahya po, qa, Abraham ateunyanpi ce, cante mahen ecinpi šni po; miye heciçiyapi; Wakantanka inyan kin dena etanhan Abraham cinca kicage kta okihi.

9 Unkan is eya onspe kin wana can hute kin en ehnakapi; heon etanhan can kin tona waskuyeca wašte aicage šni kin hena owasin kawankapi qa petan ełpeyapi ece.

10 Unkan oyate kin, Hehan unkiye token econkupi kta he, eya iwangapi.

11 Waayupte ça hewicakiya; Tuwe onhdohda nonpa yuhe cinhan, he tuwe nice cin unma qu kta; qa tuwe woyute ton kinhan, is cya ecen econ kta ce.

12 Hehan wamnayanpi kin is nakun baptem wicaqu kta on en

hipi qa heciyapi; Waonspekiye, unkiye token econkupi kta he.

13 Unkan hewicakiya; Waki-conzapi kin isanpa kicapi šni po, eya.

14 Unkan akicita kin is eya wiwangapi qa heciyapi; Qa unkiš token econkupi kta he. Unkan hewicakiya; Wicašta kin tuwedan wakokipe kicagapi šni, qa tuwedan oitonšniyan taku iya-onpapi šni po; qa wokajuju niçu-pi kin he on cante wašte po.

15 Unkan oyate kin owasin wakta hiyeya, qa wicašta owasin Johannes on awacinpi, he Messiya kin hee, qa is hee šni hecinhan;

16 Hehan Johannes waayupte ça owasin hewicakiya; Awica-kehan mini on baptem ciçupi; tuka wanji mikapeya wašaka u, he iye tahanpe hankpan kin weciyuške kta iyemacece šni; he qe Woniya Wakan peta ko on baptem niçu-pi kta.

17 He iye wicaduge nape ohna hduhe, ça owanka tawa kin tanyan hduska kta; qa aguyapi su kin he tpahi, qa canwohnaka kin en okihnake kta; tuka ha kin e peta kasnipica šni wan on hułnaliye kta ce, eya.

18 Unkan wahokonwicakiyecin en taku toktokeca nakun ota oyate kin owicakiyaka.

19 Unkan Herod wicašta itancan kin, iye sunkaku tawicu Herodias hee on, qa taku šica Herod econ kin owasin on iyopeya;

20 Hecen taku owasin sanpa akicage ça, wicakaška tipi kin en Johannes kaška hnaka.

21 Unkan oyate kin owasin baptem wicaqupi, qa Jesus is eya baptem qupi, qa cekiya un qehan, małpiya kin yuzamnipi;

22 Qa Woniya Wakan kin wakiyedan kałiya tantonyan kun u,

WICOWOYAKE 4.

qa en iyahan; unkan maḥpiya eciyatanhan wicaho wan hiyu, qa heya; Micinksi waštewakidake cin he niye; niye on iyo-makipi kinca.

23 Unkan Jesus iye wanna waniyetu wikcemna yamni kta, Joseph cinhintku kin hee kecinpi, he Heli etanhan,

24 He Matthat etanhan, he Lewi etanhan, he Melki etanhan, he Janna etanhan, he Joseph etanhan,

25 He Mattathias etanhan, he Amos etanhan, he Naum etanhan, he Esli etanhan, he Nagge etanhan,

26 He Maath etanhan, he Mattathias etanhan, he Seme etanhan, he Joseph etanhan, he Juda etanhan,

27 He Joanna etanhan, he Resa etanhan, he Zorobabel etanhan, he Salathiel etanhan, he Neri etanhan,

28 He Melki etanhan, he Addi etanhan, he Kosam etanhan, he Elmodam etanhan, he Er etanhan,

29 He Jose etanhan, he Eliezer etanhan, he Jorim etanhan, he Matthat etanhan, he Lewi etanhan,

30 He Simeon etanhan, he Juda etanhan, he Joseph etanhan, he Jonan etanhan, he Eliakim etanhan,

31 He Melea etanhan, he Menan etanhan, he Mattatha etanhan, he Nathan etanhan, he Dawid etanhan,

32 He Jesse etanhan, he Obed etanhan, he Booz etanhan, he Salmon etanhan, he Naasson etanhan,

33 He Aminadab etanhan, he Aram etanhan, he Esrom etanhan, he Phares etanhan, he Juda etanhan,

34 He Jakob etanhan, he Isaak etanhan, he Abraham etanhan, he Thara etanhan, he Nacor etanhan,

35 He Seruk etanhan, he Ragu etanhan, he Phalek etanhan, he Eber etanhan, he Sala etanhan,

36 He Kenan etanhan, he Arphaksad etanhan, he Sem etanhan, he Nowa etanhan, he Lamek etanhan,

37 He Mathusala etanhan, he Enok etanhan, he Jared etanhan, he Maleleel etanhan, he Kanan etanhan,

38 He Enos etanhan, he Seth etanhan, he Adam etanhan, he Wakantanka etanhan.

WICOWOYAKE 4.

1 Unkan Jesus Woniya Wakan kin ojudan, Jordan eciyatanhan hdi; qa Woniya kin makotahe-dan ekta iyayeya;

2 Anpetu wikcemna topa hehanyan Wakansica wawiyutanyan. Unkan anpetu kin hena en takudan yute šni; tuka hena ihunniyan hehan wotektehda.

3 Hehan Wakansica heciya; Wakantanka Cinhintku kin he niye hecinhan, inyan kin de aguyapi icage kta, keya wo.

4 Unkan Jesus waayupte ca heciya; Aguyapi ecedan on wicani kte šni; tuka Wakantanka oie kin owasin on *wicani* kta ce, eya owapi ce.

5 Hehan Wakansica paha wan tehanwankantu ekta aye ca, wancake maka wokiconze kin owasin kipazo.

6 Unkan Wakansica heciya; Wicowašake kin de wicookitan-in ko owasin ciçu kta; hena owasin yuhemakiyapi, qa tuwe wacin kinhan waqu kta.

7 Heon etanhan niš mitokam

LUKAS.

makata ehpeniçiye cinhan, owasin nitawa kta ce.

8 Unkan Jesus waayupte ça heciya; Satan, mitapetepa tanhan ya wo: Itancan Wakantanka nitawa kin, he iye itokam makata ehpeniçiye kta, qa iye isnana ahoyape kta ce, eya owapi ce.

9 Hehan Jerusalem ekta abi, qa tipi wakan inkpa kin akan ehde, qa heciya; Wakantanka Cinhintku kin he niye hecinhan, hetanhan kun ehpeiciya wo.

10 Kaken wowapi en kagapi qon; Ohnihdewicaye cin hena niye on econ wicaşı, niyuhapi kta;

11 Qa napepi kin ohna yuwan kan niyuzapi kta; qa hecen tukten inyan kin en siha ibonito kte şni, eya owapi ce, eya.

12 Unkan Jesus waayupte ça heciya; Itancan Wakantanka nitawa kin he iyutanyaye kte şni ce, eya owapi qon.

13 Unkan Wakanşıca wowiyutanye kin owasin yuştan qehan, tona can ehpeya kihda.

14 Hehan Jesus Woniya towaşake kin yuha Galile en hdi; unkan ihduksan makoce wanke cin owancaya he oyakapi.

15 Unkan omniciye tipi tawapi kin ohnahna waonspekiya ece, hecen owasin yuonihanpi.

16 Unkan Nazareth en icalıya-pi qon he ekta hdi; qa econ cce kin he iyecen, anpetu wakan icunhan, omniciye tipi kin en tin iyaye ça, wowapi yawa kta inajin.

17 Unkan Isaya wicaşta wokcan tawowapi kin qupi. Unkan wowapi kin yumdaye çehan, decen owapi kin iyeya;

18 Itancan Woniya tawa kin he akan maun; heon walıpanı-capi kin wotanin waşte kin owi-

cawakiyake kta e sdamakiya; tona cante psakawahanpi kin asniwicawaye kta on u maşı; wayaka unpi kin wicakiyuşkapi kta, qa iştagongapi kin ake tonwanpi kte cin omdake kta; tona kahdehıdecapi kin hena wicawakiyuške kta;

19 Qa Itancan omaka oiyokipi tawa kin omdake kta ce.

20 Unkan wowapi kin ecen eyaku, qa ookiye kin he kicu, qa iyotanka. Unkan omniciye tipi kin ohna hiyeye cin owasin opalıtapi.

21 Unkan hehan hewicakiya; Anpetu kin de ninogepi kin en wowapi kin de yuecetupi ce.

22 Unkan owasin yaotaninpi, qa wowaonşıda oie iye i kin etanhan inanpe cin on yuşinyayapi; qa heyapi; Joseph cinhintku kin he dee şni he.

23 Unkan hewicakiya; Awicakehan iapi kin de ccen emayakiyapi kta; Niye pejihuta wicaşta kin, asniiciya wo: Kapernaum ekta token ecanon naunhonpi kin, makoce nitawa kin den nakun ecen econ wo.

24 Unkan heya; Awicakehan heciciyapi; Wicaşta wokcan tuwedan iye tamakoce kin en iyo-winkiyapi şni ece.

25 Tuka awicakehan heciciyapi; Elias taanpetu kin en, waniyetu yamni sanpa wi şakpe hehanyan malıpiya kin natakapi; qa makoce kin owancaya wicaakıhan hince ciqon he ehan, Israel en wiwazica ota.

26 Tuka hena wanjidın Elias ekta ye şipi şni; Sidon en Sarepta otonwe kin en, winohınca wiwazica wan heceedan ekta ye şipi.

27 Nakun Elisha wicaşta wokcan ni un qehan, lepros ececa wicota Israel en unpi, tuka hena

WICOWOYAKE 5.

wanjidan yuskapi šni, Naeman Suriya wicašta kin heceedan ce.

28 Unkan omniciye tipi ohna hiyeye ciqon hena nañonpi qehan, owasin šihdapi hinca ;

29 Qa najin hiyayapi qa otonwe kin itankan iyayeyapi, qa paha akan otonwe hdepi kin he matete ekta ayapi, qa kuñ eñpeyapi kta.

30 Tuka iye wicacokaya tanhan iyoopta iyaye ça kihda.

31 Qa Galile en Kapernaum otonwe kin he ekta hi, qa anpetu wakan eca waonspewicakiya ece.

32 Unkan waonspewicakiye cin on inihanpi ; oie kin he wowaśake kicica nakaes.

33 Unkan omniciye tipi kin ohna wicašta wan wakan śica śapa woniya kin yuha ; qa he hotankakiya hoyeya ;

34 Qa heya ; Hanta wo, Jesus Nazareth, niye qa unkiye taku unkicicapi he ; ihangunya-yapi kta yahi he ; Wakantanka Taku Wakan Wanji tawa kin he niye e sdonciya ce.

35 Unkan Jesus kiśice ça heciya ; Inina un, qa wicašta kin etanhan tankan hinapa wo, eya. Unkan wakanśice cin wicašta qon wicacokam eñpeye cehan, etanhan tankan hinapa ; tuka ksuweye šni.

36 Unkan owasin inihanpi, qa iyakitedan hekiciyapi ; De taku oie kin ; wicookihi wicowaśake ko on woniya śape cin econ wicaśi eca, tankan hinanpapi ece.

37 Unkan ihdukśan makoce wanke cin owancaya he oyakapi.

38 Unkan omniciye tipi kin etanhan hdicu, qa Simon ti kin en tin iyaya. Unkan Simon kunku kin he tancan wicakata ececa hinca ; hecen on ceki-yapi.

39 Unkan en inajin, qa tancan kata kin he kiśica ; unkan asni hinnda : qa hecehnana najin hiyaye ça, owicakiya.

40 Unkan wi iyaya hehan, woyazan ocaje ota on wicayazan tona wicayuhapi kin hena en awicahipi ; unkan otoiyohi nape awicahnake ça asniwicaya.

41 Qa wakan śica is eya ota wicota etanhan hinanpapi, qa heya niyanpi ; Wakantanka Cinhintku Messiya kin he niye ce. Unkan iye wicakiśice ça, Messiya hee sdonyapi kin he, eyapi kta iyowicaki šni.

42 Unkan wanna anpao hinape cehan tokan iyaye, ça makotahe-dan ekta ya ; unkan oyate kin odepi, qa *yanke cin* ekta ahi, qa eñpeya iwicayaye kte cin iyanaptapi.

43 Unkan hewicakiya ; Wakantanka tokiconze kin otonwe toktokeca nakun ohna omdake kta ; heon etanhan u maśipi ce.

44 Hecen Galile omniciye tipi kin hena ohnahna woyaka ece.

WICOWOYAKE 5.

1 Unkan oyate kin Wakantanka oie kin nañonpi kta e aohdu-teyapi qehan, Geneseret mde kin icahda inajin.

2 Qa mde kin en wata nonpa wanka wanyaka ; tuka hokuwapi kin is wanna tokan iya-yapi, qa ho kin hdujajapi.

3 Unkan wata unma Simon tawa kin he en ope ça, kitanna canan wapa iyayeye kta cin. Hehan en iyotanke ça, wata kin etanhan oyate kin waonspewicakiya.

4 Unkan wanna ayaştan qehan Simon heciya ; Mini šbe kin ekta iyaye ça ho kin minin iyo-ñpeya wo.

LUKAS.

5 Unkan Simon waayupte, ça heciya; Waonspekiye cin, han-yetu osan litaunnipi, qa takudan unktepi šni; tuka nioie kin on ho kin iyohpewaye kta ce.

6 Unkan heconpi qehan, hogan utkanna yuzapi; unkan ho kin papsakapi.

7 Unkan tawašitkupi wata unma en opapi qon hena nam-wicakicawinpi, en upi qa owica-kiyapi kta. Unkan en hipi qa wata napin ojuki-yapi, hecen iyu-jimnana hiyeya.

8 Unkan Simon Inyan he wan-yake çehan, Jesus hupahu kin en makata ehpeiciye ça heya; Itancan, ehpeya imayaya wo, wicašta wahtani sa hemaca ce.

9 He iye qa tona om un qon hena hogan yuzapi kin on etan-han owasin inihanpi.

10 Unkan Jakob qa Johannes Zebede cinhintku kin hena oza, Simon tawašitkuwicaya, is eya inihanpi. Unkan Jesus Simon heciya; Wikope šni wo, detan-han wicašta kin wicaduze kta ce.

11 Unkan wata qon hutata ah dihunipi qehan, owasin ehpe-kiyapi, qa iyahna yapi.

12 Unkan otonwe wan en un qehan, iho, wicašta wan lepros ececa hinca, he Jesus wanyake çehan, ite makipuskin ehpeiciye ça, cekiye ça heya; Itancan, ya-cin kinhan mayaduska kta oya-kihi.

13 Unkan nape yekiye, ça yu-tan, qa heya; Wacin ce: ska un wo, eya. Unkan wancake lepros ececa qon asni hinhda.

14 Unkan tuwedan okiyake šni ši; tuka wawayušna kin ekta ye ça wanyagiçiye kta, qa wa-yuskapi kta on token Moses econ wicaši qon he ecen econ kta, keya; hecen wowicakiyake kta.

15 Tuka heon iyotan tankaya wicohan kin he oyakapi; hecen wicota en mniciyapi, nahonpi kta, qa wayazankapi wicayu-hapi kin asniwicaye kte cin heon.

16 Hehan icunonpa makotahe-dan wan ekta ye ça wocekiye eya.

17 Unkan anpetu wan waon-spewicakiya icunhan, Pharisee qa wicoope onspekiye cin hena, Galile otonwe kin owasin, qa Juda qa Jerusalem etanhan, en ahi kin hena en iyotankapi; un-kan Itancan towašake kin asni-wicaye kta e en un.

18 Unkan iho, wicašta wan taťake cin he owinja ohna wica-šta yuha upi: qa timahen ayapi qa itokam ehnakapi kta akitapi.

19 Tuka wicota kin on token en aipi kte šni wanyakapi qehan, tipi akan inajinpi, qa akałpe yu-łdokapi eciyatanhan cokaya Je-sus itokam kun hiyuyapi.

20 Unkan wacinyanpi kin he wanyake çehan, heciya; Wica-šta, wayahtani kin nicicajujupi ce.

21 Unkan wowapi kagapi qa Pharisee kin is waakinicapi qa heyapi; De tuwe e taku šica decen eya he. Tuwe woahťani kajuju kta okihi he; Wakantan-ka ecedan okihi.

22 Tuka tawacinpi kin Jesus iwicayukcan, hehan waayupte ça hewicakiya; Taku e cante mahen ayakinicapi he:

23 Wayahtani kin nicicajujupi ce; qa is, Najin qa mani wo, eyapi kte cin unma tukte waša-kadan he.

24 Tuka Wicašta Cinhintku kin he is maka akan woahťani kajuju kta okihi sonyayapi kta; hehan taťake cin he heciya; Najin qa nitowinja ehdaku qa

WICOWOYAKE 6.

yati kin ekta hda wo, eciciya ce, eya.

25 Unkan wancake wicitokam najin hiyaye, ça akan wanke ci-qon he ehdaku, qa iye ti kin ekta hde, ça Wakantanka yatan.

26 Unkan owasin inihanpi, qa Wakantanka yatanpi; qa wiko-papi hince, ça heyapi; Wicohan nakaka toktokeca wanunyakapi ce, eyapi.

27 Unkan taku kin dena iyo-hakam hetanhan ye, ça wamnayanpi kin heca wanji Lewi eciiyapi, wamnayanpi oyanke kin en iyotankehan yanka e wanyaka; qa, Miyahna u wo, eciiya.

28 Unkan taku owasin ehpeye ça, najin hiyaye ça, ihakam iya-ya.

29 Unkan Lewi iye ti kin en wohanpi tanka kicaga; unkan wamnayanpi kin is wicota, qa toktokeca nakun en opeya wotapi kta iyotankapi.

30 Tuka wowapi kagapi wicayuhapi qa Pharisee kin hena waonspewicakiye cin wicakigepi, qa heyapi; Tokeca e wamnayanpi qa walitanipi sa om wayatapi qa wadatkanpi ece he.

31 Unkan Jesus waayupte ça hewicakiya; Tona zanipi kin hena pejihutawicašta cinpi šni, tuka wayazanpi kin.

32 Owotanpidan kin hena iyo-peiciyapi kta e wicakico wahi šni, tuka walitanipi sa.

33 Unkan heciyapi; Tokeca e Johannes waonspewicakiye cin hena ijehan wote šni unpi qa wocekiye eyapi he, qa Pharisee tawapi kin is eya; tuka nitawa kin wotapi qa wayatkanpi ece.

34 Unkan hewicakiya; Hihnaton ti kin cinca kin hena tawicu ton kin he is owicapeya un kin icunhan wote šni wicayakiyapi kta oyakhipi he.

Dak.

35 Tuka anpetu kin u kta, en tawicu ton kin he ewicakiciyakupi kta; hehan anpetu kin hena en wote šni unpi kta.

36 Unkan wiyacinpi wan owicakiyaka: Wicašta tuwedan šina teca onšpa šina tanike cin en akihdagye šni ece; heconpi kinhan teca qon is yuhdeca ece, qa onšpa teca etanhan kin he tanike cin kicica šni ece.

37 Qa nakun wicašta tuwedan miniša teca ojuha tanike cin en okaštan šni ece; heconpi kinhan miniša kin skepe kta, qa ojuha kin atakuni kte šni.

38 Tuka miniša teca kin he ito ojuha teca en ohnakapi kta; qa sakim yutehanpi ece.

39 Is eya wicašta tuwedan miniša tanika wanna yatke ça, hehan hinnakaha teca cin šni; Tanike cin ees wašte ce, eya ece.

WICOWOYAKE 6.

1 Unkan anpetu wakan inonpa tokaheya, hehan wojupi kin ehna iyaya; unkan waonspewicakiye cin is wahuwapa yuksapi, napopabagapi, qa yutapi.

2 Hehan Pharisee kin wanjikji hewicakiyapi; Tokeca e anpetu wakan kin en taku iyowinwicakiyapi šni kin he eca ecen ecanonpi he.

3 Unkan Jesus awicayupte ça heya; Dawid token econ qon hee kaeš tohinni dawapi šni he; iye qa tona om un qon wotekthdapi qehan.

4 Wakantanka tipi tawa kin en tin iyaye, ça aguyapi taninyan ehnakapi, qa wawayušnapi kin iye isnana hetanhan yutapi kte cin iyowinwicakiyapi qon, he icu, qa yute, ça om unpi qon hena is eya hetanhan wicaqu.

5 Unkan hewicakiya; Wicašta

LUKAS.

Cinhintku kin is nakun anpetu wakan kin Itancan ce.

6 Unkan anpetu wakan tokeca wan omniciye tipi kin en tin iyaye, ça waonspekiya: unkan wicašta wan nape etapa kin snija e en yanka.

7 Unkan wowapi kagapi qa Pharisee kin hena anpetu wakan icunhan asniye kta hecinhan he iwanyakapi, taku iyaonpapi kta akitapi.

8 Tuka iye tawacinpi kin sdonwicaya, qa wicašta nape snije cin he heciya; Najin qa cokaya inajin wo. Unkan najin hiyaye ça en inajin.

9 Unkan Jesus hewicakiya; Miš ito taku wanji iciwangapi kta; Anpetu wakan icunhan taku wašte, qa is taku šica econpi kta he; wanikiyapi, qa is wašeyapi kta, unma tukte hecetu he, eya.

10 Unkan itanihdukšan owasin awicatonwe çehan, wicašta qon heciya; Nape kin hdukatın wo. Unkan ecen econ; qa nape kin unma kin iyecen iyekicetu.

11 Unkan šihdapi hince, ça iye iyakitedan Jesus token ecakiconpi kta hecinhan he iwohdakapi.

12 Unkan anpetu kin hena en Jesus paha wan ekta wocekiye eya i; qa hanyetu osan Wakan-tanka cekiya un.

13 Unkan wanna anpa qehan, waonspewicakiye cin wicakico, qa etanhan akenonpa wicahda-hnige ça, Wahošiyapi, ewicakiya.

14 Simon he Inyan nakun eya cašton, qa he sunkaku kin Andrew, Jakob qa Johannes, Philip qa Bartholomew;

15 Mattheos qa Thomas, Jakob Alpheus cinhintku, qa Simon nakun Zelotes eciyapi;

16 Qa Judas Jakob sunkaku, qa Judas Iskariot, nakun wiyo-peye kte cin hee.

17 Hehan hena om kun hdicu, qa makomdaya en hdinajin; unkan waonspewicakiye optaye kin, qa Juda owancaya qa Jerusalem, qa mde kahdaya Turos qa Sidon, henakiya etanhan wicota hinca, hena ia nañonpi, qa tona wayazankapi kin asniwicayapi kta e en ahi:

18 Nakun tona woniya šapa on kakijapi kin hena; unkan asniwicayapi.

19 Unkan wicota kin iyuhpa yutanpi kta akitapi; etanhan wowašake hiyu qa owasin asniwicaya ece kin heon etanhan.

20 Unkan waonspewicakiye cin awicatonwe, ça heya; Niwahpanicapi kin niš niyawաštepi ce; Wakantanka tokiconze kin he niye nita wapi.

21 Dehan wotekteyahdapi kin niš niyawաštepi ce; innahannianpi kta. Dehan yaceyapi kin niš niyawաštepi ce; iyañapi kta.

22 Tohan wicašta šicenidapi, qa yuiyog iyayenianpi, qa iennihdepi, qa Wicašta Cinhintku kin on nicajepi kin taku šica iyecen tankan elpeyapi kinhan, niyawաštepi ece.

23 Anpetu kin he en wiyuškinpi, qa wopida on škehanhan po; iho, mahpiya ekta wokajuju tanka duhapi; atewicayapi kin is eya iyecen wicašta wokcanpi wicakuwapi qon.

24 Tuka winijicapi kin niš wotehi niciyankapi ece; wicocante wašte kin he wanna yahduhapi.

25 Winipipi kin niš wotehi niciyankapi ece; wotekteyahdapi kta. Dehan iyañapi kin niš wotehi niciyankapi ece; wašinya-hdapi qa yaceyapi kta.

WICOWOYAKE 6.

26 Tohan wicašta owasin tanyan eniciyapi kinhan, wotehi niciyankapi ece; atewicayapi kin hecen wicašta wokcan iton-šni wicakuwapi qon.

27 Tuka nañon dukanpi kin heciciyapi ce, Tokaniyanpi kin hena cantewicakiya po, qa šice-nidapi kin hena tanyan ecawica-kicon po;

28 Niyašicapi kin wicayawašte po, qa wawicanksiya nicuwapi kin hena wocekiye ewicakiciya po.

29 Qa tuwe iyolha sani kin en anipe cinhan unma eciyatanhan kipazo wo; qa tuwe šina inicieu kinhan, onñdohda kin nakun te-hinda šni wo.

30 Wicašta otoiyoñi taku nici-da kin qu wo; qa tuwe woyuha nici kinhan, ake kica šni wo.

31 Qa wicašta kin token ecani-conpi yacinpi kin, he iyecen ecawicakicon po.

32 Tona waštenidapi kin hena-na waštewicayadapi kinhan, wopida tukte e duhapi kta he: wañtanipi sa kin eepi kaeš tona cantewicakiyapi kin iś itkom cantewicakiyapi ece.

33 Qa tona tanyan ecaniconpi kin henana tanyan ecawicaye-conpi kinhan, wopida tukte e duhapi kta he; wañtanipi sa kin iś iyecen econpi ece.

34 Qa ake niçupi kta kecannipi kin henana owicayaqupi hecinhan, wopida tukte e duhapi kta he; wañtanipi sa kin iś wañtanipi sa owicayupi ece, iyacinyan wicakicupi kta heon.

35 Tuka niś tona tokaniyanpi kin cantewicakiya po, taku wašte econpi qa owicaqu po, ake taku niçupi kta kecinpi šni po; kinhan wokajuju tanka duhapi kta, qa Iyotan Wankantu kin he cinca yaunpi kta: he iye

tona pida šni qa šicapi kin cante-wicakiya ece.

36 Hecen Niyatepi kin iś token waonšida kin niś eya he iyecen waonšida po.

37 Wayacopi šni po, kinhan niyacopi kte šni: owawicakiyepi šni po, kinhan owaniciyepi kte šni: wicakicicajuju po, kinhan nicicajujupi kta:

38 Wicaqu po, kinhan niçupi kta; wiyutapi wašte, paotinzapi, paipuskicapi qa apašboka, hecen wicašta kin maku kin en niçupi kta. Wiyutapi on widutapi kin hee on winiciyutapi ece e kta.

39 Unkan wiyacinpi wan owicakiyaka: Ištagonge cin ištagonga napata yus aya okihi he: napin oškokpa kin en iyolhpayapi kte šni he.

40 Waonspekiyapi kin he waonspekiye cin itokapa šni; tuka tuwe yuštampi kin otoiyoñi waonspekiye tawa kin iyeecece kta.

41 Qa tokeca nisunka išta kin ohna sukaza yanke cin he wandaka; tuka niye ništa kin ohna cankaga wanke cin he wanyahdake šni he.

42 Qa, Misunka, sukaza išta ohna niyanke cin he ito ciciyušdoke kta ce, token nisunka eyakiye kta he, qa icunhan niye ništa kin ohna cankaga wanke cin he wanyahdake šni. Wana-yakilibe cin, niś tokaheya cankaga išta ohna niwanke cin he ito tokan elipeya wo; qa hehan hinakaha nisunka išta kin ohna sukaza yanke cin he yeciyušdoke kta mdesya wandake kta ce.

43 Can wanji wašte kin waskuyeca šica icahye šni; qa nakun ean wanji šice cin he waskuyeca wašte icahye šni.

44 Can kin otoiyoñi waskuyeca tawa kin on šdonyapi ece: wicašta kin taspanhu kin etanhan

LUKAS.

suken pahipi šni, qa iś eya tokahu kin etanhan hastanhanka pahipi šni.

45 Wicašta wašte kin he cante woyuha wašte kin etanhan taku wašte icaħya ece; qa wicašta šice cin he cante woyuha šice cin etanhan taku šice icaħya ece: wicacante taku iyakiçuya ohnaka kin he etanhan i kin eciyatanhan enapeya ece, eya.

46 Unkan tokeca, Itancan, Itancan, emayakiyapi ece, qa taku epe cin ecen ecanonpi šni he.

47 Tuwe ekta mahi, qa mioie naħon, qa ecen econ kin he tuwe kicica hecinhan he ito ociciyakapi kta.

48 Wicašta wan tipi kaga; unkan temahentu *maka* qe, a oahehde kin imnija wan akan ehde: unkan minitan aye e han, wakpa kin tipi kin he en nina kaduza, tuka kahuhuze kta okitpani, imnija akan ehdepi na kaeš, he iyececa.

49 Tuka tuwe naħon tuka ecen econ šni kinhan, wicašta wan oahehde codan maka akan tipi kage cin he iyececa; unkan he en wakpa kin nina kaduza, qa hecehnana hinħpaya; qa tipi kin he woatakunišni tanka.

WICOWOYAKE 7.

1 Unkan oyate naħon hiyeye cin en iapi kin dena owasin wanna ecen yaštan qehan, Kapernaum en i.

2 Unkan akicita opawinge wicayuhe cin wanji taokiye wan teħinda kin he wayazanke a wanna e kta.

3 Unkan he wanna Jesus on naħon qehan, Juda hunkayapi kin hena ekta ye wicaši, u kta qa taokiye kin asniye kte cin he icekiya.

4 Unkan hena Jesus ekta hipi qehan, awicakehan cekiyapi, qa, Hecakiconpi kte cin wicašta kin he iyececa ce;

5 Unkoyatepi kin cantewicakiye a, omniciye tipi wanji wanna unkicagapi ce, eyapi.

6 Unkan Jesus hena om hda. Unkan wanna tipi kin itehan šni qehan, akicita opawinge wicayuhe ciqon he iś kodawicaye cin hena ekta yewicaši, qa heciya; Itancan kin, nagiyeciye šni wo, wati kin en tin yahidu kte cin iyemacece šni ce:

7 Heon etanhan miye ekta ciu kta nakun iyececa miçida šni: tuka oic kin ecen eya wo, kinhan mitaokiye kin asni kta.

8 Miš eya wicašta wicookihi ihukuya hnakapi kin hemaca, qa mihukuya akicita wicamduha; qa wicašta kin de, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye kin, Decon wo, *ewakiya* eca, ecen econ ece, eya.

9 Unkan Jesus hena naħon qehan, on yušinyaye a, ihduhommni, qa oyate ihakam unpi kin hewicakiya; Israel hee kaeš en wowacinye hinsko tanka kin iyewaye šni, eciciyapi ce.

10 Unkan ye wicašipi qon icicawin tiyata kipi qehan, ookiye wayazanke cin he wanna asni iyeyapi.

11 Unkan ianpetu qehan otonwe wan Nain eciyapi kin en i; unkan waonspewicakiye cin etanhan ota qa oyate ota hena kici yapi.

12 Unkan otonwe tiyopa kin he ikiyedat wanna ehan i qehan, inyun, wicašta wan a tankan aupi; hunku kin wiwazica heca, qa cinhintku hecedan. Unkan otonwe kin etanhan wicota opapi.

WICOWOYAKE 7.

13 Unkan he Itancan kin wan-yake cehan, onśida qa heciya; Ceye śni wo.

14 Unkan canakiyuhapi kin en u, qa yutan. Unkan akiyuhapi qon is owanji najinpi. Unkan heya; Kośka, bosdan yanka wo, eciciya ce, eya.

15 Unkan te ciqon iyotanke, ça ia. Unkan hunku kin kicu.

16 Unkan owasin nina wikopapi, qa Wakantanka yatanpi qa heyapi; Waayate wanji tanka unkiyopeyapi icaga ce, qa Wakantanka taoyate kin wanna wicahiyohi ce, eyapi.

17 Unkan Juda *makoce* qa oksan makoce wanke cin owancaya he yaotaninpi.

18 Unkan Johannes waonspe-wicakiye cin dena taku kin owasin okiyakapi.

19 Hehan Johannes waonspe-wicakiye cin nom wicakico, qa Jesus ekta ye wicaśi, qa heya; Tuwe u kte ciqon he niye, qa is wanji tokeca unkapepi kta he.

20 Unkan wicaśta kin hena wanna ekta hipi qehan, heyapi; Johannes baptem wicaqu ece qon he niye ekta unkuśipi, qa, Tuwe u kte ciqon he niye he, qa is tuwe tokeca unkapepi kta he, eya ce.

21 Unkan hehantudan hinca wayazankapi, qa makośica ececapi, qa woniya śiksica ececapi, hena wicota asniwicaya; qa istagongapi kin heca ota tonwewicaya.

22 Hehan Jesus waayupte ça hewicakiya; Hda po, qa taku wandakapi qa nayalionpi kin hena Johannes okiyaka po: Ista-gongapi kin hena tonwanpi, qa huśtepi kin is manipi, qa lepros ececapi kin is wicayuskapi, qa nogetpapi kin is wanalionpi, qa tapi kin is kiniwicakiyapi, qa

walipanicapi kin is wootanin waśte kin he owicakiyakapi.

23 Qa tuwe miye on śinhda śni kin he yawaśtepi ce.

24 Unkan Johannes wahośiya-pi tawa kin wanna kihdapi, hehan Johannes on oyate kin hewicakiya; Taku e makotahedan ekta wanyag yaipi he. Cedi hu wan tate kahuhuze cin heca he.

25 Tuka taku e wanyag yaipi he. Wicaśta wan wokoyake panpanna koyake cin heca he. Iho, tona waśteya wakoyakapi, qa tanyan nipi kin hena wicaśtayatapi tipi kin en unpi ece.

26 Tuka taku e wanyag yaipi he. Wicaśta wokean he. Han, eciciyapi, qa wanji wicaśta wokean isanpa tanka.

27 Iho, wahośiya mitawa kin he niite itokam ye waśi, nito-kam canku wiyeya nicicage kta ce, eya owapi qon he dee.

28 Qa miye heciciyapi; Wino-hinca eciyatanhan wicatonpi kin wicaśta wokean tuwedan Johannes baptem wicaqu qon isanpa tanka śni: tuka Wakantanka tokiconze kin en tuwe iyotan cistinna kin he he kapa ce.

29 Unkan oyate kin qa wamnayanpi kin tona nahonpi owasin Wakantanka yaowotanpi, Johannes baptem wicaqu kin en opapi.

30 Tuka Pharisee kin, wicoope aiapi kin om, Wakantanka wahokonwicakiye cin en iyapa-to-iciyapi, Johannes baptem wicaqu śni nakaes.

31 Unkan Itancan kin heya; Wicaśta wicqicage kin de taku e imdacin kta he; qa taku iyececapi he.

32 Śiceca iciyopekiciyapi kin en iyotankapi, qa hoyekiciyapi qa heyapi; Unniciyajopi, tuka wayacipi śni; waśinunnicihdapi,

LUKAS.

tuka yaceyapi šni ce, eyapi kin he iyececapı ce.

33 Johannes baptem wicaqu qon he aguyapi yute šni, qa miniša yatke šni u; unkan, He taku wakan šica yuha ce, ehapi.

34 Wicašta Cinhintku kin he wote ça wayatke hi; unkan ehapi; Wan, wicašta wan wote sa, qa miniša yatke sa, wamnayanpi qa wahtanipi sa takodawicaya ece.

35 Tuka Woksape iye cinca kin owasin on yaowotanpi ece.

36 Unkan Pharisee wanji kici wote kta e cinkiya. Hecen Pharisee ti kin en tin iyaye ça, wote kta iyotanka.

37 Unkan iho, otonwe kin en winohinca wahtani sa kin heca, he, Pharisee ti kin en wota iyotanka sdoneyе çehan, inyan opiye ihеpi ohna yuha en hi;

38 Qa tapetepa tanhan siha kin en ceya najin, qa išta minihanpe kin on siha kiciyujaja, qa paha kin on kicipakinta ca, siha kin ikiciputake, ça ihеpi qon on sda-kiciya.

39 Unkan Pharisee kico qon he wanyake çehan, cante mahen awacin qa heya; Wicašta kin de wicašta wokcan unkanš, yutan kin he tuwe qa taku winohinca kin sdoneyе kta tuka; he wahtani sa kin heca.

40 Unkan Jesus waayupte ça heciya; Simon taku eciciye kta mduba ce. Unkan is, Waon-spekiya, katinyan eya wo, eya.

41 Wicašta wan wicašta nonpa oicazo wicaqu: unma kin kašpapi opawinge zaptan iyohiye šni, qa unma kin is wikcemna zaptan.

42 Unkan taku on hdajujupi kte cin yuhapi šni qehan, wancake sakim wicakicicajuju ce. Hecen unma tukte iyotan wašte-

dake kta hecinhan, he omakiyaka wo.

43 Simon waayupte ça; Tuwe ota kicicajuju hee nace epca ce, eya. Unkan, Tanyan idukkan ce, eciya.

44 Hehan winohinca qon ekta ihduhomni, qa Simon heciya; Winohinca kin de wandaka he: Yati kin en wahi, unkan mini on siha *wahdujaja* kta mayaqu šni; tuka iye kin išta minihanpe kin on siha mayujaja, qa paha kin on pakinta.

45 I imayaputake šni; tuka winohinca kin de wahi kin ehan-tanhan siha imaputaka ayaştan šni.

46 Pa kin wihdi on sdamayaye šni; tuka winohinca kin de ihеpi on siha sdamayan ce.

47 Hecen on heciciya ce, Wahtani kin hena ota ešta kicieajujupi; he nina waştedaka nakaes: tuka tuwe waniqadan kicicajujupi kin he iwaştedan waştedaka ece.

48 Hehan winyan qon heciya; Niohan šice cin hena nicicajujupi ce.

49 Unkan tona kici wota iyotankapi kin hena hehan cante mahen heyapi; De tuwe e wahtani nakun kajuju he.

50 Unkan winohinca qon heciya; Wacinyaye cin he niniyan ce; wookiye on hda wo.

WICOWOYAKE 8.

1 Unkan he iyohakam, otonwe tankinkinyan otonwe cikiciqadan ko, owasin iyaza un, qa wootanin wašte Wakantanka tokiconze ahna yaotanin. Unkan ake-nonpapi kin kici unpi:

2 Qa winohinca wanjikji taku wakan šica yuhapi qa wayazankapi, *tuka* asniwicayapi, Mary

WICOWOYAKE 8.

he Magdalene eciyapi, he etanhan wakan sícá śakowin hinan-yapi qon hee ;

3 Qa Joanna, Cuza Herod waa-wanyagkiye ciqon he tawicu, qa Susanna, qa nakun toktokeca ota, hena woyuha yuhapi kin on okiyapi ece.

4 Unkan wicota mniciyapi, qa otonwe otoiyo hi etanhan en ahi qehan, wiyacinpi on wowicaki-yaka :

5 Woju heca wan taku su kin oju iyaya. Woju, unkan apa canku icahda hinhpaya ; unkan naatinzapi, qa mahpiya okin-yampi kin temyapi.

6 Unkan apa imnija wan ahinhpaya ; unkan uye cehan, spaye śni on wancake śnija.

7 Unkan apa wapepeka ehna-hna hinhpaya ; unkan wapepeka opeya uye, ça aotinsya.

8 Unkan apa is maka wašte ahinhpaya ; unkan uye, ça opawingege suton, eya. Unkan hena hecekcen eye cehan, heya niyan ; Tuwe noge winahon yukan hecinhan, ito nahon kta ce, eya.

9 Unkan waonspewicakiye cin wiwangapi, qa heciyapi ; Wiyacinpí kin de toketu he.

10 Unkan heya ; Niyepi Wakantanka tokiconze woanalibe kin hena oyakalinigapi kta nicupi ; tuka tokan kin is wiyacinpi ece : hecen etonwanpi keś wanyakapi kte śni, qa wanahonpi keś okalinigapi kte śni ce.

11 Wiyacinpi kin he dee : Su kin he Wakantanka oie kin ee.

12 Canku icahda qon he tona nahonpi kin heepi ; hehan wakan síce cin en hi, qa wicoie kin cantepi kin etanhan eyaku ece, awacinpi qa niwicayapi kte śni heon.

13 Tona wicoie nahonpi eca

iyuśkinyan icupi ece kin hena imnija akan un qon hena ee ; hena hutkan nicapi, qa cistiye-dan wicadapi, tuka taku iyutan-wicayapi hehan ayuśtanpi ece.

14 Qa tona wanna nahonpi, qa hehan tokiya yapi, qa wiconi kin de woawacin kin, qa wowijice, qa wowiyuśkin kin, hena on aotinzapi, qa hecen tanyan sutonpi śni kin hena wapepeka ehna hinhpaye ciqon eepi ce.

15 Tuka tona wanna wicoie nahonpi eca, cante wašte qa owotanna mahen yuha unpi, qa wacintankaya sutonpi kin hena maka wašte akan un qon hena eepi ce, eya.

16 Wicašta kin tuwedan petijanjan wan ideye, ça wakśica wan iyahdapśinyan ehpeye śni, qa nakun owinja wan ohdateya ehna ke śni ece ; tuka petijanjan ihupa akan ehde ece : hecen tona en ipi kinhan, ijanjan kin wanyakapi kta.

17 Taku anahmanpi qa yuotaninpi kte śni wanica ; qa nakun taku yutaninśniyan hnakapi qa yutaninyan eyakupi kte śni wanica ce.

18 Heon token nayahonpi hecinhan itonpa po ; tuwe wayuhe cin he nakun qupi kta ; qa tuwe wayuhe śni kin he taku yuha kecin kin hee ikicicupi kta ce, eya.

19 Hehan hunku qa hunkawan-jitku kin hena en hipi, qa wicota kin on ikiyedani upi kta okihipi śni.

20 Unkan okiyakapi qa heyapi ; Nihun qa nihunkawanji tankan najinpi, qa wannihdake kta cinpi ce.

21 Unkan waayupte, ça hewicakiya ; Wakantanka oie nahonpi, qa ecen econpi kin dena ina qa mihunkawanji eepi ce, eya.

LUKAS.

22 Unkan anpetu kin hena wanji en, waonspewicakiye cin om wata wan en opa; qa hewicakiya; Mde kin akasanpa unyanpi kta ce. Hecen canan eyaya.

23 Tuka sina watopekiyapi icunhan iye istinma: unkan tate iyumni wan inde kin en u; qa mini ojudan yakonpi, hecen tapi kta kokipapi.

24 Hehan en hipi qa yuhicapi qa heyapi; Itancan, Itancan, untakunipi sni. Unkan najin hiyaye ça, tate qa mini taja ko kisica: hecen ayuŕtan, qa amda-kedan tanka.

25 Unkan hewicakiya; Wacin-yayapi kin tukte e he. Unkan is wikopapi, inihanpi qa hekiciyapi; De taku wicaŕta he; tate mini kici ee kaeŕ okiya eca, anagoptan ece.

26 Unkan Galile itakasanpa Gadarene tamakocepi kin en ipi.

27 Unkan hen ihe çehan, wicaŕta wannakaja tanhan wakanŕica yuhe, ça wokoyake koyake sni, qa tuktedan tipi oti sni, tuka wicaŕta hnakapi kin en ece un kin, heca wan otonwe kin eciyatanhan itkokipa.

28 He Jesus wanyake çehan, hoyeye ça itokam makata ehpe-içiye ça hotankakiya heya; Jesus Wakantanka Iyotan Wankantu Cinhintku kin, token unyakon kta he. Ceciciya ce, Kakiŕmaye sni wo.

29 Taku wakan ŕape cin wicaŕta kin etanhan hinanpe ŕi heon etanhan. He ijehan yuza ece; unkan mazaicicalihia wicaŕke ko on kaŕka hnakapi; tuka wicaŕke kin yupsapsake ça, wakanŕice makotahedan ekta iyayeya ece.

30 Unkan Jesus wiwange ça heya; Token eniciyapi he.

Unkan, Wicota, eya: taku wakan ŕica ota tan mahen ipi kin heon etanhan.

31 Unkan oŕbe kin ekta ye wicaŕi kte sni, keya icekiyapi.

32 Unkan lie kin en kukuŕe ota optaye wan won unpi; hecen en iwicayayapi kte cin he iyowinwicakiye kta keya cekiyapi; unkan iyowinwicakiya.

33 Hecen wakanŕice cin wicaŕta kin etanhan tankan hinapapi, qa kukuŕe kin en iwicayayapi; unkan optaye maya hinca wan en apamahde nina hin naŕdog iyayapi, qa mde kin en ivolhepci-yapi, qa minin tapi.

34 Unkan taku econpi kin he kukuŕe wo wicaqupi qon wanyakapi qehan, nakipapi, qa otonwe qa makoce kin ekta ohdag kipi.

35 Unkan taku econpi qon he wanyag ai, qa Jesus ekta ahi, qa wicaŕta wakanŕica etanhan hinapapi qon he ogeton, qa tawacin ekicetu, qa Jesus siha kin en iyotankahan yanka wanyakapi; unkan wikopapi.

36 Tona wanyakapi qon is eya wicaŕta wakan ŕica yuhe ciqon token asniyanpi kin he owicakiyakapi.

37 Hehan ihdukŕan Gadarene tamakocepi kin owancaya taku econpi qon he nahonpi qehan, owasin nina wikopapi on etanhan cekiyapi, qa tokan yeŕipi. Unkan wata kin en okipe, ça icicawin kihda.

38 Unkan wicaŕta etanhan wakan ŕice cin hinanpapi qon he kici un kta keya cekiya. Tuka Jesus hde ŕi, qa heya;

39 Niye yati kin ekta hde, ça Wakantanka taku hinca ecanicon kin he yaotanin wo, eya. Unkan kihde, ça Jesus taku hinca ecakicon qon he otonwe owancaya ohdaka.

WICOWOYAKE 9.

40 Unkan Jesus hdi qehan, oyate kin iyowinkiyapi; owasin ape hiyeya nakaeš.

41 Unkan iho, wicašta wan Jairus eciyapi kin he en u, omniciye tipi itancan kin wanji hee; unkan he Jesus siha kin en makata ehpeiçiye ça, iye ti kin ekta u kta icekiya.

42 He cunwintku wanjidan, wanna waniyetu akenonpa ece-tu; unkan is wanna te kte wan-ka. Tuka ekta ye cin hepiya oyate kin aohduteyapi.

43 Unkan winohinca wan waniyetu akenonpa hehanyan we au, qa taku yuha owasin pejihuta-wicašta on wanna hdusota; tuka hecen tuwedan asniye kta okihi šni;

44 Hee tapetepa tanhan u, qa tawokoyake opapun kin yutan: unkan hecehnana we au qon he anapta.

45 Unkan Jesus heya; Tuwe mayutan he. Unkan owasin anakihmanpi qehan, Inyan qa tona kici unpi qon hena heyapi; Waonspekiye cin, wicota kin aohduteniyanpi, qa aotinsniyanpi; heca ešta, Tuwe mayutan he, eha ce.

46 Unkan Jesus heya; Tuwe mayutan; wowašake ematanhan hiyu kin he sdonwakiya ce.

47 Unkan winohinca qon wanna inahbe šni e wanhdake cehan, cancanyan u, qa itokam makata ehpeiçiye, ça oyate kin owasin wicitokam, taku on yutan, qa token wancake asniyanpi kin he okiyaka.

48 Unkan heciya; Cunš, cante wašte wo; wacinyaye cin he asniniyan ce: wookiye on hda wo.

49 Unkan Jesus iahan icunhan, omniciye tipi idaka ti kin eciya-tanhan tuwe u, qa heciya; Wa-

onspekiye cin nagiyeye šni wo; nicunkši wanna ta ce, eya.

50 Tuka Jesus he nahon qehan, waayupte ça heciya; Wikope šni wo; awicakehan wicada wo, kinhan niyanpi kta ce.

51 Unkan tipi kin en tin hiyu qehan, tuwedan tin ye kta iyo-winkiyeye šni; Inyan, qa Jakob, qa Johannes, qa wikoška atkuku hunku kici henana en ipi.

52 Unkan owasin aceyapi qa wašinhda enapeyapi ece. Tuka heya; Ceyapi šni po; te šni, tuka ištinnma ce.

53 Unkan wanna ta sdonyapi kin heon wowihayapi.

54 Unkan owasin tankan iya-yewicaye, ça napata yuze, ça kipan qa heya; Wikoška najin wo, eya.

55 Unkan nagi kin kiyohpaya, qa hecehnana najin hiyaya: hehan wo qu wicaši.

56 Unkan hunkakeku kin inihanpi: tuka taku econ kin he tuwedan okiyake šni wicaši.

WICOWOYAKE 9.

1 Unkan waonspewicakiya akenonpapi kin hena wicakico, qa wowašake wookihi ko, wakanšica owasin on, qa wowayazan asniyanpi kta hecen wicaqu.

2 Qa Wakantanka tokiconze kin oyakapi kta, qa wayazankapi kin asniwicayapi kta ye wicaši.

3 Qa hewicakiya; Icimayanipi kte cin on cansagye, qa wojuhdan, qa waneya, qa mazaska takudan eyakupi šni po; qa nakun onhdohda nomnom yuhapi šni po.

4 Qa tukte tipi wan en yaipi kinhan, hen ece yukan po, qa hetanhan iyoopta ya po.

5 Qa tuwe kašta iyowinniciyapi šni kinhan, otonwe kin he inayapapi kinhan, nisihapi watuše-

LUKAS.

kšeca onistakapi kin hee kaeš katata po, he owicayake kta ce.

6 Unkan iyayapi, qa otonwe iya-za yapi, qa wootanin wašte oya-kapi, qa owancaya waasniyanpi.

7 Unkan taku econ kin owasin, Herod wicaštayatapi kin nañon; qa hehan token cante yuza nun tanin šni; apa Johannes wicon-
te kin etanhan kini keyapi kin heon etanhan:

8 Qa apa iś, Elias hi ce, eyapi; qa apa tokeca iś, Wannakaja waayatapi qon hena etanhan wanji kini ce, eyapi.

9 Unkan Herod heya, Johannes pa bawaksa ce: tuka de tuwe e on taku decekceca nawañon he. Unkan wanyake kta cin.

10 Unkan wahošiyapi kin hena wanna hdi pi qehan, taku token econpi kin owasin okiyakapi. Unkan ewicahdaku qa nañman-na icunonpa makotahedan wan ekta i, he otonwe wan Bethsaida eciyapi kin ahankeya.

11 Unkan oyate kin sdonyapi qehan, ihakam eyaya: unkan iyo-winwicakiye ça, Wakantanka tokiconze kin he iwowicakiyake ça, tona asniyanpi cinpi kin hena asniwicaya.

12 Unkan wanna hitayetu aye cehan, akenonpapi kin upi, qa heciyapi, Wicota kin tokan yewicaši wo; hecen otonwe qa ihdukšan makece wanke cin hena ektakta yapi, qa taku yutapi oiçidepi, qa iwankapi kta ce; den makotahedan unyakonpi heon etanhan.

13 Tuka hewicakiya; Niye wo wicaqu po. Unkan heyapi; Aguyapi zaptan qa hogan nonpa henana unhapi; oyate denakeca woyute opewicakiciton unyanpi šni kinhan.

14 Wicašta kektopawinge zaptan ecetupi. Unkan waonspe-

wicakiye cin hewicakiya; Wiccemna zaptanptanptaptaya iyotang wicakiya po, eya.

15 Unkan ecen econpi, qa owasin iyotang wicakiyapi.

16 Hehan aguyapi zaptan qa hogan nonpa qon hena icu; qa mañpiya ekta etonwan, qa yawašte, qa yuśpaśpa, qa waonspewicakiye cin wicaqu; qa iye oyate kin wicitokam ewicakicihnakapi kta.

17 Unkan wotapi qa owasin wipipi; unkan onśpaśpa iwicakiciyaye cin hena pahipi, makano-piye akenonpa.

18 Unkan iśnana wocekiye eya un qehan, waonspewicakiye cin hena kici unpi: unkan wiwicawange ça heya; Miye matuwe oyate kin keyapi he.

19 Unkan waayuptapi qa, Johannes baptem wicaqu qon; qa apa iś, Elias; qa apa tokeca iś; Wanakaja waayatapi qon hena etanhan wanji kini ce, eyapi ce, eyapi.

20 Unkan hewicakiya; Tuka niye matuwe kehapi he. Unkan Inyan waayupte ça heya; Wakantanka etanhan Messiya kin.

21 Unkan nina owicakiye, ça wicašta kin tuwedan okiyake šni wicaši;

22 Qa heya; Wicašta Cinhin-tku kin taku otakiya on ito iyotanhan iyekiye kta, qa wicašta tokapapi, qa wawayuśnapi itan-canpi, qa wowapi kagapi kin hena heyata iyeyapi, qa țeyapi kta ce: unkan anpetu iyamni kinhan kini kta ce, eya.

23 Unkan owasin hewicakiya; Tuwe miyahna u wacin kinhan, waipiicida, qa anpetu otaiyohi cansusbeca kin kiçin, qa miyahna u kta.

24 Tuwe kašta wiconi kin hduhe wacin kinhan, togehpekiye

WICOWOYAKE 9.

kta ce ; tuka tuwe kašta miye on wiconi kin togelpekiye cinhan, hee hduhe kta ce. .

25 Wicašta togelpeiciya, qa is token ehpeyapi hecinhan, maka kin ocowasin ohiciya esta, taku ecin on tanyan un kta he.

26 Tuwe miye qa mioie kin on istece cinhan, hce on Wicašta Cinhintku kin istece kta, tohan iye towitan, qa Atkuku tawa qa taohnihde wakan tawapi kin hduha u kinhan.

27 Tuka awicakehan heciciyapi ; Den najinpi kin apa Wakan-tanka tokiconze kin tohanyan wanyakapi sni kin hehanyan tani kte sni.

28 Unkan wicoie kin dena iyohakam anpetu shadogan ecetu, hehan Inyan, qa Johannes, qa Jakob, hena ewicayaku, qa cekiyekta paha wan ekta i.

29 Unkan cekiya icunhan ite kin tokeca hinhda, qa tawokoyake kin ska qa wiyatpatpa.

30 Unkan iho, wicašta nonpa kici wohdakapi, Moses qa Elias hena eepi.

31 Hena wokitaninyan hinajinpi, qa iye iyaye kte cin, Jerusalem ekta hdustan kte cin he iwohdakapi.

32 Tuka Inyan qa om un kin hena nina istinmapi ; unkan kiktapi qehan wookitanin tawa kin he wanyakapi, qa nakun wicašta nonpa kici najinpi kin hena.

33 Unkan hena ehpeya kihdapi icunhan, Inyan Jesus heciya ; Itancan, den unkanpi kte cin he waste ; ito wakcya yamni un-kagapi kta, wangi niye, qa wangi Moses, qa wangi Elias, hecen unnicicagapi kta ; taku eye cin he sdonkiye sni.

34 Hena hecen eya icunhan, mahpiya soka wan u, qa aohanziwicaya. Unkan mahpiya soka

kin en hiyayapi hehan nina wikipapi.

35 Unkan mahpiya qon etanhan wicaho wan hinape, ca heya ; Micinksi wastewakidake cin he dee ce : hc anagoptan po.

36 Unkan wicaho qon yastan qehan, Jesus isnana en najin. Unkan iye inina unpi, qa taku wanyakapi qon anpetu kin hena en wicašta kin tuwedan okiyakapi sni.

37 Unkan ianpetu qehan, paha qon eciyatanhan wanna en hdipi qehan, oyate ota itkokipapi.

38 Unkan iho, wicota kin etanhan wicašta wangi hoyekiye ca heya ; Waonspekiye cin, ceciciya ce, micinksi kin atonwan wo ; micinca hecedan :

39 Unkan iho, woniya wan yuza eca, ihnuhana sicalowaya ece ; qa yuhdehdeca, qa hecen minitaga apasdiya, qa onsiya kuwa, qa kitan se ayustan ece.

40 Unkan waonspewicayakiye cin cewicawakiye, ca napeye wicawasi ; tuka okitpanipi, eya.

41 Unkan Jesus waayupte ca heya ; Wicoicage wicada sni qa tawacin tehika, tohanyan cicipi waun kta, qa iyowinciciyapi kta he : nicinksi kin den au wo.

42 Unkan u kin hepiya, wakanse cin makata ehpeye, ca yuhdehdeca. Unkan Jesus woniya sape cin kisice ca, hoksidan kin asniye ca, atkuku kin kicu.

43 Unkan Wakantanka towasake hince cin on owasin inihanpi. Tuka Jesus taku token econ kin on owasin inihanpi icunhan, waonspewicakiye cin hewicakiya ;

44 Wicoie kin dena ninogepi kin en iyohpayapi kte ; Wicašta Cinhintku kin wicašta napepi kin en wicakupi kta.

LUKAS.

45 Tuka iapi kin he okañnigapi šni, qa anawicakiñmanpi, hecen iyukcanpi šni: unkan wicoie kin on iwangapi kte cin itonpapi.

46 Unkan hehan wanji tukte iyotan tankapi kte cin he hdo-kinicapi.

47 Unkan cante ekta hdokini-capi kin he Jesus wanyake çehan, hokšiyooqopa wan icu qa iye iyokihe ehde;

48 Qa hcwicakiya; Tuwe kašta hokšiyopa kin de micaje on eyaku kinhan, he miye e emayaku; qa tuwe kašta miye emayaku kinhan, he umaši kin hee eyaku ece; hecen niyepi owasin wanji tukte nicistinpidan kinhan, hee tanka kta ce, eya.

49 Unkan Johannes waayupte ça heya; Itancan, tuwe nicaje on taku wakan šica napewicaya wanunyakapi, qa den ounpapi šni kin on etanhan teunhin-dapi.

50 Unkan Jesus heciya; Tehin-dapi šni po: tuwe unkipajinpi šni kin he unkicicapi ece.

51 Unkan anpetu en wankan eyakupi kte cin wanna kiyedan aya, hehan Jerusalem ekta ye kta e ite kin hdusuta;

52 Qa wahošiyapi kin heca tokata ye wicaši. Unkan iyayapi, qa taku wiyeya kicihnakapi kta e Samariya wicašta tonwanyanpi kin wanji en ipi.

53 Unkan Jerusalem ekta ye kta sece cin on etanhan iyowin-kiyapi šni.

54 Unkan waonspewicakiye cin, Jakob qa Johannes he wanyakapi qehan, heyapi; Itancan, Elias econ qon he iyecen unkiye, mañpiya eciyatanhan peta kun u, qa ñuñnañwicaye unšipi kta yacin, he.

55 Tuka ihduhomni qa wica-

kišice, ça heya; Tawacin toni-ketupi kin sdonyakiyapi šni ce.

56 Wicašta Cinhintku kin wicašta tewicaye kta on hi šni, tuka niwicaye kta heon hi ce, eya. Unkan otonwe wan tokeca ekta iyayapi.

57 Unkan canku ohna yapi icunhan, tuwe heciya; Itancan kin, tokiya kašta de cinhan ciyahna mde kta ce, eya.

58 Unkan Jesus heciya; Šungidan kin wašun tonpi, qa mañpiya okinyanpi kin hoñpi yuhapi, tuka Wicašta Cinhintku kin iye pa kin tukten iwanke kte cin ee kaeš hduhe šni ce.

59 Unkan wanji tokeca heciya; Miyahna u wo. Tuka heya; Itancan, tokaheya ate welie mde kte cin he iyowinmakiya ye.

60 Jesus heciya; Tona tapi kin ta wicayuhapi kin hena ito wicakihapi kta; tuka niye qe ye ça Wakantanka tokiconze kin he oyaka wo.

61 Unkan wanji tokeca nakun heya; Itancan, ciyahna waun kta; tuka ito tokaheya wahde, ça wati kin ohna un kin tanyan wehnake kte cin he iyowinmakiya wo.

62 Unkan Jesus heciya; Wicašta kin tuwe mañiyumdu wanna yuze, ça hehan hinakaha hakikta kinhan, he Wakantanka tokiconze kin en ope kta iyecece šni ce.

WICOWOYAKE 10.

1 Unkan taku kin hena iyohakam, Itancan kin toktokeca wickemna šakowin cajewicayate, ça iye otonwe tona ekta ye kte cin, qa tokiya kašta ekta ye kte cin, hena kohan ektakta nomnom yewicaši.

2 Qa hecen ewicakiya; Awicakehan woksapi kin tanka, tuka

WICOWOYAKE 10.

Itanipi kin e tonana ce; he on etanhan woksapi Itancan kin, he iye Itanipi kin heca woksapi kin en yewicaši kte cin he ice-kiya po.

3 Ya po; iho, tahincaska šun-ktokeca ehna unpi he iyecen ye cišipi.

4 Mazaska opiye, qa wojuha-dan, qa hanpa hena hduhapi šni po: qa tahepi wicašta tuwedan okiyapi šni po.

5 Qa tukten tipi wan en tin ida-dapi kinhan, tokaheya, Wookiye tipi kin den un nunwe, eya po.

6 Unkan wookiye cinhintku kin en un kinhan wookiye ni-tawapi kin en iyahe kta: tuka hecece šni kinhan, ake en ni-hdipi kta.

7 Qa tipi kin he en ece un po, taku ničupi kin yuta qa yatkan dukanpi kta; tuwe Itani kin he wokajuju kicupi ece e kta: Tipi iyaza yapi šni po.

8 Qa tukten otonwe wanji en yaipi, qa iyowinniciyapi kinhan, taku nitokam enicihnakapi kin he ece yuta po.

9 Qa wayazanka en unpi kin hena asniwicaya po, qa, Wakan-tanka tokiconze kin he kiyedan nihiyohipi ce, ewicakiya po.

10 Qa tukte otonwe wanji en yaipi qa iyowinniciyapi šni kinhan, otonwe kin he canku kin en hdicupi qa heya po;

11 Nitotonwepi watušekšeca ountkapapi kin hee kaeš itkom unnicatatapi ce; tuka Wakan-tanka tokiconze kin he kiyedan nihiyohipi kin sdonya po.

12 Tuka heciciyapi ce, Anpetu kin he en otonwe kin he tehiya un kte cin he Sodom aoptenya un kta ce, eya.

13 Korazin wotehi niciyanka ce; Bethsaida wotehi niciyanka ce; niyepi kin en wicohan tanka

econpi kin hena Turos qa Sidon en econpi unkanš, wanakaja wa-hinske ojuha cahota ahna en iyotanka iyopeičiyapi kta tuka.

14 Tuka wayacopi kin ekta niye tehiya yaunpi kte cin he Turos Sidon kici aoptenya unpi kta.

15 Qa niye Kapernaum, yu-wankan mahpiya ekta anianpi kin, kuya wakanšica ti kin ekta iyaye niyanpi kta ce, eya.

16 Tuwe ananigoptanpi kin, he miye e anamagoptan; qa tuwe wahtenidapi šni kin, he miye e wahtemada šni; qa miš tuwe wahtemada šni kin, he umaši kin hee wahteda šni ece, eya.

17 Unkan wikcemna šakowinpi qon wopidaya hdipi, qa heyapi; Itancan, nicaje kin eciyatanhan wakanšicapi kin iyepi kaeš ana-ungoptanpi ece.

18 Unkan hewicakiya; Mahpi-ya kin eciyatanhan wakanhdi iyecen Satan hinhpaya wanmdaka ce.

19 Iho, wowašake cičupi, hecen wamduška sintehda ko ayahanpi kta, qa toka token wašakapi ešta isanpa yaunpi kta; hecen taku-dan ksuweniyanpi kte šni.

20 Tuka wakan šice cin hena ananigoptanpi kin heon wiyu-škinpi šni po; tuka mahpiya ekta caje oniwapapi kin hee on wiyuškin po, eya.

21 Unkan he ehan Jesus cante mahen iyuškin, qa heya; Ate, mahpiya maka ahna on Itancan, niye taku kin dena ksapapi, qa wayupikapi kin hena anawica-yakihbe, ča hokšiyooqopa kin heca sdonyewicayakiye cin, he pidamayakiya ce; han, Ate; niye hecen iyonicipi kin heon etanhan.

22 Atewaye cin he taku owasin yuhemakiya; qa Cinhintkuyapi

LUKAS.

kin he tuwe kin tuwedan sdoney
śni, Ateyapi kin heceyedani; qa
Ateyapi kin is tuwe kin, Cinhin-
tkuyapi kin iye qa tona owica-
kiyake kte cin henana sdonyapi
ece.

23 Unkan waonspewicakiye
cin ekta ihduhomni, qa nahma-
na heya; Taku wandakapi kin
hena wicišta tona wanyakapi
kin hena yawaštepi ece.

24 Qa heciciyapi; Waayatapi
kin wicaštayatapi ko ota taku
wandakapi kin hena wanyag
cinpi, tuka wanyakapi śni; qa
taku nayahonpi kin he nahon
cinpi, tuka nahonpi śni, eya.

25 Unkan inyun, wicoope aiapi
kin heca wanji najin hiyaye, ça
wawiyutanye, ça heciya; Wa-
onspekiye cin, token ecamon qa
owilhanke wanin wiconi ohimi-
ciye kta he.

26 Unkan heciya; Wicoope kin
en token owapi he; token dawa
ece he.

27 Unkan waayupte, ça heya;
Itancan Wakantanka nitawa kin
he nicante kin ocowasin, qa ni-
nagi ocowasin, qa nitowaśake
ocowasin, qa nitawacin ocowasin
on wašteyadake kta; qa niye
inihdacin kin he iyecen nikiye-
dan un kin wašteyadake kta
ce.

28 Unkan heciya; Tanyan
waadupta; hecen econ wo, kin-
han yani kta ce.

29 Tuka iye ihdaowotanna wa-
cin, qa Jesus heciya; Unkan
mikiyedani un kin he tuwe he.

30 Unkan Jesus ayupte ça heya;
Wicašta wan Jerusalem etanhan
Jeriko ekta iyaya; qa wama-
nonpi sa awicakipa, hena tawo-
koyake kin kipi, qa apapi, qa te
icakiś ehpeya kihdapi.

31 Unkan ehantudan wawayu-
śna wanji canku kin he ohna

hiyaya; qa he wanyake çehan
iyoopta iyaya.

32 Unkan Lewite heca wanji
is eya ehan i qehan, atonwe ça
iyoopta iyaya.

33 Unkan Samariya wicašta
wanji icimani un, he wanke cin
en hi; qa wanyake çehan on-
śida;

34 Qa en i, qa kaşujapi kin pa-
lite ça wihdi miniśa ko en oka-
ştan; hehan iye taşunke kin
akan yankekiye ça, owote tipi
wan en ahi, qa awanyaka.

35 Unkan ihanhanna iyoopta
ye kta, hehan kaşpapidan nom
ehdaku, qa tipi tawa kin qu, qa
heciya; Tanyan yuha wo, qa
dena sanpa tona on dusote cin-
han, tohan waku kinhan ciçu
kta ce.

36 Iho, hena yamnipi kin, wa-
manonpi sa awicakipe ciqon
wanji tukte ikiyidan un idukcan
he.

37 Unkan, Wanji onśida qon
hee ce, eya. Hehan Jesus he-
ciya; Ye ça, iyecen econ wo.

38 Unkan hetanhan iyoopta
iyayapi, hehan otonwe wan en
i; unkan winohinca wan Mar-
tha eciyapi, he iye ti kin en
kico.

39 Unkan he tankaku kin, Ma-
ry eciyapi kin he Jesus siha kin
en iyotanke ça, oie kin nahon
ece.

40 Tuka Martha wicohan ota
on token cante yuza tanin śni;
heon en hi qa heya; Itancan,
mitanka ehpeymaye ça miśnana
taku ota ecamon ece kin niś ekta
ewacanni śni he; heon etanhan
omakiye kta keciya ye.

41 Tuka Jesus waayupte ça
heciya; Martha, Martha, taku
ota yakicanda wacanni, qa on
nagiyeniçiya ece:

42 Tuka taku wanjidan cinpi-

WICOWOYAKE 11.

ca ; unkan Mary taku wašte kin he kahniga, he icimana kipi kte šni ce.

WICOWOYAKE 11.

1 Unkan tukten cekiya un, qa ayaštan qehan waonspewicakiye cin wanji heciya ; Itancan, wo-cekiye eya onspeunkiya po, Johannes waonspewicakiye cin onspewicakiye cigon he iyececa.

2 Unkan hewicakiya ; Ceyakiyapi kinhan kaken eya po ; Ateunyanpi mahpiya ekta nanke cin, nicaje wakandapi nunwe : Nitokiconze kin u kte : Mahpiya ekta nitawacin econpi kin he iyecen maka akan econpi nunwe.

3 Anpetu otoiyo hi anpetu woyute unqu po.

4 Qa waunhitanipi kin unkicicaju miye, unkiš tona šicaya ecaunkiconpi wicunkicicajupupi kin he iyececa. Qa taku wawiyutanyan un kin en unkayapi šni po ; tuka taku šice cin etanhan eunhdaku po.

5 Unkan hewicakiya ; Niyepi kin wanji tuwe kodayayapi, qa hanye cokaya ekta yaipi, qa heyakiyapi ; Koda, aguyapi yamni omaqu wo :

6 Mitakoda wanji icimani hi, tuka taku itokam ewahnake kta takudan mduhe šni ce.

7 Hehan iye timahen tanhan waayupte, ça heye kta ; Nagiyemaye šni wo ; tiyopa wanna natakapi, qa micinca om mahen imunka ; hecen nawajin qa ciçu kta owakitpani ce.

8 Heciciyapi ; He kodaya on etanhan najin qa qu kte šni qe-yaš, nina kitan kin heon etanhan, najin qa tona cin kinhan qu kta ce.

9 Nakun heciciyapi ; Da po, kinhan niçupi kta ; akita po,

kinhan iyeyapi kta ; katoto po, kinhan niciyuhdokapi ece e kta.

10 Tuwe da eca he icu ece ; qa tuwe akita eca he iyeya ece ; qa tuwe katoto eca he kiciyuhdokapi ece e kta.

11 Cinca niyukanpi kin, wanji tukte cinhintku aguyapi kida kinhan, inyan wan qu kta he ; qa is hogan wan da kinhan, hogan on wamduška wan qu kta he.

12 Qa is witka wanji da kinhan sintelida wan qu kta he.

13 Hecen niš nišicapi kin, nicincapi taku waštešte wicayapupi kte cin he onnisepi ehan-tanhan, is iyotan mahpiya Ateyayapi kin tona Woniya Wakan kidapi kinhan wicaqu kta ce, eya.

14 Hehan wakan šica wanji tankan iyayeya, unkan ia okitpani. Unkan wakan šice cin wanna tankan hinape qehan, ia okitpani qon hehan ia ; hecen oyate kin inihanpi.

15 Tuka apa heyapi ; Beelzebub wakan šica itancan kin he eciyatanhan wakan šica napewicaya ece.

16 Qa apa toktokeca is iyutan-yanpi kta on mahpiya eciyatanhan wowapetokeca kidapi.

17 Tuka tawacinpi kin sdonwicaye ça hewicakiya ; Wokiconze kin tona iye iyakitedan kicipajinpi kin hena atakuni šni ece ; qa tipi wanji iye icipajin kinhan he jujuwahan ece.

18 Qa Satan is iye icipajin kinhan tokiconze kin he token ecin ecen he kta he. Beelzebub eciyatanhan wakan šica napewicawaya ece, kehapi kin heon etanhan.

19 Unkan miye Beelzebub eciyatanhan wakan šica napewicawaya echantanhan, niye nicinca-

LUKAS.

pi kin hena tuwe eciyatanhan napewicayapi he; hecen iyepi kin niciyukcanpi kta.

20 Tuka miye Wakantanka napsukaza on wakan síca nape-wicawaya ehantanhan, Wakan-tanka tokiconze kin awicakehan nihiyohipi ce.

21 Wicašta wan waśake ça wipe ton ti awanhdake cinhan, hecen woyuha tawa kin tanyan hiyeya ece.

22 Tuka wanji ikapeya waśake cin he takpe hi, qa ktedan kinhan, tawipe wacinkiye ciquon he owasin ekiciyaku, hehan taku tawa qon pamni ece.

23 Tuwe micica śni kin he makipajin; qa tuwe miciwapahi śni kin he wayumdeca ece.

24 Woniya śapa kin wicašta wan etanhan hinanpa eca makoce puze cin en ece un, qa oziiciye kta akita; tuka takudan iyeye śni kinhan, hehan heya; Wati etanhan wahinawape ciquon he ake ekta wahde kta ce.

25 Unkan en hdi eca, wanna kahintapi qa ayuco yuśtanpi iye-kiya ece.

26 Hecen tokiya ye ça, woniya toktokeca iye kin isanpa wicaštapiśni śakowin ewicayaku, qa hena en yapi, qa otipi: hecen wicašta kin he otokahe kin isanpa oehake kin he síca ece.

27 Unkan hena hecekcen eya icunhan, wicota kin etanhan winohinca wan ho wankan yeye ça heciya; Wicitpi etanhan inicage cin he, qa aze dazoke cin hena yawaštepi ce.

28 Tuka iye heya; Han, tuka tona Wakantanka oie kin nahonpi, qa ecen econpi kin hena is iyotan wicayawaštepi ce.

29 Unkan oyate kin wanna en himniciyapi qehan, hewicakiya; Wicoicage kin de síca; wowa-

petokeca akitapi, tuka wowa-petokeca takudan wicaqupi kte śni; Jonas waayate ciquon wowapetokeca tawa kin heceedan.

30 Ninewe oyate kin Jonas wowapetokeca yuhapi qon, he iyecen wicoicage kin de Wicašta Cinhintku kin wowapetokeca yuhapi kta.

31 Woyaco kin ekta itokaga wicaštayatapi winohinca qon he wicoicage kin de itkom nawicajin, qa wicayaco kta; he iye maka owihanke tanhan Solomon toksape kin nahon hi; unkan iho, wanji Solomon isanpa tanka den un ce.

32 Woyaco kin ekta Ninewe wicašta kin hena wicoicage kin de on inajinpi kta, qa yacopi kta; he iye Jonas wowicakiyake cin on iyopeiciyapi; unkan inyun, wanji Jonas isanpa tanka den un ce.

33 Tuwedan petijanjan wan ideya eca nahmana ehde śni, qa is ohna wiyutapi kin iyahdapsin-yan hnake śni; tuka petijanjan ihupa wan akan ehde ece; qa hecen tona en hipi kinhan ojanjan kin wanyakapi kte.

34 Wicatancan iyoyanpa kin wicišta kin hee: heon etanhan niišta kin hecetu kinhan, nitancan kin is eya iyoyanpa ojudan ece; tuka niišta kin he síca eca, nitancan kin is eya ocowasin otpaza ojudan ece.

35 Hecen iyoyanpa en niun kin he otpaze kte śni e wakta wo.

36 Heon nitancan kin ocowasin iyoyanpa ojudan, qa tuktedan otpaze śni ehantanhan, petijanjan wan yehya ide iyoyamniyan kin he iyecen ocowasin iyoyanpa ojudan kta ce.

37 Unkan heya icunhan Phari-see wan kico: hecen en i, qa wote kta iyotanka.

WICOWOYAKE 12.

38 Unkan wote śni itokam ihdujaja śni kin he Pharisee qon wanyake cehan, inihan.

39 Unkan Itancan kin heciya; Niye Pharisee kin, miniyatkan wakśica ko akapatanhan duska-pi ece; tuka mahen tanhan wa-wicakipi wicoħan śica ko onijupidan ece.

40 Winitkotkopike cin, akapa-tanhan un kin he tuwe kaga he-cinhan, he iś mahen un kin na-kun kage śni he.

41 Tuka taku duhapi kin etan-hanhan wicaqu po; kinhan taku owasin niciskapi kta ece.

42 Tuka Pharisee kin niyepi wotehi niciyankapi ece; ceya-kata, wacanga, wahpe wašte-mna ko owasin etanhan iwikce-mnamna wicayaqupi ece; tuka wicoħan owotanna Wakantanka waštedakapi ko, hena acayakśin-pi ece; dena e iś ecen ecanonpi kta, qa unma qon oyakaptapi kte śni tuka.

43 Pharisee kin niyepi wotehi niciyankapi ece; omniciye tipi kin en oyanke waštešte kin he-na wašteyadakapi ece, nakun wopeton tipi kin ekta yaonihan-yan oniciyapi kin.

44 Wowapi kagapi qa Phari-see, wanaicilħmanpi kin, wotehi niciyankapi ece; wicašta hna-kapi tanin śni hiyeye a wicašta kin 'sdonye śni amanipi kin he-nicecapi ece.

45 Unkan hehan wicoope aiapi kin heca wanji waayupte, a heciya; Waonspekiye cin, hecen eha eca, unkiś eya ienunyahde-pi ece.

46 Unkan heya; Wicoope aiapi kin niś eya wotehi niciyankapi ece; waqinpi qinpi tehika wi-cašta qinwicayakiyapi ece qa niyepi kin napsukaza wanjidan on waqinpi kin dutanpi kte śni.

Dak,

47 Wotehi niciyankapi ece; wicašta wokcan wicahnakapi kin hena niye yakagapi, qa ni-yatepi kin hena wicaktepi qon.

48 Atewicayayapi ohanyanpi qon iyowinwicayakiyapi e awi-cakehan nihduotaninpi; he iye hena wicaktepi e wicakapi, qa niye wicašta hnakapi kin wica-yecagapi ece.

49 Heon iś eya Wakantanka toksape kin heya; Waayatapi qa wahośiyapi heca ekta yewi-cawaśi kta ce; unkan apa wica-ktepi, qa onśiya wicakuwapi kta;

50 Hecen maka kagapi kin ehantanhan wicašta wokcanpi we papsonpi kin he owasin wi-coicage kin de iwicawangapi kta;

51 Abel we kin hetanhan, qa Zacariyas tipi wakan wahna wo-śnapi kin okitahedan awihnuni qon he we kin iyahdeya: Awi-cakehan heciyapi, He wicoica-ge kin de etanhan iwicawan-gapi kta ce.

52 Niye wicoope aiapi kin wo-tehi niciyankapi ece; niś wo-sdonye iyuhdoka yutokan eda-kupi, qa niye ohna idadapi śni, qa tona ohna iyayapi kte cin hena anawicayaptapi ece.

53 Unkan hena hecekcen ewi-cakiya icunhan, wowapi kagapi qa Pharisee kin taku ota eyeki-yapi kta e nina ħin nagiyeypapi:

54 Taku iyaonpapi kta akitapi, heon taku i kin etanhan inanpe kta on hmunkapi kta iyapepi.

WICOWOYAKE 12.

1 Unkan wicota ħinca en ahi-mniciya, hecen akicihanpi ece, hehan waonspewicakiye cin he-wicakiya; Tokaheya Pharisee kin on napohyapi tawapi kin he

LUKAS.

itonpa po, he wanaicihmanpi kin hee ce.

2 Taku akahpetonpi qa yuzamnipi kte šni wanica; qa nakun taku anahmanpi qa yuotaninpi kte šni wanica ce.

3 Hecen otpaza ehna taku token ehapi kin he anposkantuya nahonpi kta; qa onahbe tipi kin ohna wicanoge kin en token ehapi kin he tipi akan ieyanpahapi kta.

4 Qa kodamayayapi kin, niš heciciyapi; Wicatancan ktepi qa sanpa takudan okihihi šni kin hena kowicakipapi šni po.

5 Tuka tuwe koyakipapi kte cin he ito kanyehan ociciyakapi kte: Tuwe wicakte, qa hehan wakanšica tipi kin en ehpewicaya okihi kin he eca kokipa po; han, Hee kokipa po, eciciyapi ce.

6 Zitkadan zaptan mazašadan nonpa iyopewicayapi šni he: heca ešta Wakantanka hena wanjidan kaeš akiktonje šni.

7 Tuka niyepi kin paha ee kaeš owasin niyawapi ece. Heon etanhan wikopapi šni po; zitkadan ota isanpa niyawapi ece.

8 Qa nakun heciciyapi ce; Tuwe kašta wicašta kin wicitokam miye mayaotanin kinhan, Wicašta Cinhintku kin Wakantanka taohnihde kin hena itokam he yaotanin kta.

9 Tuka tuwe wicašta kin wicitokam amakta šni kinhan, Wakantanka taohnihde kin hena itokam, he aktapi kte šni.

10 Qa tuwe kašta Wicašta Cinhintku kin itkom wicoie wanji eciye cinhan, kicicajujupi kte; tuka tuwe Woniya Wakan waoštehdā kinhan, kicicajujupi kte šni.

11 Tohan omniciye tipi kin en anihipi kinhan, qa wicaštayatapi

wowašake ko ekta, taku qa token aduptapi kta, qa taku ehapi kte cin awacinpi šni po.

12 Woniya Wakan kin he iye iyehantudan hin taku ehapi kta iyececa he onspeniciyapi kta ce.

13 Unkan wicota kin etanhan wanji heciya; Waonspekiye cin, misunka woyuha hanke micu kta, keciya wo.

14 Unkan heciya; Wicašta kin, niwankam wiyukcan qa wapamni kte cin tuwe makaga he.

15 Unkan hewicakiya; Iwanihdaka po, qa wakonpi kin kokipa po; wicašta nipi kin he taku iyakiçuya tonpi kin he en un šni ece.

16 Hehan wiyacinpi wan owicakiyake ça heya; Wicašta wijica wan tamaga kin taku ota icaliya.

17 Unkan cante mahen he awacin qa heya; Token ecamon kta he; waskuyeca mitawa kin tukten wehnake kte cin mduhe šni ce.

18 Hehan heya; Kaken ecamon kta; wopiye wahdujuju kta, qa tankinkinyan wakage kta; qa hena ohna taku imicicaga woyuha mitawa ko owasin ewaju kta.

19 Qa minagi kin hewakiye kta; Minagi, taku ota yehnake cin he waniyetu ota oiyahde kta ce; ito oziiçiye, ça wote, ça wayatke, ça wiyuškin wo, eya.

20 Tuka Wakantanka heciya; Winitkotkoke cin, hanyetu kin de ninagi kin inicicupi kta; hecen wayehnake cin hena hehan tuwe tawa kta he.

21 Tuwe woyuha kihnaka, tuka Wakantanka ekta wijice šni kin he he kicica ce, eya.

22 Unkan waonspewicakiye cin hewicakiya; Hecen on hecici-

WICOWOYAKE 12.

yapi ce, Yanipi kin on taku yatapi kte cin, qa is tancan kin taku kodakapi kte cin, hena on nagiyeiciyapi sñi po.

23 Wicani kin he woyute kin isanpa ece; qa wicatan can kin is wokoyake isanpa ece.

24 Kangi kin hena iwicayukean po; he iye wojupi sñi qa woksapi sñi, qa dotopiye woña ko nicapi: unkan Wakantanka hena wo wicaqu ece. Wahupakoza kin isanpa niyawapi sñi he.

25 Qa niyepi wanji awacannipi kin on wiciśpa wanjidan kaes nihduhanskapi oyakihipi he.

26 Hecen taku iyotan cistinna kin he oyakihipi sñi ehantanhan, unma kin on tokeca ecin nagiye-niciyapi he.

27 Mnañcañca kin he token icaga ece kin he iyukean po; hitani sñi qa nakun wakahmun sñi; tuka heciciyapi ce, Solomon token okitanin eśta, dena wanji iyecen wakoyake sñi.

28 Hecen Wakantanka peji anpedehan magata hiyeya, qa heyakecinhan petan ehpeyapi kin hee kaes wokoyake qu ehantanhan, kitanna wicayadapi kin, niś iyotan wokoyake niçupi kte sñi he.

29 Qa taku yatapi qa datkanpi kte cin he ihnihdapi sñi po; qa nakun waceñunhdaya wacin yuzapi sñi po.

30 Maka oyate kin hena owasin hecen ihnihdapi ece; qa niye taku kin hena yacinpi kin Ateyayapi kin sdonya ece.

31 Tuka Wakantanka tokiconze kin hee tokaheya ihnihda po, kinhan dena owasin koya niçupi kta.

32 Optaye cistinna kin, wikipapi sñi po; wokiconze kin hee niçupi kta e Ateyayapi kin iyo-
kipi ece.

33 Taku yatonpi kin wiyopekiya po, qa wicaqu po. Woyuha kukaka aye kte sñi, mañpiya ekta woyuha owihanke kte sñi hena icicaga po; heciya wamanon sa kiyedan u sñi, qa wamduškadan wayapote sñi ece.

34 Woyuha tukten niciyankapi hecinhan, is eya nicantepi kin en un ece e kta.

35 Ipiyag kiton yaunpi kta, qa petijanjan nitawapi ideyahan un kta;

36 Qa niś wicaśta wicayuhe cin kiciyuzapi kin eciyatanhan hdi kta ape hiyeye cin hena iyecen un po; tohan hdi qa tiyopa hdatoto kinhan wancake kiciyuhdokapi kta.

37 Wicayuhe cin hdi kinhan, ookiye kin tona wakta unpi iye-wicakiye cin, hena wicayawaśtepi; awicakehan heciciyapi ce, Wicayuhe cin iye ipiyagkiton, qa ookiye kin hena wote kta iyotangwicakiye, ça u, qa owicakiye kta ce.

38 Hecen inonpa waktapi kin en, qa is iyamni waktapi kin iyehan hdi, qa ecen iyewicaye cinhan, ookiye kin hena wicayawaśtepi ece.

39 Qa de sdonya po, tipi tawa kin wamanon sa tohan hi kta sdonya unkanś, wakta un qa tipi kin kiciyuhdokapi kte cin anapte kta tuka.

40 Heon etanhan niś eya wi-yeya un po; Wicaśta Cinhintku kin tohan awacannipi sñi kinhan behan u kta ce.

41 Unkan Inyan hehan heciya; Itancan, wiyacinpi kin de unkiśnana unkoyakidakapi, qa is owasin wicayaka he.

42 Unkan Itancan kin heya; Ookiyewanji waawanyagkiyapi kin he wayupike, ça okiksape cinhan, yuhe cin tiwahe kin yu-

LUKAS.

hekiye kta, qa hecen iyehanyan wo wicaqu ece e kte cin he tuwe he.

43 Itancan tawa kin ku, qa taokiye wanji hecen econ yanka wanhdake cinhan, hee yawašte-pi ece.

44 Awicakehan heciciyapi; Taku token tawaye cin he owasin yuhekiye kta ce.

45 Tuka ookiye kin he cante mahen, Itancan kin tehan hdi kte šni ecin; qa wicaookiye qa winyanookiye kin hena awicape, ɕa wote, ɕa wayatke, ɕa witkoi-ciye cinhan,

46 Ookiye kin he anpetu wan yuhe cin hdi ape šni, qa sdonkiye šni hehan hdi, qa kicakse, ɕa wacetunhdapi kin hena owicapeya oonyekiye kta.

47 Qa ookiye wanji yuhe cin tawacin kin sdonya, tuka wiyeya içihnake šni, qa tawacin kin oki-cipe šni kinhan, he ota apapi kta.

48 Tuka tuwe sdonye šni kinhan, he is apapi kte cin iyecen ohanyan ešta tonana apapi kta ce. Tuwe taku ota qupi kinhan, hee taku ota iwangapi kta; qa wicašta kin tuwe taku ota yuhekiyapi ɕa, he iyotan ota kicapi ece e kta.

49 Maka akan peta iyayewaye kta wahi; qa token wacanmi he, wanna ideyapi ešta.

50 Tuka baptem wanji on baptem maqupi kta; qa he tohanyan yuštanpi šni hehanyan a-otinsmayanpi ce.

51 Maka akan wookiye wicaqu wahi kecannipi he. Hiya, tuka wicay uomdecapi kin is ee kta, eciciyapi ce.

52 Detanhan tipi wanjidan ohna zaptan yukanpi kta, qa yuomdecapi kta, yamni nonpa om, qa nonpa yamni om kicipajinpi kta.

53 Wicašta wan iye cinhintku kin kipajin kta, qa cinhintku kin is atkuku kin; hunku kin cunwintku kin kipajin kta, qa cunwintku kin is hunku kin; nakun kunku kin takošku kin, qa takošku kin is kunku kin kipajin ece e kta, eya.

54 Unkan nakun oyate kin hewicakiya; Wiyohpeyata tanhan malipiya wanji wankan u wandakapi eca, wancake, Magaju kta ce, ehapi: unkan ecetu ece.

55 Qa itokaga tate uya eca, Odidita kta ce, ehapi: unkan ecen hiyohi ece.

56 Wanaicihmanpi kin, niš malipiya ite kin maka ko iyukan oyakihipi; tuka tokeca e nakaha kin idukanpi šni he.

57 Han, niye cinka tokeca e taku owotanna kin idukanpi šni he.

58 Tohan tuwe icazoniciye cin kici wicoope awanyake cin ekta de cinhan, tahepi niyuškapi kte cin akite hinca wo; okinni he wayaco kin ekta aniye kta, qa wayaco kin is akicita kin ekta niçu kta, qa hecen kaška nihnakapi kta.

59 Mazašadan ehake hince cin he tohanyan yecu šni hehanyan hetanhan yahdicu kte šni, eciciya ce, eya.

WICOWOYAKE 13.

1 Unkan hehan en opapi kin wanjikji, Pilate token Galile wicašta heca we kin iye wošnapi tawapi kin kici icicahiye cigon, he okiyakapi.

2 Unkan Jesus waayupte ɕa hewicakiya; Galile wicašta kin decen ecawicaonpi kin heon etanhan Galile wicašta owasin isanpa hena wahtanipi sa kecannipi he.

WICOWOYAKE 13.

3 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce.

4 Qa is Siloam conkaške ake-šahdogan awicahinlipaye, ça wicakte qon, wicašta owasin Jerusalem en unpi qon henana iyotan wicohan šicapi, kecannipi he.

5 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce, eya.

6 Unkan wiyacinpi kin de nakun owicakiyaka; Wicašta wan hastanhanka iyuwi maga tawa kin en suken can wanji oju; unkan en waskuyeca ode hi, tuka takudan iyeye šni.

7 Hehan hastanhanka iyuwi maga kicanye cin he heciya; Can kin de ekta omaka yamni wanna waskuyeca ode wahi, tuka ongedan iyewaye šni ece; kawanka wo; tokeca ecin maka yušagya han he.

8 Unkan waayupte, ça heciya; Itancan kin, omaka kin de nakun ayušan wo, ecen ohomni maka waqe, ça tacesdi en ewahnake kta;

9 Okinni waskuyeca icalhe kta; tuka wanice cinhan, hin-nakaha hehan yahdawanke kta ce.

10 Unkan anpetu wakan icunhan omniciye tipi wan ohna waonspewicakiya yanka :

11 Unkan iho, winohinca wan waniyetu ake šahdogan hehanyan woniya wašake šni kin yuha, tancan kin wanna pako icu, qa tokadan ihduowotanna šni.

12 Jesus he wanyaka, unkan kico qa heciya; Winohinca waniyazanke cin etanhan niciyuskapi ce.

13 Hehan nape kin ahnaka, un-

kan wancake owotanna icu, qa Wakantanka yaonihan.

14 Unkan anpetu wakan icunhan Jesus waasniyan kin on etanhan omniciye tipi idake cin he canteptanyan; hecen waayupte, ça oyate kin hewicakiya; Wicašta kin htanipi kte cin anpetu šakpe yukan ce; hecen anpetu kin hena en u po, qa asni-niyanpi kta ce; tuka anpetu wakan icunhan upi šni po, eya.

15 Unkan Itancan kin waayupte ça heciya; Wanaicihbe cin, niyepi otoiyo, anpetu wakan, tatanka qa is šonšonna nitawapi kin yakiduškapi qa miniyatkekiya adapi šni he.

16 Unkan winohinca kin de Abraham cunwintkuwicaye cin wanji ee, Satan iho, waniyetu ake šahdogan hehanyan kaška hnaka, he is anpetu wakan icunhan kiyuškapi kte šni iyececa he.

17 Unkan hena hecen eye cehan, kipajinpi qon owasin ištecapi; unkan wokitaninyan taku econ qon hena owasin on oyate owasin iyuškinpi.

18 Hehan heyä; Wakantanka tokiconze kin he taku iyececa he; qa taku e imdacin kta he.

19 Šinape sukaza wanji iyececa, he wicašta wan icu, qa maga tawa kin en iyolhepeya; unkan icage, ça can tanka aya; unkan mahpiya okinyanpi kin adetka kin en iyahanpi ece.

20 Unkan ake heyä; Wakan-tanka tokiconze kin he taku e imdacin kta he.

21 On napohiyapi kin he iyececa, he winohinca wan icu, qa wotpanpi wiyutapi yamni en anahman, hecen ocowasin napogan ce.

22 Unkan otonwe qa otonwe ciqadan iyaza ye ça, waonspekiya; qa Jerusalem etkiya ya.

LUKAS.

23 Unkan tuwe heciya; Itancan, niwicayapi kte cin hena tonananpidan he. Unkan hewicakiya;

24 Tiyopa cistiyedan kin he ohna dapi kta nina akita po: wicota ohna yapi akitapi kta, tuka okhipi kte šni, eciciyapi ce.

25 Tipi tawa kin tohan wanna najin hiyaye, a tiyopa kin ecen ikikcu, a itankan nayajinpi, a tiyopa yakatotopi, a; Itancan, Itancan, unkiciyuhdoka miye, ehapi; a iye waayupte a, Tonitanhanpi kin sdonwaye šni ce, eniciyapi kta;

26 Hehan niš hehapi kta; Nanke cin en wauntapi, a waunyatkanpi ece; a niš ocanku unkitawapi kin ohnahna waonspeyakiye cigon.

27 Tuka iye heye kta; Tonitanhanpi kin sdonwaye šni, eciciyapi ce; woowotanna šni ecanonpi ece kin owasin mitantanhaniyaya po.

28 Abraham, a İsaak, a Jakob, a wicašta wokcan owasin Wakantanka tokiconze kin en opapi tohan wandakapi, a niyepi kin tankan iyayenihanpi kinhan, wicaceya hihdakokokapi ko yuke kta.

29 Wiyohiyanpata, wiyohpeyata, waziyata, itokaga, henakiya eciyatanhan au, a Wakan-tankanta tokiconze kin en iyotankapi kta ce.

30 Unkan iho, ehake yakonpi kin hena tokaheyapi kta; a tokaheyapi kin hena iš ehake yakonpi kta ce, eya.

31 Unkan anpetu kin he en Pharisee kin wanjikji ekta hipi a heciyapi; Detanhan ye a tokan iyaya wo; Herod nikte kta cin.

32 Unkan hewicakiya; Yapi

a sungidan kin he heciya po; İho, anpetu kin de a nakun heyakecinhan, wakan šica napewicawaye a, wayazankapi kin asniwicawaye kta, a anpetu iciyamni kinhan mayuštampi kta ce.

33 Takomni anpetu kin de, a heyakecinhan, nakun iyokihe kin he en mawani kta iyececa; ecaes Jerusalem itankan wicašta wokcan wanji te kte pica šni.

34 Jerusalem, Jerusalem, wicašta wokcan kin hena wicayakte, a niye ekta u wicašipi qon hena inyan on wicayakininpi ece; eca ijehan anpaohotonna wan hupahu ohdateya cinca wicatapahi ece kin he iyecen niye nicinca kin wicacicipahi kta, tuka yacinpi šni.

35 İho, yatipi kin otiwota ehpeniciyapi; a, Tohanyan tuwe Itancan aje on u kin he yawaštepi nunwe, ehapi šni hehanyan wanmayadakapi kte šni, awicakehan eciciyapi ce.

WICOWOYAKE 14.

1 Unkan Pharisee itancan wanji ti kin en anpetu wakan icunhan wote kta tin iyaya; unkan Pharisee kin awanyag kuwapi.

2 Unkan iho, wicašta wan dropsi ececa kin he itokam yanka.

3 Hehan Jesus waayupte a, wicoope aiapi kin, a Pharisee kin hena hewicakiya; Anpetu wakan icunhan waasniyanpi kte cin iyowinwicakiyapi he.

4 Tuka inina unpi. Hehan wicašta qon eyaku, a asniye, a hdeši;

5 a waayupte, a hewicakiya; Niyepi kin wanji tatanka a iš šonšonna yatonpi, a anpetu wakan icunhan makohdoka wan

WICOWOYAKE 14.

ohinhpaye cinhan, wancake hdi-cuyakiyapi šni naceca he.

6 Unkan hena on ayuptapi kta okitpanipi.

7 Unkan wicakicopi kin wiya-cinpi wan owicakiyaka, oyanke tokapa ece kañigapi kin he wanyake cehan; qa hewicakiya;

8 Tuwe tohan kiciyuzapi kin ekta nicopi kinhan, oyanke tokapa kin en iyotanke šni wo; okinni nikapeya kinihanpi wanji kicopi kta;

9 Kinhan, sakim nicopi kin he u, qa, Wicašta kin de kiyukan wo, eniciye cinhan, hehan hinakaha wowištenya oyanke hakakta kin hee ekta idotanke kta ce.

10 Tuka nicopi kinhan ye, ça oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta; hecen om wota idotanke cin hena niyuonihanpi kta.

11 Tuwe kašta ihduwankantu kinhan, hee yuhukun iyayeyapi kta ce; qa tuwe ihduhukuye cinhan, hee yuwankantuya ayapi ece e kta.

12 Unkan hehan kico qon he heciya; Tohan wiyotanhan wotapi, qa is hitayetu wotapi yakage cinhan, kodawicayaye, ça nihunkawanji, qa takuwicayaye cin, qa nikiyedani wijinya unpi kin, hena wicakico šni wo; is ake okinni nicopi, qa hecen nicicajujupi kta.

13 Tuka wotapi wan yakage cinhan, wahpanicapi, qa huha ksawahanpi, qa huštepi, qa istagongapi kin, hena wicakico wo;

14 Kinhan niyawaštepi kta ce; hena nicicajujupi kta okitpanipi nakaeš, owotanpidan kinipi kte cin ekta nicicajujupi kta ce, eya.

15 Unkan opeya wota yankapi

kin etanhan wanji hena hecen eya nahon qehan, heciya; Wakankanka tokiconze kin en tuwe aguyapi yute kta hecinhan hee yawaštepi ce.

16 Unkan hehan heciya; Wicašta wan hitayetu wotapi wan tanka kage, ça wicota wicakico:

17 Qa wotapi kta wanna iye-hantu, hehan taokiye wan wicakicopi qon hewicakiye kta ye ši; U po, wanna taku owasin wiyeya hiyeya ce.

18 Unkan owasin okonwanjidan ihdatokanpi. Tokaheya kin he heciya; Makoce onšpa opewaton, qa he wanhdag mde kta iyececa; ceciciya ce, micunni wo.

19 Unkan wanji tokeca heya; Tatanka tazaptan opewaton, qa iwicahdute mde kta; ceciciya ce, micunni wo.

20 Unkan wanji tokeca heya; Winohinca wan mduza, hecen wau owakitpani ce.

21 Unkan hecen ookiye qon he ku, qa heyapi kin yuhe cin ecen okiyaka. Unkan hinakaha tipi tawa kin šihta, qa taokiye qon heciya; Koyahan wo, qa otowwe canku kin ekta ye, ça wahpanicapi kin, huha ksawahanpi, huštepi, istagongapi kin, hena den awicau wo, eya.

22 Unkan ookiye qon heya; Itancan kin, ehe cin he wanna ecen econpi, tuka nahalin okan ce, eya.

23 Unkan Itancan kin ookiye qon heciya; Ocanku hince cin, qa mahinatake ektakta ye, ça uwicakiya wo, hecen wati kin ojudan kta.

24 Heciciya ce; Wicakicopi qon wanjidan kaeš wowahe cin etanhan onšpadan yutapi kte šni ce, eya.

25 Unkan wicota hinca kici

LUKAS.

yapi; hehan ihduhomni qa he-wicakiya;

26 Tuwe ekta mahi, qa atku-ku, hunku, tawicu, cinca, sunka-ku, tawinohtin kin, hena, qa iye ni kin hees koya šicekida šni e-hantanhan, waonspewicawakiye cin wanji ee kta okitpani ce.

27 Qa tuwe kašta cansusbeca kin kicin, qa miyahna u šni e-hantanhan, waonspewicawakiye cin wanji ee kta okitpani ce.

28 Niyepi kin wanji conkaške yakagapi kta kecannipi ehan-tanhan, ito tokaheya idotanka-pi, qa yahduštanpi kte cin iyena yatonpi hecinhan, he iyahdu-kecanpi šni he.

29 Hecanonpi šni kinhan, okin-ni oahelhde kin he wanna eya-hnakapi, qa yahduštanpi kte cin oyakitpanipi kinhan, tona wan-yakapi kinhan owasin inihapi, qa heyapi kta;

30 Wicašta kin de taku kage kta, tuka hduštan kta okihi šni ce.

31 Qa nakun wicaštayatapi wan wicaštayatapi tokeca azuye kte cinhan, ito tokaheya iyotanke, qa iye kektopawinge wikcemna wicayuhe cin hena on, tuwe ke-ktopawinge wikcemna nonpa yuha takpe u kin he itkokipa okihi kta hecinhan, he ihdukecan šni naceca he.

32 Qa iš, unma kin hinahin ite-han un, tuwe ekta ye ši, qa wo-kiyapi kida naceca.

33 Iho, he iyecen niyepi kin tuwe taku yuhe cin owasin tpa-gan šni ehantanhan, waonspewi-cawakiye cin wanji ee kta oki-tpani ce.

34 Miniskuya he wašte; tuka miniskuya woskuye kin en un šni ehantanhan, taku ecin on skuya kagapi kta he.

35 Maga qa watušekšeca paha

kin unmana on wašte šni; tuka tankan ehpeyapi ece. Tuwe noge winahon yukan hecinhan, nahon kta ce.

WICOWOYAKE 15.

1 Unkan hehan wamnayanpi qa wahtanipi sa, hena owasin nahonpi kta e on en ahi.

2 Unkan Pharisee kin wowapi kagapi ko ikapapi qa heyapi; Wicašta kin de wahtanipi sa iyowinwicakiye ça om wota ece.

3 Hehan wiyacinpi kin de owi-cakiyake ça heya;

4 Niyepi kin etanhan wicašta wanji tahinca wanunyanpi opa-winge wicayuhe ça, wanjidan kitanin šni kinhan, wikcemna napcinwanka sanpa napcinwan-ka kin hena makotahedan en awicayuštan, qa tanin šni qon he tohanyan iyeye šni hehanyan okide šni naceca he.

5 Qa tohan iyeye cinhan, wi-yuškinyan hiyete akan akionpa ece.

6 Qa wanna tiyata ki eca, ko-dawicaye ça, ikiyedani tipi kin hena witaya wicakico, qa hewi-cakiya; Miciiyuškin po, tahinca wanunyanpi wan makitanin šni qon he wanna iyewakiya ce.

7 Heciciyapi ce; he iyececa, wahtanipi sa wanjidan iyopeici-ya eca, mahpiya ekta wiyuškin-pi ece e kta, wicašta owotanna qa woahitani on iyopeiciyapi kta iyececapi šni wikcemna napcin-wanka sanpa napcinwanka on iyecen wiyuškinpi kte šni.

8 Qa nakun winohinca tuwe kašpapidan wikcemna yuhe, ça wanji togehpekiye cinhan, he-cen petijanjan ideye, ça tipi kin kahinte, ça tohan iyekiye šni kin hehanyan okide šni naceca he.

WICOWOYAKE 15.

9 Qa tohan wanna iyeye cinhan, kodawicaye cin, qa ikiyedan tipi kin hena witaya wicakico qa hewicakiya; Miciiyuskin pe, kašpapidan toki elhpewakiye cigon he wanna iyewakiya ce.

10 He iyececa wahtanipi sa wanjidan iyopeciya eca, on Wakantanka taohnihde kin wicito-kam wiyuskinpi ece, eciciyapi ce.

11 Unkan heya; Wicašta wan cinhintku nonpa.

12 Unkan hakakta kin he atkuku kin heciya; Ate, woyuha mitawa kte cin he micu wo. Unkan woyuha kin akipam wicaqu.

13 Unkan iyohakam anpetu tonana hehan cinhintku hakakta qon he taku owasin witaya tpa-hi, qa itehanyan makece wan ekta icimani iyaya: qa hen šica-ya oħanyanpi kin on taku yuhe cin hduatakuni šni.

14 Unkan wanna owasin hdu-sote cehan, makece kin he en wicaakiħan tanka icaga; hehan iye wicakiš un.

15 Qa makece kin hen unpi kin wanji ekta ye a kici yanka: unkan he kukuše wo wicaqu kta e maga kin ekta ye ši.

16 Unkan omnica kukuše yutapi kin hee etanhan wipiičiye wacin; tuka tuwedan takudan qu šni.

17 Unkan içiksuye cehan heya; Ookiye opetonpi heca aguyapi iyakiçuya yuhapi kin tona ate wicayuha hwo; qa miye e wotektehdapi on atakuni šni amayan ce.

18 Ito nawajin qa ate ekta wahde kta, qa hewakiye kta; Ate, maħpiya kin en, qa niye nakun nitokam wawaħtani:

19 Qa detanhan cincamayaye

kta iyemacece šni; wicašta ope-wicayaton kin he is wanji iye-ceca makaga wo, epe kta ce.

20 Unkan najin hiyaye a atkuku kin ekta hda. Tuka nahahin itehan atkuku wanhdake a on-šikida, qa ekta inyang ye a, poskin hduze a i itputaka.

21 Unkan cinhintku kin heciya; Ate, maħpiya kin en qa niye nitokam wawaħtani; qa detanhan cincamayaye kta iyemacece šni ce.

22 Tuka atkuku taokiye kin hewicakiya; Šina iyotan wašte kin he aupi qa inkiya po; qa mazanapcupe wan nape kin en iyekiya po, qa hanpa ohekiya po:

23 Qa ptejicadan cemyapi kin he den aupi qa kte po; waunta-pi qa unkiyuskinpi kta ce:

24 Micinkši kin de a, tuka kini; tanin šni, tuka iyeyapi ce, eya. Unkan hinnakaha wiyuskinpi.

25 Tuka cinhintku tokapa qon he magata un; unkan ti kiye-dan ku hehan dowanpi qa waci-pi nahon.

26 Unkan ookiye wanji kipan, qa token he kapi hecinhan he iwanga.

27 Unkan heciya; Nisunka hdi; unkan ni un, qa zaniyan hdi kin on etanhan niyate ptejicadan cemyapi qon he kikte ce, eya.

28 Unkan hecen šiħda, qa tin kihde wacin šni: hehan atkuku kin tankan hiyu, qa cekiya.

29 Unkan waayupte a atkuku kin heciya; Wanyaka wo, wanna waniyetu ota ociciye a tohinni nioie kawape šni; hececa ešta kodawicawaye cin om wi-mduškin kta e tacincadan wan tohinni mayaqu šni.

30 Tuka nicinkši witkowinpi kin om woyuha nitawa kin tem-

LUKAS.

niciye cin de hdi ca, wancake ptejicadan cemyapi kin he yeci-
cata ce, eya.

31 Unkan heciya; Cinś, ohin-
niyan mici yaun, qa taku mita-
wa kin he iyulpa nitawa.

32 Nisunka kin de ɓa, unkan
kini; tanin śni, unkan iyeyapi
kin, on etanhan ito cante unwa-
štepi, qa unkiyuśkinpi kte cin he
hecetu ce.

WICOWOYAKE 16.

1 Hehan waonspewicakiye cin
hewicakiya; Wicaśta wijica
wanji waawanyake wan yuha;
unkan he yuhe cin woyuha tawa
yutakuni śni ce, keya okiyakapi.

2 Hehan kico qa heciya; Taku
eniciyapi kin de toketu he;
waawandake cin ito ohdaka wo;
wanna waawandake cin aduśtan
kta ce.

3 Unkan waawanyake cin can-
te mahen heya; Token ecamon
kta he; waawanmdake cin he
mayuhe cin imicicu; maŋqapi
kin owakitpani, qa timatayapi
kin he imašteca.

4 Taku ecamon kte cin he
sdonwakiya, heon tohan waa-
wanmdake cin he etanhan he-
yata iyemayanpi kinhan, tipi kin
en tin hiyumayanpi kta ce.

5 Unkan hecen yuhe cin tona
ikicazopi qon owasin wicakico,
qa tokaheya kin he heciya; Ma-
yuhe cin tona nahahin yecu śni
he.

6 Unkan, Wihdi iyutapi opa-
winge ce, eya. Unkan heciya;
Koyahanna wowapi nitawa kin
ehdaku, qa iyotanke, ɓa wikce-
mna zaptan e okiwa wo.

7 Unkan wanji tokeca hehan
heciya; Qa niś tona nahahin ye-
cu śni he. Unkan, Aguyapisu
iyutapi opawinge ce, eya. Unkan

heciya; Wowapi nitawa kin
ehdaku, qa wikcemna śahdogan
e okiwa wo.

8 Unkan yuhe cin waawanya-
ke owotanna śni kin yaonihan,
okiksamya econ kin heon etan-
han: maka kin de cincapi kin
iwicacage cin en iyoyanpa cinca
kin isanpa ksapapi ece.

9 Unkan miś heciciyapi; Wo-
yuha owotanna śni kin on tawa-
sitku iɓicaga po; hecen tohan
niye oniɓihihi śni kinhan, iye
tipi owihanke kte śni en tin hi-
yuniciyapi kta ce.

10 Tuwe taku iyotan cistinna
on wicaka hecinhan, hee taku
ota nakun on wicaka ece; qa
tuwe taku iyotan cistinna kin
on owotanna śni hecinhan, hee
taku ota kin nakun on owotanna
śni ece.

11 Hecen woyuha owotanna
śni kin he on wicayakapi śni
ehantanhan, wicake cin he tuwe
ecin yuheniciyapi kta he.

12 Qa wicaśta tokeca taku
tawa kin on wicayakapi śni
ehantanhan, niye nitawapi kin
hee tuwe ecin niɓupi kta he.

13 Ookiye kin tuwedan yuhe
cin nonpa en wowidagiɓiye kta
okihi śni; wanji śicedake kta,
qa unma iś waśtedake kta; qa
iś wanji en iyaihdaśke kta, qa
unma kin iś ekta ewacin kte
śni. Wakantanka qa mammon
napin en wowidagniɓiyapi kta
oyakihipi śni ce.

14 Unkan Pharisee kin wakon-
pi kin, hena owasin nahonpi; qa
wowihayapi.

15 Unkan hewicakiya; Wica-
śta kin wicitokam ihdaowotanpi-
dan kin he niyepi; tuka Wakan-
tanka nicante ozepi kin he sdon-
niyanpi ce: ecaś wicaśta ekta
taku takudapi hince cin hee Wa-
kantanka wahteda śni ece.

WICOWOYAKE 17.

16 Wooke qa wicašta wokcan kin hena Johannes hehanyan; tuka hetanhan Wakantanka tokiconze kin oyakapi ece, qa owasin en opapi kte hinca.

17 Małpiya maka ko tokan iyaye kte cin he aoptetu, qa wooke oowa wanjidan kaes yu-ecetupi kte šni kin hee telika ce.

18 Tuwe tawicu elpekiye qa wanji tokeca yuze cinhan, hee wawiciłahapi econ ece: qa hih-
naku elpeye cigon he tuwe yuze cinhan he wawiciłahapi econ ece.

19 Wicašta wanji wijica, he wokoyake stan qa miniłuha zimzipedan ece koyaka, qa anpetu otioyohi wiyuškinyan un.

20 Nakun wicašta wałpanica wan Lazaros eciyapi, he tatiyopa kin en ahionpapi, tancan owancaya łdihdi;

21 Qa wicašta wijica wahna wotapi tawa kin etanhan ošna-
šna hinłpaye cin hena yunkiya-
pi kta cin. Tuka šunka kin en
ahi, qa łdihdi kin sdipapi.

22 Unkan wałpanica kin he
ł; qa małpiya ohnihde kin
Abraham maku kin ekta ayapi.
Wicašta wijica qon is eya ł, qa
łapi.

23 Unkan wakanšica tipi kin
en kakis yanke cehan, wankan
etonwe, qa tehan tanhan Abra-
ham wanyaka; qa maku kin
ohna Lazaros yanka.

24 Unkan heya niyan; Ate
Abraham, onšimakida qa Laza-
ros u ši wo, napsukaza inkpa
kin mini en oputkan qa ceji ma-
kasni kta; oide kin de ohna ma-
kakija ce.

25 Tuka Abraham heya; Cinš,
yani qon he ehan taku waštešte
yahduha, qa Lazaros taku šikši-
ca yuha, he kiksuya wo; tuka

nakaha iye kicanptapi qa niye
kakisniyanpi.

26 Qa nakun unkiyotahedan
kaksiza wan tanka yanka; he-
cen tona deciya tanhan niye
ekta ye wacinpi keš okitpanipi
ece; qa nakun heciya tanhan
den ekta unhipi kta okitpanipi
ece.

27 Hehan heya; Heon ate, ce-
ciciya ce, ate ti kin ekta ye
yaši kta;

28 Misunka zaptan, hena wo-
wicakiyake kta; is eya okinni
wokakije kin de en upi nun ce.

29 Abraham heciya; Moses qa
wicašta wokcan kin hena yu-
hapi; hena is anawicagoptanpi
ešta šni.

30 Tuka heya; Hiya, ate Abra-
ham: tuka łapi kin eciyatanhan
wanji ekta wicai unkanš, ihdu-
ecetupi kta tuka.

31 Unkan heciya; Moses qa
wicašta wokcan kin hena ana-
wicagoptanpi šni ehantanhan,
łapi kin eciyatanhan wanji kini
qeyaš, nakun wicadapi kte šni
ce, eya.

WICOWOYAKE 17.

1 Hehan waonspewicakiye cin
hewicakiya; Wałtaniyapi kin u
kte šni pica šni; tuka tuwe eci-
yatanhan hena u kinhan, hee
wotehi kiciyanka ece.

2 Dena cikeistinpidan kin tuwe
wanji wałtaniye cinhan he inyan
wiyukpan wanji tahu kin en na-
pinkiyapi, qa miniyowanca kin
oiyolıpeyapi unkanš, ees wašte
kta tuka.

3 Iwanihdaka po. Nisunka ši-
caya ecanicon kinhan kišica wo,
qa iye iyopeiııye cinhan, kici-
cajuu wo.

4 Qa šakowin akihde anpetu
wanjidan šicaya ecanicon, qa
šakowin akihde anpetu wanji-

LUKAS.

dan niye ekta ihduhomni, qa, Iyopemiçiya ce, eniciye cinhan, hecen yecicajuju kta ce, eya.

5 Unkan wahosiƴiƴapi kin Itancan kin heciƴapi; Wacinunyanpi kin unkiciƴusanpa miye.

6 Unkan Itancan kin heya; Sinape sukaza wan iyecen wacinƴayapi kinhan, sukamin can kin de, Hute ihdamna qa miniwanca kin en huiçihde wo, eyakiƴapi kta, kinhan ananigoptanpi kta tuka.

7 Tuka niyepi kin wanji tukte taokiye wan yuha, mahyumdu qaiş wanunyanpi wihanwicakiya un, qa tokeşta maga kin eciƴatanhan hdi kinhan, Iho wo, ye ça wota iyotanka wo, eciye kta he.

8 Qa iş kaken, Woyute wiyeya micihnake ça, ipiyagkiton qa omakiya wo; qa miş tohan wawate ça wamdatke cinhan, iyohakam niş ito wayate ça wadatke kta ce, eciye kte şni he.

9 Hecen ookiye kin he taku econ şipi kin ecen econ kin, on etanhan wopida eciye kta he. Hepce şni ce.

10 Niş eya iyecen taku token econ nişipi kin, owasin ecen duştanpi kinhan, heya po; Ookiye wakamna şni kin heuncapi; taku econkupi kta iyecece cin heceedan econkupi ece.

11 Unkan Jerusalem ekta ye çehan, Samaria qa Galile cokaƴa iyoopta iyaya.

12 Qa otowne wan en i qehan, wicaşta wikcemna lepros ececapi itkokipapi, qa itehan hinajinpi:

13 Qa ho wankan iyeyapi qa heyapi; Jesus, Itancan, onşiuƴnkiƴa miye.

14 Unkan wanwicayake çehan, hewicakiya; Wawayuşnapi kin ekta wicaya po, qa wan-

yagiçiya po. Unkan ekta ƴapi icunhan akisnipi.

15 Unkan wanji wanna asni sdotkiye çehan, ihdamna, qa hotankakiya Wakantanka yaonihan;

16 Qa siha kin en ite makipuskin ehiçeiƴe ça, wopida eciya: unkan he Samaria wicaşta kin heca.

17 Unkan Jesus waayupte ça heya; Wikcemna asniwicayapi şni he: tuka napcinwanka kin hena tokiya unpi he.

18 Wakantanka yaonihan kta hdipi kin tuwedan iyeyapi şni, oyate tokeca etanhan kin de işnana ce.

19 Hehan heciya; Najin qa hda wo; wicayada kin he asniƴan ce.

20 Unkan Pharisee kin iş Wakantanka tokiconze kin he tohan hiyohi kta hecinhan, he iwangapi qehan, waayupte ça hewicakiya; Wakantanka tokiconze kin he wowanyake on hi kte şni.

21 Nakun, Iho, dee ce, qa iho, kae ce, eyapi kte şni: Wanyaka po, Wakantanka tokiconze kin he mahen niunpi ece.

22 Hehan waonspewicakiye cin hewicakiya; Anpetu wan hiyohi kta, Wicaşta Cinhintku kin anpetu tawa kin wanji wandakapi kta yacinpi kta, tuka wandakapi kte şni.

23 Qa, Iho dee, qa iho kae ce, eniciƴapi kta; tuka wiciyahna ƴapi şni po, qa owicapapi şni po.

24 Wakanhdi mahpiya ihukuya tokiƴatanhan wiyatpa u, qa mahpiya ihukuya unma ekta iya hde ece kin he Wicaşta Cinhintku anpetu tawa kin en iyecece kta.

25 Tuka ito tokaheya taku ota on iyotanhan iyeƴiye kta, qa

WICOWOYAKE 18.

wicoicage kin de on heyata iye-yapi kta ce.

26 Unkan Nowa taanpetu qon en token unpi qon, Wicašta Cinhintku taanpetu kin en he iye-cece kta.

27 Nowa wata kin en okipe ciqon anpetu kin hehanyan wotapi, qa wayatkanpi, tawicutonpi, qa hihnatonpi ece; unkan minitan u, qa owasin owihankewicaya.

28 Qa nakun Lot anpetu tawa qon en is eya iyececa, wotapi, qa wayatkanpi, wopetonpi qa wiyopeyapi, wojupi qa ticagapi ece:

29 Tuka Lot Sodom etanhan tankan hinape ciqon anpetu kin hee hinca en malpiya kin eciyatanhan peta, mazakan noge iyuwintapi kin ahna hinhe, qa owasin owihankewicaya.

30 Wicašta Cinhintku kin yuotaninpi kte cin he iyecece kta ce.

31 Anpetu kin he en tuwe tipi akan yanke qa tawalpaya timahen hiyeye cinhan, kun ku qa ehdaku kte sni; qa tuwe magata un kinhan, is eya taku hekta un kin ekta ihdamna kte sni.

32 Lot tawicu qon he kiksuya po.

33 Tuwe wiconi tawa kpatan cin kinhan, he toki ehpekiye kta; qa tuwe wiconi tawa toki ehpekiye cinhan, hee hduhe kta.

34 Heciciyapi ce; Hanyetu kin he en wicašta nom owinja wanjidan akan wankapi kta; wanji icupi kta, qa unma kin is ehpeyapi kta.

35 Winyan nonpa akipan wotpan unpi kta; wanji icupi kta, qa unma kin is ehpeyapi kta.

36 Wicašta nom magata unpi kta; wanji icupi kta, qa unma kin is ehpeyapi kta ce.

37 Unkan waayuptapi qa heciyapi; Itancan, tukte etu he. Unkan hewicakiya; Tukten wicatanca wanka eca, hen wamdi kin kawitaya inniciyapi ece e kta.

WICOWOYAKE 18.

1 Unkan wicašta kin ohinnian wocekiye eyapi kta, qa iyakicunnipi kte sni e on wiyacinpi wan owicakiyaka;

2 Qa heya; Otonwe wan en wiyukcan wanji Wakantanka kokipe sni, qa nakun wicašta wicakinihan sni.

3 Unkan otonwe kin he en wiwazica wan, he wiyukcan kin ekta hi qa, Makipajin kin he tomicicon ye, eya.

4 Unkan tokaheya econ wacin sni; tuka ocim cante mahen heya; Wakantanka kowakipe sni, qa nakun wicašta kin wicawakinihan sni qeyas;

5 Wiwazica kin de nagiyemaye cin on etanhan ito towecicon kta; okinni ohinni hecetu u kinhan wacin iyokisinmaye kta naceca ce.

6 Unkan Itancan kin heya; Wiyukcan owotanna sni ie cin he nahon po.

7 Unkan Wakantanka tona wicakalnige, qa anpetu hanyetu ko cekiya kin, hena tehan towicakicon sni qeyas, ocim econ kte sni he.

8 Ihnuhanna towicakicon kta, eciciyapi ce. Tuka Wicašta Cinhintku kin he tohan hi kinhan, maka akan wacinyanpi iyeye kta he.

9 Unkan apa iye ohan owotanna icidapi, qa token kin walte-wicadapi sni kin, hena wiyacinpi kin de owicakiyaka.

10 Wicašta nonpa tipi wakan kin ekta cekiya ipi; unma kin

LUKAS.

Pharisee heca, qa unma is wamnayanpi kin heca.

11 Unkan Pharisee kin isnana najin, qa kaken wocekiye eya; Wakantanka, wicašta tokeca iyemacece šni, wawicakipi sa, ohan owotanpidan šni, wawicihahapi econpi sa, qa wamnaye cin dee kaeš iyemacece šni heon wopida eciciya.

12 Anpetu wakan okitahedan nonpa akihanmiciye ça taku mduhe cin owasin etanhan iwi-kcemnamna kin wicawaqu ece.

13 Unkan wamnaye cin is itehanyan inajin, qa išta ee kaeš wankan mahpiya kin ekta ikikeu šni; tuka maku kin ohna aicipe, ca heya; Wakantanka onšima-kida wo, wawahtani sa.

14 Wicašta kin de yuwotanpidan tiyata kihda, qa unma qon hee šni, eciciyapi ce: Qa tuwe ihduwankantuya kinhan, he yuhukun iyeyapi kta: qa tuwe ihduhukuye cinhan, hee yuwankan ayapi kta ce.

15 Unkan hokšiyogopa kin nakun wicayutan kta e en awicahipi tuka waonspewicakiye cin he wanyakapi qehan, wicakišicapi.

16 Tuka Jesus wicakico, qa heya; Hokšiyogopa kin ekta mahipi kte cin iyowinwicakiya po, qa telindapi šni po; Wakantanka tokiconze kin he hececapi etanhan ece.

17 Wowicake eciyatanhan heciciyapi; Tuwe hokšiyogopaiyecceca Wakantanka tokiconze kin icu šni kinhan, he tokadan en ope kte šni ce.

18 Unkan wicašta ihdawa wanji wiwange ça heya; Waonspekiye wašte, token ecamon, qa owihanke wanin wiconi ohimiciye kta he.

19 Unkan Jesus heciya; Toke-

ca e wašte emayakiya he; tuwedan wašte šni; Wakantanka hecedan wašte.

20 Woahope kin hena onnispe; Wawicihahapi ecanon kte šni; Tin wicayakte kte šni; Wamayanon kte šni; Woitonšniyan wodake kte šni; Niyate nihun kici wicahduonihan wo.

21 Unkan heya; Macistina ehantanhan hena owasin ahowapa ce.

22 Unkan Jesus hena nahon qehan heciya; Nahanhin taku wanji iyotpani yaun; taku yaton kin owasin wiyopekiye ça wahpanicapi kin wicakipamni wo, kinhan mahpiya ekta woyuha duhe kta ce; hehan u qa mihakam un wo.

23 Unkan he nahon qehan nina iyokišica; wijice linca nakaes.

24 Unkan nina wacin iyokišice cin he Jesus wanyake qehan, heya; Wowijice tonpi kin hena Wakantanka tokiconze kin en yapi kte cin he tehike linca.

25 Wicašta wijica wan Wakan-tanka tokiconze kin en ye kte cin he tehika, qa kamel heca wanji tahinšpaciqadan ohdoka kin ohna ye kte cin hee kaeš aoptetu ce.

26 Unkan tona he nahonpi kin hena heyapi; Hehan tuwe ni kta he.

27 Unkan heya; Wicašta kin ekta taku econpica šni kin, he Wakantanka ekta econpica ece.

28 Unkan Inyan heya; Iho, unkiš taku owasin untpaganpi, qa niyahna unyakonpi ce.

29 Unkan hewicakiya; Awicakehan heciciyapi ce, Wicašta kin tuwe ti kin, qa hunkakewicaye cin, qa hunkawanjitku, qa tawicu, qa cinca, hena wanji Wakantanka tokiconze kin on kpagan kinhan,

30 Hee dehan nakaha taku

WICOWOYAKE 19.

sanpa ota yuhe kta, qa wiconi u kte cin he en wiconi owihanke wanica yuhe kta ce.

31 Unkan akenonpapi kin ewicayaku qa hewicakiya; Iho, Jerusalem ekta unyanpi, qa wicašta wokcan Wicašta Cinhintku kin on token owapi qon owasin yuecetupi kta.

32 Oyate tokeca napepi kin en wicaqupi kta; hecen ištenyapi, qa wawicanksiya kuwapi, qa atagošapi kta;

33 Qa kapsinpsintapi qa tɛyapi kte; unkan anpetu iyamni kinhan kini kta ce, eya.

34 Unkan ecaca okañnigapi šni, qa oie kin de anawicakiñmanpi, qa taku oyakapi kin sdonyapi šni.

35 Unkan Jeriko ikiyedan wanna u qehan, wicašta wan išttagonge canku icahda wada yanka.

36 Unkan wicota ahiyaye cin he nañon qehan, he token kapi hecinhan he iwicawanga.

37 Unkan, Jesus Nazareth etanhan kin he hiyaya ce, eya okiyakapi.

38 Unkan hotankakiya heya; Jesus Dawid Cinhintku kin onšimakida wo.

39 Unkan tokahanpi kin hena iyokipi šni, inina yanke kta; tuka heon iyotan, hotankakiya heya; Jesus Dawid Cinhintku kin onšimakida wo.

40 Unkan Jesus inajin qa aupi kta kewicakiya. Unkan wanna kiyedan u qehan, wiwange ça,

41 Token ecacicon kta yacin he, eya. Unkan iye, Itancan, watonwe kta, eya.

42 Unkan Jesus heciya; Tonwan wo, wacinyaye cin he niniyan ce.

43 Unkan wancake tonwe ça iyahna hiyu, qa Wakantanka

yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1 Unkan Jeriko en i, qa iyoopte iyaya.

2 Unkan iho, wicašta wan Zakeus eciyapi, wamnayanpi itancan kin wanji hee, qa wijica.

3 Unkan Jesus tuwe kin hecinhan he wanyag akita; tuka itancan ptecedan, hecen wicota kin on tokadan okihi šni.

4 Unkan tokata inyang ye ça sukamin can wanji adi, wanyake kta e heon, hen hiyaye kta nakaes.

5 Unkan Jesus wanna ehan i qehan, wankan etonwe ça wanyaka, qa heciya, Zakeus koyahanna kun hdicu wo, anpetu kin de yati kin en ito manke kta ce.

6 Unkan koyahanna kun ku, qa iyuškinyan iyowinkiya.

7 Unkan he wanyakapi qehan owasin ikapapi qa heyapi, Wicašta wan wahtani sa he kici wote kta iyaya ce.

8 Unkan Zakeus najinhan najin qa Itancan kin heciya; Itancan wanyaka wo, woyuha mitawa kin hanke wañpanicapi kin wicawaqu ece; qa tuwe oitonšniyan taku iwecicu kinhan, topa akihde wecu kta ce.

9 Unkan Jesus heciya; Anpetu kin de wanikiyapi tipi kin de hiyohi; Abraham cincaye cin wanji hee nakaes.

10 Wicašta Cinhintku kin taku atakuni šni qon, he akite ça niye kta e heon hi ce, eya.

11 Unkan hena nañonpi qehan nakun wiyacinpi wan owicakiyaka; wanna Jerusalem ikiyedan un, qa Wakantanka toki-

LUKAS.

conze kin ecadan u kta kecinpi kin heon etanhan :

12 Qa heya ; Wicašta ihdawa wan makoce itehan wan ekta iyaya, wokiconze icu qa ku kta.

13 Unkan taokiye wikcemna wicayuhe cin, hena wicakico, qa mazaska tkeutapi wikcemna wicaqu, qa hewicakiya ; Tohan-yan wahdi šni hehanyan un po.

14 Tuka taoyate kin wahte-dapi šni, qa tuwe iyahna yešipi, qa heyapi ; Wicašta kin de un-kidakapi kta uncinpi šni ce.

15 Unkan wokiconze kin icu qa hdi qehan, taokiye mazaska wicaqu qon hena wicakicopi kta keya ; wopetonpi kin on tona wanna hdamnanpi hecinhan, he sdonye kta.

16 Unkan tokaheya kin he u, qa heya ; Itancan kin, mazaska nitawa qon, he wanna mazaska wikcemna kamna ce.

17 Unkan heciya ; Han, ookiye niwašte ; taku tonana on wacin-yepica yaun, heon etanhan ito otonwe wikcemna idaka wo.

18 Unkan iyokihe kin he u, qa heya ; Itancan kin, mazaska nitawa qon, he wanna mazaska zaptan kamna ce.

19 Unkan is eya heciya ; Nis otonwe zaptan idaka wo.

20 Unkan wanji tokeca u, qa heya ; Itancan kin, wanyaka wo, mazaska nitawa wanapin ohna yuha waun, he dee :

21 Wicašta nisake cin heon kocicipa ce ; taku eyahnake šni kin, he ece edaku ; qa woyaju šni kin he ece duksa ce, eya.

22 Unkan heciya ; Nii kin ecitanhan ciyaco kta, ookiye winicaštašni ; wicašta mašake cin he sdonyaya ; taku ewehnake šni kin he ece emdaku, qa woyaju šni kin hee mduksa ece.

23 Hecen tokeca mazaska mi-

tawa kin he iciyopekiciyapi kin en ade šni he ; kinhan wahdi kin ekta mitawa kin oicage ahna weca kta tuka ce.

24 Hehan hen najinpi kin hena hewicakiya ; Mazaska kin he ikicicupi qa tuwe mazaska wikcemna yuhe cin hee qu po.

25 Unkan heciyapi ; Itancan kin, he wanna mazaska wikcemna yuha ce.

26 Tona taku yuhapi kin hena owasin nakun wicaqupi ece e kta ; qa tuwe taku yuhe šni kinhan, taku yuhe cin hee kaeš ekiciyakupi kta ece, eciciyapi ce.

27 Tuka tokamayanpi iwicawadake kta cinpi šni qon hena den awicaupi qa mitokam wicakte po, eya ce.

28 Unkan hena hecen eya çehan, tokata ye ça Jerusalem ekta itawankanhdē iyaya.

29 Qa Bethphage qa Bethani, paha wan Oliwe eciyapi kin, he wanna ikiyedā ehan i qehan, waonspewicakiye cin etanhan nonpa ye wicaši ;

30 Qa heya ; Otonwe iyotakons wanke cin he ekta ya po ; qa tokaheya en yaipi kinhan šukcincadan wan iyeyayapi kta, wicašta tuwedān tohinni akan iyotanke šni ; he kiyuškapi qa aku po.

31 Qa, Tokeca yakiduškapi he, tuwe eya iniwangapi kinhan, nis hehan, Itancan kin cin ce, eyakiyapi kta.

32 Unkan ye wicaši qon hena iyayapi, qa token ewicakiye cin ecen iyeyapi.

33 Unkan šukcincadan kiyuškapi icunhan, tuwe tawapi kin hena hewicakiyapi ; Tokeca yakiduškapi he.

34 Unkan, Itancan kin cin ce, eyapi.

WICOWOYAKE 20.

35 Unkan Jesus kahdipi; qa wokoyake tawapi kin šukeinca kin aihpeyapi, qa Jesus akan yankekiyapi.

36 Qa ye cin tahepi canku ohna wokoyake kin lidumdayapi.

37 Unkan ikiyedan Oliwe paha kin apamahde iyayapi kin hehan wanna iqehan, waonspewicakiya wicota owasin, wicowašake wicoľan wanyakapi qon owasin on etanhan hinakaha iyuškinpi, qa hotankakiya Wakantanka yatanpi,

38 Qa heyapi; Wicaštayatapi tuwe Itancan caje kin on u kin he yawaštepi ce; maľpiya ekta wookiye, qa iyotan wankantu ekta wowitan un nunwe.

39 Unkan Pharisee wicota en opapi qon apa heciyapi; Waonspekiye cin, waonspewicayakiye cin wicakišica wo.

40 Unkan waayupte  a hewicakiya; Dena inina unpi kinhan, inyan kin wancake howaye kta ce, eciciyapi ce.

41 Unkan wanna ikiyedan u, qa otonwe wanyake  ehan, aceye,  a heya;

42 Niye kin anpetu nitawa kin de en taku on wookiye duhe kte cin sdonyakiya unkanš: tuka wanna icimana išta on wanyahdake kte šni.

43 Anpetu kin hiyonihipi kta, tona tokaniyanpi kin nihdukšan maka qapi, qa okšan niyankapi kta, qa ohomni ohinniyan anapte nanijinpi kta:

44 Qa makata ehpeniyanpi kta, nicinca en niunpi kin hena koya; qa inyan nonpa icitakihna wanke šni ehpeniyanpi kta; anpetu en taku wašte nihiyohipi kin he sdonyakiye šni heon etanhan.

45 Unkan tipi wakan kin en tin iyaye,  a tona ohna wiyope-

Dak.

yapi, qa wopetonpi qon, hena tankan ehpewicaya;

46 Qa hewicakiya; Tipi mitawa kin he wocekiye tipi, eya owapi qon; tuka niye owamanonpi kin heca yakagapi ce.

47 Unkan anpetu iyohi tipi wakan kin ohna waonspekiya. Tuka wawayušnapi itancanpi, qa wowapi kagapi, qa oyate kin en wicašta ihdawapi kin, hena  eyapi kta akitapi;

48 Tuka token econpi kta takudan iyeyapi šni; oyate kin owasin oie kin nahonpi kta cinpi ece.

WICOWOYAKE 20.

1 Unkan anpetu kin hena wanji en tipi wakan kin ohna oyate kin waonspewicakiye,  a wootanin wašte kin he oyake  ehan, wawayušnapi itancanpi, qa wowapi kagapi, qa wicahincapi kin, hena ekta ahi,

2 Qa okiyapi, qa heciyapi; Tukte wicookihi on dena decen ecanon he; qa wicookihi kin de tuwe e ni u hecinhan, unkoki-yaka po.

3 Unkan waayupte  a hewicakiya; Miš eya taku wanji iciwan-gapi kta; he amayupta po:

4 Johannes baptem wicaqu qon he maľpiya eciyatanhan, qa iš wicašta kin eciyatanhan, unma tukte he.

5 Unkan iye iyakitedan iapi, qa heyapi; Maľpiya kin eciyatanhan ce, unkeyapi kinhan, Tokeca wicayadapi šni he, eye kta:

6 Tuka, Wicašta kin eciyatanhan, unkeyapi kinhan, oyate kin inyan on unkininpi kta; Johannes wicašta wokcan kin heca kecinpi.

7 Unkan ayuptapi, qa tokiyatanhan un kin sdonyapi šni, keyapi.

LUKAS.

8 Unkan Jesus hewicakiya ; Miš eya wicookihi tukte on dena ecamon kin nakun ociciyakapi kte šni ce.

9 Hehan wiyacinpi kin de oya-te kin owicakiyaka : Wicašta wan hastanhanka iyuwi maga wan oju, qa maškicanyanpi kin heca owicaqu, qa makoce itehan wan ekta tehan yanka.

10 Unkan wanna iyehantu qehan, taokiye wanji hastanhanka iyuwi maga waskuyeca kin etanhan qupi kta e, maškicanyanpi qon ekta yeši ; tuka maškicanyanpi qon kaštakapi, qa cokadan hdešipi.

11 Unkan ake taokiye wanji tokeca yeši ; unkan is eya kaštakapi, qa šikšicaya kuwapi, qa cokadan hdešipi.

12 Unkan akeš iyamni wanji yeši ; unkan is eya taopi, qa tankan ehpeyapi.

13 Hehan hastanhanka iyuwi maga tawa kin heya ; Token ecamon kta he. Micinkši waštewakidake cin, hee yewaši kta ce ; okinni he wanyakapi kinhan yuonihanpi kta.

14 Tuka maškicanyanpi kin he wanyakapi qehan, iye iyakitedan iapi, qa heyapi ; Tawaye kte cin he dee ce ; iho po, unktepi kta ; hecen unkiye tawanyanpi kta ce.

15 Hecen hastanhanka iyuwi maga itankan ehpeyapi, qa ktepi. Heon etanhan hastanhanka iyuwi maga tawa kin token eawicakicon kta he.

16 Ito ku kta, qa maškicanyanpi kin hena owihankewicaye, qa hastanhanka iyuwi maga kin he token wicaqu kta ce, eya. Unkan he nahonpi qehan, Hece-tu šni ce, eyapi.

17 Unkan awicatonwe cehan heya ; Hecen wowapi en kagapi

qon he token kapi he ; Tipi kagapi kin inyan heyata iyeyapi qon hee wanna oise en itancan icaga ce :

18 Qa tuwe inyan kin he ahinhpaye cinhan kahuhugapi kta ; qa is inyan kin tuwe ahinhpaye cinhan, hec pamdu kta ce.

19 Unkan wawayušnapi itancanpi, qa wowapi kagapi kin, hena he ehan iyahpayapi kta cinpi ; tuka oyate kin kowica-
kipapi ; wiyacinpi oyake cin he iye wicaka e iyukecanpi.

20 Unkan awanyag kuwapi, qa wanjikji iye owotanna konzapi kin hena iwanyakapi kta e ekta ye wicašipi ; hecen oie kin iyahpayapi, qa wicašta itancan towašake qa tawacin kin en qupi kta.

21 Unkan hena wiwangapi, qa heyapi ; Waonspekiye cin, niye tanyan iyae, qa waonspeyakiya ece ; qa tuwedan en eyatonwe šni ; tuka Wakantanka ocanku tawa kin he awicakehan onspe-wicayakiya e sdonunniyanpi ce :

22 Iho, Kesar wamnayanpi kin unqupi, qa is unqupi kte šni, unma tukte hecetu he.

23 Unkan wayupiya hnaye wacinpi kin he iwicayukcan, qa hewicakiya ; Tokeca iyutanmayayapi he.

24 Kašpapidan wanji makipazo po. Akan owapi qa wakagapi kin de tuwe tawa he. Unkan ayuptapi qa ; Kesar tawa ce, eyapi.

25 Unkan hewicakiya ; Heon Kesar taku tawa kin hena Kesar kicu po ; qa Wakantanka taku tawa kin Wakantanka kicu po.

26 Unkan oyate kin wicitokam oie kin iyahpayapi kte cin okitpanipi, qa waayupte cin he on inihanpi, qa inina hiyeya.

27 Hehan Sadukee ake wica-

WICOWOYAKE 21.

kini kta wanica keyapi kin hena wanjikji en hipi; wiwangapi,

28 Qa heyapi; Waonspekiye cin, Moses kaken wowapi unki-cagapi; Tuwe cincu tawicu ton qa cinca nica ecen ƚe cinhan, iye sunkaku tawicu qon hduze ƚa cincu cinca icahkiciciye kta ce.

29 Unkan hecen hunkawanjin-kiciyapi ƚakowin: unkan tokapa kin tawicu ton, qa cinca nica ecen ƚa.

30 Unkan iyokihe qon he hehan hduza; tuka cinca nica ecen ƚa.

31 Unkan iyamni qon hduza; qa ƚakowinpi qon owasin hecen hduzapi, qa ecen ƚapi; unkan cinca nicapi.

32 Unkan ehake winohinca is eya ƚa.

33 Iho, hecen wicakini kte cin ekta ƚakowin hduzapi qon, hena tukte waji tawapi kta he, eyapi.

34 Unkan Jesus waayupte, ƚa hewicakiya; Maka kin de cinca kin tawicutonpi, qa hihnatonpi:

35 Tuka tona makece kin he en opapi kte cin, qa wicate cin etanhan kinipi kta iyececa wicadakapi kin hena tawicu tonpi ƚni, qa hihnatonpi ƚni ece.

36 Qa nakun ake ƚapi kta okihipi ƚni; tuka hena malipiya ohnihde kin om akiyececapi ece, qa wicakini kin he hena cinca kin on etanhan Wakantanka cincawicaya ece.

37 Unkan wicate cin hena kiniwicakiyapi kta, Moses hee kaes can yuhaka ekta niciyaotaninpi; Abraham Wakantanka tawa, qa Isaak Wakantanka tawa, qa Jakob Wakantanka tawa, Itancan kin eciye cigon he ehan.

38 Tona ƚapi kin hena Wakantanka tawapi ƚni, tuka ni unpi kin hena: owasin iye ekta ni unpi ece.

39 Unkan wowapi kagapi kin wanjiksi hehan heciyapi; Waonspekiye cin, tanyan eha ce.

40 He iyohakam tuwedan sanpa wiwanga tawatenye ƚni.

41 Unkan hewicakiya; Token on Messiya Dawid Cinhintku kin eciyapi he.

42 Odowan wowapi kin en Dawid iye linca heya; Itancan kin Itancan mitawa kin heciya; Mietapa kin ekta iyotanka wo,

43 Ecen tokaniyanpi kin hena nisiha oahe wicawakage kta ce.

44 Hecen Dawid Itancan eciya hecinhan, token on cinhintku kta he.

45 Unkan hehan oyate owasin nahon hiyeye cin en, waonspewicakiye cin hewicakiya;

46 Wowapi kagapi kin itonwicapa po; he iye ƚina hanskaska in omanipi, qa iciyopekiciyapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, hena hecekcen cinpi:

47 Qa wiwazica tipi tawapi kin temyapi; qa ihdutaninpi kta on wocekiye hanska eyapi ece; hena is iyotan woyaco tanka iyahdeiciyapi kta ce.

WICOWOYAKE 21.

1 Unkan wankan etonwe, ƚa wicaƚta wijicapi kin womnaye opiye kin en taku wicakupi kin ehpeya ayapi wanyaka.

2 Unkan wiwazica waji walpanica kin is mazaƚadan nonpa en ehpeya e wanyaka.

3 Unkan heya; Awicakehan heciyapi, Wiwazica walpanica kin de isnana ota en ehpeya ce.

4 Dena owasin taku iwicakiciyaye cin hee Wakantanka taku qupi kin en ehpekiyapi ece;

LUKAS.

tuka iye taku ton śni, etanhan taku on ni kte cin ocowasin en eļpeya ce.

5 Unkan apa is tipi wakan kin inyan waštešte, qa taku wicaqupi kin on ayucopi kin, he cajeyatapi qehan, heya;

6 Anpetu hiyohi kta, en taku wandakapi kin dena inyan nonpa icitakihna wanke śni eļpeyapi kta ce.

7 Hehan wiwangapi, qa heyapi; Waonspekiye cin, tohan kinhan hena hecetu kta he; qa hena hecetu kte cin wanna iye hantu kinhan, taku on sdonyapi kta he.

8 Unkan heya; Ihnuhan nihnyanpi kinhan; wicota micaje kin on upi qa, He miye ce, qa wanna ecadan iyehantu kta ce, eyapi kta: tuka wicihakam yapi śni po.

9 Tuka okicize owodutatonpi ko cajeyatapi nayañonpi kinhan, nihinci yapi śni po; ito tokaheya hena hecen hiyohi kta iyececa, tuka owihanke kin hinyañinke kte śni ce.

10 Hehan hewicakiya; Oyate wan oyate tokeca azuye kta, qa wokiconze wan wokiconze tokeca on inajin kta:

11 Qa otakiya maka kin nina škanškan, qa wicaakihan, qa makošikšice, qa wowanyake woko kipe, qa maļpiya kin eciyatanhan wowapetoktokeca, hena hecekcen yuke kta ce.

12 Tuka taku kin dena owasin itokaptu, micaje kin on etanhan iyanihpayapi, qa śicaya nicuwapi, qa omniciye tipi, kaška wicahnakapi tipi ko en aniyampi, qa wicaštayatapi wicašta iwicadakapi kin ko wicitokam aniyampi kta ce:

13 Unkan hecen on oniyakapi ece e kta.

14 Hecen icantekiçun po; token waaduptapi kte cin he kanyehan awacinpi śni po:

15 Wicai wicoksape ahna ciçu pi kta, hecen tokaniyanpi kin tuwedan taku iennihdepi kte śni, qa iyakapeniyanpi kte śni.

16 Tuka hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, hena e wiyopeniyanpi kta; qa apa ťeniyanpi kagapi kta ce:

17 Qa micaje kin on etanhan owasin niciyušepi kta.

18 Tuka paha wanjidan kaeš awinitukapi kte śni ce.

19 Wacinnitankapi kin on nicantepi kin hduha po.

20 Jerusalem ihduksan ozuye yankapi wandakapi kinhan, ihangyapi kte cin he wanna kiyadan e sdonyapi po.

21 Hehan tona Juda makoce kin en unpi kinhan, he kin ekta najicapi kta; qa tona cokaya en unpi kinhan tankan inapapi kta; qa oksan makoce wanke cin tona en yakonpi kinhan, ekta hdi cupi kte śni.

22 Tokiçonpi anpetu kin hena ee; hecen taku token owapi qon hena owasin ecen yušanpi kta ce.

23 Tuka anpetu kin hena en tona ihdušakapi, qa tona hokšin ašinwicakiyapi kin hena wotehi wicakiciyanke kta; maka kin akan wokakije tanka kta, qa wocanniye oyate kin de en awicaun kta.

24 Qa mazasagye ope kin on wankahanpi kta; qa oyate kin owasin ektakta wayaka awicahdapi kta; qa Ikcewicasta kin Jerusalem naaťinzapi kta, ecen Ikcewicasta kin taku iyewicacihantu kta ce.

25 Anpetu wi, qa hanyetu wi,

WICOWOYAKE 22.

qa wicanhipi kin hena ekta wwapetokeca yuke kta; qa maka akan oyate kin yazanhdapi kta, qa wicotoketu tanin šni; qa miniwanca otaja ko sa wanke kta.

26 Wicašta kin kopa, qa maka akan taku hiyohi kte cin he ape hiyeye cin, hena on cante toki wicayanka tanin kte šni ece; małpiya wowašake kin hena huhuzahe kta heon.

27 Hehan Wicašta Cinhintku kin małpiya šapa wan akan, wowašake qa wookitanin tanka hduha u wandakapi kta.

28 Unkan dena decen aye cinhan, hehan wankan etonwanpi, qa pa yuwankan icu po; openicitonpi kin he wanna kiyadan u ce, eya.

29 Unkan wiyacinpi wan owicakiyaka: Suken can, qa can kin owasin, hena wanyaka po;

30 Canwapa pałia eca, mdoketu wanna ikiyedat, niye cinka wandakapi, qa sdonyayapi ece.

31 Iho he iyececa, taku kin dena iyecetu wandakapi kinhan, Wakantanka tokiconze kin he wanna ikiyedat un e sdonya po.

32 Awicakehan heciyapi, Wicoicage kin de tokan iyaye šni, ecen dena owasin iyecetu kta ce.

33 Małpiya kin maka ahna tokan iyaye kta, tuka mioie kin e tokan iyaye kte šni ce.

34 Unkan itoničipa po; okinni tukten wotapi, qa witkopi, qa wiconi kin de awacinpi kin, hena on nicantepi kin niyušakapi kta naceca; qa hecen sdonyakiyapi šni ecen anpetu kin he nihiyohipi kte.

35 Maka ite kin akan yakonpi kin owasin wohmuke wan iyecece wicahiyohi kta ce.

36 Heon ohinniyan wakta po, qa cekiya po; hecen taku hiyohi kte cin dena owasin icunom ida-

dapi, qa Wicašta Cinhintku kin itokam nayajinpi kta iyececa niyawapi kta ce.

37 Unkan anpetu icunhan tipi wakan kin ohna waonspekiya un; qa hanyetu hehan tankan hdicu, qa paha wan Oliwe eciyapi kin he en yanka.

38 Unkan hanhanna hınca oyate kin owasin oie nahonpi kta e tipi wakan kin en ahi.

WICOWOYAKE 22.

1 Unkan aguyapi napohyapi šni yutapi woacakšin eciyapi kin, he wanna ecadan iyehantu kte.

2 Unkan wawayušnapi itancanpi, qa wowapi kagapi kin, hena token econpi, qa țeyapi kte cin he akitapi; tuka oyate kin kowicakipapi.

3 Unkan akenonpapi kin etanhan, wanji Judas Iskariot eciyapi kin he Satan tancan mahen iyaya.

4 Unkan he ekta ye ca, wawayušna itancanpi, qa akicita itancanpi kin hena om wohdaka, token econ qa wicaqu kte cin heon.

5 Unkan iyuškinpi, qa mazaška qupi kta keciyapi.

6 Hecen wicada, qa wicota kin en unpi šni icunhan wicaqu kta akita.

7 Unkan aguyapi napohyapi šni anpetu en woacakšin ktepi kte cin wanna hehantu.

8 Hehan Inyan qa Johannes ye wicaši qa heya; Ya po, woacakšin untapi kte cin he wiyeya unkicihnaka po.

9 Unkan heciyapi; Tukten wiyeya unhnakapi kta yacin he.

10 Unkan hewicakiya; Otonwe kin en yaipi kinhan, wicašta wan wakiškokpa mini ohnaka yuha itkonicipapi kta; iho, iye

LUKAS.

tukten tin kihde cinhan, iyahna ya po.

11 Qa tipi tawa kin heciya po; Waonspekiye cin heniciya ce; Wotapi tipi ohna woacaksin kin he waonspewicawakiye cin om wate kte cin he tukte e he.

12 Kinhan, wankan tipi wan tankaya, qa ayucopi e nicipazopi kta; hen wiyeya hnaka po, eya.

13 Unkan iyayapi, qa token ewicakiye ciquon ecen iyeyapi; qa woacaksin wiyeya hnakapi.

14 Unkan wanna iyehantu qehan, en iyotanka, qa wahošiyapi akenonpapi kin nakun.

15 Unkan hewicakiya; Makakije kte cin he itokamya woacaksin kin de untapi kte cin nina wacin qon.

16 Qa heciciyapi ce; Tohan Wakantanka tokiconze kin ekta yuecetupi šni kin, hehanyan detanhan ake wate kte šni ce, eya.

17 Unkan miniyatkan kin he icu, qa wopida eye ça heya; De icupi qa kicipamni po:

18 Qa heciciyapi ce; Wakan-tanka tokiconze kin he tohan hiyohi šni kin, hehanyan hastanhanka iyuwi waskuyeca kin etanhan mdatke kte šni ce, eya.

19 Unkan aguyapi kin icu, qa wopida eye, ça yušpašpa, qa wicaqu, qa heya; Mitancan niyepi on qupi kin he dee ce; decen miksuya econ po.

20 Unkan miniyatkan kin is eya wotapi iyohakamya wicaqu, qa heya; Mawe niyepi kin on paponpi kin, en okodakiciye teca kin, miniyatkan kin he dee ce.

21 Tuka iho, wiyopemaye kte cin he nape kin wahna wotapi kin akan micun.

22 Unkan Wicašta Cinhintku kin token kiconzapi qon ecen ye

kte e hecetu; tuka tuwe he wiopeya hecinhan he wicašta kin wotehi kiciyanka ce.

23 Unkan hinakaha iye iyakitedan tukte wanji hecon kte cin he ikiciwanli yeyapi.

24 Unkan tukte wanji iyotan yawapi kte cin he nakun hdokinicipi.

25 Unkan hewicakiya; Oyate kin wicaštayatapi wicayuhapi kin hena is iwicadakapi, qa tona wicookihiya owicakilhanyanpi kin hena olanwaštepi, ewicakiyapi ece.

26 Tuka niš henicecapi kte šni; tuka niyepi kin ekta tukte wanji tokapa kinhan, hee haka- kta kin iyecece kta ce.

27 Wota yanke cin, qa wayutankiyapi kin, hena unma tukte iyotan tanka he. Tuwe wota yanke cin hee šni he. Tuka miš wayutankiyapi kin he iye- cen cicipi waun ce.

28 Wawiyutanmayanpi kin en kici maunpi kin he niyepi:

29 Heon Atewaye cin he woki- conze wan maqu kin he iyecen cicipi:

30 Qa hecen wokiconze mitawa kin en, wahna wotapi mitawa kin ekta wayatapi, qa wada- tkanpi kta; qa wicaštayatapi oyanke kin heca akan idotanka- pi kta, qa Israel wicoun ake- nonpapi kin wicadacopi kta ce.

31 Hehan Itancan kin heya; Simon, Simon, iho, Satan niyu- he ça, aguyapi su iyecen niyu- can kta e cin tuka ce.

32 Tuka wacinyaye cin he iyo- tpani kte šni e wocekiye ecici- ya; qa tohan niš niyuhomnapi kinhan, nihunkawanji wicahdu- wašaka wo, eya.

33 Unkan heciya; Itancan, wi- cokaške wiconte ko en nici mde kta wiyeya waun ce.

WICOWOYAKE 22.

34 Unkan heya ; Simon, anpetu kin de anpaohonna hoton šni, ecen yamni akihde sdonmayaye cin he anayakihbe kta, eciciya ce.

35 Unkan hewicakiya ; Maza-ska ojuha, qa wojuhadan, qa hanpa, hena codan yecišipi qon he ehan, taku wanjidan kaeš ini-ciyotpanipi he. Unkan, Taku-dan šni ce, eyapi.

36 Hehan hewicakiya ; Tuka nakaha tuwe mazaska ojuha ton kinhan, ehdaku kta ; qa wojuhadan nakun : qa tuwe mazasagye nice cinhan, wokoyake tawa kin wiyopekiye, a wanji opeton kta.

37 Taku wowapi en kagapi qon, Wicohan šica econpi kin om yawapi ce, eyapi kin he miye en yuecetupi kta, eciciyapi : Unkan dena miye on ecen econpi kta ce.

38 Unkan heciyapi ; Itancan, wanyaka wo, den mazasagye nonpa ce. Unkan, Henakeca ce, ewicakiya.

39 Unkan tankan hdicu, qa Oliwe paha kin ekta i ece qon, he ake ekta ya ; unkan waonspewicakiye cin iš iyahna yapi.

40 Unkan wanna ehan i qehan, hewicakiya ; Wowiyutanye kin en idadapi kte šni e cekiya po.

41 Hehan wicicunonpa inyan ekta ehipiyapi kin hehanyan ecen i, qa canpeška makehde inajin qa cekiya,

42 Qa heya ; Ate hecen nita-wacin kinhan, miniyatkan kin de tokan imiciyaye kta ; tuka miye mitawacin kin hee šni, niye nitawacin kin hee ecen econpi nunwe.

43 Hehan mašpiya eciyatanhan ohnihde wan en hi qa yu-wašaka.

44 Unkan nina hin yazanhda

qehan, iyotan wokitanyan cekiya ; qa temni kin he we ošbuye tankinkinyan makata hinhpaya se ececa.

45 Unkan cekiye cin hetanhan wanna najin hiyaye, a waonspewicakiye cin en wicahdi qehan, wacin iyokišicapi kin on ištınmapi iyewicaya.

46 Qa hewicakiya ; Tokeca ništınmapi he : najinpi qa cekiya po ; hecen wowiyutanye kin en yaipi kte šni.

47 Hena hecen eya icunhan, iho, wicota, qa akenonpapi kin etanhan wanji Judas eciyapi kin, he wicitokam u, qa Jesus i iputake kta e ikiyedani hiyu.

48 Tuka Jesus heciya ; Judas, Wicašta Cinhintku kin i iputakapi wan on wicayaqu he.

49 Unkan kici unpi qon hena, taku toketu kte cin wanna wanyakapi qehan heciyapi ; Itancan, mazasagye on waaunpapi kta he.

50 Unkan wanji wawayušna itancan taokiyeye wanji ape, a etapa kin eciyatanhan noge kin kašpa.

51 Unkan Jesus waayupte a, Hehanyan iyowinmakiya wo, eye a noge yutan, qa asniyan.

52 Hehan Jesus wawayušna itancanpi, qa tipi wakan kin en itancanpi, qa tokapapi en au qon, hena hewicakiya ; Mazasagye can ko yuha wamanon sa wan tatpe yapi se iyecen yahipi he.

53 Anpetu iyohi tipi wakan kin ohna opeya ciunpi qon ehan, tuwedan nape kin itkom hiyuma-yakiyapi šni ; tuka dehan nakaha kin he niye nitawapi, qa otpaza wowašake kin, eya.

54 Hehan yuzapi qa ayapi, qa wawayušna itancan ti kin ekta aipi. Unkan Inyan itehan iha-kam u.

LUKAS.

55 Unkan itankan tipi kin en cokaya cetipi, qa ptaya iyotankapi qehan, Inyan is eya wicehna iyotanka.

56 Tuka petkahda iyotankehan yanke cin, hehan wikoška wan wanyake ça, opahte ça heya; Wicašta kin de is eya he kici un tuka ce, cya.

57 Unkan anakihbe, ça, Winohinca, he tuwe kin sdonwaye šni ce, eya.

58 Unkan iecadan wanji tokeca wanyake ça heya; Niš eya henitanhan ce. Unkan Inyan heya; Wicašta, hematanhan šni ce.

59 Unkan iyohakam wihiyayedan oape wanji ecetu, hehan wanji tokeca yaafinze ça heya; Galile wicašta kin de heca, on etanhan awicakehan is eya he kici un tuka ce.

60 Unkan Inyan heya; Wicašta, token ehe cin he sdonwaye šni ce. Unkan hecehnana, iahan icunhan, anpaohotonna kin hoton.

61 Unkan Itancan kin ihduhomni, qa Inyan atonwan. Hehan Itancan kin, Anpaohotonna hoton šni kin itokam yamni akihde anamayakihbe kta ce, eye ciqon, oie kin he Inyan kiksuya.

62 Hehan Inyan tankan kihde ça nina hin ceya.

63 Unkan wicašta Jesus yus unpi kin hena ihaŋapi qa apapi.

64 Qa ite kin akalipetonpi hehan, ite kin ohna apapi, qa heya iwangapi; Tuwe anipa hecinhan ito iyukcan wo.

65 Qa taku toktokeca ota itkom waoštehdaya eciyapi.

66 Unkan wanna anpao qehan, oyate kin en tona tokapapi, qa wawayušna itancanpi, qa wowapi kagapi kin, hena mnicīyapi, qa omniciye kin en aupi;

67 Qa heyapi; Messiya he niye hecinhan unkokiyaka po. Unkan hewicakiya; Ociciyakapi ešta wicayadapi kte šni.

68 Qa wiciwangapi ešta amayaduptapi kte šni, qa amayadustanpi kte šni.

69 De iyohakam Wicašta Cinhintku kin Wakantanka towašake etapa kin eciyatanhan iyo-tanke kta ce, eya.

70 Unkan owasin heyapi; Hecen Wakantanka Cinhintku kin he niye he. Unkan, He miye kehapi ce, cwicakiya.

71 Unkan heyapi; Iye i kin eciyatanhan unkiyepi hinca wana naunhonpi ce; hecen tokeca ecin sanpa wayaotaninpi unko-depi kta he.

WICOWOYAKE 23.

1 Unkan wicota kin owasin najin hiyayapi, qa Pilate kayapi.

2 Hehan hinnakaha wiyaonpapi, qa heyapi; De oyate kin owicayušice, ça Kesar wamnananpi qupi kin he tehinda iyeunyanpi; qa iye Messiya Wicaštayatapi kin heca keiciya ce, eyapi.

3 Unkan Pilate wiwange ça heya; Juda Wicaštayatapi kin he niye he. Unkan ayupte, ça, Niye ecen eha ce, eya.

4 Hehan Pilate wawayušna itancanpi qa oyate kin hena hewicakiya; Wicašta kin de on taku šica iyewaye šni ce.

5 Unkan hecen iyotan wohitipike ça heyapi; Oyate kin owodutatonwicaya ece, qa Galile etanhan Juda makoce kin owancaya dehan oiyahdeya waonspekiya ece.

6 Unkan Pilate Galile eyapi nahon qehan, wicašta kin he

WICOWOYAKE 23.

Galile wicašta kin heca hecinhan he iwicawanga.

7 Unkan Herod taoyate kin hetanhan e Pilate sdonya, hehan Herod ekta iyayeya; he qe wanna Jerusalem en un.

8 Herod Jesus wanyake çehan nina iyuşkin; taku ota on nañon kin heon wanakajatanhan wanyaka cin; qa wowapetokeca wanji econ wanyake kta kecin.

9 Hehan iapi ota un wiwanga; tuka takudan ayupte şni.

10 Unkan wawayuşna itancanpi, qa wowapi kagapi kin, hena inajinpi, qa wohitiya wiyaonpapi.

11 Unkan Herod ozuye wicašta wicayuhe cin om takuda şni, qa ihaha kuwa, qa şina wan ayucopi in kiye, ça ake Pilate ekta iyayeya.

12 Unkan anpetu kin he en Herod Pilate kici kiciyuwaştepi; he itokamya tokakiciyapi.

13 Unkan Pilate wawayuşna itancanpi, qa itancanwicakiyapi, qa oyate kin hena witaya wicakico qehan, hewicakiya;

14 Wicašta kin de oyate kin owicayuşice cin wan iyecen mayakhipi; unkan iho nitokam iwanmdaka, tuka taku iyayaonpapi kin hena on, taku şica wicašta kin de en takudan iyewaye şni.

15 Qa nakun Herod hee kaeş, ekta aye cişipi; unkan iho, ƣe kte cin iyecece cin takudan eca-kiconpi şni.

16 Hecen wakapsinpsinte, ça wakimduşke kta ce, eya.

17 Wotapi kin he icunhan wicašta wanji wicakiciyuşke kta e heon.

18 Unkan owasin okonwanjidan heya niyanpi; De tokan aya wo; qa Barabbas hee unkiciyuşka miye.

19 He qe otonwe kin en woki-

pajin kage, ça tinwicakte on etanhan kaşka wicahnakapi tipi kin en ohnakapi.

20 Pilate Jesus kiyuşke wacin kin heon ake iyecen ewicakiya.

21 Tuka howayapi qa heyapi; Icipaweli okatan wo, icipaweli okatan wo.

22 Unkan iyamni hewicakiya; Tokeca, tukte ecin taku şica econ he. On etanhan ƣe kte cin iyececa takudan iyewaye şni; hecen wakapsinpsinte, ça wakimduşke kta ce, eya.

23 Unkan hotankakiya kitanpi, icipaweli okatanpi kta e he kapi. Unkan iye hopi kin, wawayuşna itancaupi kin om iyakapeyapi.

24 Hecen token cinpi kin he iyecen Pilate kiconza.

25 Qa tuwe cinpi kin wokipajin kage, ça tinwicakte qon, hee wicakiciyuşke; tuka iye tawacinpi kin en Jesus wicaqu.

26 Unkan tokan yus ayapi qehan, Kurene wicašta wan Simon eciyapi makoce kin eciyatanhan u kin he yuzapi, qa cansusbeca kin he Jesus ihakam qin kta e aihpeyapi.

27 Unkan oyate kin wicota hinca winohinca ko iyahna yapi, qa waşihda aceyapi.

28 Tuka Jesus ekta ihduhomni qa hewicakiya; Jerusalem cunwintkupi kin, miye amaceyapi şni po; tuka niyepi qa nicinca-pi kin aiciceya po.

29 Iho, anpetu hiyohi kte cin hena en heyapi kta; Hoksın yuhapi şni, qa wicitpi tohinni cincaton şni, qa aze tohinni azinpi şni kin hena yawaştepi ce.

30 Hehan hinnakaha he kin, Unkahinhpaya po, qa paha kin, Unkahpa po, eciyapi ece e kta.

31 Qa can teca kin en decen

LUKAS.

econpi kinhan, can šeca kin en token econpi kta he, eya.

32 Unkan wicašta tokeca nonpa, ohan šicapi kin, hena wica-ktepi kta e kici awicayapi.

33 Unkan tukten Wicapahu eciyapi kin wanna ehan ipi qehan, hen icipaweñ okatanpi, qa nakun wicohan šica econpi qon hena, unma iye etapa eciyatanhan, qa unma kin is catka tanhan.

34 Hehan Jesus heya; Ate, wicakicicajuju wo; taku tokonpi kin sdonkiyapi šni ce. Unkan tawokoyake kin kicipamnipi, qa oeconna econpi.

35 Unkan oyate kin opahta najin hiyeya: Qa itancanwicakiyapi kin is eya hena om ihañapi qa heyapi; Wicašta tokeca niwicaya ece qon; iye atayedan niiciya ešta šni, Messiya Wakan-tanka hdañnige cin hee hecinhan.

36 Unkan akicita kin is eya ihañapi, en au, qa miniskuya kipazopi;

37 Qa heyapi; Juda wicaštayatapi kin he niye hecinhan, nii-ciya wo.

38 Unkan iwankam wowapi kin de, Helenes qa Roma qa Hebrew iapi henakiya en owapi; JUDA WICAŠTAYATAPI KIN HE DEE CE.

39 Unkan ohan šicapi en owicakatanpi qon wanji šicaya owakiye ça heya; Messiya he niye hecinhan nii-ciya wo, qa unkiš nakun.

40 Tuka unma kin waayupte ça kišice ça heya; Wakantanka koyakipe šni he; wicayacopi okonwanjidan kici en yaun:

41 Qa unkiye kin en he owotanna; taku econku eciyatanhan unkakipa ece; tuka iye qe taku šica takudan econ šni ce.

42 Unkan hehan Jesus heciya;

Itancan, wokiconze nitawa kin en yaku kinhan, miksuya wo.

43 Unkan Jesus heciya; Anpetu kin de en wowašte makoce kin en mici yaun kta ce, awicakehan eciciya.

44 Wanna wihiyayedan oape šakpe hehantu; unkan makoce kin owancaya aotpaza, napcinwanka apa hehanyan.

45 Qa anpetu wi kin otpaza icu, qa tipi wakan kin en mini-huha ozanzan hiyeye cin he cokaya okinañdeca.

46 Unkan Jesus hotankakiya hoyekiye cehan, hehan heya; Ate, ninape kin en minagi kin owehnaka ce. Unkan hecen eye cehan ta iyaya.

47 Unkan akicita opawinge wicayuhe cin he token econpi qon he wanyake cehan, Wakantanka yaonihan, qa heya; Awicakehan wicašta owotanna he de heca ce.

48 Unkan oyate kin witaya he wanyag ahi qon, hena owasin token econpi qon hena wanyakapi qehan, maku kin ohnahna aićipapi, qa kihdapi.

49 Unkan tona sdonyapi qon hena owasin itehan inajinpi, qa winoñinca Galile etanhan iha-kam upi qon hena taku kin dena wanyakapi.

50 Unkan iho, wicašta wan Joseph eciyapi, wahokonwicakiya ece kin heca, wicašta wašte qa owotanna;

51 He iye kin wakiconzapi qa ohanpi qon wicawicada šni: Arimathea, Juda totonwepi kin wanji hee etanhan; is eya Wakantanka tokiconze kin he ape un.

52 He Pilate ekta ye ça Jesus tancan kin kida.

53 Unkan kun eyaku, qa mini-huha ska opazunte, ça innija kahdokapi wicašta hnakapi wan

WICOWOYAKE 24.

en ohnaka ; he itokam tuwedan en ohnakapi śni.

54 Unkan anpetu en ihduwiye-yapi ece kin he hee, qa anpetu wakan kin wanna ikiyedān.

55 Unkan winohinca Galile etanhan kici upi qon hena iha-kam iyayapi, ohna hnakapi kin he, qa tancan kin token hnakapi kin hena wanyakapi.

56 Qa hetanhan kihdapi, qa pejihuta waśtemna ihēpi ko wi-yeya ehnakapi. Hehan woa-hope kin eciyatanhan anpetu wakan kin okihpapi.

WICOWOYAKE 24.

1 Unkan anpetu wakan en an-petu tokaheya, hanñanna hinca, hehan wicaśta hnakapi kin ekta, pejihuta waśtemna wiyeya ehna-kapi qon hena yuha en upi ; qa toktokeca nakun owicapapi.

2 Unkan wicaśta hnakapi kin etanhan inyan kin wanna token iyeyapi e wanyakapi :

3 Qa mahen ipi, tuka Jesus I-tancan tancan kin he iyeyapi śni.

4 Unkan token iyukcanpi nun tanin śni qehan, iho, wicaśta nonpa wokoyake wiyatpatpa un-pi icahda nawicajinpi.

5 Unkan kokipapi, qa ite kin makipuskin elipeiciyapi qehan, hewicakiyapi ; Tokeca e tapi kin wicehna ni un kin ayakitapi he.

6 Den un śni ; tuka kini ce. Nahānñin Galile en un qon ehan token eniciyapi qon he ki-ksuya po :

7 Wicaśta Cinhintku kin wica-śta śica napepi kin en wicaqupi kta, qa icipaweñ okatanpi kta ; tuka anpetu iyamni kinhan kini kta ce, eya ce.

8 Unkan hecen eye ciqon he kiksuyapi.

9 Unkan wicaśta hnakapi kin

etanhan kihdapi, qa akewanjipi-dan unmapi ko hena owasin owicakiyakapi.

10 Unkan wahośiyapi kin hena hecen owicakiyakapi qon, Mary Magdalene, qa Joanna, qa Mary Jakob hunku kin, qa toktokeca om unpi qon hena eepi.

11 Unkan oiepi kin ikcekceya hitunkakanpi kin iyececa da-kapi, qa wicawicadapi śni.

12 Hehan Inyan najin hiyaye ça wicaśta hnakapi kin ekta in-yang iyaya ; qa en eyokasin qe-han minihuha wokoyake kin isnana ehnakapi wanyaka ; he-han hdicu qa cante mahen taku econpi kin on inihanyan awacin un.

13 Unkan iho, anpetu kin he en, iyepi kin etanhan wicaśta nonpa otonwe wan Emmaus eci-yapi kin he ekta yapi, Jerusalem etanhan maka iyutapi wikcemna śakpe ecetu.

14 Unkan taku hiyohi kin dena owasin on wohdakapi.

15 Unkan wohdakapi, qa iyu-kecan awacinpi icunhan, Jesus iye hinca kiyedan u, qa om wi-caya.

16 Tuka iśta on iyekiyapi kte śni wicayapi.

17 Unkan hewicakiya ; Wicoie kin dena tukte e he, mayanipi icunhan woyahdakapi qa iyo-kiśin yaunpi kin.

18 Unkan unma Kleophas eci-yapi kin he waayupte ça heciya ; Jerusalem en yaun śni ece, de-han en taku hiyohi kin dena sdonyaye śni he.

19 Unkan hewicakiya ; Hena taku he. Unkan heciyapi ; Je-sus Nazareth etanhan kin on, he wicaśta wokcan, wicohan wicoie ko on waśaka, Wakantanka qa oyate kin owasin wicitokam.

20 He wawayuśna itancanpi qa

LUKAS.

itancanwicunkeyapi kin hena te kta kiconzapi qa icipaweli okatanpi.

21 Tuka Israel opewicakiton kte cin hee unkiš unkecinpi tuka; unkan heconpi kin ehan-tanhan wanna anpetu kin de iyamni.

22 Nakun unkanpi kin etanhan winohinca wanjikji hanhanna hinca wicašta hnakapi kin ekta ipi, qa inihanunyanpi:

23 Iye tancan kin iyeyapi šni qehan, hdicupi qa ohnihe wakan kin heca wanwicayakapi, qa hena he ni un keyapi ce, eya unkokiyakapi.

24 Hehan om unkanpi kin wanjikji wicašta hnakapi kin ekta ipi, qa winohinca oyakapi qon iyececa hinca iyeyapi: tuka iye kin wanyakapi šni ce.

25 Unkan hewicakiya; Witko-tkokapi qa wicašta wokcan taku oyakapi qon hena owasin wicada cante hunkapi šni kin:

26 Messiya dena decekcen ito kakije ça wowitan tawa kin en hde kte cin he hecetu šni he.

27 Unkan hecen Moses e toka-heya, qa hehan wicašta wokcan owasin, taku iye kin on wowapi en kagapi qon hena owasin owicakiyaka.

28 Unkan otonwe ekta yapi qon he wanna ikiyedat ehan ipi qehan, iye sanpa ye kta se ececa.

29 Tuka iyakapeyapi, qa heyapi; Unkicipi un wo, wanna hitayetu aya, qa anpetu kin wanna owihanke kta. Unkan om un kta e ti mahen iyaya.

30 Unkan om wota yanke cehan, aguyapi eyaku, qa yawašte, qa yuštašpa, qa wicaqu.

31 Hehan išta kin wicakiciyukawapi, qa iyekiyapi: unkan atanin šni iyaya.

32 Unkan hekiciyapi; Canku

kin ohna wounkiyakapi qa wowapi wakan kin unkiciyuzamnipi qon he ehan cante unkata šni he.

33 Unkan wihiyayedan cape kin he en najin hiyayapi, qa Jerusalem ekta hdapi, qa akewanji tona om unpi ko hena witaya yukanpi iyewicayapi;

34 Qa heyapi; Ehanqon Itancan kin kini, qa Simon en tanin-iciya ce.

35 Hehan iye canku kin ohna tokenketu, qa aguyapi yuštašpa kin on iyekiyapi qon, hena hecekcen owicakiyakapi.

36 Unkan hena hecen eyapi icunhan, Jesus iye hinca wicacokaya hinajin qa hewicakiya; Wookiye nicipi un nunwe.

37 Unkan inihanpi, qa kokipapi, qa wanagi wanyakapi kecinpi.

38 Unkan hewicakiya; Tokeca e iyonicišicapi he; qa tokeca cante mahen taku ceṭunyahdapi he.

39 Minape misiha ko, de miye hinca e wanmayaka po; mayutanpi qa iyukcan po; celipi huhu waton wandakapi kin wanagi kin iyecen ton šni ece.

40 Unkan hecen eye cehan, nape siha ko wicakipazo.

41 Unkan wowiyuški on wicadapi šni, qa hinyašin inihanpi, hehan hewicakiya; Den taku yutapi duhapi he.

42 Unkan hogan pasnonpi onšpa tulmaga canhanpi ahna qupi.

43 Unkan icu, qa wicitokam yuta.

44 Qa hewicakiya; Nahahin om ciunpi qon ehan, wicoie oci-ciyakapi qon he dee ce; Moses wicoope tawa, qa wicašta wokcan, qa odowan kin, henakiya en miye on taku token owapi qon owasin ecen yuštašpi kta iyececa ce, eya.

WICOWOYAKE 1.

45 Unkan hehan tawacinpi kin wicakiciyuzamni, qa hecen wo-wapi kin okañnigapi kte.

46 Unkan hewicakiya; Hecen owapi, qa Messiya hecen kakije ça, anpetu iyamni kinhan ake kini kte cigon, he hecetu:

47 Qa hecen iye caje kin on ihducetupi qa woahitani kajuju-pi kin, oyate kin owasin en oyakapi kta, Jerusalem en tokahe-ya kta.

48 Qa taku kin dena oyakapi kte cin he niyepi ce.

49 Unkan iho, Ate taku iwahowicaye cigon he niyepi kin en uwakiye kta; tuka tohanyan wankantanhan wowaśake yuhe-

niciyapi śni kin hehanyan Jerusalem otonwe kin en ece yukan po.

50 Hehan tankan awicaya, Bethani hehanyan; unkan nape wicakiyuwinta qa wicayawaśte.

51 Unkan wicayawaśte icunhan, yutokan ewicakiciyakupi, qa wankan małpiya kin ekta ayapi.

52 Unkan iye ohodapi, qa wowiųskin tanka yuha Jerusalem ekta kipi:

53 Qa ohinniyan tipi wakan kin ohna ece yukanpi, Wakan-tanka yatanpi qa yawaśtepi ece. Amen.

JOHANNES

WOTANIN WAŚTE TAWA.

WICOWOYAKE 1.

1 Otokahe ekta Wicoie kin hee; Wicoie kin he Wakan-tanka kici un, qa Wicoie kin he Wakantanka kin ee.

2 He otokahe ekta Wakan-tanka kici un.

3 Iye eciyatanhan taku owasin kagapi; qa taku kin tokan tanhan takudan kagapi śni.

4 Iye kin en wiconi; qa wiconi kin he wicaśta iyoyamwicaye cin hee.

5 Iyoyanpa kin hee otpaze cin en omdesya un, tuka otpaze cin he iyowinkiyapi śni.

6 Wicaśta wan Wakantanka eciyatanhan u śipi, he Johannes eciyapi.

7 He wayaotanin hi, Iyoyanpa kin oyake kta; hecen iye eciyatanhan owasin wicadapi kta.

8 Iyoyanpa kin he iye śni, tuka iyoyanpa kin he yaotanin kta e u śipi.

9 Iyoyanpa wicakapi hince cin hee, wicaśta otoiyohi wicoicage kin en u iyoyamye cin hee.

10 He wicoicage kin en un, qa iye wicoicage kin kaga, tuka wicoicage kin sdonyapi śni.

11 Tona tawa kin hena ekta wicahi, tuka tawawicaye cin hena iyowinkiyapi śni.

12 Tuka tona iyowinkiyapi kin hena Wakantanka cinca wicaya yakonpi kta e okihi wicaya, tona iye caje wicadapi kin hena.

13 Hena wicawe eciyatanhan śni, qa wicacełpi tawacin kin eciyatanhan śni, qa nakun wicaśta tawacin kin eciyatanhan śni, tuka Wakantanka eciyatanhan wicatonpi.

14 Unkan Wicoie kin he wica-

JOHANNES.

celipi kagapi, qa unkiyepi kin en ounyan; qa wootanin tawa kin wanunyakapi, wootanin kin he Atkuku eciyatanhan isnana icaga tawa kin he iyececa; wo-waonšida wowicake ko ojudan.

15 Johannes he yaotanin, qa heya niyan; Tuwe mihakam u kte cin he mitokam yawapi ce, epe ciquon he dee; he mitokam un nakaes.

16 Unkan woojudan tawa kin etanhan unkiye owasin unkicupi, qa he wowašte wicowašte kin on.

17 Wooke kin he Moses wicagu; tuka wicowašte wowicake ko hena Jesus Messiya eciyatanhan u.

18 Tuwedan tohinni Wakan-tanka wanyake šni; tuka Cinhintku isnana icaga Atkuku maku ohna un kin he sdone unkiyapi.

19 Unkan Johannes woyake ciquon he dee; Jerusalem etanhan Juda oyate Wošnapi kagapi Lewi wicašta ko ekta ye wicašipi qa, Tuwe niye he, eciyapi.

20 Tuka Johannes ohdake ça anakišbe šni, tuka ohdaka; Messiya kin he miye šni ce.

21 Unkan wiwangapi; Nituwe he; Eliyas he niye he. Unkan, He miye šni ce, eya. Wicašta wokcan kin he niye he, eciyapi. Tuka, Hiya, eya.

22 Hehan, Ecin tuwe niye he, eciyapi: tona deciya unkušipi hecinhan hoši wicunkakipi kta e heunniciyapi; Token onihdaka he.

23 Unkan heya; Jehowa tancanku kin owotanna kicaga po, tuwe hewoskan eyanpaha un kin he miye ce, Isaya wicašta wokcan eye ciquon iyececa.

24 Unkan tona en u wicašipi qon hena Pharisee etanhanpi.

25 Unkan wiwangapi qa heciyapi; Hecen tokeca e baptem wicayaqu he; Messiya he niye šni, qa Eliyas he niye šni, qa wicašta wokcan kin he niye šni hecinhan.

26 Johannes awicayupte ça heya; Miye mini on baptem wicawaqu ece: tuka wanji naya-jinpi kin cokaya najin tuka sdon-yayapi šni;

27 Tuwe mihektam u kte ciquon, tuka mitokam yawapi kin hee; tahananpe kin wakiyušdoke kta ešta owakihi šni ce.

28 Hena taku kin Bethabara, Jordan akasanpatanhan, econpi; he en Johannes baptem wicagu.

29 Anpetu iyokihe hehan Jesus etkiya u kin Johannes wanyake ça heya; Tacinca Wakantanka tawa, oyate walitanipi kin tokan ehpeye kte cin he wanyaka po.

30 Tuwe on hepe ciquon he dee; Wicašta wan mihakam u kte cin he mitokam yawapi; he mitokam un nakaes.

31 Qa miš eya he sdonwaye šni; tuka Israel oyate kin ekta yuotaninpi kta e heon mini on baptem wicawaqu wahi ce.

32 Unkan Johannes wayaotanin qa heya; Woniya kin he wakiyedan kaliya malpiya eciyatanhan kuntkiya u wanmdaka, unkan he en hiyanka.

33 Unkan he tuwe kin sdonwaye šni, tuka mini on baptem wicagu maši qon he omakiyaka; Tohan malpiya kin eciyatanhan Woniya kin kuntkiya ye ça, tuwe iyahde wandake cinhan he iye Woniya Wakan on baptem wicagu kta.

34 He wanmdaka e on mdaotanin; Wakantanka Cinhintku kin hee.

WICOWOYAKE 2.

35 Ake ihanñanna hehan Johannes waonspewicakiye cin nom om en najin:

36 Qa Jesus omani wanyake cehan heya; Iho, Tacinca Wakantanka tawa kin he dee ce.

37 Unkan waonspewicakiya nom ie cin he nañonpi, qa Jesus ihakam yapi.

38 Hehan Jesus ihdamna, qa ihakam upi wanwicayake ça he-wicakiya; Taku ayakitapi he. Unkan, Itancan, Waonspekiye eyapi kin he kapi, tukten yati he, eciyapi.

39 Upi qa wanyaka po, ewicakiya. Unkan kici hdapi, qa tukte en-ounye cin he wanyakapi, qa anpetu ihunniyan kici yukanpi: wanna oape wikcemna hehantu.

40 Nom Johannes ia nañonpi qa Jesus ihakam yapi qon, Andrew Simon Inyan sunkaku kin he unma ee.

41 He cincu Simon tokaheya iyeye ça heciya; Messiya, he Sdayapi eyapi kin, iyeunyanpi ce:

42 Qa Jesus ekta ai. Unkan Jesus wanyake cehan heya; Simon Jona cinhintku kin he niye: Kephas eniciyapi kta, he Inyan eyapi kin hee.

43 Ihanñanna kin hehan Jesus Galile heciya ya, unkan Philip wanyake ça heciya; Mihakam u wo.

44 Philip Bethsada hetanhan, nakun Andrew Inyan kici he otonwe tawapi.

45 Philip Nathanael akipa, qa heciya; Moses woepe en owa qon, qa wicašta wokcanpi kin nakun, he wanna iyeunyanpi, Jesus Nazareth etanhan, Joseph cinhintku kin hee.

46 Unkan Nathanael heciya; Nazareth etanhan taku wašte u

okihi kta he. U qa wanyaka wo, Philip eciya.

47 Jesus Nathanael en u wanyake ça he on heya; Wanyaka po, Israel wicašta hinca wan he dee, wicahnaye wanin un ce.

48 Nathanael heciya; Tokiyatanhan sdonmayaya he. Jesus ayupte ça heciya; Philip nico qon he itokam can ihukuya nayajin qon hen wanciyaka.

49 Nathanael ayupte ça heciya; Itancan, Wakantanka Cinhintku, Israel oyate Wicaštayatapi kin he niye.

50 Unkan Jesus ayupte ça heciya; Can ihukuya nayajin wanciyaka epa, unkan heon wicayada he. Dena taku isanpa tanka wandake kta ce.

51 Unkan heciya; Wowicake, wowicake eciyatanhan heciciyapi, Tokata mahpiya kin yuzannipi, qa Wakantanka taokiyen kin wankantkiya yapi, qa ake kuntkiya upi, qa Wicašta Cinhintku kin en himniciyapi wandakapi kta ce.

WICOWOYAKE 2.

1 Anpetu iciyamni kin hehan Galile makoce en otonwe wan Kana eciyapi hen kiciyuzapi omniciye kagapi; unkan Jesus hunku kin en opa.

2 Jesus nakun waonspewicakiye cin om kiciyuzapi kin en kicopi.

3 Unkan miniša wanna hena-keca hehan, Jesus hunku kin heciya; Miniša takudan yuhapi šni ye.

4 Unkan Jesus heciya; Winoñinca hetanhan iwamayatokiya he; nahanñin iyemicihantu šni ce.

5 Unkan hunku kin wayutan wicakiyapi, He tokeñin eniciya-

JOHANNES.

pi owasin ecen ecom, ewicakiya.

6 Inyan wakiškokpa šakpe en han, ohna Juda oyate ihdujajapi kta e hdepi; otoiyohi wiyutapi nom yamni kipi.

7 Wakiškokpa kin mini ojudan okaštan po, ewicakiya. Unkan ojugjudan okaštanpi.

8 Hehan, Onge etanhan icupi qa omniciye itancan kin he kanya po, Jesus ewicakiya. Unkan kayapi.

9 Unkan omniciye kin en itancan kin onge yatkan uta, he mini tuka miniša icaŋyapi, qa he tokiyatanhan kin sdonye šni, tuka wayutan wicakiyapi mini akupi qon hena sdonyapi, unkan itancan kin tawicu ton qon kico;

10 Qa heciya, Wicašta eca miniša wašte tokaheya yatke wicakiya ece; qa tohan wicašta wipipi hehan taku aoptetu kin; tuka niye miniša wašte hinca dehanyan yehnaka ce, eya.

11 Galile makoce kin hen, Kana otonwe he en, Jesus toka taku wapetokeca econ, qa towitan hdutanin; unkan hecen waonspewicakiye cin wicadapi.

12 He iyohakam Kapernaum ekta apamahde iyaya, iye qa hunku qa sunkaku qa waonspewicakiye cin hena koya om; unkan anpetu tonana hen yakonpi.

13 Unkan Juda oyate woacakšin wošnapi tawapi kin wanna ikiyedani; heon Jesus Jerusalem ekta itanwankanhe iyaya.

14 Unkan tipi wakan kin en wicašta kin eya, tatanka, tahinca, wakiyedani ko wiyopewicakiyapi, qa maza ska tokiyopekiyapi kin en iyotankapi e wanwicayaka;

15 Qa icapsinte cikciqadan yu-

gaga wan kage čehan, tipi wakan kin etanhan owasin tankan iyewicaya, tahinca tatanka ko; qa mazaska tokiyopekiciyapi qon is kada iyeya, qa can wahna wotapi kin he nakun paahdapšinyan ehpeya.

16 Qa wakiyedani wiyopeyapi kin is, Dena owasin tankan iyeya po, qa, Ate ti kin de wopeton tipi kagapi šni po, ewicakiya.

17 Unkan waonspewicakiye cin wowapi en kagapi qon he kiksuyapi, Yati owakiye cin he mayapota ce.

18 Hehan Juda oyate ayuptapi qa heciyapi; Tokiya tanhan he oyakihi qa hecanon he.

19 Unkan Jesus waayupte ča, Tipi kin de ihangya po, qa anpetu iciyamni kinhan ake ekicetuwaye kta, ewicakiya.

20 Waniyetu wikcemna topa qa sam šakpe hehanyan tipi kin de kagapi qa yušanpi qon, niye nakaha anpetu iyamnina ekicetu yaye kta he, Juda oyate kin eciyapi.

21 Tuka tipi eye cin he iye tancan kin he ka e heon etanhan heya.

22 Heon wiconte etanhan ihduekicetu, hehan hecen ewicakiye ciquon he waonspewicakiye cin kiksuyapi; unkan wowapi wakan qa Jesus taku ewicakiye cin hena koya wicadapi.

23 Unkan Jerusalem en woacakšin wošnapi kin icunhan, taku wapetokeca econ kin hena wicota wanyakapi qehan iye caje kin on wicadapi.

24 Tuka Jesus owasin sdonwicaye cin heon etanhan wacinwicaye šni.

25 Qa wicašta on tuwedani waotani kta cin šni; iye atayedani wicašta taku en un kin sdonya, heon etanhan.

WICOWOYAKE 3.

WICOWOYAKE 3.

1 Wicašta wan Pharisee etanhan Nikodemos ec iyapi, Juda oyate itancanpi kin he wanji ee;

2 Hanyetu wan Jesus yanke cin en i qa heciya; Itancan, waonspekiye Wakantanka ec iyatanhan u kin henica sdonunniyanpi; taku wapetokeca ecanon ece kin tuwedan hecen okihi šni, Wakantanka kici un šni kinhan.

3 Unkan Jesus ayupte ça heciya; Wowicake, wowicake ec iyatanhan heciciya, Wicašta kin wankantanhan teca nien tonpi šni kinhan Wakantanka tokiconze kin wanyaka okihi kte šni.

4 Wicašta kin kan ehantanhan token ecin teca ni en tonpi kta he. Ake hunku tezi kin mahen kihde ça ake teca ni en tonpi kta he token okihi kta he, Nikodemos ec iya.

5 Unkan Jesus ayupte; Wowicake, wowicake ec iyatanhan heciciya, Wicašta kin mini qa Woniya kin on tonpi šni kinhan Wakantanka tokiconze kin en tin iyaya okihi kte šni ce, eya.

6 Tuwe wicacehi on tonpi kin he wicacehi, qa tuwe Woniya kin ec iyatanhan tonpi kin he woniya.

7 Wankantanhan nitonpi kta ce, eciciye cin heon ihnuhan niyušinyaye cin.

8 Tateyanpa kin tokiyatanhan cin eca ec iyatanhan ipogan ece, qa oqo kin he nayahon, tuku tokiyatanhan u, qa tokiya ye cin he sdonyaye šni. Wicašta Woniya kin ec iyatanhan tonpi kin owasin hecetu.

9 Nikodemos ayupte ça heciya; Hena token okihipica he.

10 Jesus. ayupte ça heciya; Israel en waonspekiye cin heni-

Dak.

ca, tuka dena oyakalinige šni he.

11 Wowicake, wowicake ec iyatanhan heciciya; Taku sdonunyanpi kin hena unkeyapi ece, qa taku wanunyakapi kin dena unkoyataninpi, tuka wounyataninpi kin ayaktapi šni.

12 Taku maka kin detanhan ociciyakapi kin wicayadapi šni ehantanhan, małpiya kin ekta taku ociciyakapi kinhan hee token wicayadapi kta he.

13 Nahahin tuwedan małpiya kin ekta i šni, tuwe małpiya kin ec iyatanhan kuntkiya u, qa hi kin he Wicašta Cinhintku kin hee, nahahin nakun małpiya kin ekta yanka.

14 Nakun hewoskan wanmduška Moses wankan ehde qon he iyecen Wicašta Cinhintku kin wankan ehdepi kta.

15 Heon tuwe awacin kinhan owihanke kte šni, qa owihanke wanin wiconi yuhe kta.

16 Wakantanka oyate kin cantewicakiya, heon Cinhintku isnana icage cin wicaqu, qa tuwe awacin kinhan owihanke kte šni, tuka owihanke wanin wiconi yuhe kta.

17 Wakantanka Cinhintku kin wicoicage kin en u ši kin, heon oyate kin wicayaco kta e hecon šni; tuka iye on oyate kin nipi kta e hecon.

18 Tuwe he wacinye cinhan he yacopi kte šni; tuka tuwe wacinye šni kinhan he wanna yacopi; Wakantanka Cinhintku isnana icage cin he caje kin wacinye šni kin heon etanhan.

19 Wicayacopi kin he kaketu; Oyate kin iyoyanpa en wicahiyohi, tuka wicašta kin otpaza e waštedakapi, qa iyoyanpa e cinpi šni, wicołian šicapi kin heon.

20 Tuwe taku šica econ kin he

JOHANNES.

iyoyanpa sice daka, qa iyoyanpa ikiyedan u šni, ohan iyoheyapi kte cin heon.

21 Tuka tuwe wowicake eciyatanhan ohan-ye cin he iyoyanpa kin en u, ohan yuotaninpi kta, Wakantanka eciyatanhan ohan-ye cin heon.

22 Hena iyohakam Jesus waonspewicakiye cin om Juda makoce kin en i; qa en om un, qa baptem wicaqu.

23 Unkan he icunhan Johannes is eya Enon Salim ikiyedan baptem wicaqu, hen mini ota kin he etanhan. Unkan baptem wicaqupi kta e etkiya aye.

24 Hehanyan hinyašin Johannes kaškapı šni.

25 Hehan taku hdokinicapi, Johannes waonspewicakiye cin wanjikji qa Juda wicašta om, wicayujajapi kin he icalitaga.

26 Unkan Johannes ekta ipi qa heciyapi; Itancan, Jordan wakpa akasanpa tanhan tuwe kici yaun qa daotanin qon he, iho, wanna baptem wicaqu, unkan owasin en ece iyoptapi.

27 Unkan Johannes waayupte ça heya; Wicašta kin mahpiya eciyatanhan taku qupi šni ehan-tanhan takudan iye cinka icu okihi kte šni ece.

28 Messiya kin he miye šni, tuka itokam u mašipi ce, epe ciquon he niye sdonyayapi.

29 Tuwe tawicu ton kin he hihna yanpi kin hee, tuka hihna yanpi takodaku kin en taninyan anagoptan najin, qa hihna yanpi ho kin nañon kin heon iyuškin ece. Heon etanhan wowiyuškin mitawa kin wanna yuecetupi ce.

30 Iye kin nina sanpa icage kta, tuka miye yuhukun amaye kta.

31 Tuwe wankan tanhan hi kin

he taku owasin iwankam ounye. Tuwe maka etanhan hi kin he maka etanhan, qa maka kin iye-cenya oie kiton. Tuwe mahpiya kin eciyatanhan hi kin he taku owasin on iyotan.

32 Qa taku wanyake ça taku nañon kin he owasin yaotanin ece; tuka taku yaotanin kin tuwedan wicada šni.

33 Taku yaotanin kin he tuwe wicada kinhan Wakantanka wicake cin he yutanin ece.

34 Wakantanka tuwe u ši kin he Wakantanka oie oyaka; Wakantanka Taniya kin iyuta qu šni, ocowasin qu.

35 Atkukukin Cinhintku waštekidake ça, taku owasin iye nape kin en qu:

36 Hecen tuwe Cinhintkuyapi kin wacinye cinhan owihanke wanin wiconi kin wanna yuha; tuka tuwe wacinye šni kinhan, he wiconi wanyake kte šni, tuka Wakantanka tocanniye kin wanna akan un.

WICOWOYAKE 4.

1 Jesus waonspewicakiya ota icicage ça baptem wicaqu, Johannes econ qon sam iyeya, Pharisee kin hecen nañonpi, he Itancan kin sdonya.

2 Tuka Jesus iye atayedan baptem wicaqu šni, waonspewicakiye cin hena heconpi.

3 Hehan Juda makoce kin ayuštān, qa Galile heciya ake ekta hda.

4 Qa Samariya he en acankuye kta iyececa.

5 Hecen otonwe wan Sukar eciyapi Samariya makoce en, Joseph en ounye kta e Jakob atkuku qu qon he ikiyedan, he ekta hi.

6 Jakob miniyowe tawa kin he

WICOWOYAKE 4.

etu; Jesus mdokite hda, qa miniyowe kin he ahankeya iyotanka. Anpetu kin he en wiyotanhe cin hehantu.

7 Samariya oyate etanhan winohinca wan mini huwe hi; unkan Jesus, Mini maqu wo, eciya.

8 He icunhan waonspewicakiye cin otonwe kin ekta taku yutapi opeton iyayapi.

9 Winohinca Samariya oyate etanhan qon hecen eya, Juda wicašta kin henica, Samariya oyate kin hematanhan, he tokeca e mini mayakida he. Juda oyate Samariya oyate kici takudan ikicitukapi wanice cigon.

10 Jesus ayupte ça heciya; Wakantanka taku wicaqu kin he, qa, Mini maqu wo, eniciye cin he tuwe kin sdonyaya unkanš, niye yakida kta, kinhan mini wiconi kin niçu kta tuka ce.

11 Itancan, mini kin de temahentuya hiyeya qa takudan on edaku kte šni; tokiya tanhan mini wiconi kin duha he, winohinca kin eciya.

12 Jakob ateunyanpi miniyowe kin de unqupi, qa etanhan iye mini yatkan, qa cinca qa tawanunyanpi ko, he *hecon* tuka niye iniyotan he.

13 Unkan Jesus ayupte ça heciya; Tuwe mini kin de etanhan yatke cin nakun ipuza kta;

14 Qa tuwe mini waqu kte cin etanhan yatke cin icimana ipuza kte šni. Tuka mini waqu kte cin he owihanke wanin wiconi iyahdeya kaduze kta, eya.

15 Unkan winohinca kin heciya; Itancan, mini kin he etanhan maqu ye, hecen imapuza kte šni, qa nakun icimana mini kin de huwe wahi kte šni, eya.

16 Unkan, Nihihna kico ya

wo, qa den kici hi wo, Jesus eciya.

17 Tuka winohinca kin waayupte ça heciya; Mihihna kin wanica ce. Nihihna wanica kehe cin he hecetu e ecen eha ce;

18 Nihihna zaptan, tuka naka ha hihnayaye cin de nitawa šni; hecen ehe cin he wicayaka ce, Jesus eciya.

19 Hehan winohinca kin heciya; Itancan, wicašta wokcan kin henica imdukcan;

20 Hunkake wicunyanpi paha kin de en ohodapi ece; tuka niye, Jerusalem he en wicašta ohodapi ece e kta, kehapi ce.

21 Unkan Jesus heciya; Winohinca, wicamada wo, anpetu wan u ce, paha kin de en, qa Jerusalem nakun en, Ateyapi kin ohoyadapi kte šni.

22 Niye taku ohoyadapi kin sdonyayapi šni; unkiye taku ohoundapi kin sdonunyanpi ece. Juda oyate kin eciyatanhan waniyapi kin u ce.

23 Tuka anpetu u kin he wana hiyohi, tona wowicake eciyatanhan ohodapi kin hena woksape wowicake eciyatanhan Ateyapi kin ohodapi kta. Ateyapi kin he tona hecen ohodapi kte cin akita ece.

24 Woksape kin he Wakan-tanka kin ee; qa tona ohoda kinhan hena woksape wowicake eciyatanhan ohoda kta.

25 Hehan winohinca kin heciya; Messiya Sdayapi eyapi kin hi kta, tohan hi kinhan taku kin owasin unkokiyakapi kta e sdonwaya.

26 He miye e ociciya ce, Jesus eciya.

27 He icunhan waonspewicakiye cin en hdipi, qa winohinca kin kici okiciciya un kin heon yušinyayapi. Tuka wanjidan;

JOHANNES.

Taku ayakita he; qa, Tokeca kici iyaa he, eyapi šni.

28 Hehan winohinca kin wakiškokpa ehpeya kihde ça, otonwe kin ekta ki, qa wicašta kin hewicakiya;

29 Wicašta wan taku ecamon qon owasin omiciyake cin he ito wanyag u miye. He Messiya kin ee šni he.

30 Hehan otonwe kin etanhan enanpa, qa yanke cin en ai.

31 He icunhan waonspewicakiye cin cekiyapi qa, Itancan, wota wo, eciyapi.

32 Tuka iye hewicakiya; Taku yutapi sonyayapi šni kin heca wate kta e mduha ce.

33 Heon, Tuwe taku yutapi kahi he, wonspewicakiye cin ekiciyapi.

34 Tuka Jesus hewicakiya; Tuwe u maši kin he tawacin kin ecen ecamon kta, qa iye tohan kin weciyuštan kte cin he taku wate cin ee.

35 Ehake wi topa kinhan taku mnaunyanpi kta ce, ehapi. Tuka miš kaken eciciyapi; Wankan etonwanpi qa maga kin wanyaka po, wanna owasin ska qa mnayanpi kin wanna iyehantu.

36 Qa tuwe taku mnaye cin he wokajuju icu ece, qa owihanke wanin wiconi waskuyeca mnayan ece; hecen on tona woju, qa tona mnaye cin napin wiyuškinpi kta.

37 Wanji woju qa wanji mnayan, eyapi qon dee e wicakapi.

38 Niye htayanipi šni tuka wamnayanpi he econ cišipi. Wicašta tokeca htanipi unkan he htanipi kin en niye oyapapi.

39 Winohinca kin, Token ecamon qon owasin omiciyaka ce, eye cion heon wicašta Samariya oyate otonwe kin he en ota Messiya hee kin wicadapi.

40 Heon Samariya oyate Jesus en hipi qa cekiyapi, iye tipi kin en un šipi. Unkan nonpa can hen un.

41 Unkan ia nañonpi kin hehan wicota wicadapi.

42 Qa, Taku odake cin he etanhan wicaundapi kin hee šni, unkiš eya naunhonpi, Messiya hee qa oyate wanikiye kte cin hee e sdonunyanpi, winohinca kin eciyapi.

43 Anpetu nonpa iyohakam hehan hetanhan ye ça Galile heciya hda.

44 Jesus iye atayedan hdaotanin, wicašta wokcan kin heca iye tamakoce kin en yuonihanpi šni ece.

45 Unkan Galile ekta ki, hehan Galile wicašta kin iyowin-kiyapi, Jerusalem ekta wošnapiki kin icunhan taku econ qon owasin wanyakapi kin heon etanhan; is eya wošnapiki kin ekta ipi nakaes.

46 Unkan Galile en Kana otonwe kin, mini ikceka miniša icalhe cion he ake en hdi. Unkan Kapernaum ekta wicašta itancan wanji cinhintku wazanka:

47 He Jesus Juda makoce kin hetanhan Galile en hi, nañon kin heon ekta ye ça cekiya, cinhintku kin asniye kta e ekta u kta; wanna te kta ikiyedani.

48 Hehan Jesus heciya; Taku wowanyake wowapetokeca ko wandakapi šni keš wicayadapi kte šni ce.

49 Unkan wicašta itancan kin heciya; Itancan, micinksi te šni itokam kun u wo.

50 Tuka Jesus heciya; Hunktiya wo, nicinksi ni ce. Unkan wicašta kin Jesus ie cin wicada, qa ekta hda.

51 Tiyatakiya hda, unkan wi-

WICOWOYAKE 5.

cašta wowidake wicayuhe cin awicakipa, unkan, Nicinksi kin ni ce, eya okiciyakapi.

52 Wi kin tohan yanka hehan asni aya he, eya iwicawanga. Unkan, Htanihan wiyotanhani kintanna inasdoka, hetanhani tancan kata ayustan ce, eyapi.

53 Unkan atkuku kin tohan Jesus, Nicinksi ni ce, eciye ciqon hehantu e kiksuya. Unkan iye qa tiyohnaka tawa koya wicadapi.

54 Jesus Juda makoce etanhani Galile icicawin en hdi, wowape-tokeca econ kin icinonpa kin he dee

WICOWOYAKE 5.

1 Hehan iyohakam Juda oyate omniciye wan kagapi he icunhani Jesus Jerusalem he en i.

2 Jerusalem en tahinca wanunyanpi tiyopa kin he en ikiyadan, mini kiwitayapi, Hebrew iapi Bethesda eciyapi, zaptankiya aohanziya hdepi.

3 Hena ohna wicašta wayazanka ota, hušte, ista gonga, tataka ko ota en makan hiyeya, mini skanskan ape hiyeya.

4 Tohan iyehantu eca, malpiya ohnihde wan mini kin en hi qa skanskanya ece. Tokiya yazan kin owasin tohan mini kin he skanskan eca tuwe tokaheya en iyohpeiciya eca asni ece.

5 Wicašta wan he en wanka, waniyetu wikcemna yamni sanpa shahdogan hehanyan wayazanka.

6 Wicašta kin he makata wanka, wanakaja tanhan wayazanka Jesus wanyaka, qa, Anisni kta yacin he, eciya.

7 Wicašta wayazanke cin heciya; Itancan, mini kin skanskan kes tuwedan en iyohpemaye sni;

en mde kta kes tuwe tokeca mitokam en iyeiciya ece.

8 Najin, owinja ehdaku qa mani wo, Jesus eciya.

9 Unkan ecahankeya wicašta kin akisni, qa owinja kin ehdaku, qa mani. Unkan anpetu kin he anpetu wakan.

10 Heon etanhani Juda oyate kin wicašta asniyanpi qon heciyapi; Nakaha anpetu wakan; owinja yecin kin he hecetu sni ce.

11 Tuwe asnimaye cin he, Owinja ehdaku qa mani wo, emakiya ce, ewicakiya.

12 Hehan, Wicašta kin, Owinja ehdaku qa mani wo, eniciye cin he tuwe he, eya iwangapi.

13 Tuka wicašta asniyanpi kin he tuwe kin sdonye sni: he icunhani wicota hen unpi hecen Jesus icunonpa iyaya.

14 Hehan iyohakam tipi wakan en wicašta kin he Jesus wanyaka, unkan, Wanyaka ye, wanna anisni; icimana wahitani sni wo; okinni ake taku wangi sica sanpa tanka iyanihde kta ce, eciya.

15 Unkan wicašta kin he kihde ca, Tuwe asniye ciqon he Jesus ee, Juda oyate owicakiyaka.

16 Heon etanhani Juda oyate Jesus kuwa ayapi, qa anpetu wakan kin icunhani hena econ kin heon teyapi kta e akitapi.

17 Unkan, Ate nahalin htani he etanhani mis eya htawani, Jesus ewicakiya.

18 Unkan Juda oyate hehan iyotan Jesus teyapi kta sanpa akitapi, anpetu wakan botica, qa nakun Wakantanka atayedan Ateya keiciye cin, Wakantanka kici akiyecen ihdawa kin, heon etanhani.

19 Unkan Jesus waayupte ca

JOHANNES.

hewicakiya ; Wowicake, wowicake eciyatanhan heciciyapi, Cinhintkuyapi kin takudan iye cinka econ kta okihi šni ; Ateye cin taku econ wanyaka eca, hehan Cinhintku kin iš eya iye-cen econ ece.

20 Ateyapi kin Cinhintku wašte kidake cin heon taku econ kin hena owasin onspekiya ; qa nakun eeš wicolian dena sanpa tanka onspekiye kta, hecen ininihanpi kta.

21 Ateyapi kin tuwe ʔa keš niye ʔa wiconi wicaqu ece ; he iyecen Cinhintku kin iš tona cin kinhan wiconi wicaqu ece.

22 Nakun Ateyapi kin tuwedan yaco šni, tuka woyaco owasin Cinhintku kin qu.

23 Heon etanhan owasin Ateyapi kin token ohodapi hecinhan he iyecen Cinhintku kin ohodapi kta. Tuwe Cinhintku kin ohoda šni kin he Atkuku u ši kin he nakun ohoda šni.

24 Wowicake, wowicake eciyatanhan heciciyapi, Tuwe mioie kin anagoptan, qa u maši kin he awacin kinhan, owihanke wanin wiconi yuhe kta ; qa woyaco en i kte šni, wanna wiconʔe etanhan wiconi ekta e i.

25 Wowicake, wowicake eciyatanhan heciciyapi, Anpetu wan u qon wanna hi, wicašta ʔa tona Wakantanka Cinhintku ho kin naʔon kta ; qa tona naʔon kinhan hena ni kta.

26 Ateyapi kin iye cinka wiconi hduha, he etanhan Cinhintku kin iš iye cinka wiconi hduhe kta e qu.

27 Qa nakun wowaśake woyaco kin he nakun Cinhintku qu, Wicašta Cinhintku kin e, heon etanhan.

28 Ihnuhan hena ininihanpi kin

do ; anpetu wan hi kta ce, wicašta wicaʔapi kin owasin iye ho kin naʔonpi kta ;

29 Qa hninanpapi kta, tona wašte econpi kin hena wiconi woekicetu ekta ; qa tona taku šica econpi kin hena woyaco woekicetu ekta hiyupi kta.

30 Miye cinka taku ecamon owakitpani ; taku mdaco kin hena taku nawaʔon kin heciya tanhan ; qa taku mdaco kin hena hecetu. Miye mitawacin he owakide šni, tuwe u maši kin he tawacin owade.

31 Miye mihdaotanin kinhan, taku mdaotanin kin he wowicake šni.

32 Wanji tokeca mayaotanin ece ; unkan wayaotanin iye mayaotanin kin he wowicake e sdonwakiya.

33 Johannes ekta ye wicayašipi ; unkan taku yaotanin kin wowicake kin hee.

34 Tuka wicašta akantu wayaotaninpi kin iwacu šni ; tuka dena on yanipi kta e heciciyapi.

35 He peta ijanjan iyege ʔa okitanin ; unkan iyoyanpa tawa kin on kohanna iyuškin wacan-nipi.

36 Tuka Johannes sam iyeya tanka wayaotanin mduha ; wicolian ecamon kta Ate maqu qon hena e ecamon ece ; Ate umaši e yuotanin kin hena ee.

37 Qa Ateyapi umaši qon he nakun mahduotanin : He tohinni ho kin nayaʔonpi šni, qa itohnake wandakapi šni :

38 Qa oie kin en niunpi šni, tuwe u ši kin he wicayadapi šni, heon etanhan.

39 Wowapi wakan kin en akita po ; heciyatanhan wiconi owihanke wanica duhapi kecannipi ; unkan omayake cin hena ee.

40 Tuka owihanke wanin wi-

WICOWOYAKE 6.

coni duhapi kta e on miye en mayaupi yacinpi šni.

41 Wicašta ekta mitawootanin kin awecite šni.

42 Tuka Wakantanka waštedakapi kin he, en niunpi šni e sdonciyapi.

43 Ate cajeyan wahi, tuka iyo-winmayakiyapi šni; tuwe iye caje atayedan hduha hi kin hee iyowinyakiyapi kta.

44 Niye iyakitedan nitawootaninpi kin ayecitapi, qa Wakan-tanka eciyatanhan wootanin kin ayakitapi šni, he token on wicayadapi kta he.

45 Ate en aciyapi kta e kecan-makinpi šni po; Moses he wacinyayapi qon he iye taku iyanionpapi ce.

46 Moses wicayadapi unkanš miš eya wicamayadapi kta tuka. He miye on wowapi kaga.

47 Tuka iye wowapi kage cin hena wicayadapi šni kinhan, ecin token mioie kin wicayadapi kta he.

WICOWOYAKE 6.

1 Hena iyohakam Jesus Galile mde kin, he nakun Tiberias mde kin ee, he akasanpa iyaya.

2 Unkan oyate ota ihakam yapi, wicašta wayazanpika en wapetogya ohanyan wanyakapi qon heon etanhan.

3 Unkan Jesus paha wan ekta iyaya, qa waonspewicakiye cin om akan iyotanka.

4 Unkan woacakšin, Juda oyate wošnapi tawapi wan, he wanna ikiyedanihan.

5 Jesus išta yuwankan ikikcu, qa wicota iye yanke cin en au wanwicayake cehan, Philip heciya; Aguyapi dena yutapi kte cin tokiyatanhan opeuntonpi kta he.

6 He yukcan kta on etanhan

heciya; token econ kte cin he sdonkiya tuka.

7 Hehan Philip ayupte; Kašpapidan opawinge nonpa aguyapi iyoheyapi, qa otoiyohi cikcistinna icupi ešta, nakun iyo-wicahi kte šni ce, eya.

8 Hehan waonspewicakiye cin wanji, Simon Inyan sunkaku, Andrew eciyapi, he nakun heciya;

9 Psin ska aguyapi zaptan qa hogan nom hena den hokšidan wan yuha; tuka wicota qa hena on token hanpica he.

10 Unkan, Wicašta kin iyo-tanke wicaši po, Jesus eya. He en peji ota. Wicašta kin hena iyotankapi, unkan kektopawinge zaptan iyecetu.

11 Hehan Jesus aguyapi kin hena icu qa yawakan, qa waonspewicakiye cin wicaqu; unkan waonspewicakiye cin iyo-tang hiyeye cin wicakipamnipi; qa nakun hogan tohanyan cinpi kin.

12 Unkan imnanpi hehan waonspewicakiye cin hewicakiya, Oyaptapi kin hena pahi po, hecen takudan atakuni kte šni.

13 Unkan psin ska aguyapi oyaptapi qon he etanhan makanopiye ohnaka ake nonpa pahipi; wotapi etanhan iwicakiciyaye cin hena ee.

14 Taku wapetogya Jesus econ kin oyate kin wanyakapi, qa heon heyapi, Wicašta wokcan itancan oyate en hi kta keyapi qon he wanna dee.

15 Oyate kin Jesus icupi, qa wicaštayatapi kañ wacinpi e sdonkiya, qa paha kin icunonpa akan išnana iyaya.

16 Unkan wanna hitayetuhahan waonspewicakiye cin mde kin ektakiya yapi;

17 Qa wata wan en opapi qa

JOHANNES.

mde kin he opta yapi, Kapernaum heciya i wacinpi. Unkan otpaza tuka nahanhin Jesus ekta wicahi šni.

18 Unkan tateyanpa hinca, on etanhan mde kin nina taja aya.

19 Unkan wiyutapi wikcemna nonpa sam zaptan, qa is wikcemna yamni hehanyan watopapi, hehan wata kin ikiyedani Jesus mini kin amani u wanyakapi; unkan yušinyayapi.

20 Tuka, He miye ce, ihnuhan koyakipapi kin do, ewicakiya.

21 Hehan iyokipiya wata kin en iyowinkiyapi; unkan tokiya yapi qon, wata kin kohanna he en ihunni.

22 Ihanhanna hehan oyate mde kin icahda yukanpi kin, hen wata wanica, wanji waonspewicakiye cin en opapi qon heceyedani, qa Jesus waonspewicakiye cin om wata kin en ope šni, tuka waonspewicakiye cin isnana iyayapi, he wanyakapi:

23 Tuka Jesus aguyapi yawakan qa yutapi qon he en ikiyadan Tiberias eciyatanhan wata toktokeca en hipi.

24 Oyate kin Jesus waonspewicakiye cin om he en yukanpi šni wanyakapi, unkan oyate kin wata kin hena en opapi qa mde kin opta yapi, Jesus Kapernaum heci un kin he akin yapi.

25 Unkan mde kin akasanpa hen iyeyapi qehan, heciyapi; Itancan tohinni den yahi he.

26 Jesus awicayupte ça heya; Wowicake, wowicake eciyatanhan heciyapi, Omayadepi kin he taku wapetokeca wandakapi kin heon hecanonpi šni, aguyapi imnahan yatapi qon e heon.

27 Taku yutapi on wicatakuni šni heon hitanipi šni po; tuka taku yutapi owihanke wanin wiconi. hehanyan kte cin hee on

hitani po, he Wicašta Cinhintku kin niçupi kta; Wakantanka Ateyapi kin wanna he askamton.

28 Hehan heciyapi; Token econkupi kta, on Wakantanka tohan kin unkoñanyanpi kta he.

29 Jesus waayupte ça hewicakiya; Wakantanka wicoñan tawa kin he dee, tuwe u ši kin he wicayadapi kta.

30 Heon etanhan heciyapi; Taku wapetokeca ecanon kin tukte e heon, wanupyakapi qa wicaunidapi kta; taku yakaga he.

31 Hunkake wicunyanpi kin eya wanna hewoskan manna yutapi qon; Mañpiya eciyatanhan aguyapi yutapi kta e wicaqu ce; eya owapi qon he iyececa.

32 Unkan Jesus hewicakiya; Wowicake, wowicake eciyatanhan heciyapi; Moses aguyapi kin he mañpiya kin eciyatanhan niçupi šni; tuka Atewaye cin he aguyapi wowicake kin mañpiya eciyatanhan niçupi.

33 Aguyapi Wakantanka tawa kin he tuwe mañpiya eciyatanhan kuntkiya u, qa oyate wiconi wicaqu kin hee.

34 Unkan, Eca Itancan, aguyapi kin he ohinniyan unqu po, eciyapi.

35 Tuka Jesus hewicakiya; Aguyapi wiconi kin he miye ce. Tuwe en mau kinhan wotektehda šni un kta; qa tuwe wicamada kinhan ipuza šni un kta.

36 Eya wanna wanmayadakapi, tuka wicamayadapi šni e, eciyapi qon.

37 Ate tona maqu kin owasin miye en mau kta; qa tuwe en mau kinhan tankan iyewaye kte šni.

38 Mañpiya eciyatanhan wahi kin, he mitawacin owape kte šni, tuwe u maši kin he tawacin owecipe kta.

WICOWOYAKE 6.

39 Atewayaya u maši kin he tawacin kin he dee, tona maqu kin wanjidan toki elhpewaye šni, ecen anpetu ihankeya kin piya icalhwaye kta.

40 Tuwe u maši kin he tawacin kin he dee, tona Cinhintku-yapi kin he wanyake ça wicada kin hena owihanke wanin wiconi yuhe kta, qa anpetu ihankeya kin he en piya icalhwaye kta.

41 Heon Juda oyate kin ajijipi; Aguyapi malpiya eciyatanhan kun u kin he miye ce, eye cigon heon etanhan.

42 Qa heyapi; Jesus Joseph cinhintku qon he dee šni he, atkuku hunku ko sdonwicunyanpi ce: hecen token, Malpiya eciyatanhan wahi ce, eya okihi he.

43 Heon Jesus waayupte ça hewicakiya; Niye iyakitedan waajijipi šni po.

44 Tuwedan iye cinka en mau kte šni, Ate u maši qon tuwedan en au šni kinhan, qa anpetu ihankeya kin en piya icalhwaye kta.

45 Unkan owasin Wakantanka eciyatanhan onspewicakiyapi kta ce, wicašta wokcan kin en eya owapi qon. Heon tona Ate waonspewicakiye ça anagoptanpi kin hena owasin en maupi kta.

46 Tuwedan Ateyapi kin tohinni wanyake šni, tuwe Wakan-tanka etanhan u kin hecedan Atkuku wanhdaka.

47 Wowicake, wowicake eciyatanhan heciciyapi, Tuwe miye wicamada kinhan, he owihanke wanin wiconi yuhe kta.

48 Aguyapi wiconi he miye.

49 Nihunkakepi kin hewoskan manna yutapi, tuka tapi.

50 Malpiya eciyatanhan aguyapi hi kin he dee, tuwe etanhan yute cinhan te kte šni.

51 Aguyapi ni un kin he miye, malpiya eciyatanhan wahi; tuwe etanhan yute cinhan owihanke wanin ni kta. Aguyapi wicawaqu kte cin he micelhi kin ee, he oyate wicani kta e wicawaqu ce, eya.

52 Wicašta kin de iye celhi etanhan unqupi qa untapi kta heye cin, he token okihi kta e heyah, Juda oyate iyakitedan eya hdokinicipi.

53 Hehan Jesus hewicakiya; Wowicake, wowicake eciyatanhan heciciyapi; Wicašta Cinhintku kin celhi etanhan yatapi šni, qa we kin datkanpi šni kinhan wiconi takudan en niunpi kte šni.

54 Tuwe micelhi etanhan yute ça mawe yatke cinhan owihanke wanin wiconi yuha ece, qa anpetu ihankeya kin en piya icalhwaye kta.

55 Micelhi kin he woyute otancanke, qa mawe kin he woyatke otancanke.

56 Tuwe micelhi yute ça mawe yatke cin he mici un, qa miš kici waun.

57 Ate u maši kin he ni un, qa Ate on ni waun, he etanhan tuwe mayute cinhan miye on ni un kta.

58 Aguyapi malpiya eciyatanhan hi kin he dee. Nihunkakepi manna yutapi qon de iyecece šni, he yutapi tuka tapi. Tuwe aguyapi kin de etanhan yute cinhan owihanke wanin ni kta ce, eya.

59 Kapernaum en omniciye tipi kin he ohna waonspekiya icunhan hena hecen eya.

60 Heon etanhan waonspewicakiye cin ota he nahonpi qehan, Wicoie kin de tehika ce, tuwe e nahon okihi kta he, eyapi.

61 Unkan Jesus waonspewica-

JOHANNES.

kiye cin hena heya ajijipi kin, iye atayedan sdonye ça hewicakiya; Tokeca de iyanipaṭopi he.

62 Wicašta Cinhintku kin wankan un qon ake ekta kihde ça, wandakapi kinhan, tokeca kta he.

63 Woniya kin he wiconi kaga ece, wicaceḥpi kin takudan okihi śni. Wicoie eciciyapi kin hena woniya qa wiconi kin hee.

64 Tuka wanjikji he wicayadapi śni. Otokahe ekta tanhan tona wicadapi kte śni, qa nakun tuwe wiyopeye kte cin hena Jesus sdonya.

65 Unkan heya; He etanhan heciciyapi qon, Tuwedan iye cinka en mau okihi kte śni, tuwe Atewaye cin he qu kinhan hecedan okihi kta.

66 Hecetu, unkan heon waonspewicakiye cin ota ayuṣtanpi, qa icimana ihakam yapi śni.

67 Hehan Jesus akenonpapi kin, Niś eya yahdapi kta he, ewicakiya.

68 Unkan Simon Inyan ayupte; Itancan, tuwe ekta unyanpi kta he; owihanke wanin wiconi wicoie duhe cin;

69 Qa Messiya Wakantanka ni un Cinhintku kin he niye e wicaundapi qa sdonunyanpi ye, eya.

70 Unkan Jesus awicayupte; Akeninonpapi kin miye cicaḥni-gapi śni he; tuka wanji wakan-śica yaunpi ce, eya.

71 Simon cinhintku Judas Iskariyot he ke ça hecen eya. Akenonpapi kin he etanhan tuka he wiyopeye kte cin ee.

WICOWOYAKE 7.

1 Hena iyohakam Jesus Galile en un; Juda oyate ṭe yapi kta

akitapi heon Juda makoce en un wacin śni.

2 Juda oyate wakeya ohna wotapi ece kin he wanna kiyedan aya.

3 Heon etanhan iye sunkawicaye cin heciyapi; Detanhan ya wo, qa Juda makoce kin en un wo, hecen waonspewicayakiye cin niohan ecanon ece kin hena wanyakapi kta.

4 Tuwe ihdutanin cin kinhan, taku naḥmana econ śni ece. Dena ecanon kta hecinhan, iho oyate kin en ihdutanin wo.

5 Sunkawicaye cin iyepi nakun wicadapi śni.

6 Heon Jesus hewicakiya; Miye anpetu kin hinyanḥin iyemicihantu śni; tuka niye qe anpetu kin ohinniyan wiyeya niciyan-kapi.

7 Oyate kin śicenidapi okihipi śni, tuka miye e śicemadapi; wicoḥan tawapi kin hena śica e mḍaotanin ece kin heon etanhan.

8 Niye qe wośnapi kte cin ekta ya po. Miye qe nahahin anpetu iyemicihantu śni, heon wośnapi kin he ekta mde kte śni ce.

9 Hena hewicakiye ça hehan Galile en un.

10 Tuka sunkaku iyayapi kin iyohakam hehan, iś wośnapi kte cin ekta ya, taninyan ye śni, tuka naḥmana ya.

11 Wośnapi kin icunhan Juda oyate odepi qa, Tokiya un he, eyapi.

12 Qa oyate kin iapi ota on aia-pi. Apa, He wicašta wašte ce, eyapi: qa toktokeca iś, Hiya, oyate kin wicahnayan ce, eyapi.

13 Juda oyate kowicakipapi, heon etanhan tuwedan taku ataninyan eye śni.

14 Wośnapi kin cokaya hdoipi, unkan Jesus tipi wakan ohna inajin, qa wowicakiyaka.

WICOWOYAKE 7.

15 Unkan Juda oyate kin inihanpi qa heyapi; Wicašta kin de tokiya tanhan wowapi kin onspe he; tohinni onspekiyapi šni qon.

16 Unkan Jesus awicayupte ɕa heya; Wociciyakapi kin de miye etanhan šni; tuwe u maši kin he iye etanhan.

17 Tuwe iye tawacin ecen econ wacin kinhan, woyakapi kin de Wakantanka eciyatanhan hecinhan, qa iš miye einka hena epa hecinhan, sdoney kta.

18 Tuwe iye en oie iɕiye cinhan he iye towitan okide ece; tuka tuwe iš, tuwe uši kin he towitan okieide kinhan, he iye wowicake, qa wicowicaštašni takudan en un šni.

19 Moses woope kin niɕupi šni he; tuka tuwedan woope kin ecen ecanonpi šni; taku on ɕemayayapi kta e ayakitapi he.

20 Oyate kin ayuptapi qa heyapi; Wakan šica niyuhnaškinyan; tuwe e teniyan akita he.

21 Hehan Jesus waayupte ɕa hewicakiya; Wicohan wanji eeamon, unkan owasin niyušinyayapi.

22 Moses baɕidayapi wicohan kin nieupi; he Moses etanhan šni, tuka hunkakewicayapi kin etanhan; unkan anpetu wakan eca wicašta wan bayeciɕidayapi ece.

23 Heeen anpetu wakan eca wicašta wan bakicilidayapi hecinhan, on Moses woope kage ciqon yujupui kte šni; wicašta wan anpetu wakan en ocowasin okiziwaye ein heon cantamayahdepi he.

24 Wiyaeinyan wayacopi šni po, wokonze e eciyatanhan wayaco po.

25 Hehan Jerusalem etanhan wanjikji heyapi; Tuwe ɕeyan akitapi kin he dee šni he.

26 Unkan iho, kagi šni ia tuka tuwedan taku eciye šni. Wicašta itancanpi kin awicakehan Messiya kin he dee e sdoneyapi he.

27 Tuka wicašta kin de tokiyatanhan u kin sdonunyanpi; tohan Messiya hi kinhan, tokiyatanhan u kin tuwedan sdoney kte šni, eyapi.

28 Hehan Jesus tipi wakan kin ohna waonspekiya icunhan hotankakiya heya; Tuwe miye kin sdonmayayapi, qa tokiya tanhan wau kin he nakun: qa miye einka wahi šni; tuka tuwe u maši kin he wicaka, ege sdonyayapi šni.

29 Tuka miye he sdonwakiya, he iye etanhan wahi, qa u maši kin hee.

30 Unkan heon ɕinsa yuze wacinpi, tuka nahahin iyehantu šni kin heon tuwedan nape on yutanpi šni.

31 Unkan oyate kin etanhan wicota he iye kin wicadapi qa heyapi; Tohan Messiya hi kinhan, de taku wapetogya econ kin, he sam iyeya hecon kta he, eyapi.

32 Oyate kin iyakitedan hekiciyapi he Pharisee kin nahonpi; unkan wošna kagapi Pharisee ko, yuzapi kta e on akieita ekta ye wicašipi.

33 Hehan Jesus hewicakiya; Ehake tokata cistiyedan ocipapi waun kta, hehan tuwe u maši kinhan heciya wahde kta.

34 Omayadepi kta, tuka iyemayayapi kte šni; qa tokiya waun kin ekta yaupi kta cšta, oyakitanpi kta.

35 Hehan Juda oyate kin iyakitedan hekieiyapi; Tokiya ye kta he, qa iyeunyanpi unkokihipi kte šni; Helenes oyate kin ehna enanakiya iyayapi kin ekta

JOHANNES.

ye ca, Helenes wowicakiyake kta he.

36 Omayadepi kta tuka iyemayayapi kte śni, qa tokiya waun kin ekta yaupi kta ešta, oyakitanipi kta ce, eye cin wicoie kin he toketu he, eyapi.

37 Wośnapi anpetu ehake qa tanka kin en, Jesus najin qa hotankakiya heya; Tuwe ipuza kinhan en mau qa mini yatke kta.

38 Tuwe wicamada kinhan, wowapi wakan eye cin iyececa, iye tanmahen tanhan wiconi nini wakpadan kaduze kta ce.

39 Tuka Woniya, tona iye wacinyanpi kin icupi kte cin hee on hecen eya: he ehan nahāhin Woniya Wakan kin wicacupi śni, nahāhin Jesus wowitan ehan i śni.

40 Oyate kin etanhan wicota wicoie kin de nahonpi qehan, Awicakehan wicašta wokcan kin he dee ce, eyapi.

41 Toktokeca is, Messiya kin he dee ce, eyapi. Tuka apa is, Messiya Galile etanhan u kta he, eyapi.

42 Dawid wicoicage tawa kin etanhan Messiya hinanpe kta, qa Bethlehem otowwe Dawid en un qon hetanhan u kta ce, wowapi wakan eye śni he.

43 Hetanhan oyate kin akipam wacinkiyuzapi.

44 Qa hunli yuze wacinpi, tuka tuwedan nape on yutan śni.

45 Hehan akicita kin, wośna kagapi Pharisee ko ekta icicawin wicakipi; unkan, Tokeca e ayahipi śni he, ewicakiyapi.

46 Akicita kin awicayuptapi; Wicašta kin tuwedan tohinni wicašta kin de iyecen oie ye śni ce, eyapi.

47 Hehan Pharisee kin is awicayuptapi, Niś nakun nihnayanpi he.

48 Wicašta itancanpi kin wanjikji qa Pharisee ko he wicadapi he.

49 Tuka oyate kin de, woope yukcanpi śni kin hena wahitepi śni ce, eyapi.

50 Nikodemos hanyetu ehan Jesus yanke cin en i qon, he itancanpi kin wanji ee, hewicakiya;

51 Woope unkitawapi kin, wicašta token eye cin nahon śni, qa taku econ kin atayedan sdonye śni itokam, yaco he.

52 Unkan ayuptapi qa heciyapi; Niś Galile henitanhan he: Wawiwange ça wanyaka wo; wicašta wokcan tuwedan Galile etanhan u śni ce.

53 Hehan otoiyohi iye tipi kin ekta kihdapi.

WICOWOYAKE 8.

1 Jesus Oliwe Paha kin ekta i.

2 Qa ihanhanna anpao hehan tipi wakan kin en ki, unkan oyate kin owasin en ahi; unkan en iyotanke ça wowicakiyaka.

3 Unkan wośna kagapi Pharisee ko winolinca wan nahima ihduśaka e en kahipi, qa cokata ehdepi;

4 Qa heciyapi, Waonspekiye, winolinca kin de wawicilahapi econ wanka icunhan iyeyapi.

5 Unkan Moses, woope kin en, tona hececa kin inyan on wicakininpi kta, unkekiciyapi qon: tuka niś token ehe kta he.

6 Taku iyaonpapi kte cin he akitapi e heon etanhan he iyutanyan heciyapi. Tuka Jesus patuś inajin, qa nape on maka kin en owa.

7 Unkan kitanyan wiwangapi, hehan Jesus owotanna inajin, qa hewicakiya; Wanji tukte woahtani wanin yaunpi hecinhan,

WICOWOYAKE 8.

he tokaheya inyan on kinin kte.

8 Hehan ake patuś inajin qa ake maka kin en owa.

9 He nahonpi, unkan iye tawacin on ihdacopi, heon wanjikjidan tankata kinanpapi, tokaheya wicaśta tanka unpi, qa ecen hakaktapi koya owasin; qa Jesus isnana un elipeyapi, winohinca cokata hdepi qon he koya.

10 Unkan Jesus ihduowotanna, qa tuwedan wanyake śni, winohinca ecedan ecen najin, unkan heciya, Winohinca, wiyansionpapi qon owasin toki iyayapi he; tuwedan niyaco śni he.

11 Han, Itancan, tuwedan śni, eya. Miś eya ciyaco śni, hunktiya wo, tokata yeye cin icimana walitani śni wo, Jesus eciya.

12 Hehan ake Jesus owicakiye ça heya; Oyate iyoyamwicaye cin he miye. Tuwe mihakam'u kin he otpaza ehna mani kte śni, iyoyanpa wiconi hee tawa kta.

13 Hehan Pharisee kin heciyapi; Niye atayedan nihdaotanin, heon wadaotanin kin he wowicake śni.

14 Jesus waayupte ça hewicakiya; Miye atayedan mihdaotanin qeyaś mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau, qa tokiya mde cin hena sdonyayapi śni.

15 Wicacehpi eciyatanhan wadacopi; tuka miye qe tuwedan mdaco śni.

16 Tuka nakun wamdaco kinhan, wamdaco kin he wowicake kta; miśnana waun śni, tuka Ateyapi u maśi kin he miciun ece.

17 Wicaśta nom waayataninpi

kin he wowicake ce, woope duhapi kin en owapi qon.

18 Miye atayedan mihdaotanin, qa Ate u maśi kin he nakun mayaotanin.

19 Unkan, Niyate tukte e he, eciyapi. Jesus is awicayupte, Sdonmayayapi śni, qa nakun Atewaye cin sdonyayapi śni: Miye kin sdonmayayapi unkanś, Ate is nakun sdonyayapi kta tuka.

20 Tipi wakan kin en mazaska opiye he cin he en, Jesus waonspewicakiya icunhan hena hewicakiya. Heca tuka tuwedan Jesus otan wacinpi śni, anpetu kin nahāhin kicihi śni heon.

21 Hehan Jesus ake hewicakiya; Wahde kta, qa omayadepi ecen woahṭani ehna niṭapi kta; qa tokiya wahde cin heciya dapi kta eśta oyakitpanipi kta.

22 Unkan Juda oyate kin heyapi; Iye içikte kta he. Tokiya mde cin heciya dapi oyakitpanipi kta ce, eye cin.

23 Hehan iye hewicakiya; Niye kuya tanhan yaunpi; qa miye e wankan tanhan waun; maka kin detanhan yaunpi, tuka miye maka kin dematanhan śni.

24 He etanhan wayaḥtanipi kin en niṭapi kta ce, eciciyapi. He miye kin wicayadapi śni kinhan wayaḥtanipi kin ehna niṭapi kta ee.

25 Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26 Taku ota eciciyapi, qa ciyacopi kta e mduha; tuka tuwe u maśi kin he wowicake; qa taku emakiye cin owasin oyate kin owicawakiyaka ce.

27 Iye Atkuku kin on hena hewicakiye cin he okaḥnigapi śni.

28 Hehan Jesus hewicakiya;

JOHANNES.

Tohan Wicašta Cinhintku kin wankan eyahdepi kinhan, hehan he miye kin sdonyayapi kta, qa miye cinka takudan ecamon šni; tuka Ate taku onspemakiye cin hena ecedan ecen omdaka ece.

29 Tuwe u maši kin he mici un; Ate mišnana amahduštan šni; taku iyokipi ecen ecamon ece, heon etanhan, eya.

30 Hewicakiya icunhan wicota wanna wicadapi.

31 Heon Juda oyate kin etanhan tona Jesus wieadapi kin hena hewicakiya; Mioie kin ohinniyan oyapapi kinhan, awicakehan waonspewicawakiye cin he niyepi kta;

32 Kinhan wowicake kin sdonyayapi kta; qa wowicake kin he niciyuškapi kta ce.

33 Hehan ayuptapi; Abraham towicoun kin unketanhanpi, qa tohinni tuwedan wowidag unyanpi šni; hecen, Niciyuškapi kta ce, ehe cin he token heha he.

34 Jesus awicayupte; Wowicake, wowicake on heciciyapi, Tuwe woahłtani econ kin he woahłtani en wowidake un ece.

35 Qa wowidake un kin he ohinniyan tipi kin ohna un šni ece; tuka Cinhintku kin hee ohinniyan timahen ounyan.

36 Heon Cinhintkuyapi kin niciyuškapi hecinhan, awicakehan tawaničiyapi kta.

37 Abraham towicoun kin enitanhanpi sdonwaya; tuka te mayayapi yacinpi, mioie kin en niunpi šni, heon etanhan.

38 Taku Ate ekta wamdake cin hena omdaka ece; qa niš niyate ekta taku wandakapi kin hee ecen ecanonpi ece.

39 Hehan ayuptapi qa heciyapi; Abraham he ateunyanpi kin ee. Unkan Jesus hewicakiya;

Abraham cinca kin he niyepi unkanš, Abraham oħanye cin he ecen ecanonpi kta tuka.

40 Tuka nakaha temayan ayakitapi, wicašta wan wowicake Wakantanka eciyatanhan nawahon kin he ociciyakapi kin he miye tuka: Abraham e qe hecen econ šni qon.

41 Niyatepi oħan kin hee ecen ecanonpi ece, eya. Hehan heciyapi; Tuwe cinca taniu šni kin heuncapi šni; ate unyanpi wanjidan unhapi, Wakantanka kin hee.

42 Heon Jesus hewicakiya; Wakantanka he ateyayapi unkanš wašte mayadakapi kta tuka; miye kin Wakantanka kin hetanhan wahinape ça wau; qa miye cinka wahi šni, iye kin u maši.

43 He tokeca e iwae cin oyakahnigapi šni he; mioie kin anagoptan wacannipi šni kin heon etanhan.

44 Wakanšica ateyayapi kin henitanhanpi, qa niyatepi tawacin kin ecen ecanonpi yacinpi ece. He otokahe etanhan tinwicakte kin heca, qa wowicake kin en najin šni, wowicake takudan en un šni nakaeš. Tohan woitonšni oyaka eca, he iye cinka ohdaka ece; iye kin woitonšni sa, qa woitonšni atkuku kin hee.

45 Tuka miye wowicake eciciyapi kin, heon etanhan wicamayadapi šni.

46 Niyepi kin wanji tukte he wawałtani e duwicakapi he. Qa wowicake epe cinhan, tokeca e wicamayadapi šni he.

47 Tuwe Wakantanka etanhan kin he Wakantanka oie anagoptan. Niye Wakantanka anayagoptanpi šni ece, heon etanhan henitanhanpi šni.

WICOWOYAKE 9.

48 Hehan Juda oyate kin ayu-
ptapi qa heciyapi; Samariya oya-
te henitanhan, qa Wakansica ni-
yuhnaşkinyan ce, unkeniciyapi
qon he wicaunkapi ce.

49 Jesus ayupte; Wakanşica
mayuhnaşkinye şni; tuka Ate
wahduwitan, qa niye wowiştēn-
mayayapi.

50 Miye mitowitan awecite
şni; tuka tuwe waakite ça waya-
co yukan ce.

51 Wowicake, wowicake eci-
yatanhan heciciyapi, Tuwe mi-
oie kin de yuhe cinhan, tohin-
ni wiconţe wanyake kte şni,
eya.

52 Hehan Juda oyate kin he-
ciyapi; Wakanşica niyuhnaşkin-
yan e dehan iyotan sdonunyanpi.
Abraham hee kaeş ʔa, qa wokcan-
pi kin hena nakun ʔapi; tuka ni-
ye, Tuwe mioie yuhe cinhan ʔo-
hinni wiconţe ute kte şni ce, eha
ce.

53 Abraham ateunyanpi kin
hee kaeş ʔe cin, niye e iniyotan
he. Wokcanpi kin nakun heepi
kaeş ʔapi; qa niye nituwe e niçi-
caga he, eyapi.

54 Unkan Jesus waayupte;
Miye cinka mihduonihan kinhan,
mitowitan kin he taku kte şni;
tuka Atewaye cin he mahduoni-
han ece; unkan he Wakantanka
nitawapi, kehapi.

55 Heca ešta tohinni sdonya-
yapi şni; tuka miye e sdonwa-
kiya. Qa he sdonwaye şni ce,
epe cinhan, miş eya niyepi iyecen
iwaton kte şni; tuka miye sdon-
waya, heon etanhan oie kin tan-
yan weciyuha.

56 Abraham ateyayapi qon
mitaanpetu kin wanyake kta cin
hinca, unkan he wanyake ça
iyuşkin ce, eya.

57 Hehan Juda oyate kin heci-
yapi; Nahahin waniyetu wikce-

mna nizaptan şni, tuka Abraham
wandaka he.

58 Jesus hewicakiya; Wowi-
cake, wowicake eciyatanhan he-
ciciyapi; Abraham un qon he
itokam wanna waun ce, eya.

59 Hececa unkan inyan icupi,
qa on kininpi kta; tuka Jesus na-
içilibe ça, tipi wakan etanhan
wicehna tanhan tankata inanpe
ça, etoopte ya iyaya.

WICOWOYAKE 9.

1 Jesus ye cin tahepi, wicašta
wan toka tonpi ehantanhan ton-
we şni un e he wanyaka.

2 Unkan waonspewicakiye cin
wiwangapi qa heyapi; Itancan,
tuwe wahtani he, wicašta kin
de atkuku, hunku, iyeka, wanji
tukte wahtani he, on išta gonga
tonpi he.

3 Jesus waayupte; He iye, qa
atkuku, hunku, wanji wahtanipi
on hecece şni; tuka Wakantan-
ka ohan kin e he ayutaninpi kta
e heon.

4 Anpetu icunhan, tuwe u maşi
wicohan tawa kin ecen ecamon
kta iyececa; hanyetu kin he hi
kta, he en tuwedan wicohan econ
okihi kte şni.

5 Tohanyan wicašta opeya wa-
un kin, oyate iyoyamwicawaya
ece, eya.

6 Hena heye ça hehan makata
tagoşa, qa tage on upşija kage
ça, iştagonge cin išta kin en
upşija ikiciun;

7 Qa heciya; Siloam miniyo-
we, yeşipi eyapi kin he kapi, he
ekta ye ça en ihdujaja wo. Un-
kan ekta i, qa on ihdujaja qa
hdi, unkan wawanyaka.

8 Heon itan anog tipi; qa tona
wicašta iştagonge cin wanyaka-
pi ece qon hena, Tuwe timata
iyotang un qon he dee se, eyapi.

JOHANNES.

9 Wanjikji, He dee ce, eyapi : qa toktokeça is, He de iyececa ce : tuka iye kin, He miye ce, eya.

10 Unkan, Tokiya tanhan de on ništa kin dumdaya he, eciyapi.

11 Unkan iye waayupte ça heya ; Wicašta wan Jesus eciyapi kin he upşıja kage ça, išta anokatanhan imiciun, qa, Siloam miniowe kin ekta ye ca, mini on ihdujaja wo, emakiya qehan, ekta wai, qa mihdujaja, unkan watonwan, eya.

12 Unkan, Wicašta kin he tukte e he, eciyapi. Sdonwaye šni ce, eya.

13 Wicašta išttagonge ciqon he Pharisee kin en wicakaipi.

14 Unkan anpetu wakan icunhan, Jesus upşıja kage ça on wicašta kin he išta yukawakiya.

15 Hehan Pharisee kin is ake, token on išta yukawapi hecinhan he iwangapi. Unkan, Upsija e išta kin en imaun qa mihdujaja, unkan watonwan, ewicakiya.

16 Unkan Pharisee kin wanjikji ; Wicašta kin he anpetu wakan awacin šni, heon etanhan. Wakantanka hetanhan šni, eyapi. Unkan apa, Wicašta wan wahtani sa hecinhan, wowapetokeca dececa token econ okihi kta he, eyapi. Hecen on akipam wacinhnakapi.

17 Ake wicašta išttagonge ciqon heciyapi ; Qa niš token eyakiya he, išta tonweniye cin. Unkan, He wicašta wokcan kin heca ce, eya.

18 Wicašta kin he išta gonga tuka ihnuhanna tonwe cin he Juda oyate kin wicadapi šni, heon tuwe išta tonweyeyapi kin atkuku hunku ko wicakicopi ;

19 Qa wiwicawangapi qa heyapi ; De nicincapi qa tonwe šni

tonpi kehapi he ; qa tokiyatanhan nakaha tonwan he.

20 Atkuku hunku ko waayuptapi qa heyapi ; De unkicincapi tonwe šni tonpi he sdonunkiyapi ;

21 Tuka nakaha tokiya tanhan on tonwe cin de sdonunyanpi šni. Qa išta yukawa kin de nakun sdonunyanpi šni ; is eya hokšike šni kin, iye iwanga po, toketu kin he ecen eye kta ce.

22 Juda oyate kowicakipapi, qa heon etanhan atkuku hunku kici hecen eyapi. Tuwe, Messiya kin hee, taninyan eye cinhan, he omniciye tipi kin etanhan tankan iyeyapi kta, Juda oyate kin wanna wakiconzapi.

23 He etanhan, Iye eš hokšike šni kin, iye atayedan winungapi šni, atkuku hunku kici eyapi.

24 Hehan ake icinonpa wicašta išttagonge ciqon he wiwangapi qa heciyapi ; Wakantanka woyatan qu wo ; wicašta kin he wahtani sa sdonunyanpi ce.

25 Iye waayupte ça heya ; He wahtani sa hecinhan sdonwaye šni ; tuka taku wanji sdonwaya ; išttagonga tuka nakaha watonwe cin he.

26 Unkan, Taku tokanicon qa on išta kin niyukawa he, ake eciyapi.

27 Unkan awicayupte ; Wanna eya keš ociciyakapi, tuka naya-honpi šni ; ake icinonpa naya-honpi yacinpi he ; niš eya wa-onspewicakiye cin hen ope nihdawapi kta he, eya.

28 Hehan iwahtedapi šni qa heyapi ; Waonspewicakiye cin he wanji niye ; tuka Moses wa-onspewicakiye cin he unkiyepi.

29 Wakantanka Moses he okiya sdonunyanpi, tuka wicašta kin de tokiyatanhan u kin sdonunyanpi šni ce.

WICOWOYAKE 10.

30 Unkan wicašta kin he waayupte ça hewicakiya; Taku wuwinihan kin he dee; naka išta mayumdaya, tuka tokiyatanhan u kin sdonyayapi šni.

31 Wahtanipi sa kin hena Wakantanka anawicagoptan šniece, tuka tuwe Wakantanka yuonihan, qa tawacin okicipe cin, hee Wakantanka anakigoptan e sdonunyanpi.

32 Otokaheya tanhan tuwe wicašta tonwe šni tonpi išta kiyukawa oyakapi kin tuwedan nahon šni ce.

33 Wicašta kin de Wakantanka eciyatanhan šni unkanš takudan okihi kte šni ce, eya.

34 Unkan waayuptapi qa, Woahtani ocowasin ehna nitonpi, tuka waonspeunyakiyapi kta kecanni he, eciyapi; qa tankan iyeyapi.

35 Tankan iyeyapi kin he Jesus nahon; qa akipa, unkan, Wakantanka Cinhintku kin wicayada he, eciya.

36 Iye waayupte ça, He tuwe he, Itancan, wicawada kta ce, eya.

37 Wandake ça he iye e oniciya, Jesus eya.

38 Unkan, Itancan wicawada, eyaya itokam canpeška makehde inajin.

39 Unkan Jesus heya; Oyate kin de ekta wicawahi, wicašta tona tonwe šni kin hena tonwanpi kta, qa tona tonwe cin hena ištagongapi kta, he woyaco kin hduha wahi ce.

40 Unkan Pharisee kicicapi kin hena nahonpi, unkan, Unkiš eya ištaungongapi he, eciyapi.

41 Ištaungongapi unkanš woalitani wanin yaunpi kta; tuka nakaha, Untonwanpi ce, ehapi; heon woalitani niyukanpi, Jesus ewicakiya.

Dak.

WICOWOYAKE 10.

1 Wowicake, wowicake eciyatanhan heciciyapi; Tuwe tahinca tipi tiyopa ohna tin iyaye šni, tiyopa icunonpa tanhan ti iyohpaye cin he wabotice ça wamanon kin heca.

2 Tuka tuwe e tiyopa eciyatanhan tin iyaye cin hee tahinca tawa wicaye cin ee.

3 Qa iye tiyopa awanyake cin tiyopa kiciyugan ece, unkan tahinca kin he ho kin nahonpi ece; tahinca tawa kin otoiyohi cajeyan wicakico, qa tankan wicahdoya ece.

4 Unkan tahinca tawa kin tankan awicau eca, wicitokam ya ece; unkan tahinca kin iš ihakam yapi ece, ho kin iyekiyapi nakaes.

5 Qa tuwe tokeca kinhan he ihakam yapi kte šni, tuka nakicipapi kta; tuwe tokeca ho kin iyekiyapi šni, heon etanhan.

6 Wiyacinpi kin de Jesus ecen ewicakiya; tuka taku owicakiyake cin hena okañigapi šni.

7 Hehan ake Jesus hewicakiya; Wowicake, wowicake on heciciyapi, Tahinca tipi tiyopa kin he miye ce.

8 Tona mitokam hipi kin hena owasin waboticapi qa wamanonpi kin hecapi; tuka tahinca kin anawicagoptanpi šni.

9 Tiyopa kin he miye; tuwe miye eciyatanhan ti iyohpaye cinhan ni kta; qa mahen ye ça tankata inanpa eca wato tanyan iyeye kta.

10 Wabotice cin he wamanonpi, tin wicaktepi, waihangyapi henakiya on hi ece; tuka wiconi yuhapi kta, qa takudan icakije šni unpi kta e heon miye wahi.

11 Waawanhake wašte kin he miye. Waawanhake wašte kin

JOHANNES.

he tahnca kin on wiconi tawa ehpekiya.

12 Tuka tuwe odotapi un, qa waawanhdake kin ee sni, qa tahnca tawa sni kin he sunktokeca en u wanyaka eca, tahnca kin ehpewicaye ca najica ece; unkan sunktokeca iyawicalhpaye ca ihangwicaya ece.

13 Odotapi un kin he wodotapi un, qa tahnca kin ihawicakta sni, heon etanhan napa ece.

14 Waawanhdake waste kin he miye, qa tahnca mitawa kin hena sdonwicawakiya, qa mitawa kin is nakun sdonmakiyapi ece.

15 Ate token sdonmakiye cin he iyecen mis Ate sdonwakiya; qa tahnca kin hena on wiconi mitawa kin ehpewakiya.

16 Qa tahnca toktokeca nakun wicamduha, tahnca tipi kin den un sni: hena nakun awicawahi kta, hecen miho kin nahonpi kta; hetanhan tahnca tipi wanjidan kta, qa waawanhdake wanjidan kta.

17 Wiconi mitawa ehpewakiye ca, ake ewehdaku kte cin heon Ate waste makidaka.

18 Tuwedan he maki kte sni; qa miye cinka he wicawaqu; he amdustan kte cin owakihi, qa ewehdaku kte cin nakun owakihi; Ate hecen econ masi ce, eya.

19 Akes wicoie kin dena on Juda oyate kin akipam tawacinpi.

20 De taku wakan sica yuha, qa he ihnaskeyan, tokeca e nahonpi he, wicota eyapi.

21 Tuka apa is, Tuwe wakan sica yuhe cin decen oieye sni ece; taku wakan sice cin he ista gongapi ista wicakiyukawa okihi kta he, eyapi.

22 Wanna Jerusalem en yuwo-

hduze tonpi omniciye kagapi ece qon hehantu; unkan waniyetu.

23 Unkan icunhan tipi wakan ohna, Solomon ohanzi hdepi tawa qon he en Jesus omani.

24 Hehan Juda oyate itan ihduksan himniciyapi qa heciyapi; Tohanyan wacin akipam yusunyakiyapi he; Messiya kin he niye hecinhan taninyan unkoki-yaka po.

25 Jesus awicayupta; Wanna ociciyakapi tuka wicamayadapi sni qon; Ate caje kin eciyatanhan wicohan ecamon kin hena omayake cin ee.

26 Tahnca tawa wicawaye cin he oyapapi sni, he etanhan wicamayadapi sni, eciciyapi qon he iyececa.

27 Tahnca mitawa kin miho kin nahonpi, qa hena sdonwicawakiya, qa mihakam unpi.

28 Qa owihanke wanin wiconi wicawaqu; qa icimana owihankepi kte sni, qa minape kin etanhan tuwedan wicayuspe kte sni.

29 Ate hena maqu kin he taku owasin sam iyeya tanka; qa Ate nape kin etanhan tuwedan wicayuspa okihi sni.

30 Miye, qa Atewaye cin unwanjipidan, eya.

31 Hehan Juda oyate ake inyan icupi, on kininpi kta e heconpi.

32 Unkan Jesus awicayupta; Ate eciyatanhan wicohan waste ota cicipazopi; hena tukte wanji on nakaha inyan on mayakininpi kta he, eya.

33 Juda oyate ayuptapi qa heyapi; Wicohan waste on unnicininpi kte sni, tuka iapi sica on, qa winicasta tuka Wakan-tanka nicicage cin heon etanhan.

34 Jesus awicayupte; Taku wakan kin henicapi, eciciyapi ce, he woope nitawapi kin en hecen kagapi sni he.

WICOWOYAKE 11.

35 Hecen tona Wakantanka oie kin en wicahiyohi kin hena taku wakanpi ewicakiya hecinhan, qa wowapi wakan kin he yujujupica šni;

36 Hecen tuwe Ateyapi kin hduwakan qa makata u ši kin he, Wakantanka Cinhintku kin he miye ce, epe ciqon, heon, Taku šica eha ce, token eyakiyapi kta he.

37 Ate oħan kin hena ecen ecamon šni kinhan, wicamadapi šni po.

38 Tuka hecen ecamon kinhan, miye wicamayadapi šni ešta, wicoħan kin hena wicada po; hecen Atewaye cin micica, qa miye he wecica, heciyatanhan sdonyayapi qa wicayadapi kta ce, eya.

39 Heon etanhan nakun ake tinsa yuze wacinpi; tuka napepi kin etanhan ihdušpa.

40 Qa ake hetanhan Jordan wakpa kin he en, Johannes baptem wicaqu ece qon he en i, qa en ounyan.

41 Unkan wicota en hipi qa heyapi; Johannes takudan wapetogya ecen econ šni, tuka Johannes wicašta kin de etanhan tona oyake cin owasin wowica-ke.

42 Unkan hen wicota wicadapi.

WICOWOYAKE 11.

1 Unkan wicašta wan wayazanka, Lazarus eciyapi, Bethani hetanhan, Mary qa cunku Martha totonwepi kin hee.

2 Mary wihdi waštemna on Itancan kin sdaye ca, paha kin on siha kin kipakinta, Lazarus he hunkawanjitku wayazanke cin hee.

3 Unkan tawinoħtinpi kin, Itancan, wicašta wan wašteyadake

ciqon he wayazanka, eya hoši kaipi.

4 Jesus naħon unkan hecen eya, Wowayazan kin he wiconte ekta šni, tuka he Wakantanka towitan kin ee, qa heon Wakantanka Cinhintku kin yuwitanpi kta.

5 Martha iye tankaku, Lazarus kici, Jesus wašte wicadaka.

6 Wayazanke cin naħon, tuka anpetu nonpa ekta ye šni yanka.

7 Hehan Jesus waonspewicakiye cin hewicakiya; Juda makoce kin ekta unhdapi kta.

8 Unkan waonspewicakiye cin heciyapi; Itancan, nahanhin aškatudan Juda oyate kin inyan on nicininpi akitapi, qa ake ekta hde wacanni he.

9 Jesus waayupte; Anpetu wanjidan keš, wihiyayedan oape akenonpa šni he; tuwe anpetu icunhan mani kinhan našna šni ece; maka akan iyoyanpa kin he wanyaka heon.

10 Tuka tuwe hanyen mani kinhan hee našna kta, iyoyanpa takudan en un šni kin heon.

11 Hena hecen eya; qa hehan iyohakam hewicakiya; Lazarus koda unyanpi qon ištınma, ekta mde ca mduhice kta ce.

12 Hehan waonspewicakiye cin, Itancan, ištınma hecinhan he hecetu kta ce, eyapi.

13 He wanna ھا e Jesus heya; tuka ištınmapi on oziičiya e heya kecinpi.

14 Unkan hehan Jesus taninyan hewicakiya; Lazarus wanna ھا ce:

15 Qa he icunhan hen waun šni kin heon niyepi en wimduškin, hecen on wicayadapi kta. Ho po, ekta unyanpi kta.

16 Hehan Thomas Didumos eciyapi kin he waonspewicakiye unmapi kin hewicakiya; Ekta unyanpi, qa kici untaƧi kta ce.

JOHANNES.

17 Unkan Jesus en u qehan, hapi etanhan wanna topa can he sdonya.

18 Jerusalem Bethani ikiyedani, wiyutapi akezaptan ecetu hehanyan.

19 Unkan Martha Mary kici yukanpi en Juda oyate wicota magagaye wicaipi, hunkawanji-
tkupi kin heon.

20 Jesus en u Martha nahon, unkan itkokim ya; tuka Mary e timahen iyotanka yanka.

21 Hehan Martha Jesus heciya; Itancan, den yaun unkanš, mi-hunkawanji te kte šni tuka;

22 Tuka detanhan taku Wakantanka yakida kinhan, Wakantanka niču kta e sdonwaya ce.

23 Nihunkawanji ekicetu kta, Jesus eciya.

24 Eya woekicetu anpetu ihankeya kin hehan ekicetu kta e sdonwaya, Martha eya.

25 Unkan Jesus heciya; Woe-kicetu qa wiconi kin he miye, tuwe wicamada kinhan toke hin ta ešta ni kta.

26 Qa tuwe ni un, qa wicamada kinhan icimana te kte šni. He wicayada he.

27 Han, Itancan; Messiya Wakantanka Cinhintku makata hi kte cigon he niye e wicawada ce, eciya.

28 Unkan hena hecen eya, hehan hde ça, tawinohtin Mary anahbeyahan kico, qa heciya; Itancan kin den un, qa nico ce.

29 He nahon ihaya, unkan ohankoya najin hiyaye ça ekta ya.

30 Nahanhin Jesus otonwe kin ehan i šni, tuka Martha itkokipe cigon he en un.

31 Hehan Juda oyate en yukanpi, qa magagayapi, he icunhan Mary ohankoya najin hiyaye cin wanyakapi qehan, ihakam iya-

yapi qa, Wicašta hnakapi ekta ceye kta e ekta ya, eyapi.

32 Jesus najin kin Mary ehan i, qa wanyake cehan, ihukuya canpeška makehde ehpeiciye ça, Itancan, den yaun unkanš, mi-hunkawanji te kte šni tuka, eciya.

33 Mary ceye cin he Jesus wanyake ça, Juda wicašta kici ipi kin hena nakun ceyapi; unkan iye atayedani comnihdazi, qa ihniyanyan.

34 Qa tokiya eyahnakapi he, eya. Unkan, Itancan, ekta u qa wanyaka ye, eciyapi.

35 Jesus ceya.

36 Hehan Juda oyate kin he-yapi; Wanyaka po, ehan qon wašte dake hinca ce.

37 Qa wicašta wanjikji, Wicašta išta aohduta ee kaeš yukawa, wicašta kin de te šni unkiya okihi kta naceca ce, eyapi.

38 Ake Jesus iye atayedani comnihdazi, qa wicašta hnakapi kin en ya. He imnija ohdoka ohna hnakapi, qa inyan wamtanka aokaťinzapi.

39 Inyan kin tokan iyeya po, Jesus eya. Wicašta te cin tawinohtin Martha heciya, Itancan, wanna topa can yanka e šicamna.

40 Wicayada kinhan, Wakantanka towitan wandake kta ce, eciciye šni he, Jesus eciya.

41 Hehan inyan kin tokan iye-yapi; wicašta ta wanke cin etanhan. Unkan Jesus išta yuwan-kan ikikcu, qa heya; Ate ciya-wašte, namayahon kin heon;

42 Qa ohinniyan namayahon kin he sdonwakiya; tuka wicašta hnakapi kin de en mitan okšan najinpi kin de on, he niye u mayasi kin wicadapi kta e on hepe.

43 Hecen eye ça hehan, Lazarus nunke cin hetanhan tankata

WICOWOYAKE 12.

hninanpa wo, awitukadan hoye-kiya qa eya.

44 Unkan wicašta ƚe cin tan-kata hninanpa, siha nape ko pa-łtapi, qa ite opemni tonpi kin hena ecehna. Kiyuškapi qa ayušta po, iyaye kta, Jesus ewi-cakiya.

45 Hehan Juda wicašta Mary kici ipi qon, hena Jesus taku econ kin he wanyakapi, unkan wicota wicadapi.

46 Tuka wanjikji Pharisee kin ekta wicakipi, qa Jesus taku econ kin owicakiyakapi.

47 Hehan wošna kagapi Pharisee ko mniciyapi qa, Token econkupi he ; wicašta kin de ta-ku wapetokeca ota econ kin, eyapi.

48 Iyowinunkiyapi kinhan wicašta owasin wicadapi kta ; kinhan Roma oyate kin den upi kta, qa otonwe kin de unkasota-pi, qa nakun unkitaoyatepi kin hena ko.

49 Hehan wanji Kaiaphas eci-yapi waniyetu kin he en wošna kagapi itancan kin hee hewica-kiya ; Takudan oyakalinigapi šni.

50 Qa nakun awacannipi šni, wicašta wanjidan oyate on ƚe cinhan, hecen on oyate kin wi-caƚe kte šni, he unkiyepi kin on hecetu kta ce, eya.

51 Iye etanhan on hecen eye šni, tuka omaka kin he en wo-šna kagapi itancan kin heon, Je-sus oyate kin on ƚe kte cin he iyukcanyan heya.

52 Qa oyate kin heceedan šni, tuka Wakantanka cinca omde-cahe cin hena owasin wanjidan-kiya kiwitaye kta.

53 Hehan anpetu kin hetanhan witaya akiiapi, ƚeyapi kte cin heon.

54 Heon etanhan Jesus Juda oyate kin wicehna taninyan

omani šni, tuka makoce wan he-woskan ikiyedan wanke, otonwe wan Ephraim eciyapi kin he ekta ya, qa waonspewicakiye cin om he en un.

55 Unkan woacakšin Juda oyate wošnapi kagapi wanna ikiyedan aya ; unkan wanna kayehan oyate ota Jerusalem en kata ihe-ya aya, woacakšin kin itokam piiciyapi kta.

56 Hehan Jesus akitapi, qa ti-pi wakan kin ohna najinpi icun-han iyakitedan hekiciyapi ; To-ken idukcanpi he ; wošnapi kin en u kte šni he.

57 Wošna kagapi tankapi qa Pharisee ko wanna wakiconzapi, tuwe Jesus tukten yanka sdonye cinhan, he oyake kta, hecen yu-zapi kta.

WICOWOYAKE 12.

1 Woacakšin kin itokam šakpe can, hehan Jesus Bethani en i, Lazarus wicašta ƚa, tuka ekice-tuyapi en un qon otonwe kin hee.

2 Unkan hen łtayetu wotapi wan kicagapi, qa Martha e wa-pamni ; tuka kici iyotang wota-pi kin Lazarus wanji hee.

3 Hehan Mary wihdi waštemna qa taku ota iyopeyapi, tke utapi wanjidan, he icu qa on, Jesus siha kin sdakiye ƚa, iye paha kin on siha kipakinta ; unkan eca-mna kin tipi kin ojudan.

4 Hehan Simon cinhintku, Ju-das Iskariot eciyapi, waonspe-wicakiye cin wanji hee, wiyope-ye kte cin hee hecen eya ;

5 He tokeca wihdi kin he ka-špapidan opawinge yamni iyope-yapi, qa walipaniciapi kin wica-qupi šni he.

6 He wamanon heca, qa maza-ska opiye yuhe ƚa, ohna mazaska omnayan, heon hecen eya ; wo-

JOHANNES.

wahpanica kin incantowicahnake cin heon heye sni.

7 Hehan Jesus heya; Nagiye-ye sni wo; anpetu wan mahnakapi kte cin he en amayuhe cin hee ce.

8 Tokešta wowahpanica ohinni wicaduhapi kta; tuka miye e ohinniyan mayaduhapi kte sni, eya.

9 He icunhan hen un kin Juda oyate wicota sdoniyapi; unkan Jesus ecedan on en hipi sni, tuka Lazarus, wiconte etanhan najin-kiye cigon, he wanyakapi kta on etanhan.

10 Unkan wošna kagapi tankapi Lazarus nakun teyapi kta akitapi:

11 Hee nakun on Juda oyate ota hduheyapapi, qa Jesus wicadapi.

12 Ihanhanna wicašta ota wošnapi kin en hipi kin hena, Jesus Jerusalem etkiya u nañonpi hehan,

13 Canwapa tanka etanhan canhaka icupi, qa itkokim yapi, qa panyanhan heyapi; Hosanna, tuwe Israel Wicaštayatapi, Jehowa caje kin on u kinhan, he yawaštepi nunwe.

14 Unkan Jesus sonsonna cinca wan iyeya, hehan akan iyotanka; hecen wowapi kagapi qon;

15 Zion cunwintku ihnuhan koyakipe cin; iho, Wicaštayatapi nitawa sunka sonsona cinca wan akan yanka u ce.

16 Dena taku kin tokaheya waonspewicakiye cin okalinigapi sni; tuka Jesus yutanpi hehan hena hecen wowapi en kagapi qon, qa nakun hena ecen ecakiconpi kin, hehan kiksuyapi.

17 Heon oyate kicicapi kin, Lazarus hnakapi tuka kipan, qa wiconte etanhan ekicetuye cigon, hena he yaotaninpi.

18 Qa heon oyate kin itkoki-papi, taku wapetokeca tanka kin de econ nañonpi kin heon.

19 Unkan heon etanhan Phari-see kin iyakitedan hekiciyapi; Wanyaka po, takudan oyakihipi sni; iho, wicašta owasin he iha-kam iyayapi.

20 Helenes oyate kin etanhan wanjikji wošnapi kin icunhan en ohodapi kta e ekta itanwan-kanhde upi;

21 Hena eepi Philip, Galile makoce Bethsada otonwe kin etanhan, he en ipi, qa, Itancan, Jesus wanunyakapi uncinpi ce, eciyapi.

22 Philip u, qa Andrew oki-ya-ka; qa hehan Philip Andrew kici Jesus okiyakapi.

23 Unkan Jesus awicayupte ca heya; Anpetu wan en Wicašta Cinhintku kin yutanpi kte cin wanna hiyohi.

24 Wowicake, wowicake eci-yatanhan heciciyapi; Aguyapi su kin maka ekta ehpeyapi, te sni kinhan, isnana un kta; tuka te cinhan ota icalhe kta.

25 Tuwe wiconi kin de wašte kida kinhan, toki ehpeye kta; qa tuwe maka kin den wiconi šice kida kinhan, hee owihan-ke wanin wiconi ekta akpatan kta.

26 Tuwe omakiye kta cin kinhan mihakam un kta; qa tukten waun hecinhan mitaokiye kin is nakun hen un kta; nakun tuwe omakiye kta hecinhan, Ate wicašta kin he yuonihan kta.

27 Wanna minagi kin nagiyeyapi, hecen token epe kta he. Ate, anpetu kin de etanhan emahdaku wo. Tuka heon anpetu kin de en wahi ce.

28 Ate nicaje kin hdutan wo. Unkan malipiya kin eciyatanhan wicaho wan u qa; Wanna eya

WICOWOYAKE 12.

micaje kin wahdutan, nakun wahdutan kta, eya.

29 Unkan wicašta en najinpi kin he nahonpi qa, He wakinyan hoton, eyapi. Małpiya ohnihde heca e okiya ce, apa eyapi.

30 Unkan Jesus waayupte a heya; Wicaho kin de miye make řni, he niye nicapi.

31 Wanna oyate kin wicayacopi; qa wanna maka akan itancan kin tankan elıpeyapi.

32 Qa tohan maka kin detanhan wankan emahdepi kinhan, wicašta kin owasin miye en iwicawacu kta, eya.

33 Wiconęe kin tukte on ęe kte cin he ka e hecen eya.

34 Oyate kin ayuptapi; Wooke kin eciyatanhan, Messiya owihanke wanin un kta ce, eyapi naunhonpi; hecen, Wicašta Cinhintku kin wankan ehdepi kta ce, token on hecen eha he; Wicašta Cinhintku kin he tuwe he.

35 Hehan Jesus hewicakiya; Iyoyanpa kin ehake cistiyedan nicipi un; iyoyanpa duhapi kin icunhan en omani po; otpaze cin iyapařtag niyanpi nun ce; tuwe otpaza icunhan omani kin he tokiya ye cin sdonye řni.

36 Iyoyanpa duhapi kin en iyoyanpa kin he wicada po, hecen on iyoyanpa cinca yaunpi kta ce. Jesus hena hecen eye a, hehan iyaye a inahbe wicakiya.

37 Taku wapetokeca ota econ, qa wanyagwicaya, tuka wicadapi řni.

38 Hecen Isaya wicašta wockan taku eye on wanna iye-cetu; Itancan, tuwe wounyakapi kin wicada he; qa tuwe en Jehowa ĥupahu kin yutaninpi he.

39 Qa heon etanhan wicadapi kta okihipi řni; heon Isaya ake hecen eya;

40 Iřta gonge wicaye a, cante

kin ekta nakun wacinton řni wicaya; hecen iřta on wiwanyakapi kte řni, qa cante on takudan yukcanpi kte řni, qa ihdu-cetupi kte řni, qa hecen woki-ziwicawaye řni.

41 Towitan kin he Isaya wan-yake on he ehan hena hecen ekiciya.

42 Hececa tuka itancanpi etanhan wicota wicadapi; tuka Pharisee kin hena on etanhan yaotaninpi řni, omniciye tipi kin etanhan tankan iyewicayapi kta ikopapi heon.

43 Wicašta akantu yaonihanpi kin he iyotan dapi, qa Wakan-tanka wicayaonihan kin he iř iyotan dapi řni.

44 Hehan Jesus panyanhan heya; Tuwe wicamada kinhan, he miye wicamada řni, tuka tuwe u maři kin hee wicada ece.

45 Qa tuwe wanmayake cin he nakun tuwe u maři kin he wan-yaka.

46 Miye maka akan iyoyanpa wahi; hecen tuwe wicamada kinhan he otpaza en omani kte řni.

47 Qa tuwe mioie kin nahon, qa wicada řni eřta mdaco řni; wicašta wicayacopi kin heon wahi řni, tuka waniyapi kin hee on wahi.

48 Tuwe amaktařni, qa mioie kin icu řni kinhan he tuwe yaco kte cin hduha; wicoie omdake cin anpetu ihankeya kin en yaco kte cin hee.

49 He miye cinka hecen oie-waye řni; tuka Ate u maři kin he iye econ maři, taku epe kte a taku omdake kte cin.

50 Qa toope kin he owihanke wanin wiconi e sdonwaya. Token epe cin hena, Ate hena hecen emakiya, heon etanhan hecen epa ece, eya.

JOHANNES.

WICOWOYAKE 13.

1 Anpetu en wośnapi ece kin itokam, anpetu qon wanna hi-yohi, he en maka kin detanhan iyaye kta, Atkuku ektakiya hde kta, Jesus sdonkiya, tona maka akan tawa kin waśtewicadake cin hena owihanketa waśtewicakida.

2 Wotapi ayaśtanpi hehantu; Judas Iskariot Simon cinhintku kin hee, Jesus wiyopeye kte cin, Wakansica wanna hecen cante ozekiya.

3 Hehan Jesus Atkuku taku owasin tawa kiye ciqon he sdonkiya un, Wakantanka eciyatanhan hi, qa ake Wakantanka ekta hde kta.

4 Hecen wotapi kin etanhan najin, qa śina ekihnaka; qa napipakinte wan icu, qa ipiyaka.

5 Qa hehan mini wakśica en okaśtan, qa waonspewicakiye cin siha wicakiyujaja, qa napipakinte wan ipiyake ciqon heon siha kin wicakipakinta.

6 Simon Inyan ehan ahi; unkan, Itancan, niye siha mayakidujaja kta he, eciya.

7 Unkan Jesus ayupte a, Taku ecamon kin de nakaha sdon-yaye śni, tuka ihakamya sdon-yaye kta, eciya.

8 Icimana siha mayakidujaja kte śni, ake Inyan eciya. Hehan Jesus ayupte; iciyujaja śni kinhan takudan on miyecica kte śni, eya.

9 Hehan Simon Inyan heciya; Itancan, siha ecedan śni, tuka minape, mapa koya.

10 Unkan Jesus heciya; Tuwe wanna ihdujaja kin he takudan sanpa cin śni, siha ecedan yujajapi kta, eya wanna ocowasin ska; unkan niye niskapi, tuka iyulhpapi śni.

11 Tuwe wiyopeye kte cin he sdonya, heon etanhan, owasin niskapi śni ce, eya.

12 Unkan siha wicakiyujaja yuśtan kin hehan śina ehdaku qa hdowin qa iyotanke a, Taku tokaciconpi kin de sdonyayapi he, ewicakiya.

13 Waonspekiya qa Itancan, emayakiyapi ece; he tanyan ehapi; he miye nakaes.

14 Heon etanhan miś miye Waonspekiya qa Itancan mayaduhapi kin, siha ciciyujajapi kinhan, niś eya otoi-yohi siha yeci-yujajapi kta iyececa.

15 Waonspeciciyapi kin he niś he iyecen ecanonpi kta e hecaciconpi.

16 Ookiye unpi kin he Itancan kin iyakapa śni; qa tuwe u śipi kin he tuwe u śi hecinhan, he iś iye kapa śni, wowicake, wowicake eciyatanhan eciciyapi.

17 Taku kin dena sdonyayapi hecinhan, ecen ecanonpi kinhan waśteya yaunpi kta.

18 Taku epe cin de niye iyulhpa heciciyapi śni; tona wicawakahnige cin hena sdonwicawakiya; tuka wowapi en kagapi qon yuecetu kta; Tuwe kici aguyapi wata ece kin he miye on siha yuwankan ehdaku ce.

19 Taku kin dena ecetu śni itokam ociciyakapi; hecen tohan iyecetu kinhan, he miye e wicayadapi kta.

20 Tuwe tokiya yewakiye cin tuwe iyowinkiye cinhan, he miye e iyowinmaye; qa tuwe iyowinmaye cinhan, he tuwe u maśi kin he iyowinkiya, wowicake, wowicake eciyatanhan eciciyapi.

21 Jesus hena hecen eye a hehan toksape kin ekta iyahdeiciya, hdaotanin qa heya; De dukanpi kin etanhan wanji wi-

WICOWOYAKE 14.

yopemayayapi kta, wowicake, wowicake on eciciyapi ce.

22 Hehan, waonspewicakiye cin opakicilhta yukanpi, wanji tukte e on heye cin sdonyapi šni.

23 Unkan Jesus waonspewicakiye cin wanji nina wašte kidake cigon, he eca maku kin en malkan iwanka.

24 Heon Simon Inyan he wikipyuta, qa wanji tukte he on heye cin he iwange ši.

25 Hehan he Jesus maku kin en iwanke ça, Itancan, he tuwe he, eya.

26 Jesus ayupte; Wanji tukte ħpanyanpi onšpa waqu kinhan hee kta, eya. Hecen onšpa ħpanye ça, Judas Iskariot eciyapi Simon cinhintku he qu.

27 Unkan Judas ħpanyanpi kin icu, hehan Satan mahen iyaya. Hecen Jesus heciya; Taku eanon kte cin kohanna econ wo.

28 Wahna wotapi kin ihduksan yukanpi kin, taku on heye cin tuwedan okahnigapi šni.

29 Judas mazaska opiye yuhe cin heon, Jesus wošnapi kta on taku cinpi kin he opeton ši; qa is, wahpanicapi kin taku wicaqu ši, apa kecinpi.

30 Unkan ħpanyanpi qon he icu qehan, hecehnana tankan iyaya; wanna hanyetu hehantu.

31 He tankan iyaya, hehan Jesus heya; Wanna Wicašta Cinhintku kin yutanpi, qa nakun iye eciyatanhan Wakantanka is yutanpi.

32 Qa iye eciyatanhan Wakantanka yutanpi hecinhan, hehan Wakantanka is iye kin on hdutan kta, nakun kohanna hdutan kta.

33 Hoksioyopqa ehake ptenyedan ocipapi kta. Amayakitapi kta, qa Juda oyate ewicawakiye cigon; Tokiya mde cin ekta yapi kta oyakihipi šni ce; he iye cen nakaha eciciyapi.

34 Woahope teca wan ciçupi, otioyohi wašteyecidapi kta; waštecidapi kin he iyecen wašteyecidapi kta.

35 Heon waonspeciciyapi yaunpi kin wicašta owasin sdonyapi kta, otioyohi wašteyecidapi kinhan.

36 Itancan, tokiya de kta he, Simon Inyan eciya. Jesus ayupte; Tokiya mde cin ekta de kta ešta nakaha oyakihi kte šni, tuka ihakamya mihektam yau kta, eya.

37 Unkan Inyan heciya; Itancan, tokeca nakaha cihakam waun kta owakihi šni he; niye on wiconi mduhe cin elpewaye kta, eya.

38 Jesus ayupte; Miye on wiconi nitawa elpeyaye kta he. Wowicake, wowicake on heciya; Anpaohotonna kin hoton šni itokam yamni akihde sdonmayaye šni, kehe kta ce, eya.

WICOWOYAKE 14.

1 Ihnuhan cante nišicapi kinhan; Wakantanka wicayadapi, qa miš nakun wicamayadapi.

2 Ate ti kin en ounyanpi kte cin ota yanka; he hecece šni unkanš ociciyakapi kta tuka; ekta wahde ça oyanke kin ciciyuštanpi kta.

3 Ekta mde ça oyanke ciciyuštanpi kinhan, hehan ake wau qa acihdapi kta; hecen miš waun kin he en niš nakun yaunpi kta.

4 Unkan tokiya mde cin he sdonyayapi, qa canku kin he nakun sdonyayapi.

5 Itancan, tokiya de cin sdonunyanpi šni, tokiya tanhan canku kin he sdonunyanpi kta he, Thomas eciya.

6 Unkan Jesus heciya; Canku, qa wowicake, wiconi ko he mi-

JOHANNES.

ye; tuwedan Ateyapi kin en u
śni, miye eciyatanhan ecedan
en u ece.

7 Sdonmayayapi unkanś nakun
Atewaye cin sdonyayapi kta tu-
ka; qa detanhan sdonyayapi qa
wandakapi ce.

8 Itancan, Ateyaye cin wan-
yag unyan po, hecen iunmnanpi
kta, Philip eciya.

9 Hehan Jesus heciya; Philip,
wanna wanakajatanhan cicipi
waun, tuka nahanhin sdonma-
yaye śni he; tuwe wanmayake
cin he Ateyapi kin wanyaka;
hecen tokeca, Ateyapi kin wan-
yag unyan miye, eha he.

10 Atewaye cin he wecica qa
Atewaye cin he micica kin he
wicayada śni he. Wicoie ecici-
yapi kin dena miye cinka ecici-
yapi śni; Atewaye micica kin
he wicohan kin hena iye econ.

11 Atewaye cin he wecica qa
Atewaye cin he micica he wica-
mada po; qa is wicohan kin he-
na e on wicamada po.

12 Wowicake, wowicake on
heciciyapi; Tuwe wicamada kin
he wicohan ecamon kin hena is
iyecen econ kta, nakun ees san-
pa tanka econ kta; Ate ekta
wahde kte cin heon etanhan.

13 Qa micaje kin on taku ya-
dapi kinhan, ecen ecamon kta;
Ateyapi kin Cinhintku kin on
yutanpi kta e heon.

14 Taku wanji micaje on ya-
dapi kinhan, ecen ecamon kta.

15 Wašte mayadapika hecin-
han, mitawoahope kin tanyan
yuha po.

16 Hehan Ate cewakiye kta,
uncan wicakicanpte wan tokeca
nicupi kta, he owihanke wanin
niciپی un kta.

17 Wowicake Woniya kin hee,
oyate kin he icu okihipi śni, to-
hinni wanyakapi śni qa sdonya-

pi śni; tuka niye he sdonyaya-
pi, he niciپی un qa en niunpi kta.

18 Wamdenica elipeciyapi kte
śni; ake cihdiyohipi kta.

19 Wanna ptenyedat kinhan
oyate wanmayakapi kte śni, tu-
ka niye wanmayadakapi kta;
wani waun, qa nis yani yaunpi
kte cin heon.

20 Anpetu kin he en, Atewaye
cin he wecica, qa nis miyecicapi,
qa mis ocicipapi kin he sdonya-
yapi kta.

21 Tuwe mitawoahope yuhe
ça, hena ope cinhan he wašte-
madake cin ee; qa tuwe wašte-
madake cinhan, Atewaye cin he
waštedake kta, qa mis nakun
waštewadake kta, qa en mihdu-
tanin kta ce.

22 Hehan Judas, Iskariot hee
śni, he heciya; He tokeca Itan-
can, unkišnana sdonniye unya-
yapi kta he, qa oyate kin sdon-
niyanpi kte śni.

23 Jesus waayupte ça heciya;
Tuwe waštemadake cinhan
mioie kin yuhe kta; qa Atewa-
ye cin waštedake kta, qa tukten
un kinhan en unhipi kta, qa ti
kin en kici unyakonpi kta.

24 Tuwe waštemadake śni kin
he mioie kin yuhe śni. Wicoie
nayahonpi kin de mitawa śni,
Atewayaya umaši kin he iye tawa.

25 Ocipapi kin en taku kin he-
na heciciyapi.

26 Tuka Wicakicanpte, Woniya
Wakan kin hee, Atewaye cin
micaje on uši kte cin he, taku
owasin onspeniciyapi kta, qa ta-
ku eciciyapi kin owasin kiksuyeniciyapi kta.

27 Wokiyapi aihpeciyapi; wo-
okiye mitawa cicupi: wicašta
akantu kiciپی he iyecen cicupi
śni. Ihnuhan cante nisicapi qa
kopehda yaunpi kinhan.

28 Wahde ça ake en ciupi kta

WICOWOYAKE 15.

eciciyapi kin he wanna nayahonpi. Wašte mayadapi kinhan iduškinpi kta; Atewaye cin ekta wahde kta epe cin he; Atewaye cin he iye mikapeya tanka.

29 Qa nakaha hena heciciyapi, taku kin itokam; tohan he hiyohi kinhan hehan wicayadapi kta.

30 Detanhan taku ota eciciyapi kte šni; maka akan itancan kin wanna u, tuka miye kin en takudan tawa šni.

31 Tuka Atewaye cin wašte-wakida; qa Ate taku emakiye cin owasin ecen ecamon ece, he oyate kin sdonyapi kta. Najin po, detanhan icunonpa unyanpi kta.

WICOWOYAKE 15.

1 Hastanhanka iyuwi wowicake kin he miye, qa Atewaye cin he kicanye cin ee.

2 Adetka tona miye on waskuyeca icalye šni kin hena yupsun; qa adetka tona waskuyeca icalye cin hena pakinta, hecen on waskuyeca ota icalye kta.

3 Eya wanna niskapi, wicoie ociciyakapi kin heon.

4 Mici un po, hecen miš cicipi waun kta. Hastanhanka iyuwi adetka wiyuwi kin en ikoyake šni kinhan waskuyeca icalya okihi šni ece; he iyecen miyeci yaunpi šni ehantanhan, niš eya oyakihipi kte šni.

5 Hastanhanka iyuwi kin he miye, adetka kin he niyepi. Tuwe mici un-qa miš kici waun kin he waskuyeca ota icalya; miye kin en icunonpa yaunpi kinhan takudan oyakihipi kte šni.

6 Tuwe mici un šni kinhan adetka iyecen tankan elipeyapi, hecen šnija aya; unkan hena wicašta pahipi qa petan elipeyapi, hecen huhnaga ece.

7 Miyeci yaunpi qa mioie kin

he nicipi un kinhan, taku tona yacinpi kin hena yadapi kta, unkan ccen ecaniconpi kta.

8 Waskuyeca ota icaliyayapi kinhan Atewaye cin nina yutanpi kta; qa heciya tanhan waonspeciciyapi yaunpi kta.

9 Atewaye cin token wašte makida kin he iyecen wašte cidapi; mitowašte kin he kici un po.

10 Mitawoahope kin duhapi kinhan, mitowašte kin he kici yaunpi kta; Ate tawoahope mduhe cin heon towašte kin kici waun kin he iyececa.

11 Taku eciciyapi kin dena on mitowiyuškin kin nicipi un kta e, qa nitowiyuškinpi kin he ece-tu niciciyapi kta.

12 Mitawoahope kin he dee, waštecidapi kin he iyecen wašteyecidapi kta.

13 Tuwe takuwicaye cin on wiconi elpekiye cinhan, he wo-wašte kin tuwedan kapeye šni.

14 Taku econ eišipi kin owasin ecen ecanonpi kinhan takuciyapi yaunpi.

15 Ookiye wicayapi wanna eciciyapi šni; ookiye yapi un kin he Itancan ye cin taku econ keš sdonye šni. Tuka takuciyapi eciciyapi; Atewaye cin tona nahonmaye cin owasin sdonye ciciyapi kin heon.

16 Niye he mayakalnigapi šni, tuka miye e cicalnigapi qa ciyusutapi; hecen tokiya dapi qa waskuyeca icaliyayapi kta; qa waskuyeca nitawapi kin ohinnian un kta; hecen micaje on Atewaye cin taku yakidapi kinhan nicupi kta ce.

17 Otoiyohe wašte kicida po, he iwahokonciyapi ce.

18 Oyate kin šice nidapi ešta, he itokam miye šice madapike cigon he sdonyayapi.

JOHANNES.

19 Oyate kin enitanhanpi unkanś oyate kin taku iye tawapi wašte kidapi kta; tuka oyate kin henitanhanpi śni, miye e oyate kin etanhan cicalnigapi kin heon oyate kin śice nidapi.

20 Wicoie wan eciciyapi qon he yeksuyapi; Ookiye yapi un kin he Itancan yuhe cin kakipe ça iyotan tanka śni. Sicaya makuwapi hecinhan, niś oyate kin śicaya nicuwapi kta; qa mioie yuhapi hecinhan, niś nioie kin niciyuhapi kta.

21 Tuka micaje kin on hena owasin ecen ecaniconpi kta; tuwe u maśi kin he sdonyapi śni heon etanhan.

22 Wahi śni qa owicawakiye śni kinhan, woah̄tani nicapi kta tuka; tuka detanhan woah̄tani woakalipe nicapi.

23 Tuwe śice madake cin he nakun Atewaye cin śice daka.

24 Wicohan tuwedan hecen econ śni iyecen ecawicawecon śni unkanś, woah̄tani nicapi kta tuka; tuka wanna Atewaye cin kici wanmayakapi, qa napin śice undakapi.

25 Tuka woope tawapi kin en wicoie kagapi qon he wanna iyecetu; Takudan on etanhan śni śice madakapi ce.

26 Tuka Wicakicanpte, Atewaye cin etanhan uwaśi kte cin he, Wowicake Woniya kin hee, tohan hi kinhan, he iye Atewaye cin etanhan u kta, qa omayake kte cin hee.

27 Qa niś nakun omayadakapi kta, toka ehantanhan miyahna yaunpi qon heon.

WICOWOYAKE 16.

1 Wayah̄tanipi kte śni e heon dena taku kin ociciyakapi.

2 Omniciye tipi kin etanhan

tankan iyenianpi kta; nakun anpetu wan u kta, hehan tuwe kašta niktepi kinhan, he Wakantanka iyokipiya kecin kta.

3 Atewaye cin sdonyapi śni, qa miś nakun sdonmayanpi śni, he etanhan henakiya hecen ecanionpi kta.

4 Tuka dena ociciyakapi, hecen tohan iyehantu kinhan, dena wanna eciciyapi kin he yeksuyapi kta. Qa dena otokahe ekta eciciyapi śni, hinyaḥin cicipi waun kin heon etanhan.

5 Tuka wanna tuwe umaśi kin he ekta wahde kta; qa wanjidan, Tokiya de kta he, emayakiyapi śni.

6 Tuka taku kin dena ociciyakapi, heon nicantepi kin ekta iyoniyakapi.

7 Tuka wowicake ece ociciyakapi; wahde cinhan heon tanyan yaunpi kta, qa wahde śni kinhan Wicakicanpte kin en nihipi kte śni; tuka wahde cinhan niyepi ekta uwaśi kta.

8 Unkan he tohan hi kinahan, woah̄tani, woowotanna qa woyaco kin on oyate kin sdonyewicaye kta:

9 Woah̄tani kin, wicamadapi śni kin heon:

10 Woowotanna kin, Atewaye cin ekta wahde kta, qa icimana wanmayadakapi kte śni, heon:

11 Woyaco kin, oyate kin de itancan un kin he wanna yacopi, heon etanhan.

12 Nakun taku ota eciciyapi kta mduha, tuka hena e qe nahanḥin yuha oyakihipi śni.

13 Tuka tohan Wowicake Woniya kin he iye hi kinhan, wowicake ocowasin en anianpi kta; iye atayedan on ie kte śni, tuka taku nahon kin hena oyake kta, qa taku tokata ekta hena oniciyakapi kta.

WICOWOYAKE 16.

14 Mayutan kte cin hee, taku mitawa kin hena icu, qa oniciyakapi kta.

15 Taku Ate tawa kin hena owasin mitawa; he etanhan, Tona mitawa kin hena icu, qa oniciyakapi kta ce, eciciyapi.

16 Wanna askayedan hehan wanmayadakapi kte sni; hehan akeś askadan ake wanmayadakapi kta, Ate ekta wahde kte cin heon.

17 Hehan waonspewicakiye cin iyakitedan hekiciyapi; Unkekiyapi kin he taku hwo; Wanna askayedan wanmayadakapi kte sni, qa hehan askadan ake wanmayadakapi kta; qa, Ate ekta wahde kte cin heon.

18 Heon heyapi; Askayedan eye cin he taku he; taku eye cin sdonunyanpi sni ce.

19 Wiwangapi cinpi kin he Jesus sdonya, unkan heon hewicakiya; Wanna askayedan wanmayadakapi kte sni, qa hen ikiyedan wanmayadakapi kta, epe cin he, he token kapi hwo, otaiyohi eyeciyapi he.

20 Wowicake, wowieake on heciciyapi; Nihinniçiyapi qa yaceyapi kta, tuka oyate kin iyuskinpi kta; iyonicişicapi kta, tuka iyonicişicapi kin he wowiyuskin wan en un kta.

21 Winohinca cinca ton kta eca yazan hda, wanna iyekicihan-tu kin heon; tuka tohan hokşiyogopa ton eca, yazan hda qon he kiksuye sni, wicaşta oyate kin den tonpi eca wowiyuskin ye cin heon.

22 He iyecen nakaha iyokişin dukanpi, tuka ake wanciyakapi kta, kinhan nicantepi kin wiyuskin kta, qa widuşkinpi kte cin he tuwedan nicipi kte sni.

23 Unkan anpetu kin he en takudan imayanungapi kte sni.

Wowicake, wowicake on heciciyapi; Taku micaje on Atewaye cin yakidapi kinhan niçupi kta.

24 Nahahin dehanyan micaje on takudan yadapi sni. Da po, iyaçupi kta, hecen wowiyuskin ojudanniçiyapi kta.

25 Hena taku iyacinyan heciciyapi; tuka anpetu wan u kta, hehan wiyacinyan takudan eciciyapi kte sni, tuka taninyan Ateyapi kin on ociciyakapi kta.

26 Tohan iyehantu kinhan micaje on taku yadapi kta, tuka Atewaye cin wocekiye eciciyapi kta, epe sni.

27 Ate iye atayedan waşte nidapika, waşte mayadapike ça Wakantanka eciyatanhan wahi kin he wicayadapi kin heon.

28 Atewaye cin eciyatanhan wau, qa oyate kin de en wicawahi Ake oyate kin ehpewicawaye kta qa Ate ekta wahde kta.

29 Wanna wiyacinyan iyae sni, ataninyan iyaa ce, waonspewicakiye cin eciciyapi.

30 Taku owasin sdonyaye ça, tuwe winiwange kta iyecece sni yaun e wanna sdonunyanpi; heon etanhan Wakantanka eciyatanhan yahi kin he wicaundapi, eyapi.

31 Jesus awicayupte; Wanna wicayadapi he.

32 Anpetu wan u kta qa wanna hiyohi, enanakiya otaiyohi yahdapi kta, qa mişnana ehpe-mayayapi kta; tuka nakun mişnana waun sni, Atewaye cin he mici un.

33 Wookiye amayaduhapi kta heon etanhan hena heciciyapi. Oyate kin de en wokakije duhapi kta; tuka wiyuskin po, miye oyate kin ohiwicawaya ce.

JOHANNES.

WICOWOYAKE 17.

1 Jesus hena hecen eye ça hehan išta yuwankan icu, qa małpiya kin ekta etonwan qa, Ate wanna anpetu kin hiyohi, Nicinkši kin hdutan wo, hecen on Nicinkši kin nihdutan kta ce.

2 Wicacełpi owasin on wowaśake yaqu qon, hecen tona yaqu kin owasin owihanke wanin wiconi wicaqu kta.

3 Unkan owihanke wanin wiconi kin he dee, wowicake Wakan-tanka niye e sdonniyanpi kta, qa Jesus Messiya uyaši qon.

4 Maka kin akan ciyutan; qa wicokicanye mayaqu qon wanna owasin wahduśtan.

5 Unkan nakaha, Ate niye kin on miye mahdutan wo, wicoicage wanice cin he itokam wowitan niyeci hduha waun qon heon.

6 Oyate kin den wicaśta tona mayaqu kin hena en nicaje mdatanin; hena nitawa, tuka hena mayaqu; unkan hena nioie qon niciyuhapi.

7 Taku mayaqu kin owasin he niye etanhan u, wanna sdon-yapi.

8 Nioie mayaqu qon he wanna wicawaqu; unkan icupi, qa niye eciyatanhan wahi kin he tanyan sdonyapi, qa niye e umayaši kin he wicadapi.

9 Hena on wocekiye ewicaweciya, maka akan wicaśta kin hena on wocekiye eciciye śni, tuka tona mayaqu kin hena on wocekiye eciciye, hena nitawa kin he etanhan.

10 Taku mitawa kin hena owasin nitawa, qa niś taku nitawa kin hena mitawa, qa hena on wowitan waun.

11 Wanna oyate kin dematanhan śni, tuka iye e oyate kin en opeya ni unpi, qa miye wanna

nitankiyadan waku kta. Ate wakan, nicaje kin on dena mayaqu qon hduha wo, hecen unwanjidan qon iśiyecen wanjidan kta.

12 Oyate kin den om waun kin he icunhan nicaje kin on wicawahduha. Mayaqu qon hena e wicawahduha, qa owasin ehpekiiyapi śni, wicaśta wayutakuni śni cinhintku kin hecedan ehpekiiyapi, hecen wowapi en un qon wanna iyecetu.

13 Wanna nitankiyadan waku kta, oyate kin den opeya waun kin en ehake hecen epa, hecen on mitowiyuśkin kin iyepi en wicakiiyuśtanpi kta.

14 Nioie wicawaqu, qa oyate kin śice wicadapika, oyate kin hetanhanpi śni heon etanhan hececa, oyate dematanhan śni he iyecen.

15 Oyate kin detanhan ewicayahdaku kta e heon wocekiye eciciye śni, tuka taku śice cin he en anawicayecipte kta e heon.

16 Oyate kin de ematanhan śni kin he iyecen iś oyate kin de etanhanpi śni.

17 Wowicake nitawa kin he on wicayuwakan wo; nioie kin he wowicake.

18 Oyate kin deci u mayaši qon, he iyecen iś oyate kin ecen ye wicawaši.

19 Qa iyepi on miye mihduwakan, hecen on wowicake eciyatanhan wicayuwakanpi kta.

20 Qa denana on wocekiye ewicaweciye śni, nakun tona wicoie oyakapi eciyatanhan wicamadapi kin hena koya.

21 Hecen on owasin wanjiipidan kta, niye kin iyecen, Ate, miyecica, qa miś cicica; qa hecen iś unkicicapi kta; qa oyate kin niye u mayaši kin he wicadapi kta.

WICOWOYAKE 18.

22 Wowitan mayaqu qon he wanna wicawaqu; hecen on unwanjidan kin iyecen wanjipidan kta.

23 Miś wicakici waun, qa niś mici yaun, hecen wanjidan en wicayuŝtanpi kta; qa hecen niye umayaŝi kin he oyate kin sdonyapi kta; qa waŝtemayakida kin he iyecen waŝtewicawakida ece.

24 Ate, tona mayaqu kin he na, tokiya waun kin hen mici unpi kta wacin; hecen wowitan mayaqu qon he wanyakapi kta, wicoicage kin de itokam waŝtemayakida kin heon etanhan.

25 Ate owotanna, oyate kin sdonniyanpi ŝni ye, tuka miye sdonciye ciqon, qa dena iŝ niye e u mayaŝi kin he sdonyapi.

26 Unkan nicaje kin he sdonye wicawakiya qa nakun sdonye wicawakiye kta; hecen wawacinkta duza on waŝtemayakida qon he dena en un kta, qa miś nakun owicawape kta.

WICOWOYAKE 18.

1 Jesus hena hecen eya, hehan waonspewicakiye cin om Kedron wakpadan kin akasanpa iya-ya, hen can wojupi wan, unkan he en i, waonspewicakiye cin om.

2 Unkan Judas wiyopeye cin he iŝ nakun makoce kin he sdonya, Jesus hen waonspewicakiye cin om emniciya ece qon heon.

3 Heon Judas akicita wicoun wan icu, qa akicita tancan ko, woŝna kagapi qa Pharisee kin etanhan, om wipe yuhapi, qa petijanjan can itkonya ko yuha en yapi.

4 Jesus taku hiyahde kte cin owasin sdonkiya, itkowicakipe ca, Tuwe e oyadepi he, ewicakiya.

5 Jesus Nazareth etanhan, eya ayuptapi. Unkan Jesus, He miye ce, eya. Unkan Judas he wiyopeye ciqon ee en opa.

6 Unkan Jesus, He miye ce, ewicakiya hehan icicawin kihdapi, qa makata ihpayapi.

7 Heon etanhan ake wiwicawanga; Tuwe ayakitapi he, eya. Unkan, Jesus Nazareth etanhan, eyapi.

8 Jesus waayupte; He miye ce, eciciyapi qon; hecen miye e omayadepi hecinhan dena ito kihdapi kta.

9 Wicoie wan eye ciqon he iyecetu kta, Tona mayaqu kin wanjidan ehpewakiye ŝni ce.

10 Unkan Inyan mazasagye wan yuhe cin ehdaku, qa on woŝna kagapi itancan ookiye wicaya wan noge etapa eciyatanhan ape a kaŝpa iyeya, ookiye unna kin he Malkos eciyapi.

11 Hehan Jesus Inyan heciya; Mazasagye nitawa ojuha en iye-kiya wo. Wiyatke Ate maqu kin he mdatke kte-ŝni he.

12 Juda oyate akicita tancan, akicita eyanpaha, akicita ikcedan ko Jesus yuzapi, qa pahtapi.

13 Qa tokaheya Annas kaipi; Kaiaphas omaka kin he en woŝna kagapi itancan kin he tunkanku kin hee.

14 Wicaŝta wanjidan oyate kin on e kte cin he hecetu kta ce, Juda oyate iwahokonwicakiye ciqon Kaiaphas ee.

15 Unkan Simon Inyan Jesus ihakam ya, nakun waonspewicakiye cin tokeca wan; unkan waonspewicakiye cin tokeca kin he woŝna kagapi itancan kin sdonya qon, heon hee woŝna kagapi itancan tihocoka kin en Jesus kici iyaya.

16 Tuka Inyan e tankan tiyopa kin en najin. Hehan waon-

JOHANNES.

spewicakiye cin unma, wośna kagapi itancan sdonya qon, he tankan hiyu, qa tiyopa awanyake cin he okiye ça, Inyan tin hiyuya.

17 Hehan wikośka tiyopa awanyake cin he Inyan heciya; Wicaśta kin de waonspewicakiye cin wanji niye he. Unkan, Hemaca śni ce, eya.

18 Akicita eyanpaha wowidag wicayapi ko hen najinpi, sni hdapi qa cetipi; unkan he en petiśkanpi: unkan Inyan iś owi-capeya inajin, qa petiśkan.

19 Hehan wośna kagapi itancan kin Jesus wiwanga, waonspewicakiye cin heon, qa iye woonspe tawa kin he nakun.

20 Jesus ayupte; Oyate kin en taninyan womdaka ece; omnicieye tipi etu, qa tipi wakan ko en, Juda oyate mniciyapi ece kin en ohinnian waonspekiya wapun, qa takudan anahbeyahan epe śni ce.

21 Taku on wimayanunga he; token ewicawakiye cin tona nahonpi kin hena e wiwicawanga wo, token epe cin he sdonyapi ce.

22 Hena hecen eya, unkan akicita eyanpaha wan en najin kin he Jesus apa, qa heya; Wośna kagapi itancan kin hecen adu-pta he.

23 Unkan Jesus ayupte; Śica-ya iwaa hecinhan taku śica epe cin he yaotanin wo; tuka tanyan epa hecinhan, tokeca amayapa he.

24 Annas Kaiaphas wośna kagapi itancan kin pahitapi ecen ekta aye wicakiye cigon.

25 He icunhan Simon Inyan petiśkan najin. Heon heciyapi; Waonspewicakiye cin he wanji niye he. Tuka anakihbe ça, Hemaca śni ce, eya.

26 Wośna kagapi itancan kin wowidake tawa wan, Inyan noge kaśpe cigon he takuya, Wojupi kin en kici yaun wanciyake śni he, eciya.

27 Tuka ake Inyan anakihman; unkan he icunhan anpa ohotonna wan hoton.

28 Hehan Kaiaphas etanhan woyaco tipi kin en Jesus aipi; unkan wanna anpa. Ihduśapapi kte śni e heon woyaco tipi kin en ipi śni, wośnapi kin hdutapi kta e heon.

29 Unkan Pilate tankata hinanpe ça, en wicau qa, Wicaśta kin de taku e iyayaonpapi he, ewicakiya.

30 Waayuptapi qa heciyapi; Wicaśta kin de oħan śice śni unkanś unnicahipi kte śni tuka, eyapi.

31 Hehan Pilate hewicakiya; Niye ito eyaku po, qa wayeconzapi kin eciyatanhan yaco po. Hehan, Wicaśta teyapi unkiye unkokihipi śni ye, Juda oyate eciyapi.

32 Hecen Jesus oie qon ecetu kta, token wiconte on te kta eye cigon he.

33 Hehan woyaco tipi timahen Pilate kihde ça, Jesus en au wicakiye ça, Juda oyate wicaśtaya-tapi qon he niye he, eciya.

34 Jesus ayupta; He niye cinka heha he; qa iś tuwe tokeca miye on hecen oniciyaka he.

35 Pilate ayupte; Juda wicaśta hemaca he; nitaoyatepi kin hena, qa wośna kagapi tankapi kin he iye miye en anihipi. Token oyahanda he.

36 Jesus ayupte; Wokiconze mitawa kin he maka kin detanhan śni; wokiconze mitawa kin maka kin detanhan unkanś, mitaokiye kin kis unpi kta, qa Juda oyate kin makaśkapi kte śni

WICOWOYAKE 19.

tuka. Tuka nakaha wokiconze mitawa kin detanhan šni.

37 Hehan Pilate heciya ; Wicaštayatapi kin henica he. Unkan Jesus ayupte ; Wicaštayatapi hemaca e ecen eha ; hema-ca kta e on matonpi, qa heon makata wahi, wowicake mda-otanin kta e heon. Tuwe wo-wicake eciyatanhan un kinhan he miho kin nañon ece.

38 Wowicake kin he taku he, Pilate eciya. Hena hecen oie ya, unkan Pilate tankata inanpe ca, Juda oyate en wicaye ca, Wicašta kin he taku šica econ takudan iyewaye šni, ewicakiya.

39 Tuka wicoñan duhapi kin heciyatanhan, woacakšin anpetu ehan unkipi eca, tuwe kaška hnakapi wanji wakiyuška ece qon. Juda oyate wicaštayatapi kin de wakiyuška yacinpi he, eya.

40 Unkan ake owasin panyehan howayapi qa heyapi ; Wicašta kin dee kte šni, tuka Barabbas e hee kta. Unkan Barabbas e qe wawicaki sa kin heca.

WICOWOYAKE 19.

1 Unkan hehan Pilate Jesus icu qa kapsinsinta.

2 Unkan akicita wapepeka wapaha wan kazontapi qa wapaha kiyapi, qa šina to wan in kiyapi.

3 Qa, iho, Juda Wicaštayatapi kin, eciyapi, qa nape on apapi.

4 Pilate ake tankan inanpe ca, Iho, wicašta kin dee e tankan cicaupi, hecen on taku šica takudan en iyewaye šni e sdonyayapi kta, ewicakiya.

5 Hehan Jesus wapepeka wapaha kin un, qa šina to kin in, tankata inanpa. Unkan, Wan-yaka po, wicašta kin dee ce, ewicakiya.

Dak.

6 Unkan wošna kagapi tankapi qa akicita tancanpi kin, he wan-yag iheyapi hehan, panyehan heyapi, Icipaweli okatan wo, icipaweli okatan wo. Nišnana icu-pi qa icipaweli okatan po, miye qe taku šica econ takudan iye-waye šni, Pilate ewicakiya.

7 Wowakiconze wan unhapi, wowakiconze unhapi kin eciyatanhan te kta iyececa, Wakan-tanka Cinhintku keičiye cin heon etanhan, Juda oyate kin eya ayuptapi.

8 Unkan Pilate iapi kin he nañon qehan, iyotan inihan ;

9 Qa woyaco tipi kin timahen kihde ca, Nitokiya tanhan he, Jesus eciya. Tuka Jesus ayupte šni.

10 Hehan Pilate heciya ; Amayadupte šni he. Icipaweli onicatanpi owakihi ; qa niciyuškapi nakun owakihi, he sdonyaye šni he.

11 Hehan Jesus ayupte ; Wankan tanhan taku kin de ničupi šni unkanš takudan on omayakihi kte šni tuka ; heon tuwe niye en amahi kin he iye woahtani tanka.

12 Hetanhan Pilate kiyuškapi akita. Tuka, Wicašta kin de yakiduške cinhan Kesar takuya-ye šni ; tuwe wicaštayatapi ičica-ge cinhan Kesar i en hiyeya ece, Juda oyate kin panyehan eyapi.

13 Pilate iapi kin he nañon, unkan Jesus tankan yuha inanpa, qa oiyotanke tawa kin he ohna kiyotanka, inyan mdaya omanipi kin en, he Hebrew iapi kin etanhan Gabbatha eciyapi.

14 Woacakšin itokam anpetu piiciyapi ece kin hetu, qa wiyo-tanhe cin hehantu ; Wicaštayatapi nitawapi kin wanyaka po, Pilate Juda oyate kin ewicakiya.

15 Tuka, Icuñonpa, icuñonpa

JOHANNES.

iyeye ça icipaweh okatan wo, panyehan eyapi. Wicaštayatapi nitawapi kin de icipaweh owakatan kta he, Pilate ewicakiya. Unkan wošna kagapi tankapi kin ayuptapi ; Kesar ecedan wicaštayatapi unhapi ce.

16 Hehan icipaweh okatanpi kta e wicaqu. Unkan Jesus icupi qa token ayapi.

17 Unkan Jesus can susbeca kičin, qa makoce wan Wicapahu eciyapi, he Hebrew iapi on Golgotha eciyapi, he ekta aya.

18 Hen icipaweh okatanpi, qa wicašta toktokeca nom itan anokatanhan ewicahdepi, qa Jesus okitahedan.

19 Unkan Pilate wowapi wan kage ça, can susbeca inkpa kin en ehnaka ; JESUS NAZARETH ETANHAN, JUDA OYATE WICAŠTAYATAPI KIN.

20 Wowapi kin de Juda wicašta ota yawapi ; makoce kin Jesus en icipaweh okatanpi kin he otonwe kin ikiyedan, qa he Hebrew, qa Helenes, qa Roma iapi henakiya wicoie kin on owapi.

21 Hehan Juda oyate etanhan wošna kagapi tankapi kin Pilate heciyapi ; Juda oyate Wicaštayatapi kin, eya owa šni wo ; tuka, Juda oyate Wicaštayatapi kin he miye ce, eičiye cin, hee e ecen owa wo.

22 Tuka Pilate waayupte ; Taku owawa kin he wanna owawa ce, eya.

23 Akicita Jesus icipaweh okatanpi, hehan tawokoyake icupi, qa wopamni tom kagapi, akicita otoiyo hi kicipamnipi ; qa nakun tašina icupi ; šina kin he okagege wanica, wankan tanhan kun ihankeya kin hehanyan okagege codan kagapi :

24 Heon etanhan iye iyakitedan hekiciyapi ; Šina kin he unyuhdecapi kte šni, econkupidan qa yeunkiyapi kta, hecen tuwe ohiye cinhan yuhe kta. Hecen wowapi en kagapi qon he iyece-tu ; Mitawokoyake kicipamnipi, qa mitašina kin he oeconna en yekiyapi ce. Unkan akicita kin hena hecen econpi.

25 Unkan Jesus hunku, qa tankaku kicica, Mary Kleopas tawicu, qa Mary Magdalene, hena can susbeca kin icahda najinpi.

26 Jesus hunku wanhdaka, qa en icunonpa ikiyadan waonspe-wicakiye cin wanji iyotankidake ciqon wanhdaka, unkan, Wino-hinca, nieiŋkši kin hee ce, hunku kin eciya.

27 Qa waonspekiyapi kin he iš, Wanyaka wo, nihun kin hee ce, eciya. Unkan waonspekiyapi kin he anpetu kin hetanhan iye ti kin ekta aki.

28 Wanna taku kin owasin ecetu Jesus wanyaka, qa wowapi en kagapi qon iyecetu kta e heon, Imapuza ce, eya.

29 Unkan mini škumna wakšica ojudan en icunhan han ; mini škumna icupi, qa nakun mini iyuhepe wan en oputkanpi, qa peji hōta hu wan icam yeyapi, qa i kin en qupi.

30 Unkan Jesus mini škumna icu qehan, Wanna yuštampi ce, eya ; hehan pa makata iyeye ça taniya kin hiyuya.

31 Hehan Juda oyate kin Pilate cekiyapi, hu kawegapi qa etanhan icupi kta ; hecen anpetu wakan icunhan, tancan kin can susbeca kin akan un kte šni, anpetu en piiciyapi kin wanna hehantu, qa anpetu wakan kin he anpetu tanka, heon.

32 Unkan akicita en hipi, qa tokaheya kin hu kawegapi, qa

WICOWOYAKE 20.

nakun unma kici icipaweh okatanki qon.

33 Hehan Jesus ehan ipi, unkan wanna ta wanyakapi, heon hu kin kawegapi s̄ni.

34 Tuka akicita wanji wahu-keza wan on cuwi kin en capa; unkan we mini ko au.

35 Tuwe wanyake ca yaotan-in kin he wayaotanin kin he wowicake. Wowicake eye cin he sdonkiya, qa hecen on wicaya-dapi kta.

36 Hena hecetu, unkan wicowoyake wowapi en kagapi qon iyecetu; Hu kin wanjidan kawegapi kte s̄ni ce.

37 Qa nakun wowapi icinonpa hecen eya; Tuwe pahdokapi kin he wanyakapi kta.

38 Hehan ihakam Joseph Arimathea etanhan Pilate cekiya, Jesus tancan kin icu kta e heon; unkan is̄ eya Jesus waonspewicakiye cin wanji ee, tuka anahbeya, Juda oyate kowicakipe cin heon; unkan Pilate ayupta. He en u, qa Jesus tancan kin hdokiyahda.

39 Unkan Nikodemos, tuwe tokaheya hanyen Jesus en hi qon hee, nakun en hi, qa pejihuta was̄temna nom icicahiyapi, tkeutapi opawinge ecetu, yuha hi.

40 Hehan Jesus tancan kin icupi, qa minihuha ska iyapemnipi, pejihuta was̄temna iyahna, Juda oyate wicašta hnakapi ece kin he iyececa.

41 Unkan icipaweh okatanpi qon he en ikiyadan wojupi wanhan, wojupi he cin he en ohna wicašta hnakapi wan iyuştan yanka, tuwedan he ohna oonpapi s̄ni.

42 Juda oyate piiçiyapi anpetu kin he icunhan, ohna wicašta hnakapi en ikiyadan yanke cin

heon Jesus tancan kin en ohnakapi.

WICOWOYAKE 20.

1 Anpetu wakan kin en, anpetu tokaheya hanhanna hınca, nahanhin otpaza, hehan Mary Magdalene hnakapi qon ekta i, qa inyan kin hnakapi etanhan icunonpa iyeyapi e wanyaka.

2 Hehan inyang hde ca Simon Inyan hee, qa waonspewicakiye cin unma Jesus was̄tekidake ciquon, hena en hi qa hewicakiya; Itancan kin hnakapi kin etanhan eyakupi, qa tukten hnakapi kin sdonunyanpi s̄ni ye.

3 Unkan Inyan waonspewicakiye cin unma qon kici tankan inanpapi, qa en hnakapi qon ekta yapi.

4 Napin inyang yapi; qa waonspewicakiye cin unma qon hee duzahe ca Inyan kapa, qa iye tokaheya ehan i;

5 Patuś inajin, qa hnakapi kin aokasin, minihuha ecedan wanyaka, tuka mahen iyaye s̄ni.

6 Hehan is̄ Simon Inyan iyohi, unkan katinyan mahen iyaya, minihuha ecedan makata yanka wanyaka.

7 Minihuha pa akan ehnakapi kin he, minihuha umanpi qon en ope s̄ni, he is̄ aiyog pehan yanka.

8 Hehan waonspewicakiye cin unma tokaheya hi qon he is̄ hnakapi kin mahen iyaya, qa is̄ eya wanyake ca wicada.

9 He wiconte etanhan ekicetu kta, eyapi, wowapi en kagapi qon he hinyahin tanyan sdonyapi s̄ni.

10 Hehan waonspewicakiye cin hena iye tipi ekta icicawin hda-pi.

11 Tuka hnakapi kin itankan Mary e ecen najin, qa ceya.

JOHANNES.

Unkan ceyaya patuś inajin, qa hnakapi kin en aokasin.

12 Qa małpiya ohniłde nom wokoyake ska ece koyakapi kin hena wanwicayaka, Jesus tancan wanke ciqon itan anokatanhan, unma pa wanke ciqon eciyatanhan, qa unma iś siha qon eciyatanhan yukanpi.

13 Unkan, Winohinca, taku on yaceya he, eciyapi. Unkan iś, Itancan mitawa tancan kin icupi, qa toki ehnakapi kin sdonwaye śni ce, ewicakiya.

14 Heye a hehan ihdamna unkan Jesus en najin wanyaka, tuka Jesus hee kin sdoneye śni.

15 Unkan Jesus heciya, Winohinca taku on yaceya he; tuwe ayakita he. Unkan iś he wakicanye hee kecin, qa heon, Itancan, he niye iyacu hecinhan tokiya eyahnake cin omakiyakaye, kinhan ewehdaku kta ce, eciya.

16 Unkan Jesus heciya, Mary. Unkan iye ihdamna, qa, Rabboni, eciya; he Waonspekiye eyapi.

17 Unkan Jesus heciya; Ihnuhan omayadutan kin; nahanhin Ate ekta wahde śni ce. Tuka mihunkawanji ekta wicaye a hewicakiya wo, Ate ekta wahde kta, he ate yayapi kin ee, he Wakantanka mitawa kin ee, qa niś he Wakantanka nitawapi kin ee ce, eya.

18 Hehan Mary Magdalene ku qa, Itancan kin wanhake a hena hecen eciye cin, waonspewicakiye cin owicakiyaka.

19 Anpetu kin he anpetu tokaheya kin ee, ihtayetu kin he en waonspewicakiye cin, Juda oyate kowicakipa, qa aonaçitag yukanpi, en Jesus wicacokaya inajin, qa, Wookiye nicipi un kte, ewicakiya.

20 Hecen eye a hehan nape cuwi ko wicakipazo. Waonspewicakiye cin Itancan kin wan yakapi, unkan wiyuśkinpi tanka.

21 Wookiye nicipi un nunwe, ake Jesus ewicakiya. Ate u maśi kin he iyecen miś ye ciśipi.

22 Hecen eye a hehan awicaniya qa, Woniya Wakan icu po, ewicakiya.

23 Tona woahłtani wicayecicajujupi kinhan, hena wicakicicajujupi kta; qa tona wicayakipaganpi śni kinhan, hena wicakipaganpi kte śni.

24 Ake nonpapi kin etanhan Thomas Didumos eciyapi he Jesus hi kin he icunhan en ope śni.

25 Itancan kin wanunyakapi, waonspewicakiye cin unmapi kin eciyapi. Tuka iye kin hewicakiya; Maza on nape en okatanpi qon he wanmdake śni, qa napsukaza maza okatanpi kin en omdutan śni, qa cuwi nakun en nape yewaye śni kinhan, wicawada kte śni ce, eya.

26 Unkan anpetu śahdogan iyo hakam, hehan ake waonspewicakiye cin mahen yukanpi, qa Thomas owicapeya un. Hehan Jesus en hi, tiyopa onatag han, qa wicacokaya inajin, qa, Wookiye nicipi un nunwe, ewicakiya.

27 Hehan Thomas heciya; Nnapsukaza uye a minape kin wanyaka wo; qa ninape kin uye qa micuwi kin en oputkan wo, qa wacetunhda śni wicada wo.

28 Unkan Thomas ayupte a heciya; Itancan mitawa, qa Wakantanka mitawa.

29 Jesus heciya; Thomas, wanmayadake cin heon wicayada; tuka tona wanmayakapi śni eśta wicadapi kinhan, hena wicayawaśtepi ce.

30 Unkan waonspewicakiye cin wanyakapi en taku tokeca ota

WICOWOYAKE 21.

wapetokeca Jesus econ, tuka hena ege wowapi kin de en kagapi šni.

31 Tuka dena e owapi, heon Jesus he Messiya Wakantanka Cinhintku kin hee e wicayadapi kta; qa wicayadapi kin on, iye caje kin eciyatanhan, wiconi duhapi kta.

WICOWOYAKE 21.

-1 Hena iyohakam Jesus ake waonspewicakiye cin en ihdutanin, Tiberias mde kin etu; unkan ihdutanin kin he kaketu:

2 Simon Inyan, qa Thomas Didumos eciyapi, qa Nathanael, Kana Galile makoce kin hetanhan, qa Zebedee cinhintku napin, qa waonspewicakiye cin tokeca nonpa, hena witayapi etu.

3 Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi, qa wata wan en opapi, tuka hanyetu kin he takudan ktepi šni.

4 Ithanhanna qehan wicihuta ekta Jesus najin; tuka waonspewicakiye cin Jesus hee kin sdonyapi šni.

5 Unkan Jesus hewicakiya, Hokšiyopa, taku yutapi duhapi he. Unkan, Hiya, eyapi.

6 Unkan hewicakiya; Ho kin he wata etapa kin eciyatanhan elipeya po, etanhan iyeyayapi kta ce. Unkan ecen iyohpeyapi, tuka ehaes hogan kin ota kin heon ehdakupi okitpanipi.

7 Hehan waonspekiyapi wan Jesus waštedake cigon he Inyan heciya; Itancan kin hee ce. Simon Inyan, Itancan kin hee, eya nañon qehan, tancodan un kin heon onñdohda kiçun qa minin elipeiçiya.

8 Unkan waonspewicakiye cin unmapi kin wata cistinna wan

ohna upi, huta kin icannan yakonpi, wicišpa opawinge nom hehanyan, qa ho kin hogan ojudan akupi.

9 Wanna hutata kihunnipi, hehan petaga itkon wanyakapi, qa hogan aguyapi ko akan yanka.

10 Unkan Jesus hewicakiya, Hogan nakaha iyacupi kin etanhan aku po.

11 Simon Inyan ekta ye ça ho kin heyata hiyuya, hogan tankinyanyan ece opawinge qa sanpa wikcemna zaptan qa sam yamni; hogan kin ota ho kin ohnaka tuka iyuhdece šni.

12 Upi qa de yuta po, Jesus ewicakiya. Unkan waonspewicakiye cin etanhan, Tuwe niye he, eyapi kta tuka tuwedan tawatenye šni; Itancan hee kin he sdonyapi kin he etanhan.

13 Hehan Jesus en ye ça aguyapi icu, qa wicaqu, hogan nakun iyecen econ.

14 Piya ekicetu kin etanhan, de iyamni Jesus waonspewicakiye cin en ihdutanin.

15 Unkan wotapi ayaštanpi, hehan Jesus Simon Inyan heciya; Simon Jona cinhintku, dena ege sam iyeya wašte mayadaka he. Han, Itancan, wašte cidaka e sdonyakiye cigon, eya. Tahincadan mitawa kin taku yutapi wicaqu wo, eciya.

16 Ake icinonpa, Simon Jona cinhintku wašte mayadaka he, eciya. Han, Itancan, wašte cidaka e sdonyakiya, eya. Tahinca mitawa kin awanyaka wo, eciya.

17 Ake iciyamni, Simon Jona cinhintku wašte mayadaka he, eciya. Yamni akihde, Wašte mayadaka he, eya iwange cin heon Inyan iyokišica; unkan heciya, Itancan, taku owasin sdonyaya; waštecidake cin he

OĤANYANPI QON.

sdonyaya. Hehan Jesus, Tahinca mitawa kin wo wicaqu wo, eciya.

18 Wowicake, wowicake on heciciya; Koniška qehan niye cinka ipiyag yeton qa tokiya yacin eca ekta da ece, tuka tohan winicahinca kinhan wicašta tokeca wan ekta nape yeyakiye kta, kinhan ipiyag niconon qa tokiya yacin šni ešta ekta aniye kta ce, eya.

19 Wiconŧe tukte e on Wakan-tanka yutan kta e he kiciyaotanin kta heon hecen eya. Hecen eye cin hehan, Miyahna u-wo, eciya.

20 Hehan Inyan hakikta, qa waonspekiyapi wan Jesus iyo-tan kidake cicon hee wicihektam u e wanyaka, litayetu wotapi icunhan maku kin ipahin wanke a, Itancan, tuwe e wi-yopeniye kta he, eye cicon hee.

21 Inyan he wanyaka unkan Jesus heciya, Itancan, de is taku e akiye kta he.

22 Ake tohan wahi kte cin hehanyan decen un kta wacin ešta, he etanhan initokeca he; niye miyahna u wo, Jesus eciya.

23 Heon etanhan wicoie kin de hunkawanjinkiciyapi kin wicehna iyaya; waonspekiyapi kin de e kte šni, eyapi kin. Tuka Jesus, He e kte šni ce, eciye šni; tuka, Wahi kte cin hehanyan decen un kta, wacin ešta, he etanhan initokeca he.

24 Taku kin hena waonspekiyapi kin he yaotanin qa wowapi en kaga; qa taku yaotanin kin he wowicake kin e sdonunyanpi.

25 Nakun taku ota Jesus econ, tuka nakun hena owasin otoiyohi kagapi ešta, oyate hiyeye cin wowapi kagapi kte cin he yuhapi kta epce šni. Amen.

YEWICAŠIPI KIN

OĤANYANPI QON.

WICOWOYAKE 1.

1 Theophile, wicoie tokaheya wakage cin he en Jesus tokaheya taku econ qa waonspekiye cin *omdaka*;

2 Tona wicakahnige a yewicaši qon hena Woniya Wakan kin eciyatanhan wahokonwicakiye cin iyohakam, anpetu wan en wankan eyakupi kin hehanyan.

3 Iye kakije cin iyohakam hena ege en ni un taniniiya, woyuotanin ota on, anpetu wikcemna topa hehanyan wanyagiiya, qa Wakantanka tokiconze taku tawa kin cajehdata ece;

4 Qa mniciyapi kin en owicapeya un qehan, Jerusalem etanhan ye šni wicaši, qa Ateyapi kin wahowicaye cicon he ayepepi kta; He miye eciyatanhan nayahonpi ce;

5 Awicakehan Johannes mini on baptem wicaqu, tuka tokata anpetu tonana ihan, hehan Woniya Wakan on baptem niupi kta ce, eya.

6 Unkan hena witaya yukanpi hehan, Itancan, wanna dehantu Israel *oyate* wokiconze kin piya wicayaqu kta he, eya iwangapi.

7 Unkan hewicakiya; Tohan-yan qa tohantu kin, Ate iye to-

WICOWOYAKE 1.

waśake kin en ekihnake cin hena sdoniyayapi kta iyecece śni ;

8 Tuka Woniya Wakan kin en nihipi kinhan, wowaśake duhapi kta ; hehan Jêrusalem en, qa Judamakoce kin owancaya, qa Samaria qa maka ihanke kin hehanyan mayadaotaninpi kta ce.

9 Unkan hena hecen eye ça, wanhdakapi icunhan, yuwankan icupi ; qa wanyakapi kin etanhan malîpiya śapa wan eyaku.

10 Unkan he wankan iyaye cin, malîpiya ekta etonwan yukanpi kin he icunhan, iho, wicaśta nom ska ihduzapi en wicikiyadan najinpi ;

11 Qa, Galile wicaśta, tokeca e malîpiya ekta etonwan nayajinpi he. Jesus e qe niyepi etanhan malîpiya ekta eyakupi kin, he malîpiya ekta wankan iyaya wandakapi kin he iyecen ake u kta, ewicakiyapi.

12 Hehan Oliwe paha eciyapi kin hetanhan Jerusalem ekta icicawin hdapi ; he Jerusalem ikiyedan, anpetu wakan oicimani wanji ecetu.

13 En hdipi qa wankan tipi wanji tin iyayapi qa hen iyukanpi, Inyan, qa Jakob, qa Johannes, qa Andrew, Philip, qa Thomas, Bartholomew, qa Mattheos, Jakob Alpheus cinhintku, qa Simon Zelotes, qa Judas Jakob sunkaku :

14 Hena owasin tawacin wanjidan wocekiye eyapi qa kida yukanpi, winohinca kin hena om, qa Mary Jesus hunku, qa iye hunkawanjinwicaye cin hena koya.

15 Unkan anpetu kin hena en Inyan ookiye unpi kin wicacokaya najin, (wicacaje owasin opawinge sanpa wikcemna nom wicayawapi ;)

16 Qa heya ; Wicaśta hunka-

wanjinciayapi, Judas tona Jesus iyahipayapi qon en mdetahunka kin he on, ehanna Woniya Wakan, Dawid i kin eciyatadhan, ie ciqon, wowapi en kagapi kin, he ecetuyapi kta hunšte.

17 He iye unkiyopeyapi yawapi, qa wicolitani kin de en opa tuka.

18 Unkan wicaśta kin he wocolitani iyunwin kin maga wan iyopekiye ça, ehna makata ihpaye, unkan tancan kin kamdas ihpaye ça, śupe kin owasin tankan hiyu.

19 Tona Jerusalem en yakonpi sa owasin he sdoniyapi ; qa heon maga kin he iye iapi kin eciyatadhan, Akeldama eciyapi, he We maga, eyapi.

20 Odowan wowapi kin en kaken kagapi ; He tukten ti qon hewoskan yanke ça, tuwedan ohna ti śni nunwe ; qa, Awanhdakapi wicolhan yuhe ciqon he tuwe tokeca icu kta.

21 Heon etanhan wicaśta kin dena ohinniyan om unyakonpi, Jesus Itancan kin unkopapi, ti mahen i, qa tankan ye cin,

22 Tokaheya Johannes baptem wicaqu qon hetanhan, anpetu kin en unkiyepi etanhan wankan eyakupi kin hehanyan, hena etanhan, piya ikicage cin, wanji unkiyopeyapi oyaka ece e kta, eya.

23 Unkan nom najinwicakiyapi, Joseph Barsabas eciyapi, he, Owotanna, eya caśtonpi, qa Matthias.

24 Hehan cekiyapi qa heyapi ; Itancan niye wicacante owasin sdonya nanka, wicaśta kin dena unma tukte yakahnige cin he yutanin wo ;

25 Ookiye wicolhan qa yewicaśipi kin de en ope kta, Judas iye oyanke tawa kin ekta hde kta e etanhan hinhpaye cin he.

OHANYANPI QON.

26 Hehan woohiye ehpekiyapi, unkan woohiye kin Matthias ahinhpaya; qa hecen yewicašipi akewanjipidan kin owicapeya yawapi.

WICOWOYAKE 2.

1 Anpetu iwikcemna zaptan kin wanna iyehantu, unkan owasin tawacin wanjidan witaya yukanpi.

2 Hehan ihnuhanna, tate wan wašagya uye cin he iyecen, oqo wan mahpiya kin eciyatanhan hiyu, qa tipi ohna yukanpi kin ocowasin ojudan.

3 Unkan wicaceji, peta se ececa, en wicatanin, qa otoiyohi kicipamnipi kin en awicahan.

4 Unkan owasin Woniya Wakan kin on ojupidan qa wicaceji toktokeca on iapi, Woniya Wakan ie wicakiye cin he iyecen.

5 He ehan wicašta owotanna Juda wicašta kin hecapi, mahpiya ihukuya oyate hiyeye cin etanhan Jerusalem en tipi.

6 Wicaho kin de otanin, unkan wicota en mniciyapi qa inihanpi, otoiyohi iye iapi tawapi kin on, hena ia yukanpi he nakihonpi kin heon.

7 Owasin inihanpi qa yušinyayapi qa otoiyohi hekiciyapi; Tona ia yukanpi kin hena owasin Galile wicašta kin hecapi šni he.

8 Token on otoiyohi iapi kin yuha untonpi kin hena ia nawicunhonpi he.

9 Parthe qa Mede qa Elamite, qa Mesopotamia en tipi qon, Juda makoce kin en, qa Kappadokia en, Pontos qa Asia en;

10 Phrugia qa Pamphulia en, Egupta qa Libue makoce kin en, Kurene ihdukšan, Roma oyate kin etanhan, Juda wicašta, qa en opewicakiyapi qon,

11 Krete qa Arabe kin heun-

capi, Wakantanka taku tanka econ kin, unkiye unkiapi kin eciyatanhan, hena ia oyakapi kin naunhonpi ce, eyapi.

12 Owasin inihanpi, qa yušinyayapi, qa otoiyohi hekiciyapi; De taku kapi hwo.

13 Qa wanjikši ihañapi qa; Dena miniša skuya on imnanpi ce, eyapi.

14 Tuka Inyan ake wanjipidan kin omi najin, ho yuwankan icu, qa hewicakiya; Juda wicašta, tona Jerusalem en dukanpi ko, owasin he de sdonyapi, qa mioie kin anagoptan po.

15 Niye hecannipi kin hecetu šni, wanna anpetu kin en yamni ape cin hehantu, heon wicašta kin dena witkopi šni.

16 Tuka Joel wicašta wokcan oyake ciquon he dee.

17 Unkan anpetu ihankeya kin en, (Wakantanka eya,) mitaniya kin wicacehpi owasin awicawakaštan kta; unkan nicinkšipi nicunkšipi ko wokcanpi kta, qa koška nitawapi kin wowanyake kin wanyakapi kta, qa wicahinca nitawapi kin wowihamde ihamnanpi kta ce.

18 Anpetu kin hena en wicašta taokiye, qa winyan taokiye mitawa kin, hena en mitaniya awicawakaštan kta, qa hena e wokcanpi kta.

19 Unkan wankan mahpiya kin ekta taku on yušinyayapi wicawaqu kta, qa kuya maka kin akan wowapetokeca kin, we qa peta qa sotoju.

20 Itancan taanpetu tanka wowinihan kin he hi šni itokam, anpetu wi kin otpaza icu kta, qa hanyetu wi kin iš we icage kta.

21 Unkan hehan tuwe Itancan caje kin hoyekiye cinhan he nikiyapi kta ce.

WICOWOYAKE 2.

22 Israel wicašta, wicoie kin de nañon po; Jesus Nazareth etanhan qon, wicašta wan niyepi kin ekta, Wakantanka hdu-tanin qon, wicowaśake, taku on inihanpi, qa wowapetokeca niyepi cokaya Wakantanka econ kiye ciqon hena e niye sdonyayapi.

23 He qe Wakantanka atayed-an wakiconze ça, iye osdonye kin eciyatanhan qupi qon, he iyacupi, qa nape śiksica on icipaweli oyakatanpi, qa yaktepi.

24 Hee Wakantanka ekicetu ye ça, wiconte icaške kin kiyuśka, en yuhapi kta okihipica śni nakaes.

25 Dawid he ke ça, kaken eya; Ohinnian mitokam Jehowa wanmdaka, mietapa kin ekta yanke, heon pahoho śni waun kta.

26 Heon micante kin iyuśkin, qa miceji kin ipsica; qa micehpi kin woape en wanke kta.

27 Minagi kin he hades ekta elipemayakiye śni, qa Wanji Wakan nitawa kin he wicahwin wanyake kta e on yaqu kte śni.

28 Wiconi canku kin sdonye mayaye kta; qa niite kin etanhan wowiyuśkin on imnamaya-ye kta.

29 Wicašta hunka wanjinci-yapi, Dawid hunkakeyapi un kin he eciyatanhan taninyan ociciyakapi kta; he te ça hapi, qa anpetu kin dehanyan ohna hnakapi kin unkicipi wanka.

30 He wicašta wokcan kin heca, qa Wakantanka wokonze on konza, wicacehpi eciyatanhan iye tancan aicage kte cin he etanhan Messiya, iye oiyo-tanke kin akan iyotanke kta e icaliyete kta he sdonya.

31 Hecen tokaheya tanhan he wanyake ça Messiya ekicetuya-

pi kin he cajeyata, nagi kin hades ekta ehpekiyapi kte śni, qa celipi kin wicahwin wanyake kte śni.

32 Jesus iye qe Wakantanka ekicetuye cin he unkiyepi owasin unyaotaninpi ece.

33 He Wakantanka etapa kin ekta yuwankan icupi, qa Atkuku kin Woniya Wakan iwahoye ciqon he icu, heon nakaha taku wandakapi qa nayahonpi kin he akaştan.

34 Dawid e qe malhipiya ekta wankan iyaye śni, tuka kaken eya; Jehowa Itancan mitawa kin kaken eciya, Mietapa kin eciyatanhan iyotanka wo,

35 Tona toka niye cin hena nisiha oahe kin ewahnake kte cin hehanyan.

36 Heon etanhan, Israel tiyohnaka owasin, de tanyan sdonya wo, Jesus icipaweli oyakatanpi qon, hee Wakantanka Itancan qa Messiya kaga ce.

37 He nañonpi unkan cante kin ekta iyoyakapi, qa Inyan qa yewicaşıpi unmapi kin om, Wicašta hunkawanjin unniyanpi token econkupi kta he, ewicaki-yapi.

38 Hehan Inyan hewicakiya; Ihduecetu po, qa woahţani nicicajujupi kta e on Jesus Messiya caje kin on baptem niçupi kta; kinhan Woniya Wakan itunicihanpi kin he iyacupi kta.

39 Wahoyapi kin de niye nitawapi, qa nicincapi, qa tona itehanyan yukanpi kin owasin, tona Itancan unkita Wakantankapi kin wicakico kte cin hena tawapi ce, eya.

40 Qa wicoie tokeca ota on wicakiyatanin, qa wahokonwicakiye ça heya; Wicoicage śice cin de etanhan niçiya po.

41 Unkan tona oie kin iyuśkin-

OĤANYANPI QON.

yan icupi kin hena baptem wicaqupi; hecen anpetu kin he en wicanagi kektopawinge yamni en opapi.

42 Qa yewicašipi kin taku onspewicakiyapi kin en katinyan opapi ece, qa om taku yuhapi, aguyapi kiyušpapi qa wocekiye eyapi kin en ece unpi.

43 Unkan wicašta owasin nina yušinyayapi; unkan yewicašipi kin taku wakanyan econpi qa wowapetokeca ota econpi ece.

44 Unkan tona wicadapi kin hena owasin witaya yukanpi, qa taku owasin ptaya yuhapi.

45 Qa tona maga qa woyuha yuhapi kin hena e wiyopekiyapi, qa otoiyohi cinpi kin iyecen owasin wicakipamnpi.

46 Qa anpetu otoiyohi, tawacin wanjidan, tipi wakan kin ohna yukanpi, qa tipi iyaza aguyapi kiyušpapi, wowiyuškin cante okonwanjidan ko yuha taku yutapi icupi.

47 Wakantanka yatanpi, qa oyate kin owasin en wowašte yuhapi. Unkan Itancan kin tona nipi kte cin heca, anpetu otoiyohi, okodakiciye kin en ope wicakiya.

WICOWOYAKE 3.

1 Unkan hehan Inyan qa Johannes kici, tipi wakan kin ekta kaitawankanhde yapi, napecinwanka ape cin, wocekiye eyapi ece kin hehantu.

2 Unkan wicašta wan tonpi kin ehantanhan hušte un kin he yuha ahipi, anpetu otoiyohi tipi wakan tiyopa wan, Wašte eciyapi kin he en ehdepi, tona tipi wakan tin yapi kte cin hena taku wicakida kte cin heon.

3 Hee Inyan Johannes kici tipi wakan kin timahen yapi kta

wanwicayake ça, taku wicakida.

4 Unkan Inyan opalita, qa Johannes kici, qa, Ekta unkatonwan po, eya.

5 Taku okini kta kecin qa hecen anawicagoptan yanka.

6 Hehan Inyan; Mazaska mazaskazi ko takudan mduhe šni, tuka taku mduhe cin ciču kta, Jesus Messiya Nazareth etanhan, he caje on najin, qa mani wo, eciya.

7 Qa nape etapa kin en yuze ça najin kiya; unkan ihnuhanna siha iškahu ko wašag hinnda.

8 Hehan iye kin psin iyaye ça najin, qa mani, qa om tipi wakan kin timahen iyaya, mani, qa psipsica, qa Wakantanka idowan.

9 He mani qa Wakantanka idowan kin oyate kin iyuhpa wanyakapi;

10 Qa wicašta tipi wakan, tiyopa Wašte eciyapi, kin en hiyotanke ça taku da ece qon he dee sdonyapi; qa taku ecakiconpi kin on etanhan nina inihanpi, qa yušinyayapi.

11 Unkan, wicašta hušte qon wanna okizi kin he Inyan Johannes kici wicayus najin, hena en oyate owasin kiwitaya inyang iheyapi, qa nina yušinyayapi, omanipi Solomon tawa kin hetu.

12 Unkan Inyan he wanyake cehan, oyate kin hewicakiya; Israel wicašta, tokeca he on niyušinyayapi, qa tokeca opaunhtapi nayajinpi he; unkiye wowašake qa wowašte unhduhapi kin heon wicašta kin de mani unyanpi *kecanunyak*inpi seca.

13 Abraham, qa Isaak, qa Jakob Wakantanka tawapi; hunlake wicunyanpi Wakantanka tawapi kin he Cinhintku Jesus wanna hdutan; he niyepi e wi-

WICOWOYAKE 4.

cayaqupi, qa Pilate itokam yaki-pajinpi, he iye kiyuške kte hinca tuka.

14 Tuka Wanji Wakan qa Owotanna un kin he niye yaki-pajinpi, qa wicakte sa wan kiyuškapi yacinpi.

15 Qa Wiconi Itancan kin he yaktepi; he qe Wakantanka wicate cin etanhan najinkiye cin unkiye unkoyakapi ece.

16 Qa iye caje kin, caje wicadapi kin heon, wicašta kin de wandakapi qa sdonyayapi kin he yuwašaka; han, iye wacinyanpi kin he wicašta kin de tanyan okiziya, niyepi owasin en.

17 Unkan nakaha mihunkawanji, iyukcan šni hecanonpi, qa wicašta itancan wicaduhapi kin hena nakun, he sdonwaya.

18 Tuka Wakantanka Messiya token kakije kte cin, wicašta wokcan kin owasin i kin eciyatanhan, oyake ciqon hena he en hduecetu.

19 Heon ihduecetupi, qa ihduhomni po; hecen wayahtanipi kin nicicajujupi kta ce; tohan anpetu yuecetupi kin Itancan itohnake kin eciyatanhan u kinhan;

20 Qa Jesus Messiya oniciyakapi qon he uši kta.

21 He qe mašpiya kin ekta eyakupi kta, taku owasin ekicetuyapi kta anpetu kin hehanyan, Wakantanka maka icage cin he tanhan wicašta wokcan wakan wicahduhe cin owasin i kin eciyatanhan oyake ciqon hee.

22 Moses iye qe hunkakeyapi kin hewicakiya; Nihunkawanjipi kin etanhan wicašta wokcan wanji, miye iyemaceca, Jehowa Wakantanka nitawapi kin icašniciciyapi kta; he taku eniciyapi kte cin owasin anayagoptanpi kta.

23 Qa wicanagi otoiyohi, wicašta wokcan kin he anagoptan šni kinhan, he oyate kin etanhan ihangyapi kta ce.

24 Unkan wicašta wokcan owasin, Samuel hetanhan, tona iyohakam woyakapi qon anpetu kin dena cajeyatapi.

25 Wicašta wokcan cincapi kin he niyepi, qa wicoun Wakantanka hunkake wicunyanpi wicakicage ciqon, he qe Abraham heciya; Unkan nicinca kin on etanhan wicowazi maka akan un kin owasin yawaštepi kta ce.

26 Wakantanka iye Cinhintku Jesus najinkiye qa niyawaštepi kta e on niyepi tokaheya en u ši, otoiyohi wayahtanipi kin etanhan ihduhomni niyanpi kta e heon.

WICOWOYAKE 4.

1 Unkan hena hecen oyate kin ewicakiyapi kin icunhan, wošna kagapi, qa tipi wakan en itancan kin, Saddukee ko en wicahipi;

2 Oyate kin waonspewicakiyapi, qa Jesus eciyatanhan wiconte etanhan woekicetu kin he oyakapi kin heon šihdapi;

3 Qa nape on iyawicalhpayapi, qa wicakaška tipi kin en iyewicayapi, ihanhanna kte cin hehanyan; wanna hitayetuna kaeš.

4 Tuka wicoie nahonpi qon hena wicota wicadapi; unkan wicašta kektopawinge zaptan ecetu.

5 Unkan ihanhanna behan, wicašta itancanpi, hunkawicayapi kin, wowapi kagapi ko;

6 Qa Annas wošna kagapi itancan, qa Kaiaphas, qa Johannes, qa Aleksandros, qa tona wošna kagapi itancan takuwicaye cin hena koyá Jerusalem en mniciyapi.

7 Unkan wicacokaya ewica-

OHANYANPI QON.

hdepi, qa wiwicawangapi ; Taku wowasake, qa tuwe caje kin on hecanonpi he, eyapi.

8 Hehan Inyan Woniya Wakan on ojudan, hecen ewicakiya ; Oyate en wicašta itancanpi, qa Israel hunkawicayapi kin ;

9 Anpetu kin de wicašta hušte qon tanyan ecakiconpi, qa token on okizi kin, he on wiunyanun-gapi hecinhan ;

10 Niyepi owasin, qa Israel oyate kin owasin de sdonya po, Jesus Messiya Nazareth etanhan, icipaweli oyakatanpi qon, Wakantanka wicašte cin etanhan ekicetuye cin, he caje on wicašta kin de nitokam okizi najin.

11 Inyan kin de ticagapi yunpi kin ayaktapi šni, tuka he oise en itancan kin ee.

12 Qa tuwe tokeca eciyatanhan wanikiyapi kin yuke šni ; qa wicacaje tokeca mahpiya kin ihukuya wicašta wicaqupi, on unnipi kte cin wanica ce.

13 Unkan Inyan qa Johannes waditakapi kin he wanyakapi, qa taku ota onspeiciciyapi šni qa wicašta ikceka kin hecapi e sdonyapi qehan, nina yušinyayapi, qa hena Jesus kici unpi qon he iwicayukcanpi.

14 Qa wicašta okiziyapi qon he wiciyopeya najin wanyakapi ; unkan taku awicayuptapi kte cin takudan yuhapi šni.

15 Tuka omniciye kin etanhan tankan ye wicašipi, hehan he akiiapi ;

16 Qa iyakitedan hekiciyapi ; Wicašta kin dena token ecawicunkiconpi kta hwo ; wowape-tokeca tanka kin de econpi kin he tona Jerusalem en yakonpi kin owasin sdonyapi, qa anaunhmanpi kta unkokihipi šni.

17 Tuka he oyate kin en ana-

ptapi kta e heon nina wakokipe wicunkicagapi kta, qa caje kin de on tohinni wicašta wowicakiyakapi kte šni, *unkeyapi* kta ce.

18 Unkan hehan wicakicopi, qa Jesus caje kin on takudan ie šni, qa waonspekiye šni wicašipi.

19 Tuka Inyan Johannes kici awicayuptapi qa heyapi ; Wakantanka itokam, niyepi anaunigoptanpi kta, qa is Wakantanka anaungoptanpi kta, unma tukte owotanna kin, niš iyukcan po.

20 Taku sdonunyanpi qa nanhonpi qon hena oyake šni unyakonpi kta e unkokihipi šni.

21 Hehan ake wakokipe wicakicagapi tamwicakiyapi, qa hde wicašipi, taku on taku iyawicaonpapi kta takudan iyeyapi šni, oyate kin on etanhan ; taku econpi kin heon owasin Wakantanka yatanpi.

22 Wicašta wookizi wowape-tokeca kin he en econpi qon he wanna waniyetu wikcemna topa sam iyeya.

23 Unkan kihdewicayapi, hehan iye takodawicayapi kin ekta hdapi, qa wošna kagapi, hunkawicayapi kin ko, taku token ewicakiyapi qon owasin ohdakapi.

24 Unkan hena nahonpi qehan, witaya Wakantanka hoyekiyapi qa heyapi ; Itancan Wakantanka he niye, mahpiya, maka, miniwanca qa taku ohnaka ko owasin yakaga.

25 Dawid nitaokiye kin i kin eciyatanhan kaken ehe cin ; Tokeca e Ikcewicašta kin oqoyapi, qa oyate kin taku ecinšniyan yukcanpi he.

26 Maka wicaštayatapi kin najin hiyaye ca, wicašta itancanpi kin witaya mniciyapi, Itancan

WICOWOYAKE 5.

kin en, qa Sdakiye ciqon he nakun.

27 Awicakehan Jesus Nicinksi wakan sdayakiye ciqon he en, Herod, qa Pontiyos Pilate, Ikce-wicašta, Israel oyate ko mniciyapi;

28 Ehanna taku, ninape nitawacin ko on, econ yakonze ciqon, he ecen econpi kta heon etanhan.

29 Unkan nakaha, Itancan, token wakokipe unkiagapi kta tamunkiyapi kin he wanyakawo; qa nitaokiye kin nioie nina waditagya oyakapi kta e wicaquwo;

30 Wawokiziya on ninape kin yahdugate cin heon; qa Jesus Nicinksi wakan caje kin on taku wapetokeca, qa on yusinyayapi kte cin hena econpi kta.

31 Unkan wocekiye eyapi, hehan tukten witaya yukanpi kin he yuhuhuzapi, qa owasin Woniya Wakan kin on ojupidan, qa Wakantanka oie kin waditagya oyakapi.

32 Unkan wicota wicadapi kin hena wicacante wanjidan wicanagi wanjidan ko yuhapi; qa taku tonpi kin tuwedan, De mitawa ce, eye sni; tuka taku owasin witaya yuhapi.

33 Unkan yewicašipi kin hena wowašake tanka on Jesus Itancan piya ikicage cin he oyakapi; unkan wowašte tanka owasin en un.

34 Unkan hena tuwedan takudan icakije sni unpi: tuka tona maga, qa tipi yuhapi qon hena wiyopekiyapi, qa taku wiyopeyapi kin on taku icupi kin he ahipi,

35 Qa yewicašipi kin siha hdepi kin en ehnakapi: unkan wicašta otoiyohi taku token cinpi kin hecen pamni wicaqupi ece.

36 Unkan Joses, he yewicašipi kin Barnabas, eya cajeyatapi qon, Wicakicanpte cinhintku kin, eyapi kin he kapi, Lewi wicowazi qa Kupros makoce kin etanhan;

37 Hee makoce onšpa hduhe cin wiyopekiye qa mazaska kin hdohi, qa yewicašipi siha hdepi kin en ehnaka.

WICOWOYAKE 5.

1 Tuka wicašta wan Ananias eciyapi, tawicu Sapphira kici, maga wan wiyopekiye;

2 Qa mazaska apa anakilibe, tawicu kin is nakun sdotkiya; unkan apa ahi, qa yewicašipi kin sihapi kin en ehnaka.

3 Tuka Inyan heciya; Ananias, tokeca e Woniya Wakan kin oiyaton kte sni e Satan nicante kin en ocowasin iyolipaya, qa maga iyoheyapi kin apa anayakiliman he;

4 Nahalin ecen un qon he ehan yahduhe sni he; qa wiyopekiyapi kin he ehan nakun nitawa sni he. Tokeca nicante ekta hecen econ wacani he. Wicašta akantu kin hee sni, tuka Wakantanka en iyatonšni ce.

5 Unkan Ananias hena oie kin nahon qehan, hinlipaye qa ta iyaya. Unkan tona hena taku kin nahonpi kin owasin nina wikipapi.

6 Unkan koška kin najinpi, qa opazuntapi, qa tankan ayapi, qa liapi.

7 He iyohakam wihiyayedan oape yamni, hehan tawicu kin taku econpi qon sdonye sni ecen tin hiyu.

8 Unkan Inyan heciya; Kana on maga iyoheyakiyapi he, omakiyaka wo. Unkan is; Han, kana on, eya.

OHANYANPI QON.

9 Unkan Inyan; Token on sakim Itancan Taniya kin iyu-tanyayapi kta ecen wacinduzapi he. Wanyaka wo, tona nihihna hapi kin hena sihapi kin tiyopa kin en najinpi, qa niye nakun tankan aniyampi kta, eciya.

10 Hehan is eya hecehnana iye siha kin ekta hinhpaye ca ta iyaya. Unkan koskapi qon en hiyupi, qa wanna ta e wanyakapi, hehan is eya tankan ayapi, qa hihnaku kin kici hapi.

11 Unkan okodakiciye kin owasin, qa tona hena taku kin nahonpi owasin nina wikopapi.

12 Unkan yewicasipi kin napepi kin on oyate kin en wowinihan wicohan qa wowapetokeca ota econpi. Unkan owasin wicacante wanjidan yuha Solomon omanipi tawa kin ohna yukanpi.

13 Qa wicašta tokeca tuwedan en owicapa okihi šni, tuka oyate kin wicakinihanpi.

14 Qa tona wicadapi kin sanpa ota Itancan kin en opapi, wica winyan ko wicota.

15 Hecen tona wicayazan kin hena tankan awicaupi, qa canku otoiyohe ohna, ohehdepi qa owinja ko akan ahiwicahnakapi, Inyan hen hiyaye cinhan hunhi ohanzi wicaye kte cin heon.

16 Unkan, otonwe itan ihdukšan kin hena etanhan wicota Jerusalem en hipi, qa tona wayazanpi, tona taku wakan šica wicayuhnaškinyanpi ko en awicahipi; unkan owasin asnipi.

17 Hehan wošna kagapi itancan kin najin hiyaye ca, tona om un kin, Saddukee wicowazi kin etanhanpi, hena winawizipi on ojupidan;

18 Qa nape on yewicasipi kin iyawicalipayapi, qa wicakaška

tipi ikceka kin ohna ewicahnakapi.

19 Tuka Itancan taohnihde ye cin he hanyen wicakaška tipi tiyopa kin yuzamni, qa tankan awicau qa heya;

20 Hunktiya po, tipi wakan kin ohna inajinpi qa wiconi kin de wicoie kin owasin oyate kin owicakiyaka po.

21 He nahonpi, unkan hanhan na hin tipi wakan kin timahen yapi, qa wowicakiyakapi. Hehan wošna kagapi itancan, qa tona om un kin hena witaya iheyapi, qa omniciye tanka kin mniciye wicaši, Israel cinca hunkawicayapi kin owasin koya; unkan wicakaška tipi kin ekta wicahuweye wicašipi.

22 Tuka akicita kin wicakaška tipi kin en hipi, qa iyewicayapi šni, hehan hoši hdapi;

23 Qa heyapi; Awicakehan wicakaška tipi kin sutaya onatakapi ecen iyeunyanpi, qa tiawanyag wicakiyapi kin tiyopa kin itokam najinpi; tuka unyuhdokapi qehan, tuwedan en wanunyakapi šni.

24 Unkan wošna kagapi itancan, qa tipi wakan en itancan kin, wošna kagapi kin hena koya, hena wicoie kin nahonpi qehan, he toketu kta hecinhan iyukeanpi šni.

25 Hehan wanji en hi qa; Iho, wicašta wicakaška tipi kin en ewicayahnakapi qon hena tipi wakan kin ohna inajinpi qa oyate kin waonspewicakiyapi ce, eya owicakiyaka.

26 Hehan akicita tancan kin akicita ko ekta yapi qa iwaštedan awicaupi, oyate kin inyan on wicakininpi kta e kokipapi heon etanhan.

27 En awicahipi qa omniciye kin wicacokaya najin wicakiya-

WICOWOYAKE 6.

pi; unkan wośna kagapi itancan kin wiwicawanga,

28 Qa heya; Wicacaje kin de on wowicayakidakapi kte śni, nina unkeniciyapi śni he; unkan iho, woonspe nitawapi kin on Jerusalem ojudan yayapi, qa wicaśta kin de we kin en unkayau-pi kta wacannipi.

29 Hehan Inyan, yewicaśipi kin om, awicayupte ça heya; Wicaśta akantu hee śni, tuka Wakantanka hee e anaungo-ptanpi kta iyececa.

30 Jesus yaktepi qa can akan otkeyayapi qon he atewicunyan-pi ta Wakantankapi kin hduece-tu :

31 Hee kin Wakantanka wan-kan ehdaku, iye nape etapa kin ekta Itancan qa Wanikiya un kta, Israel ihduecetupi qa wo-ħtani kajujupi kin wicaqu kta e heon.

32 Unkan unkiye, iye on, wi-coie kin hena unkoyakapi ece, qa Woniya Wakan tona Wakan-tanka anagoptanpi wicaqu kin, he is eya hena yuotanin ece.

33 He nahonpi qehan cante-ptanyanpi, qa tewicayapi kta e akiiapi.

34 Hehan Pharisee wan Gama-liel eciyapi, woope waonspekiya, qa oyate kin en okinihan, he om-niciye kin en najin, qa yewicaśi-pi kin cistiyedan tankan aye wi-caśi :

35 Qa hehan hewicakiya; Is-rael wicaśta, wicaśta kin dena taku ecawicakicon wacannipi kin he itonpa po.

36 Anpetu kin dena itokam Thudas icaga, he taku wicaśta keiçiya; unkan wicaśta opawin-ge topa ecetu ihakam yapi; tu-ka he iye ktepi, qa tona wicada-pi qon owasin enanakiya iyewi-cayapi qa takuni śni aya.

37 Qa he iyohakam Judas Gal-ile etanhan, owicawapi anpetu kin he ehan inajin, qa oyate ota ihakamawicaya; he nakunihang-yapi, qa tona wicadapi qon owa-sin enanakiya eyaya.

38 Heon nakaha heciciyapi; Wicaśta kin dena wiciħeyata najinpi, qa awicayuśtan po; wo-konze qa wicohan kin de wica-śta akantu kin etanhan hecinhan atakuni kte śni;

39 Tuka Wakantanka eciyatan-han un kinahan, yujuju oyakihi-pi śni; okinni Wakantanka kici yeciza dukanpi kta naceca, eya.

40 Unkan he anagoptanpi, qa yewicaśipi kin wicakipanpi, qa wicakapsinsintapi qehan, Jesus caje kin on woyake śni wicaśi-pi, qa wicakiyuśkapi.

41 Unkan iye omniciye kin etanhan hdapi, qa *Jesus* caje kin on wowištece en awicaupi iye-ceca wicayawapi kin heon wi-yuśkinpi.

42 Qa anpetu otoiyohi tipi wa-kan kin ohna, qa tipi iyaza wa-hokonwicakiyapi, qa *Jesus* Mes-siya oyakapi ayaśtanpi śni.

WICOWOYAKE 6.

1 Unkan anpetu kin hena en, waonspewicakiyapi kin wanna wicota aya qehan, Helenes He-brew oyate kin wicabapi, anpe-tu otoiyohi wapamnpi kin en wiwazica wicayuhapi kin hena awicatonwanpi śni kin heon etan-han.

2 Hehan akenonpapi kin waon-spewicakiyapi kin owasin wica-kicopi qa hewicakiyapi; Wa-kantanka oie kin unkayuśtanpi, qa wahna wotapi wiyeya eun-ħnakapi kte cin hecetu śni.

3 Heon hunkawanjin unniyanpi enitanhanpi wicaśta owotanna

OĤANYANPI QON.

yawapi, qa Woniya Wakan wicoksape ko on ojupidan šakowin wicakalniga po, wicoĥan kin de yuhe wicunkiyapi kta.

4 Tuka unkiye qe cekiyapi qa wicoie oyakapi kin en ohinniyan ye unkičiyapi kta ce.

5 Unkan wicoie kin he oyate kin owasin iyokipipi; qa Stephanos, wicašta wan wacinyanpi Woniya Wakan ko ojudan, kin he kaĥnigapi, qa Philip, qa Procoros, qa Nikanor, qa Timon, qa Parmenas, qa Nikolas Antiyoka ekta en opekiyapi qon.

6 Hena yewicašipi kin wicacokaya ewicahdepi; unkan wocekiye eyapi, hehan nape on awicaputakapi.

7 Unkan Wakantanka oie kin icage ča Jerusalem en waonspewicakiyapi kin nina ota aya; qa wošna kagapi kin ota nakun wacinyanpi kin en opapi.

8 Unkan Stephanos wowacinye wowašake ko on ojudan, taku on yušinyayapi, qa wapetokeca tanka econ, oyate kin en.

9 Unkan wicašta wanjikji omniciye tipi wan, Wicakiyuškapi tawapi eciyapi kin hetanhan, qa Kurene qa Aleksandre wicašta kin, qa Kilikia qa Asia etanhanpi, hena en inajinpi qa Stephanos kici hdokinicapi.

10 Tuka Woksape Woniya ko on ie cin he okihihi šni.

11 Hehan wicašta opewicatonpi, unkan hena e, Wicašta kin de Moses qa Wakantanka nakun wicoie šica ewicakiya, naunĥonpi ce, eyapi.

12 Hecen oyate kin, qa hunkawicayapi, wowapi kagapi ko iyo-wicapaštakapi; unkan anatanhipi, qa yuzapi, qa omniciye kin en ahipi.

13 Qa oitonšni waayatanin kin heca najin wicakiyapi; hena iš

heyapi; Wicašta kin de tipi wakan kin de wicoope ko on taku šica eye cin ayaštan šni.

14 Jesus Nazareth etanhan qon he tipi kin de ihangye ča, wicoĥan Moses unqupi qon hena yutokeca kta ce, eya naunĥonpi ce.

15 Unkan omniciye kin en iyo-tankapi kin owasin opaĥta yukanpi, qa ite kin he maĥpiya ohnihde wan ite kin iyececa wanyakapi.

WICOWOYAKE 7.

1 Hehan wošna kagapi itancan kin heya; Hena hecetu he.

2 Unkan iye hehan heya; Wicašta hunkawanjinciyapi, ateci-yapi ko anamagoptan po. Wowitan Wakantanka kin, Abraham ateunyanpi Mesopotamia en ounye ciqon, Carran en ahiti kin he itokam, en ikpazo;

3 Qa heciya; Nita makoce qa nitakuye kin etanhan ya wo, qa makoce wan cicipazo kte cin he ekta u wo, eciya.

4 Hehan Kaldeya makoce kin etanhan hiyu qa Carran en ahiti. Hen atkuku kin ča, unkan hetanhan makoce kin en nakaha oununyanpi kin den ahi ti.

5 Unkan tawa kte cin siha oahe kin hinskokeca qu šni, tuka he yuhe kta qa iyohakam cinca kin yuhapi kta e qu kta iwahoya; nahahin cinca wanica.

6 Unkan Wakantanka kaken eya; He cinca kin makoce tokeca en unhdaka unpi kta; unkan hen wowidake wicayuhapi, qa waniyetu opawinge topa hehanyan šicaya wicakuwapi kta.

7 Qa oyate kin hena wowidag wicayuhapi kte cin he wicamdaco kta; qa he iyohakam etanhan hiyupi kta qa makoce kin

WICOWOYAKE 7.

den ohomadapi kta ce, Wakan-tanka eya.

8 Hehan bakiñdayapi wicoope kin he qu. Unkan hecen Isaak cincaya, qa anpetu isahdogan hehan bakiñdaya. Isaak Jakob cincaya; qa Jakob hunkake-wicayapi akenonpapi qon cin-cawicaya.

9 Unkan hunkakewicayapi qon Joseph inakiwizipi, qa Egipta ekta wiyopekiyapi. Tuka Wakantanka kici un;

10 Qa wokakije kin owasin etanhan ehdaku, qa Pharo Egipta wicaštayatapi kin itokam wowaonśida woksape ko qu; unkan Egipta en wicašta itancan kaga, qa iye ti kin ocowasin en.

11 Hehan Egipta makece Kanan ko owancaya wicaakiñan, qa nina wicakakija; unkan hunkake wicunyanpi kin taku yutapi iyeyapi śni.

12 Tuka hehan Egipta heciya wamnaheza yukan, Jakob nahon, unkan hunkake wicunyanpi kin tokaheya ekta ye wicaši.

13 Unkan inonpa hehan, Joseph hunkawanjinwicaye cin sdonkiyewicakiye, qa hehan Joseph otakuye kin Pharo en oyakapi.

14 Hehan Joseph atkuku kin wahoye qa kico, qa takuwicaye cin owasin nakun, wicanagi wikcemna śakowin sanpa zaptan.

15 Hecen Jakob Egipta ekta apamahde iyaye qa hen ta, iye qa nakun hunkake wicunyanpi kin:

16 Unkan Sucem ekta awicayapi, qa wicahnakapi wan, Abraham Sucem atkuku Em-mor he cinca kin, mazaska on, opewicakicaton qon he en wicahnakapi.

17 Tuka anpetu wahoyapi, Wakantanka Abraham konza iwa-

hoye ciqon he wanna kiyadan u, hehan oyate kin icage qa Egipta en ihduotapi.

18 Hehan wicaštayatapi tokeca wan Joseph sdonye śni kin he icaga.

19 Unkan he qe takuwicunyanpi kin wicahnaye qa, hunkake wicunyanpi kin śicaya ecawicakicon, hecen hokśiyoqopa kin nipi kte śni e tankan ehpewicakiyapi qon.

20 He ehan Moses tonpi, he qe hokśiyopa owanyag wašte hincaya; unkan wi yamni hehanyan atkuku ti kin ohna icañkiyapi.

21 Qa tankan ehpeyapi, hehan Pharo cunwintku kin eyaku, qa iye cinca kin hecen icañya.

22 Unkan Moses Egipta oyate wicoksape kin owasin onspekiyapi, qa wicoie, wicoñan ko on waśaka.

23 Unkan wanna waniyetu wikcemna topa, hehan hunkawanjitku Israel cinca kin wanwicahdag ye kta wacinyuza.

24 Qa wanjī śicaya ecakiconpi kin he wanhdake çehan, okiye qa śicaya ecakiconpi qon he tokiciqon, qa Egipta wicašta kin kaštaka.

25 Hunkawanjitku kin, iye nape kin on Wakantanka wiconi wicaqu kte cin he iyukcanpi kta kecin, tuka okañnigapi śni.

26 Ihanñanna hehan ake kicizapi kin en taniniçiye qa woo-kiye wicakicage kta wacin qa heya; Wicašta hunkawanjin yeciyapi, tokeca śicaya ecayeciconpi he.

27 Tuka tuwe takodaku kin śicaya ecakicon kin he paha iye-ye qa, Tuwe unkiyepi en wicašta itancan qa wayaco nicaga he.

28 Egipta wicašta itanihan yakte qon he iyecen mayakte kta he, eya.

OHANYANPI QON.

29 Wicoie kin de on Moses nape ça Madiyan makoce kin en hewotahedan un, qa hen hoksídan nom cinca wicaya.

30 Unkan wanna waniyetu wikcemna topa ihunniyan, hehan hewoskan makoce kin en Sina Paha kin hetu, can yuñaha wan ohna peta ide kin en, Itancan taohnihde wan taniniçiya.

31 Unkan Moses he wanyake cehan, wowanyake kin on yušinyaya; qa tanyan wanyake kta e on kiyedan ya, hehan Itancan ho kin en tanin;

32 Qa, Nihunkake Wakantanka tawapi kin he miye; Abraham ta Wakantanka, Isaak ta Wakantanka, qa Jakob ta Wakantanka kin, eya. Unkan Moses cancan qa ekta etonwan okihi šni.

33 Unkan Itancan kin heciya; Nitahanpe kin hdušdoka wo, tukten nayajin kin he maka wakan ce.

34 Ekta ewatonwe ça, Egipta en mitaoyate token kakijapi kin he wanmdake ça commihdazipi kin nawahon, qa wicawakiyuške kta e on kun hibú; unkan nakaha u wo, Egipta ekta ye ciši kta.

35 Moses aktapi šni qa; Tuwe wicašta itancan qa wayaco nicaga he, eciyapi qon he Wakan-tanka wicašta itancan wanikiya ko kage ça ye ši, małpiya ohnihde can yuñaha kin en taniniçiye cin he nape kin on.

36 Unkan hee tankan awicau, qa taku on yušinyayapi wapetokeca ko, Egipta makoce kin en, Mde ša ekta, qa hewoskan makoce kin etu, waniyetu wikcemna topa hehanyan econ.

37 Moses Israel cinca kin; Hunkawanjin wicayayapi etanhan wicašta wokcan wan miye

iyemaceca, Itancan Wankantanka nitawapi kin icañniciciyapi kta, he anayagoptanpi kta ce, ewicakiye cizon he dee.

38 Qa hewoskan makoce kin ekta okodakiciye kin kici un qon hee, Sina paha kin etu, małpiya ohnihde kin okiye ça nakun hunkake wicunyanpi kin; qa he wiconi oie kin unqupi kta e icu.

39 Unkan hee kin hunkake wicunyanpi kin anagoptonpi cinpi šni, tuka heyata iyeyapi, qa can-tepi kin en Egipta ekta hdapi.

40 Qa Aaron heciyapi; Taku wakan unkitokam yapi kte cin unkiaga po; Moses Egipta makoce kin etanhan unkaupi qon he tokiya iyaya sdonunyanpi šni ce.

41 Unkan anpetu kin hena en ptejicadan wan kagapi, qa wakagapi kin he taku wakiyušnapi, qa iye nape kagapi kin on wiyuškinpi.

42 Hehan Wakantanka ihduhomni, qa małpiya ohnaka kin ohodapi kta e awicayuştan; wicašta wokcan tawowapi en kagapi kin he iyececa; Israel ti kin woteka ktepi wošnapi ko, hewoskan makoce kin en, waniyetu wikcemna topa hehanyan mayaqupi he.

43 Unkan ito Molok tawakeya kin, qa Remphan taku wakan yadapi wicanłpi tawa kin he iyacupi; hena wakagapi kin itokam canpeška makehde inayajinpi kta e yakagapi: Unkan ito Babulon akotanhan aciyapi kta ce.

44 Hunkake wicunyanpi kin hewoskan makoce kin en waaya-tanin wakeya kin yuhapi; tuwe Moses okiye ça, token wanyake cin he iyecen kage kta keciye cizon, hee yuştan qon iyececa.

WICOWOYAKE 8.

45 He hunkake wicunyanpi kin icupi, qa Joshua kici Ikcewicašta tamakoce kin en ahipi, hena e Wakantanka hunkake wicunyanpi itepi kin etanhan heyata iyaye wicaya, Dawid taanpetu kin hehanyan;

46 He Wakantanka itokam wowaonsida iyeye ça, Jakob ta Wakantanka kin tipi wan iye-kiciciye kta cin.

47 Tuka Solomon tipi wan kicaga.

48 Hececa tuka, Iyotan Wankan un kin tipi wicanape on kagapi kin ohna ti šni; wicašta wokcan hecen eye cigon;

49 Malpiya kin he oiyotanke mitawa kin ee, qa maka kin he misiha oahe kin hee; ecin tukte tipi miyecagapi kta he, qa tukten ozimiciye kta he.

50 Minape kin taku henana owasin kage šni he, Itancan kin eya ce.

51 Tahu nisutapi, qa cante nonge ko banicihdayapi šni kin, ohin-niyan Woniya Wakan kin yakipajinpi, nihunkakepi econpi qon he niye iyenicecapi.

52 Wicašta wokcan kin tukte wanji e nihunkakepi kin šicaya kuwapi šni he. Wanji Owotanna un kin he u kte cin tona oyakapi qon hena wicaktepi; qa he qe niš niyepi wanna iyoheyayapi qa yaktepi.

53 Malpiya ohnihde ahipi kin he eciyatanhan woope kin iyacupi, tuka tanyan yeciyuhapi šni ce, eya.

54 Unkan hena taku kin nahonpi hehan, cante kin ekta nina iyoyakapi, qa hi ahdakokokapi.

55 Tuka iye Woniya Wakan kin ojudan malpiya ekta opalita yanke ça, Wakantanka towitan kin, qa Jesus Wakantanka etapa

kin eciyatanhan najin e he wan-yaka;

56 Qa heya; Wanyaka po, malpiya kin yuzamnpi, qa Wicašta Cinhintku kin Wakantanka etapa kin eciyatanhan najin e wanmdaka ce, eya.

57 Hehan hotankakiya hotaninpi, qa nogepi kin ohmus hduzapi, qa tawacin wanjidan on iyahipayapi;

58 Qa otonwe kin tankan elpeyapi, qa inyan on kininpi. Unkan waayataninpi kin wokoyake kin koška wan, Salos eciyapi, he siha kin en ekihnakapi.

59 Unkan Stephanos inyan on kininpi, he icunhan cekiye ça heya, Jesus Itancan, minagi kin ehdaku wo.

60 Hehan canpeška makehde inajin qa hotankakiya hoyekiya; Itancan woalitani kin de iyepi kin en awicau šni wo. Hena hecen eye ça hehan iştinma iya-ya.

WICOWOYAKE 8.

1 Unkan he ƣe cin Salos iyo-winkiya. Unkan anpetu kin he en okodakiciye Jerusalem en un kin šicaya wicakuwapi tanka. Qa owasin Juda makoce qa Samaria ekta enanakiya iyewicayapi, yewicašipi kin henana yapipi šni.

2 Unkan wicašta awacin unpi kin heca Stephanos yuha ayapi, qa nina akiceyapi.

3 Tuka Salos okodakiciye kin yutakuni šni wicakuwa, tipi iya-za tin iyaye ça, wica winyan ko wicayuze ça, wicakaška tipi kin en iyewicaya.

4 Heon etanhan tona enanakiya iyayapi qon hena owancaya iyayapi, qa wicoie kin oyakapi ece.

5 Hehan Philip Samaria oton-

OHANYANPI QON.

we kin ekta apamahde iyaye ça, Messiya owicakiyaka.

6 Unkan oyate kin Philip taku wapetokeca econ kin nahonpi qa wanyakapi qehan, taku tona oyake cin cante wanjidan on anagoptanpi.

7 Taku wakan síca hotankakinya hotaninyan tona wicayuhnaškinyanpi kin etanhan inanpapi, qa tona taťapike cin huštepi ko ota okizipi.

8 Unkan otonwe kin he en wi-yuškinpi tanka.

9 Unkan wicašta wan Simon eciyapi, otonwe kin he en wanakaja tanhan wapiyapi econ, qa Samaria oyate kin yušinyewicaye ça, iye wicašta tanka kei-çiya.

10 He owasin anagoptanpi, ci-stinpidan tankinkinyan ko, qa; Wakantanka towašake tanka kin he dee ce, eyapi.

11 Wanakaja tanhan wapiyapi econ kin on yušinyewicaye cin heon he anagoptanpi.

12 Tuka Wakantanka tokiconze kin, qa Jesus Messiya caje kin eciyatanhan taku Philip oyake cin hena wicadapi qehan baptem wicaqupi, wica winyan ko.

13 Qa Simon is eya wicada, qa baptem qupi; hehan Philip kici un, qa wowakta taku wapetokeca tanka ko wanyake cin heon yušinyaya.

14 Unkan Jerusalem ekta yewicašipi kin, Samaria Wakan-tanka oie kin icupi kin he nahonpi qehan, Inyan qa Johannes kici ekta ye wicašipi.

15 Hena e ekta apamahde hipi, qa Woniya Wakan icupi kta heon wocekiye ewicakiciyapi.

16 He nahalin tuwedan ahinhe šni, Jesus Itancan caje kin on baptem wicaqupi kin hecedan.

17 Hehan nape on awicaputakapi, unkan Woniya Wakan kin icupi.

18 Unkan yewicašipi kin nape on awicaputakapi kin he eciyatanhan Woniya Wakan wicaqupi kin he Simon wanyaka, hehan mazaska wicakahi;

19 Qa heya; Tuwe nape on awaputake cinhan he Woniya Wakan icu kta e wowašake kin he maqu po.

20 Tuka Inyan heciya; Mazaska nitawa kin niye kici atakuni šni nunwe. Taku Wakan-tanka wicaqu ece kin he mazaska on opetonpi kta kecanni kin heon etanhan.

21 Wicoie kin de en oyape šni qa takudan nitawa šni; Wakan-tanka itokamya nicante kin owotanna šni.

22 Heon etanhan taku síce cin de on iyopeiçiye ça, Wakantanka cekiya wo, nicante taku awacin kin nicicajujupi nun ce.

23 Nahanlin pizi pa hinca, qa woahťani icaške kin en yaun e wanmdaka ce.

24 Hehan Simon ayupte ça heya; Taku ehapi kin takudan mahiyahde kte šni heon niš ito miye on Itancan kin cekiya po.

25 Unkan wanna yaotaninpi, qa Itancan oie kin oyakapi qehan, Jerusalem ekta icicawin hdapi, qa Samaria otonwe ota kin en wotanin wašte kin oyakapi.

26 Unkan Itancan taohnihde ye cin Philip okiye ça heciya; Najin qa itokalikiya, canku wan Jerusalem hetanhan iyaye ça Gaza en iyolipaye cin he en i wo, he hewoskan kin ee.

27 Hehan iye najin, qa iyaya. Unkan iho, Ethiopia wicašta wan yunokos heca, Ethiopia wicašta-

WICOWOYAKE 9.

yatapi winohinca, Kandake eciyapi, he ihukuya wicašta tanka, qa woyuha tawa kin owasin kiciyuha un kin, he Jerusalem ekta cekiye kta e i.

28 Qa he wanna hde ça canpahmihma ohna kiyotanke ça, Isaya wicašta wokcan kin he yawa yanka.

29 Unkan Woniya Wakan kin Philip heciya; Ekta ye ça canpahmihma kin de kici ya wo.

30 Hehan Philip ekta inyang ye ça Isaya wicašta wokcan kin yawa yanke cin he nahon qa; Taku dawa kin he oyakañniga he, eciya.

31 Unkan; Tuwedan onspemakiye šni ecin token owakihi kta he, eye ça, Philip en u qa kici iyotanke kta, keya.

32 Wowapi yawa yanke cin iapi kin he dee; Tahinca wan ktepi kte cin en aipi, qa tacinca-dan hin wicayuşda kin itokam inina yanke cin, he iyecen is iye i hdukawa šni.

33 Wicawahpanica en un qehan, yacopi kin he ekiciyakupi; qa wicoicage tawa kin tuwe oyake kta he; wiconi tawa kin maka kin etanhan ayapi ce.

34 Hehan yunokos kin Philip ayupte ça heciya; Ceciciya ce, tuwe on wicašta wokcan kin hena hecen eya he, iye içica qa is wicašta tokeca ka.

35 Hehan Philip i hdukawa qa wowapi kin he etanhan ie ça Jesus e okiyaka.

36 Unkan canku kin ohna hda-pi, qa mini yuke cin wan iyohipi. Hehan yunokos kin; Mini wan-yaka wo, baptem maqupi kta e taku tehinda kta he, eya.

37 Unkan Philip, Nicante kin ocowasin on wicayada kinhan enicicetu kta, eciya. Hehan is ayupte ça; Jesus Messiya he

Wakantanka Cinhintku kin ee wicawada ce, eya.

38 Hehan canpahmihma kin owanji yanke si; qa mini kin ekta kun iyayapi, Philip qa yunokos kin; unkan baptem qu.

39 Unkan mini kin etanhan hdicupi qehan, Itancan Taniya kin. Philip eyaku, qa yunokos kin ake wanyake šni; unkan canku kin ohna iyuşkinyan hda.

40 Tuka Philip Azotos ekta iyekiyapi; qa otonwe kin owasin opta ye ça wotanin wašte kin oyaka, ecen Kesareya ekta iyohi.

WICOWOYAKE 9.

1 Unkan Salos waaiapi tin wicaktepi ko Itancan waonspewicakiye cin awicapogan, woşna kagapi itancan kin en i;

2 Qa Damaskos en omniciye tipi kin ekta wowapi da; hecen canku kin de ohna yakonpi kin tona iyewicaye kte cin, wica winyan ko, Jerusalem ekta kaška awicahdi kta e heon.

3 Unkan icimani ye cin Damaskos ikiyedani ya; unkan ihnuhanna ojanjan wan mahpiya eciyatanhan ihdukšan iyoyanpa.

4 Hehan makata hinhpaye cehan, wicaho wan nahon, Salos, Salos, tokeca şicaya mayakuwa he, eciya.

5 Unkan is; Itancan nituwe he, eya. Hehan Itancan kin is; Jesus şicaya yakuwa kin he miye; can pesto kin nayahitake cin he tehika ce, eya.

6 He cancan qa yuşinyaye ça; Itancan taku ecamon yacin he, eya. Unkan Itancan kin; Najin qa otonwe kin ekta ya wo, token ecanon kte cin oniciyakapi kta ce, eciya.

7 Unkan wicašta om icimani kin yuşinyaya najinpi, wicaho

OHANYANPI QON.

kin nahonpi tuka tuwedan wan-yakapi šni.

8 Unkan Salos maka kin etanhan najin qa išta kamdaya hehan, tuwedan wanyake šni; unkan nape on yus ayapi, qa Damaskos ekta aipi.

9 Unkan anpetu yamni wawan-yake šni un; qa takudan yute šni qa yatke šni.

10 Unkan Damaskos en waonspekiyapi wan, Ananias eciyapi, he wowihanmde en Itancan kin; Ananiās, eciya. Unkan is; Itancan, de miye ce, eya.

11 Hehan Itancan kin heciya; Najin qa canku wan Owotanna eciyapi kin he ekta ye ça Judas ti kin en Salos eciyapi, Tarsos etanhan he akita wo; wanna cekiya un;

12 Qa wowihanmde wan en wicašta wan Ananias eciyapi tin hiyu, qa tonwe kta e on nape on aputake cin he wanyaka ce.

13 Hehan Ananias ayupta; Itancan, wicota etanhan wicašta kin he Jerusalem ekta, tona owotanna wicaduhe cin taku šica ecawicakicon kin hena nawa-hon;

14 Qa deciya nakun wošna kagapi kin eciyatanhan wowašake yuha un, tona nicaje hoyekiyapi kin hena owasin wicakaške kta ce, eya.

15 Tuka Itancan kin is heciya; Hunktiya wo, wakšica wakalni-ge cin he wanji ee, micaje kin lkeewicašta, qa wicaštayatapi kin Israel cinca ko itokam yuha un kta:

16 Qa micaje kin on taku token kakije kte cin he wakipazo kta ce, eya.

17 Hehan Ananias ye ça, tipi kin timahen iyaye ça, nape on aputake ça heya; Salos mihunkawanji, yatonwe ça Woniya

Wakan on onijudan kta e Itancan kin u maši; Jesus canku ohna yau kin en taniničiye ci-qon hee.

18 Unkan ihnuhanna taku hocēpu kin iyececa išta kin etanhan hinłpaya; unkan ecahankeya tonwe ça najin, qa baptem qupi.

19 Unkan taku yutapi icu qehan, wašaka aya. Unkan Salos anpetu tonana waonspewicakiyapi kin, Damaskos en yakonpi, hena om un.

20 Qa kohanna omniciye tipi kin ohna Messiya he Wakantan-ka Cinhintku kin ee ce, eya oya-ka.

21 Unkan tona nahonpi kin owasin yušinyayapi qa heyapi; Jerusalem ekta tona wicacaje kin de hoyekiyapi kin šicaya wicakuwa, qa nakaha wicakaške ça, wošna kagapi kin ekta awicaye kta e on den hi kin he dee šni he.

22 Tuka Salos sanpa wašaka icage ça Juda wicašta Damaskos ekta yakonpi kin hena inina yan-ke wicakiye ça, He Messiya kin ee e yawicaka.

23 Wanna anpetu ota hehan Juda oyate kin he ɛe yapi kta e akiiapi.

24 Tuka hecen konzapi kin he Salos sdonya. Unkan ktepi kta e anpetu hanyetu ko otonwe tiyopa kin awanhdakapi.

25 Hehan waonspewicakiyapi kin hanyen icupi, qa makanopiye wan ohna otonwe conkaške kin etanhan kun iyeyapi.

26 Unkan Salos Jerusalem en hdi qehan, waonspewicakiyapi kin om un kta cin; tuka owasin kokipapi, qa wanna waonspekiyapi kin heca e wicadapi šni.

27 Tuka Barnabas he icu, qa yewicašipi kin en ahi, qa token

WICOWOYAKE 10.

tahepi Itancan kin wanyake ça, he okiye ça, token Damaskos ekta Jesus caje kin on waditagya oyake cin hena owicakiyaka.

28 Unkan Jerusalem ekta om un, qa timahen u qa tankan ya ece; qa Jesus Itancan kin on waşagya woyaka.

29 Qa Helenes oyate kin om hdokinica. Tuka hena ege he ktepi kta akitapi.

30 Hunkawanjin kiciyapi kin he sdonyapi, unkan Kesareya ekta aipi, qa Tarsos heciya hde şipi.

31 Hehan okodakiciye kin Juda makoce kin owancaya, qa Galile, qa Samaria ekta wookiye yuhapi, qa icagapi; qa Itancan kin kokipeyahan manipi, qa Woniya Wakan wicakicanpte cin en *unpi*, qa hecen ihduotapi.

32 Unkan Inyan *makoce* kin owasin opta iyaye çehan, Ludda ekta wicaşta owotanna yukanpi kin hena en wicahiyohi.

33 Qa wicaşta wan Eneas eciyapi hen wanyaka; he waniyetu şahdogan makan wanka, taţaka ececa.

34 Unkan Inyan; Eneas Jesus Messiya asniniyan, najin qa owinja hdatata wo, eciya. Unkan ihnuhanna najin hiyaya.

35 Unkan tona Ludda qa Saron en yakonpi kin owasin he wanyakapi, qa Itancan kin ekta ihduhomnipi.

36 Unkan Joppa ekta waonspekiyapi wan Tabitha eciyapi, he Tatokadan eyapi kin he kapi; winohinca kin he ohan waşte qa taku wacantkiya econ kin ojudan:

37 Unkan he anpetu kin hena en wayazanka, qa ta iyaya. He yujajapi qehan, wankan tipi wan ekta ehnakapi.

38 Unkan Ludda Joppa ikiyedan, qa Inyan hen un kin waon-

spewicakiyapi kin nañonpi qon, heon wicaşta nom ekta ye wicaşipi, qa ecadan en wicau kta e iwahoyapi.

39 Hehan Inyan najin qa hena om hda. Ekta i, unkan wankan tipi kin en aipi, unkan wiwazica kin owasin en najinpi, qa ohde wokoyake ko, Tabitha ni un qehan, kage ciqon hena pazo yan-kapi, qa ceyapi ece.

40 Tuka Inyan hena, owasin tankan iyewicaye ça, canpeşka makehde inajin qa wocekiye eya, hehan tancan wanke cin ekta ihdamna qa; Tabitha, najin wo, eya. Unkan iştakamdaye ça Inyan wanyake çehan iyotanka.

41 Unkan nape yekiye ça najinkiya; qa wicaşta owotanna wiwazica ko wicakico qehan, he ni un e wicakipazo.

42 Unkan Joppa owancaya he otanin, qa wicota Itancan kin wacinyanpi.

43 Unkan Inyan anpetu ota Joppa en, wicaşta wakpanyan wan Simon eciyapi, he kici yan-ka.

WICOWOYAKE 10.

1 Unkan Kesareya en wicaşta wan Kornelios eciyapi, akicita opawinge obe wanjidan, Italike eciyapi, kin he en itancan kin hee;

2 Wicaşta wakinihan, qa Wakantanka kokipeyahan un, tiyohnaka kici; qa oyate kin nina cantewicakiya, qa ohinniyan Wakantanka cekiya un ece.

3 He qe anpetu wan en, napeinwanka apa hehantu, wowanyake wan en, Wakantanka tao-hnihde wan en hi, qa, Kornelios, eciye cin he taninyan wanyaka.

4 Unkan he opařta yanke ça inihan qa; Itancan taku he, eya.

OHANYANPI QON.

Unkan is ito heciya ; Wocekiye nitawa qa wacantkiya oyahande cin he Wakantanka itokam kiksuyapi.

5 Heon nakaha Joppa ekta wicašta ye wicaši, qa Simon Inyan eciyapi kin he kico wo.

6 Wicašta wakpanyan-wan Simon eciyapi ti kin miniwanca kahda han, he kici yanka. He token ecanon kte cin oniciyake kta ce.

7 Unkan mahpiya ohnihde Kornelios okiye cin he wanna kihda, hehan tiawanyag wicakiye cin nom, qa akicita wašte ohinniyan tankiyadan wicahduhe cin wanjidan, hena wicakico ;

8 Qa hena taku kin owasin owicakiyake cehan, Joppa ekta ye wicaši.

9 Unkan icimanipi, qa ihanhanna wanna otonwe kin ikiyadan, hehan Inyan tipi kin akan wocekiye eya iyaya, wanna wiyotanhe cin hehantu.

10 Nina wotektehda, qa wote kta cin, tuka taku yutapi wiye-ya ehna kapi kin he icunhan wokiksuye šni wan ahinlipaya.

11 Unkan mahpiya kin yuzamnipi e wanyaka, qa heciyatanhan taku wan minihuha ska tanka iyececa, oise topa kin iciyakaškapi he kutkiya u, qa maka kin ahe kiyapi.

12 He ohna taku maka akan wahutopa ocaje owasin, qa woteka, qa watutka, qa mahpiya okinyanpi kin.

13 Unkan wicaho wan tanin qa ; Inyan, najin, qa kte, qa yuta wo, eciya.

14 Tuka is ; Itancan, hecetu šni, tohinni taku ikceka qa ašape cin wate šni ce, eya.

15 Unkan ake icinonpa wicaho kin tanin qa ; Taku Wakantan-

ka pakinte cin he ikceka eciye šni wo, eya.

16 Yamni akihde hecen econpi, qa hehan taku kin he mahpiya kin ekta akiyahdapi.

17 Unkan Inyan wowanyake wanyake cin he taku kin iyukcan šni un, he icunhan, ito wicašta Kornelios u wicaši qon hena Simon ti kin akitapi, qa wanna tiyopa kin itokam en hinajinpi ;

18 Qa panpi qa ; Simon Inyan eciyapi den yanka he, eya iwicawangapi.

19 Wowanyake kin he Inyan awakicin un kin he icunhan, Woniya Wakan kin heciya ; Wanyaka wo, wicašta yamni onidepi.

20 Heon najin qa kun hde ça, takudan cetunhda šni om ya wo, hena u wicawaši ce, eya.

21 Hehan Inyan wicašta Kornelios u wicaši qon hena ekta kun wicai, qa ; Tuwe ayakitapi kin he miye ce ; taku on yahipi he, ewicakiya.

22 Unkan is heyapi ; Kornelios akicita opawinge wicayuhe cin, wicašta owotanna, qa Wakantanka kokipeyahan un he Juda oyate kin iyulpa oyakapi, hee mahpiya ohnihde wakan wan okiye ça, tuwe nihuwe u wicaši, qa iye ti kin ohna nioie kin nahion kta, keya ce, eyapi.

23 Hehan tin u wicaši qa won wicaya. Unkan ihanhanna Inyan hena om hda, unkan Joppa etanhan hunkawanjinkiciyapi kin wanjikji opapi.

24 Unkan ihanhanna qehan Kesareya iyohipi. Unkan Kornelios tona takuwicaye ça koda wicaye cin hena wicakico, qa om ape yanka.

25 Unkan Inyan en u, hehan Kornelios itkokim ye ça, siha

WICOWOYAKE 10.

kin en makata ehpeiçiye ça ce-kiya.

26 Tuka Inyan is najin kiye ça; Najin wo, mis eya wima-çašta ce, eya.

27 Qa kici wohdaka ecen tipi kin timahen i, qa wicota mnici-yapi kin wanwicayaka.

28 Hehan hewicakiya; Tuwe Juda wicašta kin heca e oyate tokeca etanhan wan kici un, qa en hi kin he hecetu šni e sdon-yayapi, tuka tuwedan wicašta ikceka qa asape cin ewakiye kte šni he Wakantanka sdonye ma-kiya.

29 Heon etanhan mahuwe ipi kin ecen wacetunhda šni hibu, heon taku on miyecopi hecinhan he iciwangapi, eya.

30 Unkan Kornelios heya; Wanna ehantanhan anpetu topa he ehan, qa nakaha oape kin dehantu, wote šni waun, qa napcin-wanka ape cin hehan wati kin en cekiya waun; unkan wicašta wan wokoyake wiyatpa koyake cin he en mahinajin;

31 Qa, Kornelios wocekiye nitawa kin he nahonpi, qa taku wacantkiya ecanon kin he Wakantanka itokam kiksuyapi ce.

32 Heon Joppa ekta tuwe ye ši, qa Simon Inyan eciyapi kin he kico wo; he wicašta wakpanyan wan, Simon eciyapi, ti kin miniwanca kahda he cin he ohna yanka. He hi kinhan taku eniciye kta ce, eya.

33 Heon kohanna wahociya; qa yahi kin he tanyan ecanon. Heon nakaha unkiyepi kin owasin Wakantanka itokam unkanpi, taku Wakantanka eye niši kin owasin naunhonpi kta ce

34 Hehan Inyan i hdukawa qa heya; Awicakehan Wakantanka wicašta itohnake kin iwanya-ke šni e imdukean.

35 Tuka oyate otoiyo hi en, tuwe kokipecyahan un, qa owotan-na ohanye cin he waštaedaka ece.

36 Jesus Messiya kin, owasin en Itancan kin hee, he eciyatanhan wicoie Israel cinca kin wookiye iwahowicayapi qon.

37 Wicoie kin he sdonyayapi, Juda makoce kin owancaya oyakapi, Galile etanhan, Johannes baptem oyake cin hehan tanhan.

38 Jesus Nazareth etanhan kin he Wakantanka sdakiya, Woniya Wakan wowašake ko on; qa he qe taku wašte econ iyaya ece, qa tona taku wakan šica wicayuhnaškinyan kin hena okiziwicaya ece, Wakantanka kici un kin heon.

39 Qa taku Juda oyate tamakoce, qa Jerusalem ekta econ qon owasin unyaotaninpi ece. He iye kin ktepi, qa can wan akan otkeyapi qon.

40 Tuka anpetu iciyamni qehan Wakantanka piya icaškiye ça, taninyan wicakipazo.

41 Oyate kin iyuhpa šni, tuka tona otokaheya ekta Wakantanka wicakašnige cigon hena en, waayataninpi kin unkiyepi, wiconte etanhan piya ikicage cin iyohakam kici wauntapi qa wanyatkanpi ece.

42 Unkan oyate kin wahokonwicakiye unšipi qa nipi tapi ko en wayaco Wakantanka kage cin he iye ce, eya oyake unšipi.

43 He wicašta wokcan kin owasin oyakapi; iye caje kin eciyatanhan tuwe wicada kinhan woahitani wokajuju kin yuhe kta ce.

44 Wicoie kin dena Inyan ecen eye cin he icunhan, tona oie kin nahonpi owasin Woniya Wakan kin awicahinhpaya.

45 Unkan bakihdayapi kin etan-

OHANYANPI QON.

hanpi tona wicadapi qon, tona Inyan kici hipi kin hena yuſin-yayapi, Woniya Wakan wicaqupi ece kin he Ikcewicaſta iyepi kaeſ awicakaſtanpi kin heon etanhan.

46 Wicaceji tokeca on iapi, qa Wakantanka yatanpi kin he naſhonpi. Hehan Inyan waayupte a ;

47 Tuwe mini teſinda okihi, qa hena baptem wicaqupi kte ſni he ; hena ege unkiyepi kin iyecen Woniya Wakan kin icupice, eya.

48 Hehan Itancan aje kin on baptem wicaqu wicaſi. Hehan anpetu ota en yanke kta e icekiyapi.

WICOWOYAKE 11.

1 Unkan yewicaſipi kin hunkawanjinkiciyapi ko, Juda makoce kin en yakonpi qon, Ikcewicaſta Wakantanka oie icupi kin he naſhonpi.

2 Unkan Inyan Jerusalem en hdi kin, hehan tona bakiſhdayapi kin etanhanpi qon he kici akini-capi ;

3 Qa heyapi, Wicaſta bakiſhdayapi ſni kin heca en wicayai, qa om wayata ce.

4 Hehan Inyan wohdake a owasin ecekcen owicakiyake a heya ;

5 Joppa otonwe kin en, wockiye eya waun, unkan wokiksuye ſni wan en taku wowanyake wanmdaka, taku wan miniſhuha ſka tanka iyececa, oise topa kin iciyakaſkapi maſpiya kin eciyatanhan kun aupi, qa miye ekta mahiyohi.

6 He opahta manke a awacin waun, unkan maka akan taku wahutopa, qa wamanica, qa watutka, qa maſpiya okinyanpi kin wanmdaka.

7 Unkan wicaho wan ; Inyan najin, qa kte, qa yuta wo, emakiye cin he nawaſhon.

8 Tuka miſ ; Itancan hecetu ſni, taku ikceka qa aſape cin tohinmi mii kin ohna iyaye ſni, epa.

9 Tuka maſpiya kin eciyatanhan wicaho kin ake amayupta ; Taku Wakantanka pakinte cin he ikceka eciye ſni wo, eya.

10 Yamni akihde hecen econpi, qa hehan maſpiya kin ekta owasin hdokiyahdapi.

11 Unkan ito wicaſta yamni, Kesareya etanhan miye ekta mahiyu ſipi qon, hena wanna tipi ohna waun kin itokam hina-jinpi.

12 Hehan Woniya Wakan kin iſ ; Takudan ceſunwicahda ſni hena om yahde kta ce, emakiya. Unkan hunkawanjinkiciyapi kin dena ſakpe om imdamde a wicaſta qon he ti kin en unkipi.

13 Hehan iye, token maſpiya ohnihde wan iye ti kin en hina-jin wanyake ciqon he unkokiya-kapi ; hee kin kaken eciya ; Joppa ekta wicaſta ye wicaſi, qa Simon Inyan eciyapi kin he u ſi wo.

14 He taku eniciye kte cin on yani kta, qa nakun tiyohnaka nitawa kin owasin, eya ce, eya.

15 Unkan miſ tokaheya iwae cin, hehan Woniya Wakan kin awicahinſpaya, tokag ehan unkiyepi kin en hi qon iyececa.

16 Hehan Itancan oie qon weksuya ; Awicakehan Johannes mini on baptem wicaqu, tuka niyepi kin Woniya Wakan on baptem niupi kta ce, eye ciqon he.

17 Hecen unkiye Jesus Meſſiya Itancan kin wicaundapi, Wakantanka taku unqupi qon he iyecen wicaqu kinhan, miſ

WICOWOYAKE 12.

matuwe he, Wakantanka anawap-
te kta owakihi he.

18 Hena oie kin nahonpi un-
kan inina yukanpi qa Wakan-
tanka yatanpi qa heyapi; Awicakehan Ikcewicašta on nipi kta e ihduecetupi kin Wakantanka wicaqu ce.

19 Unkan Stephanos te cin on šicaya wicakuwapi qon, heon enanakiya iyewicayapi kin hena Phenike, qa Kupros, qa Antiyoka ekta ipi, qa wicoie kin Juda oyate kin ecedan owicakiyakapi.

20 Unkan hena wanjikji Kupros qa Kurene wicašta kin heca, hena Antiyoka en hipi qehan, Helenes wicašta kin wowicakiyakapi, qa Jesus Itancan kin oyakapi.

21 Unkan Itancan nape kin hena om un, qa wicota wicadapi, qa Itancan kin ekta ihduhomni-
pi.

22 Hena taku kin okodakiciye Jerusalem en un kin nogepi kin en otanin, hehan Barnabas Antiyoka ekta i kta e ye šipi.

23 He ekta i, unkan Wakantanka towaonsida kin wanyake çehan iyuškin, qa cante kin oco-
wasin on Itancan kin opapi kta e owasin iwahokonwicakiya.

24 He wicašta wašte, qa Woniya Wakan wacinyanpi ko on ojudan. Unkan wicota Itancan kin opapi.

25 Hehan Barnabas Salos akite kta e Tarsos ekta iyaya. He iyeya, unkan Antiyoka en ahdi.

26 Qa waniyetu mdoketu ahna, tipi wakan kin en mniciyapi, qa oyate ota waonspewicakiyapi; unkan Antiyoka ekta, waonspewicakiyapi kin tokaheya Kristian ewicakiyapi.

27 Unkan anpetu kin hena en, wicašta wokcan Jerusalem etanhan Antiyoka ekta hipi.

28 Hena wanji, Agabos eciyapi kin he inajin, qa maka kin owancaya wicaakihan wan tanka u kta e Woniya Wakan kin eciyatanhan oyaka. Unkan he Kla-
dios Kešar taanpetu kin en ece-
tu.

29 Unkan hehan waonspewicakiyapi kin otoiyohe, token okihipi kin, hecen hunkawanj itkupi Juda makoce kin en yakonpi kin, wawokiyapi kin wicaqupi kta e konzapi.

30 Hecen econpi, qa Barnabas Salos kici napepi kin on hunka wicayapi kin wicakai wicašipi.

WICOWOYAKE 12.

1 Unkan hehan Herod wicaštayatapi kin okodakiciye kin wicakiyuše kta e nape yekiya;

2 Qa Jakob Johannes cincu qon he mazasagye on kte.

3 Qa he Juda oyate kin iyokipipi e wanyake çehan, Inyan nakun yuze kta aya; aguyapi on napohyapi codan anpetu kin he ehan.

4 Unkan he iyahpaye çehan, wicakaška tipi kin en ehna ke çacacita ake šakpe awanyag wicaši, wošnapipi kin enakiyapi kinhan oyate kin ekta tankan au kta kecin.

5 Hecen Inyan wicakaška tipi kin ohna awanyakapi; unkan on okodakiciye kin Wakantanka nina cekiyapi.

6 Unkan Herod wanna tankan au kta hehan, hanyetu kin he en Inyan akicita nom, unma itan anokatanhan iština wanke çacacita ake šakpe awanyag wicaši, wošnapipi kin enakiyapi kinhan oyate kin ekta tankan au kta kecin.

7 Unkan inyun, Itancan taohnihdeye cin en hi, qa ojanjan wan

OHANYANPI QON.

wicakaška tipi kin en iyoyanpa ; unkan Inyan cuwi kin en ape ça najin kiye ça heya ; Kohanna najin wo. Unkan maza icicalihha kin nape kin etanhan hinłpa-ya.

8 Hehan małpiya ohnihde kin ; Ipihdag kiton qa hanpokihan wo, eciya. Unkan is ecen econ. Hehan ; Šina hdown qa miya-hna u wo, eciya.

9 Hehan tankan ya ; unkan is eya ihakam ye ça, małpiya ohnihdetaku ecakicon kin he wicakapi kin sdonye šni ; tuka wowan-yake wan wanyaka kecin.

10 Unkan wicakaška tipi toka-heya qa iyokihe kin etanhan hinanpapi, hehan maza tiyopa kin en iyohipi, he otonwe kin ekta iyahde, he iye cinka wicakiyuhdog iyaya. Unkan tankan yapi, qa canku wanjidan ihunnipi, hehan małpiya ohnihde kin ehpeya kihda.

11 Unkan Inyan kiksuya hin-hda qa heya ; Nakaha awicakehan Itancan kin ohnihde tawa kin u ši, qa Herod nape kin, Juda oyate apepi ko, owasin etanhan emahdaku e sdonwakiya ce.

12 Unkan he awakicin qehan, Johannes Markos eciyapi kin, he hunku Mary ti kin ekta i, hen wicota mniciyapi, qa cekiya yukanpi.

13 Unkan Inyan tipi tiyopa kin kabubu yanke cin he icunhan, wicinnyanna wan Rhoda eciyapi, he ekta wanahon i :

14 Qa Inyan ho kin iyekiye cehan, wowiyuškin on tiyopa yuhdoke šni, tuka inyang hdiu qa, Inyan tiyopa kin itokam najin e oyaka :

15 Unkan, Niyuhnaškiinyanpi ce, eciyapi. Tuka is hecen eya kitan. Hehan, Małpiya ohnihde tawa kin hee ce, eyapi.

16 Tuka Inyan katinyan tiyopa kin kabubu yanka. Unkan yuhdokapi qa wanyakapi hehan yušinyayapi.

17 Tuka inina yukanpi kta e namwicakicawin, qa token on Itancan kin wicakaška tipi kin etanhan tankan hiyu kiye cin he owicakiyaka. Qa heya, Jakob qa hunkawanjinkiciyapi kin hena oie kin owicakiyaka po. Hehan tankan kinape ça token iya-ya.

18 Unkan anpa kamdeze cin hehan Inyan toki iyaye cin he akicita kin nina aoqoyapi.

19 Unkan Herod akita, tuka iyeye šiui hehan, tiawanyag wicakiyapi kin hena wiwicawange ça, wicaktepi kta e konza. Qa hehan Juda makoce kin etanhan apamahde iyaye ça Kesareya en ounyan.

20 Unkan Herod Turos qa Sidon oyatepi kin wicakize wacin ; tuka hena e wicocante wanjidan en hipi, qa Blastos wicaštayatapi ohehdepi tipi tawa kin awan-yake cin he yuwaštepi qehan, wookiye dapi ; iye tamakocepi kin wicaštayatapi tawa kin on icaliyapi kin heon etanhan.

21 Unkan anpetu wan cajeyatapi qon he en Herod wicaštayatapi ihduze ça, woyaco oiyo-tanke kin akan kiyotanke ça, wowicakiyaka.

22 Hehan oyate kin hotankakiya hotaninpi qa ; He wicaho šni, Wakantanka ho kin hee ce, eyapi.

23 Unkan ihnuhanna Itancan taohnihde ye cin he kaštaka, Wakantanka wowitan qu šni kin heon etanhan. Unkan wamduškadan yutapi qa hecen řa iyaya.

24 Tuka Wakantanka oie kin icage ça tankaya aya.

WICOWOYAKE 13.

25 Unkan Barnabas Salos kici wawokiyapi qon hduŝtanpi qehan, Jerusalem etanhan hdicupi, qa Johannes Markos ec iyapi qon he yuha hdapi.

WICOWOYAKE 13.

1 Unkan Antiyoka ekta okodakiciye kin en wicaŝta wokcan waonspekiya ko wanjikji yukan; Barnabas, qa Simeon he nakun, Niger ec iyapi, qa Lukios Kurene etanhan, qa Manaen, Herod wicaŝta ihdawa qon kici icage cin hee, qa Salos.

2 Hehan Itancan kin cekiyapi qa wote ŝni unpi kin icunhan, Woniya Wakan kin heya; Barnabas Salos kici wokicanye iwicaweco kin heon ewicamicihde po, eya.

3 Unkan hehan takudan yute ŝni wocekiye eyapi, qa nape awicaputakapi, hecen ye wicaŝipi.

4 Hena Woniya Wakan tokiya ye wicaŝi, unkan Selukiya ekta iyohipi, qa hetanhan Kupros ektakiya watom yapi.

5 Qa Salamis en iyukanpi hehan, omniciye tipi Juda oyate tawapi kin ohna Wakantanka oie kin oyakapi, qa Johannes he oo-kiye yuhapi.

6 Unkan wita kin opta yapi, qa Paphos ekta iyohipi qehan, wicaŝta wapiyapi econ kin, wicaŝta wokcan itonŝni, Juda wicaŝta kin heca wan, Barjesus ec iyapi he wanyakapi:

7 He Sergios Palos, wicaŝta ksapa, makoce kin en itancan yanke cin he kici un. He qe Barnabas qa Salos kici wicakico, qa Wakantanka oie kin nation cin.

8 Tuka Elumas wapiye cin, caje kin hecen kapi, he wicakipajin, qa wicaŝta itancan kin

wacinyanpi kin etanhan yuhomni kta e akita.

9 Hehan Salos, iye nakun Palos ec iyapi, Woniya Wakan on ojudan he opahta najin,

10 Qa heya; 'Taku wohmaye owasin on ojudan, qa wicohan ŝica owasin, Wakan ŝica cinca niye a, taku owotanna owasin toka yaye cin, Itancan tacanku owotanna kin kaŝeyaye cin he aduŝtan kte ŝni he.

11 Hecen dehan inyun, Itancan nape kin iyahdeniyan; unkan anpetu ota iŝta nigonge a anpetu wi kin wandake kte ŝni, ec iya. Unkan ihnuhanna opo qa otpaza wan ahinkipaya; qa tuwe nape yus aye kta e akin iyaya.

12 Hehan taku econpi kin wicaŝta itancan kin wanyake ehan wicada, qa Itancan tawoon-
spe kin on yuŝinyaya.

13 Unkan Palos tona om un kin hena Paphos etanhan pacanan iyeyapi, qa Pampuliya ekta Perge en iyohipi. Hehan Johannes awicayuŝtan qa Jerusalem ekta icicawin hda.

14 Hehan Perge etanhan inanpapi, qa Antiyoka Pisidiya en, he ekta ipi, qa anpetu wakan hehan omniciye tipi kin en tin iya-yapi, qa iyotankapi.

15 Unkan woope, qa wicaŝta wokcan tawowapi kin, hena yawapi enakiyapi qehan, omniciye tipi kin en wicaŝta itancan wicakiyapi kin iŝ wicakicopi qa, Wicaŝta hunkawanjin unniyanpi wicakicanpte oie wanji duhapi kinhan oyate kin owicakiyaka po, ewicakiyapi.

16 Hehan Palos najin, qa namwicakicawin qa heya, Israel wicaŝta, qa tona Wakantanka kikipapi kin anagoptan po.

17 Israel oyate kin de Wakan-

OĤANYANPI QON.

tanka tawapi kin he hunkake wicunyanpi kin wicakaĥnige a, oyate kin Egipta makoce kin en yakonpi kin he icunhan yuwan-kan iwicacu, qa isto hduwankan iyeye cin on tankan awicau.

18 Qa waniyetu wikcemna topa hehanyan hewoskan makoce kin en won wicakiya.

19 Qa oyate akowinpi Kanan makoce kin en, ihang wicaye ehan, makoce kin woohiye eci-yatanhan kicipamni wicakiya.

20 Qa he iyohakam, wicata wayaco kin heca wicagu, waniyetu opawinge topa sanpa wikcemna zaptan hehanyan, ecen Samuel wicata wokcan qon *ica-ga*.

21 Unkan hehan wicatayatapi wan cinpi ; qa Wakantanka Saul, Ki cinhintku, Benjamin wicoun kin hetanhan, wicata kin he wicagu, waniyetu wikcemna topa hehanyan.

22 Qa he heyata iyeye ehan, Dawid icalĥwicakiciciye a wicatayatapi kaga ; he oyake a heya, Dawid Jesse cinhintku kin he iyewakiya, wicata wate wakidake cin, he mitawacin kin ocowasin ecen econ kta ce.

23 Wakantanka token eye ci-qon he eciyatanhan, wicata kin de cinca kin etanhan, Jesus Wani-kiya kin, Israel oyate kin icalĥwicakiciciya.

24 He ihdutanin ni qon ito-kam, Johannes baptem on ihdu-ecetupi kte cin he Israel oyate kin iyulĥpa en eyanpaha owica-kiyaka.

25 Unkan Johannes oinyanke kin ihunniye kte cin, hehan hecen eya, Mi matuwe kecannipi he : He miye ni ; tuka iho, wanji mihektam u kin he ta-hanpe siha kin etanhan kiyuka owakihi ni ce.

26 Wicata hunkawanjin ciya-pi kin, Abraham cinca wicaye cin, qa tona Wakantanka koki-papi kin, ni niyepi wiconi oie kin de oniciyakapi.

27 Tona Jerusalem en yakonpi, wicata itancan wicayuhapi ko, he iyekiyapi ni, qa wicata wokcan oiepi, anpetu wakan eca yawapi ece kin he nakun ; hecen he yacopi kin on hena ecetuya-pi.

28 Qa taku on e kte cin taĥu-dan iyeyapi ni qeya, he ktepi kta e Pilate icekiyapi.

29 Qa on taku wowapi en ka-gapi qon owasin ecetuyapi qe-han, can kin etanhan eyakupi, qa ohna hnakapi wan en ohna-kapi.

30 Tuka e cin etanhan Wa-kantanka najin kiya.

31 Unkan tona Galile etanhan Jerusalem ekta om hi qon hena anpetu ota wanĥdakapi, qa he-na eepi dehan oyate kin wica-kiyaotaninpi ece.

32 Unkan unkiye wotanin wa-te unkoniciyakapi, hunkake wicunyanpi taku iwahowicaye ciqon,

33 He cincawicayapi unkiyepi kin en, Wakantanka ecetukiya, Jesus piya icalĥkiye cin hee on ; hecen odowan icinonpa kin en kaken owapi qon, Micinki kin he niye, anpe dehan cinca cicaga ce.

34 Qa wicate cin etanhan na-jin kiye a, wicalĥwin kin ekta i kte ni, heon kaken eya, Dawid towaonida wicakapi kin he ci-cupi kta ce.

35 Heon etanhan wanji tokeca en hecen eya ; Wanji Owotan-na nitawa kin he wicalĥwin wanyake kta e iyowinyakiye kte ni.

36 Dawid wicoicage tawa kin

WICOWOYAKE 14.

tanyan owicakicihan, Wakan-tanka tawacin kin eciyatanhan, hehan iſtinma iyaye a, hun-kake wicaye cin om hnakapi, qa wicalwin wanyaka.

37 Tuka tuwe Wakantanka najin kiye cin he wicalwin wanyake ſni.

38 Heon wicaſta hunkawanjin ciyapi, wicaſta kin de eciyatanhan, woahitani kajujupi kin oniciyakapi e sdonya po.

39 Qa taku owasin, Moses tawoahope kin niyuowotanpidan kta e okitpani kin hena ee kaeſ etanhan, tuwe wicada kinhan iye on owotanna kagapi kta.

40 Heon itoniipa po, okinni taku wicaſta wokcan kin en cajeyatapi qon he en nihiyahdepi kta :

41 Tona ayaktapi ſni kin, wawanyakapi qa inihanpi qa yutakuni ſni iyeiiya po ; anpetu nitawapi kin en wicohan wanji ecamon kta, qa wicohan kin he tuwe oniciyakapi eſta wicayadapi kte ſni ce.

42 Unkan Juda wicaſta kin omniciye tipi kin etanhan tankan hdicupi, hehan wicoie kin hena anpetu wakan hepiya, owicakiyakapi kta e icewicakiyapi.

43 Unkan omniciye kin wanna enakiyapi, hehan Juda wicaſta qa oyate tokeca etanhan he en opapi qon, cekiya unpi kin hena wicota Palos qa Barnabas kici owicapapi. Unkan wowicakiyakapi, qa Wakantanka towaonſida kin en unpi kta e iwahokonwicakiyapi.

44 Unkan ake anpetu wakan, hehan Wakantanka oie nahonpi kta e otonwe kin iyulpa se en kiwitaya iheyapi.

45 Tuka Juda wicaſta kin hena wicota kin wanyakapi qehan, winawizipi on ojupidan, qa Pa-

los taku eye cin he akinicapi qa aiapi.

46 Hehan Palos Barnabas kici waditake icicagapi qa heyapi, Wakantanka oie kin niyepi tokaheya oniciyakapi kta e hecetu ; tuka he ayaktapi ſni, qa owihanke wanin wiconi kin iye-nihantupi ſni nihdukcanpi kin heon, iho, Ikcewicaſta kin ekta unkihdamnanpi.

47 Hecen Itancan kin iwahounyanpi ; Ikcewicaſta iyoyanpa kin ecihnaka, maka ihanke kin hehanyan niwicayakiye kte cin heon.

48 Unkan Ikcewicaſta kin, hena oie kin nahonpi qehan, nina iyuſkinpi, qa Itancan oie kin yatanpi. Unkan tona owihanke wanin wiconi yuhapi kta e wicakahinigapi qon hena wicadapi.

49 Unkan Itancan oie kin makoce kin he owancaya oyakapi.

50 Tuka Juda wicaſta kin iſ, winohinca okinihan cekiya unpi kin hena iyowicapastaakapi, qa otonwe kin en wicaſta itancanpi kin nakun, hecen Palos Barnabas kici ſicaya wicakuwapi, qa makoce kin he etanhan hdicu wicayapi.

51 Tuka iſ iyepi kin, hena en, siha watuſekſeca askape cin he hdatatapi, qa Ikonium ekta ipi.

52 Unkan waonspewicakiyapi kin wowiyuſkin Woniya Wakan ko on ojupidan.

WICOWOYAKE 14.

1 Unkan Ikonium ekta, sakim omniciye tipi, Juda oyate tawapi kin he en timahen yapi, qa iyecen iapi, hecen Juda wicaſta Helenes ko ota wicadapi.

2 Tuka Juda wicaſta tona wicadapi ſni kin hena Ikcewicaſta kin iyowicapastaakapi, qa hun-

OHANYANPI QON.

kawanjin kiciyapi kin sicaya wacinwicakiyus wicakiyapi.

3 Unkan tehan en yukanpi, qa Itancan kin on waditagya iapi, he qe wowaonsida oie kin hdaotanin, qa wowapetokeca wakan-yan econpi ko econ wicakiya.

4 Tuka otonwe kin oyate kin akipam iyeyapi; apa Juda wicašta kin om tipidan, qa apa is yewicašipi kin hena owicapapi.

5 Unkan Ikcewicašta, qa Juda oyate kin, tona itancan wicayuhapi kin hena koya, hena anawicatanpi, sicaya wicakuwapi qa inyan on wicakininpi kta;

6 He iye sdonkiyapi, qa Lustra qa Derbe, Lukaoniya en otonwe kin, makoce ihduksan ko en onapapi.

7 Qa hen wotanin wašte kin oyakapi.

8 Unkan Lustra en wicašta wan siha on okitpani iyotankehan yanka, tonpi kin ehantanhan hušte, qa tohinni mani šni.

9 He Palos ie cin nahon; unkan he opalita yanke ca, wacin-yanpi on ni kte cin yuha e wan-
yaka,

10 Hehan hotankakiya, Nisiha on bosdan najin wo, eya. Unkan is psin iyaye ca mani.

11 Unkan Palos taku econ kin he oyate kin wanyakapi qehan ho yuwankan icupi qa Lukaoniya iapi kin eciyatanhan, Taku wakan kin wicašta ihduza unkiyepi en kun unhiyupi ce, eyapi.

12 Qa Barnabas Jupiter eya caštonpi; qa Palos is, Hermes eciyapi, iapi on itancan kin hee, heon etanhan.

13 Hehan Jupiter otonwe itokam yanke cin he wošna kagapi tawa kin he tatanka watešdake ko, tiyopa kin en ahi, qa oyate kin om wošna kta tuka.

14 He yewicašipi kin, Barnabas Palos kici, nahonpi qehan, wokoyake aihdupotapi, qa oyate kin ekta inyang yapi, hotaninpi,

15 Qa heyapi, Wicašta kin, tokeca e hecanonpi he; niye yaunpi kin iyecen, wicašta akan-
tu kin heuncapi, qa hena taku-šnišni kin adušanpi qa Wakan-
tanka ni un kin ekta nihduhomni-
pi kta e iwahokonunniciyapi; he
mašpiya, maka, qa miniwanca,
taku ohnaka ko, owasin kage cin
hee.

16 He wicoicage hekpata un kin en, oyate kin owasin canku tawapi kin ohna manipi kta e iyowinwicakiya.

17 Hececa ešta tanyan econ, qa mašpiya eciyatanhan magaju wicaqu, makoncage taku ota icalye cin hena ko, qa woyute wowiyuškin ko on cante imna-
unyanpi qon, he eciyatanhan
ohinniyan ihdutanin ce.

18 Unkan wicoie kin hena on wawicakiyušnapi kte cin oyate kin kitan se ayušan wicayapi.

19 Hehan Antiyoka qa Ikonium etanhan Juda wicašta wanjikji en hipi qa oyate kin iyowicapa-
štakapi; hecen Palos inyan on
kininpi qa otonwe kin tankan
yusdohan ayapi, wanna ta ke-
cinpi.

20 Tuka waonspewicakiyapi kin ihduksan hinajin yukanpi kin icunhan, iye najin hiyaye ca otonwe kin en i. Unkan ihan-
lianna qehan Barnabas kici Der-
be ekta iyaya.

21 Unkan otonwe kin he en wotanin wašte kin oyakapi, qa wicota waonspewicakiyapi qe-
han, hehan Lustra, qa Ikonium,
qa Antiyoka ekta icicawin hdapi.

22 Qa waonspewicakiyapi na-
gipi kin wašag wicakiyapi, qa
wacinyanpi kin en kitanyan unpi

WICOWOYAKE 15.

kta e iwahokonwicakiyapi, qa wokakije ota iyoopteya Wakan-tanka tokiconze kin en unkipi kta ce.

23 Unkan okodakiciye otoiyo-hi en hunka wicayapi kin wica-kagapi, qa wote šni wocekiye eyapi qehan, Itancan wicadapi qon he awanwicahdake kta e *icekiyapi*.

24 Unkan Pisidia opta yapi hehan Pampulia en kiyohipi.

25 Qa Perge en wicoie kin oya-kapi qehan, Atalia ekta apama-hde iyayapi.

26 Qa hetanhan Antiyoka ekta watom hdapi, wicolitani wanna hduštanpi kin heon, Wakantanka towaonsida kin yuhapi kta e ice-kiyapi qon he hetu.

27 Hen hdipi qa okodakiciye kin mniciye wicašipi, qa Wakan-tanka token econ wicakiye cin hena owasin owicakiyakapi, qa wacinyanpi tiyopa wan Ikcewicašta kin wicakiyuhdoke cin he nakun.

28 Unkan hen waonspewicaki-yapi kin om tehan owanji yu-kanpi.

WICOWOYAKE 15.

1 Unkan wicašta wanjikji Juda makoce kin etanhan apamahde yapi, qa hunkawanjinkiciyapi kin wahokonwicakiyapi qa, Mo-ses toope kin eciyatanhan bani-ciħdayapi šni kinhan yanipi kte šni ce, eyapi.

2 Unkan Palos Barnabas kici hena wicakigepi, qa nina awica-kinicapi, hehan wiwicawangapi kin he on, Palos Barnabas kici, qa iyepi kin etanhan wicašta to-keca wanjikji ko, yewicašipi kin, qa hunkawicayapi kin, Jerusa-lem ekta yakonpi kin, hena en wicayapi kta e konzapi.

3 Unkan okodakiciye kin hena

hecen yewicakiyapi qehan, Phe-nike, qa Samaria opta yapi, qa Ikcewicašta ihduhomnipi kin he oyakapi; qa hunkawanjin kici-yapi kin owasin en wowiyuškin tanka kagapi.

4 Unkan Jerusalem ekta ipi qe-han, okodakiciye kin he, qa ye-wicašipi kin, hunkawicayapi kin hena ko, tin hiyu wicakiyapi; hehan Wakantanka token econ wicakiye cin owasin ohdakapi.

5 Tuka Pharisee yuomdecapi kin etanhan wanjikji wicadapi qon hena inajinpi qa heyapi, Ba-wicakiħdayapi qa Moses toope kin ope wicašipi kta iyececa ce, eyapi ce.

6 Unkan wicoie kin de akiiapi kta e on yewicašipi kin, hunka-wicayapi ko witaya mniciyapi.

7 Qa nina wikiciwangapi hehan, Inyan inajin qa hewicakiya, Wicašta hunkawanjinciyapi kin, ehanna unketanhanpi kin Wa-kantanka miye makalinige qa, mii kin eciyatanhan Ikcewica-šta kin wotanin wašte oie kin naħonpi, qa wicadapi kta e kon-za sdonyayapi.

8 Qa Wakantanka wicacante kin sdonye cin he wicayaotanin, qa Woniya Wakan unkiye *unqu-pi qon*, he iyecen wicaqu.

9 Qa takudan ocitkonze šni unkagapi, iye cantepi kin nakun wicadapi kin on wicakipakinta.

10 Heon nakaha tokeca e Wa-kantanka iyutanyayapi, qa can napinpi wan, hunkake wicun-yanpi qa unkiyepi kin yuha un-kokihipi šni kin he waonspewi-cakiyapi tahupi kin en eyahna-kapi kta he.

11 Tuka Jesus Messiya Itan-can kin towaonsida kin on, iš iyepi kin wiconi *yuhapi kte* cin, he iyecen unkiš unhapi kta e wicaundapi ce.

OHANYANPI QON.

12 Hehan omniciye kin owasin inina yukanpi, qa Barnabas Palos kici, wowapetokeca wakanyan econpi ko, Wakantanka Ikcewicašta kin ekta econ wica-kiye cin hena ecen ohdakapi kin nahonpi.

13 Unkan wanna ayaştanpi, hehan Jakob ayupte ça heya; Wicašta hunkawanjin ciyapi, miye namalion po.

14 Otokahe ekta token Wakan-tanka Ikcewicašta kin etanhan oyate wanji, iye caje kin on, iwicacu kta e ekta wicai qon he Simon oyaka.

15 Qa he kici wicašta wokcan oiepi qon okonwanjidan, kaken wowapi en kagapi;

16 He iyohakam mihdamna, qa Dawid tawakeya jujuwahe cin he piya wakage kta; qa mdecahe cin hena ake wakage ça ecen he wakiye kta.

17 Qa hecen wicašta okaptapi kin, Ikcewicašta owasin ko, tona micaje icajewicayatapi kin hena Jehowa akitapi kta ce, Itancan kin hena owasin econ kin he heya ce.

18 Otokaheya tanhan Wakan-tanka taku icalıye cin owasin sdonkiya.

19 Heon etanhan miş kaken imdukcan, Ikcewicašta kin tona Wakantanka ekta ihduhomnipi kin hena nagiyewicunyanpi kte şni.

20 Tuka wakagapi on aşapapi kin, qa wiinalımanpi kin, qa we, qa taku weye şni yuřapi kin, hena itehan yeiřiyapi kta e wowapi wicunkicagapi kta.

21 Wanakaja tanhan tona Moses oyakapi kin hena otonwe otoiyohi kin en yukanpi, qa anpetu okiřpapi eca, omniciye tipi kin ohna he yawapi ece, eya.

22 Hehan iř iyepi kin etanhan

wicašta kařnigapi kin heca, Judas Barsabas eciyapi, qa Silas, hunkawanjin kiciyapi kin en wicašta okinihan, hena Palos qa Barnabas kici, Antiyoka ekta ye wicaşıpi kta e, yewicaşıpi kin, hunka wicayapi kin, okodakiciye kin owasin ko iyokipipi.

23 Qa heciya ayapi kta e kaken wowapi kagapi; Yewicaşıpi kin, qa hunka wicayapi, hunkawanjin kiciyapi kin hena ko, hunkawanjin kiciyapi Ikcewicašta etanhan, Antiyoka, qa Suria, qa Kilikia en yakonpi kin, Wookiye yukan po.

24 Unkiyepi etanhan wanjikji iyayapi, qa wicoie on nagiyenianpi, qa ninagipi kin nipahohopi qa, Baniřihdayapi, qa wicoope kin oyapapi kta ce, eniciyapi ce, naunhonpi; unkiye tohinni heye wicunşıpi şni tuka:

25 Heon etanhan tawacin wanjidan hduha unwitayapi qehan, wicašta kařnigapi kin heca e niyepi kin ekta ye wicunşıpi kta e iyoungkipipi, Barnabas qa Palos wařtewicunkidakapi kin hena om:

26 Hena wicašta kin wiconi eřpekiyapi seca, Jesus Messiya Itancan unkiyapi kin heon etanhan.

27 Hecen Judas qa Silas ye wicunşıpi, hena e wicoie on atayedan hecen oniciyakapi kta.

28 Woniya Wakan kici hecen iyoungkipipi, wařinpi tokeca unkanihnakapi kte şni, tuka dena taku owotanna kin hecehnana;

29 Taku wakagapi wakiyuřnapi, qa we, qa taku we ye şni yuřapi, qa wiinalımanpi kin hena itehan yeniciyapi kta. Hena itehanyan yaunpi kinhan tanyan ecanonpi kta. Tanyan yaunpi nunwe.

30 Hecen hena ye wicaşıpi qe-

WICOWOYAKE 16.

han, Antiyoka ekta ipi, qa oyate kin kawitaya iheyapi, hehan wuwapi kin he wicaqupi.

31 He yawapi, unkan wahokonwicakiyapi kin on nina iyuskinpi.

32 Unkan Judas qa Silas wicašta wokcan kin hecapi, heon hunkawanjin kiciyapi kin oie ota on wahokonwicakiyapi, qa wicayasutapi.

33 Wanna anpetu ota en yukanpi, hehan hunkawanjin kiciyapi kin hena yewicašipi kin ekta wookiye hde wicašipi.

34 Tuka Silas en un kta e iyo- kipi.

35 Palos qa Barnabas Antiyoka en unpi, wicašta tokeca ota ko, *oyate* kin waonspewicakiyapi, qa Itancan oie kin oyakapi.

36 Unkan iyohakam anpetu tonana, hehan Palos Barnabas heciya, Tukten Itancan oie kin unkoyake cigon, ake otonwe otoiyohi ekta unye ça, hunkawanjin wicunye cin wanwicundhake ça, token yakonpi kin *sdonunye kta* ce, eya.

37 Unkan Barnabas he is, Johannes Markos eciyapi, yuha yapi kta cin.

38 Tuka he Pampulia ekta elpewicaye ça wicohtani kin en owicape šni qon, heon etanhan Palos he yuha yapi kte cin iyokipi šni.

39 Unkan he on hdokinicapi qa hecen otoiyohi elpekiciyapi: unkan Barnabas Markos yuha Kupros ekta watom iyaya.

40 Tuka Palos Silas kašnige ça, Wakantanka towaonsida kin kici un kta e hunkawanjinkiciyapi kin icekiyapi qehan, hehan iyaya;

41 Qa Suria qa Kilikia opta iyaye ça, okodakiciye kin suta wicakaga.

WICOWOYAKE 16.

1 Hehan Derbe qa Lustra ekta iyohi; unkan iho, waonspekiyapi kin wanji hen un, Timotheos eciyapi, Juda winolinea wicake cin he cinhintku, tuka atkuku kin e Helenes oyate kin etanhan.

2 Hunkawanjin kiciyapi Lustra, qa Ikonium en yukanpi kin hena, he wašte e oyakapi.

3 Hetanhan Palos kici ya cin, qa Juda wicašta hen unpi kin hena on, he icu qa bakicihdaya; atkuku kin Helenes heca e owasin sdonyapi.

4 Unkan otonwe iyaza yapi, qa yewicašipi kin, kunka wicayapi ko, Jerusalem en yukanpi kin woahope kagapi qon hena tanyan yuhe wicašipi.

5 Hecen okodakiciye kin wacinyanpi kin en wicayusutapi, qa anpetu otoiyohi nina yuota aya.

6 Unkan Phrugia qa Galatia makece kin opta iyayapi, qa Asia en wicoie kin oyakapi kte cin Woniya Wakan kin tehinda qehan;

7 Hehan Musia ekta ipi, qa hetanhan Bithunia ekta ye wacinpi, tuka Woniya kin iyowicaki šni.

8 Unkan Musia opta iyayapi qehan, Troas en iyohipi.

9 Unkan hanyen Palos wowanyake wan wanyaka; Wicašta wan Makedonia etanhan tanyan inajin, qa cekiye ça, Makedonia en u, qa ounkiya po, eya.

10 Wowanyake kin de wanyake cin heon hinnakaha Makedonia heciya unyanpi kta e uncinpi, Itancan kin hena wotanin wašte kin owicunkiyakapi kta cin heon unkipi e unhduncanpi.

OHANYANPI QON.

11 Hecen Troas etanhan paccanan iyeunyanpi, qa Samotrake ekta owotanna unyanpi, qa hetanhan ihanhanna Neapolis en unki-pi.

12 Qa hetanhan Philippi en unki-pi, otonwe teca qa Makedonia makoe onspa kin he en otonwe tokapa kin hee. Qa anpetu tonana otonwe kin he en unkan-pi.

13 Unkan anpetu wakan hehan, otonwe kin etanhan inaunpapi, qa wakpa wan icahda wocekiye eyapi ece qon he en unki-pi; hen unkiyotankapi, qa winohinca ece en mniciyapi kin hena owicunki-yapi.

14 Unkan winohinca wan, Ludia eciyapi, Thuatira otonwe kin etanhan, wokoyake duta ece wiopeye cin heca, Wakantanka kokipeyahan un he nahon yanka: unkan cante kin Itancan kin yuzamni, on Palos oie kin anagoptan.

15 Unkan tiyohnaka kin om baptem qupi qehan, helian ceunki-yapi qa, Itancan kin on wicawaka kecanmayakinpi hecinhan, wati kin en tin upi, qa ohna yukan pe, eye ca ecen econ unki-yapi.

16 Hetanhan wocekiye eya unyanpi eca, wicinyanna wan itkounkipapi ece, he taku wakan woyaka ece kin yuhe ca, wakan-yan wohdag un kin heon tawa-yapi kin taku ota wicakicamna.

17 He Palos unkiyepi ko unkihakam u, qa; Wicašta kin dena Wakantanka tehan wankantuya un kin taokiyewicaye cin, wiconi canku kin unkokiyakapi kin hena eepi ce, eya hoyekiya.

18 Qa anpetu ota hecen econ. Tuka Palos nagiyeye cin heon hakikta qa, Jesus Messiya caje on winohinca kin de etanhan

tankata inanpe ciši, taku wakan kin eciya. Unkan wihiyayedan oape kin he en tankan hiyu.

19 Unkan winohinca kin de yuhapi kin heepi, taku kamnanpi kte cin he akitakunipi šni kin he wanyakapi e etanhan, Palos Silas kici wicayuzapi, qa tipi hocoka kin ekta wicašta tokahe wicakiyapi kin en awicayapi:

20 Qa wicašta itancan wicaki-yapi kin en wicakaipi, qa heyapi, Wicašta kin dena Juda wicašta kin hecapi, otonwe unkitawapi kin nina nagiyeyapi;

21 Qa wicohan onspewicakiyapi kin hena e, Roma wicašta heuncapi kin, unkieupi qa unkopapi kta e iyecece šni.

22 Unkan oyate kin owasin witaya takpe wicaupi; qa wicašta itancan wicakiyapi kin wokoyake awicayupotapi, qa wicakapsinpsinte wicašipi.

23 Unkan ota awicapapi, hehan wicakaška tipi kin en iyewicayapi, qa tipi awanyake cin sutaya wicayuhe šipi.

24 He hecen econ šipi, unkan wicakaška tipi temahentuya kin he en onawicataka, qa siha kin can on kaškapi ece kin en sutaya kaška wicahnaka.

25 Unkan hanye cokaya hehan, Palos Silas kici Wakantanka cekiyapi, qa yatan dowanpi; unkan wicašta wicakaškapi kin he nahonpi.

26 Unkan ihnuhanna maka kin nina huhuzahan, qa tipi ahe cin hena yuhuhuzapi, qa tiyopa kin owasin kazamni iyaye ca, on pawicahitapi kin owasin mdecahan hinnda.

27 Hececa, unkan wicakaška tipi awanyag kiyapi kin kikta, qa tiyopa kin yuzamni han wan-yaka, unkan wicašta wicakaška-pi kin owasin kihdapi kecin, he-

WICOWOYAKE 17.

on mazasagye ehdaku qa on içikte kta ;

28 Tuka Palos nina hoyekiye ça, Kiuniiçiye şni wo, owasin den unkanpi ce, eya.

29 Hehan petijanjan wan da, qa tin iyaye ça, cancan Palos Silas kici siha hdepi kin en ehipeiçiya ;

30 Qa tankan awicaye ça, Itancanpi wani kta e token ecamon kta he, ewicakiya.

31 Unkan, Jesus Messiya Itancan kin wacinyan wo, hecen nicinca om yani kta ce, eciyapi.

32 Qa Itancan oie kin okiyakapi, tona ti kin en yukanpi kin hena owasin koya.

33 Unkan hanyetu kin wihiyayedan oape kin he en, iwicacu, qa oape kin wicakiyujaja, qa hehan baptem qupi, tiyohnaka owasin ko.

34 Qa iye ti kin en awicaki qa won wicaya ; qa tiyohnaka kin om wicada qa iyuşkin.

35 Unkan wanna anpa qehan, itancan wicakiyapi kin akicita eyanpaha kin ekta ye wicaşıpi, qa, Wicaşta kin hena wicakiyuşka wo, eyapi.

36 Unkan wicakaşka tipi awanyake cin, hena oie kin Palos okiyake ça, Itancan wicakiyapi kin niciyuşkapi kta keya hoşi hipi, heon etanhan tankan kinanpapi, qa wookiye hda po, eya.

37 Tuka Palos hewicakiya, Roma wicaşta heuncapi, tuka unyacopi şni ecen taninyan unkapsinpsintapi, qa onatag eunhnakapi, qa hinnakaha anaşbeya hde unşıpi he : hiya, iye atayedan upi, qa tankan unkaupi kta, eya.

38 Hehan akicita eyanpaha kin itancan wicakiyapi kin dena owicakiyakapi, unkan Roma wicaşta

kin hecapi e nañonpi kin heon inihanpi.

39 Qa iye atayedan ekta ipi, qa cewicakiyapi, qa tankan awicauipi, qa otonwe kin etanhan hdapi kta icewicakiyapi.

40 Unkan wicakaşka tipi kin etanhan tankata inanpapi, qa Ludia ti kin en ipi ; qa hunkawanjin kiciyapi kin wanwicahdakapi, hehan wicakihnapi, qa etanhan token iyayapi.

WICOWOYAKE 17.

1 Unkan Amphipolis qa Apolonia opta yapi kin, hehan Thesalonike en ipi ; hen Juda oyate omniciye tipi kin wanji yukan.

2 Unkan Palos token econ ece kin ake ecen econ, qa timahen i, qa anpetu okihpapi yamni, wowapi wakan kin eciyatanhan, oyate kin wowicakiyaka.

3 Ie ça Messiya te kte ça, wiçonçe kin etanhan najin kta e hecetu e yaotanin, qa, Jesus oci-ci-yakapi kin he Messiya kin ee ce, eya.

4 Unkan hunli wicadapi, qa Palos Silas kici owicapapi, Helenes wicaşta owotanna ota, qa winoñinca tokapapi kin wainstinpidan şni.

5 Tuka Juda oyate wicadapi şni kin hena wolhinyanpi, qa wopeton tipi hocoka kin etanhan wicaşta şica wanjikji iwicacupi, qa kiwitaya iheyapi, qa otonwe kin ocowasin oqoyeyapi, hehan Jason ti kin takpe ipi, qa oyate kin ekta tankan hiyu wicayapi kta e akitapi.

6 Qa iyewicayapi şni qehan, Jason hunkawanjin kiciyapi wanjikji om otonwe kin en wicaşta itancanpi kin ekta awicaipi, qa hotankakiya hotaninpi, Tona ma-

OHANYANPI QON.

ka kin yuahdapsinyan ehpeyapi qon hena den hipi :

7 Qa Jason hena tin u wicaši. Unkan hena owasin Kesar toope kin opapi šni, qa, Wicaštayatapi tokeca wan Jesus hee ce, eya oyakapi ece, eyapi.

8 Unkan otonwe en wicašta itancanpi kin oyate ko, hena nahonpi kin inihan wicayapi.

9 Unkan Jason qa unmapi kin taku iwakta wicayapi, hehan awicayustanpi.

10 Hehan hunkawanjin kiciyapi kin Palos Silas kici hanyen Berea ekta awicayapi. Hena ekta ipi, qa Juda oyate omniciye tipi yuhapi kin he en timahen yapi.

11 Hena is Thesalonike oyate kin sam iyeya wacin ksapapi, wicoie kin tawacin inahni on icupi, qa hena hecetu e sdonyapi kta, heon anpetu iyohi wowapi wakan kin en akitapi ece.

12 Heon etanhan wicota wica-dapi, Helenes winohinca okinihan, qa nakun wicašta ota.

13 Tuka Berea ekta Palos Wakantanka oie kin oyake cin he, Juda wicašta Thesalonike en un kin hena sdonyapi qehan, ekta ipi, qa wicota kin wicayaškiška-pi.

14 Unkan hehan hunkawanjin-kiciyapi kin Palos miniwanca kin ekta ye kta se tokan ye šipi; tuka Silas qa Timotheos hen owanji yukanpi.

15 Unkan tona Palos ayapi qon hena Athenas ekta aipi; qa Silas Timotheos kici kohanna en upi kta e iwahowicaye cin he hoši wicakahdapi.

16 Unkan hena Athenas ekta upi kta e Palos awicape yanke cin, he icunhan, otonwe kin wakagapi ojudan e wanyake ça on wacin iyokišica hinhda.

17 Qa heon omniciye tipi kin ohna Juda oyate, qa tona owicapapi kin hena om wohdaka, qa nakun anpetu otoiyohi wopeton tipi hocoka kin ekta tona itkowicakipe cin hena om.

18 Unkan hehan Epikureos qa Stoikos oyate kin etanhan, wicašta woksape cinpi wanjikji Palos itkokipapi qa, I wakan kin de token eye kta he, hunh eyapi; qa hunh is, He taku wakan tokeca ehde sececa ce, eyapi; Jesus qa wiconte etanhan woe-kicetu kin hena owicakiyaka, heon etanhan.

19 He icupi, qa Areyos paha kin ekta aipi qa, Woonspete oake cin he taku kin sdonunyanpi kta uncinpi:

20 Taku wotanin tokeca noge on nahon unyayapi kin hena token kapi hecinhan, sdonunyanpi kta ce, eciyapi.

21 Athenas oyate, qa wicašta tokeca en yukanpi kin owasin, taku tokeca econpi šni, taku nakaha otanin kin oyakapi, qa nahonpi kin heceyedana.

22 Hehan Palos Areyos paha kin cokaya inajin, qa heya; Athenas wicašta kin, taku wakan kin nina awacannipi e, taku owasin on imdukecan.

23 Naka taku wakan yadapi kin en awahimdamda, unkan iho, wahna wošnapi wan, Taku wakan sdonyapi šni un kin, akan owapi kin he iyewaye. He iyukcanšniyan ohoyadapi kin hee e ociciyakapi.

24 Taku Wakan kin tuwe maka taku ohnaka ko owasin kage ça, mahpiya maka ko Itancan kin hee, heon tipi wakan wicanape on kagapi kin ohna ti šni;

25 Qa iye kin owasin wiconi, qa woniya, qa taku owasin ko wicaqu ece kin, he taku icakiye

WICOWOYAKE 18.

cin iyecen, wicašta nape kin on okiyapi šni ece.

26 Qa wicawe wanjidan on, wicašta oyate hiyeye cin owasin, maka kin owancaya etipi kta e wicakaga; qa tohanhan nipi, qa tuktektan tipi kte cin hena oto-kahe tanhan wicakiciyušta.

27 Heon Itancan kin akitapi kta iyececa, okinni yutantan akitapi kinhan iyeyapi kta, otai-yohi unkitehanpi šni un tuka ce.

28 Iye atayedan on unnipi, qa unškanškanpi, qa en unyakonpi ece: enitanhanpi wicašta odowan kagapi ece kin hena wanjikji heyapi qon, Unkiš eya he cinca unyakonpi ce.

29 Hecen Wakantanka cinca unyakonpi kin, mazaskazi, qa mazaska, qa inyan, wicašta wayupike wacinksape bagopi kin, Taku Wakan kin iyacinpi kta iyececa unkecinpi kte šni.

30 Qa wookahnige šni omaka kin hena, Wakantanka ekta etonwe šni; tuka wanna wicašta owasin owancaya ihduecetu wicaši.

31 Qa anpetu wan en wicašta kin woowotanna on wicayaco kta e konza, wicašta kahnige ciqon he on *hecon kta*, qa wiconŋe kin etanhan najin kiye cin heon he owasin sdonye wicaya ce, eya.

32 Unkan wicaŋe cin piya icaŋyapi kin he naŋonpi qehan, hunŋ ihaŋapi; qa apa iš, He on ake naunniŋonpi kta ce, eyapi.

33 Hecen Palos wicacokaya tanhan token iyaya.

34 Tuka wicašta wanjikji opapi, qa wicadapi; Dionusius Are-yos paha omniciye kin en ope ciqon he wanji ee, qa winolinca wan Damaris eciyapi, qa nakun toktokecapi.

WICOWOYAKE 18.

1 Hena iyohakam Palos Athenas ayušta, qa Korinth ekta i:

2 Qa hen Juda wicašta wan iyeya, Akula eciyapi, Pontos en tonpi, qa aškatudan Italia etanhan hiyu, tawicu Priskila kici; Kludios Juda wicašta kin owasin Roma ayušta wicaši kin heon etanhan. Unkan hena en wica-hi;

3 Qa kici wicoŋtani okonwanjidan, heon om un, qa om ŋtani, wakeya kagapi kin hecapi.

4 Qa anpetu wakan eca omniciye tipi kin ohna wowicakiyaka ece, qa Juda oyate Helenes ko cinwicakiya.

5 Unkan Silas qa Timotheos Makedonia etanhan hiyupi qa en hipi qehan, Palos nagi kin ekta iyopaštag iŋiye ɕa, Jesus he Mes-siya kin ee ce, Juda oyate kin owicakiyaka.

6 Unkan hena e wakipajinpi, qa šicaya iapi kin, hehan Palos wokoyake aihdatata, qa hewicakiya, Niwe kin nipapi kin akan niunpi nunwe, miye mabapica šni waun, detanhan Ikcewicašta kin ekta mde kta ce.

7 Unkan hetanhan tankan ye ɕa, wicašta wan Wakantanka ohoda, Justos eciyapi he ti kin omniciye tipi kin ikiyadan han; unkan tipi kin he en tin iyaya.

8 Unkan Krispos, omniciye tipi kin en itancan kin, he Itancan kin wacinyan, tiyohnaka owasin om; qa Korinth oyate kin wicota naŋonpi qehan wicadapi, unkan baptem wicaqupi.

9 Unkan hehan hanyen wowihamde en, Itancan kin Palos heciya, Ihnuhan taku koyakipe cin, tuka nina ie ɕa, inina yanke šni wo.

10 Miye cicica, qa tuwedan

OHANYANPI QON.

kiuniniye kta e iyanihpaye kte šni; otonwe kin de ohna oyate ota wicamduha ce, eya.

11 Unkan hen wi ake šahdogan helanyan iyotanke a, Wakantanka oie kin onspewicakiya.

12 Unkan Galiyo Akeya makoce kin en itancan un kin, hehan Juda oyate witaya Palos takpe ipi, a woyaco oiyotanke kin en ahipi;

13 a, Woahope kin eciyatanhan šni Wakantanka cekiya-pi kta e wicašta kin onspewicakiye cin he dee ce, eyapi.

14 Unkan Palos i hdukawa kta, hehan Galiyo Juda oyate kin hewicakiya; Juda wicašta kin, de taku šica econpi, a iš wicaštašniyan ohanyanpi kin hee unkanš, nacihtonpi kta iyececa tuka:

15 Tuka wicoie, a wicacaje, a woope nitawapi on wiwan-gapi kin heca hecinhan, niš ito ekta etonwan po; taku hececa on wimdukcan kte šni ce.

16 Hehan woyaco oiyotanke kin etanhan kalam iyewicaya.

17 Unkan Helenes wicašta kin owasin Sosthenes, omniciye tipi kin en itancan kin he, icupi, a woyaco oiyotanke kin itokam apapi. Tuka Galiyo hena taku kin ekta ewacin šni yanka.

18 Unkan he iyohakam Palos anpetu ota hen yanke ehan, hunkawanjin kiciyapi kin awicayuştan, a Suria ektakiya watom iyaya, Priskila Akula kici opapi. Kenkreya ekta paha kin bakišda, hecen iiconza kin heon.

19 Hehan Ephesos ekta iyohi, a hen elipewicaya; tuka iye kin omniciye tipi kin en tin iya-ye a, Juda oyate kin om wohdaka.

20 Unkan en tehan owanji yan-ke kta e cinpi ešta wicada šni:

21 Tuka napewicayuze a, Jerusalem ekta wošnapi u kte cin he en owape kta, tuka Wakan-tanka iyokipi kinhan, ake en cihdipi kta ce, eya. Hehan Ephesos etanhan watom iyaya.

22 a Kesareya en huta ekta ihunni, a lien ihe a okodakici-ye kin napewicayuze ehan, Anti-yoka ekta apamahde iyaya.

23 a anpetu ota hen un kin, hehan Galatia a Phrugia makoce kin owancaya ye a, waonspewicakiyapi kin owasin wašag wicakiya.

24 Unkan Juda wicašta wan, Apolos eciyapi, Aleksandrea en tonpi, wicašta wayapike a wowapi wakan on wašaka, he Ephesos ekta hi.

25 Wicašta kin he Itancan tancanku kin onspe, a nagi kata, heon ninana ie a, Itancan taku tawa kin onspewicakiya, Johannes baptem tawa kin hecedan sdonya tuka.

26 Hee omniciye tipi kin ohna waditagya ia; unkan Akula a Priskila nalionpi qehan, he icupi, a Wakantanka tancanku kin sanpa tanyan okiyakapi.

27 Unkan Akeya ekta ye wacin, hehan hunkawanjin kiciya-pi kin heciya wowapi wicacagapi, a he iyowinkiyapi kta e iwahokonwicakiyapi. He heciya i, a tona wowaońska kin on wicadapi qon hena nina owicakiya;

28 a Juda oyate kin omniciye en nina awacin wicaye a, wowapi wakan kin eciyatanhan Jesus he Messiya kin ee e yatanin.

WICOWOYAKE 19.

1 Unkan Apolos Korinth en un kin icunhan, Palos ilheyata makoce kin opta ye a, Ephesos

WICOWOYAKE 19.

ekta iyohi, qa hen waonspewicakiyapi wanjikji iyewicaya:

2 Qa hewicakiya, Wicayadapi ehantanhan Woniya Wakan kin iyacupi he. Unkan is, Woniya Wakan yukan e nahāhin naunhonpi šni ce, eyapi.

3 Unkan, Taku on baptem nicupi he, ewicakiya. Unkan, Johannes baptem tawa kin hee ce, eyapi.

4 Unkan Palos, Johannes ihduecetupi kte cin on baptem wicaqu, qa oyate kin tuwe u kte cin he wicadapi kta, kewicakiya, he Jesus Messiya kin ee ce, eya.

5 He nahonpi, unkan Jesus Itancan caje kin on baptem wicaqupi.

6 Hehan Palos nape on awicaputake ca, Woniya Wakan en wicahi, unkan ceji tokeca on iapi qa wokcanpi.

7 Hena owasin wica ece wikcemna ake nonpa.

8 Unkan omniciye tipi kin tin iyaye ca, wi yamni waditagya ie ca wohdaka, qa Wakantanka tokiconze taku tawa kin onspewicakiya.

9 Tuka wanjikji suta içicagapi qa wicadapi šni kin hena, wicota kin en, canku kin de on śicaya eyapi qehan, hena awicayuštan, qa waonspewicakiyapi kin aiyog iyewicaye ca, anpetu otoiyo, tuwe Turannos eciyapi, he oya-wa tipi yuhe cin ohna woyaka ece.

10 Waniyetu nonpa hehayan hecen econ, unkan tona Asia en yakonpi kin hena owasin Jesus Itancan oie kin nahonpi, Juda Helenes wicašta ko.

11 Unkan Palos nape kin on Wakantanka wowapetokeca wakan kin econ ece.

12 Hecen iye tancan kin etan-

han, napipakinte qa makuakalipe kin wayazanpi kin en akipi; unkan wowayazan kin ayuštan iyaye ca, taku wakan śicapi kin tankan inanpapi.

13 Unkan wanjikji, Juda wicašta wapiyapi kin heca, tona taku wakan śica yuhapi kin hena en, Jesus Itancan kin cajeyata utapi, qa, Jesus Palos oyake cin he cajeyan naunhon po, eyapi.

14 Qa Juda wicašta wošna kagapi wanji, Skewa eciyapi, he cinhintku śakowin kin hena heconpi.

15 Tuka woniya śice cin he waayupte ca, Jesus sdonwaye ca, Palos nakun sdonwaya, tuka niš nituwepi he, eya.

16 Unkan wicašta taku wakan śica yuhe cin he iyawicalipaye ca, oliwicaya, hecen tancodan kiunniyanpi ecen tipi kin etanhan tankan najicapi.

17 Unkan tona Ephesos en yukanpi kin, Juda qa Helenes oyate kin owasin he sdonyapi; qa wokokipe owasin awicahinlipaya, unkan Jesus Itancan caje kin yatanpi.

18 Unkan tona wicadapi kin etanhan wicota en ahi, qa wohdakapi, wicohan qon ohdakapi;

19 Qa tona wapiyapi econpi kin hena wicota wowapi tawapi kin en ahipi, qa owasin wicotokam hulinahiyapi; hena iyopeyapi kin hdawapi, qa mazaska kektopawinge wikcemna zaptan iyawapi.

20 Hecen Itancan oie kin nina icage ca ohiya.

21 Unkan hena taku kin wana enakiyapi, hehan Palos woniya eciyatanhan konza, Make-donia qa Akeya opta ye cinhan, hehan Jerusalem ekta ye kta, qa, Heciya wai kinhan hehan Roma wanmdake kta ce, eya.

OHANYANPI QON.

22 Qa ookiye wicayuhe cin nom, Timotheos qa Erastos, hena Makedonia ekta ye wicaši, tuka iye anpetu tonana Asia en owanjidan yanka.

23 Unkan he icunhan canku kin de on nina owodutaton.

24 Tuwe Demetrios eciyapi, mazaska kage cin heca, he mazaska kokadan Diana kicaga ece, qa tona woecon kin he econpi kin hena taku ota wicakicamna.

25 Hena eepi, qa tona opeya litanipi kin hena ko wicakico qa hewicakiya, Wicašta kin, wicohtani kin de on woyuha untanpi e sdonyakiyapi.

26 Qa nakun Ephesos ecedan šni, tuka Asia owancaya, Palos kin de oyate ota wahokonwicakiye ça, wicayuhomni qa, Taku wakan nape on kagapi kin hena wakan šni ce, eya owicakiyaka e sdonyayapi qa nayahonpi.

27 Qa hecen taku on waunkamnanpi ece kin he wahtedapi kte šni seca, qa hecedan šni, nakun Diana taku wakan tanka tipi wakan tawa kin takudapi kte šni, qa wowitan hduhe cin yutakuni kte šni, he qe Asia owancaya, qa oyate kin iyuhpa ohodapi tuka ce, eya.

28 Unkan hena nahonpi qehan, nina canteptanyanpi qa, Diana Ephesos oyate tawapi kin he tanka ce, eyaya hotaninpi.

29 Unkan otonwe kin owancaya nina owodutaton; qa Gayos qa Aristarkos kici, Makedonia wicašta kin, Palos kici hipi qon hena iwicacupi, qa tawacin wanjidan owanyake tipi kin en inyang yapi.

30 Unkan Palos oyate kin en wicai kta, tuka waonspewicakiyapi kin iyokipi šni:

31 Qa Asia en wicašta tokapapi wanjikji, iye takodawicaye cin hena wahoyapi, qa owanyake tipi kin timahen iyohpaye kte šni e icekiyapi.

32 Heon hunh taku eya hotaninpi, qa hunh is togye eyapi; omniciye kin nina oqoyapi; qa tokeca e on mniciyapi kin ota sdonyapi šni.

33 Hehan Aleksander wicota kin etanhan ahiyupi, qa Juda wicašta kin he cokata iyaye yapi. Unkan Aleksander namwicakicawin, qa oyate kin wowicakiyake kta.

34 Tuka he Juda wicašta kin heca e sdonyapi, unkan wihiyayedan oape nonpa hehanyan, owasin ho wanjidan hotankakiya hotaninpi, Diana Ephesos oyate tawapi kin he tanka ce, eyaya yukanpi.

35 Unkan wowapi kage cin he oyate kin wicayuinina qehan, hecen eya, Ephesos wicašta kin, Ephesos otonwe kin de Diana taku wakan tanka he tipi wakan tawa kin awanyag un, qa wakagapi Jupiter etanhan hinhpaye ciqon he nakun, he tuwe wicašta kin he sdonye šni he.

36 Dena taku kin cetunhdapica šni, heon inina dukanpi, qa takudan inahniyan ecanonpi kte šni tuka.

37 Wicašta kin dena tipi wakan kin etanhan takudan manonpi šni, qa taku wakan nitawapi kin yašicapi šni, tuka den awicayahipi.

38 Demetrios qa tona om litani kin hena tuwe en taku aupi cinpi kinhan, woyaco anpetu yukan, qa nakun wicašta wayacopi kin; otoiyo wiyakicionpapi kta.

39 Qa niš taku tokeca on winungapi hecinhan, omniciye wi-

WICOWOYAKE 20.

coope kin eciyatanhan un kin he en yacopi kta.

40 Anpetu kin de owodutaton kin on wiunwangapi kta naceca; omniciye kin de on etanhan taku unkeyapi kte cin takudan unhapi šni ce, eya.

41 Unkan hena hecen eye cehan, hehan omniciye kin hde wicaši.

WICOWOYAKE 20.

1 Owodutaton kin he henakeca, hehan Palos waonspewicakiyapi kin wicakico, qa i iwicaputaka, qa Makedonia ekta ye kta e hetanhan iyaya.

2 Unkan makoce kin hena opta iyaye ça, oie ota on iwahokonwicakiye çehan, Helenes makoce kin en iyohi:

3 Qa wi yamni hen owanji yanka. Unkan Suria ekta watom ye kta, hehan Juda wicašta kin nahmana iyapepi kin heon Makedonia opta icicawin hde kta e içiconza.

4 Unkan Sopater Berea etanhan, qa Thesalonike etanhan Aristarkos Sekundos kici, qa Gayos Derbe etanhan, qa Timotheos, qa Asia wicašta, Tucikos qa Trophimos, hena Asia ekta Palos kici yapi.

5 Hena e tokata yapi, qa Troas en unkaepi.

6 Unkan aguyapi on napohiyapi codan anpetu kin iyohakam, Philippi etanhan watounpapi, qa anpetu zaptan hehan Troas en wicunkihdegapi, qa hen anpetu šakowin unkokihipapi.

7 Unkan anpetu tokaheya kin he en waonspewicakiyapi kin aguyapi kiyušta imniciyapi, hehan Palos wowicakiyaka, hanhanna hetanhan hde kta, hecen hanye cokaya hehanyan wahokonwicakiya yanka.

8 Unkan wankan tipi ohna mni-ciya yukanpi kin he en petijanjan ota hdepi.

9 Unkan koška wan, Yutikos eciyapi kin he owanyeye kin en iyotankehan yanke ça, iştinbe hinca: unkan Palos tehan wo-yake cin icunhan, iştinma iwanke ça, owanka iciyamni kin hetanhan hinhpaye ça ta ecen eyakupi.

10 Hehan Palos kun ye ça akan ehpeiçiye ça, poskin yuze ça, Ihnuhan yaceyapi kin, taniya kin nahalin mahen un ce, eya.

11 Qa ake wankan ye ça, aguyapi kiyušta ça, yute ça, tehan ia yanke cin, anpa kamdeze cin hehanyan, hehan hetanhan kihda.

12 Unkan koška qon ni ikikcupi qa nina pidapi.

13 Unkan unkiye tokaheya wita wata kin ekta unyanpi, qa Asos ekta watom unyanpi, heciyatanhan Palos en ope unšipi kta unkecinpi; iye qe hehanyan mani cin, qa heon hecon unšipi.

14 Unkan Asos ekta eunkihdegapi qehan, hehan en ope unkiyapi, qa Mitulene en unhipi.

15 Unkan hetanhan iyoopta watom unyanpi, qa ihanhanna qehan Kios en iyotakons unyanpi; qa ake ihanhanna qehan Samos iyounhipi, qa Trogulios en owanji unkanpi; qa ake ihanhanna qehan Miletos ekta unkipi.

16 Palos Ephesos en icunom watom iyaye wacin, Asia en okilpe kte šni, qa okihi kinhan anpetu iwikcemna zaptan kin he en Jerusalem en un kta cin, qa heon inalini.

17 Unkan Miletos etanhan ye wicaši, qa Ephesos en okodakiciye hunkawicayapi kin wicakico.

OHANYANPI QON.

18 Unkan hena en hipi, hehan hewicakiya; Asia en wahi qon anpetu tokaheya hehantanhan, token ohinniyan cicipi waun kin sdonyayapi.

19 Tawacin ocowasin walibayedan waun, Itancan kin ohowada, istamnihanpe ota, qa taku wawiyutanyan un kin, Juda oyate nahmana iyamapepi kin on mahiyahde kin hena koya.

20 Qa taku on tanyan yaunpi kte cin takudan ipicidapi šni, tuka omniciye kin en, qa tipi iyaza wociciyakapi qa waonspeciciyapi ece.

21 Wakantanka ckta ihduecetupi, qa Jesus Messiya Itancan unkiyapi wacinyanpi kin hena, Juda Helnes oyate ko en mdatanin ece.

22 Unkan nakaha iho, Woniya kin on makaškapi ecen Jerusalem ekta mda, qa heciya taku mahiyahde kte cin sdonwakiye šni.

23 Tuka otonwe otoiyohi en Woniya Wakan mayaotanin qa, On kaškapi qa wokakije micium, keya cc.

24 Tuka hena takuwada šni, qa wiconi mitawa kin tehike wakida šni, iyuškinyan ihunniyan waimnanke kta, qa wicoħan Jesus Itancan maqu kin, Wakantanka towaonsida wotanin wašte omdake kte cin hee tanyan mduštan kinhan.

25 Qa nakaha iho, niyepi kin Wakantanka tokiconze kin ociciyag ciipi qon owasin ake miite kin wanmayadakapi kte šni e sdonwakiya.

26 Heon anpetu kin de waayatani ciciyapi, wicašta owasin we kin on ašape šni waun.

27 Wakantanka tawacin kin ocowasin ociciyakapi qa takudan anawalibe šni.

28 Heon tanyan piiciyapi, qa optaye owasin en, Woniya Wakan waawanhdake nicagapi kin hena koya, qa Wakantanka taokodakiciye kin, iye we kin on opekiron qon he awanhdaka po.

29 Miye imdamde cinhan, hehan šunktokeca ocin šicapi kin niyepi en niipi kta, qa talinca kin itonwicapapi kte šni he sdonwaya.

30 Qa niyepi enitanhanpi wicašta icagapi kta, qa is iyepi iħakam waonspewicakiyapi kin u wicakiyapi kta e nina yaškiška pi kta.

31 Heon kiktahan un po, qa waniyetu yamni, anpetu hanyetu ko, istamnihanpe *amanu*, qa otoiyohi wahokonciciyapi amdaštan šni, he kiksuya po.

32 Hunkawanjinciyapi, nakaha Wakantanka is iye, qa towaonsida oie kin en aciupi; he icalinnyanpi, qa tona ska wicakagapi kin owasin om taku yuhe niciyapi kta e okihi.

33 Tuwe mazaska, qa mazaskazi, qa wokoyake tawa kin wakon šni.

34 Han, minape kin dena on taku wacin kin mihdamna, qa tona om waun kin hena wicawecamna qon he niye sdonyayapi.

35 Hena owasin en waonspeciciyapi, hecen ħtayanipi, qa tona wašake šni un kin owicayakiyapi kta, qa Jesus Itancan oie qon yeksuyapi kta, Wicaqupi kin hee wowašte, qa icupi kin hee aoptetu, eye cigon he.

36 Hena hecen eya, unkan hehan canpeška makehde inajin, qa owasin om cekiya.

37 Unkan owasin nina ceyapi, qa Palos poskin yuzapi, qa i iputakapi.

38 Miite kin ake tohinni wanmayadakapi kte šni *eye cigon*, oie

WICOWOYAKE 21.

kin de on'iyotan nina iyokišica-pi. Unkan wita wata kin ekta kici yapi.

WICOWOYAKE 21.

1 Unkan hena eh̄pewicunyanpi, qa pacanan iyeunyanpi, hehan Kos ekta owotanna unkupi, qa ihanhanna hehan Rodos ekta, qa hetanhan Patara en iyounhipi.

2 Qa hen wita wata wan Phenike ekta watom ye kte cin iyeunyanpi, qa he en unkopapi, qa hetanhan unyanpi.

3 Qa Kupros taninyan wanunyakapi, hehan catka tanhan eh̄peya unhiyupi, qa Suria ekta watom unkupi, qa Turos en unhdihunipi, hen wata taku ohnaka kin wahetajupi kta.

4 Unkan waonspewicakiyapi kin iyewicunyanpi, qa hen anpetu šakowin unkokihipapi; hena e qe Woniya Wakan eciyatanhan Palos Jerusalem ekta ye kte šni, keciyapi.

5 Tuka anpetu kin hena wanna unkihunnipi, hehan hetanhan inaunpapi, qa hena is̄ tawicupi šiceca ko owasin opapi, otouwe itankata hehanyan, qa huta kin ekta canpeška makehde inaunjipni, qa ptaya ceunkiyapi.

6 Unkan hehan nape unkiciyuzapi, qa unkiš wata kin en unkopapi, tuka iyepi kin ekta hdapi.

7 Unkan Turos etanhan watom unkupi kin he ihunni unkiyapi, hehan Ptolemais ekta unhipi; qa hunkawanjin kiciyapi kin nape wicunyuzapi, qa anpetu wanjidan om unkanpi.

8 Unkan ihanhanna qehan, tona Palos kici unyakonpi kin, hetanhan inaunpapi, qa Kesarea en iyounhipi; qa Philip wotanin wašte oyake cin he ti kin en unyanpi, šakowinpi qon he wanji ee, qa he kici unyakonpi.

9 Unkan he cunwintku topa witanšna unpi, hena wokcanpi ece.

10 Unkan hen anpetu ota owanji unkanpi kin icunhan, wicašta wokcan wan Agabos eciyapi, Juda makoce kin hetanhan apamahde hi.

11 Qa en unhiyupi qehan, Palos ipiyaka tawa kin icu, qa on siha nape ko iyaihdaške ça, Woniya Wakan kin heya ce, Wicašta tuwe ipiyaka kin de tawa hecinhan, he Juda wicašta, Jerusalem ekta, hecen kaškapi kta, qa Ikcewicašta kin nape kin en wicaqupi kta ce, eya.

12 Unkan he naunhonpi qehan, tona en tipi kin hena om, ceunkiyapi, Jerusalem ekta ye kte šni.

13 Tuka Palos, Token ecanonpi qa yaceyapi, qa hecen cante mayadutakunipi šni he, Jesus Itancan caje kin on Jerusalem ekta makaškapi, qa nakun maše kta e wiyeya manka ce, eya.

14 Unkan wicada šni qehan, unkayaštanpi qa, Itancan tawacin kin ecen econpi nunwe, unkeyapi.

15 Unkan anpetu kin hena iyohakam owasin piunkiciyapi, qa Jerusalem ekta itawankanhde unyanpi.

16 Nakun Kesarea etanhan waonspewicakiyapi kin wanjikji unkopapi, qa wanji Mnason eciyapi kin he aupi, he Kupros etanhan, wanakaja waonspekiyapi kin heca, he ti kin en unyakonpi kta.

17 Unkan Jerusalem ekta iyounhipi, hehan hunkawanjinkiciyapi kin iyuškinyan tin unki-copi.

18 Unkan ihanhanna kin hehan, Palos kici Jakob ekta unyanpi; unkan hunkawicayapi kin owasin en yukanpi.

OHANYANPI QON.

19 Hena nape wicayuze ça, hehan Ikcewicašta kin ekta iye woyake cin on token Wakantan-ka econ qon owasin ecekcen owicakiyaka.

20 Unkan hena nahonpi qehan, Itancan kin idowanpi qa *Palos* heciyapi, Cinye, Juda wicašta kektopawinge ota wicadapi, qa owasin wicoope kin sutaya awa-kicinpi kin he wandaka.

21 Qa niye, Juda oyate Ikce-wicašta ehna yakonpi kin hena owasin Moses toope kin ahdu-ştanpi kta e onspewicayakiye ça, cinca bawicakicihdayapi kte şni, qa wicohan kin hena eciyatan-han manipi kte şni, keha keyapi e nahonpi.

22 Heon toketu kta he. Awi- cakehan wicota kin kawitaya iheyapi kte. Wanna yahi kin he nahonpi.

23 Hecen token unkeniciyapi kin de ecen econ wo. Wicašta tom token iciconzapi kin hena om unyakonpi.

24 Hena owicape ça, om ihdu-ska, qa mazaska on owicakiya wo, hecen paha kin hduşdapi kta. Unkan hecen token oniya-kapi nahonpi qon hena taku şni, qa niş eya owotanna mayani, qa wicoope kin opeya yaun kin he owasin sdonyapi kta.

25 Tuka Ikcewicašta, tona wi-cadapi kin hena wowapi wicun-kicagapi, qa wicohan kin dena takudan opapi kte şni unkeyapi qon, tuka taku wakagapi waki-yuşnapi, qa we, qa taku we ye şni yuţapi kin, qa wiinahmanpi kin hena en ihdoipi kte şni ce, hecedan unkeyapi.

26 Hehan Palos wicašta kin hena owicape ça, ihanhanna kin hehan om ihduska, qa ihduskapi anpetu kin wanna henakeca kte cin he yuotanin kta e tipi wa-

kan kin tin iyaya; taku qupi wan otoiyo hi on woşnapi kta he-hantu.

27 Unkan anpetu şakowin qon wanna henakeca kte hehan Ju-da wicašta, Asia etanhan upi qon hena tipi wakan kin en un wanyakapi qehan, oyate kin owasin iyowicapaştakapi qa *Pa-los* iyahpayapi;

28 Qa hotaninpi, Israel wica-šta kin, ounkiya po; wicašta kin de oyate kin en, qa wicoope kin, qa nakun tipi kin de aie ça, owancaya hecen onspewicaki-ya; qa nakun Helenes wicašta kin tipi wakan kin en awicahi, qa hecen tipi iyotan waşte kin de aşamya ce, eyapi.

29 He itokam Trophimos, Ephesos wicašta kin heca, e otonwe kin en kici un qon he wanyakapi, unkan he Palos tipi wakan kin en ahi, kecinpi.

30 Unkan otonwe kin ocowasin nina oqoyapi, oyate kin kawita-ya iheyapi, qa Palos icupi, qa tipi wakan kin etanhan tankan yusdohan ayapi, unkan ecahan-keya tiyopa kin ecen iyeyapi.

31 Wanna ktepi kta e akitapi, hehan akicita tancan wicobe yu-he cin he, Jerusalem owancaya owodutaton ce, eya okiyakapi kin he nahon;

32 Qa kohanna akicita, akicita tancan ko iwicacu, qa inyang ye ça ekta wicai. Unkan akici-ta tancan akicita ko wanwica-yakapi qehan, Palos apapi kin ayuştanpi.

33 Hehan akicita tancan kin en ye ça, icu, qa maza icicahiha nom on kaşte wicaşi; qa he tuwe kin, qa token econ kin he, eya iwicawanga.

34 Tuka oyate kin hunh taku eya hotaninpi, qa hunh is togye eyapi. Unkan owodutaton kin

WICOWOYAKE 22.

on wowicake kin sdonya okitpani, heon conkaške kin mahen aye wicaši.

35 Unkan can iyadipi kin en hdipi, hehan akicita kin yuha ayapi, oyate kin aotins upi kin heon etanhan.

36 Oyate kin iyulipa ihakam yapi qa, Yutokan aya po, eya hotaninpi.

37 Unkan conkaške kin mahen ayapi kta, hehan Palos akicita tancan kin heciya, Taku eciciye kta tuka ce, iyowinmayakiye kta he. Unkan is, Helenes iapi kin onnispe he, eya.

38 Egiyuta wicašta anpetu kin dena itokam icage ca, wicašta wabotica kin hecapi kektopawinge topa ihakam hewoskan makece kin ekta awicaye cigon he niye šni he.

39 Unkan Palos, Juda wicašta Kilikia en, Tarsos *otonwe* kin hetanhan waun, *otonwe* šice šni en imacaga. Ceciciya ce, oyate kin taku ewicawakiye kta, iyowinmakiya wo, eya.

40 Hecen iyowinkiya; unkan Palos can iyadipi kin akan inajin, qa oyate kin namwicakicawin. Unkan inina yukanpi qehan, Hebrew iapi kin on ie ca, hewicakiya;

WICOWOYAKE 22.

1 Wicašta hunkawanjinciyapi qa hunkakeciyapi kin, nakaha niyepi en wowahdake cin namahon po.

2 Unkan Hebrew iapi un wowicakiyake cin he nahonpi qehan, iyotan inina yukanpi.

3 Unkan hecen eya; Juda wicašta kin hemaca, Kilikia ekta Tarsos en matonpi, qa *otonwe* kin de en icaħmayanpi, qa Gamaliel siha kin ekta, hunkake

wicayapi wicoope yuhapi kin tanyan onspemakiyapi, qa Wakantanka on nina inawahni, niyepi kin owasin nakaha yaunpi kin iyececa.

4 Qa canku kin de wiconte aiyahdeya šicaya wakuwa, wicawakaške ca, wicakaška tipi kin en iyewicawaya, wica winyan ko.

5 Hecen wošna kagapi itancan, qa hunka wicayapi kin owasin mayaotaninpi ece. Hena eepi hunkawanjinkiciyapi kin wowapi wicakicagapi qa maqupi qon, hecen Damaskos ekta imdamde, heciya tona yukanpi kin hena wicakaška Jerusalem ekta wicakaštakapi kta e awicawau kta, heon etanhan.

6 Ohnihde waun, qa Damaskos wanna ikiyadan, unkan wiyyotanhe cin hehan, iho, ihnuhanna mahpiya kin eciyatanhan iyoyanpa tanka wan aohdute mayan.

7 Hehan makata mahinħpaye ca, wicaho wan nawahon, Salos, Salos, tokeca e šicaya mayakuwa he, emakiya.

8 Unkan miš amdupte ca, Itancan nituwe he, epa. Hehan is, Jesus Nazareth etanhan šicaya yakuwa kin he miye ce, emakiya.

9 Unkan tona om waun kin ojanjan kin wanyakapi, qa nina inihanpi, tuka wicaho omakiye cin he nahonpi šni.

10 Hehan miš, Itancan token ecamon kta he, epa. Unkan Itancan kin, Najin, qa Damaskos ekta ya wo, heciya token ecanon kte cin owasin oniciyakapi kta ce, emakiya.

11 Unkan iyoyanpa wiyatpa kin on wawanmdake šni, hecen tona om waun kin hena minape kin yus amayanpi, qa Damaskos en wai.

OĤANYANPI QON.

12 Qa wicašta wan, Ananias eciyapi, wicoope kin eciyatanhan owotanna, Juda oyate hen yakonpi kin owasin he oyakapi;

13 He en mahi, qa najin, qa hemakiya, Salos, misunka tonwan wo. Unkan wibiyayedan oape kin he en ekta ewatonwan.

14 Hehan iye heya; Hunkake wicunyanpi Wakantanka tawapi kin nicaĥniga, iye tawacin kin sdonyaye kta, qa Wanji Owotanna kin wandake a, he i kin eciyatanhan ho kin nayaĥon kta;

15 Qa iye on taku wandake a, nayaĥon kin wicašta owasin owicayakidake kta heon.

16 Unkan nakaha taku e ayape he. Najin wo, baptem niupi kta, Itancan aje kin hoyeyakiye kta, hecen wayaĥtani kin yakpakinte kta ce, eya.

17 Unkan ake Jerusalem ekta icicawin wahdi, qa tipi wakan kin ohna cekiya waun, hehan woakiktonje wan mahiyahde;

18 Qa Itancan kin wanmdaka; he kaken emakiya; Inaĥni, qa kohanna Jerusalem etanhan inanpa wo, mayadaotanin kin he wicadapi kte šni ce, eya.

19 Unkan hepa; Itancan, tona wacinniyanpi kin hena wicawakaška, qa omniciye tipi kin ohna wicawakaštaka ece qon he sdonyapi:

20 Qa Stephanos waayatanin nitawa kin we paponpi qehan, hen nawajin, qa he iyowinwicawakiye a, tona ktepi tašina awanwicaweciyaka qon.

21 Hehan, Hunktiya wo, detanhan tehan ye ciši, Ikcewicašta kin ekta, emakiya ce.

22 Unkan wicoie kin de hehan-yan naĥon yukanpi, hehan nina hotaninpi qa, Wicašta kin de ma-

ka kin etanhan aya po, ni kta e iyecece šni ce, eyapi.

23 Unkan hotankakiya hotaninpi, qa šina elipekiyapi, qa watušekšeca wankan yeyapi kin;

24 Hehan akicita tancan kin, conkaške mahen aupi, qa kapsinpsintapi kin on wiwangapi kta, keya; hecen tokeca on oyate kin nina aoqoyapi kin he sdonye kta.

25 Unkan teĥmiso on kaškapi icunhan, Palos akicita tancan wan en najin kin heciya, Roma wicašta kin heca, qa nahahin yacopi šni, tuka yakapsinpsintapi kta oyakihipi he.

26 Akicita tancan kin he naĥon, unkan akicita tancan tanka kin hoši hde a heya; Taku ecanon kte cin he itonpa wo, wicašta kin he Roma kin heca.

27 Hehan akicita tancan tanka kin en hi, qa heciya, Roma wicašta kin henica hc, omakiyaka wo. Unkan, Han, eya.

28 Unkan akicita tancan qon heya, Ihduhapi kin de ota iyopewakiya, eya. Tuka miš hecen matonpi ce, Palos eya.

29 Heon kohanna tona Palos wiwangapi kte cin hena ayuštaŋ iyayapi, qa akicita tancan tanka kin nina kopehda; he kaška tuka Roma wicašta kin heca e sdonye cin he etanhan.

30 Unkan ihanĥanna qehan, Juda oyate taku iyaonpapi hecinhan, he atayedan sdonye kta, heon icaške kin etanhan kiyuške a, wošna kagapi, hunkawicayapi ko owasin mniciye wicaši, qa hehan en ahi, qa wicacokaya ehde.

WICOWOYAKE 23.

1 Unkan Palos omniciye kin opawicaĥta yanke a, Wicašta

hunkawanjin ciyapi, Wakantanka itokam mitawacin ocowasin wašte, anpetu kin dehan wani, eya.

2 Unkan Ananias wošna kagapi itancan kin, tona ikiyadan najinpi kin *Palos* i kin ohna ape wicaši.

3 Hehan *Palos* heciya, Conkaške skayapi kin, Wakantanka anipe kta ce; wicoope kin eciyatanhan mayadaco kta e yahidotanka tuka wicoope kašeya amape wicayaši.

4 Unkan tona en najinpi kin, Wakantanka wawayušna itancan tawa kin he šicaya owayakiya he, eyapi.

5 Unkan *Palos*, Hunkawanjin ciyapi, he wawayušna itancan kin ee sdonwaye šni, eya; Wowaapi en kaken kagapi, Nitaoyate kin en wicašta itancan kin dašice kte šni ce.

6 Tuka apa Saddukee, qa apa iš Pharisee kin hecapi e *Palos* iyukcan qehan, hehan omniciye kin en hotankakiya heya; Pharisee kin hemaca, qa nakun Pharisee cinhintku kin, qa wicašte cin piya ikicagapi kte cin ape waun kin heon etanhan nakaha mayacopi ce.

7 Unkan hecen eye qehan, Pharisee Saddukee kin om hdokinicapi, qa omniciye kin akipam iyeyapi.

8 Piya ikicagapi kin wanica, qa mašpiya ohnihde, wanagi ko wanica ce, Saddukee kin eyapi ece; tuka Pharisee kin, Napin yukan ce, eyapi ece.

9 Hecen nina owodutaton, qa wowapi kagapi Pharisee etanhanpi kin hena inajinpi, qa wicakigepi, qa heyapi, Wicašta kin de en taku šica takudan iyeunyanpi šni; tuka wanagi, qa mašpiya ohnihde wan taku okiyake

Dak.

cin he hecetu kinhan, Wakantanka kici unkicizapi kte šni.

10 Nina hdokinicapi, unkan *Palos* yušpašpa icupi kta e akicita tancan tanka kin kokipe qa, heon akicita kin kun ye wicaši, hena wicacokaya tanhan icupi, qa conkaške kin mahen akupi kta.

11 Unkan he ištayetu, hehan Itancan kin en hinajin qa, *Palos* cante wašte wo, Jerusalem en mayadaotanin kin he iyecen Roma ekta mayadaotanin kta ce, eciya.

12 Unkan anpa kamdeze cin, hehan Juda wicašta wanjikji okodakiciye wan kagapi, qa witaya içiconzapi, takudan yutapi kte šni, qa takudan yatkanpi kte šni, *Palos* ktepi šni kin hehanyan kta, keyapi.

13 Wakiconzapi kin hena wicašta wikcemna topa aktonpi.

14 Unkan hena wawayušna tankapi, qa hunka wicayapi ko en wicayapi, qa hecyapi; *Palos* unktepi šni kin hehanyan, takudan untapi kte šni e wokonze on unkiconzapi.

15 Heon etanhan hanhanna, niye omniciye kin owasin om akicita tancan tanka kin he au yašipi kta, taku sanpa atayedan inungapi kta seca e heon; qa unkiš he ikiyadan aupi šni, hehan unktepi kta e wiyeya unkanpi kta ce, eyapi.

16 Unkan hena našmana iyape yukanpi kin he *Palos* tonškaku kin našon qehan, hehan ekta ye ca conkaške kin timahen i, qa *Palos* okiyaka.

17 Hehan *Palos* akicita tancan wanji kico qa, Koška kin de akicita tancan tanka kin ekta aya wo, taku okiyake kta ce, eya.

18 Unkan heon he icu, qa akicita tancan tanka kin ekta ai qa,

OHANYANPI QON.

Palos kaškapi un kin he mico, qa koška kin de cicahi kta e econ maši, taku oniciyake kta keya ce, eya.

19 Hehan akicita tancan tanka he nape yuze ça kicišnana icunom iyaye ça, Taku omayakidake kta he, eya iwanga.

20 Unkan, Heyakecinhan Juda wicašta kin omniciye kin en Palos au nišipi kta wanna konzapi, taku sanpa atayedan iwangapi kta seca e heon heyapi.

21 Tuka niš awicayupte šni wo. Wicašta wikcemna tom aktonpi kin wokonze on waki-conzapi, Palos ktepi šni hehan-yan takudan yutapi kte šni qa takudan yatkanpi kte šni, hena nakaha wiyeya yukanpi qa niš awicadupte kte cin he ape yukanpi, eya.

22 Hehan akicita tancan tanka koška qon hdicu ye ça, Hena omayakidake cin he tuwedan sdonye ye šni wo, eciya.

23 Qa hehan akicita tancan nom wicakico qa, Akicita opawinge nom taku owasin on wicayuwiyeya po, qa nakun šuktanka akan yotankapi kin wikcemna šakowin, qa wahukeza yuhapi kin opawinge nom, hanyetu kin oape iyamni, hehan Kesarea ekta yapi kta ce.

24 Nakun šuktanka wiyeya ehnaka po, Palos akan yankekiyapi kta, qa Phelika wicašta itancan yanke cin he en tanyan aipi kta, ewicakiya.

25 Hehan wowapi wan kaken kaga:

26 Kladios Lusias, Phelika wicašta itancan iyotan wašte kin *wowapi kicaga* ce. Wookiye.

27 Wicašta kin de Juda wicašta kin icupi, qa wanna ktepi kta hehan akicita hduha en wai, qa etanhan iwacu, he Roma wica-

šta kin heca e nawalion kin heon.

28 Qa taku iyaonpapi kin he tanyan sdonwaye kta wacin, heon iye omniciye yuhapi kin en awai;

29 Qa iye wicoope hduhapi kin eciyatanhan wiwangapi kin iyaonpapi wanmdaka, tuka taku on ktepi, qa kaškapi kta e iyaonpapi kin takudan iyewaye šni.

30 Qa wicašta kin de Juda wicašta nahmana iyape yukanpi kin he omakiyakapi qehan, kohanna niye ekta aye wicawaši, qa tona taku en aupi kte cin hena hecen iyaonpeya eniciye wicawaši. Tanyan yaun nunwe.

31 Hehan akicita iš econ wicaši qon iyecen Palos hanyen icupi, qa Antipatris en aipi;

32 Qa hanhanna hehan šuktanka akan yotankapi kin hena hetanhan ayapi kta e ehpewicayapi, qa conkaške kin ekta hdicupi.

33 Unkan hena iš Kesarea ekta ipi, qa wicašta itancan wowapi qon qupi qehan, hehan Palos itokam ehdepi.

34 Unkan iye he yawa, qa makoce kin tukte e etanhan un hecinhan wiwanga; qa Kilikia etanhan un kin he sdonya;

35 Hehan, Tohan tona taku iyanionpapi kin hena nakun hipi kinhan, hehan miš eya naciñon kta ce, eya; qa Herod woyaco tipi tawa qon he ohna awanyag wicaši.

WICOWOYAKE 24.

1 Unkan hetanhan anpetu zaptan, hehan Ananias wawayušna itancan kin hee, qa hunkawicayapi kin om, ekta apamahde ya, nakun wicašta ieksapa wan, Tertulos eciyapi, hena wicašta itancan kin itokam Palos taku iyaonpapi kta.

WICOWOYAKE 24.

2 Unkan en kicopi qehan, Tertulos taku iyaonpe ça heya ;

3 Niye enitanhan wookiye tanka unhapi ce, qa waawandake cin eciyatanhan oyate kin de en wicohan wašte econpi ece kin he ohinniyan qa owancaya unkicupi, qa on, Phelika iyotan wašte, wopida unkeniciyapi ce.

4 Tuka sanpa nagiyeciye kte šni, heon ceciciya ce, nitowaonšida kin on wicoie wanjikji naunyalionpi kta.

5 Wicašta kin de makosice, qa maka kin owancaya Juda oyate cante okiçuninwicaye cin, qa yuomdecapi wan Nazareth etanhanpi, ewicakiyapi kin he en mdetahunkapi kin he wanji dee e iyeunyanpi ce.

6 He tipi wakan kin yušape kta ; unkan hehan unkiš unki-cupi, qa wicoope unkitawapi kin eciyatanhan unyacopi kta ;

7 Tuka Lusias akicita tancan tanka kin ekta i, qa wicowašake tanka on unnapepi kin etanhan eyaku.

8 Qa tona taku iyaonpeya eyapi kin hena niye kin ekta u wicaši. Hena wiwicanunge cinhan taku iyaunkonpapi kin owasin atayedan sonyaye kta ce.

9 Unkan Juda wicašta kin iš waayuptapi qa, Hena hecetu ce, eyapi.

10 Hehan wicašta itancan kin Palos ie kta e namkicawin, hehan waayupte ; Oyate kin de en waniyetu ota wicašta wayaco nanka e sdonwaya, heon etanhan nakaha iyuškinyan wowa-hdaka.

11 Hecen Jerusalem ekta ce-kiya imdamde cin, hehantanhan wanna anpetu ake nomnana e sonyaye kta oyakihi.

12 Qa tipi wakan kin ohna tuwe kici awakinica ecen wanma-

yakapi šni, qa omniciye tipi kin ohna, qa otonwe kin en, oyate kin wicayumdeca waun šni.

13 Qa nakaha taku iyamaonpapi kin hena yasutapi kta e okihipi šni.

14 Tuka de ociciyaka, yuomdecapi kin cajeyatapi qon he canku kin ohna hunkake wicawaye cin Wakantanka tawapi kin ohowada, qa wicoope, qa wicašta wokcan taku owapi qon hena owasin wicawada :

15 Qa Wakantanka wacinwaye, qa wicašte cin, wašte šica ko, ake woekicetu kte cin he ape waun, he iš iyepi nakun hecen wicadapi.

16 Heon Wakantanka, qa nakun wicašta kin en tawacin takudan iyaonpepica šni waun kta e ohinniyan opimiçiya ce.

17 Unkan nakaha waniyetu ota iyohakam, mitaoyate kin taku qupi, wošnapi ko wicaweci-cau kta e wahdi.

18 Qa hecen tipi wakan kin ohna mihduska waun, wicota qa owodutaton kin unmana en owape šni, ecen Juda wicašta Asia etanhan wanjikji wanmayakapi qon.

19 Hena eepi kin niye en nihiyupi, qa taku yuhapi kinhan iyamaonpapi kta tuka.

20 Qa dena iš, omniciye kin en nawajin kin, he icunhan taku šica ecamon kin taku sonyapi kinhan oyakapi kta.

21 Tuka wicacokaya nawajin qehan, wicoie wanjidan taninyan epa, Anpetu kin de wicašte cin woekicetu kte cin heon mayadacopi, epe ciqon hee, eya.

22 Unkan Phelika hena nañon qehan, qa canku kin de on sanpa tanyan sdyne kta cin kin heon, hde wicaši qa, Tohan Lusias akicita tancan tanka hi kinhan,

OHANYANPI QON.

niyepi kin on taku owasin sdon-
waye kta ce, eya.

23 Qa akicita tancan wan Pa-
los awanyag kiye ça, woozi yuhe
kta, qa iye takuwicaye cin tuwe
en hi qa okiye kta cin kinhan
telinda kte *śni*, *keya*.

24 Unkan anpetu tonana iyo-
hakam, Phelika, qa tawicu Dru-
sila ec iyapi, Juda winohinca kin
heca, he kici hi, hehan Palos
kico, qa Messiya wacinyanpi kin
on nahon.

25 Unkan Palos wicoowotan-
na, qa iyatahde içiyapi *śni*, qa
woyaco u kte cin hena oyake
cin, he icunhan Phelika cancan,
qa, Nakaha ekta hda wo, tohan
tanyan iyomakipi kinhan ake
cico kta ce, eya.

26 Palos kiyuşke kta e on ma-
zaska qupi kta kecin, heon kico,
qa kici wohdaka ece.

27 Tuka wanna waniyetu non-
pa, hehan Phelika yanke cin en
Porkios Phestos hiyotanka. Un-
kan Phelika Juda oyate kin iyo-
kipi wicaye kta cin, qa heon Pa-
los kaşkapi ecen ehpeya kihda.

WICOWOYAKE 25.

1 Unkan Phestos makoce kin
he en hiyotanke cin, iyohakam
anpetu yamni, hehan Kesarea
etanhan Jerusalem ekta itawan-
kanhde iyaya.

2 Unkan wawayuşna itancan
qa Juda wicaşta tokapapi kin,
Palos on okiyakapi qa cekiyapi;

3 Cinkiyapi, Jerusalem ekta
Palos au wicakiye kta, qa iyepi
kin nahmana ktepi kta e tahapi
iyapepi kta.

4 Tuka Phestos, Palos Kesa-
rea ekta awanyakapi kta, qa
iye kin ecađan ekta hde kta,
keya.

5 Qa niyepi kin etanhan tona

waşakapi kinhan, apamahde om
mde kta, qa wicaşta kin he taku
en un kinhan wiyaonpapi kta
ce, eya.

6 Unkan anpetu şahdogan, qa
iş wikcemna hena om un kin,
hehan Kesarea ekta hda, qa
ihanhan qehan woyaco oiyo-
tanke kin akan kiyotanke cin,
hehan Palos en au wicaşi.

7 He en hi, unkan hehan Juda
wicaşta Jerusalem etanhan hipi
qon hena ihduksan najinpi, qa
wiyaonpapi tanka ota Palos en
aupi, tuka yaecetupi okihipi *śni*.

8 Hehan iye wohdaka; Juda
oyate wicoope hduhapi, qa tipi
wakan kin en, qa nakun Kesar
en takudan wawahtani *śni* ce,
eya.

9 Tuka Phestos Juda oyate kin
iyokipi wicaya cin, heon Palos
ayupte ça heciya; Jerusalem
ekta de ça, heciya mitokam de-
na on niyacopi kta tawaţenyaya
he, eya.

10 Hehan Palos, Kesar woya-
co oiyo tanke tawa kin en nawa-
jin, hen mayacopi kta iyececa;
Juda oyate kin taku şice cin ta-
kudan ecawicawecon *śni* e tan-
yan sdonyaya.

11 Wawahtani, qa taku şica
on maktepi kta iyecece cin he
ecamon kinhan, maţe kta tawa-
ţenwaya tuka; tuka dena taku
iyamaonpapi kin taku *śni* kin-
han, tuwedan hena mayuhe wi-
cakiye kte *śni*. Kesar cajemda-
ta ce, eya.

12 Hehan Phestos, tona owi-
capeya wayaco iyotanke cin he-
na om wohdaka, hehan ayupta;
Kesar cajedata, Kesar ekta de
kta ce, eya.

13 Unkan anpetu tonana iyo-
hakam, Agrippa wicaştayatapi
kin Bernike kici, Phestos nape
yuzapi kta e on Kesarea en hipi.

WICOWŌYAKE 26.

14 Qa anpetu ota hen yukanpi, hehan Phestos wicaštayatapi kin Palos on okiyake ça heya, Wicašta wan Phelika kaška ehnake ciquon he nahanlin ecen yanka.

15 Jerusalem ekta wai qehan, wawayušna tankapi, qa Juda hunka wicayapi kin hena he kapi, qa omakiyakapi, qa yacopi kta e cinpi.

16 Hena hecen awicamdupte ça, Wicašta wan taku iyaonpapi kinhan, tona taku iyaonpeya eyapi kin wicitokam wiyaonpapi kin en waayupte iyowinkiyapi šni kinhan, teyapi yacopi kin he Roma wicoľan šni ce, epa.

17 Heon hena den hipi, unkan mdutehan šni, tuka ihanľanna hehan, woyaco oiyotanke kin akan wakimdotanke ça, wicašta kin he en au wicawaši.

18 Hehan tona taku iyaonpapi kin hena najinpi, tuka token wacami qon he iyecen takudan iyaonpapi šni.

19 Tuka iyepi wocekiye eyapi kin eciyatanhan wiwicawangapi kin wanjikji he en aupi, qa nakun wanji Jesus eciyapi kin he ła, tuka ake kini kin, Palos keya ece.

20 Unkan wiwicawangapi heca kin imdukcان šni heon, Jerusalem ekta de ça heciya dena on niyacopi kta tawaťenyaya he, eya imunga.

21 Tuka Palos Sebastos cajeyate ça, he itokam yacopi kta keye cehan, Kesar ekta aye wicawakiye kta hehanyan awanyag wicawaši.

22 Hehan, Miš eya wicašta kin de nawahon kta wacin ce, Agrippa Phestos eciya. Unkan is, Heyakecinhan nayahon kta ce, eya.

23 Unkan ihanľanna qehan,

Agrippa Bernike kici wokoyake waštešte kičun hipi, qa wanaľon tipi kin en tin ipi; qa nakun akicita tancanpi kin, qa otonwe en wicašta tokapapi kin hena ko; hehan Phestos econ-wicaši kin on Palos en ahipi.

24 Unkan Phestos heya, Agrippa wicaštayatapi kin, qa wicašta tona den om unkanpi kin, wicašta kin on Jerusalem ekta, qa deciya nakun, Juda oyate kin owasin cemakiyapi qa, Sanpa ni kta e hecetu šni ce, eya hotaninpi qon, he dee wandakapi.

25 He taku šica econ kin, on te kte cin, takudan iyewaye šni, qa is iye Sabastos cajeyate cin, heon ekta ayapi kta e wakonza.

26 Tuka he on, mayuhe cin taku wecage kte cin atayedan takudan mduhe šni. He etanhan nakaha en cicahipi, wicaštayatapi kin niye iniyotan, hecen tohan tanyan wiwangapi kinhan, token wakage kte cin taku mduhe kta.

27 Wicašta wan kaškapi kin he heciya aye šipi, qa wiyaonpapi kin takudan kagapi šni kinhan, he hecetu šni imdukcان ce, eya.

WICOWOYAKE 26.

1 Hehan Agrippa Palos heciya, Wanna woyahdake kte cin iyowinniciyapi ce. Unkan hehan Palos nape kin hdugate ça wohdaka.

2 Agrippa wicaštayatapi kin, Juda oyate taku iyamaonpapi kin owasin nakaha nitokam woyahdake kte cin heon imduškin.

3 Juda wicoľan kin wiwangapi ko owasin tanyan hdukcان nanka sdonwaya, heon etanhan. Qa hecen ceciciya ce, wacin tanka on namaľon wo.

4 Tokaheya tanhan Jerusalem

OHANYANPI QON.

ekta mitaoyate kin om, homa-
ksidan ehantanhan, token ohan-
yan waun qon Juda wicašta kin
owasin sonyapi.

5 Token ohoundapi ece kin
owotanna hince cin en opeya
waun, Pharisee hemaca, hena e
otokaheya tanhan sdonmayanpi,
oyakapi cinpi unkanš.

6 Qa nakaha Wakantanka hun-
kake wicunyanpi kin iwahowi-
caye ciqon he aepi kin on, den
mayacopi kin ecen nawajin.

7 De ekta wicoun unkitawapi
ake nonpapi kin iyohipi kta e ape
yukanpi, qa anpetu hanyetu ko
cekiyapi ece. Agrippa wicašta-
yatapi kin, woape kin de on Ju-
da wicašta wimawangapi qon.

8 Wakantanka wicašte cin ake
ekicetu wicaye cin he tokeca e
he taku wicadapica šni kecanipi
he.

9 Miš eya Jesus Nazareth etan-
han caje kin on, taku ota kipa-
jinyan ecamon kta iyececa ke-
pce ciqon.

10 Jerusalem ekta hena hecen
ecamon qon; qa wawayušna
tānkapi kin wowašake maqupi
kin on, wicašta owotanna kin
ota wicakaška tipi kin en iye-
wicawaye ça, te yapi kta wica-
yacopi qehan, miš eya iyecen
epa ece.

11 Qa omniciye tipi kin iyaza
otakiya wicawakaštake ça, wao-
štehda wicawakiye ça, nina can-
niye wicawaye cin heon otonwe
tokeca ekta šicaya wicawaku-
wa.

12 He icunhan wawayušna tan-
kapi kin wowašake wowapi ko
maqupi kin, he yuha Damaskos
ekta imdamda.

13 Unkan tahepi iho, wicašta-
yatapi, anpe cokaya kin hehan-
tu, iyoyanpa wan anpetu wi kin
sam iyeya wiyatpa kin he wan-

mdaka, he ihdukšan iyoyanpa
maye ça tona om mawani kin
hena nakun.

14 Unkan owasin makata
ehpeunkiçiyapi, hehan wicaho
wan nawañon, Hebrew iapi on
hecen emakiya, Salos, Salos, to-
keca šicaya mayakuwa he, can
pesto kin nayahtake cin he te-
hika ce.

15 Unkan miš, Itancan, nituwe
he, epa. Unkan, Jesus šicaya
yakuwa kin he miye ce, eya.

16 Tuka inajin, qa nisiha kin
on najin wo; token wandake
ca, tokata taku wanyag ciciye
kte cin hena en waayatānin, qa
ookiye kin cicage kta e heon
nakaha wanmayag ciciya.

17 Oyate kin etanhan ecihda-
ku kta, Ikcewicašta kin nakun,
hena e ekta nakaha ye ciši.

18 Išta wicadumdaye ça, otpa-
za etanhan iyoyanpa ekta, qa
Satan towašake kin etanhan
Wakantanka ekta wicaduhomni
kta; qa hecen wacinmayanpi
kin on wahtanipi wicakicicaju-
jupi kin, qa tona ska wicakagapi
kin hena om woyuha yuhapi kta
ce.

19 Hecen on, Agrippa wicašta-
yatapi kin, mahpiya wowanyake
kin he ceñunwahda šni.

20 Tuka tokaheya Damaskos
en yakonpi, qa Jerusalem, qa
Juda makoce kin owancaya, qa
nakun Ikcewicašta kin, ihdue-
cetupi, qa Wakantanka ekta
ihduhomnipi kta, qa ihduecetup-
i wicohān kin econpi kta hena
hecen owicawakiyaka ece.

21 Hena on etanhan, Juda wi-
cašta kin tipi wakan kin ohna
mayuzapi, qa maktepi kta tuka.

22 Tuka Wakantanka omakiye
cin heon anpetu kin dehanyan
wani, qa tona ciqapidan tankin-
yanyan ko, wicawakiyaotanin,

WICOWOYAKE 27.

qa wicašta wokcan kin Moses kici taku u kte cin oyakapi qon henana owicawakiyaka ece.

23 Messiya kakije kte ça iye tokaheya wicate cin etanhan najin kta, qa oyate kin Ikce-wicašta ko iyoyam wicaye kte cin.

24 Hena hecen eya, unkan Phestos hotankakiya ie ça, Palos niyuhnaşkinyan, wowapi ota onspeniçiciye cin he wicayuhnaşkinyan en iyeniyen ce, eya.

25 Tuka iye, Phestos iyotan wašte kin, mayuhnaşkinye şni, tuka wowicake wicowahbadan oie kin epa ce, eya.

26 Qa wicaştayatapi kin is hena tanyan sdonya, heon itokam waditagya wowahdaka, hena taku kin iye kin anakihmanpi şni e mdukecan, okahmin en econpi şni nakaeş.

27 Agrippa wicaştayatapi kin, wicašta wokcan kin hena wicayada he. Wicayada e sdonwaya.

28 Hehan Agrippa Palos heciya; Kitan ecinyan Kristian hemaca kta e awacinmayaya ce.

29 Unkan Palos heya, Wakan-tanka cewakiya ce, niye nişnana şni, tuka tona anpetu kin de namahonpi kin owasin, kitan ecinyan hee şni, tuka ocowasin miş waun kin iyecen yaunpi kta, tuka icaške kin dena ope kte şni.

30 Hena hecen eya, unkan hehan wicaştayatapi, qa wicašta itancan kin, Bernike kici, qa tona om iyotankapi kin hena ko najinpi;

31 Qa icunom yapi qa, Wicašta kin de taku on te kte ça, kaşkapi kte cin takudan econ şni ce, iyakitedan ekiciyapi.

32 Hehan, Wicašta kin de Kesar cajeyate şni unkanş kiyuşkapi kta tuka, Agrippa Phestos eciya.

WICOWOYAKE 27.

1 Unkan Italia ekta watom unyanpi kta e wanna konzapi, hehan Palos qa wicakaşkapi tokeca kin, akicita tancan wan, Sebastos taobe kin etanhan, Julios eciyapi kin, he wicayuhekiyapi.

2 Unkan wita wata wan Adramutium etanhan, Asia makoce kin ekta tuktekten oihunni kte cin he en unkopapi, qa pacanan iyeunyanpi, qa Aristarkos Makedonos, Thesalonike etanhan, he kici unyanpi.

3 Unkan ihanhanna qehan, Sison en unkihunnipi. Unkan Julios Palos tanyan okicihan, takuwicaye cin ekta wicai, qa hena etanhan taku yuhe kta e iyowin-kiya.

4 Unkan hetanhan pacanan iyeunyanpi, qa Kupros ihukuya watounpapi, tatoheya unyanpi kin heon.

5 Unkan Kilikia qa Pamphulia miniwanca kin unkihunnipi qehan, Lukia en Mura eciyapi kin he ekta unhipi.

6 Unkan hen wita wata wan Aleksandria etanhan, Italia ekta watom ye kte cin, he akicita tancan kin wanyake ça, he en ope unyanpi.

7 Unkan anpetu ota iwaştedan watounpapi qa kitan se Knidos en iyotakons unkipi, tatoheya unyanpi nakaeş, hehan Krete ihukuya, Salmone iyotakons watounpapi.

8 Qa he kitan se kapeya unyanpi, hehan makoce wan Oihunni wašte eciyapi kin he en unkipi, he Lasea otonwe kin ikiyadan.

9 Wanna anpetu ota, qa watounpapi kin okokipe aya, hamdepi tanka kin wanna enakiyapi, hehan Palos wahokonwicakiya;

OHANYANPI QON.

10 *Qa hewicakiya, Wicašta kin, watounpapi kte cin de on wita wata kin taku ohnaka ko yutakunipi kte šni, qa nakun unkiyepi kin iyotanhan iyeunkiyapi kta e imdukcan ce, eya.*

11 *Tuka akicita tancan kin, wahektape cin qa wita wata tawa kin hena anawicakicigoptan, qa Palos ie cin he wicada šni.*

12 *Unkan oihunni kin he en waniyetu osan yukanpi kte cin he wašte šni, heon hetanhan yapi, qa okihipi kinhan, Phenike ekta watom ipi, qa hen waniyetu owanji yukanpi kta, wicota keyapi; Krete en oihunni wan itokagatanhan, wiyohpeyata ohna waziyata etkiya huta kin yuškomya wanke cin hee.*

13 *Unkan okaga tanhan tate kin iwaštedan hiyu, qa hecen token wacinpi qon wanna ecetu kecinpi, hehan kiyuškapi qa Krete ikiyedan watopapi.*

14 *Tuka iecadan, tateyanpa wan ohitike cin he en iyapa hiyu, he Tate-taja eciyapi.*

15 *Unkan wita wata kin nina iyapa, hecen tatoheya yapi okihipi šni, hehan kaha iyeunyanpi iyowinunkiyapi.*

16 *Unkan wita wan Klauda eciyapi, he ikiyadan unyanpi, hehan kitan hin wata cistinna kin icu unkokihipi.*

17 *He yuwankan ehdakupi, qa icaške kin unpi, qa wita wata kin opta yuskiskitapi, hehan wi-yaka šice cin en iyohpeyapi kta kokipapi, qa heon šina on watopapi kin palipapi, qa hecen tate on kaha iyewicayapi.*

18 *Qa nina unkakiħanšicapi, heon ihanħanna, hehan wata kin etanhan taku tankan ehpeyapi.*

19 *Qa anpetu iciyamni hehan, unnapepi kin on, wita wata kin*

en, taku wowinyunyanpi kin minin ehpeunyanpi.

20 *Unkan anpetu ota, anpetu wi wicanħpi ko tanin šni un, qa nina unkakiħanšicapi, hehan un-nipi kta unkecinpi qon he wanna unkayuštanpi.*

21 *Tuka tehan takudan yute šni unpi kin, hehan Palos wica-cokaya najin, qa, Wicašta kin, anamayagoptanpi qa Krete etanhan pacanan iyeyayapi kte šni iyececa, hecen taku šice a wicakakije cin de nihiyahdepi kte šni tuka.*

22 *Qa nakaha ceciciyapi ce, cante wašte po; tuwedan niħapi kte šni, tuka wita wata kin hecedan.*

23 *Wakantanka ohowada, qa iye mayuhe cin he taohnihde ye cin hinhan en mahinajin.*

24 *Qa, Palos kokipe šni wo; Kesar itokam inayajin kta, unkan tona om watoyape cin owasin Wakantanka niu ce, eya ce.*

25 *Heon etanhan, wicašta kin, cante wašte po; Wakantanka wicawada, token emakiye cin he ecetu kte.*

26 *Tuka wita wan en iyeunyanpi kta ce, eya.*

27 *Unkan otpaza iaketopa kin, hehan Adria miniwanca kin ohna kaha iyeunyanpi kin icunhan, hanye cokaya hehan watope wicakiyapi kin makoce wan ikiyadan upi kecinpi.*

28 *Qa hehan mazasu haħonta ikoyake cin minin iyeyapi, qa akatinpi wikcemna nonpa e iye-yapi. Hetanhan kitanna kapeya yapi, hehan ake econpi, unkan wanna akatinpi ake zaptan.*

29 *Unkan imnija kin en iyewicayapi kta e kokipapi, heon wahektapa kin etanhan maza aspe-iiyapi tom minin iyeyapi, qa anpao kta e cinpi ĸinca.*

WICOWOYAKE 28.

30 Unkan watope wicakiyapi kin wita wata kin etanhan najicapi kta akitapi, qa wata cistina qon he mini kin ekta yuhukun iyeyapi, watokapa tanhan maza aspeiçiyapi minin iyeya konzapi.

31 Unkan Palos akicita tancan kin akicita ko hewicakiya; Denawita wata kin ohna yukanpi šni kinhan, yanipi oyakihipi kte šni ce.

32 Hehan akicita kin wata cistina hañonta ikoyake cin bapsakapi, qa kun iyeyapi.

33 Wanna anpao kta hehan Palos owasin taku yutapi icu wicaši, qa heya; Nakaba takudan yute šni yaunpi anpetu iake topa kin he dee, hehanyan takudan iyacupi šni.

34 Heon ceciciyapi ce, taku yutapi icu po, on wanišakapi kta ce, paha nitawapi sukaza wanjidan hinhpaye kte šni ce.

35 Hena hecen eya hehan aguyapi icu, qa owasin wicitokam Wakantanka cekiye ça, kiyuše ça yuta.

36 Hehan owasin cante waštepi, qa woyute icupi.

37 Unkan wita wata kin ohna, wicanagi owasin opawinge nom sanpa wikcemna šakowin sanpa šakpe unyakonpi.

38 Unkan taku yutapi on imnanpi hehan wita wata kin yukapojedanpi, qa aguyapi su kin minin ehpeyapi.

39 Unkan wanna anpa kamdeze çehan, makoce kin iyekiyapi šni; tuka kałimin wan huta oihunni wašte kin he wanyakapi, qa okihipi kinhan, he en wita wata kin aipi kta, keyapi.

40 Hehan maza aspeiçiyapi kin bapsag iyeyapi, qa minin ehpeyapi, qa iyupse yuza icaške kin kiyuškapi; hehan šina watope-

kiyapi tanka kin yuwankan ieyapi, qa huta kin ekta yapi.

41 Tuka tukten miniwanca nom kokijuya hiyu kin he en iyohpayapi, qa hen wita wata kin azi yapi. Unkan watokapatanhan kin he sutaya ihan, tuka wahektapatanhan kin taja on kamden iyeya.

42 Unkan akicita kin wicakaškapi kin hena wicaktepi kta e konzapi, okinni wanjikji huta kin ekta niwanpi, qa najicapi kta, keyapi.

43 Tuka akicita tancan kin is Palos nikiye kta cin kin, heon taku econpi kte cin iyowicaki šni; qa hehan tona niwan okihipi kin hena tokaheya minin ehpeiçiyapi qa huta kin ekta niwanpi kta, keya.

44 Hehan tona nahahin en un kin hena, hunh canmdaska akan, qa hunh is wita wata etanhan onšpašpadan akan iyayapi. Unkan hecen owasin huta kin ekta tanyan iyohipi.

WICOWOYAKE 28.

1 Unkan ekta tanyan iyohipi hehan wita kin he Melite eciyapi e sdoniyapi.

2 Unkan Ikcewicašta kin nina taku wašte ecaunkiconpi, cetipi qa otoiyohi en unkiçopi, nina magaju qa osni kin heon etanhan.

3 Unkan Palos can cikeistina ota pahi, qa peta en aonpa hehan, wamduškadan wan iyokatapi kin etanhan hiyu, qa Palos nape kin en ikoyag içiya.

4 Unkan nape kin en taku ocinšice cin de ikoyake cin he Ikcewicašta kin wanyakapi qehan, iyakitedan hekiciyapi; Awicahehan wicašta kin de tin wicakte kin heca, miniwanca kin

OHANYANPI QON.

etanhan ni hiyu ešta, taku owotanna kin he ni kta e iyowinkiyé šni ce.

5 Tuka wamduškadan qon nape kin etanhan peta kin en hdatata ełipeye a tuktedan kiunniye šni.

6 Tuka kapo kta, a is ihnuhan-na a iyaye kta kecinpi. a tehan ekta etonwan yukanpi a tuktedan kiunniye šni un kin wanyakapi, hehan tawacin kin tokeca hinhdapi a, De taku wakan kin hee ce, eyapi.

7 Unkan hen ikiyedán, wita kin ohna wicašta tokapa, Publios eciyapi kin he makoce onšpa yuha; unkan he tin hiyu unšipi, a anpetu yamni hehanyan tanyan wo unqupi.

8 Unkan Publios atkuku kin wayazanka, tancan kate a we ece iheya. Palos he en i, a cekiyé a, nape on aputake a asniyan.

9 Hecen econ, unkan hehan wita kin en tona wowayazan yuhapi kin hena en hipi, a asni wicayapi.

10 Heon etanhan nina unkinihanpi, a hetanhan unyanpi kte cin, hehan taku uncinpi kin owasin unqupi.

11 Unkan wi yamni, hehan wita wata wan Aleksandrea etanhan, he wita kin hen waniyetu wanke cin, he wiyokiyedan yuke cin, Jupiter cekpapi tawa kin hee, unkan he en unkopapi.

12 a Surakusa ekta unkihun-nipi, a anpetu yamni unyakonpi.

13 Unkan hetanhan ohomni unyanpi, a Regium ekta unhipi. a anpetu wanjidan iyohakam, tate itokaga tanhan uya, a anpetu inonpa hehan Puteoli en unkipi.

14 Hen hunkawanjin kiciyapi kin *wanjikji* iyewicunyanpi, a anpetu šakowin om unyakonpi

ktá e cinpi. Hehan Roma ekta-kiya unyanpi.

15 Unkan heciyatanhan hunkawanjin kiciyapi kin unkiyepi eciyatanhan nahonpi, a itkounkipapi au, Appiiphorum a Owote tipi yamni kin hehanyan. Hena Palos wanwicayaka, unkan Wakantanka wopida eciye a wakišag iciya.

16 Unkan Roma ekta unkipi, hehan akicita tancan qon wica-kaške cin hena wicaštayatapi taakicita tancan kin qu, tuka Palos akicita wanjidan awanyag un kin he kicišnana yanke kta e iyowinkiyapi.

17 Unkan anpetu yamni iyohakam, Palos Juda wicašta tokapapi kin wicakico. a en mniciyapi hehan hewicakiya, Wicašta hunkawanjinciyapi, atewicunyanpi oyate a wicohan kin en taku šica takudan ecamon šni ešta, Jerusalem ekta makaškapí ecen Roma oyate napepi kin en iyemayanpi.

18 Hena is wimawangapi qehan makiyuškapi kta, miye en taku on mašte kte cin takudan *iyeyapi* šni.

19 Tuka Juda wicašta kin nina tehindapi kin heon, Kesar caje mdate kta iyececa wadaka, mitaoyate kin taku iyawicawaonpe kte cin takudan mduhe šni tuka qon.

20 Heon etanhan nakaka cicipi, wanciyakapi a wociciyakapi kta, Israel oyate awacinpi kin he on maza icicalihha kin de on makaškapi ce, eya.

21 Hehan is eya heciyapi, Juda makoce kin etanhan niye on wopapi unkahipi šni, a hunkawanjin kiciyapi heciyatanhan hipi kin tuwedan taku šica iyanionpe a oyake šni.

22 Tuka niš token nitawacin

WICOWOYAKE 1.

kin naunnihonpi kta uncinpi, yu-
omdecapi kin de owancaya ya-
sicapi e sdonunyanpi ce.

23 Unkan anpetu wan cajeya-
tapi kin he en wicota Palos
yanke cin en hipi; unkan is
Wakantanka tokiconze kin yao-
tanin, qa onspewicakiye ca, Mo-
ses toope kin wicašta wokcan
ko, etanhan Jesus on wahokon-
wicakiya, anpao kin etanhan
otpaze cin hehanyan.

24 Unkan hunh taku oyakapi
kin wicadapi, qa hunh is wica-
dapi sni.

25 Unkan okonwanjidan awa-
kicinpi sni kin, hehan kihdapi,
Palos wicoie wanjidan oyake
cin iyohakam; Woniya Wakan
kin Isaya wicašta wokcan kin
en, hunkake wicunyanpi kin
tanyan wowicakiyaka;

26 Qa heya, Oyate kin de ekta
wicai, qa heya wo; Wanañonpi
kin on nayañonpi kta tuka oya-
kahñigapi kte sni, qa wawanya-

kapi kin on wandakapi kta tuka
widukcanpi kte sni:

27 Oyate kin de cantepi kin
cepa aye ca nogepi kin on kitan
se wanañonpi, qa istapi kin o-
lmus icupi; ista kin on wawan-
yakapi kte sni, qa noge kin on
wanañonpi kte sni, qa cante kin
on okahñigapi kte sni, qa ihdue-
cetupi kte sni, qa mis okizi wi-
cawaye kte sni heon etanhan.

28 Hecen on he sdonya po,
Wakantanka wiconi tawa kin
Ikcewicašta kin wicaqupi, un-
kan hena is nañonpi kta ce.

29 Hena hecen eya, unkan Ju-
da wicašta kin kihdapi, qa nina
hdokinicapi.

30 Unkan Palos waniyetu nom
tipi iyunwin ton odote cin he
ohra yanke ca, tona en hipi kin
owasin tin u wicaši.

31 Wakantanka tokiconze kin
yaotanin, qa Jesus Messiya Itan-
can taku tawa kin waditagya
oyaka ece, tuwedan tehinda sni.

PALOS,

ROMA OYATE

WOWAPI WICAKICAGE CIN.

WICOWOYAKE 1.

1 Palos Jesus Messiya taokiye,
yewicašipi kin en kicopi, Wa-
kantanka tawootanin wašte on
kahñigapi;

2 Ehanna wowapi wakan kin en
wicašta wokcan oyakapi qon hee;

3 Iye Cinhintku Jesus Messiya
Itancan unyanpi kin heon etan-
han; he qe wicacehi eciyatan-
han Dawid cinca kin hetanhan
icaga;

4 Qa wowašake on Wakantan-
ka Cinhintku kin hee e yuotan-
inpi, Woniya Wakan kin eci-
yatanhan, wiconte etanhan piya
ikicage cin he en;

5 Iye kin eciyatanhan wowašte
unkicupi, qa oyate owasin wa-
cinyanpi kin anagoptanpi kte cin
heon yewicašipi wicoñan kin he
nakun, iye caje kin on:

6 Hena ehna Jesus Messiya
wicakico kin he niyepi.

7 Tona Roma ekta un kin owa-

ROMA.

sin, Wakantanka wašte wicakida, yaowotanpidan kte cin on wicakico kin hena, *wowapi cica-gapi*. Wowaońsida, wookiye ko, Wakantanka ateunyanpi, qa Jesus Messiya Itancan kin etanhan, nicipi un nunwe.

8 Tokaheya, Jesus Messiya eciyatanhan, niyepi owasin on etanhan, Wakantanka mitawa kin wopida ewakiya ece, niye wacinyayapi kin he maka kin owancaya cajeyatapi kin heon.

9 Wakantanka minagi kin eciyatanhan ohowada, iye Cinhintku tawootanin wašte kin en, he sdonmayan, ayańtan ńni wocekiye epa eca, ohinnian cajeciya-tapi ece;

10 Qa nakaha Wakantanka tawacin kin eciyatanhan ekta ciupi owakihi kte cin heon cewakiya ece.

11 Wanciyakapi nina wacin, woniya etanhan taku wicaqupi wan ciupi kta, on niyusutapi kte cin heon etanhan.

12 Niyepi kin on iyuńkinmayanpi kte cin he waka, niń niye qa miń miye napin wacinunyaupi kin on etanhan.

13 Mihunkawanji, he de sdoney ńni dukanpi kta wacin ńni, wana ota ekta ciupi kta kepa, tuka dehanyan iyomakipi ńni, niyepi ekta waskuyeca wanjikji mduhe kta wacin, oyate toktokeca kin en *mduhe* cin he iyececa.

14 Helenes, Ikcewicańta ko, ksapapi, wacintonpi ńni ko, hena iyohi wicaweciy ńni waun.

15 Hecen token owakihi kin, niyepi nakun Roma ekta yaunpi kin, wootanin wašte kin ociciyakapi kta wacin.

16 Messiya tawootanin wašte kin on imańtece ńni; he niwica-ye kte cin on Wakantanka to-

wańake kin hee, tona wicadapi kin hena en, Juda wicańta kin he tokaheya, qa hehan Helenes wicańta kin hena.

17 Heon etanhan Wakantanka owotanna ohanye cin he wacinyanpi kin etanhan wacinyanpi ekta yuotaninpi; wowapi qon iyececa, Tuwe owotanna kin he wacinyanpi on ni kta ce.

18 Mańpiya kin etanhan Wakantanka tocanniye kin yuotaninpi, woaktańni owasin qa wicańta woahńtani econpi kin en, tona woahńtani on wowicake kin anaptapi kin hena en.

19 Hena on Wakantanka token sdoneyapi kte cin taninyan un; Wakantanka sdoney wicakiya nakaeń.

20 Maka kagapi kin hetanhan Wakantanka towakan qa towańake otoahe wanice cin hena tanin, hena wanyagpica ńni eńta, taku kage cin on etanhan sdoneyapi ece; hecen on woanańbe yuhapi kte ńni.

21 Qa hecen Wakantanka sdoneyapi, tuka Wakantanka iyecen yutanpi ńni, qa pidapi ńni; tuka tawacinpi kin ekta wańanńan-icida ayapi, qa iye cantepi wacintonńni kin otpas aya.

22 Ksapeicidapi kin en icunhan witkotkoka ical ayapi.

23 Qa Wakantanka tepica ńni towitan kin he wicańta te kte cin ouncage kin iyecen yutokecapi, qa zitkadan, wahutopa, wanutka kin hena koya.

24 Heon iye cantiheyapi ńice cin en Wakantanka awicayustan, ihduńapapi kte ca, iye tancanpi kin kiciyuńhtinpi kte cin heon.

25 Hena Wakantanka wowicake tawa kin woitonńni kagapi, qa taku icalyapi kin he yuonihanpi qa ohodapi, waical-

WICOWOYAKE 2.

ye cin he isanpa, he qe owi-
hanke wanin yawaštepi nunwe.

26 Heon etanhan wocantiheye
šice cin en Wakantanka awica-
yuštan; hecen winohinea wica-
yuhapi kin hena e wicošan owo-
tanna kin yutokecapi, qa owo-
tanna šni econpi ece.

27 Qa wicašta kin is eya win-
yan yuhapi kin he ayušanpi, qa
is iyepi otoiyohi winktapi on ki-
cicinpi, wica kin wica kici wo-
wištece okicihanyanpi, qa iye
tancan mahen wahtanipi kin ta-
ku iyohi kte cin he yuhapi.

28 Qa Wakantanka wacin en
yuze wacinpi šni kin he iyecen,
Wakantanka is eya wicotawa-
cin wahte šni kin en awicayu-
štan, hecen taku wowištece kin
hdušanpi kta.

29 Hena e woahitani owasin,
wiinahmanpi, wicošice, waicu-
cupi kte cin, qa ohinyanpi on
iyatahdepi; winawizipi, tin wi-
caktepi, wakinicapi, wohnaye,
qa wocanniye on ojupidan.

30 Waajijipi sa, waaiapi sa,
Wakantanka šice dapika, wa-
hanciđapi, wamnaiciđapi, ihda-
tanpi sa, taku šica kagapi sa,
hunkakeyapi kin anawicago-
ptanpi šni;

31 Wacintonpi šni, woope ki-
caksapi, wacantkiyapi šni, wacin
tankapi šni, qa waonšidapi šni.

32 Hena Wakantanka toope
kin sdonyapi; (tona hecen econ-
pi kin hena wiconte iyahdeici-
yapi,) tuka is iye hecen econpi
qa tona heconpi kin hena on
iyokipipi ece.

WICOWOYAKE 2.

1 Heon etanhan wicašta kin
nituwe kašta, wadaco kinhan
iyaonpepica šni yaun kte šni.
Taku on wicašta tokeca daco

kinhan he en niye nihdaco, wa-
daco tuka niš eya he kici taku
okonwanjidan ecanon ece.

2 Tona wicošan hecen econpi
kin hena Wakantanka wowicake
eciyatanhan wicayaco kin he
sdonunyanpi.

3 Qa wicašta kin, niš tona he-
conpi kin wicadaco, qa iyecen
ecanon kinhan, Wakantanka wi-
cayaco kin he nayecipe kta ke-
canni he.

4 Qa is iye towašte wowijice
kin ayakta šni he, wacintanka
qa wawacinkta yuza tanka ko-
ya; qa Wakantanka towašte
kin nihduecetü kta aniye cin
hee e sdonyaye šni he.

5 Tuka cante nitehika, qa ni-
hduecetü šni kin eciyatanhan,
wocanniye anpetu, qa Wakan-
tanka owotanna wicayaco kin
yutaninpi iyehantu kte cin en,
wocantiyahde amnayaya he.

6 He wicašta otoiyohi iye ošan
kin eciyatanhan wicakicu ece
e kta:

7 Tona wicošan wašte en ape
yukanpi, qa wowitan, woyuoni-
han, qa tepica šni kin akitapi
ece kin hena wiconi owihanke
wanice kta:

8 Tuka tona wakinin unpi, qa
wowicake kin anagoptanpi šni,
tuka woahitani awacinpi kin he-
na, wošihda, qa wocanniye,

9 Wošitkihda, qa wokakije,
wicašta otoiyohi taku šica econ
kin wicanagi kin kiciun kta, Ju-
da wicašta kin he tokaheya, qa
hehan Helenes hee kta.

10 Tuka wowitan, woyuoni-
han, wookiye ko, tona waštaya
ošan ye cin hena kiciun kta, Ju-
da wicašta kin he tokaheya, qa
hehan Helenes hee kta.

11 Wakantanka wicašta ito-
hnake ekta etonwe šni ece.

12 Tona woope codan wahta-

ROMA.

nipi kin hena woope codan yutakunipi kte śni, qa tona woope kin en wahtanipi kin hena woope kin eciyatanhan wicayacopi kta.

13 Wakantanka ekta tona woope nañonpi kin hena owotanna kin eepi śni, tuka tona woope kin ecen econpi kin hena owotanna wicayawapi kta.

14 Tolhan Ikcewicašta woope yuhapi śni kin hena iye cinka woope wicoħan kin ecen econpi kinhan, woope yuhapi śni ešta, iś iye woope ihduhapi ece.

15 Hena iś iye cantepi kin ekta woope wicoħan owapi kin he hdutaninpi, iye tawiyukcan kin nakun he yaotanin, qa tawacinpi kin otioyohi tuktektan iyakicionpapi, qa akeś anakiħmanpi ece.

16 Anpetu wan en, Wakantanka wotanin wašte mitawa kin eciyatanhan, Jesus Messiya on, wicašta taku naħmana awacinpi kin yaco kinhan.

17 Iho, Juda wicašta eniciyapi, qa woope kin awacin nanke a Wakantanka on nihdatan,

18 Qa iye tawacin kin sdonyaya, qa taku tona wašte kin idukcan, woope kin tanyan onnispe nakaes;

19 Qa tona išta gongapi kin tanyan yewicayaye a, otpaza ehna un kin iyoyamwicaye cin he niye kecanniin;

20 Qa wacinton śni kin hena waonspekiya niyuhapi, qa hoksiyoqopa kin onspewicayakiya ece, qa woope kin en wosdonye wowicake ko ouncage kin yuha yaun.

21 Heon etanhan wicašta tokeca onspeyakiye cin niś niye onspeniiciye śni he. Wamanonpi kte śni keya odake cin, niś niye wamayanon he.

22 Wawiciħaħapi econpi kte śni kehe cin, niś niye tuwe wawiyakiħaħa he. Wakagapi kin wahteyada śni kin niś niye tipi wakan kin etanhan wamayanon he.

23 Niś woope kin en iniwin- kta kin, woope kicaksapi kin on Wakautanka wowište nyaya he.

24 Niyepi eciyatanhan Ikcewicašta kin Wakantanka aje kin oštehdapi ece; wowapi en kagapi qon iyececa;

25 Woope kin oyape cinhan, awicakehan bakiħdayapi kin taku okihi ece; tuka woope yaka- ksa ece kinhan, baniciħdayapi kin he bakiħdayapi śni icaga.

26 Heon bakiħdayapi śni kin he woope woowotanna kin tanyan ope cinhan, he bakiħdayapi śni kin bakiħdayapi kiciyawapi kte śni he.

27 Qa bakiħdayapi śni ece kin he woope kin ope cinhan, he, niye oowa qa bakiħdayapi kin eciyatanhan woope yecakse cin, niyaco kte śni he.

28 Tuwe akan tanhan ecedan hecece cin, he Juda wicašta kin heca śni; qa bakiħdayapi akan tanhan qa wicaceħpi ecedan en un kin he hee śni;

29 Tuka tuwe mahen tanhan hecece cin he Juda wicašta kin hee, qa bakiħdayapi kin he oowa kin en he śni, tuka wicanagi kin en un kin hee; he wowitan kin wicašta akantu eciyatanhan śni, tuka Wakantanka eciyatanhan un.

WICOWOYAKE 3.

1 Hecen Juda wicašta kin token iyotan un he, qa bakiħdayapi kin he taku okihi he.

2 Taku owasin on iyotan, tuka tokaheya Wakantanka oie kin wicaqupi qon he.

WICOWOYAKE 3.

3 Qa wanjikji wicadapi šni ešta, hecen tokeca kta he. Hena wicadapi šni kin he Wakantanka wacinyanpi kin ecetu šni ye kta he.

4 Hiya, hecetu šni; Wakan-tanka wowicake kta, qa wicašta otoiyo hi iton kte šni; wowapi en kagapi qon iyececa; Nioie kin on nihdaowotanna kta, qa niyacopi kin en ohiyaye kta ce.

5 Tuka waunhtanipi kin hena Wakantanka toowotanna yutan-in kinhan token unkeyapi kta he; Wakantanka kakišwicaye cin he owotanna šni he; (wicašta akantu kin iyecen iwaa;)

6 Hiya hecetu šni; *hecetu* kinhan token Wakantanka wicoicage kin wicayaco kta he.

7 Oiwaton šni kin on etanhan Wakantanka towicake kin he iye towitan kin hduotanin kinhan, token on etanhan wahtani sa iyecen mayacopi he.

8 Qa tokeca taku wašte u kte cin heon taku šica econkupi kte šni he, unkakicagapi qa wanjikji, unkeyapi ce, keyapi kin iyececa; hena wicayacopi kin he owotanna.

9 He etanhan tokeca kta; unkiye iyotan unwaštepi he. Hiya, takušnina on. Wanna Juda Helenes wicašta ko, owasin woahhtani ihukuya yukanpi kin he unyaotaninpi qon.

10 Wowapi en kagapi qon iyececa; Tuwedan owotanna un šni;

11 Tuwedan okahnige šni; tuwedan Wakantanka akite šni;

12 Owasin icunonpa iyayapi, ptaya ihdušicapi; tuwedan taku wašte econ šni, wanjidan ešta.

13 Dotepi kin wicahnakapi yuhdokapi kin hee; ceji pi kin on wicahnayanpi ece, ihapi kin en sintehda tage yukan:

14 Ipi kin wicayašicapi qa wicoie pa hinca ko on ojudan:

15 Sihapi kin iš weyapi kta e duzahanpi;

16 Tacankupi kin ohna wicotakuni šni wicokakije ko yukan;

17 Qa wookiye canku kin he sdonyapi šni.

18 Qa ištapi kin itokam Wakantanka kokipapi kin wanica ce.

19 Woope kin taku tona eye cinhan, tona woope ihukuya un kin hena hewicakiya ece e sdon- unyanpi. Hecen wicai otoiyo hi iohmus icupi kta, qa wicoicage owasin Wakantanka itokam wicayacopi kta.

20 Heon etanhan iye itokam, woope wicohan kin on, wicace- lipi takudan yaowotanpi kte šni; woope kin eciyatanhan woahhtani sdonkiyapi ece.

21 Tuka nakaha woope codan Wakantanka toowotanna kin yutaninpi; woope qa wicašta wokcanpi kin he yaotaninpi ece.

22 Wakantanka toowotanna kin, Jesus Messiya wacinyanpi kin eciyatanhan u kin hee, tona wicadapi kin owasin en, qa owasin akan un, qa owasin akiyece- capi.

23 Owasin hin wahtanipi, qa Wakantanka towitan kin iyohi šni unpi.

24 Qa iye towaonšida kin on iyunwin codan owotanna wicayawapi, wopekironpi Jesus Messiya en un kin he eciyatan- han.

25 He Wakantanka toka qe- han ehde, wokajuju kta, iye we kin wacinyanpi kin eciyatanhan, iye toowotanna hduotanin kte, woahhtani ehanna econpi qon he- na kajujupi kin on etanhan.

26 Wakantanka tehan ape un kin en, nakaha iye toowotanna

ROMA.

kin hdutanin kta e heon; hecen iye kin owotanna un kta, qa nakun tuwe Jesus wacinye cinhan, he yaowotan kta.

27 Hehan ihdatanpi kin toki un he. He anaptapi. Woope kin tukte e on; wicohan kin hee he. Hiya, wacinyanpi woope kin hee on etanhan.

28 Heon woope wicohan codan, wacinyanpi on etanhan, wicašta kin owotanna yawapi e he unkiyukcanpi.

29 Juda oyate isnana Wakan-tanka tawapi he; qa Ikcewicašta tawapi šni he. Hiya, nakun Ikcewicašta tawapi.

30 Tuwe wacinyanpi on baki-hdayapi kin yaowotanna kte, qa wacinyanpi eciyatanhan baki-hdayapi šni kin owotanna yawa kte cin he Wakantanka wanji-dan.

31 Hecen wacinyanpi kin on woope kin ecetu šni unyanpi he. Hiya, hecetu šni, tuka woope kin unyusutapi.

WICOWOYAKE 4.

1 Heon, Abraham ate unyanpi kin, wicacehpi eciyatanhan taku iyeye cigon tukte e he, unkeyapi kta he.

2 Abraham wicohan on ihdu-owotanna kinhan taku iwinkta kte cin hduha, tuka Wakantanka itokamya šni.

3 Wowapi wakan kin token eya he. Abraham Wakantanka wacinyan, qa woowotanna kiciyawapi qon.

4 Tuwe htani kin he wokajuju kin wowaonsida iyecen kiciyawapi šni, tuka wopetonpi kin he iyececa.

5 Tuka tuwe ohanye šni, qa tuwe tona wahtanipi kin wicayaowotanna kin he wacinye cin-

han, wacinyanpi kin he wicoowotanna kiciyawapi ece.

6 Wicašta kin tuwe wicohan codan Wakantanka wicoowotanna kiciyawa kin wowašte yuhe cin he Dawid oyake cigon iyececa:

7 Tona taku šica econpi qon wicakicicajujupi, qa wahtanipi kin yutokan iyewicakiciciyapi kin hena wicayawaštepi ece.

8 Wicašta kin tuwe Itancan kin woahitani kiciyawa šni kin he yawaštepi ce.

9 Unkan wowašte kin de baki-hdayapi kin ecedan en au he; qa is baki-hdayapi šni kin nakun en au he. Wacinyanpi kin he Abraham woowotanna on kiciyawapi ce, unkeyapi qon.

10 Token he on kiciyawapi he; baki-hdayapi kin en un, qa is baki-hdayapi šni en. Baki-hdayapi en un šni, tuka baki-hdayapi šni kin en icunhan.

11 Qa nahanhin baki-hdayapi šni un kin en icunhan, baki-hdayapi kin he wowapetogton, wowacinye woowotanna ipuspe kin hee icu; hecen tona wacinyanpi kin owasin, bawica-hdayapi šni ešta, he ateyapi kta, qa nakun hena e wicoowotanna wicakiciyawapi kta.

12 Qa tona baki-hdayapi kin heceepidan šni, nakun Abraham ateunyanpi, hinahin baki-hdaye šni, he ehan wacinye cigon, tona he oye kin ohna manipi kinhan, hena is eya baki-hdayapi kin en ateyapi kte cin heon.

13 Maka kin tawaye kte cin, Abraham iye cinca kin om, iwahoyapi qon he woope kin eciyatanhan šni, tuka wacinyanpi on woowotanna kin eciyatanhan.

14 Tona woope kin eciyatanhanpi kin hena tawayapi kte cin eepi hecinhan, wacinyanpi kin

WICOWOYAKE 5.

ecetuśniyapi, qa wahoyapi qon he nakun takudan okihi śni.

15 Woope kin he wocanniye kaga; tukten woope wanica hecinhan hen woaltani nakun wanica.

16 Heon etanhan, he wacin-yanpi kin on, wowaonśida eciyatanhan kte cin heon, qa wahoyapi qon cincapi kin owasin en wicakiciyusutapi kta, tona wo-ope eciyatanhan unkin hecedan śni, tuka tona Abraham, unkiye owasin ateunyanpi kin, wacinye ciqon en opapi kin hena koya.

17 Wowapi qon iyceca; lkce-wicaśta oyate ota atenyapi kta e ecihde ce; Wakantanka wica-ṭe cin ake ni wicaye ṭa, taku tona un śni kin hena taku un kin iyecen cajeyata ece kin he wacinyan kin heon etanhan.

18 Oyate ota ateyapi kte cin he apetika śni, tuka wacinyan un kin heon ape, taku eyapi qon iyceca; Nicinca iyenaka kta ce.

19 Qa waśagya wacinye cin heon iye tancan kin wanna kan he awakicin śni, wanna waniyetu opawinge ikiyedon, qa Sara tamni kin nakun wanna ecece śni tuka.

20 Qa Wakantanka wahoye cin he ceṭunhda kin on kaktihanhan śni; tuka wacinyanpi on wakiśaka un, qa Wakantanka yatan.

21 Qa taku iwahoye cin he ecen econ kta okihi e he nina wicada.

22 Heon etanhan he wicoowotanna kiciyawapi.

23 Qa he hecen kiciyawapi kin he iye iśnana on wowapi kin en kagapi śni;

24 Tuka unkiyepi on, he unki-
ciyawapi kte cin heon etanhan,
tuwe Jesus Messiya Itancan un-
kiyapi kin wiconṭe etanhan na-

Dak.

jin kiye ciqon he wacinunyanpi kinhan.

25 Iye waunhtanipi kin on wicagupi, qa owotanna uniyawapi kte cin on ake najinkiyapi qon.

WICOWOYAKE 5.

1 Hecen wacinyanpi on owotanna unyawapi kin, heon etanhan Wakantanka ekta wookiye unhapi, Jesus Messiya Itancan unkiyapi kin eciyatanhan.

2 Qa he iye eciyatanhan en unhiyupi, wowaonśida en ahan naunjinpi kin en, wacinyanpi kin on etanhan, qa Wakantanka towitan kin ape unkiyuśkinpi ece.

3 Qa hecedan śni, nakun woka-kije on unkiyuśkinpi ece; woka-kije kin he wacin tankapi kaga e sdonunyanpi;

4 Qa wacin tankapi kin he wiyukcanpi, qa wiyukcanpi kin he woape;

5 Qa woape kin he iśten wicaye śni, Woniya Wakan unqupi kin he eciyatanhan, Wakantanka towaśte uncantepi kin en unkokicicaśtanpi kin he etanhan.

6 Takudan unkokihihi śni kin he icunhan, wanna iyehantu qehan Messiya wahtanipi sa kin on ṭa.

7 Tuwedon wicaśta owotanna kin on ṭe kte śni naceca; tuka okinni wicaśta waśte on tuwe ṭe kta tawaṭenye kta nace.

8 Tuka wahtanipi sa heuncapi kin he icunhan, Messiya unkiyepi on ṭe cin he en, Wakantanka token canteunkiyapi kin hduotanin.

9 Hecen sam iyeya, nakaha iye we kin on owotanna unyawapi kin, iye eciyatanhan wocanniye kin etanhan eunhdakupi kta.

10 Toka unyakonpi qehan he

ROMA.

icunhan, iye Cinhintku ƚe ein eciyatanhan, Wakantanka kici okiciciye unyanpi hecinhan, he sam iyeya kici okiciciya unyakonpi kin, iye ni un kin eciyatanhan ni unyanpi kta.

11 Qa hecedan ŗni, tuka nakun Wakantanka kin en unkiyuŗkinpi, Jesus Messiya Itancan unkiyapi kin eciyatanhan, he etanhan nakaha wookiye unhapi.

12 Heon etanhan wicaŗta wanjidan eciyatanhan woahtani wicoicage kin wicehna hiyu, qa woahtani etanhan wiconƚe, qa hecen wiconƚe wicaŗta owasin akan iwicayaya, owasin wahtanipi nakaes.

13 Wooke kin itokam woahtani wicaŗta kin ehna un; tuka tukten wooke wanice cinhan hen woahtani wicakiciyawapi ŗni ece.

14 Hececa eŗta, Adam qa Moses iyotahedan wiconƚe onunyan, Adam tuwe u kte cin oowa kin hee wahtani kin tona iyecen wahtanipi ŗni kin hena eepi kaes en onunyan.

15 Tuka woahtani qon he kici wowaonsida kin akidecece ŗni. Wicaŗta wanjidan wahtani qon he on wicota ƚapi hecinhan, he sam iyeya Wakantanka towaonsida, qa wowaonsida on ituwicakihanpi kin he wicaŗta wanjidan, Jesus Messiya kin hee on wicota en wicakiciyuota kta.

16 Qa wicaŗta wanjidan wahtani qon eciyatanhan, wowaonsida on ituwicakihanpi kin he iyecece ŗni. Wanjidan on etanhan wiconƚe iwicayacopi; tuka wowaonsida on ituhanpi kin he woahtani ota etanhan wicayawotanna kta.

17 Wicaŗta wanjidan wahtani kin on etanhan wanjidan eciyatanhan wiconƚe onunyan hecin-

han, he sam iyeya tona wowaonsida untkana, qa wicoowotanna wicaqupi kin icupi kin hena, wanjidan, Jesus Messiya kin hee, e eciyatanhan wiconi kin en onunyanpi kta.

18 Heon etanhan woahtani wanjidan eciyatanhan, wicaŗta owasin en wiconƚe iwicayacopi kin aupi; he iyecen woowotanna wanjidan on etanhan wiconi iwicayaowotanna kin he wicaŗta owasin en aupi.

19 Wicaŗta wanjidan waanagoptan ŗni un qon he etanhan wicota wahtani sa wicakagapi kin, he iyecen waji waanagoptan un kin eciyatanhan wicota owotanna wicakagapi kta.

20 Woahtani ihduota kte cin heon wooke kin hi, tuka tukten woahtani yuota ikicage ciqon hen wowaonsida nina sam iyeya ihduota.

21 Hecen wiconƚe en woahtani onunye ciqon he iyecen wiconi owihanke wanica en wowaonsida onunye kta, Jesus Messiya Itancan unkiyapi kin eciyatanhan.

WICOWOYAKE 6.

1 Hecen taku unkeyapi kta he. Wowaonsida yuotapi kte cin heon woahtani en unkitanpi kta he.

2 Hiya hecetu ŗni. Tona woahtani ekta unƚapi kin, token he en nakun unnipi kta he.

3 Tona Jesus Messiya en baptem wicaqupi kin hena iye ƚe cin en baptem wicaqupi kin he sdonyayapi ŗni he.

4 Heon etanhan baptem eciyatanhan he kici unhnakapi, wiconƚe kin en, hecen iye Atkuku towitan kin Messiya wicaƚe cin etanhan ekicetu ye ciqon he iyecen unkiŗ eya wiconi teca kin en maunnipi kta.

WICOWOYAKE 7.

5 Qa iye te cin iyacinpi kin en kici huunhdepi hecinhan, nakun he piya ikicage cin en iyecen unyakonpi kta.

6 Qa wicašta tanina unhapi kin he iye kici icipaweli okatanpi kin he sdonunkiyapi, hecen woahłani tancan kin he ihangyapi kta, qa hetanhan woahłani wowidag unyanpi kte šni.

7 Tuwe te cinhan, he wanna woahłani etanhan kiyuškapi.

8 Hecen Messiya kici unłapi hecinhan, kici unnipi kta e wacinunyanpi.

9 Qa Messiya wicašte cin etanhan ekicetuyapi qon he ake icimana te kte šni e sdonunyanpi; tokata wiconšte tohinni yuha okihi kte šni.

10 He te ciqon wancadan woahłani on ła; qa he kini kin Wakantanka on ni un.

11 He iyecen niš eya woahłani on te nihdawapi, tuka Wakantanka ekta ni yaunpi, Jesus Messiya Itancan unkiyapi kin eciyatanhan.

12 Heon nitancan te kte cin en woahłani ounye šni nunwe, hecen wocantiheye šice cin anayagoptanpi kte šni.

13 Qa nihuhapi kin hena wicołan šica en woahłani wowinyunye kta e qupi šni po, tuka wicašte cin etanhan ni un kin iyecen Wakantanka ičicu po, qa nihuhapi kin wicoowotanna en Wakantanka wowinyunye kiya po.

14 Woahłani icimana inidakapi kte šni. Woope kin ihukuya yaunpi šni tuka wowaonšida kin ihukuya.

15 Hecen tokeca kta; woope kin ihukuya unyakonpi šni, tuka wowaonšida ihukuya unyakonpi kin heon etanhan waunłtanipi kta he. Hiya hecetu šni.

16 Tuwe anayagoptanpi kta inidake ničiyapi kin he anayagoptanpi kin on wowidake niyanpi kin he sdonyayapi šni he; he woahłani wiconšte aiyahdeye cin hee, qa iš waanagoptanpi kin on wicoowotanna kta.

17 Tuka Wakantanka wopida kiciun nunwe, woahłani inidakapi tuka qon; tuka woonspecedan en yenianpi qon he cante eciyatanhan oyapapi.

18 Qa woahłani etanhan enihdakupi kin, heon wicoowotanna wowidake niyan yaunpi.

19 Wicašta akantu kin iyecen iwaa ce, nicelhipi wašake šni kin heon etanhan. Wicošice en nihuhapi kin ašapapi qa woahłani wowinyunniyanpi kta e iyowinyakiyapi qon, he iyecen nakaha wicayuecedan kin en nihuhapi kin wicoowotanna inidakapi kta e iyowinkiya po.

20 Woahłani wowidake niyanpi qehan, wicoowotanna inidakapi šni.

21 Hehan taku nakaha on iništecapi kin hena en taku waskuyeca duhapi qon he tukte e he; hena e ihanke kin he wiconšte ee.

22 Tuka nakaha woahłani etanhan enihdakupi, qa Wakantanka wowidake niyanpi, heon wicayuecedan on waskuyeca duhapi, qa he ihanke kin owihanke wanin wiconi kin hee.

23 Woahłani wokajuju kin he wiconšte ee; tuka Wakantanka taku ituwicakihan kin he, Jesus Messiya Itancan unkiyapi kin eciyatanhan, owihanke wanin wiconi kin hee.

WICOWOYAKE 7.

1 Mihunkawanji, (tona woope sdonyapi kin hena owicawakiya); woope kin wicašta kin wo-

ROMA.

widag ya, tohanyan ni un kin hehanyan, he sdonyayapi śni he.

2 Winohinea kin tuwe hihna ton kinhan, hihnaku ni un kin hehanyan, toope kin on kaškapi; tuka hihnaku kin wanna ƚe cinhan hehan hihnaku toope kin etanhan kiyuškapi.

3 Hecen hihnaku ni un kin icunhan, wicašta tokeca hihnaye cinhan, wawicihahapi econ eciyapi kta; tuka hihnaku ƚe cinhan hehan woope qon etanhan kiyuškapi qa wicašta tokeca hihnayan ešta he wawicihahapi econ śni.

4 Heon etanhan, mihunkawanji, niś eya Messiya tancan kin eciyatanhan woope kin ekta niƚapi kin; hecen tuwe tokeca hihnayayapi kta, tuwe wicaƚe cin etanhan ekicetuyapi qon he hee; hecen Wakantanka on waskuyeca icaħunyanpi kta.

5 Wicaceħpi kin en unyakonpi qehan, woahťani wocantiheye kin, woope kin eciyatanhan un kin, hena waskuyeca wiconťe icaħkiciciye kta e heon unhuhapi kin en oħanyan.

6 Tuka nakaha woope kin etanhan unkiyuškapi, taku on unkaškapi qon he ekta unƚapi kin; hecen oowa tanina kin en wowidag unyanpi kte śni, tuka woniya teca kin en.

7 Hecece cinhan token unke-yapi kta he: Woope kin he woahťani kin ee he: Hiya, hecetu śni; woope eciyatanhan śni unkanś, woahťani sdonwakiye kte śni tuka qon. Woope kin, Tokan tawa yacin kte śni ce, eye śni unkanś, wocantiheye śice cin sdonwaye kte śni tuka.

8 Hehan woahťani woahope kin wowinyunye ƚa, miye mahen wocantiheye śice cin owasin mi-

caga. Woope codan woahťani ƚa wanka.

9 Ehanna woope codan ni wahun; tuka woahope kin he hi qehan, woahťani kini, qa miye maťa.

10 Qa woahope kin wiconi kta e on yušťanpi qon he wiconťe kin ee imicicaga ce.

11 Woahťani woahope kin wowinyunyan, hecen mahnaye ƚa, on makte.

12 Hecen woope kin he wakan; qa woahope kin he nakun wakan, owotanna qa wašte.

13 Hecen taku wašte kin he wiconťe imicicaga he. Hiya hecetu śni. Tuka woahťani kin he woahťani hee e tanin kta, heon taku wašte on etanhan wiconťe icaħ miciciya; hecen woahope kin eciyatanhan woahťani kin iyotan śice kta.

14 Woope kin he wakan sdonunyanpi; tuka miye qe wicaceħpi kin hemaca, qa woahťani ihukuya wiyopemayanpi.

15 Taku ecamon ece kin he iyowinwakiye śni. Taku wacin kin he ecen ecamon śni; tuka taku śice wadake cin he ecen ecamon ece.

16 Taku wacin śni kin he ecen ecamon kinhan, woope kin he wašte e mduotanin.

17 Qa hecen tuwe hecon kin he miye śni, tuka woahťani miye mahen un kin hee.

18 Miye en, miceħpi kin he waka, taku wašte en maun śni e sdonwakiya. Iciconzapi kin he iyemicihantu, tuka token taku wašte ecamon kte cin iyewakiye śni.

19 Taku wašte wacin kin he ecen ecamon śni; tuka taku śica wacin śni kin hee ecen ecamon ece.

20 Hecen taku wacin śni kin

WICOWOYAKE 8.

he ecen ecamon kinhan, tuwe hecon kin he miye šni, tuka woahitani miye mahen un kin he *hecon*.

21 Hecen woope wanji iyewakiya, taku wašte ecamon wacin eca, taku šica miye en miciun ece.

22 Wicašta mahentu kin eciyatanhan Wakantanka toope kin on imduškin :

23 Tuka mihuha kin en woope tokeca wan wanmdaka, he mitawacin toope kin kici kicize ça, woahitani woope mihuha kin en un kin he en wayaka amahda.

24 Wicašta nina iyokišice cin he miye ; tuwe wiconte tancan kin de etanhan emahdaku kta he.

25 Wakantanka wopida ewakiya ece, Jesus Messiya Itancan unkiyapi kin hee on etanhan. Hecen miye mitawacin kin on Wakantanka toope kin wowidag mayan, tuka wicacehpi eciyatanhan woahitani woope kin he *imadaka*.

WICOWOYAKE 8.

1 Heon etanhan, nakaha tona Jesus Messiya en un kin, hena wiconte iwicayacopi wanin unpi, wicacehpi eciyatanhan manipi šni, tuka Woniya kin eciyatanhan.

2 Wiconi Woniya toope kin Jesus Messiya en un kin, he woahitani wiconte ko woope kin etanhan makiyuška.

3 Woope kin wicacehpi eciyatanhan wašake šni un qon he taku okihi šni kin hee Wakantanka *econ*, iye Cinhintku wicacehpi wahtani ouncege kin en hiyuya, woahitani on, qa wicacehpi kin en woahitani yaco.

4 Hecen tona wicacehpi kin eciyatanhan maunnipi-šni, tuka

Woniya eciyatanhan, unkiyepi en woope wicoowotanna kin ecetu kta.

5 Tona wicacehpi eciyatanhan un kin hena wicacehpi taku tawa kin awacinpi ; qa tona Woniya kin eciyatanhan un kin hena taku Woniya tawa kin *awacinpi*.

6 Wicacehpi awacinpi kin he wiconte kin ee ; tuka Woniya awacinpi kin he wiconi qa wookiye kin hee.

7 Wicacehpi wicotawacin kin he Wakantanka toka ya. He Wakantanka toope kin ope šni, qa nakun ecaca okihi šni.

8 Hecen tona wicacehpi kin en un kin hena Wakantanka iyokipi yapi kta okitpanipi.

9 Tuka niyepi wicacehpi kin en yaunpi šni, Woniya kin en yaunpi, Wakantanka Taniya kin niyepi kin en ounye cinhan. Qa tuwe Messiya Taniya kin yuhe šni kinhan he tawa šni.

10 Qa Messiya en niunpi kinhan, wicatanhan kin he woahitani eciyatanhan ta, tuka wicanagi kin he wiconi un, wicoowotanna eciyatanhan.

11 Tuwe Jesus wicate cin etanhan najin kiye cigon he Taniya kin niyepi en ounye cinhan, tuwe Messiya wicate cin etanhan najin kiye cigon hee nitancan tapi kte cin ekicetu ye kta, iye Taniya Wakan niyepi en ounye cin he eciyatanhan.

12 Heon etanhan, mihunkawanji, wicacehpi kin takudan ikicazo šni unyakonpi, on etanhan wicacehpi kin eciyatanhan unni-pi kta.

13 Wicacehpi kin eciyatanhan yanipi kinhan niłapi kta ; tuka Woniya kin eciyatanhan wicatanhan wicołan kin te yakiyapi kinhan yanipi kta.

ROMA.

14 Wakantanka Taniya kin tona yus awicaye cin hena Wakantanka cinca wicaye cin eepi.

15 Ake wokokipe kta e on ooki-yeyapi woniya kin iyacupi *śni*, tuka cinhintkuyapi woniya kin he iyacupi, on Abba, Ate, eya hoyeunkiyapi ece.

16 Qa Wakantanka cinca kin heuncapi e unnagipi kin kici Woniya kin e unyuotaninpi.

17 Unkan uncincapi kinhan tawayapi kte cin heuncapi; Wakantanka tawayapi; Messiya kici tawayapi kte cin; kici unkakijapi kinhan, nakun kici wowitan unhapi kta ce.

18 De nakaha wicokakije kin he, wowitan unkiyepi en ecadan yutaninpi kte cin kici akiyecen yawapi kta e iyecece *śni* wadaka.

19 Wakantanka cinca wicayutaninpi kte cin on taku kagapi kin cantokpaniyan ape yanka.

20 Taku kagapi kin he wocectu *śni* kin en ihukuya ye kta cin *śni*, tuka tuwe woape on he wowidagye cin hee on etanhan.

21 Qa taku kagapi kin hee kaes wicahwin wowidagyapi kin etanhan kiyuskapi kta, qa Wakantanka cincawicaye cin ihduhapi wowitan kin en yeyapi kta.

22 Taku icage cin owasin dehanyan witaya comnihdazi, qa hoksiksuya un e sdonunyanpi.

23 Qa hecedan *śni*, tuka unkiś eya Woniya kin taku tokaheya icahya unhapi kin, unkiyepi qe comniunhdazipi, qa atayedan cinca yapi kte cin unkaepi, unkitancanpi ekicetu ye kte cin hee.

24 Woape kin on niunyanpi; tuka woape wanyakapi kin he woape kin ee *śni*, tuwe taku wanyake cinhan tokeca e nahahin ape yanka he.

25 Tuka taku wanunyakapi *śni*

kin he unkaepi hecinhan, hehan wacintankapi on unkicupi kta e ape unyakonpi ece.

26 Qa nakun Woniya kin is waunsakapi *śni* kin en icunhan ounkiyapi ece. Token wocekiye unkeyapi kte cin sdonunkiyapi *śni*, tuka Woniya kin e qe unkiyepi on wocekiye eya, howayapi oyagpica *śni* kin on.

27 Qa tuwe wicacante iyukean kin he Woniya kin token wacin yuze cin sdonya, he Wakantanka *tawacin kin* eciyatanhan tona owotanna un kin hena on wocekiye eya ece.

28 Unkan Wakantanka waste dakapi kin hena taku owasin tanyan owicakihan ece e sdonunyanpi, tona iye tawacin kin eciyatanhan wicakicopi kin hena.

29 Tona otokaheya tanhan sdonwicakiye ciquon hena wicakiconza, iye Cinhintku ouncage kin en icagapi kte cin heon, qa hecen he hunkawanjitku ota ehna tokapa kta.

30 Qa tona wicakiconze ciquon hena wicakico; qa tona wicakico qon hena wicayaowotanna; qa tona wicayaowotanna qon hena is eya wicayutan.

31 Heon etanhan hena taku kin en taku unkeyapi kta he. Wakantanka unkicipi un kinhan, tuwe kaseunyanpi kta he.

32 Tuwe iye Cinhintku kin kpatan *śni*, tuka unkiyepi owasin on kpagan qon, he iye kici taku owasin iyakicuya unqupi kte *śni* he.

33 Tona Wakantanka wicakahnige cin hena tuwe taku iya-wicaonpe kta he. Wicayaowotanna kin he Wakantanka kin ee ce.

34 Tuwe wayaco kta he. Tuwe te ciquon he Messiya ee, qa ake

WICOWOYAKE 9.

piya ikicage cin hee, Wakantanka etapa kin eciyatanhan yanke ɕa, unkiyepi on wocekiye eciya.

35 Tuwe Messiya towašte kin etanhan unyušpapi kta he. Wicokakije, wošitkihda, wicokicize, wicaakihan, tancowicakadan, wokokipe, qa maza sagye okihi kta he.

36 (Owapi qon he hecetu, Niye kin on anpetu ohinniyan unktepi *unyakonpi*, tahirca ktepi kte cin iyecen unyawapi ce.)

37 Tuka hena taku kin owasin en, tuwe canteunkiyapi qon he eciyatanhan, tanyan ohiye unyakonpi.

38 Heon, wiconte, qa wiconi, qa malipiya ohnihde cin hena, qa wokiconze kin, qa wicowašake kin, qa taku nakaha un kin taku u kte cin ko ;

39 Qa taku wankantuya un kin, qa taku mahentuya un kin, qa taku icage cin tokeca, takudan Wakantanka towašte, Jesus Messiya Itancan unkiyapi en un kin, he etanhan unyušpapi kte šni e sdonwaye hinca.

WICOWOYAKE 9.

1 Messiya eciyatanhan wowicake epe, itonšni mawanica, minagi kin hee e Woniya Wakan kin kici mahdutanin ;

2 Nina iyomakišice ɕa micante ekta ohinniyan iyokišin waun.

3 Mihunkawanji qa tona wicacehi eciyatanhan takuwicawaye cin hena on, Messiya etanhan mayacopi tawaŋenwaya owakihi tuka.

4 Hena Israel wicašta kin hecapi, qa atayedan cinkši wicaye cin hena eepi, qa wowitan, qa wicotakuye, qa woope wicaqupi kin, qa wawokiyapi kin, qa wahoyapi kin hena tawapi.

5 Qa hunkake wicayapi kin etanhanpi kin hena eepi, qa hena etanhan wicacehi eciyatanhan Messiya inapa, he owasin iwankam Wakantanka kin ee, owihanke wanin wowašte yuha nunwe.

6 Wakantanka oie kin ecetu šni aye cin he wake šni. Tona Israel etanhanpi kin hena owasin Israel hecapi šni.

7 Qa Abraham etanhan icagapi kin heon owasin cincapi kin hecapi šni. Tuka, Isaak etanhanpi kin hena nicinca ewicakiyapi kta ce.

8 He kaketu, tona Wakantanka cinca wicaye cin hena wicacehi eciyatanhan cinca wicayawapi qon heon etanhan šni, tuka tona cinca wahoyapi qon hena e wicowazi kin ee iyawapi.

9 Wahoyapi wicoie kin he decetu, Omaka debantu kinhan wau kta, qa Sara cinhintku wan ton kta ce.

10 Qa heceyedana šni, tuka Rebeka nakun wanjidana on, Isaak ateunyanpi kin hee on, ihdušake ɕehan,

11 Nahanhin tonpi šni, taku wašte taku šica ko unmana nahanhin econpi šni, Wakantanka tawacin kin wicakahnigapi kin en sutaya un kte cin heon, wicohan kin eciyatanhan šni, tuka tuwe wicakico kin he eciyatanhan ;

12 Hehan heciyapi, Hakakta kin he tokapa kin wowidag ye kta ce.

13 Owapi qon he kaketu, Jakob wašte wadaka, tuka Esau šice wadaka ce.

14 Hecen token unkeyapi kta he. Wakantanka owotanna šni econ he. Hiya, hecetu šni.

15 He Moses heciya ; Tuwe onšiwakida kte cin he onšiwaki-

ROMA.

da kta, qa tuwe wacin en mduze kte cin he wacin en mduze kta ce.

16 Heon etanhan tuwe cin kin eciyatanhan šni, qa tuwe inyanke cin he nakun eciyatanhan šni, tuka Wakantanka onšiwicakida kin he eciyatanhan ece.

17 Wowapi wakan kin he Pharo heciya; He dee on etanhan icañciya, niye en mitowašake kin wahduotanin kta, qa maka owancaya micaje kin oyakapi kte cin heon.

18 Heon etanhan tuwe kañni-ge cinhan, he onšikida ece; qa tuwe kañnige cinhan he yutehi ece.

19 Hecen hemayakiye kta nace; Tokeca e nahanñin wicaba he; tuwe e iye tawacin kin ece-tušniya he.

20 Hiya, wicašta kin, niš nituwe he, hecen Wakantanka i en hiyeyaya he. Taku kagapi kin he tuwe kage cin, Tokeca hecen mayakaga he, eciye kta he.

21 Maka wakšica kage cin heca maka kin okihi šni he, upšija omnaye wanjidat etanhan wakšica wan woyuonihan, qa wanji iš wowištece on kage kte šni he.

22 Hecen Wakantanka wocanniye kin hduotanin kta cin, qa towašake kin sdonye unkiyapi kta e on wocanniye wakšica wicotakuni šni kicagapi qon hena wawacinkta yuza tanka on wicakuwa kinhan;

23 Qa tona wowaonšida wakšica kin otokaheya tanhan wowitan on wiyeya eñnakapi qon, hena en iye towitan wowijice kin hduotanin kta.

24 He wicakico kin hena unkiyepi, Juda oyate etanhanpi kin hecedan šni, tuka nakun Ikcewicašta etanhanpi.

25 Hose en heye ciqon iyececa;

Tona mitaoyate šni kin hena mitaoyate ewicawakiye kta, qa wašte dakapi šni qon he wašte dakapi kin ewakiye kta.

26 Qa tukten, Mitaoyate kin he niyepi šni ce, ewicakiyapi qon, hen, Wakantanka ni un cinca kin ewicakiyapi kta ce, *eya*.

27 Isaya iš *eya* Israel oyate kin on hotanin; Israel cincapi kin miniwanca wiyaka sukaza iye-
cen ota yawapi ešta, tona okaptapi kin henana nipi kta ce, *eya*.

28 Wayawapi yuptecedan kta qa wicoowotanna en hduštan kta; maka akan Itancan kin yawawapi ptecedan wan kage kta.

29 Qa he itokam Isaya heye ciqon; Sabaoth Itancan kin wicowazi wan unkokicaptapi šni unkanš, Sodom iyecen unyakonpi kta, qa Gomorra en unkiyoptapi kta tuka.

30 Hecen token unkeyapi kta he. Ikcewicašta kin wicoowotanna iyeyapi ce, wacinyanpi kin eciyatanhan wicoowotanna kin hee.

31 Tuka Israel wicoowotanna woope odepi qon hena wicoowotanna woope kin iyohipi šni.

32 Tokeca he. Wacinyanpi kin eciyatanhan šni, tuka woope wicoñan kin eciyatanhan odepi kin, heon etanhan. Inyan ibotopi kin de on siha ibotopi.

33 Wowapi kagapi qon iyececa; Wanyaka wo, Zion en inyan ibotopi, qa imnija on hicahanpi wan ewahde; qa tuwe he wacinye cinhan inihan kte šni.

WICOWOYAKE 10.

1 Mihunkawanji, micante can-
tiheye qa taku Wakantanka ice-
wakiye cin, Israel oyate kin wi-
cani kte cin hee.

WICOWOYAKE 11.

2 Hena wicaweciyaotanin, Wakantanka wacin en yuzapi tuka he wosdonye eciyatanhan šni.

3 Wakantanka toowotanna kin sdonyapi šni, qa iye wicoowotanna tawapi kin hdusutapi akıtapi, qa Wakantanka toowotanna kin he ihukuya iyeiciyapi šni.

4 Tona wicadapi kin owasin en Messiya kin he wicoowotanna woope woyuřtan kin hee.

5 Woowotanna woope kin eciyatanhan kin he on Moses kaken owa qon; Wicařta tuwe hena taku kin econ kinhan, hee hena on ni kta ce.

6 Tuka wacinyanpi eciyatanhan wicoowotanna un kin he kaken eya, Nicante kin mahen, Messiya kun ahi kte cin heon tuwe mahpiya ekta wankan ye kta he;

7 Qa, Wicaře cin etanhan Messiya yuwankan au kte cin heon tuwe wořbe kin ekta ye kta he, eye šni wo.

8 Tuka taku eya he; Wicoie kin he nikiyedani un, nii kin ohna, qa nicante kin en un, wacinyanpi wicoie unkoyakapi kin he hee.

9 Nii kin on Jesus Itancan kin yahdaotanin, qa he wicaře cin etanhan Wakantanka ekicetu ye cin he, nicante kin eciyatanhan wicayada kinhan, yani kta.

10 Wicoowotanna kta e wicacante on wicadapi, qa wiconi kta e wicai kin on wohdakapi ece.

11 Wowapi wakan kin he heya, Tuwe he wacinye cinhan, he wiřtece kte šni ce.

12 Juda qa Helenes oyate kin kici ocikpanipi wanica. Tuwe owasin en Itancan kin he tona hoyekiyapi kin hena owasin en wijinya un.

13 Tona Itancan caje kin ho-

yekiyapi kinhan hena otoiyohi nipi kta.

14 Tuka tuwe kin wacinyanpi šni kinhan token on he hoyekiyapi kta he; qa he nahahin nahonpi šni kinhan token wacinyanpi kta he; qa tuwedani oyake šni kinhan token nahonpi kta he.

15 Qa ekta ye wicařipi šni kinhan token oyakapi kta he. Owapi qon he hecetu; Tona wookiye wotanin wařte kin oyakapi, qa taku wařte en wotanin wařte oyakapi kin hena sihapi kin iyotan wařte ce.

16 Tuka owasin wotanin wařte kin anagoptanpi šni. Isaya heye ciqon; Itancan, tuwe unko-yakapi kin wicada he.

17 Heon etanhan wanařonpi kin eciyatanhan wicadapi kin u, qa wanařonpi kin he Wakantanka oie kin eciyatanhan.

18 Unkan miř, Hena nahonpi šni he, epe. Hiya, hena oqo kin makoce owasin ekta iyaye řa wicoie kin maka ihanke kin hehanyan i.

19 Qa Israel oyate kin he sdonyapi šni he. Tokaheya Moses heya, Tona oyate šni se un kin hena on iyocipařtakapi kta, qa ikce oyate wacinton šni wan on řinhdaciyapi kta ce.

20 Tuka Isaya uina waditake řa heya; Tona omadepi šni qon hena e iyemayanpi, qa tona amakitapi šni qon hena en mihdu-tanin ce.

21 Qa Israel oyate kin hewicakiya, Anpetu osan oyate wanařon šni qa waceturhdapi kin he nape wicawakiyugata ce.

WICOWOYAKE 11.

1 Heon hepa, Wakantanka taoyate kin elhpewicakiya he. Hiya hecetu šni. Israel wica-

ROMA.

šta kin hemaca, Abraham cinca, qa Benjamin wicoun kin hema-tanhan.

2 Wakantanka taoyate kin to-na otokaheya tanhan sdonwica-kiye cion hena ehpewicakiye šni. Wowapi wakan Elijah on token eye cin sdonyayapi šni he; Wakantanka cekiye ca, Israel oyate kin cajeyata qa heya;

3 Itancan, wicašta wokcan ni-tawa kin hena wicaktepi, qa wa-hna wošnapi nitawa kin yujuju-pi, qa miye mišnana omakaptapi, unkan te mayanpi kta akitapi ce.

4 Tuka Taku Wakan kin token eya ayupta he; Nahahin Baal en canpeška makehde inajinpi šni kin wicašta kektopawinge šakowin wicawahduha ce.

5 He iyccen nakaha wowaon-šida wicakahnigapi kin eciya-tanhan hunh okaptapi.

6 Qa he wowaonšida eciyatan-han kinhan hehan wicohan eci-yatanhan šni; hecetu šni kin-han, wowaonšida kin wanna wowaonšida heca šni. Qa wi-cohan eciyatanhan kinhan, he-han wowaonšida eciyatanhan šni; hecece šni kinhan, wicohan kin wanna wicohan heca šni.

7 Hecen tokctu kta he; Israel taku akite cion he iyeye šni, tuka tona wicakahnigapi kin he-na e iyeyapi, qa unmapi kin išta gongc wicayapi.

8 Wowapi qon iyececa; Wi-cahba wicacante kin Wakantan-ka wicaqu, išta on wiwanyakapi kte šni, qa noge on winahonpi kte šni, anpetu kin dchanyan.

9 Qa Dawid iš heya; Wahna wotapi tawapi kin he mazahta-kiyapi, qa wihmunke, qa wona-hnaye, qa iyunwin yuhapi kin hee kta ce.

10 Išta kin aotpaswicayapi kte,

heon wawanyakapi kte šni; qa cankahu ohinniyan patuš inajin-pi nunwc.

11 Heon hepe; Hinhpayapi kta on hicahanpi he. Hiya, hecetu šni; tuka hicahanpi kin on etan-han Ikcewicašta kin wiconi iyo-wicahi, hena iš eya iyowicapa-štakapi kta e heon.

12 Hena e hicahanpi kin he wicoicage kin en wowijice kin hee, qa hena wicayuaoptetu kin he Ikcewicašta kin en wowijice kin hee hecinhan, wicayuecetupi kin he sanpa hince kta.

13 Ikcewicašta henicapi kin hena hecen eciciyapi; Ikcewica-šta kin ekta yemašipi waun, qa heon mitohitani kin wahdutan.

14 Hecen tona micelipi etan-hanpi kin hena inahni wicawaye kta, kinhan wanjikji ni wicawa-ye kta.

15 Hena ehpewicayapi kin he wicoicage kin en wookiye kin hee hecinhan, hena ake wicayu-ecetupi kinhan he taku kta he; wiconte etanhan wiconi kin hee kta.

16 Taku tokaheya suton kin he wakan kinhan, ocowasin hecece kta; qa can huta kin he wakan kinhan, can adetka kin hena na-kun hecece kta.

17 Unkan can adetka kin hena wanjikji yuksapi, qa niš can wi-hdi hu ikceka henica, tuka can adetka qon ehna can kin en ica-hniyanpi, qa can wihdi cepa can huta kin etanhan, en opeya yaun kinhan;

18 Can adetka qon on ihdatan šni wo. Nihdatan keš can huta kin he duhe šni tuka can huta kin hee niyuha.

19 Hehan, Hen emahdepi kta on can adetka qon yuksapi ce, ehe kta naceca.

20 Han, hecetu; wicadapi šni

WICOWOYAKE 12.

kin heon hena yuksapi, qa niye wacinyanpi on ecen nayajin ece. Wahanicida šni qa kokipa wo.

21 Can adetka tawa qon hena Wakantanka kpatan šni hecinhan, okinni niš eya nikpatan kte šni.

22 Wakantanka towaonšida to-cantiyahde ko wanyaka po ; to-na hinłpayapi qon hena en wocantiyahde, qa niye en wowaonšida kin, wowaonšida kin he en nayajin kinhan, tuka hecanon šni kinhan niš eya nicaksapi kta.

23 Qa hena cełunhdapi ecen unpi šni kinhan, iš eya ake can kin en iyekiyapi kta. Ake can kin en Wakantanka icałwicaya okihi.

24 Qa niye can wihdi ikceya icage cıqon etanhan nicaksapi, qa inicage cin eciyatanhan šni, can wihdi wašte kin en iyenianpi kinhan, tona can kin he aicage cıqon hena iyotan ake can wihdi tawapi kin en iyeyapi kta.

25 Mihunkawanji, wowiyukcan kin de sdonye šni dukanpi kta wacin šni, okinni ksape ničidapi kta ; Israel oyate kin apa išta gonge aya, Ikcewicašta kin oco-wasin en hiyu kte cin hehanyan.

26 Qa hecen Israel oyate kin owasin nipi kta. Wowapi en kagapi qon iyecetu ; Zion etanhan Wanikiya wan u, qa woalitani Jakob yutokan iyekiciciye kta.

27 Qa woalitani yutokan iye-wicaweciciye cinhan hehan wicotakuye wicawaqu kte cin hee ce.

28 Wotanin wašte kin ekta, hena niyepi kin on etanhan toka wicayawapi, tuka wicakahnigapi kin ekta, hena e hunkakepi kin on etanhan wašte wicakidapi.

29 Wakantanka taku wicaqu qa wicakico kin hena iyopeiciyapi wanin un.

30 Unkan niš niyepi kin ehan-na Wakantanka anayagoptanpi šni, tuka nakaha hena wicadapi šni kin on wowaonšida ničupi.

31 He iyecen nakaha hena iš eya anagoptanpi šni kin, niye nitowaonšida kin on etanhan onšiwicadapi kta.

32 Hena owasin witaya wicadapi šni kin en Wakantanka onawicataka, iyulıpa onšiwicada kta heon etanhan.

33 Wakantanka toksape qa wosdonye tawa wowijica ošbe kin he tanka hinca. Woyaco tawa kin okałniłpica šni, qa tacanku kin iyeyepica šni.

34 Tuwe Itancan tawacin kin sdonya he ; qa tuwe okiya un he.

35 Qa tuwe he tokaheya taku qu he ; kinhan kicicajujupi kta.

36 Iye etanhan, qa iye eciyatanhan, qa iye ohna taku owasin un ; owihanke wanin wowitan kiciun nunwe.

WICOWOYAKE 12.

1 Heon mihunkawanji, Wakan-tanka wacantohnake cin on etanhan eciciyapi ce, nitancanpi kin wošnapi ni un, wakan, qa taku Wakantanka iyokipi kin, hena hecen yaqupi kta, he wawoyakiyapi kte cin hecetu hinca.

2 Qa wicoicage kin de en iye-cen awacanipi kte šni, tuka nita-wacinpi yuecepidan kte cin on niłdutokecapi nunwe ; hecen Wakantanka tawacin wašte, oi-yokipi, qa hduštanpi kin he tukte e idukcanpi kta.

3 Wowaonšida maqupi kin he eciyatanhan, tona niyepi ekta un kinotoiyohi hecen eciciyapi ; Tu-

ROMA.

wedan token ihdukean kte cin he isanpa ihdawa kte śni, tuka wacinksamya ihdukean kta, Wakantanka otoiyohi wacinyanpi iyuta wicaqu kin he eciyatanhan.

4 Wicatančan wanjidan en wicahuha ota unhapi, qa huha kin hena owasin okonwanjidan oħanye śni :

5 He iyecen unkiye unkotapi, tuka Messiya en tancan unwanjipidan, qa otoiyohi huha unki-
ciyapi.

6 Hecen wowaonsida otoiyohi yukinukanyan unqupi kin eciyatanhan wicookihi ociptetu unhapi ; he wokcanpi kte cin hee hecinhan, wowacinye iyutapi kin on unkiyukcanpi ece e kta.

7 Qa waowicakiyapi kin hee hecinhan, waowicakiyapi kin en unyakonpi kta ; qa tuwe waon-spekiya okihi kinhan, he waon-spekiyapi kin en un kta.

8 Tuwe wahokonwicakiye kte cin he wahokonwicakiyapi kin en un kte ; tuwe taku wicaqu kte cin he oħanpiya econ kte ; tuwe oyate wicayuhe cinhan he mnihenya econ kta ; qa tuwe onśiwicadake cinhan iyokipiya econ kte.

9 Wacantkiyapi kin he wohnaye wanin un nunwe. Taku śice cin he śice dakapi, qa taku wašte kin he en iyaiħdaška po.

10 Hunkawanjin kiciyapi wašte kicidakapi kin he on otoiyohi cante en kiciyuza po, qa wo-
yuonihan on otoiyohi iyotan kicidaka po.

11 Wicoħtani kin en kujapi śni, woniya on aićiciyapi, Itancan kin okiya po.

12 Woape en wiyuśkinpi ; kakijapi kin en icunhan wacintankapi ; qa wocekiye eya yukan po.

13 Tona owotanna un kin taku icakijapi kinhan owicakiya po. Wicašta icimanipi kin oħanpiya ecawicakicon po.

14 Tona śicaya nicuwapi kin hena wicayawašte po ; wayawašte po, qa wayaśicapi śni po.

15 Tona wiyuśkinpi kin hena om wiyuśkin po ; qa tona ceyapi kin hena om ceya po.

16 Otoiyohi okonwanjidan awakicicin po. Taku wankan un kin hena ekta ewacinpi śni po ; tuka tona kun ihdawa kin hena en opa po. Wacinksapeiçidapi śni po.

17 Tuwedan taku śica on itkom śicaya econpi śni po. Wicašta owasin itokamya taku owotanna ecedan kamnan po.

18 Tohanyan oyakihipi kinhan, wicašta owasin om wookiye yakon po.

19 Wašte ciciđapi kin, ihnuhan niye cinka watoyeconpi kin, tuka wocanniye nakicipa po. Hecen wowapi en kagapi, Toki-
conpi kin he miye mitawa, wicawecu kta ce, Itancan kin eya.

20 Heon tuwe toka niye cin he wotektehda kinhan wo qu wo ; qa ipuza kinhan mini qu wo ; hecen ecanon kinhan, petaga kin he pa kin en eju ade kta.

21 Ihnuhan taku śica on ohiniyanpi kin, tuka taku wašte e on taku śice cin ktepidan po.

WICOWOYAKE 13.

1 Wicanagi otoiyohi wicowaśake itancan kin hena ihukun iyei-
çiyete. Wicowaśake Wakan-
tanka etanhan un kin hecedan yukan. Wicowaśake un kin hena Wakantanka kaga.

2 Heon etanhan tuwe wicowaśake kin kipajin kinhan he Wakantanka toope kin kipajin,

WICOWOYAKE 14.

qa tona wawakipajin kin hena wicayacopi kta.

3 Wicaštayatapi kin hena wicohan wašte kin en wakokipe wicakicagapi šni, tuka wicohan šice cin en. Hecen wicowašake kin he koyakipe kte šni he. Taku wašte e econ wo, kinhan on niyatanpi kta ce.

4 He taku wašte on niye ekta Wakantanka taokiye kin hee. Tuka taku šica ecanon kinhan kokipa wo. He mazasagye ituh yuhe šni; tuka Wakantanka taokiye kin heca, tuwe taku šica econ kinhan tokicon kta, wocanniye kin heon.

5 Heon etanhan anagoptan yanpi kta, wocanniye kin hecedan on etanhan šni, tuka nakun wiyukanpi kin heon.

6 Heon etanhan mazaska mnakiyapi kin en oyapapi ece: hena e Wakantanka taokiyepi kin ohinniyan taku kin de econ yukanpi.

7 Heon etanhan, owasin taku token wicaqupi kta iyecece cin wicaqu po: Tona iye taoyate kin etanhan mazaska mnayanpi kin he *ecen wicaqu po*; qa tona oyate tokeca etanhan mnayanpi kin he *nakun ecen wicaqu po*. Tona kinihanpi kte cin hena wicakinihan po, qa tona yuonihanpi kte cin hena wicayuonihan po.

8 Tuwedan takudan ikicazo šni un po, otoiyohe wašte yecidakapi kte cin hecedan. Tuwe wicašta tokeca wašte wicadake cin he woahope kin tanyan yuha.

9 He decétu; Wawicihahapi ecanon kte šni; Tin wicayakte kte šni; Wamayanon kte šni; Tuwedan en oitonšniyan wodake kte šni; Taku tokan tawapi kin yacin kte šni; qa woahope tokeca yuke cinhan wicoie kin

de en yuwitayapi; Wicašta tokeca niye inihdacin wašte yadake kta ce.

10 Waštewicadakapi kin he wicašta tokeca taku šica takudan ecakicon šni, heon waštewicadakapi kin he woahope yuecetupi kin hee.

11 Qa nakun kaketu, anpetu kin sdonunyanpi, woistinma etanhan unkiktapi kte cin wanna iyehantu; nakaha eunhdakupi kte cin tokaheya wicaundapi qon he isanpa ikiyadan ihan;

12 Hanyetu kin wanna ecadan unkihunipi kta, anpetu kin kohanna u kta, heon etanhan otpaza wicohan kin ehpeunyanpi, qa iyoyanpa wipe kin kounyakapi kta.

13 Qa iyokipiya maunnipi kta, anpetu kin en iyececa. Hanyetu wacipi qa witkopi kin en *unkopapi* kte šni; wicawihomnipi qa wicinpi, wakinicapi qa winawizipi kin hena en *ounpapi* kte šni.

14 Tuka niye Jesus Messiya Itancan kin he koyaka po, qa wicacełpi wocantiheye šice cin ecetu yapi kta e on takudan kicamnanpi šni po.

WICOWOYAKE 14.

1 Tuwe wicada kinhan wašake šni ešta iyowinkiya po, tuka akipam waakinicapi kin ekta šni.

2 Wicašta wanjidan taku owasin yuta okihi awacin, qa wicašta tokeca wašake šni kin he walpe ece yuta.

3 Tuwe wote cinhan he tuwe wote šni kin ihahia kte šni; qa tuwe wote šni kinhan he tuwe wote cin yaco kte šni; Wakan-tanka he iyowinkiya.

4 Nituwe he wicašta tokeca taokiye kin daco he; he iye yu-

ROMA.

he cin en najin kta qa ís hinhpaye kta. Qa he ecen najin kiyapi kta, Wakantanka najin kiye kta okihi.

5 Wicašta wanji anpetu wanji iyotandaka, qa wicašta tokeca wan anpetu owasin akiyecen yawa ece. Otoiyo hi iye tawacin ekta sutaya awacin nunwe.

6 Tuwe anpetu wan awacin kinhan he Itancan kin on awacin; qa tuwe anpetu kin awacin šni kinhan, Itancan kin ekta awacin šni. Tuwe wote cinhan, he Itancan kin on wota, qa Wakantanka wopida eciya; qa tuwe wote šni kinhan, Itancan kin on wote šni, qa Wakantanka wopida eciya ece.

7 Unkiyepi kin tuwedan iye hinca on ni šni, qa tuwedan iye hinca on te šni.

8 Unnipi kinhan Itancan kin on unnipi, qa untapi kinhan Itancan kin on untapi. Hecen unnipi, qa untapi *unma tukte* hecinhan, Itancan kin tawa unyanpi.

9 Hecen on Messiya te ca ake kini, wicate ca wicani kin heniyoza en Itancan kta e heon.

10 Tokeca nihunkawanji daco he; qa tokeca nihunkawanji iyakihaha he. Owasin Messiya tawoyaco oiyotanke kin itokam inaunjinpi kta.

11 Hecen wowapi en kagapi; Miye wani kin, heon hupahu otoiyo hi miye en canpeška makehde inajin kta, qa wicačepi otoiyo hi Wakantanka en wohdake kta, Itancan kin eya.

12 Heon etanhan unkiyepi otoiyo hi Wakantanka kin en wounhdakapi kta.

13 Hecen on, detanhan otoiyo hi unkiciyacopi kte šni, tuka kaken e iyotan wakonza po, tuwedan taku en siha ibotopi, qa

on hinhpaye kte cin he hunkawanjitku kin itokam ehde kte šni.

14 Miš sdonwaye ca Jesus Itancan kin en awacami, takudan atayedan šape šni; tuka tuwe taku šapa kecin kinhan, he taku kin iye ekta šapa ece.

15 Qa woyute kin on etanhan nihunkawanji iyokišin yaye cinhan wowaštedake eciyatanhan mayani šni. Messiya tuwe on te cigon he woyute nitawa kin on ihang ye šni wo.

16 Ihnuhan taku wašte duhapi kin he yašicapi kinhan.

17 Woyute qa woyatke kin Wakantanka tokiconze kin hee šni; tuka wicoowotanna wookiye qa Woniya Wakan kin en wowiyuškin kin hena ee.

18 Tuwe hena taku kin en Messiya wowidag ye cinhan, he Wakantanka iyokipi ye ca, wicašta kin on wašte dakapi.

19 Heon etanhan taku tona wookiye kage cin hena unkakitapi kta qa nakun taku on otoiyo hi icalh unkiciciyapi kta.

20 Woyute kin on etanhan Wakantanka taku kage cin he ihang ye šni wo. Awicakehan taku owasin wašte; tuka tuwe taku yute ca on wahtani wicaye cinhan, he šica ece.

21 Waconica yutapi šni, qa mini ša yatkanpi šni, qa taku tokeca on etanhan nihunkawanji hicahe ca, wahtani, qa wašake šni aye cin, hena *econpi* šni kinhan he wašte.

22 Wowacinye duha he: Niš niye Wakantanka itokamya hduha wo. Tuwe taku iyowinkiyecin on ihdaco šni kinhan, he yuwaštepi ece.

23 Qa tuwe wicada šni kinhan he yute cinhan wanna yacopi, wacinyanpi kin on hecon šni,

WICOWOYAKE 15.

heon etanhan. Taku owasin wacinyanpi eciyatanhan šni kin hena woalitani.

WICOWOYAKE 15.

1 Unkiye waunšakapi kin tona wašake šni un sutaya wacinyanpi šni kin on wacinuntankapi kta, qa iyokipiunkiçiyapi kte šni.

2 Otoiyohi wicašta tokeca iyo- kipi unyanpi kta, wowašte en icalı yapi kte cin heon.

3 Messiya iye kaeš iyokipi içiye šni, tuka wowapi en kagapi qon iyecen, Tona anııapi kin waai- pi kin he miye aihpemayanpi qon.

4 Taku tona wowapi en kaga- pi kin hena onspeunkiyapi kte cin heon kagapi, hecen wicowa- libadan, qa wowapi wakan kin en wicakicanpte cin eciyatan- han woape unhapi kta.

5 Wakantanka wicowalibadan, wicakicanpte ko yuhe cin he Jesus Messiya eciyatanhan, otoiyohi okonwanjidan wacin en kiciyus niyanpi nunwe.

6 Qa hecen wicotawacin wan- jidan, qa wicai wanjidan on Wakantanka Jesus Messiya Itan- can unkiyapi he Atkuku kin da- tanpi kta.

7 Heon etanhan otoiyohi iyo- winkiciciya po, Wakantanka yu- tanpi kte cin heon Messiya iyo- winunkiyapi qon iyececa.

8 Miye kin kaken epe; Jesus Messiya bakihdayapi wicołian kin en ookiye ikicaga, Wakan- tanka towicake kin heon, qa hunkakepi kin wahowicayapi qon he hduacetu kte cin heon etanhan.

9 Qa hecen Ikcewicašta kin Wakantanka yatanpi kta, iye towaonšida kin on; wowapi en kagapi qon iyececa, Heon etan-

han Ikcewicašta ehna ociyake a nicaje kin iwadowan kta.

10 Qa ake hecen eya, Ikcewi- cašta kin iyuškin po, iye taoyate kin kici.

11 Qa ake, Ikcewicašta kin owasin Itancan kin idowanpi, qa oyate kin owasin he yatan po.

12 Ake Isaya hecen eya, Jesse hutkan wanjidan qa tuwe Ikce- wicašta en wicaštayatapi un kte cin he icage kta; he Ikcewica- šta kin wacinyanpi kta.

13 Hehan woape Wakantanka kin he wicayadapi kin eciyatan- han wowiyuškin owasin wooki- ye ko on imna niyanpi nunwe, Woniya Wakan towašake kin eciyatanhan woape en nina ini- cagapi kte cin heon.

14 Mihunkawanji niyepi on awacin manka, wowašte oniju- pidan, qa wosdonye owasin on oju niyanpi, hecen otoiyohi wa- hokonyeciciyapi kta oyakihipi.

15 Tuka mihunkawanji, hecc- ca ešta waditagya wowapi cica- gapi, hecen wicoie wanjikji ki- ksuye ciyapi kta, Wakantanka towaonšida maqupi kin he eciya- tanhan;

16 Ikcewicašta ehna Jesus Messiya taokiye kin wanji he miye kta, Wakantanka tawoo- tanin wašte kin on litawani, qa hecen Ikcewicašta wahdušnapi kin he woiyokipi kta, Woniya Wakan kin on yuwakanpi kin heon.

17 Heon etanhan Jesus Messi- ya en taku Wakantanka tawa kin on wowinkta mduha.

18 Wicoie wicołian ko on Ikce- wicašta anagoptanpi kta e, miye eciyatanhan šni, Messiya taku econ qon hena cajemdate kte šni:

19 Tuka wowapetokeca tanka,

ROMA.

qa woyušinyaye econpi, Wakan-tanka Taniya Wakan towaśake kin eciyatanhan, hecen Jerusale-lem etanhan, qa ohomniyan Ilurikon ekta Messiya tawootanin wašte kin omdaka ece.

20 Qa hecen wotanin wašte kin aićiciya oyag uwate, tukten Mes-siya cajeyatapi kin hetu śni, okinni wicašta tokeca taku ahde kin akan ti wakage kta naceca.

21 Tuka hecen wowapi en ka-gapi qon; Tona en cajeyatapi śni kin hena wanyakapi kta, qa tona nañonpi śni qon hena iyukcanpi kta.

22 Qa hecen on otakiya ekta ciupi kte cin okitpani mayan-pi:

23 Tuka nakaha makoce kin dena en tuktedan omakan śni qa wanna waniyetu ota ekta ciupi kta nina wacin;

24 Heon tohan Spania ekta mde cinhan hehan ekta ciupi kta. Heciya icimani mde cinhan tahepi wanciyakapi, qa ekta ye mayayapi kta awacin manka, tokaheya niyepi kin on cistiye-dan imamdeze cinhan.

25 Tuka nakaha Jerusalem ekta mda, tona owotanna un kin hena owicawakiye kte cin heon.

26 Tona Makedonia qa Akeya en yukanpi kin hena, tona wa-ñpanica wacinyanpi Jerusalem ekta yakonpi kin hena taku wicaqupi kta e iyokipipi.

27 Hecon iyokipipi; taku iwi-cakicazopi kin iyecen unpi na-kaeś. Hena taku wakan yuhapi qon en Ikcewicašta opapi hecinhan, taku wicaceli pi ekta un kin hena on itkom owicakiyapi kta iyececa.

28 Heon etanhan tohan he mduśtan qa, waskuyeca kin de hena en awicawecipuspe cin-

han, hehan niyepi iyoopteya Spania ekta imdamde kta.

29 Qa ekta ciupi kinhan, Messi-ya tawootanin wašte woyuwašte wojudan kin yuha wau kta sdonwakiya.

30 Hehan nakaha mihunka-wanji ceciciyapi ce, Jesus Mes-siya Itancan kin caje on, qa Wo-niya Wakan towaśtedake kin on, miye kici Wakantanka nina cemiyećiciyapi kte cin he.

31 Tona Juda makoce kin ekta anagoptanpi śni kin hena etanhan emahdakupi kta, qa Jerusa-lem ekta wicoñtani mitawa kin tona owotanna un kin iyokipi wicaye kte cin heon.

32 Qa hecen Wakantanka ta-wacin kin eciyatanhan wowi-yuśkin yuha ekta ciupi, qa niye-pi on imagaga mićiye kta.

33 Wookiye Wakantanka kin niyepi owasin en nicipi un nun-we.

WICOWOYAKE 16.

1 Phebe tawinoñtinunyanpi, Kenkrea ekta okodakiciye kin en ookiye wanji hee cantohnake ciśipi.

2 He Itancan kin on iyowin-yakiyapi kta, tona owotanna un kin iyececa, qa taku on i kin he en token ecayeconpi cin kinhan ecen okiya po. Iye kin wicota owicakiye qa miye nakun oma-kiya ece.

3 Priskula Akula kici, Jesus Messiya en mitawaśipi kin hena napewicayuza po.

4 Hena e minagi kin on iye tahupi kin ehnakapi, qa hena miye miśnana pidamakiyapi śni, tuka Ikcewicašta ekta okodaki-ciye kin owasin pidawicayapi.

5 Qa iye tipi kin ohna okoda-kiciye kin napewicayuza po. Epinetus waśtewadake cin he

WICOWOYAKE 16.

napeyuza po ; Akeya ekta Messiya en un qon tokaheya kin hee.

6 Mary nina ounkiyapi qon he napeyuza po.

7 Andronikus Junia kici mitakuye, qa om makaškapi qon hena napewicayuya po ; yewicašipi kin owicapeya yuonihanpi, qa mitokapa tanhan Messiya en un qon hena.

8 Amplias Itancan kin en wašte wadake cin he napeyuza po.

9 Urbane Messiya en unkita-wašipi kin, qa Stacus wašte wakidake cin, hena napewicayuya po.

10 Apelles Messiya en yuecepidan kin he napeyuza po. Aristobulus takuwicaye cin hena napewicayuya po.

11 Herodian mitakuye kin napeyuza po. Narkisus takuwicaye cin Itancan en un kin hena napewicayuya po.

12 Truphena Truphosa kici Itancan kin on ltanipi kin hena napewicayuya po. Persis wašte dakapi kin Itancan kin on nina ltani kin he napeyuza po.

13 Ruphus Itancan kin on kahniğapi kin, qa iye hunku, nakun mitawa kin, hena napewicayuya po.

14 Asunkritus, Plegon, Ermas, Patrobas, Ermes, hena, qa tona om unpi hunkawanjin kiciyapi kin hena ko ; napewicayuya po.

15 Philologus, Julia, Nereus, iye tawinohtin kici, Olumpas, qa hena om tona owotanna un kin hena owasin napewicayuya po.

16 Otoiyohi iiputakapi wakan kin on napekiciyuya po. Messiya taokodakiciye kin napeniyuzapi.

17 Mihunkawanji ceciciyapi ce, tona woonspe onspeniciyapi

Dak.

qon eciyatanhan šni yuomdecapi, qa wahtani wicayapi kin hena iwanwicayakapi, qa nawicakicipa po.

18 Tona hececapi kin Jesus Messiya Itancan unkiyapi kin wowidag wicaye šni, tuka iye tezipi kin hee, qa wicoie wašte, iapi iyokipi se ececa ko, on wicašta wacin kšape šni kin wicahnayanpi.

19 Niye waanayagoptanpi kin he wicašta owasin sdonyapi. Heon niyepi kin on imduškin. Tuka taku wašte e on yaksapapi kta, qa taku šica on wadupipi kte šni wacin.

20 Unkan kohanna Wookiye Wakantanka kin niye nisihapi kin ihukuya Satan napan kta. Jesus Messiya Itancan unkiyapi towaonsida kin niyepi en nicipi un nunwe.

21 Timotheos mitawaši, qa Lukius, Jason qa Sosipater mitakuye kin, hena napeniyuzapi.

22 Tertius wowapi kin de owa kin he miye, Itancan kin on napeciyuzapi.

23 Gayos wonmakiye ca, okodakiciye owasin *hecawicakicon* kin, he napeniyuzapi. Erastus otonwe kin en wicašta itancan wan, qa Kuartus hunkawanjin kiciyapi wan, hena napeniyuzapi.

24 Jesus Messiya Itancan unkiyapi towaonsida kin niyepi owasin en nicipi un nunwe.

25 Tuwe wootanin wašte mitawa qa Jesus Messiya woyake cin he eciyatanhan niyusutapi kta okihi, wowiyukcan nakaha yuotaninpi kin eciyatanhan, he maka icage cin ehantanhan wicoicage kin en anahmanpi qon ;

26 Tuka nakaha yuotaninpi, wicašta wokcan tawowapi wakan kin heon, Wakantanka owi-

I. KORINTH.

hanke wanin un, tawoahope kin
eciyatanhan, qa oyate owasin
wacinyan anagoptanpi kte cin
heon *oyakapi*;

27 Jesus Messiya on etanhan,
Wakantanka ecedan ksape cin
hee wowitan owihanke wanin
kicihan nunwe.

PALOS

KORINTH OYATE

WOWAPI WICAKICAGE CIN:

TOKAHEYA KIN.

WICOWOYAKE 1.

1 Palos Wakantanka tawacin
kin eciyatanhan, Jesus yewicasi
kin heca e kahinigapi kin he, qa
Sosthenes hunkawanjinunyanpi
kici,

2 Wakantanka taokodakiciye
Korinth ekta un qa Jesus Messi-
ya on ecepidan kta, wakan wi-
cakahinigapi kin hena eepi, qa
tona makoce otoiyohi en Jesus
Messiya is iyepi kin Itancan ki-
yapi, qa unki is eya Itancan unki-
yapi caje kin hoyeyakiyapi kin
wowapi unnicagapi.

3 Wowaoñsida, wookiye ko,
Wakantanka Ateunyanpi, qa Je-
sus Messiya Itancan kin etanhan
niyepi en nicipi un nunwe.

4 Ohinniyan niyepi kin on Wa-
kantanka mitawa wopida ewa-
kiya, Wakantanka towaonñsida
Jesus Messiya eciyatanhan niçu-
pi kin heon;

5 Taku henana owasin on, iye
en, wijica nicagapi, wicoie owa-
sin qa wosdonye owasin on.

6 Hecen niyepi kin en Messiya
tawoyaatanin kin yusutapi.

7 Qa hecen wowašte wanjidan
aokpaniyan yaunpi ñni, qa Je-
sus Messiya Itancan unkiyapi

ihdutanin kte cin he ape du-
kanpi.

8 He owihanketa lehanyan
iyanionpepica ñni niyusutapi kta,
Jesus Messiya Itancan unkiyapi
taanpetu kin etu.

9 Wakantanka wacinyepica,
iye Cinhintku Jesus Messiya
Itancan unkiyapi kin takodaki-
ciyapi tawa kin en nicopi.

10 Mihunkawanji, Jesus Messi-
ya Itancan unkiyapi cajeyan ce-
ciciyapi ce; owasin okonwan-
jidan oie yetonpi, qa yuomdeca-
pi wanin yaunpi kta, qa wicota-
wacin eca wanjidan wiyukcanpi
ko wanjidan tanyan onspe ya-
unpi kte.

11 Mihunkawanji, Kloe etan-
hanpi kin hena omakiyakapi, ni-
yepi kin en woakinica yuke cin
he.

12 Hecen kaken epe; Niyepi
otoiyohi, Palos opeya waun, qa,
Apolos opeya waun, qa, Inyan
opeya waun, qa Messiya opeya
waun ce, ehapi ece.

13 Messiya yukinukan ehnaka-
pi he; niyepi kin on Palos can-
susbeca kin en okatanpi he; qa is
Palos caje on baptem niçupi he.

14 Wakantanka wopida ewa-
kiya, enitanhanpi tuwedan ba-

WICOWOYAKE 2.

ptem waqu śni, tuka Krispos qa Gayos heniyozā :

15 Tuwedan, miye micajē on baptem wicawaqu, keye kte śni heon.

16 Qa nakun Stephanas tiyohnaka kin baptem wicawaqu, qa tuwe tokeca baptem waqu kinhan sdonwaye śni.

17 Baptem wicawaqu kta e on Messiya ye maśi śni, tuka wotanin wašte omdake kte cin heon; wicoksape iapi kin ohna śni, okinni Messiya cansusbeca tawa kin taku śni yapi kta.

18 Cansusbeca oyakapi kin he tona ihdutakunipi śni kin en witkotkoya iapi kin hee, tuka unkiyepi tona ni unyanpi kin en Wakantanka towaśake kin hee.

19 Kaken wowapi en kagapi; Tona wacin ksapa woksape tawa kin taku śni waye kta, qa tona okañnigapi kin hena wookañnige tawa kin mdutakuni kte śni ce.

20 Wacin ksape cin tokiya un he; wowapi kage cin heca tokiya un he; wiconi kin de en wiyucan kin tokiya un he; Wakantanka wicoicage kin de wicoksape kin yuwitkotko śni he.

21 Hecen Wakantanka toksape kin on, wicoicage kin de wicoksape eciyatanhan Wakantanka sdonyapi śni qehan, wowahokonkiye wowitkotkoke cin on, tona wacinyanpi kinhan hena ni wicaye kta Wakantanka iyokipi.

22 Juda oyate kin wowapetokeca dapi, qa Helenes oyate kin wicoksape akitapi ece.

23 Tuka unkiyepi kin Messiya cansusbeca en okatanpi kin he unkoyakapi; he Juda wicaśta kin ekta wonahnaye qa Helenes wicaśta kin ekta witkotkoya iapi kin hee.

24 Tuka tona wicakañnigapi,

Juda qa Helenes wicaśta kin hena ekta, Messiya Wakantanka towaśake qa Wakantanka toksape kin hee.

25 Wakantanka taku tawa witkotkoke cin he wicaśta kin isanpa woksape; qa Wakantanka towaśake śni kin he wicaśta kin isanpa wowaśake.

26 Mihunkawanji, nicopi kin he wandakapi, wicacehpi eciyatanhan wacin ksapa ota śni, waśaka ota śni, qa wicaśta okinihan ota śni.

27 Tuka wicoicage kin en taku witkotkoke cin he Wakantanka kañniga, on taku ksape cin wišten ye kta; qa wicoicage kin en taku waśake śni kin hena Wakantanka kañniga, on taku waśake cin wišten ye kta.

28 Qa taku wicoicage kin en okinihan śni un kin he Wakantanka kañniga, qa taku un śni kin hena ko, on taku un kin yutakuni kte śni.

29 Hecen iye itokam wicacehpi owasin ihdatan kte śni

30 Tuka iye eciyatanhan Jesus Messiya en unyakonpi; he unkiyepi on Wakantanka eciyatanhan woksape, qa woowotanna, qa woyuecedan, qa wokajuju ikicaga.

31 Hecen wowapi qon iyececa; Tuwe iwinkta kinhan Itancan kin on iwinkta kta.

WICOWOYAKE 2.

1 Unkan mihunkawanji, ekta ciipi qehan, wicoie qa wicoksape oiyokipi kin yuha wai śni, tuka Wakantanka tawoyatanin kin ociciyakapi.

2 Niyepi kin ekta takudan sdonwaye kte śni e miçiconza, Jesus Messiya hecedan, qa he cansusbeca kin en okatanpi.

I. KORINTH.

3 Unkan waśake śni, wokoki-peya nina macancan cicipi waun.

4 Qa mioie, qa womdake cin hena wicaśta toksape wicoie oiyokipi kin en un śni, tuka Woniya wayuotanin, qa wowaśake kin en un.

5 Hecen wicayadapi kin he wicaśta wicoksape tawa kin en ahe kte śni, tuka Wakantanka towaśake kin en.

6 Tuka tona ksapapi kin hena ekta woksape unkoyakapi ece; tuka wicoicage kin de en wicoksape kin hee śni, qa wicoicage kin de en wicaśtayatapi toksape kin hee śni, hena atakuni śni aya.

7 Tuka wowiyukcan en Wakantanka toksape kin he unko-yakapi ece; ege nahmanpi qon, woicage śni itokam wowitan unkitawapi kte cin heon, Wakantanka wakiconze cigon.

8 He wicoicage kin de en wicaśta itancanpi kin tuwedan sdonye śni; sdonyapi unkanś Wowitan Itancan kin cansusbe-ca en okatanpi kte śni tuka.

9 Tuka wowapi qon iyececa; Tona Wakantanka waśtedakapi kin taku wicakiciyuśtan kin he wiciśta kin tohinni wanyake śni, qa wicanoge on nahonpi śni, qa wicaśta cante kin mahen iyo-hipaye śni.

10 Tuka hena Wakantanka iye Taniya kin eciyatanhan unkoki-yakapi; Woniya kin he taku owasin iyukcan, Wakantanka wośbe tawa kin sdonya.

11 Wicaśta kin ekta tuwe taku wicaśta tawa kin sdonya he, wicaśta taniya iye mahen un kin hee sdonkiya. He iyecen taku Wakantanka tawa kin tuwedan sdonye śni, tuka Wakantanka Taniya kin hecedan.

12 Unkan unkiye wicoicage

kin de en wicoksape kin he un-kicupi śni; tuka Wakantanka eciyatanhan Woniya Wakan kin he *unkicupi*, hecen taku Wakantanka iyunwin codan unqupi kin hena sdonunyanpi kta.

13 Qa hena unkoyakapi, wicaśta wicoksape woonspe wicoie kin eciyatanhan śni, tuka Woniya Wakan woonspe tawa kin eciyatanhan, hecen wicoie wakan kin wicaśta wakan iyukcan-wicunyanpi ece.

14 Tuka wicacehpi wicaśta kin he Wakantanka Taniya taku tawa kin icu śni, hena taku witkotkoke dake ça okahniga okihi śni, hena wakanyan iyukcanpi nakaes.

15 Tuka tuwe wakanyan un kin he taku owasin iyukcan, tuka iye kin tuwedan on yukcanpi śni.

16 Itancan tawacin kin tuwe he iyukcan he, hecen onspekiye kta. Tuka unkiye Messiya tawacin kin unhapi.

WICOWOYAKE 3.

1 Unkan mihunkawanji, miś wicaśta wakanpi kin iyecen oci-ciyapi kta owakihi śni, tuka wicacehpi wicaśta kin heca, qa Messiya en hokśiyopa kin iyececa.

2 Pteasanpi yatke ciciyapi, qa waconica kin he cicupi śni; he ehan nahahin he oyakihipi śni, qa dehan nahahin nakun oyakihipi śni.

3 Nahahin wicacehpi wicaśta kin henicapi. Niyepi ekta winawizipi, qa wakinicapi, qa yuomdecapi yukan hecinhan, wicacehpi kin henicapi, qa wicaśta akantu iyecen mayanipi śni he.

4 Wanji, Palos opeya waun,

WICOWOYAKE 4.

qa wanji ís, Apolos opeya waun, eye cinhan, wicacełpi wicašta kin henicapi śni he.

5 Palos he tuwe, qa Apolos he tuwe he; wowidake unpi kin hecapi, on wicayadapi, otoiyołi Itancan kin wicaqu kin iyececa.

6 Miye wowaju, Apolos mini akašta, qa Wakantanka icaliya.

7 Tuwe woju kin he taku śni, qa tuwe mini akašta kin kin he nakun, tuka Wakantanka wai-calıye cin hee tanka.

8 Tuwe woju qa tuwe mini akašta kin hena okonwanjipi-dan; otoiyołi iye tołtani kin iyacinyan iyunwin icupi kta.

9 Wakantanka kici łitanipi kin hena unkiyepi; Wakantanka tamaga, qa Wakantanka tipi kage cin he niyepi.

10 Wakantanka towaonśida maqupi kin ecıyatadhan wicašta ticaga ksape cin iyecen, taku ahehde kin ewahde, qa he akan wicašta tokeca tipi kaga; tuka otoiyołi token ticage cin he on waktaya un kte.

11 Tuka ahehde kin tokeca tuwedan ehde kta okiıi śni, taku ehdepi kin hecedan, Jesus Messiya hee.

12 Unkan tuwe ahehde kin de akan mazaskazi, qa mazaska, qa inyan okitanin, qa can, qa peji, qa cedi en kage cinhan,

13 Otoiyołi ołıan kin atanin kta; anpetu kin he yuotanin kta, peta on yuotaninyan aye kta; qa peta kin otoiyołi ołıan kin he taku kin iyukcan kta.

14 Tuwe ticage cin en ołıan kin sutaya un kinhan he woka-juju icu kta.

15 Qa tuwe ołıan kin łulınage cinhan he iwalıpanice kta, tuka iye qe peta kin etanhan iyecen niyanpi kta.

16 Wakantanka tipi tawa kin

he niyepi, qa Wakantanka Taniya kin onitipi kin he sdonyakiyapi śni he.

17 Tuwe Wakantanka ti kin aśamye cinhan he Wakantanka ihangye kta. Wakantanka ti kin he wakan, qa he niyepi.

18 Ihnuhan tuwe icıhnaye cinhan. Tuwe niyepi ekta wicoicage kin de en ksapeicıda kin he witkotkoke icıcaga nunwe; hecen ksape kta.

19 Wicoicage kin de en taku woksape kin he Wakantanka witkotkoke daka. Kaken wowapi en kagapi; Wicašta ksape cin hena iye wohnaye tawapi kin on wicayuza ece.

20 Qa ake, Wicašta ksape cin tawacinpi kin hena taku śni e, Itancan kin sdonya ce.

21 Hecen tuwedan wicašta kin on iwinkta kte śni. Taku owasin nitawapi.

22 Palos, qa Apolos, qa Inyan, qa wicoicage kin, qa wiconi, qa wiconę, qa taku nakaha un kin, qa taku u kte cin hena owasin nitawapi;

23 Qa Messiya tawa niyanpi, qa Wakantanka Messiya tawa ya.

WICOWOYAKE 4.

1 Wicašta kin kaken ecanunkinpi kta, Messiya iwicadake cin qa Wakantanka tawowiyukcan awanyakapi kin heuncapi.

2 Nakun tona waawanyakapi un kin hena owotanna ołıanyanpi kta iyececa wicadakapi ece.

3 Tuka mayadacopi, qa wicašta akantu mayacopi ešta, he taku śni wadaka; qa nakun mihdaco śni.

4 Miye cinka takudan sdonwakiye śni, tuka heon owotanna mihdawa śni; tuka tuwe mayukcan kin Itancan kin hee.

I. KORINTH.

5 Hecen iyehantu šni kin ito-
kam takudan yacopi šni po, Itan-
can kin he hi šni kin hehanyan ;
he iye kin taku otpaza en na-
hmanpi qon aiyoyam ye kta, qa
wicocante awacinpi kin yuatan-
in kta ; unkan hehan otoiyohi
Wakantanka eciyatanhan ido-
wanpi kta.

6 Mihunkawanji, niyepi on
etanhan hena hecen Apolos kici
miye imihdacin ; hecen unkiye-
pi kin on wowapi en kagapi kin
isanpa kecanwicayakinpi kte šni
onnispepi kta, qa hecen otoiyohi
on wahanničidapi kte šni.

7 Tuwe hecen iyotan nicaga
he ; qa taku ničupi šni kin tukte
e duha he. Qa ničupi kinhan
tokeca ničupi šni kin iyecen on
iniwinkta he.

8 Nakaha winipipi ; nakaha
winijicapi ; unkiyepi unkicunon-
pa tanhan wicaštayatapi yaunpi :
Unkan wicaštayatapi yaunpi wa-
cin, hecen niyepi kici wicašta-
yatapi unyakonpi kta tuka.

9 Miš kaken wacin mduza ;
Wakantanka yewicašipi unkiye-
pi kin ehake taninyan eunhdepi,
wiconțe iyacopi kin iyececa ;
hecen wicoicage qa mahpiya
ohnihde cin, qa wicašta kin en
woiwanyake kin he unkiyepi kta.

10 Messiya on wiuntkotkopika,
tuka niye Messiya en yaksapapi.
Unkiye waunšakapi šni, tuka ni-
ye wanišakapi. Unkiye unyuo-
nihanpi šni, tuka niye nicinihan-
pi.

11 Qa nakun anpe dehan wote-
kteunhdapi, qa iunpuzapi, qa
tancounkapidan, qa unkaštakapi,
qa tuktedan tinsadan unyakonpi
šni ;

12 Qa hununkitapi, unnapepi
kin on hitaunnipi. Unkaiapi keš
wicunyawastepe ; šicaya unku-
wapi keš wacin untankapi ;

13 Unyašicapi keš ceunkiyapi
ece. Wicoicage en watušekše-
ca kin iyecen unkagapi, qa anpe
dehanyan taku owasin etanhan
taku kahin ehpeyapi kin hecen
unyawapi ece.

14 Istenciyapi kta heon hena
hecen wowapi wakage šni, tuka
micinca wašte wicawakidake cin
iyecen wahokonciyapi.

15 Messiya en waonspekiyapi
kektopawinge wikcemna duhapi
ešta, ateyapi ota duhapi šni ; Je-
sus Messiya en wotanin wašte
on cinca cicagapi.

16 Heon etanhan ceciciyapi ce,
ecen omicipa po.

17 Heon niyepi kin ekta Timo-
theos ye waši, he nakun micinca
hokšincantkiyapi, qa Itancan kin
en wacinyepica, he mitacanku
Messiya en un kin kiksuye ni-
yanpi kta, ohinniyan okodakici-
ye otoiyohi en waonspewakiye
cin iyececa.

18 Ekta ciupi kte šni se ececa,
heon wanjikši wahanhanničidapi.

19 Tuka ecadan ekta ciupi kta,
Itancan kin iyokipi kinhan, qa
tona wahanničidapi token eyapi
kin hee šni, tuka taku okihipi
kin he sdonwaye kta.

20 Wakantanka tokiconze kin
he wicoie en ahe šni, tuka wo-
wašake en han.

21 Cansakadan yuha ekta ciupi
kta, qa is wacantkiyapi cante
ahbayedan ko hduha wau kta,
unma tukte yacinpi he.

WICOWOYAKE 5.

1 Niyepi ekta wawicilahapi
yukan keyapi ; qa wawicilahapi
kin he iyececa lkcewicašta kin
ekta cajeyatapi šni, wanji iye
atkuku tawicu kin yuze kte cin.

2 Unkan niye wahanničidapi ;
on iyonicišicapi kta tuka ; hecen

WICOWOYAKE 6.

tuwe hecon kin niyepi etanhan iyaye yapi kta.

3 Miye mitancan on ekta opeya ciunpi śni, tuka micante on en waun seca, heon en waun kin iyecen wanna mduŝtan; tuwe hecon kin,

4 Mniniciyapi qa mitoksape duhapi kinhan, Jesus Messiya Itancan unkiyapi caje kin on, qa Jesus Messiya Itancan unkiyapi towaŝake kin yuha,

5 Wicaŝta kin he Satan yaqupi kta, celĥi yutakuni kte śni, hecen Jesus Itancan kin taanpetu kin en nagi kin ni kta.

6 Iniwinktapi kin he waŝte śni. Taku on napoĥyapi kin waniqadan aguyapi ocowasin napoĥya ece e sdonyayapi śni he.

7 On napoĥyapi tannike cin eĥpeya po; hecen aguyapi teca qa napoĥye śni yaunpi kta. Messiya wohduze unkitawapi kin he iye kaeŝ unkiyepi on woŝnapi.

8 Heon etanhan wohduze kin en unkopapi kta, on napoĥyapi wanakaja qa wocanniye wicoŝice ko on napoĥyapi kin he *unha-*pi kte śni, tuka wicoowotanna wowicake ko on napoĥyapi kin hee unkunpi kta.

9 Wowapi en kaken cicagapi; Wiinaĥmanpi kin om mayanipi kte śni.

10 Tuka wicoicage kin de en wiinaĥmanpi, qa tona waicucupi kte cin, qa wawicaki sa, qa tona wakagapi ohodapi kin hena e wicawake śni; unkanŝ wicoicage kin de etanhan tankan dapi kta tuka.

11 Tuka nakaha kaken wowapi cicagapi, tuwe hunkawanjin kiciyapi eciyapi kin he wiinaĥman, qa waicucukte cin, qa wakagapi ohoda, qa waaie sa, qa witko sa, qa wawicaki sa

heca kinhan, kici yaunpi kte śni, ihnuhan kici wayatapi kinhan.

12 Tona tankan unpi kin hena token ecin wicamdaco kta he; tona timahen un kin hena wicadacopi śni he.

13 Tuka tona tankan un kin hena Wakantanka wicayaco ece. Hecen wawicilĥaĥapi econ qon he niyepi kin etanhan tankan iyeya po.

WICOWOYAKE 6.

1 Wicaŝta wan taku icanŝin niyanpi kinhan token ecin owotanna oĥanye śni unpi kin en yukanpi kta e ayaipi he, qa wicaŝta wacinyan unpi kin en ayaipi śni.

2 Tona wacinyan unpi kin hena wicoicage kin yacopi kta e sdonyayapi śni he. Unkan niyepi wicoicage kin dacopi kta hecinhan, taku iyotan cistinna kin hena iyukcan iyenicecapi śni he.

3 Maĥpiya ohnihde kin hena eepi kaeŝ wicunyukcanpi kta e sdonyayapi śni he. Hecen wiconi kin de en taku hiyeye cin sam iyeya *unkokihipi*.

4 Heon etanhan wiconi kin de en taku iyukcanpi kte cin duhapi kinhan, tona okodakiciye kin en yuonihanpi śni kin hena iyukcan wicaŝi po.

5 Iniŝtecapi kte cin heon hepa. Niyepi ekta wicaŝta ksape a tuwe hunkawanj itkupi kin wiukcan okihi kte cin wanica he.

6 Tuka hunkawanjinkiciyapi kin taku iyakicionpapi ece, a he nakun wacinyanpi śni kin wicitokam.

7 Hecen taku iyayecionpapi kin he ŝicaya ecanonpi ece. Tokeca e ŝicaya ecaniconpi kin ayatpaspapi śni he. Tokeca ta-

I. KORINTH.

ku nicipi kinhan wacin tanka yeɓunpi ŋni he.

8 Tuka niye ŋicaya ecanonpi, qa wawicayakipi ece, qa he nihunkawanjipi kin.

9 Tona owotanna ŋni un kin hena Wakantanka tokiconze kin tawapi kte ŋni e sɗonyayapi ŋni he. Iɗihnayanpi ŋni po: wiinalmanpi, qa wakagapi ohodapi sa, qa wawicihahapi econpi sa, qa winyan iɗidapi kin, qa iwica-hu sa,

10 Qa wamanonpi sa, qa wai-cucukte cin, qa witkopi sa, qa wawicakipi sa, henakiya Wakantanka tokiconze kin tawapi kte ŋni.

11 Qa niŋ niyepi kin hunli heni-cecapi tuka, tuka niyujajapi; tuka niyuwakanpi; tuka niyuowotanpidan, Jesus Itancan kin cajeyan qa Wakantanka unkita-wapi Taniya kin on.

12 Taku owasin ecamon kta e iyowinmakiyapi, tuka taku owasin ecamon kta iyecece ŋni; taku owasin ecamon kta e iyowinmakiyapi, tuka takudan imada-ke kte ŋni wacin.

13 Woyute kin he wicatezi kin *kicagapi*, qa wicatezi kin iŋ wo-yute *kicagapi*, tuka henioza Wakantanka ilhang ye kta. Unkan wicatancan kin he wiinalmanpi on kagapi ŋni, tuka he Itancan kin *kicagapi*, qa Itancan kin he iŋ wicatancan kin tawa kta.

14 Unkan Wakantanka wanna Itancan kin najin kiye ɗa, nakun iye towaŋake kin on najin unki-yapi kta.

15 Nitancanpi kin hena Messiya huha kin ee sɗonyayapi ŋni he. Hecen Messiya huha kin iwacu, qa witkowinna wan huha wakiye kta he. Hiya, hecetu ŋni.

16 Tuwe witkowinna wan en kici iyaihdaŋke cin he kici tan-

can wanjidan, sɗonyayapi ŋni he. Henioza ceɓpi wanjidan kta ce, eye ciɓon.

17 Tuka tuwe Itancan kin en kici iyaihdaŋke cinhan he iye kici woniya wanjidan.

18 Wiinalmanpi kin nakicipa po. Woahitani wicaŋta econ kin owasin wicatancan kin itankan un, tuka tuwe wiinalman kinhan he iye tancan kin en waiɗi-litani.

19 Tokeca, nitancanpi kin hena Woniya Wakan Wakantanka niɗupi, qa niyepi en un kin he tipi tawa kin hee, qa hecen tawa nihdawapi ŋni e sɗonyayapi ŋni he.

20 Taku tanka iyopeniyanpi, heon nitancanpi ninagipi ko on Wakantanka yatan po, hena Wakantanka tawa.

WICOWOYAKE 7.

1 Wowapi en miyecagapi kin he icahtagya, wicaŋta kin wino-hinca yutan ŋni kin he waŋte.

2 Tuka wiinalmanpi kte ŋni e heon etanhan wicaŋta otoiyo-hi wino-hinca tawa hduhe kta, qa wino-hinca kin iŋ otoiyo-hi wicaŋta hduha nunwe.

3 Unkan wicaŋta kin iye tawicu kin wowaŋte eakicon kta, qa wino-hinca kin iŋ iye hihnaku kin nakun ecen *eakicon* nunwe.

4 Wino-hinca kin iŋ iye tancan kin hduhe ŋni, tuka hihnaku kin he *yuha*, qa nakun wicaŋta kin iŋ iye tancan kin hduhe ŋni, tuka tawicu kin he *yuha*.

5 Otoiyo-hi tancan elipekiciya-pi ŋni po, pteccdan hehayan, napin wicayadapi kinhan heceedan, takudan yute ŋni qa woce-kiye eyapi kin en ocowasin yeniciyapi kte cin heon, kinhan ake napin yahdapi kta, unmana

WICOWOYAKE 7.

kinhan oiçhipi šni kin on Satan iyutanniyānpi kta naceca.

6 Hena hecon cišipi kin e on hepe šni, tuka wahokonciyapi kin heon.

7 Wicašta owasin miye waun kin iyecen unpi kta wacin, tuka otoiyohi Wakantanka etanhan wicowašake hduha un, wanji decetu, qa wanji iš kaketu.

8 Tuka tona tanšna un qa tona wiwazicapi kin hena, miye waun kin iyecen unpi kte cin he wašte kta, kewicawakiya.

9 Tuka oiçhipi šni kinhan kiciyuzapi kta; wakan kiciyuzapi kin he wašte qa wacin itkon kin he šica.

10 Unkan tona kiciyuzapi kin hena kaken wahokouwicawakiya, qa he miye cinka epe šni, Itancan kin he *heya*; Winohinca iye hihnaku kin ahduštan kte šni.

11 Tuka ahduštan kinhan tanšna un kta, qa iš ake hihnaku qon okiciye kta; qa wicašta kin iye tawicu kin ihnuhan ehpekiye cinhan.

12 Unkan ehake, Itancan kin hee šni, miye cinka hecen epe kta; Hunkawanjin kiciyapi wan winohinca wicada šni kin heca yuhe ça, he kici un iyokipi kinhan, he ihnuhan ehpekiye cinhan.

13 Qa winohinca wan wicašta wicada šni kin heca yuhe ça, he kici un iyokipi kinhan, he iš nakun ehpekiye kte šni.

14 Wicašta wicada šni kin he iye tawicu kin on yuwakanpi, qa winohinca wicada šni un kin he nakun iye hihnaku on yuwakan kagapi. Hecece šni unkanš nicincapi kin ašapapi kta, tuka nakaha hena e wakan.

15 Tuka wicada šni un kin he unma kpagan kinhan hecen kpa-

gan kta. Hena hecece cin en hunkawanjin kiciyapi, qa ta-winohin kiciyapi kin idakapi šni. Wakantanka wookiye en unkiçopi.

16 Winohinca, niš taku sdon-yaya he, okinni nihihna niyakiye kta. Qa wicašta kin, niš token sdonyakiya he, okinni nitawin niyakiye kta.

17 Tuka otoiyohi token Wakantanka wicaqu qa Itancan kin otoiyohi wicakico kin he iyecen mani nunwe. Hecen okodaki-ciye owasin en econ wicawaši ece.

18 Tuwe bakiłdayapi ecen kicopi hecinhan, bakiłdayapi šni kin akite kte šni. Qa tuwe bakiłdayapi šni ecen kicopi hecinhan, he bakiłdaye kte šni.

19 Bakiłdayapi kin he taku šni, qa bakiłdayapi šni kin he nakun taku šni, tuka Wakantanka tawoahope opapi kin he tan-ka.

20 Otoiyohi wicołtani en kicopi kin he en un kta.

21 Wowidake un kin henica ecen nicopi kinhan he ekta ewacin šni wo; tuka tawa niçiye kta e oyakihi kinhan he en oya-han de kta.

22 Tuwe wowidake un kin he Itancan kico kinhan, hee Itancan kin on tawa içiya; qa nakun tuwe tawa içiye cin hecen kicopi kinhan he Messiya wowidake tawa kin hee.

23 Tehiya openitonpi, heon wicašta akantu wowidag niyanpi šni nunwe.

24 Mihunkawanji, otoiyohi taku en un hecen kicopi kin he en Wakantanka kici un nunwe.

25 Unkan hokšiwipidan iça-htagya, Itancan kin eciyatanhan woope takudan niduhe šni. Tuka miye owotanna waun kta

I. KORINTH.

Itancan kin ionšimakida, hecen token wacin mduze cin owahdake kta.

26 Nakaha wicokakije kin on etanhan de wašte kepcé, wicašta kin ecen un kte cin he wašte.

27 Winohinca en iyanihdaška he ; etanhan nihduške kta akite šni wo. Qa winohinca en iyanihdaške šni he ; winohinca wan akite šni wo.

28 Tuka winohinca duza ešta wayalitani šni, qa hokšiwinnan wan hihnaton ešta wahtani šni ; tuka hena e wicacehpi ekta wicokakije yuhapi kta ; hececa ešta ito itoncipapi.

29 Tuka mihunkawanji kaken epe kta ; Wanna tokata ptenyedan ; tona winohinca yuhapi kin hena winohinca tonpi šni kin iyecen unpi kte.

30 Tona ceyapi kin hena ceyapi šni kin iyececapi kte ; tora iyuškinpi kin hena iyuškinpi šni kin iyececapi kta ; qa tona wopetonpi taku yuhapi šni kin iyececapi kta.

31 Qa tona maka kin de woinyunyanpi kin šicaya yuhapi kin iyececapi kte šni ; wicoicage kin de ouncage kin atakuni šni aya.

32 Tuka takudan icante šice šni yaunpi kta wacin. Tuwe tawicu ton šni kin he Itancan taku tawa kin awacin yanka, token Itancan iyokipi ye kta.

33 Tuka tuwe tawicu ton kin he wicoicage kin en taku awacin yanka, token tawicu kin iyokipi ye kta.

34 Qa nakun winohinca hihna ton qa witanšna un kin hena kici akidedece šni. Hihna ton šni kin he Itancan taku tawa kin awacin yanka, tancan nagi ko wakan un kta heon. Tuka hihna ton kin he wicoicage en ta-

ku un kin awacin yanka, token hihnaku kin iyokipi ye kta.

35 Tanyan yaunpi kta heon hena hepa. Taku on hmunkapi kin nitokam ewahnake kta e hee šni ; tuka wacinktonja wanin, qa wiciyokipi kin en Itancan kin oyapapi kta e heon.

36 Tuka tuwe iye cunwintku tanšna un kin tanyan ecakicon šni kecin, qa wanna wikoška hecinhan, qa he iyecetu kinhan, token cin kinhan ecen econ ešta, wahtani kte šni ; wakan kiciyuzapi kte.

37 Tuka tuwe iye cante kin en sutaya un qa tokan tanhan hecon kiyapi šni, qa iye tawacin kin oicihi, qa cunwintku tanšna un hduhe kta e cante mahen iciconze cinhan he tanyan econ.

38 Hecen tuwe kiciyuzapi kin en wicaqu kinhan he tanyan econ, qa tuwe kiciyuzapi kin en wicaqu šni kin he sanpa tanyan econ ece.

39 Winohinca kin tohanyan hihnaku ni un kin hehanyan wicoope kin on kaškapi ; tuka hihnaku kin te cinhan hehan tawaiciya, tuwe tokeca cin kinhan he hihnaye kta okihi, Itancan kin en un kin hecedan.

40 Tuka ecen yanke cinhan he iyotan wašteya un kta imdukecan, qa Wakantanka Taniya kin he mduha kepcé.

WICOWOYAKE 8.

1 Unkan taku wakagapi wakiyušnapi kin icalitake, owasin wookahnige unhapi sdonunkiya-pi. Wookahnige kin he tanka-icidapi kaga, tuka wacantkiyapi kin he tanka icaliya.

2 Tuwe taku sdonya kecin kinhan he nahahin sdonye kte cin iyecen takudan sdonye šni.

WICOWOYAKE 9.

3 Tuka tuwe Wakantanka wašte dake cinhan Wakantanka he iye sdonya.

4 Taku wakagapi wakiyušnapi kin yutapi kin he icahtake, wakagapi maka akan un kin he taku šni sdonunyanpi, qa Taku Wakan wanjidan, hecedan yukan.

5 Taku wakan eciyapi kin mahpiya ekta qa maka akan yukan ešta; taku wakan ota, qa itancan kiyapi kin nakun ota keyapi ece:

6 Tuka unkiye, Taku Wakan wanjidan Ateyapi kin hee unhapi, he etanhan taku owasin u, qa he en unkiye *unyakonpi*; qa Jesus Messiya Itancan kin wanjidan, he on taku owasin un qa he eciyatanhan unkiyepi.

7 Tuka owasin hecen okałni-gapi šni. Wanjikji anpetu dehanyan wakagapi sdonyapi, taku wakagapi wakiyušnapi kin iyacinyan yutapi ece; hecen nagi suta šni kin hena ašamyapi.

8 Taku untapi kin eciyatanhan Wakantanka iyokipi unyanpi šni; wauntapi kinhan heon etanhan sanpa unwaštepi šni, qa wauntapi šni kinhan heon sanpa unšicapi šni.

9 Tuka ihnuhan wawoyakihipi kin de tona wašake šni un kin hena en wonahnaye kte cin.

10 Niye osdonya yaun kin, wakagapi tipi kin en wota idotanke cin tuwe wanniyake cinhan, wicašta nagi wašake šni un kin he taku wakagapi wakiyušnapi kin yuta onspeyakiye kte šni he.

11 Hecen nihunkawanji waške šni un kin, on Messiya te cin he ihangyapi kta, niye wasdon-yaye cin heon etanhan.

12 Tuka hunkawanjin kiciyapi kin en hecen wayahtanpi, qa iye

nagipi kin wašake šni kin nagiyeyayapi eca, Messiya en wayahtanipi ece.

13 Heon etanhan woyute kin mihunkawanji wahtaniye cinhan, ohinniyan tado wate šni waun kta, okinni mihunkawanji wahtaniwaye kta.

WICOWOYAKE 9.

1 Yewicašipi kin hemaca šni he; tawa mičiye šni he; Jesus Messiya Itancan unkiyapi he wanmdake šni he; Itancan kin en miohan kin he niyepi šni he.

2 Wicašta tokeca ekta yewicašipi kin hemaca šni ešta, niyepi kin ekta hemaca. Yewicašipi kin en opeya waun kin ipuspe kin he niyepi, Itancan kin en.

3 Tona wimawangapi kin hena kaken awicamdupta ece:

4 Unkiye wauntapi qa waunyatkanpi unkokihipi šni he.

5 Yewicašipi kin tokeca, qa Itancan hunkawanjinwicaye cin, qa Inyan iyececa, unkiye tankšiwicunyanpi wanji hdus unkayapi unkokihipi šni he.

6 Qa is, miš miye Barnabas kicišnana, wicohan ayušan owa-kihi šni he.

7 Tohantu kašta tuwe iyunwin codan zuya iyaya he; tuwe hastanhanka iyuwi kin huhde qa etanhan waskuyeca yute šni he; qa tuwe tałinca optaye wan hduhe qa optaye kin etanhan asanpi yute šni he.

8 Wicašta akantu eciyatanhan hena hecen epa he; qa woope kin he hena hecen eye šni he.

9 Moses toope kin en kaken kagapi, Tatanka aguyapi napan kin he iohmus icu yaye kte šni ce. Wakantanka tatanka iha-wicakta he;

10 Qa is unkiyepi kin on hena

I. KORINTH.

hecen eya he. Unkiyepi kin on he wowapi en kagapi; hecen tuwe mahyumdu kinhan woape en mahyumdu kta, qa tuwe woape yuha aguyapi kapan kinhan he kici woape en okicipe kta.

11 Unkiye ninagipi kin on taku unkonicijupi hecinhan, taku wicacehpi kin nitawapi kin he mnaunyanpi kte cin he taku tanka he.

12 Wicašta tokeca niyepi ekta wookihi kin de en okicipapi kinhan, unkiye unkiyotanpi šni he. Tuka wookihi kin he unkunpi šni; taku owasin unkapaspapi, Messiya tawootanin wašte kin anaunptapi kte šni kin heon.

13 Tona tipi wakan kin en kicanyanpi kin hena tipi wakan kin etanhan nipi ece sdonyayapi šni he; qa tona wahna wošnapı kin ekta ohanyanpi kin hena wošnapı kin etanhan wotapi ece.

14 Hecen nakun Itancean kin woope kaga; tona wotanin wašte oyakapi kin hena wotanin wašte kin on nipi kta.

15 Tuka hena taku kin takudan iwacu šni, qa hecen ecami-conpi kte cin heon hena hecen wowapi wakage šni; miye mašte kte cin hee wašte, qa tuwe imawinkta kin de ecetu šni miciciye kte cin he šica.

16 Wotanin wašte kin omdaka keš, he wowinkta wahdawa šni; waecon makiyapi, qa wotanin wašte omdake šni ehantanhan wokakije micihan.

17 Qa he iyokipiya ecamon kinhan on iyunwin mduhe kta, tuka iyomakipi šni ešta taku econmakiyapi wan maqupi.

18 Hecen taku mduhe kta he. Wotanin wašte omdake cinhan, Messiya tawootanin wašte kin iyunwin codan ewahde, qa he-

cen wotanin wašte kin en wowakihi kin tanyan mduhe kta.

19 Wicašta owasin ekta wowidake šni waun tuka owasin wowidake mayuhe wicawakiya, wanjikši okihiwicawaye kte cin heon hecamon.

20 Juda oyate kin wicehna, Juda wicašta kin hemaca, Juda oyate kin owicawakihi kte cin heon. Tona woope kin ihukuya un kin hena ekta woope yuha unpi kin hemaca, tona woope yuhapi kin hena owicawakihi kta.

21 Qa tona woope nicapi kin hena ekta woope codan unpi kin hemaca; — Wakantanka ekta woope codan waun šni tuka Messiya on woope yuha waun; tona woope nicapi kin hena owicawakihi kta.

22 Tona wašake šni kin hena en wašake šni se emaceca, tona wašake šni kin hena owicawakihi kta. Wicašta owasin en taku owasin un kin hemaceca, wanjikji ni wicawaye kte cin heon.

23 Wotanin wašte kin he on hecamon ece; hecen he en miš eya owape kta.

24 He de sdonyayapi šni he; Tona oinyanke kin en inyankapi kin hena owasin inyankapi, tuka wicašta wanjidan oqipe kin yekiya ece: Niš yeyakiyapi kta e iyecen inyanka po.

25 Tuwe kašta kici econ kte cinhan taku owasin iyatahde iciye šni un. Hena watešdake atakuni kte šni kin yekiyapi kta, tuka unkiye watešdake ohinnian un kte cin he *unkakitapi*.

26 Heon ctanhan miš hecen waimnanka, toketu tanin šni kin he iyecece šni; hecen nape on econ waun, tuwe okaduza ape cin iyecece šni;

WICOWOYAKE 10.

27 Tuka mitancan kin suta mićicage ça ținsmićiya; okinni wicašta tokeca wotanin wašte kin owicawakiyaka ešta, miye qe heyata iyemayanpi kte cin he *kowakipa*.

WICOWOYAKE 10.

1 Mihunkawanji he de sdoney šni yaunpi kta wacin sni, hun-kake wicunyanpi kin owasin małpiya šapa kin ihukuya yukanpi, qa owasin miniwanca kin opta hiyupi.

2 Qa owasin małpiya šapa qa miniwanca kin en Moses baptem wicaqu.

3 Qa owasin woyute wakan wanjidan etanhan yutapi.

4 Qa owasin woyatke wakan wanjidan etanhan yatkanpi. Imnija wakan kin wicihakam iya-ye ciqon he etanhan yatkanpi. Imnija kin he Messiya hee.

5 Tuka hena wicota Wakan-tanka iwicayuškin šni, hecen makoskan ihpayapi.

6 Unkan hena e waonspekiya unkitawapi kin eepi, hecen taku šica cantiheunyanpi kte šni, is iye cantiheyapi qon iyececa.

7 Qa wakagapi ohoyadapi kte šni, is iyepi wanjikji heconpi qon iyececa. Kaken wowapi en kagapi, Oyate kin wota qa wayatke iyotankapi, qa škan najin hiyayapi.

8 Qa wiinalımanpi kin econkupi kte šni, is iyepi wanjikji econpi qon iyececa; qa anpetu wanjidan en kektopawinge wikcemna nonpa sanpa kektopawinge yamni ihpayapi.

9 Qa Messiya iyutan unyanpi kte šni, hena wanjikji iyutan yanpi qon iyececa; unkan wamduška ihangwicayapi.

10 Qa wawiyahnupi kte šni, is

iyepi wanjikji wawihnupi qon iyececa, qa waihangye cin on yutakunipi šni.

11 Hena taku kin owasin waonspekiyapi on en wicahiyahde, qa unkiyepi wicoicage owihan-keta unyakonpi kin wahokonun-kiyapi kte cin heon wowapi en kagapi.

12 Hecen tuwe ținsa najin kecin kinhan, he wakta un nunwe, okinni ihpaye kta.

13 Wowiyutanyan wan wicašta sdoneyapi šni ece kin en aniupi šni. Wakantanka wacinyepica, hecen wawoyakihipi kin isanpa iyutanniyanpi kta iyowinye kte šni, tuka wowiyutanyan kin he enakiye kta, hecen oyakihipi kta.

14 Heon etanhan wašte cicidapi kin, wakagapi ohodapi kin nakicipa po.

15 Wicašta wacin ksape cin hena hecen ewicawakiya, token epe cin niš iyukean po.

16 Woyawašte wiyatke unyawaštepi kin he Messiya we kin en kodakiciyapi kin hee šni he. Aguyapi unkiyušpapi kin he Messiya tancan kin en kodakiciyapi kin hee šni he.

17 Unkiye unkotapi, tuka aguyapi unwanjipidan, qa tancan unwanjipidan; unkiye owasin aguyapi wanjidan en akipitan unkopapi.

18 Wicacełpi eciyatanhan Israel oyate kin ekta ewicatonwan po. Tona wošnapı kin etanhan yutapi kin hena wahna wošnapı kin en opapi šni he.

19 Heon token epe kta he: Wakagapi kin he taku, qa is taku wakagapi wakiyušnapı kin he taku tanka he: Hiya.

20 Tuka taku Ikcewicašta kin wayušnapı ece kin hena Wakan šica wakiyušnapı, qa Wakan-tanka wakiyušnapı šni. Unkan

I. KORINTH.

taku wakan śicapi kin en oyecipapi kta wacin śni.

21 Itancan tawoyatke qa nakun taku wakan śicapi tawoyatke kin yatkan oyakihipi śni. Itancan kin wahna wotapi tawa kin en oyapapi, qa nakun taku wakan śicapi wahna wotapi tawapi kin en oyapapi kta oyakihipi śni.

22 Itancan kin śihda unyanpi kta he. Iye sam iyeya waunśakapi he.

23 Taku owasin iyemicihantu tuka owasin taku wašte icalieye śni. Taku owasin iyemicihantu tuka owasin waonspekiye śni.

24 Tuwedan isnana taku amnaciye kte śni, tuka otoiyohi taku token tawa kte cin he akicicite kta.

25 Taku owasin tihocoka kin ekta wiyopeyapi kin he yuta po, qa wiyukcanpi kin on takudan iwangapi śni po.

26 Maka kin de taku ohnaka ko Itancan kin tawa.

27 Wicašta wicadapi śni kin wanji nicopi, qa ekta dapi tawatenyayapi kinhan, taku nitokam ehdepi kin he yuta po, qa wiyukcanpi on wiwangapi śni po.

28 Tuka tuwe, De wakagapi wakiyuśnapi ce, eniciyapi kinhan, yutapi śni po, tuwe oniciyakapi qa wiyukcanpi kin hena on. Maka kin de taku ohnaka ko Itancan kin tawa.

29 Wiyukcanpi kin cajemdata, niye nitawa śni tuka token tawa kin he waka. Tokeca tawa mičiye cin he wicašta tokeca tawiyukcan kin on mayacopi kta he.

30 Wowašte on en owape cinhan, tokeca e taku on wopida epe cin he on mayaśicapi he.

31 Heon wayatapi qa wadatkanpi, qa taku kašta ecanonpi

kin owasin Wakantanka yatanpi kta e on econ po.

32 Juda oyate, qa Helenes oyate, qa Wakantanka taokodakiciye tuwedan icanśinyayapi kte śni.

33 Qa miye taku owasin on owasin iyokipi wicawaye cin he iyececa, taku mduhe kte cin he awakite śni, tuka taku wicota yuhapi kte cin, hecen nipi kta.

WICOWOYAKE 11.

1 Miye omicipa po, Messiya opeya waun kin iyececa.

2 Mihunkawanji, ciyatanpi ce, taku owasin on miyekşuyapi, qa woope ciçupi qon ecehin duhapi kin heon etanhan.

3 Tuka he de sdonyayapi kta wacin; Wicašta otoiyohi en pa kin he Messiya ee; qa winohinca pa kin he wicašta kin ee; qa Messiya pa kin he Wakantanka ee.

4 Wicašta otoiyohi pa akałpe ton cekiye ça wiyukcan kinhan, he iye pa kin wowištenya ece.

5 Tuka winohinca otoiyohi pa akałpe ton śni cekiye ça, wiyukcan kinhan, he iye pa kin wowištenya; he paha yuśdapi kin kici akidececa.

6 Winohinca is pa akałpe ton śni kinhan paha yuśdapi kta. Tuka winohinca paha yuśdapi, qa is hđasanpi kin he wowištece kinhan, pa akałpe ton un kte.

7 Wicašta kin is pa akałpe ton un kin he hecetu śni, he Wakantanka touncage qa towitan kin hee; qa winohinca kin wicašta towitan kin hee.

8 Wicašta kin he winohinca kin etanhan śni; tuka winohinca kin he wicašta kin etanhan un.

9 Qa wicašta kin he winohinca

WICOWOYAKE 11.

kicagapi śni, tuka winohinca kin is wicašta kin *kicagapi*.

10 Heon winohinca kin pa kin akan wowaśake hduhe kta, ma-
hpiya ohnihde cin hena on etan-
han.

11 Tuka nakun wicašta kin wi-
nohinca codan un śni, qa wino-
hinca kin is wicašta codan un
śni, Itancan kin en.

12 Unkan winohinca kin he
wicašta kin etanhan un kin, he
iyecen wicašta kin is winohinca
kin eciyatanhan u; qa taku owa-
sin Wakantanka etanhan un.

13 Niś niyepi kin he iyukean
po; winohinca pa akahpe ton
śni Wakantanka cekiye cinhan
he hecetu he.

14 Taku oiyokipi kin hee kaes
he onspeniciyapi śni he; wica-
šta kin paha hanskaska hecin-
han he wowištece.

15 Tuka winohinca kin is paha
hanskaska koyake cinhan he wo-
witan kin ee; paha kin he wo-
kahpe qupi.

16 Tuka tuwe waakinin un kin-
han, wicohan kin de iyececa ta-
kudan unhapi śni, qa nakun Wa-
kantanka taokodakiciye kin.

17 Unkan he de omdake qa
ciyatanpi śni; taku sanpa wašte
kin on mniniciyapi śni; tuka ta-
ku aoptetu kin heon etanhan.

18 Tokaheya okodakiciye mni-
niciyapi eca yuomdecapi du-
kanpi keyapi nawahon; qa on-
spa wicawada.

19 Waakinicapi niyepi en un
kta, hecen tona owotanna iniyu-
kcanpi kin tanin kta.

20 Heon witaya mniniciyapi
eca, he litayetu wotapi Itancan
tawa kin yutapi kte cin hee śni;

21 Wotapi kin en otoiyohe ta-
ku yute kte cin tokaheya icu
ece; unkan wanji wotektehda
qa wanji is witko ece.

22 Tokeca, tipi ohna wayatapi,
qa wadatkanpi kte cin yahdu-
hapi śni he. Wakantanka ta-
okodakiciye kin ayaktapi śni,
qa tona taku yuhapi śni kin he-
na ištenwicayayapi he. Token
eciciyapi kta he. Heon ciya-
tanpi kta he. Hiya, ciyatanpi
śni.

23 Miye taku Itancan maqu
qon he cičupi, Jesus Itancan kin,
hanyetu wan iyoheyapi qon he
en, aguyapi icu;

24 Qa wanna wopida eye cin
hehan kiyuśpe qa heya; Icupi
qa yuta po; mitancan kin niye-
pi on kiyuśpapi kin he dee; de-
cen miksuya econ po.

25 Nakun is eya iyecen wanna
yatkan qehan, wiyatke kin icu
qa heya; Mawe kin en wicota-
kuye teca kin he dee ce; decen
econ po, tohanhan datkanpi eca,
miksuya po.

26 Hecen tohan aguyapi kin de
yatapi, qa wiyatke kin de da-
tikanpi kinhan, henakiya Itancan
te cin he duotaninpi ece, tohan-
yan hi śni kin hehanyan.

27 Heon etanhan, tuwe agu-
yapi kin de iyacin śni yute qa,
Itancan tawiyatke kin de yatke
cinhan, he Itancan kin tancan,
we ko, on yacopi.

28 Tuka wicašta kin wihdu-
kcan kta, hecen aguyapi kin de
yute qa, wiyatke kin de etanhan
yatke kta.

29 Tuwe iyacin śni yute qa
yatke cinhan, he woyaco hdute
qa hdatkan, Itancan tancan kin
iyukean śni kin heon.

30 Heon etanhan niyepi ekta
wicota waśakapi śni, qa waya-
zanpi sa, qa hunh iştinmapi.

31 Unkiye unkihdukecanpi kin-
han, tokan tanhan unkiyukcanpi
kte śni.

32 Qa unkiyukcanpi kinhan,

I. KORINTH.

Itancan kin wahokonunkiyapi, hecen wicoicage kin om unyacopi kte śni.

33 Hecen mihunkawanji tohan wota mniniciyapi kinhan, otoi-yohi akicipe po.

34 Qa tuwe wotektehda kinhan, he tiyata wote kta; hecen woyaco en witaya yaipi kte śni. Qa taku nahahin ihe cin hena tohan wau kinhan, wiyeya ewahna-ke kta.

WICOWOYAKE 12.

1 Mihunkawanji, taku wakan-yan wicaqupi kin iyukan śni yaunpi kta wacin śni.

2 Ikcewicašta kin henicapi, wakagapi iapi okitpani kin en aniyampi, ye niyanpi qon iyececa, he sdonyakiyapi.

3 Heon he sdonye ciciyapi; Tuwedan Wakantanka Taniya kin eciyatanhan ie ça, Jesus ya-śice kte śni; qa nakun tuwedan Jesus e Itancan eciye kta okihi śni, tuka Woniya Wakan ecedan eciyatanhan okihi ece.

4 Unkan taku wicaqupi kin hena okonwanjidan śni, tuka Woniya kin e wanjidan.

5 Qa waeconpi kin okonwanjidan śni, tuka Itancan kin e wanjidan.

6 Qa wicohan toktokeca; tuka Wakantanka kin e okonwanjidan, iye owasin en taku owasin owicakicihan.

7 Qa otoi-yohi on iyopta ye kte cin heon Woniya yuotaninpi kin wicaqupi ece.

8 Woniya kin wicašta wan woksape wicoie kin qu ece; qa wanji is wosdonye wicoie kin, hena Woniya wanjidan etanhan.

9 Qa Woniya kin he wanji tokeca wowacinye qu ece; qa wanji tokeca is wawokiziyapi

qu ece, qa hena Woniya wanjidan etanhan.

10 Qa wicašta wan wowape-tokeca econpi, qa wanji tokeca wiyukanpi, qa wanji tokeca taku wakan iyukanpi, qa wanji tokeca iapi ocaje ota, qa wanji tokeca iapi ieska oyakapi kin hecekcen wicaqupi ece.

11 Tuka hena owasin Woniya wanjidan qa okonwanjidan un kin he oħanye ça, token cin kin hecen wicašta otoi-yohi kipainni wicaqu ece.

12 Wicatancan kin he wanjidan tuka wicahuha ota yukan; qa tancan kin en huha kin hena ota qeyaś tancan wanjidan; Messiya kin is he iyececa.

13 Woniya wanjidan on, unkiye owasin wicatancan wanjidan kta e baptem unqupi, Juda qa Helenes oyate, wowidake un kin, tona tawa iciyapi kin hena koya; qa owasin Woniya wanjidan kin he en wayatke unkiyapi.

14 Wicatancan kin he huha wanjidan śni, tuka ota.

15 Hehan wicasiha kin he, Wicanape kin he miye śni heon wicatancan kin en opeya waun śni ce, eye cinhan, heon etanhan wicatancan kin en ope śni he.

16 Qa wicanoge kin he, Wicaišta kin he miye śni qa heon wicatancan kin en opeya waun śni ce, eye cinhan, ehantanhan wicatancan kin en ope śni he.

17 Wicatancan kin ocowasin išta kin ee unkanś, winahonpi kin tokiya un kta he; qa ocowasin winahonpi kin ee unkanś, waomnapi kin tokiya un kta he.

18 Tuka nakaha Wakantanka token iyokipi kin hecen wicahuha kin otoi-yohi wicatancan kin en ehde.

WICOWOYAKE 13.

19 Qa hena iyulpa wicahuha wanjidan unkanś, tancan kin tokiya un kta he.

20 Tuka nakaha wicahuha ota ešta, tancan wanjidan.

21 Hecen išta kin he, Cicin śni ce, nape kin eciya okihi śni ; qa nakun pa kin he, Cicin śni ce, siha kin eciye kte śni.

22 Qa nakun sanpa, wicatancan en wicahuha kin tona waśake śni se un kin hena iyotan.

23 Qa wicatancan ekta tona yuonihan śni undakapi kin hena iyotan unhduonihanpi ece ; qa tona owanyag śice cin hena iyotan woiyokipi ece.

24 Tona wašte unyukanpi kin hena takudan sanpa cinpi śni ; tuka Wakantanka wicatancan kin icikoyagya kage ça, tukten iyokpaniyan un kin he en yuonihanpi tanka kaga.

25 Hecen wicatancan kin en yuomdecapi wanice kta ; qa wicahuha kin hena otoiyohi awakicicinpī kta.

26 Qa hecen huha wanjidan iyotanhan iyekiye cinhan, he kici huha kin iyulpa iyotanhan iyekiyapi kta ; qa huha wanjidan yuonihanpi kinhan he kici huha kin iyulpa iyuśkinpi kta.

27 Messiya tancan kin he niyepi, qa otoiyohi huha yecidukanpi.

28 Unkan okodakiciye kin en Wakantanka kakenken ewicahde, tokaheya yewicaśipi kin hena, qa iyokihe wokcanpi, qa iciyamni waonspekiyapi ; hehan wicowaśake, hehan waasniyanpi, waokiyapi, itancanpi, qa ceji toktokeca.

29 Owasin yewicaśipi kin hecapi he ; owasin wokcanpi he ; owasin waonspekiyapi he ; owasin wicowaśake kin heca he :

30 Owasin waasniyanpi okihi

Dak.

he ; owasin ceji tokceca on iapi he ; owasin ieskapi he.

31 Wookihi iyotan wašte kin hena nina akita po. Tuka hena isanpa canku wašte wan cicipazopi kta.

WICOWOYAKE 13.

1 Wicašta akantu, qa malipiya ohnihde cejipi kin on iwaa ešta, wacanwakiye śni ehantanhan maza śa snasna, qa taku ituya sna kin he iyemaceca.

2 Qa wowiyukcan mduhe ça, taku analibeya un kin owasin, wookaħnige owasin ko, sdonwaye ça, wowacinye owasin mduha, on ĩe kin yutokan iyewaye kta owakihi ešta, wacanwakiye śni ehantanhan matakun śni.

3 Qa taku mitawa kin owasin won wicayapi kin en wahdusote ça, mitancan kin hee kaeś ĩuħnage kta e waqu ešta, wacanwakiye śni ehantanhan takudan iciyopteya waun śni.

4 Wacantkiyapi kin he wicotawacin tanka qa wowašte ocowasin. Wacantkiyapi kin he wawinawizi śni. Wacantkiyapi kin he wahanħaniċida śni, qa ihdatan śni ece ;

5 Wawištenya econ śni, qa iśnana takudan amnaiċiye śni, wacinko śni, qa taku śica iya-wicaonpe śni ;

6 Woalħtani en iyuśkin śni, tuka wowicake kin en iyuśkin ;

7 Taku owasin kajuju ; taku owasin wicada ; taku owasin ape ; qa taku owasin iyowinyan.

8 Wacantkiyapi kin he toħini owihanke śni. Wokcanpi kin hena enakiyapi kta ; ceji tokceca kin hena ayuśtan aye kta ; qa wookaħnige kin hee kaeś atakuni kte śni.

I. KORINTH.

9 Apadan sdonunyanpi, qa apadan unkiyukcanpi.

10 Tuka tohan woyuŝtan kin he hi kinhan tona woyuŝtan ŝni kin hena ihanke kta.

11 Homakŝiyoqopa qehan, hokŝiyoqopa iyecen iwae ca, hokŝiyoqopa iyecen wimdukan, qa hokŝiyoqopa iyecen awacin waun; tuka wicaŝta imacaga hehan taku hokŝiyoqopa tawa kin amduŝtan.

12 Dehan ihdiyomdasin en iyecen aotpasya wawanunyakapi ece; tuka eqe hehan anog itohnake icitkokim wanunkiciyakapi kta. Nakaha taku kin tanyan sdonwaye ŝni; tuka e qe tokata sdonmayanpi kin iyecen tanyan sdonwaye kta e imichan.

13 Unkan nakaha hena yamni en ounyan, wacinyanpi, qa apepi, qa wacantkiyapi; tuka wacantkiyapi kin he iyotan tanka.

WICOWOYAKE 14.

1 Wacantkiyapi kin he okipa po, qa taku wakanyan wicaqupi kin hena cin po; tuka widukcanpi kte cin he iyotan.

2 Tuwe ceji tokeca on ie cin he wicaŝta kin takudan owicakiyake ŝni, tuka Wakantanka taku eciya; tuwedan naŝon ŝni kin heon: hececa eŝta Woniya kin eciyatanhan taku woanalibe kin oyaka tuka.

3 Tuka tuwe wiyukcan oyake cin he wicaŝta kin wowicakiyaka, on icalhyapi qa wahokonkiyapi qa kicanptapi.

4 Tuwe ceji tokeca on ie cin he iye ksamiciya; tuka tuwe wiyukcan oyake cinhan he okodakiciye kin ksamwicaya ece.

5 Niyepi kin owasin ceji tokeca on iyaapi kta wacin,

tuka widukcanpi kte cin he iyotan wacin. Tuwe wiyukcan kin he tanka qa tuwe ceji tokeca on ie cin he ihukuya, ieska oyake ŝni kinhan, hecen okodakiciye kin icalhyapi kta tuka.

6 Unkan nakaha mihunkawanji, ceji tokeca on iwaa en ciupi kinhan, he token oniciyapi kta he; yaotaninpi, qa wookahnige, qa wiyukcanpi, qa woonspe kin unmana eciyatanhan eciciyapi ŝni kinhan.

7 Unkan taku ni un ŝni kin hena, cotanka qa iŝ candowan-kiyapi kin hotanin kinhan, ho toktokeca ŝni kinhan, he taku on etanhan tukte e yajopi, qa tukte e dowankiyapi kin sdonyapi kta he.

8 Maza yahotonpi tanka kin ho okonwanjidan ŝni yahotonpi kinhan, tuwe zuyapi kta e wiye-ya icicage kta he.

9 He iyecen niŝ niyepi, ceji on wicoie okalniŝ waŝteŝte iyaapi ŝni kinhan, token on etanhan taku oyakapi kin he taku ee sdonyapi kta he; okaduza kin en iyaapi kta.

10 Maka kin akan ho ocaje tokeca kanakiya naceca, qa owasin taku kapi.

11 Tuka miŝ ho kin taku kapi kin sdonwaye ŝni kinhan, tuwe ie cin he Ikcewicaŝta kin kecan-makin kta, qa miŝ eya tuwe ie cin he Ikcewicaŝta kin heca wadake kta.

12 Hecen wicoŝan wakan nina yacinpi kinhan, okodakiciye kin icalhyapi kta e wadupipike kte cin he akita po.

13 Heon tuwe ceji tokeca on ie cinhan, he ieska oyake kta e icekiye kta.

14 Miye ŝaia cewakiye cinhan, minagi kin he cekiya; tuka mitawacin e qe takudan icalhye ŝni.

WICOWOYAKE 14.

15 Hecen toketu he. Miye minagi kin eciyatanhan cewakiye kta, qa nakun mitawacin kin eciyatanhan cewakiye kta; minagi kin on wadowan kta, qa nakun mitawacin kin on wadowan kta.

16 He hecece šni kinhan, ninagi on wopida eha eca, tuwe onspe šni en iyotanke cin he token, wopida ehe cin en, Amen eye kta he, taku ehe cin sdonyc šni nakaeš.

17 Wopida tanyan eha, tuka iye kin okašnige šni.

18 Wakantanka mitawa wopida ewakiya ce, niyepi kin owasin sam iyeya ceji tokeca on iwaa ece.

19 Tuka okodakiciye kin en mitawacin kin eciyatanhan wicoie zaptanna iwae kta, on wicašta tokeca onpsewicawakiye kte cin he iyotan wašte, qa ceji tokcca on wicoie kektopawinge wikcemna iwae kte cin he aoptctu.

20 Mihunkawanji, wookašnige cn hokšiyopopa unpi šni po; tuka wicotawacin šice cin en hokšiyopopa po, qa wookašnige kin en wicašta tanka un po.

21 Wooke kin en kaken kagapi; Ceji tokeca, iha tokeca ko on oyate kin de ówicaweciye kta; tuka hececa ešta, namašonpi kte šni, Itancan kin eya.

22 Hecen ceji tokeca kin hena wowakta kin hee, tona wicadapi šni kin hena eepi šni, tuka tona wicadapi kin hena on wowapetokeca kin hee.

23 Okodakiciye kin ocowasin witaya mniciyapi, qa owasin ceji tokeca on iapi kinhan, qa tona wacinton šni, wicada šni ko en hipi kinhan, winitkotkopika kecannicinpi kte šni he.

24 Tuka owasin wiyukeanpi,

qa tuwe wicada šni wacinton šni un kin tin hiyu kinhan, he owasin on onspekiyapi, qa owasin on yacopi kta.

25 Qa hecen iye cante kin ekta taku anašbe cin yutaninpi kta; hehan makipusdiya ehpeiciye ça Wakantanka ohoda kta, qa Wakantanka niyepi en nicipi un kin oyake kta.

26 Heon mihunkawanji toketu he: Mniciciyapi eca niyepi otói-yohi odowan duhapi, qa woon-spe duhapi, qa ceji tokeca, qa yaotaninpi wan, qa ieska oyakapi wan duhapi ece. Taku owasin waonspekiyapi kta e on econpi nunwe.

27 Tuwe ceji tokeca on ie cinhan, wancadan wicašta nomnom yamnimni, qa hena wanji itokto econpi kta, qa wanji ieska kiyapi kta.

28 Tuka tuwe ieska kiyapi kte cin wanice cinhan, okodakiciye kin cn inina yanke kta; is iye oiciye ça Wakantanka okiye kta.

29 Qa wicašta wokcan kin hena nomnom qa yamnimni oyakapi kta, qa unmanpi kin wiyukean unpi kta.

30 Qa tuwe ikiyeddan iyotanke cin he taku wakanyan okiyakapi kinhan, tokaheya kin he inina yanke kta.

31 Owasin wanji itokto widgeanpi kin odakapi kta oyakihipi; hecen owasin onspekiyapi, qa owasin iwicakiyapi kta.

32 Qa wicašta wokcanpi toksapepi kin wicašta wokcanpi kin anawicakigoptanpi ece.

33 Wakantanka kin he oqoyapi kin kage šni, tuka wookiye kin he tawa, oyate wakan okodakiciye kin owasin en un kin iyeccca.

34 Unkan winohinea nitawapi

I. KORINTH.

kin okodakiciye kin ekta inina yankapi kta. Hena ie kta e iyo-winyanpi šni, tuka anagoptan yukanpi kta, woope heye cin iyecen.

35 Qa taku onspepi kta cinpi kinhan iye tipi ekta hihnakupi kin iwicawangapi kta. Okodakiciye kin en winohinca ie cin he wowištece.

36 Tokeca, niyepi kin etanhan Wakantanka oie kin hinanpa he; qa niyepi nišnanpidan ekta nihipi he.

37 Tuwe wicašta wokcan, qa iš wicašta wakan kin heca kecaniçin kinhan, he taku wowapi en ciçagapi kin hena Itancan ta-woahope kin hee e yaotanin kta.

38 Qa tuwe iyukcan šni un kinhan, he iyukcan šni un nunwe.

39 Hecen mihunkawanji wi-dukcanpi kte cin he akita po, qa ceji tokeca on iapi kte cin tehindapi šni po.

40 Qa taku owasin iyokipiya owotanna econpi nunwe.

WICOWOYAKE 15.

1 Tuka, mihunkawanji, wotanin wašte unkoniciyakapi, qa iyacupi qon en ayahanpi kin he sdon-ye ciciyapi.

2 He eciyatanhan nakun yanipi kta, wicoie unkoniciyakapi kin on, he tiŋsa duhapi kinhan, qa ecinšniyan awacanipi šni kinhan.

3 Otokaheya ekta taku iwacu qon he ciçupi; Waunhtanipi kin on Messiya te cin, wowapi wakan *eye cin* ecetu;

4 Qa hnakapi, qa anpetu iciyamni kin piya ikicage cin, wowapi wakan *eye cin* ecetu.

5 Qa Inyan wanhdake ça, hehan ake nonpapi kin wanhdakapi.

6 Hehan he iyohakam wancadan hunkawanjin kiciyapi opawinge zaptan wanyakapi, hena wicota nahalin ni unpi, tuka wanjikji iştinmapi.

7 Qa he iyohakam Jakob wanhdaka; hehan yewicašipi kin owasin wanhdakapi.

8 Qa ehake miš miye wanmdaka, okaškan tonpi kin iyemaceca.

9 Yewicašipi kin miye iyotan macistinna, qa Wakantanka taokodakiciye kin šicaya wakuwa qon heon yešipi emakiyapi kte cin iyemacece šni.

10 Tuka tomakece cin Wakan-tanka towaonšida kin on hema-ceca. Qa iye towaonšida mici un kin he taku šni wanica, tuka hena owasin iyakaŋpeya nina hta-wani; qa he miye šni, Wakan-tanka towaonšida mici un kin hee.

11 Heon, he miš miye, qa iš iyepi kin, hecen unyaotaninpi, qa nakun hecen wicayadapi qon.

12 Unkan Messiya wiconte kin etanhan piya ikicage cin he oyakapi hecinhan, token on niyepi wanjikji, Wiconte etanhan piya wicoicage wanica ce, ehapi he.

13 Wicaŋe cin piya wicoicage wanica hecinhan, Messiya piya ikicage šni.

14 Qa Messiya piya ikicage šni hecinhan, hehan unkoyakapi kin he taku šni qa wacinyayapi kin he nakun taku šni.

15 Qa Wakantanka en unkitonpi šni kin; Wakantanka Messiya piya najin kiye cin he unkoyakapi; tuka he najin kiye šni, wicaŋe cin ake najinpi šni kinhan.

16 Wicaŋe cin piya najin kiyapi kte šni kinhan, hehan Messiya nakun piya najin kiyapi šni.

17 Qa Messiya piya ikicage

WICOWOYAKE 15.

śni hecinhan, wacinyayapi kin he takudan okihi śni, qa nahahin wayahitanipi kin ehna yaunpi.

18 Hehan tona Messiya on iştinma iyayapi qon hena nakun takunipi śni.

19 Wiconi kin de en ecedan Messiya on ape unyakonpi hecinhan, wicašta owasin unkiye iyotan iyotanhane iyeunkiyapi ece.

20 Tuka wanna Messiya wiconşte etanhane piya ikicaga, qa tona iştinmapi qon hena en taku tokaheya icage cin hee.

21 Wicašta kin eciyatanhan wiconşte u kin, he iyecen wicašta kin eciyatanhan wiconşte etanhane piya wicoicage kin u ce.

22 Adam en owasin tapi kin, he iyecen Messiya en owasin piya ni yapi kta.

23 Tuka otoiyohi tohan iye-hantu kinhan; Messiya e tokaheya, qa hehan tona tawa kin hena, Messiya ake hi kinhan.

24 Qa hehan owihanke kta, tohan wokiconze kin Wakantanka Ateyapi kin kicu kta; wokiconze owasin, qa wicowaşake owasin, qa wookihi kin ihangye cinhan.

25 Tona toka yapi kin hena owasin iye siha kin ihukun iye-wicaye kte cin hehanyan ito wicaştayatapi yanke kta.

26 Qa toka ehake ihangye kte cin he wiconşte kin ee.

27 He siha kin ihukuya taku owasin ekihnaka. Tuka tohan, He ihukuya taku owasin ehna-kapi kin, eye çehan, tuwe he ihukuya taku owasin ehnae cin he okaptapi e tanin.

28 Qa tohan taku owasin he ihukun iyeyapi kinhan, hehan Cinhintku kin ege tuwe taku owasin iye ihukun iyeye cin he

ihukun un kta, hecen Wakan-tanka owasin en ocowasin un kta.

29 Wicaşte cin ecaca piya ikicagapi kte śni hecinhan, tona wicaşte cin on baptem wicaqupi kin hena taku tokonpi kta he; qa tokeca e wicaşte cin on baptem wicaqupi he.

30 Qa tokeca anpetu iyohi ta ikopeya unyakonpi he.

31 Jesus Messiya Itancan unkiyapi kin en widuşkinpi kin en owape cin he cajemdate ça, Anpetu iyohi maşa ce, epa.

32 Wicašta akantu iyecen, Ephesos ekta wamanica kici weci-za ešta, on taku iyomapte kta he, wicaşte cin piya wicoicage śni kinhan. Wauntapi, qa wanyatkanpi kta, heyakecinhan untapi kta ce.

33 İçihnayanpi śni po; kodakiciyapi şice cin hena wicohan waşte yuşica ece.

34 Wicohan owotanna on ihduhicapi, qa wahitanipi śni po. Wanjikji Wakantanka sonyapi śni. Winiştecapı kte cin heon hena hecen epe.

35 Tuka okinni tuwe heye kta; Wicaşte cin token piya icah-yapi, qa taku tancan kin yuha hiyupi he.

36 Winitkotkoka, taku oyaju kin he te śni kinhan, icage śni ece.

37 Qa taku oyaju kin he tancan icage kte cin he oyaju śni, tuka su ecedan, aguyapi qa is taku toktokeca naceca.

38 Tuka Wakantanka token iyokipi kin hecen tancan qu, qa su ocaje otoiyohi tancan tawa kin kicu ece.

39 Celipi owasin celipi okonwanjidan śni, tuka wicacehpi kin he wanji ee, qa woteca celipi kin wanji hee, qa hogan ce-

I. KORINTH.

hipi kin wanji hee, qa zitkadan cehpi kin wanji hee.

40 Unkan mahpiyata tancan, qa makata tancan kin heca yukan. Tuka mahpiyata un kin he towitan kin wanjidan, qa makata un kin he towitan kin tokeca.

41 Anpetu wi towitan kin wanjidan, qa hanyetu wi towitan kin he tokeca, qa wicanhipi towitan kin he nakun tokeca; qa wicanhipi wanji wicanhipi tokeca kici wowitan en akidecece sni.

42 He iyecen wicate cin piya wicoicage. Tancan hwin ojupi, tuka hwin kte sni ekicetu yapi.

43 Wowihahaya ojupi, *tuka* wowitan ekicetu yapi. Wowasake sni yan ojupi, *tuka* wowasagya ekicetu yapi.

44 Wicacehipi tancan ojupi, *tuka* wowakan tancan ekicetu yapi. Wicacehipi tancan yukan, qa wowakan tancan kin yukan.

45 Kaken wowapi en kagapi qon, Adam wicashta tokaheya kin he wicanagi ni un kin heca kagapi, qa Adam ehake un kin he Woniya Wanikiye cin hee.

46 Tuka taku wakan un kin he tokaheya sni, tuka taku cehpi kin hee, qa iyohakam taku wakan kin.

47 Wicashta tokaheya kin he maka etanhan un, qa maka kin heca; Wicashta iyokihe kin he Itancan mahpiya eciyatanhan un kin hee.

48 Maka kin heca un qon, tona maka hecapi kin hena hececapi; qa mahpiya tanhan un qon, tona mahpiya tanhan un kin hena hececapi.

49 Unkan makata un kin touncage kin unhapi kin, he iye-

cen mahpiya tanhan un kin touncage kin unhapi kta.

50 Mihunkawanji kaken epa; Wicacehipi qa wicawe kin Wakantanka tokiconze kin tawapi kta okihipi sni, qa nakun wicahwin wicahwin kte sni kin tawa kte sni.

51 Wanyaka po, wowiyukcan wan ociciyakapi; owasin unkistinmapi kte sni, tuka owasin unyutokecapi kta.

52 Ihnuhanna, ista kakpapi se en maza yahotonpi tanka ehake kin *tanin* kinhan; maza yahotonpi tanka kin he yahotonpi kta, qa wicate cin hwin sni yan najin wicakiyapi kta, qa unkiye unyutokecapi kta.

53 Taku hwin kte cin de wicahwin sni koyake kta, qa te kte cin de tepica sni koyake kta.

54 Qa tohan taku hwin kte cin de wicahwin sni koyake ca, tancan wiconte kin de wiconi kin ogeton kinhan, hehan wicoie kin wowapi en kagapi qon ecetu kta; Wiconte kin he woohiye kin e ocowasin iocokaya.

55 Wiconte, wicape nitawa kin tokiya un he. Wicahnakapi, woohiye nitawa kin tokiya un he.

56 Wiconte icape kin he woahitani ee, qa woahitani wowaške kin he woahope kin ee.

57 Tuka Wakantanka woohiye unqupi, Jesus Messiya Itancan unkiyapi kin eciyatanhan, he wopida yuha nunwe.

58 Hecen mihunkawanji wASTE ciciidapi kin, sutaya yahanpi, qa pahoho sni yaunpi nunwe; qa ohinniyan Itancan ohan kin en aiciciya po, Itancan kin on htayanipi kin he taku sni wAnice kta sdoniyayapi kin heon etanhan.

WICOWOYAKE 16.

WICOWOYAKE 16.

1 Wicašta owotanna un kin hena taku wicakicamnanpi kte cin, token Galatia ekta okodaki-
ciye kin econ wicawaši qon, he iyecen niš econ po.

2 Anpetu tokaheya kin en niyepi otoiyohi token oyakhipi kin, iyacinyan eyahnakapi kta, hecen wau kinhan, wamnayanpi wanice kta.

3 Qa wau kinhan, tona wowapi on wicayakahnigapi kin, hena wicaqupi nitawapi kin he Jerusalem ekta aye wicawaši kta.

4 Qa miye ekta mde kte cin he wašte kta naceca hecinhan hena om mde kta.

5 Unkan Makedonia opta mde cinhan, hehan ekta ciupi kta: qa Makedonia opta mde kte cin he hecetu.

6 Qa okinni cicipi waun kta, han, waniyetu ihunniwaye kta naceca; hecen hetanhan tokiya mde cinhan niye amayadapi kta.

7 Nakaha tahepi wanciyakapi kte šni, tuka Itancan kin iyokipi kinhan, cicipi owanji manke kta wacanmi.

8 Tuka anpetu iwikcemna zaptan kin behanyan Ephesos en owanjidan manke kta.

9 Tiyopa tanka wawokihi kin makiyuhdokapi, qa tona wakini-
capi kin hena ota.

10 Unkan Timotheos ekta i kinhan, kokipešniyan en niunpi kta e akita po: He nakun miye *ecamon* kin iyecen Itancan to-
htani kin econ ece.

11 Heon tuwedan ihaša kte šni; tuka wookiye yuha au po, ekta mahiyu kta; he hunkawan-
jin kiciyapi kin om u kta ape manka.

12 Apolos mihunkawanji, he hunkawanjin kiciyapi kin om ni-

yepi ekta niipi kta e nina cinwa-
kiya; tuka iye dehan ekta ye kta ecaca cin šni, tuka tohan cin kinhan ekta i kta.

13 Kiktahan un po, wowacinye en sutaya han po, wicašta iye-
cen ohanyan po, wašaka po.

14 Taku nitawapi kin owasin wacantkiyapi on econpi nunwe.

15 Mihunkawanji, ceciciyapi ce; Stephanas tiyohnaka kin sdon-
yayapi, he Akeya en waskuyeca tokaheya icage cin hee, qa wica-
šta owotanna owicakiyapi kin en ye iciyapi ece kin;

16 Tona hececapi, qa tona wa-
wokiyapi, qa htanipi kin hena owasin wicihukuya ye ničiyapi kta.

17 Stephanas qa Phortunatus qa Akekus hipi kin heon imdu-
škin; hena e taku ecamiyeconpi šni kin he ecetu miciciyapi.

18 Qa minagi kin magaga ma-
yanpi, qa nitawapi nakun. Heon etanhan tona hececapi kin hena wicayuonihan po.

19 Asia ekta okodakiciyè kin hena nape niyuzapi. Akula qa Priskila Itancan kin on sutaya nape niyuzapi, qa okodakiciye iye tipi ohna un kin hena koya.

20 Hunkawanjin kiciyapi kin owasin nape niyuzapi. Iiputa-
kapi wakan kin on otoiyohi i ikiciputaka po.

21 Palos he miye nape kiciyu-
zapi kin de miye minape kin on *wakaga*.

22 Tuwe Jesus Messiya Itan-
can kin waštedake šni kinhan, he anathema maran-atha un nunwe.

23 Jesus Messiya Itancan un-
yanpi towaonsida kin nicipi un nunwe.

24 Jesus Messiya on wacanwa-
kiye cin niyepi owasin en nicipi un nunwe. Amen.

PALOS
KORINTH OYATE

WOWAPI WICAKICAGE CIN;

INONPA KIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjinkiciyapi wan kici, Korinth ekta Wakantanka taokodakiciye kin, qa Akeya owancaya tona owotanna un kin hena koya, *wowapi unnicagapi*.

2 Wowaonsida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

3 Wakantanka Jesus Messiya Itancan unkiyapi he Atkuku, qa waonsidapi en ateyapi, qa Wakantanka owasin wacintonhnag wicaye cin he wowašte yuha nunwe.

4 He unakijapi owasin en wacintonhnag unyanpi, hecen tona wokakije owasin ehna un kin hena iwicunkiyapi unkokihihi kta, wacintonhnagyapi on Wakantanka unkikiyapi kin he eciyatanhan.

5 Hecen Messiya tokakije kin unkiyepi en unkiciyuotapi kin, he iyecen Messiya eciyatanhan wacintonhnag unyanpi kin he nakun unkiciyuotapi kta.

6 Kakišunyanpi eca he wacintonhnag niyanpi, qa ni niyanpi kte cin heon; he wokakije on kakišunyanpi kin hena yuha okihi wicaye kta e ohanyan ece; qa wacintonhnag unyanpi hecin-

han, he wacintonhnake niyanpi, qa ni niyanpi kte cin heon.

7 Unkan niyepi kin on sutaya wacinunyanpi, wokakije kin en opeya yaunpi kin he iyecen wacintonhnakeyapi kin en oyapapi kta, sdonunyanpi.

8 Mihunkawanji, Asia en token wokakije unhiyahdepi qon he sdonye šni yaunpi kta uncinpi šni, iyotan nina unakijapi, unkokihihi kin isanpa, hecen unnipi kta unkecinpi šni.

9 Tuka unkiyepi kin mahen wiconte woyaco kin unhapi, hecen takudan wacinunkiciyapi kte šni, tuka Wakantanka wicate cin ekicetu wicaye cin he wacinunyanpi kta:

10 Iye wiconte hinsko tanka etanhan eunhdakupi, qa nakaha ehdaku ece; qa eeš nakun eunhdakupi kta wacinunyanpi:

11 Qa niš eya wocekiye on onyakiyapi kta, hecen wicašta ota etanhan, taku unqupi qon he on, unkiyepi on etanhan wicota wopida eyapi kta.

12 Unkiyuškinpi kin he unnagipi hdaotanin kin hee, wowicake wowakan ko en okonwanjidan, wicacehihi woksape yuhe šni, tuka Wakantanka towaonsida yuha, wicoicage kin ehna unnipi, qa niyepi kin ekta iyotan hececa.

13 Taku dawapi, qa sdonya-yapi kin hecedan wowapi en un-

WICOWOYAKE 2.

nicagapi; qa owihanke kin hehanyan wicayadapi kta kepece.

14 Onśpa sdonunyayapi, unkiyuşkinpi kin he niyepi, he iye-cen wowitan nitawapi kin he unkiyepi, Jesus Itancan taanpetu kin en.

15 Hecen wacinmduza, tokaheya niyepi kin ekta ciupi kta tuka, on inonpa wowaşte duhapi kte cin heon.

16 Qa niyepi kin etanhan iyo-opta Makedonia ekta mde ça, ake Makedonia etanhan niyepi kin ekta icicawin wahdi kta, qa Juda makoce kin ekta ye mayayapi kta wacin.

17 Hecen wacin mduze çehan, behan iyowihan wacin mduza he; qa token miçiconze cin he wicacehpi eciyatanhan miçiconze ça hecen, Han, han, hiya, hiya, eya waun he.

18 Wakantanka wacinyepica, wicoie unkeniciyapi qon he, han qa hiya, hee şni.

19 Miye, qa Siluanos, qa Timotheos, Jesus Messiya Wakantanka Cinhintku kin unkoniciyakapi qon he, han, qa hiya, hee şni, tuka iye kin on, han ecedan.

20 Wakantanka iwahounyanpi kin hena owasin iye en, Han hee, qa iye en Amen, unkiyepi kin etanhan Wakantanka yatanpi kte cin heon.

21 Tuwe niyepi kici Messiya en unyusutapi, qa sdaunyanpi kin he Wakantanka kin ee.

22 Qa he unkapuspapi, qa uncantepi kin ekta Woniya tokaheya icupi ece kin he unqupi.

23 Unkan nakaha minagi kin ekta Wakantanka mayaotanin kta e cewakiya; Itoncipapi kta e on nahahin Korinth ekta wai şni.

24 Wacinyayapi kin on wowi-

dag unniyanpi şni, tuka widuşkinpi kin en ounniciyapi kta. Wacinyanpi on sutaya nayajinpi ece.

WICOWOYAKE 2.

1 Miye qe hecen mihdukean, ake iyokişinya ekta ciupi kte şni.

2 Miye iyokişinciyapi kinhan, tuwe iyuşkinmaye kta he; iyo-kişinwaye cin hee kta.

3 Hecen on he wowapi cicagapi, ekta wau kinhan tona on imduşkin kte cin hena on etanhan iyokişin waun kte şni. Qa niyepi owasin wacinciyapi, mitowiyuşkin kin he en niyepi owasin *oyapapi kta*.

4 Wicokakije tanka, qa wicocanteşica, qa iştamnihanpe ota ehna wowapi cicagapi qon, iyo-kişinniyanpi kte cin heon *hecamon* şni; tuka nina canteciciyapi kin he sdonyayapi kte cin heon.

5 Tuwe iyokişicapi kage ciqon he miye iyokişinmaye şni; tuka niye nihunhnanpidan, owasin cibapi kte şni.

6 He tuwe kin hecen yacopi qon, wicota econpi kin hecehnana kta.

7 Heon nakaha wicaşta kin he iyuşkinayayapi, qa yecanptapi kta, okinni nina iyokişice cin on ktepidan kta.

8 Heon ceciciyapi ce, he cante en duzapi kin hduotanin po.

9 Taku owasin on waanagoptan yaunpi hecinhan, iciyukecanpi kte cin heon wowapi cicagapi qon.

10 Tuwe taku yecicajujupi kinhan, miş eya *hecamon*, qa tuwe taku wecicajuju kin he niyepi kin on wecicajuju, Messiya itokam.

11 Hecen Satan ohiunyanpi

II. KORINTH.

kte *śni*; iye token *içiconze* cin sdonunyanpi.

12 Troas ekta *Messiya* tawotanin wašte yuha wahi, qa Itancan kin tiyopa wan makiyuzamni;

13 Hehan minagi ekta cante wašteya waun *śni*, Titos mihunkawanji kin hen iyewaye *śni* kin heon; hecen hena nape wicamduze ça, hetanhan Makedonia ekta imdamda.

14 Wakantanka, ohinniyan *Messiya* on ohiye unyanpi, qa ohinniyan unkiyepi kin on tawosdonye woomna yaotanin kin, hee wopida yuha nunwe.

15 Wakantanka ekta, *Messiya* on woomna wašte kin he unkiyepi, tona wiconi yuhapi kta, qa nakun tona yutakunipi kte *śni* kin hena en.

16 Dena is tapi kta e wiconte oomna kin he unkiyepi, qa hena e nipi kta e wiconi oomna kin he unkiyepi; qa tuwe hena taku kin okihi he.

17 Wicota Wakantanka oie kin hnayan kuwapi kin hena iyeuncapici *śni*; tuka wowicake eciyatanhan, tuğa Wakantanka eciyatanhan, qa Wakantanka itokam, *Messiya* unkoyakapi ece.

WICOWOYAKE 3.

1 Ake unkihdatanpi unkayapi he; qa wicašta wanjikji iyecen waayatanin wowapi nicagapi kte cin heca uncinpi he; qa is waa-yatanin wowapi unyecagapi kta *uncinpi* he.

2 Wowapi unkitawapi unki-cantepi kin ekta owapi kin he niyepi, wicašta owasin sdonyapi qa yawapi;

3 *Messiya* tawowapi taninyan oyakapi unkiye unkagapi kin; mini sapa on kagapi *śni*, tuka

Wakantanka ni un kin Taniya kin on owapi; inyan mdaska kin en un *śni*, tuka wicacante conica kin he en.

4 Unkan Wakantanka ekta *Messiya* eciyatanhan woawacin kin de unhapi.

5 Unkiye cinka taku unkiyukcanpi kta unkokitpanipi, unkiyepi atayedan, taku unkokihipi kin he Wakantanka eciyatanhan.

6 Iye wicotakuye teca kin en wowidake waokihi unkagapi, oowa kin he en un *śni*, woniya kin hee en; oowa kin he wačya, tuka woniya kin he waniya ece.

7 Wiconte wawokiyapi kin he owapi, qa inyan akan pagopi qon he wowitan yuhe cin, on Israel cinca kin Moses itohnake wiya-tpa kin he opalita yukanpi kta okihipi *śni* hecinhan, wowitan kin he enakiyapi tuka;

8 Hecen Woniya wawokiyapi kin he sam iyeya nina wowitan kte *śni* he.

9 Woyaco wawokiyapi kin he wowitan hecinhan, wicoowotan-na wawokiyapi kin he sanpa nina wowitan kta.

10 Qa taku yuwitanpi qon he taku wanji on wowitan *śni*, taku iyakapeya wowitan kin hee on etanhan.

11 Qa taku enakiyapi qon he wowitan kin hee hecinhan, taku ecen he cin he iyotan wowitan kin ee.

12 Woape hececa unhapi kin heon nina wadiuntakapi ece.

13 Unkan Moses ite akałpe wan itohnake kin akałpe kiton kin he iyecece *śni*, taku enakiyapi kin owihanke kin hehanyan Israel cincapi kin ekta etonwan okihipi *śni* kin heon etanhan.

14 Tuka iye tawacinpi kin ao-

WICOWOYAKE 4.

tpasyapi : qa anpetu kin dehan-
yan Wowapi Wakan tanina kin
yawapi eca, ite akañpe kin he
eyakupi ñni ecen un ; he Messi-
ya eciyatanhan eyakupi tuka.

15 Tuka anpetu kin dehanyan,
Moses yawapi eca, ite akañpe
kin he iye cantepi kin akañpa.

16 Tuka tohan Itancan kin
ekta yuhomnipi kinhan, hehan
ite akañpe kin he yuzamnipi
kta.

17 Woniya kin he Itancan kin
ee, qa tukten Itancan taniya kin
un kin, hen tawa içiyapi yukan.

18 Tuka unkiye owasin itohna-
ke kin en taku unkakañpapi
ñni, ihdiyomdasin en wawanya-
kapi kin iyecen Itancan towitan
kin wanunyakapi, qa iye ounca-
ge kin iyecen unkağapi, wowi-
tan sanpa wowitan kin en, Itan-
can Taniya kin on etanhan iye-
ceca.

WICOWOYAKE 4.

1 Heon etanhan wawokiyapi
kin de unhapi kin, wowaonśida
unkicupi kin heon wacin iboun-
śakapi ñni.

2 Tuka taku wowištece na-
hmana un kin hena ehpeunyan-
pi, qa wicahnayanpi kin en ma-
unnipi ñni, qa wohñaye yuha
Wakantanka oie kin unkiciyu-
hapi ñni, tuka wowicake yaotan-
inpi kin on wicaśta owasin wi-
yukcanpi kin ekta unhdaotanin-
pi, Wakantanka itokam.

3 Wootanin wašte unkitawapi
kin he anahmanpi hecinhan, to-
na takunipi ñni kin hena anawi-
cakihmanpi.

4 Hena ekta wicoicage kin de
taku wakan tawa kin tona wica-
dapi ñni wicotawacin kin wacin-
ton ñni wicakaga ; Messiya Wa-
kantanka ouncage kin hee, ta-
wootanin wašte wowitan iyoyan-

pa kin he iyoyamwicaye kte
ñni heon etanhan.

5 Unkiye unkihdaotaninpi ñni,
tuka Messiya Jesus Itancan kin
he unyaotaninpi ece ; qa unkiye
Jesus on ookiyewicayayapi kin.

6 Wakantanka iyoyanpa kin
otpaza etanhan yege śi qon he
uncantepi kin iyoyamunyanpi,
Jesus Messiya itohnake kin eci-
yatanhan, Wakantanka towitan
wodonye iyoyanpa kin unqupi
kte cin heon.

7 Tuka woyuha kin de maka
cega ohna unhapi, hecen wowa-
śake tanka kin Wakantanka
etanhan un kta, qa unketanhan-
pi kte ñni.

8 Ihdukśantanhan aotinsunyan-
pi, tuka unkañdaskicapi ñni : wa-
cinhnuni unyanpi, tuka takudan
wacinye ñni kin heuncecapi ñni.

9 Śicaya unkuwapi, tuka ehpe-
unyanpi unyakonpi ñni : makata
ehpeunyanpi, tuka ihang unyan-
pi ñni.

10 Ohinnian untancanpi kin
en Jesus Itancan te cin he yuha
unkanpi, hecen Jesus wiconi ta-
wa kin untancanpi kin en tan-
inyan un kta.

11 Unkiye unnipi kin Jesus on
ohinnian wiconte en iyaye un-
yanpi, Jesus wiconi tawa kin
uncelhipi te kte cin en atatin
kte cin heon.

12 Hecen unkiyepi kin en wi-
conte ohanyan un, tuka niyepi
kin en wiconi.

13 Unkiye wowacinye woniya
kin de unhapi, wowapi en kaga-
pi qon iyececa ; Wicawada kin
heon iwaa ce ; unkiś eya wica-
undapi kin heon unkiapi ece.

14 Qa tuwe Jesus Itancan kin
piya ekicetu ye ciquon, he Jesus
eciyanhan, ake ekicetu unyan-
pi kta, qa niyepi kin om sutaya
he unkiyapi kta e sdonunyanpi.

II. KORINTH.

15 Niyepi kin on etanhan taku owasin ecen un, hecen wowaon-sida tanka kin, wicota wopida eyapi kin on sanpa ota aye kta, Wakantanka towitan kin on.

16 Heon wacin ibounśakapi śni, tuka wicašta akantanhan unkitawapi kin he takuni śni aya ešta, wicašta mahen tanhan un kin he anpetu iyohi yute-capi.

17 Unkakijapi cistinna, qa pte-cedan kin he wowitan ota hinca, ota hinca, owihanke wanin tke hinca unkiagapi kta.

18 Ieunhan taku wanyakapi kin hena ekta unketonwanpi śni, tuka taku tona wanyakapi śni kin hena ekta *ewauncinpi*. Taku tona wanyakapi kin hena ihanke kta, qa taku tona wanyakapi śni un kin hena owihanke wanica.

WICOWOYAKE 5.

1 Makata wakeya unkitawapi kin de yujujupi kinhan, Wakan-tanka ticage cin tipi nape codan kagapi kin, malpiya ekta, owihanke wanin yanke cin he unhapi e sdonunyanpi.

2 Qa de ohna comniunhdazipi, qa tipi unkitawapi malpiya eciyatanhan un kin he kounyakapi kta e cantounkpanipi.

3 He kounyakapi kinhan, tancodan unyakonpi kte śni.

4 Wakeya kin de ohna unkanpi kin hehanyan comniunhdazipi, unśakapi kin heon. Wokoyake unhduśdokapi kin he uncinpi śni, tuka kounyakapi kta: Hecen wiconi e wiconŋe ocowasin nape kta.

5 Tuwe he en icaḥunyanpi kin he Wakantanka ee; qa he Woniya tokaheya kin wanna unqupi.

6 Heon ohinniyan cante un-

waštepi, qa tohanyan wicatan-can kin ohna unkanpi kin hehanyan Itancan kin itehanyan unyakonpi kin he sdonunyanpi.

7 Wacinyanpi eciyatanhan maunnipi, qa wawanyakapi kin eciyatanhan śni.

8 Cante unwaštepi, tuka tancan kin de ohna unkanpi śni, qa Itancan kin kici unyakonpi kta e he iyotan uncinpi ece.

9 He de aiçiciya unkakitapi, ekta kici unyakonpi, qa is den unkanpi, unma tukte kašta, iyokipiunyanpi kte cin he.

10 Owasin Messiya tawoyaco oiyotanke kin itokam taninyan inaunjinpi kta, otoiyohi taku iye tancan kin ohna ohanye cin hena icu kta, token econ qon eciyatanhan, he wašte qa śica unma tukte kašta.

11 Itancan wohitike cin he sdonunyanpi kin, heon wicašta cin wicunkiyapi; Wakantanka en unkihdaotaninpi, qa nakun widukeanpi kin en unkihdaotaninpi wacanmi.

12 Ake niyepi en unkihdatanpi śni, tuka unkiyepi on iniwinktap kta e okihi unniyanpi; hecen tona cante kin eciyatanhan śni, tuka itohnake kin on iwinktapi kin hena ekta, taku on iniwinktap kte cin duhapi kta.

13 Wacinunhnunipi hecinhan, he Wakantanka on etanhan; qa wacinunksapapi hecinhan, he niyepi kin on etanhan.

14 Messiya wacantkiye cin he iyounpaštakapi ece.

15 Qa he de unkiyukcanpi, wani owasin on ŋe cinhan hehan owasin ŋapi tuka; qa owasin on ŋe cin, heon tona nipi kin hena is iyepi on nipi kte śni, tuka tuwe hena on ŋe ɕa ake kini kin hee on nipi kta.

16 Heon etanhan, detanhan wi-

WICOWOYAKE 6.

cacehpi eciyatanhan tuwedan sdonunyanpi šni; han, Messiya hee wicacehpi eciyatanhan sdonunyanpi ešta, nakaha detanhan sdonunyanpi šni.

17 Hecen tuwe Messiya en un kin he wanna wicašta teca; taku tannike c'in hena enakiyapi; iho, taku owasin teca icaga.

18 Qa taku owasin Wakan-tanka etanhan un, he iye kici okiciciye unkiyapi, Jesus Messiya eciyatanhan, qa wookiye wawokiyapi kin he unqupi.

19 Hecen Wakantanka Messiya on, wicoicage kin, iye kici, okiciciye wicaye ça, wahtanipi kin wicakiciyawawa šni; qa wookiye wicoie kin he yuhe unkiyapi.

20 Heon Messiya on wawiciyapi kin unkiyepi, unkiyepi eciyatanhan Wakantanka ceniciyapi kin iyececa, Messiya caje on ceunniciyapi, Wakantanka kici okiciciya po.

21 Tuwe woahitani sdonkiye šni un qon he, unkiyepi on woahitani kagapi; hecen iye en Wakantanka toowotanna unkicagapi kta.

WICOWOYAKE 6.

1 Heon iye kici hitaunnipi iyece, niyepi nakun ceunniciyapi ce, ituh Wakantanka towaonšida kin iyacupi kte šni.

2 He iye kaken eya, Omaka oiyokipi kin en nacihton qa wiconi anpetu kin en ociciya: Iho nakaha omaka oiyokipi kin hee; nakaha wiconi anpetu kin he dee.

3 Takudan on tuwedan ibotounyanpi šni, hecen wawokiyapi kin he bapi kte šni:

4 Tuka Wakantanka taokiye unyanpi kin he taku owasin on unkihduotaninpi ece, wacintan-

kapi kin en, wokakije en, wahi-paya unnicapi kin en, woiyokišice en;

5 Apapi kin en, kaška hnakapi kin en, yuomdecapi kin en, wicohtani kin en, kiktahan unpi kin en, wotektehdapi kin en;

6 Ecedan unpi kin on, wosdonye kin on, tehan aepi kin on, wacantkiyapi kin on, Woniya Wakan kin on, awicakehan waštedakapi kin on;

7 Wowicake oie kin on, Wakantanka towašake kin on, wicoowotanna wipe, etapa qa catkatanhan unpi kin on;

8 Wowitan qa wowištece kin ohna; waaiapi qa yaonihanpi kin ohna; wicahnayanpi kin iyececa, tuka wicakapi;

9 Sdonyapi šni un kin iyeuncecapi, tuka tankaya sdonunyanpi; tapi se iyecen unyakonpi, tuka ito unnipi; unkaštakapi, tuka nahanhin unktepi šni;

10 Iyokišicapi iyeuncecapi, tuka ohinniyan wiunyuškinpi; wahi-panicapi kin iyeuncecapi, tuka wicota watonka wicunkagapi; takudan yuhapi šni kin iyeuncecapi, tuka taku owasin untonpi.

11 Korinth oyate kin, niyepi on i unhdukawapi, uncantepi kin tanka aya.

12 Unkiyepi en takudan aotins niyanpi šni, tuka niye nicantepi kin en otins ničiyapi.

13 Hehan iyunwin kin de mayaqupi kta; micinea kin iyecen ociciyapi; niš eya tankaya ničicagapi nunwe.

14 Ihnuhan tona awacin šni un kin hena en ecinšniyan iyanihdaškapi kinhan. Token wicoowotanna woahitani kici tidan kta he; qa token iyoyanpa kin otpaza kici un kta he:

15 Qa Messiya Belial kici token okonwanjidan cante yuzapi

II. KORINTH.

he; qa tuwe wicada kin he wicada śni un kin kici taku akiptan tawapi kta he;

16 Qa tipi wakan Wakantanka tawa kin he wakagapi kin kici token un kta he. Wakantanka ni un tipi wakan tawa kin he niyepi. Wakantanka heye ciqon he iyececa; Hena om wati kta, qa om mawani kta. Hena Wakantanka mayanpi kta, qa mitaoyate kin hena eepi kta ce.

17 Heon etanhan hena cokaya tanhan tankan upi, qa icunonpa un po, Itancan kin eya, qa taku ašape cin oyutanpi śni po, kinhan miš tawa ciyapi kta;

18 Niye ate mayayapi kta, qa miye cinkši ciyapi qa cunkši ciyapi kta ce, Itancan Iyotan Wašake cin he hena hecen eya.

WICOWOYAKE 7.

1 Heon waštecicidapi kin, wahoyapi kin dena unhapi kin heon wicacehpi wicanagi ko taku ašape cin etanhan unhduecepidan, qa Wakantanka kokipeyanhan wicoowotanna kin tanyan unhduštanpi kta.

2 Anaungoptan po; unkiye tuwedan śicaya ecawicunkiconpi śni, tuwedan wicunyušicapi śni, tuwedan taku icakiš wicunyanpi śni.

3 He wayaco hepe śni; cante en unniyuzapi, ptaya unŋapi qa iš unnipi kta ce, epe ciqon.

4 Niyepi on wadimatake hinca, niyepi on nina imawinkta; wocantohnake omajudan, unka-kijapi owasin en nina imduškin.

5 Makedonia en unhipi qehan, uncehpi kin takudan oziiciye śni, tuka taku owasin on iyounkišicapi; tankan tanhan wickicize, qa mahen tanhan wokokipe.

6 Tuka Wakantanka tona iyokišicapi iwicakiye cin he cantohnag mayan, Titos hen hdi kin heon:

7 Qa he hdi kin hecedan śni, tuka nakun niye cantohnagya-yapi kin heon; nina wacin en yeyayapi, qa iyonišicapi, qa token cante en unyakiduzapi kin hena unkokiyakapi qehan, nina imduškin.

8 Wowapi wan on iyokišinci-yapi ešta, heon nakaha iyopemi-ciye śni, iyopemi-ciya tuka qon. He wowapi kin ptenyedaniyokišinniyanpi wanmdaka.

9 Nakaha imduškin, iyokišinniyanpi kin heon etanhan śni, tuka nihduecetupi kta e on iyonicišicapi kin heon. Wakantanka eciyatanhan iyokišinniciyapi, hecen takudan icakiš unniyanpi śni.

10 Wakantanka eciyatanhan iyowicakišice cin he ihduecetupi on wiconi kta, on tohinni iyopeiciyapi śni kin he kaga; tuka wicoicage kin de en iyowicakišice cin he wiconŋe icaliya.

11 Wanyaka po, Wakantanka eciyatanhan iyonicišicapi kin he itonpeya nicagapi, waayuptapi, qa wošihda, qa wokokipe, qa cante en hiyeyapi, qa winawizipi, qa hdajujupi kin hena niyepi en icalniciyapi; taku owasin on, he econpi qon en, takudan iyanionpapi śni yaunpi e nihduotaninpi.

12 Heon wowapi cicagapi, tuwe śicaya econ qon he on etanhan śni, qa tuwe śicaya ecakiconpi qon he on etanhan śni, tuka Wakantanka itokamya token wacin en unniyuzapi kin he niyepi en yutaninpi kta.

13 Heon etanhan iniciyapi kin on unkikiyapi; qa Titos iyuškin kin heon miš eya nina imduškin,

WICOWOYAKE 8.

iye nagi kin niyepi owasin eciyatanhan magagayapi kin heon etanhan.

14 Heon ciyatanpi qa owakiyaka ešta, on imaštece šni; tuka taku owasin eciyatanhan eciciyapi qon, he iyecen Titos en ciyatanpi kin he nakun wowicake.

15 Unkan niye owasin token anayagoptanpi, qa wokokipeya, cancanyan iyowinyakiyapi qon he kiksuya eca, iye iyotan cante en niyuzapi.

16 Heon etanhan, taku owasin on wicacidapi kin heon miš eya induškin.

WICOWOYAKE 8.

1 Mihunkawanji, Wakantanka towaonšida Makedonia okodakiye kin en yutaninpi qon he sdonyeciciyapi.

2 Hena wokakije tanka en nina iyuškinpi, qa iyotan wahpanica unpi kin he etanhan taku ota iyokipiya wicaqupi.

3 Okihipi kin iyacinyan, (miš mdaotanin,) qa okihipi kin kapeya, iye cinka wicaqu wacinpi.

4 Qa wocekiye ota on ceunkiyapi, taku wicaqupi kin he, qa tona ecedan un kin wicakipamnipi wawokiyapi kin he nakun unki cupi kte.

5 Qa unkecinpi qon iyecece šni, tuka tokaheya iye tancanpi kin Itancan kin içi cupi, qa nakun Wakantanka tawacin kin eciyatanhan unkiyepi kin en içi cupi.

6 Hecen Titos ceunkiyapi, niyepi en wanna tokaheya hecon kin, he iyecen wowaonšida kin de nakun niciyuštanpi kta.

7 Heon taku owasin on winijicapi, wacinyanpi, qa iapi, qa wosdone, qa wicamniheca owasin,

qa wašteunyakidapi ko, he iyecen wowašte kin de on nakun winijicapi kta.

8 Wicoope eciyatanhan hena hepe šni, tuka wicašta tokeca aičiciyapi kin heon; qa wacan-yakiyapi kin he wowicake kinhan imdute kta.

9 Jesus Messiya Itancan unkiyapi towaonšida kin he sdon-yayapi, watonka tuka niyepi on wahpaniiciya, hecen iye wahpanica kin on winijicapi kta.

10 Unkan he de on wahokon-ciciyapi; niye decanonpi kta iyececa, wanihan sanpa hecanonpi kta e ničiconzapi, qa wiyeya yaunpi kin heon etanhan.

11 Nakaha woecon kin he hduštan po, kohanna wicayadapi qon he iyecen taku duhapi kin etanhan ecen ecanonpi kta.

12 Tokaheya wicadapi yuke cinhan, wicašta taku yuhe cin he eciyatanhan iyokipiya icupi ece, qa taku yuhe šni kin eciyatanhan šni.

13 Wicašta tokeca oziiciyapi kta, qa niye dušakapi kte cin hee šni; tuka akiyecen unpi kta; heon nakaha wijinya yaunpi kin he hena taku iwicakakije cin en un kta;

14 Qa iš iyepi nakun wijicapi kinhan, wicakišya yaunpi kin en oniciyapi kta; hecen akiyececapi yuke kta.

15 Wowapi en kagapi qon iyececa; Tuwe ota pahi kin he takudan ohdapte šni, qa tuwe waniqadan pahi kin he takudan icakiš un šni ce.

16 Tuka Wakantanka wopida yuha nunwe, he niyepi on Titos hecen cante yuskiya.

17 Awicakehan wahokonkiyapi kin anagoptan; tuka iye hinca inahni, qa kohanna niyepi kin ekta ye wacin.

II. KORINTH.

18 Unkan he kici hunkawan-jinkiciyapi wan, wotanin wašte on okodakiciye owasin en yatanpi kin hee ekta ye unšipi.

19 Qa hecedan šni, tuka kici ohnihde unyakonpi kta e he okodakiciye kin kalinigapi, Itancan kin yatanpi kta, qa unkiye de iyokipiya econkupi kta e heon taku ituhanpi kin de en ounkiyapi kta.

20 Qa taku ota unpamnipi kin de on tuwedan unbapi kte šni e he unkakitapi.

21 Taku wašte ece unkihnipi kta, Itancan kin itokam, qa nakun wicašta kin en.

22 Unkan hena om hunkawan-jinunyanpi kin yeunšipi, he wana ota unkiyucanpi, owotanna ohanyan ece, qa nakaha iyotan aičiciya, tanyan wacinniyanpi nakaš.

23 Hecen Titos he *kapi hecinhan*, he mitawaši qa niyepi on omakiye cin hee; qa hunkawan-jinwicunyanpi kin hena eepi *kinhan*, okodakiciye yewicašipi qa Messiya towitan kin hena eepi ce.

24 Heon etanhan, hena en, qa okodakiciye kin wicitokam, wacanyakiyapi kin, qa unniyatanpi qon he nakun wicakipazo po.

WICOWOYAKE 9.

1 Wicašta owotanna owicakiyapi kte cin on wowapi cicagapi kta wanna iyecece šni.

2 Token wacin duzapi kin he sdonwaya, heon Makedonia etanhanpi kin hena en yaonihanyan cajeciyatapi, wanna waniyetu wanjidan hehanyan Akéya wiyeya yanka ce, qa inayašnipi kin he wicašta ota iyowicapaštaka.

3 Tuka hunkawanjin wicawa-

ye cin hena ekta yewicawaši, unniyatanpi qon he ecetu kta, qa epe ciquon iyecen wiyeya nankapi kta e heon.

4 Okinni Makedonia etanhan upi kin hena om ekta wai, qa wiyeya yaunpi šni ecen wanunniyakapi kinhan, unkiye, niyepi epe šni, sutaya wacinyus unniyatanpi qon he on unkištecapi kta.

5 Heon hunkawanjin kiciyapi kin cewicawakiye kta wacami qon, tokaheya niyepi ekta ipi, qa wowaonšida nitawapi ehanna iwahoniyanpi qon he wiyeya ehnakapi kta, hecen awicakehan wowaonšida kta, qa watehindapi kin eciyatanhan kte šni.

6 Tuka de; Tuwe waniqadan oju kin he waniqadan mnaye kta; qa tuwe iyakičuya oju kin he iyakičuya mnaye kta ce.

7 Otoiyohi iye cante kin ekta ičiconze cin eciyatanhan *qu kta*, woiyokišice on qa econ šipi kin on etanhan šni; iyuškinyan wicaqu kin he Wakantanka wašte daka.

8 Wakantanka wowaonšida owasin niyepi en niciyuotapi kta okihi; hecen taku owasin ota duhapi kin on wicohan wašte kin wadupipike kta.

9 Wowapi en kagapi qon iye-cetu; Taku ehpeya, wahpaninica kin taku wicaqu ece kin he toowotanna kin ohinniyan un kta.

10 Tuwe woju kin ojupi yuhekiya ece kin he aguyapi woyute yayapi kte cin ničupi, qa taku oyajupi kin icaš niciyapi, qa nitooowotanna waskuyeca kin niciyuotapi nunwe.

11 Qa taku owasin en wijinya yaunpi kta on iyotan ohannipipi kta, heon unkiye Wakantanka wopida unkekiciyapi.

WICOWOYAKE 10.

12 Wapamnîpi wawokiyapi kin de tona owotauna un kin taku icakijapi kin enakiye kte ça, nakun Wakantanka wopida nina eciyapi kta e kaga.

13 Messiya tawootanin wašte kin en oyapapi e daotaninpi, qa hena taku ota wicayaqupi, qa owasin taku wicayaqupi kin he on wawokiyapi utapi kin de on etanhan Wakantanka yaonihanpi.

14 Qa niyepi on wocekiye eniciyapi kin heon nina cantonikpanipi, Wakantanka towaonsida tanka nicipi un kin heon etanhan.

15 Wakantanka taku yawapica şni unqupi kin he on wopida kiciun nunwe.

WICOWOYAKE 10.

1 Palos he miye, Messiya wabayedan qa wacintanka heon ceciciyapi ce, niyepi ekta onşihanyan waun, tuka en waun şni ehantanhan, niyepi on wadimataka ;

2 Tuka ceciciyapi, en waun kinhan, wanjikji wicacehpi kin eciyatanhan maunnipi kecanunkinpi kin, hena en waditagya waun kta wacanmi kin he iyeceen wadimatake kte şni.

3 Wicacehpi kin en maunnipi ešta, wicacehpi eciyatanhan unkicizapi şni.

4 Wipe unkunpi kin hena wicacehpi kin heca şni, tuka waşaka, Wakantanka on, inatake suta kin yujuju ece :

5 Wacinyuzapi kin kun ehpeya, qa taku tehan wankantuya un Wakantanka sdonyapi kin en wankan iyeiçiye cin hena owasin, qa wicotawacin iyulha Messiya anagoptanpi kin en wayaka ai ece.

Dak.

6 Qa wanahonpi şni kin tounkiconpi kta e wiyeya unkanpi ; tohan anayagoptanpi kin hduştanpi kinhan.

7 Wicašta itohnake kin hecedaniwandakapi he. Tuwe Messiya tawa kecaniçin kinhan, he ake kaken awacin kta ; iş iye Messiya tawa kin heca he iyeceen unkiş unkiyepi Messiya tawa unyanpi.

8 Wookihi Itancan unqupi kin, on icahunniyanpi kta, qa on ihangunniyanpi kte şni, heon sanpa mihdatan ešta, imaštece kte şni.

9 Wowapi on wakokipe cicagapi kta wacanmi şni.

10 He wowapi kage cin hena suta qa waşaka, tuka tancan en un kin he waşake şni qa ie cin he wowiha ce, eyapi.

11 Tuwe hecece cin he kaken awacin kta, en unkanpi şni wowapi wicoie kin on tounkecapi kin, he tohan en unkanpi kinhan, wicohan kin on heuncecapi kta.

12 Tona ihdatanpi kin hena unkihdacinpi, qa opeya unkihdawapi kta tawaţenunyanpi şni ; hena e iş iye on wihtutapi, qa iyepi on ihdukcanpi, qa hecen okalinigapi şni.

13 Unkiye wiunhdutapi kin isanpa ukihdatanpi kte şni ; tuka wicohan iyutapi Wakan-tanka unqupi kin he eciyatanhan, iyutapi kin niyepi kin iya-hde niyanpi.

14 Ekta iyahde unniyanpi kta e sanpa unkihdutitanpi şni. Tuka Messiya tawootanin wašte kin en niyepi kaeş ekta unniupi.

15 Wiunhdutapi kin isanpa unkihdatanpi şni, wicašta tokeca wicohtani kin en ; tuka wicayadapi kin he icage cinhan, niyepi

II. KORINTH.

on wiyutapi unhapi kin eciyatanhan sanpa unyuonihanpi kta un-kapepi.

16 Hecen niye dukanpi kin akowapa wotanin wašte kin unkoyakapi kta, qa tuwe tokeca taku tawa wiyeya yanke cin en unkiwinktapi kte šni.

17 Tuka tuwe iwinkta kinhan Itancan kin on iwinkta nunwe.

18 Tuwe ihdaonihan kin he ecetudakapi kin ee šni, tuka Itancan kin tuwe yaonihan kin hee kta.

WICOWOYAKE 11.

1 Witkotkoya iwae cin cistiye-dan iyowinmayakiyapi kta wacin. He iyowinmayakiyapi nakaes.

2 Wakantanka winawizi kin iyecen inaciwizipi, wicašta wanjidan kiciyus ciyapi, hokšiwinna ecedan un kin Messiya ekta acii-pi kta heon.

3 Tuka he kowakipa, wamduška wohnaye on Ewe hnaye ci-qon he iyecen nitawacinpi kin yušicapi kta, qa woyuecedan Messiya en un kin etanhan iya-ye niyanpi kta naceca.

4 Tuwe en niupi kin he Jesus tokeca wan unkiye unkoyakapi šni kin he oyaka, qa Woniya tokeca, iyacupi šni qon, he nakaha iyacupi, qa wotanin wašte tokeca, anayagoptanpi šni qon he oniciyakapi kinhan, iyowinyakiyapi kta.

5 Miye yewicašipi iyotan tanka kin takudan ihukuya waun šni, imdukan.

6 Ho magahan ešta, wosdonye kin on waksapa ; tuka niyepi kin en taku owasin on tanyan unki-hdaotaninpi.

7 Wakantanka tawootanin wašte kin iyunwin codan ociciyakapi, qa wankantuya iyenianpi

cta e on mihduhukuya kin he wawahtani he.

8 Okodakiciye tokeca kin taku wicawaki, qa opemicatonpi kin iwacu, ociciyapi kte cin heon ; qa cicipi waun qa taku imakakije cehan, taku nitawapi kin mun šni :

9 Taku iyokpani waun qon he hunkawanjin kiciyapi Makedonia etanhan hipi kin maqupi, qa ohinnian takudan inagiyeciyapi šni waun, qa ees nakun hecen waun kta.

10 Messiya wowicake tawa miciun kin heon Akeya makoe kin en imawinkta kin de ecetu šni makiyapi kte šni.

11 Tokeca he ; wašte cicaidapi šni kin heon etanhan he. Wakantanka sdonya.

12 Tuka taku ecamon kin he nakun ecamon kta, hecen tona wiyaonpapi akitapi kin hena etanhan wiyaonpapi kin emdaku kta, qa en iwinktapi kin he unkiyepi kin iyecen unpi kta.

13 Hena yewicašipi itonšni kin hecapi, wohnaye ohanyanpi, qa Messiya yewicaši qon hena iyecen ihduzapi.

14 Qa he taku wowinihan šni, Satan iye kaeš iyoyanpa ohnihde kin iyecen ihduza.

15 Heon etanhan, iye taokiye kin hena wicoowotanna ookiye kin iyecen ihduzapi kte cin he taku tanka šni, hena iye wico-han kin eciyatanhan ihang yapi kta.

16 Ake hecen epa ; Tuwedan witkotkoke madake kte šni. Tuka hecon kinhan witkotkoke cin iyecen iyowinmakiye kta, cistiyedan mihdatan kta.

17 Taku epe cin hena Itancan kin eciyatanhan epe šni, tuka nina ihdatanpi kin he on witkoya ie cin iyemaceca.

WICOWOYAKE 12.

18 Wicota wicacehpi kin on ihdatanpi kin he iyecen miś eya mihdatan kta.

19 Witkotkopike cin hena iyokipiya iyowinwicayakiyapi ece, niye yaksapapi nakaes.

20 Tuwe wowidag niyanpi, tuwe temniyanpi, tuwe wanicipi, tuwe wahanicida, tuwe ite ohna anipapi hecinhan, iyowinwicayakiyapi ece.

21 Waoštehdapi kin he waka, waunsakapi śni kin heon. Tuka taku on tuwe waditake cinhan, witkotkoya iwaa ce, he on miś eya wadimataka.

22 Hena Hebrew wicašta kin hecapi he. Miś eya hemaca. Hena Israel etanhanpi he. Miś eya. Hena Abraham cinca he. Miś eya.

23 Hena e Messiya taokiye kin hecapi he; witkotkoke cin iyecen iwaa, miś eya imayotan. Wicohtani kin en imayotan; apapi kin en wopteca śni waun; kaška hnakapi kin en imayotan, qa wiconte kin en otakiya waun.

24 Juda oyate zaptan akihde, apapi wikcemna topa wanjidan iyokpani maqupi.

25 Yamni akihde cansakadan on amapapi; wancadan inyan on makininpi; yamni akihde wita wata micamdecapi; anpetu wanjidan hanyetu iyahna ošbe kin mahen waun;

26 Nina icimawani, mini ota wokokipe kin en waun, wakipi sa okokipe kin en, mitaoyate on wokokipe kin en, Ikcewicašta on wokokipe en, otonwe ekta wokokipe en, hewoskantuya wokokipe en, miniwanca ekta wokokipe en, hunkawanjin kiciyapi itonpi śni kin hena ekta wokokipe en;

27 Mdowakiŋa qa nina htawani kin on, ota kiktahan waun kin

on, wotektewahda qa imapuza on, ijehan amakihan kin on, macuwita qa tancodan waun kin on;

28 Qa tankan tanhan anpetu iyohi taku amaupi kin, okodaki-ciye kin owasin awanhdakapi kin he nakun.

29 Tuwe waśake śni un, qa miye wamaśake śni he; tuwe aiapi un, qa miye śinwahda śni he.

30 Tuka imawinkta kta iyecece cinhan, wamaśake śni waun kin heon imawinkta kta.

31 Jesus Messiya Itancan unkiyapi he Wakantanka tawa, qa Atkuku kin, owihanke wanin wowašte yuhe cin he sdonmayan, itonśni mawanica.

32 Damaskos en, Aretas wicaštayatapi yanke cin ihukuya, wicašta itancan kin akicita ota wicayuha, Damaskos oyate otonwe tawapi kin awanhdake qa, maktepi kta akita.

33 Hehan conkaške owanyeye wan etanhan, makanyankapi wan ohna, kun hiyumayanpi; qa iye nape kin etanhan nawajica.

WICOWOYAKE 12.

1 Imawinkta kte cin he iyemicihantu śni, wowihanmde qa Itancan woyakapi tawa kin ekta wau kta.

2 Ehanna waniyetu ake topa sam iyeya, wicašta wan Messiya en un kin he sdonwaya; (wicatancan kin ohna un kin sdonwaye śni, qa tanton śni un kinhan nakun sdonwaye śni, Wakan-tanka he sdonya;) wicašta kin he małipiya iciyamni kin ekta eyakupi;

3 Wicašta kin he sdonwaya, (wicatancan kin ohna un sdonwaye śni, qa tanton śni un kinhan nakun sdonwaye śni, Wakantanka he sdonya;)

II. KORINTH.

4 He Wakantanka ti kin ekta eyakupi, unkan wicoie oyagpica šni kin nañon, hena wicašta oyake kta ešta okitpani kta.

5 Wicašta kin hecece cin on imawinkta kta, qa miye qe on imawinkta kte šni, tuka wamašake šni waun kin heceedan on.

6 Tuka imawinkta wacanmi keš wimatkotkoke kte šni, wovicake epe kta; tuka nakaha hecamon kte šni, tuwe wanmayake ça, token waun nañon kin he isanpa tanka kecanmakin kta he kowakipa.

7 Unkan woyakapi tanka kin on etanhan wahanmičida kte šni heon taku pepe wan micehpi kin en maqupi, Satan taokiye wanji hee, šicaya makuwa kta heon, wahanmičida kte šni heon etanhan.

8 Qa heon Itancan kin yamni wocekiye ewakiya, he amayustan kte cin heon.

9 Hehan, Mitowaonsida kin iyonihí kta, qa mitowašake kin he wowašake šni kin en hduštanpi ce, emakiya. Hecen Messiya towašake kin miye en miciun kte cin, heon makakije cin on iyuškinyan imawinkta kta.

10 Heon etanhan wowayazan kin en imduškin ece, qa waaia-pi, qa iwicakakije, qa šicaya wicakuwapi, qa Messiya on wicokakije kin henakiya en; tohan wamašake šni eca taku owakihi ece.

11 Iwinktapi kin on witkotkoka imacaga, niye hecon mayakiyapi, mayadaotaninpi kta tuka qon; yewicašipi iyotan tankapi kin takudan en wicihukuya waun šni, matakú šni ešta.

12 Awicakehan niyepi ekta yewicašipi wowapetokeca tawapi kin econkupi, wacintankapi

owasin en, wapetogtokeca, taku wowinihan, qa wašagya wicoñan kin hena on.

13 Taku e on okodakiciye tokeca kin ihukuya yaunpi he; taku nitawapi kin iwacu šni kin hee naceca. Heon wawahtani kin he micicajuju po.

14 Wanyaka po, iciyamni ekta ciupi kta wiyeya manka, qa nakun taku nitawapi kin iwacu kte šni. Taku yatonpi kin he awakite šni, tuka niyepi atayedan. Cinca yapi kin hunkakepi kin taku wicakihnakapi kin he hecetu šni, tuka hunkake yapi kin hena hokšiyooqopa kin on taku ekicihnakapi kta.

15 Ninagipi kin on hitawani, qa mihdusote kte cin he iyomakipi; tuka iyotan canteciciyapi ešta, aoptetuya waštemadakapi ece.

16 Tuka he hecetu, taku nitawapi kin iwacu šni; hececa ešta wamdupike cin heon wohnaye on ciyuzapi, *keyapi*.

17 Tona niyepi ekta ye wicawaši qon hena ecíyatanhan, taku mihdamna he.

18 Titos cewakiye ça kici hunkawanjitku wan ekta ye waši. Niyepi etanhan Titos taku kamna he. Wicoksape okonwanjidan en maunnipi šni he; oye okonwanjidan ohna *maunnipi* šni he.

19 Ake niyepi en unkihduwicakapi kecannipi he. Wakan-tanka itokamya Messiya kin en unkiapi ece. Waštecicidapi kin, tanyan icañníanpi kte cin heon taku owasin econkupi.

20 Ekta ciupi kinhan, niyepi token wacin kin hececa iyeciya-pi kte šni, qa miye nakun token yacinpi šni kin hecen iyemaya-yapi kta kowakipa. Wakinica-pi kin, winawizipi, canniyekici-

WICOWOYAKE 13.

yapi, wicokicize, waaiapi, waa-jijipi, wahaniciidapi qa owoduta-ton kin henakiya en un kta kowakipa.

21 Qa okinni ekta wau kinhan, niyepi kin en Wakantanka mitawa kin iyokišin maye kta, qatona wanna woahitani econpi, qataku asape cin, wiinalimanpi, qawicawihomniipi econpi kin on iyopeiciyapi šni kin hena awicawakiceye kta naceca, he kowakipa.

WICOWOYAKE 13.

1 De iciyamni ekta ciupi ; wayatani nonpa qa yamni ipi kin on wicoie owasin yasutapi kta.

2 Ociciyakapi qon he ake nakaha ociciyakapi, icinonpa ekta waun kin iyececa ; qa nakaha en waun šni, tona toka wahitani-pi, wicašta tokeca ko owasin, wowapi wicawecaga, ake ekta wai kinhan itonwicawape kte šni.

3 Miye mahen tanhan Messiya ie cin on wowapetokeca ayakitapi kin heon etanhan ; he niyepi ekta taku okitpani šni, tuka niyepi kin en wašake hinca.

4 He iye wowašake šni on can susbeca kin en okatanpi ešta, Wakantanka towašake kin on ni un. Heon unkiš eya waunšakapi šni, tuka niyepi kin ekta Wakantanka towašake kin on kici unnipi kta.

5 Niš niyepi ihdukecan po, wacinyanpi kin en yaunpi hecinhan ; tanyan wihduta po. Ehpēniyanpi šni kinhan, Jesus

Messiya niyepi kin mahen un, he sdonyakiyapi šni he.

6 Tuka ehpewicayapi kin heuncapi šni e sdonyayapi kta imdukecan.

7 Taku šica takudan ecanonpi kte šni he Wakantanka icewakiya ; unkiye unwaštepi e unyaotaninpi kte cin hee šni, tuka wahitepi šni kin iyeuncecapi kta ešta, niye taku wašte ecanonpi kte cin hee *wacin*.

8 Taku wowicake kašeye cin takudan unkokihipi šni, tuka wowicake kin on etanhan.

9 Unkiye waunšakapi šni, qa niye wanišakapi eca unkiyuškinpi ece. Qa tanyan onihduštanpi kte cin he uncinpi.

10 Heon etanhan en waun šni icunhan, hena wowapi en waka-ga, okinni ekta waun kinhan yašinya iapi kin ohna iwae kta naceca ; wowašake Itancan maqu kin eciyatanhan, he waicahiyapi kin on *maqupi*, qa waihangyapi kin on etanhan šni.

11 Ehake, hunkawanjin ciyapi kin, wiyuškin po ; oihduštan un po, cante wašte po, okonwanjidan awacin po, wokiyapi kin en un po ; qa wowašte, wookiye ko Wakantanka kin nicipi un nunwe.

12 Otoiyohe iiputakapi wakan kin on i ikiciputaka po. Wicašta owotanna un kin owasin i iniputakapi.

13 Jesus Messiya Itancan towaonšida kin, Wakantanka towaštedake kin, qa Woniya Wakan iwicakiye cin niyepi owasin en nicipi unpi nunwe. Amen.

PALOS

GALATIA OYATE KIN

WOWAPI WICAKICAGE CIN.

WICOWOYAKE 1.

1 Palos yewicašipi kin heca, wicašta akantu kin etanhan šni, qa wicašta on kagapi šni, tuka Jesus Messiya etanhan, qa Wakantanka Ateyapi kin, he wiconțe etanhan najin kiye cin he nakun etanhan;

2 Qa hunkawanjin kiciyapi mici unpi kin owasin ko, Galatia ekta okodakiciye kin *wowapi unnicagapi*.

3 Wowaońsida, wookiye ko, Wakantanka Ateyapi kin, qa Jesus Messiya Itancan unkiyapi kin etanhan, nicipi un nunwe.

4 He iye waunłitanipi kin on ičicu, wicoicage šice cin de etanhan eunhdakupi kta, Wakantanka Ateunyanpi tawacin kin eciyatanhan:

5 He ohinniyan owihanke wanın wowitan kicihan nunwe. Amen.

6 Tuwe Messiya towaonsida kin inicopi kin kohanna aduštampi, qa wotanin wašte tokeca en *oyapapi* kin, heon imanihan manka.

7 He nakun tokeca šni, tuka wicašta wanjikji nagiyenianpi, qa Messiya tawootanin wašte kin ayuštan nianpi kta tuka.

8 Tuka he unkiš unkiyepi, qa iš ohnihde wan mahpiya kin eciyatanhan kin, wotanin wašte unkoniciyakapi qon he ohna šni, tuka tokeca oniciyakapi kinhan, wošnap un nunwe.

9 Unkeyapi qon hecen ake nakaha epe, tuwe wotanin wašte iyacupi qon kici okonwanjidan šni kin oniciyakapi kinhan, he wošnap un kte.

10 Wicašta qa Wakantanka, unma tukte cinwicawakiya he; qa wicašta kin iyokipiwicawaya awakita he. Wicašta kin iyokipiwicawaya unkańs, Messiya wowidagmaye kte šni tuka.

11 Mihunkawanji he de ociciyakapi, wotanin wašte omdake cigon he wicašta akantu kagapi šni;

12 Qa wicašta kin etanhan iwacu šni, qa iye omakiyakapi šni, tuka Jesus Messiya oyake cin eciyatanhan *onmaspe*.

13 Juda wicołian en opeya waun qehan, token owahanmde cin nayahonpi; Wakantanka takodakiciye kin nina šicaya wakuwa, qa mdujuju.

14 Qa mitaoyate kin en tona om akinimaskokeca kin hena ota Juda wicołian kin en kawicawape ąa, mihunkakepi wohdakapi qon iyotan nina tewahinda.

15 Tuka Wakantanka ina tezi kin etanhan imacu, qa iye towaonsida kin on mico kin he,

16 Iye Cinhintku kin sdonye mayan iyokipi qehan, Ikcewicašta wotanin wašte kin owicawakiyake kte cin heon, kohanna wicacelipi, wicawe ko, kici wowahdake šni:

17 Qa Jerusalem ekta tona

WICOWOYAKE 2.

mitokapa tanhan yewicašipi qon hena ekta wicawai šni, tuka Arabia ekta imdamde ça, ake Damaskos ekta icicawin wahdi.

18 Hehan waniyetu yamni iyohakam Inyan kici wowahdake kta e Jerusalem ekta wai, qa anpetu ake zaptan kici manka.

19 Tuka yewicašipi kin tokeca tuwedan wanmdake šni, Jakob Itancan sunkaku kin hecedan.

20 Unkan wicoie wowapi en cicagapi kin de, iho, Wakantan-ka itokam itonšni mawanica.

21 He iyohakam Suria, qa Kilikia makoce kin en wahi.

22 Qa Juda makoce kin en okodakiciye kin Messiya en un kin, hena ekta ite kin sdonmayanpi šni waun.

23 Tuka, Tuwe šicaya unkuwapi qon he nakaha wowacinye ehanna yujuju qon he oyaka ce, hecedan nahonpi.

24 Unkan miye on Wakantan-ka yatanpi.

WICOWOYAKE 2.

1 He iyohakam waniyetu ake topa, hehan ake Titos yuha, Barnabas kici Jerusalem ekta itawankanhde mda.

2 Woyakapi on ekta mde ça, Ikcewicašta ekta wotanin wašte omdake ciqon he hena owicawakiyaka, qa tona okinihanpi kin hena išnašnana *owicawakiyaka*; ituya waimnanke šni, qa taku šni on waimnanke kte šni heon.

3 Tuka Titos mici un kin he Helenes heca keš bakiłdayapi kta keyapi šni.

4 Qa he nakun hunkawanjinkiciyapi itonpišni kin heca, hena unkiye token Jesus Messiya on tawa unkičiyapi kin he iwanya-

kapi kta e en hipi, wowidag unyanpi kte cin heon.

5 Tuka hena wihiyayedan oape wanjidan hehanyan wicihukuya unyakonpi šni, wotanin wašte wowicake kin nicipi un kte cin heon.

6 Unkan tona wicašta wicakinihanpi seca, qa takupi kašta he etanhan tokeca šni, Wakan-tanka wicašta itohnake kin iwan-yake šni, hena wicakinihanpi seca, tuka wicoie kin en takudan omakiyapi šni.

7 Tuka hececa ešta, tohan bakiłdayapi šni wotanin wašte kin he maqupi e wanyakapi qehan, bakiłdayapi wotanin wašte Inyan qupi qon he iyececa;

8 Tuwe bakiłdayapi kin on yewicašipi kin en Inyan okihiye cin hee Ikcewicašta ekta okihimayan;

9 Qa Jakob, Inyan qa Johannes kici, ipatanhdepi kin hecapi seca, wowaonšida maqupi kin he wanyakapi, hehan takodakiciyapi on Barnabas kici nape mayuzapi, unkiš Ikcewicašta ekta unyanpi kta, qa iyepi kin bakiłdayapi kin ekta yapi kta.

10 Tuka decedan, tona walipanicapi kin wicunkiksuyapi kta *keyapi*, unkan miš nakun hecamon tawaŋenwaya.

11 Unkan Inyan Antiyoka ekta hi qehan, kici taninyan awakinica, iye iyaonpepica nakaeš.

12 Jakob etanhan wanjikji hipi šni kin he itokam Ikcewicašta kin om wota ece; tuka wanna en hipi, hehan tona bakiłdayapi qon hena kowicakipe ça, tokan iyaye ça ihdonica.

13 Qa he opeya Juda wicašta tokeca kin iyecen anahbeya econpi, hecen hena wohnaye kin on Barnabas nakun opeya yeyapi.

GALATIA.

14 Tuka wotanin wašte wowi-
cake kin eciyatanhan owotanna
manipi šni, he wanmdaka hehan
owasin wicitokam Inyan hewa-
kiya; Juda wicašta henica, tu-
ka Ikcewicašta kin iyecen yani
kinhan, qa Juda wicašta kin iye-
cece šni, tokeca e Ikcewicašta
kin Juda wicoħan kin en ope
wicayaši he.

15 Ūnkiye wicaceħpi eciyatan-
han Juda wicašta kin heuncapi,
qa Ikcewicašta waħitanipi sa
heuncapi šni;

16 Wicašta kin woope wicoħan
kin eciyatanhan yaowotanpi šni
ece, tuka Jesus Messiya wacin-
yanpi kin on, he sdonunyanpi
kin heon unkiš eya Jesus Messi-
ya wacinunyanpi, Messiya wi-
cadapi kin on unyaowotanpi kta
e heon, qa woope opapi kin on
etanhan šni; woope wicoħan
kin eciyatanhan wicaceħpi owa-
sin tuwedan yaowotanpi kte šni.

17 Tuka Messiya on unyaowo-
tanpi kta unkakitapi kin he icun-
han, waħitanipi sa heuncapi he-
cinhan, heon Messiya woaħtani
wowidake kin heca he. Hiya
hecetu šni.

18 Taku mdujuju qon he ake
piya wakage-cinhan, wawaħtani
e mihdutanin.

19 Wakantanka on wani kta e
heon, woope eciyatanhan, woo-
pe kin ekta maťa ce.

20 Messiya kici icipaweħ oma-
katanpi; tuka nahahin wani; qa
he miye šni tuka miye mahen
Messiya ni un kin hee; qa wi-
caceħpi kin en wani kin he Wa-
kantanka Cinhintku wacinyanpi
kin eciyatanhan wani, he iye
cantemakiye ça miye oniye içiçu.

21 Wakantanka towaonsida
kin mdujuju šni; woope kin eci-
yatanhan wicoowotanna u kin-
han, hehan Messiya ituya řa.

WICOWOYAKE 3.

1 Galatia wicašta wacin tonpi
šni kin, tuwe niyuhnaskinyanpi,
qa hecen wowicake kin anaya-
goptanpi kte šni he; niyepi kin
en Jesus Messiya icipaweħ oka-
tanpi kin he ništapi kin itokam
yuotaninpi.

2 Decedan omayakidakapi kta
wacin, woope wicoħan kin on,
qa wacinyan anagoptanpi kin,
unma tukte eciyatanhan Woniya
kin iyacupi he.

3 Tokaheya Woniya kin on
ecanonpi, qa ehake wicaceħpi
kin on nihduštanpi kta he, qa
wacinyatonpi kte šni.

4 Kana owasin taku šni on
iyotanhan iyeyakiyapi he; he
taku šni on etanhan hecinhan.

5 Tuwe Woniya kin yuhe ni-
ciyapi, qa niyepi en tankaya
ohanye cin he woope wicoħan
kin on, qa wacinyan anagoptanpi
kin unma tukte eciyatanhan he.

6 Hecen Abraham Wakantan-
ka wicada, unkan he woowo-
tanna kiciyawapi qon.

7 Heon etanhan, tona wacin-
yanpi kin en opapi kin hena
Abraham cincawicaye cin eepi,
he sdonya po.

8 Wacinyanpi kin on Wakan-
tanka Ikcewicašta kin wicayao-
wotanna kte cin, he Wowapi
wakan otokaheya tanhan wan-
yake řa, hecen tokaheya Abra-
ham wotanin wašte kin okiya-
ka; Niye en oyate kin owasin
wicayawaštepi kta ce.

9 Hecen tona wacinyanpi kin
hena Abraham wacinye ciquon
kici wowašte yuhapi.

10 Tona woope wicoħan kin
etanhanpi kin hena woyaco kin
en unpi. Hecen wowapi en ka-
gapi; Tona taku woope wowa-
pi kin en kagapi kin owasin

WICOWOYAKE 3.

opeya unpi šni, qa ecen econpi šni kin hena otoiyohi wanna wicayacopi ce.

11 Unkan woope kin eciyatanhan tuwedan Wakantanka itokam yaowotanpi šni e sdonunyanpi: Tona owotanna un kin hena wacinyanpi eciyatanhan nipi kta ce.

12 Unkan woope kin he wacinyanpi kin eciyatanhan šni; tuka, Wicašta kin tuwe hena econkinhan, hena on ni kta ce.

13 Woope woyaco kin etanhan Messiya eunhdakupi, unkiyepi on iye woyaco ikicaga. Wowapi en hecen kagapi, Tona can en otkeyapi kin hena owasin yacopi ce.

14 Hecen Jesus Messiya eciyatanhan Abraham wowašte tawa kin he Ikcewicašta kin en awicau kta; hecen wacinyanpi kin on Woniya iwahounyanpi kin he unkiyepi kta.

15 Mihunkawanji, wicašta akantu iyecen iwaa. Wicašta akantu wicotakuye tawa kin hee kaeš, wanna hduštanpi kinhan, tuwedan hdujuju šni, qa taku en akage šni ece.

16 Abraham iye cinca kici wahoyapi; Cincapi kin eye šni, hehan ota kapi kta, tuka wanji-dan, qa, Nicinkši kin, he Messiya kin ee.

17 Unkan miš kaken epe kta; Otokahe ekta wicotakuye Messiya en Wakantanka hdusuta kin he, iyohakam waniyetu opawinge topa sanpa wikcemna yamni hehan woope u kin he tokaheya kin yujuju, qa hecen wahoyapi qon ecetušniye kta okitpani.

18 Taku tawapi kte cin he woope eciyatanhan un unkanš, wahoyapi kin eciyatanhan šni; tuka he Wakantanka Abraham iwahoya.

19 Hehan tokeca e woope kin *yukan* he. He woalitani on kagapi, cinca iwahoyapi qon u šni kin hehanyan, qa ohnihdewicayapi kin on yusutapi, iyotahedan un wan nape kin ohna.

20 Iyotahedan un kin he wanji-dan eciyatanhan šni, tuka Wakantanka ege wanji-dan.

21 Heon woope kin he Wakantanka taku iwahowicaye cin he kašeya he. Hiya hecetu šni. Woope wiconi kaga okihi unkanš, awicakehan woope kin eciyatanhan wicoowotanna u kta tuka.

22 Tuka Wowapi Wakan kin he owasin woalitani ohdateya un wicayawa, qa hecen tona wicadapi kin hena, Jesus Messiya wacinyanpi wahoyapi qon he wicaqupi kta.

23 Wowacinye kin hi šni itokam woope kin on unkaškapi; qa wowacinye yuotaninpi kte cin en onauntakapi.

24 Hecen woope kin he waye-unkiyapi kin hee, Messiya en unkahipi kta, hecen wowacinye on unyaowotanpi kta e heon.

25 Tuka wowacinye kin wanna hiyohi, hecen wanna wayekiyapi kin ihukuya unyakonpi šni.

26 Jesus Messiya wacinyanpi kin eciyatanhan owasin Wakantanka cinca kin heuncapi.

27 Tona Messiya caje on baptem ničupi kin hena Messiya kodakapi.

28 He en Juda qa Helenes wicašta ko wanica; wowidake un tawaiciya ko wanica; wica winyan ko wanica; tuka Jesus Messiya ekta owasin okonniwanjipidan.

29 Messiya tawa niyanpi hecinhan, Abraham cinca kin he-nicapi, qa wahoyapi kin eciyatanhan tawayapi kte cin.

GALATIA.

WICOWOYAKE 4.

1 Unkan kaken epa; Tawaye kte cin tohanyan hoksiyopa un kin hehanyan wowidake kin takudan ocitpani šni, taku owasin on itancan un ešta.

2 Tuka tohan Atkuku ke cin hehanyan waonspekiye ça tipi awanyag wicakiyapi kin hena he yuhapi.

3 He iyecen unkiš eya hounkšiyopapi qehan, wicoicage wonspe tokaheya kin ihukuya unyakonpi.

4 Tuka wanna anpetu iyehantu qehan, Wakantanka iye Cinhintku kin u ši, winohinca wan etanhan icage ça woope kin ohdateya kagapi.

5 Hecen tona woope kin ihukuya un kin hena opewicakiton kta, atayedan cinhintkuyapi kin unhapi kte cin heon etanhan.

6 Unkan cinkšiniyanpi kin heon Wakantanka iye Cinhintku Taniya kin nicantepi kin en niu šipi, he, Abba, Ate, eya howaya ece.

7 Hecen wowidake kin henica šni, tuka cinhintku kin henica. Qa cinhintku hecinhan, Messiya eciyatanhan Wakantanka ekta tawaye kte cin heca.

8 Tuka Wakantanka sdonayapi šni qehan, taku wakan šni kin hena wowidag niyanpi.

9 Unkan nakaha Wakantanka sdonayapi, qa iš Wakantanka sdonniyanpi yaunpi kin, hecen token ake taku tokaheya hunkešni qa takudan okihi šni un kin ekta nihdohdapi, qa hena ake wowidag niyanpi kta yacinpi he.

10 Anpetu qa wi kin, omaka waniyetu ko awacanipi.

11 Kocicipapi, taku šni on niyepi kin htacicinipi epca, heon etanhan.

12 Mihunkawanji, ceciciyapi ce; Miš waun kin iyecen un po; niye yaunpi kin iyecen waun, taku šica takudan ecamiyeconpi šni.

13 Tokaheya ekta wicacehpi wašake šni on wotanin wašte kin ociciyakapi kin he sdonayapi.

14 Qa micelhpi en taku iyutanmaye cin he šiceyadapi šni, qa paha iyeyayapi šni, tuka Wakan-tanka ohnihde ye cin iyecen, qa Jesus Messiya iyecen tin ye mayasiipi.

15 Hecen wowašte duhapi qon tukte e he. Kaken ciyaotaninpi, okihipica unkanš ništapi kin yahdušdokapi qa mayaqupi kta wicayadapi kta tuka.

16 Wowicake ociciyakapi kin heon toka mayayapi he.

17 Hena e tanyan canteniciyuzapi seca, tuka he taku wašte on etanhan šni, heyata iyeunyanpi kta cinpi, hecen niye tanyan cantewicayakiyuzapi kta.

18 Tuka ohinniyan taku wašte on tanyan canteyuzapi kin he wašte, qa niyepi ekta waun kin hecedan šni.

19 Micinca, niyepi kin en Messiya icalhyapi kte cin heon ake hokšiksuya waun.

20 Niyepi kin on, token wacin mduza tanin šni, heon nakaha ekta cicipi waun qa miho kin wahdatokeca kta wacin.

21 Tona woope ihukuya yaunpi yacinpi kin, woope kin naya-honpi šni hecinhan omakiyaka po.

22 Wowapi en hecen kagapi; Abraham cinhintku nonpa, unma wowidake winohinca etanhan, qa unma iš winohinca tawaiciye cin etanhan.

23 Tuka wowidake winohinca etanhan un kin he wicacehpi

WICOWOYAKE 5.

eciyatanhan tonpi, qa tawaiçiye cin etanhan un kin wahoyapi kin on tonpi.

24 Hena e wiyacinpi wan ee; qa wicotakuye nonpa kin heepi. Unma Sina he kin etanhan u, he wowidag yapi kaga, Hagar hee.

25 Qa Hagar he Arabia ekta Sina he kin hee, qa Jerusalem wanna he cin kici akidecen un, qa cinca kici wowidake un.

26 Tuka Jerusalem wankan tanhan u kin he tawaiçiya, he owasin ina unyanpi kin ee.

27 Hecen wowapi en kagapi; Cinca oyakitpani qa cinca ton şni yaun kin iyuşkin wo; tohin-ni hoksinyaksuye şni kin panpan qa dowan wo; tuwe işnana un kin he cinca ota, qa hihnaton kin he cinca tonana.

28 Mihunkawanji, Isaak iyecen wahoyapi cinca kin heuncapi.

29 Tuka he ehan tuwe wicacehpi eciyatanhan tonpi kin he Woniya eciyatanhan un kin he şicaya kuwa qon, iş eya dehan iyececa.

30 Tuka Wowapi wakan kin token eya he; Winohinca wowidake un kin cinca kici tankan iyeya wo; wowidake un cinca kin he tawaiçiya cinca kin kici akidecen tawaye kte şni.

31 Hecen mihunkawanji, wowidake un cinca kin ee şni, tuka tawaiçiya cinca kin unkiyepi.

WICOWOYAKE 5.

1 Hecen tawaiçiyapi kin on Messiya tawaiçiye unyanpi kin he en tinsadan un po, qa ake wowidake yapi wanapin kin on iyaihdaskapi şni po.

2 Wanyaka po, Palos he miye e kaken eciciyapi; Banicihdayapi kinhan Messiya takudan on oniciyapi kte şni ce.

3 Wicašta bakihdayapi kin otoiyo hi kaken ewakiya ece; Woope kin ocowasin econ kta iyececa tuka ce.

4 Tona woope kin on niyaowotanpidan keniçiyapi kin wanna Messiya ehipayapi, qa wowa-onşida etanhan nihinhpayapi kin.

5 Unkiye Woniya kin eciyatanhan wicoowotanna woape kin wacinyanpi on unkapepi ece.

6 Jesus Messiya en bakihdayapi kin he takudan okihi şni, qa nakun bakihdayapi şni kin; tuka wacinyanpi wowaste en ohanye cin he taku okihi ece.

7 Tanyan yainankapi; tuwe iyoncipi şni kin, hecen wowica-ke kin wicayadapi kte şni he.

8 Woawacin kin de tuwe nicopi kin eciyatanhan u şni.

9 On napohyapi cistinna kin he aguyapi ocowasin napohya.

10 Itancan kin eciyatanhan wacinciyapi, takudan tokeca awacanipi kte şni; qa tuwe kašta nagiyeniyampi kinhan he woyaco hduhe kta.

11 Mihunkawanji, miş miye bakihdayapi kin ieyanwapaha kinhan tokeca e şicaya makuwapi he; kinhan, can susbeca iwoşihda kin he enakiyapi tuka.

12 Tokin tona cante okiçunin niyanpi kin hena yuşpa iyewicayapin.

13 Mihunkawanji, tawaiçiyapi kin en nicopi, tuka tawaiçiyapi kin he wicacehpi iyokipi kta e wowinyunyanpi şni po; tuka wowaste on otoiyo hi okiciciya po.

14 Woahope kin ocowasin wicoie wanjidan en ecetu, he dee, Niş niye inihdacinyan wicašta aiyog yaun kin canteyakiye kta ce.

15 Tuka yecidahtakapi qa tem-

GALATIA.

yeciyapi kinhan, on wakta po, okinniihangyeci-yapi kta naceca.

16 Miye kaken epe; Woniya kin on mani po, hecen wicacehpi on cantiheye cin yahduŝtan-pi kte ŝni.

17 Wicacehpi kin he Woniya kin inakiwizi, qa Woniya kin iŝ wicacehpi kin inakiwizi, qa hena-ozakiya anokatanhan kicizapi, hecen taku token yacinpi ŝni kin hena ecanonpi ece.

18 Tuka Woniya kin yus aniyampi hecinhan, woope kin ihukuya yaunpi ŝni.

19 Wicacehpi wicohan kin taninyan un; Wawicihahapi, wiinahmanpi, waaŝapapi, wicaŝtapi ŝni;

20 Wakagapi kin ohodapi, wapiyapi, ŝice kicidapi, wakinicapi, wawihnupi, wacantahdepi, wicokicize, wawakipajinpi, yuomdecapi,

21 Winawizipi, tin wicaktepi, witkopi, qa witkoya wacipi, qa taku tona hecece cin hena ee; wanakaja ociciyakapi kin he iyecen nakaha eciciyapi, Tona taku hececa econpi kin hena Wakantanka tokiconze kin tawapi kte ŝni.

22 Tuka Woniya kin waskuyeca tawa kin he, wowaŝtedake, wowiyuŝkin, wookiye, wacintankapi, wicowaŝbayedan, wowaŝte, wowacinye;

23 Wicotawacin waŝte, qa iyatahde iciyapi ŝni hena ee; qa taku hecece cin woope kin tuktedan iyamya un ŝni.

24 Unkan tona Messiya tawa wicaye cin hena wicacehpi kin icipaweŝ okatanpi, qa wacinyuzapi cantiheyapi koya.

25 Woniya kin unkicinipi kinhan, Woniya kin unkopapi kta.

26 Otoiyohi ŝihdakiciyapi, qa winakiciwizipi, qa ecinŝniyan

iwinkta iciyapi wanin unyakonpi nunwe.

WICOWOYAKE 6.

1 Mihunkawanji, wicaŝta wan ihnuhanna taku ŝica en iyohpaye cinhan, niye tona owotanna yaunpi kin woksape wowaŝbayedan yuha wicaŝta kin he ake piya opeya maniya po; qa awan-ihdaka wo, okinni taku wawiyutanyan un kin en niu nun ce.

2 Otoiyohi waqinpi kin kicicin po, hecen Messiya toope kin tanyan ecetu yayapi kta.

3 Tuwe taku ŝni un eŝta, taku iŝida kinhan, he iŝihnayan.

4 Tuka otoiyohi iye ohan kin awakicin kta, hecen iye qe eciyatanhan, qa token tanhan ŝni, iyuŝkin kta.

5 Otoiyohi waqinpi tawa kin kicin kta.

6 Tuwe wicoie kin eciyatanhan onspekiyapi kinhan, he wonspekiye cin taku waŝte kin owasin etanhan okinikiya nunwe.

7 Ihnuhan nihnayanpi kin; Wakantanka uncapi kte ŝni ce. Wicaŝta kin taku oju kinhan, he yukse kta ce.

8 Tuwe iye celipi kin wokiciju kinhan, he wicacehpi kin etanhan wicotakuni ŝni mnaye kta; qa tuwe Woniya kin wokiciju kinhan, he Woniya kin eciyatanhan wiconi owihanke wanica mnaye kta.

9 Taku waŝte econ unkapinpi ŝni nunwe; hu unstakapi ŝni kinhan tohantu kte cin mnaunyanpi kta.

10 Heon tohanyan unkokihipi kinhan, wicaŝta owasin taku waŝte ecawicunkiconpi kta, qa wacinyanpi tiyohnaka kin hena iyotan.

WICOWOYAKE 1.

11 Wowapi hinsko tanka miye minape on cicagapi e wanda-kapi.

12 Tona wicacehpi ekta wašte ihdutaninpi cinpi kin hena bani-çihdayapi kta cinniciyapi, Mes-siya can susbeca tawa kin on şicaya kuwapi kte şni kin heon heconpi.

13 Tona bakihdayapi kin hena e qe nakun woope kin tanyan yuhapi şni, tuka baniçihdayapi kta cinpi, nicehpi kin on iwin-ktapi kta heon.

14 Tuka takudan on imawin-ktă şni nunwe, Jesus Messiya Itancan unkiyapi can susbeca tawa kin hecedan on, he on miye ekta wicoicage kin icipaweh

okatanpi, qa wicoicage kin ekta icipaweh omakatanpi.

15 Jesus Messiya en bakihdayapi kin he takudan okihi şni, qa bakihdayapi şni kin he nakun, tuka wicašta teca kin.

16 Tona woopé kin de eciya-tanhan manipi, Israel Wakan-tanka tawa wicaye cin hena ko, wookiye, wowaonşida ko, wica-kici unpi nunwe.

17 Detanhan tuwedan nagiye-maye şni nunwe; Jesus Messiya towapetogton kin mitancan kin en yuha waun.

18 Mihunkawanji, Jesus Mes-siya Itancan unkiyapi towaon-şida kin ninagipi kin kici un nunwe. Amen.

PALOS

EPHESOS OYATE KIN

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeşi qon hee, Ephesos ekta tona owotanna un, qa Jesus Messiya wacinyanpi kin hena *wowapi cicagapi*:

2 Wowaonşida, wookiye ko, Wakantanka Ateunyanpi kin etanhan, qa Jesus Messiya Itancan unkiyapi kin etanhan niyepi en nicipi un nunwe.

3 Jesus Messiya Itancan unkiyapi Wakantanka tawa, qa Atkuku kin yawaştepi nunwe; he iye Messiya en taku mahpiya tanhan un kin wowaşte wakan ocaje owasin on unyuwaştepi:

4 He en maka kagapi kin itokam unkañigapi qon iyececa, unwakanpi kta qa iye itokam wowaşte en iyaonpepica şni unyakonpi kte cin heon:

5 Qa iye en, Jesus Messiya eciyatanhan cinca unyanpi, iye tawacin oiyoiki kin eciyatanhan:

6 Iye towaonşida wowitan yatanpi kte cin on, he iye Waştekidake cin en waşteundakapi:

7 He on wopekironpi kin unhapi, iye we kin on, woahitani kajujupi kin hee, iye towaonşida tanka kin eciyatanhan:

8 He iye unkiciyuotapi, wicksape owasin qa wookašnige ko on:

9 Qa iye toiyokipi kin eciyatanhan, iye tawacin wowiyukcan

EPHESOS.

kin sdonyeunkiyapi, he iye en içiconze cıqon he iyecen :

10 Hecen tohan iyehantu kinhan, wokonze kin eciyatanhan taku owasin Messiya en witaya mnaye kta, taku mañpiya ekta un, qa taku maka akan un kin hena, iye en.

11 Qa tuwe iye tawacin wokonze kin eciyatanhan, taku owasin kage cin he otokaheya tanhan unkañnigapi kin, he iye en woaiñpeye kin unhapi.

12 Hecen unkiye tokaheya Messiya wacinunyanpi qon, iye towitan kin yatan unyakonpi kte cin heon.

13 He niş niyepi nakun, wowicake oie kin nayañonpi qehan, wotanin-waşte on ni niyanpi kte cin hee, he iye wacinyayapi, unkan Woniya wahoyapi kin he on wapetognitonpi :

14 He taku unhapi kte cin tokaheya wicaqu ece kin hee, taku opetonpi hdamnanpi kin *u kte* cin hehanyan, iye towitan yatanpi kte cin heon.

15 Hecen miş eya, Jesus Messiya wacinyayapi kin he, qa tona owotanna un kin owasin waşte wicayadakapi kin nawañon kin,

16 Ehantanhan niyepi on wopida eya amdaştan şni, qa wocekiye epa eca, ciksuyapi ece :

17 Jesus Messiya Itancan unkiyapi Wakantanka tawa, qa wowitan Ateyapi kin hee woksape wowiyukcan ko oniya kin niçupi kta, he iye sdonyayapi kta e heon :

18 Nitawacinpi iştá kin iyoyam niyanpi kta, hecen nicopi wowacinye kin he taku kin e sdonyayapi kta, qa tona owotanna un kin taku tawapi kte cin wowitan wijica kin he taku ;

19 Qa tona wicaundapi kin en

iye towaşake tanka ñinca woptecaşni kin he taku kin nakun, iye towaşake waşagya oñanye cin eciyatanhan.

20 He Messiya okicihan, wiconţe etanhan najin kiye çehan, qa mañpiya ekta iye etapa kin en ekihde :

21 Wokiconze owasin, qa wowaşake, qa wookihi, qa itancan-kiyapi, qa wicacaje caje yatapi kin owasin, wiconi kin de en hecedan şni, wiconi u kte cin he nakun, hena iwankam tehan wankantuya ekihde :

22 Qa iye siha kin ihukuya taku owasin ekihnaka, qa taku hiyeye cin owasin iwankam okodakiciye kin en he pa kin kaga ;

23 He iye tancan kin hee, tuwe taku owasin on owasin ojuye cin woojudan kin hee.

WICOWOYAKE 2.

1 Unkan niş niyepi kin woaiñtan wicoñan şica ko en niñapi :

2 Hena ehna ehanna mayanipi, wicoicage kin de wiconi kin eciyatanhan, qa okotonyan wowaşake kin itancan kin eciyatanhan, he taku wakan woakta şni cinca kin en oñanye cin hee.

3 Hena om, unkiyepi owasin ehanna unnipi, unceñpipi wacin yuze cin en, wicaceñpi wicotawacin ko wacinpi kin ecetu unyanpi, qa unmanpi kin iyecen wocantiyahde cinca kin heuncapi.

4 Tuka Wakantanka wowaonşida kin on wijica kin he towaştédake tanka kin on waşte undakapi kin heon ;

5 Unkiye wicoñan şica ehna unñapi qehan, Messiya kici niun-kiyapi ; wowaonşida on wiconi duhapi ece :

WICOWOYAKE 3.

6 Qa Jesus Messiya en witaya najin unkiyapi, qa mahpiya kin ekta kici kiyotang unkiyapi;

7 Hecen wiconi u kte cin en, Jesus Messiya on cantounhnakapi kin on, towaonsida woyuha wopteca sni kin hduotanin kta.

8 Wowaconsida kin on yanipi, wacinyanpi kin eciyatanhan, qa he niyepi kin etanhan sni, Wakantanka taku nicupi kin hee.

9 Wicohan kin eciyatanhan sni, okinni tuwe ihdatan kta tuka.

10 Iye taku kage cin he unkiyepi, Jesus Messiya en wicohan waste aicali unyanpi, hena ohna maunnipi kte cin heon otokaheya tanhan Wakantanka wiye-ya ehnaka.

11 Hecen ehanna wicacehpi ekta Ikcewicašta henicapi kin he kiksuya po, qa wicacehpi balidayapi eyapi, nape on econpi kin he bakihdayapi sni eniciyapi qon:

12 He ehan Messiya yuhe sni yaunpi; Israel wokiconze kin iyenichantupi sni, qa wahoyapi wicotakuye kin sdonayayapi sni, wowacinye ninicapi, qa wicoicage kin en Wakantanka codan yaunpi.

13 Tuka nakaha Jesus Messiya en, niš niyepi ehanna itehanyan yaunpi qon, wanna Messiya we kin on kiyadan anhipi.

14 Unkan iye wookiye unkitawapi kin hee, iye qe napin yuwanjidan, qa cokahnagya ehna-kapi qon he yujuju;

15 Qa iye cehpi kin en, tokakiciyapi kin woahope woope kin econ wicašipi qon he yutakuni sni; -iš iye en nonpa etanhan wicašta wanjidan teca icahye kta, hecen wookiye kage kte cin heon etanhan.

16 Qa tancan wanjidan on, can susbeca kin eciyatanhan, hena

napin Wakantanka kici okiciciye wicakiye ça, heon tokakiciyapi kin kte.

17 Qa tona tehan dukanpi qon kiyadan un kin hena ko wookiye oniciyakapi hi.

18 He eciyatanhan Woniya wanjidan on, napin Ateunyanpi kin ekta kiyedan ipi kin he unhapi.

19 Heon etanhan, detanhan togkicihdapi, qa oyate tokeca kin henicapi sni; tuka tona owotanna unpi kin hena om yati, qa Wakantanka tiyohnaka tawa kin he niyepi:

20 Qa yewicašipi wicašta wokcan ko taku abehde tawapi kin akan tinicagapi, Jesus Messiya he oise en otancanke kin hee.

21 Iye ohna tipi kin ocowasin ayucoco ehna-kapi, qa Itancan kin en tipi wakan icaga.

22 He ohna niyepi nakun ptaya tinicagapi, Woniya kin eciyatanhan, Wakantanka tipi ye kte cin heon.

WICOWOYAKE 3.

1 Heon Ikcewicašta kin niyepi on etanhan, Palos, Jesus Messiya on kaška hnakapi kin he miye.

2 Niyepi on Wakantanka towaonsida wicohtani maqupi kin he nayahonpi hecinhan;

3 Token woyakapi kin on woyiwukcan kin he sdonye makiya; he wanna wicoie tonana on wakaga:

4 He dawapi kin echantanhan Messiya tawowiwukcan kin token imdukcan kin sdonayayapi kta.

5 He wicoicage tokeca kin en wicašta cinca kin owicakiyakapi sni, tuka nakaha Woniya kin eciyatanhan, yewicašipi owotanna qa wicašta wokcan tawa-

EPHESOS.

wicaye cin hena owicakiyakapi kin iyecen :

6 Hecen Ikcewicašta kin nakun kici tawayapi kte ça, kici tancan wanjipidan kta, qa Messiya tawotanin wašte kin eciyatanhan wahoyapi qon he en opapi kta.

7 He on ookiye makagapi, Wakantanka towaonsida maqupi kin he eciyatanhan, iye towaśake oħanye cin on.

8 Miye tona owotanna un kin owasin en iyotan macistinna, tuka wowaonsida kin de maqupi, Ikcewicašta kin ekta Messiya tawoyuha okaħnihpica śni kin he omdake kte cin hee.

9 Qa wowiyukcan kin otokahe wanin ehantanhan Wakantanka, taku owasin Jesus Messiya on kage cin, he en nahmanpi qon hee takodakiciyapi kin he owasin sdonye wicawakiye kta.

10 Hecen nakaha okodakiciye kin eciyatanhan, wokiconze wowaśake ko, mahpiya ekta un kin en, Wakantanka toksape wopteca śni kin atanin kta.

11 Wokonze otokahe wanin ehantanhan kage cion he eciyatanhan, Jesus Messiya Itancan unkiyapi kin en ;

12 Iye wacinunyanpi kin eciyatanhan, kokipeśniyan ekta unkipi, qa waditagya unkiapi ece.

13 Heon etanhan niyepi kin on kakiś mayanpi kin heon canwannikapi kte śni wacin.

14 Qa heon Jesus Messiya Itancan unkiyapi he Atkuku kin en, anpetu iyohi canpeśka makehde inawajin.

15 He eciyatanhan wicowazi mahpiya ekta un, qa maka akan un kin, ocowasin caśtonpi.

16 Hecen iye towitan woyuha kin eciyatanhan taku niċupi kta, iye Taniya kin eciyatanhan, wo-

waśake on wicašta mahen tanhan waśagnianpi kta.

17 Hecen waciñyanpi on nican-tepi kin mahen Messiya ounye kta ;

18 Hecen wowaśtedake on hutkan niyusutapi, qa sutaya hu nihdepi kta ; qa tona owotanna un kin owasin om, ohdakinyan qa ohanske cin, omahentuya qa obosdatu kin he taku kin iyukcan oyakihipi kta ;

19 Qa Messiya towašte okaħnihpica śni kin he sdonyayapi kte, hecen Wakantanka toojudan kin ocowasin ojuniyanpi kte.

20 Tuwe nina waśagya econ okihi, unkiś unkidapi qa awauncinpi kin isanpa, wowaśake kin on onicihanyanpi kin he eciyatanhan ;

21 He iye okodakiciye kin en, Jesus Messiya on, ohinniyan owihanke wanin wowitan kicihan nunwe.

WICOWOYAKE 4.

1 Heon etanhan miś miye Itancan *caje* on makaśkapi, ceciciyapi ce, Wicakicopi on nicopi kin he iyacinyan mayanpi kte.

2 Wicotawacin wašte ocowasin qa wicowalibadan, wacin tankapi ko yuha, wowaśtedake en otoiyohi iyowinyeciciyapi kta :

3 Qa wookiye icaśke kin on Woniya okonwanjidan kin he yahduhapi kta e aiċiciya po.

4 Wicatancan wanjidan qa Woniya nakun wanjidan, nicopi kin en wowacinye wanjidan ini-copi kin he iyececa ;

5 Itancan wanjidan, wowacinye wanjidan, baptem wanjidan,

6 Taku Wakan wanjidan, he owasin Ateyapi kin, owasin

WICOWOYAKE 4.

iwankam un, qa owasin opta un, qa niyepi owasin en niunpi kin.

6 Tuka Messiya iyunwin codan wicaqu iyutapi kin eciyatanhan unkiyepi otoiyohe wowaonsida unqupi.

8 Heon kaken eya ; Wakantkiya kihde cehan, wayaka ahdapi qon he ocowasin ahde qa wicašta kin taku wicaqu ce.

9 Wankan kihde cin he taku he ; tokaheya maka mahentuya kin iyaye cin hee.

10 Tuwe kun hi qon he taku owasin ojuye kte cin heon, he mahpiya kin ako sanpa tehan wankantuya kihde cin.

11 Unkan apa yewicašipi kin heca wicaqu, qa wicašta wokecan wanjikji, qa wotanin wašte oyakapi kte cin wanjikji, qa waawanhdakapi waonspekiya ko wanjikji ;

12 Tona owotanna un kin hena wicayuecedan kta, wawokiyapi wicohan kin on, qa Messiya tancan icaliyapi kte cin heon.

13 Tohan owasin okonwanjidan wacinyanpi, qa Wakantanka Cinhintku sdonyapi kin ekta, qa wicašta tanka Messiya toojudan kin iyehankeca iyutapi kin ekta iyounhipi kte cin hehanyan.

14 Hecen detanhan hokšiyopapa aptanptan iyeyapi, qa wonspe tate owasin on kaha iyeyapi kin heuncecapi kte šni, wicašta oškiškeya oħanyanpi, qa wohnaye on wicahnayanpi wicohan kin eciyatanhan ;

15 Tuka wowaštedake en iewicaunkapi kta, hecen tuwe wicapa kin ee, Messiya hee en taku owasin on unkiagapi kta.

16 Iye eciyatanhan tancan kin ocowasin wayupiya iciyakaška-
pi, qa okihe kin owasin wawokiyapi on icicazontapi, huha kin

Dak.

otoiyohi iyacinyan icage cin he iyecen tancan kin icaliyapi, wowaštedake en icage kte cin heon.

17 Heon kaken epe qa Itancan kin on mdaotanin ; Ikcewicašta tokeca wicotawacin witkotkopi kin en manipi kin he iyecen mayanipi kte šni.

18 Hena wicotawacin aotpas-yapi, qa Wakantanka wiconi tawa kin itehanyan unpi, wosdon-ye šni iye tanmahen un kin eciyatanhan, wicocante tehika yuhapi kin heon ;

19 Hena iyasaka icaliyapi, qa wicaštapi šni kin en iyohpeiciyapi, taku ašapapi kin owasin wohitiya econpi kte cin heon.

20 Tuka niyepi e qe hecen Messiya kin onspeniciyapi šni :

21 He nayahonpi, qa he onspeniciyapi hecinhan, Jesus en wowicake kin iyececa.

22 Wicohan tokaheya kin en, wicašta tannike cin, wohnaye wocantiheye kin on hwin kin hee yahdušdokapi kta ;

23 Qa nitawacinpi woksape kin en niyutecapi kta ;

24 Qa wicašta teca woowotan-na, qa wowicake wakan kin en, Wakantanka eciyatanhan icaliyapi kin he kodakapi kta.

25 Heon etanhan, itonpi šni kin ayaštanpi, qa otoiyohe wicašta tokeca kici wowicake ece ohdaka po ; otoiyohe huha yeciciyapi kin heon.

26 Šinyahdapi ešta, wahitanipi šni po. Canniniyanpi ecen wi iyaye šni nunwe.

27 Qa Wakanšica kiyukanpi šni po :

28 Tuwe wamanon kin he ake manon kte šni, tuka hitani kta, nape on taku wašte econ kta, hecen wahpanica kin he taku wicaqu kte cin yuhe kta.

EPHESOS.

29 Wicoie síce cin owasin takudan niipi kin etanhan hinanpe sni nunwe, tuka taku wašte, on icañ yapi kta, tona nahonpi kinhan wowaonsida wicaqu kte cin he ecedan.

30 Qa Wakantanka Taniya Wakan kin iyokişinyapi sni po; he on wopekironpi anpetu kin aiyahdeya askam niyanpi.

31 Wicokige owasin, qa wocantiyahde, qa woşihda, qa iwasicunpi, qa waaiapi canniyekiciyapi ko owasin ehpeyayapi nunwe.

32 Qa otoiyohi okiciciyapi, qa cantekiciyapi, qa otoiyohi kicicajuju po, Wakantanka Messiya on nicicajujupi kin he iyecen.

WICOWOYAKE 5.

1 Heon hokşiyopa cantekiyaapi kin iyecen Wakantanka opa po.

2 Qa wacantkiyapi kin en mani po; Messiya canteunkiyapi, qa unkiyepi on Wakantanka en içiçu, qa waihduşna, woomna iyoiki kin he iyececa.

3 Tuka wiinahmanpi, qa waaşapapi, qa waicucupikte cin, niyepi ekta caje yatapi sni nunwe, tuka tona owotanna un taku iyoiki wicaye cin hena.

4 Qa wawištenyapi, qa wicoie ecinşniyan kin, qa iapi şica hena hecetu sni; tuka wopida eyapi kin he wašte.

5 He de sdonyayapi, tuwe wawicilahapi econ, qa tuwe waşape cin, qa tuwe waicucukte cin, he wakagapi cekiya ece, hena wanjidan ešta Messiya qa Wakantanka kici tokiconze kin en takudan tawapi kte sni.

6 Iapi ecinşniyan on ihnuhan tuwe nihnayanpi kin; wicoñan kin hena on Wakantanka tocan-

niye kin woakta sni cincapi kin en awicau kta.

7 Heon etanhan hena en opeya unpi sni po.

8 Ehanna otpaze cin henicapi, tuka wanna Itancan kin en iyoyanpa kin *henicapi*; iyoyanpa cinca kin iyecen mani po:

9 Woniya tawaskuyeca kin he wowašte owasin, qa wicoowotanna, qa wowicake kin en un:

10 Qa Itancan kin taku iyoki-piye kte cin he akita po.

11 Qa otpaza wicoñan, on taku wašte icage sni kin hena en okicipapi sni po, tuka hena iyopeya po.

12 Hena taku nahmana econpi kin caje yatapi kin he wowištece.

13 Tuka taku tona iyopeyapi kin hena owasin iyoyanpa kin yuotanin; qa taku owasin yuotanin kin he iyoyanpa kin ee.

14 Heon etanhan kaken eya; Tuwe iştinbe cin kikta, qa wiconçe etanhan najin wo, Messiya iyoyamniye kta ce.

15 Hecen on wakta po, itonpeya mayanipi kta, witkotkoke cin iyecece sni, tuka wicašta wacin ksape cin iyececa.

16 Qa omaka kin tanyan hduha po, anpetu kin síce cin heon etanhan.

17 Heon etanhan wacin ksapa po, qa Itancan token tawacin kin sdonya po.

18 Qa minişa on witkopi sni po, he on iyatahdepi ece; tuka Woniya kin on ojudan un po.

19 Qa Psalm, qa odowan, qa wakan dowanpi kin on waho-konkiciciya po; ahiyayapi qa nicantepi kin ekta Itancan kin idowan po.

20 Qa ohinniyan, taku owasin on, Wakantanka Ateyapi kin wopida eciya po, Jesus Messiya Itancan unkiyapi caje kin on:

WICOWOYAKE 6.

21 Qa Wakantanka kokipeyahan otoiyo hi token ihukun iyeiçiya po.

22 Winohinca, nihihnap i kin wic ihukun iyeiçiya po ; Itancan kin en iyececa.

23 Wicašta kin he iye tawicu pa kin hee, Messiya okodakiciye pa kin hee he iyececa ; qa he iye wicatan can kin wanikiye cin hee.

24 Heon okodakiciye kin Messiya ihukuya yanke cin he iye cen winohinca kin iye hihnaku pi kin taku owasin on ihukun unpi kta.

25 Wicašta, winohinca nita wapi kin cantewicakiya po, Messiya okodakiciye kin wašte kidake ça, on iye içiçu kin he iye cen ;

26 Hecen iye oie kin eciyatanhan, mini on hducedan, qa hdu ska kta ;

27 Qa hecen iye ekta ehdaku kta, wowitan okodakiciye kin heca, woaşape qa yuşkipi, qa taku hececa wanica ; hecen wakan, qa waaşape şni un kta.

28 He iye cen, wicašta kin iye tancanpi kin iye cen tawicupi kin wašte wicakidakapi kta ; tuwe tawicu kin wašte kidake cinhan he wašte içidaka.

29 Qa tohinni tuwedan iye celhipi kin şice kidake şni, tuka icaşkiye ça, tanyan hduha, Messiya okodakiciye hduhe cin iyececa.

30 He tancan, qa celhipi, qa huhu kin en, huha kin he unkiyepi.

31 Heon etanhan wicašta kin, atkuku, hunku ko elhpewicakiye ça, tawicu kin en iyaihdaske kta, qa heniyos wicacelhipi wan jidan kta.

32 He wowiyukcan wan tanka, tuka Messiya qa okodakiciye kin hena wicawaka.

33 Heon niş niyepi otoiyo hi niye inihdacin nitawin wašte yakidake kta, qa winohinca kin iş iye hihnaku kin kinihan kte.

WICOWOYAKE 6.

1 Hokşiyocopa, nihunkakepi kin anawicakigoptan po, Itancan kin en, he owotanna.

2 Niyate nihun kici wicahduonihan wo ; woahope on taku wahoyapi tokaheya kin hee ;

3 Hecen tanyan yaun, qa maka akan tehan yani kta.

4 Qa ateniyanpi kin, nicincapi kin wacinko wicakiyapi şni po, tuka Itancan waicalıye ça wonspe tawa kin en icaşwicakiya po.

5 Qa wowidake yaunpi kin, tona wicacelhipi ekta niyuhapi kin wokokipeya cancaniçiya anawicakigoptan po, Messiya kin iyececa, nicantepi okonwan jidan on :

6 Wanniyakapi ecedan şni, wicašta iyokipi wicayapi kin iyececa ; tuka Messiya taokiye kin iyececa, nagi kin eciyatanhan, Wakantanka tawacin kin ecen ecanonpi kta.

7 Iyokipi ya wawokiya po, Itancan kin ekta hecetu, qa wicašta kin en iyecece şni.

8 Qa tuwe taku wašte econ kinhan, he on Itancan kin eciyatanhan wayuhe kta, wowidake un, qa iş tawaiçiya un kin, unma tukte kašta, he sdonyayapi.

9 Qa tona itancan yaunpi kin, niş eya he iye cen ecawicayeconpi kta, qa wakokipe wicayecagapi kte şni. Maşpiya kin ekta iş iyepi qa niş niyepi nakun Itancan yakiyapi kin yanke ça, he ekta wicašta itohnake yuonihanpi wanica, he sdonyayapi.

10 Unkan ehake mihunkawanji,

PHILIPPI.

Itancan kin en waśagya un po, iye towaśake wicookihi kin on.

11 Wakantanka tawipe kin ocowasin un po, hecen Wakanśica wohñaye ohñanye cin itko-kim inajin oyakihipi kta.

12 Wicawe, qa wicacehpi kin kici unkicizapi śni, tuka woki-conze, qa wicowaśake, qa wiconi kin de en otpaza itancanpi kin, qa taku wakan śicapi wan-kantuya yukanpi kin hena om.

13 Heon etanhan Wakantanka tawipe kin ocowasin icu po, hecen anpetu śice cin en najin oyakihipi kta, qa taku owasin hduśtan nayajinpi kta.

14 Heon wowicake ipiyag kintonpi ecen najin po, qa wicowotanna maza maku akahpe kin koyaka po.

15 Qa nisihapi kin en wookiye wotanin wašte ohduśtan kin okihan po.

16 Qa owasin akapa tanhan wowacinye wahacanka kin icu po, he on wicaśta śica tunwanhinkpe ide kin owasin yusni oyakihipi kta.

17 Qa wiconi maza wapaha kin he icu po, qa nakun Woniya tamazasagye kin, Wakantanka oie kin hee :

18 Wocekiye qa wokidapi owa-

sin on Woniya kin en, ohinniyan tona owotanna un kin on cekiya po, qa heon woape owasin wokidapi ko yuha kiktahan un po :

19 Qa nakun miye on, iapi owakihiki kte cin heon, hecen waditagya i wahdukawa, qa wotanin wašte wowiyukcan kin omdake kta.

20 Heon wahośiya un wan kaśka hnakapi kin hemaca, hecen on token iwae kte cin he iyecen waditagya iwae kta.

21 Tuka taku mitawa kin, token waun kin he nakun, sdon-yayapi kta e heon Tucikos hunkawanjin kiciyapi wan wašte dakapi, qa Itancan kin en ookiye owotanna kin he taku kin owasin oniciyakapi kta :

22 Heon etanhan niyepi ekta ye waśi, unkiyepi ekta taku kin sdon-yayapi kta, qa he nicantepi kin wacintonhnag niyanpi kte cin heon.

23 Hunkawanjin kiciyapi kin en wookiye un nunwe, qa wo-wašte, wowacinye ko, Wakan-tanki Ateyapi, qa Jesus Messiya Itancan kin eciyatanhan.

24 Tona awicakehan Jesus Messiya Itancan unkiyapi wašte dakapi kin hena owasin en, wo-waonśida wicakici un nunwe. Amen.

PALOS

PHILIPPI OYATE

WOWAPI WICAKICAGE CIN.

WICOWOYAKE 1.

1 Palos qa Timotheos, Jesus Messiya taokiyewicaye cin, tona Philippi ekta Jesus Messiya

en owotanna un kin hena, qa waawanhdake cin hena ookiye unpi ko, *wowapi unnicagapi* :

2 Wakantanka Ateunyanpi, qa Jesus Messiya Itancan unki-

WICOWOYAKE 1.

yapi kin etanhan, wowaonsida, wookiye ko niyepi kin en nicipi un nunwe.

3 Ciksuyapi eca, Wakantanka mitawa wopida ewakiya ece.

4 Ohiuniyan mitawocekiye o-toiyohi en, niyepi owasin on iyuskinyan cewakiya ece :

5 Anpetu tokaheya kin ehantanhan, qa dehanyan, wotanin wašte kin en kodayeciyapi kin heon.

6 Unkan he sdonwaya ; tuwe tokaheya ohan wašte nicicagapi kin he niciyustanpi kta, Jesus Messiya anpetu tawa kin dehanyan.

7 Hecen niyepi owasin wacin en ciyuzapi kte cin he hecetu, cante en mayaduzapi kin heon ; makaškapi kin, qa wotanin wašte omdake ça mdasuta kin he en, qa nakun wowašte mitawa kin en niyepi owasin oyapapi ece.

8 Wakantanka sdonmayan, Jesus Messiya cante kin on owasin cantocikpanipi.

9 Qa he de icewakiya, wašte yadakapi kin he wosdonye wi-yukcanpi ko owasin en, sanpa qa sanpa tankaya aye kta :

10 Kinhan, taku wašte kin hena idukcanpi kta, hecen okonwanjidan hicahe šni yaunpi kta, Messiya anpetu tawa kin en ;

11 Qa wicoowotanna waskuyeca kin on ojudan yaunpi nunwe, hena Jesus Messiya on Wakantanka woyatan qa wowitan tawa kin ee.

12 Mihunkawanji, taku token ecamiconpi kin he on wotanin wašte kin sanpa otanin aye cin he sdonyayapi kta wacin.

13 Hecen wicaštayatapi tahocoka kin ekta, qa owancaya Messiya on makaškapi kin he otanin.

14 Qa Itancan kin en, hunka-wanjin kiciyapi kin ota, miye makaškapi kin on, sanpa nina waditakapi, qa kokipešniyan wicoie kin taninyan oyakapi ece.

15 Hunh waakinicapi qa winawizipi kin on, qa hunh is waštedakapi kin on Messiya oyakapi ece.

16 Hena e waakinicapi kin on, wowicake eciyatanhan šni Messiya kin oyakapi, qa makaškapi kin en wokakije kokijuya aupi kta kecinpi ;

17 Qa unmapi kin is waštekidapi kin on etanhan, wotanin wašte mdusuta kta e on emahdepi kin sdonyapi.

18 Ecin to ; toketu kašta, wohnaye on etanhan, qa is awicakehan, unma tukte kakeš, oyakapi kin he on imduškin, qa ees nakun imduškin kta.

19 Nitawocekiyepi, qa Jesus Messiya Taniya wawokiye cin on, he wiconi emicicetu kta sdonwaya.

20 Qa nina awacanmi qa ape manka, hecen takudan on imaštece kte šni, tuka ohinniyan waditagya waun kin he iyecen nakaha mitancan kin on Messiya yuonihanpi kte, wani qa mašte kte cin unma tukte kašta on etanhan.

21 Wani kin he Messiya ee, qa mašte cinhan sanpa tanyan waun kta.

22 Wicacehpi kin en opeya wani kinhan, miolhan waskuyeca kin hee, tuka unma tukte wacin nun tanin šni.

23 Taku nom aotins mayanpi ; ekta mde ça Messiya kici waun kte hinca, he iyotan wašte.

24 Tuka wicacehpi kin en opeya waun kin he niyepi on wawokiyapi kin hee.

25 Hecen wahdukcan, qa heon

PHILIPPI.

wani, qa niyepi owasin om wau-
un kta sdonwakiya, sanpa inica-
gapi qa wacinyan iduskinpi kte
cin heon.

26 Qa hecen akeś ekta ciupi
kinhan miye on, Jesus Messiya
en sanpa nina iduskinpi kta.

27 Tuka Messiya tawootanin
wašte kin eciyatanhan yanipi
nunwe; hecen wanciyakapi wau
kinhan, qa is wau šni, unma
tukte kašta, niohanpi kin nawa-
hon kta, wicotawacin wanjidan
en sutaya yaunpi, qa wicanagi
wanjidan yuha wotanin wašte
kin wacinyan oyecipapi kin.

28 Qa tona toka niyanpi kin
hena on, ihnuhan taku ininihan-
pi kin: hee hena en wicotakuni
šni au kta yuotanin, tuka heon
niyepi kin en wiconi Wakantan-
ka etanhan au kta otanin.

29 Messiya he ayuco ničupi,
iye wacinyayapi kte ča, nakun
iye on kakišniyanpi kte cin.

30 Qa makakije cin wanmaya-
dakapi qon, qa nakaha en mau
nayahonpi kin, he iyecen woka-
kije duhapi kta.

WICOWOYAKE 2.

1 Heon Messiya on iwicakiya-
pi yuke cinhan, qa wowaštedake
en imagagaiciyapi, qa Woniya
kin en kodakiciyapi yuke cin-
han, qa wacantkiyapi wowaon-
šida ko yuke cinhan,

2 Mitowiyuškin kin micuyuštan
po, akiyecen awacannipi, qa wo-
wašte okonwanjidan duhapi, qa
wicotawacin wanjidan yaunpi
kta.

3 Waakinicapi qa ihdatanpi
kin on takudan *ecanonpi* kte šni,
tuka wahbayedan yaunpi, qa
otoiyohi niye isanpa token wa-
šte yecidakapi kta.

4 Otoyohi wicitawa kin ece-

dan ekta etonwanpi šni po, tuka
nakun otoiyohi token tawa kin
ekta.

5 Jesus Messiya token tawacin
qon he iyecen wacin duzapi kta.

6 He Wakantanka ouncage kin
en un, qa Wakantanka kici a-
kidecen yanka keičiye cin he
wawicakipi šni kecin.

7 Tuka ihdušdoke ča wowida-
ke un kin ouncage kin icu, qa
wicašta kin iyecen ihduš icaga;

8 Qa wicašta ouncage kin en
un qehan, ihduhukuya qa wi-
conče ekta aiyahdeya wanañon
yanka, can susbeca en če cin he
ehan.

9 Heon etanhan Wakantanka
he tehan wankantuya hduwan-
kan icu, qa caje wan wicacaje
owasin isanpa wašte kin he qu;

10 Hecen Jesus caje kin on,
hupahu kin owasin canpeška
makehde enajin kta, malpiya
ekta un, qa maka akan un, qa
maka kin ihukuya un kin hena-
kiya.

11 Qa Wakantanka Ateyapi
kin yatanpi kte cin on, Jesus
Mesiya he Itancan kin ee ce;
wicaceji owasin eya oyakapi
kta.

12 Heon wašte ciciđapi kin,
ohinniyan nayahonpi kin he iye-
cen, en cicipi waun kin hece-
dan šni, tuka nakaha en waun
šni ešta, sanpa wokokipeya can-
caniciya yanipi kte cin hduštan
po.

13 Tuwe cinniciyapi, qa econ-
niciyapi kin he Wakantanka ee,
iye toiyokipi kin eciyatanhan
niyepi kin en ohanyan.

14 Wihnupi qa waakinicapi
wanin taku owasin econ po.

15 Hecen iyaonpepica šni, qa
owotanna, wicoicage wan pe-
mni, qa yuksankšanyan un kin
ehna Wakantanka cinca ecedan

WICOWOYAKE 3.

yaunpi kta; hena en maka peti-
janjan iyecen iyoyanpa yaun-
pi;

16 Qa wiconi wicoie kin pazo
yaunpi: Hecen Messiya anpetu
tawa kin en taku on imawinkta
kin he dee, taku šni on waimnan-
ke šni, qa taku šni on htawani
šni kin hee.

17 Unkan wacinyayapi wošna-
pi wawokiyapi kin en, amihda-
pson ešta nakun imduškin, qa
niyepi owasin om imduškin kta.

18 Heon niš niyepi nakun idu-
škinpi qa miyeci iniwinktapi
ece.

19 Tuka niyepi kin ekta Ti-
motheos kohanna yewaši kta
wacanmi, Jesus Messiya Itan-
can kin on, hecen tohan token
yaunpi kin sdonwaye cinhan,
hehan miš nakun iyokipi waun
kta.

20 Tuwe iyecen wacin yuze
ča iye cinka taku nitawapi kin
ihakta kte cin mduhe šni.

21 Owasin wicitawa kin aki-
tapi, qa taku Jesus Messiya ta-
wa kin *akitapi* šni.

22 Tuka he iyutapi kin sdon-
yayapi, hoksídan wan atkuku ki-
ci un kin he iyecen wotanin wa-
šte kin en micica.

23 Iye kohanna ye waši kta,
tohan token waun kte cin sdon-
wakiya.

24 Qa miš eya ecadan wau kta
e Itancan kin wacinwaya.

25 Tuka Epaphroditos misun-
ka qa mitawaši, qa kici akicita
waun, tuwe u yašipi, qa tuwe
taku imakakiye cin omakiye cin,
he niyepi ekta hde waši kta iye-
ceca epca.

26 He niyepi owasin cantoni-
kpanipi, qa iyokišica un, waya-
zanke cin nayakišonpi kin he-
on.

27 He qeš wayazanke ča wan-

na te kta ikiyedán, tuka Wakan-
tanka onšikida, qa he isnana šni,
tuka miye nakun, hecen woiyo-
kišice icitakihna mduhe kte šni
e heon.

28 Qa heon itonpeyahan hde
waši, ake wandakapi kinhan
iduškinpi kta, qa miš aopten
iyokišica amaye kta.

29 He Itancan kin on etanhan
wopida owasin yulha tin u ši po,
qa tona hececapi kin wicayu-
nihan po.

30 He Messiya wicohtani tawa
kin on wanna askadan te kta
tuka, wiconi tawa kin itonkipe
šni, miye en wawokiyapi aokpa-
niyan ecanonpi kin he niciyu-
štanpi kte cin heon etanhan.

WICOWOYAKE 3.

1 Ehake mihunkawanji, Itan-
can kin en iyuškin po. Taku kin
dena on wowapi cicagapi kin he
miye tehike wadake šni, qa ni-
yepi kin on wašte.

2 Šunka kin on waktaya un po;
tona šicaya econpi kin on wakta
po; wayušpapi kin on waktaya
un po.

3 Tona bakišdayapi, qa wico-
cante on Wakantanka ohodapi,
qa Jesus Messiya en iwinktapi,
qa wicacehpi wacinyanpi šni kin
heuncapi.

4 Miš nakun, taku on wicace-
hpi kin wacinwaye kte cin mdu-
ha tuka. Tuwe wicacehpi wa-
cinyan okihi kecin kinhan he
isanpa owakihi.

5 Anpetu isahdogan hehan ba-
makišdayapi, Israel oyate qa
Benjamin tawicoun kin hema-
tanhan, Hebrew etanhan He-
brew kin, qa woope kin eciya-
tanhan Pharisee kin hemaca.

6 Ohodapi kin eciyatanhan
okodakiciye kin šicaya wakuwa,

PHILIPPI.

qa woope woowotanna kin he eciyatanhan takudan iyaonpepica *śni waun.*

7 Tuka taku tona mihdamna qon hena Messiya on takuśni wadake :

8 Han, awicakehan taku owasin taku *śni* wadake, Jesus Messiya Itancan mitawa kin wosdonye oiyokipi kin on, iye on taku owasin toki elipewaya, qa hena tacesdi ece mdawa, Messiya iyowahi kte cin heon ;

9 Qa he en waun kta, mitoo-wotanna wicoope kin eciyatanhan un kin he wahduhe *śni*, tuka taku Messiya wacinyanpi eciyatanhan un kin, Wakantanka too-wotanna wacinyanpi kin on ica-ge cin hee wacin.

10 Hecen he iye sdonwaye kta, qa piya ikicage cin wowaśake kin, qa iye kakiĵe cin okicipapi kin hena ko, iye *te* cin ouncage kin en imacage kta :

11 Hecinhan, wiconĵe etanhan woekicetu kin en iyowahi kte *hinca.*

12 Wanna dehan iyowahi, qa wanna mayuśtanpi kin ee *śni* ; tuka kuwa amde, okinni taku on Jesus Messiya mayuze cin hee mduze kta.

13 Mihunkawanĵi, nahanĵin mduze mihdawa *śni* ;

14 Tuka taku wanĵi ecamon, taku hekta un kin hena akiktonś waun, qa taku tokata un kin hena ekta nape yewakiya ece ; hecen oinajinta awaimnanka, Jesus Messiya on Wakantanka wankantuya wicakico kin en oqipe kin yewakiye kte cin heon etanhan.

15 Heon tona unyuśtanpi kin hecen awauncinpi kta, qa taku on togye wacin duzapi hecinhan, he nakun Wakantanka oniciyakapi kta.

16 Tuka tohan iyounhipi kin he en woope wanĵidan eciyatanhan maunnipi, qa okonwanĵidan awauncinpi kte.

17 Hunkawanĵin ciyapi kin, omicipa po, qa tona hecen manipi kin hena iwanwicayaka po, waonspekiya unyaduhapi kin he iyececa.

18 Wanna ota ociciyakapi, qa nakaha ake ceya omdake, wicaśta ota Messiya can susbeca tawa kin tokaye cin iyecen manipi ece.

19 Hena owihanke kin he wicotakuniśni ; iye tezipi kin Wakantanka yapi, wowiśtece kin en iwinktapi, qa taku makata un kin awacinpi ece.

20 Tuka okodakiciye unkita-wapi kin he mahpiya kin ekta un, qa hetanhan Wanikiya Jesus Messiya Itancan kin *hi kta* unkaĵepi.

21 Iye untancanpi ĵanye cin he yutokeca kta ; qa iye tancan wakan kin ouncage kin en icaliye kta, towaśake on taku owasin ohiye kta okihi kin heon etanhan.

WICOWOYAKE 4.

1 Heon etanhan mihunkawanĵi waśte ciciĵapi, qa cantocikpanipi kin, wowiyuśkin mitawa qa wateśdake mitawa kin, Itancan kin en sutaya najin po, waśte ciciĵapi.

2 Yuodiyas cewakiye *ca*, Sun-tuce cewakiya, Itancan kin en okonwanĵidan awacinpi kta.

3 Qa mitawaśi wicake cin ceciciya ce, winoĵinca tona wotanin waśte kin en mici oĵanye cin hena owicakiya wo, qa Klement, qa mitawaśi unmapi, caĵepi kin wiconi wowapi kin en un kin hena koya.

4 Ohinnian Itancan kin en

WICOWOYAKE 4.

iyuſkin po; qa ake, Iyuſkin po, epe.

5 Niwahbapidan kin he wicaſta owasin sdonyapi kta. Itancan kin kiyadan un.

6 Takudan iyokiſinya awacinpi ſni po, tuka taku yacinpi kin owasin on, wocekiye, wokidapi qa wopida eyapi ko on Wakan-tanka oyakidakapi kta.

7 Qa Wakantanka tawookiye okañnihpica ſni kin he nicante-pi qa nitawacinpi kin Jesus Meſſiya en niyuhapi kte.

8 Unkan ehake mihunkawanji, taku wicakapi kin, taku yuonihanpi kin, taku owotanna kin, taku wakan kin, taku waſte dapica kin, taku waſte eyapi kin, wowaſte qa wowitan yuke cinhan, hena awacin po.

9 Taku tona onniſepi, qa iya-cupi, qa nayañonpi, qa miye en wandakapi kin hena econ po, qa Wookiye Wakantanka kin niyepi kin en nicipi un nunwe.

10 Itancan kin en nina imduſkin, nakaha unhanketa awamayacinpi kin he piya hca aya heon. He de en ihamayaktapi, tuka token on ecamiyeconpi nuntanin ſni.

11 Taku imakakije cin he wake ſni; taku en miche cin hena on iyokipiya waun kta e onſpemiçiciya.

12 Token wahpaniya waun kte cin he sdonwakiya, qa token wijinya waun kte cin he nakun sdonwakiya; ohinniyan qa taku owasin on, wimapi, qa wotekte-wahda kta, wimajica qa mawañpanica kte cin onſpemakiyapi.

13 Meſſiya waſagmaye cin he

eciyatanhan taku owasin owa-kihi.

14 Tuka makakije cin en omayakiyapi kin he tanyan ecanonpi.

15 Philippi wicaſta, he de sdonya po, wotanin waſte otokahe ekta, Makedonia etanhan imdamde çehan, waqupi qa icupi kin icahtagya okodakiciye kin niye niſnana omayakiyapi.

16 Theſſalonike ekta waun qon he icunhan, taku imakakije cin on wancadan qa nonpa taku mayakaipi.

17 Taku maqupi kta wacin kin hee ſni, tuka waſkuyeca niyepi on sanpa niciyuotapi kte cin he wacin.

18 Tuka owasin mduhe ça wijica waun; niyepi etanhan taku Epaphroditos maqu kin hena iwacu, taku waſtemna woſna waſte, qa Wakantanka iyokipi kin heca he iwamaſeca.

19 Taku inicakijapi kin owasin Wakantanka mitawa niçupi kta, iye woyuha wowitan kin en un kin hetanhan, Jesus Meſſiya eciyatanhan.

20 Wakantanka Ate unyanpi kin wowitan owihanke wanin kicihan nunwe. Amen.

21 Tona Meſſiya en owotanna un kin hena nape wicayuza po. Hunkawanjin kiciyapi om waun kin hena nape niyuzapi.

22 Tona owotanna un kin hena owasin nape niyuzapi, Kesar tiyohnaka kin hena iyotan.

23 Jesus Meſſiya Itancan unkiyapi towaonſida kin niyepi owasin en nicipi un nunwe. Amen.

PALOS

K O L O S S E O Y A T E

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hunkawanjin unyanpi kin kici,

2 Kolosse ekta tona owotanna un, qa hunkawanjin kiciyapi Messiya wacinyanpi kin hena, *wowapi cicagapi*. Wowaonsida wookiye ko, Wakantanka Ate unyanpi, qa Jesus Messiya Itancan kin etanhan, niyepi kin en nicipi un nunwe.

3 Ohinniyan wocekiye unkeniciyapi, qa on Wakantanka Jesus Messiya Itancan unkiyapi Atku-ku kin wopida unkekiciyapi.

4 Jesus Messiya wacinyayapi, qa tona owotanna un kin owasin wašte wicayadakapi kin he na-unlionpi;

5 Woape malpiya kin ekta enicihnakapi kin on, he ehanna wotanin wašte wicoie wicakapi kin en nayahonpi kin;

6 He en nihipi, maka kin owancaya iyaye cin he iyececa, qa waskuyeca aicaga, niyepi kin en nakun, anpetu kin en nayahonpi, qa awicakehan Wakantanka towaonsida iyacupi qon ehantanhan.

7 Epaphras unkitawašipi wašte, qa niyepi on Messiya taokiye wicake cin he hena hecen onspeniciyapi;

8 Qa Woniya kin en wacanyakiyapi kin he nakun unkokiya-kapi.

9 Heon anpetu kin he naunlionpi kin ehantanhan niyepi on cekiya unkayaštanpi šni, qa woksape owasin, wookahnige ko en, iye tawacin sdonyapi kin on, onijupidan kte cin he unkidapi ece.

10 Hecen taku iyokipi kin owasin on, Itancan kin en tanyan mayanipi kta, wicolian wašte owasin en, waskuyeca icaliyayapi, qa Wakantanka sdonyapi kin en sanpa inicagapi kta.

11 Iye towitan wowasake kin eciyatanhan, wicookihi kin owasin on wašagnianpi kta, wadiwicatake cin owasin on etanhan, qa wacin tankapi, wiyuškinpi kici:

12 Qa Ateyapi kin wopida eyakiyapi kta, he iyoyanpa ekta tona owotanna un kin woaihpeye tawapi kte cin en ounpapi kta e iyehantu unyanpi:

13 He otpaza wowašake kin etanhan unkiyušpapi, qa iye Cinhintku wašte kidake cin tokiconze kin en ounye unkiyapi:

14 He en, iye we kin eciyatanhan, wopekitonpi unhapi, woahtani kajujupi kin hee:

15 Wakantanka wanyagpica šni un kin ouncage kin hee, qa taku kagapi kin owasin en tokapa kin hee:

16 Iye eciyatanhan taku owasin kagapi, malpiya ekta un qa maka akan un kin hena, taku wanyakapi qa taku wanyagpica šni, oiyotanke kin, wokiconze

WICOWOYAKE 2.

kin, wicoŝkanŝkan kin, qa wicowaŝake kin; taku owasin iye on icaliyapi kin hena iye içica-ga:

17 Qa taku owasin itokatam un kin he iye, qa he on taku owasin ecen han:

18 Qa iye tancan kin okodaki-ciye kin hee, qa pa kin he iye, qa otokahe kin, wiconŧe etanhan tokaheya tonpi kin hee, hecen iye taku owasin en tokapa un kta.

19 Iye ohna taku ocowasin ounye kte cin he *Atkuku* kin iyokipi.

20 Qa iye can susbeca we kin eciyatanhan wookiye kage ça, heon etanhan taku owasin iye kici okiciciye wicaye kta, taku maka akan un, qa taku maŧpiya ekta un kin hena, iye on.

21 Qa niŝ niyepi, ehanna oyate nitokecapi, qa nitawacinpi kin en toka kin henicapi, wicoŧan ŝice cin on, tuka nakaha he kici wokiyeniyen nicagapi;

22 Iye celŧi tancan kin en ŧe cin eciyatanhan, hecen iye itokam owotanna, qa waasapapi ŝni qa takudan iyaonpepica ŝni, inajin niyanpi kta:

23 Wacinyayapi kin en naya-jinpi kinhan, sutaya yaunpi, qa ŧinsa nayajinpi, qa wotanin waŝte woape nayaŧonpi kin etanhan nihinŧpayapi ŝni kinhan; he maŧpiya kin ihukuya wicaŝta hiyeye cin owasin owicakiyakapi, qa he en Palos he miye ookiye makagapi:

24 Nakaha niyepi kin on etanhan makakije cin heon imduŝkin, qa Messiya wokakije tawa, taku micelŧi kin en yuŝtanpi ŝni kin hena iye tancan kin, okodakiciye kin hee, on weciyuŝtan kta.

25 He en ookiye makagapi, Wakantanka wokonze kin eci-

yatanhan, he niyepi on maqupi, Wakantanka oie kin mducecetu kte cin heon.

26 Taku oyakapi ŝni kin, wicoicage qa wicoun ota kin ehan-tanhan anahmanpi kin, he nakaha tona owotanna iye tawa wicaye cin hena owicakiyaka.

27 Ikcewicaŝta kin ekta taku otanin ŝni kin de wowitan woyuha kin tinskoceca kin, he Wakantanka hena sdonye wicakiye kta, he niyepi kin en Messiya wowitan woape kin hee.

28 He unkiye unyaotaninpi, wicaŝta kin owasin wahokonwic-unkiyapi qa wicaŝta owasin on-spewicunkiyapi ecc, woksape owasin on; hecen Jcsus Messiya en wicaŝta otoiyoŧi owotan-na inajin wicunkiyapi kta.

29 Heon miŝ eya ŧtawani, iye ohan kin miye en waŝagya ohan-ye cin he eciyatanhan inawa-ŧni.

WICOWOYAKE 2.

1 Niyepi kin on, qa Laodikia ekta un kin hena, qa tona wicacelŧi on miite kin wanmayakapi ŝni kin on token ŧtawani kin he sdonyayapi kta wacin:

2 Hecen iye cantepi kin kican-ptapi kta, qa wacantkiyapi kin on kicicazontapi, qa wosdonye tanyan okalinigapi kta wowijice kin owasin on, qa Wakantanka towiyukcan sdonyapi kte cin on, Ateyapi qa Messiya tawa kin hee.

3 Iye en woksape, qa wooka-ŧnige woyuha kin owasin nahmanpi.

4 Tuwedan wicoie skuya kin on nihnayanpi kte ŝni heon hena hepa.

5 Wicacelŧi on, ekta waun ŝni eŝta, woksape kin on cicipi waun, imduŝkin, niohanpi owo-

KOLOSSE.

tanna kin, qa Messiya sutaya wacinyayapi kin he wanyag waun.

6 Token Jesus Messiya Itancan kin iyacupi qon he iyecen ohna mani po.

7 Iye en sutaya hu nihdepi, qa en tinicagapi, qa wowacinye kin tinsa ayahanpi kta, onspeniciyapi qon he iyececa, qa en wopida eyapi kin sanpa ota ecanonpi kta.

8 Ihnuhan wicoksape eyapi kin on, qa ikce wohneye kin on tuwe nihnayanpi kinhan, wicašta hitunkakanpi oyakapi kin on, qa wicoicage en woonspe tokaheya eciyatanhan, qa Messiya eciyatanhan šni :

9 Iye kin ohna tancanyan Taku Wakan kin ocowasin ounyan.

10 Qa iye en niš niyepi kin yuecetu yaunpi, qa he wokiconze wowašake ko owasin Itancan kin hee.

11 Qa he en banicilidayapi, bakiłdayapi nape codan econpi kin he on, Messiya bakiłdayapi tawa kin eciyatanhan, wicacełpi woahłani tancan kin elpekiyapi kte cin heon.

12 Baptem on iye kici nihnakapi, qa nakun kici ekicetu niyanpi, Wakantanka wicate cin etanhan najin kiye cin he wowašake kin wicayadapi kin heon etanhan.

13 Qa niyepi ehanna wayałtanipi, qa nicełpi banicilidayapi šni kin en niłapi qon, wanna wayałtanipi kin owasin nicicajujupi qa niniyanpi.

14 Qa wicoope kin taku nape on owapi qon, unkiyušepi qa kašeunyanpi kin he pajuju, qa can susbeca tawa kin en okatan, qa hecen yutokan iyeya.

15 Qa wokiconze, wicowašake

ko yutakuni šni iyeye čehan, tanyan wicakipazo, qa iye linca on iwakte hdi.

16 Heon etanhan, woyute, qa woyatke, qa omniciye wakan, qa wi teca, qa anpetu okilhpapi kin hena on ihnuhan tuwe niyacopi kin :

17 Hena e taku u kte cigon ohanzi kin hee, tuka tancan kin he Messiya etanhan.

18 Tuwe walpaniiciye ča, malpiya ohnihde kin ohowicada kin ihnuhan he nihnayanpi kin ; he taku wanyake šni kin en yeiciye ča, iye celpi tawacin kin on ecinšniyan ihdatan ;

19 Qa Pa kin he yuze šni ; he on tancan kin ocowasin okihe en iyakaškapi kin on woyute oiyahdeyapi, qa iciyakaškapi, qa hecen Wakantanka oicage kin on icaga ece.

20 Heon etanhan, wicoicage kin en woonspe tokaheya kin ekta Messiya kici niłapi hecinhan, tokeca e wicoicage kin en yanipi kin iyecen wicoope kin oyapapi he :

21 Oyutanpi šni, utapi šni, qa nape on yuzapi šni po, eyapi ece :

22 Hena owasin uupi kin on yasotapi ece ; wicašta akantu wicoope qa woonspe kin eciyatanhan.

23 Wicołhan kin he wicotawacin ohodapi kin en taku woksa-pe iyecen yuhe ča, wicowalıbadan, qa wicatancan itonkipapi šni kin hena en ; tuka wicacełpi iyokipiyapi kin he woyuonihan šni ece.

WICOWOYAKE 3.

1 Heon etanhan, Messiya kici piya inicagapi hecinhan, taku wankantuya Wakantanka etap kin eciyatanhan, Messiya

WICOWOYAKE 3.

kiyotanke cin hen, un kin hena akita po.

2 Taku wankan un kin hena awacin po, qa taku makata un kin hena *awacinpi* šni po.

3 Niṭapi, qa nitowiconi kin he Messiya kici, Wakantanka en nalimanpi.

4 Tohan Messiya wiconi unkitawapi kin taninyan hiyu kinhan, hehan wowitan en, kici niyuotaninpi kta.

5 Heon etanhan, nihuhapi makata un kin hena kikte po : wiinalimanpi, waašapapi, wawihnupi, tawacinšicapi, waicucupikte cin, he wakagapi ohodapi kin hee.

6 Hena on etanhan Wakantanka tocanniye kin woakta šni cincapi kin en awicau ece.

7 Ehanna hena ehna yanipi qehan, opeya mayanipi.

8 Tuka nakaha hena owasin ayušan po ; wocanniye, wošihda, wocantiyahdepi, waakagapi, qa iapi šice cin niipi kin etanhan.

9 Ihnuhan oiyecitonpi šni kin ; wicašta tannike cin iye wicohan ko yahdušdokapi ;

10 Qa wicašta teca kin he wosdonye kin on yutecapi, waicaḥya ouncage kin eciyatanhan, he kodakapi.

11 He en, Helenes, qa Juda wicašta wanica ; bakiḥdayapi qa bakiḥdayapi šni kin wanica ; Ikcewicašta qa Skuthes wicašta kin wanica ; wowidake un kin heca qa tawaičiyapi kin wanica, tuka Messiya he ocowasin, qa owasin en un.

12 Heon etanhan, owotanna yaunpi qa waštenidakapi kin, Wakantanka wicakaḥnige cin iyecen, wocantekiye koyaka po, qa wowaonšida, wahaničidapi šni, wicowalibadan, qa wacin-tankapi kin hena ko.

13 Otoiyoḥi iyowinyeciciyapi, qa otoiyoḥi yecicajujupi kta, tuwe wicašta tokeca on taku šihda kinhan, Messiya kin nicicajujupi kin he iyecen niš *econ* po.

14 Qa taku owasin akantanhan wocantekiye kičun po, he wicoo-wotanna iyakaške cin ee.

15 Qa Wakantanka tawookiye kin nicantepi kin en waniconzapi nunwe, he en wicatančan wanjidan en nicopi kin pida un po.

16 Messiya oie kin wijinya en niunpi nunwe ; woksape owasin on, Psalm, qa odowan, qa wakan dowanpi kin en, otoiyoḥi wahokonyeciciyapi, qa onspeyēciciyapi kta, qa nicantepi kin en wowaonšida yuha Itančan kin iyadowanpi kta.

17 Qa taku ecanonpi kinhan, wicoie qa wicohan kin unma tukte kašta, Jesus Itančan kin caje on owasin *econ* po, qa on Wakantanka Ateyapi kin wopida eciya po.

18 Qa winoḥinča kin, nihihna-pi kin wicihukuya un po, Itančan kin en hecetu kin he iyececa.

19 Wicašta kin, nitawinpi kin wašte wicakida po, qa wicakigepi šni po.

20 Šiceca kin, nihunkakepi kin taku owasin anawicakigoptan po, he Itančan kin iyokipi.

21 Qa ateyapi kin, nicincapi kin šihdawicayapi šni po, okinni wacin ibošakapi kte.

22 Wowidake yaunpi kin, tona wicaceḥpi eciyatanhan niyuhapi kin anawicakigoptan po ; wicašta iyokipiwicayapi kin iyecen, ištapi kin itokam wawokiyapi kin hee šni, tuka nicantepi ocowasin on Wakantanka kokipa po.

23 Qa taku ecanonpi kin owasin nicantepi kin eciyatanhan *econ*

KOLOSSE.

po, Itancan kin on etanhan, qa wicašta kin on etanhan šni.

24 Itancan kin etanhan woai-
hpeye iyunwin kin iyacupi kta
he sdonyayapi; Messiya Itancan
kin wowidake niyanpi nakaes.

25 Tuka tuwe śicaya econ kin-
han, he eciyatanhan icu kta, qa
wicašta itohnake iwanyakapi
kin wanica.

WICOWOYAKE 4.

1 Unkan, itancan yaunpi kin,
tona wowidake wicaduhapi kin
hena, taku owotanna qa iyecetu
kin wicaqu po; mahpiya ekta
wanji Itancan yayapi yanke cin
he sdonyayapi.

2 Ohinniyan cekiya un po, qa
he en wopida eya wakta po.

3 Qa unkiye on wocekiye un-
keyeciyapi kta, Wakantanka iapi
tiyopa wan unkiciyuhdokapi kta,
Messiya tawowiyukean kin un-
koyakapi kta, on makaškapi kin
hee :

4 Hecen on, taku token epe kte
cin ecen mdaotanin kta.

5 Tona tankan unpi kin hena
on ksamyahan mani po, qa an-
petu kin opekiron po.

6 Ohinniyan iyaapi kin wowa-
onśida en un, qa miniskuya on
skuyeyapi kta, hecen wicašta
otoiyohi token awicaduptapi kte
cin sdonyayapi kta.

7 Tucikos hunkawanjin kici-
yapi waštedakapi, qa waawan-
hdake owotanna, mici Itancan
taokiye kin hee token waun kin
owasin oniciyakapi kta.

8 Heon etanhan niyepi kin ekta
ye waši, token yaunpi kin he
sdonye ça, nicantepi kin iyu-
škin niyanpi kta ;

9 Qa he kici Onesimos ye waši,
he hunkawanjin kiciyapi owo-

tanna, qa wašte enitanhanpi kin.
Heniyozu taku owasin den un
kin oniciyakapi kta.

10 Aristarkos kici makaškapi
kin he nape niyuzapi, qa Markos
Barnabas tonškaku nakun. He
iwahoniyanpi, niyepi ekta niipi
kinhan ti mahen u ši po :

11 Qa Jesus, he nakun Justus
eciyapi kin; hena e bakiħda-
yapi kin etanhanpi. Henana
Wakantanka tokiconze kin en
tawaši wicawaye ça, hena iyu-
škin mayanpi.

12 Epaphras enitanhanpi kin,
Messiya taokiye kin hee nape
niyuzapi; he ohinniyan woce-
kiye en, niyepi on nina cekiya,
Wakantanka tawacin kin owasin
en, owotanna, qa ecedan naya-
jinpi kte cin heon.

13 Qa he omdaka, niyepi on,
tona Laodikia ekta un, qa tona
Hierapolis ekta un kin, hena ko-
ya on nina ĩtaniiciya.

14 Lukas, pejihuta wicašta
wašte kin, Demas kici, nape ni-
yuzapi.

15 Hunkanwanjin kiciyapi Lao-
dikia ekta unpi kin hena nape
wicayuza po, qa Numphas, qa
iye ti kin ohna okodakiciye kin
he nakun.

16 Wowapi kin de niyepi ekta
yawapi kinhan, okodakiciye La-
odikia ekta un kin hena nakun
yawa wicakiya po, qa niš niyepi
kin wowapi Laodikia etanhan
kin he nakun yawa po.

17 Qa Arcippos kaken eciya
po, Nitoħtani Itancan kin etan-
han iyacu qon he awakicin wo,
yahduštan kta ce.

18 Palos he miye, nape kiciyu-
zapi kin de minape kin on waka-
ga. Makaškapi kin kiksuya po.
Wowaonśida niyepi en nicipi un
nunwe. Amen.

PALOS

THESSALONIKE OYATE

WOWAPI WICAKICAGE CIN;

TOKAHEYA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye kin, Wakantanka Ateyapi kin en, qa Jesus Messiya Itancan kin en un kin, *wowapi wicakicagapi*: Wowaconsida, woo-kiye ko, Wakantanka Ateunyanpi etanhan, qa Jesus Messiya Itancan kin nakun, niyepi en nicipi un nunwe.

2 Niyepi owasin on Wakantanka ohinniyan wopida unkekiciyapi, qa wocekiye unkeyapi kin en caje unniyatapi ece.

3 Qa wowacinye wicoĥan nitawapi kin, qa wacantkiyapi en litayanipi kin, qa Wakantanka Ateunyanpi kin itokam, Jesus Messiya Itancan unkiyapi kin en ape dukanpi kin hena ohin-niyan unkiksuyapi.

4 Mihunkawanji wašte, Wakan-tanka nicaĥnigapi kin he sdon-nyanpi.

5 Wotanin wašte unkitawapi en niipi kin he wicoie ecedan en un śni, tuka wowaśake nakun en, qa Woniya Wakan, qa tanyan sdonyapi kin en; niyepi ehna, qa niyepi on etanhan wica-šta tounkecapi kin sdonyayapi.

6 Wicokakije ota ehna, qa Woniya Wakan wowiyuśkin kin yuha wicoie kin iyacupi, hecen Itancan kin oyapapi, qa nakun unkiyepi.

7 Hecen Makedonia qa Akeya en, tona wacinyanpi kin owasin waonspekiye niyuhapi:

8 Qa niyepi kin etanhan Itancan oie kin oyakapi, Makedonia qa Akeya ekta, qa hecedan śni, tuka owancaya Wakantanka wacinyayapi kin he ieyanpahapi, qa hecen taku unkeyapi kta e iyehantu śni.

9 Hena e qe niye nicapi, qa niyepi ekta tukten canku kin ohna unkiyohpayapi kin he oya-kapi, qa token wakagapi kin etanhan Wakantanka ekta ni-hduhomnipi, Wakantanka ni un qa wicake cin ohoyadapi kte cin heon:

10 Qa iye Cinhintku kin ma-ĥpiya eciyatanhan u ayapepi kta, he wiconŧe etanhan najin kiya, Jesus wocanniye u kte cin etanhan eunhdakupi kin hee.

WICOWOYAKE 2.

1 Mihunkawanji, niyepi ekta token unkipi kin niye e sdonyayapi, ituya unkipi śni.

2 Tuka Philippi ekta kakisunyanpi, qa unkiĥaĥapike cin niye sdonyayapi; qa he iyohakam Wakantanka unkitawapi kin on wadiuntakapi, qa waakinicapi ota ehna wotanin wašte kin un-koniciyakapi.

3 Qa wowahokonkiye unkita-wapi kin he wohnuni, qa woaśa-

1. THESSALONIKE.

pe eciyatanhan šni, qa wohnaye en un šni ;

4 Tuka token wotanin wašte kin unhapi kta e Wakantanka iyokipi kin he iyecen unkiapi ece ; wicašta iyokipiwicayapi kin iyecece šni, tuka Wakantanka cante unkiyukcanpi kin he.

5 Tohinni iskuya wicoie kin unkeyapi šni e niye sdonyayapi, qa waicucupikte cin šina unkinpi šni e Wakantanka sdonya.

6 Qa wicašta kin etanhan wowitan unkakitapi šni, niyepi, qa wicašta tokeca nakun etanhan šni, Messiya yewicaši kin iyecen waeconwicunkiyapi kta iyececa tuka.

7 Tuka niyepi cokaya wahbandan unkanpi, azinkiya wan cinca icalhwicakiye cin he iyecen.

8 Hecen nina cante en unniyuzapi, qa wašteunnidakapi kin heon Wakantanka tawootanin wašte kin hee, qa unnagipi kin hena ko unničupi kta tawatən-unyanpi tuka.

9 Mihunkawanji, unkoňanyanpi qa htaunnipi kin yeksuyapi, hanyetu anpetu ko htaunnipi, wotanin wašte Wakantanka tawa unkoniciyakapi kin he icunhan, tuwedan tkeya waqinunniciyapi kte šni uncinpi kin heon etanhan.

10 Niye sdonyayapi, qa Wakantanka nakun, tona wicayadapi kin en, wakanyan, owotanna, qa iyaonpepica šni unyakonpi.

11 Qa wicašta cinca wahokonkiye cin he iyecen, niyepi ototiyohi wahokonunniciyapi, qa token unnicihnapi qa econ unnišipi kin he sdonyayapi ;

12 Wakantanka iye tokiconze, qa towitan kin en nicopi kin, he iyokipiya mayanipi kte cin heon.

13 Qa heon ohinniyan Wakantanka wopida unkekiciyapi ;

Wakantanka oie kin unkiyepi etanhan nayaňonpi, qa iyacupi qchan, wicašta oie kin iyecen iyacupi šni, tuka awicakehan Wakantanka oie kin hee, niye tona wicayadapi kin en oňanyan ece kin iyececa.

14 Mihunkawanji, niš niyepi kin Wakantanka taokodakiciye, Juda makoce kin ekta, Jesus Messiya en un kin hena owicayecipapi ; niš niye takuwicayayapi kin eciyatanhan kakišniyanpi kin, is iye Juda oyate kin eciyatanhan kakišwicayapi qon iyececa :

15 Hena e qe Jesus Itancan kin ktepi, qa wicašta wokcan wicayuhapi qon hena nakun, qa unkiye šicaya unkuwapi, Wakantanka iyokipiyapi šni, qa wicašta owasin kašewicayapi :

16 Qa Ikcewicašta nipi kte cin iwahokonwicunkiyapi kta he tehindapi, qa hecen ohinniyan wahtanipi kin hduštanpi kta. Wocantiyahde owihanke aiya-hdeya wanna en awicau.

17 Tuka mihunkawanji, unkiš niyepi kin etanhan ptecedan eunyakupi, itohnake kin on, cante kin he wake šni, heon nitohnake wanunniyakapi kta nina cantokpaniyan unkakitapi.

18 Heon etanhan ekta unnikupi kta uncinpi, Palos miye linca, wancadan qa nonpa, tuka Satan iyounkipi šni.

19 Woape, qa wowiyuškin, qa wowinkta watešdake unkitawapi kin he taku he ; he niš niyepi šni he ; Jesus Messiya Itancan unkiyapi hi kinhan he itokam.

20 Wowitan qa wowiyuškin unkitawapi kin he niyepi.

WICOWOYAKE 3.

1 Heon etanhan sanpa tinsiciya unkokhipi šni qehan, A-

WICOWOYAKE 4.

thenas ekta unkišnana unyakonpi kta e iyounkipipi :

2 Qa Timotheos hunkawanjin unyanpi, Wakantanka taokiye, qa Messiya tawootanin wašte kin en unkitawašipi kin hee, ye unšipi, sutaya icañniyanpi, qa wacinyayapi kin eciyatanhan wahokonniciyapi kte cin heon.

3 Qa hecen wicokakije kin dena on tuwedan pahohopi kte šni, hena ehna eunhdepi kin niye sdonyayapi.

4 Unkan niyepi kin opeya unyakonpi qehan, wokakije unhapi kta unkoniciyakapi, qa he ecetu kin sdonyayapi.

5 Heon etanhan tinsmičiye kta owakitpani, hehan token wacinyayapi kin sdonwaye kta e on he ekta ye waši, okinni taku wawiyutanyan un kin iniyutanpi naceca, qa hecen htaunnipi kin taku šni ye kta.

6 Tuka nakaha Timotheos niyepi kin etanhan en unhdipi, qa wacinyayapi wacanyakiyapi ko on wotanin wašte unkahipi, qa nakun ohinniyan wašte unyadakapi kin heon wanunyadakapi kte hinca, unkiš *wanunniyakapi* kte cin iyececa ;

7 Heon etanhan, mihunkawanji, wokakije wicocante šica ko unhapi kin owasin ehna niyepi on unkičicanptapi, wacinyayapi kin heon.

8 Nakaha unnipi, niš niyepi kin Itancan en sutaya yaunpi kinhan.

9 Unkan niyepi kin on, Wakantanka unkitawapi kin itokam, wowiyuškin owasin on unkiyuškinpi kin he on, ake niyepi on, taku wopida Wakantanka eciya unkokihipi kta he ;

10 Hanyetu anpetu ko nina ceunkiyapi, nitohnake kin wanunniyakapi kta, qa wacinyayapi

kin en taku nahahin ocowasin šni un kin he tanyan unniciyuštanpi kta.

11 Wakantanka is iye, Ateunyanpi kin, qa Jesus Messiya Itancan unkiyapi kin, niyepi ekta canku kin *ohna* tanyan ye unyanpi nunwe.

12 Qa otoiyohe wašteyecidakapi, qa owasin waštewicayadakapi kin he en, Itancan kin icañniyanpi, qa niciyuotapi nunwe, unkiš wašteunnidacakapi kin he iyececa.

13 Qa heon wowakan en nicantepi kin iyaonpepica šni niciyusutapi kta, Wakantanka Ateunyanpi kin itokam, tohan Jesus Messiya Itancan unkiyapi kin tona wicayuwakan kin owasin om hi kinhan.

WICOWOYAKE 4.

1 Unkan mihunkawanji, Jesus Itancan kin on etanhan cinunniciyapi qa ceunniciyapi, token mayanipi, qa Wakantanka iyokipiyayapi kte cin, unkiyepi etanhan iyacupi qon he iyecen sanpa iyoniptapi kte.

2 Jesus Itancan kin etanhan woahope kin tona unničupi kin sdonyayapi.

3 Wakantanka niyuecepidan kin he tawacin kin he dee, wiinahmanpi kin en nihdoyapi kte šni ;

4 Tuka otoiyohe nitancanpi kin yuecepidan, qa yuonihanpi kin en, yahduhapi kte cin sdonyakiyapi kta.

5 Qa wicotawacin šica cantiheyapi kin he en unpi kte šni ; Ikcewicašta Wakantanka sdonyapi šni kin hena iyececapi.

6 Taku en tuwedan hunkawanjitku kin kape ča hnaye kte šni ; tona heconpi kin owasin

I. THESSALONIKE.

Itancan kin tokiçon ece, unkoniciyakapi qa unniciyaotaninpi qon iyececa.

7 Waaşapapi kin ekta Wakan-tanka unkipi şni, tuka unyuecepidan kte cin heon.

8 Hecen tuwe waaktaşni kinhan, he wicaşta paha iyewicaye şni, tuka Wakantanka iye Taniya Wakan unqupi kin hee aktaşni.

9 Hunkawanjinkiciyapi waştekidakapi kin on wowapi cicagapi kta iyecece şni. Otoiyo hi waşte yecidakapi kta he niş niye Wakantanka etanhan onnispepi.

10 Qa Makedonia owancaya hunkawanjinkiciyapi kin owasin hecawicayeconpi ece. Tuka mihunkawanji, ceunniciyapi ce, nakun sanpa nina ecanonpi kte.

11 Ito owanji dukanpi kta, qa taku tin nichihe cin he yahduştanpi, qa niye ninapepi kin on htayanipi kta e aiciciya po, econ unnişipi qon iyecen;

12 Hecen tona tankan unpi kin hena itokam owotanna mayanipi kta, qa takudan icakije şni yaunpi kta.

13 Tuka mihunkawanji, tona iştinmapi kin hena on sdone şni dukanpi kta, qa iyonicişicapi kta, wicaşta tokeca wowacin-ye nicapi kin iyececa, e he wa- cin şni.

14 Jesus te ça ake piya ikicage cin he wicaundapi kinhan, he iyecen tona Jesus en iştinmapi kin hena iye kici Wakan-tanka uwicakiye kta.

15 Unkan Itancan oie kin eciyatanhan he de unkoniciyakapi, unkiye tona unnipi, qa Itancan hi kte cin iyounhipi kinhan, tona iştinmapi kin hena wicito- kam unyanpi kte şni.

16 Iyaşapi wan qa malpiya

ohnihde itancan wan ho kin, qa Wakantanka maza yahotonpi tanka tawa ko Itancan kin hduha, malpiya kin eciyatanhan kun u kta; unkan tona Messiya en tapi qon hena tokaheya najinpi kta.

17 Hehan unkiye tona unnipi, qa he iyounhipi kinhan, hena om malpiya şapa ekta eunhdakupi kta, okotonyan kin ehna Itancan kin itkounkipapi kta; qa hecen ohinniyan Itancan kin kici unyakonpi kta.

18 Wicoie kin hena on otoiyo- hi wahokonkiciciya po.

WICOWOYAKE 5.

1 Mihunkawanji, omaka qa makoncage kin on wowapi 'ci- cagapi kta yacinpi şni;

2 Hanyetu en wamanon sa kin he iyecen Itancan taanpetu kin u, niş niyepi kin tanyan sdonya- yapi.

3 Tohan, Wokiyapi qa tanyan yukanpi ce, eyapi kinhan, hehan ihnuhanna wicotakuni şni en awicau kta, winohinca cinca ton kte cin yazan hinhde cin he iye- ceca, qa najicapi kte şni.

4 Tuka mihunkawanji, niş ni- yepi kin otpaza ehna yaunpi şni, qa hecen anpetu kin he wama- non sa iyecen en nihipi kte şni.

5 Niyepi owasin, iyoyanpa cin- ca kin henicapi qa anpetu cinca- pi kin. Unkiyepi hanyetu otpa- za kici unketanhanpi şni.

6 Heon etanhan wicaşta toke- ca iyecen unkiştinmapi kte şni; tuka kiktahan witko şni unya- konpi kta.

7 Tona iştinmapi kinhan, hena hanyetu icunhan iştinmapi; qa tona witkopi kinhan, hena han- yetu en witko unpi ece.

WICOWOYAKE 5.

8 Tuka unkiye anpetu kin unketanhanpi, qa heon witko śni unyakonpi kta, wowacinye wacantkiyapi ko maku akahpe kin unkieunpi kta, qa wiconi apepi kin he maza wapaha unyanpi kta.

9 Wakantanka wocanteptanye en eunhdepi śni, tuka Jesus Messiya Itancan unkiyapi kin eciyatanhan wiconi unkiecupi kte cin.

10 He iye, unkiyepi on ɬa, hecen kiktahan unyakonpi, qa is unkiŋstinmapi, unma tukte kaŋta, kici unnipi kta.

11 Heon etanhan otoiyoŋi wahokonkiciciyapi, qa onspekiciciya po, ecanonpi kin hececa.

12 Hunkawanjin unniyanpi kin, ceunniciyapi ce; tona niyepi en hitanipi, qa Itancan kin on awanniyakapi, qa wahokonniciciyapi kin hena sdonwicaya po.

13 Qa wicoŋan yuhapi kin on etanhan, wacantkiyapi on sutaya cante en wicayuza po. Oki-ciciya yakon po.

14 Hunkawanjin unniyanpi kin, ceunniciyapi ce; tona yuŋkiŋŋkeya unpi kin hena iyopewicaya po, tona wacin cistinna kin hena wicakihna po, tona waŋake śni un kin hena owicakiya po, qa wicaŋta owasin on wacin tanka po.

15 Ihnuhan tuwe taku ŋica on itkom taku ŋica econ kinhan,

tuka ohinniyan niŋ niyepi kin otoiyoŋi on, qa wicaŋta owasin on taku waŋte ecedan akita po.

16 Ohinniyan wiyuŋkin po.

17 Ayaŋtan śni cekiya po.

18 Taku owasin on wopida eya po. He niyepi on Jesus Messiya en Wakantanka tawacin kin hee.

19 Woniya kin kasnipi śni po.

20 Wiyukeanpi kin ihaŋapi śni po.

21 Taku owasin iyukeanpi, qa taku waŋte kin he ɬinsa yuha po.

22 Taku ŋica ocaje owasin naki-cipa po.

23 Qa wookiye Wakantanka kin niyepi ocowasin niyuecepi-dan nunwe; hecen ninagipi kin ocowasin, qa nitawacinpi, qa nitancanpi kin iyaonpepica śni niyuhapi kta, Jesus Messiya Itancan unkiyapi kin hi kte cin hehanyan.

24 Tuwe nicopi kin he wacin-yepica, qa ecen econ kta.

25 Mihunkawanji, unkiyepi kin on cekiya po.

26 Iiputakapi wakan kin on hunkawanjin kiciyapi kin owasin i iwicaputaka po.

27 Itancan kin on hecon ciŋipi, hunkawanjin kiciyapi wakan kin owasin ekta wowapi kin de yawapi kta.

28 Jesus Messiya Itancan unkiyapi kin towaonŋida kin nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN,

INONPA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye Wakantanka Ateunyanpi, qa Jesus Messiya Itancan kin en un kin hena, *wowapi wicakicagapi*;

2 Wowaonsída, wookiye ko Wakantanka Ateunyanpi kin, qa Jesus Messiya Itancan kin etanhan nicipi un nunwe.

3 Mihunkawanji, wacinyayapi kin he nina icage ça, wacanyakiyapi kin otoiyohi en nina niciyuotapi kin, heon ohinniyan niyepi on, Wakantanka wopida unkekiciyapi kte cin he hecetu.

4 Hecen niyepi on, unkiye Wakantanka okodakiciye tawa kin en unkiwinktapi ece; sícaya nicuwapi kin owasin, qa wokakije duhapi kin en, wacinyan wakiságya yaunpi kin heon.

5 Wakantanka tawoyaco owotanna wowapetokeca kin he dee, nicakijapi kin heon Wakantanka tokiconze kin iyehantu niyawapi kta.

6 Tona kakiśníanpi kin hena itkom Wakantanka wokakije wicaqu kte cin he owotanna.

7 Qa tona kakiśya yaunpi kin, niś niyepi kin oziiciya unkici yaunpi kta; tohan Jesus Itancan kin towaśake ohnihde wicaye cin om mahpiya kin eciyatanhan ihdutaninyan u kinhan,

8 Peta ide kin en, tona Wakan-tanka sdonyapi śni, qa Jesus Messiya Itancan unkiyapi tawotanin wašte anagoptanpi śni kin hena wośitkihda wicaqu kta;

9 Hena e Itancan itohnake kin etanhan, wicotakuni śni owihanke wanica on kakiświcayapi kta.

10 Tohan oyate owotanna tawa kin en ihduwitan kta, qa tona iye wacinyanpi kin hena owasin on. yatanpi kta e on hi kinhan; anpetu kin he en taku unniciyataninpi qon he wicayadapi kin heon.

11 Qa heon etanhan ohinniyan niyepi on ceunkiyapi, Wakan-tanka wicakico kin de iyehantu niyawapi kta, qa niyepi en iye towašte oiyokipi kin ocowasin, qa wowaśake on wacinyanpi wicohan kin he nakun hduśtan kta.

12 Hecen Jesus Messiya Itancan unkiyapi caje kin niyepi on yuonihanpi kta, qa iye on, niś eya niyuonihanpi kta, Wakan-tanka unkitawapi, qa Jesus Messiya Itancan towaonsída kin eciyatanhan.

WICOWOYAKE 2.

1 Mihunkawanji, Jesus Messiya Itancan unkiyapi u kte cin he, qa en mniunkiciyapi kte cin hena on ceunniciyapi ce;

WICOWOYAKE 3.

2 Ihnuhan wicanagi qa wicoie qa wowapi unnicagapi kin on ihnuhanna nitawacinpi ekta nihuhuzapi qa ininihanpi kin, Messiya taanpetu kin kiyadan u kin hececa.

3 Ihnuhan tuwe taku on nihnayanpi kin; woayustan wan tokaheya u kta, qa woahitani wicašta kin wicotakuni šni cinhintku kin hee e yutaninpi kta.

4 He iye taku Wakan eyapi kin, taku ohodapi ko owasin iwankam yeiciye ça kici kiciza, hecen iye. tipi wakan Wakantanka tawa kin en, Wakantanka iyecen iyotanke ça Wakantanka keiciya oihdaka.

5 Cicipi waun qehan hena oci-ci-yakapi qon he yeksuyapi šni he.

6 Unkan nakaha taku iyowicaki šni ece kin he sdonyayapi; hecen tohantu kinhan taninyan hiyu kta.

7 Wooke aktašni wowiyukcan kin he wanna ohanyan ece, tuka tuwe he iyoki šni kin he, tohanyan tokan iyeyapi šni kin, hehanyan iyowicaki kte šni.

8 Unkan hehan wooke aktašni kin he tanin kta, Jesus Itancan kin Taniya, iye i kin etanhan hiyu kin on, qa ihdutanin wiya-tpa kin on, he ihangye kta.

9 Tuwe Satan ohan kin eciyatanhan wicookihi owasin, qa wowapetokeca, qa wowinihan wicohan itonšni kin yuha u,

10 Qa tona awihnuni kin hena en woahitani wohnaye owasin koya; hena wowicake wašte dakapi kin on nipi kte cin he aktapi šni, heon etanhan.

11 Qa heon etanhan hena en Wakantanka wohnaye wawokihhi kin awicau kta, hecen woi-tonšni kin wicadapi kta.

12 Qa hecen tona wowicake

wicadapi šni, qa woahitani en iyuškinpi kin hena owasin wicayacopi kta.

13 Tuka mihunkawanji, Itancan waštenidakapi kin, niyepi on unkiye ohinniyan Wakantanka wopida unkekiciyapi kta, otoaheya tanhan Woniya wicayuecedan, qa wowicake wicadapi kin on, Wakantanka yanipi kta e on nicalinigapi kin heon etanhan.

14 Qa he en nicopi, wotanin wašte unkitawapi kin on, hecen Jesus Messiya Itancan unkiyapi towitan kin iyacupi kta.

15 Heon etanhan, hunkawanjinciyapi kin, sutaya najin po, qa wooke oyakapi wicoie, qa wowapi unkitawapi kin eciyatanhan onspeniciyapi kin hena tinsaya yuha po.

16 Qa Jesus Messiya Itancan unkiyapi kin hee, qa Wakantanka Ateunyanpi kin iye wašte undakapi, qa wicimdeza owihanke wanice cin wowaonsida eciyatanhan woape wašte ko unqupi kin,

17 He nicantepi kin mdesniyanpi, qa wicoie, wicohan ko wašte kin owasin en niyusutapi nunwe.

WICOWOYAKE 3.

1 Unkan ehake mihunkawanji, unkiyepi on cekiya po, Itancan oie kin inyanke ça, wowitan kta, niyepi kin ehna iyececa.

2 Qa wicašta šice ça wicaštapi šni kin etanhan eunhdakupi kta; owasin wowacinye yuhapi šni kin heon.

3 Tuka Itancan kin he wacinyepica, he niyusutapi, qa taku šica etanhan enihdakupi kta.

4 Itancan kin en niyepi on kaken awauncinpi, token econ un-

I. TIMOTHEOS.

nišipi qon ecen ecanonpi, qa ees nakun ecanonpi kta.

5 Qa Itancan kin nicantepi kin Wakantanka waštedakapi, qa Messiya wacintanka kin he en ope niyanpi nunwe.

6 Unkan mihunkawanji, Jesus Messiya Itancan unkiyapi caje kin on ceunniciyapi ce, hunkawanjin kiciyapi wan ecinšniyan mani, qa wicoope unničupi qon eciyatanhan šni kinhan, he nakicipa po.

7 Token unkoyecipapi kte cin niye sdonyayapi; niyepi en oškiškeya maunnipi šni.

8 Qa tuwedan aguyapi tawa iyunwin codan untapi šni, tuka wicohtani, wicokakije ko ehna, hanyetu, anpetu ko litaunnipi, tuwedan takudan unkiniczapi kte šni heon.

9 Unkokihipi šni kin heon etanhan šni; tuka unkiye waonspekiya yuheunniciyapi, qa unko-yapapi kte cin heon.

10 Nicipi unyakonpi qehan, he de unkoniciyakapi, Tuwe litanipi tawaŋenye šni kinhan, he takudan yute kte šni ce.

11 Enitanhanpi wanjikji ecinšniyan manipi, qa ecaca litanipi

šni, tuka waaie sa hecapi kin he naunhonpi.

12 Tona hececapi kin hena Jesus Messiya Itancan unkiyapi kin etanhan wahokonwicunkiyapi, qa econ wicunšipi, aini-na litanipi, qa aguyapi tawapi kin ecedan hdutapi kta.

13 Unkan mihunkawanji, niš niyepi kin taku wašte econpi kin econ kapinpi šni po.

14 Qa tuwe wowapi kin de en, unkoiepi kin anaungoptanpi šni kinhan, he iwanyakapi, qa kici okiciciyapi šni po, hecen ištece kta.

15 Tokayapi šni po, tuka hunkawanjinkiciyapi kin iyecen wahokonkiya po.

16 Qa ohinniyan, taku owasin on etanhan wookiye Itancan kin wookiye ničupi nunwe. Itancan kin niyepi owasin en nicipi un nunwe.

17 Palos he miye, napekiciyuzapi kin de minape on owawa, he wowapi otoiyoŋi en wowape-tokeca kin hee, hecen wakaga ece.

18 Jesus Messiya Itancan unkiyapi kin towaonšida kin niyepi owasin en nicipi un nunwe.

PALOS

TIMOTHEOS WOWAPI KICAGA;

TOKAHEYA KIN.

WICOWOYAKE 1.

1 Palos Jesus Messiya yeši qon, Wakantanka Wanikiya unkita-wapi, qa Jesus Messiya Itancan wacinunyanpi kin he toope kin eciyatanhan,

2 Timotheos, wacinyanpi kin eciyatanhan micinkši kin hee, wowaste, wowaonšida, wookiye ko, Wakantanka Ateunyanpi, qa Jesus Messiya Itancan unkiyapi kin hena etanhan kiciun nunwe.

WICOWOYAKE 2.

3 Makedonia ekta mde cehan; Ephesos en owanji yanké cisi, wanjikji woonspe tokeca oyakapi kte sni e iwahokonwicayakiye kte cin heon;

4 Qa hitunkakanpi, wicoicage owihanke sni oyakapi ko awacinpi kte sni; hena taku kin wiwangapi eceedan okihi, qa on Wakantanka wacinyanpi kin en icañyapi sni.

5 Wicacante ecedan, wicana-gi wašte, qa wacinyanpi wicakapi kin etanhan wacantkiyapi kin he woahope ecetuyapi kin hee.

6 Tona he icunonpa yapi kin hena takuśniśni akinicapi kin en yeiciyapi.

7 Woope kin tokan onspewicakiyapi kta cinpi; tuka taku eyapi, qa taku waditagya oyakapi kin he iyukcanpi sni.

8 Woope kin he wašte sdonunyanpi, tuwe woope kin iye-cen yuhe cinhan.

9 Qa he de sdonunyanpi, woope kin he wicašta owotanna kicagapi sni, tuka tona woope opapi sni, qa anagoptanpi sni kin hena wicakicagapi, tona Taku Wakan ohodapi sni, qa wañtanipi sa, waonšidapi sni qa wayašicapi, atkuku hunku kici wicakiktepi kin, qa wicašta wicakañapi kin hena,

10 Wawicihahapi econpi, wai-huhupi sa, wicašta wiyopewicaye cin hena, itonpiśni qa wo-pe kicaksapi kin hena on woope kagapi ece; qa taku tokeca woonspe zani kin kašeye cinhan he nakun:

11 Wakantanka wacantkiya wotanin wašte wowitan yuhe maši kin he eciyatanhan.

12 Unkan Jesus Messiya Itan-can unkiyapi he okihimaye ça, wacinyepica madake ça, wico-

ñtani kin de en opemaye cigon he wopida ewakiya ece.

13 He itokam waoštewahda, qa śicaya wicawakuwa, qa wañanmicida; tuka wicawada sni icunhan hena iyukcan sni ecamon kin heon onšimadapi.

14 Qa Itancan unkiyapi towa-onšida kin he wacinyanpi qa wacantkiyapi Jesus Messiya en nina yuotapi.

15 Wicoie kin de wacinyepica, qa owancaya icupi kta iye-ceca, Jesus Messiya wañtanipi sa niwicaye kta e on makata hi; hena en miye imayotan.

16 Tuka heon etanhan onšimadapi, hecen miye en tokaheya Jesus Messiya wawacinkta yuza tanka owasin hdutanin kta, wicani kta e on wicadapi kte cin hena waonspewicawakiye kta e heon.

17 Hecen Wicaštayatapi owihanke wanica, ñepica sni, qa wanyakepica sni un kin, Taku Wakan ecedan ksape cin hee, woyuonihan, wowitan ko, owihanke wanin kicihan nunwe.

18 Timotheos micinkši, woope kin de ciçu, niye on wokcanpi tokaheya ekta un qon hena eciyatanhan, hecen hena on ozuye wašte en akicita oyape kta;

19 Wowacinye qa wicanagi wašte sutaya yahduhe kte cin heon. Wanjikši hena eñpeyapi qa on wacinyanpi ekta kamden iyeiciyapi.

20 Yumeneos qa Aleksander kici, hena hececapi, hena Satan waqu, waoštehdapi kte sni onspeiciyapi kte cin heon.

WICOWOYAKE 2.

1 Heon, taku owasin itokam, wicašta kin owasin on, wokidapi, wocekiye, waiciyapi wicoie, wopida ko eyapi kta wacin.

I. TIMOTHEOS.

2 Wicaštayatapi kin hena on, qa tona itancan unpi kin owasin on, hecen woolhodapi owasin qa wicohan owotanna kin en, owanjidan unkanpi qa wikope šni un-nipi kta.

3 He wašte, qa Wakantanka Wanikiya unkitawapi kin itokam woiyokipi kin hee.

4 He iye wicašta owasin nipi, qa wowicake sdonyapi kin en hipi kte cin he cin.

5 Taku Wakan wanjidan, qa Taku Wakan qa wicašta kici wiciyotahedan un kin wanjidan, Jesus Messiya wicašta kin hee.

6 He iyc atayedan owasin ope-wicakiton kta e ičicu, anpetu tawa kin waayatanin kte cin heon.

7 He en eyanpaha qa yešipi kin heca makagapi; Messiya en wowicake epa, itonšni mawanica; wowacinye wowicake ko Ikcewicašta onspe wicawakiye kte cin heon.

8 Heon, wicašta kin owancaya, wocanniye, waakinicapi ko wakin nape ašape šni kiyugan cekiyapi kta wacin.

9 Qa winohinca kin is eya iyeceu wokoyake oiyokipi kin kicunpi kta, qa tawacin wašte, wacin tankapi koya; qa paha sonpi, mazaskazi, inyan okitanin kin, qa wokoyake taku ota iyopeyapi kin hena ko unpi kte šni;

10 Tuka wicohan wašte kin hena, taku winohinca tona Wakantanka awacinpi kin iyokipi kin hee.

11 Qa winohinca kin inina un, qa taku owasin en wanahon yanke ca on onspeičiye kta.

12 Tuka winohinca kin is wacinspekiye ca wicašta kin iwan-kam un kta e iyowinwakiye šni, he inina yanke kta.

13 Adam he tokaheya kagapi, qa hehan Ewe.

14 Qa Adam hnayanpi šni, tuka winohinca kin iye hnayanpi, qa hecen woahitani hiyahdeya.

15 Tuka is eya cinca tonpi kin en niyanpi kta, wacinyanpi, wacantkiyapi, wicohan wašte qa wacintankapi kin hduha yukanpi kinhan.

WICOWOYAKE 3.

1 Iapi kin he wowicake; tuwe waawanhdake unpi cin kinhan he wicohan wašte wan cin.

2 Tuka waawanhdake cin he iyaonpepica šni un kta, winohinca wanjidan yuze kta, waktaya un kta, wacinksapa, wahbayedan, olanpi, wowicakiyaka;

3 Miniša en iyeičiye šni, wawicape šni, mazaska nina akite šni; tuka wacintanka, wacinko šni, waicucu wacin šni;

4 Iye tiyohnaka kin tanyan hduhe kta, qa wicowahbadan owasin on cinca kin anagoptanwicakiye kta.

5 Tuwe tiyohnaka tawa kin tanyan hduha okihí šni kinhan, ecin token Wakantanka taokodakiciye kin tanyan yuhe kta he.

6 Aškatudan en opapi kin hecece kte šni, he heca kinhan, okinni wahaničida kin on Wakanšica tawoyaco kin ekta iya-ye kta.

7 Qa tona itankan yakonpi kin hena tanyan oyakapi un kta, he hecetu šni kinhan, wowihahaya un kta, qa Wakanšica wihmunke tawa kin en iyohpaye kta.

8 Is eya ookiye unpi kin hena nakun wacinksapapi kta, eeji jatapi šni, miniša en iyeičiyapi šni, qa mazaska nina akitapi kte šni:

9 Wicanagi ecedan ohna wowacinye wowiyukan kin yuhapi kta.

WICOWOYAKE 4.

10 Hena e tokaheya wicayukcanpi kta, qa heban takudan iyaonpepica šni kinhan, ookiye unpi kin en iyeyapi kta.

11 Nakun is tawicupi kin wahbapidan kta, waaie šni unpi kta, waktaya unpi kta, taku owasin on owotanpidan.

12 Ookiye unpi kin is tawicu wanjidan kta, cinca wicayapi qa tiyohnaka tawapi kin tanyan bduhapi kta.

13 Tona ookiye unpi wicohan kin tanyan yuhapi kin hena wowan wašte hdamnanpi, qa Jesus Messiya wacinyanpi kin en waditaka icicagapi.

14 Dena hecen wowapi cicaga, kohanna niye en ciu kta wacin.

15 Tuka tehan wai šni kinhan, deciya tanhan on token Wakantanka ti kin ohna opiničiye kta sdonyaye kta, he okodakiciye Wakantanka ni un tawa kin ee, wowicake ihupa qa taku ahe cin hee.

16 Unkan he taku aiepica šni, Wakantanka awacinpi kin he wowiyukcan tanka; Wakantanka wicacehpi en ihdutanin qon, Woniya kin on yaowotanna kagapi, mahpiya ohnihde kin wan-yakapi, Ikcewicašta kin ekta oyakapi, wicoicage kin en wicadapi, qa wowitan kin ekta wankan ehdakupi.

WICOWOYAKE 4.

1 Woniya kin atayedan heya, Anpetu ihankeya kin en, wanjiksi wacinyanpi kin ayuštanpi kta, qa woniya šapa wahnaye sa, qa taku wakan šica tawoonspe ko anagoptanpi kta.

2 Wicahnayanpi on itonšni iapi kta, nagipi kin maza kata on guguyapi kin heon.

3 Winohinca wicayuzapi kin

he tehindapi, qa woyute, tona wowicake wicadapi, qa sdonyapi kin hena wopida eya icupi kta e Wakantanka kaga, hee yute šni wicašipi kta.

4 Taku Wakantanka kage cin he owasin wašte, qa wopida yuha icupi kinhan, takudan ohinyanpi kte šni.

5 He Wakantanka oie, wocekiye ko on yuwakanpi.

6 Hena taku kin hunkawanjinkiciyapi kin kiksuyewicayaye cinhan, Jesus Messiya taokiye wašte yaun kta, wacinyanpi, wicoie, qa woonspe wašte ekta iyohiyaye cin hena en tanyan icalniyanpi kta.

7 Tuka iapi šice cin, wakanka hitunkakanpi yuhapi ko nakicipe ça, Wakantanka awacinpi kin he amniheičiya wo.

8 Wicatancan yeičiyapi kin he taku cistinna okihi; tuka Wakantanka awacinpi kin he taku owasin okihi, wiconi kin de, qa wanji u kte cin iwahoyapi kin en un.

9 Wicoie kin he wowicake, qa owancaya anagoptanpi kta iyececa;

10 Wakantanka ni un wicašta owasin Wanikiya tawapi, qa iyotan tona wicadapi kin hena, he wacinunyanpi kin heon litaunnipi, qa oštehdapi unyakonpi.

11 Hena taku kin iwahokonwicakiye ça onspewicakiya wo.

12 Koniška yaun kin heon tudedan iwahtenida kte šni; tuka tona wicadapi kin hena waonspewicakiya wo, wicoie kin en, wicohan kin en, wacantkiyapi kin en, woksape kin en, wacinyanpi kin en, woyuecedan kin en.

13 Wowapi yawapi, qa wahokonwicakiyapi, waonspewicakiyapi ko, hena econ wo, en wai šni kin hehanyan.

I. TIMOTHEOS.

14 Taku wawokihi en niun kin, wokeanpi, qa waawanhake unpi, nape aniputakapi kin on nicupi qon he akiktonje šni wo.

15 Hena taku kin awacin, qa ocowasin en yeiciya wo, hecen onspeniciye cin owasin sdon-yapi kta.

16 Atayedan awaiciin, qa wonspe nitawa kin awakicin wo, he hduha wo. Hecanon kinhan niniiciye ça, tona nanihonpi kin hena nakun niwicayaye kta.

WICOWOYAKE 5.

1 Hunkayapi wan iyopeye šni wo, tuka ateyapi un kin iyecen wahokonkiya wo, qa tona hakaktapi kin hena nihunkawanji iyececapi kta ;

2 Winohinca tankapi kin hena is inawicayaye cin iyecen, qa tona askatudan unpi kin hena tawinohinwicayaye cin iyececapi kta, woyuecedan owasin en.

3 Wiwazicapi kin, tona awicakehan wiwazicapi un kin hena wicayunihan wo.

4 Tuka wiwazica wan cinca wicaye cin, qa takojakpaku yuke cinhan, hena tokaheya wicowazi tawapi kin en wowaste econ onspeiciyapi kta, qa hunkake wicayapi kin iyunwin wicakicupi kta ; taku waste qa Wakantanka itokam oiyokipi kin hee.

5 Tuwe awicakehan wiwazica un kin he isnana ehpeyapi un, Wakantanka wacinye ça ohin-niyan, hanyetu anpetu ko, wocekiye eyapi, qa hoyekiyapi kin en un.

6 Tuka tuwe iyokipi iciya un kinhan, he ni un icunhan wanna ta.

7 Hena hecen iwahokonwica-

kiya wo, hecen iyaonpepica šni unpi kta.

8 Qa tuwe tona wicayuhe cin, qa iyotan tiyohnaka tawa kin, taku wicakicamna šni kinhan, he wacinyanpi kin wanna ayu-štan, qa waawacin šni kin sam iyeya wicašta šica.

9 Wiwazica waniyetu wikcemna šakpe ihukuya un kin he kahinigapi kte šni. He wicašta wanjidan hihnaye cion,

10 Wicohan waste on tanyan oyakapi, cinca icahwicakiya, oicimani kin wonwicaya, tona owotanna un siha wicakiyujaja, tona kakijapi kin owicakiya, qa wicohan waste owasin amniheiciya en opa hecinhan.

11 Tuka wiwazica tona askatudan wotapi kin hena wicakahnige šni wo ; tohan Messiya en škehanhan aye cinhan ake hihna tonpi kta ;

12 Qa tokaheya wacinyanpi qon he ayuštampi kin heon woyaco aihduhapi kta.

13 Qa nakun kujapi, qa ti iyaza yakonpi ; qa kujapi hecedan šni, nakun taku oyakapi sa, qa waaiapi sa, taku eyapi kte šni kin hena eyapi ece.

14 Heon, tona nahašin wikoškapi kin hena hihna tonpi kta, cinca tonpi kta, qa tiyohnaka hduhapi kta wacin, hecen toka kin taku iyawicaonpe kta okihi šni kagapi kta.

15 Wanna wanjikji icunonpa Satan ihakam iyayapi.

16 Wicašta wanji, qa is winohinca wanji wacinyan un kin, he wiwazica hduhe cinhan okiye kta ; hecen okodakiciye kin tkeya qinpi kte šni, qa tona awicakehan wiwazica unpi kin hena ece owicakiyapi kta.

17 Waawanhake un kin, tona tanyan awanhakapi kinhan, he-

WICOWOYAKE 6.

na wowitan icitakihna wicakiciyawapi kta, tona wicoie, wonspekiyapi ko, en htanipi kin hena iyotan.

18 Wowapi wakan kin hecen eya, Tatanka aguyapi napan kin he iohmus sutaya iyacu kte šni. Qa ake, Tuwe htani kin he taku on opetonpi qon iyohi ece.

19 Waayatanin nonpa, qa yamni duhe šni kinhan, hunka yapi un kin wanji en wiyaonpapi aupi kin anagoptan šni wo.

20 Tona walitanipi kinhan hena owasin wicitokam taninyan iyo-pewicaya wo, hecen unmapi kin kokipapi kta.

21 Wakantanka itokam, qa Jesus Messiya Itancan kin, mahpiya ohnihde wicakalnigapi kin hena ko. wicitokam wahokonciciya, dena taku kin ecinšniyan wiyuckanpi wanin ecanon kta, qa wicašta iwanyakapi kte cin on etanhan takudan ecanon kte šni.

22 Ohankoya tuwedan nape aputake šni wo; qa wicašta tokeca walitanipi kin en ope šni wo. Ecedan ihduha wo.

23 Tokata mini ecedan yatke šni wo, nitezi kin on, qa waniyazan sa kin heon, miniša waniqadan yatkan wo.

24 Wicašta wanjikji walitanipi kin taninyan han, qa itokam woyaco ekta awicaya; qa hunh wicihakam tanin ece.

25 Qa he iyecen wicolian wašte wanjikši taninyan un, qa tona hecece šni ešta anahbepica šni.

WICOWOYAKE 6.

1 Wowidake un kin tona can napinpi kin ihukuya yukanpi kin hena itancan wicayawapi kin wicakinihanpi owasin okihi wicahdawapi kta, hecen Wa-

kantanka caje qa tawoonspe kin oštehdapi kte šni.

2 Qa tona itancan wačinyan unpi kin heca ihukuya unpi kinhan, hena šicewicakidapi kte šni, om hunkawanjinkiciyapi kin heon; tuka hena wacinyan unpi, qa wašewicadakapi, qa taku wašte kin en owicakicipapi kin heon sanpa owicakiyapi kta. Hena hecen onspewicakiye ça wahokonwicakiya wo.

3 Tuwe wicoie wašte, Jesus Messiya Itancan unkiyapi oie kin, wicolian ecedan kin eciyatanhan un kin hena wicada šni kinhan, qa togye waonspewicakiye cinhan,

4 He wahaničida, qa takudan sdonye šni un, tuka wakinicapi wiwangapi wicoie kin en cante kin ocowasin iyeičiya; hena etanhan winawizipi, wakinicapi, waoštehdapi, woawacin šica ko icaga.

5 Qa wicašta tawacin šicapi kin oškiškeya hdokinicapi, wowicake yuhapi šni, qa taku kamnanpi kinhan, he Wakantanka ohodapi kin ee kecinpi. Tona hececapi kin hena awicayuštan wo.

6 Wakantanka ohodapi kin woiyokipi kici he woyuha tanka.

7 Maka kin de en takudan unkahipi šni, qa awicakehan hetanhan takudan unkahdapi kte šni.

8 Hecen woyute, wokoyake ko unhapi kinhan, hena iyounkipipi kte.

9 Tona watonpika cinpi kinhan, hena taku wawiyutanyan un, qa mazalitakiyapi en iyohpapi, qa witkotkoya cantiheyapi šica ota on kiuniyanpi ece kin hena en, hena e waihangyapi, wicotakuni šni ko mahen wica-

II. TIMOTHEOS.

šta kin ocowasin iyohpewicayapi ece.

10 Taku šica owasin hutkan kin he mazaska waštedakapi kin hee; he wanjikji inahnipi, qa on wacinyanpi kin etanhan iyaye yapi, qa wicokakije ota on caičipapi.

11 Tuka Wakantanka wicašta tawa kin he niye, hena taku kin nakicipa wo; wicoowotanna, Wakantanka ohodapi, wacinyanpi, wacantkiyapi, wacintankapi qa wowahbadan, hena akita wo.

12 Wowacinye okicize wašte kin he en econ wo, owihanke wanin wiconi kin he icu wo, he en nicopi qa waayataninpi ota itokam wohdakapi wašte ecen oyahdake cigon.

13 Wakantanka taku owasin nikiye cin he itokam, qa Jesus Messiya Pontios Pilate itokam owotanna wohdake cigon he on ceciciya ce;

14 Ašape šni qa iyaonpepica šni, woahope kin de duhe kta, Jesus Messiya Itancan unkiyapi taninyan u kte cin hehanyan.

15 He tohan iyehantu kinhan, tuwe yawaštepi, qa ecedan Wawokihi kin he taninyan hiyuye kta, wicaštayatapi kin en Wi-

caštayatapi, qa itancanpi kin en Itancan kin hee.

16 He isnana wiconi hduhe ça, iyoyanpa en hiyohipica šni kin he en ounyan, wicašta kin tuwedan he wanyake šni, qa nakun wanyaka okihi kte šni; he wowitan, qa wowašake owihanke wanin kiciun nunwe.

17 Tona maka kin den watonpike cin wahokonwicakiya wo, watankaicidapi kte šni, qa woyuha atakuni šni aya ece kin wacinyanpi kte šni, tuka Wakantanka ni un taku iyouunkipipi kta e iyakičuya unqupi kin hee;

18 Taku wašte ece econpi kta, wicohan wašte ijicapi kta, wapamnipi, qa wawicaqupi tawatenyapi kta;

19 Taku tokata ihe cin he ekta ahehde wašte wan içihnakapi kta, hecen wiconi owihanke wanica yuhapi kta.

20 Timotheos, taku yuheciciye cin hena tanyan yuha wo, qa ikcekceya ecinšniyan wakini-capi kin he nakicipa wo, wosdonye woitonšni akinicapi kin he nakun.

21 Wanjikji he en opapi, qa wacinyanpi kin icunonpa iyayapi. Wowaonšida niciun nunwe. Amen.

P A L O S

TIMOTHEOS WOWAPI KICAGA,

INONPA KIN.

WICOWOYAKE 1.

1 Palos, Wakantanka tawacin kin on, Jesus Messiya yeši qon, Jesus Messiya wiconi iwahounyanpi qon he eciyatanhan,

2 Timotheos, hokšincantkiyapi mitawa kin, *wowapi cicaga*. Wowaonšida, wowašte, wookiye ko, Wakantanka Ateyapi kin etanhan, qa Jesus Messiya Itancan unkiyapi kin etanhan.

WICOWOYAKE 2.

3 Wakantanka, mihunkake kin etanhan nagi ska hduha ohowada kin, he wopida ewakiya, anpetu, hanyetu ko wocekiye epa eca, ayaŝtan ŝni ciksuya waun;

4 Wanciyaka nina wacin, iŝtammihanpe ota aniu qon hena weksuya, hecen wowiyuŝkin omajudan kta;

5 Tohan wowacinye analibepica ŝni niye en niun kin he weksuye cinhan, he tokaheya nikunŝi Lowis en un, qa nakun nihun Yunike en un, qa he niye en niun kin sdonwaya.

6 Heon etanhan kiksuyeciyekta, Wakantanka taku niçu kin, nape aciputake cin eciyatanhan, he amniheniçiye kta.

7 Wakantanka wokokipe woniya kin unqupi ŝni; tuka wowaŝake, wacantkiyapi, qa wacinksapapi woniya kin.

8 Hecen Itancan unkiyapi tawootanin kin on iŝtece ŝni wo, qa nakun miye makaŝkapi tawa waun kin; tuka Wakantanka towaŝake kin eciyatanhan wotanin waŝte en wokakije kin en okicipa wo:

9 He iye ni unyanpi, qa wickicopi wakan kin on unkcipoi, unkoŝanpi kin eciyatanhan ŝni, tuka iye tawacin, qa towaonŝida, maka icage cin itokam Jesus Messiya on-unqupi qon he eciyatanhan:

10 Tuka wanna hdutanin, Jesus Messiya Wanikiya unkita-wapi taniniçiye cin on, he wiconŝe ihangye ça, wotanin waŝte kin en, wiconi qa ŝepica ŝni unpi kin iyoyanpa en au.

11 Heon eyanpaha qa yeŝipi kin heca makagapi, Ikcewicawaŝta wowicawakiyake kte cin heon.

12 Qa he etanhan hena taku on iyotanhan iyewakiya; tuka

imaŝtece ŝni. Tuwe wacinwakiye cin he sdonwakiye ça, taku ehnaŝe waŝi kin hena anpetu wan u kte cin hehanyan miciyuha okihi sdonwaya.

13 Wicoie on zaniyan unpi nahonciye ciqon, wowacinye, wowaŝte ko, Jesus Messiya en un kin he ŝinsa yuza wo.

14 Woniya Wakan unkicipi un kin eciyatanhan, wicoŝan waŝte niçuqi qon he tanyan yuha wo.

15 Tona Asia en un kin owasin amayuŝtanpi kin he sdonwaya; Phugellos qa Hermogenes he en opapi.

16 Onesiphoros tiyohnaka tawa kin Wakantanka onŝikida nunwe; iye ota micanpte ça makaŝkapi kin on iŝtece ŝni.

17 Qa Roma ekta hi qehan, nina omade qa iyemayan.

18 He anpetu kin he en Itancan kin etanhan wowaonŝida iyeye kta e Itancan okihikiya nunwe; Ephesos ekta taku tona on omakiye ciqon he tanyan sdonwaya.

WICOWOYAKE 2.

1 He etanhan, micinkŝi, Jesus Messiya towaonŝida kin he en wakiŝaka wo.

2 Qa miye etanhan taku nayahon, wicota yaotaninpi qon, hena wicaŝta wacinyepica, tona tokan onspewicakiya okihihi kin, hena wicaqu wo.

3 Qa niye nakun Jesus Messiya taakicita waŝte kin iyecen taku tehika en waditaka wo.

4 Tuwe ozuye econ kinhan, he taku wiconi kin de wicoŝan kin en ihdupemni ŝni, tuwe taakicitaye cin he iyokipiye kte cin heon.

5 Qa tuwe ohiye wacin econ kinhan, qa wakiconzapi kin ecen

II. TIMOTHEOS.

econ šni kinhan, he wateśdagki-
catonpi šni ece.

6 Wicašta wakicanye cin he
htani kinhan, iye tokaheya taku
icage cin etanhan yute kta.

7 Taku epe cin he awacin wo.
Qa Itancan kin taku owasin
okañniñniyan nunwe.

8 Wotanin wašte mitawa kin
eciyatanhan, Jesus Messiya, Da-
wid wicowazi tawa kin etanhan,
he wiconę etanhan ekicetuyapi
kin he kiksuya wo.

9 Qa iye on wicašta wabotice
cin iyecen kakiśmayanpi, maka-
śkapi kin he en; tuka Wakan-
tanka oie kin he kaśkapi šni.

10 He etanhan tona wicaka-
ñigapi qon hena on taku owa-
sin iyowinwaya, hena e wiconi
Jesus Messiya en un kin he yu-
hapi kta, qa nakun owihanke
wanin wowitan kin.

11 Wicoie kin de wicakapi;
Iye kici unęapi kinhan, nakun
kici unnipi kta;

12 Iye on unkakijapi kinhan,
kici wicaštayatapi unyakonpi
kta. Qa unkiye chpeunyanpi
kinhan, iś eya chpeunyanpi kta.

13 Qa wacinunyanpi šni ešta,
iye wacinyepica un, ihduecinśni-
yan kta okihi šni ce.

14 Hena taku kin kiksuyewica-
ye ęa, Itancan kin itokam, wi-
coie wawokihni šni, tona nañonpi
kin wicahnaye cin hena on aki-
nicapi kte šni e iwahokonwica-
kiya wo.

15 Wakantanka iyokipiyaye
kta, wicašta wakage cin ištece
kta iyecece šni kin heca e ni-
hdutanin kta, qa wowicake wi-
coie kin owotanna yapamni kta
e aięiciya wo.

16 Tuka iapi śica ccinśniyan
kin he nakicipa wo, he iyotan
wicośice ekta ical aye kta.

17 Unkan wicoie tawapi kin

śiyaka śica wan iyecen wai-
hangye kta; Yumeneōs qa Phi-
letos hena hececapi;

18 Hena wowicake kin icunon-
pa iyayapi qa, Woekicetu kin
wanna yuśtanpi ce, eyapi, qa
heon wanjikji wacinyanpi kin
etanhan wicayahomnipi.

19 Hececa ešta, Wakantanka
ahemde tawa kin sutaya he ęa
ipuspe kin de en un; Itancan
kin tona tawa wicaye cin hena
sdonwicakiya. Qa nakun, Tuwe
Messiya ęaje kin hoyekiye cin-
han, he woalitani ayuśtan kta
ce.

20 Tuka tipi tanka wanji ohna
mazaskazi, qa mazaska wakśica
hecedan šni, nakun can, qa ma-
ka wakśica ko yukan, hunñ taku
wašte, qa hunñ taku śica on yu-
hapi.

21 Hecen on, tuwe hena taku
kin etanhan itpakinte cinhan, he
wakśica wašte kin heca kta, ece-
dan, qa Itancan kin wowinyunye
kta e iyokipi, qa wicoñan wašte
owasin on yuśtanpi.

22 Kośka cantihęyapi śice cin
hena nakicipa wo; tuka wicoo-
wotanna, wowacinye, wacantki-
yapi, wookiye ko, henakiya tona
cante ecedan on Itancan ceki-
yapi kin hena om en opa wo.

23 Tuka wiwangapi okañniñ-
pica šni ecinśniyan kin hena en
yeięiye šni wo, hena wicokicize
kaga e sdonyaya.

24 Unkan Itancan taokiye kin
he wicakis un kte šni; tuka
owasin en walibayedan un kta,
waonspekiye ęa, wawacinkta
yuza tanka kta:

25 Qa tona tokaięiya unpi kin
hena iwahnana wahokonwica-
kiye kta, okinni Wakantanka
ihduecetupi wicaqu kta, hecen
wowicake kin iyukeanpi kta.

26 Qa hecen, tona Wakanśica

WICOWOYAKE 4.

tohan cin eca, wayaka awicahda ece kin hena mazahtakiyapi tawa kin etanhan ihduſpapi kta.

WICOWOYAKE 3.

1 He de sdonya wo, anpetu ihankeya kin en taku tehika é u kta.

2 Hehan wicaſta kin waſteici-dapi kta, mazaska waſtedakapi, wamnaici-dapi, wahaniici-dapi, hunkakeyapi kin anawicakigoptanpi ſni, wapidapi ſni, owotanpidan ſni ;

3 Cinca cantekiyapi ſni, woope kicaksapi, waaiapi sa, iyatahdeiciyapi sa, ohitiici-dapi, qa taku waſte ſicedapi ;

4 Wicahnayanpi sa, wacinkopi, watankaici-dapi, magagaiciyapi kin he iyotandapi, qa Wakantanka iyotandapi ſni.

5 Wakantanka awacinpi kin wiyacinpi kin yuhapi, tuka wowaſake kin he wicadapi ſni ; tona hececapi kin hena etanhan ihdamna wo.

6 Hena hececapi kin tipi nahmana tin ipi, qa winohinca wacintonpi ſni, woahtani hduſakapi, qa ſicaya wacin yuzapi on icunonpa ayapi ;

7 Ohinniyan waonspeiiciyapi keſ wowicake sdonyapi kin ehan ipi okihipi ſni kin wayaka awicayapi ece.

8 Unkan, Jannes qa Jambres hena Moses kici akinicapi qon he iyecen, dena iſ eya wowicake kin en ibotopi, wicaſta tawacin ſicapi, qa wacinyanpi kin ayuſtanpi.

9 Tuka dena e sanpa iyoopta aye kte ſni, witkotkopike cin owasin en tanin kta, hena e qe econpi qon iyececa.

10 Tuka niye wowaonspekiye mitawa kin tanyan sdonyaya,

miohan kin, token miſiconze cin, wacinwaye cin, wawacin-kta mduza tanka kin, wacanwakiye cin, walibayedan awape kin,

11 Tehiya makuwapi kin, makakije cin, tona mahiyahde kin, Antiyoka ekta, Ikoniyon ekta, Lustra ekta, hena ſicaya makuwapi kin mahiyahde ; unkan owasin etanhan Itancan kin emahdaku.

12 Qa tona Jesus Meſſiya en owotanna ohanyan cinpi kin hena owasin ſicaya wacakuwapi kta.

13 Tuka wicaſta ſica, wicahnayanpi sa ko, hena sanpa ſicapi kta, wicahnayanpi qa nakun hnayanpi kta.

14 Hececa tuka niye qe taku onnispe, qa wicayada kin hena en un wo, tokiya tanhan onnispe kin he sdonyaya.

15 Qa honikſiyoqopa kin ehan-tanhan Wowapi wakan sdonyaya, he niniyan on ksamniye kta okihi, Jesus Meſſiya wacinyanpi kin eciyatanhan.

16 Wowapi wakan ocowasin Wakantanka Taniya kin eciyatanhan, qa waonspekiyapi, wiyo-peyapi, owotanna kagapi, qa wicohan waſte en onspewicakiye cin he okihi.

17 Hecen Wakantanka wicaſta tawa kin ecedan un kta, qa wicohan waſte owasin on hduſtanpi kta.

WICOWOYAKE 4.

1 Heon, Wakantanka itokam, qa Jesus Meſſiya Itancan kin, tona nipi tapi ko wicayaco kta, tohan wokiconze hduha hi kinhan, he nakun itokam wahokon-ciciya ;

2 Wicoie kin oyaka wo, tohan

II. TIMOTHEOS.

oiyokipi, qa nakun oiyokipi śni ešta, handitaiciya, wo. Owotanna wicakage wacin, iyoewicaya, wahokonwicakiya wo, woonspe qa wawacinkta yuzapi tanka kin on.

3 Anpetu wan u kte cin he tohan hi kinhan, woonspe wašte kin aktapi kte śni, tuka iye wicotawacin śice cin eciyatanhan waonspekiyapi kin awicakitapi kta, noge yašpuyapi se iyececa heon etanhan.

4 Qa nogepi kin wowicake kin etanhan hduhomnipi, qa hitunkakanpi kin ekta ihdoyapi kta.

5 Tuka niye qe taku owasin en wakta yaun kta, wicokakije en waditaka wo; wotanin wašte oyakapi wicoħan kin ecen econ wo; wicoħan duhe cin he hduštan wo.

6 Wanna wamihdušna kta iye-micihantu, qa wahde kte cin he wanna kiyadan ihan.

7 Okicize wašte kin ecamon, woinyanke kin ihuniwakiya, wacinyanpi kin he hduha waun;

8 Qa tokata, woowotanna watešdake wan mihnakapi, he Itancan wayaco owotanna kin maqu kta, anpetu kin he en; qa miye mišnana śni, tuka tona iye taniničiye kte cin waštedakapi kin hena owasin koya.

9 Kohanna en mayahi kta nina ačiciya wo.

10 Demas he amayuštan, wiconi kin de waštedake a Thessalonike ekta kihda, Kreskes Galatia ekta, qa Titos Dalmatia ekta.

11 Lukas kicišnana waun; Markos icu qa kici u wo, he iye wicoħan kin de en omakiya ece.

12 Tucikos Ephesos ekta ye waši.

13 Yau kinhan, Troas ekta Karpos śina emicihnake waši qon he au wo, qa nakun wowapi kin hena, tahasaka owapi kin hena iyotan.

14 Aleksander mazazi kage cin he taku śica ota iyamaonpa; iye oħan kin on Itancan kin kici-cajuju nunwe.

15 He on waktaya un wo; wicoie unyaotaninpi qon he nina kipajin.

16 Tokaheya wowahdake ci-qon he ehan tuwedan micica śni, qa owasin inamatanpi, he wicakiciyawapi śni nunwe.

17 Tuka hececa ešta, Itancan kin mici inajin, qa wašagmaye, a hecen miye on woyakapi kin tanyan sdonyapi kta, qa Ikcewicašta kin owasin nahonpi kta; qa mnaja i kin etanhan emahdakupi.

18 Nakun Itancan kin wicoħan śica owasin etanhan emahdaku kta, qa wokiconze maħpiya ekta un kin he en nimaye kta. He iye wowitan owihanke wanin kiciun nunwe.

19 Priskila qa Akula napewicayuza wo, qa nakun Onesiphoros tiyohnaka tawa kin.

20 Erastos Korinth ekta yan-ka. Miletos ekta Trophimos wazanka elipeya wahdicu.

21 Nahahin waniyetu śni u kte ħinca wo. Yubulos nape niyuza, qa nakun Pudens, qa Linos, qa Klauda, qa hunkawanjin kiciyapi kin owasin.

22 Jesus Messiya Itancan kin ninagi kici un nunwe. Wowakonšida nicipi un nunwe. Amen.

PALOS

TITOS WOWAPI KICAGE CIN.

WICOWOYAKE 1.

1 Palos Wakantanka taokiye, qa Jesus Messiya yeši qon, tona Wakantanka wicakahniga, wacinyanpi kte cin heon, qa wowicake wicohan wašte en un kin sdonyapi kte cin heon;

2 Qa owihanke wanin wiconi opapi kte cin, Wakantanka itonšni okitpani, maka kagapi kin itokam iwahounyanpi qon he on;

3 Tuka wanna iyehantu qehan, eyanpahapi kin on oie kin hdaotanin, he miye maqupi, Wakantanka Wanikiya unkitawapi kin he eciyatanhan;

4 Titos, witaya wacinyanpi kin he eciyatanhan cinksiwaye cin; Wowaste, wowaonsida, wookiye ko, Wakantanka Ateyapi kin etanhan, qa Jesus Messiya Itancan Wanikiya unhapi kin eciyatanhan kiciun nunwe.

5 He etanhan Krete en yanke ciši, taku tona yuštanpi šni kin hena wiyeya eyahnake kta, qa otonwe otoiyohi en hunkayapi wicayakage kta e on; token econ ciši qon iyececa.

6 Tuwe iyaonpepica šni kinhan, wicašta tawicu wanjidan, qa cinca wacinyanpi wicahduhe cin, wicakis unpi ewicakiyapi qa wanahonpi šni kin hececapi šni:

7 Waawanhake cin he takudan iyaonpepica šni un kta, he Wakantanka taokiye kin ee; išnana wacin en ihduze šni, wa-

Dak.

cinko šni, miniša en iyeiçiye šni, ohitičida šni, qa mazaska nina akite kte šni;

8 Tuka oicimani kin onšiwica-da kta, qa taku wašte kin waštedake kta, wacin ksapa un kta, qa owotanna, wacantkiya, qa iyatahdeičiye šni un kta;

9 Qa token onspekiyapi qon he iyecen wicoie oyakapi kin sutaya hduhe kta, hecen woonspe ecedan kin on wahokonwicakiya okihi kta, qa tona kipajiničiyapi kin hena iyopewicaye kta.

10 Wicašta wicaštapi šni, qa witkoya iapi, qa wicahnayanpi kin heca ota, tona bakiłdayapi etanhanpi kin hena iyotanpi.

11 Hena iohmus wicayapi kta iyececa; hena e qe tiyohnaka ocowasin yaptanyan iyewicayapi, qa mazaska waltešni kin on taku iyecetu šni kin onspewicakiyapi ece.

12 Iyepi kin etanhan waayate wan heye ciqon; Krete oyate kin ohinniyan itonpišni, wamanica ocinšice cin, qa wicatezi kuja kin hecapi ce.

13 Wayaotanin kin he wowicake. He etanhan nina iyopecwicaya wo, hecen wacinyanpi kin en ecedan unpi kta:

14 Qa hecen Juda oyate hitunkakanpi yuhapi kin, qa wicašta akantu woope kagapi kin wowicake kašeye cin hena awacinpi kte šni.

15 Tona ecedan unpi kin hena taku owasin ecedan yuhapi, qa tona ašapapi qa wicadapi šni kin

TITOS.

hena taku ecedan kin takudan yuhapi śni, tuka tawacinpi nagipi ko hena ee kaeś aśapapi.

16 Hena iś Wakantanka sdon-yapi keyapi, tuka wicoĥan on aktapi śni, waĥtepi śni, wanaĥonpi śni, qa wicoĥan wašte owasin en wacintonpi śni.

WICOWOYAKE 2.

1 Tuka niye qe taku woonspe ecedan en iyokipi kin hena ecen oie ya wo.

2 Wicašta tankapi kin hena waktaya unpi kta, mdesahan wacin ksamya unpi kta, wacinyanpi, wacantkiyapi, wacintan-kapi ko en ecedan unpi kta.

3 Qa winoĥinca tankapi kin iś eya winoĥinca wašte iyecen oĥanyanpi kta, waaiapi kte śni, miniša ota en iyeiċiyapi kte śni, qa taku wašte onspe wicakiyapi kta:

4 Hecen wikoška kin ksamwicayapi kta, wicašta yuhapi cinca ko wašte wicakidapi kta;

5 Wacin ksapapi kta, ecepidan, tipi awanĥdakapi kta, wašteya unpi kta, hihnakupi kin anawicakigoptanpi kta; hecen Wakantanka oie kin yaśicapi kte śni.

6 Koška kin iś nakun wacin ksapapi kte cin iwahokonwicakiya wo.

7 Qa taku owasin on wicoĥan wašte kin en waonspekiya niĥdutanin kta; woonspe kin en wayuśice śni, wacinksapa, owotanna;

8 Qa iapi ecedan qa iyaonpepica śni kin he nun kta; hecen tuwe itkopatanhan un kinhan, he ištece kta, taku śica takudan aniie kta okihi śni kin heon.

9 Tona wowidake un kin hena itancan wicayuhapi kin anawi-

cakigoptanpi kta, qa taku owasin wakinicapi wanin iyokipi wicayapi kta;

10 Takudan naĥmana icupi śni, qa wacinyanpi wašte ocowasin en iĥdutaninpi kta. Hecen taku owasin on, Wakantanka Wani-kiya unhapi kin tawoonspe kin he tanyan yuhapi kta.

11 Wakantanka towaonśida wicašta owasin wiconi wicakahi kin he wanna tanin;

12 Wakantanka aktapi śni, qa wicoicage cantiheyapi kin hena eliĥeunyanpi kta, qa nakaha wiconi kin en, wacinksamya, owotanna, wakanyan unnipi kta e onspeunki-yapi.

13 Qa wacinyanpi wašte ape unyakonpi kta, Wakantanka iyo-tan tanka, qa Jesus Messiya Wani-kiya unhapi kin he wowitan ĥduĥa taniniċiye kte cin hee.

14 He unkiyepi on iċiċu, woaĥitani owasin etanhan oĥeunki-tonpi kta, qa oyate tawawicaye kte cin wicoĥan wašte nina ĥin akitapi kte cin hena wicahĥuska kta e heon.

15 Hena wicoie kin hecen oie ye ċa, wahokonwicakiye ċa iyo-pewicaya wo. Iĥnuhan tuwe śicenidake cinhan.

WICOWOYAKE 3.

1 He kiksuyewicaya wo, taku itancanpi qa wicowaśake kin hena ihukun iyeiċiyapi kta, wicaštayatapi kin anawicagoptanpi kta, qa wicoĥan wašte owasin econpi kta, on wiyeya yukanpi kta.

2 Tuwedan yaśicapi kte śni, qa wicakizapi kte śni, tuka waĥĥayedan unpi, qa wicašta owasin on wacin tankapi kta.

3 Ehanna unkiś eya wacin un-tonpi śni, qa waanaungoptanpi

PHILEMON.

śni, unhnayanpi, qa cantihyapi śica ota, qa iyokipiiciyapi kin en wowidake unyakonpi, woeanniyey, icekinpi ko en unnipi, wahte śni unyakonpi, qa otoiyohi śiceunkicidakapi.

4 Tuka hehan Wakantanka Wanikiya unkitawapi kin he towašte, qa wacantkiye cin wicašta kin en yutaninpi qehan;

5 Wicohan owotanna econkupi kin eciyatanhan śni, tuka iye towaonsida kin eciyatanhan niunyanpi; teca wicatonpi woyujaja kin on, qa Woniya Wakan wicayuteca kin heon etanhan;

6 He Jesus Messiya Wanikiya unkitawapi kin eciyatanhan iyakiçuya unkakaştanpi kin.

7 Hecen iye towaonsida kin on etanhan unyaowotanpidan kinhan, wiconi owihanke wanica unkapepi kin eciyatanhan, taku iye tawa kin he tawaunyanpi kta.

8 Iapi kin he wowicake; qa heon hena taku kin ohinniyan yasutaya iyae kta wacin; tona Wakantanka wicadapi kin hena wicohan wašte wacin ksamya opapi kta. Hena taku wašte, qa wicašta kin en wawokihi.

9 Tuka witkoya wiwangapi, qa

wicoicage oyakapi, qa wawakipajinpi, qa woope akinicapi kin hena okamnayan ya wo; henatakudan okihi śni qa ecinśniyan un.

10 Wicašta waakinica un kin he wancadan, qa inonpa iyoheyapi kin, ihakamya heyata iyeya wo.

11 Tuwe hecece cinhan, he wanna yuptanyanpi, qa woahţani econ, qa iye atayedan ihdaco kin he sdonyaya.

12 Tohan niye ekta Artemas, qa is Tucikos ye waşi kinhan, kohanna Nikopolis ekta en mahi kte linca wo; hen waniyetu waun kta miçiconza.

13 Zenas woope aie kiyapi kin he, qa Apollos icimani ipi kinhan, takudan icakiye śni tanyan iyoopteya yewicakiya wo.

14 Qa tona unkicicapi kin hena wicohan wašte aiçiciya econpi kta, wicakijapi kin owicakiyapi kta, qa hecen waskuyeca icaheye śni yukanpi kte śni.

15 Tona micicapi kin hena owasin nape niyuzapi. Tona wacinyanpi kin eciyatanhan wašteundakapi kin hena nape wicayuzo wo. Wowoansida niyepi owasin en nicipi un nunwe. Amen.

PALOS

PHILEMON WOWAPI KICAGE CIN.

1 Palos, Jesus Messiya on, kaśka hnakapi kin he, qa Timotheos sunkaunyanpi kici, Philemon wašte unkidapi qa ounkiyapi ece kin,

2 Qa nakun Apphia wašteundakapi kin, Arcippos kici ama-

kicita kin he kici, qa yati ohna okodakiciye kin; *witaya wowapi unnicagapi*:

3 Wowoansida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

PHILEMON.

4 Wocekiye epa eca, ohinni-
yan ciksuye ça, on Wakantanka
wopida ewakiya ece :

5 Jesus Itancan kin wacinya-
ye ça wašte yadaka, nakun tona
owotanna un kin owasin, he na-
wañon kin heon ;

6 Hecen wacinyaye cin owi-
cayaqu kin he sanpa waśaka aye
kta, on taku wašte owasin, Jesus
Messiya eciyatanhan, unkiyepi
en un kin he yutaninpi kta.

7 Mihunkawanji, wacanyakiye
cin heon nina unkiyuśkinpi, qa
unkicanptapi, tona owotanna un
kin hena cantepi kin iyuśkinwi-
cayaye cin heon etanhan.

8 Qa heon taku iyokipi kin
Messiya en itancanyan econ ciśi
kta owakihi :

9 Tuka wacantkiyapi kin eci-
yatanhan ceciciya ce, Palos he
miye, wanna wimacahinca, qa
nakaha Jesus Messiya on kaśka
mahnakapi waun.

10 Hecen Onesimos micinkśi,
makaśkapi kin icunhan micinea
wakage cin hee on ceciciya.

11 He ehanna takudan nicamna
śni, tuka nakaha miye omakiye
ça nakun niye oniciya okihi.
He nakaha hde waśi.

12 Niye he iyowinkiya wo, mi-
nagi kin hee kaeś iyececa.

13 He yuha waun kta wacin,
wotanin wašte kin on etanhan
makaśkapi icunhan niye eekiya
omakiye kte cin heon.

14 Tuka token yacin kin sdon-
ye śni waun takudan ecamon
kte śni ; taku wašte econ niśipi
kin he iyecen ecanon kte śni,
tuka niye cinka econ wacani kta
he wacin.

15 He iye anpetu tonana ani-

yuśtan, ake ohinniyan yahduhe
kta heon etanhan hecon na-
ceca.

16 Wanna wowidake unpi kin
iyecece śni, tuka wowidake
kin ikapeya wašte, hunkawan-
jinkiciyapi waštekidapi kin iye-
cen ; miś hecen wacin wakiyuze
cin, niye iyotan hecen wacin ya-
kiduze kta, wicacehpi qa Itan-
can kin nakun eciyatanhan hun-
kawanjinyaye kta.

17 Kodayapi iyecen mayaduha
hecinhan, he miye iyecen ake
ehdaku wo.

18 Taku icakiśniye ça, taku
iyohiniciciye śni hecinhan, he
miciyawa wo.

19 Palos he miye, minape kin
on de owawa, he miye wakajuju
kta. Qa taku miyecicajuju śni,
niye atayedan ocowasin yaun
kin he caje mdate śni.

20 Han, mihunkawanji, Itan-
can kin en niye on imduśkin
kta ; Itancan kin en micante kin
iyuśkinmayan wo.

21 Waanayagoptan kta imdu-
kcan, heon wowapi cicaga ; qa
epe cin sam iyeya ecanon kta
sdonwaya.

22 Tipi tukten manke kte cin
he nakun wiyeya emicihnaka
wo ; wocekiye ehapi kin on
etanhan niyepi on makiyuśkapi
kta epea waun.

23 Epaphras, Jesus Messiya on,
kici makaśkapi kin he nape ni-
yuza ;

24 Qa Markos, Aristarkos, De-
mas, qa Lukas micilñtanipi kin
hena nakun.

25 Jesus Messiya Itancan un-
kiyapi towaonśida kin ninagi kin
kici un nunwe. Amen.

PALOS
H E B R E W O Y A T E

WOWAPI WICAKICAGE CIN.

WICOWOYAKE 1.

1 Ehanna, Wakantanka tokto-
ye, otakiya wicašta wokcan kin
eciyatanhan hunkake wicunyan-
pi kin wowicakiyake cion, he,
anpetu ehake kin dena icunhan,
iye Cinhintku kin eciyatanhan
wounkiyakapi;

2 He on woicage kin owasin
kage ça, he taku owasin tawaye
kta e ehde:

3 He iye towitan okitanin, qa
ouncage okagapi hince cin hee,
iye towašake oie kin on taku
owasin lduha yanka, he is iye
eciyatanhan waunhtanipi wopa-
kinte kage çehan, Taku iyotan
tanka wankan yanke cin he eta-
pa kin en kiyotanka.

4 He iye caje wan mahpiya
ohnihde kin isanpa wašte aihpe-
yapi qa yuhe cin, he iyecen sam
iyeya wašte.

5 Micinksi kin he niye, anpetu
kin de cinca cicaga ce, mahpiya
ohnihde kin tukte wanji eciya
he. Qa ake, He atemaye kta,
qa miye cinksiwaye kta ce.

6 Unkan, tokapa kin he wicoi-
cage kin ekta hiyuye çehan he-
cen eya, Wakantanka ohnihde
wicaye cin owasin he itokam
canpeška makehde enajin kta
ce.

7 Qa mahpiya ohnihde kin hena
on kaken eya, He tateyanpa kin
ohnihdeye ça, peta ide kin wo-
widakeya ece.

8 Tuka Cinhintku kin heciya,

Wakantanka, oiyotanke nitawa
kin he owihanke wanica; nito-
kiconze mazasagye kin he maza-
sagye owotanna;

9 Woowotanna wašteyadake
cin heon Wakantanka, nita Wa-
kantanka kin, tona nitawaši kin
hena isanpa wowiyuški kin wihdi
on sdaniyan ce.

10 Qa, Itancan, otokahe ekta
maka ahe cin eyahde, qa ninape
kage cin mahpiya kin hee;

11 Hena yutakuni šni aye kta,
tuka niye ecen yaun; owasin
onholida wan iyecen kuke kta;

12 Qa šina wan iyecen pehan
eyahnake ça, hecen yutokecapi
kta; tuka niye okonniwanjidan,
qa waniyetu nitawa kin owi-
hanke kte šni ce.

13 Tuka ohnihdewicaye cin tu-
kte wanji e, Mietapa kin en iyo-
tanka wo, tona toka niyanpi kin
hena nisiha woahde kin en ewica-
wahnake kta ce, eciya he.

14 Hena owasin taku wakan
wawokiya, tona wiconi aihpewi-
cayapi, qa tawapi kte cin hena
owicakiyapi kta e u wicašipi qon
hena eepi šni he.

WICOWOYAKE 2.

1 Heon etanhan taku naun-
honpi kin hena tohinni unkiku-
sepi kte šni e on sutaya awaun-
cinpi kta.

2 Wicoie mahpiya ohnihde
oyakapi qon he suta, qa tona
anagoptan šni, qa he kašeye cin

HEBREW.

hena owasin iyacinyan woyaco owotanna icupi hecinhan ;

3 Unkiye wiconi hinsko tanka kin unkaktapi šni kinhan, token naunpapi kta he. He tokaheya Itancan kin oyake ɕa, tona nahonpi kin hena atayedan unkoki-yakapi :

4 Wakantanka is eya, iye tawacin kin eciyatanhan, wicaki-ciyaotanin, wowapetokeca taku on yušinyewicaye cin hena ko, wašagya econpi ota, qa Woniya Wakan wicakipamni kin hena on etanhan.

5 Wicoicage u kte cin cajeunyatapi kin he małpiya ohnihde kin yuhewicakiye šni.

6 Tuka wanji tukten yaotanin qa heya, Wicašta kin he taku he, on yeksuye kta he ; qa wicašta cinhintku kin, hecen awan-yahdaka he :

7 Małpiya ohnihde kin kitanna ihukuya yakage ɕa, wowitan, woyuonihan ko watešdake yecaton, qa taku nape on yakage cin hena yuheyakiya :

8 Qa iye siha kin ihukuya taku owasin eyahnaka. Taku owasin iye ihukuya ehnake cin, hecen taku ihukuya ehnakapi šni kin takudan okapte šni. Tuka nakaha nahahin taku owasin ihukuya ehnakapi kin wan-nyakapi šni.

9 Tuka Jesus wiconte kakijapi kin on, małpiya ohnihde kin kitanna ihukuya kagapi kin he wowitan, woyuonihan ko watešdag kiton kin he wanunyakapi, hecen iye, Wakantanka towaonšida kin eciyatanhan, wicašta kin owasin on wiconte sdonye kta.

10 Tuwe iye tan tanhan taku owasin un, qa iye on taku owasin un kin he cinca ota wowitan ekta wicahdoye kte cin on, wi-

coni tawapi kte cin mdetahunka kin he wokakije on ecedan kage kta e iyokipi.

11 Hecen-tuwe wicayuecedan, qa tona yuecepidan kin hena owasin okonwanjipidan ; heon etanhan hena hunkawanjin wicakiya kewicakiye kta istece šni ;

12 Qa hecen eya, Nicaje kin mihunkawanji owicawakiyake kta, qa okodakiciye kin cokata icidowan kta ce.

13 Qa ake, He wacinwaye kta ce. Qa ake, Iho, miye, qa cinca Wakantanka maqu kin hena.

14 Cinca kin hena wicacełpi, qa wicawe kin en opapi kin heon is iye hena en opa ; hecen tuwe wiconte wowašake yuhe cin, Wakanšica hee, e ihangye kta ;

15 Qa tona tohanyan ni unpi kin hehanyan wiconte ikopapi kin on wowidake unpi kin hena ewicahdaku kta.

16 Awicakehan małpiya ohnihde kin he koyake šni, tuka Abraham cinca kin hecen ihduza.

17 Heon etanhan taku owasin en, iye hunkawanjinwicaye cin iyecen ikicage kte cin he hece-tu ; hecen taku Wakantanka tawa kin en, Wawayušna Itancan waonšida, qa wicake kta, qa oyate walitanipi kin on wookiye wicakicage kta.

18 Iye, iyutanyanpi kin on, atayedan kakije cin, heon etanhan tona iyutanwicayapi kin hena ewicahdaku kta okihi.

WICOWOYAKE 3.

1 Heon, mihunkawanji wakan, małpiya tanhan wicakico kin en oyapapi kin, wounhdakapi kin on Jesus Messiya yešipi qa Wa-

WICOWOYAKE 4.

wayuśna Itancean kin he awacin po.

2 Moses tipi ocowasin ohna owotanna un kin, he iyecen iye qe tuwe econ śi qon owotanna ecakicon.

3 Tuwe ticage cin he tipi kin sam iyeya yuonihanpi ece kin, he iyecen he qe Moses kapeya wowitan tanka yuha.

4 Tipi otoiyohi tuwe kaga; tuka tuwe taku owasin kage cin he Wakantanka ee.

5 Moses wowidake un kin heca, tipi tawa ocowasin ohna wacinyepica un, taku oyakapi kte cin hena yaotanin kte cin heon.

6 Tuka Messiya, iye ti kin ocowasin ohna, Cinhintkuyapi kin iyececa; tipi tawa kin he unkiyepi, waditagya wounhdakapi, qa wowiyuśkinyan wacinunyanpi kin he owihanketa ŋinsa unhapi kinhan.

7 Heon etanhan, Woniya Wakan kin kaken eya, Anpe dehan iye ho kin nayañonpi kta hecinhan;

8 Cante ihdutehipi śni po, hepuzan en, anpetu wawiyutanyan un kin en, wawakipajinpi qon iyecen;

9 Nihunkakepi iyutanmayanpi, qa mayukanpi, qa waniyetu wikcemna topa hehanyan mioñan kin wanyakapi ce.

10 Heon etanhan wicoicage kin he on iyomayake ça, hepa, Cantepi kin ekta ohinniyan nunipi, qa mitacanku kin sdonyapi śni ce.

11 Hecen śinwahda qa, Okihpapi mitawa kin en yapi kte śni ce, eya wakonza.

12 Mihunkawanji, wakta po, okinni cante wicada śni, qa śice cin en niunpi, on Wakantanka ni un kin aduśtanpi kta.

13 Tuka anpetu otoiyohi waho-konkiciciya po, anpe dehan eyapi kin hehanyan; okinni woañtani wohnaye kin on wanji tunkte niyutehipi kta.

14 Tokaheya wicaundapi kin he owihanketa sutaya unhapi kinhan, Messiya en ounpapi.

15 Anpe dehan, iye ho kin nayañonpi kinhan, cante hdutehipi śni po, wawakipajinpi qon en iyececa ce, eyapi kin hehanyan.

16 Tona nañonpi qon hena kipajinpi he: tuka Moses tona Egipta etanhan awicau qon hena owasin śni he.

17 Tona waniyetu wikcemna topa hehanyan iyoyakeyapi qon hena tuwepi he; tona wañtani-pi, qa hepuzan en tancan ihpayapi qon hena eepi śni he.

18 Qa okihpapi tawa kin en yapi kte śni, konza kewicakiye ciqon hena tuwepi he; tona wicadapi śni qon hena eepi śni he.

19 Hecen wicadapi śni kin heon en yapi kta okihipi śni e wanunyakapi.

WICOWOYAKE 4.

1 Hecen okihpapi kin de en unkopapi kta e iwahounyanpi kin, heon niyepi kin wanjikśi iyoyahipi kte śni se ececa e ikounpapi kta.

2 Wotanin wašte kin unkoki-yakapi, is iyepi kin iyececa; tuka wicoie nañonpi qon he owicakiye śni, tona nañonpi kin wowacinye icicahiyapi śni kin heon etanhan.

3 Tuka tona wicaundapi kin okihpapi kin en ounpapi kta; heye ciqon iyececa; Sinwahda on okihpapi mitawa kin en opapi kte śni ce, epa ce; maka icage cin behantanhan wicoñan kin yuśtanpi tuka.

HEBREW.

4 Tukten anpetu isakowin kin he ke ça hecen eya, Anpetu isakowin kin he Wakantanka okihpa, taku kage cin owasin etanhan.

5 Qa hen ake, Okihpapi mitawa kin en opapi kte sni.

6 Heon etanhan, hunh en opapi kte cin he tokata ihan, qa tona tokaheya wotanin wašte owicakiyakapi qon hena wicadapi sni kin heon en opapi sni.

7 Ake anpetu wan ke ça Dawid en heya, Anpe dehan, iye ho kin nayahonpi kinhan, cante hdutehipi sni po.

8 Jošuwa okihpe wicakiya unkanš, he iyohakam anpetu tokeca caje yate kte sni tuka.

9 Hecen Wakantanka taoyate kin okihpapi wan wicakicihan.

10 Tuwe okihpapi en ope cin he wanna tohtani kin ayušan, Wakantanka iye tawa ayušan qon iyececa.

11 Heon etanhan wookihpe kin he en unkopapi kta e amniheunkiciyapi kta, okinni wicadapi sni qon he iyecen tuwe ihpaye kta naceca.

12 Wakantanka oie kin he ni un, wawokihi, qa mazasagye anog ope kin he isanpa pe linca, wicanagi, wicaniya kici iyotahe-dan capa iyaye ça, okihepi cupe ko kicakse ça, wicotawacin wicacante wacin yuze cin hena koya iyukcan ece.

13 Qa taku kagapi kin takudan iye ista kin en anahbepica sni; tuwe oicazo unqupi kin he ista kin en taku owasin tancodan qa šdayehnahhan yanka.

14 Heon Wawayušna Itancan tanka wan, Jesus Wakantanka Cinhintku, malpiya kin ekta iyaye cin hee unhapi kin heon wounhdakapi kin he sutaya unhduzapi kta.

15 Wawayušna itancan kin, unkiye unkakijapi kin en unkican-ptapi kta okihi sni kin heca unhapi sni, tuka iye taku owasin on iyutanyanpi, unkiye iyeuncecap, tuka woahitani codan un.

16 Heon etanhan wowašte oi-yotanke kin en waditagya un-kupi kta, hecen wowaonsida un-kicupi kta, qa tohan uncinpi eca wowašte wawokihi kin iyeunyanpi ece e kta.

WICOWOYAKE 5.

1 Wawayušna itancan otoiyo-hi, wicašta etanhan icupi kin, he Wakantanka taku tawa kin en, wicašta on etanhan ehdepi, taku kicićupi, woahitani on wošnap, kin hena ko wayušna kta e heon.

2 Tona onspepi sni, qa canku icunom yapi kin hena onšiwica-da kta okihi, is iye wookihi sni aohduteyapi nakaeš.

3 Qa heon oyate kin on wošna ece kin, he iyecen is iye woahitani econ kin on taku wayušna ece kta.

4 Qa tuwedan iye cinka wowitzan kin de icu sni, tuka, Aaron iyecen, Wakantanka tuwe kico kin hecedan.

5 He iyecen, Messiya is eya Wawayušna itancan kta e ihdu-tan sni; tuka tuwe, Micinksi kin he niye, anpe dehan cinca cicaga ce, eciye ciquon hee hecon.

6 Qa nakun tokan en kaken eya; Melkizedek ouncage kin iyecen Wawayušna owihanke sni kin henica ce.

7 He qe anpetu wicacehpi en un qehan, wocekiye, wokidapi ko eye ça, ista mnigaga nina hoyekiyeye ça, tuwe wiconte etanhan ehdaku kta okihi kin he ce-

WICOWOYAKE 6.

kiye ça, kokipecyahan un kin, heon nahonpi.

8 Qa Cinhintku kin hee kaeś, taku token kakije cin on woa-nagoptan onspeiciya.

9 Qa iye yuśtanpi kin heon to-na anagoptanpi kin owasin owi-hanke wanin wiconi kin wica-kicaga.

10 Melkizedek ounce kin iyecen, Wawayuśna Itancan, Wakantanka keciye cin.

11 Wicaśta kin he on taku ota unkoniciyakapi kta, tuka oyaka-pi tehika, wanahon yahunkapi śni nakaes.

12 Hinnakaha waonspekiya henicapi kta, tuka nahahin tuwe Wakantanka oie oowa tokaheya kin hena akta onspeniciyapi kta e iyenihantupi, qa tona asanpi ece cinpi, qa waconica yun okihipi śni kin hee en iyonipta-pi.

13 Tuwe kaśta asanpi ece yute cinhan, he wicoowotanna wicoie kin en wayupike śni, nahahin hokśiyoqopa nakaes.

14 Tuka tona tankapi, qa wan-na taku utapi on tanyan ihdu-śtanpi, taku waśte, taku śica ko iyukcanpi kin, hena waconica yutapi ece.

WICOWOYAKE 6.

1 Heon etanhan Messiya wo-onspe tokaheya tawa kin he he-
kta elipeunkiyapi, qa woyuśtan
ekta unyanpi kta; wiconŧe wi-
cohan on iyopeiciyapi, qa Wa-
kantanka wacinyanpi kin taku
ahe cin akta eunhdepi kte śni;

2 Baptem eyapi woonspe kin,
qa nape on awicaputakapi, qa
wicaŧe cin ekicetuwicayapi, qa
woyaco owihanke wanice cin
hena koya.

3 Unkan Wakantanka iyowin-

unkiyapi kinhan, hecen econku-
pi kta.

4 Tona wancadan iyoyanpapi,
qa mahpiya tanhan taku wicaqu-
pi kin he utapi, qa Woniya Wa-
kan kin etanhan okinipi;

5 Qa Wakantanka oie waśte
kin he utapi, wiconi u kte cin
wowaśake kin nakun;

6 Hena ayuśtanpi hecinhan,
ake piya iyopeiciye wicakiyapi
kte cin he okihipica śni; iye
atayedan Wakantanka Cinhin-
tku can susbeca en piya okatan-
pi, qa taninyan wowiśtenyapi kin
heon etanhan.

7 Maka kin ota amagaju kin
he yuŧepe ça, tona kicanyanpi
kin hena on taku peji iyecetuya
aicage cin he Wakantanka yu-
waśte.

8 Tuka taku takanheca hu, qa
wapepeka aicage cin he elipeya-
pi, qa yaśicapi kte cin kiyadan
ihan, he owihanketa huŧnage
kta.

9 Tuka, waśtecicidapi kin, he-
na hecen unkeyapi eśta, niyepi
kin on taku sanpa waśte qa wi-
conŧe en ope cin hena en niunpi
e sdonunyanpi.

10 Wakantanka owotanna, qa
heon wicoŧtani, qa wowaśte
wokicanye nitawapi, iye caje
kin on ecanonpi, tona owotanna
un owicayakiyapi, qa nahahin
owicakiya dukanpi kin he aki-
tonje kte śni.

11 Unkan niyepi otaiyohi owi-
hanketa, woape woyuśtan kte
cin hehanyan iyecen amniheni-
ciyapi kta uncinpi.

12 Qa nikujapi kte śni, tuka
tona wicadapi, qa wacintankapi
on, taku iwahowicayapi qon
wanna yuhapi kin, hena owica-
yapapi kta.

13 Wakantanka Abraham taku
iwahoye çehan, taku sanpa tan-

HEBREW.

ka cajeyate kta wanica, heon iye atayedan cajeihdata ;

14 Qa heya, Awicakehan wo-wašte on ciyawašte kta, qa yuo-tapi kin on yuotaciye kta ce.

15 Unkan walibayedan ape yanke cin he iyohakam taku iwahoyapi qon ekicicetu.

16 Wicašta akantu taku iyotan tanka cajeyatapi ece ; qa wokonzeyoyusuta kte cin he waakinicapi owasin en woanapte kin hee.

17 He en, Wakantanka, tona taku iwahoyapi qon tawapi kte cin hena en, iye tawacin yuhohopica šni kin he iyotan sdonyewicakiye kta cin, qa heon wokonzeyon hdusuta.

18 Heon taku nom yutokecapica šni, en Wakantanka itonšni okihipica šni kin hena taku kin on etanhan, tona woape unkitokam ehdepi kin en onaunpapi kin wicakicanpte wan wašaka unhapi kta.

19 He unhapi, wicanagi taku on aspeiciya, wicakapi qa suta kin hee, taku tipi cokaya hnakapi kin mahen tanhan un kin he en aspeiciya.

20 Heciya Jesus kahin tokam ye cin unkiyepi on timahen iyaya, he Melkizedek ouncage kin iyecen Wawayušna Itancan kin heca kagapi.

WICOWOYAKE 7.

1 Melkizedek, Salem Wicaštayatapi, qa Wawayušna Wakantanka Iyotan wankantu kin he tawa, hee, Abraham, wicaštayatapi wicakaštake cin, etanhan hdicu kin he itkokipe ça yawašte.

2 Unkan Abraham taku owasin etanhan iwikcemna kin he qu. Wicašta kin he tokaheya caje

oyakapi kin on, Woowotanna wicaštayatapi kin hee, qa hehan, Salem wicaštayatapi kin, he Wookiye wicaštayatapi kin hee.

3 Atkuku wanica, hunku wanica, qa wicoicage oyakapi kin wanica, anpetu tokaheya wanice ça wiconi owihanke wanica, Wakantanka Cinhintku kin iyeccen icaliyapi, qa Wawayušna ohinniyan yanka.

4 Wicašta tanka kin de wanyaka po, Abraham, hunkakeyapi un kin hee kaeš, taku iwakte ahdi kin etanhan iwikcemna kin he qu.

5 Tona Lewi cinca kin etanhanpi, wošnapi wicohan yuhapi kin hena, wicoope kin eciyatanhan iye hunkawanjitektupi oyate kin etanhan taku icupi kta e iwahowicayapi ; hena Abraham nite kin etanhan inanpapi tuka heconpi.

6 Tuka tuwe hena etanhan wicoicage hdawa šni kin he Abraham etanhan taku iwikcemna kin icu, qa wahoyapi kin yuhe cigon he yawašte.

7 Unkan he de akinicapi šni, tuwe ihukuya un kin he iyotan wašte kin on yawaštepi ece.

8 Qa deciya wicašta tapi kte cin hena taku iwikcemna kin icupi ece ; tuka heciya, he ni un e yaotaninpi.

9 Unkan he de heyepica ; Lewi taku iwikcemna kin icu ece kin, he iš eya Abraham eciyatanhan taku iwikcemna kin wicaqu ;

10 Melkizedek itkokipe çehan he nahahin atkuku nite kin mahen un.

11 Heon etanhan, Lewi wošnapi wicohan yuhe cin eciyatanhan woyušan en au unkanš ; he en oyate kin wicoope yuhapi ; tokiyatanhan wawayušna

WICOWOYAKE 8.

tokeca wan icage kta, Melkizedek ouncage kin eciyatanhan, qa Aaron ouncage kin eciyatanhan caje yatapi kte *śni* he.

12 Wośnapi wicoľan kin he yutokecapi kinhan, heon etanhan wicoope kin nakun yutokecapi kta.

13 Qa tuwe on hena hecen eyapi qon he wicoun tokeca etanhan inanpa; he etanhan tuwedan wahna wośnapi kin ekta oľanye *śni*.

14 Itancan unkitawapi kin he Juda wicoun kin etanhan icage e sdonunyanpi; qa wicoun kin he wośnapi kagapi kta e Moses takudan eye *śni*.

15 Qa de iyotan atanin, Melkizedek ouncage kin iyecen, Wawayuśna tokeca wan icage kta;

16 He wicaceľpi wicoie woope kin eciyatanhan *śni*, tuka wiconi owihanke wanica wowaśake kin eciyatanhan icaliyapi.

17 Melkizedek ouncage kin iyecen, Wawayuśna ohinniyan nanka ce, eya yaotaninpi qon.

18 Unkan nakun woahope tokaheya ye cin he yutokan iyeyapi, waśake *śni* qa taku okihipica *śni* kin heon etanhan.

19 Woope kin he takudan yuśtan *śni*, tuka wowacinye iyotan waśte kin he en au; qa heon Wakantanka kin en ikiyedān unkupi.

20 Iye wokonze oie kin codan wawayuśna kin kagapi *śni*; dena e wokonze oie codan wawayuśna wicakagapi;

21 Tuka he qe wokonze wicoie kin eciyatanhan; tuwe, Melkizedek ouncage kin iyecen Wawayuśna ohinniyan nanka ce, Itancan kin heye  a iyopeiciye kte *śni* ce, eciye ciqon hee *hecon*.

22 He iyecen wicotakuye iyo-

tan waśte kin en Jesus wayu-ecetu wan kagapi.

23 Wicon e kin on, ohinniyan en un okitpanipi kin, heon hena wawayuśna kin otapi.

24 Tuka he qe owihanke wanin yanke cin, heon wośnapi wicoľan yutokecapica *śni* wan yuha.

25 Qa hecen tona iye eciyatanhan Wakantanka en upi kin hena owasin niwicaye kta okihi, hena wocekiye ewicakiciye kta e ohinniyan ni un kin heon.

26 Wawayuśna Itancan kin hececa he iyounkipipi, wakan, iyaonpepica *śni*, waaśape *śni*, qa waľitanipi sa wicicunonpa un, qa maľpiya kin sanpa wankan-
tuya icaliyapi.

27 He iye, wawayuśna kin hena iyecen, anpetu iyohi, tokaheya iye waľtani kin on, qa hehan oyate waľtanipi kin on etanhan wośna kte cin he iyecece *śni*; wancadan hecon, iye atayedān waiľduśna qon he ehan.

28 Woope kin he wicaśta waśakapi *śni* kin hena wawayuśna wicakaga ece; tuka wokonze wicoie kin, woope iyohakam un kin, he Cinhintkuyapi, owihanke wanin yawaśtepi kin he kaga.

WICOWOYAKE 8.

1 Taku nakaha unkeyapi yuptahnakapi kin he dee; Wawayuśna Itancan kin hececa un-
hapi, maľpiya ekta Otancanke oiyotanke etapa kin en kiyotanka;

2 Tipi wakan kin he, qa wakeya wicakapi kin, Itancan ticaga qa wicaśta akantu econpi *śni*, kin he en ookiye kin hee.

3 Wawayuśna otoiyohi taku kici upi, wośnapi ko wayuśna kta e kagapi; heon wicaśta kin

HEBREW.

de is eya taku wayuśna hduhe kta e hecetu.

4 Maka akan un unkanś, Wawayuśna kin heca kte śni; wawayuśna woope kin eciyatanhan taku kiciçupi kin wayuśnapi ece kin hena yukanpi kin heon.

5 Hena oowa, qa taku małipi-yata un kin ohanzi kin en oħanyanpi ece; Moses wakeya qon kage kta hehan Wakantanka okiye a, Awacin wo, ģe kin ekta token wanyag niciyapi qon he iyecen owasin yakage kta ce, eciya.

6 Tuka nakaha iye wawokiyapi iyotan wašte wan yuha, wicotakuye wašte ģinca, wahoyapi iyotan wašte kin en ahe cin he en wiciyotahedan un kin, heon etanhan.

7 Wicotakuye tokaheya kin he iyaonpepica śni unkanś, iyokihe kin he tuktedan kiyukanpi kte śni tuka.

8 Hena taku iyawicaonpe a heya, Wanyaka wo, anpetu kin u kta, hena en Israel tiyohnaka, qa Juda tipi kin wicotakuye teca wicawecage kta, Itancan kin eya:

9 Eġupta makece kin etanhan awicawau kta e hena hunkakewicayapi kin nape wicamduze ciqon anpetu kin he en, wicotakuye wicawecage ciqon he iyecece śni; wicotakuye mitawa kin he miciyuhapi śni; qa heon miś ihawicawakta śni ce, Itancan kin eya.

10 Anpetu kin hena iyohakam wicotakuye wicawecage kte cin he dee; Hena wicotawacin kin en mitoope kin wicawaqu kta, qa cantepi kin akan owawa kta, qa miye Wakantanka mayanpi kta, qa miś hena mitaoyate wicawaye kta;

11 Qa wicašta otoiyoħi tuwe

ikiyadan ti, qa otoiyoħi hunkawanjitku kin onspewicakiyapi, qa, Itancan kin sdonya wo, eyapi kte śni; tuka owasin sdonmayanpi kta, wohakakta tankinkinyanpi ko:

12 Taku ecinśniyan econpi kin hena onśiwicawada kta, qa waltanipi, wicoħan śica econpi ko, icimana wicaweciksuye kte śni ce, Itancan kin eya.

13 Taku teca cajeyate cin he tokaheya kin yutanina kin heon heya. Unkan taku tanina, qa takuni śni aye cin, he tanin śni iyaye kta kiyadan ihan.

WICOWOYAKE 9.

1 Hehan awicakehan tokaheya qon he en woohoda wicoħan kin yukan, qa nakun makata tipi wakan.

2 Wakeya wan kagapi, tokaheya kin he ohna petiġanjan ihupa, qa wahna wotapi, qa aguyapi taninyan eħnakapi kin, he tipi wakan eciyapi.

3 Qa ti cokahnakapi icinonpa mahen tanhan, he wakeya kin iyotan wakan eciyapi:

4 Hen mazaskazi oizinyapi kin, qa wicotakuye can koka kin akapatanhan owancaya mazaskazi akaħpeton, hee ohna mazaskazi cega manna ohnakapi kin, qa can sakadan Aaron tawa kin ģica aye ciqon, qa wicotakuye inyan mdaska kin hena.

5 Qa he iwankapatanhan, wowan Cerubim wowaonśida ohe kin aohanziyapi; hena on nakaha atayedan taku unkeyapi kte śni.

6 Hena taku kin hecen yuřtanpi qehan, wawayuśnapi kin wakeya tokaheya kin en yapi, qa ohodapi wicoħan kin econpi ece.

7 Tuka icinonpa kin he en Wa.

WICOWOYAKE 9.

wayuśna itancan kin ecedan, waniyetu otoiyoŋi wancadan mahen i, qa we codan i śni, he iś iye atayedan on, qa oyate taku ecinśniyan econpi ko on en ai.

8 Heon Woniya Wakan kin hecen oyaka, Wakeya tokaheya kin nahahin ecen he cin icunhan, tipi iyotan wakan kin ekta canku kin nahahin yuotaninpi śni :

9 He ito kayehan wiyacinpi un, qa en taku wicaqupi wośnapi ko aipi, tuka hena e tuwe hecon kin nagi kin yuecedan kta okihi śni.

10 Hena e woyuecetu kte anpetu kin hehanyan, woyute, qa woyatke, qa woyujaja ota, econ wicaśipi kin.

11 Tuka Messiya, taku wašte u kte cin en, Wawayuśna Itancan ihdutanin, wakeya iyotan wašte qa yuśtanpi, nape on kagapi śni, wicoicage kin de etanhan śni, kin he ohna ;

12 Tatokadan qa ptejicadan we kin yuhe śni, tuka wopekintonpi owihanke wanin kage qa, iye we kin hduha wancadan tipi iyotan wakan kin timahen iyaya.

13 Hecen tatanka qa tatokadan we kin, qa pte heyuktanna cahota amnimnipi kin, tona waaśape cin wicayuecedan, qa wicacehpi yuska kta e okihi hecinhan ;

14 Sam iyeya Messiya, Woniya owihanke wanice cin eciyatanhan, Wakantanka en iyaonpepica śni waihduśna qon, he iye we kin, wiconŋe wicoŋhan kin etanhan nagi nipakintapi kta, Wakantanka ni un kin wowidag niyanpi kte cin heon.

15 Qa heon etanhan, Wicotakuye Teca kin en Iyotahedan un kin he iye, hecen wicotakuye tokaheya ihukuya walitanipi qon

hena kajuju kta e on ŋe cin, he eciyatanhan tona wicakico kin owihanke wanin taku tawapi kte cin iwahowicayapi qon he yuhapi kta.

16 Tukten wicotakuye wanji yukan hecinhan, hen wicotakuye kage cin he wanna ŋa e yutaninpi.

17 Taku ŋapi kin hena on wicotakuye wowapi kin suta ece ; tuka wicotakuye kage cin nahahin ni un kinhan, he takudan okihi śni.

18 Unkan heon wicotakuye tokaheya qon he we codan yuecepidan śni.

19 Wooke kin eciyatanhan, Moses woahope kin owasin oyate kin owicakiyaka yaśtan qehan, ptejicadan, qa tatokadan we kin icu, qa mini, tahinca hin duta, peji hota ko, qa wowapi kin oyate kin owasin ko, awicamnimni ;

20 Qa heya, Wicotakuye Wakantanka econ niśipi kin we kin he dee ce.

21 Qa nakun wakeya kin, taku wakśica wowinyunyanpi kte cin owasin ko we amnimni.

22 Wooke kin eciyatanhan taku owasin se we on pakintapi ; qa we papsonpi śni ehantanhan wokajuja wanica.

23 Heon etanhan, hena taku kin on, taku mahpiya ekta un iyacinpi kin pakintapi kta e hecetu ; tuka taku mahpiya ekta un kin hena e qe taku sanpa wašte wośnapi kin on.

24 Messiya tipi wakan nape on kagapi kin he mahen i śni, tipi wakan hinca iyacinpi kin hena ee ; tuka mahpiya kin e qe mahen, qa heciya unkiyepi on Wakantanka itokam ihdutanin kta.

25 Qa wawayuśna itancan kin he owanka wakan kin en, taku

HEBREW.

tokeca we kin yuba, waniyetu otoiyohi wancadan mahen i ece kin he iyecen ota akihde waihdusna kta iyecece sni;

26 He iyececa unkanś, maka kagapi kin ehantanhan, wanna ota akihde kakije kta tuka; tuka nakaha woicage ihanke kin en, iye waihdusna kin eciyatanhan, woalitani yutokan iyeye kta e on taniničiya.

27 Unkan wicašta kin wancadan tapi kte cin he iwahowicayapi; qa he iyohakam woyaco kta:

28 He iyecen Messiya, wicota wahtanipi kin yuhe kta e wancadan wayusnapi; unkan, tona he wanyakapi kta ape yukanpi kin hena niwicaye kta e, woalitani codan, inonpa ihdutanin kta.

WICOWOYAKE 10.

1 Taku wašte u kte cin ohanzi kin he woope kin en un, qa hena atayedan taku kin ouncage kin hee sni; heon etanhan, waniyetu otoiyohi wošnapi ohinniyan aipi kin he tona en hipi kin wicayuecedan kta okihi sni.

2 He okihi unkanś hena taku kin wayusnapi ayuštampi kte sni he. Tona en opapi wancadan pakintapi kinhan icimana woalitani sdonkiyapi kte sni tuka.

3 Tuka hena on waniyetu otoiyohi woalitani kiksuyapi ece.

4 Tatanka tatokadan kici hena we kin woalitani yutokan iyeye kta okihipica sni.

5 Heon etanhan, makata hi qehan, Wošnapi, taku wicaqupi ko yacin sni, qa tancan wan miyecaga ce, eya.

6 Peta wošnapi, qa woalitani on wošnapi kin hena iyonicipi sni;

7 Hehan, Ito wau, wowapi

tanka en miye on hecen owapi ce; Wakantanka, nitawacin kin ecen ecamon kta ce, epa.

8 Wankan, Wošnapi, taku wicaqupi, peta wošnapi, qa woalitani on wošnapi kin; woope eciyatanhan abi wayusnapi kin; hena yacin sni, qa iyonicipi sni, eye cehan;

9 Hehan nakun, Wakantanka, nitawacin kin ecen ecamon kta wau ce, eye cin. Tokaheya kin he yutokan iyeya, icinonpa kin he hdusuta kte cin heon.

10 He iye tawacin kin ee on unyuecepitan, Jesus Messiya tancan wancadan wayusnapi kin he eciyatanhan.

11 Wawayusna otoiyohi anpetu iyohi, en ohoda inajin, qa ohinniyan taku wošnapi ece kin hena ake ecekcen wayusna, hena woalitani kajuju kta tokadan okihi sni.

12 Tuka wicašta kin de, woalitani on wošna wanjidan waihdusna, hehan Wakantanka etap kin eciyatanhan owihanke wanin kiyotanka;

13 Qa hetanhan tona toka yapi kin hena owasin iye siha kin ihukun iyewicayapi kta ape yanka.

14 Wošnapi wanjidan on etanhan tona wicayuecepitan kin hena owihanke wanin wicahduštan.

15 Woniya Wakan kin he nakun unkiciyaotaninpi; tokaheya eye cigon he iyohakam;

16 Anpetu kin hena iyohakam, wicotakuye wicawecage kte cin he dee kta, Itancan kin eya; Mitoope kin hena iye cantepi kin en wicawaqu kta, qa tawacinpi kin en owakiwa kta;

17 Qa iye wahtanipi, taku ecinšniyan econpi ko, icimana weksuye kte sni.

WICOWOYAKE 10.

18 Hena owasin kajujupi kinhan, woah̄tani on woŋnapi kin wanice kta.

19 Heon, mihunkawanji, Jesus we kin eciyatanhan tipi iyotan wakan kin en waditagya unyanpi kte ;

20 Canku wan teca qa ni un, ti cokaya hnakapi, iye cel̄pi kin hee, ohna unkiagapi kin he eciyatanhan.

21 Qa Wakantanka ti kin ohna Wawayuŋna Itancan wan unhanpi ;

22 Heon cante wicake hinca hduha ŋogya wacinunyanpi qa ikiyedān unkupi kta, wicanagi ŋice cin etanhan uncantepi kin unkamninnipi ;

23 Qa mini ska kin on untan-canpi kin unyujajapi ; qa wacinunyanpi unhdaotaninpi kin he yuhohopi ŋni unhduhapi kta ; tuwe wahounyanpi kin he wacinyepica :

24 Qa otioyohi awaunkicicinp̄i kte, wacantkiyapi, qa wicohan waŋte en iyounkicipaŋtakapi kte cin heon.

25 Qa wanjikji econpi kin iye-cen mniunkiciyapi ece kin he unkayuŋŋtanpi kte ŋni ; tuka wahokonunkiciciyapi kta ; qa anpetu kin he kiyadan u wandakapi kinhan, sanpa nina ecanonpi kta.

26 Wowicake sdonyapi kin unki cupi kin he iyohaham iyokipiya waunhtanipi kinhan, woah̄tani on woŋnapi kte cin wanica.

27 Tuka woyaco inihanyan apēpi kin he, qa wocanniye ide kin, tona tokayapi kin hena ihangwicaye kta.

28 Tuwe Moses toope kin akta ŋni, nonpa qa iŋ yamni yaotaninpi kinhan, he onŋidapi ŋni ŋa ece ;

29 Hecen tuwe Wakantanka Cinhintku we kin amani, qa wicotakuye we kin on yuecepidan qon he wakan ŋni dake ca, Wowaste Woniya kin he taku i en hiyeye cinhan, he wokakije iyotan tanka hiyahde kte ŋni kecan-nipi he.

30 Tokiŋonpi kin he mitawa, towicaweciŋon kta ce, Itancan kin eya ce, tuwe eye ciqon he sdonunyanpi. Qa ake, Itancan taoyate kin wicayaco kta ce.

31 Wakantanka ni un nape kin en ohinhpayapi kin he wokokipe.

32 Anpetu tokaheya kin kiksuya po, hena en iyoyamniyanpi, qa hehan wicokakije okicize tanka wan iyahdeniciyapi.

33 He icunhan waaiapi, wicokakije ko on iwanniyakapi kta enihdepi ; qa nakun tona hecawicakiconpi kin hena tawaŋi wicayayapi.

34 Miye makaŋkapi kin icunhan onŋimayakidapi, qa woyuha duhapi qon nicipi kin he on wiđuŋkinpi, mahpiya ekta woyuha iyotan waŋte ohinniyan ye kte cin he duhapi sdonyakiyapi kin heon etanhan.

35 Wadinitakapi qon he ayuŋŋtanpi ŋni po, he woyuha tanka okihi kta.

36 Wacinnitankapi kta iyececa ; hecen Wakantanka tawacin kin ecen ecanonpi kinhan, taku iwahounyanpi kin he iyacupi kta.

37 Wanna aŋkadan tuwe u kte cin he hi kta, qa yutehan kte ŋni.

38 Tuwe owotanna un kin he wacinyan un kin on ni kta. Tuka tuwe namni kinhan he minagi kin iyokipi kte ŋni ce.

39 Tuka tona wicotakuni ŋni ekta icicawin hdapi kin heunca-

HEBREW.

pi šni; tona wacanagi ni kta e on wicadapi kin hena unkiyepi.

WICOWOYAKE 11.

1 Wacinyanpi kin he taku aperi oahe kin ee, qa taku wanyakapi šni un yuotanin kin hee.

2 He on hunka wicayapi kin yuonihanyan ihdaotaninpi qon.

3 Wacinyanpi kin eciyatanhan, Wakantanka oie kin on woicage kin icaliyapi kin he sdonunyanpi, taku wanyakapi un kin hena taku tanin kin etanhan kagapi šni.

4 Wacinyanpi kin eciyatanhan Abel Qain kape ça, wošnapi iyotan wašte wan Wakantanka wakiyušna qon he on owotanna e hduotanin; Wakantanka nakun hecen yaotanin, taku qu kin heon, qa he eciyatanhan ta keš nahahin ia ece.

5 Wacinyanpi kin eciyatanhan Henok wiconŋe wanyake kte šni e tokan ayapi, qa tuktedan iye-yapi šni, Wakantanka tokan aye cin heon. Tokan ayapi šni itokam Wakantanka iyokipiye cin he okiyakapi.

6 Tuka wacinyanpi codan tuwedan iyokipiye kta okihi šni. Tuwe en u kinhan he Wakantanka ni un, qa tona aičiciya akitapi kin hena iyunwin wicaqu ece kin he wicada kta.

7 Wacinyanpi kin eciyatanhan Nowa Wakantanka ihamna, taku nahahin wanyakapi šni kin hena, qa itonkipa un kin heon tiyohnaka tawa ni kte cin on wata tanka wan kaga; qa iye ohan kin on oyate kin wicayaco, qa hecen woowotanna wacinyanpi eciyatanhan un kin he tawa kta e icaga.

8 Wacinyanpi kin eciyatanhan Abraham, makoce wan yuhe kte

cin he ekta ye šipi qehan, anagoptan, qa tokiya ye kte cin tanyan sdonkiye šni iyaya.

9 Wacinyanpi kin eciyatanhan makoce iwahoyapi qon he en ounyan, makoce tawa šni kin en iyececa, Isaak qa Jakob taku iwahoyapi qon om tawaye kte cin hena om wakeya ohna ti ece.

10 Otonwe wan taku ahde kin ahe cin he ape yanka, ticage ça icaliyapi cin he Wakantanka kin ee.

11 Wacinyanpi kin eciyatanhan, Sara iye qe cinca yuhe kta e wowašake icu, qa wanna waniyetu ece kin sanpa hiyu tuka cinca ton, tuwe iwahoye ciqon he wicaka e awacin yanke cin heon.

12 Heon wanjidan etanhan, qa he ta nun seca, tuka he etanhan wicota icaga, mahpiya wicanhpi kin iyenaka, qa miniwanca kahda wiyaka sukaza kin iyecen yawapica šni.

13 Dena owasin wacinyan tapi, taku iwahowicayapi qon nahahin icupi šni, tuka tehan tanhan wanyakapi, qa wicadapi, qa adoksohan icupi, qa maka akan oyate tokeca qa unhdaka unpi kin heca ihdaotaninpi.

14 Tona taku hececa eyapi kin hena makoce wanji akitapi e taninyan ohdakapi.

15 Unkan awicakehan makoce kin etanhan hiyupi qon he wacin en yuzapi unkanš, heciya ake ekta hdapi kta okihipi tuka.

16 Tuka nakaha wanji iyotan wašte mahpiya ekta wanke cin hee akitapi. Heon etanhan Wakantanka hena Wakantanka tawapi kin eciyapi kta ištece šni, qa otonwe wan wiyeya ewicakicihnaka.

17 Wacinyanpi kin eciyatan-

WICOWOYAKE 11.

han, Abraham, iyutanyanpi qe-
han, Isaak wahduśna, qa tuwe
taku iwahoyapi qon wicada kin
he cinhintku ecedan kin wahdu-
śna.

18 Isaak etanhan wicoicage ni-
tawa kin cajeyatapi kta ce, eci-
yapi tuka qon.

19 Wiconṭe ee kaeś etanhan
Wakantanka ekicetuya okihi he
wicada; qa hetanhan nakun wi-
yacinpi on ehdaku.

20 Wacinyanpi kin eciyatan-
han Isaak, Jakob qa Esa wica-
hdawašte, taku u kte cin heon.

21 Wacinyanpi kin eciyatan-
han Jakob, wanna ṭe kta hehan,
Joseph cinhintku napin wicahda-
wašte, qa cansagye oinkpa kin
akan wocekiye eya.

22 Wacinyanpi kin eciyatan-
han Joseph, wanna ṭe kta hehan,
Israel cincapi kin hetanhan hda-
pi kte cin he caje yate ṭa, iye
huhu kin aye wicaśi.

23 Wacinyanpi kin eciyatan-
han, Moses tonpi kin, hehan
hunkakepi kin wi yamni hehan-
yan anakihmanpi, hokśidan wa-
šte e wanhdakapi, qa wicaštaya-
tapi toope kin kokipapi śni.

24 Wacinyanpi kin eciyatan-
han Moses wanna tanka icage
ṇehan, Pharo cunwintku cinca
eci-yapi kta wicada śni;

25 Wakantanka taoyate kin
om kakija un kte cin he hda-
hniga, qa woahṭani woiyokipi
kin he ptenyedān yuhe kta e cin
śni;

26 Messiya on aiapi kin he,
woyuha Egiypta en un kin sam
iyeya wowijice tanka daka; wo-
kajuju iyunwin kin he awacin
kin heon etanhan.

27 Wacinyanpi kin eciyatan-
han Egiypta makoce kin ayu-
śtan, qa wicaštayatapi tocanniye
kin kokipe śni. Tuwe wanyag-

pica śni kin he wanyaka se ape
yanka.

28 Wacinyanpi kin eciyatan-
han wośnapi wohduze, qa we
amninnipi kin hena kaga, tuwe
cinca tokapapi kin ihangwicaye
cin he iye owicayutan kte śni
heon.

29 Wacinyanpi kin on Mde-śa
kin he opta iyayapi, puze cin
iyecen. Unkan Egiypta oyate
kin hecon utapi qehan, minin
ṭapi.

30 Wacinyanpi kin eciyatan-
han Jeriko conkaśke kin makata
ihpaya, anpetu śakowin ohomni
unpi qehan.

31 Wacinyanpi kin on, Rahab
witkowinna kin, tona anagoptan-
pi śni kin om ihangyapi śni, ma-
koce iwanyag hipi kin hena wo-
okiyē on iyowinwicakiye ṇehan.

32 Qa taku sanpa epe kta he;
Gideon, qa Barak, qa Samson,
qa Jephtha, qa Dawid, qa Samuel,
qa wicašta wokcanpi kin owasin
owicamdake kta anpetu kin iye-
hankeca śni.

33 Hena wacinyanpi kin eciya-
tanhan wokiconze kin ohiyapi,
wicoḥan owotanna ohanyanpi,
wahoyapi kin icupi, mnaja kin
iohmusyapi;

34 Peta wohitike cin kasnipi,
maza sagye ope kin nakicipapi,
wowaśake śni etanhan waśagici-
yapi, okicize en waditaka icica-
gapi, qa Ikcewicašta ozuye kin
napewicayapi.

35 Winohinca kin cinca kitapi
kin ekicetuyapi ewicahdakupi.
Qa wanjikji nina kakiśyapi, tuka
etanhan ehdakupi kta cinpi śni,
woekicetu iyotan wašte kin yu-
hapi kte cin heon etanhan.

36 Qa wanjikji waaiapi, qa ni-
na wicakaštakapi kin on iyutan-
pi, qa nakun maza icicahiḥa, ka-
śka wicahnakapi ko on.

HEBREW.

37 Inyan on wicakiniŋpi, can-ibakse on bawicaksapi, iyutan-wicayapi, mazasagyē on wica-ktepi; taŋinca ha qa tatokadan ha koyag manin unpi; taku owasin icakijapi, kakijapi un qa śicaya wicakuwapi.

38 Hena maka kin de iyewi-cakicihantu śni; hewoskan ma-nin unpi, he kin akan, taku itu unpi otipi, qa makohdoka kin ohna.

39 Hena owasin wacinyanpi kin eciyatanhan tanyan ihdu-taninpi, qa taku wahoyapi kin ocowasin icupi śni.

40 Wakantanka taku sam iye-ya wašte unkiyepi on ehna, hecen hena e unkiunonpa tan-han wicahduŋtanpi kte śni.

WICOWOYAKE 12.

1 Heon etanhan waayataniŋpi maŋpiya śoka wan hinsko tanka aohdute unyanpi kin, hecen taku tkeya qinpi kin owasin eunhna-kapi kta, woahŋtani ohiunyanpi ece kin he koya, qa oinyanke unkitokam wanke cin he wacin tankaya unkinyankapi kta.

2 Qa Jesus wacinunyanpi kin toka kage ɕa hduŋtan kin hee ekta euntonwanpi kta. He iye, wowiyuŋskin itokam ehdepi qon he on, can susbeca kin hee kaes iyowinkiye ɕa, wowištece kin he taku da śni, qa Wakantanka oiyotanke etapa kin eciyatanhan kiyotanka.

3 Tuwe waŋtanipi sa taku i en hiyeyapi kin he iye en waŋba-yedan iyowinye ciqon he awacin po, hecen nitawaciniŋpi kin ekta iconimniŋpi kte śni, qa wacin ibo-yaŋakapi kte śni.

4 Woahŋtani kici yecizapi kin en nahahin we kin ekta aiyahde-ya ecanonpi śni.

5 Qa wowahokonkiye cinca iyecen oniciyapi kin he ayekton-japi he; Micinkŋsi, Itancan wica-kapsinpsinte cin he śice dake śni wo, qa iyopeniye cinhan wacin iboŋake śni wo, eye cin.

6 Itancan kin wicaŋta wašte-kida kinhan, he iyopekiye ɕa, cinca iyowinwicakiye cin otai-yohi hdapsinpsinta ece.

7 Wiyopeniyanpi kinhan, cinca kin iyecen Wakantanka ecani-conpi; tukte cinca kin he atku-ku iyopekiye śni he.

8 Tuka owasin en opapi ece kin iyecen iyopeniyanpi śni kinhan, tuwe cinca tanin śni kin henicapi, qa cinhintkuyapi un kin henicapi śni.

9 Unkan, wicaceŋpi eciyatanhan atewicunyanpi kin hena iyo-peunkiyapi ece, unkan wicun-hduonihanpi hecinhan, sam iye-ya wicanagi Ateyapi kin he ana-ungoptanpi kte ɕa on unnipi kta.

10 Hena e anpetu tonana hehanyan, token iyokipipi kin hecen iyopeunkiyapi; tuka he qe unwaštepi kte cin he on, hecen iye towakan kin en ounpapi kta.

11 Wiyopewicayapi kin owa-sin en icunhan woiyokipi śni, tuka woiyokiŋsice; tuka ihakam tona hecawicakiconpi kin en wicoowotanna waskuyeca woo-kiye kin icaliwicakiya ece.

12 Heon etanhan wicanape kaozezeya un kin hena yuwan-kan icu po, qa hupahu waŋake śni kin hena koya;

13 Qa nishapi canku mdaya kicaga po, taku hušte kin he icunonpa iyeyapi kte śni, tuka okiziyapi kte cin heon.

14 Owasin en wookiye akita po, qa nakun wowakan kin, he tuwe yuhe śni kinhan Itancan kin wanyake kte śni.

15 Qa tuwe Wakantanka to-

WICOWOYAKE 13.

waonśida kin iyohi kte śni na-ceca, heon aiciciya iwanihdaka po, okinni can hute paza icage ɕa, nagiyeniyampi kta, qa hecen wicota aśamyapi kta.

16 Okinni wicawihomni wan yuke kta, qa taku wakan ohōda śni, Esa iyececa, he watokapa kin taku yutapi onśpadan iyopekiya.

17 Qa iyohakam woyawašte kin hduhe kta, tuka heyata iye-yapi, he sdonyayapi, qa token tawacin yutokeca kte cin he iye-ye śni, iśtamnihanpe on nina aki-ta tuka.

18 Paha oyutanpica, qa peta on ide qon he ekta yahipi śni, qa taku iyotan samya wanke cin, qa otpaza, qa nina icamna kin;

19 Qa nakun mazayahotonpi tanka hoton, wicoie ho kin hena koya; he tona nañonpi qon wicoie kin he akta owicakiyakapi kte śni e icekiyapi.

20 Taku econ wicaśipi qon he okitpanipi; Woteca wan hee kaeś paha kin yutan kinhan he inyan on kininpi kta, qa iś wan-hinkpe on katpa iyeyapi kta ce.

21 Unkan he wanyakapi kin nina wowinihan, qa heon Moses, Nina mahniyanya qa macancan ce, eya.

22 Tuka Zion Paha kin ekta yahipi, Wakantanka ni un oton-we tawa kin, Jerusalem mahpiya tanhan u kin, qa ohnihde unpi kin kektopawinge ota e-ktā;

23 Omniciye tanka, qa tokahe-ya wicatonpi okodakiciye kin, mahpiya ekta caje owicawapi kin hena, qa Wakantanka owa-sin wicayaco kin he, qa wicaśta owotanna yuśtanpi nagipi kin hena ekta;

24 Qa Jesus wicotakuye teca kin en iyotahedan un kin hee ekta, qa we amnimnipi kte cin, Abel sam iyeya taku wašte eye cin he ekta.

25 Ihnuhan tuwe ie cin anaya-goptanpi śni kinhan; tona tuwe maka akan ie ciqon he anago-ptanpi śni qon hena najicapi śni hecinhan, sam iyeya unkiye na-unjicapi kte śni, tuwe mahpiya tanhan ie cin ihaunktapi śni kinhan.

26 Iye ho kin he ehan maka kin yahuhuza, tuka nakaha wahounyanpi qa heya, Ake wancadan maka ecedan mdahuhuza kte śni, tuka nakun mahpiya kin.

27 Unkan, Ake wancadan, eye cin he taku tona yahuhuzapi kte cin hena taku kagapi kin iyecen yutokan iyeyapi kta, hecen taku tona yahuhuzapica śni kin hena ecen he kta, he kapi.

28 Heon etanhan wokiconze yuhohopica śni kin unkipi, wowaonśida unhapi kta, hecen woyuonihan, wokokipe ko yuha Wakantanka iyokipiya ohoundapi kta.

29 Wakantanka unkitawapi kin he peta wahuhnahye cin heca.

WICOWOYAKE 13.

1 Hunkawanjinkiciyapi wašte-keidapi kin he ecen un nunwe.

2 Oicimani kin wonwicaya akiktonjapi śni po; heconpi kin on wanjikśi mahpiya ohnihde kin sdonwicaye śni won wica-yapi.

3 Tona kaśka wicahnakapi kin hena om nicaśkapi kin iyecen wicakiksuya po; qa tona kakiś-yapi un kin hena koya, wica-tancan kin ohna dukanpi kin heon.

HEBREW.

4 Owasin en wakan kiciyuza-pi kin he woyuonihan, qa ohehdepi asamyapi s̄ni kin; tuka wicawihomni pi qa wawicihaha-pi econpi kin hena Wakantanka wicayaco kta.

5 Waicucupikte cin wanin oya-handapi kta, qa taku duhapi kin hena on iyonicipi pi nunwe. Tohinni aciyuſtan kte s̄ni qa icima-na ehpeciye kte s̄ni, eye ciqon heon etanhan.

6 Heon, Itancan kin omakiye cin hee, qa he etanhan taku wicaſta akantu ecamiconpi kte cin kowakipe kte s̄ni ce, waditagya unkeyapi kta.

7 Tona awannihdakapi, Wakantanka oie kin oniciyakapi kin hena wicakiksuya po, hena wicohan ihanke kin he awacin po, qa wacinyanpi qon he en opa po :

8 Jesus Messiya, Itanihan qa nakaha okonwanjidan, qa owi-hanke wanice kta.

9 Ihnuhan woonspe otakiya qa toktokeca on yutokan iyenian-pi kinhan; woyute tona he awacinpi qon takudan okihiwicaye s̄ni kin he wicacante kin yusuta s̄ni, tuka wowaonsida kin on yusutapi kin he waſte.

10 Wahna woſnapi wan unhapi kin he etanhan tona wakeya qon ohna ohanyanpi kin hena yutapi kta iyececapi s̄ni.

11 Woteca, tona we kin woahtani on, wawayuſna itancan kin tipi wakan kin timahen ai qon, hena tancanpi kin tihocoka kin itankan huſnahyapi ece.

12 Heon Jesus iſ eya, iye we kin on oyate kin wicayuecedan kta e otonwe tiyopa kin itankan kakiſyapi qon.

13 Hecen iye on aiapi qon ai-hpeunyanpi kin yuha ekta wico-ti kin tankan unyanpi kta.

14 Deciya otonwe ohinniyan ecen he cin unhapi s̄ni, tuka wanji u kte cin he unkakita-pi.

15 Heon etanhan, iye caje on, ohinniyan Wakantanka en wowitzan woſnapi kin unkaupi kta, unkihapi etanhan waskuyeca, iye caje kin on, wounhdakapi kin hee.

16 Taku waſte econpi, qa wacantkiyapi kin hena akiktonjapi s̄ni po, hena woſnapi kin Wakantanka iyokipi ece.

17 Tona wahokonniciyapi kin hena anawicakigoptan po, qa wicihukuya yeiciya po, hena ninagipi kin on awanniyakapi, ohdakapi kte cin he iyecen; hecen wowiyuſkinyan econpi kta, qa woiyokiſinya econpi kte s̄ni; he niyepi kin on waſte.

18 Wocekiye unkekiciya po; wicanagi waſte unhapi unkecin-pi, taku owasin en owotanna unkohanyanpi kta uncinpi.

19 Tuka hecanonpi kta e iyo-tan ceciciyapi, kohanna niyepi ekta u mayanpi kte cin heon.

20 Unkan, Wookiye Wakan-tanka kin, Jesus Itancan unkiya-pi, tahiſca awanwicahdake tan-ka kin he, wiconſte etanhan ake hiyuye ciqon he wicotakuye owi-hanke wanica we kin eciya-tanhan,

21 Iye tawacin kin ecen eca-nonpi kta e, wicohan waſte owa-sin en niyusutapi kte, qa taku iye iſta kin en oi-yokipi kin eca-niconpi kta, Jesus Messiya eci-yatanhan; he wowitan owi-han-ke wanica kicihan nuuwe.

22 Mihunkawanji, ceciciyapi ce, wowahokonkiye wicoie kin iyowinkiya po, wicoie tonana on wowapi cicagapi.

23 Timotheos hunkawanjin un-yanpi kin wanna kiyuſkapi e

WICOWOYAKE 1.

sdonya po, he ecadan u kinhan kici wanciyakapi kta.

24 Tona niyepi en itancanpi kin hena owasin, qa tona owotanna un kin owasin uape wica-

yuza po. Italia etanhanpi kin heña nape niyuzapi.

25 Wowaonsida kin niyepi owasin en nicipi un nunwe. Amen.

JAKOB

TAWOWAPI KIN.

WICOWOYAKE 1.

1 Jakob, Wakantanka taokiye, qa Jesus Messiya Itancan tawa kin he, wicowazi akenonpapi enanakiya eyaye cin hena *wowapi wicakicaga*; wookiye.

2 Mihunkawanji, taku wawiyutanyan un kin ota ayakipapi kinhan, he wowiyuskin ocowasin hdawa po:

3 Wacinyayapi iyutanpi kin he wacintankapi kaga e sdonyayapi.

4 Tuka wacintankapi kin he tohan kin tanyan hduŝtan kte; hecen niyuŝtanpi qa ocowasin yaunpi kta, qa takudan iyonitpanipi kte ŝni.

5 Niyepi etanhan tuwe woksa-pe nice cinhan, Wakantanka kida kta, iye owasin iyakiçuya wicaqu ece, qa iyopewicaye ŝni; unkan qupi kta.

6 Tuka takudan ceŝunhda ŝni wacinyan kida kta; tuwe wace-tunhda kin he miniwanca taja kin iyececa, tateyanpa kaŝkanŝkan qa kaŝoya eŝpeye cin.

7 Wicaŝta kin he Itancan kin etanhan taku icu kta kecin kta iyecece ŝni.

8 Wicaŝta tawacin nonpa kin he tacanku owasin ohna kaktihanhan un ece.

9 Hunkawanjinkiciyapi walipa-

nica kin yuwankan iyeyapi kinhan, heon iyuŝkin kta.

10 Tuka wijica un kin yuwalipanicapi kinhan, on iyuŝkin kta; peji hea kin he iyecen tokan aye kte cin heon.

11 Anpetu wi kin hinanpe ça kata aya eca, wato kin ŝniŝya ece, qa walica ihpaye ça owanyake waŝte kin he atakuni ŝni ece: he iyecen wicaŝta wijica kin iye tohan kin en awihnuni kta.

12 Wicaŝta iyutanyanpi kin he yawaŝtepi ece; tohan tanyan yukcanpi kinhan, hehan wiconi wateŝdake, Itancan kin tona waŝtedakapi iwahowicaye ci-qon, hee icu kta.

13 Tuwe iyutanyanpi kinhan, Wakantanka iyutanmayan ce, eye kte ŝni: Wakantanka taku ŝica on iyutanyanpi kta okihi ŝni, qa nakun tuwedan iyutanye ŝni.

14 Tuka wicaŝta otaiyohi iye cantiheye ŝice cin on iyutanpi qa iyakaŝeyapi ece.

15 Hehan wocantiheye ŝice cin icage cinhan woahŝtani kaga; qa woahŝtani yuŝtanpi eca, wiconŝte icaŝya ece.

16 Mihunkawanji waŝte, içihnananpi ŝni po.

17 Taku wicaqupi waŝte qa yuŝtanpi kin owasin wankantan-

JAKOB.

han un, qa iyoyanpa Ateyapi kin eciyatanhan kun u ece; iye qe tokeca šni, qa yuhomnipica šni hinca.

18 Iye tawacin kin eciyatanhan, wowicake oie kin on cinca unkagapi, hecen taku kage cin ehna unkiye waskuyeca tokaheya iyeuncecapi kta.

19 Heon etanhan, mihunkawanji wašte, wicašta otoiyohi wanañon oñanko kta, ie kapin kta, qa wacintanka kte:

20 Wicašta šinhdapi kin he Wakantanka toowotanna kin icañye šni.

21 Heon etanhan, wicowañte-šni kin owasin, qa taku šica iya-tahdepi kin eñpeya po; qa wicoie ninagipi niye kta okihi kin he onšiiçiya icu po.

22 Tuka wicoie kin ecen econ po, qa iye içihnayanpi, nañonpi ecedan, unpi šni po.

23 Tuwe wicoie nañon ešta ecen econ šni kinhan, he wicašta wan ihdiyomdasin on ite iwanihdake cin iyececa;

24 Iwanihdake ça tankan iya-ya, unkan hehan hinnakaha ite tokeca kin he akiktonja ece.

25 Tuka tuwe wicoope on tawaiçiyapi yuštampi kin he opa-ñta yanke ça, en un kinhan, tuwe nañon qa akiktonje cin heca šni, tuka wicoñan econ kin heca, hee e taku econ kin en yawaštapi kta.

26 Tuwe niyepi kin etanhan woohodapi kin en opa se ececa hecinhan, qa ceji hdaške šni, tuka iye cante içihnaye cinhan, he woohodapi ope cin he taku šni.

27 Wakantanka qa Ateyapi kin itokam woohodapi opapi ecedan qa ašape šni kin he dee; Wamdenica qa wiwazica kaki-japi eca en wicahipi, qa wicoi-

cage kin en taku iyaonpepica šni ihduhapi kin hee.

WICOWOYAKE 2.

1 Mihunkawanji, Jesus Messiya, wowitan Itancan wacinyanpi kin, on wicašta iwandakapi kte cin he yuhapi šni po.

2 Nitomniciyepi kin en, wicašta wan mazaskazi napcupe yuhe ça wokoyake wašte kiçun kin en hi kinhan; qa nakun wicašta wañpanica wan heyake šica un kin en hi kinhan;

3 Qa tuwe wokoyake wašte kiçun kin he tanyan ayatonwanpi, qa heyakiyapi, Oiyotanke wašte kin de en hiyotanka wo; qa wicašta wañpanica qon, Hen najin wo, qa iś, siha wahde kin ihukuya hiyotanka wo, eyakiyapi kinhan;

4 Otoiyohi tanyan canteyeci-yuzapi šni, qa wicotawacin šica eciyatanhan widukcanpi šni he.

5 Nañon po, mihunkawanji wašte; Wakantanka maka akan wañpanicapi kin hena wicakalñiga he, wacinyanpi on wiji-capi, qa tona iye waštadakapi wokiconze iwahowicaye ciqon he tawayapi kte cin.

6 Tuka niye wañpanicapi kin wañtewicayadapi šni. Wijica-pi kin hena iyotanhan iyenici-yapi šni, qa woyaco oiyotanke kin en aniyanpi šni he.

7 Wicacaje wašte on cajeniya-tapi ece kin he yašicapi šni he.

8 Wowapi kin eciyatanhan, woope iyotan wašte, Nikiyedon un kin niye inihdacin waštaya-dake kta ce, eyapi kin he ecen ecanonpi kinhan, tanyan ecanonpi kta.

9 Tuka wicašta token ihduze cin ekta eyatonwanpi kinhan, woañtani ecanonpi, qa woope

WICOWOYAKE 3.

kin on śicaya econ oniyakapi ece.

10 Tuwe woahope owasin yuha ešta, wanjidan kicakse cinhan, he ocowasin on yacopi.

11 Tuwe, Wawicilahapi ecanon kte śni ce, eye cigon he is nakun, Wamayanon kte śni ce, eya. Unkan wawicilahapi takudan ecanon śni ešta, wamayanon kinhan, wanna woope kin kiyecaksa.

12 Tona woope on tawaiciyapi kin on wicayacopi kte cin hena iyecen iapi, qa econ po.

13 Tuwe waonsida śni kin he wowaonsida wanin woyaco ecedan qupi kta; qa wowaonsida woyaco kin kapeya iyuskin ece.

14 Mihunkawanji, tuwe wacinyan keya ešta, iyecen wicoľian yuhe śni kinhan, he taku iyokihi kta he. Wacinyan un kin he niyan okihi he.

15 Nihunkawanji qa nitawinolitn tancokapidan, qa anpetu iyohi woyute nicapi kinhan;

16 Qa wangi hewicayakiyapi, Wookiye on hdapo, cosiċiyapi qa wipiċiya po; tuka taku wicatanċan icakije cin hena wica-yakupi śni ehantanhan, taku iwaštepi kta he.

17 He iyecen wacinyanpi kin, wicoľian codan kinhan, he wanna řa, isnana un kin heon.

18 Han, tuwe heye kta; Niye wacinyan yaun, qa miye wicoľian mduha; hecen wacinyaye cin he nioľian codan makipazo wo, kinhan mioľian kin on wacinwaye cin he cicipazo kta ce.

19 Taku Wakan kin wanjidan he wicayada; he tanyan ecanon; taku wakan śicapi kin is eya wicadapi qa cancanpi ece.

20 Tuka, wicašta wacinton śni kin, wacinyanpi wicoľian codan kin he řa e sdoniyaye kta he.

21 Abraham ateunyanpi kin he, cinhintku Isaak wahna wośnapi akan wahduśna qon he ehan, wicoľian on yaowotanpi śni he.

22 Qa iye oľian kin kici wacinye cin token oľanye řa, wicoľian on wacinye cigon he yuśtanpi e wandaka he.

23 Unkan hecen wowapi kin, Abraham Wakantanka wicada, unkan he woowotanna kiciyawapi, qa he Wakantanka takicuwa eciyapi ce, eyapi qon he yuecetupi.

24 Heon, wacinyanpi ecedan on etanhan śni, tuka wicoľian kin on wicašta owotanna yawapi ece he wandakapi.

25 Nakun Rahab witkowinna kin ohnihde unpi qon hena iyo-winwicakiye řa canku tokeca ohna hde wicaśi qehan, is eya wicoľian on owotanna yawapi śni he.

26 Wicatanċan kin woniya codan un kin he řa ece, he iyecen wacinyanpi kin wicoľian codan kinhan, he nakun řa ece.

WICOWOYAKE 3.

1 Mihunkawanji, wicota waonspekiya unpi śni po; woyaco iyotan tanka unċicupi kta e sdoniyayapi.

2 Owasin taku ota on waunlitanipi ece. Tuwe oie on walitani śni kinhan, he wicašta yuśtanpi qa tancan ocowasin hdaśke kta okihi.

3 Wanyaka po, śuktanka anaungoptanpi kta e heon iikiyuwi i kin en iyewicunċiciyapi; qa tancanpi ocowasin wicunyuho-mnipi ece.

4 Wita wata kin hena nakun wanyaka po, tankinkinyan qa tate ohitika on kaha iyeyapi ešta, iyupse yuza cistinna on

JAKOB.

token itancan kin cin eca, yu-homnipi ece.

5 He iyecen wicaceji kin taku cistinna, tuka tanka içida ece. Iho, peta cistinna keş can tanka ideya ece.

6 Wicaceji kin he peta, qa wo-ahtani iyatahdepi; hecen wicaceji unuhapi kin ehna un, wicatanan kin ocowasin aşamya, qa wicoicage ohomniyan aideye ça, is eya wakanşica ti kin etanhan ideiciya.

7 Woteca ocaje owasin, qa taku kinyan unpi, taku sdohan unpi qa miniwanca mahen unpi kin, henakiya etanhan wicašta wanunyanpi wicakage ça wicayuha:

8 Tuka wicaceji kin he tuwedan yuwalibaka okihi şni; he woşice wicašta şni, pejihuta şica on wicaşa ece kin he ojudan.

9 He on Wakantanka Ateyapi kin unyawaştepi; qa he on wicašta akantu, Wakantanka oun-cage iyecen kagapi kin hena wicunyaşicapi ece.

10 Wicai wanjidan etanhan wayawaştepi qa wayaşicapi kin hinanpa ece. Mihunkawanji, hena hecetu şni.

11 Miniyowe wan oenape wanjidan etanhan, mini waşte qa nakun mini pa hinca hiyuya he.

12 Mihunkawanji, suken can wan Oliwe waskuyeca aicaga, qa is hastanyanka iyuwi wan suken waskuyeca okihi he; he iyecen miniyowe wan mini waşte qa nakun mini pa hinca hiyuye şni ece.

13 Enitanhanpi tuwe wicašta ksape ça wiyukcan un he; woksape wowalibadan on tanyan ahduhe cin eciyatanhan iye ohan waşte hdutanin kte.

14 Tuka winawizipi pa hinca,

qa wakinicapi nicantepi kin en duhapi kinhan, ihnuhan widuşkinpi qa wowicake kin on iya-tonpi şni kin.

15 Wicoksape kin he wankan-tanhan u şni; tuka maka kin etanhan, wicacehpi etanhan, qa wakanşica iyececa.

16 Tukten winawizipi qa wakinicapi yuke cinhan, wicotoke-tu tanin şni qa wicohan şica owasin hen un ece.

17 Tuka woksape wankantanhan un kin he tokaheya ecedan, hehan wokiyapi kaga, walibadan, waanagoptan, wowaonşida qa waskuyeca waşte on ojudan, owotanna wiyukcan qa owotan-na wohdaka ece.

18 Unkan tona wookiye kagapi kin hena woowotanna waskuyeca kin wookiye en owicakicijupi ece.

WICOWOYAKE 4.

1 Niyepi ekta wicokicize qa wakinicapi kin tokiyatanhan u he; cantiheyayapi şica nihuhapi en wakis un kin hena eciyatanhan şni he.

2 Cantiheyayapi tuka duhapi şni; wicayaktepi qa yuhe wacannipi, tuka icu oyakihipi şni; wicayakizapi qa zuya dapi, tuka taku duhapi şni, yadapi şni kin heon etanhan.

3 Yadapi tuka iyacupi şni ece, ecinşniyan yadapi kin on, cantiheyayapi şica on dusotapi kte cin heon.

4 Wiinayahmanpi qa wawicilahapi ecanonpi kin, wicoicage kin de waşteditapi kin he Wakantanka şicedaka e sdonyayapi şni he. Heon tuwe wicoicage kin de wotakuye wacin kinhan, he Wakantanka tokaya.

5 Wowapi wakan kin, Woniya en unyakonpi kin he winawizipi

WICOWOYAKE 5.

cantiheya ce, ituya eya idukcanpi he.

6 Tuka sanpa wowaonsida wicaqu ece; heon heya, Wakantanka wahanniçidapi kin wicakipajin, tuka tona onsikihanpi kin hena wowaonsida wicaqu ece.

7 Heon etanhan, Wakantanka ihukuya iyeçiya po. Wakanşica kipajin po, kinhan nanicipapi kta.

8 Wakantanka ikiyedani u po, hecen iş nikiyepidan u kta. Wahitanipi sa, nape hdujaja po; qawacin ninonpapi kin, cante hducepidan po.

9 Iyokişicapi, waşihdapi qa ce-ya po; iyahapi kin he wicaceya ee kta, qa widuşkinpi kin he woiyokişice kta.

10 Itancan kin itokam makata elipeçiya po, kinhan yuwankan inicipi kta.

11 Mihunkawanji, otoiyo hi akiciapi şni po. Tuwe hunkawanjitku aie ça hunkawanjitku haco kinhan, he woope kin aie ça woope kin yaco; tuka woope kin daco kinhan, woope kin ecen econpi kin henica şni, tuka wacyaco kin henica.

12 Woope kage cin he Wanji-dan, he wanikiye ça nakun waihangya okihi. Wicaşta tokeca daco kin niş nituwe he.

13 Iho po, nakaha tona hehapi; Dehan, qa iş heyakecinhan, otonwe kin kae ekta unyanpi qa waniyetu wanji en unyakonpi kta, wopeuntonpi qa wiyope-nyanpi qa taku unkamnanpi kta ce.

14 Tuka heyakecinhan taku u kte cin sonyayapi şni; yanipi kin he taku he, opo wan cistiye-dan tanin qa hehan atanin şni kin he heca.

15 Kaken ehapi kta iyececa; Itancan kin iyowinunkiyapi qa

unnipi kinhan, decen qa iş kaken econkupi kta ce.

16 Tuka nakaha wahanniçidapi kin on iduşkinpi; hecen wiyuşkinpi kin owasin şica.

17 Heon etanhan, tuwe taku waşte econ kta sdonkiya tuka econ şni eca, he woahitani içica-ga ece.

WICOWOYAKE 5.

1 Iho po, tona wijica yaunpi kin, wokakije nihiyahdepi kte cin hena on ceyapi qa şicahowaya po.

2 Woyuha nitawapi kin kuka, qa nitawokoyake kin wamduşkadan yapotapi.

3 Mazaskazi qa mazaska nitawapi kin gigi aya; qa gigi kin he niyutaninpi kta, qa nicehpipi kin ihangye kta, peta iyececa. Woyuha anpetu ehake kin amnaniciyapi.

4 Wanyaka po, tona maga nitawapi abaksapi wokajuju hnaye ayanicapi kin he howaya; qa tona aguyapi baniciksapi qon hoyeyapi kin he Sabaoth Itancan noge kin en hiyohpayâ.

5 Maka akan woiyokipi imnahani yaunpi qa tanyan wayatapi ece; wapatapi anpetu kin en iyecen cante cemyakiyapi.

6 Wicaşta owotanna kin he dacopi qa yaktepi; tuka nicipajinpi şni.

7 Heon etanhan, mihunkawanji, Itancan kin hi kte cin hehanyan wacintanka po. Wanyaka po, wicaşta woju ece kin he maka waskuyeca waşte aicage cin hena ape yanke ça, on tehan wacintanka, magaju tokaheya qa nakun ehake kin ahinhe kte cin hehanyan.

8 Niş eya wacintanka po; cante hdusuta po; Itancan kin u kte cin he wanna kiyedan ihan.

I. INYAN.

9 Mihunkawanji, otoiyohi okicihinyanpi šni po, okinni niyacopi kta. Wanyaka po, Wayaco kin he tiyopa kin itokam inajin.

10 Mihunkawanji, wicašta wokean Itancan caje kin on iapi qon hena kakijapi qa wacintankapi on waonspekiya wicayuha po.

11 Wanyaka po, tona wacintankaya unpi kin hena wašte kecanwicunkinpi ece. Job token wacintanka qon he nayaħonpi, qa Itancan owihankeye cin he wandakapi; Itancan kin waonsida qa wawacinkta yuza tanka.

12 Tuka mihunkawanji, taku owasin isanpa, Taku namaħon ce, eyapi šni po, maħpiya kin he, qa maka kin de, qa taku tokeca cajeyatapi ece kin nakun; tuka, han, ehapi kin he han ecedan kta, qa, hiya, ehapi kin he hiya ecedan kta; okinni woyaco kin en iyoyaħpadapi nun ce.

13 Niyepi kin etanhan wanji kakija he; wocekiye eye kta. Wanji wiyuškin he; odowan ahiyaye kta.

14 Niyepi kin ekta wanji wazazanka he; okodakiciye kin en hunkawicayapi kin wicakico

akta; on cekiyapi qa Itancan caje kin on wihdi on sdayapi kta.

15 Unkan wacinyan cekiyapi kin he wayazanke cin asniye kta; qa Itancan kin he najinkiyeye kta; qa woahťani econ hecinhan, hena kicicajujupi kta.

16 Wayaħtanipi kin otoiyohi okiciciyakapi qa otoiyohi wocekiye ekiciciya po, hecen anisnipi kta. Wicašta owotanna nina wašagya cekiye cin he taku tanka okihi ece.

17 Elijah wicašta wacinyuza iyeuncecapi, qa wocekiye on magaju kte šni e icekiya; unkan waniyetu yamni sanpa wi šakpe hehanyan maka kin ahinhe šni.

18 Hehan ake wocekiye eya, unkan maħpiya kin magaju hiyuye ھا, maka kin waskuyeca icalıya.

19 Mihunkawanji, wanji enitanhanpi wowicake kin etanhan nuni, qa tuwe he ake ekta yuhomni kinhan,

20 Tuwe wicašta waħťani sa wan canku onuni kin etanhan yuhomni kinhan, he wicanagi wan wiconťe etanhan eyaku kta, qa woahťani ota akaħpe kta e he sdonkiye kta.

INYAN

TAWOWAPI TOKAHEYA KIN.

WICOWOYAKE 1.

1 Inyan, Jesus Messiya yeši qon, wicašta toktokeca enanakiya unpi, Pontus, Galatia, Kapadokia, Asia qa Bithunia ekta,

2 Wakantanka Ateyapi kin otokaheya tanhan sdonwicaye cin

eciyatanhan, qa Woniya wicayuecedan kta on wicakaħniga, anagoptanpi kta, qa Jesus we kin awicamnimni kta e on, hena *wowapi wicakicaga*: Wowaonsida en niunpi, qa wookiye niciyuotapi nunwe.

3 Wakantanka, Jesus Messiya

WICOWOYAKE 1.

Itancan unyanpi Atkuku kin he yawaštepi nunwe ; iye towaonśida ota eciyatanhan Jesus Messiya wicašte cin etanhan kinikiye ciqon he on wowacinyan ni un kin en piya ica hunyanpi ;

4 Woailhepeye wan hwinpica śni, aśapapi śni, qa ohinniyan un kta, mahpiya ekta enicihnakapi kin on ;

5 Wacinyanpieciyatanhan Wakantanka towaśake kin on wiconi anikpatanpi, ege anpetu ehake kin en yuotaninpi kta.

6 Heon nina iduśkinpi ece, tuka nakaha ptenyedani, he hecetu naceca, taku wawiyutanyan un kin ota on iyoniciśicapi :

7 Hecen wacinyayapi iyutanpi kin, he mazaskazi peta ece on śdoyapi keś atakuni śni ece, sam iyeya nina tehike cin he woyao-nihan, wicakinihanpi qa wowitan on tanin kta, tohan Jesus Messiya ihdutanin kinhan.

8 He wandakapi śni eśta wašteyadakapi ; qa nakaha wanyake śni yaunpi keś wacinyayapi kin on iduśkinpi, wowiyuśkin oyagpica śni qa wowitan ojudan kin on :

9 Wacinyayapi ihanke kin iyacupi, ninagipi ni kte cin hee.

10 Wiconi kin he on, wicaśta wokcan wowaonśida en niunpi kin he oyakapi qehan, aićiciya akitapi qa wiwangapi ;

11 Messiya Taniya iyepi en un kin, tohantuqa anpetu kin tuktee ka e iwangapi, Messiya kakije kte ça wowitan ihakam un kte cin hena itokam oyake ciqon he ehan.

12 Unkan, iś iyepi kte śni, tuka tona wotanin wašte, Woniya Wakan mahpiya eciyatanhan kun u śipi kin iyahna sdonyeninyanpi kin ege nakaha taku oniciyakapi kin hena unkiyepi on yuhapi e owicakiyakapi ; taku

kin hena mahpiya ohnihde kin en eyokasin wacinpi.

13 Heon etanhan, nitawacin nisehu kin opta ipiyagkiton po, waktaya un po, qa Jesus Messiya ihdutanin kinhan wowašte nicaupi kte cin he ape yukan po, owihanke kin hehanyan.

14 Wicacinca waanagoptanpi kin iyenicecapi kta, qa ehanna wasdonye śni yaunpi qehan cantihayayapi śica ake iyecen nićicagapi kte śni.

15 Tuka tuwe nicopi kin he wakan, he iyecen niś eya oya-handapi kin ocowasin en niwakanpi nunwe.

16 Heon hecen owapi qon, Wakanyan un po, miye mawakan kin heon etanhan.

17 Qa Ateyapi kin wicaśta itohnake iwanyake śni wicaśta otioyohi iye ohan kin eciyatanhan wicayukkan ece kin he hoyeyakiyapi kinhan, tohanyan den unhdaka yaunpi kin kokipeyahan un po.

18 Witkotkoya oya-handapi kin, nihunkakepi wohdakapi eciyatanhan duhapi qon he etanhan, taku atakuniśni ece, mazaskazi qa mazaska on openicitonpi śni e sdonyakiyapi ;

19 Tuka Messiya we tehike cin he on, tahn wanunyanpi cincadan, taku iyaonpepica śni qa ecedan un kin iyececa.

20 Iye qe maka kin de kagapi śni itokam wakiconzapi, tuka anpetu ihankeya kin dena en yutaninpi, niyepi kin on ;

21 Wakantanka wicašte cin etanhan najinkiye ça wowitan qu qon he wicayadapi, iye eciyatanhan ; hecen wicayadapi qa wacinyayapi kin he Wakan-tanka en un kta.

22 Woniya kin eciyatanhan wowicake anayagoptanpi kin

I. INYAN.

heon nagi nihduskapi, hunka-wanjinkiciyapi kin awicakehan waštewicayadakapi kta, heon cante ecedan on otoiyo hi nina wašte kicidaka po.

23 Piya icañniyanpi, oicage kuke kte cin etanhan šni, tuka kukepica šni kin on, Wakantanka oie kin ni un qa owihanke wani-ce kte cin hee on.

24 Wicacełpi owasin peji iyececa, qa wicašta towitan kin owasin peji ĥca kin iyececa. Peji kin he šniš aye a waĥca kin hinĥpaya ece ;

25 Tuka Itancan oie kin he owihanke wanin un kta. Unkan wotanin wašte oniciyakapi kin wicoie kin he hee.

WICOWOYAKE 2.

1 Heon etanhan, wocanniye owasin, qa wohnaye ocowasin, qa woanakiĥbe, qa wowinawizi, qa iapi šica iyulĥpa eĥpeya po ;

2 Qa hokšiyogopa nakaha tonpi kin iyecen, wicoie asanpi wohnaye wanin un kin he cin po, hecen on inicagapi kta :

3 Itancan kin wacantkiya e uyatapi hecinhan.

4 He en yahipi, inyan wan ni un kin iyececa, wicašta akantu eĥpeyapi, tuka Wakantanka e kaĥnige a teĥike daka ;

5 Unkan niš eya, inyan ni un kin iyececa, tipi wakan wan en icañniyanpi, wawayušnapi wakan kin, hecen wošnapi wakan qa Jesus Messiya eciyatanhan Wakantanka iyokipi kin wadušnapi kta.

6 Heon etanhan nakun wowapi en kagapi qon, Wanyaka po, Zion en inyan wan oise pa ĥinca ewahde, kaĥnigapi, teĥika ; unkan tuwe he wacinye cinhan wištece kte šni ce.

7 Niye wacinyayapi kin he teĥike yadapi ; tuka tona waanagoptanpi šni kin hena, inyan tipi kagapi eĥpeyapi qon he oise pa ĥinca icaga, inyan on siha ibotopi qa imniya on šinĥdapi ece kin hee ;

8 Tona wicoie kin on šinĥdapi qa waanagoptan šni unpi kin hena on ; heon hecen ewicahdepi.

9 Tuka wicoicage kaĥnigapi, wawayušnapi wicaštayatapi, wicoun wakan, qa oyate opewica-kitonpi kin he niyepi ; hecen tuwe otpaza etanhan, iye iyoyanpa wakan tawa kin en nicopi kin he oĥan wašte kin odakapi kta.

10 Ehanna oyate henicapi šni, tuka nakaha Wakantanka tao-yate yaunpi ; he ehan onšinidapi šni, tuka wanna wowaonšida iyoyahipi.

11 Waštecicidapi, ceciciyapice, oyate tokeca qa unĥdaka unpi kin iyecen wicacełpi cantiheya-pi kin, wicanagi kin kici kiciže cin, hena ayušan po :

12 Qa Ikcewicašta ehna owotanna oĥanyan po ; hecen šica-ya econ keniciyapi keš, wiwica-wangapi anpetu kin en, nioĥanpi wašte wanyakapi kte cin hena on Wakantanka yaonihanpi kta.

13 Itancan kin on etanhan, wicašta akantu wakonzapi kin owasin anagoptan po ; wicaštayatapi kin he iyotan tanka ;

14 Qa wicašta itancanpi kin iš tona šicaya oĥanyanpi šitkiĥdawicayapi kta, qa tona tanyan econpi wicayaonihanpi kta e on u wicaši kin hena.

15 Hecen Wakantanka tawacin, tanyan oyahandapi kin on wicašta witkotkoka wiyukcan šni kin hena inina yankewicaya-kiyapi kta.

WICOWOYAKE 3.

16 Nihduhapi, tuka tawaniçiyapi kin he wocanniye onhohida iyecen yeçunpi kte şni, tuka Wakantanka tawowidake kin iyececa.

17 Owasin wicayuonihan po. Hunkawanjinkiciyapi kin waşte kida po. Wakantanka kokipa po. Wicaştayatapı kin yuonihan po.

18 Wowidake yaunpi kin, tona niyuhapi kin ocowasin kokipeyahan anawicagoptan po, tona waşte qa wahbadan kin hecedan şni, tuka tona ksizece cin hena nakun.

19 Tuwe Wakantanka awacin un kin on, hecetu şni ešta kakişyapi qa woyokişice yuha un kinhan, he wowaşte.

20 Wayahtanipi kin on anipapi, qa wacinnitankapi kinhan taku iyokihi kta he; tuka tanyan ecanonpi kin on kakişniyanpi kinhan, wacinnitankapi hecinhan, he Wakantanka iyokipi.

21 Unkan he on nicopi; Messiya unkiyepi on kakije ça wonspe aihpeunkiyanpi kin he iyecen niş eya iye owe kin en opadapi kta.

22 Iye qe woahţani takudan econ şni, qa i kin ohna wohnaye takudan iycyapi şni;

23 Kigepi qehan itkom wicakige şni; kakişyapi he ehan owa-wicakiye şni; tuka tuwe owotanna wiyukan ece kin he en ihdoya.

24 Iye hinca can akan un qehan, iye tancan kin en waunhtanipi kin yuha; hecen unkiye woahţani ehpeunyanpi woowotanna en unnipi kta: Iye apapi qon on asniniyanpi ce.

25 Tahin wanunyanpi nunipi kin iyenicecapi; tuka wanna tuwe wonniyanpi qa nagi awan-niyakapi kin he ekta yahdipi.

WICOWOYAKE 3.

1 He iyecen, winohincapi kin, nihihnapi wicihukun un po; hecen tona wicoie kin anagoptanpi şni kin hena, wicoie codan ešta, iye tawicupi ohanpi kin on iya-kapewicayapi kta;

2 Niohanpi waşte wokokipe iyahna wanyakapi kin icunhan.

3 Ihduzapi kin he akantanhan, paha kisonpi, qa mazaskazi oinpi, qa wokoyake unpi kin hee kte şni:

4 Tuka wicašta mahentanhan cante kin ekta, taku hwinpica şni kin, tawacin wahbadan qa inina un, he Wakantanka itokam taku telike cin ee.

5 Is eya, wanakaja, winohinca waşteşte Wakantanka wacinyanpi qon hena e hecen kiçunpi, qa hihnakupi kin wicihukun unpi.

6 Hecen Sara Abraham anakigoptan, qa, Itancan, eciya ece; he cunkşiwicaye cin hena niyepi, tanyan ecanonpi qa wokokipe takudan on niyuşinyayapi şni kinhan.

7 Nakun wicašta yaunpi kin, wosdonye eciyatadhan om yukan po, nitawinpi wakşica wankadan iyececa, qa om wiconi wowaşte kin tawaniçiyapi kta iyecen wicahduonihan po; hecen wocekiye nitawapi kin kagipi kte şni.

8 Ehake, owasin cante wanjidan hduwitaya onşikicida po; hunkawanjinkiciyanpi kin iyecen waştekiçida po, waonşidapi qa wacantkiya po.

9 Taku şica on itkom taku şica econpi şni po; qa nicigepi ešta wicakigepi şni po; tuka itkopatanhan wayawaşte po; heon nicopi, hecen woyawaşte tawayayapi kta e sdonya po.

I. INYAN.

10 Tuwe wiconi waštedake ça anpetu wašte wanyaka cin kinhan, iye ceji kin taku šica en yeye kte šni, qa iha kin wohnaye takudan ie kte šni.

11 Taku šice cin okamna kta, qa taku wašte e econ kta; wokiye akite ça kuwa aye kta ce.

12 Jehowa išta kin wicašta owotanna awicatonwan, qa wocekiye eyapi kin he anoliwicakiciya; tuka tona šicaya econpi kin Jehowa itohnake kin itkowicakipa ece.

13 Unkan taku wašte kin pasi yaunpi kinhan, tuwe e kiunniniyanpi kta he.

14 Tuka owotanna olianyanpi kin on šicaya nicuwapi kinhan, he wowašte; hecen wokokipe tawapi kin kokiapi šni, qa cante hahayedan yankapi šni po:

15 Tuka nicantepi kin en Wakantanka Itancan kin wakanda po; qa tuwe wowacinye en niunpi kin on iniwangapi kinhan, wahibayedan kokipeyahan aduaptapi kta e ohinniyan wiyeya yanka po;

16 Wawiyukcan wašte hduha po; hecen šicaya olianyanpi iyecen tona aniiapi kin hena ištecapi kta, Messiya on niohanpi wašte kin itonšniyan oniyakapi kin.

17 Wakantanka hecen tawacin hecinhan, taku šica econpi kin hee šni, tuka taku wašte econpi kin on kakišniyanpi kinhan hee wašte kta.

18 Messiya iš eya wancadan woahitani on kakija, owotanna un kin owotanpidan šni kin hena on, Wakantanka ekta unkauapi kta e heon, wicacehpi kiçun ktepi, tuka Woniya kin on kiniyanpi.

19 Nakun he on ekta ye ça wi-

canagi wicakaška tipi ohna unpi kin hena wowicakiyaka;

20 Hena e ehanna waanagoptanpi šni, Wakantanka wawacinkta yuza tanka tehan awicape, Nowa taanpetu kin en, wita wata kagapi kin icunhan, he ohna tonana, wicanagi šahdoganna mini on nipi.

21 Qa wiyacinpi kin he iyececa, baptem nakaha niunyanpi ece; wicacehpi ašape cin yutokan iyeyapi kin hee šni, tuka Wakantanka ekta wawiyukcan wašte waayupte cin hee, Jesus Messiya ihduekicetu kin heon etanhan;

22 Iye qe mahpiya kin ekta kihde ça Wakantanka etapa kin eciyatanhan yanka; mahpiya ohnihde, qa wicookihi, qa wowašake kin owasin iye ihukun iyewicayapi.

WICOWOYAKE 4.

1 Heon etanhan, Messiya wicacehpi en unkiyepi on kakije cin heon, niš eya iyecen tawacin kiçun po: tuwe wicacehpi kin en kakije cin he wanna woahitani ayušan:

2 Hecen, hetanhan icimana wicacehpi eciyatanhan ni kte šni, wicašta taku šica cantiheyapi kin en, tuka Wakantanka tawacin kin eciyatanhan.

3 Hekta unnipi kin, Ikcewicasta tawacinpi kin ecen econkupi kin he ota, wicohan šica, wocantiheye šica, miniša ota, wakan wacipi, witkopi, qa wakagapi wakandapi šice cin hena omaunnipi qehan.

4 He en iš iye witkoya škanpi kin on iyecen iyatahdeniçiyapi šni kin heon tognihdapi qa niyašicapi ece;

5 Hena e tuwe ni unpi tapi ko-

WICOWOYAKE 5.

ya wicayaco kta wiyeya yanke cin hee itokam wohdakapi kta.

6 Heon etanhan, nakun tona tapi kin hena wotanin wašte owicakiyakapi qon, hecen wicašta wicacehpi en un kin iyecen wicayacopi ešta woniya en Wakantanka eciyatanhan nipi kta.

7 Tuka taku owasin ecadan owihanke kta. Heon etanhan wacinksapa po, qa wocekiye on waktaya un po.

8 Qa taku owasin isanpa niye iyakitedan nina cantekiciya po; wacantkiyapi kin he woalitani ota akalipe kta.

9 Iapi šica wanin otoiyohi wonkiciya po.

10 Taku wicaqupi kin wicašta otoiyohi icu kin he iyecen iyakitedan okinikiciya po, tona Wakantanka towaonsida ocaje ota tanyan yuhapi kin iyececa.

11 Tuwe ie cinhan Wakantanka oie kin iyecece kta; qa tuwe waokiya hecinhan wookihi Wakantanka qu kin he eciyatanhan kte; hecen taku owasin on Wakantanka yatanpi kta, Jesus Messiya eciyatanhan; iye qe woyatan qa wookihi owihanke wanin kiciun nunwe. Amen.

12 Waštecicidapi kin, peta on iyutanpi kin on iniyutanpi kte cin he on yušinyayapi šni po, taku tokeca ayakipapi iyececa.

13 Tuka Messiya kakije ciqon en oyapapi kin heon iyuškin po; hecen tohan towitan tanin kinhan nina iduškinpi kta.

14 Messiya caje kin on niyašicapi kinhan, niyuwaštepi ece; wowitan qa Wakantanka Taniya kin en niunpi kin heon. Hena e eciyatanhan oštehdapi, tuka niye eciyatanhan yatanpi ece.

15 Tuka ihnuhan wanji tin wicakte sa, qa wamanon sa, qa taku šica econ sa, qa tokan tawa i

en iyewicakiciyiye cin iyecen kakišniyanpi kinhan.

16 Hceca ešta tuwe Messiya tawa kin on kakišyapi kinhan ištece kte šni; tuka heon Wakantanka yatan kta.

17 Wakantanka tiyohnaka tawa kin wicayukcanpi kte cin wanna iyehantu. Unkan he unkiyepi etanhan aye cinhan, tona Wakantanka tawootanin wašte wicadapi šni kin hena token owihankepi kta he.

18 Qa wicašta owotanna kin kitan se ni kinhan, tuwe šicaya econ qa wahtani sa kin hena tukten yakonpi kta he.

19 Heon etanhan, tona Wakantanka eciyatanhan kakijapi kin hena, wašte ece econpi kin en, Wawicaliye wacinyepica kin iyecen iye nagipi kin yuhekiyapi kte.

WICOWOYAKE 5.

1 Miye hunkayapi kin hemaca, qa Messiya kakije ciqon wammdake ca, wowitan yutaninpi kte cin he en owapa, tona hunkayapi yaunpi kin ceciciyapi ce;

2 Wakantanka optaye tawa ehna yaunpi kin he wonwicaya po; econ niciyapi kin iyecece šni, tuka iyokipiya awanwicadakapi kta; woyuha šica kin on etanhan šni, tuka tawacin wašte on ecanonpi kta:

3 *Wakantanka* taku tawa hince cin en itancanpi kin iyenicecapi kte šni, tuka optaye kin en wonspekiya yaunpi kta.

4 Hecen Waawanhake Itancan kin tohan ihdutanin kinhan, hehan wowitan watešdake wan šnije kte šni kin he iyacupi kta.

5 Nakun, tona aškatudan yaunpi kin, hunkawicayapi kin anawicagoptan po: Han, owasin

II. INYAN.

otoiyohi anakicigoptan po, qa wowahibadan koyaka po. Tona wahaniciidapi kin hena Wakantanka wicakipajin, tuka tona onşikihanpi kin hena wowaonšida wicaqu ece.

6 Heon etanhan, Wakantanka nape wašake cin ihukuya onşikihan po; hecen tohan iyehantu kinhan yuwankan inicupi kta:

7 Wacin akipam duzapi kin owasin iye en aihpeya po; iye qe awanicinpi ece.

8 Witkopi šni po, waktaya un po; Wakansica tokaniyanpi kin he mnaja hoton ece kin iyecen omani un, tuwe yapote kte cin he akita ece.

9 Sutaya wacinyayapi kin on he kipajin po; nihunkawanjipi maka akan unpi kin hena en wokakije kin dena iyececa yušanpi ece e sdonyayapi.

10 Tuka Wakantanka wowaonšida ocowasin hduhe cin, Je-

sus Messiya eciyatanhan, wowitan owihanke wanica iye tawa kin en unkicopi kin he, tohan cistiyedan nicakijapi kinhan, niyušanpi kte, pahohošni enihnakapi, niyuwašakapi, qa sutaya nihdepi nunwe.

11 Iye qe wowitan qa wokiconze kin owihanke wanin tawa nunwe. Amen.

12 Siluanos nihunkawanjipi wan wacinyepica wadake cin on wowapi ptecedan cicagapi; wahokonciyapi qa wociciyakapi, Wakantanka towašte wicakapi en nayajinpi kin he dee ce.

13 Babulon ekta tona om nichanigapi kin hena nape niyuza-pi, qa nakun Markos micinkši kin.

14 Wacantkiyapi iiputakapi kin on otoiyohi nape kiciyuza po. Tona Jesus Messiya en yaunpi kin owasin wookiye nicipi un nunwe. Amen.

IN YAN

TAWOWAPI INONPA KIN.

WICOWOYAKE 1.

1 Simon Inyan, Jesus Messiya tawowidake qa yeši qon he, tona Wakantanka unkitawapi toowotanna kin on, qa Jesus Messiya Wanikiye cin eciyatanhan, unkiye unhapi kin iyecen wocinye tehika yuhapi kin hena *wowapi wicakicaga*.

2 Wowaonšida, wookiye ko, Wakantanka sdonyapi kin en, qa Jesus Itancan unkiyapi kin on niciyuotapi nunwe.

3 Iye towašake wakan kin he taku on wiconi qa woohodapi

kte cin owasin unqupi kin he iyececa, tuwe wowitan qa wookihi on unkicopi kin he sdonyapi kin eciyatanhan.

4 Hena on taku tanka hinca, qa taku tehike hinca iwahounyanpi; hecen hena on Taku Wakan ouncage kin en oyapapi kta, wiconi kin de en wocantiheye šica on wicošice nayecipapi kin.

5 Qa nakun he on nina mniheiciya po, wacinyayapi kin en waditakapi kin ikoyagya po; qa waditakapi kin en wosdonye;

6 Qa wosdonye kin en iyatahdeiciyapi šni; qa iyatahdeici-

WICOWOYAKE 2.

yapi šni kin en wacintankapi; qa wacintankapi kin en taku wakan iyececap; i

7 Qa taku wakan iyececap kin en waštekičidapi; qa waštekičidapi kin en wacantkiyapi *iko-yagya po*.

8 Hena taku kin en niunpi qa niciyuotapi kinhan, Jesus Messiya Itancan unkiyapi sdonyapi kin en taku icalhye ča waskuyeca aicage cin henicapi kta e nicagapi.

9 Tuka tuwe dena yuhe šni kinhan, he ištagonge ča tehan wawanyaka okihi šni, qa wahtani qon hena kipakintapi kin he akiktonja.

10 Heon etanhan, mihunkawanji, nicopi qa nicalinigapi kin aičiciya hdusuta po; hena hecen ecanonpi kinhan icimana nihinlipayapi kte šni.

11 Qa nakun heon Jesus Messiya Itancan qa Wanikiya unkitawapi tokiconze owihanke wance cin en yaipi kte cin wijinya ničupi kta.

12 Heon etanhan taku hececa ohinniyan kiksuyeciciyapi kta awektonje kte šni, hena niye hinca sdonyayapi, qa nakaha wowicake kin de en sutaya nihdepi ešta.

13 Tohanyan wakeya kin de ohna waun kin hehanyan kiksuyeciciyapi kin on iyocipaštakapi kte cin he hecetu wadake:

14 Wakeya mitawa kin de aškadan wehnake kta sdonwakiya, Jesus Messiya Itancan unkiyapi omakiyake ciqon iyececa.

15 Tuka nakun detanhan imdamde cin iyohakam, taku kin dena ohinniyan yeksuya oya-kihipi kta e awakite kta.

16 Jesus Messiya Itancan unkiyapi towašake qa hi kte cin hena unkoniciyakapi qehan, hi-

Dak.

tunkakanpi ksamya kagapi kin unkunpi šni, tuka iye tanka hince cin he išta on wanunkapi.

17 Wakantanka Ateye cin eciyatanhan woyuonihan wowitan ko icu, wowitan wašte kin etanhan wicaho kin de hiyu qehan, Micinkši waštewakidake cin he dee, on iyomakipi hinca ce.

18 Unkan wicaho kin he malpiya eciyatanhan u kin he nanhonpi, paha wakan kin akan kici unyakonpi qehan.

19 Tuka wokcanpi oie iyotan suta wan unhapi; he qe anayagoptanpi kinhan tanyan ecanonpi kta, petijanjan tukten otpaze cin en ijanjan kin iyececa, nicantepi kin ekta anpao kamdeze ča, en anpao wicanlpi kin hinanpe kte cin hehanyan.

20 Qa de tokaheya sdonya po, wowapi wakan kin en wokcanpi kin owasin tuwedan iye cinka oyake šni.

21 Wokcanpi kin wanakajatanhan wicašta tawacin kin eciyatanhan u šni; tuka wicašta wakan Wakantanka tawa Woniya Wakan kin token iewicakiye ciqon hena hecen eyapi ece.

WICOWOYAKE 2.

1 Tuka he ehan oyate kin ehna wicašta wokcan itonpi šni yukan qon, he iyecen niyepi kin ehna waonspekiya itonpi šni kin heca yuke kta, nahmana wohnuni woihangye kin en aupi kta, Itancan opewicakiton qon he elipeyapi, qa wicotakunišni oňanko amnaičiyapi kta.

2 Qa wicoňan šica econpi kin en wicota opapi kta; hena on wowicake canku kin yašicapi ece e kta.

3 Qa waicu wacinpi kin eciya-

II. INYAN.

tanhan wicoie skuya on wiyopeniyanpi kta ; hena e wicayacopi kin wanakajatanhan en awicau, qa ihangwicayapi kte cin he liba šni.

4 Wakantanka małpiya ohni-hde wałtanipi qon hena wikapatan šni, tuka wakanšica ti kin ekta iyayewicaya, qa woyaco kte cin hehanyan wicayuhapi kta e otpaza maza icicałiła on wicakaška hecinhan ;

5 Qa maka tannike cin kpatan šni, tuka Nowa wicašta wicišahdogan wicoowotanna oyake cin he kpatan, qa wicoicage wałtanipi sa amnitawicaya ;

6 Qa Sodom qa Gomorra otowe kin całota kałiya elipewicaye, woihangye on wicayaco, qa tona tokata wałtani sa unpi kte cin hena woonspe wicakicaga ;

7 Qa Lot owotanna un, wicašta wałtepi šni ołan šicapi kin wacin iyowicakišica ece kin he ełdaku :

8 Wicašta owotanna kin he hena wicehna ti, qa taku wanyake a nałon kin on, anpetu eca iye nagi owotanna ekta wacin iyowicakišica ece, šicaya ołanyanpi kin on :

9 Itancan kin wicašta wašte wowiyutanye kin etanhan token ewicahdaku kta sonya, qa nakun wicašta owotanna šni kin woyaco anpetu kin hehanyan wicayuhe kta, šitkihdawicayapi kta e heon :

10 Tuka tona woasamy cantihayapi kin en wicacełpi eciyatanhan manipi, qa wokiconze wałtedapi šni kin hena iyotan : hena wałaničidapi qa wamnaičidapi ece ; qa tona tankapi kin wicayašicapi kokipapi šni.

11 Małpiya ohnihde kin, woo-kihi qa wowašake on iyotanpi qeyaš, Itancan kin itokam wa-

yašicapi woyaco kin en awicayapi šni ece.

12 Tuka dena iš, woteca iyececa, wicayuzapi qa ihangwicayapi kta e on wicakałapi kin, taku okałinigapi šni keš he yašicapi ece ; qa wicotakunišni tawapi kin en ihangciyapi kta ;

13 Qa anpetu icunhan tanyan wotapi kin he woiyokipi dakapi kin heon woałtani iyunwin kin icupi kta. Hena om wayatapi icunhan wohnayeiciyapi kin on iyuškinpi, woasape qa taku samya wanke cin hecapi ;

14 Išta yukanpi wiinalımanpi kin on ojudan qa woałtani ayuštanpica šni ; wicanagi kacegya unpi kin hena wicahnayanpi ece ; cante wawicakipi e ecewakta kin heca yuhapi, wicotakunišni cincapi kin :

15 Canku owotanna kin ayuštanpi, qa onuniyata unpi, Ba-laam Bosor cinhintku woałtani iyunwin waštedake cıqon he tancanku kin en opapi :

16 Iye taku šica econ qon on iyoheyapi ; šonšonna kin ia okiptani ece wicaho on ie a, wicašta wokcan witkotkoya ołanye cin he kišica.

17 Miniyowe mini wanica, małpiya šapa tate iyumni on toke cincin eyaye cin hena hecapi ; hena on otpaza sape łınca owihanke wanica wicakicılınakapi.

18 Wałanłaničidaya takušnišni eyapi eca, wicacełpi cantihayapi kin eciyatanhan, witkoya ołanyanpi kin on, tona wohnaye en ounyanpi kin kitan ecinyan nawicakicipapi qon hena iyakapewicayapi ece.

19 Tawaiciyapi kin wicaqupi kta keyapi, tuka iyepi kaeš wicotakunišni iwicadaka. Taku on tuwe iyakapeyapi kinhan, he on wowidagyapi ece.

WICOWOYAKE 3.

20 Itancan qa Wanikiya Jesus Messiya sdonyapi kin eciyatanhan, wicoicage kin de en woaśape kin nakipapi eśta, ake hena on iyakaŋeyapi qa en ihdaśkapi kinhan, hena otokahe ekta wašte qa owihankepi kin he śica ece.

21 Woowotanna canku kin he sdonyapi śni unkaś he wašte kta tuka, qa he sdonyapi qa woa hope wakan wicaqupi kin ayuśtanpi kin he śice hinca.

22 Tuka wiyacinpi eyapi wicakapi kin he iyecen waakipapi; Śunka taku hiyuye cin he ake hduta ce; qa, Kukuśe yujajapi qon he ake upśija en iwanka ce.

WICOWOYAKE 3.

1 Wašteciqidapi kin, de nakaha wowapi inonpa cicagapi; hena en nitawacinpi mdesahan kiksuyapi on iyocipaśtakapi.

2 Hecen wicaśta wokcan wakan token oieyapi qon, qa nakun unkiye Itancan qa Wanikiya yeunśipi qon token econ unniśipi kin hena yeksuyapi kta.

3 Qa de tokaheya sdonya po, anpetu ehake kin en waihaŋapi, iye cantiheyapi śica eciyatanhan manipi kin heca hipi kta;

4 Qa heyapi kta; Hi kta keyapi qon he tukte e he; wicahunkake iśtinma ihpayapi ehan tanhan otokaheya tanhan taku owasin tokeca śni wanka ce.

5 Tuka he de sdonyapi śni, Wakantanka oie kin eciyatanhan maŋpiya kin ehanna un, qa maka kin mini mahen qa nakun mini akan han;

6 Qa nakun he eciyatanhan, maka ehanna un qon he mini apaśbog hiyaye ɕa ihangya.

7 Tuka maŋpiya qa maka nakaha un kin hena iye oie kin on kihnakapi, peta on ayuhapi, wo-

yaco anpetu qa wicaśta śica. śitkihdawicayapi kte cin hehan tu.

8 Tuka, wašteciqidapi kin, he de sdonye śni yukanpi śni po, Itancan kin ekta anpetu wanjidan waniyetu kektopawinge iyececa, qa waniyetu kektopawinge anpetu wanjidan iyececa ece.

9 Itancan kin taku wahowicaye cin yutehan śni, wicaśta wanjikśi yutehanpi eyapi kin iyececa; tuka unkiyepi on wawacinkta yuza tanka, tuwedan awihnuniɕiye kte śni, tuka owasin woiyopeiɕiye en ihdoupi kta cin.

10 Tuka Itancan taanpetu kin wamanon sa wan hanyen hi ece kin he iyecen u kta, hehan maŋpiya kin ħmunħmunyan hinħda on tokan iyaye kta, qa taku kin peta hinca on skan kta; qa maka kin wicoħan ohna un kin hena ħuħnage kta.

11 Hena taku kin owasin hecen skan kta hecinhan, wicoħan wašte qa Taku Wakan iyececapi kin en taku wicaśta yaunpi kta iyececa he:

12 Wakantanka taanpetu u kte cin he ayapepi qa on inayaħnipi kta; he en maŋpiya kin aide ecen atakuni kte śni, qa taku kin peta tanka hinca on skan kta.

13 Hececa eśta, unkiye, iye wahounyanpi kin eciyatanhan, maŋpiya teca qa maka teca en woowotanna ounye cin he wanunyakapi kta e unkaŋepi.

14 Heon etanhan, wašteciqidapi kin, taku hececa ayapepi kin heon aiɕiciya po, hecen iye wookiye en aśape śni qa iyaonpepicaśni iyeniyanpi kta.

15 Qa Itancan wawacinkta yuza tanka kin he wiconi kecan kin po; Palos, hunkawanjinun-

I. JOHANNES.

yanpi wašte kin, is eya woksape qupi kin eciyatanhan, wowapi nicagapi kin iyececa ;

16 He wowapi kage cin owasin en taku hececa cajeyata ece ; hena wanjiksi okahniñ tehika, tona onspepi šni qa kaktihanhan unpi kin yatokecapi, wowapi unma kin iyececa, iye ihdutakunipi kte šni heon.

17 Heon etanhan, waštecici-

dapi kin, niš niyepi hena itokam sdonyayapi, heon ihnuhan wicašta šica wohnaye kagapi kin nihnayanpi, qa sutaya nihdepi kin etanhan nihinlipayapi kinhan.

18 Tuka wowašte kin en, qa nakun Itancan unyanpi Wani-kiya Jesus Messiya sdonyapi kin en icaga po. Iye kin wowitan nakaha qa owihanke wanica kiciun nunwe. Amen.

JOHANNES

TAWOWAPI TOKAHEYA KIN.

WICOWOYAKE 1.

1 Taku otokaheya tanhan un, taku naunhonpi, qa ista on wanunyakapi, opaunhitapi qa nape on unzapi, Wiconi Oie kin hee.

2 Wiconi kin he ihdutanin ; unkan Wiconi Owihanke Wanicca Ateyapi kin kici un, qa unkiyepi kin en ihdutanin qon he wanunyakapi, qa unyaotaninpi qa unkoniciyakapi.

3 Taku wanunyakapi qa naunhonpi kin he unkoniciyakapi, hecen niye unyecicapi kta ; unkan awicakehan Ateyapi kin kici okiciciya unyakonpi, qa nakun iye Cinhintku Jesus Messiya kici.

4 Unkan nitowiyuskinpi kin yucopi kta e heon dena decen wowapi unnicagapi.

5 Hehan wotanin wašte iye eciyatanhan naunhonpi qa unkoniciyakapi kin, Wakantanka he iyoyanpa, qa otpaza takudan en un šni kin he hee.

6 Iye kici okiciciya unyakonpi ce, unkeyapi qa otpaza kin oma-

unnipi kinhan, unkitonpišni qa wowicake kin econkupi šni ece.

7 Tuka iye iyoyanpa en un kin he iyecen iyoyanpa kin en maunnipi kinhan, otoiyo hi okiciciya unyakonpi, qa iye Cinhintku Jesus Messiya we kin he woalitani owasin unkipakintapi kta.

8 Woalitani unnicapi ce, unkeyapi kinhan, unkičihnayanpi qa wowicake kin unkiyepi en un šni.

9 Tuka waunhitanipi kin unkohdakapi kinhan, iye kin wacinyepica qa owotanna un, hecen woalitani yutokan iyeunkiciciyapi kta, qa taku šica owasin unkipakintapi kta.

10 Eca waunhitanipi šni ce, unkeyapi kinhan, iye itonšni undakapi, qa iye oie kin unkiyepi en un šni ece.

WICOWOYAKE 2.

1 Micinca cikcistinpidan, wa-yahtanipi kte šni e heon dena decen wowapi cicagapi. Unkan tuwe walitani kinhan Ateyapi kin ekta Wawiciya wan unhapi,

WICOWOYAKE 2.

Jesus Messiya owotanna kin hee.

2 Unkan waunhtanipi wokajuju kin he iye; qa unkiye unkita-wapi kin hecedan šni, tuka maka kin owancaya woahitani econ-pi kin hena.

3 Unkan deciyatanhan iye kin wanna sdonunyanpi e sdonunkiyapi, tawoahope unkokicipapi kinhan.

4 Tuwe, He sdonwaya ce, eye ça tawoahope okicipe šni kin he itonšni, qa wowicake kin en un šni.

5 Tuka tuwe iye oie kin okicipe cinhan, awicakehan he en Wakantanka waštedake cin yuecetupi. Heciyatanhan iye kin en unyakonpi kin sdonunkiyapi ece.

6 Tuwe he kici un keye cinhan, iye token omani qon is iye-cen omani kta iyececa.

7 Mihunkawanji, woahope teca wan cicagapi šni, tuka woahope tanina, otokaheya tanhan duhapi qon hee. Woahope tanina kin wicoie otokahe ekta nayaŋonpi qon he hee.

8 Hehan akeš woahope teca wan cicagapi; he iye kin en wowicake, qa nakun niyepi kin en; otpaze cin he wanna hena-keca, qa iyoyanpa wicake cin he wanna tanin kin heon etanhan.

9 Tuwe iyoyanpa kin en un keičiye ça, hunkawanjitku kin šicekidake cin he dehantu otpaza kin en un.

10 Tuwe hunkawanjitku waštekidake cin he iyoyanpa kin en un ece, qa wokašeye takudan en un šni.

11 Tuka tuwe hunkawanjitku šicekidake cin he otpaza en un, qa otpaza omani, qa tokiya ye cin sdonkiye šni, išta kin otpaza kašeya, heon etanhan.

12 Hokšiyopa cikcistinpidan, iye caje kin on wayahtanipi kin nicicajujupi kin heon wowapi cicagapi.

13 Hunkakeniyanpi kin, tuwe otokaheya tanhan un kin he sdonyayapi kin heon wowapi cicagapi. Koškapi kin, tuwe šice cin he ohiyayapi kin heon wowapi cicagapi.

14 Hokšiyopa cikcistinpidan, Ateyapi kin sdonyayapi kin he etanhan wowapi cicagapi. Hunkakeyapi kin tuwe otokaheya tanhan kin he iye sdonyayapi kin heon wowapi cicagapi. Koškapi kin, wanišakapi, qa Wakantanka oie kin en niunpi, qa tuwe šice cin he yaktepidan kin he etanhan wowapi cicagapi.

15 Wicoicage kin de waštedapi šni po, qa taku wicoicage kin ekta un kin hena nakun. Tuwe wicoicage kin de waštedake cinhan, Ateyapi kin waštedake cin en un šni.

16 Taku wicoicage en un kin owasin, wicacehi cantiheye cin, wicaišta cantiheye cin, qa wiconi kin den wahaniciđapi kin, hena Ateyapi kin etanhan šni, tuka wicoicage kin de etanhan.

17 Unkan wicoicage kin de atakuni kte šni, qa wocantiheye kin nakun; tuka tuwe Wakan-tanka tawacin kin yuhe cinhan, he owihanke wanin ounye kta.

18 Hokšiyopa cikcistinpidan, anpetu ihankeya kin wanna hi-yohi; unkan, Messiya kipajin kin he u kta ce, nayaŋonpi qon he iyecen Messiya kipajinpi kin ota wanna hipi; heon de anpetu ehake kin sdonunyanpi.

19 Unkiyepi kin etanhan inan-papi, tuka hena unkicicapi šni. Hena unkicicapi unkanš, unkici,

I. JOHANNES.

pi un wacinpi kta : tuka owasin unketanhanpi šni tanin kta e heon etanhan hececa.

20 Tuka Wanji Wakan kin he niye sdaniyanpi, qa heon taku owasin sdonyayapi.

21 Wowicake kin sdonyayapi šni kin heon wowapi cicagapi šni ; tuka he sdonyayapi, qa woi-tonšni takudan wowicake kin eciyatanhan u šni, heon etanhan.

22 Tuwe itonšni he ; tuwe Jesus he Messiya kin ee šni, keye cin hee ; Messiya kipajin kin hee, Ateyapi qa nakun Cinhintku kin anawicakilibe cin hee.

23 Tuwe Cinhintkuyapi kin wicada šni kin he Ateyapi kin yuhe šni : tuka tuwe Cinhintkuyapi kin oyake cinhan, he Ateyapi kin nakun yuha ece.

24 Taku otokaheya tanhan nayahonpi qon he yuha po. Taku otokahe ekta nayahonpi qon en niunpi kinhan, Cinhintkuyapi kin en yaunpi kta, qa nakun Ateyapi kin en.

25 Unkan wahoyapi qon taku iwahounyanpi kin, owihanke wanin wiconi kin hee.

26 Tona nihnayanpi kta cinpi kin hena on decen wowapi cicagapi.

27 Tuka sdaniyanpi, iye eciyatanhan duhapi kin he nicipi un ; qa tuwe waonspeniciyapi kta iyenicecapi šni ; tuka sdaniyanpi kin he taku owasin onspeniciyapi, he wowicake qa woi-tonšni wanica ; he taku onspeniciyapi kin iyecen, iye kin en un po.

28 Unkan dehan, hokšiyopa cikcistinpidan, iye kici un po ; hecen tohan iye ihdutanin kinhan wacinunyanpi kta, qa taninyan hinajin kinhan, itokam unkištecapi kte šni.

29 Iye owotanna un sdonyaya-

pi kinhan, tuwe woowotanna econ kin he iye kin eciyatanhan wanna teca nien tonpi e nakun sdonya po.

WICOWOYAKE 3.

1 Wanyaka po, Ateyapi kin wocantekiye hinsko tanka unqupi kin, Wakantanka cinca unke-kiciyapi kta : heon etanhan wicoicage kin sdonunyanpi šni, iye kin sdonyapi šni qon iyececa.

2 Waštecicidapi kin, wanna Wakantanka cinca kin heuncapi ; qa tounkecapi kte cin hinahin tanin šni : tuka iye kin ihdutanin kinhan, iyeuncecapi kta e sdonunkiyapi ; he token un kin wanunyakapi kta nakaes.

3 Unkan tuwe hecen wacinyan canteyuze cinhan ihduecedan ece, iyc kin ecedan un kin iye-cen.

4 Tuwe woalitani econ kin he woope kin kicaksa ece ; woalitani he woope kicaksapi kin hee.

5 Unkan iye ihdutanin qon, waunhtanipi kin yutokan iyeeye kta e heon, he sdonyayapi ; qa iye kin woalitani takudan en un šni.

6 Tuwe iye en un kin he walitani šni ; tuwe walitani ece kin he iye kin tohinni wanyake šni, qa nakun sdonye šni.

7 Hokšiyopa cikcistinpidan, ihnuhan tuwe nihnayanpi kinhan ; tuwe taku owotanna econ ece kin he owotanna, iye kin owotanna un kin iyececa.

8 Tuwe woalitani econ ece kin he wakanšica eciyatanhan un ; otokaheya tanhan wakanšica kin walitani ece. Heon etanhan Wakantanka Cinhintku kin ihdutanin, wakanšica ohan kin ihangye kte cin heon.

9 Tuwe Wakantanka eciyatan-

WICOWOYAKE 4.

han teca nien tonpi kin he woahtani econ šni, taku on icaŋye cin he en un kin heon; unkan wahtani okihi šni, Wakantanka eciyatanhan teca nien tonpi kin he etanhan.

10 Detanhan Wakantanka cinca kin sdonwicayapi, qa nakun wakanšica cinca kin; tuwe taku owotanna ece econ šni kin he Wakantanka eciyatanhan šni, qa nakun tuwe hunkawanjitku tanyan cante kiyuze šni kin.

11 Otokaheya tanhan taku iwahokonunkiciyapi nayahonpi qon he dee, otoiyohi wašteunkicidakapi kte cin.

12 Qain taku šice cin eciyatanhan un, qa iye sunkaku kikte qon iyecece šni. Unkan taku on kikte he. Iye kin ohan šica, qa sunkaku kin wašte kin heon etanhan.

13 Mihunkawanji, wicoicage kin šicenidapi ešta inihanpi šni po.

14 Hunkawanjinkiciyapi waštewicunkidapi kin heon wiconte etanhan wiconi e ekta unkiyohipi sdonunkiyapi; tuwe hunkawanjitku waštekidada šni kin he wiconte ehna un.

15 Tuwe hunkawanjitku šicekidake cin he tinwicakte kin heca; unkan tuwe tinwicakte kin he wiconi owihanke wanica aihduhe šni e sdonayayapi.

16 Deciyatanhan wacantkiyapi kin sdonunyanpi; iye kin unkiyepi on wiconi ehpekiye cin heon; hecen unkiš eya hunkawanjinkiciyapi kin on wiconi ehpeunkiyapi kta iyececa.

17 Tuka tuwe maka akan woyuha ton, qa hunkawanjitku wahpanica wanhdake ça, cantekiye cin anakipte cinhan, token Wakantanka waštédake cin en un kta he.

18 Micinca cikeistinpidan, wicoie qa wicaceji ecedan on wacanunkiyapi kte šni, tuka wicoŋhan qa wowicake kin on.

19 Unkan deciyatanhan wowicake eciyatanhan unyakonpi, qa iye itohnake kin en cante unhdutinzapi kta e sdonunkiyapi.

20 Uncantepi kin unhdacopi kinhan, Wakantanka uncantepi kin sam iyeya tanka, qa taku owasin sdonya un.

21 Waštécicidapi kin, uncantepi kin unhdacopi šni kinhan, Wakantanka ekta wowaditake kin unhapi:

22 Qa taku unkidapi kin owasin unkiyupie ece, tawoahope kin unkiyuhapi, qa taku iye išta kin en iyokipi kin he econkupi, heon etanhan.

23 Unkan tawoahope kin he dee, Iye Cinhintku Jesus Messiya caje kin wacinunyanpi, qa otoiyohi wašteunkicidapi kta, econ unšipi qon iyececa.

24 Tuwe tawoahope kin opecinhan, he *Wakantanka* kici un, qa iš iye kin en un; unkan Woniya unqupi kin he eciyatanhan iye unkiyepi un kin he sdonunyanpi ece.

WICOWOYAKE 4.

1 Waštécicidapi kin, ihnuhan woniya owasin wicayadapi kinhan; tuka woniya kin wicayukean po, Wakantanka etanhan unpi kinhan; wicašta wokean itonpišni ota wanna wicoicage kin ehna iyayapi.

2 Deciyatanhan Wakantanka Taniya kin sdonayayapi kta; woniya kin tona Jesus Messiya wicacehpi un hi oyake cin hena Wakantanka eciyatanhanpi ece.

3 Qa woniya kin tona Jesus Messiya wicacehpi un hi oyake šni kin hena Wakantanka eciya-

I. JOHANNES.

tanhanpi šni; tuka Messiya kipa-
pajin u kta nayahonpi qon he
dee, wanna wicoicage kin en un.

4 Hoksíyopa cikeistinpidan,
Wakantanka eciyatanhan yaun-
pi, qa hena ohiwicayayapi; tu-
we en niunpi kin he tuwe wico-
icage en un kin isanpa tanka.

5 Hena e wicoicage kin etan-
hanpi; heon wicoicage kin iye-
cen iapi, unkan wicoicage kin
anawicagoptan ece.

6 Unkiye Wakantanka unke-
tanhanpi; tuwe Wakantanka
sdone cin he unkiye anaungo-
ptanpi ece; qa tuwe Wakantanka
eciyanhan šni kin he anaun-
goptanpi šni. Deciyatanhan
wowicake woniya qa wohnaye
woniya kin napin sdonunyanpi.

7 Waštécicidapi kin, otoiyo-
hi canteunkiciyapi kte; wacant-
kiyapi kin he Wakantanka eci-
yanhan un; qa tuwe wacant-
kiye cin he Wakantanka eciya-
tanhan tonpi, qa Wakantanka
sdoneya.

8 Tuwe wacantkiye šni kin he
Wakantanka sdone šni; Wa-
kantanka he wacantkiyapi kin
hee.

9 Wakantanka canteunkiyapi
kin he deciyatanhan tanin, Wa-
kantanka iye Cinhintku isnana
icage cin he makata u ši, heci-
yanhan unnipi kta e heon.

10 Wacantkiyapi kin he deci-
yanhan, unkiye Wakantanka
wašteundakapi kin hee šni, tuka
iye canteunkiyapi, qa Cinhintku
waunhtanipi yutokan iyeye kta
e on u ši qon hee.

11 Waštécicidapi kin, Wakan-
tanka hecen canteunkiyapi kin-
han, unkiš eya otoiyo-
hi canteunkiciyapi kta iyececa.

12 Tuwedan tohinni Wakan-
tanka wanyake šni. Otoiyo-
hi canteunkiciyapi kinhan Wa-

kantanka unkicipi un, qa iye
canteunkiyapi kin unkiyepi en
tanyan yuštampi ece.

13 Heciyatanhan unkiye kici
unyakonpi, qa iye unkicipi un
kin sdonunyanpi ece, iye Taniya
unqupi kin heon.

14 Unkan wanunyakapi, qa A-
teyapi kin Cinhintku ukiya, wi-
coicage kin ekta, Wanikiya hee
kta e he unyaotaninpi.

15 Tuwe Jesus he Wakantan-
ka Cinhintku kin hee e oyake
cin he kici Wakantanka un, qa
is eya Wakantanka en un ece.

16 Wakantanka canteunkiyapi
kin he sdonunyanpi qa wicaun-
dapi. Wakantanka wacantki-
yapi kin hee; qa tuwe wacant-
kiyapi en un kin he Wakantanka
kici un, qa Wakantanka is nakun
iye en un ece.

17 Deciyatanhan wocantekiye
unkiyepi en unkiciyuštampi ece,
hecen woyaco anpetu kin en
wowaditake unhapi kta: iye un
kin unkiš iyecen wicoicage kin
den unyakonpi ece.

18 Wacantkiyapi kin en woko-
kipe wanica, tuka wacantkiyapi
yuštampi kin he wokokipe tan-
kan ełpeya ece; wokokipe kin
he wicocante šica yuha ece; tu-
we wakokipe cin he nahanhin
wacantkiyapi kin en yuštampi
šni.

19 Iye tokaheya canteunkiya-
pi kin heon unkiye *Wakantanka*
wašteundakapi.

20 Tuwe, Wakantanka wašte-
wadaka ce, eye ɕa hunkawanji-
tku šicekidake cinhan, he iton-
šni. Tuwe hunkawanjitku wan-
hdake cin he waštekidake šni
kinhan, token ecin Wakantanka
wanyake šni kin waštedaka oki-
hi kta he.

21 Unkan iye etanhan woahope
kin de unhapi; tuwe Wakan-

WICOWOYAKE 5.

tanka waštedake cin he hunka-
wanjitku kin iś nakun wašteki-
dake kta ce.

WICOWOYAKE 5.

1 Tuwe Jesus he Messiya kin
ee e wicada kin he Wakantanka
eciyatanhan tonpi ; qa tuwe wa-
icahye cin waštedake cinhan,
he tuwe iye eciyatanhan teca
ni en tonpi kin he nakun wašte-
daka ece.

2 Deciyatanhan Wakantanka
cinca kin wašewicundakapi kin
sdonunkiyapi, Wakantanka wa-
šteundakapi qa tawoahope kin
tanyan unkiciyuhapi kinhan.

3 Wakantanka waštedakapi kin
he dee, tawoahope kin tanyan
ounpapi kin he ; unkan tawoa-
hope kin wošitkihda śni.

4 Tuwe Wakantanka eciyatan-
han tonpi kin he wicoicage kin
ohiya ece ; unkan woohiye wi-
coicage ohiye cin he dee, wa-
cinunyanpi kin hee.

5 Wicoicage ohiya ece kin he
tuwe he ; tuwe Jesus he Wa-
kantanka Cinhintku kin ee e
wicada kin hee.

6 Tuwe mini qa we eciyatan-
han hi qon he Jesus Messiya ee ;
mini ecedan on hi śni, tuka mini
we ahna. Unkan wayaotanin
kin he Woniya kin hee ; Woniya
kin he wowicake, heon etanhan.

7 Małpiya kin ekta yamni wa-
yaotaninpi ece, Ateyapi kin, Wi-
coie kin, qa Woniya Wakan kin ;
unkan hena yamni wanjipidan.

8 Nakun maka akan taku ya-
mni wayaotanin ece, Woniya
kin, qa mini kin, qa we kin ; un-
kan hena yamni wanjidan en un.

9 Wicašta akantu taku yaotan-
inpi kin he unkipi kinhan,
Wakantanka taku yaotanin kin
he iyotan tanka ; Wakantanka

taku yaotanin kin he dee, iye
Cinhintku hdaotanin qon hee.

10 Tuwe Wakantanka Cinhin-
tku kin wicada kin he wayaotan-
in iye atayedan yuha un. Tu-
we Wakantanka wicada śni kin
he itonśni daka ece ; wayaotan-
in kin on Wakantanka iye Cin-
hintku hdaotanin qon he wicada
śni kin heon.

11 Unkan wayaotanin qon he
dee, Wakantanka wiconi owi-
hanke wanica unqupi kin he ;
unkan wiconi kin he iye Cinhin-
tku kin en un.

12 Tuwe Cinhintkuyapi kin
yuhe cin he wiconi yuha ; qa tu-
we Wakantanka Cinhintku kin
yuhe śni kin he wiconi yuhe śni.

13 Wakantanka Cinhintku ca-
je kin wacinyayapi kin dena wo-
wapi cicagapi kin ; wiconi owi-
hanke wanica duhapi e sdonya-
kiyapi kta, qa Wakantanka Cin-
hintku caje kin wacinyayapi kta
e heon.

14 Unkan iye ekta wowadita-
ke unhapi kin he dee, Iye tawa-
cin kin eciyatanhan taku unki-
dapi eca naunkihonpi ece :

15 Qa taku unkidapi eca naun-
kihonpi ece e sdonunkiyapi kin-
han, taku tona unkidapi kin he-
na unhapi e nakun sdonunkiya-
pi ece.

16 Tuwe hunkawanjitku wa-
łtani wanhdake cinhan, woalita-
ni kin he wiconę ekta śni kin-
han, wocekiye ekiciye kta, un-
kan *Wakantanka* wiconi qu kta,
tona walitanipi wiconę ekta
iyahde śni hena on. Woalitati
wanji wiconę ekta ; he on wo-
cekiye eye kta epe śni.

17 Taku śica econpi kin owasin
woalitati ; unkan woalitati wi-
conę iyohi śni kin heca yukan.

18 Tuwe Wakantanka eciya-
tanhan tonpi kin he walitati śni

II. JOHANNES.

ece e sdonunyanpi; tuka tuwe Wakantanka eciyatanhan icage cin he tanyeh ihduhe ça hecen taku síce cin he oyutan šni ece.

19 Wakantanka eciyatanhan unyakonpi kin he sdonunkiyapi; qa wicoicage kin ocowasin woahtani en wanka.

20 Unkan Wakantanka Cinhintku kin he hi, qa wicoksape

unqupi, on tuwe wicake cin iye-unkiyapi kta e sdonunyanpi; unkan tuwe wicake cin he en unyakonpi, iye Cinhintku Jesus Messiya hee. Wowicake Wakantanka qa owihanke wanin wiconi kin hee.

21 Hoksíyopa cikcistinpidan, taku wakagapi kin itehan ihduha po. Amen.

JOHANNES

TAWOWAPI INONPA KIN.

1 Hunkayapi un kin, Kuria kañigapi qon *wowapi kicaga*; iye cinca kin, wowicake eciyatanhan wašewicawadake cin hena om, qa mišnana šni, tuka nakun tona wowicake sdoniyapi kin hena owasin;

2 Wowicake kin en unyakonpi, qa owihanke wanin unkicipi un kte cin heon etanhan.

3 Wowaste, wowaonsida, woo-kiye ko, Wakantanka Ateyapi kin eciyatanhan, qa nakun Jesus Messiya Itancan, Ateyapi kin he Cinhintku kin eciyatanhan, wowicake wacantkiyapi ko en, nicipi un nunwe.

4 Ateyapi kin woahope unqupi qon iyecen, nicinca wowicake eciyatanhan manipi iyewicawakiye cehan nina iniduškin.

5 Unkan nakaha, Kuria, ceciya ce, woahope teca wan cica-ge cin iyecece šni, tuka wanji otokahe ekta unhapi qon, otoiyohi canteunkiciciyapi kte cin hee.

6 Qa wacantkiyapi kin he dee, tawoahope kin eciyatanhan mannipi kte cin hee. Woahope kin he dee, Otokahe ekta taku nayahonpi qon he ohna mayanipi kte cin.

7 Wanna wicahnaye sa ota wicoicage kin ehna iyayapi, hena Jesus Messiya wicacehpi un hi qon oyakapi šni. He wicahnaye sa qa Messiya kipajin kin heca.

8 Iwanihdaka po, hecen taku unkamnanpi kin toki ehpeunyanpi kte šni, tuka wokajuju iyakicuya unkicupi kta.

9 Tuwe wahtani qa Messiya tawoonspe kin en un šni kin he Wakantanka yuhe šni. Tuwe Messiya tawoonspe kin en un kin he Ateyapi kin yuhe ça nakun Cinhintku kin.

10 Tuwe en niipi qa woonspe kin de yuhe šni kinhan, tin u šipi šni po, qa wooikiye eciyapi šni po.

11 Tuwe wooikiye eciye cin he iye ohan síce cin en opa.

12 Taku ota wowapi cicagapi kta mduha esta, minihuha minisapa ko on ecamon kte šni: tuka en ciupi qa i eciyatanhan ociciyakapi kta e ecin cante mduza; hecen wowiyuškin unkitawapi kin ojudan kta.

13 Nitanka kañigapi qon cin-cawicaye cin hena nape niyuza-pi. Amen.

TAWOWA IYAMKI KIN.

1 Hunkayapi *waun* kin, Gayos waštedakapi kin, wowicake en waštewadake cin he, *wowapi cicaga*.

2 Waštecicida, taku owasin isanpa, tanyan iyoopte de kta qā zaniyan yaun kta e cewakiya ece, ninagi iyoopta ye cin iyececa.

3 Hunkawanjinkiciyapi kin den hipi, qa wowicake en niun kin he oyakapi qehan, wowicake eciyatanhan mayani kin heon nina imduškin.

4 Micinca wowicake kin eciyatanhan manipi nawañon kin heon wowiyuškin iyotan tanka mduha, takudan kape šni.

5 Waštecicida, taku hunkawanjinkiciyapi kin, qa nakun wicašta toktokeca ecawicayecon kin he tanyeh ecanon:

6 Hena e okodakiciye kin en wacanyakiye cin tanyan oyakapi: hena icimanipi en, Taku Wakan iyececa, owicayakiye cinhan. tanyan ecanon kta.

7 Iye caje kin on iyayapi, qa Ikcewicašta kin etanhan takudan icupi šni, heon etanhan.

8 Heon tona hececapi kin hena iyowinwicunkiyapi kta iyececa; hecen wowicake kin ounkiyapi kta.

9 Okodakiciye kin wowapi

wicawecaga; tuka hena ehna Diotrephes itancan içida kin he iyowinunkiyapi šni.

10 Heon etanhan wau kinhan, iye ohan kin, oie šica on unkaiapi ece kin hena weksuye kta. Unkan he on imnan šni, tuka iye hinca hunkawanjinkiciyapi kin iyowinwicakiye šni, qa tona hecon wacinpi kin iyowicaki šni, qa okodakiciye kin etanhan tankan iyayewicaya ece.

11 Waštecicida, taku šice cin he en ope šni wo, tuka taku wašte kin. Tuwe taku wašte ccon kin he Wakantanka eciyatanhan un, tuka tuwe taku šica econ kin he Wakantanka wanyake šni.

12 Demetrios owasin on tanyan oyakapi, qa wowicake kin nakun eciyatanhan; unkan unkiš eya he unyaotaninpi, qa waunyaotaninpi kin he wowicake e sdoniyayapi.

13 Taku ota ociciwa kta mduha tuka, tuka minisapa wiyaka ko on hena wowapi cicage kte šni:

14 Tuka ecadan wanciyake kta, qa i eciyatanhan unkokiciye kta wacin.

15 Wookiye niye en niciun nunwe. Takukiciyapi kin hena nape niyuzapi. Takukiciyapi kin cajeyan nape wicayuza wo.

T A W O W A P I K I N .

1 Judas, Jesus Messiya tawowidake kin, qa Jakob sunkaku kin, tona Wakantanka Ateyapi kin en wicayuecepidan, qa Jesus Messiya en wicakpatanpi, qa wicakicopi kin hena *wowapi wicakicaga*.

2 Woweonśida, qa wookiye, wacantkiyapi ko niyepi en nicipi unotapi nunwe.

3 Waštēcicidapi kin, wiconi ptaya unhapi kin on aiciciya wowapi cicagapi eca, wowacinye ehanna wicašta wakan wicaqupi qon he nina yakitanpi kta e on wowapi cicagapi, qa wahokonci-ciyapi kta iyececa.

4 Wicašta wanjikśi nahmana en opapi, wanakajatanhan woyaco kin de on owicawapi ; hena Taku Wakan iyececapi śni, qa Wakantanka unkitawapi towaonśida kin he wicowicaštaśni kagapi, qa Wakantanka ecedan Itancan kin he analhmanpi, qa nakun Jesus Messiya Itancan unyanpi kin.

5 Heon etanhan, taku, ehanna sdonyayapi ešta, he ake kiksuyeciciyapi kta wacin, Itancan kin oyate kin Egipta etanhan ehda-ku, qa iyohakam tona wicadapi śni kin hena ihangwicaye cin.

6 Qa nakun mahpiya ohnihde otokahe unpi kin kpatanpi śni, tuka iye tipi ehpekiyapi qon, hena otpaza ihukuya, owihanke wanin mazaicicahiha kin on, anpetu tanka woyaco kin he en awicayuha.

7 Sodom qa Gomorra iyececa,

qa otonwe hena ihdukśan wanke cin, hena is eya iyecece wiina-hmanpi kin en icicupi, qa wicacehpi toktokeca akitapi ece qon hena e woonspe on ehdepi, qa peta owihanke wanica on woštikihda en unpi.

8 He iyececa, wihamnanpi sa kin dena wicacehpi kin ašamyapi, qa wokiconze wahtedapi śni, qa taku tanka yašicapi ece.

9 Hececa, tuka Mikael mahpiya ohnihde itancan kin he wakanśica kin kici econ, qa Moses tancan kin on akinicapi qehan, wooštehdha woiyaonpe wan en aya tawaŋenye śni, tuka, Itancan kin iyopeniyan nunwe, eciya.

10 Tuka dena e qe taku sdonyapi śni kin hena yašicapi ece : tuka iye icagapi kin eciyatanhan taku sdonyapi kin hena on ihduśicapi, woteka ia okitpanipi kin iyececa.

11 Wotehi wicakiciun nunwe ; Qain tancanku kin ohna yapi, qa wokajuju on, Balaam tawohnaye kin nina ainyankapi, qa Kore wicakipajin qon en ihangiciyapi.

12 Hena woasape kin heca, wacantkiya wayatapi kin en opeya wotapi, qa wikopeśniyan cemiciyapi ; mahpiya šapa mini wanica tate on ayapi ece kin ; can kin ptanyetu eca šeca aya, waskuyeca codan, inonpa šeca, qa hute eciyatanhan yujunpi kin hena *hececapi*.

13 Miniwanca taja ohitika, iye wowištece tawapi kin minitaga

WICOWOYAKE 1.

iyecen hiyuyapi ece ; wicanłpi onuniyata unpi, on otpaza sape ħınca owihanke wanin wicakicihnakapi.

14 Henok Adam etanhan wicašta isakowin qon he itokam hena owicayake a heya ; Wanyaka po, Itancan kin wicašta wašte wicayuhe cin woyawa tanka om u ce ;

15 Owasin wicayaco kta, a tona Taku Wakan ohodaśni kin hena wicoħan śiksica owasin ohodaśniyan econpi qon hena sdonkiyewicaye kta, a wicoie canksiksi owasin waħtanipi sa Taku Wakan ohodapi śni oie kicatonpi ece qon hena nakun.

16 Hena e wihnupi sa, wawiyaonpapi sa, iyc cantiheyapi kin eciyatanhan manipi ece ; a i eciyatanhan wahanħaniidaya iapi, a taku on etanhan wicašta itohnake kin waštedakapi ece.

17 Tuka waštecicidapi kin, niyepi, Jesus Messiya Itancan unyanpi yewicaši qon hena oiepi ehanna oyakapi qon hena kiksuya po ;

18 Anpetu ihankeya kin en wicašta wawihahapi kin yuke kta, iye cantiheyapi śice cin eciya-

tanhan manipi kin, he oniciyakapi qon.

19 Ihdutokanpi kin dena eepi, witantanpi, a Woniya kin yuhapi śni.

20 Tuka waštecicidapi kin, niś niyepi wowacinye iyotan wakan nitawapi kin he ohna icaħiiyapi, a Woniya Wakan kin eciyatanhan wocekiye eya po ;

21 Wakantanka waštedakapi kinen ihduha po ; a Jesus Messiya Itancan unyanpi towaonśida wiconi owihanke wanica iyahde kte cin he ape yukan po.

22 Unkan hunł wicayukcanyan onśiwicada po ;

23 a hunł is wokokipe on niwicaya po, peta etanhan iwicacupi kin iyececa ; a wokoyake wicaceħpi on aśapapi kin hena ee kaeś śicedaka po.

24 Unkan tuwe woahťani econ śni niyuhapi kta okihi, a wowiyuśkin yuha iye towitan kin en iyaonpepica śni enihdepi kte cin,

25 Wakantanka ecedan ksapa, Wanikiya unkitawapi kin hee, Jesus Messiya Itancan unyanpi kin eciyatanhan, wowitan, wo-yaonihan, wookihi a wokiconze, dehantu a wicoicage owasin hehanyan, tawa nunwe. Amen.

JOHANNES

WAYUOTANIN TAWA KIN.

WICOWOYAKE 1.

1 Jesus Messiya wayuotanin tawa, taku ećadan u kta e he tawowidake kin sdonyewicakiiye kta Wakantanka qu qon he dee ; unkan taohnihde wan u śi,

a tawowidake Johannes he okiyaka :

2 He Wakantanka oie kin, a Jesus Messiya wohďake cin, taku tona wanyake cin hena yaotanin.

3 Tuwe wokcan oie kin de ya-

WAYUOTANIN.

wa, qa tona nahonpi, qa taku en kagapi kin anagoptanpi kin, hena wowaste yuhapi. Wanna kiya-dan ihan.

4 Johannes, Asia ekta okodaki-ciye sakowinpi kin *wowapi wicakicaga*. Wowaosida, woo-kiye ko, tuwe un, qa un qon, u kte cin hetanhan niyepi en nicipi un nunwe; qa Woniya sakowinpi oiyotanke tawa kin itokam unpi kin hena eciyatanhan;

5 Qa Jesus Messiya etanhan, he waayatanin wicaka, wiconte etanhan tokaheya tonpi, qa maka wicastayatapi kin Itancan kin hec. Tuwe waste unkidapi, qa waunhtanipi kin etanhan iye we kin en unyujajapi,

6 Qa Atkuku Wakantanka ekta wicastayatapi, wosna kagapi ko un-kagapi kin hee, wowitan, wowasake ko owihanke wanin tawa nunwe. Amen.

7 Wanyaka po, mahpiya sapa kin akan u; unkan wicista owasin wanyakapi kta, qa tona he capapi qon hena nakun, qa iye on oyate maka ohnaka kin owasin aicipapi kta. Hecetu nunwe. Amen.

8 Alpha qa Omega, otokahe qa owihanke kin he miye ce; Itancan un, qa un qon, u kta, iyotan wasake cin he hena liecen eya.

9 Johannes hunkawanjinyayapi, wokakije, qa wokiconze, wowaibadan ko, Jesus Messiya tawa kin en, tawasi yayapi kin he miye; Wakantanka oie qa Jesus Messiya wohdake cin on etanhan, wita wan, Patmos eciyapi, hen waun.

10 Itancan taanpetu kin en Woniya kin kici waun; unkan mihektapa tanhan wicaho wan tanka, maza yahotonpi tanka wan iyececa, nawahon;

382

11 He kaken eya, Alpha qa Omega, tokaheya qa ehake kin he miye ce. Taku wandake cin wowapi ecen kage ca, Asia ekta okodakiciye kin iwahowicaya wo; Ephesos, qa Smurna, qa Pergamos, qa Thuatira, qa Sardis, qa Philadelphia, qa Laodikia.

12 Unkan wicaho omakiye cin he wanmdake kta e ekta mihdamna. Unkan mihdamna qehan mazaskazi petijanjan ihupa sakowin wanmdaka.

13 Qa petijanjan ihupa sakowin kin cokaya Wanji Wicasta Cinhintku kin iyececa, tawokoyake kin siha kin ekta iyahdeya, qa maku kin opta mazaskazi ihduskita.

14 Qa pa kin paha ko ska, tahinca wanuyanpi hin kin iyecen ska, qa wa iyececa, qa ista kin peta ide kin iyececa;

15 Qa siha kin is mazazi ecedan iyececa, peta tanka en itkon-yahe seca; qa ho kin he mini ota ilaha kin iyececa.

16 Qa nape etapa kin ohna wicanhpi sakowin hduhe ca, i kin eciyatanhan maza sagye anog ope kin heca wan hiyu, qa itohnake kin he anpetu wi nina iyege cin iyececa.

17 He wanmdaka, unkan ta wanke cin iyecen siha hde kin en mahinlpaya. Hehan iye nape etapa kin on omayutan qa, Ihnuhan koyakipe cin, emakiya; Tokaheya qa ehake kin he miye;

18 Tuwe te ca ake kini, qa ito owihanke wanin ni waun; Amen; qa Wakanšica ti kin wiconte ko tiyopa iyuhdoke kin yuha manka ce.

19 Taku wandake cin he wowapi ecen kaga wo, taku nakaha un qa dena iyohakam taku u kte cin hena.

WICOWOYAKE 2.

20 Wicanłpi śakowin minape etapa kin ohna wandake ciqon wowiyukcan kin hee, qa maza-skazi petijanjan ihupa kin hena nakun. Wicanłpi śakowin qon okodakiciye śakowinpi ohnihde yuhapi kin hena eepi; qa petijanjan ihupa śakowin wandake cin okodakiciye śakowinpi kin hena eepi.

WICOWOYAKE 2.

1 Ephesos ekta okodakiciye ohnihde yuhapi kin he ecen wowapi kicaga wo; Tuwe wicanłpi śakowin nape etapa kin ohna hduhe a, mazaskazi petijanjan ihupa śakowin cokaya omani kin he hecen eya;

2 Niołan, qa nitohłani, qa wacinnitanka kin he sdonwaya; qa tona śicapi kin hena iyowin-wicakiya oyakihi śni; qa tona yewicałpi kin hecapi keiiyapi kin hena wicadukcan qa itonpi-łni kin heca iyewicayaya.

3 Wacinnitanka, qa ayape, qa micaje kin on łitayani, qa oya-kiłe łni.

4 Tuka taku cistinna iyacionpa, tokaheya wałteyadake cin he adułtan.

5 Heon tokiya tanhan nihinłpaye cin he kiksuye, a ihdu-ecetu, qa niołan tokaheya kin hdułtan wo. *Hecanon* łni kinhan kohanna 'ekta ciu, qa petijanjan nitawa kin yutokan iye-ciciye kta, nihduecetu łni kinhan.

6 Tuka he duha, Nikoleton wicołan kin śiceyadake cin, hena mił eya śicewadaka.

7 Tuwe noge yukan hecinhan, taku Woniya kin okodakiciye kin ewicakiye cin he nałon kta. Tuwe ohiye cinhan he can wiconi, Wakantanka tamaga co-

kaya he cin, hetanhan yun wa-kiye kta.

8 Unkan Smurna ekta okodakiciye ohnihde yuhapi kin he ecen wowapi kicaga wo; Tuwe tokaheya qa ehake un kin, e a ake kini kin hee hecen eya;

9 Niołan kin sdonwaya, wokakije wowałpanica ko nitawa kin, (tua winijica;) qa tona Juda wicałta keiiyapi qa hecapi łni, tuka Satan omniciye tawa kin etanhanpi, hena waaiapi kin *nakun sdonwaya*.

10 Token nicakije kte cin ihnuhan taku koyakipe cin. Iho, Wakanłica niyepi wanjikji wicakałka tipi kin en iyenianpi kta, iniyukcanpi kta e heon; unkan anpetu wikcemna hehan-yan wokakije duhapi kta; tuka wicałe cin hehanyan wicaka wo, kinhan wiconi watełdake wan ciu kta.

11 Tuwe noge yukan hecinhan, taku Woniya kin okodakiciye kin ewicakiye cin he nałon kta. Tuwe ohiye cinhan he wiconłe icinonpa kin on kiunianpi kte łni.

12 Unkan Pergamos ekta okodakiciye ohnihde yuhapi kin he ecen wowapi kicaga wo; Tuwe maza sagye anog ope kin hduhe cin hee hecen eya;

13 Niołan kin sdonwaya, qa tukten Satan oiyotanke tawa yanke cin hen yati; qa micaje kin yuha yaun, qa wacinmayanpi kin adułtan łni, anpetu kin Antipas waayatanin wicaka mitawa kin niyepi kin en, tukten Satan ti kin, hen ktepi qon he ehan.

14 Tuka taku wanjikjidan iyacionpa; Balaam hee Balak Israel cinca kin taku on wałłani iiyapi kte cin wicitokam ehde

WAYUOTANIN.

kin he onspekiye ça, taku wakagapi wakiyuśnapi kin yutapi, qa wiinalımanpi econpi kta, he tawoonspe tona yuhapi kin hena wicaduha ;

15 Qa nakun Nikoleton tawoonspe yuhapi kin hena wicaduha, he śicewadaka tuka.

16 Ihduecetu wo ; *hecanon* śni kinhan kohanna ekta ciu, qa mii maza sagye kin on hena kiei wecize kta.

17 Tuwe noge yukan hecinhan, taku Woniya kin okodakiciye kin ewicakiye cin he nalıon kta. Tuwe ohiye cinhan he manna kihnakapi qon he etanhan yunwakiye ça inyan ska wan waqu kta, inyan kin he en wicacaje teca wan kagapi kin he tuwedan sdonye śni, tuka tuwe icu kte cin hecedan.

18 Unkan Thuatira ekta okodakiciye ohnihde yuhapi kin he ecen wowapi kicaga wo ; Wakantanka Cinhintku, iśta peta ide kin iyecen hduhe ça, siha kin mazazi ecedan iyececa hee hecen eya ;

19 Niohan kin sdonwaya, wacanyakiye, ça htayani, qa wicayada, qa ayape, qa niohan kin, qa ehake kin hena tokaheya kin sam iyeya ota.

20 Tuka taku tonana iyacionpa, winoħınca wan Jezebel ecıyapi, winoħınca wokcanka keiciye cin he mitaokiye kin wicahnaye ça, wiinalımanpi econpi, qa taku wakagapi wakiyuśnapi kin yutapi kta e onspe wicakiye cin hee iyowinyakiya.

21 Unkan he wawiciliħapi econ kin on iyopeiciye kta e anpetu waqu, tuka iyopeiciye śni.

22 Ito, owinja wan akan ewaonpe kta, qa tona kiei wawiciliħapi econpi kin hena nakun, wo-

kakije tanka en ; wicohan kin on iyopeiciyapi śni kinhan.

23 Qa iye cinca kin wiconęe on wicawakte kta ; qa okodakiciye kin owasin, tuwe wicapakśin wicacante ko iyukcan kin he miye e sdonyapi kta. Qa niyepi kin otoiyohi niohanpi kin ecıyatanhan cięupi kta.

24 Tuka niyepi, qa tona Thuatira ekta woonspe kin he yuhapi śni, qa Satan ośbe tawa eyapi kin sdonye śni yaunpi kin kaken ecıyapi ; Waqinpi tokeca acıhnakapi kte śni ;

25 Tuka taku duhapi kin he ĩnsa hduha po, hıbu kte cin hehanyan.

26 Qa tuwe ohiye ça owıhanke kin iyahdeya mioħan kin yuha un kinhan, oyate kin en wowaśake waqu kta.

27 Qa maza icapsinte wan on wıcayuhe ça maka wakśıca iyeceen wıcakamdece kta ce ; hecen Ate etanhan hduha waun.

28 Qa anpao wıcanħpi kin he waqu kta.

29 Tuwe noge yukan hecinhan taku Woniya kin okodakiciye kin ewicakiye cin he nalıon kta.

WICOWOYAKE 3.

1. Unkan Sardis ekta okodakiciye ohnihde yuhapi kin he ecen wowapi kicaga wo ; Tuwe Wakantanka Taniya śakowin kin hena, qa wıcanħpi śakowin hduhe cin he hecen eya ; Niohan kin sdonwaya, caje wan duha, yani kin hee, tuka niņa.

2 Kiktahan un, qa taku tona nahahin en un qa ĩe kte cin hena hduwaśaka wo ; Wakantanka itokam niohan kin owotanna e iyewaye śni.

3 Heon token iyacu, qa nayaħon kin kiksuye ça, ĩnsa yuze

WICOWOYAKE 3.

ça, ihduecetü wo. Kiktahän yaun šni kinhan wamanon sa iyecen ekta ciu kta, qa tohan ekta cihi kte cin he sdonyakiye kte šni.

4 Tuka Sardis ekta wicacaje tonana duha, hena e tawokoyake kin hdušapapi šni; qa ska ihduzapi ecen mici manipi kta; he iyehantupi nakaes.

5 Tuwe ohiye cinhan he wokoyake ska koyake kta, qa iye caje kin wiconi wowapi kin etanhan wapajuju kte šni, tuka he caje kin Ate itokam, qa ohni-hde wicaye cin hena wicitokam omdake kta.

6 Tuwe noge yukan hecinhan taku Woniya kin okodakiciye kin ewicakiye cin he nahon kta.

7 Unkan Philadelphia ekta okodakiciye ohnihde yuhapi kin he ecen wowapi kicaga wo; Tuwe wakan qa wicaka un, qa Dawid tiyopa iyuhdoke kin yuhe ça, yuhdoka eca tuwedan ecen iyeye šni, qa ecen icu eca tuwedan yuhdoke šni ece kin hee hecen eya;

8 Niohan kin sdonwaya, tiyopa wan yuhdokapi ecen he cin he nitokam ewahde, qa tuwedan ecen iyeya okihi šni; wowašake cistinna duhe ça mioie kin yuha yaun, qa micaje kin ehpmayaye šni.

9 Ito, Satan omniciye tawa kin etanhanpi Juda wicašta keiciyapi, tuka hecapi šni, qa itonpi šni kin, hena iho, upi, qa nisiha kin itokam canpeška makehde inajin wicawakiye kta, qa waštecicida e sdonyapi kta.

10 Woape oie mitawa kin he awandake cin, heon tohan taku wawiyutanyan un kin tona maka owancaya unpi kin iyutanwicaye kta u kinhan, hehan awanciyake kta.

Dak.

11 Iho ecadan wau kta; taku duhe cin he ŋinsa yuza wo, hecen watešdake nitawa kin tuwedan nici kte šni.

12 Tuwe ohiye cinhan, he tipi wakan mita Wakantanka tawa kin ohna can ihupa wan wakage kta, qa icimana tankan ye kte šni; qa he akan mita Wakantanka caje kin owawa kta, qa mita Wakantanka otonwe tawa caje kin, Jerusalem teca kin hee, mahpiya kin etanhan Wakantanka mitawa kin eciyatanhan u kin hee, qa nakun micaje teca kin.

13 Tuwe noge yukan hecinhan, taku Woniya kin okodakiciye kin ewicakiye cin he nahon kta.

14 Unkan Laodikia ekta okodakiciye ohnihde yuhapi kin he ecen wowapi kicaga wo; Tuwe Amen *eciyapi*, waayatanin owotanna, qa wicaka, Wakantanka woicage tawa otokahe kin hee hecen eya;

15 Niohan kin sdonwaya, šni qa ipiga unmana ecen yaun šni, šni qa ipiga unma tukte e ecen yaun kta wacin;

16 Tuka initeca, qa šni ipiga kici unmana ecen yaun šni, heon mii kin etanhan icihdepe kta.

17 Wimajica, qa woyuha ota waton, qa takudan imakakije šni, keha ce; qa inicakije ça, onniške ça, niwahpanica, qa išta nigonge ça, tanconikadan e sdonyakiye šni.

18 Kaken wahokonkiciya ce, mazaskazi peta on yuecedan kagapi kin he opemication wo, winijica kta ce; qa wokoyake ska, kodake kta e heon, hecen tanconikadan on winištece cin he tanin kte šni; qa wicišta wihdi kin, ništa iyakium kta, hecen wawandake kta.

19 Tona cantewicawakiye cin

WAYUOTANIN.

hena wahokonwicawakiye ça, iyopewicawakiya ece. Heon mniheiciye ça ihduacetu wo.

20 Ito, tiyopa kin en nawajin qa wakabubu ece; tuwe miho kin nahon, qa tiyopa hduhdoke cinhan, he ekta tin hibu, qa kici wawate kta, qa is eya mici wote kta.

21 Tuwe ohiye cinhan he oi-yotanke mitawa kin akan mici iyotanke wakiye kta, miye ohi-waye ça Ate oi-yotanke tawa kin akan weci imdotanke cin he iye-cen.

22 Tuwe noge yukan hecinhan, taku Woniya kin okodaki-ciye kin ewicakiye cin he nahon kta.

WICOWOYAKE 4.

1 Hena iyohakam wanmdake ça ito mahpiya kin ekta tiyopa wan yuhdokapi; qa wicaho tokaheya nawahon kin he maza yahotonpi tanka kin iyececa, he omakiye ça heya, Deciya u wo, dena iyohakam taku u kte cin hena wanyagciciye kta ce.

2 Unkan kohanna Woniya kin en waun; qa ito, mahpiya kin ekta oi-yotanke wan ecen hdepi, qa tuwe akan iyotankehan yanka.

3 Tuwe akan iyotanke cin he iwanyakapi kin inyan tehika, iyaspis qa sahidos iyececa; qa oi-yotanke kin ihdukšan wi-hmunke wan hmihbeya yanka, smahagdos inyan kin iyececa.

4 Qa oi-yotanke kin ihdukšan oyanke wikcemna nonpa sam topa wanka; qa oyanke kin hena en hunkawicayapi wikcemna nonpa sam topa iyotankapi, qa wokoyake ska koyakapi e wanmdaka; qa pa kin en mazaskazi tesdakapi.

5 Unkan oi-yotanke kin etanhan wakanhdi qa wakinyan hotonpi qa wicaho biyu; qa oi-yotanke kin itokam petijanjan sakowin peta ece ideyapi, hena Wakantanka taniya sakowin kin heepi.

6 Unkan oi-yotanke kin itokam mde wan wanka janjan seca, cahowata iyecen kohdi; qa oi-yotanke kin cokaya, qa oi-yotanke kin ihdukšan, taku ni un topa kin yukanpi, hena e tokapatanhan qa hektapatanhan ko ista ojupidan.

7 Unkan taku ni un tokaheya kin he mnaja ounce kin iyececa; qa taku ni un iyokihe kin he tatanka ounce kin iyececa; qa taku ni un iciyamni kin he wicašta itohnake kin iyecen yuha; qa taku ni un icitopa kin he wanmdi kinyan un ounce kin iyececa.

8 Qa taku ni un topa kin otai-yohi hupahu sakpekpe yuhapi, qa ihdukšan, qa mahen tanhan ista ojupidan; qa anpetu hanyetu ko ayaştan şni hecen eyapi, Wakan, Wakan, Wakan, Itancan Wakantanka Iyotan waşaka, tuwe un, qa un qon, u kte cin hee ce.

9 Qa tohan taku ni un topa kin, tuwe oi-yotanke kin akan kiyotanke ça owihanke wanin ni un kin he wowitan, qa woontanin, qa wopida qupi kinhan;

10 Hehan hunkawicayapi wikcemna nonpa sam topa kin hena, tuwe oi-yotanke kin akan kiyotanke cin he itokam makata ehpeiçiyapi, qa tuwe ohinniyan ni un kin ohodapi, qa watesdake tawapi kin oi-yotanke kin itokam ehpekiyapi, qa hecen eyapi;

11 Itancan, wowitan, qa woontanin, qa wowaşake iyacu kta e iyenihantu, taku owasin yaka-

WICOWOYAKE 5.

ge ça nitoyokipi kin on owasin kagapi qa ecen han.

WICOWOYAKE 5.

1 Unkan tuwe oiyotanke kin akan kiyotanke cin he etapa kin eciyatanhan wowapi wan mahen tanhan qa akapatanhan owapi, qa ipuspe šakowin on apuspapi kin he wanmdaka.

2 Qa małpiya ohnihde wašaka wan wanmdaka, he hotankakiya hotanin qa, Wowapi kin he tuwe yumdaye ça ipuspe šakowin kin yuhdoke kta okihi he, *eya*.

3 Unkan małpiya kin ekta, qa maka kin akan, qa maka kin ihukuya tanhan tuwedan wowapi kin he yumdaye ça, en wan-yaka okihi šni.

4 Hehan nina waceya, tuwe wowapi kin yumdaye ça yawa, qa en wanyake kta iyekicihantu kin tuwedan iyeyapi šni kin he-on etanhan.

5 Unkan hunkawicayapi kin wanji hemakiya; Ceye šni wo, ito Juda wicoun kin etanhan, mnaja kin, Dawid hutkan kin hee wowapi kin yumdaye ça, ipuspe šakowin kin yuhdoke kta okihi.

6 Hehan wanmdake ça, iho, oiyotanke kin cokaya, qa taku ni un topa, hunkawicayapi ko wicacokaya Amnos wan najin, wošnapi iyececa, he šakowin išta šakowin ko yukan, Wakantanka taniya šakowin maka kin owan-caya ye wicayapi kin hena eepi.

7 He en hi, qa tuwe oiyotanke kin akan kiyotanke cin nape etapa kin etanhan wowapi qon icu.

8 Unkan wowapi kin he icu qehan, taku ni un topa kin, qa hunkawicayapi wikcemna nonpa sam topa kin hena Amnos

kin itokam makata elpeiciyapi, otoiyo hi candowankiyapi hduhapi, qa nakun mazaskazi wiyatke taku waštemna on ojudan, wicašta wašte wocekiye tawapi kin hee:

9 Qa odowan teca wan ahiiyayapi, qa heyapi; Wowapi kin iyacu, qa ipuspe kin duhdoke kta e iyenihantu ce, waniyušnapi qa Wakantanka ekta niwe kin on opeunyakitonpi, wicoun otoiyo hi etanhan, qa iapi kin, qa wicowazi kin, qa oyate kin otoiyo hi etanhan;

10 Qa Wakantanka ekta wicaštayatapi wawayušnapi ko unyakagapi; unkan maka kin oun-nyanpi kta ce.

11 Unkan wanmdake ça, oiyo-tanke kin ihdukšan, qa taku ni unpi kin hunkawicayapi ko wicihdukšan, małpiya ohnihde woyawa tanka ota, qa kektopawinge ece kektopawinge, hena hopi kin nawałon;

12 Hotankakiya heyapi, Amnos wošnapi qon he wowašake, qa woyuha, qa woksape, qa wicookihi, qa wootanin, qa wowitan, qa wowašte *henakiya* icu kta okihi ce.

13 Unkan taku małpiya ekta un, qa taku maka akan un, qa taku maka ihukuya tanhan un, qa taku miniwanca mahen un, hena taku ohnaka ko owasin kaken eyapi nawałon; Tuwe oiyotanke kin akan kiyotanke cin Amnos kin kici wowašte kin, wootanin kin, wowitan kin, qa wowašake kin *henakiya* owi-hanke wanin tawapi nunwe.

14 Unkan taku ni un topa kin hena, Hecetu nunwe, eyapi; qa hunkawicayapi wikcemna nonpa sam topa kin hena makata elpeiciyapi, qa tuwe ohinniyan ni un kin he ohodapi.

WAYUOTANIN.

WICOWOYAKE 6.

1 Unkan Amnos kin ipuspe tokaheya yuhdoke cehan wanmdaka; unkan taku ni un topa kin wanji, wakinyan hotonpi kin iyecen hotanin qa, U qa wanyaka wo, eya nawahon.

2 Unkan wanmdake ça, ito, súktanka ska wan tuwe akan iyotanke cin he itazipa wan yuha; qa wateśdake wan qupi; unkan ohiye ça, ohiye kta e iyaya.

3 Unkan ipuspe inonpa yuhdoke cehan, taku ni un icinonpa kin he, U qa wanyaka wo, eya nawahon.

4 Unkan súktanka wan tokeca hin śa kin he hinanpa; unkan tuwe akan iyotanke cin he maka kin etanhan wookiye icu kta e qupi, hecen otoiyohi kiciktepi kta; qa nakun maza sagye wan tanka qupi.

5 Unkan ipuspe iyamni kin yuhdoke cehan, taku ni un wiciyamni kin he, U qa wanyaka wo, eya nawahon. Unkan wanmdake ça ito súktanka sapa wan; qa tuwe akan iyotanke cin he nape ohna taku on tke utapi wanji yuha.

6 Unkan taku ni un topa kin cokaya tanhan wicaho wan nawahon, Aguyapi iyutapi wanji he kaśpapidan wanjidan, qa súktanka tawote iyutapi nonpa he kaśpapidan wanjidan kta; qa wihdi miniśa ko ihnuhan kiuniyaye cin, eya.

7 Unkan ipuspe itopa kin yuhdoke cehan, taku ni un icitopa kin he ho kin nawahon; U qa wanyaka wo, eya.

8 Unkan wanmdake ça ito súktanka wan hin san; tuwe akan iyotanke cin he Wiconṭe eciyapi, qa Wicaḥapi kin he ihakam iyaya. Unkan maka hanke ito-

pa kin hehanyan maza sagye, qa wicaakiḥan, qa wiconṭe, qa wamanica maka akan un kin hena on wicaśta wicakte kta e wowaśake qupi.

9 Unkan ipuspe izaptan kin yuhdoke cehan, wahna wośnapi kin ihukuya tona Wakantanka oie, qa iye waayataninpi kin he on wicaktepi qon hena nagipi kin wanwicamdaka.

10 Hena hotankakiya hotaninpi qa heyapi, Itancan wakan, qa wicaka, tohanyan tona maka kin akan yukanpi kin wicadaco śni qa we unkitawapi kin on toyecon śni he.

11 Unkan hena otoiyohi woko-yake ska wicaqupi, qa ptecedan ape yukanpi kta, tona om taokiye unpi qon, qa iye hunkawanjiktupi kin, is iyepi iyecen wicaktepi kte cin he yuśtanpi kta hehanyan, kewicakiyapi.

12 Unkan ipuspe isakpe kin yuhdoke cehan, wanmdake ça ito maka śkanśkan tanka, qa anpetu wi kin sapa aya, wahinske ojuha kin iyececa, qa hanyetu wi kin is we iyecen icaga.

13 Qa maḥpiya wicanḥpi kin makata hinḥpayapi, witanśna hu wan tateyanpa tanka kahuhuza eca waskuyeca śtunkadan keś paḥpa ece kin he iyececa.

14 Qa wowapi pehan ehnaḥapi kin he iyecen maḥpiya kin tanin śni iyaye ça, he otoiyohi, wita otoiyohi ko yutokan iyeyapi.

15 Qa maka wicaśtayatapi, qa wicaśta tankinkinyanpi, qa wicaśta watonpika, qa wicaśta itancanpi, qa wicaśta waśakśakapi, qa wicaśta wowidake unpi kin otoiyohi, qa ihduhapi kin otoiyohi, makohdoka qa he imniya kin ehna naiḥiḥmanpi;

16 Qa inyan he imniya ko hena heciyapi, Unkahinḥpayapi, qa tu-

WICOWOYAKE 7.

we oiyotanke kin akan kiyotanke cin itohnake kin etanhan, qa Amnos kin wocanniye tawa kin etanhan anaunliman po :

17 He wošihda tawa anpetu tanka kin wanna hi ; unkan tuwe najin okihi kta he.

WICOWOYAKE 7.

1 Unkan hena iyohakam maḥpiya ohnihde topa maka oise topa kin en inajinpi kin wanwicamdaka, maka tate ouye topa kin yuhapi, hecen maka qa miniwanca qa can hiyeye cin wanjidan atateyanpa kte šni.

2 Hehan maḥpiya ohnihde tokeca wan wiyohiyanpa tanhan wankantkiya u kin wanmdaka, he Wakantanka ni un ipuspe tawa kin yuhe qa maḥpiya ohnihde topa maka miniwanca ko kiuniyanpi kta e wicaqupi qon hena hotankakiya hoyewicakiye ;

3 Qa heya, Maka, qa miniwanca, qa can hiyeye cin kiuniyanpi šni po, Wakantanka unkitawapi taakiye wicaye cin itepi kin en wapetog wicuntonpi šni kin hehanyan.

4 Unkan tona wapetog wicatonpi wicayawapi kin nawaḥon, Israel cincapi wicoun owasin etanhan kektopawinge opawinge sam kektopawinge wikcemna topa sanpa kektopawinge topa wapetog wicatonpi.

5 Juda wicoun kin etanhan kektopawinge ake nom wapetog wicatonpi ; qa Ruben wicoun kin etanhan kektopawinge ake nom wapetog wicatonpi ; qa Gad wicoun kin etanhan kektopawinge ake nom wapetog wicatonpi ;

6 Aser wicoun kin etanhan kektopawinge ake nom wapetog

wicatonpi ; qa Nepthalim wicoun kin etanhan kektopawinge akenonpa wapetog wicatonpi ; qa Manasse wicoun kin etanhan kektopawinge ake nom wapetog wicatonpi ;

7 Sumeon wicoun kin etanhan kektopawinge ake nom wapetog wicatonpi ; qa Lewi wicoun kin etanhan kektopawinge ake nom wapetog wicatonpi ; qa Isakar wicoun kin etanhan kektopawinge ake nom wapetog wicatonpi ;

8 Zabulon wicoun kin etanhan kektopawinge ake nom wapetog wicatonpi ; qa Joseph wicoun kin etanhan kektopawinge ake nom wapetog wicatonpi ; qa Benjamin wicoun kin etanhan kektopawinge ake nom wapetog wicatonpi.

9 Hena taku kin iyohakam wanmdake qa, iho, wicota hinca, wicayawa kta tuwedan okihi šni, oyate hiyeye cin, qa wicoun kin, wicowazi kin, iapi ko owasin otoiyo hi etanhanpi, oiyotanke kin itokam, qa Amnos kin itokam najinpi, wokoyake ska ece koyakapi, qa can wapa nape ohna yuhapi ;

10 Qa hotankakiya hotaninpi qa heyapi, Wakantanka unkitawapi oiyotanke kin akan kiyotanke cin hee, Amnos kin kici, niwicaye yuha nunwe.

11 Unkan maḥpiya ohnihde owasin oiyotanke kin okšan, qa hunkawicayapi taku ni un topa kin hena ko wicihdukšan inajinpi, qa oiyotanke kin itokam ite makipusdiya eḥpeiçiyapi, qa Wakantanka ohodapi ;

12 Qa heyapi, Amen ; Wowashte, qa wowitan, qa woksape, qa wopida, qa woyuonihan, qa wowasake, qa wicookihi *henakiya* Wakantanka unkitawapi kin

WAYUOTANIN.

owihanke wanin yuha nunwe. Amen.

13 Hehan hunkawicayapi kin etanhan wanji waayupte ça, Wokoyake ska koyakapi kin hena tuwepi, qa tokiya tanhan upi he, emakiya.

14 Unkan, Itancan, niye sdon-yaya ce, epa. Unkan hemakiya; Wicokakije tanka etanhan upi qon dena eepi, unkan wokoyake hdujajapi, qa Amnos we kin on hduskapi.

15 Heon etanhan Wakantanka oiyotanke kin itokam yakonpi, qa tipi wakan iye tawa kin ohna anpetu hanyetu ko ohodapi ece; qa tuwe oiyotanke kin akan kiyotanke cin he hena wicacokaya ounye kta.

16 Qa tohinni wotektehdapi kte šni, qa ipuzapi kte šni, qa anpetu wi kin qa taku kata ašpanwicaye kte šni.

17 Tuka. Amnos kin, oiyotanke cokaya un kin he, hena wonwicaye ça, minihdoka ni un kin icahda yus awicaye kta: qa hena istapi kin etanhan Wakantanka istamnihanpe kin owasin wicakipakinte kta.

WICOWOYAKE 8.

1 Unkan ipuspe isakowin kin yuhdoke cehan, malpiya ekta wihiyayedan wancadan ape cin hanke hehanyan inina yukanpi.

2 Unkan malpiya ohnihde šakowin Wakantanka itokam najinpi kin wanwicamdaka; qa maza yahotonpi tanka šakowin wicacupi.

3 Hehan malpiya ohnihde wan tokeca u qa wahna wošnapi kin ekta hinajin, mazaskazi oizinye wan yuha: Unkan taku waštemna ota qupi kin he, tona owotanna un kin owasin wocekiye

tawapi kin ahna, mazaskazi wahna wošnapi kin oiyotanke kin itokam wanke cin he akan wošna kta e heon.

4 Unkan malpiya ohnihde nape kin etanhan šota izite cin, tona owotanna un wocekiye tawapi kin hena ko, Wakantanka itokam wankantkiya aya.

5 Unkan malpiya ohnihde kin he oizinye kin icu, qa wahna wošnapi peta kin etanhan oju, qa maka kin ekta ehpeya; unkan iho, wicaho, qa wakinyan hotonpi, qa wakanhdi, qa maka škanškan.

6 Unkan malpiya ohnihde šakowinpi maza yahotonpi tanka yuhapi kin hena yahotonpi kta e hduwiyeyapi.

7 Unkan malpiya ohnihde tokaheya kin yahoton, qa wasu peta ko we icicahiyapi maka kin ahinhe: Qa can iyamnimni kin hūhnaga, qa wato kin iyulipa hūhnaga.

8 Unkan malpiya ohnihde iyo-kihe kin he yahoton, qa taku he wan tanka iyececa peta on itkon-yahe cin he miniwanca kin en iyohpeyapi: Qa miniwanca kin hanke iyamni we icaga:

9 Qa taku miniwanca oicage ni un kin hanke iyamni tapi, qa wita wata kin iyamnimni kin owihanke yapi.

10 Unkan malpiya ohnihde icyamni kin he yahoton, qa wicanłpi wan tanka ideyapi petijanjan iyececa, malpiya kin eciyatanhan hinłpaye ça wakpa iyamnimni kin ahinłpaye ça minihdoka kin en.

11 Wicanłpi kin he, Yatkepicašni, eciyapi. Unkan mini yatkepica šni icage ça wicašta ota mini kin on tapi, pa icage cin heon.

12 Unkan malpiya ohnihde

WICOWOYAKE 9.

icitopa kin he yahoton; unkan anpetu wi hanke iyamni, qa hanyetu wi hanke iyamni, qa wicanhpi iyamnimni kin apapi, qa hecen hanke iyamni otpaza icu, qa anpetu kin hanke iyamni hehanyan iyoyanpa šni un, qa hanyetu kin nakun iyececa.

13 Hehan wanmdake ça nawa-hon, małpiya ohnihde wan małpiya cokaya tanhan kinyan iya-ye ça hotankakiya heya, Wicokakije, wicokakije, wicokakije, tona maka ounyanpi kin hena en, maza yahotonpi tanka hotonpi kin małpiya ohnihde yamni yahotonpi kte cin heon etanhan.

WICOWOYAKE 9.

1 Unkan małpiya ohnihde ici-zaptan kin he yahoton, qa iho, wacanłpi małpiya kin eciyatanhan maka kin ahinłpaya wanmdaka; unkan he makohdoka ceteta wanica tiyopa iyuhdoka kin gupi.

2 Qa makohdoka ceteta wanica he tiyopa kin yuhdoka, unkan makohdoka kin etanhan šota hiyu, peta on maza šdoyapi tanka hinca etanhan šota uye cin iyececa; qa wošbe etanhan šota kin he on anpetu wi kin okoton-yan kici aotpaza.

3 Unkan šota kin etanhan psicadan au, maka kin ekta, qa wicowašake wicaqupi, wamduška maka akan un kin wicowašake yuhe cin he iyececa.

4 Qa wato maka aicage cin, taku toya un, qa can kin owasin kiuniye šni wicašipi, tuka wicašta kin tona itepi kin en Wakan-tanka tawowapetogton yuhapi šni kin henana.

5 Qa hena wicaktepi kta e wicaqupi šni, tuka wi zaptan hehanyan kakišwicaye kta e wi-

caqupi. Unkan kakišyapi kin he wamduška wicašta cawica-pe cinhan kiuniyanpi kin he iyececa.

6 Unkan anpetu kin hena en wicašta wiconęe akitapi kta, tuka iyeyapi kte šni, qa ęapi cinpi kta, tuka wiconęe e nawicakici-pe kta.

7 Psipicadan kin hena ounca-ge kin šuktanka ozuye on wiye-ya ehnag najinpi kin he iyececa; qa pa akan mazaskazi watešdake iyececa wapaha kitonpi, qa itepi kin wicašta ite kin iyececa.

8 Qa paha kin he winohinca paha iyecen yuhapi, qa hi kin hena mnaja hi kin iyececa.

9 Qa maza sapa maku akalipe iyececa maku akalipe tonpi; qa łupahu łmulimunyan he ozuye canpahmihma, qa šuktanka ota ozuye ekta nawang yapi kin he iyececa.

10 Wamduška kin iyecen sinte yuhapi, qa sinte kin en icape yuke ça, wi zaptan hehanyan wicašta kin kiuniwicaye kta okihipi.

11 Unkan wicaštayatapi wan yuhapi, wošbe ceteta wanica etanhan ohnihde, Hebrew iapi kin eciyatanhan Abaddon eciyapi, qa Helenes iapi kin eciyatanhan Apoluon eciyapi kin hee.

12 Wicokakije kin wanji wana henakeca, qa ito he iyohakam wicokakije nom u kta ce.

13 Unkan hehan małpiya ohnihde icišakpe kin yahoton, qa mazaskazi wahna wošnapı Wakan-tanka itokam wanke cin he he topa kin etanhan wicaho wan taninyan nawalion:

14 He małpiya ohnihde icišakpe maza yahotonpi tanka yuhe cin he heciya; Małpiya ohnihde

WAYUOTANIN.

topa wakpa tanka Yuphrate kin ekta wicakaškapi kin hena wicakiyuška wo.

15 Hehan małpiya ohnihde topa kin wicakiyuškapi; hena e wancadan ape cin, qa anpetu wanji, qa wi wanji, qa omaka wanjidan hehanyan wiyeya ehnag unpi, wicašta iciyamnimni kin wicaktepi kta e heon.

16 Unkan ozuye kin šuktanka akan iyotankapi kin hena kektopawinge kektopawinge opawinge nonpa; hena wicayawapi kin nawañon.

17 Qa wowanyake kin en šuktanka kin hecen wanwicamda-ka, qa wicašta akan iyotankapi kin hena maku akałpe šaša, toto, qa zizi yuhapi. Unkan šuktanka pa kin he mnaja pa kin iyececa, qa ipi kin etanhan peta, qa šota, qa całdi on kagapi kin hiyu.

18 Unkan hena yamni, peta, qa šota, qa całdi on kagapi, hena ipi kin etanhan hiyu qon he on wicašta iciyamnimni kin wicaktepi.

19 Wowasake yuhapi kin he ipi kin ohna qa sintepi kin ohna; sintepi kin hena wamduška kin iyececa, qa pa yukan ece, qa hena on wakiuniyapi ece.

20 Unkan wicašta tona wicokakije kin hena on wicaktepi šni kin hena iye napepi wicołan kin on iyopeiçiyapi šni, hecen taku wakan šicapi kin ohowicadapi, qa mazaskazi, qa mazaska, qa mazazi, qa inyan, qa can wakagapi ohodapi ece kin ayuštanpi šni; hena wawanyake šni, qa winañon šni qa mani okihi šni.

21 Qa nakun tinwicaktepi, qa wapiyapi, qa wiinalmanpi, qa wamanonpi econpi kin on iyopeiçiyapi šni.

WICOWOYAKE 10.

1 Unkan hehan małpiya ohnihde wan tokeca wasake hınca małpiya kin eciyatanhan kuntkiya u, małpiya šapa hdown kin he wanmdaka; wihmunke wan wapaha kiye ça, ite kin he anpetu wi kin iyececa, qa siha kin peta wankantkiya ide kin iyececa.

2 Qa nape kin on wowapi wan cistinna yumdayeya yuha. Qa siha etapa kin miniwanca ahekiye ça, sicatka kin is maka kin akan.

3 Qa hotankakiya hotanin, mnaja wan hoton kin iyececa. Unkan hotanin hehan wakinyan šakowin hotonpi.

4 Unkan wakinyan šakowin kin hotonpi hehan wowapi wakage kta, tuka wicaho wan nawañon, małpiya kin eciyatanhan hema-kiya, Taku wakinyan šakowin eyapi kin he sutaya apuspa wo, qa wowapi en kage šni wo.

5 Unkan małpiya ohnihde miniwanca maka ko akan najin wanmdake ciqon he nape kin małpiya kin ekta hdugate;

6 Qa tuwe ohinniyan ni un, qa małpiya kage ça, taku ohnaka ko, maka qa taku ohnaka ko, miniwanca qa taku ohnaka ko kage cin hee on konza, Anpetu kin wanna henakeca kta;

7 Tuka małpiya ohnihde icišakowin yahoton kinhan, anpetu kin hena en Wakantanka tawowiyukcan henakeca kte cin hehanyan, iye taokiye, wicašta wokcan kin owicakiyake ciqon he iyecetu ce.

8 Unkan wicaho małpiya kin eciyatanhan tanin qon he ake hoyemakiye ça heya, Małpiya ohnihde miniwanca maka ko akan najin kin he ekta ye ça,

WICOWOYAKE 11.

wowapi cistinna yumdayapi kin nape en un kin he icu wo.

9 Hehan malipiya ohnihde kin he en wai qa hewakiya, Wowapi cistinna kin he maqu wo. Unkan, Icu qa yuta wo, tezi kin pa niye kta, tuka nii kin ohna tuhmagā canhanpi kin iyecen skuye kta ce, emakiya.

10 Unkan wowapi cistinna kin malipiya ohnihde nape kin etanhan iwacu, qa temwaya; qa mii kin en tuhmagā canhanpi kin iyecen skuya, tuka nawapca hehan tezi kin pa mayan.

11 Hehan, Oyate, qa Ikcewicašta, qa iapi kin, qa wicaštaya-tapi ota en wicayakidukcan kta ce, emakiya.

WICOWOYAKE 11.

1 Unkan cedi wan cansakadan iyececa he maqupi; unkan malipiya ohnihde kin najinhan najin qa heya; Najin, qa tipi wakan Wakantanka tawa kin iyuta wo, qa wahna wošnapī, qa tona en cekiyapi ece kin hena nakun.

2 Tuka hocoka kin, tipi wakan itankan, he tankan iyeye qa iyute šni wo; he Ikcewicašta kin wicaqupi; unkan otonwe wakan kin amanipi kta, wi wikcemna topa sam nonpa hehanyan.

3 Unkan waayataniipi nom mitawa kin wahinske ojuha oihdugepi waayatapi kta e wicawaqu kta, anpetu kektopawinge sanpa opawinge nonpa sanpa wikcemna šakpe hehanyan.

4 Hena e Oliwe can nonpa qa petijanjan nom, Wakantanka maka yuhe cin itokam he cin hena eepi.

5 Unkan tuwe hena kiuniwicaye kta cin kinhan, ipi kin etanhan peta hiyu, qa toka wi-

cayapi kin ihang wicaye kta: Tuwe kiuniwicaya cin kinhan he hecen ktepi kta.

6 Hena e malipiya kin onataka okihipi, hecen magaju kte šni, waayatapi anpetu kin icunhan, qa mini kin we icaliyapi kta okihipi, qa tohan cinpi eca wokakije owasin on maka kin kakisíyapi ecc.

7 Unkan taku yaotaniipi kin wanna yuštaniipi kta hehan, wošbe kin etanhan wamanica wan wankantkiya hiyu, qa hena azuwicaye kta, qa ohiwicaye qa wicakte kta.

8 Unkan hena tancan tapi kin otonwe tanka canku kin olina wanke kta, he iapi wakan kin eciyatanhan Sodom qa Egipta eciyapi, qa tukten Itancan unkitawapi kin icipaweli okatanpi qon.

9 Unkan wicašta kin, qa wicowazi kin, qa iapi kin, qa oyate kin, hena tancan tapi kin wanwicayakapi kta, anpetu yamni qa wanji hanke hehanyan, qa tancan tapi kin maka mahen wicalíapi kte cin iyowinwicakiyapi kte šni.

10. Unkan hena on etanhan toña makece kin en ounyanpi kin magagaičiyapi, qa wiyuškinpi kta, qa taku kicičupi kta, waayatapi nom tona maka akan ni un kin kakisíwicayapi qon hena on etanhan.

11. Unkan anpetu yamni qa wanji hanke iyohakam, wiconi oniya kin Wakantanka eciyatanhan hena mahen iwicayaya; qa siha on najinpi, unkan tona wanwicayakapi kin nina yušin-yayapi.

12 Unkan hena wicaho wan tanka nañonpi, malipiya kin eciyatanhan hewicakiya; Deciya wankan u po, *eya*. Unkan ma-

WAYUOTANIN.

hpiya šapa wan akan mahpiya kin ekta iyayapi, qa tona toka wicayapi qon hena wanwicayakapi.

13 Unkan wihiyayedan ape cin he icunhan maka škanškan wan tanka, qa otonwe kin hankedan iwikcemnamna kin hinhpaya, qa maka škanškan kin on tona tapi kin hena wicašta kektopawinge šakowin. Qa unmapi kin yušinyayapi qa mahpiya Wakan-tanka kin wowitan qupi.

14 Wicokakije inonpa kin wana henakeca, qa ito wicokakije iyamni kin kohanna u kta ce.

15 Hehan mahpiya ohnihde icišakowin kin yahoton, qa mahpiya kin ekta wicaho tanka hotaninpi, qa heyapi, Itancan unkitawapi qa Messiya tawa kin, maka wokiconze kin tawaye ça, ohinnian en wicaštayatapi un kta ce.

16 Hehan hunkawicayapi wikcemna nonpa sanpa topa, Wakantanka itokam oiyotanke kin akan kiyotankapi kin, hena makata ehpeiciyapi, qa Wakantanka ohodapi;

17 Qa heyapi, Itancan Wakan-tanka Iyotan wašake cin, tuwe un, qa un qon, u kte cin he niye ce, pidaunyayapi, nitowašake tanka kin iyekcu, qa wicayeconza ce.

18 Qa oyate kin šinhdapi, qa wocantiyahde nitawa kin wana hi; qa tohan wicašte cin wicayacopi kta, qa ookiye wicaya-ye cin wicašta wokcan, qa owotanna, qa tona nicaje kin koki-papi, cistinpidan tankinkinyan ko, taku wicayaqu kta, qa tona maka napištanyanpi kin hena napištanwicayaye kte cin.

19 Hehan mahpiya kin ekta tipi wakan Wakantanka tawa kin yulidokapi, qa tipi wakan

kin en wicotakuye can koka kin wanyakapi. Unkan ito wakan-hdi, qa wicaho, qa wakin-yan hotonpi, qa maka škanškan, qa wasu tanka.

WICOWOYAKE 12.

1 Unkan mahpiya kin ekta wowapetokeca tanka wan tanin: Winohinca wan anpetu wi kin koyake ça, hanyetu wi kin siha kin ihukuya, qa pa kin en wicanhpi ake nonpa wapaha kiya.

2 He ihdušake ça, hokšiksuye ça howaya, cinca ton kta e wazanka.

3 Unkan hehan mahpiya kin ekta wowapetokeca tokeca wan tanin; wamduška duta tanka wan, he pa šakowin, qa he wikcemna yuha, qa pa šakowin kin en watešdake šakowin tešdaka.

4 Qa sinte kin on mahpiya wicanhpi iyamnimni kin iwicacu, qa maka kin ekta ehpewicaya. Unkan wamduška kin he winohinca hokšiksuye cin itokam najin, cinca ton kinhan temye kta.

5 Hehan cinca ton, wica kin, oyate hiyeye cin owasin maza icapsinte wan on wicayuhe kte cin hee. Unkan hokšiyooqopa kin he Wakantanka, qa iye oiyotanke kin ekta eyakupi.

6 Unkan winohinca kin he hewoskan makoce kin ekta napa, heciya Wakantanka taku wiyeya ekicihnaka, qa hen anpetu kektopawinge sanpa opawinge nonpa sam wikcemna šakpe hehanyan wonyapi kta.

7 Hehan mahpiya kin ekta ozuye kagapi; Mikael qa iye taokiye kin wamduška kin kici kicizapi. Unkan wamduška kin qa iye taokiye kin kicizapi;

8 Qa ohiwicayapi šni; hecen

WICOWOYAKE 13.

hetanhan malhipiya kin ekta tuktedan wicakiyukanpi šni.

9 Unkan wamduška tanka kin, wamduška wanakaja tanhan un kin hee, Wakanšica qa Satan eciyapi, wicašta hiyeye cin owasin wicahnaye cin hee, makata elipeyapi, qa tona ookiye wicaye cin hena nakun kici tankan iyewicayapi.

10 Unkan malhipiya kin eciyatanhan wicaho wan tanka nawahon, hecen eya, Wanna unkita Wakantankapi wiconi tawa, qa towašake qa tokiconze kin u; qa Messiya wicookihi tawa kin nakun; tuwe hunkawanjin wicunkiyapi kin taku iyawicaonpe cin, Wakantanka unkitawapi kin itokam, anpetu hanyetu ko awicaie cin hee kun elipeyapi kin heon etanhan.

11 Unkan hena Amnos we kin he on, qa waayataninpi oie tawapi kin he on obiyapi, qa wiconte hehanyan wiconi tawapi kin wašte kidapi šni.

12 Heon etanhan, malhipiya kin iyuškin po, qa tona ohna tipi kin. Tuka tona maka kin miniwanca ko ekta yakonpi kin hena wicokakije yuhapi kta; niyepi kin ekta Wakanšica kun iyaye qa wošihda tanka yuha, askayedan kta e sdonkiye cin heon etanhan.

13 Unkan wamduška kin maka kin ekta elipeyapi kin he wanhdaka, hehan winohinca cinca ton qon he šicaya kuwa.

14 Unkan winohinca kin he wanmdi tanka lupahu tawa nom qupi, on hewoskan makoce tukten ti kte cin heci kinyan iyaye kta, heciya waniyetu yamni qa wanji hanke hehanyan wonyapi kta, wamduška itohnake kin itehanyan.

15 Unkan wamduška kin iye i

kin etanhan mini hiyuya, wakpa wan iyececa, qa winohinca kin ihakam. hiyayeya, minin țeye kta e heon.

16 Unkan maka kin winohinca kin he okiye ea, i hdukawa, qa wakpa wamduška i kin etanhan hiyuye cin he yahepa.

17 Unkan wamduška kin he winohinca kin on šinhda, qa winohinca cinca wicaye cin, tona Wakantanka tawoahope kin ahopapi, qa Jesus Messiya wootanin tawa yuhapi kin hena azuwicaya.

WICOWOYAKE 13.

1 Unkan hehan miniwanca kahda wiyaka kin en nawajin. Qa miniwanca kin etanhan wamanica wan liyu wanmdaka, pa šakowin, qa he wikcemna yuha, qa he kin akan wacinhe wikcemna, qa pa kin akan waoštehdapi caje kin.

2 Unkan wamanica wanmdake cin he inmu tanka iyececa, qa siha kin hena wahanksica siha kin iyececa, qa i kin mnaja i kin iyececa. Unkan wamduška qon towašake kin he qu, qa oiyotan ke tawa kin, qa wicookihi tawaka.

3 Unkan wanmdake qa, i kin wanji kiuniyanpi, on tuka; unkan kiuniyanpi te kte cin he okizi, kin owasin wamanica yušinyayapi.

4 Qa wamduška kin wamanica qu dapi, qa wamanica ohodapi, qa heyar manica kin iyece

he kin icize k

5 Unkan wamduška kin iye i

WAYUOTANIN.

hanyan, ozuye econ kte cin he-on.

6 Unkan i hdukawa qa Wankantanka yašica, caje, qa wakeya tawa kin, qa tona mahpiya kin ekta etipi kin hena taku awicakicaga.

7 Qa tona owotanna un kin hena azuwicaye ça wicakte dan kte e qupi, qa wicowazi, qa iapi kin, qa oyate kin owasin wicayuhe kte e wowašake qupi.

8 Unkan tona maka akan unpi cajepi kin wiconi wowapi Amnos, maka kagapi kin hehan-tanhan wošnapi qon, he tawa kin en owapi šni kin hena owasin wamanica kin ohodapi.

9 Tuwe noge yukan hecinhan, he nañon kte.

10 Tuwe wayaka awicahdi kinhan he wayaka ayapi kte, qa tuwe maza sagye on wicakte kin he maza sagye on ktepi kte ce. He en wicašta owotanna aepi qa wacinyanpi kin tanin.

11 Unkan wamanica wan tokeca maka kin etanhan hiyu kin he wanmdaka; he he nom yuha tañin wanuyanpi cincadan iyececa, qa wamduška iyece-

12 Unkan wamanica tokaheya he towašake kin ocowasin qa maka kin, tona akan hena ko wamanica toka-kiuniyanpi, qa on te kizi kin he ohodawi-

13 Unkan wamanica tokaheya he towašake kin ocowasin qa maka kin, tona akan hena ko wamanica toka-kiuniyanpi, qa on te kizi kin he ohodawi-

14 Unkan wamanica tokaheya he towašake kin ocowasin qa maka kin, tona akan hena ko wamanica toka-kiuniyanpi, qa on te kizi kin he ohodawi-

qon he iyacinpi wan kagapi kte e iwahokonwicakiya.

15 Qa wamanica iyacinpi kin he oniya qu okihi, hecen on wamanica iyacinpi kin ie kte, qa tona iyacinpi kin ohodapi šni kin hena wicakte kte okihi.

16 Unkan owasin, cistinpidan tankinkinyanpi ko, wijicapi qa wahpanicapi, tona ihduhapi, wowidake unpi kin hena ko, nape etapa kin en, qa iš itepi kin en wowapetogton tawa kin yuhe wicakiya.

17 Unkan tuwedan wopeton kte šni, tuka tona wamanica towapetogton, caje kin, qa caje ihdawa kin he wanji tukte e yuhe cin henana.

18 De en woksape yukan. Tuwe ksape cin he wamanica tona ihdawa kin he yawa kte. He wicašta iyawapi kin hee, ihdawa kin he opawinge šakpc sanpa wikcemna šakpe sanpa šakpe.

WICOWOYAKE 14.

1 Hehan wanmdake ça, iho, Amnos wan Zion Paha kin akan najin, qa kektopawinge opawinge sanpa kektopawinge wikcemna topa sam kektopawinge topa kici najinpi, iye Atkuku caje kin itepi kin en owapi qon.

2 Unkan mahpiya kin eciya-tanhan wicaho wan nawañon, mini ota iñaha kin iyececa, qa wakinyan tanka hoton kin iyececa. Qa dowankiyapi sa candowankiyapi on dowanpi wicahotanin nawañon.

3 Qa oiyotanke kin itokam, qa taku ni un topa kin, qa hunkawicayapi kin wicitokam odowan teca se ahiyayapi. Odowan kin he tuwedan onspe kte okihi šni, tuka kektopawinge opawinge sam kektopawinge wikcemna

WICOWOYAKE 14.

topa sam kektopawinge topa maka kin etanhan opewicatonpi qon hena.

4 Winohinca on ašamwicayapi šni kin hena eepi, tanšna unpi nakaeš. Tona Amnos kin tokiya ye cinhan iyahna yapi kin hena eepi. Wicašta kin etanhan Wakantanka qa Amnos kin ekta opewicatonpi tokaheya kin hena eepi

5 Qa hena ipi kin en wohneye takudan iyeyapi šni; qa Wakantanka oiyotanke kin itokam takudan iyaonpepica šni unpi.

6 Hehan mahpiya ohnihde tokeca wan mahpiya cokaya kinyan iyaye cin he wanmdaka, wotanim wašte owihanke wanin un kin, tona maka akan unpi kin, wicašta kin, qa wicowazi, qa iapi, qa oyate hiyeye cin owasin ieyanpaha owicakiyake kta yuha iyaya.

7 Qa hotankakiya heya, Wakantanka kinihanpi qa wowitan qu po; woyaco anpetu kin wana hi ce; qa tuwe mahpiya, maka, miniwanca, qa wakoniya kin kage cin he itokam canpeška makehde inajin po.

8 Unkan mahpiya ohnihde icinonpa kin he ihakam ye ça heya, Hinhpaya ce, Babulon otowe tanka kin he hinhpaya; wawicihalapi wocantiyahde miniša tawa kin etanhan oyate hiyeye cin owasin yatke wicakiye cin he dee.

9 Unkan mahpiya ohnihde icyamni kin he hena wicihakam ye ça hotankakiya heya, Tuwe wamanica, qa iyacinpi kin ohoda, qa wowapetogton tawa kin ite, qa is nape kin en yuhe cinhan;

10 He Wakantanka wocantiyahde miniša tawa kin wocanteptanye miniyatke tawa kin en

okaštan kin hetanhan yatke kta, qa mahpiya ohnihde owotanna un kin hena wicitokam, qa Amnos kin itokam, peta, cahdi ko en kakišyapi kta.

11 Qa kakišwicayapi šota kin owihanke wanin wankan iyaya ece; qa tona wamanica iyeiyacinpi ko ohodapi, qa tuwe he caje wapetogtonpi yuhe cin hena anpetu hanyetu ko oziyapi wanin unpi.

12 Wicašta owotanna aepi kin he de en un, qa tona Wakantanka tawoahope opapi qa Jesus wacinyanpi kin hena.

13 Hehan mahpiya kin eciyatanhan wicaho wan nawahon, hecen emakiya, Wowapi ecen kaga wo; Detanhan wicate cin tona Itancan kin en tapi kin hena wicayawaštepi ece. Han, Woniya kin eya, Wicohtani kin ayuštampi kta, qa wicohan kin wiciyahna iyaya ece.

14 Hehan wanmdake ça, iho, mahpiya ska wan, qa wanji Wicašta Cinhintku kin iyececa akan iyotanka, he mazas wapaha wan wapaha kin nape etapa kin on isar hinca yuha.

15 Unkan mahpiya tokeca wan tipi wal han u, akan iyotanka kin on heciya; en iyeke wamanica kin on wo. Mn

iyehantu; kin towašake wanna šec he oh

16 Unkan iyotanke kin m makaci k

17 Unkan wal tanka, kin wo nak

WAYUOTANIN.

18 Unkan maḥpiya ohnihde to-keca wan wahna woṣnapi kin etanhan u, he peta on wowaśa-ke yuha. Qa he tuwe isan škopa pe hinca yuhe cin he panyanhan hoyekiye ça heya, Isan škopa pe hinca nitawa kin ekta yekiye ça maka hastanhanka kin mnayan wo: hastanhanka iyage kin wanna sapa ce.

19 Unkan maḥpiya ohnihde kin he isan škopa tawa kin maka ekta yekiye ça, maka hastanhanka iyuwi kin mnaye ça, Wakan-tanka wocantiyahde miniśa iyu-škice tawa tanka kin he en iyo-ḥpeya.

20 Unkan otowwe kin itankan mini śa iyuškice kin napanpi, qa mini śa iyuškice kin etanhan we hiyu, śuktanka 'i iyuwi kin behanyan, stadiya kektopawinge sam opawinge śakpe hehan-an.

WICOWOYAKE 15.

Unkan maḥpiya kin ekta wo-wapetokeca tanka, qa wowini-
tanmdaka; maḥpiya ohni-
win wicokakije śakowin
yuhapi, hena en Wa-
cantiyahde tawa kin

12 Unkan kin he wan se-
peta yuha, se-
un kin se-
heya kin se-
kta, tuka se-
cakiya. se-
13 Qa wo-
eeon-
tawa kin

14 Unkan kin he wan se-
peta yuha, se-
un kin se-
heya kin se-
kta, tuka se-
cakiya. se-
15 Qa wo-
eeon-
tawa kin

kin he niye ce, nitacanku kin owo-tanna qa wicaka.

4 Itancan, tuwe konicipe kte śni, qa nicaje kin inidowan kte śni he; niśnana oniowotanna; qa oyate hiyeye cin owasin upi, qa nitokam canpeśka makehde enajin kta; woyaco nitawa kin wanna tanin kin heon etanhan.

5 Unkan he iyohakam wam-dake ça, iho, maḥpiya kin ekta waayataninpi wakeya wakan kin he yuzamni han.

6 Qa maḥpiya ohnihde śakowin wicokakije śakowin yuhapi kin hena tipi wakan kin etanhan inanpapi, minihuha ska wiyatpa kin heca koyakapi, qa mazaska-zi on maku opta ihduskitapi.

7 Unkan taku ni un topa kin wanji maḥpiya ohnihde śakowin kin mazaskazi wiyatke kin heca śakowin wicaqu; hena Wakan-tanka ohinniyan ni un wocantiyahde tawa kin on ojudan.

8 Unkan Wakantanka towitan, qa towaśake kin eciyatanhan tipi wakan kin śota ojudan. Qa tipi wakan kin tuwedan timahen ye kta okihi śni, wicokakije śakowin maḥpiya ohnihde śakowin yuhapi kin henakeca kte śni behanyan.

WICOWOYAKE 16.

1 Unkan tipi wakan kin etanhan wicaho wan tanka nawahon, maḥpiya ohnihde śakowinpi qon hewicakiya, Yapi, qa wiyatke Wakantanka wocantiyahde tawa kin hena maka kin en aka-śtan po, eya.

2 Hehan maḥpiya ohnihde tokaheya kin u, qa wiyatke tawa kin maka kin en akaśtan. Unkan wicaśta-tona wamanica wowapetogton tawa kin yuhapi, qa iyacinpi kin ohodapi kin he-

WICOWOYAKE 16.

na en šiyaka o tanka qa šica awicahinŋpaya.

3 Unkan maŋpiya ohnihde ici-nonpa kin wiyatke tawa kin miniwanca kin en akaŋtan; unkan he we icaga, wicaŋe cin we kin iyececa, qa miniwanca kin en taku niyake un kin owasin ɽapi.

4 Unkan maŋpiya ohnihde ici-yamni kin wiyatke tawa kin wakpa qa wakoniya kin hena en akaŋtan; unkan hena we icaga.

5 Hehan maŋpiya ohnihde wan mini kin yuhe cin he kaken eya, nawahon; Itancan, tuwe un, qa un qon, u kte cin he niye, ohio-wotanna, hecen wicadaco:

6 Wicaŋta owotanna, qa wokcanpi kin hena we kin wicakipapsonpi; qa hecen we yatke wicayakiya, he iyekicihantupi nakaes.

7 Unkan wanji tokeca wahna woŋnapi kin eciyatanhan kaken eya, nawahon; Itancan, Wakan-tanka Iyotan waŋaka, wadaco kin he ohinniyan owotanna qa wicaka ce.

8 Hehan maŋpiya ohnihde icitopa kin wiyatke tawa kin anpetu wi kin en akaŋtan. Unkan he wicaŋta kin peta on wicagu kta e qupi.

9 Qa iyokatapi tanka kin wicaŋta wicagu, qa hecen Wakan-tanka wicokakije hena yuhe cin he caje kin oŋtehdapi, qa wowitan qupi kta on ihduacetupi ŋni.

10 Unkan maŋpiya ohnihde icizaptan kin wiyatke tawa kin wamanica oyanke tawa kin en akaŋtan; unkan wokiconze tawa kin otpaza ojudan, qa wayazanpi on cejipi kin hdaŋtaŋtakapi.

11 Qa wicokakije qa šiyaka o kin on etanhan maŋpiya Wakan-tanka kin yaŋicapi, qa iye oŋanpi kin on iyopeiciyapi ŋni.

12 Unkan maŋpiya ohnihde

iciŋakpe kin wiyatke tawa wakpa tanka kin Yuphrate, he en akaŋtan; unkan mini kin puza aya, hecen wicaŋtayatapi wiyo-hiyanpa tanhan au kin canku kin wicakiciyumdayapi kta.

13 Unkan wamduŋka i kin etanhan, qa wamanica i kin etanhan, qa woitonŋni wokcan kin he i kin etanhan, taku wakan ŋica yamni, hnaŋka iyececa, hena hiyu wanmdaka.

14 Hena taku wakan ŋica taniyapi kin hecapi, wowapetokeca econpi, qa maka sitomniyan wicaŋtayatapi kin, qa wicoicage ocowasin ekta yapi, Wakantanka Iyotan waŋake cin anpetu tawa tanka kin en zuya awicaupi kta e heon.

15 Iho, wamanon sa wan iye-cen wau ce. Tuwe kiktahan un, qa wokoyake kpatan kin he yawaŋtepi ece, hecen tancodan mani kte ŋni, qa wiŋtece cin wanyakapi kte ŋni.

16 Unkan Hebrew iapi kin eciyatanhan tukten Armagedon eciyapi, hen witaya u wicaya.

17 Hehan maŋpiya ohnihde iciŋakowin kin wiyatke tawa kin okaduze cin en akaŋtan. Unkan maŋpiya kin ekta tipi wakan kin etanhan, qa oiyotanke kin etanhan, wicaho tanka wan tanin, qa heya, Wanna henakeca.

18 Unkan iho wicaho taninpi, qa wakinyan hotonpi, qa wakanhdi tanin, qa maka ŋkanŋkan wan tanka, wicaŋta kin maka akan iwicacage cin echantanhan maka ŋkanŋkan iyecen tanka wanica.

19 Qa otonwe tanka kin he yamni kiyuŋpapi; qa otonwe Ikcewicaŋta tawapi kin hena hinŋpayapi. Qa Babulon tanka kin he Wakantanka itokam kiksuyapi, wocanniye ohitike cin

WAYUOTANIN.

miniša wiyatke kin qu kta heon.

20 Unkan wita kin owasin najica, qa he kin hena tuktedan iyeyapi šni.

21 Unkan maḥpiya kin eciya-tanhan wasu tanka wicašta kin awicahinhe, otoiyoḥi taku tke utapi opawinge wanjidan insko-keca. Unkan wasu wicokakije kin on wicašta kin Wakantanka yašicapi ece, he wokakije iyotan tanka kin heon.

WICOWOYAKE 17.

1 Hehan maḥpiya ohnihde šakowin wiyatke šakowin yuhapi qon etanhan wanji u, qa omakiye ɕa hemakiya, Deciya u wo, wawiciḥaḥapi econ sa tanka mini ota akan iyotanke cin he token yacopi kin cicipazo kta ce.

2 He kici wicaštayatapi maka akan unpi kin wawiciḥaḥapi econpi ece, qa tona maka akan unpi kin wawiciḥaḥapi tawa miniša kin on witkopi ce.

3 Hehan Woniya kin on ḥewoskan makoce ekta amayan. Unkan winoḥinca wan wamanica duta wan akan iyotanke cin he wanmdaka; he waoštehdapi wicacaje kin ojudan, qa pa šakowin, he wikcemna ko ikoyaka.

4 Unkan winoḥinca kin he taku stan duta ko koyake ɕa, mazaskazi, inyan teḥika, oinpidan ko hena on wiyatpa un, qa nape kin ohna mazaskazi wiyatke wan yuha waoštehdapi, wawiciḥaḥapi ko ašamyapi kin on ojudan.

5 Qa ite kin en caje wan owapi, Woanalibe kin, Babulon tanka, maka kin akan wawiciḥaḥapi, qa wayašicapi hunku kin hee.

6 Unkan wicašta owotanna we kin winoḥinca kin he iwitko

wanmdaka, qa tona Jesus yao-taninpi kin hena we kin on. He wanmdake ɕa nina imanihan waun.

7 Hehan maḥpiya ohnihde kin he, Tokeca e ininiban he, emakiya; Winoḥinca woanalibe kin he ociciyake kta, qa wamanica akan iyotanke cin, pa šakowin, qa he wikcemna hduhe cin he nakun.

8 Wamanica wandake cin he un qon, qa un šni kin; qa wošbe cetete wanica etanhan hiyu kta, qa wicotakuni šni ekta hde kta. Qa tona maka akan unpi, maka kagapi kin ehantanhan, cajepi kin wiconi wowapi kin en owapi šni, hena wamanica kin wanyakapi kinhan yušinyayapi kta, he un qon, qa un šni, qa hinaḥin un kin heon etanhan.

9 Unkan wicotawacin wico-ksape yuhe cin he den un. Pa šakowin kin hena paha šakowin winoḥinca kin akan iyotanke cin hee:

10 Qa wicaštayatapi šakowin kin heepi, zaptan wanna hinḥapayapi, qa wanji nahaḥin en yan-ka, qa wanji iš hinaḥin hi šni; he hi kinhan ptecedan he kta.

11 Qa wamanica wandake ci-qon he un qon, qa un šni kin, he icišahdogan kin ee, šakowinpi kin he etanhan, qa wicotakuni šni ekta hde kta.

12 Qa he wikcemna wandake ciqon hena wicaštayatapi wikcemna kin eepi, nahaḥin wokiconze yuhapi šni, tuka wihiyayedan wancadan ape cin wicaštayatapi iyecen wamanica kin kici wicowašake icupi kta.

13 Hena wicotawacin wanjidan yuhapi, qa wicowašake wicookihi ko tawapi kin wamanica kin qupi.

14 Qa hena Amnos kin kici ki-

WICOWOYAKE 18.

cizapi kta, tuka Amnos kin wicaktedan kta, he itancanpi kin Itancan, qa wicaštayatapi kin en Wicaštayatapi kin hee, qa tona om un kin hena wicakicopi, qa wicakalinigapi, qa wicakapi.

15 Hehan hecen emakiya, Mini wandake ciqon tukten wawicilahapi econ sa iyotanke cin he oyate, qa wicota, qa wicašta, qa iapi kin eepi.

16 Qa he wikcemna wandake ciqon, wamanica ikoyake cin hena, wawicilahapi econ sa kin šice kidakapi kta, qa hewoskantuuya tancodan iyaye yapi kta, celipi kin temyapi, qa peta on huhnakiyapi kta.

17 Hena e Wakantanka tawacin kin ecen econpi kta, qa wicotawacin wanjidan unpi kta, qa wokiconze tawapi kin wamanica qupi kta e wacin yus wicakiya, Wakantanka oie kin yuecetu kte cin hehanyan.

18 Qa winohinca wandake ciqon he otonwe tanka kin makata wicaštayatapi kin iwicadake cin hee.

WICOWOYAKE 18.

1 Unkan hena taku kin iyohakam mahpiya ohnihde wan mahpiya kin eciyatanhan kutkiya u wanmdaka, wicowašake tanka yuha; qa he towitan kin on maka kin iyoyanpa.

2 Unkan he wašagya hotanka-kiya hotanin, qa heya, Hinhpaya ce, Babulon tanka kin he hinhpaya; qa taku wakan šicapi en ounyanpi, qa wanagi ašape cin owasin he otipi, qa zitkadan šice cin šicedapi kin owasin he hohpi yapi ce.

3 Wawicilahapi wocantiyahde miniša tawa kin hetanhan oyate hiyeye cin owasin yatkanpi; qa

he kici wicaštayatapi maka akan unpi kin wawicilahapi econpi, qa taku tehika ota yuhe cin on wopeton maka akan unpi kin wijiniciyapi ce.

4 Hehan mahpiya eciyatanhan wicaho wan tokeca nawahon, kaken eya, Mitaoyate kin tankata inanpa po, hecen woahitani tawa kin ehna yaunpi kte šni, qa wicokakije tawa kin en oypapi kte šni.

5 He wahitani kin mahpiya kin ekta iyahdeya, qa taku šica econ kin hena Wakantanka kiksuya un.

6 Token ecaniconpi qon he iyecen ecakicon po, qa iye ohan kin etanhan nonpa akihde kieu po, wiyatke ojudan ye cin he ohna nonpa akihde okicicaštan po.

7 Token wahanicida qa takudan icakije šni un qon he iyecen wicokakije, qa iyokišicapi kin qu po. Iye cante kin ekta kaken eya; Wicaštayatapi winohinca heca iyotankehan waun, qa wiwazica hemaca šni, qa iyokišicapi kin icimana wanmdake kte šni ce.

8 Heon etanhan anpetu wanjidan en wicokakije tawa kin hiyahide kta, wiconte, qa iyokišicapi, qa wicaakilian, qa ocowasin peta on huhnage kta; tuwe yaco kin Itancan kin Wakantanka hee wašaka ce, heon etanhan.

9 Unkan wicaštayatapi maka ohnaka kin kici wawicilahapi econpi, qa takudan icakije šni unpi kin hena he aceyapi kta, qa nihinciyapi kta, he huhnage cin šota kin wanyakapi kinhan;

10 Wicokakije kin ikopapi kin on itehanyan inajinpi, qa heyapi kta, Hehehe, hehehe, Babulon otonwe tanka kin, otonwe wašake cin, ihnuhanna niyacopi kin anihinhpaya ce.

WAYUOTANIN.

11 Qa heon wopeton maka akan unpi kin nihinciyapi, qa ceyapi kta, hetanhan maza tawapi kin tuwedan opewicakica-ton kte śni:

12 Maza kin he mazaskazi, qa mazaska, qa inyan tehika, qa oinpidan, qa minihuha wašte, qa śina to, qa minihuha zipzipedan, qa śina śa, qa can waštemna ocaje owasin, qa huhu waksica owasin, qa can tehika, qa mazazi, qa mazasapa, qa inyan ska waksica;

13 Qa canha śa, qa taku waštemna, qa pejihuta pa, qa canśin, qa miniśa, qa wiħdi, qa aguyapi mdu, qa woteca, qa taħin wanuyanpi, qa śuktanka, qa canpahmihma, qa wicatančan, wicanagi ko henakiya.

14 Waskuyeca kin ninagi wašte dake cin he wanna henakeca, qa woyute napin qa taku wicimdeza, hena owasin aniyuśtan, qa hena ake tohinni iyeya-ye kte śni.

15 Unkan wopeton tona taku hececa wiyopeyapi ece, qa on wijiniciyapi kin hena itehanyan inajinpi kta, he wokakije kin ikopapi, nihinciyapi, qa ceyapi;

16 Qa heyapi; Hehehe, hehehe, otonwe tanka kin minihuha wašte, śa stan, śa ko koyake ċa, mazaskazi, inyan tehika oinpidan ko kohdaka; qa ihnuhanna wiwicajica tanka kin he yutakuni śni.

17 Unkan tona wita wata iypse yuzapi, qa tona ohna yapi, qa tona watopapi, qa tona miniwanca ohna wopetonpi ece kin hena owasin itehanyan inajinpi;

18 Qa he ħulnage cin śota kin wanyakapi qehan, hotaninpi qa heyapi; Otonwe kin tukte wanji e otonwe tanka kin he iyececa he.

19 Qa pa kin akan maka ahdatapi, qa hotaninyan nihinciyapi, qa ceyapi, qa heyapi; Hehehe, hehehe, otonwe tanka kin he eciyatanhan tona miniwanca kin ohna wita wata yuhapi kin hena owasin watonpika, taku tehika opeton qon heon, he ihnuhanna ħewoskan kagapi ce.

20 Heon, maħpiya kin, iyuśkin wo, qa ohnihde owotanna yaunpi, qa wokcanpi kin nakun, niyepi kin on Wakantanka toki-ċon kin he etanhan.

21 Hehan maħpiya ohnihde waśake ħinca wan, inyan wan, inyan wiyutpan tanka iyececa, he icu, qa miniwanca kin en elpeye ċa heya, Hecen wowaśake on Babulon otonwe tanka kin jujuwahan elpeyapi kta, qa tohinni iyeyapi kte śni ce.

22 Unkan niye kin en cadowankiyapi sa, qa dowanpi sa, qa cotanka yajopi sa, qa maza yahotonpi sa wicaho kin tohinni naħonpi kte śni; qa taku kage sa, ocaje owasin, niye kin en iyeyapi kte śni, qa wiyutpan ħimun kin niye en hetanhan tohinni naħonpi kte śni.

23 Qa petijanjan ojanjan kin icimana iyoyamniye kte śni, qa niye en ħihnayanpi qa tawicuyapi wicaho kin tohinni naħonpi kte śni. Wicaśta wopeton nitawa kin hena maka akan wicaśta itancanpi kin hecapi; qa wicayahmunge cin on oyate kin owasin wicayahnayan.

24 Unkan he ohna wicaśta wokcan wicaśta owotanna ko we kin iyeyapi, qa tona maka akan ktepi kin hena nakun.

WICOWOYAKE 19.

1 Unkan hena iyohakam maħpiya kin ekta wicota hotanka-

WICOWOYAKE 19.

kiya hotaninpi nawahon, kaken eyapi, Jehowa yatan po, niwicaye ca, wowitan, qa wootanin, qa wowaſake, Itancan Wakantanka unkitawapi kin he tawa nune.

2 Wayaco kin owotanna qa wicaka; witkowin tanka, wawicihahapi econ kin ou maka kin yuſice cin he yaco, qa taokiye kin hena we kin he nape kin en tokicon.

3 Hehan inonpa heyapi, Jehowa yatan po. Unkan he ſota kin owihanke wanin wankantkiya iyaya.

4 Hehan hunkawicayapi wickemna nonpa sanpa topa, qa taku ni un topa kin hena makata ehpeiçiyapi, qa Wakantanka oiyotanke kin akan kiyotanke cin he ohodapi, qa heyapi, Amen, Jehowa yatan po.

5 Hehan oiyotanke kin etanhan wicaho wan taninyan heya, Taokiye niyanpi kin owasin, qa tona cekiyapi ece, cistinpidan tankinkinyanpi ko, Wakantanka nitawapi kin yatan po.

6 Unkan nawahon, wicota hotaninpi kin iyececa, qa mini ota ihaha kin iyececa, qa wakinyan tanka hotonpi kin iyececa, kaken eyapi, Jehowa yatan po; Itancan Wakantanka Iyotan Waſake cin he Wicaſtayatapi un.

7 Heon etanhan piundapi, qa unkiyuſkinpi kta, qa wowitan unqupi kta; Amnos kin tohan tawicu ton kte cin wanna iye-hantu, qa winohinca kin taku owasin wiyeya ekihnaka.

8 Unkan he minihuha ska wi-yatpa kin heca koyake kta e qupi; minihuha ska kin he tona waſte woowotanna yuhapi kin hee.

9 Hehan hecen emakiya, Ka-

ken wowapi kaga wo, Tona Amnos kin winohinca yuze kta omniciye kin en wicakicopi kin hena wicayawaſtepi ce. Hehan ake hecen emakiya, Wakantanka oie wicake cin hena ee.

10 Unkan hehan he siha hdepi kin en makata ehpeçiye ca ohowada kta; tuka iye hemakiya, Ihnuhan hecanon kin, miſ cici ookiye waun, qa nihunkawanji Jesus yaotanin yuhapi kin hemaca; Wakantanka ohoda wo. Jesus yaotanin kin he wokcanpi woniya kin hee.

11 Unkan mahpiya kin yuzamnipi e wanmdaka, qa ito ſuktanka ska wan, qa tuwe akan iyotanke cin he Wicake ca Owotanna ec iyapi, he owotanna wicayaco qa ozuye econ ece.

12 Iſta kin peta ide kin iyececa, qa pa kin akan wateſdake ota yukan; qa caje kin owapi, tuka he tuwedan sdoney ſni, iye iſnana sdonkiya.

13 Qa wokoyake we en oputkanpi kin heca koyaka: Qa Wakantanka Oie kin ec iyapi.

14 Unkan mahpiya wicobe kin owasin he ihakam yapi, ſuktanka ska akan iyotankapi qa minihuha waſte, ska, qa wakaſote ſni kin heca koyakapi.

15 Qa iye i kin etanhan maza sagye anog ope kin hiyu, heon oyate kin awicape kta, qa maza icapsinte wan on wicayuhe kta; qa Wakantanka Iyotan Waſake cin he wocantiyahde ohitike cin miniſa iyuſkice kin he naſkica.

16 Qa onhoſda ceca sani ko akan caje kin owapi, Wicaſtayatapi kin en Wicaſtayatapi, qa itancanpi kin Itancan kin he dee.

17 Hehan mahpiya ohnihde wan anpetu wi kin en najin kin he wanmdaka; he hotankakiya

WAYUOTANIN.

hotanin, qa taku kinyanpi kin owasin, okotonyan kin en kinyan unpi kin hena hewicakiya; Upi qa Wakantanka he wotapi tanka tawa kin en mniciya po;

18 Wicaštayatapi cehpi kin yatapi kta, qa wicašta itancanpi cehpi kin, qa tona waśaksakapi cehpi kin he, qa śuktanka cehpi, qa tona akan iyotankapi kin, wicacehpi ocaje owasin, wowidake unpi, qa ihduhapi kin, cistinpidan tankinkinyanpi koya.

19 Unkan wamanica kin wanmdaka, qa wicaštayatapi maka akan unpi kin akicita wicayuhapi ko witaya mniciyapi, qa tuwe śuktanka akan iyotanke cin akicita wicayuhe cin ko, kici kicizapi kte cin heon.

20 Hehan wamanica kin he niyake yuzapi, qa woitonśni wokcan kin he nakun, he wamanica kin itokam wowapetokeca econ, qa on tona wamanica wowapetogton tawa yuhapi, qa iyacinpi kin ohodapi kin hena wicahnaye cin hee. Unkan hena napin niyake peta mde waninyan zi on itkonyahe cin he en iyohpewicayapi.

21 Unkan unmanpi kin owasin tuwe śuktanka akan iyotanke cin he maza sagye tawa kin on wicaktepi, maza sagye he i kin etanhan hiyu qon hee on. Unkan hena cehpi kin on taku kinyan un kin owasin imnanpi.

WICOWOYAKE 20.

1 Hehan mahpiya ohnihde wan mahpiya kin eciyatanhan kun u wanmdaka, he wośbe ceteta wanica tiyopa iyuhdoke kin yuhe ça, nape ohna maza icicahiha wan tanka:

2 Qa he wamduška kin iyahpa-ya, sintehda wanakaja tanhan

un kin, Wakanśica qa Satan hee, qa kaška ehnaka, waniyetu kektopawinge hehanyan;

3 Qa wośbe ceteta wanica he en ehpeye ça onataka, qa ipuspe wan on apuspa, hecen oyate kin wicahnaye kte śni, waniyetu kektopawinge kin ihuniyanpi śni kin hehanyan. Unkan he iyo-hakam ptenyedani kiyuškapi kta.

4 Unkan oiyotanke kin heca wanmdaka, qa tona akan iyotankapi kin hena woyaco yuhapi. Unkan tona Jesus oyakapi kin on, qa Wakantanka oie kin on pa bawicaksapi qon, wamanica kin wakagapi ko ohodapi śni, qa wowapetogton tawa kin itepi, qa napepi kin en yuhapi śni, hena nagipi kin wanwicamdaka, ake kinipi qa Messiya kin kici ounyanpi, waniyetu kektopawinge hehanyan.

5 Tuka wicašte cin unmanpi kin ake kinipi śni, waniyetu kektopawinge kin henakeca śni kin hehanyan. Piya iwicacage tokaheya kin hee.

6 Tuwe piya iwicacage tokaheya kin en ope cinhan he ya-waštepi qa owotanna un. Hena wiconšte inonpa kin iyowicahi kte śni, tuka Wakantanka qa Messiya kin ekta wawayuśnapi kin heca wicayawapi kta, qa kici ounyanpi kta, waniyetu kektopawinge hehanyan.

7 Unkan waniyetu kektopawinge kin henakeca kinhan, Satan wicakaška tipi kin etanhan kiyuškapi kta.

8 Qa oyate kin wicahnaye kta e makata tate ouye topa kin ektakiya ye kta, qa Gog Magog kici zuya u wicaši kta; hena miniwanca wiyaka sukaza kin iyecen wicota.

9 Unkan maka ohdakinyan ohna yapi, qa wicašta owotanna

WICOWOYAKE 21.

ewanke cin ihdukšan hinajinpi, qa otonwe wakan kin nakun. Unkan mahpiya kin etanhan Wakantanka eciyatanhan peta hiyu, qa hulnahwicaya.

10 Unkan Wakansica, hena wicahnaye cin he peta qa inyanzi mde kin en iyohpeyapi, heciya wamanica qa woitonśni wokcan kin unpi, qa anpetu hanyetu ko owihanke wanin kakijapi kta.

11 Hehan oiyotanke ska tanka wan wanmdaka, qa tuwe akan iyotanke cin he ite kin etanhan maka mahpiya ko najicapi; qa tukten wanke kte cin iyeyapi sni.

12 Qa wicate ciqon, cistinpi-dan tankinkinyanpi ko, hena Wakantanka itokam najinpi, wanmdaka. Unkan wowapi kin yumdayapi; qa wowapi tokeca wan yumdayapi, wiconi wowapi kin hee: Qa wicate ciqon token wowapi kin en kagapi kin he iyecen wicayacopi, iye wicohan kin eciyatanhan.

13 Unkan miniwanca kin wicate cin tona en un kin hena hiyuwicaya, qa wiconte Hades ko wicate cin tona en unpi kin hena hiyuwicayapi. Qa iye wicohan kin eciyatanhan otoiyo hi wicayacopi.

14 Unkan wiconte qa Hades kin hena peta mde kin en iyohpewicayapi. Wiconte inonpa kin hee.

15 Unkan tuwe wiconi wowapi kin en owapi iyeyapi sni kin he peta mde kin en iyohpeyapi ece.

WICOWOYAKE 21.

1 Hehan mahpiya teca qa maka teca wan wanmdaka. Mahpiya tokaheya qa maka tokaheya kin hena yutokan iyeyapi, qa miniwanca wanica.

2 Unkan Johannes he miye e otonwe wakan kin wamdaka, Jerusalem teca kin hee mahpiya kin etanhan, Wakantanka eciyatanhan kun u, winohince wan wicašta hihna ton kte cin on wiyeya un kin he iyececa.

3 Unkan mahpiya kin eciyatanhan wicaho wan tanka nawahon, kaken eya, Wanyaka wo, Wakantanka wakeya tawa kin wicašta kin ehna han, qa iye hena om ti kta, qa hena e oyate tawawicaye kta, qa Wakantanka hince cin hena om un kta, qa Wakantanka tawapi kta.

4 Qa wicišta kin etanhan Wakantanka istamnihanpe owasin wicakipakinte kta, qa hetanhan wiconte wanice kta, wicocante sica, wicaceya, wicokakije ko wanice kta, taku tokaheya un kin wanna henakeca.

5 Unkan tuwe oiyotanke kin akan kiyotanke cin he, Ito taku owasin teca wakaga ce, eya. Hehan, Wowapi ecen kaga wo, hena oie kin wicake qa owotana, emakiya.

6 Qa ake kaken emakiya, Wana henakeca. Alpha qa Omega, otokahe qa owihanke kin he miye ce. Tuwe ipuza kinhan he wiconi mini hdoka kin etanhan iyunwin codan yatke wakiye kta.

7 Tuwe ohiye cinhan he taku owasin tawaye kta, qa iye Wakantanka maye kta, qa mis he cinksiwaye kta.

8 Tuka tona wikopapi, qa wicadapi sni, qa wahtepi sni, qa tin wicaktepi, qa wawicilahapi econpi sa, qa wapiyapi, qa wakagapi ohodapi sa, qa oitonpišni kin hena owasin mde wan peta qa inyan zi on itkonyahe cin he ohna taku tawapi kta, wicon inonpa kin hee.

WAYUOTANIN.

9 Hehan mahipiya ohnihde šakowin wiyatke šakowin wicakakije ehake šakowin kin on ojudan yuhapi qon hena etanhan wanji hi, qa omakiye ça heya, U wo, winohinca wan Amnos kin tawicuye kte cin he cicipazo kta ce.

10 Unkan Woniya kin on paha wan tanka tehan wankantuya kin ekta amaye ça, otonwe tanka kin, Jerusalem wakan, mahipiya kin etanhan Wakantanka eciyatanhan kutkiya u kin he makipazo;

11 Wakantanka wowitan tawa kin yuha, qa wiyatpa kin he inyan tehika iyececa, inyan wan acališdaya iyececa:

12 Qa ihdukšan aconkaškapi tanka qa tehan wankantu kin, qa tiyopa ake nonpa yukan, qa tiyopa kin hena en mahipiya ohnihde ake nonpa yukanpi, qa akan wicacaje owapi, Israel cincapi wicoun ake nonpa kin hena eepi.

13 Wiyohiyanpa tanhan tiyopa yamni; qa waziyapa tanhan tiyopa yamni; qa itokaga tanhan tiyopa yamni; qa wiyohpeya tanhan tiyopa yamni.

14 Qa otonwe conkaške kin taku akan he cin hena ake nonpa, qa Amnos kin yewicaši ake nonpa cajepi kin hena en un.

15 Unkan tuwe omakiye cin he mazaskazi cedihu wan yuha, on otonwe, qa tiyopa kin, conkaške ko iyute kta.

16 Otonwe kin oise tom yukan, qa ohdakinyan kin ohanske cin kici akidehankeca. Unkan cedihu kin on otonwe kin iyuta, wiyutapi kektopawinge ake nom; ohdakinyan ohanske cin obosdatu ko akidecen han.

17 Qa conkaške kin he iyuta, cicišpa opawinge sanpa wikce-

mna topa sam topa, wicašta ihduta, mahipiya ohnihde ihdute cin hee.

18 Conkaške kin he iyaspis inyan tehika on kagapi, qa otonwe kin he mazaskazi ecedan, janjan ecedan iyececa.

19 Qa otonwe conkaške kin taku akan he cin he inyan tehika ocaje owasin en un. Taku akan he cin tokaheya kin he iyaspis; inonpa kin he saphiros; iyamni kin he kalkedon; itopa kin he smaragdos;

20 Qa izaptan kin he sardonis; isakpe kin he sardius; isakowin kin he krusolitos; isahdogan kin he berulos; inapcinwanka kin he topaz; iwikcemna kin he krusophrasos; iakewanji kin he huakinthos; qa iakenonpa kin he amathustos.

21 Tiyopa ake nonpa kin hena inyan tehika ocaje ake nom, tiyopa otoiyohi inyan tehika wanjidani; qa otonwe ocanku kin he mazaskazi ecedan janjan kin iyecen wiyatpa.

22 Qa he en tipi wakan wanica; Itancan Wakantanka Iyotan Wašake cin, qa Amnos kin hena tipi wakan kin eepi.

23 Qa otonwe kin he anpetu wi, hanyetu wi ko en iyoyanpapi kta cinpi šni; Wakantanka wowitan tawa kin iyoyanpa, qa Amnos kin he petijanjan kin hee.

24 Qa oyate kin tona ni wicayapi kin hena iyoyanpa kin he en manipi kta; qa wicaštaya-tapi maka akan unpi kin hena wowitan qa wootanin tawapi kin en ahipi kta.

25 Qa tiyopa kin hena anpetu icunhan ecen iyeyapi kte šni; qa heciya hanyetu wanica.

26 Oyate hiyeye cin wowitan, qa wootanin kin en ahipi kta.

WICOW

27 Qa taku wiśamye aśainye cin he en i kte śni, qa taku śica-ya econ, qa itonśni kin; tuka tona cajepi kin wiconi wowapi Amnos tawa kin en owicawapi kin henapidan.

WICOWOYAKE 22.

1 Hehan wakpa wan wiconi mini ska kin, cahtowata iyecen ska, he makipazo, he Wakan-tanka qa Amnos oiyotanke tawa kin etanhan kaduza.

2 Unkan canku cok, qa wakpa kin anokatanhan wiconi can kin icaga, he waskuyeca ocaje ake nonpa aicaga, wi otoi-yohi waskuyeca aicahiya ece; qa can wapa kin hena oyate kin okizi wicaya ece.

3 Unkan heciya wicayusice wanice kta; tuka Wakantan-ka oiyotanke tawa kin he, qa Amnos tawa kin hen he kta, qa taokiye kin hena tawoahope kin ecen econpi kta:

4 Qa itohnake kin wanyakapi kta, qa caje kin iye itepi kin en yuhapi kta.

5 Qa heciya hanyetu wanice kta; qa petijanjan qa anpetu wi iyoyanpa kin he cinpi śni; Itan-can Wakantanka iyoyamwicaya ece; qa ohinniyan owihanke wanin wicaštayatapi oonyanpi kta.

6 Hehan hecen emakiya, Wicoie kin dena wacinyepica qa wicakapi. Qa Itancan Wakan-tanka wicašta wokcan wakan tawapi kin hee, taku ecadan u kte cin hena taokiye kin owica-kiyake kta e on ohnihde tawa kin u śi.

7 Iho ecadan wau kta. Tuwe wowapi kin de wowiyukean oie kin tanyan yuhe cinhan he ya-waštepi ce.

emakiya, Ihnuhan miś eya ookiye cin nihunkawanji wicašta wokcan kin etanhan wa-un, qa tona wowapi kin de oie yuhapi kin hena owicawapa; Wakantanka ohoda wo.

10 Hehan ake hemakiya, Wo-wapi kin de wowiyukean oie kin hena sutaya apuspe śni wo. Wanna ecadan kta ce.

11 Tuwe owotanna śni kin ohinniyan owotanna kte śni, qa tuwe aśape cin he ohinniyan aśapa un nunwe; qa tuwe owotanna kin he ohinniyan owotan-na kta, qa tuwe ecedan kin he ohinniyan ecedan un nunwe.

12 Unkan iho, kohanna wau kta, qa taku mitawa kin hduha waun, otoi-yohi iye wicohan kin eciyatanhan wicawaqu kta.

13 Alpha qa Omega, tokapa qa hakakta, otokahe qa owihanke kin he miye ce.

14 Tona tawoahope kin ecen econpi kin hena wicayawaštepi, hecen wiconi can kin en ya oki-hipi kta, qa tiyopa kin ohna o-tonwe kin timahen yapi kta.

15 Tuka śunka, qa tona wapi-yapi sa, qa wiinaħmanpi sa, qa wawiciahapi econpi sa, qa wakagapi ohodapi sa, qa tuwe iton-śni waštédake ça econ kin hena tankan yakonpi ece.

16 Jesus he miye ce, okodaki-ciye kin ekta niyepi kin en hena oniciyakapi kta e heon ohnihde mitawa kin u waśi. Dawid can hutkan adetka ko he miye, qa anpao wicanħpi nina iyege cin.

yap
tuwe
eye kta.
he u kta.
he iyunwin
kin icu nunwe.

18 Tona wowapi
yukcan oie kin na
kaken ewicawaki
coie kin dena en
ge cinhan, he wic
pi kin de en cajeyatapi kin Wa-
kantanka qu kta :

19 Qa tuwe wowiyukcan wo-
408

NIN.

wapi oie kin dena yuaoptetu
kinhan, he taku tawa kte cin wi-
coni wowapi kin etanhan Wa-
kantanka icu kta, qa otonwe
wakan kin etanhan, qa taku to-
na wowapi kin de en kagapi kin
he etanhan.

20 Tuwe hena yaotanin kin he
kaken eya, Iho, kohanna wau
kta ce. Amen. Itancan Jesus
hecen yau nunwe.

21 Jesus ^{aya}essiya Itancan un-
kitawa ^{aya}he towaonsida kin
niye wasin en nicipi un kta.
Ame

JESUS ITANCAN KIN YATANPI NUNWE

Microfilm by
Preservation
Services

6561.01

21 Nov 95

